



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



BIBLIOTHECA S. J.


Maison Saint-Augustin

ENGHIEN S.J.

BIBLIOTHEQUE

Les Fontaines

60 - CHANTILLY



| <div style="text-align: center;"> I H S DOMUS ARGENTINENSIS SOC. JESU. </div> | |
|---|------------|
| Dedit | Loc. Bibl. |
| | — |

Reiffenstuel (1703)

ed. de 1740


Les additions de P.
Kresslinger, précédem-
ment reportées
ad calcem operis
ont été, dans cette
édition, distribuées
dans le texte.

Les additions
du même auteur
du volume.

4

M 60 b
/2, a

REV. PATRIS
F. ANACLETI
REIFFENSTUEL
THEOLOGIA
MORALIS.



BIBLIOTHEQUE S. J.
Les Fontaines
60 - CHANTILLY

2344 AN YAH
17440 AM A E
17440 AM A E
17440 AM A E
17440 AM A E
17440 AM A E

2 10 10 10 10
10 10 10 10 10
10 10 10 10 10

THEOLOGIA
MORALIS
BREVI SIMULQUE CLARA
METHODO COMPREHENSA.

ATQUE

JUXTA SACROS CANONES,
ET NOVISSIMA DECRETA SUMMORUM PONTI-
FICUM, DIVERSAS PROPOSITIONES DAMNANTIUM; AC
PROBATISSIMOS AUCTORES, SUCCINCTE RESOLVENS OMNES
MATERIAS MORALES;

CUM APPENDICE CONTINENTE MODUM LEGENDI, ET
SCRIBENDI CITATIONES UTRIVSQUE JURIS.

AUCTORE

R. P. F. ANACLETO
REIFFENSTUEL,

ORDINIS MIN. S. FRANCISCI REFOR. PROV. BAVARIÆ.

*Editio novissima, ceteris antecedentibus locupletior, atque emendatior, in qua, præter additiones, quæ olim
in Supplemento continebantur, in sua loca distributas, aliæ novissimæ quampturimæ ad Calcem
exhibentur, cum succinctâ declaratione damnatarum propositionum.*

JUXTA EXEMPLAR EDITUM MUTINENSE MDCCXXXVII.



BIBLIOTHÈQUE S. J.
Les Fontaines
60 - CHANTILLY

SUMPTIBUS PHILIPPI JACOBI VEITH,
PRIVILEGIATI BIBLIOPOLÆ GRÆCII.

CUM GRATIA ET SPECIALI PRIVILEGIO SAC. CÆS. MAJEST.

STYRÆ, TYPIS JOANNIS JACOBI JÄHN.
M DCCXL.

EPITOME PRIVILEGII CÆSAREI.

CAROLUS Sextus Divina Favente Clemencia Electus Romanorum Imperator semper Augustus, ac Germaniæ, Hispaniarum, Hungariæ, Bohemiæ, Dalmatiæ, Croatiæ, Sclavoniæ &c. Rex, Archidux Austriæ &c. &c. vi Privilegii privati clementissimè dati, firmiter inhibet, vetat, & interdicat, ne quis, præter Philippum Jacobum Veith, Bibliopolam Græcensem aulicum privilegiatum, Theologiam Moralem P. Anacleti Reiffenstuel, unà cum Additionibus novis ejusdem, intra Sacri Imperii, & Regnorum ac Ditionum hæreditariarum Suæ Majestatis fines, recudere, vel aliis recudendam dare, aliorumve impressam apportare, vendere, vel distrahere ausit vel præsumat; & hoc sub poena Confiscationis omnium Exemplarium, & quinque marcarum auri puri. Utitenor Privilegii gratiosissimi fusius & latius habet. Datum Viennæ die tertia Martii, Anni MDCCXXXIX.

CAROLUS mppr.

Ad Mandatum S. Cæs.
Maj. propr.

Comes de Metrech.

de Waldstätten.

Facul-


FACULTAS

P. Ministri Provincialis Austriae.

Cum D. Philippus Jacobus Veith Privilegiò Cæsareò munitus, nova editione vulgare desideret opus laudatissimum, nempe Theologiam Moralem cum additionibus novis illustratam, ab A. R. P. Anacleto Reiffenstuel Almæ Provinciæ Argentinae Professo &c. elaboratum.

Ego F. Marcus Kloz Ord. FF. Min. Reform. S. P. Francisci Prædicator, SS. Theologiæ Lector Generalis, Ex-Diffinitor, ac Provinciæ Austriae Minister Provincialis actualis. Hic facultatem, quantum in me est concedo, ut etiam Græcè Proælo dari possit, in cuius fidem has consuetò Officii mei Sigillò munitas dedi in Conventu nostro Viennensi ad D. Hieronymum die 9. Septemb. Anno 1739.

F. Marcus Kloz qui
supra mpra.



PROPOSITIONES DAMNATÆ

A
POTIORI CONCERNENTES STATUM INTER-
NUM HOMINIS,

ET
THEOLOGIAM MYSTICAM.

DECRETUM INNOCENTII PAPÆ XI.

Quo damnantur Propositiones 68. Michaelis de Molinos.

Feria V. die 28. Aug. & iterum 19. Nov. 1687.

AD abolendam perniciosissimæ hæresis pravitatem, quæ in plerisque mundi partibus, non sine maximo Animarum discrimine invaluit, rigor debet Apostolicus excitari, ut Pontificiæ sollicitudinis auctoritate, & providentia, hæreticorum protervia in ipsis suæ falsitatis conatibus elidatur, & Catholicæ veritatis lumen in Ecclesia Sancta resplendens, eam ubique demonstret ab omni execratione falsorum dogmatum expiatam. Cum igitur compertum fuerit, quemdam *Michaelē de Molinos*, perditionis filium, prava dogmata, tum verbis, tum scriptis passim docuisse & in praxim deduxisse, quæ prætextu Orationis Quietis, contra doctrinam & usum a SS. Patribus, ab ipsis Ecclesiæ nascentis primordiis receptum, fideles a vera Religione & a Christianæ pietatis puritate, in maximos errores, & turpissima quæque inducebant; Sanctissimus D. N. INNOCENTIUS Papa XI. cui cordi est, ut fidelium Animæ sibi ex alto commissa, purgatis pravarum opinionum erroribus, ad optatum salutis portum tuto pervenire possint, pro re tam gravi, auditis pluries coram se Eminentissimis, & Reverendissimis DD. Cardinalibus in tota Republica Christiana Generalibus Inquisitoribus, ac pluribus in Sacra Theologia Magistris, eorumque suffragiis, tum voce tum scripto susceptis, matureque perpenſis, implorata etiam Sancti Spiritus assistentia, ad damnationem infra scriptarum Propositionum ejusdem *Michaelis de Molinos*, a quo fuerunt pro suis recognita, & de quibus Propositionibus tamquam a se dictatis, scriptis communicatis & creditis, & ipse convictus, & respective confessus devenire, ut infra, decrevit.

PROPOSITIONES.

1. **N**ecessarium est annihilari potentias; & hæc est Via interna.

2. Velle operari active, est offendere Deum, qui vult solus Agens esse, & ideo necesse est derelinquere se in illo, & deinde se habere corporis mortui instar.

3. Vota faciendi aliquam rem, sunt impeditiva perfectionis.

4. Activitas naturalis est inimica gratiæ, & impedit operationem Dei & veram perfectionem, quia Deus vult operari in nobis, sine nobis.

5. Anima nihil operando annihilat se, & redit ad suum principium & ad suam originem, quæ est essentia Dei, ubi manet transformata, & divinizzata; & tunc Deus manet in se ipso, quia tunc non sunt amplius duæ res unitæ, sed una sola, & sic vivit & regnat Deus in nobis, & anima se annihilat in esse operativo.

6. Interna via est illa, in qua non cognoscitur aut lumen, aut amor, aut resignatio, neque necessarium est cognoscere Deum, & sic bene proceditur.

7. Non debet anima cogitare, aut præmium, aut pœnam, aut Paradisum, aut infernum, aut mortem, aut æternitatem.

8. Non debet velle scire, an ambulet cum voluntate Dei, an sit resignata illi, vel non; nec est necesse, ut velit cognoscere suum statum, nec proprium nihilum; sed sese habeat quasi corpus mortuum.

9. Non debet anima memor esse, vel sui ipsius, vel Dei, vel ullius rei, & in via interna omnis reflexio est nociva, etiam reflexio supra suas actiones humanas ac proprios defectus.

10. Si propriis defectibus aliquis scandalizat alterum, non est necesse ad id facere reflexionem, dummodo non sit voluntas scandalizandi, & non posse reflectere ad proprios defectus, est donum Dei.

11. Ad dubia, quæ accidunt, rectene procedamus, an non, non est necessarium reflectere.

12. Qui dedit liberum arbitrium Deo, non debet curare de ulla re, nec de inferno, nec de Paradiso, nec de habendo desiderio suæ propriæ perfectionis, nec virtutum, nec propriæ Sanctitatis, nec propriæ Salutis, e cujus etiam spe se purgare debet.

13. Dum consignatum fuerit liberum arbitrium Deo, illi debet relinqui cura & cogitatio
(a) omni-

omnium rerum nostrarum, & permitti, ut in nobis sine nobis suum Divinum faciat velle.

14. Qui resignatus est Divinae voluntati, non debet a Deo quidquam petere, quia petere est imperfectio, cum sit actus propriae voluntatis & electionis, & est quodammodo velle, ut Divina voluntas nostrae se conformet, & non nostra voluntati Divinae: & illud, *letite & accipietis*, ex Evangelio, non fuit dictum a Christo pro animabus internis, quae nolunt habere voluntatem; quin & istae eo deveniunt, ut non possint a Deo quidquam petere.

15. Unde sicut nihil debent a Deo rogare, etiam non debent reddere illi gratias pro ulla re, quia utrumque est aequaliter actus propriae voluntatis.

16. Non oportet querere Indulgentias pro poena debita peccatis propriis; quia melius est satisfacere Divinae iustitiae, quam querere misericordiam; nam illud procedit ex puro Dei amore, & hoc ex amore interessato, id est, personalis commodi nostri, & non est res grata Deo, nec meritoria; quia est velle subterfugere crucem.

17. Ex quo traditum est Deo liberum arbitrium, cura etiam ac cogitatio animae nostrae, non debent ulterius aestimari tentationes, nec alia fieri illis resistentia nisi negativa, non utendo industria: & si natura inde patitur, necesse est illam sinere pati, quia natura est.

18. Qui in Oratione utitur imaginibus, figuris, speciebus, & propriis conceptibus, non adorat Deum in spiritu, & veritate.

19. Qui amat Deum, prout illum Ratio argumentando representat, aut intellectus comprehendit, non amat Deum verum.

20. Dicere, in Oratione utendum discursu, & cogitationibus tunc, cum Deus non loquitur animae, est ignorantia: Deus non loquitur unquam, illius loqui, est operari; semperque in anima operatur, dum ista suis discursibus, cogitationibus, & operationibus eum non impedit.

21. In Oratione manendum est in fide obscura, & universali, cum quiete, & oblivione omnis alterius cogitationis particularis, & distinctae attributorum Dei, & Trinitatis: atque standum in praesentia Dei ad eum adorandum, amandum, eique serviendum: verum sine productione ullo- rum actuum; Deus namque id genus rebus non delectatur.

22. Non est haec cognitio Fidei actus quispiam productus a creatura, sed cognitio quaedam illi a Deo data, quam creatura non novit se habere, neque adeo postea scit se habuisse: idemque dicendum de amore.

23. Mystici cum S. Bernardo in *Scala Claustralium*, distinguunt quatuor gradus, Lectionem, Meditationem, Orationem, & Contemplationem infusam. Qui semper est in primo, numquam transit ad secundum. Qui semper est in secundo, nunquam ad tertium pertingit, quae est Contemplatio nostra acquisita, ubi consistendum est tota vita, dummodo Deus non trahat animam, nihil tale expectantem, ad Contemplationem infusam: & hac cessante, redeundum est Animae ad gradum tertium, & in eo consistendum, non amplius revertendo ad secundum aut primum.

24. Quaecumque cogitationes inter orandum accidunt, etiam impurae, quin, & contra Deum, & Sanctos, contra Fidem, & Sacramenta, si non voluntarie foveantur, neque actu aliquo voluntatis rejiciantur, sed cum indifferentia, & resignatione tolerantur, non impediunt Orationem Fidei: imo illam reddunt perfectiorem, quia Anima magis est resignata voluntati Divinae.

25. Tametsi superveniat somnus, & dormiatur, omnino tamen oratur, & contemplatio fit actualiter; quia Oratio, & Resignatio, Resignatio, & Oratio, totum est idem; & quamdiu continuatur Resignatio, utique etiam Oratio continuatur.

26. Tres haec Viae, Purgativa, Illuminativa, & Unitiva, ineptia est maxima, quae unquam prolata sit in ipsa Mystica, cum non sit nisi Via unica, id est, Via interna.

27. Qui desiderat, & amplectitur devotionem sensibilem, is nec desiderat nec quaerit Deum, sed seipsum: quique per Viam internam incedit, male facit eam desiderando ac habere conando, sive in locis sacris sive diebus solemnibus.

28. Bonum est tedium rerum spiritualium; quia sic ab amore proprio expurgamur.

29. Cum anima interna fastidit discursus de Deo, & Virtutibus, manetque frigida, non sentiendo se ad fervorem accendi, bonum signum est.

30. Quidquid sensibile in vita spiritali percipitur, illud omne abominabile est, sordidum, & immundum.

31. Nemo meditativus exercet veras virtutes internas, quales non possunt cognosci a sensibus. Perdere oportet virtutes.

32. Nec ante, nec post Communionem alia opus est praeparatione, aut gratiarum actione (pro animabus hisce internis) quam ut se teneant in solita Resignatione passiva; quia in hac invenitur amor, qui supplet modo perfectiori, quam omnes alii virtutum actus, qui fieri possunt, & sunt in via ordinaria. Et si in hac occasione Communionis accidunt motus humiliationis, petitionis aut gratiarum actionis, reprimi debent, quoties non cognoscuntur esse speciales Dei impulsus; aliter enim sunt impulsus naturae nondum mortuae.

33. Male facit anima, quae Via ista Interna graditur, si diebus solemnibus facere velit conatum aliquem particularem ad habendum sensum aliquem Devotionis; quia animabus internis omnes dies sunt pares, omnes festi: idemque est de locis sacris, cum omnia loca his animabus sint paria.

34. Deo gratias agere lingua, & verbis non est animarum internarum, quarum est in silentio se tenere, non praebentes Deo impedimentum, quominus in iis operetur: & quanto amplius se Deo resignant, tanto magis experiuntur impotentiam dicendi, *Pater noster*.

35. Animabus hujus viae internae non convenit, ut faciant operationes etiam virtuosas ex propria electione, & activitate, alioqui mortuae non forent. Nec debent facere actus amoris erga D. Virginem, Sanctos, Humanitatem Christi, quia cum haec sint objecta sensibilia, talis est amor erga illa.

36. Nul-

36. Nulla creatura, neque D. Virgo, nec Sancti, sedem habere debent in corde nostro, quia Deus solus vult occupare illud & possidere.

37. In occasione tentationum etiam vehementium, non debet anima facere actus explicitos virtutum oppositarum, sed tenere se in supradicto amore, & resignatione.

38. Crux voluntaria mortificationum gravis est, & sine fructu, ideoque omittenda.

39. Opera sanctissima, & austeritates, quas Sancti subierunt, non sufficiunt ad animam vel uno assultu liberandam.

40. B. Virgo numquam opus aliquod externum fecit, & omnium Sanctorum fuit sanctissima: Igitur perveniri potest ad Sanctitatem sine opere externo.

41. Deus, ut nos humiliet, & ad veram transformationem pertingere faciat, permittit, & vult in animabus quibusdam perfectis, etiam non arreptitiis, ut dæmon operetur violentiam in earum corporibus illasque committere faciat actus carnales, etiam in vigilia, & sine mentis offuscatione, movendo illis physice manus aliaque membra contra earum voluntatem; & idem dicendum est in ordine ad alios actus per se peccaminosos: quo casu non sunt peccatum, quia non adest consensus.

42. Potest dari casus, quo hæ violentiæ ad actus carnales existant in eodem tempore ex parte duarum personarum, id est, viri & femine; & consequatur actus ex parte amborum.

43. Deus temporibus præteritis faciebat Sanctos per medium tyrannorum, hodie eos facit per medium dæmonum; qui dum illis causant dictas violentias, facit, ut ii magis se vilificent, & annihilent in se ipsis, seque in Deo resignent.

44. Job blasphemavit, & tamen in eo non peccavit labiis suis: quia id fuit per violentiam dæmonis.

45. Sanctus Paulus passus est in suo corpore tales violentias dæmonis; unde scripsit: *Non quod volo bonum, hoc ago: sed quod nolo malum, hoc facio.*

46. Hæ violentiæ sunt medium magis proportionatum ad annihilandam animam, eamque promovendam ad veram transformationem, & unionem: neque alia est via; estque via facilior, & securior.

47. Cum hæ violentiæ accidunt, oportet, sinamus satanam agere, non utendo propria industria, aut viribus, sed consistendo in nihilo nostro: ac tametsi accendant pollutiones, actusque obscæni manibus procurati, atque etiam his magis insolita & peregrina, non opus est his inquietari, sed excludendi sunt scrupuli, dubia, timores, quia anima magis illuminata, robustiorque, & candidior efficitur, & acquiritur sancta libertas. At inprimis non oportet ea confiteri, sitque sanctissime illa non confitendo, quia sic vincitur dæmon, & thesaurus quidam pacis obtinetur.

48. Satanas, qui facit tales violentias, suggerit deinde esse graves defectus ad inquietandam Animam, ut non progrediatur in via interna: unde ad tollendas illi vires præstat ea non confiteri, quia ne quidem sunt peccata venialia.

49. Job per violentiam dæmonis faciebat pollutiones manibus suis eo ipso tempore, quo *mandas habebat ad Deum preces.* Ita interpretando in tali sensu textum quemdam Cap. 16. Job.

50. David, Jeremias, & multi e Prophetis sanctis patiebantur ejusmodi violentias harum impurarum operationum externarum.

51. In Scriptura Sacra multa sunt exempla violentiarum ad actus externos peccaminosos, ut Samsonis, qui per violentiam occidit seipsum cum Philisthæis, uxorem duxit alienigenam, fornicatus est cum Dalila meretrice; quæ alias erant res prohibitiæ, & fuissent peccata: Item Judith, quæ mentita est Holoferni; Elisei, qui pueris maledixit; Eliæ, qui igne consumpsit duos Duces cum cohortibus Regis Achab. An autem fuerit violentia facta immediate a Deo, vel dæmonis ministerio, ut in alijs accidit animabus, in dubio relinquitur.

52. Quando hæ violentiæ, etiam impuræ, veniunt sine mentis offuscatione, tunc anima potest se unire Deo, & reipsa semper magis unitur.

53. Ad cognoscendum in praxi, an aliqua operatio in alijs personis fuerit violenta, regula, quam ea de re habeo, non solum est: quod protestentur hæ animæ se non consensisse, vel quod non possint jurare se consensisse; ac quod videamus esse animas, quæ profectum faciunt in Via interna: sed præsertim me dirigo lumine quodam actuali, & quod superius est cognitione humana, ac Theologica, quo cognosco certo cum interna securitate, operationem ejusmodi esse violentam: & hoc lumen certus sum venire a Deo, quia mihi venit conjunctum cum securitate, quod veniat a Deo, neque mihi, vel umbra dubii in contrarium relinquit; eum in modum, quo interdum accidit, ut Deus revelando rem quæpiam, eodem tempore animam securam reddat, se esse, qui eam revelationem facit, neque anima possit in contrarium dubitare.

54. Spirituales illi Viæ ordinariæ, in hora mortis se delusos, & confusos inveniunt, cum omnibus passionibus in altero mundo expurgandis.

55. Per hanc viam internam pervenitur, etsi cum multa tolerantia, ad expurgationem & mortificationem omnium passionum, ita, ut nihil amplius sentiat, nihil, nihil plane, neque percipiat quis inquietudinem ullam perinde ut corpus quoddam mortuum, neque anima se amplius in diversa transferri sinat.

56. Dux leges & dux voluntates, altera animæ, altera amoris proprii, durant, quamdiu amor proprius durat: unde ubi hic expurgatus & mortuus fuerit, uti fit per Viam internam, non amplius ibi sunt illæ dux leges, neque dux voluntates, nec ultra fit ulla subreptio, aut motus improvisus; neque aliquid porro sentitur, ne unum quidem veniale peccatum.

57. Per contemplationem acquisitam pervenitur ad statum non peccandi amplius, seu mortaliter seu venialiter.

58. Ad ejusmodi statum pervenitur, non faciendo reflexionem ad operationes proprias, quia defectus nascuntur ex reflexione.

59. Via interna separata est a Confessione, a Confessariis & a casibus conscientiarum, a Theologia & a Philosophia.

60. Animabus provectis, quæ reflexionibus mori incipiunt, quin & eo, ut mortuæ sint, jam pertingunt, Deus nonnumquam impossibilem reddit Confessionem, ipseque supplet tantumdem ipsis largiendo gratiæ præservantis, quantum reciperent ex Sacramento: ideoque his animabus non expedit eo casu ad Sacramentum Pœnitentiæ accedere, quia non possunt.

61. Anima cum ad mortem mysticam pertingit, non potest ultra velle aliud, quam vult Deus, quia non habet amplius voluntatem, & Deus illam ipsi ademit.

62. Per viam Internam pervenitur ad continue consistendum immobiliter in pace quadam imperturbabili.

63. Pervenitur etiam mediante via Interna ad mortem sensuum; imo signum, quod quis in nihilo illo consistat, id est, mortuus sit morte mystica, est, si sensus externi non magis jam representent res sensibiles, quam si non existerent; quandoquidem non efficiant, ut intellectus se ipsis applicet.

64. Theologus minus est dispositus quam simplex & idiota, ad hoc ut sit contemplativus: Primo, quia non habet fidem tam puram: Secundo, quia non est tam humilis: Tertio, quia non curat perinde de sua salvatione: Quarto, quia habet caput plenum phantasmatibus, speciebus, opinionibus & speculationibus; & in eum nequit verum lumen intrare.

65. Superioribus obediri debet in exteriori, & latitudo voti Obedientiæ Religiosorum pertingit solummodo ad exterius: aliud est in interiori, quo solus Deus & Director intrant.

66. Rifu digna est doctrina quædam nova in Ecclesia Dei; Animam, ad interna quod attinet, gubernari debere per Episcopum; & si is idoneus non fuerit, eundem animæ ab illo ad suum Directorem. Dico novam, quia nec Scriptura Sacra, nec Concilia, nec Canones, nec Bullæ, nec Sancti, nec Auctores unquam id dixerunt, neque dicere possunt, quia *Ecclesia non judicat de occultis*, habetque jus Anima, ut eligat, quem maluerit.

67. Dicere, opus esse, ut Internum manifestetur tribunali externo Superiorum, & esse peccatum, nisi fiat, ea est deceptio manifesta, quia *Ecclesia non judicat de occultis*; atque animabus suis damnum adferunt fraudibus hæc & fictionibus.

68. In mundo non est facultas nec Jurisdictio ad mandandum, ut manifestentur litteræ Directoris circa internum animæ; & idcirco monitos esse oportet, esse hunc assultum quemdam satanæ.

Quas quidem Propositiones tamquam hæreticas, suspectas, erroneas, scandalosas, blasphemias, piarum aurium offensivas, temerarias, Christianæ disciplinæ relaxativas, & everivas, & scandalosas respective, ac quæcumque super iis verbo, scripto, vel typis emissæ, pariter cum voto eorundem Fratrum nostrorum S. R. E. Cardi-

nalium & Inquisitorum Generalium damnavimus, circumscriptimus & abolevimus; deque eisdem & similibus omnibus & singulis posthac quoquomodo loquendi, scribendi, disputandi, easque credendi, tenendi, docendi, aut in praxim reducendi facultatem quibuscumque interdiximus; & contra facientes omnibus dignitatibus, gradibus, honoribus, beneficiis ipso facto perpetuo privavimus, & inhabiles ad quæcumque decrevimus, vinculoque etiam anathematis eo ipso innodavimus, a quo nisi a nobis & a Romanis Pontificibus Successoribus nostris valeant absolvi. Præterea eodem nostro Decreto prohibuimus & damnavimus omnes Libros, omniaque Opera quocumque loco & idiomate impressa, nec non omnia Manuscripta ejusdem *Michaelis de Molinos*, vetuimusque, ne quis, cujuscumque gradus, conditionis, vel status, etiam speciali nota dignus, audeat sub quovis prætextu, quolibet pariter idiomate, sive sub iisdem verbis, sive sub æqualibus aut æquipollentibus, sive absque nomine, seu ficto aut alieno nomine, ea imprimere vel imprimi facere, neque impressa seu Manuscripta legere, vel apud se retinere, sed Ordinariis locorum aut hæreticæ pravitatis Inquisitoribus statim tradere & consignare teneatur sub eisdem pœnis superius inflictis: qui Ordinarii & Inquisitores statim ea igni comburant & comburi faciant.

Tandem ut prædictus *Michael de Molinos* ob hæreses, errores & turpia facta prædicta debitis pœnis in aliorum exemplum & ipsius emendationem plecteretur, lecto in eadem nostra Congregatione toto Processu, & auditis dilectis filiis Consultoribus nostris Sanctæ Inquisitionis Officii, in Sacra Theologia & in Jure Pontificio Magistris, cum eorundem Venerabilium Fratrum nostrorum S. R. E. Cardinalium unanimi voto, dictum *Michael de Molinos* tamquam reum convictum & confessum respective, & uti hæreticum formalem, licet pœnitentem, in pœnam arcti & perpetui carceris, & ad peragendas alias pœnitentias salutares, prævia tamen abjurazione de formali per ipsum emittenda, servato Juris ordine damnavimus, mandantes, ut die & hora præfigendis in Ecclesiæ Sanctæ Mariæ supra Mineram hujus almæ Urbis, præsentibus omnibus Venerabilibus Fratribus nostris S. R. E. Cardinalibus, & Romanæ Curie nostræ Prælati, universoque populo ad id etiam per Concessionem Indulgentiarum convocando, ex alto tenore Processus, stante in suggesto eodem *Michael de Molinos*, una cum sententia inde secuta legeretur. Et postquam idem *Michael de Molinos* habitu pœnitentiæ indutus prædictos errores & hæreses publice abjurasset, dedimus facultatem Dilecto Filio nostri Sancti Officii Commissario, ut eum a Censuris, quibus innodatus erat, in forma Ecclesiæ consueta absolveret: quæ omnia in executionem dictæ nostræ Ordinationis die 3. Septembris labentis solemniter adimpleta sunt.

Et licet supra narratum Decretum mandato nostro latum ad majorem Fidelium cautelam typis editum publicis locis affixum & divulgatum fuerit, nihilominus, ne hujus Apostolicæ damnationis

tionis memoria futuris temporibus deleri possit, utque populus Christianus Catholica veritate instructior per viam salutis incedere valeat, Prædecessorum nostrorum Summorum pontificum vestigiis inhærentes, hæc nostra perpetuo valitura Constitutione supradictum Decretum denuo approbamus, confirmamus, & debitæ executioni tradi mandamus; iterum supradictas Propositiones definitive damnantes & reprobantes, Librosque & Manuscripta ejusdem *Michaelis de Molinos* prohibentes & interdicentes sub eisdem pœnis & Censuris contra transgressores latis & indictis.

Decernentes insuper præsentēs Litteras semper & perpetuo validas & efficaces existere & fore, suosque plenarios & integros effectus for-

tiri & obtinere, sicque per quoscunque Judices Ordinarios & Delegatos, quavis auctoritate fungentes & functuros ubique judicari & definiri debere, sublata eis & eorum cuilibet quavis aliter judicandi & interpretandi facultate & auctoritate, ac irritum & inane, quidquid secus super iis a quocumque, quavis auctoritate, scienter vel ignoranter contigerit attentari. Volumus autem, ut præsentium transumptis, etiam impressis, manu Notarii publici subscriptis & sigillo alicujus personæ in Dignitate Ecclesiastica constitutæ munitis eadem fides prorsus adhibeatur, quæ ipsis Originalibus Litteris adhiberetur, si essent exhibitæ vel ostensæ.

Nulli ergo omnino hominum liceat hanc paginam, &c.



SANCTISSIMI D. N. D. INNOCENTII DIVINA PROVIDENTIA PAPÆ XII.

Damnatio, & prohibitio Libri Parisiis anno 1697. impressi, cui titulus,

Explication des Maximes des Saints sur la vie interieure &c.

12. Martii 1699.

INNOCENTIUS PAPA XII.

Ad Perpetuam rei Memoriam.

CUM alias ad Apostolatus Nostri notitiam pervenerit, in lucem prodiiſſe librum quemdam Gallico idiomate editum, cui titulus *Explication des Maximes des Saints sur la vie interieure, par Messire Francois de Salignac Fenelon, Archeveque Duc de Cambrai Precepteur des Mefseigneurs les Ducs de Bourgogne, d'Anjou, & de Berry A Paris, chez Pierre Abouin, Pierre Emery, Charles Clouſier 1697.* Ingens vero subinde de non sana libri hujusmodi doctrina excitatus in Galliis rumor adeo percubuit, ut opportunam Pastoralis vigilantia nostræ opem efflagitaverit; Nos eundem Librum nonnullis ex Venerabilibus Fratribus Nostriſ S. R. E. Cardinalibus, aliisque in Sacra Theologia Magistris, mature, ut rei gravitas postulare videbatur, examinandum commisiſimus. Porro hi mandatis obsequentes, postquam in quamplurimis Congregationibus varias Propositiones ex eodem libro excerptas diuturno, accuratoque examine discusserunt, quid super earum singulis sibi videretur, tam voce, quam scripto Nobis exposuerunt. Auditis igitur in pluribus itidem coram nobis desuper actis Congregationibus memoratorum Cardinalium, & in Sacra Theologia Magistrorum Sententiis, Dominici Gregis Nobis ab Aeterno Pastore crediti periculis, quantum nobis ex alto conceditur, occurrere cupientes, motu proprio, ac ex certa scientia, & matura deliberatione Nostriſ, deque Apostolicæ potestatis plenitudine, librum prædictum ubicumque, & quocumque alio idiomate, seu quavis editione, aut versione hucusque impressum, aut imposterum imprimendum, quippe ex cuius lectione, & usu fideles sensim in errores ab Ecclesia Catholica jam damnatos induci possent, ac insuper tamquam continentem Propositiones sive in obvio earum verborum sensu, sive attenta sententiarum connexionem, temerarias, scandalosas, male sonantes, piarum aurium offensivas, in

praxi perniciosas ac etiam erroneas respective, tenore præsentium damnamus, & reprobamus; ipsiusque libri impressionem, descriptionem, lectionem, retentionem, & usum omnibus, & singulis Christi fidelibus etiam specifica, & individua mentione, & expressione dignis sub pœna excommunicationis per contrafacientes ipso facto absque alia declaratione incurrenda, interdiciſus, & prohibemus: Volentes, & Apostolica auctoritate mandantes, ut quicumque supradictum librum penes se habuerint, illum statim, atque præsentēs litteræ eis innotuerint, locorum Ordinariis, vel hæreticæ pravitatis Inquisitoribus tradere, ac consignare omnino teneantur. In contrarium facientibus non obstantibus quibuscumque. Cæterum Propositiones in dicto libro contentæ, quas Apostolici censura iudicii, sicut præmittitur, confingendas duximus, ex Gallico idiomate in latinum versæ sunt tenoris, qui sequitur, videlicet:

1. Datur habitualis status amoris Dei, qui est Charitas pura, & sine ulla admixtione motivi proprii interesse. Neque timor pœnarum neque desiderium remunerationum habent amplius in eo partem. Non amatur amplius Deus propter meritum, neque propter perfectionem, atque propter felicitatem in eo amando inveniendam.

2. In statu Vitæ contemplativæ, seu unitivæ amittitur omne motivum interessatum timoris, & spei.

3. Id quod est essentialis in directione Animæ, est non aliud facere, quam sequi pedetentim gratiam cum infinita patientia, præcautione, & subtilitate. Oportet se intra hos limites continere, ut sinatur Deus agere, & numquam ad purum amorem ducere, nisi quando Deus per unctiorem interiorē incipit aperire Cor huic Verbo, quod adeo durum est Animabus adhuc sibi met affixis, & adeo potest illas scandalizare, aut in perturbationem conjicere.

(a) §

4. In

4. In statu sanctæ indifferentiæ Anima non habet amplius desideria voluntaria, & deliberata propter suum interesse, exceptis iis occasionibus, in quibus toti suæ gratiæ fideliter non cooperatur.

5. In eodem statu sanctæ indifferentiæ nihil nobis, omnia Deo volumus. Nihil volumus, ut simus perfecti, & beati propter interesse proprium, sed omnem perfectionem, ac beatitudinem volumus, in quantum Deo placet efficere, ut velimus res istas impressione suæ gratiæ.

6. In hoc sanctæ indifferentiæ statu nolumus amplius salutem, ut salutem propriam, ut liberationem æternam, ut mercedem nostrorum meritorum, ut nostrum interesse omnium Maximum; sed eam volumus voluntate plena, ut gloriam, & beneplacitum Dei, ut rem, quam ipse vult, & quam nos vult velle propter ipsum.

7. De relicto non est nisi abnegatio, seu sui ipsius renunciatio, quam JESUS Christus a nobis in Evangelio requirit, postquam externa omnia reliquerimus. Ista nostri ipsorum abnegatio non est, nisi quoad interesse proprium. Extremæ probationes, in quibus hæc abnegatio, seu sui ipsius derelictio exerceri debent, sunt tentationes, quibus Deus æmulator vult purgare amorem, nullum ei ostendendo Perfugium, neque ullam spem quoad suum interesse proprium, etiam æternum.

8. Omnia Sacrificia, quæ fieri solent ab Animabus quam maxime disinteressatis circa earum æternam beatitudinem, sunt conditionalia. Sed hoc Sacrificium non potest esse absolutum in statu ordinario. In uno extremarum probationum casu hoc Sacrificium fit aliquo modo absolutum.

9. In extremis probationibus potest animæ invincibiliter persuasum esse persuasione reflexa, & quæ non est intimus conscientiæ fundus, se juste reprobam esse a Deo.

10. Tunc Anima divisa a semetipsa expirat cum Christo in Cruce dicens: Deus, Deus meus, ut quid dereliquisti me. In hac involuntaria impressione desperationis conficit Sacrificium absolutum sui interesse proprii quoad æternitatem.

11. In hoc statu Anima amittit omnem spem sui proprii interesse, sed numquam amittit in parte superiori, id est in suis actibus directis, & intimis spem perfectam, quæ est desiderium disinteressatum promissionum.

12. Director tunc potest huic Animæ permittere, ut simpliciter acquiescat jacturæ sui proprii interesse, & justæ condemnationi, quam sibi a Deo indictam credit.

13. Inferior Christi pars in Cruce non communicavit Superiori suas involuntarias perturbationes.

14. In extremis probationibus pro purificatione amoris fit quædam separatio partis superioris Animæ ab inferiori. In ista separatione actus partis inferioris manant ex omnino cæca, & involuntaria perturbatione; nam totum, quod est voluntarium, & intellectuale, est partis superioris.

15. Meditatio constat discursivis actibus, qui a se invicem facile distinguuntur. Ista compositio actuum discursivorum, & reflexorum est propria exercitatio amoris interessati.

16. Datur Status Contemplationis adeo sublimis, adeoque perfectæ, ut fiat habitualis, ita ut quoties Anima actu orat, sua Oratio sit Contemplativa, non discursiva. Tunc non amplius indiget redire ad meditationem, ejusque actus methodicos.

17. Animæ Contemplativæ privantur intuitu distincto, sensibili, & reflexo JESU Christi duobus temporibus diversis. Primo: In fervore nascente earum contemplationis. Secundo, Anima amittit intuitum JESU Christi in extremis probationibus.

18. In Statu passivo exercentur omnes virtutes distincte, non cogitando, quod sint virtutes. In quolibet momento aliud non cogitatur, quam facere id, quod Deus vult, & amor Zelotypus simul efficit, ne quis sibi virtutem velit, nec unquam sit adeo virtute præditus, quam cum virtuti amplius affixus non est.

19. Potest dici in hoc sensu, quod anima passiva, & disinteressata nec ipsum amorem vult amplius, quatenus est sua perfectio, & sua felicitas, sed solum quatenus est id, quod Deus a nobis vult.

20. In confitendo debent animæ transformari sua peccata detestari, & condemnare se, & desiderare remissionem suorum peccatorum, non ut propriam purificationem, & liberationem, sed ut rem, quam Deus vult, & vult nos velle propter suam gloriam.

21. Sancti Mystici excluderunt a statu animarum transformatarum exercitationes virtutum.

22. Quamvis hæc doctrina (*de puro amore*) esset pura, & simplex perfectio Evangelica, in universa traditione designata, antiqui Pastores non proponebant passim multitudini Justorum, nisi exercitia amoris interessati eorum gratiæ proportionata.

23. Purus amor ipse solus constituit totam vitam interioriorem, & tunc evadit unicum principium, & unicum motivum omnium actuum, qui deliberati, & meritorii sunt.

Non intendimus tamen per expressam Propositionem hujusmodi reprobationem alia in eodem libro contenta ullatenus approbare. Ut autem eadem præsentis litteræ omnibus facilius innotescant, nec quisquam illarum ignorantiam valeat allegare, volumus pariter, & auctoritate præfata decernimus, ut illæ ad valvas Basilicæ Principis Apostolorum, ac Cancellariæ Apostolicæ, nec non Curie Generalis in Monte Citatorio, & in Acie Campi Floræ de Urbe per aliquem ex Cursoribus nostris, ut moris est, publicentur, illarumque exempla ibidem affixa relinquantur; ita, ut sic publicatæ omnes, & singulos, quos concernunt, periinde afficiant, ac si unicuique illorum personaliter notificatæ, & intimatæ fuissent: Utque ipsarum præsentium litterarum transumptis, seu exemplis etiam impressis, manu alicujus Notarii publici subscriptis, & sigillo personæ in Ecclesiastica Digni-

Dignitate constitutæ munitis, eadem prorsus fides tam in iudicio, quam extra illud ubique locorum habeatur, quæ ipsis præsentibus haberetur, si forent exhibitæ, vel ostensæ. Datum Romæ apud Sanctam Mariam Majorem sub Annulo Piscatoris die xii. Martii M DC XCIX. Pontificatus Nostri Anno Octavo.

I. F. CARD. ALBANUS.

tatus autem Sanctissimi in Christo Patris, & D. N. D. Innocentii, Divina Providentia Papa XII. anno ejus octavo, supradictum Breve affixum, & publicatum fuit ad valvas Basilicæ Principis Apostolorum, Magnæ Curie Innocentianæ, in acie Campi Floræ, ac aliis locis solitis, & consuetis Urbis per me Franciscum Perinum, ejusdem SS. D. N. Papæ Cursorem.

Anno à Nativitate D. N. JESU Christi 1699.
Indictione 7. die vero 12. Mensis Martii, Pontifi-

Sebastianus Vasellus Mag. Curs.

~~~~~

## PROPOSITIONES DAMNATÆ

A Potiori spectantes ad materiam Morum, seu ad Theologiam Moralem.

DECRETUM I.

ALEXANDRI VII.

Feria V. die 24. Septembris 1665. emanatum.

*In Congregatione Generali Sanctæ Romanæ & Universalis Inquisitionis, habita in Palatio Apostolico Montis Quirinalis, coram Sanctissimo D. N. D. ALEXANDRO Divina Providentia PAPA VII. ac Eminentissimis & Reverendissimis DD. S. R. E. Cardinalibus in tota Republica Christiana adversus hæreticam pravitatem Generalibus Inquisitoribus, à Sancta Sede Apostolica specialiter deputatis.*

**S**ANCTISSIMUS D. N. audit non sine magno animi sui mœrore, complures opiniones Christianæ disciplinæ relaxativas, & animarum perniciem inferentes, partim antiquatas iterum suscitari, partim noviter prodire, & summam illam luxuriantium ingeniorum licentiam in dies magis ex crescere, per quam in rebus ad conscientiam pertinentibus modus opinandi irrepsit alienus omnino ab Evangelica simplicitate, sanctorumque Patrum doctrina, & quem si pro recta regula fideles in praxi sequerentur, ingens eruptura esset Christianæ vitæ corruptela. Quare, ne ullo umquam tempore viam salutis, quam suprema Veritas Deus, cujus verba in æternum permanent, arctam esse definivit, in animarum perniciem dilatarî, seu verius perverti contingeret, idem SS. D. N. ut oves sibi creditas ab ejusmodi spatiofa, lataque, per quam itur ad perditionem, via, pro Pastoralî sollicitudine in rectam semitam evocaret, earumdem opinionum examen pluribus in Sacra Theologia Magistris, & dein Eminentissimis DD. Cardinalibus, contra hæreticam pravitatem Generalibus Inquisitoribus serio commisit: qui tantum negotium strenue aggressi, eique sedulo incumbentes, & mature discussi usque ad hanc diem infra scriptis Propositionibus, super unaquaque ipsarum sua suffragia Sanctitati Sux sigillatim exposuerunt.

### PROPOSITIONES.

**H**OMO nullo unquam vitæ suæ tempore tenetur elicere actum Fidei, Spei, & Charitatis, ex vi Præceptorum Divinorum ad eas virtutes pertinentium.

2. Vir equestris ad duellum provocatus potest illud acceptare, ne timiditatis notam apud alios incurrat.

3. Sententia asserens, Bullam Cænæ solum prohibere absolutionem hæresis, & aliorum criminum, quando publica sunt, & id non derogare facultati Tridentini, in qua de occultis criminibus sermo est, Anno 1629. 18. Julii in Consistorio Sacræ Congregationis Eminentissimorum Cardinalium, visa & tolerata est.

4. Prælati Regulares possunt in foro conscientiæ absolvere quoscunque Sæculares ab hæresi occulta, & ab excommunicatione propter eam incurfa.

5. Quamvis evidenter tibi constet, Petrum esse hæreticum, non teneris denunciare, si probare non possis.

6. Contellarius, qui in Sacramentali Confessione tribuit Pœnitenti chartam postea legendam, in qua ad Venerem incitat, non censetur sollicitasse in Confessione, ac proinde non est denunciandus.

7. Modus evadendi obligationem denunciandæ sollicitationis est, si sollicitatus confiteatur cum sollicitante, hinc potest ipsum absolvere absque onere denunciandi.

8. Duplicatum stipendium potest Sacerdos pro eadem Missa licite accipere, applicando petenti partem etiam specialissimam fructus ipsimet celebranti correspondentem, idque post Decretum Urbani VIII.

9. Post Decretum Urbani potest Sacerdos, cui Missæ celebrandæ traduntur, per alium satisfacere, collato illi minori stipendio, alia parte stipendii sibi retenta.

10. Non

10. Non est contra justitiam pro pluribus Sacrificiis stipendium accipere, & Sacrificium unum offerre; neque etiam est contra fidelitatem, etiam si promittam promissione etiam juramento firmata, danti stipendium, quod pro nullo alio offeram.

11. Peccata in Confessione omissa, seu oblita ob instans periculum vitæ, aut ob aliam causam, non tenemur in sequenti Confessione exprimere.

12. Mendicantes possunt absolvere a casibus Episcopis reservatis non obtenta ad id Episcoporum facultate.

13. Satisfacit præcepto annuæ Confessionis, qui confitetur Regulari Episcopo præsentato, sed ab eo injuste reprobato.

14. Qui facit Confessionem voluntarie nullam, satisfacit præcepto Ecclesiæ.

15. Pœnitens propria auctoritate substituere sibi alium potest, qui loco ipsius pœnitentiam adimpleat.

16. Qui Beneficium curatum habent, possunt sibi eligere in Confessarium simplicem Sacerdotem, non approbatum ab Ordinario.

17. Est licitum Religioso vel Clerico, calumniatorem gravia crimina de se, vel de sua Religione spargere minantem occidere, quando alius modus defendendi non suppetit; uti suppetere non videtur, si calumniator sit paratus, vel ipsi Religioso, vel ejus Religioni publice, & coram gravissimis viris prædicta impingere nisi occidatur.

18. Licet interficere falsum accusatorem, falsos testes, ac etiam Judicem, a quo iniqua certo imminet sententia, si alia via non potest innocens damnum evitare.

19. Non peccat maritus, occidens propria auctoritate uxorem in adulterio deprehensam.

20. Restitutio a Pio V. imposita Beneficiatis non recitantibus non debetur in conscientia ante sententiam declaratoriam Judicis, eo quod sit pœna.

21. Habens Capellaniam collativam, aut quodvis aliud Beneficium Ecclesiasticum, si studio litterarum vacet, satisfacit suæ obligationi, si Officium per alium recitet.

22. Non est contra justitiam, Beneficia Ecclesiastica non conferre gratis, quia collator conferens illa Beneficia Ecclesiastica pecunia interveniente, non exigit illam pro collatione Beneficii, sed veluti pro emolumento temporali, quod tibi conferre non tenebatur.

23. Frangens jejunium Ecclesiæ, ad quod tenetur, non peccat mortaliter, nisi ex contemptu vel inobedientia hoc faciat; puta, quia non vult se subicere præcepto.

24. Mollities, sodomia, & bestialitas sunt peccata ejusdem speciei infimæ; ideoque sufficit dicere in Confessione, se procurasse pollutionem.

25. Qui habuit copulam cum soluta, satisfacit Confessionis præcepto, dicens, commisi cum soluta grave peccatum contra castitatem, non explicando copulam.

26. Quando litigantes habent pro se opinionem æque probabilem, potest Judex pecuniam accipere pro ferenda sententia in favorem unius præ alio.

27. Si Liber sit alicujus junioris, & moderni, debet opinio censi probabilis, dum non constet, rejectam esse a Sede Apostolica tamquam improbabilem.

28. Populus non peccat, etiam si absque ulla causa non recipiat legem a Principe promulgatam.

Quibus peractis, dum similium Propositionum examini cura, & studium impenditur, interea idem Sanctissimus re mature considerata, statuit, & decrevit, prædictas Propositiones, & unamquamque ipsarum, ut minimum tamquam scandalosas esse damnandas, & prohibendas, sicuti eas damnat, ac prohibet; ita, ut quicumque illas aut conjunctim, aut divisim docuerit, defenderit, ediderit, aut de eis etiam disputative publice aut privatim tractaverit, nisi forsitan impugnando ipso facto incidat in excommunicationem, a qua non possit (præterquam in articulo mortis) ab alio quacumque etiam dignitate fulgente, nisi a pro tempore existente Romano Pontifice, absolvi.

Insuper districtè in virtute sanctæ Obedientiæ, sub interminatione Divini Judicii prohibet omnibus Christi fidelibus, cujuscumque conditionis, dignitatis, ac status, etiam speciali, & specialissima nota dignis, ne prædictas opiniones, aut aliquam ipsarum ad praxim deducant.

Locus † Sigilli. *Joannes Lupus, S. Romana, & Universalis Inquisitionis Not.*

*Anno a Nativitate D. N. JESU Christi, millesimo, sexcentesimo, sexagesimo quinto, Indictione 3. die vero 2. Mensis Octob. Pontificatus autem SS. in Christo Patris D. N. D. Alexandri, Divina Providentia Papa VII. anno undecimo, supradictum Decretum affixum, & publicatum fuit ad valvas Basilicæ Principis Apostolorum, Cancellariæ Apostolicæ, ac in acie Campi Floræ, ac in aliis locis solitis, & consuetis Urbis per me Carolum Melanum, ejusdem SS. D. N. & Sanctissimæ Inquisitionis Cursorem.*

Romæ, Typis Rever. Cameræ Apostolice. 1665.

DECRE-

# DECRETUM II. ALEXANDRI VII.

Feria 5. die 18. Martii 1666. emanatum, in quo continuat Damnationem.

*In Congregatione Generali Sancta Romana & Universalis Inquisitionis, habita in Palatio Apostolico Montis Quirinalis, coram Sanctissimo D. N. D. ALEXANDRO Divina Providentia PAPA VII. ac Eminentissimis & Reverendissimis DD. S. R. E. Cardinalibus in tota Republica Christiana adversus hæreticam pravitatem Generalibus Inquisitoribus, a Sancta Sede Apostolica specialiter deputatis.*

**S**anctissimus D. N. post latum Decretum die XXIV. Septembris proxime elapsi, quo viginti octo Propositiones damnatæ fuerunt, examinatis sedulo & accurate usque ad hanc diem infra scriptis aliis quadragesimum quintum numerum implentibus per plures in Sacra Theologia Magistros, ac per Eminentissimos & Reverendissimos DD. Cardinales adversus hæreticam pravitatem Generales Inquisitores, eorum suffragia singillatim super unaquaque ipsarum audivit.

## PROPOSITIONES.

29. **I**N die jejunii, qui sæpius modicum quid comedit, etsi notabilem quantitatem in fine comederit, non frangit jejunium.

30. Omnes Officiales, qui in Republica corporaliter laborant, sunt excusati ab obligatione jejunii; nec debent se certificare, an labor sit compatibilis cum jejunio.

31. Excusantur absolute a præcepto jejunii omnes illi, qui iter agunt equitando, utcumque iter agant, etiamsi iter necessarium non sit, & etiamsi iter unius diei conficiant.

32. Non est evidens, quod consuetudo non comedendi ova & læticia in Quadragesima obliget.

33. Restitutio fructuum ob omissionem Horarum suppleri potest per quascumque Eleemosynas, quas antea Beneficiarius de fructibus sui Beneficii fecerit.

34. In die Palmarum recitans Officium Paschale satisfacit præcepto.

35. Unico Officio potest quis satisfacere duplici præcepto pro die præsentis & crastino.

36. Regulares possunt in foro conscientiae uti privilegiis suis, quæ sunt expresse revocata per Concilium Trid.

37. Indulgentiæ concessæ Regularibus, & revocatæ a Paulo V. hodie sunt revalidatæ.

38. Mandatum Tridentini factum Sacerdoti, sacrificanti ex necessitate cum peccato mortali, confitendi *quamprimum*, est consilium, non præceptum.

39. Illa particula *quamprimum* intelligitur, cum Sacerdos suo tempore confitebitur.

40. Est probabilis opinio, quæ dicit, essetantum veniale, osculum habitum ob delectationem carnalem, & sensibilem, quæ ex osculo oritur, secluso periculo consensus ulterioris, & pollutionis.

41. Non est obligandus concubiniarius ad ejiciendam concubinam, si hæc nimis utilis esset ad oblectamentum concubinarij, vulgo *regalo*, dum deficiente illa, nimis ægre ageret vitam, & aliæ epulæ tædio magno concubinarium afficerent, & alia famula nimis difficile inveniretur.

42. Licitum est mutuanti aliquid ultra sortem exigere, si se obliget ad non repetendam sortem usque ad certum tempus.

43. Annuum legatum pro anima relictum, non durat plus quam per 10. annos.

44. Quoad forum conscientiae reo correcto, ejusque contumacia cessante, cessant Censuræ.

45. Libri prohibiti, donec expurgentur, possunt retineri, usque dum adhibita diligentia corrigantur.

Quibus mature pensatis, idem Sanctissimus statuit, ac decrevit, prædictas Propositiones, & unamquamque ipsarum, ut minimum, tamquam scandalosas esse damnandas, & prohibendas, sicuti eas damnat ac prohibet; ita, ut quicumque illas aut conjunctim, aut divisim docuerit, defenderit, ediderit, aut de eis etiam disputative, publice aut privatim tractaverit, nisi forsan impugnando, ipso facto incidat in excommunicationem, a qua non possit (præterquam in articulo mortis) ab alio quacumque etiam dignitate fulgente, nisi a pro tempore existente Romano Pontifice, absolvi.

Insuper districte in virtute sanctæ Obedientiæ, & sub interminatione Divini judicii prohibet omnibus Christi fidelibus, cujuscumque conditionis, dignitatis, & status etiam speciali, & specialissima nota dignis, ne prædictas opiniones, aut aliquam ipsarum ad praxim deducant.

Loco † Sigilli. *Joannes Lupus S. Romana & Universalis Inquisitionis Not.*

*Anno a Nativitate D. N. JESU Christi millesimo sexcentesimo sexagesimo sexto, Indictione quarta, die vero 23. Mensis Martii, Pontificatus autem Sanctissimi in Christo Patris, & D. N. D. Alexandri Divina Providentia Papa VII. anno undecimo supradictum Decretum affixum & publicatum fuit ad valvas Principis Apostolorum, Cancellaria Apostolica, ac in acie Campi Floræ, ac in aliis locis consuetis Urbis per me Carolum Molinum, ejusdem Sanctiss. D. N. Papa & Sanctissim. Inquisitionis Cursorem.*

Romæ Typis Rev. Camer. Apost. 1666.

(b)

DECRE.

# DECRETUM I. INNOCENTII XI.

Feria 5. die 2. Martii 1679.

*In Congregatione Generali sancta Romana & Universalis Inquisitionis, habita in Palatio Apostolico Vaticano coram Sanctiss. D. N. D. Innocentio, Divina Providentia Papa XI. ac Eminentiss. & Reverendiss. DD. S. R. E. Cardinalibus, & in tota Republ. Christiana adversus hæreticam pravitatem Generalibus Inquisitoribus, a sancta Sede Apostolica specialiter deputatis.*

**S**ANCTISSIMUS D. N. INNOCENTIUS PAPA XI. prædictus ovium sibi a Deo creditarum saluti sedulo incumbens, & salubre opus in segregandis noxiis doctrinarum pascuis ab innoxiiis a fel. record. Alexand. VII. Prædecessore suo inchoatum prosequi volens, plurimas Propositiones, partim ex diversis, vel libris, vel thesibus, seu scriptis excerptas, & partim noviter adinventas Theologorum plurium examini, & deinde Eminentissimis, & Reverendissimis DD. Cardinalibus, contra hæreticam pravitatem Generalibus Inquisitoribus, subjecit. Quibus Propositionibus sedulo & accurate sæpius discussis, eorundem Eminentissimorum Cardinalium & Theologorum votis per Sanctitatem suam auditis, Idem Sanctissimus D. N. re postea mature considerata statuit, & decrevit pro nunc sequentes Propositiones, & unamquamque ipsarum, sicut jacent, ut minimum tamquam scandalosas, & in praxi perniciosas, esse damnandas, & prohibendas, sicuti eas damnat & prohibet. Non intendens tamen Sanctitas sua per hoc Decretum alias Propositiones in ipso non expressas, & Sanctitati suæ quomodolibet, & ex quacumque parte exhibitas, vel exhibendas ullatenus approbare.

## PROPOSITIONES.

1. **N**on est illicitum in Sacramentis conferendis sequi opinionem probabilem de valore Sacramenti, relicta tutiore, nisi id vetet lex, conventio, aut periculum gravis damni incurrendi. Hinc sententia probabilis tantum utendum non est in collatione Baptismi, Ordinis Sacerdotalis, aut Episcopalis.
2. Probabiliter existimo, Judicem posse judicare juxta opinionem etiam minus probabilem.
3. Generatim dum probabilitate, sive intrinseca sive extrinseca quantumvis tenui, modo a probabilitatis finibus non exeat, consili aliquid agimus, semper prudenter agimus.
4. Ab infidelitate excusabitur infidelis non credens, ductus opinione minus probabili.
5. An peccet mortaliter, qui actum dilectionis Dei semel tantum in vita eliceret, condemnare non audemus.
6. Probabile est, ne singulis quidem rigoroſe quinquenniis per se obligare præceptum charitatis erga Deum.
7. Tunc solum obligat, quando tenemur justificari, & non habemus aliam viam, qua justificari possimus.
8. Comedere & bibere usque ad satietatem ob solam voluptatem non est peccatum, modo non obſit valetudini: quia licite potest appetitus naturalis suis actibus frui.

9. Opus conjugii ob solam voluptatem exercitum omni penitus caret culpa, ac defectu veniali.

10. Non tenemur, proximum diligere actu interno & formali.

11. Præcepto, proximum diligendi, satisfacere possumus per solos actus externos.

12. Vix in secularibus invenies, etiam in Regibus superfluum statui. Et ita vix aliquis tenetur ad elemosynam, quando tenetur tantum ex superfluo statui.

13. Si cum debita moderatione facias, potes absque peccato mortali de vita alicujus tristari, & de illius morte naturali gaudere, illam inefficaci affectu petere, & deliderare, non quidem ex displicentia personæ, sed ob aliquod temporale emolumentum.

14. Licitum est, absoluto desiderio cupere mortem patris; non quidem ut malum patris; sed ut bonum cupientis; quia nimirum ei obventura est pinguis hæreditas.

15. Licitum est filio gaudere de parricidio parentis a se in ebrietate perpetrato, propter ingentes divitias inde ex hæreditate consecutas.

16. Fides non censetur cadere sub præceptum speciale, & secundum se.

17. Satis est, actum fidei semel in vita elicere.

18. Si a potestate publica quis interrogetur, fidem ingenue confiteri, ut Deo & fidei gloriosum consulo; tacere, ut peccaminosum per se non damno.

19. Voluntas non potest efficere, ut assensus fidei in seipso sit magis firmus, quam mereatur pondus rationum ad assensum implentium.

20. Hinc potest quis prudenter repudiare assensum, quem habebat supernaturalem.

21. Assensus fidei supernaturalis, & utilis ad salutem stat cum noticia solum probabili revelationis; imo cum formidine, quæ quis formidet, ne non sit locutus Deus.

22. Non nisi fides unius Dei necessaria videtur necessitate medii, non autem explicita Remuneratoris.

23. Fides late dicta ex testimonio Creaturæ, similive motivo ad justificationem sufficit.

24. Vocare Deum in testem mendacii levis, non est tanta irreverentia, propter quam velit, aut possit damnare hominem.

25. Cum causa licitum est jurare sine animo jurandi, sive res sit levis, sive gravis.

26. Si quis, vel solus, vel coram aliis, sive interrogatus, sive propria sponte, sive recreationis causa, sive quocumque alio fine juret, se non fecisse aliquid, quod revera fecit, intelligendo intra se aliquid aliud, quod non



non fecit, vel aliam viam ab ea, in qua facit, vel quodvis aliud additum verum, revera non mentitur, nec est perjurus.

27. Causa iusta utendi his amphibologiis est, quoties id necessarium, aut utile est ad salutem corporis, honores, res familiares tuendas, vel ad quemlibet alium virtutis actum, ita ut veritatis occultatio censeatur tunc expediens & studiosa.

28. Qui mediante commendatione, vel munere ad Magistratum, vel Officium publicum promotus est, poterit cum restrictione mentali prestare iuramentum, quod de mandato Regis à similibus solet exigi, non habito respectu vel ad intentionem exigentis, quia non tenetur fateri crimen occultum.

29. Urgens metus gravis est causa iusta Sacramentorum administrationem simulandi.

30. Fas est viro honorato occidere invasorem, qui nititur calumniam inferre, si aliter hæc ignominia vitari nequit; idem quoque dicendum, si quis impingat alapam, vel fuste percutiat, & post impactam alapam, vel ictum fustis fugiat.

31. Regulariter occidere possum furem pro conservatione unius aurei.

32. Non solum licitum est defendere defensione occisiva, quæ actu possidemus, sed etiam ad quæ jus inchoatum habemus, & quæ nos posseffuros speramus.

33. Licitum est tam hæredi, quam legatario contra injuste impediens, ne vel hæreditas adeatur, vel legata solvantur, se taliter defendere: sicut & jus habenti in Cathedram, vel Præbendam contra eorum possessionem injuste impediens.

34. Licet procurare abortum ante animationem fœtus, ne puella deprehensa gravida occidatur aut infametur.

35. Videtur probabile, omnem fœtum quandiu in utero est, carere animæ rationali, & tunc primum incipere eandem habere, cum paritur, ac consequenter dicendum erit, in nullo abortu homicidium committi.

36. Permissum est furari, non solum in extrema necessitate, sed etiam in gravi.

37. Famuli, & famulæ domesticæ possunt occulte hæris suis surripere ad compensandam operam suam, quam maiorem iudicant salario, quod recipiunt.

38. Non tenetur quis sub pœna peccati mortalis restituere, quod ablatum est per pauca furta, quantumcunque sit magna summa totalis.

39. Qui alium movet, aut inducit ad inferendum grave damnum tertio, non tenetur ad restitutionem illius damni illati.

40. Contractus Mohatra licitus est, etiam respectu ejusdem personæ; & cum contractu retrovenditionis prævie inito, cum intentione lucri.

41. Cum numerata pecunia pretiosior sit numeranda, & nullus sit, qui non majoris faciat pecuniam præsentem, quam futuram, potest creditor aliquid ultra sortem a mutuuario exigere, & eo titulo ab usura excusari.

42. Usura non est, dum ultra sortem aliquid exigitur, tanquam ex benevolentia, & gratitu-

dine debitum, sed solum, si exigatur tanquam ex iustitia debitum.

43. Quidni nonnisi veniale sit, detrahentis auctoritatem magnam sibi noxiam falso crimine elidere?

44. Probabile est, non peccare mortaliter, qui imponit falsum crimen alicui, ut suam iustitiam, & honorem defendat. Et si hoc non sit probabile, vix ulla erit opinio probabilis in Theologia.

45. Dare temporale pro spirituali non est simonia, quando temporale non datur tanquam pretium, sed dumtaxat tanquam motivum conferendi, vel efficiendi spirituale, vel etiam quando temporale sit solum gratuita compensatio pro spirituali, aut econtra.

46. Et id quoque locum habet, etiam si temporale sit principale motivum dandi spirituale: imo etiam si sit finis ipsius spiritualis, sic ut illud pluris æstimetur, quam res spiritualis.

47. Cum dixit Concilium Tridentinum, eos alienis peccatis communicantes mortaliter peccare, qui, nisi quos digniores, & Ecclesiæ magis utiles, ipsi judicaverint, ad Ecclesias promovent, Concilium, vel primo videtur per hos digniores non aliud significare velle, nisi dignitatem eligendorum sumpto comparativo pro positivo; vel secundo locutione minus propria ponit digniores, ut excludat indignos; vel tandem loquitur, quando fit concursus.

48. Tam clarum videtur, fornicationem secundum se nullam involvere malitiam, & solum esse malam, quia interdicta, ut contrarium omnino rationi dissonum videatur.

49. Mollicies jure naturæ prohibita non est; unde si Deus eam non interdixisset, sæpe esset bona, & aliquando obligatoria sub mortali.

50. Copula cum conjugata, consentiente marito non est adulterium, adeoque sufficit in confessione dicere, se esse fornicatum.

51. Famulus, qui submissis humeris scienter adjuvat herum suum ascendere per fenestras ad stuprandam virginem, & multoties eidem subservit deferendo scalam, aperiendo januam, aut quid simile cooperando, non peccat mortaliter, si id faciat metu notabilis detrimenti, puta, ne a domino male tractetur, ne torvis oculis aspiciatur, ne domo expellatur.

52. Præceptum servandi Festa non obligat sub mortali, seposito scandalo, si absit contemptus.

53. Satisfacit præcepto Ecclesiæ de audiendo Sacro, qui duas ejus partes, imo quatuor simul à diversis celebrantibus audit.

54. Qui non potest recitare Matutinum, & Laudes, potest autem reliquas Horas, ad nihil tenetur, quia major pars trahit ad se minorem.

55. Præcepto Communionis annuæ satisficit per sacrilegam Domini manducationem.

56. Frequens Confessio, & Communio, etiam in his, qui gentiliter vivunt, est nota prædestinationis.

57. Probabile est, sufficere attritionem naturalem, modo honestam.

58. Non tenemur Confessario interroganti fateri peccati alicujus consuetudinem.

(b) 2

59. Li-

59. Licet sacramentaliter absolvere dimidiate tantum confessos ratione magni concursus pœnitentium, qualis v. g. potest contingere in die magnæ alicujus Festivitatæ, aut Indulgentiæ.

60. Pœnitenti habenti consuetudinem peccandi contra legem Dei, naturæ, aut Ecclesiæ, etsi emendationis spes nulla appareat, nec est neganda, nec differenda absolutio, dummodo ore proferat, se dolere, & proponere emendationem.

61. Potest aliquando absolvi, qui in proxima occasione peccandi versatur, quam potest & non vult omittere, quinimo directè & ex proposito querit, aut ei se ingerit.

62. Proxima occasio peccandi non est fugienda, quando causa aliqua utilis, aut honesta non fugiendi occurrit.

63. Licitum est querere directè occasionem proximam peccandi pro bono spirituali, vel temporali nostro, vel proximi.

64. Absolutionis capax est homo, quantumvis laboret ignorantia mysteriorum Fidei; & etiam si per negligentiam, etiam culpabilem nesciat mysterium sanctissimæ Trinitatis, & Incarnationis Domini Nostri JESU Christi.

65. Sufficit illa mysteria semel credidisse.

Quicumque autem cujusvis conditionis, status & dignitatis illas, vel illarum aliquam conjunctim, vel divisim defenderit, vel ediderit, vel de iis disputative publice, aut privatim tractaverit, vel prædicaverit, nisi forsan impugnando, ipso facto incidat in excommunicationem latæ sententiæ, a qua non possit (præterquam in articulo mortis) ab alio quacumque etiam dignitate

fulgente, nisi pro tempore existente Romano Pontifice, absolvi.

Insuper districtè in virtute sanctæ Obedientiæ, & sub interminatione divini Judicii prohibet omnibus Christi fidelibus, cujuscumque conditionis, dignitatis, & status, etiam speciali, & specialissima nota dignis, ne prædictas opiniones, aut aliquam ipsarum ad praxim deducant.

Tandem, ut ab injuriis concionibus Doctores, Scholastici, aut alii quicumque impofterum se abstineant, & ut paci, & charitati consulatur, idem Sanctissimus in virtute sanctæ Obedientiæ eis præcipit, ut tam in libris imprimendis, ac manuscriptis, quam in Thesibus, Disputationibus, ac prædicationibus caveant ab omni censura, & nota; nec non a quibuscumque convitiis contra eas Propositiones, quæ adhuc inter Catholicos hinc inde controvertuntur, donec a Sancta Sede recognita super iisdem Propositionibus judicium proferatur.

Loco † Sigilli. *Franciscus Richard. S. Romana, & Universalis Inquisitionis Not.*

*Anno a Nativitate D. N. JESU Christi 1679. Indiæ. 2. die vero 4. Mensis Martii, Pontificatus autem SS. in Christo Patris, & D. N. D. Innocentii, Divina Providentia Pape XI. anno tertio, supra dictum Decretum affixum, & publicatum fuit ad valvas Basilicæ Principis Apostolorum, Cancellaria Apostolica, ac in acie Campi Floræ, ac in aliis locis solitis, & consuetis Urbis per me Franciscum Perinum, ejusdem SS. D. N. & Sanctissimi Inquisitionis Curso-rem.*

Romæ, Typis Rev. Cameræ Apost. 1679.

## DECRETUM II. INNOCENTII XI.

Circa Communionem quotidianam.

Cum ad aures Sanctissimi D. N. fide dignorum testimonio pervenerit, in quibusdam Diœcesibus vigere usum quotidianæ Communionis, etiam in Feria sexta Parasceve, & simul affirmari eandem quotidianam Communionem præceptam esse a jure Divino, quin etiam in illius administratione aliquos abusus inolevisse, videlicet, quod aliqui, non in Ecclesia, sed in privatis Oratoriis, & domi, imo cubantes in lecto, & non laborantes ulla gravis infirmitatis nota, sumant Sacrosanctam Eucharistiam, quam argentea theca inclusam, in crumena, aut secreto illis deferunt Sacerdotes Sæculares, aut Regulares, alique in Communionem accipientes plures formas ac particulas, vel grandiores solito, ac tandem quis confiteatur peccata venialia simplici Sacerdoti, non approbato ab Episcopo, aut Ordinario. Cum autem hæc Sanctissimus consideranda commiserit Sac. Cong. Cardinalium, Concil. Tridentini Interpretum, eadem Sac. Cong. prævia matura discussione super prædictis unanimi sententia ita censuit: Etsi frequens, quotidianusve Sacrosanctæ Eucharistiæ usus a SS. Patribus fuerit semper in Ecclesia probatus; numquam tamen,

aut sæpius illam percipiendi, aut ab ea abstinendi, certos singulis mensibus aut hebdomadis dies statuerunt, quod nec Conc. Trid. præscripsit, sed quasi humanam infirmitatem secum reputaret, nihil præcipiens, quid cuperet tantum indicavit, cum inquit: Optaret quidem Sacrosancta Synodus, ut singulis Missis fideles adstantes Sacramentali Eucharistiæ perceptione communicarent. Idque non immerito, multiplices enim sunt conscientiarum recessus, variaz ob negotia spiritus alienationes, multæ econtra gratiæ, & Dei dona parvulis concessa: quæ cum humanis oculis scrutari non possumus, nihil certe de cujusque dignitate atque integritate, & consequenter de frequentiori aut quotidiano vitalis panis esu potest constitui. Et propterea quod ad negotiatores ipsos attinet, frequens ad Sacram alimoniam percipiendam accessus, Confessariorum secreta cordis explorantium judicio est relinquendus, qui ex conscientiarum puritate, & frequentiaz fructu, & ad pietatem processu Laicis negotiatoribus, & Conjugatis, quod prospicient eorum saluti profuturum, id illis præscribere debebunt. In Conjugatis autem hoc amplius animadvertent,

cum

cum B. Apostolus nolit eos invicem fraudari, nisi forte ex consensu ad tempus, ut vacent orationi, eos serio admoneant, tanto magis ob Sacratissimæ Eucharistiæ reverentiam continentia vacandum, puriorque mente ad cœlestium Epularum Communionem esse conveniendum. In hoc igitur Pastorum diligentia potissimum invigilabit, non ut a frequenti, aut quotidiana Sacra Communionis sumptione unica præcepti formula aliqui deterreantur, aut sumendi dies generaliter constituentur, sed magis, quid singulis permitendum per se aut Parochos, seu Confessarios sibi decernendum putet; illudque omnino provideat, ut nemo a Sacro Convivio, seu frequenter, seu quotidie accesserit, repellatur, & nihilominus det operam, ut unusquisque digne pro devotionis, & præparationis modo rarius aut crebrius Dominici Corporis suavitatem degustet. Itidem Moniales quotidie Sacram Communionem petentes admonendæ erunt, ut in diebus earum Ordinis instituto præstitutis communicent; Si quæ vero puritate mentis eniteant, & fervore spiritus ita incaluerint, ut dignæ frequentiori, aut quotidiana SS. Sacramenti perceptione videri possint, id illis a Superioribus permittatur. Proderit etiam præter Parochorum, & Confessariorum diligentiam, opera quoque Concionatorum uti, & cum eis constitutum haberi, ut cum fideles ad SS. Sacramenti frequentiam (quod facere debent) accenderint, statim de magna ad illud sumendum præparatione orationem habeant, generatimque, eos, qui ad frequentiore, aut quotidianam salutiferi Cibi sumptionem devoto studio excitantur, debere, sive Laici negotiatores sint, sive conjugati, sive quicumque alii suam agnoscere infirmitatem, ut dignitate Sacramenti, ac Divini Judicii formidine discant cœlestem mensam, in qua Christus est, revereri: & si quando se minus paratos senserint, ab eo abstinere, seque ad majorem præparationem accingere. Episcopi autem, in quorum Diœcesibus viget hujusmodi devotio erga SS. Sacramentum, pro illa gratias Deo agant, eamque ipsi adhibito prudentiæ, & judicii temperamento alere debebunt, & ab eorum officio postulari sibi maxime persuadebunt, nulli labori, aut diligentia parcendum, ut omnis irreverentia & scandali suspicio in veri, & immaculati Agni perceptione tollatur, virtutesque, ac dona in sumentibus augeantur: quod abunde continget, si ii, qui devoto hujusmodi studio, Divina præstante gratia, tenentur, seque Sacratissimo,

Pane frequentius refici cupiunt, suas vires expendere, seque probare cum timore, & charitate assueverint: Quibus Christum Dominum, qui se fidelibus manducandum, & se pretium in morte tradidit, atque in cœlesti Regno se præmium est daturus, precatur Sacra Congregatio, ut suam opem ad dignam præparationem, & sumptionem largiatur. Porro Episcopi, & Parochi, seu Confessarii redarguat asserentes, Communionem quotidianam esse de Jure Divino, doceant in Ecclesia, seu Oratoriis privatis, ex dispensatione, seu Privilegio Pontificis de manu Sacerdotis sumendam SS. Eucharistiam, nec eam ullo modo deferendam in crumena, aut secreto ad existentes domi, vel cubantes in lecto; quam ad infirmos, qui ad illam suscipiendam ad loca prædicta accedere non valeant, & ad eos, si ab Ecclesia deferatur, publice, & cum pompa juxta formam Ritualis Romani: Si vero ab Oratorio privilegiato, cum forma decenti. Curent etiam, ut circa Communionem in Feria 6. Parasceve, Missalis Rubricæ, & Ecclesiæ Romanæ usus serventur. Insuper admoneant, nulli tradendas plures Eucharistiæ Formas, seu particulas, neque grandiores, sed consuetas. Non permittant, ut venialium Confessio fiat simplici Sacerdoti, non approbato ab Episcopo, aut Ordinario. Si Parochi, & Confessarii, etiam Regulares, aut quicumque alii Sacerdotes, secus egerint, sciant, Deo Optimo Maximo rationem reddituros esse, neque defuturam Episcoporum, & Ordinariorum justam ac rigorosam animadversionem in contrafacientes, etiam Regulares etiam Societatis JESU, facultate ipsis Episcopis, & Ordinariis per hoc Decretum per Sedem Apostolicam specialiter attributa.

Et facta de præmissis omnibus, ac de verbo ad verbum relatione, Sanctitas Sua approbavit, ac præsens Decretum Typis dari, ac publicari voluit. In quorum, &c. Datum Romæ 12. Februarii 1679.

F. Card. Columna Præf.

F. Archiep. Brancacius Episc. Viterbiens. Secr.

*Die 15. Mensis Febr. 1679. suprad. Decretum affixum, & publicatum fuit per Urbem ad valvas Curia, & in acie Campi Flora, ut moris est, per me Agidium Felicem SS. D. N. PP. Cursorem. Pro D. Magistro Curforum Gregorius Scagius, Apost. Curfor.*

## DECRETUM I.

### ALEXANDRI DIVINA PROVIDENTIA PAPÆ VIII.

Circa duas Propositiones de Peccato Morali. Feria V. die 24. Aug. 1690.

**S**ANCTISSIMUS D. N. ALEXANDER Papa VIII. non sine magno animi sui mœrore audivit duas Theses seu Propositiones, unam denuo, & in majorem Fidelium perniciem suscitari, alteram de novo erumpere, & cum sui Pastoralis Officii munus sit, oves sibi creditas a noxiis pascuis avertere, & ad salutaria semper erigere, dictarum

Thesium, sive Propositionum examen pluribus in Sacra Theologia Magistris, & deinde Eminentissimis, & Reverendissimis DD. Cardinalibus Inquisitoribus sedulo commisit, qui pluries remature discussa infra scriptis Thesibus seu Propositionibus super unaquaque ipsarum sua suffragia Sanctitati Sux sigillatim exposuerunt.

(b) 3


I. Boni-

I. Bonitas objectiva consistit in convenientia objecti cum natura rationali; Formalis vero in conformitate actus cum Regula morum: Ad hoc sufficit, ut actus moralis tendat in finem ultimum interpretative: HUNC HOMO NON TENETUR AMARE, NEQUE IN PRINCIPIO, NEQUE IN DECURSU VITÆ SUÆ MORALIS.

II. Peccatum Philosophicum seu morale, est Actus humanus disconveniens naturæ rationali, & rectæ rationi: Theologicum vero, & mortale, est Transgressio libera Divinæ Legis. Philosophicum, quantumvis grave, in illo, qui Deum, vel ignorat, vel de Deo actu non cogitat, est grave peccatum, sed non est offensa Dei, neque peccatum mortale dissolvens amicitiam Dei, neque æterna pœna dignum.

Quibus peractis, Sanctissimus, omnibus plene, & mature consideratis, primam Thesin, seu Propositionem declaravit hæreticam, & uti talem damnandam, & prohibendam esse, sicuti da-

mnat, & prohibet sub Censuris, & pœnis contra hæreticos, & eorum fautores in Jure expressis. Secundam Thesin seu Propositionem declaravit scandalosam, temerariam, piarum aurium offensivam, & erroneam, & uti talem damnandam, & prohibendam esse, sicuti damnat, & prohibet, ita ut quicumque illam docuerit, defenderit, ediderit, aut de ea etiam disputaverit publice, seu privatim tractaverit, nisi forsan disputando, ipso facto incidat in excommunicationem, a qua non possit (præterquam in articulo mortis) ab alio, quacumque etiam dignitate fulgente, nisi a pro tempore existente Romano Pontifice, absolvi. Insuper districte in virtute sanctæ Obedientiæ, & sub interminatione Divini Judicii, prohibet omnibus Christi fidelibus cujuscumque conditionis, Dignitatis, & Status etiam speciali, & specialissima nota dignis, ne prædictam Thesin seu Propositionem ad praxin deducant.



## D E C R E T U M II. A L E X A N D R I VIII.

Maxime circa Sacramentum Pœnitentiæ. FERIA V. die 7. Decembris 1690.

*In Congregatione Generali Sanctæ Romanæ & Universalis Inquisitionis, habita in Palatio Montis Quirinalis, coram Sanctissimo D. N. D. ALEXANDRO Divina Providentia PAPA VIII. ac Eminentissimis & Reverendissimis DD. S. R. E. Cardinalibus in tota Republica Christiana contra hæreticam pravitatem Generalibus Inquisitoribus, a Sancta Sede Apostolica specialiter deputatis.*

**S**anctissimus D. N. ALEXANDER Divina Providentia Papa VIII. prædictus, pro pastoralis cura ovium a Christo Domino sibi commissa de earum salute sollicitus, ut inoffenso gradu per rectas semitas possint incedere, & pascua nimium perniciofa in pravis doctrinis exhibitata vitare, unius supra triginta Propositionum examen pluribus in Sacra Theologia Magistris, & deinde Eminentissimis, ac Reverendissimis, D. D. Cardinalibus contra hæreticam pravitatem Generalibus Inquisitoribus commisit, qui tantum negotium diligenter aggressi, eique sedulo ac pluries incumbentes, super unaquaque ipsarum sua suffragia Sanctitati suæ sigillatim detulerunt.

### PROPOSITIONES.

1. **I**N statu naturæ lapsæ ad peccatum mortale, & demeritum sufficit illa libertas, qua voluntarium ac liberum fuit in causa sua peccato originali, & voluntate Adami peccantis.

2. Tametsi detur ignorantia invincibilis juris naturæ, hæc in statu naturæ lapsæ operantem ea ipsa non excusat a peccato formali.

3. Non licet sequi opinionem, vel inter probabiles probabilissimam.

4. Dedit semetipsum pro nobis oblationem

Deo, non pro solis Electis, sed pro omnibus, & solis Fidelibus.

5. Pagani, Judæi, Hæretici, alique hujus generis nullum omnino accipiunt a JESU Christo influxum, adeoque hinc recte inferes, in illis esse voluntatem nudam, & inermem, sine omni gratia sufficienti.

6. Gratia sufficiens statui nostro non tam utilis, quam perniciofa est, sic ut proinde merito possimus petere: a gratia sufficiente *Libera nos Domine.*

7. Omnis humana actio deliberata, est Dei dilectio, vel mundi; si Dei, charitas Patris est: si mundi, concupiscentia carnis, hoc est, mala est.

8. Necessè est, infidelem in omni opere peccare.

9. Revera peccat, qui odio habet peccatum mere ob ejus turpitudinem, & disconvenientiam cum natura, sine ullo ad Deum offensum respectu.

10. Intentio, qua quis detestatur malum, & prosequitur bonum, mere ut cœlestem obtineat gloriam, non est recta, nec Deo placens.

11. Omne, quod non est ex fide Christianorum supernaturali, quæ per dilectionem operatur, peccatum est.

12. Quan-

12. Quando in magnis peccatoribus deficit omnis amor, deficit etiam fides, & etiamsi videntur credere, non est fides Divina, sed humana.

13. Quisquis etiam æternæ mercedis intuitu Deo famulatur, charitate si caruerit, vicio non caret, quoties intuitu licet beatitudinis operatur.

14. Timor gehennæ non est supernaturalis.

15. Attritio, quæ gehennæ, & pœnarum metu concipitur, sine dilectione benevolentiae Dei propter se, non est bonus motus ac supernaturalis.

16. Ordinem præmittendi satisfactionem Absolutioni, induxit non politia, aut institutio Ecclesiæ, sed ipsa Christi lex, & præscriptio, natura rei idipsum quodammodo dictante.

17. Per illam praxim mox absolvendi, ordo Pœnitentiæ est inversus.

18. Consuetudo moderna quoad administrationem Sacramenti Pœnitentiæ, etiamsi eam plurimorum hominum sustentet auctoritas, & multi temporis diuturnitas confirmet, nihilominus ab Ecclesia non habetur pro usu, sed abusu.

19. Homo debet agere tota vita pœnitentiam pro peccato originali.

20. Confessiones apud Religiosos factæ, pleerque vel sacrilegæ sunt, vel invalidæ.

21. Parochianus potest suspicari de Mendicantibus, qui elemosynis communibus vivunt, de imponenda nimis levi, & incongrua pœnitentia, seu satisfactione, ob quæstum seu lucrum subsidii temporalis.

22. Sacrilegi sunt iudicandi, qui jus ad Communionem percipiendam prætendunt, antequam condignam de delictis suis pœnitentiam egerint.

23. Similiter arcendi sunt a Sacra Communionem, quibus nondum inest amor Dei purissimus, & omnis mixtionis experts.

24. Oblatio in templo, quæ fiebat a Beata Virgine Maria in die Purificationis suæ per duos pullos columbarum, unum in holocaustum, & alterum pro peccatis, sufficienter testantur, quod indiguerit Purificatione, & quod Filius, qui offerebatur, etiam macula Matris maculatus esset secundum verba legis.

25. Dei Patris sedentis simulacrum nefas est Christianò in templo collocare.

26. Laus, quæ deferretur Mariæ, ut Mariæ, vana est.

27. Valuit aliquando Baptismus sub hac forma collatus: *In nomine Patris, &c.* prætermisiss illis, *Ego te baptizo.*

28. Valet Baptismus collatus a Ministro, qui omnem ritum externum, formamque baptizandi observat, intus vero in corde apud se resolvit, *Non intendo facere, quod facit Ecclesia.*

29. Futilis & toties convulsa est assertio de Pontificis Romani supra Concilium Oecumeni-

cum Auctoritate, atque in Fidei Quæstionibus decernendis infallibilitate.

30. Ubi quis invenerit doctrinam in Augustino clare fundatam, illam absolute potest tenere & docere, non respiciendo ad ullam Pontificis Bullam.

31. Bulla Urbani VIII. *In eminenti*, est subreptitia.

Quibus mature consideratis idem Sanctissimus statuit & decrevit, 31. supradictas Propositiones tamquam temerarias, scandalosas, male sonantes, injuriosas, Hæresi proximas, Hæresim sapientes, erroneas, Schismaticas, & Hæreticas respective esse damnandas & prohibendas, sicut eas damnat & prohibet, ita, ut quicumque illas aut conjunctim, aut divisim docuerit, defende-rit, ediderit, aut de iis etiam disputative, publice, aut privatim tractaverit, nisi forsan impugnando, ipso facto incidat in Excommunicationem, a qua non possit (præterquam in articulo mortis) ab alio quacumque etiam dignitate fulgente, nisi a pro tempore existente Romano Pontifice absolvi.

Insuper districte in virtute sanctæ Obedientiæ & sub interminatione Divini Judicii prohibet omnibus Christi fidelibus, cujuscumque conditionis, dignitatis, & status etiam speciali & specialissima nota dignis, ne prædictas opiniones, aut aliquam ipsarum ad praxim deducant.

Non intendit tamen Sanctitas Sua per hoc Decretum alias Propositiones in majori numero ultra supradictas 31. jam exhibitas, & in hoc Decreto non expressas approbare.

*Alexander Sponus S. Romana & Universalis Inquisitionis Noi.*

Loco Sigilli.

*Anno a Nativitate D. N. JESU Christi millesimo sexcentesimo nonagesimo, Indictione 13. die 29. Decemb. Pontificatus autem SS. D. N. D. Alexandri, Divina Providentia Papa VIII. anno secundo, supradictum Decretum affixum, & publicatum fuit ad valvas Basilicæ Principis Apostolorum, Palatii S. Officii, in acie Campi Flora, ac in aliis locis solitis, & consuetis Urbis per Franciscum Perinum SS. D. PP. & Sanctissimæ Inquisitionis Curatorem.*

Joannes Baptista de Comitibus,  
Mag. Curs.

PROPO-



PROPOSITIONES DAMNATÆ CIRCA LIBERUM ARBITRIUM,  
GRATIAM DIVINAM, ET CHARITATEM A POTIORI RESPICIENTES  
THEOLOGIAM SPECULATIVAM, ET DOGMATICAM.

SANCTI PII V.

Constitutio innovata per GREGORIUM XIII. contra Michaellem Bajum, uti sequitur :

GREGORIUS EPISCOPUS

Servus Servorum DEI ad perpetuam rei memoriam.

*Provisionis nostra debet provenire subsidio, ut ea, qua a Prædecessoribus Nostri emanarunt, suadente maxime Fidei Catholica conservatione, ubicumque ipsis opus est, producat. Quare Nos tenorem litterarum felic. record. PII V. Papa Prædecessoris Nostri in ejus Registro repertum, describi, & præsentibus annotari fecimus, qui talis est.*

**P**IUS Episcopus Servus Servorum DEI. Ad perpetuam rei memoriam. Ex omnibus afflictionibus, quas in hoc loco a Domino constituti, tam luctuoso tempore sustinemus, ille animus nostram præcipue excruciat dolor, quod Religio Christiana tantis jam pridem turbinibus agitata, novis quotidie propositis opinionibus conficitur, Christi que populus, antiqui hostis suggestionibus dissecus, in alios atque alios errores passim & promissive deferatur. Quantum vero ad Nos attinet, totis viribus conamur, ut illi simul atque proficiant, penitus opprimantur: magno enim mæore afficimur, quod plerique spectata aliquin probitatis & doctrina, in varias Sententias, offensionis & periculi plenas, tum verbo, cum scriptis, prorumpunt, deque eis etiam in scholis invicem controuersantur, cujusmodi sunt sequentes :

1. Nec Angeli, nec primi hominis adhuc integri merita recte vocantur Gratia.
2. Sicut opus malum ex Natura sua est mortis æternæ meritorium, sic bonum opus ex natura sua est vitæ æternæ meritorium.
3. Et bonis Angelis & primo homini, si in statu illo permanissent usque ad ultimum vitæ, felicitas esset merces & non Gratia.
4. Vita æterna homini integro & Angelo promissa fuit intuitu bonorum operum, & bona opera ex lege naturæ ad illam consequendam per se sufficiunt.
5. In promissione facta Angelo & primo homini continetur naturalis justitiæ constitutio, qua pro bonis operibus, sine alio respectu, vita æterna iustis promittitur.
6. Naturali lege constitutum fuit homini, ut si in Obedientia perseveraret, ad eam vitam pertransiret, in qua mori non posset.
7. Primi hominis integri merita fuerunt primæ creationis munera, sed juxta modum loquendi Scripturæ Sacræ non recte vocantur Gratiæ, quo fit, ut tantum merita, non etiam Gratiæ debeant nuncupari.
8. In redemptis per gratiam Christi nullum inveniri potest bonum meritum, quod non sit gratis indigno collatum.
9. Dona concessa homini integro & Angelo forsitan non improbanda ratione possunt dici Gratia, sed quia secundum usum Scripturæ nomine Gratiæ tantum ea munera intelliguntur, quæ per JESUM male merentibus & indignis conferuntur, ideo neque merita, nec merces, quæ illis redditur, Gratia dici debet.
10. Solutionem pænæ temporalis, quæ pecca-

to dimisso sæpe manet, & corporis resurrectionem proprie nonnisi meritis Christi adscribendam esse.

11. Quod pie & juste in hac vita mortali usque in finem conversati, vitam consequimur æternam, id non proprie Gratiæ DEI, sed ordinationi naturali, statim initio creationis constitutæ justo DEI Judicio deputandum est: nec in hac retributione bonorum, ad Christi meritum respicitur, sed tantum ad primam Institutionem generis humani, in qua lege naturali institutum est, ut justo DEI Judicio Obedientiæ mandato-rum vita æterna reddatur.

12. Pelagii Sententia est: Opus bonum citra Gratiam adoptionis factum, non est Regni Cælestis meritorium.

13. Opera bona a Filiis adoptionis facta non accipiunt rationem meriti ex eo, quod fiunt per Spiritum adoptionis, inhabitantem corda filiorum Dei, sed tantum ex eo, quod sunt conformia legi, quodque per ea præstatur obedientia legis.

14. Opera bona, justorum non accipient in die Judicii extremi amplio-rem mercedem, quam justo DEI judicio mereretur accipere.

15. Dicit, rationem meriti non consistere in eo, quod, qui bene operatur, habeat gratiam & inhabitantem Spiritum Sanctum, sed in eo solum, quod obedit Divinæ legi: quam Sententiam sæpius repetit, & multis rationibus probat fere toto libro.

16. In eodem libro sæpius repetit: Quod non est vera legis obedientia, quæ sit sine charitate.

17. Dicit, sentire cum Pelagio, qui dicunt esse necessarium ad rationem meriti, ut homo per gratiam adoptionis sublimetur ad statum Dei-ficum.

18. Dicit, opera Catechumenorum, ut Fidem & Pœnitentiam ante remissionem peccatorum factam, esse vitæ æternæ merita, quam vitam non consequentur Catechumeni, nisi prius præcedentium delictorum impedimenta tollantur.

19. Videtur insinuare, quod opera justitiæ & temperantiæ, quæ Christus fecit, ex dignitate Personæ operantis non traxerint majorem valorem.

20. Nullum est peccatum ex natura sua veniale, sed omne peccatum meretur pœnam æternam.

21. Humanæ naturæ sublimatio & exaltatio in consortium Divinæ Naturæ debita fuit integritati primæ conditionis, & proinde naturalis dicenda est, & non supernaturalis.

22. Cum

22. Cum Pelagio sentiant, qui Textus Apostoli ad Rom. 2. *Gentes, quæ legem non habent, naturaliter, quæ legis sunt, faciunt*, intelligunt de Gentibus Fidei Gratiam non habentibus.

23. Absurda est eorum Sententia, qui dicunt, hominem ab initio dono quodam supernaturali gratuitoque supra conditionem naturæ fuisse exaltatum, ut Fide, Spe, Charitate Deum supernaturaliter coleret.

24. A vanis & otiosis hominibus secundum insipientiam Philosophorum excogitata est sententia, hominem ab initio sic constitutum, ut per dona naturæ superaddita fuerit largitate Conditoris sublimatus, & in Dei Filium adoptatus.

25. Omnia opera infidelium sunt peccata, & Philosophorum virtutes sunt vitia.

26. Integritas primæ Creationis non fuit indubitata humanæ naturæ exaltatio, sed naturalis ejus conditio; quam sententiam repetit & probat per plura Capitula.

27. Liberum Arbitrium sine gratiæ Dei adjutorio, non nisi ad peccandum valet.

28. Pelagianus est error, dicere, quod liberum arbitrium valet ad ullum peccatum vitandum.

29. Non solum fures ii sunt & latrones, qui Christum viam, ostium veritatis & vitæ negant, sed etiam quicumque aliunde, quam per Christum in viam justitiæ, hoc est ad aliquam justitiam conscendi posse, dicunt.

30. Aut qui docent, tentationi ulli sine gratiæ ipsius adjutorio resistere hominem posse, sic, ut in eam non inducatur, aut ab ea superetur.

31. Charitas perfecta & sincera, quæ est ex corde puro & conscientia bona, & Fide non ficta, tam in Catechumenis, quam in pœnitentibus potest esse sine remissione peccatorum.

32. Charitas illa, quæ est plenitudo legis, non est semper conjuncta cum remissione peccatorum.

33. Catechumenus juste, recte, & sancte vivit, & mandata Dei observat, ac legem implet per charitatem, ante obtentam remissionem peccatorum, quæ in Baptismi lavacro demum percipitur.

34. Distinctio illa duplicis amoris naturalis, videlicet, quo Deus amatur ut auctor naturæ, & gratuiti, quo Deus amatur ut Beatificator, vana est, commentitia & ad illudendum sacris litteris & plurimis veterum testimoniis excogitata.

35. Omne, quod agit peccator vel servus peccati, peccatum est.

36. Amor naturalis, qui ex viribus naturæ exoritur, ex sola Philosophia per elationem præsumptionis humanæ cum injuria Crucis Christi defenditur a nonnullis Doctoribus.

37. Cum Pelagio sentit, qui bonum aliquod naturale, hoc est, quod ex naturæ solis viribus ortum ducit, agnoscit.

38. Omnis amor Creaturæ rationalis, aut vitiosa est cupiditas, qua mundus diligitur, quæ a Joanne prohibetur: aut laudabilis illa charitas, qua per Spiritum S. in corde diffusa Deus amatur.

39. Quod voluntarie fit, etiam si necessitate fiat, liberum tamen fit.

40. Suis actibus peccator servit dominanti cupiditati.

41. Is libertatis modus, qui est a necessitate, sub libertatis nomine non reperitur in Scripturis, sed solum nomen libertatis a peccato.

42. Justitia, qua justificatur per fidem impius, consistit formaliter in obedientia mandatorum, quæ est operum Justitia, non autem in gratia aliqua animæ infusa, qua adoptatur homo in Filium DEI & secundum interiorem hominem renovatur, ac Divinæ naturæ confors efficitur, ut sic per Spiritum Sanctum renovatus deinceps bene vivere, & DEI mandatis obedire possit.

43. In hominibus pœnitentibus ante Sacramentum Absolutionis, & in Catechumenis ante Baptismum est vera justificatio, separata tamen a remissione peccatorum.

44. Operibus plerisque, quæ a fidelibus fiunt, ut mandatis DEI pareant, cujusmodi sunt: obedire parentibus, depositum reddere, ab homicidio, a furto, a fornicatione abstinere, justificantur quidem homines, quia sunt legis obedientiæ, & veræ legis Justitiæ, non tamen iis obtinent incrementa virtutum.

45. Sacrificium Missæ non alia ratione est Sacrificium, quam Generali illa, qua omne opus, quod fit, ut Sancta Societas DEO homo inhæreat.

46. Ad rationem & definitionem peccati non pertinet voluntarium, nec definitionis quæstio est, sed causæ & originis, utrum omne peccatum debeat esse voluntarium.

47. Unde peccatum originis verè habet rationem peccati sine ulla relatione ac respectu ad voluntatem, a qua originem habuit.

48. Peccatum originis est habituali parvuli voluntate voluntarium, & habitualiter dominatur parvulo, eo quod non gerit contrarium voluntatis arbitrium.

49. Et ex habituali voluntate dominante fit, ut parvulus decedens sine regenerationis Sacramento, quando usum rationis consecutus erat, actualiter Deum odio habeat, Deum blasphemet, & legi DEI repugnet.

50. Prava desideria, quibus ratio non consentit, & quæ homo invitus patitur, sunt prohibita præcepto: *Non concupisces*.

51. Concupiscentia sive lex membrorum, & prava ejus desideria, quæ inviti sentiunt homines, sunt vera legis inobedientia.

52. Omne scelus ejus est conditionis, ut suum Auctorem & omnes posteros eo modo inficere possit, quò infecit prima transgressio.

53. Quantum est ex vi transgressionis, tantum meritorum malorum a generante contrahunt, qui cum minoribus nascuntur vitiis, quam qui cum majoribus.

54. Definitiva hæc sententia, Deum homini nihil impossibile præcepisse, falso tribuitur Augustino, cum Pelagii sit.

55. Deus non potuisset ab initio talem creare hominem, qualis nunc nascitur.

56. In peccato duo sunt, Actus & reatus: trans-eunte autem Actu, nihil manet, nisi reatus, sive obligatio ad poenam.

(c)

37.

57. Unde in Sacramento Baptismi aut Sacerdotis Absolutione proprie reatus peccati dumtaxat tollitur, & ministerium Sacerdotum solum liberat a reatu.

58. Peccatorum pœnitens non vivificatur ministerio Sacerdotis absolventis, sed a solo DEO, qui pœnitentiam suggerens & inspirans, vivificat eum, & resuscitat, ministerio autem Sacerdotis solus reatus tollitur.

59. Quando per eleemosynas aliaque pietatis opera DEO satisfacimus pro pœnis temporalibus, non dignum pretium DEO pro peccatis nostris offerimus, sicut quidam errantes autumant: nam alioquin essemus saltem aliqua ex parte redemptores; sed aliquid facimus, cujus intuitu Christi satisfactio nobis applicatur & communicatur.

60. Per passiones Sanctorum in Indulgentiis communicatas non proprie redimuntur nostra delicta, sed per communionem charitatis nobis eorum passiones impartiuntur, ut digni simus, qui pretio sanguinis Christi a pœnis pro peccatis debitis liberemur.

61. Celebris illa Doctorum distinctio, Divina legis mandata bifariam impleri: altero modo, quantum ad præceptorum operum substantiam tantum: alterum, quantum ad certum quemdam modum, videlicet secundum quem valeant operantem perducere ad Regnum æternum, hoc est, ad modum meritum, commentitia est & explodenda.

62. Illa quoque distinctio, qua opus dicitur bifariam bonum, vel quia ex objecto & omnibus circumstantiis rectum est & bonum, quod moraliter bonum appellari consuevit; vel quia est meritum Regni æterni; eo quod fit a vivo Christi membro per Spiritum charitatis, rejicienda putatur.

63. Similiter & illa distinctio duplicis Justitiæ: alterius, quæ fit per Spiritum Charitatis inhabitantem: alterius, quæ fit ex inspiratione quidem Spiritus Sancti, cor ad pœnitentiam excitantis, sed nondum cor inhabitantis, & in eo charitatem diffundentis, qua Divina legis justificatio impletur, odiosissima & pertinacissima rejicitur.

64. Denique & illa distinctio duplicis vivificationis: alterius, qua vivificatur peccator, dum ei pœnitentia & vitæ novæ propositum, & inchoatio per DEI gratiam inspiratur: alterius, qua vivificatur, qui vere justificatur, & palmes vivus in vite Christo efficitur, commentitia judicatur, & Scripturis minime congruens.

65. Non nisi Pelagiano errore admitti potest usus aliquis liberi arbitrii bonus, sive non malus, & gratiæ Christi injuriam facit, qui ita sentit & docet.

66. Sola violentia repugnat libertati hominis naturali.

67. Homo peccat etiam damnabiliter in eo, quod necessario facit.

68. Infidelitas pure negativa in his, quibus Christus non est prædicatus, peccatum est.

69. Justificatio impii fit formaliter per obedientiam Legis, non autem per occultam communicationem & inspirationem gratiæ, quæ per eam justificatos facit implere legem.

70. Homo existens in peccato mortali, sive in reatu æternæ damnationis, potest habere veram charitatem, & charitas etiam perfecta potest consistere cum reatu æternæ damnationis.

71. Per Contritionem, etiam cum charitate perfecta, & cum voto suscipiendi Sacramentum conjunctam, non remittitur crimen (extra casum necessitatis, aut Martyrii) sine actuali susceptione Sacramenti.

72. Omnes omnino justorum afflictiones sunt ultiones peccatorum ipsorum: unde Job & Martyres, quæ passi sunt, propter sua peccata passi sunt.

73. Nemo præter Christum est absque peccato Originali: hinc Beata Virgo mortua est propter peccatum ex Adami contractum, omnesque ejus afflictiones in hac vita, sicut & aliorum Justorum, fuerunt ultiones peccati Actualis vel Originalis.

74. Concupiscentia in renatis relapsis in peccatum mortale, in quibus jam dominatur, peccatum est, sicut & alii habitus pravi.

75. Motus pravi concupiscentiæ sunt, pro statu hominis vitiati, prohibiti præcepto, *Non concupisces*; unde homo eos sentiens, & non consentiens, transgreditur præceptum, *Non concupisces*; quamvis transgressio in peccatum non deputetur.

76. Quamdiu aliquid concupiscentiæ carnalis in diligente est, non facit præceptum, *Diliges Deum tuum ex toto corde tuo*.

77. Satisfactiones laboriosæ Justificatorum non valent expiare de condigno pœnam temporalem, restantem post culpam condonatam.

78. Immortalitas primi hominis non erat gratiæ beneficium, sed naturalis conditio.

79. Falsa est Doctorum Sententia, primum hominem potuisse a DEO creari & institui sine Justitia Naturali.

*Quas quidem sententias stricto coram Nobis examine ponderatas, quamquam nonnulla aliquo pacto suscipi possent, in rigore & proprio verborum sensu ab Assertoribus intento, hereticas, erroneas, suspectas, temerarias, scandalosas, & in pias aures offensionem immitcentes, respective ac quacumque super iis, verbo scriptoque emissa presentium Auctoritate damnamus, circumscribimus, & abolemus, deque eisdem & similibus posthac, quocumque pacto loquendi, scribendi, & disputandi facultatem quibuscumque interdiciamus: Quis secus fecerint, ipsos omnibus dignitatibus, gradibus, honoribus, Beneficiis, & Officiis perpetuo privamus, ac etiam inhabiles ad quacumque decernimus, vinculo quoque anathematis eo ipso innodamus, a quo nullus Romano Pontifice inferior valeat ipsos, excepto mortis articulo, liberare. Caterum ut jam commoti his de rebus tumultus, & contracta odia facilius comprimi possint; simulque animarum saluti plenius consulatur, Dilecto Filio Nostro Antonio tituli S. Bartholomæi in Insula Presbytero Cardinali Granvelano nuncupato, per Apostolicam scripta mandamus, ut ipse, quid ad perpetuam dictarum Sententiarum & scripturarum abolitionem, quid ad arcenda hujusmodi proloquia & Disputationes, quid denique ad Unionem & pacem cum communi omnium & Ecclesia Catholica satisfactione componendum facto opus sit, in primis diligenter ex-*  
pen-



pendat: Deinde in iis omnibus, quæ pro communi salute, tranquillitate & honore optima judicaverit, salva semper Ecclesia prædicta Unitate, quam per alium seu alios fide, doctrinam & Religionem præstantes æquus exequatur, faciatque, quidquid decreverit, inviolate ab omnibus observari, Contradictores quoslibet per censuras & penas prædictas, ceteraque juri & facti remedia opportuna, appellatione postposita, compescendo, invocato etiam ad hoc, si opus fuerit, auxilio brachii secularis. Non obstantibus, quod forsitan ab Apostolica Sede sit indultum, quod interdici, suspendi, vel excommunicari non possint per litteras Apostolicas, non facientes plenam, & expressam ac de verbo ad verbum de indulto hujusmodi mentionem, & quibuscumque aliis Privilegiis, exemptionibus, indulgentiis & litteris Apostolicis specialibus vel generalibus quorumcumque tenorem existant, per quæ præsentibus non expressè vel taliter non infera effectus prædictum impediri valeant quomodolibet vel differri, & de quibus quoruncumque totis tenoribus de verbo ad verbum habenda sunt in Nostri littere, is tenore specialis. Nulli ergo omnino hominum liceat hanc paginam Nostre damnationis,

circumscriptionis, abolitionis, interdicti, Decreti, Mandati, Privationis, & innodationis infringere, vel ei ausu temerario contraire. Si quis autem hoc attentare præsumpserit, indignationem Omnipotentis DEI, ac Beatorum Petri & Pauli Apostolorum ejus, se noverit incursurum. Datum Roma apud Sanctum Petrum, Anno Incarnationis Dominicæ Millesimo quingentesimo sexagesimo, Calendis Octobris, Pontificatus Nostri Anno secundo. Ceterum volumus, ut earundem litterarum tenoribus inserta illa ipsa omnino adhibeatur fides, ubique & quodcumque sive in iudicio, sive alibi ille fuerit adhibitus vel ostensus, sicut illius originalibus litteris prædictis adhiberetur, si ipsæ exhiberentur vel ostenderentur. Nulli ergo omnino hominum liceat hanc paginam Nostre voluntatis infringere, vel ei ausu temerario contraire. Si quis autem hoc attentare præsumpserit, indignationem Omnipotentis DEI, ac Beatorum Petri & Pauli Apostolorum ejus, se noverit incursurum. Datum Roma apud S. Petrum Anno 1579, quartæ Calendæ Februarii, Pontificatus Nostri Anno VIII.

## INNOCENTIUS

INNOCENTIUS EPISCOPUS Servus Servorum DEI.

Universis Christi fidelibus salutem, & Apostolicam Benedictionem.

**C**um occasione Impressionis Libri, cui Titulus, *Augustinus Cornelii Jansenii Episcopi Irenæus*, inter alias ejus opiniones orta fuerit, præsertim in Galliis controversia super quinque ex illis, complures Galliarum Episcopi apud nos instituerunt, ut easdem Propositiones Nobis oblatas, expendere, ac de unaquaque certam, & peripicquam ferremus sententiam.

*Tenore præfatarum Propositionum est, prout sequitur.*

**P**rima: Aliqua DEI præcepta hominibus iustis volentibus & conantibus, secundum præsentia, quas habent vires, sunt impossibilia, deest quoque illis gratia, quo possibilia fiant.

Secunda: Interiori gratiæ in statu Naturæ lapsæ numquam resistitur.

Tertia: Ad merendum & demerendum in statu Naturæ lapsæ non requiritur in homine libertas a necessitate, sed sufficit libertas a coactione.

Quarta: Semi-Pelagiani admittunt præventivæ gratiæ interioris necessitatem ad singulos actus, etiam ad initium fidei; & in hoc erant Hæretici, quod vellent eam gratiam talem esse, cui posset humana voluntas resistere, vel obtemperare.

Quinta: Semi-Pelagianum est dicere, Christum pro omnibus omnino hominibus mortuum esse, aut sanguinem fudisse.

Nos, quibus inter multiplices curas, quæ animam nostram assidue pulsant, illa in primis cordi est, ut Ecclesia Dei Nobis ex alto commissa, purgatis pravaram opinionum erroribus, tuto ma-

litare, & tamquam navis in tranquillo mari, sedatis omnium tempestatum fluctibus ac procellis, secure navigare, & ad optatum salutis portum pervenire possit, pro rei gravitate, coram aliquibus S. R. E. Cardinalibus ad id specialiter sæpius congregatis a pluribus in Sacra Theologia Magistris, easdem quinque Propositiones, ut supra nobis oblatas, fecimus singillatim diligenter examinari, eorumque suffragia, tum voce, tum scripto relata maturate consideravimus, eosdemque Magistros, variis coram nobis actis Congregationibus, prolixè super eisdem ac super earum qualibet differentes audivimus.

Cum autem ab initio hujusmodi discussionis ad Divinum implorandum auxilium multorum Christi fidelium preces, tum privatim, tum publice indixissemus, postmodum iteratis eisdem ferventibus, ac per Nos sollicitè implorata Sancti Spiritus assistentia, tandem Divino Numine favente, ad infra scriptam devenimus declarationem & definitionem.

Primum, prædictarum Propositionum: Aliqua Dei præcepta hominibus iustis volentibus & conantibus, secundum præsentia, quas habent vires, sunt impossibilia, deest quoque illis gratia, quo possibilia fiant: Temerariam, Impiam, Blasphemam, Anathemate damnatam, & Hæreticam declaramus, & uti talem damnamus.

Secundam: Interiori gratiæ in statu naturæ lapsæ numquam resistitur: Hæreticam declaramus, & uti talem damnamus.

Tertiam: Ad merendum & demerendum in statu naturæ lapsæ non requiritur in homine libertas a necessitate; sed sufficit libertas a co-

atione: Hæreticam declaramus, & uti talem damnamus.

Quartam: Semi-Pelagiani admittebant prævenientis gratiæ interioris necessitatem ad singulos actus, etiam ad initium fidei; & in hoc erant Hæretici, quod vellent eam gratiam esse, cui posset humana voluntas resistere, vel obtemperare: Falsam & hæreticam declaramus, & uti talem damnamus.

Quintam: Semi-Pelagianum est dicere, Christum pro omnibus omnino hominibus mortuum esse, aut sanguinem fudisse: Falsam, Temerariam, Scandalosam, & intellectam eo sensu, ut Christus pro salute dumtaxat prædestinatorum mortuus sit: Impiam, Blasphemam, Contumeliosam, Divinæ pietati derogantem, & Hæreticam declaramus, & uti talem damnamus.

Mandamus igitur omnibus Christi fidelibus utriusque sexus, ne de dictis Propositionibus sentire, docere, prædicare alias præsumant, quam in hac præsentis nostra Declaratione, & Definitione continetur sub censuris & pœnis contra Hæreticos & eorum fautores in Jure expressis.

Præcipimus pariter omnibus Patriarchis, Archiepiscopis, Episcopis, aliisque locorum Ordinariis, nec non hæreticæ pravitatis Inquisitoribus, ut Contradictores, & Rebelles, quoscumque per censuras, & pœnas prædictas, cæteraque Juris &

facti remedia opportuna, invocato etiam ad hoc (si opus fuerit) auxilio brachii sæcularis, omnino cœrceant, & compescant.

Non intendentes tamen per hanc declarationem, & definitionem super prædictis quinque Propositionibus factam, approbare ullatenus alias opiniones, quæ continentur in prædicto Libro Cornelii Jansenii. Datum Romæ apud S. Mariam Majorem Anno Incarnationis Dominicæ millesimo, sexcentesimo, quinquagesimo tertio, pridie Kal. Junii, Pontificatus Nostri Anno nono.

H. I. DATARIUS.

G. Gualterius.  
F. Ciambinus.

*Anno a Nativitate D. N. JESU Christi 1653. Indictione 6. Pontificatus Sanctissimi in Christo Patris, & D. N. D. Innocentii, Divina Providentia Papa X. anno ejus Nono, die vero nona Mensis Junii, supradicta Constitutio affixa, & publicata fuit in Ecclesia Lateranensi, ac Basilica Principis Apostolorum de Urbe, nec non Cancellaria Apostolica valvis ac in acie Campi Flævi, per me Hieronymum Mascallum SS. D. & Papæ Curforem.*

*Pro Domino Mag. Curforum P. Paulus Desiderius Curfor.*

## CONSTITUTIO CLEMENTIS XI.

Contra Paschasium Quesnellium.

CLEMENS EPISCOPUS SERVUS SERVORUM DEI

Universis Christi Fidelibus Salutem, & Apostolicam Benedictionem.

**U**NIGENITUS Dei Filius pro nostra, & totius mundi salute Filius hominis factus, dum Discipulos suos doctrina veritatis instrueret, universamque Ecclesiam suam in Apostolis erudiret, præsentia disponens, & futura prospiciens, præclaro ac saluberrimo documento nos admonuit, ut attenderemus a falsis Prophetis, qui veniunt ad nos in vestimentis ovium; quorum nomine potissimum demonstrantur magistri illi mendaces, & in deceptione illusores, qui splendida pietatis specie prava dogmata latenter insinuantes, introducunt Sectas perditionis sub imagine sanctitatis; utque facilius incautis obrepant, quasi deponentes lupinam pellem, & sese Divinæ Legis sententiis, velut quibusdam ovium velleribus obvolventes sanctarum Scripturarum, adeoque etiam ipsius novi Testamenti verbis, quæ multipliciter in suam, aliorumque perditionem depravant, nequiter abutuntur: antiqui scilicet, a quo progeniti sunt, mendacii parentis exemplo, ac magisterio edocti, nullam omnino esse ad fallendum expeditiorem viam, quam ut, ubi nefarii erroris subintroducitur fraudulentia, ibi Divinorum verborum attendatur Auctoritas.

His nos vere Divinis monitis instructi, ubi primum, non sine intima cordis nostri amaritudine,

accepimus, Librum quemdam, gallico idiomate olim impressum, & in plures Tomos distributum, sub titulo: *Le nouveau Testament en François, avec des Réflexions morales sur chaque verset &c. à Paris 1699.* Aliter vero; *Abbrégé de la Morale de l'Evangile, des Actes des Apôtres, des Epîtres de saint Paul, des Epîtres Canoniques, & de l'Apocalypse, ou Pensées Chrétiennes sur le Texte de ces Livres sacrés &c. A Paris 1693. & 1694.* Tametsi alias a Nobis damnatum, ac re vera Catholicis veritatibus pravarum doctrinarum mendacia multifariam permiscentem: adhuc tamen tamquam ab omni errore immunem a pluribus haberi, Christi fidelium manibus passim obtrudi, ac nonnullorum nova semper tentantium consilio, & opera studiose nimis quaquaversum disseminari, etiam latine redditum, ut perniciosæ institutionis contagium, si fieri possit, pertranseat de gente in gentem, & de Regno ad populum alterum: versutis hujusmodi seductionibus, atque fallaciis creditum Nobis Dominicum gregem in viam perditionis sensim abduci summopere doluimus, adeoque Pastoralis non minus curæ nostræ stimulis, quam frequentibus orthodoxæ Fidei zelatorum querelis, maxime vero complurium Venerabilium Fratrum, præsertim Galliarum Episcoporum, litteris ac precibus

bus excitati, gliscenti morbo, qui etiam aliquando posset in deteriora quaque proruere, validiori aliquo remedio obviam ire decrevimus.

Et quidem ad ipsam ingruentis mali causam providæ nostræ considerationis intuitum convertentes, perspicue novimus summam hujusmodi Libri perniciem ideo potissimam progredi, & invalescere, quod eadem intus lateat, & velut improba fames, nonnisi secto foras erumpat; cum Liber ipse primo aspectu legentes specie quadam pietatis illiciat; molliti enim sunt sermones ejus super oleum: sed ipsi sunt jacula, & quidem intento arcu ita ad nocendum parata, ut sagittent in obscuro rectos corde. Nihil propterea opportunius, aut salubrius præstari a Nobis posse arbitrati sumus, si fallacem Libri doctrinam generatim soluminodo a Nobis hæcenus indicatam, pluribus sigillatim ex eo excerptis Propositionibus, distinctius, ac apertius explicaremus, atque universis Christi Fidelibus noxia zizaniorum semina e medio tritici, quo tegebantur, educta, velut ob oculos exponeremus. Ita nimirum denudatis, & quasi in propatulo positis, non uno quidem, aut altero, sed plurimis, gravissimisque tum pridem damnatis, tum etiam nove adinventis erroribus, plane confidimus benedicente Domino, fore, ut omnes tandem apertæ jam manifestæque veritati cedere compellantur.

Id ipsum maxime e re Catholica futurum, & sedandis præsertim in florentissimo Galliz Regno exortis ingeniorum varie opinantium, jamque in æcerbiore scissuras protendentium dissidiis apprimere proficuum; conscientiarum denique tranquillitati perutile, & propemodum necessarium, non modo præfati Episcopi, sed & ipse in primis charissimus in Christo Filius noster Ludovicus Francorum Rex Christianissimus, cujus eximium in tuenda Catholicæ Fidei puritate, extirpandisque erroribus zelum satis laudare non possumus, sæpius nobis est contestatus: repetitis propterea vere piis, & Christianissimo Rege dignis officiis, atque ardentibus votis a Nobis efflagitans, ut instanti animarum necessitati prolata quantocius Apostolici censura Judicii consuleremus.

Hinc, adspirante Domino, ejusque cœlesti ope confisi, salutare opus sedulo diligenterque, ut rei magnitudo postulabat, aggressi sumus, ac plurimas ex prædicto Libro, juxta supra recensitas respective editiones, fideliter extractas, & tum Gallico, tum Latino idiomate expressas Propositiones a compluribus in sacra Theologia Magistris, primo quidem coram duobus ex Venerabilibus Fratribus nostris sanctæ Romanæ Ecclesiæ Cardinalibus accurate discuti: deinde vero coram Nobis, adhibito etiam aliorum plurium Cardinalium consilio, quam maxima diligentia, ac maturitate, singularum insuper Propositionum cum ipsomet Libri textu exactissime facta collatione, pluries iteratis Congregationibus, expendi, & examinari mandavimus. Hujusmodi autem Propositiones sunt, quæ sequuntur, videlicet:

1. Quid aliud remanet animæ, quæ Deum, atque ipsius gratiam amisit, nisi peccatum, & peccati consecutiones, superba paupertas, & segnis indigentia, hoc est, generalis impotentia ad laborem, ad orationem, & ad omne opus bonum?

2. JESU Christi gratia, principium efficax boni cujuscunque generis, necessaria est ad omne opus bonum; absque illa non solum nihil fit, sed nec fieri potest.

3. In vanum Domine præcipis, si tu ipse non das, quod præcipis.

4. Ita Domine; Omnia possibilia sunt ei, cui omnia possibilia facis, eadem operando in illo.

5. Quando Deus non emollit cor per interiorum unctionem gratiæ suæ, exhortationes, & gratiæ exteriores non inserviunt, nisi ad illud magis obdurandum.

6. Discrimen inter fœdus Judaicum, & Christianum est, quod in illo Deus exigit fugam peccati, & implementum legis a peccatore, relinquendo illum in sua impotentia: in isto vero Deus peccatori dat, quod jubet, illum sua gratia purificando.

7. Quæ utilitas pro homine in veteri fœdere, in quo Deus illum reliquit ejus propriæ infirmitati, imponendo ipsi suam legem? quæ vero felicitas non est, admittere ad fœdus, in quo Deus nobis donat, quod petit a nobis?

8. Nos non pertinemus ad novum fœdus, nisi in quantum participes sumus ipsius novæ gratiæ, quæ operatur in nobis id, quod Deus nobis præcipit.

9. Gratia Christi est gratia suprema, sine qua confiteri Christum numquam possumus, & cum qua numquam illum abnegamus.

10. Gratia est operatio manus omnipotentis DEI, qua nihil impedire potest, aut retardare.

11. Gratia non est aliud, quam voluntas omnipotentis DEI, jubentis, & facientis, quod jubet.

12. Quando Deus vult salvare animam quocumque tempore, quocumque loco, effectus indubitabilis sequitur voluntatem Dei.

13. Quando Deus vult animam salvam facere, & eam tangit interiori gratiæ suæ manu, nulla voluntas humana ei resistit.

14. Quantumcumque remotus a salute sit peccator obstinatus, quando JESUS se ei videndum exhibet lumine salutari suæ gratiæ, oportet, ut se dedat, accurrat, sese humiliet, & adoret Salvatorem suum.

15. Quando Deus mandatum suum, & suam æternam locutionem comitatur unctione sui Spiritus, & interiori vi gratiæ suæ, operatur illa in corde obedientiam, quam petit.

16. Nullæ sunt illecebræ, quæ non cedant illecebris gratiæ, quia nihil resistit omnipotenti.

17. Gratia est vox illa Patris, quæ homines interiorius docet, ac eos venire facit ad JESUM Christum. Quicumque ad eum non venit, postquam audit vocem exteriorum Filii, nullatenus est doctus a Patre.

18. Semen verbi, quod manus Dei irrigat, semper affert fructum suum.

19. Dei gratia nihil aliud est, quam ejus omnipotens voluntas: hæc est idea, quam Deus ipse nobis tradit in omnibus suis Scripturis.

20. Vera gratiæ idea est, quod Deus vult sibi a nobis obediri, & obeditur: imperat, & omnia fiunt; loquitur tamquam Dominus, & omnia sibi submissa sunt.

21. Gratia JESU Christi est gratia fortis, potens, suprema, invincibilis, utpote quæ est operatio voluntatis omnipotentis, sequela, & imitatio operationis Dei incarnantis, & resuscitantis Filium suum.

22. Concordia omnipotentis operationis Dei in corde hominis cum libero ipsius voluntatis consensu demonstratur illico nobis Incarnatione, veluti in fonte atque archetypo omnium aliarum operationum misericordie, & gratiæ, quæ omnes ita gratuitæ, atque ita dependentes a Deo sunt, sicut ipsa originalis operatio.

23. Deus ipse nobis ideam tradidit omnipotentis operationis suæ gratiæ, eam significans per illam, quæ creaturas ex nihilo producit, & mortuis reddit vitam.

24. Iusta idea, quam Centurio habet de omnipotentia Dei, & JESU Christi, in sanandis corporibus solo motu suæ voluntatis, est imago ideæ, quæ haberi debet de omnipotentia suæ gratiæ in sanandis animabus a cupiditate.

25. Deus illuminat animam, & eam sanat, & æque ac corpus sola sua voluntate; jubet, & ipsi obtemperatur.

26. Nullæ dantur gratiæ nisi per Fidem.

27. Fides est prima gratia, & fons omnium aliarum.

28. Prima gratia, quam Deus concedit peccatori, est peccatorum remissio.

29. Extra Ecclesiam nulla conceditur gratia.

30. Omnes, quos Deus vult salvare per Christum, salvantur infallibiliter.

31. Desideria Christi semper habent suum effectum; pacem intimo cordium infert, quando eis illam optat.

32. JESUS Christus se morti tradidit ad liberandum pro semper suo sanguine primogenitos, id est, Electos de manu Angeli exterminatoris.

33. Prohi! quantum oportet bonis terrenis, & sibi metipso renunciasse, ad hoc, ut quis fiduciam habeat sibi, ut ita dicam, appropriandi Christum JESUM, ejus amorem, mortem, & Mysteria, ut fecit Sanctus Paulus dicens: *Qui dilexit me, & tradidit semetipsum pro me.*

34. Gratia Adami non producebat, nisi merita humana.

35. Gratia Adami est sequela creationis, & erat debita naturæ sanæ, & integræ.

36. Differentia essentialis inter gratiam Adami, & statum innocentie, ac gratiam Christianam est, quod primam unusquisque in propria persona recepit: ista vero non recipitur, nisi in persona JESU Christi resuscitati, cui nos uniti sumus.

37. Gratia Adami, sanctificando illum in semetipso, erat illi proportionata: gratia Christiana nos sanctificando in JESU Christo, est omnipotens, & digna filio Dei.

38. Peccator non est liber, nisi ad malum, sine gratia Liberatoris.

39. Voluntas, quam gratia non prævenit, nihil habet luminis, nisi ad aberrandum; ardoris, nisi ad se præcipitandum; virium, nisi ad se vulnerandum. Est capax omnis mali, & incapax ad omne bonum.

40. Sine gratia nihil amare possumus, nisi ad nostram condemnationem.

41. Omnis cognitio Dei, etiam naturalis, etiam in Philosophis ethnicis, non potest venire nisi a Deo, & sine gratia non producit nisi præsumptionem, vanitatem, & oppositionem ad ipsum Deum, loco affectuum adorationis, gratitudinis, & amoris.

42. Sola gratia Christi reddit hominem aptum ad sacrificium Fidei; sine hoc nihil nisi impuritas, nihil nisi indignitas.

43. Primus effectus gratiæ baptismalis est facere, ut moriamur peccato: adeo ut spiritus, cor, sensus non habeant plus vitæ pro peccato, quam homo mortuus habeat pro rebus mundi.

44. Non sunt nisi duo amores, unde volitiones, & actiones omnes nostræ nascuntur; amor Dei, qui omnia agit propter Deum, quemque Deus remuneratur; & amor, quo nos ipsos, ac mundum diligimus, qui, quod ad Deum referendum est, non refert; & propter hoc ipsum fit malus.

45. Amore Dei in corde Peccatorum non amplius regnante necesse est, ut in eo carnalis regnet cupiditas, omnesque actiones ejus corrumpat.

46. Cupiditas, aut Charitas usum sensuum bonum, vel malum faciunt.

47. Obedientia legis profluere debet ex fonte, & hic fons est charitas. Quando Dei amor est illius principium interius, & Dei gloria ejus finis, tunc purum est, quod apparet exterius; alioquin non est nisi hypocrisis, aut falsa justitia.

48. Quid aliud esse possumus nisi tenebræ, nisi aberratio, & nisi peccatum sine Fidei lumine, sine Christo, & sine Charitate.

49. Ut nullum peccatum est sine amore nostri, ita nullum est opus bonum sine amore Dei.

50. Frustra clamamus ad Deum, Pater ani: si spiritus Charitatis non est ille, qui clamat.

51. Fides justificat, quando operatur; sed ipsa non operatur, nisi per Charitatem.

52. Omnia alia salutis media continentur in fide, tamquam in suo germine, & semine; sed hæc fides non est absque amore, & fiducia.

53. Sola Charitas Christiano modo facit actiones Christianas per relationem ad Deum, & JESUM Christum.

54. Sola Charitas est, quæ Deo loquitur, eam solam Deus audit.

55. Deus non coronat, nisi Charitatem: qui currit ex alio impulsu, & ex alio motivo, in vanum currit.

56. Deus non remunerat nisi Charitatem, quoniam charitas sola Deum honorat.

57. Totum deest Peccatori, quando ei deest spes, & non est spes in Deo, ubi non est amor Dei.

58. Nec Deus est, nec Religio, ubi non est Charitas.

59. Oratio Impiorum est novum peccatum, & quod Deus illis concedit, est novum in eos iudicium.

60. Si solus supplicii timor animat poenitentiam, quo hæc est magis violenta, eo magis ducit ad desperationem.

61. Timor non nisi manum cohibet, cor autem



tem tandiu peccato addicitur, quamdiu ab amore justitiæ non ducitur.

62. Qui a malo non abstinere, nisi timore pœnæ, illud committit in corde suo, & jam est Reus coram Deo.

63. Baptizatus adhuc est sub lege, sicut Judæus, si legem non adimpleat, aut adimpleat ex solo timore.

64. Sub maledictio legis, numquam fit bonum, quia peccatur sive faciendo malum, sive illud non nisi ob timorem evitando.

65. Moyse, Prophetæ, Sacerdotes, & Doctores legis mortui sunt, absque eo, quod ullum Deo dederint filium, cum non effecerint nisi mancipia per timorem.

66. Qui vult Deo appropinquare, nec debet ad ipsum venire cum brutalibus passionibus, neque adduci per instinctum naturalem, aut per timorem, sicuti bestia, sed per fidem, & per amorem sicuti filii.

67. Timor servilis non sibi repræsentat Deum, nisi ut Dominum durum, imperiosum, injustum, intractabilem.

68. Dei Bonitas abbreviavit viam salutis claudendo totum in Fide, & precibus.

69. Fides, usus, augmentum, & præmium Fidei, totum est donum puræ liberalitatis Dei.

70. Numquam Deus affligit innocentes, & afflictiones semper serviunt, vel ad puniendum peccatum, vel ad purificandum Peccatorem.

71. Homo ob sui conservationem potest se dispensare ab ea lege, quam Deus condidit propter ejus utilitatem.

72. Nota Ecclesiæ Christianæ est, quod sit Catholica, comprehendens, & omnes Angelos Cœli, & omnes Electos, & justos terræ, & omnium Seculorum.

73. Quid est Ecclesia, nisi cœtus Filiorum Dei manentium in sinu, adoptatorum in Christo, subsistentium in ejus persona, redemptorum ejus sanguine, viventium ejus spiritu, agentium per ejus gratiam, & expectantium gratiam futuri Seculi?

74. Ecclesia, sive integer Christus, Incarnatum Verbum habet ut Caput, omnes verò Sanctos ut membra.

75. Ecclesia est unus solus homo, compositus ex pluribus membris, quorum Christus est Caput, vita, subsistentia, & persona; Unus solus Christus, compositus ex pluribus Sanctis, quorum est Sanctificator.

76. Nihil spatiosius Ecclesia Dei, qua omnes Electi, & Justi omnium Seculorum istam componunt.

77. Qui non ducit vitam dignam Filio Dei, & membro Christi, cessat interius habere Deum pro Patre, & Christum pro Capite.

78. Separatur quis a Populo Electo, cujus figura fuit Populus Judaicus, & Caput est JESUS Christus, tam non vivendo secundum Evangelium, quam non credendo Evangelio.

79. Utile, & necessarium est omni tempore, omni loco, & omni personarum generi studere, & cognoscere spiritum, Pietatem, & Mysteria Sacræ Scripturæ.

80. Lectio Sacræ Scripturæ est pro omnibus.

81. Obscuritas Sancta verbi Dei non est Laicis ratio dispensandi se ipsos ab ejus lectione.

82. Dies Dominicus a Christianis debet sanctificari lectionibus pietatis, & super omnia Sanctarum Scripturarum. Damnosum est velle Christianum ab hac lectione retrahere.

83. Est illusio sibi persuadere, quod notitia Mysteriorum Religionis non debeat communicari fœminis, lectione Sacrorum librorum. Non ex fœminarum simplicitate, sed ex superba Virorum scientia, ortus est scripturarum abusus, & natæ sunt hæreses.

84. Abripere e Christianorum manibus novum Testamentum, seu eis illud clausum tenere, auferendo eis modum illud intelligendi, est illis Christi os obturare.

85. Interdicere Christianis lectionem Sacræ Scripturæ, præsertim Evangelii, est interdicere usum luminis filiis lucis, & facere, ut patiantur speciem quandam excommunicationis.

86. Eripere simplici Populo hoc solatium, jungendi vocem suam voci totius Ecclesiæ, est usus contrarius praxi Apostolicæ, & intentioni Dei.

87. Modus plenus sapientia, lumine, & Charitate, est dare animabus tempus portandi cum humilitate, & sentiendi statum peccati, petendi spiritum pœnitentiæ, & contritionis, & incipiendi, ad minus, satisfacere justitiæ Dei, antequam reconcilientur.

88. Ignoramus, quid sit peccatum, & vera pœnitentia, quando volumus statim restitui possessioni bonorum illorum, quibus nos peccatum spoliavit, & detrectamus separationis istius ferre confusionem.

89. Quartus decimus gradus conversionis Peccatoris est, quod, cum sit jam reconciliatus, habet jus assistendi Sacrificio Ecclesiæ.

90. Ecclesia auctoritatem excommunicandi habet, ut eam exerceat per primos Pastores de consensu, saltem præsumpto, totius Corporis.

91. Excommunicationis injustæ metus, numquam debet nos impedire ab implendo debito nostro: Numquam eximus ab Ecclesia, etiam quando hominum nequitia videmur ab ea expulsi, quando Deo, JESU Christo, atque ipsi Ecclesiæ per Charitatem affixi sumus.

92. Pati potius in pace excommunicationem, & anathema injustum, quam prodere veritatem, est imitari Sanctum Paulum: tantum abest, ut sit erigere se contra Auctoritatem, aut scindere unitatem.

93. JESUS quandoque sanat vulnera, quæ præceps Primorum Pastorum festinatio infligit, sine ipsius mandato; JESUS restituit, quod ipsi inconsiderato Zelo rescindunt.

94. Nihil pejorem de Ecclesia opinionem ingerit ejus inimicis quam videre illic dominatum exerceri supra fidem fidelium, & foveri divisiones propter res, quæ hec fidem lædunt, nec mores.

95. Veritates eo devenerunt, ut sint lingua quasi peregrina plerisque Christianis, & modus eas prædicandi est veluti idioma incognitum: adeo remotus est a simplicitate Apostolorum, & supra communem captum fidelium; Neque satis advertitur, quod hic defectum sit unum ex signis maxime sensibilibus senectutis Ecclesiæ, & iræ Dei in Filios suos.

96. Deus permittit, ut omnes Potestates sint contrariæ Prædicatoribus veritatis, ut ejus victoria attribui non possit, nisi Divinæ gratiæ.

97. Nimis sæpe contigit, membra illa, quæ magis sancte, ac magis stricte unita Ecclesiæ sunt, respici, atque tractari tamquam indigna, ut sint in Ecclesia, vel tamquam ab ea separata; sed Justus vivit ex fide, & non ex opinione hominum.

98. Status persecutionis, & poenarum, quas quis tolerat, tamquam Hæreticus, flagitiosus, & impius, ultima plerumque probatio est, & maxime meritoria, utpote quæ facit hominem magis conformem JESU Christo.

99. Pervicacia, præventio, obstinatio in nolendo; aut aliquid examinare, aut agnoscere se fuisse deceptum, mutant quotidie quoad multos in odorem mortis id, quod Deus in sua Ecclesia posuit, ut in ea esset odor vitæ, V.G. bonos libros, instructiones, sancta exempla &c.

100. Tempus deplorabile, quo creditur honorari Deus, persequendo veritatem, ejusque discipulos. Tempus hoc advenit - - - Haberi, & tractari, a Religionis Ministris, tamquam impium, & indignum omni commercio cum Deo, tamquam membrum putridum, capax corrumpendi omnia in societate Sanctorum, est hominibus piis morte corporis mors terribilior. Frustra quis sibi blanditur de suarum intentionum puritate, & Zelo quodam Religionis, persequendo flamma, ferroque viros probos, si propria passione est excæcatus, aut abreptus aliena, propterea quod nihil vult examinare. Frequenter credimus sacrificare Deo Impium, & sacrificamus Diabolo Dei Servum.

101. Nihil spiritui Dei, & doctrinæ JESU Christi magis opponitur, quam communia facere juramenta in Ecclesia, quia hoc est multiplicare occasiones pejerandi, laqueos tendere infirmis, & Idiotis, & efficere, ut nomen, & veritas Dei aliquando deserviant consilio Impiorum.

*Auditis itaque tum voce, tum scripto Nobis exhibitis præfatorum Cardinalium, aliorumque Theologorum suffragiis, divinique in primis luminis, privatis ad eum finem, publicisque etiam indictis precibus, implorato præsidio: omnes, & singulas Propositiones præsertim, tamquam falsas, captiosas, male sonantes, piarum aurium offensivas, scandalosas, perniciosas, temerarias, Ecclesiæ, & ejus praxi injurias, neque in Ecclesiam solum, sed etiam in Potestates sæculi contumeliosas, seditiosas, impias, blasphemias, suspectas de hæresi, ac hæresim ipsam sapientes, nec non hæreticis, & hæresibus, ac etiam schismatici faventes, erroneas, hæresi proximas, pluries damnatas, ac demum etiam hereticas, variasque hæreses, & potissimum illas, quæ in famosis Fanseii Propositionibus, & quidem in eo sensu, in quo hæc damnata fuerunt, acceptis, continentur, manifesto innovantes, respectu, hac nostra perpetuo valitura constitutione declaramus, damnamus, & reprobamus.*

*Mandantes omnibus utriusque sexus Christi fidelibus, ne in dictis Propositionibus sentire, docere, prædicare aliter presumant, quam in hac eadem Nostra*

*Constitutione continetur: ita ut quicumque illas vel illarum aliquam conjunctim, vel divisim docuerit, defenderit, ediderit, aut de eis, etiam disputative, publice, aut privatim tradiderit, nisi forsitan impugnando, Ecclesiasticis censuris, aliisque contra similia perpetrantes a jure statutis poenis ipso facto, absque alia declaratione subiaceat.*

*Ceterum per expressam præfatarum Propositionum reprobationem alia in eodem Libro contenta nullatenus approbare intendimus, cum præsertim in decursu examinis complures alias in eo deprehenderimus Propositiones, illis, quæ, ut supra, damnata fuerunt, consimiles, & affines, iisdemque erroribus imbutas: nec sane paucas sub imaginario quodam, veluti grassantis hodie persecutionis obtentu, inobedientiam, & pervicaciam nutriendas, easque falso Christiana patientia nomine predicantes; quas propterea singulatim recensere, & nimis longum esse duximus, & minime necessarium: ac demum, quod intolerabilius est, Sacrum ipsius novi Testamenti Textum damnablem vitiatum compererimus, & alteri dudum reprobata versioni Gallicæ Montensi in multis conformem: a vulgata vero editione, quæ tot Sæculorum usu in Ecclesia probata est, atque ab Orthodoxis omnibus pro authentica haberi debet, multipliciter discrepantem, & aberrantem, pluriesque in alienos, exoticos, ac sæpe noxios sensus, non sine maxima perversitate detortum.*

*Eundem propterea Librum, utpote per dulces sermones, & benedictiones, ut Apostolus loquitur, hoc est, sub falsa pia institutionis imagine, seducendis Innocentium cordibus longe accommodatum, si præmissis, sive alio quovis titulo inscriptum, ubicumque, & quocumque alio idiomate, seu quavis editione, aut versione hæcenus impressum, aut imposterum (quod absit) imprimendum, Auctoritate Apostolica tenore præsentium iterum prohibemus, ac similiter damnamus; quemadmodum etiam alios omnes, & singulos in ejus defensionem tam scripto, quam typis editos, seu forsitan (quod Deus avertat) edendos libros, seu libellos, eorumque lectionem, descriptionem, retentionem, & usum omnibus, & singulis Christi fidelibus sub poena excommunicationis per contrasacientes ipso facto incurrenda, prohibemus pariter, & interdiciamus.*

*Præcipimus insuper Venerabilibus Patribus Patriarchis, Archiepiscopis, & Episcopis, aliisque locorum Ordinariis; nec non hæretica pravitatis Inquisitoribus, ut contraditores, & rebelles quoscunque per censuras, & poenas præfatas, aliaque juris, & facti remedia, invocato etiam ad hoc, si opus fuerit, brachii sæcularis auxilio, omnino coërceant, & compellant.*

*Volumus autem, ut earundem præsertim transumptis, etiam impressis, manu alicujus Notarii publici subscriptis, & sigillo persona in dignitate Ecclesiastica constituta munitis eadem fides prorsus adhibeatur, quæ ipsis originalibus litteris adhiberetur, si forent exhibita, vel ostensa.*

*Nulli ergo hominum liceat hanc paginam nostræ declarationis, damnationis, mandati, prohibitionis, & interdictionis infringere, vel ei ausu temerario contraire. Si quis autem hoc attentare presumpserit, indi-*

indignationem Omnipotentis Dei, ac Beatorum Petri, & Pauli Apostolorum ejus, se noverit incursum. Datum Roma apud S. Mariam Majorem Anno Incarnationis Dominica 1713. sexto Idus Septembris Pontificatus Nostri Anno Decimo tertio.

I. CARD. PRODATARIUS.

F. Oliverius.

Visa de Curia L. Sergardus.

Loco † Plumbi.

Registrata in Secretaria Brevium.

L. Martinettus.

Anno a Nativitate D. N. Jesu Christi millesimo septingentesimo decimo tertio, indiſt. 6. die vero 10. Septemb. Pontificatus SS. in Christo Patris, & D. N. D. Clementis, Divina Providentia Papa XI. anno decimo tertio, supradicta Littera Apostolica affixa, & publicata fuerunt ad valvas Ecclesie Lateranensis, & Basilica Principis Apostolorum, Cancellarie Apostolica, Curia Generalis in Monte Citorio, in acie Campi Flora, ac in aliis locis solitis, & consuetis Urbis per me Petrum Romulatum Apostolicum Curforem.

Antonius Placentinus Mag. Curf.



## S Y N O P S I S T O T I U S L I B R I

### TRACTATUS I.

De Actibus Humanis, & Conscientia.

### TRACTATUS II.

De Legibus.

### TRACTATUS III.

De Peccatis.

### TRACTATUS IV.

De Virtutibus Theologicis.

### TRACTATUS V.

De Religione, & Vitiis oppositis.

### TRACTATUS VI.

De Horis Canonicis, Juramento, & Voto.

### TRACTATUS VII.

De Justitia & Jure, ceterisque Virtutibus Cardinalibus.

### TRACTATUS VIII.

De Contractibus.

### TRACTATUS IX.

De Præceptis Decalogi, ubi & de Reſtitutione.

### TRACTATUS X.

De Præceptis Ecclesie.

### TRACTATUS XI.

De Beneficiis Ecclesiasticis, Jure patronatus, & Decimis.

### TRACTATUS XII.

De Immunitate Ecclesiastica, & Indulgentiis.

### TRACTATUS XIII.

De Censuris, ac Irregularitate, aliisque Pœnis Canonicis.

### TRACTATUS XIV.

De Sacramentis.



## E L E N C H U S

### TRACTATUUM, DISTINCTIONUM, ET QUÆSTIONUM.

#### TRACTATUS I.

De Actibus Humanis, & Conscientia.

*Distinctio Prima.*

De Voluntario, & Involuntario.

Quæſtio I. Quid, & quotuplex sit voluntarium? fol. 1.

II. Quando effectus, veluti indirecte, & in causa voluntarius, imputetur ad culpam? 2.

III. Quo tempore peccatum tum commissionis, tum omissionis, indirecte seu in causa duntaxat voluntarium, contrahatur? 3.

IV. An Violentia, Metus, & Concupiscentia causent Involuntarium? 5.

V. Quotuplex sit Ignorantia, & an causet Involuntarium? 6.

*Distinctio Secunda.*

De natura Actus Humani seu Moralis, & variis ipsam concernentibus.

Quæſtio I. Quid sit Actus Humanus, seu Moralis? fol. 8.

II. Unde Actus Humani desumant suam bonitatem, vel malitiam moralem? 8.

(d)

III.

- III. Quomodo malitia, & præfertim bonitas debet esse volita, ut eam Actus Humanus desumat ex objecto & circumstantiis? fol. 10.  
 IV. De bonitate, vel malitia Actus Humani. 12.  
 V. An detur Actus indifferens? 13.  
 VI. Quid requiratur, ut Actus Humani boni sint meritorii vitæ æternæ? 15.

*Distinctio Tertia.*

*De Conscientia ut Regula Actuum Humanorum.*

- Quæstio I. De natura & divisione Conscientiæ ut sic; ubi & de Conscientia recta, seu certa. fol. 16.  
 II. De Conscientia erronea, ejusque obligatione. 17.  
 III. De Conscientia dubia, ejusque obligatione. 20.  
 IV. De Conscientia probabili, & an ipsam licite sequi possimus? 22.  
 §. I. Quid sit Conscientia, & Opinio probabilis? 22.  
 §. II. An sit licitum sequi Sententiam probabilem, etiam in concursu probabilioris & tutioris? 23.  
 §. III. Inferuntur Corollaria de Ministro Sacramentorum, Medico, Judice, & Advocato. 25.  
 Quæstio V. De Conscientia scrupulosa, ejusque signis, & remediis contra scrupulos. 27.

TRACTATUS II.

*De Legibus.*

*Distinctio Prima.*

*De Natura Legum.*

- Quæstio I. Quid, & quotuplex sit Lex? fol. 29.  
 II. De conditionibus Legis, ejusque differentia a simplici Præcepto. 30.  
 III. De Promulgatione ad Legem requisita. 31.  
 IV. De acceptance Legum. 33.  
 V. Quænam opera, & an etiam actus interni, per Legem humanam possint præcipi, vel prohiberi? 34.

*Distinctio Secunda.*

*De Obligatione Legum.*

- Quæstio I. De Obligatione Legis Veteris, ejusque cessatione. fol. 35.  
 II. De Obligatione Legis novæ, seu Evangelicæ, ejusque perfectione. 37.  
 III. De Obligatione Legum humanarum, & an obligent cum periculo vitæ? 38.  
 IV. De Legibus Pœnalibus, earumque obligatione. 39.

*Distinctio Tertia.*

*De Subjecto Obligationis Legum.*

- Quæstio I. Quinam obligentur Legibus Pontificiis, aliisque Ecclesiasticis? fol. 42.  
 II. An Clerici obligentur Legibus Civilibus, ac Legislator teneatur propriis? 43.  
 III. An Peregrini obligentur Legibus, & Consuetudinibus locorum, per quæ transeunt? 45.

- IV. Resolvuntur varia Quæsitæ quoad Peregrinos. fol. 46.  
 V. Qua intentione, quibusque actibus satisfiat præceptis Legum? 48.

*Distinctio Quarta.*

*De Interpretatione, Dispensatione, ac Revocatione Legum.*

- Quæstio I. De Interpretatione Legum; ubi & de Epicheja. fol. 49.  
 II. De Dispensatione Legum, & variis ipsam concernentibus. 50.  
 III. De Revocatione Legum. 54.  
 IV. Quomodo Leges tollantur per contrariam consuetudinem? 55.

TRACTATUS III.

*De Peccatis.*

*Distinctio Prima.*

*De Diversitate, & Distinctione Peccatorum.*

- Quæstio I. Qua ratione Peccatum dividatur? fol. 57.  
 II. Quid sit peccatum actuale, & quæ ejus causa? 59.  
 III. De Peccato Habituali. 61.  
 IV. Unde desumenda sit Distinctio specifica moralis Peccatorum? 62.  
 V. Unde desumatur Distinctio numerica moralis Peccatorum. 64.

*Distinctio Secunda.*

*De Peccato Mortali & Veniali.*

- Quæstio I. De natura, conditionibus, & signis Peccati mortalis, ac venialis. fol. 67.  
 II. Quibus de causis Peccatum ex genere mortale, fiat per accidens veniale, & econtra. 69.  
 III. Quibus modis remittantur Peccata venialia? ubi & de Sacramentalibus. 71.

*Distinctio Tertia.*

*De Septem Peccatis Capitalibus.*

- Quæstio I. De Superbia, & variis eam concernentibus. fol. 72.  
 II. De Avaritia, & Filiabus ejus. 73.  
 III. De Luxuria, & Filiabus ejus. 74.  
 IV. De Invidia, ejusque Filiabus. 75.  
 V. De Ira, & Filiabus ejus. 76.  
 VI. De Gula, & Filiabus ejus. 76.  
 VII. De Acedia, & Filiabus ejus. 78.

TRACTATUS IV.

*De Virtutibus Theologicis.*

*Distinctio Prima.*

*De Virtutibus Theologicis generatim.*

- Quæstio I. Quid, & quotuplex sit tum Virtus ut sic, tum Theologica. fol. 79.  
 II. De perfectione, & cessatione Virtutum Theologicarum, & an habeant medium. 80.

*Disin-*



*Distinctio Secunda.*

*De Fide.*

- Quæstio I. Quid sit Fides, & quod objectum  
ejus. fol. 82.  
II. Quænam puncta Fidei sint necessario explici-  
te credenda. 83.  
III. Quo tempore obligentur Fideles ad elicien-  
dum actum Fidei. 85.  
IV. Quæ sit obligatio exterius confitendi, & pro-  
fitendi Fidem. 87.

*Distinctio tertia.*

*De Ecclesia, Libris Canonicis, & Traditionibus.*

- Quæstio I. De vera Christi Ecclesia. fol. 89.  
II. Quænam sint notæ veræ Ecclesiæ Christi. 91.  
III. De Sacra Scriptura, seu Libris Canonicis. 93.  
IV. De multiplici Sensu, Obscuritate, atque In-  
terpretatione Sacræ Scripturæ. 94.  
V. De Traditionibus. 96.  
VI. Quænam sit totius Fidei resolutio. 97.

*Distinctio Quarta.*

*De Vitiis Fidei oppositis.*

- Quæstio I. Quotuplex, & quam grave peccatum  
sit Infidelitas. fol. 98.  
II. Quid requiratur ad formalem & perfectam  
Hæresin. 99.  
III. De Conditionibus ad incurrendam excommu-  
nicationem ob Hæresin latam requisitis, ejus-  
que absolutione. 101.  
IV. De Apostasia, Læctione Librorum prohibito-  
rum, & Disputatione cum Hæreticis. 103.

*Distinctio Quinta.*

*De Spe, atque oppositis Vitiis.*

- Quæstio I. De Spe Theologica ejusque obligatio-  
ne. fol. 106.  
II. De Vitiis Spei oppositis, Desperatione scilicet,  
ac Præsumptione. 107.

*Distinctio Sexta.*

*De Charitate, ejusque Obligatione.*

- Quæstio I. Quid sit Charitas, & quæ ejus obli-  
gatio. fol. 109.  
II. De Dilectione Inimicorum. 112.  
III. De multiplicibus actibus Charitatis. 115.  
IV. De præcepto dandi Eleemosynam. 115.  
V. De Correctione fraterna. 117.

*Distinctio Septima.*

*De Vitiis Charitati oppositis.*

- Quæstio I. De Odio Dei, & Proximi. fol. 120.  
II. De Scandalo. 121.  
III. De Discordia, Contentione, & Schisma-  
te. 125.  
IV. De Bello, & variis ipsum concernentibus. 125.

TRACTATUS V.

*De Religione, & Vitiis oppositis.*

*Distinctio Prima.*

*De Virtute Religionis, & variis ejus Actibus.*

- Quæstio I. De natura, objecto, & præstantia vir-  
tutis Religionis. fol. 128.

- II. De variis actibus virtutis Religionis. fol. 129.  
III. De Adoratione Deo debita. 131.  
IV. De Cultu Sanctorum, Sacrarum Reliquiarum,  
atque Imaginum. 132.  
V. De Oratione, & conditionibus ad ipsam re-  
quisitis. 135.

*Distinctio Secunda.*

*De Vitiis Religioni oppositis per excessum.*

- Quæstio I. Quid sit Superstitio, & quæ species  
ejus. fol. 137.  
II. De Idololatria. 138.  
III. De Divinatione, variisque ejus speciebus, &  
gravitate. 138.  
IV. De Vana Observantia, ejusque speciebus, &  
gravitate. 140.  
V. De Magia, & Maleficio, aliisque huc attinen-  
tibus. 142.

*Distinctio Tertia.*

*De Vitiis Religioni oppositis per defectum.*

- Quæstio I. De Tentatione Dei. fol. 144.  
II. De Sacrilegio, & quale sit peccatum. 145.  
III. De Simonia. 146.  
IV. Solvuntur alia Dubia circa Simoniam, ejus-  
que pœnas. 149.  
V. De Blasphemia. 152.

TRACTATUS VI.

*De Horis Canonicis, Juramento, & Voto.*

*Distinctio Prima.*

*De Horis Canonicis.*

- Quæstio I. Quid sint, & quo Jure obligent Ho-  
ræ Canonicae. fol. 154.  
II. Quinam teneantur recitare Horas Canoni-  
cas. 155.  
III. Quanta sit obligatio recitandi Horas Cano-  
nicas. 158.  
IV. Quænam intentio, & attentio requiratur ad  
recitationem Horarum Canonicarum. 160.  
V. De Integritate, Continuatione, Ordine &  
Qualitate, quibus persolvendæ sunt Horæ Ca-  
nonicae. 162.  
VI. De Loco & Tempore, quibus persolvendæ  
sunt Horæ Canonicae. 165.  
VII. De causis excusantibus a recitatione Hora-  
rum Canonicarum. 166.

*Distinctio Secunda.*

*De Juramento.*

- Quæstio I. Quid & quotuplex sit Juramentum.  
fol. 168.  
II. De Conditionibus ad Juramentum requisitis.  
170.  
III. Solvuntur diversa Dubia Juramentum con-  
cernentia. 173.

*Distinctio Tertia.*

*De Voto.*

- Quæstio I. Quid & quotuplex sit Votum. fol. 176.  
II. Quæ sit obligatio Voti. 177.  
III. De cessatione, commutatione & irritatione  
Votorum. 180.  
IV. De

- IV. De Potestate Dispensandi in Votis. fol. 183.  
V. Praxis impetrandi Dispensationem quoad Vo-  
ta. 185.

## TRACTATUS VII.

### *De Justitia & Jure, ceterisque Virtutibus Cardinalibus.*

#### *Distinctio Prima.*

##### *De Virtutibus Cardinalibus.*

- Quæst. I. De Prudentia, ejusque partibus. 190.  
II. De Vitiis prudentiæ oppositis. 192.  
III. De Justitia, & variis ipsam concernentibus.  
*Remissive.* 193.  
IV. De Temperantia, & annexis Virtutibus. 193.  
V. De Fortitudine, ejusque partibus, & oppositis  
Vitiis. 194.  
VI. Quæ requirantur ad Martyrium. 194.

#### *Distinctio Secunda.*

##### *De Virtute Justitiæ, ac Jure generatim.*

- Quæstio I. Quid sit Justitia, & quæ Virtutes eidem  
annexæ. fol. 197.  
II. De Divisione Justitiæ in Commutativam, &  
distributivam. 199.  
III. Quid, & quotuplex sit Jus? Ubi & de Actione  
reali, & personali. 200.

#### *Distinctio Tertia.*

##### *De speciebus Juris in re.*

- Quæstio I. Quid, & quotuplex sit Dominium. 201.  
II. Quid sit Ususfructus. 202.  
III. De Usu Juris, & variis ipsum concernentibus.  
203.  
IV. Quid, & quotuplex sit Possessio, & quæ ejus  
privilegia. 204.

#### *Distinctio Quarta.*

##### *De Objecto, & Subjecto capaci Domini.*

- Quæstio I. Quænam cadant sub objectum Domi-  
nii. fol. 205.  
II. De Peculio Filiifamilias, nec non de Bonis U-  
xoris. 206.  
III. De Bonis, & Dominio Clericorum Beneficia-  
riorum. 208.  
IV. De Dominio Religiosorum. 211.

#### *Distinctio Quinta.*

##### *De Acquisitione Domini.*

- Quæstio I. De modis generatim acquirendi rerum  
Dominium, Bonisque incertis, ac Thesauris in-  
ventis. 212.  
II. De Venatione, & Piscatione, ac variis ipsam  
concernentibus. 214.  
III. De aliis modis acquirendi rerum Dominium  
Jure Gentium. 216.

#### *Distinctio Sexta.*

##### *De Præscriptione & Usucapione.*

- Quæstio I. Cur lex Præscriptionis seu Usucapio-  
nis sit introducta, & an valeat in Foro Conscien-  
tiæ. 218.

- II. Quæ Conditiones requirantur ad Præscriptio-  
nem. 220.  
III. Quantum temporis requiratur ad Usucapio-  
nem seu Præscriptionem complendam? 223.

## TRACTATUS VIII.

### *De Contractibus.*

#### *Distinctio Prima.*

##### *De Contractibus in genere.*

- Quæstio I. Quid, & quotuplex sit Contractus.  
fol. 227.  
II. Qualis consensus requiratur ad valorem Con-  
tractuum. 229.  
III. Quinam contrahere possit. 232.  
IV. De Restitutione in integrum, & quibus com-  
petat. 234.

#### *Distinctio Secunda.*

##### *De Contractibus Gratuitis.*

- Quæstio I. De Promissione, ejusque obligatione.  
fol. 235.  
II. De Donatione, & variis ipsam attinentibus.  
236.  
III. Quid sit Commodatum, Precarium, & Depo-  
situm. 238.  
IV. Ex qua culpa teneatur Commodatarius, Depo-  
sitarius, & hujusmodi, si res commodata, deposi-  
ta, &c. apud ipsum pereat. 240.

#### *Distinctio Tertia.*

##### *De Testamentis, & ultimis Voluntatibus.*

- Quæstio I. Quid, & quotuplex sit Testamentum,  
& quæ ejus requisiti. 242.  
II. An Testamentum non privilegiatum in Foro  
Conscientiæ validum sit, si ei desint solemnita-  
tes Juris Civilis. 243.  
III. De Testamentis ad pias causas, aliisque pri-  
vilegiatis. 245.  
IV. An omnes, præsertim Religiosi, eorumque  
Novitii, testari possint? 249.  
V. An Clerici Seculares Beneficarii valeant te-  
stari? 250.  
VI. De Codicillis, Legatis, & Fidei-Commis-  
sis. 253.  
VII. De Institutione Hæredum, Falcidia, Trebel-  
liana, & Successionibus ab intestato. 254.  
Appendix: Praxis conficiendi Testamentum.  
256. sq.

#### *Distinctio Quarta.*

##### *De Contractibus Onerosis.*

- Quæstio I. De Mutuo, & variis ipsam concernen-  
tibus. 258.  
II. Quid sit Usura, & quo jure prohibita? 262.  
III. An Pactum remutuandi &c. Contractus Mo-  
hatra, & Montes pietatis contineant Usuram? 264.  
IV. An aliqui Tituli excusent ab Usura? 265.  
V. De Pignore, & Hypotheca; ubi & de Anti-  
chresi, & pacto Legis Comilloriar. 268.  
VI.

|                                                   |      |
|---------------------------------------------------|------|
| VI. De Censibus, & an sint liciti?                | 269. |
| VII. Quid, & quotuplex sit Cambium, & an licitum? | 271. |
| VIII. De Emptione & Venditione.                   | 272. |
| IX. De Ludo, & Sponsionibus.                      | 277. |
| X. De Contractu Societatis.                       | 279. |

## TRACTATUS IX.

### *De Præceptis Decalogi, ubi est de Restitutione.*

#### *Distinctio Prima.*

#### *De Præceptis Decalogi in genere, ac primis tribus in specie.*

|                                                                                      |           |
|--------------------------------------------------------------------------------------|-----------|
| Quæstio I. Quid generatim censendum sit de Præceptis Decalogi, eorumque obligatione? | fol. 283. |
| II. Quænam sub Primo, & Secundo Præcepto Decalogi contineantur?                      | 285.      |
| III. De Tertio Præcepto Decalogi, ejusque obligatione.                               | 286.      |

#### *Distinctio Secunda.*

#### *De Quarto Præcepto Decalogi.*

|                                                            |           |
|------------------------------------------------------------|-----------|
| Quæstio I. Quæ sit obligatio Filiorum erga Parentes?       | fol. 287. |
| II. De obligatione Parentum erga Filios.                   | 289.      |
| III. De obligatione Subditorum erga Superiores, & econtra. | 290.      |

#### *Distinctio Tertia.*

#### *De Quinto Præcepto Decalogi.*

|                                                                  |           |
|------------------------------------------------------------------|-----------|
| Quæstio I. Quænam Quinto Præcepto Decalogi prohibeantur?         | fol. 290. |
| II. Quodnam Homicidium sit prohibitum?                           | 291.      |
| III. De Homicidiis specialem malitiam continentibus.             | 294.      |
| IV. De Restitutione ratione injusti Homicidii, vel Mutilationis. | 298.      |

#### *Distinctio Quarta.*

#### *De Sexto Præcepto Decalogi.*

|                                                                                                                        |      |
|------------------------------------------------------------------------------------------------------------------------|------|
| Quæstio I. De Castitate, & opposito vitio Luxuriz, ac utriusque speciebus.                                             | 300. |
| II. De Fornicatione, adulterio, & Stupro.                                                                              | 301. |
| III. De Obligatione Restitutionis ratione Stupri, & Adulterii.                                                         | 303. |
| IV. De Incestu, & Rapru.                                                                                               | 305. |
| V. De prima specie Peccati contra naturam; quæ est Mollities.                                                          | 306. |
| VI. De cæteris speciebus Peccati contra naturam.                                                                       | 310. |
| VII. De Impudicitia, hoc est, de osculis, tactibus, aspectibusque impudicis; & an detur levitas materiæ in re venerea? | 311. |

#### *Distinctio Quinta.*

#### *De Septimo Præcepto Decalogi.*

|                                                                          |      |
|--------------------------------------------------------------------------|------|
| Quæstio I. Quid sit Furtum, & quæ quantitas ad Furtum mortale sufficiat? | 316. |
| II. De Minutis, ac Domesticorum Furtis.                                  | 319. |

|                                                                         |      |
|-------------------------------------------------------------------------|------|
| III. De Cooperantibus ad Furtum, vel in justam Damnificationem.         | 323. |
| IV. De Restitutione, atque ordine in ipsa servando, circa Bona Fortunæ. | 325. |
| V. Ex qua culpa oriatur obligatio Restitutionis ratione damni dati.     | 328. |
| VI. De causis excusantibus a Restitutione, omnino, vel ad tempus.       | 330. |

#### *Distinctio Sexta.*

#### *De Octavo Præcepto Decalogi.*

|                                                                                     |           |
|-------------------------------------------------------------------------------------|-----------|
| Quæstio I. De Detractione, & variis ipsam concernentibus.                           | fol. 334. |
| II. De Contumelia.                                                                  | 340.      |
| III. De Convicio, Improperio, Maledicto, Irrilione, Sufuratione, ac Libello famoso. | 341.      |
| IV. Quibus modis Fama, vel Honor injuste ablati refarciri possit, ac debeat?        | 342.      |
| V. De Causis excusantibus a Restitutione Famæ, & Honoris.                           | 343.      |
| VI. De Judicio Temerario, Suspicionem, & Dubitationem.                              | 345.      |

#### *Distinctio Septima.*

#### *De Nono, & Decimo Præcepto Decalogi.*

|                                                                  |      |
|------------------------------------------------------------------|------|
| Quæstio I. Quænam Nono, & Decimo Præcepto Decalogi prohibeantur. | 347. |
| II. De Delectationibus morosis, & Desideriis illicitis.          | 348. |

## TRACTATUS X.

### *De Præceptis Ecclesiæ.*

#### *Distinctio Prima.*

#### *De Primo, & Secundo Præcepto Ecclesiæ, sive de Festis.*

|                                                                             |           |
|-----------------------------------------------------------------------------|-----------|
| Quæstio I. Quænam generatim Primo, & Secundo Præcepto Ecclesiæ injungantur. | fol. 351. |
| II. Quæ opera diebus Festis prohibita sint.                                 | 352.      |
| III. Quæ causæ excusent exercentes Opera prohibita diebus Festis.           | 354.      |
| IV. Quæ sit obligatio audiendi Missam diebus Festis.                        | 356.      |
| V. Quæ causæ excusent a præcepto audiendi Missam?                           | 357.      |

#### *Distinctio Secunda.*

#### *De Tertio Præcepto Ecclesiæ, sive de Jejunio.*

|                                                           |           |
|-----------------------------------------------------------|-----------|
| Quæstio I. Quid sit Jejunium, & quæ ejus requisita?       | fol. 358. |
| II. Solvuntur varia Dubia circa tres Jejunii conditiones. | 361.      |
| III. Quæ sit obligatio Jejunii?                           | 365.      |
| IV. Quæ causæ a Jejunio excusent?                         | 367.      |

#### *Distinctio Tertia.*

#### *De quarto, & quinto Præcepto Ecclesiæ, sive de Annua Confessione, & Communione Paschali.*

|                                                                             |      |
|-----------------------------------------------------------------------------|------|
| Quæstio I. Quid sit, & quo jure, ac quando obliget Confessio Sacramentalis? | 370. |
| II. Quomodo Præceptum Ecclesiasticum annuæ Confessionis obliget?            | 371. |

(d) 3

III. An,

- III. An, & quæ sit obligatio Juris tum Divini, tum Ecclesiastici, sumendi Eucharistiam? 372.
- IV. Varia Quæstia circa sumptionem Sacramenti Eucharistiæ solvuntur. 375.
- V. Quid sit sentiendum de Communionem frequenti, & quotidiana. 377.

## TRACTATUS XI.

### *De Beneficiis Ecclesiasticis, jure Patronatus, & Decimis.*

#### *Distinctio Prima.*

#### *De Beneficiis Ecclesiasticis, eorumque Collatione.*

- Quæstio I. Quid, & quotuplex sit Beneficium Ecclesiasticum? fol. 378.
- II. De Collatione Beneficiorum. 379.
- III. Quinam Beneficia libere conferre possint? 380.
- IV. Quibus conferenda sint Beneficia? ubi & de Conditionibus ex parte eorum requisitis. 382.
- V. Quæ sint obligationes Beneficiarios? 384.

#### *Distinctio Secunda.*

#### *De Incompatibilitate, Renunciatione, & Permutatione Beneficiorum.*

- Quæstio I. Quæ Beneficia sint incompatibilia, vel compatibilia? fol. 388.
- II. Quæ sint pœnæ recipientium plura Beneficia incompatibilia? 389.
- III. Quid, & quotuplex sit Renunciatio Beneficiorum, & ex quibus causis fieri possit? 391.
- IV. An sit licita Resignatio Beneficii in favorem tertii, vel reservata annua Pensione? 392.
- V. An, & quomodo possit fieri Permutatio Beneficiorum Ecclesiasticorum? 392.

#### *Distinctio Tertia.*

#### *De jure Patronatus.*

- Quæstio I. Quid sit Jus patronatus, & quomodo acquiratur? fol. 393.
- II. Quotuplex sit Jus patronatus, & quomodo Ecclesiasticum differat a Laicali? 395.
- III. De jure præsentandi, aliisque juribus Patrono competentibus. 397.

#### *Distinctio Quarta.*

#### *De Decimis.*

- Quæstio I. Quid sint Decimæ, Primitiæ, & Oblationes? fol. 399.
- II. Quo jure, & ex quibus rebus solvendæ sint Decimæ? 400.
- III. Quibus solvendæ sint Decimæ? 401.
- IV. Quibus modis eximatur quis a præstatione Decimarum? 402.

## TRACTATUS XII.

### *De Immunitate Ecclesiastica, & Indulgentiis.*

#### *Distinctio Prima.*

#### *De Immunitate Ecclesiastica ut sit, ejusque Speciebus.*

- Quæstio I. Quid, & quotuplex sit Immunitas Ecclesiastica, & quo jure constituta? fol. 404.

- II. In quibus consistat Immunitas localis, sive Ecclesiarum? 405.
- III. De Immunitate reali & personali. 406.

#### *Distinctio Secunda. De jure Asylorum.*

- Quæstio I. Quo jure, quibusque locis competat privilegium Asyli? fol. 408.
- II. Quæ personæ gaudeant jure Asyli Ecclesiastici? 409.
- III. Quæ crimina non gaudeant Immunitate Ecclesiastica? 411.
- IV. De commodis immunitatis Ecclesiasticæ, pœnisque eam violantium, ac modo extrahendi Reos criminum exceptorum. 413.

#### *Distinctio Tertia. De Indulgentiis.*

- Quæstio I. Quid sit Thesaurus Ecclesiæ? fol. 415.
- II. Quid, & quotuplex sit Indulgentia? 417.
- III. De potestate concedendi Indulgentias, & de conditionibus ad earum valorem requisitis. 418.
- IV. De Subjecto Indulgentiarum capaci, & quomodo profint defunctis. 419.
- V. Varia Dubia de Indulgentiis resoluta. 421.
- VI. Quæ Indulgentiæ per Paulum V. revocatae, & quales loco earum concessæ? 424.
- VII. De Indulgentiis Apocryphis ab Innocentio XI. reprobatis. 426.
- VIII. Quales soleant de facto Indulgentiæ concedi Ecclesiis, & Altaribus privilegiatis? 428.
- IX. De Jubilæo, & variis ipsum concernentibus. 433.
- X. De facultate absolvendi tempore Jubilæi. 440.
- XI. De Suffragiis. 449.

## TRACTATUS XIII.

### *De Censuris, ac Irregularitate, aliisque Pœnis Canonicis.*

#### *Distinctio Prima.*

#### *De Censuris, & Pœnis Canonicis in genere.*

- Quæstio I. Quid & quotuplex sit Censura Ecclesiastica? fol. 451.
- II. Ob quam causam Censuræ ferri possint? 452.
- III. An ignorantia, metus, vel aliud quidpiam excuset ab incurrenda Censura? 454.
- IV. Quid, & quotuplex sit Pœna Canonica? ubi & de Depositione, Degradatione, & Infamia. 457.

#### *Distinctio Secunda.*

#### *De Excommunicatione, Suspensione, & Interdicto.*

- Quæstio I. Quid, & quotuplex sit Excommunicatio? fol. 458.
- II. Qui sint effectus Excommunicationis majoris? 459.
- III. Quinam Excommunicati, & in quibus casibus sint vitandi. 463.
- IV. De nonnullis Excommunicationibus in particulari. 465.
- V. De Suspensione, & variis ipsam attinentibus. 470.
- VI. Quid, & quotuplex sit Interdictum, & qualis effectus ipsius? 472.

*Distin-*

*Distinctio Tertia.*  
*De Irregularitate.*

- Quæstio I. Quid, & quotuplex sit Irregularitas? ubi varia ipsam attinentia. fol. 475.  
II. De Irregularitatibus ex delicto provenienti-  
bus. 476.  
III. De Irregularitatibus ex defectu. 480.  
IV. De Irregularitate ex homicidio, vel mutila-  
tione. 482.  
V. Quis possit dispensare in Irregularitati-  
bus? 488.

TRACTATUS XIV.  
*De Sacramentis.*

*Distinctio Prima.*  
*De Natura Sacramentorum in genere.*

- Quæstio I. Quid, & quot sint Sacramenta novæ  
Legis? fol. 491.  
II. De Materia, & Forma Sacramentorum. 493.  
III. Quænam Intentio ex parte Ministri, ac Reci-  
pientis, requiratur ad valorem Sacramento-  
rum? 495.  
IV. Quænam ex parte Ministri requirantur ad le-  
gitimam Sacramentorum administrationem? 496.

*Distinctio Secunda.*  
*De Effectibus, ac Necessitate Sacramentorum.*

- Quæstio I. An, & quomodo Sacramenta conferant  
gratiam? fol. 498.  
II. An omnia Sacramenta conferant primam gra-  
tiam, aut æqualem in inæqualiter dispositis? 500.  
III. Qualis requiratur dispositio ad fructuose reci-  
pienda Sacramenta, & præsertim SS. Eucha-  
ristiam? 501.  
IV. De Characterē; ubi & de Sacramentis cum  
Fictione susceptis. 503.  
V. An, & quomodo singula Sacramenta sint ne-  
cessaria ad salutem? 505.

*Distinctio Tertia.*  
*De Baptismo, & Confirmatione.*

- Quæstio I. Quid sit Baptismus, & quo tempore  
institutus, quæque ejus obligatio? fol. 507.  
II. Quæ sit materia Baptismi, qualisque requira-  
tur ablutio baptizandi? 508.  
III. De Forma Sacramenti Baptismi. 509.  
IV. De Ministro, & quibusdam aliis Baptismum  
concernentibus. 510.  
V. De Sacramento Confirmationis. 512.

*Distinctio Quarta.*  
*De Sanctissimo Eucharistia Sacramento.*

- Quæstio I. De Natura, Institutione, ac Unitate  
Sacramenti Eucharistia. fol. 513.  
II. De Materia Sacramenti Eucharistia; ubi præ-  
cipue de Pane. 514.  
III. De Vino, ceu Materia Consecrationis Cali-  
cis. 515.  
IV. De Aqua vino consecrando apponenda. 516.  
V. De Forma Consecrationis Eucharistia. 517.  
VI. De Reali Præsentia Christi in Eucharistia. 518.

VII. De Necessitate sumendi Eucharistiam sub al-  
terutra Specie; ubi & de ejus Effectibus. 519.

*Distinctio Quinta.*  
*De Sacrificio Missæ.*

- Quæstio I. De natura Sacrificii in genere. fol. 521.  
II. De Missa, & qua ratione in ea offeratur ve-  
rum Sacrificium. 522.  
III. Qui sint Offerentes Missæ Sacrificium, & in  
quo consistat Essentia ipsius? 525.  
IV. De Effectibus Sacrificii Missæ. 526.  
V. Quantum sit valor Sacrificii Missæ. 527.  
VI. Pro quibus possit offerri Sacrificium Missæ.  
529.  
VII. De Applicatione Missæ. 530.  
VIII. De Obligatione Celebrandi Missam, quam  
ex variis Titulis habent Sacerdotes. 532.  
IX. De Tempore celebrandi Missam. 538.  
X. Quo in Loco sit celebranda Missa? ubi de Vio-  
latione Ecclesiæ. 539.  
XI. De aliis notabilibus Dubiis circa Sacrificium  
Missæ. 550.

*Distinctio Sexta.*  
*De Sacramento Pœnitentiæ.*

- Quæstio I. De institutione, natura, & necessitate  
Sacramenti Pœnitentiæ. fol. 552.  
II. De Materia Sacramenti Pœnitentiæ. 553.  
III. De Forma Sacramenti Pœnitentiæ. 555.  
IV. De Contritione, seu Pœnitentia virtute, quæ  
est prima Pars materialis Sacramenti Pœniten-  
tiæ. 558.

*Distinctio Septima.*  
*De Confessione, quæ est altera Pars materialis Sacra-  
menti Pœnitentiæ.*

- Quæstio I. Quæ Conditiones requirantur ad Con-  
fessionem Sacramentalem? fol. 563.  
II. Quomodo Confessio debeat esse integra? 566.  
III. De necessitate confitendi Circumstantias ag-  
gravantes, Peccata dubia, &c. & præmittendi  
Examen Conscientiæ. 569.  
IV. An absolvendus sit Moribundus, qui amplius  
confiteri non potest? 571.

*Distinctio Octava.*  
*De Ministro Sacramenti Pœnitentiæ.*

- Quæstio I. Quis sit Minister Sacramenti Pœniten-  
tiæ, & quomodo indigeat Jurisdictione? fol. 574.  
II. De Probate, Scientia, & Prudentia Confes-  
sarii. 577.  
III. De Interrogationibus a Confessario facien-  
dis. 580.  
IV. Quid agendum Confessario circa constitutos  
in occasione proxima peccandi, Recidivos, &  
laborantes ignorantia. 591.  
V. De Denunciatione Confessoriorum ad Turpia  
Solicitantium. 593.

*Distinctio Nona.*  
*De Casibus Reservatis & Sigillo Confessionis.*

- Quæstio I. Quid sit Reservatio Casuum, & a quo  
fieri possit? fol. 597.  
II. De

- II. De Absolutione a Casibus reservatis in & extra Articulum mortis. 600.  
 III. De Sigillo Confessionis. 601.

*Distinctio Decima.*

*De Satisfactione, ut tertia Parte Sacramenti Pœnitentiæ.*

- Quæstio I. De Satisfactione Sacramentali, ejusque acceptatione, & impletione. fol. 605.  
 II. Quænam opera pro Pœnitentiæ Sacramentali injungenda sint. 608.

*Distinctio Undecima.*

*De Sacramento Extremæ Unctionis.*

- Quæstio I. Quæ sit Materia, & Forma Sacramenti Extremæ Unctionis? fol. 611.  
 II. De Effectibus, Subjecto, & Iterabilitate Sacramenti Extremæ Unctionis. 613.

*Distinctio Duodecima.*

*De Sacramento Ordinis.*

- Quæstio I. Quid, & quot sint Ordines? ubi & de prima Tonsura. fol. 615.  
 II. De Materia, Forma, & Officiis singulorum Ordinum. 617.  
 III. De Ætate, & Qualitatibus Ordinandorum. 619.  
 IV. De Ministro Sacramenti Ordinis. 621.  
 V. Solvuntur varia Quæsitæ circa Sacramentum Ordinis. 622.

*Distinctio Decima tertia.*

*De Sacramento Matrimonii.*

- Quæstio I. Quid, & quotuplex sit Matrimonium, & quæ Bona ipsius? fol. 624.  
 II. De Materia, Forma, & Ministro Sacramenti Matrimonii. 625.  
 III. An, & qualis consensus requiratur ad valorem Matrimonii? 627.  
 IV. Utrum sit licita Pluralitas Uxorum? 630.  
 V. De Indissolubilitate Matrimonii. 631.  
 VI. De Cohabitatione, & onere Debiti Conjugalis. 633.  
 VII. De Divortio. 638.

*Distinctio Decima quarta.*

*De Impedimentis Matrimonii.*

- Quæstio I. A quo possint statui Impedimenta Matrimonii? fol. 640.  
 II. Quæ sint Impedimenta mere impediencia Matrimonii? 641.  
 III. De Sponsalibus, eorumque Obligatione, & Dissolutione. 642.  
 IV. De Impedimentis dirimentibus Matrimonii? 648.  
 §. I. De Impedimento Erroris. 648.  
 §. II. De Impedimento Conditionis. 649.  
 §. III. De Impedimento Violentiæ. 649.  
 §. IV. De Impedimento Impotentia. 650.  
 §. V. De Impedimento Ligaminis. 652.  
 §. VI. De Impedimento Ordinis. 652.  
 §. VII. De Impedimento Voti. 652.  
 §. VIII. De Impedimento Disparitatis Cultus. 652.  
 §. IX. De Impedimento Criminis. 653.  
 §. X. De Impedimento Cognationis, tum Carnalis, tum Spiritualis, ac Legalis. 654.  
 §. XI. De Impedimento Affinitatis. 657.  
 §. XII. De Impedimento Justitiæ publicæ Honestatis. 658.  
 §. XIII. De Præsentia Parochi, ac duorum Testium. 659.  
 §. XIV. Solvuntur varia Dubia circa Præsentiam Parochi, ac Testium. 661.  
 §. XV. De Impedimento Raptus. 664.  
 Quæstio V. De Dispensatione Impedimentorum Matrimonii. 665.

*Distinctio Decima quinta.*

*De modo Dispensandi quoad impedimenta practice proposito.*

- Quæstio I. Qualiter dispensetur ab Episcopis? fol. 668.  
 II. Quomodo, & quando dispensetur in Sacra Pœnitentiaria? 669.  
 III. Qualiter in Dataria, & quando? 672.  
 Appendix, continens modum legendi, & scribendi Citationes utriusque Juris. 677.



THEO-





# THEOLOGIÆ MORALIS

BREVI SIMULQUE CLARA METHODO  
COMPREHENSÆ

## TRACTATUS I.

DE  
ACTIBUS HUMANIS, ET CONSCIENTIA.



Uoniam a Deo, Auctore & Conditor suo, homo ad supernaturalem Beatitudinem ordinatus esse dignoscitur, cum primis necesse est media illa investigare, quibus ad præparatam sibi æternam Beatitudinem pervenire, Deumque tamquam ultimum Finem suum apprehendere valeat. Cum igitur juxta illud Davidicum, Ps. 36. *Declina a malo, & fac bonum*, alia ratione id fieri nequeat, nisi per exercitationem actuum bonorum, fugamque malorum: hinc in præsentis utilissimo, omnibusque, præsertim Confessoribus, scitu summe necessario Tractatu, quem *De Actibus Humanis & Conscientia* inscribunt, ea considerata occurrunt, quibus homo in suis actionibus ita possit dirigi, imo & alios dirigere, ut tandem exercitatione bonorum actuum, fugamque malorum, præparatam sibi Gloriam æternam consequi mereatur.

### DISTINCTIO I. De Voluntario, & Involuntario.

#### QUESTIO I. Quid, & quotuplex sit Voluntarium? SUMMARIUM.

1. *Finis ultimus hominis.*
2. *Voluntarium accipitur tripliciter.*
3. *Voluntarium stricte, quid?*
4. *Voluntarium stricte, dividitur in perfectum & imperfectum;*
5. *Directum, & indirectum.*
6. *Et quomodo exerceatur?*
7. *Voluntarium secundum se, & in sua causa.*
8. *Voluntarium interpretativum.*

2. CONCL. I. Voluntarium generatim tribus modis accipitur. Et primo quidem *Voluntarium* illud dicitur, quod fit absque obligatione præcepti: sic Religiosi præter Officium Divinum

quandoque dicuntur recitare quasdam præces voluntarias, id est, absque obligatione dicendas. Verum de Voluntario taliter accepto hic non loquimur. Secundo *Voluntarium* sumitur latissime, prout idem est, ac *Spontaneum*: quomodo omne illud dicitur Voluntarium, quod neque vi, neque ignorantia fit, procedit tamen ab aliquo principio intrinseco cum prævia cognitione. Vel clarius, Voluntarium, prout coincidit cum Spontaneo, dicitur illud, quod procedit a potentia appetitiva ex prævia cognitione objecti. Et hoc modo Voluntarium convenit brutis, utpote quæ agunt sponte ex inclinatione appetitus sensitivi, prævia cognitione sensitiva. Sed & de Voluntario tam large accepto, ac prout etiam convenit brutis, hic sermo non est.

3. Tertio modo *Voluntarium* sumitur stricte, ac prout illud derivatur a voluntate, & competit soli Naturæ rationali habenti voluntatem. Et hoc modo Voluntarium dicitur illud, quod procedit a voluntate ex prævia cognitione intellectiva. Dicitur, *quod procedit a voluntate*: quia aliud est Voluntarium, aliud vero Volitum: nam pluvia, vel serenitas opportuna, est quidem ab agricola volita, non tamen ipsi voluntaria; utpote cum non procedat dicta pluvia, vel serenitas, ab ejus voluntate tamquam effectus ipsius? quamvis sit objectum suæ voluntatis, seu volitum ab ipsa. Et de Voluntario taliter accepto loquimur in præsentis.

4. CONCL. II. Voluntarium hoc tertio modo sumptum varie dividitur; & primo quidem in perfecte Voluntarium, & in Voluntarium imperfecte. *Voluntarium perfecte* dicitur illud, quod procedit a voluntate ex prævia cognitione perfecta, seu deliberata objecti; quomodo peccatum, præsertim mortale, debet esse voluntarium. *Voluntarium imperfectum* econtra est explicandum: quomodo motus voluntatis primi censentur voluntarii, seu potius semivoluntarii, eo quod procedant a cognitione imperfecta, seu indeliberata.

A

5. Dein-

5. Deinde Voluntarium dividitur in directum, & indirectum. *Voluntarium directum*, seu directe Voluntarium dicitur illud, quod per se ac positive procedit a voluntate, in quantum agens est: quo modo actus voluntatis sive elicit, sive imperati, censentur esse voluntarii. *Indirecte* vero illud dicitur *Voluntarium*, quod procedit a voluntate, in quantum non agit, cum tamen agere posset, ac (loquendo de Voluntario culpabili) etiam deberet: sic submersio navis censetur gubernatori ejus indirecte voluntaria, quando delistit a gubernaculo, mediante quo potuisset, ac debuillet impedire submersionem navis.

6. Ex quo patet, Voluntarium directe exerceri per actum positivum voluntatis; Voluntarium vero indirecte per omissionem actus, quem quis non solum potuit, sed (si sit sermo de culpabili voluntario) debuit habere. Siquidem tunc solum effectus censetur indirecte simulque culpabiliter voluntarius, quando quis non agit, cum tamen possit, & debeat agere: si enim gubernator navis non possit navein dirigere, vel quis alius adsit, cui gubernatio navis non est commissa, non imputabitur ei submersio ipsius. Verumtamen notanter additum fuit, *indirecte, simulque culpabiliter voluntarius*: simpliciter enim & absolute ad Voluntarium sufficit, ut quis deliberate omittat opus, quod facere seu non omittere poterat: neque ad hoc requiritur præceptum seu obligatio faciendi id, quod omittitur; quamvis ejusmodi obligatio requiratur, ut omissio illa sit culpabilis, & peccaminosa. Guiliel. Herinex *part. 2. Summa Theologia, Tract. 2. disp. 1. n. 19.* & alii.

7. Ulterius Voluntarium dividitur in Voluntarium secundum se, & in Voluntarium in sua causa; sive (ut alii loquuntur) in formaliter Voluntarium & in virtualiter Voluntarium. *Voluntarium secundum se* (quod & *Voluntarium formale* nuncupatur) dicitur illud, quod a voluntate ex proprio ac formali proposito fit, ac dependet: sic est voluntaria præfens lectio. *Voluntarium in sua causa* (quod & *virtuale* appellatur) illud censetur, quod non in se, sed solum in sua causa cuius est voluntarium; in quantum voluntas, etsi non intendat effectum, vult tamen causam illius effectus; unde & hic saltem virtualiter, seu in sua causa censetur esse voluntarius: sic illi, qui voluntarie se inebriat, censentur esse voluntarii, saltem virtualiter, rixæ illæ, vel blasphemix, quas in tali ebrietate committit, si prius novit, in ebrietate se solere rixari, vel blasphemare.

8. Huc additur *Voluntarium interpretativum*; estque illud, quod adesse præsumitur, seu interpretatur ex aliquo signo extrinseco, positivo vel negativo; sic in Foro externo, *Qui tacet, consentire videtur*, juxta Reg. 47. Juris in 6. Similiter Religiosus, suo Superiore absente, & urgente necessitate, rationabiliter ac honeste quandoque quidpiam agit ex consensu ejus interpretativo, sive rationabiliter præsumpto, dum ex aliis actibus prudenter interpretatur, & præsumit, Superiorem suum, si interrogaretur, in talibus circumstantiis haud futurum invitum. Et hoc posterius aliqui appellant *Voluntarium interpretativum conditionatum* Superioris. Nihilominus *Voluntarium interpretativum*, præsertim in malam partem ac-

ceptum, non raro confunditur cum *Voluntario indirecto*, & in causa: & sic juxta satis communem modum loquendi, si quis projiciat sagittam ad occidendam feram, prævisio periculo occidendi hominem, si sequatur homicidium, censetur occisio isthæc hominis eidem voluntaria in sua causa, indirecte, atque interpretative, quamvis non fuerit intenta & directe volita.

## Q U Æ S T I O II.

Quando effectus, veluti indirecte & in causa voluntarius, imputetur ad culpam?

### S U M M A R I U M.

9. *Qua requirantur, ut effectus, veluti in causa voluntarius, imputetur ad culpam?*
10. *Corollaria. Lot, quomodo excusetur ab incestu?*
11. *Alia corollaria.*
12. *Qua excusare solent, ne effectus pravus, veluti in causa voluntarius imputetur?*
13. *Corollaria.*
14. *Explicatur amplius Conclusio.*
15. *Quando imputetur effectus, veluti indirecte voluntarius?*
16. *Quando quis censetur teneri ad tollendam causam peccati?*

9. **C**ONCL. I. Ad hoc, ut effectus virtualiter, & in causa censetur esse voluntarius, & cuius imputetur ad culpam, omnino requiritur, quod operans adverterit periculum secuturi effectus ad positionem illius causæ. Ita communis. Ratio est: quia, si quis nullam de effectu secuturo habuit advertentiam, tunc talis effectus nullo modo foret prævisus, ac proinde nequaquam voluntarius, sed potius ex naturali inadvertentia proveniens: nam juxta illud tritum Philosophorum, *nihil est volitum, quin præcognitum*.

10. Inferitur proinde I. Quod, quamvis effectus illi pravi, qui frequenter accidunt in ebrietate, voluntarie se inebriantibus imputentur ad culpam, eo quod potuerint prævideri, ac proinde sint voluntarii saltem virtualiter & in sua causa: nihilominus illi eventus, qui raro contingunt, nec fuerunt prævisi, ad culpam non imputentur. Et hac de causa S. Augustinus *lib. 12. cap. 44. contra Faustum*, excusat ipsum Loth ab incestu, quem ebrius admisit, ut legitur *Gen. cap. 19.* eo quod non præviderit, incestum ex ejus ebrietate secuturum.

11. Inferitur II. Circumstantias invincibiliter ignoratas, non imputari ad culpam; quia non fuerunt prævisæ in causa. Sic Jacob Patriarcha non peccavit ingrediendo ad Liam, *Gen. 29.* quia bona fide credebat, se ingredi ad Rachel conjugem suam. E contra vero sequitur, eum, qui scienter & voluntarie occidit mulierem gravidam, censeri etiam occidere infantem, licet hoc expresse non intendat. Ratio est: quia mortem infantis secuturam prævidere poterat, ac debebat, hoc ipso, quod sciebat, foeminam illam esse gravidam, & idem fit in aliis hujusmodi.

12. **C**ONCL. II. Nihilominus sola advertentia effectus pravi ex actione libera secuturi non semper sufficit, ut is cuius imputetur ad culpam, & hoc tunc verificatur, quando ejusmodi actio cæteroquin licita est, & necessaria, vel utilis; simulque effectus ille pravus non intenditur, neque

neque in eo habetur complacentia. Ita Doctores communiter; quos refert, & sequitur Sanchez lib. 9. de Matrimon. disp. 45. n. 4. Ratio est: quia effectus per accidens, ac præter intentionem subsecutus non imputatur ei, qui jus suum prosequitur.

13. Infertur proinde cum Doctores communiter, quod expertus se pollui equitatione, tamen absque periculo consensus, non teneatur pedester incedere, & ab equitatione desistere. Ratio est: quia equitatio est res utilis, neque causa per se & suapte natura talis effectus pravi, seu fœditatis. Infertur ulterius, quoties pollutio sequitur præter intentionem ex causa aliqua necessaria, vel utili corpori; ut est cibus, & potus moderatus; aut animæ, ut orare, studere; vel utili aliis, prout est audire Confessiones, &c. nullam esse culpam, non desistere a causa ista, quamvis inde præter intentionem prævideatur pollutio secutura. Ratio, præter hæc dicta, ulterior est: quia talis patitur pollutionem potius, quam agit.

14. Dicitur notanter in Conclusionem, quando talis actio ceteroquin est licita, & necessaria, vel utilis. Siquidem quando absque urgente necessitate exercetur actio ex sua natura turpis, & per se tendens ad procurandam ejusmodi fœditatem, ut sunt tactus impudici, &c. tunc non vitare ejusmodi causas, est peccatum mortale, & censetur ipsamet pollutio esse voluntaria in sua causa: & servata proportionem idem dicendum de similibus. Additur etiam in Conclusionem, simulque effectus ille pravus non intenditur, &c. Nam si effectus talis pravus, ut puta pollutio, ab aliquo intenditur, vel quis in ea subsequente deliberate delectaretur, libique complaceret in ea, certum est, committi peccatum ratione hujus pravæ intentionis, vel complacentiæ.

15. CONCL. III. Ad hoc, ut effectus ad liberam omissionem alicujus actus consequens cuiuspiam imputetur ad culpam, veluti indirecte voluntarius, præter advertentiam illius effectus pravi ex sua omissionem secuturi, requiruntur insuper tres aliæ conditiones; videlicet, quod possit agere, agendoque illum effectum impedire, & non agat, & tamen teneatur agere: Ita D. Thomas 1. 2. q. 6. art. 3. & communis. Ratio primæ conditionis est: quia nemo peccat in eo, quod vitare non potest, siquidem nemo potest ad impossibile obligari, juxta Reg. 6. Juris in 6. Ratio secundæ conditionis, quod nempe quis non agat, cum agere possit, patet ex eo: quia in omissionem talis actus consistit ratio Voluntarii indirecti. Ratio tandem tertiæ conditionis, quod quis teneatur agere, patet ex eo: quia, nisi hoc requiretur, Deo (quod absit) imputarentur omnia peccata totius Mundi, cum potuisset ea impedire, non creando genus humanum, vel aliis modis, quamvis ut Auctor naturæ, atque universorum Dominus, id facere non teneatur. Similiter submersio v.g. navis imputaretur illi, cui navis gubernatio non fuit commissa, ac proinde tempore naufragii non fuit præsens; quod utique est absurdum.

16. Quæres, quandomodo quis censetur teneri ad tollendam causam peccati, vel impediendum malum, ita ut hoc facere intermittenti censetur subsequens effectus malus fuisse indirecte voluntarius, ac proinde ad peccatum imputetur? Resp.

Id attendi debere ex variis præceptis obligantibus. Quandoque enim quis tenetur ad hoc ex præcepto Justitiæ, quia videlicet ex officio ad ejusmodi malum impediendum est obligatus: quomodo gubernator, cui cura navis est commissa, tenetur pro viribus impedire navis submersionem: & similiter Prælati subditorum peccata. Quandoque autem ejusmodi obligatio confurgit solum ex præcepto Charitatis, quo quilibet tenetur proximo suo in certis casibus: quandoque vero ex præcepto alterius Virtutis; prout in singulis Præceptorum materiis passim solent explicare Theologi.

### Q U Æ S T I O III.

Quo tempore Peccatum tum commissionis, tum omissionis, indirecte seu in causa dumtaxat voluntarium contrahatur?

#### S U M M A R I U M.

17. Peccatum commissionis, & omissionis, quid?
18. Sensus propositæ Quæstionis declaratur exemplis:
19. Aliud exemplum de dante alteri venenum:
20. Et de dormiente, donec sequatur ommissio Missæ ac de Clerico, projiciente Breviarium in mare.
21. Resolutio Quæstionis.
22. Notabilis declaratio Conclusionis.
23. Solvitur objectio.
24. Alia objectio, ejusque solutio. (a) Tract. 1. Dist. 2. n. 30.
25. Poena, vel inhabilitates ob peccatum in causa dumtaxat voluntarium, quando incurrantur?

17. **A**dvertendum, per Peccatum commissionis intelligi illud, quod fit contra aliquod præceptum negativum, seu quidpiam fieri prohibens: ut est furtum, adulterium, homicidium, quæ pugnant contra illa præcepta Decalogi: Non furtum facies: Non machaberis: Non occides &c. Peccatum omissionis econtra est illud, quod fit contra præceptum affirmativum, seu quidpiam fieri præcipiens: ut est ommissio Missæ die Festo audientis, & sic de aliis loquendo. Hoc prænotato,

18. Sensus hujus Quæstionis est, quo tempore incurratur Peccatum commissionis, vel omissionis, indirecte & in causa dumtaxat voluntarium? Ut si quis ante ebrietatem bene prævideat, se in ebrietate commissurum homicidium, vel adulterium, & nihilominus scienter se inebriet usque ad privationem usus rationis, sicque committat homicidium, vel adulterium; Quæstio remanet, an talis peccet peccato homicidii, vel adulterii, eo tempore, quo scienter dedit causam per ebrietatem tali peccato, vel potius tunc, quando in ebrietate actualiter committit homicidium, vel adulterium? Et ratio dubitandi est: quia tempore actualis homicidii, vel adulterii, ipse per ebrietatem privatus est usu rationis, uti supponitur; ergo non videtur pro eo tempore posse actualiter peccare.

19. Similiter, si quis scienter dedit alteri venenum, non nisi post aliquot hebdomadas mortem allaturum, rursus quæritur, an talis peccet peccato homicidii pro eo tempore, quo dedit venenum, vel potius pro tunc, quando actualiter sequitur homicidium, seu mors proximi? Et ratio dubitandi est: quia ille, qui dedit venenum, potest jam de peccato suo esse contritus tempore actualis mortis subsecutæ, ac velle mortem pro-

simi impedire, nec tamen amplius posse: atqui nemo videtur posse actualiter peccare in eo, quod vitare non potest.

20. Insuper, si aliquis mane voluntarie se inebriet, bene praevidens secuturam omissionem Sacri audiendi die Festo; vel tamdiu dormiat, aut tergiversetur domi, praevidendo periculum non audiendi Sacrum die Festo, donec tamen actualiter sequatur ommissio Sacri; aut si Sacerdos navigaturus voluntarie projiciat Breviarium in mare, optime praevidens, inde se reddi impotentem ad recitandum Breviarium per multos dies, & hujusmodi: Quæritur, inquam, quo tempore tales peccent? an videlicet solum pro tunc, quando scienter dederunt causam tali omissioni, vel an insuper peccent adveniente illo tempore, quo currit præceptum audiendi Missam; aut recitandi Breviarium, non obstante, quod tunc talis amplius Missam audire, vel Breviarium recitare non possit? Et hoc idem de innumeris aliis casibus quæri potest.

21. CONCL. I. In his, & similibus casibus, Peccatum commissionis, aut etiam omissionis, indirecte vel in causa duntaxat voluntarium, contrahitur mox in ipsa appositione causæ, vel impedimenti, quæ fuit in libera hominis potestate; non autem amplius tempore subsequenti, quo sequitur v.g. mors alterius veneno causata, aut ommissio Sacri, vel recitationis Breviarii, si tunc revera adfuit impotentia impediendi mortem alterius, vel Sacrum audiendi, &c. Ita Scotus 2. dist. 42. *Mastrius lib. 2. Sent. disp. 6. n. 132.* estque communis sententia Doctorum, paucis exceptis. Ratio hujus Conclusionis desumitur in primis ex rationibus dubitandi proxime allatis. Accedit, quod tempore appositionis causæ mortis proximi per porrectum venenum, jam sit volitum homicidium saltem virtualiter, & in sua causâ; & similiter tempore appositionis impedimenti audiendi Missam die Festo, vel recitandi Breviarium, ommissio hujus etiam indirecte, ac in sua causâ jam est volita: ergo tunc contrahitur tale peccatum, sive commissionis, sive omissionis, non autem tempore subsequenti, si revera tunc adsit impotentia actum prohibitum, actualis v.g. homicidii subsequentis, impediendi, vel actum præceptum Missæ audiendæ ponendi.

22. Dicitur notanter, si tunc revera adsit impotentia impediendi mortem alterius, &c. Siquidem certum est apud omnes, atque indubitatum, si tunc sit in libertate ac potestate hominis, adhuc impedire actum prohibitum, v.g. homicidium veneno porrecto causatum, nec tamen impediatur, etiam tempore actualis mortis proximi subsequente committi, vel potius continuari & consummari peccatum homicidii; cum adsit libertas sufficiens, atque voluntarium, ad contrahendum peccatum etiam pro eo tempore. Et similiter, si tempore præcepti audiendi Missam adsit adhuc potestas & libertas ipsam audiendi, & tamen quis eam audire negligat, etiam tunc committitur peccatum omissionis externæ: siquidem tunc prava voluntas omittendi actum præceptum, opere externo consummatur, ac perficitur. Cæterum data Conclusio loquitur in casu veræ impotentiae, actum prohibitum ex post facto impediendi, vel actum præceptum ponendi; & ait, tunc ejusmodi pec-

catum contrahi duntaxat in ipsa appositione causæ vel impedimenti, utpote quæ fuit in hominis potestate.

23. Nec obstat, quod quando quis posuit impedimentum audiendi v.g. Missam, nondum curabat præceptum Missæ audiendæ; ac proinde non videatur posse pro tunc tale peccatum omissionis Missæ contrahi. Resp. enim, quod, licet tunc præceptum non obligarit ad ponendum actum auditionis Missæ, obligabat tamen ad non ponendum impedimentum exercendi talem actum pro tempore debito: hoc enim præcepto non solum præcipitur ipsa auditio Missæ, sed etiam, ne voluntarie & absque legitima ratione ponatur causa impeditiva illius: sicuti similiter præceptum non occidendi hominem, nedum prohibet actuale homicidium, sed etiam, ne ponatur probabilis causa ipsius. Et per hoc patet ad rationes dubitandi, ab initio Quæstionis, propositas.

24. Dices. Ut Actus prohibitus, vel ommissio actus præcepti, sit formaliter peccatum, sufficit voluntarium indirectum, aut in causa; ergo illud etiam tempore subsequenti contrahitur. Consequentia probatur. Tum quia jam adest sufficiens voluntarium, videlicet indirectum, aut in causa. Tum quia tunc completur, sive consummatur peccatum actualis v.g. omissionis Missæ, aut homicidii veneno causati. Tum tandem, quia alioquin non esset necesse, confiteri tales actus externos; aut omissiones ex priori data causa necessario subsequetas, & in se non liberas, quod videtur absurdum, & contra Decretum Alexandri VII. ejusque Propositionem 25. Resp. negando consequentiam. Ad ejus primam probationem dicitur, adesse quidem sufficiens voluntarium, ut peccatum formaliter contrahatur pro tempore appositionis causæ, sive impedimenti, utpote quæ fuit in libera hominis potestate: non autem pro tempore subsequenti, tunc revera (uti supponit Conclusio) adfuit impotentia ponendi actum præceptum, vel impediendi actum prohibitum. Ad alteram probationem claritatis gratia distinguitur actum, tum: completur, sive consummatur tunc peccatum actualis v.g. omissionis Missæ, vel homicidii veneno causati, duntaxat physice, sive in genere entis, conceditur; completur etiam moraliter, sive in genere moris, negatur; eo quod tunc ommissio actus præcepti, vel eventus actus prohibiti, non amplius subleat libertati ac potestati hominis, sicque secundum se non sit capax malitiæ moralis. Ad ultimam probationem respondetur, in tali casu per se loquendo satis quidem esse, si in Confessione sufficienter explicetur ejusmodi libera positio causæ, sive impedimenti, utpote quæ sola supponitur fuisse in libertate, sive potestate hominis; per accidentis tamen, sive quia alioquin non sufficienter explicaretur illa libera positio causæ, aut impedimenti, sive ob annexam Censuram, vel Reservationem actus opere externo consummati; etiam quandoque requiri, ut explicetur ipsemet actus externus: Porro Decr. Alexandri VII. loquitur de peccato externo, quod tempore actualis commissionis suberat potestati ac libertati hominis, ut sub loco (a) dicitur.

25. CONCL. II. Nihilominus ad incurrendas poenas, vel inhabilitates, quæ sive Jure Ecclesiastico,



Nico, five Civili, in perpetrantes certa crimina sunt statuta, regulariter loquendo non sufficit sola appolitio causa talis criminis, sed requiritur, ut tale crimen opere externa consummetur. Ita Doctores communiter. Sic v. g. si quis alteri machinetur mortem veneno porrecto, quamvis mortaliter peccet, non tamen incurrit irregularitatem, si alterius mors actualis non subsequatur. Similiter qui conatur percutere Clericum, si ipsum, utpote aufugientem, non percussit actualiter, non incurrit excommunicationem latam in percussores Clericorum: & idem fit in aliis similibus. Ratio horum generalis est: quia leges poenales sunt stricte interpretandae; simulque earum verba debent intelligi cum effectu, arg. c. *Hac autem verba, de poenit. diffinit.* 1. juncta Glossa *ibidem*: nam sola voluntas, seu conatus non solet per Leges humanas puniri sine effectu, nisi secus in ipsamet Lege exprimitur, prout exprimitur loquendo de crimine laesa Majestatis, l. *Quisquis, C. Ad legem Juliam Majestatis*; & notat communis Theologorum, & Canonistarum.

Q U A E S T I O I V.  
An Violentia, & Concupiscentia causent  
Involuntarium.

S U M M A R I U M.

26. *Involuntarium aliud simpliciter, aliud secundum quid.*
27. *Violentia causat involuntarium simpliciter.*
28. *Metus non causat involuntarium simpliciter, sed tantum secundum quid.*
29. *Pro nullo metu debet quis peccare.*  
(h) Tract. 2. dist. 2. q. 3.
30. *Pacta, contractus, &c. metu iniiti regulariter valent.*  
(c) De hoc Tract. 8. Dist. 1. n. 8. & seqq.
31. *Metus gravis, seu cadens in constantem virum, & levis, quid?*
32. *Concupiscentia antecedens minuit voluntarium;*
33. *Non item Concupiscentia consequens.*
34. *Peccatum ex infirmitate, ignorantia, & malitia. Passio potest omnino tollere voluntarium.*

26. **A**Dvertendum, quod Involuntarium dividatur in Involuntarium simpliciter, & in Involuntarium duntaxat secundum quid. *Involuntarium simpliciter* dicitur illud, quod voluntas simpliciter & absolute, seu independentem ab omni conditione non vult, atque omnino respuit. *Involuntarium secundum quid* dicitur illud, quod quidem aliquo modo est involuntarium, simul tamen ratione alicujus additae conditionis est voluntarium: sic projectio mercium in mare tempore periculi naufragii, est involuntaria secundum quid; quia naufragus non libenter illas projicit, imo libentius servaret, si posset absque periculo vitae; nihilominus tamen in tali necessitate constitutus vult eas projicere ad servandam vitam. Unde patet, Involuntarium secundum quid semper habere adjunctum aliquid de Voluntario. Hoc praenotato sit

27. CONCL. I. Violentia causat Involuntarium simpliciter. Ita certa, & communis Doctorum. Ratio est: quia violentum dicitur illud, quod fit contra naturam atque intrinsicam inclinationem rei, cui tribuitur. Sic v. g. patitur ho-

mo violentiam, quando vi detinetur in loco, unde libenter exiret, aut quando membra ipsius externa contra suam voluntatem ab aliquo alio moventur. Hinc si Tyrannus cujuspiam manus violenter moveret ad sacrificandum Idolo thus, talis non peccaret; nam ejusmodi actio foret ipsi simpliciter involuntaria.

28. CONCL. II. Metus non causat Involuntarium simpliciter, sed tantum secundum quid; ac proinde id, quod metu fit, est simpliciter & absolute voluntarium, involuntarium autem tantum secundum quid. Ita D. Thomas 1. 2. q. 6. art. 6. & consentiunt non solum omnes Theologi, sed etiam Juristae. Sic projectio mercium in mare est simpliciter voluntaria tempore tempestatis, propter timorem naufragii, cujus speratur esse impeditiva; non obstante, quod ipsa secundum quid, id est, prout consideratur secundum se, atque extra hunc casum necessitatis, sit involuntaria. Hinc etiam, qui metu mortis sacrificat Idolo, aut aliud malum perpetrat, coram Deo reus est peccati; quia adest sufficiens voluntarium, & propter nullum malum evitandum licitum est committere peccatum. Et hinc Juristae dicere solent: *Coacta voluntas est voluntas.* arg. c. *Metus* 15. quest. 1. & habet Glossa *ibidem*.

29. Ceterum licet pro nullo metu debeat quis peccatum mortale incurere, ut dicitur c. *Sacris, De iis, quae vi metusve causa &c.* eo quod peccatum sit omnium malorum gravissimum propter offensam DEI, utpote infiniti Boni, quam continet: nihilominus Leges humanae positivae quandoque cessant obligare in casu magni periculi seu damni, quod rationabiliter timetur secuturum; prout patet in praeepto Ecclesiastico Jejunii, quod non obligat cum probabili periculo, seu metu secuturae infirmitatis, de quo alibi. (b)

30. Ex data Conclusionem ulterius sequitur, quod Pacta, Contractus, Transactiones, Renunciationes, & consimiles actus, quamvis fiant ex metu gravi, atque injuste incusso, regulariter sint validi tam pro Foro externo, quam conscientiae; prout post Glossam cap. *Super hoc, Vers. Resignationis, de Renunciat.* tenet Emmericus Pirhing, tit. *De iis, quae vi metusve causa fiunt.* num. 10. & Sanchez lib. 4. de Matrim. disp. 8. num. 4. & communior aliorum, paucis exceptis: quia videlicet, quod ex metu fit, simpliciter est voluntarium. Verum tamen est, quod ea, quae per metum gravem atque injuste incussum fiunt, ita suadente aequitate, sint per sententiam judicis rescindenda; unde cap. 2. eod. inquit Pontifex: *Qua metu & vi fiunt, de jure debent in irritum revocari.* Quinimo dantur aliqui Contractus, ut Matrimonium, Sponsalia, Professio Religiosa, &c. qui ob metum gravem, & injuste incussum, (c) ipso jure irriti sunt: ratione quorum notanter additum fuit, *regulariter loquendo.*

31. Porro metus gravis (qui etiam dicitur *Metus cadens in constantem virum*) ille est, quem vir constans, & fortis, prudenter & rationabiliter concipit. Et ad hujusmodi metum, secundum Doctorem Subtilem in 4. dist. 29. q. un. & alios communiter, duae requiruntur conditiones. Prima est, quod malum, de quo est metus, sit grave: hujus autem mali gravitas attendi debet ex

A 3

natur



natura mali in se, ut est v. g. mors, captivitas, carcer, mutilatio enormis, stuprum, & ejusmodi; non autem ex vana & non fundata æstimatione patientis, seu metuentis, qui posset alioquin levissimum malum tamquam grave apprehendere. Secunda conditio ad metum gravem requisita est, quod ejusmodi grave malum certo imminet; hoc est, ut non levi æstimatione, sed certitudinaliter, saltem certitudine sufficiente in actibus humanis, judicetur eventurum. Quod si alterutra harum conditionum deficiat, censetur Metus levis.

32. CONCL. III. Concupiscentia, prout est passio, seu motus appetitus sensitivi prosequentis bonum delectabile, aut fugientis malum; cujusmodi sunt amor, desiderium, spes, gaudium, ira: Hujusmodi, inquam, Concupiscentia, seu passio, si sit antecedens, semper minuit voluntarium, seu volubilitatem actus, ad quem impellit; & consequenter minuit etiam virtutis meritum, aut culpæ reatum. Ita D. Thomas 12. qu. 77. art. 6. & 7. & communis Theologorum. Ratio primæ partis est: quia per Concupiscentiam, seu passionem antecedentem intelligitur ea, quæ in appetitu sensitivo naturaliter exurgens, omnem voluntatis deliberationem prævenit, eamque trahit, seu inclinat atque excitat; ad eliciendum actum amoris, iræ, &c. Atqui talia minuunt voluntarium; cum illud voluntati magis sit voluntarium, ad quod ipsa semetipsam movet, quam id, ad quod voluntas ab aliquo alio movetur, & quasi impellitur.

33. Dicitur notanter, *Concupiscentia, seu passio antecedens*. Nam secus est dicendum de Concupiscentia, seu passione consequenti, quam videlicet quis voluntate propria excitat in appetitu suo sensitivo, ut promptius in objectum feratur: puta, si quis in se excitet magnum desiderium vini, ut intemperantius ac delectabilius bibere possit; aut e contra, loquendo de operibus virtuosis, si quis in se excitet magnum misericordiæ erga pauperes affectum, quo magis impellatur ad subveniendum pauperibus, & hujusmodi. Nam loquendo de tali passione consequente nostram voluntatem, fatentur omnes, eam non solum non minuere, sed etiam augere voluntarium. Ratio est: quia ex magnitudine affectus voluntatis provenit, ut in appetitu sensitivo similis affectus excitetur.

34. Confirmantur hæc tenus dicta ex illa communi Theologorum doctrina, qua juxta triplicem radicem suam, peccatum distinguunt in peccatum ex infirmitate, ex malitia, & ex ignorantia. Et addunt Doctores, peccatum ex mera malitia gravius esse, quam peccatum ex infirmitate: atqui peccans ex infirmitate, peccat occasionaliter ex inclinatione concupiscentiæ antecedentis, seu appetitus sensitivi, cui voluntas nata est condelectari; ergo.

Notant etiam Doctores, posse accidere, quod quandoque passio omnino tollat voluntarium: quia potest dari passio aliqua vehementissima, quæ aufert judicium rationis; prout nonnumquam contingit ex melancholia, vel alia causa naturali, imo interdum aliqui propter iram, vel amorem inordinatum insaniunt: atqui sine usu ac judicio rationis non consistit libertas, neque ratio

voluntarii liberi; ergo. Verum regulariter hoc non contingit, sed habent locum dicta in Conclusionem.

## Q U Æ S T I O V.

Quotuplex sit Ignorantia, & an causet Involuntarium?

### S U M M A R I U M.

35. Ignorantia, quid?
36. Quæ ignorant homines, sunt in duplici differentia.
37. Ignorantia varie dividitur.  
*Ignorantia simplicis privationis, & prava dispositionis.*
38. Ignorantia juris, & facti.
39. Ignorantia antecedens, concomitans, & consequens.
40. Ignorantia invincibilis, & vincibilis, atque
41. Ignorantia crassa, & affectata, quæ?
42. Ignorantia antecedens causas involuntarium simpliciter.
43. Concomitans facit non voluntarium.
44. Consequens causas voluntarium, saltem indirecte & in sua causa.
45. Regula generalis prædictorum.

34. **A** Dvertendum, quod Ignorantia proprie dicta differat a simplici negatione scientiæ; talis enim negatio scientiæ datur etiam in lapide; Ignorantia vero importat privationem illius scientiæ, quam quis posset habere: unde solum earum rerum proprie dicimur habere ignorantiam, quas pro tali statu ac tempore scire possemus, & non scimus.

36. Porro ea, quæ ignorant homines, sunt in duplici differentia. Aliqua enim tenetur quis scire: prout omnes tenentur communiter scire principales Articulos Fidei, & universaliora Juris præcepta; singuli autem ea, quæ ad proprium cujusque statum, vel officium spectant. Quædam vero sunt, quæ licet quis scire possit, non tamen tenetur ea scire: uti sunt pleræque doctrinæ Philosophicæ, Geometricæ, Arithmeticæ, &c. His prænotatis sit

37. CONCL. I. Ignorantia proprie dicta, seu quæ importat privationem talium rerum, quarum notitiam quis habere potest, varie dividitur. Ita communis, idque patet inductione; Siquidem omissis aliis divisionibus, scitu minus utilibus, Ignorantia dividitur in primis in Ignorantiam simplicis privationis, & in Ignorantiam prævæ dispositionis. *Ignorantia simplicis privationis* est carentia scientiæ seu cognitionis alicujus, cujus quis fuisset capax pro tali tempore, & statu: ut si quis adultus, & rationis compos, nesciat ea, quæ scire potuisset. *Ignorantia prævæ dispositionis* est positiva deceptio, & contrarius veritati error: & talis v. g. datur in Judæis, Hæreticis, & Paganis, qui non solum alicujus veritatis, præsertim supernaturalis, cognitionem non habent, sed insuper erronee judicant, rem aliter esse, ac revera est.

38. Ignorantiæ alia celebris divisio est in Ignorantiam juris, & facti. *Ignorantia juris* est, cum quis ignorat legem, seu aliquid esse prohibitum aut præceptum: v. g. si quis nesciat, die Veneris esse prohibitam comestionem carnis; aut si quis nesciat, percussioni Clerici esse annexam excommunicationem, tunc talis dicitur habere Ignorantiam juris. *Ignorantia facti* est, si quis igno-

ret

ret factum ipsum esse prohibitum, quod tamen revera illicitum est ac prohibitum: ut si quis occidat hominem, putans esse feram; talis enim ignorat, hic & nunc a se fieri actum prohibitum, nempe homicidium, non obstante, quod aliquin sciat, homicidium esse prohibitum. Idem accidit, si quis nesciat carnem esse, quam comedit die Jejunii; vel si non recogitet, esse diem Jejunii. Et hoc ultimum exemplum, ideo hic apponitur, quia oblivio, & inconsideratio, etiam nomine Ignorantiae comprehenditur.

39. Rursus Ignorantia dividitur in antecedentem, & concomitantem, & consequentem. *Ignorantia antecedens* est illa, quae antecedit omnem voluntatem, non solum explicitam, sed etiam implicitam; ac proinde nullo modo voluntaria est, nec directe, nec indirecte. *Ignorantia concomitans* est ea, quae concomitanter se habet ad actum voluntatis nostrae; id est, quando ignorantia habetur de eo, quod agitur, tamen etiam si sciretur, nihilominus ageretur: sic fieret, cum quis vellet quidem occidere hostem, sed ignorans eum occidit, putans, se occidere feram. Tandem *Ignorantia consequens* dicitur illa, quae consequitur aliquo modo voluntatem nostram, vel explicitam, vel saltem implicitam, directam vel indirectam: & hinc Ignorantia consequens censetur esse voluntaria, imo etiam culpabilis, si versetur circa rem scitu necessariam.

40. Ignorantia ulterius dividitur in vincibilem, & invincibilem. *Ignorantia invincibilis* dicitur ea, quae diligentia humana impediri non potuit: seu (ut alii loquuntur) quae morali diligentia superari ac tolli nequivit, eo quod nunquam in mentem venerit dubitare, aut cogitare de opposito: vel etiam si in mentem venit, tamen adhibita diligenti inquisitione ignorantia illa depelli, & veritatis cognitio acquiri non potuit: & huiusmodi Ignorantia invincibilis re ipsa est Ignorantia antecedens, de qua proxime dictum. *Ignorantia vincibilis* ea est, quae morali diligentia superari, ac tolli, & opposita scientia acquiri potuisset, ac debuisset: & huiusmodi Ignorantia vincibilis in re coincidit cum Ignorantia consequente.

\* Ut autem dicatur aliquis ignorantia vincibilis, actualiter ad culpam imputabili laborare, necesse est, ut id ipsum (nimirum quod debeat ignorantiam deponere) huic incidat; prout ex communissimo DD. recte notant La Croix *Tomul. 1. Theolog. Moral. num. 748.* & Henno *Tract. de Conscient. Dist. 1. Quaest. 5.* Id est, debet eidem pro tunc ex timore prudenti aliquo modo saltem in confuso, si non circa certam speciem peccati, occurrere periculum graviter errandi, & exurgens exinde obligatio moralem diligentiam impendendi, ut hanc suam ignorantiam deponat, e.g. Ponamus quempiam Rusticum, qui ut juvenis pro addiscenda Christiana Doctrina facile potuisset, & debuisset sapius accedere Conciones, aut Catecheses, ex quarum neglectu multa perpetravit illicita, quae tamen pro tunc ignoravit esse peccata, sicque nec in Confessione i clavibus Ecclesiae subiecit; modo autem primum in provectioni aetate constitutus idem rescit ex Concionatoribus aut Confessariis. Quæritur modo,

an ista peccata in juventute perpetrata censentur Rusticus ille commisisse ex ignorantia vincibili, quae esset ad culpam imputabilis, ita ut de novo teneatur eadem tanquam sufficienter voluntaria confiteri, vel non? & respondetur conformiter dictis; nimirum si huic periculum exinde errandi graviter, saltem in confuso, & consequenter obligatio per Catecheses, aliasve pastorales instructiones &c. errores deponendi jam in juventute occurrerint, resolvitur affirmative: secus negative. Atque hæc Doctrina ex communiori Theologorum desumpta bene debet notari ad tollendos multos scrupulos, & anxietates, ac ad solvendos plurimos casus Conscientiae: multa enim potuissent, & debuissent sæpe sciri, & fieri, de quibus tamen non occurrebat pro tunc obligatio faciendi, aut periculum errandi.

41. Rursus Ignorantia vincibilis, seu consequens, juxta quod consequitur voluntatem nostram vel directe, dum scilicet quis data opera vult ignorare; vel indirecte, quatenus non curat scire ea, quae scire deberet, dividitur in affectatam, & in crassam seu supinam. *Ignorantia affectata*, seu *supina* dicitur illa, qua quis non curat scire ea, quae communiter homines sui status & conditionis sciunt. *Ignorantia affectata* vocatur ea, cum quis data opera vult ignorare, & non inquire veritatem; sive ob dilcendi tardium ac pigritiam, sive ut ratione talis ignorantiae circa legis obligationem habitæ vel excusationem aliquam mereatur a transgressione legis, vel liberius ac sine remorsu conscientiae peccare possit. Juxta quod de talibus Job. cap. 21. legitur: *Qui dixerunt DEO, Recede a nobis, & scientiam viarum tuarum nolumus.* Et Ps. 35. *Noluit intelligere, ne bene ageret.*

42. CONCL. II. Ignorantia antecedens, seu invincibilis, causat involuntarium simpliciter. Ita communis Doctorum. Ratio est; quia huiusmodi ignorantia nec directe, nec indirecte est voluntaria, imo opus ex illa procedens non fieret, si ignorantia illa non adesset. Patet hoc in eo, qui occidit hominem, putans esse feram; nam is nullatenus hominem occideret, si talis ignorantia non adesset. Et hinc factum ex tali ignorantia, cum homini nullo modo sit voluntarium, non imputatur ad peccatum.

43. CONCL. III. Ignorantia concomitans non quidem causat positive involuntarium, facit tamen non voluntarium. Ita Doctores passim. Ratio est: quia positive involuntarium dicit aliquid voluntati displicens: atqui occisio sui inimici, quem quis occidit, putans esse feram, non displicet voluntati, imo occidisset nihilominus, si scivisset, eum esse suum inimicum; ergo nec est ipsi involuntarium. Quia vero nihil est volitum, quin præcognitum, hinc Ignorantia concomitans reddit talem occisionem non voluntariam.

44. CONCL. 4. Ignorantia consequens seu vincibilis, sive affectata illa sit, sive crassa & supina, non causat involuntarium, saltem indirecte & in sua causa; ac proinde factum ex tali Ignorantia vincibili, seu consequente procedens, est simpliciter voluntarium, saltem indirecte. Ita rursum communis Theologorum. Ratio est: quia ipsamet ignorantia vincibilis, seu consequens, est simpli-

simpliciter voluntaria, vel directe, si est affectata, vel saltem indirecte, si est crassa & supina, ut patet ex earum explicationibus supra allatis; ergo etiam factum ex tali Ignorantia non est involuntarium, imo simpliciter voluntarium, saltem indirecte, sive in sua causa.

45. Cæterum pro complemento hactenus dictorum, Nota generaliter, dum dictum est, factum ex Ignorantia esse involuntarium, sive simpliciter, sive secundum quid; illud intelligendum esse de objecto secundum eam rationem tantum, secundum quam ipsum fuit ignoratum, non autem in quantum ipsum fuit cognitum, ut advertunt omnes Doctores. Hinc si quis occidens alterum, sciat quidem ipsum esse hominem, nesciat tamen esse Patrem suum, vel Sacerdotem; factum ex tali Ignorantia erit quidem involuntarium operanti, in quantum est Parricidium, vel Sacrilegium; non vero, in quantum est Homicidium: & sic loquendo de similibus.

## DISTINCTIO II.

De natura Actus Humani, seu Moralis, & variis ipsum concernentibus.

### QUÆSTIO I.

Quid sit Actus Humanus, seu Moralis?

#### SUMMARIUM.

1. Actus humanus, & Actus hominis, differunt.
2. Actus humanus hic sumitur pro morali, licet alioquin differant.
3. Actus humanus seu moralis, quid?
4. Quomodo debeat fieri ad regulam nostrorum actuum?
5. Regula morum alia remota, alia proxima.

1. **A**dvertendum I. Quod recepto Theologorum stylo non sit idem, *Actus humanus*, & *Actus hominis*: omnis enim actio ab homine quomodocumque elicit, etiam si sit mere naturalis, ut nutritio, augmentatio &c. aut facta absque advertentia seu deliberatione, ut dum quis pedem aut manum movet, vel barbam fricat aliis intentus, potest dici actio seu *Actus hominis*: *Actus* autem *humani* proprie dicuntur actiones illæ, quæ ex voluntate deliberata procedunt. Hinc Doctor Subtilis 2. dist. 41. quest. un. optime eos appellavit *Actus non humanos*, qui procedunt ex sola imaginatione, & non ex libero arbitrio impellente.

2. Advertendum II. quod in proposito Actus humanus communiter soleat a Doctoribus sumi pro Actu morali, & cum eo converti, non obstante quod in rigore loquendo latius patere videatur Actus humanus, quam moralis: si quidem actus illi, quos non raro eliciunt pueri, libere quidem, sed ante cognitionem boni & mali moralis, virtutis nimirum ac vitii (ut dum ex apprehensione, & cognitione solius commodi, vel incommodi naturalis, deliberare eligunt unum objectum præ alio, v. g. saccharum præ sale) possunt quidem dici *Actus humani*, sed non in rigore loquendo *Actus morales*. Verum his non obstantibus, ac restringendo & sumendo Actum humanum, prout coincidit cum morali, sit

3. CONCL. I. *Actus humanus*, seu moralis ut sic, bene definitur, quod sit Actus voluntatis liber, elicitus cum advertentia rationis ad aliquam regulam nostrorum actuum in ordine ad ultimum

finem nostrum. Hæc Conclusio in re est communis, & probatur declarando singulas ejus particulas. Dicitur in primis, *Actus voluntatis liber*: quia ad Actum humanum seu moralem omnino requiritur, quod sit liber, id est, quod libere procedat a voluntate ex delectu operante; libertas enim actus est fundamentum totius generis moris, & per consequens boni vel mali moralis, etiam quoad malitiam venialem. Et additur, *elicitus cum advertentia rationis*: quia Actus moralis non solum debet procedere a voluntate quomodocumque, sed operante cum advertentia rationis, ita videlicet, ut ratio seu intellectus advertat, quid agatur. Et defectu hujus conditionis actus illi, qui procedunt ex sola imaginatione, ut puta inadvertenter fricare barbam, &c. non sunt proprie loquendo morales, eo quod non eliciantur cum advertentia rationis.

4. Dicitur ulterius, *ad aliquam Regulam nostrorum actuum*. Quod intelligendum de Regula vel præcipiente, vel consulente, vel permittente, vel prohibente, ut sic sub Actu morali generaliter sumpto comprehendamus non solum actus morales bonos, qui nobis sunt præcepti, vel saltem sub consilio propositi; sed etiam indifferentes nobis permisos (de quibus infra Quest. 5.) atque insuper actus moraliter malos, seu peccaminosos, qui per Regulam nostrorum actuum nobis sunt prohibiti. Et defectu hujus conditionis, a ratione Actus morales excluduntur illi, qui eliciuntur a pueris ante usum rationis. Additur tandem, *in ordine ad ultimum finem nostrum*, ad quem per actus nostros moraliter bonos accedimus, per malos vero ab eodem recedimus.

5. Quæres autem, quænam sit illa regula morum, a qua per accessum, vel recessum, derivatur moralitas in Actus humanos? Resp. cum D. Thoma 1. 2. q. 19. art. 4. & communi Theologorum, ejusmodi Regulam esse duplicem, remotam videlicet, & proximam. *Regula morum*, seu actionum nostrarum moralium *remota*, est Lex extrinseca nobis præscribens, quidnam secundum rectam rationem sit agendum, vel fugiendum: de qua in Tractatu II. qui est *De Legibus*, dicitur. *Regula proxima* actionum nostrarum (quam Doctor Subtilis *Quodlib.* 18. appellat *Regulam intrinsecam*) est ipsummet dictamen rectæ rationis, seu conscientie nostræ, proxime nobis dictans, quidnam sit conforme vel difforme Legi extrinsecæ, ac proinde bonum vel malum, faciendum vel omittendum. Et de hac proxima Regula morum fusius agetur in sequenti Distinctione, quæ erit *De Conscientia*.

### QUÆSTIO II.

Unde Actus Humani desumant suam bonitatem, vel malitiam moralem?

#### SUMMARIUM.

6. Actus voluntatis alii elicit, alii imperati.
7. Bonitas naturalis, & moralis in actibus nostris, quæ?
8. Bonum triplex, delectabile, utile, & honestum.
9. Bonitas vel malitia Actus moralis ex triplici capite desumitur.
10. Bonitas vel malitia ex objecto desumpta, est primaria & essentialis actui: alia est accidentalis & secundaria.

11. Circumstantia quandoque tribunt actui primam speciem bonitatis, vel malitiae moralis.
12. Sola bonitas intentionis non sufficit ad tollendam malitiam mediis pravi.
13. Oculus simplex quis?
14. Intentio judicat omnes, quomodo intelligendum?
15. Numquam licitum est, facere malum culpa cum ordinatione ad finem bonum.
16. Culpa vacat, eligere ex duobus id, quod minus malum de se foret, si unum necessario eligendum sit.
17. Nova instantia, & notabilis solutio ipsius.

6. **A**dvertendum I. Quod actus voluntatis alii sint elicit, alii imperati. Actus voluntatis elicit dicuntur illi, qui ab ipsamet voluntate eliciuntur, seu immediate producuntur: uti sunt actus volitionis, nolitionis, ac huiusmodi, Actus Imperati voluntatis sunt illi, qui ex imperio ipsius voluntatis producuntur: uti si voluntas imperet potentiae loco motivae, ut pergat in Ecclesiam, talis ambulatio ex imperio voluntatis procedens dicitur Actus voluntatis imperatus; & idem dicendum de actibus ipsius intellectus, aut aliarum potentiarum, ex imperio voluntatis procedentibus. Imo notant Doctores, voluntatem etiam sibi ipsi posse imperare actum v. g. detestationem de peccato commissio, ut proinde sint aliqui actus a voluntate elicit, & simul ab eadem imperati. Unde autem tales actus voluntatis, sive elicit, sive imperati, suam desumant bonitatem, vel malitiam moralem, quaestio remanet.

7. Advertendum II. Quod in actibus nostris duplex Bonitas considerari possit, una naturalis, alia moralis. Bonitas naturalis consistit in integritate, seu aggregatione eorum omnium, quae in entitate actus naturaliter requiruntur: sic v. g. cantus bene consonans, ac juxta regulas Musices factus, dicitur naturaliter bonus, quamvis forsan sit lascivus, & moraliter malus. Bonitas moralis consistit in integritate, seu aggregatione eorum omnium, quae actui humano secundum rectam rationem convenire debent. E contra vero malitia moralis consistit in defectu omnium, vel saltem alicujus eorum, quae actui humano secundum rectam rationem convenire debent: siquidem, ut post D. Dionysium lib. de Divinis Nominibus cap. 4. notant Doctores, Bonum est ex integra causa, malum vero ex quolibet defectu.

8. Advertendum III. Quod Bonum communiter triplex assignetur, videlicet Bonum utile, bonum delectabile, ac Bonum honestum. Ex his Bonum delectabile dicitur illud, quod operanti affert delectabilitatem; ut est cibus, vel potus. Bonum utile vero, quod affert utilitatem; ut sunt divitiae hujus Mundi. Et certum est, in huiusmodi duplici Bono. non consistere bonitatem moralem actus humani, cum saepius id, quod nobis utile aut delectabile accidit, sit lege Divina prohibitum, ut patet in furto, quod furanti affert utilitatem; ac innumeris aliis. Tandem Bonum honestum idem est, ac moraliter bonum, estque illud, quod est secundum rectam rationem: id est, quod est conforme dictamini rectae rationis, seu conscientiae nostrae proponentis nobis, quidnam sit consentaneum legi extrinsecae, sive Divinae, sive humanae; ac proinde moraliter bonum

vel malum, prosequendum vel fugiendum, &c. Et prosequendo huiusmodi Bonum honestum, dicitur quis bene seu virtuose operari, ac propterea esse dignus laude atque premio: qui vero seculus agit, dicitur male seu vitiose agere, atque esse dignus vituperio & supplicio. His praenotatis sit

9. CONCL. I. Bonitas, vel malitia Actus moralis, ex triplici capite desumitur, videlicet ex objecto, ex fine extrinseco, qui dicitur *Finis operantis*, & denique ex aliis circumstantiis. Ita Doctor Subtilis in 2. dist. 40. estque in re communis Theologorum. Quae quidem Conclusio sic intelligenda est, quod ad bonitatem Actus moralis, sive humani, debeat concurrere & bonitas finis extrinseci, & bonitas omnium circumstantiarum; ita videlicet, ut in nullo horum sit aliqua turpitudine moralis; ad malitiam autem Actus humani sufficiat malitia uniuscujusque praedictorum trium. Ratio est: quia bonum est ex integra causa, malum vero ex quolibet defectu, ut jam supra dictum est num. 7.

10. CONCL. II. Bonitas, vel malitia Actus moralis, ex objecto desumpta, est primaria & essentialis actui in genere moris spectato: desumpta vero ex circumstantiis qua talibus (sub his etiam comprehendendo finem extrinsecum, seu intentionem operantis) est accidentalis & secundaria. Ita Scotus Quæst. 4. Prologi, cum suis, & aliis Theologis pluribus. Declaratur Conclusio exemplis: Sic furtum in genere moris spectatum sumit suam primariam malitiam ab objecto, seu re aliena, eo quod repugnet dari furtum, si res ablata non sit aliena; ac proinde talis malitia ex objecto desumpta, dicitur furto in genere moris spectato esse essentialis. Quod si vero quis furetur ea simul intentione, ut possit fornicari, aut gula indulgere, tunc hæc malitia ex prava ista intentione, seu fine extrinseco desumpta, erit furto accidentalis, quia potest adesse vel abesse, salva furti malitia essentiali; eritque simul secundaria, utpote cum jam aliam malitiam furto essentialem supponat.

11. Dicitur notanter in posteriori parte Conclusionis, *desumpta vero ex circumstantiis qua talibus*. Fatendum quippe est, circumstantiam quandoque tribuere actui etiam primam, atque essentialem bonitatis, vel malitiae speciem: in eo tamen casu ipsæ desinunt esse circumstantiae in genere moris, respectu talis actus (non obstante, quod maneant ejusdem circumstantiae in esse naturæ) sed induunt rationem objecti, prout recte notat Doctor Subtilis loc. cit. Sic fit, dum quis actionem ex se indifferentem, puta Studium, elicit ad honorem DEI, vel actionem bonam ob finem pravum, dando v. g. eleemosynam ob vanam gloriam: in his enim casibus ejusmodi finis extrinsecus seu intentio bona aut mala, confert actui primam omnino speciem bonitatis vel malitiae, utpote cum nullam aliam priorem, seu pra-existentem supponat; Studium quippe ex se est opus indifferens: bonitas vero eleemosynæ ob illum pravum finem vanæ gloriæ corrumpitur, & cessat in tali actu.

12. CONCL. III. Sola intentio bona, seu bonitas finis extrinseci, diminuit quidem malitiam mediis pravi, ipsa tamen non sufficit ad malitiam mediis



medii pravi omnino tollendam; imo potius totum opus est simpliciter malum. Ita communis. Sic v. g. mendacium officiosum non desinit esse mendacium, eo quod per illud necessitati proximi subveniat: quinimo, ut inquit D. Augustinus *lib. contra mendacium, cap. 31. Etiam ad sempiternam salutem nullus ducendus est opitulante mendacio.* Similiter, si quis furetur animo dandi ex re furtiva eleemosynam, non per hoc excusatur a malitia furti, non obstante, quod ejus malitia per hoc aliquantulum minuatur: siquidem, ut habetur *Rom. cap. 3.* non sunt facienda mala, ut eveniant bona. Ratio horum generalis est: quia bonum est ex integra causa, malum vero ex quolibet defectu; ergo si medium est malum, integra actio vitiabitur, atque evadet mala.

13. Objicitur nihilominus contra hanc secundam Conclusionem. *Math. cap. 6.* dixit Christus Dominus: *Si oculus tuus fuerit simplex, totum corpus tuum lucidum erit;* ubi per oculum denotatur intentio, secundum SS. Patres & Doctores passim; ergo si intentio, seu finis bonus est, totum etiam opus erit bonum. Resp. negando consequentiam: quia, ut bene notat D. Bernardus *lib. De precepto & dispensatione* (ubi hoc dubium ex professo tractat) non est oculus simplex, nisi cum recta intentione etiam opus sit rectum: etenim, ut intentio sit bona, non solum finis bonus intendi debet, sed etiam bene, id est, sine admixtione pravæ circumstantiæ, aut medii mali.

14. Objicitur ulterius. Juxta illud tritissimum axioma, *Intentio judicat omnes;* ergo si quis bona intentione proximo subveniendi facit mendacium officiosum, vel leve furtum, non videtur peccare. Probatur consequentia ex S. Augustino, in *Præfatione ad Ps. 31.* sic dicente: *Non valde attendas, quid homo faciat, sed quid, cum facit, aspiciat:* ergo. Resp. negando consequentiam: nam axioma illud intelligi debet juxta proxime dicta ex S. Bernardo: neque enim intentio est bona, nisi finis bonus intendatur & simul bene, id est, sine admixtione pravæ circumstantiæ, aut medii mali. Ad S. Augustinum dicitur, eundem velle dumtaxat, quod ad operis honestatem requiratur, ut agens aspiciat ad bonum virtutis, illud attendendo atque volendo; & non opus ex se bonum, atque ante oculos humanos excellens, faciat ob prævum finem vanæ gloriæ, aut hujusmodi, ne alioquin justum quidem faciat, sed non juste. Neutiquam autem vult S. Augustinus *loc. cit.* ex sola bonitate finis desumi bonitatem actus moralis, cum bonum debeat esse ex integra causa, malum vero sit ex quolibet defectu. Hinc, ut legitur *1. Reg. c. 15.* Saul Rex plurimum reprehensus fuit, eo quod quædam spolia ex cæde Amalec contra Dei præceptum reservaverit, licet id fecerit ob honestum finem, nempe ut ex iisdem spoliis Deo in signum gratitudinis sacrificaret, atque hostias offerret.

15. Objicitur tertio. Ex duobus malis minus est eligendum, *can. Duo mala. & can. Nervi diff.* 13. ergo si v. g. mendacium occurrat dicendum, ut vitentur graviora facinora, illud erit licitum. Resp. negando consequentiam: nam quamvis ex duobus malis minus sit eligendum, quando eo-

rum alterum necessario est faciendum: uti patet quotidie in Civilibus, nec non & Phycis; ubi Chirurghi secant infirmo manum, ut vitam ejus servant: numquam tamen est faciendum aliquod malum culpæ cum ordinatione ad aliquem finem bonum. Siquidem malum culpæ est gravius omni malo pœnæ, ac proinde numquam licite potest eligi pro quocumque malo pœnæ vitando: unde, ut inquit Apostolus ad *Rom. 3.* *Eorum damnatio justa est, qui dicunt, faciamus malum, ut eveniant bona.*

16. Urgebis. Ergo saltem minus malum culpæ potest licite eligi ad fugiendum majus malum culpæ. Resp. negando sequelam, vel potius suppositum ejus: nam si tanta occurrat necessitas, ut ex duobus, quorum alioquin quodlibet esset peccatum, necessario unum mihi sit eligendum, debet quidem eligi id, quod cæteroquin minus foret; illud tamen revera tunc non habebit rationem peccati, sed vacabit omni culpa; prout cum D. Augustino *lib. Contra mendacium, cap. 18.* notat communis Theologorum. Sic quando die Dominico debebo vel omittere auditionem Missæ, vel domi relinquere infirmum solitarium cum periculo vitæ ejus, eo quod non habeam alium, qui interea decumbenti inserviat; tunc teneor eligere omissionem Missæ (nam minus obligat præceptum Ecclesiasticum de Missâ audienda, quam præceptum naturale de subveniando proximo extreme indigenti) quamvis ipsa in tali casu mihi ad culpam nullatenus imputetur.

17. Instabis. Ergo pariter, si possum meo mendacio impedire graviora alterius peccata, potero licite mentiri, neque mentiendo peccabo; quia ex duobus malis minus eligerem. Resp. negando sequelam: aliud enim est, ex duobus malis, quorum unum necessario est eligendum, minus eligere, juxta dicta *num. præc.* aliud vero, facere malum culpæ (nam mentiri est intrinsece malum) cum ordinatione ad vitandum majus peccatum alterius, quod alter libere, non vero necessario, commissurus putatur, de quo *num. 15.* Et gravius longe mihi malum est, proprio peccato me coinquinare, quam sine culpa mea alterius peccatum permittere, forte non futurum. Et certe (ut optime S. Augustinus, *lib. Contra mendacium, cap. 9.* solvens hoc dubium; notavit) si hanc peccatis aperuerimus viam, ut committamus minora, ne alii committant majora, lato limite, imo nullo limite cuncta intrabunt atque regnabunt, dum profecto & furtis nostris stupra cavebuntur aliena, &c. & non solum minora pro majoribus, sed etiam (loquendo de maximis peccatis) pauciora peccata pro pluribus licita esse invenientur, quod absit.

### Q U Æ S T I O III.

Quomodo malitia, & præsertim bonitas debeat esse volita, ut eam Actus Humanus desumat ex objecto & circumstantiis?

### S U M M A R I U M.

18. *Ad malitiam actus contrahendam non est necesse, ut ea sit directe volita, &c.*

19. *Corollarium notabile.*

20. *Ad*



20. Ad bonitatem moralem actus ex objecto desumendam requiritur, ut hæc sit directe volita.
21. Licet necesse non sit, ut ea appetatur tanquam objectum formale motivum.
22. Ut actus bonitatem moralem desumat ex fine extrinseco, & circumstantiis, quid requiratur?
23. Quid observandum circa objecta indifferentia?
24. Sufficit cognosci & amari honestatem implicite.
25. Bona intentio nostris actionibus præfigenda, cur?
26. Commendatur bona intentio mane facta, & an sufficiat?
27. Sufficit ad meritum intentio virtualis, & quæ ea sit?

18. **CONCL. I.** Ad hoc, ut actus moralis desumat suam malitiam ex objecto aut circumstantiis, non requiritur, ut malitia ipsius sit directe volita & intenta, sed sufficit advertere aliquo modo, actum esse malum. Unde ad contrahendam malitiam sufficit quodcumque voluntarium, sive directum, sive indirectum, ac virtuale. Ita omnes Doctores; & ratio est: quia bonum est ex integra causa, malum vero ex quolibet defectu, prout post D. Dionysium *cit. lib. de Divinis Nomin. c. 4.* sentit communis Doctorum.

19. Inferitur proinde, quamvis operans directe malitiam nolit, ipsive turpitudine actus displiceat, nihilominus hoc ipso, quod actum illum facit, cui adjunctam esse malitiam advertit, eum peccare. Ratio est: quia, licet displiceat malitia, non tamen displicet efficaciter; ac proin ipsa malitia saltem indirecte, & in sua causa, seu (ut alii loquuntur) interpretative est ipsi voluntaria, quod sufficit ad malitiam actus. Et hoc quidem est certum, in eoque conveniunt Doctores passim: major autem difficultas est de bonitate actus, & quomodo ea debeat esse volita, ut ipsam actus desumat ex objecto & circumstantiis.

20. **CONCL. II.** Ut actus desumat bonitatem moralem ex objecto, non sufficit voluntarium indirectum seu interpretativum honestatis, sed requiritur, ut hæc sit præcognita, & directe volita: unde si quis faciat objective bonum, seu honestum, nulla habita ratione honestatis ipsius, is non facit actum moraliter bonum & honestum; puta si quis faciat actum justitiæ in contractibus humanis ex intentione solius lucri, vel reddat alteri, quod suum est, ex solo metu humano, ne utique curando, quod hoc sit honestum, Deoque placitum, is non facit actum moraliter bonum & honestum: licet enim talis justum facere dici possit: non tamen juste. Ita Doctor Subtilis *Quodlib. 18.* estque communis aliorum, paucis exceptis.

21. **CONCL. III.** Nihilominus ad contrahendam bonitatem ex objecto non est necesse, ut honestas ejus appetatur tanquam objectum formale motivum, seu ut ratio formaliter appetendi; satis quippe est, eam cognosci simulque intendi, etiamsi talis honestas non ametur propter se, nec sit ratio motiva actus, sed aliqua alia bonitas, dummodo nulla apponatur mala intentio, aut alia prava circumstantia. Ita Barthol. Mastrius *in 2. Sentent. disp. 5. n. 193.* estque communior Doctorum. Sic enim, qui dat (forte jussu Confessarii) eleemosynam in satisfactionem suorum peccatorum, non solum elicit actum Pœnitentiæ, sed et-

iam actum Misericordiæ, non obstante, quod in tali casu motivum formale eliciendi actum illum eleemosynæ sit honestas Pœnitentiæ. Et hoc procedit de bonitate ex objecto desumpta, & cui nulla prava circumstantia admiscetur.

22. **CONCL. IV.** Loquendo tamen de fine extrinseco, & nonnullis circumstantiis aliis, debet quandoque honestas amari propter seipsam, seu formaliter intendi, ut actus illam honestatem contrahat. Ita Scotus *Quodlib. 18. §. de primo. Mastrius. cit. disp. 5. n. 199.* & videtur communis inter Doctores. Probatur, simulque declaratur Conclusio: nam in primis bonitas finis operantis (qui dicitur *Finis extrinsecus*) est omnino extrinseca, & accidentalis actui; ergo si ipsa non sit ratio motiva agendi, actuque ex intentione agentis data opera non conjungatur, nequaquam poterit actus eam finis extrinseci honestatem participare. Sic v.g. quia jejunium ultra honestatem Temperantiæ, quæ ipsi ex objecto competit, potest ex intentione bona, seu fine extrinseco operantis, aliam quoque accidentalem honestatem participare (nimirum Pœnitentiæ, si fiat in satisfactionem peccatorum; Religionis, si fiat ob cultum Dei) ut jejunium etiam hujusmodi honestates participet, necesse est, quod hæc per se intendatur ab operante; & idem fit in similibus.

23. Deinde etiam in objectis indifferentibus, ut actus honestatem cujuspiam Virtutis participet ex fine extrinseco, seu bona intentione operantis, necesse est, operantem moveri ab honestate illius finis extrinseci seu virtutis. Sic, ut actus comestionis, studii, dormitionis, &c. qui ex se indifferens est, acquirat bonitatem Obedientiæ erga Deum, volentem, quod tempore congruo moderate comedamus, dormiamus, studeamus, aut alia ejusmodi opera exerceamus, necesse est, ut hujusmodi honestas virtutis Obedientiæ erga Deum intendatur, & propter se appetatur; alioquin enim actus ille nullam bonitatem virtutis Obedientiæ contrahet, sed remanebit in sua indifferentia. Idem dicendum de aliis similibus.

24. **CONCL. V.** Verumtamen dicta in præmissis Conclusionibus, ubi habetur, quod honestas debeat cognosci, & amari, aut etiam per se intendi, non sic intelligenda sunt, quali exigatur reflexio cognitionis, vel volitionis circa honestatem objecti, aut circumstantiarum: sufficit enim, modo aliquo implicito, aut æquivalenti cognosci, & appeti honestatem illam, apprehendendo v.g. objectum ut laudabile, ut dignum præmio, ut placitum Deo, ut commendatum a viris probis, vel in speciali, ut opus Justitiæ, Charitatis, Obedientiæ, &c. sicque illud volendo. Hinc Christus *Matth. cap. 10.* inquit: *Quicumque potum derideris uni ex minimis istis, calicem aque frigida, tantum in nomine Discipuli, amen dico vobis, non perdet mercedem suam.*

25. Quæres, quid sit sentiendum de bona intentione nostris operibus præfigenda? Resp. I. Cur Libri Ascetici adeo commendent bonam intentionem, ratio desumitur ex dictis, ne videlicet alioquin justum quidem operemur, sed non juste; simulque negligamus innumeras occasiones bene agendi, atque promerendi augmentum gratiæ & gloriæ cœlestis, quas continuo habere pos-

sumus constituti in statu gratiæ, dummodo ex bona intentione, puta amoris Dei, aliarumque Virtutum supernaturalium, eliciamus actiones nostras, sive ex objecto bonas, sive indifferentes.

26. Ubi quidem in primis commendatur propositum initio diei conceptum, ob Dei Amorem omnia agendi ad ipsius perennem gloriam: sed quia huiusmodi intentio generalis non videtur posse virtualiter permanere, atque influere in omnes actiones totius diei; hinc eam interdum renovandam, atque peculiaribus actionibus nostris præfigendam, monet Jeremias Drexelius lib. 1. *Amussis. cap. 5. §. 4.* citans D. Thomam, aliosque. Et hæc etiam fuit expressa mens D. Bonaventuræ lib. 1. *dist. 41. art. 1. quest. 3. ad 6.* ubi ad hoc, ut actio aliqua sit meritoria, requirit talem relationem ad Deum, *non qua quis in generali refert ad Deum omnia opera diei, vel anni, sed qua quis refert aliquod opus ad Deum, ita quod opus sequens directam habeat ad opus primum ordinationem, & consequentiam:* cujusmodi relationem in Deum, alii appellant *Intentionem virtuales*. Concordat Doctor Subtilis 2. *dist. 41. qu. un.* ubi ait: *Non videtur minor relatio (in Deum) sufficere ad meritum, quam relatio virtualis.*

27. Resp. II. Nihilominus sufficere ad meritum intentionem, seu relationem virtuales in Deum, fatentur tum citati, tum alii Doctores. Dicitur autem Intentio virtualis, quæ licet actu jam præterierit, manet tamen in virtute sua: & talis tunc censetur haberi, quando operans virtute actualis intentionis prius habitæ facit omnia, quæ facit, tamquam ex radice, ita quod illa intentio actualis fuerit principium ordinatum ad omnes illos actus sequentes. Exemplum huius, proposito nostro accommodatissimum, ponit Scotus 4. *dist. 6. quest. 6.* ubi ait: *Hoc modo intendens ire ad sanctum Jacobum, ex intentione huius finis ordinat multa alia necessaria ad illum finem; exequens autem illa ordinata, non semper cogitat de sancto Jacobo, nec de reverentia ejus. Dico tamen, quod semper meretur, quia vel habet intentionem eorum, quæ sunt ad finem illum, cujus est illa prima intentio, vel habet actus aliquos sequentes ex illis intentionibus,* in quibus proinde virtualiter continuatur illa prima intentio eundi ad sanctum Jacobum, non obstante, quod interveniant aliqui actus distrahentes. Similia habet sanctus Bonaventura *loc. cit.* hinc inferens *de viris Religiosis, qui in principio ex charitate devoverunt portare Religionis onus: quidquid enim (inquit) faciunt, quod ad suam Religionis observantiam spectat, ex prima intentione est eis meritorium ad salutem, nisi forte (quod absit) contraria intentio superveniat: in aliis autem, quæ ad Religionem non spectant, secus est, quia illa intentio non se extendit ad alia.* Hinc quoad similia erit renovanda intentio, ne maneant in sua indifferentia, & absque merito: quamvis admodum sit consultum, meritorium, Deoque gratum, eandem etiam quoad reliquos actus iterare, tum ad debitum DEO servitium eo exquisitius ferventiusque præstandum; tum ad augendos inter nos virtutum actus, & participandam multiplicem bonitatem extrinsecam.

## Q U Æ S T I O IV.

De bonitate, vel malitia Actus externi.

### S U M M A R I U M.

28. *Bonitas, vel malitia moralis, per se primo inest actui voluntatis interno.*
29. *Actus externus, saltem occasionaliter, addit bonitatem, &c. interno.*
30. *Habet etiam distinctam bonitatem, vel malitiam moralem ab interno.*
31. *Hoc amplius probatur.*
32. *Voluntas reputatur pro facto, quomodo?*
33. *Exemplum Vidua, mistensis duo minuta in munera Dei, declaratur.*
34. *Actus interior & exterior, an sint duo peccata?*
35. *Id amplius declaratur.*

28. **C**ONCL. I. Bonitas, aut malitia Actus moralis, per se primo inest actui voluntatis interno atque elicito; in aliis autem actibus exterioribus ac imperatis, uti sunt actus intellectus, atque actus potentiarum sensitivarum, & membrorum exteriorum, non nisi secundario & participative, id est, dependenter ab actu interiori voluntatis, reperitur bonitas, vel malitia moralis. Ita Doctor noster 2. *dist. 42. q. 2.* & alii. Ratio est: quia causa prima eliciendi actum liberum, sicque operandi bonum, aut peccandi, est voluntas; ergo etiam bonitas actus, vel malitia peccati, primario erit in actu voluntatis, in actibus autem aliarum potentiarum solum secundario, & dependenter ab actu voluntatis; ejusque libertate.

29. **C**ONCL. II. Actus externus, regulariter loquendo, addit aliquid bonitatis vel malitiæ actui interiori, saltem causaliter, vel occasionaliter. Hæc Conclusio sic prolata, est certa inter Theologos. Ratio est: quia, dum ponitur Actus exterior, occasione ejus regulariter loquendo intenditur, aut diutius continuatur interior; ergo vera est Conclusio, quod nimirum occasione Actus exterioris & causaliter, regulariter addatur nova bonitas vel malitia actui interno, utpote qui occasione Actus externi solet intendi, vel diutius continuari. Et hoc ipsum docet experientia: Sic qui re ipsa Martyrium patitur, regulariter loquendo plus meretur, quam qui illud solummodo efficaciter exoptat; dum enim re ipsa patitur Martyrium, occasione exterioris passionis elicit plures novos intensiores actus internos voluntatis, quibus Martyrium ob Dei amorem acceptat, & tolerat. Similiter, dum quis actu ipso fornicatur, hic actus exterior reddit utique affectum internum fornicandi intensiorem, quam antea fuerat, ut taceantur aliæ pravæ cupiditates, occasione talis actus externi pravi in homine subsequentes. Et hoc quidem est certum, & a Doctoribus communiter concessum: an autem ipsemet actus exterior secundum se addat specialem bonitatem, vel malitiam actui interno, inter Theologos plurimum celebris est questio, ad quam breviter respondendo, sit

30. **C**ONCL. III. Actus exterior habet etiam bonitatem, vel malitiam moralem propriam, distinctam ab ea, quam habet actus interior voluntatis elicito; ac proinde simpliciter loquendo, actus exterior superaddit specialem bonitatem, vel malitiam actui interiori. Ita Doctor Subtilis

Quod-

Quodlib. 18. cum omnibus suis, quamvis multi alii Theologi teneant oppositum. Probatur Conclusio in primis auctoritate D. Augustini lib. 13. de Trinit. cap. 5. dicentis: *Mala voluntate vel sola quilibet miser efficitur, sed inferior potestate, qua desiderium male voluntatis impletur.* Hinc Glossa super illud Exod. 20. *Non mœ. haberi*, inquit, *Qui opus adjicis voluntati, iniquitatem addit iniquitati.* Probatur eadem Conclusio ratione: Si actus externus non superadderet specialem malitiam actui interno malo, sequeretur, actum externum non esse necessario confitendum; sufficeret enim, solum actum internum efficacem occidendi v. g. vel adulterandi, confiteri: consequens est absurdum, & contra Decretum Alexandri VII. an. 1665. sequentem inter alias propositionem, ordine 25. damnantis: *Qui habuit copulam cum soluta, satisfacit Confessionis præcepto, dicens: Commisi cum soluta grave peccatum contra castitatem, non explicando copulam.* Probatur sequela: quia juxta sententiam oppositam actus externus, v. g. fornicationis, non habet specialem malitiam ab interiori: ergo hoc solo explicato in Confessione, jam tota malitia sui peccati explicaretur; & consequenter, cum hoc dici nequeat, erit admittenda Conclusio.

31. Confirmatur Conclusio. Tum quia Deus ipsemet specialibus præceptis prohibere dignatus est actum internum, & externum peccati; ut patet ex eo, quod sexto præcepto Decalogi expresse prohibuerit adulterium, & nono pravam concupiscentiam seu voluntatem adulterandi; ergo aliam agnovit malitiam in actu externo, quam interno, alioquin frustra multiplicarentur ejusmodi præcepta. Tum quia plures Leges, tam Canonice, quam Civiles, puniunt actus externos, non tamen internos (non obstante, quod hi in Foro externo legitime probentur, puta per propriam confessionem) ut patet in excommunicatione annexa hæresi formali externæ, non internæ; aut percussioni actuali Clerici, non autem voluntati hunc percutiendi, ac hujusmodi. Tum quia actus externi sunt vere liberi, haud obstante, quod libertatem participant a voluntate, ejusque imperio; ergo etiam sunt boni vel mali, prout substant imperio voluntatis, & quidem distincta bonitate vel malitia, non minus, ac habent diversam libertatem. Nam, ut subtiliter argumentatur Scotus loc. cit. voluntas utrique actui distinctam & propriam communicat libertatem, dum actui interno communicat libertatem ut eliciens, qui proinde est immediate voluntarius; exteriori vero communicat libertatem ut imperans, qui proinde (non quoad propositum dicatur se habere sicut instrumentum inanimatum manu artificis motum) est saltem participative liber, ac mediate voluntarius.

32. Obijcitur tamen contra hanc conclusionem, afferendo plures SS. Patrum Auctoritates, ac præsertim illam D. Bernardi, Epist. 77. dicentis: *Legimus, qui viderit mulierem ad concupiscendum, jam mœchatus est in corde suo. Quid planius, quod voluntas pro facto reputatur, ubi factum excludit necessitas.* Hæc ille. Resp. Sensem talium locutionum esse, quod voluntas pro facto reputetur quoad culpam, & reatum in malo, non vero

quoad quantitatem culpæ: uterque enim peccat mortaliter, tam adulterans, quam concupiscens adulterium, sed ille gravius, utpote iniquitatem addens iniquitati.

33. Quod si quis instet: Juxta illud commune adagium: *voluntas pro facto reputatur, ubi facultas operis deest*: unde etiam Christus Lucæ c. 22. Viduam pauperem, quæ misit duo minuta in gazophylacium Templi, prætulit aliis, qui multa miserunt; ergo. Resp. dictum illud, *voluntas pro facto reputatur, &c.* verum esse quantum ad sufficientiam ad salutem, præmiumque substantiale in cælis consequendum; non vero, quantum ad præmii excellentiam, majoremque actus bonitatem. Nec urget exemplum Viduæ pauperis, cum in illo casu cætera non fuerint paria; nam Vidua illa pauper misit duo minuta ex majori fervore & charitate, quam cæteri, qui plus mittebant: hi enim, ut Christus Dominus ibi attestatur, ex abundanti sibi miserunt in munera Dei, illa vero omnem victum suum, quem habuit, misit.

34. Quæres, an actus interior & exterior sint unum, vel duo peccata? Resp. Quantum attinet ad praxin, sufficit in Confessione explicare actum externum deliberate perpetratum, v. g. se furatum esse toties summam gravem; hoc ipso enim indicatur etiam interna voluntas furandi, a qua derivatur malitia peccati in actum externum. Non autem sufficit ei, qui actum internum, live propositum peccandi opere externo complevit, solum actum internum explicare, sed tenetur etiam explicare actum externum, propter dicta *nn.* 30. Et hæc est certa, atque omnimodis tenenda; præsertim post Decretum Alexandri VII. ibidem allatum. Nec obstat, quod circumstantiæ peccatorum aggravantes, juxta multos Doctores, non sint necessario explicandæ in confessione. Respondetur enim, peccatum externum etiam specie morali differre ab interno; cum prima & generica peccatorum divisio sit in peccata cordis, oris, & operis, unde & aliud moraliter est, voluntas occidendi hominem, & aliud, actualis occisio hominis.

35. Num autem actus exterior & interior sint unum vel duo peccata, eo quod habeant duplicem malitiam distinctam, est Quæstio magis Theologica, & Speculativa. Potest tamen breviter dici, quod, licet actus exterior & interior sint duo peccata partialia, quatenus uterque actus in seipso formaliter consideratus habet propriam suam malitiam; nihilominus tamen sint unum peccatum totale, quatenus sunt ad invicem subordinati, & naturaliter connexi: nam actus exterior naturaliter subordinatur interiori, a quo pendet in suo esse, & vicissim actus interior pendet ab exteriori, tanquam ab objecto, & ultimo suo complemento.

## QUÆSTIO V.

An detur Actus indifferens?

### SUMMARIUM.

36. Actus indifferens, quid?
37. Certum est, dari actus indifferentes ob defectum deliberationis.
38. Dantur insuper actus humani indifferentes.
39. An homo tenetur omnem actum dirigere in finem honestum.

36. **A**dvertendum, quod per *Actum indifferen-*tem in proposito intelligatur ille, qui nec bonus est, nec malus in genere moris; ac proinde neque speciali laude & præmio dignus, neque vituperio aut supplicio. Unde Actus indifferens mediat inter actum moraliter bonum, & inter actum moraliter malum, seu peccaminosum.

37. CONCL. I. Certum est, plures dari actus etiam in individuo, qui nec boni sunt, nec mali, propter inadvertentiam, & defectum actualis deliberationis, ac proinde hac ratione indifferentes; uti sunt, ex inadvertentia & imaginatione quadam movere manum, fricare barbam, levare festucam, &c. & præsertim innumeri tales dantur in pueris. Et tales actus indifferentes dari, admittit pariter Doctor Angelicus 1. 2. q. 18. art. 9. de iis autem non esse questionem inter Theologos, notat Scotus in 2. dist. 41. ante solutionem argumentorum, cum defectu deliberationis non sint actus humani, sed extra genus moris. Igitur loquendo de Actibus humanis libere, & cum advertentia rationis elicitis, sit

38. CONCL. II. Dantur insuper Actus humani indifferentes, qui nec boni, nec mali sunt in genere moris, etiam si libere & cum advertentia rationis elicantur. Ita Doctor Subtilis cit. dist. 41. D. Bonaventura 2. dist. 41. art. 1. quest. 3. Aliensis, & quamplures Theologi, quamvis etiam non pauci oppositum teneant. Probatur Conclusio in primis auctoritate S. Hieronymi, Epist. 89. ad S. Augustinum sic scribentis: *Bonum est continentia, malum luxuria: inter utrumque indifferens est ambulare, manibus capitis purgamenta projicere, sputis rheumata jacere; hoc nec bonum, nec malum est: sive enim feceris, sive non feceris, nec justitiam habebis, nec injustitiam.* Hæc ille. Confirmatur. Quia nulla datur obligatio referendi quemcumque actum in finem honestum; ergo potest dari Actus indifferens. Probatur assumptum: tum quia nullibi legitur talis obligatio, simulque ea admodum foret dura & difficilis naturæ humanæ, ejusque fragilitati, propter innumera hujus vitæ impedimenta, occupationes, atque distractiones. Tum quia alioquin actus ex objecto indifferentes, & in bonum finem non relati, ut puta moderate comedere, ambulare, purgamenta e naribus projicere, &c. non facta alia bona intentione, forent hoc ipso mali, & peccata saltem venialia, ac proinde essent materia sufficiens Sacramenti Pœnitentiæ, & Confessionis: hoc autem est contra praxin prudentum Confessariorum, & communem sensum Fidelium; ergo.

39. Objicitur tamen, afferendo præcipuum fundamentum adversæ sententiæ. Tenetur homo quemcumque actum ex deliberatione procedentem dirigere in finem honestum; ergo nequit dari Actus indifferens, sed erit vel bonus, si dirigatur in finem honestum, vel malus, si non dirigatur. Probatur antecedens: quia tenemur diligere Deum ex toto corde, & in tota anima nostra, Matth. 22. cum concordantiis: atqui hoc præceptum non observat is, qui scienter ac deliberate exercet actum indifferentem absque ulteriori relatione in Deum; ergo. Resp. Negando antecedens: id namque videtur esse contra communem sensum hominum; vix enim ullus est,

qui, quando lavat faciem, aut expuit, aliaque similia opera ex se indifferentia exercet, cogitet, se teneri ad apponendum semper bonum finem, non obstante, quod valde consultum, simulque meritorium, & laudabilissimum sit ipsum apponere. Ad probationem antecedentis dicitur, præcepto diligendi Deum super omnia, in hac vita satisfieri certis actibus positivis supernaturalibus, & abstinencia ab actibus dilectioni Dei oppositis, simulque observatione mandatorum Dei, juxta illud Salvatoris Joan. 14. *Qui habet mandata mea, & servat ea, ille est, qui diligit me.*

\*Urgebis: Si dantur actus indifferentes in individuo, tunc liceret operari ex sola delectabilitate objecti, e.g. audire concentum musicæ, quia recreat; videre, vel odorare flores, quia delectant visum ac odoratum, aut studere Poësi, sive Mathematicæ ex animi oblectatione &c. sed non licet citra peccatum veniale operari ex delectabilitate objecti: ergo. Min. prob. quia alias liceret comedere, & bibere ad satietatem ex delectabilitate, vel ex eodem motivo conjugibus exercere copulam; quod tamen utrumque ab Innocentio XI. damnatum est: cum Propositione ordine 8. ab eodem Pontifice confixa sic sonet: *Comedere & bibere usque ad satietatem ob solam voluptatem non est peccatum, modo non obstat valetudini, quia licite potest appetitus naturalis suis actibus frui.* Altera ordine 9. taliter: *Opus conjugii ob solam voluptatem exercitum omni penitus caret culpa ac defectu veniali.* Ad hanc satis difficilem instantiam respondent aliqui I. distinguendo Maj. Liceret ex sola delectabilitate objecti operari, si objectum sit tale, cujus delectabilitas non nimium soleat ordinarie absorbere hominem in ipsa voluptate, concedunt; si esset tale objectum, cujus delectabilitas solet ordinarie nimirum absorbere hominem in ipsa voluptate, negant: talia autem objecta nimium ordinarie absorbentia hominem in voluptate, seu trahentia ad voluptatem aliquam immoderatam forent ista duo: nimirum, exercitium copulæ, & comestio ad satietatem, supposito, quod semel liceret hæc facere ex sola delectabilitate, in quibus plerumque vel voluptas immoderata actualiter interveniret, vel saltem grave periculum foret excedendi limites ipsius licentiæ seu permissionis: nam nescit cupiditas, ubi finiatur necessitas, inquit D. Augustinus, qui etiam lib. 4. cont. Jul. Apostat. cap. 14. addit, quod sola voluptas in copula carnali ita hominem absorbeat, ut non facile ad Deum convertatur; ob quas rationes merito in similibus objectis prohibetur operari ex sola delectabilitate.

Resp. II. Adhuc aliter disting. Maj. Liceret operari ex sola delectabilitate objecti, quando ipsa delectatio est finis intentus a natura conced. quando non est intentus a natura, & tamen assumitur, neg. Hoc autem contingit in memoratis Propositionibus damnatis; cum voluptas assumatur tamquam finis comestionis, & operis conjugalis, uti patet ex illis verbis *ob solam voluptatem &c.* Et si harum actionum finis a natura intentus non sit voluptas, sed comestionis competens hominis sustentatio, & copulæ conjugalis extinctio libidinis, ac procreatio proles.

Paul-



*Quaest. VI. Quid requiratur, ut Actus Humani boni sint meritorii vitae aeternae?* 17

**Paucis:** Natura istas duas actiones ordinavit ad Conservationem speciei, & individui humani, atque delectationem illam in gula, & in copula conjugali annexit, non ut finem hominis comedentis & generantis; sed ut medium aptum ad comedendum & generandum; quale medium; si invertendo ordinem naturae allumatur pro fine, sapius oberit potius; quam proderit conservationi speciei & individui humani ob periculum excessus, juxta jam dicta in I. responsione. Deinde finaliter loquendo, quamvis etiam posse probari universaliter in nullis actionibus esse licitum operari propter solam delectabilitatem, eo quod juxta *S. Thomam*, 22. *quaest.* 141. *art.* 6. omnia delectabilia ordinentur ad aliquam hujus vitae necessitatem, tamquam ad suum finem naturalem; adhuc tamen non sequitur, quod non possit dari actus moralis indifferens in individuo, habens pro fine suo ipsam necessitatem naturae aliquammodo, etiam in minus notabilibus sublevandam e. g. abigere a facie muscam, occidere pulicem aliquammodo molestum, vel excutere e vestibus parum pulveris &c. \*

Quæres, An actus &c. Vide Addit. (A)

QUÆSTIO VI.

Quid requiratur, ut Actus Humani boni sint meritorii vitae aeternae?

SUMMARIUM.

40. Meritum, quid?
41. Meritum de condigno, & Meritum de congruo, quid?
42. Ad Meritum de condigno, ex parte operantis requiritur Status viae, & Status gratiae.
43. Status viae, & Status gratiae, quid?
44. Sancti in caelis sibi nihil amplius merentur, nec damnati demerentur.
45. Requisiri Statum gratiae ad meritum de condigno, probatur.  
Corollarium.
46. Opera bona viva, mortificata, & mortua declarantur.
47. Opera bona mortua, seu in statu peccati mortalis facta, ad quid prosunt?
48. Corollarium.

40. **A**dvertendum I. Meritum ut sic bene definiri, dicendo: *Meritum est actus laudabilis, exigens aliquo modo collationem pramii.* Dicitur *actus laudabilis*: quia per actus peccaminosos non meremur pramium, sed potius supplicium. Simulque per hoc indicatur, quod actus meritorius debeat esse liber, & moraliter bonus; nam per ea, quae naturaliter & necessario eveniunt, nec laudem meremur, nec vituperium.

41. Advertendum II. Meritum ut sic communiter dividi a Theologis in Meritum de condigno, quod proprie & absolute meritum dicitur; & in Meritum de congruo, quod dicitur meritum secundum quid dumtaxat, & cum addito *tò, de congruo.* Meritum de condigno generatim illud est, quod habet condignitatem & aequalitatem cum pramio: in quo sensu, loquendo de merito de condigno vitae aeternae, dicitur Sapient. 3. *Quoniam Deus tentavit eos, & invenit illos dignos se.* Et Apocal. 3. *Ambulabunt mecum in albis, quia digni sunt;* & alibi. Meritum de congruo illud di-

citur, cui licet desit talis condignitas & aequalitas, adhuc tamen congruum est, ut ex liberalitate remunerantis conferatur ipsi aliquod pramium. Et juxta hæc potest Actus moraliter bonus dividi in Actum meritorium de condigno, & de congruo: quod ut clarius intelligatur, sit

42. **CONCL. I.** Ad Meritum de condigno vitae aeternae, præter bonitatem moralem ipsius actus, requiritur insuper ex parte operantis Status viae, & Status gratiae sanctificantis; ac proinde ad actum bonum de condigno meritorium vitae aeternae, hæc duo requiruntur necessario. Ita certa, & communis Theologorum.

43. Ubi sciendum, quod per *Statum viae* intelligatur decursus vitae praesentis, juxta phrasin Sacrae Scripturae, quae praesentem vitam appellat peregrinationem 2. *Corinth.* 5. ibi: *Quoniam dum sumus in hoc corpore, peregrinamur a Domino;* & alibi. Per *Statum gratiae* vero intelligitur status gratiae habitualis, seu sanctificantis; id est, quod quis sit constitutus in gratia sanctificante, per quam homo de facto sit amicus Dei, ejusque filius adoptivus, & dignus vita aeterna. Et in tali Statu gratiae de facto nullus est, quicumque habet peccatum mortale, sive originale, sive actuale nondum remissum, nam gratia habitualis, & peccatum defacto repugnant, sicut lux & tenebrae. Hoc praenotato probatur prima pars Conclusionis, quod nempe Status viae requiratur ad Meritum de condigno vitae aeternae. Sic enim 2. *Corinth.* 6. dicitur: *Eccē nunc tempus acceptabile, ecce nunc dies salutis.* Et Joan. 9. *Venit nox* (id est, mors) *quando nemo potest operari;* intellige, meritorie.

44. Infertur proinde, quod Sancti in caelis defectu hujus conditionis (id est quia non amplius sunt viatores) per intensissimos actus amoris Dei nihil amplius sibi mereantur, quamvis possint pro nobis intercedere, suaeque intercessione quidpiam nobis impetrare a Domino Deo. Similiter Animae in Purgatorio nihil amplius merentur in ordine ad augmentum gratiae, & gloriae caelestis, per tolerantiam suarum poenarum, quamvis satisfacere, seu potius satisfacere possint pro suis peccatis. Et e contra Damnati in inferno, licet continuo blasphemant Deum, non promerentur novum supplicium (eo quod amplius non sint viatores) sed pro peccatis in hac vita commissis dumtaxat aeternaliter torquentur.

45. Altera pars Conclusionis, quod nempe ad Meritum de condigno requiratur Status gratiae, est etiam certa inter Catholicos. Ratio est: quia propter impedimentum peccati mortalis nullus potest de condigno mereri vitam aeternam; peccatori enim non debetur vita, sed mors juxta illud Rom. 6. *Stipendium peccati mors.* Accedit, quod quis per peccatum mortale constituatur inimicus Dei; ac proinde hoc ipso sit indignus amicitia, donisque ipsius, praesertim supernaturalibus. Hinc sequitur, quod peccator, quamdiu persistit in statu peccati mortalis, per eleemosynas & alia opera bona tunc temporis peracta, nullum promereatur augmentum gloriae caelestis, neque aliud donum supernaturale de condigno: quamvis non idcirco ejusmodi bona opera sint prorsus inutilia, propter dicenda in secunda Conclusionem.



46. Et conformiter dictis Opera moraliter bona a Theologis communiter dividuntur in opera mortua, mortificata, & viva. *Opera bona viva*, sunt opera moraliter bona in statu gratiæ facta, quæque per nullum peccatum mortale subsequens mortificantur. *Opera mortificata*, sunt opera moraliter bona, quæ quidem fuerunt facta in statu gratiæ, adhuc tamen per peccatum mortale subsequens mortificantur: id est, impediuntur, ne habeant suum valorem promerendi vitam æternam stante ejusmodi peccato mortali. Cæterum si homo per veram pœnitentiam denuo justificetur, tunc hujusmodi merita bonorum operum per peccatum mortificatorum iterum in hominis justificationem reviviscunt, id est, recuperant suum pristinum valorem promerendi vitam æternam in cœlis. *Opera bona mortua* dicuntur ea, quæ sunt in statu peccati mortalis; peccatum enim mortale est mors animæ. Et talia nunquam reviviscunt in ordine ad meritum vitæ æternæ quondam in cœlis consequendum; eo quod illud, quod nunquam antea vixit, nequeat imposterum reviviscere.

47. CONCL. II. His tamen non obstantibus, Opera bona in statu peccati mortalis facta non sunt penitus inutilia, nec idcirco ab homine intermittenda. Ita omnes Doctores Catholici. Ratio est: quia in primis hujusmodi Opera bona sunt meritoria, saltem de congruo, quorundam gratiarum actualium, seu auxiliorum supernaturalium, quibus ejusmodi homo facilius perducitur, atque excitatur ad agendam veram pœnitentiam de peccatis, ut sic justificetur, & in statum gratiæ restituatur. Deinde solent ejusmodi homines per Dei misericordiam præservari a nonnullis periculis labendi in peccata graviora; aut clementer protegi, ne toties labantur, & sic in altera vita gravius puniri non mereantur. Tercio hujusmodi homines sensim adhaerent exercitio bonorum operum, ac deinde facilius de peccatis commissis agunt pœnitentiam; & postmodum in statum gratiæ restituti constantius persistunt in continuandis agendisque aliis bonis operibus.

48. Et hujusmodi effectus bonorum operum licet in statu peccati mortalis peractorum, certe non sunt modici, quamvis omnibus viribus cuique sit allaborandum, ut Divina gratia adjuvante vel nunquam labatur in peccatum mortale, vel si per fragilitatem humanam ceciderit, citius per veram pœnitentiam resurgat, sicque bona opera sua evadant meritoria de condigno augmenti gratiæ sanctificantis, & vitæ æternæ, cum sempiterno fructu in Cœlis quondam recipiendo.

\* Quæres, an actus meritorius eo ipso sit etiam satisfactorius? Ante Responsum nota, quod actus aliquis moraliter bonus quatenus *Meritorius* collationem præmii, quatenus vero *Satisfactorius* respiciat compensationem pro pœna aliquoquin debita & subeunda in vindictam peccati.

Debet autem illud, quod Deo redditur in compensationem pœnæ alias subtrahendæ, semper esse aliquo modo afflictivum, uti ex D. Thoma & S. Bonaventura advertit cum aliis Suarez *Tom. 4. in 3. part. dist. 37. scilicet. 6.* Nam uti ad peccatum ipsum concurrat appetitus boni delectabilis indebiti, ita æquitas postulat, ut compensatio fiat per

subtractionem boni delectabilis, quæ subtractio solet esse aliquo modo afflictiva, utpote contra appetitum sensitivum inclinantem in bonum delectabile. H.N.

Resp. Actus Meritorius est etiam satisfactorius. Ita communis, & probatur: Actus meritorius est actus alicujus virtutis, prout consideranti patet ex dictis præcedentibus; sed Actus virtutis est etiam satisfactorius; nam Actus virtutis semper est aliquo modo afflictivus, utpote habens annexam aliquam difficultatem in retrahenda voluntate a bono delectabili, transferendo eandem ad bonum honestum, quæ difficultas superata tamquam aliquid afflictivum dein ordinatur in compensationem pœnæ, alias subeundæ propter peccatum: ergo.

Cæteroquin uti ad actum meritorium de condigno vitæ æternæ desideratur Status vitæ, & gratiæ sanctificantis; ita etiam defacto requiritur ad satisfactorium de condigno ex opere operantis pro pœna alias in Purgatorio toleranda.

Hincque Animæ in Purgatorio non dicuntur exhibere satisfactionem pro peccatis, sed potius satisfactionem; quoniam non sunt in Statu vitæ.

Item graves peccatores saltem de potentia Dei ordinaria non censentur satisfacere per suas castigationes & afflictiones pro peccatis in ordine ad delendas pœnas Purgatorii, quia etsi sint in via, non tamen existunt in gratia sanctificante, per quam unimur Christo, & in qua unione vis satisfaciendi per opera propria fundatur: in Christo enim *vivimus* (intellige vita spiritali per gratiam sanctificantem) *meremur*, & *satisfacimus*: inquit Conc. Trid. *Sess. 14. de Pœnitentia. 8.* ubi vides, quod pariformiter loquatur de merito, & satisfatione.

Nec opponas: Satisfactio Sacramentalis habet vim remittendi pœnam peccatis confessis debitam, quamvis eadem persolvatur in statu peccati mortalis, prout dicitur Tract. 14. dist. X. quæst. Ergo ad satisfactionem quatenus remissivam pœnæ non requiritur Status gratiæ sanctificantis: Respondeo enim disting. ant. Satisfactio Sacramentalis habet vim remittendi pœnam ex opere operato; concedo: ex opere operantis; nego ant: & similiter distingo consequens: ad satisfactionem remissivam pœnæ alias in Purgatorio peccatis debitæ non requiritur Status gratiæ, si sit remissiva ex opere operato, & præcisè respiciendo Merita Christi; concedo: si sit remissiva ex opere operantis, & adjungendo merita propria per Merita Christi dignificata, nego consequentiam. \*

### DISTINCTIO III.

De Conscientia ut Regula Actuum Humanorum.

#### QUESTIO I.

De natura, & divisione Conscientiæ ut sic; ubi & de Conscientia recta, seu certa.

#### SUMMARIUM.

1. Conscientia, unde sit dicta? (a) Dist. 2. n. 3. Remorsus conscientia, & Testimonium ejus, quid?
2. Conscientia, quid?
3. Dividitur in quinque membra.
4. Conscientia recta quid?

s. Peri-

5. Veritas duplex, speculativa & practica

6. Conscientia recta duplex.

7. Quomodo differat a probabili?

8. Quanta sit obligatio Conscientiae?

1. Conscientia, quae est regula proxima actionum humanarum, juxta dicta superius (a) sumitur hic pro judicio practico intellectus, proponente quidpiam homini ut bonum, vel malum moraliter, ac proinde prosequendum vel fugiendum: ipse enim actus intellectus practici, quo judicat, aliquid esse bonum, vel malum, aut indifferens in genere moris, vocatur *Conscientia*. Dicitur autem *Conscientia*, quasi *Cordis scientia*, ut advertit D. Bernardus *ib. de Conscientia*, c. 8. & partim se extendit ad opera nostra praeterita, ea vel acculando tamquam male facta, & dicitur *Remorsus conscientiae*; vel commendando tamquam bene facta, & appellatur ab Apostolo 2. Corinth. 1. *Testimonium Conscientiae nostrae*: partim vero respicit opera instantia seu futura, dictando, quae agenda sint tamquam bona seu honesta, quaeque omittenda tamquam turpia seu inhonesta, & dicitur alio nomine *Dictamen rectae rationis*.

2. CONCL. I. *Conscientia* est actus intellectus practici, judicantis, aliquid hic & nunc agendum esse vel fuisse tamquam bonum honestum, aut fugiendum esse vel fuisse tamquam turpe & inhonestum. Ita Layman *lib. 1. tract. 1. cap. 2.* quae definitio in re est communis: quamvis Conscientia quandoque etiam accipiat pro habitu intellectus, id est, pro habituali dictamine intellectus, quo cognoscitur, hic & nunc operationem faciendam esse bonam, aut malam moraliter.

3. CONCL. II. Conscientia haecenus explicata communiter dividitur in quinque membra, scilicet in Conscientiam rectam, erroneam seu falsam, dubiam, probabilem seu opinativam, & scrupulosam. Ratio hujus divisionis est: quia Conscientia nihil aliud est, nisi judicium practicum intellectus, dictans, quid hic & nunc a nobis sit agendum, vel non agendum, juxta regulas morum extrinsecas: atqui intellectus, sic judicando, quandoque est certus in suo judicio, & dicitur *Conscientia recta*, seu certa: aliquando errat, & dicitur *Conscientia erronea*: quandoque probabiliter judicat, & vocatur *Conscientia probabilis*, seu opinativa: interdum vero dubitat, ac neutri parti determinatum praebet assensum, & est *Conscientia dubia*, & tandem quandoque scrupulis agitur, & dicitur *Conscientia scrupulosa*. Loquendo nunc de altera parte Quaestionis, sit

4. CONCL. III. *Conscientia recta*, seu (ut alii loquuntur) certa & vera, recte definitur, quod sit dictamen verum intellectus, dictans, absque ulla formidine de opposito, quod faciendum est, esse bonum vel malum. Ita in re communis. Et quidem, si hujusmodi dictamen practicum intellectus sit rectum, ac verum tam speculativa, quam practica veritate, tunc hujusmodi Conscientia dicitur omnimode recta seu vera. Si autem sit rectum, seu verum veritate dumtaxat practica, non autem speculativa, tunc hujusmodi Conscientia dicitur solum practice vera: quae divisio Conscientiae rectae ut intelligatur,

5. Notandum, quod *Veritas speculativa* sit veritas simpliciter & absolute sumpta, prout objectum est

in re: & hoc modo illud dumtaxat judicium intellectus est verum, quod est conforme objecto, ut se habet a parte rei; id est, quod ita judicat de objecto, prout ipsum revera se habet a parte rei. *Veritas practica* dicitur illa, quae fundatur in prudenti ac firma estimatione rei, ex gravibus motivis orta.

6. Hinc infertur, quod *Conscientia tam practica, quam speculative recta*, sit dictamen intellectus, dictans absque ulla formidine de opposito, aliquid hic & nunc esse honestum, ac proinde prosequendum, quod revera a parte rei honestum est: prout fit in innumeris actibus bonis atque honestis, qui ut tales proponuntur ab intellectu voluntati, atque revera a parte rei sunt honesti. *Conscientia solum practice recta*, est dictamen verum veritate dumtaxat practica, id est, desumptum ex prudentibus motivis, dictans absque ulla formidine de opposito, hoc esse honestum & faciendum, quod tamen revera a parte rei non est tale. Exemplum hujus habemus Gen. cap. 29. cum Jacob Patriarcha optima fide, & conscientia recta, ad Liam accessit, ita secum discurrens: *Honestum est accedere ad propriam uxorem: haec est mea uxor* (uti prudenter arbitrari debebat Jacob, cum non nisi temere de mala fide Labani, supponentis sibi pro Rachele Liam, suspicari potuisset) ergo *honestum est ad hanc accedere*: quod tamen a parte rei non erat, cum Lia pro tunc non fuerit ejus legitima uxor, sed Rachel.

7. Porro cum in definitione Conscientiae rectae additur, *absque ulla formidine de opposito*, per hanc particulam Conscientia recta seu certa differt a Conscientia probabili, utpote quae non habetur sine ulla formidine de opposito; prout ex dicendis infra Quaest. 4. patebit.

8. Quaes, quanta sit obligatio Conscientiae rectae seu certae, quidpiam praecipientis, aut prohibentis? Resp. certum esse, Conscientiam rectam seu certam adeo obligare hominem, ut is delinquat atque peccet, nisi illam in operando sequatur, quando praescribit aliquid ut faciendum vel fugiendum sub praeepto, & non tantum sub consilio. Ita omnes Doctores. Ratio est: quia voluntas peccat, si in operatione non sequatur suam regulam proximam: atqui Conscientia, praesertim recta, est regula proxima voluntatis operantis, seu actionum ejus; ergo peccat voluntas, nisi Conscientiam recte praecipientem, aut prohibentem in operando sequatur. Dicitur autem in responsione, & non tantum sub consilio. Quia si Conscientia recta quidpiam dumtaxat proponat agendum per modum consilii, non autem praeepti, sicut non obligamur sub peccato ad adimplenda omnia consilia) quamvis eadem sequi sit melius, & consultius) ita nec sub peccato tenemur sequi Conscientiam rectam, quidpiam sub consilio dumtaxat proponentem; ut certum est.

## QUESTIO II.

De Conscientia erronea, ejusque obligatione.

### SUMMARIUM

9. Conscientia erronea, quid?

10. Conscientia practice dumtaxat recta an sit erronea?

11. Conscientia erronea invincibilis, & vincibilis, quid?

(b) Dist. 1. q. 5. n. 40.

12. Conscientia erronea quaecumque obligat negative, &c.

13. Corollaria ex dictis.

C

14. Adio

14. Actio debet esse libera, ut quis peccet agendo contra Conscientiam erroneam.
15. Ad hanc non sufficit solus scrupulus.
16. Conscientia invincibiliter errans, obligat etiam positive.
17. Corollarium.
18. Conscientia vincibiliter errans obligat, ut eam deponamus, &c.
19. Alioquin peccabit operans, quamcumque partem elegerit.
20. Solvitur instantia.
21. Conscientia erronea, quomodo sit deponenda?
22. Notabilis objectio; & quomodo Lex Divina nullum reddat perplexum.
23. Quid agendum, quando utraque contradictionis pars putatur esse peccatum?
24. Quid, si quis nesciat discernere, ubi sit minus malum?

9. **CONCL. I.** Conscientia erronea est illa, quæ dicitur, aliquid esse faciendum, vel non faciendum, quod revera tale non est, absque fundamento probabili. Et dicitur, *absque fundamento probabili* ad differentiam Conscientiæ probabilis, quæ quandoque etiam dicitur, aliquid esse honestum seu licitum, quod a parte rei est inhonestum ac illicitum; & tamen quia id colligit ex motivis probabilibus, non dicitur Conscientia erronea, sed probabilis.

10. Si quaeratur, an Conscientia practice dumtaxat recta, possit dici erronea, nec ne? Resp. cum Mastrio *disp. 1. Theolog. Moral. num. 14.* hanc esse quaestionem de nomine, nam hujusmodi Conscientia potest dici & recta, & erronea, sub diverso tamen respectu. Recta quidem respectu voluntatis, quia prudenter eam dirigit, quantum satis est, ut ipsa non peccet: & hæc dicitur *Rectitudo practica*. At respectu objecti potest dici erronea, quia re ipsa errat circa objectum, putans esse honestum, quod tamen a parte rei tale non est.

11. **CONCL. II.** Conscientia erronea dividitur in invincibilem, & vincibilem. Ita communis. *Conscientia erronea invincibilis* est, cujus error adhibita diligentia morali vinci, seu vitari non potuit; ideoque nec voluntarius est, nec ad culpam imputatur; talis fuit in Jacob Patriarcha accedente ad Liam. *Conscientia erronea vincibilis* est, cujus error, moraliter loquendo vitari potuit, & debuit; ac proinde indirecte voluntarius, atque culpabilis existit. Unde colligitur, hanc divisionem Conscientiæ erroneæ in invincibilem ac vincibilem, multum coincidere cum divisione Ignorantiæ in invincibilem & vincibilem, de qua superius: (b) etenim prior procedit ex Ignorantia invincibili, posterior autem ex vincibili.

12. **CONCL. III.** Conscientia erronea quamcumque, sive vincibilis sit, sive invincibilis, præcipiens aliquid ut agendum vel fugiendum, obligat negative, ne videlicet contra eam operemur; ac proinde operari contra ejusmodi Conscientiam erroneam nondum depositam, semper est peccatum. Ita certa, & communis Theologorum. Nam juxta illud Rom. 14. *Omne, quod non est ex fide* (id est, ex dictamine conscientiæ) *peccatum est*. Et, ut inquit Innocentius III. c. *Litteras, de Restit. spoliis*. *Quidquid sit contra con-*

*scientiam, adificat ad gehennam.* Accedit ratio: quia voluntas operans contra Conscientiam erroneam, vere consentit in malum, habetque sufficientem affectum ad peccatum, quod apprehendit. Nec obstat, quod Conscientia illa sit erronea. Nam hoc ipso, quod error ejus non cognoscatur, agere contra ipsam est peccatum: ita enim Conscientia illa proponit in apprehensione operantis, objectum esse faciendum aut fugiendum, ac si re ipsa sic se haberet.

13. Ex dictis inferitur, quod putans esse jejunium de præcepto, quando non est, peccet contra Temperantiam, si non jejunet, nisi Conscientiam suam erroneam, melius investigando veritatem, deponat. Similiter, si quis erronee putat, mentiri officiose in tali casu esse peccatum mortale, ac nihilominus mentiatur, peccat mortaliter, quamvis cæteroquin tale mendacium sit solum veniale. Insuper sequitur, quod operans contra Conscientiam erroneam, sive vincibilem, sive invincibilem, peccet in ea specie peccati, & contra illam virtutem, sicuti intellectus falso judicat: v. g. in prædictis duobus casibus prior peccat contra virtutem Temperantiæ, alter in specie mendacii mortalis. Item si quis erronee existimet, se peccaturum mortaliter, operando contra hanc Conscientiam erroneam, peccabit mortaliter; si venialiter, venialiter: quod si Conscientia dicat peccatum in genere, non descendendo ad aliquam speciem ejus, erit peccatum in genere, & ad nullam particularem peccati speciem pertinebit. Siquidem tota malitiæ hujus ratio consistit in hoc, quod quis operetur contra dictamen suæ Conscientiæ; ergo talis & tanta erit malitia, qualem & quantam Conscientiam dicitur.

14. Notandum tamen cum Sanchez *lib. 1. in Decalogum, cap. 11. num. 3.* & aliis, ad hoc, ut quis contra Conscientiam erroneam agendo peccet, necessarium esse, ut actio ipsius sit libera. Hinc si quis in carcere v. g. constitutus existimet, se peccare Missam non audiendo, non ideo peccat: similiter non delinquit scrupulosus, cum involuntarias suas passiones, aut in oratione distractiones, peccata esse arbitratur. Ratio est clara: quia ad omne peccatum requiritur libertas.

15. Adde etiam cum Navarro in *Manuali, præludio 9. n. 9.* & Doctoribus communiter, quod ad hujusmodi Conscientiam erroneam inducendam non sufficiat solus scrupulus in genere, vel in particulari. Hinc si quis faciat opus licitum, quod credit ei licere, non peccat, licet angatur scrupulo aliquo in contrarium; quia scrupulosus, quamvis aliquo modo angatur, ac vereatur hic latere peccatum, non tamen determinate sic judicat, immo potius oppositum credit esse verum. Quod si tandem Conscientia erronea sit dumtaxat consultens, vel permittens, sicut non est peccatum agere contra consilium, ita nec foret peccatum agere contra istam Conscientiam.

16. **CONCL. IV.** Conscientia invincibiliter errans, præcipiens aliquid aut agendum aut fugiendum, non solum obligat negative, ne scilicet contra eam operemur, juxta proxime dicta; sed obligat etiam positive, ut ipsam sequamur,

ut proinde quis peccet, nisi dictamen illius in operando sequatur. Ita Scotus 2. in Reportatis, dist. 39. Mastrius disp. 1. Th. Moral. num. 19. & communis Theologorum. Ratio est: quia, ex quo Conscientia est invincibiliter errans, taliter, ut nulla morali diligentia vinci ac deponi possit, ita ipsa se habet in prudenti ac inculpabili æstimatione operantis, ac si esset simpliciter, & absolute recta: ergo tenetur quis eam sequi, non minus, ac Conscientiam rectam seu certam.

17. Infertur proinde, quod, si quis mentiatur ad liberandum proximum e periculo vitæ, ob Conscientiam invincibiliter errantem, putans, se ex misericordia ad id teneri, is actum bonum faciat; & si non mentiatur, peccet contra virtutem Misericordiæ. Dicitur notanter, ob Conscientiam invincibiliter errantem putans, &c. nam si Conscientia illa erronea fuisset vincibilis, aliud esset dicendum, juxta Conclusionem sequentem.

18. CONCL. V. Econtra Conscientia vincibiliter dumtaxat errans, proponens aliquid ut præceptum, quod revera prohibitum est, aut econtra, non solum non obligat positive, ut eam sequamur, sed neque licite ipsam sequi possumus; obligat tamen, ut eam deponamus. Ita Doctores communiter. Ratio est: quia ex una parte agere contra Conscientiam erroneam, est peccatum, ut patet ex dictis num. 12. ex altera vero parte Conscientia talis erronea, utpote vincibilis, non excusat a peccato; ergo qui eam sequitur, revera peccat, & qui contra eam necdum depositam operatur, etiam peccat.

19. Superest proinde, quod quis obligetur ad deponendam Conscientiam suam erroneam vincibilem. Et hæc quidem obligatio tanta est, ut in ejusmodi casu, stante tali Conscientia erronea vincibili, quamcunque tandem partem quis elegerit, sit peccaturus: nam si facit id, quod revera a lege præceptum est, operabitur contra Conscientiam suam oppositum dictantem; sin minus, sed sequatur dictamen Conscientiæ suæ, peccabit contra legem, a qua non absolvitur per errorem suæ Conscientiæ, utpote mere vincibilem & culpabilem.

20. Nec dicas, posse hominem in tali occasione constitui, ut non possit suam Conscientiam vincibiliter errantem deponere; prout v. g. contingeret, si alius non adlit, a quo possit consilium petere rei que veritatem edificare, ipse vero semetipsum adjuvare non valeat. Resp. etiam cum Mastrio disp. 1. Theol. moral. num. 34. & aliis, in hujusmodi casibus Conscientiam illam revera reddi invincibilem; siquidem qui illam habet, non potest hic & nunc eam superare atque deponere, ac proinde sequendo illam non peccabit, prout dictum est num. 16. loquendo de Conscientia vincibiliter errante.

21. Quod si quis quærat, quomodo Conscientia erronea sit deponenda? Resp. Quando Conscientia erronea est vincibilis, eam facile deponi posse, dummodo quis debitam adhibeat diligentiam, investigando rei veritatem, illudque attentius consideret, in quo se falli suspicatur, discurrendo ex primis principiis practicis ad suum errorem agnoscendum. Idem, & quidem facilius fieri potest, adhibendo consilium prudentioris, juxta

illud Prov. 13. Qui agunt omnia cum consilio, reguntur sapientia. Et Ecclesiastici 32. Fili sine consilio nihil facias, & post factum non parirebis. Cæterum Conscientia erronea invincibilis, hoc ipso, quod sit invincibilis, moraliter deponi nequit: nam ad libitum, & sine ulla ratione, non nisi temere deponeretur.

22. Objicies contra IV. & V. Conclusionem simul. Lex Divina nullum reddit perplexum: atqui hoc fieret, si conscientia erronea, live vincibilis, semper obligaret negative, ne scilicet voluntas contra ipsam agat; ergo Conscientia erronea non sic obligat. Major est certa, & ab omnibus concessa: quia Lex Divina numquam facit, quod homo necessario peccet, ita ut peccatum evadere non possit; nam hoc ipso jam non committeretur peccatum defectu libertatis. Minor vero probatur: potest enim quis ex Conscientia erronea existimare, utramque partem contradictionis esse peccatum; prout fieret, si quis die Festo assistens moribundo existimaret, esse peccatum mortale, tali die omittere auditionem Sacri, ac vicissim esse peccatum mortale, in tali extrema necessitate deserere moribundum; ergo. Ad hanc objectionem satis notabilem, & quæ varie proponi, atque urgeri potest, Resp. concessa majori, negando minorem, ejusque probationis consequentiam: nam si ejusmodi Conscientia erronea sit vincibilis, tenetur homo eandem deponere juxta proxime dicta, & tunc alterutrum eligere, quod judicat hic & nunc esse faciendum; videlicet (loquendo de præmissis casu) audire Missam, si adsint alii, qui commodè possunt moribundo assistere, atque inservire; vel, si hi non adsint, omittere Missam, & moribundo assistere, ob rationes mox dicendas.

23. Quod si vero Conscientia erronea sit invincibilis, & talis, quam deponere quis nequeat, discurrendo per prima principia practica, vel petendo consilium a Doctoribus, tunc tenetur homo in ejusmodi casu constitutus eligere illud, quod sibi minus malum apparet, & hoc faciendo non peccabit. arg. c. Duo mala, dist. 13. & can. Juravit David. 22. q. 4. At vero, si eligat illud, quod gravius peccatum esse judicaverit, peccati reus erit; ut communiter notant Doctores. Ratio est: quia omne peccatum non ex necessitate, sed ex libertate admittitur; ergo cum hic & nunc (juxta datam hypothesin) necessario sit unum eligendum ab homine, non libertate, sed necessitate eligit minus, sicque non peccat: peccaret autem eligendo majus, quia potest excellum malitiæ ejus vitare eligendo id, quod sibi minus peccatum apparet.

24. Si autem in tali casu constitutus discernere, atque judicare ex perplexitate, aut alia causa non possit, quodnam illorum sit minus malum sive peccatum, sed in utroque actu pariter apprehendat malitiam, homo ille non peccabit, quidquid egerit ex utroque; quia nemo peccat necessitate. Exemplum hujus proxime præmissum est. Aliud cum Laymano lib. 1. Tract. 1. cap. 4. num. 4. addi potest de Parocho: nam si Parochus ad Ecclesiam Festo die veniens, sacrificaturus pro populo, recordetur, se jejunum non esse, nec alius Sacerdos tunc accersiri possit, qui celebret (in quo casu Parochus videtur perplexus: si enim celebrem,



cogitat ipse, peccabo adversus reverentiam Sacramenti, propter legem Ecclesiae: si autem non celebrem, peccabo contra legem Charitatis, propter scandalum populi) protecto in tali casu, si scandalum aliter evitari non potest, ut supponitur, Parochus celebrare deberet; cum lex Ecclesiastica cedat majori legi Charitatis naturalis; si tamen hanc ipsam veritatem prae inopinata perturbatione perspicere nequeat, nec alium habeat, a quo edoceatur, non peccabit Parochus, licet Sacrificio abstineat cum scandalum populi.

### Q U A E S T I O III.

De Conscientia dubia ejusque obligatione.

#### S U M M A R I U M.

25. Conscientia dubia, quid?
26. Dividitur varie juxta variam Dubii divisionem. Dubium speculative, &c. Conscientia speculative dubia, quid?
27. Dubium practicum, & Conscientia practice dubia, quid?
28. Dubium practicum duplex, generale, Et particulare, seu practice practicum.
29. Dubium positivum, & negativum, ac Conscientia positive & negative dubia, quid?
30. Cum Conscientia practice dubia illicitum est operari.
31. Et operans cum ea peccat pro qualitate dubii.
32. Loquendo tamen de dubio proprie practico.
33. Cum conscientia solum speculative dubia, seu practice deposita, non est illicitum operari.
34. Declaratur hoc exemplis.
35. In dubiis tutior pars est eligenda, quomodo?
36. Corollaria practica.

25. **C**ONCL. I. Per Conscientiam dubiam intelligitur ea, quae neutri parti determinatum praestat assensum, sed anceps manet inter utramque, v. g. an hoc sit licitum, vel non licitum; peccatum, nec ne? Unde Dubium in praesenti accipitur proprie, nempe pro eo, quod contingit, quando intellectus inter duas partes oppositas haeret suspensus, adeo quod neutri determinatum praebet assensum.

26. **C**ONCL. II. Conscientia dubia varie dividitur, juxta variam scilicet Dubii divisionem. Hinc, quia Dubium in primis dividitur in practicum, & speculative; etiam conscientia dubia communiter dividitur in Conscientiam practice dubiam, & speculative dubiam. *Dubium speculative* dicitur illud, quando dubitatur de veritate, id est, quando dubitatur de aliquo, non quaerendo directe de praxi, seu actione humana, num ea licita sit nec ne, sed de quodam alio, an ita se habeat, nec ne, v. g. si dubito, utrum Baptismus collatus in nomine Christi tantum, sit validus; utrum tali die sit jejunium, nec ne; utrum fundus, quem possideo, vere sit meus; utrum votum castitatis emiserim; utrum matrimonium, quod contraxi, sit validum; utrum bellum, in quo milito, sit justum, &c. Haec enim omnia & alia his similia, spectant ad Dubium speculative: quia in ipsis directe ac immediate non quaeritur de praxi seu actione humana, an ea sit licita nec ne, sed de quodam alio, ut patet; non obstante, quod ex tali Dubio speculative multa postmodum Dubia practica oriri possint. Et juxta hoc *Conscientia speculative dubia*

est intelligenda, quod nempe sit ea, quae dubitat de aliquo, non tamen quaerendo directe ac immediate de praxi, seu actione humana, utrum ea licita sit, nec ne, sed de aliquo alio; ut sit in allatis exemplis.

27. *Dubium practicum* est, quando dubitatur de operatione, id est, Practicum dubium dicitur illud, in quo directe quaeritur de ipsa praxi, seu actione humana, num ea in talibus circumstantiis sit licita, nec ne; v. g. an hodie teneam jejunare; an sim obligatus hac die audire Missam, vel confiteri? an teneam restituere fundum, quem habeo, &c. Et huic Dubio practico correspondet *Conscientia practice dubia*; estque illa, quae dubitat immediate de praxi, seu actione humana, utrum ea licita sit, nec ne; prout sit in allatis exemplis, & aliis hujusmodi.

28. Dubium practicum subdividitur a nonnullis Theologis in generale, & particulare. *Dubium practicum generale*, seu universale, dicitur illud, quando dubitatur in genere, an haec, vel illa actio sit licita; v. g. an per se loquendo liceat ad Beneficium Ecclesiasticum eligere minus dignum relicto digniore, an liceat die Festo bellare, piscari, pingere, &c. *Dubium practicum particulare* (quod proprie practicum, seu practice practicum appellatur) censetur illud, quando in particulari dubitatur, utrum hic & nunc licita sit talis actio, nec ne; v. g. an hodie excuser a jejunio ob certas circumstantias, nempe ob aliqualem infirmitatem, iter, labores susceptos, &c. Et juxta hoc etiam Conscientia practice dubia subdividi potest.

29. Dubium ulterius a Theologis subdividitur in positivum, & negativum. *Dubium positivum* tunc contingit, quando quis habet pro utraque parte judicium probabile, quod aliquid sit, & etiam quod non sit. Et juxta hoc tunc dicitur *Conscientia nostra positive dubia*; quando pro utraque parte occurrunt rationes aequae probabiles, adeo ut intellectus in neutram partem judicium suum inclinet, sed videns rei difficultatem, ac rationes utrinque pugnantes, in suo judicio manet suspensus. *Dubium negativum* est, quando quis pro neutra parte habet rationes probabiles, & sic remanet suspensus neque affirmando, neque negando, quod talis actus sit licitus, aut illicitus. Et hoc modo etiam *Conscientia negative dubia* est, explicanda.

30. **C**ONCL. III. Cum Conscientia vere practice dubia semper est illicitum operari; id est, semper est peccatum, operari stante Conscientia vere ac proprie practice dubia, quae nempe quis dubitat, an in particulari illud sit peccatum, nec ne, quod operatur. Ita Scotus *Quest. 2. Prologi, in fine & in 4. dist. 3. q. 1. §. Dico ergo*; estque communis Doctorum. Ratio est: quia, qui operatur cum Dubio proprie practico, seu (ut alii loquuntur) practice practico, manifeste se exponit periculo peccandi; ergo etiam peccat, juxta illud Eccl. 3. *Qui amat periculum, peribit in illo*. Confirmatur Conclusio ex illo Rom. 14. *Omne, quod non est ex fide, peccatum est*: atqui illud, quod sit cum Conscientia practice dubia, non est ex fide, id est, ex dictamine Conscientiae; ergo est peccatum.

31. **C**ON-



31. CONCL. IV. Operans cum conscientia practice dubia, peccat pro qualitate dubii, & in ea specie peccati, de qua dubitat: ita ut si dubitet, an peccet moraliter, agendo mortaliter peccet; si venialiter, peccet venialiter; si dubitet, an in specie furti delinquat, operando malitiam furti delinquat, operando malitiam furti contrahat, & sic loquendo de aliis. Ita rursus Scotus *loc. cit.* & communiter Doctores. Ratio est: quia operans cum tali dubio practico, exponit se periculo transgrediendi præceptum tale vel tale, & peccandi in ea specie peccati, de qua dubitat; ergo etiam malitiam ejus contrahit. Probatur Consequentia; quia juxta illud allegatum, *Qui amat periculum, peribit in illo*: atqui talis exponit se periculo peccandi in tali specie peccati, ergo operando cum tali periculo perit in ipso, id est, peccat in tali specie peccati. Et hoc Doctores passim extendunt ad casum, quo cuiuspiam in confuso proponitur aliquod opus peccaminosum a Conscientia, sub dubio tamen, an sit mortale vel veniale: nam exequens tale opus stante illo dubio practico (sermo est de dubio proprie practico, & non de simplici anxietate, vel scrupulo) peccat mortaliter; quia operans cum tali dubio practico, exponit se periculo peccandi mortaliter. Concordant in simili dicta superius *num. 13*, de Conscientia erronea.

32. Additur notanter, *sermo est de dubio proprie practico, &c.* Nam dicta in hac utraque Conclusionem, intelligenda sunt de vero & proprie dicto dubio practico; id est, de tali, quo quis vere ac in particulari dubitat, an hoc vel illud sit peccatum mortale vel veniale, ita quod habeat verum iudicium suspensum, neque illud deponat. Nam si quis non vere dubitet, sed solum patiat quosdam timores, anxietates, aut scrupulos, qui sæpe etiam hominem nolentem affligunt, non peccabit operando contra illos; præsertim si hoc faciat ex ratione aliqua probabili, vel sequendo consilium Confessarii, aut aliorum doctorum, prout magis dicitur infra *Quaest. 5.* agendo de Conscientia scrupulosa.

33. CONCL. V. Nihilominus operari cum Conscientia solum speculative dubia, non semper est peccatum; etenim si tale dubium ex rationabili fundamento practice deponatur, peccatum non est facere aliquid, vel omittere cum dubio speculative. Ita Doctor noster in *4. dist. 30. q. 1.* estque rursus communis Doctorum. Ratio est: quia regula nostrarum actionum non est noticia speculative, que in sola objecti veritate cognoscenda consistit, sed practica, quæ omnium circumstantiarum qualitatem & conditionem perpendit: atqui objectum, quod secundum se & speculative consideratum apparet dubium, accedentibus certis circumstantiis potest reddi practice certum, quod liceat; ergo,

34. Declaratur Conclusio exemplis. Sic in primis, si quis dubitet speculative, an res, quam possidet, sit sua, nec ne, non obstante ejusmodi dubio speculative, potest practice judicare, sibi defacto licitum esse, rem illam retinere, eo quod in dubio melior sit conditio possidentis: sicque licite, & absque peccato rem illam retinebit. Similiter Sacerdos ægrotus, qui considerata qua-

litate morbi sui speculative dubitat, an sibi liceat a Divini Officii recitatione abstinere, accedente Medici vel Confessarii consilio practice est certus, id sibi licere: unde deposito practice illo dubio suo, non peccabit omittendo Divinum Officium. Insuper miles, si speculative dubitet de justitia belli, potest hoc dubium practice deponere, atque ad mandatum sui Principis vel Ducis in eo militare, eo quod in dubiis standum sit iudicio Superiorum, simulque sibi a suo Principe hic & nunc pugna præcipiatur: & taliter deponens dubium suum speculative, non peccabit militando. Idem dicendum de innumeris aliis casibus.

35. Quæres, quomodo sit intelligendum illud commune dictum, *in dubiis tutior pars est eligenda*, prout desumitur ex jure Canonico *c. juvenis. de Sponsalibus*, & *cap. Ad audientiam de Homicidio*, & alibi. Resp. I. Per hoc axioma non intendi, quod in omni materia, omnique dubio, etiam mere speculative, semper sit eligenda tutior pars; nam dubium speculative potest ex rationabili fundamento practice deponi, sicque cessat dubium: quia non est in dubio, qui probabilibus rationibus flectitur ad unam partem. Silvester *Verf. Opinio q. 1.* Quinimo in certis materiis possumus etiam eligere partem minus tutam relictam tutiore, prout ex professo dicitur *Quaest. sequenti.* Resp. II. cum Ludov. Engel. *tit. de Voto. n. 3.* & aliis, hanc regulam plerumque esse tantum de consilio, & non de præcepto, nisi quis in dubio practico perseveret, neque ad ejus depositionem sese resolvere possit: tunc enim non licet agere cum tali Conscientia practice dubia, sed debet eligi pars tutior, juxta dicta *num. 30.* & 31. Alii respondent, dictum illud procedere in dubio negativo, ac proprie dicto, quando nimirum pro neutra parte adiunt ullæ rationes, vel saltem non sufficientes, cur unam præ altera amplecti debeamus; secus autem esse in dubiis positivis, quando utrinque sunt rationes probabiles. Et hac ratione pro nunc potest responderi ad citatos textus Juris: nam exactior illorum Capitulorum explicatio spectat ad interpretes Juris Canonici.

36. Ex hætenus dictis infertur, si quis dubitat, utrum aliqua actio sit peccatum nec ne, videt autem, omittendo talem actionem nullatenus se peccaturum, quod is teneatur perseverante tali dubio abstinere ab illa actione; alioquin enim peccaret. Quod si vero Conscientia dubia existat de utraque contradictionis parte, ita ut quis dubitet, an ipsa actio sit peccatum, aut potius ejus omissio, tunc tutior pars sic debet eligi, quod dubitans adhibeat diligentiam, quam potest, ad dubium prudenter deponendum, petendo videlicet consilium a doctoribus, vel ex se discurrendo, Deumque rogando, ut se dignetur illuminare: hoc enim est tutius, utpote cum in depositione talis Conscientiæ dubiæ nullum subsit periculum peccandi, bene tamen in executione aut omissione actus durante tali dubio. Si autem adhibitis præfatis mediis pro neutra parte possit quis dubium deponere, eligat illam partem, in qua minus mali sibi apparet; quia hæc censebitur tutior in tali causa, juxta illud commu-

dictum (& habetur *can. Duo mala, & can. Averi dist. 13.*) *Ex duobus malis minus est eligendum, & tunc aliquis non peccabit eligendo minus malum.*

**Q U Æ S T I O IV.**

De Conscientia probabili, & an ipsam licite sequi possimus?

57. **P**ræsens Quæstio est una ex utilissimis, imo & nobilissimis, quæ occurrunt in Tractatu de Actibus Humanis: quia verò ipsa ob sui nobilitatem, simulque copiam materiarum, longiori indiget discussione, ne ejus prolixitas pariat confusionem, expedit, ut eam in Paragraphos dividamus.

**§. I.**

Quid sit Conscientia, & Opinio probabilis:

**S U M M A R I U M.**

- 38. *Conscientia probabilis, quid?*
- 39. *Est cum formidine de opposito.*
- 40. *Diversitas sententiarum in dijudicando, quæ Opinio sit probabilis.*
- 41. *Opinio probabilis, quæ?*
- 42. *Opinio probabilis probabilitate intrinseca, vel extrinseca, quid?*
- 43. *Est alia magis, alia minus probabilis, & tuta.*
- 44. *Per Probabilitatem quantumvis tenuem, quid intelligatur?*
- 45. *Sententia Raymundi Lumbier.*
- 46. *Sententia Joannis de Cardenas.*

38. **C**ONCL. I. *Conscientia probabilis*, quæ etiam *opinativa* dicitur, est judicium practicum intellectus, quod ex gravi, licet non penitus certo fundamento, assentit, & adhæret uni parti determinate, sed cum formidine de opposito. Ita in re communis. Differt in primis a Conscientia *certa* seu recta, quod hæc relinquat intellectum certum de una parte contradictionis, non autem Conscientia probabilis, utpote quæ habetur cum formidine de opposito. Differt etiam a Conscientia *dubia*, utpote quæ neutri parti determinatum præbet assensum, sed manet anceps ac suspensa intra utramque contradictionis partem; non sic Conscientia probabilis, utpote quæ determinate assentit uni parti ex fundamento probabili, licet cum formidine de opposito.

39. Dicitur notanter, *licet cum formidine de opposito*: nam cum illud fundamentum non sit omnino evidens, sed probabile tantum, potest ipsi subesse falsum. Cæterum per hanc formidinem de opposito tollitur quidem firmitas assensus; non autem determinatio: adhuc enim intellectus determinate assentit uni parti, & quidem ex gravi fundamento, licet non adeo firmiter, prout fit in Conscientia recta. Quod si vero intellectus in re morali formet judicium circa honestatem, malitiam, aut indifferentiam actus, vel objecti, dumtaxat ex levi, vel etiam nullo fundamento, ea non erit Conscientia probabilis, sed improbabilis & temeraria.

40. Quantum attinet ad alteram partem quæstionis, necessario prorsus præmittendam, eo quod Conscientia probabilis sequatur ad opinionem probabilem, sicut assensus Conclusionis ad assensum Præmissarum; quænam in specie opinio censeri debeat probabilis, prout secernitur

ab improbabili, hoc opus, hic labor est: quot enim capita, tot sententiæ, & qui alicujus opinionis assertor est, illi veram probabilitatem assignat. Quinimo jamjam cruda illa quorundam assertio cœpit in auribus prurire, quod unius aut alterius Auctoris dictum fundet opinionem probabilem. Sed quoniam hæc doctrina periculosa sane fuit, non immerito eamdem Sedes Apostolica rejiciendam censuit, dum Alexander VII. inter alias Propositiones etiam hanc, ordine 27. damnavit: *Si liber sit alicujus junioris, & moderni, debet opinio censeri probabilis, dum non constet, rejectam esse a Sede Apostolica tamquam improbabilem.* Hac itaque propositione dimissa, sit

41. **CONCL. II.** *Opinio probabilis* generatim illa censetur, quæ gravi nititur fundamento, licet non penitus certo, simulque nullam contra se habet rationem convincentem. Ita communior modus loquendi Doctorum: neque dissentit Aristoteles 1. *Top. cap. 1.* ubi ait: *Probabilia sunt, quæ videntur omnibus aut pluribus, vel sapientibus omnibus, aut plurimis.* Præsertim autem ad hoc, ut opinio censeri possit probabilis, requiritur, quod non sit contra Sacram Scripturam, Definitionem Sanctæ Matris Ecclesiæ, Traditiones Sanctorum Patrum, aut unanimem Doctorem consensum: nam opinio in aliquo horum deficiens, non tam opinio censeri debet, quam Hæresis, vel Error, aut Temeritas.

42. Cæterum quia grave illud fundamentum, cui opinio probabilis innititur, duplex esse potest; intrinsecum videlicet, atque ex ipsa rei natura, effectibus & circumstantiis ipsius desumptum: & extrinsecum, nempe ex magna Doctorum eam tenentium auctoritate depromptum: hinc dupliciter poterit opinio quædam operanti esse probabilis, scilicet vel probabilitate intrinseca, vel probabilitate saltem extrinseca. *Opinio probabilis probabilitate intrinseca* dicitur illa, cujus probabilitas habetur ex ratione; id est, ex principiis intrinsecis talis propositionis, qualia sunt causæ, vel effectus ipsius, aut definitio, vel circumstantiæ, aut quid simile. *Opinio probabilis probabilitate extrinseca* censetur ea, quæ habetur ab auctoritate; id est, a gravitate atque prudentia Doctorum, eam tenentium: qualis potissimum habet locum respectu idiotarum, & hominum minus peritorum, qui rationes intrinsecas examinare, atque de ipsis judicium ferre non possunt: quibus proinde ad prudenter & rationabiliter, sicque ad probabiliter operandum, sufficit, si a Viro docto, prudenti, pioque intelligant, hoc sibi licere. Quinimo etiam apud Virum doctum quandoque auctoritatem alicujus Doctoris valde periti, & timoræ conscientie, majoris esse ponderis, quam esset ratio aliqua verisimilis, cæteroquin ad probabilitatem sufficiens, inter alios notat Sanchez *lib. 1. in Decalog. cap. 9. num. 8.* cum auctoritas tanti Doctoris, & qui rem mature examinasse, probeque intelligere censetur, non sit leve fundamentum.

43. Insuper quia fundamentum illud, cui innititur opinio probabilis, potest esse majus & minus, seu magis minusque grave; hinc sequitur, inter opiniones probabiles dari latitudinem: Ex his enim alia est probabilior, quæ videlicet firmiori

iori fulcitur fundamento efficacioribusque firmatur rationibus; alia minus probabilis, quæ licet habeat fundamentum ad probabilitatem sufficiens, non tamen tam firmum, ut altera opinio. Tutior autem opinio dicitur ea, in qua minus periculum peccandi reperitur: & potest bene accidere, quod opinio aliqua sit tutior, non tamen probabilior, imo minus probabilis. Exemplum sit in ea quaestione, an surripienti rem proximi in extrema necessitate, teneatur ad restitutionem, si ad pinguiorem fortunam pervenerit: nam in hoc casu tutius erit restituere, quia restituendo nequit committi peccatum: nihilominus opposita sententia, negans obligationem restituendi, est probabilior, eo quod iure poli in extrema necessitate sint omnia communia.

44. Quæres, quid intelligatur per *Probabilitatem quantumvis tenuem*, de qua loquitur Propositio novissime damnata ab Innocentio XI. estque ordine 3. & sic sonat: *Generatim dum probabilitate, siue intrinseca, siue extrinseca, quantumvis tenui, modo a probabilitatis finibus non exeat, confisi aliquid agimus, semper prudenter agimus.* Resp. I. Hæc Propositio damnatur a Pontifice, sicut jacet, prout in principio sui Decreti monet id Pontifex: unde cum primis rejecta est sententia, quæ indefinite, atque in omni casu & materia, licitam esse sequentem opinionis probabilis asserit.

45. Resp. II. Quænam sit opinio tenuiter probabilis, atque in citato Decreto damnata, variant Doctores. Et quidem Raymundus Lumbier tom. 3. *Summa*, a n. 1737. distinguit duplex genus opinionum probabilium, eo quod aliæ sint certo probabiles, & aliæ sint probabiliter probabiles; & addit, per opiniones tenuiter probabiles in citato Decreto intelligi eas, quæ solum sunt probabiliter probabiles; id ipsum sentit Emmanuel de Filguera in *Lucerna Decretali, in exposit. 3. Propositionis Innocentii XI.* Et hi Auctores per opinionem certo probabilem volunt intelligi eam, quæ est intrinseca ex fundamentis, quibus innitur, vel ex Doctoribus, si existat extrinseca, qui eam tuentur, imo & ex contrariis eam probabilem vocantibus: unde talis opinio certitudinem tribuit siue eam sequenti, siue consulenti, quod sit probabilis. Probabilitas probabiliter talis duntaxat desumitur communiter ex paucis Doctoribus eam opinioni tribuentibus, sed ab aliis plerumque probabilis non censetur: & addunt, quod ejusmodi opinioni probabiliter tali nefas sit adherere, quia ex ea nequit aliquis prudenter certum dictamen concipere ad operandum, sed tantum dubium.

46. Econtra Joannes de Cardenas, in *Crisi Theologica, ad Propositionem III. Innocentii XI. cap. 5. num. 34.* ait, quod opinio tenuiter probabilis, quæque in dicto Decreto damnatur, non sit ea, quæ est probabiliter probabilis (qui enim format iudicium probabile de probabilitate opinionis, non habet dubium practicum de illa, sed potius iudicium reflexum certum) sed illa, quæ quamvis habeat probabilitatem apparentem, plures tamen Viri sapientes dubitant de ejus probabilitate. Sive, ea (inquit) censetur opinio tenuiter probabilis, de cujus probabilitate merito dubitatur: unde opinio tenuis probabilitatis in idem

recidit, ac opinio dubiæ probabilitatis; quando autem dubitatur de probabilitate, intervenit dubium practicum, in quo tutior pars est amplectenda. Plura de his citatus Cardenas: nobis in progressu non est sermo de opinionibus tenuiter duntaxat probabilibus.

## §. II.

An sit licitum sequi Sententiam probabilem etiam in concursu probabilioris & tutioris?

## S U M M A R I U M.

47. *Quæstiones alia versantes circa honestatem actus, alia circa Materiam facti, quæ?*
48. *Notabile discrimen inter utrasque.*
49. *Quod amplius declaratur.*
50. *Licitum est, in rebus moralibus sese conformare Conscientia vere probabilis.*
51. *Frustra post factum inquiritur sententia probabilis.*
52. *Ex propositionibus æque probabilibus, & circa honestatem actus versantibus, potest eligi qualibet pro libitu.*
53. *Imo & opinio vera quidem, sed minus probabilis, relicta probabiliori & tutiori.*
54. *Quantumvis id non semper expediat. Neque locum habeat quoad propositiones de Fide.*

(c) Tract. 4. Dist. 2. num. 30.

55. *Confessarius debet se conformare opinioni penitentis vere probabilis.*
56. *Premissa doctrina non habet locum in Quæstionibus circa Materiam facti versantibus.*
47. **A**dvertendum, quod quantum ad propositum, alia quæstiones versantur circa honestatem actus, quæ solet vocari *Materia Juris*, & alia circa naturam, conditionem seu validitatem actus, quæ dici solet *Materia facti*, ut notat Mastrius 2. *Sentent. disp. 5. n. 142.* & in *Theolog. Moral. disp. 1. num. 73.* *Quæstiones circa honestatem actus versantes* dicuntur illæ, in quibus quaeritur, an hæc vel illa actio sit licita & honesta, ita ut absque peccato fieri possit: puta an vir sexagenarius teneatur ad jejunium Ecclesiasticum? An Clericus voluntarie distractus sub recitatione Horarum Canoniarum, satisfaciat? An in die Festo licitum sit pingere? Ac hujusmodi *Quæstiones versantes circa validitatem, naturam, seu conditionem actus*, hoc est, circa Materiam facti censentur illæ, in quibus de aliquo horum quaeritur: puta, utrum Baptismus aqua rosacea collatus sit validus? utrum hæc, vel illa medicina sit infirmo profutura? An hæc pars litigantium in Judicio habeat justam causam? in quarum prima quaeritur de validitate actus siue Baptismi, in secunda de natura seu virtute medicinæ, & in tertia de conditione causæ.

48. Est autem inter Quæstiones prioris & posterioris generis, notabile discrimen: Siquidem honestas actus proxime dependet totaliter a prudenti iudicio operantis, cui si actus est conformis, hoc ipso bonus est ac honestus; si difformis, malus. Ratio est: quia Conscientia est proxima regitela actionum humanarum, per quam voluntati, quæ de se est potentia cæca, dicitur, quid sit agendum vel fugiendum: unde sit, quod si actus est conformis Conscientiæ practice rectæ, licet forsitan invincibiliter erranti, adhuc talis actus non sit formaliter peccatum, neque imputetur ad culpam.

49. Secus est de Quæstionibus posterioris generis, seu quæ versantur circa Materiam facti: etenim actus non desumit suam naturam, conditionem, aut validitatem ex judicio nostri intellectus, quantumvis prudenti, sed vel ex natura sua intrinseca, vel ex ordinatione aut institutione extrinseca alterius. Sic enim medicina, si a parte rei & ex intrinseca natura sua non est proficua, sed nociva, nil proderit infirmo, imo ipsum occidet, non obstante judicio probabili Medici, existimantis, eam profuturam. Similiter causa litigantis in Judicio non est justa ex eo, quia eam Judex probabiliter censet justam, sed quia ipsa a parte rei, & secundum Legum ordinationem talis est. Sic pariter Baptismus aqua rosacea collatus non valebit ob probabile judicium Ministri, arbitrantis, ipsum valiturum, si revera talis non est ex institutione Christi. Et hinc non mirandum, quod diverso modo de his, ac de prioribus, in progressu simus locuturi: nam sequendo Sententiam probabilem circa honestatem actus, nullum incurritur periculum alicujus peccati, vel alterius damni; secus accidit in materia facti, ubi ex sequela opinionis minus probabilis relicta probabiliiori ac tutiori, incurritur magnum periculum nocimenti in bonis animæ, corporis aut fortunæ, proximo inferendi, si forsâ a parte rei opinio illa non subsisteret. His prænotatis, sit

50. CONCL. I. Potest homo in rebus moralibus, & actionibus humanis, licite sese conformare conscientiæ seu opinioni vere probabili. Hæc Conclusio sic absolute prolata, ac præscindendo a quacumque probabilitate opinionis oppositæ, est ferme omnium Theologorum, imo & Jurisperitorum, prout fatetur Prosper Fagnanus in cap. *Ne innitaris. num. 45. de Constitut.* quamvis ipse postmodum contrariam sententiam teneat. Ratio est: quia, ut aliquis licite & honeste operetur, sufficit, quod quis regulam rectæ rationis sequatur: sed hoc fit sequendo Sententiam vere probabilem; hæc etenim non ex levi, sed gravi fundamento auctoritatis, vel rationis concipitur; ergo. Confirmatur: quia, cum in moralibus haberi semper non possit omnimoda certitudo per rei evidentiam, consequenter sufficit certitudo ex probabilibus desumpta, alioquin enim vix quidquam recte ageretur, propter incertitudinem rerum practicarum. Hinc Alexander Papa VIII. die 7. Decembris 1690. inter alias Propositiones etiam sequentem, ordine 3. non immerito damnavit: *Non licet sequi opinionem, vel inter probabiles probabilissimam.*

51. Objicies tamen: Judicium probabile propter formidinem, quam habet intrinsecus infixam, non est certum; ergo neque potest habere moralem certitudinem, & consequenter neque esse regula recta nostrarum actionum. Resp. Antecedens esse verum speculative, non autem practice; prout in simili dictum est supra n. 33. & seqq. de dubio speculativo, & practico: hinc taliter distincto antecedente, negatur consequentia. Solum hic vitandus quorundam abusus, qui post actum jam perpetratum ad medendum remoribus Conscientiæ suæ student casibus, ut inveniant fundamenta & opiniones Doctorum probabiles, quæ suo desiderio faveant. Hoc enim (ut loqui-

tur Herinex disp. 4. de Conscientia, quæst. 3. n. 25.) plane est medicinam sperare post mortem: nam attendendum est dictamen Conscientiæ antecedens, quod direxit operationem, non aliud subsequens, utpote quod actum jam præteritum practice nequaquam dirigit.

52. CONCL. II. Insuper, quando duæ occurrunt opiniones æque probabiles circa honestatem actus versantes, licitum erit eligere eam, quam quis maluerit. Ita communior Doctorum, præsertim Theologorum, contra Fagnanum loc. cit. n. 121. & seqq. Ratio desumitur tum ex dictis n. 50. tum ex eo: quia, quando utraque opinio est æque probabilis (non enim repugnat, quod intellectus humanus ex diversis principiis, atque rationibus hinc inde applicatis, judicet utramque contradictionis partem æque probabilem) non est major ratio, cur quis unam potius sequi teneatur, quam alteram; ergo liberum erit eligere, quam maluerit. Nec obstat, quod alterutra contradictionis pars a parte rei sit falsa. Quia hoc ipso, quod ejus falsitas determinate non cognoscatur, neque moraliter cognosci possit, ea etiam per errorem electa non violaretur formaliter præceptum aliquod, etsi materialiter contra illud ageretur; quod stante ejusmodi Conscientia vere probabili, culpa vacat ob rationes dictas.

53. CONCL. III. Loquendo de actibus, quantum ad eorum honestatem spectatis, etiam in concursu probabilioris & tutioris, licite potest eligi opinio vere quidem, sed minus probabilis, minusque tuta; quamvis hoc non semper expediat. Ita communior Theologorum, præsertim Recentiorum, etsi Canonistæ, atque non pauci alii teneant contrarium. Ratio est: Tum quia, qui juxta opinionem vere probabilem operatur, non temere, sed prudenter operatur; ergo non peccat, cum honestas actus proxime dependeat a prudenti judicio operantis. Tum quia, loquendo de actibus, quantum ad eorum honestatem spectatis, qui se conformat dictamini Conscientiæ vere probabilis, non exponit se ulli periculo inferendi ali-quod nocumentum, sive sibi, sive proximo, ex dictis n. 48. & seqq. Tum quia Summi quoque Pontifices quandoque secuti sunt opinionem probabilem, relicta probabiliori, ac tutiori, prout inter alios refert Bernardus Sannig, Tom. 1. *Schola Theologica, tract. 7. distinct. 5. q. 3. n. 7.* recte n. 4. præmittens, hanc Sententiam non esse revocatam per novissimum Decretum Innocentii XI. 2. Martii 1679. emanatum. Et hoc ipsum patet ex verbis citati Decreti; partim quia circa initium ipsius Pontifex expresse declarat, se damnare propositiones ibi contentas, *sicut jacet*: partim quia prima & tertia propositio, quæ ad propositum præ cæteris faciunt, loquuntur generatim, atque etiam in Sacramentis, vel de opinionibus, *quantumvis tenuis probabilitatis*, quales absit defendere, ut supra n. 40. & 44. & seqq. notatur.

54. Additur notanter in Conclusionem: *quamvis id non semper expediat.* Tum quia non omnia, quæ licent, semper expediunt, juxta illud D. Apostoli 1. Corinth. 6. *Omnia mihi licent, sed non omnia expediunt.* Tum quia, ut Doctor Subtilis in dist. 25. q. 1. §. *sed hic occurrunt*, recte monet, *In moralibus quando sunt altercationes de aliquo*



aliquo peccato, quando primo est mortale, ut si unus peritus in scientia dicat, quod non licet sic mercari, & alius dicat, quod licet, tutius est non procedere sic, nec sic, sed expectare, quousque veritas pateat. Hæc ille, per id tutius est, hanc partem optime consulens, sed eam sub obligationis vinculo non concludens. Adde etiam, quod præmissa Conclusio locum habere non possit quoad propositiones circa Mysteria, Fide Divina credenda formatas. Ratio hujus est: quia Conclusio solum loquitur de propositionibus vere probabilibus: atqui circa Mysteria, quæ Fide Divina credenda sunt, propositio falsa in concursu alterius, jam cognita ut probabilioris, numquam potest habere rationem propositionis vere probabilis, prout infra suo loco (c) dicitur.

55. CONCL. IV. Confessarius tenetur conformare se quoad Judicium Sacramentale opinioni penitentis, si ejus opinio vere probabilis sit, etiam contra propriam opinionem, & consequenter si penitens bona fide sequatur sententiam, quæ a probatis Auctoribus tamquam tuta & probabilis defenditur, Confessarius vero eam speculative improbabilem censeat, tenetur is, deposito ac relicto proprio judicio, beneficium absolutionis eidem impendere. Ita Sanchez lib. 1. in Decalog. cap. 9. num. 27. & seqq. & communior Doctorum; & favet Scotus 4. dist. 15. q. 1. §. ex hoc dico, volens, hoc observandum a Confessario in imponenda penitentia. Ratio est: quia audita Sacramentali Confessione, non potest Confessarius negare absolutionem penitenti rite disposito, nullumque peccati obicem ponenti: atqui penitens sequendo opinionem vere probabilem non peccat, ac proinde (nisi aliud obstat) recte est dispositus; ergo non potest ipsi absolutio denegari. Hinc Layman. lib. 1. tract. 1. c. 5. n. 10. sic loquitur: *Reprobenda est quorundam Confessariorum consuetudo, qui verum penitentem contra propriam Sententiam absolvere, eundem ad alium Confessarium ablegant, qui oppositam opinionem probabilem tenet: si enim ille aliter absolvere potest, cur non tu possis? aut cur tua speculativa persuasio penitentis obesse debeat?*

56. CONCL. V. Et si in Quaestionibus de honestate actus præmissa doctrina locum habeat, aliter tamen est discurrendum loquendo de Materia facti, & quantum attinet ad Quaestiones de natura, conditione, aut valore actus, prout inter alia suadet diversitas utriusque supra n. 48. & 49. insinuata. Dicendum proinde cum communissima, & receptissima Doctorum sententia (quidquid unus, vel alter frustra reclamet) in Materia facti non esse licitum, sequi Sententiam minus probabilem minusque tutam in concursu probabilioris ac tutioris. Ratio est: quia nemo potest extra casum necessitatis tuto, ac licite se exponere gravi periculo inferendi magnum damnum proximo: atqui in Materia facti sequens opinionem minus probabilem in concursu probabilioris ac tutioris, exponeret se gravi periculo inferendi magnum damnum proximo, & quidem extra casum necessitatis, utpote cum juxta hypothesein tali periculo facile possit occurrere eligendo opinionem probabilioris & tutioris; ergo id non licet. Major patet ex præcepto Charitatis de di-

ligendo proximo, sicut seipsum. Minor probatur inductione. Sic enim Sacerdos in administratione Sacramentorum adhibens materiam vel formam dubiam, minusque probabilem & tutam, cum possit adhibere certam aut tutiorem, exponeret sine ulla prorsus necessitate non solum periculo invaliditatis ipsum Sacramentum, sed etiam recipientem periculo non habendi fructum Sacramenti, cum dispendio aeternæ salutis, si forte sua Sententia minus probabilis a parte rei falsa esset. Similiter Medicus adhibendo medicamina minus tuta, probabilioribus ac tutioribus, quæ posset adhibere, relictis, ponit infirmum in periculo perdendæ sanitatis, aut etiam vitæ, cum irreparabili damno. Item Judex, adjudicans causam parti, minus probabilem sententiam habenti in Jure, exponeret se periculo inferendi grave damnum in bonis fortunæ alteri parti litigantium, probabilioris sententiam habenti. Siquidem ad evitanda ista damna proximo impendentia, nihil prorsus juvat probabile judicium operantis.

### §. III.

Inferuntur corollaria de Ministro Sacramentorum, Medico, Judice, Advocato.

57. Tres aureæ Regulae Scoti a Ministro Sacramentorum observanda.
58. Non licet sequi opinionem probabilem de valore Sacramenti, relicta tutiore.
59. Dicitur Regula Scoti etiam observanda a Medico, & Judice.
60. Quid observandum a Medico in curando infirmo?
61. Quid agendum Judici in judicando?
62. Præsertim quando litigantes habent pro se opiniones æque probabiles.
63. Quid dicendum de Advocatis?
64. Quadam obligationes Advocatorum.
65. Solvuntur objectiones.
66. In Medicina & Jure, quomodo dentur opiniones probabiles?
67. Differentia inter Judicem & Advocatum, atque officium utriusque.
68. Bellum inferre, & licem judicialiter movere, differunt.

57. **Q**Uantum igitur attinet in primis ad Ministrum Sacramentorum, sunt eidem observandæ, ac præ oculis jugiter habendæ, tres illæ aureæ Regulæ, quas Doctor Subtilis 4. dist. 3. q. 2. §. Tertio de for. ver. Circa istum, adducit, & sequuntur alii communiter. Prima est: *Si possibilitas adest, via tutissima est eligenda*: Secunda: *Si non adest possibilitas, via tutissima proxima est tenenda*. Tertia est ista: *Cessante impossibilitate caute est supplendum, quod impossibilitas prohibebat*. Unde Baptismus v.g. in materia, vel forma dubia collatus, de novo sub conditione iterandus est, ut dicitur in Jure Canonico c. De quibus. De Baptismo.

58. Unde jure merito novissime ab Innocentio XI. damnata est, & tamquam scandalosa, & in praxi perniciose prohibita sequens Propositio ordine 1. *Non est illicitum in Sacramentis conferendis sequi opinionem probabilem de valore Sacramenti, relicta tutiore, nisi id vetet lex, conventio, aut periculum gravis damni incurrendi*. Hinc sententia probabilis tantum utendum non est in collatione Baptismi,

D Ord-



*Ordinis sacerdotalis aut Episcopalis.* Hæc, inquam, Propositio est damnata ac proinde hætenus dicta, præsertim circa materiam Sacramentorum, magis confirmantur.

59. Licet autem supra dictas tres Regulas Doctor noster ex professo tradiderit observandas circa Sacramentorum materiam & formam ab eorum Ministro, seu spiritali Medico animæ: oportet nihilominus easdem (servata tamen proportionem) etiam observari a vero Medico in curandis ægritudinibus hominis, atque etiam a Judice in ferendis sententiis.

60. Quantum igitur attinet ad Medicum, notant communiter Doctores, Medicum in curando infirmo debere sequi sententias certas, si adsit, relictis incertis ac dubiis. Hinc, ut notat Layman *loc. cit. num. 15.* citans plures alios, etsi probabilis opinio sit, medicamentum infirmo futurum esse, non ideo sequitur, probabile esse, quod liceat Medico tale medicamentum dubium adhibere: quin potius, cum agatur de periculo corporis, securior via est eligenda. Quare Medici, & Chirurghi, debent sequi sententias certas & securas, si suppetant, rejectis incertis ac dubiis: graviterque peccat Medicus, si experiendi tantum causa inexplorata medicamenta certis dimissis infirmo adhibeat, ejusque sanitatem & vitam hac ratione gravi periculo exponat. Quod si certa curatio non occurrat, tenetur Medicus sectari ea, quæ probabiliora judicat, posthabitis opinionibus minus probabilibus. Si vero nulla medicamenta suppetant nisi dubia & periculosa, tunc prudenter examinandum erit, hinc quidem vis ac periculum morbi, illinc vero tam spes sanandi, quam timor & periculum nocendi: & quidem si Medicus intelligat, certo moriturum infirmum, nisi medicamentum adhibeatur, non carens quidem periculo accelerandæ mortis, junctum tamen cum probabili spe conferendæ sanitatis, adhibere poterit.

61. Quantum tandem attinet ad Judicem, etiam communiter notant Doctores, quod Judex teneatur judicare secundum sententiam, quæ inspectis allegationibus & probationibus probabilior est, Jurique conformior: nam Judicis officium est, partibus litigantibus sententiam dicere secundum merita causæ. Unde cavenda est doctrina nonnullorum Theologorum, olim volentium, si circa propositam controversiam contrariæ sint opiniones probabiles de jure, posse Judicem relictæ probabiliori judicare secundum alteram minus probabilem. Quinimmo hæc sententia modo est expresse rejecta ab Innocentio XI. qui damnavit sequentem, ordine 2. Propositionem: *Probabiliter existimo, Judicem posse judicare juxta opinionem etiam minus probabilem.*

62. Similiter cavenda est illa nonnullorum Theologorum sententia, qui volebant, quando utraque opinio est æque probabilis, integrum esse Judici, quam maluerit, opinionem eligere, & secundum eam judicare, immo cessante scandalo nunc secundum unam, nunc secundum aliam. Cavendum, inquam, est ab hujusmodi sententia: quis enim non videat, ab æquitate alienum esse, si duo æquale jus habent, Judicem, quem oportet

esse juris Interpretem, Justitiæque Administrum, uni eorum totum adjudicare, alteri abjudicare? Unde non immerito Alexander VII. inter alias etiam sequentem, ordine 26. Propositionem damnavit: *Quando litigantes habent pro se opiniones æque probabiles, potest Judex pecuniam accipere pro ferenda sententia in favorem unius pro alio.* Igitur in tali casu, si post causæ accuratam discussionem neutra litigantium pars, inspectis allegatis, de facto, aut de jure superare videatur, debet Judex vel arbitros, partium consensu, statuere, vel compositionem suadere, immo etiam imperare, si casus nimium sit intricatus, causaque diutius jam protracta; vel denique cuilibet dimidium juris, aut rei, de qua lis est, adjudicare.

\* Dices: si Rationes & Probationes sunt probabiliores, quod aliquis accusatus, vel inquisitus ob certum grave delictum e. g. homicidii sit nocens; interim tamen adhuc adsunt etiam rationes in contrarium vere probabiles, quod sit innocens, Judex in tali casu pronunciat, ac sententiam dicit pro Reo, saltem non condemnando eundem ad mortem, ergo potest Judex sequi sententiam minus probabilem. Ante responsum nota, aliud esse judicium Civile, & aliud criminale. Judicium Civile principaliter respicit commodum privatum litigantium: Criminale vero bonum commune, & vindictam publicam. H. N.

Respondetur concessi. ant. distinguo consequens. Judex potest sequi sententiam minus probabilem in actionibus civilibus; neg. in criminalibus subdisting. potest sequi talem sententiam, quæ sit minus probabilis attendendo præcise ad principia directa, & speculativa; conc. quæ esset minus probabilis, respiciendo pariter ad principia reflexa, & practica; neg. consequ. Nam attendendo ad principia reflexa, ipsa Jura in Criminibus gravioribus præcipiunt, ut nullus ad gravissimam ordinariam poenam condemnatur, nisi similes probationes sint omnino claræ: quoniam *satius est impunitum esse facinus nocentis, quam innocentem condemnari. L. si absentem ff. de po. is.* Præsertim cum ex tali non-condemnatione Reipublicæ nullum imminet periculum gravis mali, vel, si hoc adesset, Reus posset accurate observari, aut omnino custodiri pro exigentia periculi. Econtra vero ex condemnatione ad mortem Reo, forsitan a parte rei innocenti, immineret damnum irreparabile \*

63. Quæres, an id, quod proxime de Judice dictum est, similiter de Advocato sit sentiendum? Resp. negative, prout tenet communior Doctorum præter Fagnanum *loc. cit. n. 381. 387. ac seqq.* & quosdam alios. Ratio est: quia Advocati officium non est, definire, sive jus dicere inter partes contendentes, sed uni parti litigantium assistere, atque patrocinium asserere: cum igitur, quotiescumque causa dubia seu controversa est, permittatur parti litem cum adversario contestari, atque propositis juribus & rationibus suis sententiam Judicis dirimentis expectare; consequenter, si Advocatus causam clientuli non manifeste iniquam, sed probabilem judicet, licet ejus patrocinium suscipit, etli causam adversarii probabiliorē, facilius obtinendam arbitretur.

Immo

Immo fieri potest, atque nonnumquam solet, ut pars illa, quæ a principio minus probabilis appareret, in progressu litis probabilior evadat.

64. Notant tamen Doctores, quod Advocatus, causam dubiam suscipiens, ad aliqua sit obligatus. Et primo quidem ut ante omnia diligenter inspiciat causæ libi propositæ aequitatem, aut probabilitatem; & si injustam comperiat, nullo modo ejus patrocinium suscipiat. Ratio est: quia alioquin peccaret cooperando ad malum. Secundo, ut post diligentem totius causæ considerationem sincere aperiat clienti, quantam probabilitatem, vel spem obtinendæ victoriæ habeat: alioquin enim, si falsa opinione, aut spe inani victoriæ clientem detineat, ac sumptibus frustra faciendis involvat, ad compensationem damni ei obligatur. Tertio, ut Advocatus, qui causæ dubiæ patrocinium suscipit, paratus sit quamprimum desistere, & clienti suo significare, si in progressu litis ejus iniquitatem manifeste deprehenderit: non tamen, ut notat D. Thomas 2. 2. *quest. 71. art. 3.* debeat eam proderi, ut scilicet, aliam partem juvet, vel secreta suæ causæ alteri revelet, sed debet causam deferere, vel eum, cujus causam agit, inducere ad cedendum, vel ad componendum sine adversarii damno.

65. Objicies I. contra hætenus dicta. Ad prudenter operandum sufficit certitudo moralis; non enim tenemur semper habere summam rei certitudinem, sed sufficit moralis: atqui similiter Sacerdos, Medicus, & Judex habet certitudinem moralem, quod non peccet, nullumque damnum proximo inferat, eo ipso, quod pro se habeant sententiam vere probabilem; ergo. Resp. negando minorem, loquendo de casu, quo ejusmodi opinio probabilis circa Materiam facti habetur in concursu probabilioris, ac tutioris. Tunc enim Medicus v. g. non est moraliter certus de procuranda sanitate infirmi, si neglecto tutiori ac probabiliori pharmaco, quod hic & nunc adhibere posset, adhibet aliud minus tutum, minusque probabile: neque etiam habet pro se sententiam vere probabilem, quod id licite facere possit, tum ob grave periculum nocuementi infirmo inferendi, tum ob communem sententiam Doctorum, id licite fieri negantium.

66. Dices: Si hoc est verum, ergo in Medicina, in Jure, in Sacramentorum administratione nulla dabitur opinio probabilis; quia nemini umquam licebit eis uti: atqui hoc est absurdum; ergo. Resp. ejusmodi opiniones in concursu alterius opinionis probabilioris ac tutioris, dici solum probabiles speculative, non autem practice. Ratio est, quia non possumus ex ipsis formare judicium practicum, quod dicet, hic & nunc esse licitum, absque ulla necessitate omittere viam certam, vel saltem tutiorem, & eligere cum gravi periculo damni proximo inferendi aliam minus certam, minusque tutam. Interim tamen speculative etiam in Medicina, Jure & Sacramentorum administratione, dantur opiniones probabiles, quas licebit & expediet sequi in casu necessitatis, & quando opinio probabilior hic & nunc practicari nequit, juxta tres illas aureas Regulas supra n. 57. ex Doct. Subtili allatas.

67. Objicies II. contra dicta n. 63. Judex tenetur ex officio ferre sententiam pro parte probabiliori; ergo & Advocatus poterit solum defendere causam magis probabilem; alioquin enim defendendo causam minus probabilem induceret Judicem ad aliquid iniquum, nempe ad ferendam sententiam, quam is licite ferre non posset. Resp. negando consequentiam, & paritatem: quia Judicis officium est definire, ac jus dicere inter partes litigantes; sicque causa rite prius discussa, tenetur ex officio pro parte probabiliori stare, sententiamque ferre. Secus dicendum de Advocato, cujus officium non est definire, atque jus inter partes dicere; sed tantum parti uni assistere, atque (sub positis jam cautelis) patrocinium ferre, donec lis per diffinitivam Judicis sententiam fuerit decisa. Neque idcirco Advocatus censetur inducere Judicem ad aliquid iniquum: nam solum conatur ostendere, partem sui clientuli (prout nonnumquam in progressu litis apparet) esse veriorum, sive probabiliorum; non autem vult, ut stante minori probabilitate talis causæ, pro ea feratur sententia diffinitiva.

68. Urgebis: Cujus causa existit minus probabilis, non potest alteri bellum inferre; ergo neque litem judicalem ipsi movere, & consequenter neque Advocatus tali causæ patrocinari. Resp. negando consequentiam, & paritatem. Siquidem per litem judicialiter motam fit solum inquisitio veritatis, utri parti revera plus juris competat: simulque hujus decisio relinquitur Judici, cujus est, utriusque partis fundamenta penitus expendere, ac postea litem sententia diffinitiva decidere. Econtra illatio belli, est ipsamet sententiæ executio; unde supponit, sententiam esse latam, vel saltem debere ferri in favorem ejus, qui bellum infert: cujus autem jus est minus probabile, non debet sententia pro illo, sed potius contra illum ferri, ac proinde is alteri bellum licite inferre non potest.

## Q U Æ S T I O V.

De Conscientia scrupulosa, ejusque signis, & remediis contra scrupulos.

### S U M M A R I U M.

69. *Conscientia scrupulosa, & scrupulus, quid?*
70. *Signa Conscientia scrupulosa, quæ?*
71. *Qua fit origo Scrupulorum?*
72. *An sit licitum operari contra Conscientiam scrupulosam?*
73. *Solvitur objectio Scrupulorum.*
74. *Alia Scrupulorum instantia diluitur.*
75. *Explicantur quedam auctoritates.*
76. *Discrimen inter Timoratos timore Dei, & inter Scrupulosos, quale?*
77. *Mala scrupulorum.*
78. *Remedia contra scrupulos, qualia?*
79. *Consilium pro scrupulosis, qui sua conscientia curam habent.*
80. *Quid de nimium scrupulosis circa peccata præterita, & parum sollicitis circa futura?*

69. **C**onscientia scrupulosa dicitur talis à Scrupulis: Porro Scrupulus est inanis apprehensio, & hinc ortus timor atque anxietas, alicubi esse peccatum, ubi revera non est. Unde Conscientia scrupulosa importat inanem apprehen-

sionem ex frivolis ortam rationibus; qua quis suspicatur, aliquid esse peccatum, quod non est.

70. Signa autem scrupulosæ Conscientiæ sunt potissimum sequentia. I. Pertinacia iudicii, qua scrupulosi homines Doctoris, aut sui Confessarii consiliis non acquiescunt: unde varios consulunt & fatigant, & tamen nullius iudicio stant, nisi suo. II. Ex levi apparentia frequens iudiciorum mutatio, unde oritur in agendo inconstantia, v. g. in Horis Canonicis aliquando decies mutant iudicium, num hunc vel illum Versiculum dixerint? immo nonnumquam contra proprium iudicium, quod tale quid agere non sit peccatum, adhuc sunt inquieti, timentque, ne forte peccent, vel peccaverint. III. Perturbate agere, & cæco quodam modo in externis actionibus procedere; & hoc quidem malum ex prioribus descendit. IV. Habere reflexiones extravagantes infinitarum circumstantiarum. V. Timere in omnibus peccatum, & contra Sapientum, immo & contra proprium iudicium esse inquietum. His accedit ultimum Conscientiæ scrupulosæ signum, si nempe Confessarius iudicat, talem esse scrupulosum; juxta hæcenus dicta. In particulari autem signa Scrupuli, hic & nunc præsentis, sunt sequentia duo: in primis, si per illum experiaris te nimium angere, & turbare. Deinde si alias expertus sis, te similia apprehendisse sine fundamento. Ita discit inter alios Hermannus Busenbaum, in *Medulla Theolog. moral. lib. 1. tract. 1. cap. 3.*

71. Quæritur I. Quæ sit origo Conscientiæ scrupulosæ, & Scrupulorum? Resp. cum Doctoribus passim, origines & causas Scrupulorum esse potissimum sequentes. I. Est ignorantia: qui enim ignorantes sunt, quibusvis facile moventur, ac decipiuntur. II. Cerebri, & imaginationis debilitas. III. Complexio frigida, & melancholica. IV. Immoderatus, & indiscretus fervor. V. Nimius timor servilis; hic enim animam tremulam & trepidantem facit. VI. Consuetudo, seu conversatio cum Scrupulosis. VII. Tentatio diabolica. Et tandem. VIII. causa Scrupulorum, est permissio Dei, qui quandoque singulari sua providentia superbiam nostram a Scrupulis depasci permittit, vel in fornace Scrupulorum nos purgat, nostramque fidelitatem probat.

72. Quæritur II. An sit licitum operari contra Conscientiam scrupulosam? Resp. cum communi Doctorum, affirmative. Ratio est clara: quia Conscientia scrupulosa nititur solum levibus atque frivolis rationibus, ac proinde ejus iudicium est imperfectum atque imprudens; ergo licite ac laudabiliter ipsi resistitur.

73. Nec dicatur I. cum scrupulosis: Juxta illud commune dictum: *in dubiis tutior pars est eligenda*; ergo. Resp. enim, axioma istud loqui de Dubio proprie dicto, non autem de mero ac inani scrupulo, qui importat inanem suspicionem, ex levibus causis ortam, qua quis putat esse peccatum, quod revera non est. Porro quomodo vulgatum hoc axioma sit intelligendum, habetur superius num. 35.

74. Nec dicatur II. Ad licite operandum necessario requiritur iudicium intellectus saltem probabile de honestate operis: atqui stante scrupulo deest tale iudicium intellectus; ergo eo

stante non est licitum operari contra scrupulum, Resp. quippe negando minorem: nam scrupulus verus, quantumcumque urgeat, minime tollit assensum partis contrariæ, seu iudicium intellectus de ipso: quod si vero tollat determinatum assensum alterius partis, jam non erit amplius scrupulus, sed verum Dubium, ut recte notat Sanchez lib. 1. in Decal. cap. 10. num. 80. ac proinde cum ipsa procedendum foret juxta dicta superius Quæst. 3. Unde cum Conscientia scrupulosa facile transire possit in Conscientiam vincibiliter erroneam, vel dubiam, colligere licet, quam miser & periculosus sit status hominis vere scrupulosi.

75. Nec dicatur III. Secundum illud D. Gregorii, ac refertur can. 4. dist. 5. *Bonarum mentium est, ibi culpam timere, ubi culpa non est.* Et illud Proverb. 28. *Beatus homo, qui semper est pavidus*; & alibi: ergo bene fit, si quis est scrupulosus. Resp. enim negando consequentiam: hujusmodi siquidem auctoritates loquuntur de Conscientia timorata vera, & rationabili; non autem de Conscientia inaniter scrupulosa, & plurimum cor affligente. Sed occasione hujus,

76. Quæritur ulterius, quale sit discrimen inter Timoratos timore Dei, & inter Scrupulosos? Resp. cum Petro Marchantio tom. 1. *Tribunalis, tract. 5. tit. 6. quæst. 2.* & aliis. Plures passim assignari differentias: cæteris tamen clarius est ea, quæ desumitur ab effectibus. Effectus enim Timoris Dei in timoratis, sunt puritas & firmitas cordis, vigilantia, & sollicitudo sine anxietate, apprehensio mali sine turbatione, pœnitentia cum spe & amore conservandæ justitiæ, & injustitiæ vindicandæ propter Deum omnis justitiæ Fontem. Hinc Timorati timore Divino, ob amorem Dei atque observantiam mandatorum ipsius, etiam verbum otiosum refugiunt; simulque imperturbati, stabiles & constantes incedunt viam mandatorum DEI, & cum cordis tranquillitate custodiæ suæ invigilant, atque absque turbatione ad Deum suspirant.

77. Econtra vero res se habet in Scrupulosis. Primo enim timor Scrupulorum plenus est impuritate atque inconstantia mentis. Deinde tantum abest, ut Scrupulosi in solitudinem alacrem ac vigilantiam cordis exeant, ut potius in anxietatem, pusillanimitatem, tepiditatem; ac tædium omnis boni devolvantur: simulque apprehensio mali fit in ipsis cum turbatione totius hominis, ita ut nec seipsos capiant: immo quodam mentis delirio fatiscant. Omittuntur alia plura discrimina, & mala Conscientiæ scrupulosæ.

78. Quæritur ultimo: Quænam sint remedia contra scrupulos? Resp. In primis saluberrimum contra scrupulos remedium esse, scrupulos contemnere: cum enim hi ex frivolis concipiuntur rationibus, hinc tali inanitate perpensa, jure merito contemnuntur, & licite contra eos quis operatur. Quia tamen Scrupulosus non semper semetipsum juvare potest, tunc alterum utilissimum remedium est, ut Scrupulosus, deposito proprio iudicio, & non obstantibus suis rationibus, per omnia se submittat iudicio, ac verbo pii ac prudentis Viri, aut Confessarii, cum manifestum sit,

sit, Deum non plus exigere a tali persona afflictâ. Confessarius autem ante omnia videat, quæ sit causa scrupulorum, eamque cognitam labore amovere. Præterea sit is in suis Responsionibus resolutus, atque, ne scrupulus scrupulo inducatur, absteineat a multis discursibus, & Probationibus suorum dictorum, cum in illis ipsis frequenter non deesset Scrupulosus talibus materia novorum scrupulorum. Quare urgeat Confessarius Scrupulosum, ut simpliciter suis dictis credat: alias certe vix juvari poterit. Et hæc sunt duo remedia præcipua contra scrupulos, quamvis plura alia a Doctoribus afferantur.

79. Cæteris tamen dimissis, consulit Vasquez 1. 2. dist. 68. cap. 2. loquendo de illis Scrupulosis, qui simul conscientiae suæ curam habent; quod Confessarius, si semel cognoscat, talem scrupulis agitari, ei tale consilium præbeat; suadeatque, ut nihil putet esse mortale, nisi quod manifeste & absque formidine videatur ipsi esse mortale. Immo vero interdum potest aliquis adeo esse Scrupulosus, ut, nisi jurare possit, illud esse mortale,

credere non debeat mortale esse.

80. Difficilius remedium adhibetur illis Scrupulosis, qui sunt nimium Scrupulosi circa præterita peccata, de futuris autem parum sunt solliciti. Præcipuum autem remedium pro talibus esse solet, ut frequenter ad Sacramentum Confessionis accedant, sicque cautiore efficiantur in cavendis futuris peccatis; de cætero autem remediis supra dictis utantur. Porro si aliqui vere judicentur Scrupulosi, etiam si non sint adeo cauti in evitandis futuris peccatis, non est cum illis ita severe agendum, sicut cum illis, qui Scrupulosi non sunt; quamvis simul attendere debeant Scrupulosi, ne manifeste declinent ad alterum extremum, & prætextu scrupulorum evitandorum nimiam sibi licentiam usurpent, & interdum pro scrupulis vera, & manifeste recta conscientiae dictamina contemnant, magnas trabes festucas reputent, & quasi pulices camelos deglutiant. Unde in hisce scrupulis curandis Confessarius magna consideratione status Pœnitentis, prudentia, atque discretionem procedere debet.

## TRACTATUS II.

### DE LEGIBUS.

1. Sicuti Conscientia est actuum humanorum regula, proxima tamen seu intrinseca, ita & Lex est eorumdem extrinseca seu remota regula, cui, ut actiones nostræ morales recte fiant, conformandæ sunt. Quare Tractatus de Legibus ad Theologiam Moralem ex professo pertinere dignoscitur: nam quamvis Jurisconsulti Leges pertractent, id equidem faciunt diversa plane ratione; videlicet in ordine ad Forum externum, pacemque Reipublicæ, ac justiciam politicam procurandam, & conservandam: cum tamen Theologi de Legibus agant, quatenus sunt regulæ extrinsecae seu remotæ actionum humanarum, quidnam nobis sit agendum aut fugiendum, præceptum vel prohibitum, ostendentes, quatenus sic hominem sibi obsequentem ad Finem ultimum, quo tendit, æternamque salutem dirigant, atque perducant.

#### DISTINCTIO I.

##### De Natura Legum.

#### QUÆSTIO I.

Quid, & quotuplex sit Lex?

#### SUMMARIUM.

1. Ratio ordinis.
2. Lex unde sic dicatur?
3. Varia legis nomina, Et an lex differat a jure?
4. Lex, quid?
5. Varia legis divisiones.
6. Lex naturalis,
7. Et positiva, quid, & quomodo differant?
8. Lex positiva Divina, duplex.
9. Lex positiva humana, quotuplex? Jus Gentium,
10. Jus Civile.
11. Leges Ecclesiasticae, seu Canonicae.

2. Uta nominis etymologia ordiamur, Lex dicitur a legendo, eo quod leges solebant

olim in publicis tabulis scribi, & populo legendæ proponi, ut sentit Hieronymus lib. 2. Etymol. cap. 10. Sive Lex dicitur a ligando, eo quod homines legibus ligentur seu obligentur ad aliquid præstandum, vel omittendum, ut inter alios vult Doctor noster 4. dist. 15. q. 2. art. 1.

3. Solet autem Lex variis aliis nominibus appellari. Aliquando enim Jus vocatur, eo quod definiat ac præscribat, quod justum est: Sic dicimus Jus Naturale, Jus Divinum, Jus Civile, ac Ecclesiasticum; quamvis strictius loquendo inter legem & jus detur nonnulla differentia: quia, ut dicitur Jus generale dist. 1. Jus generale nomen est; lex autem juris est species. Aliquando Lex dicitur Statutum; eo quod sit stabilis atque firma. Quandoque etiam dicitur Constitutio, quia illam præcedere solet plurium consilium, & consensus quidpiam constituentium, seu simul statuentium. Quamvis verò Legis nomen late sumptum quamcumque regulam; seu agendorum normam significet; quo sensu etiam regulæ Grammatices, & aliarum artium, solent vocari Leges: proprie tamen loquendo, & quantum ad propositum, Lex aliud non est, quam regula quædam actionum humanarum, secundum quam vel ad bene agendum dirigimur, vel a male agendo retrahimur, ut sic in genere moris bene ac honeste agere inveniamur. Et taliter agendo de Lege, sit

4. CONCL. I. Lex est recta agendorum ratio, a publica potestate communitati denunciata, cum voluntate eam perpetuo obligandi, ad aliquid agendum, vel omittendum. Ita in re Doctores communiter, quamvis alii aliis verbis legem describendo utantur; prout Herinex dist. 1. de Legib. q. 1. ait: Lex nihil est aliud, quam regula ab eo, qui potestatem habet, ordinata, obligans creaturam rationalem, ut illi se conformet: nam



Hujusmodi definitiones in re conveniunt, earumque particulae magis patebunt ex dicendis.

5. CONCL. II. Lex ut sic immediate dividitur in naturalem, & positivam: ex quibus Lex positiva subdividitur in Divinam, & humanam: & Divina iterum dividitur in Novam, & Veterem; humana vero in jus Gentium, Ecclesiasticum, & Civile.

6. *Lex naturalis* (quam alii *Jus naturale* appellant) dicitur ea, quae non ex libera alicujus Legislatoris voluntate imposita est, sed congenita nobis cum ipsa natura, & ab hac profluens. Porro hujusmodi Legem naturalem dari in nobis, est de fide certum: sic enim lumen naturae nobis dicat, non esse furandum, non occidendum, non falsum testimonium dicendum, & hujusmodi. Hinc D. Paulus *Rom. cap. 2.* inquit: *Gentes, quae legem non habent* (scriptam videlicet) *naturaliter ea, quae legis sunt, faciunt.* Et infra: *Qui ostendunt opus legis scriptum in cordibus suis, testimonium reddente illis conscientia ipsorum, & alibi.*

7. *Lex positiva* (live *Jus positivum*) est, & dicitur illa, quae ex libera Dei vel hominis, voluntate pendet. Et dicitur *Lex positiva*, quia a Superiore non ex quasi necessitate, ac intrinseca exigentia objecti, sed libere & contingenter ponitur. Differt autem a Lege naturali, quod haec sit invariabilis, illa vero variabilis. Deinde, quod Lex positiva ex libera Legislatoris voluntate procedat; non item Lex naturalis, utpote quae ex intrinseca exigentia objecti provenit. Insuper differunt in eo, quod illa, quae jure naturae sunt prohibita, ideo prohibita sunt, quia in se mala: quae autem jure positivo prohibentur, ideo sunt mala, quia prohibita: sic enim comestio pomi vetiti in paradiso ideo fuit mala & peccaminosa, quia prohibita erat a Deo.

8. *Lex positiva Divina* est, quae a Deo Opt. Max. in tempore lata, & condita est. Et haec subdividitur in Legem veterem, quam pro tempore veteris Testamenti Deus ipse condidit, de multis disponendo, quae ad Jus naturale non spectant; ut fuerunt lex Circumcisionis, lex Agni paschalis, & plurimae aliae leges circa Ceremonialia, & Judicialia veteris Testamenti; Et in Legem novam, seu Evangelicam, quam Christus Dominus, Deus simulque homo instituit, atque in novo Testamento observari mandavit; prout amplius patet ex Sacra Scriptura.

9. Lex positiva humana est, quae immediate fertur ab homine. Unde & *Jus humanum* dicitur; & subdividitur in Jus Gentium, Jus Civile, & Jus Ecclesiasticum. *Jus Gentium* est lex humana, quam omnes populi & variae gentes inter se servare debent: ut est consuetudo recipiendi Legatos sub lege immunitatis ac securitatis, libertas commerciorum inter gentes non inimicas, Jus belli fundatum in potestate illa, quam una Respublica vel Monarchia suprema habet ad puniendam, vindicandam, atque reparandam injuriam sibi ab altera illatam; haec enim, & alia hujusmodi, cum sint plurimum consona Legi naturali, omnium populorum consensu sunt recepta & constituta; ac proinde dicuntur esse de Jure Gentium.

10. *Jus civile*, seu *Lex Civilis* dicitur ea, quae ad civium politicam gubernationem, atque ad

temporalia jura tuenda, ipsamque Rempublicam in pace & justitia conservandam ordinatur. Unde hujusmodi Leges Civiles circa ordinanda bona temporalia praecipue versantur; & quia non omnium Nationum iidem sunt sensus & inclinationes (nam & *diversitatem corporum, diversitas saepe sequitur animorum. c. Quia diversitatem. De concession. Præbend.*) hinc non est unum idemque Jus Civile apud omnes gentes, sed variatur pro varietate locorum, temporum, personarum, aliarumque circumstantiarum. Et tales Leges Civiles sunt, quae in Jure Civili continentur: item ex, quae dicuntur *Leges municipales*, quas quælibet Civitas sibi constituit.

11. *Leges tandem Ecclesiasticae* (quae alio nomine *Leges Canonicae* appellantur) sunt illae, quae pro recta gubernatione Ecclesiae, atque ad spiritualem animarum profectum, vel a Summo Pontifice, vel ab aliis Praelatis atque Magistratibus Ecclesiasticis legitime conduntur. Et tales sunt, quae tum in Jure Canonico continentur, tum a Conciliis Generalibus, Provincialibus, Synodalibus, aut etiam ab Ordinariis locorum legitima auctoritate feruntur.

## Q U A E S T I O II.

De Conditionibus Legis, ejusque differentia a simplici Praecepto.

### S U M M A R I U M.

12. *Legis encomia.*

*Legis conditiones generatim, quae?*

13. *Lex debet esse recta agendorum ratio.*

14. *Ad eam requiritur auctoritas in Legislatore.*

15. *Ejusque legitima promulgatio.*

16. *Et ut feratur cum voluntate obligandi subditos.*

17. *Lex quomodo debeat esse perpetua?*

18. *Lex quomodo differat a simplici Praecepto?*

19. *Alia differentia utriusque.*

12. **C**um optima sit Lex, si recte feratur, atque custodiat, utpote quae pravam concupiscentiam hominum, seu (ut loquitur Gregorius IX. in Proœmio Decretalium) *effrenatam cupiditatem, sui prodigam, pacis amulam, matrem litium, materiam jurgiorum reprimere satagit*: hinc summe necessarium est, ejusdem conditiones rite cognoscere. Et quidem Isidorus, relatus *can. 2. dist. 4.* easdem paucis complectitur, dicendo: *Erit autem lex honesta, justa, possibilis, secundum naturam, secundum patriam consuetudinem, loco temporique conveniens, necessaria, utilis, manifesta quoque, ne aliquid per obscuritatem in captionem contineat, nullo privato commodo, sed pro communi civium utilitate conscripta.* Haec ille. Brevius tamen omnes necessariae legis conditiones continentur in ejus definitione *num. 4.* allata, ubi dicitur: Lex est recta agendorum ratio, a publica potestate communitati denunciata, cum voluntate eam perpetuo obligandi, &c.

13. I. Igitur ad Legem requiritur, ut sit *recta agendorum ratio*; live, ut ait citatus Isidorus, quod sit honesta, justa, possibilis, &c. Siquidem lex injusta non est absolute dicenda *Lex*, sed solum cum addito, *Lex iniqua*: & si constet, eam esse talem, non tenentur eidem subditi obedire. Unde de hujusmodi lege injusta hic non agitur, sed tantum de justa.



14. II. Ad rationem Legis requiritur legitima auctoritas legem ferendi in Legislatore, quæ conditio indicatur in supra posita definitione per *1. a publica potestate*. Porro hujusmodi potestatem condendi leges, & quidem universum, habet Deus ter Opt. Max. Deinde loquendo de legibus positivis humanis, easdem potest ferre Summus Pontifex in materia spirituali, & concernente animarum salutem, rectamque Ecclesiæ gubernationem, pro toto Orbe Christiano: quia ipsi, tamquam suo in terris Vicario, commisit Christus Dominus in B. Petro Apostolo omnium suarum Orbium curam, ut habetur *Matth. 16. & Joan. 21*. Quin etiam alii Prælati Ecclesiastici inferiores, ut Episcopi, possunt leges quasdam ferre, quæ tamen solum astringunt proprii Territorii subditos. Similiter Imperator pro toto Imperio Romano, Rex pro suo regno, alique Principes ac Magistratus seculares pro suis subditis leges ferre possunt, juxta quod propria cujusque potestas ac jurisdictio se extendit.

15. III. Ad rationem Legis requiritur legitima ejusdem promulgatio; quæ conditio in data definitione legis denotatur per *2. a communitati denunciata*, id est, promulgata. Siquidem, ut habet receptum inter Jurisconsultos dictum ex *can. 3. dist. 4. Leges instituuntur, cum promulgantur; firmantur, cum moribus utentium approbantur*. Verum de hac Legum promulgatione agatur ex professo *Quæstione sequenti*.

16. IV. Requiritur, ut Lex a superiore feratur *cum voluntate obligandi*, id est, quod Legislator velit communitati quidpiam præcipere, eamque ad observantiam legis obligare; nam si Princeps tantum quidpiam consulat, aut a subditis fieri libenter se videre declarat, non autem clare jubeat, & præcipiat, lex non erit, sed consilium, aut beneplacitum Principis.

17. Tandem additur in allata definitione Legis *3. a perpetuo obligandi*. Per quam particulam denotatur, quod lex debeat esse perpetua, id est, lata cum voluntate subditos perpetuo obligandi. Ubi tamen perpetuitas legis non accipitur pro æternitate non habente principium, nec finem (alioquin nulla daretur lex positiva) sed accipitur pro duratione indefinita, quatenus lex debet ferri non pro uno dumtaxat die, vel anno, sed cum voluntate subditos perpetuo obligandi. Intellige, quantum est ex prima intentione Legislatoris, & nili lex postmodum legitime revocetur.

18. Quæres, quomodo Lex differat a simplici Præcepto? Resp. differre in pluribus. Nam in primis Præceptum simplex proxime ac immediate fertur in personas singulares, earumque ossibus adhæret, quocumque terrarum discesserint: Lex vere censetur immediate afficere locum, seu territorium Legislatoris, atque hinc in subditos ibidem existentes transire. Et idcirco fit, quod leges territorii non obligent cives absentes; contra tamen præcepta superiorum, v.g. Prælatorum Regularium, obligent subditos, ubicumque existant: cum eis competat jurisdictio in subditos, non ratione loci, sed per se ac ratione personæ propter votum Obedientiæ.

19. Deinde Præceptum tendit ad personas singulares, cum quibus plerumque extinguatur, nec

transit ad successores; quale est, si pater quidpiam præcipiat filio, Abbas Religioso, Princeps huic vel illi subdito: Lex vero imponitur toti Communitati, & loquitur non tantum ad præsentem, sed etiam ad futuros; nam *Lex est commune præceptum*. L. 1. ff. de Legibus. Insuper Præceptum expirat morte præcipientis: & absque nova revocatione cessat cessante vita, aut officio præcipientis: Lex autem, & Statutum, durat etiam post mortem Legislatoris, semperque vim suam habet, donec revocetur, aut per contrariam consuetudinem legitime abrogetur. Siquidem Leges ex natura sua sunt perpetuæ, non autem Præcepta simplicia, seu quæ non feruntur per modum constitutionis generalis.

### QUÆSTIO III.

De Promulgatione ad Legem requisita.

#### SUMMARIUM.

20. *Ut lex obliget in conscientia, requiritur ejus promulgatio.*
21. *Leges, an interdum extendantur ad præterita; Et Regula Cancellaria nondum publicata obligent? Quid de Constitutione Sixtina irritante matrimonia Eunuchorum de facto contracta?*
22. *Solutio præmissorum.*
23. *Scriptura non est de substantia Legis.*
24. *Leges Imperatorum, qualem requirant promulgationem?*
25. *Quid de Statutis inferiorum Principum?*
26. *Lex Pontificia Roma promulgata, an illico obliget pro toto Mundo?*
27. *Fundamenta sententia affirmativa.*
28. *Corollarium pro hac sententia.*
29. *Fundamenta sententia negativa, ab auctoritate,*
30. *Et ratione,*
31. *Confirmatur hac sententia.*
32. *In praxi quid observandum?*

20. **C**ONCL. I. Ut Lex in Conscientia, & quoad culpam vel pœnam obliget, certum est, requiri ejus publicationem, seu promulgationem. Ita communis, ac præsertim Doctor Subtilis 4. dist. 3. quæst. 4. art. 2. ubi ex hoc infert, præceptum de recipiendo Baptismo in Lege Evangelica incepisse Jerosolymis primum in die Pentecostes, quando ibidem per Apostolos post receptum Spiritum sanctum solemniter promulgatum fuit. Ratio est: quia Lex est communis vivendi regula, sive commune præceptum; ergo omnino publicari debet, ut ab omnibus observari, & quilibet secundum eam suas actiones instituere possit, prout lege jubente tenetur & econtra transgressor legis juxta demeritum puniri valeat. Nam alioquin ignorantia merito excusaret subditum ab observantia legis: *Cur enim* (inquit Imperator, *Auth. Ut facta, nova constitutiones. Collat. 5.*) *culpabimus eos, qui positas nostras ignoraverint constitutiones?*

21. Nec obstat, quod quandoque leges ad præterita etiam negotia extendantur, prout innuitur in Jure Canonico, *cap. ult. de Constit.* ibi: *Cum leges & constitutiones futuris certum sit dare formam negotiis, non ad præterita facta trahi; nisi nominatim in eis de præteritis caveatur*: in quo proin postremo casu videntur leges obligare pro tempore, quo necdum fuerunt publicatae. Confirmari potest hæc instantia ex *Regulis Cancellaria Apostolica*, quas

quas singuli Summi Pontifices a principio sui Regiminis circa Causas Beneficiales, & Judiciales facere, vel a suis Prædecessoribus factas renovare, augere vel minuere solent; atque etiam (ita sonat earundem Præfatio) *ex tunc li. et nondum publicatas, & suo tempore duraturas, observari volunt.* Quinimo Sixtus V. in Constitutione *Cum frequenter* (& habetur tom. 2. Bullarii Romani Constitut. 59. *dicti Pont.*) damnavit conjugia per Eunuchos, & Spadones non solum contrahenda, sed etiam de facto jam contracta, eaque nulla & invalida declaravit; & consequenter Lex Pontificia videtur extendi posse etiam ad acta præterita, & obligare ante publicationem.

22. Resp. enim cum Lud. Engel. tit. de *Præbendis*, n. 19. & aliis, hæc & consimiles leges, in quibus nominatim sic cavetur, partim obligare quoad nullitatem actus in contrarium gesti, non vero quoad culpam, aut poenam; de qua posteriori obligatione dumtaxat in proposito est sermo. Partim eas obligare in tantum, quod Judex circa talia negotia etiamnum pendentia (id est, nondum sententialiter decisa) teneatur ferre sententiam conformiter tali legi de novo condita: prout per quoscumque Judices fieri jubetur cit. Constitutione Sixti V. §. 3. atque circa prædictas Regulas in Cancellaria Apostolica observari debet.

23. Fatendum tamen, quod ad obligationem legis sufficiat quævis promulgatio, sive dein ea fiat per scripturam in publico loco affixam, sive voce præconis: siquidem scripturam ad substantiam legis non requiri, sed voce etiam, aliove signo eam communitati denunciari posse, fatentur passim Doctores. Nec obstat textus *can. 3. dist. 1. ibi: Lex est constitutio scripta.* Quia hoc dicitur partim ex eo, quia plerumque lex in scripturam redigi solet, ut perpetua ejus memoria habeatur; perpetuisque temporibus inviolata perseveret: partim ad differentiam Juris consuetudinarii, quod dicitur *ius non scriptum*, prout habetur §. *Constat Inst. de jure naturali, gentium, & civili.*

24. CONCL. II. Leges Civiles a supremo Principe Imperii (puta, ab Imperatore) pro pluribus Provinciis latae, ut subditos obligent, requirunt earundem promulgatio in singulis respective Provinciis, & si sint latae absque alia temporis determinatione, non obligant, nisi primum post duos menses a tempore promulgationis legis. Ita Theologi, & Jurisconsulti communiter. Ratio est: quia ita expresse constitutum est in Jure Civili, atque approbatum praxi & consuetudine Sacri Romani Imperii: siquidem in *Auth. Ut facta nova constitutiones, &c. Collat. 5.* Rubrica Tituli absolute sic loquitur: *Ut facta nova constitutiones post inscriptionem earum post duos menses valeant.*

25. Solum nota cum Doctoribus passim, hanc Imperatoriam Constitutionem non habere locum in Statutis inferiorum Principum, vel Civitatum; quippe quorum jurisdictio est angustior. Unde per se loquendo, & nisi aliud in ipsamet Lege præscribatur, aut de longa consuetudine fuerit observatum, Statuta inferiorum Principum sufficienter promulantur unica solemnī publicatione facta in Curia aut præcipua Civitate: & tunc, si

certum tempus expressum non habeant, obligant scientes statim, ignorantibus autem post tempus arbitrium, quo rationabiliter potest præsumi de ipsorum notitia, & quod post tale tempus non debuissent Constitutionem ignorare.

26. CONCL. III. Etsi communior Doctorum sentiat, quod Lex Pontificia, simul ac Romæ in Curia, aliisque locis consuetis solemniter fuerit promulgata, quantum est ex se, sive in actu primo, ubique terrarum vim obligandi habeat: opposita tamen sententia, requirens ad obligationem earum saltem pro Foro interno, seu conscientia, promulgationem Constitutionum Pontificiarum in singulis Diocæses vel Provinciis, non est improbabilis. Hæc Conclusio ex proposito sic ponitur ob magnam sententiarum, atque rationum varietatem, & plurimas inde deducendas consequentias; quæ melius relinquuntur judicio Superiorum, utpote quibus in dubio subditi obedire tenentur.

27. Ratio prioris, & communioris sententia, quod nimirum sola promulgatio Constitutionum Pontificiarum Romæ facta sufficiat ad earum obligationem, desumitur in primis ex Jure Canonico, cap. 1. de *Postulat. Prelat.* ut dicitur, quod *id solum sufficit, ut ad constitutionis Pontificia observantiam teneatur, qui noverit eam solemniter editam, aut publice promulgatam:* atqui hoc jam fit, si Bulla Pontificia Romæ promulgetur, & de tali promulgatione cuipiam certe constat; ergo. Confirmatur hæc sententia ex praxi, & stylo Curia Romanæ: siquidem in Curia Romana totius Orbis lites deciduntur juxta Constitutiones Pontificias Romæ publicatas, etiam si alibi promulgatae non sint: hoc autem non videretur justum esse, & æquitati consentaneum, si dictæ Constitutiones non obligarent ubique, haud obstante, quod in aliis Provinciis non sint publicatae. Accedit, quod Urbanus VIII. in Bulla, in *eminenti* (quæ habetur tom. 5. Bullarii Romani, Constit. 288. *dicti Pont.*) §. 12. expresse declaraverit, ad obligationem illius Bullæ sufficere solam publicationem Romæ factam, nec aliam in Regnis, Provinciis, vel Civitatibus requiri; ergo a pari idem dicendum de cæteris.

28. Ex hac sententia, quam sequitur communior Doctorum, ac præsertim Layman lib. 1. Tract. 4. cap. 2. n. 4. infert citatus Auctor, quod Lex Pontificia, simul ac Romæ publicata est, quantum est ex parte sui, ac in actu primo, omnem obligandi vim habeat pro toto Orbe Christiano: cur autem quoad actum secundum (id est, ut re ipsa aliquis constringatur) non statim omnes obliget, id, ait, non provenire ex defectu legis, aut promulgationis, sed ex defectu alicujus conditionis accidentalis, puta quia eam aliqui ignorant. Et ita communiter discurrunt Doctores hujus primæ sententia.

29. Altera vero pars Conclusionis, continens sententiam Doctorum, allentium, non sufficere solam promulgationem Romæ factam, probatur in primis ab auctoritate: siquidem ita sentiunt Navarrus cap. 23. *Manualis*. n. 44. Medina 1. 2. *quest.* 90. art. 4. & insuper pro hac sententia Azorius tom. 1. lib. 5. cap. 3. q. 3. (sed postea secutus priorem sententiam) citat Abbatem, Antonium

Q U A E S T I O IV.

De Acceptatione Legum.

S U M M A R I U M.

33. *Legem acceptari, & usu recipi, quid?*
34. *Ad Legem, an requiratur acceptatio populi?*
35. *Leges firmantur, cum moribus utentium comprobantur, quomodo?*
36. *Si lex justa est, tenetur tam populus acceptare.*
37. *Nisi habeat justum causam non acceptandi, & quid tunc agendum?*
38. *Quid de singularibus quoad praxin?*
39. *Peccant non recipientes, neque observantes justam legem, donec usa contrario abrogata sit.*
40. *Cur multa Bulla Pontificia in variis Regionibus non obligent?*

33. **A**dvertendum, quod Lex post promulgationem debite factam tunc censetur acceptari, quando Communitas eam approbat verbo, scripto, aut alio signo, vel quando ipsam in casu occurrente observat. Deinde, dum Communitas legem observat, dicitur *lex* etiam esse *usu recepta*. Hoc praenotato, sit

34. CONCL. I. Ad naturam, & intrinsecam constitutionem Legis humanae non requiritur acceptatio populi, quamvis per acceptationem & usum Lex accidentaliter perficiatur, seu confirmetur. Ita communior Doctorum, hoc intelligentium tum de Lage Imperatoria, tum Pontificia: Ratio est: quia supremo Principi, utputa Summo Pontifici, aut Imperatori, neque voluntas, neque potestas deest subditos obligandi ad observantiam suae legis. Non quidem voluntas, uti supponitur; eo, quod velit condere novam legem. Neque deest potestas: quia Summo Pontifici in rebus spirituales Ecclesiae gubernationem concernentibus, tenentur obedire omnes Christiani, tamquam Pastori universali Christique in terris Vicario. In Imperatorem vero populus lege aurea omnem potestatem contulit. *L. 1. ff. de constitut. Principum.*

35. Nec obstat illud Gratiani *can. 3. dist. 4. Leges instituuntur, cum promulantur, firmantur, cum moribus utentium comprobantur.* Resp. enim, in primis textum hunc aperte stare pro Conclusionem, dum concedit, leges jam institui per legitimam promulgationem, ac proinde ante earum acceptationem. Resp. ulterius, illud quod subjungitur, *firmantur, cum moribus utentium comprobantur*, non de firmitate intrinseca & substantiali intelligendum esse, utpote quam leges jam ante earum acceptationem habent; sed de quadam extrinseca dumtaxat & accidentali firmitate, quatenus leges moribus utentium comprobatae, non facile amplius per contrariam legem, vel consuetudinem abrogantur. Sive (ut loquitur Fagnanus in *c. Treugas. n. 49. de Trenga*) leges ex moribus utentium accipiunt firmitatem stabilitatis, non autem firmitatem auctoritatis.

36. CONCL. II. Si lex justa est, tenetur eam populus acceptare sub peccato: nisi habeat justam causam non acceptandi. Ita communis Doctorum, paucis exceptis, quorum tamen sententia novissime ab Alexandro VII. rejecta est, dum ab ipso inter alias propositiones etiam sequens, ordine 28. damnata fuit: *Populus non peccat, etiam si*

**E**

**abs-**

tionum Butrium, Imolam, Lignanum, Zabarel-lam, Felinum, Scotum, & alios. Eandem sententiam novissime secutus est Petrus Marchantius *tom. 2. Tribunali, tract. 1. l. 8. quest. 5.* ipsamque ex professo docet Bernardus Sannig *tom. 3. Theologia, tract. de Legibus, dist. 3. quest. 6.* atque probabilem censet Pirhing, *tit. de Constit. n. 31.* & sequitur Ludov. Engel, *tit. de Constit. num. 67.* ubi etiam respondere conatur *ad cap. de Postulat. Prae-lus.* pro favore prioris sententiae supra *num. 27.* allegatum.

30. Fundamentum hujus posterioris sententiae est: quia Pontifices volunt Jus Civile servari, ubi-cumque Jure Canonico nihil est specialiter con-stitutum, juxta illud *c. 1. De novi operis nuncia-tione.* *Sicut Leges non dedignantur sacros Canones imitari, ita & sacrosanctae statuta Canonum, Principum constitutionibus adjuvantur:* atqui circa mo-dum promulgandi Leges Ecclesiasticas, in Jure Canonico nihil habetur clare constitutum; ergo erit recurrendum ad Jus Civile, quod ad Legum obligationem requirit, ut promulgentur in sin-gulis Provinciis, juxta dicta *n. 24.* Confirmatur: quia ipsimet summi Pontifices de facto in quibus-dam legibus requirunt, & mandant publicatio-nem fieri in singulis Provinciis & Diocesisibus, ut patet ex *c. cum infirmas, de poenitent. & remis-sion.* ex Bulla Urbani VIII. quae incipit, *Pastora-lis* (& habetur *tom. 4. Bullarii Romani, Constit. 62. dñi Pont.*) & alibi, sed frustra hoc fieri videretur, si generaliter, & absque alia speciali declaratione (quod additur propter Bullam *n. 27.* citatam) Ro-manus Pontifex per legem Romae promulgatam illico totum Mundum obligare intenderet, etiam pro Foro conscientiae, ergo.

31. Confirmatur secundo: quia, ut eleganter discurret Sannig *loc. cit.* ipsamet lex Christi Domini non fuit sufficienter Jerosolymis in ipso die Pentecostes pro toto Orbe promulgata, uti omnes concedunt; ergo neque lex Pontificia Romae dum-taxat promulgata. Consequentia tenet, nisi de-tur disparitas. Unde (infert citatus Auctor) ex hac sententia patet, quomodo multae Bullae Pon-tificiae in variis Regnis, & Provinciis non obligent de facto, eo quod ab Ordinariis locorum aut ex negligentia, aut aliis de causis gravibus, v.g. ob laicam potestatem, vel defectum finis legis non fuerint debite promulgatae in suis Diocesisibus, juxta Paparum voluntatem & mandatum; contra quas longa consuetudo populi contraria invaluit, & vim contrariae legis tandem obtinuit. Hactenus ille.

32. Quantum ad praxim attinet, in hac sen-tentiarum & rationum varietate, subditis standum inprimis erit iudicio Superiorum suorum; nam his in dubio obedire tenetur. Deinde attendenda est praxis, & consuetudo locorum, utpote quae est tantae efficaciae, ut non tantum Jus dubium interpretari possit (nam *consuetudo est optima legum interpres. c. Cum dilectus. Consuetud. & L. 36. ff. de Legibus*) sed etiam legi caeteroquin manifeste de-bito tempore derogare, *cap. ult. de consuetud.*

absque ulla causa non recipiat legem a Principe promulgatam.

37. Dicitur in Conclusionē, *nisi habet justam causam non acceptandi*. Nam quando subest rationabilis causa, a Principe verisimiliter ignorata, secus erit dicendum. Idem dic, quando ex circumstantiis contraria Principis voluntas satis colligitur; prout v.g. præsumi posse videtur in lege valde difficili; nimiumque dura & gravi, quod Princeps non intendat ab initio absolute obligare; sed solum tentare populi sensum, & quomodo is tali legi sese accomodet, ut juxta eum valeat postmodum Princeps legem vel plene confirmare, vel relaxare, ac moderari. Interea tamen populus in tali casu non potest simpliciter rejicere legem, sed debet ad Principem recurrere per remedium supplicationis pro sublatione legis: quæ stante supplicatione, licitum est populo, suspendere obligationem legis; prout in simili habetur c. Si quando de Rescriptis, & notat Sannig Dist. 3. de Legibus quest. 7. n. 4. post Rodriguez, Bonacina, & alios.

38. Addit Layman lib. 1. tract. 4. c. 3. n. 3. quamvis Lex Pontificia spectata sua natura, quantum est de se, seu in actu primo, mox habeat vim obligandi subditos in toto Mundo: tamen quod attinet ad praxin, peccati damnandos non esse, neque puniendos singulos e Communitate, si legem Pontificiam in sua Diocesi neque promulgatam, neque usu receptam, ipsi quoque non, observent; de quo plura citatus Auctor.

39. CONCL. III. Et si primi, qui legem Pontificiam, vel Diocesanam rite latam, & sufficienter promulgatam non receperunt, neque observarunt, peccaverint, nisi justam causam habuerint non acceptandi, successores tamen eorum illam non observando amplius non peccant. Ita Pirhing, tit. de Constitut. n. 42. & alii. Ratio est: quia, postquam talis Lex longo tempore in Diocesi non est umquam recepta, neque observata, existimare possunt successores, illam per non usum, ac vi contrarie consuetudinis jam præscriptæ abrogatam esse.

40. Et ex his patet (inquit Herinex disp. 3. de Legibus n. 117.) quomodo multæ Leges, ac Bullæ Pontificiæ, in variis Regionibus non obligent; videlicet, quia vel in iis neque publicatæ neque acceptatæ fuerunt; vel quia defectu publicationis, & acceptionis, esto ab initio culpabili, tandem in perfectam consuetudinem desierunt. Illud tamen plerumque oritur ex eo, quod Ordinarii frequenter advertant, aut existiment, ac sæpe non sine fundamento, Leges varias non congruere publicæ utilitati suarum Diocesium ob inveteratas, & rationabiles earumdem consuetudines, genium plebis, defectum finis legis, v.g. quia lata fuit ob pericula & defectus, qui ibidem generatim non grassantur, imo vix noscuntur. Interdum etiam Ordinarii ob potestatem Laicam non possunt exequi pro libitu suo mandata Apostolica, donec tandem tractu temporis eadem abeant in consuetudinem.

## QUÆSTIO V.

Quænam opera, & an etiam actus interni, per Legem humanam possint præcipi, vel prohiberi?

### SUMMARIUM.

41. *Legem humanam quænam generatim præcipi possint?*
42. *Corollaria.*
43. *Consilia Evangelica, an possint præcipi?*
44. *Materia legis prohibitoria, quæ?*
45. *Potest idem actus pluribus legibus præcipi.*
46. *Actus interni nequeunt lege humana præcipi.*
47. *Per se directe.*
48. *Bene tamen indirecte & concomitantè.*
49. *Ratio ultior Conclusionis.*
50. *Solutio objectionum.*
51. *Legem humanam nunquam potest præcipi inhonestum, bene tamen permitti.*

41. CONCL. I. Lege humana sive Ecclesiastica, sive Civili, possunt præcipi non solum opera Justitiæ, sed etiam aliarum virtutum; dummodo non sint nimis ardua, atque difficilia. Ita Doctores communiter. Ratio est: quia Legislator potest ejusmodi actiones præcipere, quæ sunt utiles bono communi; aut prohibere, si earum omissio Communitati expedire videatur: atqui non sola opera Justitiæ, sed etiam actus aliarum virtutum, expediunt quandoque bono communi; ergo.

42. Sic in primis Lege Ecclesiastica præcipiuntur opera virtutis Temperantiæ, & Religionis, indicendo certorum dierum jejunium, ac præcipiendo devotam Missæ auditionem diebus Festivis, & hujusmodi; ut sic populus Christianus ad veri Dei cultum excitetur, atque in bonis operibus exercendis amplius confirmetur. Deinde ob eandem rationem possunt lege humana præcipi, aut prohiberi, actiones cæteroquin ex natura sua indifferentes: prout prohibetur Christianis deferre arma ad Infideles, item labor servilis diebus Festivis, & hujusmodi.

43. Dicitur notanter in Conclusionē, *dummodo non sint nimis ardua, atque difficilia*: siquidem lex debet esse possibilis; & secundum naturam hominum, id est, humanæ conditioni accommodata. Et hinc Ecclesia non potest absolute præcipere actus consiliorum Evangelicorum, nimirum perpetuæ Castitatis, Paupertatis, atque Obedientiæ Religiosæ: hæc enim, licet ex post facto recte præcipiantur illis, qui ad eorum observantiam sese prius per votum solemne Professionis Religiosæ voluntariæ obligarunt, utpote qui virtute sui voti ad observantiam ipsorum jam obligantur, juxta Psal. 75. *Vovete, & reddite Domino Deo vestro*, & alibi: universaliter tamen, & ante spontaneam obligationem rationabiliter præcipi non possunt.

44. CONCL. II. Insuper Legis prohibitoria materia sunt omnia illa, quæ justitiæ, aliisque virtutibus, quarum observatio Reipublicæ utilis est, simulque facilis, contrariantur. Ratio est: quia leges feruntur in bonum Communitatis; ergo juste prohibentur ea, quæ bono communi contrariantur.

45:



45. CONCL. III. Potest idem actus pluribus legibus, & pluribus titulis præcipi, aut prohiberi; puta Lege naturali, divina, ac humana simul. Ita communis Doctorum. Ratio est: quia nihil impedit, quo minus idem actus pro meliori Juris divini, aut naturalis observatione, vel declaratione, Jure Insuper humano prohibeatur. Sic enim furtum, aut homicidium voluntarium, non solum Jure naturali ac divino, sed etiam Lege humana tum Ecclesiastica, tum Civili, sub gravissimis pœnis prohibetur; contra vero honor debitus parentibus, aliisque legitimis Superioribus, deferri mandatur.

46. CONCL. IV. Actus mere interni non possunt ulla Lege humana, sive Civili, sive Ecclesiastica, per se ac directe præcipi. Ita communior & probabilior Doctorum. Ratio est: quia solus Deus est secretorum cognitor, & judex; atque, ut dicitur Psalm. 7. *Scrutans corda, & renes Deus.* Hinc etiam 1. Regum 16. habetur: *Homo videt ea, quæ apparent; Deus autem intuetur cor.* Confirmatur Conclusio. Siquidem Ecclesia non judicat de occultis, ut dicitur cap. *Sicut tuis, de Simonia*, & alibi. Et hac de causa Hæresis, aut Simonia, vel Usura mere mentalis, quamvis coram Deo sint ex genere suo gravia peccata, nihilominus pœnas juris non incurrunt; prout communiter docent tum Theologi, tum Canonistæ. Immo est vulgatum inter Jurisconsultos dictum, & habetur can. *Cogitationis, de penitentia*. Dist. 1. *Cogitationis pœnam nemo patitur*: intellige ab homine, bene tamen a Deo, ut explicat Glossa ibidem.

47. Notanter autem dictum est in Conclusionem, *actus mere interni per se, & directe non possunt præcipi lege humana*: nam per accidens, & concomitanter bene possunt sic præcipi, ut mox dicetur. Hinc fit

48. CONCL. V. Prædictis tamen non obstantibus, possunt actus aliqui interni Lege humana præcipi, vel prohiberi per accidens, seu indirecte & concomitanter, quatenus requiruntur ad moralem substantiam actuum externorum. Ita communior, & probabilior Doctorum. Sic quippe Ecclesia præcipit diebus Festivis devotam audicionem Missæ, atque Confessionem Sacramentalem saltem semel in anno peragendam, ad quam utique illinc requiritur interior attentio, hinc autem dolor de peccatis. Similiter, cum legitimus Superior Sacerdoti præcipit, ut Missam celebret, eamque pro tali intentione applicet, vel Sacramentum Baptismi aut Pœnitentiæ administret; consequenter etiam per accidens, seu indirecte & concomitanter præcipit, ut habeat internam intentionem sacrificandi, Missamque applicandi, aut baptizandi, vel a peccatis pœnitentem absolvendi: utpote cum sine ea tales actus valide elici, atque moraliter subsistere non possint.

49. Ratio ulterior Conclusionis est: quia leges & præcepta homini imponuntur, ut ea humano modo impleat, non brutorum more; ergo sicuti opus præceptum violari non potest, nisi per actum, vel omissionem humanam ac liberam, ita neque impleri: unde si quis ebrius, vel dormiens, die Festo Missæ intersit, non satisfacit præcepto, quia ipsam non audit actu humano ac morali. Acco-

dit, quod in prædictis casibus actus illi exteriores sine ullo actu interiori, attentione scilicet vel intentione, forent mera simulatio, Deo & hominibus execrabilis.

50. Et hac ratione, nimirum rite distinguendo, & concedendo, quod Ecclesia possit quidem præcipere actus internos indirecte, & concomitanter ut conjunctos externis, non vero per se & directe; solvuntur plures objectiones & instantiæ, quæ in præsentia materia fieri possunt.

51. CONCL. VI. Quamvis Lege humana numquam possit præcipi aliquid injustum, ac inhonestum, seu peccaminosum; nihilominus aliquando licite permittuntur quædam injusta, atque inhonestas ad evitacionem majoris mali, non quidem approbando minus malum tamquam licitum, sed dissimulando ejus pœnam. Ita communis Doctorum. Ratio primæ partis patet ex ipsa definitione Legis; alioquin enim ipsa foret iniqua, siquæ non obligaret. Ratio vero secundæ partis est: quia quando utrumque malum omni diligentia possibili per legem evitari non potest, locum habet illud vulgatum: *Ex duobus malis minus est eligendum*; non quidem approbando minus malum, sed quatenus utrumque impediri amplius non potest, minus eligendo tamquam medium ad evitandum majus malum.

## DISTINCTIO II

### De Obligatione Legum.

## QUÆSTIO I

De Obligatione Legis Veteris, ejusque cessatione.

### SUMMARIUM.

1. Præcepta veteris Legis alia moralia. (a) Ut dicetur n. 11.

Alia ceremonialia.

Et alia judicialia.

2. Unde dicta diviso desumatur?

3. Lex veteris obligabat solos Judæos per se loquendo.

4. An etiam obligaret Gentiles?

5. Ea cessavit introducta Lege Evangelica.

6. Circumcisio, & alia ceremonialia Legis veteris de facto sunt illicita.

7. Sed post Christi mortem per aliquod tempus fuerunt licita.

8. Et quamdiu?

9. Præcepta judicialia Legis veteris, quomodo sint evacuata?

10. Differentia inter ceremonialia, & judicialia Legis veteris.

11. Præcepta moralia ipsius obligant de facto, & quare?

(b) Ut dictum n. 5. & seqq.

1. **A**Dvertendum cum communi Theologorum, quod præcepta veteris Legis, seu Mosaicæ, fuerunt in triplici differentia. Alia siquidem fuerunt *Præcepta moralia*, quæ ad morum disciplinam spectabant; qualia sunt, *non occides, non machaberis* & hujusmodi, quæ etiamnum remanserunt, & obligant, non quatenus Leges veteris Testamenti, sed quatenus sunt Juris Naturalis (a). Alia fuerunt *Præcepta ceremonialia*, quæ ad cultum Dei pertinebant, ac præscribebant, quomodo, & quibus ceremoniis in veteri Testamento Deus fuerit colendus, ut sic populus Ju-



daicus, ad idololatriam propensus, ab eadem retraheretur: ut Circumcisio, varii ritus Sacrificiorum, Jesus Agni Paschalis, & plura hujusmodi, quæ passim in veteri Testamento, ac præsertim in libris Moysis reperiuntur. Et tandem alia fuerunt *Præcepta judicialia*, quibus constituebatur rectus ordo populi, tum inter se, tum quoad communitatem, atque in exercendis judiciis observandus: hujusmodi enim præcepta fuerunt veluti quædam justæ, inter homines illos observandæ, determinationes, ad quas Judices populi Israëliti in decisionibus occurrentium litium, atque causarum, attendere debuerunt.

2. Porro hæc triplex præceptorum veteris Legis divisio clare habetur *Deuteronomio cap. 6.* ubi dicitur: *Hæc sunt præcepta, & caeremonia, atque judicia*: qualia alibi sæpius leguntur. Hinc D. Apostolus *Rom. 7.* loquens de Lege veteri, vocat illam *Mandarum sanctum, & justum, & bonum.* *Sanctum* quidem quoad præcepta caeremonialia, utpote quibus homo peculiariter ordinatur ad Deum, ejusque cultum exequendum. *Justum*, propter præcepta judicialia, quibus homo maxime ordinatur ad proximum, ut præbeat unicuique, quod suum est. *Bonum* tandem propter præcepta moralia, quæ per se continent bonitatem atque honestatem, & ordinant hominem potissimum ad se ipsum. Hoc prænotato sit

3. CONCL. I. Lex vetus per se loquendo obligabat solos Judæos. Ita Herinex *disp. 2. de Legibus, quest. 2. num. 15.* estque communis Theologorum. Ratio est, quia ad Judæos solos Lex illa dirigebatur, illisque solis fuit promulgata, ut constat ex Sacra Scriptura passim: atqui lex non obligat nisi eos, ad quos dirigitur, & quibus injungitur; ergo.

4. Dicitur, *per se loquendo.* Quia inprimis liberum fuit aliis Nationibus, legem Mosaicam assumere, eamque profiteri per susceptam Circumcisionem; hæc enim erat janua Legis veteris, eo ferme modo, quo de facto Baptismus est janua Legis Evangelicæ, ejusque Sacramentorum. Deinde quamvis præcepta moralia non obligaverint Gentiles, in quantum erant per positivam Dei jussionem in lege Mosaica mediante Decalogo renovata; nihilominus etiam Gentiles tenebantur ejusmodi præcepta moralia observare, in quantum erant Juris naturæ.

5. CONCL. II. Lex vetus, ejusque obligatio cæssavit introducta Lege Evangelica. Ista conclusio est de fide, & habetur *Actorum cap. 15.* ubi a sanctis Apostolis, in Concilio Jerosolymitano congregatis, ex instinctu Spiritus Sancti decretum fuit, atque promulgatum, non amplius obligare Circumcisionem, aliaque Legalia veteris, seu Mosaicæ Legis. Idem patet ex tota Epistola D. Pauli ad Galatas, & alibi. Unde in Jure Canonico, *cap. Majores, de Baptismo*, habetur: *Abstine, ut in illam damnatam hæresim incidamus, qua perperam affirmabat, Legem cum Evangelio, & Circumcisionem cum Baptismo servandam.*

6. CONCL. III. Circumcisio, & alia Præcepta caeremonialia veteris Legis, de facto in Lege Evangelica non solum penitus obligare cæssarunt, sed insuper eorum observatio est prohibita, illicita, & mortifera, seu mortem animæ afferens. Ita

omnes Catholici, & patet ex allatis auctoritatibus, de quibus *n. præc.* Accedit ratio: quia omnes caeremoniæ illæ fuerunt umbra & figura futurorum, juxta illud 1. Corinth. 10. *Omnia in figura conungebantur eis*: fuerunt enim Cærimonialia principaliter instituta ad præfiguranda Christi Mysteria ut futura, ejusque tanquam Messia in Lege promissi adventum; ergo cum ejusmodi adventus, aliaque olim præfigurata Mysteria Christi jam fuerint completa, oportuit, ut & illæ caeremoniæ cessarent, ne alioquin significando aliquid ut futurum, quod tamen revera jam est factum, falsum significarent.

7. Fatendum tamen est cum D. Augustino *Epist. 9. & 10. ad S. Hieronymum*, & Theologis communiter, quod usus atque observatio Legalium, seu Cærimonialium veteris Legis, etiam post Christi mortem, atque promulgationem Evangelii, fuerit ad aliquod tempus licitus; modo in eis non collocaretur ulla spes salutis, neque ea observarentur, ut signa præfigurativa futurorum. Ratio est: quia ipsimet Apostoli sæpius observarunt Legalia post Evangelium jam promulgatum; ergo eorum observatio fuit ad tempus licita, & non illico mortifera. Antecedens patet: sic enim *Actorum cap. 16.* S. Paulus legitur circumcidisse Timotheum; & *Actorum cap. 21.* idem S. Apostolus, de consilio Seniorum, purificatus ascendit in Templum. Congruentiam hujus optimam addit D. Augustinus *loc. cit.* ut videlicet Synagoga sepeliretur cum honore, simulque Judæorum scandalum omne evitaretur; sicque ipsi facilius possent ad Fidem Christi converti, dum advertebant suas caeremonias, utpote pro tempore veteris Legis bonas, sanctas, atque a Deo præceptas, non ita subito abrogari, atque contempni, sicuti ritus Gentilium.

8. Cæterum successu temporis, postquam veritas Evangelii magis magisque mundo illuxit, umbra Legis tandem omnino evanuit; adeo ut jam *Actorum cap. 15.* appelletur *Hæresis Phariseorum, qui crediderunt, dicentes, quia oportet circumcidi, & præcipere quoque servare legem Moysis.* Unde patet, jam illo tempore non amplius obligasse legem Moysis. Quo autem tempore ea cæperit esse illicita, ejusque observatio mortifera, variant Theologi; cum illud ex Sacra Scriptura clare non constet, & post dictum Concilium Jerosolymitanum adhuc D. Paulus circumciderit Timotheum, atque ipse purificatus ascenderit in Templum, ut proxime dictum. Sunt, qui Legalium usum volunt fuisse licitum usque ad viginti quinque annos circiter post Christi Passionem, nonnulli ultra: quamvis certum videatur, quod ante mortem S. Ignatii Martyris, ac tertii post S. Petrum Ecclesiæ Antiochenæ Episcopi, res ista jam fuerit per Ecclesiam decisa, ut notat Bernardus Sannig. *Dist. 2. de Legibus, quest. 3. num. 9.*

9. CONCL. IV. Præcepta judicialia veteris Legis per adventum ac mortem Christi, atque prædicationem Evangelii, fuerunt quidem evacuata, ita ut desinerent vi illius Legis obligare, nihilominus ob naturalem æquitatem potest eorum aliquorum observatio etiam nunc per Prælatos Ecclesiæ præcipi. Ita D. Thomas 1. 2. q. 104. art. 3. & alii communiter.

10. Unde est differentia inter Præcepta caeremonialia, & judicialia Legis veteris. Nam caeremonialia adeo sunt evacuata, ut non solum sint mortua, live nullius amplius obligationis, aut utilitatis; sed etiam mortifera, ita ut illicitum sit ea observare tempore Legis Evangelicae. Judicialia vero, etsi non obligent tempore Legis gratiae vi veteris Legis, immo nec observari possint ex obligatione ipsius: tamen ob eorundem convenientiam, & aequitatem naturalem, possunt etiam de facto absque peccato observari, immo de novo præcipi per eos, quorum est concedere leges; prout hoc in nonnullis eorum fieri, patet inductione. Sic in primis de facto solvuntur Decimæ Parochis, aliisque Ecclesiae Ministris, quia jure naturali, simulque divino, debetur necessaria sustentatio Ecclesiae Ministris, juxta illud Salvatoris, Matth. cap. 10. *Dignus est operarius cibo suo.* Et 1. Corinth. 9. *Si nos vobis spiritualia seminavimus, magnum est, si carnalia vestra metamus?* & alibi. Similiter, quamvis mulier post partum statim possit ingredi Ecclesiam, nec teneatur abstinere per certos dies secundum Legem Mosaicam, si tamen puerperæ ex veneratione voluerint aliquamdiu abstinere, earum devotio admittitur in Jure Canonico 1. un. de Purificatione post partum. Idem patet in pluribus similibus passim occurrentibus.

11. CONCL. V. Præcepta moralia etiamnum obligant, non quidem vi veteris Legis, sed quatenus sunt Juris naturalis, aut in Lege Evangelica per Christum denuo renovata. Ita communis Doctorum. Ratio primæ partis est: quia Lex vetus per Christi adventum, & mortem fuit evacuata; (b) ergo vi ipsius præcepta moralia amplius non obligant. Ratio vero secundæ partis est: quia omnia Præcepta moralia veteris Legis reducuntur tum ad geminum Præceptum Dilectionis Dei & proximi, tum ad præcepta Decalogi: hæc autem obligant de Jure naturali, simulque sunt per Christum renovata, ut habetur Matth. cap. 19. Marci 10. & Luca 18. ergo.

## QUESTIO II.

De Obligatione Legis novæ, seu Evangelicæ, ejusque perfectione.

### SUMMARIUM.

12. *Lex nova, quibus nominibus appelletur?*
13. *Lex Evangelica a Christo lata est pro toto Mundo, & obligat etiam Judæos ac Gentiles.*
14. *Obligavit tamen primum post sui promulgationem.*
15. *Lex nova excedit veterem multis modis.*
  1. *Quia est facilius veteri.*
16. *Solvitur objectio. (c) Juxta dicta quaest. præc.*
17. *II. Quia nunc conferuntur efficaciora auxilia gratia.*
  - (d) De hoc infra Tract. 14. Dist. 1. n. 12. & seqq.
18. *III. Quia lex Evangelica per Filium Dei promulgata est, &c.*

12. **A**dvertendum, quod Lex nova variis nominibus appelletur. Et primo quidem dicitur *Lex Evangelica*, eo quod in quatuor Evangeliiis, vel potius in quatuor libris unius Evangelii contineatur registrata. Secundo dicitur *Lex nova*, vel in comparatione Legis veteris seu Mo-

saicæ, vel quia totum hominem per gratiam renovat. Tertio dicitur *Lex libertatis*, Jacob. c. 2. Item *Lex fidei*, Rom. c. 3. Et tandem *Lex gratia*, eo quod non solum gratiam multo copiosiorē conferat virtute Sacramentorum, ac in veteri Lege contigit, sed insuper contineat, & afferat omnis gratiæ Auctorem Christum Jesum. His prænotatis sit

13. CONCL. I. Lex Evangelica a Christo Domino condita est, & lata pro toto Mundo; adeoque ad eam, atque ad suscipiendum Baptismum obligantur etiam Judæi, & Gentiles. Ita omnes Theologi. Prima pars, quod nempe Christus sit auctor Legis Evangelicæ, desumitur ex illo *Isaia* 33. ubi de Messia venturo, seu Christo Domino prophetice prædicitur: *Dominus judex noster, Dominus Legis noster.* Unde & in Evangelio passim, ac præsertim *Joan.* cap. 14. Christus de suis legibus ait: *Mandata mea servate.* Altera pars, quod nempe Christus Legem Evangelicam tulerit non pro uno dumtaxat populo, sed pro universo Mundo, ipsemet expressit *Matth. cap. ult.* præcipientes Apostolis: *Euntes, docete omnes Gentes, baptizantes eos in nomine Patris & Filii, & Spiritus Sancti, docentes eos servare omnia, quaecumque mandavi vobis.* Et Marci cap. ult. *Euntes in mundum universum, predicare Evangelium omni creatura.* Accedit ratio: quia Christus fuit Redemptor totius Mundi: ergo & Legislato, condendo pro omnibus leges, per quas ad sanctificationem, vitamque æternam pervenirent.

14. CONCL. II. Nihilominus Lex Evangelica post factam sui institutionem, non statim obligavit omnes, sed primum, quando solemniter fuit promulgata. Et hæc quidem promulgatio Jerololymis contigit in die Pentecostes, qua Apostoli accepto, prius Spiritu Sancto, cœperunt solemniter prædicare Baptismum, ejusque obligationem, dicentes: *Pœnitentiam agite, & baptizetur unusquisque vestrum.* Actorum c. 2. In cæteris vero locis post mensem, vel annum, aut plures annos incepit dicta obligatio, prout nimium variis populis Evangelium Christi serius, aut citius solemniter, & Deo per miracula doctrinam Evangelicam confirmante, promulgabatur. Ita Doctor Subtilis 4. dist. 3. quaest. 4. cum aliis. Ratio hujus patet ex dictis *Dist. præc. quaest. 2. & 3.* ubi generatim dictum est, ad cujusque Legis obligationem requiri, quod solemniter promulgetur.

15. CONCL. III. Lex nova ad veterem comparata, multis modis excedit in dignitate seu perfectione. Ita omnes Catholici: idque patet inductione, assignando speciales Legis Evangelicæ prerogativas præ veteri seu Mosaica. Nam I. Lex Mosaica fuit gravior multo Lege Evangelica. Hinc D. Petrus *Actor. cap. 15.* dixit de Lege veteri: *Quid tentatis imponere jugum super cervices discipulorum, quod neque nos, neque patres nostri portare potuimus?* Non quod Lex vetus absolute fuerit observatu impossibilis (Deus enim non præcepit impossibilia) sed quia observatu fuit admodum difficilis: quæ quidem difficultas oriebatur ex nimia præceptorum tum caeremonialium, tum judicialium numerositate, quorum aliqua satis erant difficilia. Econtra de Lege Evangelica ait Christus, *Matth. c. 11. Jugum meum suave est, & onus meum leve.*

16. Nec obstat, quod Christus *Matth. c. 5.* multa superaddiderit Decalogo, dum v. g. ad illud præceptum, *non occides*, addidit *non iras*, & huiusmodi. Resp. enim cum D. Augustino *lib. 19. contra Faustum*, negando assumptum: Christus enim nil superaddidit, sed tantum explicavit melius Decalogum, reprobando expositionem antiquorum Phariseorum. Adde, quod in Lege Evangelica cessavit obligatio caeremonialium, & judicialium veteris Legis, etsi non moralium. (c)

17. II. In Lege Evangelica conferuntur efficaciora, & copiosiora auxilia gratiæ ad ferendum onus Legis iustitiamque operandam, quam in Lege Mosaica. Ratio est: quia in Lege Evangelica omnia septem Sacramenta conferunt gratiam ex opere operato digne suscipientibus; in Lege Mosaica vero sola Circumcisio conferebat gratiam (d) & quidem respectu gratiæ Baptismalis admodum pravam. Insuper in Lege Evangelica, eo quod merita Christi jam sint actu exhibita, Spiritus Sanctus abunde datur credentibus; in Mosaica vero, quia merita Christi tunc solum erant prævisa, atque in futurum exhibenda, etiam mensura gratiæ dabatur modica.

18. III. Lex Evangelica est dignior veteri: quia, quamvis utramque Legem Deus condiderit, nihilominus Mosaicam promulgavit per ministerium Angelorum, Evangelicam vero per Filium suum unigenitum. Excedit præterea, & differt in materia: nam Mysteria Sanctissimæ Trinitatis, Incarnationis, & Redemptionis nostræ in Lege veteri fuerunt multum occultata, aut solum præfigurata; quæ tamen in Lege Evangelica sunt revelata, & clarius manifestata, aut jam actu exhibita. Omittuntur plures aliz similes legis Evangelicæ prærogativæ præ veteri, seu Mosaica.

### Q U Æ S T I O III.

De Obligatione Legum humanarum, & an obligent cum periculo vitæ?

#### S U M M A R I U M.

19. *Potestas legislativa alia Ecclesiastica, alia Civilis, & quomodo differant?*  
(e) Dist. præc. n. 9. & 14.
20. *Leges humanae tum Ecclesiasticae tum Civiles, obligant in conscientia, & sub peccato.*
21. *Solvitur obiectio.*
22. *Id verum regulariter loquendo.*
23. *Lex humana obligat cum aperto vitæ periculo, quando ejus observatio est necessaria ad bonum publicum conservandum.*
24. *Vel quando ejus violatio cederet in contemptum Fidei, aut Ecclesiasticae potestatis.*  
(f) Vide Tract. 7. dist. 1. num. 49. & 50.
25. *Extra dictos duos casus non obligat cum periculo vitæ, vel gravis incommodi.*
26. *Corollarium generale.*
27. *Aliud de infirmo, itinere, &c.*
28. *Quid liceat excommunicato, vel irregulari occulto, ad vitandam infamiam?*

19. **S**upponendum hic conformiter superius (e) dictis, quod Lex, ac potestas legislativa humana, alia sit Ecclesiastica, alia Civilis. Differunt autem inter se varie. I. Ratione originis: quia potestas legislativa Ecclesiastica proxime, ac immediate provenit a Deo; prout patet ex verbis

Christi *Matth. 18. Tibi dabo claves regni caelorum.* Et Joan. 21. *Pasce oves meas.* Item Actorum 20. *Posuit vos Spiritus sanctus Episcopos, regere Ecclesiam Dei, quam acquisivisti sanguine suo.* Econtra vero potestas legislativa civilis immediate provenit ab hominibus, utpote cum populus per Legem auream contulerit in Regem, atque Imperatorem, totam suam potestatem, *L. 1. ff. de Constitut. Principum*: quamvis & hæc saltem mediate sit a Deo, juxta illud *Rom. 13. Non est potestas, nisi a Deo.* II. Differunt ratione obiecti, & finis: siquidem potestas legislativa Ecclesiastica per se, & directe, versatur circa res spirituales, ad salutem animarum, & consequendam vitam æternam ordinatas. Civilis vero potestas per se, ac directe seu immediate, tantum respicit commoditatem, & tranquillam gubernationem Reipublicæ; quamvis mediate, ac per accidens, etiam salutem animarum respicere possit, in quantum vitia prohibet, ac punit. Unde sequitur, quod hæc duæ potestates, Civilis nempe & Ecclesiastica, propriis officiis, ac dignitatibus discretæ sint; quamvis Ecclesiastica ob excellentiam obiecti, & finis sui, tanto præstet Civili, quanto quæ sunt spiritualia præstant corporalibus. His prænotatis sit

20. **CONCL. I.** Leges humanæ justæ, ac legitime promulgatæ, non solum Ecclesiasticæ, sed etiam Civiles, regulariter loquendo obligant in conscientia, ita ut earum transgressio in materia gravi sit peccatum mortale. Ita omnes Doctores. Ratio est: quia juxta quartum Præceptum Decalogi tenemur obedire non solum parentibus, sed etiam legitimis Superioribus nostris, juxta præcipientibus. Accedit illud Apostoli, *Rom. 13. Omnis anima sublimioribus potestatibus subdita sit.* Et mox infra: *Subditi estote non solum propter iram, sed etiam propter conscientiam*; id est, non solum metu poenarum, sed etiam, ne peccetis.

21. Quod si quis objiciat: Potestas Civilis non potest infligere poenam mortis æternæ; ergo neque sub ea, sive sub peccato mortali reatum poenæ æternæ inducente, quidpiam præcipere. Probatur consequentia: quia ejusdem est, sub poenâ quidpiam præcipere, & poenam transgressoribus inferre posse; ne alioquin lex sit inutilis. Resp. Negando consequentiam, cum sua probatione: nam ad hoc, ut potestas Civilis quidpiam in conscientia obligans præcipere valeat, sufficit potestas legislativa, quam habet a Deo, qui jussit legitimis Superioribus juxta præcipientibus esse obediendum. Nec idcirco lex illa erit inutilis: nam poenam mortis æternæ, transgressoribus impenitentibus statutam, sufficit, quod Dominus Deus justus Judex infligat; utpote cujus mandatum simul violatur, & a quo etiam, saltém mediate, provenit potestas legislativa Civilis, juxta citatum illud *Rom. 13. Non est potestas, nisi a Deo: itaque qui resistit potestati, Dei ordinationi resistit.*

22. Dicitur notanter in Conclusionem, *regulariter loquendo*. Siquidem non omnes Leges humanas obligare in conscientia, patebit ex dicendis *Quæst. seq.* ubi ostendetur, dari leges aliquas mere poenales, quæ ad culpam non obligant, sed ad solam poenam subeundam.

23. CONCL. II. Quando legis observatio est moraliter necessaria ad publicum bonum conservandum, tunc Lex humana potest obligare cum aperto vitae periculo. Ita Herinex *disp. 3. de Legibus quaest. 13.* estque communis. Ratio est: quia conservatio boni communis omnino est praefenda bono vitae privati hominis: ergo in tali casu necessitatis potest Superior, cui ex officio incumbit providere bono communi, obligare subditum ad observantiam legis cum periculo vitae. Sic in primis communiter admittitur, teneri militem tempore periculoso permanere in statione sua cum aperto mortis discrimine. Similiter tempore pestis tenetur Parochus, tum vi officii sui, tum praesertim accedente speciali praeepto Episcopi, permanere in suo loco ad excipiendas pestiferorum Confessiones, non obstante manifesto vitae periculo. Idem accidere potest in aliis similibus casibus.

24. CONCL. III. Quando violatio Legis humanae cederet in contemptum Fidei, aut Ecclesiasticae legis vel potestatis, tunc est lex servanda etiam cum periculo vitae. Ita cit. Herinex cum omnibus Catholicis Doctoribus. Sic si quis ab Haereticis captus, urgeatur ad comedendum carnes tempore Quadragesimae in contemptum Ecclesiasticae legis, illique Haeretici minitentur mortem, nisi carnes comedat; potius ei moriendum foret, quam ut in talibus circumstantiis carnes comederet. Ratio est; quia violatio legis Ecclesiasticae in talibus circumstantiis cederet in contemptum Fidei Catholicae, potestatisque Ecclesiasticae; & comedens carnes ad talem Haereticorum instantiam, eorum sectam exterius profiteretur, ac metu mortis ipso opere contemneret potestatem Ecclesiae: hoc autem nullo modo licet; sed est intrinsece malum. Unde tali potius esset subeunda mors: quam si quis ex praefata causa opereretur, revera foret Martyr; (f) cum moreretur ob confessionem Fidei Catholicae, qua credimus, Ecclesiam a Christo accepisse potestatem certas leges Fidelibus imponendi.

25. CONCL. IV. Extra praefatos casus Lex humana, sive Civilis, sive Ecclesiastica, non obligat cum periculo mortis; aut alterius gravis damni. Ita Doctores communiter. Hinc c. 4. de reg. juris, dicitur: *Quod non est licitum in Legē, necessitas facit licitum.* Accedit ratio: quia lex debet esse secundum naturam hominum; id est, conditioni humanae accommodata: id autem non fieret, si leges humanae semper obligarent cum periculo vitae etiam extra casus supra memoratos; ergo. Hinc

26. Infertur I. Quia duo memorati casus sunt rari, communiter non obligare Leges humanas cum periculo vitae, amissionis membrorum, famae, notabilis boni temporalis, perturbationis pacis, aut alterius similis gravis mali; quod considerata qualitate legis prudenter judicatur tale.

27. Infertur II. Eum non peccare, qui praefus gravi infirmitate corporis, de consilio Medicorum comedit carnes diebus jejunii, aut qui gravi labore corporali fatigatus, vel ex prolixo itinere fessus, utitur secunda refectio: quia cum tanto incommodo corporali non obligat lex jejunii Ecclesiastici. Idem dicendum de iis, qui diebus

festivis remanent domi ad ejus custodiam, nec audiunt Missam in locis, ubi unica Missa celebratur. Innumera similia exempla passim occurrunt.

28. Infertur III. Excommunicatum occultum licite se gerere tanquam non excommunicatum, in quantum hoc est necessarium ad vitandam infamiae notam, aut similis mali periculum; adeoque si non habet, a quo absolvi possit, non teneri abstinere a Divinis, vel (praevia tamen contritione) Sacramentorum administratione, aut ab eligendo, & huiusmodi, si absque periculo infamiae, aut alterius gravis mali abstinere non possit. Similiter irregularis factus ob culpam occultam, potest celebrare, ordines suscipere, &c. si tam cito nequeat obtinere dispensationem, & absque gravi nota, vel damno, non possit diutius abstinere. Et ita de multis aliis est discurrendum, ac notat cit. Herinex cum communi.

\* Quaerens: ex quibus signis cognoscatur, quod Legislator velit obligare non solum sub levi, sed etiam sub culpa gravi? Resp. ex sequentibus. I. Si ipsa materia, quae praecipitur vel prohibetur, sit gravis, nec aliunde ex circumstantiis, vel ex consuetudine, tanquam optima Legum interpretes, constet de voluntate alia Legislatoris, qui utique posset, si vellet, in materia etiam gravi tantum obligare sub levi culpa, vel etiam sub sola poena, cum tota ratio obligationis dependeat ab ejusdem voluntate. II. Si ipsa verba Legis indicent mentem Legislatoris graviter obligare volentis; e. g. dum expresse poneret, quod graviter intendat obligare, vel quando adderet: *praecipimus*, sive *prohibemus in virtute Sanctae Obedientiae &c.* formalis enim obedientia non solet facile in levibus injungi. III. Si adjiciatur poena Excommunicationis majoris, Suspensionis, vel interdicti, nam similes poenae notabiles spirituales ex praxi Ecclesiae non annectuntur in Jure Canonico peccatis venialibus. IV. Si communis Doctorum, cui non posset opponi gravis ratio in contrarium, vel si usus, & consuetudo, optima Legum interpretes, censent, per transgressionem talis Legis committi peccatum grave. Porro, quando similia signa adefuerint insinuantia obligationem gravem, in dubio, tum Legislator intenderit graviter vel leviter adstringere subditos; potius judicandum est de obligatione levi, quam gravi: nam in dubiis benigniora praefenda sunt, juxta Reg. 36. ff. de Regulis Juris, & in obscuris minimum sequendum. Reg. 30. de Reg. Juris in 6. Ob quam ipsam rationem in dubio, nisi verba Legislatoris contineant veram legem, vel potius consilium, magis in favorem subditorum judicandum erit posterius: Quod idem sentiendum, si consideratis omnibus considerandis adhuc dubitetur, num lex sit mixta, vel pure poenalis.\*

#### Q U A E S T I O IV.

De Legibus Poenalibus, earumque obligatione:

#### S U M M A R I U M.

29. Lex humana moralis, & poenalis, quid?

30. Dantur leges aliqua more poenales:

31. Solvitur obiectio:

32. Quod



32. Quod lex aliqua sit mere pœnalis, pendet ex intentione Legislatoris.
33. Dicitur intentio Legis, unde desumenda?
34. Ad subeundam pœnam ferenda sententia, non tenetur Reus ante sententiam iudicis condemnatoriam?
35. Pœna ipso jure inflicta, seu lata sententia, & pœna ferenda sententia, quæ?
36. Et quando pœna censeatur esse lata, vel ferenda sententia.
37. Alia hujus regula.
38. Verba illa: Sit excommunicatus, anathema, &c. an contineant pœnam lata sententia?
39. Pœna lata sententia, si non requirunt executionem externam, statim habent locum in conscientia.
40. Secus, quando pœna illa requirit executionem externam, &c.
41. Corollarium de Beneficiario.
42. Disparitas utriusque casus.
43. Instantia de inhabilitate ad Beneficia, & an hæc postulet sententiam iudicis?
44. Quid dicendum de pœnis corporis afflictivis.
45. Corollaria notabilia.

29. **A**dvertendum, quod Lex humana, præter alias sui divisiones, communiter dividatur in moralem, seu absolute obligatoriam, & in legem pœnalem. *Lex moralis*, seu absolute obligatoria dicitur illa, quæ mores solum dirigit, obligando ad actum aliquem eliciendum, vel omittendum, nullam vero pœnam transgressoribus expresse imponit; unde tunc pœna iudicis arbitrio imponi debet. *Lex pœnalis* econtra dicitur illa, qua aliquid præcipitur, vel prohibetur, sub certa pœna transgressoribus constituta: cujusmodi pœna potest esse multiplex, nimirum vel spiritualis, ut Excommunicatio, Suspendio, &c. vel temporalis, ut confiscatio bonorum; vel etiam corporalis, ut incarceratio, mutilatio, fustigatio, &c. Porro Lex pœnalis rursus dividitur in mere pœnalem, & mixtam. *Lex mixta* dicitur, quæ ad actum sub culpa præstandum, simulque ad certam pœnam transgressores obligat: & dicitur *Lex mixta*, quia est mixta ex morali, & pœnali. *Leges mere pœnales* appellantur eæ, quæ ad culpam non obligant, sed ad solam pœnam: & tales dari mox dicetur. Hinc sit

30. CONCL. I. Dantur Leges aliquæ pure pœnales, quæ ad culpam non obligant, sed ad solam pœnam transgressoribus impositam. Ita communis Doctorum, & novissime sequitur Christophor. Haunoldus *tom. 1. de iustitia & jure, tract. 1. c. 1. controvers. 5.* quamvis Sanchez *lib. 6. in Decalogum, c. 4. n. 12.* velit ejusmodi ordinationes, ad solam pœnam obligantes, non esse proprie leges. Ratio Conclusionis est: quia lex non obligat ultra mentem Legislatoris. Unde in simili notant Doctores, quos citat & sequitur Layman *l. 1. tract. 4. c. 14. n. 2.* quod Legislator circa materiam ceteroquin gravem possit obligare solum sub veniali; nam actus agentium non operantur ultra eorum intentionem, *arg. cap. ult. de præbendis.* Hinc dantur quædam Religioforum Ordinum Statuta, quæ ad culpam, seu sub peccato non obligant, sed tantum ad pœnam a Superioribus infligendam. Similiter ad culpam non obligant

nonnullæ Constitutiones Politicæ, circa eos actus, qui nec Jure divino, nec naturali adversantur, eorum tamen intermissio confert ad tranquillum Reipublicæ statum; v. g. Ne quis noctu sine lumine ambulet: ne certum vestium ornatum portet; & hujusmodi.

31. Nec dicas: Ubi nulla intervenit culpa, ibi etiam juste non potest a Superiore infligi pœna: nam pœna est noxæ vindicta; ergo. Resp. enim negando consequentiam: quia, licet in transgressione legis mere pœnalis nulla interveniat culpa Theologica, seu quæ sit peccatum coram Deo; nihilominus intervenit culpa Politica, importans defectum contra laudabilem Reipublicæ, aut Ordinis Religiosi constitutionem, bonamque politiam, quæ proinde culpa merito castigatur competentis pœna.

32. CONCL. II. Quod Lex aliqua sit mere pœnalis, non bene desumitur ex sola pœnæ adjectione, sed id dependet ex intentione Legislatoris, quæ tum ex verbis legis, tum ex subjecta materia, aliisque circumstantiis, prudenti iudicio desumenda est. Ita D. Thomas 2. 2. *quest. 108. art. 4.* & alii communiter. Ratio est: quia in primis adjectio pœnæ spiritualis, v. g. Excommunicationis, Suspensionis, & hujusmodi, potius indicat, Legislatorem voluisse obligare sub culpa; cum tales pœnæ non nisi ob culpam, seu peccatum, infligi soleant. Deinde loquendo etiam de pœna temporali, per ejus adjectionem magis augetur virtus obligatoria legis, quam minuitur: unde sequitur, quod, quænam leges sint mere pœnales, recte non desumatur ex adjectione pœnæ, sed hoc pendeat ex intentione Legislatoris, utpote a qua leges suam vim obligandi habent.

33. Cæterum ejusmodi intentio Legislatoris, si non clare habeatur ex verbis legis; prudenti iudicio tum ex subjecta materia, tum ex aliis circumstantiis desumenda erit: neque enim circa hoc certa, & generalis regula dari potest. Huc etiam multum juvat consuetudo, utpote quæ est optima legum interpret: siquidem per consuetudinem ex lege pœnali mixta posse fieri pure pœnalem, ac cessante reatu conscientia manere solam pœnam Fori externi, observat Saurez *lib. 7. de Legibus, c. 19. n. 11.* & Layman *lib. 1. tract. 4. cap. 24. n. 12.* & sequitur Ludov. Engel, *tit. de Consuetud. n. 17.* Qui addunt, id fortasse contingere in Legibus Civilibus imponentibus exactiones, aut prohibentibus venari, vel ligna scindere, sive aliquid ex Regno extrahere: licet enim in principio directivæ fuerint, nihilominus potuerunt usu fieri mere pœnales, & quasi naturam mutare, quia non aliter sunt receptæ.

34. CONCL. III. Quotiescumque Lex pœnalis imponit pœnam, primum a Judice infligendam, seu pœnam ferendæ sententiæ, certum est, non obligari Reum ad subeundam, vel solvendam pœnam ante sententiam iudicis condemnatoriam. Ita communis. Neque enim Reus ad amplius tenetur, quam lex ipsa imponit: hæc autem solum imponit, ut Reus pœnæ adjudicetur; quod spectat potius ad Judicem, quam ipsummet Reum. Hinc infertur, quando Reus per legem excommunicandus, vel officio, aut Beneficio privandus decernitur (quæ formula continet dumtaxat pœnam ferendam)



ferendæ sententiæ) quod is ante latam a Judice sententiam possit valide, ac licite, se gerere tamquam non excommunicatum, & non privatum; sicque exercere omnes actus sui officii, aut Beneficii: quia rêvera ante sententiam Judicis necdum incurrit ejusmodi pœnam, quamvis commiserit crimen, ob quod excommunicandus, vel officio, aut Beneficio privandus est per Judicem. Sed illico pro hujus & sequentium Conclusionum intelligentia.

35. Quæres, quid sit pœna ipso jure inflicta, sive latæ sententiæ; & unde dignoscatur, pœnam esse ferendæ sententiæ, vel potius ipso jure latam? Resp. I. Pœna ipso jure inflicta, seu latæ sententiæ dicitur illa, quæ posito delicto statim vi legis irrogatur: ut si in lege pœnali dicatur, *qui tale delictum commiserit, sit ipso facto excommunicatus, officio aut beneficio privatus, &c.* Pœna primum per Judicem juxta præscriptum legis infligenda vocatur illa, quam legislator comminatur delinquenti, nondum autem imponit, sed primum per sententiam Judicio imponendam statuit: ut si dicatur, *qui tale delictum commiserit, privetur officio, excommunicetur, &c.* Et hæc alio nomine dicitur: *Pœna ferendæ sententiæ*: prior autem vocatur sub aliis terminis, *Pœna latæ sententiæ*.

36. Resp. II. Pœna censetur lata ipso jure, seu esse latæ sententiæ, quoties in lege pœnali adhibentur hujusmodi verba: *Ipso facto, ipso jure, mox, ex tunc, &c. sit excommunicatus, suspensus, vel privatus.* Insuper est pœna latæ sententiæ, si Legislator sibi, vel legi suæ adscribat sententiam, dicendo v. g. *Auctoritate nostra, Virtute hujus legis, Ipso jure, subjaceat tali pœna, &c.* Addit. Herinex disp. 5. de Legibus, n. 7. idem esse dicendum, si lex utatur solo verbo indicativi modi, præsentis, aut præteriti temporis, v. g. *Excommunicamus, Suspendimus, Excommunicationem se noverit incurrisse, Scias, se esse excommunicatum, & hujusmodi.*

37. Resp. III. Si lex utatur verbis imperativi modi, quæ non afficiunt immediate ipsam pœnam, sed vel reatum pœnæ, dicendo, *qui hoc fecerit, reatum talis pœnæ incurrat, Fiat reus talis pœnæ*, vel ipsam actionem Judicis, dicendo: *Excommunicetur, Suspendatur, Privetur suo officio, aut beneficio, Est excommunicandus, privandus, &c.* Hujusmodi, inquam, formulæ solum continent sententiam ferendam, seu pœnam infligendam a Judice. Ratio est: quia de tali pœna ferendæ sententiæ possunt ejusmodi verba commode explicari; ergo etiam debent sic explicari: siquidem in pœnis benignior est interpretatio faciendâ, juxta Regulam 49. Juris in 6. cum concordantiis.

38. Resp. IV. Num illa verba, *Sit excommunicatus, suspensus, privatus officio, Sit anathema*, & hujusmodi nullo alio addito contineant pœnam latæ sententiæ, nec nē, variant Doctores. Affirmant non pauci, eo quod ejusmodi verba imperativi modi afficiant immediate ipsammet pœnam. Oppositum nihilominus tenet Navarrus cap. 27. Manualis, n. 12. ubi ait, quod hujusmodi verba, *Sit excommunicatus*, non denotent sententiam latam, sed ferendam, nisi cum alia Jura id declarant. Probat hoc Navarrus varie; & in primis auctoritate Glossæ cap. 2. vers. *Sequestratus, de Foro competent.* Deinde, quia verbum *sit* est futuri

temporis, & potest commode explicari per *fiat, fiat excommunicatus, &c.* unde per illud non fertur sententia ipso jure, nisi aliquid aliud addatur, puta *ipso jure, ipso facto sit excommunicatus, &c.* Tandem, quia stante dubio mitior pars in pœnis est eligenda: atqui præfata verba sunt dubia, ut patet ex allatis rationibus, atque ipsa Doctorum varietate sentiendi; ergo.

39. CONCL. V. Loquendo nunc de pœnis latæ sententiæ, si pœna ipso jure imposita aliam executionem externam non requirat, statim ut factum illud, cui talis pœna ipso jure annexa est, committitur, habet ipsa locum in conscientia. Ita Ludov. Engel, *tit. de Constit. n. 43.* estque communior Doctorum. Et tales sunt pœna Excommunicationis latæ sententiæ, & aliæ Censuræ Ecclesiasticæ, item Irregularitates, impedimenta matrimonii, & hujusmodi: nam tales pœnas, si sint latæ sententiæ, ipso facto, & ante omnem sententiam judicis incurri, recepta praxis & usus declaravit.

40. CONCL. VI. Si vero pœnæ, ipso jure illatæ, etiam externam executionem requirant (veluti est amissio dominii, confiscatio bonorum, privatio Beneficii aut officii Ecclesiastici, &c. ipso jure statuta) tunc ulterius ad obligationem in conscientia producendam requiritur sententia declaratoria Judicis super crimine admisso, nisi lex in specie addat clausulam, *alia etiam declaratione non secuta.* Ita Engel *loc. cit. n. 43.* Layman *Lib. 1. Tract. 4. c. 15. n. 6.* citans alios; & tenent Doctores passim. Desumitur hoc ex c. *Cum secundum de Hæreticis in 6.* ubi bona Hæreticorum ipso jure confiscantur, & tamen ipsi non illico in conscientia obligantur bona sua tradere fisco; quin etiam dictæ confiscationis executio, seu bonorum occupatio, prohibetur fieri ante sententiam declaratoriam Judicis Ecclesiastici super crimine hæresis admisso; ergo idem dicendum est de aliis similibus pœnis externam executionem requirentibus; cum de similibus idem judicium sit habendum. c. *Inter corporalia de Translat. Episc.*

41. Ex hac Conclusionem infertur cum Bonacina disp. 1. de Legibus, quæst. 1. punct. 7. §. 2. num. 11. & aliis, quod Beneficiarius possit retinere Beneficium suum Ecclesiasticum, donec declaratur per sententiam Judicis, tale delictum ab ipso esse commissum, propter quod privatus sit ipso jure suo Beneficio: nisi forte in lege habeatur expressum, pœnam impositam statim in Foro conscientie subeundam esse, seu illico deberi ante ullam Judicis declarationem super crimine admisso.

42. Quod si quæres disparitatem, cur pœnæ latæ sententiæ, sed executionem externam non requirentes, incurrantur ipso facto admisso criminis ante omnem sententiam Judicis, non vero aliæ, requirentes externam executionem? Resp. Doctores hanc disparitatis rationem dare; quia priores sunt pœnæ privativæ, quæ non indigent actione, sed dumtaxat cellatione; posteriores autem sunt pœnæ positivæ, atque indigentes reali actione, seu executione. Cum igitur naturæ humanæ foret admodum grave, quin & contrarium, quod quis delinquens teneatur in semetipso exequi pœnam positivam, sicque esse sui ipsius & accusator, & judex, & executor; ejusmodi leges non censetur

tur obligere in conscientia ante sententiam iudicis, nisi secus in eis exprimitur.

43. Fateor, quod Sanchez lib. 9. de Matrimonio, disp. 30. num. 1. & 2. hanc responsionem impugnet; eo quod inhabilitas ad Beneficia Ecclesiastica, & ad ferendum suffragium, sint pœnæ dumtaxat privativæ, & tamen postulant sententiam iudicis, prout volunt Sotus, Navarrus, Molina, & Ledesma, quos citat. Verum hæc doctrina non caret difficultate: nam inhabilitatem ad electionem activam, & passivam incurri ante omnem sententiam iudicis, censent inter alios Suarez lib. 5. de Legibus, cap. 9. Engel loc. cit. & Layman lib. 1. Tract. 4. cap. 15. num. 5.

44. CONCL. VII. Tandem loquendo de pœnis corporis afflictivis, tenetur quidem Reus per se ipsum exequi pœnam aliquam honestam, & non nimis acerbam, postquam per sententiam iudicis ad ipsam fuit condemnatus; puta, quod pergat in carcerem, subeat abstinentiam aliquam, vel moderate se ipsum flagellet, prout moris est in quibusdam Religionibus: nihilominus nequit Reus obligari, ut graviore pœna corporis, ut puta mortis, mutilationis, &c. directe in semetipso exequatur, sed solum, ut ipsas per ministros iustitiæ illatas patienter sustineat. Ita communis.

45. Unde passim notant Dôctores, quod damnatus ad bibendum venenum, parere non teneatur; quod damnatus ad mortem inedia perferendam, possit licite comedere cibos sibi clam allatos: quinimo quod damnatus ad mortem, vel mutilationem, possit etiam post sententiam iudicis fugere, si via effugiendi pateat. Ita Herinex disp. 5. de Legibus, quest. 3. Engel uti supra, n. 44. Layman loc. cit. n. 7. & seqq. qui tamen recte addunt, quod damnatus ad furcam, vel gladium, debeat collum præbere, aut scalam ascendere, &c. nam hoc non est directe mortem inferre, sed inferendam sustinere, & per accidens solum ac indirecte ad eam cooperari.

### DISTINCTIO III.

#### De Subiecto Obligationis Legum.

#### QUÆSTIO I.

Quinam obligentur Legibus Pontificiis, aliisque Ecclesiasticis?

#### SUMMARIUM.

1. Omnes fideles obligantur legibus Pontificiis pro toto orbe latis.
2. Iisdem obligantur etiam hæretici.
3. Solvitur instantia.
4. Corollarium.
5. Judæi tamen, & Pagani, non obligantur legibus Ecclesiasticis.
6. Corollaria.
7. Limitatio.
8. Alia limitatio.
9. Leges inferiorum Prælatorum obligant solum subditos propriis territorii.
10. Religiosi exempti, an teneantur Legibus per Ordinarios locorum editis?
11. Idipsum amplius declaratur.

1. CONCL. I. Legibus Summi Pontificis in materia spiritali, & salutem animarum, rectamque Ecclesiæ gubernationem concernente, pro toto Orbe Christiano legitime latis, obligantur omnes Christi Fideles. Ita Catholici unanimiter. Ratio est: quia Christus Dominus Divo Petro, ejusque legitimis Successoribus, Romanis Pontificibus, omnium suarum Ovium curam demandavit Joan. 21. trina vice eidem præcipiens: *Pasce oves meas.* Accedit illa generalis promissio eidem facta, Matth. cap. 16. *Tibi dabo claves Regni cælorum, & quodcumque ligaveris super terram, erit ligatum & in cælis:* nam sub ista generali promissione continetur etiam potestas condendi justas leges, ut sic Oves Christi securius pascantur.

2. CONCL. II. Etiam Hæretici obligantur Legibus Pontificiis, pro toto Orbe Christiano latis. Ita communis Theologorum, adeo ut Lugo disp. de Pœnitentia, sect. 7. n. 147. absurdissimum esse dicat, si quis negaret, Hæreticos obligari Legibus Ecclesiasticis jejunii, abstinentiæ a carnibus, Censuris contra eos latis, & hujusmodi. Ratio est: quia Hæretici per Baptismum jam sunt ingressi Ecclesiam, ejusque membra effecti; ergo obligantur legibus ejusdem. Et certe, si ipsi non obligarentur Legibus Ecclesiasticis, frustra tôt leges pœnales in Jure Canonico, aliisque Constitutionibus Ecclesiasticis, contra Hæreticos fuissent latæ.

3. Nec obstat, quod Hæretici resistent Ecclesiæ, Summoque Pontifici, ac legibus ipsius. Resp. enim, hoc neutiquam eos excusare; cum ex suo delicto, atque perfidia, nemo debeat reportare commodum, puta exemptionem a legibus. Quinimo Hæretici pertinaciter non obtemperantes legibus (quibus tamen de jure tenentur obedire) eo amplius peccant; Cum tanto sint graviora peccata, quanto diutius infelicem animam detinent alligatam, ut dicitur in cap. ult. de Consuetud. Hinc in forma Resp. distinguendo antecedens: Hæretici de facto resistunt legibus Ecclesiæ, conceditur; de jure ipsis resistunt, ita ut bene in hoc agant, negatur antecedens, & consequentia.

4. Ex hac Conclusionem infertur cum Gobath. tract. 9. Theologia Experiment. n. 49. & seq. & communi aliorum, quandoquidem Hæretici subsint Legibus Ecclesiasticis, quod eorum matrimonia contracta cum impedimento dirimente vi Juris Ecclesiastici, v. g. in tertio aut quarto gradu consanguinitatis, vel affinitatis, sint nulla & invalida: unde sequitur, quod, si ad veram Fidem Catholicam convertantur, impetrata prius legitima dispensatione, horum matrimonia sint renovanda.

5. CONCL. III. Judæi, Saraceni, atque Pagani, item Catechumeni necdum baptizati, non obligantur Legibus Ecclesiasticis. Ita communior, contra Innocentium, Hostiensem, & Faganum s. Canonum statuta. n. 64. de Constitut. Ratio Conclusionis est: quia tales per Baptismi januam necdum sunt ingressi Ecclesiam, cui proinde subiecti non sunt. Hinc in Jure Canonico c. Gaudemus, de Divoritiis, expresse dicitur, quod Infideles & Pagani, Constitutionibus Canoniciis non arctantur: quid enim ad nos secundum Apostolum (1. Corinth. 4.) de his, qui foris sunt, judicare?

6. In-

6. Infertur proinde, tales valide contrahere matrimonium cum impedimento dirimente Jure dumtaxat Ecclesiastico: ut si contrahant in secundo, tertio, vel quarto gradu consanguinitatis, aut affinitatis, & hujusmodi. Infertur ulterius, Infideles non baptizatos, atque Catechumenos, non obligari lege Ecclesiastica de jejunando, aut habenda abstinentia carniū certis diebus ab Ecclesia præscriptis, & aliis hujusmodi; siquidem tales necdum per Baptismum ingressi sunt Ecclesiam, proinde ejus legibus non subjiciuntur.

7. Limita tamen hoc primo, nisi hujusmodi Leges Ecclesiasticæ contineant Jus naturale, vel divinum; utputa de non blasphemando, non furando, & hujusmodi: nam ad talium legum observantiam obligantur etiam Judæi, aliique Infideles, non quidem vi Legis Ecclesiasticæ, sed vi Juris naturalis, aut divini.

8. Limita secundo, nisi Judæi, aliive Infideles sub sint Ecclesiæ in temporalibus; prout fit Romæ; & in nonnullis aliis locis: tunc enim ii tenentur obedire Papæ, aut alii Prælato Ecclesiastico quoad ea, quæ eorum statum concernunt, non minus, ac tenerentur obedire legibus alterius Principis temporalis, si in ejus territorio morarentur.

9. CONCL. IV. Leges inferiorum Prælatorum Ecclesiasticorum solum adstringunt subditos proprii sui Territorii: & sic Leges, seu Constitutiones in Concilio Provinciali editæ, obligant dumtaxat subditos intra talem Provinciam existentes; Statuta vero Episcoporum obligant tantum subditos propriæ Diocesis, dum intra ipsam existunt; & sic loquendo de aliis. Ita communis Doctorum. Ratio est: quia ad obligationem legis necessaria est jurisdictio: atqui hæc deficit, si alter non sit subditus legislatoris, aut extra ipsius Territorium existat; ergo. Hinc *cap. ult. de Constitut. in 6.* decernitur, quod si Episcopus per speciale Statutum sub pœna excommunicationis quidpiam prohibuerit, v.g. furtum, ejusmodi Statutum non obliget suos Diocesanos, extra ipsius Diocesis actu existentes; ac proinde hi, si extra illam Diocesim delinquant, v.g. furtum committant, non incurrant excommunicationem. Siquidem *Extra territorium jus dicenti impune non paretur*, prout ibidem subjungitur.

10. Quæres, an Religiosi auctoritate Apostolica ab Ordinariis locorum exempti, teneantur eorum Legibus, seu Statutis? Resp. I. Teneri in omnibus casibus, qui in Jure sunt expressi. Sic in Concilio Trident. *Sess. 25. cap. 12. de Regularibus*, habetur statutum, ut Censuræ, & Interdicta ab Ordinariis promulgata, mandante Episcopo a Regularibus in eorum Ecclesiis publicentur, atque observentur. Item, ut Dies Festi, quos in Diocesi sua servandos idem Episcopus præceperit ab exemptis omnibus, etiam Regularibus servantur. Tacentur alii similes casus, utpote quorum notitia specialiter Religiosis incumbit.

11. Resp. II. Quamvis in aliis casibus Religiosi exempti de jure non teneantur ad observantiam Statutorum Episcopaliū, utpote a quorum jurisdictione specialiter sunt exempti, nihilominus ratione scandali evitandi quandoque tenentur Regulares exempti etiam ad observandas alias Con-

stitutiones Synodales, & Statuta Episcopalia, dummodo Statui Religioso non repugnent, simulque spectent ad communem observantiam, ac devotionem totius populi; prout recte observat Sanchez *l. 4. in Decalog. c. 15. n. 21.* Vasquez, & alii. Hinc quando Lege Diocesana præcipiuntur jejunia, populus valde scandalizabitur, si viderit, talia jejunia non observari a Religiosis illis, quos, utpote vitæ austerioris professores, judicat ad hoc magis obligatos: unde revera ratione talis scandali evitandi, tunc Jure naturæ tenebuntur Regulares exempti ad talia jejunia observanda.

\* Quæres II. An, & quando pueri adstringantur Legibus Ecclesiasticis? Resp. Pueri ante perfectum usum rationis (qui primum post completum septennium adesse præsumitur) non tenentur Legibus Ecclesiasticis, uti nec perpetuo amentes, Infantibus in hoc æquiparati. Ita præter alios Sanchez, Sayrus, & Suarez cum Bonacina *Tract. de Legibus disp. 1. quæst. 1. punct. 6.* ac La Croix *lib. 1. num. 676.* Ratio est: quia ut hæc Leges etiam in actu primo obligent, fundamentum harum obligationum est usus rationis; & sic, antequam is adsit, possunt dicti licite, & absque peccato diebus dominicis, atque Festivis non interesse Missæ, ac tempore Jejunii comedere carnes; neque etiam peccant, qui ad hanc comestionem cooperantur, apponendo tales cibos; sicuti si apponerent Catechumenis ob eandem rationem; quia nimirum necdum sub Lege comprehenduntur, ne quidem in actu primo: quamvis loquendo de allegatis Parvulis, saltem dum magis annis discretionis appropinquant, consultius sit, ut etiam isti sensim assuescant Præceptis Ecclesiasticis, licet necdum actu sint capaces rationis perfectæ.

Porro, discurrendo de aliis Præceptis Ecclesiasticis, quæ majorem exigere videntur prudentiam, e.g. circa annuam Communionem Paschalem, ut magis agnoscentes gravitatem Mysterii Eucharistici cum majori reverentia accedere addiscant, requirunt AA. cum Patre Henno *Tract. de Legibus disp. 3. quæst. 7. art. 2. Conclus. 3.* ultra septennium aliquo modo plures annos ad obligationem contrahendam, uti patebit ex *Tract. 10. dist. 3. quæst. 4.* Item, ut Pueri non solum culpam, sed etiam pœnam ordinariam incurrant, Vasquez, Soto & Emanuel Sa cum Busenbaum *Lib. 1. Tract. 2. cap. 2. dub. 1.* & Sabino Bononiensi in sua Luce Morali *part. 1. tract. 5. quæst. 18.* desiderant regulariter loquendo, & nisi Lex expresse aliter disponat, pubertatem, quæ apud Mâculos anno 14. apud Puellas vero 12. absoluto contingit juxta dicenda *Tract. VIII. Dist. 1. Quæst. III.* prout etiam in Jure Civili Impuberes regulariter solent mitiori, quam ordinaria pœna castigari, eo quia præsumitur, non in tantum maliciam actus penetrasse, sicuti Puberes, \*

## Q U Æ S T I O II.

An Clerici obligentur Legibus Civilibus, ac legislator teneatur propriis?

## S U M M A R I U M.

12. In Legibus vis obligandi directiva, & coactiva, quid?

13. Leges & statuta Laicorum non extenduntur ad Ecclesias, & Clericos, nisi approbentur ab Ecclesia.

14. *Eisdem tamen quandoque obligantur Clerici quoad vim directivam.*  
 15. *Corollarium.*  
*Non vero quoad vim coactivam.*  
 16. *Legibus a Republica laicis tenentur singuli ex illa.*  
 17. *Princeps supremus tenetur propriis legibus vi directiva, non coactiva.*  
 18. *Corollarium de Papa, an obligetur preceptis totius Ecclesie?*  
 19. *Declaramus conclusio.*

12. **A**dvertendum, quod in Legibus duplex vis obligandi distingui soleat, una directiva, alia coactiva. Ille dicitur a lege obligari vi directiva ad quidpiam agendum, vel omittendum, qui in conscientia, & sub peccato tenetur servare talem legem: unde huiusmodi obligatio est sub culpa, sive deinde dicta obligatio proveniat ex vi ipsiusmet legis, prout leges solent obligare subditos, sive aliunde, puta ex naturali æquitate, & dictamine rectæ rationis. Ille vero dicitur a lege obligari vi coactiva, qui tenetur ad observantiam ejus ex vi ipsius legis, aut potestatis legislativæ, ita ut sit legi subiectus, & si eam non observaverit, subiaceat pœnis per legem taxatis, aut per Legislatorem infligendis: unde hæc obligatio respicit pœnam transgressoribus incumbentem. His prænotatis, sit

13. CONCL. I. Leges civiles, seu Statuta Laicorum, non extenduntur ad Ecclesias vel personas Ecclesiasticas, earumque bona, nisi ab Ecclesia approbentur: uti approbantur per privilegia concessa a Sede Apostolica aliquibus Principibus, de quibus Cler. Erot. Eccles. cap. 27. citans plures alios DD. Hæc Conclusio habetur expresse in Jure Canonico variis in locis, ac præsertim cap. 7. & 10. tit. de Constitut. Accedit ratio: quia Ecclesia, & personæ Ecclesiasticæ, (uti sunt Clerici, atque Regulares) earumque bona, sunt exempta a jurisdictione Principum secularium: atqui lex non obligat eos, in quos Legislator non habet jurisdictionem; ergo.

14. CONCL. II. His tamen non obstantibus, si Leges Civiles expresse non disponant de Ecclesiis, Clericis, eorumque bonis, sed ob publicam utilitatem communiter quidpiam statuunt, neque repugnent Statui Clerici, aut Immunitati Ecclesiasticæ, eisdem etiam obligantur Clerici quoad vim directivam, licet non quoad vim coactivam. Ita Doctores passim. Ratio est: quia, quamvis talis obligatio erga Clericos directe non possit provenire ex legibus Civilibus, ob defectum jurisdictionis in Clericos; ea tamen partim provenit ex naturali æquitate (nam *carpi est omnis pars suo universo non congruens*; c. *Qua contra*, dist. 8. simulque ad vitandum scandalum aliorum, atque ad conservandam unitatem & pacem Reipublicæ; partim vero dicta obligatio provenit ex auctoritate Ecclesiæ. Nam, ut dicitur cap. 1. *De novi operis nunciis*. *Sicut leges non dedignantur sacros Canones infringi, ita sacrorum statuta Canonum Principum confirmationibus adjuvantur*: illis videlicet, quæ communem concernunt Reipublicæ utilitatem, neque sacris Canonibus, aut Immunitati Ecclesiasticæ repugnant.

15. Infertur proinde, quod Leges Civiles præter rerum taxantes, vel mercium eversionem ex-

tra Provinciam prohibentes, aut certum modum ædificandi præscribentes, & huiusmodi, etiam obligent Personas Ecclesiasticas, saltem quoad vim directivam (alioquin enim magna in Republica oriretur difformitas, & confusio) quamvis non quoad vim coactivam, ita scilicet, ut Clerici subiaceant pœnis per leges Civiles statutis, aut per Judices seculares puniri valeant; cum sint exempti ab eorum jurisdictione. Unde Clerici, si fuerint transgressores talium legum, oblata querela deferendi sunt ad iudices seu Prælatos suos Ecclesiasticos, ab eisque, perpenſa gravitate materiæ, & scandali suborti, pœna condigna affici debent, sive statuta per legem Civilem, sive alia mitiore, prout notat Rodericus tom. 1. qq. Regul. quest. 66. art. 2. reg. 9. Layman lib. 1. tract. 4. cap. 13. num. 4. & alii.

16. CONCL. III. Quantum nunc attinet ad alteram partem Quæstionis, & loquendo in primis de talibus Legibus, quæ ab aliqua Republica, vel tota Communitate conduntur, nullum dubium est; quin iisdem singuli ex tali Communitate obligentur: Sic quippe legibus a Magistratu latis, tenentur singuli Consilarii, & Statutis per Canonicos capitulariter constitutis, obligantur singuli Canonici in particulari. Ratio est clara: quia singuli Canonici, vel Consilarii, sunt subditi respectu totius Capituli, vel Magistratus; ergo & obligantur legibus ipsius.

17. CONCL. IV. Loquendo vero de Legibus ab aliquo supremo Principe latis, & quidem de talibus, quæ Principem æque ac subditos decent, Princeps seu Legislator, cessante rationabili causa excusante, tenetur etiam propriis legibus vi directiva, non tamen vi coactiva. Ita communior Doctorum. Ratio primæ partis, loquentis de vi directiva, est: Quia alioquin subditi ex libera transgressione propriæ Legis per Legislatorem facta facile scandalizarentur. Simulque jure de talibus dici posset illud Salvatoris, Matth. 23. *Alligant onera gravia, & importabilia, & imponunt in humeros hominum, digito autem suo nolunt ea movere*. Hinc illud Catonis dictum: *Pacere legem, quam tu ipse tuleris, c. Cum omnes. De Constitut.* Altera pars, quod Legislator non teneatur suis legibus vi coactiva, probatur ex eo: quia, ut quis teneatur legibus vi coactiva, debet posse cogi per superiorem ad earum observantiam; & si ipsas non observaverit, puniri: atqui Princeps supremus, seu Legislator non recognoscit superiorem in terris, a quo possit cogi vel puniri, a se ipso autem nemo proprie cogitur; ergo.

18. Infertur proinde, quod Papa non obligetur vi coactiva præcepto audiendi Missam, vel jejunandi diebus statutis: quia non habet superiorem in terris, a quo cogi possit ad talium legum Ecclesiasticarum observantiam, & ob earum transgressionem puniri; a semetipso autem nemo proprie cogitur. Nihilominus tenetur Papa propriis legibus statum suum æque ac alios decentibus, vi directiva, adeo ut peccaret, cessante rationabili causa excusante, non observando ejusmodi leges Ecclesiasticas, a se vel suis antecessoribus latis. Et idem dicendum de Imperatore respectu legum Imperialium æque personam Imperatoris decentium, & aliis huiusmodi.



19. Dicitur notanter in Conclusionem, loquendo de talibus legibus, quæ Principem aequè ac subditos de-  
cent. Siquidem certum est, Principem atque Legislatorem iis legibus nullatenus obligari, quæ ad subditos directe ferunt, & in Principem proprie non cadunt: quales leges sunt, ne quis in civitate arma ferat, ne vestibus auro intextis utatur, ut quilibet tributa, aliasque exactiones diligenter solvat, & alia plura hujusmodi: nam patet, tales leges Principi non convenire, neque ipsum astringere.

### Q U Æ S T I O III.

An Peregrini obligentur Legibus, & Consuetudinibus locorum, per quæ transeunt?

#### S U M M A R I U M.

20. Peregrini tenentur legibus totius Ecclesiæ ubique locorum.
21. Tenentur etiam legibus particularibus locorum, quamprimum ibi domicilium figunt.
22. Si mora in aliquo loco sit longior, tenetur peregrinus ad eas leges.
23. Advena & peregrini quoad contractus tenentur legibus locorum.
24. Corollaria.
25. An Advena & Peregrini teneantur aliis particularium locorum, variant Doctores. Sententia tamen affirmativa est probabilior.
26. Hujus multiplex probatio. (a) Dist. 1. n. 18.
27. Quid dicendum de legibus universalis Ecclesiæ, quando ipsa alibi, sed non in propria patria obligant?
28. Corollarium de incolis regni Castella. Aliud de Germanis existentibus in Italia.
29. Contraria nonnullorum sententia refertur.
30. Quid contra dicendum de legibus, quæ vigent in patria, sed non in loco, ubi quis hospitatur?

20. **C**elebris, & plurimum practica Quæstio est præsens, unde exactius declaranda propter quotidianorum casuum emergentias. Et quidem, ut certa ab incertis separentur, certum in primis est, legibus communibus totius Ecclesiæ ubique locorum teneri Peregrinos, & Advenas Christianos; cum semper sublint jurisdictioni Ecclesiæ, ubicumque existant. Sic quilibet peregrinus tenetur ad jejunia Quadragesimæ & Vigiliarum; atque ad audiendam Missam diebus Dominicis, Festivisque; quia hæc sunt de præcepto totius Ecclesiæ.

21. Certum insuper est; illum, qui migrat aliorum fixurus ibidem domicilium, mox teneri legibus illius loci, cum primum incipit ibidem degere; nam ex tunc incipit esse incola illius loci. Sic constituens domicilium in Civitate Frisingensi, mox tenetur ad servanda omnia Festa particularia hujus loci, quæ sunt de præcepto, quamvis primum heri vel nudius tertius advenit.

22. Præterea si mora in aliquo loco sit longior, utputa per hebdomadam, vel saltem per mensem, ratione cujusdam negotii expediendi usus communis docet, tales Peregrinos teneri sese accommodare legibus & consuetudinibus loci, observando scilicet Festa vel jejunia de præcepto illius loci. Ratio est: tum quia hoc exigit quies Reipublicæ, quæ alias ex diversis hominum moribus perturbaretur. Tum quia habitatores ad tempus longius

in aliquo loco acquirunt ibidem quasi domicilium; nam quasi domicilium dicitur locus, ubi quis per longius tempus moram trahit, absque tamen animo ibidem perpetuo consistendi. Quæstio igitur remanet solum de Advenis & Peregrinis, qui vel per talem locum transeunt, vel ibidem pro brevi dumtaxat tempore morantur absque animo figendi domicilium, vel quasi domicilium: & de his loquendo sit

23. **CONCL. I.** Advenæ & Peregrini quoad contractus obligantur legibus locorum, per quæ transeunt, atque ibidem contrahunt. Hæc Conclusio est certa, & communis Doctorum, ac patet tum ex consuetudine, & communi sensu populorum, tum ex cap. ult. de Foro competenti, ubi dicitur, quod ratione contractus forum quis sortitur; atqui forum sortiri, & legibus loci astringi, a pari procedunt; Similia habentur in Jure civili; unde loquendo de legibus contractuum, præsens Quæstio non habet difficultatem.

24. Sic in primis tenentur Peregrini servare formam contractuum, in tali loco præscriptam. Similiter obligantur ad pretium ibidem taxatum, in emptione rerum persolvendum. Insuper ab iisdem Advenis, seu Peregrinis, debet solvi vetigal alicui contractui juste appositum; quia est onus contractus ibidem celebrati: & idem dicendum de similibus.

25. **CONCL. II.** Quamvis multi Doctores probabiliter teneant, Peregrinos & Advenas non astringi peculiaribus legibus atque consuetudinibus particularium locorum, per quæ transeunt, vel in quibus brevi dumtaxat tempore per modum hospitii reperiuntur, cessante tamen scandalo, & quando ea non obligant in proprio suo domicilio; prout sub datis limitationibus docet Sanchez l. 3. de Matrim. disp. 18. & rursus lib. 1. in Decalog. c. 12. n. 38. citans Sylvestrum, Toletum, Rosellam, Azorium, pluresque alios, quibus postea accesserunt Sahnig disp. 3. de Legibus quæst. 8. num. 9. Tannerus, Bonacina, Diana, & Layman lib. 1. tract. 4. cap. 12. n. 4. inde inferens, quod Peregrinus veniens Augustam die S. Udalrici, qui eo loco Festus est, non teneatur (per se loquendo, & secluso scandalo) Missam audire: & a servilibus operibus abstinere, licet totum diem ibi mansurus sit. Nihilominus opposita sententia, quæ ejusmodi obligationem admittit, est communior, simulque probabilior, eamque tenet Abbas in c. Consilium n. 6. de Observat. jejunior. id probans ex textu illius Capituli. Hostiensis, Suarez, Vasquez, Navarrus, Ledesma, Covarruvias, Henriquez, Palaus, Lezana, & Herinex, & Mastrius disp. 2. Theol. Moral. n. 119. pro hac sententia citans quamplures alios.

26. Ratio hujus posterioris sententiæ desumitur in primis ex Jure Canonico, cam. illa. dist. 12. ubi ex S. Augustino Ep. 118. refertur sententia D. Ambrosii, dicentis: *Cam Romam venio, jejuno Sabbato; cum Mediolani sum, non jejuno: sic etiam tu, ad quam forte Ecclesiam veneris, ejus morem serva, si cuiquam non vis esse scandalo, nec quemquam tibi.* Ubi Glossa W. Societate, ait: *quod quilibet tenetur vivere secundum consuetudinem illorum, inter quos versatur, c. quæ contra. dist. 8. &c. quisquis dist. 41. Unde versus:*



*Si fueris Roma, Romano vivito more.*

*Et si sis alibi, vivito sicut ibi.*

Accedit ratio: quia leges immediate censentur afficere locum, seu territorium Legislatoris, atque hinc in subditos ibidem existentes transire, ut dictum superius (a) & notat Layman *loc. cit. cap. 11. n. 1. & 2.* post Suarez, & alios; ergo hoc ipso, quod Peregrinus reperiatur in tali loco, tenetur legibus particularibus illius, ac censetur subditus domini illius territorii. Unde secundum omnes advena, non servans leges peculiares alicujus loci, potest a Legislatore, ac Judice illius loci propter talium legum transgressionem puniri; & consequenter ad eas obligatur.

27. CONCL. III. Loquendo nunc de Legibus universalis Ecclesiae, Advenae & Peregrini, licet in loco diu morantur non sint, sed tantum transeant, obligantur communibus legibus & consuetudinibus totius Ecclesiae ibidem vigentibus, quamvis haec in ipsorum patria ex speciali privilegio, aut consuetudine non observentur, neque obligent. Haec Conclusio a fortiori procedit propter dicta *num. preced.* estque communis inter Doctores, paucis exceptis. Ratio ulterior est: quia Jus commune universos ex natura sua obligat, & si alicubi ratione specialis privilegii, vel consuetudinis contrariae non obliget, id videtur esse privilegium locale, seu loco cohaerens, non autem personale, seu sequens personam, quocumque ierit. Accedit, quod tales consuetudines a Jure communi exorbitent: sed quae a Jure communi exorbitant, sunt restringenda, juxta *reg. 28. juris in 6. cum concordantiis.*

28. Infertur proinde cum Doctoribus passim, quod Castellanus (id est, incola regni Castellae in Hispaniis, ubi de antiqua consuetudine licitum est, diebus Sabbatinis comedere extremitates, & intestina animalium) dum per alienas regiones peregrinatur, peccet vescendo extremitatibus ac intestinis illorum animalium diebus Sabbati. Similiter Germani, dum tempore Quadragesimae, vel aliis diebus jejunalibus morantur in Italia, tenentur abstinere a lacticiis, juxta consuetudinem universalis Ecclesiae ibidem etiamnum vigentem, non obstante, quod in Germania licitus sit usus lacticianorum (id est, lactis, butyri, casei, & ovorum) diebus jejunalibus. Et idem dicendum de aliis similibus.

29. Caterum quamvis haec sententia sit valde communis, simulque tutior & probabilior, ac proinde ordinarie in praxi tenenda, maxime ut evitetur occasio omnis scandali: nihilominus non desunt Doctores aliqui oppositum tenentes cum Sanchez *lib. 3. de Matrimonio, disp. 18. num. 7.* quorum sententiam non omnino improbabilem censet Layman *cit. cap. 12. num. 3.* dummodo absit omne periculum scandali. Unde propter auctoritatem talium virorum Doctorum (inquit Ludov. Engel, *tir. de Conflicis. n. 30.*) non auderem semper alicujus gravis peccati damnare eum, qui contrarium teneret seu practicaret, praesertim accedente aliqua rationabili causa, v.g. conservandae valetudinis, & remoto scandalo: ut si Germanus tempore Quadragesimae in Italia privatim comederet ova, caseum, & alia lacticia. Haec ille.

30. CONCL. IV. Econtra vero Advenae, & Peregrini non tenentur praecipis Juris communis, etiam in sua patria vigentibus, si haec non sint in usu in loco, ubi per modum hospitii reperiuntur, aut morantur. Ita Doctores communiter. Ratio est: quia quilibet potest se accommodare rationabilibus consuetudinibus locorum, in quibus existit. Hinc infertur, quod Germanus, si per regnum Castellae in Hispaniis existens transeat, possit ibidem diebus Sabbatinis licite vesci extremitatibus & intestinis animalium, quibus ibidem vesci licitum est. Similiter Itali, dum hospitantur, aut morantur in Germania, licite diebus jejunalibus comedunt lacticia, non obstante, quod haec in Italia sint gravissime prohibita: & sic loquendo de aliis. Ratio hujus ulterior est: quia nemo tenetur ad patriae consuetudines, dum ab ea abest; imo in hujusmodi casibus valet privilegium locale, quo frui possunt omnes, qui morantur in tali loco.

\* Ob quod ipsum ultimum fundamentum ratione Privilegii localis non tenetur quis Legibus proprii Territorii, si existat in loco exempto, quamvis dictus locus exemptus situs sit intralimites proprii territorii. Exemplificant Bonacina & Layman apud Busenbaum *tract. 2. cap. 2. Dub. 2.* si Episcopus sub poena Excommunicationis vetaret lusum alearum, non obligarentur Clerici ludentes in loco exempto a Jurisdictione Episcopali sito intra Territorium. \*

#### QUESTIO IV.

Resolvuntur varia quae sita quoad Peregrinos.

#### SUMMARIUM.

31. *Occasio movendi sequentes quaestiones.*
32. *Discrepantia inter Calendarium novum, & antiquum.*
33. *An extra Parochiam, ubi est Festum, Parochiani possint alibi laborare?*
34. *An etiam exire ad alibi laborandum?*
35. *An talis mane exiens teneatur prius Missam audire?*
36. *Negativa est valde probabilis.*
37. *Quando teneamur praevenire audiendo Missam?*
38. *An discedens loco, ubi non est jejunium, perventurus tamen ad locum, ubi est jejunium, possit comedere carnes?*
39. *Utrum teneatur absolvere jejunium Quadragesimale, qui pervenit ad locum, ubi illud jam est absolutum?*
40. *Cessante fraude, negative respondetur.*
41. *Quid, si in fraude jejunii inde discedat?*
42. *An contra, qui jejunium jam peregit, tentatur rursus jejunare?*

31. **A**Dvertendum, multa esse Festa particularia locorum, quae in una Diocesi vel Parochia obligant sub praecipio; in alia vero non obligant. Sic Festum S. Wolfgangi in Diocesi Ratisbonensi, die 31. Octobris, est de praecipio, non vero in vicina Diocesi Frisingensi; unde in ipsa civitate Landshutana licitum est hac die opera servilia exercere, cum pertineat ad Diocesum Frisingensem, non vero in suburbis ultra Isaram,

ram, quia spectant ad Diocesim Ratisbonensem. Et alia quam plura exempla passim habentur in confinibus duarum Diocesum, in ordine ad Festa particularia dictarum Diocesum.

32. Hoc idem contingit quoad Festa & jejunia totius Ecclesiae in illis locis, in quorum uno Calendarium Romanum novum, in altera vero vetus observatur: nam quamvis haec duo Calendaria convenient quoad dies Dominicos, nihilominus quoad Festa immobilia, una cum jejniis praeviis discrepant decem diebus, quoad Quadragesimam vero, ac Festa mobilia Paschatis, & Pentecostes, &c. quandoque concordant, quandoque pluribus hebdomatibus discrepant. Unde plures casus formari possunt de iis, qui ab uno loco ad alium transeunt, an & quomodo teneantur ad hujusmodi Festa, vel jejunia de praepcepto observanda. Hoc praenotato,

33. Queritur I. An, quando est Festum in una Parochia, in altera autem Parochia vicina non est, possint subditi Parochiae, in qua est Festum de praepcepto, extra limites suae Parochiae laborare? Resp. Affirmative, prout tenet Lessius *lib. 4. de just. & jur. c. 2. n. 55.* Navarrus *cap. 13. Manualis, n. 6.* & alii. Ratio est: quia Statuta, & consuetudines locales, sunt veluti loco affixae; unde non ligant talia Festa Parochianos, dum existunt extra districtum Parochiae.

34. Quinimo Navarrus *loc. cit.* asserit, posse rationabiliter teneri eos, qui in Festi Vigilia, vel etiam ipsomet Festo, a suo proprio loco in alium laborandi gratia exeunt, ubi Festum illud non observatur, juxta rigorem Juris non peccare. Rationem dat: quia non laborant in loco, ubi est dies Festus. Accedit, quod tales videantur uti jure suo. Verumtamen communiter homines magis timorati in tali casu solent servare diem Festum, quamvis, si ab aliquibus sententia Navarrii practicaretur, non esset ipsis formandus scrupulus peccati; praesertim, si prius ante suum egressum audiant Missam, ut vult citatus Navarrus.

35. Queritur II. An talis exiens e loco, ubi est Festum de praepcepto, teneatur audire ibidem Missam, si eodem die perveniat ad locum, ubi non est dies Festus? Affirmat Navarrus *cit. n. 5.* eo quod dies Festus, ubi aliquem deprehendit, obliget eum ad sui observantiam.

36. Communior tamen valde probabilis sententia est, talem non teneri ad Sacrum in priori loco audiendum, dummodo eodem mane sit venturus extra limites illius loci, ubi agitur dies Festus. Ratio est: quia, quando praecipitur auditio Missae, subintelligitur tacita conditio, si toto illo tempore, quo Missae celebrantur, quis manserit in loco die Festo, & consequenter subditus praepcepto: talis autem adhuc mane est, extra fines illius Parochiae, Festum de praepcepto celebrantis, prout supponitur: ergo.

37. Neque tenetur talis praevenire, audiendo Missam ante suum discessum: quia tunc solum tenemur praevenire, quando, manente vi praepcepti, seu nostra subjectione, videmus nos postea fore impediendos, ut cum quis manens in loco, ubi viget praepceptum diei Festi, videt se horis posterioribus impeditum iri negotiorum causa, tenetur prius audire Missam. Secus est, quando intra

tempus implendi praepceptum definit esse subditus alicujus loci particularis, & reperitur extra limites illius; prout argumentatur Lessius *loc. cit. num. 56.*

38. Queritur III. An, qui mane discedit ex oppido, ubi non est jejunium, possit comedere carnes, quamvis vesperi, vel meridie sit venturus ad locum, ubi est jejunium de praepcepto? Resp. affirmative, eo quod in priori loco constitutus, nondum teneatur lege jejunii posterioris loci. Non tamen econtra potest quis in loco domicilii, ubi est jejunium, vesci carnibus, si inde mane discedat, perventurus ad locum, ubi non est jejunium. Ratio est: quia tenetur legibus proprii domicilii, quamdiu in eo reperitur.

39. Queritur IV. Utrum is, qui durante Quadragesima negotiorum causa e loco proprii domicilii recedit, ac venit in locum, ubi ob discrepationem novi & veteris Calendarii Quadragesima jam est peracta, teneatur eandem ibi perficere, & tandiu abstinere a carnibus, atque jejunare, donec compleatur tota Quadragesima? Ratio dubitandi est: quia praepceptum jejunii Quadragesimalis est generale; ergo obligat ubique, & ubique impleri debet. Et hujusmodi sententia affirmativa utique est magis pia, tutior, ac proinde Catholicis omnibus in praxi suadenda.

40. Nihilominus oppositum videtur probabilius, si loquamur de iis, qui non in fraudem jejunii, sed bona fide, v.g. negotiorum causa, ab uno loco in alium commigrarunt, praesertim cum valde difficile sit, in convivio humano seorsim ab aliis servare jejunium, & ceteris omnibus a lege jejunii solutis, ac Festa Paschalia cum gaudio celebrantibus, adhuc jejunare, & Quadragesimam continuare, prout tenet Lessius *ibidem n. 59.* & Bonacina *dis. 2. de Legibus, quaest. 1. punct. 6. n. 64.* cum aliis. Ratio generalis est: quia potest quis sese moribus eorum, quibuscum vivit, accommodare, juxta illud vulgatum, & superius jam adductum:

*Si fueris Roma, Romano vivito more:  
Et si sis alibi, vivito sicut ibi.*

41. Dicitur notanter, si loquamur de iis, qui non in fraudem jejunii, &c. Siquidem, ut dicitur c. *Sedes, & c. Ex tenore de Rescript. f. aus, & dolus alicui patrocinari non debet:* unde non careret scrupulo peccati gravioris, si civis Landishutanus die 31. Octobris exiret ad suburbana civitatis ultra Ilaram, eo solum animo, ut ibi posset vesci carnibus (siquidem in Diocesi Ratisbonensi, ob solemnitatem S. Wolfgangi, principalis Patroni, hac die non est jejunium Vigiliae omnium Sanctorum, sed illud pridie anticipatur) quia hoc fieret in fraudem legis, ac jejunii Vigiliae omnium Sanctorum totam Ecclesiam obligantis: quidquid cum nonnullis aliis contradicat Bonacina *loc. cit.* ea ratione permotus, quod talis videatur uti jure suo.

\* Sed potest negari suppositum, quod nimirum quis habeat Jus praecise eo fine exeundi e suo Territorio. Profecto, si quis ex illo solo fine a loco promulgati Concilii Tridentini exiret ad locum non promulgati Concilii, ut contrahere posset Matrimonium clandestinum, postea iterum redeundo ad suum proprium Territorium, tale Ma-

tri-

rimonium non valeret juxta Declarationes Cardinalium videndas *Tom. 4. Decret. Tit. 3. §. 3. \**

43. Quaritur V. Utrum econtra is, qui explevit jejunium Quadragesimæ, vel aliud, si venerit ad locum, ubi illud necdum est peractum (prout sæpe fit itinerantibus ratione novi Calendarii non ubique recepti) teneatur ibidem rursum a carnibus abstinere, atque jejunare? Respond. cum cit. *Lessio num. 52. & aliis*, talem non teneri: quia præceptum illud jam implevit: Ecclesia vero neminem obligat ad duplex jejunium. Cavendum tamen, ne alii inde scandalizentur. Et hoc idem dicendum est de celebratione Festorum, ac similibus aliis.

#### Q U Æ S T I O V.

Qua intentione, quibusque actibus satisfiat præceptis Legum?

#### S U M M A R I U M.

43. *Intentio duplex hic distinguenda.*
44. *Ut impleatur præceptum, requiritur intentio faciendi opus.*
45. *Nam tamen intentio satisfaciendi præcepto.*
46. *Corollaria.*
47. *Oportet tamen mutare animum.*
48. *Potest quandoque adimpleri præceptum per actum ex circumstantia malum.*
49. *Solvitur objectio.*
50. *Nisi modus sit de intrinseca ratione actus præcepti.*
51. *Potest quandoque uno actu satisfieri pluribus præceptis.*
52. *Fallit hoc in debitis justitiæ.*
53. *Quid de Pœnitentia Sacramentali?*
54. *An eodem tempore per plures actus possit satisfieri pluribus præceptis.*
55. *Corollarium.*

43. **Q**uamvis ad primam Quæstionis partem attinet, advertendum est, quod in executione operis præcepti possumus duplicem habere intentionem; unam præstandi opus, quod præcipitur: alteram satisfaciendi præcepto per tale opus. Hoc prænotato Quæstio remanet, quænam ex his intentionibus requiratur ad satisfaciendum præceptis, seu legibus.

44. **CONCL. I.** Ut præceptum adimpleatur, requiritur ad minimum intentio faciendi opus, quod præcipitur: sic v.g. ut quis satisfaciatur præcepto Divini Officii persolvendi, requiritur intentio recitandi Horas Canonicas, seu orandi, & non sufficit earum recitatio facta solo animo studendi, vel discendi. Ita Sanchez *lib. 1. Decal. 13. n. 2.* Bonacina *disp. 1. de Legibus, q. 1. punct. 10. n. 2. & alii.* Ratio est: quia opera præcepta debent præstari modo humano; non præstantur autem humano modo, nisi adsit voluntas, & intentio eadem præstandi: sic enim recitatio Horarum Canonicarum facta recreationis, aut studii causa, proprie non est oratio. Idem dicendum de eo, qui negotiorum causa, vel animo meditandi intrat in templum, nihil cogitans de Missa audienda, quæ interim celebratur; nam non censetur eam audivisse, cum defuerit animus ipsam audiendi.

45. **CONCL. II.** Nihilominus ad satisfaciendum præcepto non requiritur intentio satisfaciendi præcepto, sed sufficit intentio præstandi opus, quod præcipitur. Ita cit. Sanchez *n. 9.* Suarez, Herinex *disp. 3. de Legibus, n. 80. & alii.* Ratio

est: quia lex humana tantum præcipit voluntariam operis executionem, non autem quasi reflexam implendi præcepti intentionem.

46. Inferitur proinde, quod si quis die Festo Missam reverenter audiat, non recordatus, esse diem Festum, is jam satisfaciatur præcepto, ex communi Doctorum sententia. Quinimmo, licet Missam die Festo attente audiens, habeat expressam intentionem tunc non satisfaciendi præcepto Ecclesiæ, sed aliam postea Missam audiendi, adhuc is satisfacit, ita ut non teneatur postmodum aliam audire, prout notant cit. Auctores, & Layman *cit. tract. 4. c. 4. n. 7.* Suarez, & alii; quamvis nonnulli contrarium sentiant. Et eadem ratio est de Horis Canonicis: quod scrupulosis notandum est, qui cum videntur sibi inter orandum distracti, Officium vel partem Officii recitant cum proposito postea repetendi: neque enim tales tenentur repetere Officium, præsertim si eorum distractio fuit involuntaria.

47. Fatendum tamen est, si quis in tali voluntate non satisfaciendi præcepto permanserit, cum peccaturum ratione pravæ suæ intentionis; quam proinde tenetur deponere, animumque mutare. Similiter si quis in falsa persuasionemoneat, quasi præcepto non satisfecerit, peccabit ratione suæ conscientiæ erroneæ, nisi vel animum mutet, aut errorem deponat, vel aliam Missam audiat, sive Horas Canonicas repetat; & idem dicendum de similibus aliis.

48. **CONCL. III.** Potest quandoque adimpleri præceptum per actum ex aliqua circumstantia malum. Ita Bonacina *loc. cit. punct. 9. num. 1.* Suarez, Sanchez, & alii. Ratio est: quia talis adimplet substantiam præcepti; ergo etiam satisfacit præcepto, quamvis peccet pro ratione pravi finis, aut circumstantiæ malæ. Idem probatur exemplis, ac inductione: si enim, qui jejunat ob vanam gloriam, aut ex affectu avaritiæ, ut parcat sumptibus, jam satisfacit præcepto jejunii Ecclesiastici; cum abstinere ab esu carniū, & multiplici refectioe. Similiter Sacerdos, qui Missam celebrat in statu peccati mortalis, satisfacit & suæ obligationi, & præcepto audiendi Missam die Festivo, non obstante, quod gravissime peccet: siquidem ponendo actum præceptum jam adimplet quis id, quod injungebatur, & consequenter satisfacit etiam præcepto.

49. Nec obstat, quod talis non adimpleat modum ac finem præcepti, qui est honorare DEUM per actum præceptum. Resp. enim, hoc neutiquam obstat: quia modus non cadit sub præcepto, dummodo non sit de intrinseca ratione actus præcepti. Et hoc idem dicendum de fine, juxta illud commune dictum Theologorum: *Finis præcepti non cadit sub præcepto.*

50. Additur tamen, *nisi modus sit de intrinseca ratione actus præcepti*: nam quando modus est de intrinseca ratione actus præcepti, nequit adimpleri præceptum non adimpleto modo. Sic sacrilege confitens, non satisfacit præcepto Paschalis Confessionis; quia ad Sacramentum Pœnitentiæ, tamquam partes ipsius, necessario debent concurrere contritio, & confessio omnium peccatorum. Similiter, si quis dormiens die Festo assistat Missæ, neutiquam satisfacit præcepto Ecclesiæ: quia

ad

ad devotam Missæ auditionem requiritur, ut quis assistat modo humano, seu cum advertentia rationis, quod in dormiente non fit. Idem accidit in similibus casibus.

§1. CONCL. IV. Possumus uno eodemque actu pluribus præceptis satisfacere, nisi aliud colligatur ex mente præcipientis. Ita Sanchez *loc. cit. cap. 14. num. 5.* Herinex *num. 85.* & alii. Patet hoc ex quotidiana praxi: sic enim, qui obligatur ad recitandas Horas Canonicas ratione Ordinis sacri, simulque Beneficii Ecclesiastici, satisfacit una recitatione. Similiter quando Dominica, ac dies Festus de præcepto, incidunt in eundem diem, non tenetur quis audire duas Missas. Insuper qui vovit jejunare die Veneris, satisfacit uniso jejunio, quamvis in eundem diem incidant Quatuor anni Tempora, vel Vigilia alicujus Sancti. Et hoc ipsum generaliter contingit in illis casibus, quando obligatio plurium præceptorum cadit super eandem materiam.

§2. Dicitur notanter, *nisi aliud colligatur ex mente præcipientis*. Sic enim in primis non possumus unica solutione satisfacere pluribus obligationibus, seu debitis Justitiæ: nam qui debet alteri ex duplici obligatione bis centum florenos, non satisfacit, si semel dat centum. Ratio est: quia in debitis Justitiæ attenditur æqualitas rei ad rem; non potest autem unum centum esse æquale debitis plurium centum. Secus est in debitis legalibus, utpote in quibus attenditur mens & intentio legislatoris, quæ sæpius ferri potest in unum idemque opus.

§3. Similiter, si culpiam pro pœnitentia Sacramentali injungantur tria Rosaria, is non satisfacit recitando unicum Rosarium: quia circa hoc clara est intentio, & mens Confessarii præcipientis. Quinimmo si Confessarius pro pœnitentia injungat auditionem Missæ, censetur (nisi oppositum aliunde colligatur) velle obligare ad aliam auditionem Missæ ab ea, quam quis die Festo audire tenetur: secus, si imponat quotidianam auditionem Missæ; nam tunc satisfaceret pœnitens unica in Festis audita; quia hæc præsumitur fuisse intentio Confessarii, nisi is aliud expressisset.

§4. CONCL. V. Insuper possumus eodem tempore per diversos actus satisfacere pluribus præceptis, quoties unus actus non impedit alium. Ita Sanchez, Bonacina, & alii passim. Ratio est: quia ille præcepto satisfacit, qui facit id, quod præceptum est: sed quoties unus actus non impedit alium, possumus eodem tempore facere, quod pluribus præceptis est injunctum; ergo.

§5. Sic qui tempore Missæ recitat horas Canonicas, satisfacit præcepto Missæ audiendæ ratione diei Festi, utpote quam devote audit sub ea recitando Horas Canonicas, simulque præcepto Officii Divini, utpote quod devote recitat, sicque eodem tempore præstat diversos actus, quorum unus non impedit alterum. Et hæc limitatio idcirco additur, quia, si unus actus exercitium alterius impediret, clarum est, non posse eodem tempore per diversos actus pluribus præceptis satisfieri.

## DISTINCTIO IV.

De Interpretatione, Dispensatione, ac Revocatione Legum.

### QUÆSTIO I.

De Interpretatione Legum; ubi & de Epicheja.

#### SUMMARIUM.

1. Interpretatio quid?
2. Interpretatio legum duplex, authentica, & doctrinalis.
3. Hac potius menti Legislatoris, quam verbis convenire debet.
4. Mens Legislatoris, unde præcipue cognoscatur?
5. Verba generalia generaliter intelligenda quomodo?
6. Lex penalis, & odiosa, stricte interpretanda.
7. Unde verba ejus accipienda cum effectu.  
*Limitatur in crimine læsa Majestatis, &c.*
8. Leges favorabiles ample sunt interpretande.  
*Nomine Clericorum, & Populi, qui comprehendantur?*
9. Epicheja, quid?
10. Et quomodo differat ab interpretatione legis?
11. Habet quandoque locum.

1. Interpretatio aliud non est, quam verbi vel sententiæ per aliud clarius explicatio: unde tunc fit Interpretatio legis, quando ipsa per alia verba clariora explicatur.

2. Cæterum Interpretatio legum generatim duplex est, una necessaria, seu authentica, cui nempe necessario est acquiescendum: & talis est illa, quam Princeps seu Legislator, aut ejus successor, in suis legibus dedit. De hac interpretatione intelligendum est illud, quod habetur *L. 11. C. de Legibus*, juncto Summario ibidem: *Ejus est legem interpretari, cujus est condere. Et c. Inter alia de Sentent. Excommunicat. ibi: Ut unde jus prædicit, interpretatio quoque procedat.* Alia Interpretatio legis dicitur doctrinalis, scholastica, seu magisterialis: & talem possunt, ac solent dare Doctores, atque Auctores diversorum Librorum, quæ tamen probabilitatem dumtaxat affert, non necessitatem: unde huic necessario inhiærendum non est, nisi sit communis Doctorum consensus, ac alia meliora Juris fundamenta non suppetant. Porro ut hujusmodi Interpretatio doctrinalis melius fiat, pro ea rite ordinanda communiter solent dari quædam regulæ. Hinc fit

3. CONCL. I. Interpretatio legum potius menti Legislatoris, quam verbis convenire debet. Ita Doctores communiter: nam ut dicitur *L. Scire. ff. Legibus*: *Scire leges non hoc est, verba earum tenere; sed vim ac potestatem.* Et *Regul. 88. Juris in 6.* Certum est, quod is committit in legem, qui legis verba complectens, contra legis nixitur voluntatem.

4. Cæterum mens Legislatoris ex ratione in lege posita præcipue cognoscitur. Hinc *c. Intelligentia de verb. significat.* dicitur: *Intelligentia doctorum ex causis est assumenda dicendi, quia non sermoni res, sed rei est sermo subiectus.* Unde illud vulgatum: *Ratio legis est anima legis.*

5. CONCL. II. Verba generalia legis generaliter sunt accipienda: sive, Jus generaliter & indistincte loquens, generaliter & indistincte est intelligendum, nisi per aliud distinguatur. Ita rursus Doctores communiter. Hinc illud receptissimum,

G

Ubi



Ubi lex non distinguit, neque nos distinguere debemus, prout loquitur Summarium. l. De pretio ff. de Publiciana in rem actione. Intellige, nisi jus illud per aliud distinguatur (quæ limitatio notanter in Conclusionem additur) nam secus est dicendum, quando una lex generalis per aliam specialem, aut per rationis ac circumstantiarum diversitatem distinguitur.

9. CONCL. III. Lex pœnalis, & omnis alia odiosa, in dubio stricte interpretanda est; nec facile extendenda ultra casum & personas expressas. Ita unanimis Doctorum: siquidem juxta reg. 15. juris in 6. Odia restringi, & favores conveniunt ampliari. Et Reg. 49. ead. In penis benignior est interpretatio facienda. Dicitur notanter, in dubio stricte interpretanda est, &c. Quia si verba legis pœnalis, aut alterius odiosæ, ejusque mens adeo clara sint, ut salva ratione recti sermonis non possint aliam interpretationem habere, lex erit observanda, non obstante, quod odiosa & durior appareat: prout inter alia desumitur ex l. Prospexit, ff. Qui & a quibus manumissio. Ibi: Quod quidem perquam durum est; sed ita lex scripta est.

7. Ex hac Conclusionem inferunt Doctores, quod verba legis pœnalis intelligi debeant cum effectu, arg. c. Hac autem verba de pœnit. dist. 2. ibi: Hac autem verba cum effectu accipimus. Sic Excommunicationem in percussores Clericorum latam non incurrit, qui Clericum voluit percutere, sed non potuit, quia voluntas, seu conatus, non punitur sine effectu. Excipe tamen crimen læsæ Majestatis, l. Quisquis. C. Ad legem Juliam Majestatis, & nonnulla alia crimina in Jure specialiter expressa: siquidem quoad talia etiam ipsi conatui, seu voluntati, in opus exterius prodeunti, à Legibus Civilibus, & sacris Canonibus, certæ pœnæ fuerunt decretæ, non obstante, quod ea crimina non fuerint opere externo completa; idque factum est ob summam perniciem, quam Reipublicæ inferre solent.

8. CONCL. IV. Leges favorabiles ample sunt interpretandæ: sive, in materia favorabili verba accipi debent secundum amplam suam significationem. Siquidem juxta citatam reg. 15. juris in 6. Odia restringi, & favores conveniunt ampliari. Intellige, nisi aliud exprimat, vel appareat ex verbis legis, seu dispositionis. Sic in materia odiosa nomine Clericorum non comprehenduntur Episcopi, c. quia periculosum, de sent. excomm. in 6. Neque Canonici, aut alii in dignitate Ecclesiastica constituti, a g. c. Sedes de Rescriptis in 6. Neque Religiosi, arg. Clem. 1. De supplenda neglig. Prælat. cum concordantiis; bene tamen in materia favorabili. Similiter sub nomine Populi in materia pœnali non comprehenditur Clerus, ac proinde interdicto populo non censetur interdictus Clerus, nisi secus fuerit expressum, c. Si sententia de sent. excomm. in 6. tamen in materia favorabili nomen Populi comprehendit non tantum Seculares, sed etiam Clericos, ac Regulares. Idem dicendum de aliis similibus. Quantum nunc attinet ad alteram Quæstionis partem,

9. Quæres, quid sit Epicheja? Resp. Epicheja est benigna legis interpretatio secundum

æquum & bonum, declarans, casum aliquem particularem ex mente Legislatoris ob suas circumstantias speciales sub lege universaliter latâ non esse comprehensum. Nam in omnibus causis potior debet esse ratio æquitatis, quam stricti juris, l. Pla. ut. C. de Judiciis.

10. Differt autem Epicheja ab Interpretatione legis. Siquidem per hanc interpretatur verba legis, quando sunt obscura & ambigua: per Epichejam verò interpretatur mentem Legislatoris, ubi constat de universali verborum sensu, dubitatur autem de mente Legislatoris, utrum nempe is talem casum particularem ob certas circumstantias voluerit, vel posuerit, comprehendere sub generali locutione legis.

11. Et quidem quandoque esse locum Epichejæ in casu aliquo particulari ob certas circumstantias concurrentes, communiter tenent Doctores. Ratio est: quia de iis, quæ forte uno aliquo casu accidere possunt, jura non constituuntur; l. 4. & duabus seqq. ff. de Legibus. Etenim Legislator in lege ferenda communem spectat utilitatem, ac proinde ad id præsertim attendit, quod ut plurimum accidere solet: sed possunt aliqui casus particulares occurrere; & quandoque fortuito, in quibus lex illa generaliter lata deficiat, ita quidem, ut non solum non obliget, sed neque licite servari possit; unde ipsa est tunc corrigenda per Epichejam. Sic enim, si lege Civili cautum sit, ne tempore hostili portæ civitatis aperiantur, nihilominus ex per Epichejam possunt ac debent aperiri, si cives hostium impetum fugientes in civitatem se recipere volunt: & idem in plurimis aliis.

## QUÆSTIO II.

De Dispensatione Legum, & variis ipsam concernentibus.

### SUMMARIUM.

12. Dispensatio quid?
13. Papa dispensat in omni lege Ecclesiastica, non vero Divina.
14. Potest tamen legem Divinam interpretari.
15. Legislator, ejusque successor, dispensat in propria lege.
16. Inferior nequit dispensare in lege superioris, nisi in certis casibus, &c.
17. Corollarium.
18. Dispensatio a Legislatore concessa sine causa, est valida.
19. Sed non licita.
20. An etiam peccet utens tali dispensatione?
21. Irrita est dispensatio concessa sine justa causa ab inferiore in lege superioris.
22. Corollaria.
23. Dispensatio subreptitia obtenta non valet.
24. In dispensationibus clausula, si preces veritate nitantur, vel exprimitur, vel subiungitur.
25. Quomodo Papa censetur dispensare in votis, juramentis, &c. cum tamen hoc obligent jure Divino?
26. Responsio verior. (b) Tract. 6. Dist. 2. n. 23.

12. CONCL. I. Dispensatio est juris communis relaxatio facta cum causâ cognitione ab eo, qui jus habet dispensandi. Ita Glossa



Glossa c. *Requiritis*. 1. quaest. 7. & Doctores communiter.

\* Ex qua descriptione colligitur, quod dispensatio ordinarie sit stricte interpretanda tamquam vulnus Juris, seu a Jure communi exorbitans. *Argum. Reg. qua a Jure. de Reg. Juris in 6.* nec extendenda ultra propriam verborum significationem, ordinarie loquendo. Quod si in dispensatione aliqua verba forent obscura, dubia, vel incerta, attendenda est ipsa supplicatio legislatori, seu Superiori facta; nam Princeps precibus sibi factis se solet accommodare; verba autem conformiter menti Principis interpretanda sunt. *cap. in his de verb. significat. \**

13. CONCL. II. Papa potest dispensare in omni Jure Ecclesiastico, non autem in Lege Divina. Ita omnes Theologi. Ratio est: quia in primis Legislator, vel ejus successor, potest dispensare in propria lege; siquidem ejusdem est ligare, & solvere. E contra vero inferior non potest tollere, aut relaxare legem superioris: atqui Papa, utpote homo, est inferior respectu Dei, ut patet. Et hinc Papa nequit dispensare in praeceptis Decalogi, ut v. g. furtum sit licitum, aut perjurium & hujusmodi.

14. Quo tamen non obstante interdum in Lege Divina, positiva habet locum interpretatio, quod ea ab certas circumstantias hic & nunc per se ipsam obligare cesset; quo modo Judæi interpretati sunt, praeceptum Divinum de Sabbato custodiendo non obligare, sed eis licitum esse pugnare, si ipsis die Sabbati pugna inferatur ab hostibus, ne alioquin citius disperdantur a terra; ut legitur 1. *Machab. cap. 2. vers. 41.*

15. CONCL. III. Quilibet Legislator, aut ipsius Superior vel Successor in jurisdictione, potest cum suis subditis in lege propria dispensare. Ita communis. Ratio: quia obligatio legis humanae inducitur per voluntatem legitimi Superioris praecipientis; ergo etiam per ipsius voluntatem potest auferri: nam *Omnis res, per quamcumque causas nascitur, per easdem dissolvitur*, *cap. 1. de Reg. Juris.*

16. CONCL. IV. Inferior non potest dispensare in lege Superioris, nisi in certis casibus ex permissione Juris, aut delegatione Superioris, sibi facta, vel expresso privilegio, aut legitima consuetudine, ejusmodi potestatem dispensandi obtinuerit. Ita certa, & communis: quia *lex Superioris per inferiorem tolli non potest*; ut dicitur in *Clem. Ne Romani. de Election.*

17. Infertur proinde, quod Episcopus in Jure communi, aut Lege Pontificia nequeat dispensare, nisi hujusmodi potestas dispensandi sibi competat ex permissione Juris communis, vel delegatione Summi Pontificis, sive ex privilegio, aut longeva consuetudine. Quod notanter additur: quia ex hujusmodi capitibus possunt Episcopi ex causa rationabili dispensare circa observationem Festorum, ac jejuniorum totius Ecclesiae, & quoad plura alia, puta circa leviam, vel circa ea, quae frequenter occurrunt, aut quando est necessitas & periculum in mora, ac praeterea recursus ad Summum Pontificem difficilis, &c.

18. CONCL. V. Dispensatio in lege humana, si concedatur sine justa causa a Legislatore, vel ipsius Successore, aut Superiore, valida est, sed non licita. Ita Herinex *disp. 4. de Leg. quaest. 1. num. 14.* Bonacina *disp. 1. de Legib. quaest. 2. punct. 3.* Sanchez, Filliucius, aliique communiter, contra Vasquez & nonnullos alios, qui ejusmodi dispensationem ajunt esse invalidam. Ratio primae partis est: quia obligatio legis pendet a voluntate Legislatoris; ergo si ipse vult aliquem, etiam sine justa causa, eximere ab obligatione legis, valebit ejusmodi dispensatio, seu exemptio.

19. Altera vero pars ex eo patet. Tum quia ejusmodi dispensatio non caret periculo scandalum: tum quia dispensans sine causa, imprudenter utitur sua potestate, & temere eximit partem ab ordine totius corporis; nam *surpis est omnis pars suo universo non congruens. c. Qua contradist. 8.*

20. Addunt multi Doctores, quod non solum peccet Legislator, sine justa causa in propria lege dispensans, sed etiam qui talem dispensationem postulat, aut eadem utitur: quamvis an tale peccatum sit ex genere suo mortale, vel dumtaxat veniale, iidem postmodum inter se variant; & plures velint per se loquendo, ac secluso scandalo, id esse dumtaxat peccatum veniale. Sed verius est, utentem tali dispensatione (sub data limitatione) nullatenus peccare: quia per eam, utpote validam, jam est exemptus a lege, simulque talis habet legitimam causam sese ceteris non conformandi, videlicet dispensationem, prout notat cit. Herinex n. 15. allegans Rodriguez, Navarrum & alios.

21. CONCL. VI. Quod si vero Inferior sine justa causa dispense in lege Superioris, v. g. Episcopus in Lege Pontificia, irrita est dispensatio. Ita communis. Ratio est, quia Inferior non habet potestatem dispensandi in lege Superioris, nisi quatenus ipsi a superiore concessa est facultas dispensandi: atqui non est verisimile, Superiorem velle concedere Inferiori potestatem dispensandi sine justa causa; cum hoc esset in praedjudicium boni communis, simulque talis facultas adversaretur fini legis.

22. Infertur proinde I. Eum, cum quo inferior dispensavit absque justa causa in lege superioris, non posse uti dispensatione: nam dispensatio est invalida, & consequenter ille, cum quo fuit dispensatum, non est exemptus ab obligatione legis.

23. Infertur II. Etiam invalidam fore dispensationem a summo Pontifice, vel ejus Delegato impetratam in Votis, ac Juramentis, si ejusmodi dispensatio impetrata fuit per subreptionem, id est, narrata falsa causa, aut tacita veritate necessario exprimenda. Ratio est: tum quia hic non intervenit justa causa dispensandi, eo quod causa illa non subsistat. Tum quia Deus Ecclesiae Praelatis contulit ejusmodi potestatem dispensandi in aedificationem, & non in destructionem. 2. *Corinth. c. 13. v. 10.* Atqui hoc fieret, si ipsi absque ulla causa possent in Votis, Juramentis, & hujusmodi dispensare; nam id non tam foret dispensare, quam dissipare.

24. Et hac de causa; si Summus Pontifex cum aliquo dispenseret ad factam præviā ejus supplicationem, solent communiter hujusmodi clausulæ in litteris dispensationis addi: *Si ita est, Si pro es veritate nitantur*. Quinimmo licet tales clausulæ expresse non apponantur, semper tamen tacite intelliguntur; prout clare habetur decisum *cap. 2. de Rescriptis*. Et hæc servata proportionē sunt intelligenda de aliis dispensationibus, quæ quandoque impetrantur ab inferioribus Prælati Ecclesiæ, vel Legatis Summi Pontificis, aut (pro Foro conscientię) a Confessoribus tempore Jubilæi, sive aliis habentibus potestatem dispensandi.

\* Ex quo colliges, quod dispensatio sit invalida, si dispensandus in sua supplica alleget causam motivam seu finalem a parte rei falsam, quamvis id etiam bona fide, & ex inculpabili ignorantia faceret, putans, illam causam allegatam esse a parte rei veram. Dixi notanter *causam motivam falsam*: secus enim foret sentiendum, si falsitas contingeret præcisè circa causam impulsivam: ubi nota, quod *motiva*, seu finalis causa vocetur illa, quæ movet actualiter Legislatorem ad dispensandum; *impulsiva* autem, sine qua Legislator quidem seu Superior absolute adhuc dispenseret, sed tamen difficilior. Ita pulcherrime resolvitur *cap. 20. de Rescriptis*, ubi etiam adhuc alia notabilia decisa invenies.

25. Quæres, quomodo sit intelligendum, Papam posse dispensare ex gravi causa in Votis, Juramentis, Matrimonio rato, & hujusmodi; cum tamen obligatio Voti ac Juramenti sit de Jure Divino, prout & Matrimonium Jure divino est indissolubile: Papa autem in Jure Divino nequeat dispensare juxta dicta. Resp. in solutione hujus instantiæ Doctores variare. Nam in primis dicunt aliqui, quos sequitur Fagnanus *in c. Dudum. 24. de Elect.* in hujusmodi casibus Papam proprie non dispensare, sed tantum declarare, seu interpretari, Jus Divinum ob aliquam necessitatem gravem, aut aliam circumstantiam, in illo speciali casu non obligare; prout in simili *num. 14.* dictum est de Judæis interpretantibus præceptum Divinum quoad observationem Sabbati. Verum hæc sententia ex eo non placet: quia in dispensatione Votorum requiritur potestas jurisdictionis, ut constat ex praxi: atqui hæc non requireretur, si tantum interveniret interpretatio Juris Divini, cum hæc solum requirat prudentiam, cujus est actus; idemque liquet ex allato exemplo de Judæis, dictum præceptum Divinum absque alia jurisdictione interpretantibus.

26. Alio modo respondet Sanchez *lib. 2. de Matrim. disp. 24. n. 5. & lib. 8. disp. 6. n. 6.* cum aliis, docens, quod duplex sit Jus naturale Divinum: aliud absolutum: ut de non fornicando, non mentiando; & in hoc Pontifex nullo modo dispensat. Aliud fundatum in actu, vel contractu humano, ut Votum, Matrimonium ratum; & in hoc potest dispensare. Sed tunc non proprie dispensat Papa Jure Divino, tollendo hujus obligationem (Jus enim Divinum est, ut, qui votum habet, id impleat, & hoc semper manet) sed dispensat tollendo obligationis funda-

mentum, quatenus Papa loco Dei remittit jus, vi Voti v. g. Deo acquisitum: quo facto evanescit Juris Divini circa illud Votum obligatio. Et hoc amplius declarat Herinex *disp. 1. de Legibus. quest. 6. n. 54.* Quia (inquit) in dispensatione Votorum tantum concurrat remissio partis, cui facta est promissio: DEUS enim per suum in terris Vicarium remittit, seu condonat jus sibi ex promissione acquisitum: facta autem partis remissione cessat Voti, seu talis promissionis obligatio; quemadmodum etiam alia promissio, sive contractus civilis, non obstante, quod Jure naturæ obliget ad sui impletionem, dissolvitur, atque obligare cessat, parte jus suum remittente. Concordant dicenda inferius (b) explicando conditiones in omni Juramento, & Voto, tacite subintellectas, quarum tertia est hæc: *Nisi is, in cujus gratiam & utilitatem juratum (vel Votum factum) est, obligationem remittat*: hoc enim facto cessabit illius obligatio, cum quilibet suo juri renunciare valeat. Porro praxis impetrandi dispensationes quoad Vota, vel etiam quoad impedimenta Matrimonii reperietur in suis propriis locis, nimirum *Tract. 6. dist. 3. quest. 1. & Tract. 14. dist. 15.*

\* Quæres II. An cesset dispensatio actualiter jam facta, si cessat causa finalis, seu motiva adæquata, & totalis, antequam eadem dispensatio deducatur in usum? Casus potest esse sequens: Bertha extra Matrimonium habuit copulam cum Cajo, suo consanguineo, in quarto gradu, atque exinde genuit prolem, ad quam legitimandam ad instantiam supplicantium actualiter dispensatur per deputatum in Rescripto executores, ut possint contrahere Matrimonium: Interim tamen, antequam hanc dispensationem deducant in usum, seu antequam actualiter contrahant Matrimonium, ipsa proles, cujus legitimatio erat in supplica adducta tamquam unica causa motiva dispensandi, moritur: quæritur jam, An nihilominus prædicti possint contrahere Matrimonium? Ante responsionem suppono, quod causa motiva dispensandi debeat verificari pro tunc, quando actualiter dispensatur, uti cum aliis advertit Covarruvias de Matrim. *part. 2. Tom. 1. cap. 6. §. 9. de dispensat. n. 22.* affirmans, ita esse decisum a Rota. Et hinc, si in dicto casu proles moreretur ante actualem dispensationem, cessaret ipsa dispensatio, nec posset contrahi Matrimonium inter Cajum & Bertham consanguineos. Dubium vero remanet adhuc, si mors proles contingeret post dispensationem jam factam, antequam fuerit Matrimonium actualiter contractum, an etiam tunc cesset dispensatio?

Resp. Et si non a paucis notanter a Castropala *part 1. Tract. 3. disp. 4. punct. 15.* & a Patre Henno *Tract. de Leg. disp. 3. quest. 15. art. 5.* valde probabiliter defendatur, in simili casu, cessante post factam dispensationem causa motiva dispensandi, non cessare dispensationem, sed posse deduci in usum: contraria tamen sententia Thomæ Sanchez *lib. 8. de Matrim. disp. 30. num. 14.* ac plurium aliorum, nec cedit gravitate Auctorum, nec pondere rationum: etenim in actibus adhuc revocabilibus mens dispensantis non videtur se extendere ad illud

tem-

tempus, a quo sine peccato dispensatio non potuit inchoari; atqui non potuit licite & sine peccato inchoari absque aliqua rationabili causa motiva: ergo. Quare loquendo in praxi circa casum superius specificatum, ubi agitur de valore actus, mortua prole post concessam dispensationem ante contractum Matrimonium, pro securitate petatur adhuc dispensatio; quoniam, etsi attendendo ad principia directa sententia Patris Castropalao &c. adhuc sit valde probabilis; attamen contraria est tutior, hincque ubi agitur de valore Sacramenti, uti hic, merito sequenda.

Quod si vero Matrimonium jam fuisset bona fide contractum, & dubium postea primum superveniret, relinquendi sunt in Matrimonio; quoniam ex una parte nec caret Sententia contraria sua probabilitate; ex altera vero talibus conjugibus favet regula possessoria: sicut a pari in aliis casibus, superveniente dubio post contractum Matrimonium, permittendi sunt conjuges in sua possessione. Ita suadet Bosco *part. 6. Theol. Sacrament. disp. 12. sect. 13. Conclus. 4. num 312*. Interea tamen, si etiam tales pro majori quiete adhuc volunt petere dispensationem, haud dubie agent utilissime.

Quæres III. An cesset dispensatio, si causa nova motiva dispensandi cessat, postquam dispensatio jam est deducta in usum? & quidem si pro eo tempore cessat solummodo causa impulsiva, non autem motiva; vel si motiva tantum ex aliqua parte, non ex integro; quod tunc adhuc duret prior dispensatio, est communissima: difficultas tamen adhuc remanet, si apud illas personas particulares dispensatas causa motiva adæquate, & ex integro cessat, an tunc pariter cesset dispensatio? e. g. ponamus, quod quis dispensatus sit ad comedendas diebus jejunalibus carnes ob infirmitatem, aut quoad Horas Canonicas ob oculorum imbecillitatem; quæritur, an talis adhuc sit exemptus a Jejuniis, vel Horis Canonicis, si sanitas, postquam aliquo tempore jam usus est dispensatione, ex integro sit recuperata, & non tantum quis primum incipiat esse in statu reconvalescentiæ. Item si visus denuo perfecte post aliquod tempus redierit? ubi non desunt auctores, qui cum Diana, Salas, & Burghaber affirmativam defendunt, ea ratione persuasi: quia obligatio legis semel per dispensationem extincta non amplius reviviscit, nec, quod destructum est, reproduci-  
tur, nisi ab eo, qui producere potest, id est, nisi Legislator, qui respectu talium personarum mediante dispensatione sustulit Legem, iterum eandem de novo ponat, seu resuscitet volendo, ut hi iterum obligentur. Communior tamen Doctorum distinguit, an per dispensationem cum una, vel altera persona particulari factam redigatur quispiam in statum irrevocabilem, vel num in adhuc revocabilem, nam in primo casu concedit, non cessare dispensationem non etiam cessante causa motiva dispensandi: sic e. g. si in voto simplici Castitatis, vel etiam in impedimento consanguinitatis fuit dispensatum ad contrahendum Matrimonium propter paupertatem sponsæ, non cessat dispensatio, nec opus

est alia nova, si contracto jam Matrimonio femina illa ex donatione v. g. vel hæreditate ad pinguiorem fortunam devenierit; quia Matrimonium, in quo dispensatur, est ex sua natura actus irrevocabilis: nam in hoc sensu verificatur sequens 73. Reg. Jur. in 6. *Factum legitime retractari non debet, licet casus postea eveniat, a quo non potuit inchoari*. Quod si vero actus, in quo dispensatur, est revocabilis, puta in comestione carnis, exemptione a recitatione Breviarii, cessante certo causa motiva adæquate dispensandi, cessaret etiam dispensatio; quia Legislator in actibus revocabilibus censendus est dispensare velle tantum pro eo tempore, quo licite, & sine peccato dispensare potest; atqui etiam in propria lege juxta jam dicta nequit licite dispensare sine causa rationabili: ergo nec censendus est pro eo tempore, quo causa rationabilis non amplius durat, velle dispensare. Aque hæc, quæ dicta sunt de dispensationibus, pariter debent intelligi de aliis gratiis, & privilegiis, quæ concessa sunt contra Jus commune, & in præjudicium Tertiis de quibus vide Jus Canonicum *lib. V. Decret. Tit. XXXIII. n. 185*.

Quæres IV. An per mortem dispensantis cesset dispensatio, posito, quod pro tunc causa motiva dispensandi subsistat? Casus possunt esse varii: e. g. Bertha petit Romæ dispensationem in voto perpetuæ Castitatis ob stimulum carnis; vel Cajus, ut valeat contrahere cum sua consanguinea Cornelia a se imprægnata, & exinde diffamata &c. Papa quidem annuit supplici petito, interea tamen, antequam executioni mandetur illa dispensatio, Papa moritur; Quæritur jam, utrum adhuc dispensatio subsistat, vel an eadem cesset?

Resp. I. Si gratia dispensationis jam actualiter est concessa, vel Jus supplicanti actualiter acquisitum, eadem, durante adhuc causa motiva, non cessat morte dispensantis, quamvis ipsa necdum fuisset executioni mandata: hincque, si fuerit desuper quoque requisita aliqua executio, eandem Executores deputati possunt, immo tenentur etiam post mortem dispensantis facere. Ita clarissime reperitur decisum *cap. 9. de Off. Delegat. in 6*. Atque ex hoc ipso infertur, quod in allegatis superius casibus concessio Papæ non expiret; sed deputati in Rescripto Pontificio Executores debeant illam dispensationis gratiam durante adhuc pro eo tempore causa motiva executioni mandare; quia talis gratia non est facienda, sed jam facta respectu Papæ; cum Orator, seu supplicans vi concessionis Pontificiæ habeat Jus quæsitum, & Executores jubeantur exequi, si preces veritate nitantur.

Resp. II. Si gratia dispensationis primum foret facienda, nec ullum Jus supplicanti acquisitum, e. g. si Papa dixisset, quod cogitet aliquando dispensare &c. tunc re adhuc integra, per mortem dispensare volentis cessat, seu expirat dispensatio, quamvis causa motiva dispensandi perduraret. Ita eruitur ex *cap. si cui nulla §. fin. de Prob. in 6*. Qualiter autem cognoscatur, num aliqua gratia dispensationis sit facta, vel facienda, in dubio eruere poteris ex Jure Canonico *Lib. 1. Tit. III. §. X. \**

## Q U Æ S T I O III.

De Revocatione Legum.

## S U M M A R I U M.

27. *Abrogatio, Derogatio, Irritatio legis quid, & quomodo differant?*
28. *Leges semel latae possunt iustis de causis revocari.*
29. *Quae sint ejusmodi iustae causae?*
30. *Nova lex generaliter lata, tollit priorem contrariam;*
31. *Nisi prior sit specialiter loquens.*
32. *An tollat consuetudines, vel statuta particularia locorum?*
33. *An, & quando cessante causa legis, cessat ipsa lex?*
34. *Declaratur & limitatur data responsio.*

27. **N**otandum, quod haec tria inter se differant, videlicet Abrogatio legis, Derogatio legis, & Irritatio legis. *Abrogatio* quippe legis fit, quando lex totaliter cassatur & tollitur. *Derogatio legis* e contra est, cum lex ex parte solum tollitur, quatenus Legislator unum, vel alterum legis articulum mutat, aut a generali constitutione certos casus speciales excipit; juxta quod *l. Derogatur. ff. de Verb. signif.* dicitur: *Derogatur legi, cum pars detrahitur; abrogatur legi, cum prorsus tollitur.* Tandem *Irritatio legis* fit, quando lex ab inferiori Magistratu constituta, auctoritate Superioris rescinditur, seu irrita & nullius roboris esse declaratur: ut si leges ab Episcopo latae auctoritate Summi Pontificis annullentur, seu irritentur.

28. **CONCL. I.** Leges semel latae possunt de novo iustis de causis revocari, idque potest fieri tum per ipsum Legislatorem, tum per ejus successorem. Ita omnes Doctores, atque constat ex praxi: sic enim multae leges antiquiores tam injure Civili, quam Canonico reperiuntur, quae fuerunt revocatae per alias posteriores; ut taceamus alias Constitutiones tum Pontificias, tum Imperiales, quae iustis de causis per Successores fuerunt revocatae.

29. Dicitur, *iustis de causis.* Quia nonnisi gravi de causa leges, legitima auctoritate conditae, sunt immutandae: siquidem novitates plerumque querelas, & discordias pariunt; ac proinde, uti *l. 3. ff. de Constit. Princ.* notatur, *in rebus novis constituendis evidens esse utilitas debet, ut recedatur ab eo jure, quod diu equum visum est.* Porro iustae causae mutandi legem sunt, si experientia teste constet, legem aliquam, quae a principio sperabatur futura utilis, non expedire Reipublicae: aut si quidem a principio fuerit utilis, postmodum mutatis rerum circumstantiis desinat esse utilis, & communitati conveniens. Leges enim debent juxta exigentiam locorum, temporum, & conditionem personarum constitui: unde juxta horum diversitatem nonnunquam variae eduntur leges, atque etiam priores temperantur, supplentur, & corriguntur per posteriores. Hinc illud vulgatum Canonistarum dictum: *Concorda tempora, & concordabis jura,* arg. c. *Si peccaverit. 2. q. 1. juncta Glossa c. Si Ecclia. Vers. Temporibus 23. q. 4.*

30. **CONCL. II.** Nova lex, seu Constitutio generalis Principis, tollit legem priorem con-

trariam, etiam si de ipsa non faciat mentionem. Ita habetur expressum in jure Canonico *cap. 1. de Constit. in 6.* Accedit ratio: quia Princeps non censetur ignorare legem communem priorem; ergo, dum novam statuit contrariam, aliam ipso facto revocare dignoscitur.

31. Ceterum haec Conclusio intelligenda est de lege priori generaliter lata. Nam in primis lex prior specialiter loquens non tollitur per legem posteriorem generaliter loquentem, sed haec per illam distinguitur: sic v. g. leges generales de testamentis editae, non comprehendunt testamenta ad pias causas, aut testamenta militum, vel alia privilegiata, quia de his habentur speciales leges: idem dicendum de aliis hujusmodi.

32. Insuper ab hac generali doctrina sunt excipiendae rationabiles consuetudines, & particularia Statuta locorum: siquidem per legem generaliter latam non censetur Papa, vel alius Legislator, velle derogare particularibus locorum vel personarum Statutis, aut consuetudinibus rationabilibus, neque eadem revocare, nisi id exprimat. Ita enim habetur expresse decisum *cit. cap. 1. de Constit. in 6.* Quia talia particularia Statuta, & consuetudines locorum, censetur Legislator probabiliter ignorare, unde non videtur velle quidpiam statuere de ipsis, nisi id exprimat. Dicitur notanter, *nisi id exprimat*: nam si Legislator exprimat, velle se derogare etiam particularibus locorum consuetudinibus, aut Statutis, revera etiam istis derogatur. Id autem fit per hujusmodi clausulas in lege appositae: *Nullo obstante consuetudine contraria: sive non obstantibus quibuscumque constitutionibus locorum,* aut hujusmodi.

33. Quaes, an cessante causa legis, lex quoque ipsa cessare videatur? Resp. Cessante causa motiva seu finali legis adaequata, sive in totum, & respectu totius communitatis, cessat etiam obligatio legis, etiam si non adsit aliud decretum, aut revocatio Principis. Ita Doctores communiter. Ratio est: quia *cessante causa, cessat effectus*, prout habetur c. *Cum cessante. de Appellat.* Accedit, quod lex non obliget ultra mentem Legislatoris: atqui Legislator non praesumitur velle obligare ad observantiam legis, quando cessat causa motiva legis adaequata, seu in totum, ac respectu totius communitatis, quia tunc cessaret finis legis: ergo.

34. Dicitur, *cessante causa motiva adaequata, sive in totum.* Quia, si ob plures causas motivas lex condita sit, & una causa cesset manentibus ceteris, non cessat obligatio legis. Sic v. g. cessante una causa, propter quam imposita sunt tributa, non illico cessat obligatio solvendi tributa, si aliae causae eorum perseverent. Et additur, *& respectu totius communitatis*: Quia secus est dicendum, si causa legis cesset solummodo respectu particularis personae, seu in casu particulari. Ratio est: quia lex non respicit singulares tantummodo personas, sed totam communitatem; ergo adhuc manet ejus obligatio, non obstante, quod causa ipsius respectu particularis personae, vel causae cessarit. Quinimo, quando dubitatur, utrum causa legis cessaverit in totum, & respectu totius communitatis, ac per consequens, an cessaverit obli-



obligatio legis, necne, praesumendum erit in favorem legis, & quod adhuc obliget; siquidem in dubio melior est conditio possidentis; atqui in casu lex possidet, cum constet, legem latam esse, & dubitetur de ipsius sublatione; ergo.

\* Dices: juxta doctrinam Quaestione prima numero undecimo traditam potest quandoque fieri Epicheja, quod nimirum ex mente Legislatoris iste, vel ille casus particularis sub Lege non comprehendatur: sed Epicheja non videtur aptiorem habere locum, quam tunc, quando cessat finis legis, seu causa motiva in aliqua persona particulari: ergo. Antequam respondeatur, nota, quod finis legis, seu causa motiva possit cessare, vel contrarie, vel solum negative. Tunc cessat finis Legis contrarie, quando fieret illicitus, vel saltem in aliquo casu particulari ob varias circumstantias specialiter valde difficilis, seu moraliter impossibilis: e.g. si allegata superius quaestione Civibus hostium impetum fugientibus intelligeretur sub generali prohibitione interdictus in Civitatem ingressus, quamvis certo nullum foret periculum, ne simul hostes ingrederentur.

Tunc vero finis dicitur cessare tantum negative, si is quidem non reddatur illicitus, aut moraliter impossibilis, attamen per observationem legis in hac, vel illa persona particulari dictus finis, quem respectu communitatis in Lege ferenda sibi legislator praefigebat, non obtineatur: e.g. in abstinentia a carne diebus veneris, & sabbatinis finis hujus legis est maceratio corporis: ponamus autem, quod unus vel alter dives magis delectetur comestione piscium quam carnis, apud talem particularem personam cessaret finis legis negative. H. N.

Resp. disting. trin. Epicheja videtur habere locum &c. quando finis legis cessat, contrarie concedo; quando tantummodo negative cessat, neque aliunde gravis ratio suadet Epichejam, neque minorem & consequentiam. Unde notanter dictum est praecedenter, quandoque tantum habere locum Epichejam: non enim debemus nobis in similibus nimium blandiri: alias sane allegatus superius dives posset diebus jejunalibus comedere carnes.

Urgebis, juxta jam dicta praecedentis quaestionis, cessante causa motiva seu finali dispensationis in aliqua particulari persona, cessat etiam quoad eandem regulariter dispensatio: ergo etiam cessante causa motiva, ac finali legis in aliqua persona particulari, cessat ipsa lex. Resp. negando consequentiam, & paritatem. Disparitas est; quia ipsa dispensatio data est pro particularibus personis, uti supponitur; & hinc mirum non est, quod cessante in illis causa motiva dispensationis cesset ipsa dispensatio? Contra vero Lex non est lata pro personis particularibus, sed pro tota communitate; hincque non cessat, nisi pariter causa motiva cesset respectu totius communitatis. Quod si etiam loquendo de dispensationibus, ponas aliquem casum, quo conceditur dispensatio pro tota communitate, ibidem ob paritatem rationis de lege similiter admittitur, quod non cesset dispen-

satio, etsi causa motiva dispensandi cesset in una, vel altera particulari persona. e.g. ponamus, quod circa jejunium quadragesimae dispensetur in aliquo oppido ob paupertatem civium cibos jejunaes propter caritativam difficultatem comparantium: In hoc casu etsi unus alterve dives eandem difficultatem in emptione ciborum non pateretur, exinde tamen apud ipsum non cessaret dispensatio, quae facta est pro tota communitate; hincque posset se aliis in dispensatione conformare, quod bene notandum ad solvendo plurimos casus. \*

#### QUESTIO IV.

Quomodo Leges tollantur per contrariam Consuetudinem?

#### SUMMARIUM.

35. Consuetudo sumitur dupliciter.
36. Consuetudo triplex, praeter legem, secundum legem, & contra legem.
37. Lex humana potest tolli per consuetudinem contrariam, rationabilem tamen & legitime praescriptam.
38. Qua consuetudo censetur rationabilis?
39. Solvitur instantia.
40. Consuetudo, quomodo dicatur legitime praescripta?
41. Per consuetudinem contrariam decennio abrogatur Lex Civilis.
42. An decennium pariter sufficiat ad tollendam legem Canonitam?
43. Probatur sententia affirmativa.
- (b) Dist. 1. q. 4. per totum;
44. Solvuntur objectiones.

35. **C**onsuetudo aliis verbis dicitur *jus non scriptum*, ad differentiam legum, seu Constitutionum, quae appellantur *jus scriptum*. Porro generatim Consuetudo dupliciter sumitur; primo pro ipso usu, seu frequentatis actibus alicujus communitatis, & a nonnullis appellatur *Consuetudo facti*; secundo pro ipsomet jure, quod tandem ex ejusmodi diuturno usu, & frequentatis actibus nascitur. Et hoc posteriori modo *Consuetudo* aliud non est, quam jus quoddam moribus constitutum, quod pro lege suscipitur: in qua acceptance sermo nunc est de Consuetudine.

36. Consuetudo generatim sumpta dividitur tripliciter, nempe in eam, quae est praeter legem, secundum legem, & contra legem. *Consuetudo praeter legem* (quae & *juris contraria* dicitur) est illa, quae reperitur in casibus a jure non decisis; unde hujus Consuetudinis vis est, constituere jus novum, ubi nulla lex posita fuit. Ubi tamen ab initio, vel saltem in continuatione requiritur intentio per hos actus inducendi obligationem: in dubio autem probabilius praesumi poterit, hos actus potius ex devotione, quam ex intentione inducendi obligationem processisse; quia libertas est in possessione, neque aliquis praesumitur sibi voluisse onus imponere, nisi de eo sufficienter constet. Suarez hic l. 7. c. 15. n. 13. *Consuetudo secundum legem* est, quae legem jam praexistentem supponit, eamque vel deducit in usum, vel, si ambigua



qua est, interpretatur: & de hac loquitur illud commune dictum: *Consuetudo est optima legum interpret*, c. *Cum dilectus de Consuet.* & L. (quæ & *Desuetudo*, seu *consuetudo legi contraria* dicitur) est illa, qua lex vel usu numquam recepta fuit, vel jam recepta usu contrario denuo tollitur, & abrogatur: & de hac præcipue sermo est in proposito.

37. CONCL. I. Lex humana potest tolli per consuetudinem contrariam, dummodo ea sit rationabilis ac legitime præscripta. Ita omnes Doctores, & habetur expresse *cap. ult. de Consuetudine*, cum concordantiis. Dicitur notanter: *lex humana*: siquidem contra legem naturalem, ac divinam, nulla currit consuetudo, quæ potius dicenda esset corruptela; quinimo *tanto graviora sunt peccata, quanto diutius infelicem animam detinent alligatam*, ut *cis. cap. ult.* notantur. Hinc prava consuetudo pejerandi, blasphemandi, vel fornicandi, nunquam potest tollere legem divinam de non pejerando, blasphemando, aut fornicando.

38. CONCL. II. Ea consuetudo generatim loquendo censetur rationabilis, quæ nec Juri naturali, aut divino adversatur, neque Jure Canonico reprobat, neque peccandi licentiam aut occasionem præbet, neque alia ratione communi utilitati perniciofa est: quæ vero in aliquo horum deficit, censetur irrationabilis, & consequenter numquam potest induci per actus legis contrarios. Ita Layman *lib. 1. tract. 4. c. 24.* & alii.

39. Nec dicas: Omnis lex debet esse rationabilis, & iusta: ergo hoc ipso qualibet consuetudo legi contraria erit irrationabilis, atque iniusta. Resp. enim negando consequentiam; quia nihil impedit, quod lex secundum unam rationem, & in ordine ad certum finem seu respectu fuerit rationabilis, simulque consuetudo eidem contraria secundum aliam rationem, ac sub diverso respectu ac fine, etiam sit rationabilis: sicut enim duæ contrariæ leges solent pariter esse rationabiles, prout videre est in mutatione, seu revocatione legum.

\* Urgebis: Actus consuetudinis contra Legem sunt irrationabiles: ergo etiam ipsa consuetudo, quæ ex his actibus generatur. Consequentia videtur patere ab exemplo; sic enim, si actus blasphemandi sunt irrationabiles, etiam consuetudo blasphemandi ex his generata censetur irrationabilis. Antec. vero probatur: actus introducentes consuetudinem possunt esse peccaminosi, cum valeat introduci consuetudo contra Legem per actus etiam formaliter peccaminosos, uti tenent Baldus, Sanchez, Diana, Lugo, Hostiensis, Jason, Joannes Andreas, Haunoldus &c. Sed actus formaliter peccaminosi sunt utique irrationabiles; cum nullum peccatum sit rationabile; ergo. Resp. Inprimis non deesse Auctores, qui, etsi concedant, per actus materialiter peccaminosos posse introduci consuetudinem; id tamen negant de actibus formaliter peccaminosis. Et ita defendunt Layman, Azorius, Engel, Henno, Felix Potestas & alii. Nihilominus, quia ex Jure Canonico

L. 1. *Decret. Tit. 4. §. V. num. 243.* cum superius allegatis Doctoribus admittitur, posse per actus formaliter peccaminosos constitui legitimam consuetudinem, ideo aliter

Resp. II. Concessio antec. negando consequentiam; nam quoad actus præcedentes ipsam consuetudinem Juris necdum adest consensus legalis ipsius Legislatoris; hincque hi actus scienter contra legem, & voluntatem legislatoris exerciti sunt formaliter peccaminosi, & consequenter irrationabiles; econtra vero habita ipsa consuetudine cum suis legitimis conditionibus, adest dictus consensus legalis, & actus post eandem elicti non amplius erunt formaliter peccaminosi, & consequenter nec irrationabiles. De exemplo autem adducto circa blasphemias negatur paritas: quia ibidem juxta jam dicta nec in actibus præcedentibus, nec in ipsa consuetudine exinde generata (quæ tantum est facti, non juris) adest consensus legalis supremi legislatoris, sicuti quoad nostrum propositum habetur in pura lege humana, dummodo dicta consuetudo fuerit tempore legitimo continuata. *Argum. cap. fin. de consuetudine.* \*

40. CONCL. III. Consuetudo dicitur legitime præscripta in tantum, quatenus tempore a legibus definito est continuata. Ita communis. Ratio est: quia consuetudo legitime præscripta idem est, ac usus longævus, seu longa consuetudo, prout patet ex c. *Consuetudinis*, & *cap. ult. de Consuet.* cum concordantiis. Quod ut magis intelligatur,

41. Quæres, quantum temporis requiratur, & sufficiat, ut consuetudo censetur legitime præscripta, ita ut legem aboleat? Resp. I. Ad consuetudinem contra legem Civilem Principe ignorante inducendam requiritur, & sufficit decennium. Ita communis. Ratio est: quia consuetudo, ut derogat legi Civili, debet esse longa, quæ & sufficit, *arg. L. 1. C. Qua sit longa consuetudo*: atqui per longam consuetudinem intelligitur illa, quæ decennio duravit; nam decennium in Jure vocatur longum tempus, l. *Super longi C. de Prescript.* ibi: *Super longi temporis prescriptione, qua ex decem annis introducitur.*

42. Resp. II. Loquendo de Legibus Ecclesiasticis, seu Canonicis, quamvis multi Doctores distinguendum censeant inter legem receptam, & numquam receptam; & hanc quidem decennio per contrariam consuetudinem tolli concedant, ad illam autem tollendam requiri quadraginta annos, asserant: ut voluit Ludov. Engel *tit. de Consuetud. n. 15.* Layman, *lib. 1. tract. 4. cap. 3. n. 4.* Navarrus, Zoebus, & alii plures. Nihilominus probabilius videtur, Jurique conformius, non esse opus memorata distinctione, sed generaliter ad abrogandam quamcumque legem Ecclesiasticam vi contrariæ consuetudinis, rationabilis tamen, sufficere decennium. Ita Lessius *lib. 2. de just. & jure, cap. 6. num. 36.* Pirhing. *tit. de Consuetud. n. 39.* Christoph. Haunold, *tract. 1. cap. 2. Contrav. 2. n. 130.* Sannig *distinct. 4. de Legibus, quest. 1. n. 5.* & innuit Herinex *disp. 3. de Legibus quest. 16. n. 217.*

43. Ratio hujus posterioris sententiae est: quia, ubi Jus non distinguit, neque nos distinguere debemus: sed Jus nullibi distinguit inter legem Canonica[m] usu receptam, & non receptam; ergo. Deinde cum acceptatio populi non requiratur ad intrinsecam constitutionem legis humanae, ut dictum est superius, (c) parum refert, num lex Pontificia sit aliquando recepta, nec ne; cum utraque jam habeat suam intrinsecam, & substantialem firmitatem ac robur obligandi. Confirmatur eadem sententia; quia non est inducenda discrepantia inter Jus Civile & Canonicum, ubi non habetur expressa dispositio Juris in contrarium, *arg. c. 1. De novi operis nunciis*, atqui ad abrogandam legem Civilem per contrariam consuetudinem sufficit decennium, ut dictum *num. 41.* & in Jure Canonico quoad hoc non reperitur expressa dispositio in contrarium; ergo.

44. Nec obstat, quod *c. Auditis, de Praescript.* &c. *Cum Ecclesia, de Causa poss.* & alibi, ad praescribendum contra bona, & jura Ecclesiastica requiratur spatium quadraginta annorum. Resp. enim, ibi sermonem esse de praescriptione contra bona immobilia Ecclesiarum, atque earum jura, utpote quae sunt instar bonorum immobilium; prout desumitur ex ipsomet textu: non autem de praescriptione contra leges Ecclesiasticas, sive Pontificias. Alioquin enim, cum contra Romanam Ecclesiam non currat nisi sola centenaria praescriptio, *c. Cum vobis de Praescript.* & alibi, leges Papales non nisi centenaria praescriptione, seu consuetudine in contrarium abrogari possent; quod est contra communem Doctorum.

\* Quaeres I. An, si Legislator humanus decernens legem velit, quod haec valeat *non obstante consuetudine contraria*, vel *nulla obstante consuetudine*, an (inquam) nihilominus talis lex possit tolli per consuetudinem contrariam? Resp. probabilius affirmative, nisi talis consuetudo reprobe-

tur tamquam corruptela, seu velut irrationabilis. Ratio est; quia legislator per similes clausulas censetur solum improbare consuetudines praesentes contrarias, si quae existerent: non autem prohibet per easdem introductionem consuetudinis in futurum.

Et ita tenent Glossa, Abbas, Cardinalis Tuschus, Covarruvias & alii citati in Jure Canonico *Lib. I. Decret. Tit. IV. §. VIII. num. 116.*

Quaeres II. Quando consuetudo semel contra aliquam legem legitime introducta censetur iterum abrogata? Resp. I. Consuetudines locorum particularium per legem contrariam non censentur abrogatae, si nulla adsit clausula abrogatoria. Ita communis. Ratio est: quia, sicut legislator particularia locorum statuta, ita & particulares locorum consuetudines censetur ignorare, adeoque nec velle sub lege generali contraria comprehendere earum revocationem, nisi exprimat per aliquam clausulam derogatoriam. Respond. II. Si legi generali contrariae annexa sit clausula derogatoria: e. g. *nulla obstante contraria consuetudine &c.* tunc praesentes consuetudines exinde censentur abrogatae. Ita communis, & ratio est; quia alias dicta clausula derogatoria nullum haberet effectum, prout patet consideranti, & eruitur ex jam dictis praecedente quaesito. Resp. III. Valde probabiliter tamen per dictam clausulam derogatoriam, legi generali contrariae annexam non abrogatur praexistens consuetudo immemorialis, id est, illa, cujus determinatum initium memoriam hominum excedit. Ratio est; quia, ut illa, tamquam alias specialiter privilegiata, censetur sublata, videtur requiri, ut de eadem etiam fiat specialis mentio, prout subinde contingit, addendo legi contrariae sequentem clausulam: *non obstante quacumque consuetudine, etiam immemoriali &c.* Et ita teste Fagnano decrevit S. Congregatio, prout totum hoc videre poteris fufius in Jure Canonico *Lib. Decret. Tit. 4. §. per totum.* \*

## TRACTATUS III.

### DE PECCATIS.

1. **P**ostquam visum est de Actibus Humanis generatim, nec non & de Conscientia, utpote Regula proxima eorumdem, simulque de Legibus, quae sunt Regula remota atque extrinseca ipsorum; merito subjungitur praesens Tractatus de Peccatis, utpote quae fiunt per recessum a memoratis actionum nostrarum Regulis, iplaque Lege Divina. Nam, ut inquit D. Ambrosius *lib. de Paradiso, cap. 8.* *Quid est peccatum, nisi praevaricatio legis Divinae, & caelestium inobedientia praeceptorum?* Prout id ipsum uberius declarabitur in progressu.

#### DISTINCTIO I.

De diversitate, & distinctione Peccatorum.

#### QUESTIO I.

Qua ratione Peccatum dividatur?

#### SUMMARIUM.

1. Ratio ordinis.
2. Peccatum generalissimum.  
*Peccatum artis, & naturae.*
3. Peccatum animi, quid?
4. Peccatum ut sic dividitur.
5. I. Ratione diversa originis, in peccatum originale, &
6. Peccatum personale, quid?
7. II. Ratione objectorum, in peccata carnalia, &
8. Pec-

H

8. *Peccata spiritualia, quæ?*
9. *Avaritiæ numeretur inter peccata spiritualia?*
10. III. *Ratione legis violata, dividitur peccatum in peccatum commissionis, & omissionis, quid?*
11. *Præceptum aliud affirmativum, & aliud negativum; & quomodo differant?*
12. IV. *Ratione diversæ radicis, dividitur peccatum in peccatum ex ignorantia.*
  - (a) *Ut dictum tract. I. dist. I. n. 42.*
13. *Peccatum ex passione, seu infirmitate, &*
14. *Peccatum ex malitia, quid?*
15. *Peccatum actuale, & habituale.*

2. **N**on loquimur hic de peccato generalissime sumpto, ac prout non solum reperitur in anima seu moribus, sed etiam in arte & natura, in qua acceptione generalissima peccatum definitur a S. Augustino, lib. 2. *De consensu Evangelistarum*, cap. 4. dicendo: *Peccatum est transgressio legis*. In hoc enim sensu etiam artifex dicitur peccare, quando errat in opere suo, illud non faciendo juxta regulas artis; & vocatur *Peccatum artis*; sicuti & natura tunc dicitur peccare in suis effectibus, quando producit monstra; & appellatur *Peccatum nature*. In proposito non est sermo de peccato artis, vel nature; sed solum peccato animi, seu in actibus moralibus commissio.

\* Potest autem illud peccatum animi considerari, vel quatenus est disconveniens creature rationali, vel quatenus est offensivum Dei, & inductivum pænæ. Sub prima consideratione vocatur a nonnullis peccatum Philosophicum; in secunda autem peccatum Theologicum. Porro regulariter saltem & ordinarie loquendo non datur purum peccatum Philosophicum, quin concurrat Theologicum; quia saltem ordinarie, ac regulariter, quando apprehenditur peccatum, ut disconveniens creature rationali, etiam occurret aliquo modo tamquam displicens Deo; adeoque jam aderit simul peccatum Theologicum & offensa Dei.

Atque propterea, dum aliqui Theologi verbis generalibus & quasi indiscriminatim peccatum Theologicum a Philosophico separare voluerunt, ab Alexandro VIII. tamquam scandalosa, temeraria, piarum aurium offensiva & erronea rejecta est sequens propositio: *Peccatum Philosophicum, seu morale, est actus humanus disconveniens nature rationali & rectæ rationi: Theologicum vero & morale est transgressio liberæ Legis Divinæ, Philosophicum quantumvis grave in illo, qui Deum vel ignorat, vel de Deo actu non cogitat, est grave peccatum, sed non est offensa Dei, neque peccatum mortale dissolvens amicitiam Dei, neque æterna pœna dignum*. Hæc propositio, uti jacet, utique est erronea; quia, si quis Deum ignorat, vel de eo, dum peccat, non cogitat, id fit saltem ordinarie vincibiliter, & culpabiliter, & consequenter, si tunc graviter peccat, eo ipso etiam committit offensam Dei, sicque peccatum Theologicum. Vide de hoc fusius Auctores, qui scribunt in Propositiones damnatas: non enim vacat hære diutius in Peccato Philosophico, cum in præ-

senti potius respiciatur ad peccatum Theologicum, prout consideratur in ordine ad tribunal Pœnitentiæ, in quo sensu sit \*

3. CONCL. I. Peccatum animi generatim aliud non est, quam aliquid denominans naturam intellectualem Deo displicentem, inducentemque in anima reatum alicujus pænæ; prout amplius explicabitur in sequentibus.

4. CONCL. II. Peccatum ut sic varie dividitur. Patet hoc inductione. Nam I. Ratione diversæ originis, dividitur Peccatum in originale, & personale: ex quibus personale subdividitur in actuale, & habituale; quorum utrumque denuo subdividitur in mortale, & veniale.

5. *Peccatum originale* dicitur illud, quod trahitur a primo parente nostro Adamo per carnalem propagationem: siquidem juxta illud Apostoli Rom. 5. *Per unum hominem peccatum in hunc mundum intravit, & per peccatum mors; & ita in omnes homines mors pertransiit, in qua omnes peccaverunt*. Quod de peccato originali est accipiendum, prout communiter docent SS. Patres & Theologi, ipsumque Concilium Trident. Sess. 5. in Decreto de Peccato originali.

6. *Peccatum personale* est illud, quod a propria cujusque voluntate contrahitur, atque a propria (ut ita dicam) cujusque persona committitur; unde & *Personale* appellatur. Et tale est quodlibet peccatum a nobis commissum, solo peccato originali excepto, utpote quod voluntate propria non commissus, sed a primo parente nostro Adamo commissum per naturalem propagationem ab eo derivatam contraximus. Quidnam autem sit peccatum actuale & habituale, mortale & veniale, dicitur infra fusius in propriis Quæstionibus.

7. II. Ratione objectorum, circa quæ versantur peccata, & a quibus actiones desumunt suam specificationem, dividuntur peccata in carnalia, & spiritualia, juxta illud Apost. 2. *Corinth. cap. 7. Mundemus nos ab omni inquinamento carnis & spiritus*, & alibi. Porro *Peccata carnalia* sunt ea, quæ in concupiscentia carnis, seu in inordinata delectatione carnali consistunt: qualia sunt Gula, & Luxuria, & diversæ peccatorum species ad hæc duo peccata reducibiles.

7. *Peccata spiritualia* dicuntur ea, quæ in concupiscentia seu inordinata delectatione spirituali perficiuntur, & consummantur: qualia sunt Superbia, inanis Gloria, hujusmodi. Immo D. Gregorius lib. 31. *Moral. cap. 31.* inquit, quod capitalium Vitiatorum quinque sunt spiritualia, videlicet Superbia, Invidia, Ira, Avaritia, & Acedia: duo vero carnalia, videlicet Gula seu ventris ingluvies, & Luxuria.

Nec obstat, quod Avaritia versetur circa objectum corporale, nempe circa pecunias; ac proinde non videatur esse Peccatum spirituale. Resp. enim cum D. Thoma 1. 2. q. 7. 72. 4. 2. quamvis res, in qua delectatur avarus, corporale quoddam sit, & quantum ad hoc connumerari possit Peccatis carnalibus; quia tamen ipsa delectatio non pertinet ad carnem, sed ad spiritum, ideo S. Gregorius dixit, Avaritiâ esse

esse Peccatum spirituale: nam finis peccatorum carnalium est delectatio carnis.

10. III. Ratione legis violatz, Peccatum ut sic dividitur in peccatum commissionis & omissionis. Per *Peccatum commissionis* intelligitur id, quod fit contra præceptum negativum, seu contra legem, quidpiam fieri prohibentem: ut est Adulterium, Homicidium & hujusmodi; nam pugnant contra illa Præcepta Decalogi, *non machaberis, non occides, &c.* Peccatum omissionis e contra dicitur illud, quo violatur præceptum affirmativum, sive lex quidpiam fieri præcipiens: ut est omissio Missæ die Festo, & hujusmodi. Unde patet, quod peccatum commissionis opponatur præcepto negativo, peccatum vero omissionis præcepto affirmativo, ac proinde, quod hæc peccati divisio desumatur a lege, quæ violatur. Pro cujus clariori intellectu

11. Notandum, quod lex, seu præceptum aliud sit affirmativum, aliud negativum. *Præceptum affirmativum* est, quo præcipitur, ut fiat aliquid certo tempore: quale est illud Decalogi, *Memento, ut diem Sabbati sanctifices.* Item illud: *Honora patrem tuum, & matrem tuam.* Porro *Præceptum negativum* est, quo prohibetur aliquid, ne fiat; ut illud, *non machaberis, non occides, &c.* Est autem inter hujusmodi præcepta, seu leges, notabile discrimen: nam præceptum affirmativum obligat quidem semper, sed non pro semper, id est, obligat non pro omni, sed pro certo tantum & determinato tempore: sic enim non omni tempore, sed solum die Festivo tenemur audire Missam, item tenemur honorare parentes, tempore opportuno ipsis deferendo honorem, eisque succurrendo in necessitate constitutis. E contra Præceptum negativum obligat semper & pro semper, seu pro omni tempore: quia nullo prorsus tempore licitum est machari, aut absque legitima auctoritate occidere hominem.

12. IV. Ratione diversæ radicis, ex qua procedit, dividitur peccatum ex ignorantia, ex passione, ac ex malitia. *Peccatum ex ignorantia* dicitur illud, quod ex ignorantia vincibili procedit. Dicitur, *ex ignorantia vincibili*: quia quod ex ignorantia invincibili fit, omnino involuntarium censetur, ac proinde peccatum non est. (a)

13. *Peccatum ex passione*, seu infirmitate est, quod ex gravi motione appetitus sensitivi originem ducit, trahentis voluntatem ad consensum: quale est, si quis gravi tentatione victus tandem succumbit peccato. Et tale dicitur etiam *peccatum ex infirmitate*, eo quod ex infirmitate conditionis humanæ proveniat, cum naturale sit voluntati, ut condelectetur motibus appetitus sensitivi, ob fomitem peccati ex peccato originali derelictum.

14. Tandem *peccatum ex malitia* est, quod absque ignorantia, vel passione quadam præcedente, committitur ex plena libertate, seu prava voluntate operantis, juxta illud Job c. 34. *Qui quasi de industria recesserunt a DEO.* Ex hujusmodi peccatum ex mera malitia commif-

sum (cæteris paribus) est gravius, quam peccatum ex passione.

15. Inter alias autem peccati divisiones celeberrima est illa, qua peccatum dividitur in actuale, & habituale; circa quam quia plura occurrunt dicenda, hinc ea duabus sequentibus Quaestionibus expeditur, prius tamen agendo de peccato actuale, & postea de habituali.

## QUÆSTIO II.

Quid sit peccatum actuale, & quæ ejus causa?

### SUMMARIUM.

16. *Peccatum actuale, quid?*
17. *Et quomodo definiatur?*
18. *Solvitur objectio.*
19. *In peccato actuale duo consideranda, materiale scilicet & formale, quid?*
20. *Peccatum actuale formaliter non consistit in positivo, sed privativo.*
21. *Alia ratio Conclusionis.*
22. *Solvitur instantia.*
23. *Deus non est causa, & auctor peccati.*
24. *Deus concurrat ad materiale peccati, non tamen ad ejus formale.*
25. *Deus, quomodo dicatur hominem indurare, excæcare, &c.*
26. *Alii modi, quibus dicitur Deus hominem indurare, excæcare, &c.*
27. *Causa propria & interna peccati est sola voluntas creata.*
28. *Dantur etiam causæ externa peccati, quæ?*
29. *Alia circa peccatum actuale remissio.*

16. **P**ER Peccatum actuale intelligitur actualis transgressio legis Divinæ: unde tunc committitur peccatum actuale, quando actualiter violatur lex Divina, sive deinde id contingat elicendo actum a lege prohibitum, sive omittingdo præceptum. Tale peccatum actuale v. g. fit, dum quis actu mentitur, vel actu occidit hominem, aut actualiter omittit auditionem Missæ die Festo. Et de hoc loquendo fit

17. **CONCL. I.** *Peccatum actuale* bene definitur cum D. Augustino lib. 22. contra Faustum, cap. 27. dicendo: *Peccatum est dictum, vel factum, vel concupiscitum contra legem Dei.* Dicitur primo, *dictum, factum, vel concupiscitum*, ad indicandam triplex peccatum, videlicet cogitationis, oris, & operis. Dicitur ulterius, *contra legem Dei*: nam quamvis etiam detur transgressio legis humanæ, sive Ecclesiasticæ, sive Civilis; hæc tamen non aliter est peccatum, nisi quia est contra legem DEI, volentis ac præcipientis, ut nostris legitimis Superioribus quidpiam juxta præcipientibus obediamus, prout patet ex quarto Præcepto Decalogi, & alibi sæpe.

18. Si dicas objiciendo contra hanc conclusionem: Allata definitio non convenit peccato actuale omissionis; ergo non est bona. Probatur antecedens: quia omissio actus præcepti, v. g. auditionis Missæ die Festo, nec est dictum,



nec factum, nec concupitum contra legem Dei, sed potius libera omnium trium omissio; ergo. Resp. negando antecedens, ejusque probationis consequentiam: quia enim *affirmatio & negatio reducuntur ad idem genus*, ut communiter notant Doctores; hinc in allata definitione sub *dictum, factum, &c.* etiam horum negationes intelliguntur, id est, *non dictum, non factum, contra legem Dei*.

19. Pro resolutione sequentis Conclusionis notandum breviter, quod in peccato actuali commissionis duo considerari possint, materiale scilicet & formale. *Materiale peccati* (quod alii *Substratum peccati* appellant) est ipsemet actus positivus hominis, quo perpetratur peccatum. *Formale vero peccati*, est privatio, seu carentia rectitudinis debitæ inesse illi actui, quæ nempe rectitudo, seu conformitas ad legem Divinam, deberet hic & nunc inesse actui humano, & non inest: & in hac carentia rectitudinis debitæ actui, consistit ratio formalis peccati, seu peccatum formaliter sumptum. Sic in peccato homicidii, materiale, seu substratum hujus peccati, est extensio manus, ac elevatio gladii erga hominem occidendum: formale vero est privatio debitæ rectitudinis, seu conformitatis ad legem Divinam, quatenus illa elevatio manus, percussioque fit contra prohibitionem legis Divinæ, volentis, ne homo injuste occidatur: ac proinde actus ille caret sua debita rectitudine, seu conformitate ad legem Dei, quam habere debet quilibet actus humanus. Et hoc idem fit in aliis peccatis actualibus commissionis, ac suo modo etiam in peccatis omissionis: quo prænotato sit

20. CONCL. II. Peccatum actuale formaliter acceptum non consistit in positivo, sed privativo; id est, in carentia seu privatione debitæ rectitudinis, seu conformitatis ad legem Divinam. Ita Doctor subtilis 2. dist. 37. q. 1. cum suis (excepto Pontio) D. Bonaventura 2. dist. 37. art. 2. q. 1. Alensi, & pluribus aliis, contra non paucos Theologos oppositum tenentes. Conclusio hæc sequitur in primis ex præcedenti Notando. Accedit auctoritas D. Augustini, qui super illud Joannis, cap. 1. *Sine ipso factum est nihil*: per *Nihil* intelligit peccatum, atque ait: *Manifestum est, quia peccatum nihil est*: ergo hoc nequit consistere in Positivo. Probatur deinde Conclusio ratione: quia, si peccatum formaliter consisteret in positivo, sequeretur, quod Deus per se & directe esset causa peccati: sed consequens est falsum; ergo. Probatur sequela: Quia omne ens positivum per se & immediate efficitur a Deo, utpote sine cujus immediato concursu nulla causa secunda potest operari, aut aliquid efficere, ut magis ostendi solet in Philosophia.

21. Confirmatur hoc ex definitione peccati supra ex D. Augustino relata: nam in ea *dictum, factum, concupitum*, denotat materiale peccati: *contra legem Dei*, denotat formale peccati: atqui esse contra legem Dei, importat aliquid privativum, videlicet carentiam debitæ rectitudinis, seu conformitatis ad legem Divinam, quæ deberet inesse actui humano, & non inest; ergo.

22. Nec dicas: Homicidium, Blasphemia, & hujusmodi, sunt peccatum, ut patet: sed Homicidium, Blasphemia, &c. consistunt in positivo; ergo peccatum consistit in positivo. Respond. enim distinguendo minorem, sed Homicidium, Blasphemia, consistunt in positivo, si sumantur pro materiali, seu substrato peccati, conceditur; si sumantur pro formali, negatur minor, & consequentia. Sic enim consistunt in privativo, nempe in privatione debitæ rectitudinis, seu conformitatis ad legem Divinam, quæ deberet inesse actui, & non inest: & hinc Homicidium in bello justo, vel auctoritate publica erga malefactores factum, non est peccatum, eo quod hic non interveniat illa privatio conformitatis ad legem; quamvis quoad cetera in justa, & injusta hominis occisione, sint omnia æqualia. Verum de hoc plura in Theologia speculativa.

23. CONCL. III. Quamvis peccatum aliquam causam habeat (eo saltem modo, quo privationes dicuntur habere causam) Deus tamen non est causa, & auctor peccati. Hæc Conclusio est de Fide certa, contra nonnullos Hæreticos. Ratio in primis est: quia peccatum cum sit malum omnium maximum, quod & aversio a Deo tamquam ultimo Fine, repugnat infinitæ Sapientiæ, Justitiæ, & bonitati Dei; unde is peccatum gravissime, & sub interminatione æternæ damnationis prohibuit. Accedunt clarissima Sacre Scripturæ testimonia, ut *Psal. 5. Non Deus volens iniquitatem tu es*, Sapient. 14. *Odio sunt Deo impius, & impietas ejus*; & alibi sæpe.

24. Nec obstat I. Quod Deus concurrat physice, ac immediate ad substratum & materiale peccati, puta ad elevationem manus in actu homicidii. Resp. enim: licet Deus, tamquam causa prima & universalis, concurrat positive ad substratum seu materiale peccati, ut omnes faterentur; non tamen concurrat ad ipsius actus defectum, id est, ad privationem debitæ rectitudinis, seu conformitatis ad legem Divinam, in qua privatione consistit ratio formalis peccati. Hanc enim Deus solum permittit, quatenus hominem a rectæ rationis regula libere deviantem non impedit, ne tollat ejus libertatem; ac proinde vi pacti sui generalis desinendo causas secundas motus suos agere, permittit de facto hominem agere, quidquid vult, quem tamen, si peccaverit, nec poenituerit, suo tempore severissime est judicaturus, ac puniturus.

\* Nec refert, quod privatio illa debitæ rectitudinis ex ipso materiali substrato peccati contra legem posito exurgat necessario absque novo alio concursu: nam hoc non obstante Deus ad materiale peccati concurrens adhuc nonquit dici causa peccati formalis, quia illa privatio debitæ rectitudinis non resultat ex materiali peccati, ut istud est effectus Dei, sed præcise ut est effectus causæ secundæ libere.

Ratio hujus est; quia Deus concurrendo ad esse materiale peccati, e.g. ad motum gladii, agit conformiter suæ legi generali, qua statuit, se concurrurum ad motus causarum secundarum;



Et contra causa secunda libera deliberate agens concurrir ad esse materiale peccati difformiter Legi divinæ, prohibenti motum gladii ad occidendum proximum; unde tunc privatio debite rectitudinis surgit ex materiali substrato peccati non prout est Dei sed creaturæ effectus. \*

25. Nec obstat II. Quod Deus in S. Scriptura quandoque legatur hominem indurare, excæcare, & huiusmodi: ut *Exod. 7. Ego indurabo cor Pharaonis. Isaia 6. Excæca cor populi huius*, & alibi. Resp. enim cum communi Theologorum, huiusmodi S. Scripturæ loca non esse intelligenda de actione positiva, ita quod Deus immitat errores, aut duritiam in cor peccatoris, ut explicant nonnulli Hæretici (hoc enim repugnat citatis, & aliis pluribus Sacræ Scripturæ testimoniis) sed ea in primis quoad Deum esse intelligenda permissive, sive quatenus is iusto suo iudicio permittit peccata: Deus enim, partim ut salva remaneat homini peccatori sua libertas, partim ut nonnumquam uno peccato libere ab aliquo eliciendo puniat aliud, partim ut homines iusti per malos quandoque exerceantur, partim ob alia sua imperferabilia iudicia, permittit homines male agere, occasione cuius hi subinde in peccatis magis indurantur, atque ad bonum faciendum excœcantur.

26. Deinde dicitur Deus hominem indurare, excœcare, &c. subtrahendo specialiora gratiæ actualis auxilia. Deus enim iusto suo iudicio, ac in pœnam præsertim priorum peccatorum, subtrahit homini, in peccatis inveterato, non quidem omnia, sed solum specialia & uberiora gratiæ actualis auxilia; sine quibus ille posset quidem bene agere, prævidetur tamen a Deo non bene operaturus, idque ob propriam suam malitiam, & perversam voluntatem. Ulterius alio modo dicitur Deus excœcare hominem, occasione videlicet, sive inscrutabili suo iudicio aliquid ponendo, vel removendo, ex cuius positione, vel remotione, sumit homo ex propria malitia occasionem peccandi: ut quando respiciens ad munera Abel, præbuit occasionem Cain ad amulationem, ipsumque fratricidium (nam hoc posse Deum facere, non quidem ex primaria intentione peccati, sed aliis de causis, certum est; cum etiam homo in certis casibus licite possit aliquid facere, vel omittere, non obstante, quod prævideat, proximum inde accepturum occasionem peccandi) vel quando patienter & longanimitè fert iniquitates, qua patientia abutentes peccatores sumunt maiorem peccandi licentiam, sicque dantur in reprobum sensum.

27. CONCL. IV. Causa propria, & interior peccati, est sola voluntas creata deficiens a recta regula morum in operationibus liberis. Ita certa omnium Ratio est: quia voluntas libera est debitor, ut omnem actum suum, sive elicitum, sive imperatum, eliciat conformiter legi Divinæ; ergo hoc non faciendo peccat, sique est causa propria peccati.

28. Dicitur notanter, *causa propria, & interior peccati*. Nam dantur etiam causæ exteriores peccati: ex quibus in primis est Diabolus, qui

incitando, & tentando homines, est causa moralis inductiva peccati. Accedunt Mundi & Carnis illecebræ, ut patet: immo nonnumquam unus homo est alteri causa peccati; præterea etiam potentia exteriores sunt sæpe voluntati causa, seu potius occasio peccati. Adhuc tamen hæc omnia non sufficiunt ad peccatum, nisi voluntas libere consentiat; & alloquin potius præbent homini iusto atque in certamine constanti, ansam victoriæ, meritiq; & augmenti gratiæ & gloriæ coelestis.

29. Alia plura, quæ concernunt Peccatum actuale, partim colligi possunt ex dictis supra *Tract. 1. Dist. 2.* partim amplius patebunt ex dicendis, præsertim ubi ageatur de *Peccato mortali & veniali*.

### QUÆSTIO III.

#### De Peccato Habituali.

#### SUMMARIUM.

30. *Post actum peccati remanet aliquid in homine, unde is denominatur peccator.*
31. *Quod in S. Scriptura dicitur, Macula.*
32. *Peccatum habituale, quid?*
33. *Illud qua tale non addit novam malitiam.*
34. *Tamen per accidens, seu ratione alterius præcepti, quod violatur, quandoque novum peccatum committitur.*
35. *Post transactum actum peccati mortalis plura eveniunt in homine; qua?*
36. *Reatus pœne, & reatus culpe, quid? Sententia Scotistarum.*
37. *Hæc sententia nulli subjacet censura.*
38. *Solvitur obiectio.*  
*Peccatum habituale cur potius consistat in reatu culpe quam privatione gratiæ?*

30. **C**ertum est apud omnes, & indubitatum, post actum peccati physice jam præteritum, adhuc hominem manere peccatorem: atque adeo aliquid in eo relinqui, per quod in esse peccatoris constituitur, & a quo denominatur peccator, quousque per veram pœnitentiam consequatur remissionem ipsius. Patet hoc ex S. Scriptura passim, ut ex illo *Luce 7. Mulier, quæ erat in civitate peccatrix. Matth. 9. Publicani, & peccatores venientes discumbebant cum JESU. Rom. 5. Cum adhuc peccatores essemus;* & alibi passim.

31. Hoc autem, a quo post transactum actum peccati denominatur quis peccator, vocatur in S. Scriptura *Macula*; ut *Jeremias 2. & lavabis te nivo, & multiplicaveris tibi herbam boris, maculata es iniquitate tua.* Et *Josue cap. 22. Effuge in præsentem diem macula huius sceleris in vobis permanet.* Et *Ecclesiastici 31. Qui inquit, est sine macula,* & alibi. Unde homo postmodum a tali Macula, per peccatum contra, dicitur maculatus, pollutus, immundus, coinquinatus, & abominabilis coram Deo, ut sæpiissime legitur in S. Litteris; a qua proinde Macula Regius Psaltes petivit ablui, & mundari, dum *Psalm. 50. oravit, dicens: Amplius lava me ab iniquitate mea, & a peccato meo munda me.* His prænotatis sit

32. CONCL. I. Peccatum habituale nihil aliud est, quam peccatum actuale, cujus commissio physice jam præterit, moraliter tamen permanet. Ita in re Doctores omnes, prout bene notat Maffius 2. *disp. 6. num. 261.* licet postmodum multum discrepent in assignando, quidnam sit illud, ratione cujus peccatum physice jam transactum censeatur adhuc moraliter permanere, & durare, quousque per veram poenitentiam retractetur, & deleatur.

33. CONCL. II. Peccatum habituale quale non addit novam malitiam supra illam, quæ fuit admissa in instanti commissionis actualis peccati, quæque moraliter permanere dicitur. Ita rursus omnes Theologi, nemine discrepante. Hinc fit, quod propter peccatum habituale præcise, non mereatur homo maiorem poenam, ac supplicium, quantumcumque illud duret, quam fuerit promeritus in illo instanti ac momento, in quo actualiter peccavit.

34. Dicitur notanter, *præcise propter peccatum habituale*. Quia, si occurrat tempus, quo urget Præceptum eliciendæ contritionis, amoris Dei, aut receptionis alicujus Sacramenti, & tunc homo negligat mediante contritione, aut digna Sacramenti receptione sese restituere in statum gratiæ, atque expellere peccatum habituale mortale; jam committet is novum peccatum mortale propter violationem hujus præcepti, ac proinde absque dubio erit dignus majori poena. Verum hoc contingit non vi ipsius peccati habitualis qua talis, ac præcise sumpti, sed per accedens ratione alterius occurrentis præcepti, quod de novo violatur. Et hoc idem dicendum de eo, qui de peccato suo præterito habet novam complacentiam; siquidem per hanc committitur novum peccatum actuale. Cæterum novo peccato actuali non superveniente, sola permanentia peccati habitualis non augeat malitiam actus peccaminosi præteriti, neque poenam ipsi correspondentem.

35. CONCL. III. Post transactum actum peccati mortalis plura eveniunt in homine, peccante mortaliter. Primo enim is labitur in iram, atque inimicitiam Dei, cui æque odio sunt impius, & impietas ejus, ut dicitur Sap. 14. Secundo, privatur homo per peccatum mortale gratia habituali, seu sanctificante: siquidem de facto gratia & peccatum sunt impossibilia, eo ferme modo, quo lux & tenebræ. Tertio, remanet in homine reatus, id est, obligatio quædam ad poenam ex actu peccaminoso præterito contracta; statim enim ac homo peccat, obligatur is ad poenam peccato suo correspondentem, quousque poena illa soluta fuerit, ac remissa.

36. Porro Reatus iste dupliciter potest considerari: primo, prout talis obligatio ad poenam dicit ordinem ad Deum, qui propter peccatum commissum decernit homini poenam, suo peccato correspondentem, & talis reatus, seu obligatio ad poenam dicitur *Reatus poenæ*. Secundo, prout ejusmodi obligatio ad poenam respicit ipsum peccatum actuale præteritum, utpote ex quo proxime contrahitur, illudque immediate consequitur: & talis Reatus, seu obligatio ad poenam, prout respicit & proxime consequitur

ad ipsum actum peccati præcedentis, dicitur proprio nomine *Reatus culpæ*. Et in hoc reatu culpæ, juxta Doctorem Subtilem 4. *dist. 14. q. 1.* & Scotistas, consistit formaliter Peccatum habituale; id est, ratione hujus Reatus culpæ censetur in homine peccatore moraliter remanere peccatum suum actuale physice jam præteritum, donec per veram poenitentiam expietur, ipsaque gratia sanctificans recuperetur.

37. Dices: S. Pius V. in Bulla, quæ incipit, *Ex omnibus* (estque confirmata a Gregorio XIII. & Urbano VIII. in hujus Constitutione 289. quæ incipit: *In eminenti*, ac refertur tomo V. Bullarii Romani) inter alias Propositiones Michaelis Baji damnavit hanc, ordine 54. *In peccato duo sunt, actus, & reatus; transeunte autem actu, nihil manet nisi reatus, sive obligatio ad poenam.* Atqui hæc videtur esse ipsissima sententia ex Scoto nunc relata; ergo. Resp. negando minorem: siquidem Bajus ille allerebat, transeunte actu peccati in peccatore nil manere, nisi reatum, sive obligationem; sicque volebat, in ipso etiam non remanere privationem gratiæ sanctificantis, prout liquet ex ejus Propositione tum relata, tum 41. in qua negavit, justificationem hominis fieri per gratiam infusam. E contra Scotus, & Scotistæ unanimiter fatentur, remanere in peccatoribus ejusmodi privationem gratiæ sanctificantis. Tacentur plures alie disparitates, quæ legentibus citatam Bullam facile patebunt; in qua simul §. 3. expresse notatur, quod Propositiones illæ in proprio verborum sensu, ab assertoribus intentæ, damnentur.

38. Urgebis: Ergo peccatum habituale potius consistit in privatione gratiæ sanctificantis, quam in Reatu culpæ. Probatur sequela. Peccatum habituale in eo formaliter consistit, quod tollitur in justificatione; sed in justificatione tollitur ipsa privatio gratiæ, ergo. Resp. negando antecedens, ejusque probationis majorem, claritatis gratia distinguendo; peccatum habituale in eo formaliter consistit, quod per se secundo dumtaxat tollitur, negatur major: sicque distincta minori negatur consequentia. Nam quod per se primo tollitur in justificatione, sunt ipsamet peccata physice præterita, & moraliter adhuc permanentia: censentur autem moraliter permanere propter Reatum culpæ, non propter privationem gratiæ. Et hoc amplius ex eo ostenditur: tum quia hac ratione peccata venialia habitualiter permanent; id est, non propter privationem gratiæ (hanc enim non inducunt) sed propter correspondentem Reatum culpæ. Dum quia alioquin omnia peccata mortalia habitualia forent ejusdem rationis, ac speciei, non minus ac privatio gratiæ est æqualis ac ejusdem speciei in omnibus peccatoribus peccato mortali obnoxiiis. Ueberior de hoc disputatio relinquitur Theologiæ Speculativæ.

#### Q U Æ S T I O IV.

Unde desumenda sit Distinctio specifica moralis Peccatorum?

#### S U M M A R I U M.

39. Cur non sit sermo de distinctione specifica physica peccatorum?

40. Distinctio specifica moralis peccatorum omissionis, unde desumatur?

41. Di.

41. *Distinctio specifica moralis peccatorum commissionis desumitur per ordinem ad diversas specie virtutes.*
42. *Vel rectitudines, quarum sunt formaliter privationes.*
43. *Ex sola diversitate praeceptorum non semper recte insertur diversitas specifica peccatorum.*
44. *Quando ex diversitate praeceptorum possit colligi diversitas specifica peccatorum?*
45. *Saltem ab extrinseco.*
46. *Unicum est peccatum, non jejunare die, quo duplex occurrit jejunium Ecclesiasticum.*
47. *Secus, si ad alterum quis teneatur ex voto.*
48. *Violatio Castitatis in Religioso professu, vel Clerico in Sacris, continet duplicem specie malitiam. Non vero novam, si Religiosus sit simul in Sacris.*
49. *Si votum & iuramentum super eadem re factum violetur, est duplex specie malitia. Quid, si violetur votum saepius renovatum?*

39. **U**T ex Titulo Quaestionis patet, in proposito non est sermo de distinctione specifica physica peccatorum, id est, de illa, qua peccata secundum suum esse materiale ab invicem distinguuntur (quae distinctio desumitur ab objectis, cum generaliter actus distinguantur per objecta), sed de Distinctione specifica morali. Ratio est: quia hic loquimur de distinctione specifica peccatorum in ordine ad Confessionem Sacramentalem; utpote cum juxta Concilium Trid. Sess. 14. c. 5. & can. 7. & Theologos, unanimiter teneantur Fideles in Confessione peccata sua explicare non solum quoad numerum, sed etiam quoad speciem, atque circumstantias peccati speciem mutantem; ad hoc autem parum refert scire distinctionem, aut unitatem physicam peccatorum. Sic enim occisio Laici, & Clerici, sunt quidem physice loquendo ejusdem speciei, non tamen moraliter, utpote cum occisio Clerici superaddat specialem malitiam Sacrilégii: econtra vero furtum bovis, & furtum centum florenorum, physice loquendo, distinguuntur specie, eo quod habeant objecta specie diversa; & tamen moraliter sunt peccata, & furta ejusdem speciei. Igitur loquendo de distinctione specifica morali peccatorum, ac in ordine ad Confessionem Sacramentalem, sit

40. **CONCL. I.** Distinctio specifica moralis peccatorum commissionis recte desumitur ex actibus debitis, quorum sunt omissiones; atque ideo omissiones illae sunt peccata specie distincta, quae privant actibus debitis secundum speciem moraliter distinctis. Ita communiter Doctores. Sic v. g. omissio Missae die Festo audiendae, distinguitur specie ab omissione largitionis elemosynae in casu praecepto, quia ipsa Missae auditio, atque elargitio elemosynae, sunt actus debiti specie distincti. Econtra omissio Missae in die Dominico, & omissio Missae in die Festo, non distinguuntur specie moraliter, quia neque actus praeceptus auditionis. Missae in praedictis diebus distinguitur specie. Et in hoc conveniunt omnes: major autem difficultas est de peccatis commissi-

onis, & unde desumenda sit eorum Distinctio specifica moralis; de quibus loquendo, sit

41. **CONCL. II.** Distinctio specifica moralis peccatorum commissionis desumitur recte per ordinem ad diversas specie virtutes, vel rectitudines, quarum formaliter sunt privationes. Ita Doctor noster 2. dist. 37. q. 1. cum suis, & aliis, qui tenet, peccatum actuale formaliter consistere in privativo. Ratio est: quia universaliter privationes sumunt suam specificationem ab oppositis formis; sic enim caecitas, & tenebrae distinguuntur specie ab invicem, eo quod oppositae formae, nempe lux & visus, specie distinguuntur: ergo cum peccatum commissionis formaliter consistat in privativo, juxta dicta num. 20. ejusdem Distinctio specifica recte desumitur in ordine ad diversas specie virtutes, vel rectitudines, quarum est privatio.

42. Dicitur notanter sub disjunctione, per ordinem ad diversas specie virtutes, vel rectitudines. Nam ad distinctionem specificam moralem peccatorum sufficit, ut vel diversis specie virtutibus opponantur, ut furtum & fornicatio, quorum prius oppositum est virtuti Justitiae, alterum virtuti Castitatis, vel saltem eidem virtuti secundum aliam specie rectitudinem, ut Avaritia & Prodigalitas, quae specie differunt, non obstante, quod opponantur eidem virtuti Liberalitatis: quia, licet Liberalitas sit unica virtus formaliter & adaequata, includit tamen duplicem rectitudinem per respectum ad duo extrema, id est, duplex rationis dictamen, quorum uno prohibetur excessus, cui opponitur prodigalitas, & altero defectus, cui opponitur avaritia.

\* Dices: Dantur peccata specie distincta, quae tamen nec sunt contra distinctas virtutes, nec contra diversas rectitudines ejusdem virtutis: ergo regula assignata pro distinctione specifica peccatorum non est adaequata. Prob. ant. furtum unius crucigeri, & furtum decem florenorum sunt duo peccata specie distincta; utpote cum unum sit peccatum veniale, alterum mortale: & tamen opponuntur uni eidemque virtuti Justitiae secundum eandem rectitudinem, nimirum istam, ut non laedam proximum in bonis fortunae: ergo. Resp. neg. ant. quoad adductum exemplum, verum quidem est, furtum unius crucigeri, & furtum decem florenorum, etsi non specie physica, bene tamen specie Theologica ab invicem distingui; negatur tamen, quod sint haec duo furta contra eandem rectitudinem Theologicam, atque in ordine ad confessionale discurrendo: nam in hoc sensu alia est rectitudo non offendendi Deum graviter per gravem damnificationem proximi in bonis fortunae, & alia non offendendi Deum leviter per levem damnificationem proximi in bonis fortunae. Et tali modo etiam specie Theologica distinguuntur consensus plenus, & consensus semiplenus circa idem peccatum carnis, cum sint contra distinctas rectitudines Theologicas. \*

43. **CONCL. III.** Ex sola diversitate praeceptorum non semper recte, ac sufficienter colligitur ab extrinseco diversitas specifica peccatorum. Ita communis. Ratio est: quia fieri potest, & saepe con-

contingit, quod eadem res, & ex eodem motivo formali, tam præcepto Divino quam Humano, Ecclesiastico, & Civili, præcipiatur, aut prohibeatur; sic enim furtum prohibetur cum Jure naturali, ac Divino, tum humano, Ecclesiastico, & Civili: atqui ob hanc solam præceptorum diversitatem furtum simplex non contrahit plures specie malitias, ut omnes fatentur; ergo. Additur tamen in Conclusionem, *non semper recte colligitur*, propter mox dicenda: hinc fit

44. CONCL. IV. Tunc solum ex diversitate præceptorum potest ab extrinseco colligi diversitas specifica peccatorum, quando præcepta illa sunt formaliter diversa; id est, quando sub diversis motivis formalibus, ad diversas virtutes, aut rectitudines spectantibus, quidpiam præcipiunt, vel prohibent: ut v. g. quia datur præceptum Divinum prohibens furtum simpliciter ex motivo Justitiæ, & simul aliud præceptum Ecclesiasticum prohibens furtum in loco sacro ex motivo Religionis; hinc malitia furti, in loco sacro commissi, distinguitur specie a malitia simplicis furti; & qui furatur in loco sacro, duplicem committit malitiam specie distinctam, injustitiæ scilicet, & sacrilegii. Et idem fit in aliis similibus, quæ prohibentur diversis præceptis ex motivo diversarum virtutum, vel rectitudinum.

45. Dicitur notanter in conclusione, *colligi potest ab extrinseco*. Nam supposita etiam ejusmodi lege formaliter diversa, adhuc peccata illa specificantur intrinsece penes diversas illas virtutes, aut rectitudines, ex quarum motivo quidpiam est præceptum, vel prohibitum, & quarum peccata illa sunt privationes: ex diversitate præceptorum vero dicta Distinctio solum colligitur ab extrinseco.

46. Ex dictis deducitur I. cum Vasquez 1. 2. disp. 98. cap. 3. & aliis passim, non esse plura specie vel numero distincta peccata, in Confessione necessario explicanda, cum quis non jejunat in aliqua Vigilia incidente in Quadragesimam, aut Quatuor anni Tempora. Item si quis non audiat Missam die Dominico, in quem simul incidit Festum alicujus Sancti. Ratio est: quia jejunium, quamvis in dicto casu bis vel ter præcipiatur ab Ecclesia, adhuc tamen semper præcipitur ex eodem motivo virtutis Temperantiæ; unde quamvis detur duplex causa, seu duplex titulus malitiæ, nempe duplex præceptum Ecclesiæ, adhuc erit unica malitia, unumque peccatum. Idem dicendum de altero exemplo, ubi auditio Missæ præcipitur in utroque casu ex motivo virtutis Religionis.

47. Deducitur II. Cum eodem Vasquez, & alijs, secus esse dicendum de eo, qui Feria sexta tenetur jejunare ex voto: is enim, si Feria sexta, in quam simul incidit jejunium Ecclesiasticum Vigiliæ, aut Quatuor Temporum, violet jejunium, peccabit duplici peccato, scilicet & contra virtutem Temperantiæ impositæ ratione præcepti Ecclesiastici, & contra virtutem Religionis ratione voti.

48. Deducitur III. Quod violatio Castitatis in Religioso professu, vel Clerico, in sacris Ordini-

bus constituto, duplicem habeat malitiam specie distinctam, ac necessario in Confessione explicandam; nimirum Luxuriæ contra Temperantiæ, seu Castitatem; & Sacrilegii, contra Religionem: quia motiva harum virtutum sunt specie distincta. Econtra Religiosus professus, simulque in Sacris constitutus, non peccat nova specie malitiæ propter duplex votum violatum, nempe votum Castitatis religiosæ, & votum Castitatis sacro Ordini annexum: quia hæc vota non sunt distinctæ speciei, sola autem præceptorum diversitas non facit malitias specie distinctas, nisi etiam sint contra diversas specie virtutes, vel rectitudines. Unde sufficit, quod talis in Confessione dicat, se commississe fornicationem contra votum Castitatis: uti post Sanchez lib. 7. de Matr. disp. 27. n. 27. Bonacinam, & communionem aliorum, contra Ledesnam, notat Mastrius disp. 14. Theol. Moral. n. 32.

49. Secus foret, si votum, & juramentum super eadem re factum violetur: quia tunc erit diversa specie malitia, necessario in confessione explicanda. Sanchez ibidem n. 26. Etsi enim tam votum, quam juramentum pertineant ad virtutem Religionis, adhuc tamen spectant ad ipsam sub diversa ratione, atque rectitudine: votum quidem, ob fidem datam Deo servandam; juramentum vero, ne Deus in testem falso adducatur. Quod si vero violetur votum, sæpius, aut etiam millies renovatum, committitur in unicum nihilominus peccatum, quia omnia ea vota eodem modo ad unam Religionis virtutem pertinent; simulque repetitio illa voti habet se, sicut repetitum ejusdem rei ab eodem Superiore præceptum. Et conformiter resolvi poterunt innumeri casus.

## Q U Æ S T I O V.

Unde desumatur Distinctio numerica moralis Peccatorum?

### S U M M A R I U M.

50. Ratio ordinis Quæstionum.

*Actus peccaminosi physice distincti, non semper distinguuntur moraliter.*

51. Tot sunt peccata numero distincta, quot sunt actus peccaminosi moraliter interrupti.

52. Quandoam cessantur actus voluntatis moraliter interrupti? Id fit 1. per voluntatem contrariam.

53. II. Per cessationem voluntariam ab actu.

54. III. Juxta quosdam etiam per cessationem involuntariam & naturalem. Sed hæc sententia videtur limitanda.

55. Peccata interna, qua solo animo perficiuntur, multiplicentur numero, quoties actus ipsi renovantur.

56. Peccata, qua opere externo perficiuntur, quando multiplicentur numero?

57. Unico actu occidens decem homines committit unum numero peccatum.

58. Secus, si id fiat pluribus actibus externis distinctis. Ampliatio dictorum ad alios casus.

59. Quid dicendum de actibus pravis incompletis v. g. proxime procedentibus, vel sequentibus fornicationem,

60. Vel occisionem inimici.

61. Quid



61. Quid de sapienter percutiente, blasphemante, contumelias iterante, in eodem commotionis impetu?

50. **C**um juxta Sacrum Concilium Trid. Sess. 41. cap. 5. & can. 7. & omnes Catholicos, in Sacramento Pœnitentiæ confiteri teneamur omnia, & singula peccata mortalia, tam quoad speciem, & circumstantias peccati speciem mutantes, quam quoad numerum, quorum memoria cum debita & diligenti præmeditatione habetur; post explicatum modum dignoscendi Distinctionem specificam moralem, merito subjungitur præsens Quæstio de distinctione numerica moralis peccatorum. Et additur, de *Distinctione numerica morali*: Siquidem physice loquendo concedunt omnes, quod multiplicentur peccata numero, juxta numericam multiplicationem actuum physicorum peccaminosorum, quod tamen moraliter loquendo non semper fit: quia multi quandoque actus peccaminosi, physice distincti, constituunt unum dumtaxat numero peccatum moraliter loquendo: ut patet in eo, qui cogitat occidere suum inimicum, ac ea intentione querit equum, præparat arma, accingit se itineri, ponit hosti insidias, & tandem ipsum actu occidit: hic enim multos quidem habet actus illicitos physice distinctos, moraliter tamen non nisi unum numero peccatum committit, ut patebit ex dicendis: Hoc prænotato sit

51. **CONCL. I.** Loquendo de multiplicatione seu distinctione numerica peccatorum, tot sunt peccata numero distincta, quot sunt actus voluntatis pravi moraliter interrupti, ac repetiti. Ita Doctores communiter. Ratio est: quia nullum est peccatum, nisi in quantum ab ipsa voluntate deliberate procedit; ergo tot sunt peccata numero distincta, quot sunt actus voluntatis pravi moraliter interrupti, ac repetiti. Sed mox

52. Quæritur, quandonam censeantur actus voluntatis moraliter interrupti? Resp. cum *Mastro disp. 15. Theol. Moral. a. 66.* & communiter Doctorum. Toties censeantur actus voluntatis moraliter interrupti, quoties nec formaliter, nec virtualiter perseverant; id est, quoties nullus effectus assignari potest, in quo virtualiter prior ejusmodi actus permanere censeatur. Id autem pluribus modis accidere solet. Et primo quidem actus peccaminosus moraliter interruptitur (ita ut nec formaliter, nec virtualiter permanere censeatur) per voluntatem contrariam; prout fatentur omnes. Sic enim actus prior omnino revocatur, & per consequens etiam formaliter interruptitur: prout fit, si quis de priore actu peccaminoso agit pœnitentiam, aut dolet, ipsum se perpetrasse.

53. Secundo interruptitur moraliter actus pravius per cessationem ab actu illo voluntariam, & liberam: ut si quis semel suum in procurando peccato quamvis irritum conatum peregit, & postmodum tardio, vel lassitudine victus ab illo conatu pravo desistit sine proposito ulterius progrediendi, jam prior ille actus censeatur moraliter interruptus, prout D. Petrus intra breve tempus hac de causa per Christum negasse dignoscitur. Ratio est: quia talis censeatur actum illum interpretative revocare, hoc ipso, quod ab illo actu pravo cesset sine proposito ulterius pergendi.

\* Dicitur notariter: *sine proposito ulterius pergendi*: nam si tale propositum pergendi adesset, & actus illi alias inter se forent moraliter unibiles ad unum completum constituendum, cessatio ab actu non faceret interruptionem moralem, & sic numero multiplicaret peccatum. e. g. Si quis cum femina turpia, & ad copulam dispositiva exercere inchoasset; interea tamen ob intervenientem aliam personam ad aliquod tempus cessaret, in animo tamen adhuc suo non revocans peccaminosum illud propositum; in eo casu, si post discessum alterius denuo turpissimos priores actus prosequeretur, non censeretur inter hos & præcedentes intercedere interruptio moralis, sed unum numero peccatum vi mali illius propositi moraliter continuatum committeretur, non obstante cessatione illa voluntaria, prout bene notandum. \*

54. Tertio, non pauci Doctores, inter quos Vasquez 1. 2. disp. 75. cap. 3. tenent, etiam per cessationem involuntariam & naturalem, sive ea fiat per somnum, sive per distractionem ad alia, actum peccaminosum moraliter interrupti. Sed hæc sententia patitur plures instantias, ac proinde nonnulli id relinquendum censent judicio prudentum: quia non in omnibus peccatis requiritur, ac sufficit eadem unio, vel continuatio ad unitatem numericam moralem ipsorum: aut saltem dicta sententia procedit solum in peccatis internis, quæ sola mente consummantur, ut est peccatum odii, hæresis, hujusmodi; non autem in peccatis, quæ opere exteriori perficiuntur, prout amplius patebit ex sequentibus: unde sit

55. **CONCL. II.** Peccata interna, quæ solo animo perficiuntur, ut Hæresis, Odium Dei vel proximi, Delectatio venerea morosa, & hujusmodi, toties multiplicantur numero, quoties actus ipse internus peccati renovatur. Ita communiter; & ratio est: quia quilibet talis actus internus in se est perfectus, & consummatus; simulque posterior actus nullam habet dependentiam vel connexionem cum priori. Ex qua doctrina Laymann lib. 1. tract. 3. cap. 3. n. 3. infert, fieri posse, quod idem homo mille peccata Odii, vel internæ Incontinentiæ uno die committat: Quamvis plerumque impossibile sit, internorum horum actuum, seu peccatorum numerum inire; ideoque satis sit in Confessione moram temporis explicare, v. g. dicendo: *Integro anno perfissi in inimicitia & saepe cum inimici memoria occurris, actus odii exercent, sermo in singulos dies, vel singulas hebdomadas*: hinc enim prudens Confessarius jam poterit formare judicium de statu pœnitentis.

56. **CONCL. III.** Peccata, quæ opere exteriori perficiuntur, toties numero multiplicantur, quoties actus ipsi exteriores peccatum illud consummantes repetuntur. Ita Doctores communiter. Sic, qui plures homines successive occidit, plura committit homicidia numero distincta. Similiter si quis sæpius fornicetur, quamvis eadem nocte, plura committit peccata fornicationis numero distincta, atque in Confessione explicanda. Ratio est: quia interveniunt duo actus mali, quorum unus ad alterum non ordinatur, nullamque cum ipso habet connexionem: eo quod quilibet eorum in se sit completus, & consummatus.



57. Dicitur notanter I. *Plures homines successive occidit*. Nam si quis unico actu decem, vel plures homines occidat, vel occidere velit, v. g. explosione tormenti bellici, vel stratagemate, unum numero peccatum committit, gravius tamen; uti tenent Suarez *part. 3. tom. 4. disp. 22. sect. 5. num. 33*. Marchantius *tom. 1. Tribunalis, tract. 3. tit. 4. quest. 2. concl. 2*. Navarrus, Layman, & alii, contra Azorium *part. 1. lib. 2. Institut. Moral. cap. 4. qu. 2*. Ratio est: quia huiusmodi distinctio numerica objectorum, ut puta plurium hominum, est tantum materialis, cum actus, aut intentio occidendi, respiciat illa omnia per modum unius objecti formalis, totalis & adæquati. Quamvis enim cæteroquin singula illa objecta pollent actu dare completam malitiam, tamen ut conjunguntur, atque ab actu per modum unius respiciuntur, conferunt actu simul unam completam malitiam, majorem tamen: quam etiam quidam Doctores volunt esse in Confessione exprimendam.

58. Quod si vero contingat, non uno eodemque actu, sed pluribus actibus externis, ab invicem distinctis, decem homines successive occidi, tunc erunt decem peccata Homicidii numero distincta, propter rationem positam in Conclusionem. Et quod hic dicitur de Homicidio, pariter intelligendum de aliis peccatis, opere externo consummatis, ut puta de Furtis, Blasphemiis, Detractionibus, & huiusmodi: nam auferens eodem actu res pluribus proprias, aut simul detrahens pluribus, vel blasphemans omnes Sanctos, committit unum numero peccatum; secus, si id fiat pluribus actibus externis, ab invicem distinctis.

59. Dicitur II. *Actus exteriores peccatum consummantes, seu completi*. Nam aliter est dicendum de quibusdam actibus incompletis, qui solent esse vel via ad actum pravam consummandum, vel ipsum comitari, aut ejusdem esse complementum: uti respectu peccati Fornicationis solent esse delectatio inordinata circa tale peccatum, aspectus, verba obscena, tactus impudici, & huiusmodi, quæ vel ipsum opus pravam proxime præcedunt, vel comitantur, aut veluti consueta appendices mox sequuntur, ac explicato in Confessione ipso pravo opere satis intelliguntur, & unum quodammodo cum ipso opere censentur.

60. Sic pariter, si quis volens occidere inimicum suum, etiam aliquot dierum itinere distantem (prout exemplificat Tannerus *tom. 2. disp. 4. quest. 2. num. 61*. citans Navarrum, Valentiam, & alios) accipit arma, insidet equo, vocat socios jam paratos ad occidendum, facit iter longum, ac interim animum occidendi sæpius repetit, & somnum vel alia negotia interponit, tandem vero ponit insidias, & actu occidit; censetur moraliter loquendo unum peccatum Homicidii consummati perpetrare, eo tamen gravius cæteris paribus, quo diutius in tam pravo proposito perseveravit. Ratio est: quia prior prava voluntas in actione itineris, & aliis externis actibus ad finem illum ordinatis moraliter continuatur, & virtualiter perseverat; & quamvis actus physice multiplicentur, non tamen moraliter. Sicuti ergo, quæ plura sunt in genere entis, una domus sunt: ita actus illi in genere entis distincti, sunt unum quid in genere

moris, scilicet unum peccatum opere externo consummatum, cum ad hoc illi omnes ordinentur, tanquam actus incompleti ad completum.

61. His addes cum Doctoribus communiter, quod is, qui eodem commotionis impetu, eademque pugna vel contentione, alterum sæpius percussit, vel contumelia repetita affecit, aut iterato blasphemavit, semel tantum peccasse censetur, saltem in ordine ad Confessionem Sacramentalem: censetur enim moraliter loquendo esse unus actus, propter ordinem unitatis moralis, quem actus illi repetiti inter se habent. Secus dicendum, si per intervalla ad verberandum quis proximum aggreditur, conviciatur, aut Deum blasphemat.

\* Quod si dubites, quomodo hæc ultima doctrina concordet cum dictis in Conclusionem tertia, in qua docetur, quod peccata externa completa toties multiplicentur, quoties actus completi (quales reputantur, quælibet verbera, quælibet Blasphemia, quælibet contumelia &c.) repetuntur? Resp. præcedentem tertiam Conclusionem esse intelligendam; quando illi actus repetiti de se ita perfecte sunt completi, ut nequeant amplius inter se per unionem moralem constituere unum continuum; secus vero dicendum, quando equidem in se tales actus sunt quid completum, potentes tamen adhuc cum aliis facere unum continuum morale. Sic e. g. quamvis comestio notabilis unius cibi de carne diebus jejunalibus sit sufficiens ad constituendum unum completum peccatum mortale, si tamen aliquis successive plures similes in uno prandio comederet, foret unum convivium continuum, & consequenter unum numero peccatum, quamvis gravius: certe etiam in Physicis, quamvis aqua A sit ens completum, potest tamen commixta cum aqua B. per unionem physicam constituere unum continuum physicum: Cur ergo non pariter in moralibus?

Nec dicas: Ergo etiam erit unum continuum morale, & consequenter unum numero peccatum, si quis ex eodem actu libidinoso adhuc perdurante committat tres pollutiones, vel eadem nocte cum una tres fornicationes, sicuti ex eodem commotionis impetu committeret tres Blasphemias, vel tres contumelias ejusdem speciei.

Respondeo enim negando illatum. Disparitas est; quia ex communi prudentum æstimatione illæ completæ pollutiones & fornicationes ita sunt in se ipsis actus perfecte completi, ut unus cum altero nequeat constituere unum morale, ac continuum: Quoniam una pollutio vel fornicatio non accipit ab altera augmentum intra eandem lineam: non enim talis juxta communem sensum prudentum censeretur semel pollutionem, vel semel aliquam graviolem fornicationem commisisse, sed tres: Econtra qui tribus verberibus vel alapis repetitis, aut tribus contumeliis ejusdem speciei contumeliis alterum inhonorat, bene dicitur ex communi prudentum sensu semel verberasse Petrum v. g. sed gravius, vel semel inhonorasse, sed graviori contumelia, quam si tantummodo una alapa, vel una contumelia non repetita eundem affecisset. Vide de hoc fusius La Croix *lib. V. num. 150. & seqq.*

Quæ-

Quæres adhuc finaliter, quot numero distincta peccata committat ille, qui per aliquod tempus intermittit eam, quam posset, & teneretur facere, restitutionem ablatorum in bonis famæ, seu fortunæ, aut executionem alterius rei, ad cuius impletionem obligatur ex præcepto, vel voto &c. ? Resp. talem tamdiu unum tantummodo numero peccatum, gravius tamen committere, quamdiu moraliter manet idem numero propositum non restituendi rem alienam, vel non adimplendi rem promissam &c. Censetur autem id ipsum malum propositum non restituendi &c. moraliter permanere tamdiu, quamdiu quis mente, & habitualiter ita est dispositus, ut, quoties de facienda restitutione cogitat, semper vel positive consentiat non restituere, vel negative se habens omittat velle restituere, aut Votum servare, etiam si sibi occurrat sua obligatio. Ita Sporer tract. 4. Prelim. ad Præcept. secunda Tabula cap. 3. Sect. 3. num. 121. La Croix lib. 5. num. 181. & Sabinus Bononienfis in sua Luce Morali part. 1. tract. 35. num. 15. cum aliis. Ratio est; quia voluntas illa mala taliter adhuc permanens conjungit moraliter similia adinvicem peccata per intermissionem restitutionis, vel executionis votorum &c. commissa. Confirmatur: si aliquid hanc moralem unionem interrumpere, sicque peccata numero multiplicaret, foret vel somnus, vel distractio, vel conversio ad alia negotia disparata: sed nihil horum dictam moralem unionem interrumpit: ergo. Major est Adversariorum: minor probatur a pari in alio exemplo: ponamus, quod quis habeat efficacem voluntatem trucidandi suum inimicum, præparet arma, & quærat occasiones ubique locorum eundem aggrediendi, tandem inveniat ipsum, & repetitis vulneribus occidat; in hoc casu committitur unum numero homicidium, quamvis gravissimum; nec continuatio, seu unio inter voluntatem efficacem occidendi, & inter ipsam occisionem interrumpitur per somnum, distractiones, aut quia subinde talis Homicida ad alia disparata negotia intra hoc tempus se convertit, modo id ipsum tempus intermedium inter priores, & posteriores actus non sit nimis longum: ergo pariformiter erit etiam hic discurrendum.

Quod si dicta mala voluntas non restituendi, aut votum non exequendi &c. revocaretur, vel expresse, puta per contritionem, confessionem &c. vel saltem interpretative, e. g. assumendo media restitutionis, voti executionis &c. & postea iterum de novo intermitteretur ipsa restitutio, aut voti executio, sive de novo eliceretur malum propositum non restituendi, votum non exequendi, haud dubie ex communi Doctorum fieret interruptio inter actus priores & posteriores, sicque peccata multiplicarentur. Cæterum pro praxi Confessarii notat ex DD. Sabinus Bononienfis loc. cit. num. 17. non debere eosdem quoad similes casus nimis esse anxios ac molestos pœnitentibus in inquirendo numero interruptionum, sed sufficere, si inquirent, quanto tempore res aliena voluntarie & culpabiliter detenta sit, vel quamdiu culpabiliter votum non fuerit executioni mandatum &c.

Pro majori dictorum claritate ponuntur tam-

quam Corollaria duo casus. *Primus*, Petrus famulus ante trimestre abstulit Hero suo septem florenos, quos adhuc culpabiliter retinet; modo confitetur, quod commiserit furtum. In hoc casu, si Pœnitens sponte non expresse, quærat Confessarius *primo*, num furtum sit in materia gravi? *Secundo*, quanto tempore retineat hanc rem alienam culpabiliter? *Tertio*, an intra hoc tempus numquam voluerit restituere? Si numquam, continuabitur peccatum: alias autem multiplicabitur juxta numerum multiplicatæ volitionis restituendi.

*Secundus casus*. Paulus ægrotus vovit peregrinationem ad Divam Virginem Oetinganam, post recuperatam sanitatem illico instituendam. Sanitati autem plene restitutus differt peregrinationem non solum per breve temporis spatium, quod non foret peccatum grave, sed etiam uno, alterove anno, & quidem absque ulla rationabili causa, ac quamvis facillime, ac commode eandem conformiter suo voto facere potuisset. Modo id ipsum Clavibus Ecclesiæ in Sacramento Pœnitentiæ subjicit. In isto secundo Casu pariformiter Confessarius indaget *primo*, a quanto tempore potuisset commode hoc votum exequi, quod neglexit? *Secundo*, an intra hoc tempus sibi propulerit, illud executioni mandare, & quoties? Atque ex responso pœnitentis denuo desumet, num is unum vel plura numero distincta perpetraverit peccata. NB. Posui notanter hic casum, quo quis pro determinato tempore seu illico votum executioni mandandum adpromisit: nam si nullum tempus executioni præhixisset, an etiam tunc differens mortaliter peccaret, colligetur ex materia de votis. \*

## DISTINCTIO II.

De Peccato mortali, & veniali.

### QUESTIO I.

De natura, conditionibus, & signis Peccati mortalis, ac venialis.

#### SUMMARIUM.

1. Peccatum mortale, quid?
2. Peccatum veniale, quid?
3. Peccatum mortale, & veniale, in nonnullis conveniunt.
4. In pluribus tamen differunt.
5. Ad quodcumque peccatum actuale tres requiruntur conditiones:
  - I. Ut sit voluntarium.
  - II. Ut sit liberum.
  - III. Ut advertatur malitia peccati.
6. Ad peccatum mortale requiruntur alia tria, quæ?
7. Ad peccatum veniale sufficit advertentia semiplena intellectus.
8. Quanam censeatur perfecta advertentia & sufficiens ad peccatum mortale?
9. Et quanam imperfecta seu semiplena?
10. Signa, quibus in dubio discerni possit consensus perfectus ab imperfecto.

Regula I. Regula II. Regula III. Regula IV.

1. **CONCL. I.** Per peccatum mortale illud intelligitur, quod ita Deum offendet, ut in animam inducat privationem gratiæ sanctificantis, & amicitia Divinæ (quæ privatio est mors animæ)

animæ) & si quis in ea finaliter decedit, puniatur etiam pœna æterna, quæ est mors secunda. Et de hoc dicitur Sap. i 6. *Homo per malitiam occidit animam suam.* Et Rom. 6. *Stipendia peccati mors.* Qua de causa recte peccatum istud appellatur mortale.

2. *Peccatum veniale*, e contra illud dicitur, quod licet Deum offendat, non tamen ita graviter, ut amicitiam cum Deo destruat, & inducat æternæ pœnæ reatum. Et dicitur *veniale* a venia, eo quod facilius veniam consequatur, & aliquo modo venia dignum sit. De hoc intelligitur illud Proverb. 24. *Septies enim cadet iustus.* Et Jacob. cap. 3. *In malis offendimus omnes*, & huiusmodi.

3. CONCL. II. Peccatum mortale, ac veniale, in nonnullis conveniunt, in pluribus tamen differunt. Et quidem conveniunt, in primis ex eo: quia non solum peccatum mortale, sed etiam veniale, est actus moraliter malus, Deo displicens, ipsumque offendens, ac proinde dignus supplicio sibi correspondente. Insuper conveniunt: quia non solum peccatum mortale, sed etiam veniale nequit eligi ad promovendam honestatem alterius finis; cum juxta illud Apostoli Rom. 3. non sint facienda mala, ut eveniant bona. Tertio conveniunt: quia utrumque peccatum est actus humanus moraliter malus, ac proinde requirens voluntarium, atque libertatem sufficientem. Insuper utrumque peccatum a sola creatura rationali, non autem a Deo, vel brutis elici potest. Sunt & nonnulla alia, in quibus peccatum veniale ac mortale conveniunt, quæ hic omittuntur.

4. E contra vero differunt hæc duo: nam peccatum veniale longe facilius potest consequi remissionem, quam mortale; unde jure merito illud vocatur veniale a venia. Deinde, peccatum veniale non tollit vitam animæ, siue gratiam sanctificantem; neque excludit hominem ab amicitia Dei, neque privat ipsum in perpetuum visione Dei, ac æterna beatitudine: bene tamen peccatum mortale. Tertio, peccatum mortale virtualiter ac moraliter magis amat creaturam, quam Deum; nam peccans mortaliter constituit sibi ultimum finem in creatura, saltem virtualiter ac interpretative, quatenus per peccatum mortale convertitur ad creaturam, bene cognoscens, quod per illam conversionem amittat conjunctionem cum Deo, & ab eo tamquam ultimo Fine suo separetur: secus fit in peccato veniali. Alia discrimina inter utrumque peccatum patebunt ex sequentibus Conclusionibus.

5. CONCL. III. Ad contrahendum quodcumque peccatum actuale, siue mortale, siue veniale, tres requiruntur conditiones. Prima est, ut sit voluntarium, id est, ut fiat a voluntate consentiente. Et defectu hujus conditionis nullus actus est peccatum, qui non est voluntarius; siue is sit internus vel occultus, ut cogitationes contra Fidem, cogitationes blasphemix, motus carnis, etiam si fiant usque ad effusionem seminis, dummodo non sint voluntarii; siue externus ac violentus, ut si cuiquam reluctanti manus eleveatur a Tyranno ad thus Idolo incendendum, vel si stuprum virgini per vim inferatur. Hæc enim, & alia huiusmodi, si sint homini prorsus in-

luntaria, ejusque voluntas in talia nullatenus consentiat, peccata non sunt, imo potius occasio victoriæ, & augmenti meriti supernaturalis. Unde D. Augustinus, lib. de vera Religione, cap. 14. ait: *Usque adeo peccatum voluntarium est malum, ut nullo modo sit peccatum, si non sit voluntarium.*

6. Altera conditio, ad contrahendum quodlibet peccatum requisita, est, ut sit liberum; id est, ut sit in potestate voluntatis illud facere, vel non facere. Et defectu hujus conditionis excusantur a peccato motus primo primi iræ, concupiscentiæ, ac sensualitatis, qui præveniunt advertentiam & libertatem nostram: item alii motus vehementissimi, quibus usus rationis perturbatur, aut qui nobis dormientibus accidunt, vel contingunt omnino contra renitentiam nostræ voluntatis.

7. Tertia conditio est, ut advertatur malitia peccati. Et defectu hujus conditionis excusatur a peccato, qui aliquo die non jejunit, nihil cogitans de jejunio in tali die, item qui lapidem projicit fortuito, non videns periculum aliquod lædendi transeuntes; item qui celebrat contractum usurarium, non advertens, ipsum esse tale. Cæterum hæc tria perfectius debent concurrere ad peccatum mortale, quam veniale; ut mox amplius dicetur.

8. CONCL. IV. Tria insuper ad peccatum mortale requiruntur, quorum si unum desit, jam non amplius sit peccatum mortale, sed ad summum veniale. Primo enim, ex parte intellectus requiritur plena advertentia, & deliberatio. Secundo, ex parte voluntatis requiritur perfectus consensus. Et tertio, ad peccatum mortale requiritur gravitas materiæ. Ita Doctores omnes; idque importat ipsa gravitas peccati mortalis, utpote digni æterna damnatione.

9. CONCL. V. Quamvis advertentia ad peccatum mortale requisita debeat esse plena, & perfecta, per firmum judicium intellectus de malitia actus, vel saltem de periculo ipsius, ut dictum est; nihilominus ad peccatum veniale sufficit advertentia semiplena, seu imperfecta notitia, per imperfectum & semiplenum judicium de malitia actus vel periculo ipsius. Ita rursus communis. Ratio discriminis inter peccatum mortale, & veniale, est, quod hoc sit levis dumtaxat offensa Dei, nec separans hominem ab amicitia ipsius, sicuti peccatum mortale; ergo etiam sufficit minor advertentia, ac deliberatio, ad contrahendum peccatum veniale, quam mortale. Sed occasione hujus

10. Quæritur I. Quænam censeatur esse perfecta advertentia, & sufficiens ad peccatum mortale? Resp. I. Nullum est peccatum mortale in consensu voluntatis, nisi cogitatio aliqua præcesserit (& quidem cogitatio expressa, quam vocant actualem) malitiæ moralis, vel periculi, vel saltem expressa aliqua dubitatio. Ratio est: quia, si nihil horum præcesserit, censetur adfuisse naturalis inconsiderantia & oblivisio malitiæ actus. Et hinc communiter Doctores eum excusant a peccato, qui in die jejunii comedit carnes, nihil cogitans de præcepto seu die jejunii: & idem de aliis similibus dicendum.

11. Resp.

11. Resp. II. cum Sanchez *disp. 1. in Decalogum, cap. 1. num. 10.* & aliis, quod tunc plena deliberatio adsit, quando ratio perfecte animadvertit objectum malum quoad circumstantias, quibus moveri potest ad illud excutiendum: semiplena autem & imperfecta, cum quis ita animadvertit, aut animadvertere potest quadam præfenti cogitatione, ut possit quidem excutere malum illud, sed non tam facile, eo quod nondum plene cernat, in quoniam, vel quali motu hæreat; prout solet accidere semidormientibus; seu illis, qui nondum plene a somno excitati, pollutionis sibi contingentis malitiam advertunt.

12. Quæritur II. Quomodo, quibusve ex signis in dubio discernere possimus, an quis habuerit consensum perfectum, & sufficientem ad peccatum mortale, vel imperfectum dumtaxat, qui non sufficit ad mortale? Resp. cum *Mastris disp. 13. Theol. Mor. num. 13.* Bonacina, Reginaldo, & aliis, id ex sequentibus regulis dignosci posse.

I. Si homo advertens ad peccatum ita se cognoscit se animo dispositum, ut, quamvis illud facile committere posset, non committeret; tunc ut plurimum signum est atque judicandum, non adfuisse consensum deliberatum, & sufficientem ad mortale. II. Si dubitans sit vir adeo bonæ & timoratae conscientia, ut peccatis dissentire soleat, in dubio ut plurimum judicandum est, eum non habuisse plenam advertentiam, & perfectum consensum; licet aliquam in repellendis tentationibus negligentiam admiserit. Secus est dicendum de eo, qui frequenter tentationibus succumbere consuevit; hic enim dubio putandus est consensisse perfecte. Ratio discriminis est: quia, cum prior summo odio peccatum mortale persequatur, si in illud plene, deliberate, ac perfecte consensisset, facile discerneret: e contra vero, cum posterior illud pravi faciat, si minime consensisset, nullum in ipso suboriretur dubium. III. Quando quis dubitat, an aliquid fecerit in somno, an in vigilia, seu dum esset sui compos, vel potius dum ebrietate aut phrænesi correptus fuit, non leve signum est; fecisse seu voluisse sine plena advertentia & consensu: nam quæ cum plena advertentia & consensu fiunt, facillime cognoscuntur facta fuisse ratione plena advertente; cum rationis usus liberam permittat homini de suis actionibus cognitionem, nisi forte mora temporis aliquam induxerit oblivionem. Aliam, & ordine IV. regulam addit Sanchez *lib. 1. Decal. cap. 1. num. 18.* dicens. Quando motus pravus tempore fere imperceptibili insurgit, & paulo post, quamprimum in mentem venit eum adversari rationi, voluntas ipsum expellere curat, est signum, aut nullius, aut imperfecti consensus præstiti.

\* Quæres III. An censeatur haberi advertentia sufficiens ad mortale, si incidat tantum in genere objectum vel actionem esse malam, absque eo, quod occurrat in specie, num sit peccatum mortale, vel veniale? Resp. I. Si incidat, objectum vel actionem esse malam in genere, & simul occurrat periculum, quod possit esse mortale peccatum, in hoc casu habetur sufficiens advertentia ad peccatum grave, cum probe cognoscatur, adesse periculum gravis peccati, quæ cognitio

sufficit ad contrahendum peccatum grave, uti patet de eo, qui operatur cum dubio practico. Ita in hoc sensu communis.

Resp. II. Si nihil occurrat de periculo peccati mortalis, & de obligatione ante operationem melius indagandi ex apprehensione periculi exsurgente, tunc non habetur sufficiens advertentia ad peccatum mortale, quamvis apprehendatur aliqua malitia in genere, prorsus abstrahendo a mortali & veniali; adeoque talis operatio erit tantum venialiter mala. Ita Felix Potestas in suo *Examine Tom. I. part. IV. cap. VI. num. 3742.* & La Croix *lib. 1. num. 3.* cum Navar. Arriag. Gobat, Valentia &c. contra Mastrum, Bonacinam, Tannerum, Azorum, &c. Ratio est; quia gravitas in tali casu nullo modo est cognita neque in confuso; adeoque nec voluntaria. Nec dicas: etiam levitas peccati non est cognita expresse in eo casu, & tamen est sufficienter voluntaria; cum etiam in ista sententia contrahatur adhuc leve peccatum: ergo pariformiter potest discursi de gravitate. Resp. enim negando consequentiam: major enim requiritur advertentia ad peccatum mortale seu grave, quam ad veniale, ac leve; quia ad peccandum venialiter satis est, quod talis cognoscat, se peccare, & non cognoscat, se graviter peccare; sicuti ad peccatum veniale sufficit advertentia semiplena; non item ad mortale. \*

## QUÆSTIO II.

Quibus de causis Peccatum ex genere mortale, fiat per accidens veniale, & contra?

### SUMMARIUM.

13. Peccatum veniale triplex est, videlicet Veniale ex genere suo.  
Ex parvitate materia, & ex imperfectione actus.  
(b) Juxta dicta n. 8.
14. Peccatum mortale, duplex: Aliud tale ex genere suo, Aliud ex accidenti.
15. Peccatum ex genere mortale tribus modis potest fieri veniale per accidens.
16. Peccatum veniale quomodo generatim fiat mortale per accidens?
17. Istud sit I. ratione conscientia erronea, vel dubia.
18. Ratione finis mortalis adjuncti.  
Et quomodo hoc intelligendum?
19. III. Ratione contemptus.  
Et quomodo fiat transgressio legis ex contemptu?
20. Corollaria.
21. IV. Ratione nimii affectus, volentis transgredi præceptum sub mortali obligans.
22. Ratione gravis scandalii.  
(c) Tract. 4. Dist. 7. quæst. 2.
23. Quædam aliqui periculum proximum incidendi in mortale.
24. Periculum proximum peccandi mortaliter quod?  
(d) Tract. 14. Distinct. 8. quæst. 3.

13. CONCL. I. Peccatum veniale triplex est; aliud enim est veniale ex suo genere & objecto, aliud ex parvitate materia, & aliud ex imperfectione actus. Ita communis. Peccatum ex genere suo veniale dicitur illud, quod versatur circa objectum, quod per se, & absolute spectatum, est materia offensæ levis: ut cogitatio vana, verbum otiosum, mendacium jocosum,



sum, risus immoderatus, & huiusmodi. Ratio est: quia talia ex objecto non habent gravem cum recta ratione, ac lege Dei repugnantiam. *Peccatum veniale ex parvitate materia* dicitur illud, quod, licet ex genere suo esset mortale, v. g. furtum, ob levitatem tamen materiae est veniale: ut est furtum unius oboli, aut alterius rei levis. Tandem *Peccatum veniale ex imperfectione adus* dicitur, quod sit veniale ex defectu perfectae deliberationis, quamvis ex objecto foret mortale. Siquidem ad peccatum mortale requiritur plena deliberatio, ac perfectus consensus (b) unde, si talis non adsit, actus ex genere suo mortalis, per accidens redditur venialis: uti sunt subiti, ac non plene deliberati motus odii, invidiae, luxuriae, superbiae, & huiusmodi.

14. CONCL. II. Peccatum mortale duplex est, aliud quidem mortale ex genere suo, aliud vero mortale ex accidente. Ita rursus communis Doctorum. Porro *Peccatum mortale ex genere suo* dicitur illud, quod per se graviter laedit charitatem Dei, vel proximi, aut nos ipsos: & talia peccata ex genere suo mortalia sunt omnia, quae sunt contra Virtutes Theologicas; item ferme omnia, quae sunt contra Praecepta Decalogi: dummodo excipias Mendacium jocosum, una cum similibus, nam illud ex genere suo non est mortale, quamvis sit contra octavum Praeceptum Decalogi. *Peccatum mortale ex accidente* dicitur: cum actus aliquis ceteroquin venialis, aut etiam ex genere suo indifferens, sit per accidens mortalis: quod, quomodo contingat, patebit ex dicendis. Hinc ulterius sit

15. CONCL. III. Peccatum ex genere suo mortale, potest fieri veniale per accidens tribus de causis: I. Si ex parte intellectus non adsit perfecta advertentia malitiae: prout sit, si quis ex imperfecta advertentia rationis gravem vindictam proximo appetat. II. Ex parte voluntatis, si nempe non adsit perfectus consensus voluntatis: cuius signa sunt, si quis valde timide, ac suspense, processisse se meminit; vel si semidormiens fuit non plene sui compos, iudicetque, se id non fuisse facturum, si plene vigilasset, & huiusmodi, de quibus dictum num. 12. Tandem III. Peccatum mortale potest per accidens fieri veniale ex parte materiae, si haec sit parvi momenti: prout Furtum, quod ex genere suo est mortale, ratione parvitatatis materiae potest fieri veniale. Ratio horum omnium patet ex dictis supra num. 8. estque certa, & communis inter Theologos.

16. CONCL. IV. Peccatum ex genere suo veniale, potest per accidens fieri mortale variis etiam modis; qui tamen omnes hac universalis regula comprehenduntur, quod tunc *Peccatum ex genere veniale, fiat per accidens mortale, quando supervenit aliqua circumstantia transiens illud ad speciem peccati mortalis*. Ita certa, & communis Doctorum; & mox explicabitur seq. Concl. unde sit

17. CONCL. V. Quinque praesertim de causis, seu modis peccatum ex genere veniale fit per accidens mortale. I. Ratione conscientiae erroneae, vel dubiae, quando videlicet committitur praedictae dubitando, vel erronee credendo, se fa-

cere peccatum mortale. Ratio hujus patet ex dictis Tract. 1. dist. 3. Quaest. 2. & 3.

18. II. Peccatum ex genere veniale, fit per accidens mortale ratione finis mortalis adjuncti, id est, quando intentio est mortalis: ut, si quis faciat mendacium jocosum, ut foeminam inducat ad fornicationem. Ratio est: quia, cum finis mortalis intendatur, jam committitur peccatum mortale ratione hujus pravi finis. Ceterum hoc non ita accipiendum est, quasi tunc duplex peccatum committatur, unum mendacii mortalis, & alterum fornicationis desideratae, ac utrumque in Confessione sit necessario explicandum; satis enim est, illud malum desiderium, utpote ex quo tota malitia mortalis in id veniale derivatur, fateri in Confessione, prout notat Sanchez lib. 1. in Decalogi cap. 5. num. 7. Nam seclusa malitia finis mortalis, mendacium illud manet veniale, quod non est necessario confitendum; licet optimum sit, illud quoque fateri. Et idem dicendum de similibus.

19. III. Peccatum veniale per accidens fit mortale ratione contemptus; id est, si transgressio aliqua, vel inobedientia de se venialis, committitur ex formali contemptu Legis, vel Legislatoris: hoc enim est peccatum superbiae consummatae, ac formalis inobedientiae; & licet materia legis obligantis sub veniali sit levis, contemptus tamen legis est gravis. Circa hoc notandum cum Doctore Angelico 2. 2. q. 186. art. 9. & aliis communiter, quod tunc aliquis transgrediatur praecceptum ex contemptu, quando voluntas ejus renuit subjici ordinationi legis, vel Regulae sui Ordinis, & ex hoc procedit ad faciendum aliquid contra legem, seu Regulam: id est, contemptus formalis tunc fit; quando contemptus praeccepti est causa illius peccati committendi, atque ideo quis praecceptum violat, quia ipsi, aut Superiori praecipienti subjici non vult. Quare contemptus formaliter, & directe tendit contra legis, ac Legislatoris superioritatem, atque idcirco ex veniali reddit peccatum mortale.

20. Inferitur proinde I. Quod peccare ex contemptu importet duo, nempe actum peccandi, & causam ejus: requiritur enim, ut quis peccet ex contemptu praeccepti, id est, ideo, quia praecceptum est. Inferitur II. cum cit. D. Thoma, & aliis passim, quando quis propter aliquam causam particularem, v. g. ex concupiscentia, vel ira, inducitur ad aliquid faciendum contra legem, vel Regulam, quod is non peccet ex contemptu, sed ex aliqua alia causa, v. g. ex ira, concupiscentia, vel prava consuetudine. Immo sola prava consuetudo peccandi non illico arguit contemptum legis; quamvis frequentiam peccati dispositive inducat ad contemptum, juxta illud Prov. 18. *Impius, cum in profundum venerit peccatorum, contemnit.*

21. IV. Peccatum veniale, per accidens fit mortale ratione nimii affectus; id est, quando in veniali constituitur ultimus finis. Ceterum ad hoc non satis est, quod committens veniale feratur nimis intenso affectu in objectum ejus; sed tunc illud evenit, quando quis eo affectu committit peccatum ex genere veniale, ut vellet illud committere etiam transgrediendo praecceptum sub mortale



mortali obligans. Sic fit, si quis ita inordinate afficiatur ad fabulas, lulum, verba otiosa, & huiusmodi, ut malit die Festo omittere Sacrum, quam illis privari. Item si quis committat veniale cum ea animi præparatione, ut, quamvis esset mortale peccatum, adhuc illud perpetraret. Hic tamen affectus non tantum habitualis, sed etiam actualis esse debet, ut peccatum mortale contrahatur; quia ad culpam non imputatur id, ad quod committendum habitus tantum est paratus.

22. V. Veniale transit in mortale ratione gravis scandali, quod peccator secuturum prævidit, aut prævidere potuit, ac debuit: ut si ex tali peccato veniali præbeas alteri directam occasionem blasphemandi, quia in tali casu peccato veniali quidpiam superadditur graviter charitati proximi repugnans. Sed de hoc plura alibi (c) agendo de scandalo.

23. Addunt aliqui, quod veniale, vel etiam opus indifferens, transeat in mortale ratione periculi proximi in mortale incidendi: quando nimirum quis sine sufficienti cautela, aut necessitate aliquid facit, per quod in peccatum mortale labitur, vel in proximum periculum peccandi mortaliter.

24. Porro periculum proximum peccandi mortaliter illud esse censetur, quod ex suo genere frequenter homines similis conditionis in peccatum mortale inducit; vel si experimento constet, in hoc homine talem effectum habere, ut nunquam vel ferme nunquam ea utatur sine novo peccato. Gobat *trac. 7. Theol. Experim. n. 525. & seqq.* ac alii. Et illud quidam Auctores moraliter determinant, hoc modo: Si quis, inquit, existens inrejusmodi occasione decem vicibus, septies, aut ultra in peccatum cadat, est occasio proxima; unde in Confessione explicanda est species peccati, cujus periculo se exposuit, quia eodem peccati genere peccavit, juxta illud Ecclesiastici 3. *Qui amat periculum, in illo peribit.* Verum de hoc alibi. (d)

### QUÆSTIO III.

Quibus modis remittantur peccata venialia?  
ubi & de Sacramentalibus.

#### SUMMARIUM.

25. *Hic non agitur de remissione peccati mortalis.*  
(e) *Tract. 14. Dist. 2. q. 2. & 3. ac Dist. 6. q. 3.*
26. *Peccata venialia multis remediis extra Sacramentum Pœnitentia expiari possunt.*
27. *I. Per contritionem.*
28. *I. In homine justo etiam per attritionem de illis conceptam.*
29. *III. Per actum aliarum virtutum, qui æque placeat Deo, &c.*
30. *IV. Per omnia Sacramenta nova legis rite suscepta.*
31. *Sacramentalia vero non remittunt venialia per se ac immediate;*
32. *Sed remote solum, ac mediate.*
33. *Sacramentalia, quid, & quæ sint?*
34. *Inter ea numeratur oratio quotidiana Fidelium.*
35. *Asperfusio Aquæ benedictæ, &c.*
36. *Manducatio panis benedicti.*
37. *Confessio generalis.*

38. *Largitio elemosynæ.*

39. *Et benedictio Episcopi, vel Abbatis consecrati.*

25. **U**T ex titulo Quæstionis patet, non loquimur hic de peccato mortali: nam quæ dispositio ad ejusdem remissionem requiratur, & quibus modis virtute contritionis perfecta, aut dignæ receptionis Sacramentorum illud remittatur, dicitur suo loco (e). Sed loquendo de peccatis venialibus sit

26. CONCL. I. Certum est, quod peccata venialia non sint materia necessaria Sacramenti Pœnitentiæ, ac proinde aliis etiam modis extra illud possint remitti. Ita omnes Catholici, & patet ex Concilio Trid. *Seff. 14. cap. 5.* ubi dicitur: *Nam venialia, quibus a gratia Dei non excludimur, & in qua frequentius labimur, quamquam recte & utiliter, citraque omnem præsumptionem in Confessione dicantur, quod piorum hominum usus demonstrat: taceri tamen citra culpam, multisque aliis remediis expiari possunt.* Hæc Concilium: ubi bene notandum, quod multisque aliis remediis expiari possunt.

27. CONCL. II. Extra Sacramentum delentur peccata venialia imprimis per Contritionem; & quidem omnia, quorum displicentiam continet, seu de quibus in genere saltem habetur Contritio: Ita communis Doctorum: Siquidem Contritio perfecta sufficit ad tollenda peccata mortalia; ergo multo magis ad venialia, si de illis habeatur. Solum hic adde cum Suarez *part. 3. trac. 4. disp. 11. scd. 3. num. 7.* & aliis, quod, licet quæcumque Contritio, etiam remissa, sufficiat ad tollendam omnem culpam eorum peccatorum venialium, de quibus habetur, non tamen semper sufficiat ad tollendam omnem pœnam eis correspondentem; ad hoc enim requiritur major satisfactio pœnalis, nisi suppleatur per intensiores actus Virtutum.

28. CONCL. III. Peccata venialia extra Sacramenta, delentur in homine justo etiam per Attritionem de eisdem conceptam. Ita Suarez *loc. cit. n. 11.* Mastrius *disp. 12. Theol. Mor. n. 82.* Tannerus, alique, contra Vasquez, & quosdam Recentiores, in homine justo ad deletionem peccati venialis extra Sacramentum requirentes Contritionem formalem, vel saltem virtualem. Ratio autem nostræ Conclusionis est: quia peccata venialia non sunt tam gravis offensæ Dei, sicut mortalia; ergo etiam minor sufficit satisfactio pro eorumdem remissione, quam pro remissione peccatorum mortalium.

29. CONCL. IV. Etiam per actus aliarum Virtutum, qui æque placeant Deo, ac veniale displicuit, delentur peccata venialia hominis justi, si actus illi virtuosi eliciantur in ordine ad deletionem peccati venialis, aut saltem a DEO ad talem finem acceptantur. Ita Doctor Subtilis 4. *dist. 21. quæst. 1. §. In ista quæstione.* Mastrius *loc. cit. n. 83.* & alii. Ratio desumitur in primis ex illa Salvatoris promissione, *Lucæ c. 6. Dimittite, & dimittimini.* Et similis promissio etiam de aliarum actibus Virtutum, ac præsertim Misericordiæ, passim habetur in Scriptura sacra. Accedit Concilium Trid. *loc. cit.* ubi ait, peccata venialia multis aliis remediis expiari posse.

30. CONCL. V. Peccata venialia remittuntur ex opere operato per omnia Sacramenta novæ le-

gis cum debita dispositione suscepta, dummodo ad ea nullus formalis, vel virtualis vigeat affectus. Ita Mastrius ibidem num. 85. cum communi SS. Patrum, & Doctorum. Ratio est: quia omnia Sacramenta novæ Legis sunt instituta a Christo Domino ad sanctificandas animas nostras ex opere operato, seu ex virtute Dominicæ Passionis, atque conferendam digne suscipientibus remissionem peccatorum.

31. CONCL. VI. Sacramentalia vero, qualia sunt Aspergio Aquæ benedictæ, Manducatio panis benedicti, &c. non habent vim remittendi venialia ex se atque immediate, sed remote solum & mediate, quatenus propter fidem, & preces atque suffragia Ecclesiæ, quæ in benedictione Aquæ lustralis & hujusmodi, orat, ut res illæ benedictæ conferant ad salutem mentis & corporis devote recipientium, impetrant nobis a Deo auxilia gratiar prævenientis atque excitantis nos ad eliciendos actus bonos Pœnitentiæ, vel aliarum virtutum, per se sufficientes ad remissionem peccatorum venialium; simulque, quia ejusmodi Sacramentalia propter Ecclesiæ preces juvant ad impetranda nobis alia Dei beneficia, v.g. demonis compressionem, præsertionem a peccandi periculis, & corporis sanitatem. Ita Doctor Subtilis 4. dist. 21. q. 1. D. Thomas, & communior Theologorum, contra Azorium part. 1. Institut. Moral. lib. 4. cap. 11. q. 4. & quosdam alios. Ratio quoad primam partem est: quia hujusmodi Sacramentalia non habent talem virtutem remittendi venialia ex institutione Christi, utpote de qua nullibi constat, sicuti de virtute Sacramentorum: Ecclesia vero ex se hanc virtutem eisdem dare nequit.

32. Secunda vero pars, quod Sacramentalia saltem remote (modo in Conclusionem explicato) remittant venialia, probatur ex eo: quia Deus non sinit Ecclesiæ preces omnino esse irritas, & inanes. Quamvis interim negari non possit, hunc effectum remissionis peccatorum venialium non esse omnino infallibilem; & hoc præcipue propter exiguam fidem, ac devotionem recipientis, aut ejus indispositionem: alioquin certe aspergio Aquæ benedictæ dormienti facta, conferret ipsi effectum remissionis peccatorum venialium, quod nemo dicet. Sed occasione hujus,

33. Quæres, quid sint Sacramentalia? Respondo: Sacramentalia nihil aliud sunt, quam res sacræ, seu actiones aut remedia quædam ab Ecclesia instituta, quibus solet attribui effectus remissionis peccatorum venialium, modo proxime declarato. Communiter autem hujusmodi Sacramentalia enumerantur sex, ad quæ cætera reducuntur, & continentur sequenti versiculo:

*Orans, tinctus, edens, confessus, dans, benedicens.*

34. Per *orans*, denotatur quotidiana Oratio Fidelium, ac præsertim *Pater noster*, de quo dicitur c. De quotidianis. de panis. dist. 3. De quotidianis, brevioribus, levibusque peccatis, sine quibus hæc vita non ducitur, quotidiana oratio fidelium satisfactio est enim dicere, *Pater noster*, qui es in celis, &c. Delet omnino hæc oratio minima & quotidiana peccata. Huc reducitur Tinctio pectoris.

35. Per *tinctus*, significatur aspergio Aquæ benedictæ; de qua c. Aquam de Consecr. dist. 3.

sic legitur: *Nam si cinis vitula sanguine aspersus populum sanctificabat, & mundabat; multo magis aqua sale aspersa, divinisque precibus sacra a populum sanctificat, atque munda.* Huc reducitur Unctio cæremonialis in Regem, & similes Unctiones; item impositio Cineris benedicti.

36. Per *edens*, intelligunt aliqui dignam Sacrosanctæ Eucharistiæ, immo cuiuslibet Sacramenti susceptionem. Verum hoc non tam videtur spectare ad Sacramentalia, quam ad ipsa Sacramenta: & hinc alii per *edens*, intelligunt devotam manducationem Panis benedicti, & hujusmodi.

37. Per *confessus*, communiter intelligitur Confessio generalis, quæ in hunc finem ab Ecclesia est instituta, ut dicatur in principio Missæ, atque sub Prima, & Completorio.

38. Per *dans*, denotatur elargitio Eleemosynæ, juxta illud Tob. 4. *Eleemosyna ab omni peccato liberat.* Daniel. cap. 4. *Peccata tua elemosynis redime,* & alibi. Huc reducuntur alia Opera Misericordiæ, tum corporalia, tum spiritualia.

39. Tandem per *benedicens*, designatur Benedictio Episcopi, vel Abbatis consecrati, alios benedicentis, prout explicat Bonacina tom. 1. disp. 5. quest. 6. sect. 2. punct. 1. citans plures alios, & tenet Glossa in Proœmio Sexti Decretalium, *Vers. benedictionem*, ubi inquit: *Per benedictionem Prælati devote susceptam venialia remittuntur:* atque ad hoc allegat c. *Dictum est*, & c. *Maledicam*, &c. lura 1. q. 1. quamvis non adeo clare id habeant.

### DISTINCTIO III.

*De Septem Peccatis Capitalibus.*

#### QUÆSTIO I.

*De Superbia, & variis eam concernentibus.*

#### SUMMARIUM.

1. Peccata capitalia sunt septem; & inter sic appellantur?
2. Superbia, quid?
3. Superbia si sit consummata, est peccatum mortale.
4. Superbia si sit perfecta.
5. Plures sunt filia Superbia, quæ?
6. Vana gloria, quid?
7. Et quale peccatum?
8. Presumptio quid, & quale peccatum?
9. Ambitio, quid & quale peccatum?
10. Superbia, cur dicatur vitium capitale?
11. Quam sint remedia contra Superbiam?

1. Supponitur cum D. Gregorio lib. 31. Moral. c. 31. & communi Doctorum, septem esse Peccata Capitalia, quæ sunt, Superbia, Avaritia, Luxuria, Invidia, Ira, Gula, & Acedia. Et hæc dicuntur *Capitalia*, quoniam ab his alia peccata oriuntur, & instar capitis, quod influit in membra, ipsa influunt in alia peccata, ut inquit D. Gregorius loc. cit. Siquidem ex his septem Capitalibus vitiis frequentius cætera peccata oriuntur, secundum rationem causæ finalis, licet nonnulla ex aliis interdum oriuntur. Et quia Superbia vitiis omnium mater est, ac regina (in ipsa enim initium sumpsit omnis perditio, Tob. 4.) de ea merito ante alia Peccata capitalia tractatur.

2. CONCL. *Superbia* est appetitus inordinatus propriæ excellentiæ super alios. Mastrius dist. 15. Theol. Mor. n. 137. Dicitur *excellentiæ super alios.*

Nam

Nam Superbia proprie dicta involvit affectum immoderatum excellentiæ suæ relatæ ad alios, quibus aliquis præesse cupit, aut antecellere: prout desumitur ex ipso nomine superbiæ, etenim *superbi- re* sic dicitur a *super*, & *ire*, quia nempe superbus alios, & supra suam mensuram ire vult. In quo sensu D. Augustinus *lib. 14. de Civitate Dei, cap. 3.* ait: *Quid est superbia, nisi perversa celsitudinis appetitus?* Nec obstat, quod idem S. Augustinus *loc. cit. cap. 13.* asserat, quod sibi placens immoderate, sit superbus. Nam hoc recte a Doctore nostro ibidem explicatur de superbia large dicta (quam alio nomine *Philautiam* vocant) cum superbia proprie accepta involvat relationem excellentiæ super alios, ut dictum.

3. CONCL. II. Superbia est peccatum mortale, si sit consummata & perfecta; id est, si quis ita excellere appetat, ut Deo, Superioribus, eorumque legibus subjici nolit. Ita certa, & communis Doctorum. Quinimmo ejusmodi superbia consummata, est peccatorum omnium gravissimum: talisque præcipue datur in diabolo, ac pessimis hominibus; estque radix omnium peccatorum, prout declarabitur *num. 10.*

4. Dicitur notanter, *si sit consummata & perfecta*. Siquidem imperfecta tantum superbia, quia quis non renuens iis subjici, quibus debet, in suo dumtaxat affectu sese magnificat, est tantum veniale peccatum, ut docent passim Doctores: quia sine Dei, & aliorum despectu, sese plus justo extolle, non est adeo gravis inordinatio. Et quavis superbia ex genere suo sit peccatum mortale, nihilominus aliqui motus ipsius propter imperfectionem actus, aut alias circumstantias, possunt esse veniales: foret tamen gravis inordinatio, adeoque peccatum mortale, si fieret cum notabili aliorum contemptu, vel cum complacencia in aliorum abjectione.

5. CONCL. III. Et si plures soleant assignari Filia superbiæ, ut Inobedientia, Jactantia, Hypocrisis, Contentio, Pertinacia, Discordia, Curiositas, tres tamen sunt præcipuæ, videlicet Vana gloria, Præsumptio, & Ambitio; quæ ideo dicuntur Filia superbiæ, quatenus ab ea originantur. *Mastrius disp. 15. Theol. Mor. n. 139.* cum aliis.

6. CONCL. IV. Vana gloria, quæ est una ex præcipuis Filiabus superbiæ, est cupiditas inanis gloriæ. Ratio est: quia vanus gloriosus vult propriæ manifestationem excellentiæ, sive veræ, sive fictæ; unde appetitus excellentiæ movet ad inanem gloriam, & sic oritur ex superbia, tamquam infelix soboles ipsius.

7. Porro vana gloria est peccatum per se seu ex genere suo tantum veniale; ut docet D. Thomas 2. 2. q. 132. art. 3. eo quod hoc vitium ex genere suo, & secundum se spectatum, nec Deo, nec proximo, gravem inferat injuriam. Hinc concionari v. g. vel alias actiones sacras facere ob vanam gloriam, est tantum veniale peccatum. Quo tamen non obstante, vana gloria sæpe fit peccatum mortale per accidens: idque vel ratione materiæ, si nimirum gloriatio sit de re moraliter mala: quia approbatio operis pravi, eandem cum illo speciem habet; vel ratione notabilis damni proximo illati; ut si quis prorumpat in gravem ejusdem contumeliam, qualis fuit jactan-

tia Pharisei, *Luc. 18.* dicentis, *Non sum sicut ceteri hominum: raptores, injusti, adulteri: velut etiam hic publicanus;* aut hujusmodi.

8. CONCL. V. *Præsumptio* est appetitus aggrediendi aliquid supra vires: cum enim homo vult dicere, vel facere aliquid supra id, quod potest, dicitur *Præsumptuosus*. Est autem præsumptio communiter, ac ex genere suo, peccatum veniale: fit autem per accidens mortale, si gravis injuria Deo, aut damnum proximo inferatur: v. g. si quis præsumat jurisdictionem Ecclesiasticam, potestatem Ordinis sacri, officium Medici, Advocati, Confessarii, &c. sine debita peritia suscipere, aut si quis aliquid præsumit cum periculo probabili gravis damni proprii corporalis, vel spiritualis intertendi, absque justa causa.

9. CONCL. V. *Ambitio*, quæ est una ex præcipuis Filiabus superbiæ, est inordinatus appetitus dignitatis, & honoris non debiti: ut si ambias Beneficium, vel Officium, quo es indignus. Est per se peccatum veniale: fit autem mortale vel ratione materiæ, ex qua honor inordinate petitur; vel ratione medii mortalis, per quod honor quaeritur; vel ratione gravis damni, quod proximo inferitur. Quod si vero moderate honor appetatur ob honestum finem, nullum erit peccatum, sed actus Magnanimitatis.

10. Quæres, cur Superbia dicatur esse vitium Capitale? Resp. intelligendum esse potissimum de superbia completa, quæ omnem humilitatem & subjectionem excludit: ut cum quis in tantum sese extollit, ut nolit legi Divinæ, ac legitimorum Superiorum, esse subjectus. Hæc autem non tantum est vitium Capitale, sed etiam regina & mater omnium vitiorum, juxta D. Gregorium *lib. 31. Moral. cap. 31.* idque tum propter universalem ejus influentiam, quam habet in omnia vitia: tum quia ex eo, quod quis renuat esse subjectus legi Divinæ, ac legitimorum Superiorum, aperitur porta latissima omnibus peccatis, legumque transgressionibus: Hinc Ecclesiastici 10. dicitur: *Initium omnis peccati est superbia: qui tenuerit illam, adimplebitur maledictis, & subvertet eum in finem.*

11. Quæres ulterius, quænam sint remedia contra Superbiam? Resp. cum communi Doctorem, eadem esse remedia superbiæ, quæ Humilitatis adjumenta, de quibus fuse Libri Ascetici. Tria tamen præcipue sunt remedia contra superbiam a Doctore Angelico 2. 2. q. 162. art. 6. ad 1. assignata, ad quæ cætera reduci possunt. Primum, est consideratio propriæ infirmitatis, juxta illud Ecclesiastici 10. *Quid superbit terra & cinis?* Secundum, est consideratio magnitudinis Divitiarum, secundum illud *Job. 15.* *Quid tumes contra Deum spiritus saus?* Tertium, est consideratio imperfectionis propriorum bonorum, de quibus homo superbit; juxta illud *Isaia 40.* *Omnis caro senium, & omnis gloria ejus quasi flos agri.* Et *Isaia 64.* *Quasi pannus menstruata universa justitia nostra.*

## QUÆSTIO II.

De Avaritia, & Filiabus ejus.

### SUMMARIUM.

12. *Avaritia, quid?*

13. *Avaritia, quale sit peccatum?*

K

14. *ipsa*

14. Ipsa rectissime numeratur inter Peccata capitalia, cur?
15. Filia Avaritia sunt septem, nempe, Obduratio cordis. Inquietudo mentis.
16. Violentia. Fallacia. Perjurium. Fraus, & Proditio.

12. CONCL. I. Avaritia est immoderatus appetitus habendi pecunias, sive possessiones. Ita in re communis. Dicitur, immoderatus appetitus: nam si ipse sit ordinatus, qualis fuit in Abraham, Jacob, & multis aliis, pecunias & possessiones copiosas ob debitum finem habentibus, peccatum non erit; juxta illud Psalm. 61. Divitiae si affluant, nolite cor apponere. Et additur, habendi pecunias, sive possessiones: quia circa has, tamquam objectum suum, versatur Avaritia. Quod si vero fiat sermo de immoderata cupiditate habendi voluptates, mundanam excellentiam, aut eiusmodi bonum creatum; non erit proprie Avaritia, &, prout hæc, est speciale vitium.

13. CONCL. II. Avaritia, prout adversatur Justitiæ, est ex genere suo peccatum mortale; quamvis per accidens possit fieri veniale propter imperfectionem actus, aut levitatem materiae, sicut de furto dici solet. Prout vero Avaritia opponitur liberalitati, est peccatum ex genere suo veniale; nisi in tantum crescat amor divitiarum, ut præferatur Charitati Dei aut proximi, volens potius transgredi præceptum sub mortali obligans, quam largiri suas pecunias, dando v. g. eleemosynam pauperi, in extrema necessitate constituto. D. Thomas 2. 2. q. 118. art. 4. & alii passim.

14. CONCL. III. Avaritia rectissime numeratur inter Vitia Capitalia. Ratio est: quia ex Avaritia, velut ex fonte & radice, multa alia peccata oriuntur; prout patet ex septem Filiabus ejus mox enarrandis. Hinc 1. Timoth. 6. dicitur: Qui volunt divites fieri, incidunt in tentationem, & in laqueum diaboli, & desideria multa inutilia, & nociva, quæ mergunt homines in interitum, & perditionem. Radix enim omnium malorum est cupiditas. Sic etiam Ecclesiastici 10. dicitur: Nihil est iniquius, quam amare pecuniam; hic enim & animam suam venalem habet. Unde ad Coloss. 3. Avaritia appellatur Simulacrorum servitus, qualia passim habentur in Scriptura sacra.

15. CONCL. IV. Filiae Avaritiæ sunt septem, ac recte recensentur a D. Gregorio cit. lib. 31. Moral. c. 31. dum ait: De avaritia proditio, fraus, fallacia, perjurium, inquietudo, violentia, & contra misericordiam obdurationes cordis oriuntur. Ratio est: quia Avaritia excedit in duobus, videlicet in retinendo, & in acquirendo. Ut excedit in retinendo, parit Obdurationem cordis, claudens viscera sua ad preces pauperis: ut vero excedit in acquirendo, sic in affectu parit inquietudinem mentis, seu supervacuas curas, quæ avarus, semper in crastinum sollicitus, superflue agitur: nam, ut dicit Ecclesiastes c. 5. Avarus non impletur pecunia.

16. Porro in effectu inducit Avaritia ad alias quinque Filias. Nam interdum impellit, ut vim proximo quis inferat, aliena rapiendo; ut faciunt fures & raptores: & sic committitur Violentia. Interdum inducit ad committendum dolum,

ut fit in contractibus illicitis, vel licitis male exercitis. Qui dolus si committatur simplici verbo, erit Fallacia: si additum fuerit juramentum, erit Perjurium. At si dolus committatur in opere, vel id fiet circum rem aliquam, & erit Fraus; vel contra personam, & dicetur Proditio. Et sic in omnibus sunt septem Filiae Avaritiæ.

### QUESTIO III.

De Luxuria, & Filiabus ejus.

#### SUMMARIUM.

17. Luxuria, quid, & quale peccatum? Ejus species, quæ?
- (a) Tract. 9. Dist. 4. per totum.
18. Luxuria recte numeratur inter vitia capitalia.
19. Ejus filia sunt octo, nimirum,
20. Cæcitas mentis.
21. Præcipitatio.
22. Inconsiderantia.
23. Inconstantia.
24. Amor sui, & Odium Dei.
25. Affectus præsentis seculi, &
26. Horror futuri seculi.

17. CONCL. I. Luxuria est inordinatus appetitus vel usus venereorum. Ita communis. Et hoc peccatum est ex genere suo mortale, ac inter vitia Intemperantiæ vel maxime exprobrabile. Ejus septem species recte numerantur; videlicet Fornicatio, Adulterium, Incestus, Stuprum, Raptus, Sacrilegium, & Vitium contra naturam; quamvis nonnulli omittant unam, videlicet Sacrilegium. Verum de Luxuria, ejusque speciebus, alibi. (a)

18. CONCL. II. Luxuria recte connumeratur inter septem Vitia Capitalia. Ratio est: quia multa alia ex illa oriuntur, tum propter vehementiam delectationis venereæ, tum propter conaturalitatem hujusmodi concupiscentiæ; unde ex ejus appetitu procedit homo ad multa vitia perpetranda, prout nimium quantum probat misera experientia.

18. CONCL. III. Filiae Luxuriæ post S. Gregorium cit. lib. 31. Moral. c. 31. & communem Doctorum, convenienter numerantur octo; nempe Cæcitas mentis, Præcipitatio, Inconsiderantia, Inconstantia, Amor sui, Odium Dei, Affectus præsentis seculi, & Horror futuri seculi. Harum priores quatuor se tenent ex parte intellectus, ejusque vires atque operationes valde deordinant: aliarum quatuor se habent ex parte voluntatis, ipsiusque deordinant operationes.

20. Cæcitas mentis, quæ est prima Luxuriæ Filia, facit, quod luxuriosus non apprehendat bonum & malum, ut sunt. Hinc Danielis cap. 13. de tali dicitur: Species decipit te, & concupiscentia subvertit cor tuum. Videmus proinde, tales homines bona sua cum Filio Prodigio, de quo Luce cap. 15. dissipare, vivendo luxuriose, & honorem parvipendere, ac multa alia sibi inconvenientia facere. Et hoc exprimunt Pictores pingendo subinde Libidinem in forma puelli, velatos oculos habentis.

21. Præcipitatio impedit actum intellectus seu rationis, qui est consilium de his, quæ agenda sunt propter finem. Nam qui cæco amore agitantur, absque consilio præcipitanter operantur, sibi-



sibi quæ de rebus agendis consulere nequeunt, ut eas dirigant ad debitum finem: & hinc sæpe in varia mala labuntur, propter consilii defectum.

22. *Inconsiderantia* est tertia Luxuriæ Filia, quia per Luxuriam impeditur, ac deordinatur rectum rationis iudicium de agendis: qui enim hæc pice maculantur, inconsiderate agunt, quæ proprium statum & personam dedecent. Hinc Danielis cap. 13. legitur de Senibus luxuriosis: *Everterunt sensum suum, & declinaverunt oculos suos, ut non viderent calum, neque recordarentur iudiciorum iustorum.*

23. *Inconstancia* facit, quod quis ex affectu voluptatum venerarum a piis propositis facile deficiat. Nam homo ex impetu concupiscentiæ impeditur, ne exequatur id, quod recta ratio faciendum esse dictavit; unde in omnibus suis decretis inconstans apparet: estque huiusmodi peccator difficilis curationis.

24. *Amor sui*, ac vicissim *Odium Dei*, dicuntur Filia Luxuriæ, eo quod luxuriosus homo ob voluptates seipsum faciat finem suarum actionum, non Deum; imo lascivus solet a rebus Divinis abhorre, atque ab ipso Deo, tamquam peccatorum vindice. Unde patet, hæc duo deordinare voluntatem, ejusque actum, quoad appetitum finis, ne scilicet debitum finem ultimum, qui est solus Deus, prosequatur.

25. *Affectus præsentis sæculi*, & vicissim *Horror futuri sæculi*, sunt etiam Filia Luxuriæ: amor enim voluptatum carnalium ita animum luxuriosi afficit, ut subinde etiam Beatitudini æternæ paratus foret renunciare, si præsentibus frui jugiter permetteretur. Et hinc oritur

26. *Horror futuri sæculi*. Quia luxuriosus, dum nimis carnalibus delectationibus detinetur, contemnit & fastidit spirituales: & quia nimia delectatio & perseverantia in delectationibus carnalibus hinc animum captivavit, illinc vero contemplatio gravitatis peccati cum terrore inferni cor affligit; mox sequitur Horror futuri sæculi; in tantum; quod homo quandoque prolabatur in desperationem. Ecce, in quot laqueos incidunt, qui in hoc turpissimo vitio habituantur.

#### QUESTIO IV.

De Invidia, ejusque Filiabus.

#### SUMMARIUM.

27. *Invidia, quid? Invidus proprius, quid?*
  28. *Corollaria.*
  29. *Invidia, quale peccatum?*
  30. *Invidia recte connumeratur inter vitia capitalia.*
  31. *Ejus filia sunt quinque, nimirum: Susurratio, Detractio, Exultatio in adversis proximi, Afflictio in prosperis ejus, & Odium.*
27. **C**ONCL. I. *Invidia* est tristitia de bono proximi, prout proprium malum æstimatur, & diminutivum proprii boni, seu propriæ gloriæ ac excellentiæ. Hoc enim vitium est præcipue de bonis, in quibus est gloria & honor; estque ad illos tantum, quibus homo vult se æquare, vel præferre, non autem respectu multum distantium, cum nullus plebejus, v. g. homo, nisi infans, studeat se æquare, vel præferre in gloria Regi, aut alteri multum excellentiori. Porro per *Invidiam* volumus, & desidera-

mus, alium carere tali bono, quia per illud nos excellit. Unde proprie *Invidus* dicitur, qui tristatur de bono alterius, putans, inde propriam excellentiam diminui.

28. Infertur proinde, quod tristari de bono alterius, non quia ipse tale bonum habet, sed quia nos tale bonum non habemus, non spectet ad peccatum *Invidiæ*: nam hæc tristitia proprie est zelus, & æmulatio; & si sit de bonis honestis, est laudabilis, juxta illud 1. *Corinth.* 12. *Æmulamini charismata meliora.* Infertur ulterius, si quis tristetur de bono alterius, in quantum imminet sibi exinde periculum cujuscumque nocimenti (ut puta si quis tristetur de exaltatione sui inimici, timens, ne ab ipso postea lædatur) quod talis tristitia non sit *invidia*, sed magis effectus timoris; ut notat D. Thomas 2. 2. q. 36. art. 1. & sequuntur alii.

\* Ex his ipsis dictis patet infertur, quod proprie *invidia* non sit, nec grave peccatum, si Mercator, sive alius Artifex, vel Opifex tristetur ex eo, quod vicinus vendat, & non ipse: etenim talis tristitia non tam versatur circa bonum alterius, quam circa malum proprium, quod est carentia venditionis; Unde non tam tristatur, quia alter vendit, quam quis ipse non vendit tantum, quantum alter. Prout recte cum Burghaber & La Croix advertit Franciscus Henno *Traç. de Peccatis disp.* 4. q. 3. *Conclus.* 1. Nec dicas: Si alter pariter non venderet, nec ille prior tristaretur: Consequenter tristatur de bono alterius, adeoque de bono alieno. Resp. enim, venditionem alterius esse quidem occasionem propriæ tristitiæ, sed non motum ejusdem, prout tamen requiritur ad *invidiam*. Ita Henno *loc. cit.* Interca tamen si similis tristitia procedit ex interna radicata passione erga alterum, qua sæpius jam erat gavissus de alterius infortunio, signum est evidens latentis *invidiæ*, & odii erga proximum. In dubio (ut practice loquamur) querat Confessarius ex tali homine penitente, an, si æqualem alter accessum habuisset emptorum, nihilominus fuisset contristatus de ejusdem fortuna, & si deprehendat animum ejusdem dispositum, ut credat, quod sic &c. prudenter deducet Confessarius, hanc tristitiam processisse ex *invidia*.

29. **CONCL. II.** *Invidia* est peccatum mortale ex genere suo, contrarium Charitati: quia Charitas gaudet de bono proximi; *Invidia* vero tristatur de bono proximi. Potest nihilominus *Invidia* fieri peccatum veniale, tum ob imperfectionem consensus, & non plenam advertentiam; tum ob materiæ levitatem, uti pueris contingere consuevit, qui de levibus aliorum puerorum bonis tristitiam capere solent.

30. **CONCL. III.** *Invidia* peccatum recte inter vitia Capitalia numeratur a S. Gregorio *supra cit. lib.* 31. *Ad Rom. cap.* 31. & communi Theologorum. Siquidem ex ipsa *Invidia*, tamquam ex capite, multa alia peccata originem ducunt, ut patet ex quinque Filiabus ejus mox enarrandis; ac merito tum a sacra Scriptura, tum a SS. Patribus gravissime perstringitur.

31. **CONCL. IV.** Filia *Invidiæ* recte a S. Gregorio *loc. cit.* assignantur quinque; quæ sunt, Odium, Susurratio, Detractio, Exultatio in ad-

verſis proximi, & afflictio in proſperis ejus. Invidus namque, dum de bono proximi triſtatur, putans, inde ſuam excellentiam diminui, ob hanc triſtitiam tollendam movetur ad deſiderandum, quod proximus illo bono careat: unde incipit ſuo conatu gloriam alterius diminuire; idque vel occulte, & tunc ſequitur *Suſurratio*; vel manifeſte, & tunc ſequitur *Detrahitio*. Quod ſi conſequatur ſuam intentionem, gaudet de illius adverſitate: ſi vero non poteſt, affligitur de ipſius proſperitate: & ſi hæc triſtitia duret, poſtea generat *Odium*. De hoc peccato dicitur Sap. 2. *Invidia diaboli mors intravit in orbem terrarum.*

## Q U Æ S T I O. V.

De Ira, &amp; Filiabus ejus.

## S U M M A R I U M.

32. *Ira, quid? eſt bona, ſi modum non excedat, eſt Satellitium rationis.*
33. *Ira inordinata, quid peccatum?*
34. *Filiæ ira ſunt ſex, nempe:*
35. *Indignatio.*
36. *Tumor mentis.*
37. *Clamor.*
38. *Contumelia, (d) Tract. 9. Diſt. 6. quaſt. 2. per totum.*
39. *Blasphemia, (e) Tract. 5. diſtinct. 3. q. 5. per totum.*
40. *Rixa.*

32. **C**ONCL. I. *Ira*, prout eſt unum ex peccatis Capitalibus, eſt inordinatus appetitus vindictæ. Dicitur, *inordinatus*: nam ſi ordinate appetatur vindicta, non eſt peccatum. Quinimo *Ira*, ſi præſcriptum rationis modum non excedat, bona eſt; & habet in homine cum locum, quem miles in Republica: nec immerito dicitur *Satellitium rationis*, de qua intelligendum illud Pſal. 4. *Iraſcimini, & nolite peccare*, Sic fit, ſi vindicta appetatur debito modo, puta exigente Juſticia per miniſtros Juſtitiæ. Similiter peccatum non eſt, ſi Superiores debito cum moderamine iraſcuntur culpa Subditorum, æſque puniunt.

33. Quod ſi *Ira* modum a ratione præſcriptum non ſervet, adeoque ſit inordinata, jam erit peccatum. Et quidem, ſi *Ira* modum a ratione præſcriptum excedat ex parte objecti, expetendo ſcilicet injuſtam vindictam, v. g. ob cauſam non legitimam, aut majorem vindictam, quam oportet, vel abſque debita auctoritate Superioris exequendam, eſt ex genere ſuo peccatum mortale; quamvis per accidens ob imperfectiones actus, vel leviſſimam vindictæ appetitæ, poſſit fieri veniale. Et de tali *Ira*, præſertim tendente ad vindictam mortis, intelligitur illud Salvatoris, Matth. 5. *Omnis, qui iraſcitur fratri ſuo, reus erit judicio.* Si vero *Ira* non ſervet præſcriptum a ratione modum dumtaxat ex parte ipſius motus, tunc erit ex genere ſuo peccatum veniale, quamvis per accidens poſſit fieri mortale, ut puta ratione affectus adjuncti, quo quis paratus exiſtit aliquid facere, quod eſt peccatum mortale.

34. **C**ONCL. II. Filiæ *Ira* communiter a Doctoribus cum cit. D. Gregorio lib. 31. *Moral. cap. 31.* ſex assignantur; quæ ſunt, indignatio, Tumor mentis, Clamor, Contumelia, Blasphemia, Rixa.

35. *Indignatio* eſt inordinatus affectus ex eo, quod quis reputet, ſe indigne ab alio tractari. Eſt, communiter veniale peccatum; imo, ſi ex juſto rationis judicio procedat, nullum eſt. Poſſet tamen eſſe mortale, ſi creſceret uſque ad deliberatum odium, vel contemptum perſonæ gravem.

36. *Tumor mentis* eſt, quo quis moroſe excogitat diverſas vias vindictæ, iisque cogitationibus animum tumefacit. Quale ſit peccatum, judicandum eſt ex qualitate vindictæ, quæ excogitatur accedente ſufficienti deliberatione.

37. *Clamor* eſt, cum iratus extollit vocem, multa inordinate & confuſe effutiens. Eſt communiter peccatum veniale, niſi aliud addatur, ut puta blaſphemia, vel contumelia, aut hujusmodi.

38. *Contumelia* eſt dictum, vel factum injurioſum, quo quis proximo præſenti palam aliquod malum objicit; aut ejus honorem & exiſtimationem palam violat. Eſt ex genere ſuo peccatum mortale, niſi leviſſitas materiæ, aut imperſectio actus excuſet; de qua amplius alibi. (d)

39. *Blasphemia* eſt, cum jactamus convicia in Deum, aut Sanctos: eſtque peccatum mortale, niſi inadvertentia, aut indeliberatio excuſet. De hac etiam ex profeſſo alibi. (e)

40. *Rixa* tandem, ſi modum graviter non excedant, uti & leviſſimæ pugnæ, veniales ſunt: ſecus, ſi progrediantur ad ſeditiones, vulnera, &c.

## Q U Æ S T I O. VI.

De Gula, &amp; Filiabus ejus.

## S U M M A R I U M.

41. *Gula, quid? Committitur quinque modis.*
42. *Gula ut ſic dividitur in comefſationem, & Ebrietatem.*
43. *Eſt de ſe, ac ex genere ſuo, peccatum veniale.*
44. *Nihilominus per accidens ſit mortale in pluriſus caſibus.*
- (f) *Diſt. 2. num. 21.*
45. *Ebrietas quid?*
46. *Differentia inter dormientem, & ebriam.*
47. *Ebrietas plena eſt ex genere ſuo peccatum mortale.*
48. *Signa plena ebrietatis, quæ?*
49. *Quando cenſeatur ebrietas voluntaria, ſicque peccatum mortale?*
50. *Inebriare ſe cauſa recuperanda ſanitatiſ, vel ſuenda vita, non eſt peccatum.*
51. *Comedentes, & bibentes ob ſolam voluptatem, an peccent?*
52. *Gula eſt peccatum capitale, cujus quinque ſunt filiæ, nempe:*
53. *Hebetudo mentis.*
54. *Immoderata lætitia.*
55. *Multiloquium.*
56. *Scurrilitas: & quomodo hoc differat a Multiloquio. Et Multiloquio?*
57. *Et Spurcitia, ſeu Immunditia.*

41. **C**ONCL. I. *Gula* eſt inordinatus appetitus cibi, & potus. Ita in re communis. Sive, ut aliqui loquuntur, *Gula* eſt vitium in appetitione, & uſu cibi & potus, debitum modum excedens, delectationis gratia. Hoc autem fieri poteſt quinque modis, ſequenti verſiculo comprehenſis:

*Præpropere, lætis, nimis, ardentior, ſtudioſi.*

*Præpro-*

*Præparare* dicitur quis, quando tempore jejunii ante horam comedendi fit comestio. *Lause*, quando quis cibos nimis exquisitos, ac delicatos, vult comedere. *Nimis*, quando plus justo comeditur. *Ardenter*, si voraciter quis comedat. *Studiose*, dum quis quarit cibos nimis accurate præparatos.

42. CONCL. II. Gula opponitur virtuti Temperantiz, & Sobrietatis: atque ut sic dividitur in Comestationem & ebrietatem, tanquam in duas species, quarum illa in inordinato appetitu seu excessu ciborum, hæc vero in excessu potus committitur. De his dicitur ad Galat. 5. *Manifesta sunt autem opera carnis: quæ sunt fornicatio, &c. ebrietas, comestiones, & his similia, quæ prædico vobis, sicut prædixi: quoniam, qui talia agunt, regnum Dei non consequuntur.*

43. CONCL. III. Tametsi vitium Gulæ inter Peccata Capitalia recte numeretur, eo quod plurius aliorum origo esse soleat; nihilominus per se loquendo, atque ex genere suo, ea est peccatum veniale. Ita Sylvester *Vers. Gula n. 2.* allegans mentem D. Thomæ pluribus in locis, *Mastrius disp. 15. Theol. Moral. n. 146.* Reginaldus *lib. 15. num. 64.* & alii. Ratio est: quia Gula præcise sumpta, & seclusis malitiis contra alias Virtutes pugnantibus, non repugnat graviter Charitati Dei, vel proximi. Unde si quis edat ante tempus, si nimis exquisita, si plus justo, si nimis voraciter ad modum canum, vel nimis exquisitè præparata (qui sunt quinque modi peccandi vitio Gulæ) per se loquendo non peccat mortaliter.

44. Nihilominus per accidens, & ob adjunctam malitiam, aliis Virtutibus repugnantem, variis modis Gula fit peccatum mortale, atque juxta allegatam sententiam D. Apostoli ad Galat. 5. inducit amissionem vitæ æternæ. Idque in primis accidit ratione perversæ voluntatis, quando scilicet in tali delectatione Gulæ constituitur finis ultimus, juxta quod de similibus legitur ad Phil. 3. *Quotum Deus veniet est:* hac enim ratione generaliter ex peccato veniali fieri per accidens mortale, jam supra (f) dictum est. Sic fit, quando homo adeo inhaeret delectationibus ciborum & potus, ut ob eas paratus sit legem Dei graviter violare: puta, si quis ob id furetur, vel contractus faciat iniquos, si violet jejunia Ecclesiæ diebus prohibitis vescendo carnibus, vel sæpius comedendo, si non solvat creditoribus, ut opipare videatur, ac hujusmodi. Deinde Gula fit mortale peccatum ratione gravis nocimenti, si id homo corpori suo advertenter adfert. Idem accidere potest in aliis similibus casibus, ac præsertim in Ebrietate, quæ est altera species Gulæ ut sic, & contradistincta a Comestatione; de qua proinde loquendo, sit.

45. CONCL. IV. Ebrietas est excessus in potu inebriante, causa voluptatis, donec usus rationis adimatur. Ita in re Doctores communiter. Dicitur *donec usus rationis adimatur.* Siquidem malitia ebrietatis plena, & perfecta, in eo consistit, quod quis tantum ob voluptatem, aut ingluviem, advertenter se privat usu rationis, & quidem violententer, ac modo innaturali rationem perturbando, seque privando proxima potestate utendi ratione ad omnem subitam necessitatem.

46. Et hoc ultimum notanter additur, ad excludendum somnum: nam etiam dormiens privatus existit usu rationis, sed modo naturali ab Auctore nature instituto ad virium naturalium conservationem. Simulque dormiens non simpliciter existit privatus usu rationis; quia excitatus a somno, quocumque tandem tempore, mox habet proximam potestatem utendi ratione ad omnem necessitatem: hoc autem secus fit in plene, ac perfecte ebrio, uti patet.

47. CONCL. V. Ebrietas plena & perfecta, quæ prædicto modo usus rationis plene sopitur, est ex genere suo peccatum mortale. Ita omnes Doctores. Ratio est: quia censetur gravis difformitas, magnumque malum, abjecta rationis potestate ad brutorum stoliditatem voluptatis causa ulro se abjicere. Unde ebrietas inter opera carnis, quæ excludunt a regno Cælorum, merito connumeratur *sic. cap. 3. ad Galatas.*

48. Dicitur, *Ebrietas plena & perfecta.* Nam si quis post potum adhuc discernere possit inter bonum & malum, licet nonnihil phantasia turbata sit, aut sequatur vomitus, lingua titubet, pedes vacillent, oculi cernant duplicia, vel domus gybari videatur, nondum est plena ebrietas; idemque tantum peccatum veniale, quamvis ex gratioribus, si deliberate sit commissum. Lessius *lib. 4. de just. & jure c. 3. n. 30.* Bonacina *disp. ult. in Decalogum q. 1. par. 1. n. 4.* & alii, qui simul pro signo ebrietatis ponunt, si quis temulentus non advertit, quid agat, & bonum a malo non discernat; ideoque sequenti die non meminerit, quid pridis fecerit, dixerit, aut qua ratione domum venerit, &c. cum alias talium rite meminisse soleat.

49. Cæterum allata Conclusio intelligenda est, duobus modis, proutmodi ebrietas sit voluntaria. Et hoc fit, quando quis ebrietatem intendit directe, vel saltem indirecte, nempe tantum bibendo, quantum potest, non curans, an sequatur ebrietas nec ne; vel quando quis advertit se inebriandum, si pergat potare, & nihilominus non desistit. Quod si quis non præviderit periculum ebrietatis, prout accidit in ebrietate Noë, *Gen. 9.* & ignorans fortitudinem potus, vino circumventus fuit, aut in auram exiens vento turbatus, nec hoc prævidit, culpa vacat, saltem mortali.

50. Insuper Conclusio posita duntaxat procedit, si ebrietas fiat cause voluptatis. Nam non esse peccatum, inebriare se ex præscripto Medicorum, si aliter sanitas recuperari non possit in casu quopiam extraordinario; tenent Sylvester, Gætanus, Toletus, Laymann, & alii. Siquidem malitia ebrietatis in eo consistit, quod quis sine iusta & gravi causa, tantum ob voluptatem, adeo se ingurgitet, donec usu rationis privetur, ut notat *Mastrius disp. 15. Theol. Moral. n. 147.* In casu autem posito adest iusta causa reparandæ sanitatis; Et ob eandem rationem non esse peccatum, si quis cogatur bibere intento ense, aliquem interficiendum, tenent Lessius, Azorius, Reginaldus, & alii.

51. Quæres incidentaliter, an comedentes, & bibentes ob solam voluptatem captandam, peccent venialiter? Ad hoc olim multi Doctores respondierunt negative: verum eorum sententia



amplius teneri non potest, cum sit novissime rejecta ab Innocentio XI. qui inter alias etiam sequentem Propositionem, ordine 8. damnavit. *Comedere & bibere usque ad saturitatem ob solam voluptatem non est peccatum, modo non obstat valetudini: quia licet possit appetitus naturalibus suis alibus frui.* Ubi tamen bene notandum id ob solam voluptatem: nam si quidem sentiatur voluptas, verumtamen ob hanc solam quis non comedat, vel bibat, sed ad conservandam valetudinem, aut restaurandas vires; peccatum nullum committitur; cum hic sit finis a natura intentus moderatæ comestitionis.

52. CONCL. VI. Gula merito inter Peccata Capitalia connumeratur, eo quod sit mater plurium vitiatorum, prout nimum probat, (proh dolor!) ipsa experientia: præcipue autem, teste S. Gregorio *cit. cap. 31.* quinque infelices gignit Filias; quæ sunt, Hebetudo mentis, Immoderata lætitia, Multiloquium, Scurrilitas, & Spurcitia.

53. *Hebetudo mentis*, seu Stupiditas consistit in eo, quod non possit quis orare, aut alia hujusmodi præstare. Hæc fit mortalis tunc, quando quis inordinate bibendo, vel comedendo, voluntarie redditur ineptus ad intelligenda vel præstanda ea, quæ ad salutem sunt necessaria; vel ad quæ ex officio, aut alias sub gravi peccato quis tenetur.

54. *Immoderata*, seu inepta lætitia, hoc loco non quamvis inordinatam denotat lætitiā, qualis omne peccatum comitari solet; sed eam præcipue, quæ movet ad cantiones obscenas, actus turpes, saltus vel choreas inhonestas, &c. Et hujusmodi immoderata lætitia fit mortale peccatum, quando est inductiva ad consensum aut delectationem mortalem, vel ad eam ordinatur.

55. Per *Multiloquium* peccatur juxta illud *Prov. 10. In multiloquio non deerit peccatum.* Et quidem tunc peccat quis mortaliter per Multiloquium, quando illo utitur in gravem irreverentiam Dei, aut in tantum eo delectatur, ut paratus sit illud præferre implectioni alicujus præcepti sub culpa mortali obligantis; alioquin vero, ac ex genere suo, est peccatum veniale.

56. *Scurrilitas* idem est, ac jocularitas quædam, proveniens ex defectu rationis, quæ sicut non potest cohibere verba, ita non potest cohibere exteriores gestus. De hac, sicut & de Stultiloquio, fit mentio *Ephes. cap. 5.* ubi etiam Scurrilibus aperte discernitur a Stultiloquio, dum dicitur: *Aut turpido, aut stultiloquium, aut scurrilitas, quæ ad rem non pertinent.* Differt autem Scurrilitas a Stultiloquio, quod Scurrilitas dicitur quamdam inhonestatem in verbis & gestibus, v. g. Scurrilia dicere, canere, vel alia hujusmodi ad risum excitandum agere. *Multiloquium* vero consistit in superfluitate verborum: quæ si proferantur absque recta ratione, seu iudicio intellectus, *Stultiloquium* erit. Porro Scurrilitas per se, & secluso scandalo, est peccatum veniale: foret tamen mortale, si fieret causa delectationis venereæ.

57. *Spurcitia* tandem seu *Immunditia*, attenditur secundum inordinatam emissionem quarumcumque superfluitatum, specialiter vero quantum ad emissionem seminis: & hæc si voluntaria sit, est peccatum mortale. Tantum autem cibi vel potus capere, ut vomitus sequatur, si usus ratio-

nis non adimatur, per se loquendo non videtur peccatum mortale; ut notat communior, & probabilior Doctorum.

## QUESTIO VII.

De Acedia, & Filiabus ejus.

### SUMMARIUM.

- 58. *Acedia*, quid?
- 59. *Acedia* dupliciter accipitur, I. generaliter.
- 60. II. Specialiter: & quale peccatum sit?
- 61. *Acedia* recte ponitur inter vitia capitalia.
- 62. *Acedia* filia sunt sex, nempe.
- 63. *Malitia*.
- 64. *Rancor*.
- 65. *Pusillanimitas*.
- 66. *Desperatio*.
- 67. *Torpor*, &
- 68. *Evagatio mentis*. Hæc spectant *Curiositas*, *Verbofinitas*, & *Inquietudo*.

58. CONCL. I. *Acedia* generatim denotat quandam incuriam, negligentiam, & pigritiam in proposito autem, & prout est septimum peccatum Capitale, *Acedia* est fastidium rerum spiritualium. Unde directe repugnat effectui Charitatis, qui est, gaudere de bono spirituali.

59. Porro *Acedia* sumitur dupliciter; Primo generaliter, pro omni tardio, & torpore animi, bona facere negligentis: & hoc modo *Acedia* non habet rationem specialem vitii, quia omne vitium refugit spirituale bonum virtutis oppositæ, ut patet in luxurioso, & guloso, quorum prior trahitur de bono Continentiæ, posterior de bono Abstinentiæ, illudque refugit, prout est laboriosum, aut corpori molestum, vel delectationis ejus impeditivum.

60. Secundo *Acedia* sumitur specialiter, seu prout est speciale vitium; & consistit in tristitia de bono Divino, de quo alioquin Charitas gaudet: & hoc modo *Acedia* ex se, ac genere suo, est peccatum mortale, quia directe repugnat Charitati Dei. Priori autem modo, seu generaliter sumpta *Acedia*, tunc demum est peccatum mortale, cum propter eam committitur opus prohibitum, vel omittitur opus præceptum sub mortali.

61. CONCL. II. *Acedia*, prout est tristitia de spirituali bono Divino, ac speciale vitium, recte a S. Gregorio *lib. 31. Moral. cap. 31.* inter vitia capitalia numeratur, utpote cum plura alia vitia oriantur ex ea secundum rationem causæ finalis. Nam sicut homines multa operantur propter delectationem, tum ut ipsam consequantur, tum quia ex ejus impetu ad aliquid agendum permoventur: ita etiam propter tristitiam multa operantur, vel ut ipsam evitent, vel quia ejus pondere in aliqua mala agenda prorumpunt.

62. CONCL. III. Filia *Acediæ* merito sex enumerantur a S. Gregorio *loc. cit.* & aliis, quæ sunt *Malitia*, *Rancor*, *Pusillanimitas*, *Desperatio*, *Torpor* circa præcepta, ac *Evagatio mentis* circa ipsa.

36. *Malitia* non sumitur hic, prout est genus omnium vitiatorum; sed accipitur specialiter pro ea malitia, qua quis odio habet bona spiritualia, & vellet ea non esse, aut qua ipsum pœnitet bene fecisse, vel implevisse id, ad quod tenebatur;

aut



aut qua contemnit Dei beneficia, v. g. desiderando se non fuisse natum, aut non agnovisse Christum, &c. Est autem malitia sic sumpta ex genere suo mortale peccatum.

64. *Rancor* etiam non accipitur hic communiter pro odio; sed pro quadam indignatione contra eos, qui ad spiritualia bona inducunt.

65. *Pusillanimitas* est respectu consiliorum, quae nimirum homo Divina consilia, quae perfectionis sunt, exequi non audet ex mero animi timore: utputa, si quis a jeuniis, Religione, & hujusmodi virtutum actibus se subtrahit, ex timore deficiendi: Et hæc ex genere suo est veniale peccatum, nisi ratione voti, aut alia de causa quis sit obligatus ad talia bona opera exequenda.

66. *Desperatio*, intellige, consequendæ æternæ

beatitudinis, est peccatum mortale, quando cum consensu rationis pleno fit, ut est certum.

67. *Torpor* est circa præcepta, quando scilicet homo negligit & omittit facere ea, quæ sunt ex præcepto facienda. Alii vero per Torporem intelligunt eum, cum bona opera non fiunt cum debito fervore.

68. Tandem *Evagatio mentis* est, qua quis in exercitio operum spiritualium evagatur circa illicita, aut saltem impertinentia. Et hæc si fiat per cogitationem, diffundentem ad cognitionem impertinentium, dicitur *Curiositas*: si vero per locutionem, dicitur *Verbositas*: & si per inquietudinem corporis, quando scilicet aliquis per inordinatos membrorum motus vagacitatem indicat mentis, tunc dicitur *Inquietudo*.

## TRACTATUS IV.

### DE VIRTUTIBUS THEOLOGICIS.

1. **I**ustitia Christiana generatim duo involvit, fugam scilicet peccatorum, & actionem bonorum operum; juxta quod dicitur Psal. 36. *Declina a malo, & fac bonum.* Et Isaia cap. 1. *Quiescite agere perverse, discite bene facere.* Quia igitur præcedente Tractatu visum est de Peccatis, superest, ut, perspecta peccatorum malitia, Virtutum excellentia, decor, & natura declaretur; atque earum in primis, quæ cæteras antecellunt, uti sunt Virtutes Theologicae, sic dictæ, quia Deum pro suo immediato objecto respiciunt. Porro Tractatus de Virtutibus Theologicis celebris est, atque ob sui utilitatem, simul ac necessitatem, non solum in Theologia speculativa, sed etiam Morali communiter examinatur.

#### DISTINCTIO I.

##### De virtutibus Theologicis generatim.

#### QUESTIO I.

Quid, & quotuplex sit tum Virtus, ut sic, tum Theologica?

#### SUMMARIUM.

1. *Iustitia Christiana involvit duo, quæ?*
2. *Virtutis nomen varie accipitur. Et quomodo in proposito?*
3. *Virtus, quid?*
4. *Sumitur magis proprie pro habitu.*
5. *Virtus ut sic tripliciter dividitur.*
6. *Virtutes intellectuales, & morales, quid?*
7. *Virtutes infuse & acquirent dantur, & quid sint?*
8. *Virtus Theologica, quid?*
9. *Virtutes Theologicae quomodo differant a Moralibus?*
10. *Religio, quomodo respiciat Deum?*
11. *Tres tantum sunt Virtutes Theologicae.*

2. **P**ro clariori resolutione præmittendum, quod nomen Virtutis latissime spectatum varias habeat significationes. Et in primis quandoque Virtus accipitur pro quacumque perfectione, præsertim ea, quæ in vi seu facultate operandi consistit. Sic Psal. 32. dicitur: *Verbo Domini cæli firmati sunt, & spiritu oris ejus omnis virtus eorum.* Sic e contra membra languida hominis, dicuntur esse destituta omni virtute sua.

Deinde nomen virtutis sumitur nonnumquam pro effectu seu opere, quod per excellentem vim operativam attingitur, seu efficitur: sic *Marci c. 6.* dicitur de Christo: *Non poterat ibi virtutem ullam facere:* Sed hæc Virtutis acceptiones nostro proposito parum deserviunt. Tertio igitur, & magis ad propositum, Virtus accipi solet, vel pro actu, sive operatione moraliter bona; ut est actus Fidei, Spei, & Charitatis Divinæ, actus humilitatis, patientiæ, & hujusmodi: in quo sensu D. Augustinus *lib. 2. de libero arbitrio, cap. 19.* dixit: *Virtutem esse bonum usum liberi arbitrii.* Vel pro habitu, seu facilitate & promptitudine quadam, inclinante ad ejusmodi bonam operationem: & hæc posterior est magis propria Virtutis acceptio, de qua loquendo sit

3. **CONCL. I.** *Virtus* generatim sumpta, est habitus perficiens substantiam intellectualem, & ad bonam operationem inclinans. Ita in re communis Doctorum. Unde & Aristoteles 2. *Ethic. cap. 6.* dixit, quod Virtus hominis aliud non sit, quam habitus, ex quo & bonus homo ipse efficitur, & bonum ejus opus: sive, ut verbis ejusdem utamur, *virtus est, qua facit habentem, & opus ejus bonum.* Et in hoc sensu Virtus opponitur vitio, nam vitium reddit habentem malum & opus ejus malum.

4. Dicitur I. *Habitus.* Quamvis enim Virtus quandoque sumatur pro ipsomet actu virtuoso, ut proxime dictum est; communius tamen, & magis proprie, accipitur pro habitu, ad eliciendos ejusmodi actus bonos inclinante: neque enim illico solet dici virtuosis, temperans, vel mansuetus, &c. qui unum vel alterum actum virtutis temperantiæ, vel mansuetudinis elicit, sed qui ex actibus illis jam frequentatis acquisivit habitum, sive promptitudinem quandam sic operandi. Dicitur II. *Perficiens substantiam intellectualem:* quia Virtus proprie accepta non datur in brutis, aut rebus inanimatis, sed in homine duntaxat, & Angelis, perfectissime autem in Deo. Dicitur III. *& ad bonam operationem inclinans:* quia, sicut generaliter habitus inclinant ad actus sibi correspondentes prompte atque faciliter eliciendos, ita & Virtus jam habituata, seu radicata in homine.

5. Concl.

5. CONCL. II. Virtus generatim dividitur tripliciter; nimirum ex parte subjecti in Virtutes intellectuales & morales, ex diversitate causæ efficientis in infusæ & acquisitæ, & ex diversitate objecti in Theologicas & Morales. Ita communis; idque probatur.

6. In primis enim *virtutes intellectuales* sunt ex, quæ intellectum, in quo subjectantur, perficiunt: & tales juxta Aristotelem 6. *Ethic. cap. 3.* sunt quinque, videlicet Intellectus, Scientia, Sapientia, Ars, & Prudentia; nam hæ spectant ad intellectum, in eoque subjectantur: quibus addi potest Fides infusa & Theologica, quam Philolophus ignoravit. Verum de his (dempta Prudentia & Fide, de quibus infra suo loco) melius agitur in Philolophia. *Virtutes morales*, prout contradistinguntur intellectualibus, dicuntur, quæ subjectantur in appetitu rationali (hoc est, in voluntate) & versantur circa dirigendos mores, atque juxta dictamen rectæ rationis moderantur, & dirigunt affectus animi nostri. Et hujusmodi Virtus moralis tum ab Aristotele 2. *Ethic. cap. 6.* Doctore nostro 3. *dist. 36. quest. un. §. dicitur*, tum ab aliis passim definitur, dicendo: *Virtus est habitus electivus, in mediocritate consistens, quoad nos determinata ratione, prout definitur sapiens.*

7. Deinde dari Virtutes infusæ, & acquisitæ, patet ex eo; quia, cum Virtutes nobis a natura non insint, immo de facto, ac post lapsum primi parentis nostri Adæ, cogitationes hominum potius intentæ sint ad malum ab adolescentia sua: hinc duæ generatim sunt causæ effectivæ Virtutum, videlicet DEUS per infusionem earum, & proprium exercitium hominis, quo quilibet sibi comparat quosdam habitus virtuosos. Proinde & juxta hoc duplex principium effectivum, Virtutes ut sic, recte dividuntur in infusæ, & acquisitæ. Et quidem *Virtutes infusæ* dicuntur ex, quæ nobis a DEO immediate infunduntur, ut sunt habitus Fidei, Spei, & Charitatis, qui etiam parvulis in Sacramento Baptismatis divinitus infunduntur; ut taceantur ex virtutes, quæ Angelis, & primis nostris Parentibus in sua creatione a Deo infusæ fuerunt. *Virtutes acquisitæ* econtra sunt, quæ nostra industria, nostrisque frequentatis actibus comparantur, seu acquiruntur: ut sunt habitus Temperantiæ, Manluetudinis, & hujusmodi; nam, ut inquit Philolophi, *ex frequentatis actibus fit habitus*. Cæterum de tertio membro datæ divisionis in Virtutes Theologicas, & Morales, mox amplius dicetur; hinc sit

8. CONCL. III. *Virtus Theologica* ut sic recte describitur, dicendo: Virtus Theologica est virtus a Deo infusa, cujus principalis actus tendit in Deum tamquam objectum immediatum. Ita in re Doctores communiter. Dicitur in primis, *Virtus a DEO infusa*: nam Virtutes Theologicæ, prout sumuntur pro habitu, infunduntur homini a Deo in Sacramento Baptismi. Et additur, *cujus principalis actus tendit in DEUM*: quia non est necesse, ut omnis ejus actus immediate tendat in DEUM: nam actus ille, quo quis credit propter revelationem Divinam, Mundum esse creatum in tempore, canem Tobæ in hujus adventu movisse caudam suam, Tob. cap. 11. est quidem actus Fidei, non tamen tendit in DEUM

immediate. Sufficit proinde ad rationem Virtutis Theologicæ, quod actus ejus principalis sic immediate tendat in DEUM, utpote in quem credimus, quem consequi speramus, quem super omnia amamus.

9. Cæterum per illa verba, *tamquam objectum immediatum*, assignatur differentia Virtutum Theologicarum a Moralibus proveniens ex diversitate objecti. Siquidem Virtutes Theologicæ habent pro suo immediato objecto DEUM, in quem earum actus principalis tendit tamquam in objectum terminativum *Quod*: secus autem fit in Virtutibus Moralibus, puta in Religione, Temperantia, Misericordia, & aliis hujusmodi: nam hæ pro suo immediato objecto non habent Deum, sed vel cultum Deo exhibendum, vel passiones moderandas, aut miseriam indigentium sublevandam, &c. Quamvis & hæ saltem mediatè ac remote tendant in DEUM, propter quem tales actus boni eliciuntur.

10. Si dicas: Religio etiam immediate respicit DEUM, utpote cui defert cultum debitum, Eumque honorare satagit; ergo. Resp. claritatis gratia distinguendo antecedens: Religio respicit Deum, ut objectum immediatum, ac terminativum *Quod*, negatur: ut objectum *Cui*, conceditur antecedens, sed negatur consequentia. Quia Virtutes Theologicæ respiciunt DEUM, ut objectum *Quod*, & quidem principaliter (nam actus principalis earum est, credere DEUM esse, sperare DEUM consequi in æterna beatitudine, DEUM super omnia amare) Religio vero pro objecto *Quod* respicit cultum DEO deferendum, ipsum vero DEUM respicit dumtaxat, ut objectum *Cui*, cui videlicet cultum illum deferre laborat.

11. CONCL. IV. Tres tantum dantur Virtutes Theologicæ, videlicet Fides, Spes, & Charitas, & non plures. Ita omnes Theologi; nam prædictis tribus dumtaxat convenit definitio Virtutis Theologicæ proxime allata. Hinc & Apostolus 1. *Corinth. 13.* has tres tantum enumerat, dicens: *Nunc autem manent fides, spes, charitas, tria hæc.* Et Concilium Trid. *Sess. 6. cap. 7.* de his tribus solummodo mentionem facit, dum inquit: *Unde in ipsa justificatione cum remissione peccatorum hac omnia simul infusa accipit homo per JESUM Christum, cui inseritur, fides, spes, & charitatem.* Quo tamen non obstante quælibet harum Virtutum Theologicarum distinguitur in habitualement, & actualem; per hanc intelligendo actualem exercitium, sive actum Fidei, Spei, vel Charitatis; per illam vero habitum istarum Virtutum divinitus nobis infusum.

## QUÆSTIO II.

De perfectione, & cessatione Virtutum Theologicarum, & an habeant medium?

### SUMMARIUM.

12. *Virtutes Theologicæ sunt perfectiores Moralibus.*
13. *Inter Theologicas quæ sit perfectior?*
14. *Charitas amittitur per omne peccatum mortale, non Fides & Spes.*
15. *Hæ tamen tunc informes sunt, non vivæ.*
16. *In Beatis manet Charitas, non Fides, & Spes.*

17. *Fin.*

17. Virtutes consistunt in medio, vel formaliter, vel tantum materialiter.

18. Et habent medium vel ex parte objecti, vel solum ex parte actus.

19. Virtutes Theologicae, an, & quomodo habeant medium?

12. **C**ONCL. I. Virtutes Theologicae sunt perfectiores omnibus Virtutibus Moralibus. Ita communis: nam Theologicae habent perfectum objectum, videlicet ipsummet DEUM.

13. **C**ONCL. II. Inter ipsasmet Virtutes Theologicas omnium excellentissima est Charitas, deinde Spes, non obstante quod ordine generationis Fides præcedat Spem, & hæc Charitatem. Ita communis omnium, cum Doctore Angelico 1. 2. q. 62. art. 4. & desumitur ex illo 1. Corinth. 13. *Nunc autem manent fides, spes, charitas, tria hæc: major autem horum est charitas.* Accedit ratio: quia Charitas nos perfectius conjungit DEO, quam Fides, & Spes. Immo Charitas est mater omnium Virtutum, ac sine ea cæteræ Virtutes non sunt meritoriae, nec profunt de condigno ad vitam æternam, juxta illud Apostoli 1. Corinth. 13. *Et si habuero omnem fidem, ita ut montes transferam, charitatem autem non habuero, nihil sum. Et si distribuero in cibos pauperum omnes facultates meas, & si tradidero corpus meum, ita ut ardeam, charitatem autem non habuero, nihil mihi prodest.*

14. **C**ONCL. III. Charitas amittitur quidem per quodlibet peccatum mortale, non tamen semper Fides & Spes. Ita omnes Theologi. Nam Charitas de facto est impossibilis cum quolibet peccato mortali, ac per illud demeritorie destruitur: habitus vero infusus Fidei amittitur per oppositum actum Infidelitatis, & Spes per actum Desperationis.

15. **C**ONCL. IV. Fides & Spes, quando in peccatoribus reperiuntur sine Charitate, non obstante, quod in propria sua specie sint perfectæ, nihilominus sunt informes, non vivæ, ac imperfectæ in tantum, quia non perducunt ad beatitudinem. Ita Doctor Subtilis 3. dist. 37. q. 5. de tercio. idque desumitur tum ex verbis Apostoli 1. Corinth. 13. proxime relatis; tum ex illo ad Galat. 5. ubi dicitur. *In Christo JESU neque circumciso aliquid valet, neque praputium, sed fides, qua per charitatem operatur.* Et in hoc sensu D. Augustinus lib. 14. de Civitate DEI, cap. 9. ait: *Sic igitur fides est quidem sine charitate, sed non perfecta virtus.*

16. **C**ONCL. V. In Patria, seu in Statu gloriæ cœlestis, non remanet in Beatis Fides & Spes, bene tamen Charitas. Ita omnes Doctores. Probatum hoc in primis de Fide, quia Fides est solum de illis rebus, quæ non videntur; unde D. Augustinus Serm. 27. De verbis Apostoli, ait: *Quid est Fides? Credere, quod non vides.* Atqui Beati vident DEUM semper, ac intuitive; ergo non possunt amplius in DEUM credere. Confirmatur: quia, ut inquit Apostolus 1. Corinth. 13. *Videmus nunc per speculum in enigmate, tunc autem facie ad faciem, &c.* Cum autem venerit, quod perfectum est, evanescit, quod ex parte est. Probatum idem de Spe: quia, ut ait Apostolus Rom. 8. *Spes, qua videtur, non est spes: nam quod videt quis, quid sperat?* Atqui Sancti in cœlis vident id, quod est objectum Spei, scilicet DEUM, eoque perfecte fruuntur:

ergo amplius non sperant. Quod autem in Beatis maneat Charitas, certum est; juxta illud 1. Corinth. 13. *Charitas numquam excidit.* Unde Sancti in cœlis perfectissime amant DEUM.

17. Quantum attinet ad posteriorem partem Quæstionis, est præmittendum, quod Virtutes varie possint intelligi consistere in medio, videlicet formaliter & secundum se, vel dumtaxat materialiter. *Formaliter*, & secundum se, *virtus consistit in medio*, quando ipsemet habitus virtutis inter duos extremos habitus vitiosos sibi oppositos versatur: prout Liberalitas mediat inter Avaritiam, & Prodigalitatem; nam quodlibet horum vitiorum extreme opponitur Liberalitati: Avaritia quidem per defectum; sumptus etiam necessarios non faciendo; Prodigalitas vero per excessum, expendendo bona sua in sumptus non necessarios. *Materialiter* dicitur *virtus consistere in medio*; quando ex una quidem parte contingit formaliter peccari contra illam virtutem; ex altera vero parte non sic, sed solum per oppositionem ad aliam virtutem ob certas rationes & circumstantias: sic Temperantia mediat inter Intemperantiam in cibo & potu, & inter Inediam; nam Inedia, per quam quis voluntarie se interficit, formaliter non opponitur Temperantiæ, sed Charitati erga seipsum.

18. Alio adhuc modo Virtutes possunt intelligi, habere medium, nempe, vel ex parte objecti, vel solum ex parte actus. Priori modo contingit, Virtutes habere medium, quando objectum actus virtuosum ita requirit medium, ut nempe certam mensuram ejus excedere, neque ab eadem deficere possit: sic fit in Virtute Temperantiæ, quæ salvatur in mediocritate cibi & potus sumendi, ita ut neque plus, neque minus sumatur, quam exigit natura juxta præscriptum rectæ rationis. Posteriori modo Virtus intelligitur habere medium, quando virtus non petit certum modum ex parte objecti observandum, bene tamen in actibus circa illud versantibus, ne scilicet alio modo, quam oportet, exercentur: sic Amor DEI consistit in medio; nam non potest excedere ex parte objecti (DEUS enim est dignus omni amore) bene tamen ex parte actus, volendo scilicet amorem DEI elicere illicito modo, v.g. occidendo seipsum.

19. **C**ONCL. VI. Virtutes Theologicae habent quidem suo modo medium, quod possunt, ac debent observare; non tamen habent medium ex parte objecti sui formalis, sed solum ex parte actus, sive exercitii earum. Ita communis; idque suadetur ex illo vulgato dicto: *Virtus consistit in medio.* Hinc Isaie cap. 38. dicitur: *Hæc est via, ambulate in ea, & non declinetis neque ad dexteram (scilicet per excessum) neque ad sinistram (nempe per defectum) qualia etiam habentur Deuter. 5. & Proverb. 4.* Et D. Apostolus Rom. 12. generatim præcipit: *Non plus sapere, quam oportet sapere.* Accedit ratio: quia in exercitio Virtutum Theologicarum potest dari non solum defectus, prout fit in omissione talium actuum tempore urgentis præcepti (ut taceamus vitia extreme opposita per defectum, nempe Infidelitatem, Desperationem, & Odium DEI) sed etiam excessus, si actus illi fiant modo indiscreto, & plura quam

quam oportet, sapere volendo; prout fieret, seipsum ob amorem DEI putativum interficiendo, aut eisdem immolando filium suum, prout soli fecerunt Gentiles.

## DISTINCTIO II.

De Fide.

### QUESTIO I.

Quid sit Fides, & quod objectum ejus?

#### SUMMARIUM.

1. Fidei nomen varie accipitur.
2. Alia Fidei acceptiones.
3. Fides supernaturalis actualis,
4. Et habitualis, quid?
5. Objectum materiale Fidei, quod?
6. Objectum Fidei complexum, & incomplexum, quid?
7. Corollaria. (a) dist. 3. quest. 5.
8. Objectum formale Fidei, est veracitas Dei.
9. Plebeii, quomodo credant ob propositionem Concilii natoris.
10. Evangelio non crederem, nisi me Catholicæ Ecclesiæ commoveret auctoritas, quomodo intelligendum?

1. **S**tylo receptissimo inter Virtutes Theologicas primo loco ponitur Fides; non quod ea sit dignior cæteris: sed quia, ut inquit Concilium Trid. Sess. 6. cap. 8. *Fides est humana salutis initium, fundamentum, & radix omnis justificationis*: quod intelligendum de Fide supernaturali, & Theologica. Siquidem generatim Fidei nomen varie sumitur, quandoque pro fidelitate seu veritate in servandis promissis: in quo sensu is dicitur servare fidem, qui stat suis promissis. Deinde pro conscientia, seu dictamine ejus: sic accipitur Rom. 14. *Omne, quod non est ex fide* (id est, quod est contra dictamen conscientie) *peccatum est*. Quo modo etiam in Jure dicitur quis bonæ fidei possessor, qui bona conscientia quidpiam possidet, credens illud esse suum. Tertio, Fides quandoque sumitur pro fiducia consequendi rem desideratam, aut promissam: prout accipitur Matth. 14. *Modica fidei, quare dubitasti?* Et Jacobi cap. 1. *Postules autem in fide nihil hafitans*. Quamvis hunc locum multi Doctores non absque fundamento accipiant de ipso actu Fidei Theologicæ, seu assensu credulitatis Divinarum promissionum, cujus effectus est prædicta fiducia, juxta illud Marci cap. 11. *Omnia, quacumque petitis, credite, quia accipietis*.

2. Rursus aliquando Fides accipitur pro objecto fidei: juxta illud Symboli S. Athanasii: *Hæc est fides Catholica*, id est, articuli Fidei Catholicæ, seu objecta materialia ejus. Ultimo tandem, & proprie, ac quantum ad propositum, accipitur Fides pro Virtute intellectuali, & quidem Theologica, qua creditur aliquid propter auctoritatem DEI illud revelantis. Et dicitur, *propter auctoritatem DEI*: non enim hic loquimur de Fide humana, qua aliquid creditur propter auctoritatem hominum illud affirmantium; sed sermo est solummodo de Fide Divina, de qua Apostolus ad Hebr. 10. dicit: *Justus ex fide vivit*. His prænotatis sit

3. CONCL. I. *Fides supernaturalis actualis est actus supernaturalis, quo quis assentitur alicui*

propositioni ex eo, quia Deus ipsam revelavit. Ita in re communis. Siquidem motivum Fidei actualis est veracitas Dei, quidpiam nobis revelantis: nam quia Deus, qui nec fallere potest, nec falli, hoc aut illud hominibus revelare dignatus est, hinc Fide Divina credimus, illud esse verum.

4. CONCL. II. *Fides supernaturalis habitualis est virtus divinitus nobis infusa, & donum DEI, quo firmiter assentimur iis omnibus, quæ a Deo nobis revelata sunt, quatenus sunt revelata. Ita communis Doctorum. Neque enim differt hæc definitio ab ea, quam affert S. Paulus ad Heb. 12. dicens: Est autem fides, sperandarum substantia rerum, argumentum non apparentium*. Nam *ad argumentum non apparentium*, indicat totam naturam Fidei in data definitione clarius explicatam: *argumentum enim idem est ac firma adhesio intellectus: ad non apparentium &c.* denotat, quod talis firma & infallibilis adhesio intellectus nitatur certitudine revelationis Divinæ, factæ de iis, quæ quidem nondum videmus, speramus tamen consequi in cælis. Unde additur, *sperandarum substantia rerum*: quibus verbis partim nobis indicatur primum objectum Fidei, qui est Deus, quemque pie vivendo in cælis consequi speramus: partim vero manifestatur quædam Fidei proprietas, utpote quæ debet esse certa & infallibilis, unde appellatur *substantia*: simulque est fulcrum spei Christianæ, nam quæ speramus, fide Divina fiunt nobis certa.

5. CONCL. III. Objectum materiale primum incomplexum Fidei, est solus Deus: quamvis omnes aliæ a Deo nobis revelatæ propositiones spectent ad objectum materiale, minus tamen principale, & complexum fidei Divinæ. Ita rursum Theologi communiter. Ratio primæ partis est: quia, ut inquit D. Augustinus lib. 4. de Civitate Dei, cap. 20. *Fidei præcipuum officium est, ut credatur in verum Deum*. Accedit, quod inter omnia credibilia omnium maximum, atque præstantissimum sit ipsemet Deus, utpote qui est Ens infinitum, & summe bonum, & ad cujus cognitionem omnia cætera credibilia referuntur: atqui hoc intelligitur per objectum primum materiale Fidei; ergo. Hinc in Symbolo Apostolorum mox a principio dicitur: *Credo in DEUM &c.* & postmodum pro clariori ejus cognitione cæteri Articuli subjunguntur.

6. Altera pars ex eo patet: quia per objectum materiale Fidei intelligitur illud, quod est credendum fide Divina, præsertim quando per auctoritatem Ecclesiæ nobis constat de tali revelatione a Deo facta; ergo etiam omne istud spectat ad objectum materiale. Et additur, *complexum*: nam per *Objectum Fidei complexum* intelligitur tota propositio objectiva divinitus revelata, cui assentimur mediante actu Fidei: per *incomplexum* vero intelligitur subjectum, & prædicatum talis propositionis divinitus revelatæ.

7. Infertur proinde, quod ad objectum materiale Fidei spectet imprimis Deus, ejusque existentia, & Mysterium SS. Trinitatis. Deinde creatio Mundi, & redemptio generis humani per Christum facta. Insuper quicquid in S. Scriptura, seu



seu Libris Canonici continetur: nam quamvis eorum aliqua parum videantur ad Dei cognitionem facere, ut quod canis Tobia caudam moverit, quod Saul quæsierit asinas, & huiusmodi: nihilominus quia & hæc a Spiritu S. in Sacris Litteris nobis sunt revelata, pertinent ad objectum materiale, minus tamen principale Fidei, suntque credenda propter auctoritatem Divinæ veritatis, ac revelationis. Inspectant ad objectum materiale Fidei ea, quæ ex Traditione Apostolica nobis Ecclesia proponit credenda, ut dicetur inferius. (a)

8. CONCL. IV. Objectum formale & motivum Fidei supernaturalis, est prima & infallibilis veracitas Dei, seu veritas ejus in revelando. Ita Doctor Subtilis *Quæst. 1. Prologi*, cum Scotistis, & multis aliis. Ratio est: quia ideo credimus fide Divina articulis Fidei, quia Deus eos nobis revelavit; & ideo credimus Deo revelanti, quia est prima veracitas: ergo veracitas Dei revelantis est ratio motiva fidei Divinæ, & consequenter ejus objectum formale.

9. Nec dicas: Plurimi de plebe credunt articulis Fidei, non ex motivo veracitatis Dei revelantis, sed ob propositionem Concionatoris, vel Ecclesiæ Catholicæ: atqui hi eliciunt veros actus fidei Divinæ; ergo. Respondetur enim, distinguendo majorem: credunt articulis Fidei, ob solam propositionem Concionatoris, aut Ecclesiæ, negatur; credunt ob hanc, & simul implicite apprehensam revelationem veracissimam Dei, conceditur major: & eodem modo distincta minori, negatur consequentia. Siquidem dum homines simpliciores credunt articulis fidei, sibi per Concionatores atque Ecclesiam propositis, simul apprehendunt, id a Deo fuisse revelatum, ob cuius infallibilem veracitatem credunt auditis, ac propositis sibi per Ecclesiam & Concionatores. Nam, ut dicitur *Rom. 10. Fides ex auditu, auditus autem per Verbum Christi*. Et *1. Thess. 2. Quoniam cum accepissetis a nobis verbum auditus DEI, accepistis illud non ut verbum hominum, sed sicut est vere verbum DEI*. Occasione cujus proinde

10. Quæritur, quomodo sit intelligendum illud dictum S. Augustini *lib. contra epist. Fundamenti, cap. 5. Ego vero Evangelio non crederem, nisi me Catholica Ecclesia commoveret auctoritas*. Unde est communis praxis Fidelium, qui credunt, quidquid Sancta Mater Ecclesia credendum proponit. Resp. hoc ex eo fieri, non quod Ecclesiæ auctoritas sit objectum formale Fidei, seu ratio motiva credendi (hæc enim est sola veracitas Dei, quidpiam revelantis) sed quia Ecclesiæ auctoritas est ratio nobis proponens, seu ostendens objecta credendi. Nam per Ecclesiam proponuntur, ac exhibentur nobis illi Articuli, qui sunt credendi; atque per ipsam sive libri Canonici Sacræ Scripturæ, sive Traditiones Apostolicæ determinantur, atque declarantur, quod sint a Deo revelati, & a Spiritu S. dictati, vel a Christo oretenus Apostolis traditi, atque per Apostolos posteris: sicque fit, quod hi potius, quam alii per hæreticos, vel apocryphos libros jactitati, propter infallibilem veracitatem Dei Fide Divina sint a Fidelibus credendi. Quia igitur Spiritus S. in negotio tanti momenti non finit Ecclesiam, dilectam suam Sponsam, errare, secu-

rissime, & absque ullo erroris periculo creduntur propter Dei veracitatem, & fide Divina omnia ea, quæcumque Ecclesia nobis sic credenda proponit. Et hoc innuunt citata S. Augustini verba: *Evangelio non crederem, nisi me Ecclesia commoveret auctoritas*: prout clare indicat & commoveret.

## QUÆSTIO II.

Quænam puncta Fidei sint necessario explicite credenda?

### SUMMARIUM.

11. *Credere explicite, & implicite, quid? Fides explicita, & implicita, quæ?*
12. *Salus animæ, prima, & ultima. Necessitas medii, & necessitas præcepti, quid?*
13. *Fides tum habitualis, tum actualis, quomodo necessaria ad salutem?*
14. *Infantibus & perpetuo amenibus, non est necessaria fides actualis.*
15. *Necessitas explicite credendi aliquos Articulos non est equalis respectu omnium.*
16. *Fides explicita de existentia Dei, & ut Remuneratoris, requiritur necessitate medii.*
17. *Idem affirmant multi de Mysterio SS. Trinitatis, & Incarnationis Verbi.*
18. *Notabilis objectio solvitur.*
19. *Dicta solutio propugnatur, & objectio retorquetur.*
20. *Cognitio, & fides ex puris naturalibus non juvat ad justificationem.*
21. *Aliud est, explicite credere, aliud, explicite scire Articulos fidei.*
22. *Non pauci tenent oppositam sententiam.*
23. *Quænam teneantur Fideles explicite credere necessitate præcepti?*
24. *Doctrina notabilis quoad hæc.*

11. **A**Dvertendum cum communi Doctorum, dupliciter nos posse credere Articulis Fidei; nimirum explicite, & implicite. *Credere explicite* idem est, quod distincte & in particulari credere aliquod Mysterium Fidei, puta, quod Deus sit unus in essentia, & in personis trinus; quod Christus & pro nobis sit passus, &c. Unde *Fides explicita* dicitur, per quam res divinitus revelata, in se, & sub propria ratione creditur: ut fit in allatis exemplis. *Implicitè* vero credere idem est, ac alicui propositioni Fidei assentiri confuse, in communi seu universali, quatenus virtualiter continetur in alia propositione, quam distincte credimus: ut si quis credat, quidquid sancta Mater Ecclesia credendum proponit; talis enim implicite credit omnes Articulos Fidei. Hinc *Fides implicita* appellatur, per quam credimus res in universali, seu prout in aliqua alia propositione continentur.

12. Notandum ulterius, quod duplex possit intelligi necessitas Fidei ad salutem animæ (sive primam, quæ est gratia sanctificans; sive ultimam, quæ est æterna gloria, seu visio beatifica in Cælis) una medii seu finis, alia præcepti. *Necessitas medii*, seu finis, dicitur illa, qua quidpiam ita est necessarium ad finem, puta ad salutem animæ consequendam, ut sine eo, quamvis inculpabiliter omittatur, finis, v. g. animæ salus, obtineri non possit: sic in statu Evangelii

Baptismus est necessarius ad vitam æternam, quia sine eo, etiam ex ignorantia invincibili, aut impotentia physica non suscepto, salus æterna obtineri non potest, uti patet in parvulis in utero materno decedentibus. *Necessitas præcepti* dicitur ea, qua quidpiam sub obligatione præcepti necessario præstandum est ad consequendam salutem æternam, eo quod alioquin quis transgrediendo præceptum mortaliter peccaret, nisi excuset ignorantia, vel impotentia. Addunt Doctores tertium membrum, nempe *Necessitatem medii, & præcepti simul*: prout de facto adultis hominibus necessarius est Baptismus ad salutem, casu quo possunt eum in re suscipere. His prænotatis sit

13. CONCL. I. Fides non solum habitualis, sed & actualis, seu accepta pro ipso actu credendi aliquod supernaturale objectum, fuit omnibus, usum rationis habentibus, pro quocumque Statu necessaria ad gratiam, & æternam gloriam consequendam, & quidem necessitate medii seu finis: adeo, ut ea prætermissa salus animæ obtineri numquam potuerit, nec possit, etiamsi inculpabiliter, seu ex ignorantia invincibili non habeatur. Ita communis Theologorum, & patet ex illo ad *Hebr. 11. Sine fide impossibile est placere DEO: credere enim oportet accedentem ad DEUM, quia est, & inquirentibus se remunerator sit.* Quæ verba non solum de Fide habituali, quam soli suscipiunt parvuli in Sacramento Baptismatis, sed etiam de Fide actuali quorundam Mysteriorum quandoque ab adultis habenda, communiter intelliguntur a Doctoribus; idque ex se ipsis satis indicant. Hinc Innocentius XI. merito inter alias propositiones sequentem, ordine 16. damnavit: *Fides non censetur cadere sub præceptum speciale, & secundum se.*

14. Dicitur notanter, *omnibus hominibus usum rationis habentibus.* Quia infantibus, ac perpetuo amentibus, non est necessaria Fides actualis, sed sufficit habitualis, id est habitus Fidei supernaturalis in Sacramento Baptismatis infusus. Unde Concilium Trident. *Seff. 7. can. 13. de Baptismo*, ait: *Si quis dixerit, parvulos, eo quod actum credendi non habent, suscepto Baptismo inter fideles computandos non esse: ac propterea præstare, omitti eorum Baptisma, quam eos non actu proprio credentes baptizari in sola fide Ecclesia, anathema sit.*

15. CONCL. II. Licet omnes Fideles teneantur explicite credere aliquos Articulos Fidei, hæc tamen necessitas non est æqualis respectu omnium. Ita Scotus 3. *dist. 25. q. 1.* & alii. Ratio est: quia Majores Ecclesiæ, ut Prælati, & præsertim Episcopi, tenentur habere fidem magis explicitam Mysteriorum Fidei Catholicæ, utpote qui subditos suos ex officio instruere tenentur de rebus Fidei. Minores vero, præsertim rudiores & simpliciores, de necessitate non tenentur omnes & singulos Articulos explicite & distincte credere, sed sufficit, principales credere explicite (quinam autem hi sint, mox dicetur) ceteros vero credere implicite, seu in generali, credendo, quidquid Ecclesia credendum proponit.

16. CONCL. III. Fides explicita de existentia veri Dei, & quod is sit justus remunerator, decernens præmia justis, & improbis supplicia, omnibus adultis, usumque rationis habentibus, est

necessaria ad salutem necessitate medii. Ita communis Doctorum, & desumitur ex citatis illis verbis Apostoli, *Hebr. 11. Sine fide impossibile est placere Deo: credere enim oportet accedentem ad Deum, quia est, & inquirentibus se remunerator sit.* Hinc Innoc. XI. merito inter alia sequentem, ordine 22. Propositionem damnavit: *Non nisi fides unius DEI necessaria videtur necessitate medii, non autem explicita Remuneratoris.*

17. CONCL. IV. Insuper multi Doctores volunt, necessario esse explicite credendum necessitate medii Mysterium SS. Trinitatis, nec non Mysterium Incarnationis, nempe Filium Dei esse pro nobis incarnatum, Christumque esse verum Deum & hominem. Ita sentit Sanchez *lib. 2. in Decalog. cap. 2. n. 8. seqq.* citans pro hac sententia D. Thomam, Gabrielem, Molinam, Valentiam; idemque tenent Mastrius, Sannig, Filliucius, Bassæus, aliique plures. Rationem dant: quia hæc duo Mysteria sunt fundamentum totius nostræ Salutis. Nam in nomine SS. Trinitatis confertur Baptismus, sine quo nemo potest salvari: per Christum vero sumus salvati, atque redempti, ipseque simul est verus Deus, verique Dei Filius, per quem creati sumus.

18. Nec obstat (inquiunt) quod multi Gentiles, quin & adulti prius in infantia baptizati, v. g. pueri in sylvis enutriti, & paulo post acquisitos annos discretionis morientes, aut muti & surdi a nativitate, invincibiliter ignorent hæc Mysteria, utpote numquam sibi propolita. Resp. enim, tales non damnari propter peccatum inhelitatis, sed vel propter peccatum originale, vel propter alia peccata contra Legem Naturæ commissa. Quod si vero quis eorum jam baptizatus numquam mortaliter peccaverit, ad Divinam providentiam pertinet, ut vel speciali lumine supernaturali interius illustretur, vel ab aliquo alio hæc Fidei Mysteria eidem proponantur, ut explicite credere possit; prout in simili factum legitur Eunucho Reginæ Candacis *Act. 8. & Cornelio Centurioni, Act. 10.*

19. Neque hæc responsio cuiquam rara, vel voluntarie data videatur. Siquidem allata instantia non solum urget contra sententiam admittentem, quod explicite credendum sit necessitate medii Mysterium SS. Trinitatis, & Incarnationis Dominicæ, sed ea etiam solvenda est ab omnibus Theologis, utpote qui juxta novissimum Decretum Innocentii XI. *n. 16.* allegatum, admittere tenentur, quod Fides explicita *unius Dei Remuneratoris* sit necessaria ad salutem necessitate medii. Nam pariter quæritur, quomodo explicite possit credere in Deum ut Remuneratorem, sicque salvari mutus & surdus a nativitate, aut puer jam baptizatus: sed post acquisitos annos discretionis illico moriens, qui de æterna retributione, atque de Deo ut Remuneratore, invincibiliter nihil unquam audivit: imo (loquendo de illo surdo) neque audire potuit?

20. Nec juvat dicere, talia lumine naturali posse cognosci. Nam (si non detur responsio proxime allata) contra est: quia vel Deum ut Remuneratorem non licet naturali ratione cognoscere, vel si hoc possit (prout naturaliter potest cognosci, atque

atque demonstrari existentia Dei) tamen illud non sufficit ad salutem, juxta cit. Decretum Innoc. XI. in quo pariter sequens, ordine 23. Propositio, damnata legitur: *Fides late dicta ex testimonio creaturarum, similive motivo ad justificationem sufficit.* Et merito hæc Propositio est damnata: nam, ut loquitur Concilium Trid. Sess. 6. cap. 8. *Fides est humana salutis initium, fundamentum, & radix omnis justificationis*: atqui hujusmodi initium, fundamentum & radix, nequit haberi ex puris naturalibus, quidquid olim contradixerint Pelagiani & Semipelagiani hæretici; ergo.

21. Addunt tamen Auctores hujus sententiæ, quod aliud sit, *explicite credere* Articulos Fidei; aliud, *explicite scire*, ita ut quis interrogatus possit rationem reddere de prædictis Mysteriis Fidei: primum necessarium est necessitate medii, non secundum. Insuper (inquiunt) sufficit, hujusmodi Articulos & Mysteria Fidei, cognoscere saltem secundum substantiam: imo si quis tam hebes sit, ac obtusus ingenio, ut non possit hos omnes Articulos capere secundum substantiam, sufficit, si saltem assensum præbuerit hujusmodi Articulis ad salutem necessariis, eosque crediderit, dum sibi proponebantur a Parocho, vel alio. Quia sic jam tales explicite credunt, licet non explicite sciant illos, ita ut interrogati possint apte respondere, & rationem reddere: hoc enim posterius non est necessarium ad salutem necessitate medii; sed solum necessitate præcepti, a qua tamen rudes excusantur ratione suæ impotentia. Bassæus Verf. *Fides* 1. n. 11. cum aliis.

22. Dicitur notanter in Conclusionem, num. 17. data, *Insuper multi Doctores volunt, &c.* Nam oppositam sententiam, videlicet hæc duo Mysteria Fidei non esse necessario credenda necessitate medii, sed dumtaxat necessitate præcepti, etiam non pauci tenent; ut Lugo disp. 12. de Fide n. 91. & seqq. citans Medinam, Vegam, Suarez, Turrianum, pluresque alios, eamque non minus probabilem censet Layman lib. 2. tract. 1. cap. 8. & Herinex disp. 7. de Fide, n. 49. Ratio horum est: quia necessitas illa medii post prædicationem Evangelii neque habetur clare ex S. Scriptura, neque ex traditione Patrum, neque ex ratione; nam tam rationes, quam testimonia S. Scripturæ, atque Sanctorum Patrum, commode intelliguntur de necessitate præcepti, non medii.

\* Quæres, Quid ergo, &c. Vide Addit. (B)

23. CONCL. V. Omnes Fideles, postquam ad rationis usum pervenerunt, tenentur necessitate præcepti explicite credere, & saltem quoad substantiam seu crasso modo scire Mysteria contenta in Symbolo Apostolorum, Orationem Dominicam, Sacramenta maxime necessaria, ut Baptismum, Eucharistiam, & Pœnitentiam; reliqua vero tunc, quando quis ea recepturus est, ut v.g. Matrimonium initurus; item Præcepta Decalogi. Ita Doctores communiter. Qua de causa omnes ejusmodi Articuli, & materiæ, dicuntur *Prima Fidei rudimenta*, quæ in Catechesibus & Concionibus publice circumferuntur in Ecclesia, & omnibus proponuntur tamquam explicite credenda, & scienda.

24. Hoc tamen intellige, nisi impotentia, aut invincibilis ignorantia excuset: nam isthæc necessitas, talia explicite credendi & sciendi, est præcepti dumtaxat; unde potest excusare impotentia, aut invincibilis ignorantia, non minus, ac in aliis præceptis. Quod notandum pro hominibus agrestibus & hebetibus: quamvis & hi pro viribus sint instruendi, ut præter primaria Fidei Mysteria sciant saltem ea, quæ ad dignam Sacramentorum receptionem ab ipsis peragendam, & status sui conditionem observandam, requiruntur. Certe Innocentius XI. anno 1679. sequentem inter alias Propositionem ordine 64. damnavit: *Ab solutionis capax est homo, quantumvis laboret ignorantia Mysteriorum Fidei, & etiamsi per negligentiam, etiam culpabilem, nesciat Mysterium Sanctissima Trinitatis, & Incarnationis Domini nostri JESU Christi.* Hactenus Propositio damnata.

### Q U Æ S T I O III.

Quo tempore obligentur Fideles ad eliciendum actum Fidei?

#### S U M M A R I U M.

25. *Præceptum fidei affirmativum, & negativum, quid?*
26. *Obligatio eliciendi actum fidei, Spei, &c. alia per se & directe, alia per accidens.*
27. *Datur præceptum Divinum per se obligans quandoque ad actum fidei.*
28. *Non sufficit actum fidei tantummodo semel in vita elicere.*
29. *Primum tempus, quo præceptum fidei obligat.*
30. *Quando in fidelibus adultis censeatur vera fides sufficienter proposita?*  
(b) De hoc inferius Dist. 3. n. 55. & seqq.
31. *Circa mysteria fidei non licet sequi opinionem minus probabilem relicta probabiliore; & cur?*
32. *Quando pueri baptizati teneantur elicere actum fidei?*
33. *Secundum tempus, quo præceptum fidei per se obligat.*
34. *Tertium tempus dictæ obligationis. Diversæ Doctorum sententia circa tempus, quo in vita decursu tenemur elicere actum fidei.*
35. *Rarius peccatur contra hoc præceptum fidei, cur?*
36. *Quartum tempus, quo per accidens, & indirecte obligamur ad actum fidei.*
37. *Qualis Confessio tunc sufficiat?*
38. *Quintum tempus, quo obligat præceptum fidei, est articulus mortis.*  
*Moribundi ad actus virtutum Theologicarum maxime excitandi.*

25. **C**onveniunt Doctores, præceptum Fidei duplex esse, unum affirmativum, aliud negativum. *Præceptum fidei affirmativum* importat, ut ea omnia, quæ a DEO sunt revelata, atque ut talia nobis per Ecclesiam proposita, credamus. *Negativum* est, ut Fidem numquam negemus, neque dissentiamus rebus Fidei, nec etiam erroneis dogmatibus Divinæ veritati contrariis ab Ecclesia reprobatis fidem præstemus. Quia igitur certum est inter Doctores, quod præcepta negativa obligent semper & pro semper; hinc in nul-

lo prorsus casu, aut tempore, licitum est Fidem negare, aut falsum credere. Econtra vero, quia præcepta affirmativa obligant quidem semper, sed non pro semper (id est, obligant solum pro determinato tempore, ac in certis casibus & circumstantiis) hinc Quæstio remanet, quandonam istud affirmativum Fidei præceptum obliget, sive quonam tempore quis teneatur ad eliciendum actum Fidei, & quidem internum; nam de Confessione externa Fidei dicitur *Quæst. seq.*

26. Cæterum duplex considerari potest obligatio eliciendi actum internum Fidei (quod servata proportionem pariter dicendum de obligatione eliciendi actum Spei, Charitatis, &c.) una per se & directe; altera vero indirecte & per accidens. Prior obligatio tunc censetur adesse, quando præceptum affirmativum Fidei, Spei, vel Charitatis, &c. ex se ipso, atque immediate obligat, ita ut omittens tunc actum Fidei, contra hanc virtutem directe peccet. Indirecte seu per accidens dicitur obligare præceptum affirmativum Fidei, quando talis obligatio provenit ratione alterius præcepti obligatorii, quod observari non potest absque actu Fidei: ut quando actus Fidei est medium necessarium ad implendum præceptum alterius virtutis, quod servari nequit, nisi præcedat actus Fidei.

27. CONCL. I. Datur præceptum divinum per se obligans ad eliciendum quandoque actum internum Fidei. Ita communis Theologorum; atque desumitur ex S. Scriptura passim, ut *ex cap. 16. Marci, n. 29. allegando; & cap. 1. ad Rom. Justus autem ex fide vivit. Ad Hebr. 11. Sine fide impossibile est placere DEO: credere enim oportet, &c.* cum concordantiis. Hinc merito Alexander VII. hanc inter alias, ordine primam, Propositionem, damnavit: *Homo nullo unquam vita sua tempore tenetur elicere actum Fidei, Spei, & Charitatis, ex vi præceptorum Divinorum ad eas virtutes pertinentium.*

28. CONCL. II. Præceptum Divinum de eliciendo actu fidei per vitæ decursum sæpius obligat, nec sufficit actum Fidei tantummodo semel in vita elicere. Ita certa, & communis; atque præter textus S. Scripturæ proximè citatos, probatur ex illo 1. *Corinth. 16. Vigilate, stete in fide.* Et 1. *Petri 5. Cui (diabolo) resistite fortes in fide.* Nam hujusmodi vigilantia, resistantia, & statio in Fide, non salvatur proprie in solo habitu, sed dicit actuale exercitium, simulque persistentiam in ea cum frequentatione actuum. Hinc rectissime Innocentius XI. damnavit sequentem, ordine 17. Propositionem, *Satis est, actum fidei semel in vita elicere.* Item hanc, ordine 65. *Sufficit, illa Mystéria semel credidisse;* ubi sermo est de Mystério Sanctissimæ Trinitatis, & Incarnationis Domini Nostri JESU Christi. Verum descendendo magis ad particularia tempora dictæ obligationis, sit

29. CONCL. III. Primum tempus, quo præceptum Fidei obligat, illud est, quando Fides cuiuspiam primitus sufficienter proponitur; tunc enim præceptum hoc per se obligat ad eliciendum actum credendi. Ita communis; & colligitur ex illo Salvatoris, *Marci cap. 16. Euntes in Mundum universum, predicate Evangelium omni creatura: qui crediderit, & baptizatus fuerit, salvus erit:*

*qui vero non crediderit, condemnabitur.* Quæ postrema verba gravem obligationem denotant, cum nemo, nisi ob peccatum mortale, condemnatur. Sed occasione hujus

30. Quæres, quandonam censeatur cuiuspiam vera fides sufficienter proposita? Resp. I. Loquendo de adultis infidelibus, tunc Fides censetur ipsis sufficienter proposita, ita ut non temere aut imprudenter, sed prudenter credant, & non credendo peccent contra præceptum Fidei, quando rationibus, signis sive notis, aut etiam miraculis, aliisque probationibus, accedente præsertim interiori lumine supernaturali, ita illis credibilia proponuntur Mystéria Fidei, ut recta ratio eisdem dictet, nostram Fidem esse veram, & contrariam Sectam esse falsam; juxta quod dicitur *Psal. 92. Testimonia tua credibilia facta sunt in mis.* (b) Et merito Innocentius XI. sequentem inter alias, ordine 4. Propositionem damnavit: *Ab infidelitate excusabitur Infidelis non credens, ductus opinione minus probabilis.*

31. Neque obstat; quod in aliis materiis moralibus quandoque liceat sequi opinionem minus probabilem. Disparitas enim est: quia in talibus non semper potest, adhibita etiam quacunque diligentia, certitudo, atque veritas ipsa deprehendi; bene tamen circa Mystéria de Fide credenda. Unde cognoscens ex memoratis motivis, suam opinionem circa credenda de Fide minus probabilem existere, aut accedente interiori lumine supernaturali tenetur probabiliorē, tutioremque partem sequi, & credere, aut consulendo doctiores, & Divinum auxilium ferventius implorando, veritatem Fidei Catholicæ amplius investigare. Quod si vero vel ex superbia, vel ex inordinato terrenorum affectu, aut negligentia aliunde culpabili id facere intermiserit, jam hoc ipso ignorantia veræ Fidei erit vincibilis, atque culpabilis. Neque opinio illa, veritati Fidei contraria, respectu talis hominis potest revera dici probabilis, eo quod sit destituta gravi fundamento: cum contra eam stet, seu militet ratio convincens, ex infallibili veracitate Dei revelantis deprompta, quam talis, cognita præsertim majori probabilitate assertionis Catholicæ, magis investigare & potuisset, & debuisset; ac nihilominus hoc culpabiliter facere neglexit, haud obstante, quod istud cognoverit esse negotium gravissimum, & tangens totam æternitatem.

32. Resp. II. Loquendo de pueris inter Fideles educatis, tunc illi tenentur vi hujus præcepti elicere actum Fidei, quando rationis usum consecuti Mystéria Fidei audiunt, apprehenduntque, quod illa credere sit necessarium ad salutem. Unde si tunc non eliciant actum Fidei; peccant contra istud præceptum, nisi forte per inadvertentiam excusentur, aut actus Fidei notabiliter non differatur. Et hoc ultimum idcirco additur: quia ejusmodi obligatio non est accipiendā pro metaphysico instanti, sed morali; ita videlicet, ut in re tanti momenti non fiat notabilis mora, arbitrio viri prudentis. Sanchez *lib. 2. in Deca. cap. 1. n. 3. & seqq. 7. de fide quæst. 6. num. 76. & alii.*

33. CONCL. IV. Alterum tempus, quo præceptum Fidei per se obligat, tunc est, quando

ur-



urget gravis tentatio contra Fidem, quæ aliter vinci nequit: tunc enim tempus est resistendi contrariis actibus Fidei, seque in vera Fide muniri. Idem dicendum, quando imminet periculum abnegandæ Fidei ex horrore tormentorum; idque ob rationem datam. Item, quando instat præceptum exterius confitendi Fidem: hanc enim debite ac veraciter confiteri non possumus, nisi interior Fidei assensus accedat. Herinex num. 77. Sanchez, Bassæus Vers. Fides 1. n. 16. alii.

34. CONCL. V. Insuper per vitæ decursum aliis quandoque temporibus urget præceptum elicendi actum internum Fidei. Ita communis; atque desumitur ex dictis Concl. I. & II. Verumtamen in assignando determinato tempore hujus obligationis, multum variant Auctores: nam aliqui statuunt tempus unius anni; ut Sanchez loc. cit. n. 3. post Ledesnam. Alii assignant Festa solemniora, in quibus celebrantur aliqua Mystéria Fidei: tunc enim dicunt, teneri nos virtute hujus præcepti elicere actum Fidei circa talia Mystéria. Quidam vero non improbabiler asserunt, singulis diebus Dominicis adesse talem obligationem credendi; quorum sententiæ favet Doctor Subtilis 3. dist. 9. quaest. un. 5. de secundo dicens, quod Dominicis diebus saltem videatur adoratio aliqua necessario exhibenda Deo. Et tandem nonnulli censent, hoc committendum cujusque arbitrio, dummodo actus internus credendi non nimium differatur; eo quod tempus hujus obligationis nullibi clare determinatum reperiatur.

35. Pro praxi tamen advertendum, quod quantumvis Fideles sæpius in vita teneantur elicere actum internum Fidei, ut dictum est; nihilominus ipsi ob hoc non debeant reddi anxii & perplexi, quasi non semper satisfecissent. Nam in primis, plerumque excusantur ratione ignorantiae, vel inadvertentiae hujus obligationis; eoque magis, quod neque Doctores conveniant in determinatione temporis, quo urget dicta obligatio, contra quam proinde rarius peccatur. Deinde practice loquendo ejusmodi obligationi censetur satisfieri per actus Fidei, qui concurrunt in exercitio aliorum Actuum bonorum, ut puta Spei, Charitatis Dei, Pœnitentiæ, Orationis, devotæ recitationis Symboli, formatione signi Crucis, auditione Missæ, ac hujusmodi. Herinex loc. cit. num. 76. Sannig dist. 1. de Fide, quaest. 21. n. 3. & alii.

36. CONCL. VI. Ulterius per accidens & indirecte obligatur quis ad internum actum Fidei elicendum, quotiescumque adest obligatio exercendi actum alterius virtutis præsupponentis actum Fidei. Ita certa, & communis. Ratio clara est: quia si quis obligetur ad exercitium alterius virtutis, hoc ipso obligatur ad ponenda media ipsius, atque omne illud line quo nequit haberi exercitium actus præcepti. Sic qui in certis circumstantiis tenetur Contritionem elicere, tenetur pariter actum Fidei habere; non enim potest quis propter DEUM offensum conteri de peccatis nisi credat & DEUM esse, & Ipsum pœnitentibus peccata remittere. Idem servata proportionem dicendum in casu, quo quis obligatur elicere actum Spei, vel Charitatis, aut Religionis &c. cum & hi præsupponant actum Fidei.

37. Dicitur in Conclusionem, per accidens & indirecte. Siquidem hæc Conclusio loquitur de illis casibus, in quibus præceptum Fidei non obligat per se & directe, sed dumtaxat per accidens, quatenus homo aliunde teneretur elicere actum certæ virtutis, quem elicere nequit absque præsupposito actu Fidei. Et hinc, qui in tali casu non elicit actum illius alterius virtutis, v. g. non convertitur ad Deum per veram Contritionem, satisfacit in Confessione, dicendo, *Se non elicuisse talem actum virtutis*, v. g. Contritionis, cum elicere teneretur: nam præceptum Fidei tunc per se non obligabat. Bassæus Vers. Fides, 1. n. 15. & alii.

38. CONCL. VII. Quintum & ultimum tempus, quo obligat hoc præceptum, est articulus mortis. Ita communis. Ratio est: quia tunc magis tenetur homo sese munire adversus tentationes diaboli, seque conjungere DEO, tamquam ultimo Fini, per actum Fidei, quæ est prima, & omnium reliquarum virtutum fundamentum, ac radix nostræ justificationis. Et hinc præsertim moribundi excitandi sunt ad elicendos actus Fidei, aliarumque virtutum Theologicarum, nec non & Contritionis, prout passim monent Rittalia Diocesana, alique libri: idque tum ex eo, ut per exercitium harum præstantissimarum virtutum homo moriturus sese amplius conjungat DEO, tamquam ultimo Fini: tum quia hujusmodi actus sunt valde meritorij, atque ad depellendas, superandasque tentationes diabolicas, tunc fortius urgentes, efficacissimi: tum quia præceptum Divinum de exercendis harum virtutum actibus maxime tunc obligare dignoscitur.

#### QUESTIO IV.

Quæ sit obligatio exterius confitendi, & profitendi Fidem?

#### SUMMARIUM.

39. Actus Fidei, item confessio & professio Fidei, quomodo differant?
40. Datur præceptum Divinum de non neganda Fide externa.
41. Etiam externa Fidei confessio quandoque est de præcepto.
42. Duplex necessitas externa confessionis Fidei.
43. Quando obligemur ad externam Fidei confessionem?
44. Casus, in quibus necesse est Fidem occultare modo licito.
45. Varii modi Fidem licite occultandi.  
Quando licet eam occultare tacendo, vel non?
46. Quando Fides possit, vel non possit, occultari suadendo?
47. Licitum est, eam occultare signis ex se indifferentibus.
48. Nisi ea præcipiantur in contemptum Fidei, &c.
49. Et nisi sint instituta ad profitendam falsam Religionem.
50. Quid, si talia fiant per jocum, aut in Comædiis?
51. Vestibus infidelium, quando sit licitum uti?
52. Et quando non?

39. **N**otandum, quod assensus seu actus Fidei corde fiat, confessio autem Fidei præstetur ore; juxta illud Apostoli ad Rom. cap. 10. *Corde enim creditur ad justiciam, ore autem confessio fit* ad

*ad salutem.* Sicut autem exterior confessio Fidei fit verbis, ita professio fit factis, aut rebus exterius, v. g. gestibus, vel aliis in signum illius assumptis.

40. CONCL. I. Datur præceptum Divinum de non neganda Fide externe. Ita est de fide, atque in Concilio Romano sub S. Cornelio Papa definitum contra hæresin Elcesaitarum, dicentium; posse instante persecutione negari Fidem exterius, dummodo ea corde retineatur. Sed Catholica veritas aperte desumitur ex verbis Christi, *Matth.* 10. *Qui me negaverit coram hominibus, negabo & ego eum coram Patre meo.* Item 2. *Timoth. cap. 2.* *Si negaverimus eum, & ille negabit nos, & alibi.* Hoc ipsum confirmat exemplum tot millium SS. Martyrum, qui mori maluerunt, quam Fidem exterius negare.

41. CONCL. II. Etiam externa Fidei confessio pro aliquo tempore est de præcepto. Ita rursum omnes Catholici. Patet hoc ex illis verbis Christi, *Matth. 10.* *Omnis ergo, qui confitebitur me coram hominibus, confitebor & ego eum coram Patre meo; & alii.*

42. Dicitur notanter, *pro aliquo tempore.* Duplex enim est necessitas externæ confessionis Fidei in præmissis duabus Conclusionibus insinuata: una negativa, scilicet Fidem exterius non negandi, & hæc, cum in præcepto negativo fundetur, obligat semper & pro semper; numquam enim licitum est, Fidem exterius negare, licet corde retineatur, juxta dicta n. 40. Altera est affirmativa, videlicet Fidem exterius confitendi, sive verbis, sive factis: & hæc necessitas, quia fundatur in præcepto affirmativo, obligat quidem semper, non tamen pro semper, sed pro aliquo determinato dumtaxat tempore. Quale autem sit hoc tempus, per sequentes Conclusiones restat declarandum: hinc sit

43. CONCL. III. Tunc obligamur ad externam Fidei confessionem, quando per ejus omissionem subtraheretur honor debitus DEO, aut utilitas proximis impendenda. Ita Doctores communiter cum D. Thoma 2. 2. q. 3. a. 2. Unde si quis de Fide interrogatus taceret, & ex hoc crederetur, quod Fides non esset vera, aut alii per ejus taciturnitatem averterentur a Fide, peccatum fieret: nam in hujusmodi casibus obligat præceptum confitendi Fidem, cum ommissio talis confessionis foret contra honorem Dei, vel utilitatem proximi.

44. Secus est, quando spectatis omnibus circumstantiis nulla honori Divino injuria inferitur, neque imminet detrimentum proximo, immo potius timetur turbatio Infidelium suborbitura absque alia utilitate Fidei, aut Fidelium: nam tunc non obligat præceptum affirmativum Fidei exterius confitendæ (etiam hanc negare numquam liceat) neque est laudabile, in tali casu Fidem publice confiteri, immo necesse tunc est, eam occultare modo licito. Unde ait Christus *Matth. 7.* *Nolite Sanctum dare canibus, neque mittatis margaritas vestras ante porcos, ne forte conculcent eas pedibus suis, & canes conversi dirumpant vos.* Ita recte observat Doctor Angelicus *loc. cit. ad 3.* & alii passim.

45. CONCL. IV. Extra casum, quo propter honorem Dei vel proximorum utilitatem urget præceptum affirmativum Fidei exterius confitendæ, licite Fides occultatur variis modis. Et I. quidem tacendo, vel interrogantem, si fuerit privata persona, ratione quadam congruenti eludendo. Additur notanter, *si fuerit privata persona*: nam interrogatus de sua Fide ab eo, qui publica auctoritate fungitur, aut a Judice, tenetur ex præcepto affirmativo Fidei eam confiteri, etiam si ex illa Fidei confessione sibi mors impendeat: quia tunc redundat ingens honor Dei, & Fidei nostræ. Nec obstat, quod sit secutura perturbatio Infidelium: hæc enim ob tantam utilitatem honoris Divini, Fideique Christianæ, tunc est contemnenda. Hinc Innocentius XI. sequentem inter alias Propositionem, ordine 16. damnavit: *Si a Potestate publica quis interrogetur, fidem ingenue confiteri, ut Deo, & fidei gloriosam consulo: tacere, ut peccaminosum, per se non damno.*

46. II. Potest licite Fides occultari fugiendo. Siquidem licitum est homini Christiano, tempore persecutionis fugere, vel sese occultare, ne cogatur de rebus Fidei respondere, sicque possit periculum vitæ evadere: unde dixit Salvator, *Matth. 23.* *Cum persequantur vos in civitate ista, fugite in aliam.* Accedit ratio: quia sic fugiens non significat, se non esse Christianum, vel se negare Fidem; sed potius indicat contrarium, scilicet se nolle Fidem Christi negare, ac malle fugiendo periculum eam negandi evitare. Potest tamen contingere, quod hujusmodi fuga ob aliquas speciales circumstantias reddatur illicita; si nimirum ex tali fuga redundet periculum in honorem Dei, aut proximorum salutem, quod sua præsentia evitaretur: ut si Episcopus, vel Parochus tempore persecutionis fugiat, cum tunc maxime illius opera & auxilio subditi indigeant; tenentur enim ex officio subditis suis consulere in necessariis ad salutem. Unde Christus *Joan. 10.* ait: *Bonus pastor animam suam dat pro ovibus suis; mercenarius autem videt lupum venientem, & fugit.*

47. III. Licitum est occultare Fidem signis, quæ ex se sunt indifferentia; non vero illis, quæ ad profitendam falsam Religionem instituta sunt. Ita Mastrius *disp. 10. Theol. Moral. num. 12.* & communis aliorum. Sic, ut alii taceantur, S. Sebastianus in Aula Diocletiani licite occultavit Fidem sub chlamide militari, ut Christianos commodius adjuvare valeret. Similiter secluso scandalo non est illicitum ingredi Tempia hæreticorum, vel eorum Conciones audire curiositatis gratia, cum talis ingressus de se sit indifferens. Item transiens per loca Infidelium, vel Hæreticorum, potest diebus jejunii vesci carnibus metu mortis, carceris, vel amissionis bonorum, alioquin si deprehenderetur, incurrendæ: quia etiam esus carniæ ex se est indifferens, neque abstinencia illa est introducta ab Ecclesia ad discernendos Catholicos ab Hæreticis, nec urget præceptum jejunii Ecclesiastici cum tanto periculo mortis, aut hujusmodi. Et idem dicendum de similibus.

48. Hæc tamen intellige, nisi Princeps infidelis, aut hæreticus talia præciperet in contemptum Fidei, vel ad profitendam falsam Sectam suam: quia tunc talia non licerent, cum cederent in

con-

contemptum Fidei, aut legis Ecclesiasticae; unde potius cuidam moriendum esset, quam comedere carnes, diebus prohibitis in contemptum Fidei, vel Ecclesiae Catholicae appositae. Similiter non liceret illis diebus comedere carnes ab Infidelibus, vel Haeticis appositae ad explorandum, an quis sit Catholicus, si inde sequeretur notabilis Divini honoris diminutio, vel proximi scandalum; juxta dicta num. 43. atque docet cum aliis citatus Mastrius num. 13. Unde Apostolus 1. Corin. 8. ait: *Si esca scandalizat fratrem meum, non manducabo carnem in aeternum.*

49. Additur notanter num. 47: *non vero illis, quae ad profitendam falsam Religionem instituta sunt.* Sic enim non est licitum, immo foret peccatum contra praeceptum negativum Fidei sacrificare Idolis, vel coram illis genua flectere, aut imaginem inanum deorum ad collum gestare, vel alias ceremonias, seu actiones facere, quae ex sua natura protestativae sunt falsae Religionis, etiam si quis talia fecte faceret. Ratio est: quia tales actiones cultum superstitiosum intrinsece continent, suntque ex sua natura falsae Religionis protestativae; unde neque metu mortis licet eum cultum exterius exhibere, quantumvis animo fecto.

50. Excepe, nisi id fiat per modum joci, aut representationis, prout in Gomœdiis fieri solet: hæc enim non est illicita, cum non sit falsae fidei protestatio, sed potius representatio illius per modum irrisionis, idque aspicientibus abunde patet uti supponitur.

51. Quæres, an licitum sit Fideli, per Provincias Infidelium transeunti, illorum vestibus uti ad occultandam Fidem causa mortis vitandae; Resp. Solutionem patere ex hæcenus dictis: nam licitum est deferre habitum Infidelium, qui ab istis portatur sine ullo Religionis intuitu, sed solum varius est pro diversitate Nationum, & Provinciarum: prout passim in Anglia, atque aliis hæreticis Provinciis, eorum vestibus utuntur Catholici. Idem etiam quandoque fit in Turcicis Regnis.

52. Secus foret dicendum, neque liceret uti talibus Infidelium vestibus, si essent per ipsorum Principes institutæ ut signum ad eorum Sectam profitendam: nam tunc, qui talibus vestibus ad professionem falsae Religionis deputatis uteretur, hoc ipso talem Sectam vel Religionem exterius profiteretur, quod est contra praeceptum negativum Fidei de non profitenda falsa Religione, neque neganda exterius vera Fide, ut dictum num. 40.

\* Quæres II. An licitum sit Sacerdoti, aut Religioso vitandae mortis causa, vel ob aliquod notabile Bonum spirituale salutis animarum tacere, vel verbis ambiguis seu æquivocis eludere, supposito, quod interrogetur a Principe, siue Magistratu Acatolico, per cujus regionem transit, num sit Sacerdos, vel Religiosus? Respondetur affirmative; nisi ex circumstantiis honor divinus notabiliter, aut salutis animarum exinde in fide periclitaretur. Ita Sporer parte 2. in 1. Præcept. Decal. cap. II. Sect. IV. §. 1. Ratio est, quia hæc interrogatio non est de ipsamet nostra Fide (cum multi sint Catholici, & tamen nec Sacerdotes nec Religiosi) sed tantum de aliquo particulari statu,

nimirum Clericali vel Monachali, quem injuste & ex inero odio erga hunc statum interroganti non tenemur cum tam gravi damno proprio, vel alieno confiteri, adeoque erit locus verbis indifferenteribus & ambiguis: quoniam qua talis Judex vel Magistratus in his circumstantiis non legitime interrogat. Quinimmo, si talis positive negaret coram hæreticis, se esse Sacerdotem, vel Religiosum, committeret quidem mendacium sicuti si id faceret coram Catholicis; non tamen grave in materia fidei. Secus dicendum, si negaret, se esse Catholicum, vel Papistam; ubi per Papistam intelligitur ordinarie subditus Papæ quoad spiritualia. Ita noster Franciscus Henno Tract. de Virtutibus disp. 4. quaest. 1. Conclus. 1. Resolut. 8. \*

### DISTINCTIO III.

De Ecclesia, Libris Canonicis, & Traditionibus.

#### QUESTIO I.

De vera Christi Ecclesia.

#### SUMMARIUM.

1. Ecclesia, quid?

*Dividitur in Triumphantem, Purgantem, & Militantem.*

2. Ecclesia Militans sumitur dupliciter.

*Synagoga; quæ?*

3. Vera Christi Ecclesia in terris est visibilis.

4. Solvitur obiectio hæreticorum.

5. Vera Ecclesia Caput Invisibile est Christus; Visibile Summus Pontifex.

6. Nec tamen Ecclesia est biceps.

7. Vera Ecclesia Christi non potest errare in articulis Fidei, neque desuere.

8. Extra eam nemo salvatur.

9. Quid dicendum de Cæcumenis?

1. **N**omine Ecclesiae, quantum ad propositum communitate a Doctoribus Catholicis intelligitur certus hominum cœtus, ad veram Dei cognitionem & cultum, veramque Religionis societatem divinitus evocatus. Et Ecclesia sub hac ratione generaliter sumpta, dividitur in *Ecclesiam Triumphantem*, quæ Beatos in cœlis complectitur: *Purgantem*, quæ continet Animas Purgatorii: & *Militantem*, quæ Fideles in præfenti vita etiamnum cum hostibus humani generis militantes comprehendit. Nihilominus adhuc triplex hæc Ecclesia propter unitatem Capitis sui, quod est Christus Dominus, censetur unica tantum Ecclesia; tres ejusmodi diversas partes in se continens; juxta quod dicitur in Symbolo: *Credo in unam Sanctam Catholicam, & Apostolicam Ecclesiam.*

2. Cæterum in præfenti potissimum sermo est de Ecclesia Militante. Et hæc rursus dupliciter sumitur: primo late, seu universaliter pro cœtu omnium Fidelium ab initio mundi usque ad finem ejus existentium; quomodo loquitur S. Gregorius Papa Hom. 19. in Evang. *Universalis Ecclesia, ab Abel justo usque ad ultimum Electum; qui in fine mundi nasciturus est.* Deinde, & quidem frequentius Ecclesia sumitur pro cœtu, seu congregatione omnium Christi Fidem atque doctrinam profitentium, quæ sub uno & summo post Christum Capite & Pastore in terris gubernatur: Et hoc modo sumimus Ecclesiam in proposito: nam Ecclesia Dei, prout erat sub veteri Testamento, seu

M

tour

tempore Legis Mosaicæ, proprio nomine *Synagoga* appellatur; juxta quod ait Breviarium Romanum, die 8. Maji, de S. Michaële Archangelo: *Eam ut olim Synagoga Judæorum, sic nunc custodem & patronum Dei veneratur Ecclesia.*

3. CONCL. I. De fide est, veram Christi Ecclesiam in terris esse visibilem: cujus quidem Caput primum, sed pro nunc invisibile, est Christus Dominus; post ejus vero discessum Caput visibile totius Ecclesiæ Militantis est Romanus Pontifex, Christi in terris Vicarius. Ita omnes Catholici; quamvis hæretici hoc visibile Caput Ecclesiæ communiter negent, ac multifarie impugnent, perpetuoque odio prosequantur, cum videant, ab eodem suas hæreses palam confundi, condemnari, & profligari. Prior pars hujus Conclusionis, videlicet veram Christi Ecclesiam in terris esse visibilem, probatur ex S. Scriptura contra Hæreticos. Et in primis illo Salvatoris *Matth. 18. Quod si non audieris eos, dic Ecclesia; si autem Ecclesiam non audieris, sit tibi sicut ethnicus & publicanus.* Similiter S. Paulus ait: *Ador. cap. 20. Attendite vobis, & universo gregi, in quo vos Spiritus Sanctus posuit Episcopos, regere Ecclesiam DEI.* Et 1. *Timoth. 3.* inquit idem Apostolus: *Hæc tibi scribo, ut scias, quomodo oporteat te in Domo Dei conversari, qua est Ecclesia Dei vivi.* Atqui nemo potest dicere Ecclesiæ, neque scire, num alter eam audiverit; neque etiam potest quis regere Ecclesiam Dei, nisi ea sit visibilis, & sciatur, quæ sit illa Ecclesia; ergo.

4. Nec obstat, quod objiciunt hæretici: Quidquid fide credimus, non est visibile; sed Ecclesiam fide credimus, juxta illud Symboli Apostolici, *Credo in Sanctam Ecclesiam Catholicam*; ergo ea non est visibilis. Resp. enim, in primis retorquendo argumentum: nam Christus *Joan. 20.* dixit: *Quia vidisti me, Thoma, credidisti*; ergo in sano sensu, quod videmus, credere possumus, dum videlicet aliud videmus, & aliud credimus, prout fit in proposito. Resp. itaque secundo, majorem esse veram dumtaxat in hoc sensu, quod sub ea ratione, qua aliquid videtur, id sub fidem non cadat; quamvis bene possit credi sub alia ratione, sub qua non videtur, ut probat exemplum S. Thomæ Apostoli: sic in proposito Ecclesia est visibilis, in quantum videntur homines eam constituentes, & auditur professio Fidei, ac cernuntur sacræ Ceremoniæ; quod autem isthæc constituent veram Christi Ecclesiam, hoc non videtur, sed creditur, Deo id multipliciter attestante.

5. Altera pars Conclusionis, quod hujus veræ Ecclesiæ Caput primum sit Christus, nemo Christianorum est, qui neget; id siquidem expressissime docet Apostolus *ad Ephes. cap. 5.* dicens: *Christus est caput Ecclesiæ.* Et rursus *Ephes. cap. 1.* *Et ipsum (Christum) dedit caput supra omnem Ecclesiam, quæ est corpus ipsius*; videlicet Corpus mysticum, cujus ipse est Caput mysticum, & quidem ob suam supremam excellentiam, atque Divinitatem, primum & principale. Ultima tandem pars, quæ est contra hæreticos, probatur ex eo: quia, quamvis Christus in cælis existens maneat adhuc Caput Ecclesiæ invisibile, quatenus eamdem adhuc gubernat, & regit, fovetque per internum influxum gratiarum supernaturalium: non

tamen manet Caput visibile Ecclesiæ Militantis utpote quam non amplius per semetipsum gubernat modo visibili (prout olim fecerat in vita sua) cum nec amplius eidem Ecclesiæ Militanti sit visibiliter præsens. Unde ne Ecclesia sua visibilis careret Capite visibili, sanctum Petrum, atque ejus legitimos Successores, Summos videlicet Pontifices, constituit Caput Ecclesiæ visibile, suumque in terris Vicarium, dicens eidem Petro post resurrectionem suam trina vice, *Joan. 20. Pasce agnos meos, Pasce oves meas.* Idipsum patet ex aliis Sacræ Scripturæ locis, prout amplius ostendunt Controversistæ.

6. Nec dicas, hinc sequi, quod Ecclesia sit biceps, & consequenter monstrosa. Negatur enim sequela. Quia Christus est Caput Ecclesiæ primum, atque invisibile; S. Petrus vero, ejusque legitimi Successores, sunt Caput Ecclesiæ dumtaxat secundarium & vicarium, visibile tamen, quod est primario subordinatum. Unde non sequitur, quod Ecclesia sit biceps, sicuti neque Regnum quodcumque temporale censetur biceps, quod in absentia sui Regis gubernatur per Proregem, utpote qui plene subordinatur Regi, ipsiusque vices dumtaxat gerit, ac ejus nomine cuncta gubernat.

7. CONCL. II. Vera ac visibilis Ecclesia ex speciali promissione Christi, & assistentia Spiritus sancti, non potest errare in Articulis Fidei, neque omnino deficere. Ita omnes Catholici, quamvis hæc Conclusio intelligenda sit de aliqua parte Ecclesiæ (nam certum est, aliquam partem Ecclesiæ, id est, nonnullos Christianos, imo & aliquas partes Orbis Christiani errare posse, & reipsa quandoque errasse) sed de tota & universali Ecclesia. Conclusio sic explicata probatur ex illo Salvatoris, *Matth. 16. Tu es Petrus, & super hanc petram edificabo Ecclesiam meam, & porta inferi non prevalebunt adversus eam.* Item *Matth. 28.* promisit Christus Ecclesiæ perpetuam suam assistentiam, dicens: *Ecce, ego vobiscum sum omnibus diebus, usque ad consummationem seculi.* Et *Joan. cap. 16. Spiritus veritatis docebit vos omnem veritatem.* Et 1. *Timoth. 3.* vocatur *Ecclesia Dei vivi, columna & firmamentum veritatis.* Atqui si Ecclesia universalis in Fide aliquando erraret, aut omnino deficeret, jam prævalerent adversus eam portæ inferi, neque ipsa esset columna & firmamentum veritatis, neque aliæ dictæ Christi promissiones verificarentur; ergo.

8. CONCL. III. Extra veram Christi Ecclesiam nemo potest salvari. Ita certum, estque decusum in Concilio Generali, seu Lateranensi sub Innocentio III. atque refertur c. *Firmiter, de Summa Trinitate*, ubi dicitur: *Una vero est Fidelium universalis Ecclesia, extra quam nullus omnino salvatur.* Idque SS. Patres passim declarant exemplo Arcæ Noë, extra quam regnante diluvio nullus hominum mortem evaserat; ac præsertim S. Hieronymus in Epistola ad Damasum Papam (& habetur c. *Quonia v. iusto 24. q. 1.*) ubi Cathedram S. Petri, seu Ecclesiam Catholicam Arcæ Noë comparans, subjungit: *Si quis in Arca Noë non fuerit, peribit regnante diluvio.*

9. Nec



9. Nec obstat, quod juxta D. Ambrosium, aliosque Sanctos Patres & Theologos, Catechumeni possint salvari, & multi salventur, qui tamen per Baptismum necdum sunt ingressi Ecclesiam Dei. Resp. enim cum Sannig. *ist. 3. de Fide, q. 1. n. 6.* & aliis, allatam, Conclusionem esse intelligendam sic, quod nemo possit salvari extra Ecclesiam, id est, qui nec re, nec voto est in Ecclesia: Catechumeni autem, licet per januam Baptismi actu recepi necdum sint ingressi Ecclesiam, nihilominus voto jam sunt in Ecclesia; Et hoc sufficit ad salutem, non minus, ac Baptismus in voto susceptus; mediante quo, si desit occasio recipiendi Sacramentum Baptismi, posse hominem salvari, patet ex Cone. Trid. *Sess. 6. c. 4.* ac pluribus locis Juris Canonici, & praesertim ex *c.p. Veniens, de Presbyt. non baptizato*, ibi: *Cum quis non solum per Sacramentum fidei, sed per fidem etiam Sacramenti efficiatur procul dubio membrum Christi.*

## QUAESTIO II.

Quanam sint notae verae Ecclesiae Christi.

### SUMMARIUM.

10. Ratio praesens istae Quaestionis.
11. Nota, Ecclesia a modernis haereticis assignata, rejectum.
12. Vera nota Ecclesiae Christi sunt quatuor, nempe
13. Quod sit Una.
14. Sancta.
15. Catholica.
16. Et Apostolica.
17. Haec quatuor notae conveniunt soli Romanae Ecclesiae.
18. Ea est Una, & nulla alia Secta.
19. Ea est Sancta.
20. Ea est Catholica, non vetusulla Secta haereticorum.
21. Eadem est Apostolica.
22. Methodus brevissima reducendi haereticos ad Fidem Catholicam.

10. Sciendum, quod ab initio nascentis Ecclesiae jam diversae fuerint exortae sectae & haereses, quarum quaelibet praetendebat, apud se veram consistere Ecclesiam, hocque signis, seu notis ac symbolis quibusdam ostendere conabantur. Ut igitur vera Ecclesia deprehendi, & a falsis sectis dignosci valeat, consulto recurrendum est ad veras Ecclesiae notas.

11. Haeretici nostri temporis satis communiter duas assignant Ecclesiae notas, videlicet veram & inconcussam praedicationem Evangelii, & sincerum usum Sacramentorum. Verum haec sententia communiter rejicitur a Catholicis: siquidem notae verae Ecclesiae debent ipsa esse notiores (generatim enim notae debent esse notiores ea re, cuius sunt notae, quia alias non essent notae, sed ignotae) simulque aliis sectis seu Ecclesiis falsis non communes, ut patet; alioquin enim non sufficienter discernere veram Ecclesiam a falsa. Atqui ita accidit praedictis duabus notis: nam quaelibet haereticorum Secta, tum Arianæ, Sabellianæ, tum Lutheranae, Calvinianae, Zwinglianæ, & Anabaptisticae, &c. hactenus semper jactitavit, & adhuc jactitat, apud se esse veram praedicationem Evangelii, usumque sincerum Sacramentorum (quod ipsum cum primis, atque veraciter de se affirmat S. Mater Ecclesia Catholica) hinc praedicta duo non

possunt esse signa, symbola, notaeque verae Ecclesiae Christi, ac proinde aliae erunt investigandae. Unde sit

12. CONCL. I. Verae notae Ecclesiae Christi principaliter sunt quatuor, videlicet quod ea sit UNA, SANCTA, CATHOLICA, ET APOSTOLICA. Ita omnes Catholici. Siquidem haec quatuor notae partim habentur in Symbolo Apostolorum, ubi dicitur, *Credo in Sanctam Ecclesiam Catholicam*: partim in Symbolo Niceno & Constantinopolitano, in quo aliae duae clarius sunt expressae, vel additae, videlicet, quod sit Una (quae particula tamen in Symbolo Apostolico sufficienter jam continetur, dicendo in singulari, *Sanctam Ecclesiam*) & apostolica, dicendo, *CREDIMUS UNAM, SANCTAM, CATHOLICAM ET APOSTOLICAM ECCLESIAM*. Et hoc quidem Synbolum, utpote in Concilio Generali Constantinopolitano Anno Domini 381. receptum approbatur & in SS. Missae Sacrificio ferme quotidie recitatur a tota Ecclesia universali; imo neque ab haereticis nostri temporis negatur: unde restant solum praedictae quatuor notae explicandae.

13. Prima igitur Ecclesiae nota est, quod sit UNA. Non enim est dissensionis Deus, sed pacis; 1. Corinth. 14. Ceterum haec Ecclesiae unitas consistit in primis in unitate Capituli, quatenus omnes in Ecclesia existentes idem agnoscunt Caput, tum invisibile, sive Christum Dei Filium; tum visibile, sive Summum Pontificem Christi in terris Vicarium. Deinde in unitate & concordia doctrinae, juxta illud *Hebr. 13. Doctrinis variis & peregrinis nolite abduci*. Et rursus in unitate cultus Divini, & ritus Sacramentorum, quatenus idem apud omnes Sacrificium offeratur, aequalitas in cultu Divino observetur, atque eadem Sacramenta & cum eisdem ceremoniis dispensentur. Et hanc trinam principalem unitatem in vera Ecclesia Christi observandam, insinuat D. Apostolus, ex instinctu Spiritus Sancti scribens ad *Ephes. c. 4. Unus Dominus, una fides, unum baptisma*.

14. Secunda verae Ecclesiae nota est, quod sit SANCTA: juxta quod loquitur Apostolus, *Ephes. 5.* vocans Ecclesiam gloriosam, non habentem maculam aut rugam, aut aliquid hujusmodi, sed ut sit Sancta & immaculata. Dicitur autem Ecclesia quantum ad propositum, praecipue ex eo sancta: quia professio ejus & doctrina est sancta; nihilque continens contra rectam rationem, bonosque mores, juxta illud *Psal. 18. Lex Domini immaculata, convertens animas, testimonium Domini fidele &c. Justitia Domini recta*. Insuper Ecclesia dicitur Sancta, quia a Viris Sanctissimis propagata semper fuit, & in ea plurimi eximiae Sanctitatis Viri per cuncta semper secula floruerunt & florent.

15. Tertia Ecclesiae nota est, quod sit CATHOLICA, id est, universalis; Et quidem vera Ecclesia dicitur universalis seu Catholica, in primis quoad locum, quatenus toto Orbe terrarum diffusa est, juxta illud *Mat. 16. Euntes in mundum universum, predicate Evangelium omni creaturae*. Et *Act. cap. 1. Eritis mihi testes in Jerusalem, & in omni Judea, & Samaria, & usque ad ultimum terrae*. Deinde vera Christi Ecclesia dicitur universalis, etiam ratione temporis,

quia semper durabit, & nunquam deficiet, juxta illud *Matth.* 16. *Et super hanc petram edificabo Ecclesiam meam, & porta inferi non prevalebunt adversus eam.* Et *Matth.* ult. *Et ecce, ego vobiscum sum omnibus diebus usque ad consummationem seculi*, & consequenter etiam semper manebunt Rectores Ecclesiarum, licque & ipsa Ecclesia perseverabit usque ad consummationem seculi, finemque Mundi.

16. Quarta tandem veræ Ecclesiæ nota est, quod sit APOSTOLICA. Porro vera Ecclesia Christi dicitur *Apostolica*, tum quia in Apostolis initium habuit, ab eisque per universum Orbem propagata est: tum præsertim, quantum ad propositum, quia in ea datur continua successio Episcoporum, ab Apostolis deducta usque ad moderna tempora; qualem continuam, & non interruptam successionem Episcoporum ab Apostolis usque ad nos, nulla alia Congregatio habet præter Romanam Catholicam Ecclesiam. Hinc S. Augustinus, *contra Epist. Arianicæ* c. 4. inquit, *In Catholica Ecclesia tenet me ab ipsa Sede Petri Apostoli, cui pascebas oves suas post Resurrectionem Dominus commendavit, usque ad præsentem Episcopatum successio Sacerdotum.* Quænam autem sit hæc successio Sacerdotum, idem S. Augustinus *Epist.* 165. *ad Geronisum*, declarat dicens: *Petro enim successit Linus, Lino Clemens* (numerat omnes Romanos Pontifices usque ad sua tempora) *Siricio Anastasius: in hoc ordine successionis nullus Donatista* (Lutheranus) *Episcopus invenitur.* Idem passim observant alii sancti Patres, hac continuata successione Episcoporum, tamquam efficacissimo argumento, ad ostendendam contra hæreticos veram Ecclesiam, utentes.

17. CONCL. II. Hæ quatuor veræ Ecclesiæ Christi notæ conveniunt S. Romanæ Ecclesiæ, & nulli alii Sectæ: Hæc Conclusio est rursus omnium Catholicorum; & quia plurimum ab ipsa dependet, oportet eam breviter per singulas partes probare.

18. Primo igitur S. Mater Ecclesia Romana (quæ hæretici ex contemptu, & odio in Summum Pontificem, appellant *Papisticam*) est *Una*: tum quia præter Christum, Caput invisibile veræ Ecclesiæ, agnoscit unum Caput visibile in terris, Papam videlicet legitimum Petri successorem, Christi que in terris Vicarium; quod nulla alia Secta facit. Habet & unitatem atque concordiam veræ doctrinæ, cultus Divini, usus Sacramentorum, ejusdemque incruenti Sacrificii Missæ, per totum quaque versum Orbem terrarum. Hoc autem nulli Sectæ hæreticorum competit, cum neque habeant unitatem capitis visibilis in terris, neque conveniant in unitate doctrinæ, usuque & numero Sacramentorum, ut palam est cuilibet, terras hæreticorum vel parum peragranti. Certe plerique eorum, qui ab hæreticis ad Catholicos, atque in gremium S. Matris Ecclesiæ redeunt, pro motivo suæ conversionis allegare solent discordiam suorum, concordiamque Catholicorum in doctrina Fidei, cultuque Divino. Huc quadrat illud S. Hieronymi *Epist.* 58. *ad Damasum*, ubi ait: *Hinc intres portas scissa Ecclesia ad se rapere me festinat, &c. Ego inserim clamor: Si quis Cathedra Petri jungitur, meus est.* *Meletius, Vitalis, atque Pau-*

*linus* (Lutherus, Calvinus, Zwinglius, &c.) tibi hæc vere se dicunt: possunt credere, si hoc unus assereret: Nunc aut duo mentiuntur, aut omnes.

19. Secundo Ecclesia Romana est *Sancta*, tum propter Sanctitatem doctrinæ, quam perpetuo tradit, docens, præcepta Dei esse observanda, & ubi econtra Lutherani, alique Sectatores asserunt, ea esse observatu impossibilia, & plura hujusmodi. Tum propter Viros Sanctissimos, a quibus propagata, agnita, defensa & propugnata semper fuit, puta SS. Apostolos, Sanctos Ecclesiæ Doctores, Augustinum, Hieronymum, Ambrosium, Gregorium, Bernardum, Thomam Aquinatem, Bonaventuram, aliosque tum propter hos eosdem, aliosque plurimos Viros Sanctitate vitæ conspicuos, qui a tempore Apostolorum usque nunc in Ecclesia Romana semper floruerunt, & adhuc florent, de quibus extant integri librorum Tomi: adeo, ut solus Ordo Seraphicus a tempore Lutheri numeret circiter quadraginta solemniter Canonizatos & Beatificatos, & quasi innumeros alios vitæ sanctitate, miraculisque conspicuos; ut taceamus cæteras Religiones, totamque Ecclesiam Catholicam. Ubi econtra Lutherani, alique hujus temporis Sectarii, neque unum e suis Sanctum, sive vitæ Sanctitate & miraculorum gloria conspicuum, assignare valent.

20. Tertio S. Romanam Ecclesiam esse *Catholicam*, id est, toto Orbe terrarum nobis cognito diffusam, clarum est: cum non solum in Europa, imo & in Asia, & Africa; in medio gentis perverse Mahumeticæ, atque in ipsa America longe lateque diffundatur. Econtra Sectarii, sive Lutherani, sive Calvinistæ, aut Anabaptistæ &c. non nisi in parva Germaniæ parte conclusi tenentur; aut si aliqui eorum propter negotiationes, & lucra mundana, in Indiis Orientalibus, vel Occidentalibus de facto existant, in comparatione ad Catholicos modicum sane locum occupant. Accedit, ipsos hæreticos extreme inter se distare, & quamlibet eorum Classẽm damnare alteram, veluti in fide aberrantem, ut proinde facta supputatione singulæ eorum Sectæ non nisi minimum locum obtineant. Unde hoc intelligentes ipsimet hæretici, nomen Catholicorum appropriate attribuunt Romano-Catholicis. Quod ipsum jam suo tempore factum, recte notavit D. Augustinus *lib. de vera Religione*, c. 7. dicens: *Tenenda est nobis Christiana Religio, & ejus Ecclesia communicatio, quæ Catholica est, & Catholica nominatur, non solum a suis, verum etiam ab omnibus inimicis: velint enim nolint ipsi quoque hæretici, & schismatici alumni, quando non cum suis, sed cum extraneis loquantur, Catholicam nihil aliud quam Catholicam vocant; non enim possunt intelligi, nisi hoc eam nomine discernant, quæ ab universo Orbe nuncupatur.* Hactenus, & ad propositum efficacissime D. Augustinus.

21. Quarto, Sanctam Romanam Ecclesiam esse *Apostolicam*, sive in ea dari continuam Successionem Episcoporum ab Apostolis usque ad nos, patet vel maxime in continua & nunquam interrupta successione Romanorum Pontificum, a quibus alii Episcopi per totum terrarum Orbem semper fuerunt creati, & destinati. Quod rursus nequæ

neque Lutherana, neque Calviniana, aut ulli Sectæ convenit, ut patet, cum ante Lutheri tempora nullum appareat vestigium talis successionis: Nemo omnes Episcopatus, modo ab hæreticis occupati, antehac fuerint sanctæ Romanæ Ecclesiæ subiecti, & incorporati.

22. CONCL. III. Methodus brevissima atque efficacissima, errantes animas, & hæretica pravitæ seductas reducendi ad Fidem Catholicam, est clare proponere atque explicare eisdem præmissas quatuor notas veræ Ecclesiæ Christi. Ita Controversiæ. Et ratio est: quia datur solum una Ecclesia Christi, non plures, ut constat ex Symbolo Apostolorum, in quo in singulari dicitur: *Credo Sanctam Ecclesiam Catholicam*. Simulque illa vera Ecclesia Christi est infallibilis in suis dogmatibus, neque potest errare in Fide, idque ob infallibilem Christi promissionem, ut dictum n. 7: ac proinde, quidquid ea proponit esse Fide Divina credendum, absque ullo erroris periculo credere oportet veracitatem Dei talia revelantis, nobisque per Ecclesiam suam proponentis. Cum igitur ex supra dictis quatuor Ecclesiæ notis pateat, Ecclesiam Romanam Catholicam esse veram Christi Ecclesiam, utpote cui soli competunt quatuor illæ notæ, non autem Sectæ Lutheri, Calvini, aut alii, jam ipsa in dogmatibus Fidei est infallibilis, & consequenter cum ea rite creditur Purgatorium, numerus septenarius Sacramentorum, Missæ Sacrificium; & sic discurrendo de cæteris Fidei Mysteriis.

### QUÆSTIO III.

De Sacra Scriptura, seu Libris Canonicis.

#### SUMMARIUM.

23. *Libri Canonici seu S. Scriptura, qui?*
24. *Numerus eorum in Ecclesia Catholica est antiquissimus.*
25. *Solvitur obiectio.*
26. *Hunc vel illum librum esse Canonicum, unde constat? (a) supra n. 7.*
27. *Declaratur amplius Conclusio.*
28. *Vulgata vetus Editio S. Scriptura est authentica.*
29. *An in hac qualibet minima vocula sit de fide?*
30. *Verior opinio.*
31. *Solvuntur objectiones.*
32.  *Lectio S. Scriptura in lingua vulgari, iuste est interdicta.*
33. *Quid in Germania quoad hoc?*

23. CONCL. I. Numerus Librorum S. Scriptura, qui & Libri Canonici appellantur, ille est, quem ponit Sacrum atque Oecumenicum Concilium Trid. Sess. 4. ubi Libros Canonicos ex unanimi totius Ecclesiæ consensu, & antiquissimorum Conciliorum vestigiis inharendo, recenset, eosque veluti a Spiritu S. dictatos recipit, ac veneratur, dum inter alia sic habet: *Sunt vero infra scripti, Testamenti veteris, quinque Libri Moysi, id est, Genesis, Exodus, Leviticus, Numeri, Deuteronomium, Josue, Judicum, Ruth, quatuor Regum, duo Paralipomenon, Esdra primus & secundus, qui dicitur Neemias, Tobias, Judith, Hester, Job, Psalterium Davidicum centum quinquaginta Psalmorum, Parabola, Ecclesiastes, Canticum Canticorum, Sa-*

*piëntia, Ecclesiasticus, Isaias, Hieronimus cum Baruch, Ezechiel, Daniel, duodecim Prophetæ minores, id est, Osea, Joel, Amos, Abdias, Jonas, Micheas, Nahum, Abacuch, Sophonias, Aggeus, Zacharias, Malachias, duo Machabeorum, primus & secundus, Novi Testamenti, quatuor Evangelia, secundum Mattheum, Marcum, Lucam, & Joannem, Actus Apostolorum a Luca Evangelista conscripti: quatuordecim Epistola Pauli Apostoli, ad Romanos, dua ad Corinthios, ad Galatas, ad Ephesios, ad Philipenses, ad Colossenses, dua ad Thessalonicenses, dua ad Timotheum, ad Titum, ad Philemonem, ad Hebræos, Petri Apostoli dua, Joannis Apostoli tres, Jacobi Apostoli una, Juda Apostoli una, & Apocalypsis Joannis Apostoli. Siquis autem Libros ipsos integros cum omnibus suis partibus; prout in Ecclesia Catholica legi cœsueverunt; & in veteri vulgata latina editione habentur, pro Sacris & Canonicis non susceperit, anathema sit.* Hactenus verbatim Concilium Tridentinum.

24. Unde patet, Librum tertium & quartum Esdræ, simulque librum tertium Machabeorum non esse ex Libris Canonicis, quamvis in Bibliis communiter apponantur, ne penitus pereant. Cæterum prædictus numerus Librorum Canonicorum Sacra Scriptura non est novus, quinimo est antiquissimus in Ecclesia Catholica, & receptissimus: Sic quippe S. Augustinus lib. 2. de Doctrina Christiana, c. 8. omnes & singulos præfatos Libros inter Canonicos reponit, atque enumerat. Similiter omnes illi Libri inter Canonicos recepti sunt in Concilio Carthaginensi (anno 397. celebrato) cap. 47. item in Concilio Romano primo sub Gelasio Papa anno 494. celebrato, atque in aliis subsequentibus Conciliis, & præsertim in Florentino in Decreto Unionis.

25. Néc obstat, quod olim de Libro Tobie, Judith, & quibusdam aliis fuerit controversia inter Catholicos Doctores, eosque quidam SS. Patres excluserint e numero librorum Canonicorum. Resp. enim, id contigisse ante definitionem Ecclesiæ, quando re adhuc dubia, & necdum per Ecclesiam definita, utraque pars probabiliter amplecti, & teneri poterat: prout fieri solet in aliis materiis necdum ab Ecclesia definitis, & adhuc inter Catholicos Doctores controversis. At post definitionem Ecclesiæ nullus S. Pater, aut alius verè Catholicus, ullum ex præfatis Libris Canonicis rejecit.

26. CONCL. II. Hunc vel illum Librum esse Canonicum, & habere auctoritatem S. Scriptura a Deo dictatæ, aliunde nobis non constat, quam ex Traditione Majorum, & definitione Ecclesiæ. Ita omnes Catholici. Siquidem Ecclesiam in rebus Fidei ob specialem assistentiam Spiritus Sancti errare non posse, jam (a) dictum est; ergo quidquid ipsa Fidelibus credendum, & tanquam Librum a Spiritu S. dictatum esse proponit, pro tali indubie recipiendum est. Accedit, quod plura Evangelia sub nomine diversorum Apostolorum, ut Thomæ, Thaddæi, Andreæ, Bartholomæi, Barnabæ &c. fuerint conscripta, de quibus fit mentio cap. Sancta Romana Distinct. 15. ergo necessaria fuit auctoritas Ecclesiæ, quæ insistendo continuz Traditioni ab Apostolis hausta, atque a Spiritu Sancto peculiariter directæ, hujusmodi no-

xias & apocryphas scripturas a veris discerneret, verumque Evangelium a Deo dictatum Fidelibus credendum proponeret. Et hinc rectissime S. Augustinus *lib. contra Epistolam Manichæi, cap. 5.* palam protestatur, dicens: *Ego vero non crederem Evangelio, nisi me Catholica Ecclesia commoveret auctoritas.* Et rursus ibidem ait: *Evangelium Nazæorum non admittam, quia non admittitur ab Ecclesia.*

27. Verissimum quidem est, potuisse Deum pluribus aliis modis veram Fidem, verbumque suum, seu S. Scripturam manifestare hominibus, puta per semetipsum immediate, vel per Angelos &c. Verumtamen sicut olim Saulum (id est, Paulum Apostolum) & Cornelium Centurionem, & Eunuchum Reginæ Candacis, non per se, aut Angelos suos, in vera Fide erudire voluit, sed per homines, videlicet per Ananiam, Petrum Apostolum, & Philippum, ut legitur in Actibus Apostolorum *cap. 8. 9. & 10.* Ita etiam ordinarium medium agnoscendi veram Scripturam Sacram aliud esse noluit, quam auctoritatem Ecclesiæ Catholicæ, utpote quæ teste ipsomet Spiritu Sancto, *1. Timoth. 3. est columna & firmamentum veritatis.* Hinc jam a primordiis suis, orta circa observantiam Legalium dissensione, S. Mater Ecclesia, in Spiritu S. ex Apostolis, aliisque Fidelibus legitime congregata, *Act. 15.* determinavit, Gentiles ad Fidem Christi conversos non obligari lege Moisaica.

28. CONCL. III. Sacra Scriptura, in vulgata veteri Editione contenta, vere est authentica. Ita novissime declaravit, & propter antiquissimum Ecclesiæ usum observari statuit Concilium Trident. *Sess. 4. in Decreto de Editione Librorum,* his verbis: *Insuper eadem Sacrosancta Synodus statuit, & declarat, ut hæc ipsa vetus & vulgata Editio, qua longo tot seculorum usu in ipsa Ecclesia probata est, in publicis lectionibus, disputationibus, predicationibus, & expositionibus pro authentica habeatur, & ut nemo illam rejicere quovis prætextu audeat, vel præsumat.* Hæc Concilium.

29. Num autem quælibet minima vocula, & particula Editionis vulgatæ, sit de fide, variant Doctores. Affirmant Franciscus Turrianus *2. 2. diff. 22. dub. 4.* & quidam alii. Tum quia idem Concilium Trident. *cit. Sess. 4.* ait: *Si quis autem libros ipsos integros cum omnibus suis partibus, prout in Ecclesia Catholica legi consueverunt, & in veteri vulgata Editione habentur, pro sacris & Canonicis non susceperit, anathema sit:* atqui etiam omnes voculæ sunt partes. Tum quia alioquin tota Editio vulgata nutabit, si in ea quidpiam non canonicum, & quod non est de Fide, contineri dicatur: nam, ut inquit D. Augustinus *Epist. 9. ad Hieronymum,* *Sacra Scriptura, qua ad fidem posteris edita est, admixta auctoritate mendacii tota dubia nutat, & fluctuat.*

30. Oppositam nihilominus sententiam plures alii Theologi & Controversistæ tenent, ut Bellarminus *lib. 2. de Verbo DEI, cap. 11.* Bernardinus Verweis in *Speculo vera Ecclesiæ, lib. 2. cap. 6. art. 4. num. 3.* Tannerus *tom. 3. diff. 1. de Fide, quest. 5. num. 79.* Burghaber *Controvers. 4. num. 16.* citans alios. Afferunt enim, quamvis Editio vulgata pro authentica ab omnibus habenda sit, utpote quoad fieri potuit, pura & emendata, nihilque

continens, quod sit contra Fidem Catholicam, & bonos mores; nihilominus eam necdum ita ab omnibus mendis purgatam esse, quin adhuc emendari possit, aut aliquibus in locis, ubi jam olim ejusdem lectiones variabant, locus esse valeat disceptationi, & aliqua alia lectio ei, quæ in vulgata Editione posita est, subinde præferri. Ratio esse potest: quia hoc ipsum videtur insinuare Præfatio Biblii vulgatæ Editionis præfixa, dum ait: *Quam quidem* (Editionem vulgatam) *sicut omnis numeris absolutam, pro humana imbecillitate affirmare difficile est, ita ceteri omnibus, quæ ad hunc usque diem prodierunt, emendatiorum puriorumque esse, minime dubitantur.* Et infra: *In hac tamen pervulgata lectione, sicut nulla consulo mutata, ita etiam alia, quæ mutanda videbantur, consulo immutata relicta sunt.*

31. Nec obstat Concilium Trid. *loc. cit.* Quia loquitur de partibus, utputa Capitulis, atque integris Libris, quorum nonnullos Hæretici, contra quos præcipue agit Concilium, rejecerunt: non autem de voculis, seu particulis. Idque ex eo amplius patet, quod primum post dictum Decretum Concilii Trident. Editio vulgata per Theologos a Sede Apostolica ad hoc destinatos fuerit revisa, & in nonnullis emendata. Dictum autem D. Augustini procedit, admissio semel in quapiam Scriptura mendacio, quale nefas est admittere in Editione vulgata Bibliorum.

32. CONCL. IV. Lectio S. Scripturæ in lingua vulgari sine Episcopi, aut Inquisitoris licentia juste fuit interdicta. Et hæc quidem prohibitio habetur in *Indice Librorum Prohibitorum Regula 4.* Ratio hujus prohibitionis ibidem assertur: quia experimento manifestum est, si Sacra Biblia vulgari lingua passim sine discrimine permittantur, plus inde ob hominum temeritatem detrimenti, quam utilitatis oriri. Siquidem S. Scriptura, ob altitudinem Mysteriorum supernaturalium, de quibus tractat, ac plurimas locutiones Propheticas, & allegoricas &c. non tam intellectu facilis & clara est, ut a quovis, etiam cæteroquin indocto homine, vel muliercula, statim possit recte intelligi, prout præsumptuose jactant Hæretici moderni. Sed de hoc plura *Quest. 19.*

33. Notat tamen Layman *lib. 2. tract. 1. cap. 15. num. 8.* quod hæc prohibitio non legendi Sacra Biblia vulgari idiomate, in hisce Regionibus nostris recepta non sit. Nam, ut inquit Nicolaus Serarius, *non puniuntur, sed laudantur, qui in Germania nostra, nulla diserte petita facultate, Biblia vulgata Eckii, vel Dietenbergii legunt.* Versio autem Germanica Lutheri, & aliorum hæreticorum, prorsus interdicta est, utpote pestifera, ob multas admixtas depravationes, & falsas interpretationes.

#### Q U Æ S T I O IV.

De multiplici Sensu, Obscuritate, atque Interpretatione Sacræ Scripturæ.

#### S U M M A R I U M.

- 34. Sensus S. Scripturæ duplex, litteralis, & mysticus.
- 35. Sensus litteralis alius proprius, alius improprius.
- 36. Sensus mysticus, quis?
- 37. Est multiplex, ut Sensus Allegoricus, Anagogicus, & Tropologicus seu Moralit.



38. Universum quatuor sensus S. Scripturæ.  
 39. Et in singulis excellant singuli Ecclesiæ Doctores.  
 40. Quid sensus Accommodatius S. Scripturæ.  
 41. S. Scriptura sapiens est obscura.  
 42. Ipsamet S. Scriptura hoc testatur.  
 43. Interpretatio canonica S. Scriptura pertinet ad Ecclesiam.  
 44. Doctrinaliter eam interpretari, quibus conveniat?

34. **C**ONCL. I. Generatim, ac prima sui divisione, Sensus Sacræ Scripturæ alius est litteralis, alius spiritualis seu mysticus. Ita communis. Et quidem *sensus litteralis* est, quem verba ipsa immediate significant: prout v.g. hoc nomen *Jerusalem* significat civitatem Palæstinæ, ac plurimæ historiæ in S. Scriptura contentæ litteraliter significant res olim gestas.

35. Porro Sensus iste litteralis Sacræ Scripturæ subdividitur in proprium, & in improprium seu figuratum. *Proprium* est, quem verba in propria sua significatione usurpata immediate significant: prout fit, dum dicitur: David est Rex, Jerusalem capta, &c. *Sensus improprius, seu figuratus*, est, quem verba improprie seu figurate accepta significant: puta, quem habent per quamdam Metaphoram, Metonymiam, Cataphresin, aut aliam Figuram Rhetoricam: quales locutiones figuratæ in Sacra Scriptura sunt satis frequentes, ac præsertim in Prophetis, imo & alibi. Sic Christus Dominus noster dicitur Leo, Petra, Lapis Angularis, Agnus, Vitis, &c. per similitudinem quamdam, ac metaphoram, non per proprietatem. Sic etiam Deus, qui tamen est purissimus Spiritus, dicitur habere manus, quatenus est Omnipotens; videre oculis, quatenus est Omniscius; habere pedes, quia est ubique; irasci, poenitere, ac hujusmodi, ob diversos affectus suos.

36. *Sensus mysticus, seu spiritualis* Sacræ Scripturæ est ille, qui non significatur per verba immediate, sed mediate solum, quatenus significatur per res illas, quas verba immediate significant. Sic historia Agni Paschalis, *Exodi cap. 12.* relata, litteraliter significat ritum Agni Paschalis, a Judæis olim immolandi; spiritualiter vero seu mystice significat Christum, pro salute totius Mundi in ara Crucis postmodum immolatum: idem videre est in aliis innumeris.

37. Cæterum Sensus spiritualis, seu mysticus S. Scripturæ, rursus dividitur in Allegoricum, Anagogicum, & Tropologicum seu Moralem, juxta numerum videlicet trium Virtutum Theologicarum, quibus hi tres sensus mystici S. Scripturæ correspondent. Siquidem *Sensus Allegoricus* correspondet Fidei, & tunc habetur, quando verba S. Scripturæ præter sensum litteralem, quem habent, significant aliquid pertinens ad Fidem. *Sensus Anagogicus* correspondet Spei, habeturque, quando verba præter sensum litteralem, quem continent, significant aliquid pertinens ad vitam æternam, quam speramus. *Sensus* tandem *Tropologicus seu Moraliter*, correspondet Charitati; & habetur, quando præter sensum litteralem verborum significatur aliquid pertinens ad instructionem morum, seu opera Charitatis exercenda.

38. Et conformiter dictis communiter a Do-

ctis, videlicet Litteralis, Allegoricus, Anagogicus, & Tropologicus seu Moraliter, de quibus extant sequentes duo versiculi:

*Littera gesta docet: quid credas, Allegoria:  
 Moraliter, quid agas: quo tendas, Anagogia.*

Et hi quatuor sensus commode ostenduntur in nomine *Jerusalem*: nam hæc vox Litteraliter significat urbem Palæstinæ, Allegorice Ecclesiam Militantem, Anagogice Ecclesiam Triumphantem, & Tropologice seu Moraliter quamcumque Animam fidelem. Idem sensus vel omnes vel saltem aliqui, reperiuntur in Ceremoniis veteris Legis, Vasis Sanctuarii, & aliis hujusmodi: quæ proinde varie exponuntur a Sanctis Patribus, & Doctoribus Ecclesiasticis.

39. Notatum quoque est a Viris doctis, juxta hos quatuor Sensus S. Scripturæ quatuor dari præcipuos Doctores Ecclesiæ, videlicet S. Hieronymum, S. Ambrosium, S. Augustinum, S. Gregorium Papam, & singulos in singulis S. Scripturæ sensibus principaliter excelluisse, Hieronymum in Litterali, Ambrosium in Allegorico, Augustinum in Anagogico, & Gregorium in Morali.

40. Tacetur hic sensus Accommodatius S. Scripturæ, quo videlicet dicta de uno, postmodum accommodantur alteri, ac de eo dicuntur: siquidem iste proprie non est verus aliquis S. Scripturæ sensus, sed potius traductio verborum S. Scripturæ a suo sensu ad alium, ab Auctore Deo non intentum. Nihilominus hic modus applicandi, seu accommodandi S. Scripturam, si cætera concurrant, malus non est, imo practicatur ab Ecclesia Catholica passim in Breviario, & Missali Romano, dum dicta de Abraham, Noë, & aliis Sanctis veteris Testamenti, accommodantur ad diversos Sanctos novi Testamenti. Idem Sensus Accommodatius a SS. Patribus frequenter adhibetur in suis Libris ac Homiliis, idemque in Concionibus frequens est, ac utilissimus; nam verba S. Scripturæ miram quamdam gravitatem & energiam præ se ferunt, ita ut ad persuadendum sint accommodatissima. Cavendum tamen, ne quavis occasione verba S. Scripturæ accommodentur, seu applicentur ad profana, scurrilia, fabulosa, & hujusmodi: id enim nefas est, atque etiam in Concilio Trid. *Sess. 4.* graviter prohibitum.

41. **C**ONCL. II. Sacra Scriptura sapientius est obscura, neque est tam perspicua, aperta, & intellectu facilis cuivis, etiam indocto homini vel mulieribus, quin indigeant vera & genuina interpretatione. Ita omnes Catholici Doctores contra Hæreticos. Ratio est: quia S. Scriptura tractat de summis & altissimis Fidei Mysteriis, rebusque supernaturalibus, nempe de SS. Trinitate, Incarnatione Filii Dei, Sacramentis, Prædestinatione, & aliis hujusmodi, captum humanum, nisi Fides adjuvet, longe superantibus. Insuper sacra Scriptura continet plurimas locutiones allegoricas, & figuratas; immo non pauca, quæ prima fronte videntur contraria; verba etiam ambigua, ac phrasæ Hebræicas. Atqui talia non illico possunt patere hominibus idiotis & indoctis, multo minus quibusvis mulierculis: alioquin certe SS. Patres, atque Ecclesiæ Doctores, frustra tantum tempo-

ris consumpsissent in studio, & intelligentia S. Scripturæ.

42. Confirmatur. Ipsamet S. Scriptura testatur, quædam in ea reperiri obscura, & intellectu difficilia, quæ proinde indigent vera interpretatione. Hinc quippe Christus, incipiens a Moyse, & omnibus prophetis, interpretabatur duobus Discipulis, euntibus in Emmaus, Scripturas, quæ de ipso erant *Luc. 24.* Similiter Christus Dominus post suam gloriosam Resurrectionem *apertuit illis* (id est, Discipulis suis) *Sensum, ut intelligerent Scripturas, Luc. cap. 24.* Atqui hoc non fuisset necesse, immo frustraneum, post tot prædicationes integro triennio ex ore Christi jam auditas, si S. Scriptura esset ex se prorsus clara, & cuilibet aperta, ut præsumptuose jactitant Hæretici. Accedit, quod ipsemet Spiritus sanctus per os D. Petri expresse testificetur in S. Scriptura, & præsertim in Epistolis D. Pauli, esse quædam intellectu difficilia: sic enim habetur *2. Petri cap. 3.* *In quibus (nempe Epistolis D. Pauli) sunt quædam difficultia intellectu, quæ indocti & instabiles depravant, sicut & cæteras Scripturas, ad suam ipsorum perditionem.* Hæc ibi.

43. CONCL. III. Interpretatio canonica & infallibilis S. Scripturæ, verique sensus illius, ad Ecclesiam pertinet. Ita omnes Catholici; habeturque expresse in Concilio Trid. *Sess. 4.* hisce verbis: *Quem (sensem S. Scripturæ) tenuit, & tenet sancta Mater Ecclesia, cujus est judicare de vero sensu & interpretatione Scripturarum Sanctorum.* Unde dicitur *Matth. 18.* *Si Ecclesiam non audierit, sit tibi sicut ethnicus & publicanus.*

44. CONCL. IV. Interpretari S. Scripturam etiam doctrinaliter, non cuilibet convenit, sed Viris dumtaxat doctis & idoneis, ac præsertim iis, quibus id ex officio incumbit, utputa Ecclesiæ Doctoribus, Episcopis, & hujusmodi. Ita communis. Ratio est: quia alioquin adesset manifestum periculum errandi in interpretatione S. Scripturæ, si hanc indocti passim & præsumptuose attentarent. Accedit, quod Deus in Ecclesia sua voluerit observari hierarchiam, & subordinationem subditorum etiam Superiores, atque esse ordinem inter Doctores & discipulos, inter Pastores & oves, ut alii doceant, alii discant, alii Scripturam interpretentur, alii alia officia exerçant. Unde *Ephes. 4.* dicitur: *Et ipse dedit quosdam quidem Apostolos, quosdam autem Prophetas, alios vero Evangelistas, alios autem Pastores & Doctores, ad consummationem Sanctorum.* Et *1. Corinib. 12.* *Numquid omnes interpretantur?* Quasi diceret, non: sed illi solum, quibus id ex officio incumbit, quique a Deo ad hoc electi sunt.

## Q U Æ S T I O V.

### De Traditionibus.

#### S U M M A R I U M.

45. *Traditio, quid?*
46. *Est triplex, nempe Traditio Divina. Apostolica, & Ecclesiastica.*
47. *Traditiones Divinae sunt admittende.*
48. *Ipsæ sunt ejusdem infallibilitatis ac Verbum Dei scriptum.*
49. *Regula dignoscendi Traditiones Divinas.*

45. **T**raditionis nomine intelligitur in proposito doctrina quædam ad Religionem spectans, quæ tamen expresse in S. Scriptura non habetur, neque ex illa clare deducitur; sive deinde hujusmodi doctrina in libris SS. Patrum scripta reperitur, sive non.

46. Dividitur autem Traditio in Divinam, Apostolicam, & Ecclesiasticam. *Traditio Divina* (quæ & *Verbum Dei non scriptum* appellatur) ea est, quam Apostoli immediate a Spiritu sancto dictatam, vel ex ore Christi acceperunt, quæque ab Apostolis promulgata, & continua successione in Ecclesia Catholica conservata, & quasi de manu in manum ad nostra usque tempora tradita fuit: qualis traditio potissimum habetur circa materiam & formam Sacramentorum, & alia hujusmodi in Ecclesia Catholica perpetuo custodita, quæ tamen in S. Scriptura expresse non habentur. *Traditio Apostolica* solet nonnumquam confundi cum Divina, eo quod hæc ab Apostolis promulgata fuerit: proprie autem Traditio Apostolica vocatur ea, quæ ab Apostolis instituta est cum assistentia Spiritus sancti, nec tamen in S. Scriptura reperitur expressa: ut est jejunium Ecclesiasticum, certis temporibus ab Apostolis institutum. *Traditio* tandem *Ecclesiastica* dicitur, consuetudo quædam antiqua ab Episcopis, vel populo fidei in Ecclesiam introducta. In præsentī sermo est præcipue de Traditionibus Divinis, seu Verbo Dei non scripto.

47. CONCL. I. Præter S. Scripturam sunt admittendæ, & observandæ quædam Traditiones, seu Verbum Dei non scriptum. Ita omnes Catholici; estque novissime definitum in Concilio Trid. *Sess. 4. in Decreto de Canonicis Scripturis.* Idem communiter probatur ex S. Scriptura, *2. Thessal. 2.* ubi Apostolus præcepit, dicens: *Itaque fratres stete, & tenete Traditiones, quas didicistis, sive per sermonem, sive per epistolam nostram.* In quem locum S. Chrysostomus ita scribit: *Hinc patet, quod non omnia per epistolam tradidit, sed multa etiam sine litteris: eadem vero fide digna sunt tam illa, quam ista.* Eodem modo passim loquuntur alii Sancti Patres.

48. CONCL. II. Traditiones Divinæ sunt ejusdem infallibilitatis & auctoritatis, cujus est ipsum Verbum Dei scriptum. Ita rursus omnes Catholici. Unde Tridentinum Concilium *cit. Sess. 4.* sic ait: *Sacrosancta Synodus Traditiones tum ad fidem, tum ad mores pertinentes, tamquam vel ore tenens a Christo, vel a Spiritu sancto dictatas, & continua successione in Ecclesia Catholica conservatas, pari pietatis affectu, ac reverentia suscipit & veneratur.* Accedit ratio: quia Verbum Dei, sive scriptum, sive non scriptum, eandem vim atque infallibilitatem habet; cum non solum in scriptis, sed & in verbis suis Deus semper sit infallibilis.

49. CONCL. III. Regula dignoscendi Traditiones Divinas ab Apostolicis, vel Ecclesiasticis, ex eo habetur, si Ecclesia ipsa judicet, hanc vel illam Traditionem esse Divinam: quod quidem patere potest vel ex definitione Ecclesiæ tacta in Concilio Generali, aut per Summum Pontificem loquentem (ut ajunt) ex Cathedra, vel si unanimis consensus SS. Patrum, & Doctorum id testetur.

QUÆ

Q U A E S T I O VI.

Quanam sit totius Fidei Resolutio?

S U M M A R I U M.

50. *Resolvere Fidem, quid?*
51. *Resolutio Fidei a priori, sit in primam veracitatem Dei nobis revelantis.*  
(b) Dist. 2. quaest. 1. n. 8.
52. *An resolvatur ultimatè in Deitatem?*
53. *Instantia de circulo proponitur.*
54. *Et solvitur.*
55. *Motiva credibilitatis Fidei, quae?*
56. *Fides non resolvitur in motiva humana.*
57. *Actus Fidei non est merus actus intellectus.*  
*Sed ad ipsum requiritur pia affectio voluntatis.*
58. *Propositio damnata refertur, ac resolvitur.*
59. *Alia due propositiones damnatae quoad propositum.*

50. **A**Dvertendum, quod *Resolvere Fidem* aliud non sit, quam ordine retrógrado ea, quibus ad actum Fidei pervenimus, relegendo investigare principium seu motivum primum, cui totius Fidei certitudo innititur. Quando enim interroganti redditur ultima ratio nos movens ad actum Fidei, & ad quem nulla alias nos movit, tunc Fides nostra ultimo resolvi dicitur; ac promode ibidem standum est, ne detur processus in infinitum. Hoc prænotato sit

51. **CONCL. I.** Loquendo de Resolutione Fidei in objectum suum formale, sic Fides Divina a priori & ultimatè resolvitur in primam veritatem, seu veracitatem Dei nobis revelantis. Ita Doctor noster 3. dist. 33. estque communis Theologorum. Ratio est: quia objectum formale, & motivum Fidei supernaturalis, est prima & infallibilis veracitas Dei, seu veritatis ipsius in revelando, ut dictum superius (b) & consequenter in eam Fides Divina a priori ac ultimatè resolvitur. Unde si quæras, cur credam Mysterium SS. Trinitatis? Resp. Quia Deus hoc revelavit. Si rursus quæras, cur credam Deo revelanti? Resp. Quia Deus est prima Veritas, quæ nec fallere potest, nec falli. Et hic datur status in assignanda ratione Fidei supernaturalis, & a priori.

52. Si dicas: Deus est prima veritas in revelando ratione Deitatis; ergo Fides ultimatè resolvitur in Deitatem, utpote ratione cuius competit Deo infallibilis veracitas. Resp. negando consequentiam: etsi enim veracitas resolvatur in Deitatem tamquam in rationem essendi, non tamen resolvitur in eam tamquam in rationem formalem credendi: hæc enim potius sistit in ipsa veracitate, quia Fides non attendit, unde ista veracitas Deo competat. Herinex disp. 3. de Fide, quaest. 3. n. 111. Vel dic cum aliis, distinguendo consequens: ergo Fides ultimatè resolvitur in Deitatem materialiter, sive in sensu reali, conceditur; formaliter, seu tamquam in rationem formalem credendi, negatur consequentia.

53. Neque dicas, prius datam responsionem non sufficere, cum ulterius quæri possit, cur credam, hoc Mysterium SS. Trinitatis Deum revelasse? Neque respondere juvat (inquies) quia in sancto Evangelio sic scriptum habetur: nam urgetur quærendo, cur potius credam Evangelio S. Matthæi &c. quam Evangelio Nicodemi, vel Nazaræorum, vel hujusmodi? Quod si cum S. Augu-

stino lib. contra Epistolam Manichæi, c. 3. dicam, Evangelio S. Matthæi credo; quia me Catholicæ Ecclesiæ illud amplectentis, atque a Deo revelatum esse attestantis, & veluti Fide Divina credendum proponentis, commovet auctoritas; non sic Evangelio Nicodemi, vel Nazaræorum, aut aliis ejusmodi scripturis, cum non sic ab Ecclesia admittantur. Rursum urgebis, quærendo, cur credam Ecclesiæ? Et si hujus infallibilem auctoritatem ex S. Evangelio probare quis conetur, replicabis, hic committi circulum vitiosum, probando S. Scripturam per auctoritatem Ecclesiæ, & hujus auctoritatem vicissim probando per S. Scripturam.

54. Ad hanc instantiam, quæ in quacumque sententia urget, Respondetur negando assumptum, vel potius suppositum totius discursus: nam dum quæritur, cur credam, Deum hoc revelasse, non amplius petitur ratio a priori, seu causa formalis & motiva credendi Mysterium a Deo revelatum; sed petitur ratio a posteriori, seu quoad nos, ipsius revelationis factæ. Porro hæc duo, ut patet ex terminis, sunt valde diversa: & primum quidem spectat ad Motivum formale Fidei; posterius vero ad Motiva credibilitatis Fidei. Quod ut melius intelligatur, sit

55. **CONCL. II.** *Motiva credibilitatis Fidei* dicuntur ea, propter quæ moraliter sit evidens, quod Mysteria nostræ Fidei sint a Deo revelata, & consequenter propter infallibilem ejus veracitatem credibilia: juxta quod Psal. 92. dicitur: *Testimonia tua credibilia facta sunt nimis.* Porro hujusmodi Motiva Doctor noster Subtilis quaest. 2. 1. 10. logi, §. Contra omnes istos, seqq. ad octo capita aptè reducit; quæ sunt, Prænuntiatio Prophetica, Scripturarum concordia, Auctoritas scribentium, Diligentia recipientium, Rationabilitas contentorum, Irrationabilitas singulorum errorum, Ecclesiæ stabilitas, & Miraculorum claritas. Et propter hujusmodi Motiva credibilitatis, Mysteria Fidei fiunt evidenter credibilia, hoc est, evidenter digna, quod credantur esse a Deo revelata, prout tradit Ecclesia Catholica.

56. Nec dicas: Omnia ista Motiva sunt humana, nobisque innotescunt mera fide humana, ut puta per libros, narrationem Seniorum, prædicationem Parochorum, vel dictamen rationis naturalis: atqui Fides Divina resolvitur in talia motiva; ergo sequitur, eam resolvi in mera motiva humana, quod est absurdum. Resp. enim, quidquid sit de majori, negando minorem: quia ipsa Fides Divina non resolvitur in talia Motiva, tamquam rationem formalem & ultimam credendi, sed judicium dumtaxat credibilitatis objecti Fidei. Nam quia Deus regulariter non loquitur immediate nobis singulis, hinc assensus Fidei supernaturalis ordinariè non fit, nisi prævia fide humana, qua quis prius credit suo Prædicatori, vel Ecclesiæ (quam per supra dictas Notas, veram esse Ecclesiam Christi agnovit) proponenti Mysteria Fidei, atque testificantis, ea esse a Deo revelata, juxta illud Rom. 10. *Fides ex auditu.* Hoc autem semel supposito, intellectus fidelis ac persuasus, talia esse a Deo revelata, totum se convertit in ipsius Dei veracitatem, ac propter istam unice per actum Fidei supernaturalis assentitur Mysteriis veræ Fidei.

57. Hoc ipsum amplius declaratur ex eo: quia actus Fidei supernaturalis non est merus actus intellectus, sed ad eum etiam prærequiritur actus voluntatis, imperantis assensum Fidei propter infallibilem veracitatem Dei revelantis. Siquidem actus Fidei Theologicæ sunt liberi (alioquin enim meritorii non essent) ac proinde non præcise consistunt in actibus intellectus, quæ est potentia naturalis; sed insuper ad eos requiritur pia affectio supernaturalis voluntatis, quia isthæc, propositis sibi Mysteriis divinitus revelatis, ipsisque Motivis credibilitatis Fidei, libere cooperando Divinæ gratiæ excitanti & adjuvanti, propter infallibilem veracitatem Dei revelantis firmissime assentitur ejusmodi Mysteriis, credendo, vera esse, quæ Deus nobis revelare dignatus est. Quod ipsum apertius docet Concilium Tridentinum Sess. 6. cap. 6. ibi: *Disponuntur autem ad ipsam justitiam, dum excitati gratia Divina & adjuti, fitemur ex auditu concipientes, libere moventur in Deum, credentes, vera esse, quæ divinitus revelata, & promissa sunt.* Et hinc fit, quod audita eadem veræ Fidei prædicatione quidam credant, alii non: quia nimirum illi gratiæ Divinæ excitanti, & adjuvanti libere cooperantes, suo intellectui imperant, simulque eliciunt actum Fidei supernaturalis, non vero ceteri.

58. Huc facit novissimum Decretum Innocentii XI. inter alias Propositiones sequentem, ordine 19. dampnantis: *Voluntas non potest efficere, ut assensus Fidei in seipso sit magis firmus, quam mereatur pondus rationum ad assensum impellentium.* Et merito hæc Propositio damnatur: siquidem intellectus ex vi objecti propositi non necessitatur ad assensum, nisi ubi adest evidentia veri: atqui in objectis Fidei non adest evidentia veri (nam *Fides, est sperandarum substantia rerum, argumentum non apparentium, Hebr. 11.*) ergo ex vi solius objecti, intellectus numquam necessitatur ad assensum Fidei, & consequenter ad hunc determinari debet per imperium voluntatis: quale imperium potest esse firmitus, quam sint pondera rationum propter infallibilem Dei revelantis veracitatem.

59. Quantum ad præsentem de Fide materiam, sunt insuper cavendæ aliæ duæ Propositiones, itidem ab Innocentio XI. damnatæ. Earum prior, ordine 20. sic sonat: *Hinc potest quis prudenter repudiare assensum, quem habebat, supernaturalem.* Altera vero, ordine 21. ita docuit: *Assensus Fidei supernaturalis, & utilis ad salutem, stat cum notitia solum probabili revelationis; immo cum formidine, qua quis formidet, ne non sit locutus Deus.* Ambæ Propositiones, sicut jacent, damnatæ sunt, ac proin vitandæ.

\* Ubi denuo adverte &c. Vide Addit. (C)

#### DISTINCTIO IV.

De vitiis Fidei oppositis.

#### Q U Æ S T I O I.

Quotuplex, & quam grave peccatum sit Infidelitas?

#### S U M M A R I U M.

1. Infidelitas alia positiva, alia negativa.
2. Culpabilis, & inculpabilis.
3. Infidelitas pure negativa, & privativa, quid?

4. Species infidelitatis generatim sunt tres, nempe Paganismus, Judaismus, & Hæresis.

5. Pagani, qui? Judæi, & Hæretici, qui?

6. Quæ Infidelitas sit cæteris gravior?

7. Infidelitas, an sit peccatum?

8. Et quale?

1. Infidelitas hic sumitur, prout est opposita Fidei Theologicæ. Et hæc generatim est duplex: una positiva, qua aliquid creditur contrarium Fidei; qualis est in Hæreticis, Judæis, ac Ethnicis adultis. Altera negativa, quæ est absentia, vel carentia Fidei; qualis habetur ab ignorantibus Mysteria veræ Fidei.

2. Utraque Infidelitas subdividitur in culpabilem, & inculpabilem: nam potest quis non tantum vincibiliter ignorare Mysteria Fidei, aut credere erroneum in Fide; sed quandoque etiam invincibiliter, credendo erronee, aliquid a Deo esse revelatum, quod tamen tale non est, imo a parte rei existit falsum atque erroneum.

3. Porro ignorantia invincibilis Mysteriorum Fidei, seu carentia involuntaria Fidei, vocatur a Theologis *Infidelitas pure negativa*, qualis datur in iis, qui nihil unquam de Fide audierunt, sive sint parvuli, sive adulti. Ignorantia autem vincibilis, & voluntaria Mysteriorum Fidei, appellatur *privativa*; nec aliud est, quam carentia Fidei in eo, qui, cum posset, & deberet Fidem habere, audiendo prædicationem Evangelii, id negligit: quo modo solum in adultis reperiri potest, estque ex genere suo peccatum mortale. His prænotatis sit

4. CONCL. I. Species Infidelitatis generatim sunt tres; videlicet Paganismus, Judaismus, & Hæresis. Ita Theologi communiter, cum D. Thoma 2. 2. q. 10. art. 5. Unde & Ecclesia Catholica in die Paresceves pro istis tribus tantum generibus Infidelium, nempe pro Hæreticis, Judæis, & Paganis, singillatim orare consuevit. Accedit ratio: quia aut Infidelitas adversatur veræ Fidei nullo modo susceptæ; & est *Paganismus*: aut adversatur Fidei, susceptæ solum in figuris & umbra veteris Legis, nempe in Circumcissione, aliisque ceremoniis Legis Mosaicæ, & est *Judaismus*: aut adversatur Fidei in se formaliter susceptæ, & est *Hæresis*; vel si quis ad Paganismum, sive Judaismum deficiat, appellatur proprio nomine *Apostasia a fide*; quo modo Julianus Imperator, a Christianis ad Ethnicos deficiens, dicitur *Julianus Apostata*.

5. Igitur *Pagani* sunt, qui sentiunt contraria Fidei Christianæ, quam nullo modo profitentur: ut sunt Idololatræ colentes plures deos, aut idola sua; item Turcæ, qui licet unum Deum profiteantur, cœli terræque Conditorum, negant tamen & SS. Trinitatem & Christum, neque alias veritates fidei admittunt, ut a Christo revelatas, vel quatenus ad Fidem Christianam pertinent; sed quatenus a Mahometh Pseudo-Propheta eas acceperunt. *Judæi* dicuntur, qui etiamnum legem Mosaicam ad litteram observant, circumcidendo se, ac alia Legalia (quæ fuerunt umbra futurorum, per Christum jam completorum) superstitione custodiendo, totumque novum Testamentum negando, sperantes Christum primum venturum, utpote quem necdum venisse pertinaciter ere-



credunt. *Hæresici* tandem vocantur, qui post receptum Sacramentum Baptismi pertinaciter sentiunt, seu errant contra aliquam veritatem Fidei Catholicæ: duo siquidem ad hæresin formaliter sumptam requiruntur; videlicet & error in intellectu contra aliquam veritatem Fidei, & pertinacia in voluntate, ut magis dicetur *Quæst. seq.*

6. CONCL. II. Quamquam extensive, seu ratione errorum materialium cum Fide pugnantium, gravior sit Infidelitas Paganorum, quam Judæorum; & dein gravior Judæorum, quam Hæreticorum: nihilominus intensive, seu loquendo quantum ad rationem culpæ, gravior est Infidelitas Hæreticorum, quam Judæorum; & horum, quam Paganorum. Ita Doctor Angelicus 2. 2. q. 10. art. 6. & Theologi communiter. Ratio primæ partis est: quia Gentiles, seu Pagani in pluribus articulis errant contra Fidem, quam Judæi; & hi in pluribus, quam Hæretici, ut patet: quia Paganismus negat omnia divinitus revelata; Judæismus ea solum, quæ sunt novi Testamenti; Hæresis autem aliqua horum. Atqui per Infidelitatem extensive graviozem intelligitur ea, quæ pluribus Fidei articulis opponitur, seu quæ in pluribus errat contra veram Fidem; ergo. Altera pars desumitur ex *Epist. 2. S. Petri, cap. 2.* ubi de Hæreticis, seu relapsis a Fide, dicitur: *Facta sunt eis posteriora pejora prioribus: melius enim erat illis, non cognoscere viam justitiæ, quam post agnitionem retrorsum converti.*

7. CONCL. III. Etsi Infidelitas mere negativa, qualis reperitur in iis, quibus vera Fides nunquam fuit annunciata, sicque hanc inculpabiliter ignorant, proprie non sit peccatum, sed potius poena peccati originalis; Infidelitas tamen positiva voluntaria est gravissimum peccatum. Ratio primæ partis desumitur ex defectu voluntarii ad peccatum requisiti; unde Christus *Joan. 15.* ait: *Si non venissem, & locutus fuisset eis, peccatum non haberent*, videlicet Infidelitatis. Altera vero pars Conclusionis, nempe Infidelitatem positivam esse gravissimum peccatum, habetur ex S. Scriptura passim, ut Marci ult. *Qui vero non crediderit, condemnabitur.* Item *Joan. 3.* *Qui non credit, jam judicatus est*; & alibi.

8. Caterum hoc peccatum incredulitatis, seu Infidelitatis positivæ gravius est, quando est directe volitum per voluntatem repugnantem auditui Fidei; vel etiam audita, Fidemque contemnendo. Unde ex genere suo, ac per se loquendo, Infidelitas est gravius peccatum omnibus illis, quæ contrariantur Virtutibus moralibus, puta furto, adulterio, homicidio, & hujusmodi: quamvis per accidens, nempe propter imperfectionem actus, possit interdum Infidelitas esse minus grave peccatum.

## QUÆSTIO II.

Quid requiratur ad formalem & perfectam Hæresin?

### SUMMARIUM.

9. *Hæresis unde sic dicatur?*
10. *Et quid sit?*
11. *Ad hæresin formaliter sumptam requiruntur & error in intellectu.*

12. *Corollarium.*

13. *Et pertinacia in voluntate.*

14. *Hinc errans contra Fidem, sed paratus credere, quod credit Ecclesia, non est hæreticus. Cautela Scriptorum Catholicorum.*

15. *Quid, si aliquis ignoret, opinionem suam ad-versari sensui Ecclesie?*

(a) Juxta dicta Dist. 2. n. 30.

16. *Pertinacia ad hæresin requisita, in quo consistat?*

17. *Corollarium.*

18. *Hæretici formales, &*

19. *Hæretici materiales, qui?*

20. *Dubitans de Fide peccat peccato hæresis.*

21. *Dummodo ex ipiatur natus inter hæreticos, donec sufficienter instruat.*

22. *Quid dicendum de involuntariis cogitationibus hæreticis?*

23. *Dubitans in Fide, an incurrat excommunicationem?*

9. **E**tsi præsens Quæstio procedat de omnibus tribus Infidelitatis speciebus, specialiter tamen moveri solet de Hæresi, utpote magis obvia: quamvis, quæ de hac dicuntur, suo modo locum habeant in aliis Infidelitatibus. Porro Hæresis est nomen græcum, & dicitur sic ab electione; atque ex usu Scriptorum Ecclesiasticorum plerumque accipitur in malam partem, nempe pro ea electione, qua ex arbitrio nostro contra doctrinam Christi, & sensum S. Matris Ecclesiæ eligimus nobis, quid credere velimus.

10. CONCL. I. *Hæresis* est error voluntarius, quem quis pertinaciter tenet contra aliquam veritatem Fidei Christianæ, quam suscepit seu professus est. Ita in re communis Doctorum, & magis patebit ex dicendis. Solum nota, ad Hæresin requiri, ut quis Fidem Christi aliquando suscepit per Sacramentum Baptismi, vel alias eandem publice professus sit; alioquin enim error contra Fidem esset Paganismus, vel Judæismus. Catechumeni tamen, id est, in Christum credentes; sed nondum baptizati, si post susceptam Christi Fidem ad hæreticos deficiant, coram Deo vere sunt Hæretici, licet non subiaceant poenis ab Ecclesia contra Hæreticos latis, eo quod per Baptismum necdum sint ingressi in Ecclesiam. *Pirhing. tit. de Hæresic. num. 3. & alii.*

11. CONCL. II. Ad Hæresin formaliter sumptam duo insimul requiruntur, nimirum & error in intellectu, & pertinacia in voluntate. Ita communis. Et quidem requirit errorem in intellectu, patet: quia Hæresis est species Infidelitatis; hæc autem importat errorem in intellectu contra veram Fidem.

12. Inferunt proinde Doctores, quod, si quis metu mortis, seu poenarum neget exterius Fidem, aut aliquid Fidei contrarium affirmet, absque tamen interiori mentis assensu (id est, non credendo id, quod ore profert, quamvis graviter peccet contra præceptum profitendi exterius Fidem; vere tamen & proprie coram Deo, & in Foro conscientiæ non sit hæreticus: quia Hæresis essentialiter consistit in interno judicio erroneo intellectus contra veram Fidem, quale hic non adesse supponitur. Additur notanter; *coram Deo, & in Foro conscientiæ.* Siquidem in Foro externo Ecclesiæ talis censetur hæreticus, atque ut hæreticus per

Inquisitores hæreticæ pravitatis merito punitur: nam *Ecclesia non judicat de occultis, c. Erubescant. dist. 32. &c. Sicut tuis, de Simonia.*

13. Quod autem simul ad formalem & perfectam Hæresin requiratur pertinacia in voluntate, fatentur passim Doctores. Unde D. Augustinus *Epist. 162.* ac refertur *can. Dixit Apostolus 24. q. 3.* sic ait: *Qui sententiam suam quamvis falsam, atque perversam nulla pertinaci animositate defendunt, præsertim quam non audacia sua presumptionis pepererunt, sed a seductis atque in errorem lapsis parentibus acceperunt, quarunt autem causa sollicitudine veritatem, corrigi parati, cum invenerint, nequaquam sunt inter hæreticos deputandi.* Hæc ibi.

14. Inferunt rursus Doctores, quod errans contra Fidem, simul tamen iudicio Ecclesiæ sese submittens, paratus credere, quod ipsam credere intellexerit, non sit hæreticus; quia in suo errore non est pertinax. Idque desumitur ex *Jure Canonico, cap. Damnanus, de Summa Trinitate* ubi hæc de causa Joachim Abbas non censetur hæreticus, non obstante, quod docuerit sententiam hæreticam ibidem damnatam: quia videlicet scripta sua submitit iudicio Sedis Apostolicæ; sicque non fuit pertinax, ac proinde neque hæreticus, sed erraticus, ut loquitur Fagnanus *ad tit. c. Damnanus n. 26.* Et hæc de causa Scriptores Catholici caute in principio, vel fine librorum suorum, solent apponere protestationem, qua omnia sua dicta & scripta iudicio & correctioni Sanctæ Ecclesiæ Catholicæ subijciunt: per hoc siquidem evitant periculum hæreticæ pravitatis, etsi forsan in eorum scriptis, per inadvertentiam irrepens doctrina ab Ecclesia damnata reperiretur. Fagnanus *loc. cit. n. 23.*

15. Quinimo addunt Doctores, quos citat, & sequitur Pirhing. *tit. de Hæreticis, n. 2.* quod si quis ignoret, etiam ex ignorantia mortaliter culpabili & crassa, opinionem suam adversari doctrinæ Ecclesiæ Catholicæ; jam non sit proprie hæreticus, neque Ecclesiasticis Hæreticorum poenis obnoxius. Rationem dant: quia deest pertinacia, quæ requirit scientiam, quod contrarium teneatur ab universali Ecclesia Christi. Accedit, quod peccatum hæresis non sit peccatum ignorantie, sed peccatum infidelitatis positivæ: ad hanc autem requiritur, ut Mysteria Fidei cuiuspiam sufficienter proponantur. (a)

16. CONCL. III. Pertinacia ad hæresin formalem requisita non consistit in hoc, quod quis errorem suum acriter & mordicus diu retineat, & pertinaciter tueatur: sed in eo consistit dicta pertinacia, quod quis suum contra Fidem errorem retineat, postquam contrarium est ipsi sufficienter propositum, sive quando scit, contrarium teneri a reliqua universali Christi Ecclesia, cui iudicium suum vult præferre. Ita Mastrius *disp. 10. Theolog. Moral. n. 24.* estque in re communis. Ratio est: quia quilibet in rebus credendis tenetur se subicere regulis ab Ecclesia præfixis, utpote quæ est columna & firmamentum veritatis. 1. *Timoth. 3.* Igitur, si quis hoc non fecerit, jam plus nimio & inordinate adhæret errori suo, atque ideo pertinax in eo censeri debet.

17. Inferitur proinde, quod ad hanc pertinaciam non requiratur major mora temporis, quam

quæ requiritur ad hoc, ut cum plena advertentia possit quis judicare de veritate Fidei sufficienter sibi proposita, & nihilominus suo velit iudicio adhærere. Multo minus requiritur prima, vel secunda correctio; quamvis hæc possit conducere ad plene cognoscendam latentem pertinaciam contra veritatem Fidei.

18. CONCL. IV. Recte proinde Hæretici dividuntur in formales, & in materiales tantum. *Formales Hæretici* dicuntur illi, qui cum pertinacia eligunt, vel sequuntur sententiam hæreticam contra definitionem Ecclesiæ; sive id fiat lucris temporalis gratia, sive intuitu vanæ gloriæ, vel odii, aut vindictæ. Et de his loquitur S. Augustinus *lib. de Fide Catholica*, atque refertur *c. Firmissime, de Hæretic. Firmissime tene, & nullatenus dubites, omnem hæreticum, vel schismaticum, cum diabolo & angelis ejus, æterni ignis incendio participandum, nisi ante finem vite Catholica fuerit incorporatus, & redintegratus Ecclesia.* Hæc ille.

19. *Hæretici materiales* (qui tamen juxta S. Augustinum *num. 13.* relatum, *nequaquam sunt inter hæreticos deputandi*) dicuntur illi, qui non ex malo animo aut pertinacia, sed ex simplicitate, aut defectu debitæ informationis errant circa Fidem. Et horum multi sunt in vulgo Hæreticorum: nam defectu pertinaciæ nemo est hæreticus formaliter, qui paratus est iudicium suum Ecclesiæ submittere, aut nescit, veram Christi Ecclesiam contrarium tenere, vel ita dispositus est saltem habitualiter, ut a suo errore discederet, si sciret, eum esse veræ Fidei contrarium. Mastrius *loc. cit. & alii.*

20. Quæres, an dubitans de Fide sufficienter sibi proposita committat Hæresin? Resp. I. Qui circa Fidei articulum, seu propositionem aliquam sufficienter sibi propositam deliberate dubitat, peccat peccato hæresis; cum virtualiter judicet, ejusmodi articulum Fidei habere incertam veritatem. Hinc Stephanus Papa, relatus *cap. 1. de Hæreticis*, ait: *Dubius in fide, infidelis est*, sive hæreticus.

21. Dicitur notanter, *circa articulum Fidei sufficienter sibi propositum.* Nam, ut cum aliis notat Layman *lib. 2. tract. 1. cap. 13. num. 5.* hinc excipiendi sunt illi, qui inter hæreticos nati & educati, Catholicam Religionem ignorant: his enim dubitare interim licet, donec instruantur, & argumenta seu motiva credibilitatis Fidei nostræ sufficienter & recte apprehendant. Ratio est: Quia talis dubitatio in istis non est conjuncta cum pertinacia, imo eam ordinant ad penetranda melius fundamenta Fidei Catholicæ; exemplo Beroensium, qui audita prædicatione S. Pauli *susceperunt verbum cum omni aviditate, quotidie scrutantes Scripturas, si hæc ita se haberent*, ut legitur in Actibus Apostolorum, *cap. 17.*

22. Additur etiam, *deliberate dubitat*: alioquin enim ob defectum voluntatis peccatum non incurritur. Et hinc annotandum est, eximendum fore scrupulum iis, qui de Fide Catholica dubitare se putant, eo quod hæreticæ aut blasphemæ cogitationes ipsis occurrere soleant: cum enim has serio detestentur, & numquam (uti supponitur) in animum venire exoptent, insuper protestationem faciant eis numquam consentiendi, non possunt cul-

culpæ imputari, sed magis merendi apud Deum occasionem præbent.

23. Resp. II. An dubitans de Fide, suamque dubitationem signo exteriori sufficienter manifestans præter peccatum mortale insuper incurrat excommunicationem ipso jure latam in Hæreticos, major est difficultas. Affirmant plerique in casu, quando quis deliberate dubitat, suamque dubitationem signo externo sufficienter prodit; idque asserunt propter rationes num. 20. allatas. Negat Tannerus tom. 3. disp. 1. quest. 8. num. 109. post Sa, eo quod talis hæresin plane consummatam & perfectam non habeat. Idem probabiliter censet Lud. Engel in Collegio Juris Canonici, tit. de Hæreticis, num. 2. cum aliis.

### QUÆSTIO III.

De conditionibus ad incurrendam excommunicationem ob Hæresin latam requisitis, ejusque absolutione.

#### SUMMARIUM.

24. Inter alias hæreticorum pœnas prima est excommunicatione.

25. Ad excommunicationem ob hæresin incurrendam quatuor conditiones requiruntur.

I. 26. II. 27. III. 28. Et IV. Conditio.

29. De jure communi nequeunt Episcopi absolvere ab hæresi.

30. Solvitur instantia.

31. Tamen in Germania solent habere specialem licentiam absolvendis ab ea.

32. In mortis arti nō potest quilibet Sacerdos absolvere ab hæresi, & aliis casibus &c.

33. An tunc simplex Sacerdos possit absolvere præsentem proprio Confessario?

34. Quis sit modus recipientis hæreticos respicientes?

36. in praxi quid dicendum de absolutione eorum, qui sunt hæretici materialiter.

(b) Ut dictum n. 25.

Aut etiam formaliter?

(c) Ut dictum n. 31.

24. Inter varias Hæreticorum pœnas, Jure tum Canonico tum Civili contra eosdem latas; de quibus fusius agunt Jurisconsulti, maxima & prima est excommunicatio major: quam non quidem ipsa Jure Divino, sed antiquissimo Jure Ecclesiastico incurrunt. Et licet olim hæc excommunicatio non fuerit lata sententiæ, postmodum tamen & ipso jure incurreretur tamquam censura lata sententiæ, & defacto est reservata Summo Pontifici per Bullam Cœnæ Domini, sic dictam, quia quotannis a Summo Pontifice promulgari solet in die Cœnæ Domini. His prænotatis sit

25. CONCL. I. Ad excommunicationem ob Hæresin incurrendam sequentes quatuor conditiones requiruntur. Prima est, ut quis sit hæreticus formalis: nam hæretici materiales dumtaxat; sicuti juxta S. Augustinum superius relatum inter hæreticos deputandi non sunt, ita neque excommunicationem in hæreticos formales latam incurrunt. Hinc tales a proprio Parocho possunt Sacramentaliter absolvi: quamvis aliquarum Ecclesiarum consuetudo exigat, ut tales etiam materiales hæretici mittantur ad eos, qui ab hæresi potestatem absolvendi habent. Laymann ibidem cap. 13. n. 4. Pirhing tit. de Hæreticis, n. 16. & alii.

26. Secunda conditio ad incurrendam dictam excommunicationem requisita, est, ut quis hæresin internam signis externis manifestet: siquidem ob solam hæresin mente conceptam non incurrit excommunicationem, eo quod Ecclesia non puniat actum mere internum, passim fatentur Theologi; ac proinde ab eadem possunt absolvi quivis expositi Confessarii. Sufficit autem ad incurrendam excommunicationem propter hæresin, quod hæc sufficienter exprimaturn signo exteriori, quamvis occultissimo, ac nullo profus alio teste præsentem. Dicitur tamen, *sufficienter exprimaturn*, propter sequentes conditiones.

27. Tertia itaque conditio est, ut actio externa, per quam hæresis interna manifestatur, sit mortaliter peccaminosa. Unde excommunicatus non est, qui hæresin animo conceptam alteri manifestat consilii petendi causa, vel ut ab eo melius instruatur: nam hujusmodi manifestatio non est mala seu peccaminosa, quinimo actus bonus, qui ab Ecclesia puniri non potest.

28. Quarta tandem conditio est, ut aliquis hæresin suam exterius manifestet animo eam asserendi, seu profitendi. Ratio est: quia excommunicatio lata est propter externum peccatum hæresis, quale non est nisi illud, quod ab interna hæresi informatum, dum quis eam exterius asserere, vel astruere intendit. Hinc si quis lapsus interne in hæresin Lutheri, carnes comedat die ab Ecclesia interdicto ex mera voracitate seu gula, excommunicationem non incurrit: quia comedere carnes, ex se est res indifferens; ipsas vero manducare die jejunii, est peccatum gulæ, ob violatam legem Ecclesiasticam, ex motivo Temperantiæ latam. Quod si vero per talem carnium comestionem velit suam hæresin internam exterius manifestare (quod ipsum ex aliis circumstantiis, puta loci, temporis &c. determinandum erit) tunc excommunicationem in Hæreticos latam incurrit; quia hæresin internam sufficienter opere externo manifestat.

29. CONCL. II. Quamvis de Jure communi non possint Episcopi, multo minus alii inferiores, absolvi ab excommunicatione propter hæresin contracta extra mortis articulum, seu periculum, ac secluso privilegio speciali: nihilominus tale privilegium in partibus Germaniæ habent plerique Episcopi, possuntque talem potestatem quibdam aliis viris idoneis communicare. Prima pars, licet ob textum Concilii Trid. Sess. 24. c. 7. de Reformat. a nonnullis Doctõribus fuerit olim in dubium revocata, desumitur ex terminis Bullæ Cœnæ Domini, in qua inter alia sic dicitur: *Cæterum a prædictis sententiis nullus per alium, quam per Romanum Pontificem, nisi in mortis articulo constitutus, nec etiam tunc, nisi de stando Ecclesiæ mandatis, & satisfaciendo cautione præstata, absolvi possit.*

30. Nec obstat, quod hæc verba per quosdam Auctores explicata fuerint de absolutione ab hæresi dumtaxat publica. Resp. enim eorum sententiam amplius sustineri non posse, ob Decretum Alexandri VII. inter alias Propositiones etiam sequentem, ordine 3. damnans: *sententia asserens, Bullam Cœnæ solum prohibere absolutionem hæresis, & aliorum criminum, quando publica sunt, & id non*

derogare facultati Tridentini, in qua de occultis criminibus sermo est, Anno 1629. 18. Julii in Consistorio Sacrae Congregationis Emin. Cardinalium visa & tolerata est. Haec tamen Propositio damnata.

31. Altera veto pars patet ex praxi: siquidem, ut testatur Gobat tract. 7. Theol. exprim. n. 371. plerique Episcopi Germaniae inter alias complures facultates Spirituales, ad reiteratam supplicationem, a Sede Apostolica de quinquennio in quinquennium obtinere solent specialem licentiam absolventi ab haeresi, quam & quibusdam aliis viris idoneis valeant communicare. Unde in casu emergente talis licentia (si aliunde a Sede Apostolica specialiter non habeatur) erit petenda a Reverendissimo Doratno Ordinario loci, vel ejus in Spiritualibus Vicario Generali.

\* Dicitur notanter: Si aliunde a sede Apostolica hac licentia specialiter non habeatur; prout tamen quibusdam humiliter supplicantibus solet hac gratia specialis in Germania concedi. Sic in nostra Provincia ad humilem instantiam singulis quinquenniis renovandam conceditur, tam Provinciali, quam uni ex Patribus in singulis Conventibus per dictum Provinciale deputando facultas absolventi in foro conscientiae Haereticos etiam seculares extraneos ab haeresi; & libros Haereticorum (paucis exceptis) legendi, vel retinendi, ad quos haud dubie etiam poterunt similes Haeretici mitti pro absolutione: prout plura de hac & aliis materiis haeresin concernentibus videre poterit fufius in Jure Canonico Lib. V. Tit. VII. per totum.\*

32. CONCL. III. In mortis articulo, vel etiam probabili periculo, possunt quilibet Confessarii (imo & Sacerdotes quicumque) absolvere ab haeresi, atque annexa excommunicatione, omnibusque aliis casibus Papae reservatis quoslibet poenitentes; dummodo de stando Ecclesiae mandatis, & satisfaciendo cautionem, si opus fuerit, idoneam praestiterint. Ita communis Doctorum; idque patet tum ex relatis verbis Bullae Coenae Domini, ubi articulus mortis expresse excipitur: tum ex Concilio Trid. Sess. 14. cap. 7. ubi sic habetur: *Verumtamen pie admodum in Ecclesia Dei custoditum semper fuit, ut nulla sit reservatio in articulo mortis: atque ideo omnes sacerdotes quoslibet poenitentes, a quibusvis peccatis, & censuris absolvere possunt.* Ita Concilium Tridentinum, admodum provide pro salute animarum sic disponens. Ex quibus verbis S. Concilii tam amplius docet unanimis Doctorum, quod quilibet etiam simplex Sacerdos, imo & Sacerdos degradatus, excommunicatus, irregularis, apostata, possint in mortis articulo absolvere, si non adsit proprius Confessarius, Parochus, vel Episcopus.

33. Num autem praesente proprio Confessario, puta Episcopo, vel Parocho, possit simplex Sacerdos absolvere in mortis articulo, variant Doctores. Negant multi, eo quod praedita facultas absolventi solum videatur tunc concessa simplici Sacerdoti ob extremam moribundi necessitatem; quae jam cessat, si adsit proprius Episcopus, vel Confessarius, aut Parochus. Et haec sententia in praxi merito est observanda, ne ob defectum praxis, atque uberius scientiae contingat error per simplicem Sacerdotem cum periculo salutis aeternae moriuri. Nihilominus secluso tali periculo

posse tunc simplicem Sacerdotem absolvere, non obstante praesentia proprii Parochi vel Confessarii, probabile censent multi alii Doctores, eo quod Concilium Tridentinum loc. cit. loquatur indistincte, quod nulla sit reservatio in mortis articulo: atqui ubi lex non distinguit, neque nos distinguere debemus; l. de pretio. ff. de Publiciana in rem action: ergo.

34. Quæres, quis sit modus recipiendi Haereticos resipiscences? Resp. I. Eos, qui a secta Lutheri, Calvini, vel alia recedere volunt, antequam ad professionem Fidei, atque ad Sacram Confessionem admittantur, in primis sufficienter esse instruendos in necessariis Fidei Catholicæ. Alioquin enim multi fidei accedent ob timorem Magistratus secularis, aliamve causam, nec diu in Fide Catholica permanebunt, sed facile in suos errores haereticos relabentur; unde multa incommoda oriri poterunt. II. Haereticus resipiscens debet abjurare haeresin suam, prout ordinatur in Jure Canonico, c. Si qui voluerint. & c. Saluberrimum 1. q. 7. Et haec abjuratio communiter fit coram Sacerdote & testibus, faciendo publicam Professionem Fidei, prout praescribitur in Ritualibus Diocesanis, aliisque Libris de hac materia tractantibus. Tandem III. peracta ista Professione Fidei, post præviam sufficientem instructionem perficienda, resipiscens ab haeresi admittitur ad Sacramentum Poenitentiae, & Communionis.

35. Porro si talis reperitur solum fuisse materialiter haereticus, aut ex quacumque causa non incurrisse sententiam excommunicationis latam in haereticos, poterit is absolvi a quolibet Confessario approbato. Siquidem Summus Pontifex ordinarie nullum peccatum sibi reservat, nisi propter annexam excommunicationem sibi reservatam: unde sublata ista excommunicatione, vel ob ignorantiam, aut aliam causam non contracta, potest quilibet Confessarius ab haeresi quoad culpam absolvere. In praxi tamen attendere oportet consuetudinem locorum, juxta quam tales etiam materiales haeretici mittuntur ad eos, qui potestatem absolventi ab haeresi habent. (b) Quod si vero quis fuerit haereticus formaliter, neque Confessarius potestatem absolventi ab excommunicatione propter haeresin contracta habeat, tunc vel mittat poenitentem ad eum, qui simili potestate pollet, vel ipsemet hanc licentiam per speciales supplices litteras Episcopo loci, seu ipsius Vicario Generali obtinere satagat: nam in hisce partibus ferme omnes Episcopi specialem habent facultatem absolventi ab haeresi, quam etiam aliis Viris qualificatis delegare possunt. (c)

\* Pro praxi, quando veniret aliquis Haereticus, qui primum ab haeresi ad fidem Catholicam transiret, observentur dicta priora. Si vero alius Catholicus extra articulum, vel probabile periculum mortis accederet ad Confessarium non praeditum facultate absolventi a Casibus Bullae Coenae, & se accusaret, quod e.g. non crediderit, dari Purgatorium, aut Christum existere sub speciebus Eucharisticis, &c. antequam talem dimittat ad alium, speciali facultate absolventi praeditum, quærat prius ex eo: I. An deliberate, vel indeliberate id contigerit? Item num scienter vel ignorantem si indeliberate vel ex ignorantia haereticos fecerit,



res est salva: poterit enim absolvere; alias autem indaget. II. Utrum hanc hæresin etiam deliberate signo aliquo exteriori manifestaverit, & quidem animo allerendi eandem. Quod si unicum ex his requisitis desit, poterit adhuc absolvere; alias indaget III. An huic suo asserto hæretico exterius deliberate prolato cognoverit saltem in confuso esse annexam aliquam pœnam gravem Ecclesiasticam, puta excommunicationem; nam si hanc neque in confuso scivisset, non obstante, quod per hanc suam manifestationem gravissime peccaret, adhuc non incurreret excommunicationem, & consequenter adhuc valide & licite daretur absolutio a tali confessario: etenim Casus Papales juxta communem non reservantur, nisi propter annexam Excommunicationem, quæ si ignoratur, neque incurritur.

Ex quo patet, quam imprudenter & indiscrete agant illi Confessarii, qui, quamprimum intra confitendum quidpiam de hæresi audiunt, illico confessionem abrumpunt, & pœnitentes nunc fortassis melius, quam alio tempore dispositos mittunt sine absolutione ad quosdam facultate absolvendi a Casibus Bullæ Cœnæ præditos: ubi ipsimet sæpius præsertim simpliciores & rudiores absolvere potuissent, si circa priora tria puncta sese informari curassent.\*

#### QUÆSTIO IV.

De Apostasia, Lectione Librorum prohibitorum, & Disputatione cum Hæreticis.

#### SUMMARIUM.

36. *Apostasia a Fide, quid?*
37. *Apostasia a Religione, vel Conventu.*
38. *Et Apostasia ab ordine, quid?*
39. *Lectione librorum perversorum, præsertim hæreticorum, recte prohibita.*
40. *Duplex circa eam prohibitio Ecclesiæ, una contenta in Bulla Cœnæ?*
41. *Sed excusat parvitas materia, & qua talis sit?*
42. *Altera in Indice librorum prohibitorum.*
43. *Disputare de rebus Fidei, quando licitum?*
44. *Laicis prohibetur est sic disputare.*
45. *Tertium Requisitum &c.*
46. *Catholicis an liceat comitari funera hæreticorum?*

36. **C**ONCL. I. *Apostasia a Fide*, est totalis discessio a Fide Christiana. Ita communis. Unde tunc proprie committitur Apostasia a Fide, cum quis non tantum in parte susceptam Fidem Christianam deserit, sed in totum; puta deficiendo ad Paganismum, prout fecit Julianus Apostata, vel ad Judaismum. Fatendum tamen, quod communiter etiam a Fide Catholica transiens ad Hæreticos, dicatur apostatare; sed hæc locutio non est tam propria.

37. Dicitur, *Apostasia a Fide*. Nam præter hanc est adhuc duplex Apostasia, videlicet a Religione, & ab Ordine. *Apostasia a Religione*, est criminosa & mortifera recessio ab Instituto Ordinis Religiosi sine animo revertendi. Et recte apponitur, *criminosa recessio*: nam qui cum licentia Prælati egreditur, v. g. transiens ad arctiorem Religionem, vel ejectus a Religione, aut secundum Canones ad Episcopalem Dignitatem promotus,

Apostata non est. Additur etiam, *sine animo revertendi*: nam si quis ad tempus vagaretur sine licentia Prælati, Fugitivus potius censeretur, spectato Jure Communi, quam Apostata, licet juxta particulares quarundam Religionum Constitutiones etiam hi nomine Apostatarum quandoque comprehendantur, eorumque pœnis subjaceant; ut de Ordine FF. Minorum observat Sanctorus de Melfi in *Statuta Generalia*, cap. 2. *Statuto* 62. Huc reducitur *Apostasia a Conventu, vel habitu*; & fit, quando aliquis Religiosus sine licentia Prælati recedit a Conventu, vel omnino habitum Regularem dimittit.

38. *Apostasia ab Ordine* dicitur, cum quis in sacris Ordinibus constitutus, puta Subdiaconus, Diaconus, vel Sacerdos, ad statum conjugii, vel laicalis conversationis, dimisso habitu Clericali, propria temeritate se transfert. Pœnæ talium Apostatarum præter peccatum mortale, quod incurrunt, plures sunt in Jure Canonico statutz, de quibus alii.

39. **C**ONCL. II. Lectione Librorum perversorum, præsertim hæreticorum, quando ex ea aliquod mortale periculum subversionis imminet, est indubie Jure Divino naturali prohibita: hinc quia ejusmodi periculum frequenter imminet, absolute loquendo, recte S. Mater Ecclesia lectionem Librorum perversorum, præsertim hæreticorum, prohibuit. Nam, ut dicitur 2. *Timoth. c. 2. Sermo eorum ut can. et serpis*: unde est merito vitandus, atque per modum justæ cautelæ pie admodum Ecclesia Catholica Fideles ab hujusmodi venenosis scriptis avertit.

\* Nec dicas, apud te cessare periculum subversionis, quod erat finis, seu causa motiva prohibitionis legendi libros hæreticos. Respond. enim etiam transmissio, quod circa tuam personam particularem nullum subsit periculum subversionis (de qua tamen tua præsumptione multum dubito) adhuc te non posse libros hæreticos legere; quia, uti patet ex jam dictis *Tract. de Legibus*, si cessat causa motiva legis non in universali communitate, sed tantum in particulari persona, exinde non cessat ipsa Lex. Et certe, si sub hoc prætextu illico & ordinarie absque concursu aliarum adhuc graviorum circumstantiarum liceret legere libros hæreticos, facile quam plures curiosi de se præsumerent, nullum subesse lectionis periculum, & exinde legentes non pauci successive perverterentur. Fateor tamen, subinde in extraordinariis circumstantiis dandum esse locum Epichejæ, ut viro alicui docto, ac pio ex præsumpto consensu liceat quidpiam in libris hæreticis inquirere, ac legere, si exinde defenditur ex una parte Ecclesiæ honor, qui alias pati deberet, aut prudenter speratur conversio cujusdam Hæretici; ex altera vero parte ob periculum in mora non facile patet recursus ad illum, qui posset dare licentiam hos libros legendi. Ita exemplificant in certis casibus, rarioribus tamen P. Marchantius *par. 2. Tribunal. tract. 2. lect. 4. q. 2. dub. 1. La Croix Tomul. 8. lib. VII. n. 343. & Sporer Tract. 2. in 1. præcept. Decal. cap. III. sect. 4. §. 1. v. 37.\**

40. **C**ONCL. III. Circa Lectionem librorum prohibitorum duplex de facto est consideranda pro-

prohibitio Ecclesiæ. Una est contenta in Bulla Cœnæ Domini, in qua excommunicantur, excommunicatione Papæ reservata, Hæreticorum libros hæresin continentes, vel de Religione tractantes, sine auctoritate Sedis Apostolicæ scienter legentes: retinentes, imprimentes, vel quomodo libet defendentes.

\*Observanda sunt in hac tertia Conclusionē singula verba, atque ex his deducendum, quatuor conditiones requiri, ut quis legens tales libros excommunicationem Bullæ Cœnæ Papæ reservatam incurrat. I. Debet esse liber. II. Alicujus Hæretici. III. Hæresin continere vel saltem de Religione tractare. IV. Scienter legi.

Defectu *primæ conditionis* juxta quosdam non incurreret istam excommunicationem, qui legeret Manuscripta Hæretici non compacta seu ordinata per modum alicujus libri. Ita Rodriguez, Barbarinus, Tamburinus, Dominicus Viva, & alii apud La Croix *l. c. num. 339.* quod tamen mihi videtur difficile: melius autem meo judicio alii saltem tunc concedunt, quando ista manuscripta non accedunt ad quantitatem decem Foliorum.

Defectu *secundæ conditionis* eximeretur ab Excommunicatione Bullæ Cœnæ, qui legeret libros Ethnicorum, Judæorum, vel etiam Catholicorum, quamvis aliqua falsa dogmata ibi continerentur: Ratio est, quia solum libro alicujus Hæretici hæc pœna Excommunicationis in Bulla Cœnæ annectitur: ergo in hac odiosa materia Excommunicatio tamquam gravissima pœna non debet extendi ad alios libros: nam *odia restringi, favores conveniunt ampliari.* Reg. 15. Juris in 6. Ob quam ipsam rationem non contraheret Excommunicationem Bullæ Cœnæ Papæ reservatam, qui in libris Catholicorum Doctrinam Hæreticorum ad verbum relatan legeret: nam adhuc verum esset, quod non legeret librum alicujus Hæretici, quamvis cæteroquin, si id ex malo fine faceret, haud dubie graviter peccaret.

Defectu *tertiæ conditionis* non foret Excommunicatus Excommunicatione majori Papæ reservata in Bulla Cœnæ, qui legeret Hæreticorum libros Historicos, Philosophicos, Juristas vel Medicos; nam etsi sint Hæreticorum, non tamen tractant de Religione, ac sua hæresi; saltem non ex professo. Econtra vero incurrere dictam Excommunicationem, qui legeret librum alicujus Hæretici de Religione ex professo tractantem, sive exponendo S. Scripturam, sive Theologiam, sive Conciones, aut casus Conscientiæ, sive alia, quæ ad cultum Dei vel Sanctorum aut ad salutem animarum spectant. Teste Suarez *de Fide D. 20. Sect. 2. n. 16.* quamvis talis liber nullam in se Hæresin contineret: nam Bulla Cœnæ prohibet legere librum alicujus Hæretici sub distinctione *Hæresin continentem, vel de Religione tractantem*, quia non vult Ecclesia, ut Filii sui ex aqua turbida bibant & ex putrido loco Margaritas colligant, nec petit in Religione instrui ab Hæreticis.

Defectu *quartæ conditionis* non contraheret sapius mentionatam Excommunicationem Bullæ Cœnæ qui ex ignorantia etiam crassa & culpabili legeret talem librum, sive sit ignorantia facti, sive Juris, d est sive nesciat librum hunc esse alicujus Hæretici, sive ignoret, lectioni dicti libri fore

annexam Excommunicationem. Videantur de his latius Sporer *loc. cit. §. 1. & seqq.* La Croix *loc. cit. num. 328. & seqq.* ac Felix Potestas in suo Examine *Tom. 2. p. 2. cap. 8. per totum.* Atque has quatuor Conditiones pro praxi bene notent illi Confessarii, qui non habent speciale Privilegium absolvendi a casibus Bullæ Cœnæ: exinde enim videre poterunt, num suos pœnitentes, qui confitentur, se quidpiam in libro hæretico legisse, absolvere valeant, nec ne: Etenim si quatuor allegatæ conditiones concurrant, extra articulum vel periculum mortis &c. debebunt abstinere, & ad alios facultate præditos mittere.\*

41. Cæterum hoc intelligendum est, nisi excuset parvitas materiæ; ut est una pagina, etiam libri in folio impressi. Pirhing. *tit. de Hæreticis, num. 20.* citans alios. Imò plures Doctores censent, dictam excommunicationem non incurri ab eo, qui secluso alio subversionis periculo legit Epistolam, Concionem, aliamve brevem Scripturam, etiam impressam alicujus hæretici, atque hæresin continentem? quia verba Bullæ Cœnæ in rigore intellecta loquuntur de libris; prædictæ autem Scripturæ non censentur vulgariter nomine libri, prout observat Herinex *disp. 9. de Fide, quest. 8. num. 86.* & Sanchez *lib. 2. in Decalog. cap. 10. n. 29.* Ideoque Catholici his in locis non faciunt sibi scrupulum, si secluso alio periculo legant Epistolam, vel Concionem quamdam hæreticam, quam interdum ab amicis hæreticis accipiunt: quamvis, quia facile venenum latentis hæresis potest inficere corda incauta, Parochis & Confessariis merito sit invigilandum, ut talia evitentur.

42. Altera Ecclesiæ prohibitio circa Lectionem librorum, ob errores vel errorum suspicionem prohibitorum, continetur in Indice Librorum prohibitorum, qui jussu S. Concilii Tridentini, & auctoritate SS. Pontificum editus est, & continet plures regulas. Et quidem virtute dicti Indicis Librorum prohibitorum, ubi is receptus est, incurrunt excommunicationem, non tamen reservatam Papæ, qui legunt libros ob errores vel errorum suspicionem prohibitos. Dicitur, *ubi is receptus est*; nam Indicem librorum prohibitorum quoad secundam Classē non esse in Germania receptum, asserunt multi Auctores, ac præsertim Layman *lib. 2. tract. 1. cap. 15. n. 8.*

43. CONCL. IV. Etsi licitum sit Viris doctis, & quandoque necessarium, justam ob causam de rebus Fidei cum infidelibus disputare, id tamen non nisi debitis cum circumstantiis est faciendum. Ita communis. Et quidem prima pars patet exemplo Christi, qui disputavit cum Phariseis, *Joan. cap. 8.* & alibi. Similiter S. Stephanus disputasse legitur cum Judæis *Act. 6.* Paulus cum Judæis & Græcis, *Act. 9.* quod ipsum SS. Patres contra Hæreticos sapius fecisse dignoscuntur. Altera vero pars probatur inductione: inprimis enim ad id ex parte disputantis requiritur congrua scientia; quia viris indoctis de Fide disputare non licet, ob periculum multos errores proferendi, cum jactura & dedecore Fidei Catholicæ, atque scandalo audientium.

44. Secundo requiritur ex parte disputantis, ne eidem sit inhibita disputatio lege aliqua positiva humana. Sic quippe in Jure Canonico, *cap. 2. de Heret. in 6.* sub pœna excommunicationis ferendæ sententiæ, prohibetur laicis, publice vel privatim de Fide Catholica disputare. Notat tamen Herinex *disp. 9. de Fide, quæst. 3. n. 34.* post Coninch, & alios, præmissam legem seu prohibitionem vel non esse usu receptam, vel usu contrario abrogatam in terris, in quibus Hæretici cum Catholicis permixti vivunt: quia passim ibidem cum hæreticis in privatis colloquiis disputant laici, & sæpe id necessarium est pro avertendo pusillorum scandalo, præsertim ubi propter persecutiones hæreticorum Clerici non tolerantur.

45. Tercio requiritur finis honestus; videlicet defensio veræ Fidei, errorum confutatio, confirmatio Fidelium, Infidelium conversio, aut infirmorum confortatio. Item, ut ex tali disputatione sperare liceat utilitatem quamdam & fructum: sive in eo, cum quo sit disputatio, sive in audientibus: alioquin enim disputatio foret inutilis, aut ob pravum finem penitus illicita.

46. Quæres, an liceat Catholicis comitari funera Hæreticorum ad sepulturam? Resp. hic opus esse distinctione. Et quidem in locis, ubi prohibitum est Catholicis conversari cum Hæreticis sub pœna excommunicationis, palam est, non licere eorum funera comitari: alioquin enim quis ageret contra justam, gravemque prohibitionem. E contra vero in illis locis, ubi Catholici promiscue vivunt cum Hæreticis, & quotidie sine alia prohibitione cum eisdem conversantur, licitum est Catholicis comitari funera Hæreticorum, si præcise spectetur sepultura. Ratio est: tum quia hic cessat omne scandalum; simulque nulla est prohibitio in contrarium, uti supponitur. Tum quia sepelire mortuos, secundum se est opus bonum Misericordiæ corporalis. Tum tandem, ut notat Layman, *lib. 3. tract. 5. part. 2. cap. 4. circa finem*, talis comitatus, cognitionis vel necessitudinis gratia præstitus, potius spectat ad communionem politicam, non autem est approbatio hæresis.

\* Quærit. II. An in Germania, ubi Hæretici sunt tolerati, funera eorum licite sepeliri possint in Cœmeteriis Catholicorum? Resp. I. Si moriantur tamquam notorie Hæretici formales, de per se loquendo non possunt licite sepeliri in Cœmeterio Catholicorum. Ita sub his terminis communis, quantum constat: Ratio est: quia, si decedunt tamquam Hæretici formales notorii, moriuntur in notorio gravi peccato, sed in notorio gravi peccato mortui nequeunt, de per se loquendo, in loco sacro, uti est Cœmeterium Catholicorum, sepeliri, prout fatentur omnes cum Glossa in *cap. ex parte de sepulturis. v. communicabatur*: Ergo. Quia tamen sæpius non constat notorie in particulari, num isti vel sint Hæretici formales, vel tantum materiales &c. Hinc Resp. II. Absolute loquendo juxta probabiliorem sententiam Hæretici etiam in Germania non sunt sepeliendi in Cœmeterio Catholicorum, nisi ubi adest consuetudo contraria

legitime præscripta; vel ubi alias imminet periculum gravis mali ob potentiam Hæreticorum, uti tempore hostili facile contingere potest. Hæc responsio magis probata reperietur *Tract. 13. Dist. 2. q. 2. n. 21. & seqq.* ac in Jure Canonico, *Lib. 3. Decr. Tit. 28. §. 3. per totum*, quorum hic lector brevitate gratia remittitur.

Additur autem notanter I. *Ubi non adest consuetudo contraria*, quæ tamen dicitur vigere in quibusdam Germaniæ locis, prout ex Layman & Card. de Lugo advertit *La Croix Tomul. 1. lib. 2. num. 111.* Certe vidi etiam Ecclesias in Germania, in quibus Catholici & A Catholici mutatis vicibus sua Officia celebrant.

Additur II. *Vel ubi alias imminet periculum gravis mali*; nam cum isto non obligat Lex humana, prout jam annotatur in Jure Canonico *loc. cit. num. 78.*

Quærit. III. An in Germania Catholici licite famulentur apud Hæreticos? Resp. I. Si adest periculum proximum perversionis, nequeunt famulari Catholici apud Hæreticos. Ita communis & recta: nam *qui amat periculum, peribit in illo.*

Resp. II. Si absit hoc periculum perversionis, nec aliunde quidquam obstat, in Germania, ubi Hæretici cum Catholicis impune vivunt permixti, possunt Catholici famulari Hæreticis, eo ipso, cum Hæretici sint tolerati, & cum ipsis citra Excommunicationem in Germania communicari possit: licet cæteroquin ordinarie talis famulatus non suadeatur, & si fiat, expresse subjungatur a Theologis, ut similis famulus, antequam operas Hæretico addicat, hanc conditionem apponat, ut nimirum permittatur observare præcepta Ecclesiæ.

Resp. III. Etiam absente periculo perversionis nequeunt Catholici famulari apud Hæreticos, si Catholici per hunc famulatum frequenter sine rationabili causa impediuntur ab observatione præceptorum Ecclesiæ. e.g. audiendi Missam, abstinendi a comestione carnis diebus Veneris ac Sabbatinis, vel ab operibus servilibus die festivo &c. Ita cum Bonacina, Layman & aliis Castro-palao hic *T. 22. p. Ult. n. 6.* Ratio est; quia quilibet Catholicus tenetur præcepta Ecclesiæ servare; quando id sine gravi suo incommodo & damno facere potest: possent autem tales famuli observare præcepta Ecclesiæ sine gravi suo incommodo & damno; quando nimirum inveniunt faciliter Dominos Catholicos æque bonos & quasi idem, vel tantummodo paulo minus dantes salarium: ergo in simili casu tenentur potius accedere Dominos Catholicos, quam A Catholicos profamulatu. Id ipsum exemplificat La Croix *lib. II. n. 103.* taliter: Offerat Dominus Catholicus æque bonus famulo pro salario, sex florenos. A Catholicus septem; in eo casu potius Catholici, quam A Catholici servitium eligere debet, supposito, quod ab A Catholicis frequenter impediatur ab observatione præceptorum Ecclesiæ; quia defectus unius floreni non est notabile damnum. Quod si vero Catholicus Dominus vellet dare in eo casu tantummodo quatuor florenos, vel adhuc minus, videtur respectu famuli

multi alicujus grave damnum, seu cessatio notabilis lucri in comparatione septem florenorum, quos porrigere vult A catholicus: Unde in tali casu non teneretur operas suas addicere Catholico, si ceteroquin absit periculum perversionis apud Hæreticum; quoniam præcepta Ecclesiæ cum vere notabili incommodo seu damno gravi non obligant, quale damnum, seu potius lucrum cessans adesset in præsentia.

Resp. IV. Si talis Catholicus raro impeditur ab observatione alicujus præcepti Ecclesiastici, vel si frequenter quidem, & cum gravi causa e. g. si debeat custodire pecora, vigilare in excubiis militaribus, navigare in mari per aliquot menses &c. in similibus casibus, non obstante tali impedimento, potest licite famulatum præstare Hæretico. Ita cum Gobath & Layman La Croix loc. cit. n. 105. Ratio est; quia regulariter loquendo in similibus circumstantiis impediretur pariformiter, si has operas addidisset alicui Domino Catholico; adeoque ex parte Domini A catholici non intercedit aliquod speciale impedimentum: licet ceteroquin pro majori adhuc securitate (quoniam occulte venenum hæreticum aliquoties instillatur suaviter) etiam tali famulo conformiter dictis præcedentibus haud dubie magis Dominus Catholicus, quam Hæreticus foret suadendus. Videatur de similibus fufius Gobath in Quinario T. 5. c. 33. a n. 91. & in Theolog. Experiment. T. a num. 313. \*

## DISTINCTIO V.

De Spe, atque oppositis Virtutibus.

### QUESTIO I.

De Spe Theologica, ejusque obligatione  
SUMMARIUM.

1. Spei varia acceptiones.
2. Spes Theologica, quid?
3. Spes actualis.
4. Objectum materiale primum Spei, est Deus.  
(a) Ut dictum Tract. 4. Dist. 1. n. 8. & seq.
5. Ad objectum materiale secundarium Spei, qua spectent?
6. Objectum formale Spei Theologica, quod?
7. Solvitur instantia.  
Amor Dei duplex, amicitia scilicet, & concupiscentia.
8. Spes Divina est infallibilis, quomodo?
9. Præceptum Spei aliud negativum, aliud affirmativum.
10. Affirmativum, quando obliget per accidens?  
(b) Dist. 2. quest. 3. n. 36. & 37.
11. Et quando obliget per se & directe?  
(c) cit. Dist. 2. quest. 3. per totum.

1. **O** Missis aliis Spei acceptionibus, huc minus attinentibus, Spei nomen aliquando sumitur pro ipsa re sperata, juxta illud D. Apostoli ad Titum 2. *Expectantes beatam spem.* Quandoque pro aliquo, in quo speratur, seu spes nostra ponitur, prout accipitur *1. salm. 90. Tu es Domine spes mea.* Magis tamen ad propositum, sumitur Spes pro habitu, vel actu quodam voluntatis, expectantis bonum futurum, arduum item ac difficile. Quod si bonum illud sit naturale, ita ut viribus naturæ acquiri possit, erit spes ha-

mana: si vero supernaturale, ut bonum gratiæ & gloriæ cælestis, ad quod consequendum opus est auxilio Dei, dicetur Spes Theologica, seu Divina. Et de hac loquendo sit

CONCL. I. *Spes Theologica est virtus divinitus infusa, qua desideramus consequi Bonum infinitum ex gratia & meritis in patria adipiscendum.* Ita desumitur ex Doctore nostro 3. dist. 26. q. 1. n. Nec in re differt ab illa vulgata definitione, qua dicitur: *Spes est virtus divinitus infusa, per quam certa cum fiducia nostra salutis, & æternæ vitæ bonæ, primario & principaliter consistunt in consecutione infiniti Boni, qui est Deus Ter Opt. Max. ejusque visione & fruitione beatifica, quam non nisi ex gratia Divina, & accedentibus meritis nostris consequimur.*

3. Ceterum Spes Theologica actualis est actus supernaturalis, quo desideratur Bonum infinitum, Deus: nam desiderare idem est in re, ac sperare æternam beatitudinem, ut notat Sannig tom. 4. dist. 4. quest. 1. n. 7. Porro per Spem divinam, veluti anchoram fortissimam, firmanatur Viatores ad obtinendum æternum beatitudinis Bonum in Cælis, quod prius fide perceperunt; unde non immerito a Magistro Sententiarum (id est, Petro Longobardo) 3. dist. 26. appellatur *Spes, certa expectatio futura beatitudinis, veniens ex Dei gratia, & meritis præcedentibus: sine meritis enim sperare, non spes, sed presumptio dici potest.*

4. CONCL. II. Objectum materiale primum, seu principale Spei Theologicæ est Deus, seu consecutio Boni infiniti, consistens in visione & fruitione beatificæ Dei. Ita in re communis, Siquidem illud Spe Divina primario ac immediate speramus, seu consequi desideramus, quod nos perfecte beatificat; atqui hoc non præstat, nisi DEUS Ter Opt. Max. quatenus eodem in cælis cum Sanctis suis beatifice fruimur. Accedit, quod, si DEUS non esset objectum immediatum Spei supernaturalis, Spes non esset virtus Theologica; siquidem ad virtutem Theologicam requiritur, ut actus principalis ipsius tendat in Deum tamquam objectum immediatum. (a)

5. CONCL. III. Ad objectum materiale & secundarium Spei Theologicæ spectant omnia bona, tam ordinis supernaturalis, ut sunt auxilia Divina, gratia sanctificans, condonatio peccatorum, a hujusmodi; quam ordinis naturalis, quæ aliquo modo remote conducunt ad attingendum objectum principale Spei, ut puta panis quotidiani &c. Ita communis, Siquidem ea omnia possunt ordinari ut media, vel proxima, vel saltem remota ad attingendum principale Spei, id est, Dominum Deum in æterna gloria beatifice possidendum.

6. CONCL. IV. Objectum formale Spei Theologicæ est ipsamet bonitas Dei, quatenus nobis bonus est. Ita Doctor Subtilis 3. dist. 26. quest. unic. Tannerus tom. 3. disp. 2. quest. 1. num. 14. citans D. Thomam, Suárez, & alios; Herinex disp. 10. de Spe, quest. 1. num. 11. Sannig, & alii: quamvis nonnulli dissentiant, & præferant illi, qui tenent, quod objectum formale Spei



Spei, seu motivum sperandi, sit summa & infiniti Dei promittentis Fidelitas, qui, quod promittit, potest præstare, quia omnipotens est; vult præstare, quia benignissimus est; & certissimo præstiturus est, quia fidelissimus est: ut proinde, (inquiunt) sicut objectum formale Fidei Theologicæ est infallibilis Veracitas, & Charitatis infinita Bonitas Dei, sic & Spei objectum formale sit summa ejusdem Fidelitas in servandis promissis. Sed quidquid sit de hac Sententia, captu cæteroquin faciliiori, ratio Conclusionis est: quia illud est objectum formale Spei, quod proprie movet ad appetitum, seu desiderium objecti materialis: sed talis ratio motiva est bonitas Dei, ut nobis bonus est, seu commodum affert; ergo. Minor ex eo patet: quia voluntas nihil appetit, nisi sub ratione boni.

7. Nec obstat, quod Deus sub ratione Boni sit objectum formale Charitatis. Resp. enim, adhuc disparitatem esse: quia Deus est objectum Charitatis, ut est infinite bonus in se, seu ut est summum Bonum propter se diligibile amore amicitiae: Spei vero est Deus objectum formale, ut est bonus nobis, & diligibilis amore concupiscentiae. Duplex quippe a Theologis solet distinguere amor Dei: unus amicitiae, sive (ut alii loquuntur) benevolentiae, quo bona Deo volumus, quatenus ipsi sunt bona: alter concupiscentiae, quo Deo bona volumus, quatenus nobis sunt bona: ut si Deum amamus, quia est nobis benignus, misericors, &c. Additur notanter, nobis: quia, si Deus amatur, quatenus in se est bonus, misericors, infinite perfectus &c. erit amor amicitiae, qui est proprius Charitatis Theologicæ: amor autem concupiscentiae est proprius Spei Theologicæ, & imperfectior priori. Solum adde cum Herinex loc. cit. n. 10. quod promissio Divina sit conditio requisita, ut possimus convenienter sperare; non autem ratio formalis, & motiva Spei Theologicæ.

8. CONCL. V. Etsi Spes Divina absolute loquendo sit infallibilis, & certa, juxta illud Rom. 5. *Spes autem non confundit*, & alibi: nihilominus per accidens, & ex parte nostra, ea potest esse incerta & fallax. Ita Filliucius tract. 22. num. 248. & alii. Ratio: quia Spes consequendi vitam æternam supponit etiam nostram cooperationem, & merita: atqui de his non habemus certitudinem: nam, ut dicitur Eccl. cap. 9. *Sunt justii, & opera eorum in manu Dei, & tamen nescit homo, utrum amore, an odio dignus sit.* Et hinc fit, quod ex parte nostra Spes sit incerta, imo quandoque vana & fallax, ob defectum nostræ cooperationis; quamvis in se ipsa propter infallibilem promissionem Dei sit certissima, dummodo aliunde nihil deficiat.

9. CONCL. VI. Certum est, extare præceptum Spei Divinæ: idque aliud est negativum, quo tenemur numquam desperare, neque præsumere; ac proinde obligat semper, & pro semper: aliud affirmativum, quo aliquoties per vitæ decursum tenemur elicere actum Spei. Hinc quippe Psal. 4. dicitur: *Sperate in Domino.* Et ad Titum cap. 2. *Sobrie, juste, & pie vivamus in hoc seculo expectantes beatam spem.* Et similia in S. Scriptura passim occurrunt: unde merito

Alexander VII. hanc inter alias, ordine 1. Propositionem damnavit: *Homo nullo unquam vitæ suæ tempore tenetur elicere actum Fidei, Spei, & Charitatis, ex vi præceptorum divinarum ad eas virtutes pertinentium.* Hæc Propositio damnata.

10. CONCL. VII. Præceptum affirmativum Spei per accidens seu indirecte obligat, quoties obligat aliquod aliud præceptum, quod observari nequit absque actu Spei Divinæ saltem virtuali. Sic fit, quando urget præceptum agendi poenitentiam de peccatis; nam veram poenitentiam non potest quis agere, nisi saltem virtualiter speret, sese veniam suorum peccatorum consecuturum ex meritis Christi, Dei que misericordia; prout in simili dictum est superius (b) de præcepto affirmativo Fidei.

11. CONCL. VIII. Præceptum affirmativum Spei per se & directe obligat inprimis circa initium vitæ, quando videlicet quis sufficienter instructus de rebus Fidei, sese ad Deum convertere tenetur; juxta illud Hebr. 11. *Accedentem ad Deum credere oportet, quia est, & inquirentibus se remunerator sit.* Alterum tempus est finis vitæ, quando homo in extremo constitutus maxime in Deum sperare tenetur, tum ob tentationes eo tempore ingruentes; tum etiam, quia tunc potissimum eo debemus intentionem dirigere, quo migrandum est, nempe ad Deum in æterna beatitudine æternaliter consequendum. Obligat insuper quandoque præceptum affirmativum Spei Divinæ sub decursu vitæ nostræ: verumtamen hujusmodi obligationi sufficienter satisfacit per actus Spei, qui concurrunt in exercitio aliarum virtutum; prout in simili dictum est supra (c) fusius declarando, quo tempore teneantur Fideles elicere actum Fidei Theologicæ, quæ (servata tamen proportionem) huc erunt applicanda.

## QUÆSTIO I.

De Vitiis Spei oppositis, Desperatione scilicet ac Præsumptione.

### SUMMARIUM.

12. *Spei per defectum opponitur Desperatio, per excessum Præsumptio.*
- (d) Ut dictum Dist. 1. n. 17. & seqq.
13. *Desperatio, in quo consistat?*
14. *Quale sit peccatum?*
15. *Quid agendum circa personas afflictas?*
16. *Peccata in Spiritum Sanctum qua?*  
*Inter ea cur numeretur Desperatio?*
17. *Hæc potest consistere cum & sine actu infidelitatis.*  
*Desperatio quid?*
18. *Præsumptio, quid?*
19. *Potest committi dupliciter.*

12. **C**um quælibet virtus suo modo consistat in medio (d) hic contra eam contigit peccari partim per defectum, partim per excessum. Idipsum videre licet in Spe Theologica, utpote cui per defectum opponitur Desperatio, per excessum autem Præsumptio; non quidem, ac si nimium possimus in Deo sperare (Deus enim est infinite bonus, omnipotens, fidelis, misericors

ricors &c. ac proinde ex parte objecti sui formalis non potest fieri excessus contra Spem Theologicam) sed solum, quatenus ex parte actus, seu exercitii Spei Theologicæ, potest fieri excessus, in quantum actus Spei exercetur modo indebito. Siquidem Spes Theologica includit indicium, & desiderium consequendi æternam beatitudinem modo debito, id est, ex meritis Christi, & accedente propria cooperatione: Desperatio econtra involvit iudicium de ea numquam consequenda; Præsumptio vero includit iudicium, ac desiderium consequendi æternam beatitudinem modo aliquo indebito, v. g. per solam fidem, vel ex puris naturalibus, aut vivendo scelerate, ut amplius in progressu declarabitur. Hinc sit

13. CONCL. I. Desperatio opponitur virtuti Spei per defectum: & committitur, cum quis desperat, sese remissionem peccatorum, & gloriam æternam esse consecuturum, atque ideo omnem conatum eandem consequendi intermitit. Duo siquidem in Desperatione interveniunt; primo iudicium intellectus, quo quis iudicat, sibi nimis arduum, & impossibile esse consequi beatitudinem. Secundo fuga voluntatis, qua quis refugit salutem, tamquam obtineri impossibilem, atque ideo ab ejus procuracione ob difficultatem mediorum apprehensam desistit. Ita Mastrius *disp. 10. Theol. Moral. n. 40.* & alii: quamvis bene notet Herinex *disp. 10. n. 50.* quod Desperatio proprie sit in ipsa voluntate, & actu ipsius, quo quis non vult amplius prosequi beatitudinem, aut media ad eam consequendam opportuna adhibere; iudicium vero illud, quo quis putat, se non amplius obtenturum beatitudinem, potius sit aliquid prævium, atque inducens ad Desperationem, non autem proprie Desperatio.

14. CONCL. II. Desperatio ex genere suo est peccatum mortale, atq; inter cætera maxime periculosum. Ratio est clara: quia Desperatio directe opponitur Spei Theologicæ, & quia avertit hominem ab ultimo Fine suo, seu cœlesti beatitudine, simulque media omnia ad hanc consequendam abjicit, quis neget, eam esse maxime periculosum peccatum? Unde Ilidorus *lib. 2. de Summo Bono, cap. 14.* ait: *Perpetrare flagitium, mors anima est; desperare autem, descendere in infernum.*

15. Hoc tamen intelligendum est de vera, & voluntaria Desperatione: nam quandoque accidunt tentationes violentæ, afflictiones graves, & inconsolabiles mœstitiæ, quibus interdum animæ cruciantur, ita ut omni Spe destitutæ videantur. De his autem non procedunt hactenus dicta; quia sunt potius timores, & angustia excitata a diabolo, vel ex turbatione quadam, aut etiam complexione melancholica provenientes, absque vero & deliberato consensu voluntatis. Super his tamen prudenter invigilare debent Confessarii, hujusmodi afflictas personas in Domino paterne consolando, eisque ostendendo quod talia culpa vacent, quamdiu voluntas eisdem non consentiat; ac proinde easdem adhortando, ut agnita propria infirmitate, atque demeritis, sese projiciant in sinum bonitatis & misericordiæ Dei, meritaque Salutiferæ Passionis JESU Christi Domini nostri; simulque non ob-

stantibus quibuscumque afflictionibus, & mœstitiis, bonum operari minime desistant.

16. CONCL. III. Desperatio recte connumeratur inter peccata in Spiritum sanctum, quæ communiter cum Magistro Sententiarum 2. *dist. 43.* & D. Thoma 2. 2. *quest. 14. art. 2.* sex enumerantur; videlicet Desperatio, Præsumptio, Impenitentia, Obstinatio, Impugnatio veritatis agnitæ, & fraternæ gratiæ Invidentiæ. Ita Doctores communiter: nam Desperatio ipsam Dei oblatam munificentiam & gratiam, quæ Spiritui sancto, ceu Fonti omnium bonorum, tribui peculiariter solet, ex malitia contemptum abjicit; juxta quod impii dixerunt *Jeremia 18.* *Desperavi-mus: post cogitationes enim nostras ibimus, & unusquisque pravitatem cordis sui mali faciemus.*

17. CONCL. IV. Desperatio potest consistere sine actu Infidelitatis, quamvis non raro habeat annexam Infidelitatem. Ita Mastrius *loc. cit. n. 34.* cum aliis. Ratio primæ partis est: quia potest quis actum Desperationis elicere, quamvis non sentiat aliquid contra Fidem: ut si quis credat quidem, Deum esse justum ac misericordem, desperet tamen ex eo, quia iudicat, salutem sibi esse impossibilem ob suam pronitatem ad peccandum, & contrarietatem, quam in se experitur ad bene agendum. Altera pars ex eo liquet: quia Desperatio facile excecet intellectum, ut quis credat, Deum non esse infinite bonum, ac misericordem. Unde Cain ob Abel occisum a Deo correptus, desperans, Deique misericordiam negans, ait: *Major est iniquitas mea, quam ut veniam merear. Gen. 4.* Et in hoc posteriori sensu Magister Sententiarum *loc. cit.* definit Desperationem, dicendo: *Desperatio est, qua quis diffidit penitus de bonitate Dei, aslimans, suam malitiam Divina bonitatis magnitudinem excedere.*

18. Quantum nunc attinet ad Præsumptionem, quæ est alterum peccatum Spei Divinæ oppositum per excessum, ea recte definitur, dicendo: *Præsumptio est Spes obtinendi a Deo gratiam & gloriam æternam inordinate;* id est, aliter quam Deus obtinendam statuit. Et hujusmodi Præsumptionem esse peccatum ex genere suo mortale, atque unum ex sex peccatis in Spiritum sanctum, conveniunt Doctores.

19. Dupliciter autem peccatum Præsumptionis committi potest. Primo, cum quis præsumit, se Divinam gratiam, aut æternam gloriam ex se ipso, & propriis naturæ suæ viribus adipisci posse: quo modo Pelagiani, antiqui hæretici, & a D. Augustino accerrime impugnati præsumebant, se posse propriis viribus sine supernaturali auxilio Dei omnia præcepta servare, & æternam beatitudinem mereri. Secundo contingit Præsumptio, quando econtra quis præsumit, se sola Dei misericordia ac liberalitate, Christi-que meritis, absque propria penitentia, & cooperatione per bona opera, beatitudinem vitam-que æternam consecuturum. Et talis erat Præsumptio Lutheranorum, aliorumque quorundam Hæreticorum, qui per solam fidem in Christum absque aliis bonis operibus spectarunt beatitudinem adipisci, quam S. Concilium Trid. *Sess. 6. cap. 9.* appellat *inanem hæreticorum fiduciam;* & in progressu pluribus refutat.

DIS-

DISTINCTIO VI.

De Charitate, ejusque Obligatione.

QUÆSTIO I.

Quid sit Charitas, & quæ ejus obligatio?

SUMMARIUM.

1. Charitas & amor, generatim quid?
2. Charitas, ut virtus Theologica, quid, & quod objectum ejus?  
(a) Juxta dist. 5. num. 7.
3. Deus quomodo appelletur Charitas?
4. Præceptum de diligendo Deum, partim affirmativum, partim negativum.
5. Et satisfic diligendo Deum, super omnia appetitive.
6. Deum super omnia amare intensive, & appetitive, quid?
7. Probatio Conclusionis.
8. Præceptum diligendi Deum obligat ad frequens exercitium.
9. Quo determinato tempore illud obliget?  
(b) Dist. 2. q. 3. per totum.  
Tres propositiones quas hoc damnata.
10. Tria sunt diligenda, Deus, nos ipsi, & proximus.
11. Præceptum diligendi proximum, quantum, & unde oriatur?
12. Ei non satisfic per solos actus externos.
13. Debemus etiam diligere corpus nostrum.
14. An creatura irrationales ex Charitate sint diligenda?

1. **C**haritatis nomen generatim quidem significat idem, ac amor seu dilectio; plerumque tamen tum in Sacra Scriptura, tum a SS. Patribus sumitur in bonam partem, nempe pro amore boni honesti, seu bona voluntate: Amor autem indifferenter in bonam & malam partem accipitur, nempe vel pro amore Dei, vel Mundi, & pro amore tum honesto, tum illicito, & carnali. In præsentī igitur loquimur de Charitate, prout est tertia virtus Theologica, & omnium aliarum virtutum præstantissima, de qua Apostolus 1. Corinth. 13. inquit: *Nunc autem manent fides, spes, charitas; tria hæc: major autem horum est charitas.*

2. **CONCL. I.** Charitas est virtus divinitus infusa, qua diligitur Deus propter se super omnia, & proximus propter Deum. Ita in re communis. Porro objectum materiale primarium Charitatis est Deus: objectum vero secundarium ipsius est proximus noster, & omnia alia honeste amabilia, seu quæ possunt ad gloriam Dei, sicque propter ipsum, amari; nam *Universa propter semetipsum operatus est Dominus. Prov. cap. 16.* Objectum formale Charitatis Dei, est ipsamet infinita Dei bonitas, quia ipse in se bonus est, & amabilis amore amicitiae; (a) ob hanc quippe bonitatem, veluti propter rationem formalem, atque motivam, Deus, tamquam infinitum Bonum, est amandus super omnia.

3. Dices 1. *Joan. cap. 4.* dicitur: *Deus charitas est, & qui manet in charitate, in Deo manet;* ergo Charitas non est virtus aliqua infusa. Resp. negando consequentiam: etenim textus allegatus in primis est intelligendus causaliter, eo modo, quo Deus dicitur spes nostra, patientia nostra, justi-

tia nostra, & hujusmodi, prout passim legitur in S. Scriptura. Deinde Deus dicitur esse Charitas, eo quod sit essentialiter Charitas increata, unde etiam S. Sanctus appropriate dicitur *Amor*. Hoc tamen non obstante adhuc in hominibus justis datur Charitas creata, qua ipsi super omnia diligunt Deum propter se, seu infinitam bonitatem suam, & proximum propter Deum.

4. **CONCL. II.** Extat Præceptum de diligendo Deum super omnia; idque partim est negativum, ne videlicet Deum odio habeamus, aut aliquid agamus, quod dissolvat amicitiam nostram cum Deo, peccando videlicet mortaliter; partim affirmativum, ut observemus mandata ejus. Ita unanimis Fidelium, & patet ex plurimis S. Scripturæ locis. Sic enim *Deuter. 6. & Matth. 22.* legitur: *Dilige Dominum Deum tuum ex toto corde tuo, & in tota anima tua, & in tota mente tua: hoc est maximum, & primum mandatum.* Item *Joan. 14.* *Qui habet mandata mea, & servat ea, ille est, qui diligit me.* Et similia plura occurrunt passim. Hinc Alexander VII. sequentem inter alias, ordine 1. Propositionem damnavit: *Homo nullo unquam vite sue tempore tenetur elicere actum Fidei, Spei, & Charitatis, ex vi præceptorum divinatorum ad eas virtutes pertinentium.*

5. **CONCL. III.** Præcepto diligendi Deum super omnia, seu ex toto corde, satisfic diligendo efficaciter Deum super omnia appetitive. Ita communior Doctorum, paucis exceptis, qui volunt adesse obligationem diligendi Deum super omnia etiam intensive. Cæterum ut hæc Conclusio melius intelligatur,

6. Notandum cum Scoto 3. dist. 27. q. un. §. *Quantum ad illum*, & aliis, dupliciter posse Deum super omnia amari, videlicet intensive, & appetitive. Tunc Deus dicitur *super omnia amari intensive*, quando actus amoris Dei est intensior, ac vehementior omni alio amore. Tunc vero dicitur Deus *amari super omnia appetitive*, quando Deus magis æstimatur, quam omnes creaturæ; ita ut his omnibus præferatur, & nullius creaturæ timore, aut amore, velit quis Deum offendere. Sic Christus *Matth. 10.* ait: *Qui amat patrem, aut matrem plus quam me, non est me dignus.* Et Paulus *Rom. 8.* *Nulla creatura poterit nos separare a charitate Dei.* Potest autem facile contingere, ut quis magis intensive unum diligat, & simul aliud magis appetitive: sic enim mater magis intensive diligit filium parvulum, sed magis appetitive filium adultum, qui gubernat rem domesticam; quia hunc magis æstimat præ illo, quamvis alterum juniorem teneriori affectu amoris prosequatur. Hac terminorum explicatione præmissa,

7. Probatur Conclusio. Nam sensus præcepti de diligendo Deo ex toto corde, &c. est, ut Deum diligamus super omnia, ita ut nullius creaturæ amore velimus ejus præcepta transgredi, ipsumque moraliter peccando offendere. Sic quippe 1. *Joan. 2.* dicitur: *Qui autem servas verbum ejus, vere in hoc charitas Dei perfecta est.* Accedit, quod defacto nobis constare vix possit, quisiām actus amoris sit intensior altero, quinimo plerumque parentes solent multum intense amare filios, & conjuges sese mutuo; ergo si  
O 3  
magis

magis intensive tenerentur amare Deum, forent in perpetuo periculo transgrediendi hoc præceptum, quod non est dicendum. Sufficit igitur amare Deum appretiative super omnia, quatenus plus æstimatur Deus cæteris omnibus, adeo ut nullius creaturæ amore velit quis Deum offendere.

8. CONCL. IV. Præceptum diligendi Deum obligat ad frequens exercitium, ita ut actus amoris Dei non multo tempore omittatur. Desumitur hoc ex magnitudine hujus præcepti, de quo Salvator ait, *Matth. 22. Hoc est maximum, & primum mandatum*; & consequenter per vitæ decursum sæpius obligat.

9. Quo autem determinato tempore currat ejusmodi obligatio, variant Doctores, quamvis convenient passim in hoc, quod censeant obligare I. Circa initium usus rationis. II. Circa finem vitæ III. Quando quis gravi urgetur tentatione, præsertim edii Dei cum periculo consensus. IV. Tota vita sæpius, ita videlicet, ut non multo tempore differendus sit actus dilectionis Dei, eo ferme modo, quo superius (b) determinatum est tempus, quo Fideles tenentur elicere actum Fidei Theologicæ. Hinc conformiter dictis ibidem n. 33. Doctor Subtilis 3. *dist. 27 q. 1. ar. 9. quantum ad secundum*, dubitative tamen, innuit, hoc præceptum urgere singulis diebus Dominicis, dum ait: *Quando autem sit hoc* (ut quis teneatur habere actum dilectionis Dei) *forte determinavit hoc illud præceptum divinum: Sanctifica Sabbatum, &c. & Ecclesia specificavit quantum ad Missam audiendam in die Dominico, de consec. dist. c. Missas*. Hæc ille. Solum nota, sequentes Propositiones esse vitandas, utpote quas damnavit Innocentius XI. quarum prima, ordine 5. sic habet: *An peccet mortaliter, qui actum dilectionis Dei semel tantum in vita eliceret, condemnare non audemus*. Altera, ordine 6. talis est: *Probabile est, ne singulis quidem rigore quinquenniis per se obligare præceptum charitatis erga Deum*. Ultima, ordine 7. ita sonat: *Tunc solum obligat, quando tenemur justificari, & non habemus aliam viam, qua justificari possumus*. Omnes hæc tres Propositiones sunt damnatæ, *sicut jacent*; & merito, ut probant auctoritates S. Scripturæ n. 4 & 8. allegatæ.

\* Porro Charitas illa, qua sæpius in vita Deum tamquam Summum Bonum diligere tenemur, debet quidem necessario saltem interpretative sic esse constituta, ut, quamvis nec Cælum, nec Infernus existerent, nec ullum præmium sperandum, aut pœna pertimescenda foret, nihilominus ipsa Deum amaret propter se (utpote cum Deus, quatenus in se infinite bonus, sit solummodo objectum formale principale, & essentiale ipsius Charitatis) exinde tamen non excludit necessario Spem, quasi cum Charitate impossibilem. Quin e contrario Spes ipsa seu amor concupiscentiæ perducit sæpius ad Charitatem seu amorem amicitiae: dum enim video, Deum mihi tam bonum, tam misericordem &c. atque propterea dignum amore concupiscentiæ, exinde ulterius ad ipsum infinitæ bonitatis fontem, a quo cuncta procedunt, cogitatus dirigo: con-

siderando, quantæ perfectionis supremum illud Ens, ex quo tanta bona ad extra promanant, esse debeat in se ipso; quæ consideratio finaliter trahit voluntatem ad amandum amore amicitiae dictum supremum Ens perfectissimum propter se, tamquam motivum principale. Hinc merito La Croix Tom. I. Lib. II. num. 152 approbat modum illum eliciendi actum Charitatis: *Amo te, Deus, quia creasti & redemisti me, & quia cælum mihi vis dare: sed magis adhuc ideo, quia ipse es propter te omni amore dignissimus, ita ut, licet non benefaceres, nec cælum dares &c. tamen amarem, & actu amo te, quia propter infinitam tuam bonitatem & perfectionem es amabilissimus*. Vel aliter: *Amo te, mi Deus, non ideo tantum, quia creasti me, redemisti, sanctificasti, conservas, & innumeris quotidie Beneficiis cumulas, neque tantum ideo, quia insuper dare vis mihi aeternam in cælo beatitudinem, sed ideo maxime, & super omnia te amo, quia tu Deus ob infinitas perfectiones tuas es omni amore dignissimus. Tu es Deus sapientissimus, potentissimus, sanctissimus, pulcherrimus &c.* Vide ne ex dictis formulis, quomodo Spes & Charitas, seu amor concupiscentiæ, & amor amicitiae non sint ad invicem impossibiles, nec una alteram necessario excludat, sed potius homo a prima tamquam minus principali ad secundam magis principalem pervenire valeat. Et ideo Archi-Episcopi Cameracensis doctrina illa, qua in hominibus fervidis spem a perfecto amore excludi volebat, quasi nimirum impossibilem cum eodem, ab Innocentio XII. die 2. Martii 1699. rejecta, atque inter plures alias statim ad initium hæc duæ propositiones damnatæ fuere, quarum 1. sic sonat: *Datur habitualis status amoris Dei, qui est charitas pura & sine ulla admixtione proprii interesse: neque timor pœnarum, neque desiderium remunerationum habent amplius in eo partem; non amatur amplius Deus propter meritum, neque propter perfectionem, neque propter felicitatem in eo amando inveniendam*. Altera propositio: *In statu via contemplativa sive unitiva amittitur omne motivum interessatum timoris & spei*. Profecto si Charitas necessario excluderet spem, tunc homo perfectus, qui studet in omnibus Deo placere, omnes suas actiones eliciendo propter amorem Dei, non teneretur umquam per totam vitam suam, imo nec posset elicere in tali perfectione constitutus actum spei, cum tamen jam ante illum Archi-Episcopum Cameracensem ab Alexandro VII. inter alias etiam sequens propositio conformiter dictis antecedentibus rejecta fuerit: *Homo nullo unquam vita sua tempore tenetur elicere actum Fidei, NB. Spei & Charitatis ex vi præceptorum divinorum ad eas virtutes pertinentium*. \*

CONCL. V. Ex Charitate generatim tria nobis sunt diligenda, videlicet Deus, Nosmetipsi, & Proximus. Patet hoc ex illo *Matth. 10. Diliges Dominum Deum tuum, & proximum tuum, sicut teipsum*: nam hoc ipso, quod mandatur, ut quis diligat proximum, sicut seipsum, dilectio sui ipsius non tantum innuitur (quamvis, cum hæc a natura satis dictetur, quinimo homini congenita existat, expressiori præcepto opus non fuerit) sed insuper ipsa præfertur dilectioni proxim



11. Ceterum in allato S. Scripturae textu *sicut* denotat similitudinem, non aequalitatem; prout accipitur *Matth. 5. Estote perfecti, sicut & Pater vester caelestis perfectus est*; & alibi saepe. Hinc non jubemur diligere proximum, quantum hos, sed sicut nos; hoc est, primo loco post Deum nos ipsos, deinde ad normam; & exemplar nostrae dilectionis, proximum. Charitas enim inclinatur potius in bonum sui subiecti, quam alicujus extranei; idque ob maiorem conjunctionem; nam potior est unitas, quam unio. Verum ipsa dilectio proximi necessario sequitur ex praecepto diligendi Deum, prout notat Doctor Subtilis 3. *dist. 37. q. un. 6. contra*: nam amans perfecte Deum, hoc ipso debet velle, quid & proximus amet Deum: quia proximus est quoddam bonum extrinsecum Dei, cujus gloria augetur per hoc, quod proximus ipsum amet, etque serviat. Unde ad Charitatem spectat, haec & similia bona desiderare proximo propter Deum (quod etiam dicendum de bonis proximi corporalibus, aliisque externis, quatenus considerantur ut cederent ad gloriam Dei) quia ad eandem virtutem pertinet intentio finis, & electio mediorum. *Herinex part. 3. dist. 11. q. 4. & alii.*

12. CONCL. VI. Praecepto diligendi proximum (quando videlicet illud obligat in occasionibus sublevandae necessitatis, aut deponendi odium, vel huiusmodi) non satisficit per solos actus externos, sed adest obligatio diligendi ipsum etiam per actus internos & formales Dilectionis. Desumitur hoc ex pluribus S. Scripturae testimoniis: ut ex illo *Matth. 23. & Luc. 10. Dilige proximum tuum, sicut te ipsum*. Item 1. *Joan. 4. Charissimi, si Deus dilexit nos, & nos debemus alterutrum diligere*; ubi in sequentibus plura quoad hoc. Unde Apostolus *Rom. 6. 12.* vult ut sit *dilectio sine simulatione*: atqui ea, quae exhiberetur actu exteriori, sed absque ullo actu interno dilectionis, non esset sine simulatione; ergo. Et hinc Innocentius XI. sequentes duas Propositiones damnavit, quarum prior, ordine 10. sic sonat: *non tenemur proximum diligere actu interno & formali*. Altera vero, ordine 11. est talis: *Praecepto proximum diligendi satisfacere possumus per solos actus externos*. Et merito utraque est damnata: nam diligere, toties in S. Scriptura praecipitur quoad proximum, importat etiam actum internum & formalem, suo tempore prodeuntem in opus externum; juxta illud 1. *Joan. 3. Filii mei, non diligamus verbo, neque lingua sed opere & veritate*; cum concordantiis.

13. Addunt quoad praemissa Doctores cum S. Augustino *lib. 1. de Doctrina Christiana cap. 23.* etiam corpus proprium ex charitate esse diligendum; eo quod possit participare aeternam beatitudinem, postquam fuerit reunitum animae post generalem Resurrectionem. Verum hoc membrum sufficienter jam includitur sub dilectione sui ipsius. Neque huic dilectioni corporis repugnat moderata & rationabilis castigatio carnis: quinimo cum ejusmodi discreta carnis mortificatio sit medium consequendi aeternam cum anima felicitatem, ea spectat ad verum corporis amorem, sicut ad amorem filii disciplina debita, & dilectissimi parentibus imposita.

14. Quaes. an etiam creaturae irrationales, ex Charitate sint diligendae? Resp. cum D. Thomas 2. 2. q. 25. *art. 3.* & aliis passim, quamvis ex charitate possimus diligere creaturas irrationales, sicut bona, quae aliis ex charitate dilectis volumus, quatenus scilicet ex charitate volumus eas conservari ad honorem Dei, & utilitatem nostram, vel proximorum: juxta quod *Exodi 25.* praecipit Deus: *Si videris asinum odientis te jactare sub onere, non pertransibis, sed sublevabis eum eo*. Nihilominus creaturae irrationales non sunt amandae secundum se, quasi ipsis propter semetipsas, & absque respectu ad honorem Dei, vel utilitatem nostram, aut proximorum, velimus bonum; quia charitas fundatur super communicationem beatitudinis aeternae, cujus creatura irrationalis capax non est, neque etiam ea est proximus noster, ad proinde praecipitum Dilectionis ad ipsam non extenditur.

\* Quaes. II. Qualis ordo Charitatis inter nos, & proximos nostros servandus? Resp. ut ordo Charitatis inter nos, & proximos nostros servandus melius cognoscatur, communiter DD. triplicem ordinem, seu tres gradus assignant;

*Primus gradus est*; ut post Deum super omnia diligendum unusquisque diligat semetipsum quoad Bona spiritualia salutis animae necessaria, & postea proximum quoad eadem Bona spiritualia, ita quidem, ut huic in externa necessitate dependendae salutis aeternae constituto teveatur aliquis tum periculo non quidem propriae vitae spiritualis, bene tamen propriae vitae corporalis, succurrere; supposito, quod sit spes certa per actionem suam proximo in extrema necessitate salutis aeternae constituto succurrendi, & quod proximus ille in dicta necessitate positus se ipsum juvare nequeat: nam si unquam certe in simili casu testemur implere illud praecipitum Domini; quod ex Charitate juxta S. Joann. 1. cap. 3. *debemus pro fratribus animas ponere*. Ex quo inquit D. August. lib. de Mend. cap. 6. *Temporalem vitam suam pro aeterna vita proximi non dabitur Christianus amittere*.

*Secundus gradus*, ut diligat se ipsum quoad bona vitae suae Corporalis necessaria, & postmodum proximum quoad eadem bona huic ad conservationem vitae necessaria;

*Tertius gradus*; ut diligat seipsum secundum alia bona temporalia conservationi status &c. congrua: postea taliter diligat proximum suum, sublevando ejusdem necessitates de superfluis status &c. Ita cum communi Sabitianus Bononiensis in sua Luce Morali *part. 1. Tract. 18. n. 13.* Et patet ex ratione, quae utique nobis dicat, quod bona spiritualia tamquam excellentiora Corporalibus, & Corporalia ad conservationem vitae corporalis necessaria tamquam majora aliis temporalibus, quae tantum conservationem status respiciunt; sunt praefenda: ita tamen, ut in pari necessitate ejusdem ordinis & gradus Charitas, possit incipere ab ego (uti ajunt) id est, a propria persona; quinimo in necessitate spirituali sic debet fieri, anteponendo salutem aeternam periclitantis animae propriae. Quod idem quamplures Doctores de vita corporali, quando uterque est in aequali vitae periculo, sentiendum putant

putant per se loquendo, & si cætera sunt paria: nam (inquit D. August. lib. de Mend. c. 6.) *Si quis pro alterius vita temporalis suam ipsam temporalem perdat, non est jam diligere sicut se ipsum, sed plus, quam seipsum, quod sana Doctrina regulam excedit.* Dico notanter per se loquendo, id est, nisi adfit alterius motivum spirituale alicujus heroicæ virtutis, quod traheret aliquem ad præponendam vitam alterius propriæ periclitanti. Et ex his gradibus

Infertur I. Si per unicum mendacium posset aliquis ad veram fidem convertere omnes Indos, non liceret. Ratio: quia ageret contra bonum spirituale animæ propriæ, eandem aliquo peccato maculans: bonum autem spirituale proprium ac salus animæ propriæ anteponitur aliis.

Infertur II. Si infans necdum baptizatus foret proximus morti, nec adesset Parochus, aut alius ex officio seu iustitia obligatus ad Sacramentum hoc administrandum &c. teneretur alius ex Caritate etiam cum periculo deperdendæ vitæ corporalis baptizare. Ratio est, quia infans hic existit in extrema spirituali necessitate; spiritualis autem extrema necessitas alterius, cæteris paribus, & dummodo sit certa spes liberandi proximum ad hac extrema necessitate, est præponenda vitæ corporali propriæ, juxta communem DD. quidquid contra dicant pauci apud Patrem Sporer *Tract. 3. in 4. Precept. Decal. cap. VI. Sect. IV. n. 127.* Hoc tamen intellige, nisi & talis, qui posset infantem baptizare, etiam in peccato mortali existat, vel saltem sit dubius de eodem; durissimum enim foret ita impræparatum emergente subitaneo casu in infelicem æternitatem, vel saltem in periculum ejusdem seipsum præcipitare, cum dubio deperdendæ salutis æternæ.

Infertur III. Si latro stricto gladio alicui minaretur mortem, posset hic non solum se defendere; sed etiam, quando aliter tuto evadere nequiret, latronem per modum inculpatae tutelæ occidere, quamvis prævideret, animam ejusdem ad infernum esse detrudendam. Ratio est, quia hic latro non fuit in extrema necessitate spirituali, sed potius in extrema malicia, qui facile se juvare potuisset, modo voluisset a suo pessimo proposito desistere: non tenemur autem cum periculo proximo vitæ corporalis talibus succurrere, qui ex propria voluntate se præcipitant in periculum proximum æternæ damnationis.

Infertur IV. Quod tempore famis possimus alicui alteri, præsertim Reipublicæ multum utili, vel superiori, cedere panem, tempore naufragii concedere tabulam ad enatandum, tempore pestis inservire infecto, quamvis nosmetipsos præcipitemus exinde in proximum periculum mortis corporalis. Ratio est; quia, licet conformiter dictis nequeamus vitam nostram corporalem præcipitare in manifestum periculum præcise ob conservationem vitæ corporalis alterius, possumus tamen id ex motivo altiori eliciendæ virtutis heroicæ Caritatis, quæ est bonum spirituale & consequenter altioris ordinis ac gradus. Qualiter autem in bonis temporalibus, & quando debeamus succurrere proximo, dicetur agendo de Eleemosyna. \*

## QUESTIO II. De Dilectione Inimicorum SUMMARIUM.

15. Datur speciale præceptum de diligendis inimicis.
16. *Vi illius tenemur inimicis exhibere generalia signa dilectionis.*
17. *Vindicta quibus interdicta?*
18. *Exempla de Dilectione inimicorum.*
19. *Tenemur deponere odium, & internum rancorem erga inimicum; (a) Ut dictum n. 17.*
20. *Eique veniam roganti, remittere injuriam, Non item satisfactionem, vel damnum illatum.*
21. *Specialia signa dilectionis, an exhibenda inimicis?*
22. *Corollaria.*
23. *Limitatur illata doctrina.*
24. *Licetum tamen est, odisse peccatum inimici.*
25. *Atque de ejus punitione latari.*

15. **C**ONCL. I. Certum est, dari speciale præceptum Charitatis de inimicis diligendis. Ita omnes Catholici: sic enim expresse præcepit Christus Dominus, *Matth. 5. Ego autem dico vobis, diligite inimicos vestros, benefacite his, qui oderunt vos.* Et hoc non esse consilium dumtaxat, sed verum præceptum, est communis, & concors omnium Theologorum sententia, prout notat Mastrius *disp. 10. Theol. Moral. n. 53.* Accedit illud *Levit. 19. Non oderis fratrem tuum in corde tuo: non quaras ultionem, nec memor eris injuria.* Et *Proverb. 23. Si esurierit inimicus tuus, ciba illum, si sitierit, da ei bibere.* Item ad *Rom. cap. 12. Nulli malum pro malo red dentes &c.* Cæterum Questio potissimum remanet, ad quamnam se extendat isthoc præceptum Charitatis de diligendis inimicis? unde sit

16. **C**ONCL. II. Ex speciali præcepto Charitatis sunt inimicis exhibenda generalia signa dilectionis, quæ communiter omnibus ejusdem status & conditionis hominibus præstare solemus. Ita communis. Ratio est: quia talis negatio generalis signi dilectionis seu exclusio ab eo, vindictæ cupiditatem indicat, quæ privatis est interdicta, juxta cit. textum, *Non quaras ultionem, & alibi:*

17. Dicitur notanter, *quæ privatis est interdicta.* Nam alia ratio est in Parente, Prælato, aliisque Superioribus, qui subditos in se peccantes a communibus beneficiis, aut amoris indicis, correctionis gratia aliquamdiu possunt excludere, quamvis, si alter sit emendatus, & sufficienter correctus, ejusmodi communia amoris indicia rursus sint exhibenda. Sic pater offensus a filio, potest in locum pœnæ eidem negare reconciliationem; imo a domo ad tempus excludere, donec resipiscat, aut convenientem pœnam luisset censeatur, exemplo Regis David, qui diu a facie sua exclusit Absalon filium suum, 2. *Reg. 14.*

18. Ex præmissa Conclusionem infertur primo cum Doctoribus passim, inimicum non esse excludendum a generali dilectione proximorum. Unde si quis communiter oret pro omnibus, exclu-

excluso inimico, peccat: quamvis enim ad orandum nullo præcepto teneatur, tamen eo ipso, quod pro omnibus orat, nequit tuta conscientia inimicum excipere. Similiter qui omnibus pauperibus occurrentibus elemosynam distribuit, peccat eam negando uni pauperi suo inimico. Idem multi extendunt ad casum, quo quis pluribus simul occurrens, salutem omnes præter inimicum: quia in tali eventu videtur negare signum universale Charitatis, & videtur adesse notabilis contemptus, aut scandalum. Verumtamen etsi frequenter id accidat, nihilominus Bassæus Vers. *Charitas* n. 14. cum aliis Auctoribus notat, bene ponderandam esse magnitudinem scandali, & intentionem personæ: si enim vel nullum, vel parvum sit scandalum, idque fiat non ex odio, sed in significationem gravaminis accepti, ut alter deinceps caveat offensam inferre, non videtur peccatum saltem mortale incurrere.

19. Inferitur II. Quemlibet obligari ad deponendum odium, atque internum rancorem erga inimicum, qui conitatur appetitum vindictæ, idque tum per textus S. Scripturæ n. 15. allegatos, tum ex illo *Matth.* 6. ubi Christus nos in hunc modum orare præcepit: *Dimitte nobis debita nostra, sicut & nos dimittimus debitoribus nostris.* Hinc idem Servator noster *Matth.* 18. dixit: *Sic & Pater meus celestis faciet vobis, si non remiseritis unusquisque fratri suo de cordibus vestris.* Et hac ipsa de causa tenetur quis etiam cavere a signis quibusdam propinquis, quæ gerunt probabilem suspicionem rancoris: ut cum quis numquam vult loqui injurianti, vel cum ei obviat, divertit, vel torvo vultu respicit, & hujusmodi: nam ex talibus signis patet inimicitia, simulque oportet etiam ab omni specie mali abstinere. 1. *Thessal.* 5. Hoc tamen limita, nisi ejusmodi signa exteriora amicitiae ad tempus negentur in justam punitionem, quam comitatur zelus justitiæ (c) vel nisi negentur ex eo, quia alioquin timetur inimicus in sua malitia futurus obstinatio, aut provocandus ad aliud malum inferendum, sive aliud inconveniens inde oritur prævideatur. Angelus Vers. *Diligere*, & alii.

20. Inferitur III. Quod proximo veniam sincere roganti teneamur remittere injuriam. Hinc quippe Christus *Luc.* 17. præcepit dicens: *Si peccaverit in te frater tuus, & penitentiam egerit, dimitte illi: & si septies in die peccaverit in te, & septies in die convexus fueris ad te, dicens, pœniteat me, dimitte illi, cum concordantiis.* Non tamen idcirco ab offenso necessario remittenda est satisfactio pro injuria, vel damno sibi illato: quinimo injuriam, vel damnum passus, potest petere debitam satisfactionem; & si alteri hanc ultro præstare nolit, etiam via Juris, intentando videlicet Actionem injuriarum, vel petendo restitutionem, seu recompensationem damnorum illatorum, coram competenti Judice justam satisfactionem postulare. Ratio hujus est: tum quia licitum est cuilibet, jus suum in Judicio prosequi (dummodo hoc fiat secluso omni pravo affectu, atque animo sese vindicandi) hinc enim constituantur Judices, tamquam publici Ministri justitiæ. Tum quia aliud est malevolentia,

aliud offensam, vel damnum illatum: illam quidem numquam licitum est fovere, bene tamen pro hac debitam petere satisfactionem, vel damni dati compensationem.

\* Pro clariori hujus ultimæ illationis intelligentia bene notandum, quid sit offensam, & qualiter ea possit cum injuria aut damno conjungi vel non? Itaque offensam describitur, quod sit *irritatio voluntatis alterius, qua nimirum alteri molestiam inferimus, atque exinde eidem sufficiens motum præbamus ad displicentiam & indignationem erga nos concipiendam.* Atque hæc offensam potest esse, vel cum, vel sine læsione Juris alterius. Si absque læsione Juris contingat, appellatur offensam simplex: sic dicitur offendi tuus amicus, cui indigenti & commodato petenti denegas sine gravi ratione aliquem librum, ad quem ille nullum habet cæteroquin verum jus. Quod si autem dicta offensam fuerit facta cum læsione alterius Juris, tunc vel ita læditur jus illius, ut simul ipse exinde aliqua re, quam possidet, privetur, vel non? Si prius: dicitur offensam conjuncta cum injuria: e. g. Petrus peccans cum uxorata censetur marito facere injuriam, quoniam lædit jus, quod maritus habet in Corpus suæ conjugis; quamvis cæteroquin nec proles, nec aliud reale damnum ex adulterio sequatur. Injuriam itaque, vel damnum non tenetur quis petenti veniam remittere; bene tamen offensam: id est, obligatur offensam alteri, humiliter roganti veniam, sincere per verba vel alia signa æquivalentia positive manifestare: quod illam internam indignationem antea ratione offensam conceptam nolit amplius voluntarie & deliberate in mente fovere, licet cæteroquin in Judicio possit debitam adhuc satisfactionem ratione injuriæ, aut resarcitionem ratione damni in re a se possessa illati exigere. Vide Sporer *Tract.* 2. in 1. præcept. Decalog. cap. VI. per totum, ubi exacte hanc materiam examinat.\*

21. CONCL. III. Specialia signa, & argumenta Dilectionis, inimicis exhibere, vel eisdem peculiari benevolentia & dilectione prosequi, consilium est, non præceptum. Ita communis. Ratio est: quia non tenemur inimicos magis diligere, quam alios proximos. Nihilominus consilii, & majoris perfectionis est, ita sese propter Deum superare, ut etiam singularem benevolentiam inimicis impendamus exemplo Christi Domini, qui pro suis crucifixoribus oravit.

22. Inferitur proinde cum Laymanno *lib.* 2. *tract.* 3. cap. 4. & aliis, inimicum ægrotum visitare, mœstum solari, hospitio recipere, obviam factum salutare, familiariter cum eo agere, ac hujusmodi, per se loquendo atque extra casum necessitatis, aut scandali, non esse de præcepto: quia hæc sunt specialia amoris signa, quæ inimicis nemo tenetur exhibere; quamvis talibus specialibus benevolentia signis exhibitis inimicos diligere, sit opus Misericordiæ spiritualis, & valde meritum.

23. Additur notanter, *per se loquendo &c.* Nam secus est, si cæteroquin sequatur scandalum, aut inimicus in necessitate positus ejusmodi benevolentia, vel auxilio specialiter indigeat.

Siquidem imprimis quilibet tenetur scandalum, & ruinam proximi vitare, quoties potest absque gravi suo detrimento. Unde peccat, si quis negando specialia signa amoris, quæ antea præstare solebat, majus erga se hominis odium, vel iram concitet. Idem dicendum, si speret, salutatione inimici, vel simili benevolentia signo animum ejus sibi, ac Deo facile reconciliandum, & nihilominus ejusmodi signa subtrahat. Layman *loc. cit.* Deinde si inimicus sit in casu necessitatis constitutus, urget illud, quod habetur *Proverb. cap. 45. & Rom. 10. Si esurierit inimicus tuus, ciba illum.* Hinc observant Doctores, quod quilibet semper debeat animo paratus esse, speciatim subvenire inimico, cum is graviter indiguerit, & alter commode poterit.

24. CONCL. IV. Licitum tamen est & honestum, in peccatoribus & inimicis odisse atque detestari peccatum, illudque per emendationem tollere, & optare, ut a Deo, aut a Superioribus puniatur. Ita Scotus 3. *dist. 30. q. un.* Magistrus *d. sp. 10. Theol. Mor. num. 55.* & alii. Ratio est: quia sic non habetur odio persona inimici, quæ ad imaginem Dei formata est, & capax existit æternæ beatitudinis; sed potius ejus peccatum, quod tolli, & corrigi, atque puniri volumus. Unde & Regius Psaltes, *Psal. 108. exoptat, dicens: Desiciant peccatores a terra & iniqui, ita ut non sint:* id est, efficiatur, ne amplius sint peccatores.

25. Et hac ratione per Judices, ac publicos justitiae Ministros rectissime peccatores puniuntur, imo & pro communi Reipublicæ tranquillitate, aut exigente justitia, ultimo quandoque supplicio afficiuntur. Atque eadem ratione licitum est, de ejusmodi malefactorum punitione latari, quatenus nimirum per eam tollitur malum peccati, & publicum Reipublicæ incommodum; & contra tristari, si videmus peccatores prosperari. Aliud enim est, peccatum in proximo odisse, ejusque punitionem, & correctionem optare: aliud vero, personam proximi odio habere, quæ ad imaginem Dei facta est, atque æternæ gloriæ capax existit. Illud licitum est, atque bonum, non autem istud.

\* Quæres: Quandonam, & qualiter quis teneatur ex charitate sese cum suo inimico iterum reconciliare? Ante responsiones nota I. Quod reconciliatio tunc fieri dicatur, quando ab uno per verba vel facta venia ac remissio offensæ petitur, & ab altero hæc venia datur. Nota II. Neminem posse inimicum suum etiam ante reconciliationem interne odio habere, volendo præcise huic malum, quatenus ipsi malum est; hoc enim foret peccatum juxta dicenda Distinct. seq. Q. 1. Nota III. Neque posse quempiam ordinarie & regulariter inimico suo etiam ante reconciliationem signa communia denegare, uti cum suis exceptionibus jam patet ex dictis superioribus; Quæstio igitur solummodo remanet, quandonam teneatur ab inimico specialiter veniam errorum petere, verbo, facto vel specialibus quibusdam signis, sicque reconciliationem incipere? Item quandonam alter veniam petitam obligetur dare, & consequenter reconciliationem complere? H. N.

Resp. I. Si quis alterum innocentem graviter offendit, & exinde sibi inimicum fecit, tenetur ille reconciliationem incipere verbo, aut facto, sive aliis veris signis veniam rogando, vel aliam sufficientem satisfactionem loco offensæ æque gratam substituendo. Ita communissima Doctorum cum Patre Sporer *loc. cit. scd. III.* & ratio patet ex materia de restitutione. Excipe tamen I. si læsus fuerit absens, nec facile conveniri possit. Excipe II. si hæc petitio veniæ fieri deberet, cum graviore tuo damno: quod tamen gravius damnum non facile præsumi debet; si enim nequeas citra diminutionem famæ ac prostitutionem Auctoritatis v. g. tamquam Superior &c. verbis petere veniam, poteris id facere factis per specialia signa amicitia, paterni affectus &c. Excipe III. Si prævideatur, quod læsus petitionem veniæ non sit accepturus, aut inde magis sit irritandus &c.

Resp. II. Si duo mutuo sese ad invicem offenderunt & inimici facti sunt; tunc vel sunt offensæ æquales; vel inæquales: Si ultimum, tenetur incipere reconciliationem, qui gravius offendit; alias vero, qui pius. Quod si offensæ forent moraliter quasi tempore simultaneæ, & gravitate æquales, utrique æque incumbit data opportuna occasione inchoare reconciliationem; cum non sit major ratio, cur potius unus, quam alter incipiat. Posito autem, quod unus existis ex gravi ratione prudenter præsumat, alterum non correspondurum pariter ab ipso petendo veniam, poterit quasi in titulum compensationis mutua interea suspendere reconciliationem: sicut, si forent duo debitores ad invicem, & alter debitum non restitueret, posset & prior suum debitum interea in titulum compensationis retinere: consulitur tamen in simili casu aliquis tertius, tamquam mediator, qui rem pacifice inter hos componat.

Resp. III. Si offendens veniam verbis sincere rogavit, aut factis aliam æquivalentem satisfactionem congruo tempore exhibuit suo inimico offenso; sicque reconciliationem incepit, tenetur alter eandem reconciliationem complere ignoscendo, seu remittendo offensam: salvo tamen adhuc semper suo jure (si eo voluerit uti) petendi coram legitimo Judice debitam & proportionatam satisfactionem, aut damni reparationem. Ita colligitur partim ex illo Matth. cap. 6. *Si non dimiseritis hominibus peccata eorum, nec Pater Vester caelestis dimittet peccata vestra,* partim ex numero vigesimo hujus Quæstionis.

Dicitur autem notanter I. *Si offendens veniam petiit:* nam alias nec offensus tenetur dare eandem per externa quædam specialia reconciliationis signa, licet cæteroquin nec tali quidem possit offensus ordinarie negare signa communia, aut internum erga eum fovere odium.

Dicitur II. *Si sincere petiit:* nam si tantum pseudopolitice rogasse, venenum adhuc occulte reservans in sinu suo, utique alter non teneretur veniam dare, complendo sic reconciliationem per specialia aliqua signa externa; cum talis simulatorie petens sit peior non petente; utpote fraudulenta figens oscula, qualia specialiter detestatur S. Script. *Proverb. c. 27. v. 6.*

Dici-



Dicitur III. Si congruo tempore petis: nam si offensa fuerit atrox, & adhuc recens juxta Patrem Sporer loc. citat. nu. 43. offensus non tenetur illico complere exteram reconciliationem dando veniam; videtur enim id juxta D.D. supra humanam fragilitatem, modo ceteroquin conformiter dictis interne nullum interea odium, & injustam vindictam, seu malevolentiam in pectore retineat. Sabinus Bononiensis part. I. Lucis moralis Tract. 18. n. 41. \*

### QUESTIO III.

De multiplicibus actibus Charitatis.

#### SUMMARIUM.

26. Actus Charitatis, qui?
27. Dilectio; Beneficentia.
28. Gaudium.
29. Pax, &
30. Misericordia quid? Hujus vitia opposita.
31. Opera Misericordiae corporalia,
32. Et spiritualia, quae?
33. Ex iis duo praecipue examinantur a Theologis.

26. CONCL. I. plures sunt actus, vel potius effectus Charitatis, videlicet Dilectio, Beneficentia, Gaudium, Pax, & Misericordia; hujusque rursus alia sunt opera corporalia, & alia spiritualia. Ita communis, & patet inductione.

27. Primus igitur, ac praecipuus Charitatis actus internus, est Dilectio, qua alteri per charitatem volumus bonum. Porro huic interno actui Charitatis, quatenus tendit ad proximum nostrum, respondet actus aliquis externus, qui dicitur Beneficentia, estque veluti executio ipsius dilectionis internae: siquidem per Beneficentiam proximo re ipsa bonum tribuimus, quod ei volumus, ex interno Charitatis affectu sive dilectione. Hinc 1. Joan. cap. 3. dicitur: *Filii, non diligamus verbo, neque lingua, sed opere & veritate*; id est, tum animo, tum externa exhibitione.

28. Gaudium non tam virtus est, quam effectus virtutis seu ipsius Charitatis; nec aliud est, quam quies animi in bono praesente, & possessio. Nam dum Deum ex Charitate diligimus, mox laetamur de ipsius bonis, ut puta de infinitis perfectionibus Divinis, de exaltatione Nominis sui, conversione Gentium, ac hujusmodi: ac similiter, si proximum veraciter diligimus, gaudemus de bonis ipsius, videlicet de conversione ejus a peccatis, de profectu in virtutibus, imo & de bonis aliis tum spiritualibus, tum temporalibus.

29. Pax similiter est actus, seu potius effectus Charitatis, juxta illud Apost. ad Galat. 5. *Fructus autem spiritus sunt charitas* (id est, actus dilectionis internae) *gaudium, pax &c.* Et Psal. 118. *Pax multa diligentibus legem tuam.* Porro Pax secundum D. Augustinum lib. 13. de Civit. Dei, cap. 13. est tranquillitas ordinis. Consistit autem in hoc, quod nostra voluntas Divinae voluntati cohaereat, ad eamque reliquas interiores appetitiones accommodet. Item in eo, quod nostra voluntas cum proximi voluntate concordet in iis, quae ad ejus salutem aeternamque beatitudinem pertinent.

30. Misericordia est virtus proxime ex Cha-

ritate trahens originem; eaque inter virtutes proximum respicientes tenet principatum. Definatur autem a S. Augustino lib. 9. de Civit. Dei, c. 5. quod sit *Aliena miseria in corde nostro compassio, qua, si possumus, subvenire compellimur.* Duo quippe Misericordia complectitur, videlicet dolorem illum, qui ex alieni mali consideratione nascitur: & actum virtutis, quo, si possumus, alienae miseriae subvenire conamur; quod sit per opera Misericordiae, tum corporalia, tum spiritualia. Huic virtuti Misericordiae per excessum opponitur nimia cordis mollities, seu nimia indulgentia: per defectum vero cordis durities, atque crudelitas.

31. CONCL. II. Opera Misericordiae recte dividuntur in corporalia & spiritualia. Ita communis. Et quidem corporalia (sic dicta, quia ad corpus referuntur, & circa illud exhibentur) sunt septem, videlicet, Esurientes pascere, sitientibus potum dare, nudos operire, captivos redimere, aegrotos visitare, peregrinos hospitio suscipere, mortuos sepelire. De quibus omnibus fit mentio Matth. c. 25. atque extant plurimi alii textus S. Scripturae passim occurrentes, & loquitur ille vulgatus versiculus:

*Visito, pota, cibo, redimo, tego, colligo, condo.*

32. Opera Misericordiae spiritualia, seu quae ad animum referuntur, sunt itidem septem; videlicet, Peccantes corrigere, ignorantes docere, dubitantibus recte consulere, pro salute proximi orare, consolari mœstos, improborum injurias patienter ferre, aliorum offensam remittere. Et de his loquitur alter vulgatus versiculus, ubi etiam consulere etiam docere complectens, dum habet:

*Consule, castiga, solare, remitte, ser, ora.*

33. Ceterum dimissis aliis actibus Charitatis, utpote de quibus minor est difficultas, Theologi potissimum bina opera Misericordiae examinare solent, videlicet largitionem Eleemosynae, per quam pleraque opera Misericordiae corporalis exercentur, & correctionem fraternam: unde de his, eorumque obligatione, speciales Quaestiones instituentur.

### QUESTIO IV.

De Praecepto dandi Eleemosynam.

#### SUMMARIUM.

34. Eleemosyna, quid?
35. Eleemosyna quandoque est de precepto.
36. Ad obligationem dandi Eleemosynam duo concurrere debent; quae?
37. Corollarium.
38. Necessitas proximi, triplex, externa, gravis, & communis.
39. Bona superflua natura, & Superflua statui, quae?
40. Tempore necessitatis extrema proximi, danda est Eleemosyna de superfluis natura sub precepto.
41. Limitatur haec doctrina.
42. De superfluis natura, & statui, danda est Eleemosyna etiam gravem necessitatem patientibus.
43. In necessitate communi tenetur quis de bonis superfluis natura, & statui dare Eleemosynam sub veniali.
44. Nisi subsit ratio negandi; & quae?

34. **A**dvertendum, quod *Eleemosyna* generalissime accepta communiter definitur, quod sit alienæ miseriæ sublevatio. Et hoc modo *Eleemosyna* tam late patet, quam late sese extendunt miseriæ, quibus creatura rationalis est subjecta; sicque *Eleemosyna* complectitur sub se omnia opera misericordiæ, tam corporalia, quam spiritualia. Magis tamen ad propositum, *Eleemosyna* accipitur pro opere Misericordiæ corporali; estque opus, quo aliquid ex compassione propter Deum indigenti datur. Unde *Eleemosyna* est actus externus virtutis Misericordiæ, quatenus procedit ex motivo sublevandi miseriæ proximi? quamvis etiam esse possit actus Charitatis, si fiat ob amorem Dei.

35. CONCL. I. *Eleemosyna* quandoque est in præcepto, tenemurque sub peccato mortali aliquando per *Eleemosynam* succurrere proximo. Ita omnes Catholici. Patet id ex S. Scriptura, ut Ecclesiastici 4. *Eleemosynam pauperis ne defraudes*. Item Luc. 21. *Venturamen quod superest dare Eleemosynam*, & alibi. Et quidem *Eleemosynam* corporalem non tantum sub consilio, sed quandoque cadere sub præcepto, patet ex illo Matth. 25. *Discedite a me maledicti in ignem æternum: esurivi enim, & non dedistis mihi manducare &c.* Siquidem nullus damnatur ob omissionem consilii, sed solum ob violationem præcepti.

36. CONCL. II. Ad incurrendam obligationem dandi *Eleemosynam* duo concurrere debent, videlicet quod & accipiens in necessitate constitutus sit, & dans habeat bona superflua, unde dare possit *Eleemosynam*. Ita Doctores passim. Idque desumitur ex S. Scriptura clare, ut ex illo 1. Joan. 3. *Qui habuerit substantiam hujus mundi, & viderit fratrem suum necessitatem habere, & clausit viscera sua ab eo, quomodo Charitas Dei manet in eo?* Et consequenter, ut propter negatam *Eleemosynam* perdat Charitas Dei, seu gratia sanctificans, requiritur, ut frater seu proximus noster habeat necessitatem, simulque nos habeamus substantiam, seu media sufficientia eum juvandi. Item patet ex cit. verbis Matth. 25. *Esurivi enim, & non dedistis mihi &c.*

37. Infertur proinde, si quis non habeat unde det *Eleemosynam*, eundem contra hoc præceptum non peccaturum; quia ad impossibile nemo obligatur. Similiter si quis habeat quidem bona plurima, sed non adsit, qui habeat veram necessitatem, non tenebitur præcepto dandi *Eleemosynam*. Sed mox restat difficultas, quæ necessitas proximi inducat obligationem dandi *Eleemosynam*; & quis censeatur habere bona superflua, ita ut obligetur de ipsis dare *Eleemosynam*, supposita sibi patefacta vera necessitate proximi.

38. Pro resolutione hujus Quæstionis necessario est præmittendum, quod triplex possit intelligi necessitas proximi. Una extrema, cui si non succurratur, proximi vita certo, vel probabiliter periclitabitur. Altera necessitas dicitur gravis, cui si non subvenitur, proximus vitam ægre & difficulter conservabit. Tertia necessitas est communis, & ordinaria, qualis est eorum, qui ostiatim medicare solent.

39. Deinde etiam dupliciter potest quis intelligi habere superflua bona. Primo quidem superflua naturæ; qualia censentur ea, quæ non sunt necessaria ad vitam suam suorumque sustentandam, sive deinde requirantur ad honestam conservationem status sui, sive non. Secundo superflua statui personæ; qualia bona censentur ea, quæ etiam non sunt necessaria ad conditionem, seu statum, personæ conservandum. Et hæc distinctio ostenditur a contrario sensu: nam, ut ex terminis patet, necessaria ad naturam dicuntur, quæ requiruntur præcise ad vitam conservandam. Necessaria ad statum vero, quæ ad suum, suorumque statum conservandum requiruntur. Nunc sit

40. CONCL. III. tempore necessitatis extremæ, vel quasi extremæ proximi, *Eleemosyna* danda sub præcepto de superfluis naturæ seu vitæ, quamvis sint necessaria statui personæ; maxime si id fieri possit sine gravi dispendio proprii status. Ita communis, & certissimum asserit Joannes Cardenas, ad Proposit. 12. Innocentii XI. num. 9. Et hoc quidem clare desumitur ex hæcenus citatis, aliisque pluribus textibus S. Scripturæ. Accedit ratio: quia ordine Charitatis, per se loquendo, præferenda est vita proximi decentiæ status nostri. Hinc S. Ambrosius, relatus c. Pasce. dist. 86. sic ait: *Pasce fame morientem: quisquis enim pascendo hominem servare poterat, si non pavisti, occidisti.*

41. Dicitur, maxime si id fieri possit sine gravi dispendio proprii status. Quia in primis cessat hæc obligatio, quando quis non potest succurrere proximo, nisi cum plena everfione sui status: tum quia Charitas non obligat respectu proximi cum detrimento proprio respective gravi: tum etiam, quia utilius est Reipublicæ, Nobilem retinere statum suum, quam quod privatus pauper vitam, alioquin ad breve tempus duraturam, non tam cito finiat, prout argumentatur Heri-nex disp. 12. q. 3. n. 46. Deinde, nemo tenetur pauperi magnam dare quantitatem pecuniæ ad emendandam exquisitissimam medicinam ipsi necessariam, sed sufficit adhibere media communia, Layman lib. 2. tract. 3. cap. 6. n. 4. Sæ Verf. *Eleemosyna* n. 4. & alii. Insuper cessat isthæc obligatio, si tibi constet, quod ab alio juvandus sit pauper; nam tunc is non censetur esse in extrema necessitate.

\* Nec opponas: Bona temporalia pro conservatione status sunt inferioris ordinis vita corporali alicujus hominis privati: ergo hæc Bona ad conservationem vitæ corporalis proximi expendi debent etiam cum valde gravi dispendio proprii status; sicuti ob eandem rationem conformiter dictis antecedentibus vita nostra corporalis exponi debet periculo ad conservandam vitam spirituales proximi nostri, in extrema necessitate spirituali constituti. Resp. enim ad istam meo Judicio (speculative loquendo) satis difficilem objectionem, In primis hoc argumentum probare nimium; videlicet, quod contra communem omnium etiam proborum persuasionem dives teneretur quinque millia aureorum cum deperditione proprii status expendere, si per medicamenta tanti pretii vita corporalis unius pauperi privati, cujus Reipublicæ non multum inter-

interest, conservari possit; cum tamen vitam suam propriam non obligentur homines privati tam extraordinariis medicamentis tanti pretii, sed ordinariis; ac communibus solum conservare. Item non sunt homines privati ex communi DD. adstricti, pro conservanda vita propria subire conditionem aliquam durissimam extraordinariam: ergo multo minus pro vita aliena. Forêt autem homini e. g. Nobili durissimum deijci de statu suo, aut valde grave dispendium in eodem pati, ut exinde vita corporalis unius pauperuli, Reipublicæ non multum proficiat, ad tempus conservetur, cui fortassis melius esset in altera vita his miseriis liberari, quam prolongando vitam corporalem eas ulterius sustinere; quare in forma

Resp. II. Disting. anteced. vita alicujus hominis privati est altioris ordinis, quam bona temporalia illa, ex quorum carentia quis debet quidem aliquod, sed non nimium grave dispendium status pati, con. Ex quorum carentia deberet pati valde grave dispendium status, aut omnino de eodem deijci, nego Anteced. nam in æstimatione morali, & respiciendo utilitatem Reipublicæ vita alicujus hominis privati non censetur pretiosior, quam multa millia florenorum, quæ membra Reipublicæ indigent ad conservationem status, ut exinde suis temporibus bonum publicum promoveret, & necessitatibus ipsius Reipublicæ succurrere queant. Videantur La Croix lib. 2. num. 201. & Sporer part. 3. super Decalog. Tract. 3. cap. 6. sect. 2. num. 51. Cæteroque ipsa vita spiritualis, seu æterna salus alicujus animæ pretioso sanguine JESU Christi redemptæ ita est altioris ordinis, ut nulla bona inferiora huic in æstimatione morali, quoad æternam salutem, valeant æquiparari; nam *Quid prodest homini* (inquit Christus apud Matth. cap. 16.) *si universam mundum lucratur: anima vero sua detrimentum patitur?* Licet cæteroque etiam ibidem (juxta jam dicta) requirantur certæ notabiles conditiones, ut quis cum periculo deperdendæ vitæ corporalis teneatur alterum in extrema necessitate deperdendæ salutis æternæ constitutum juvare.\*

42. CONCL. IV. Loquendo nunc de bonis superfluis & naturæ, & statui personæ, conveniunt Doctores, ex eisdem dandam esse Eleemosynam non solum patientibus extremam, sed etiam gravem dumtaxat necessitatem. Hinc, ut omittantur citati Sacræ Scripturæ textus, S. Ambrosius lib. 1. Officiorum cap. 31. ait: *Grandis culpa est, si sciente te fidelis egeat: si scias, eum fame laborare, ærumnam pati, præsertim si mendicare erubescat.* Quibus postremis verbis eos indicat, qui honestis parentibus nati sæpe graviore paupertate premuntur, dum publice mendicare erubescunt. Et quia in nonnullorum sententia vix amplius dabatur superfluum statui, sicque præfens præceptum, dandi Eleemosynam graviter indigentibus de superfluis statui, plurimum enervabatur, jure meritissimo Innocentius XI. inter alias sequentem, ordine 12. Propositionem damnavit: *Vix in secularibus inveniens, etiam in Regibus superfluum statui. Et ita vix aliquis tenetur ad Eleemosynam, quando tenetur tantum ex superfluo statui.*

\* Ex hac præcedente Concl. colliges. I. Qualiter peccent illi Medici, vel Chirurghi, qui, quamvis sciant unum alterumve pauperem gravi infirmitate pressum, nolunt tamen umquam sine oblatione pecuniæ accedere; quamvis sæpius possent levibus medicamentis etiam citra grave suum damnum juvare.

Colliges II. Quali culpæ sint obnoxii illi Advocati, qui numquam causam pauperum eo, quia pingues non sunt, volunt suscipere, etsi sæpius justissimas, & quæ brevi possunt expediri, sicque eorum miseria saltē ex parte alleviari.

Colliges III. Quam Deo & naturæ humanæ (uti inquit Henno hic) sint exosi illi divites, ac præsertim Ecclesiastici, qui tempore publicæ necessitatis Granaria frumentis redundantia accumulunt sub spe majoris pretii & lucri, ubi interim pauperes in valde gravi necessitate constituti, vix non fame pereunt: super hos venit maledictio a Spiritu Sancto Proverb. 11. ipsis comminata sequentibus verbis: *Qui abscondit frumenta, maledicetur in populis: Benedictio autem super caput vendentium.*

Colliges IV. Non esse immunes a peccato gravi illos, quibus nihil, quo aliis in gravi, vel extrema necessitate constitutis succurrere possint, superest ex eo, quia plura, quam statum deceret, impendunt (prout in formalibus ait Henno Tract. de Virt. disp. 6. quæst. 12. art. 1. Conclus. 3.) ad vestitum, pompam, ædium magnificentiam, epulas frequentiores, & splendidiores, ludos inordinatos, curiositatis lenocinia, canum & equorum multitudinem &c. \*

43. CONCL. V. Tandem loquendo de necessitate communi, utrum ex bonis superfluis naturæ, & statui personæ, sit sub præcepto, vel tantum de consilio, danda Eleemosyna pauperibus, communem necessitatem patientibus, variant Doctores. Verum communior & probabilior sententia ait, adesse obligationem saltem sub veniali: cum quilibet ex præcepto Charitatis teneatur subvenire proximo necessitatem patienti, si facile possit.

44. Intellige, nisi adsit ratio aliqua negandi: quia tunc nulla omnino culpa foret, negare Eleemosynam. Porro ejusmodi juxta causa negandi Eleemosynam pauperibus rogantibus, inter alias censetur ea, si dives propositum habeat aliis pauperibus dandi, vel loco aut tempore opportuniori, sive pauperibus magis indigentibus. Quod si vero abundans divitiis omnes prorsus pauperes a se repellat, in malo plane statu versari videtur, utpote cum divite Epulone omni Charitate Dei & proximi exutus, atque inordinato nimium amore divitiarum affectus, cum Christus dicat Matth. 6. *Non potestis Deo servire, & Mammona.* Layman, loc. cit. n. 5. alii.

#### QUÆSTIO V.

De Correctione fraterna.

#### SUMMARIUM.

45. Correctio proximi duplex, judicialis, & Fraterna.
46. De Correctione fraterna habetur speciale præceptum,
47. Quod ex genere suo obligat sub mortali.
48. Quatuor conditiones requiruntur, ut hoc præceptum obliget; quæ?

49. Hoc præceptum obligat omnes, magis tamen Superiores, quam subditos.  
 50. Et hirarius contra illud mortaliter peccat.  
 51. In Correctione fraterna servandus est ordo a Christo præscriptus.  
 52. Casus, in quibus non est necesse præmittere monitionem secretam.  
 53. Aliter corripiendus inferior, aliter aequalis, aliter superior; quomodo?  
 54. Prelatis Ecclesia in Concionibus non taxandi.

45. **A**Dvertendum, quod Correctio proximi delinquentis duplex sit, una judicialis, altera fraterna. Judicialis dicitur illa, quæ sit a Potestate publica in bonum commune: id est, quando adhibetur remedium peccatis delinquentium a publicis Justitiæ Ministris, secundum quod ea redundat in detrimentum boni communis. Et talis correctio est actus Justitiæ vindicativæ: verum de ipsa in proposito non est sermo. *Correctio fraterna* dicitur ea, quæ adhibet remedium peccato, in quantum est quoddam malum ipsius delinquentis. Et hæc est actus Misericordiæ spiritualis, quo per convenientem sermonem proximum a malo peccati avertere, & ad bonum honestum adducere conamur, juxta illud *Psal. 140. Corripiet me justus, & increpabit me.* De qua loquendo sit

46. CONCL. I. De Correctione fraterna habetur speciale præceptum, juxta illud Salvatoris *Matth. 18. Si peccaverit in te frater tuus, vade, & corripe eum inter te & ipsum solum: si te audierit, lucratus eris fratrem suum; & alibi.* Quinimo hoc præceptum non solum est divinum positivum, sed etiam naturale, quo membra ejusdem corporis se mutuo juvare tenentur; unde dicitur *1. Corinth. 12. Si quid patitur unum membrum, compatiuntur omnia membra.* Et generaliter in Lege Evangelica nullum præceptum divinum continetur, quod non sit Juris naturalis, præter præcepta de Sacramentis, & de Fide. D. Thomas *1. 2. quest. 108. art. 1. & 2. & alii.*

47. CONCL. II. Præceptum hoc ex genere suo obligat sub mortali. Ita Mästius *disp. 10. Theol. Mor. n. 67.* cum communi. Ratio est: quia Correctio fraterna sit ad lucrandum fratrem amissum per peccatum mortale, juxta cit. textum *Matth. 18. Si te audierit, lucratus eris fratrem suum; & consequenter hoc præceptum est de materia gravi.* Accedit, quod præceptum Eleemosynæ corporalis obliget quandoque sub mortali, ergo multo magis Correctio fraterna, utpote Eleemosyna spiritualis, per quam subvenitur necessitati spirituali proximi.

48. Intellige tamen cum Baslæo, *tom. 1. Vers. Correctio fraterna n. 7.* & aliis, quod hoc præceptum obliget, non quidem semper (cum sit præceptum affirmativum) sed dumtaxat pro aliquo tempore, seu concurrentibus certis conditionibus. Inter has autem conditiones prima est, ut moraliter certus sis de peccato proximi: alias enim non nisi temerarie agerem, ipsum corripiendo. Secundo, ut sit spes fructus saltem probabilis: nam si nulla adsit spes fructus ex nostra correptione secuturi, sed magis appareat pericu-

lum securæ deteriorationis, aut aliorum malorum, ea erit omittenda, aut differenda in aliud tempus opportunius. Tertia conditio est, ut correptio commode fieri possit. Et quarta, ut non adsit magis idoneus ad corripiendum, qui possit, ac velit hoc onus subire.

\* Quod si has quatuor condiciones bene notes, poteris exinde resolvere plurimos casus. Majoris claritatis gratia solummodo ponuntur tres. *Primus*, Cajus maritus videt, quod conjux sua nimiam & sibi aliquo modo suspectam habeat familiaritatem, & conversationem cum aliquo magno Domino, cujus ipse respective est subditus: manifestat hanc suam displicentiam uxori, quæ tamen innocentior Metello non vult familiarem hanc intermittere conversationem: videt præterea Cajus, quod si eandem absolute prohiberet, grave damnum a suo Domino sit passurus, aut omnino ab officio amovendus. In hoc casu, si præmissa protestatione seu salutari ac efficaci adhortatione moraliter possibiles cæteroquin faciat præcautiones &c. non tenetur hanc conversationem absolute interdiceret, partim, quia de peccato uxoris non est certus; partim, quia exinde gravissimum sibi immineret damnum.

*Casus Secundus.* Petrus audit virum magnæ Auctoritatis graviter contra alios murmurantem; prudenter autem timet, quod si eundem corripere, nihil efficeret, sed ad majorem indignationem commoveret: in tali passu potest licite correctionem intermittere, quia non foret spes fructus; ad duo autem Petrus attendat, in primis ne signis tales detractiones approbet: dein, ut, si possibile, eundem ad alium indifferentem discursum pertrahat.

*Casus tertius.* Bertha famula bene advertit, quod altera ancilla, aut etiam filia Heri sui suspecta foveat cum servo, vel alio consortia, quæ etiam post privatam admonitionem continuat. Si indicet Hero, vel ejusdem Uxori, prævidet, quod vel per ipsam propalationem patris seu matris familias secreti non tenacis, vel aliunde proculus ille sit deventurus in notitiam charitative nunc denunciantis cum gravi suo damno, per procum inferendo: taliter non est adstricta ad ulteriorem correctionem, mediante denunciatione faciendam; uti nec etiam, si prævideret, se nihil per suam correctionem effecturam; cum fides non adhibeatur &c. Et quoties in Confessionali, si fraternæ correctiones seu charitative denunciationes injunguntur, similia a consentientibus percipiuntur responsa? *Ego jam inimavi patri, & matris familias, nihil dicam, sive: Ego jam detuli superiori, & monui, non vult audire &c.* vel sic: *Pater Reverende, absit a me, ut denunciem, debeo cum ipsis vivere, quotidie agere, certo ipsis innotescet, me detulisse, haberemque exinde continuas mortificationes, persecutiones graves &c.* vel aliter: *Pater Reverende, facerem totum libenter, sed sua Reverentia non novit hanc personam: si resideret enim, quod ego per modum fraternæ correctionis denunciassetem, prout probabiliter in notitiam deveniret, non essem securus in vita & membris &c.* Allegationes istæ, si veritate nitantur, plane exculant in simili casu a correctione seu denunciatione fraterna.\*

49. CONCL. III. Et si hoc præceptum Correctionis



rectionis fraternæ generatim omnes obliget, tam subditos, quam Superiores, strictius tamen obligat Prælatos & Superiores, quibus aliorum cura incumbit. Ita Mastrius *loc. cit. num. 68.* cum communi. Ratio primæ partis (quæ tamen intelligenda est concurrentibus præfatis quatuor conditionibus) patet ex illis generalibus verbis Christi, *Matth. 18. Si peccaverit in te frater tuus, corripe eum.* Altera vero pars ex eo probatur: quia subditi tantum ex Charitate tenentur corrigere proximum; Superiores vero non solum ex Charitate, sed simul etiam ex Justitia, ac vi officii sui.

50 Quinimmo in hominibus vulgaribus, qui non habent tantam auctoritatem, neque tantam prudentiam ad corripiendum proximum, hoc præceptum non tam frequenter occurrit. Unde præceptum istud est ample accipiendum, nec facile credendum, timoratos homines mortaliter contra illud peccare, præsertim si non fuerint Superiores. Immo etiam concurrentibus supra dictis quatuor conditionibus fieri potest, ut tantum peccetur venialiter, si nempe omittatur correptio ex quadam pusillanimitate, verecundia, timore aut tepiditate, qua quis reputat se minus idoneum ad faciendam correctionem, vel non existimat, se tam strictè obligari ad eam faciendam.

§1. CONCL. IV. in Correctione fraternâ servandus est ordo, quem Christus explicando obligationem Legis Naturalis præscripsit *Matth. 18.* illis verbis: *Si peccaverit in te frater tuus, vade, & torripe eum inter te & ipsum solum &c. Si autem te non audierit, adhibe tecum adhuc unum vel duos testes: ut in ore duorum, vel trium testium stet omne verbum. Quod si non audierit eos, dit Ecclesia.* Ratio hujus saluberrimæ constitutionis est, ut sic consulatur famæ proximi; & fraterna correctio fiat modo, quo potest, secretiori, ac peccatum ipsius absque causa non manifestetur.

§2. Cæterum hoc ipsum intelligendum est regulariter loquendo, & concurrentibus certis conditionibus: unde in pluribus casibus necessarium non est, servare hunc ordinem, immo interdum non expedit eundem observare. Et ita in primis accidit, quando peccatum proximi est publicum: hinc quippe dicitur *1. Timoth. 5. Peccantes coram omnibus argue, ut & ceteri timorem habeant.* Quod intelligitur de peccatis publicis: nam; ut loquitur S. Augustinus, *c. Quis aliquando. §. Hac ergo de penitent. dist. 1.* relatus, *Publica noxa publico eget remedio.* Secundo, si ex priata admonitione secreto facienda non speretur aliquis fructus, quin potius timeantur lites, odia, dissensiones inde orituræ; aut quod delinquens suum peccatum sit confirmaturus, cessat obligatio eam faciendi: siquidem ad utile, vel notivum, nemo obligatur: simulque deficiente sine adæquato legis (qualis in proposito est emendatio fratris, ejusque spiritualis profectus) cessat ipsa lex. Tercio, si peccatum proximi, quamvis occultum, sciatur adhuc futurum, simulque vergat in perniciem Communitatis; ut est prodictio patriæ, disseminatio hæresum, aut hujusmodi. Nam cum talibus peccatis communiter

privata monitione satis certo, & efficaciter, consultum esse non videatur; immo potius per-versi homines, dum se deprehendendos vident, callidius suam nequitiam occultare soleant, cessat præviæ secretæ monitionis obligatio; quia juxta ordinem Charitatis, spectatis omnibus circumstantiis, major est habenda ratio boni communis, quam privatæ famæ delinquentis.

§3. CONCL. V. Nihilominus urgente præfato præcepto aliter corripiendus est inferior, aliter æqualis, & aliter superior. Ita certa, & communis Doctorum; & patet clare ex S. Scriptura. Siquidem inferior plerumque prius increpandus, & postea mansuete hortandus est, monente Apostolo *Galat. 6. Si preoccupatus fuerit homo in aliquo delicto, vos, qui spirituales estis, hujusmodi instruite in spiritu lenitatis.* Æqualis vero amice commonendus est; juxta illud *2. Thessal. 2. Nolite quasi inimicum reputare, sed corripite ut fratrem.* Superior denique humiliter potius rogandus est, quam redarguendus, secundum quod dicitur *1. Timoth. 3. Seniore ne increpaveris, sed obsecra ut patrem.*

§4. Præcipue tamen cavendum, ne Prælati Ecclesiæ in publicis Concionibus taxentur coram plebecula: ex hoc enim nullus fructus sperari potest, quin potius timenda est mentis amaricatio, plebis offensio & scandalum, ac vilipensio Prælatorum. Hinc merito in Clem. *1. de Privileg. Religiosis in virtute sanctæ obedientiæ, & sub interminatione maledictionis æternæ districtius inhibetur, ne in Sermonibus suis Ecclesiarum Prælati detrahant.* Et S. Hieronymus *Epist. 4. ad Rusticum*, relatus eam. *Si clericatus 16. q. 1. optimum omnibus relinquens exemplum, ait: Non est humilitatis mea, neque mentis, judicare de Clericis, & de ministris Ecclesiarum sinistram quidpiam dicere; habeant illi ordinem; & gradum suum.*

\* Quæres: An sit obligatio fraternæ corrigen-dæ, seu admonendi illum, qui peccat ex ignorantia aliqua, vel oblivione? e. g. Si quis ignorans die prohibito comederet carnes, aut nocte irret cubitum oblitus orare, Horas canonicas &c. Resp. I. Si ignorantia vincibilis fuerit, omnino adest obligatio fraternæ correctionis, dummodo adsit spes emendationis, & simul habeantur reliquæ conditiones superius numero 48. specificatæ. Ratio est: quia talis peccat; ergo pariformiter tenemur, si commodè possumus, per correctionem fraternam eundem in viam meliorem reducere, sicuti; si alia peccata committeret. Resp. II. Si ignorantia, vel oblivio fuerit invincibilis, equidem Bonacina absolute docet, neminem teneri ad correctionem fraternam, nisi quis aliunde fuerit obligatus ex officio, uti Pastor respectu ovium concreditarum, & Confessarius respectu prænitentium, vel nisi transgressio fuerit in præjudicium tertii. Nam (inquit) tantum obligamur vi legis divinæ corrigere peccatum proximi ob periculum animæ; quale tamen non adesset, si fuerit transgressio ex ignorantia vel oblivione invincibili: hoc idem concedunt Oviedo, Bannez, Navarrus & Valentia saltem in Lege humana, Econtra Sanchez, Franciscus, Hon-

Henno, Castropalae & alii contradicunt, dicentes, adesse obligationem corrigendi tum quia hic videtur exigere reverentia legis: tum quia alias posset contrahi habitus contra legem, & inde magna inclinatio transgrediendi etiam tunc, quando cognoscitur voluntas legislatoris contraria. Hæc ultima sententia saltem consulitur, supposito, quod ex una parte talis correctio faciliter fieri possit, ex altera vero maxima & quasi certa affulgeat spes fructus. Merito tamen monet La Croix lib. 2. num. 214. opus esse hic discretionem; etenim imprudenter ageret, qui inculpabiliter errantem in re nulli prorsus noxia corrigeret cum non levi ejusdem erubescencia, vel confusione, aut aliorum incommodo: prout juxta P. Gobat in Theol. Exper. T. 3. n. 343. male fecit ille, qui Sacerdotem oblitum Stolæ de hoc defectu non sine confusione admonuit ad aram sub ipso Sacrificio. \*

## DISTINCTIO VII.

De Vitiis Charitatis oppositis.

## QUESTIO I.

De Odio Dei, &amp; Proximi.

## SUMMARIUM.

1. Deus secundum se nequit odio haberi, sed solum quoad effectus suos.
2. Odium Proximi duplex, persone, seu Odium inimicitie, & qualitatis, seu Odium abominationis.
3. Odium Dei, quale peccatum?
4. Odium Proximi est ex genere suo mortale.
5. Potest per accidens fieri veniale.
6. Odium inimicitie semper illicitum, non sic Odium abominationis.
- (a) Ut dictum dist. 6. n. 29.
7. Corollaria de Odio inimicitie, seu persone,
8. Et de Odio qualitatis persone, quod vocant abominationis.
9. Optare sibi mortem a Deo quando non sit peccatum?
10. Cavenda quoad propositum quædam Propositiones damnatae.
11. Ratio damnationis refertur.
11. Alia Propositiones damnatae.
13. Maledictio, quale peccatum sit,
14. Et cui virtuti repugne?
15. De invidia, Acedia, remissive.
- (b) Tract. 3. dist. 3. quæst. 4. & 7. per totum.

1. **A**dvertendum, quod Deus dupliciter considerari possit: primo secundum se, ut est summum, ac infinitum Bonum; & sic a nullo potest Deus odio haberi: nam ubi nulla est ratio mali, ibi nullus potest esse actus odii. Deinde potest Deus considerari quoad effectus suos, quatenus scilicet punit peccatores, leges ac præcepta carni contraria posuit, immitit calamitates hujus seculi diversas, & tandem transgressores mandatorum suorum æternaliter cruciat in inferno; & hoc pacto demones, & nonnulli perversi homines, Deum odio prosequuntur.

2. Advertendum ulterius, quod odium proximi duplex esse possit. Unum dicitur *Odium persone*, quod persone cuipiam vobis displicenti malum vo-

lunt, quatenus ipsi malum est; & hoc alio nomine dicitur *Odium inimicitie*. Alterum appellatur *Odium qualitatis*, quo personam averfamur dumtaxat secundum malum ipsi adjacens, quod nobis vel aliis contrarium est, non autem secundum seipsam; & hoc vocant *Odium abominationis*. Layman. lib. 2. q. 3. cap. 8 n. 1. & alii.

3. CONCL. I. Odium Dei est peccatum gravissimum Charitati oppositum, neque illud ob parvitatem materiz potest fieri veniale. Ita Bonacina disp. 3. de Præceptis Decalogi, quæst. 4. punct. ult. & alii. Ratio est: quia quodlibet odium in Deum repugnat summæ ejus Bonitati.

4. CONCL. II. Odium proximi ex genere suo est peccatum mortale, oppositum Charitati. Ita communis. Ratio est: quia, sicuti virtute Charitatis Deum & proximum diligimus, ita actibus Charitati oppositis homo Deum & proximum detestatur; ergo & odium proximi est ex genere suo peccatum mortale, cum opponatur excellentissimæ virtuti Charitatis.

5. Dicitur; *ex genere suo*. Siquidem odium proximi potest fieri veniale, tum ob imperfectum animi consensum, seu in deliberationem actus (quod etiam in odio Dei locum habet) tum ob parvitatem materiz: ut si quis leve malum alicui optet, aut si levem aliquam displicentiam seu modicam aversionem habeat erga proximum: hic enim non peccat mortaliter. Idem dicendum, etiamsi quis fastidium, indignationem, & quamdam modicam aversionem concipiat erga eos, qui nobis spiritualia consulunt, puta erga Concionatores, Confessarios, &c.

CONCL. III. Etsi inter dum licitum sit, hominibus malis, sive peccatoribus, ex odio abominationis, seu ob qualitates pravas ipsis adjunctas optare malum, v. g. ut fur Reipublicæ noxius suspendatur; non quidem hoc optando, quatenus malum ipsius est; sed quatenus boni rationem habet, atque inde majora mala impediuntur (a) nihilominus odium inimicitie, quo personam proximi odio habemus, Charitati semper adversatur, ut dictum Concl. præced. Hinc

7. Infertur I. Eum graviter peccare contra Charitatem, qui alicui magnum malum exoptat ex displicentia personæ, seu quatenus absolute ipsi malum est, non vero ob bonum ipsius vel alterius. Idem de eo dicendum, cui persona alterius tamquam infesta & odiosa displicet, sicque ipsam non esse desiderat, aut aliud grave malum ex animo precatur. Et hoc ipsum procedit de illo, qui gaudet de gravi malo proximi, quia ipsi malum est. Ratio est clara: quia hæc pertinent ad odium personæ, quod vocant *Odium inimicitie*.

8. Infertur II. Secus esse dicendum de eo, qui gaudet de malo alicujus, vel tristatur de ipsius bono ex honesto motivo. Sic quippe a peccato mortali excusatur, qui de alicujus infirmitate, vel morte lætatur, eo quod sic non possit amplius nocere Communitati, aut sibi esse occasio peccandi. Similiter non peccat, qui tristatur, dignitates conferri indignis, impios exaltari, sicque habere ansam amplius nocendi probis hominibus: quia hæc spectant ad odium qualitatis personæ, quod alio nomine *Odium abominationis* appellant. Quiri-

Quinimo Bonacina *loc. cit. num. 7.* hoc extendit ad matrem, quæ mortem filiarum exoptat, eo quod non habeat, unde eas vel ob deformitatem, vel ob inopiam, honestis nuptiis tradat.

9. Insuper passim Doctores a peccato excusant eos, qui cum debita resignatione in Divinam voluntatem, atque patientia (secus, si fiat impatientia, aut desperatione) sibi a Deo mortem exoptant ad subterfugiendas multiplices miseriae huius seculi. Et multo magis id dicendum, si tale desiderium concipiatur ex metu Deum offendendi peccato mortali, aut ex desiderio ipsum æternaliter videndi in æterna beatitudine: nam tale desiderium passim a Libris Asceticis commendatur, tamquam bonum, laudabile, Deoque placens, juxta illud Apostoli, Philipp. 1. *cap. pro dissolvi, & esse cum Christo.*

10. Ne autem in præsentī materia laxentur habentæ malitiis hominum ob indiscretas, immo scandalosas quorundam illationes, merito huic malo Sedes Apostolica providendum censuit, dum Innocentius XI. Anno 1679. sequentes Propositiones, sicut jacent, ut minimum tamquam scandalosas, & in praxi perniciosas (ita sonat censura) esse damnandas, & prohibendas statuit, & decrevit. Una & ordine 13. sic sonat: *Si cum debita moderatione facias, potes absque peccato mortali de vita alicujus tristari, & de illius morte naturali gaudere, illam inefficaci affectu petere, & desiderare: non quidem ex displicentia personæ, sed ob aliquod temporale emolumentum.* Ita Propositio damnata.

11. Ratio hujus damnationis est: quia, quamvis ordinate, & salva Charitate fieri valeat, quod quis sive ob bonum spirituale ipsius, vel alterius, aut propter bonum commune Reipublicæ, vel etiam ad evitandum ingens malum temporale, optet alteri mortem, vel aliquod temporale incommodum; prout notat tum Doctor Angelicus 2. 2. q. 76. art. 1. & 3. dist. 10 art. 1. tum Doctor Subtilis 3. dist. 3. q. 1. (sic enim principalis intentio non fertur ad malum, sed ad bonum spirituale ipsius, vel alterius, vel ad bonum Communitatis, & ut alter nocere desinat) nihilominus illicitum est, & Charitati repugnans, optare mortem proximo ob bonum temporale non necessarium, aut quodcumque etiam modicum: quia tale bonum censetur esse levioris momenti, facta comparatione cum vita hominis; ut recte notat Joan. Cardenas in *Crisi Theologica* ad cit. Propositionem 13. Innocentii XI. cap. 3.

12. Altera & ordine 14. Propositio damnata, sic sonat: *Licetum est absoluto desiderio cupere mortem patris, non quidem ut malum patris, sed ut bonum cupientis, quia nimirum ei obventura est pinguis hereditas.* Similiter & sequens Propositio, ordine 15. merito est damnata: *Licetum est filio gaudere de parricidio parentis a se in ebrietate perpetrato propter ingentes divitias inde ex hereditate consecutæ.* Hæ Propositiones, tamquam damnatæ, erunt cavendæ; idque ob rationes num. præc. allatas, quæ fortius urgent in proposito; ob amorem a filiis specialiter debitum parentibus.

\* Quæres I. Ex qua Regula &c. Vide Addit. (D)

Quæres, quale peccatum sit maledictio, quæ alicui homini malum imprecatur, v. g. ut fulmine, laqueo pereat, diabolus eum rapiat, &c. Resp. I. Certum est, maledicere alicui serio, & ex animo, esse ex genere suo peccatum mortale, quamvis ex inconsideratione actus, vel levitate materiæ, aut si non fiat serio, sed potius ad ostendendam suam displicentiam, vel indignationem, possit esse veniale: puta, si parens filio, hera ancillæ malum imprecetur, non ex animo, ut ita eveniat, simulque id fiat absque notabili honoris immutatione; uti post alios exemplificat Layman *loc. cit. c. 8. n. 8.*

14. Resp. II. Proximo sine justa causa serio maledicere, seu malum optare, Charitati repugnat, & ad peccatum Odii pertinet; interdum etiam Justitiæ repugnat, & ad Contumeliam spectat. Ita communis. Exemplum prioris est: si quis cuipiam absenti ex animo maledicat; nam hoc soli Charitati contrariatur. Exemplum posterioris est: si quis serio maledicat præsentī, ad in faciem ipsius; hoc enim insuper continet Contumeliam, quia lædit honorem Proximi.

15. Solent hoc loco Doctores agere pariter de Invidia, & Acedia, utpote quæ etiam sunt peccata mortalia Charitati repugnantia. Verum de istis jam dictum superius (b) explicando septem Peccata Capitalia, inter quæ & hæc duo enumerantur.

## QUÆSTIO II.

De Scandalo.

### SUMMARIUM.

16. Scandalum, quid?
17. Scandalum activum seu datum, quid?  
Est adhuc duplex.
18. Scandalum passivum generatim. Scandalum acceptum.  
Subdividitur in Scandalum Pusillorum, & Pharisæicum.
19. Peccatum speciale Scandali, quando committatur?
20. Non semper est peccatum mortale.
21. Scandalum activum quando & quale peccatum sit?
22. Idipsum amplius ostenditur.
23. Causa justa faciendi aliquid indifferens, quo alter creditur abusus, quæ?
24. Vitanda tamen Propositio damnata.
25. Scandalum mere passivum interdum permitti potest, interdum non.
26. Quando non possit permitti, & quando possit?
27. An ex causa licitum sit, petere ab alio talia, quæ non sine peccato præstentur existimantur?  
Exempla, in quibus id licet.
28. Quid dicendum de Scandalo Pusillorum, & Pharisæorum.
16. CONCL. I. Scandalum recte definitur, dicendo: Scandalum est dictum, vel factum minus rectum, præbens alteri occasionem ruinæ spiritualis. Ita communis. Dicitur, dictum, vel factum: quia externa tantum actio (subintelligo quoque omissionem ejus) potest habere rationem Scandali, non autem sola cogitatio internæ. Et additur, minus rectum: quia non solum actio mala, sed quæ tantum habet speciem mali, potest habere rationem Scandali, si alteri occasionem peccandi præbitura sit.

Q

17. CON-

17. CONCL. II. Ejusmodi Scandalum dividitur in activum, & passivum. *Scandalum activum*, quod & datum appellant, est illud, cui proxime data definitio convenit, & de quo ex professo loquimur. Et hoc rursus duplex est: nam Scandalum activum aliud est proprium, seu per se tale, dum scilicet quis expressa intentione dat alteri occasionem peccandi, hortando, inducendo, vel faciendo aliquid, quod per se est induktivum ad peccatum, & hoc dicitur *Peccatum speciale Scandali*. Aliud est improprie activum: ut fit, si quis ejusmodi actionem exerceat, quæ suapte natura apta est alteri occasionem peccati præbere, etsi hoc non intendat: ut si quis die jejunii carnes comedat coram talibus personis, quæ spectatis circumstantiis possunt inde accipere occasionem violandi præceptum Ecclesiæ, vel Fidei jacturam faciendi.

18. *Scandalum passivum* generatim est ipsa spiritualis ruina proximi, in quam quis labitur occasione ab alterius dicto, vel facto accepta. In proposito tamen passivum accipitur, prout contradistinctum ab activo, atque alio nomine dicitur *Scandalum acceptum*, seu *Scandalum mere passivum*; estque illud, cum & præter intentionem operantis, & præter naturam, seu conditionem operis, alter ex eo peccandi occasionem accipit. Et hoc subdividi potest in *Scandalum Pusillorum*, quod ex hominis ignorantia, vel fragilitate provenit; & in *Scandalum Pharisaorum*, quod ex mera malitia alterius ortum habet: prout olim Pharisei propria malitia, & invidia erga Christum excæcati, ex optimis ejus actionibus, miraculis, & doctrinis scandalizati sunt, a quibus proinde *Scandalum Pharisaicum* appellatur.

19. CONCL. III. Peccatum speciale Scandali committitur, quoties quis dat, seu dare intendit alteri occasionem ruinæ spiritualis, ea nempe intentione aliquid dicendo, vel faciendo, ut ille peccet: & talis, qui alium inducit ad peccatum, intendens illius damnum spirituale, peccat duplici peccato, videlicet peccato speciale Scandali, quod opponitur Charitati, & Correctioni fraternæ; simulque eo peccato, quod ab altero committitur, seu ad quod induxit alterum. Ita Doctores communiter. Ratio est: quia, qui ex intentione est causa peccati alterius, hoc ipso vult illud peccatum; & consequenter etiam ipsius est reus, & non solius peccati Scandali. Hinc talis non satisfacit in Confessione, dicendo, se alterum ad peccatum induxisse, sed tenetur insuper exprimere speciem peccati, ad quod induxit, utpote vel directe, vel saltem indirecte & in sua causa voliti.

20. Advertendum tamen, non semper esse peccatum mortale, licet quis expresse intendat ruinam proximi: quia, si hoc sit dumtaxat peccatum veniale, ut puta levis indignatio, ad quam quæ proximum inducere intendit, erit tantum peccatum veniale. Ratio est: quia quantitas culpæ peccati Scandali ex solo proximi damno desiderato pensanda est. Bassæus *Vers. Scandalum* n. 6.

21. CONCL. IV. Scandalum activum ex suo genere est peccatum mortale, quoties quis tenetur

impedire occasionem peccati proximi, abstinendo ab opere illo, quod est occasio Scandali, & non abstinere, sive deinde intendat ruinam proximi, sive non. Ita communis; & ratio clara est: quia (ut supponitur) tenetur impedire occasionem peccati proximi, & non impedit: unde locum habet illud Salvatoris, *Matth. 18. Va homini illi, per quem scandalum venit*. Additur notanter, *quoties tenetur impedire abstinendo &c. & non abstinere*: quia non semper tenetur quis abstinere, ut amplius declarabitur in sequentibus.

22. CONCL. V. Licet is, qui absque sufficienti & justa causa facit opus indifferens (idem a potiori dicendum de opere ex se malo, seu peccaminoso) quo credit alios abasuros ad peccatum, censeatur cooperari peccato alieno, dando Scandalum activum, & consequenter peccet: nihilominus si quis aliquid ex se indifferens faciat, justa intercedente causa, non peccat, quamvis ex eo alterum videat sumpturum occasionem peccandi, dummodo hoc nullatenus intendat. Ita Doctores passim. Ratio primæ partis est: quia quilibet tenetur, quantum commode potest, præcavere, atque impedire peccatum proximi; aliter enim faciendo censetur illud indirecte, sive in sua causa velle. Altera vero pars suadetur ex eo: quia talis non censetur cooperari, neque velle peccatum alterius, sed jure suo utendo illud dumtaxat permittere.

23. Porro justa causa faciendi aliquid indifferens, quamvis eo credatur alter abasurus, non solum est grave damnum, quod quis pateretur abstinendo a tali opere, verum etiam quævis alia causa, quæ judicio viri prudentis justa censetur. Nam non semper æqualis causa erit proportionata ad excusandam ministrationem indifferens, cuius abasuro factam: sed quandoque major, vel minor requiritur causa, prout & illa indifferentia remotius, aut propinquius ad illum abasum propinquant; vel etiam gravior, aut minus gravis est obligatio illius virtutis, cui peccatum illud proximi hac occasione committendum opponitur, uti notat Sanchez *lib. 1. in Decalogum cap. 7. num. 12.* cum aliis. Sic vendens ornamenta, vel fucos, quibus mulier jam parata abutetur, excusari potest a peccato mortali, si ipso non vendente alter venderet: quia vendere talia ex se est indifferens, ac remote solum dat anam peccato, simulque subest proportionata causa vendendi; nam alioquin mercatori sequeretur damnum notabile, cum negando talia passim amitteret emptores. Et ob eandem causam excusari possunt caupones vinum præbentes illis, qui timentur se inebriaturi; vel præbentes cœnam eis, qui eandem in die jejunii petunt; item & famuli parantes mensam, aut mensæ inservientes, vel cibos coquentes; quia hi non concurrunt ad potationem, vel comestionem, ut est inebriatio, vel fractio jejunii, sed ut est quid deserviens ad refectionem, quod non est intrinsece malum, sed indifferens.

24. Econtra vero Innocentius XI. jure sequentem Propositionem, ordine 51. damnavit: *Famulus, qui submissis humeris scienter adjuvat herum suum ascendere per fenestras ad stuprandum virginem, & multoties eidem deservis deferendo scalam, aperiendo januam*



januam, aut quid simile cooperando, non peccat mortaliter, si id faciat metu notabilis damni, puta ne a Domino male tractetur, ne torvis oculis aspiciatur, ne domino expellatur. Et merito hæc Propositio damnata, sicque vitanda est, eo quod actiones illæ admodum propinque ad peccatum accedant, immo ad id cooperentur, dum quis ea scienter exercet.

\* Ast dubitabis &c. Vide Addit. (E)

25. CONCL. VI. Scandalum mere passivum, seu acceptum ex nostra operatione, quæ neque in specie externa illicita est, interdum permitti potest, interdum non. Ita Layman *lib. 2. tract. 3. cap. 13. n. 8.* cum aliis communiter. Ratio est: quia præceptum impediendi spirituales ruinam proximi non permittendo scandalum passivum, est præceptum affirmativum: hoc autem non semper obligat, sed concurrentibus certis conditionibus.

26. Itaque scandalum mere passivum permitti non potest, sed debet impediri, quotiescumque nulla ratio necessitatis, vel utilitatis propriæ, aut alienæ cogit nos quidpiam agere, ex quo putamus, alterum fore scandalizandum, seu sumpturum occasionem peccandi: quia lex Charitatis nos obligat, impedire peccata proximi, non minus ac alia ejus damnâ, si facile possumus. Econtra vero ob causam necessitatis, vel utilitatis, potest permitti Scandalum, mere passivum; ac proinde, si urget necessitas, vel utilitas, licite aliquid cæteroquin non malum sit a nobis, quamvis exinde alii sumant Scandalum seu occasionem peccandi. Exempla nonnulla patent ex dictis *num. 23.*

27. Quinimo fas est, ob justam causam necessitatis seu utilitatis, petere ab altero talia, quæ recte & sine peccato fieri possunt (notanter hoc additur, quia numquam licet inducere alterum ad agendum id, quod sine peccato fieri nequit) tamen si alter male, & non sine peccato hoc præstiturus existimetur. Sic licite ab usurario in casu indigentiae petitur mutuum, quamvis ille sciatur usuras exacturus, & sic peccaturus. Similiter, si id necessitas postulet, possum ab Infideli juramentum exigere, licet sciam, ipsum juraturum per falsos deos. Insuper Parochianus potest a Parocho concubinario exigere, & recipere Sacramenta, quamvis timeat, hunc non nisi cum peccato ministraturum. Ratio est: quia talia opera possunt licite præstari, nam potest Sacerdos præmissa, si velit, Confessione, vel saltem Contritione, absque ullo peccato ministrare Sacramenta, alter jurare per Deum verum, si hunc agnoscere velit, aut dare gratis mutuum; unde quia habeo justam causam exigendi, non pecco talia exigendo, ac permittendo eorum peccata.

28. CONCL. VII. Major tamen causa requiritur, ut permittatur Scandalum passivum ex infirmitate, aut ignorantia, quod vocant *Scandalum Pusillum*, quam requiratur ad permissionem Scandali Pharisaici, seu ex malitia. Ita communis. Unde notant Doctores, Scandali Pharisaici nullam plerumque habendam esse rationem: si autem prævideatur Scandalum ex ignorantia, vel fragilitate secuturum, plerumque esse condescendendum, aut præmittendam debitam instructionem, vel admonitionem.

\* Ex dictis resolvuntur varii casus. I. Petrus impura locutus est coram aliis non quidem ex motivo impuro, sed præcise ex animi levitate, de quo se accusat in confessionali. In hoc casu, si fuerint præsentēs tales personæ; quæ facile exinde potuissent induci ad impuram complacentiam &c. peccavit Petrus graviter peccato scandali activi, quamvis dubitet, num alii actualiter fuerint ex suis dictis scandalizati: nam ad peccatum scandali activi sufficit, quod fuerit grave periculum scandali sumendi; si tamen effluens hæc impura, advertit pro tunc, illud subesse periculum. Unde decipiuntur tales, qui putant, se a peccato scandali jam exemptos esse, dummodo similia non proferant coram puerulis aut parvis puellis. Hoc tamen verum est, quod excusari a peccato scandali possint, si hæc verba impura prolata fuerint coram talibus, apud quos ob varias circumstantias non subest periculum, quod exinde ad peccatum impuræ complacentiæ multum alliciantur, e. g. si aliquis conjugatus rusticus apud alios similis conditionis inter laborandum ex levitate animi suis discursibus impura quædam verba immiscuisset absque mala intentione, prout sæpius evenire solet.

Casus II. Paulus rusticus crapulosus erumpit in blasphemias coram aliis piis & devotis, qui desuper displicentiam & indignationem ostendunt, seu (ut vulgus loquitur) non parum exinde scandalizantur; quaeritur ergo, an rusticus dederit scandalum, de quo se debeat specialiter in confessionali accusare? Resp. Etsi ratione crapulae contra temperantiam & propter blasphemias contra religionem peccaverit, si deliberate fecerit, speciale tamen peccatum scandali in confessionali detegendum non commisit. Ratio est: quia scandalum tunc committitur, quando quis per aliorum dicta vel facta ad peccatum inducitur; atqui pii & devoti audientes blasphemias, non fuerunt induci ad peccatum; nam displicentia & indignatio exinde ab illis concepta fuit justa, si non excedat in modo: ergo. Quare tales devoti dicuntur scandalizari tantum improprie & abusive, uti recte cum Castropalao notat Felix Potestas *Tom. 1. Exam. Confess. part. 2. cap. 2. n. 327.* prope finem. Aliud foret, si dictus rusticus similia proferret coram suis prolibus, quæ facile a suis parentibus blasphemias addiscunt &c.

Casus III. Cornelius nobilis retinet in suis hypocaustis artificiosas quasdam obscenas, quæ parietes exornat, imagines cum protestatione tamen, quod non ex malo fine, sed tantum ratione artificii easdem conservet; quaeritur, an peccet peccato scandali? Resp. Nobilem istum, si tales imagines retineat palam, graviter peccare peccato scandali activi, saltem si easdem non cooperari, & liberum ad illas videndas accessum aliis indistincte concedat. Ita cum Diana La Croix hic *num. 236.* Ratio est, quia similes imagines magis solent movere ad obscenas cogitationes, quam sermo impurus: ergo eas non amovens magis peccabit scandalo activo, quam miscens sermones impuros. Viderint jam illi pictores vel sculptores, qui artificio suo abutentes tales imagines pingunt vel sculpunt, & exinde sunt

origo, ac causa primaria omnium talium malorum.

Casus IV. Maria Matrona honesta ex certis signis vel ab experientia edocta bene cognoscit, quod a quodam viro contra voluntatem suam impure ametur, quale periculum majus est, si aspiciendi eam sese offerat occasio. Hinc quaerit ex Confessario, an hoc non obstante possit citra peccatum scandalum prospicere per fenestras, si ab ipso exinde videatur; adire aliquem conventum aut convivium, cui talis intervenit; vel num potius obligetur ab his abstinere? Respond. I. Si a similibus deberet abstinere longo tempore, non obligatur; Ratio est, quia ex una parte dictum scandalum foret tantummodo passivum; ex altera vero conformiter dictis nemo tenetur vitare scandalum passivum cum gravi suo incommodo, quale foret longiori tempore sese similibus privare ob alterius peccatum, quale posset, dummodo vellet, alter vitare ipsemet. Respond. II. Si deberet dicta Matrona citra suum notabile incommodum, praedictum, aut damnum tantummodo ad breve tempus sive una, vel altera vice a similibus abstinere, obligaretur, supposito, quod aliquis ex humana fragilitate sciretur inde lapsurus. Ratio est: quia juxta jam dicta num. 26. tenemur impedire sub his limitationibus scandalum pusillorum. Respond. III. Si alter talia peccata committeret ex mera malitia, non obligaretur Matrona supra memorata visitationes, aliasque actiones sub culpa gravi intermittere; Ratio est: quia scandalum illud foret mere Pharisaeum, cujus plerumque nulla habenda est ratio, quando quis propterea deberet non sine aliquali saltem molestia privari libertate sua in alias licitis. Videantur Sporer *part. 5. in Decalog. cap. 1. Sect. 2. num. 34.* La Croix *Tom. 1. lib. 2. n. 245.* & *n. 247.* Felix Potestas *Tom. 1. Exam. Conf. par. 2. cap. 2. num. 326. & 343.* Porro censentur ordinarie haec fieri ex mera malitia alterius, quando ille de industriis quaerit proterve similes occasiones, vel saltem easdem absque ullo signo emendationis saepe frequentat, nec desistit, quamvis per verba, vel signa etiam personae ab ipso impure amatae, bene advertat displicentiam ejusdem &c.

Casus V. Titia & stemmate & fortha illustris virgo timet sibi, ne per mundum suum muliebrem, quamvis nihil mali exinde intendat, aliis tamen scandalum praebet. Quaeritur itaque, an isto timore non obstante adhuc tali ornatu vestita sine peccato incedere valeat, nec ne? Ad hoc cum Sporer *part. 5. in quintum praeceptum Decalog. cap. 1. nu. 38. & 39.* ac Busenbaum *lib. 2. Tract. 3. cap. 2. dub. 5. art. 1.* Respond. I. Si Titia sciret, quempiam per suum ornatum sumptuum esse scandalum in particulari, deberent applicare cum proportionem dicta praecedentis Casus. Respond. II. Si dicta Virgo illustris nullum particularem determinate sciat scandalizandum, sed tantum in genere timeat, aliquos forsitan scandalizandos fore, non tenetur exinde abstinere a mundo muliebri, statui suo competente, modo aliorum lasciviam non intendat, nec ei placeat dicta aliorum luxuria, licet forsitan complacentiam venialiter peccaminosam haberet, quod laudetur

tamquam formosa Ratio est; quia alias sub mortali deberent similes formosae Virgines quasi perpetuo, vel saltem ad longum tempus abstinere tali ornatu; quia hoc periculum in genere tamdiu duraret, quamdiu durat pulchritudo vestium, ac formae: atqui hoc foret nimis difficile, ac plenum scrupulis, & consequenter non obligatorium; cum non teneamur impedire scandalum passivum cum tanta nostra difficultate: ergo. Quinimo Felix Potestas *Tom. 1. Exam. Confess. part. 2. cap. 2. num. 331.* Sporer & Busenbaum locis cit. excusant a mortali (non tamen a veniali) si talis virgo uteretur vestitu etiam superfluo ac vano v.g. fucando faciem, utendo crinibus alienis, ac denudando aliquantulum collum & pectus juxta communem talis regionis consuetudinem; nisi tamen talis denudatio vel ornatus foret valde turpe & ad libidinem provocans. Rationem assignat Busenbaum istam: quia huic sexui, praesertim si maritum quaerat, nimis grave esset perpetuo talibus abstinere sub peccato mortali praecise ex eo, ut aliorum scandalum passivum impediatur. Caeterum loquendo de denudatione colli praefata, AA. doctrina caute, & non nisi cum magna circumspectione practiceretur, nimia laxitate major causa peccandi praebetur. Et hinc addunt Doctores, ut denudatio pectoris liberior, quantum fructuose fieri poterit, a Confessariis dissuadeatur, imo etiam, praesertim si ex Confessione notetur, istam denudationem huius foeminae, vel aliis in particulari fuisse occasionem frequentioris lapsus, positive interdicatur. Profecto Innoc. XI. sub suo regimine in alma Urbe Romana prohibuit, ne foeminae sic scandaloso modo nudae incedentes communicentur; & Christus ipsemet S. Brigittae *lib. 7. Revel. cap. 16.* summam displicentiam, quam in tali denudatione concipit, manifestavit, ac *c. 17.* subjunxit, quanto periculo gravis peccati ob scandalum se tales exponant, & quantum gratiae ipsis subtrahatur. Vide etiam desuper terribilem Visionem *lib. 8. Revel. cap. 57.*

Casus VI. Quidam Paterfamilias, ut securior sit de fidelitate famuli sui, hominis quidem alias valde dexteri, in hoc tamen puncto sibi non parum suspecti, relinquit in mensa certam pecuniam; quaeritur, an facere possit citra peccatum scandalum? Resp. Affirmative: ratio est; quia in tali casu ad summum adesset scandalum passivum, quod non tenemur impedire, si habeamus gravem rationem in contrarium, prout contingeret in praesenti: cum dominus id faceret, partim, ut a sua suspitione liberetur, partim, ut de famuli fidelitate certior reddatur, sicque ipsi plura confidere queat &c. Quinimo Felix Potestas *Tom. 1. Exam. Confess. part. 2. cap. 2. n. 336* ex Castropalao subjungit, quod Pater, si habeat filium probabilissime aliquoties subtrahentem ex cista parentis, semper tamen, si increpetur, negantem, possit relinquere Clavem in arca, quasi Ejus oblitus, aut opponere nummos in loco patenti ex eo fine, ut filius in furto deprehensus efficacius corrigatur, & puniatur, sicque desistat: tum quia haec actio est pura occasio permissio facta ex gravi ratione, nimirum ut deprehensus possit efficacius corrigi, & pertrahi

ad

ad emendationem; tum quia est res valde indifferens, & ea posita filius adhuc est liber ad non furandum; tum quia talis permissio compensatur ipsa correctione, ad quam maxime Pater habet onus, \*

QUÆSTIO III.

De Discordia, Contentione, & Schismate.  
S U M M A R I U M.

- 29. Discordia, quid?
- 30. Contentio, quid?
- 31. Contentio, quale peccatum?
- 32. Schisma, quid?
- 33. Et quale peccatum?
- 34. Schisma aliud purum, aliud conjunctum cum hæresi
- 35. & 36. quid faciendum tempore Schismatis, quando electi sunt duo Pontifices?
- 37. & 38. Opima practica pro tali tempore.

29. **CONCL. I.** Discordia est dissensio voluntatum circa bonum, quod ex Charitate velle debemus. Ita D. Thomas 2. 2. q. 37. art. 1. & alii. Sicut enim concordia & pax consistit in consensione voluntatum, ita discordia in earum dissensione. De hac utraque extat vulgatum illud proverbium: *Concordia res parva cresunt, Discordia magna dilabuntur.* Dicitur in data definitione, *dissensio voluntatum circa bonum*: nam discordia circa malum non est vitiosa, sed laudabilis. Et additur, *quod ex Charitate velle debemus*: non enim est peccatum Discordiæ, dissentire in bono, quod facere ex Charitate non tenemur, v.g. si socium rogantem, ut cum eo Religionem ingrediaris, aut peregrineris, sequi recuses.

30. **CONCL. II.** Contentio est impugnatio veritatis cum confidentia clamoris. Ita Layman Lib. 2. tract. 3. cap. 11. cum aliis. Et hæc dupliciter fieri potest: nimirum, vel ex intentione formali, quando scilicet quis agnitam veritatem impugnat; vel ex intentione virtuali, si quis doctrinam impugnet non eurus, sive ea sit vera, sive falsa.

31. Cæterum Contentio, seu veritatis impugnatio, est ex genere suo peccatum mortale (quamvis ob imperfectionem actus, vel parvitatem materiæ possit esse veniale) quia opponitur Charitati, & paci. Unde Apostolus ad Galat. 5. inter opera carnis, quæ excludunt a regno Cælorum, enumerat *Contentiones*. Hoc tamen intellige de tali veritatis impugnatione, quæ serio fit: nam si a Scholasticis exercitii causa, aut ad explorandam alterius doctrinam, fiat cum debitis circumstantiis, ea solet esse laudabilis.

32. **CONCL. III.** Schisma est illicita divisio per inobedientiam ab unitate Ecclesiæ facta. Ita in re communis. Et sensus est; quod peccatum Schismatis committatur, quando quis sese segregat ab unitate Ecclesiæ, prout ea est Corpus mysticum, ex diversorum statuum Fidelibus, tamquam membris inter se, & cum uno Capite Christo, ejusque in terris Vicario connexis compositum.

33. Schisma opponitur Charitati, qua tenemur diligere Corpus mysticum Ecclesiæ, ejusque Caput

visibile, Christique in terris Vicarium Romanum Pontificem. Unde D. Augustinus lib. 1. de *Serm. Domini*, cap. 5. ait: *ubi Charitas non est, non potest esse justitia, quam Charitatem si Schismatici haberent, non dilaniarent Corpus Christi, quod est Ecclesia.*

34. **CONCL. IV.** Schisma subdividitur in purum, & conjunctum cum hæresi. *Schisma purum* non opponitur Fidei, sed Charitati dumtaxat & paci: ut si quis ex mera malitia abstraheret se ab obedientia veri Romani Pontificis, & alteri adhereret. *Schisma conjunctum cum hæresi* dicitur, quando insuper negatur aliqua propositio Fidei, ut puta Primatus Sanctæ Romanæ ecclesiæ, aut hujusmodi. Et quidem Schisma plerumque tandem transit in hæresin, prout notatur *can. Inter hæresin* 24. q. 3. ibi: *Quod quidem in principio aliqua ex parte intelligi potest: cæterum nullum schisma non aliquam sibi confingit hæresin, ne recte ab Ecclesia recessisse videatur.*

35. Quæres, quid faciendum sit tempore Schismatis, quando electi sunt duo Summi Pontifices? Resp. I. Si sit unus certus Papa, de quo prudenter dubitari non potest, ei erit adherendum: & qui alteri favent, sunt Schismatici.

36. Resp. II. Si vero in tali casu legitimus Papa sit dubius, ita ut non possit prudenter cognosci, nulli est adherendum. Ita Sanchez disp. 13: de *Schismate*, sect. 1. num. 11. Cajetanus, Sylvester, Ballæus, & alii. Ratio est: quia revera tunc nemo ex istis duobus habet verum jus in Ecclesia acquisitum. Accedit, quod temerarium sit, ac periculosum, dubia habere pro certis.

37. Itaque unusquisque tunc se gerat, ut unum Ecclesiæ membrum, & Christo Capiti adhareat, dubios ejus Vicarios habens pro dubiis, paratus uni certo adherere, quando Ecclesiæ provisum fuerit de certo: quod si contrarium fiat, Schisma fovetur, & hac ex parte peccari potest. Interea vero Christiana Plebs satisfaciet adherendo suis Episcopis, Parochis, & Doctoribus Catholicis, semper parata adherere illi Papæ, quem Ecclesia tamquam legitimum receperit. Et hæc sententia Suarezii est tutior, & in praxi tenenda.

38. Nihilominus Sayrus in *Theatro* lib. 3. cap. 5. num. 22. & Trullench arbitrantur, quod, quamdiu causa est dubia, & duo vel plures contendunt de Papatu, ac se pro Summis Pontificibus gerunt, nec per Concilium Generale res est determinata, tam ipsi, quam sequaces eorum a peccato excusentur; dummodo parati sint ad determinationem Concilii Papatu se abdicare, & ejusdem Concilii determinationi, ac Decreto acquiescere. Cæterum prior Suarezii sententia tutior est, & merito tenenda. Ballæus Tom. 23. *Verf. Schisma*, num. 5. & alii.

QUÆSTIO IV.

De Bello, & variis ipsum concernentibus.  
S U M M A R I U M.

- 39. Ratio Ordinis.
- 40. Bellum, quid, & quomodo differat à Seditione, & Rixa.
- 41. Bellum ex natura sua licitum est, si debitas conditiones habeat.

42. Tres ad Bellum justum conditiones requiruntur quæ?  
 43. Potest dari Bellum ex utraque parte justum formaliter, non autem materialiter.  
 44. Subditi in dubio de justitia belli, possunt parere Principi.  
 45. Quid dicendum de extraneis,  
 46. Vel paratis sequi quodcumque Bellum?  
 47. In Bello justo licite occiduntur nocentes.  
 48. Quid de innocentibus?  
 49. In Bello justo, cui acquirantur bona hostium?  
 50. Quid de injusto?

39. Solent hoc loco passim Doctores agere de Bello, sive quod per ipsum Charitas plurimum lædatur, præsertim si est injustum; sive quia finis Belli pax est, & securitas, arg. c. Noli. 23. q. 1. ibi: *Bellum geritur, ut pax acquiratur.* De quo proinde loquendo sit

49. CONCL. I. Bellum est conflictus armorum, auctoritate Principis Superiorem non recognoscentis indictus. Ita communis. Differt autem a Seditione, & Rixa, quod Bellum sit multitudinis contra extraneos: *Seditio* multitudinis contra multitudinem ejusdem Communitatis; *Rixa* vero paucorum, vel singulorum, contra paucos vel singulos.

41. CONCL. II. Bellum, si debitis conditionibus vestitum sit, ex natura sua licitum est. Patet hoc ex innumeris S. Scripturæ locis. Idque intelligendum est, sive Bellum sit mere defensivum, utpote quia Jure naturæ licitum est, vim vi repellere: sive etiam offensivum, quo sumitur publica vindicta de gravibus injuriis, si aliunde congrua satisfactio obtineri nequeat.

42. CONCL. III. Ad Bellum justum tres præsertim requiruntur conditiones, videlicet auctoritas legitima Principis Superiorem non recognoscentis, justa causa, & recta intentio. Ita Doctores communiter cum D. Thoma 2. 2. *quest. 40. art. 4.* Et quidem, si prima vel secunda conditio desit, Bellum non solum Charitati, sed etiam Justitiæ contrarium est cum onere restituendi damna illata: si autem deficiat sola tertia conditio, id est, intentio recta, non est contrarium Justitiæ, sed soli Charitati. Mastrius *disp. 10. Theol. Moral. n. 107.* & alii.

43. CONCL. IV. Potest Bellum ex utraque parte esse justum formaliter, non tamen materialiter. Ita cit. Mastrius *n. 109.* cum communi. Et quidem Bellum non posse ex utraque parte esse justum materialiter, seu a parte rei, ac per se loquendo, patet ex eo: quia realiter & a parte rei, soli uni parti potest competere jus. Cæterum quia sæpe ob ignorantiam, vel diversarum opinionum probabilitatem, hoc jus ignoratur, hinc per accidens seu formaliter accidere potest, Bellum ex utraque parte esse justum; prout simile quid sæpenumero contingit in causis civilibus, sive forensibus.

44. CONCL. V. Subditi in dubio de justitia Belli, pro Principe ad Bellum eos vocante præsumere, eique parere, & militare possunt. Ita Layman *lib. 2. tract. 4. cap. 12. n. 8.* cum aliis. Ratio est: quia in dubio quisque tenetur obedire Principi, vel Superiori suo. Sufficit

proinde, ut talibus subditis (idem dic de militibus conductitiis, si illis postea Bellum imperetur, de cujus justitia dubitant) manifeste non constet de injustitia Belli.

45. Cæterum milites extranei, atque voluntarii, vocati ad Bellum, justitiæ causam magis examinare tenentur; & si de justitia Belli dubitent, ita ut in neutram partem prudenter assentiantur, plerumque militare non possunt: quia nulla cogente, aut excusante obediendi necessitate, exponunt se periculo gravissimæ injuriæ inferendæ. Dicitur, *plerumque*: nam si quidem causa bellandi speculative appareat dubia, simul tamen præsumtio sit, Principem cum Consiliariis causam illam prius diligenter examinasse, bonaque fide ad Bellum procedere, damnari non debent milites, etiam extranei, si eidem, deposito practice suo dubio, pro stipendio serviant. Layman *loc. cit.* cum aliis.

46. Illud verò apud omnes in confesso est, milites, qui parati sunt sequi quemcumque ad Bellum vocantem, sive justum sit, sive injustum, dummodo stipendium præbeat, versari in malo statu, & nisi propositum mutent, a Confessario absolvi non posse. Layman ibidem, Bassæus *vers. Bellum n. 9.* & alii

47. CONCL. VI. In Bello justo licite occiduntur omnes nocentes ac rebelles, non solum in ipso pugnæ congressu, sed etiam post partam victoriam, si eorum mors ad vindicandam injuriam, & pacem atque securitatem firmandam, necessaria videatur: nisi forte sub promissione vitæ sese dediderint; tunc enim pactum erit servandum. Ita Mastrius *loc. cit.* cum communi. Additur tamen, *nisi forte sub promissione &c.* Nam, ut dicitur: c. Noli. 23. q. 1. *Fides, quando promittitur, etiam hosti servanda est.*

48. Porro innocentes (quales de Jure naturæ sunt pueri, ac mulieres; de Jure vero Ecclesiastico Religiosi, Clerici, peregrini, homines simplices ac rustici, idque secundum juris præsumptionem, quamdiu contrarium de ipsis non ostenditur, arg. c. *Innovamus. de Treuga & Pace*) Innocentes, inquam, per se atque ex intentione in Bello occidere numquam licitum est, per accidens tamen, ac præter intentionem aliquando possunt occidi, ut puta si Bellum geri, vel victoria obtineri nequit, nisi innocentes una cum nocentibus, quibus permixti sunt, simul occidantur: prout accidit in arcium eversione, urbium expugnatione, &c. Nam tunc ratio boni communis præponderat privato.

49. CONCL. VII. In Bello justo bona mobilia ab hostibus capta Jure Gentium sunt occupantis; quod verum est, nisi consuetudo, vel leges particulares locorum contrarium statuunt: Bona autem immobilia sunt Principis, vel Reipublicæ, justum bellum indicentis. Ita communis; & patet ex §. *Item ea Instit. de Rerum divisione*, ibi: *Ea, quæ ex hostibus capimus, Jure Gentium statim nostra sunt.* Concordat textus l. *Si quid bello. ff. de Captivis*, juncta Glossa ibidem, recte hoc de rebus mobilibus intelligente. Quod si tamen alicubi vigeat lex particularis, vel consuetudo, ut tota præda in communi reponatur, & singulis æqualiter dividatur, juxta illud



illud Davidis Regis effatum, 1. Reg. 30. *Aequa pars erit descendenti ad praelium, & remanenti ad sarcinas, & similiter dividunt*: tunc ea omnimodis erit observanda.

30. Dicitur notanter, in Bello iusto. Nam capta ab hostibus in Bello iniusto, omnia sunt obnoxia restitutioni; ut dictum n. 42. Plura de Bello dicere non juvat: si verum est illud Poetae:

*Nulla salus Bello: pacem deposcimus omnes.*

\* Quinimo bona mobilia spiritualia, seu principaliter ad finem spiritualem ordinata, v.g. Patena, calices, pretiosa paramenta &c. etiam in Bello iusto Ecclesiis ablata non sunt capientium; cum sint res extra commercium humanum. Ita Suarez disp. 13. de Charit. sect. 7. n. 17. Sylvester & Bellum III. m. 6. & Petrus Marchantius Tom. 3. Trib. Sacrament. sect. 8. Tit. 2. q. 3. Conclus. 4. Adeoque tenerentur milites Christiani similia deprædantes iterum restituere: quia tales res non sunt sub commercio humano. Quoniam vero hoc in praxi raro fieri videmus, præsertim, si milites Hæretici cum Catholicis commixti sunt, permittunt, imo suadent Doctores, ut alii incolæ similes res spirituales à militibus vili pretio (prout plerumque milites sic solent venales exponere) comparent cum hac intentione, quod illas velint iterum Ecclesiæ, ad quam spectant; si eandem rescierint, restituere; recepto redemptionis pretio; quale pretium etiam teneretur Ecclesiæ reddere, utpote cuius negotium utiliter talis gessit. Ita Diana part. 6. Tract. 4. Resol. 23. Bassæus & Bellum n. 19. & Bohacina de Restit. in part. disp. 2. q. ult. sect. 1. punct. ult. n. 24.

Quærit. I. Ad quem pertineant bona mobilia temporalia per hostem ablata, & denovo per milites defensores illius regionis recuperata? Casus potest esse iste: Hufari hostiles ex licentia sui Capitanei deprædati sunt certos pagos, præter pecora alia insuper bona auferentes, & in sua castra tamquam in locum tutum deportantes. Intra paucos dies hi Hufari ab aliis militibus dictæ Regionis defensoribus ex improvise obtruntur, quibus etiam tota præda, Hufaris partim cæsis, partim in fugam actis, in manus venit. Quæritur jam, an dicti milites teneantur hanc prædam iterum restituere prioribus Dominis, vel eam possint sibi retinere? Resp. I. Si pecora vel alia bona temporalia dicti milites virtute bellica ab hostibus Hufaris recuperarunt pro tunc; quando hanc prædam necdum ad castra, aliunde locum tutum deportarunt; tenentur iterum rusticis restituere; cum tali modo hi milites non fiant Domini prædæ: taliter enim intelligendus est textus L. ab hostibus 12. §. Servi autem C. de Postliminio reversis, ubi ait: *militem eorum, quæ virtute bellica acquisivit, non Dominum; sed defensorem esse debere.* Atque sic sentiunt Angelus, ac Salicet. in L. ab Host. C. de Capt. & eo modo etiam explicanda erit Glossa apud Gothofredum in L. in Bello §. Si quis servum ff. de Captiv. & Postlim. dum inquit, *res meas virtute bellica recuperatas mihi gratis debere restitui.* Resp. II. Si præfati milites hanc prædam recuperarunt, jam deportatam antea ab hostibus in tutum locum, non obligantur reddere primo spoliatis. Ita

Ita desumitur ex L. si quid Bello ff. de Captiv. ibi: *si quid Bello captum est, in prada est, nec postliminio redit.* Intellige: si recuperetur ab hostibus jam tranquille possidentibus, & quidem virtute bellica: sic enim hæc leges ad invicem concordantur, prout bene notandum.

Quærit. II. An bona mobilia temporalia, quæ ab hoste in bello iusto capta, & postmodum incolis illius regionis, in qua spoliū contigit, vendita fuerunt, possint denovo prætendi a primis Dominis jure Postliminii? Casus formari potest sequens: Milites castra metati in terra hostili, data ab eorum præfecto spoliandi licentia, divitem prædam ex confinibus ad castra tamquam locum tutum comportarunt: post aliquod tempus discedere iussi, quoniam non omnia utensilia ex præda acquisita sequi commodè accipere poterant, non pauca ex iis vili pretio quibusdam incolis horum confinium vendiderunt. Quæritur modo, an illi, qui fuerunt antea horum utensilium Domini, possint oblato pretio ab emptoribus saltem per sententiam iudicis eadem iterum prætendere jure postliminii? ubi nota, quod jus postliminii nihil aliud sit, quam *jus amisse rei recipienda ab extraneo; ac in statum pristinum restituenda.* H. N.

Resp. Prædicta bona mobilia temporalia, si emptoribus pretium, quod dederunt, offeratur, possunt iterum prætendi a primis Dominis jure Postliminii, saltem in locis, ubi lex Postliminii adhuc in usu. Probatur ex L. in Bello 12. §. Si quis servum. ff. de Captiv. & Postliminio &c. ibi: *Si quis servum &c. ab hostibus captum redemerit, pretium redimentis est, quamvis scientis alienum fuisse; sed oblato ei pretio, quod dedit, Postliminio reddisse, aut receptus esse servus creditur.* Ubi glossa apud Dionysium Gothofredum sic habet: *Res meas ab hoste qui recuperat, eas mihi restituere cogitur.* Accedit lex Id quod. 9. ff. de legat. I. Ita præter Covarruviam part. 2. Relect. c. peccatum de Redul. Tom. 1. §. ij de Capt. in Bello & serv. person. n. 7. etiam sentiunt Jason, Bartolus & Paulus Castrensis in dictam legem scribentes; ubi ultimus sic habet: *Postquam res fuit nostra, spectatur recuperari fictione Postliminii, quod locum habet in rebus; sicut in personis.* Nec opponas textum Juris superiori quaesito allegatum, L. si quid. ff. de Captiv. &c. ibi: *Si quid in Bello captum est, in prada est, nec Postliminio redit.* Resp. enim conformiter dictis; allegatam superiori quaesito legem loqui de recuperatis virtute bellica ex præda in loco tuto posita; ubi lex specialiter propter Virtutem bellicam militibus favet; in præfati autem fit sermo de recuperatis ab hoste per emptionem; quæ duo ad invicem non debent confundi.

Quærit. III. Qualia sint specialia peccata, quæ possunt in Bello committere Principes, Duces, & milites? Resp. I. Posito etiam Bello iusto, Principes peccant, in primis, si stipendia non tribuant in pretium laborum & periculorum, quæ miles subit. Secundo, si negligent refarciri damna, quæ milites ex denegatione stipendii necessitate pressi subditis aliis inferunt: solent enim ob dictam causam non dati stipendii vicinos Populos molestare, & varia ab illis extorquere. Tertio, sine causa

causa, & temere Exercitum periculo maximo exponant: non enim Princeps Dominus est vitæ subditorum, sed Gubernator, neque pro suo arbitratu potest bona illorum expendere, sed prout communi bono necessarium fuerit, alias non Rex, sed Tyrannus erit. Resp. II. Duces militiæ gravissime peccant, & ad restitutionem obligantur. *In primis*, si plures milites repræsentent, quam secum habeant, aut iusta consuetudo admittat, ut sic plura stipendia accipiant, & sibi retineant. *Secundo*, peccant Duces & Commissarii exercitus, si vel ex negligentia vel muneribus Judæorum &c. excæcati pabulum pro equis, vel alimenta pro militibus scienter permittant advehi jam corrupta, ex quibus sequatur mors militum vel equorum, aut morbi, &c. *Tertio*, peccant Duces transeuntes cum suo exercitu, præsertim Castrorum metatores, qui tenent loca vicina suspensa, neque manifestant, quo sint diversuri; ut sic accedat, & offerat unusquisque locus magnam quantitatem pecuniæ, ne illuc exercitus transeat. *Quarto*, peccant Duces, signantes ultra legitimam consuetudinem suos famulos in milites & centuriones, ut stipendium a Principe designatum imminuant, & sibi illam partem reservent. Resp. III. Milites peccant, *in primis*, si temere & absque ulla ne-

cessitate periculo vitæ se exponunt; at, quando est probabilis spes utilitatis Reipublicæ &c. laudabile erit militi, & actus fortitudinis, vitam suam periculo exponere. *Secundo*, peccant, si Stationem aut pugnam deserant, etsi adsit periculum mortis; nam sic totam communitatem exponerent periculo. *Tertio*, peccant mortaliter, si a castris deficient: quia sub hac obligatione sunt conducti; nam si hæc facultas discedendi libera esset cuilibet militi, non posset Dux secure ad bellum procedere; cum enim existimaret, sufficientem numerum se habere ad pugnam, vacuum se & inermem inveniret. *Quarto*, si ultra debitum stipendium quidpiam notabile accipiant, præter id, quod consuetudine jam recepta illis debitum est; unde etiam obligati sunt ad restitutionem. *Quinto*, qui pabulationem in terra amica (secus si in terra hostili) instituunt, quamvis sufficiens pabulum aliunde advehatur, aut pretio comparari valeat, Lessius in *Auct. y. Bellum casu 4.* Quamvis non desint Auctores teste La Croix *lib. 3. part. 1. num. 883.* existimantes, ex communi consuetudine licitam esse pabulationem, tamquam onus commune prædiorum, quando pro utilitate Provinciæ Bellum geritur. Si plura cupis, vide nostrum Petrum Marchantium *Tom. 3. tract. 8. per totum.\**

## TRACTATUS V.

### DE RELIGIONE, ET VITIIS OPPOSITIS.

1. **P**Ræfens de Religione Tractatus, & cuivis Catholico perutilis, & Confessariis scitu admodum est necessarius: cum enim ad Religionis virtutem pertineat, uni DEO debitam exhibere reverentiam & cultum, eademque inter alias virtutes Morales sit excellentissima, utpote proximius ad DEUM accedens, in quantum operatur ea, quæ directe & immediate ordinantur in honorem Divinum; hinc patet, quam utilis sit cuilibet tantæ virtutis exactior notitia, ad perfectiorem illius exercitationem apprime conducens.

#### DISTINCTIO I.

*De Virtute Religionis, & variis ejus Aliis.*

#### QUÆSTIO I.

De natura, objecto, & præstantia virtutis Religionis

1. *Utilitas præsentis Tractatus.*
2. *Religio, unde sic dicta?*
3. *Sumitur tripliciter.*
4. *Religio, quid?*
5. *Cultus & Honor differunt; quomodo?*
6. *Objectum Religionis quale?*  
(a) Ut dictum Tract. 4. Dist. 1. n. 8. & 10.
7. *Religio inter virtutes Morales præstantissima.*
8. *A Religione possunt imperari actus virtutum Theologicarum, & aliarum omnium.*

2. **N**omen Religionis a religendo dictum est, eo quod nos Omnipotenti DEO religet, seu astringat, juxta illud D. Augustini, *lib. De vera Relig.* circa finem: *Religet nos Religio uni Omnipotenti Deo.* Quamvis alii aliam hujus no-

minis derivationem assignent, dum volunt, Religionem dici a *relegendo*, quod ea, quæ ad cultum Divinum pertinent, sapius sint animo relegenda, seu revolvenda: vel tandem a *religendo*, quod per eam Deum, quem per peccatum rejecimus, rursus eligamus, seu reeligamus.

3. Tripliciter autem sumitur Religio. I. Pro virtute, quo debitum Deo cultum exhibemus. II. Pro formula cultus Divini omnibus communi, per quam mancipantur homines obsequio divino, quantum præcise necessarium est ad salutem consequendam: sic dicitur Religio Christiana, & Religio Catholica. III. Pro Statu Religioso; nec aliud est, quam Fidelium ad Christianæ Charitatis perfectionem tendentium, editis votis perpetuæ Paupertatis, Castitatis, & Obedientiæ, stabilis in communi vivendi modus: in quo sensu dicitur, *Religio Seraphica, Religio S. Dominici*, &c. & ejus Professores dicuntur *Religiosi* & quandoque *Regulares*, a speciali Regula, quam profitentur. In proposito sumitur Religio in prima dumtaxat acceptione, seu quatenus est virtus, prout inscriptio præsentis Distinctionis, & quæstionis, satis indicat, ibi; *De Virtute Religionis.*

4. **CONCL. I.** Religio est virtus moralis, inclinans ad debitum cultum DEO tamquam primo rerum omnium Principio exhibendum. Ita Lactantius *lib. 4. Divin. Instit. cap. 28.* estque in re communis. Dicitur, *Virtus*; quæ particula stat loco generis. Et additur, *Moralis*: ad differentiam Virtutum Theologicarum, a quibus distinguitur.

s. Dicitur.

5. Dicitur ulterius, *ad debitum cultum &c.* Ubi per cultum intelligitur honor, non quidem quomodocunque, sed cum quadam animi submissione exhibitus Deo, *tanquam primo rerum omnium Principio*, prout denotant verba sequentia: Nam huiusmodi submissionem honor in genere non includit: quia honor exhibetur non solum Superioribus, sed etiam æqualibus, imo & inferioribus, juxta illud Apostoli *Rom. 12. Honore invicem prævenientes*. Honor quippe generatim nihil aliud est, quam testimonium excellentiæ alterius; Cultus autem ulterius addit submissionem unius ad alium: unde Deus honorat quidem Sanctos, non vero colit. Nos vero per virtutem Religionis non solum absolute seu nude honoramus Deum, ipsius protestando excellentiam; sed etiam colimus, protestando supremam ejus excellentiam, nostramque ad ipsum submissionem, tamquam ad primum rerum omnium Principium: utpote cum omnia producat, conservet, atque gubernet infinita Sapientia, Bonitate, atque Potentia sua.

6. CONCL. II. Objectum materiale atque immediatum Religionis, sive *Objectum Quod* (ut loquuntur Theologi) non est DEUS, sed ipsemet debitus cultus Deo exhibendus; quantvis virtus Religionis remote quodammodo, & indirecte, etiam Deum respiciat pro objecto, nempe pro *Objecto Cui*: id est, quem attingit per actus suos tamquam finem, seu cui debitum cultum exhibere studet. Ita Lessius *lib. 2. de just. & jure, & cap. 36. dubitat. 2.* Herinex *disp. 1: de Religione, quæst. 1.* estque in re communis. Ratio est: quia per hoc Religio differt a tribus Virtutibus Theologicis, Fide, Spe, & Charitate, quod hæc immediate respiciant Deum, tamquam *Objectum Quod*, saltem primarium; ideoque immediate nos jungant Deo. Econtra vero Religio respicit immediate cultum Deo exhibendum, tamquam *Objectum Quod*, ipsum vero Deum tamquam *Objectum Cui*, seu mediante cultu, qui ei exhibetur. (a) Porro Objectum formale Religionis vel est ipsa Divina Excellentia, vel debitum in ea fundatum, indeque consurgens honestas colendi Deum.

7. CONCL. III. Et si Virtutes Theologicæ sint præstantiores Religione, eo quod immediate attingant Deum, tamen inter Virtutes Morales Religio est omnium præstantissima. Ita Doctores communiter cum D. Thoma 2. 2. q. 81. art. 6. Ratio est: quia excellentia virtutum desumitur ex præstantia objecti, ac modi illud attingendi: atqui Religio post Virtutes Theologicas (utpote quæ pro objecto immediato habent ipsummet Deum) habet objectum præstantissimum, videlicet debitum cultum Deo exhibendum, simulque magis de propinquo accedit ad Deum, tanquam ultimum Finem nostrum; ergo. Minor probatur inductione: nam Misericordia v. g. respicit pro objecto miseriam Proximi sublevandam, justitia jus suum cuilibet reddendum, & sic loquendo de cæteris; At Religio respicit pro objecto cultum Deo exhibendum, sicque propinquius attingit Deum.

8. CONCL. IV. Nihilominus actus Virtutum tum Theologicarum, tum aliarum omnium, possunt a virtute Religionis imperari, sicque aliquo

modo ad hanc spectare. Ita Herinex *loc. cit. n. 3.* Ballæus *tom. 1. Vers. Religio. 7. num. 5.* & alii. Ratio est: quia omnes actus aliarum Virtutum possunt assumi, ut medium colendi Deum, atque supremam ejus excellentiam profitendi. Sic D. Augustinus c. 3. *Enchiridii* ait, quod *Deus colitur Fide, Spe, & Charitate*. Similiter D. Jacobus in *sua Canonica cap. 1.* ait: *Religio munda & immaculata hæc est, visitate pupillos & viduas in tribulatione eorum, & immaculatum se custodire ab hoc seculo.* Hoc quippe verificatur ex eo, quatenus ex motivo colendi Deum, nostramque erga eum submissionem profitendi, tales Virtutum actus elicimus: qui proinde a virtute Religionis imperantur, seu causantur. Nisi dicere velis cum Lessio *loc. cit. num. 12.* Religionem & Cultum interdum sumi generatim pro omni Virtutis officio, quo ordinamur ad Deum, sicque accipi in citato S. Scripturæ textu.

## Q U Æ S T I O II. De variis actibus virtutis Religionis.

### S U M M A R I U M.

9. Religio generatim, & proprie accepta.
10. Actus Religionis universim quot?
11. Alii sunt interni, alii externi.
12. Devotio; ut est specialis actus Religionis, quid?
13. Devotionis largior acceptio.
14. Devotionis causa.
15. Sacrificium proprie, quid?  
(a) Tract. 14. Dist. 5. per. totum  
(b) Ut dictum Quæst. præc. n. 5.
16. Sacrificium sumitur quandoque large.
17. Oblatio late, & proprie accepta; quid?  
(c) Plura de his Tract. 11. Dist. 4. n. 9. & seqq.
18. Primitia, quid?
19. Decima, quid?  
(d) Tract. 11. Dist. 4. quæst. 1. & seqq.
20. Adjuratio, quid?
21. Fit duobus modis.
22. Laus Dei.

9. **A**dvertendum, quod, quamvis Religio interdum sumatur generatim pro omni actu virtuoso, quo ad Deum ordinamur, eique obedire & placere studemus (nam & hoc modo servire Deo, sicque nostram erga Deum submissionem profiteri satagimus) proprie tamen illi sint actus virtutis Religionis, atque ab ea proxime eliciantur, qui peculiariter continent nostram erga Deum subjectionem, seu quibus proprie significamus Divinam Excellentiam, & nostram erga Deum submissionem: Et de his loquendo, sit.

10. CONCL. I. Actus Religionis universim sunt undecim, videlicet Adoratio, Oratio, Devotio, Sacrificium, Oblatio, Primitia, Decima, Votum, Juramentum, Adjuratio, & Laus Dei. Ita Doctor Angelicus 2. 2. q. 28. & seqq. cum communi; & patebunt singula magis ex dicendis.

11. CONCL. II. Ex huiusmodi Actibus Religionis alii sunt interni, alii externi. Horum priores sunt, qui sola mente interius perficiuntur: ut sunt Devotio, & Oratio: datur enim & Oratio mentalis, ac proinde hæc non necessa-

rio in opus externum prodeunt: ut sunt Sacrificium, Oblationes, præstatio Primitiarum, vel Decimarum, & hujusmodi. Et de his omnibus singillatim agendo, sit

12. CONCL. III. *Devotio*, ut est specialis actus Religionis, nihil aliud est, quam interna quædam sui ipsius ad cultum Divinum oblatio, seu traditio; & recte describitur, dicendo: *Devotio* est actus voluntatis hominis, offerentis seipsum Deo ad serviendum. Ita communis: nam *Devotio* dicitur a *devovendo*, seu se ad alicujus servitium totaliter obstringendo. Unde & olim apud Gentiles *Devoii* dicebantur, qui seipsos Idolis devovebant in mortem.

13. Dicitur notanter, *Devotio, ut est specialis actus Religionis*. Siquidem *Devotio* quandoque sumitur non pro actu peculiari, sed pro ipsa pia affectione, seu promptitudine ad faciendum ea, quæ sunt Cultus Divini; ut sunt Orationes, Laudes Dei, Sacrificium, &c. Qua ratione illi, qui prompte & ferventer talia affectant, & superatis vani timoris, tergiversationis, & aliarum perturbationum difficultatibus, cum gaudio spirituali similia præstant, dicuntur *Devoii*: & merito, quia ostendunt se Divino cultui & servitio esse totaliter addictos, & mancipatos. Hinc etiam nonnumquam illi, qui in seculo vivunt sub obedientia & directione alicujus Patris Spiritualis, *Devoii* appellantur, utpote specialius Dei servitio dedicati.

14. Porro *Devotionis* hujus causa principalis est S. Sanctus, intellectum illuminans, & voluntatem accendens: quamvis ex parte nostra plurimum ea foveatur ex attenta & frequenti consideratione Divinarum Perfectionum, Beneficiorum Creationis, Conservationis, Gubernationis, ac præsertim Redemptionis per Christum factæ, atque vicissim propriæ nostræ indigentia & miseria. Nam ex harum pia ruminatio oritur in nobis humilitas, & pia affectio totaliter nos Divino cultui & servitio mancipandi; sicque immiscet se diversi actus aliarum Virtutum, præsertim Theologicarum.

15. CONCL. IV. *Sacrificium* proprie acceptum, ac prout est actus distinctus a cæteris actibus Religionis, est oblatio externa rei permanentis Deo exhibita, qua significatur supremum Dominium atque excellentia Dei, & subjectio sacrificantis ad ipsum, mediante aliqua ipsius rei oblata destructione, seu immutatione. Ita in re communis. Dicitur, *Oblatio externa*. Quia *Sacrificium* proprie dictum est actus Religionis, & quidem externus, consistens in externa alicujus rei oblatione: prout in Veteri Lege factum legimus in immolatione boum, arietum, vitulorum, hircorum, Agni Paschalis, atque in effusione diversorum libaminum. Sed hæc omnia *Sacrificia* de facto in Lege Evangelica coadunata sunt in uno tremendo, & incruento Missæ Sacrificio; de quo tamen plura suo loco. (a) Dicitur ulterius, *qua significatur supremum Dominium Dei, & subjectio sacrificantis ad ipsum*. Siquidem in hoc consistit ratio virtutis Religionis, quod Deo debitum exhibeamus cultum cum nostra erga ipsum submissione. (b)

16. Additur vero, *Sacrificium proprie acceptum,*

*& prout est actus distinctus a cæteris actibus Religionis*. Si quidem large ac improprie loquendo, *Sacrificium* quandoque accipitur pro quolibet opere bono, quod instar Sacrificii Deum placat, & conciliat: quo modo Contritio, Eleemolyna, imo & quodvis opus justitiæ, non raro in S. Scriptura *Sacrificium* vocatur, ut *Psal. 50. Sacrificium Deo Spiritus contribulatus. Psal. 4. Sacrificate sacrificium justitiæ*. Et *Psal. 49. Sacrificium Laudis honorificabit me*, & alibi. Verum in hisce textibus *Sacrificium* non accipitur proprie, ac prout est actus specialis Religionis, sed improprie, atque large pro quolibet actu bono in Deum relato.

17. CONCL. V. *Oblationis* nomen dupliciter sumitur: I. Late seu genericè, pro omni videlicet re ad cultum Divinum oblata, seu data: quo modo quaslibet oblationes ad Dei cultum factas, & ipsas quoque Primitias atque Decimas comprehendit. II. Proprie, ac prout est specialis actus Religionis; sicque *Oblatio* accipitur pro spontaneis illis oblationibus seu donis, quæ Fideles ob Dei cultum atque honorem ad Altare deferre solent: quales oblationes ad Templum, & Arcam Dei, olim plurimas factas esse, constat ex S. Scriptura passim, talesque etiam de facto tum sub Missarum Solemnis, tum alias crebro fieri videmus. (c)

18. CONCL. VI. *Primitia* vocantur primi fructus agrorum, vinearum, hortorum, & arborum, Deo, ut Largitori omnium bonorum in signum gratitudinis, nostræque subjectionis oblata. Unde patet, oblationem Primitiarum esse specialem actum virtutis Religionis, & quidem externum; cum non nisi per actuale primorum fructuum ad Dei cultum oblationem fiat. Cæterum in animalibus *Primitia* proprio nomine appellantur *Primogenita*.

19. CONCL. VII. *Decima* recte definiuntur, quod sint pars decima omnium fructuum justè acquisitorum, Deo in recognitionem universalis sui Domini debita, atque Ecclesiæ Ministris quotannis exsolvenda. Ita in re communis, & desumitur ex *can. Decimas Deo. 16. q. 7. & cap. Tua nobis. de Decimis*, ibi: *Decima, quas Deus in signum universalis Domini sibi reddi præcepit, suas esse decimas & primitias asseverans*, cum concordantiis. Verum de Decimis, quin & Oblationibus ac Primitiis, ex professo alibi. (d)

20. CONCL. VIII. *Adjuratio* est rei sacræ contestatio ad permovendum alterum: Ita communis. Sic 1. *T. Psal. c. p. u. 1.* Apostolus petit, dicendo: *Adjuro vos per Dominum, ut legatur Epistola hæc*. Item *Matth. 26.* Princeps Sacerdotum adjuravit Christum, dicendo: *Adjuro te per Deum vivum, ut dicas nobis, si tu es Christus*; & alibi. Igitur *Adjuratio* debite facta est actus Religionis; quia per Divini Nominis invocationem, vel alterius rei sacræ reverentiam adjurando alterum, boni quidpiam ab eo obtinere contendimus; estque Deo gratissimum, si reverentia & amore sui quispiam adjuranti obsequatur, prout & Christus illico Principi Sacerdotum sese adjuranti obsecutus fuit, dicendo manifeste veritatem, de qua interrogabatur.

21. Duobus autem modis *Adjuratio* fieri potest, vide-



videlicet præcipiendo, & deprecando. Exemplum prioris habetur in citatis verbis Apostoli 1. *Thessal. cap. ult.* Et hoc modo etiam adjurantur demones in Exorcismis Ecclesiæ, eisdem imperando, & hac Divini Nominis, atque rerum cælestium contestatione, terrorem incutiendo. Exemplum posterioris habetur in precibus Ecclesiæ, per Christi adjurationem supplicantis exaudiri, dum in earum fine subjungere solet: *Per Dominum nostrum Jesum Christum &c.* vel absolute, *Per Christum Dominum nostrum.* Item & in Litanis deprecari Deum, *Per crucem & passionem, Per mortem & sepulturam* Christi Domini, ac hujusmodi.

22. CONCL. IX. Cum Laus præconium importet, ac proprie sit populi de aliquo recta loquentis, prout explicat Calepinus: quid sit Laus Dei, notum erit omnibus, Laudes divinas in Ecclesia quotidie & audientibus, & personantibus; juxta illud *Apoc. 19. Laudem dicite Deo nostro omnes Sancti ejus, & qui timeatis Deum, pusilli & magni.* Et *Pf. 33. Semper laus ejus in ore meo.* Quamvis Laus Dei, dum fit a nobis Viatoribus, ferme semper Orationi misceatur, sicque ad hanc reduci possit, ut notat Lessius *Lib. 2. cap. 37. num. 1.*

### QUÆSTIO III. De Adoratione Deo debita. SUMMARIUM.

23. *Adoratio, quid?*
24. *Adoratio mere civilis, seu politica; Et Sacra seu Religiosa.*
25. *Hujus tres sunt species, nimirum Latria, Hyperdulia, Et Dulia.*
26. *Adorationis objectum duplex, materiale & formale.*
27. *Deo debetur Cultus Latria.*
28. *Tres Personæ Divinæ sunt una Adoratione adoranda; quomodo?*
29. *Christus adoratur Cultu Latria.*
30. *SS. Eucharistia Sacramentum est adorandum Cultu Latria.*

23. **E**xplicatis præcedenti Quæstione nonnullis actibus virtutis Religionis, qui minori discussione indigere videbantur, pergendum ad reliquos (Juramento, & Voto ad specialem Tractatum reservato) singillatim explicando. Et primo loco occurrit Adoratio, utpote præstantissimus Religionis actus, per quem reveremur supremam Dei Majestatem, nosque illi, quanta possumus, corporis & animæ demissione subijcimus. Siquidem, ut inquit S. Damasc. *Oras. 1. de Imaginibus: Adoratio est submissionis nota;* id est, Adoratio est actus, quo quis alteri se submittit in recognitionem suæ excellentiæ.

24. Quia vero varia sunt excellentiarum genera, hinc pariter diversæ distinguuntur Adorationum species. Et quidem in primis datur Adoratio mere Civilis, seu politica; qualis exhiberi solet Regibus, Principibusque, propter excellentiam sui status, seu potestatis humanæ, quam præ aliis habent: quo modo passim in S. Scriptura leguntur quidam adorasse suos Reges; ut David 1. *Reg. 20. Adoravit tertio Jonathan, cadens pronus in terram.* Verum de Adoratione mere Civili in proposito non agitur, sed solum de Adoratione

sacra sive religiosa, quæ cuiquam exhibetur ob excellentiam suam sacram & supernaturalem. Et de hac loquendo, sit

25. CONCL. I. Adorationis sacræ seu Religiosæ tres sunt species, videlicet Latria, Hyperdulia, & Dulia. Ita communis Catholicorum. *Latria* juxta receptum Theologorum sensum, significat supremam & singularem illam Adorationem, quæ soli Deo propter summam atque infinitam suam excellentiam debetur: unde taliter describi solet: Adoratio Latriæ est actus Religionis, quo quis alteri (scilicet DEO) sese submittit, tamquam habenti supremam supra se excellentiam. Per *Hyperduliam* intelligitur Adoratio, seu cultus ille, qui exhibetur creaturæ cuiquam propter singularissimam suam excellentiam: & talis competit Beatissimæ MARIE Virgini, propter excellentiam Maternitatis DEI, ac specialissimam Sanctitatem, aliaque excellentissima dona sua. Per *Duliam* vero communiter intelligitur cultus ille, qui debetur Sanctis propter supernaturalem excellentiam suæ sanctitatis & gloriæ, quam habent in Cælis.

26. Et notandum est, quod objectum Adorationis sit duplex, formale scilicet & materiale. *Objectum formale* Adorationis est ratio ipsa, propter quam aliquid adoratur: cujusmodi ratio adorandi semper est dignitas, & excellentia reperta in persona, quæ adoratur. *Objectum materiale* est ipsa res, seu persona adorata, in qua reperitur ejusmodi excellentia. Sic cum Christum Dominum adoramus cultu Latriæ, ipsemet Christus est objectum materiale Adorationis; Divinitas vero Christi, ejusque suprema excellentia, est objectum formale ipsius.

27. CONCL. II. DEO, totique Sanctissimæ Trinitati, ac cuilibet Personæ Divinæ, debetur cultus Latriæ. Ita certa, & indubitata omnium Catholicorum: cum quælibet Persona Divina sit DEUS: DEO autem propter supremam suam in omnes excellentiam deberi cultum Latriæ, patet ex ipsa hujus nominis explicatione jam posita.

28. CONCL. III. Tres personæ Divinæ una Adoratione sunt adorandæ; non quidem sic hoc intelligendo, quasi una non possit distincte ab aliis adorari, sed sic, quod aliæ duæ explicite non excludantur. Ita communis Theologorum, ac præsertim Mastrius *disp. 11. Theol. Mor. num. 18.* Ratio prioris partis est: quia una est essentia, excellentia, Divinitas atque Majestas omnium trium Personarum Divinarum; & per consequens una Adoratio debetur omnibus. Altera pars patet: quia, sicut unam Divinam Personam possumus distincte concipere ab aliâ, ita & adorare, modo alteram explicite non excludamus. Unde in Litanis nunc Patrem, nunc Filium, nunc Spiritum sanctum invocamus; & pleræque Orationes Ecclesiæ diriguntur modo ad Patrem, modo ad Filium, modo ad Spiritum sanctum, quamvis interim cæteræ Personæ explicite non excludantur. Impium enim, ac nefarium esset, alias excludere explicite; quia, licet tres sint Personæ SS. Trinitatis, una tamen omnium est Essentia, Divinitas atque Majestas. Hinc dum unam Personam SS. Trinitatis adoramus, ac invocamus, semper implicite ad alias duas, ceu unum Deum, nostra dirigitur adoratio, atque invocatio.

R 2

29. Concl.

29. CONCL. IV. Christus est adorandus Adoratione Latriæ. Est de Fide. Ratio est: quia Christus non solum est homo, sed etiam verus Deus, cui utique debetur cultus Latriæ. Nec obstat, quod Christus simul includat naturam humanam, quæ non videtur posse adorari cultu Latriæ. Resp. enim, hinc solum sequi, quod natura humana non spectet ad objectum formale Adorationis, sive quod non sit ratio formalis adorandi Christum, utpote quæ est Divinitas ejus: non autem, quod non spectet ad objectum materiale, seu *Quod* Adorationis, ut loquuntur Theologi. Nam, quia juxta Symbolum S. Athanasii, licet Christus sit *Deus & homo, non duo tamen, sed unus est Christus*, etiam unica Adoratione Latriæ is adoratur: in qua tamen ratio formalis & motiva adorandi est Divinitas ejus; objectum vero materiale seu *objectum Quod*, ac terminus adæquatus hujus Adorationis, est unus ac totus Christus, verus Deus, verusque homo.

30. CONCL. V. Etiam Sanctissimum Eucharistiæ Sacramentum est adorandum cultu Latriæ. Ita omnes Catholici: estque novissime definitum in Concilio Tridentino *Seff. 13. cap. 5. & can. 6. ibi: Si quis dixerit, in sancto Eucharistiæ Sacramento Christum unigenitum Dei Filium non esse cultu Latriæ, etiam externo adorandum, &c. vel non publice, ut adoretur, populo proponendum, & ejus Adoratores esse idololatrias, anathema sit.* Ratio est: quia in Sanctissimo Eucharistiæ Sacramento adest, realiterque continetur Christus Dominus, verus Deus, cultu Latriæ dignissimus.

#### QUÆSTIO IV.

De Cultu Sanctorum, Sacrarum Reliquiarum, atque Imaginum.

##### SUMMARIUM.

31. *Adoratio absoluta, & respectiva, quid?*
32. *Sancti in cælis adorantur Cultu Dulæ, B. V. Maria Cultu Hyperdulæ absoluto.*
33. *Hic cultus est sacer.*
34. *SS. Reliquia, & Imagines, quomodo venerantur?*
35. *Verba notabilia Conc. Trid. circa cultum SS. Imaginum.*
36. *Imagines possunt dupliciter considerari, quomodo?*
37. *Objectiones Hæreticorum contra Imagines diluitur.*
38. *Homines Sancti necdum Canonizati non possunt cultu publico honorari, bene tamen privato.*
39. *Cultus publicus, & privatus, quis?*
40. *Corollaria de cultu privato.*
41. *Corollaria de cultu publico.*
42. *Limitatio prædictorum.*  
*Forma Canonizationis, quæ nunc est, olim non requirebatur.*
43. *Decretum Urbani VIII. circa Imagines Sanctorum necdum Beatificatorum.*
44. *Declaratio dicti Decreti.*

31. **A**dvertendum, quod Adoratio alia sit absoluta, alia respectiva. Absoluta convenit rei intellectuali, quæ per se honorabilis, atque adorabilis est: sic Deus, ac Christus cultu Latriæ absoluto est adorandus. Unde *Adoratio absoluta* illa est, qua quis colitur ob perfectionem, atque excellentiam sibi intrinsicam. *Ado-*

*ratio respectiva* vero, qua quis adoratur seu colitur propter excellentiam alterius, quam res præsentat, aut in ordine ad eam consideratur: unde hæc convenit rebus etiam ratione carentibus, utputa sacris Imaginibus, quæ non propter se, sed propter alium, quem repræsentant, honorantur. His notatis, sit

32. CONCL. I. Sancti, cum Christo in cælis regnantes, adorantur seu coluntur cultu Dulæ absoluto, propter excellentiam suæ sanctitatis & gloriæ: Beatissima Virgo MARIA vero cultu Hyperdulæ, tum ob perfectissimam atque excellentissimam ejus præ cunctis puris creaturis Sanctitatem & gloriam; tum ob singularissimam dignitatem Maternitatis DEI, qua vere nominatur, & est Mater Dei & Christi. Ita omnes Catholici.

33. Et nota, hujusmodi Adorationem seu cultum Sanctorum (qui duo termini apud Theologos inter se confunduntur; quamvis inter rudiores, ac præsertim in publicis Concionibus lingua Germanica habitis, *ad Adorare* cultum Latriæ Deo debitum, & *ad colere* seu *venerari*, cultum Sanctorum denotare soleat) esse cultum sacrum & religiosum: quia objectum ejus formale, nempe excellentia Sanctitatis, gratiæ, & gloriæ, propter quam Sanctos, tamquam Dei Amicos, veneramus, est aliquid sacrum & supernaturale. Unde sequitur, cultum Sanctis cum Christo in cælo regnantibus exhibitum, specie distingui a cultu mere civili & politico, qui hominibus, v. g. Regibus, Principibus &c. propter dignitatem sui status, vel potestatem humanam dari solet.

34. CONCL. II. Sacræ Reliquiæ, & Imagines Sanctorum, venerantur cultu Dulæ respectivo; Imagines autem Beatissimæ MARIE Virginis cultu Hyperdulæ respectivo; ac tandem Imagines Dei & Christi, item & Sacra Crux Christi, cultu Latriæ respectivo. Ita rursus Catholici omnes. Et quidem loquendo de sacris Reliquiis Sanctorum, in Concilio Trident. *Seff. 25. in Decreto de Invocatione Sanctorum &c.* sic habetur statutum: *Sanctorum quoque Martyrum, & aliorum cum Christo viventium sancta corpora, quæ viva membra fuerunt Christi, & templum Spiritus sancti, ab ipso ad æternam vitam suscitanda & glorificanda, a Fidelibus veneranda esse, per quæ multa beneficia a Deo hominibus præstantur.* Hæc Concilium, exinde oppositum affirmantes denuo condemnans, prout jam pridem eos damnavit Ecclesia.

\* Porro circa venerationem publicam Reliquiarum notanda sunt in primis verba Concilii Trid. *Seff. 25. in princip. capite de Reliquiis &c.* ubi quoad receptionem novarum Reliquiarum ait: *non esse recipiendas novas Reliquias, nisi re. o. noscente, & approbante Episcopo, qui, simul atque de iis aliquid compertum habuerit, adhibitis in consilium Theologis, & aliis viris piis, ea faciat, quæ veritati, & prædicti consentanea judicaverit.* Secundo notanda veniunt verba S. Congregationis post allegatum caput posita sequentis tenoris: *Sacra Cardinalis Congregatio sic censuit: Sanctorum Reliquia antiqua habenda sunt in illa veneratione, quæ hactenus fuerunt: si vero sint nova, Episcopus servet hoc Decretum: intellege, quomodo antecederet allegatum fuit.*

Notan-

*Quest. IV. De cultu Sanctorum, Sacrarum Reliquiarum, atque Imaginum.* 133

Notanda sunt Tertio sequentia duo Decreta, quorum prius sic habet: *Officium sit duplex, minus de illo Sancto, cujus habetur Reliquia insignis, scilicet Brachium, Caput, Crus vel ea pars Corporis, in qua passus est Martyr, dummodo sit integra & non parva, & modo sit approbata, cujus ratione sit Symbolum in Missa.* Ita Decretum 8. April. 1628. Alterum: *De Sancto, cujus habetur corpus, vel insignis Reliquia, non potest fieri officium, nisi constet de identitate, & nisi reperiat in Martyrologio Romano.*

Qualiter autem non physice, sed tantum moraliter, & verosimiliter debeat constare de Identitate Corporis, varios modos Felix Potestas *Tom. I. Exam. part. 2. cap. 6. num. 1527.* docte assignat. e. g. probatur identitas Corporis I. Per Instrumentum publicum seu authenticum. II. Per Scripturam etiam non authenticam, subscriptam tamen a Superiore & duobus testibus, vel saltem præter subscriptionem Superioris habentem appressum Sigillum. III. Per Scripturam antiquam, quamvis non authenticam, repertam tamen apud Reliquias. IV. Per antiquam traditionem seu vocem publicam & communem &c. putat autem allegatus Auctor ex Bord. Tempus antiquum hic censeri sexaginta annos &c. \*

35. Loquendo nunc de cultu Sacrarum Imaginum, quas tum memoriae gratia, atque ad recolenda Christi & Sanctorum gesta, tum ad impertiendum eisdem honorem debitum atque venerationem retinendas esse, Fides Catholica, atque perpetua Traditio Ecclesiae docet, sunt in primis bene notanda verba S. Concilii Trident. *loc. cit.* sic statuentis: *Imagines porro Christi, Dei-patris Virginis, & aliorum Sanctorum, in templis praesertim habendas, & retinendas, eisque debitum honorem & reverentiam impertiendam: non quod credatur inesse aliqua in iis divinitas, vel virtus, propter quam sint colenda; vel quod ab eis sit aliquid petendum, vel quod fiducia in imaginibus sit figenda, veluti olim fiebat a Genibus, qui in Idolis spem suam collocabant: sed quoniam honor, qui eis exhibetur, refertur ad Prototypa, quae illa representant, ita ut per Imagines, quos osculamur, & coram quibus caput aperimus, & procumbimus, Christum adoremus, & Sanctos, quorum illa similitudinem gerant, veneremur, id quod Conciliorum, praesertim vero secunda Nicæna Synodi decretis contra imaginum oppugnatores est sancitum: Hæc Concilium; cui modo loquendi ubique nos oportet insistere.*

36. Uterius quoad hunc Sacrarum Imaginum cultum advertendum est cum Filiucio *tract. 23. de Religione, cap. 1. n. 27.* & aliis: dupliciter Imagines considerari, ac venerari posse. Primo, quatenus sunt res quædam sacrae, spectantes ad usum Pietatis, & Religionis: quod est, considerare Imagines materialiter. Deinde, quatenus sunt Imagines, ac repræsentativæ Prototypi; quod est considerare Imagines formaliter. Si ergo considerentur Imagines primo modo, honorandæ sunt tantum ut res quædam sacrae; prout etiam vestes, spectantes ad usum Pietatis & Religionis, in veneratione habentur: si secundo modo, honorandæ sunt sicuti Prototypa, cultu tamen respectivo. Circa quod ultimum extat communissimum inter Doctores dictum, quod, si

Prototypum adoretur adoratione Latriæ absoluta, Imago ejus adoranda sit adoratione Latriæ respectiva; si autem Prototypum adoratur adoratione Hyperdulæ, vel Dulæ absoluta, Imago ejusdem adoretur adoratione Hyperdulæ, vel Dulæ respectiva.

37. Nec dicatur cum Hæreticis: *Exodi c. 20.* habetur: *Non facies tibi sculpsile, neque omnem similitudinem, quæ in cælo desuper &c.* ergo usus Imaginum est illicitus. Resp. enim negando consequentiam: nam loco citato, & in aliis hujusmodi S. Scripturae locis, non prohibentur Imagines absolute vel quodcumque sculpsile, sed solum, ut non fiant ad adorandum ea. Unde *loc. cit.* mox subjungitur: *Non adorabis ea, neque coles:* eo videlicet modo, sive cultu Divino, quo Gentiles adorabant communiter sua Idola, deosque alienos. Et certe, si Imaginum, aut cujuscumque sculpturae usus fuisset dictis verbis absolute prohibitus, Salomon pessime egisset, quod in Templo Jerosolymitano posuerit duos Cherubim, 3. *Reg. 6.* Immo & Deus præcepisset contraria, dum Moyse *Num. cap. 21.* præcepit, ut faceret Serpentem æneum: quod absit dicere.

38. CONCL. III. Homines vitæ Sanctitate, vel Martyrii fama insignes, quamdiu a Summo Pontifice vel Ecclesia, in numerum Sanctorum necdum sunt relati, non possunt cultu publico & solemniori honorari, bene tamen cultu privato. Ita Bellarminus *lib. 1. de Sanctis, cap. 10.* Sanchez. *lib. 2. in Decalog. cap. 43. num. 3. & seqq.* & alii communiter. Idque desumitur ex *cap. 1. & ult. de Reliquiis & venerat. Sanct.* ubi prohibetur, aliquem publice venerari pro Sancto absque auctoritate Romanæ Ecclesiae; sicque a sensu contrarius privatus honor permittitur.

39. Porro per *Cultum privatum* intelligitur ille, qui non exhibetur, tamquam institutus ab Ecclesia, neque nomine Ecclesiae, sed fit ex peculiari devotione colentis; sive deinde talis cultus fiat privatim, sive publice, videntibus aliis. *Cultus* autem *publicus*, seu solemnior, non ideo dicitur talis, quod coram aliis exhibeatur, sed quia defertur nomine Ecclesiae, & tamquam ab ea institutus.

40. Hinc sequitur I. Imaginem Sancti nondum Canonizati, neque Beatificati, posse in domibus nostris depingi & retineri, licere pedes vel manus talium Sanctorum deosculari, ipsorum vestes accipere, Reliquias asservare, in eorum honorem jejunare, preces ad Deum fundere, &c. sive alii hoc videant, sive non, dummodo absit scandalum. Ratio est: quia hujusmodi cultus est privatus, & non fit nomine Ecclesiae.

41. Sequitur II. Non posse Episcopum in honorem Sancti necdum Canonizati diem Festum instituere: quia cultus publicus, qualis est celebratio Festi Sanctorum nondum Canonizatorum, reservatus est Summo Pontifici, *cit. cap. 1. de Reliq. & venerat. Sanctorum.* Item non licet privatim, aut publice, in Litaniis, vel Officio Divino, invocare Sanctum nondum Canonizatum: quia Litaniae, & Divinum Officium, sunt cultus, qui Sanctis exhibetur, tamquam institutus ab Ecclesia, & nomine totius Ecclesiae. Sanchez *loc. cit. n. 3.* Bonacina *disp. 3. in Decalogum, quest. 1. num. 2.*

R 3

cum

cum aliis. Idem dicendum de SS. Missæ Sacrificio, ob eandem rationem: unde si a Fidelibus petatur celebratio Missæ in honorem alicujus Sancti necdum Canonizati, oportet celebrare Missam de Festo vel FERIA occurrente, & non propriam Missam, acceptam de Communi cum memoria, & invocatione talis Sancti. Insuper non licet necdum Canonizati Reliquias publice venerandas proponere, sive in processionibus circumferre, aut Altaria vel Tempia ipsis dedicare: hujusmodi quippe cultus pariter censetur publicus, ac proprius eorum, qui ab Ecclesia in Sanctorum numerum sunt relati.

42. Veruntamen hoc intelligendum est, nisi vel speciali Indulto Apostolico provisum fuerit: quo modo patet aliunde, non raro hætenus pro certis locis unum vel alterum prædictum, imo & ipsam celebrationem Divini Officii de nonnullis Sanctis concessam esse, absque alia solemnitate eorum Canonizatione, vel Beatificatione. Vel nisi per antiquam Traditionem, aut universalem Ecclesiæ consensum, de cujuscumque Sanctitate constet: Nam hujusmodi approbatio æquivaleret Canonizationi, & antiquitus non requirebatur forma Canonizationis, quæ nunc in usu est, Bonacina cit. num. 2. Sanchez. num. 11. Suarez, & alii, & concordant dicenda num. seq. in fine.

\* Verba formalia Decreti mandante & approbante summo Pontifice Alexand. VII. editi, & tam in nostri Breviarii Rubricis particularibus n. 64. quam in Theatro Regularium Patris Landusca reperibili, sunt sequentia: *Sacra eadem Congregatio præsentibus declarare, & jussione remove non intendit cultum, Beatis per communem Ecclesiæ consensum, vel per immemorabilem temporis cursum, per Patrum virorumque Sanctorum scripta, vel temporis Centum annorum metam excedentis scientiam, ac tolerantia sedis Apostolica, aut Ordinariorum hætenus præstitum, aut certis modo aut forma ab eo tempore eis exhibitum. Verum, si a Centum annis citra Cultus hujusmodi aliqua ex parte constiterit autus & extensus, eo casu S. eadem Congregatio eundem in pristinum reduci jubet, prout quemvis cultum extra casus prædictos ad expressa tantum verbaliter in Apostolicis indultis omnino revocari mandat.* Hucusque formalia S. Congregationis.

Ex quibus colliges, quod neque de aliquo Beato necdum Canonizato liceret, quando non adfuit superius allegatarum conditiones, recitare officium divinum, aut Missam, immo nec exponere in Ecclesia ejusdem Reliquias &c. prout expresse declaravit Sac. Congregatio apud Landusca loc. cit. Excipe tamen, nisi adfuit specialis summi Pontificis, qualem solet in processu Beatificationis ordinarie concedere; & quidem Primo, ut talis Beati imagines radiis, seu splendoribus exornentur. Secundo, ut Reliquiæ ejusdem venerationi Fidelium exponantur. Terrio, ut Officium & Missa de eodem singulis annis celebretur; non tamen ab universali Ecclesia, sed a certo solum Regno, Provincia, Oppido, vel Religione; ubi a potiori subungi solet, ut etiam alii Sacerdotes ad similes ecclesias confluentes Missam de eodem Beato legere valeant. Quarto, ut primo Beatificationis anno in Ecclesiis hujusmodi Civitatis,

vel Diocesis, aut Religionis solemnia dictæ Beatificationis cum Officio & Missa sub ritu duplicis majoris una vice instituantur. Videantur desuper Bullarium Clementis XI. Constitutione 82. ac Breve Apostolicum Innocentii XIII. quando novissime Andream Conti ex ducali sua stirpe natum, & zelosissimum nostræ Seraphicæ Religionis jam ante quadringentos circiter annos Alumnus numero Beatorum associavit; ubi etiam pro celebranda triduana Solemnitate per tres continuos dies plenarias indulgentias semel a quolibet Fidei lucrandas subjunxit. \*

43. CONCL. IV. Imaginibus Defunctorum, qui cum bona Sanctitatis fama decesserunt, non possunt apponi Aureolæ sive Radii, neque ipsæ in Oratoriis, aut locis publicis exponi, donec a Sede Apostolica Beati declarentur; & si quæ appositæ sunt, omnino amoveri debent. Ita Angelus Landusca in Theatro Regularium, Vers. Beatificatio, num. 2. idque patet ex Decreto Urbani VIII. quod incipit Sanctissimus (& habetur tomo 4. Bullarii Romani, Constit. 39. dicti Pontificis) atque ex alia speciali ejusdem Constitutione, quæ incipit, Cælestis Hierusalem, ac refertur in cit. Bullario, Constitut. 134. dicti Pont. ubi præfatus Pontifex, volens occurrere abusibus, qui irrepererunt in colendis quibusdam cum Sanctitatis, aut Martyrii fama vel opinione defunctis, & necdum Canonizationis vel Beatificationis honore ab Apostolica Sede insignitis, sub gravibus pœnis prohibuit, ne ejusmodi hominum cum Sanctitatis, seu Martyrii fama (quantacumque illa sit) defunctorum Imagines cum aureolis, radiis seu splendoribus in Oratoriis, Ecclesiis, aliisque locis publicis aut privatis apponantur; neve eorum gesta, miracula, revelationes, seu quæcumque beneficia, tamquam eorum intercessionibus a Deo accepta, sine recognitione & approbatione Ordinarii in libris enarrentur; & ne ad eorum sepulcra Tabellæ, atque Imagines ex cera, argento, aliave materia confectæ, vel lampades appendantur. Ubi tamen illico subjungens Summus Pontifex declarat, quod per supra scripta præjudicare in aliquo nolit, neque intendat iis, qui aut per communem Ecclesiæ consensum, vel immemorabilem temporis cursum, aut per Patrum Virorumque Sanctorum scripta: vel longissimi temporis scientia, ac tolerantia Sedis Apostolicæ, vel Ordinarii coluntur.

44. Quia vero postmodum occasione dicti Decreti a quibusdam revocabatur in dubium, an Tabellas & Imagines, quas imposterum offerri contigerit, recipere, & antea oblatas conservare liceret? Eadem Sanctitas, quæ tantummodo voluit occurrere abusibus, qui irreperere videbantur, in alio Decreto (& refertur in cit. Bullario, ad finem præallegatarum Constit. 39. nec non & in cit. Constit. 134.) declaravit, quod suæ intentionis numquam fuerit prohibere oblationem, receptionemque Tabellarum & Imaginum hujusmodi; ita ut approbantibus Ordinariis in secreto aliquo, seorsum ab Ecclesia, loco custodiri, ibidemque jam amota collocari, & asservari possint, ut, si quando Dominus talium Virorum merita Beati-



Beatificationis, seu Canonizationis honore in terris decorare voluerit, extent hujusmodi Sanctitatis qualescunque probationes, Apostolicæ Sedis judicio tunc examinandæ.

QUÆSTIO V.

De Oratione, & Conditionibus ad ipsam requisitis.

SUMMARIUM.

- 45. *Oratio varie accipitur.*
- 46. *Oratio propriissime accepta, quid?*
- 47. *Oratio mentalis, Vocalis, Publica, & Privata qua?*
- 48. *Oratio aliqua est præcepta.*
- 49. *Quibus temporibus urgeat præceptum Orationis?*
- 50. *Quæ bona recte per orationem postulantur a Deo?*
- 51. *Oratio debite facta habet infallibilem effectum.*
- 52. *Sed quatuor ad hoc requiruntur conditiones.*
- 53. *I. Ut Oratio fiat pro seipso.*
- 54. *II. Ut petantur necessaria ad salutem.*
- 55. *Ut Oratio sit pia.*
- (c) *Ut dictum Tract. 1. dist. 2. n. 42. & 45.*
- 56. *III. Ut fiat perseveranter.*
- 57. *Causa, cur multi petant, nec accipiant, qua?*
- 58. *Preces nostræ debite factæ, numquam sunt irritæ etiam pro bonis temporalibus.*
- 59. *Cautela petentium bona temporalia.*

45. **O** Ratio quandoque sumitur large, videlicet pro quacumque actione bona, atque ex pia intentione procedente: in qua acceptione videtur intelligendum illud Lucæ 18. *Oportet semper orare. & numquam deficere.* In quem textum Ven. Beda ait: *Semper orat, qui semper secundum Deum operatur.* Deinde sumitur Oratio magis proprie nimirum pro quovis animi pio motu erga Deum: hoc capitur a S. Damasceno lib. 3. de fide cap. 24. dicente, quod *Oratio sit assensus mentis in Deum*; & sic comprehendit sub se etiam illos pios motus intellectus & voluntatis, quibus Deum laudamus, benedicimus, atque pro acceptis beneficiis gratias agimus. Propriissime tandem Oratio sumitur pro petitione, seu postulatione alicujus boni ad Deum facta; cujusmodi petitionem ipsum *Deo Orare*, ex primæva sua institutione importat.

46. CONCL. I. *Oratio propriissime accepta, est rationalis alicujus boni a Deo postulatio; sive, est decentium a DEO petitio.* Ita in re communis. Tria tiquidem in oratione spectari possunt. I. Deliderium nostrum, quo bonum aliquod nobis, aliisve conferri, vel malum averti cupimus. II. Hujus deliderii practica quædam explicatio, qua Deum conamur inducere ac promovere, ut id præstet, pro quo rogamus. III. Collatio boni deliderati; qualis fit a Deo. Ipsa vero essentia orationis consistit in secundo actu, nimirum in explicatione deliderii nostri per modum deprecationis, seu petitionis.

47. CONCL. II. *Oratio recte dividitur in mentalem & vocalem, ac rursus in publicam & privatam.* Ita communis. *Oratio mentalis* est, quæ non voce, sed mente formatur; exercendo videlicet interiores animæ potentias circa Deum, & Mysteria potissimum Fidei, cum interna & familiari ad Deum collocazione, variisque piis affectibus voluntatis: prout fit in Meditatione; de

qua D. Augustinus lib. de Spiritu & anima, cap. 70. ait: *Meditatio parit scientiam, scientia compunctionem, compunctio devotionem, devotio vero perficit orationem.* Cæterum *Oratio vocalis* est, quæ formatur distinctis verbis ad extra prolatis, exprimentibus pium internum desiderium nostrum ad Deum. Additur notanter, *exprimentibus pium internum desiderium.* Nam hæc sine ulla attentione atque interiori affectu prolata, parum prodest, quin potius iram Dei provocat, juxta illud vulgatum:

*Si mens non orat, in vanum lingua laborat.*

Et tales merito reprehenduntur illis verbis: *Populus hic labiis me honorat, cor autem eorum longe est a me.* Isaia 29. & Matth. 15. *Oratio publica* dicitur, quæ nomine totius Fidelis populi per Ministros Ecclesiæ Deo offertur; ut fit in Missa, & Horis Canonicis: & talis necessario debet etiam esse vocalis. *Oratio privata* est, quam singuli privatim quocumque decenti modo peragunt: de qua loquitur Apostolus 1. Timoth. 2. *Volo ergo viros orare in omni loco, &c.*

48. CONCL. III. *Oratio aliqua est præcepta a Deo, & adultis usum rationis habentibus necessaria ad salutem.* Ita communis; & patet ex S. Scriptura, orationem passim nobis inculcante: ut Coloss. 4. *Orationi instate, vigilantes in ea.* Item 1. Thess. ult. *Sine intermissione orate,* & alibi. Accedit ratio: quia auxilia Divinæ gratiæ, sine quibus homo nequit consequi salutem, communiter a Deo non conferuntur, nisi ad humiles preces nostras, juxta illud Matih. 7. *Petite, & dabitur vobis.*

49. Porro tempora necessario orandi, seu quibus urget præceptum Orationis, apte determinantur a Sannig. tract. de Relig. dist. 1. q. 3. & aliis: ut primo sit necessitas orandi ad Deum tempore obligationis, quo peccator tenetur se reponere in statum gratiæ. Deinde tempore gravis tentationis, quæ alio congruenti remedio repelli nequit. Rursum tempore manifesti periculi mortis, quam constitutus in illo subire debet. Quarto tempore gravis pressuræ Reipublicæ, aut Proximi, quæ sola oratione aboleri potest. Et tandem, quotiescumque aliquod auxilium Divinum speciale necessarium est ad salutem spirituales, vel corporales. Atque, ut taceantur particulares obligationes Clericorum, aut Beneficiorum ad persolvendum Horas Canonicas, vel Confitentium ad implendam Pœnitentiam injunctam, haud desunt Doctores, non excusantes a peccato veniali eos, qui mane ac vespere orare negligunt, tum Deo gratias debitas referendo pro receptis præterita die aut nocte beneficiis, tum ejus auxilium implorando pro evitandis instantibus periculis. Cæteri vero satis communiter fatentur, Orationem non posse intermitteri ad longum tempus, ut puta ad mensem, vel, ut aliqui volunt, ad octo dies. Herinex disp. 1. de Religione, q. 3. n. 19. & concordant dicta superius Tract. 4. distinct. 2. quæst. 3.

50. CONCL. IV. *Non modo bona spiritualia, sed etiam temporalia, a Deo recte postulantur; ita tamen ut bona temporalia, v. g. sanitas, longitudo vitæ, officia, divitiæ, &c. non omnino absolute, sed solum sub conditione, quatenus ad bonum*

bonum salutareque usum, atque ad vitam æternam consequendam profunt, neque salutem animæ obsunt, recte a Deo postulantur. Ita communis; & constat ex Oratione Dominica, in qua juxta Christi instructionem bona tum spiritualia, tum temporalia postulantur. Quod autem bona temporalia non absolute, sed dumtaxat ut conducentia ad vitam æternam recte postulantur a Deo per orationem, patet ex eo: quia non raro ejusmodi bona sunt homini occasio ruinæ spiritualis, ac protrahunt in peccatum; unde in hujusmodi circumstantiis, Deo optime præcognitis, male eadem absolute peterentur.

51. CONCL. V. Oratio si fiat cum debitis conditionibus, indubitata, atque ex Christi promissione infallibilem habet efficaciam. Ita Sannig. loc. cit. num. 6. Layman lib. 4. tract. 1. cap. 1. & Theologi communiter cum D. Thoma 2. 2. q. 83. art. 15. ad 2. Habetur hoc clare ex S. Scriptura, ac Christi promissione, dicentis *Matth. 7. Petite, & dabitur vobis.* Item *Luca 11. Omnis, qui petit, accipit:* Et rursus *Joan. 16. Amen, amen dico vobis, si quid petieritis Patrem in nomine meo, dabit vobis.* Atqui promissio Christi est infallibilis; ergo.

52. CONCL. VI. Conditiones, quibus concurrentibus semper aliquis impetrat, quod petit, quatuor sunt: ut videlicet quis pro se petat necessaria ad salutem pie, & perseveranter. Ita Doctor Angelicus loc. cit. & alii. Et hæc quatuor conditiones continentur in præallegatis Salvatoris verbis, *Joan. 16.* Nam *quod dabit vobis*, primam conditionem; *quod si quid*, secundam; *quod in nomine meo*, tertiam; ac tandem *quod petieritis*, quartam satis demonstrat.

53. Prima itaque conditio est, ut *Oratio fiat pro seipso*, non pro aliis, juxta doctrinam S. Augustini tract. 102. in *Joannem*, dicentis: *Exaudiuntur omnes pro seipsis, non autem pro omnibus; unde non simpliciter dictum est, Dabit; sed, Dabit vobis.* Nam et si pro aliis quoque ex charitate orare possumus, ac debeamus juxta illud *Jacobi 5. Orate pro invicem, ut salvemini, multum enim valet oratio iusti assidue.* Ideo tamen difficilior impetratio censetur esse pro altero, quam pro seipso: quia, ut Deus conferat gratiam, seu donum, quod petitur, debet homo esse dispositus ad recipiendum: quæ dispositio non est in libera potestate orantis, si pro alio oret; bene tamen, quando orat pro seipso. Quod si persona altera, pro qua oratur, sit debite disposita, etiam orationem factam pro ipsa, cæterisque vestitam conditionibus, comprehendendi sub dicta Christi promissione, merito censet Layman loc. cit. n. 10.

54. Altera conditio est, ut *petantur necessaria ad salutem.* Nam, ut discurret D. Augustinus loc. cit. *Non petitur in nomine Salvatoris, quidquid petitur contra rationem salutis.* Et infra: *Quidquid autem aliud petitur, nihil petitur: non quia nulla omnino res est, sed quia in tanta rei comparatione, quidquid aliud concupiscitur, nihil est.*

55. Tertia conditio est, ut *Oratio sit pia*; videlicet actus virtutis Religionis, per quem homo se Deo, tamquam supremo Domino, subjicit. Ad hoc autem multum conducit humilitas oran-

tis, plena fides seu fiducia in Deum, opera Misericordiæ, &c. juxta varios, & passim obvios textus S. Scripturæ. Ut vero is, qui orat, sit in statu gratiæ constitutus, tametsi ad impetrationem orationis, stantibus supra dictis conditionibus, absolute non requiratur; ut patet ex oratione Publicani a Deo exauditi, cum dixit *Luca 18. Deus propitius esto mihi peccatori:* requiritur tamen status gratiæ ad meritum de condigno vitæ æternæ, atque augmenti gratiæ sanctificantis. (e)

56. Quarta est, ut *perseveranter oremus*: id est, non statim desistamus ab oratione, si nos non exaudiri arbitremur; sed iterato, sæpius, & instanter petamus, secundum illud *Luc. 18. Quoniam oportet semper orare, & non deficere.* Et *Coloss. 4. Orationi instate.* Etenim, ut S. Augustinus *Serm. 5. De Verb. Domini, cap. 5.* monet, ideo Deus tardius nonnumquam dat, quæ petimus, ut tandem ferventius & perseverantius orantes, plus etiam impetremus ac petimus. Quædam etiam non negantur, sed ut congruo tempore dentur, differuntur.

57. Ex dictis patet ad communem multorum hominum querelam, qui orant, & non accipiunt. Causa quippe est, cur multi non obtineant, quod petunt, quia nimirum conditiones præscriptas non observant; ac præsertim bona temporalia petendo, eadem non ad debitum finem, sive salutem animæ suæ referunt; juxta illud *Jacobi 4. Petitis, & non accipitis, eo quod male petatis, & ut in concupiscentiis vestris insumatis.* Unde D. Basilii, *Serm. De orando Deum*, inquit: *Idcirco quandoque petis, & non accipis, quia perperam postulasti, vel infideliter, vel leviter, vel non conferenda tibi, vel destitisti.*

58. Immo dum cæteroquin debite rogamus pro bonis temporalibus, v. g. moderatis divitiis, sanitate, &c. quas nobis non expedire nescimus, non idcirco irritæ erunt preces istæ: tum quia, si fiant in statu gratiæ, sunt meritorie gloriæ cœlestis, & augmenti gratiæ: tum quia in tali casu ordinarie loco ejusmodi bonorum temporalium, v. g. sanitatis, divitiarum, quæ Deus novit nobis magis fore nociva, sicque misericorditer negat, solet Deus debite rogantibus conferre alia bona temporalia, vel saltem spiritualia specialium auxiliorum gratiæ, magis profutura ad consequendam vitam æternam. Audiatur Jeremias Drexelius lib. 5. *Heliotropii, cap. 2.* dicens: *Certissimum est, nullas preces cum debita voluntatis resignatione factas esse irritas, nullas omnino: aut enim quod petitur, aut melius quid impetrabitur.* Et S. Isidorus in Sententiis: *Creberrime non exaudit Deus ad voluntatem, sed exaudit ad salutem.*

59. Quod si vero absque debita in Divinam voluntatem resignatione, quin & obstinate, quidpiam a Deo extorquere contendamus, verendum, ne, quod ut optimus Pater regavit, ut rigidus Juxta permittat in nostrum malum. Ac proinde in omnibus omnino precibus illud Domini pro clausula usurpandum: *Verumtamen non mea, o Deus, sed tua voluntas fiat*, prout devotissime monet citatus Drexelius.

DISTIN-

DISTINCTIO II.

De Vitiis Religioni oppositis per excessum.

QUÆSTIO I.

Quid sit Superstitio, & quæ species ejus?

SUMMARIUM.

1. Religio consistit in medio.  
Quæ vitia eidem opponantur?
2. Superstitio, quid?
3. Contra Religionem quomodo possit peccari per excessum?  
(a) Conformiter dictis Tract. 4. Dist. 1. num. 19.
4. Superstitutionis duæ sunt species.
5. Una ratione rei cultæ, quæ coli non deberet; & quomodo hac subdividatur?
6. Altera ratione Cultus incongrui; ejusque subdivisio.
7. Cultus falsus, quis, & quomodo accidat?
8. Et quale peccatum?
9. Cultus superfluous, qui?
10. Et quale peccatum?

1. Sicut in cæteris Virtutibus, ita & in Religione vendicat sibi locum illud vulgatum: *Virtus consistit in medio*. Unde Poëta canit: *Est modus in rebus, sunt certi denique fines, Quas ultra, citraque nequit consistere virtus*. Igitur contra Religionem potest peccari, tum per excessum, & nomine generico dicitur *Superstitio*; tum per defectum, & vocatur *Irreligiositas*. Utraque harum varias sub se species complectitur. Et quidem sub Irreligiositate continentur ea vitia, quæ pertinent ad contemptum seu irreverentiam Dei, ac rerum sacrarum; ejusmodi sunt Tentatio Dei, Sacrilegium, Simonia, Blasphemia, Perjurium, ac Violatio Voti; de quibus singillatim dicetur, tum in sequenti Distinctione, tum alibi propriis in locis. Superstitio continet sub se Idololatriam, Divinationem, vanam Observantiam, & Magiam, una cum aliis adhuc duabus Superstitutionis speciebus, quæ contingunt ex parte cultus indebiti; de quibus omnibus in præsentī Distinctione, ordiendo a Superstitutione, ejusque speciebus in genere.

2. CONCL. I. Superstitio in genere est falsa religio, seu vitiosus cultus veri aut falsi Numinis; ac recte definitur, dicendo: *Superstitio est vitium Religioni oppositum secundum excessum, quo quis Divinum cultum vel illi exhibet, cui non debet; vel eo modo, quo non debet*. Ita in re communis. Et si enim vel maxime Superstitio committatur in cultu falsorum deorum, tamen etiam in cultu veri Dei hoc vitium accidere potest: prout patet in Judæis, de facto Legalia veteris Legis observantibus, & in Hæreticis, qui olim aquam pro vino, vel sanguinem infantum in Eucharistia offerebant, qui idcirco non Religiosi, sed Superstitiosi nuncupandi sunt, quamvis vero Deo talia præstiterint. Itaque Superstitio utrumque complectitur, & cultum falsorum Deorum, & excessum in cultu veri Dei.

3. Neque dicas: Deus est dignus omni laude, cultu ac reverentia; ergo non potest dari excessus in ejus cultu, neque peccari contra virtutem Religionis per excessum. Resp. enim (a) concessio antecedente, distinguendo consequens: ergo non potest dari excessus ex parte objecti virtutis Reli-

gionis, id est, respectu Majestatis Divinæ, utpote quæ dignissima est omni honore & cultu, conceditur: non potest dari excessus ex parte modi incongrui, aut cultus indebiti ratione rei cultæ, negatur consequentia. Sicut enim v. g. Amor Dei ex parte objecti non habet medium, immo eo perfectior est, quo intensius fertur in Deum, utpote objectum infinite amabile; habet tamen medium ex parte actus; quia potest dari excessus in ejus exercitio, si nimirum modo illicito Dei Amorem elicere velimus, nos v. g. interficiendo: ita & Religio ex parte objecti, quod est Divina Majestas, medium non habet neque patitur excessum; bene tamen ex parte actus, uti fit, si verum Deum falso, aut indebito cultu colamus, vel loco veri Dei falsum Numen adoremus.

4. CONCL. II. Duæ sunt species Superstitutionis, in quas ipsa immediate dividitur, nempe Superstitio ratione rei cultæ, quæ coli non deberet; & Superstitio ratione cultus incongrui, dum modo indebito seu inconvenienti verus Deus colitur. Ita communis, & patet ex proxime dictis. Porro utraque hæc Superstitutionis species rursus subdividitur; & hinc fit

5. CONCL. III. Superstitio ratione rei cultæ, quæ coli non deberet, sive Superstitio ratione cultus falsi Numinis, subdividitur in Idololatriam, Divinationem, Observantiam superstitiosam, & Magiam. Ita Herinex *disp. 7. de Religione* n. 3. & communior; quamvis Filiucius *tom. 2. tract. 5. n. 4.* addat pro quinta specie Maleficium: alii vero ad vanam seu superstitiosam Observantiam referant Magiam, & maleficium: ac proinde tres dumtaxat Superstitutionis species ex parte rei cultæ, quæ coli non deberet, assignent. Ratio Conclusionis est: quia vel diabolus honoratur ut Numen; & est Idololatria: vel colitur, ut aliquid occultum revelet; & est Divinatio: vel ut dirigat in operando; & sic est Superstitio vanarum Observationum, aut Magia, ad quam reducitur Maleficium, prout amplius patebit ex dicendis.

6. CONCL. IV. Superstitio ratione cultus incongrui, subdividitur in Superstitutionem cultus falsi, & Superstitutionem cultus superflui. Ita D. Thomas 2. 2. q. 93. art. 1. & 2. cum communi: & patet inductione. Siquidem

7. *Cultus falsus*, seu mendax dicitur, vel quia habet falsam significationem: ut si quis de facto coleret Deum ceremoniis Judaicis, quæ significant Christum venturum. Vel quia imitatur quis falso verum cultum: ut si quis falsis Miraculis veram doctrinam Christianam confirmare velit, aut proponat falsas Reliquias: item si quis mutet materiam, vel formam Sacramentorum, animo colendi Deum, prout faciunt Hæretici nostri temporis in Cœna sua, committentes Superstitutionem falsi cultus; non enim Christi institutum, sed suas inventiones pertinaciter sequuntur. Insuper ejusmodi cultus potest esse falsus, ac mendax, falsitate ex parte ipsius colentis se tenente: ut, dum quis Deum colit, tamquam publicus ab Ecclesia constitutus Minister, cum commissionem seu potestatem nullam habeat, vel talem non habeat; puta si quis Sacrificium offerat, cum Sacerdos non sit, cujus exemplum habemus in Saule, 1. Reg. 13.

8. Et quidem certum est, quod hujusmodi Superstitio, atque omnes isti superstitionioli, falsique cultus, sint ex genere suo peccatum mortale. Tum quia gravis inde irreverentia Deo infertur: Tum quia sunt falsitates perniciosæ, atque nonnumquam nascuntur ex Infidelitate ac hæresi; uti fit in Ritibus superstitionis Judæorum, & Hæreticorum: Tum tandem quia prædicatione falsorum Miraculorum, nec non & falsarum Reliquiarum suppositione, obfuscatur fides verorum, minorque reverentia & cultus eisdem exhibetur: & hinc eos, qui prædicant falsa Miracula, vel incerta, excommunicari refert Navarrus *Cap. 27. Manualis*, num. 111. idque desumitur ex *Constitutione*. 22. Leonis X. *Superna Majestatis*, & habetur *tom. 1. Bullarii Romani*.

9. *Cultus superfluous* econtra dicitur ille, quando præter morem Ecclesiæ ponitur Religio in quibusdam circumstantiis vel rebus, in quibus non est ponenda: ut si quis Deum colere aggrediatur illis ritibus, modo, seu ceremoniis, quæ neque ad ipsius Dei gloriam, neque ad spiritus excitandi devotionem inserviunt, aut quæ sunt contra statuta, vel consuetudinem Ecclesiæ: uti foret in Missa sæpius dicere Alleluja, plures Cruces facere, quam sit præscriptum, in eadem tot vel taliter dispositas candelas, & non plures adhibere, audire Missam a Sacerdote, qui nominatur Joannes, aut hujusmodi.

10. Cæterum Cultus iste superfluous, seu tales ritus superstitionioli, secluso scandalo & Ecclesiæ contemptu, sunt ordinarie tantum peccata venialia, ut docent Cajetanus, Lessius, Layman, Navarrus, Toletus, & alii. Quod intelligendum, nisi esset cultus non tantum vanus, sed etiam turpis, aut alias graviter in eodem excederetur: nam tunc incurri peccatum mortale pro gravitate materiæ, certum est.

## QUÆSTIO II.

De Idololatria.

### SUMMARIUM.

11. Idololatria, quid?
12. Est peccatum gravissimum.
13. Idololatria metaphoricè accipitur pro omni peccato mortali.
14. Hic sumitur proprie, nec tamen comprehendit Cultum Sanctorum.

(b) Dist. præc. Quæst. 4. per totum.

11. **C**ONCL. I. Idololatria, quæ est prima Superstitionis species, & ex suo genere peccatum mortale gravissimum, recte describitur, quod sit Servitus, quæ soli Deo debetur, exhibita alicui creaturæ. Ita in re communis. Dicitur, *Servitus*: quia per Idololatriam Idololatræ serviunt Idolis, cultum Latriæ, soli Deo debitum, illis impendendo, juxta quod dicit Apostolus *Rom. 1. Servierunt creatura potius, quam Creatori*.

12. Quod autem Idololatria sit peccatum mortale gravissimum, patet ex eo: quia Idololatria per Idololatriæ peccatum, honorem Divinum, ipsamque Divinitatem, quantum in se est, transfert in creaturam; teste Apostolo *Rom. 1. Mutaverunt gloriam incorruptibilis Dei in similitudinem corruptibilis imaginis hominis, & volucrum, & quadrupedum, & serpentium, & alibi. Unde sic*

ut in Republica gravissimum censeretur crimen læsæ Majestatis, honorem Regium, ipsamque Regiam Majestatem in alium, quam legitimum Principem, ex plena scientia, quantum in se est, transferre; ita & in proposito gravissimum crimen est læsæ Majestatis Divinæ, gloriam Dei in creaturam, seu Idolum transferre.

13. Notandum tamen, quod nomen Idololatriæ dupliciter accipitur. Primo quidem proprie pro cultu, quo creatura colitur loco Dei. Deinde metaphoricè, pro omni peccato mortali, quo quis mortifere inhæret creaturæ: quo modo ad *Philipp. cap. 5. Avaritia vocatur Idolorum servitus*; Et in hoc sensu S. Hieronymus in *cap. 2. Amos*, ait: *Avarus aurum, gulosus ventrem, libidinosus penem & Beelphegor colit, lasciva mulier, quæ cum sit in deliciis, mortua est, adorat venereas voluptates*. Et merito omne peccatum mortale sub nomine Idololatriæ metaphoricè sumptæ denotatur, cum peccator per peccatum mortale voluntarie recedens a Deo, ut creaturæ adhæreat, censeatur pluris facere creaturam, quam Deum, ac proinde illam habere loco Dei, hæcque ipsi esse instar Idoli.

14. Sed hoc loco Idololatria proprie sumitur pro cultu, quo creatura colitur loco Dei. Nec tamen idcirco cultus Sanctorum cum Christo in cælis regnantium, aut Sacrarum Imaginum, eris Idololatria: nam illos non honoramus ut deos, sed ut Amicos Dei, cohæredes Christi, nostrosque apud Deum intercessores; Imagines autem cultu dumtaxat veneramur respectivo, ut jam dictum superius. (b)

## QUÆSTIO III.

De Divinatione, variisque ejus speciebus, & gravitate.

### SUMMARIUM.

15. Divinatio, quid?
  16. Contingit dupliciter.
  17. Divinationis per expressam demonis invocationem, varii modis quæ?
- Ea est gravissimum peccatum, nec admittit parvitatem materiæ.
18. Divinatio per tacitam demonis invocationem, quæ?
  19. Ejus plures sunt species, I. Astrologia judiciaria. Sed naturalis est licita:
  20. II. Physiognomia, Metoposcopia, & Chiromantia. Verum naturalis licita est.
  21. III. Observantia somniorum.
  22. Et quale peccatum sit?
  23. Unde dignosci possit, somnium esse a Deo, vel potius a damone?
  24. IV. Hujus Divinationis species est Augurium.
  25. Et V. Sortilegium.
- Sortes divinatoria, & Sortes consultoria sunt licita. Sortes divinatoria illicita.
26. Solvitur instantia ex nonnullis exemplis adducta.
  27. Divinatio qualibet est peccatum mortale,
- (c) Supra num. 17.
28. Dummodo serio & firma fide fiat, alias secus.

15. **C**ONCL. I. Divinatio (prout de ea hic loquimur, estque species Superstitionis) est inquisitio de aliquo occulto, ope vel discipuli-



sciplina dæmonis facta. Quo modo Divinatio passim accipitur in S. Scriptura, in qua soli illi vocantur *divini*, qui ope dæmonis divinant, seu futura aut incerta revelare nituntur. Etsi enim dæmones non possint certo cognoscere futura, circa quæ potissimum versatur Divinatio (quamvis latius accepta etiam ad aliorum occultorum, verb. gr. thesaurorum absconditorum inquisitionem, ope dæmonis factam, se extendat) longe tamen plura dæmones de rebus futuris, aliisque occultis cognoscere possunt, quam homines.

16. CONCL. II. Divinatio dupliciter contingit; nimirum vel per expressam dæmonis invocationem, vel per implicitam. Ita certa & communis. Ex his ulterius.

17. Prima Divinationis species, seu in qua diabolus expresse invocatur, multis modis contingit, prout nimirum diabolus diversimode consultitur, aut consultus respondet. Aliquando enim apud veteres Gentiles consulebatur per sacrificia animalium, & diabolus respondebat per signa quædam apparentia in extis animalium; & vocatur *Haruspicium*. Aliquando consulebatur per preces coram Idolis profusas, & solebat dæmon respondere per Idola; & dicitur *Oraculum*. Aliquando consulebatur in Pythonicis; vel Pythonissis, quos ipse possederat: quandoque id accidit per varias adjurationes, figuras, unctiones, specula, aliaque signa per diabolum instituta, & media detestanda, quæ Dominus Deus passim in S. Scriptura execratur. Et hanc Divinationis speciem, in qua diabolus expresse invocatur, esse gravissimum peccatum mortale, certum est, & indubitatum, eo quod importet consortium, & societatem cum dæmone, perpetuo & insensissimò hoste veri Dei. Et hac de causa recte notant DD. ut Bonac. *disp. 3. in Decal. q. 5. punct. 3. num. 17.* Herinex *cit. disp. 7. num. 16.* & alii, non dari parvitatem materiæ a mortali excusantem, si Divinatio serio fiat.

18. Altera Divinationis species, seu quæ continet tacitam & implicitam dæmonis invocationem, fit, cum quis notitiam alicujus rei ex signo aliquo consequi serio confidit, quam illud naturaliter nullo modo indicare potest. Tunc enim Divinator talem notitiam a dæmone tacite desiderare convincitur, cum certum sit, ejusmodi signa vanitatis a Deo instituta non esse.

19. Hujusmodi Divinationis, quæ fit per pactum implicitum, plures species recenset D. Thomas 2. 2. q. 95. art. 3. & seq. quem sequuntur alii. Prima est Divinatio per Astra; vocaturque *Astrologia judiciaria*, quæ ex aspectu, situ, & motibus astrorum, eventus a libero arbitrio pendentes prædicat, vel præteritos aut præsentis occultos effectus revelat; v. g. Platonem tale conjugium celebraturum, esse auctorem hujus furti, moriturum ruina suarum ædium, &c. Dicitur notanter, *eventus a libero arbitrio pendentes*, &c. Nam per hoc nullatenus reprobatum Astrologia naturalis, qua situs & motus astrorum observantur, atque ex iis colliguntur effectus pure naturales; ut eclipses, pluviae, siccitates, morbi animalium, pestes, salubritates, &c. Hæc enim omnino licita est, & humano generi perquam utilis.

\* Quinimo a Lessio, & Busenbaum excusantur a peccato illi, qui ex puncto Nativitatis, sive Horoscopo non quidem certo, sed probabiliter prædicunt complexionem corporis, & inclinationes naturales; nam Astra inclinant, etsi non necessitent; Item exinde subdit la Croix *lib. 3. par. 1. num. 9.* non esse peccatum saltem mortale per Astrologiam velle cognoscere aliquod contingens liberum tantum aliquo modo conjecturaliter, non autem quasi certo futurum &c. Adducit equidem P. Sporer *Tract. in precept. 1. Decalog. cap. 9. sect. 2. num. 16.* Bullam: *Cæli & terræ*, editam motu proprio a Sixto V. & ab Urbano VIII. die 13. Martii 1631. Constitutione *Insuperabilis Judiciorum &c.* renovatam, in qua prohibet Astrologis prædicere actiones ab humana voluntate dependentes, etiam si protestentur & adjungant, se id non affirmare tamquam certum. Ast Suarez, Delrio, Valentia, alique dictam prohibitionem apud eundem auctorem valde probabiliter restringunt ad solum forum externum ob præsumptionem nimirum superstitionis etiam internæ simul latentis, quamvis externe protestentur ad regendas fraudes, & vitandas poenas. Profecto in his regionibus sibi conscientie passim non ducunt, qui similes libellos de Horoscopo tractantes legunt: quamvis ego, nisi simul jungatur consideratio temperamenti proprii, & aliarum circumstantiarum in particulari occurrentium, eosdem nihili prorsus æstimem ordinarie: quoniam illud punctum nativitatis, quod hi Astrologi exactissime attendendum ajunt, deprehendi vix potest ob rapidissimum motum Cælorum, prout id jam observavit apud Sporer *loc. cit. n. 14.* D. Augustinus *lib. 2. de Doct. Christ. cap. 22.* \*

20. Secunda hujus Divinationis species est *Physiognomia*, per quam ex corporis, puta vultus, manuum &c. lineamentis libere contingentes eventus, aut prospera vel adversa prædicantur. Ejus partes sunt *Metoposcopia*, & *Chiromantia*: quarum prior ex facie hominis, frontisque inspectione; altera vero ex manuum lineamentis, quid cui eventurum sit, divinat, seu prædicat: ut solent facere Cingari. Dicitur rursum, *libere contingentes eventus*: datur enim etiam Physiognomia, *Metoposcopia*, & *Chiromantia* naturalis, per quam ex corporis & membrorum habitudine ac proportionem, vultus item ac manuum lineamentis, de corporis valetudine ac temperamento, consequenter de hominis etiam ingenio, atque animi propensione, nec non & de superventuris morbis, morte, vel sanitate, prædictio aliqua vel conjectura licite fieri potest. Lessius *lib. 2. cap. 43. num. 45.* Delrius *lib. 4. cap. 3. q. 4.* Sanchez, Layman, & alii.

21. Tertia dictæ Divinationis species fit per somnia. Et quidem tunc *Observantia somniorum* est illicita, & cum dæmonis pacto saltem implicito conjuncta, cum ex illis vane ac temere fit conjectatio de effectu libere eventuro, aut mere casuali vel fortuito. Talis Observantia somniorum multum apud Ethnicos fuit usitata, & a S. Scriptura graviter reprehensa; ut *Levit. cap. 21. Non augurabimini, neque observabitis somnia*, & alibi. Unde & 2. Paral. 33. graviter taxatur Manaf-

Manifesti, quia observabat somnia, sedabatur auguria, maleficiis artibus inserviebat. Cum enim somnia pleraque naturaliter contingant, atque alia & alia juxta diversam corporis constitutionem, ac temperamentum, aut præcedentes animi affectiones, aliasque causas naturales proveniant: nequit ex iisdem capi prænotio de eventibus liberis, nisi a Deo, vel a diabolo immittantur: ergo quoties non dignoscuntur esse a Deo, si quis ex iisdem divinet, subjicit se disciplinæ diaboli.

22. Ex his sequitur, quod Divinatio ex observatione somniorum sit ex genere suo peccatum mortale. Per accidens nihilominus potest observantia somniorum quandoque esse venialis: ut puta ratione simplicitatis, dum homo rudis ea putat esse a Deo; vel quia solum tenuiter credit eisdem. Quod si somnia putentur provenire ex causis naturalibus, licitum est ex iisdem capere conjecturas de ejusmodi causis, v. g. de valetudine, vel constitutione corporis, ac hujusmodi. Somnia autem divinitus immissa, certum est, esse sequenda; qualia leguntur habuisse Joseph Pro-Rex Ægypti, *Genes. cap. 37*. S. Josephus, Sponsus Beatæ Mariæ Virginis, *Matth. 1*. Tres Magi, *Matth. 2*. alique plures; juxta quod *Num. 12*. Deus dixerat: *Si fuerit Propheta inter vos, per somnium loquar ad eum.*

23. Quæres, unde dignosci possit, somnium esse a Deo, vel potius a dæmone? Resp. Inter somnium Divinum & diabolicum communiter discernunt Viri sancti & Doctores, tum ex materia si-neque ejus, utrum ad rem bonam & honestam, an vero ad turpem impellat: tum ex interna somniantis, atque ex somno excitati affectione; ut est illustratio, & consolatio animi, insolita promptitudo ad Dei obsequium, & hujusmodi. Nam talia a somnio Divino causantur; econtra vero somnia diabolica vel ad malum inclinant, vel animum perturbant, & ad Dei obsequium tardiorum reddunt, ipsumque intellectum obnubilare solent.

24. Quarta Divinationis species fit per avium, piscium, aut aliarum animalium observationem, & dicitur *Augurium*. Hæc futuros liberos eventus, vel casus mere fortuitos, enunciat e voluerum volatu, aut cantu, vel ex piscium motu, animalium occursum, voce, & similibus; ac prohibetur a S. Litteris sapius, præsertim locis *num. 21*. allegatis. Quo tamen non obstante, ex avium volatu, piscium in mari occursum &c. possunt naturaliter colligi pluviarum, serenitates, tempestates, & hujusmodi effectus naturales, quos animalia citius præsentunt, quam homines.

25. Quinta species Divinationis est per sortes, (& dicitur *Sortilegium*) quæ eventus futuros, vel veritatis occultæ manifestationem, explorat per sortes. Est autem triplex genus sortium, nempe divinatorium, consultorium, & divinitorium. *Sortes divinatorie* sunt, quæ applicantur ad dividendas hæreditates, ad litem dirimendam, ad honestum lulum &c. & hæc per se malæ non sunt, sed sæpe bonæ ac utiles juxta illud *Proverb. 18*. *Contradictiones comprimis fors, & inter potentes quoque judicat.* Porro *Sortes consultoria* sunt, quibus a Deo postulat occulta veritatis manifestatio, vel consilii directio: istæ etiam non sunt prohibitæ,

si Dei jussu & instinctu fiant; de quibus dicitur *Proverb. 16*. *Sortes mittuntur in sinum, sed a Domino temperantur.* Tandem *Sortes divinatorie* sunt, quibus absconditæ veritatis notitia, vel consilii directio, non a Deo, & consequenter a dæmone expressæ, vel tacite imploratur. Et hæc superstitionis, illicitæ atque prohibitæ sunt, prout habetur *can. Sortes. 26. q. 5*. cum concordantiis: quia continent expressam vel tacitam dæmonis invocationem. Unde merito *c. 1. & 2. tit. de Sortilegiis*, sub gravibus pœnis prohibetur, ne per sortes inquiratur auctor furti, vel quid imposterum futurum sit: & similiter *c. ult. cod. tit.* generaliter sortium usus in Electionibus ad Beneficia Ecclesiastica damnatur.

26. Nec obstat, quod peccatum Achior sorte deprehensum legatur *Josua 7*. & Jonas sorte deprehensus fuerit, *Jona cap. 1*. Item Jonathas mel degustans, *1. Reg. 14*. imo & Saul missis fortibus in universas Tribus Israel electus in Regem, *1. Reg. 10*. & hujusmodi. Resp. enim, quod talia ex speciali jussu, aut instinctu Dei facta credantur: non tamen idcirco *fortibus indifferenter est credendum, cum privilegia singulorum non possint legem facere communem*, ut dicitur *c. Non statim, &c. Non exemplo. 26. q. 2*.

27. CONCL. III. Divinatio, & quælibet prædictarum species, est ex genere suo peccatum mortale, si fiat cum expressa, si cum tacita dæmonis invocatione. Ita communis; & patet ex dictis (c) quia Divinatio importat consortium, & servitutem cum dæmone, perpetuo Dei hoste; ac ipsum homo tacite honorat, ejusque disciplinæ sese subjicit, ab eodem occulta vel futura edocendus.

28. Hoc tamen intelligendum, si Divinatio serio fiat, & cum firma fide. Quod si vero joci causa quis ostendat, se velle futura divinare, interim credens, totum esse futile & inane, communiter Doctores censeat, talem non incidere in culpam gravem, cum sit potius quædam vanitas, quam superstitio, ut ait Bonacina *disp. 3. in Decalog. q. 5. p. 3. n. 18. & 19*. Ubi etiam somnia, sortes &c. a mortali excusat, si quis per simplicitatem (quod in mulierculis facilius locum habet) illis fidem præstet: ut quando ex ruditate putat, a Deo esse, vel tenuiter credit. Hoc modo multæ vanæ, atque inutiles observationes, v. g. ex sternutatione, vulturis occursum, corrigiæ ruptione, & hujusmodi vanitates, excusari possunt a culpa mortali; quia non firma fides, sed vana tantum formido eis tribuitur.

\* Cæterum consulto adhuc monet Castropalao *Tract. 17. disp. 1. punct. 3. num. 6. & punct. 8. n. 4*. ad finem, quod etiam joci causa tentare similia, res sit plena periculo, partim, quia sæpe interne saltem aliqualis fides adhibetur, & eventus dubia mente expectatur: partim, quia ille, qui prædictis signis effectum casu correspondere expertus fuit, facile incitabitur ad eadem signa serio animo alia vice repetenda, cujus deceptionis periculo hac jocandi methodo se exposuerat.\*

#### QUÆSTIO IV.

De vana Observantia, ejusque speciebus, & gravitate.

SUM.

SUMMARIUM.

29. Vana Observantia, quid?
30. Et quomodo distinguatur a Divinatione?
31. Ejus tres sunt species: quæ?
32. Ars notoria, quid?
33. Observantia sanitatum, quid?
34. Et quo pacto hac cognosci possit?
35. Observantia eventuum, quid?  
Et quomodo a Divinatione differat?
36. Vana Observantia, omnesque species ejus, sunt peccatum mortale.
37. Nisi excuset ignorantia &c.
38. Licitum tamen est, gestare Agnos Dei, Cruces, &c.
39. Consuetudines aliquid faciendi, vel omittendi certis Festis, an damnanda?
40. Quid in dubio, num effectus excedat vires causa naturalis?
41. Protestatio quando excuset?

29. **CONCL. I.** Vana Observantia est supersticio, qua adhibentur media inutilia ad aliquid præstandum, vel impediendum, ad quod a Deo vel natura nullam virtutem habent: uti contingit, quando quis mediis inutilibus contendit acquirere bona temporalia, sanitatem, vel scientiam; aut quando aliquibus verbis intendit alligare dæmonem, eumque includere in annulo, vase; aut cum quis mittit chirographum animalibus noxiis, vel eis litem mover, ut illa expellat; aut cum quis certis schedulis, vel verbis, a globorum ictibus immunem sese reddere satagit, & hujusmodi. Ita Doctores communiter.

30. Cæteram dicta vana Observantia distinguitur a Divinatione, quod hæc circa speculativam occultorum, aut futurorum effectuum cognitionem versetur; illa vero ad opus aliquod præstandum, vel impediendum tendat, utputa ad obtinendam corporis sanitatem, thesauri absconditi inventionem, & quidem per pactum aliquod cum dæmone, ut dictum est.

31. **CONCL. II.** Vanæ Observantiæ tres sunt species, nempe *Ars notoria*, *Observantia sanitatum*, & *Observantia eventuum*; ad quas species cæteræ, sunt revocandæ, sive cum expressa, sive cum tacita, seu implicita dæmonis invocatione fiant. Ita rursus communis; idque amplius patebit ex dicendis discurrendo de singulis. Unde sit

32. **CONCL. III.** *Ars notoria* est, cum per preces quasdam verborum ignotorum, inspectiones certarum figurarum, & alia hujusmodi media prorsus inutilia, expectatur scientia infusa quarundam rerum absque alio labore. Hæc arte utuntur Anabaptistæ, dum sumpto poculo suæ Cœnæ in instanti aliquando scripturarum antea omnino ignotarum scientiam consequuntur, dæmone indubie eam suggerente, vel per os ipsorum loquente, ipsosque sic dementante, ut S. Scripturas se intelligere putent.

33. **CONCL. IV.** *Observantia sanitatum* est supersticio, qua adhibentur media inania & inutilia ad sanandos morbos hominum, vel brutorum: ut contingit, dum ad sanitatis conservationem, recuperationem, vulnere Sanationem, dolorum mitigationem, ab hostibus, globorumque

ictibus protectionem, atque immunitatem, & hujusmodi, adhibentur verba, signa & ceremoniarum quæ nec ex Divina institutione, nec a natura ad id vires ullas habent. Ita passim Doctores. Sed quia res quam plures habent varias virtutes naturales, non raro hominibus ignotas, hinc

34. Quæres, quo pacto dignosci possit hæc species vanæ Observantiæ? Resp. cum Filliucio *tom. 2. disp. 24. cap. 6. num. 158.* & aliis, id potissimum ex sequentibus circumstantiis agnosci posse. I. Si adhibeantur verba ignota, aut characteres ignoti: talia enim implicite referuntur ad dæmonem, ea instituentem, atque intelligentem. II. Si inferantur aliqua falsa, apocrypha, aut minus certa: ut quod Christus habuerit febres, spasmus, &c. III. Si causa applicetur improporcionata ad effectum, vel in loco valde distante a pacto. Idem dicendum de iis, qui adhibent verba, signa, ceremonias, imagines astronomicas, & similia, ad obtinendam sanitatem, ad quam tamen procurandam nullam ex se vim habent: unde necesse est, quod hanc habeant aliunde; non quidem a bonis Angelis, vel a Deo, cum id legitime non constet, immo per Prælatos Ecclesiæ prohibeatur, atque per Theologos & Concionatores concorditer negetur; ergo eam haberi ab arte diabolica, præsumendum est. Et ex his regulis innumeri casus in praxi possunt resolvi, quorum plurimos refert Gobat *tratt. 11. Theol. Experimentalis, parte 4. de Superstitionibus.*

34. **CONCL. V.** *Observantia eventuum*, quæ est tertia species vanæ observantiæ, contingit, quando fortuito aliquid accidit vel occurrit, ex quo homo sibi, vel alteri aliquid prosperi, aut adversi conjectat, indeque suas actiones moderatur, ut si v. g. egredienti domum occurrat lepus; aut is picam pictitantem audiat, & inde malum sibi augurium prælagiens, domum revertatur. Hæc vanæ Observantiæ species Divinationi, *Quæst. præced.* explicatæ, valde vicina est: differt tamen ab ea per hoc, quod in ista vana Observantia principaliter intendatur directio operationum, & quidem ex signis fortuito occurrentibus aut incidentibus; in Divinatione autem signa ex proposito quærantur, & adhibeantur, & quidem ea principaliter intentione, ut notitia acquiratur futurorum, aut occultorum.

36. **CONCL. VI.** Hactenus explicata vana Observantia, & singulæ tres ejus species, ex genere suo sunt peccatum mortale. Ita omnes Doctores. Ratio est clara: quia continent aut expressam, aut saltem implicitam societatem, pactumque cum dæmone, ejusque auxilii invocationem, utpote a quo vel scientiæ infusio, vel curatio morborum, aut operum nostrorum directio expectatur.

37. Addunt tamen Bonacina *cit. disp. 3. q. 5. p. 4.* Lessius, Valentia, Sanchez, Herinex, alique communiter, homines simplices sæpius a peccato mortali excusari ratione ignorantiae, aut bonæ fidei; quia nihil mali in his contineri putant; cum ab hujusmodi hominibus non tam facile semper illud apprehendatur. Insuper tradit Filliucius *disp. 24. num. 161.* etiam peccatum tantum veniale committi, si id fiat ex intentione dandi

dandi operam ejusmodi vanitatibus, non tamquam efficacibus, sed ex quadam levitate: ut si quis semel annulum moveri sinat super filum, idque joco faciat, & ad experiendum effectum causa curiositatis.

38. CONCL. VII. Nihilominus licitum est, gestare Agnos Dei, Evangelium S. Joannis, Cruces benedictas, & hujusmodi res spirituales atque sacras, ad sanitatem recuperandam, vel contra maleficia præservandam, similesque effectus consequendos. Ita D. Augustinus tract. 7. in Joannem, & tenent Catholici unanimiter: dummodo talia debita cum reverentia atque fiducia in Deum gestentur, & nulla conditio superstitiosa superveniat propter adjunctam spem in modo scribendi, portandi, appendendi, aut alia loci vel temporis inani observatione, ad Divinum cultum, reverentiamque, minime pertinente.

39. Utrum autem damnandæ, vel excusandæ sint quædam consuetudines, quibus nonnulli aliquid facere, vel omittere solent certis diebus festivis, distinguendum est. Si enim hæc faciant, ut se magis excitent ad precandum propter diem Sancto dedicatum, vel propter affectum, quem specialiter habent erga Sanctum, a quo opem & auxilium sperant, non committitur Superstitionis peccatum, saltem secluso scandalo, & alia prava intentione. Item non est superstitiosum, notare tempora, vel dies, quibus major vel minor influxus Cælorum reperitur, seu quæ aptiora v. g. sunt ad certas herbas medicinales colligendas, atque ad scindenda ligna, vel ad evitandam rerum corruptionem, &c. Hoc enim non excedit vires naturæ, atque quotidiana experientia comprobatur.

40. Tandem, quando rationabiliter dubitatur, an effectus sit a causa naturali, (multa enim sunt secreta naturæ, virtutesque arcane, doctissimorum etiam quandoque virorum ingenia subterfugientes) quando, inquam, rationabiliter dubitatur, an hujusmodi effectus excedat vires causæ naturalis, præsumendum est, provenire a causa naturali. Bonacina cit. qu. 5. punct. 2. num. 9. citans Lessium, Suarez, Sanchez, Layman, & alios. Ratio est: tum quia dubium explicandum est in mitiorem partem: tum quia multæ res naturales admirabili præfulgent virtute, plerisque etiam viris doctis incognita.

41. Quamobrem excusandi sunt illi, qui hujusmodi res, de quarum virtute naturali dubitatur, ad expellendum morbum adhibere intendunt, dummodo protestationem præmittant, nolle se effectum consequi, si aliqua subsit virtus ex quocumque pacto diabolico, & superstitioso. Secus dicendum, quando palam est, effectum excedere vires causæ naturalis; ac proinde certo vel fere certo constat, actum hujusmodi esse superstitiosum, seu rem vanam, & inutilem esse ad talem effectum: tunc enim subest malitia Superstitionis, cum adhibeatur medium inutile ad illum effectum. Neque in tali casu, ubi constat certo de inefficacia mediorum, prodest protestatio, cum sit contraria facto: nisi forte id fiat alia intentione, nempe ad convincendum & confundendum dæmonem, non ad experiendum effectum.

## QUESTIO V.

De Magia, & Maleficio, aliisque huc attentibus.

### SUMMARIUM.

42. *Magia naturalis, quid? Est periculosa.*
43. *Magia superstitiosa, quid?*
44. *Duplex ejus finis. Magia proprie, Maleficium, vel Veneficium, quid?*
45. *Magia, & Veneficium est peccatum mortale, & habet annexa multa alia peccata.*
46. *Remedia Maleficiorum alia moralia,*
47. *Alia naturalia,*
48. *Et alia supernaturalia; quæ?*
49. *Licitum est tollere signa Magica, ut diabolus nocere desinat;*
50. *Dummodo id fiat absque novo Maleficio.*
51. *Solvitur instantia.*  
(c) Tract. 4. dist. 7. num. 27.
52. *Quid agendum Confessario cum Maleficio penitentis?*
53. *Maleficus penitens non teneatur curare sibi chirographum a damone restitui.*  
*Bene tamen rumpere aliud, si quod penes se habet.*
54. *Alia tunc a Confessario observanda.*
55. *Quid agendum circa bona Maleficio per diabolum data?*
56. *Quomodo is muniendus contra relapsum?*

42. Sciendum, quod Magia communiter duplex distinguatur, una naturalis, & altera superstitiosa, seu diabolica. *Magia naturalis* est ratio quædam operandi mira, per causas naturales absque dæmonis opera. Hanc Magiam, etsi de se mala non sit, tamen ut periculosa, & sensum ad superstitiones manucentem, passim censent Doctores esse cavendam: quia ingenia humana rebus curiosis & inutilibus implicat, magisque semper curiosa reddit, & successive ad Magiam superstitiosam inducit. Unde merito Lessius Lib. 2. de just. & jure, cap. 44. num. 1. omnes libros, qui Magiam naturalem tradunt, suspectos habendos esse, & tamquam periculosos, præsertim juventuti, vitandos allerit.

43. *Magia superstitiosa* (quam alii *Diabolicam* appellant, & de qua solum hic agitur) est ratio quædam operandi mira per signa ope dæmonum: sicut enim Magia naturalis utitur causis naturalibus, ita Magia superstitiosa utitur nonnullis signis, quibus ex pacto quodam allicitur dæmon, ut faciat id, quod Magus vult.

44. Porro Magia superstitiosa duplex est, seu potius duplicem habet finem. Primus finis ejus est propria ostentatio, aliudve commodum suum, aut alienum: sic communi nomine vocatur *Magia*: nam Magia proprie est ratio quædam operandi mira ope dæmonum. Alter finis ipsius, est noxa alicui inferenda; & proprio nomine dicitur *Maleficium*, vel *Veneficium*. Maleficium quidem, si noxa inferatur incantationibus, seu carminibus, characteribus, aliisque hujusmodi signis, ex pacto cum dæmone inito. Veneficium vero, quando malis pharmacis, sive venenis id fit, quamvis nonnumquam etiam Incantatores appellentur Venefici.

45. CONCL. I. Magia, sicut & Veneficium, ac Maleficium, ex genere suo est peccatum mortale, utpote continens expressam vel tacitam dæmonis



monis invocationem, ac proinde societatem & benevolentiam erga illum. Ita omnes Doctores. Quinimo Magia ordinarie multa alia peccata annexa habet; ut sunt hæresis, abnegatio Dei & Sanctorum, idololatria, blasphemia in Deum & Sanctos, profanatio & abusus rerum sacrarum, maxime Sacrosancti Eucharistiæ Sacramenti, luxuria, & nefariæ cum dæmone commixtiones, &c. Ea insuper inferre solet maxima damna in bonis temporalibus proximorum, homicidia præsertim infantium, mortes animalium, vastationes segetum, & hujusmodi. Ex quibus, aliisque similibus effectibus, colligere licet immanitatem hujus criminis, merito juxta Leges etiam Civiles ignibus plectendi. Sed occasione præmissorum

46. Quæres I. Quænam remedia adversus Maleficia sint adhibenda? Resp. Remedia Maleficiorum quædam sunt naturalia, quædam supernaturalia, & quædam moralia. Horum postrema sunt ea, quæ pertinent ad pactum cum dæmone dissolvendum, quando ex pacto nocet: quod fit amovendo signa Magica, ad quorum præsentiam diabolus nocumentum infert: de quo mox plura num. 49. & seqq.

47. Naturalia remedia Maleficiorum plerumque parvam vim habent, quia diabolus facile omnem illorum actionem eludit, si velit, & a Deo permittatur. Bonum tamen est, illa ab initio experiri juxta præscriptum Medicorum, seu quæ ipsi magis congrua judicabunt.

48. Supernaturalia, seu spiritualia, atque Ecclesiastica remedia Maleficiorum sunt optima, & horum decem numerantur cum Lessio *cit. cap. 44. num. 28.* Bonacina, Reginaldo, & aliis. I. Magna fides & fiducia in Deum, seu Divinam protectionem. II. Susceptio Baptismi, si quis nondum est baptizatus. Vel III. loquendo de baptizatis, Confessio Sacramentalis peccatorum: sæpe enim ob peccata permittitur diabolo potestas in hominem, quibus per veram pœnitentiam, vitæque emendationem deletis, hæc quoque evanescit. IV. Sumptio Sanctissimi Eucharistiæ Sacramenti. V. Exorcismi Ecclesiæ, quorum maximam esse vim probat praxis, atque ordinatio Ecclesiæ, cuius nomine fiunt, ipsaque quotidiana experientia. VI. Aqua benedicta: hæc enim habet vim ex precibus Ecclesiæ ad avertendas dæmonis infestationes. VII. Reliquiæ Sanctorum, Agnus Dei, Cerei sacri, Panis & Sal benedictum, & similes res ab Ecclesia benedictæ, ob præallegatam rationem. VIII. Signum S. Crucis, cujus vis maxima est contra omnes diaboli machinationes. IX. Invocatio Sanctissimi Nominis Jesu, B. Mariæ Virginis, Sancti Angeli Custodis, & aliorum Sanctorum. X. Oratio, præsertim conjuncta jejuniis, ut patet ex verbis Christi, *Matth. 17.*

49. Quæres II. An liceat tollere signa Magica, v. g. ligaturas, nodos, volumina capillorum, &c. eo fine ut diabolus nocere desinat? Resp. I. Certum est, & fatentur omnes, si nullum novum adhibeatur Maleficium, hujusmodi signa licite posse tolli; idque tum in contemptum diaboli, atque Magicæ superstitionis; tum in odium facinoris, quo Maleficus ea posuit veluti tesseram sui pacti cum dæmone. Ratio clara est, quia sic solummodo evertuntur opera diaboli, ejusque at-

que Malefici impietas execratur. Et hoc quidem licitum est facere etiam ea intentione, ut dæmon nocere desinat: quia ejusmodi amotio signorum (secluso novo Maleficio) non est invocatio dæmonis ex natura rei, sed potius everfio prioris pacti per Maleficum cum Cacodæmone initi; & destructio operum diaboli. Et in hoc sensu loquitur Doctor Subtilis 4. *dist. 34. q. unic.* dicens, quod ridiculum sit quærere, *an liceat tollere maleficium intentione curandi maleficiatum: non enim* (inquit) *solum licet, sed est meritorium, destruere opera diaboli.*

\* Resp. II. Ex eodem Fundamento, ut solvatur maleficium, non solum licet tollere ipsa signa magica, sed etiam adhibere alia positive contraria ex se indifferentia, quibus conventio diabolica tollatur. Ita Hiquæus in *Scotum lib. 2. c. 44. dub. 6. n. 45.* Delrius *lib. 6. disquisit. Magic. c. 2. sect. 1. q. 3.* Sanchez *lib. 7. de Matrim. disp. 95. & 96.* Castropalao *Tract. 17. disp. 2. punct. 2.* Sporer *part. 2. in I. Precept. Decalogi cap. 9. n. 41.* & alii; ac patet ex inculcata Judicum praxi, qui in hunc finem maleficos lavari, & pilos eorum abradi curant, ut, si forsan aliquod maleficium ex pacto dæmonis sub capillis occultatum esset, quo insensibiles, & tormentis facile sustinendis pares redderentur, his mediis destruat. Ratio autem hujus est: quia, uti supponitur, talia signa ex una parte pacto diaboli in contrarium posita ex se sunt indifferentia; ex altera vero ipsum pessimum pactum exinde solvitur, ac via nocendi eluditur in ejusdem contemptum. Nec dicas: talia media e. g. Sagam, quæ te tangit, repercutere, ut soluto sic pacto diabolico nocere amplius nequeat &c. videri a diabolo ipsomet esse instituta in signum cessationis a nocendo, & consequenter applicantem eadem conspirare cum dæmone saltem implicite; Respondeo enim, omnis hic brevitatis gratia aliis. solutionibus, cum Sporer *loc. cit. pie*, & probabilissime credi, diabolus, utpote ex se, suæque damnata propensione ad infestandos mortales limitationis impatientem, potius ex imperio Dei arctari ad hujusmodi condiciones, seu contraria signa pactis suis apponenda, ut hoc modo vis sua intra debitos limites divinitus coarctata existat cum non exigua sua mortificatione, dum experitur superbissimus ille spiritus, fortitudinem suam, ac libertatem & appetitum nocendi tam exigua re materiali constringi; sicuti a pari plurimum vexatur, dum quamvis Ens nobilissimum localiter & objective se igni alligatum videt, atque exinde præter intellectum etiam libertatem suam esse coarctatam. \*

50. Resp. II. Nihilominus non licet tollere Maleficium, vel signa Magica per novum Maleficium; neque hoc a Malefico scienter petere, quamvis hic sese paratum offerat. Ita certa, & communis. Ratio est: quia adhibitio novi Maleficii est intrinsece mala, cum sit usus artis Magicæ; & tacita vel expressa dæmonis invocatio ad aliquem effectum obtinendum; ac proinde nullo modo bene fieri potest; neque peti, neque, ut id fiat, assensus præberi, juxta illud Apostoli *Rom. 1.* *Qui talia agunt, digni sunt morte: non solum qui ea faciunt, sed etiam qui consentiunt facientibus.*

§ 1. Nec dicas : Licitum est petere pecuniam ad usuram ab usurario parato dare ; item exigere juramentum ab eo, qui paratus est per falsos deos jurare : ergo etiam licitum erit, alterius, qui ad id paratus est, incantatione & Maleficio uti ad amovenda a nobis vel aliis Maleficia. Resp. enim negando consequentiam, & paritatem. Ratio disparitatis est : quia id, quod in dictis casibus petitur, nempe pecunia mutua, vel juramentum, ex se malum non est, & bene fieri potest, si velit is, a quo petitur, ut dictum superius. (c) Secus est in nostro casu, ubi Maleficio (juxta Hypothesin) non nisi per novum Maleficio tolli potest.

\* Ex dictis Colliges I. Si adfit vetula, de qua dubites, num sit saga, non licere invertere scopas, ut, si saga est, abire non possit, nisi gressu averso seu cancrino. II. Nec projicere e lecto pulvinar, ut desuper sedere cogatur. III. Nec lac, quod ex maleficio non coagulatur in butyrum, calefacere ad ignem, ut totus calor transferatur in sagam, & exinde nocere desinat, tuque butyrum recuperes. Ratio prohibitionis horum similium est ; quia non solum solvitur prius pactum (quod alias liceret) sed præterea novum involvitur, cum sagæ per similia non præcise in statum naturalem suum redigantur, sed præterea aliquid de novo facere cogantur, ad quod non nisi mediante novo diabolico pacto saltem implicito adstringi possent. \*

§ 2. Quæres III. Quid agendum Confessario cum Malefico pœnitente ? Resp. cum Bonacina *disp. 3. in Decalog. q. 5. punct. 5. n. 11.* Sanchez *lib. 2. in Decalog. cap. 40. n. 52.* & aliis, ante omnia inquirendum esse, an Maleficus inierit pactum cum dæmone : id siquidem tenetur Maleficus in primis dissolvere. Videtur autem ejusmodi pactum sufficienter dissolvi per veram ac sinceram de suis peccatis actam pœnitentiam, ex puro corde peccata detestando, ac dæmoni renunciando, & toto affectu DEI Misericordiam implorando.

§ 3. Non tamen necesse est, ut Maleficus pœnitens curet sibi chiographum a dæmone restitui : quia per veram pœnitentiam sufficienter recedit a pacto. Sanchez *cit. cap. 40. n. 53.* Suarez, Candidus Brognollus, & alii. Quod si vero ipsemet Maleficus apud se habeat chiographum, vel ejus exemplar (regulariter enim, ut notat Candidus Brognollus Bergomensis, in *Manuali Exorcistarum, part. 1. cap. 2. art. 3. §. 10.* cum aliquis homo Deo abrenunciat, ac dæmoni se devovet, solent duo fieri chiographa, vel, si quis scribere nesciat, alia duo signa confici, quorum unum apud dæmonem conservatur, alterum apud Magum, vel Maleficum) tunc is tenetur alterum, quod penes se habet, perfringere, aut ipsimet Confessario tradere : idque partim in detestationem criminis ; partim, ut exterius testetur internam, ac perfectam dæmoni abrenunciationem, sinceramque in Deum conversionem. Alioquin enim, si hujusmodi externum signum, quod penes se habet, nollet Maleficus destruere ; adhuc eo ipso pergeret, internum voluntatis actum in dæmonis obsequium profiteri.

§ 4. Secundo debet Confessarius inquirere a Malefico, an commiserit illa enormia peccata, superius *num. 45.* recensita, vel alia hujusmodi :

quibus intellectis, debito modo procedat, prout ceteroquin necesse est ad Confessionem Sacramentalem.

§ 5. Tertio, si aliquid ope diaboli Maleficus acquisitum haberet, quod cujusdam tertiz personæ esse cognosceret (puta, quia huic a diabolo sublatum, & Malefico traditum fuit, prout sæpe contingit) illud domino suo erit modo competenti restituendum, sicuti in rebus furto ablatis fieri debet. Si vero aliunde, utputa ex occultis thesauris, aut ex rebus in mari totaliter deperditis, eam rem diabolus habuerit, Magoque tradiderit ; ex eadem personis illis Magus satisfacere tenebitur, quibus fortasse damna in rebus suis familiaribus, aut animalibus intulit. Et hoc idem dicendum, si Magus haberet aliunde, unde damna illata refarcire possit : nam restitutio rerum injuste ablatarum, & aliorum damnorum illatorum recompensatio, erit necessario facienda, nisi impotentia excuset, prout aliunde constat.

§ 6. Quarto, ne Maleficus pœnitens iterum seducatur, & ad vomitum redeat, simulque ut is a dæmoniis divexationibus, non raro reductis, magis magisque præservetur, eundem Confessarius muniat remediis spiritualibus, nimirum Agnis Dei, aut aliis rebus consecratis ipsi communicatis ; simulque eum exhortetur ad crebro eliciendos actus Virtutum Theologicarum, atque ad meditationem Dominicæ Passionis, detestationemque suorum gravissimorum peccatorum, nec non & aliarum Virtutum exercitium, præsertim vero ad frequentiore Sacramenti Pœnitentiæ, atque Eucharistiæ receptionem. Quin etiam poterit quandoque Confessarius adhibere Exorcismos convenientes, quales pro hujusmodi hominibus tum in Ritualibus Diocesanis, tum in aliis Benedictionum Libellis passim reperiuntur.

### DISTINCTIO III.

De Vitiis Religioni oppositis per defectum.

#### QUÆSTIO I.

De Tentatione Dei.

#### SUMMARIUM.

1. Irreligiositas, quid, & qua vitia sub se contineat ?
2. Tentatio, alia probationis, alia seductionis.
3. Tentatio Dei, quid ?
4. Est duplex, expressa & interpretativa.
5. Tentatio Dei ex genere suo est peccatum mortale.
6. Purgationes vulgares sunt prohibita.
7. Solvitur instantia.
8. Tentatio Dei per accidens potest esse venialis.

1. **U**T patet ex dictis *Dist. preced. num. 1.* alia vitia opponuntur Religioni per excessum, alia per defectum. Visis itaque hætenus prioribus, pergendum ad posteriora, quorum omnium genus est Irreligiositas, quæ est defectus cultus Deo debiti. Porro sub Irreligiositate, tamquam species sub suo genere, continentur Tentatio Dei, Sacrilegium, Simonia, Blasphemia, Perjurium, atque violatio Voti, de quorum quatuor prioribus in præsentī Distinctione, de aliis duobus in sequenti Tractatu dicetur. Et quidem, ordiendo a materia præsentis Quæstionis,

2. Tentatio generatim, est dictum, vel factum, ad capiendum de aliquo experimentum, ut sciatur, quantæ sit potentia, prudentia, scientia, & hujus-

huiusmodi. Et hæc dicitur *Tentatio probationis*, seu experimenti: quomodo Deus dicitur tentasse Abraham, Jacob, Tobiam, & alios Sanctos, dum immissis adversitatibus eorum obedientiam, patientiam; atque in aliis virtutibus constantiam experiri voluit. Est & alia, quæ dicitur *Tentatio seductionis* seu inductionis ad peccatum: quo modo diabolus tentat homines, dum eos ad malum seu peccatum incitat. In proposito sumitur Tentatio priori modo, & quidem in malam partem, quatenus nimirum homo inique tentat Deum, volens aliquam ejus perfectionem experiri: de qua loquendo, sit

3. CONCL. I. *Tentatio Dei* est actus Religionis oppositus, quo quis absque justa causa dicit, aut facit aliquid, ad capiendum experimentum de Divina quapiam perfectione; utputa de Potentia, Sapientia, Justitia, aliisque Dei Attributis. Ita Herinex d. sp. 8. de Relig. qu. 1. Lessius, estque in re communis. Dicitur, *actus Religionis oppositus*: quia est quædam Dei irreverentia, velle de perfectionibus ejus experimentum sumere absque justa causa, & relictis mediis ordinariis a Deo institutis. Et additur, *absque justa causa*: quia, si talis adsit, non erit Tentatio: ut si fiat ex Divino instinctu, vel si quis habeat Donum miraculorum, aut sanitatum; vel si honor DEI, atque defensio Religionis postulet aliquod opus, ad quod tale experimentum est necessarium. Porro per *experimentum Divina perfectionis*, intelligitur omne extraordinarium opus, vel auxilium Dei supra communem rerum ordinem præstandum, quo Divina Potentia, Sapientia, Justitia, &c. quasi experientia ipsa cognoscatur.

4. CONCL. II. *Tentatio Dei* potest fieri dupliciter, expresse scilicet, vel interpretative. Ita communis. Et quidem *Tentatio Dei expressa* tunc accidit, quando aliquid fit directe ea intentione, ut experimentum capiatur de quadam Dei perfectione; ut si te proicias in puteum, experturus, an Deus te linat submergi, vel an possit te salvare. *Interpretativa tentatio Dei* contingit, quando quis non intendit explicite tale experimentum de Divina perfectione, facit tamen aliquid ob finem alium, quod ex se requirit extraordinarium Dei auxilium, illudque temere expectat: ut si quis tota Quadragesima velit cibo & potu abstinere ad Christi exemplum, persuasus, Deum vires præbaturum (nisi id fieret ex speciali instinctu Divino) aut si alicui alteri periculo absque necessitate se committat, a quo sine extraordinario auxilio Dei, quod temere expectat, liberari nequit. Huc etiam pertinent Purgationes vulgares, de quibus num. 6.

5. CONCL. III. *Tentatio Dei*, prout fit absque justa causa, regulariter loquendo, atque ex suo genere, est peccatum mortale. Ita Doctores communiter. Ratio est: tum quia adversatur excellentissimæ inter Morales Virtuti Religionis, & consequenter ex suo genere est peccatum mortale: Tum quia vel tentando Deum quis est ineredulus, aut dubius de aliqua ipsius perfectione, & consequenter præter maliciam Infidelitatis irrogat Deo gravissimam injuriam; prout fecerunt omnes perfidi Judæi, de quibus dicitur Psalm. 77. *Tentaverunt Deum in cordibus suis, dicentes: Num-*

*quid & panem poteris dare, aut parare mensam in deserto?* Vel tentans petit a Deo auxilium extraordinarium sine justa causa, quod arguit gravem audaciam, sicque irreverentiam erga Majestatem Divinam, quæ ter sancte, simulque humiliter ac reverentialiter est tractanda: atque insuper est istud contra sapientissimam Dei ordinationem, quæ voluit servari ordinem naturalem; neque absque necessitate eundem invertendum statuit. Unde Christus dæmoni, præcipitium e Templi pinaculo; unde tamen per scalas descendere poterat, suggerenti respondit; *Matth. 4. Scriptum est: Non tentabis Dominum Deum tuum.*

6. Hinc mortaliter peccaminosa est omnis illa Tentatio, quæ tentans Deum, absque alia necessitate committit se aperto periculo vitæ; utputa projiciendo se in ignem; aut præcipitando ex turri, interim putans, Deum esse ipsum salvaturum. Huc etiam spectant *Purgationes vulgares* (sic dictæ, quod nullo jure, sed populari inventione, & fabricantur sunt a unino fidei invidia; c. *Memoriam* 2. q. 5.) quales olim fieri consueverant ferventis sive frigida aquæ, ignitque ferri contactu; & hujusmodi in quibus expectabatur incolumitas a Deo extraordinarie præstanda innocenti; quæ merito reprobantur a Jure Canonico cit. c. *Memoriam*. & c. *Consuluit* 2. q. 5. Item Purgationes, quæ duellum fiunt, in quo expectatur, ut Deus tueatur partem innocentem; quod itidem damnatur can. *Monomachiam* 2. q. 5. & c. 1. ac seqq. de *Purgat. vulgaris* & in Conc. Trid. Sess. 25. can. 29. de *Reform.*

7. Nec obstat, quod Deus olim videatur quandoque hujusmodi Purgationibus miraculo favisse. Resp. enim, id factum esse vel ob simplicitatem illius seculi, atque antequam tales Purgationes fuerunt publice ab Ecclesia damnatæ: vel quia innocenter suspecti ad eas adhibendas cogebantur. Lessius lib. 2. cap. 15. num. 4. Quandoque tamen effectus non respondebat, de quo refertur insigne exemplum c. 2. de *Purgat. vulgaris*.

8. Dicitur nihilominus in Conclusionē; *regulariter loquendo*, ad denotandum, quod Tentatio Dei aliquando per accidens possit esse peccatum veniale. Et hoc contingit vel ratione inconsiderationis, aut ignorantia non crassa; vel ratione parvitatæ materiæ, aut periculi; ut quando quis levi morbo affectus, vane sperat sanitatem a Deo, relictis mediis ordinariis. Bonacina cit. d. sp. 3. q. 9. num. 6. & alii.

## Q U Æ S T I O II.

De Sacrilegio, & quale sit peccatum?

### S U M M A R I U M.

9. *Sacrilegium, quid?*
10. *Ejus tres sunt species:*
11. *I. Quæ violatur Persona sacra:*
12. *II. Quæ loci sacer:*
13. *Et III. Quæ aliæ Res sacra violantur:*  
*Hæc spectat abusus sententiarum S. Scripturæ:*
14. *Sacrilegium est ex genere suo peccatum mortale:*
15. *Clerici, & Religiosi, a quibus abstinere teneantur ratione Voti Castitatis?*
16. *Sacrilegium per accidens fit quandoque peccatum veniale:*
17. *Non omne peccatum a Persona sacra commissum est Sacrilegium.*

T

9. Sd

9. *Sacrilegium*, quod a *sacris* legendis, id est, suffurandis sic dicitur, proprie accipitur pro violatione, seu indigna tractatione rei sacræ; sive pro injuria ac irreverentia illa, quæ infertur Deo per indignam tractationem rerum sacrarum. Et de hac loquendo sit.

10. CONCL. I. Sacrilegiorum universim tres sunt species: aut enim Sacrilegium fit contra Personam sacram, aut contra Locum sacrum, aut contra Rem sacram. Ita Doctores communiter, & ratio est: quia generatim etiam tria sunt genera rerum sacrarum, videlicet personæ, loca, & res aliæ ad Divinum cultum ordinatæ.

11. Porro ad Primam Sacrilegii speciem, qua violatur Persona sacra, pertinet percussio Clerici; fornicatio Ordine sacro initiati, sive Religiosi, aut Religiosæ, & cujuslibet Votum Castitatis habentis. Huc addunt Doctores pertractionem personarum Ecclesiasticarum ad Tribunal seculare, earundem incarcerationem, & hujusmodi, utpote quibus indigne tractantur personæ Deo sacratæ.

12. Ad secundam speciem Sacrilegii pertinent omnia, quæ fiunt contra sanctitatem Loci sacri: ut sunt destructio malitiosa Loci sacri, eversio Altarium, injuriosa effusio sanguinis, vel seminis humani in Loco sacro; item, si confugientes ad Locum sacrum, tamquam ad Asylum, per vim inde extrahantur, & hujusmodi.

13. Ad tertiam Sacrilegii speciem pertinent ea peccata, quibus aliæ Res sacræ temerantur, seu injuriose tractantur. Dicuntur autem Res sacræ in primis Sacramenta; deinde Vasa sacra, vestesque benedictæ, Reliquiæ Sanctorum, Dei ac Sanctorum Imagines; & denique ea omnia, quæ adhibitis certis precibus, ac Ritibus Ecclesiasticis sunt consecrata, & pertinent ad cultum Divinum, atque ministerium Ecclesiasticum. Insuper ad hanc tertiam Sacrilegii speciem spectat abusus sententiarum S. Scripturæ ad superstitiones, ad stabiliendas hæreses, ad amatoria, fabulosa, vana, scurrilia, adulationes, detractiones, libellos famulos, & hujusmodi: quam quidem temeritatem graviter inhibuit Conc. Trid. Sess. 4. in Decreto de Editione, & usu factorum Librorum; atque omnes hujus generis homines, seu violatores, ac temeratores verbi Dei, juris & arbitrii pœnis, per Episcopos coerceri præcepit.

14. CONCL. II. Sacrilegium ex genere suo est peccatum mortale. Ita communis: nam opponitur excellentissimæ inter Morales virtuti Religiosis. Sic quippe certum est, esse peccatum mortale, quando Sacrilegium fit in contemptum Rei sacræ; prout solent facere Hæretici, cum Vasa sacra, Imagines Dei ac Sanctorum, & hujusmodi profanant, & vastant. Similiter constat, committi peccatum mortale Sacrilegii, quando fit aliquid voluntarie ac deliberate in materia gravi, quod habet peculiarem repugnantiam cum sanctitate Rei sacræ: ut est percussio Clerici, item peccatum carnis cum persona Deo sacrata, vel ab eadem persona sacra commissum, &c. Quia talia notabiliter contraveniunt sanctitati Rei sacræ, eique gravem inferunt irreverentiam.

15. Ubi sciendum, quod Religiosi Professi, aut Clerici in sacris constituti, ratione Voti Castitatis teneantur abstinere ab omni deliberata ve-

nerea delectatione, actuque tum interno, tum externo, qui est contra Castitatem: uti sunt non solum fornicatio, aut alius actus venereus, sed etiam turpes cogitationes, delectationes morosæ, aspectus impudici, vel tactus obscæni, &c. Unde quidquid in secularibus extra conjugium est aliquo modo peccatum contra Castitatem, id in Religiosis, & Clericis memoratis etiam est Sacrilegium ratione Voti; adeoque habet duplicem malitiam: ita tamen, ut malitia Sacrilegii sit mortalis in iis actibus, in quibus malitia libidinis est mortalis; venialis vero, in quibus illa est venialis, prout non raro contingit ratione imperfecti voluntarii. Lessius lib. 2. cap. 41. num. 78. Sylvester, Layman, & alii.

16. CONCL. III. Nihilominus per accidens quandoque Sacrilegium potest fieri peccatum veniale. Ita communis. Sic in primis accidit, quando irreverentia Rei sacræ illata, est dumtaxat levis: prout fieri potest in aliquali inhonoratione, aut dilaceratione Imaginum, secluso contemptu, in levi abusu sacrarum Vestium ad profanos usus, in allegatione cujusdam sacræ Sententiæ ad jocum, & idem dicendum de aliis hujusmodi levioribus irreverentiis erga Res sacræ, quæ non excedunt peccatum veniale, secluso contemptu, propter parvitatem materiæ, seu irreverentiæ commissæ. Similiter erit peccatum veniale tantum, & quandoque nullum, si irreverentia aliqua fiat Rei sacræ ex inadvertentia, indeliberatione, aut ignorantia non crassa, vel invincibili: hæc enim a peccato mortali excusat in omni materia.

17. Tandem notandum cum Herinex disp. 8. de Relig. q. 2. num. 12. & aliis, non omne peccatum a Persona sacra, vel in Personam sacram commissum, esse Sacrilegium proprie & formaliter; sed illud tantum, quod directe committitur contra sanctitatem Personæ. Hinc inebriatio, superbia, mendacium, ac hujusmodi, si committantur a Persona sacra, non sunt sacrilegia. Similiter neque ira erga Personam sacram habita, citra corporalis injuriæ illationem, est Sacrilegium: cum talia directe non repugnent ejus sanctitati, bene tamen percussio corporalis ipsius.

### QUÆSTIO III.

De Simonia.

#### SUMMARIUM.

18. *Simoniam, unde sic dicta?*
19. *Ea est species Sacrilegii.*
20. *Simoniam definitio declaratur.*
21. *Simoniam quam grave peccatum?*
22. *Est triplex.*
23. *Simoniam mentalis, quid?*
24. *Simoniam conventionalis, quid?*  
*alia pure conventionalis, & alia mixta.*
25. *Simoniam confidentialis declaratur.*
26. *Simoniam realis.*
27. *Si quid gratis detur, ac recipiatur, non fit Simonia.*
28. *Simoniam non est, intuitu spiritualium functionum, dare, aut recipere aliquid per modum stipendii.*
29. *An de hujusmodi stipendio licitum sit pacisci?*
30. *Id ipsum magis declaratur.*
31. *Simoniam non est, dare quid ad redimendam injunctam vexam circa spiritualia.*



32. *Fallit Conclusio in Beneficiis Ecclesiasticis, si quis necdum habet jus in re.*  
 33. *Licetum est, dare vel recipere pretium pro labore per accidens conjuncto cum sacro Ministerio.*  
 34. *Non item pro labore intrinseco, sive per se conjuncto cum ipso.*

18. **S**imonia a Simone Mago nomen, atque in Lege Evangelica originem traxit, non obstante, quod jam in Lege veteri a Balaam Num. cap. 22. & a Giezi lib. 4. Regum, cap. 5. & a nonnullis aliis, hoc peccatum legatur commissum. Dicitur nihilominus *Simoniam* a Simone Mago, qui cum vidisset, quod per manuum impositionem ab Apostolis daretur Sp. Sanctus (ut legitur in Actibus Apostolorum cap. 8.) obtulit eis pecuniam, dicens: *Date & mihi hanc potestatem, ut, cuicumque imposuero manus, accipiat S. Sanctum.* Cui S. Petrus Apostolus respondit: *Pecunia tua tecum sit in perditionem, quoniam donum Dei exstimaſti pecunia possideri.*

19. Est igitur Simonia species Sacrilegii: cum vendere rem sacram, seu spirituales pretio temporali, sit contra reverentiam Deo in rebus sacris debitam: simulque violet ipsius rei sacre sanctitatem, quæ cum gratioſe nobis a Deo concedatur in nostram proximorumque salutem, atque insuper tantæ sit dignitatis, ut sit pretio inestimabili, ac proinde dignis debeat dari gratis, juxta illud Salvatoris, *Matth. 10. Gratis accepisti, gratis date*: Nihilominus æstimato pretio venditur, aut emitur, rebusque temporalibus æquiparata, humanis contractibus subjicitur.

20. CONCL. I. *Simoniam* est studiosa voluntas emendi, vel vendendi aliquid spirituale, vel spiritali annexum, pretio temporali. Ita Glossa in Rubricam, tit. de Simonias estque definitio hæc communiter recepta inter Doctores, & patebit ex ejus declaratione. Dicitur I. *studiosa voluntas*: id est, actus deliberatus voluntatis: & hæc particula stat loco generis; reliqua adduntur per modum differentiae. Dicitur II. *Emendi vel vendendi*: sub qua particula comprehenduntur omnes contractus, & pacta onerosa, in quibus datur pretium temporale, vel ejus æstimatio pro spiritali, sive id fiat per veram emptionem aut venditionem, sive per aliquam permutationem, aut alium hujusmodi contractum onerosum. Dicitur III. *Pretio temporali*: sub qua particula comprehenditur non solum omnis pecunia, sed etiam quidquid pecunia est æstimabile; ut est munus a lingua, munus a manu, & munus ab obsequio. Hinc in Jure Canonico c. *Sunt nonnulli* 1. q. 1. reprobatur, veluti simoniacum, *Munus ab obsequio, Munus a manu, & Munus a lingua.* Et can. *Salvator.* 1. q. 3. dicitur: *Quisquis igitur res Ecclesiasticas non ad hoc, ad quod instituta sunt, sed ad propria lucra, mungere lingua, vel indebiti obsequii, vel pecunia largitur, vel adipiscitur, simoniacus est; cum concordantiis.*

21. CONCL. II. Simonia ex genere suo est peccatum mortale. Ita certa omnium, & patet ex supra citatis verbis D. Petri, *Actor. 8. Pecunia tua tecum sit in perditionem, quoniam donum Dei exstimaſti pecunia possideri.* Unde passim SS. Canones graviter reprehendunt Simoniam, appellan-

tes eam *Excrabile vitium, turpissimum lucrum, piale flagitium, simoniacam pestem, hæresim simoniacam, ad cujus comparationem omnia crimina quasi pro nihilo reputantur*: ubi videre est c. *Reperiuntur.* Et c. *Quicumque, ac seqq.* 1. q. 1. &c. Patet 1. q. 7. &c. *Per tuas de Simoniam, & alibi.* Ex quibus verbis facile patet gravitas hujus criminis.

22. CONCL. III. Simonia recte dividitur in mentalem, conventionalem, & realem. Ita communis, & patebit ex earum explicatione. Itaque

23. *Simoniam mentalem* est internum propositum, quo quis, dum confert alteri spirituale, intendit eum obligare ad reddendum temporale, vel econtra, sine ullo pacto exteriori expresso, vel tacito: ut si quis det alicui centum aureos, aut eidem interserviat cum intentione ipsum obligandi, ut in mercedem sibi conferat Beneficium Ecclesiasticum, & hoc postea sibi conferatur, quamvis nullum pactum exterius circa hoc intervenerit. Unde per Simoniam mentalem non intelligitur hic merum propositum committendi Simoniam (quamvis & hoc jam sit peccatum) sed intelligitur ea Simonia, quæ quidem aliquem actum externum habet, v. g. dationem pecuniae, malitia tamen ejus non se prodit exterius, sed in sola mente manet, eo quod nullum pactum externum interveniat.

24. *Simoniam conventionalem* est, quando non solum est internum propositum obligandi, sed etiam proceditur ad externam conventionem, seu pactum expresse aut tacite factum, dandi sive recipiendi rem spirituales pro temporali, absque tamen executione, saltem utrinque facta: Additur notanter, *saltem utrinque facta*: nam alia est *Simoniam pure conventionalem*, quæ videlicet ex neutra parte est completa: ut siquidem pactum fuerit initum conferendi Beneficium Ecclesiasticum pro certa pecunia, adhuc tamen neque Beneficium collatum, neque pecunia soluta est. Alia vero est *Simoniam conventionalem mixta*, quæ nimirum est completa solum ex parte unius, sive dando pretium nondum collato Beneficio, sive econtra.

25. Simonia Conventionalis species quædam est *Simoniam*, quæ dicitur *Confidentialis*, qua quis cuipiam Beneficium Ecclesiasticum procurat, eligendo, præsentando, resignando, confirmando, aut alia ratione cum certa confidentia, seu pacto inito, ut is, qui Beneficium accepturus est, illud ipsum sibi procuranti, vel alteri, utputa fratri aut nepoti suo, cum fructibus, aut aliqua eorum portione suo tempore cedat. Et adversus hanc Simoniacæ pravitatis speciem, quam *Confidentialem*, seu *Beneficiorum confidentiam* appellant; eo quod circa sola Beneficia Ecclesiastica contingat, & per quam ex illicita beneficentia quandoque illa aservabantur personis pro tempore inhabilibus, vel etiam nondum natis, edidit Pius IV. severissimam Bullam, quæ incipit, *Romanum Pontificem* (habeturque tom. 2. Bullarii Romani, *Const.* 85. *dicti Pont.*) in qua sub gravissimis pœnis ipsam prohibuit, eamque prohibitionem innovavit S. Pius V. in sua Constitutione 85. *Inolens*.

26. Tandem *Simonia realis* est, quando pactio ex utraque parte impleta est, saltem inchoate: ut si collatio Beneficii facta est, & vicissim pretium solutum, aut saltem pars pretii data pro eo.

27. CONCL. IV. Et si certum sit, committi Simoniam, si pretium temporale exigatur pro administratione Sacramentorum, sepultura Ecclesiastica, confirmatione electionum, installatione in Beneficiis, ac hujusmodi, nihilominus si quid gratis detur, ac recipiatur, Simonia non committitur. Ita communis. Et quidem prior pars sequitur ex dictis num. 20. Unde in jure Canonico tit. de *Simonia*, c. *Non satis* &c. Cum in *Ecclesia*, &c. Ad *Apostolicam*, & alibi gravissime reprehenduntur, ac prohibentur pravae consuetudines exigendi pro similibus sacris functionibus pretium temporale; quamvis laudabiles consuetudines erga sanctam Ecclesiam pia Fidelium devotione introductae, sponte aliquid dandi Ecclesiae Ministris talia spiritualia ministrantibus, observari praecipiantur. Et per hoc patet altera pars Conclusionis, quae amplius habetur can. *Sicut Episcopum* 1. q. 2. & alibi.

28. CONCL. V. Insuper Simonia non est, si intuitu spiritualium functionum, utputa administrationis Sacramentorum, Concionum, Missarum celebrandarum, ac hujusmodi, datur aut recipitur aliquid per modum stipendii, hoc est, pro justa & congrua sustentatione Ministri Ecclesiastici. Est certa, atque communis; & patet ex unanimi sensu, & praxi quotidiana Fidelium. Ratio est: quia unusquisque meretur sustentari ab illo, in cujus licito ministerio occupatur. Unde dicit Christus Dominus *Matth. 10. Dignus est operarius cibo suo*. Et Apost. 1. *Corinth. 9. Si nos vobis spiritualia seminavimus, magnum est, si nos carnalia vestra metamus?* Quasi diceret: Id magnum non est, sed debitum, prout ex contextu patet. Quinimo ex hujusmodi textibus inferunt Doctores, quod eis, qui ministrant populo spiritualia, debeatur sustentatio ex Justitia, sic operario merces sive cibus: unde appellatur *Stipendium sustentationis*, quia vere debitum ut stipendium, juxta illud 1. *Corinth. 9. Quis militat suis stipendiis?*

29. Addunt non pauci, quos sequitur Layman lib. 4. tract. 10. cap. ult. §. 2. num. 15. etiam licitum esse Ministris Ecclesiasticis, quantum est ex natura rei, de ejusmodi stipendio congruo sustentationis ob spiritualia ministeria persolvendo pacisci. Ratio est: Tum quia quilibet potest pacisci de eo, quod sibi Jure naturae debetur. Tum quia Clerici sic paciscentes non exigunt aliquid tamquam pretium spiritualis ministerii (hoc enim, tamquam majus omni pretio temporali, gratis exhibent, & alioquin manifestam committerent Simoniam) sed ejusmodi ministerium sacrum gratis exhibentes, requirunt duntaxat congruam a populo sustentationem; atque ad majorem hujus securitatem paciscuntur de certa ejus quantitate, ubi haec Superiorum auctoritate, vel consuetudine nondum est determinata; vel si est determinata, ut integre praestetur.

30. Notanter hic additur, *Id esse licitum, quantum est ex natura rei*. Siquidem spectato Jure communi antiquo fuisse Simoniam, saltem Juris humani Ecclesiastici, sic pacisci, censet Lessius

lib. 2. de just. & jure, c. 8. num. 49. id probans ex cap. ult. de *Pactis*, & aliis textibus Juris Canonici: quibus tamen per contrariam consuetudinem in quibusdam rebus, & functionibus, ait esse derogatum. Deinde ubi stipendium functionis a Praelatis, vel consuetudine est determinatum, non potest illud excedi sine injustitia. Tandem qui sic paciscuntur, cavere debent, ne habeant intentionem paciscendi de pretio officii spiritualis, sed tantum de congrua sustentatione: caveant etiam, ne imperiti ex tali pacto offendantur, & scandalizentur; qui proinde monendi sunt, pecuniam non pro ipsa actione sacra, sed pro necessaria solum sustentatione postulari.

31. CONCL. VI. Non est Simonia, dare pecuniam solum ad redimendam vexam circa spiritualia, quam quis injuste patitur. Ita communior Doctorum, contra Innocentium; idque desumitur tum ex c. *Questus* 1. q. 3. tum ex c. *Dilectus*, juncta Glossa ibid de *Simonia*; ubi talis redemptio injustae vexae refertur, nec tamen reprehenditur, immo potius approbatur. Accedit ratio: quia dans pecuniam ex tali causa, non dat ipsam pro re spirituali, & tamquam pretium ipsius; sed dat ipsam pro tollenda vexa, seu auferendo iniquo gravamine, atque ad removendum impedimentum pravae voluntatis alterius. Sic v. g. licitum est, saltem urgente casu necessitatis, aut alterius gravis periculi, dare pecuniam ratione Sacramentorum administrandorum illi Clerico, qui non vult ea ministrare gratis: non quidem ut pretium Sacramentorum (hoc enim est intrinsece malum, atque simoniacum, & in nullo prorsus casu licitum) sed tamquam medium ad removendum impedimentum pravae voluntatis, seu avaritiae alterius, atque ut is a peccato injustae vexationis abducatur, & ad officium suum rite praestandum inducatur.

32. Caterum haec Conclusio patitur limitationem in Beneficiis Ecclesiasticis: in his quippe non est licitum, quin potius simoniacum, dare pecuniam pro redimenda vexa, quando offerens pecuniam necdum habet jus in re, sive jus quassitum in Beneficio. Desumitur autem haec limitatio ex cap. *Matthaeus de Simonia*; ubi electus a majori parte, aliis tamen contradicentibus, si his det, aut dari consentiat pecuniam, ut a contradictione desistant, ac ipse postea confirmetur, censetur Simoniacus, & obligatus ad resignandum Beneficium. Ratio est: quia sic daretur pecunia ad consequendum libere jus spirituale, prout discit Abbas Panormitanus super est. c. *Matthaeus de Simonia*, clare distinguens, quod pro jure querendo non sit licitum dare pecuniam etiam ad redimendam vexam, ob textum & rationem allegatam: sed quando jus cuipiam jam est quassitum, & vexatur quis in eo, bene dari possit pecunia pro redimenda vexatione, per textus & rationes num. praes. adductas; quia tunc non amplius sterneretur via per pecuniam ad Beneficium Ecclesiasticum. Hoc ipsum tradit Layman cit. §. 2. num. 22. & seq. citans alios, & Lud. Engel. tit. de *Simonia*, num. 31. ubi etiam resolvit, quod lite beneficii pendente absque labe Simoniae non possit fieri transactio (secus dicendum de compositione

sione amicabili) ut adversarius accepta pecunia a lite desistat, per textum clarum *cap. Constitutus*, &c. *Super eo de Transactionibus*.

\* Dices: Ex ista doctrina sequi, quod Simonia committatur, si e. g. Petrus invidis quibusdam & malevolis hominibus per certas pecunias obstruat os, ut eundem denigrare cessent partim apud certum Parochum, pingue suum Beneficium sibi ipsi alias legitime resignare volentem; partim apud Patronum dicti Beneficii: Respondeo enim negando illatum; talis enim pecunia non datur NB. *Ipsi habenti Jus resignandi, vel praesentandi ad Beneficium* (tunc enim non careret labe Simoniae) sed potius alicui tertio, ut cesset a denigratione, tamquam injusta vexa. Vide de hac Jus Canonicum Patris Reiffenstuel *Lib. 5. Decret. Tit. 3. §. 13. n. 308. & seqq.* & Friderich in *QQ. Canonici de Simonia cap. 2. §. 6. n. 97. &c.*

33. CONCL. VII. Loquendo de corporali labore, defatigatione, atque molestia in sacris Ministeriis, utputa in celebrationibus Missarum, administrationibus Sacramentorum, aut Consecrationibus Ecclesiarum, &c. occurrente, & an pro eodem licitum sit dare, vel recipere pretium, distinguendum est. Et quidem conveniunt Doctores, pro labore aut obligatione, quae sacro Ministerio per accidens conjuncta est, licite aliquid dari, & accipi ut pretium: prout sit, quando Sacerdos iter longum conficere debet ad celebrandam in certa Ecclesia Missam, vel administrandum Sacramentum: aut quando Capellanus obligare se debet ad persistendum in suis spiritualibus functionibus toto anno, praesertim tempore pestis, & hujusmodi. Ratio est: quia talis labor, aut obligatio ex se est pretio aestimabilis, & per accidens solum hic & nunc annectitur spirituali Ministerio.

34. Secus dicendum de labore intrinseco, seu qui per se ac necessario conjunctus est cum sacro Ministerio: nam pro tali simoniacum est dare, vel recipere pretium, *arg. c. Si quis objeceris 1. q. 3. &c. Ad nostram, de Simonia*; ubi generaliter mandatur, quatenus pro ministerio Ecclesiastico exercendo nullatenus pecunia exigatur. Quo tamen non obstante potest aliquid dari, ac recipi per modum justii stipendii, seu ad honestam sustentationem Ministrorum Ecclesiae, ut dictum num. 28. Et hoc solum volunt nonnulli antiquiores Auctores, qui videntur oppositum tenuisse: nam commode explicantur, quod loquantur de justo stipendio, Ministris Ecclesiae in gratiam Fidelium laborantibus debito ad ipsorum sustentationem, non autem de pretio laboris spiritualis. Layman, *lib. 4. tract. 10. §. 4. num. 41. & alii.*

#### QUAESTIO IV.

Solvuntur alia Dubia circa Simoniam, ejusque penas.

#### SUMMARIUM.

35. Simonia alia Juris Divini, alia Juris Ecclesiastici.
36. Exempla Simoniae Juris Ecclesiastici.
37. Papa an possit involvi crimine Simonia?
38. Pretium simoniacum, quid, & quonplex?
39. Munus a manu, a lingua, & ab obsequio, quid?
40. Ad Simoniam requiritur pactum, quale?

41. Corollaria.
42. Solvitur instantia de obligatione Antidotali.
43. Simoniacum est, dare temporale tamquam motum conferendi, vel efficiendi spirituale. Propositio damnata refertur.
44. Per gratuitam compensationem, quid intelligatur in ipsa?
45. Alia propositiones quoad propositum cavende.
46. Unde colligendum, an quid detur vel accipiat ex pacto simoniaco, nec ne?
47. Pena contra Simoniacos in Jure statuta. Eas non inducit Simonia mentalis.
48. Neque conventionalis. Excepta Confidentiali.
49. Quid, si Simonia conventionali postmodum hinc inde compleatur?
50. Simonia Realis inducit penas Juris, quando sit in ingressu Religionis, Ordine, vel beneficio. Beneficium simoniace recipienti, quid agendum?
51. Dispensatio super Beneficio simoniace recepto, a quo possit dari? Et qualiter sit obtinenda?
52. Non autem ante sententiam judicis, si committitur in aliis casibus.

35. **Q**Uaeritur I. An Simonia alia sit Juris Divini, alia Juris Ecclesiastici? Resp. affirmative, cum Glossa communiter recepta *c. Ex parte l. 1. Vers. dimittere de Offic. delegat.* ubi ait, quod quaedam sunt prohibita, quia simoniaca: ut vendere sacramenta, &c. & quaedam simoniaca, quia prohibita: & sunt illa, quae per constitutionem Ecclesiae facta sunt simoniaca.

36. Exemplum Simoniae Juris dumtaxat Ecclesiastici, est in primis permutatio praebendarum, sive Beneficiorum Ecclesiasticorum; quae si fiat pacto interveniente, ac propria auctoritate sine interventu Episcopi, prohibetur tamquam simoniaca, *c. Quastum de Rerum permutat.*, & alibi: etiam tamen permutare unam rem spirituales cum alia spirituali (ut sunt duo Beneficia) ex natura sua non sit simoniacum. Aliud exemplum habetur *can. Placuit. 1. q. 1.* ubi pro modico balsamo, quod benedictum pro Sacramento Baptismi datur per Ecclesias, prohibetur exigi semissis, tamquam speciem habens Simoniae. Similiter *c. Non satis &c. Ea qua de Simonia*, cavetur, ut pro Chrismatibus, & Olei receptione, nulla cujusquam pretii exactio attentetur. Atqui hanc non esse Simoniam Juris Divini, sed dumtaxat Ecclesiastici, patet ex eo: quia oleum, vel balsamum illud, quod benedicitur, secundum se est pretio aestimabile, sicque pro eo pretium recipi, Jure divino aut naturali non prohibetur; ergo prohibitio illa, ob speciem Simoniae fit solo Jure Ecclesiastico.

37. Hinc inferitur, quod Papa quidem possit involvi crimine Simoniae, quae est Juris divini, vendendo v. g. Sacramenta, quia & Papa est subiectus Legi divinae: nihilominus in ipso non habeat locum Simonia Juris dumtaxat Ecclesiastici, qualis reperitur in iis, quae sunt simoniaca, quia prohibita; ut notat Fagnanus *c. Cum pridem num. 55. de Passis. Zoellus tit. de Simonia num. 126. &c.* communis. Siquidem Summus Pontifex secundum plenitudinem potestatis de jure potest supra jus dispensare. *c. Proposuit de Concess. praebenda.* Simul-

que antecessor successorem suum quomodolibet non obligavit: cum non habeat imperium par in parem, prout notatur in c. Exiit §. Caterum de Verb. signif. in 6. cum concordantiis.

38. Quæritur II. Quid, & quotuplex sit pretium simoniacum? Resp. cum communi: *Pretium simoniacum* est aliquid temporale datum pro spirituali. Et hoc in Jure Canonico vocatur *Munus*; non quidem, prout munus significat donum gratuitum, sed prout importat onus seu debitum ex obligatione. Caterum hujusmodi Munus est triplex, videlicet Munus a manu, Munus a lingua, & Munus ab obsequio, prout patet ex dictis, & testibus num. 20. allegatis.

39. Per *Munus a manu* intelligitur non solum pecunia, sed etiam omnis res temporalis, pretio æstimabilis, c. Totum 1. q. 3. Per *Munus a lingua* intelliguntur laudes, preces, seu recommendationes apud Principem v. g. vel populum, ex pacto interponendæ pro eo, qui Beneficium vel rem spiritualement cuiusdam contulit, vel collaturus est: sic enim res spiritualis pacto interposito datur pro illa recommendatione, & e contra, cum tamen ejusmodi recommendandi obligatio sit quid temporale, ac pretio æstimabile. Lessius lib. 2. cap. 35. dubio 20. & alii. Et hac de causa, si detur aliquid temporale Officialibus pro præbendo dumtaxat aditu, vel Mediatori seu intercessori pro labore illo, quem in se suscipit, semel vel sæpius adeundo Collatorem Beneficii, aut ratione alicujus imminentiis damni, v. g. periculi disgratiæ, non committi Simoniam, censent Navarrus cap. 23. *Manualis*, n. 106. & Layman loc. cit. n. 65. quia videlicet talia sunt pretio æstimabilia. Secus foret, si pro ipso Beneficio conferendo, vel impetrando, daretur, aut reciperetur pecunia, ut patet. Tandem per *Munus ab obsequio* intelliguntur servitia, seu obsequia temporalia cuiusdam præstita, seu præstanda sub pacto, seu obligatione Beneficii Ecclesiastici collati, seu conferendi, & e contra.

40. Quæritur III. Quid censendum de pacto simoniaco? Resp. 1. Certum est, ad rationem Simoniam requiri pactum, expressum vel tacitum, dandi rem spiritualement pro temporali, aut e contra; ita videlicet, ut dans temporale intendat alterum obligare ad reddendum spirituale, & e contra. Quamvis idcirco non negetur, posse dari Simoniam ex parte unius dumtaxat; prout patet in Simone Mago, qui solus, non autem D. Petrus, incurrit Simoniam. Idem accidere solet in Simonia mentali.

41. Infertur proinde, si quis det honorarium alteri ad captandam dumtaxat ejus benevolentiam, vel conciliandam amicitiam, ut postea sui memor ex benignitate conferat Beneficium, vel aliam rem spiritualement, non committi Simoniam: quia deest pactum, & totum hinc inde gratis datur. Idem dicendum, si quis interserviat Episcopo gratis ad consequendam ejus benevolentiam, vel ut is suam scientiam atque dexteritatem perspetam habeat, sicque citius alliciatur ad conferendum sibi Beneficium; deest enim pariter omne pactum, uti supponitur: Lessius loc. cit. Layman cit. cap. ult. §. 2. & 3. & alii post. Glossam c. Cum essent v. s. *Promiserat. de Simonia*.

42. Nec obstat, quod ex talibus obsequiis, atque honorariis, oriatur obligatio quædam Antidoralis, id est, talis, qua dans obligat alterum naturaliter ad remunerandum ex virtute gratitudinis. Resp. enim cum Navarro c. 23. *Manualis*, n. 106. Lessio, & aliis, hoc non ob stare: quia ad Simoniam requiritur obligatio ex Justitia, sive, ut ex pacto, expresso vel tacito, detur temporale pro spirituali. At obligatio Antidoralis, seu remuneratoria, solum est ex decencia & honestate, & procedit ex liberalitate; simulque ex se non determinatur ad reddendam rem spiritualement, cum alia ratione remunerando possit eidem satisfieri, nec proprie est obligatio.

43. Resp. II. Nihilominus dare temporale tamquam motivum conferendi, vel efficiendi spirituale, Simoniacum est. Ratio est. Tum quia, quando temporale assumitur ut motivum ejusmodi, jam æquivalenter oblatio illa est emptio, & res temporalis est pretium: simulque per temporale paratur via ad spirituale obtinendum, prout fecit Simon Magus, sponte offerendo pecuniam ad consequendam potestatem spiritualement; cui proinde dixit S. Petrus Act. 8. *Pecunia tua secum sit in perditionem quoniam donum Dei existimasti pecunia possideri*. Tum quia hic intervenit pactum, si non explicitum, saltem implicitum; dum ideo datur temporale, ut alter moveatur, seu tacite obligetur ad reddendum spirituale; quæ est ipsissima Simonia mentalis, quamdiu intentio ista alterum sic tacite obligandi, atque movendi, aliunde exterius se non prodat. Hinc merito Innocentius XI. inter alias sequentem, ordine 45. Propositionem damnavit, sicut jacet: *Dare temporale pro spirituali non est Simonia, quando temporale non datur tamquam pretium, sed dumtaxat tamquam motivum conferendi, vel efficiendi spirituale; vel etiam, quando temporale sit solum gratuita compensatio pro spirituali, aut e contra*.

44. Ubi circa posteriora hujus damnatæ Propositionis verba notandum cum Joanne Cardenas, in *Cristi Theologica*, ad dictam Propositionem 45. num. 37. & seqq. quod per gratuitam compensationem intelligatur ea, quæ sit cum pacto, seu interveniente obligatione dandi aliquid titulo gratitudinis: ut si Patronus conferat Clerico Beneficium cum pacto, ut se gratum exhibeat, & ex gratitudine det ipsi aliquam pecuniam (prout esse licitum pacisci de dando ex gratitudine dono temporali pro spirituali, & e contra, olim fuit opinio quorundam.) Nam qui sic exigit titulo gratitudinis aliquid temporale, excedit limites obligationis Antidoralis, utpote quæ non determinat aliquid temporale, sed potest aliunde impleri; prout bene notat cit. Cardenas num. 46. & jam dictum est supra n. 42.

45. Quoad præsentem materiam cavendæ sunt insuper alia dux Propositiones, quarum prior, ordine 22. ab Alexandro VII. damnata fuit, & sic sonat: *Non est contra iustitiam, Beneficia ecclesiastica non conferre gratis, quia Collator conferens illa Beneficia ecclesiastica, pecunia interveniente, non exigit illam pro collatione Beneficii, sed velint pro emolumento temporali, quod tibi conferre non tenebatur*. Altera vero, illico sequens supra memo-

tata



ratam Propositionem 45. ab Innocentio XI. condemnatam, sic habet: *Et id quoque locum habet, utiam si temporale sit principale motivum dandi spiritalis: immo etiam si sit finis ipsius rei spiritalis sic, ut illud pluri aestimetur, quam res spiritalis.* Hæc utraque Propositio merito est condemnata, ut satis patet ex hæcenus dictis.

46. Resp. III. An aliquid detur, vel recipiatur ex pacto simoniaci, vel potius ex alio justo titulo, pro Foro interno seu conscientie facile dijudicatur, utpote in quo propria cujusque intentio seu mens inspicitur: siquidem bona intentio ponit rem extra vitium; mala vero parit Simoniam, ad minimum mentalem. Zoësius tit. de Simonia. n. 55. Loquendo vero pro Foro externo, in dubio ex circumstantiis id erit dijudicandum & quantum ad hoc, tria sunt maxime attendenda, persona scilicet dantis & accipientis qualitas, quantitas muneris, & donationis tempus, uti notatur c. *Et si quæstiones, de Simonia.*

47. Quæritur IV. Quænam pœnæ in Jure sint contra Simoniacos statutz? Resp. I. Diversæ quidem sunt pœnæ in Jure statutz, etiam ipso facto incurrendæ per Simoniacos, prout habetur in *Extravag. Sane, & Extravag. Cum detestabile, de Simonia* (nam, ut ibidem notat Pontifex, *plures pœnarum gravitas, quam Dei timor arcere solet a veris*) nihilominus nulla Simonia dumtaxat mentalis inducit ejusmodi pœnas. Ita communis, & desumitur ex cap. ult. de Simonia, ibi: *Pro Simonia, qua nullo pacto, sed affectu animi procedente delinquitur, sufficit per solam penitentiam suo satisfacere Creatori.*

48. Resp. II. Insuper Simonia pure conventionalis non inducit ipso facto pœnas a Jure statutas: nam Canones statuunt pœnas in eos, qui *quomodolibet dando, vel recipiendo, Simoniam commiserint*, *Extrav. Cum detestabile, juncta Extrav. Sane, eod.* Idem probabilius dicendum de Simonia conventionali mixta (dummodo hinc excipiantur ea, quæ appellantur *Confidentialis*, seu *Confidentia beneficiorum* propter specialem Bullam B. Pii V. *Intolerabilis*, de qua num. 25.) ut notat Navarrus cap. 23. *Manualis*. num. 104. Zoësius, Engel, Lessius, Covarruvias, & communior. Ratio est: quia nullibi in jure habentur tales pœnæ clare expressæ contra Simoniam conventionalem, etiam mixtam: stante autem dubio, *in penis benignior est interpretatio facienda*, juxta reg. 49. Juris in 6. cum concordantiis.

49. Fatendum tamen, quod tum Simonia conventionalis, tum etiam mentalis, sit grave peccatum. Quinimo si Simonia conventionalis postmodum ex parte utriusque compleatur, in totum vel in partem, hinc dando pretium vel partem ejus, illinc vero rem spiritualem, v. g. Beneficium Ecclesiasticum, etiam incurruntur pœnæ ipso Jure statutz contra Simoniacos, ac retrotrahuntur ad tempus pactionis præteritæ; juxta stylum antiquum Curie Romanæ. Navarrus cit. n. 104. Lessius lib. 2. c. 35. n. 151. & alii.

50. Resp. III. Simonia realis, quæ committitur in ingressu Religionis, in Ordine (id est, in susceptione, vel collatione Sacramenti Ordinis) vel in Beneficio Ecclesiastico, inducit ipso facto

pœnas a Jure statutas. Ita communis, & habetur clare in cit. *Extrav. Sane & Extravag. Cum detestabile, de Simonia*: ubi committentes hujusmodi Simoniam realem, ipso facto excommunicantur, aliisque pœnis subjiciuntur, quæ ibidem enumerantur. Et præsertim cit. *Extravag. Cum detestabile*, circa committentes Simoniam in Beneficiis Ecclesiasticis, statuitur, quod non solum ipso facto incurrant excommunicationem, Summo Pontifici reservatam, sed insuper talis collatio, sive provisio irrita sit, nullumque jus tribuat, adeo, *ut nec inde faciat aliquis fructus suos, sed ad illorum omnium, quæ percepit, restitutionem sub anima sua periculo sit adstrictus.*

Quia igitur omnis collatio Beneficii, quam simoniaci contingit labe fieri, viribus omnino caret, atque exinde jus cuiuspiam nullatenus acquiritur, juxta cit. *Extrav. Cum detestabile*: hinc ille, qui Beneficium simoniace recepit, tenetur (cessante legitima dispensatione) Beneficio taliter acquisito renunciare. Angelus *Verf. Renunciatio num. 13.* Sylvester *Verf. Simonia qu. 13. §. Octavum*, & alii. Non tamen debet talis dimittere possessionem Beneficii, quam de facto habet, absque licentia legitimi Superioris: sed abstineat a perceptione fructuum: excepta stricta necessitate vitæ, & quærat, quam cito poterit, resignare, uti notat Angelus cit. n. 13.

51. Additur vero, *cessante legitima dispensatione*. Nam in primis, qui Beneficium simplex per simoniam ab aliis commissam ignoranter recepit, neque eandem simoniam ratam habuit, & postmodum cognita rei veritate Beneficium illud resignat, potest per Episcopum dispensari ad Beneficium illud retinendum, arg. cap. penult. de i. test. onc. Secus si sit Prælatum, Dignitas, vel Beneficium curatum: quia circa majora cautius est agendum; sicque Episcopus quoad ista, non potest dispensare. Gloss. fin. & Barbosa ad cit. cap. penult. num. 4. Pirhing. tit. de Electione, num. 89. & seqq. & alii. Quod si ipsemet Beneficiarius commisit simoniam, aut eam ab aliis commissam ratam habuit, nequit Episcopus cum eo dispensare ad retinendum Beneficium ita simoniace acquisitum, sed solus Papa, arg. citat. *Extrav. Cum detestabile.*

Deinde loquendo de Foro conscientie, & quando simonia est occulta, poterit adiri Summus Pontifex, vel potius Major Pœnitentiarius ipsius; & exposito rite per litteras crimine simoniæ (tacito tamen nomine Rei, prout in impetratione dispensationis super occultis impedimentis matrimonii fieri solet, juxta inferius dicenda *Tr. XIV. Diff. 14. n. 170. & 171.*) supplicari Eidem, ut præter absolutionem ab excommunicatione, de opportuno dispensationis, seu habilitationis remedio supplicanti providere dignetur, ut ejus idem supplicans pro Foro conscientie imposterum valeat tale Beneficium retinere, ejusque fructus percipere, & hæcenus perceptos retinere. Allegatis in hunc finem veris, & rationabilibus causis, utputa periculo scandali, aut infamie, quæ ex dimissione Beneficii oriri posset, vel paupertate Beneficiarii, &c.

52. Dicitur notanter num. 50. *quæ committitur in ingressu Religionis, Ordine, vel Beneficio Ecclesiastico.* Siquidem nulla alia Simonia, etiam realis, inducit pœnas juris ipso facto, & ante sententiam Judi-

Judicis, nisi in tribus dumtaxat enumeratis casibus; prout observant Lessius n. 130. Pirhing de *Simonia*, n. 154. Navarrus, alique communiter. Quare si quis committat Simoniam in administratione aliorum Sacramentorum, quam Ordinis, vel in Consecrationibus, Benedictionibus, Dispensationibus, aut hujusmodi, graviter quidem peccabit, non tamen ipso facto incurreret pœnam excommunicationis, suspensionis, vel inhabilitatis alicujus. Ratio est: quia nullibi in Jure exprimitur pœna ipso facto incurrenda præter tres Simonie species proxime enumeratas; quamvis c. *Quidquid* 1. q. 1. committens Simoniam in Baptismo, vel collatione Chrismatis, dicatur *competenti pœna, & debita excommunicatione plectendus*; atque etiam cap. *Qui alium* & cap. *Sicut*. & cap. *Ea que, de Simon.* convicti de Simonia jubeantur deponi: nam hæc verba non indicant pœnam latæ, sed dumtaxat ferendæ sententiæ.

\* Ea, quæ forsitan circa Simoniam adhuc addi possent, partim inveniuntur in Jure Can. Lib. 5. Decret. Tit. 3. partim ponuntur alibi, nimirum *Tract. XI. Dist. I. post. num. 80. in Appendice.* \*

### QUESTIO V.

De Blasphemia.

#### SUMMARIUM.

53. Blasphemia vi nominis, quid?
54. Ejus definitio. *Quæ declaratur.*
55. Datur Blasphemia in Deum, & Sanctos.
56. Blasphemia dividitur in hereticalem, & non hereticalem.
57. *Estque ex genere suo peccatum mortale: Nec admittit parvitatem materiam.*
58. Peccata verborum maxime sunt ex intentione dicentis dijudicanda.
59. Corollaria.
60. *Ex ira dicere: Corpus Dei, Christina, Sacramenta &c. quale peccatum?*
61. *Quid de nonnullis aliis verbis?*
62. *An omnes Blasphemia sint ejusdem speciei?*
63. *Quid de Blasphemia in Deum, & Sanctos?*
64. *Sententia opposita non caret sua probabilitate.*

53. **B**lasphemia est nomen græcum, & juxta nominis etymologiam idem est, ac *Necens dictum*; unde & Maledictioni, Convicio, atque Contumeliæ convenire potest: communiter tamen sumitur pro verbo contumelioso in Deum. Et hoc annotavit D. Augustinus lib. 2. *De moribus Manichæorum*, c. 11. dicens: *Est autem Blasphemia, cum aliqua mala dicuntur de bonis. Itaque jam vulgo Blasphemia non accipitur, nisi mala verba de Deo dicere: de hominibus namque dubitari potest, Deus autem sine controversia bonus est. Hæc ille.* Et de tali Blasphemia loquendo, fit

54. CONCL. I. Blasphemia est contumeliosa in Deum locutio: sive (ut alii loquuntur) Blasphemia est verbum maledictionis, convicii, sive contumeliæ in Deum. Ita in re communis. Unde patet, quod Blasphemia immediate opponatur Latidi Dei.

Dicitur, *locutio contumeliosa*. Quia Blasphemia consistit præcipue in verbis irreverentibus, injuriis, & Divinum Nomen seu honorem lædentibus, etsi aliquando etiam committatur ipsis factis, utputa si Deus contumelioso signo vilipendatur; ut exspuendo in cælum, aut hujusmodi. Datur

insuper Blasphemia cordis, seu interna, non minus, ac dari solet Laus interna Dei: circa quam nihilominus bene attendendum est, num adfuerit plena advertentia & consensus, vel potius dumtaxat sint cogitationes blasphemæ incidentales, & involuntariæ: hæ enim peccatum non sunt, aut saltem non grave, defectu voluntarii, plenæque deliberationis.

55. Dicitur ulterius, *contumeliosa in Deum*. Quia, ut notat D. Th. 2. 2. q. 53. a. 1. Blasphemia est peccatum, quo quis ex pravo cordis affectu de excellentia Divinæ Bonitatis detrahit, illique contumeliam infert, vel negando aliquid, quod ipsi proprium est, vel aliquid imponendo, quod ei minime convenit. Caterum per hoc non negatur, dari etiam Blasphemiam in Beatissimam Virginem Mariam, aliosque Sanctos: etenim, sicuti Deus laudatur & honoratur in suis Sanctis, horumque gloria redundat in Deum: sic etiam Blasphemia erga Divam Virginem, & Sanctos, redundat in ipsum Deum.

56. CONCL. II. Blasphemia inter alias divisiones suas, præcipue dividitur: in hereticalem, & non hereticalem seu simplicem. Blasphemia hereticalis est illa, quæ Articulis Fidei directe opponitur: seu qua aliquid asseritur Fidei contrarium per verbum indicativi modi: ut si quis dicat: *Deus est crudelis, injustus, mendax, infidus, qui res hominum non curat*; vel si quis dicat: *o Deum injustum*! aut, *Abnego Deum*, &c. Blasphemia simplex, seu non hereticalis dicitur, quæ Articulis Fidei directe non opponitur, sed aliquid vituperabile per modum detestationis, & quasi imprecationis, in Deum profert: ut si quis Deo maledicat, aut optet, non esse Deum.

57. CONCL. III. Blasphemia ex genere suo est peccatum mortale; estque lethalis culpa, quoties cum perfecta advertentia verba Blasphemie proferuntur. Ita communis: siquidem Blasphemia gravem infert Deo injuriam. Quinimo notant Doctores, Blasphemiam ratione parvitatatis materiæ non posse fieri peccatum veniale (in ipsa enim non datur parvitas materiæ, cum omnis Blasphemia gravem injuriam Deo inferre videatur) sed tantum ex indeliberatione, & inadvertentia actus, posse quandoque Blasphemiam fieri veniale peccatum.

58. Circa quod bene notanda est doctrina, quam tradit D. Angelicus 2. 2. q. 73. a. 2. quod *peccata verborum maxime sunt ex intentione dicentis dijudicanda*. Hæc quippe doctrina etiam locum habet in verbis Blasphemiam sonantibus, vel non sonantibus, quibuscumque enim verbis utaris, non eris reus Blasphemie in Foro Dei, si absit omnis tam indirecta seu virtualis, quam directa seu formalis intentio inhonorandi Deum: & contra coram Deo judicaberis Blasphemus, etiam si sanctissimis verbis inhonores ex intentione Creatorem tuum. In Foro autem externo præsumitur quis eo sensu locutus, quem verba ex communi usu loquendi indicant. Unde D. Gregor. lib. 26. *Mor. c. 7.* relatus can. *Humana* 22. q. 5. sic inquit: *Humana aures verba nostra talia judicant, qualia foris sonant: Divina vero judicia, talia ea audiunt, qualia ex intimis proferuntur.* Hinc

59. In-

59. Infertur I. Si quis verba Blasphemiae proferat, animo nec actualiter, nec virtualiter advertente, puta in ebrietate, non esse Blasphemiam proprie dictam, sed tantum materiale. Additur notanter, *animo nec actualiter nec virtuali ex advertente*: quia, licet non possit esse malitia peccati Blasphemiae, nisi homo actualiter vel virtualiter intelligat, seu advertat ad verba, quae ore proferit; sufficit tamen ad hoc indirecta, & virtualis attentio, & intentio. Unde si quis scienter ac serio loquatur verba, quae vel ex propria significatione, vel ex modo proferendi, aliisve circumstantiis Divini honoris diminutionem continent, quamvis homo eam directe non intendat, adhuc tamen committit Blasphemiam: sicut a pari ad peccatum detractionis, vel contumeliae erga hominem, non requiritur formale nocendi propositum; sed sufficit virtuale. Layman lib. 4. tract. 10. cap. 6. n. 2. 6. & 7. ac alii.

60. Infertur II. cum Sanchez lib. 2. in Decal. cap. 32. Laymano, Cajetano, Navarro, & aliis, non esse proprie Blasphemiam, quando quis in ira, vel rixa cum aliquo, enunciat quidpiam de Deo, quod verum est, utputa ex indignatione dicendo: *Corpus Dei, Chrisma, Sacramenta, &c.* Quia etsi irreverenter dicantur, non tamen proferuntur per modum contumeliae, vel injuriae Deo irrogatae, nec aliquid falsum Deo tribuunt, sicque plerumque non sunt peccata mortalia: dummodo affectus ille indignationis, & irae non tendat in Deum, sed tantum contra hominem, vel jumentum, cui aliquis irascitur; quod ex modo dicendi; aliisque circumstantiis, erit dignoscendum. Verum hoc non obstante, ejusmodi verba sacra temere & irreverenter proferre in ira, est peccatum cujusdam Irreligiositatis, sed tantum veniale, ut ajunt Sanchez, Cajetanus, Armilla, & alii; quamvis ob scandalum, vel periculum formaliter blasphemandi, mortale fieri possit, ideoque homines a tali Irreligiositate, & apparente Blasphemia merito absterrendi sint.

61. Hoc autem intellige, si ejusmodi verba secundum se Divini honoris diminutionem nullam exprimant: nam si verba talia, aut tali modo proferantur, ut contumeliam Dei, aut Sacramentorum significant: *Ganz Tunnen Sacrament, ganz Galle Sacrament, disst dich Gottes Chrysm schende*, (ut exemplificat, & docet Layman loc. cit. n. 12. & post eum Gobat tract. 11. Theol. Experiment. n. 739. cum aliis) censerentur debent Blasphemiae, dummodo homo attenderit ad vilipensionem Dei, aut rei sacrae, quae talibus verbis exprimitur. Saepae autem homines ejusmodi verba blasphemia proferunt inadvertenter, & materialiter tantum, non attendendo, quid significant: tum vero excusantur a peccato mortali, dummodo interim conentur perversam ejusmodi consuetudinem deponere.

62. Quaes, an omnia peccata Blasphemiae sint ejusdem speciei? Resp. I. Blasphemia haereticalis specie distinguitur a simplici Blasphemia. Ita certa, & communis. Ratio est: quia illa opponitur etiam Fidei, haec autem Religioni tantum; quae duae virtutes sunt specie diversae.

63. Resp. II. Probabilius est, etiam Blasphemiam in Deum & Blasphemiam in Sanctos, specie

distingui. Ita Mastrius disp. 11. Theol. Moral. sum. 46. post Caspensem, & alios, contra Sanchez cit. c. 33. n. 38. Cajetanum, Bonacinam, Azorium, aliosque. Ratio datae responsionis est: quia cultus Deo debitus est Patri; cultus vero Beatissimae Virgini Mariae, & Sanctis debitus, est Hyperduliae, vel Duliae; atqui hi cultus specie differunt; ergo etiam Blasphemiam in Deum, & Blasphemiam in Sanctos, specie differunt, cum opponantur ejusmodi diverso cultui, Deo & Sanctis debito.

64. Ceterum quia opposita sententia, asserens, Blasphemias in Deum & Sanctos esse ejusdem speciei, eo quod opponantur eidem virtuti Religionis, quae tribuit cultum Deo, & Sanctis propter Deum (non obstante, quod hic cultus sit diversus ab illo) multorum Doctorum existit, neque caret sua probabilitate: hinc ipsa nonnumquam Confessariis deservire poterit, praesertim quoad Poenitentes, hanc diversitatem ultro non exprimentes.

\* Quaes II. Quomodo ergo praestice agendum sit quoad poenitentes, qui confitentur, se blasphemasse? Respond. Eisdem I. esse interrogandos, an deliberate vel indeliberate fecerint: nam si ex mera praecipitantia (prout saepe contingit, quando super homines vel jumenta indignantur) non considerando perfecte malitiam actus, blasphemassent, ab ulterioribus interrogationibus omnino superfedere potest Confessarius: tenentur tamen etiam tales, si in Blasphemando jam contraxissent habitum, haud dubie impendere diligentiam, ut iterum desuescant. Quod si vero poenitentes responderent (prout frequenter audies) fuisse factum ex ira, urgendi sunt, num sub ira saltem in confuso recogitaverint de gravi offensa, nec ne? Et profecto, si aliquo modo longius tales Blasphemias, praesertim notabiliores, protraxerint, in dubio praesumendi sunt, blasphemasse deliberate. II. Postquam Confessarius ex prima interrogatione cognovit, blasphemias fuisse deliberate, ac serio animo prolatas, instet ulterius, quibus verbis blasphemaverint? nam homines maxime plebeji solent saepius haec tria confundere: *Blasphemare, imprecare, & jurare*: Germanice *Schelten, Fluchen, Schwören*, quae tamen specie omnino differunt, uti recte advertit Sporer hic. Item ex hoc ipso responso poenitentium eruet Confessarius, num forsitan simpliciter Sacramenta protulerint exemp. gr. dicendo Germanice *Sacrament*, aut *Gotts Sacrament*, quae verba absente scandalo peccatum veniale non excederent, & potius ad irreligiositatem, quam ad Blasphemiam reducerentur; vel num etiam veras Blasphemias effuderint? Quando in notitiam verae alicujus Blasphemiae devenit Confessarius, III. Indaget de numero, quoties interpolatis vicibus deliberate contigerit? Hoc sibi etiam notet Confessarius, quod Blasphemiae, quae effutuntur v. g. a desperantibus ex maligno affectu seu indignatione erga ipsum Deum, sint quidem respective in Germania rariores, & tamen etiam periculosiores, quam si effunderentur ex indignatione erga homines, vel jumenta, uti & graviore, ac subinde haereticae.\*

# TRACTATUS VI.

DE HORIS CANONICIS, JURAMENTO, ET VOTO.

1. **I**nter alios Religionis actus connumerari Juramentum & Votum, superius (a) jam dictum est: verum de ipsis merito seorsim agitur, tum ob copiosiores, quam continent materiam, specialesque difficultates; tum majoris claritatis gratia. Quia vero Horæ Canonicæ comprehenduntur sub Oratione, uno ex primariis actibus virtutis Religionis, prius de eisdem sub propria distinctione dicendum erit.

## DISTINCTIO I.

De Horis Canonicis.

### QUESTIO I.

• Quid sint, & quo Jure obligent Horæ Canonicæ.

#### SUMMARIUM.

1. Ratio Ordinis. (a) Tract. 5. dist. 1. n. 10.
2. Hora Canonica, quæ?  
Dicuntur Officium Ecclesiasticum, & Divinum.
3. Officium Ecclesiasticum, Nocturnum, & Diurnum, quid?  
Laudes an possint separari a Matutino?
4. Officium totum constat septem Horis Canonicis.  
Mystica ratio hujus septenarii numeri.
5. Usus Horarum Canonicarum jam a tempore Apostolorum.
6. Eas non primitus instituit S. Gelasius I.
7. Obligatio recitandi Horas Canonicas non est Juris Divini, sed Ecclesiastici.
8. Solvitur obiectio.
9. Nova instantia de Clericis Beneficiariis proponitur.
10. Ea diluitur, ostendendo, quod etiam Clerici Beneficarii solo Jure Ecclesiastico teneantur ad Horas.

2. **C**ONCL. I. Nomine Horarum Canonicarum intelliguntur ex preces vocales, quæ ex præcepto Sacrorum Canonum ab Ecclesiasticis personis nomine Ecclesiæ DEO persolvuntur. Et hujusmodi Horæ Canonicæ continentur in Breviario, atque alio nomine appellantur Officium Ecclesiasticum; item Officium Divinum: de quo Seraphicus Doctor S. Bonaventura, in *Seculo Novit. part. 1. cap. 16.* verissime dixit: *Nemo Dei se estimet servum, si Dei potissimum negligat servitutem, qua appropriato vocabulo Dei servitium (Officium Divinum) nuncupatur.*

3. Porro totum Officium Ecclesiasticum dividitur in Diurnum, & Nocturnum; sicuti colligitur ex Jure Canonico, *cap. Doctores, de Celebrat. Missarum*, ibi: *Distincte precipientes in virtute obedientia, ut Divinum Officium, nocturnum pariter & diurnum, quatenus eis Deus dederit, studiose celebrent pariter & devote.* Ubi per Nocturnum Officium intelligitur id, quod de nocte dici consuevit, & vulgo *Matutinum* nuncupatur: cui juxta morem Ecclesiæ Romanæ *Laudes* adjunguntur, etsi hæc olim in multis Ecclesiis fuerint a matutino, intempesta nocte (uti nunc multi Religiosi Ordi-

nes etiamnum faciunt) persoluto separatæ; quemadmodum & de facto in nocte Nativitatis Domini fieri solet. Ad cujus imitationem, inquit Layman *lib. 4. tract. 1. cap. 2.* cum aliis, neque hodie quidquam obstat, quod minus in privata Oratione preces Nocturnæ a Laudibus separantur; quamvis in publico Choro cujusque Ecclesiæ consuetudo sit servanda. Per Officium Diurnum econtra intelliguntur cæteræ Horæ Canonicæ, quæ de die sunt persolvendæ.

4. Hoc totum Officium Divinum communiter septem partibus, seu Horis Canonicis constare dicitur, juxta illud Psalmistæ, *Psal. 218. Septies in die laudem dixi tibi. Qui septenarius numerus* (subjungit Concilium Agathense, relatum c. 1. de *Celebrat. Miss.*) a nobis impletur: si *Matutini, Prima, Tertia, Sexta, Nona, Vespera, & Completorii tempore nostra servitutis officia persolvamus; nam de Nocturnis vigiliis idem ipse Propheta ait: Media nocte surgebam ad confitendum tibi.* Hæc ibi. Accedit etiam Mystica ratio hujus septenarii numeri Horarum Canonicarum: septem quippe sunt dona Spiritus Sancti, septem diebus completa fuit creatio mundi, septem sunt Mundi ætates, septem petitiones Orationis Dominicæ, septem Psalmi Pœnitentiales, ac præsertim septem præcipua Dominicæ Passionis Mysteria, in quorum proinde commemorationem septem Horæ Canonicæ recitantur, juxta illos vulgatos versiculos, a Glossa *cap. 1. de Celebrat. Miss.* relatos

*Hæc sunt, s. preterea propter quæ psallimus Horis, Matutina lega: Christum, qui crimina purgat. Prima replet spiritus: causam dat Tertia mortis. Sexta Crucis nectis: latus ejus Nona bisperit. Vespera deponit: tumulo Completa reponit.*

5. **C**ONCL. II. Usus Officii Divini, ac recitatio Horarum Canonicarum, est antiquissimus in Ecclesia, & jam a tempore Apostolorum inchoatus, atque celebratus. Ita Doctores communiter, & colligitur ex illo *Actorum 3. Petrus & Joannes ascendebant in templum ad horam orationis nonam.* Et *Act. 16. Media nocte Paulus & Silas orantes laudabant Deum.* Item *Act. 10. Ascendit Petrus in superiora, ut oraret circa horam sextam.* Accedit illud Clementis Papæ I. *lib. 8. Constitut. Apostol. can. 34.* sic dicentis: *Preces facite mane, hora tertia, sexta, & nona, & vespere, atque ad Galli cantum.*

6. Nec obstat, quod aliqui asserant, a Gelasio I. vel S. Gregorio Magno Horas Canonicas cœpisse. Id siquidem non recte dici, patet ex proxime allatis auctoritatibus tum S. Scripturæ, tum S. Clementis Papæ I. qui S. Petri Apostoli Discipulus extitit. Fortassis tamen (inquit Azorius *om. 1. lib. 10. cap. 1.* & Filliuccius) Gelasius Papa legem publicam constituit, qua Clerici preces Canonicas septies in die persolvere cogerentur; ita ut, quod antea usu & consuetudine antiqua servabatur, lege



ge deinde lata fuerit confirmatum, ac perpetuo in Ecclesia servari praeceptum, eo ferme modo, quo S. Callistus Papa I. constituit Quatuor anni Tempora, quibus jejunium ex Apostolica traditione acceptum, ab omnibus servaretur; ut habetur in ejusdem Festo, die 14. Octobris, ac refertur *can. 1. dist. 76.* Certe S. Gregorius Magnus Ecclesiasticum Officium auxisse legitur in sua Vita, & per consequens illud primitus non instituit, sed antea jam institutum augmentavit.

7. CONCL. III. Obligatio recitandi septem Horas Canonicas non est Juris Divini, sed solum Ecclesiastici. Ita Sannig. *dist. 2. de Horis Canonicis, num. 5.* Azorius, & alii contra Abbatem in *cap. 1. de Celebrat. Miss.* & alios nonnullos, volentes esse Juris Divini. Ratio est: quia nullibi habetur expressum praeceptum Divinum recitandi septem Horas Canonicas in S. Scriptura, sed hic mos primum ab Apostolis, tamquam Ecclesiae Praelatis, ac Rectoribus incepit; qui postmodum a Successoribus Romanis Pontificibus expressius fuit praeceptus.

8. Nec dicas cum opposita sententia: *Pf. 118.* dixit Regius Psalteres: *Septies in die laudem dixi tibi* ergo hoc est Juris Divini. Resp. enim negando consequentiam: nam hinc quidem factum Regis Davidis habetur, non autem aliquod jus constituitur: alioquin non tantum Clerici, sed vel maxime Reges obligarentur ad recitandum septem Horas Canonicas; quod nemo dixerit. Verum quidem est, quod Ecclesia hoc Davidico exemplo coelitus instructa, ad imitationem ipsius legem sanciverit, ut Clerici septem Horas Canonicas persolverent; inde tamen non sequitur, id esse Juris Divini. Nisi velimus Jus Divinum nimis late sumere pro omni eo, quod habetur in S. Litteris, ac ex eis derivatur: quo modo auctores oppositae sententiae videntur impraesentiarum Jus Divinum accipere, latius tamen quam par est.

9. Urgebis autem: Clerici sunt in sortem Domini vocati, atque ideo Clerici dicti, ut habetur *can. Duo sunt. 12. q. 1.* Item Clerici percipiunt Decimas, proventus Ecclesiasticos, redditus annuos Beneficiorum, aliasque elemosynas a Laicis, ut pro ipsis Deum precantur: ergo Jure Divino, quin naturali, tenentur ad recitandas Horas Canonicas. Probatur consequentia: quia qui de Altari vivit, Altari inservire tenetur; atque, ut dicitur *cap. ult. de Rescriptis in 6. Beneficium Ecclesiasticum datur propter officium:* simulque lex Justitiae, vel saltem Gratitude postulat, ut Clerici pro Fundatoribus atque Benefactoribus, quorum elemosyna sustentantur, Deum precantur. Ob has, aliasque similes rationes, loquendo de Clericis Beneficiariis, multi Auctores, nominatim Abbas *cap. 1. de Celebrat. Missarum*, Navarrus *cap. 7. de Oratione, n. 3.* Zabarella, Rosella, Tabienna, Armilla, alique sentiunt, hujusmodi Clericos Beneficiarios etiam Jure Divino, imo & naturali, urgente nimirum lege Justitiae, & non tantum Jure Ecclesiastico, teneri ad recitandas Horas Canonicas. Hoc tamen non obstante sit

10. CONCL. IV. Etiam Clerici Beneficarii solo Ecclesiae praecepto tenentur ad recitandas septem Horas Canonicas. Ita Sylvester *Vers. Hora,*

*quasi. 8. dist. 9.* Azorius *lib 10. cap. 4. quasi. 13.* & alii. Ratio est: quia, et si Clericus Beneficiarius debeat servire Ecclesiae, atque pro benefactoribus, ipsisque Fundatoribus de Jure naturali, id est, lege Justitiae; & Gratitude, Deum deprecari, inde tamen continuo non sequitur, hoc fieri debere recitando septem Horas Canonicas. Ratio hujus est: quia dantur alia servitia spiritualia Clericis Beneficiariis praescripta, quae Ecclesiae servire debent; possetque dictae obligationi naturali abunde satisfieri, si qualescumque preces ad Deum pro Benefactoribus, atque Fundatoribus Beneficiorum persolverent; ergo obligatio determinate recitandi septem Horas Canonicas, non est de Jure naturali ac Divino, & consequenter solum de Jure Ecclesiastico. Et per hoc patet ad rationes oppositae sententiae, quae solum probant, aliqua servitia Ecclesiastica, precesque a Clericis Beneficiariis esse persolvendas Jure naturali; non autem determinate septem Horas Canonicas, nisi accedente primum praecepto Ecclesiastico.

## QUESTIO II.

Quinam teneantur recitare Horas Canonicas?

### SUMMARIUM.

11. Tria genera hominum, de quibus procedit Quaestio.
11. Clerici in Sacris constituti tenentur recitare Horas Canonicas.
13. Subdiaconus tenetur eas dicere jam primo die, quo ordinatur; & quas?
14. Clerici in Sacris, etsi sint excommunicati, suspensi &c. tenentur recitare Horas.
15. Excommunicati tamen non debent dicere: Dominus vobiscum.
16. Clerici non Beneficarii Minoris non tenentur ad Horas.
17. Sola Professio Religiosa non inducit obligationem recitandi Horas.
18. Religiosi quinam, & unde teneantur recitare Horas Canonicas?
19. Novitii, an sub culpa teneantur recitare Horas?
20. Quid de Societate Jesu, & nonnullis Monasteriis Monialium?
21. Quanta sit obligatio Religiosorum persolvendi Horas Canonicas in Choro?
22. Quid de Religioso Clerico, ad statum Laicalem translato?
23. Quid de Clerico Professo, sed ejecto ex Monasterio?
24. Clerici Beneficarii, qui?  
(b) Traet. 11. dist. 1. quasi. 1.
25. Clerici Beneficarii obligantur ad Horas Canonicas.
26. Quibusdam tamen exceptis.

**T**ria sunt genera hominum, de quibus praesens Quaestio movetur: nam alii sunt Clerici non Beneficarii, alii Beneficarii, & alii Religiosi; & hi sive sunt suspensi, excommunicati, degradati, aut Religiosi ex Ordine ejecti, sive non. De quibus omnibus per sequentes Conclusiones singillatim dicendum.

12. CONCL. I. Clerici omnes in Ordinibus sacris constituti, licet nullum Beneficium Ecclesi-

siasticum habeant, ad recitandas Horas Canonicas sub culpa mortali sunt obligati. Ita omnes Doctores; idque loquendo de Sacerdotibus clare habetur in Jure Canonico, c. *Presbyter. & c. Doctores, de Celebrat. Missarum*. Loquendo autem de Diaconis, & Subdiaconis, utpote de quibus citati Canones expresse non loquuntur, dicta obligatio fundatur, atque desumitur ex generali ac immemoriali consuetudine Ecclesie: nam consuetudo legitime præscripta habet vim legis, simulque ea est *optima legum interpretis*, c. *Cum dilectus, de Consuet.*

13. Et notandum cum communi Doctorum, quod initiatus sacro Subdiaconatus Ordine teneatur jam primo die, quo Ordinem istum sacrum recepit, Officium Divinum persolvere: quamvis primo illo die nondum teneatur totum illius diei Officium dicere, sed obligetur solum ad eas Horas Canonicas recitandas, quæ correspondent tempori illius diei, quo ordinatus fuit; sicque obligationem recitandi contrahit; puta, ut ineipiat a Sexta vel Nona, si illo tempore fuit ordinatus in Subdiaconum. Layman *lib. 4. tract. 1. cap. 6. num. 3.* & communis. Notant insuper Doctores, talem non satisfacere præcepto, suæque obligationi, si recitet Horas illas Canonicas ante Ordinationem suam in Subdiaconum: quia (inquiunt) pro illo priori tempore necdum cucurrit præceptum recitandi Horas, & consequenter tunc nondum potuit illi præcepto satisfieri.

14. CONCL. II. Ejusmodi Clericus non liberatur hac obligatione recitandi Horas, etiam si sit excommunicatus, suspensus, depositus, aut degradatus. Ita communis. Ratio est: Tum quia per excommunicationem v.g. non tollitur Ordo sacer, utpote cujus character indelebiter inhaeret animæ, & consequenter neque tollitur obligatio recitandi divinum Officium eidem annexa. Tum quia nemo debet ex propria culpa, & iniquitate commodum reportare; prout fieret, si quis excommunicatus, aut ob propriam culpam degradatus, liberaretur ab obligatione dicendi Horas Canonicas.

15. Observat etiam Bonacina *tom. 1. disp. 1. de Horis Canon. q. 2. punct. 3. num. 3.* Clericum degradatum, aut excommunicatum, non posse, dum recitat Divinum Officium, dicere: *Dominus vobiscum*; sed debere loco illius dicere, *Dominus exaudi*; quia hæc est functio Ordinis, & communicatio quædam in Officiis Divinis, quæ non est licita excommunicatis. Imo Suarez, & Navarrus, relati a Bonacina *tom. 1. disp. 2. de Excommunicatione, quest. 2. punct. 3. §. 2. num. 6.* cum quibusdam volunt, excommunicatum incurrere irregularitatem, dicendo, etiam privatim, *Dominus vobiscum*. Sed hoc non videtur admittendum: quia parvitas materię sicut excusat a mortali peccato, ita & ab irregularitate, quæ oritur ex delicto, & imposita est ob peccatum mortale. Bonacina *loc. cit.* Henriquez, Filliucius, & alii.

16. CONCL. III. Clerici non Beneficarii, neque Religionem professi, constituti solum in quatuor Ordinis minoribus, non obligantur recitare Horas Canonicas. Ita unanimis Doctorum: idque patet ex communi Ecclesie consuetudine,

quæ est optima legum interpretis; simulque ex eo, quia ejusmodi obligatio nullibi reperitur in Jure expressa.

17. Quantum attinet ad alterum genus hominum, nempe Religiosorum, sciendum est, ex vi solius Religiosæ Professionis non sequi obligationem dicendi Horas Canonicas, ut inter alios bene notat Reginaldus *lib. 18. cap. 11. num. 137.* Patet hoc tum ex eo: quia Professio ipsa Religionis ordinarie obligat tantum ad tria vota essentialia, Paupertatis nimirum, Castitatis, & Obedientiæ, servanda secundum Regulam. Tum quia dantur Religiones non deputatæ ad Chorum, sed quæ institutæ sunt præcipue ad exercenda corporalia Misericordiæ opera in Hospitalibus, vel ad Militiam adversus Infideles, vel ad aliquas actiones spirituales: immo & in Religionibus Choro addictis dantur Laici, seu Conversi professi, quos constat non teneri ad recitationem Horarum Canonicarum. Hinc videndum, quinam Religiosi, & ex quo fundamento teneantur recitare Horas Canonicas.

18. CONCL. IV. Religiosi omnes, ac singuli (exceptis Novitiis, & Laicis conversis) qui profitentur Religionem Choro addictam, tenentur sub mortali ad persolvendum Divinum Officium, tametsi ad nullum Ordinem sacrum sint promoti; idque vel ratione propriæ Regulæ (ut FF. Minorum Clerici professi, quibus etiam ante receptionem Ordinum sacrorum *cap. 3. Regula* præcipitur, ut faciant Divinum Officium secundum ordinem Sanctæ Romanæ Ecclesie) vel saltem vi generalis consuetudinis, quæ in omnibus Religionibus Choro addictis cum tanta obligatione acceptata est. Ita Doctores communiter, paucis exceptis, quos allegat, & rejicit Layman *loc. cit. num. 1. & 2.* Ratio est: quia consuetudo habet vim legis; estque dicta consuetudo in Religiosis Choro addictis passim recepta.

\* Respondent equidem contrariæ sententiæ Patroni, quod hæc generalis consuetudo, quatenus habet vim legis, estque obligatoria, sit præcise accepta in tantum, ut hæc obligatio afficiat ipsam talem Religionem Choro addictam in communi ad recitationem in publico, non autem singula ejusdem membra in particulari, si absint a Choro, ita nimirum, ut sub mortali equidem nequeat talis Religiosa Familia intermittere Chorum in aliquo Monasterio; bene tamen personæ particulares, si absentes a Choro non recitent Horas Canonicas privatim, a mortali excusantur, nisi aliunde vi Regulæ, aut sacri Ordinis suscepti ad divinum officium adstringantur: nam *Contra* est, quod Communior Doctorum vi dictæ consuetudinis generalis, quoad Religiones Choro addictas non solum in communi, sed etiam quoad singula membra in particulari agnoscat introductam obligationem recitandi Horas Canonicas. Licet cæteroquin, ut verum fatear, etiam altera sententiæ contraria, quam tenent Joannes Medina, Alphonsus a Castro, Cajetanus, Armilla, Petrus Marchantius, Lessius, Bordonus, ac alii apud Sporer, *part. I. Theolog. Sacrament. in Append. cap. 2. num. 14.* & quæ plurimum poterit deservire pro scrupulosis Religiosis, ac Monialibus, non careat sua probabilitate, quidquid contradicat danegando

do huic probabilitatem Sanchez, Reginaldus, ac Diana apud La Croix hic, & Martinus Archiepiscopus Panormitanus apud Felicem Potestas Tom. I. Exam. Confess. part. 2. cap. 3. num. 426. Inter ea tamen, quantum ex Doctoribus potui colligere, verum adhuc manet, quod sententia prima agnoscens vi generalis consuetudinis etiam obligationem in particulari per se loquendo, & præscindendo ab una vel altera Religione in specie, sit communior. \*

19. Dicitur notanter I. *Exceptis Novitiis, & Laicis professis*: siquidem Laici Choro addicti non sunt. Novitios autem Clericos, Chorumque frequentantes, etsi Paludanus affirmare videatur teneri persolvere Officium Divinum, eo quod ex eleemosynis vivant, & gaudeant privilegiis Clericorum; communis tamen opinio censet, eos non teneri, prout observat Azorius loc. cit. cap. 6. & Bonacina disp. 1. de Horis Canon. quest. 2. punct. 2. num. 1. Ratio est; quia ex quo necdum sunt Religionem professi, sed libere possunt exire, ad onera Religionis non tenentur sub obligatione. Adde, de Novitiis non currere consuetudinem necessario dicendi divinum Officium. Unde Novitii in favorabilibus quidem veniunt nomine Religiosorum, non vero in odiosis.

20. Dicitur II. *Vi generalis consuetudinis*. Hæc enim potissimum est ratio, cur Religiosi Professi Choro addicti jam ante receptum Subdiaconatum teneantur recitare Horas Canonicas. Unde si hæc consuetudo in aliqua Religione non viget (sicut dicitur esse in Societate JESU, habent circa hoc specialem Constitutionem Pauli III. *Regimini militantis Ecclesie* §. 12. & habetur tom. 1. Bullarii Romani. Constitut. 25. dicti Pontif.) non erit talis obligatio ante promotionem ad Ordines sacros. Et hac ipsa de causa multa Monasteria Monialium quæ hæcenus consueverunt recitare dumtaxat Cursum, seu Officium parvum B. Mariæ Virginis, non obligantur ad recitandas Horas Canonicas.

21. CONCL. V. Etsi Communitas Religiosi Ordinis Choro addicti ex generali consuetudine teneatur statutis temporibus Horas Canonicas in Choro persolvere; eaque obligatio, quæ procul dubio gravis est, atque sub mortali obligans, in primis Prælate incumbat, ut curam adhibeat, ne in sua Ecclesia cantus Horarum Canonicarum debitis temporibus intermittatur, ad singulos tamen reliquos hæc obligatio in particulari non descendit: quare peccati mortalis damnari non debet, qui cæteris in Choro rite canentibus, ob pigrum abest. Ita communis. Ratio est: quia talis quidem dignus est poena, a suo Prælate juxta Ordinis Constitutiones infligenda, nulla tamen consuetudine introducta est tam gravis obligatio seu singulos obligans sub peccato mortali. Quod si quis justo impedimento detentus ab sit, ut puta ratione Concionum, vel Confessionum excipiendarum, certum est, eum nullatenus peccaturum, si Horas privatim persolvat.

\* Cateroquin, ut obligationi recitandi Horas Canonicas publice in Choro satisfiat, noster Franciscus Henno Tom. 1. Tract. in Præcepta Decalogi disp. 1. quest. 3. art. 1. Concluf. 2. ait, sufficere

tres præsentés. Econtra vero P. Sporer loc. cit. n. 17. requirit ad minimum quatuor. Rationem assignat istam, quia essentia Chori consistit in decenti, ac decora alternatione cantantium: alternatio autem decenter, & decore fieri nequit in paucioribus, quam quatuor; Ubi tamen subjungit, quaternarium numerum posse compleri etiam ex Novitiis; quia in favorabilibus æquiparantur Professis. Prout pariformiter sentit P. Gaudentius Kerckhove in suis Commentariis cap. 2. §. 2. num. 21. & 22. Puto tamen, sententiam Patris Henno posse secure practicari, si alii confessionibus excipiendis, concionibus faciendis, aut infirmis visitandis &c. occupati existant. \*

22. CONCL. VI. Religiosus Clericus professus, necdum sacris Ordinibus initiatus, qui Superioris auctoritate ad statum Laicalem Conversorum translatus est, a recitando Divino Officio liber est. Ita communis. Ratio est: quia mutavit statum, cui talis obligatio annexa est.

23. Num autem idem dicendum sit de ejusmodi Religioso nondum sacris Ordinibus initiato, si fuit ejectus ex Monasterio, variant Doctores. Et quidem Azorius cit. lib. 10. cap. 6. quest. 6. post Navarrum cap. 7. de Oratione, num. 20. probabilius censet, talem ejectum Religiosum adhuc obligari ad recitandas Horas Canonicas, eo quod etiamnum sit Religiosus, suoque vitio contigerit, ut e Monasterio ejiceretur: simulque æquum non censeatur, ut quis ex suo delicto commodum reportet. Eum nihilominus ab ejusmodi obligatione liberum pronunciat Herinex tract. 4. de Religione, disp. 2. num. 6. post Bonacinam & alios: quia (inquit) per sententiam remotus est a statu, in quo erat consuetudo obligans, & translatus ad statum, in quo non reperitur ista obligatio & consuetudo.

24. Quantum attinet ad tertium genus hominum, scilicet Beneficiarios, notandum, per Clericos beneficiarios intelligi eos, qui habent Beneficium aliquod Ecclesiasticum, sive deinde sint insigniti Ordine aliquo sacro, sive non. Nomine autem Ecclesiastici Beneficii, intelligitur jus perpetuum percipiendi fructus ex bonis Ecclesiasticis, propter aliquod officium spirituale personæ Ecclesiasticæ auctoritate Ecclesiæ constitutum; prout amplius suo loco (b) explicabitur. Et de hujusmodi Beneficiariis loquendo, sit

25. CONCL. VII. Clerici Beneficium Ecclesiasticum possidentes, etiam si nullo sacro Ordine sint insigniti, obligantur ad Horas Canonicas recitandas. Ita certa, & communis: & patet tum ex cap. Dolentes, supra num. 3. relato, tum ex aliis Summorum Pontificum Constitutionibus: siquidem Beneficium datur propter officium, cap. ult. de Rescript. in 6.

26. Excipiuntur tamen quædam Beneficia, v. g. Præposituræ, Personatus, &c. quibus ex speciali sua institutione solum annexa est obligatio recitandi Officium parvum B. M. Virginis, aut quid aliud simile. Excipitur etiam is, qui titulum quidem Beneficii obtinet, sed per eum non stat, quo minus de facto aliquos fructus percipere queat, sive per se, sive per alios, aut in aliis Substitutis: talis quippe ex communi Doctorum sententia non tenetur ad Horas Canonicas recitandas;

nemo enim suis stipendiis militare cogitur, & qui Altari deserviunt, de Altari participant 1. Corinth. 9. Herinex part. 3. tract. 2. disp. 7. num. 58. Navarrus cap. 7. de Orat. num. 28. Layman vii. c. 5. n. 3. & seq. & alii.

### QUESTIO III.

Quanta sit obligatio recitandi Horas Canonicas?

#### SUMMARIUM.

27. *Obligati ad Horas, & eas in totum, vel quoad partem notabilem culpabiliter omittentes, peccant mortaliter.*
28. *Quanam censetur pars notabilis, sufficiens ad peccatum mortale?*  
(c) Relato superius n. 3. & 4.
29. *Quot peccata mortalia committat omittens Officium totius diei?*
30. *An peccet duplici peccato omittens Officium, ad quod tenetur ratione Ordinis sacri simul & Beneficii?*
31. *Beneficiarii omittentes Horas tenentur ad restitutionem fructuum pro rata omissionis.*
32. *Idque post sex menses adepti Beneficii, ac jure Ecclesiastico.*  
*Rata neglecti Officii, quomodo taxanda?*
33. *An tunc etiam restituendi fructus percepti ratione aliarum obligationum?*
34. *Vitanda circa hoc quadam propositiones damnatae.*
35. *Officium Defunctorum, & Litanie majores, &c. an extra Chorum sub praecepto dicenda?*
36. *Affirmativa est tenenda.*
37. *Solvitur ratio dubitandi.*

27. **C**ONCL. I. Omnes haecenus enumerati, atque ad dicendas Horas Canonicas obligati, peccant mortaliter, si eas vel in totum, vel quoad partem notabilem culpabiliter seu absque rationabili causa excusante, dicere omittant. Ita certa, & communis. Ratio est: quia est praeceptum grave, & quidem in materia gravi, spectante ad virtutem Religionis, non minus, ac praeceptum audiendi Missam diebus Festivis; ergo etiam transgressio talis praecepti est peccatum ex genere suo mortale. Sed occasione hujus Conclusionis,

28. Quæritur I. Quanam sit censenda pars notabilis, cujus omissio constituat peccatum mortale? Resp. Quamvis non parum varient circa hoc Doctores, uti videre est apud Reginaldum lib. 18. cap. 11. num. 143. & seq. dum Navarrus tertiam partem unius Horæ sufficere, Rosella vero totius Officii unius diei omissionem requiri ad constituendum peccatum mortale, asserat: sed ambo improbabiliiter. Communior tamen Doctorum opinio (paucis dissentientibus, aut Vesperas Sabbati Sancti ob sui brevitate excipientibus, apud Gobat tract. 5. Theol. Experim. num. 608. 609.) videtur tenere, voluntariam omissionem cujuscumque Horæ Canonice sufficere ad peccatum mortale: idque etiam Doctores intelligunt de uno Nocturno Matutini, utpote æquivalente uni Horæ minori. Fundatur hæc satis communis recepta sententia, in cap. 1. & c. Dolentes, de Celebrat. Missar. (c) ubi omnes septem Horæ significantur, ac nominatim quotidie recitari præcipiuntur: unde deducitur, unam Horam omniam censeri partem notabilem.

29. Quæritur II. Quot peccata mortalia committat omittens integrum Officium unius diei? Lessius lib. 2. de just. & jure cap. 37. num. 53. putat, tot numero peccata committi, quot sunt Horæ; eo quod singulæ sint distincta Officia, distinctis temporibus ex præcepto Ecclesiæ persolvenda. Sed melius Herinex disp. 2. de Hor. Can. q. 1. n. 8. Gobat loc. cit. n. 617. Bonacina disp. 1. quest. 5. punct. 1. n. 6. Navarrus, & alii respondent, esse unicum peccatum gravius tamen. Ratio est: quia omittitur unicum tantum integrum Officium unius diei, cujus singulæ Horæ sunt pars, ergo etiam sit unicum dumtaxat peccatum externum consummatum omissionis.

30. Quæritur III. An peccet duplici peccato, qui omittit Officium Divinum, ad quod recitandum tenetur ratione Ordinis sacri, simul & Beneficii? Affirmant Bonacina loc. cit. num. 4. Lessius num. 52. Sanchez, Suarez, & alii, & sequitur Sannig. cit. dist. 2. quest. 1. num. 16. Rationem afferunt: quia talis Clericus Beneficiarius in Sacris constitutus peccat & contra virtutem Religionis, cujus intuitu obligatur ratione Ordinis sacri, & contra Justitiam ratione Beneficii. Sed Herinex loc. cit. num. 9. cum Diana part. 1. tract. 12. de Horis Canon. resol. 5. & aliis, probabilius negat, committi duo peccata, etsi duobus vel pluribus titulis quispiam ad Horas Canonicas recitandas obligetur. Ratio est: quia Clericus Beneficiarius omittens Horas non peccat contra Justitiam, sed tantum contra Religionem, ac praeceptum Ecclesiæ, quæ istam obligationem Beneficiariis imposuit; prout nec tenentur Jure naturæ ad restitutionem fructuum, sed tantum ex præcepto Ecclesiæ post primos sex menses, ut mox amplius dicetur. Et per hoc solvitur fundamentum oppositæ sententiæ.

31. **C**ONCL. II. Præter reatum culpæ lethalis, si Beneficiarii Horas Canonicas culpabiliter, seu cessante legitimo impedimento intermittant, post sex menses a Beneficio obtento obligantur ad fructuum perceptorum restitutionem pro rata omissionis. Ita certa, & communis omnium; habeturque expressè statutum in Generali Concilio Lateranensi, sub Leone V. Sess. 9. quam Constitutionem innovavit, magisque explicavit B. Pius V. Constit. 135. quæ incipit: *Ex proximo* (ac refertur tom. 2. Bullarii Romani) ubi inprimis Pontifex sic loquitur: *Ex primo Lateranensi Concilio ea salubris sanctio emanavit, ut quicumque habens Beneficium Ecclesiasticum, cum cura, & sine cura, si post sex menses, quam illud obinuerit, Divinum Officium, legitimo cessante impedimento, non dixerit, Beneficiorum suorum fructus pro rata omissionis Officii & temporis, suos non faciat, sed eos tamquam injuste perceptos, in fabricas ipsorum Beneficiorum, vel pauperum elemosinas erogare teneatur.* Hæc ibi.

32. Ex quibus verbis colligitur primo, hanc obligationem restituendi fructus Beneficii pro rata neglecti Officii, incipere dumtaxat post primos sex menses a tempore adepti Beneficii computandos (nam exceptio illa, *si post sex menses*, firmat regulam in oppositum) quamvis ille, qui primis sex mensibus, cessante legitimo impedimento, Officium non dixerit, grave peccatum intel-



intelligatur admittibile, prout subdit Pontifex ibidem. Colligitur ulterius, huiusmodi obligationem restituendi fructus esse Juris dumtaxat Ecclesiastici: tum quia ortum habet ex salubri sanctione Concilii Lateranensis: tum quia, si esset Juris naturalis, aut Divini, pariter pro primis sex mensibus dicta obligatio procederet. Ut autem intelligatur, cuiusmodi ratæ prædictæ ratio sit habenda, idem Pontifex in citata sua Constitutione declarando statuit: *Ut qui Horas omnes Canonicas vel pluribus diebus intermiserit, omnes Beneficii, vel beneficiorum suorum fructus, qui illi, vel illis diebus responderent si quotidie dividerentur: qui vero Matutinum tantum, dimidiam; qui ceteras omnes Horas, aliam dimidiam; qui harum singulas, sextam partem fructuum ejusdem diei amittat.* Hæc Pontifex.

33. Cæterum quoad memoratam obligationem restituendi notandum est, quod, quamvis Azorius *cir. cap. 14. quæst. 5.* ob tam generalem B. Pii V. loquendi modum & Constitutionem teneat, quod Beneficiarius omnes sui Beneficii fructus, etiam illos, quos propter alias obligationes, utputa Concionem, Sacramentorum administrationem, Missæ celebrationem, &c. si simul est Parochus, sibi comparaverat, pro rata neglecti Divini Officii restituere teneatur: oppositum tamen, nempe tuta conscientia posse eam fructuum partem retineri, quam ejus labor, quo alioquin inservivit Ecclesiæ, promeruit, cum multis aliis Auctoribus a se allegatis, probabile, & in praxi tutum censet Layman *lib. 4. tract. 2. cap. 5. num. 1. & 2.* & Sa Pers. *Beneficium num. 58.* quorum posterior proinde subjungit, quod sufficiat Parocho restituere quintam partem, Canonico quartam, aliis Beneficiariis tertiam. Sed melius Layman attendendum censet aliorum quantitatem officiorum, quæ quandoque plura, quandoque pauciora sunt; ac proinde hoc erit prudentis, & timorati Viri arbitrio dijudicandum.

34. Circa hoc tamen notanda, & vitanda erit gemina Propositio, novissime ab Alexandro VII. condemnata, quarum prior, ordine 20. sic sonat. *Restitutio a Pio V. imposita Beneficiariis non recitantibus, non debetur in conscientia ante sententiam declaratoriam judicis, eo quod sit pœna.* Altera ordine 33. sic habet. *Restitutio fructuum ob omissionem Horarum suppleri potest per quasvisque elemosinas, quas antea Beneficiarius de fructibus sui Beneficii fecerit.* Utraque, inquam, hæc Propositio est damnata, ac proinde evitanda.

\* Quæres I. An pœnis restitutionis fructuum a S. Pio V. Beneficiariis non recitantibus Breviarium impositis subiaceant etiam Provisores, & Cooperatores?

Resp. I. Provisor, qui ad tempus constituitur, ut nomine Parochi v. g. ægroti, aut alias impediti, administret Sacramenta, aliaque munera Parochialia, non tenetur ad restitutionem, si omittat Breviarium, quamvis ratione Ordinis sacri graviter peccet. Ratio est: quia talis non est verus Beneficiarius, & suum salarium potius habet ob alias functiones Parochiales: secus dicendum quoad Vicarios perpetuos, qui sunt veri Beneficiarii; sicque omittores Horas Canonicas obli-

gantur pro rata ad restitutionem, uti recte notat Henno *Tom. 1. Tract. in Precept. Decalog. d. 3p. 2. quæst. 3. art. 1. Conclus. 3. Resp. 4.* Respond. II. Ob rationem superius quoad Provisos adductam pariformiter excusantur Cooperatores Parochorum non habentes verum Beneficium. Item illi Sacellani, in quibusdam arcibus, vel alias apud Nobiles existentes, qui equidem singulis annis percipiunt certos fructus ob quædam ministeria spiritalia, interea tamen illa Sacellania non est erecta auctoritate Episcopi. Ita Sporer *part. 1. Theo. Sacram. in Append. cap. 1. n. 29.*

Quæres II. An pœnis restitutionis fructuum adstringantur Beneficiarii, qui inculpabiliter v. g. ex naturali oblivione, vel ob infirmitatem, aut aliud justum impedimentum omittunt Horas Canonicas? Resp. negative: nam pœna supponit alias culpam; ergo etiam hic debet præcedere culpa, ut incurratur illa pœna inhabilitans ad perceptionem fructuum pro rata. Aliam adhuc rationem vide *num. 29.* Quinimo cum Gobat, Patritius Sporer *loc. cit. n. 33.* & La Croix *lib. 4. n. 1210.* excusant Beneficiarium taliter ægrotum, ut nequeat recitare Horas Canonicas, quamvis hæc infirmitas fuisset contracta ex propria culpa Beneficiarii, v. g. propter excessivum potum: etsi enim talis antecederet destruendo sanitatem haud dubie contraxerit culpam, attamen hic & nunc factus ægrotus, & forsân de suo peccato contritus non peccat omittendo Horas Canonicas: adeoque, cum ipsa omisso Officii Divini apud talem non amplius sit peccaminosa, præsumendum erit de benignitate Ecclesiæ, quod etiam huic omissioni non annexerit pœnam restitutionis, uti advertit Sporer hic.

Quæres III. An Beneficiarius obligetur aliquid restituere, si quidem culpabiliter quidpiam ex Horis Canonicis intermittat; non tamen talem partem, quæ constitueret peccatum mortale? Respond. negative: nam Bulla S. Pii V. injungit solum restitutionem illis, qui intermittunt culpabiliter NB. aliquam Horam Canonicam: ergo, cum talis in casu nostro ne quidem æquivalenter integram Horam Canonicam omittat, neque imponenda erit pœna restitutionis: cum non conveniat pœnas ampliari, sed potius restringi. Sporer *loc. cit. n. 35.* & La Croix *lib. 4. n. 1212.*

Quæres IV. An Beneficiarii teneantur ratione Officii Divini facere restitutionem, si nihil quidem omiserunt, bene tamen Horas Canonicas voluntarie interne distracti persolverunt. Resp. I. Inprimis illos AA. qui admittunt cum distractione voluntaria pure interna impleri adhuc præceptum Ecclesiasticum de recitatione Officii Divini, nec graviter exinde peccari, pariter facile concedere, quod consequenter Beneficiarii, etsi voluntarie distracti non obligentur restituere fructus: Et sanè pro hac sententia plurimum scrupulosis favorabili a Patre La Croix *lib. 4. n. 1340.* & seqq. adducuntur ultra viginti quatuor Doctores non sine gravibus fundamentis: quia tamen quæstione sequenti contraria opinio agnosceatur saltem ut probabilior; hinc Respond. II. Dato etiam, quod ille graviter peccet, qui voluntarie Horas Canonicas

Canonicas sine attentione interna recitat, adhuc tamen probabiliter sustineri potest, quod non obligetur ad restitutionem fructuum. Ita cum Soto, Tolet, Corduba, Garzia, Gobat, & aliis La Croix lib. 4. Theol. n. 1213. & Sporer l. c. cap. 2. Sect. 2. num. 88. Ratio est: quia Bulla Pia-na poenam restitutionis solummodo imposuit intermittentibus omnino recitare Horas Canonicas: ergo in odiosis non est extensio facienda ad eos, qui distracte recitant Horas Canonicas.\*

35. Quæres, an Officium Defunctorum in die Commemorationis Omnium Fidelium Defunctorum, item Litanie majores in Festo S. Marci, ac tribus diebus Rogationum, privatim sint a præfatis Clericis, Religiosis, ac Beneficiariis de præcepto recitandæ? Ratio dubitandi est: quia B. Pius V. in Bulla, *Quod a nobis*, Breviario præfixa ab obligatione recitandi extra Chorum diebus in Rubricis præscriptis, exiit Officium B. Mariæ Virginis, & Defunctorum, item septem Psalmos Pœnitentiales, & Graduales. Et quidem Diana part. 1. resol. 42. de Horis Canonicis: loquendo de Litiis, post paucos alios a se allegatos, probabile censet, non teneri eos privatim recitare Litanias in diebus Rogationum, qui non intersunt Processionibus,

36. Resp. tamen cum Herinex disp. 2. quest. 2. num. 14. Gobat tract. 5. Theol. Exper. num. 614. Gavanto p. 2. sect. 7. cap. 13. allegante Suarium, & sequitur Bonacina tract. 22. cap. 7. num. 244. Officium Defunctorum in die Commemorationis Animarum, ac Litanias præfatis diebus, etiam privatim recitandas esse ex præcepto. Ratio est: quia Officium Defunctorum censetur esse pars Officii diei Animarum, cui idcirco in Calendario, & Martyrologio, tribuitur nomen Commemorationis Defunctorum: Litanie autem ut præfatis diebus privatim dicantur ab iis, qui non intersunt Processionibus, expresse præscribunt Rubricæ. Neque Litanias commemorat, & excipit B. Pius V. in præallegata Bulla, quæ tamen jam olim præceptæ fuerunt c. Rogationes, de consec. dist. 3. Accedit communis sensus Doct. & praxis Fidelium, optima legum interpret.

37. Et per hoc patet ad rationem in oppositum. Siquidem B. Pius V. de Litiis nullam facit mentionem, ac proinde obligationem easdem privatim dicendi non tollit. Et dum obligationem recitandi privatim, seu extra Chorum, Officium Defunctorum in citata Bulla sustulit, loquitur de diebus Ferialibus, quæ illud Officium aliquoties per annum dicendum esse, volunt Rubricæ: non autem sub hac generali abrogatione: seu deobligatione, comprehenditur Dies Commemorationis Defunctorum, cum sit Officii illius Diei. Atque ex his inferunt Doctores, Beneficiarium talia cessante justo impedimento non recitantem, teneri ad restitutionem fructuum pro rata partis omis-  
sæ.

\* Quær. ultimo: Cui facienda sit restitutio fructuum ex omissione Officii Divini resultans? Respond. eandem restitutionem fructuum esse faciendam vel fabricæ, seu ornatui illius Ecclesiæ, in qua quis habet beneficium, vel pauperibus. Ita cum communi Felix Potestas Tom. 1. Examinis

Confess. part. 2. cap. 3. n. 496. & Sabinus Bononienf. in sua Luce Morali part. 2. tract. 54. n. 41. Porro inter pauperes comprehenduntur etiam pauperes aliæ Ecclesiæ; item illi, qui secundum suum statum sunt pauperes, uti Religiosi. Item etiam pauperes Consanguinei, Fratres, Parentes &c. Quin imo poterit talis Beneficiatus sibi metipso juxta dicenda num. 90. applicare, si vere pauper e. g. propter tenues redditus exilit: Item licite per suam intentionem in partem satisfactionis computaret illas elemosynas, quas gratuito daret pauperibus, modo non annumeret parti satisfactionis eas, quas jam tribuerat pauperibus ante omissionem Officii Divini: hoc enim foret illicitum & ab Alexandro VII. juxta jam dicta n. 34. reprobatur. Videantur Sporer loc. cit. n. 49. & La Croix loc. cit. n. 1215.\*

#### QUÆSTIO IV.

Quænam intentio, & attentio requiratur ad recitationem Horarum Canonicarum?

#### SUMMARIUM.

38. Quid sit, studiose & devote celebrare officium Divinum?
39. Attentio circa orationem vocalem triplex, ad verba, ad sensum, ad finem Orationis.
40. Requiritur intentio orandi.  
(d) De hoc tract. 2. dist. 3. n. 44.
41. Sufficit tamen ad satisfaciendum intentio virtualis.
42. Qualibet attentio, tam ad verba, ad sensum, quam ad Deum sufficit.
43. Voluntarie distractus absque ulla interiori attentione, non videtur satisfacere.  
Opposita quorundam opinio refertur.
44. Ratio Conclusionis.
45. Solvitur obiectio.  
(e) Conformiter dictis tract. 2. dist. 1. num. 46. 38. & seq.
46. Leviter dum axat distractus satisfacit.  
Et facile est satisfacere.
47. Quid si distractio non sit plene voluntaria?  
Vel omnino involuntaria?
48. Remedia ad repellendas distractiones opportuniora quæ?

38. **E**st hic recolendum ex dictis quest. 1. num. 3. quod in c. Dolentes, de Celebrat. Missar. præcipiatur, ut Divinum Officium studiose celebratur pariter & devote. Ubi Glossa notat, Studiose quantum ad officium oris, verba non syncopate pronunciando. Et devote quantum ad officium cordis; juxta illud Apostoli, Ephes. 5. Cantantes, & psallentes in cordibus vestris Domino: unde Glossa 6. Cantantes, dist. 92. hosce vulgatos verticulos refert:

*Non vox, sed votum; non musica chordula, sed cor.  
Non clamans, sed amans, cantat in ante Dei.*

Igitur ad devotionem, seu officium cordis, requiritur tum intentio, tum attentio, de qua alii duo verficuli sic canunt:

*Dirige cor sursum: bene profer: respice sensum;  
Inque Choro ne sis corpore, mente foris.*

39. Advertendum quoque cum D. Thom. 2. 2. q. 83. art. 13. & communi Doctorum, quod atten-

attentio triplex sit, quæ orationi vocali potest adhiberi: una ad verba, qua attenditur ad verba, ne aliquis in eis proferendis erret. Secunda ad sensum verborum, qua attenditur, quid verba significant; & hanc habere nequeunt ignari illius idiomatis, in quo recitatur Divinum Officium, v. g. Moniales ignorantes linguam latinam; quamvis possint habere primam & tertiam attentionem, sicque omnino satisfacere. Est tertia ad finem orationis, qua nempe attenditur ad Deum, seu terminum nostræ orationis, & ad rem, pro qua oratur: quæ est omnium optima, atque etiam ab idiotis, linguæque, in qua Divinum Officium recitatur, ignaris haberi potest: Prima harum attentionum, ut ait Filliucius, dicitur materialis, secunda litteralis, & tertia spiritualis.

40. CONCL. I. Certum est, intentionem aliquam orandi, seu recitandi Horas Canonicas necessariam esse; alias ejusmodi recitatio non esset actus humanus, honestus ac devotus, neque propriæ orationis. Unde si quis legeret Horas Canonicas in somnio, sub quo nonnulli loqui solent, vel recreationis aut studii causa, talis non impleteret præceptum, quia non haberet intentionem orandi.

41. CONCL. II. Ad orandum, & satisfaciendum præcepto, sufficit intentio virtualis ac implicita, neque requiritur necessario intentio expressa & formalis. Ita Navarrus *cap. 13. de Oratione, n. 16. & seqq.* Filliucius *tract. 23. cap. 2. n. 71. & Doctores communiter.* Ratio est: quia ejusmodi intentio virtualis, ac implicita, sufficit ad actum morale. Talis intentio v. g. est in eo, qui habet voluntatem satisfaciendi suæ obligationi, vel dicendi Horas Canonicas, ut debet. Imo sufficere ajunt, animo deliberato capere Breviarium, ire ad Ecclesiam seu Chorum, ita ut interrogatus vere responderet, se id facere ad recitandum Horas, vel satisfaciendum suæ obligationi. Et hoc confirmatur ex dictis supra *Tract. 2. Dist. 3. Quæst. 5. n. 45. & seqq.* ubi ostensum est, ad satisfaciendum præcepto non requiri specialem intentionem satisfaciendi (dummodo non habeatur intentio contraria) sed sufficere intentionem præstandi opus, quod præceptum est, utputa studiose pariter & devote recitandi divinum officium.

42. CONCL. III. Loquendo nunc de attentione, sufficit quidem ad satisfaciendum præcepto recitandi Horas Canonicas, quælibet trium supra enumeratarum attentionum, videlicet ad verba, ad sensum, & ad Deum vel finem Orationis; tamen secunda attentio est præstantior, quam prima; & tertia, quam secunda. Ita post D. Thomam *loc. cit.* communis Doctorum. Notat tamen Navarrus *cap. 28. de Orat. n. 28.* id, quod de tertia attentione ad Deum dicitur, esse intelligendum, dummodo interim, quantum necesse est, attendatur, ne orans erret in verbis, dicendo aliud vel aliter, quam quod, vel quomodo præceptum est.

43. CONCL. IV. Qui voluntarie, seu sua sponte distrahitur, & toto animo in alia per cogitationem disperso, atque adeo absque ulla prædictarum trium interiori attentione Horas Canonicas persolvit, non videtur satisfacere præcepto. Ita communior, probabilior, securior Doctorum

sententia, quam tenent Azorius *cap. 12. quæst. 6.* Bonacina *disp. 1. q. 3. punct. 2. §. 2.* Mastrius *disp. 2. Theol. Moral. n. 92.* Sannig. *q. 2. n. 11.* Herinex, Navarrus, Lessius, Suarez, Reginaldus, Layman, aliique plures: quamvis non desint oppositum tenentes, quos citat, & sequitur Diana *part. 1. tract. 12. resol. 2.* qui volunt, interiorem attentionem ad Horas Canonicas non requiri, sed sufficere exteriorem: ut videlicet eas recitans, exterius reverenter assistat, nec sese occupet in aliquo negotio incompatibili cum attentione interiori, utputa confabulando, scribendo, jocando, &c. hancque solam exteriorem attentionem (inquiunt) præcipi in sæpe *cit. c. Dolentes, de Celeb. Missarum*, non autem interiorem.

44. Probatur tamen Conclusio. Quia *cit. c. Dolentes*, præcipitur, ut Officium Divinum devote recitetur: atqui devotio est actus internus; ergo: Confirmatur. Oratio non subsistit sine omni interiori attentione, neque est actus Religionis, sed potius simulatio quædam devotionis aut orationis, quam merito Christus reprehendit, *Matth. 15.* dicens: *Populus hic labiis me honorat, cor autem eorum longe est a me*; ergo solam exteriorem orationem sine ulla prorsus interiori attentione non potuit Ecclesia præcipere, & consequenter ea sola non sufficit ad satisfaciendum præcepto.

45. Nec dicas: Ecclesia non potest præcipere actum internum; ergo neque attentionem internam in Horis Canonicis. Resp. enim (e) quamvis Ecclesia non possit per se ac directe præcipere actum inere internum, ac seorsim sumptum; potest tamen Ecclesia ipsum compræcipere, seu indirecte & concomitanter præcipere una cum actu externo; quando ad ejus rationem, seu morale substantiam, actus interior requiritur. Prout in proposito attentio interior requiritur ad rationem orationis, cum hæc sine ulla attentione interiori potius esset simulatio orationis, ut dictum: Ecclesia vero non præcipit simulationem orationis, sed orationem devotam.

46. Dicitur notanter in Conclusionè, *voluntarie, seu sua sponte distrahitur, & toto animo in alia per cogitationem disperso &c.* Nam imprimis, si quis Horas Canonicas animo dumtaxat leviter distracto persolvat, juxta communem & certam Doctorum sententiam mortaliter non peccat, & satisfacit præcepto. Et certe, cum sola attentio ad verba sufficiat, facile est præcepto Ecclesiæ in hac re satisfacere; ut bene notat Lessius *lib. 2. de just. & jure, cap. 37. n. 69. & 70.* Ubi etiam addit, si quis cum hac attentione, saltem confusa ad Deum, vel ad verba, posset simul ad alia attendere (sicut illi, qui ternas simul, vel plures epistolas dicant) quod talis satisfaceret præcepto Ecclesiæ, nec peccaret mortaliter, juxta Navarrum *cap. 13. num. 23.* quamvis peccaret venialiter ob irreverentiam admittam.

47. Deinde si distractio non sit plene voluntaria, vel contingat solum ex imperfecta animi liberatione, rursus certum est, satisfieri præcepto, nec committi peccatum mortale; quamvis ob negligentiam in repellendis distractionibus commissam quandoque peccatum veniale contrahatur. Quod si autem distractio omnino fuerit ineliber-

rata, atque involuntaria, & patienter tolerata, homine quod in se est faciente, tunc ejusmodi distractiones, quibus homo invitatus abripitur ex humana fragilitate, nequaquam ei ad ullum peccatum imputabuntur: imo sunt non raro homini devoto materia patientiæ, mediumque, quo Deus animas nostras a superbia, vanæque gloriæ inquinamenti tutari, propugnareque solet.

48. Quæres, quænam sint remedia ad repellendas animi distractiones opportuniore? Resp. esse potissimum sequentia. Primum est, æstimatio magna de Divino Officio, oratione siquidem Deum alloquimur, quia teste S. Damasceno lib. 3. de fide, cap. 24. *Oratio est ascensus mentis in Deum*; simulque Breviarium plenum est pulcherrimis Virtutum affectibus, utilissimisque petitionibus ab ipso Spiritu Sancto dictatis. Secundum, renovatio attentionis per certa intervalla, maxime ad versum *Gloria Patri &c.* procurata. Tertium, accurata sensuum custodia; quæ est mater & conservatrix devotionis. Quartum, præsentia Dei, & Sanctorum, memoriæ firmiter, ab initio maxime orationis, per devotam præparationem impressa. Et tandem remedium ultimum, est obligationis nostræ, & officii consideratio, si videlicet quis perpendat, se ideo ab Ecclesia ordinatum esse, ut Dei obsequio laudibusque se totum impendat, & quasi Legatus necessitates Sanctæ Matris Ecclesiæ, Fideliumque petitiones Deo proponat, & commendat.

#### QUESTIO V.

De Integritate, Continuatione, Ordine & Qualitate, quibus persolvendæ suat Horæ Canonicae.

#### SUMMARIUM.

49. Septem requisita ad debitam Horarum Canonicarum recitationem.
50. Contra integritatem Officii Divini, qui peccent? Et quomodo?
51. Satisfacit, qui recitat cum socio non obligato.
52. Quid de occupatis in pulsandis Organis, ponendis libris &c.
53. Continuatio Horarum etiam requiritur.
54. Nisi excuset iusta causa? qualis?
55. Alioquin peccatur venialiter.
56. Ordo insuper requiritur, & qualis?
57. Causa licite invertendi ordinem Horarum.
58. Qualitas in Divino Officio, qua servanda? Quo Breviario utendum?
59. Recitans Horas ex Breviario alieno, an peccet mortaliter?
60. Non commutandum Officium unius diei in aliud; alioquin peccatur, & quomodo?
61. Quid, si aliud Officium sit æquivalens, aut interveniat causa?
62. Utputa error, aut inconsiderantia?
63. Corollarium.
64. Quid agendum, si quis hodie legit Officium, aut Lectiones diei crastina?
65. Aut omisit hodie recitare de Festo occurrente?

49. **A**D studiosam, & devotam Horarum Canonicarum recitationem, juxta Doctores communiter, septem requiruntur, nempe Attentione (sub qua & attentio recitandi comprehen-

ditur) Integritas, Continuatio, Ordo, Qualitas, Locus, & Tempus accommodatum. Et quia de Attentione ad recitationem Horarum Canonicarum requisita jam dictum *quest. præc.* hinc de aliis sex requisitis, pro majori hujus materiæ quotidie occurrentis intelligentia, singillatim dicetur in hac, & sequenti Quæstione. Quantum igitur in primis attinet ad Integritatem Divini Officii, seu Horarum Canonicarum, sit

50. CONCL. I. Contra Integritatem officii Divini (præter eos, qui illud vel ex toto, vel quoad partem notabilem penitus omittunt) peccant, qui Horas Canonicas recitant verba mutilando, syncopando, deglutendo, si id scienter fiat: secus, si id vel vitio linguæ consuetudine quadam inveterata, & quodammodo in naturam conversa, accadat. Ita communis; & colligitur ex c. *Dolentes, de Celebrat. Missarum. & Clem. 1. eod.* ubi taliter verba syncopantes, merito reprehenduntur. Ordinariæ tamen preces, quæ ita recitantur, non sunt necessario repetendæ: nam etsi non nihil ea in re peccetur, legis tamen substantia servatur, atque regulariter parvitas materiæ excusat: nisi sit defectus omnino gravis, tunc enim secus foret dicendum.

51. CONCL. II. Satisfacit præcepto Ecclesiæ, qui Horas Canonicas recitat alternis versibus cum socio libero ac minime ad eas recitandas obligato. Ita communis, & patet ex praxi quotidiana: nihil enim refert, an socius sit præcepto adstrictus, nec ne; cum adhuc totum Officium Divinum studiose, pariter ac devote, persolvatur.

\* Porro, qui cum socio, vel cum aliis in Choro Officium recitat, tria sibi principaliter annotare debet ex allegandis Doctoribus. *Primo*, ut non solum ad ea, quæ vocaliter profert, attendere, sed etiam dicta Chori, vel socii sui saltem aliquo modo percipere conetur, alias enim (uti bene docent Sporer de Horis Canonicis n. 106. & La Croix lib. 4. num. 1295.) non censeretur una oratio; cum partem ab altero recitatam non faceret moraliter suam, si nullo modo ad dicta alterius auditum suum vellet applicare. *Secundo*, quod si suum auditum ad dicta alterius applicet, & tamen aliqua verba ob v. g. celerem linguam, vel vocis exilitatem socii sui, aut ob intervenientem strepitum non percipiat; non teneatur exinde Horas illas repetere; nam per societatem ipsam, & simul per animi applicationem moraliter possibilem ad dicta alterius censetur adesse adhuc moraliter una oratio, juxta Felicem Potestas Tom. 1. Exam. parte. 2. cap. 3. num. 444. Sabinum Bononien. in sua *Luce Morali* parte 2. Tract. 54. num. 26. & Tamburinum lib. 2. Decal. cap. 5. §. 4. num. 12. & num. 13. licet circa hoc secundum punctum non desint, qui cum Patre Henno Tom. 1. Tract. de Horis Canonicis disp. 1. quest. 3. art. 3. tenent contrarium, loquendo de recitatione extra Chorum. *Tertio*, quod talis, si animum suum applicet ad recitata ab altero, eaque saltem a potiori percipiat; econtra vero advertat, suum socium esse distractum, nec attendere vicissim ad dicta sua, nihilominus ipsemet attendens satisfaciat Officio. Ratio est: quia per debitam recita-



tionem suæ partis, & attentionem debitam ad recitationem alterius partis censetur moraliter, quantum concernit suam personam, persolvere totum Officium. Uti teste Sporer hic *num. 107*. sentiunt omnes.\*

52. CONCL. III. Illi, qui inter publicam Horarum Canoniarum recitationem ex officio, vel Superioris iussu occupantur in pulsandis Organis, vel ponendis libris, aut thurificandis Altaribus (unde non raro fit, ut aliquam partem Divini Officii nec proferant, nec audiant) satisfaciunt obligationi recitandi, quamvis talem partem non dicant per seipsos. Ita Reginaldus *lib. 18. n. 160*. & alii. Ratio est: quia, cum illi ad celebritatem Divini Officii occupentur in tali servicio, totus Chorus supplet pro ipsis; ita ut satis dicere existimentur, dum ministrent dicentibus.

53. CONCL. IV. Quantum attinet ad Continuationem Horarum Canoniarum, ea insuper ad studiosam Divini Officii recitationem requiritur, ut nempe illud non interrumpatur cessante iusta causa. Ita communis; alioquin enim nonnulla committeretur irreverentia, si absque ulla propterea causa interromperetur Divinum Officium.

54. Dicitur notanter, *absque ulla propterea causa*: nam si causa iusta interrumpendi recitationem Divini Officii interveniat, nullum ne quidem veniale peccatum committitur. Et tales causæ variz esse possunt: utputa, si Superior psallentem avocet, vel occurrat necessarium exercitium Chæritatis proximo exhibendum; item si interponantur aliqui pii affectus meditationis, devotionisque internæ; vel si quid facias ad tollendam distractionem; aut si quid interius te inquietum facit, ideoque breviter id in charta annotes, vel si in Confessionali expectes Pœnitentes, quorum aliqui, dum interim recitas Horas, accedunt, & huiusmodi.

55. Quod si autem absque ulla rationabili causa interrumpatur Officium Divinum, præsertim loquendo, vel agendo aliena a recitatione, aut profana, peccati venialis culpa non evitatur; uti colligitur ex sæpe cit. *Dolentes*. Peccatum vero mortale non erit, quantacunque fiat interruptio, dummodo omnes Horæ absolvantur intra eundem diem: siquidem adhuc adimpletur substantia præcepti; simulque singulæ partes habent suum pondus, atque significationem; suntque per se quædam preces, & laudes Divinæ.

56. CONCL. V. Quod ad ordinem attinet, etiam ordo in recitatione Horarum Canoniarum requiritur, nempe ut non invertatur ordo earum inter se, dicendo v.g. Sextam ante Primam, vel Tertiam; sed recitentur eo ordine, qui ex præscripto Ecclesiæ in Breviario ponitur. Ita rursus omnes Doctores.

57. Cæterum hæc conditio leviter dumtaxat obligat, potestque facile iusta causa intervenire, saltem in Officio privato, Horas transponendi: ut si quis ab amico, vel Superiore invitatur ad recitandum secum Primam, cum necdum recitaverit Matutinum, potest hoc postea recitare. Libera accedens ad Chorum potest cum Choro pergere, & Horas necdum lectas, vel ex oblivione

dilas postea dicere. Similiter serius intrans Chorum, parte Horæ jam inchoata, potest cum Choro pergere, & post expletum officium partem illam supplere; prout passim tradunt, atque exemplificant Doctores.

\* Item si in itinere constitutus non habeat secum Breviarium, vel habens quidem nequeat tamen commode sub actuali via, v.g. ob Psalmos peregrinos recitare Matutinum, tamen poterit antea dicere Horas minores ex Diurnali, si nequeat commode prævenire domi quoad Matutinum. Similiter dicendum est, si talis secum portasset in via Breviarium compendiosum in quo psalmi ipsius Matutini reperiuntur absque lectionibus: tunc enim poterit recitare psalmos Matutini & Laudum; imo & reliqua dilatis lectionibus. Ita La Croix *lib. 4. num. 1309*. Quod si similia fierent absque omnirationabili causa peccaretur venialiter. Pariformiter si adsit causa rationabilis v.g. si quis modo habeat accommodum socium, cum quo recitet Matutinum sequentis diei, poterit illum cum eodem dicere, quamvis nondum persolverit Vesperas & Completorium diei currentis. Ita Sporer *hic num. 234*. & La Croix *lib. 4. num. 1313*. Item si quis fuerit oblitus debiti Hymni, Lectionum competentium, vel aliquarum commemorationum; aut partis cuiusdam Horæ, & recordetur ad noctem, v.g. sub examine, poterit supplere absque eo, quod teneatur aliquid aliud repetere. La Croix *loc. cit. num. 1311*. cum aliis a se citatis.\*

58. CONCL. VI. Quod ad Qualitatem attinet, qualitas in Divino Officio attenditur in primis ex eo, quod recitetur Breviarium approbatum ab Ecclesiâ, quale est solum Breviarium Romanum novum iussu B. Pii V. editum: illis tamen Ordinibus, Monasteriis, locisque exceptis, quos ab ipsa prima institutione a Sede Apostolica approbata, vel consuetudine, quæ, vel ipsa institutio ducentis annis correctionem Breviarii novi, factam anno 1568. per B. Pium V. antecessit, aliis certis Breviariis suis fuisse constiterit; quibus inveteratum illud jus dicendi, & psallendi iuxta Officium, præfatus Pontifex non ademit. Ita Bulla dicti Pontificis Breviario Romano præfixa.

59. Quæres autem, an recitans Horas Canonicas ex Breviario alieno, sed approbato, consuetudine ducentorum annorum, peccet mortaliter? Affirmant multi, negat Sylvester Verf. *4. q. 12*. Melius tamen dicitur cum Reginaldo *lib. 18. num. 170*. non esse peccatum, si id fiat uno vel altero die iusta de causa, v.g. juvando in recitando infirmum, aut Prælatum defessum, vel ob repentinam necessitatem studendi, ac huiusmodi.

60. CONCL. VII. Qualitas Officii Divini ulterius attenditur penes hoc, ut recitetur Breviarium Romanum non commutando Officium unius diei cum altero. Unde peccat mortaliter, qui data opera, recitat aliud Officium notabiliter brevius quam sit Officium cadens & ordinatum pro tali die. Ita Sannig. *dist. 2. de Horis Can. quæst. 3. num. 3*. Herinex *disp. 2. de Horis Canon. quæst. 3. num. 18*. cum communi. Ratio est: quia alioquin citra peccatum mortale posset quotidie recitari Officium Paschale; quod est contra communem

mem Doctorum, & Decretum Alexandri VII. qui anno 1666. inter alias propositiones etiam sequentem, ordine 34. damnavit: *In die Palmarum recitans Officium Paschale satisfacit precepto.* Accedit alia ratio: quia hoc modo omittitur magna & notabilis pars Officii diei, & quidem contra ordinationem Ecclesie sine justa causa; ergo est peccatum mortale.

61. Dicitur, *qui data opera, sine justa causa, recitat aliud Officium notabiliter brevius, peccat mortaliter.* Nam secus dicendum est, si quis aliud Officium recitet æquivalens Officio occurrenti, vel si ex inadvertentia, aut ob aliam rationabilem causam recitet etiam aliquantulum minus. Ratio est: quia talis partim satisfacit substantie precepti recitando septem Horas Canonicas; partim non censetur Ecclesiam notabiliter defraudare, aut saltem non advertenter ac deliberate; ergo. Hinc

62. Infertur I. Si quis Officium, vel ex toto, vel ex parte, per errorem aut inconsiderantiam mutavit, recitando aliud, eum non teneri ad repetitionem Horarum jam lectarum; etsi eas repetere ad servandam debitam qualitatem Officii Divini, utique sit laudabilius. Ratio est: quia is precepto Ecclesie jam satisfecit: neque Ecclesia præsumitur velle ad duo Officia astringere, eum præsertim, qui sine culpa est.

63. Infertur II. cum Herinex *loc. cit. num. 9.* Lugone, Tamburino, aliisque, quos refert, & sequitur Gobat *tract. 4. Theol. Exper. num. 642.* quando incepisti per inadvertentiam recitare officium non præscriptum, & recitato jam Matutino primum advertis errorem, si nolis ab initio repetere; posse te pergere corrigendo ex tunc errorem, ac recitando Officium præscriptum illius diei quoad reliquas Horas: quidquid contradicat Caramuel *in Theol. Regul. disp. 110.* ubi asserit, te fore obligatum ad pergendum in tuo errore, ne alioquin confles tale Officium, quale non reperitur in toto Breviario.

64. Quæres, si quis hodie legisset officium crastinum, aut Lectiones Scripturæ diei crastinæ assignatas ex inadvertentia, quid erit crastina die recitandum? Resp. cum Lugone *lib. 5. Respons. Moral. dub. 8.* Herinex *loc. cit. num. 20.* Sannig. *q. 3. n. 5.* & aliis, recitandum rursus esse officium crastinum. Ratio est: quia pro tali die est præceptum obligans de persolvendo isto Officio, cui heri, cum tempus præcepti necdum curreret, non fuit satisfactum. Fateor, quod Gobat *loc. cit. n. 640.* nonnullos Doctores, ac rationes, in oppositum adducat; verum & ipse potius huic sententiæ insistendum existimat.

65. Quod si quis per errorem, vel oblivionem, omisit hodie recitare Officium de Festo novem Lectionum Sancti occurrentis, illud vel eo anno penitus ipsi erit omittendum, ut probabilius censet Gobat *loc. cit. n. 638.* vel poterit prima die non impedita recitari, ut alii existimant.

\*Item: si quis a Diœcesi, in qua certum Festum universale e.g. S. Francisci ob intervenientem Dedicatorem, vel Patrocinium fuit translatum, venerit in locum, ubi jam erat illud ce-

lebratum, non tenetur ibidem illo anno de dicto Sancto recitare Officium, sed poterit se accommodare Calendario loci. Dico notanter: *non tenetur*, nam posse id recitare adhuc, die alias non impedito, admittit Sporer *pari. 1. Theol. Sacram. in append. cap. 2. sect. 4. num. 125.*

Quæ. II. An, si quis Peregrinus veniat in aliam Diœcesin, seu Religiosus in aliud Monasterium sui Ordinis &c. ubi est duplex, possit se quoad Officium conformare huic loco, quamvis in sua Diœcesi, seu in suo Monasterio sit de Dominica, vel de Feria? Resp. talis potest se conformare; quia peregrinus potest frui privilegio loci. Ita Sporer *loc. cit. n. 122.* & La Croix *lib. 4. n. 1253.* cum aliis. Dixi autem notanter: *potest se conformare*, non tamen obligatur, sed licite adhuc ibidem privatim recitabit Festa Diœcesi vel Monasterio suo propria, etiam si hæc fuerint de Dedicatone vel de Reliquiis suæ Ecclesie. Sporer *loc. cit.* cum Suarez & Gobat.

Quæ. III. An, si talis peregrinus primum cras venturus sit ad illum alterum locum, jam possit hodie præveniendò recitare Vesperas, ac pro subsequenti die Matutinum de illo Sancto, qui colitur ibidem in Diœcesi, vel Monasterio alieno? Resp. affirmative. Ita denuo Sporer *loc. cit. num. 129.* & Tamburinus *lib. 2. in Decalog. cap. 5. §. 2. n. 25.* Nam, cum Vesperæ illæ, ac subsequens Matutinum sint partes Officii loci illius, in quem talis cras venturus est, non erit inconveniens, posse illud Officium hodie anticipato inchoare.

Quæ. IV. Quandonam possint celebrari Horæ Canonicæ de quibusdam Reliquiis? Resp. ut dictum Officium Horarum Canonicarum celebrari queat, debet esse pars aliqua insignis, uti Caput, Brachium, Crus &c. & quidem alicujus Sancti in Martyrologio Romano descripti, de cujus identitate sufficienter constet. Ita colligitur ex variis Decretis jam superius Tract. 5. Dist. 1. Quæst. 4. allegatis. Scio quidem doctrinam Patris Claudii La Croix *lib. 4. num. 1260.* dicentis, illud Decretum requirens pro recitatione Horarum Canonicarum, ut Reliquia sit alicujus Sancti in Martyrologio Romano descripti, esse subtractum e Typographia Apostolica, sicque censi tacite revocatum: meo tamen Judicio ista doctrina viri hujus alias eruditissimi in hoc puncto nullatenus sequenda est. Quod enim memoratum Decretum in viridi existat observantia, patet tum ex Bullario Innocentii XII. cui illud de novo insertum fuit *Constitut. 105. Folio apud me 289.* tum ex Rubricis Breviarii nostri Ordinis confirmatis ab eodem Innocentio XII. per Bullam specialem, *Ad perpetuam rei memoriam die 21. Novemb. anno 1696.* ubi pariter dictum Decretum reperitur tamquam validum ac firmum. Pariformiter censuerunt practici & doctissimi viri, quos Romæ specialiter in hoc puncto consului. Quinimmo La Croix ad finem libri IV. se ipsum in hoc corrigit.\*

QUA

QUÆSTIO VI.

De Loco & Tempore, quibus persolvenda sunt  
Horæ Canonice?

SUMMARIUM.

66. Ratio ordinis.
67. Extra Chorum, ubi possit recitari Officium Divinum?
68. Canonici tenentur recitare Officium in Choro.
69. Nisi ad sit necessitas, consuetudo vel institutio specialis.
70. Quo tempore recitanda Hora in & extra Chorum?
71. Matutinum & Laudes possunt pridie vespere recitari.  
Sed circa horam variant Doctores.
72. Hora Minores, ac Vespera quo tempore recitanda?
73. Quid de Vesperis in Quadragesima?
74. An satisfaciatur incipiens Officium ante mediam noctem diei sequentis?  
Neque una recitatione pro duobus diebus satisfieri.
75. An sit peccatum mortale, celebrare Missam ante dictum Matutinum?

66. **E**xplicatis prioribus quinque conditionibus, ad studiosam & devotam recitationem Officii Divini requisitis, nempe Attentione, Integritate, Continuatione, Ordine, & Qualitate; pergendum ad alias duas, nimirum ad Locum & Tempus, quo illud recitari possit, ad debeat. Hinc sit

67. CONCL. I. Quantum attinet ad Locum, illi, qui ad Chorum deputati non sunt, possunt ubique Officium Divinum recitare, dummodo non recitent in loco indecenti, aut ubi attentio impediri possit. Ita communis; & ratio est clara; quia nullum Jus reperitur, quo quis Choro non obligatus teneatur Divinum Officium in certo loco recitare. Unde satisfaciatur præcepto, siue Officium recitetur stando, siue sedendo, siue ambulando, siue domi, siue in vinea, &c. Dummodo recitetur studiose pariter ac devote (modo hæcenus explicato) simulque non in loco indecenti, hoc enim esset contra debitam reverentiam.

68. CONCL. II. Canonici tenentur recitare Divinum Officium in sua Ecclesia, juxta institutionem Beneficii; nisi alio cogat necessitas, aut permittat longæva consuetudo, vel Fundatoris institutio. Ita communis. Ratio est: quia Canonici tenentur satisfacere intentioni Fundatorum; simulque in Clem. 1. de Celebrat. Missar. injungitur Canonicis onus canendi Horas Canonicas in Ecclesiis Cathedralibus, & Collegiatis. Accedit, quod Beneficium datur propter officium, atque ut inserviatur Ecclesie, c. ult. de Rescript. in 6.

69. Additur notanter, nisi alio cogat necessitas, aut permittat consuetudo &c. Nam in primis necessitas non habet legem: unde cap. 4. de Reg. juris dicitur: Quod non est licitum in lege, necessitas facit licitum: ut si quis sit infirmus; aut justa de causa absens. Insuper consuetudo cujuslibet Ecclesie, atque Fundatoris institutio, circa hoc bene sunt attendendæ; ac juxta eas major vel minor obligatio Canonice assistendi Choro col-

ligenda. Quomodo autem Religiosi sint Choro adstricti, dictum est supra num. 21.

70. CONCL. III. Loquendo tandem de tempore, in publico officio chori servanda est consuetudo recepta cujuslibet Ecclesie: in privata vero recitatione Horarum Canonice, etsi laudabilissimum sit singulas Horas suis temporibus orare, nihilominus ad vitandum peccatum mortale sufficit, ut recitentur eo intervallo, quod est inter medium noctis præcedentis & sequentis. Ita omnes Doctores. Unde qui intra hoc tempus recitat, satisfaciatur substantiæ præcepti, nec peccat mortaliter, etiam si omnes Horas absolvat mane post mediam noctem, aut primum Vespere ante mediam noctem: quamvis sit peccatum veniale, si id fiat absque causa rationabili, aut alias Horæ ultra debitum tempus sine causa differantur.

71. CONCL. IV. Nihilominus ex recepta Ecclesie consuetudine licitum est recitare Matutinum, & Laudes sequentis diei, pridie ad vespere, nempe post tempus Vesperarum & Completorii circa horam quartam pomeridianam. Ita communis: nam consuetudo derogat rigori Juris positivi, c. ult. de Consuet. estque optima legum interpretes. Immo Gobat tract. 5. Theologia exper. n. 679. allegat plures Doctores, qui docent, quod is non peccet mortaliter, qui incipit statim hora secunda post meridiem. Et licet citatus Auctor id solum admittat, iusta causa urgente, ut si v. g. forent excipiendæ Confessiones ab hora tertia usque ad coenam; alii vero, ac præsertim Eschobar tract. 5. Exam. 6. n. 60. talem damnet peccati mortalis: idem tamen Eschobar culpæ venialis dumtaxat reum censet inchoantem citra justam causam media tertia; nullius, qui tertia.

72. Caterum Horæ Minores non possunt dici pridie, sed solum post mediam noctem diei occurrentis: possunt tamen omnes usque ad Vesperas exclusive ob causam honestam vel utilem, v. g. ob majorem devotionem, majorem commoditatem studendi, ob iter inchoandum, vel alias hujusmodi causas, recitari mane. Ut autem Vesperæ possint mane dici extra tempus Quadragesimæ, requiritur paulo major causa, ut tenet c. Gobat n. 682. allens, eum peccaturum venialiter, qui ante meridiem recitat Vesperas, & Completorium absque rationabili causa.

73. Porro Rubrica illa Breviarii, quæ in Quadragesima vult Vesperas dici ante prandium, solum Chorum obligat; uti notat Tobias Lohner Instru. 2. part. 4. §. 10. quæst. 3. post Gobat loc. cit. n. 688. dicendum, fas quidem esse in Quadragesima, Vesperas dicere ante prandium private, at non esse necesse.

74. Quæres, an præceptum recitandi adimpleat is, qui incipit hodiernum Officium recitare paulo ante mediam noctem diei sequentis, utputa media duodecima, si id ipsum absque interruptione prosequatur post mediam noctem? Affirmat Leander Quæst. Moral. part. 1. & in ord. 6. tract. 8. disp. 4. quæst. 109. Ratio esse potest; quia præceptum celebrandi Missam inter auroram & meridiem servatur incipiendo Missam paulo ante meridiem, etli pars ejus absolvatur primum

X 3 post

post meridiem, uti tenent Doctores passim; ergo a pari idem dicendum in proposito. Caterum Gobat *loc. cit.* n. 686, hanc Leandri sententiam ex professo rejicit, utpote repugnantem communi iudicio & praxi omnium Superiorum, Confessariorum, & aliorum Doctorum. Illud certum est, quod quis noctu recitans totum Officium, non possit pro duobus diebus satisfacere, nam Alexander VII. sequentem propositionem, ordine 35. jure damnavit: *Unico officio potest quis satisfacere duplici praecepto, pro die praesenti, & crastino.* Hinc tenendum oppositum.

75. Quæres ulterius, an sit peccatum mortale, celebrare Missam ante recitatum Matutinum? Resp. negative, cum Lessio *lib. 2. de just. & jure c. 37. num. 81.* quidquid pro & contra disputent Doctores apud Barbosa *part. 2. de Offic. & Pot. Episc. alleg. 24. n. 15.* ubi viginti Auctores citat, dicentes, esse peccatum mortale, sine rationabili causa celebrare Missam nondum dicto Matutino; & triginta octo alios, qui negant, id esse peccatum mortale: Ratio horum est: quia nihil in jure de hoc præceptum reperitur, neque consuetudo contraria sub tam gravi obligatione est recepta. Nec obstant Rubricæ Missalis, *Tit. De preparat. Sacerd. celebraturi*, ubi dicunt, Missam esse celebrandam *saltem Matutino cum laudibus absolvere*. Nam cum nullum verbum præcepti contineant, tam gravem obligationem non censentur inducere. Immo Gobat *loc. cit. num. 667.* etsi velit, non esse absque causa rationabili prædicandam mitiorem sententiam, eo quod recitatio Matutini sit optima preparatio ad Sacrum, ne venialem quidem culpam per se loquendo hic intervenire censet.

## QUESTIO VII.

De causis excusantibus a recitatione Horarum Canonicarum.

### SUMMARIUM.

76. Oblivio inculcata excusat a recitatione Horarum. Quid in dubio de recitatione?
77. Gravis infirmitas etiam excusat. Quid in dubio?
78. Aut si infirmitas est levior.
79. An providens impedimentum futurum, teneatur prevenire recitando Horas?
80. An morbi causa impediens, teneatur audire alium recitantem?
81. Occupatio gravis etiam excusare potest, qua?
82. Impotentia quoque excusat.  
(c) Tract. 1. Dist. 1. n. 20. & seq.
83. An, qui non potest recitare totum Officium, teneatur recitare partem, quam potest?
84. An, qui solus recitare nequit, teneatur adhibere facium?
85. Legitima dispensatio etiam excusat a recitatione Horarum.  
(d) Conformiter dictis n. 7. & seq.
86. Item & metus gravis.  
(e) Tract. 2. Dist. 2. n. 25. & seq.
87. An, qui non potest per seipsum, teneatur recitare per alium?
88. An quis Officium omissum teneatur recompensare alio die?

89. Et an Beneficiarius supplens alio die, liberetur ab onere restituendi fructus?

90. Quid, si ille Beneficiarius sit pauper?

91. An Beneficiarius ex justa causa non recitans, teneatur restituere fructus?

76. **CONCL. I.** Prima causa excusans ab Officio Divino, est naturalis, seu inculcata oblivio recitandi unam, vel plures Horas: unde qui ex oblivione inculpabili eas omittit, non peccat. Ita certa, & communis. Notat tamen Herinex *disp. 2. de Horis Canon. n. 46.* quod, si quis advertat, id sibi frequenter contingere, dum statis temporibus non persolvit, omni culpa non vacet; tenebitur enim postmodum meliorem circa hoc attentionem habere. Si vero dubitet, an recitaverit, stat possessio pro præcepto. Secus est, si certus de recitatione Horarum, dubitet de Psalmo aliquo in Hora certo recitata incluso: tunc enim præsumitur, Psalmum illum cum reliqua materia coherenter esse recitatum, quamquam ob naturalem inadvertentiam, uti sæpe fit, memoriam subterfugiat.

77. **CONCL. II.** Altera causa excusans ab Officio Canonico, est gravis infirmitas; id est, talis, ut sine magna difficultate, vel corporis periculo, Horarum preces recitari non posse videantur. Ita rursum communis; & desumitur ex *c. Clericum vitium, dist. 91.* In dubio tamen aut Confessarius erit consulendus, vel prudentis & probi Medici iudicio acquiescendum: tamen si enim Medicus (sicut & Confessarius) in lege recitandi Horas Canonicas vel etiam jejunii, dispensare nequeat; potest tamen infirmum dubio liberare, atque secundum præsentis circumstantias declarare, justam excusationis causam ipsum hic & nunc habere.

\* Ast ponamus, nec Medicum, nec Confessarium adesse, vel præsentem ipsosmet dubitare, num morbus sit adhuc vere gravis vel non; sive, num recitatio Breviarii sit allatura grave nocumentum nec ne? quid tunc erit ægro agendum? Resp. I. Simili ægro esse suadendum, si Regularis sit, ut adeat suum Superiorem, qui in plerisque Religionibus præsertim Mendicantium in dubio omnino potest dispensare, prout quoad nostram Religionem patet ex Compendio Privileg. *v. Officium Divinum & v. Infirmi fratres s. 11. & 12.* Nec debet Superior ipsemet in similibus esse scrupulosus. Quod si vero Superior non sit præsens, vel ægrotus non existat talis Regularis, quid tunc erit faciendum? Resp. II. Talem ægrotum in dubio non teneri ad recitationem Breviarii, ut recte præter alios notant Sporer *hic cap. 3. num. 159.* & La Croix *lib. 4. num. 1225.* Ratio est: quia non solum ipsum nocumentum, sed etiam periculum futuri nocimenti liberat a recitatione Breviarii: sed quando adest simile dubium, adest etiam eo ipso tale periculum, uti consideranti patet: ergo. *Nec dicas.* dubius, num sit exemptus a lege, nec ne, tenetur ad observantiam legis; cum Lex existat in possessione; melior autem sit conditio possidentis, & consequenter ægrotus dubitans, num hic & nunc sit exemptus a recitatione Bre-



viaril, adstringetur ad illud stante hoc dubio: *Respondeo* enim, loquendo de legibus præcise Ecclesiasticis, disting. ante c. cum dubio &c. tenetur quis ad observantiam legis, nisi ex hac ipsa observantia resultet periculum gravis nocuenti, con. si resultet tale periculum nego: nam ad observantiam Legis Ecclesiasticæ non tenemur cum tam gravi periculo deperendæ sanitatis. Et hoc bene sibi notent, tam circa recitationem Breviarii, quam ex paritate rationis circa Jejunium, non solum ægroti, verum etiam Confessarii, qui ad eisdem vocantur.\*

78. Dicitur notanter in conclusione, *gravis infirmitas, &c.* Siquidem communiter notant Doctores, nonnullas esse corporis ægrotudines, quæ Clericos ab eo onere non liberant: vel quia sunt leviores, quales fere sunt capitis, pectoris aut stomachi dolores, ut exemplificat Azorius *cit. lib. 10. cap. 13.* Vel quia ad tempus tantum justam excusationem afferunt, qualis solet esse febris quartana, aut tertiana levis non multum vexans, quæ proin communiter non excusat ægrotum a recitando Officio; quia plerumque tempus a morbo liberum relinquit, quod ad orandum eligi possit, saltem anteposendo vel postponendo, ut notat Abbas, Innocentius, Layman.

79. Et quamvis nonnulli apud Gobat *tract. 5. Theol. Experim. num. 711.* negare videantur, quod teneatur quis prævenire tempus, si sciat, postmodum se impediendum ex impedimento involuntario (secus juxta omnes, si quis sponte poneret tale impedimentum) quia v. g. paroxysmus febrilis impedit tempus Vesperarum: nihilominus timorati quique non facile intermittent Officium Divinum, si poterunt prævenire. Quinimmo juxta communioem, & probabilioem sententiam, ad hoc tenentur; cum obligatio recitandi Divinum Officium sit annexa substantialiter toti diei, & accidentaliter solum determinatis horis ipsius.

80. Quæres, an, qui morbi causa Divinum Officium persolvere nequit, teneatur saltem alium audire illud recitantem? Affirmant nonnulli, ejusmodi ægrotum debere alium recitantem audire, quoties commode possit audire, & non recitare. Constans tamen est aliorum opinio, ægrotum ea lege minime teneri: neque enim ullus extat Canon, quo id præcipitur; neque ratio, quæ id convincit. Azorius *loc. cit. quæst. 3.* Navarrus, & alii.

81. CONCL. III. Insuper gravis & repentina occupatio, quæ sine scandalo, aut notabili detrimento proprio, vel alieno, omitti aut differri nequit, cum ea autem Officii Divini recitatio moraliter loquendo consistere nequit, excusat a recitatione Horarum Canoniarum. Ita Layman, Navarrus, alique passim. Exempla sunt: si populi tumultus subito exortus sedandus sit: si in Sacra v. g. Hebdomada non solum Confessiones magno pœnitentium concursu Sacerdoti excipienda sint, sed etiam Conciones ad populum eidem habendæ, &c. Quando tamen tali casu preces Horarum intra eundem diem naturalem sine ma-

gna difficultate anteponi, vel postponi possunt, idem fieri debet, prout notant iidem Auctores.

82. CONCL. IV. Impotentia quoque, qualis est in cæco, aut in eo, qui Breviarium in itinere amisit, neque aliud acquirere potest, excusat ab obligatione sæpe dictæ recitationis. Ratio est: quia *nemo potest ad impossibile obligari. c. 6. de Reg. jur. in 6.* Verum nihilominus est, eum, qui sponte Breviarium v. g. in mare projicit, unde pluribus diebus Horas recitare non possit, peccaturum mortaliter per talem Breviarii projectionem. Ratio est clara: quia per ejus abjectionem voluntariam (si non urgeat aliqua necessitas illud abjiciendi) per se & proxime impedimentum voluntarie apponit, quod minus possit sequentibus diebus divinum Officium persolvere, cujus proinde omissio eidem in causa censetur fuisse voluntaria, ut alibi (c) dictum.

83. Quæres autem occasione hujus, & præcedentis Conclusionis, an infirmus, vel alias legitime impeditus, qui non potest totum Officium recitare, teneatur saltem partem recitare, quam potest? Negant olim non pauci Doctores; eorum tamen sententia amplius sustineri nequit, cum Innocentius XI. sequentem inter alias Propositionem ordine 54. damnaverit: *Qui non potest recitare Matutinum, & Laudes, potest autem reliquas Horas, ad nihil teneatur, quia major pars trahit ad se minorem.* Hac igitur relicta propositione respondetur, affirmativam sententiam esse tenendam: unde si indubitatum sit, te integram aliquam Horam, puta Tertiam, vel Vesperas, commode recitare posse, licet alias Horas non possis, teneris illam recitare. Ita Layman *loc. cit. num. 2.* Suarez *l. 4. de Horis, cap. 28.* Mastrius *disp. 14. Theolog. Moral. num. 57.* fuitque hæc sententia ante Decretum Innocentii XI. jam inter Doctores communior & probabilior, eo quod quælibet Hora per se sit Canonica oratio, a reliquis Officii partibus distincta.

84. An autem, qui Horas Canonicas ob supervenientem cœcitatem, aut aliud impedimentum recitare solus non potest, sed cum socio, teneatur eum sibi adsciscere, variant Doctores. Et quidem nonnulli affirmant, negant verò Lessius, Henriquez, & alii, quos allegat Bonacina *disp. 1. quæst. 6. punct. 2. num. 8.* Cæteri respondent sub distinctione; & affirmant, illum dumtaxat teneri adhibere socium, qui vel antea consueverat adhibere, vel potest ipsum commode habere: alias vero non teneri, etiamsi consulendum ei sit, ut sibi ad tam parvum opus socium, quoad potest, procuret.

85. CONCL. V. Præter causas hætenus enumeratas, & magis frequentes, insuper excusat legitima dispensatio. Ita Doctores passim. Et in primis dispensationem Summi Pontificis, etiam sine causa concessam, excusare a recitatione Divini Officii, concedunt omnes illi, quicumque (d) Horas Canonicas jure dumtaxat humano Ecclesiastico præceptas esse asserunt. Negant autem Abbas *cap. 1. de Celebrat. Missar.* & alii, qui volunt

jure divino teneri Clericos ad septem Horas Canonicas; quamvis (subjungit Abbas) quia ista determinatio, seu distinctio Officii divini, est de jure positivo, licite Papa dispensare valeat circa ejus mutationem: An autem, & quomodo etiam Episcopus, vel Superior Regularis, possit cum suis subditis ex causa gravi & justa dispensare circa recitationem Officii Divini, fusius explicant Doctores.

86. CONCL. VI. Tandem a recitatione Horarum Canonicarum potest excusare metus gravis: sicut accidit in casu, quando Clericus transiturus est per latrones, vel loca Hæreticorum, aut Infidelium, cum periculo gravi, ita ut, si deprehenderetur, in certum ac evidens vitæ periculum aut alia gravia incommoda deveniret. Ita communis; & ratio clara est: quia cum tanto periculo leges Ecclesiasticæ non obligant, prout alibi (c) dictum.

87. Pro complemento hujus materiæ, Quæres I. An, qui per se ipsum non potest ex justa causa recitare Horas, teneatur eas recitare per alium? Resp. cum Doctoribus communiter, negative: quia ex nullo jure constat talis obligatio recitandi per alium, si quis per se ipsum non potest. Accedit, quod obligatio recitandi Divinum Officium sit personalis, cui proinde per alium satisfieri nequit. Hinc Alexander VII. sequentem inter alias damnavit Propositionem, ordine 21. *Habens Capellaniam collativam, aut quodvis aliud Beneficium Ecclesiasticum, si studio literarum vacet, satisfaciit sua obligationi, si Officium per alium recitat.*

88. Quæres II. Num talis teneatur Officium omissum alio die recompensare? Resp. iterum negative. Ratio est: quia onus persolvendi Officium est affixum diei; obligatio autem affixa diei transit cum ipso die, nec potest eidem altero die satisfieri: prout in simili sine justa causa negligens audire Missam die Festo, non satisfacit præcepto Ecclesiæ, si Missam audiat sequenti die feriali.

89. Sunt quidem aliqui Doctores, nempe Filiucius tract. 23. cap. 10. num. 307. Major, Paludanus, Ledesma, Molfesius, alique, quos refert Bonacina quest. 5. pund. 2. num. 5. asserentes, Beneficiarium, qui alio die supplet defectum, omissione Divini Officii commissum, liberari ab onere restitutionis: quorum ratio est; quia talis rependit æquale recitando alio die, sicque facit restitutionem in spiritualibus. Opposita tamen sententia, quam tenet Caramuel resol. 24. & communior aliorum, quamque probabiliorē censet Bonacina ibidem, negat, talem liberari ab onere restitutionis fructuum pro rata omissionis Breviarum. Ratio est: quia obstat præceptum Concilii Lateranensis sub Leone X. & Constitutio S. Pii V. injungentis restitutionem fructuum pro rata omissionis Officii, utpote *quas non fecit suos*, ut loquitur Pontifex in Constitutione num. 31. allegata; ergo tenetur hosce restituere, tamquam non suos.

90. Illud tamen recte admonet Navarrus cap. 7. de Hor. Canon. n. 34. ac sequitur Layman lib. 4. tract. 4. cap. 5. num. 1. cum aliis; si ipsemet Beneficiarius pauper sit, fructus restituendos pro rata omissionis Divini officii, eidem per modum eleemosynæ applicari posse. Tamen consultum erit in hoc casu, si Confessarius aliam similem satisfactionem imperet, puta ut oret, vel sacrificet pro defuncto Fundatore; aut, si malit, Officium neglectum suppleat: & sic fructus pro rata neglecti Officii eidem per modum eleemosynæ applicari sinantur.

91. Quæres ultimo, an Beneficiarius, qui ex justa causa omittit recitare Horas Canonicas, teneatur restituere fructus Beneficii pro rata omissionis? Resp. negative: idque constat ex citata Constitutione S. Pii V. qua Beneficarii non recitantes Horas post primos sex menses cessante legitimo impedimento obligantur ad restitutionem fructuum; ergo qui ob legitimum impedimentum non recitant, hoc ipso nihil tenentur restituere: nam *exceptio firmat regulam in oppositum*, juxta vulgatum Canonistarum dictum, atque desumitur ex l. *Quasitum §. denique ff. De fundo instructo*, juxta Glolla v. *Non potest non videri*.

## DISTINCTIO II.

### De Juramento.

## QUESTIO I.

Quid, & quotuplex sit Juramentum?

### SUMMARIUM.

1. *Juramentum debite factum est bonum.*  
*Es quomodo?*
2. *Juramentum, quid?*
3. *Ejus divisiones.*
4. *Juramentum assertorium, & promissorium.*
5. *Juramentum simplex, & solenne.*
6. *Juramentum per simplicem Dei contestationem, & per execrationem.*
7. *Juramentum an sit, Per Fidem meam, &c.*
8. *Quid pro Foro externo?*
9. *Alia jurandi formula examinantur.*
10. *In illis intentio loquentis spectanda.*
11. *An hic Auff mein Ayd sit juramentum?*

1. **N**omine Juramenti in proposito intelligitur actus Religionis, quo quis Deum in testem adhibet ad confirmationem eorum, quæ affirmat, vel promittit; eaque ratione profitetur, Divinam veritatem esse indefectibilem. Neque enim Juramentum debite factum ex se est malum, sed potius actus Religionis: unde Denter. 6. dicitur: *Dominum Deum tuum timebis, ac per nomen illius jurabis*. Sed hoc intelligendum est de Juramento debite facto, sive quando juratur in veritate, judicio, atque justitia, prout requiritur *Jerem. cap. 4. & Qu. seq.* amplius dicitur. Quia Juramentum non est de genere eorum bonorum, quæ per se bona sunt, & frequentanda; ut est Oratio, Eleemosyna, & hujusmodi; sed quæ bona sunt dumtaxat, supposita necessitate, seu causa rationabili. Et de tali loquendo, sit

2. CON-

2. CONCL. I. *Juramentum* recte definitur, dicendo: Juramentum est invocatio Divini Numinis in testimonium alicujus rei. Ita D. Augustinus, *de Serm. in montes*, cap. 17. & alii. Ratio est: quia finis immediatus usus Juramenti est confirmatio rei dubiæ, seu controversæ; juxta illud *Hebra. cap. 6. Omnis controversia ad confirmationem est juramentum*: quo videlicet aliquid affirmamus, vel promittimus sub obtestatione Divini Numinis, ejusque testimonii invocatione.

2. CONCL. II. Inter varias Juramenti divisiones præcipua est illa, qua Juramentum dividitur in assertorium, & promissorium. Ita Scotus 3. *distinct. 39. quæst. unic.* & alii communiter. Ratio est: quia aut Juramentum fit, ad fidem veritatis narratæ adstruendam illi, qui audit; aut fit ad promissionem firmandam, qua alteri vel sponte, vel ex ejus impulsu quidpiam promittimus: Atqui prius Juramentum est assertorium, posterius promissorium; ergo. Itaque.

4. *Juramentum assertorium* est, quo simpliciter sine alia promissione aliquid affirmamus, vel negamus. *Juramentum promissorium* dicitur, quod ad confirmationis, promissionis, pollicitationis, aut alterius contractus, seu pacti corroborationem adjicitur. Et ad hoc Juramentum promissorium (ut notat Engel *tit. de Jurejur.* num. 6.) duplex requiritur veritas; una intentionis; seu veritas dicti, qua jurans verum existimat esse id, de quo jurat. Et altera executionis, seu veritas facti, qua quis in animo habet servare illud, quod promittit, suoque tempore servat.

5. CONCL. III. Juramentum tum assertorium, tum promissorium ulterius dividitur in simplex, & solemne. *Simplex* dicitur omne illud, quod solemne non est. *Solemne Juramentum* est, quod per certam verborum formulam, vel corporalem alicujus rei, verb. gr. Sancti Evangelii attactum, perficitur coram Superiore, ut majorem auctoritatem æstimationemque habeat: quale potissimum solet fieri in Judiciis, in professione Fidei, Fidelitatis, in homagiis, & hujusmodi.

6. Rursus Juramentum, aliud est per simplicem Dei contestationem, aliud vero per execrationem (quod & *Juramentum execratorium* appellatur) & fit, cum jurans sibi ipsi, vel alteri sibi charo, mali quidpiam a Deo falsitatis vindice imprecatur, nisi verum sit, quod asserit, aut promittit. Porro *Juramentum per simplicem contestationem Dei* censetur omne id, quod fit absque tali execratione. Sed occasione præmissorum.

7. Quæres I. An Juramenta censi debeant, si quis per fidem suam, aut honorem Sacerdotalem, vel Nobilitatis suæ, aliquid affirmet, vel promittat. Resp. cum Engel *cit. de Jurejur.* n. 3. Lessius *lib. 2. de just. & jure cap. 42. n. 4.* & aliis, hujusmodi interpositionem fidei factam hac formula, *per fidem meam, fide boni Sacerdotis*, & hujusmodi, non continere Juramentum proprie dictum. Ratio est: quia per illa verba Deus non vocatur in testimonium, sed proferens tantum indicat, se omnino deliberatum, ac memorem

fidei, conscientiæ, & status sui loqui. Quod si tamen aliquis per Fidem Christianam seu Catholicam, aut per Sanctum Evangelium rem promitteret, sive confirmaret, pro Juramento haberi deberet: quia censeretur Auctorem Fidei in testem statuere.

8. Notant tamen Doctores, hujusmodi interpositionem fidei, quam faciunt Ecclesiastici sub honore Sacerdotali aut Religionis, item Personæ Illustris sub honore suæ Dignitatis, Nobilitatis, &c. in Foro externo Juramenti loco acceptari, maxime in causis minoribus, in quibus non decet Ecclesiasticos jurare. Quinimo Reges, & Principes non facile aliorum more jurare solent, sed loco Juramenti, in fide, seu per fidem Principis promittere. Layman *lib. 4. tr. 3. cap. 2. num. 3.*

9. Quæres II. Quid sentiendum de aliis quibusdam jurandi formulis? Respond. in primis certum est, hanc esse veram eamque expressam Juramenti formam: *Juro per Deum: Per Deum ita est: Deum testem invoco: Deus mihi testis esto.* Quia hujusmodi formulæ expressam invocationem Divini testimonii in se continent: unde si adfit animus seu intentio jurandi, certum est, habere rationem juramenti.

10. Quod si quis per simplicem assertionem hujusmodi verba proferat: *Coram Deo hac dico: Deus scit, me verum dicere: Deus videt, ita esse, &c.* non erit juramentum: quia juramentum debet in se continere non meram assertionem, sed etiam invocationem Divini testimonii, saltem virtualem. Verum in his, & aliis hujusmodi jurandi formulis, spectanda est vel maxime intentio loquentis: qua de causa hujusmodi dicta quandoque ut juramenta usurpantur; ut videre est apud S. Paulum 1. *ad Timoth. 5. Testificor coram Deo. Ad Galat. 1. Coram Deo, quia non mentior. Ad Rom. 1. Testis mihi est Deus:* quibus verbis Apostolus jurasse existimatur. Contra multi jurant ex ira, qui non intendunt proprie jurare, sed potius imprecari malum, vel patefacere iram, ut observat Lessius *cap. 42. q. 7.* Unde & huc applicandum illud jam citatum dictum D. Thomæ 1. 2. *q. 37. a. 2. Peccata verborum maxime sunt ex intentione dicentis discernenda.*

11. Quæres III. Utrum isthæc formula, *Vollo dictum meum esse juramentum* (vulgo, *Auff mein Ahd*) veram Juramenti rationem habeat? Resp. I. in Foro externo, seu judiciali, talia verba prolata ad petitionem Judicis exigentis, ut quis juratus annuat, censentur juramentum. Layman *loc. cit. num. 1.* post Sanchez *lib. 3. in Decalog. cap. 2. num. 4.* Resp. II. Verba illa, *Auff mein Ahd*, vulgari sermone plerumque Juramentum continent, si deliberate proferuntur. Ratio est: quia ad jurandum satis est, velle verba usurpare in sensu a jurantibus communiter usurpato: atqui hæc formula, juxta consuetudinem Germanorum, pro juramento usurpari solet; ergo tale præsumendum est, nisi de alia usurpantis intentione constet.

\* Quæres IV. Quænam formulæ communiter censeantur non continere rationem Juramenti? Resp. sequentes formulæ, nisi quis per easdem expressæ intenderet jurare, non significant ra-

tionem Juramenti, si pronuncientur: *Disco in veritate: sim nequam, sim fur, si non ita sit: amputentur mihi amba aures, vel abscindatur mihi na'us, si res se ita non habeat: tam verum est, quam sol lucet, quam hic flo &c.* Ratio est: quia similibus verbis nec ex se, nec ex communi sensu, ac usu hominum intelligitur Deus vocari in testem dictorum, ita cum Busenbaum & aliis La Croix lib. 3. partium 1. num. 256. & seqq. ac Sporer Tract. 3. in precept. Decalog cap. 1. Ex quibus colligitur, quod neque committat perjurium, qui similia etiam deliberate profert in re falsa.

Quæ. V. An detur aliquod Juramentum sine verbis? Resp. affirmative. Ita cum communi vix non in terminis Sabinus Bononienf. Tract. XV. num. 15. Ratio est; quia non minus a legitimo suo Superiore interrogatus sub obtestatione Divini Judicii &c. cenletur interpretative aliquid affirmare vel negare, si solum capite annuat, ac si verbis exprimeret: pariformiter dic, si respondeat signo alio sensibili e.g. pro more Regionis ponendo manum supra S. Scripturam, vel super porrectam imaginem Crucifixi, aut ad Sceptrum, seu, quando est Sacerdos, per tactum sui pectoris. Unde in nonnullis locis introducta fuit consuetudo, ut, uno prælegente formulam Juramenti, reliqui jubeantur levare tres primos digitos in signum, quod jurent absque eo, quod aliquid aliud pronuncient. \*

## Q U Æ S T I O II.

De conditionibus ad Juramentum requisitis.

### S U M M A R I U M.

12. Tres juramenti comites, Veritas, Judicium, & Justitia.
13. Quale peccatum, si desit judicium in Juramento?
14. Consuetudo incaute jurandi, quale peccatum?
15. Quid de consuetudine jurandi sine justa causa?
16. Justitia, quomodo requiratur ad Juramentum.
17. Juramentum promissorium sine anima exequendi, est perjurium.
18. Si fiat circa rem malam, quale peccatum?
19. Juramentum de re illicita non obligat.
20. Item si fiat Juramentum de faciendo opere indifferenti.
21. Corollaria.
22. Alia notabilia Corollaria.
23. In omni Juramento, & Voto, quatuor conditiones subintelliguntur; quæ?
24. Conditiones, quæ tacite, seu de Jure insunt, non faciunt actum conditionatum.
25. Juramentum promissorium de re bona obligat.
26. Quid sifiat de opere minus bono?
27. Veritas etiam requiritur in Juramento.
28. Perjurium, quid?  
Est peccatum mortale.
29. In perjurio non datur parvitas materia.
30. Potest fieri veniale ex defectu voluntarii, ac de liberationis.  
Peccata verborum maxime sunt ex intentione dicentis judicanda.

12. CONCL. I. Certum est, atque ab omnibus concessum, ut Juramentum sit licitum, & opus bonum, actusque virtutis Religionis, tres requiri conditiones, tamquam comites ejus, nempe Veritatem, Judicium, & Justitiam; juxta illud Jerem. 4. *Jurabis, vivit Dominus, in veritate, judicio, & justitia.* Veritas in eo consistit, ut veracissimi Numinis testimonium non adducatur in testimonium falsi, seu mendacii. Justitia consistit in eo, ut æquissimi Numinis testimonium non adducatur in confirmationem dicti, aut rei iniquæ, & peccato obnoxia. Judicium, seu judicii discretio in eo, ut cum prudenti intellectus consideratione, ac pia & reverenti voluntatis affectione, non sine necessitate, aut magna utilitate, juretur.

13. CONCL. II. Quantum attinet ad ultimam Juramenti conditionem, quæ est *Judicium*, conveniunt Doctores, si desit duntaxat judicium (id est, si sine justa causa, & imprudenter juretur, quod verum est) ordinarie non esse, nisi peccatum veniale. Ratio est: quia tunc non latet gravis irreverentia; cum Deus adhuc adducatur in testimonium rei veræ, licet sine justa causa, & sic imprudenter. Verum occasione hujus

14. Quæres, quale peccatum sit consuetudo incaute jurandi? Resp. I. Consuetudo jurandi indiscriminatim verum & falsum, etiam cum advertentia, quamdiu voluntaria est, constituit hominem in statu peccati mortalis. Ita Herinex part. 3. disp. 6. q. 2. n. 15. & alii. Ratio est: quia ex vi illius consuetudinis, est homo in maximo periculo perjurii committendi; juxta quod Ecclesiasticis cap. 23. dicitur: *Vir multum jurans implebitur iniquitate.* Additur tamen, *quamdiu voluntaria est*: quia, si homini dicta consuetudo efficaciter displiceat, vi illius displicentia, & propositi eam deponendi, interruptitur consuetudo.

15. Resp. II. Si consuetudo sit tantum jurandi sine justa causa, & imprudenter, ea quidem non constituit hominem in statu damnationis, est tamen omnino dissuadenda. Ratio: Tum quia sine justa causa jurare, ad minus est peccatum veniale: Tum quia Juramentum a Christo circa necessitatem prorsus reprehenditur, *Matth. 5. Ego autem dico vobis, non jurare omnino, &c. Sit autem sermo vester, est, est: non, non: quod autem his abundantius est, a malo est.* Intellige, si non subsit justa causa, seu necessitas jurandi. Unde Ecclesiastici 23. dicitur: *Juratori non assuecat os tuum, multi enim casus in illa, cum concordantiis.*

16. CONCL. III. Quantum attinet ad alteram Juramenti conditionem, quæ est *Justitia* (id est, ut res, de qua juratur, sit res honesta, justa, nulloque peccato obnoxia) multiplici opus est distinctione. Et quidem in primis distinguendum inter Juramentum assertorium, & promissorium: atque loquendo de Juramento assertorio, facto circa rem injustam, vel peccatum alterius, illud regulariter est peccatum duntaxat veniale, si veritas subsit. Herinex loc. cit. num. 13. & communis. Dicitur, *regulariter*: quia videtur mortale, si Juramentum assumatur ut instrumentum peccati, puta, si per Juramentum



tum confirmetur gravis detractio infamatoria Proximi: e contra vero, si quis in Judicio legitime interrogatus, sub Juramento testificetur de peccato Rei, nullum erit peccatum. Quod si vero Juramentum sit promissorium, ad dijudicandam ejus malitiam, vel etiam obligationem, multipliciter rursus erit distinguendum, præsertim an opus illud, super quod cadit Juramentum promissorium, sit bonum, indifferens, vel malum; atque, an adfuerit ex parte jurantis sufficiens deliberatio, simulque animus id exequendi, nec ne. Hinc sit

17. CONCL. IV. Quandocunque Juramentum promissorium deliberate fit, sive super re bona, sive mala, aut indifferenti, sine animo exequendi, committitur perjurium. Ita communis. Quia Deus deliberate (secus, si id fiat ex inadvertentia) adducitur in testimonium rei falsæ; in quo consistit malitia perjurii.

18. CONCL. V. Si Juramentum promissorium deliberate fiat circa rem malam animo illud exequendi; jam ratione illius affectus interni pravi erit peccatum mortale, vel veniale, pro gravitate operis exequendi; simulque Juramentum, quatenus est testificatio Dei super re illicita facienda, habebit distinctam malitiam, pro gravitate operis exequendi, nisi forte inadvertentia excuset. Ita Lessius cit. cap. 42. n. 18. & alii.

19. CONCL. VI. Juramentum de re illicita præstitum nullam parit obligationem. Ita communis, arg. cap. Quanto, de Jurejurando, ubi dicitur, quod *Juramentum non fuit institutum, ut esset vinculum iniquitatis*. Et reg. 58. Juris in 6. *Non est obligatorium contra bonos mores præstitum Juramentum*. Hinc jurans, quod nolit inimico ignoscere, nullum proximo auxilium facere, & hujusmodi, ex tali juramento non obligatur: quia, ut dictum, juramentum non potest esse vinculum iniquitatis.

20. CONCL. VII. Ex Juramento de faciendo opere indifferenti nulla quoque oritur obligatio; ut puta si quis juret, festucam se levaturum, se barbam fricaturum, &c. Ita communis. Ratio est: quia hujusmodi actiones non sunt fructuosæ, quin potius impeditivæ majoris boni. Verumtamen hoc intelligendum est, nisi alia causa, ex qua actiones cæteroquin indifferentes honestatem virtutis acquirant, adjiciatur: ut v. g. si jures, te ades alicujus non ingressurum, cum tali meretrice non locuturum, &c, causa vitandi peccati, jam ob hanc additam causam actio illa, vel potius omissio actionis, erit capax obligationis Juramenti, quamdiu periculum illud durat.

21. Ex his patet resolutio illorum casuum quotidianorum; nempe de Patre jurante, se graves pœnas repetiturum a filio, de Hera jurante, se non servaturam diutius hanc, aut illam ancillam; de Fratre, vel Condiscipulo, se apud patrem vel magistrum accusaturum esse suum fratrem, vel condiscipulum; de Mercatore, se hanc mercem non viliori pretio venditurum, vel non majori empturum; de Aulico, se non priorem sessurum, non priorem ingressurum, &c. Nam in primis, si tales serio jurant, nec tamen

habent intentionem exequendi id, de quo faciendo jurant, delinquant mortaliter, juxta dicta num. 17. & amplius notat Gobat tract. 11. Theol. Experim. n. 528. quia tunc in tali Juramento deest veritas, atque Deus adducitur in testem falsitatis.

22. Nihilominus, ut idem Gobat notat, raro hujusmodi homines peccant mortaliter non faciendo postmodum id, quod serio jurarunt se facturos: ut quando Pater videt, filium alia ratione emendatum, vel maternis lamentis domum impletum iri, si cadatur filius albæ gallinæ, ac proinde minas remittat; quod etiam de cæteris dicendum. Ratio est: quia vel hujusmodi Juramenta non fiunt ex motivo Virtutis, sed, ut frequenter contingere solet, ex impatientia, & proposito vindictæ; ac proinde non obligant, cum sint facta de re mala, nempe propter vindictam, aut iram suam complendam. Vel, & quidem non raro, fiunt de re indifferenti, v. g. non prius sedere, intrare, &c. Vel inutili: ut si corrigendus jam aliunde emendatus sit, neque correctione amplius indigeat. Vel non gravi; ut si Pater juravit, se castigaturum puerum ita promeritum, & postea sine causa omittat; prout exemplificat Layman cit. tract. 4. cap. 14. n. 6. Aut certe solet frequenter intervenire una saltem ex quatuor illis conditionibus, quæ subintelliguntur in omni Juramento promissorio. Hinc sit.

23. CONCL. VIII. In quolibet Juramento promissorio (imo & Voto) quamvis absolute facta, tacitæ quædam conditiones subintelliguntur. Ita desumitur ex cap. Quænam modum, in-juncta Glossa Vers. conditio. de Jurejur. & notat Abbas ibidem n. 8 Pirhing. rit. De Jurejur. n. 119. & communis. Ita Condicio est, i p tero; quia ad impossibile nemo obligatur II. Salvo jure, & autoritate Superioris: quæ condicio desumitur tum ex c. Ad nostram 21 de Jur jur. tum ex c. Non est. de Voto: Ibi: *Non est voti di.endus transgressor, qui, quod vovit, auctoritate Sedis Apostolica distulit adimplere*. III. Condicio est: *Nisi is, in cujus gratiam & utilitatem juratum est, obligationem remittat*; sive expresse, sive tacite: quia quilibet potest cedere jure suo, illudque remittere. Et tandem IV. est: *Idem modo res in eodem statu permanserit*; id est, notabilem mutationem non accipiat: quia notabilis mutatio quasi aliud objectum facit, ad quod verisimili præsumptione, jurantis, & promittentis intentio se non extendit.

24. Nec dicas. Juramentum sub conditione conceptum, est conditionale, ergo si in omni Juramento (imo & Voto) tacite insunt prædictæ conditiones, illud omne erit conditionale, & consequenter nullum absolutum: quod est contra communem Doctorem. Resp. e. im distinguendo antecedens. Juramentum sub conditione extrinseca conceptum (ut puta, Juro, me hoc facturum, si navis ex India advenerit, si Petrus erit Romam iturus,) est conditionale, conceditur: Juramentum sub conditione, quæ tacite, seu de jure inest, conceptum, est conditionale, negatur antecedens & consequentia. Nam generaliter conditiones, quæ tacite seu de jure insunt

insunt, non faciunt actum conditionatum, arg. L. 3. ff. *Legatis l. & l. Conditiones. ff. de Condition. & demonstrat.* ibi: *Conditiones, qua tacite inesse videntur, non faciunt legata conditionalia, cum concordantiis.*

25. CONCL. IX. Juramenta promissoria, quæ cedunt tum in honorem Dei, tum ad bonum tertii, Ecclesiæ, ut communitalis, fiuntque circa materiam honestam, pariunt obligationem. Ita communis. Et merito quoad hoc traditur hæc generalis regula, ex c. *Si vero & c. contingat. de Jurejur.* desumpta: *Omne juramentum editum in alterius utilitatem servandum est, si sine peccato, seu salutis dispendio servari potest.* Ratio est: quia talia Juramenta involvunt reverentiam Divini Numinis, simulque sunt honesta; ergo ex motivo Religionis pariunt obligationem ea adimplendi. Subintellige, nisi excuset una ex proxime dictis quatuor conditionibus, in omni Juramento promissorio tacite subintellectis.

26. CONCL. X. Juramentum conceptum de opere minus bono, & cujus oppositum est melius, non obligat; nisi sit factum in favorem tertii. Ita Doctores passim. Ratio est: quia in simili, hac ipsa de causa Votum de opere minus bono editum non obligat, aut saltem ipsius voventis, sive jurantis arbitratu, potest commutari in melius opus: puta, si vovisti Deo, te uxorem ducturum, potes absque alia dispensatione Religionem ingredi, aut in seculo perpetuam Castitatem servare; cum hoc sit opus melius. Similiter si vovisti (idem dicendum, si jurasti) te hac hora oraturum, postea vero intelligas, gratus Deo futurum, si ægroto assistas, opemque feras, non teneris Juramento aut Voto, cum in talibus circumstantiis non sit de meliori bono, sed præcedat auxilium infirmo præstandum. Additur notanter in Conclusionem, *nisi sit factum in favorem alterius.* Tunc enim obligabit Juramentum, nisi illud alter remittat: quia in promissione facta homini, aut Juramento in ejus favorem præstito spectatur, quid illi gratus sit; in promissione vero facta Deo, quid melius. Layman lib. 4. tract. 3. cap. 6. num. 6. & alii.

27. CONCL. XI. Quantum attinet ad tertiam Juramenti conditionem, quæ est *Veritas* (& consistit in eo, ut Dei Veracissimi testimonium non adducatur in confirmationem falsi, aut mendacii) certum est, eandem requiri ad Juramentum licitum; eaque deficiente committi Perjurium, quod ex genere suo est peccatum mortale.

28. Porro *Perjurium* proprie dictum, est Juramentum falsum, quo quis aliquid sub obtestatione Divini Numinis confirmat esse verum, quod tamen credit esse falsum; vel econtra ait esse falsum, quod putat esse verum. Vel brevius: *Perjurium* est juramentum de falso in opinione jurantis. Ita Mastrius disp. 11. Theol. Moral. num. 58. & alii. Additur, *in opinione jurantis*: quia quamvis, quod quis jurat esse verum vel falsum, sit tale a parte rei, si tamen jurans putaret, non esse tale, nihilominus pejeraret; quia deliberate Deum in testem rei, juxta suam opinionem falsæ, adduceret. Inferitur

proinde, omne Perjurium cum deliberatione factum, esse peccatum mortale: quia revera est gravis irreverentia Deo illata, ipsum deliberate adducere in testem mendacii. Et hoc idem dicendum, si quis dubitaret de veritate rei: nam exponeret se manifesto periculo adducendi Deum in testem falsitatis, ac proinde peccaret.

29. Nec obstat, quod materia sit levis, aut exigui momenti. Adhuc enim intervenit tota Perjurii malitia, in hoc consistens, quod Dei Veracissimi testimonium in confirmationem falsitatis, & mendacii adducatur. Inferunt proinde Doctores communiter, in perjurio non dari parvitatem materiæ, quæ ipsum a mortali excuset, ob rationem prædictam: quia nimirum in quolibet Perjurio, deliberate & advertenter facto, tota hujus peccati malitia reperitur. Unde merito Innocentius XI. hanc inter alias, ordine 24. Propositionem damnavit: *Vocare Deum in testem mendacii levis non est tanta irreverentia, propter quam velis, aut possit damnare hominem.*

30. Additur notanter: *deliberate & advertenter facto.* Quia ut notat Doctor noster 3. dist. 39. q. un. estque communis, Perjurium sine deliberatione factum, non est peccatum mortale: cum generaliter ad omnem actum humanum, ac præsertim ad peccatum mortale, requiratur voluntaria, ac sufficiens deliberatio. Unde quamvis numquam ratione parvitatis materiæ, adhuc tamen ratione defectus voluntarii, aut sufficientis deliberationis, quandoque homines a peccato mortali contingit excusari: dum videlicet profertur verba, ex se quidem juramentum falsum sonantia, sed sine intentione actuali, vel virtuali, Deum in testem falsitatis adducendi; aut quia id faciunt non cum plena deliberatione: siquidem, ut notat sæpe citatus D. Thomas 2. 2. quest. 73. art. 2. *Peccata verborum maxime sunt ex intentione dicentis dijudicanda.*

\* Qurr. I. Qualiter quis debeat rem aliquam judicare veram, ut desuper jurare possit? Resp. Sanchez, Castropalao & Diana teste la Croix lib. 3. part. 1. n. 267. putant esse sufficiens, si tantum probabiliter ea res judicetur vera, saltem, si Juramentum fuerit extrajudiciale. Econtra vero Suarez, Dicastillo, aliique apud eundem La Croix loco cit. existimant, requiri moralem certitudinem talem, ut de opposito non adsit formido prudens, seu fundata in ratione gravi, vel saltem juxta La Croix, ut de opposito non habeatur formido æqualis; alias enim quis se exponeret periculo gravi alicujus perjurii. Et hæc sententia mihi æque, ac Patri La Croix, uti & Patri Sporer Tract. 3. in Decalog. cap. 1. n. 96. & seqq. præplacet, præsertim in judicialibus, vel ubi agitur de damno Tertii: etenim vi Juramenti videor velle indicare, quod id, de quo juro, censeam magis verum, quam ejus oppositum.

Qurr. II. Quomodo præctice interrogandus, qui confitetur se jurasse? Resp. Talem esse interrogandum eodem ferme modo, quo antea de Blasphemis Tract. V. dist. 3. q. 5. mentionem fecimus. Nimirum I. Num deliberate vel indeliberate? Quod si deliberate ac scienter juraverit; indagetur II. Qualiter ergo juraverit? ex hoc enim interrogatorio Confessarius desumet, num verba illa

illa prolata verum juramentum significant, necne? Quod si hæc verba forent dubia, interroget III. Qua mente protulerit? nam si per eadem non intendisset scienter, & positive Deum in testem vocare, non diceretur jurare; atque sic sæpissime contingere testatur, Sporer *Tract. 3. in II. Precept. Decal. cap. 1. sect. 1. §. 2. num. 9.* Quando autem per eadem intendisset jurare, aut ipsamet verba deliberate prolata indubitato, & expresse significarent Juramentum, Confessarius ille, nisi ex circumstantiis aliunde jam desumpserit, interroget similem pœnitentem, IV. Num in re vera vel falsa juraverit? Ubi ex jam antea dictis notandum, quod perjurium sit Juramentum de falso in opinione seu mente jurantis; verum autem Juramentum de vero in mente vel opinione ipsius jurantis: Hinc decipiuntur rudes illi, qui credunt, se pejerasse, quia tractu temporis experiuntur, rem juratam aliter se habere, quamvis tempore Juramenti optima fide crediderint, eandem rem esse veram. Econtra vero errant pariter, qui existimant, se falsum non jurasse ex eo, quia postea vident, rem esse veram, quam tamen falsam putabant in ipso actu jurandi: Ita recte Sabinus Bononiensis in *Luce Morali Tract. 15. num. 19.* Demum finaliter, V. Si Confessarius deprehendat, Pœnitentem quoad Juramenta peccasse mortaliter, haud dubie erit etiam inquirendum de numero, quoties nimirum interpolatis vicibus similia Juramenta contigerint? Cæterum, num & quando teneatur aliquis Pœnitens circa juramentum promissorium servare ipsam rem jurato promissam, colliget Confessarius ex jam dictis.

Quær. III. An, & quando in Confessionali a peccato excusari possit pœnitens, qui juramento promiserat, communicatum quodpiam Secretum v. g. Medicinæ nulli revelare, si illud tamen manifestet? Resp. Si nec pœnitens, nec ille, qui talem pœnitentem docuit, neque etiam alius per alia medicamenta possint citra manifestationem hujus Secreti sufficienter providere bono publico, vel tertio simili morbo periculose laboranti, haud dubie excusabitur a peccato illud Secretum revelans; uti etiam, si mortuo illo, qui pœnitentem docuit, simul ars ista emoreretur, nisi pœnitens manifestet alteri. Ita cum pluribus Sporer *Tract. 3. in Decal. cap. 1. sect. 2. n. 42. & La Croix num. 1. lib. 3. n. 329.* Ratio est: quia in similibus circumstantiis foret, contra charitatem, nolle artem talem revelare, aut ad posteros transmittere: juramentum autem, quod ntique non est vinculum iniquitatis, neutiquam adstringit contra virtutem Charitatis. Quodsi vero similes circumstantiæ non adsint, tenetur pœnitens Secretum celare.

Quær. IV. An & quomodo in Confessionali a perjurio excusari possint Mercatores, qui jurant, se non posse tali pretio merces vendere? Item merces sibi metipsis pluris constare; cum tamen neutrum in rigore videatur verum? Resp. Ex la Croix *lib. 3. p. 1. num. 301.* primos excusari posse per hoc, quod intelligant, & satis sciantur significare velle, se non posse cum honesto & mediocri lucro ita vendere, Secundi vero pote-

runt excusari per id, quia, quando dicunt, sibi pluris constare, scimus, quod non intelligant nude pretium rei emptæ, sed etiam computent partim expensas v. g. vecturæ &c. partim proportionalem partem sumptuum, quos toto anno faciunt in suam communem negotiationem; hæc enim omnia juste possunt venire nomine pretii, quo res ipsis constat. Quod, si locationes eorum non essent in hoc sensu veræ, mentirentur, & si jurarent, perjurarent. Ita cum Gobac La Croix *loc. cit.* Ego autem subjungo, talia Juramenta esse cæteroquin Mercatoribus dissuadenda, ob periculum perjurii non raro interveniens, \*

### Q U Æ S T I O III.

Solvuntur diversa Dubia, Juramentum concernentia.

#### S U M M A R I U M.

31. Violatio juramenti promissorii, quale peccatum?
  32. Quid, si res sub juramento promissa sit levis?
  33. & 34. An liceat juramentum exigere a juraturo falsum?
  35. Præsertim in judicio.
  36. Aut a juraturo per falsos deos, vel Machometem?
  37. Vel a juraturo bona fide contra veritatem?
  38. An liceat jurare cum restrictione mentali?
  39. Vel equivoco?
  40. Quid, si injuste cogatur ad jurandum?
  41. Juramentum, quis possit irritare, dispensare, commutare, &c.
- (2) Dist. seq. Quæst. 4.

31. **Q**Uæritur I. Utrum violatio juramenti promissorii, præsertim in re parva sit peccatum mortale? Resp. I. Si promissio Juramento firmata, sit rei notabilis seu gravis, violatio ejus erit peccatum mortale. Ita Doctores communiter. Ratio est: quia, ut jam dictum n. 4. ad Juramentum promissorium requiritur duplex veritas; una intentionis, seu veritas dicti, qua quis ab initio debet habere intentionem servandi id, quod promittit: & altera executionis seu veritas facti, qua suo tempore servandum est id, quod sub juramenti religione quis promissit. Itaque si quis cessante justo impedimento, ac nulla subsistente conditione tacita ex quatuor illis n. 23. assignatis, atque in omni Juramento promissorio tacite subintellectis, non impleat id, quod se facturum sub Juramento promissit, jurans, quantum in se est, facit, ut Deus falsum testatus sit.

32. Resp. II. Num autem id dicendum sit, si materia sub Juramento promissa sit levis, ac parvi momenti, variant Doctores. Et quidem affirmativam ob reverentiam Divini Numinis observare, procul dubio laudabilissimum est, atque omnimodis consulendum. Negativam tamen sententiâ, id est, peccatum mortale tunc non committi, tenent Reginaldus *lib. 18. num. 97.* Suarez, Sanchez, Sotus, pluresque alii. Ratio desumitur ex dictis num. 23. ubi diximus, plures conditiones dari, quæ excusent jurantem ab obligatione implendi Juramentum promissorium, quarum una est: Si is, in cujus gratiam juratur, id remittat.

Y 3

Atqui

Atqui nullus censetur facile, & rationabiliter, velle obligare sub gravi culpa ad præstandam materiam levem, quam quis promissit sibi sub juramento; ergo non erit peccatum mortale, materiam levem sub juramento promissam non adimplere: idque tum ob tacitam remissionem alterius, in cujus favorem juratur; tum ob levitatem materiæ, utpote quæ in simili etiam in Votis excusat.

33. Quæres II. An liceat Juramentum exigere ab eo, quem quis scit falso juraturum, aut juraturum per falsos deos, vel per Machometem Pseudopropheta? Resp. I. Si quis exigit juramentum ab aliquo, quem nescit juraturum falso, non peccat. Ita communis, & ratio clara est: quia ignorantia ipsum excusat, præsertim accedente bona fide, qua sperat, alterum reverentia Numinis non ausurum falso jurare, id tamen absque justa causa non est faciendum: quia sicuti peccatum est, saltem veniale, absque necessitate verum jurare; ita etiam alterum absque necessitate ad juramentum adigere, juxta illud Salvatoris, *Matth. 5. Quod amplius est, a malo est.*

34. Resp. II. cum Doctore Angelico 2. 2. q. 98. art. 4. & aliis, fas non esse, nisi justa causa sublit, exigere Juramentum ab eo, qui scitur pejeraturus. Ratio est: quia inducere aliquem ad peccatum mortale, puta ad perjurium in casu nostro, est peccatum mortale; tenemur enim, quantum in nobis est, tantam Dei injuriam, & proximi peccatum evitare.

35. Dicitur notanter, *absque justa causa*. Nam in primis Judex, si tamquam persona publica secundum ordinem juris exigit a litigante Juramentum, non peccat, sive sciat, eum falso juraturum, sive non. Tum quia facit id, ad quod ex officio tenetur, petente præsertim parte adversa: tum quia Judex non debet sequi privatam scientiam, sed præscriptum Juris, adhibendo ea, quibus solet elici veritas; alioquin daret justam causam scandali. Quando tamen Judex id commodè potest declinare, debet, ut notat inter alios Lessius *lib. 2. cap. 42. n. 49.* plures causas subjungens.

36. Insuper, ubi justa ratio ad damnum, vel injuriam cavendam suppetit, etiam in contractibus, & aliis causis, potest quis exigere Juramentum ab eo, qui per falsos deos, aut Machometem Pseudopropheta noscitur juraturus; non quidem, ut determinate juret tali modo, sed absolute, & in genere: sicuti post D. Augustinum, *Epist. 154. ad Publicolan.*, notant Doctores communiter. Sic Laban, iniens fœdus cum Jacob, juravit per Deum Abraham, & Deum Nachor, *Gen. 31.* Idipsum est quotidianum apud Mercatores, cum Infidelibus contrahentes. Id tamen sine justa causa exigere non licet: neque etiam permissum est, aliquem inducere ad hoc determinate, quod per falsos deos juret, quia conperaretur peccato alterius.

37. Quæritur III. An liceat exigere Juramentum ab eo, qui bona fide jurabit contra veritatem, id est, firmiter sibi persuadens, esse verum, de quo jurat, quod tamen a parte rei est falsum?

Resp. negative, prout notat Herinex *disp. 6. de Religione n. 36.* cum Doctoribus communiter, contra paucos alios. Ratio est: quia respectu petentis est inductio ad falsitatem testificandam, & jurandam; quod est intrinsece malum.

38. Quæritur IV. An liceat æquivoce vel cum restrictione mentali jurare? Resp. I. Hic inprimis cavendæ sunt Propositiones illæ, quas Innocentius XI. sicut *ja: ent*, ut *minimum tamquam scandalosas, & in praxi perniciosas*, merito damnavit; quarum prior, ordine 25. sic habet: *Cum causa licitum est jurare sine animo jurandi, sive res sit levis, sive gravis.* Altera, ordine 26. est hæc: *Si quis, vel solus, vel coram aliis, sive interrogatus, sive propria sponte, sive recreationis causa, sive quotumque alio sine juret, se non fecisse aliquid, quod revera fecit, intelligendo intra se aliquid aliud, quod non fecit, vel aliam viam ab ea, in qua fecit, vel quodvis aliud additum verum, revera non mentitur, nec est perjurus.* Tertia, ordine 27. & itidem damnata, taliter sonat: *Causa justa utendi his amphibologiis est, quoties id necessarium, aut utile est ad salutem corporis, honorem, res familiares tuendas, vel ad quemlibet alium virtutis actum, ita ut veritatis occultatio censeatur tunc expediens, & studiosa.* Quarta, ordine 28. est illa: *Qui mediante commendatione, vel munere ad Magistratum, vel Officium publicum promotus est, potest cum restrictione mentali præstare juramentum, quod de mandato Regis a similibus solet exigi, non habito respectu ad intentionem exigentis, quia non tenetur fateri crimen occultum.* Ita Propositiones damnatæ.

39. Resp. II. Quando quis se sponte offert ad jurandum, vel si legitime ad hoc compellitur, v. g. per Judicem juridice interrogantem, peccat mortaliter, si alieno sensu juret. Ita communis: & patet cum ex Propositionibus proxime relatis, ac damnatis: tum ex eo; quia, si juridice interrogatus, æquivoce, atque in alio sensu jurare posset, facile perverteretur Judicium. Accedit, quod juridice interrogatus teneatur obedire judici, sicque jurare in sensu ab eodem intento; ergo jurans æquivoce, vel cum restrictione mentali, committeret perjurium.

40. Resp. III. Nihilominus, quando aliquis injuste cogitur ad Juramentum, non peccat jurans amphibologice, si justa ita jurandi causa sublit ad veritatem aliquam dissimulandam. Ita cit. Lessius *n. 47.* Layman *lib. 4. tract. 3. cap. 14. n. 7.* & alii. Atqui hanc doctrinam non contineri sub censura Propositionum damnatarum supra allegatarum, satis indicat Joan. Cardenas in *Crisi Theolog. ad dictas Propositiones, præter im n. 77.* Ratio est: quia amphibologicæ locutionis unus sensus verus est; ergo secundum illum, postulante tali necessitate, locutio illa potest Juramento confirmari; cum enim injuste quis cogatur ad Juramentum, non tenetur loqui ad mentem alterius.

\* Verum, ut clarius innotescat, quando amphibologicæ usus liceat, & saltem a mendacio & consequenter etiam a perjurio, si Juramentum adderetur, alienus sit; est notandum, quod Innocentius



centius XI. supra n. 38. relatus, solum damnet amphibologiam, quæ sit cum restrictione pure mentali, innuatque, per eam committi perjurium & mendacium; Ratio est: quia in amphibologia cum restrictione pure mentali verba non significant, quod loquens in mente sentit; ergo per huiusmodi amphibologiam committitur mendacium (mentiri enim est contra mentem ire) & consequenter si adjungatur Juramentum, etiam perjurium. Quocirca, cum non sic omnis amphibologia ex restrictione pure mentali descendat, ac proin non quævis damnata esse videatur, breviter inquirendum superest, quando nam illa liceat?

I. Itaque censent Doctores, licere amphibologiz usum, dum verba sunt æquivoca, & secundum duplicem sensum conceptui mentali correspondere possunt: atque tunc, si adsit ratio occultandi veritatem ab altero intentam, licite usurpas verba in alio sensu, quam sit sensus interrogantis, modo ad talem conceptum exprimentum verba ex se apta sint: Sic canis significat terrestrem, marinum, vel cœlestem &c.

II. Licet uti amphibologia, quando verba a loquente juxta certas temporis, loci, vel personarum circumstantias sensibiles determinantur ad alium sensum, quam illa secundum se, & nude spectata significant. Ut si quis interroget, an Petrus sit in urbe, & tu ob certas rationes volens abscondere locum, ubi existat, manu, vel digito designans respondeas: *Non est hic, id est, in loco, in quo tu stas, & quorsum digito monstrat.* Non debemus autem hoc duplici modo uti passim sine aliqua necessitate, aut alia valde rationabili causa; alias perderetur confidentia, & tolleretur sincera fidelitas in commercio humano; multo minus debemus ad tales modos sine magna necessitate, aut notabili utilitate adhibere juramentum.

III. Si verba propter certa Mysteria sumantur in sensu metaphorico (quo juxta D. Augustinum lib. contra mendacium cap. 10. Jacob se vocavit primogenitum) quamvis in sensu sibi proprio aliud diversum a mentali conceptu loquentis significant, non tamen fit mendacium. Exemplo nobis sit ipsa æterna Veritas Christus, dum se ipsum in Mystico & metaphorico sensu *Templum* nuncupavit, dicens: *Destruite templum hoc*; minime ignarus, per verba ea juxta propriam significationem Judæos audientes in notitiam templi manu facti deductum iri.

IV. Non fit mendacium, si quis respondeat interroganti in eo sensu, in quo habet jus interrogandi, non obstante, quod iste in alio sensu verba percipiat. Hinc, si fur, nulla de suo furto præcedente infamia, sed sola vel deferentis, aut Judicis pro libitu assumpta suspicione, judicialiter inquiretur, an *furtum commiserit*, licite respondet: *furtum non commisi*; videlicet, quod foret materia judiciariæ inquisitionis, & de quo Judex interrogare posset. Item, si Puella ab aliis v. g. inducta, scripsit cuidam litteras amatorias tales, quæ plane vi verborum in foro externo indicarent promissionem matrimonii, cujus executionem etiam alter præterdit, quamvis a parte rei

& coram Deo (prouit supponimus in casu) Puella numquam intenderit per has litteras promittere matrimonium: in tali casu, si Puella fatetur, has litteras esse suas, in foro externo certe condemnaretur ad contrahendum; quare etiam cum juramento, si a judice id imponatur, potest negare, has litteras esse suas, videlicet in ordine ad promissionem matrimonii. Nec est ista pura restrictio mentalis; Puella enim non tenetur alia, nisi eo modo respondere, quo Judex pro tribunali sedens habet jus interrogandi; atqui in dicto casu non habet jus interrogandi circa dictas litteras, nisi in ordine ad matrimonium: nimirum, an litteras has scripserit, intendendo per eas promittere matrimonium: ergo etiam Puella non tenetur, nisi in ordine ad hunc finem Judici respondere, & consequenter, cum in ordine ad dictum finem litteras non scripserit, etiam sine mendacio negat, se scripserisse, quoniam interrogatio & responsio sic conveniunt. Plura de similibus vide apud Cardenas in sua Crisi Theologica super dictas propositiones num. 48. & seqq. ac apud Sporer *pari. 3. in Decal. cap. 1. sect. 3. §. 4.*

V. Mendacium non committit ille, qui dicit, se nescire id, quod non nescit scientia communicabili, id est, tali, quam liceret alteri communicare: etenim verbum *nescire* ex sui institutione non tantum significat, rem non scire simpliciter, sed etiam non scire eam scientia communicabili, in iis videlicet circumstantiis, ubi occultari petit, uti notat communis Theologorum; atque ita, si interrogatus de aliquo ex solo Confessionali cognito; quod tibi non licet revelare, respondeas *nescio*, non loqueris cum pura restrictione mentali, sed usurpas verbum ex se, & ex recepto usu, ac hominum institutione correspondens conceptui tuo mentali. Hinc D. August. lib. 1. de Trinitate cap. 12. innuit, quod res occultanda nos faciat nescientes. Isque pariter modus loquendi erat Salvatori, dum apud Marcum c. 13. ita dixerit: *De illo autem die vel hora nemo scit, neque Angeli in celo, neque Filius &c.* eo quod de die illa scientiam communicabilem Filius non habuerit &c. Quod si licitum mihi foret id, de quo interrogor, alteri manifestare, non amplius video, quomodo possit ad celandum uti quis hoc modo, debetque modus iste non nimium extendi in commercio humano, nec fieri abusus, ne tollatur sinceritas in conversatione humana.\*

41. Quæritur V. & ultimo, quis possit irritare, dispensare, relaxare, aut commutare Juramentum promissorium? Resp. de hoc inferius (a) fore dicendum, agendo de Voto. Nam qui potest Votum relaxare, dispensare, irritare, vel commutare, poterit etiam Juramentum promissorium soli Deo factum: quia Votum & Juramentum pium, in Jure & apud Doctores æquiparantur quoad vinculum, & ambo similem erga solum Deum ex virtute Religionis obligationem continent; ideoque dispositum de uno, censerit etiam debet dispositum de altero. Sanchez lib. 8. de Matrim. disp. 7. num. 18. Layman lib. 4. tract. 3. cap. 11. cum communiori; contra Navarrum, & paucos alios.

DIS.

QUÆSTIO I.

Quid, & quotuplex sit Votum.

SUMMARIUM.

1. Votum, quid?
2. Promissio, quid? & quomodo differat a simplici proposito?
3. An Promissio solo animo concepta obliget?
4. Deliberatio requiritur ad votum: & quanta?
5. Votum fit soli Deo.  
Promissio etiam hominibus fieri potest.
6. Votum est de meliori bono.
7. Matrimonium, an sit materia apta Voti?
8. Voti divisiones varia.  
Votum simplex, & Votum, solemne, quid?
9. Differentia Voti solemnitis a simplici.
10. Votum personale, reale, & mixtum.
11. Votum absolutum, & conditionatum.

1. **CONCL. I.** Votum est promissio deliberata facta DEO de meliori bono. Ita communis. Dicitur I. *promissio*: Quia ad Votum non sufficit nudum & simplex propositum, aliquid melius agendi vel faciendi, sed ulterius requiritur promissio cum vera voluntate sese obligandi, ut habetur *cap. literaturam de Voto*.

2. Cæterum *Promissio* est deliberata, & spontanea fidei obligatio, facta alteri de re bona & possibili. Et differt per hoc a *simplici proposito*, quod *Promissio* inducat obligationem faciendi id, quod promittitur: *Propositum* autem, licet sit firmum ac deliberatum, ex se talem obligationem non inducit. Maius *disp. 4. Theol. Mor. n. 26.* cum aliis. Hinc *Promissio* Deo facta de bono meliori, coincidit cum Voto: & potest fieri non solum ore tenus, sed etiam per solum actum locutionis interioris, dummodo fiat deliberate, & cum animo sese obligandi.

3. Nec obstat, quod in promissione homini facta secus fiat, neque sufficiat sola interior promissio, nisi hæc verbis aut aliis signis exterioribus sufficienter manifestetur, atque a promissario acceptetur. Resp. enim, disparitatem esse: quia ut dicitur 1. *Reg. 16. homo videt ea, quæ parent, Deus autem intuetur cor.* Unde promissio Deo facta, licet animo tantum interno, mox a Deo cordium nostrorum inspectore videtur, & acceptatur; sicque illico obligat, dummodo sit deliberate concepta. Secus fit in Promissione homini facta: nam hæc neque cognosci potest ab homine, cui fit, neque ab ipso acceptari, quousque verbis vel aliis signis exterioribus sufficienter exprimitur.

4. Dicitur II. in allata definitione Voti, *deliberate*. Quia promissio subdita, & inconsiderata, non sufficit ad rationem Voti: siquidem Votum est lex aliqua privata, qua quis Deo se obligat; nemo autem se obligare vere censetur, nisi plenam habeat deliberationem ejus, quod facit. Unde Vota infantium, ob defectum sufficientis usus rationis, non tenent: neque etiam obligat Votum per semiplenam dumtaxat deliberationem editum: immo tanta, & talis requi-

ritur deliberatio ad validitatem Voti, quanta requiritur ad peccatum mortale committendum. Herinex *disp. 4. de Voto, quest. num. 1.* & alii passim.

5. Dicitur III. *Deo facta*. Quia, cum Votum proprie sit actus Religionis, & Latriz, soli Deo fieri debet. Quare dum aliquid vovemus Sanctis, sensus est, illud vovemus Sanctis nostri Voti futuris testibus; vel id Deo voveri in honorem Sanctorum: quo modo etiam Tempia, & Altaria ædificamus Deo in honorem Sanctorum, nam in Sanctis ipsum Deum coli ac venerari, fatentur omnes Catholici. Circa quod D. Thomas 2. 2. q. 88. art. 5. ad 3. observat, quod Votum soli Deo fiat, sed Promissio possit fieri homini: qualis Promissio de re bona homini facta, puta, Sanctis in cœlo, Prælati Ordinum, &c. potest cadere sub Voto, in quantum homo vovet Deo, se impleturum, quod Sanctis vel Prælati promittit.

6. Dicitur IV. *De meliori bono*. Quia ad Votum dux ulterius requiruntur conditiones: una est, ut illud, quod vovemus, sit opus bonum, five deinde jam uliunde sit præceptum, five non. Altera, ut bonum illud melius sit, quam ejus oppositum; id est, ut ex se non sit impeditivum alterius operis excellentioris, & perfectioris.

7. Hinc matrimonium, regulariter loquendo, non est apta materia Voti: quia melior est virginitas matrimonio; unde ipsa semper potest eligi, ac licite conservari, non obstante Voto de ineundo matrimonio. Dicitur, *regulariter loquendo*: nam matrimonium etiam potest cadere sub Voto, quando per matrimonium ob speciales circumstantias potest procurari majus bonum; prout fieret, si vovens frequenti periculo peccati carnis obnoxius, voveat matrimonialem statum, tamquam remedium suæ incontinentiæ, citius assumere. *Melius est enim nubere, quam uri*, ut inquit Apostolus 1. *Corint. 7.*

\* Quod si indages, an validum sit votum non committendi toto tempore vitæ ullum peccatum etiam veniale, quale votum pro zelo suo solent subinde emittere nonnullæ devotulæ? Resp. Ordinarie dictum votum juxta communioem DD. contra nonnullos pronuntiari invalidum: quia bonum illud non est tale, quod foret moraliter possibile, spectata fragilitate hominis post lapsum, consequenter non censeretur prudenter emissum: cum vovens moraliter certo transgrederetur illud, 'sicque tantummodo propter votum tale præberetur occasio duplicandi peccatum moraliter certo faciendum, quale votum in similibus circumstantiis plane non videtur acceptum Deo. Ita Sporer *tract. 3. in Decal. cap. 2. sect. 2. num. 37.* qui *num. 38.* ob eandem rationem simili modo discurret, si tale votum non quidem ad perpetuum, sed tamen ad longum tempus v. g. ad integrum annum fuisset emissum.

Econtra validum erit votum vitandi omnia peccata mortalia, vel certa venialia in specie v. g. numquam deliberate mentiendi, five etiam vitandi in genere illa peccata venialia, quæ non solum semiplene, sed plene deliberato animo committuntur. Ratio horum omnium est, quia similia

similia etiam cum ordinario auxilio divino moraliter vitari possunt. Sporer *loc. cit.* num. 39. Quinimmo, si adsit internus specialissimus stimulus cum extraordinariis auxiliis divinis, neque auderem declarare tamquam invalidum votum absolutum non committendi quodcumque veniale. Certe S. Teresa vovit efficere semper, quidquid perfectius esse cognosceret.

8. CONCL. II. Plures sunt divisiones Voti, ex quibus tamen praecipua est illa, qua Votum dividitur in simplex, & solemne. Ita communis; & patebit explicandosingulas divisiones ejus. Igitur, quantum attinet ad praemissam divisionem, *Votum simplex* consistit in nuda & simplici promissione Deo facta sine alia solemnitate: *Votum solemne* dicitur illud, quod solemnizatur per susceptionem sacri Ordinis, aut per Professionem Religionis ab Ecclesia approbatam; ut dicitur *cap. un. de Voto in 6.* Et tale Votum solemne est Votum perpetuae Castitatis Ordinibus sacris annexum: quo pariter spectant tria Vota substantialia Religionum, nimirum Obedientiae, Paupertatis, ac perpetuae Castitatis, & si qua alia sunt Vota Religionum approbatarum.

9. Unde non ex eo Votum solemne differt a Voto simplici, quod hoc sit factum privatim, illud publice; cum econtra possit accidere: sed ex eo, quod Votum solemne solemnizetur per susceptionem Ordinis sacri, vel Professionem Religiosam, ratione cujus aliquis magis se ponit in potestate Ecclesiae, quantum ad materiam Voti: Hoc quippe non fit in Voto simplici, cum ob id Ecclesia non accipiat maiorem potestatem in sic voventem, sicut vi Voti sollemnis accipit in Clericos in Sacris constitutos, ac in Religiosos sollemniter professos: qua de causa hos ad matrimonium ex post facto contrahendum illegitimavit Ecclesia, non autem contrahentes cum simplici Voto Castitatis, sed istos reliquit Divino iudicio. Secus 4. *dist. 38 q. un. & alii.*

10. Votum ulterius dividitur in personale, & reale. *Personale* est, quo Deo promittitur aliqua actio ipsius personae voventis: ut cum quis vovet peregrinationem, jejunium, orationem, aut huiusmodi. *Votum reale* est, quo res aliqua Deo promittitur: ut puta largitio eleemosynae, aut alia res externa pretio aestimabilis. Addunt Doctores tertium, nempe *Votum mixtum*; estque illud, quod ex utroque participat: ut si quis voveat peregrinationem ad D. Virginem Lauretanam, ibique elargiri certam eleemosynam ad Ecclesiam illius utilitatem, vel huiusmodi.

11. Votum dividitur rursus in absolutum, & conditionatum. *Absolutum* est, quod independentem ab omni conditione emittitur. *Conditionatum* vero, quod fit sub conditione, ac proinde non impleta conditione illa nullam obligationem inducit: ut si quis voveat peregrinationem, si a tali morbo convalescat, si suus filius sit sanitatem recuperaturus: nam non secuta convalescentia, aut sanitate filii, ad implendum Votum non tenetur. Et idem dicendum de similibus.

## QUAESTIO II. Qua sit obligatio Voti?

### SUMMARIUM.

12. Transgressio Voti est mortalis ex genere;
13. Per accidens potest esse venialis;
14. In Jureamento falso non excusat levitas materiae; secus in Voto violato, cur?
- (b) Juxta dicta dist. praec. n. 27. & 29.
15. Dubius de omissione Voti, non tenetur.
16. Solvitur instantia.
- (c) Tract. 1. dist. 3. n. 30. & 35.
17. Certus de Voto, sed dubitans de intentione se obligandi, tenetur.
18. Votum sine temporis determinatione quando obliget?
19. Voti obligatio est personalis.
20. Dummodo excipiantur Vota realia.
21. Quid de votis Communitatum.
22. Factum alienum si voveatur, quomodo explicandum?
23. Vovens tenetur implere Votum per seipsum.
24. Et impeditus non tenetur substituere alium.

12. CONCL. I. Transgressio Voti ex genere suo est peccatum mortale. Ita communis. Ratio est: quia Votum tendit ad Fidelitatem Deo ex virtute Religionis praestandam. Unde dicitur *Ecclesiastici 5. Si quid vovisti Deo, ne moreris reddere; displices enim ei infidelis & stulta promissio, sed quodcumque voveris, reddes, multoque melius est non vovere, quam post Votum promissa non reddere.*

13. CONCL. II. Nihilominus ob levitatem materiae transgressio Voti quandoque efficitur venialis. Ita pariter communis. Quia Votum est quasi privata lex, quam sibi quis imponit: atqui in legibus excusare parvitatem materiae a culpa mortali, aliunde liquet. Sic, qui singulis diebus vovit dicere tria *Pater & Ave*, & postmodum quandoque, secluso contemptu, omittit recitare, non peccat mortaliter, ob levitatem materiae. Similiter si quis vovit recitare Rosarium in honorem B. MARIAE Virginis, & postmodum omittit dicere pauca aliquot *Ave*, pari ratione non peccat mortaliter. Idem dicendum de similibus.

14. Nec dicas: Jurans falsum, etiam si res sit parva, peccat mortaliter; ergo. Resp. enim negando consequentiam, & paritatem: quia in omni perjurio, etiam circa rem levem deliberate commissio, intervenit tota malitia perjurii, dum Deus adducitur in testem falsitatis (b). Secus est in Voto, circa materiam levem violato, ubi proinde excusat levitas materiae, non minus ac in furto. Accedit, quod, quamvis in Jureamento assertorio levitas materiae non excuset a peccato mortali, si quis deliberate falsum juret, ob rationem praemissam: nihilominus violatio Juramenti promissorii, si materia sub Juramento promissa sit levis, a pluribus Doctoribus excusatur a culpa mortali, prout dictum *Distinct. praec. n. 32.*

\* Posito autem, quod libenter scire cuperes aliquam regulam, ex qua mensurari queat, num haec vel illa materia voti intermissa

cenferi debeat gravis, vel levis; Respondeo ex communi DD. illam materiam esse gravem respectu voti, quæ spectatis omnibus circumstantiis censeretur gravis, si de ea ferretur Lex, seu Ecclesiasticum quodpiam præceptum sub mortali obligans: nam votum obligat instar præcepti, cum sit quædam privata lex, quam quis sibi imponit. Sic juxta Sanchez, Ledesma, & Dianam apud La Croix lib. 3. part. 1. num. 448. & apud Sporer tracl. 3. in Decal. cap. 2. sect. 3. num. 85. Confessio mortalium, & Communio, auditio Missæ, recitatio Breviarii &c. si voveantur, reputantur materia gravis; quia solent alias præcipi sub mortali, & in voto censentur similia, eadem integritate, atque iisdem modis assumpta, ac in præcepto. Unde simile votum intermittens, peccaret graviter, nisi vovens expresse tantum voluisset se obligare ad similia sub levi, quod tamen in materia gravi ordinarie non præsumitur, nisi aliunde clare constet: Sic ponamus in exemplo, quod aliquis jejunium voverit, talis sub gravi tenetur jejunare, & quidem obligatur ad abstinentiam tam a carne, quam a duplici refectioe, nisi expresse aliter vovens voluerit. Ratio est: quia pari modo obligat Ecclesiæ Præceptum de Jejunio. Item si vovit certas preces, tenetur recitare cum intentione, & aliquali attentione, saltem illa, quæ requiritur ad substantiam Orationis, ut dicitur quoad Horas Canonicas.

At hac responsione necdum perfecte quietatus, indagabis ulterius: Utrum, si quis materiam parvam e.g. trium *Pater & Ave* quotidie vi voti explendam non solum una alterave vice, sed frequenter infra annum intermittat, illæ materiæ parvæ sæpius intermissæ adinvicem uniantur moraliter, sicuti uniuntur plura parva furta commissa, sicque constituent unam materiam gravem, vi cujus propter frequentes tales omissiones peccatur graviter? Ad hoc dubium optime respondit La Croix tom. 2. lib. 3. part. 1. num. 450. Quod equidem aliqui apud Dianam part. 3. tracl. 5. R. 24. absolute dicant, materias illas non uniri, nec unquam peccari mortaliter, quantumcumque hæ parvæ materiæ sæpe omittantur: Alii vero absolute teneant uniri, & peccari mortaliter, quando tam sæpe omittuntur, ut simul unitæ facerent aliquam materiam gravem. Azorius autem, Granado, Vasquez, Sanchez communiter probabilius distinguunt, & dicunt, si votum erat affixum diei, materias illas parvas non uniri, sed obligationem extinguere cum die; si autem tale votum non erat affixum diei, materias has uniri, & obligationem supplendi transire ad sequentes dies, ideoque posse tandem perveniri ad materiam gravem. In dubio, an a vovente res promissa fuerit affixa diei, nec ne? Sotus, Ledesma, Suarez, Layman, Castropalao & Tannerus cum Diana part. 5. tom. 5. R. 52. dant hanc regulam, ut, si vota sint personalia, id est, de actione tantum præstanda a vovente v.g. de Orationibus, præsumatur obligatio esse affixa diei, & sic desinere cum die; si autem vota sint realia, id est, de aliqua alia re præstanda v.g. de eleemosyna, præsumatur eleemosyna non desinere cum die, adeoque fore mor-

tale, si tot diebus omittatur, ut fiat materia gravis. Ratio est: quia utraque vota communiter fiunt cum tali intentione; ergo in dubio præsumuntur sic facta; quia ex communiter contingentibus est prudens præsumptio &c. atque hæc regula placet etiam Patri Sporer loc. cit. num. 105. Item P. Gobat T. 11. num. 85. ait, in similibus absolute esse recurrendum ad intentionem voventis, an nempe voluerit alio die recompensare, si uno die rem Deo promissam negligeret: in dubio autem præsumendum erit, quod noluerit obligationem unius diei copulare cum obligatione alterius diei, ideoque peccari tantum venialiter; quia, ubi positive non constat aliunde, quod quis voluerit esse adstrictus sub gravi, obligationes potius sunt restringendæ, quam ampliandæ, quoniam præsumitur actus ica confectus, ut sit minus, quam fieri potest, onerosus. Menoch. lib. 6. præsumpt. 9. nam quidquid adstringenda obligationis est, id, nisi palam verbis exprimitur, omissum intelligendum est. L. Quidquid 99. ff. de verb. obligat. \*

15. CONCL. III. Qui dubitat, num Votum emiseric, nec ne, non obligatur Voto: & idem dicendum, si dubitet, fueritne Votum, vel dumtaxat Propositum; præsumitur enim non fuisse Votum. Ita Engel tit. de Voto, n. 2. Reginaldus lib. 18. n. 276. & alii communiter, paucis exceptis. Ratio est: quia in dubio melior est conditio possidentis, juxta Reg. 65. juris in 6. Talis autem dubitans est in possessione suæ libertatis.

16. Nec obstat illa communis regula, quod in dubiis tutior pars sit tenenda, c. juvenis. de Sponsalibus, cum concordantiis. Resp. enim, hanc regulam plerumque esse tantum de consilio, non de præcepto. Vel quando est de præcepto, loquitur præcipue de dubio practico, ad cujus depositionem quis se reflectere non potest: quia stante dubio practico, non licet contra conscientiam practice dubiam operari, ut jam suo loco (c) dictum.

17. CONCL. IV. Econtra si quis certus sit de Voto, dubitet autem, an habuerit intentionem se obligandi, aut sufficientem deliberationem, tenetur Voto. Ita Sanchez lib. 1. de Matrim. disp. 9. Sannig. disp. 4. de Relig. q. 2. n. 6. & alii. Ratio est: quia tunc Votum stat in possessione, ac proinde obligat: præsumitur enim, Votum esse editum juxta naturam Voti, id est, cum animo obligandi se, ac sufficienti deliberatione, quandoquidem de opposito post sufficientem disquisitionem constare nequeat.

18. CONCL. V. Votum sine temporis determinatione editum, executioni mandari debet, cum primum commode potest. Ita communis. Et desumitur ex cap. 23. Deuter ibi. Cum votum voveris Domino, non tardabis reddere, quia requirit Dominus Deus tuus: & si moratus fueris, reputabitur tibi in peccatum.

\* Quod si quæras ulterius, quousque simile votum differri possit absque mortali? Respondet denuo fundate cum Patre Sporer tracl. 3. in Decal. cap. 2. sect. 3. num. 115. Pater La Croix loc. cit. num. 446. esse difficile id definire: inter ea tamen posse universaliter dici: quod vota quæ



quæ durant usque ad mortem, uti sunt votum Religionis, votum suscipiendi sacros Ordines &c. minori tempore sint differenda, quam alia vota e. g. peregrinationis, vel eleemosynæ, quæ non sic durant: Ratio est, quia hæc postrema vota dilatione non minuuntur, sed quocumque tempore fiant, integræ præstantur: e contra priora vota dilatione minuuntur; quia, cum vi voti v. g. Religionis obligeris Deo servire usque ad mortem, quantum differs votum, tantum detrahis de tempore serviendi specialiter Deo, & consequenter de voto &c. Tamburinus cum S. Antonio apud Sanchez, hic *cap. 14. num. 21.* existimat: quoad vota indeterminato tempore emissa, quæ præterea non durant usque ad mortem, & respectu quorum ipsa dilatio, nec quidpiam imminuit de fine voti, nec grave habet periculum adjunctum propter oblivionem, aut aliud intercedens impedimentum omnino intermittendi, quod foret tantum peccatum veniale, quantumcumque diu similia vota differantur: quæ regulæ etiam plurimum placet Patri Sporer *loc. cit. num. 16.* atque ab eodem in praxi tuta pronuntiatur: E contra vero Ferdinandus Castropalao hic *num. 7.* iudicat satis rigore, nimirum quoad votum Religionis fore mortale, si sine omni prorsus rationabili causa differatur ultra sex menses: quoad reliqua vota autem saltem non a mortali excusat, si sine causa differantur ad duos, tresve annos, quamvis hac dilatione non minuantur. Ratio ipsius est: quia suo iudicio in hoc videtur gravis deordinatio, sicuti si rem homini debitam tamdiu differres dare sine aliqua causa rationabili.

Cæterum hoc quoque ex Doctoribus teste Busembaum hic poterit esse consolationi, quod minor causa requiratur ad differendum, quam ad omittendum ex integro votum. Pater Sporer more suo practice & valde utiliter *loc. cit. num. 112. & seqq.* ponit aliquas causas & casus licite differendi executionem alicujus voti per duas sequentes Resolutiones. I. Sufficiens causa differendi votum sine determinato tempore emissum censetur esse, si spes sit, quod votum postea commodius, utilius, & cum majori devotione sit executioni mandandum: id enim cedit ad maiorem DEI gloriam & honorem, e. g. qui vovit peregrinationem ad aliquam ædem sacram, expectare potest usque ad certum festum, in quo ibidem magna celebratur solemnitas. II. Adolescens, qui vovit ingredi Religionem, potest expectare ad tempus magis aptum, donec ætate & viribus convalescat ad perferendum magis rigorem Ordinis, vel donec necessariis scientiis plus imbuatur, si futurus sit Clericus, sive donec utilem Monasterio artem perfectius addiscat, si recipiendus esset pro Laico: Certè noster Doctissimus Corduba, Juvenem duodecim annos natum, ac nostram Seraphicam Religionem voverentem sentit, posse differre ingressum usque ad 17. vel 18. ætatis annum, ut interim sufficiens robur ad supportanda Ordinis onera acquirat.

19. CONCL. VI. Obligatio Voti est personalis, ita ut solum voventem, & non aliam personam obliget; dummodo excipiantur Vota realia, Ita Layman *lib. 4. tract. 4. c. 3. n. 6.*

& 10. cum communi. Ratio desumitur ex illo *Psal. 65. Reddam tibi vota mea, quæ distinxerunt labia mea.* Accedit ratio: quia obligatio Voti ex propriæ voluntatis consensu nasci debet; cum sit quasi privata quædam lex; ergo non alium, quam ipsum voventem, aut consentientem obligat. Ad dicitur hic notanter, *aut consentientem*: quia si quis in se sponte suscipiat obligationem exequendi alterius Votum, tenetur: nam tunc non ex aliena, sed ex propria voluntate obligatur, quia obligationem alterius in se sponte suscipit.

20. Dicitur in Conclusionem, *dummodo excipiantur Vota realia*: siquidem horum Votorum obligatio transit ad hæredes *arg. c. Ex parte de Consensibus*, & fatentur passim Doctores. Ratio est: quia Vota realia obligant voventem; non quomodocumque, sed quatenus est Dominus rei promissæ: ergo sicut dominium rei illius; ita & obligatio, vi emissi Voti realis eidem annexa, transit ad hæredem: nam hoc ipso, quod quis hæreditatem adit, censetur contractum inivisse ad solvenda omnia defuncti debita, & vota realia. Hinc Sanchez *lib. 4. in Decal. cap. 15. n. 25.* ait, hæredem obligari ad solvenda defuncti Vota realia, non vi Voti (nam & hoc solum voventem afficere potest) sed vi contractus memorati.

21. Ex data Conclusionem, ac præsertim prioris parte ipsius, infertur I. cum Layman *lib. 4. tract. 4. cap. 3. num. 6.* citantè Suarezium, Vasquez, & Sanchez, quod si Communitas aliqua certum Votum ediderit, quotannis v. g. peregrinationem instituendi, posteriores eorum non obligentur ex virtute Religionis, seu vi Voti, in quod ipsi non consenserunt: quamvis interdum ratione pacti, vel statuti, aut longæ consuetudinis ab Ordinario loci tacite vel expresse approbata, subit obligatio ejusmodi Votum observandi, prout amplius explicat Sanchez *cit. c. 15. n. 16. & seqq.*

22. Infertur II. Quod factum alienum voveri non possit, v. g. alium jejunatum, Religionem ingressum, &c. Ne autem irrita omnino sit ejusmodi Voti promissio, non raro usurpata, ita explicari debet, quod animus voventis fuerit obligare se ad curandum, quantum in ipso est, ut alter promissum adimpleat: sic enim non alienum, sed potius proprium factum promittitur. Unde liberi non obligantur Voto parentum offerentium eos Religioni, nisi ex debito quodam honestatis, aut nisi intelligentes consentiant, vel postea ratificent: alioquin jure contradicere possent, eo quod Religionis ingressus liber esse debeat; *c. præsens. 20. q. 3.*

23. Infertur III. Quod vovens teneatur Votum personale per seipsum implere, & non liberetur, si per alium impleat: v. g. qui vovit, se jejunaturum, vel peregrinaturum &c. non satisfacit, si alium roget, ut loco sui jejunet, peregrinetur, &c. Ratio est: quia vovens factum proprium promittit; ergo ad illud ipsemet obligatur. Ex quo:

24. Infertur ulterius, quod, si quis Votum suum personale ipsemet implere non possit, non teneatur alium rogare, vel substituere, qui impleat, Ratio

est: quia actus se non extendit ultra intentionem agentis, arg. cap. ult. de Præbendis, cum concordantiis: atqui intentio voventis fuit (uti supponitur) se facturum, v. g. se oraturum, jejunaturum, peregrinaturum &c. ergo ipse solus obligatur; & consequenter, si id præstare non possit, cessat obligatio Voti, nec tenetur illud per alium implere, nisi etiam ad hoc sese obligare intenderit: Quamquam substituere alium in casu iusti impedimenti, proculdubio sit laudabile.

\* Quæres I. An, si quidam copulative seu insimul conjunctim vovit peregrinari, v. g. Oettingam, & ibidem simul offerre Calicem in honorem B. Virginis; postea autem ante Voti executionem moriatur, an, inquam, hæredes defuncti teneantur aliquid præstare, & quid? Ante responsionem suppono I. Simile votum esse mixtum, id est, partim personale, partim reale, uti consideranti patet. Supp. II. Possit unum alteri annecti, vel tamquam præcise accessorium, vel etiam, ut æque principale. Si annectitur tamquam accessorium; tunc qui liberatur a principali, ordinarie etiam liberatur ab accessorio; nam accessorium sequitur naturam sui principalis. Reg. 42. juris in 6. Econtra vero, si alterum connexum foret æque principale, potest quis liberari ab uno, quin eximatur ab altero, uti patebit ex proxime dicendis. H. S.

Respondeo I. Nisi ante mortem alter expresse obligasset hæredes sub exclusione alias ab hæreditate, hi non tenentur loco defuncti peregrinationem instituere, nec etiam illas expensas, quas alter sub itinere alias facere debuisset, illuc mittere, ut ponantur in cippo. Ratio primi est: quia votum peregrinandi est personale, quod juxta jam dicta non transit ad hæredes. Ratio secundi; quia expensæ, sub itinere peregrinationis faciendæ, sunt respectu peregrinationis præcise quid accessorium, adeoque extincta obligatione quoad principale etiam extinguetur quoad accessorium. Profecto ob eandem rationem ipsemet vovens, si necdum mortuus, bene tamen infirmus lecto fuisset affixus, neutiquam fuisset obligatus pecunias sub itinere alias consumendas mittere ad locum peregrinationis. Resp. II. Tenentur tamen hæredes ad locum peregrinationis mittere Calicem saltem in æquivalenti: Ratio est; quia quoad hoc erat votum reale, & æque principaliter annexum, uti præsumitur in rebus tanti pretii, nisi expresse aliter constet de mente voventis, adeoque transit ad hæredes. Sporer loc. cit. num. 136. & alii. Quod si res simul cum peregrinatione promissa foret exigui pretii e. g. si quis vovisset simul cum peregrinatione ponere in cippum quosdam crucigeros &c. crederem, illam rem promissam esse merum quoddam accessorium, quod extinguitur cum suo principali: interea tamen pro majori securitate suaderem, ut illi crucigeri offerantur in alia simili Ecclesia.

Quæres II. De qua substantia, & quanti pretii debeat esse calix voto promissus & mittendus ab hæredibus ad locum peregrinationis? Resp. cum Sanchez, Sporer, Suarez & aliis, nec re-

quiri, ut dictus calix conficiatur ex auro, nec sufficere, ut sit ex cupro, vel stanno. Quare debet esse argenteus: ex tali enim materia communiter solent confici calices argum. c. ut. Calix 45. de Consecrat. dist. Pretium autem calicis non debet quidem esse adeo magnum; ast tamen competens, prout ibidem communiter ad Missæ Sacrificium adhiberi solet, consideratis simul circumstantiis ipsius status personæ voventis, & aliis. Sic etiam, quando quis vovisset in perpetuum certæ Ecclesiæ providere de vino quoad celebrationem Missarum, tam ipse, quam, eo mortuo, Successores tenerentur dare vinum non quidem adeo generosum, nec tamen etiam sufficeret infimæ fortis; sed obligarentur in dubio dare mediocre, prout communiter solet applicari in illa vicinia. Cæterum generalius loquendo, quando attentis omnibus circumstantiis quis in dubio se resolvere nequit circa quantitatem, vel qualitatem, aut numerum, seu pondus & mensuram ipsius rei promissæ, consolationi esse, & pro resolutione deservire poterit textus Juris Canonici, cap. ex parte 18. de censibus. Ubi dum dubitabatur, in quam mensuram res promissa solvi debeat, Pontifex respondit sequentibus notabilibus formulis: Cum non constet, ad quam mensuram antecessores eorum prædicta vota persolverint, credimus distinguendum, utrum habitatores regionis ipsius, qui ea continuo persolverunt, ad unam eandemque mensuram hujusmodi vota persolverint, an ad varias & diversas? In primo enim casu ad eandem & illi solvere sunt cogendi. In secundo volentes solvere minorem, non sunt cogendi, ut majorem persolvant NB. quoniam cum hujusmodi vota gratuita fuerint ab initio, benignius sunt a viris Ecclesiasticis exigenda, ne tamquam Exaltiores videantur lucris temporalibus inhiare.\*

### Q U Æ S T I O III.

De Cessatione, Commutatione, & Irritatione Votorum.

#### S U M M A R I U M.

25. Obligatio Voti quatuor modis desinere potest.
26. Cessante causa finali cessat Votum.
27. Cessat etiam Votum ob mutationem materia.
28. Clausula in omni Voto subintellecta.  
(b) Dist. præc. n. 23.
29. Votum conditionale cessat non impleta conditione.
30. Quid de temporalibus, vel affixis certo tempore?
31. Votorum Commutatio propria auctoritate potest fieri in melius.
32. Limitatur hoc.
33. In Professionem Religiosam omnia Vota commutantur.
34. Quid de Commutatione Voti in opus æquale?
35. Vota a quibus irritari possint?
36. Corollaria. (c) Dist. præc. n. 23.
37. Limitatio circa potestatem irritandi Vota.
38. Impuberum Vota omnia possunt irritari a parentibus. Pubertas quando incipiat?
39. Prælati an, & qua Vota Religiosorum irritare possint?
40. Quid de Votis liberorum puberum, & servorum?
41. Et quid de Votis Conjugum?  
Ratio generalis distorum,

25. Ad.

25. **A**dvertendum cum Doctoribus communiter, quatuor potissimum modis obligationem Voti desinere posse. I. Per Cessationem; cum nempe Votum ex se ipso cessat obligare, absque alia commutatione, irritatione, vel dispensatione; quod variis ex causis contingere potest, uti mox dicetur. II. Per Commutationem. III. Per Irritationem Voti, auctoritate Superioris factam. IV. Per legitimam Dispensationem; quæ contingit tunc, quando legitima Superioris auctoritate, ex causa rationabili, cum vovente super Voto dispensatur. De quibus tribus prioribus per sequentes Conclusiones plura, de Dispensatione vero in subsequenti Quæstione.

26. CONCL. I. Quantum in primis attinet ad Cessationem Votorum, cessante causa finali principali Voti, cessat quoque obligatio ejus: v. g. si vovisti, te peregrinaturum pro impetrandâ valetudine filii, is vero ante peractam peregrinationem moriatur, liberatus es a Voto. Ita Suarez lib. 4. de Voto, cap. 18. & alii.

27. CONCL. II. Cessat insuper obligatio Voti ob mutationem materiæ, si videlicet ea fiat impossibilis, illicita, indifferens, aut majoris boni impeditiva. Ratio est: quia in ejusmodi casu neque Votum incipere potuisset, cum hoc debeat esse de re possibilis, licita, bona, & majoris boni non impeditiva. Idem dicendum in casu, si postea tamen notabilis rerum mutatio accidat, vel specialis & inopinatus casus occurrat, ut rationabiliter præsumi possit, voventis intentionem ad ejusmodi eventum, aut casum specialem se non extendisse. Ratio est: quia actus non se extendit ultra intentionem agentis. Accedit, quod lex positiva in ejusmodi casibus per epickejam soleat admittere benignam interpretationem; ergo idem dicendum de Voto, utpote quæ est lex quædam privata; quam ipsemet vovens sibi imposuit.

28. Quinimo in omni Voto tacite subintelligitur isthæc conditio: *Si res in eodem statu permanferit*; prout a pari supra (d) de Juramento dictum est. Sic qui vovit peregrinationem longam, vel magnam elemosynam; superveniente gravi morbo, aut inopinata depauperatione, non tenetur Voto. Similiter sicut ægrotudo v. g. excusat a præcepto jejunii Ecclesiastici, ita etiam sufficit ad excusandum ab observatione jejunii Voto promissi: & idem de similibus.

29. CONCL. III. Votum conditionatum cessat obligare, si non impleatur conditio appositæ sic qui vovit peregrinationem, si sanitatem filio; vel aliud beneficium obtineat, hoc obtemperare ad Votum non tenetur. Ratio est: quia generaliter conditio appositæ suspendit actum, eaque non eveniente nihil debetur; cum non fuerit animus sese obligandi, nisi in eventum ipsius conditionis.

30. CONCL. IV. Qui Votum temporale emisit, v. g. Votum Castitatis ad biennium, elapso biennio liber est a Voto. Idem est de Voto, affixo certo tempore, puta, jejunandi diebus Sabbatinis in honorem B. MARIE Virginis: nam si intermisit eo die jejuniū, sive culpabiliter, sive sine culpa, amplius alio die non tenetur jejuniū

illud peragere. Ita Doctores communiter, ac præsertim Herinex part. 3. Theologia, disp. 4. de Voto, quæst. 4. Neque enim vovens voluit se obligare, nisi pro tali determinato tempore.

\* Ceteroquin speciale signum est, quod quis rem promissam voluerit affigere certo tempore, si ob particularem devotionem talis temporis, vel aliam specialem connexionem cum tali tempore Votum illud fuisset emissum, uti cum communi notat Sanchez lib. 4. Moralium cap. 14. num. 25. & seqq. e. g. vovisti audire Sacrum die Veneris ob specialem devotionem Passionis Domini, vel jejuniū die Sabbati in honorem B. Virginis, sive ex eadem ratione singulis diebus Sabbatinis totius anni, aut in aliquo profesto specialis tui Patroni, si tali die omittas culpabiliter, vel inculpabiliter, non teneris supplere altero die. Idem, si vovisses peregrinari Romam anno sancto, nam & hoc Votum cessat anno sancto transacto. Sporer tract. 3. in Decalog. cap. 2. 2. sect. 3. n. 101. \*

31. CONCL. V. Quantum attinet ad Votorum Commutationem, vovens proprio arbitrio potest Votum suum commutare in id, quod, spectatis omnibus, manifeste melius, seu præstantius est. Ita communior Doctorum apud Sanchez lib. 4. in Decal. cap. 49. & Layman. cu. tract. 4. cap. 8. n. 19. Et desumitur ex Jure Canonico, cap. Pervenit, de Jurajurando ibi: *Non enim propositum aut promissum infringis, qui in melius illud commutat.*

32. Hoc tamen intelligendum, si opus sit manifeste melius; nam in dubio stat possessio pro obligatione Voti ad rem promissam, quæ proinde mutari non potest sine Superioris auctoritate. Excipi etiam debent Vota Summo Pontifici reservata; qualia sunt quinque, videlicet Votum perpetuæ Castitatis; Religionis, Peregrinationis Romanæ seu ad limina Apostolorum, Peregrinationis ad S. Jacobum in Compostellam, & Peregrinationis in Terram Sanctam. Siquidem horum commutationem ipsemet Papa sibi propriam reservavit, ac proinde in alia, etiam manifeste præstantiora opera (sola Professione Religiosa excepta) sine Summi Pontificis auctoritate commutari nequeunt.

33. Dicitur, *sola Professione Religiosa excepta*. Nam in Votum Religiosæ Professionis possunt commutari omnia Vota antecedentia, tam realia, quam personalia, etiam Summo Pontifici reservata: prout habetur c. Scriptura, de Voto, ubi dicitur: *Reus fracti voti aliquatenus habetur, qui temporale obsequium in perpetuum nescitur Religionis observantiam commutare.*

34. CONCL. VI. Commutatio Voti in aliud opus æquale; proprio voventis arbitrio fieri non potest, sed opus est auctoritate Prælati; puta Papæ, vel Episcopi, aut ejus, qui ab his habet commissionem seu potestatem delegatam. Ita Sanchez lib. 4. Decal. cap. 49. n. 13. Layman. num. 19. Sannig. disp. 4. de Voto, quæst. 4. n. 3. & communior contra quosdam alios, qui putant, per quemlibet Confessarium posse Votum commutari in opus æquale. Ratio Conclusionis est: quia commutatio Voti est actus jurisdictionis, arg. cap. 1. de Voto; ergo eam non competit Confessa-

fessario, nisi habeat potestatem delegatam, sed solum Prælati. Nec obstat, quod quilibet possit Votum suum commutare in id, quod est manifeste melius, absque alia jurisdictione. Resp. enim, id fieri ex eo, partim quia promissio rei minoris abunde solvitur in præstatione rei majoris: partim quia is, cui fit Votum (nempe Deus) consentit in solutionem melioris, *arg. cit. cap. Scriptura, de Voto.*

\* Porro, ut commutatio ab habente potestatem fiat debito modo in aliud opus æquale, requiritur aliqua causa: sufficit tamen quævis rationabilis e. g. specialis utilitas vel consolatio &c. ipsius vovens. Quinimmo in Jubilæo, ajunt Suarez, Gobat, Sanchez & alii apud la Croix hic *num. 525.* sufficere generalem causam boni communis, ob quod datum est Jubilæum. Quando autem contingeret ista voti commutatio ab aliquo habente Potestatem dispensandi, in aliud opus minus; quoniam tunc esset simul partialis dispensatio, requireretur major causa, non tamen tanta, quanta desideratur ad dispensandum ex integro. Videantur causæ pro legitima dispensatione *num. 50.* quæ certo pugnant a fortiori, si saltem aliqualis interveniat commutatio; quinimmo pro tunc non requiruntur in tanto gradu, eo ipso, quoniam simul aliquid aliud, quamvis minus materiæ promissæ subrogatur. Cæterum, facta semel per legitimam Jurisdictionem commutatione, prius Votum omnino cessat, nisi aliter expresse disposuerit commutans, hincque, si subrogatum successu temporis evaderet inutile vel moraliter impossibile, non teneretur quis loco subrogati redire ad prius Votum. La Croix *lib. 3. part. 1. num. 516.*

35. CONCL. VII. Quantum attinet ad irrationem Votorum, Vota facta de re in alterius potestate constituta irritantur, si hic contradicatur, & opus promissum absolute nolit fieri. Ita D. Thomas 2. 2. *quest. 88. art. 8.* & Doctores communiter. Idque intellige, quod ad hujusmodi Irritationis validitatem nulla alia requiratur causa, præter ipsam Superioris voluntatem. Ratio est: quia, ut Votum obliget, præter alia requiritur, quod persona vovens sit sui juris quoad illud, quod Voto promittitur: neque enim potest quis per promissionem sese firmiter obligare ad id, quod non est in sua potestate, sed in potestate alterius.

36. Hinc *Numer. cap. 30.* mandatur, quod si mulier, quæ vel est in domo patris, atque in ætate adhuc puellari, vel maritum habuit, quidpiam voverit, & sic se Juramento constrinxerit, si pater aut maritus ejus contradixerit, tam vota quam Juramenta ejus irrita sint, nec eam obligent, eo quod pater, aut maritus contradixerit. Et hoc idem dicendum est de aliis hujusmodi personis, quæ non sunt omnimode in sua potestate, sed sub potestate alterius, atque ideo non habent liberam facultatem vovendi: ut sunt Religiosi, servi, filii familias, &c. Hi tamen vovendo non peccant, quia in eorum Votis subintelligitur tacita conditio: *Si placuerit Superioribus meis, voveo, hoc vel illud me facturum*; ut dictum superius (c)

37. CONCL. VIII. Nihilominus allata do-

ctrina, seu Conclusio proxima, intelligenda est de iis dumtaxat Votorum materiis, in quibus præfata personæ voventes non sunt sui juris, sed subiectæ potestati alterius: nam Vota quoad alias materias facta, in quibus dictæ personæ non subjiuntur alterius potestati, valida sunt, neque irritari possunt. Est satis communis inter Doctores: quia tunc cessat ratio in priori Conclusionem allata, nempe subiectio respectu alterius, ob quam dumtaxat datur potestas irritandi Vota. Res tota magis patebit exemplis, atque inductione: itaque

38. I. Conveniunt Doctores cum D. Thomas 2. 2. *quest. 88. art. 9.* omnia Vota impuberum, sive personalia, sive realia, irritari posse, a patre, tutore, aut aliis personis, quarum potestati subsumuntur: idque accidit tum ob defectum rationis, quem impuberes patiuntur: tum quia sunt naturaliter sub cura parentum, vel tutorum, qui eis loco parentum sunt. Porro in masculis ad pubertatem requiruntur quatuordecim anni completi, in feminis vero duodecim anni completi; antea vero censentur impuberes. Nec obstat, quod quandoque ante dictam ætatem cuiuspiam adveniat iudicii maturitas, aut quis etiam Votum ingrediendæ Religionis emiseric. Adhuc enim irritari possunt talia Vota ab impubere edita, ut docet Sanchez *lib. 4. Decal. cap. 35. num. 11.* Layman *loc. cit. cap. 7. n. 10.* & alii, eo quod jura quoad hoc non distinguant.

39. II. Conveniunt Doctores, id, quod proxime dictum est de impubere, videlicet omnia Vota ejus irritari posse a patre, pariter intelligendum esse de Religiosis professis; utpote qui per Votum Obedientiæ penitus abnegarunt propriam voluntatem, neque amplius habent velle & nolle. Excipe tamen Votum Religionis arctioris ingrediendæ, utpote ad quam transitus eisdem Religiosis a Jure conceditur, c. *Licet. de Regularibus*; simulque ea Vota, quæ ipsamet Ordinis constitutio efflagitat; nam talia non posse a Prælati irritari, palam est.

40. III. Loquendo de Votis liberorum puberum adhuc in patria potestate existentium, quidquid pauci contradicant, satis etiam inter Doctores convenit, quod pater non possit omnia vota liberorum puberum irritare, sed ea tantum, quæ patriæ potestati præjudicium afferunt: puta, quæ liberam & expeditam familiæ gubernationem impediunt, vel filium aut filiam nimis abstrahunt ab obedientia & cura paterna, & hujusmodi; nam in his solum filius puber est subiectus patri. Et eadem ratione Vota servorum, sive mancipiorum, illa tantum a dominis irritari possunt, quæ, & quatenus servitutis obligationi officiant.

41. IV. Conveniunt passim Doctores, quod maritus non possit omnia Vota uxoris irritare, sed ea tantum, quæ, & quatenus juri suo, quod habet ad conjugii usum, & familiæ gubernationem, præjudicium afferre possunt. Prout vicissim etiam uxor ea solummodo Vota mariti rescindere, atque irritare potest, quæ derogant juri suo, quod habet in corpus mariti: v. g. ne abstinentia immoderata affligatur, & hujusmodi. Ratio horum omnium generalis est ea, quæ affer-

tur



tur in utraque præmissa Conclusionem: quia Vota possunt irritari a Superioribus in his tantum, in quibus alter ipsi subijcitur: atqui filii familias, servi, uxor, &c. non subijciuntur parentibus, dominis, marito, &c. quoad omnia, sed tantum quoad aliqua, ipsorum statum concernentia, de quibus passim, & fufius Auctores: ergo.

Q U A E S T I O I V.  
De Potestate dispensandi in Votis.  
S U M M A R I U M.

42. Datur in Ecclesia Dei potestas dispensandi in Votis.  
43. Hac potestas residet generaliter pro toto Orbe in Papa.  
Quibus aliis ea competat, remissive?  
44. Quam potestatem dispensandi in Votis habeant Confessarii Ordinum Mendicantium?  
45. Vota Summo Pontifici reservata, quæ?  
46. Ea sunt stricte interpretanda.  
Quid de Voto Castitatis non perpetua, vel non integra?  
Item de Voto conditionato: Ac pœnali.  
47. Limitatio quoad Confessarios Mendicantium.  
48. Possunt Mendicantes dispensare ad petendum debitum cum conjugibus incestuosis, & contrahentibus cum Voto Castitatis; & quis?  
49. Dispensatio in Votis, ut sit valida, requirit causam.  
50. Causa iusta dispensandi in Votis, quæ?  
(f) Juxta dicta n. 4. (g) Ut dictum n. 27. & seqq.  
51. An prædicta habeant locum in Votis in favorem tertii emissis?  
52. Qui potest dispensare in Votis, an idem possit in Juramentis?  
(h) Dist. præc. n. 41.

53. Quid de Regularibus Mendicantibus?

42. **C**ONCL. I. Certum est inter Catholicos, dari potestatem in Ecclesia Dei dispensandi super Votis, ipsi a Christo concessam. Patet hoc tum ex perpetua praxi, & traditione Ecclesiae, tum ex illa generali potestate, D. Petro, ac legitimis ejus Successoribus, a Christo concessa Matth. 16. & 18. Tibi dabo claves Regni caelorum &c. Et quodcumque solveris super terram, erit solutum & in caelis. Nam rō quodcumque solveris, etiam Dispensationem, seu solutionem a Voto, & Juramento, complectitur. Quomodo autem dispensatio in Votis, & Juramentis fieri possit, non obstante, quod eorum obligatio sit de Jure Divino, dictum est supra Tract. 2. dist. 4. n. 24. & seqq.

43. **C**ONCL. II. Ejusmodi potestas dispensandi in Votis, primario, ac generaliter pro toto Orbe, ex Jure Divino residet in Summo Pontifice, tamquam legitimo Petri Successore, Christi, & in terris Vicario: ut patet ex citato S. Scripturae textu, specialiter de D. Petro, ac legitimis ejus Successoribus loquente. Quibus aliis autem, sive Jure ordinario, sive ex delegata potestate, aut privilegiis, a Summo Pontifice sibi concessis, id competat, quilibet in particulari, considerato suo statu, melius dignoscere poterit. Nihilominus loquendo de Seraphici Ordinis privilegiis, sit

44. **C**ONCL. III. Confessarii Ordinum Mendicantium, & qui participant in eorum privilegiis, habent potestatem delegatam dispensandi in omnibus Votis (simulque commutandi omnia Vota, etiam jurata, ex extensione Gregorii Papæ XIII.) in quibus de jure ordinario dispensare possunt Episcopi. Ita Herinex disp. 4. de Voto, q. 6 n. 86. id ex plurium Summorum Pontificum Concessionibus copiose demonstrans. Quamvis enim Innocentius VIII. hinc exceperit Vota peregrinationis ultra duas diætas: tamen ex concessione aliorum Pontificum, ac nominatim Eugenii IV. Pauli III. & Gregorii XIII. dicta restrictio est sublata; ut patet ex Compendio Privilegorum Mendicantium, v. Votum in Capucini Annotatione, & Eman. Rodérico Tom. 1. Quaest. Regul. Quaest. 63. art. 3. & 4.

45. Dicitur notanter, in quibus de jure ordinario dispensare possunt Episcopi. Siquidem Episcopi, etsi jure ordinario possint dispensare in omnibus aliis Votis, non tamen in iis (extra casum necessitatis, & impedimenti recursus ad Summum Pontificem) quæ sunt Papæ specialiter reservata. Et quidem ejusmodi Vota Summo Pontifici reservata regulariter sunt quinque, scilicet Votum Castitatis perpetuae (subintellige, & integræ) Votum Religionis ab Ecclesia approbatæ, Votum Peregrinationis Romam ad limina Apostolorum, Peregrinationis ad S. Jacobum in Compostella, & Peregrinationis in Terram Sanctam. Unde in his neque Confessarii Ordinum Mendicantium dispensare possunt, utpote quæ Summo Pontifici specialiter reservantur, & in Regularium privilegiis communiter excipiuntur.

46. Porro hæc exceptiones, cum juri ordinario Episcoporum præjudicent, ceu odiosæ, sunt stricte interpretationis, ac proinde in propria verborum significatione accipiendæ. Unde Episcopi jure ordinario (consequenter Confessarii Ordinum Mendicantium, & Communicantium in privilegiis eorum, rite approbati, ex delegata potestate sibi a Summis Pontificibus concessa) possunt dispensare in Voto Castitatis non perpetuæ, sed ad certum dumtaxat tempus promissæ, verb. grat. ad annum, vel decennium. Item in Voto Castitatis non integræ, verb. gr. non fornicandi, non nubendi, non petendi debitum, servandi virginitatem dumtaxat, quæ per unicum lapsum carnis irrecuperabiliter amittitur, sique postmodum observatu impossibili: secus, si vovens virginitatem intendisset per talia verba sese obligare ad Castitatem absolutam: nam Deus intuetur cor; sicque votum hoc, utpote Castitatis absolutæ ac perpetuæ, foret indispensabile per Papam inferiorem. Item possunt supra dicti dispensare in voto conditionato, ante conditionem impletam; ut si voveat quis Religionem, aut Castitatem perpetuam, si ex morbo convalescat, poterunt dispensare in voto, antequam hæc conditio impleatur: secus, si votum impletæ conditione omnino purificetur, ut habet Herinex cit. disp. 4. quaest. 6. num. 62: estque probabilius, quamvis Sanchez lib. 8. de Matrim. disp. 10. num. 13. & Diana part. 3. tract. 5. resolut. 25. cum nonnullis aliis asserant, etiam post impletam conditionem posse Episcopum dispensare. Item possunt

possunt prædicti dispensari a supra dictis in voto pœnali, verb. g. si fornicatus fuero, voveo me ingressurum Religionem, sive ante (ut est communior sententia) sive post eventum peccati, atque incursum pœnam; prout sentit cit. Sanchez num. 7. & 8. citans non paucos alios Auctores.

47. Notanter autem hæcenus dictum, in quibus de jure ordinario possunt Episcopi dispensare: ut excipiantur illi casus, in quibus competit Episcopis facultas dispensandi, etiam in votis Papæ reservatis, ratione necessitatis extraordinariæ, & quando est impedimentum adeundi summum Pontificem. In istis enim casibus, ut docet Layman cap. 8. n. 16. citans alios, nequeunt Confessarii Ordinum Mendicantium, vel Communicantium in privilegiis eorundem, dispensare, sed opus est recursum ad Episcopum; quamvis nonnullis, ab Herinex relatis loc. cit. n. 69. prædicta limitatio non placeat.

\* Licet autem quoad quinque vota reservata, quando eadem fuerunt certa, & non solum dubia, ac præterea absoluta, & determinata, Confessarii Ordinum Mendicantium nequeant dispensare quoad substantiam; poterunt tamen cum gravi causa quoad indeterminata, seu alternativa e.g. voveo ire Romam vel per mensem jejunare. Item etiam in votis determinatis quoad circumstantias accidentales, talibus votis additis. Ita communis teste Sporer tr. 3. in II. Præcept. Decal. c. 3. sect. 3. n. 67. Ratio horum est; quia reservatio est odiosa, sicque restringenda. Hinc prout cum aliis notat La Croix hic n. 544. si voveri ire Romam ad limina Apostolorum pedester, vel hoc anno, aut sub habitu cujusdam Eremitæ, seu semper per viam mendicando &c. possunt hæc circumstantiæ ex gravi ratione tolli, vel adhuc melius commutari, ut e. g. per currum, alio tempore commodiori, vel in vestibus ac expensis tuis illuc te conferre queas. Item supposito, quod votum illud absolutum jam fuerit aliquando a Summo Pontifice commutatum in aliam materiam, prædicti Confessarii sunt præditi potestate cum valde gravi ratione circa illam alteram materiam dispensandi, vel magis denuo in aliud distinctum opus commutandi. Ita Sanch. lib. 8. de Matrim. dist. 9. n. 20. & Card. Lugo lib. 7. Resp. Moral. dub. 1. \*

48. CONCL. IV. Insuper ex speciali concessione S. Pii V. vivæ vocis oraculo facta, quin & iterata confessione Eugenii IV. Congregationi S. Benedicti tum Casinensi, tum Vallisoletanæ facta, nec non facultate Julii II. eidem Congregationi Vallisoletanæ impertita (ac referuntur singillatim Petro de Murga Tom. 2. Disquis. Moral. Disquis. 1. dub. 13. §. 6. n. 121. & seqq. & Ant. Quintanadvenas tr. 9. Singular. 2. 3. & 4.) possunt Confessarii Mendicantium dispensare ad petendum debitum cum iis conjugibus, qui contraxerunt Matrimonium cum Voto simplici Castitatis antea emissio: item & cum incestuosis conjugibus, qui contracto jam Matrimonio cum alterius conjugis consanguinea, intra secundum gradum adulterium perpetrarunt: si tamen tales Confessarii sint viri docti, atque ad hoc a suo Provinciali deputentur. Et hæc quidam deputatio est necessaria juxta tenorem concessionis, & praxin, prout

notat Herinex tit. disp. 4. n. 68. Et Portel in Dubiis Regularium. §. Confessor, n. 23. ubi bene addit, quod ejusmodi licentia, cuiusvis Confessario ab uno Provinciali facta, non expiret amoto Provinciali ab officio; eo quod illa facultas non detur a Provinciali, sed ad commissionem sive deputationem ipsius a Papa, cujus gratia jam facta non expirat morte concedentis. Sunt quidem nonnulli Auctores, qui præmissam Provincialis deputationem non requiri asserunt, quos refert, ac sequitur Antonius a Spiritu S. Carmelita, in Directorio Regularium, part. 1. tr. 2. disp. 1. sect. 2. §. 3. n. 112. & Diana part. 3. tr. 2. resol. 14. & part. 5. tr. 13. resol. 46. ubi hoc ipsum non improbabile censet, licet in priori loco oppositam sententiam sequatur. Verum tenor concessionis S. Pii V. quam refert Rodericus tom. 1. Regul. qu. 63. art. 1. & 2. expresse requirit, quod ejusmodi dispensatio in Foro conscientie ad petendum debitum fiat ex commissione Provincialis.

\* Illud adhuc notanter subjungendum est, quod, etsi Confessarii privilegiati cum aliquo habente votum perpetuæ Castitatis, & nihilominus absque relaxatione ipsius voti peccaminose Matrimonium contrahente dispenfent quoad petendum debitum conjugale, hæc tamen dispensatio se non extendat ad alia. Hinc si talis extra matrimonium committeret peccatum carnis, censeretur adhuc transgredi votum. Item mortua sua conjuge non posset talis transire ad secundas nuptias, nisi impetret dispensationem in ipso voto Castitatis: etenim antea præcile fuit dispensatus quoad petendum debitum, quoad Matrimonium præcedens actualiter jam contractum. Ita Card. de Lugo lib. 6. Respons. Moral. dub. 1. & Lessius in Auctoritate §. votum, casu 1. \*

49. CONCL. V. Dispensatio in votis, ut sit valida, requirit causam justam dispensandi. Ratio est: quia potestas dispensandi injure Superioris, nempe ipsius Dei, Prælati Ecclesiæ data est in adificationem, & non in destructionem, ut dicit Apostolus 2. Corinth. 13. v. 10. Id autem non esset, si possent dispensare absolute absque ulla causa.

50. Porro causæ justæ dispensandi in votis, oriuntur ex variis motivis. I. Ex imperfectione actus, si absque prudente & perfecta deliberatione, in ira, metu, mœrore, vel tenera ætate, &c. Votum factum sit. arg. c. 2. de Voto: quamvis ob imperfectionem actus, & defectum sufficientis deliberationis, quandoque Votum penitus non obliget. (f) II. Ex materia Voti, si nimirum voventi, spectata corporis constitutione, naturæ fragilitate; &c. Votum ipsum majoris ruinæ periculum pariturum videatur: adeoque spectatis omnibus dispensatio ad spiritualem ejus utilitatem (quæ præcipue hic consideranda est) cessura videatur. III. Ob difficultatem exequendi Votum postea supervenientem, vel ante non prævisam; quamvis interdum, si hæc gravis & manifesta sit, obligatio Voti per se sine dispensatione cesset (g) IV. Ob necessitatem, vel magnam utilitatem Reipublicæ, aut familiaris: ut si quis longas peregrinationes vovisset, cum præstaret, ipsum familiaris, vel Reipublicæ regendæ interesse, aut hujusmodi. Unde bene

bene Innocentius III. relatus c. *Magna, de Voto*, ait, quod in Materia dispensationis Votorum hæc tria semper consideranda sint, videlicet, *quid liceat secundum aequitatem, quid dicat secundum bonitatem, & quid expediat secundum utilitatem.*

§ 1. Quæres, num prædicta etiam locum habeant in Votis, in favorem tertii emissis, ut puta in Voto dandi eleemosynam certæ personæ indigenti, aut certæ Ecclesiæ; ita ut ejusmodi Votum adhuc possit commutari, vel dispensari ab habentibus facultatem commutandi, vel dispensandi Vota? Resp. esse distinguendum. Nam si ejusmodi personæ pauperi, vel Ecclesiæ, per acceptionem, ab ipso, vel Rectore Ecclesiæ, aliove administratore factam, jus acquiritum jam fuit, tunc amplius absque ejusdem consensu commutationi, vel dispensationi locus non est: quia privilegia commutandi, vel dispensandi in Votis, intelliguntur esse concessa sine præjudicio atque injuria tertii. Secus dicendum de ejusmodi Votis spectatis ante factam illam acceptionem: quia enim tertio tunc necdum aliquod jus, actio, aut petitio competit, Vota in alicujus certæ personæ pauperis, aut Ecclesiæ commodum & favorem edita, per dispensationem vel commutationem tolli posse, communior est sententia. Ita Laud. Miranda Tom. 1. *Manual. Prælat. q. 48. art. 4. Layman tract. 4. de voto, c. 8. n. 21. Sylvester, & alii.*

§ 2. Tandem pro fine hujusmodi materiæ, & conformiter dictis supra (h) notandum, quod, qui habet potestatem dispensandi, seu commutandi Vota, censetur similiter habere facultatem dispensandi, seu commutandi Juramenta. Ratio desumitur ex dictis ibidem: quia Votum, & Juramentum promissorium Deo factum, æquiparantur quod vinculum; ideoque dispositum de uno censeri etiam debet dispositum de altero. Et quidem inter omnes convenit, eos, qui ratione muneris sui ordinariam habent potestatem commutandi, vel dispensandi Vota (ut sunt Episcopi, cæterique quasi Episcopalem jurisdictionem ordinariam habentes) posse eadem quoque auctoritate respectu sibi subjectorum Vota jurejurando confirmata commutare, vel dispensare.

§ 3. Cæterum loquendo de Regularibus Mendicantibus, & Communicantibus in eorum privilegiis, qui quoad seculares pœnitentes habent potestatem solum delegatam dispensandi, vel commutandi Vota (exceptis quinque Votis Sedi Apostolicæ specialiter reservatis) variant Doctores, an dicti Religiosi similiter habeant potestatem dispensandi, vel commutandi Juramenta. Siquidem Azorius *pari. 1. lib. 11. c. 10. q. 2.* cum quibusdam aliis, sententiam negativam tenet. Nihilominus partem affirmativam, videlicet Religiosos Mendicantes posse dispensare, vel commutare etiam Juramenta, tenent plures alii Doctores, quos citat & sequitur Sanchez *lib. 8. de Matr. disp. 2. n. 12. Sannig. disp. 6. de Juram. q. 3. n. 8. Lessius lib. 2. de just. & jure, c. 42. n. 59. & alii*: nam militat æque pro illis superius allata ratio. Accedit extensio Gregorii XIII. juxta quam possunt Regulares Mendicantes commutare Vota etiam jurata, dummodo commutatio non fiat in præjudicium tertii, prout habetur in Compendio Privilegorum, *V. Votum, in Capucini Annotatione.*

\* Cæterum hic est finitus Tractatus VI. quoad doctrinam Anacleti Reiffenstuel; quia tamen in quarta Editione sub iisdem numeris continuatio subjunxi pro praxi aliam quæstionem, volui eam etiam de novo per modum Appendicis apponere, ne in Indice aliqua confusio contingat, ut infra patebit.

## QUÆSTIO V.

Quomodo practice impetrari possit Dispensatio in Votis?

### SUMMARIUM.

54. Ponitur casus conformis materiæ.
55. Indaget Confessarius I. An Puella vere Votum emiseric?
56. Indaget II. An fuerit Votum perpetuæ Castitatis?
57. III. An fuerit absolutum, vel conditionalium?
58. IV. In qua ætate fuerit emissum?
59. V. Indaget, an quoad dispensationem non sit periculum in mora?
60. Norma Supplicationis faciendæ.
61. Norma Responsionis ad supplicam.
62. Quidnam debeat notare Executor Dispensationis circa Confessionem in Mensuram injungendam?
63. Quidnam observandum circa alia pietatis opera injungenda?
64. Qualis adhuc Instructio danda ab Executori talis Dispensationis?
65. Qualiter Dispensatus sit absolvendus?
66. Qualiter practice sit procedendum, ut dispensetur in Voto Religionis?
67. Ponitur Supplica circa Votum Religionis.
68. Rescriptum ad priorem supplicam.
69. Qualiter dispensetur cum talibus, si non adsit periculum incontinentiæ?

§ 4. **P**onamus Casum in Voto Castitatis; nimirum quod quædam puella soluta voverit perpetuam Castitatem, modo autem suis orbata Parentibus sit in eo statu, ubi variis exponitur periculis incontinentiæ: quare instanter petit dispensari ad effectum nubendi. Quæritur, quomodo practice res sit instituenda?

§ 5. Respondeo: Confessarium prudenter & recte agere quoad praxim, si indaget I. Num talis puella vere emiseric Votum, intendendo se obligare sub culpa, vel solummodo firmum elicuerit propositum quoddam servandi Castitatem, eo ferme modo, quo homines in Confessionali sibi sæpius firmissime proponunt vitare deinceps peccata confessa; non tamen exinde vovent. Quod si puella dicat, se tantum fecisse propositum, aut saltem prudenter dubitet, num fuerit propositum, vel verum Votum? neutiquam obligabitur; quoniam libertas est in possessione. Quando vero judicat, se voluisse pro tunc obstringere Voto, ulterius

§ 6. Indaget II. Quomodo ergo voverit: nimirum an hoc Votum fuerit perpetuæ & integræ Castitatis; nam (uti jam dictum præced. quæst. num. 44. & seqq.) in votis non nubendi, servanda Virginitatis, aut Castitatis perfectæ quidem, sed non prima, poterunt denuo dispensare Confessarii privilegiati: ubi tamen in similibus temper novent præfati, ne hoc faciant sine causa; alias enim erit invalida dispensatio. Item ne facile dispensent

A a

sent

sent ex integro, sed subjungant e. g. Confessio-  
nem singulis mensibus biennio faciendam, &c.  
Item addant in Votis perpetuis, etsi non perfectis,  
e. g. in Voto non nubendi, &c. opus saltem leve  
perpetuum, puta, qualibet septimana duo vel  
tria *Pater noster*, & *Ave Maria*. Vide Sporer  
part. 3. Theol. Moral. cap. 3. sect. 4. num. 128.  
Quod si vero talis emisit Votum integræ & per-  
petuæ Castitatis,

57. Indaget III. An hoc Votum fuerit absolu-  
tum, vel conditionatum: Etenim in conditiona-  
to adhuc posset Confessarius privilegiatus dispen-  
sare saltem ante adventum conditionis, de quo pa-  
riter jam facta est mentio superius num. 46. Quan-  
do vero foret absolutum,

58. Indaget IV. Qua ætate emisit hoc Vo-  
tum; etenim ante annos pubertatis (NB. Masculi  
dicuntur impuberes, usquedum annum decimum  
quartum, fœmellæ vero, usquedum duodecimum  
compleverunt) emissâ Vota, & postmodum in pu-  
bertate non de novo ratificata, possunt irritari ab  
ipsomet Parente vel Tutore Pupilli, & quidem  
ordinarie sine ulla causa gravi, cum voluntas ho-  
rum in voluntate Patris aut sui Tutoris existat.  
Vide meum Jus Canonicum lib. 3. Decret. tit. 34.  
n. 12. & 15. Si autem promississet, aut de novo  
ratificasset, adepta jam pubertate,

59. Indaget, & attendat V. Num forsan non  
aditurgens necessitas dispensandi, simulque peri-  
culum in mora, quo casu posset dispensare juxta  
dicta antecedentia Ordinarius seu Episcopus sup-  
plicantis; alias vero erit scribendum Romam ad  
sacram Pœnitentiarium, illas Litteras vel per ter-  
tium, puta per Generalem Procuratorem Ordinis,  
aut per aliquem Agentem Romanum, vel im-  
mediate per postam ordinariam dirigendo Romam  
ad Majorem Pœnitentiarium cum sequenti super-  
scriptione: *Eminentissimo & Reverendissimo D. Car-*  
*dinali Majori Pœnitentiaro, &c.*

60. Porro in dicta Epistola veridicam quoque  
specificet causam, ob quam Orator, seu Oratrix  
supplicat dispensari, e. g. in nostro præcedenti ca-  
su posset sic formari:

*N. Puella soluta emisit Votum Castitatis perpetua,*  
*sed cum adsit, vel futurum esse praveat periculum*  
*incamminentia* (si alia foret causa petendi dispen-  
sationem, eadem inferatur) *humillime supplicat pro*  
*dispensatione ad effectum nubendi, quam gratiam stu-*  
*debit pro possibili precibus suis demereri. Dignetur*  
*autem Eminentia Vestra rescribere ad NN. in Dia-*  
*cesi N. oppido N.* Hic ponatur una cum expres-  
sione Diœcesis & oppidi nomen & cognomen il-  
lius, ad quem Litteræ dispensatoriæ debent diri-  
gi, e. g. ad Confessarium, nullatenus autem ex-  
primatur verum nomen & cognomen ipsius sup-  
plicantis, puta, in præfenti casu illius puellæ so-  
lutæ: nam in Pœnitentiaria similia omittuntur.

61. Ad factam Supplicationem solet ordinarie,  
accommodando ad præsentem casum responderi  
in forma sequenti:

#### SI PERICULUM.

**S**acra Pœnitentiaria tibi Confessario a Latrice  
præsentium electo, concedit facultatem, ipsi La-  
trici præfatum votum ad effectum nubendi tantum,  
Auctoritate Apostolica dispensando, commutandi in Sa-

cramentalem Confessionem semel quolibet mense, & in  
alia Pœnitentia opera per te injungenda, inter qua  
sint etiam aliqua pietatis, quæ quotidie facere teneat-  
ur, ut ea adimplens memor sit semper obligationis,  
quæ, emissio voto, astringebatur, prout secundum  
Deum ipsius anima salutis expedire judicaveris in foro  
conscientiæ, & Sacramentali Confessione tantum. Imo,  
quod si vero, cui conjungetur, supervixeris, Castita-  
tem servet ut prius obligata, & si unquam extra ma-  
trimonium fornicata fueris, aut mortuo viro alteri  
nupseris, absque nova dispensatione, sciat, se contra  
votum Castitatis facere, & debitum conjugale exigere  
non posse. Et ita eam moneas, &c.

62. Circa præsentem Ordinariam formulam  
Dispensationis Executor per has Litteras deputa-  
tus notet I. Sequentem clausulam: *Dispensando*  
*commutes in Sacramentalem Confessionem semel quoli-*  
*bet mense, & in alia Pœnitentia opera præfata injun-*  
*genda, &c. inter quæ sint etiam alia pietatis, quæ*  
*quotidie facere teneatur.* Ex qua deducitur, tria  
debere dispensando injungi: I. Sacramentalem  
Confessionem quolibet mense, vel si ob negotia,  
aut alias graves rationes id fieri non posset, etiam  
licitum foret (quidquid demum nonnulli contra-  
dicant) eandem ad bimestre, vel trimestre exten-  
dere, præsertim si, clausula sic habeat: *Singulis*  
*mensibus, vel quoties tibi videbitur.* Aut saltem si  
ad finem hujus specificationis addat: *prout secun-*  
*dum Deum ipsius anima salutis expedire judicaveris,*  
&c.

63. Cæterum ista Confessio menstrua proba-  
bilis & tutius juxta Sanchez, Palao, ac Syrum  
Placentinum, &c. debet esse supererogatoria, sic-  
que aliunde e. g. ob Pœnitentiam medicinalem a  
Confessario tibi injectam &c. non debita. II. De-  
bent imponi etiam alia opera, puta, medium  
Rosarium intra octiduum semel recitandum, &c.  
vel respectu divitum opus misericordiæ qualibet  
septimana semel, &c. vel Lectio spiritualis, aut  
aliqualis mortificatio in cibo vel potu, &c. vel ora-  
tio pro Defunctis, præsertim quoad pauperes,  
quæ apud eosdem loco eleemosynæ corporalis pot-  
erit succedere, &c. prout secundum DEUM &  
animæ salutem, Statum, Sexum, & Ætatem pœ-  
nitentis expedire videbitur, &c. III. Debent præ-  
terea adjungi adhuc aliqua opera quotidiana, pu-  
ta, singulis diebus de mane & de nocte unum  
*Ave Maria*, &c.

64. Notet executor hujus Dispensationis II.  
Quod præterea Pœnitentem oporteat instruere in  
sequentibus. I. Quod hæc opera pietatis quoti-  
diana injungantur, ut quotidie recordetur obliga-  
tionis, quam ob votum habebat. II. Quod com-  
mutatio, quæ datur ad posse contrahere matri-  
monium, ad nihil inserviat, quousque ipsum ma-  
trimonium contrahatur, & si carnaliter peccaret  
ante talem contractum, contra votum delinque-  
ret: unde nec tenetur implere pœnitentias impo-  
sitas, nisi a die contracti, & consummari matri-  
monii. III. Quod commutatio, quæ datur, non  
solum valeat ad posse contrahere matrimonium,  
sed etiam ad posse reddere & exigere debitum  
conjugale. IV. Quod hæc commutatio valeat so-  
lum ad contrahendum & consummandum semel  
matrimonium, unde mortuo viro, cum quo modò  
inten-



intendit contrahere, alium ducere non potest sine nova dispensatione, cum statim Obligatio voti reviviscat, sicut erat a principio. V. Quod, si durante matrimonio extra illius usum sibi licitum, alium actum carnis peccaminosum fecerit, contra Votum peccet, & teneatur hanc circumstantiam aperire in Confessione.

65. Notet III. Quod post hanc instructionem talis pœnitens imposita prius pœnitentia pro peccatis etiam aliis in Confessione detectis, absolva- tur in forma Ecclesiæ consueta a censuris, & pœ- tatis per ista verba: *Dominus noster IESUS Chri- stus te absolvat, &c.* Deinde ego te absolvo a pœ- catibus tuis, &c. quibus subjungat: *Item Auctoritate Apostolica specialiter mihi delegata tibi votum Casti- tatis, quod emisisti, ad effectum, ut matrimonium contrahere, ac debitum conjugate reddere, & exigere licite valeas, in opera tibi praescripta dispensando com- muto in Nomine Patris, &c. Passio Domini Nostri, &c.* Et licet ista formula expressa non sit omnino de essentia dispensationis, attamen saltem est val- de congrua.

66. Quæres, quomodo practice procedendum, ut dispenseetur cum aliquo in Voto Religionis? Exempli gratia formemus hunc casum, quod quis voverit ingredi certam Religionem, postea tamen seductus in juventute nomen dederit militæ, mo- do autem exauctoratus, ac stimulis carnis agita- tus cupiat nubere: quomodo ergo instruenda Supplica?

67. Respondéo, præmissis, & cum gratia salis applicatis prioribus indagationibus de voto simpli- ci Castitatis, taliter Supplica poterit instrui:

*N. Pro nunc miles exauctoratus, antea studiosus votum fecit in humanioribus s. holis ut juvenis anno- rum NN: quod ingredi velis certam aliquam Reli- gionem assumendo in Statum Clericalem; quia tamen de facto tum ob stimulos carnis, quibus multum agi- tatur, tum ob mores militares depravatos se minus capacem judicat ad servitia talis Religionis; praesertim etiam, quia species illa ad studia ut plurimum evanue- runt; hinc humillime supplicat pro commutatione hu- jus Voti ad effectum contrahendi matrimonium. Pro qua gratia permanebit perpetuus ad Deum pro sua Sanctitate intercessor.*

68. Ad hanc Supplicam Rescriptum Romanum similis erit plerumque formulæ:

*Pro parte Latoris nobis oblata petitio continebat, quod ipse ut juvenis annorum, &c: ingressum in cer- tam Religionem simpliciter voverit, assumendi ibidem statum Clericalem: Cum autem, sicut eadem peti- tio subjung. bat, tum ob stimulos carnis, quibus multum agitur, tum ob depravatos mores mi- litares se minus capacem judicet ad servitia Religio- nis, hinc pro conscientia sua quiete cupit votum hu- jusmodi ad effectum contrahendi matrimonium, in alia pœni- tentia & pietatis opera per Sedem Apostolicam commutari. Quare supplicari fecit humiliter, sibi super id de opportuno remedio misericorditer provideri. Nos igitur, qui Pœnitentiaria D. Papa curam geri- mus, ejusmodi Supplicationibus inclinati, Auctori- tate Apostolica specialiter nobis commissa discretioni tua committimus, quatenus si ita esse per diligentem Ora- toris examinationem, ac post monita & consilia op- portuna illi praescripta inveneris, eundem a mutatione propositi absolvas hac vice in formâ Ecclesiæ consueta,*

*injuncta ei pœnitentia solvari sibi que votum prædi- ctum ad hoc, ut matrimonium legitime contrahere pos- sit, in frequentiam Sacramentalis Confessionis peccā- torum suorum singulis scilicet mensibus semel, aut quo- ties tibi videbitur, & in alia pœnitentia opera perpe- tua, inter quæ sint etiam aliqua Religionis, quæ quo- tidie facere teneatur ad eum finem, ut ea adimplens meminisse semper possit obligationis, quæ hujusmodi voto adstringebatur, prout ipse anima saluti expedire judicaveris, dispensando commutes in foro Conscientiæ & Sacramentali Confessione tantum. Datum Ro- ma, &c.*

69. Quod si non adest apud dispensandum ve- rum periculum incontinentiæ, sed peteretur di- spensatio ob alias causas v. g. ratione perfectæ æ- tatis, quæ videretur sufferendis Religionis oneri- bus impar, in eo casu, ordinarie loquendo, non solet dari dispensatio absolute, & ad effectum nu- bendi, sed restrictive & cum clausula: *Dummodo calibrem vitam ducat, vel, ad effectum remanendi in seculo in vita calibe.*

Qua clausula stante talis etiam in seculo rema- nens nequit vi hujus dispensationis contrahere ma- trimonium:

#### \* A P P E N D I X:

Quomodo practice impetrari possit dispensatio in Votis?

**P**ONAMUS Casum in Voto Castitatis, nimirum quod quædam puella soluta voverit perpe- tuam Castitatem, modo autem suis orbatâ Paren- tibus sit in eo statu, ubi variis exponitur pericu- lis incontinentiæ; quare instanter petit dispensari ad effectum nubendi. Quæritur, quomodo pra- ctice res sit instituenda?

Respondéo: Confessarium prudenter & recte agere quoad praxin, si indaget I. Num talis puel- la vere emisit votum, intendendo se obligare sub culpa, vel solummodo firmum elicuerit propositum quoddam servandi Castitatem, eo ferme mo- do, quo homines in Confessionali sibi sapius fir- missime proponunt vitare deinceps peccata con- fessa; non tamen exinde vovent. Quod si puel- la dicat, se tantum fecisse propositum, aut saltem prudenter dubitet, num fuerit propositum, vel verum votum? neutiquam obligabitur; quoniam libertas est in possessione. Quando vero judicat, se voluisse pro tunc obstringere voto, ulterius

Indaget II. Quomodo ergo voverit: nimirum an hoc votum fuerit perpetuæ & integræ Castita- tis; nam (uti jam dictum præced. quest. num. 44: & seqq.) in votis non nubendi, servandæ Virginitatis, aut Castitatis perfectæ quidem, sed non perpetuæ pot- erunt denuo dispensare Confessarii privilegiati: ubi tamen in similibus semper notent præfati, ne hoc faciant sine causa; alias enim erit invalida dis- pensatio. Item ne facile dispensent ex integro, sed subjungant e. g. Confessionem singulis men- sibus biennio faciendam &c. Item addant in vo- tis perpetuis, etiam non perfectis, e. g. in vo- to non nubendi &c. opus saltem leve perpetuum, puta, qualibet septimana duo vel tria *Pater noster, & Ave Maria.* Vide Sporer part. 3. Theol. Mo- ral. cap. 3: sect. 4. num. 128. Quod si vero talis emisit votum integræ & perpetuæ Castitatis.

Indaget III. An hoc votum fuerit absolutum, vel conditionatum: etenim in conditionato adhuc posset Confessarius privilegiatus dispensare saltem ante adventum conditionis; quin etiam teste Sporer *Tract. 3. in Desal. cap. 3. §. 3. num. 63. & n. 66.* valde probabiliter etiam conditione jam impleta, præsertim si vota fuerint pœnalia, de quo pariter jam facta est mentio superius *num. 46.* Quando vero foret absolutum.

Indaget IV. Qua ætate emisit hoc votum; etenim ante annos pubertatis (NB. Masculi dicuntur impuberes, usque dum annum decimum quartum; fœmellæ vero, usque dum duodecimum compleverunt) emissæ vota & postmodum in pubertate non de novo ratificata, possunt irritari ab ipso met Parente vel Tutore pupilli, & quidem ordinariæ sine causa gravi, cum voluntas horum in voluntate Patris aut sui Tutoris existat. Vide Jus Canonicum *lib. 3. Decret. tit. 34. num. 12. & 15. & infra tract. 7. 12. D. 3. de Jubilæo. q. 10.* Si autem promississet, aut de novo ratificasset adepta jam pubertate,

Indaget, & attendat V. Num forsan non adsit urgens necessitas dispensandi, simulque periculum in mora, puta, si ex dilatione usque ad responsum Pontificis ex parte voventis, seu inter contracturos urgeat periculum incontinentiæ, scandali, vel alterius gravis mali. Si matrimonium differri nequeat sine gravi dedecore sponsi aut sponsæ, vel familiæ, aut sine infamia ob imprægnationem sponsæ; sive quia alias proles maneret illegitima; quoniam e. g. Cajus contracturus morti est vicinus: in quibus, & similibus casibus posset dispensare juxta dicta antecedentia Ordinarius seu Episcopus supplicantis; alias vero erit scribendum Romam ad sacram Pœnitentiarium, illas Litteras vel per tertium, puta, per Generalem Procuratorem Ordinis, aut per aliquem Agentem Romanum, vel immediate per postam ordinariam dirigendo Romam ad Majorem Pœnitentiarium cum sequenti superscriptione: *Eminentissimo & Reverendissimo D. Cardinali Majori Pœnitentiarario &c.*

Porro in dicta Epistola veridice quoque specificet causam, ob quam Orator, seu Oratrix supplicat dispensari; solet autem S. Pœnitentiarium commutando votum Castitatis ad effectum contrahendi Matrimonium dispensare ob sequentes causas: nimirum ob stimulos carnis, quando scilicet vovens, sive sit vir, sive mulier, ita iis stimulis agitur, ut continenter vivere non possit. Similiter ad conservandam nobilem Familiam. Item quoad mulieres etiam, si non patiantur stimulos; maneat tamen in aliquo periculo amittendi pudicitiam; utpote quia Puella pauper, & pulchra, vel orbata parentibus existit, vel ob alias causas, uti testatur Tiburtius Navar. *part. 1. Mamduct. cap. 5.* In nostro casu posset Supplicatio sic formari:

*N. Puella soluta emisit Votum Castitatis perpetua, sed cum adsit, vel futurum esse prævideat periculum incontinentiæ (si alia foret causa petendi dispensationem, eadem inferatur) humillime supplicat pro dispensatione ad effectum nubendi, quam gratiam studebit pro possibili precibus suis demereri. Dignetur autem Eminentiæ Vestræ describere ad NN. in Diocesi*

*N. Oppido N.* Hic ponatur una cum expressione Diocesis & Oppidi nomen & cognomen illius, ad quem Litteræ dispensatoriæ debent dirigi, e. g. ad Confessarium, nullatenus autem exprimaturn verum nomen & cognomen ipsius supplicantis, puta, in præsentī casu illius puellæ solutæ: nam in Pœnitentiarium similia omittuntur.

Ad factam Supplicationem solet ordinariæ, accommodando ad præsentem casum responderi in forma sequenti:

#### SI PERICULUM.

**S***acra Pœnitentiarium tibi Confessario a Latrice præsentium electo, con edit facultatem, ipsi Latrici præfatum votum ad effectum nubendi tantum, Auctoritate Apostolica dispensando, commutandi in Sacramentalem Confessionem semel qualibet mense, & in alia Pœnitentia opera per te injungenda, inter qua sint aliqua pietatis, qua quotidie facere teneatur, ut ea adimplens memor sit semper obligationis, qua, emissio voto, adstringebatur, prout secundum Deum ipsius anima saluti expedire judicaveris, in foro conscientie, & Sacramentali Confessione tantum. Imo, quod si viro, cui conjungeretur, supervixerit, Castitatem servet, ut prius obligata, & si unquam extra matrimonium fornicata fuerit, aut mortuo viro alteri nupservis absque nova dispensatione, scias, se contra votum Castitatis facere, & debetum conjugale exigere non posse. Et ita eam moneas &c.*

Circa præsentem Ordinariam formulam Dispensationis Executor per has Litteras deputatus notet I. Sequentem clausulam: *Dispensatio commutantes in Sacramentalem Confessionem semel quolibet mense, & in alia Pœnitentia opera præfata injungenda &c. inter qua sint etiam alia pietatis, qua quotidie facere teneatur.* Ex qua deducitur, tria debere dispensando injungi: I. Sacramentalem Confessionem quolibet mense, vel si ob negotia, aut alias graves rationes id fieri non posset, etiam licitum foret (quidquid demum nonnulli contradicant) eandem ad bimestre, vel trimestre extendere, saltem si clausula sic habeat: *Singulis mensibus, vel quoties tibi videbitur:* Aut saltem si ad finem hujus specificationis addat: *prout secundum Deum ipsius anima saluti expedire judicaveris.*

Cæterum ista Confessio menstrua probabilius ac tutius juxta Sanchez, Palao, ac Syrum Placentinum &c. debet esse supererogatoria, sicque aliunde e. g. ob Pœnitentiam medicinalem a Confessario tibi injunctam &c. non debita. II. Debent imponi etiam alia opera, puta, medium Rosarium intra octiduum semel recitandum &c. vel respectu divitum opus misericordiæ qualibet septimana semel &c. vel Lectio spiritualis, aut qualis mortificatio in cibo vel potu &c. vel oratio pro Defunctis, præsertim quoad pauperes, quæ apud eosdem loco eleemosynæ corporalis poterit succedere &c. prout secundum Deum & animæ salutem, Statum, Sexum, & ætatem pœnitentis expedire videbitur &c. III. Debent præterea adjungi adhuc aliqua opera quotidiana, puta, singulis diebus de mane & de nocte unum Ave Maria &c.

Notet Executor hujus Dispensationis II. Quod præterea Pœnitentem oporteat instruere in sequentibus. I. Quod hæc opera pietatis quotidiana

na

na injungantur, ut quotidie recordetur obligationis, quam ob votum habebat. II. Quod commutatio, quæ datur ad posse contrahere matrimonium, ad nihil inferviat, quousque ipsum matrimonium contrahatur, & si carnaliter peccaret ante talem contractum, contra votum delinqueret: unde nec tenetur implere pœnitentias impositas, nisi a die contracti & consummati matrimonii. III. Quod commutatio, quæ datur, non solum valeat ad posse contrahere matrimonium, sed etiam ad posse reddere & exigere debitum conjugale. IV. Quod hæc commutatio valeat solum ad contrahendum & consummandum semel matrimonium, unde mortuo viro, cum quo modo intendit contrahere, alium ducere non potest sine nova dispensatione; cum statim obligatio voti reviviscat, sicut erat a principio, ob conditionem in formula dispensationis expresse adjungi solitam: ubi tamen redeunte obligatione voti probabilius teste La Croix lib. 3. part. 1. num. 518. cessat iterum obligatio persolvendi opera alia pia subrogata. V. Quod si durante matrimonio extra illius usum sibi licitum, alium actum carnis peccaminosum fecerit, contra votum peccet, & teneatur hanc circumstantiam aperire in Confessione.

Notet III. Quod post hanc instructionem talis pœnitens, imposita prius pœnitentia pro peccatis etiam aliis in Confessione detectis, absolvatur in forma Ecclesiæ consueta a censuris, & peccatis per ista verba: *Dominus noster IESUS Christus te absolvas &c.* Deinde *Ego te absolvo a peccatis tuis &c.* quibus subjungat: *Item Auctoritate Apostolica specialiter mihi delegata tibi votum Castitatis, quod emisisti, ad effectum, ut matrimonium contrahere, ac debitum conjugale reddere, & exigere licite valeas, in opera tibi præscripta dispensando commuto in Nominis Patris &c. Passio Domini Nostri &c.* Et licet ista formula expresse non sit omnino de essentia dispensationis, attamen saltem est valde congrua.

Quæres, quomodo practice procedendum, ut dispensetur cum aliquo in voto Religionis? Exempli gratia formemus hunc casum, quod quis voverit ingredi certam Religionem, postea tamen seductus in juventute nomen dederit militiæ, modo autem exauctoratus, ac stimulis carnis agitatatus cupiat nubere, quomodo ergo instruenda Supplicæ?

Respondeo, præmissis, & cum grano salis applicatis prioribus indagationibus de voto simplici Castitatis, adhuc præterea ante instructionem cujusdam formulæ specialiter notandum venit Confessario ex Lessio lib. 2. cap. 41. dub. 5. multipliciter quempiam posse vovere ingressum in aliquam Religionem. Primo, generatim non specificando aliquam certam. Secundo, specificando apud se aliquam certam Religionem, puta S. Dominici, S. Francisci &c. Tercio, determinando etiam particularem locum ob specialem ad hunc affectum, e. g. hoc numero Monasterium S. Benedicti, S. Bernardi, S. Augustini, &c.

Qui primo modo vovit, si non admittitur in uno Ordine, debet tentare alium, idque ad tres, vel quatuor. Ita Sylvester 1. Religio 2. q. 16. Non tamen tenetur ad alias Regiones diffitas, aut ubi notabiliter est aliud clima & modus vivendi, pergere pro petenda susceptione. Item, si non re-

cipitur in aliqua Religione moderata etiam suæ Regionis, non obligatur ad strictissimam, nisi similia expresse voverit, aut ex circumstantiis idem clare deducatur. Quinimo, si etiam voluisset sub voto comprehendere Religionem strictiorem, posset ex gravi causa Confessarius privilegiatus commutare in mitiorem; cum non dispensaret in voti substantia, sed tantum in accidentibus, prout præter alios observant La Croix lib. 3. p. 1. n. 550. & Sporer Tract. 3. in Decal. cap. 3. sect. 3. n. 67.

Qui vovit secundo modo vel est talis Ordo, ubi Superiores cujuslibet Monasterii in specie Candidatos recipiunt, & tunc non receptus in uno obligatur tentare adhuc duo vel tria alia loca ejusdem Ordinis, nisi aliud ex ipsa voventis intentione, aut circumstantiis clare colligatur. Quod si vero foret Ordo, in quo potestas recipiendi resideret penes ipsum Provinciale respectu omnium Monasteriorum suæ Provinciæ, puto, talem ob paritatem rationis satisfacturum voto, si ter in Capitulo compareat, & non suscipiatur, neque promissum futuræ susceptionis acquirat. Imo, si statim ab initio nulla spes prudens futuræ susceptionis esset (puta, si Provincialis, ac Vocales candidè dicerent, prout, si tales resciunt, sæpius solent recte dicere, nullam spem futuræ susceptionis adesse) non obligatur vovens amplius secunda vice susceptionem tentare.

Qui tertio modo votum emisit determinando locum particularem, si ibidem serio, & non solum causa magis probandi spiritum, patiatur repulsam, neutiquam tenetur alia loca tentare. Porro si similes aliquando fuerint recepti, & demum postea intra annum probationis non ex dolo prius intento, sed ex alia causa egrediuntur, omnino a voto absolvuntur; utpote cum voverint quidem ingressum, sed non professionem; prout in dubio non debet fieri extensio ad votum ipsiusmet professionis faciendæ; quoniam odiosa non sunt extendenda. His ergo præsuppositis, ac prævie consideratis, si Confessarius adhuc invenerit necessarium scribere Romam, Supplicam instruere poterit, ut sequitur:

NN. Miles pro nunc exauctoratus, antea studiosus fecit votum in humanioribus scholis, ut juvenis annorum (hic specificentur anni) quod ingredi vellet aliquam Religionem assumendo ibidem statum Clericalem: quia tamen de facto tum ob stimulos carnis, quibus multum agitur, tum ob mores militares depravatos se minus capacem judicas ad servitia talis Religionis, præsertim etiam, quia species illa ad studia ut plurimum evanuerunt; hinc humillime supplicat pro commutatione hujus voti ad effectum contrahendi matrimonium. Pro qua gratia permanebis perpetuus ad Deum pro sua Sanctitate intercessor.

Ad hanc supplicam Rescriptum Romanum similis erit plerumque formulæ:

Pro parte Latoris Nobis oblata petitio continebat, quod ipse ut juvenis annorum &c. ingressum in certam Religionem simpliciter voverit, assumendi ibidem Statum Clericalem: cum autem, sicut eadem petitio subjungebat, tum ob stimulos carnis, quibus multum agitur, tum ob depravatos mores militares se minus capacem judicet ad servitia Religionis, hinc pro conscientia sua quiete cupit votum hujusmodi ad effectum contrahendi matrimonium, in alia penitentia & pietatis

opera per Sedem Apostolicam commutari. Quare supplicari sedit humiliter, sibi super id de opportuno remedio misericorditer provideri. Nos igitur, qui penitentiaria D. Papa curam gerimus, ejusmodi Supplicationibus inclinati Auctoritate Apostolica specialiter nobis commissa discretioni tua committimus, quatenus, si ita esse per diligentem Oratoris examinationem, ac post monita & consilia opportuna illi præstita inveneris, eundem a mutatione propositi abolvere hac vice in forma Ecclesiæ consueta, injuncta ei penitentia salutari sibi que votum prædictum ad hoc, ut matrimonium legitime contrahere possit, in frequentiam Sacramentalis Confessionis peccatorum suorum singulis scilicet mensibus semel, aut quoties tibi videbitur, & in alia penitentia opera perpetua, inter qua sint etiam aliqua Religionis, qua quotidie facere teneatur ad eum finem, ut ea adimplens meminisse semper possit obligationis, qua hujusmodi voto adstringebatur, prout ipsius anime saluti expedire judicaveris, dispensando commutes in foro Conscientiæ & Sacramentali Confessione tantum. Datum Romæ &c.

Circa Executionem hujus dispensationis Confessarius deputatus Executor quatuor notet:

I. Quod in hoc Rescripto dispensationis non soleat, uti si dispensatur in voto simplici Castitatis, apponi illa clausula: *Si alteri, cui conjungeretur, supervixerit, Castitatem servet, ut prius &c.* Unde votum Religionis absolute per commutationem in alia opera tollitur; ideoque monendus est penitens, quod ad hoc votum (nisi expresse aliter fuisset in Rescripto positum) numquam amplius adstringatur, & ideo, si uxori supervixerit, possit aliud matrimonium contrahere, posito, quod ad effectum matrimonii sit tale votum commutatum. Ita recte noster Tiburtius Navar. Penitentiarius Apostolicus Lateranens. in *Manuduct. ad praxin part. 1. de formulis Votorum cap. 4.*

II. Notet Confessarius sequentem clausulam in tali rescripto ordinario reperibilem: *Eundem a*

*mutatione propositi absolvas.* Ubi per *mutationem propositi* intelligitur illud peccatum, quo quis hoc votum forsan est transgressus, puta ex luriditate nimium differendo votum, a quo peccato conceditur Confessario executori potestas absolvendi. Quodsi ex me quæras, quid prosit illa concessio; cum alias Confessarii jam habeant potestatem absolvendi a simili peccato? Respondeo nihilominus apponi dictam clausulam pro majori securitate, ut, si forsan aliunde illud peccatum numeraretur inter casus reservados, pro hac vice ille Confessarius Executor potestatem haberet absolvendi, et si eadem alias non competeret.

III. Notet aliam clausulam: *Commutes in Confessione Sacramentalem &c.* de qua clausula cum grano salis discurrendum, sicuti superius de voto simplici Castitatis discurrebamus. Poterit autem pro illis operibus perpetuis ibidem præceptis, quæ non sunt quotidiana, injungi e.g. Visitatio Ecclesiæ Ordinis, quem voverat, semel per Hebdomadam, aut Communio in festis præcipuis dicti Ordinis. Item quoad opera quotidiana ibidem contenta poterit imponi gestatio Chordæ, Corrigiæ, vel Scapularis Ordinis, & simul recitatio unius *Pater & Ave &c.* in honorem Fundatoris Ordinis.

IV. Notet Confessarius, quod, si non adsit ex parte dispensandi verum periculum incontinentiæ, sed petatur dispensatio ob alias causas: v.g. ratione provectæ ætatis, quæ videtur oneribus Religionis sufferendis impar, vel quia v.g. aliquis existens in Ordinibus sacris, puta, Sacerdos secularis cupit ab hoc voto Religionis emissio esse liber &c. in simili casu non soleat addi clausula ad effectum nubendi, sed potius alias *Dummodo calibem vitam ducat, vel: ad effectum remanendi in seculo in vita calibe &c.* Ubi haud dubie nequit vi talis dispensationis contrahi matrimonium.\*

## TRACTATUS VII.

### DE JUSTITIA ET JURE, CÆTERISQUE VIRTUTIBUS CARDINALIBUS.

**P**ost explicatas Virtutes Theologicas, atque Religionem, utpote inter Virtutes Morales præstantissimam, ipsa materiæ connexio subministrat Tractatum de Virtutibus Cardinalibus, ac præsertim de Justitia & Jure; utpote de qua occurrunt Difficultates speciales, atque ob earum præstantiam scitu admodum necessariæ: adeo, ut materia de Justitia & Jure, ob sui excellentiam, simul & necessitatem, non solum in Theologia Morali, verum & Speculativa, fusius atque ex professo tractari consueverit. Nec immerito: liquidem & Spiritus Sanctus, tantæ Virtutis necessitatem generi humano inculcaturus, per os Sapientis in ipso exordio Libri Sapientiæ exclamat, dicens: *Diligite Justitiam, qui judicatis terram.* De qua proinde, unica distinctione de cæteris Virtutibus Cardinalibus præmissa, præsens Tractatus instituitur.

#### DISTINCTIO I.

##### De Virtutibus Cardinalibus.

#### QUESTIO I.

##### De Prudentia, ejusque partibus.

#### SUMMARIUM.

1. Ratio ordinis, ac præstantia hujus Tractatus.
2. Virtutes Cardinales, quot? Et cur sic dictæ?
3. Prudentia encomia.
4. Prudentia, quid?
5. An sit unicus habitus?
6. Partes subjectiva, potentiales, & integrales Prudentiæ, Justitiæ, &c. quid?
7. Partes subjectivæ Prudentiæ sunt quinque; nimirum Monastica.
8. Oeconomica, Politica, seu Civilis, Legislativa, & Militaris.

9. Partes



9. *Partes potentiales Prudentia tres.*

*Eubulia, Synesis, & Gnome.*

*Epicheja, quid?*

(a) Ut dictum Tract. 2. Dist. 4. n. 9. & seq.

10. *Partes integrales Prudentia sunt octo; quæ?*

2. **C**onveniunt Doctores, quatuor esse Virtutes Cardinales, videlicet Prudentiam, Justitiam, Temperantiam, & Fortitudinem; de quibus legitur *Sapient. c. 8. Sobrietatem enim & prudentiam docet, & justitiam, & virtutem, quibus utilius nihil est in vita hominibus.* Ubi per sobrietatem Temperantia, & per virtutem Fortitudo designatur. Idcirco autem hæc quatuor dicuntur *Virtutes Cardinales*, quia sunt tamquam aliarum Virtutum fontes & cardines: nam quemadmodum ostium in cardine, sic omnis honestæ vitæ ratio in illis versatur, atque universa boni operis structura eisdem innititur.

3. Inter hæc autem primum locum sibi vendicat Prudentia: quæ licet secundum essentiam suam sit Virtus Intellectualis, adhuc tamen inter Morales merito connumeratur, eo quod actionum nostrarum moralium sit directiva. Qua de causa pluribus passim ea encomiis, cohonestatur: Prudentia etenim, sive discretio, a S. P. N. Francisco (teste S. Bonaventura *cap. 5. legenda*) recte vocatur *Arx virtutum*: ipsa siquidem est lux agendorum, ars recte vivendi, voluntatis oculus, cæterarum virtutum dux, fons, & norma, sine qua nulla potest consistere. Nam, ut inquit S. Bernardus *Se. m. 40. super Cantica. Tolle discretionem* (Prudentiam) *& virtus vitium erit.* Unde & in Jure Canonico *c. Prasentium 1. q. 5. & c. Custos, de Offic. Custod.* legitur, quod Prudentia, sive *Discretio mater est omnium virtutum.*

4. CONCL. I. Prudentia est recta agendorum ratio: sive est virtus, quæ secundum honesti rationem, quid agendum, quidve fugiendum sit, homini proponit. Ita in re communis: nam, inquit S. Basilii *Hom. 12. ad Populum: Prudentia est recta eorum, qua agenda vel non agenda sunt, cognitio.*

5. Quia tamen diversa sunt specie agibilia moralia, per Prudentiam in particulari dijudicanda; hinc ipsa non est unicus habitus specie indistinctus, sed tot dantur habitus partiales Prudentiæ specie distincti, quot sunt virtutes specie diversæ in voluntate, respicientes diversa agibilia moralia, quæ a Prudentia in particulari dijudicanda, & dirigenda sunt. Quamvis omnes illi habitus partiales constituent unum totalem habitum Prudentiæ in viro prudente; unum, inquam, non specie, sed genere, prout cum Doctore Subtili 3. *dist. 36. qu. un. 5. de alia*, notant Scotistæ communiter contra nonnullos alios.

6. Pro intelligentia sequentium est præmittendum, quod partes Prudentiæ (idem est de Justitia, Temperantia, & Fortitudine dicendum) aliæ dicantur subjectivæ, aliæ potentiales, aliæ integrales. *Partes subjectivæ* sunt species, seu inferiora, in quas ejusmodi virtus subdividitur. Nominè *Partium potentialium* intelliguntur virtutes, Prudentiæ v. g. affines, ad quam proinde ratione magnæ suæ cognitionis reducuntur, eique annexi solent. *Partes integrales* tandem vocantur eæ,

quæ ad perfectum actum prudentiæ concurrere debent: unde hæc non ex eo dicuntur integrantes, quasi virtutem ipsam integrent & componant, quemadmodum manus, pes & caput integrant corpus hominis: sed quod ad perfectum actum virtutis omnes concurrant, ut dictum.

7. CONCL. II. Partes subjectivæ, seu species sub Prudentia tamquam sub genere contentæ, sunt quinque, videlicet Monastica, Oeconomica, Politica, Legislativa, & Militaris. Ita D. Thomas 2. 2. q. 47. & alii. Ratio est: quia Prudentia generatim alia est *Monastica* (quam & *Personalem* appellant) estque ea, qua quisque sibi & propriæ suæ directioni prospicit, & alia *Gubernativa*, quæ aliorum prospicit directioni. Atqui Gubernativa ulterius apte subdividitur in quatuor enumeratas posteriores species; quælibet enim earum prospicit directioni aliorum, sed diversimode; ergo in omnibus erunt quinque.

7. Cæterum *Prudentia oeconomica* est, quæ totius familiæ honestam institutionem tuetur, & gubernat, ejus bonum dumtaxat attendens. *Prudentia Politica, seu Civilis* est, qua quis recte novit administrare Rempublicam, legumque observantiam procurare: hæc enim spectat bonum commune Civitatis, seu Reipublicæ, sicut oconomica familiaris. *Prudentia legislativa* est, qua quis novit idoneas leges condere: & hæc vel maxime necessaria est Legislatoribus. Tandem *Prudentia militaris* est, qua recte administratur militia: & hæc requiritur in militibus, & amplius in belli Ducibus, ut militia recte administrata bonum commune strenue defendatur.

9. CONCL. III. Partes potentiales prudentiæ tres communiter assignantur cum D. Thomæ *loc. cit. quæst. 51.* videlicet Eubulia; Synesis, & Gnome. *Eubulia* (latine bona consultatio) est habitus recte inclinans ad consultandum, seu ad excogitanda media apta pro consecutione finis. *Synesis* (quod latine est, sensate discernere) est habitus disponens ad ferendum rectum judicium de particularibus operabilibus consultatis, idque juxta regulas communes. *Gnome* est habitus recte judicandi ex principiis quibusdam altioribus præter ordinarias leges, sive contra tenorem verborum legis; prout fit per Epichejam, quæ est benigna legis interpretatio secundum æquum & justum, quaque nonnumquam determinatur, seu practicanda judicantur aliqua contra verba legis, etsi non contra mentem legis; eo quod ejusmodi casum ob speciales circumstantias non censeatur Legislator comprehendere voluisse sub lege generaliter lata. (a) Notat tamen Herinex *disp. 7. de Prudentia, quæst. 1. n. 15.* quod Synesis & Gnome revera sint ipsamet Prudentia, eamque integrent, uti diversi habitus circa diversas conclusiones integrantes unam scientiam totalem.

10. CONCL. IV. Partes integrales, sive integrales Prudentiæ, a S. Thomæ *loc. cit. quæst. 48.* & aliis, octo numerantur. I. *Memoria præteritorum*: nam hæc magnam opem affert ad recte formandas deliberationes de fine, ac mediis ad finem assumendis; quia ex ea nascitur experientia, optima rerum magistra. II. *Intellectio*, id est, cognitio primorum principiorum practitorum. III. *Docibilitas*; qua quis facilitatur ad prompte ac-

quie-

quiescendum monitis prudentium, quibus recte instruitur. IV. *Solertia*, qua operans disponitur ad facilem, & subitam mediorum excogitationem. V. *Ratio*; qua quis promptus efficitur ad inferendum unum ex alio simili, atque applicandum principia generalia ad particulares conclusiones. VI. *Circumspectio*; per hanc quippe habilitatur homo ad recte expendendas omnes circumstantias actionis moralis. VII. *Prudentia*; qua recte expenduntur futura agibilia moralia, veluti jam connexa cum presentibus. VIII. *Cautio*; qua instruitur operans, qualiter declinare debeat impedimenta occurrentia, & ne sub specie boni voluntas applicetur malis. Sciendum tamen, quod prædictæ octo non eodem modo censeantur partes integrantes Prudentiæ: nam quinque priores eatenus dicuntur tales, in quantum prærequiruntur ut conditiones præviæ ad actum, seu executionem Prudentiæ; sed tres posteriores, quatenus sunt aliqui actus Prudentiæ, ut notat Sannig dist. 2. de Prudentia quæst. 1. num. 12.

## QUÆSTIO II

De Vitiis Prudentiæ oppositis.

### SUMMARIUM.

11. *Prudentia qua vitia opponantur?*
12. *Per defectum contra Prudentiam peccatur Precipitatione, Inconsideratione, Inconstantia, & Negligentia.*
13. *Per excessum contra eam peccatur sex modis.*
14. *Prudentia carnis, qua?*
15. *Astutia, quid?*
16. *Dolus, &*
17. *Fraus, quid?*
18. *Solicitudo temporalium, qua?*
19. *Non prohibetur moderata sollicitudo temporalium.*
20. *Solicitudo futurorum, qua?*

11. **C**ONCL. I. Licet omne peccatum opponatur Prudentiæ, eo quod sit contra rectum ejus dictamen; magis tamen directe, ac generatim loquendo, opponitur Prudentiæ; hinc per defectum Imprudentia, illinc per excessum, seu quasi excessum, Prudentia falsa sive fucata. Ita communis, & ratio est: quia Prudentia consistit in medio, non minus ac aliæ Virtutes morales; ergo potest contra eam peccari non solum per defectum, sed etiam per excessum, seu quasi excessum. Unde inquit Apostolus Rom. 12. *Non plus sapere, quam oportet sapere, sed sapere ad sobrietatem.*

12. **C**ONCL. II. Per defectum, sive Imprudentiam, peccatur contra virtutem Prudentiæ quadrupliciter, videlicet, Precipitatione, Inconsideratione, Inconstantia, & Negligentia. Et quidem *Precipitatione* peccatur contra Prudentiam, dum quis proposito aliquo fine statim opus aggreditur, non præmissa sufficienti deliberatione de totius negotii qualitate, de mediis illud exequendi, deque cavendis impedimentis. *Inconsideratione* peccatur contra ipsam, dum temere judicatur & concluditur de ipso opere exequendo, non præmissa diligenti rerum ac circumstantiarum inspectione. *Inconstantia* vero contra Prudentiam peccat ille, qui rebus jam semel deliberatis, ac recte

judicatis, sine ulla, vel certe sine sufficienti causa mutat judicium suum. Et tandem contra eandem Prudentiam peccatur *Negligentia*, quæ est omissio diligentæ requisitæ in actu intellectus ad excitandam & dirigendam voluntatem, ac vires externas, ut exequantur illud opus, quod faciendum esse judicatum est.

13. **C**ONCL. III. Per excessum, aut quasi excessum, seu potius quadam falsa seu fucata specie Prudentiæ, peccatur contra eam sex modis, videlicet Prudentia carnis, Astutia, Dolo, Fraude, Sollicitudine temporalium, & Sollicitudine futurorum. Ita communis.

14. *Prudentia carnis* ea dicitur, qua quis novit excogitare idonea media ad opera carnis complenda: qualia sunt fornicatio, immunditia, gula, ira, & cætera hujusmodi, quæ recenset Apostolus Galat. 5. Et hæc Prudentia carnis, qua quis vivit secundum carnem, id est, secundum instinctus, commoditates ac motus naturæ corruptæ, opponitur Prudentiæ spiritus, quæ novit excogitare idonea media ad opera spiritus seu virtutum perficienda. De qua utraque legitur Rom. cap. 8. *Prudentia carnis, mors est, Prudentia autem spiritus vita & pax: quoniam sapientia carnis inimica est Deo.*

15. *Astutia* sumitur hic in malam partem, nempe pro notitia pravorum mediorum ad fallendum proximum idoneorum, cum affectu id opere exequendi. Et hæc continet artem simulandi, & dissimulandi, estque species quædam Prudentiæ carnis: illi etenim maxime videntur esse potentes secundum carnem, qui modos norunt occultos fallendi proximum, & sic obtinendi bona temporalia. Porro Astutiæ vitium alio nomine dicitur *Cordis duplicitas*; de qua Ecclesiastici 2. dicitur: *Va duplici corde, & labiis sceleratis, & manibus male facientibus, & peccatori terram ingrediens duabus viis.*

16. *Dolus* est actus externus, seu executio ipsius Astutiæ; & habet præcipue locum in materia Justitiæ, puta in contractibus humanis. Et communiter definitur, quod sit machinatio ad circumveniendum, decipiendum, seu fallendum proximum adhibita.

17. *Fraus* ferme idem est, quod Dolus, differt tamen ex eo a Dolo, quod Fraus fiat per facta; ut cum mensura est minor justo, vel cum moneta est adulterina, & hujusmodi. Unde Fraus est quid minus commune, quam Dolus,

18. *Solicitudo temporalium* est nimia mentis occupatio in conquirendis, & conservandis rebus temporalibus, proveniens ex inordinato habendi amore, & amittendi timore. Unde tria in hoc vitio includuntur, nempe nimius affectus ad bona temporalia, timor & anxietas in iis conquirendis vel conservandis, simulque nimia occupatio mentis in illis cogitandis & tractandis. Et hanc inordinatam temporalium Sollicitudinem, veluti valde perniciosam animæ, passim reprehendit Scriptura Sacra, & vel maxime Christus Dominus Matth. 6. dicens: *Ne solliciti sitis anima vestra, quid manducetis, neque corpori vestro, quid induamini, & alibi.*

19. Cæterum prædictis verbis prohibetur solum inordinata temporalium Sollicitudo, id est, ea, quæ

quæ est conjuncta cum nimia affectu temporalium, nimiaque mentis occupatione, & anxietate in iis conquirendis & conservandis. Siquidem moderata sollicitudo & provisio temporalium, quæ sit absque nimio ad eadem affectu, cordisque anxietate, non solum non est prohibita, sed etiam commendatur, *Proverb. 6.* ibi: *Vade ad formicam, & piger.* Et *Proverb. 10.* *Qui congregat in messe filius sapiens est: qui autem aestate stertit, filius confusio- nis.* Huc facit illa generalis maledictio toti humano generi data *Gen. 3.* *In sudore vultus tui vesteris pane tuo.*

20. Tandem *Sollicitudo futurorum* est species quædam Solitudinis temporalium; & consistit in nimia animi occupatione circa futura, maxime ut vitæ necessaria habeantur, quæ est conjuncta cum cordis anxietate, & parva fiducia Divinæ Providentiæ: ut cum quis plus justo sollicitus est de victu, vestitu, aliisque rebus necessariis in futurum annum, mensem vel diem.

### QUÆSTIO III.

De Justitia, & variis ipsam concernentibus.

#### SUMMARIUM.

21. De his remissive.

21. **M**ateria præsentis quæstionis commodius examinabitur inferius.

*Distinctione sequenti, Quæst. I. & II.*

### QUÆSTIO IV.

De Temperantia, & annexis Virtutibus.

#### SUMMARIUM.

22. *Temperantia, quid?*

*Sumitur etiam large.*

23. *Ejus partes subjectivæ sunt tres.*

*Abstinencia,*

(b) *Tract. 3. Dist. 3. quæst. 6.*

*Sobrietas, &*

(c) *Cit. quæst. 6. n. 45. & seq.*

24. *Castitas.*

(d) *Tract. 9. Dist. 3. quæst. 1. & seqq.*

*Pudicitia, & Continentia reducuntur ad Castitatem.*

25. *Partes potentiales Temperantia, quæ?*

26. *Manfuetudo.*

27. *Clementia.*

28. *Studiofita.*

29. *Humilitas, &c.*

(e) *Tract. 3. Dist. 3. quæst. 1.*

30. *Modestia, quid, & quæ vitia ei opponatur?*

31. *Eutrapelia, quid?*

32. *Temperantia partes integrantes sunt Verecundia, & Honestas.*

22. **C**ONCL. I. *Temperantia* est Virtus refrenans inordinatos appetitus & concupiscentias corporis, præsertim circa gustum & tactum. Ita communis. Dicitur notanter, *præsertim circa gustum & tactum*: quia *Temperantia* proprie dicta proxime versatur in moderandis voluptatibus gustus & tactus, quæ solent oriri ex esculentis, potulentis, & venereis. Unde nemo proprie judicatur intemperans, qui immodice delectatur in contemplatione rerum naturalium, in honoribus, in picturis, aut cantibus cæteroquin honestis, vel in odoriferis, & hujusmodi; sed talis proprie dicitur curiosus, ambitiosus, vel alio ejusmodi no-

mine notatur. Verum hoc intelligendum de *Temperantia* proprie dicta: nam si ea sumatur generaliter & large, sic *Temperantia* est virtus, quæ refrenat affectum hominis ab iis, quæ ipsum quomodocumque contra præscriptum rationis alligant.

23. **C**ONCL. II. *Temperantia* proprie accepta tres potissimum sunt partes subjectivæ, seu species, videlicet *Abstinencia*, *Sobrietas*, & *Castitas*; quamvis nonnulli addant *Pudicitiam*. *Abstinencia* est virtus, quæ secundum rectam rationem moderatur appetitum, usumque ciborum oblectantium. Huic peculiariter adversatur *Gula*, quæ est inordinatus appetitus, vel usus ciborum, voluptatis causa; sed de hac jam alibi. (a) *Sobrietas* est virtus, quæ secundum rectam rationem moderatur inordinatum appetitum, usumque potio- nis, vim inebriandi habentis. Huic adversatur *Ebrietas*, quæ est excessus in potu inebriante voluptatis causa factus, donec usus rationis sopiatur: de qua pariter jam dictum. (c)

24. *Castitas* tandem est virtus, quæ moderatur inordinatum appetitum, usumque venereorum: & hæc triplex est, nempe *Virginalis*, *Vidualis*, & *Conjugalis*; de qua, sicut & de oppositis vitiis, ex professo alibi. (d) *Pudicitia* est moderantia circa oscula illicita, tactusque impudicos, & similes lascivias aspectusque venereos: & dicitur *Pudicitia*, quatenus pudori, qui in usu illorum intervenire solet, conformis existit. Quia tamen censetur una eademque virtus circa prævia, & circa principale; hinc *Pudicitia* commode reducitur ad *Castitatem*. Idem dicendum de *Continentia*, quæ est virtus refrenans motus concupiscentiæ carnalis contra rectam rationem insurgentes: quinimmo hæc in re est ipsa *Castitas*.

25. **C**ONCL. III. Ad *Temperantiam* plures aliz reducuntur virtutes, quæ & partes potentiales ipsius appellantur ratione magnæ suæ affinitatis, quam cum *temperantia* habent, videlicet *Manfuetudo*, *Clementia*, *Studiofita*, *Humilitas*, *Modestia*, *Eutrapelia*.

26. *Manfuetudo* est virtus temperans irrationabiles passiones iræ, juxta mensuram rectæ rationis. Et dicitur, *juxta mensuram rectæ rationis*: nam contra eam potest peccari tum secundum excessum per peccatum iracundiæ; tum secundum defectum per iræ vacuitatem, scilicet non increpando, castigando, & vindicando malum, ubi & sicut oportet.

27. *Clementia* magnam cum *Manfuetudine* gerit affinitatem, nec aliud est, quam lenitas Superioris adversus inferiorem in constituendis poenis. Huic per excessum adversatur *Crudelitas*: per defectum vero *nimia*, seu indiscreta *lenitas*.

28. *Studiofita* est virtus, inordinatam sciendi cupiditatem temperans: nam omnis homo naturaliter scire desiderat. Eidem secundum excessum opponitur *Curiositas*, quæ est superflua cognoscendi, aut discendi cura, quamque prohibitam legimus *Ecclesiastici cap. 3.* *Aliora te ne quaesieris, & sortio a te ne scrutatus fueris; & in pluribus operibus ejus (Dei) ne fueris curiosus.* Secundum defectum adversatur eidem *Negligentia*; quæ est voluntaria omissio eorum addicendorum, quorum cognitio ad cuiusque statum vel officium spectat.

29. *Humilitas* est virtus temperans inordinatum appetitum tendendi ad excelsa. Sive, ut eam S. Bernardus *Tract. de 12. gradibus humilitatis* definit: *Humilitas est virtus, qua homo verissimæ sui agnitione sibi ipsi vilescit.* Huic secundum excessum contrariatur *Superbia*, de qua jam alibi (c) secundum defectum *nimiam abjectio sui.*

30. *Modestia* est virtus moderans exteriores corporis actiones juxta præscriptum rectæ rationis: estque alia *Modestia*, quæ servatur in verbis: alia, quæ in factis, & alia, quæ in exteriori cultu, sive in decenti apparatu vestium, conviviorum, atque suppellectilis, juxta proprii cujusque status mensuram observatur. *Modestiae* secundum excessum opponitur *Petulantia*, & *Insolentia*: secundum defectum vero *morum Ruditas.*

31. Tandem *Eutrapelia* est virtus, in recreationibus honestis, atque ad animi & corporis refocillationem susceptis, rectum rationis moderamen servans: nam excessus in eisdem, sicut & nimius defectus, in vitio sunt.

32. CONCL. IV. Partes integrantes Temperantiae sunt *Verecundia*, & *Honestas*. *Verecundia* quandoque accipitur pro passione, sicque importat dolorem, vel timorem, consurgentem ex consideratione alicujus facti inferentis dedecus; sed accepta pro habitu vel actu virtuoso *Verecundia* est virtus, a turpibus & inhonestis cupiditatibus retrahens. *Honestas* vicissim est virtus, inclinans ad decorem, in abstinentia inhonestarum voluptatum resplendentem.

#### Q U Æ S T I O V.

De Fortitudine, ejusque partibus & oppositis Vitiis.

##### S U M M A R I U M.

33. *Ratio ordinis.*  
*Fortitudo large, quid?*
34. *Fortitudo proprie, quid?*  
*Vir fortis, quis?*
35. *Fortitudinis partes potentiales, quæ?*
36. *Magnanimitas, Confidentia, Patientia, & Perseverantia, quid?*
37. *Fortitudini opponitur Timiditas, Stupiditas animi,*
38. *Audacia, & Ignavia animi.*

33. **P**ostquam de Temperantia, quæ turpia refugit, & abstinet ab illicitis voluptatibus, dictum est; restat agendum de Fortitudine, quæ honesta aggreditur, & animi dolorem fortiter sustinet: eo præsertim, quod & ipsa occupetur in moderandis passionibus animi, ne mentem ab honesto avocent, atque illis præsertim, quæ pertinent ad fugam corporalem malorum. Potest equidem Fortitudo in largiori sensu accipi pro firmitate animi in bono honesto, qualis in cujuslibet virtutis actione reperitur: verum in hac acceptatione ea non est virtus a cæteris distincta, sed potius conditio ad omnem virtutem requisita. Proprie igitur loquendo de Fortitudine, sit

34. CONCL. I. *Fortitudo* est virtus, quæ voluntatem inclinât ad labores perferendos, & justa pericula aggredienda. Ita in re communis. Si quidem hæc virtus mediocritatem tenet inter Timiditatem & Audaciam, juxta illud Aristotelis 3.

*Eth. c. 6.* dicentis, quod ea sit *Mediocritas circum metum & audaciam.* Nam Fortitudinis virtus consistit in perpeffione justorum laborum, quos fugit Timiditas, & in aggressionem justorum periculorum, ubi Audacia in quælibet pericula proruit, sive justa sint & honesta, sive non. Unde *Vir fortis* est, qui honestatis causa nunc quidem etiam fiducia pericula aggreditur & tolerat, quando, ubi, & sicut ratio dicat; nunc vero ingruentia mala timet, aut sustinet, quæ & quando timere, aut tolerare oportet. Et de talibus legitur *Hebr. 11. Fortes facti sunt in bello.*

35. CONCL. II. Partes Fortitudinis potentiales (nam subjectivas non habet, quia hæc virtus versatur circa materiam valde specialem, quæ plures virtutum species constituere nequit) sunt præsertim Magnanimitas, Confidentia sive Securitas, Patientia, & Perseverantia: quæ quia sunt multum affines ipsi Fortitudini, recte partes potentiales ipsius dicuntur.

36. *Magnanimitas* est virtus, ad opera magna & heroica in omni virtutum genere inclinans. *Confidentia* (quam alii *Securitatem* appellant) est quietatio voluntatis, orta ex fiducia, qua quis rationabiliter confidit, se malum imminens superaturum. *Patientia* est virtus, quæ in adversis rebus animi mororem temperat, ac mala præsentia æquanimiter tolerat. Et tandem *Perseverantia* est virtus, consistens in eo, quod quis in bene coeptis pergat, eaque usque ad finem continuet; juxta quod *Matth. cap. 10.* Salvator ait: *Qui autem perseveraverit usque in finem, hic salvus erit.*

37. CONCL. III. Fortitudini, quæ hinc timorem, illinc nimiam fiduciam sive audaciam moderatur, per excessum & defectum utriusque opponuntur varia vitia. Inprimis enim per excessum timoris, opponitur ipsi *Timiditas*, qua fit, ut mala imminencia nimium formidentur, & non aggrediantur, etiam dum recta ratio dicat aggressionem eorum. Per defectum vero timoris opponitur eidem *Stupiditas animi*, qua quis ob animi stuporem nulla mala seu pericula formidat, etiam quando eadem formidare & cavere secundum rectam rationem deberet.

38. Deinde per excessum fiducia, opponitur Fortitudini *Audacia*, seu temeritas in aggrediendis periculis, quando, quomodo, vel ubi non oportet. Per defectum vero fiducia opponitur Fortitudini aliud vitium & dicitur *ignavia animi*, nihil audentis, ubi, quando, & quomodo aggredi, vel sustinere oporteret.

#### Q U Æ S T I O VI.

Quæ requirantur ad Martyrium?

##### S U M M A R I U M.

39. *Martyrium excellentissimus actus Fortitudinis.*
40. *Martyrium, quid?*
41. *Ad illud in adultis quæ requirantur?*
42. *Quid sufficiat in parvulis?*
43. *Hæretici, propter sciam suam occisi, non sunt Martyres.*
44. *Ad Martyrium in adultis requiritur ejus acceptatio.*
45. *Quid, si dormiens occidatur in odium fidei?*



46. *Milites pugnantes contra Infideles, an sint Martyres?*  
 47. *Quid, si pugnent intentione defendendi fidem?*  
 48. *Exercent actum valde meritivum.*  
*Sententia notabiles circa hoc.*  
 (f) Vide dicenda in simili n. 35. & 37.  
 49. *Morientes pro defensione cujuslibet virtutis supernaturalis, sunt vere Martyres.*  
 50. *Exempla hujus.*  
 51. *Quid, si Tyrannus alios prætexus fingat?*  
 52. *Ad Martyrium requiritur, ut mors deferatur, quomodo?*  
 53. *Missi in carcerem, vel exilium, propter fidem, an, & quando sint Martyres?*  
 54. *Martyres desiderio, an sint proprie Martyres?*  
 55. *Pu'bra sententia circa Martyrium sine sanguine, Quæ explicatur.*  
 56. *Morientes in pia causa v.g. servitio pestiferorum, an sint Martyres?*  
 57. *Sensus fidelium antiquitus circa hoc.*  
 58. *Ad Martyrium requiritur vel status gratia, vel dispositio ad eam.*  
 59. *Ejusmodi debita dispositio, quæ?*  
 60. *Injuriam facit Martyri, qui orat pro Martyre.*

39. **F**ortitudinis virtus vel maxime elucescit occurrentibus malis seu periculis repentinis, iisque maximis, utputa quæ mortem inferunt. Unde colligunt Doctores, Martyrium esse excellentissimum Fortitudinis actum; Nam Martyres propter testimonium Christi, servandumque bonum veritatis Fidei, ipsam vitam profundere non perhorrescunt. *Martyr* enim græce, latine *Testis* est: unde *Martyres Christi* dicuntur quasi *Testes* ipsius, sive veritatis, quæ per Christum nobis innotescit. Agendo igitur de Martyrio, sit

40. CONCL. I. *Martyrium* est tolerantia voluntaria mortis ex odio veræ Fidei, vel alterius Virtutis Christianæ inflictæ. Patebit hoc amplius ex declaratione conditionum ad Martyrium requisitarum, unde sit

41. CONCL. II. Ad verum Martyrium, tamquam excellentissimum actum virtutis Fortitudinis, requiritur in adultis ex parte intellectus veræ Fides; ac deinde ex parte voluntatis pia voluntas tolerandi mortem pro Fide Christi, vel pro defensione alterius Virtutis supernaturalis. Ita communis.

42. Dicitur I. *Requiritur in adultis.* Nam in parvulis, qui nullum actum proprium elicere possunt, datur Martyrium absque actu propriæ voluntatis, quando occiduntur odio Fidei: ut patet in SS. Innocentibus, qui ab Herode Rege propter Christum occisi, rite ab Ecclesia coluntur tamquam Martyres. Ratio est: quia licet nullum possint elicere actum, quo acceptent Martyrium propter Fidem; adhuc tamen re ipsa propter Fidem perdunt animam suam: ergo eam rursus in cœlis invenient, juxta illam generalem promissionem Christi, *Matth. 10. Qui perdidit animam suam propter me, inveniet eam.* Quinimmo ex speciali privilegio Christi, occisio propter causam Fidei est parvulis instar Baptismi: unde salvantur, etiam in utero materno occiduntur propter Christum, utpote proprio sanguine baptizati.

43. Dicitur II. *Requiritur ad Martyrium ex parte intellectus vera fides:* quia ut dicitur *Hebr. cap. 11. Sine fide impossibile est placere Deo.* Unde Hæretici, si occiduntur propter sectam suam hæreticam, quam profitentur, Martyres non sunt: nam ut S. Augustinus in *Psal. 24.* ait: *Martyrem non pœna, sed causa facit: pœna enim communis est latroni & Martyri, hæretico & Catholico, sed causa dispar.*

44. Dicitur III. *Deinde ex parte voluntatis pia voluntas tolerandi mortem pro fide Christi.* Siquidem ad Martyrium in adultis omnino requiritur, ut mors voluntarie acceptetur propter Fidei veritatem tuendam; nam sicut ad Baptismum fluminis, ita & ad Martyrium, seu Baptismum sanguinis, requiritur consensus, sive prævia acceptatio illius.

45. Hinc si quis adultus in odium Fidei Christianæ dormiens occidatur, cum antea de morte propter Fidem inferenda nihil omnino cogitasset, sicque eam nullatenus acceptaverit, non est proprie censendus Martyr, prout notat Lessius *lib. 3. de just. & jure, cap. 1. n. 24.* & Layman *lib. 3. sect. 3. n. 4.* citans Suarezium. 'Secus foret, si quis ob Fidem in vincula conjectus statuillet seculum, mori potius, quam Fidem negare: nam si talis postea in odium Fidei dormiens interficiatur, verus Martyr erit; cum in simili etiam ille Baptismi Sacramentum suscipiat in somnis, qui illud antea desideraverat.

46. Quæres, an milites, qui in bello pro defensione veræ Fidei contra Infideles suscepto pugnantes occiduntur, sint Martyres? Resp. I. Certum est, si ejusmodi milites intentionem suam non referant ad causam Fidei, vel aliud motivum supernaturale, sed ad alium finem, utputa honorem, pecuniam, vel bonum dumtaxat humanum Reipublicæ, eos occumbendo in tali bello nequaquam effici Martyres: cum non moriantur propter Christum, aut in testimonium alicujus virtutis supernaturalis a Deo revelatæ, sed ob finem mere humanum.

47. Resp. II. Supposita pia intentione defendendi veram Fidem contra hostes ejusdem, ipsoque statu gratiæ, milites in tali bello pugnantes exercent actum valde meritivum; si tamen pugnando occiduntur, proprie Martyres non sunt. Ratio posterioris partis est: quia milites actu pugnantes, non voluntate, sed potius necessitate mortem sustinent; quinimmo hanc hostibus inferrent, nisi ab ipsis vincerentur. Insuper ipsi non præ se ferunt mansuetudinem Christi, cujus Passio est exemplar veri Martyrii, quique, cum *paterebat, non comminabatur, 1. Petri 2.* Lessius *loc. cit. num. 36.* Layman, & alii. Accedit præxis, ac sensus Ecclesiæ, quæ decedentes in actuali pugna numquam consuevit colere pro Martyribus.

48. Prior autem pars ex eo patet: quia milites illi, cæteroquin in statu gratiæ constituti, & ex tali optima intentione pugnantes, publicum Deo, veræque Fidei testimonium perhibent, huiusque augmentum atque propagationem totis viribus promovere satagunt; atque pro ejusdem defensione mortem saltem indirecte acceptant, dum periculo ipsius manifesto sese exponere non perhorrescunt. Huc faciunt verba illa Gregorii Papæ IV. exhortatoria ad milites pro Christianorum

defensione pugnantes, & consolatoria morientium in hac piissima intentione, quæ referuntur c. *O mni timore*, 23. q. 8. ibi: *O mni timore, ac terrore deposito contra inimicos sancta Fidei, & adversarios omnium Religionum agere viriliter studete. Novit enim Omnipotens, si quilibet vestrum morietur, quod pro veritate Fidei, & salvatione patriæ, ac defensione Christianorum mortuus est: & ideo ab eo præmium cælestis consequentur.* Idipsum S. Joannes a Capistrano, suis Crucesignatis contra Turcas, infensissimos Christiani Nominis hostes, prope Belgradum fortiter pugnaturis, affectuose proponebat, illis (apud Waddingum ad Ann. 1456.) verbis: *O quam felices, qui in hac pugna Christi moriuntur; quia statim ab Angelis cum sanctis Martyribus, qui pro Fide mortui sunt, coronabuntur.* (f)

49. Dicitur IV. *Vel pro defensione alicujus vera Virtutis supernaturalis*: nam non solum, qui propter Confessionem Fidei, sed etiam, qui pro defensione aliarum Virtutum supernaturalium moriuntur, Martyrii palmam consequuntur. Generaliter enim loquendo omnia Virtutum opera, quatenus referuntur in Deum, sunt quædam Fidei protestationes; quia, dum quis potius vult mori, quam Deum peccato quopiam offendere, ipso facto protestatur, Deum esse Summum Bonum, ac omnibus aliis bonis creatis præferendum; quod est articulus Fidei Christianæ.

50. Infertur proinde, quod omnium Virtutum supernaturalium opera possint esse causa Martyrii. Sic enim S. Joannes Baptista est Martyr, quia in odium Virtutis ac Veritatis, quam libere ac impavide prædicabat, fuit occisus. Similiter multæ Sanctæ Virgines sunt Martyres, eo quod fuerint mortuæ pro defensione Virginitatis. Sic enim S. Thomas Episcopus Cantuariensis est Martyr, quia pro Catholica Ecclesia, ejusque Immunitate defendenda mortuus est: idem dicendum de plurimis aliis.

51. Et notandum, quod, si quis ob prædictas causas occidatur, vere sit Martyr, licet Tyrannus alios falsos prætextus fingat. Nam & Judæi sub prætextu violatæ Legis Mosaicæ, & quod se Regem fecisset, Christum Dominum veluti malefactorem occiderunt, qui tamen Martyr fuit; immo Dux & Princeps Martyrum. Similiter in primitiva Ecclesia non raro occidebantur Martyres, vere quidem in odium Fidei, sed prætextu perversionis Reipublicæ: quibus similia postmodum plurimis aliis SS. Martyribus falso imposita fuerunt.

52. CONCL. III. Ad Martyrium insuper requiritur, quod mors inferatur, ita ut vel mors re ipsa sequatur (& hoc est perfectissimum, & completum genus Martyrii) vel saltem posita fuerit causa sufficiens, ex qua naturaliter ipsa mors consequeretur, nisi divinitus impediatur. Ita communis, & sequitur Herinex *disp. 8. de Baptismo, quest. 1.* Sic enim S. Joannes Evangelista ab Ecclesia celebratur inter Martyres, eo quod missus fuerit in ferventis olei dolium: & eadem ratione tres Pueri in fornacem Babylonicam missi, Martyres censentur, quia pro cultu unius veri Dei lethalem cruciatum (etli postea divinitus impeditum) fornacis ardentis subire non exhorruerunt.

53. Infertur proinde I. Quod proprie & perfecte Martyres non sunt, qui in vincula conjecti,

vel in exilium acti, aut omnibus bonis suis spoliati, multa pro Fide Christi patiuntur, nisi forte secundum quod ex his mors sequitur; prout notat D. Thomas 2. 2. q. 125. art. 2. Nam talia de se non sunt illativa mortis; quinimo consueverunt homines omnia hujusmodi subire, & gravissimos etiam corporis dolores sustinere, ut vitam conservent. Quod si vero ex præmissis ipsa mors sequatur, Martyrium perficitur: ut patet exemplo SS. Martyrum, & Pontificum Marcelli, Joannis, Silverii, Martini, & Pontiani, quos in carcerem, vel exilium missos, atque ibi ærumnis confectos, Ecclesia pro Martyribus veneratur.

54. Infertur II. Quod Martyres solo desiderio non sint proprie Martyres; non obstante, quod amorosissimo ejusmodi desiderio maximum in cælis cumulum meritorum consequantur, ac, etiam si affectus Martyrii ad effectum non deducatur, nihilominus ipsa sola eorum voluntas Deo Judice cernitur, c. *Namquid Cain. de penis. dist. 1.* Quia videlicet re ipsa non sustinent mortem propter Confessionem veræ Fidei, neque causam proximam illius.

55. Nec obstat id, quod de S. Martino, Turonensi Episcopo, canit Ecclesia: *O sanctissima anima, quam etsi gladius persecutoris non abstulit, palmam tamen Martyris non amisit.* Quod faciunt plures aliæ Sanctorum patrum sententiæ: ut illa S. Hieronymi, in Epitaphio Paulæ, circa finem. *Non solum effusio sanguinis in Confessione reputatur, sed devota quoque mentis servitus immaculata, quotidianum est Martyrium.* Accedit D. Augustinus *Serm. 250. de Tempore*, ibi: *Christianis quotidiana Martyria deesse non possunt. Sicut enim Castitas, & veritas, & justitia, Christus est: sic & ille, qui eis insidiatur, persecutor est. Qui & in aliis defendere, & in se custodire voluerit, Martyr erit.* Item S. Bernardus *Sentent. brevior. Parsitas in abritate, largitas in paupertate, Castitas in juventute, Martyrium est sine sanguine.* Et concordant plures similes SS. Patrum sententiæ. Respondetur enim, hujusmodi auctoritates loqui de Martyrio, non proprie, sed per quamdam similitudinem: ut explicat D. Thomas 2. 2. *quest. 125. art. 4. ad 1.* Unde idem D. Augustinus *lib. de sancta virginitate*, præfert Martyrium perpetuæ Virginitati. Martyrium enim inter omnes actus virtuosos maxime demonstrat perfectionem Charitatis, juxta illud Salvatoris, *Joan. 15. Majorem hac dilectionem nemo habet, quam ut animam suam ponat quis pro amicis suis.*

56. Infertur III. Quod morientes in causa pia, v. g. vitam prostitute ob amorem Dei in servitio pestiferorum, proprie non sint Martyres, eo quod mors eisdem non inferatur odio Fidei Christianæ, vel alicujus Virtutis supernaturalis. Martyrium enim est testimonium externum, quod Christo, vel ejus doctrinæ præbatur per hoc, quod quis mortem pro ea voluntarie subeat; quod non fit, nisi adlit, qui mortem inferat, ut Christum vel ejus doctrinam nobis auferat. In quo sensu loquitur ille vulgatus, Martyrum patientiam commendans, versiculus: *Actio displicuit. Rassis grati sui*; per actionem denotans crudelitatem Tyrannorum mortem inferentium, per passionem vero patientiam SS. Martyrum.

57. Fatendum tamen, quod olim eos, qui, cum pesti, scilicet gravissima grassaretur Alexandria, morbo laborantibus ministrantes libentissime moriem opperire, velut Martyres religiosa fidelium fides venerari consuevit: ut legitur in Martyrologio Romano, ad diem 28. Februarii. Quod quidem factum fuit propter excellentiam operis adeo heroici, atque eximie Charitatis, Christo in suis membris (Fidelibus nimirum) exhibite. Quamvis simul notanter ibidem addatur *velut Martyres*; ad innuendum, quod proprie loquendo, & in toto rigore, tales non sint Martyres.

58. CONCL. IV. Ut Martyrium cuiquam prolit ad salutem, requiritur insuper status gratia, vel saltem legitima dispositio ad gratiam, juxta illud Apostoli 1. Corin. h. 13. *Et si tui videro corpus mortuum, ita ut ardeam, charitatem autem non habuero, nihil mihi prodest.* Quibus verbis excluduntur illi, qui nec Charitatem habent, nec ad eam sunt dispositi: ut sunt Schismatici, Hæretici, aut alii peccatis mortiferis affectu inhærentes; prout inter alios observat Herinex disp. 8. de Baptismo, q. 3. n. 24.

59. Porro dispositio debita ad Martyrium in peccatoribus, non solum est contritio perfecta, sed etiam attritio, ut innuit D. Thomas part. 3. quæst. 78. art. 1. dicens: *Passio pro Christo suscepta obtinet vim Baptismi*: ad hujus enim fructum consequendum sufficit in peccatoribus attritio. Concordant Scotus 4. dist. 4. quæst. 1. §. ex his, ac sequuntur Lessius, Mairius, Herinex & alii.

60. Atque de hujusmodi Martyribus verificatur illud D. Augustini, Sermon. 17. de verbis Apostoli, & refertur cap. Cum Martha §. tertio loco, de Celebrat. Missar. *Injuriam facis Martyri, qui orat pro Martyre.* Quod intellige, dummodo de ejusmodi Martyrio propter Christum perpeßo legitime constet.

## DISTINCTIO II.

De Virtute Justitiæ, ac Jure generatim.

### QUÆSTIO I.

Quid sit Justitia, & quæ Virtutes eidem annexæ?

#### SUMMARIUM.

1. Justitia varia acceptiones.
2. Ejus acceptio magis propria.
3. Justitia proprie sumpta quid?
4. Reddit alteri jus, & quale?
5. Debitum legale, & debitum morale, quid?
6. Virtutes Justitiæ annexæ, quæ?  
(a) Tract. 5. Dist. 1. per totum.
7. Pietas varie accipitur.
8. Observantia, quid?
9. Justitia proprie dicta, an detur inter patrem & filium, dominum & servum?
10. Gratiitudo quid?  
Ejus officia quinque?
11. Veritas, quid?  
Admendacium triplex, jocosum, officiosum, & perniciosum.
12. Amicitia, & Affabilitas, quid?  
Et quomodo differant?  
Adulatio, & Adroscinas, quid?

1. Justitiæ nomen varie sumitur: & inprimis Justitia communissime, ac secundum rationem suam generalissimam aliud non est, quam *rectitudo voluntatis propter se servata*, ut post D. Anselmum, de veritate, c. 12. loquitur Scotus 4. dist. 46. quæst. 1. Et hoc modo Justitia in se continet Virtutes omnes, atque in S. Scriptura non raro sic accipitur; ut *Matth. 5. Beati, qui esuriunt, & sitiunt justitiam*, & alibi. Deinde sumitur Justitia pro ipsamet rectitudine actus: in quo sensu bona opera exercentes, dicuntur operari justitiam, juxta illud ad Hebr. 11. *Sancti per fidem vincunt regna, operati sunt justitiam.* Sed de Justitia taliter accepta hic non est sermo.

2. Uterius igitur, & magis ad propositum, Justitia sumitur pro habitu, seu virtute inclinante voluntatem ad reddendum alteri debitum suum, qualecumque illud sit: juxta quod loquitur Apostolus ad Rom. 13. *Reddite ergo omnibus debita: cui tributum, tributum: cui vectigal, vectigal: cui timorem, timorem: cui honorem, honorem.* Unde Justitia sic accepta, comprehendit sub se omnes eas virtutes, quæ respiciunt alterum in ordine ad reddendum ipsi quoddam debitum; cujusmodi Virtutes recensentur num. 6. & seqq. Ultimo tandem Justitia sumitur stricte & proprie; quomodo respicit debitum legale, ac jus proprie dictum, reddendum alteri. Et in hac ultima acceptione loquendo de Justitia, sic

3. CONCL. I. Justitia stricte & proprie sumpta bene definitur cum Ulpiano l. justitia, ff. de Justitia & Jure, taliter: *Justitia est constans & perpetua voluntas, jus suum unicuique tribuens.* Quæ definitio communiter est recepta, & sensum facit: Justitia est virtus, inclinans, & firmans voluntatem ad perpetuo tribuendum jus suum unicuique. Dicitur, *constans & perpetua voluntas*: quæ particula stat loco generis; Commune est enim omni virtuti, quod sit constans & perpetua voluntas; id est, firmus habitus voluntatis, inclinans ipsam non ad unum dumtaxat diem, vel annum, sed quantum est ex natura talis habitus, perpetuo circa proprium objectum recte operandi.

4. Et additur, *jus suum unicuique tribuens*, sive, ut alii legunt, *jus suum cuique tribuendi*: quæ particula stat loco differentie, per quam Justitia differt a cæteris Virtutibus, tamquam per proprium objectum, quod est jus suum cuique tribuere. Dum autem dicitur, *jus suum*, id intelligendum est de jure proprie dicto, seu debito legali; non autem de jure large sumpto, ac debito morali tantum. Et per hoc differt Justitia proprie dicta, & hic definita, ab Observantia, Pietate, & aliis hujusmodi Virtutibus, quæ licet alterum respiciant, non tamen reddunt ipsi debitum aliquod legale, seu jus proprie dictum, sed morale solum, ac proinde non sunt Justitia proprie dicta.

5. Porro Debitum legale (quod est debitum stricte, & proprie dictum) illud est, ad quod reddendum, & quidem quoad æqualitatem, quis lege stringitur. Et additur, *quæ æqualitatem*: quia, dum redditur, seu solvitur debitum legale, servatur Justitia proprie dicta, ad quam inter alia requiritur æqualitas dati & accepti; ita scilicet, ut, si debeam centum, reddam centum, vel quid

æquivalens: & si non posset fieri talis æqualitas, hoc ipso jam non posset esse lex de debito illo totaliter reddendo, utpote cui numquam posset satisfieri, sicque non interveniret debitum legale. *Debitum morale* econtra dicitur illud, ad quod alteri reddendum obligatur quis solum moraliter, ac ex honestate virtutis: id est, quod vel est altioris ordinis, & ita magnum, ut non possit ei reddi ad æqualitatem, ac proinde solum obligat ad satisfaciendum ipsi pro viribus, seu quantum est moraliter possibile; vel ita parvum, ut non inducat obligationem legalem, & strictam, sed moralem dumtaxat, quæ ex quadam honestate virtutis procedit; prout fit in Virtutibus Justitiæ annexis, de quibus sit

6. CONCL. II. Virtutes Justitiæ annexæ, ac veluti partes ejus potentiales, dicuntur omnes illæ, in quibus intervenit quidem aliquod debitum ad alterum, illud tamen non est legale, sed dumtaxat morale: eo quod sit (uti proxime explicatum) adeo magnum, ut non possit illi satisfieri ad æqualitatem; aut ita parvum, ut non inducat veram obligationem legalem & strictam, sed dumtaxat ex quadam honestate virtutis procedentem. Prioris generis sunt Religio, Pietas, Observantia, & Obedientia, quæ est pars Observantiæ. Posterioris generis est Gratitude, Veritas, Amicitia, Affabilitas, & si quæ sunt aliæ hujusmodi Virtutes, in quibus est solum debitum morale ad alterum. Ita communis post D. Thomam 2. 2. *quæst.* 10. Nam sola illa virtus, quæ respicit debitum legale, ac jus proprie dictum alteri reddendum, censetur Justitia proprie dicta; cæteræ vero, quæ respiciunt quidem debitum alteri reddendum, sed dumtaxat morale, hoc ipso deviant a ratione perfectæ Justitiæ: tamen, quia respiciunt aliquod debitum erga proximum, censentur Virtutes Justitiæ annexæ, ac veluti partes illius potentiales, uti sunt enumeratæ. Et quidem de *Religione* jam dictum est suo loco. (a)

7. *Pietas* quandoque sumitur pro studio internæ devotionis, & sinceri affectus erga Deum & proximum: in quo sensu 1. *Timoth.* 4. dicitur: *Exerce te ipsum ad pietatem.* Et infra: *Pietas ad omnia utilis est, promissionem habens vitæ, quæ nunc est, & futura;* & alibi. Quandoque *Pietas* accipitur pro Misericordia, seu benigno affectu erga alios, præsertim filios nostra ope indigentes: quæ ratione *Pietas* passim in S. Scriptura Deo attribuitur, ut *E. clestici* 2. *Quoniam pius, & misericors est Deus,* & alibi. In proposito tamen *Pietas* sumitur pro speciali virtute, qua debitum cultum exhibemus parentibus, tamquam vitæ & educationis nostræ post Deum auctoribus.

8. *Observantia* est virtus, qua debitus cultus deferretur Superioribus, tamquam gubernationis nostræ auctoribus. Sicuti enim pietas colit parentes, eo quod sunt nobis post Deum auctores vitæ, atque educationis nostræ; ita *Observantia* deferret cultum Superioribus, quia sunt auctores nostræ gubernationis. Ad hanc reducitur *Obedientia*, quæ, quatenus est specialis virtus, ideo aliquid facit, quia præceptum est. Et prædictæ tres virtutes, nempe Religio, Pietas, & Observantia, respiciunt debitum adeo magnum ad alterum, ut

non possit eidem satisfieri ad æqualitatem: unde versiculi illi,

*Dignas Calitibus, Genitoribus, atque Magistris,  
Pro merito grates reddere nemo potest.*

9. Sed occasione dictorum, Quæres incidenta-liter, an inter patrem & filium, dominum & servum (id est, mancipium) possit intercedere Justitia proprie dicta? Resp. negative, loquendo de istis spectatis quoad jura & debita, quæ sunt inter eos qua tales. Ita Aristoteles 5. *Ethic. cap.* 6. Scotus *cit. dist.* 46. q. 1. alii. Ratio est: quia ad Justitiam proprie dictam requiritur jurium alteritas, id est, jurium Distinctio: atqui hæc non habetur inter patrem & filium, inter dominum & servum qua tales; cum filius & servus non sint sui juris respectu patris, ac domini: ergo. Additur tamen: *loquendo de ipsis spectatis quoad jura & debita, quæ sunt inter eos qua tales.* Quod enim filius ut filius debet patri, debet ei lege Pietatis, non Justitiæ. Si vero ipsi spectentur, ut sunt distincti homines, atque in multis rebus sui juris, ac diversa jura habentes, sic inter eos potest esse Justitia, & injuria: ut si filius sit emancipatus, vel habeat bona castrensia, aut quasi castrensia, & hæc ipsi a patre contra fas auferantur; item si dominus servum occidat, aut mutilet; nam in vita, membrisque conservandis, servus non subest domino, sed est sui juris.

10. Quantum attinet ad Virtutes posterioris generis, itidem Justitiæ annexas, *Gratitude* est virtus, qua iis, qui de nobis bene meriti sunt, non solum gratias agimus, sed etiam, cum possumus, referimus. Ejus officia sunt quinque, videlicet beneficii accepti æstimatio, ejus benigna acceptatio, gratiarum actio, grata commemoratio, & tandem repensio.

11. *Veritas, sive Veracitas* est virtus, qua nos proximis tales dictis & factis exhibemus, quales re ipsa sumus. Huic opponitur *Mendacium*; estque locutio contra mentem, cum scilicet aliud loquimur exterius, aliud interius sentimus. Et dividitur communiter ratione finis, & effectus in jocosum, officiosum, & perniciosum. *Mendacium jocosum* est, quod fit causa voluptatis absque alterius nocumento. *Officiosum*, quod fit causa utilitatis, simulque nemini nocet: & horum utrumque est peccatum ex genere veniale. *Perniciosum* est, quo alicui injuste nocetur, sive alteri pro sit, sive non. Et hoc ex genere suo est peccatum mortale, atque gravissime passim in S. Scriptura perstringitur; quamvis per accidens, atque ob levitatem materiæ, seu nocumenti illati, possit esse veniale.

12. *Amicitia* est virtus, qua aliqui mutuam apertamque inter se benevolentiam gerunt, seque invicem bonis affici volunt honestatis gratia, & non solum jucunditatis. *Affabilitas* est virtus, quæ procurat, ut conservatio nostra in communi hominum consuetudine sit grata, & talis, qualera esse decet spectata conditione nostra, & eorum, quibuscum agimus, aliisque circumstantiis. Differt ab Amicitia, quod hæc inter notos dumtaxat, Affabilitas vero inter quosvis, etiam ignotos, locum habeat; item, quod Affabilitas in sermone,

&c



& vitæ consuetudine versetur, Amicitia potissimum in affectu. Contra Affabilitatem delinquitur tum per excessum, seu nimio placendi studio, dum quis in omnibus se accommodat aliis, omnia probat, omnia laudat: & hoc, si fiat propriæ utilitatis causa, erit *Adulatio*; si solum, ut quis placeat, is *Blandus* appellatur. Tum per defectum, estque *Morositas*, qua quis proximo in congressibus nonnullam molestiam ac tedium affert; dum parum curat sese accommodare, sed asper est, & prorsus ad contradicendum.

## QUÆSTIO II.

De divisione Justitiæ in Commutativam, & Distributivam.

### SUMMARIUM.

13. *Justitia dividitur in Commutativam, & Distributivam.*
14. *Justitia Commutativa, quæ?*
15. *Qualem servet æqualitatem?*
16. *Justitia distributiva, quæ?*
17. *Hæc servat proportionem Geometricam, illa Arithmeticam.*
18. *Proportio Arithmetica, & Geometrica, quæ?*
19. *Utræque Justitia dividitur in præmiativam, & punitivam.*
20. *Justitiæ objectum, quale?*

13. **C**elebris est hæc divisio Justitiæ in commutativam, & distributivam, ab Aristotele 5. *Ethic.* cap. 2. assignata, & communiter recepta. Earum utraque est Justitia propriè dicta, observans debitum legale, & reddens alteri, quod suum est, ad æqualitatem, sed cum discrimine: nam una servat æqualitatem Arithmeticam, altera tantum Geometricam, prout amplius declarabitur.

14. CONCL. I. *Justitia commutativa* dicitur illa, quæ versatur in commutationibus rerum, pactis, & contractibus faciendis. Et hæc tunc observatur, quando fit commutatio rerum secundum æqualitatem dati & accepti: id est, considerando solum valorem rerum sine ullo respectu ad personas, ut videlicet tanti valeat, moraliter saltem, res reddenda, quanti valet accepta, qualescumque tandem sint personæ, sive nobiles, sive ignobiles. Sic fit, quando quis debet alteri centum, & ipsi reddit centum, vel aliquid illis centum æquivalens. Idem accidit in rerum venditionibus, si tanti res vendatur, quanti moraliter saltem, & juxta communem hominum æstimationem, hic & nunc valet.

15. Et additur, *moraliter saltem*. Nam dicta æqualitas non semper debet esse omnino exacta & metaphysica, sed sufficit moralis, quæ habetur juxta prudentem hominum æstimationem, prout inter alios notat Matrius 3. *Sentent. disp. 3. num. 150*. Patet hoc manifeste in rerum emptionibus & venditionibus, in quibus exacta & metaphysica illa æqualitas attingi semper non potest, sed solum moralis: sic enim equus, aut quodcumque aliud animal vivens, æstimato pretio juste venditur & emitur, non obstante, quod aurum totius Mundi non æquivalet entitati unius equi, cum

omne vivens simpliciter nobilius sit non vivente; quia in tali venditione & emptione saltem intervenit æqualitas moralis, taxanda juxta prudentem æstimationem hominum, atque exigentiam & utilitatem humani convictus, propter quem hæc utiliora, ac proinde magis cara, illa vero minus utilia, sicque minus cara esse censentur.

16. CONCL. II. *Justitia distributiva* e contra illa est, quæ commoda & onera communia, utputa officia, beneficia, communes exactiones, tributa, &c. distribuit inter partes Communitatis cum proportionem Geometrica ad singulorum merita, vel status conditionem. Ita in re communis. Talis Justitia distributiva debet observari, quando honores vel præmia distribuuntur juxta cujuslibet meritum, & proportionem status, dando scilicet majora magis de Republica meritis, aut in majore dignitate constitutis; & minora aliis juxta cujusque meritum, statusque conditionem. Idem fit in impositione communium onerum: nam plura (cæteris paribus) debet contribuere ad communes Reipublicæ necessitates, qui majora habet bona seu prædia; minus vero, qui minora bona seu prædia possidet.

17. CONCL. III. Justitia commutativa & distributiva varie differunt, præcipue vero in hoc, quod Justitia distributiva servet proportionem sive æqualitatem Geometricam, commutativa Arithmeticam. Ita Scotus 4. *dist. 46. quæst. 1.* dicens: quod in distributiva requiratur æqualitas proportionis, non quantitatis; in commutativa secundum aliquam æqualitatem quantitatis, non tamen proportionis. Matrius *disp. 3. Theolog. Moral. num. 1.* & alii. Ratio est: quia finis intrinsecus Justitiæ commutativæ est, constituere æqualitatem inter datum & acceptum, v. g. centum reddendo pro centum; Justitiæ vero distributivæ finis intrinsecus est, constituere æqualitatem inter proportionem & proportionem, ut nimirum talis sit proportio inter res & onera, quæ distribuuntur, qualis est proportio inter conditiones personarum, quibus fit distributio.

18. Porro per æqualitatem, seu proportionem Arithmeticam, intelligitur vera æqualitas rei ad rem, utputa centum ad centum, aut alterius justii pretii ad rem emptam, sine ullo habito respectu ad personas. Per proportionem Geometricam vero intelligitur ea, quæ singulis tribuitur id, quod debent habere, cum inæqualitate tamen, juxta scilicet inæqualitatem ipsarum personarum, & cum proportionem ad statum atque conditionem singulorum. Unde sequitur & alia differentia: nam in Justitia distributiva, atque proportionem Geometrica, habetur respectus ad personas, earumque qualitates; prout patet in exemplis *num. 16.* adductis: secus fit in Justitia commutativa, & proportionem Arithmetica, ubi sine ullo personarum respectu res ipsæ (id est, data & recepta) inter se comparantur.

19. CONCL. IV. Utræque hæc Justitia, scilicet tam commutativa, quam distributiva, dividitur ulterius in præmiativam, quæ pro meritis reddit præmia; & in punitivam, seu vindicativam, quæ pro delictis reddit supplicia. Ita Doctores communiter, & probatur inductione. Quia in

in primis Justitia distributiva tunc est præmiativa, quando honores, officia, & hujusmodi, in præmium præstitorum beneficiorum distribuit, inæqualiter tamen juxta inæqualitatem ac proportionem status & conditionis singulorum, dando scilicet plus personis in majore dignitate constitutis, & minus in minore dignitate constitutis; prout communiter fieri solet. Tunc vero Justitia distributiva est punitiva, quando nocentes, ut par est, suppliciis afficit, habita tamen ratione dignitatis, seu status personarum; sic adulterium v. g. in privatis personis alicubi pro prima vice punitur, statutando ipsas cum publico despectu ante fores Ecclesiæ; in personis autem dignioribus multa pecuniaria. Et simile quid in multis aliis pœnis infligendis observari solet. Deinde, quod dicta divitio conveniat Justitiæ commutativæ, patet ex eo; quia hæc tunc censetur esse præmiativa, quando distribuuntur æqualia præmia juxta æqualitatem meritorum, nulla habita ratione conditionis, dignitatis & status personarum, quibus fit illa distributio. Est etiam punitiva, quando æqualia pro delictis supplicia inferuntur: sic enim commutando, pro meritis redduntur præmia æqualia, pro delictis vero supplicia. Mastrius in 3. disp. 7. num. 177. post Scotum 4. dist. 46. q. un. §. hic primo, & alios.

20. Quæres, quodnam sit objectum Justitiæ proprie dictæ? Resp. Cum communi, objectum ejus esse jus proprie dictum, seu jus alteri obstrictum. Ratio est: quia illud est objectum formale virtutis, ad quod virtus principaliter ordinatur: atqui justitia proprie dicta principaliter ordinatur ad hoc jus constituendum, alterique reddendum, ut patet ex ejus definitione num. 3. data: ergo. Restat proinde de hoc jure agendum.

### QUESTIO III.

Quid, & quod duplex sit Jus? Ubi & de Actione reali, & personali.

#### SUMMARIUM.

21. *Juris varia acceptiones.*  
(c) Ut dictum Tract. 2. dist. 1. n. 3. & seqq.
22. *Jus, ut est objectum Justitiæ, quid?*
23. *Dividitur in Jus ad rem, & in*
24. *Jus in re, quid?*
25. *Jus in re, & Jus ad rem, quomodo differant?*
26. *Actio, quid?*  
(d) De hac infra Tract. 9. Dist. 5. n. 117. & 118.
27. *Dividitur in Actionem realem, & personalem.*
28. *Realis, seu Actio in rem, &*
29. *Personalis, seu Actio in personam, quid?*

21. **A**dvertendum, quod Jus varias habeat acceptiones. Quandoque enim Jus accipitur pro facultate aliquid agendi legitime, & inculpate: quomodo dici solet, aliquem uti jure suo, dum id agit, quod licite agere potest. Interdum pro sententia Judicis, ut cap. ult. de Constitut. in 6. ibi: *Extra territorium Jus dicenti impune non paretur.* Aliquando pro ipsa Juris, seu Legum scientia: quo modo Studiosi, qui Jus Civile aut Canonicum audiunt, dicuntur Juri operam dare. Sumitur præterea nomen juris, ut idem sit ac Lex: quo pacto illud dividi solet in Jus naturale & po-

sitivum, in Jus Divinum & humanum, & hoc rursum in Jus Canonicum & civile. (e) Tandem, & quantum ad propositum, Jus accipitur, prout est objectum Justitiæ: de quo loquendo, sit

22. CONCL. I. *Jus est facultas seu potestas legitima, quam quis habet ad aliquam rem obtinendam, vel retinendam, aut ad aliquid faciendum, ita ut ab illius rei obtentione, seu retentione, vel ab illa actione facienda licite impediri non possit.* Ita Mastrius disp. 3. Theol. Moral. num. 2. Sive, ut alii brevius loquuntur, *Jus est facultas utendi re pro libitu citra injuriam alterius.*

23. CONCL. II. Jus taliter acceptum præcipue dividitur in Jus ad rem, & Jus in re. Ita communis; & habetur cap. ult. de Concess. Præbend. in 6. ibi: *In quibus Beneficiis jus non esset questum in re, si e: ad rem.* Porro *Jus ad rem* dicitur, quo ipsa res nondum est affecta seu obligata, sed habetur tantum Jus in ordine ad acquirendam possessionem & dominium illius rei, antequam hæc actu possideatur. Sive, ut alii loquuntur, *Jus ad rem* (quod etiam *Jus personale* vocatur) illud est, quod non tribuit actionem in rem ipsam, sed tantum in personam, se ab illius rei consecutione impediens. Et tale Jus est, quod alicui competit per donationem, emptionem, aliosque hujusmodi contractus erga rem sibi donatam, venditam &c. antequam illius rei traditio sibi fiat: si enim res illa alteri vendatur, ac re ipsa tradatur, manebit ipsi, nec poteris tu eam vendicare, aut in judicio repetere, quia res illa nondum erat tua facta ante actualem traditionem, sed tantum habes actionem personalem in eum, qui te fraudavit. Tale etiam Jus ad rem est illud, quod quis consequitur per electionem, postulationem, aut præsentationem ad Beneficium Ecclesiasticum; item per institutionem in hæredem ante aditionem hæreditatis, & hujusmodi.

24. *Jus in re* contra dicitur illud, quod rem ipsam sibi devinctam & obligatam habet: sive, quod habetur in re aliqua, cujus possessio & dominium actu jam cuipiam est comparatum. Aut magis juridice loquendo, *Jus in re* dicitur illud, quod tribuit actionem in rem ipsam, seu actionem realem, quæ dicitur *Rei vindictio*, sive (ut alii loquuntur) *Rei vindicatio*, de qua mox plura. Et tale Jus in re est illud, quod habetur per emptionem, & alios contractus, secuta rei traditione; item quod acquiritur in Beneficio Ecclesiastico per actualem ejus collationem, sive investituram; ac hujusmodi.

25. Est notabile discrimen inter Jus in re, & Jus ad rem. Siquidem Jus in re ita facit rem propriam illius, qui habet tale Jus respectu ipsius rei, ut, in quocumque loco hæc sit, & ad cujuscumque manus deveniat, is habeat facultatem, ubicumque eam repererit, recipiendi, & a quocumque repetendi, & quisquis eam receperit, ex Justitia teneatur ipsam restituere. Sic v. g. si equus Petri fuit furto ablatum, poterit eum Petrus repetere, ubicumque invenerit, non obstante, quod alius equum bona fide emerit: quia talis equus est Petro obstrictus, & ipse respectu hujus equi habet Jus in re; omnis autem res transit cum suo onere, quo est affecta. Cæterum Jus ad rem non tribuit hujusmodi facultatem in rem ipsam, sed titulum

dumq

dumtaxat justum, & Jus aliquod inchoatum ad acquirendum illius rei dominium. Ex quo fit, quod, si quis impediatur a consecutione talis rei, respectu cujus sibi competit Jus ad rem, non possit rem ipsam vindicare, atque in judicio repetere, sed dumtaxat actionem personalem instituere adversus eum, qui ipsum injuste impedit, vel impedit ab illius rei consecutione. Hoc ut melius intelligatur,

26. Quæres, quid sit actio generatim, simulque Actio realis, & personalis? Resp. I. Actio generatim aliud non est, quam Jus persequendi in judicio, quod sibi debetur. Ita habetur §. 1. Instit. de Actionibus, estque communis. Dicitur, in judicio: Quia nemo sibi ipsi Jus dicere potest, neque quod sibi debetur, privata occupare auctoritate, cum idcirco constituti sint Magistratus: dummodo excipiat casus, in quo locus est occultæ compensationi (d) aut quando est periculum in mora, prout a fure in furto deprehensio quilibet repetere potest rem furtivam.

27. Resp. II. Actio ut sic recte dividitur in Actionem realem, & personalem. Ita communis: & habetur clare §. Omnium, Instit. de Action. ibi: Omnium autem actionum summa diviso in duo genera deducitur: aut enim in rem sunt, aut in personam. Nam agit unusquisque aut cum eo, qui ei obligatus est, vel ex contractu, vel ex maleficio: quo casu prodita sunt actiones in personam, per quas intendit, adversarium ei dare, aut facere oportere, & aliis quibusdam modis. Aut cum eo agit, qui nullo jure ei obligatus est, movet tamen ei de aliqua re controversiam: quo casu prodita actiones in rem sunt; veluti si rem corporalem possideas quis, quam Titius suam esse affirmet, possessor autem dominum ejus se esse dicat; nam si Titius suam esse intendat, in rem actio est. Hæc ibi. Et sciendum, quod actiones in rem alio nomine in Jure appellantur Vendicationes; & Actiones in personam, dicantur Conditiones, ut habetur §. Appellamus, Instit. de Actionibus.

28. Resp. III. Actio realis (quæ & Actio in rem appellatur) ea est quæ adhæret rei ipsamque insequitur; adeo, ut in cujuscumque possessionem res nobis obligata devenerit, ab eodem reposci, & vendicari possit; & si probaverimus, rem esse nostram, etiam in Judicio necesse habeat possessor eam nobis restituere. Ita habetur tum cit. §. Omnium, Instit. de Action. tum l. Officium, ff. de Rei vendicatione, estque communis. Porro, ut dictum, hujusmodi Actio in rem appellatur etiam Rei vendicatio: nam Vendicare rem, sive (ut Moderni passim loquuntur) Vindicare, idem est, ac rem sibi appropriare, & dicere esse suam, & per hoc intendere, ut sententia judiciali res illa declaratur esse sua, ejusque dominium sibi applicetur.

29. Actio personalis, seu Actio in personam, est illa, quæ proxime tendit in personam nobis obligatam ex contractu aliquo, vel delicto. Et dicitur personalis: quia quamvis hæc actio sit in ordine ad aliquid recuperandum ab adversario, quod tibi fieri vel dari ab eo petis; nihilominus actio illa ita coheret personæ, ut ipsa contra alium, qui rem illam forte detinet, institui non possit. Sic v. g. si mutua dedisti Cajo centum florenos, quos ille Titio donavit, & tradidit, in hoc casu a-

ctio dumtaxat personalis contra Cajum, nulla vero contra Titium tibi competit.

### DISTINCTIO III.

De Speciebus Juris in re.

#### QUÆSTIO I.

Quid, & quatuorplex sit Dominium?

#### SUMMARIUM.

1. Juris in re species, quæ?
2. Dominium communissime, quid?  
Dominium Divinum, & humanum.
3. Dominium humanum aliud jurisdictionis, aliud proprietatis.
4. Dominium proprietatis perfectum, &  
5. Imperfectum.  
Hoc subdividitur in Dominium directum, & Dominium utile.
6. Alia de Dominio remissive.

1. Juris in re variaz sunt species, quarum aliqua rem ipsam, alia usum rei respiciunt. Et quidem prioris generis est Dominium, quo quis de re sua potest facere, quod vult, dando, vendendo, commutando, &c. & si impediatur, potest in Judicio experiri, prout num. 4. declarabitur. Accedit Possessio, quæ (si est justa, simulque pacifica) Dominio addit, quod in tali jure non impediatur. Et tandem Proprietas, quæ insuper dicit, quod quis in tali jure parem non habeat. Posterioris generis, sive Juris in usu rei, duæ sunt species, videlicet Ususfructus, & Usus juris: de quibus in progressu breviter. Incipiendo igitur a Dominio, ejusque divisionibus, sit

2. CONCL. I. Dominium communissime sumptum aliud non est, quam facultas disponendi de re tamquam sibi subiecta. Sic quippe juxta communem apprehensionem Dominium habere censetur, qui aliquid habet, de quo jure proprio, seu citra alterius ordinationem, disponere pro nutu possit; quod idcirco dicitur esse suum. Atque in hac tam generali acceptione illud cumprimis subdividitur in Dominium Divinum; quale competit Deo per essentiam in omnes creaturas: & in Dominium humanum, quod convenit homini per participationem, seu potestatem, sibi a Deo collatam in alias creaturas; juxta illud Gen. 2. Crescite, & multiplicamini, & replete terram, & subjugate eam, & dominamini piscibus maris, & volatilibus cæli, & universis animantibus, quæ moventur super terram. Et de hoc Dominio humano, quod & Politicum appellant, agitur in proposito.

3. CONCL. II. Dominium humanum, seu politicum, aliud est Dominium jurisdictionis, & aliud Dominium proprietatis; quorum quodlibet denuo subdividitur. Ita communis, & patet inductione. Et quidem Dominium jurisdictionis, est potestas gubernandi suos subditos, id est, illis aliquid præcipiendi, vel prohibendi, ac illos judicandi, puniendi, vel præniandi; hi quinque enim sunt actus gubernandi. Porro Dominium jurisdictionis subdividitur in seculare; quale est in Imperatoribus, Regibus, Ducibus, &c. respectu populorum sibi subditorum in negotiis secularibus; & in Ecclesiasticum, quale est in Summo

C c

Por-

Pontifice, Episcopis, aliisque Prælati Ecclesiasticis, qui habent subditos in spiritualibus. *Dominium proprietatis* econtra est Jus disponendi de re sua pro libitu, nisi lege prohibeatur, de quo potissimum loquimur.

\* Ante ulteriorem tamen &c. Vide Addit. (F)

4. CONCL. III. *Dominium proprietatis* aliud est perfectum, aliud imperfectum. Ita rursus communis. *Dominium proprietatis perfectum* (quod & *plenum* dicitur) communiter solet definiri, dicendo: *Dominium est jus perfecte disponendi de re corporali, nisi lege prohibeatur.* Dicitur *jus*: quæ particula stat loco generis. Dicitur, *perfecte disponendi de re*: quæ particula stat loco differentie, simulque denotat, hic definiri *Dominium perfectum* seu plenum, virtute cujus potest quis perfecte disponere de re sua, eaque uti pro suo arbitratu, ipsam vel servando, vel vendendo, donando, commutando, vel etiam destruendo, *nisi lege prohibeatur.* Et hoc ultimum idcirco additur: quia, licet *Dominium* ex natura sua tale sit, ut tribuat potestatem disponendi de re sua pro libitu, tamen interdum lege prohibente fit, ut hæc potestas non possit exire in actum. Sic papillus prohibetur alienare rem suam, cum tamen sit verus dominus: similiter quandoque lege prohibente non licet vendere res suas externis Nationibus, eo quod sit prohibita talium mercium extractio e Provincia; quibus similia contingunt passim in aliis casibus.

5. *Dominium proprietatis imperfectum* (cui pariter convenit proxime data Domini definitio, dummodo in eo omittatur *perfecte*) vel habeat tantum proprietatem rei absque emolumentis seu fructibus, vel econtra emolumentum absque proprietate: & juxta hoc subdividitur in directum, ac utile. *Dominium directum* continet solam rei proprietatem: unde habens hujusmodi *Dominium* dici solet *Proprietarius*, id est, habens talis rei proprietatem. Et tale *Dominium directum* habet Princeps in Feudis, Dominus in prædio ad Emphyteusin dato, & omnis ille, qui dicitur dominus cujuscumque rei, cujus *Ususfructus* alteri concessus est. *Dominium utile* dumtaxat continet solam rei utilitatem, seu emolumentum: & tale est, quod habet Feudatarius, Emphyteuta, *Ususfructuarius*, &c. respectu illius rei, quam ab alio accepit in Feudum, Emphyteusin, vel cujus habet *Ususfructum*.

6. Cæterum de *Dominio* hætenus explicato, & quibus competat, quibusque modis acquiratur, plures occurrunt difficultates; de quibus in sequentibus Distinctionibus dicetur, postquam in præsentem cæterarum specierum Juris natura fuerit explicata.

\* Ante ulteriorem tamen cæterarum specierum explicationem adhuc prænotatum velim circa *Dominium Jurisdictionis* temporalis, quod eadem gaudentes inter alia a subditis etiam præstant certam servitia, seu operas rusticas, vulgo in nostra Patria *Scharverck* vocatas, de quibus fufissime per plures articulos Illustriss. D. Schmid in *Comment. ad Statuta Bavaria Tit. 22.* tractat, sapienter advertendo, quod sapius contra justitiam in iisdem contingat abusus, dum prætendunt a sub-

ditis tales operas ad quæstus, & magna exinde captanda lucra, dum tamen intuitu Jurisdictionis bassæ præcise debentur ad necessitatem corporalem, & domesticam Dominorum Jurisdictionalium sublevandam: Item dum Domini Jurisdictionales opera hæc Rusticorum non indigentes extorquent ab invitis per varias fraudes, vel metu injuste incusso multas loco earum pecunias; cum tamen operæ sint in obligatione, non ipsa pecunia, aliud autem pro alio invito debitore peti nequeat. *L. 2. ff. si cert. pet.* Item dum prædictas operas subditorum, quibus ipsimet Domini Jurisdictionales revera non indigent, aliis Dominis pro pecunia concedunt; cum tamen ordinarie hæc sint servitia obsequialia, & personalia, quæ aliis locari, aut delegari nequeunt. *L. 26. §. 12. ff. de conditione indebiti.* Unde pro praxi, si similia proponunt tales Domini in Confessionali Consilii causa &c. Tu mi Confessarie bene observa, ne decipiaris admittendo hæc in præjudicium subditorum, quæ a parte rei non sunt licita. Potius, nisi in Jure etiam patrio sis versatus, mitte similes ad Jurisperitos doctos, & conscientiosos, qui præter Jura simul attendentes ad conventiones, & pacta, Dominos inter & subditos inita, melius eosdem instruere poterunt, quænam operæ, ac qualiter subditis a Dominis Jurisdictionalibus imponi citra peccatum injustitiæ valeant.\*

## QUÆSTIO II.

Quid sit *Ususfructus*?

### SUMMARIUM.

7. *Ususfructus*, quid?  
*Jus utendi, & Jus fruendi, quomodo differant?*
8. *Fructus rei*, quid?
9. *Ususfructuarius*, quid?
10. *Ususfructuarius* ad quid teneatur?
11. *Tenetur recte colere rem Ususfructuariam.*  
*Et in ea modicas expensas facere.*

7. CONCL. I. *Ususfructus* recte definitur, dicendo: *Ususfructus est jus alienis rebus utendi, fruendi, salva rerum substantia.* Ita habetur *L. 1. ff. de Ususfructu, & §. 1. Instit. eod.* estque communis. Et quidem in hac definitione *utendi*, stat loco generis; reliqua ponuntur loco differentie. Dicitur deinde, *utendi*; & mox additur *fruendi*, id est, percipiendi fructus rei; ut indicetur effectus illius juris, quod tribuitur cuipiam per *Ususfructum*, qui est legitima potestas utendi re aliena, salva tamen ejus substantia. Tum quia *Jus utendi*, & *Jus fruendi* re aliena, valde differunt; nam is, qui habet solum *Jus utendi* re aliqua, gaudet nudo dumtaxat usu illius, ita ut, quamvis possit re illa uti pro suis necessitatibus, ex ea tamen fructus non percipiat. Sic, qui habet *Jus utendi* equa alterius, potest quidem ea uti ad suas necessitates; fructus tamen ejus, id est, equæ partus non erit suus, sed domini proprietarii equæ. Econtra *Jus fruendi* tribuit cuipiam hujusmodi jus, seu potestatem percipiendi fructus rei alienæ: quale *Jus utendi* & *fruendi* simul importat *Ususfructus*, ut ex ipso nomine patet; ac proinde *Ususfructus* est pinguior usu Juris.

g. Por-



8. Porro *fructus rei* dicitur, quidquid salva rei substantia ex re illa est perceptibile. Sic censetur esse fructus in grege ovium, aliorumque animalium, lac, lana, foetus; in fundo fœnum, segetes, fructus arborum, virgulta, arboresque cædæ; ita ut succidi possint (non vero fructificæ) lapides in lapidinis; in domo locatio, & his similia: prout habetur *L. 10. & seq. de Usufructu*.

9. Dicitur ulterius in definitione *Usufructus, re aliena*: Ut excludatur jus utendi & fruendi, quod quisque habet in re sua, cujus plenum obtinet Dominium: quia talis non dicitur *Usufructuarius*, non obstante, quod utatur re illa, ejusque fructus percipiat; sed dicitur Dominus illius rei, quod est quid majus. Tandem additur, *salva rei substantia*; quia *Usufructuarius* (id est, ille, qui habet *Usumfructum* rei alienæ) tenetur rem illam, ex qua fructus percipit, integram Proprietario servare.

10. Quæres, ad quid teneatur *Usufructuarius*? Respond. *Usufructuario* in primis incumbitolvere impensas, quæ ratione fructuum percipiendorum fieri debent. Tenetur insuper *Usufructuarius* ad præstandas collectas, tributa, & similes præstationes reales, quæ pro re fructuaria debentur, prout habetur decisum *l. Hallenus, ff. de Usufructu*. Nam *Qui sentit onus, sentire debet commodum, & e contra*; juxta Regulam 50. Juris in 6.

11. Tenetur rursùm *Usufructuarius* rem illam, cujus habet *Usumfructum*, recte colere, eaque quali bonus paterfamilias uti; prout liquet ex ipsa definitione *Usufructus*, dum dicitur esse jus utendi, & fruendi *salva rei substantia*. Hinc inferunt Doctores, idque desumunt ex *cit. l. Hallenus, ff. eod.* quod, qui habet *Usumfructum* fundi, teneatur in locum arborum demortuarum novas subserere, juxta arbitrium boni viri; & qui habet *Usumfructum* ædium, teneatur saltem modicas expensas facere ad facta tecta conservanda. Dicitur, *modicas expensas*: nam magnas non tenetur ipsemet *Usufructuarius*, sed Proprietarius rei, nisi forsan aliter inter eos conventum fuerit. Omittuntur nonnulla alia, obligationem *Usufructuarii*, ipsumque *Usumfructum* concernentia, cum sit materia magis Juridica, & plurimum pendeat ex particularibus pactis, & conventionibus, cum Domino proprietario initis.

### QUÆSTIO III.

De Usu juris, & variis ipsum concernentibus.

#### SUMMARIUM.

12. *Usus facti, & Usus juris.*
13. *Usus juris, quid?*
14. *Ex quomodo differat ab Usufructu?*
15. *Usuario qua jura competant, nec ne?*
16. *Habenti Usum domus quid liceat?*
17. *Minus juris est in Usu, quam Usufructu.*

12. **A**Dvertendum, quod *Usus* dupliciter sumi possit. I. Pro ipso actu utendi re alterius, sive pro actuali usu licito rei alienæ; & dici solet *Usus facti*, seu *nudus Usus rei*: qualis est actualis equitatio ex permissione proprii Domini facta in equo alieno, vel actualis inhabitatio domus alienæ, & hujusmodi. II. Accipitur *Usus*

pro ipso jure utendi re aliena, v. g. pro jure illo, quod quis ratione prævia solutionis habet equitandi tali equo, vel inhabitandi domum alienam; & vocari solet *Usus juris*: de quo loquendo, sit

13. CONCL. I. *Usus juris* recte solet definiri, dicendo: *Usus* est jus utendi tantum re aliena, salva ejus substantia: Ita Doctores communiter. Dicitur, *jus utendi*: quia hic definitur *Usus juris*, non autem *Usus facti* tantum; de hoc enim, cum nihil juris præbeat utentibus, minus solliciti fuerunt Doctores. Ejus tamen mentio fit *c. Exiit, §. Nec quisquam, de verb. sig. in 6.* ubi Pontifex sic loquitur: *Qui, inquam, usus non juris, sed facti tamummodo nomen habens, quod facti est tantum, in utendo præbet utentibus, nihil juris.*

14. Dicitur ulterius, *utendi tantum*. Per quam particulam *Usus juris* differt ab *Usufructu*, cum quo in cæteris particulis omnino convenit: siquidem minus juris est in *Usu*, quam in *Usufructu*; & cui *Usus* alicujus rei competit, vel in testamento relictus est, uti quidem ea re potest, frui vero non potest.

15. Infertur proinde, quod *Usuarius*, id est, is, cui *Usus* alienæ rei, v. g. horti, est concessus, possit quidem in ipso horto deambulare, ac poma, olera, & reliqua, quæ ibi nascuntur, ad suum suæque familiæ, & hospitum victum accipere, *l. plenum, ff. de Usu & habitatione*. non possit tamen omnes fructus recipere, eosque suo arbitratu vendere, seu alienare; sicuti posset, si haberet *Usumfructum* horti. Item, si cui testamento legetur *Usus* jumentorum, vel gregis ovium aut vaccarum, non potest percipere pecorum foetus, vel lanam (hæc enim in fructu magis, quam in *Usu* numerantur) neque lac, nisi in modica quantitate, & quatenus ad victum quotidianam opus est: potest autem bobus, vel jumentis uti ad arandum, ad agrum stercoreandum, & ad omne aliud ministerium, ad quod boves apti sunt; prout expresse habetur decisum *cit. l. Plenum, ff. de Usu & habit.* & §. 1. *Instit. eod.* cum concordantiis.

16. Similiter, cui *Usus* domus, seu inhabitatio ejus relicta fuit in testamento, aut aliunde competit de jure, potest quidem non solum in propria persona, sed etiam cum sua familia in ipsa habitare, imo & inquilinum secum recipere, aut aliquos hospites: non tamen potest domum alteri locare, neque inhabitationem ejus alicui concedere sine se, neque *Usum* hujusmodi vendere: prout similiter decisum habetur *l. Cui usus, & seqq. ff. de Usu & habitatione*.

17. Ex quibus patet, minus esse juris in *Usu*, quam in *Usufructu*: nam prædicta omnia (dempta venditione *Usufructus*) competunt *Usufructuario*, non autem *Usuario* tantum. Cæterum illis ipsis modis, quibus *Usufructus* constituitur, vel finitur, etiam nudus *Usus* constitui, atque definire solet, *cit. §. 1. Instit. de Usu & habitatione*, de quibus plura Juris Consulti.



## QUÆSTIO IV.

Quid, & quotuplex sit Possessio, & quæ ejus privilegia?

## SUMMARIUM.

18. *Possessio, unde sic dicta?*  
*Varie accipitur.*
19. *Ejus divisio.*
20. *Possessio facti, seu naturalis tantum, & Possessor bona, & mala fidei.*
21. *Possessio juris & facti simul, quid?*
22. *Possessionis definitio explicatur.*  
*Res incorporales proprie non possidentur.*  
*Res corporales, & incorporales, quæ?*
23. *Depositarius non possidet, cur?*
24. *Possessionis privilegia plura.*
25. *Enumerantur precipua.*  
(a) Dist. 6. n. 5. & seqq.
26. *Possessor, si spoliatur, ante omnia restitui debet.*  
*Possessor invasus potest vim vi repellere.*

18. **P**ossessio sic dicitur a pedibus, & sonat idem quali *pedum positio*, prout notatur l. 1. ff. de *acquirenda vel amitt. poss.* nam per pedum positionem super bona immobilia, utputa super agrum, vel domum, solet acquiri Possessio. Tribuitur autem hoc nomen interdum ipsis rebus possessis; ut *Psalm. 77. Tradidit possessionem eorum igni.* Et *Matth. 19. Erat enim habens multas possessiones*, & alibi. Verum hoc loco Possessio accipitur pro actu, vel jure possidendi, a quo denominatur quis possessor. Et notanter sub disjunctione dictum est, *pro actu, vel jure possidendi*: hæc enim duo non sunt idem, & quamvis possint insimul conjungi (ut fit in Possessione juris & facti simul) adhuc tamen ab invicem separari valent, prout accidit in Possessione facti tantum. Hinc sit

19. **CONCL. I.** Possessio ut sic dividitur in Possessionem juris tantum, facti tantum, & in possessionem juris & facti insimul. Ita in re communis; & patet inductione. Siquidem *Possessio juris tantum* (quæ alio nomine appellatur *Possessio civilis*) est ipsummet jus possidendi rem, solo animo retentum: & habetur, quando quis rem suam ipso facto non amplius possidet, nihilominus de jure, sed solo animo, ejus possessionem retinet, & continuat. Hoc modo civiliter, seu de jure possidet, qui abest quidem a rebus suis, adhuc autem animo eas possidet, seu occupat, eo quod non discesserit inde animo relinquendæ possessionis, sed postea reversurus.

20. *Possessio facti tantum* (quam & *naturalem tantum* appellant) est solus actus possidendi sine jure: & talem dumtaxat possessionem habet possessor rei alienæ, eo quod jure possidendi sit destitutus. Ubi simul advertendum, quod si possessor rei alienæ possideat eam ut suam bona fide (id est, si ipse habeatur pro domino, ac ipsemet bona fide credat, se esse dominum hujus rei, revera tamen non sit, sed ad alium pertineat rei illius dominium) tunc dicatur is *Possessor bona fidei*, atque ejusmodi rem bona fide possidere. Si quis vero rem alienam mala fide possideat, bene sciens, eam rem non esse suam; prout fur possidet rem furtivam, dicitur is *Possessor mala fidei*.

21. Tandem *Possessio juris & facti simul* (quæ etiam *civilis & naturalis simul* est) vocatur ea, quæ includit simul utrumque, id est, tam jus, quam actum possidendi. Et talis Possessio competit cuilibet domino, rem suam per corporalem insistentiam possidenti; id est, qui in re, quam de jure possidet, vel in aliqua parte ejus præsens existit, aut saltem res possessa est in conspectu ejus, ut ipsam videat, vel partem ejus: nam quodlibet horum sufficit ad possessionem facti seu naturalem continuandam, sive dein tale quid fiat per se, sive per alium suo nomine. Et de hac loquendo, ulterius sit

22. **CONCL. II.** *Possessio* est rei corporalis detentio, corporis, & animi, & juris adminiculo. Ita Glossa communiter recepta l. 1. ff. de *acquirenda vel amitt. poss.* Dicitur, *detentio rei*: quia ad hoc, ut quis rem actu possideat, necesse est, eam aliquo modo detinere, seu occupare, vel per se, vel per alium, qui suo nomine eam detinet: hoc enim essentialiter requiritur ad possessionem juris & facti simul, de qua procedit data definitio. Et additur, *rei corporalis*: nam res incorporales proprie non possidentur, sed dicuntur quasi possideri, arg. c. *Cum Ecclesia, de causa Poss.* Ubi Pontifex possessionem juris spiritualis eligendi, appellat *quasi possessionem*, juncta l. *Sequitur, §. Si viam, ff. de Usucap.* Porro *Res corporales* sunt ex, quæ ex sui natura tangi possunt: veluti ager, vestis, equus, aurum, & hujusmodi. *Res incorporales* vero, quæ tangi non possunt; ut sunt ea, quæ consistunt in jure, v.g. jus eligendi, jus patronatus, jus ad hæreditatem, *Ulusfructus*, & alia hujusmodi jura.

23. Dicitur ulterius, *corporis, & animi adminiculo*. Quia ad Possessionem unum sine altero non sufficit, sed requiritur, ut quis rem corporaliter apprehendat, seu detineat; simulque ut eam detineat tamquam suam, sicque animo possidendi, & non solum nomine alterius ipsam habeat. Hinc Depositarius (id est, ille, qui rem alterius apud se depositam retinet) non dicitur possidere depositum, quia non detinet illud animo possidendi, ac retinendi sibi. Additur vero, *& juris adminiculo*: quæ particula sonat idem, ac *jure non refragante*, sive, ut habeatur possessio illa non contra jus & fas; nam data definitio convenit Possessionem juris & facti simul. Et per hoc excluditur Possessio manifeste injusta, qua v.g. fur, aut alius rei alienæ invasor, possidet rem alienam: siquidem talis non habet possessionem juris & facti simul, quia non detinet rem illam juris adminiculo, sed contra jus & fas; quamvis habeat possessionem facti, seu naturalem.

24. Quæres, quidnam privilegii conferat Possessio? Resp. Plura sane privilegia, & commoda afferre Possessionem: adeo quidem, ut, quando a duabus partibus litigantibus de proprietate alicujus rei controversia coram Judice agitur, plerumque, & ferme semper, existat ingens contentio de ipsa Possessione; uti notatur §. *Retinenda, Instit. de Interdictis*.

25. Et primo quidem in tali casu, si videlicet oboriatur controversia inter quosdam de rei proprietate, sive dominio, & adhibita diligenti inquisitione maneat adhuc dubium, cujusnam res ille sit:

fit: tunc melior est conditio possidentis, & ipsi adjudicabitur causa, juxta *Reg. 65. Juris in 6. In pari delicto, vel causa, potior est conditio possidentis.* Deinde Possessio parit in judicio præsumptionem domini: unde in prædicto casu possessor non tenetur probare, rem esse suam, sed alter, qui eam repetit; & quidem, si hic non satis probaverit, rem esse suam, nihil obtinebit, sed alter remanebit in possessione, etiam si revera res ejus non sit; prout expresse habetur *cit. §. Retinenda, Institut. de Interdictis.* Ulterius Possessio, si sit bonæ fidei, suo tempore parit præscriptionem; id est, facit, ut res, quæ prius revera non erat tua, elapso tempore a Jure definito fiat tua, ita ut non amplius tenearis eam domino, postea primum ipsam repetenti, restituere; de quo plura inferius (a) agendo de Præscriptione.

26. His accedit, quod, si Possessor privata alicujus violentia de possessione rerum suarum exturbetur, aut ea clam spoliatur, ante omnia debeat fieri restitutio spoliati; non obstante, quod occupator alleget titulum, velitque probare, rem illam esse suam. Generaliter enim restitutio spoliati ante omnia fieri debet, *cap. In litteris, & seqq. de Restitut. spoliatis.* Nec potest cogi spoliatus (dummodo probaverit, se per adversarium violentem, aut clam, possessionem rei suæ spoliatum fuisse) ad alios causæ articulos respondere, donec sibi restitutio spoliati facta sit: & tunc primum pars adversa, si quidpiam proponere voluerit, audiri debet, *arg. c. 1. & c. Conquerente, eod. cum concordantiis.* Tandem Possessor ab altero invalus potest vim vi repellere, remque suam defendere, etiam armis, si ita opus fuerit: aut jam expulsus, possessionem suam repetere, dummodo id statim sive incontinenti fiat, *c. Olim de Restitut. spoliatorum, & l. Idem est ff. de Vi, & vi armata.*

#### DISTINCTIO IV.

De objecto, & subiecto capaci Domini.

#### QUÆSTIO I.

Quanam cadant sub objectum Domini?

#### SUMMARIUM.

1. De cujus Dominio hic agatur?
2. Sub Dominium hominis cadunt res inferiores corporeæ.  
Et quid de superioribus?
3. Unus homo potest cadere sub Dominium alterius, quomodo?
4. Homo non habet dominium vite suæ.
5. Solvitur instantia.  
(b) De hoc amplius Tract. 9. Distinct. 3. num. 10. & seqq.
6. Dans nomen militia non vendit vitam suam.
7. Homo est dominus propriæ famæ.
8. Non tamen sine causa potest tantum bonum prodigere.

1. **N**on est sermo in proposito de Dominio Dei, quod esse supremum atque perfectissimum in omnes creaturas, de fide est. Neque agitur hic de Dominio Angelorum, sed dumtaxat de Dominio hominis, investigando, quanam cadant sub perfectum Dominium hominis, id est,

quanam sint illæ res, in quas homo potest habere Dominium perfectum.

2. **CONCL. I.** Omnes res corporeæ inferiores, utputa agri, montes, flumina, plantæ, bestię, metalla, &c. cadunt sub Dominium hominis. Ita communis; & patet ex illo *Gen. cap. 1. Crescite, & multiplicamini, & replete terram, & subjicite eam, & dominamini piscibus maris, & volatilibus cæli, & universis animantibus, que moventur super terram, & alibi.* Dicitur notanter, *res corporeæ inferiores, &c.* Siquidem rerum superiorum, quales sunt Angeli, & corpora cælestia, homo non dicitur proprie habere Dominium; bene tamen quorundam effectuum ab ipsis profectorum, ut luminis, caloris, &c. nam hinc certa jura proveniunt, utputa jus prospectus, & hujusmodi, quæ alio nomine appellantur *Servitutes*, de quibus Jurisperiti.

3. **CONCL. II.** Potest unus homo cadere sub Dominium alterius, & hic in ipsum habere non solum Dominium jurisdictionis, sed aliquo modo etiam proprietatis. Ita rursus communis. Prima Pars de Dominio jurisdictionis est clara: sic enim Pater in filium, Dominus in servos, Rex, aut Imperator in subditos suos habet Dominium jurisdictionis. Altera pars, quod etiam aliquo modo unus homo habeat Dominium proprietatis in alium, patet in mancipiis, seu servis propriè dictis, quorum olim frequens erat usus, & poterant a dominis ad libitum vendi. Additur tamen, *aliquo modo*: quia dominus non habet tale Dominium in servum, seu mancipium propriè dictum, ut possit ipsum pro libitu & absque ulla causa occidere, sicut potest jumentum suum interficere; nam hoc est contra illud Præceptum Decalogi, lumine naturæ notum, *Non occides.*

4. **CONCL. III.** Homo non habet Dominium vite suæ, sed istud penes solum Deum remanet: unde homo est quidem procurator, custos, & quasi usufructuarius vite suæ, non autem dominus. Patet hoc ex illo *Sapientia 16. Tu es Dominus, qui vite & mortis habes potestatem.* Accedit ratio: quia alioquin, si homo esset dominus vite suæ, posset licite se privare vita, ac seipsum interficere: hoc autem est falsum & contra citatum illud, *Non occides*; ergo. Cæterum licet homo non sit dominus vite suæ, est tamen ejusdem procurator, & custos, atque usufructuarius, ita ut habeat jus ea fruendi, eamque defendendi contra injustos invalores, ac vim vi repellendi: atque idcirco, qui privata auctoritate, ac sine justa causa aufert vitam proximo, vel eam aliqua ratione violat & diminuit, facit ipsi injuriam.

5. Si dicas: Potest homo licite uti vita sua cum periculo mortis, v. g. assistendo pestiferis cum periculo contagionis, vel occurrendo hostibus primo loco in acie belli; ergo habet dominium vite suæ. Resp. Negando consequentiam: quamvis enim homo in quibusdam casibus habeat facultatem utendi vita sua cum probabili periculo mortis, non tamen habet potestatem, ut vitam directe ac per se possit destruere, sed solum per accidens & indirecte, quatenus justa de causa potest quidpiam agere, cui videt annexum esse periculum vite suæ. (b) Dominium autem includit fa-

cultatem utendi re quapiam pro libitu, per se quoque ac directe ejus substantiam destruendo, si placuerit.

6. Quod si urgeas: Potest homo vitam suam alteri vendere, prout fit, dum quis dat nomen militiæ: ergo. Resp. Negando allumptum: falsissimum quippe est, eos, qui dant nomen militiæ, vendere vitam suam pro pretio ipsis tunc soluto; cum solummodo vendant ministerium, seipso paratos offerendo ad sustinendos quoscumque labores atque onera militiæ, etiam cum vitæ periculo, imo, si opus fuerit, usque ad effusionem sanguinis.

7. CONCL. IV. Homo vere quidem est dominus propriæ famæ, & honoris; adhuc tamen sine causa tantum bonum prodigere, & licite negligere non potest. Ita D. Thomas 2. 2. q. 73. art. 4. ubi docet, in cujusque arbitrio esse, pati detrimentum suæ famæ, nisi vergat hoc in periculum aliorum, Mastrius disp. 3. Theol. Moral. n. 34. Lessius, & alii. Ratio est: quia homo post vitam a Deo acceptam, comparat sibi primum bonam famam; ergo non est ratio, cur non sit dominus ejus, sicut est aliarum rerum, quas proprio labore acquirit. Et hinc multi Sancti propriam famam, & honorem positive spreverunt, ut per virtutem Humilitatis vitam æternam tutius consequerentur. Sic D. Augustinus scripsit Libros Confessionum, & S. P. N. Franciscus e publico loco suos defectus denunciavit: quod idem in simili factum est ab aliis pluribus Sanctis.

8. Cæterum non esse licitum, sine causa tantum bonum propriæ famæ & honoris prodigere, patet ex illo Ecclesiastici 41. *Curam habe de bono nomine, hoc enim magis permanebit tibi, quam mille thesauri pretiosi & magni.* Unde D. Augustinus lib. de bono viduitatis, cap. 22. & refertur c. Non sunt audiendi 11. q. 3. sic inquit: *Nobis necessaria est vita nostra, aliis fama nostra.* Et idem in Serm. de Communi vita Chricorum, relatus c. Nolo 12. q. 1. ait: *Conscientia necessaria est tibi, fama proximo tuo: qui fidens conscientia sua, negligit famam suam, crudelis est.*

## QUÆSTIO II.

De Peculio Filiifamilias, nec non de Bonis Uxoris.

### SUMMARIUM.

9. Peculium, unde sic dictum?
  10. Peculium Filiifamilias castrense,
  11. Quasi castrense,
  12. Profectitium, &
  13. Adventitium, quid?
  14. Bona dotalia, & paraphernalia uxoris, quæ?
  15. Dotis proprietas manet penes uxorem.
  16. Excepto uno, vel altero casu.
  17. Quid de Bonis paraphernalibus uxoris?
  18. Corollaria.
  19. Quomodo peccet uxor, accipiens ex bonis mariti?
- (c) Tract. 9. Dist. 5. n. 28. & seqq.

9. **P**eculium, ut habetur l. Depositi, ff. de Peculio, dictum est, quasi pusilla pecunia, sive patrimonium pusillum. Et quantum attinet ad primam partem Quæstionis, Peculium Filiifamilias communiter quadruplex assignatur, videlicet castrense, quali castrense, profectitium, & adventitium.

10. *Peculium castrense* dicitur illud, quod Filiifamilias acquirit in castris, non acquiriturus aliunde: & hujusmodi bona, quæ ipse acquirit, dum militat in castris, dicuntur *Bona castrensia*.

11. *Peculium quasi castrense* est, quod Filiifamilias, qui sunt Magistri artium liberalium, Medici, Clerici, vel Advocati, de publico acquirunt: & si quis Filiifamilias habeat talia bona, dicitur is habere *Bona quasi castrensia, seu Peculium quasi castrense*. Porro bona hujusmodi sive quasi castrensia, pleno jure, tam quoad proprietatem, quam quoad usumfructum semper ad filios pertinebunt, & adhuc pertinent; prout fatentur Juristæ, & Theologi unanimiter.

12. *Peculium profectitium* dicitur, quod de rebus paternis proficiscitur, & filius in ipsis negotiando lucratur. Et hoc totum, tam quoad proprietatem, quam quoad usumfructum patri acquiritur; ut habet communis Doctorum.

13. Tandem *Peculium adventitium* dicunt omne illud, quod Filiifamilias advenit ex alia causa, quam ex enumeratis; ut puta quod advenit seu acquiritur ipsi per testamentum ab avo, vel avia, vel aliquo alio factum: aut ex prospera fortuna, vel hujusmodi. Et horum bonorum adventitiorum usumfructum habet pater, quamdiu Filius est sub sua potestate: dominium autem eorum remanet filio. Et per hoc patet ad primam partem Quæstionis de Peculio, sive Dominio Filiorum familias.

\* Dummodo adhuc bene notes distinctionem inter Bona adventitia ordinaria, & extraordinaria seu irregularia; quorum priora sunt, de quibus Paterfamilias usumfructum habet: Posteriora vero, quorum Usufructu is non gaudet: Qualia enumerantur sequentia quinque. I. Quæ donantur Filiifamilias a Principe, vel Augusto, *L. cum multa 7. C. Bonis, qua Liberis*. II. Bona, quæ Filiifamilias relinquuntur, conditione hac expresse adjuncta, ne ad Patrem perveniat Usufructus, *Authent. Exceptis. C. Eodem*. III. Illa, quæ dissentiente Patre consequitur ex successione vel alio iusto titulo, *L. ult. C. Eodem*. IV. Ea, quæ Filiifamilias adipiscitur succedendo una cum Patre, vel Matre in Bona defuncti fratris, aut sororis, *Authent. Idem. C. Eodem*. V. Si Pater sponte renunciat Usufructui sibi a lege permisso, *L. 6. §. 2. C. Eodem*.

14. Quantum attinet ad alteram quæstionis partem, seu ad Bona Uxoris, est notandum, illa esse bona Uxoris dotalia, alia paraphernalia. *Bona dotalia* aliud non sunt, quam dos, quæ ab uxore, vel ab alio ejus nomine, datur Marito ad onera Matrimonii sustinenda, nimirum ad alendam uxorem, liberos, familiam, &c. Hæc enim cura præcipue incumbit marito. *Bona paraphernalia* uxoris econtra dicuntur res illæ, quas uxor præter dotem, quam marito pro oneribus Matrimonii dedit, simul attulit, sibi que reservavit. Hoc prænotato, sit

15. CONCL. I. Quamvis uxori maneat proprietas dotis marito allatæ (excepto uno, vel altero casu) nihilominus plena bonorum dotalium administratio, & usufructus ad maritum attinet; idque tum ad alendam uxorem atque familiam, utpote quæ cura specialiter incumbit marito, tum

ad



ad alia onera matrimonii subeunda. Ita communis, estque clare decisum l. 2. & l. *Dotis fructus*, ff. de *jure dotium*, cum concordantiis. Immo dotis proprietas ita remanet pene uxorem, ut pro ea sint ipsi tacite hypothecata omnia bona mariti, donec sibi dos restituatur, *text. clar. l. In rebus, C. de jure dotium*. Quare soluto matrimonio per mortem viri, praefertur uxor in repetenda dote omnibus aliis personalibus creditoribus, etiam tempore prioribus, & hypothecam habentibus. Quia etiam durante matrimonio, si maritus ad inopiam vergit, ita ut periculum sit, ne dotem aggrediat, & absumat, fas est uxori eam repetere, *arg. cit. l. in rebus, C. eod.* & amplius declarat Laymann l. 3. *tract. 4. cap. 13. n. 7.*

16. Dicitur notanter in Conclusionē, *excepto uno, vel altero casu*: nam duo praecipue dantur casus, in quibus Dominium dotis plene ad maritum transit, sed cum obligatione tantumdem soluto matrimonio restituendi. Primus est, si dos consistat in numerata pecunia, vel aliis rebus usu consumptibilibus, *arg. l. Res in dotem, ff. de jure dotium*. Secundus est, si res dotales usu non consumptibiles, utputa fundus, domus, &c. aestimatae dentur, non quidem eo solo animo, ut sciatur earum valor, si forte deperditae, vel diminutae fuerint culpa mariti, sed ita aestimatae, ut aestimatio faciat venditionem & emptionem: nam tunc maritus acquirit Dominium ipsarum, & summae pecuniariae taxatae velut pretii debitor efficitur, ac (nisi secus conventum fuerit) soluto Matrimonio potest retinere rem, & offerre pecuniam taxatam, *text. clar. l. Quarta, C. de jure dotium*. Est autem inter dotem, quae transit in Dominium mariti, & quae non transit, hoc notabile discrimen, quod in casu, quo dos transit in Dominium mariti, rerum dotalium periculum ad maritum spectet, *arg. cit. l. Res in dotem, ff. eod.* quod alioquin ad uxorem, tamquam dominam earum rerum, pertineret: quia qualibet res domino suo stat aut cadit, melioratur vel perit. Verum de dote plura Jurisperiti.

17. CONCL. II. Quantum est de Jure Caesareo, uxor in Bona paraphernalia non solum proprietatem, sed etiam plenum dominium atque administrationem habet, ita ut maritus ea nolente nequaquam hujusmodi bonis sese immiscere possit; quamvis bonum atque consilium sit mulieri, quae seipsam committit marito, res etiam suas pari arbitrio gubernari. Ita habetur expresse in Jure Civili l. *Hac lege, C. de Pactis conventis*; estque communis. Additur tamen, *quantum est de jure Caesareo*: quia in aliquibus locis, praesertim extra Romanum Imperium existentibus, servantur aliae Leges, non vero Jus commune Caesareum; prout nominatim de Belgio testatur Herinex *disp. 1. de Contractibus, n. 55.*

\* Quinimo Juris Civilis interpretes apud Chlun- genperger L. 2. *Instit. Imperial. Tit. 8. Q. 1. & 2.* faciunt insuper distinctionem inter Bona Paraphernalia, & receptitia ipsius Uxoris. Ajunt enim, ejusdem Bona esse triplicia: nimirum Dotalia, Paraphernalia, & Receptitia. Prima explicata sunt superius. Paraphernalia, quae Uxor iam dotata praeter dotem habet, aut acquirit ex successione parentum, Fratrum, vel aliunde ex

prospera Fortuna. Receptitia, quae Uxor, dum dotem constituit, sibi ad liberum usum expresse reservavit, nec in Mariti potestate esse voluit.

Porro quoad hanc ultimam (inquiunt inmixti Legibus) Maritus ne quidem administrationem habet, nisi ei Uxor specialiter committat. Quoad Paraphernalia autem reputatur saltem tamquam legitimus Administrator, qui fructus equidem non lucratur, potest tamen eos, non quidem in dispendium, bene tamen in suam & Uxoris utilitatem impendere. *L. fin. C. de Pact. Convent.*\*

18. Ex dictis infertur, virum graviter peccare, consumendo, ac dilapidando Bona paraphernalia uxoris sine ejus licentia; utpote cum rem alienam absumat. Quinimo etiam marito committatur Bonorum paraphernalium administratio, adhuc tamen is gravem admittit injustitiam; si praedicta Bona in potationes, Venerem, aliasque prodigas aut turpes alienationes expendit. Gobat *tract. 5. Quinarius cap. 24. num. 4. & seq.*

19. Infertur ulterius: etiam uxorem graviter peccare, & quidem mortaliter, si summam notabilem ex bonis mariti, vel quorum administratio ad ipsum pertinet, eo rationabiliter invito, accipiat: quia accipit illud, cujus dominium, vel certe administratio ad ipsam non pertinet, sed ad maritum, qui exinde tenetur providere familiae. Additur notanter, *summam notabilem*: quia non peccat mortifere, si quantitas judicio prudentis, spectato statu, opibus, aliisque circumstantiis non sit notabilis; immo in hujusmodi furtis major ad peccatum mortale requiritur quantitas, quam in aliis. Verum de hoc, & quando uxor peccet, vel non peccet, surripiendo ex bonis communibus, plura inferius (c) agendo de Furtis;

\* Quat. An etiam Acquisitus numerentur inter Bona uxoris? ante Resp. notandum, acquisitus vocari illa lucra, quae constante matrimonio opera & industria aequali vel quasi aequali utriusque Conjugis acquiruntur; hincque si maritus penicillo, & uxor acu phrygia pingendo lucrum capiant, tale cujuslibet lucrum particulare non computatur inter acquisitus; quoniam non contingit communi industria: adeoque respectu cujuslibet potius numeratur inter sua paraphernalia, H. N.

Respondéo: Acquisitus quoad medietatem merito inter Bona uxoris numerantur, hincque uxori post mortem mariti illa medietas restituenda est, nisi aliter quoad pacta dotalia fuerit conventum, aut particularia adsint statuta, vel consuetudines. Ita Barbosa in *cap. 2. de donat. inter virum & uxorem num. 6.* Gonzalez *ibidem num. 5.* & Guttierrez *lib. 2. Pract. Quest. 118. num. 4.* ac probatur ex ipso *cap. 2. de donat. inter virum & uxorem*, ubi soluto matrimonio cogitur vir restituere dotem, & dividere Bona NB. quae communiter eis obven- runt; adeoque signum est, quod medietas acqui- situm merito inter Bona uxoris numeretur. Praesumuntur autem esse acquisitus illa lucra, tempo- re matrimonii acquisita, quae conjugibus ex com- muni negotiatione, mercatura, aut cauponaria eveniunt, vel etiam, quae ex talibus opificiis, aut actibus obtinentur, quorum lucra ex emptione & venditione rerum a potiori causantur; ubi uxores

æque ac mariti pecuniam recipiunt, atque exinde communem quærent sustentationem, e.g. talia lucra sunt, quæ obtingunt vi suæ artis vel officii Pistoribus, Cereviliariis, Lanionibus, Librariis, Placentarum coctoribus, Unguentariis, Saponariis &c.\*

### QUÆSTIO III.

De Bonis, & Dominio Clericorum Beneficiorum.

#### SUMMARIUM.

20. *Bona Clericorum quadruplicia, nempe*
21. *Bona patrimonialia,*
22. *Bona quasi patrimonialia seu industrialia,*
23. *Bona mere Ecclesiastica, &*
24. *Bona parsimonialia Clericorum.*
25. *Clerici seculares Beneficarii habent plenum dominium bonorum patrimonialium.*
26. *Imo & quasi patrimonialium seu industrialium.*
27. *Corollaria.*
28. *Possunt etiam pro libitu disponere de bonis parsimonialibus.*
29. *Bonorum mere Ecclesiasticorum acquirunt quidem dominium, sed cum onere superflua in pias causas erogandi.*
30. *Quod præcedit de facto.*  
*Divisio bonorum Ecclesiasticorum, quando facta?*
31. *Rationes, probantes dictum dominium Clericorum.*
32. *Rationes ostendentes obligationem erogandi superflua in pias causas.*
33. *Quo jure Beneficarii teneantur superflua in pias causas erogare?*  
*Referuntur diversa sententia.*  
(a) *Tract. 4. Dist. 6. quæst. 4.*
34. *Sententia probabilior.*
35. *Dicta obligatio est personalis Clericorum.*
36. *Corollarium.*
37. *Solvitur instantia.*  
(b) *Dist. 3. n. 4.*
38. *Quantitas sufficiens ad peccatum mortale ratione bonorum Ecclesiasticorum male expensorum, quæ?*
39. *Et quomodo computanda?*
40. *Objectiones notabiles solvuntur.*
41. *Bona Ecclesiastica, quomodo dicantur res Dei?*
42. *Item res seu patrimonialia pauperum?*
43. *Clerici, in quo sensu dicantur Dispensatores &c. bonorum Ecclesia?*
44. *An Clerici testari possint? remissive.*

20. **C**elebris est hæc Quæstio, tractans de Dominio Clericorum Beneficiorum, id est, eorum, qui habent Beneficium Ecclesiasticum, sive curatum, sive non curatum. Pro cuius resolutione notandum, quod Bona Clericorum quadruplicia distingui soleant; videlicet bona patrimonialia, quasi patrimonialia seu industrialia, mere Ecclesiastica, & tandem parsimonialia.

21. *Bona patrimonialia* Clericorum dicuntur ea, quæ Clericis obveniunt hæreditate, donatione, arte, aliave profana causa, qua solent & Laici acquirere.

22. *Bona quasi patrimonialia, seu industrialia,* sunt, quæ a Clericis acquiruntur ex industria spiritali, sive ex extraordinariis functionibus Ecclesiasticis absque Beneficio: veluti celebratione Missarum votivarum, Concionibus, Confessionibus audiendis, Cantu Ecclesiastico, agendo Capellanium, ac hujusmodi. Et recte cum Navarro, *tract. de Reditibus Ecclesiasticis, monit. 19.* Bona quasi patrimonialia Clericorum dicuntur ea omnia, quæ sunt quæsitæ ratione Clericalis Ordinis vel officii, alia ratione, quam juris recipiendi fructus beneficiorum.

\* Atque hinc etiam redditus Stolzæ, id est, illa Bona, quæ Parochis ex Benedictione Nuptiarum, administratione Sacramentorum, ac Sepulturis &c. obveniunt, communior Doctorum modernorum inter bona industrialia seu quasi patrimonialia numerat; quia Clericis curatis non intuitu Beneficii, sed præcise intuitu laboris spiritualis per modum stipendii dantur. Quod idem Covarruvias, Pirhing, Engel, & Thufcus sentiunt ob paritatem rationis (uti credunt) de distributionibus quotidianis; seu illis fructibus, qui dantur Canonicis intuitu cujusdam laboris, nimirum si præsentis in Choro existant. Nihilominus, quoniam distributiones illæ quotidianæ ex ipsis bonis mere Ecclesiasticis communiter desumuntur, easdem adhuc naturam Bonorum mere Ecclesiasticorum retinere, alii existimant, quod saltem intellige, si alii fructus grossi præter distributiones quotidianas non adsint. De quo vide Jus Canonium lib. 3. *Decret. Tit. 25. §. 1. num. 9.* & Vincentium Petra apud Schmalzgruber. lib. 3. *Tit. 4. §. 4. n. 77. & 78.*

23. *Bona mere Ecclesiastica* sunt illa, quæ a Clericis acquiruntur ratione alicujus Beneficii Ecclesiastici, quod habent; qualia bona sunt ea, quæ acquiruntur intuitu Episcopatus, Canonatus, Parochiæ, aut alterius Beneficii Ecclesiastici; uti sunt ordinarii redditus eorum, decimæ, fundationes, fructus agrorum, aliarumque rerum ad Beneficium ipsum seu Ecclesiam pertinentium.

24. *Bona tandem parsimonialia* Clericorum dicuntur ea, quæ Clericus aliquis ex redditibus Ecclesiasticis de congrua sustentatione parcius, quam honeste potuisset, vivendo, sibi subtrahit. His prænotatis, sit

25. **CONCL. I.** Clerici seculares Beneficarii habent plenum dominium bonorum suorum patrimonialium, unde de istis libere donare, aut alio modo disponere possunt, immo etiam testari, seu testamentum facere. Ita communis, & habetur clarissime *cap. Quia nos, & c. Relatum 12. de Testament. ibi: Ceterum quæ Clericis ex hæreditate, vel artificio, aut doctrina proveniunt, distribuuntur pro arbitrio decedentis.* Accedit ratio: quia Clerici seculares nullo modo abdicarunt dominium Bonorum suorum, sicut abdicare solent Religiosi.

26. **CONCL. II.** Etiam de bonis quasi patrimonialibus, seu industrialibus Clerici seculares libere disponere possunt, imo etiam testari. Ita Lessius lib. 2. *cap. 4. num. 37.* Navarrus, Covarruvias, & alii communiter, paucis exceptis. Ratio est;

est: quia ejusmodi bona præstantur a Fidelibus absque ullo onere expresse, vel tacito, dandi superflua pauperibus (quale tamen onus bona Beneficiorum habent annexum) sed dantur eis veluti stipendium suæ sustentationis, & tamquam merces laborum suorum, atque operum personarum spiritualium sibi præstitorum. Unde talia non immerito æquiparantur bonis Clericorum patrimonialibus; Nam *dignus est operarius merces de sua. Luc. c. 10.*

27. Ex dictis infertur cum cit. Lessio, & aliis, quod Clerici non magis ex bonis quasi patrimonialibus teneantur in pios usus expendere, quam ex bonis patrimonialibus: nam amborum habent plenum dominium, ac liberam administrationem. Infertur ulterius, quod, si Clerici de his vivant, vel expendant in pias causas, tantumdem accipere possint de bonis Ecclesiasticis, & de eo disponere ad libitum, sicut de bonis patrimonialibus: quia, cum habeant jus vivendi ex Beneficio Ecclesiastico, non tenentur vivere ex aliis suis bonis; unde, si de his vivant, possunt uti compensatione.

28. CONCL. III. Insuper de bonis patrimonialibus, quæ Clerici de congrua sustentatione, parcius vivendo, sibi ex redditibus, sive bonis Ecclesiasticis subtraxerunt, possunt iidem Clerici pro libitu disponere. Ita Covarruvias *cap. 7. de Testam. n. 9.* Lessius *n. 39.* Engel. *tit. de Testam. n. 7.* & alii satis communiter, contra Abbatem, & nonnullos alios. Ratio est: quia hujusmodi pars fructuum Ecclesiasticorum est justa merces eorum, qui Ecclesie serviunt: hinc redeunt fundamenta prioris Conclusionis. Major difficultas est de cæteris bonis, seu redditibus mere Ecclesiasticis, quæ congruæ sustentationi superfluant; de quibus loquendo, sit

29. CONCL. IV. Clerici Beneficarii acquirunt defacto verum Dominium hujusmodi bonorum Ecclesiasticorum; id tamen habent cum onere, superflua in pauperes, aliasque pias causas erogandi. Ita quoad primam partem probabilior, simulque communis Doctorum, præsertim modernorum, quamvis sit contra Navarrum *tract. de Reditibus, quæst. 1. monit. 21. & seqq.* Sannig. *distinct. 5. de Justis. & jure, quæst. 4.* & multos alios tum Theologos, tum Canonistas, præcipue antiquiores, quos refert Lessius *lib. 2. cap. 4. n. 41.* quique volunt, Clericos non esse Dominos illius portionis superflue, sed solum Oeconomos, & Dispensatores, adeo ut ex justitia teneantur eam erogare in pias causas: & si secus egerint, teneantur ad restitutionem Ecclesie, pauperibus, vel aliis piis causis faciendam ex aliis bonis, quæ pleno jure obtinent, puta ex patrimonialibus, industrialibus, vel parimonialibus. Et hæc quidem sententia non caret sua probabilitate, simulque veluti tutior in præmi merito tenenda.

30. Nihilominus data Conclusio est probabilior, & inter modernos communior: quæ tamen solum procedit de facto, hoc est, pro tempore post divisionem bonorum Ecclesiasticorum, per Summum Pontificem circa annum Domini 470. fa-

ctam. Siquidem tunc crescente multitudine Clericorum, variisque subortis incommodis, datus Pontifex bona Ecclesiastica in quatuor partes divisit, quarum prima tribuebatur Episcopo, secunda Clericis, tertia pauperibus, & quarta fabricis Ecclesiasticis; fuitque isthæc divisio per Gelasium Papam confirmata, ut habetur *de redditibus, & c. Concesso, & c. Quatuor, 12. q. 2.* Porro ante factam ejusmodi divisionem bonorum Ecclesiasticorum (quorum altera parte Clericis attributa, simul fuerunt erecta Beneficia Ecclesiastica) omnes oblationes atque reditus erant bona communia, singulis, prout quisque opus habebat, distribuenda; & vivebant Clerici in communi, sicut modo Religiosi.

31. Probatur nunc prima pars Conclusionis taliter explicata, ex jure Canonico. Nam *cap. un. de Clericis non resident. in 6.* dicitur, quod Clerici, qui extra casus a Jure concessos non intersunt Divinis Officiis, si de distributionibus ipsæ quidquam receperint, rerum sic receptarum dominium non acquirant: ergo supponitur, quod alii Clerici Beneficarii, qui intersunt Divinis Officiis, acquirant dominium suorum reddituum Ecclesiasticorum, atque distributionum quotidianarum; alioqui frustra privarentur non interessentes tali dominio. Deinde Concilium Lateranense sub Leone X. & B. Pius V. in sua constitutione, quæ incipit: *Ex proximo*, (& habetur *tom. 2. Bullar. Romani, Constitut. 135. dicti Pontificis*) statuunt, atque declarant, quod Clerici Beneficarii, pro rata omissionis Horarum Canoniarum, fructus non faciant suos: ergo ceteri recitantes, censentur fructus facere suos: nam argumentum a sensu contrario in jure reputatur fortissimum. Et hoc ipsum clarius ostendit Concilium Trid. *Sess. 24. cap. 12. de Reformat.* ubi vult, quod Clericus, in casu ibidem expresse delinquens, *privetur dimidia parte fructuum, quæ ratione etiam præbende, ac residentie fecit suos.* Ubi ponderandum, quod quos ratione præbende, ac residentie fecit suos. Accedit ratio: quia Clerici seculares Beneficarii defacto capaces sunt domini; ergo, cum tot Jura illud ipsis concedere videantur super redditus Ecclesiasticos, non est hoc eisdem denegandum.

32. Altera pars Conclusionis, quod Clerici tale dominium habeant cum onere, superflua in pauperes aliasque pias causas erogandi, est communis Doctorum sententia; de qua testantur Lessius *loc. cit. num. 47.* Herinex *disp. 4. de Just. & jure, num. 130.* asserens, apud Doctores communiter esse indubitatum, Clericos graviter esse obligatos ad superflua expendenda in pias causas; Lugo *disp. 4. de Justis. & jure, sect. 2. num. 1.* dicens, quod communis est omnium Doctorum sententia, adesse talem obligationem, ac alii. Et hoc desumitur imprimis ex *can. 39. & 75. Apostolorum*; atque ex pluribus textibus Juris Canonici: ut ex *c. Quia tua, 12. q. 1.* ibi: *Omne, quod superest, in causis piis ac religiosis erogandum est, &c.* Et *c. Res Ecclesie, 12. q. 1.* & alibi. Hinc S. Urbanus Papa (atque refertur in Breviario Romano, die Festo ipsius, 25. Maji) de bonis Ecclesie attributis scripsit

his verbis: *Ipsa res Fidelium, qua Domino offeruntur, non debent in alios usus, quam Ecclesiasticos, & Christianorum fratrum, & indigentium converti: quia vota sunt Fidelium, & pretia peccatorum, ac patrimonium pauperum.* Concordat Concilium Trid. Sess. 25. cap. 1. de Reform. ubi *Omni- no eis (Episcopis, aliisque Beneficia habentibus) interdicit, ne ex redditibus Ecclesiasticis consanguineis, familiaresve suos augere studeant: cum & Apostolorum Canones prohibeant, ne res Ecclesiasticas, qua Dei sunt, consanguineis donent, sed si pauperes sint, iis ut pauperibus distribuant.* Ita Friden- tinum.

33. Quo autem Jure hujusmodi obligatio erogandi superflua in pias causas incumbat Beneficiariis, variant Doctores. Et quidem, quotquot cum Navarro negant, Clericos acquirere dominium talium bonorum mere Ecclesiasticorum superfluum, consequenter inferre solent, eos Jure naturali, ac Divino ex motivo virtutis Justitiæ teneri talia in pias causas expendere, ne aliqui alienum rapere, aut male expendere convincerentur. Alii vero, qui tale dominium Clericis admittunt, iterum in diversas abeunt sententias: in primis enim nonnulli volunt cum Laymano lib. 4. tract. 2. cap. 3. n. 3. eos nihilominus ex virtute Justitiæ obligari. Aliqui cum Lessio lib. 2. cap. 4. n. 47. & Soto, arbitrantur, obligationem procedere solum ex præcepto positivo Ecclesiæ, passim in SS. Canonibus inculcato: cui sententiæ favet Herinex loc. cit. n. 135. Quidam cum Fagnano in c. Si quis sane, n. 1. & seqq. de Pecunia Clericor. asserunt, Beneficiarios teneri ex lege Charitatis reddere superfluos in pauperes erogare. Sed hanc sententiam reliqui admittunt dumtaxat in casu, quo adsunt pauperes in extrema, vel gravi necessitate constituti: nam tunc equidem tenentur Clerici (imo & Seculares) eisdem de superfluis subvenire ex præcepto Charitatis, non vero extra talem casum necessitatis, ut alibi (a) dictum.

34. Alii tandem, & quidem probabilius, asserunt cit. Lugone, num. 16. & seqq. dictam obligationem oriri ex virtute Religionis, & qualitate ipsorum bonorum, quæ sunt Res Dei, atque ex primæva Fundatorum intentione, per Ecclesiam ipsumque Beneficiarium in institutione, vel receptione Beneficii Ecclesiastici acceptata, & cultui Divino specialiter deputata, ut proinde non nisi pie & religiose expendi debeant. Ratio est: quia hujusmodi bona sunt specialiter oblata, & destinata ad cultum Divinum, unde & dicuntur *Res Dei, Vota Fidelium*, &c. eaque bona recipiunt Clerici Beneficarii ab Ecclesia sub ista oblatione (hoc est: tamquam *Vota Fidelium, & Res Dei*, &c.) per textus proxime allegatos: ergo hoc ipso tenentur Clerici ex motivo Religionis, ab Ecclesia & Fundatoribus intento, superflua in cultum Divinum, piasque causas expendere; atque aliter expendendo peccabunt contra virtutem Religionis, non minus, ac hæres non adimplens vota realia defuncti. Nam & hujusmodi vota, supposita tamen defuncti voluntate, atque avita hæreditate, obligant hæredem ex virtute Religionis, cujusmodi obligatio est de jure naturali & Divino.

35. Notant tamen Doctores cum Lessio lib. 2.

cap. 19. num. 48. quod hujusmodi obligatio sit personalis Clericorum: hinc alii ab his accipientes, non amplius hoc jure tenentur. Nam quamvis Beneficiarius ille res mere Ecclesiasticas superfluas male in causas profanas expenderit, nec non & peccaverit: valida tamen fuit dispositio ejus; cum habuerit dominium illorum bonorum, licet cum onere personali, superflua in pias causas expendendi.

36. Ex dictis infertur cum D. Thoma Quodlibet 6. art. 12. quod Clerici talia bona seu redditus mere Ecclesiasticos superfluos, in causas profanas impendentes, obligentur quidem ad agendam pœnitentiam; non vero ad faciendam restitutionem. Ratio est: quia, cum peccent, si male expendant bona mere Ecclesiastica in res profanas, hinc tenentur agere pœnitentiam de hoc suo peccato: restituere vero nihil tenentur, cum habuerint dominium talium bonorum.

37. Nec dicas; Si Clerici Beneficarii habent dominium talium bonorum, ergo hoc ipso libere de eis disponunt; sicque non peccant illa expendendo etiam in causas profanas. Resp. enim negando consequentiam: quia, ut jam supra (b) dictum, *Dominium est jus perfecte disponendi de re corporali, nisi lege prohibeantur.* In proposito autem Clericis Beneficiariis prohibitum est, tales redditus Ecclesiasticos in causas profanas expendere; & quidem non solum Jure Canonico pluribus in locis, verum etiam Jure naturali & Divino, dum ex motivo virtutis Religionis jubentur bona Divino cultui specialiter destinata, Deoque oblata, non nisi ad dictum finem causasque pias expendere.

38. Verumtamen circa hoc advertendum, quod notabilis summa, sufficiens ad constituendum peccatum mortale ratione superfluum bonorum Ecclesiasticorum, in causas profanas expensum, vocetur ea, non quæ furto sublata sufficeret ad peccatum mortale, sed quæ censeretur pars aliquo modo notabilis respectu ipsorum reddituum superfluum Beneficarii; prout observat Lugo loc. cit. num. 42. Herinex n. 134. Molina, Coninch, & alii. Ratio diversitatis est: quia Clerici habent dominium illorum bonorum, non sic fur in re furtiva. Deinde hic non versamur in materia Justitiæ, sicuti accidit in furto: cum obligatio dandi superflua in pias causas, oriatur ex motivo dumtaxat Religionis, sicque satis sit ad vitandam gravem culpam, eadem taliter expendere, ut, si non mathematicè, saltem moraliter quis ipsa pie religiose expendisse dici possit: quod salvatur, quamdiu notabilis dictorum reddituum pars male non impenditur.

39. Insuper præter detracta bona patrimonialia, industrialia, & parafumonialia, hic habenda est ratio personæ Clerici & aliarum circumstantiarum. Nam quæ respectu inferioris Beneficarii possent centeri superflua, non sunt talia respectu alterius in altiori gradu constituti; & quæ cæteroquin male impensa dici possent, concurrentibus certis circumstantiis talia non sunt: unde hæc prudenti, simulque pio judicio, discernenda veniunt.



40. Obijcies majoris claritatis gratia cum Navarro, & aliis contra primam partem datæ Conclusionis: In c. *Quia juxta* 16. q. 1. dicitur: *Juxta Sanctorum Patrum traditionem novimus, res Ecclesie vota esse Fidelium, pretia peccatorum, & patrimonium pauperum.* Insuper D. Augustinus, relatus c. *Si peccatum.* 12. q. 1. & rursus c. *Quod autem* 16. q. 7. loquens de bonis Ecclesie, inquit: *Non illa nostra sunt, sed pauperum, quorum procuracionem quodammodo gerimus, non proprietatem nobis usurpatione damnabili vendicamus: cum pluribus concordantiis: ergo si bona Ecclesie sunt res Dei, & patrimonium pauperum & ipsi Clerici dumtaxat eorum Dispensatores, quodammodo Procuratores, non Proprietarii, hoc ipso non habent dominium ipsorum.* Resp. negando consequentiam, & explicando dictas, atque alias consimiles auctoritates.

41. In primisenim bona Ecclesiastica dicuntur *Res Dei*, quatenus cultui Divino specialiter sunt dedicata, & oblata a Fidelibus: non autem quasi dominium eorum præcise maneat penes Deum. Cum certum sit, eorum dominium transire in Ecclesiam, juxta illud c. *Nulli* 12. q. 2. *Omne, quod Domino consecratur, sanctum sanctorum Domino est, & ad jus pertinet Sacerdotum.*

42. Deinde hujusmodi bona dicuntur *Res, seu patrimonium pauperum*: ex eo, tum quia collata fuerunt ad honestam sustentationem Ministrorum Ecclesie, qui ante erectionem Beneficiorum, & divisionem bonorum Ecclesiasticorum (de qua *canon. 30.*) vere pauperes erant, & nihil proprii in particulari habebant: Tum etiam ea dicuntur bona sive patrimonium pauperum, non proprie & quoad dominium seu proprietatem, sed quoad debitum seu obligationem erogandi eadem pauperibus, in quantum necessariam & decentem sustentationem excedunt; prout explicat Fagnanus *cap. Si quis sane n. 4. & 5. de Peculio Clericorum.* Et quidem ejusmodi obligatio etiamnum habetur, non quidem ex debito Justitiae, sed Religionis.

43. Tandem Clerici dicuntur Dispensatores, & quodammodo Procuratores bonorum Ecclesie, aludendo ad tempora primitivæ Ecclesie, atque ante erectionem Beneficiorum, & divisionem bonorum Ecclesiasticorum, per Simplicium Papam primum factam: nam antea Clerici erant pauperes, nihilque in particulari possidebant, sed eis per Episcopos bona Ecclesie, aliaque a Fidelibus oblata, opportune dividebantur, prout habetur c. *Episcopus*, & c. *Præcipimus* 12. q. 1. & alibi. Quod si nonnullæ auctoritates reperiantur, quæ videntur loqui de tempore post factam prædictam divisionem, ex intelligendæ sunt de bonis, ipsi dumtaxat Ecclesie addictis, tituta agris, vineis, aliisque possessionibus (nam horum Clerici Beneficarii etiam defacto sunt solum Administratores) non vero loquuntur de ipsorum redditibus: imo horum dominium acquirunt Clerici, sed cum onere superfluo in pauperes erogandi, ut supra ostensum.

44. Num autem Clerici de bonis suis testari valeant, commodius dicitur *trad. seq. Distinct. 3.* agendo de Testamentis *Quaest. 5.* ubi præfens materia amplius declaratur.

# QUESTIO IV. De Dominio Religiosorum. SUMMARIUM.

45. Religiosi solemniter professi sunt incapaces dominii rerum temporalium.

46. Quid de Novitiis, ac emittentibus vota simplicia in Societate Jesu?

47. Habent Religiosi quasi dominium bonorum spiritualium.

48. Qui Religiosi habeant dominium rerum temporalium in communi?

49. Dominium istud non est omnino liberum.

(c) Tract. 8. Dist. 3. Quaest. 4. n. 38. & seqq.

45. **C**ONCL. I. Religiosi solemniter professi sunt in particulari penitus incapaces omnis dominii, ac juris rerum temporalium, ita ut nemo eorum quidpiam suo nomine, seu tamquam proprium, possit tenere. Ita certa, & communis omnium. Paret hoc inprimis ex c. *Cum ad Monasterium*, de *Statu Monachorum*, ibi: *Nec assimet Abbas, quod super habenda proprietate possit cum aliquo Monachorum dispensare: quia abdicatio proprietatis, sicut & custodia castitatis, adeo est annexa Regale Monachali, ut contra. tam nec Summus Pontifex possit licentiam dare: & alibi.* Concordat Concilium Trident. *sess. 25. cap. 2. de Regularibus*, plura circa hoc statuens.

46. Dicitur, *Religiosi solemniter professi*: quia Novitii retinent dominium bonorum suorum. Quinimo etiam illi, qui in Societate JESU finito biennio probationis emittunt tria Vota substantialia, sed simplicia solum, Paupertatis, Castitatis, & Obedientiae, adhuc retinent dominium bonorum suorum per aliquod tempus a Superioribus præscribendum, quo faciant abdicationem bonorum suorum, quamvis interim eo dominio licite uti non possint sine consensu Superiorum, propter Votum simplex Paupertatis, prout paret ex Bulla Gregorii XIII. *Ascendente Domino*, 1584. edita, habeturque tom. 2. Ballarii Romani, *Constitution. 89. dicti Pontificis.*

47. Additur etiam in Conclusionem, *bonorum temporalium*: quia jurium, & bonorum spiritualium, possunt Religiosi habere dominium, vel quasi dominium. Unde simplex Religiosus retinet jus honoris, ac famæ suæ, juxta D. Thomam 2. 2. q. 186. *art. 7. ad 4.* Item jus eligendi, presentandi, confirmandi, absolvendi, suscipiendi alimenta de bonis communibus Monasterii, ac hujusmodi; adeo, ut etiam possit agere nomine proprio super hujusmodi juribus, in ordine ad spiritualia bona sibi competentibus, casu, quo negarentur: nam per Votum Paupertatis Religiosi non renunciant bonis spiritualibus, nec juribus prædictis, sed tantum temporalibus, sive bonis exterioribus. Miranda tom. 1. *Manualis Prælat. Q. 28. art. 1. in fine*, & alii.

48. **C**ONCL. II. Religiosi professi cujuscunque Ordinis (excepto Ordine FF. Minorum de observantia, & Capucinorum) possunt in communi habere dominium bonorum temporalium, ita ut hæc eorundem Congregationes, Monasteria seu Domus, vero dominio possideant. Ita rursus certa, & communis; atque habetur expressum, & novissime concessum in Concilio Trident. *sess. 25. cap. 3. de Regularibus.*

D d a

49. Concl.

49. CONCL. III. Nihilominus Dominium istud Religiosorum in communi, atque Monasteriorum, non est omnino liberum & independens, sicuti est dominium Seculare. Ita certa, & communis. Ratio est: quia Seculares possunt libere disponere de rebus suis; dominium vero Religiosorum in communi habet annexum onus, ut non possit Monasterium alienare bona immobilia, vel etiam mobilia pretiosa, nisi ex justa causa, & servatis debitis Juris solemnitatibus, atque assensu Summi Pontificis (quamvis in Germania, & quibusdam locis remotis, de consuetudine, atque ob locorum distantiam, & difficultatem adeundi Summum Pontificem, sufficiat assensus Episcopi, ut notat Ludov. Engel. *in De rebus Ecclesia non alienandis*, num. 15.) Quod si secus fiat, alienatio nulla est & irrita, atque non solum alienans bona Ecclesiastica, sed etiam sic alienata suscipiens, incurrit pœnam excommunicationis; juxta Extravag. *Ambrosio*, *sic. de rebus Ecclesia non alienandis*. Cæterum, an Religiosi possint condere Testamentum, vel facere donationem mortis causa, dicitur infra (c) suo loco. Alia vero melius ex specialibus singulorum Ordinum Regulis, & Constitutionibus patebunt.

## DISTINCTIO V.

### De Acquisitione Domini.

### QUÆSTIO I.

De modis generatim acquirendi rerum Dominium, Bonisque incertis, ac Thesauris inventis.

### SUMMARIUM.

1. *Res corporales alia, qua carens domino;*
2. *Alia, qua habent dominum, certum vel incertum.*
3. *Quibus modis generatim acquiratur rerum dominium?*
  - (a) De hoc Dist. seq. per totum.
  - (b) De hoc agatur Tract. 8. per totum.
4. *Quid de modo acquirendi rerum dominium Jure belli?*
  - (c) Tract. 4. Dist. 7. Quæst. 4.
5. *Res, qua nullius sunt, Jure naturæ sunt primo occupantis.*  
*Limitatur hoc.*
6. *Bona incerta, qua? & ad quid teneatur earum inventor?*
7. *An Dominus amittat rerum deperditarum possessionem?*  
*Ac Dominium?*
8. *An ab inventore retineri possint post diligentem inquisitionem domini?*  
*Refertur aliorum sententia.*
9. *Thesaurus, quid?*
10. *Thesaurus inventus cujus sit?*
11. *Quid dicendum spectato Jure Civili?*
12. *Quid, si thesaurus inveniat in alieno fundo, vel arte magica?*
13. *An licitum sit emere fundum, in quo scitur latere thesaurus?*

1. **A**Dvertendum, quod res corporales, quæ sub dominio proprietatis cadere possunt, generatim sint duplicis generis. Quædam enim etiamnullius sunt, sed carent proprio domino: ut sunt gemmæ in littore maris, pisces maris, volucres cœli, & alia hujusmodi, quæ nec-

dum in dominium cuiuspiam devenerunt. Et horum dominium potissimum acquiratur Occupatione; id est, talia sunt regulariter primo occupantis.

2. Aliæ vero res corporeæ sunt, quæ habent dominum. Et hæc rursum distinguuntur in eas, quæ habent certum dominum: uti sunt bona Petri, bona Pauli, &c. Et in eas, quæ habent dominum incertum, id est, talem, de quo ignoratur, quis ille sit; ut si invenio rem perditam ab altero, & nescio, quis ille sit. Et hæc alio nomine solent dici *Bona incerta*.

3. CONCL. I. Tribus præsertim modis generatim rerum corporalium dominium acquiri solet. I. Jure naturali, seu Gentium: & hoc fit multipliciter, nimirum Occupatione, Nativitate, Alluvione, Specificatione, Accessione, Confusione, Commixtione, Ædificatione, Plantatione, Fructuum perceptione, & Traditione; de quibus plura in progressu. II. Solet acquiri rerum dominium Jure Civili, atque Canonico; idque contingit potissimum mediante Præscriptione, atque Usucapione, utpote quæ ad magis conservandam pacificam hominum conversationem, præcludendasque infinitas lites, per leges tum Civiles, tum Ecclesiasticas, fuit introducta & constituta. (a) III. Acquiritur rerum dominium privata hominum voluntate, dum per varias conventiones, pacta, & contractus, homines dominium rerum sibi antea propriarum in alios transferunt. (b)

4. His addi posset modus acquirendi rerum dominium Jure belli (intellige) justî. Verum modus iste potest comprehendî sub primo, quo acquiritur rerum dominium Jure Gentium, & commode reducitur ad Occupationem: quamvis enim hæc potissimum habeat locum in iis rebus, quæ antea nullius sunt, ac proinde Jure Gentium sunt primo occupantis, tamquam potioris; tamen ad Occupationem etiam reduci possint capta ab hostibus, eo quod & hæc, si sint mobilia, regulariter fiant primo occupantis: ut alibi dictum (c)

5. CONCL. II. Res illæ, quæ nullius sunt, Jure naturæ ac Gentium sunt primo occupantis, nisi lege aliqua humana earum dominium cuiuspiam alteri applicetur. Ita communis; habeturque expressum §. *Fera*. *Instit. de Rerum divisione*, ibi: *Fera igitur bestia, & volucres, & pisces, & omnia animalia, qua mari, cœlo, & terra nascuntur, simul atque ab aliquo capta fuerint, Jure Gentium statim illius esse incipiunt: quod enim ante nullius est, id naturali ratione occupanti conceditur*.

Additur notanter in Conclusionem, *nisi lege aliqua humana earum dominium cuiuspiam alteri applicetur*. Nam tunc esset standum dispositioni talis legis communis, utpote justæ, atque auctoritate publica in bonum Communitatis latæ: prout fit in bonis vacantibus, id est, in bonis morientium sine hærede; hujusmodi enim bona, quamvis dominos amplius non habeant, non sunt primo occupantis, sed ex dispositione Juris applicantur Filco.

\* Quod si illi, qui ab intestato moriuntur, fuerint Peregrini, eorum Bona pariter non sunt primo occupantis, sed ex Juris ordinatione applicantur

cantur per Episcopum causis piis, si Hæredes extantes non sciantur, vel ea Bona hisce e. g. ob nimiam distantiam ex una, & rerum relictarum minorem æstimationem ex altera parte extradi nequeant. *Authent. Omnes Peregrini. C. Communiæ de Successoribus.* Crederem, optimum fore, si præter expensas funerales residuum in simili emergentia daretur ad legendas Missas pro defuncto Peregrino. \*

6. CONCL. III. Bona incerta (id est, ea, quæ quidem dominum habent, sed ignoratur, quis ille sit; uti sunt bona casu amissa, & ab altero inventa, aut quæ in periculo naufragii projecta fuerunt in mare, & postmodum ad litus evaserunt.) Hujusmodi, inquam, bona incerta quisquis repererit, obligatur ea restituere veris dominis, si eos dignoscere possit, teneturque ad dominos illos dignoscendos moralem diligentiam adhibere. Ita Doctores communiter post D. Augustinum lib. 50. *Homiliarum, Hom. 9.* & refertur, c. *Si quid. 14. q. 5.* ibi: *Si quid invenisti, & non reddidisti, rapuisti: quantum potuisti, fecisti.* Ratio est: quia ille, qui ejusmodi res amisit, earum dominus esse non desinit: atqui unaquæque res debet reddi domino suo; ergo.

7. Nec obstat, quod rerum mobiliium deperditarum, ita ut ignoremus ubi sint, illico amittamus possessionem, arg. l. *Si id quod ff. de Acquir. poss.* ibi: *Si id, quod possidemus, ita perdidimus, ut ignoremus, ubi sit, desinimus possidere.* Resp. enim primo: hoc non procedere, si adhuc adhibemus diligentem inquisitionem ad recuperandum ejusmodi rem amissam: nam quamdiu intendimus, quærimus, & sollicitamus, ut inveniatur, necdum penitus perdita est possessio ipsius; sed retinetur adhuc civilis possessio, cum spe recuperandi etiam naturalem, uti notavit Zalius ad cit. l. *Si quod, num. 5. & num. 8.*

Resp. Secundo: quamvis rerum deperditarum, ita ut post frustra adhibitam diligentem inquisitionem ignoremus, ubi sint, amittamus possessionem, non tamen idcirco perdimus ipsarum dominium, siquidem facilius amittitur rerum possessio, quam dominium: l. *Si quis vi. ff. de acquir. poss.* cum similibus. Quia igitur dominium rei deperditæ remanet adhuc penes priorem dominum, hinc oritur obligatio eandem restituendi vero domino, si inveniatur: & quorundam contraria persuasio merito reprobat a D. Hieronymo in lib. *Levir.* ac refertur c. *Multi 14. q. 5.* illis verbis: *Multi sine peccato putant esse, si aliquid, quod invenerint, teneant: & dicunt: Deus mihi dedit; cui habeo reddere: Discant ergo, peccatum hoc esse simile rapina, si quis inventa non reddat.*

8. CONCL. IV. Quod si post diligentem inquisitionem factam dominus talium rerum incertarum, v. g. amissarum, & ab alio inventarum, amplius dignosci non possit, juxta communem magisque piam sententiam ex erunt pauperibus eroganda, aut in alios pios usus infundenda; quamvis non desint Doctores probabiliter asserentes, quod res illæ inventæ licite ab inventore retineri possint, si post diligentem inquisitionem factam dominus illarum non compareat. Ratio primæ partis est: quia, si res ipsimet domino amplius restitui non possunt, saltem restitui & applicari

debent iis, quibus velle dominus præsumitur ut applicentur: atqui tales sunt pauperes, & aliz piæ causæ; nam quilibet rationabiliter velle præsumitur, res suas applicari pauperibus, aut aliis piis causis, ad remedium animæ suæ, si eas alia ratione acquirere nequeat.

Altera nihilominus pars Conclusionis probatur auctoritate Doctorum satis gravium, qui eam probabilem censent; inter quos sunt Lessius lib. 2. cap. 14. num. 48. Layman lib. 3. tract. 1. cap. 5. n. 24. Herinex disp. 4. de Justit. & jure, q. 3. num. 149. Maftrius disp. 3. Theolog. Moral. n. 52. Sotus, Petrus Navarrus, Ledesma, Medina, & alii: Siquidem nullo (inquiunt) claro Jure naturali, aut Ecclesiastico, prohibetur inventor ejusmodi bona inventa retinere. Quinimo videtur Communitas hominum in talem retentionem tacite consentire: Siquidem hac ratione compensari solent fortuita rerum amissarum damna, & qui hodie amisit, cras casualiter inveniendos rem alterius, cujus dominus post adhibitam debitam diligentiam investigari nequit, rursus refarcire poterit jacturam rei suæ antea deperditæ.

9. CONCL. V. *Thesaurus est vetus quadam depositio pecunie, cujus non extat memoria, ut jam dominum non habeat.* Ita definitur Thesaurus l. *Numquam ff. De acquirendo rerum dominio;* & sequuntur Doctores communiter. Dicitur, *depositio pecunie*: ubi sub nomine pecuniæ intelliguntur quævis opes mobiles, puta gemmæ, vasa, catenæ, nummi aurei & argentei. Et additur, *vetus*: quia, si non sit vetus, adeo quod amplius non extet memoria ejus, non censetur Thesaurus proprie dictus.

\* Hinc, si e. g. inveniatur cista repleta nummis, ex quorum saltem nonnullorum incisus figuris v. g. moderni Imperatoris, vel ex ipso anno, causæ monetæ appposito, eruitur, hanc pecuniam non ita pridem, puta tempore novissimi belli, fuisse absconditam, talis cista inventa non poterit dici proprie thesaurus, sed si rescitur, restituenda erit Domino; alias vero inter bona incerta computabitur; sicque eodem modo, uti in præcedentibus de bonis incertis ab alio inventis, erit discurrendum. \*

10. CONCL. VI. Spectato Jure naturali, & Gentium, Thesaurus proprie dictus tranlit in dominium inventoris, utpote primo occupantis; Spectato tamen Jure communi Civili opus est distinctione. Ita Lessius lib. 2. cap. 5. num. 5. Layman loc. cit. num. 23. & alii. Ratio primæ partis est: quia, quæ nullius sunt, Jure naturali & Gentium fiunt primo occupantis: atqui Thesaurus proprie dictus nullius est, cum jam dominum non habeat; ergo. Nec obstat, quod forsan ex signis possit cognosci, a quorum Majoribus fuerit reconditus. Resp. enim, hoc nihil referre; quia, quod desinit tanto tempore possideri, cessavit pariter esse in dominio cujusquam. Et huic parti favet textus cit. l. *Numquam ff. de acquirendo rerum dominio;* ubi post datam Thesauri definitionem illico subjungitur: *Sic enim fit ejus, qui invenerit, quod non alterius sit.* Verum Glossa ibidem hoc intelligit, quando quis in suo fundo Thesaurum invenit; alias vero dicendum censet, prout habetur l. 1. *C. de Thesauris, lib. 10. & §*

*thesaurus*, *Instit. de Rerum divisione*. quæ est altera pars hujus Conclusionis. Pro cuius intelligentia sit

11. CONCL. VII. Spectato Jure Civili, *Thesaurus*, in proprio fundo inventus, totus est inventoris: si vero in alieno fundo, non data ad hoc opera, sed fortuito *Thesaurus* quis invenerit, utpote arando terram, vel alio quocumque casu, dimidium erit domini fundi, & dimidium inventoris. Ita expresse habetur in Jure Civili, *cit. L. 1. C. de Thesauris lib. 10. & §. Thesaurus, Instit. de Rerum divisione*. Et quidem, cum hæc constitutio pœnalis non sit, sed secundum æquitatem naturalem lata, ac definitiva proprietatis rerum, videtur obligare in conscientia ante Judicis sententiam; prout notant Lessius, & Layman *loc. cit.* post Covarruviam, Cajetanum, Navarrum, & alios, & concordant proxime dicta num. 6.

\* Si inquiras, an pariformiter *thesaurus* casu fortuito in alieno fundo repertus dividatur, posito, quod invenitur in loco spectante ad Fiscum, aut ad aliquam communitatem, vel ad Ecclesiam, puta, si reperiatur in ipsa Ecclesia vel ejusdem Cœmeterio &c.? Respondeo affirmative. Ita enim deciditur §. *Thesaurus* 39. *Instit. de rerum divis.* Nec dicas, juxta citatum textum Juris *Thesaurus* in loco sacro casu fortuito repertum pertinere ex toto ad inventorem. Respondeo enim disting. anteced. Si ejusmodi locus sacer pariter ad inventorem quasi ad Dominum spectet, v. g. si reperiretur in propria sua privata domestica Capella, conceditur: si locus hic sacer spectet ad aliquam Ecclesiam, negatur: Non enim Ecclesia debet esse deterioris conditionis, ac alii. Chlingensperg. *Lib. 2. Instit. Tit. 1. q. 35. & 36* \*

12. CONCL. VIII. Quod si quis data opera in alieno fundo *Thesaurus* scrutetur, atque inveniat sine consensu domini, totum fundi domino reddere compellendus est, atque ulterius puniendus: si autem *Thesaurus* arte magica, quamvis in proprio fundo, repertus fuerit, tunc totus Fisco adjudicabitur per sententiam Judicis, idque fit in pœnam criminis. Ita habetur *cit. L. 1. C. de Thesauris, lib. 10.* & sequuntur Doctores communiter. Quamvis Herinex *loc. cit. n. 148.* recte notet, quod hæc dispensatio Juris, utpote pœnalis, non obliget ante sententiam Judicis, ad instar aliarum pœnarum.

13. CONCL. IX. Qui scit, alicubi *Thesaurus* latere, & emit locum, antequam effodiat, nullam facit venditori injuriam, & sit dominus totius *Thesauri* postmodum eruti. Ita desumitur ex *L. 1. de Tutore ff. de Rei vindicat.* & tenent Lessius, Herinex num. 149. alique passim. Ratio est: quia eruit postea *Thesaurus* ex proprio fundo, nec tenebatur priori domino indicare ipsum, immo neque hic fuit in ejus dominio. Huc quadrat Parabola a Christo allata de Margarita pretiosa, inventa in agro, quem idcirco quis emisit legitur *Matth. c. 13.*

\* Quæres, an, si quis equidem non absolute emat illum locum, in quo nescit latere *thesaurus*; bene tamen dictum locum accipiat in feudum, vel Emphyteusin, an, inquam, talis Emphyteuta, vel Feudatarius fiat Dominus totius

*thesauri* ex illo loco a se eruti, vel num. debeat potius medietatem *thesauri* restituere Domino directo? Resp. *Thesaurus* talem, ab Emphyteuta vel Feudatario ipsomet repertum, spectare ex integro ad Emphyteutam, seu Feudatarium. Quinimo, si *thesaurus* iste inveniretur casu fortuito ab alio tertio, adhuc saltem medietas *thesauri* præfato Emphyteutæ &c. tribuenda esset, pertinente altera medietate ad inventorem. Ratio est: quia Dominium utile non ad Dominum directum, sed ad Emphyteutam seu Feudatarium spectat; adeoque huic posteriori, non priori competit frui hac utilitate ex inventione *thesauri* eveniente. Ita cum Haunoldo, Illsung, & Card. de Lugo, *La Croix lib. 3. part. 2. num. 108.* Christ. Chlingensperg. de Jure Feudali *cap. 10. Q. 2.* Qui tamen hic, & etiam in *Institut. lib. 2. tit. 1. q. 34.* addit, hodiernis moribus ipsomet Principes supremos jure Regalium *thesauros* ubique in locis suorum subditorum inventos vel ex toto, vel pro parte sibi attribuerent. Quod idem testatur *La Croix loc. cit. n. 111.* Qui ultimus adhuc subjungit, quod memorati supremi Principes plus tamen faveant, ac relinquunt illis, qui venas metallorum, quam qui latentem *thesaurum* inveniunt, ut nimirum sic suos magis ad indagandas hæc metallorum venas, quæ alias pars fundi censerentur, incitent. \*

## Q U Æ S T I O. II.

De Venatione & Piscatione, ac variis ipsam concernentibus.

### S U M M A R I U M.

14. *Possunt Principes venationem, & piscationem interdicare.*
15. *Solvitur instantia.*  
*Jus Natura aliud præceptum, aliud permissivum.*
16. *Qui contra justam prohibitionem venatur, peccat, teneturque damnum compensare.*
17. *Quando censetur gravis obligatio damni compensandi?*
18. *Is tamen acquirit dominium Fera capta.*
19. *Solvitur instantia.*  
*Duplex jus in proposito considerari potest.*
20. *Quid de animalibus domesticis, vel in certo loco conclusis?*
21. *An fera laqueo intricata sit eximentis, vel laqueum ponentis?*

14. CONCL. I. Non obstante, quod fera sylvestres sub nullius dominio existant, ac proinde spectato Jure Gentium fiant primo occupantis, arg. §. *Fera, Instit. de Rerum divis.* adhuc tamen possunt Principes venationem, piscationem, & captionem hujusmodi animalium ex rationabili causa aliis interdicare. Ita Covarruvias *part. 2. in reg. peccatum §. 8.* Lessius *cit. cap. 3. num. 33. & seqq.* & alii satis communiter, quamvis non defuerint oppositum tenentes, quos referunt iidem Auctores. Conclusio desumitur in primis ex receptissima praxi, qua in plerisque Regnis, ac Provinciis, Principes talem faciunt prohibitionem. Accedit ratio: quia populus potest cedere juri suo; unde, cum Principibus convenientem suo Fastigio apparatus, atque honestas pro sua Dignitate recreationes populus concedere tenetur,



neatur, consuetudine hoc jus Principibus concessum esse, dicendum est. Idipsum suadet ex eo: quia quilibet potest alium prohibere, ne in suo fundo venationem, aucupium, vel piscationem exerceat; ergo & Princeps pro suo territorio. Antecedens patet ex l. *Item si fundi ff. de Usufructu*, ubi dicitur, *Aucupiorum quoque & venationum redditum ad fructuarium pertinere*. Et §. *Fera*, *Instit. de Res. divis. Plane qui alienum fundum ingreditur venandi, aut aucupandi gratia, potest a domino si is praeviderit, prohiberi, ne ingrediatur*.

15. Nec dicas: Jure Naturæ & Gentium licitum est, animalia libera capere: atqui Princeps non potest tollere Jus Naturæ; ergo. Resp. enim, venationem esse Jure Naturæ licitam patens solum, quatenus ipsa non est prohibita Jure Naturæ, sicuti furtum; non autem sic, quasi ejus prohibitio, ob rationabiles causas certis personis facta, sit contra Jus Naturæ. Hinc sic explicata majori, distinguitur minor: Princeps non potest tollere Jus Naturæ præceptivum; id est, illud, quo quidpiam Jure Naturæ præcipitur, aut prohibetur, conceditur: non potest tollere Jus Naturæ negativum, seu permissivum tantum, & quoad unum vel alterum objectum determinatum, præsertim accedentibus justis causis, negatur minor & consequentia. Quia multa sunt Jure Naturæ permixta & licita, quæ tamen justis de causis Jure humano postmodum prohibentur; alioquin certe nec esus carniæ posset pro certis diebus ab Ecclesia interdici, cum sit Jure Naturæ licitus, id est, non prohibitus hoc jure.

16. CONCL. II. Qui stante tali prohibitione, in loco publico, seu per industriam humanam non concluso, venatur, vel in publicis lacubus seu fluminibus piscatur, aut aucupio volucres capit, peccat contra justam prohibitionem, atque virtutem Justitiæ, & obligatur ad compensationem damni illati; quamvis acquirat dominium feræ captæ, atque ad istius restitutionem non teneatur. Ita Sannig. *diff. 1. de just. q. 2. num. 14. Lessius loc. cit. num. 43. Tannerus tom. 3. disp. 4. q. 7. n. 355. & alii*. Ratio primæ partis desumitur ex dictis *num. 14.* nam talis non solum agit contra justam prohibitionem, sicque ratione commissa inobedientiæ puniri meretur; sed etiam violat jus venandi, piscandi, in tali loco alteri competens.

17. Num autem in particulari casu isthæc obligatio restituendi, sive compensandi damnum illatum, sit gravis, nec ne, adjudicandum erit ex qualitate injuriæ, vel læsionis juris venandi, piscandi, &c. Principi, vel Reipublicæ competentis: item ex gravitate damni illati, ut puta si animalia capta sint magni pretii, & multa; adeo ut soboles ferinæ notabiliter extinguatur; vel si ob frequentiam venationis feræ sint redditæ fugaces, &c. de quibus plura citatus Lessius, Tannerus, Lugo *disp. 6. de just. & jure, sect. 7. & alii*, arbitantes, quod unam alteramve feram capere non censeatur notabiliter dampnosum, ita ut attingat culpam mortalem.

18. Altera pars Conclusionis ex eo probatur: quia talis fera sylvestris, vel avis, etiamnum gaudet naturali sua libertate, ac proinde necdum est sub dominio Principis, aut domini fundi, sed est

nullius; ergo transit in dominium primo occupantis, qualis in proposito censetur is, qui cepit eam. Ex quo protinus sequitur, quod is non teneatur restituere feram captam, ut pote quæ antea nullius erat, & per capturam facta est sua.

19. Si dicas, hanc Conclusionem sibi ipsi contradicere, dum nunc admittit, feram sylvestrem transire in dominium capientis, veluti primo occupantis, & tamen in priori parte asserit: talentem peccare contra virtutem Justitiæ, ac teneri ad restitutionem. Resp. negando illatum: nam quantum ad propositum, ac stante præfata prohibitionem venandi, piscandi, &c. duplex jus considerari potest. Primo quidem, ipsum jus venandi, piscandi, &c. in tali loco: & hoc, stante ejusmodi justa prohibitione, competit Principi, vel Domino territoriali; læditurque per venationem, vel piscationem, ipso invito ab altero factam. Secundo, jus in ipsam feram: & hoc non competit Principi, vel Domino territoriali, sicque per capturam feræ sylvestris, seu gaudens sua naturali libertate, non læditur. Unde fit, quod ratione prioris juris læsi teneatur is, qui venatur vel piscatur in loco publico prohibito, ad competentem restitutionem, seu recompensationem damni illati: ratione alterius vero, utpote revera in feram non habiti, ad nihil teneatur.

20. Dicitur notanter in Conclusionem: *in loco publico, seu non concluso*. Nam præfens Conclusio solum intelligenda est de iis animalibus, quæ necdum sunt mansuescæta, neque capta; atque in certo loco inclusa. Secus enim dicendum foret de animalibus natura mansuetis & domesticis, ut sunt gallinæ, anates domesticæ, oves, boves, porci, & hujusmodi; quæ proinde, si potestatem dominorum longius aberrando evaserint, capere non licet, vel, si ab aliquo capiuntur, sunt dominis restituenda: alioquin furtum committeretur. §. *Gallinarum*, *Instit. de Res. divis.* Similiter licitum non est capere feræ natura sylvestres, sed certo in loco jam conclusas, v. g. in hortis, vel in nemoribus muro circumdati, aut pisces ex piscinis, &c. Talia enim animalia jam non amplius gaudent sua naturali libertate, sed cum per industriam humanam continentur sub tali certa custodia, existunt sub dominio ejus, qui est dominus illius horti, nemoris, piscinæ, &c.

\* Ast ponamus &c. Vide Addit. (G)

21. Quæres, cui competat dominium feræ laqueo intricæ, aut piscis massa conclusi, si eximatur ab alio, quam ponente laqueum, vel massam? Resp. hic variare Doctores: nam aliqui dominium adjudicant ejusmodi feræ eximenti, *arg. l. in laqueum, ff. De acquir. rerum dominio*, ubi Summarium sic habet: *Quod in laqueum meum incidit, non est meum, nisi manualiter capiatur*: nonnulli autem videntur tenere oppositum. Verum rectius distinguitur cum Sannig. *cit. diff. 6. quest. 2. num. 1. & 2. Tannero loc. cit. n. 356. & aliis*: quia vel feræ, aut piscis, inextricabiliter concludebatur laqueo, sive massa, vel ita dumtaxat, ut diu luctando sese adhuc expediret. Si primum, sit tendentis laqueum, vel ponentis massam; quia nihil interest, an manu vel instrumento quis feram apprehendat. Si secundum, sit eximentis illam feram, utpote quæ adhuc, antequam

tequam eximeretur, censetur habere naturalem libertatem. Et hoc totum videtur velle textus cit. l. In laqueum, si bene perpendatur.

\* Quær. II. Cui competat Dominium apum, aut columbarum, ex tuo alveari, vel columbario avolantium? Resp. I. Examen apum tuarum avolans tandiu spectat ad tuum dominium, quamdiu versatur in tuo conspectu, nec est difficultas ejusdem prosecutionis: alioquin vero occupantis erit. Ita expresse deciditur in Jure §. 14. *Instit. de rerum divis.* Resp. II. Quoad columbas avolantes, & alia similia animalia, quæ abire & redire solent, juxta formalia Juris §. 15. *Instit. de rerum divisione*, hæc regula comprobata est, ut eoque tua esse intelligantur, quibusque animum revertendi habeant; hincque nec pro tunc licet aucupium harum tuarum domesticarum columbarum, si in agros volant, nisi sciatur notabiliter destruere semina. Porro animus revertendi videtur desinere tunc, quando revertendi consuetudinem deseruerunt; uti in dubio, & nisi particulares circumstantiæ aliter suadeant, deseruisse eandem consuetudinem juxta multos præsumuntur; si, quamvis in sua naturali libertate relicte, bis, terve tempore consueto non redierint, vel jam duobus aut tribus diebus remanserint, sese, v. g. associando columbis alterius columbarii &c. Ita Molina tom. 1. tract. 2. disp. 48. Attendantur pariter in simili casu particularia locorum statuta, & incolarum mores, ac praxis communis: sic enim noster Pater Franciscus Henno, Auctor alias satis rigidus tom. 2. tract. 2. disp. 4. quest. 3. concl. 2. testatur de sua Patria, ad evitanda jurgia & discordias legitimam ibi consuetudinem introductam esse, ut columbæ e columbario proprio ad alienum ultra divertentes sunt posterioris columbarii: quod meo judicio facilius adhuc admitti poterit, si tales columbæ, quamvis naturali libertati relicte, duobus vel tribus diebus permaneant in posteriori columbario, aut si cum alienis columbis evolantes, cum ipsis iterum sapius, putaret, quaterve redeant ad alienum posterius columbarium. \*

### Q U Æ S T I O III.

De aliis modis acquirendi rerum Dominium Jure Gentium.

#### S U M M A R I U M.

22. Inter modos acquirendi rerum dominium, est *Nativitas*.
23. *Alluvio*, & quando?
24. *Specificatio*.
25. *Accessio*.
26. *Confusio & Commixtio*: & quomodo differant?
27. *Regula pro Confusione materialium*.
28. *Alia regula pro commixtione specierum*.
29. *Specialis regula pro commixtione numerorum*.
30. *Cur nummi post Commixtionem suam accipientis, non alia res?*
31. *Edificatio*, quomodo sit modus acquirendi rerum dominium?
32. *Item Plantatio*.
33. *Fructuum perceptio*, &
34. *Traditio*.
35. *Solvitur inflantia*.

22. Secundus modus acquirendi rerum dominium Jure Gentium, est *Nativitas*; per quam nostra sunt, quæ ex animalibus nostro dominio subjectis nascuntur; uti habetur §. Item ea, *Instit. de Rerum divisione*. Unde, cui competit dominium, vel saltem usufructus pecudum, ut puta ovium, equorum, vaccarum, & hujusmodi, etiam agnorum, hinnulorum, & vitulorum ex ipsis natorum dominium acquirit.

23. Tertius modus acquirendi rerum dominium Jure Gentium est *Alluvio*. Porro *Alluvio* est incrementum latens, quo flumen tuo fundo paulatim aliquid adjicit, & adeo latenter, ut vix notari queat, quantum quovis momento accedat. Et quod per hujusmodi Alluvionem agro tuo flumen adjicit, Jure Gentium tibi acquiritur. Quod si vero vis fluminis non latenter, sed aperte partem de prædio tuo detraxerit, & vicini prædio appulerit, palam est, eam tuam permanere; prout clarissime habetur §. *Præerea, Instit. eod.*

Ad hunc tertium modum acquirendi dominium per alluvionem etiam reducitur acquisitio novæ terræ, vel per exurgentem aliquam novam in flumine insulam, vel per alvei mutationem. Loquendo de novâ aliqua insula §. 22. *Institution. de rerum divisione* leguntur sequentia formalia: *Insula, quæ in mari nata est (quod raro accidit) occupantis sit: nullius enim esse creditur. At Insula in flumine nata (quod frequenter accidit) siquidem mediam partem fluminis tenet; communis est eorum, qui ab utraque parte fluminis prope ripam prædia possident pro modo scilicet latitudinis cujusque fundi, quæ prope ripam sit. Quod si alteri parti proximior sit, eorum est tantum, qui ab ea parte prope ripam prædia possident.* Ita formalia textus, cui ex Chlengersperg. lib. 2. *Instit. tit. 1. q. 46.* prope finem subjungo, hodiernis moribus quandoque pro locorum diversitate hætas de novo Insulas titulo Regalium sibi applicare Principes, & territorii Dominos. Quemadmodum in Bavaria Insulae in Danubio ex inveterata consuetudine ad Principem spectant, secus in Oeno. Ita ille Aliam distinctionem in Bavaria facit Illust. Baro de Schmid, tribuens absolute Principibus dominium quoad Insulas, in fluminibus navigabilibus exortas; secus, si non fuerint navigabilia; videatur in Jure Bavarico Land-Recht tit. 25. art. 8. num. 10. & seqq. Discurrendo autem de naturali alvei mutatione, cui pro tunc acquiratur prominentis terræ dominium, denuo ex textu Juris §. 23. *Instit. de rerum divisione* desumitur, ibi; *Quod si (flumen) naturali alveo in universum derelicto ad aliam partem fluere coeperit, prior quidem alveus, vulgo Rin. Saal eorum est, qui prope ripam ejus prædia possident, pro modo scilicet latitudinis cujusque agri, quæ prope ripam sit: novus autem alveus ejus juris esse incipit, cujus & ipsum flumen est, id est ubi u.* Quod si post aliquod tempus ad priorem alveum reversum fuerit flumen: rursus novus alveus eorum esse incipit, qui prope ripam ejus prædia possident. Alia tamen causa est, si cujusdam totus ager inunda us fuerit: neque enim inundatio fundi speciem commutat, & ob id, si recesserit aqua, palam est, eum fundum manere, cujus fuit. Hucusque decisio juris, quæ, cum clara sit, ulteriori explicatione non indiget. \*

24. Quartus modus acquirendi rerum dominium Jure Gentium, est *Specificatio*: per quam intelligitur formatio, seu introductio formæ, vel quasi formæ in alienam materiam vel partim alienam, partim propriam. Sic qui bona fide, & nomine proprio, ex sua & aliena lana vestimentum confecit, hac ratione ejus dominus efficitur, quamvis domino lanæ alienæ sit restituendus valor ipsius lanæ. Verum hic modus acquirendi rerum dominium nonnullas habet limitationes, de quibus agitur §. *Cum ex aliena*, *Instit. de Rerum divisione*.

\* Porro inter alias limitationes citato §. *cum ex aliena*. 25. *Instit. de rerum divisione* factas, præcipua est, quod specificans etiam bona fide non fiat Dominus illius rei alienæ, in quam novam formam introduxit, si eadem species ad priorem rudem materiam reduci queat, uti contingit, si ex alieno argento fiat nova statua; ubi potius in simili casu remanet dominium penes illum, qui antea extiterat Dominus ipsius talis materiæ. Et hinc, si talis statua ab aurifabro vendatur tertio, eadem potest rei vindicatione immediate repeti a domino materiæ, apud quemcumque illa statua existat. Econtra vero, si pannifex ex emptâ alterius lana, quam ignoravit esse alienam, confecisset pannum, vel pistor ex alieno frumento farinam, seu panem, vel lanio ex alienis ovibus matris præparasset carnes, ac postea vendidisset tertio pariter existenti in bona fide, neutiquam posset per dominum materiæ hujusce exigi immediate pannus, seu panis, aut carnes ab illo tertio, cui talia justo pretio vendebantur, neque etiam in conscientia tertius obligaretur restituere, sed potius, si ille, ad quem antea materia spectabat, habeat prætensionem, eandem vel contra auferentem, si rescatur, vel contra pannificem, seu pistorem, aut lanionem per actionem in factum (uti Juristæ ajunt) instituere deberet. Ratio est: quia, cum illa res nequeat utiliter redigi in priorem materiam, talis specificans, seu introducens inibi formam per ipsummet Jus factus est dominus, quod dein dominium transtulit per venditionem in tertium, & consequenter, cum non amplius maneat talis rei dominus ille, ad quem antea spectabat materia, neque poterit eandem rem a tertio bonæ fidei possessore, qui exinde non est factus ditior, rei vindicatione exigere. Videatur desuper Chlingensperg. *lib. 2. Instit. cit. 1. q. 38. & quest. 39.* poteritque id pro resolutione multorum casuum deservire. \*

25. Quintus modus acquirendi rerum dominium Jure Gentium, est *Accessio*; cum videlicet quid ornatus causa alteri rei accedit, seu adjicitur: tunc enim, licet hoc pretiosius sit, quam id, cui adjicitur, Accessionis jure acquiritur domino rei illius, cui adjectio facta est. Sic, si vestis intextatur purpura aliena, purpura vestis cedit, prout dicitur *loc. cit. §. si tamen*. Addunt autem circa hoc Doctores limitationem, nisi purpura facile, atque sine læsione vestimenti posset eximi: tunc enim purpura illa esset separanda, suoque domino in specie petenti reddenda; alioquin autem sufficit pretium ejus reddere:

26. Sextus modus acquirendi rerum domini-

um Jure Gentium, est *Confusio*. Cui accedit Septimus, qui est *Commixtio* & hæc differt a Confusione penes hoc, quod in Commixtione corpora separata inter se quoad substantiam remaneant, prout fit in commixtione duorum frumentorum inter se; in Confusione vero corpora in unum coëant, prout fit in permixtione mei & tui vini per errorem, aut industriam, in eodem dolio facta.

27. Porro de his duobus modis in Jure §. *Si duorum*, & §. *Quid si frumentum*, *Instit. de Rerum divis.* sequentes regulæ ponuntur. Prima, loquens de Confusione, talis est: Quando utriusque voluntate confunduntur materiæ duorum dominorum, veluti si vina sua confuderint, aut ex vino & melle mulsum fecerint, totum corpus inde resultans utriusque commune est: idem dicendum, licet non voluntate amborum dominorum, sed fortuito, illa confusio facta fuerit.

28. Altera regula, loquens de Commixtione, sic habet. Quando species duorum dominorum, utputa frumenta, ex utriusque voluntate commiscuntur, efficiuntur communes: quia ex consensu utriusque singula v. g. grana, quæ cujusque propria fuerant, mutuo communicantur. Quod si casu ea commixtio facta fuerit, aut unus miscuerit sine alterius consensu, non fit aliquid commune: quia singula corpora in sua substantia durant, ac proinde non magis isto casu fit commune frumentum, quam grex intelligitur esse communis, si pecora unius mixta fuerint pecoribus alterius. Unde tunc arbitrio judicis æstimandum erit, quale cujusque frumentum fuerit, vel (juxta Glossam ibidem) ut cuilibet tantum frumentum restituatur, quantum fuit suum, quando non apparet, quodnam fuerit suum.

29. Speciale quid habetur in pecunia, sive nummis, l. *Si alicui*, ff. *de Solutionibus*, ibi: *Si alieni nummi, inscio vel invito domino, soluti sunt, manent ejus, cujus fuerant* (& sic ante aliam mixtionem, post quam discerni nequeant, non fiunt accipientis.) *Sed si mixti aliis sunt, ita ut discerni non possint, ejus fieri, qui accepit, in libris Cassii scriptum est, ita ut furti actio domino cum eo, qui dedisset, competere.* Et hoc est speciale in nummis, ut hi commixti propriis nummis, ita ut amplius discerni nequeant, transeant in dominium accipientis, sive mala fide, v. g. a fure, emente a mercatore pannum dati fuerint: sic tamen, quod domino competat actio furti contra dantem, puta contra furem, qui illam pecuniam abstulit, & mercatori dedit. Quinimo & ipse fur, facta semel commixtione pecuniæ furtivæ cum propria, acquirit illius dominium, sed dumtaxat imperfectum, hoc est, cum obligatione tantundem restituendi, quantum furto abstulit.

30. Porro in assignanda disparitate inter commixtos nummos, & grana frumenti, & quod illi transeant in dominium accipientis post commixtionem, non grana sine mutua utriusque domini voluntate commixta, laborant Doctores. Congruentia tamen esse potest: tum quia majus periculum est in nummis, utpote præ cæteris rebus furto expositis, ac ne eorum dominium semper maneat incertum: tum quia nummi a

Ee

publi-

publica æstimatione suum habent valorem; atque statim, ut expenduntur & commilcentur, intelliguntur consumpti; non sic grana frumenti aliis permixta.

31. Octavus modus acquirendi rerum dominium Jure Gentium, est *Ædificatio*. De hac §. *Cum in suo, Instit. de Rerum divis.* statuitur primo, quod si quis in suo solo seu fundo domum ex aliena materia bona fide ædificaverit, ipse fiat dominus ædificii: quia omne, quod solo inædificatur, solo cedit. Verumtamen dominus materiæ, quamvis eam stante ædificio vendicare non possit, potest tamen petere satisfactionem pro materia; & si aliqua de causa dirutum sit ædificium, atque ipse materiæ æstimationem necdum accepit, potest hanc vendicare in specie. Deinde decernitur ibidem, quod si quis vicissim in alieno solo scienter ex sua materia domum ædificat, non solum tunc ædificium solo cedat, atque illius fiat domus, cujus est solum; sed insuper ædificans amittat proprietatem materiæ, ita ut diruto ædificio eam vendicare non possit: quia sic temere ædificando, sua voluntate materia illa censetur esse alienata; videtur enim donasse, quod nullo jure urgente concedit. Verum hoc iterum habet suas limitationes, de quibus Jurisconsulti.

32. Nonus modus acquirendi rerum dominium Jure Gentium, est *Plantatio*: de qua §. *Si Titius, Instit. eod.* habetur, quod si quis alienam plantam in suo solo posuerit, ipsius erit; & e converso, si quis suam plantam in alieno solo posuerit, v.g. in solo Titii, erit alterius, nempe Titii, dummodo radices egerit (nam antequam planta radices egerit, ipsius permanet, cujus fuerat antea.) Quia sicut ædificia, ita multo magis plantæ & arbores solo cedunt; utpote cum a terra sustententur, capiantque inde alimentum, vitam & incrementum suum; atque hinc Jure Gentium fiunt illius, cujus est solum. Æstimationem tamen plantæ, atque impensi laboris mercedem repetere potest, qui in alieno solo plantas posuit, vel frumenta conseruit, dummodo id bona fide factum sit; prout ibidem §. *seq.* subjungitur, atque in simili dictum est *n. præc.* de ædificante in alieno fundo.

33. Decimus modus acquirendi rerum dominium Jure Gentium, est *Fructuum perceptio*. Porro de hoc modo sic habetur §. *Si quis a non domino, Instit. de Rerum divis.* Si quis a non domino, quem dominum esse credebatur, bona fide fundum emerit, vel ex donatione, aliave qualibet justa causa aque bona fide acceperit, naturali ratione placuit, fructus, quos percepit, ejus esse pro cultura & cura. Et ideo si postea dominus supervenerit, & fundum vendiderit, de fructibus ab eo consumptis agere non potest. Ei vero, qui alienum fundum sciens possederit, non idem concessum est: itaque cum fundo etiam fructus, qui consumpti sunt, cogitur restituere. Hæc ibi. Ex quibus patet, quod bonæ fidei possessor Jure Gentium fructus faciat suos, nec eos consumptos teneatur restituere vero domino, si is postmodum comparuerit, & fundum eviderit: etsi secus sit de malæ fidei possessore, nam is etiam fructus perceptos cogitur restituere.

34. Ultimus tandem modus acquirendi rerum dominium Jure Gentium, est *Traditio*: de qua §.

*Per traditionem, Instit. eod.* dicitur sic: *Per traditionem quoque jure naturali res nobis acquiruntur, nihil enim tam conveniens est naturali aequitati, quam voluntatem domini, volentis rem suam in alium transferre, ratam haberis & ideo cujuscumque generis sit corporalis res, tradi potest, & a domino tradita alienatur.* Hæc ibi.

35. Nec obstat, quod Traditio fiat privata voluntate hominum, rem suam in alios transferentium, ac proinde male videri possit, quod Traditio connumeretur inter modos acquirendi rerum dominium Jure Gentium. Resp. enim negando sequelam: quia, quamvis Traditio fiat privata voluntate hominis, rem suam alteri tradentis, huic tamen Traditioni Jure Gentium, atque naturali, convenit potestas transferendi rerum dominium in alios. Sicut a pari, quamvis Occupatio rei sub nullius dominio existentis fiat industria humana, atque voluntate privata cujuspiam rem illam suo labore occupare satagentis: jus tamen, seu potestas transferendi rerum dominium in primo occupantem, convenit Occupationi ex Jure naturæ, atque Gentium, & non solum ex constitutione quadam humana (prout id convenit Præscriptioni, juxta dicenda *Distinct. sequenti*) atque ideo sicut Occupatio, ita & Traditio, merito connumeratur inter modos acquirendi rerum dominium Jure Gentium.

## DISTINCTIO VI

### De Præscriptione, & Usucapione.

#### QUESTIO I.

Cur Lex Præscriptionis seu Usucapionis sit introducta, & an valeat in Foro Conscientiæ?

#### SUMMARIUM.

1. *Præscriptio, quomodo sumatur?*
2. *Præscriptio, & Usucapio, quid?*
3. *An differant?*
4. *Jus Præscriptionis, quo jure sit introductum.*
5. *Habet locum etiam in Foro Conscientiæ.*
6. *Id amplius ostenditur.*
7. *Nemo debet locupletari cum alterius jactura, quomodo?*

1. **P**ræscriptio sumitur in proposito pro acquisitione domini, atque elisione juris alterius, absque ejus consensu ex sola legis dispositione tempore a legibus definito. Et de Præscriptione hoc modo sumpta merito impræsentiarum agitur, ut intellectis hactenus diversis modis acquirendi rerum dominium Jure Gentium, etiam percipiatur modus acquirendi rerum dominium Jure Civili, & Canonico.

2. **CONCL. I.** *Præscriptio* est acquisitio domini rei alienæ, per possessionem ejus certo temporis spatio legibus definito bona fide continuatam. Ita in re communis; & concordat hæc definitio cum illa, quæ *L. 3. ff. de Usucap.* habetur, ibi: *Usucapio est acquisitio, vel adjectio domini, per continuationem possessionis temporis lege definiti.* Ubi tamen per *ad acquisitio domini*, etiam subintelligitur elisio juris alterius, utpote perquam similiter acquiritur jus aliquod, quod antea alteri competebat: cæteræ autem particule patebunt ex decursu.

3. Porro



3. Porro licet inter Præscriptionem & Usucapionem nonnullas Doctores differentias assignare conentur, de facto tamen ex recepto modo loquendi plerumque inter se confunduntur: nisi quod Usucapio proprie tantum rebus corporalibus conveniat, at vero Præscriptio generaliore habeat significationem, & rebus tam corporalibus, quam incorporalibus, competat. Verum quidem est, quod Præscriptio triennalis (qualis datur inter res mobiles) frequentiori usu in jure dicatur Usucapio; ex quo proinde nonnulli cum Glossa *L. 3. ff. de Usucap.* deducunt aliam differentiam inter Usucapionem & Præscriptionem, quod nimirum illa proprie sit rerum mobilium, hæc immobilium: quam differentiam etiam Doctor Subtilis 4. dist. 15. quæst. 2. §. de secundo, supponere videtur, ibi: *Ex hoc dico. quod Præscriptio in immobilibus, Usucapio in mobilibus, &c.* Sed hæc differentia non semper attenditur: nam in Jure Usucapio quandoque etiam ad res immobiles refertur, & contra Præscriptio ad res mobiles; prout fit §. 1. *Instit. de Usucap.* & alibi: unde parum, & ferme nihil ab invicem differunt; ratione cujus Doctores eodem modo de utrisque discurrunt.

4. CONCL. II. Jus Præscriptionis seu Usucapionis introductum est Jure humano positivo, tum Civili, tum Ecclesiastico, ob publicam utilitatem & quietem, ne incerta essent semper rerum dominia, & infinitæ orirentur lites circa earum proprietatem. Ita habetur *l. 1. ff. de Usucap.* estque communis. Ratio est: quia non illico sequitur, *rem istam emi, vel alter mihi donavit, legavit, &c. ergo est mea.* Nam si ille, qui mihi eam tradidit, dominus non fuit, neque me dominum facere potuit, juxta *Reg. 79. juris in 6. Nemo potest plus juris transferre in alium, quam sibi competere dignoscitur.* Proinde, nisi Lex ob diuturnam possessionem bona fide habitam, & justo titulo comparatam, illius rei dominium expresse mihi attribueret, numquam de hoc securus forem: nam semper timere possem, ne quis superveniat, illius rei, tamquam ante plurimos annos sibi vel suis parentibus injuste ablata, dominium sibi vendicans.

5. CONCL. III. Translatio dominii facta auctoritate Legis per Præscriptionem, atque Usucapionem justa est; simulque per eam transfertur rerum dominium, nedum in Foro externo, sed etiam in Foro conscientie, adeo quidem, ut, si præscriptio cujusdam rei legitime sit completa, postmodum talis non amplius teneatur ad restitutionem rei jam præscriptæ, etiamsi postea certo cognoscat, rem fuisse alienam. Ita Doctores communiter. Ratio est: quia juste potest transferri rerum dominium per Legem communem justam, & legitime promulgatam; ergo idem dicendum de lege Præscriptionis.

6. Confirmatur. Quia Lex Præscriptionis ex una parte est plurimum utilis ac proficua Reipublicæ, & quieti communi, imo etiam necessaria ad rescindendas infinitas lites; ex altera vero parte per eam nemini infertur injuria: nam sicut hodie a Sempronio præscribitur contra Titium, huicque rem suam certo temporis spatio repetere negligenti, ejusdem dominium vi Præscriptionis

adimitur: ita vi ejusdem Præscriptionis potest Titius alio tempore quidquam præscribere contra Sempronium, vel quemcumque alium, qui negligit rem suam debito tempore repetere. Adde, quod talis sibi, ac propriæ negligentie, quam Jura ob bonum publicum merito castigant, culpam imputare debeat, si tanto tempore negligat rem suam repetere, quantum Jura requirunt ad Præscriptionem.

7. Dices, Juxta illud lumine naturæ notum: *Nemo debet locupletari cum alterius jactura*: sed hoc fit in Præscriptione, ergo. Resp. majorem esse intelligendam de injusta locupletatione: qualis esset, si quis in emptione, aliisque contractibus proximum circumveniret, atque deciperet, sicque cum ejus jactura locupletaretur injuste. Non autem dictum illud est intelligendum de justa locupletatione; qualis est ea, quæ fit in bello justo & in legitima Præscriptione per auctoritatem Legis, ex publica & justa causa transferentis dominium unius in alium, atque in similibus aliis casibus.

\* Conclusio IV. Præscriptio ut sic ab aliquibus in primis dividi solet ratione effectus in positivam & privativam. Hanc divisionem faciunt P. Schmier in *Tract. de Præscript. cap. 1. sect. 3.* & P. Pichier lib. 2. *Decret. tit. 26. §. 1. num. 7.* Vi Præscriptionis positivæ (inquiunt) novum aliquod jus a tertio acquiro; contra vero vi præscriptionis privativæ ab onere aliquo liberor, e. g. si Titius præscribit jus eundi per pratum Caji, vel illic currus ducendi &c. talis præscriptio diceretur positiva. Quod si vero certo tempore a jure definito, puta decennio, Titius similes actus non amplius exerceret in prato Caji, præfatum jus extingueretur, atque Caju, cujus pratum ab hoc onere, seu obligatione liberatur, diceretur præscribere præscriptione privativa, & hinc etiam ab aliquibus Præscriptio ut sic definiri solet, quod sit *modus acquirendi, a jure approbatus, quo per possessionem debito modo, & tempore continuatam obtinetur jus, vel liberatio aliqua.*

Uterius ratione temporis solet præscriptio dividi in ordinariam & extraordinariam. Ordinaria vocatur illa, quæ tempore ordinario, id est, juxta dicenda triennio in rebus mobilibus, & decennio vel vicennio (quale tempus etiam in Jure dicitur longum) in rebus immobilibus finitur. Extraordinaria dicitur, quæ tempore longissimo (quale tempus dicuntur triginta vel quadraginta anni) completur. Atque ad eandem spectat etiam præscriptio sexaginta, octoginta, vel centum annorum; Item præscriptio immemorialis, quæ requirit tempus immemoriale, seu possessionem tam diuturnam, ut ejus initium excedat memoriam hominum de facto existentium, ad qualem præscriptionem immemoriam probandam juxta Mascardum de *Probat. volum. 2. concl. 1042. n. 5. & 6.* sufficit, si testes quinquaginta quatuor annorum (alii putant sufficere quinquaginta duos, vel etiam quinquaginta & unum) testentur, se semper sic vidisse præstari, nec aliter audivisse ab aliis. Quinimo communem esse opinionem, quod per homines modo viventes non sciatur hujus initium, etli fortassis ex documentis probari posset, ante ducentos v. g. vel trecentos annos

contrariam fuisse praxin. De hoc ultimo adhuc fufius ad finem materiae de praescriptione.

Quar. I. Contra quas personas possit introduci praescriptio? Respond. contra omnes illas personas, quae sunt capaces alicujus Juris realis, vel personalis, nec a Jure prohibentur agere, potest praescriptio introduci. Ita cum communi Pichler lib. 2. *Decret. tit. 26. n. 77.* & Schmier *Tom. 1. Jurisprudencia lib. 1. tract. 2. cap. 3. sect. 1. §. 1.* cum Rota Romana in *Rec. p. 4. tom. 1. decis. 316. num. 8.* Ratio est, quia tales possunt praescribere contra alios; ergo merito pati debent, si & praescriptio fiat contra ipsos. Ceterum, quia Filiusfamilias, quamdiu est sub patris potestate, nequit suo nomine agere quoad bona adventitia ordinaria, nec uxor constante matrimonio quoad dotalia, consequenter merito nec quoad ista Bona contra eosdem sub illo tempore praescriptio inchoari potest, prout statuunt Jura *L. Supernaturali §. 2. C. de Annal. Except. & L. in rebus dot. 30. ff. de Jure dotium.* Vide de hoc plura apud Juristas.

Quar. II. An contra personas & earum Jura per actus merae facultatis introduci queat praescriptio? Antequam respondeam, suppono, quod per actus merae facultatis intelligantur illi, quos citra ullam obligationem aut conventionem solent elicere aut omittere homines, vel ex mero arbitrio, vel praecise ex causa liberalitatis, hospitalitatis, vel familiaritatis, quales actus per se loquendo ex communi persuasionem hominum sunt, aliquem ad prandium invitare, ab hoc pistore panes accipere, hoc molendinum pro conficienda farina accedere &c. H. N.

Resp. Per actus merae facultatis non introducitur contra alium praescriptio. Ita teste P. Schmier *loc. cit. cap. 4. sect. 1. §. 3. num. 71.* communissima DD. & patet ex *L. In viam publicam. 2. ff. de via publica.* Porro in dubio sapientius emergente, num hi actus, aut omissiones in particulari sint merae facultatis, nec ne? utiliter vide citatum Auctorem, simulque adverte ex Chlingensperger lib. 2. *Instit. tit. 2. q. 20.* Quod si per similes actus praetendens praescriptionem, prohibeat, vel praecipiat, & alter acquiescat libere, jam magnus exinde favor acquiratur praescribenti.\*

\* Dices, Si quis &c. Vide Addit. (H)

## QUAESTIO II.

Quae Conditiones requirantur ad Praescriptionem?

### SUMMARIUM.

8. Ad Praescriptionem quae conditiones requirantur?
9. Ad eam requiritur Possessio.
10. Bona fides.
11. Et an cum dubio possit Praescriptio inchoari?
12. Vel continuari?
13. Justus Titulus.
14. Tituli nomine quid intelligatur?  
(a) Ut dictum n. 5. & seqq.
15. Titulus, quando requiratur ad Praescriptionem?
16. Et quod res sit apta praescribi.
17. Dupliciter dicuntur res non posse praescribi.
18. Vel quia ordinario tempore non usucapiuntur.
19. Vel quia nullo modo praescribi possunt.

8. **C**ONCL. I. Ad Praescriptionem legitimam quatuor requiruntur conditiones. I. Possessio rei legitimo tempore a Jure definito continuata. II. Bona fides. III. Justus Titulus. IV. Ut res illa sit apta praescribi. Ita in re communis: & quamvis nonnulli enumerent quinque, tamen ipsi primam conditionem hic assignatam dividunt in duas, easque omnes sequentibus versiculis comprehendunt:

*Non usucapies, nisi sint tibi talia quinque.*

*Sit res apta, fides bona, sit titulus quoque justus: Possideas jure, completo tempore legis.*

9. Prima itaque conditio ad Praescriptionem necessaria, est *Possessio legitimo tempore a Jure definito continuata.* Siquidem, ut habet *Reg. 3. Juris in 6. Sine possessione praescriptio non procedit:* quia Praescriptio fundatur super possessione; ubi autem fundamentum non est, superaedificari non potest. Porro hujusmodi possessio debet tempore a Jure definito continuari; de quo tempore, & quantum illud sit, dicetur *Quaest. seq.*

\* Est autem possessio quadruplex; alia naturalis, alia civilis, alia mixta ex utraque, & demum alia civilissima. *Possessio naturalis* dicitur detentio actualis rei nomine suo, & taliter potest etiam fur rem furtivam possidere. *Possessio civilis* est animus possidendi cum juris adminiculo, id est, jure non refragante, & hanc possessionem civilem fur non habet ob defectum bonae fidei. *Possessio mixta* est detentio actualis rei Juris, ac animi adminiculo; & talem possessionem exercet non solum dominus rei propriae huic actualiter insistent, sed etiam possessor bonae fidei rei privatae alienae, quam credit, seu existimat citra peccatum injustitiae, ac bonae conscientiae, esse suam: eamque sic actualiter detinet. *Possessio civilissima* dicitur, quae ex mera dispositione legis, consuetudinis, aut statuti absque alio actu corporis nostri acquiritur, quatenus nimirum quis praecise fictione juris reputatur rem aliquam non solum mente, sed etiam actuali possessione detinere, etsi nullo modo eandem rem umquam adhuc apprehenderit actualiter: talem possessionem dicitur consecutus ille, cui extraditur actuale instrumentum super contractum e. g. emptionis cujusdam rei confectum atque erectum, etsi nondum illam rem ex ulla sui parte apprehenderit. *L. Emptionum l. 6. de Donat.*

Ceterum ad praescriptionem nequitiam in jure censetur sufficiens possessio mere naturalis; cum talem etiam fur respectu rei furtivae exercere valeat; sed ad inchoandam eandem, si agitur de jure novo, vi praescriptionis obtinendo, requiritur vel possessio mixta, id est, naturali & civili conflata, vel saltem civilissima per fictionem Juris mixtae in quibusdam a jure expressis casibus aequivalens. Ad continuandam autem praescriptionem semel legitime inchoatam sufficit possessio civilis tantum, qualem habet, qui corpore quidem abiit a rebus semel legitime apprehensis, inde tamen non discessit animo relinquendi possessionem, sed postea reversurus. Ita expresse disponitur *L. licet C. de acquirenda possessione* ibi: *licet possessio* (& consequenter praescriptio) *nudo animo acquiri non possit: tamen solo animo retineri potest.\**

15. Secunda conditio ad Praescriptionem requiritur, est *bona fides*. Nam, ut inquit *Reg. 2. juris in 6. Possessor mala fidei ullo tempore non praescribit*, & alibi: Porro *bona fides* in proposito aliud non est, quam conscientia seu credulitas, qua quis prudenter sibi persuadet, rem suam esse suam. Dicitur, *prudenter*; quia si ex ignorantia crassa, vel inordinata cupiditate, illa persuasio procedat, non erit fides bona.

\* Objicies: qui contra clara jura prohibentia etiam ex invincibili ignorantia aliquid facit, est in mala fide apud Juristas: atqui talis adhuc potest praescribere, non quidem praescriptione ordinaria, sed saltem extraordinaria, uti cum Hainoldo, Engel, Fachinæ, Covarruvia & pluribus aliis tenet Schmier de Praescript. cap. 5. Sect. 1. §. 5. ergo etiam cum mala fide potest aliquis praescribere. Major probatur ex *L. 7. C. de Agricol. cens.* ubi sic habetur: *Mala fidei possessorem esse, nullus ambigit, qui aliquid contra legem interdicta mercatur*. Et hinc absolute loquendo ab ipsis Juristis a ratione malae fidei soli illi excipiuntur, apud quos ignorantia, seu error Juris toleratur, qui exinde non solum tempore longissimo, sed etiam, si habeant simul titulum, ordinario cum tali errore possunt praescribere: quales sunt Minores, ac Milites, & in quibusdam casibus Foeminae, atque Rustici *L. 9. §. 1. ff. de Juris & facti ignorantia. & L. ult. C. eodem*. Reliqui omnes excluduntur. Ad hanc objectionem Resp. disting. Maj. Talis est in mala fide juridica, conced. in mala fide Theologica, neg. major. ac concessa minori, similiter disting. consequens; Potest etiam apud illos, respectu quorum ignorantia juris non toleratur, praescribi cum mala fide juridica, saltem praescriptione extraordinaria, conced. cum mala fide Theologica neg. Uti enim juxta dicenda *tract. 8. dist. 2. q. 4. num. 34.* duplex est culpa Theologica, & Juridica, ita & duplex mala fides:

Ceteroquin bona fides in praescribente regulariter praesumitur, nisi mala per graves rationes aliunde probetur, arg. *L. merito, ff. pro Socio*. Dixi *regulariter*, quoniam haec regula suas quoque habet exceptiones, ubi potius creditur adesse mala fides, nisi contrarium aliunde ostendatur in sequentibus: I. Quando possessor talis rei fuit ab initio per personam fide dignam admonitus, ne hanc rem acceptet, eo quod non spectet ad vendentem, si nihilominus eandem absque ulteriori indagatione comparet. II. Si ante comparationem talis rei jam sit fama per viciniam, rem emendam non esse venditoris. III. Si Filiusfamilias sub patria potestate constitutus ferat res emendas tales, quae prudenter nequeunt credi Bona Castrensia, vel quasi Castrensia, aut extraordinaria adventitia. IV. Si homo graviter suspectus de furto afferat has res emendas; quando vero haec suspicio non niteretur gravi, sed tantum levi fundamento, deberet talis venditor magis censeretur justus, quam fur, argum. cap. fin. de Praesumpt. uti etiam cum aliis advertunt Engel. lib. 2. Decret. Tit. 26. n. 14. Schmier Tom. 1. Jurisprudencia lib. 1. trad. 2. cap. 5. num. 85. & seqq. V. Ordinarie quoad illos, respectu quorum error juris non toleratur, saltem juridice mala potius, quam bona fides censeretur adesse, si contractus

cum alio initus, vi cujus praetenderetur praescriptio aliqua longi temporis inchoasse, foret a Jure claro reprobatus, e. g. si emeretur res Ecclesiae pretiosa sine debitis solemnitatibus; nam *qui contra jura mercatur, praesumitur bonam fidem non habere*. *Regul. 82. de Reg. juris in 6.* de quo fufius in Jure Canonico lib. 2. Decret. Tit. 26. §. 3. num. 67. & seqq. VI. Et ultimo bona fides non adesse censetur, si praescriptionem alleganti fortiter ipsummet jus cum gravi praesumptione resistat, nec is valeat pro se justum titulum specialem, quod rem debito tempore possidet, vel saltem absque titulo speciali tempus immemorabile allegare, atque probare. Tali modo jus resistit Clerico extraneo, si contra Parochum suum in aliena Parochia vellet praescribere Decimas, prout totum desumitur clare ex *cap. 2. de Praescript. in 6.* Unde talis Clericus deberet vel probare specialem aliquem titulum, quo Jus decimandi acquisivit, vel tempus immemorabile, quo possedit: alias non poterit decimas praescribere. \*

11. Quaes, an dubitans, utrum res sit sua, vel aliena, censeatur habere bonam fidem sufficientem ad Praescriptionem, ac proinde stante tali dubio possit praescribere? Resp. I. Si dubium adfuit ab initio, non potest ita dubitans inchoare Praescriptionem, quamdiu manet illa dubitatio. Ita communis. Ratio est: quia dubitans, an res sit sua vel alterius, injuste agit sibi eam arrogando; cum non sit melior sua conditio; quam alterius, qui eam prius possederat, sed econtra; ergo jam non censetur habere bonam fidem:

12. Resp. II. Quando dubium supervenit ei, qui bona fide cepit possidere; non obstat illud Praescriptioni continuandae, neque interruptit possessionem, dummodo interim possessor moralem diligentiam adhibeat in investiganda veritate rei. Ita communior; & probabilior Doctorum, paucis exceptis. Ratio est: quia in dubio melior est conditio possidentis juxta *Reg. 65. juris in 6.* ergo si is, qui incipit dubitare, jam prius bona fide possederit rem, melior est ejus conditio, quam alterius non possidentis. Unde patet disparitas inter hunc, & priorem casum: simulque sequitur, quod quidem stante tali dubio non possit quis inchoare possessionem rei (cum non sit melior sua conditio, quam alterius) bene tamen possessionem prius jam bona fide ceptam continuare, non obstante dubio postmodum superveniente, dummodo non intermitat adhibere moralem diligentiam in investiganda veritate rei.

13. Tertia conditio, ad Praescriptionem requiritur, est *justus Titulus*: non quidem verus, atque a parte rei subsistens (nam hic una cum traditione, atque possessione, rei dominium transfert, ut amplius Praescriptione opus non sit) sed saltem rationabiliter praesumptus, sive putativus Titulus; qui justo errore putatur intervenisse, quamvis revera non intervenierit.

14. Porro *Tituli* nomine in proposito intelligitur causa ex se habilis ad transferendum dominium, vel usucapiendi conditionem praebens; ut sunt donatio, emptio, transactio, haereditas, legatum, & hujusmodi. Siquidem per tales modos, si tradens fuit dominus rei alteri tradita, transfertur dominium rei in ipsum: si vero non erat

Et 3

domi-

dominus, idque a recipiente ignoretur, saltem usucapiendi seu præscribendi conditionem præstat. Unde si talis postmodum bona fide possessionem dictæ rei legitimo tempore continet, licque præscriptionem illius compleat, non tenebitur amplius eam restituere vero domino, etiamsi postea error deprehendatur, ac manifestum fiat, rem illam a principio fuisse alterius, neque potuisse sibi ab eo, a quo acceperat, tradi titulo donationis, vel emptionis, &c. (a)

\* Dices: Si non adest iustus titulus, non acquiritur dominium: ergo, ut vi præscriptionis acquiratur dominium, titulus requiritur non solum, uti proxime dictum est, quando Jus præscribenti resistit, aut quando illa tempore ordinario absolvitur, sed ad omnem prorsus positivam etiam extraordinariam præscriptionem. Antec. prob. ex L. 24. C. de rei vendicat: ibi, *nullo iusto titulo præcedente ratio juris querere dominium prohibet*, Ergo. Antequam respondeam ex Patre Schmier, hic notandum. I. Alium esse titulum generalem, alium specialem. Prior dicitur ille, qui communis est pluribus specialibus, uti esse potest titulus *pro suis* nam omnis, qui Emptione vel Donatione aut Hæreditate rem acquirit, *pro suo* possidet, atque hic titulus, quatenus generalis, juxta communem non sufficit ad præscriptionem ordinariam. Posterior (nimirum titulus specialis) vocatur, qui ad unam dumtaxat speciem restringitur, e. g. Titulus *Emptionis*, *Donationis* &c. Notand. II. Titulum adhuc aliter dividi in verum, coloratum, existimatum seu putativum & præsumptum. *Verus* est causa specialis, ex qua dominium de facto transfertur actualiter, ubi non est necessaria ulterior ulla præscriptio, e. g. si vetus Dominus mihi donet suum equum. *Coloratus* est causa specialis, actualiter concurrens, suapte natura ad transferendum dominium idonea, esto hic & nunc illud ob defectum tenentem se ex parte tradentis non transferatur: sic, si bona fide eam catenam auream a non domino, habeo titulum emptionis coloratum. *Titulus existimatus* dicitur causa specialis ad transferendum dominium habilis, quam subesse credimus, cum tamen non subit. Quod contingere potest dupliciter, nimirum vel ex errore facti proprii, vel ex errore facti alieni: sic, si librum aliquem mihi crederem esse a Petro donatum, cum tamen is præcisè mihi personaliter commodaverit, foret error facti proprii. Econtra si servus meus librum a Petro talem commodato accipiens mihi persuaderet, ab eodem fuisse donatum, esset error facti alieni, seu ex facto alieno proveniens. Demum *Titulus præsumptus* vocatur, qui non curatur, qualis sit in specie, sed ob diuturnitatem temporis præsumitur in genere aliquis adeste titulus, quicumque demum sit. H. N.

Respond. ad object. disting. consequens. Ad omnem præscriptionem positivam, etiam extraordinariam, requiritur titulus vel coloratus, vel præsumptus, con. semper necessario coloratus, negatur consequentia. Quare finaliter sciendum ex Jure, quod ad præscriptionem ordinariam positivam Bonorum mobilium ac immobilium requiritur titulus aliquis specialis actualiter existens coloratus, vel saltem existimatus ex errore facti

alieni, qui non solum debet dici, sed de eodem quoque sufficienter constare, etiam in foro Conscientiæ, cum leges per ordinariam præscriptionem non concedant translationem dominii, nisi dependenter a simili titulo. Econtra nullatenus sufficit titulus existimatus ex errore facti proprii, multo minus titulus præsumptus seu generalis. Econtra vero ad præscriptionem extraordinariam omnino sufficiens est, præter bonam fidem Theologicam, titulus præsumptus ob temporis diuturnitatem. Et quidem, si bona præscribenda habent fortem contra se Juris resistantiam, titulus iste præsumptus, absque aliquo alio speciali colorato, solummodo admittitur, si simul concurrat tempus immemorabile: in aliis autem, ubi jus specialiter non resistit, sufficit tempus longissimum: triginta nimirum annorum in rebus profanis, & quadraginta in Juribus Ecclesiasticis, ac in aliis Bonis ad Ecclesiam spectantibus; quale tempus, si adest, non amplius oportet esse sollicitum de inquisitione alicujus tituli specialis. Ita omnia ex variis legibus, quas brevitatibus gratia hic omitto, probat P. Schmier *Tom. 1. Jurisprud. lib. 1. tract. 2. cap. 5. sect. 2. §. 2. & 3. \**

15. Notandum vero circa hanc tertiam conditionem, quod Titulus non necessario requiratur in omni præscriptione (contrarium enim patebit ex dicendis num. 21. & 22.) sed tunc præcipue, quando jus commune contrarium est præscribenti, vel habetur præsumptio contra ipsum, prout notatur *cap. 1. de Præscript. in 6.* Si enim tunc non possit allegari Titulus, censetur quis rem possidere mala fide; nisi allegetur præscriptio temporis immemoralis, quæ est instar Tituli, immo quo non potest allegari melior Titulus de toto mundo, ut loquitur Fagnanus *cap. Cum Apostolica, num. 6. De his, quæ fiunt a Prelatis.* Insuper requiritur Titulus ad hoc, ut præscriptio compleatur, seu absolvatur tempore breviori, atque ordinario, de quo amplius *cit. num. 21. & 22.*

16. Quarta, & ultima conditio, ad Præscriptionem requisita, est, ut *res sit apta præscribi*: id est, ut sit talis, in quam per legem, aut specialem rationem non prohibetur fieri Præscriptio, utpote quæ jure humano dumtaxat est introducta; ne rerum dominia diutius essent in incerto.

17. Ubi tamen notandum cum Lessio *lib. 2. cap. 6. dubitat.* 15. quod quædam in Jure dicantur non posse præscribi, seu usucapi, quia ordinario tempore non usucapiuntur; quædam vero, quia nullo modo præscribi possunt.

18. Prioris generis sunt res furtivæ, ac res vi possessæ, de quibus §. *Furtivæ, Instit. de Usucap.* dicitur: *Furtivæ res, & quæ vi possessæ sunt, non possunt usucapi.* Nam quamvis hæ ab ipso fure, vel raptore numquam possint præscribi, defectu bonæ fidei; simulque etiam a tertio aliquo, qui eas bona fide a fure accepit, non præscribantur tempore ordinario, eo quod res furtivæ sint vitiosæ: nihilominus ipsæ ab illo tertio bonæ fidei possessore præscribuntur tempore longissimo, seu post triginta annos, prout Doctores communiter tenent, & probant ex l. *Sicut in rem, C. de Præscript. 30. vel 40. annorum.* Similiter §. *Res Fisci, Instit. de Usucap.* habetur, quod *res fisci usucapi non potest*; & tamen bona fisco jam incorporata præ-



præscribuntur annis quadraginta, l. Omnes, C. de Præscript. 30. vel 40. annorum.

19. Posterioris generis, quæ scilicet ex eo in Jure dicuntur non posse præscribi, quia nullo modo nulloque tempore præscribi possunt, sunt in primis res publicæ, id est, publicis usibus deputatæ; ut forum, pons, portus, via publica, & alia hujusmodi. Deinde homo liber nullo tempore præscribi potest. Insuper Laici non possunt præscribere Jura Spiritualia, v. g. Jus decimarum, Jus conferendi Beneficia Ecclesiastica, & hujusmodi: cum talia nec possidere possint, c. Causam de Præscript. estque communis Doctorum. Secus est dicendum de Jure patronatus, nam hujus Laici non sunt incapaces.

### QUÆSTIO III.

Quantum temporis requiratur ad Usucapionem seu Præscriptionem complendam?

#### SUMMARIUM.

20. Res mobiles, & immobiles, quæ?
21. Res mobiles privatorum, quo tempore præscribuntur?  
(a) Juxta dicta n. 18.
22. Et quo bona immobilia privatorum?
23. Præsentēs, aut Absentes, qui dicantur?
24. Quid de partim præsentē, partim absente?
25. Bona immobilia contra Ecclesiam &c. quo tempore præscribuntur?  
(c) Quæst. I. n. 4.
26. Specialia quoad hoc privilegia quorundam Monasteriorum, & Ordinum.
27. Quo tempore res mobiles Ecclesiarum, vel Monasteriorum præscribuntur?
28. Ad Præscriptionem requiritur etiam possessio continua.
29. Præscriptio interruptitur tum naturaliter,
30. Tum civiliter.

20. **A**dvertendum, quod quantum ad propositum, sit distinguendum inter res mobiles, & immobiles. *Mobiles* sunt, quæ loco moveri possunt: ut pecunia, vestis, navis, animalia, &c. *Immobiles* vero, quæ loco moveri non possunt: ut prædia, domus, agri & hujusmodi. Porro nomine immobilium, hic etiam comprehenduntur jura, & actiones ad immobilia (notanter dicitur, *actiones ad immobilia*: nam actiones ad mobilia, v. g. actio ad debitum certæ pecuniæ, dicitur res mobilis, sicut ipsa pecunia) atque insuper nomine immobilium intelliguntur Beneficia, census, redditus, jus patronatus, usufructus, servitutes prædiorum, & similia. Hæc enim omnia fixa manent, & instar immobilium afferunt fructum suum & commoditatem.

\* Advertendum ulterius, quod servitus vulgo Grund-Dienstbarkeit computata inter Bona immobilia communiter describatur, esse *Jus quoddam in re alterius constitutum vel in utilitatem rei nostræ, vel saltem in utilitatem personæ nostræ*. Quod si tale Jus fuerit principaliter constitutum in utilitatem rei nostræ, dicitur *Servitus realis*; sicque Jus illud adhæret prædio nostro, & id transiet etiam ad tertium, ad quem prædium nostrum pervenit. Econtra vero si tale Jus ex re alterius constitutum foret principaliter in utilitatem personæ

nostræ, vocaretur *Servitus personalis* (ab aliis *mixta*) atque cum persona nostra extingueretur: tales servitutes personales, in Jure reputantur usus, vel usufructus, aut habitatio. Possunt autem tam personalis, quam realis acquiri per pacta, vel per ultimam Voluntatem, vel demum præscriptione, de qua in præsentī.

Porro Servitus realis dividitur in affirmativam & negativam: Item in rusticam & urbanam. *Affirmativa* est jus aliquid faciendi in fundo alterius: v. g. Jus immittendi tignum in ejus parietem, Jus hauriendi aquam in alterius domo &c. *Negativa* est Jus, quo alterum possum prohibere, ne aliquid in fundo suo faciat: e. g. ne ædes suas altius tollat, vel ne fenestram faciat versus meam domum &c. *Servitus rustica* (vulgo Feld-Dienstbarkeit) dicitur, quæ ex sua natura & origine debetur prædio rustico. *Urbana* vero: vulgo Haus-Dienstbarkeit) quæ ex sua natura & origine debetur prædio Urbano. Appellatur autem vi Juris communis prædium Urbanum illud, quod vi suæ originis & naturæ principaliter factum est inhabitandi, negotiandi, recreandi causa. *Rusticum* vero, quod principaliter constitutum fuit ad fructus colligendos seu conservandos, vel ad pecora recipienda &c. L. 1. ff. commun. prad. In territorio Bavaricæ specialiter juxta Jus ejusdem Land-Recht Tit. 26. art. 2. absoluto appellatur *Servitus Urbana* Jus quoddam in alterius domum, horreum, vel alia æqualia ædificia acquisitum. Econtra vero *Servitus rustica* Jus aliquod constitutum in alterius agrum, campum, sylvam, hortum, piscinam, seu stagnum & similia &c. \*

21. CONCL. I. Res mobiles privatorum cum titulo, & bona fide, præscribuntur triennio: sine titulo autem requiritur spatium triginta annorum. Ita communis. Et quidem prima pars expresse habetur L. un. C. de Usucapione transformanda; & §. 1. Instit. de Usucap. ubi præmissa mentione de titulo, & bona fide, subjungitur: *Cautum est, ut res quidem mobiles per triennium usucapiantur*. Verum hinc excipiendæ sunt res furtivæ, & vi possessæ. (a) Altera pars, quæ itidem est communis, desumitur ex l. Sicut in rem, C. de Præscript. 30. vel 40. ann. Et disparitas est: quia spectata naturali æquitate, ipsaque legum dispositione, minus tempus requiritur, & sufficit ad præscribendam rem cum titulo, quam sine titulo; non obstante, quod utrobique requiratur bona fides, sine qua nulla prorsus præscriptio locum habet.

22. CONCL. II. Ad præscribenda bona immobilia privatorum cum titulo, requiritur spatium decem annorum inter præsentēs, & viginti annorum inter absentes: sine titulo autem utrobique requiritur tempus triginta annorum. Ita rursus communis Doctorum. Et quidem prior pars habetur expresse cit. §. Instit. de Usucap. cum concordantiis. Altera vero desumitur ex cit. l. Sicut in rem, C. de præscript. 30. vel 40. annorum.

\* Dicitur notanter &c. Vide Addit. (I)

23. Cæterum *Præsentēs* in proposito dicuntur illi, qui in eadem Provincia commorantur: *Absentes*, qui in diversis Provinciis habitant, sive deinde res in eadem Provincia sita sit, sive alibi. Quinimo Lugo disp. 7. de iust. & jure, num. 67. post

Post alios notat, illud, quod dictum est de diversis Provinciis, de facto habere locum in diversis Territoriis habentibus proprium suum Gubernatorem, qui soli Principi, vel Senatui subest. Juxta quam proinde sententiam illi dicuntur esse præsentés, qui in eodem Territorio habitant: absentes vero, qui in diversis Territoriis commorantur.

24. Addunt Juris Consulti juxta *Authent. Quod si quis, C. de Præscript. longi temporis*: quod si quis partim absens sit, partim præsens, tempus absentiae duplicari debeat; ita ut supra decennium tot anni adjiciantur, quot annis ex decennio fuit absens. Unde si quis per octo annos præsens fuerit, deinde per duos absens, hi duo absentiae anni erunt duplicandi, & adhuc duo addendi, atque ita hæc præscriptio ante duodecim annos non complebitur.

\* Concluf. III. Ad præscribendas servitutes personales illas, quæ ab aliis vocantur mixtæ: Item ad præscribendas servitutes reales, præsentē simul titulo colorato cum bona fide, simile tempus requiritur, quale superius ad præscribendam cum titulo Bona privatorum immobilia desideratur. Ita desumitur ex *L. ult. C. de Præscription. longi temporis*, & videri potest ulterior probatio in Jure Canonico *lib. 2. Decret. tit. 62. §. VI. num. 156. & seqq.* Hoc solum adverte, quod servitus realis negativa tunc præscribi incipiat, quando dominus in re sua aliquid facere vult, & alter præscribens eundem bona fide prohibet, inhibendo, e. g. ne domum altius tollat, &c.

Concluf. IV. Quo tempore per præscriptionem sine titulo acquirantur servitutes reales in rebus alienis, faciendum est discrimen inter servitutes continuas & discontinuas: nam *continua* etiam sine titulo cum sola scientia & patientia illius, contra quem præscribitur, acquiruntur decennio inter præsentés, & vicennio inter absentes, *L. 2. C. de servitutibus & Aqua*. Econtra vero ad præscribendas sine titulo servitutes *discontinuas* juxta communio rem, ac præsertim in Bavaria requiritur tempus immemorabile *L. servitutes ff. de servitut. & Jus Bavaricum Tit. 26. art. 4. & 5.* Ubi nota, quod servitus realis *continua* in Jure nominetur ea, quæ ad continuationem suam non indiget novo facto hominis: talis servitus est Jus tigni immittendi in domum alterius: quando enim semel tale tignum illic immissum est, ulteriori hominis facto non indiget. Econtra servitus *discontinua* etiam quoad continuationem facto hominis opus habet; cum exercitium usus talis servitutis contingat per factum hominis: quales servitutes sunt jus eundi vel plaustra ducendi per fundum alterius, quæ utique non dicuntur continuari sine novo facto hominis.

Concluf. V. Servitutes reales rusticæ, ac personales Ususfructus & Usus semel præscriptæ, iterum amittuntur, seu extinguuntur absque alio per solum non usum spatio decem annorum inter præsentés, & viginti inter absentes; nec tenetur ille, cujus prædium erat obligatum, alterum monere, ut non negligat suum Jus, ex præscriptione antea acquisitum. Ita communis & patet ex *L. si quis Ususfructum C. de servitutibus & Aqua*. Di-

xi notanter *Servitutes rusticæ absque aliquo alio amittuntur solo non-usu*; nam ut pariter intra tale tempus extinguantur servitutes urbanæ, neutiquam sufficit solus non-usus, sed & insuper exigitur, ut alter, cujus prædium servituti subiectum est, exerceat contra præscribentem bona fide oppositum aliquem actum positivum suæ libertatis possessorem: e. g. ut Jus immittendi tignum in alterius murum iterum deperdatur, non sufficit, ut ille, cui memoratum Jus competit, eodem per decennium non utatur, sed & insuper alter, posito, quod velit præscribens tignum immittere in eum murum, debet bona fide resistere, e. g. obstruendo foramen, in quod tignum alias immitteretur: a quo tempore, si prior exinde quiescit, incipit præscriptio, quod dein tempore ordinario decennii inter præsentés completur, uti passim notant utriusque Juris Doctores in *L. Hæc autem jura ff. de Servitut. urban. Præd. \**

25. CONCL. VI. Ad præscribenda bona immobilia contra Ecclesiam, Monasterium, vel Hospitale, aut contra alias pias causas, requiruntur quadraginta anni: excepta tamen Ecclesia Romana, contra quam ac ejus jura currit sola centenaria præscriptio; exceptis etiam nonnullis Monasteriis, ac Ordinibus Religiosis, qui speciali privilegio sunt muniti, ita ut majori, quam quadraginta annorum, præscriptione gaudeant. Ita rursum certa, & communis Doctorum; & clare constat tum ex *Auth. Quas actiones, C. de Sacrosanctis Ecclesiis*, tum ex *cap. De quarta, & c. Ad aures, & c. Ad audientiam, de Præscr. & alibi sæpe*. Nec mirandum, quod in allatis hactenus Conclusionibus præcipue adducantur auctoritates Juris; non autem rationes: siquidem Præscriptio fundatur in solo Jure humano, tum Civili, tum Canonico, ut jam supra (c) dictum.

26. Porro quod additum est in Conclusionē de nonnullis Monasteriis, ac Ordinibus Religiosis, est notandum cum *Lessio lib. 2. cap. 6. dubitat. 7.* Engel, Molina, & aliis, quod Monasteria quædam, & Ordines specialiter sint privilegiati, ut majori, quam quadraginta annorum, præscriptione gaudeant; ita videlicet, ut minoris temporis præscriptio contra eos non valeat. Sic enim Eugenius IV. de plenitudine potestatis concessit Ordini S. Benedicti, ut res immobiles non nisi annis sexaginta possint contra ipsum præscribi: & idem concessit Julius II. Congregationi S. Salvatoris. Quinimo Ordini Cisterciensium, nec non & Ordinibus Mendicantium primum in Hispania, & deinde per communicationem in Superiori Germania, a diversis Pontificibus concessam esse centenariam præscriptionem, docet post Arnoldum Rath, & alios, Ludovicus Engel in Collegio Juris Canonici. *tit. de Præscriptione, num. 33.*

27. Dicitur notanter in Conclusionē: *ad præscribenda bona immobilia contra Ecclesiam &c.* Nam, utrum res mobiles ad Ecclesiam, vel Monasteria pertinentes, usucapiantur trienniali possessione, prout *n. 21.* dictum est de rebus mobilibus privatorum, vel an gaudeant præscriptione quadraginta annorum, variant Doctores. Et quidem res Ecclesiasticas mobiles trienniali possessione usucapi, affirmant *Lessius loc. cit. num. 22.*

Lay-

Layman, Valens, Pirhing, alique plures; idque probant ex *Antb. Quas actiones, C. de SS. Ecclesiis*. Econtra vero easdem pariter gaudere praescriptione quadraginta annorum, æquius esse putant Abbas Panormitanus *cap. 1. De in integrum restit.* & Hostiensis, eo quod jus Canonicum, concedens Ecclesiis aliisque piis locis praescriptionem quadraginta annorum, inter res mobiles & immobiles non distinguat, & proinde nec nos distinguere debeamus. Et hanc posteriorem sententiam, praesertim circa bona Ecclesiastica mobilia pretiosa, absque debitis solemnitatibus alienata, recipiendam censet Engel *loc. cit. nu. 28.*

28. CONCL. IV. Praeter tempus praedictum requiritur insuper ad Praescriptionem, quod possessio fuerit continua, & non interrupta. Ita communis. Nam Jura inter alias condiciones ad praescriptionem requirunt, quod ejusmodi possessio fuerit continua, ut patet ex definitione ipsius *nam. 2.* allata: quando autem ipsa interruptitur, hoc ipso continua non est.

29. Duplex autem est interruptio Praescriptionis, una naturalis, altera civilis, ut notat Glossa communiter recepta in *c. Illud, de Praescript. Naturaliter interruptitur Praescriptio*, quando aliquid incipit deficere ex his, quae necessario requiruntur ad praescriptionem: ut si successu temporis superveniat mala fides, seu certa noticia rei alienae; aut si quis amittat possessionem rei tam naturalem, quam civilem, non obstante, quod id fiat per injuriam alterius.

30. *Civiliter interruptitur Praescriptio*, quando, manentibus naturalibus praescriptionis, interpellatur possidens per actum aliquem juridicum, qui ex legum dispositione talem interruptionem inducit; ut puta per contestationem litis, vel etiam per oblationem Libelli, ac citationem Rei, prout desumitur ex *L. 2. & 3. C. de Annali exceptione*. Si tamen Actor succubuerit in lite, vel litem sponte deseruerit, aut si animo tantum interrumpendi praescriptionem litem moverit (quod ex circumstantiis, juxta prudens arbitrium Judicis, colligendum erit) non interruptitur praescriptio. Glossa *c. Placuit §. potest 16. q. 3.* Pirhing. *tit. de Praescript. n. 134.* Lessius *n. 49.* & alii.

\* Quæres, an idem sit &c. Vide Addit. (K)

#### \* APPENDIX.

Continens septem Casus de Praescriptione.

\* Ut praxis hujus materiae magis capiatur, & scioli illi, qui dum vel parum de praescriptione in Theologia audiunt, illico tamquam Juvenes Confessarii varios etiam difficiles desuper sibi propositos casus resolvunt absque maturo examine praevio, num vere adsint omnes condiciones, ad legitimam praescriptionem requisitas &c. deinceps cautiore sint, consultum duxi per modum additionum septem subungere casus de Praescriptionibus, quorum sit

I. Petro nobili, ejusque antecessoribus per plures annos uniformiter factae sunt certae praestationes annuae a quibusdam suorum subditorum; modo autem Petrus perlustrando acta sui archivi nihil invenit de hac obligatione, quoniam tales se produnt circumstantiae, quae potius

docent contrarium, nempe obligationem ad hanc solutionem non adfuisse unquam. Quærit itaque ex Confessario, an hoc non obstante possit bona conscientia deinceps titulo praescriptionis similes praestationes recipere? Resp. Si non constet positive de mala fide Theologica ante completum tempus, & haec praestationes triginta annis continuis processerint, ex titulo etiam tantum praesumpto, vel si sine allegatione ullius causae fuissent bona fide Theologica cum resistentia juris acceptatae per tempus immemorabile, possunt continuari titulo praescriptionis. Ita P. Schmier *Tom. 1. Jurisprudencia lib. 1. tract. 2. cap. 4. sect. 2. §. 1.* & Pichler *lib. 2. tit. 26. num. 84.* Ratio patet ex jam dictis *hac tertia quaest.* Quia nempe tales obligationes sunt personales: personales autem obligationes introducuntur, & extinguuntur annis 30. *I. 3. C. de Praesc. 30. an. ordinarie loquendo.* Ubi autem Jus resistit, tempore immemoriali absque titulo *cap. 1. de Praescript. in 6.* Illud adhuc superaddo notanter, quod non tantum debeat dici, adesse tempus immemorabile (prout sæpius aliqui sibi blandientes facile id credunt in suum commodum absque ulteriori indagatione) sed & de eodem sufficienter constare.

II. Paulus pariter nobilis inhærens vestigiis Antecessorum suorum exigit bona fide a Colonis (vulgo Grund-Unterthanen) si qui moriuntur, passim etiam ab habentibus emphyteusim hæreditariam (Erb-Pacht) duplex Laudemium, nimirum pro *discessu* & *accessu* (germanice vor Abfahrt und Anfall) de qua tamen Rusticorum obligatione duplicis Laudemii nihil positive constat, neque ex libris emphyteuticis, neque ex praevio aliquo legitimo pacto speciali, cum primo illo Domino directo, qui res illas in emphyteusim hæreditariam dabat, ac cum Colonis desuper inito. Et quia hisce stantibus audit ab alio docto, similem exactionem duplicis Laudemii esse in Jure prohibitam, quærit ex Confessario, an ergo graviter peccet, hanc praxin tanto tempore jam continuatam prosequendo titulo Praescriptionis?

Ante Responsionem nota hic breviter I. Quod emphyteusis sit ille contractus, quo res aliqua immobilis cum translatione domini utilis, retento dominio directo, seu proprietate, alteri fruenda & colenda pro annua pensione, in recognitionem domini directi præstanda, conceditur. Ubi ille, qui concedit, dicitur in Jure Dominus directus (Vulgo Grund-Herr) alter vero, cui sit concessio, vocatur Colonus seu emphyteuta, (germanice Mann.) Nota II. Quod emphyteuta quatuor habeat obligationes; nimirum *primo*, ut servet pacta in hoc contractu inita. *Secundo*, ut colat & conservet rem emphyteuticam. *Tertio*, ut singulis annis solvat certam pensionem, quæ appellatur *Canon annuus* (vulgo Gult und Stuft.) *Quarto*, ut facta aliqua rei emphyteuticæ alienatione Domino directo det Laudemium (germanice Abfahrt oder Anfall appellatum). Nota III. Quod Laudemium de Jure communi sit quinquagesima, de Jure Bavarico juxta locorum observantiam ordinarie vigesima pars æstimationis rei emphyteuticæ. Dictum Laudemium de Jure communi

F f

citra

citra specialia pacta unicum, & quidem juxta Jus commune in sola alienatione rei emphyteuticæ; de Jure autem Bavarico etiam in aliis mutationibus Domino directo a Colonis tantum conceditur, *L. 3. prope finem C. de Jure emphyteutico*; ubi plura desuper in emergentia casus vide apud AA. infra citandos; nos enim hic immoramur in sola præscriptione. H. N.

Respondeo, talem Nobilem non posse continuare bona conscientia quoad emphyteuses hæreditarias exactionem secundi Laudemii mortualis pro discessu, nisi ostendere queat, sic fuisse practicum a tempore immemoriali. Vide desuper jus Canonicum Patris Reiffen' vel *li. 3. Decret. tit. 18. num. 231. August. Michel. Volum. 2. Theolog. Canonico-Moralis p. 1. tract. 2. §. 1. punct. 2. num. 11. & seqq.* Ratio est; quia tali præscriptioni resistit Jus *L. 3. C. de Jure emphyteutico*; atqui juxta dicta *ex cap. 1. de Præscriptione in 6.* ubi resistit Jus, sine specifico titulo requiritur ad præscriptionem tempus immemorabile: ergo pariter hic. Quod etiam de Jure Bavarico gratis concedit Chlingensperger *Lib. feud. cap. 8. qu. 8. object. 2.* non solum quoad feuda, sed etiam quoad emphyteuses, si loquamur de exactione secundi Laudemii mortualis, quod petitur ob discessum per mortem emphyteutæ.

\* Quamvis &c. Vide Addit. (K 1.)

III. Simon, & Bartholomæus &c. Vide Addit. (K 3.)

IV. Jacobus Decanus cujusdam Ecclesiæ collegiatæ, perlustrando Capituli Archivum, ex antiquis instrumentis deprehendit, aliquot anniversaria non servari conformiter Fundationi, utpote, cum ibidem semper Missæ aliquot privatæ simul cum solemnibus dicendæ fuerint injunctæ, quæ tamen non amplius per plurimos annos celebrantur. Quærit ergo is ex Confessario suo, an Missæ privatæ hucusque bona fide intermissæ non debeant refarciri? Item num praxis illa celebrandi solum Officium solemne possit etiam deinceps continuari; cum non constet positive per gravia fundamenta de aliqua reductione Missarum, auctoritate legitima facta, prout supponitur.

Resp. Si praxis ista obtinuit tempore immemoriali, potest bona conscientia continuari, nec est ulla obligatio refarcitionis, cum nihil possit assignari, quod obstaret tali præscriptioni. Ita La Croix *lib. 4. Theol. Moral. r. 852.* Hancque sententiam quoad potestatem præscribendi contra onera Missarum secuta est Rota, uti testantur Card. Thuscus *Litt. S. Concil. 424. nu. 9. Corad. lib. 1. c. 6. num. 324. &c.* Quinimo apud La Croix *loc. cit.* non desunt etiam graves Auctores, qui idem defendunt de tempore longissimo; quod tamen ultimum mihi, nisi simul adsit, & ostendi possit specialis aliquis titulus, apparet difficilius; cum videatur adesse resistantia Juris: quoniam Concilium Trid. *Sess. 25. cap. 5. de Reform.* prohibet specialiter derogari fundationibus, & Bulla Pii IV. confirmans continet decretum irritans, quidquid contra factum fuerit, &c.

V. Joannes Beneficiatus longissimo tempore legit singulis septimanis quinque Missas pro Fundatoribus, credens, se taliter esse obligatum; mo-

do autem acquirens antiquum fundationis instrumentum deprehendit, in eodem tantummodo peti singulis hebdomadibus tria Sacra. Quærit itaque ex Confessario, an per illud longissimum tempus contra se ipsum sit exinde introducta præscriptio, ut teneatur etiam deinceps hebdomatim continuare celebrationem quinque Missarum pro Fundatoribus, vel an possit bona conscientia una cum suis Successoribus solum legere tres in futurum? Respondeo, rem non carere sua difficultate, uti poterit videri apud P. Schmier; si enim potest aliquis præscribere contra Fundatores ad extinguendum numerum Missarum conformiter dictis præcedentibus, cur non poterit præscribi a Fundatoribus contra Beneficiatum ad illum numerum Missarum augendum? Hoc tamen non obstante, cum eodem Auctore sentio probabilius, quod contra Joannem Beneficiatum non sit introducta præscriptio, adeoque possit deinceps hebdomatim tantum applicare tria Sacra pro Fundatoribus. Ratio est fundamentalis; quia, ut contra ipsum procederet præscriptio, Fundatores præscribentes jus illud, deberent habere voluntatem præscribendi contra dictum Beneficiatum, ut sic acquirant possessionem: sed non censentur habere eam voluntatem utilem ad possidendum & præscribendum: ergo. Min. probatur: vel enim tales Fundatores jam sunt mortui, prout plerumque contingit, & hi nil censentur de terrenis amplius possidere; vel adhuc vivunt, & isti utpote bene scientes ex instrumento a se erecto, non esse obligationem celebrandi plura, quam tria Sacra, non præsumuntur de novovelle obligare ad quinque; nam alias, si scientes contrarium, vellent novum onus imponere, forent in mala fide: ergo. Ita P. Schmier, approbante & confirmante facultate juridica Salisburgensi, resolvit in sua Jurisprudencia *Tom. 1. lib. 1. tract. 2. cap. 4. sect. 2. §. 1. nu. 181.* ubi etiam contrarias solvit objectiones. Idem tenent Tamburinus & Pasqualigus cum La Croix *lib. 4. nu. 853.*

VI. Ut Andreas obtineret Canonicatum, consanguineus ejusdem Turnario promisit, ac etiam dedit pingue honorarium, inscio Andrea. Postquam jam integro triennio Andreas pacifice Beneficium cum titulo colorato legitimæ institutionis possedit, devenit in notitiam hujus rei; hinc dubitans quærit ex Confessario, an teneatur Canonicatum dimittere, vel num possit titulo præscriptionis ulterius retinere? Ante respons. Nota I. tamquam certum, quod Simonia adhuc sit, si temporale propter Beneficium datur a tertio, etiam ignorante illo, qui Beneficium acquirit. *c. 2. causa. 1. Q. 5.* Quapropter si Andreas hunc simoniacum ingressum resciret ante triennium, teneretur aut Canonicatum dimittere, aut dispensationem impetrare. Nota II. quod per Regulas Cancellariæ ille, qui Beneficium aliquod per triennium pacifice possedit, nullatenus desuper molestari queat: & si alius postea obtineret contra hunc Possessorem litteras ad dictum Beneficium, nullæ forent, ac irritæ. H. N.

Resp. completo bona fide triennio potest Andreas Canonicatum titulo præscriptionis tuta conscientia retinere absque ulteriori aliqua dif-



dispensatione. Ita Navarrus lib. 3. Consil. 30. de Prabend. Thomas Sanchez in Decalog. lib. 7. cap. 29. num. 86. Lessius lib. 2. cap. 35. dub. 25. num. 140. & alii contra Leurenium Part. 2. Fori Benef. quasit. 827. ac Covarruviam Regul. Possess. Par. 2. §. 10. num. 10. Conclus. 6. & 7. Ratio est: quia tam fortes hic in favorem triennalis possessionis ponuntur clausulae, quam in alia praescriptione: ergo pariformiter non solum pro foro externo, sed etiam pro interno; sicut in aliis praescriptionibus erunt intelligenda. Nec dicas; ab hac triennali possessione excipi ingressum simoniacum, qualis erat in praesenti. Respond. enim; excipi ingressum simoniacum per Beneficiatum, vel saltem eo approbante factum; non autem ipso ignorante per tertium commissum. Videatur Jus Canon. Reifensuel. Lib. 3. tit. 3. num. 278.

VII. Matthias Colonus Bavariae praetendit, quod habeat praedium suum Jus caedendi ligna; & pascendi pecora in fundo Joannis, eo quod id ipsum jam antecessores sui ante plurimos annos absque ulla contradictione exercuerint. Quaerit ergo Joannes ex Confessario, an possit bona conscientia contra Matthiam litem movere, eo quod nequeat ille aliquem hujus Juris praetensi titulum specialem exhibere? Resp. cum haec sit servitus, vel quasi servitus discontinua, quae juxta dicta absque titulo speciali non praescribitur, nisi tempore immemoriali; non tenetur ul-

terius Joannes tale praedictum tolerare, sed potest causam in judicio prosequi, in quo etiam victoriam obtinebit, nisi Matthias probare queat tempus immemorabile: ubi nota, quod ea, quae sunt auditu perceptibilia, per auditum, & visibilia (uti in praesenti) per visum probentur.

Porro, per testes annorum quinquaginta quatuor, vel saltem quinquaginta unius probatur tempus immemorabile, si quilibet eorum deponat: I. Quod ita viderit practitari per quadraginta annos, nec sciat, tempore vitae suae aliter fuisse practicatum. II. Quod neque alios noscat, qui vidissent; aut a videntibus ipsimet audivissent initium talis usus; seu quod tempore suo practicatum fuisset contrarium. III. Quod insuper eorum; qui hujus praxis notitiam habere possint, communis sit opinio, se pariter nec vidisse initium hujus usus, nec ab ipsismet videntibus audivisse: prout talem opinionem seu famam communem exstare; per duos, vel tres probari poterit. Ita deducitur ex L. 28. ff. de Probat. ibi: Si Arbitrarius animadvertere debeat, an operis facti memoria exstet, hoc ei quaerendum est, an aliquis meminerit, id opus factum esse &c. Cum interim nemo sit eorum, qui id meminerit, quibus consilium id viderit: sed cum omnium haec est opinio, NB. nec audisse, nec vidisse; tum id opus fieret, neque ex eis audisse, qui vidissent; aut audivissent &c. \*

# TRACTATUS VIII.

## DE CONTRACTIBUS.

1. **I**nter alios modos acquirendi rerum dominium recte connumerantur Contractus; sic dicti, quia (ut inquit Doctor Subtilis 4. dist. 15. q. 2. §. De secundo) ibi simul trahuntur voluntates partium; trahitur enim iste ad transferendum in illum a commodo, quod expectat ab illo: vel quod expectat transferendum in se: Et de contractibus procedit illud vulgatum Doctorum: Quod a principio est voluntatis, ex post facto fit necessitatis: id est; post contractum semel rite celebratum: arg. l. Sicut, C. de Action. & obligat. Unde haud immerito de contractibus; utpote quorum obligatio non solum pro Foro externo; verum etiam in Foro conscientiae atque interno, locum habet; impraesentiarum agitur.

### DISTINCTIO I.

De Contractibus in genere.

### QUAESTIO I.

Quid, & quotuplex sit Contractus?

### SUMMARIUM.

1. Contractus; unde sic dicti?
2. Contractus accipitur large, & stricte.

3. Contractus; large; seu pactum; quid?
  4. Requiris necessario plurium consensum in idem.
  5. Et quidem reciprocum.
  6. Promissio; antequam sit acceptata; non obligat.
  7. Discrimen inter promissionem Deo, & homini factam.
  8. Contractus proprie; quid?
  9. Solvitur obiectio.
  10. Contractus explicitus, & implicitus seu interpretativus; ac quasi Contractus, quid?
  11. Contractus lucrativus seu gratuitus, & onerosus; quid?
  12. Contractus absolutus, & conditionalis; quid?
- (\*) Tract. 6. Dist. 2. n. 24.

2. **C**ontractus dupliciter accipitur, large & stricte. Contractus large acceptus coincidit cum pacto generatim sumpto; quo modo omnem prorsus contractum, sive gratuitum, sive onerosum sub se comprehendit. Contractus stricte acceptus sub se complectitur solum contractum onerosum, seu reciprocum, qui nempe ex utraque parte paciscentium, seu contrahentium parit obligationem. Hoc ipsum ut unum cum annexis clarius intelligatur, sic

FF 2

3. CON-

3. CONCL. I. *Contractus large acceptus, seu Pactum generatim sumptum, est duorum, vel plurium in idem placitum, & consensus.* Ita L. 1. ff. de Pactis. Sotus 4. dist. 46. q. 1. §. Ad solutionem, & alii.

4. Dicitur: *duorum, vel plurium placitum, & consensus.* Nam, ut recte cit. L. 1. notatur, nullus est Contractus, nullaque obligatio, quæ non habeat duorum vel plurium consensum, seu conventionem in idem; id est, plurium in unum, unamque sententiam consensum in ordine ad aliquid dandum, faciendum, vel non faciendum. Unde, si unus quidpiam donavit aut promisit, alter vero id non accepit, aut recusavit, jam non fuit contractus, neque oritur inde aliqua obligatio.

5. Necesse insuper est, ut talis duorum consensus sit reciprocus, id est, inter se mutuo factus: quia ad contractum non sufficit, ut quovis modo duo in idem consentiant, sed requiritur, ut consensus suos in se mutuo dirigant. Hinc Donatio & Promissio, etiam si a duobus communi consensu fiat respectu unius tertii, antequam sit acceptata ab illo tertio, ejusque consensus reciprocus accedat, non habet rationem contractus seu pacti, sed primum post ejusdem acceptionem.

6. Quinimo ex hoc generatim inferitur, quod nulla Promissio seu Pollicitatio, antequam sit acceptata, pariat quamdam obligationem, ne quidem naturalem, aut in foro Conscientiæ. Unde si alteri promissisti, aut donasti quidpiam interius solummodo, non obligaris. Idem dicendum, quando tu signo externo tuam promissionem vel donationem manifestasti, alter vero eam necdum intellexit, aut non accepit: siquidem in neutro casu fuit contractus, ob defectum reciproci consensus, & consequenter nulla obligatio inde subsequuta.

7. Et hinc discrimen est inter Votum, seu Promissionem Deo factam, & Promissionem homini factam; illa quippe, licet interno tantum animo concepta sit, illico a Deo cordium inspectore cognoscitur, & acceptatur; hæc vero, nisi externo signo manifestata, & Promissario indicata fuerit, ab eo neque cognosci, neque acceptari potest: nam *homo videt ea, quæ parent, Deus autem intuetur cor.* 1. Reg. 16. Et hinc plures Doctores, de pacto inter homines existente loquentes, asserunt, quod Pactum sit *duorum reciprocus in idem consensus, signo sensibili expressus*: nam aliter homines nequeunt consensum alterius cognoscere, & acceptare.

8. CONCL. II. *Contractus proprie, ac in rigore, accipitur pro pacto reciproco oneroso, quod ex utraque parte paciscentium seu contrahentium obligationem parit.* Unde recte definitur l. *Labeo, ff. de Verb. signif.* dicendo: *Contractus est ultro citroque obligatio*: id est, duorum vel plurium in idem consensus, ultro citroque obligationem pariens: qualis est Emptio, Venditio, Locatio, Conductio, & hujusmodi, ubi venditor est obligatus ad dandam mercedem, emptor vero ad refundendum pretium, &c.

9. Nec dicas: Inter patrem & filium, subditum & Superiorem, &c. datur mutua, sive

ultro citroque obligatio, non tamen contractus: ergo data contractus definitio non est bona. Resp. enim distinguendo antecedens: inter patrem & filium, subditum & Superiorem, &c. datur mutua obligatio, orta ex Justitia commutativa, negatur; orta ex aliis Virtutibus, ut puta ex Pietate, Observantia, & hujusmodi, conceditur antecedens, sed negatur consequentia. Nam contractus est ultro citroque obligatio, quæ oritur ex motivo Justitiæ commutativæ post mutuum contrahentium consensum.

\* Solet autem Contractus ut sic proxime explicatus diversimode a Juristis dividi: puta in Contractum seu pactum nudum, & in vestitum; item in nominatum, ac innominatum: præterea in contractum bonæ fidei, & stricti Juris. Ubi pactum nudum dicitur illud, quod in sola conventionem paciscentium consistit, absque aliquo alio extrinseco, quo vestiatur: idque habet quidem obligationem naturalem, non tamen civilem, id est, obligat quidem in conscientia, non tamen parit actionem de rigore Juris civilis, ne lites nimium multiplicentur. Pactum vestitum nominatur, cui præter conventionem partium aliquod aliud Juris adminiculum accedit, ratione cujus actio civilis in Foro externo oritur: puta, si nomine specifico in Jure exornetur, uti emptio, venditio, locatio, conductio &c. vel si scriptura, aut Juramento interveniente vestiatur &c. Contractus nominatus appellatur, qui proprium specificum in Jure nomen habet; e. g. emptio, venditio &c. hincque eo ipso etiam talis contractus est pariter pactum vestitum. Innominatus, qui tali proprio specifico nomine est destitutus, cujus ultimi quatuor sunt modi I. *Do, ut des*: e. g. do vinum, ut des triticum. II. *Do, ut facias*: e. g. do triticum, ut mihi excolas vineam meam. III. *Facio, ut des*: e. g. excolo tibi vineam, ut mihi des triticum. IV. *Facio, ut facias*. e. g. reficiam tibi domum tuam, ut tamen tu mihi excolas meum hortum. Demum Contractus bonæ fidei est ille, in quo Judex potest multa decernere ex æquo & bono, etsi ea verbis expressa non fuerint: tales contractus sunt: emptio, venditio, locatio, conductio & alii §. *Actionum Infit. de action.* enumerati. Contractus stricti Juris est, in quo Judex ad rigorem verborum præcise attendit. L. 99. ff. de verb. obligat. prout similes censentur, mutuum, census, emphyteusis &c. sed de his omnibus plura Juristæ, in specie videatur Reiffenstuel lib. 5. Decret. tit. 35. quæ autem magis concernunt Theologos, sumendo contractum in sensu aliquo largiori, prout nimirum est plurium consensus in idem, adhuc sit \*

10. CONCL. III. Contractus variz sunt divisiones. Et quidem is primo dividitur in explicitum & implicitum. Contractus explicitus, seu formalis est, qui fit expressa partium conventionem; & hic proprie dicitur Contractus. Implicitus seu interpretativus est, qui fit implicite solum, & absque ulla expressa pactione: qualis est Tutela (id est, quando quis in se suscipit officium Tutoris) & quodvis aliud Officium. Qui enim aliquod Officium suscipit, eo ipso sese obligat erga alterum, & alter obligatur erga ipsum, juxta leges & consuetudines, circa tale Officium

receptas,

receptas, neque requiritur alia contentio expressa: & hic dicitur *quasi Contractus*.

11. Deinde Contractus in communi dividitur in lucrativum, & onerosum. *Contractus lucrativus* (quem & *gratuitum* appellant) est, in quo nihil rependitur: ut Promissio, Donatio; Commodatum, &c. Huc referri possunt Testamentum, & Legatum, quæ sunt donationes quædam in diem. *Contractus onerosus est*, in quo aliquid loco ejus, quod datur, reddi debet, vel præstari; ut sit in Emptione, Locatione, & hujusmodi.

12. Tertio Contractus dividitur in *absolutum*, & *conditionatum*. Ille est, qui fit independentèr a quacumque conditione: hic vero, qui fit dependenter ab aliqua conditione extrinseca; v.g. dono tibi meum equum, si eris promovendus ad tale officium, vel si navis ex Indiis advenerit. Porro valor Contractus conditionati pendet ab eventu, seu veritate conditionis adjectæ, eaque non existente, seu non impleta, nullam inducit obligationem: idque defectu consensus, eo quod quis non aliter contrahere intenderit, nisi sub eventu talis conditionis extrinsece. Et additur *conditionis extrinsece*: nam conditiones, quæ taceite de jure insunt, v.g. si potero, si alter non resistat a contrahendo, &c. non reddunt contractum conditionatum, prout in simili de Juramento superius (a) dictum est.

\* Porro, circa contractum conditionatum illud adhuc restat notandum, quod conditio adjecta possit esse vel honesta seu indifferens, vel inhonesta. Quando conditio adjecta fuerit honesta, seu indifferens (prout exempla habes in superiori numero) tunc equidem ante adventum conditionis nulla actualis oritur obligatio implendi contractum, interea tamen tenetur sic conditionate promittens expectare eventum conditionis, ita ut interim nequeat pro libitu suam promissionem ab altero acceptatam revocare. Econtra vero, si illa conditio fuerit inhonesta: e.g. si Titius ad Bertham dixisset: *dabo tibi decem florenos, si concesseris usum corporis tui*. Talis promittens haud dubie non tenebitur expectare eventum tam turpis conditionis, sed poterit promissionem pro libitu suo illico revocare. Quod si tamen Titius eandem non revocasset, & Bertha sub pacto, e.g. recipiendi decem florenos, usum corporis actu concessisset, obligaretur Titius, saltem de Jure naturali loquendo, extradere decem florenos, uti Sporer *Tract. 6. in Decal. cap. 2. sect. 1. num. 18.* recte advertit.

Quæres, an idem sit adjicere quidpiam contractui tamquam *conditionem*, & addere huic tamquam *modum*? Respondeo, ista duo inter se esse distinctissima, uti patebit ex terminorum explicatione: nam si adjicitur veluti præcise modus absque eo, quod simul sit causa motiva, tunc adjungitur in continenti tamquam accessorium contractui, substantialiter in se jam completo: Econtra vero, si additur tamquam conditio, tunc ingreditur substantiam contractus, tamquam causa motiva, ita ut sine eadem contractus substantialiter non diceretur completus. Atque hinc quamdiu non adest conditio, tamdiu obligatio promissi conditionati: Econtra vero actualis ob-

ligatio promissi in propositione modali oritur illico, quamprimum talis promissio profertur, quamvis ipse modus adjunctus necdum adfit: interea tamen alter, cui promissio fit, gravatur, ut in futurum adimplere modum studeat. Item exinde, si in propositione conditionata conditio adjuncta fuerit inhonesta, ea non adimpleta, ad nihil obligatur promittens. Econtra si in modali propositione modus additus fuerit inhonestus, aut impossibilis, talis modus habetur pro non adjecto, & promittens adhuc adstringitur ad servandum promissum, etsi ab altero non servetur modus: nam pereunte accessorio non sequitur, quod etiam pereat principale. Ita accurate notat P. Sporer *loc. cit. num. 17. & seqq.* Cæterum conditio ordinariæ, & nisi ex circumstantiis aliter colligatur, denotatur per particulam *Si*, modus vero per particulam *ut*: e.g. talis propositio: *si fueris consecutus gradum Doctoratus, promovebo te ad officium Præfecturae*, foret conditionata; Econtra vero quando diceretur: *subministro tibi alimenta ad proseguenda tua studia, ut aliquando fias Clericus*. Hæc propositio esset modalis, uti recte Pichler *lib. 1. Decret. tit. 35. num. 5.* In dubio autem præsumendum erit, id, quod additur, magis esse conditionem, quam modum, *L. 109. ff. de condit. & demonstr.*

Dices: Si contractui matrimoniali vel testamentato, aut Professioni Religiosæ adjiciatur conditio turpis, habetur pariter pro non adjecta, & contractus adhuc obligat, prout ex Haunoldo, Sanchez, & Cardinali de Lugo ostendit *La Croix lib. 3. part. 2. num. 599.* ergo non est notabile discrimen, si ve aliquid adjiciatur tamquam conditio, si ve tamquam modus.

Resp. Neg. consequentiam. Etenim, quod in dubio simile Matrimonium, Testamentum, aut Professio adhuc regulariter obligent, quamvis conditio illa turpis, vel impossibilis non adimpleatur: Item quod præfata conditio habeatur ibidem tamquam non adjecta, id provenit ob specialem favorem circa ista tria ex particulari dispositione juris positivi, & nullatenus exinde est facienda extensio ad alios contractus conditionatos, respectu quorum adhuc verum manet, quod talis conditio turpis reputetur tamquam adjecta, ita ut, ea ex altera parte non adimpleta, neque ille, qui hanc conditionem in contractu posuit, obligetur adimplere contractum ob defectum consensus, quem expresse alligavit tali conditioni. Atque hoc bene notandum: deserviet enim suo tempore ad resolutionem variorum casuum, Videatur desuper *La Croix loc. cit. \**

## QUÆSTIO II.

Qualis consensus requiratur ad valorem Contractuum?

### SUMMARIUM.

13. *Ad consensum pro valore Contractuum requiruntur quatuor conditiones.*
14. *Error circa substantiam reddit contractum nullum.*
15. *Secus, quando contingit solum circa qualitatem,*
16. *Metus gravis ab intrinseco proveniens, non invalidat contractum.*

Ff 3

17. Idem

17. *Idem est de me: u ab ext. infeco, sed iuste incusso.*

18. *Contractus ex metu gravi iniuste celebrati.*

19. *Aliqui sunt ipso jure invalidi, alii per sententiam iudicis rescindendi.*

(b) Tract. i. Dist. i. n. 27. & 29.

20. *Contraria quorundam opinio.*

Tract. i. Dist. i. n. 30.

13. **C**ONCL. I. Ad valorem Contractuum omnino requiritur mutuus, & reciprocus contrahentium consensus, ut patet ex ipsa definitione Contractus num. 8. allata. Porro ad talem consensum quatuor communiter requiruntur conditiones: I. Ut consensus sit liber: de quo plura in sequentibus Conclusionibus. II. Ut consensus sit serius, seu promissorius; id est, fiat cum voluntate serio contrahendi, in qua jam involvitur animus se obligandi juxta naturam contractus celebrati: Ratio hujus conditionis est: quia consensus simulatus revera consensus non est, sed tantum fingitur; sine consensu autem contractus validus non est. Unde infertur, quod si se contrahens re ipsa ex tali contractu non obligetur, utpote qui jure naturæ irritus est, & nullus: peccat tamen juxta gravitatem materiæ, qui proximum suam fictione iniuste decipit; unde & tenetur eidem ad recompensationem damni, si quod fortasse fuit subsecutum ob suam fictionem. III. Ut consensus internus aliquo signo externo sit expressus: alioquin enim alter contrahentium non posset cognoscere, neque acceptare consensum præstitum; sine tali autem acceptatione contractus non obligat. IV. Ut talis consensus acceptetur ab altero, cum quo fit contractus, ob rationem paulo ante positam.

14. **C**ONCL. II. Quando in altero contrahentium contingit error circa substantiam rei, Contractus jure naturæ est irritus, v. g. dum emitur aurichalcum pro auro, vitrum pro gemma, & hujusmodi; aut dum econtra venditur, & donatur gemma pro vitro, &c. Ita omnes Doctores. Ratio est: quia tunc deest consensus substantialis, cum nullus sit errantis consensus, ut dicitur l. Non idcirco, C. de juris & facti ignorantia, & alibi; nam emens intendit emere aurum vel gemmam, non vero aurichalcum vel vitrum: sine consensu autem contractus est nullus; ergo. Infertur proinde, quod, dum quis gemmam vendidit, existimans esse crystalli fragmentum, emptor re comperta ad restitutionem gemmæ teneatur, aut ad justum rei pretium persolvendum, prout de novo inter ipsos conventum fuerit: quia prior emptio fuit nulla, & irrita. Lessius lib. 2. cap. 17. n. 27. cum communi.

\* Hanc doctrinam de nullitate contractus, si erratur in substantia, limitant Sanchez lib. 2. de Matrim. & Lugo de jure & just. disp. 26. incassu, quo res, quæ pro alia substantialiter diversa traditur, æque bona est, utilis, atque conducens ad usum, ac finem comparantis eandem: tunc enim videtur adesse alterius consensus saltem interpretativus. Hinc valide & licite (inquiunt) potest dari unum medicamentum a pe-

tito substantialiter diversum, quando certo constat, ad finem intentum æque deservire. Ubi tamen caute procedendum, atque sincere, ne forsitan cupiditas lucri æqualitatem in pretio, aut similem bonitatem & utilitatem fingat; ubi tamen revera & a parte rei sic non est, prout contingere potest apud Pharmacopolas, qui, dum certas species simplices vel compositas a Medico pro ægotis præscriptas, ad manus non habent, interea tamen erubescunt id manifestare, ne suæ officinæ exinde minoris æstimentur, alias substituant, quas non certo sciunt, eundem effectum habituras, cum non levi nocumento ægroti & prostitutione Medici. Vel, qui loco vini Hispanici, ad restaurandas reconvalescentis vires petiti, aquam mellitam, nescio quibuscumque ingredientibus, componunt: similis error in substantia certo facit contractum aliquem invalidum. \*

15. Dicitur notanter in Conclusionem: quando contingit error circa substantiam. Nam si error contingit solum circa qualitatem accidentalem, contractus est validus: modo error, vel dolus non dederit causam contractui; neque qualitas illa fuerit in pactum deducta per modum conditionis. Ratio est: quia talis vere consensit in emptionem istius rei, seu substantiæ ejus, absque metu & fraude. Deinde error ille (prout supponitur) non dedit causam contractui; neque qualitas illa fuit deducta in pactum ut conditio: nam alioquin hac deficiente corrueret contractus, ob dicta n. 12. simulque, quantum attinet ad prius, errantis nullus foret consensus.

\* Infertur proinde, quod invalidus sit contractus, si res illa, quæ comparatur, est quoad substantiam physicam equidem eadem, ac illa, quæ petitur: interea tamen in ordine ad finem, seu motivum principale, omnino inutilis, vel saltem tam parum utilis, ut moraliter censetur, nullam omnino continere utilitatem quoad intentum. Ratio est: quia tunc deficiente causâ motiva principali, censetur pariter deficere consensus in contractum, quamvis cæteroquin error iste tantum circa aliquam qualitatem physicam versetur. e. g. ponamus, Petrus voluit emere vinum forte NB. ut exinde perduret usque ad nuptias, post aliquot septimanas primum instituendas. Vinitor autem, ut facilius vina debilia distrahat majori, & proportionato respectu pretii, huic inscio dedit vinum debile ac non firmum, quod post septem vel octo dies corrumpitur, talis contractus ex defectu motivi est nullus, & tenetur vinitor in conscientia pretium ex integro refundere, quamvis illud vinum in substantia physica non differret a vino forti, & cæteroquin pretium fuisset proportionatum pro vino debili.

Idem dic ob eandem rationem, si Pharmaca evanida pro aptis ad medicinas conficiendas, vel semina corrupta pro idoneis ad seminandum venduntur: nam similia ad finem illum, in ordine, ad quem principaliter petuntur, sunt ex toto, saltem moraliter loquendo, inutilia. Et hinc nullæ sunt, ac restitutioni obnoxie illæ venditiones, quas multi circumforanei praticant, qui ab initio pretiosa unguenta vel



vel Pharmaca, quæis promissi correspondent effectus, aliquibus paucis equidem valide vendunt, ex hoc tamen præcise motivo, ut sic plures ad emendum alliciant, quos si præsentēs viderint, in magna copia deprædicata unguenta seu Pharmaca distrahunt, adeo tamen alterata, aliisque inutilibus rebus in tanta copia commixta, ut ad promissum finem, ob quem emuntur, moraliter prorsus fiant inepta, ac incapacia. Nec dicant, se non posse alias sine honesto lucro tam vili pretio vendere: Respondeo enim, adeoque eisdem debere similes praxes deceptorias omnino deinceps intermittere.

Infertur ulterius, quod econtra validus sit contractus, si emas vinum recens, quod credebas antiquum; sive lymphatum, aut alio minus generoso compatibili mixtum, quod judicabas purum; seu stannum commune, quod existimabas Anglicum; vel pannum in Germania confectum, quem putabas Hollandicum &c. nam in tali contractu ex una parte non datur alia substantia; ex altera autem qualitas ista, respectu cujus error contingit, non fuit in pactum deducta, ac præterea res ista comparata adhuc moraliter, saltem notabiliter, etsi fortassis non in tantum, deservit ad finem, seu motivum principale contractus, prout supponitur. Nec refert, quod fortassis habitualiter ita fueris dispositus, ut, si hanc qualitatem abesse, & dictum errorem accidentalem intervenisse scivisses, non contraxisses; nam talis dispositio habitualis non obest valori alicujus contractus onerosi ordinarie, dummodo qualitas ista non fuerit actualiter per modum conditionis in pactum deducta, nec error dederit causam motivam ac, principalem contractui. Certe multi mariti crediderunt ante contractum matrimoniale, sponsas suas nobiles, divites, pulchras, morigeras &c. ac postea experiuntur contrarium; nec tamen exinde matrimonium censetur nullum, quamvis probabilissime non contraxissent, si similia ante matrimonium præcivissent. Vide de hoc La Croix lib. 3. p. 2. num. 622. ubi etiam duas objectiones notabiles solutas reperies.

Duo tamen debent tales distrahentes sibi bene notare. In primis, quod, si substantia illa equidem ad finem a comparante intentum moraliter, & suo modo deserviat; aut tamen multo minus, sic decipiendo in qualitate, vel quantitate, aut commixtione adhuc peccent graviter. Secundo, quod, si ob defectum similem res esset minoris æstimationis, & hi nihilominus æquali pretio, ac si defectus iste non adesset, distraxissent, teneantur quoad excessum ad restitutionem, nisi læsio sit modica, prout dicitur dist. 4. Q. 8. num. 95. & seqq. Idque bene observent Laniones, qui majoris lucri gratia carnem vaccinam pro bovina: Pistores, qui panem alteratum; & sili-gine mixtum pro pure triticeo: Rustici, qui frumentum aqua humectatum, sicque intumefactum, atque quoad mensuram ampliatum pro sicco vendunt aliis non intelligentibus pretio æquali. Idipsum alte sibi imprimant Sartores, qui vetustas, & suo modo jam attritas vestes ita apposite purgare, reficere, atque apparenti

quadam specie adornare sciunt, ut easdem pro novis, & integris vendant.

Item Sutores, qui madefactione, percussione, calefactione, aliisque modis corium jam obsoletum adeo immutare noscunt, ut quasi novum appareat: cum tamen exinde miseri emptores longe breviori tempore similibus vestibus, aut calceamentis uti queant, ac si fuissent, prout jactabantur. Præsertim vero id advertant Vinitores ac Oenopolæ, qui vino debili addant varias ingredientias ex sulphure, & aliis materiis, sanitati non adeo conducentibus, quæ quidem vinum reddunt gustui amœnum, aut stomacho, & capiti nocivum: si enim (inquit nonnemo) reliquæ de tali vino in tabula remanentes lignum quasi cortodunt, quid causabit successu temporis notabilior hujus vini quantitas in stomacho? Sane tales Vinitores seu Oenopolæ non solum adstringuntur ad restitutionem pretii quoad excessum, sed etiam ad recompensandum damnum, si exinde causatus fuisset morbus, & propterea notabiles expensæ factæ in medicinas, de quibus, uti & de pluribus aliis, quæ addi adhuc possent, videatur Jus Canonicum lib. 3. Decret. Tit. 17. \*

16. CONCL. III. Metus gravis ab intrinseco proveniens (hoc est, non incussus a causa libera, sed naturali; prout est metus mortis imminentis ob morbum, naufragium, bestias, &c.) non invalidat Contractum. Ita rursus certa, & communis; atque desumitur ex c. Sicut nobis. de Regularibus, ubi Votum Religionis, emissum a constituto in lethali infirmitate, censetur validum; ergo si Vota, & hujusmodi, ex metu facta tempore naufragii, vel infirmitatis lethalis, valida sunt, & obligant ad sui impletionem, ut omnes fatentur; idem dicendum erit de Contractibus.

17. CONCL. IV. Similiter metus ab extrinseco proveniens, juste tamen incussus, Contractum non invalidat. Ita pariter unanimis Doctorum. Ratio est: quia talis metus juste incussus, non infert cuiuspiam injuriam. Hinc validum est Matrimonium, metu justæ Excommunicationis contractum. Similiter qui promittit aliquid, ne accusetur de crimine, de quo jure poterat accusari, tenetur stare promissis, non obstante, quod promiserit ob metum accusationis: idem de similibus.

18. CONCL. V. Loquendo tamen de metu gravi, ab extrinseco proveniente, simulque injuste incusso, omnes Contractus ex hujusmodi gravi metu ad extorquendum consensum injuste incusso celebrati, vel sunt ipso jure invalidi, vel saltem per sententiam Judicis rescindendi. Ita communis Doctorum, atque desumitur ex Jure Canonico c. Abbas, &c. Ad audientiam, De iis quæ vi metusve causa fiunt, ubi generales hæc regulæ dantur: *Quæ metu & vi fiunt, de jure debent in irritum revocari.* Item: *Quæ vi metusve causa fiunt, carere debent robore firmitatis.*

19. Probatur eadem Conclusio, simulque sub disjunctione loquens declaratur per inductionem. Nam in primis dantur aliqui contractus, qui, si ex ejusmodi metu celebrentur, ipso jure invalidi existunt;

existent; cum in eis requiratur plena libertas. Sic quippe Matrimonium, & sponsalia; item promissio dotis, veluti accessorie ad Matrimonium, nec non & Professio Religiosa, & quædam his similia, quæ enumerat Glossa magna, cap. 2. De iis quæ vi metusve causa &c. si fiant ex metu gravi, & injuste incusso, sunt ipso jure invalida. Alii vero Contractus, quamvis ob metum gravem ab extrinseco injuste illatum ordinari non reddantur ipso jure invalidi (nam, ut loquuntur Juristæ, *Coacta voluntas est voluntas*) nihilominus suadente æquitate per sententiam Judicis rescindendi sunt, ut jam superius (d) dictum.

20. Quinimo non desunt Doctores, quos refert Sanchez lib. 4. de Matrim. disp. 8. n. 1. inter quos sunt Sotus & Molina, ac sequitur Mastrius disp. 4. Theol. Moral. num. 13. qui volunt, quoslibet Contractus metu gravi initos ipso jure irritos & invalidos esse, aut saltem, ut vult Herinex disp. 1. de Contractibus, quest. 3. num. 46. esse irritabiles pro arbitrio metum passi, vel per Judicem pro Foro externo. Cæterum hæcenus dicta intelligenda solum sunt de metu gravi, seu cadente in constantem virum, non autem de metu levi, prout habetur c. Cum dilectus. De iis quæ vi metusve causa, &c. Quinam autem censeatur esse metus gravis, superius (c) dictum est.

## Q U Æ S T I O II.

Quinam contrahere possit.

### S U M M A R I U M.

21. *Ætates hominis sunt Infantia, Pueritia, Adolescentia, Juventus, vel virilis ætas, Senectus, & Decrepitas.*
22. *Infans, Impubes, Pubes, Minor, seu Minorenns, Major, seu Majorennis.*
23. *Pupillus, quis?*  
*Pupillus pubertati, vel infantia proximus, quis?*
24. *Generatim, qui possint contrahere?*
25. *An & Religiosi?*  
(d) Tract. 7. Dist. 3. Quest. 2. per totum.
26. *Utrum Pupillus, vel Minorennis?*
27. *Corollarium de Pupillo emente sine Tutoris consensu.*
28. *Vel ludendo perdente.*
29. *An Minorennis, vel Pupillus tunc obligatur naturaliter?*
30. *Quid de Pupillo infantia proximo?*
31. *Quid si contrahant cum consensu Tutoris, vel Curatoris?*
32. *Differentia inter Tutorem, & Curatorem.*
33. *Obligatio civilis & naturalis: ac obligati civiliter, & naturaliter, qui?*
34. *Obligationis naturalis effectus, quis?*

21. **A**dvertendum, quod, quamvis Doctores varie distinguant ætates hominis, dum alii plures, alii pauciores assignant, prout refert Fagnanus c. Cum sis, v. 14. de Convers. Conjugat. communior tamen sit sententia Glossæ in Proæmio Libri sexti De re alium, Vers. Perfectus, quæ sex tantum ætates, seu status hominis assignat.

Prima est *Infantia*, quæ durat usque ad septimum annum completum. Secunda est *Pueritia*, quæ in fœminis durat usque ad duodecimum, in masculis vero usque ad decimum quartum annum completum. Tertia est *Adolescentia*, durans usque ad vigesimum quintum completum. Quarta est *Juventus*, vel *virilis ætas*, durans usque ad quinquagesimum annum; quamvis alii juventutem, & ætatem virilem dividant, & hanc ab anno quadragesimo, vel saltem quinquagesimo, usque ad quinquagesimum nonum computent. Quinta est *Senectus*, quæ exinde usque ad annum septuagesimum protenditur. Sexta est *Senium*, seu *Decrepitas*, quæ abinde continuatur usque ad mortem.

22. Advertendum ulterius, quod juxta præmissas vitæ humanæ ætates varia nomina sortitur homo. Atque, ut omitatur nomen Juvenis, Viri, Senis, & hujusmodi, quæ ad propositum minus attinent, imprimis homo dicitur *Infans*, qui est minor septem annis completis. Exinde vero quia pubertas in masculis expleto decimo quarto anno, in fœminis autem expleto anno duodecimo mox incipit; hinc masculi ante expletum decimum quartum annum dicuntur *Impuberes*, eoque expleto *Puberes*; fœminæ autem ante duodecimum expletum *Impuberes*, postea vero *Puberes*, & *Minorennis*. Porro *Minor*, seu *Minorennis* dicitur pubes usque ad vigesimum quintum annum expletum & quidem expletum de momento in momentum; postea tales vocantur *Majores*, seu *majorennis*.

23. Rursum *Pupillus* dicitur, qui cum adhuc impubes sit, desinit esse in potestate patris, vel per mortem ejus, vel per emancipationem, & hic vel est pubertati proximus, vel infantia proximus, prout magis accedit ad pubertatem, vel infantiam. *Pupillus pubertati proximus*, si masculus est, dicitur ille, qui habet ætatis decem annos cum dimidio; si fœmina, quæ habet novem annos cum dimidio: ante hoc autem tempus dicitur *Pupillus infantia proximus*, si est supra septennium, vel *Infans*, si est infra septennium. Hisce terminis prænotatis, sic

24. **CONCL. I.** Generatim loquendo omnes, & soli illi contrahere possunt, qui habent liberam bonorum administrationem. Ita omnes Doctores. Cæterum inter eos, qui non habent liberam bonorum administrationem, in primis sunt infantes, amentes, aut alias usu rationis carentes: tales enim licet sint capaces domini, non tamen usus vel liberæ administrationis ejus ob defectum rationis: unde nec contrahere possunt.

25. Similiter Religiosi solemniter professi, cum nullius rei dominium habeant ob votum Paupertatis, consequenter nequeunt legitime disponere de bonis Monasterii, neque contrahere sine consensu Prælati. Prælati vero, & constituti ab eo Administratores bonorum communium, possunt quidem contrahere, sed in multis casibus non, nisi dependenter a consensu Capituli seu Communitatis, & ad usus determinatos dumtaxat. Huc addi possent filii familias, & uxores, verum de ipsis jam dictum superius.

26. **CON-**

26. CONCL. II. Pupillus pubertati proximus, ac Minorennis, potest quidem sine auctoritate Tutoris, vel Curatoris, contrahere in suum commodum, non tamen in suum incommodum seu praedjudicium, ita ut civiliter obligetur. Ita communis; & habetur expressum L. 1. *Instit. de Auctoritat. Tutor.* ibi. *Si quid dari sibi stipulentur, non est necessaria tutoris auctoritas: quod si aliis promittant pupilli, necessaria est tutoris auctoritas: namque placuit, meliorem quidem suam conditionem licere eis facere etiam sine tutoris auctoritate, deteriore vero non aliter, quam cum tutoris auctoritate.* Unde, ut ait Glossa ibidem, *Contrahens claudicat quandoque.*

27. Inferitur proinde, quod celebrato emptionis contractu Pupillus, sine Tutoris consensu emens, non possit actione civili compelli invitatus ad standum contractui, & solvendum pretium emptionis: ipse tamen Pupillus, si contractui stare velit, potest actione civili cogere venditorem ad tradendam sibi mercem pro constituto pretio. In quo proinde casu claudicat contractus, ut dictum.

28. Insuper inferitur cum Laymano *lib. 3. tract. 4. cap. 9. num. 10.* & aliis, quod, si Pupillus, vel Minor habens Curatorem (secus dicendum, si hic Curatorem non habeat) quidpiam ludendo perdidit, aut alio contractu promissit, id solvere non teneatur, sed possit se exceptione Legis Civilis defendere, nisi Minor se soluturum jurasset. Quod si vero Pupillus, vel Minor, solvit creditori, potest is tuta conscientia rem retinere, donec ab eo repetatur per beneficium Legis, talem repetitionem concedentis; cum hic saltem obligatio naturalis interveniat, quae ex Jure Gentium per consensum oritur.

29. Dicitur, notanter, cum hic saltem obligatio naturalis interveniat. Nam etsi Pupillus pubertati proximus ac Minorennis, non obligetur civiliter, si contrahat sine Tutoris vel Curatoris auctoritate, nihilominus obligatur naturaliter, ac in Foro conscientiae: quamvis hujusmodi obligatio naturalis sit aliquo modo inefficax, utpote quae per exceptionem ex beneficio Legis Civilis non compellentis Pupillum ad solutionem, elidi potest adeo, ut neque in Foro conscientiae solvere teneatur, nisi quatenus loquax factus est; prout observat Lessius *lib. 2. cap. 17. num. 61.* Sanchez *lib. 6. de Matrim. disp. 38. num. 7.* Sannig. *dist. 11. de Justitia, q. 3. num. 9.* Communior Doctorum, et si nonnulli dissentiant. Ratio autem, cur oritur obligatio naturalis, donec per exceptionem Legis elidatur, illa est: quia hic vere intervenit consensus Pupilli, vel Minorennis: atqui ex consensu oritur obligatio naturalis, *l. Stichum; §. naturalis, ff. de Solution. ergo.*

30. Intelligence, dummodo Pupillus sit pubertati proximus: Nam cum Pupillus infantiae proximus vix ullum intellectum habeat, ideo Jura omnem ex parte ejus obligationem tollunt, de quo proin Pupillo intelligendus est textus *l. Pupillus, ff. de Aet. on. & obligat.* ibi: *Pupillus mutuum pecuniam accipiendo, ne quidem jure naturali obligatur; cum concordantiis.*

\* Idem ait cum Sanchez la Croix *lib. 3. part.*

2. num. 682. tenendum esse de Prodigio habente Curatorem, cui specialiter a Judice interdicta est administratio Bonorum: nam & talis absque Curatoris auctoritate contrahens facit contractus irritos, neque transfert dominium *L. is cui bonis ff. de verb. obligat.* Hinc, qui cum tali prodigo contraxit, & v. g. ludendo lucratus est ex ipsius pecuniis, & tenetur in conscientia etiam ante sententiam Judicis restituere, quamvis prodigus non repetat, neque poterit secum contrahentem cogere ad servandum contractum. Ita La Croix *loc. cit.* & ratio est, quia talis, cui administratio specialiter interdicta est, in odium prodigalitatis omnino inhabilitatur ad similia.\*

31. CONCL. III. Pupillus, & multo magis Minorennis, cum consensu & auctoritate Tutoris, vel Curatoris, potest valide contrahere, & sic contrahens obligatur tam civiliter, quam naturaliter. Ita communis; & habetur *l. Impuberes, ff. de Auctoritate & consensu Tutorum.* Verum occasione dictorum

32. Quæres, quæ sit differentia inter Tutorem, & Curatorem? Resp. eos differre potissimum in sequentibus. Si quidem Tutor datur usque ad tempus pubertatis ad tuendam præciue personam Pupilli, secundario autem ad bona ejus administranda, secuta vero pubertate Tutela finitur: Curator autem pueris, & puellis puberibus, datur usque ad vigesimum quintum annum, potissimum ut bonis eorum præsit, seu administrator existat. Deinde Tutor impuberi, etiam invito, dandus est: sed Curator puberi non datur, si est invitatus; & tunc pubes per se ipsum valide contrahere potest, & contrahens obligatur tam civiliter, quam naturaliter; nisi in casu, quo graviter læsus est, eidem subveniatur per beneficium restitutionis in integrum, juxta dicenda *Quaest. seq.*

33. Quæres ulterius, quid sit obligari civiliter, & naturaliter? Resp. *Obligatio civilis* dicitur ea, quæ aut legibus constituta, aut certe Jure Civili comprobata est. *Obligatio naturalis* vero, quæ ex Jure Gentium per consensum oritur. Hinc ille dicitur *obligari civiliter*, qui in Foro externo, ac Civili conveniri potest. *Naturaliter vero obligatur*, qui ex Jure Gentium obligatus existit; ac proinde saltem in Foro conscientiae tenetur, nisi beneficio Legis Civilis, seu per rescissionem actus ope Judicis factam, a tali obligatione naturali liberetur.

34. Porro obligationis naturalis plures sunt effectus: quorum primus, isque præcipuus est, quod creditori jus tribuat accipiendi, ac retinendi, si, quod naturaliter ipsi debetur, ulla opposita exceptione solvatur: & hic est effectus principalis, & inseparabilis ab obligatione naturali. Secundus obligationis naturalis effectus est, quod impediat debiti soluti repetitionem. Tertius, quod tribuat cuiquam jus exceptionis, & compensationis. Et quartus, quod in obligatione naturali possit accedere fidejussor. Verum hi tres posteriores effectus obligationis naturalis quandoque ex dispositione Juris communis separantur, ac præsertim in Pupillis, & Minoribus, si sine Tutoris vel Curatoris consensu

fese cupiam obligent, Layman lib. 3, tractat. 4. c. 9. nu. 9. & alii.

#### Q U Æ S T I O IV.

De Restitutione in integrum, & quibus competat?

##### S U M M A R I U M.

35. Restituere in integrum, quid?
36. Beneficium restitutionis, in quibus casibus concedatur?
37. Conceditur omnibus ætate minoribus.
38. Excipiuntur aliqui casus.
39. Beneficium restitutionis in integrum competit Ecclesiis, &c.
40. Debet peti intra quadriennium.
41. Quadriennium hoc quando incipiat?
42. Presertim si Prælati Ecclesia male alienans, diutius vivit.
43. Beneficium restitutionis in integrum, quibus aliis competat?

35. **R**estituere in integrum idem est, ac reducere aliquem in eum statum, in quo erat ante læsionem, arg. L. 1. C. De sententiam passis. Nam ob æquitatem naturalem, ac Jure communi sic disponente, Judex certis hominibus in contractu, vel alia actione graviter læsis, aut deceptis, cognita causa subvenit restituendo eos in integrum; sic enim Minorennis, videns, in aliquo contractu se graviter fuisse læsum, si petat intra debitum tempus, ut reponatur in eo statu, in quo fuit ante læsionem, Judex beneficium restitutionis in integrum eidem subvenit, ipsumque ponit in suo pristino statu.

36. Conceditur autem hoc beneficium restitutionis tunc solum, quando læsio est notabilis; nam si læsio sit dumtaxat modica, tunc extraordinarium hoc auxilium tribuere non convenit, ut dicitur L. Scio, ff. De in integrum restit. & alibi: Siquidem juxta illud tritum axioma: De minimis non curat Prætor. Vel, ut Glossa cit. L. Vers. Summam, loquitur: De minimis non curandum. Insuper beneficium restitutionis in integrum, utpote quod est remedium extraordinarium, non conceditur, si aliud remedium suppetat contractum revocandi, text. clar. L. In causa, ff. de Minoribus. His prænotatis, sit

37. CONCL. I. Beneficium restitutionis in integrum conceditur omnibus ætate minoribus (id est, qui vigesimum quintum ætatis annum necdum compleverunt) si ex contractu vel quasi contractu graviter prudentum judicio læsi sunt. Ita habetur L. 1. & seqq. ff. de Minoribus viginti quinque annis. Ratio hujus constitutionis est: quia fragile est & infirmum hujus ætatis consilium, & multis captionibus suppositum, multorumque insidiis expositum; unde istud extraordinarium auxilium eidem Prætor pollicitus est, prout ibidem loquitur textus. Et quidem hæc Conclusio intelligenda est, quamvis ejusmodi contractus fuerit institutus cum Patris, vel Curatoris consensu, imo etiam Judicis decreto interveniente: adhuc enim beneficio restitutionis locus erit. L. 2. C. Si Tutor vel Curator intervenerit, cum concordantiis.

38. Excipiuntur tamen aliqui casus a data regula, L. Si talis post expletum vigesimum quin-

tum ætatis annum factus major, ratificet ea, quæ in minori ætate cum Tutoris, vel Curatoris consensu egit: tunc enim beneficium restitutionis petendæ perdit, L. 1. & 2. C. Si major factus, &c. II. Si pubertate jam adepta contractum a se initum juramento sponte facto confirmavit L. Sacramenta puberum. C. Si adversus venditionem &c. Omittuntur nonnullæ aliæ limitationes minus ad propositum attinentes,

39. CONCL. II. Beneficium restitutionis in integrum competit insuper Ecclesiis, aliisque locis piis. Ita habetur clare in Jure Canonico cit. De in integrum restitut. per plura Capitula: si quidem Ecclesia fungitur jure minoris. Quod si vero personæ Ecclesiasticæ in propriis juribus, aut bonis suis patrimonialibus, aliisque privatis lædantur, non competit eis beneficium restitutionis: quia cessat tunc communis favor Ecclesiæ.

40. CONCL. III. Ad petendam restitutionem in integrum ex quacumque causa, hodie conceditur continuum quadriennium. Ita habetur expresse L. ult. C. de Temporibus in integrum restitutionis, & tenent Doctores communiter.

41. Circa quod notandum, quod quadriennium istud in restitutione Minorum inchoetur primum ab ætate legitima, seu a primo die exacti vigesimi quinti anni, cessante tamen alio impedimento. In restitutione vero Ecclesiæ, aliorumque piorum locorum, incipit dictum quadriennium a tempore factæ læsionis; sicuti constat ex c. Ecclesia, de Restit. in integrum, in 6.

42. Intellige: nisi pravaricationis, vel fraudis manifesta, probetur super hoc intervenisse commentum, aut alia rationabilis causa subsit, qua Superiorem movere debeat ad idem beneficium concedendum; prout limitatur cit. c. Ecclesia. Ubi proinde Glossa Vers. Causa, & Fagnanus c. Requisivit, n. 14. de Restitut. in integrum, post Abbatem, & alios inferunt, posse concedi Ecclesiæ beneficium restitutionis etiam post quadriennium, si Prælati male alienans (hoc est, cum gravi damno Ecclesiæ) tanto tempore vivit: nam hoc quadriennium non currit, quamdiu vivit Prælati, qui alienavit, arg. c. Si sacerdotes 16. q. 3. Ratio hujus esse videtur: quia Prælati ille non facile revocabit factum suum; & sic Ecclesia, quantum ad propositum, tunc censetur carere legitimo defensore, ut proinde justa causa subsit eadem restituendi post quadriennium.

43. Pro complemento hujus Quæstionis sciendum, quod Respublica quoque jure Minorum gaudeat, adeoque auxilium restitutionis implorare possit. L. 4. C. Quibus ex causis majores, &c. ubi dicitur: Respublica æquiparatur minori, & ideo habet beneficium restitutionis in integrum. Idque extendunt Doctores primo ad Principem, tamquam caput Reipublicæ. Deinde ad Universitatem Studioforum, cum in ea non pauci, imo plerique minorenni reperiantur. Tertio, ad Vicos communiter habentes. Tandem idem beneficium quandoque conceditur rudibus: ut rusticis, mulieribus, &c. prout amplius declarant Canonistæ.



DISTINCTIO II.

De Contractibus Gratuitis.

Q U Æ S T I O I.

De Promissione, ejusque obligatione.

S U M M A R I U M.

1. Ratio Ordinis.
2. Promissio, quid?
3. Quomodo differat a proposito?
4. Propositum non servare, an sit peccatum?
5. Promissionis quanta sit obligatio?
6. Loquendo de Promissione proprie dicta.
7. Excusantur multe promissiones a mortali, cur?  
(a) Dist. I. n. 13.
8. 9. 10. 11. 12. Promissio variis modis obligatione definit.
- (b) Tract. 6. dist. 2. n. 13.

1. **P**romissis illis, quæ concernunt Contractus in genere, pergendum ad explicandos Contractus in specie, ordiendo a Contractibus gratuitis seu lucrativis, qui ex una solum parte obligationem inducunt; live, in quibus nihil rependitur: ut est Promissio, Donatio, Commodatum, Precarium, & Depositum. Et quidem incipiendo a Promissione, sit

2. **CONCL. I.** Promissio est spontanea & deliberata fidei obligatio, facta alteri de re quapiam bona, & possibili. Ita in re communis. Et hujusmodi Promissio tunc fit, quando quis sponte, & liberaliter, atque animo sese obligandi, pollicetur alteri quidpiam dare, vel facere, quod honeste potest. Dicitur primo, quod Promissio sit de re quapiam bona: liquidem, ut habet Regula 69. Juris in 6. In malis promissis fidem non expedis observare. Idque intelligendum, etiam cum Promissio sit juramento firmata: nam non est obligatorium contra bonos mores præstitum juramentum. Reg. 58. Juris in 6. Et additur, & possibile: quia nemo potest ad impossibile obligari; juxta Reg. 6. eod.

3. Dicitur ulterius, obligatio fidei: per quod Promissio differt a Proposito. Nam Promissio est actus, quo quis se alteri obligat ad aliquid dandum, vel faciendum, juxta proxime dicta; & explicatur per verbum, Promitto me facturum, aut daturum hoc, vel illud. Econtra Propositum, licet firmum, ac deliberatum, ex se nullam inducit obligationem: concipitur enim sine actuali obligatione, ac explicatur per verbum, faciam, dabo, &c. sed non intenditur obligatio.

4. Inferitur proinde, quod si quis Propositum utcumque firmum non servaverit, peccati propterea reus non sit, cum nulla se obligatione constrinxerit: utputa si quis proposuit jejunare, dare eleemosynam, aut certas preces persolvere. Intellige, nisi quis aliunde sit obligatus ad tale quid faciendum, aut nisi id fiat ex inordinata passione, gravi socordia, vel negligentia. Quinimo Layman lib. 3. n. 16. post Lessium lib. 3. cap. 2. nu. 49. in tali inordinata bonorum Propositorum mutatione agnoscit peccatum inconstantiæ, ex genere suo veniale; cum sit quædam inordinatio mentis, quod bene consultatum,

judicatum, & acceptatum est, leviter & sine ulla rationabili causa derelinquere.

5. **CONCL. II.** Promissio proprie dicta, si sit legitime facta, & ab altero acceptata, ex genere suo obligat ex Justitia, & sub peccato mortali; nisi rei promissæ parvitas excuset. Ita Doctores communiter. Unde illud vulgatum dictum: *Omne promissum cadit in debitum*, arg. e. *Qualiter, de Pactis*, ibi: *Studiosè agendum est, ut ea, qua promittuntur, opere compleantur, & alibi.* Ratio est: quia promittere proprie loquendo, non est utcumque verum dicere, sed simul astringere alteri fidem suam.

6. Dicitur, Promissio proprie dicta; Siquidem præfens Conclusio solum procedit, si quis vere promittat animo se obligandi: nam si absque animo obligandi se, facta sit promissio, non tenetur vi illius quis adimplere promissum, eo quod revera non fuerit promissio proprie dicta, cum deficiat voluntas se obligandi.

7. Et hinc infert Sanchez lib. 1. de Matrim. disp. 5. num. 25. quod plurimæ promissiones excusari possint a mortali: quia per eas non intendunt homines se obligare præcise, sed ex quadam benevola honestate; vel ignorant tantam ex simplici promissione consurgere obligationem, existimantes, solum se obligari ad suum tuendum honorem. Unde in proverbium abiit, *Verba urbanitatis minime obligare.* Hæc ille. Verumtamen hoc intelligendum, secluso alio damno proximi: alioquin haberent locum dicta superius (a) de cæteris fidei contrahentibus.

\* Notent sibi ultima hujus numeri verba illi Pseudo liberales promittentes, qui ad alterum honorandum e.g. ad Natalem ipsius nescio quot Missas offerunt, interne tamen nil minus, quam promissum servare cogitant: ponamus enim, quod alii, qui has obligationes acceptant, sint ex voto, vel ex stipendio obligatio ad aliquot Missas legendas, & hi propter tales oblationes onus celebrandi in istos promittentes transferant, certe exinde sive propter oneris translationem, sive ob damnum alias emergens tenentur in simili casu sub gravi peccato easdem celebrare, aut celebrari facere, quamvis ficto animo, vel præcise ex quadam benevola honestate, aut solo titulo fidelitatis obtulerint. Nec eximit tales a gravi peccato doctrina Molinæ, & Cardinalis de Lugo, qui cum Sporer Tract. 6. in Decal. c. 2. num. 69. sentiunt, si promittens liberaliter voluerit se simpliciter obligare etiam in re notabili, non tamen cogitaverit, vel se determinaverit ex qua virtute, aut an graviter vel leviter? quod tunc stante tali dubio solum venialiter ex virtute fidelitatis obligetur promittens: nam hæc doctrina saltem tunc non subsistit, quando alter, cui sit promissio, habet obligationem gravem, & eandem promittens externe in se suscipit; cum propter talem fictam oneris in se susceptionem sit causa notabilis damnificationis & omissionis rei graviter obligantis. \*

8. **CONCL. III.** Promissio valida variis modis obligare definit. Ita communis; idque patet inductione. Et I. Cessat Promissio ob-

Gg 2

liga-

ligare propter condonationem Promissarii, potentis condonare: nam quilibet suo juri renunciare potest. II. Cessat obligare Promissio per mutationem objecti, si videlicet res promissa fiat interim impossibilis, illicita per leges, damnosa vel inutilis Promissario, in cuius utilitatem, commodum & gratiam facta est promissio.

9. III. Cessat obligare promissio propter supervenientem sine sua culpa talem mutationem status rerum, ut iudicio prudentum (quod ex qualitate rei promissæ, & ipsarum personarum, formandum est) censeatur Promissor talem eventum non voluisse comprehendere: siquidem ultra ejus intentionem non obligat promissio. Sic fieret, si quis pauperi promissit centum florenos, & postmodum implemet promittens in paupertatem incidat, adeoque iis ad honeste sustentandum se, suamque familiam indigeat. Item si quis puellæ promissit Matrimonium, quæ postmodum fit pauper, multum deformis, aut ab alio corrumpitur, & hujusmodi; prout in simili superius (b) dictum est, agendo de Juramento.

10. IV. Cessat promissio obligare propter ingratitudinem Promissarii (id est, illius, cui facta est promissio) hæc enim non tantum obligationem promissionis tollit, sed insuper, si sit gravis, donationem facit revocabilem, *cap. ult. de Donationibus*.

11. V. Cessat talis obligatio Promissionis per compensationem, dum videlicet duo sibi invicem, quidpiam promiserunt, & alter non vult stare promissis: tunc enim neque prior manet obligatus ad standum suo promissio.

12. VI. Cessat obligare Promissio ob non subsistentiam causæ principalis: ut si cuiuspiam intuitu paupertatis quidpiam promissisti, quem postea comperis revera non esse pauperem. Idem dicendum, si intuitu præstationis beneficii facta erat promissio remuneratoria, & tamen illud beneficium præstitum non est, sed falso ita existimatum.

## Q U Æ S T I O II.

De Donatione, & variis ipsam concernentibus.

### S U M M A R I U M.

13. *Donatio, quid?*
14. *Dividitur in mere gratuitam, & remuneratorem.*
15. *Donatio mortis causa, quæ?*
16. *Potest semper revocari, si ut & Testamentum.*
17. *Donatio inter vivos quæ, & an revocari possit?*
18. *Hæc ante acceptionem non obligat.*
19. *Censetur acceptari præsentem, & racentem.*
20. *An p. sit acceptari pro alio, aut prædeterminata Ecclesiæ?*
21. *Donatio ante æqualem rei traditionem non dat jus in re.*
22. *Donatio ultra 500. Solidos non valet quoad excessum.*
23. *Per Solidum intelligitur Aureus.*
24. *Declaratur Conclusio.*
25. *Excipitur Donatio ad pias causas.*
26. *Et nonnulla alia Donationes.*

13. **C**ONCL. I. *Donatio*, quæ juxta nominis etymologiam idem est, ac *doni datio*, bene describitur cum Scoto 4. *dist. 15. quest. 2.* quod sit datio rei mere liberalis. Sive, ut alii loquuntur, *Donatio* est translatio domini alicujus rei per actum mere liberalem in alium facta: & hæc proprie appellatur *Donatio*.

14. **C**ONCL. II. *Donatio* dividitur multipliciter. Et in primis dividitur ipsa in *Donationem mere gratuitam*, cui proxime data definitio convenit: & in *Donationem remuneratorem*, quæ fit intuitu alicujus accepti beneficii. Deinde in *Donationem absolutam*, seu puram: & in eam, quæ fit sub conditione aliqua, v. g. dono tibi hunc agrum, si Romam perrexeris. Præcipua tamen divisio est illa, qua ipsa dividitur in *Donationem mortis causa*.

15. *Donatio mortis causa* dicitur ea, quæ fit propter mortis suspicionem, cum nempe quis ita donat, ut, si quid humanitus ei contigisset, haberet is, qui accepit: sin autem supervixisset, is, qui donavit, reciperet. Quod posterius etiam dicendum, si eum donationis pœnituisse, aut si prior decessisset ille, cui causa mortis donatum est, prout habetur §. 1. *Institut. de Donationibus*.

16. Inferitur proinde, quod hæc *Donatio mortis causa*, sicut & Testamentum, ac quodlibet Legatum, quocumque tempore revocari possit usque ad mortem. Neque ad hanc revocationem requiritur alia causa præter liberam voluntatem donantis, vel testantis: siquidem cum talis donatio fiat causa mortis, ac sub conditione, *Si moriar*: antea semper licet pœnitere. Unde est illud vulgatum axioma inter Juristas: *Ambulatoria est voluntas defuncti usque ad vitæ suæ exitum*, l. *Quod si*, ff. *De alimentis legatis*. Sed de Donationibus mortis causa, plura *Dist. seq. per totum*, agendo de Testamentis.

\* **Q**UÆR. I. Quid sentiendum sit de donationibus, quas parentes faciunt suis prolibus nondum emancipatis? Resp. I. Si hæc donationes factæ fuerint a matre, avia, vel avo materno, firmæ existunt, nec ad libitum revocari valent. Ita cum aliis Molina *Tom. 1. de Jur. & Just. disp. 291.* & Sporer *Tract. 6. in Deca. cap. 3. sect. 3. num. 42.* Ratio est, quia nullus textus Juris assignari potest, per quem similes donationes infirmarentur. Resp. II. si fiant a Patre tales donationes regulariter loquendo, non sunt firmæ, sed ab ipso prolibitu iterum revocari possunt, nisi juramento fuerint confirmatæ. Ita deducitur ex L. 3. *C. de inofficiosis Donationibus*.

Dixi regulariter loquendo, hæc donationes non sunt firmæ: nam patitur hæc regula aliquas exceptiones, ubi similes donationes firmantur: sic contingit. I. Si res donata fuerit Proli a Patre tradita, & per mortem Patris, vel per emancipationem Proli confirmata. II. Si fuerit donatio remuneratoria, nimirum in recompensationem aliorum beneficiorum, seu extraordinariorum laborum. III. Si fuerit facta ob certam causam, puta Filio ad nuptias, Filiz in dotem, vel ad ingressum Religionis; nam similes donationes nequeunt amplius pro libitu revocari. Vide Sporer *loc. cit.*

Quæ-

Quæres II. An donationes alicui ex Prohibitis factæ, postea Parente mortuo, conferendæ sint cum reliquis bonis relictis in divisionem hæreditatis? Hæc controversia sæpius jam graves tricas inter Fratres & Sorores ad invicem mortuis eorum Parentibus, excitavit, aliquibus, qui minus in vivis receperunt, volentibus, ut illi, qui plus acquisierunt, patiantur dictum excessum computari in divisionem hæreditatis: aliis vero prætendentibus, eum excessum esse gratis donatum a parentibus adhuc vivis, sicque nec subjacere collationi hæreditatis. Porro ante resolutionem notandum, quod non moveatur questio, si Parens ipsemet expresse se declaraverit: nam si is tempore donationis voluerit, tales res donatas conferri postea in hæreditatem, haud dubie sic debeant conferri; sicuti econtra, si noluerit computari, neque computabuntur in divisionem Hæreditatis, modo aliis necessariis hæredibus adhuc remaneat legitima. Dubium itaque solummodo remanet, quando parens nihil in testamento, vel ab intestato desuper disposuit. H.N. Resp. I. Si similes donationes factæ fuerint Filio propter nuptias, aut Filia in dotem, vel per modum dotis ob ingressum Religionis, dictæ donationes, mortuo Parente, conferendæ sunt in divisionem hæreditatis, si Parens in vivis aliter expresse non disposuerit. Ita eruitur ex *L. 17. C. de Collationibus*. Resp. II. Si extra specificatas aliæ donationes, inter vivos factæ, fuerint validæ & firmæ, ex tempore mortis Parentum non sunt computandæ in divisionem hæreditatis. Ita intimus Bavaricæ Cancellarius Schmid in Commentariis in *Jus Bavar. Tit. 36. art. 10. num. 16*. Ratio est: quia similes res præsumuntur gratis donatæ absque onere computationis in legitimam, prout recte advertit Schmid *L. c.* Sunt autem in specie loquendo tales. *Primo*. Donationes remuneratoriæ ob beneficia præstita, aut ob extraordinarios labores juxta communem Doctorum. *Secundo*. Equus & arma, quæ subministrantur Filio eunti ad militiam, *L. 4. C. Familia Eriscunda*: Pariformiter sentientium de expensis in studia cujusdam Filiorum factis *L. 50. ff. Familia Eriscunda*: quoniam armis & apparatus militari æquiparatur apparatus litterarius, hocque procedit saltem, si excessus expensarum quoad studia non sit nimis respectu aliorum liberorum. *Tertio*. Pariter in divisionem hæreditatis non computantur quotidiana alimenta, & vestimenta liberorum, *L. an. §. C. de Contrah.* Ratio esse potest; quia hæc causa liberorum communis est, cum omnes vestimentis & alimentis indigeant, licet forsitan per accidens uni plus, quam alteri obvenierit, quod ad evitandas lites, non solet inter liberos attendi, nisi excessus patenter foret nimis. Quodsi plures similes casus occurrerent, eosdem videre poteris in Jure Bavarico *Tit. 36. art. 10 ac 14*, & apud Schmid solidissime in id glossantem, vel apud Sponer *Tract. 6. in Decal. cap. 3. sect. 3. num. 43. & seqq.*

Quæres III. Quid statuendum sit de illis donationibus, quas Sponsi ad invicem faciunt, antequam actualiter matrimonium contrahant? Resp. I. Si matrimonium postea contrahatur ac

consummetur, illa pars, cui res antea donatæ fuerunt, eisdem pleno Jure suas facit. Ita docet Sanchez *lib. 6. de Matrim. disp. 19* ac probatur ex Jure arg. *L. si Mater, & Si a Sponso C. de Donatione ante Nupt.* Resp. II. Si illa pars, cui res a comparte donata est, ex sua culpa sponsalia non servet, tenetur rem donatam restituere; si vero ex culpa donantis non sequatur matrimonium, nihil amplius obligatur Donatarius reddere. Ita habetur *textu claro. L. cum verum C. de Donat. ante Nupt.* Resp. III. Si ex nulla culpa donantis, sed v. g. morte, aut Professione religiosa alterutrius Sponsorum matrimonium non fuerit secutum, pariter adstringitur illa pars, quæ rem donatam accepit, iterum restituere, *L. si a Sponso & L. cum veterum, C. de donat. ante Nupt.* ubi tamen excipitur Sponsa illa: quæ post sponsalia accepit a Sponso osculum, vel cum eo exercuit copulam: hæc enim rei donatæ adhuc in simili casu poterit retinere medietatem.

Quæ. IV. Quid dicendum sit de donationibus, quas ad invicem instituunt Maritus & Uxor tempore actualis matrimonii? Resp. Tales donationes regulariter loquendo non esse firmas, sed posse ad nutum donantis revocari. Ita deciditur *cap. fin. de Donat. inter virum & uxorem*. Dixit: *regulariter loquendo*: nam dantur casus excepti, ubi tales donationes etiam ante mortem donantis firmæ censentur, nec ad ejusdem libitum revocari possunt. I. Si fuerint factæ remunerationis causa ob alia obsequia a consorte præstita, dummodo inter obsequia & remunerationem sit aliqua proportio seu æqualitas. Ratio est; quia sic conjuges magis stimulantur ad obsequia extraordinaria sibi invicem præstanda, arg. *L. 1. & L. 27. ff. de Donat.* II. Si factæ fuerint inter Principes & Comites Sacri Romani Imperii. Sanchez *lib. 6. de Matrim. disp. 3. num. 1.* III. Si inter alias personas conjugatas fuerint res donatæ exigui pretii. Barbosa in *cap. fin. de Donat.* IV. Si fuerint donationes mutuz, saltem quando una non excedit notabiliter alteram, *L. 7. §. ff. de Donat.* V. Demum firmantur etiam aliæ donationes per ipsam mortem donantis conjugis, si non exceßerint 500. solidos. Quodsi vero dictam summam exceßerint; per solam mortem non firmarentur, nisi tales donationes iterum in testamento vel codicillo repetitæ fuissent. *L. 25. C. de Donat. inter vir. & uxor.* ac Chlingensp. *lib. 2. Instit. Tit. 7. q. 13*. Alias exceptiones vide in Jure Canonico *lib. 4. Decret. Tit. 20. §. 1*. Hic positæ sunt communiores. \*

17. *Donatio inter vivos* est, quæ fit sine ulla mortis suspitione ex mera liberalitate, & ea mente, ut res donata fiat statim accipientis, arg. *L. 1. ff. de Donatione*. Unde hujusmodi Donatio semel perfecta, temere revocari non potest. Dicitur, *temere revocari non potest*: nam ob certas causas, veluti ob ingratitudinem Donatarii (si nempe impias manus in Donatorem injecerit, aut ei graves injurias, seu grave rerum suarum damnum, aut vitæ periculum inferre præsumpserit) Donatio inter vivos per ipsum Donatorem revocari potest, non tamen per ejus hæredem, si ipse Donator tacuit; prout

expresse habetur *cap. ult. de Donationibus* & alibi. Et de hac Donatione inter vivos ex professo hic agitur.

18. CONCL. III. Donatio ante acceptationem non parit ullam obligationem, potestque libere revocari, etiamsi quis absolute se obligare voluerit. Patet hoc ex dictis *Dist. prac. num.*

4. & 6. Nam nullus est contractus, nullumque pactum, donec adsit consensus reciprocus duorum.

19. Notandum tamen cum Sanchez *lib. 1. de Matrim. disp. 6. num. 11.* & communiori Doctorum, paucis exceptis, quod Donatio, presentis & tacenti facta, jam censeatur ab eo esse acceptata: quia in favorabilibus, *Qui tacet, consentire videtur*: juxta *Regulam 43. Juris in 6.* Immo si Donatio fiat ipsimet Deo, vel ad ejus honorem cuiuspiam Sancto, valet ea irrevocabiliter, nec opus est ulteriori acceptatione; cum Deus illico acceptet donationem ad honorem suum factam.

20. Notandum ulterius, quamvis pro alio Promissionem, aut Donationem, nemo possit regulariter loquendo acceptare absque speciali ejus mandato, seu commissione, id tamen fallere in nonnullis casibus. Siquidem primo, si donatio fiat determinatæ Ecclesiæ, vel alicui alteri causæ piæ, potest ea a quolibet, etiam homine privato, acceptari, dummodo verba ad ipsum dirigantur. Et notanter hoc ultimum additur: quia, si verba nullo modo, neque expresse, neque implicite ad ipsum diriguntur, is non poterit acceptare Promissionem vel Donationem pro alio; prout ex communi docet Covarruvias in *c. Quamvis de Pactis, in 6. part. 2. §. 4. n. 13.* & Lessius *l. 2. c. 18. n. 49.* Nam si verba ad eum nullatenus diriguntur, non intervenit reciprocos consensus; qualis tamen requiritur ad omne pactum, omnemque Promissionem, atque Donationem. Deinde in quibusdam casibus, dummodo verba dirigantur ad ipsum presentem, potest Pater vel Mater Donationem acceptare pro Filio, Tutor pro Pupillo, Curator pro Minore, Filiusfamilias pro Patre, Servus pro Domino, Monachus pro Monasterio, & alii hujusmodi.

21. CONCL. IV. Donatio mere verbalis ante actualem rei traditionem non dat jus in re, sed ad rem dumtaxat. Ita communis. Quia, ut dicitur *l. Traditionibus, C. de Pactis*, ibi: *Traditionibus, & usucapionibus dominia rerum, non nudis pactis acquiruntur.* Unde licet acceptes donationem verbalem, qua tibi Cajus donat equum absentem, non per hoc acquiris jus in re, ac dominium equi ante traditionem: & hinc, si interea Cajus donet, aut vendat equum alteri, eique tradat, is dominium equi acquirit, tu autem habes actionem personalem in Cajum pro injuria tibi facta ratione juris ad rem, quod vi donationis habebas in equo.

22. CONCL. V. Donatio inter vivos ultra quingentos Solidos Jure communi Cæsareo est invalida, nisi accedat insinuatio apud Judicem; sed quoad excessum dumtaxat ipse non valet, simulque certis adhuc casibus exceptis. Ita communis; & habetur expresse decisum *L. penult. de Donationibus*, & alibi. Et hoc quidem rationabiliter est constitutum, ut obviatur fraudibus

nonnullorum: simulque, ne cives cæteroquin locupletes, per excessivas donationes temere factas ad paupertatem redigantur.

23. Porro per quingentos Solidos hodie communiter intelliguntur quingenti Aurei, seu Ducati, qui faciunt mille Imperiales nostrates: nam in Jure Aureus accipitur pro Solido, ita ut septuaginta duo Solidi, seu Aurei, faciant unam libram auri, prout sentit Glossa, *§. fin. Institut. de pena temere litigantium.* Unde si quis ultra quingentos tales Solidos velit donare inter vivos, opus est, ut actis publicis intervenientibus talem donationem insinuet apud Magistratum, & judicis auctoritas accedat; alioquin ipsa quoad excessum non valebit.

24. Dicitur, *quoad excessum non valebit*: nempe quoad illam quantitatem summæ, quæ excedit quingentos Solidos. Siquidem quoad summam quingentorum Solidorum donatio illa valebit. *l. Sanctimus, C. de Donationibus.* Accedit ratio: quia, ut habet *Regula 37. Juris in 6. Utile non debet per inutile vitari*: quod communiter intelligitur, quando utile ab inutili separari potest, prout fit in proposito.

25. Additur in Conclusionem: *simulque certis adhuc casibus exceptis.* Nam sunt nonnulli casus, in quibus sustinetur Donatio ultra quingentos Solidos. Siquidem primo valet donatio in quacunque quantitate, etiam sine insinuatione apud Judicem, si facta est Ecclesiæ, vel ad alias causas pias: quia Jus Civile pietatis opera impedire, vel restringere non potest; cum Christi consilium sit *Matth. 19. Vade, vende omnia, quæ habes, & da pauperibus.* Dummodo tamen Donatio non sit inofficiosa; id est, talis, quæ liberis Legitimam Jure naturæ a parentibus debitam adimat; aut quæ vicissim a liberis indiscrete facta subtrahat parentibus media ad sustentationem necessaria: nam talem donationem Christus quoque reprobatur *Matth. c. 15.*

26. Deinde valet Donatio etiam ultra quingentos Solidos facta a Principe, vel Principi a privato. Rursum valet ejusmodi Donatio, quæ fit militibus a belli Ducibus ex propriis bonis mobilibus, vel hostium spoliis. Insuper valet Donatio, quæ fit ob causam, ut puta ad militiam, aut nuptias, ad redimendos captivos, ad ædium destructarum reputationem. Item valet Donatio remuneratoria beneficiorum, ac obsequiorum præstitorum, prout habetur *l. Sanctius, & l. Si quis pro redemptione, C. de Donationibus*, & alibi.

### Q U Æ S T I O III.

Quid sit Commodatum, Precarium, & Depositum?

### S U M M A R I U M.

27. *Commodatum, quid?*

28. *Quomodo differt a Locatione,*

29. *Pignore, & Deposito, ac Mutuo?*

30. *Precarium, quid?*

31. *Depositum, quid?*

32. *Depositarius re deposita utens sine licentia, peccat.*

33. *Limitatur Conclusio.*

27. CON-



27. CONCL. I. *Commodatum est alicujus rei ad aliquem specialem usum gratuito facta concessio.* Ita Glossa c. un. *Verf. Commodatum de Commodato*, estque in re communis. Ubi tamen notandum, quod hic Commodatum definiatur, prout sumitur pro contractu: subinde enim Commodatum accipitur etiam pro ipsa re commodata. Et quidem is, qui rem suam alteri commodat, dicitur *Commodator*, seu *Commodans*; qui vero accipit rem ab alio sibi commodatam, appellatur *Commodatarius*: & idem dicendum de Depositario, Mutuatario, & hujusmodi terminis.

28. Dicitur in primis in data definitione, *alicujus rei*: Intellige, siue ea immobilis sit, ut puta domus, aut stabulum: siue ea mobilis, praesertim quia usu non consumitur, licet minuatursiue atteratur; ut equus, vestis, vasa &c. haec enim omnia commodari possunt. L. 1. ff. *Commodati*. Et additur, *gratuito facta concessio*: in hoc siquidem differt Commodatum a Locatione: nam res tunc proprie intelligitur commodata, si nulla mercede accepta cuiuspiam utenda traditur; alioquin mercede interveniente locatus usus rei videtur. *Gratuitum enim Commodatum esse debet*, uti notatur §. *Item*, 15. *Instit. Quibus modis re contrahitur obligatio*.

29. Dicitur ulterius, *ad usum*: In hoc quippe Commodatum differt a Pignore, & Deposito, quorum usus non conceditur: nam si creditor Pignore, vel Depositarius re deposita, domino invito, utatur, furtum committit. §. *Furtum autem*, *Instit. de obligationibus, quae ex delicto &c.* Deinde per hoc differt Commodatum a Mutuo, utpote in quo rei datae dominium transfertur, in Commodato vero solus usus, dominio aut possessione penes Commodantem remanente. Additur vero, *ad aliquem specialem usum*. Non enim licitum est uti re commodata ad alium usum, quam ad quem concessa est, arg. c. un. *de Commodato*. ibi: *Nisi post usum expletum, cujus gratia res fuerat commodata*, & alibi.

\* Porro, qui utitur re commodata, tenetur ad sumptus ordinarios circa eandem, e.g. obligatur praebere pabulum equo commodato, vel soleis ferreis, si deficerent, instruere: non tamen tenetur ex propriis ad sumptus extraordinarios, v.g. ad expensas pro equo aegroto iterum sanando, aut pro redimendo, si equus ille citra culpam fuerit captus ab hostibus. Ita ex Cardinali de Lugo La Croix lib. 3. part. 2. n. 821. \*

30. CONCL. II. *Precarium est, quod precibus petenti utendum conceditur, quamdiu is, qui concessit, patitur.* Ita habetur L. 1. ff. *de precario*, estque communis. Unde Precarium ferme convenit cum Commodato, cum utrumque gratis fiat; differt tamen a Commodato in hoc, quod Commodatum fiat ad certum tempus, vel certum usum, ita ut antea res commodata a domino repeti non possit, eo autem finito restituenda sit, quamvis non repetatur; *um dies statuta pro domino interpellat*, cap. ult. *de Locato*, & alibi. Econtra Precarium quocumque tempore revocari potest: nam qui precario concedit sic dat, quasi tunc recepturus, cum sibi libuerit sit. L. 1. ff. *de Precario*. Intellige, dummodo non statim revocetur

sine cogente necessitate, ne frustra & illusorie concessum videatur, ac beneficium alicui praestitum, ipsi damnosum existat.

31. CONCL. III. *Depositum est, quod custodiendum alicui datur.* Ita habetur L. 1. ff. *Depositum*. Et quidem Depositum regulariter fit gratia solius deponentis, & nulla mercede data vel promissa: alioquin si pro custodia rei detur merces, jam hoc casu Depositum transibit in contractum Locationis & Conductionis; cum Depositarius accipiens mercedem, censeatur operas suas ad rem custodiendam alteri locasse: ut dicitur c. L. 1. §. *si vestimenta*, ff. *Depositum*.

32. CONCL. IV. Si Depositarius re deposita sine expressa, vel rationabiliter praesumpta domini licentia utatur, aut ipsam alienet, peccat & furtum committere censetur. Ita habetur L. 1. §. *sacculum*, ff. *Depositum*, & §. *Furtum autem*, *Instit. de obligationibus, quae ex delicto nascuntur*, cum concordantiis. Ratio est: quia usus rei non est ipsi concessus, sed tantum res ipsa, ut eam custodiat.

33. Additur tamen, *sine expressa, vel rationabiliter praesumpta domini licentia*. Siquidem quando Depositarius bona fide existimat, domino id non displicere, si utatur re deposita, jam non peccabit utendo, nec furti actione tenebitur; idque multo magis dicendum, si dominus expressam utendi licentiam concesserit. Addit Lelsius l. 2. c. 27. n. 5. quando Depositum est res usu consumptibilis, v.g. triticum, vinum &c. & Depositarius certus est, se, quando Depositum repetitur, paratum habiturum aliud ejusdem mensurae & bonitatis, tunc non fore peccatum, saltem mortiferum, uti Deposito, & illud alienare, quia nullum incommodum taliter irrogatur deponenti, unde is rationabiliter censetur non esse invitus.

\* Quer. An, si quis ex praesumpta licentia usus fuerit re deposita ipso usu consumptibili, teneatur postea deponenti eandem in simili specie reddere, vel num sufficiat, si restituat pretium, quo res deposita tempore usus aestimabatur? Casus potest esse sequens: Cajus Rusticus tempore belli deposuit apud hospitem 10. scaphas frumenti; cum tamen successu temporis immineret probabile periculum, ne totum frumentum, si diutius reservetur, ex integro corrumpatur, praedictus hospes alias pro se suaque familia indigens frumento, illud sibi applicat. Cessante hostium insultu, sequitur annus valde sterilis, & scapha frumenti, constans antea quinque, ascendit in pretio ad decem florenos. Queritur ergo, an hospes satisfaciat conscientiae suae, si Rustico pro qualibet ex decem scaphis frumenti consumpti det quinque florenos, prout tempore, quo acceperat, quolibet scapha aestimabatur, vel num potius obligetur quamlibet scapham 10. florenis emere, & sic in specie deponenti decem scaphas restituere? Respondeo, esse in simili casu attendendum, num quis illam rem depositam ex praesumpta deponentis licentia voluerit sibi comparare titulo emptionis, vel titulo mutui? Si titulo *emtionis*, satisfact, dum reddat pretium, quo tempore usus illa res aestimata fuit; cum emptio & venditio referat pretium rei emptae ad tempus contra-

contractus; E contra vero, si titulo mutui accepit, obligatur in specie similem rem (id est, quoad casum præsentem, 10. scaphas frumenti) restituere: nam in mutuo non pretium rei, sed eadem res & specie & bonitate restitui debet, uti clare colligitur ex L. 3. ff. de rebus creditis &c. ac præter alios sic sentiunt Laym. l. 3. Theol. Moral. tract. 4. c. 15. & Sporer Tract. 6. in Decal. c. 4. sect. 1. n. 7. Habet tamen talis depositarius, qui titulo mutui rem depositam accepit, etiam hanc utilitatem, ut, si interea similis res in pretio non cresceret, sed potius decresceret, adhuc satisfaceret restituendo eandem specie, puta in præsentem decem scaphas frumenti, etsi longe minori pretio comparatas: qualiter non posset facere, si titulo emptionis comparasset, sed deberet reddere pretium in eo valore, quo res deposita tempore emptionis æstimabatur. \*

#### Q U Æ S T I O IV.

Ex qua culpa teneatur Commodatarius, Depositarius, & huiusmodi, si res commodata, deposita, &c. apud ipsum pereat?

#### S U M M A R I U M.

34. Culpa aliter accipitur apud Juristas, quam Theologos, & quomodo?
35. Culpa juridica seu Civilis, Casus, & Dolus, quid?
36. Culpa juridica triplex. Lata, qua equiparatur Dolo, Levis, & Levissima, quæ?
37. Commodatarius, aut Depositarius non tenetur de casu fortuito,
38. Nisi aliter fuerit conventum.
39. Aut is fuerit in mora reddendi.
40. Et nisi casus sua culpa acciderit.
41. Spectando Jus naturale, quinam teneatur de damno dato in re alterius?
42. Secundum Leges humanas, tenetur Commodatarius de Culpa levissima: Depositarius solum de dolo: cur?
43. 44. 45. Tres Regula, quantum ad Propositum.
46. An data Regula obligent in conscientia ante sententiam iudicis?
47. Loquendo de damno ex culpa levi, vel levissima in contractibus dato, communior affirmat.
48. Verum sententia negativa non est improbabilis.
49. Quid, si dubitetur, an culpa tua damnum acciderit?
50. Depositarius, vel Commodatarius, an possit salvare res proprias, omittis alienis, si non potest utraque?
51. An salvando alias pretiosiores, possit petere compensationem?

34. **A**Dvertendum quoad propositum, quod culpa aliter accipitur apud Theologos: siquidem apud Theologos culpa idem est, ac peccatum, live id mortale sit, live veniale. Apud Jurisperitos vero culpa idem est, ac ommissio alicujus diligentiae, unde sequitur quodpiam damnum

proximo. Et potest facile contingere, quod huiusmodi culpa juridica seu civilis sit homini involuntaria, & omni peccato coram Deo vacet; veluti si ex naturali oblivione librum tibi commodatum in publico loco reliquisti, unde sequitur ejus amissio, culpam juridicam commisisti, quamvis coram Deo nihil peccaveris ob huiusmodi naturalem inadvertentiam.

35. Differt autem Culpa huiusmodi a Casu, & Dolo: nam culpa quæcumque, civilis potest caveri diligentia hominis, cum sit ommissio illius diligentiae, quam homines diligentes, vel saltem diligentissimi talis status, & conditionis, adhibere solent. Casus autem est rei inopinatus eventus, qui neque a diligentissimo prævideri, & caveri potest: sic casu fortuito fiunt, quæ contingunt per bellum, furtum latronum, terræ motum, gelu, grandinem, fulmina, & his similia. Dolus vero dicitur omnis calliditas, fallacia, & machinatio, ad circumveniendum, fallendum & decipiendum alterum adhibita. L. 1. ff. De dolo malo.

36. Porro Culpa juridica, seu civilis, communiter dividitur in culpam latam, levem, & levissimam. Culpa lata est ommissio ejus diligentiae & circumspectionis, quam passim homines ejusdem conditionis adhibere solent; qualis foret, si quis librum commodatum relinqueret foris ante ostium, qui proinde perditur. Et talis culpa lata, licet dolus proprie non sit, tamen in Jure æquiparatur dolo. L. 1. ff. Si men/or falsum &c. ibi: Lata culpa plane dolo comparabitur, cum concordantis. Culpa levis est ommissio ejus diligentiae, & circumspectionis, quam solent homines diligentiores illius conditionis vel artis adhibere: & talis culpa foret illius, qui librum sibi commodatum intra cubiculum relinqueret, ostio tamen aperto; nam homines diligentiores solent claudere januam. Culpa tandem levissima est ommissio ejus diligentiae, quam diligentissimi & prudentissimi adhibent: qualis foret jus, qui librum sibi commodatum intra cubiculum relinquens clausit quidem ostium, sed non tentavit manu, an illud bene sit obseratum: prout hæc culpas exemplificat Navarrus c. 17. Manualis, n. 178. & alii. His prænotatis, sit

37. **CONCL. I.** Si res apud Commodatarium, aut Depositarium fortuito casu pereat, ad nullam ipse restitutionem tenetur; (nam quælibet res domino suo perit) nisi aliter expresse sit conventum, aut ipse fuerit in mora reddendi, vel nisi ex sua culpa fuerit data occasio tali casui fortuito. Ita Doctores communiter, & habetur expressum in Jure Canonico cap. un. de Commodato. ibi: Cum gratia sui tantum quis commodatum accepit, de levissima etiam culpa tenetur: licet casus fortuitus (nisi acciderit culpa sua, vel intervenerit pactum, seu in mora fuisset) sibi non debeat imputari. Hæc ibi.

38. Additur notanter I. Nisi aliter expresse sit conventum. Nam si pactum intervenit de præstando seu resarciendo damno, quomodocumque res pereat, tenebitur quis etiam de casu fortuito, eo quod periculum rei in se suscepit, seque obligaverit ad quodcumque damnum resar-

resarciendum: siquidem contractus ex conventionem legem accipiunt. Reg. 85. Juris in 6.

39. Additur II. *Nisi fuerit in mora reddendi*: Quia, si quis tardaverit reddere domino Commodatum post expletum ejus usum, vel Depositum, postquam illud dominus repetivit, sicque fuerit in mora reddendi, tenebitur etiam de casu fortuito; nam *mora sua cuiuslibet est nociva*. Reg. 25. Juris in 6. Intellige, nisi res eodem modo fuisset peritura apud dominum; quia tunc non censetur domino fuisse causa damni, sicque non obligaretur ad recompensationem damni, Lessius lib. 2. cap. 7. n. 38. & alii.

40. Additur III. *Nisi casus fortuitus sua culpa acciderit*: prout fieret, si vas argenteum, tibi pro convivio in civitate celebrando commodatum, tecum accepisti peregre profectus, sicque illud in naufragio, vel prædonum incurso perdidisti; nam tunc teneberis de hoc casu fortuito, utpote qui tua culpa accidit, qua commodatum sine licentia commodantis foras extulisti. Et hæc tres limitationes expresse habentur in *cit. cap. un. de Commodato*.

\* Quodsi rescire desideres, an inter casus fortuitos, ita, ut commodatarius ab onere restitutionis sit liber, numerari valeat, si rem commodatam is tradat nuncio, ut Domino restituat, hic vero cum eadem occulte aufugiat? Resp. si nuncius iste fuerit habitus communiter fidelis, tunc inter casus fortuitos talis fuga nuncii computatur, & res ipsi Domino perit, ac commodatarius ab onere restitutionis liberatur: secus vero dicendum, si ipse nuncius constituat, de cujus fidelitate sibi alias sufficienter non constat, tunc enim commodatarius sic faciens non est absque culpa. Vide Jus Canonicum lib. 3. Decret. Tit. 25. §. 2. num. 34. & seqq. \*

41. CONCL. II. Sistendo intra limites Juris naturalis, nemo tenetur de damno dato in re alterius, etiam si sit apud ipsum ex contractu, nisi ob dolum aut culpam latam; sive, nisi res illa pereat apud ipsum ex tanta sua negligentia seu culpa, quæ sit peccatum mortale. Ita Lessius loc. cit. n. 38. cum aliis. Notanter dicitur: *sistendo intra limites Juris naturalis*, propter sequentem Conclusionem: unde sit

42. CONCL. III. Spectando tamen leges humanas, aliter de hoc est discurrendum: Siquidem, loquendo de Commodato, cum gratia sui tantum quis commodatum accepit, de levissima etiam culpa tenetur, ut habetur *cit. cap. un. de Commodato*, cum concordantiis. E contra vero Depositarius ordinarie tenetur solum præstare dolum, & culpam latam. arg. l. 1. C. *Depositum*, ibi: *Qui depositum accepit, dolum solum & latam culpam præstare debuit*; & tenent Doctores communiter. Ratio diversitatis inter Commodatarium, & Depositarium est: quia Depositum regulariter fit gratia solius deponentis, ut illud ipsi secure alleretur; Commodatum vero gratia solius Commodatarii, cujus necessitati atque indigentia per rem commodatam quis subvenit: atqui naturalis æquitas postulat, ut major adhibeatur diligentia in custodienda re aliena, quam quis gratis ad solam suam utilitatem accepit, quam si eam

accepisset ob alterius dumtaxat gratiam & utilitatem; ergo.

43. Porro ut tota hæc materia clarius præ oculis habeatur, en tibi tres Regulas, quas Doctores passim assignant, atque desumunt ex variis textibus utriusque Juris. I. Regula est: In contractibus, qui celebrantur gratia dantis tantum (prout regulariter loquendo fit in Deposito) præstatur dolus, & culpa lata solum: exceptis tamen quibusdam contractibus, nempe Tutelæ, Mandati, & Negotiorum gestorum, in quibus ob specialem rationem etiam præstatur culpa levis, ut dicitur l. *Contractus*, ff. de Reg. Juris, & amplius explicant Juristæ.

44. II. Si Contractus fiat gratia recipientis tantum (prout regulariter fit in Commodato) tunc præstatur non solum dolus & culpa lata, sed etiam culpa levis atque levissima, arg. *cit. c. un. de Commodato*. Excipe Precarium, in quo, quia totaliter ex liberalitate concedentis descendit, atque ad libitum ejus quolibet tempore revocari potest, non nisi dolus & culpa lata præstatur, text. clar. l. *Quæsitum*, §. *Eum quoque*, ff. de Precario.

45. III. Quod si vero contractus fiat gratia utriusque (prout contingit in Pignore, quod datur & gratia Creditoris, ut ei fiat assicuratio rei creditæ; & gratia Debitoris, ut ei sub assicuratione pignoris quidpiam mutuo concedatur) tunc præstatur dolus & culpa levis, non autem levissima; arg. l. *Sicut certo*, §. *Nunc videndum est*, ff. *Commodati*; & tenent Doctores communiter. Verum occasione præmissorum

46. Quæres I. An datæ Regulæ, seu leges, obligent in conscientia ante sententiam Judicis ad reparationem damni, ex culpa dumtaxat levi, vel levissima dati? Et notanter additur, *ex culpa dumtaxat levi, vel levissima*: nam si detur damnum ex dolo, vel culpa lata (qualis, ut dictum, dolo æquiparatur) certum est, adesse obligationem in conscientia resarciendi damnum tertio illatum in contractibus, non minus ac extra illos.

47. Resp. Quamvis probabilior, & communior sit sententia, dictas leges statuentes obligationem restituendi ratione damni, ob culpam levem, vel levissimam in contractibus dati, obligare in conscientia, & ante sententiam Judicis: nihilominus opposita sententia, negans talem obligationem in conscientia, saltem antequam ab altera parte exigatur, vel etiam ante sententiam Judicis, non est improbabilis, præsertim loquendo de damno, ex culpa levissima dato. Ita Lugo disp. 8. de just. & jure, sect. 8. n. 105. Lessius lib. 2. cap. 7. n. 43. & in simili Sanchez lib. 1. de Matrim. disp. 37. n. 4. citans alios. Ratio prioris partis est: quia ejusmodi obligatio non tam descendere videtur ex pacto, quam ex natura contractus, prout argumentatur Navarrus cap. 17. *Manualis* num. 184. contra Sorum: nam hoc ipso, quod quis ineat talem contractum, censetur se obligare ad præstandam eam diligentiam, quam leges & natura talis contractus requirunt.

48. Altera pars, quæ negat talem obligationem in conscientia, saltem antequam exigatur reparatio damni a parte adversa, vel etiam ante

H h

sen.

sententiam Judicis, ex eo suadet: quia prædictæ leges contractuum non videntur cum tanto rigore in Foro conscientie receptæ; nemo enim est, qui pignori, vel rei conductæ, aut etiam commodatæ putat se majorem custodiam debere ex Justitia, ac pro Foro conscientie, quam dominus ipse adhibere solet. Accedit, quod potius censeatur esse casus fortuitus, saltem pro Foro conscientie, si ob culpam levissimam, quæ propter naturalem oblivionem & inadvertentiam accidere potest, perit res aliena tibi commodata, absque ulla tua culpa Theologica.

49. Quæres II. Quid juris, quando dubium existit, an culpa tua damnum acciderit? Resp. Quando Depositarius, vel Commodatarius rationabiliter dubitat, an Deposita vel Commodatum sua culpa perierit, nec ne, satis convenit inter Doctores, quod is non teneatur in conscientia ad aliquam restitutionem: tum quia in dubio non præsumitur delictum: tum etiam, quia in dubio melior est conditio possidentis. In Foro tamen externo, si res Depositarii manserint incolumes, præsumitur de dolo, arg. cap. 2. de Deposito, ibi: *Bona fides abesse præsumitur, si, rebus tuis salvis existentibus, depositas amisisti*: juncta l. Quod Nerva. ff. Depositi, cum concordantiis. Quod ultimum intelligendum est, nisi Depositarius probet, Deposita casu periisse, vel non potuisse simul cum rebus suis, imminente v. g. incendio, salvari: tunc enim cessaret præsumptio doli.

50. Quæres III. Utrum Depositarius, vel Commodatarius possit subvenire propriis rebus, vel potius teneatur salvare res depositas vel commodatas, si utraque ob casum fortuitum, ut puta ob exortum improvisum incendium, aut irruptionem hostium, salvare nequeat? Resp. Hic opus esse distinctione: nam si res tuæ sint pretiosiores aliis depositis, vel commodatis, faterentur omnes, quod possis præferre tuas pretiosiores aliis minus pretiosis, si ambas salvare nequeas: maxime cum quilibet magis teneatur diligere se, quam alium. Abbas c. 2. de Deposito, & alii. Quod si vero res depositæ, vel commodatæ, sint pretiosiores tuis, teneris eas præferre rebus tuis vilioribus, easque salvare, tuis minoris momenti relictis: quia hoc suadet Prudentia, & æquitas naturalis.

51. Notat tamen Lessius lib. 2. cap. 27. n. 28. & Layman lib. 3. tract. 4. cap. 7. n. 7. Quod, si Depositarius, vel Conductor, aliena propriis præferendo, passus fuerit jacturam, is possit petere compensationem damni sibi emergentis; eo quod nulli officium suum debeat esse damnosum. Secus est in Commodatario: nam cum in hujus solius gratiam Commodatum sit factum, tenetur is commodantem servare indemnem, etiam diligentissime custodiendo res sibi commodatas.

\* Quæres IV. An Ecclesia, vel Monasterium teneatur ad recompensationem deponenti faciendam, si citra consensum Capituli, seu Conventus res deposita apud Rectorem Ecclesiæ vel Religiosum ex sua culpa pereat? Resp. negative, dummodo hæc ipsa res deposita non fuerit conversata in utilitatem Ecclesiæ vel Monasterii. Ita statuitur cap. 1. de deposito: & ratio est; quia deli-

ctum personæ non debet in detrimentum Ecclesiæ seu Monasterii redundare, Reg. 76. juris in 6. Vide Jus Canon, lib. 3. Decret. tit. 16. n. 49. & seqq.\*

### DISTINCTIO III.

De Testamentis, & ultimis Voluntatibus.

#### QUÆSTIO I.

Quid, & quotuplex sit Testamentum, & quæ ejus requisita?

#### SUMMARIUM.

1. Testamentum, quid?
2. Dividitur in solemne, & minus solemne, seu privilegium.
3. Paganum, & militare. Testamentum scriptum, seu clausum, & Testamentum nuncupativum, quid?
4. Hoc a Notario solet redigi in scripturam, cur?
5. Ad Testamentum solemne scriptum requiruntur plura.
  1. Hæredis institutio.
6. II. Septem Testes.
7. III. Ut Testes sint legitimi; & qui sint tales?
8. IV. Ut Testes sint rogati.
9. V. Subscriptio, & subscriptio Testamenti.
10. VI. Unitas contextus, &c.
11. Ad Testamentum nuncupativum, quæ requiruntur?

1. **CONCL. I.** Testamentum juxta nominis etymologiam idem est, ac testatio mentis; & recte definitur L. 1. ff. de Testamentis, dicendo, *Testamentum est voluntatis nostra juxta sententia de eo, quod post mortem nostram fieri volumus*. Quamvis enim aliqui majoris claritatis gratia addere soleant *etiam directam hæredis institutionem*: tum ad exprimendam differentiam Testamenti a Codicillo, & aliis ultimis Voluntatibus: tum quia institutio hæredis est veluti caput, atque fundamentum totius Testamenti: nihilominus Jurisconsulti hanc particulam subintelligi volunt sub *et juxta sententia*, id est, legitima, sive Juri consona, & habens omnes solemnitates Juris, inter quas est directam hæredis institutionem.

\* Porro, ut Testamentum, seu etiam aliquod legatum valeat, illa voluntas Testatoris requisita debet esse actualis & efficax: pro quo bene notandum, quod voluntas illa, qua aliquando volo facere Testamentum, & hunc vel illum hæredem instituere, non sit voluntas efficax actualiter testativa, sicut a pari illa voluntas, qua matrimonium ipsum actu contrahitur. Quinimo tales formulæ: *volo aliquando facere Testam.* & ibid. *tui esse memor*, sive: *sis in tuo servitio fidelis*, & *ficiam suo tempore aliquod pro te legatum in meo Testam.* vel: *cogito te instituere hæredem &c.* potius censendæ sunt proposita & velleitates, quam efficax voluntas actualiter testativa, prout cum Rota Romana in Reg. p. 2. dec. 576. n. 3. & p. 7. dec. 108. n. 4. advertit Card. de Luca de Test. disc. 13. n. 5. & seqq. Unde, si similem formulam proferat Herus ad famulum, maritus ad uxorem &c. & postmodum morte præventi Testamentum non condant, vi horum verborum nequeunt tales occultare compensationem, & si jam fecissent, obligandi sunt a Confessariis ad restitutionem.\*

2. CON-



2. CONCL. II. Testamentum varie dividitur.

Et inprimis aliud est perfectum seu solemne, cui quadrat proxime data definitio: aliud minus solemne seu privilegiatum, quod etsi careat solemnitatibus a Jure communi cæteroque requisitis, tamen ex privilegio valet: ut est Testamentum ad pias causas, Testamentum inter liberos conditum, Testamentum militare, aut factum tempore pestis, vel coram Principe, sive apud Acta Judicis, de quibus infra qu. 3.

3. Rursus Testamentum dividitur in paganum, & militare: hoc fit a militibus in castris; illud domi in pace. Testamentum paganum, ac solemne, dividitur ulterius in scriptum seu clausum, & nuncupativum. *Testamentum scriptum*, seu *clausum* sic dicitur, quod scripto fiat, servata debita forma Juris: & hujusmodi Testamentum scriptum, seu clausum præcipue tunc fit, quando Testator latere vult id, quod in Testamento continetur; prout notatur l. *Hac consultißima*, D. de Test. Porro *Testamentum nuncupativum* (vulgo *ein Testament von Mund aus gesprochen*) dicitur illud, quo Testator non interveniente scriptura coram testibus ad hoc convocatis nuncupat, seu oretenus exprimit nomen hæredis, quidque aliud de suis bonis post mortem fieri velit.

4. Notat tamen Layman l. 3. tit. 5. c. 1. n. 3. cum aliis, quod hodie nuncupatio talis coram testibus facta, plerumque a Notario publico soleat in scripturam redigi: non quidem ad substantiam actus servandam, sed ad meliorem rei gestæ comprobationem, ac Testamenti securitatem: quia fieri potest, ut testes interim moriantur, vel inhabiles reddantur, quo minus coram Judice voluntatem Defuncti declarare valeant, quorum defectum abunde supplet publicum instrumentum Notarii.

5. CONCL. III. Ad Testamentum solemne scriptum, seu clausum, sequentia requiruntur. I. Hæredis institutio: siquidem *institutio hæredis est veluti caput, atque fundamentum totius testamenti* §. *Ante hæredis*, Instit. de Legatis, ac proinde spectat ad ejus substantiam: & *alioquin inus est testamentum, in quo nemo hæres instituitur*, ut dicitur §. *Inprimis*, Instit. de Fideicommissar. heredit. cum concordantiis. Et per hanc conditionem præcipue differt Testamentum a Codicillo; & aliis ultimis Voluntatibus, eo quod in Testamento fiat directa hæredis institutio, non item in Codicillo.

6. II. Requiritur septem testes. Et quidem loquendo de Foro externo, ac quantum est de Jure Civili, numerus septenarius testium non tantum est de forma probatoria, sed etiam de substantia Testamenti; adeo quidem, ut, si unus deficiat, Testamentum Jure Civili corruat. arg. l. *Si unus*, C. de Testam. ibi: *Si unus de septem testibus defuerit, deficit testamentum*. Covarruvias c. 10. de Test. n. 14. Bartolus, Jason, & alii.

7. III. Requiritur, ut hujusmodi testes sint legitimi; id est, tales, qui de Jure non prohibentur esse testes in Testamento. Et isti, quantum est de Jure Civili, ac loquendo de Testamento ad causas profanas, debent esse homines liberi, masculi, puberes, & nonnullis aliis qualitatibus præditi, de quibus fit mentio §. *Testes*,

& §. *Pater* Instit. de Test. Hinc in tali Testamento nequit testis esse fœmina, neque pupillus, neque servus seu mancipium, neque furiosus, neque prodigus declaratus, neque infamis, neque surdus & cæcus. Imo etiam Monachus nequit esse testis, nisi accedente licentia Superioris sui. Insuper in ejusmodi Testamento testes esse non possunt, qui sub potestate Testatoris sunt, aut qui in illo Testamento hæreses instituuntur (bene tamen ii, quibus dumtaxat aliquid legatur) nec qui existunt in potestate hæredum: *Reprobatur enim hac in re domesticum testimonium*, ut habetur cit. §. *Pater*, Instit. de Testamentis.

8. IV. Requiritur, quod testes sint rogati; ut sic excludatur omnis suspicio, ac subornatio. Rogare autem in proposito nihil aliud est, quam testes certiorare, quare sint huc convocati: unde non sufficerent Testes fortuiti, vel transeuntes dumtaxat, nisi etiam dicto modo rogarentur seu certiorarentur.

9. V. Requiritur subscriptio, & subsignatio hujusmodi testium. Nam in testamento scripto necesse est, ut testibus præsentibus Testator suum esse Testamentum dixerit, quod offertur, eique ipse Testator inprimis coram testibus sua manu in reliqua parte subscripserit: quo facto etiam testes uno eodemque die, ac tempore subscribere, & sigillis suis Testamentum consignare debent. Quod si vero Testator litteras ignoret, vel ob infirmitatem, aut aliam quamcunque causam, subscribere nequeat, tunc octavus subscriptor pro eo adhibendus est, prout expresse statuitur cit. l. *Hac consultißima*, C. de Testamentis.

10. VI. Requiritur unitas contextus, quod nempe hæc omnia fiant uno eodemque continuato, & non interrupto tempore, absque alterius negotii interpositione, aut dilatione; nisi forsitan ob necessaria naturæ aliud fieri deberet, idque leve foret. Tandem etiam requiritur, quod testes omnes simul præsentibus sint, ipsumque Testatorem videant, & audiant; prout omnes hæc Testamenti solemniter scripti conditiones uberius explicant Jurisperiti.

11. CONCL. VII. Ad Testamentum nuncupativum ferme eadem requiruntur conditiones, quæ ad Testamentum scriptum; dummodo demandatur scriptura Testamenti, & subscriptio, ad subsignatio testium, loco quosum requiritur, ut testator coram septem testibus simul præsentibus (ut supra) nuncupet, seu oretenus exprimat nomen hæredis, quidque aliud de bonis suis post mortem fieri velit. Patet hoc ex cit. l. *Hac consultißima*, §. *Per nuncupationem*, C. de Testamentis, & §. *Sed hoc quidem*, Instit. eod.

Q U Æ S T I O II.

An Testamentum non privilegiatum in Foro conscientiæ validum sit, si ei desint solemnitates Juris Civilis.

S U M M A R I U M.

12. *Rationes afferentium, tale Testamentum in Foro conscientiæ esse invalidum.*

13. *Fundamenta oppositæ sententiæ, seu quod tale Testamentum validum sit.*

14. Corollarium hujus sententia.  
 15. Tertia sententia media, asserens,  
 16. Ejusmodi Testamentum in Foro conscientia validum ante sententiam Judicis;  
 (c) Juxta dicta dist. 1. n. 34.  
 17. Invalidum, quatenus rescindi debet per sententiam Judicis.  
 18. Solvuntur rationes prima sententia.  
 (d) Dist. 1. n. 34.  
 19. Satis sit rationibus secunda extrema sententia.

12. **C**irca resolutionem hujus celebris Questionis practicæ admodum variant Doctores, & generatim in tres diversas abeunt sententias. Prima est Covarruvæ c. 10. de Testament. n. 12. & 19. Herinex disp. 2. q. 4. de Testament. num. 60. Valquezii, & quorundam aliorum, qui docent, hujusmodi Testamentum etiam in Foro conscientia invalidum esse; ut proinde hæres, in tali Testamento institutus, & Legatarii (id est, ii, quibus aliquid in Testamento illo est legatum) teneantur ad restitutionem hæredibus ab intestato venientibus faciendam, omnium eorum, quæ ex tali Testamento acceperunt. Rationem dant: Tum quia jus civile hujusmodi Testamentum vult haberi pro infecto; illudque ait sine dubio nullum esse; ut patet ex cit. l. Hac consultissima, C. de Testament. ibi: *Ex imperfecto testamento voluntatem teneri defuncti, nisi inter solos liberos a parentibus utriusque sexus habeatur, non volumus*, juncta l. Si unus, C. eod. Tum quia, si talia Testamenta in Foro conscientia essent valida, inique iudices facerent ea infringendo, imo foverent apertam injuriam, dum hæredibus ab intestato adjudicant bona defuncti, quæ aliis hæredibus in Testamento relicta sunt.

13. Secunda sententia est Lessii lib. 2. de just. & jure. cap. 19. dubi. 3. n. 12. Sannig. disp. 12. de just. q. 3. n. 9. Maltii disp. 4. Theol. Moral. n. 52. & plurium aliorum. Et hæc sententia immediate tenet oppositum priori, dum docet, Testamentum in Foro conscientia validum esse, & licite retineri, quod ex tali Testamento possidetur, sive titulo hæreditatis, sive legati. Idque probari solet tum auctoritate plurium Theologorum, hanc sententiam tenentium: tum ex eo, quia Leges irritantes Testamenta debitis solemnitatibus destituta, fundantur in præsumptione fraudis. §. 1. Infiis. de Testam. ergo ubi fraus abest, etiam ipsæ leges cessant obligare; cum præsumptio cedat veritati. Et hinc l. Quæstionum, C. de fideicommissis, confessio hæredis jurata absque alia solemnitate sufficit, ut isteneatur solvere Fideicommissum, nec auditur volens se tueri ex minus solemnī voluntate. Et simile quid habetur l. Non dubium, C. de Testamentis, ubi approbatio hæredis facit, ut is teneatur solvere Legata, & Fideicommissa, ex inutili Testamento relicta.

14. Ex qua sententia proinde infert citatus Lessius n. 21. & seqq. hæredem ab intestato, si sciat voluntatem Defuncti, teneri restituere hæreditatem, & solvere Legata illis, quibus Te-

stamento minus solemnī debentur. Item infert, quod, si hæres ab intestato retineat hæreditatem & Legata, possint illi, quibus aliquid per tale testamentum fuit relictum, uti occulta compensatione; cum revera res illæ sint ipsorum.

15. Tertia tandem sententia, quam præ cæteris probabilem, & in praxi expeditam, ac tutam censet Layman lib. 1. tr. 4. c. 17. & tenet Dominicus Sotus cum nonnullis aliis, est media inter duas præmissas sententias: quæ docet, ejusmodi Testamentum quadam ratione esse validum & quadam invalidum. Validum quidem, antequam per sententiam Judicis irritetur, seu irritum declaretur. Invalidum vero, quatenus ejusmodi Testamentum minus solemnē potest, imo & debet, per sententiam Judicis irritum declarari, ac rescindi, si lis super eo mota fuerit, & ad Judicium seculare deferatur.

16. Ratio hujus tertiæ sententiæ, quæ præ cæteris placet, utpote probabilior, desumitur ex eo; quia in primis hanc videntur convincere fundamenta præmissæ utriusque extremæ sententiæ, utpote quarum prior habet locum post sententiam Judicis, posterior vero ante sententiam Judicis. Confirmatur & ulterius prima pars, qua dicitur, tale Testamentum carens solemnitatibus Juris Civilis esse validum pro Foro conscientia ante sententiam Judicis, probatur ex eo, quia in tali Testamento saltem adest obligatio naturalis, donec exceptione Legis Civilis elidatur: atqui obligatio naturalis sufficit ad transferendum dominium: (c) ergo Testamentum illud transfert dominium, sicque est validum, donec per sententiam Judicis irritetur. Unde infertur, quod hæres in Testamento minus solemnī institutus possit rem sibi relictam juste retinere, donec ab ipso per sententiam Judicis repetatur.

17. Secunda pars tertiæ sententiæ, qua dicitur, tale Testamentum minus solemnē in tantum esse invalidum, quatenus debet rescindi per sententiam Judicis, probatur ex eo: quia Testamentum imperfectum est invalidum secundum Jus Civile: atqui Judex debet judicare secundum Leges, ac Jus Civile; ergo. Accedit, quod lex, ac sententia Judicis, secundum leges judicantis, si est justa in Foro externo, sit etiam justa in Foro conscientia, nisi fundetur in falsa præsumptione; prout allegatis pluribus Auctoribus docet Sanchez lib. 1. in Decalog. cap. 10. n. 11. & Layman loc. cit. n. 8. ergo etiam sententia Judicis, qua secundum Leges Civiles irritat Testamentum minus solemnē, erit justa, & consequenter Testamentum illud post sententiam Judicis invalidum, etiam in Foro conscientia.

18. Quod si contra hanc sententiam objiciantur, atque urgeantur fundamenta utriusque extremæ sententiæ. Resp. in primis ad textus num. 11. allegatos, Leges Cæsareas Testamentis minus solemnibus resistere tantum civiliter, non autem naturaliter. Porro effectus obligationis naturalis præcipuus est ille, quod cuiuspiam jus tribuat accipiendi, & retinendi illud, quod naturaliter sibi debetur, si id nulla opposita exceptione solvatur, prout jam dictum superius. (d) Quia vero obligatio naturalis duplex

duplex est, una omnino efficax; altera aliquo modo inefficax, utpote quæ per exceptionem ex beneficio Legis Civilis elidi potest, ut advertit cit. Layman cap. 9. num. 9. hinc licendum; Testamenta minus solemnia habere obligationem naturalem dumtaxat aliquo modo inefficacem? quæ proinde per exceptionem ex beneficio Legis, ac secutam sententiam Judicis elidi potest.

19. Resp. deinde ad fundamenta alterius sententiæ num. 13. allata. Ad primum distinguitur antecedens: Leges illæ fundantur in præsumptione fraudis universali, conceditur; in præsumptione fraudis particulari, negatur. Unde, quia adhuc subest præsumptio fraudis universalis, hoc est, talis præsumptio, quæ generatim de fraudibus, circa Testamenta ob avaritiam hominum facile contingentibus, concipitur, Jure ad præcavendum eisdem fraudibus sic disponente, rite per sententiam judicis Testamenta minus perfecta rescindi possunt. Ad alterum dicitur, illud esse speciale: quia hæres jurato confitens, hanc fuisse voluntatem Defuncti, aut approbans Legata, ex inutili Testamento relicta, hoc ipso censetur voluntatem Defuncti agnovisse, & ratam habere; sicque noluit Jus Civile, obligationem naturalem talis ultimæ voluntatis per sententiam Judicis rescindi.

### Q U Æ S T I O III.

De Testamentis ad pias causas, aliisque privilegiatis.

#### S U M M A R I U M.

20. Testamenta privilegiata, quæ?
- Testamentum ad pias causas, quod?
21. Ad hoc quænam requirantur, & sufficiant?
22. Duo Testes in Testamento ad pias causas non sunt de forma substantiali, sed probatoria.
23. Hinc scriptum manu Testatoris, valet absque alio Teste.
24. Idem, si hæc de certo constat de dispositione ejus ad pias causas.
25. Quid juris, si moriturus caput facere Testamentum, & non absolvit?
- (c) Num. 21. & 22.
26. Solvitur instantia.
27. An credendum Paracho, vel Confessario circa Legata pia a defuncto relicta?
28. Cautela circa hoc observanda.
29. Confessarii non facile interesse debent confessioni Testamenti, &c.
30. Testamentum inter liberos est privilegiatum.
31. Testamentum militare est privilegiatum, quomodo & quando?
32. Testamentum ad Acta, est privilegiatum.
33. Quid liceat hominibus rusticis?
34. Quid juris de Testamento tempore pestis?
35. Limitatio notabilis supradictorum.

20. **T**estamenta privilegiata dicuntur ea, in quibus vel nulla Juris Civilis solemnitas, vel non tam plena & perfecta, sicut in aliis, requiritur. Et inter hujusmodi Testamenta privilegiata primum sibi locum vendicant Testa-

menta ad pias causas. Porro Testamentum ad pias causas dicitur illud, in quo hæres instituitur pia causa, ut Ecclesia, Monasterium, pauperes; sive, quod principaliter & directe sit ob Dei, & Sanctorum honorem, atque animæ suæ salutem, v. gr. quod pro Ecclesiis, aliisque piis locis, vel in captivorum redemptionem, pauperum aut Religiosorum sustentationem, in mortuorum suffragia, & alia hujusmodi pietatis opera factum est.

21. CONCL. I. Ut Testamentum ad pias causas sit validum in Foro tum interno, tum etiam externo, non requiruntur necessario septem testes, aut aliæ solemnitates Juris Civilis, sed sufficiunt ea, quæ sunt de Jure Naturæ, & Gentium; nimirum, ut sit potestas in disponente, capacitas in eo, in cujus favorem disponitur; & libertas in dispositione, simulque ad sint duo testes. Ita Covarruvias cap. 11. de Testam. num. 1. Lessius lib. 2. cap. 19. dubit. 2. estque communis. Sic enim clare decisum habetur cap. Relatum, 12. de Testam. Unde cum hæc materia sit spiritualis, tenendum est Jus Canonicum in utroque Foro, videlicet tam Ecclesiastico, quam Civili, atque etiam in Terris Romani Imperii: quod ipsum confirmat praxis communiter recepta.

22. CONCL. II. Prædicti duo testes in Testamento ad causas pias non sunt de forma substantiali, sed tantum de probatoria; adeoque ejusmodi Testamentum validum est; etiamsi duo testes non fuerint adhibiti, dummodo aliunde constet de mente Testatoris, sua bona ad pias causas relinquentis. Ita Fagnanus c. Relatum, n. 8. & seqq. de Testament. Covarruvias loc. cit. n. 12. Lessius n. 7. Layman lib. 3. tract. 5. cap. 2: estque nunc communis Doctorum. Ratio est: quia in Testamentis ad pias causas non procedunt Leges Civiles, ob defectum jurisdictionis: in Jure Canonico autem nullibi habetur Decretum irritans ejusmodi Testamenta, sine duobus testibus facta ad causas pias; dummodo aliunde certo constet de mente Testatoris, utputa per propriam ejus scripturam, vel si hæres ipsemet ex ore Testatoris audivit ultimam illius voluntatem, sive certum Legatum relictum ad causas pias. Accedit, quod in simili Testamentum inter liberos, sive scriptum, sive subscriptum manu Testatoris, valeat quoad liberos absque alio teste, l. Hac consultiissima, §. Ex imperfecto. C. de Testam. juncta Auth. seq. Et conformiter dictis.

23. Infertur I. Validum esse Testamentum, & quancumque ultimam Voluntatem ad causas pias, manu Testatoris scriptam, vel subscriptam; etiamsi nullus testis adhibitus fuerit; modo sufficienter constet, esse Testatoris scripturam. Quia, ut dictum, interventus testium non requiritur ad substantiam Testamenti facti ad pias causas, licet sæpe duo vel tres testes requirantur ad probationem, si aliud probationis genus haberi non possit; ergo, dum sufficienter constat, hanc esse Testatoris scripturam, atque ultimam ejus voluntatem, valebit ad pias causas absque aliis testibus.

24. Infertur II. Si hæredi certo constet, voluntatem Testatoris fuisse, ut aliquid in pias causas expendatur, eundem in Foro conscientie obligatum esse ad satisfaciendum, esto in Foro externo id nequaquam probari possit. Ratio est: quia tunc probatione opus non est, quando de veritate constat. Layman ibidem num. 5. & sequitur ex dictis.

25. CONCL. III. Si moriturus cœpit facere Testamentum, vel Codicillum, & morte præventus non absolvit, licet secundum alia irritum sit, valet tamen quoad Legata pia, quæ in sua illa imperfecta dispositione jam expresserat. Ita Abbas Panorm. cap. 1. de Succession. ab intestato, Covarruvias cap. 11. de Testam. num. 14. Barbosa, Layman num. 6. & alii. Ratio prioris partis habetur l. Si his ff. de Testamentis, ubi dicitur, *magis capisse tale Testamentum facere, quam fecisse*. Verum hoc ipsum patitur quamdam limitationem, & valet tale Testamentum, si nomen hæredis jam est expressum: licet secus sit, si quis volens plures hæredes instituere, unius nomen expresserit, & non alterius, ut loc. cit. dicitur, & amplius explicant Juristæ. Ratio secundæ partis est: quia dispositio Juris Civilis quoad Legata ad causas pias non valet, ob rationes proxime (e) dictas.

26. Neque obstat, quod talis Testator adhuc potuerit immutare dispositionem suam. Resp. enim, quamvis id fieri potuisset, tamen re ipsa illud factum non esse: unde cum Testator actu nullam mutationem significaverit, naturali pariter, & Canonico Jure debent talia pia Legata firma permanere; eo præsertim, quod sint pro remedio animæ Testatoris jam defuncti.

27. Quæres, an credendum sit Parocho, vel Confessario, qui post mortem Parochiani, vel confitentis sui, producit schedulam continentem Legata quædam ad pias causas, quam hominem illum, antequam discederet, scripsisse, vel dictasse asseverat; & num talis dispositio pro ultima legitima voluntate haberi debeat? Responsio I. Si manus Testatoris agnoscitur, vel duobus testibus probari potest, tunc pia ejus voluntas omnimodis est executioni mandanda: cujus ratio patet ex dictis num. 21. & 23.

28. Resp. II. Si ipsemet Parochus, vel Confessarius Legata annotavit, non creditur illi sine alio teste. Ratio est: quia juxta illud Salvatoris Matth. 18. & Luc. 17. *In ore duorum, vel trium testium stat omne verbum*. Unde illud commune dictum, *Vox unius, vox nullius, arg. c. Licet, &c. In omni, & c. Peniens, de Testibus*, juncta l. juris jurandi. C. eod. Hinc monendi sunt Parochi, alique Confessarii, ut ultimas ejusmodi dispositiones ad pias causas non suscipiant, nisi advocatis duobus saltem testibus, masculis aut sceminis; quamquam etiam unus cum Parocho sufficere poterit, uti notat Layman ibidem.

29. Recte tamen citatus Auctor cap. 5. n. 20. advertit, ad hoc, ut Confessarii, præsertim Religiosi, majore spiritus libertate, & fructu, hominum animas juvare possint, plerumque non expedire, quod confessioni testamentorum ipsi intersint, aut Testatori in particulari suadeant, quibus hæreditas vel legata relinqui debeant,

præsertim propriis Ecclesiis aut Conventibus; sed expediat ferme in genere tantum pias dispositiones commendare; nisi Testator consilium petens dirigendus sit, ipsique explicandum, quidnam consideratis omnibus honestius, & ad animæ suæ salutem utilius, Deoque gratus existimetur.

\* Dices, in causis favorabilibus, quale est Testamentum ad causas pias, ad fidem faciendam sufficit unus testis. *Argum. Can. cum itaque 112. de Consecrat. dist. 4.* Ergo, posito, quod ægrotus a Parocho, vel Confessario consilium petat, ipsique suam voluntatem ultimam circa causas pias adaperiat, non est necesse, ut Parochus, seu Confessarius adhuc alium Testem secum assumat. Resp. disting. Ant. in causis favorabilibus specialiter in Jure exceptis, & quæ non vergunt in præjudicium tertii, sufficit unus testis Conca. In aliis Neg. Ant. Inter illas autem causas in Jure specialiter exceptas dispositio ad causas pias facta, quæ cæteroquin tendit in præjudicium hæredis ab intestato, non legitur comprehensa, nisi dictum talis unius testis simul aliis adminiculis Juris, & fomentis veritatis adjuvetur; unde debemus stare in textibus generalibus utriusque Juris cap. 23. de Testibus, & l. 9. C. de testibus; ubi leguntur hæc formalia: *Manifeste sancimus, ut unius omnino testis responsio non audiat, etiam si NB. prælatæ Curie honore præfulgeat*.

Porro inter causas ab hac Lege specialiter exceptas, & ubi unicus testis sufficit, sunt imprimis illæ, quæ alteri non afferunt præjudicium. *Can. cum itaque 112. de Consecrat. dist. 4. Secundo*, Causæ Matrimoniales, quando agitur de contrahendo, & objicitur impedimentum dirimens. *cap. super eo. 22. de Testibus. Tercio*, Si Minister publicus testetur de actu a segesto vi sui Officii. *L. 2. de Ponderatoribus. Quarto*, Si fido dignus interpret explicet peregrinum idioma *L. 1. §. fin. ff. de verbor. obligat. Quinto*, Si ipsemet Testator in testamento expresse cavit, ut huic uni plena fides habeatur *L. 14. ff. de dote prælegata*; Quoad alia autem Testamenta vel legata etiam pia non legitur, quod uni Testi plena fides adhibeatur absque aliis adminiculis. \*

30. CONCL. III. Quantum ad alia Testamenta privilegiata attinet, secundum ipse ea locum obtinet Testamentum inter liberos; id est, illud, quod a patre, matre, aliove utriusque sexus ascendente inter liberos conditum est: valet enim, licet sit imperfectum, & Juris solemnitate destitutum, utputa quia non interfuerint septem testes, vel non rogati, aut non masculi, &c. dummodo adhuc voluntas Testatoris sufficienter sit declarata. Ita omnes Doctores: estque expressum, l. *Hac consultissima, §. Ex imperfecto, C. de Testam.* cujus verba num. 11. relata sunt.

31. Tertium locum inter privilegiata tenet Testamentum militis, quod in bellica expeditione constitutus condit: nam milites ejusmodi habent privilegium, ut testari valeant, quomodo possunt, ac volunt. Et ideo, quod in vagina, vel clypeo, aut in pulvere inscripserint gladio, sub ipso tempore, quo in prælio vitæ sortem derelinquunt, habetur pro testamento valido, *text. clar. l. Milites, C. de Testament. militis*.



& §. 1. & seqq. Instit. eod. Intelligi, dummodo de hac eorum voluntate ultima legitime constet, aut ea per duos testes probari possit. Verum hæc doctrina procedit dumtaxat de militibus, dum actu sunt in castris, seu in actuali expeditione bellica: nam domi existentes tenentur testari juxta leges communes, l. Ne quidem, C. eod. Testamentum tamen, quod in castris fecerunt, non jure communi, sed juxta privilegium militare post missionem honestam sibi factam, intra annum tantum valet, l. Ex testamento, C. de Testament. milit. & §. Sed hætenus, Instit. eod.

32. Quantum locum inter privilegiata tenet Testamentum coram supremo Principe factum, vel eidem per oblatas preces insinuatam, atque ad Acta (ut loquuntur) publica repositum: valet enim absque solemnitate testium; dummodo per subsequens Testamentum non revocetur, neque alius error intervenerit præter defectum testium, l. Omnium, C. de Testament. Siquidem Princeps superat omnes solemnitates testium ac subscriptionum, ejusque præsentia facit cessare omnem fraudem: simulque apud Acta, nec non coram Judice, semper præsumitur adesse multitudo hominum.

33. Quinto hominibus rusticis concessum est l. ult. C. de Testament. ut in locis, in quibus est raritas Litteratorum, non teneantur attendere ad Legum subtilitates; sed possint testari secundum eorum consuetudinem: ita tamen, ut adhibeantur semper testes, si ibi reperiantur; sin autem in eo loco minime inventi fuerint septem testes, sufficiant quinque; non autem pauciores.

34. De Testamento tempore pestis condito dubitant, & variant Doctores, utrum valeat cum minore numero testium, quam septem. Verum alicubi Constitutiones municipales, ac præsertim Bavaricæ, expresse declarant, valere ejusmodi Testamentum, coram quinque testibus factum a quocumque, in loco, qui ob pestis vehementiam est bannizatus; vel si locus necdum quidem sit bannizatus, Testator tamen actu est peste infectus.

35. Tandem notandum, quod hætenus dicta locum dumtaxat habeant loquendo secundum Jus commune Cæsareum, & seclulis specialibus locorum consuetudinibus, statutis, & aliorum Regnorum legibus. Nam in Terris temporali jurisdictioni Papæ, seu Ecclesiæ subjectis, sufficit facere Testamentum secundum formam Juris Canonici, id est, coram Parocho, & duobus aut tribus testibus, c. Cum esset de Testam. Siquidem, ut habetur Matth. 18. In ore duorum, vel trium testium stat omne verbum. Sic etiam Venetiis, & Viennæ in Austria, duos testes sufficere ajunt: ut taceantur specialia quorundam locorum privilegia, statuta, & consuetudines, vi quarum nonnullæ solemnitates ibidem in Testamentis remissæ sunt.

#### A P P E N D I X

Additionalis, continens sex notabiles casus circa confectionem Testamenti ad pias causas.

\* **A** Madæus ante mortem suam fecit testamentum, & in eo hæredem universalem in-

stituit Confraternitatem Redemptionis captivorum: cum autem in illa civitate non adesset Confraternitas hujus nominis, sed alia, nimirum SS. Sacramenti, hinc illa ultima prætendit hæreditatem; e contra vero excipiunt Consanguinei ipsius defuncti Amadæi, dicendo, quod in tali casu testamentum sit nullum; utpote cum Confraternitas Redemptionis non existat in illo loco, consequenter ipsi succedant ab intestato. Quæritur jam, an tale testamentum pium sit a parte rei invalidum, nec ne? Ratio dubitandi, & quæ deserviret pro Consanguineis defuncti, est; quia etiam ad testamentum pium requiritur efficax voluntas actualiter testativa, quæ tamen hinc non videtur adesse, utpote cum non subsistat hæres denominatus, nimirum Confraternitas Redemptionis. Hoc tamen non obstante Cardinal. de Luca Tom. 2. Theatri Veritatis de testamentis disc. 22. respondet, talium Consanguineorum, successionem ab intestato prætendentium, causam esse desperatam; atque hoc ob favorem causæ piæ, inter cujus privilegia connumeratur istud, quod incertitudinis defectus non vitiet pias dispositiones, censeturque talis voluntas adhuc efficax testativa quoad substantiam, ex ea ratione, quia dispositio similis principaliter dirigitur in ipsum DEUM, & bonum animæ testantis (quod bonum principale in hoc casu adhuc obtinetur) unum vero, vel alterum pium opus in specie potius respicit modum, quam substantiam. Quod si ulterius indages, ad qualem ergo causam piam in specie spectet hæreditas? Respondeo: Si ex aliis circumstantiis colligatur, quod testator voluerit intelligere per Confraternitatem Redemptionis Confraternitatem SS. Sacramenti, haud dubie ad illam pertinebit memorata hæreditas; alias autem vel ipsemet Reverendissimus Ordinarius deberet conscientiosam, & prudenter regulatam facere dispositionem ad alias causas pias, vel certe eandem hæreditatem prætereundam possit Fabrica S. Petri, utpote cum talis causa pia, quæ succedit vi testamenti, in specie non sit certa, sed incerta, Fabrica autem S. Petri dicatur illud tribunal, auctoritate Summi Pontificis erectum, quod exigit, atque ad alia pia opera applicat pias dispositiones incertas. Unde, posito, quod ex circumstantiis Confraternitas SS. Sacramenti probare nequirit; se fuisse intellectam a testatore, in eo casu Consanguinei ipsius defuncti, forsan pauperes, possent apud Fabricam S. Petri obtinere compositionem, ut aliquam partem bonorum defuncti obtineant. Videatur Card. de Luca, loc. cit. & tom. 3. de relatione Romana Curia disc. 20.

Andreas propria manu scripsit, vel saltem subscripsit, & quod adhuc melius, suo quoque sigillo munivit quoddam testamentum, in quo hæredem instituit Fœdus charitatis (vulgo Liebs. Bund) tamquam causam piam. Hoc testamentum etiam post mortem in suo pulpito inventum fuit; quæritur, an tale testamentum valeat? Respondeo affirmative: si enim sufficienter constat, quod testamentum ab Andrea sit scriptum, vel saltem subscriptum & signatum, etiam sufficienter constat de voluntate Testatoris;

ris; hoc autem sufficit quoad testamentum ad causas pias; ergo. Quia vero hæredes ab intestato forsan dicerent, hunc characterem non esse Andreæ; sed alium supposititium; ut proin tale testamentum minori periculo exponeretur, suavissem adhuc, ut præter subscriptionem propriam Andreas quoque alios duos testes, qui sese subscriberent, rogasset; nec foret necesse hisce testibus contenta in scriptis ad legendum dare, modo in genere diceret: *Charissimi, hic continetur mea ultima voluntas circa mea bona temporalia, rogo itaque, ne gravemini hujus esse testes, & vos subscribere.* Ubi quilibet testium in subscriptione posset uti simili formula: *Ego N. testor, quod præsens ab Andrea N. audiverim, in præsentis libello, & charta contineri suam ultimam voluntatem.*

In domo Bertrandi subdito mortui præcise reperitur aliqua schedula, in qua legitur, quod socius charitatis ad sublevandos pauperes instituat pro hærede. Dubitatur, num exinde hæc causa pia possit prætere hæreditatem, cum excipiant defuncti consanguinei, alias ab intestato succedentes? Fundamentum illorum est, quia talis annotatio in schedula videtur potius velleitas, & præparatio ad futurum testamentum, quam actualis dispositio, hincque non subsistit in ratione Testamenti. Prout etiam cum nonnullis aliis sentit Julius Clarus in §. *testament. quest. 7. num. 1.* Hoc tamen non obstante Respondeo, nisi aliunde constet, & a Consanguineis, successionem ab intestato prætendentibus, positive probari queat, quod in hac scheda voluerit Bertrandus tantum per modum præparationis quædam in schedula annotare, non autem actualiter disponere, tunc in favorem testamenti pii potius in dubio præsumitur, quod vi hujus schedæ Bertrandus actuale fecerit dispositionem, & testamentum, saltem si annus, mensis, dies & alia verba, complementum actus plerumque in testamentis denotantia, adjuncta sint. Mascardus de prob. vol. 4. concl. 1359. num. 68. & seqq. & ex professo, ac fusius Menochius lib. 3. consil. 224. Quinimo ipse Julius Clarus loc. cit. prope finem nostram sententiam in praxi consulit. Dixi autem: *saltem si annus, dies &c. adjuncta sint*; nam alias res valde periculosa videtur, præsertim, si neque sigillum esset appressum, nec se Testator ad talem schedam ante suam mortem remisisset. De hoc fusius videri poterit apud Card. de Luca tom. 2. de Testamentis disc. 15. per totum,

Cajus satis dives (utpote cujus summa ascendit ad 6000. florenos) unicum ex uxore sua jam defuncta suscepit filium Jacobum, Patri non adeo obedientem, ac defacto in militia existentem. Memoratus Cajus fratri suo, Titio, pauperi, multisque liberis gravato, mutuos dat 3000. florenos. Paulo post factus ægrotus hunc fratrem ad se vocat, eique occulte insinuat, quod ipsum, & quidem quatenus pauperem ex amore Christi una cum filio Jacobo hæredem instituat, relinquendo pro portione hæreditaria medietatem horum bonorum, nimirum illos 3000. florenos, quos alias deberet titulo mutui; ac demum intra paucos dies obit Cajus. Filius ejusdem ex militia redux hæreditatem caput; videns autem par-

tim massam hæreditatis ultra spem suam diminutam, partim ex fama percipiens, quod frater defuncti magnam Parenti suo debuerit pecuniæ summam, eandem præterdit, atque Titio negante, se quidpiam debere, ad Judicem defert: dubitatur, an Titius Frater defuncti possit summam hanc pecuniarum bona conscientia retinere, & in judicio, si etiam ad juramentum cogeretur, negare, se quidpiam debere titulo mutui Cajo Fratri? Ratio dubitandi est; quia equidem multi graves DD. defendunt, si testamentum non est vestitum debitis solemnitatibus, constet autem alicui certo de voluntate Testatoris, quod in foro interno is ante exceptionem partis in judicio possit summam sibi vi talis testamenti a Testatore constitutam &c. retinere; negant autem communiter, id fieri posse, postquam in foro externo hæres ab intestato in judicio contra talem excepit. Respondeo tamen, Titium absolute posse hanc summam pecuniariam retinere, non obstante illa partis adversæ exceptione; immo etiam, si adigeretur ad juramentum, optima conscientia jurare valere, se nec obulum debere fratri suo defuncto; cum sane a parte rei nihil amplius debeat tam in foro interno, quam externo, supposito, quod hæc summa ipsi tamquam pauperi fuerit remissa: nam, etsi alias in casu, quo testamentum pro foro externo non est privilegiatum, illa DD. sententia præcise pro foro interno, & ante sententiam Judicis procedat; secus tamen, ubi testamentum est privilegiatum taliter, ut quoque pro foro externo sufficiat, si a parte rei adit voluntas Testatoris efficax, & actualiter testativa, nec efficaciter revocata, prout censetur adfuisse in præsentis. Plus adhuc addo; existimo enim, in dato casu, si in foro externo Titius frater defuncti per Chirographum proprium, forsan adhuc inter scripturas defuncti reperiatur, vel testes de debito convinceretur, sicque ad restitutionem a Judice condemnaretur, talem iterum ex bonis alterius, si habeat securam occasionem, posse uti occulta recompensatione: nam sententia Judicis in dato casu niteretur falsa præsumptione, cum a parte rei nihil amplius in foro interno, & externo a Titio debeatur, hincque hæc sententia in conscientia non obliget, prout DD. passim docent *Titulo de præsumptionibus.*

Demetrius cujusdam in Bavaria oppidi Præfectus matrimonio sibi jungit Bertham, formæque, ac virtutibus quidem divitem, cæteroquin tamen inopem puellam, quæ nec dotem afferre potuit, nec eandem maritus supplevit, aut contradotem constituit; consolando tamen suam sponsam, quod, si bene se gesserit, specialiter ejusdem in testamento memor esse, quin & hæredem instituere velit, posito, quod sine liberis decedat. Elapso anno, & nullis ex Bertha susceptis liberis, Demetrius subito periculose decumbit, vocat Confessarium, & finita Confessione aliisque peragendis devote peractis, sese in præsentia Confessarii, & uxoris suæ, ad faciendum testamentum præparat, uxorem quatenus pauperem ex amore DEI ex asse hæredem instituturus: in quem finem etiam famulum quemdam ad Magistratum mittit, rogando, ut duos deputet, qui testamentum suum, quod interim

con-

conscribere incipit, ad acta recipiant. Existente famulo adhuc in via, & vix una alterave de testamento scripta lineola, adeo ingravescit morbus, ut summum existat periculum, ne usque ad Deputatorum adventum interim moriatur. Mulier cogitans futuram suam, si privetur hæreditate, in miseriam, lacrymabunda petit a Confessario consilium: quid igitur emergenti ex improvviso simili casu a Confessario suadendum?

Respondeo, in simili casu uxori suadendum esse, ut, usque dum Deputati a Magistratu veniant, convocet interim duos, aut tres vicinos pro testibus, sive viros, sive mulieres, juxta Covarruviam in cap. Relatum, de testamentis. Vel, si ne quidem id admitteret periculum in mora, curet advenire aliquos domesticos, famulos, aut ancillas: omnes enim tales in eo casu probabilissime sufficient pro testimonio circa ultimam ægrotantis voluntatem ferendo, quamvis hi forent consanguinei uxoris, etiam sorores, ac fratres, quando aliter fieri nequit, vel qui ipsimet per modum legati aliquid ex testamento reportarent. Ita quoad causas pias (inter quas in nostro casu numeratur uxor quatenus pauper) Chlingensperger lib. 2. Institution. Imper. tit. 10. quæst. 15. & 16. ac Reiffenstuel de Testam. §. 2. num. 15. & 16. modo cæteroquin memorati vocati testes ipsimet verbis, vel signis ex testatore hanc ultimam ejus dispositionem percipiant, nimirum quod eam NB. tamquam pauperem ex amore DEI instituat hæredem &c. Invigilet præterea Confessarius, ut in eo casu etiam socius suus, si quem assumpsit, pro majori securitate huic actui præsens existat: etenim licet ob multas graves rationes summo opere suadeatur, ut Religiosi se ipsosmet non intrudent ad ferendum in Judiciis simile testimonium; contingere tamen potest, ut charitas ex circumstantiis id suadeat, saltem supposito quod reliqui, qui interfuerunt, a Judice tamquam inepti ob alias causas rejicerentur a ferendo testimonio.

Vides itaque, Confessarie, quomodo emergente ex improvviso simili casu consilium in arena capere queas, suggerendo modum superius in resolutione explicatum. Quod si vir cessante deliquio iterum sese recolligeret, usque dum Deputati a Magistratu adveniant, poterit in illorum præsentia suam mentem de novo per modum testamenti nuncupativi aperire, vel, si mavult, & tempus admittit, hanc ultimam suam voluntatem in Scriptis clausam extradare, rogando, ut recipiant ad acta, prout praxis extradendi taliter fusiis declaratur alibi.

Erhardus maligna vexatur febris, inde ex misericordia receptus ad nosocomium, vocat Confessarium, cui etiam finita confessione confidenter aperit, quod ex labore, & industria sibi comparaverit 200. florenos, domi in quadam cista invenendos; & quia nullos habet hæredes necessarios, vult, ut post mortem medietas extradatur nosocomio in aliqualem recognitionem; pro altera autem medietate curet Confessarius præter funeralia odinaria legi Missas pro anima sua. Et ita præfatus decedit ex hac vita. Consanguinei autem, quibus Confessarius hanc ultimam defuncti voluntatem aperit, nolunt dictis adhibere fidem, petentes sibimetipsis adjudicari hanc summam. Quæritur, an id bona conscientia facere queant?

Resp. Si Confessarius, quando Erhardus ægrotus sibi talia oretenus manifestavit, nullum adhuc secum testem assumpsit, non tenentur huic soli adhibere fidem consanguinei, hincque bona conscientia petere queunt a Judice hanc summam, saltem detractis prius expensis funeralium, sibi adjudicari. Ratio patet ex dictis; quia, licet testes quoad testamenta, vel legata pia non sint de forma substantiali; requiruntur tamen necessario pro foro externo saltem duo de forma probatoria, si aliunde non constet sufficienter de voluntate testatoris. \*

#### Q U Æ S T I O IV.

An omnes, præsertim Religiosi, eorumque Novitii, testari possint?

#### S U M M A R I U M.

36. Possunt omnes homines testari, nisi a Jure prohibeantur.
37. Quales a Jure prohibeantur testari?
38. Religiosi solemniter professi, nequeunt facere Testamentum.
39. Secus de emittentibus Vota simplicia in Societate Jesu.
40. Excipiuntur Religiosi, habentes a Papa facultatem testandi; Et Ordines militares.
41. An Religiosi possint facere donationem mortis causa?
42. Novitii Religionum libere testantur.
43. Testamenta Novitiorum, an subsint Decreto Concilii Trid.
44. Sententia negativa: unde valent, quocumque tempore fiant.

36. CONCL. I. Omnibus hominibus libera facultas est de bonis suis testandi, nisi a Jure prohibeantur. Ita certa, & communis. Nihil enim est, quod magis hominibus debeat, quam ut suprema voluntatis (postquam jam aliud velle non possunt) liber sit stylus, & licitum, quod iterum non redit, arbitrium, ut dicitur L. 1. C. de Sacrosanctis Ecclesiis.

37. Additur tamen limitatio, nisi a Jure prohibeantur: Nam imprimis aliqui prohibentur Jure naturali facere Testamentum, eo quod careant usu rationis: uti sunt infantes; item furiosi & amentes, nisi pro tempore, quo habent lucida intervalla, l. Furiosum, C. Qui testam. facere possunt. Deinde alii testari prohibentur Jure positivo: ut filii, ac filiae, adhuc sub paterna potestate existentes; nisi habeant bona castrensia, vel quasi castrensia. Item impuberes; prodigi a Judice declarati, quibus nempe bonorum administratio est interdicta: surdi & muti simul a natura: Rei criminis læsæ Majestatis, vel prodicionis Patriæ, & nonnulli alii, qui referuntur cum §. 1. ac seqq. Instit. Quibus non est permittum facere testamentum, tum aliis in locis utriusque Juris. Verum cæteris dimissis, quantum attinet Theologiam Moralem, Quæstio præcipua est de Regularibus, nec non & Clericis Beneficiariis.

38. CONCL. II. Prælati Religiosorum Ordinum, alique Regulares solemniter professi, non possunt condere Testamentum, & factum ab ipsis est irritum, paucis dumtaxat casibus exceptis. Ita certa, & communis; atque habetur clarissime o.

*Quia ingredientibus*, 19. q. 3. juncta *Authent. Ingressi*, c. de *Sacrosanctis Ecclesiis*, & alibi. Ratio est: quia Religiosi propter solemne votum Paupertatis nihil possident proprium, de quo testari possunt; cum omnia sint Monasterii.

39. Dicitur notanter in Conclusionem, *Regulares solemnisiter professi*: Siquidem præter Novitios, de quibus infra, etiam illi, qui in Societate Jesu, finito biennio Probationis, dumtaxat tria Vota substantialia simplicia emisissent, adhuc retinent dominium bonorum suorum, possuntque postmodum licite ac valide, accedente licentia suorum Superiorum, de eisdem testari; prout habetur ex Bulla Greg. XII. *Ascendente Domino*, & refertur tom. 2. *Bullarii Romani*, *Constitut.* 89. *dicti Pontificis*.

40. Dicitur ulterius, *paucis dumtaxat casibus exceptis*: Nam hiæ excipiuntur illi Religiosi, quibus a Summo Pontifice concessa est facultas testandi: qualis non raro dari solet iis, qui extra Claustrum obtinent Beneficium Ecclesiasticum, præsertim Episcopatum, aut Cardinalatum. Deinde excipiuntur Religiosi Ordinum Militarium, qui, cum non voveant tam rigidam Paupertatem, sed bona sua retineant, possunt saltem cum licentia Superioris de bonis, & redditibus suis, Testamentum facere. Pirhing *cit. de Testam.* n. 49. Nisi dicere velis, hanc testandi facultatem seu jure, seu consuetudine, concessam esse Religiosis Ordinum Militarium.

41. Addit Sanchez *lib. 7. in Decalog.* c. 8. n. 11. citans quosdam alios, & sequitur Layman *lib. 3. tit. 5. c. 3. n. 4.* valde probabile esse, quod Religiosus cum Prælati licentia (qui tamen hanc ante mortem Religiosi semper revocare valet) possit etiam mortis causa donationem facere. Id ipsum, dummodo res sit modica, admittit Pirhing *loc. cit. tit. n. 48.* quia, si res modica sit, ut Prælati licentiam dare possit donandi inter vivos, cur non etiam mortis causa?

42. CONCL. III. Novitii Religionum libere possunt de bonis suis testari. Ita communis; atque habetur c. *Si quæda mulier*, 19. q. 3. Ratio est: quia Novitii sunt sui Juris, ac bonorum suorum domini, libera exequendi potestate præditi. Verum occasione hujus

43. Quæres, an valeat Testamentum, vel alia quæcumque renunciatio, aut obligatio facta a Novitio ante duos menses a sua Professione, aut etiam ante ingressum Religionis? Ratio dubitandi desumitur ex Conc. Trid. *Sess. 25. c. 16. de Regularibus*, ubi statuit in hunc modum. *Nulli quoque renunciatio, aut obligatio antea facta, etiam cum juramento, vel in favorem cujuscunque causæ piæ valeat, nisi cum licentia Episcopi, vel ejus Vicarii fiat intra duos menses proximos ante professionem, &c. antea vero facta, sit irrita, & nullius effectus &c.* Hæc ibi: Ex ista quidem procedere de obligationibus, variisque donationibus, durante Novitiatu per Novitios factis, certum est. Utrum autem loquantur etiam de Testamentis, quæri potest.

44. Resp. breviter: Testamenta, Codicilli, & Donationes mortis causa, sub hoc decreto Conc. Trid. non comprehenduntur; unde valent, quocumque tempore fiant; etiam ante ingressum Novitii in Religionem. Ita Barbosa in *Collectaneis ad cit. c. 16. Cons. Trid.* n. 14. citans plurimos alios

Doctores, unico solo oppositum tenente. Quinimo Fagnanus in c. *Quia ingredientibus*, n. 17. de *Test.* refert, quod Sacra Congregatio consulta, an Decretum dicti c. 16. loquens de renuntiatione, locum habeat in Testamentis, & aliis ultimis voluntatibus, censuit non habere locum. Accedit ratio: quia, ut notat Miranda in *Manuali Prelatorum tom. 1. q. 23. art. 4.* mens Concilii Trid. solum fuit, eas renuntiationes prohibere, per quas Novitii depauperantur, ita ut postea egestate & inopia compulsi, cogantur profiteri inviti: hoc autem non contingit in Testamentis, & aliis ultimis voluntatibus; cum ante Professionem semper libere revocari possint; ergo.

## Q U Æ S T I O V.

An Clerici Seculares Beneficarii valeant testari.

### S U M M A R I U M.

45. *Clerici Seculares libere testantur de Bonis Patrimonialibus, industrialibus & parsimonialibus.*  
(f) Tract. 7. Dist. 4. q. 3. n. 25. 26. & 28.
46. *Secus de Bonis mere Ecclesiasticis, spectato jure communi.*
47. *De his tamen ante mortem elargiri possunt.*
48. *Ac de speciali facultate Summi Pontificis testari.*
49. *Consuetudine acquiri potest facultas testandi ad causas pias.*
50. *An etiam facultas libere testandi ad causas profanas? Sententia negativa.*  
(g) Tract. 7. Dist. 4. q. 3. n. 32.
51. *Sententia affirmativa.*
52. *Sententia media, juxta quam*
53. *Consuetudine potest acquiri facultas, ut Clerici de Bonis mere Ecclesiasticis valide testentur ad causas profanas;*
54. *Non vero licite.*  
(h) Tract. 7. Dist. 4. q. 3. n. 32. & 34.
55. *Respondetur ad instantias secunda sententia.*  
(i) Tract. 2. Dist. 4. n. 25. & 26.
56. *Consuetudo testandi Clericorum, quæ?*
57. *Et quomodo intelligenda, si testentur ad causas profanas?*
58. *Responsio ad fundamenta prime sententia.*

45. CONCL. I. Clerici seculares, sive Beneficarii, sive non Beneficarii, possunt libere testari, etiam ad causas profanas de Bonis suis patrimonialibus, & quali patrimonialibus, sive industrialibus, quæ suo labore atque industria compararunt: nec non & de bonis parsimonialibus, quæ parcius vivendo de congrua sustentatione sibi subtraxerunt ex proventibus suorum Beneficiorum Ecclesiasticorum. Conclusio hæc sequitur ex jam supra dictis de Dominio Clericorum, ac probatur iisdem auctoritatibus Juris, & rationibus, quæ ibidem (f) allegatæ sunt; estque satis communis inter Doctores.

46. CONCL. II. Loquendo vero de bonis mere Ecclesiasticis, spectato Jure communi, Clerici Beneficarii non possunt de iisdem testari, vel disponere mortis causa, etiam ad pias causas; sed ea debent relinquere Ecclesiæ, quæ in talibus bonis succedit. Hæc Conclusio habetur clarissime c. *Ad hæc*, de *Testam.* ibi: *Clerici de mobilibus, quæ per Ecclesiam sunt adepti, de jure testari non possunt.* Idque



Idque tam de immobilibus, quam mobilibus esse intelligendum, declaratur *cap. Relatum*, 12. *ead.* cum concordantiis. Idque merito per SS. Canones statutum fuit, ut Beneficarii promptiores redderentur ad bona Ecclesiastica superflua majori cum merito in vivis eroganda in pias causas, scientes, nullam sibi potestatem superesse de eisdem post mortem disponendi; prout notavit Navarrus, & cum ipso Layman *Lib. 4. tit. 2. c. 3. n. 6.* Porro quod Spectato Jure communi talia bona penes Ecclesiam remanere debeant, patet ex *c. Cum in Officiis*, de *Test.* juncto *cit. c. Relatum*.

47. Dicitur notanter I. *Non possunt disponere mortis causa*: Siquidem Clerici, dum sunt in vivis, optimo jure, magnoque cum merito, redditus Ecclesiasticos superfluos in pauperes, aliasque pias causas erogant. Deinde possunt de talibus iidem Clerici, dum sunt in ultima aegritudine constituti, tam pauperibus, locisque Religiosis, quam etiam suis inservitoribus quidpiam elargiri; prout expresse habetur *cit. c. Relatum*, 12. de *Testam.* ibi: *Consuetudinis tamen est non improbanda, ut de his (bonis mobilibus per Ecclesiam acquisitis) pauperibus, & Religiosis locis, & illis, qui viventi servierant, sive consanguinei sint, sive alii, aliqua juxta servitii meritum conferantur.*

48. Dicitur II. *Spectato jure communi*: Nam secus est, si quispiam facultatem de talibus bonis testandi obtinuerit a summo Pontifice, qui eam concedere potest, & de facto saepe concessit. Quinimo Paulus V. in sua Constitutione, quae incipit, *In eminenti*, die 6. Aprilis, 1606. edita (& refertur *tom. 3. Bullarii Romani, Constit. 18. dicti Pont.*) omnibus & singulis Curialibus, in ipsa Urbe, & intra decem milliaria (non tamen extra debitam Residentiam) decedentibus, concessit liberam facultatem testandi de quibusvis redditibus Ecclesiasticis, etiam decimalibus Beneficiorum, ac etiam in favorem consanguineorum suorum, & quod hi eisdem ab intestato succedant; prout amplius videre est *in cit. Constitutione*.

49. Deinde Doctores communiter admittunt, consuetudine pariter posse induci facultatem testandi ad pias causas. Siquidem Clerici solo jure Canonico prohibentur condere Testamentum: atqui Juri Canonico per longævam & rationabilem consuetudinem derogari potest; ergo. Unde in locis, ubi viget talis consuetudo testandi, Clericus Beneficiarius valide & licite testabitur ad pias causas.

40. Utrum autem consuetudine induci possit facultas de bonis mere Ecclesiasticis testandi ad causas etiam profanas, major difficultas est. Et quidem talem consuetudinem, seu corruptelam, ac foventem peccatum, rejiciunt Tannerus *tom. 3. disp. 4. q. 6. n. 249.* Layman *lib. 4. tract. 2. cap. 3. n. 7.* Pirhing. *tit. de Test. n. 42.* Ludov. Engel. *part. 4. Manualis Paroch. q. 4. n. 26.* Navarrus, & alii. Ratio eorum est: quia consuetudo, quae Legi naturali & Divinae repugnat, non valet. *arg. cap. ult. de Consuet. & potius est dicenda perniciose corruptela c. Mala Consuet. dist. 8.* Atqui talis censetur esse praesens consuetudo, quia, ut dictum superius, (g) omnes Doctores fatentur, Beneficiarios mortaliter peccare, si redditus mere Ecclesiasticos

notabiliter in causas profanas expendant, sicque consuetudo hoc permittens, erit nutritiva peccati.

§ 1. Econtra Augustinus Barbosa *lib. 3. Juris Ecclesiastici universi, cap. 17. n. 67. & 68.* putat, consuetudine induci posse, quod Clerici de talibus fructibus Beneficiorum suorum in usus non pios licite testari possint: citatque inter alios primo loco pro hac sententia Covarruviam (sed male, ut ex hujus verbis *n. seq.* referendis liquet) quam probare nititur ex eo: Tum quia Papa nunquam solet dare licentiam testandi de hujusmodi bonis: sed quae sunt acquisibilia privilegio, sunt pariter acquisibilia consuetudine. Tum quia neque Romani Pontifices nostris temporibus, neque Jura haecenus istam consuetudinem improbarunt: quod utique (ait) fecissent, si intellexissent, consuetudinem hanc animas illaqueare, & Clericos sic disponentes in peccato mori.

§ 2. Tertia, & inter utramque praefatam media, ceterisque probabilior sententia tenet, ejusmodi consuetudinem validam quidem esse, adeo ut Judex relicta haeredibus institutis adjudicando, & ipsi haeredes recipiendo, in conscientia tuti sint; non tamen licitam, sed Clericos, ad profana de bonis mere Ecclesiasticis disponentes, peccare. Ita Lessius *l. 2. de just. & jure, cap. 19. n. 44.* Zæsius *tit. de Test. n. 7.* Covarruvias *c. 7. de Testam. n. 23.* pluresque alii ab his relati. Et notandum, quod, quamvis Covarruvias *cit. n. 23. & seq.* ad longum probare nitatur, ejusmodi consuetudinem esse validam: idem nihilominus *loc. cit. ad finem, n. 27.* expresse moneat, disputationem suam eo animo, praesertim a Clericis recipi debere: *ut sit illis satis, culpa mortalis criminis esse eos infectos, si male praeter usum necessarium, & pias largitiones, illos (redditus superfluos) distribuere non vereantur.*

§ 3. Et quidem, quod ejusmodi consuetudo sit valida, probatur ex eo: quia Clerici de talibus bonis valide, quamvis non licite, disponunt in vita ad causas profanas; ergo idem post mortem fieri potest, accedente ejusmodi longæva consuetudine. Probatur consequentia. Tum quia solo Jure Ecclesiastico Clerici de talibus testari prohibentur: atqui Juri Ecclesiastico per consuetudinem contrariam derogari potest. Tum quia consuetudo illa valide testandi non est irrationabilis, immo (ut notat Zæsius ibidem) fundatur in publica Reipublicae tranquillitate, quae alias saepe turbaretur, si ejusmodi Testamenta non tenerent. Nam cum Clerici libere testantur de bonis suis patrimonialibus, industrialibus, & parsimonialibus, ut dictum *num. 45.* & habet recepta Doctorum sententia; ab eisdem vero, post mortem illorum Clericorum, bona mere Ecclesiastica superflua absque litigio cum haeredibus instituendo discerni vix possint: hinc consuetudo illa deservire poterit ad praescindendas innumeras lites, cum haeredibus talium Clericorum ceteroquin multipliciter instituendas, sicque ad publicam Reipublicae pacem.

§ 4. Ceterum quod Clerici de bonis mere Ecclesiasticis ad profana disponentes peccent, sequitur ex jam supra dictis (h) cum ipsi Jure non solum Ecclesiastico, sed etiam supposita, & per Beneficarium acceptata Ecclesiae & Fundatorum

intentione, ex virtute Religionis, adeoque Jure naturali, & Divino, teneantur redditus superfluos in causas pias erogare: atqui contra Jus naturale ac Divinum nulla valet consuetudo. Accedit: quia, ut argumentantur Lessius, & Layman, omnes Doctores fatentur, Beneficiarios graviter peccare, si Ecclesiasticos proventus superfluos in usus profanos expendant in vivis; ergo multo magis, si de eisdem taliter testentur: nam semper minus concessum fuit Clericis Beneficiariis, de talibus bonis condere Testamentum, quam disponere inter vivos.

§5. Nec urget instantia Barboſæ, nemque quod Papa quandoque concedit licentiam libere testandi de talibus bonis. Nam in primis hujusmodi licentia est strictæ interpretationis, utpote a jure communi exorbitans, sicque non extendenda ad alios casus non expressos *arg. c. 1. de Filiis Presbyt. in 6.* Deinde dictum illud, *acquisibilia privilegio sunt etiam acquisibilia consuetudine*, non esse universaliter verum, præsertim si consuetudo illa sit irrationabilis, aut a Jure reprobata, notant Fagnanus in *c. Cum contingat, n. 8. & 11. de Foro competentis*, & Layman l. 1. tracl. 4. c. 24. n. 9. & alii passim. Insuper, *Cum Beneficiorum Ecclesiasticorum plenaria dispositio ad Romanum noscatur Pontificem pertinere*, ut habetur *c. Licet, de Præbendis, in 6.* non mirum, quod ipse circa eorumdem bona possit gravibus de causis aliud ordinare, qui circa ipsa etiam Vota, & Juramenta (non obstante, quod, supposita semel voventis, vel jurantis intentione, obligent ex virtute Religionis, Jureque naturali ac Divino) justis intervenientibus causis dispensare potest, modo alibi (i) jam declarato.

§6. Dum autem allegatur consuetudo, simulque conniventia Summi Pontificis, Resp. opponendo illud vulgatum dictum *c. Cum jam dudum, de Præbendis: Multa per patientiam tolerantur, quæ, si deducta fuerint in judicium, exigente justitia non debent tolerari.* Deinde de ejusmodi consuetudine sufficienter constare non videtur: nam Clerici, majorem suæ conscientiæ, profectusque spiritualis curam gerentes, passim testantur (in locis, ubi viget testandi consuetudo) ad pias causas, immo nonnulli eorum, præsertim Episcopi, specialem petunt a Summo Pontifice licentiam testandi.

§7. Alii vero, dum testantur ad causas profanas, ad eas disponunt de bonis suis patrimonialibus, industrialibus, vel parsimonialibus, magno labore per vitæ decursum acquisitis, & de quibus possunt libere disponere: simulque in Funeralia, Missas, eleemosynasque (sub his etiam computando Legata pauperibus consanguineis relictæ) tantum relinquere solent, donec suæ conscientiæ obligationi satisfactum rationabiliter judicent: immo ut hoc eo securius fiat, in nonnullis Diocesis, ubi consuetudo facultatem testandi Clericis tribuit, etiam Ordinarii loci expressius consensus desuper requiritur. Quod si unus, vel alter (quod non facile præsumendum) secus egerit, inde non illico colligi poterit consuetudo testandi de bonis mere Ecclesiasticis ad causas profanas, cum hæc non nisi a majore parte Communitatis introduci valeat.

§8. Ad fundamenta prioris extremæ sententiæ n. 50. adductæ, in eo consistentis, quod, si Clerici taliter testando peccent, hoc ipso consuetudo illa sit invalida, cum foveat peccatum. Resp. negando consequentiam, cum sua probatione: quia, ut recte notat citatus Zæsius, hominis est hoc vitium, non rei, aut consuetudinis: unde abusus licentiæ, quam Clerici ex longæva consuetudine acquisierunt ad testandum, potestque rectissime præticari testando ad pias causas, non ponit juris iniquitatem. Et patet hoc in simili: nam Clerici in vita valide de talibus bonis mere Ecclesiasticis disponunt ad causas profanas, neque tamen hæc licentia censetur fovere peccatum ex eo, quod illicite id faciant. Idque non alia de causa, nisi quia vitium hoc non vi dictæ licentiæ, sed ex ejus duntaxat abusu proficiscitur.

## \* APPENDIX

### Seu Quæstio Additionalis.

An, & de quibus rebus Conjuges ex hac vita decedentes testari queant? Item de qualibus Bonis superstitibus relictæ vidui, vel viduæ?

**V**Olui hanc quæstionem prioribus annectere, non quidem eo fine, ut Confessarii ex professo sese confectioni testamentorum immisceant (quod absit) sed potius, ut, si subinde consilium dare charitas, & aliæ circumstantiæ apud ægrotos suadeant, addiscant cauti & circumspecti esse, ne per malum consilium causa sint, ut deinde totum Testamentum & optima Testatorum voluntas ab impugnantibus invertatur. Porro duo hic moventur dubia, quæ ad invicem confundi non debent: nam *quoad primum* examinatur, an & qualiter maritus e.g. si præmoriatur uxori, vel vice versa uxor, si præmoriatur marito, ante discessum suum ex hac ad alteram vitam condere queat testamentum? *Quoad secundum* vero dubium inquiritur, an & de quibusnam Bonis ipsimet, decedente consorte, superstitibus viduus aut vidua illud ipsum testamentum facere possint, sive liberi adsint, sive non? *Quoad primum* dubium sit

Conc. I. Num, & qualiter conjux ex hac ad alteram vitam decedens possit ante mortem suam facere testamentum, ante omnia desumi debet ex pactis dotalibus (vulgo Heyraths-Geding, oder Heyraths-Gut &c. quæ inspicere debent, si tamen aliqua per modum contractus inter vivos fuerint ante initum matrimonium erecta. Ita communis, & ratio est, quia vi talis contractus dotalis erecti altera compars superstes acquiritur jus, adeoque nequit ex hac vita decedens in superstitis præjudicium quidpiam sine ejusdem consensu disponere: quod bene notent Confessarii forsan a morituris circa ultimam dispositionem consulti, nec cæco modo suadeant aliquam ultimam dispositionem etiam ad causas pias, antequam prius informati fiat, an & qualia pacta dotalia fuerint tempore matrimonii erecta, ut sic talis dispositio non fiat in præjudicium juris tertii; alias merito invalidanda.

Concl. II. Si nulla pacta dotalia fuerint erecta, vel saltem in ipsis nulla facta sit mentio quoad Bo-  
na

na paraphernalia, tunc libere de ipsis conjux ex hac vita decedens, siue fuerit maritus, siue uxor, potest disponere mortis causa, dummodo non fiat hæc dispositio in tanta quantitate, ut liberi, aliiue necessarii hæredes, si qui extent, priventur sua legitima, quæ legitima computari debet ex omnibus Bonis decedentis, & quam volumus semper salvam intelligi. Ita denuo communis, patetque ratio ex natura Bonorum paraphernalium: & quoniam acquæstus, seu illa lucra, quæ constantè matrimonio communi labore, ac industria utriusque conjugis acquiruntur, merito Bonis paraphernalibus annumerari possunt, hinc pariformiter de illis discurrendum, quod nimirum conjux decedens de sua medietate ante mortem libere valeat disponere, nisi aliter fuerit ordinatum per pacta dotalia, vel specialia locorum statuta: nam mulier e.g. tantum de Jure Canonico c. 10. de consuet. excluditur a medietate Bonorum, quia commisit adulterium: ergo a sensu contrario, si illud non commisisset, neque excluderetur a medietate. Quoad Bavariam videatur intimus Bavariæ Cancellarius Schmid in suis Commentariis Tit. 1. Juris Bavarici art. 1. n. 40. & seqq.

Concl. III. Conjux ex hac vita decedens etiam ante mortem potest testari quoad Bona sua dotalia, seu contradotalia, saltem si nulli extent hæredes necessarii, ac dummodo non fuerit aliter dispositum in pactis dotalibus. Ita sub his terminis, quantum mihi constat, denuo communis: & ratio est, quia alias, si talis conjux decederet ab intestato, hæc Bona post mortem in simili casu devenirent ad hæredes non necessarios defuncti, adeoque ante mortem suam de iis poterit libere facere testamentum. Illud tamen in Bavaria specialiter advertat similis Testator, quod suam coimpertem in hac vita adhuc relictam nequeat usufructu ex dote vel contradote, quamdiu vivit superstes, privare; quoniam usufructus dotis vel contradotis in Bavaria semper superstiti conjugum, etsi nulla desuper erecta fuissent pacta dotalia, debetur per reliquum tempus vitæ suæ, ac primum post mortem superstitis restituitur illi, qui institutus fuerat hæres, uti habetur Tit. 1. Juris Bavarici art. 1. 3. & 4.

Dixi notanter: Conjugem decedentem ex hac vita posse testari de Bonis dotalibus &c. saltem si nulli extent hæredes necessarii; nam, si tales adessent, major circa dotalia, (posito, quod dos foret profectitia (id est, a Patre vel Avo descendens) esset difficultas; ubi Doctores inter se non conveniunt, uti videri potest apud Fachinzum lib. 3. Controvers. 71. sicque simile testamentum expositum foret periculo multarum litium, si hæredibus necessariis circa dotem profectitiam tantummodo legitima relinqueretur, & residuum de dote ista extraneis legaretur. Atque hæc quoad resolutionem primi dubii, circa quæ Bona decedens ex hac vita disponere queat, dicta sufficiant: loquendo autem circa secundum dubium de Bonis superstitis conjugis,

Quær. I. Circa quæ ex conjugibus superstes viduus facere possit aliquod testamentum vel legatum? Resp. denuo præscindendo a specialibus pactis dotalibus, & insistendo præcise juri commu-

ni, mortua prævie uxore, superstes viduus salva legitima hæredum necessariorum libere testari potest I. De suis Allodialibus, quæ vel jam intra sua patrimonialia numeravit ante matrimonium, vel in matrimonio ex hæreditate, aliove titulo ipsum solum respiciente acquisivit. II. Quoad contradotem, si antea aliquam attulit, quæ post mortem uxoris libere redit ad eundem. III. Quoad fructus, quos ex allata dote ante mortem uxoris obtinuit; nam hi fructus debentur marito etiam quoad proprietatem ob onera prius in matrimonio supportata. IV. Quoad donationes sibi ab uxore tempore matrimonii factas, & ejusdem morte confirmatas modo superius allegato. V. Quoad acquæstus seu lucra constante matrimonio adepta, saltem quoad eam partem, quæ ejusdem industriæ ac labori correspondet: in dubio autem lucra illa potius ad virum, quam mulierem spectare præsumuntur. l. Quintus Mutius. ff. de donat. inter Virum & Uxorem.

Quær. II. Circa quæ testari possit, si mortuo prævie marito superstes sit vidua? Resp. mortuo prævie marito superstes vidua (salva prolium legitima) libere testari potest, vel legare. I. Quoad paraphernalia omnia in genere loquendo; magis autem de aliquibus in specie discurrendo. II. Quoad Morgenaticam, quæ est donatio illa, quam mulier altero nuptiarum die acquisivit in remunerationem allatæ virginitatis. III. Quoad sponsalitiæ largitatem, sub qua conformiter dictis intelliguntur illa quæ mûnera, mulier accepit a viro ante matrimonium intuitu ejusdem. IV. Quoad Bona constante matrimonio per propriam industriam acquisita, e. g. si sciverit uxor artificiosè acu phrygia pingere, unguenta conficere, obstetricem agere, &c. V. Quoad medietatem acquæstuum, communi industria ac labore acquisitorum, saltem ubi vi opificii inter conjuges censetur intercessisse tacitus contractus societatis; uti apud Cerevisarios, Pistores, Laniones: hæc enim omnia hueusque enarrata merito computantur inter Bona sua propria. VI. Etiam quoad Bona dotalia, saltem quando non amplius existit hujus viduæ Parens, vel Avus, supposito, quod dos ab eo alias provenierit. Tandem VII. Quoad monilia, vestes sericas uxori comparatas, aliaque mûnera 500. solidos non excedentia, & a viro tempore matrimonii donata, ac ipsius morte confirmata. Ratio generalis est; quia de Jure communi horum omnium Bonorum habet dominium, adeoque etiam de his libere disponere valet, ubi non potest ostendi, quod aliquo Jure prohibeatur. Plura adhuc videri poterunt alia specialia in Jure Bavarico. Tit. 1. art. 2. 3. & 4. apud insignem ejusdem commentarium Schmid ibidem.\*

## QUÆSTIO VI.

### De Codicillis, Legatis, & Fideicommissis

#### SUMMARIUM.

59. Codicillus, quid?
60. Et quomodo fieri possit?  
(k) Quærst. 3. n. 21. & seqq.
61. Codicilli, ad quid inserviant?
62. Clausula Codicillaris quomodo apponatur?
63. Et multiplex ejus effectus.

64. *Legatum, quid?*

65. *In testamento minus solemniter ad causas pias, valent Legata profana.*

66. *Corruente Testamento minus solemniter ad causas profanas, non corruunt Legata pia.*

67. *Solvitur infantia.*

68. *Fideicommissum exaquantur Legato.*

59. **C**odicillus dicitur, quasi *parvus Codex*; & in proposito aliud non est, quam ultimacujuspiam voluntas absque hæredis institutione. Unde Codicillus est quasi imperfectum Testamentum: tum quia non requiruntur solemnitates Testamenti: tum quia Codicillo hæreditas directe dari non potest, nec etiam auferri.

60. Porro Codicillus fieri potest sive in scriptis, sive etiam nuncupative, seu ore tenus: ad ejus tamen valorem requiruntur, & sufficiunt quinque testes, sive masculi, sive fœminæ; qui etiam se subscribere debent, si Codicillus fiat in scriptis, quamvis sigilla apponere non sit necesse. *l. ult. C. de Codicillis*: Et hoc intelligendum, si fiat ad causas profanas: nam Codicillus ad causas pias factus, non requirit tantas solemnitates, prout in simili de Testamentis ad pias causas superius (k) dictum est.

61. Inserviunt autem Codicilli præcipue ad Legata, & Fideicommissa, atque Donationes mortis causa faciendas, utpote quæ per Codicillum fieri possunt. Juvant etiam ad Testamentum declarandum, atque immutandum salva hæredis institutione, eique addendum. Quinimo quando Testamentum habet insertam clausulam Codicillarem, si ipsum ob defectum alicujus solemnitatis non potest valere ut Testamentum, valebit tamen ut Codicillus.

62. Et quidem frequenter Testatores in suis Testamentis apponere solent clausulam Codicillarem, idque vel expresse, dicendo: *Si hac dispositio mea non valet ut testamentum, volo, ut valeat ut codicilli*. Vel tacite, ac virtualiter, dicendo: *Si hac dispositio non valet ut testamentum, valeat modo, quo secundum Jura potest, meliori*.

63. Neque inaniter isthæc clausula Codicillaris opponitur, utpote cujus effectus non sunt exigui. Siquidem ejusmodi Testamentum, si vel ab initio habeat defectum, vel eum ex post facto acquirat, ita ut non possit valere per modum Testamenti solemniter, valebit saltem per modum Codicilli, dummodo adfuerint Testes sufficientes ad Codicillum. Unde, quamvis in tali Testamento minus solemniter institutio hæredis irrita sit, ac proinde hæres ab intestato succedat, tamen tenetur is hujusmodi Testamentum quoad omnia alia adimplere, solvendo scilicet Legata, Fideicommissa, & hujusmodi. Sunt & alii effectus clausulæ Codicillaris, verum de iis Jurisperiti.

64. **CONCL. II.** *Legatum est donatio quadam a defuncto relicta, ab hærede prestanda.* Ita habetur §. 1. *Instit. de Legatis*. Dicitur, *donatio quadam*: quæ particula stat loco generis. Additur deinde, *ab hærede prestanda*: per quod differt Legatum a Donatione mortis causa: quæ non necessario fit ab hærede, cum possit fieri, ac plerumque fiat ab ipsomet donante, quamvis ante mortem ipsius non confirmetur, sed revocari possit.

65. Quæres, an Testamentum minus solemniter, ad causas pias factum, valeat etiam quoad Legata profana; & econtra corruente Testamento profano, corruant pariter Legata pia inserta? Resp. I. Testamentum minus solemniter factum principaliter ad pias causas, valet etiam quoad Legata profana in eo contenta. Ita Covarruvias *cap. 11. de Testam. num. 2.* Lessius *lib. 2. cap. 19. num. 9.* Engel *tit. de Testam. num. 19.* & communis, paucis exceptis. Ratio est: quia *accessorium naturam sequi congruit principalis*. Reg. 46. *Juris in 6.* acqui Testamentum valet in dato casu; ergo & Legata eidem inserta, cum sint quid accessorium, quamvis ceteroquin profana.

66. Resp. II. Econtra vero Testamento ad causas profanas corruente ob defectum solemnitatum, non idcirco corruunt inserta Legata pia, sed valent. Ita cit. Covarruvias *num. 4.* Lessius *num. 9.* Engel, & alii; idque merito tenendum favore causæ piæ (*nam summam esse rationem, quæ pro religione facit*, habetur *l. Sunt personæ, ff. de Religiosis & sumptibus funerum*) simulque ob remedium animæ Defuncti.

67. Neque urget allata regula, *Accessorium, &c.* Nam inter alias limitationes ea non procedit, quando in accessorio reperitur specialis ratio, quæ non reperitur in principali, propter quam illud corruente principali sustineatur: prout in proposito est favor religionis, atque remedium animæ Defuncti.

68. **CONCL. III.** *Fideicommissum dicitur illud relictum, quod fidei committitur hæredis, ab eo dandum alicui alteri.* Sic fit, cum Testator dicit: *Hæres, fidei tuæ committo, ut post aditam hæreditatem ex ea tantam, aut tantam partem, vel hoc aut illud prædium, huic consignes; idque vel statim, vel post mortem tuam, &c.* Porro hæres sic Fideicommissio gravatus; appellatur *Fideicommissarius*. Quoad alia vero de Fideicommissis eodem ferme modo est discurrendum, sicuti de Legatis; nam, ut *l. 1. ff. de Legatis*, habetur, *Per omnia exaquantur sunt Legata Fideicommissis*.

## QUÆSTIO VII.

De Institutione Hæredum, Falcidia, Trebellianica, & Successionibus ab intestato.

### SUMMARIUM

69. *Hæres necessarius, & non necessarius, qui?*

70. *Hæredis institutio est fundamentum totius Testamenti.*

71. *Qui possint institui Hæredes?*

72. *Quid de FF. Minoribus de Observantia, & Capucinis?*

73. *Hæredibus necessariis debet relinqui Legitima, & quomodo?*

74. *Legitima portio, quæ?*

75. *Ea non habet locum in Regnis, Ducatibus, &c.*

76. *Hæredi non necessario instituto, quantum relinquendum?*

77. *Falcidia quid? & unde sic dicta?*

78. *Trebellianica, quid?*

79. *An sit obligatio faciendi Testamentum?*

80. *Hæredes ab intestato, qui? & quando succedant?*

81. *Ordines succedentium ab intestato, qui?*

82. *Fi-*



82. *Fiscus, an computandus inter ordines succedendi ab intestato?*

83. *Formula faciendi quodcunque Testamentum prædic.*

69. **A**dvertendum, quod hæres alius sit necessarius, alius non necessarius. *Hæres necessarius* dicitur, quem Testator in portione legitima instituere cogitur, nisi justam exhæredandi causam habeat. Tales hæredes necessarii sunt Descendentes in linea recta, nempe Filii, Filiaque, Nepotes, Pronepotes, ex legitimo Matrimonio procreati. His autem deficientibus, hæredes necessarii sunt Ascendentes in linea recta, nempe Pater, Mater, Avus, Avia, ita tamen, ut, si adsint Descendentes seu Liberi, nihil de jure debeat Ascendentibus pro legitima, *text. clar. Aut. de Hæredibus ab intestato, §. 1. Collat. 9. Hæredes non necessarii* sunt reliqui omnes præter enumeratos; sive, qui Testatori non sunt conjuncti in linea recta. Unde sequitur, quod Frater aut Soror de jure non sit obligatus ad instituendum pro hærede suos Fratres, aut Sorores, eorumve Filios, neque ad relinquendum eisdem legitimam: quod a fortiori extendes ad ceteros Consanguineos, vel Affines. Hoc prænotato, sit

70. CONCL. I. Institutio hæredis est veluti caput, atque fundamentum totius Testamenti. Ita habetur in Jure Civili variis in locis; ut §. *Ante hæredis, Instit. de Legatis, & l. Proxime, ff. De iis, quæ in testam. debentur, & alibi*. Hinc non valet Testamentum, præsertim ad causas profanas (nam de Testamentis ad causas pias, utpote in quibus sufficiunt solemnitates Juris naturalis, Lessius lib. 2. de just. & jure, cap. 19. n. 8. citans Julium Clarum, tenet oppositum) in quo nemo hæres instituitur; quamvis secus sit dicendum de Codicillo.

71. CONCL. II. Omnes homines, non tantum singuli ac privati, sed etiam Communitates, Monasteria & Collegia, hæredes institui possunt, nisi specialiter a jure prohibeantur. Ita communis.

72. Porro præter alios, qui de Jure communi ob certas causas, vel delicta, prohibentur hæredes institui, de quibus Juristæ, vi suæ Regulæ, ac Professionis, non possunt institui hæredes in testamento Fratres Minores de Observantia, atque Capucini, adeo ut nec eorum Monasteria in communi valeant institui; prout declaravit Clemens V. in Clem. Exiv. de Verborum significationibus. Quo tamen non obstante, consideratis eorum necessitatibus, certisque moderaminibus observatis, potest eisdem quidpiam in Testamento relinqui per modum Legati, uti declaravit Nicolaus III. c. Exiv. de Verb. signif. in 6. Dummodo non dimittatur eis valor ipsius hæreditatis, vel tanta ejus pars quasi sub modo & forma Legati, quod præsumi posset, hoc in fraudem fieri; prout limitat cit. Clem. V.

73. CONCL. III. Hæredibus necessariis debet in Testamento relinqui portio legitima, & quidem titulo honorabili institutionis, sive jure hæreditario, atque sine ullo appposito gravamine: adeo quidem, ut alioquin talia gravamina habeantur pro non apposis; vel hæredibus necessariis competat actio ad petendum complementum legitimæ, si in minori quantitate, quam legitima portione,

hæredes instituuntur; vel ad omnino rescindendum Testamentum, si nulla apposita justa causa exhæredandi penitus fuerunt præteriti, ac nihil ipsis Jure Institutionis relictum. Ita habetur tum in Jure Civili *Auth. Ut cum de appellatione, §. Aliud quoque, Collat. 8.* cum concordantiis, quas citat Layman lib. 3. tract. 5. cap. 5. num. 11. tum in Jure Canonico c. Raynurius de Testam. ubi dicitur, quod *Legitima portio est debita jure nature*.

74. Circa quod notandum, quod legitima portio Descendentium sit triens (id est, tertia pars totius hæreditatis) si non sint plures Liberi, quam quatuor: semis autem (seu media pars totius substantiæ) si sint plures Liberi, quam quatuor. Loquendo vero de Ascendentibus, legitima Ascendentium semper est triens, sive tertia pars totius hæreditatis. Ubi per hanc intelligitur tota ea substantia, quæ solutis omnibus debitis, atque funeralibus pro Defuncto peragendis, post mortem Testatoris remanet.

75. Verumtamen ea, quæ nunc dicta sunt de portione Legitima Liberis danda, locum dumtaxat habent in bonis privatis, non item in Regnis, Ducatibus, & Comitatibus Magnatum: talia enim bona in plerisque Provinciis ad Primogenitum pertinent, assignata tamen aliis Liberis sufficienti sustentatione, pro conservanda dignitate status & familiæ suæ.

76. CONCL. IV. Quod si in Testamento instituitur hæres non necessarius, debet ei saltem quarta pars totius hæreditatis seu substantiæ libera remanere, ut sic onera hæreditaria sustinere valeat: alioquin, si tam multa a Testatore facta sint legata, vel donationes mortis causa, ut hæredi non remaneat quarta pars totius hæreditatis, licebit eidem detrahere Falcidiam; aut si gravetur tam magnis multisque Fideicommissis, ut eidem non remaneat quarta pars hæreditatis libera, detrahet Trebellianicam. Ita habetur in Jure Civili variis in locis, ut L. 1. & seqq. ff. ad S. C. Trebellianum, cum concordantiis.

77. Porro per *Falcidiam* intelligitur quarta pars omnium bonorum, quæ aderant tempore mortis Testatoris, deducto tamen prius ære alieno, atque expensis funerum, quam licet detrahere hæredibus institutis (servata tamen proportionem) a singulis legatis, si tam multa sunt legata, ut dicta quarta pars eisdem non remaneat libera, donec ista compleatur. Et hujusmodi quarta pars appellatur *Falcidia*, a suo auctore *Falcidio* Tribuno plebis, qui primus legem tulit (quæ ex suo nomine *Lex Falcidia* nuncupatur) ut quarta pars semper superesset ac remaneret hæredibus in Testamento institutis.

78. *Trebellianica* ferme coincidit cum *Falcidia*, nisi quod hæc respiciat Legata, illa vero Fideicommissa, a quibus detrahitur. Siquidem *Trebellianica* detrahitur a Fideicommissis, si tam multa, vel gravia facta sint a Testatore, ut hæredibus non remaneat quarta pars omnium bonorum, post debitorum, ac funeralium solutionem testamentum libera, & abque ullo onere, donec dicta quarta pars remaneat libera hæredibus institutis. Et dicitur *Trebellianica*, a suo auctore *Trebellio* Consule, a quo Senatus Consultum *Trebellianum* prodit, hoc ipsum disponens.

79. Quæres, an sit obligatio aliqua faciendi Testamentum? Resp. breviter, neminem quidem in Foro conscientiae per se obligatum esse ad condendum Testamentum; sed interdum per accidens talem adesse obligationem, ne alioquin lites, aut alia incommoda oriantur. Layman lib. 3. tract. 5. cap. 3. n. 10. & alii.

80. CONCL. V. Quando nullum omnino factum est Testamentum, aut illud ex quodam defectu irritum fuit, & cassatum, tunc tali Defuncto succedunt Hæredes ab intestato; id est, illi, qui secundum Jura succedunt, quando nullum factum est Testamentum. Ita communis, & patet ex utroque Jure.

81. Diversi autem sunt ordines Succedentium ab intestato, quorum prior semper posteriorem excludit. Primus est Descendentium, seu Liberiorum. Quod si vero unus ex Liberis defunctus sit, & reliquerit Nepotes, tunc hi personam patris repræsentant, & in ejus locum succedunt; ac proinde in divisione hæreditatis cum Patruo suo, aut filiis ejus, succedunt non in capita, sed in stirpes, §. Cum filius, Instit. de Hæreditatibus quæ ab intestato &c. & alibi. Secundus ordo est Ascendentium, seu Parentum (cum quibus tamen simul vocantur, seu ad hæreditatem admittuntur, fratres & sorores duplicis vinculi; hoc est, ex eodem patre & matre cum defuncto geniti: Authent. De hæreditibus ab intestato, Collat. 9.) & amplius non extantibus Parentibus, Avorum. Tertius est Collateralium, id est, Fratrum, Sororumque, & hæc deficientibus aliorum Consanguineorum propinquiorum. Et quartus, Conjugum inter se.

82. Tandem his omnibus deficientibus succedit Fiscus: quamvis nonnulli merito non computent Fiscum inter ordines succedendi ab intestato, eo quod cæteris deficientibus capiat bona, non jure successionis hæreditariæ, sed potius jure Regalium, tamquam vacantia. Sed de hoc plura Jurista.

#### \* A P P E N D I X

##### Ac Quæstio additionalis ultima.

Quomodo practice fiat aliquod Testamentum, & qualiter tradatur ad Acta?

**E** Quidem pars aliqua hujus appendicis jam reperitur in quarta Editione, quia tamen plura adhuc utilia subjuncta sunt, ponitur hic ex integro.

Quæ. I. Quomodo fiat practice aliquod Testamentum? Resp. modo sequenti, qui mutatis mutandis poterit deservire pro aliquo Formulario, Nimis:

In Nomine Sanctissimæ, & Individuæ Trinitatis &c.

Serio revolvens animo, hominibus infallibiliter statutum esse semel mori, seriatim mente recogitans, diem aque incertum esse, ac horam mortis, liberrima voluntate, & plene capax rationis de bonis meis ultimam dispositionem, seu Testamentum feci, ut sequitur:

Inprimis, & ante omnia animam meam offero Creatori suo omnipotenti DEO, humillime, & instantissime rogando, ut per infinitam suam misericordiam, per merita, & Passionem Domini Nostri JESU Christi

eamdem pretioso sanguine redemptam hæredem facere velit Regni Cælestis.

Secundo: Quoniam Corpus humanum a limo terra formatum pulvis est, ab anima separatum in pulverem revertetur; hinc etiam corpus illud configno terra, volendo, ut terra mandetur absque speciali pompa, conformiter tamen meo statui apud NN. (hic specificetur locus sepulturæ, maxime si eligatur aliqua sepultura extraordinaria) ordinando præterea, ut celebretur in bonum anima mea dies Depositionis &c. NB. addatur, an desideret etiam diem septimum, trigesimum, vel aliud officium; Item, quot Missas quolibet ex his diebus: posset quoque denominare stipendium pro qualibet Missa.

Postmodum sequuntur Legata pia, & profana, si qua inferere intendit, prout hic aliqua apponuntur: Exempli gratia,

Tertio: Specialiter lego trecentos florenos pro sexcentis Missis, in bonum anima mea celebrandis, modum florenum determinando pro qualibet Missa. NB. Si quos specialiter velit, qui suas Missas legant, nominet eosdem.

Quarto: Sorori meæ pro memoria & in aliqualem recognitionem benevolentia mihi sapius exhibita lego octo, quos habeo, annulos aureos.

Quinto: Confraternitati N. dentur centum floreni per modum legati. Et tali modo possunt subungi adhuc plura alia. Quodsi vero nulla alia supersint, ponatur

Sexto: Cum agnoscam, ante omnia ad valorem testamenti tamquam fundamentum ejusdem requiri institutionem hæredis; hinc pro universali bonorum meorum hærede honorabili titulo institutionis denomino & instituo N. Hic specificatur hæres, & si placet, adjicitur certa conditio, ubi de adjectione conditionum videre poteris Jus Canonicum in 3. Decret. de testam. §. 13. num. 437. & seqq.

Ultimo: Tandem, ut hac mea ultima voluntas citius optatum finem obtineat, pro Executore ejusdem denomino N. (hic exprimit illum, quem vult habere specialem Executorem; alias vero, si nolle assumere specialem, hoc punctum non foret necessarium) eique viginti florenos (si tamen aliquid Executori dare velit) in aliqualem recognitionem laboris in se suscipiendi assigno. Et ita demum, reservata mihi libera potestate mutandi, augendi, minuendi, addendi &c. finio, ubi incepti, hoc meum Testamentum in Nomine Sanctissimæ, & Individuæ Trinitatis, quod pro majori robore propria manu scripsi, & Sigillo meo munivi.

Volo autem, ut, si hac mea ultima dispositio non valeret tamquam Testamentum, saltem valeat tamquam Codicillus, aut donatio mortis causa, vel a iis quocumque modo meliori, quo de Jure, Statuto, vel consuetudine valere possit. Actum die Mensis Anno

NB. Annotantur locus, dies, mensis, & annus, quibus conditum est Testamentum, atque se subscribit testator, aliaque observantur, quæ tam hic, quam in Jure Canonico fufius fuere adducta.

Quæres II. Qualiter Testamentum practice semel factum tradatur ad Acta, ut exinde securius ibidem subsistat contra impugnantes valorem ejusdem?

Ante

Ante responsionem suppono, quod, etsi testamentum, quod factum est ad causas pias, non indigeat multis, dummodo constet de testatoris voluntate e. g. per subscriptionem propriam cum sigillo, si habeatur: & pro adhuc majori securitate, ac probatione per duos testes subscriptos; nihilominus magno opus sit labore, & circumspeditione, si quodpiam testamentum condatur solemne, in quo hæres est causa profana; cum conformiter dictis quæstione prima hujus distinctionis plures conditiones ad simile testamentum solemne requirantur, ex quibus facile aliqua potest deficere, sicque valor testamenti periculo impugnationis subiacere. Quare communiter suadent Doctores, ut pro majori securitate tale testamentum scriptum, prætermittis altis solemnitatibus, potius tradatur ad Acta, apud quæ eodem gaudet privilegio, ac si foret solemne. Quomodo autem hæc extraditio fiat, indagatur in præsentia, ad quod Resp. Extraditionem testamenti ad Acta fieri modo sequenti. Si Testator adhuc sit sanus, ipsemet personaliter Judicem, seu Magistratum adeat, extradando huic suam ultimam voluntatem clausam, & rogando, ut auctoritate Judicis sustineatur, sibi que Recepisse consignetur. Quod si Testator domi ægrotus decumbens, aliamve ob causam Judicem accedere nequeat, eundem mediante aliquo Procuratore, aliove prudenti homine requirat, ut vel ipsemet ad domum ægroti dignetur venire, vel saltem alios suo nomine deputare, qui testamentum ad Acta recipiant. Venientem autem Judicem, seu Deputatos cum debita reverentia excipiat, eisque testamentum, & quidem clausum ac obsignatum, si inibi contenta celare cupit, extradat, dicendo, quod in hac charta continetur sua ultima dispositio, liberrime, & pleno intellectu facta, roget proin, ut ad Acta recipiatur, & sibi aliquod Recepisse, seu authentica attestatio de receptione extradatur.

Cæterum conformiter Juri Canonico lib. 3. Decret. tit. 26. §. 9. a Testatore, suam ultimam dispositionem ad Acta dante, adhuc tria utiliter annotanda veniunt, nimirum I. Quod etiam Judici alias incompetenti simile testamentum dari queat; hinc valet, gaudetque privilegio testamenti ad Acta, sive Concilio Aulico, aut alicui Regimini, siye Magistratui, aut loci Præfecto ac Judici, etiam alterius civitatis, offeratur; quamvis hic Judex foret alias dignitate inferior Testatore, modo habeat jurisdictionem ordinariam civilem ad certas causas non restrictam. Pariter eamquam privilegiatum subsistit, si a Laico apud Judicem Ecclesiasticum, vel econtra a Clerico apud Judicem Laicum deponatur. II. Notetur, quod, si ad Acta Judicis in communitate consistentis suam ultimam dispositionem dare intendit, mittere debeat ad primum talis Communitatis, puta ad Præsidem Consilii, aut Cancellarium, vel ad Consulem illum, qui pro tempore fungitur officio, eumque requirere, ut curet deputari quosdam ex illo Senatu vel Consilio, qui testamentum ad Acta suscipiant. III. Notetur, ut si unicus Judex, vel unus tantum Deputatus veniret ad ægrotum, extraditio testamenti fiat in præsentia duorum te-

stium pro majori securitate & fidei robore, conformiter c. 28. de Test. & Attest.

Quær. III. An sufficiat ad rationem testamenti privilegiati ad Acta, si Testator ægrotus, non expectans adventum Judicis, seu Deputatorum, Magistratu, mittat per Tertium testamentum suum clausum ad eosdem? Resp. Si per duos testes, vel aliunde probari queat, illum tertium fuisse constitutum ab ægrotato ad hunc suum Procuratorem; tunc probabiliter sufficit; alioquin non. Quinimo adsunt Auctores, qui cum Koning, Schmalzgruber, & Chlingenberg, lib. 2. Institut. tit. 10. §. 29. negant, etiam primum sufficere, adeoque securissimum erit, ut Testator vel ipsemet accedat, vel ut ægrotus expectet venientem ad se Judicem, aut Deputatos, quibus testamentum scriptum extradat, prout etiam supradictum in lib. 3. Decret. tit. 26. n. 723.

#### A P P E N D I X

Quomodo practice fiat aliquod Testamentum?

83. Formula hæc mutatis mutandis poterit deservire ad quodcumque Testamentum, sive ad causas profanas, sive ad pias factum, estque sequentis tenoris.

**I**N Nomine Sanctissimæ, & Individuæ Trinitatis &c. *Serio revolvens animo, hominibus infallibiliter statutum esse semel mori, seriatimque morte recogitans, diem aque incertum esse, ac horam mortis, liberrima voluntate, & plene capax rationis de bonis meis ultimam dispositionem, seu testamentum feci, ut sequitur.*

*Imprimis: & ante omnia animam meam offero Creatori suo omnipotenti DEO; humillime, & instantissime rogando, ut per infinitam suam misericordiam, per meritum, & Passionem Domini Nostri JESU Christi eandem pretioso sanguine redemptam heredem sacre volis Regni Cælestis.*

Secundo: *Quoniam Corpus humanum a limo terra formatum pulvis est, & ab anima separatum in pulverem revertitur; hinc etiam corpus illud configno terra, volens, ut illud terra mandetur absque speciali pompa, conformiter tamen meo statui apud NN. (hic specificetur locus sepulture, maxime si eligatur aliqua sepultura extraordinaria) ordinibus præterea, ut celebretur in bonum animæ meæ dies Depositionis &c. NB. addatur, antecederet etiam diem septimum, & trigesimum, vel aliud officium; Item, quot Missas quolibet ex his diebus: posset quoque designare stipendium pro qualibet Missa.*

Postmodum sequuntur Legata pia, & profana, si qua inferere intendit, prout hic aliqua apponuntur: Exempli gratia.

Tertio: *Specialiter lego trecentos florenos pro sexagantis Missis, in bonam animam meam celebrandis, medietatem florenum determinando pro qualibet Missa. NB. Si quos specialiter velit, qui suas Missas legans, nominet eosdem.*

Quarto: *Sorori meæ pro memoria & in aliqualem recognitionem benevolentia mihi sæpius exhibita lego octo, quos habeo, annulos aureos.*

Quinto: *Confraternitati N. dentur centum floreni per modum legati. Et tali modo possunt subiungi*

K k

ad



si tunc plura alia. Quod si vero nulla alia super-  
sint, ponatur

Sexto: *Cum agnoscam, ante omnia ad valorem te-  
stamenti canonici fundamentum ejusdem requiri in-  
stitutionem heredis; hinc pro universali bonorum meo-  
rum herede honorabili titulo institutionis denomino &  
instuo N.* Hic specificatur heres, & si placet,  
adducitur certa conditio, ubi de adjectione condi-  
tionum videre poteris Jus Canonicum in 3. *Decret.*  
*de testam. §. 13. num. 437. & seqq.*

Ultimo: *Tandem, ut hac mea ultima voluntas eo-  
cuius optatum finem obtineat, pro Executore ejusdem  
denomino N.* (hic exprimit illum, quem vult ha-  
bere specialem Executorem; alias vero, si nollit  
assumere specialem, hoc punctum non foret ne-  
cessarium) eique viginti florenos (si tamen aliquid  
Executori dare velit) in aliqualem recognitionem la-  
boris in se suscipiendi assigno. Et ita demum, refer-  
vata mihi libera potestate mutandi, augendi, minuendi,  
addendi &c. sumo, uti incepti, hoc meum testa-  
mentum in Nomine Sanctissime, & Individue Trini-  
tatis, quod pro majori robore propria manu scripsi, &  
Sigillo meo munivi.

Volo autem, ut, si hac mea ultima dispositio non  
valeret tanquam testamentum, saltem valeat tanquam  
Codicillus, aut donatio mortis causa, vel alio quocum-  
que modo meliori, quod de Jure, Statuto, vel consuetu-  
dine valere possit.

Actum die      Mense      Anno

NB. Annotantur locus, dies, Mensis, & an-  
nus, quibus conditum est testamentum, atque se  
subscribit testator, aliisque observantur, quæ tam  
hic quam in Jure Canonico fuisse adduxi.

#### DISTINCTIO IV.

##### De Contractibus Onerosis.

#### QUESTIO I.

De Mutuo, & variis ipsum concernentibus.

#### SUMMARY.

1. Ratio Ordinis.
2. Mutuum dupliciter accipitur.
3. Mutuum ut Contractus, quid?
4. Declaratur ejus definitio.
5. In Mutuo dominium rei transfertur in Mutua-  
tarium?
6. Qui possint Mutuum dare, vel accipere?
7. Civitas, Ecclesia, Monasterium, &c. quando ob-  
ligentur ex Mutuo?
8. Filiæ familias mutuo accipientes sine consensu paren-  
tum, jurantur S. C. Macedoniano.
9. Limitatur hoc in pluribus casibus.

1. **P**ost Contractus gratuitos, nec non & Te-  
stamenta, agendum restat de Contractibus  
onerosis, qui magis propriè sunt Contractus, ut-  
pote reciprocam hinc inde obligationem conti-  
nentes. Agitur autem in primis de Mutuo, eo  
quod Mutuum sit usica veluti sedes Usurarum,  
quarum noticia necessaria est ad omnes propemò-  
dum Contractus sequentes, ne in illis Usuræ vi-  
cium admisceatur. Et quidem

2. **Mutuum** sic dictum est, quasi ex meo tuius.  
Et interdum significat ipsam rem, quæ mutuo tra-  
ditur, interdum vero ipsum contractum Mutui:  
& in hac posteriori acceptione sermo est in præ-  
senti de Mutuo.

3. **CONCL. I.** **Mutuum**, ut sumitur pro ipso  
contractu seu mutuacione, recte describitur, di-  
cendo: Mutuum est traditio rei, numero, pon-  
dere, vel mensura constantis, facta eo animo, ut  
statim fiat accipientis, cum obligatione, ut simi-  
lis in specie & bonitate restituatur. Ita desumit-  
ur ex l. **Mutuum**, ff. si certum petatur, & tradit  
Lessius lib. 1. de just. & jure, cap. 20. n. 3.

4. Dicitur, **traditio rei**: quia mutuum perfici-  
tur traditione, & ante actualem rei mutuatæ tra-  
ditionem non censetur esse Mutuum. Et additur,  
**rei numero, pondere, vel mensura constantis**: quia in  
hujusmodi rebus fieri solet Mutuum, ut in vino,  
oleo, frumento, pecunia numerata; ære, argen-  
to, auro. Dicitur ulterius, **facta eo animo, ut sta-  
tim fiat accipientis**: quia **Mutuum** dicitur, quasi ex  
meo tuius; ita enim a me tibi datur, ut ex meo  
tuum fiat. Et additur, **cum obligatione, ut similis  
in specie restituatur**: si enim reddenda sit res alio-  
rius speciei, non erit Mutuum, sed Permutatio;  
prout fieret, si pro vino mihi dares frumentum.  
Quod si vero eadem numero res foret restituenda,  
etiam non esset Mutuum, sed Commodatum, vel  
Depositum, prout notatur cit. l. **Mutuum**, ff. si  
certum petatur, & alibi.

\* Quod si opponas contra hanc I. conclusionem,  
loco mutuati auri totidem quoad valorem reddi  
in argento, nisi expresse conveniatur, ut iterum  
in auro restituatur, adeoque non requiri ad ratio-  
nem mutui semper, ut restituatur a mutuuario  
eadem res specie: nam aurum, & argentum uti-  
que specie differunt. Respond. disting. conseq.  
non requiritur ad rationem mutui, ut res semper  
specie physica eadem restituatur, cont. non requi-  
ritur saltem eadem specie morali, neg. conseq.

Nec exinde inferas, quod sequeretur, ad ratio-  
nem mutui sufficere, si e. g. loco frumenti mu-  
tuati daretur in æquivalenti pecunia, vel vinum;  
quoniam in æstimatione morali censeretur idem  
reddi: nam contra est: quod tunc non amplius  
quidpiam redderetur, ejusdem moraliter speciei  
in se, sed tantum in æquivalenti, nec esset ille  
contractus **Mutui**, sed potius, si loco frumenti  
daretur pecunia, foret contractus Emptionis, ac  
Venditionis, aut, si loco frumenti substitueretur  
in æquivalenti vinum, aut oleum, diceretur con-  
tractus Permutationis: non teneretur autem ille,  
qui alteri quidpiam dedit mutuum, loco contra-  
ctus mutui acceptare contractum Emptionis, aut  
Permutationis.

Cur vero quoad pecunias sufficiat ad rationem  
mutui, si loco auri reddatur argentum, & cur  
idem dici nequeat, si loco frumenti daretur in  
æquivalenti oleum, vel vinum, ratio est; quia  
in pecuniis mutuatis non tam attenditur ad ipsam  
materiam monetæ regulariter, nisi desuper spe-  
ciale pactum intercedat, quam ad valorem extrin-  
secum ejusdem, auctoritate publica constitutum,  
qui valor potest utique esse idem etiam respec-  
tu argenti: econtra vero in aliis rebus, si mu-  
tuatur.



tantur, respicitur ad ipsam materiam mutuata, & consequenter mutuatarius debet vere eandem in se speciem restituere, nec tenetur mutans aliam acceptare. Videatur præter inferius dicenda desuper Sporer *Tract. 6. in Decal. c. 4. f. 1. §. 3. 4. 7. & seqq.* \*

5. CONCL. II. In Mutuo rei datæ dominium transfertur in Mutuatarium; unde si res mutuata pereat, quocumque tandem casu, aut infortunio, eadem perit Mutuatario. Ita *cit. l. Mutuum, ff. Si certum petatur*, estque communis. Ratio est: quia quælibet res domino suo perit: atqui in Mutuo datum de meo fit tuum, ut ipsum nomen significat: ergo transfertur dominium rei in eum, qui rem mutuo accipit, qui dicitur *Mutuatarius*.

6. CONCL. III. Omnes, qui contrahere possunt, etiam Mutuum dare, & accipere possunt. Ita communis, & patet ex terminis: quia contrahere ut sic tamquam genus, complectitur sub se omnes Contractus, & consequenter etiam Mutuum. Solum duo valde notabilia quoad propositum sunt addenda: itaque

7. Notandum in primis occasione dictorum, quod Civitas, Ecclesiæ, Monasteria, aliaque pia loca, ex mutuo, quod eorum Rectores vel Administratores susceperunt, tunc solum obligentur, si Creditor probaverit, pecuniam in Civitatis, vel Ecclesiæ, aut aliorum priorum locorum utilitatem fuisse convertitam: alias enim soli Administratores conveniri poterunt, non vero Civitas, vel Ecclesiæ. Ita Ludovicus Engel *l. de Paolis, n. 43.* idque desumitur ex *l. Civitas, ff. Si certum petatur*, juncto *c. 1. de Solutionibus*, cum concordantiis.

8. Notandum ulterius, de Filiisfamilias peculiariter esse constitutum in Jure Civili per Senatus Consultum Macedonianum, quod si filii, sine consensu parentum pecuniam mutuo acceperint, neque ipsi, neque parentes ipsorum teneantur eam solvere, sed possint contra excipere per dictum Senatus Consultum Macedonianum. Et hoc privilegium factum est non tam in favorem filiorum, quam parentum, quorum vitæ filii insidiabantur, ut hæreditate paterna potiti debita contracta solverent: quod quidem privilegium habet locum etiam in Foro interno, seu Conscientiæ. Lessius *l. 2. c. 20. n. 8.* Herinx *disp. 3. de Contractibus*, n. 5. Sanch. & alii.

9. Limitatur hoc I. Nisi filius habeat bona castrensia, vel quasi castrensia: nam tunc ipse ex his tenetur solvere, nec potest uti exceptione S. C. Macedoniani. Limitatur II. Quando filius publice putabatur esse sui juris. Limitatur III. Si filius familias mutuo accepit non pecuniam, sed rem aliam, ut triticum, vinum, & similia, nam lex solum loquitur de Mutuo pecuniario. Limitatur IV. Si pecunia versa sit in commodum parentum; aut hi soliti fuerunt pecuniam a filiis acceptam solvere. Limitatur V. Si pater debuisset eam secundum rectam rationem suppeditare: ut si filius absens causa Studiorum accipiat Mutuum necessarium, ut vivat, vel libros emat, &c. nam hujusmodi expensas secundum rectam rationem tenentur parentes facere. Limitatur VI. Si filius juravit, se soluturum: nam tunc non poterit uti

exceptione S. C. Macedoniani, sed tenebitur solvere, quando commode poterit: quia omne iuramentum servandum est, quod sine peccato observari potest.

\* Notandum finaliter, de Mulieribus pariter esse specialiter per Senatus Consultum Vellejanum decretum in Jure, quod, si pro aliis mutuo quidpiam accipientibus fidejubeant, talis Fidejussio regulariter nulla sit, ita, ut ne quidem tales Mulieres in conscientia obligentur in defectu principalium debitorum ad solvendum mutuum, nisi de Jure communi loquendo hæc fidejussio fiat instrumeto desuper publice erecto, & tribus testibus subsignato. *L. Antiqua 23. §. fin. C. ad Senatus Consultum Vellejanum*. Ubi præterea certiorari debent dictæ feminae de privilegio Senatus Consulti Vellejani, ac hinc expresse renunciare, alias enim vi dicti privilegii Senatus Consulti Vellejani, quod ipsis peculiariter ob fæmineam levitatem, & Judicii imbecillitatem, ne tam faciliter inducantur, concessum est, adhuc contra talem fidejussionem possent excipere. Videantur desuper Jus Canon. Patris Reiffenstuel. *Lib. 3. tit. 22. n. 18. & seqq.* ac Illustriss. D. Schmid in Comment. ad Jus Municipale Bavaricum (*Land-Recht*) *Tit. 1. art. 12. ac seqq.* Tu Confessarie cave, ne facile te similibus immisceas, nisi in Jure communi, & patrio (ubi sæpe particularia statuuntur) sis versatus, aut saltem allegatos Auctores, vel alios authenticos prius desuper consulueris.

## APPENDIX

Additionalis, continens varia adhuc Quaestiones de mutuo.

Quæ. I. Quo loco solutio mutuatae pecuniae, aut alterius rei sit facienda? Respondeo, solutionem faciendam esse in eo loco, in quo pecunia, vel alias res mutuo data est, nec Debitor tenetur mutuum, quod restituitur, ad alium locum propriis expensis mittere, nec Creditor obligatur in alio loco acceptare, nisi sponte cum debitore consentiat, ut in alio loco solvatur, aut nisi aliter fuerit expresse conventum tempore dati mutui. Ita deduco ex Jure Canonico *l. 3. Decret. tit. 23. num. 54.* Ratio est; quia nullus convenientior, quam locus dati mutui, pro solutione assignari potest, uti fuse deducit Lessius de J. & J. *lib. 3. cap. 15. Dub. 8. num. 56.*

Quæ. II. Quo tempore solutio mutuatae pecuniae, vel alicujus rei sit facienda? Resp. I. Si tempus certum fuit in Contractu mutui præfixum, illud quoad solutionem observari debet, ita quidem ut, si ex culpabili dilatione solutionis Creditor patiatur damnum, id debeat a debitore resarciri: nam *mora sua cuilibet nociva est. Reg. 25. Juris. in 6.* Nec per hoc debitor excusatur, quod elapso termino solutioni præfixo creditor non institerit pro solutione, nam etiam eo non urgente ipse dies præfixus interpellat pro creditore, *cap. fin. de locato, & conducto*, juncta Glossa v. *Statuta*. Unde talis, etsi non teneatur a statu suo omnino cum magno dedecore decedere, obligatur tamen in eodem juxta communem DD. parcius vivere, ac remittere de splendore apparatus, Conviviorum,

rum, Famulorum, Equorum, Ludorum &c. uti optime advertit P. Sporer. *Traß. 4. in Decalog. cap. 4. sect. 3. num. 65.* Quatenus exinde debito tempore suis Creditoribus satisfacere queat. Quod bene notent Confessarii, si tales obarati cum eodem luxu ad confessionale veniant.

Resp. II. Si nullum tempus fuit solutioni a Creditore præfixum, & Creditor posset facile solutionem petere, modo vellet, in simili casu potest eadem differri, usque dum Creditor exigit, dummodo non prævideatur, ipsum Debitorem interea deici in statum impotentis solvendi. Ita in Jure Canonico *lib. 3. Decret. tit. 23. num. 47.* citatur pro hac sententia communis, & ratio est; quia in Jure solum tunc obligatur debitor absque monitione ad solvendum, quando præfixus est certus dies: ergo, a sensu contrario, si is præfixus non fuit, poterit solutionem differre, usque dum petatur. Excipit tamen, si vel Creditor ipsemet ex oblivione, vel Hæres ejusdem post mortem Creditori succedens non amplius resciat hoc debitum; tunc enim Debitor, quando exinde non deicitur, in valde gravem necessitatem, etiam sine monitione tenetur absque ulteriori dilatione solutionem facere, atque in simili casu verificatur Regula 14. ff. de Reg. Jur. in omnibus obligationibus, in quibus dies non ponitur, presenti die debetur.

Quær. III. An solutio mutuata pecuniae, aut alterius rei debeat tempore præfixo simul, & semel præstari ex integro, vel num fieri possit per partes? Resp. nisi Creditor ipsemet velit esse contentus cum solutione per partes, aut aliter tempore contractus mutui conventum fuerit, solutio debet fieri simul & semel ex integro, sicuti simul & semel illa summa mutuata accepta fuit, uti supponitur; Ratio est; quia solutio per partes saepe non exigua incommoda & pericula sibi annexa habet, quæ talis Creditor non tenetur subire, uti recte statuitur *L. Plant. 2. ff. Familia Erviciunda.*

Quær. IV. Quo ordine hæc solutio Creditoribus a Debitore sit præstanda? Antequam respondeam,

Notand. I. Ex communi DD. quod ille Debitor, qui habet sufficientia media ad satisfaciendum omnibus, ad nullum in solvendo adstringatur ordinem, dummodo cuilibet Creditorum debito tempore solvat id, quod debet; quæstio igitur solummodo agitur de eo Debitore, cui deficiunt media ad satisfaciendum omnibus Creditoribus. Ubi,

Notand. II. Quod Creditores alii dicantur Hypothecarii, & alii Chirographarii. Priores vocantur, qui sibi non solum obligatam habent personam Debitoris, sed etiam immediate res ejusdem, idque vel expresse per factum hominis, puta, per legitimum instrumentum, vel tacite per ipsummet Jus. Posteriores vero, qui solum ipsam personam Debitoris sibi immediate tenent obligatam.

Notand. III. Quod tacitam Hypothecam in bona Debitoris per ipsummet Jus, etsi alia expressa mentio desuper in aliquo instrumento non fiat, habeant Uxores in Bona Mariti quoad suam dotem allatam, Pupilli in Bona Tutoris, Mino-

rennes in Bona Curatoris, si quem habeant, & causæ piæ in Bona suorum Administratorum; item respectu suorum Debitorum omnes reliqui, qui in sequenti proxima additione ponuntur ante Creditores Chirographarios, etsi non habeant aliquam Hypothecam expressam. His notatis,

Resp. I. De Jure communi, si Debitor non est sufficiens solvendo omnibus Creditoribus de Bonis suis, talis ordo in præstanda satisfactione observari debet. I. Solvantur sumptus judiciales ratione processus Edictalis &c. juste prætensi. II. Solvantur ex Bonis Debitoris ab Hæredibus (si principalis jam foret mortuus) expensæ funebres. III. Debita tempore ultimæ infirmitatis apud Medicos, & Pharmacopolas, vel Chirurgos contracta. IV. Quodsi Debitor haberet propriam domum, ea vendita, de comparata exinde pecunia ante alios satisfiat illis Creditoribus, qui prius ad eam emendam, vel ædificandam, aut reparandam, seu conservandam materialia, vel pecunias dederunt mutuas. V. Præstetur satisfactio Uxori quoad dotem allatam, si eadem a Marito fuerit consumpta. VI. Satisfiat Pupillis, Minorennibus, vel causis piis ex rebus Debitorum, si Debitores hi fuerint Tutores, Curatores, vel Administratores Causarum piarum, & Bona sibi concredita dissipaverint. VII. Succedat Fiscus. VIII. Solvantur alii Creditores Hypothecarii, qui antecedenter non sunt memorati: quin & isti præponuntur aliis post quartam classē collocatis, puta, Uxori, Pupillis, Minorennibus, & Causis piis, ac Fisco in ordine ad ea Bona, respectu quorum ostendere possunt, quod jam habeant anteriorem, seu antiquiorem, quam allegatæ personæ, Hypothecam. Quodsi subinde simul concurrant plures Creditores Hypothecarii ejusdem Classis, seu ordinis, ac qualitatis (puta, si pluribus mutuantibus pecuniam ad emendam domum eadem sit Hypothecata) præponatur antiquior: nam apud hos verificatur commune illud Regulæ 54. Juris in sexto, *Qui prior tempore, potior est Jure.* IX. Demum, si quid adhuc superest de Bonis debitorum, detur Creditoribus Chirographariis, singulis proportionaliter pro sua rata, ita, ut qualis est proportio debiti ad debitum quoad quantitatem, talis sit proportio ejus, quod quisque accipit ad id, quod alii accipiunt. Videatur Jus Canonicum *Lib. 3. De ret. tit. 23. n. 79. & seqq.* Ubi plures pro hoc ordine restitutionis leges inveniuntur.

Respond. II. De Jure Bavarico vi Statutorum Municipalem de Proceßu Edictali Titulo 2, sequens servatur ordo in solvendis Creditoribus. I. Ponuntur Sumptus judiciales. II. Impensæ funerales, quibus æquiparantur expensæ in Medicos, Pharmacopolas, & Chirurgos. III. Merces operariorum, & famulitii domestici quoad unum annum sui servitii. IV. Qui tribuerunt pecunias ad reparandam, vel comparandam domum modo superius indicato; item, qui dederunt frumentum ad seminandum in agro: pariter huc reducuntur ea, quæ sunt debita Principi ex Collectis, ac tributis justis; uti & debita Domino directo ex præstationibus dominicalibus sui coloni. V. Veniunt Uxores quoad dotem. VI. Pupilli, Minorennēs, ac Causæ piæ, ut in systemate priori

VII.

VII. Fiscus. VIII. Reliqui Creditores Hypothecarii. IX. Chirographarii habentes desuper instrumenta, intervenientibus Notario, & Testibus erecta. X. Chirographarii simplices. Videatur in casu emergenti. Illust. D. Schmid præclarissime desuper scribens.

Quær. V. An Debitor non sufficiens ad satisfaciendum cuilibet ex Creditoribus teneatur non solum in foro externo, sed & interno anteferre Creditori Chirographario Hypothecarium, sive expresse, sive tacite sibi obligata habentem Bona Debitoris? Respond. Talis Debitor quoque in foro interno, & in conscientia tenetur quoad Bona Hypothecata Creditorem Hypothecarium anteferre Chirographario etiam anteriori, seu antiquiori, posito, quod Debitor dando dicta bona Chirographario non amplius posset alteri Hypothecario satisfacere. Ita eruitur ex *L. Eos, qui. C. qui potiores in pignore*, quæ lex vel ideo etiam obligat in conscientia, quia fundatur in ipsa æquitate naturali: nam quoniam per Hypothecam sive expressam, sive tacitam non solum Debitor, sed ipsa res quoque obligatur, ac fit quasi inchoative Creditoris; hinc sicuti Dominus rei præferendus est aliis Creditoribus, ita & Creditor Hypothecarius Chirographario merito præferri debet. Atque hinc talis Creditor Hypothecarius, si ipso inscio Debitor rem Hypothecatam alienaverit, eandem post excussionem Debitoris principalis actione reali Hypothecaria persequi potest, apud quemcumque Possessorem ea extiterit *L. Persecutione, & Authent. Hoc si C. de Pignoribus &c.*

Quær. VI. An, si duo Creditores Hypothecarii ejusdem Classis, ac qualitatis simul concurrant, an, inquam, pro tunc non possit quoad conscientiam, & in foro interno occulte Debitor solvere ex his illum, qui magis sibi placuerit, posito, quod nequeat satisfacere utrique? Resp. negative: deberet enim cæteris paribus etiam in conscientia anteponi in ordine ad Bona Hypothecata Creditor ejusdem ordinis anterior, seu qui habet jus antiquius, ac prius, si talis adsit. Ita habetur *Regula 54. juris in 6.* Et patet ex paritate a matrimonio desumpta: sic enim, si Bertha promisit matrimonium Titio, & postea Cajo, etiam in conscientia, ac foro interno præponi debet Titius; quia habet jus prius, ac antiquius Cajo.

Nec dicas: quoad Creditores Chirographarios, si plures adsint, non attenditur ad prioritatem, & posterioritatem temporis, sed potest a Debitor impotenti omnibus ex integro satisfacere præponi ille, qui prius petiit debitum. *L. scimus 22. §. Etsi præfatum. 4. C. de jure deliberandi &c.* ac nullo ex ipsis petente, inter similes Chirographarios Creditores fit divisio pro rata cujuslibet: ergo pariter sic fieri poterit quoad Creditores Hypothecarios, si plures similes ejusdem ordinis concurrant, & consequenter Debitor non tenetur in conscientia antiquorum præponere.

Respondeo enim in primis, non deesse AA. qui apud La Croix *Lib. 3. part. 2. n. 403.* cum Card. de Lugo, Valentia, Tolet, Medina &c. negant antecedens, nimirum, quod in debitis Chirographariis Creditor recentior possit anteponi antiquiori; sed quoniam cum nostro Francisco Henne

quoad Creditores Chirographarios S. Antoninus, Sylvester, Layman, Herinex, Castropalao, Sporer, Bonacina, Busenbaum, ac R. R. communiter concedunt illud antecedens ob satis claram Legem superius allegatam, forsan, uti in præscriptione, ita & hic ad ætuendam magis vigilantiam & diligentiam taliter per Dominium altum ob graves rationes disponentem specialiter circa Creditores Chirographarios; hinc ego transmissio illo antecedenti nego consequentiam, & paritatem. Disparitas est; quia Chirographarii Creditores præcise sibi habent immediate obligatam personam debitoris; Hypothecarii autem etiam immediate, ac determinate Bona ejusdem; hincque mirum non est, quod præcedat in ordine ad ista bona hypotheca ille, qui in eadem antiquius jus habet, præsertim cum hic non habeamus contrariam Legem, quinimo *Regula 54. de Regul. jur. in 6.* cæteris paribus positive stet pro Creditore hypothecario antiquiori. Plura si cupis, fusius vide apud La Croix *lib. 3. part. 2. n. 324. & seqq.* qui etiam *num. 388.* subjungit, ut, si quoad anterioritatem, vel posterioritatem debitorum solvendum consulatur Theologus, seu Confessarius, is in casibus difficilioribus non resolvat ex tempore, sed potius se remittat ad Juristas, aut consulat Auctores; nam plurima hic pendent a Jure positivo, & Legibus particularibus, vel consuetudine certorum locorum.

Quær. VII. In qua sorte, pretio, & valore pecunia mutuata sit solvenda, si interea eadem quoad valorem suum crescat, vel decrescat? Respond. Nisi expresse aliter fuerit conventum, pecunia mutuata solvi debet tempore debito in eo valore, in quo fuerat dicta pecunia tempore dati mutui, absque eo, quasi deberet mutuatarius restituere mutuanti certam sortem monetæ. Ita sentiunt Layman, Covarruvias, & alii inferius citandi. Quinimo Pichler *lib. 3. Decretalium tit. 23. n. 14.* pro Germania specialiter addit, si ibidem juxta communem usum, ac praxin conventum fuerit, ut in restitutione mutui solvantur floreni Rhenani, (gut Rheinische Gulden) solutio fieri possit tam in moneta aurea, quam argentea tali, quæ non tantum in una limitata regione, sed communiter usualis est, nisi expressa conventio, vel saltem implicita de aliquo certo metallo ex circumstantiis specialibus desumi queat: quales circumstantiæ speciales forent, si fuisset conventum, ut solutio fiat *Moneta Rhenana in auro* (vulgo mit Rheinischer Müntz in Gold, vel in wohlwichtigen Rheinischen Gulden) tunc enim in auro solutio deberet fieri, quia floreni argentei non solent in Germania ponderari, sicuti moneta aurea, uti citatus Auctor ex Werhnero Minfinger, & Francisco Schmier advertit.

Porro, ut totum clarius intelligatur, formatur sequens casus: tempore hostili hostes inter alias (uti vocant) contributiones exigunt a quodam oppido ter mille quingentos florenos in moneta nostra, omnia alias, si Cives renuerent, devastaturi. Magistratus dicti oppidi depauperatus cum consensu Civium, ut se redimat a vexa, mutuo a quodam divite accipit mille ducatos, qui pro tunc, uti supponamus in casu priori, computando quemli-

bet aureum pro tribus & medio floreno in moneta nostra, summæ 3500. florenorum æquivalent. Intra aliquod tempus quilibet similis aureus diminuitur quoad valorem medio floreno, sicque mille tales non amplius 3500. sed solummodo 3000. æstimantur florenis. Quærit itaque Magistratus, an satisfaciatur nec ne, si termino prefixo mutui finito, reddat similes in specie, prout accepit, mille aureos? Item invertamus casum, ponendo, quod quilibet ducatus intra hoc tempus in valore adhuc medio floreno ascendisset, ita ut 1000. ducati Bavarici pro nunc non amplius, uti tempore dati mutui, conficiant summam ter mille quingentorum, sed quater mille florenorum. Quæritur, an Magistratus, hoc non obstante, debeat restituere mille ducatos ejusdem speciei, prout mutuos accepit, vel num sufficiat, si totidem restituat, ut æquivalent ter mille quingentis florenis, prout æstimabantur, quando Magistratus mutuum accepit? Resp. Magistratum nec satisfacere in primo casu, quo valor cujuslibet aurei medio floreno descendit, si tantum mille tales aureos in specie mutuanti redderet, nec in altero casu, quo valor cujuslibet aurei medio floreno ascendit, obligari restituere similes mille aureos in specie, sed, nisi fuerit in mora culpabili solvendi, aut expresse aliter conventum fuisset, sufficere, si vel in alia moneta 3500. florenos, vel in auro reddat *ostingentos septuaginta quinque* similes aureos, qui, ascendente valore, computando nunc quemlibet aureum pro quatuor florenis, conficiunt in æstimatione ter mille quingentos florenos, qualem summam tempore hostili Magistratus mutuo accepit. Ita Molina de j. & j. Tom. 2. Tract. 2. Disp. 312. Conclus. 1. Sporer Tract. 6. in Decalog. c. 4. sect. 1. n. 11. & Castropalao part. 7. operis Moralis de j. & j. 1. 32. disp. 4. punct. 1. n. 7. Ratio nostra colligitur ex jam dictis; quia nimirum in pecunia non tam intrinseca bonitas materiæ (nisi ducatur in pactum) attenditur, quam valor extrinsecus, quo auctoritate publica illa pecunia tempore dati mutui communiter æstimabatur, prout erui potest ex Jure Canonico c. *olim de Censibus*; ubi decernitur, censum esse solvendum secundum monetam priorem, & non posteriorem, quæ forte curret minoris valoris. Et c. cum Canonici sit. eodem statuitur, pensionem esse solvendam juxta æstimationem prioris pecuniæ, quando imposita est pensio. Videri potest de hoc fusius in Jure Canonico l. 3. Decret. tit. 23. §. 2.

Dices cum Adversariis: Qui mutuo accepit 1000. scaphas frumenti, non tenetur plus, nec potest minus, quam totidem in specie reddere scaphas, sive valor frumenti tempore, quo tenetur restituere, interea quoad pretium descenderit, sive ascenderit. L. cum quid 3. ff. de rebus creditis: ergo etiam, qui acceperit mutuo 1000. aureos, non tenetur plus, nec potest minus, quam 1000. aureos in specie restituere, sive valor monetæ intra illud tempus decreverit, sive creverit. Resp. Negando consequentiam & paritatem. Disparitas est; quia in aliis rebus extra pecuniam principaliter in mutatione, intrinseca bonitas materiæ mutuata respicitur, prout teste Castropalao usu & consuetudine confirmatum est, & nos jam supra d. 2. qu. 3.

agendo de deposito in quodam casu insinuavimus: econtra vero in pecunia potius ad extrinsecum valorem attenditur, prout eruitur ex jam superius allegatis textibus Juris Canonici.

Quæ. VIII. Quid agendum illi, qui fidens alteri, a quo petiit mutuo pecunias, scribit obligationem, quasi eas jam acceperit, cum tamen datum adhuc nil fuerit? Resp. talem in foro quidem interno ad nihil teneri; interea tamen, quia in foro externo contra ipsum produceretur scripta illa obligatio, qua fatetur, se memoratum mutuum actu accepisse, in eo casu, si a parte rei nihil adhuc accepisset, poterit se defendere per integrum biennium, a tempore contractus mutui computandum, exceptione *non numerata pecunia*, & tunc prætensus creditor debet positive probare, quod pecuniam mutuam dederit, alioquin cadet causa, licet scriptam alterius obligationem exhibeat. Ita deducitur ex toto titulo C. de non numerata pecunia. Ratio est; quia desiderans, rem aliquam sibi dari mutuo, spe citius obtinendi mutuum de facili inducitur ad anticipandum confessionem accepti, quod a parte rei promissum quidem, sed nondum acceptum fuit, sicque tali pauperculo per exceptionem non numerata pecuniæ in jure subvenitur. Econtra vero, si ille, qui alteri mutuavit actualiter pecunias; fidens suo debitori, proxime solutionem promittenti, dedisset quietantiam, quasi actu jam solvisset, cum tamen nihil restituerit, in eo casu posset creditor intra spatium 30. dierum (ast non ultra) contra suum debitorem pariter excipere de non numerata pecunia, tuncque tenebitur debitor probare solutionem a se factam: alias adstringetur adhuc solvere, non obstante, quod exhibeat quietantiam de solutione jam facta L. in Contractibus C. de non numerata pecunia. Cautio autem contra similes exceptiones erit, si super hunc contractum mutui adhibeantur testes, seu omnino erigatur instrumentum publicum, in quo tabellio attestetur, in præsentia sui, & testium, pecuniam esse numeratam. Ita cum Layman, Molina & Haunoldo, Sporer tr. 6. in Decalog. c. 4. sect. 1. num. 29. La Croix lib. 3. part. 2. num. 840. & Chlingensperg lib. 3. Institut. 22. quest. 7. as seqq.

## QUÆSTIO II.

Quid sit Usura, & quo Jure prohibita.

### SUMMARIUM.

10. Usura varie accipitur.
11. Usura, quid?
12. Nomine lucri usurarii, quid intelligatur?
13. Id debet provenire vi Mutui.
14. Usura expressa, & Usura palliata, seu virtualis, quid?
15. Usura sunt prohibita jure tum humano, tum Divino.
16. Solvitur parabola Patrisfamilias.
17. Deus, an concefferit Judæis exercere Usuras?
18. Alia responsio, & melior.
19. Usura etiam jure naturali illicita est.
20. Solvitur instantia.
21. Disparitas magna inter Contractum Locationis, & Mutui.
22. Usurarius non comparat dominium rei usuraria.



23. Quid de pecunia usuraria?

(c) Tract. 7. Dist. 5. n. 28. & 29.

24. Pena usurariorum.

10. **U**suræ varie accipitur. Primo quidem, prout idem est ac usus. Deinde pro commodo, sive fructu ex rei usu proveniente; prout Cicero lib. de Senectute, ait: *Terra nunquam sine usura reddit, quod accipit*. Denique sumitur Usura, ut idem est, ac lucrum ex mutuo; & alio nomine *Fenus* dicitur: & in hoc sensu procedit præsens Quæstio de Usura. Quæ adhuc dupliciter accipi potest, nempe vel pro lucro usurario, prout dicitur quis solvere Usuras; vel pro pacto, de lucro temporali supra sortem reddendo præcise ratione mutui.

11. CONCL. I. *Usura* est lucrum immediate ex mutuo proveniens. Ita communis Doctorum, quamvis Usura hic sumatur pro ipso lucro usurario. Quod si vero Usura accipiat pro contractu usurario, tunc *Usura* aliud non est, quam Mutuatio cum pacto expresso, vel implicito, recipiendi aliquid supra sortem ratione mutui.

12. Dicitur, *Usura est lucrum*: Ubi nomine lucri intelligitur quodlibet temporale, ac pretio æstimabile, quod ultra sortem mutuo datam accipitur, quasi ratione mutui ex obligatione debitum sit; sive deinde illud sit pecunia, sive frumentum, vel alia res pretio æstimabilis, aut etiam obligatio civilis quidpiam ex pacto seu debito sibi præstandi ratione mutui, v. g. rursum sibi mutuandi, apud se emendi merces, sibi vendendi, aut operas suas locandi, & hujusmodi. Uno verbo, *Lucrum usurarium* est, quidquid temporale, ac pretio æstimabile ultra sortem mutuo datam accipitur, quasi ratione mutui ex obligatione, seu pacto expresso, vel tacito, debitum sit; ut docet D. Thomas 2. 2. q. 78. art. 2. communiter receptus, & desumitur ex c. Si feneraveris, & seqq. 14. q. 3.

13. Dicitur ulterius *immediato*; id est, ex vi pacti mutationis. Si enim Mutuatarius propria sponte aliquid tribuat, aut vicissim obsequium mutuanti præstare velit ex mera benevolentia, liberalitate, sive gratitudine; aut ex spe alliciendi mutuanti ad continuandum mutuum, non erit Usura, dummodo illud non exigatur tamquam debitum. Additur tandem *ex mutuo proveniens*: quia Mutuum est unica veluti sedes Usuræ; c. i. & seqq. 14. q. 3. Unde si quis lucrum acquirat ex Locatione, Conductione, & similibus Contractibus, Usura non committitur, quia tale lucrum non provenit ex Mutuo. Ut autem censeatur lucrum ex vi mutui provenire, requiritur, ut vel expresse vel tacite Mutuator intenderit, Mutuatarium ex vi pacti mutationis obligare ad hujusmodi lucrum præstandum ultra sortem principalem.

14. CONCL. II. Usura recte dividitur in expressam, & tacitam seu palliatam. Ita committitur; & patet explicando terminos. Et quidem *Usura expressa* dicitur, quando expresse exigitur pretium pro mutuo; ut si quis dat mutuos centum florenos ex pacto, ut post annum reddantur sibi centum, & tot vel tot ultra. *Usura palliata*, tacita, seu virtualis est, quæ committitur in contractu Mutui, non formalis & expressi, sed alterius contractus nomine, ac specie, velut pallio, occultati: ut si mercator ob solam dilationem solutionis pretii

(secus, si ratione lucri cessantis, vel damni emergentis &c.) merces multo carius vendat; nam hoc in re aliud non est, quam emptori mutuum dare pecuniam, post aliquod tempus cum auxilio recipiendam; quod reprobatur c. In civitate, de Usuris. Aliud exemplum Usuræ palliatæ habetur in contractu Mohatra, de quo n. 26. & 27.

15. CONCL. III. Usuræ non tantum Jure humano Ecclesiastico, sed etiam Divino sunt prohibita. Ita unanimis Catholicorum Doctorum; & habetur aperte in Jure Canonico, quod non solum usuræ sub gravissimis pœnis prohibet, sed etiam cap. Super eos, de Usuris, expresse dicit, quod *Usurarum crimen iurisque Testamenti pagina detestatur*. Quinimo pertinaciter asserens, exercere Usuras non esse peccatum, veluti hæreticus est puniendus, Clem. un. de Usuris. Porro, quod Usuræ etiam Jure Divino sint prohibita, clare desumitur ex S. Scriptura. Nam Levitici c. 25. dicitur: *Ne accipias usuras ab eo, nec amplius, quam dedisti*. Et infra: *Pecuniam tuam non dabis ei ad usuram*. Item Ezechielis c. 18. Propheta inter peccatores numerat *ad usuram dantem, & amplius accipientem*. Et Luca 3. ait Christus, *Benefacite, & mutuum date nihil inde sperantes*; & alibi.

16. Dices I. Christus in parabola Patrisfamilias peregre proficiscentis, ut habetur Luca 19. servis suis talenta dedit ad negotiandum, & servus nequam, recondenti pecuniam in sudario, exprobravit, eumque gravissime puniri præcepit, quod pecuniam suam non dederit nummulariis, hac addita causa: *Et ego veniens cum usuris exegissim eam*; ergo non est intrinsece malum; aut lege Divina prohibitum accipere Usuras pro pecunia mutuata. Resp. negando consequentiam: quia, ut communiter respondent Doctores cum D. Thoma 2. 2. q. 78. art. 1. Usura ibi metaphorice sumitur pro augmento & supererescencia bonorum spiritualium, seu pro bona applicatione talentorum naturalium, nobis a Deo concessorum: hanc enim a nobis Deus exigit, volens, ut de die in diem in bono proficiamus; siquidem in via Dei non proficere, deficere est.

17. Urgebis: Deus olim Judæis concessit Usuras exercere Deuter. 23. dicens: *Non fenerabis fratri tuo ad usuram, sed alieno*; ergo Usuræ non sunt intrinsece malæ, neque prohibita. Respondent aliqui cum D. Thoma ibi cit. Judæis fuisse olim concessum exercere Usuras erga alienigenas, non tanquam licitum, sed permissive ad evitandum majus malum, ne scilicet a suis fratribus Usuras acciperent; cum fuerint multum avaritia dediti.

18. Alii vero dicunt, & quidem melius, Judæis fuisse licitum exercere Usuras erga Gentiles; eo modo; quo eisdem concessum fuit Exod. 12. ut *Agyptios* spoliarent vasibus argenteis, & aureis, ac vestibus sibi commodatis: quatenus nempe Deus, qui est universorum Dominus, dedit Judæis dominium in bona Agyptiorum injuste se gravantium, ac in alia bona Gentilium, utpote hostium suorum, quos proinde iuste poterant spoliare rebus suis, & has ratione Mutui dati sibi acquirere, utpote jure domini a Deo sibi concessi jam taas. Unde sicut Judæi, spoliando Agyptum, non commiserant furtum, ita nec commiserant Usuram;

1864

accipiendo fœnis pro mutuo ab Infidelibus; cum utrobique acceperint id, quod suum erat auctoritate Divina.

19. CONCL. IV. Usura etiam Jure naturali illicita est, & prohibita. Ita Doctores Catholici communiter. Ratio est: quia accipiendo Usuram pro rebus usu consumptibilibus, puta, pro vino, oleo, pecunia &c. mutuo datis, vel venditur id, quod non est suum, vel eadem res bis venditur: atqui utrumque est injustum, & Juri naturali repugnans, cum in contractibus humanis requiratur æqualitas dati & accepti; ergo. Major declaratur: quia mutuans alteri centum florenos, vel centum modios tritici, transfert dominium pecuniarum vel tritici in alium, ac tantundem suo tempore recepturus est; & sic est æqualitas. Si autem post annum ultra hanc sortem exigat quinquaginta alios florenos, vel vendit, aut sibi restitui vult eandem rem bis; vel vendit, quod amplius non est suum, cum dominium Mutui transferat in Mutuatarium. Atqui utrumque horum repugnat Juri naturali; ergo.

20. Nec potest dici, quod pro usu fortis, v. g. pecuniarum, vel tritici, possit peti lucrum; prout fit in Locatione. Nam contra est. Usus, seu utilitas rei, pertinet ad dominium: sed Mutuatarius est dominus rei mutuatæ, ut patet ex dictis; ergo ad Mutuatarium pertinet etiam usus rei mutuatæ, & non ad mutuantem: & consequenter licet ratione usus concessi non potest licite & juste quidpiam exigere ultra sortem principalem, cum usus rei non amplius sit suus.

21. Neque obstat adductum exemplum de contractu Locationis, cum sit maxima disparitas inter contractum Mutui, & Locationis. Nam in hoc contractu Locator manet dominus rei locatæ, & consequenter utilitas ex re sua a Conductore percepta etiam ipsum respicere debet; secus fit in Mutuo, ubi ex meo tuum fit. Præterea Locatio est talium rerum, quæ permanentes usum & utilitatem afferunt: pecunia autem ex sua natura sterilis est; unde maxime præter naturam est, ut in fœnore nummus nummum pariat.

Sed dicet: Remutuare, est pretio æstimabile; ergo etiam mutuare: & consequenter licite pro hoc exigatur aliquid ultra sortem: Antecedens probatur. Mutuare cum pacto remutuandi, est usurarium, ut dicitur n. 12. & n. 25. sed non esset usurarium, nisi istud esset quid pretio æstimabile; ergo. Resp. distinguendo antecedens; Remutuare, est pretio æstimabile pro parte remutantis, quasi iste pro actu remutationis a se factæ (etiam secluso damno emergente, & lucro cessante &c.) licite possit pecuniam exigere, negatur. Remutuare, est pretio æstimabile pro parte recipientis, sive habentis alterum sibi ex pacto prævio obligatum ad remutuandum suo tempore, conceditur quidem antecedens cum sua probatione, sed negatur consequentia.

22. CONCL. V. Usurarius non comparat dominium rei per Usuram acceptæ. Ita communis. Ratio est: quia deest titulus, sive justa causa usuræ accipiendi: atqui sine justo titulo rerum dominia non transferuntur; ergo.

23. Hoc tamen intelligendum, nisi pecunia usuraria cum aliis juste acquisitis permixta fuerat,

ut amplius discerni non possit: nam tunc per accidens, seu jure permixtionis efficeretur sua. arg. l. Si alieni, ff. de Solutionibus, qua de causa etiam pecunia furtiva, alteri pecuniarum propriarum permixta efficitur recipientis, ut alibi (a) dictum. Verumtamen hoc dominium est dumtaxat imperfectum, & cum obligatione tantundem restituendi, quantum quis per furtum vel usuras acquisivit, non obstante dicta commixtione.

24. CONCL. VI. Pœnæ Usurarium variaz sunt in Jure statutz. I. Notorie Usurarius est ipso Jure infamis. c. Infames, 3. q. 7. II. Usurarius notorius non est admittendus ad Communionem Altaris, id est, sumptionem sacrae Eucharistiae; neque ejus oblationes accipiendæ sunt, neque ipse mortuus Ecclesiasticæ Sepulturæ tradi debet. III. Testamentum, & quævis alia ultima voluntas Usurarii manifesti, ipso jure irrita est, nisi ante mortem restituerit, quæ per usuras acquisivit, vel de eorum restitutione idoneam cautionem, per pignora videlicet, aut Fidejussores, dederit, prout habetur c. In omnibus, de Usuris, juncto c. 2. ead. in 6.

\* Quæres: An in usura non detur parvitas materiaz, quæ excusat a peccato mortali? Respondeo ex La Croix lib. 3. part. 2. n. 848. dubitasse quidem aliquos apud Dianam; quia quidquid etiam minutum accipitur, usura est: sed ratio illa non movet: sicut enim, quidquid accipitur alienum, furtum est, non tamen ideo grave, si res aliena fuerit minuta, ita etiam, quamvis usura semper sit, si quid ultra sortem accipitur, non tamen gravis erit, si res supra sortem exacta fuerit levis. Card. de Lug. de 7. & 7. d. 25. n. 252.

### QUESTIO III.

An Pactum remutuandi, &c. Contractus Mohatra, & Montes Pietatis contineant Usuram?

#### SUMMARIUM.

25. An sit Usura, mutuare cum Pacto remutuandi, &c.
26. Contractus Mohatra, quis?
27. Est illicitus.
28. Montes Pietatis, qui? eorumque origo.
29. Ratio movendi difficultatem.
30. Contradictio nonnullorum.
31. Montes Pietatis sunt liciti, & pii.

25. **Q**Uæritur I. Utrum sit Usura, mutuare cum pacto, atque obligatione, ut mihi vicissim remutues, aut certum officium conferas, vel, ut ex mea officina, quæ tibi opus sunt, emas & hujusmodi? Resp. Si talia dentur solummodo ex titulo remunerationis, aut si quis det matuum ob speratam hujusmodi remunerationem, secluso alio pacto; non est Usura: secus dicendum, si ejusmodi obligatio remunerandi, officium conferendi, vel apud se merces emendi, &c. in pactum deducatur; idque tamquam debitum exigatur. Patet hoc ex dictis Quæst. præced. num. 12. estque communis Doctorum. Unde Innoc. XI. hanc inter alias, ordine 42. Propositionem damnavit: *Usura non est, dum ultra sortem aliquid exigatur tamquam ex benevolentia, & gratitudine debitum, sed solum si exigatur tamquam ex justitia debitum.* Hæc, inquam, Propositio est falsa & damnata.

26. Quæritur II. An Contractus Mohatra sit illicitus, ac usurarius, nec ne? Ubi per contractum Mohatra dictum intelligitur ille, qui sic celebratur: Petit quis mutuo centum florenos a mercatore, & mercator non vult pecuniam mutuari, sed paratus est illi vendere merces credito, sed summo pretio, v.g. centum quinque florenis, ut eas vendat numerata pecunia, cui voluerit, & ille res sic emptas denuo offerat mercatori, qui easdem emit, vel potius redimit pecunia numerata, pretio tamen medio, vel infimo, v.g. centum florenis, aut nonaginta quinque. Ita contractum Mohatra explicat Lessius lib. 2. c. 21. n. 130. & concordat Joannes Cardenas in Crisi Theologica ad Propositionem 40. ex damnatis ab Innocent. XI. quamvis addat, quod in eo emanatur credito merces summo pretio, cum pacto tamen retrovendendi infimo pretio pecunia numerata.

27. Resp. Talem contractum esse illicitum. Ita novissime declaravit Innocent. XI. inter alias Propositiones etiam hanc, ordine 40. condemnando: *Contractus Mohatra licitus est etiam respectu ejusdem persone, & cum contractu retrovenditionis prae inito, cum intentione lucri.* Ratio est: quia talis Contractus continet Usuram mentalem, vel paliatam; nam hujusmodi venditio & emptio cum pacto redimendi, praesumitur tantum ficta venditio & emptio, in effectu autem est Mutuum cum lucro ex scœnore.

28. Quæritur III. Utrum Montes Pietatis sint usurarii, nec ne? Ubi sciendum, Montes Pietatis in Italia, & aliis pluribus locis esse usitatos, & dici Aeraria publice constituta, ut ad ea indigentes quasi ad montem refugium habeant, ne magis ab Usurariis, praesertim Judæis, opprimantur. Cum enim per Judæorum immoderatas Usuras (utpote qui pro singulis florenis mutuo datis solent unum circiter crucigerum per singulas hebdomadas exigere, sicque lucrum usurarium per anni decursum ferme exæquet sortem principalem) pauperes plurimum fuerint pressi, plures successive celeberrimi Concionatores ex Ordine Fratrum Minorum, ut B. Jacobus de Marchia, Bernardinus de Felto, alique Viri doctrina & sanctitate celebres, ejusmodi Montes Pietatis publicis suis Concionibus construi, atque institui fecerunt; ea primum lege, ut sub sufficienti cautione pignoris praestiti ex ejusmodi Montibus gratis mutuum pauperibus indigentibus daretur.

29. Quia vero ministri talium Montium Pietatis non potuerunt gratis laborare, atque ex ipsis Montibus sustentari congrue non poterant (nam alioquin Summa capitalis brevi defectisset) hinc postmodum pro eorum ministrorum sustentatione & rerum ad Montes Pietatis pertinentium necessaria conservatione, sine ipsius Montis Pietatis lucro, seu augmento, moderatim aliquid & necessarium (puta, per annum duo, tres, quatuor, aut quinque floreni in centum) a Mutuatariis praestari, & exigi coëptum fuit. Si autem intra tempus praefinitum Mutuatarii non solvissent debitum, tunc pignus vendebatur, & detracta sorte, exiguoque illo adjecto, residuum de aestimatione pignoris debitori restituebatur.

30. Contradixerunt multi hujusmodi Montibus Pietatis tanquam usurariis, eo quod ultra sortem

principalem quidpiam exigeretur: unde controversia ista ad Sedem Apostolicam iterato fuit devoluta. Verum hujusmodi Montes Pietatis per diversos successive Summos Pontifices, ac tandem in Concilio Lateranensi, Sessione 10. per Leonem X. fuerunt solemniter approbati, tanquam liciti, & omni specie mali carentes, ut patet ex ejusdem Bulla, *Cum inter nonnullos*, in dicto Concilio edita. Hinc

31. Resp. Montes Pietatis liciti sunt, & pii, non obstante, quod in debitam ministrorum sustentationem, atque ad Montis necessariam conservationem, modicum quid ultra sortem principalem exigatur. Patet hoc ex definitione citati Concilii Generalis Lateranensis, & approbatione Leonis X. aliorumque Summorum Pontificum. Accedit ratio: quia, quamvis in hujusmodi Montibus Pietatis aliquid detur ultra sortem, id tamen non exigitur, neque datur tanquam lucrum ex Mutuo, sed pro sumptibus necessariis ad Montis conservationem, & pro stipendio ministrorum, qui Montem administrant, & semper parati esse debent ad mutuandum, ad pignora recipienda, custodiendaque, & conficiendos libros rationum, ceteraque necessaria praestanda. Nam, quia *dignus est operarius mercede sua*, ut inquit Christus Luca 10. jure tales a mutuatariis sustentari mereantur, in quorum gratiam laborant, & interviunt Monti Pietatis.

#### QUAESTIO IV.

An aliqui Tituli excusent ab Usura?

#### SUMMARIUM.

32. *Ratione lucri cessantis, damni emergentis &c. an in Mutuo possit quid exigi?*
33. *Corollarium de lucro cessante, &*
34. *Damno emergente.*
35. *Limitatio praemissorum.*
36. *Recipi aliquid ultra sortem tanquam Interesse, quid?*
37. *Corollarium de periculo amittendi sortem, aut eam difficulter recuperandi.*
38. *An in mutuo possit pacisci de parva solvenda &c.*
39. *Pœnam nemo potest imponere, nisi Superior, quomodo?*
40. *Pro sola carentia pecuniae nihil potest exigi.*
41. *Solvitur obiectio.*
42. *Minus est, actionem habere, quam rem; quomodo?*
43. *An Auctoritate Principum supremorum possit in Mutuo aliquid exigi ultra sortem?*
44. *Potest lege Usuris statui modus; non tamen ea reddi licita.*
45. *Jure Civili an approbentur Usurae?*
46. *Quid censendum de pœni Romani Imperii, exigente quinque pro centum?*
47. *Aliorum opinio refertur.*
48. *Alii justis titulis, hanc praxim excusantes.*
  - I. *Ob contractum Societatis.*
  - II. *Ob contractum Censuum.*

Regula practica circa justitiam contractuum.

32. Quæritur I. An liceat aliquid in Mutuo ultra sortem exigere ratione lucri cessantis, damni emergentis, vel periculi sortis principalis amittendæ, ac hujusmodi? Respond. affirm.

mative, prout tenent Lessius lib. 2. cap. 20. dubit. 12. & seqq. Layman, & alii satis communiter, paucis exceptis. Ratio est: quia spes lucri, quae se privat Mutuator in gratiam Mutuatarii, est pretio aestimabilis (& idem dicendum de damno emergente, ac periculo amittendae sortis principalis, & huiusmodi) ergo licite aliquid ratione ipsius exigi potest, ac talis compensatio in pactum deduci. Hinc

33. Infertur I. Quod liceat aliquid ultra sortem accipere ratione lucri cessantis, si videlicet Mutuatori ex eo, quod alteri mutuum det, lucrum abscedat. Veluti si mercator det mutuos centum florenos, ex quibus alioquin fuisset negotiaturus, cum spe intra certum tempus lucrandi quinque alios florenos, potest istos a Mutuatario ultra sortem exigere: quia non dicitur petere Usuras, sed potius Interesse, & ne ipse mercator ratione mutui dati ex lucro sibi cessante damnum patiatur.

34. Infertur II. Etiam ratione damni emergentis posse aliquid exigi ultra sortem tamquam Interesse, si Mutuatoris revera intersit non mutuari: ut si mutuum des pecuniam, quam destinaveras ad emendum frumentum tempore abundantiae, & postea pretio majori illud emere cogaris. Siquidem compensatio talis damni, Mutuatori emergentis, merito in pactum deducitur; cum nemo cum suo damno regulariter mutuari teneatur, & solet.

35. Verum hic notant Doctores, istud intelligendum esse, dummodo mutuum vere sit causa talis damni emergentis, vel (loquendo de priori Corollario) lucri cessantis; neque plus exigitur ratione illius lucri cessantis, vel emergentis damni, nisi quantum arbitrio boni viri, spectatis omnibus causis, atque circumstantiis, illud aestimetur: nam plus exigens, licet propria non committat Usuram, eo quod illud non exigit vi Mutui, tamen admittit injustitiam, pretium excessivum exigendo ratione lucri cessantis, vel damni emergentis. Lessius lib. 2. cap. 20. n. 96, Pirhing. tit. de Usuris, n. 40. & alii.

36. Sciendum insuper, illud, quod in ejusmodi casu exigitur ultra sortem, sive Summam capitalem, non accipi veluti Usuram (hoc est, vi mutui) sed tamquam Interesse. Aliud siquidem est, mutuum; aliud, lucrum cessans, vel damnum emergens occasione mutui dati: unde quamvis mutuum debeat dari gratis, sicque pro mutuo secundum se praecise spectato nihil supra sortem exigi possit, adhuc tamen mutuans potest aliquid exigere, ut lucrum inde sibi cessans, vel damnum emergens compensetur: *Ne dispendium patiatur, unde videtur premium meruisse, arg. c. Pervenit, de Fidejussoribus.* Et hoc in jure vocatur Interesse, prout notat Glossa c. Quoniam 14. q. 4. atque desumitur ex l. Si commissa, ff. Rem ratam habere, ibi: *In tantum competis, in quantum mea interfuit, id est, quantum mihi abest, quantumque lucrari potui cum concordantiis.*

37. Infertur III. Similiter ob probabile periculum amittendi sortem principalem, cui Mutuator se exponit mutuans homini non satis noto, vel non industrio, aut pluribus debitis obstricto, vel dubiae fidei: item ratione difficultatum, aut ex-

penarum, quae in recuperanda sorte principali metuuntur, licite aliquid ultra sortem exigi. Ratio est: quia exponere res suas periculo in gratiam alterius, aut subire difficultatem easdem acquirendi, est quid pretio aestimabile; cum nemo teneatur gratis pro altero curas suscipere, aut res suas periculo exponere. Deinde usura non fit, nisi exigendo aliquid ultra sortem vi mutui; atqui hoc non fit in talibus praemissis; ergo.

38. Quæritur II. Utrum in Mutuo sit licitum pacisci, quod, si Mutuatarius statuto tempore non solverit mutuum, teneatur certam poenamolvere ultra sortem principalem? Resp. affirmative, cum Soto 4. dist. 13. quest. 2. §. de Secundo, & aliis passim. Ratio est: Tum quia talis poena imponitur, atque exigitur ad hoc, ut Mutuatarius hac ratione quasi constringatur ad sortem principalem statuto tempore reddendam, & ne culpa sua impune fallat. Tum quia ea non solvitur praecise vi mutui, sed ob moram, sive culpam solvendi mutuum: siquidem debitor, qui est in mora culpabili, peccat contra Justitiam, retinendo alienum invito domino; ac proinde is juste punitur poena conventionali.

39. Dices: Nemo potest alteri poenam imponere, nisi Superior, ergo. Resp. distinguendo assumptum. Nemo potest poenam legalem, atque judicalem imponere, nisi Superior, conceditur: nemo, nisi Superior, potest imponere poenam conventionalem, negatur. Hæc siquidem ex pacto, & mutuo paciscentium consensu, atque conventionione proficiscitur, juxta quod Reg. 86. juris in 6. dicitur: *Contractus ex conventionem legem accipere dignoscuntur*, cum concordantiis: prior autem vel ab ipsamet lege, vel auctoritate Superioris, v. g. Judicis descendit, & ad eam potest obligari etiam invitus, sed non nisi per Superiorem.

40. Quæritur III. An pro sola carentia pecuniae possit in Mutuo quidpiam exigi? Resp. negative. Siquidem carentia illa pecuniae ad aliquod tempus, est intrinseca & essentialis mutuo; ergo sicuti pro mutuo, ita & pro illa carentia, nihil licite exigitur. Hinc Alexander VII. An. 1666. jure condemnavit hanc, ordine 42. Propositionem: *Licitum est mutuanti aliquid ultra sortem exigere, si se obliget ad non repetendam sortem usque ad certum tempus.* Nam falsitas hujus Propositionis patet ex proxime allata ratione. Similiter merito Innocentius XI. sequentem inter alias, ordine 41. Propositionem damnavit: *Cum numerata pecunia pretiosior sit numeranda, & nullus sit, qui non majoris faciat pecuniam praesentem, quam futuram, potest creditor aliquid ultra sortem a mutuatario exigere, & eo titulo ab usura excusari.* Ita sonat Propositio damnata.

41. Nec urget, quod pecunia praesens, seu numerata videatur pretiosior numeranda. Resp. enim, hoc non accidere ratione pecuniae secundum se praecise spectatae, sed quatenus praesens pecunia est utilis ad negotiandum, lucrumque quaerendum, &c. Alioquin considerando pecuniam secundum se praecise, atque independentem a lucro cessante, & secluso omni damno emergente, periculoque amittendi sortem principalem, & difficultate istam recuperandi, tantundem est, pecuniam jacere in propria, vel alterius cista. Quintino



imo securius pro parte mutuantis manebit pecunia illa apud Mutuatarium, ut, si furto, aut alio casu inopinato pereat, damnum Mutuatario emergat, non mutuantis; qui eam postea statuto tempore absque alia difficultate (uti supponitur) integram recipiet.

42. Neque etiam obstat *Reg. Minus 205. ff. de Regulis Juris*, ubi: *Minus est actionem habere, quam rem.* Nam, ut recte notat Glossa ibidem, id procedit ratione dubii eventus executionis, & sententiae incertae, nec non & difficultatis in prosequenda actione intervenientis; alioquin enim seclusis similibus periculis, & incommodis, locum habet *Reg. Qui actionem, 15. ff. eod.* asserens: *Qui actionem habet ad rem recuperandam, ipsam rem habere videtur.*

43. Quaeritur IV. An auctoritate Principum supremorum, vel consuetudine Provinciarum, possit in Mutuo quidpiam exigere ultra sortem? Ratio dubitandi est, quia in primis Jure Civili videtur hoc concedi, ut *l. Placuit, ff. de Usuris*, ibi: *Placuit, licitas usuras posse peti, juncta l. Eos qui, C. eod.* cum concordantiis. Deinde id convincere videtur praxis totius Romani Imperii, post Recessum Deputatorum Imperii Spirae, An. 1600. celebratum, & a Rudolpho II. confirmatum, quinque pro centum mutuo datis annuatim recipiens. Tandem Princeps supremus ob dominium altum potest per commune Statutum, seu Legem, aut etiam Rescriptum, ex causa justa & publica transferre dominium rerum quarundam ab uno in alterum, ut patet in Praescriptione: ergo idem potest fieri in moderatis Usuris.

44. Resp. I. Quamvis valeat lex, quae ad vitandum majus malum statuat certum modum Usuris, ne videlicet Usurarii sub aliquo praetextu lucri cessantis, vel damni emergentis &c. nimium a debitoribus extorqueant: nulla tamen lege; vel consuetudine Provinciarum, possunt Usurae reddi licitae. Prima pars est communis Doctorum, eamque tradit Engel *tit. de usuris, num. 10.* Sic enim Usurae non approbantur, ut licitae, sed permittuntur duntaxat, ac nimius excessus earum cohibetur. Altera pars sequitur ex dictis *num. 15. & seqq.* quia Usurae sunt prohibitae Jure divino & naturali, cui nulla lege positiva, vel contraria consuetudine derogari potest. *arg. c. ult. de Consuetudine.*

45. Ad rationes dubitandi, & imprimis ad textus Juris Civilis dicitur, de mente Juris Civilis varias esse Doctorum sententias: nam nonnulli volunt, Jure Civili esse quidem permissas Usuras, in quantum eas non puniunt, ad evitanda majora mala seu peccata, non tamen approbari tanquam licitas; prout simile quid contingit in publicis lupanaribus, & quibusdam aliis. Alii Jus Civile explicant de Usuris (ut vocant) compensatoriis, quidpiam ultra sortem exigentibus ratione lucri cessantis, damni emergentis, vel alterius justi Tituli: non vero de Usuris lucrativis, hoc est, de iis, in quibus exigitur lucrum vi mutui ultra sortem principalem. Quod si vero Leges Civiles permitterent Usuras haec lucrativas, dicendum, eas, cum foventes peccatum, esse correctas Jure Canonico *Glem. un. de Usuris.*

46. Ad Recessum Spirensē, & praxim Germaniae, respondet Engel *loc. cit. num. 20.* post Henricum Canisium *de Usuris, cap. 1. num. 9.* jure Imperii quinque pro centum permitti ex praesumptione lucri cessantis, damni emergentis, aut alterius justi Tituli; unde communiter Summa illa dicitur peti, & accipi per modum Interesse. Ac proinde, si pecunia revera fuisset otiosa apud mutuantem, & nihil intersit eam mutuo dari, volunt plerique (inquit Engel) talem non fore immunem ab Usura in Foro conscientiae, ubi non ex praesumptione, sed ex veritate proceditur.

47. Dicitur notanter, *volunt plerique*: Nam propter ultimam rationem dubitandi *num. 43.* allatam, conantur aliqui hanc consuetudinem ab Usura excusare; eo quod excessus ille non recipiatur praecise vi mutui (hoc enim repugnat Juri naturali, ac Divino) sed ob auctoritatem supremi Principis, seu Reipublicae, propter publicam utilitatem ob dominium altum validantis tale pactum. Ita Christoph. Haunoldus *T. 3. de just. & jure, tract. 9. cap. 3. §. 8.* citans Sa Verf. *Contractus n. 4.* & Tannerum *tom. 3. disp. 4. quest. 7. dub. 3. n. 79.*

48. Additur etiam *num. 46. aut alterius justi tituli*: Siquidem praeter lucrum cessans, aut damnum emergens, possunt intervenire nonnulli alii justi Tituli, annuatim accipiendi quinque, v. g. pro centum, ac praesertim sequentes. I. Ob contractum Societatis, sive expressum, sive saltem implicitum, ac lege publica, vel consuetudine patria constitutum, in quo unus pecuniam, alter vero industriam confert; nam justum est, ut, si alius mediante mea pecunia negotietur, lucrumque honestum acquirat, virtute talis contractus Societatis mihi partem lucri attribuat. Engel *tit. de Usuris, §. 3. n. 11.* Hoc ipsum plures Doctores concedunt etiam de illo contractu Societatis, quo quis salva sorte principali, ac potestate dissolvendi pro libitu contractum ipsum, dat mercatori pecuniam, ut is instituta negotiatione, sive lucrum inde capiat, sive damnum patiatur, in annos singulos teneatur certum quid solvere, v. g. quinque pro centum; ita tamen, ut soluto illo modico alter velit, debeatque semper esse contentus, non considerato majori lucro, si quod inde mercatori advenerit. Layman *lib. 3. tract. 4. cap. 18. n. 11.* post Hostiensē, Navarrum, Covarruviam, & alios. II. Ob contractum Censuum, si debita conditiones concurrant, posse annuam pensionem juste exigere, amplius patebit ex proxime dicendis *Quest. 6. per totum.*

Et quidem passim fatentur Doctores, contractum in aliqua Regione usitatum, & a Viris etiam probis atque honestis celebrari solitum, non facile condemnandum esse iniquitatis; simulque ex parte rudiorum sufficere, si implicate intendatur justum talem Titulum, unde consuetudo illa ortum habuit; aut velint contrahere modo, quo de jure possunt, meliori. Quod si quis autem ex mutuata pecunia sua lucrum quaerat praecise vi Mutui, id nulla ratione potest a peccato excusari, cum repugnet Juri naturali, ac Divino.

\* Quer. V. An contractus ille sit Usurarius, quo ex ipso interesse non persoluto exigitur novum interesse? Casus pro majori claritate figurari potest

Potest sequens: Petrus dedit Paulo mutuo bis mille florenos, ubi in Germania vel ob præsumptum titulum lucri exinde cessantis, vel etiam juxta alios, ob auctoritatem Principis vi dominii alti, ad evitandas lites & scrupulos, alias circa lucri cessantis quantitatem orituros &c. absolute sic statuentis, pro quolibet numero *centenario* florenorum deberent quolibet anno a debitore solvi quoad interesse *quinque*, & sic pro bis mille florenis, *centum*. In hoc casu, si Paulus, anno elapso, dictum interesse centum florenorum non solveret, quaritur, an Petrus non possit in annum futurum loco *ipsius interesse centum florenorum* exigere quinque florenos tamquam novum Interesse, & sic deinceps annis sequentibus? Respond. Talem contractum fore usurarium; quia in Jure reprobatur ille titulus, quo usurae novae ab ipsis usuris exiguntur, uti textu claro deciditur *L. ut nullo modo 28. de Usuris*.

Ast promoveamus casum ulterius, ponendo, quod dictus Paulus debitor jam decem annis nullum solverit ex Capitali Interesse, ita ut præter capitale bis mille florenorum ipsum interesse intra hoc tempus debitum jam ascendat ad mille florenos: modo autem, decennio elapso, tandem Paulus, vel hæres ejusdem vellet solvere Petro ex capitali mille florenos, ita ut adhuc in futurum deberet solam medietatem Capitalis, & mille florenos ratione dilati per decennium Interesse. Quaritur, an Petrus teneatur hos mille florenos pro medietate Capitalis accipere? vel potius num possit a Paulo prætere, ut eosdem mille florenos solvat tamquam debitum interesse intra decennium conficiens dictam summam?

Resp. Paulum debitorem hic agere astute, circumveniendo suum Creditorem: etenim dum videt, quod Petrus Creditor nequeat bona conscientia ab ipso interesse, jam ad mille florenos intra decennium ascendente, exigere novum interesse, bene vero a toto Capitali, libentius vult restare deinceps debitor medietatis ex parte capitalis, & totius interesse, quam solvendo ex integro interesse, remanere debitor totius Capitalis: nam in primo casu obligaretur deinceps annis sequentibus tantum pro interesse solvere quinquaginta florenos, cum ex Capitali non plures deberentur, quam mille; quoad restans autem interesse nequiret exigi novum interesse. Econtra in secundo casu, remanente Capitali bis mille florenorum, deberet adhuc singulis annis pro Interesse solvere centum florenos, uti calculanti patet. Et hinc in simili casu Petrus Creditor potest obligare Paulum suum debitorem, ut potius antea totum interesse, & postmodum demum Capitale solvat, prout in Jure Canonico *lib. 3. Decret. tit. 23. num. 44.* deducitur ex *L. in his ff. de solutionibus*.

Quer. VI. An sit Usura, ita ut nullo titulo excusari queat, si multa interesse, ex principali sorte nondum soluta, computentur in novum aliquod Capitale, ex quo dein tamquam Capitali exigatur novum interesse? ut clarus capiatur, insistendo casui præcedentis quaesiti indagatur, utrum Petrus v. g. interesse illud, quod intra decennium a Paulo debitore ex sorte principali non perfolutum ascendit ad mille florenos, nequeat computare

tamquam novum aliquod Capitale, ex quo singulis annis exigat interesse quinquaginta florenorum, titulo lucri ex non perfoluto interesse cessantis, & damni emergentis &c. Ratio dubitandi, & affirmativam tenendi est; quia, si hos mille florenos Paulus debitor tempore debito solvisset, eosdem Creditor aliis mutuaslet, ex quibus tale interesse conformiter praxi Imperii Romani recepisset.

Hoc tamen non obstante Respondeo, etsi nequeat ostendi, talem praxim esse rectam jure naturali, aut Divino: reprobatur tamen saltem in contractu mutui, tamquam usuraria Jure positivo civili, uti patet ex *L. 28. C. de Usuris*, ibi: *Ut nullo modo usura usurarum a Debitoribus exigantur &c. quapropter hac apertissima lege definimus*, NB. *nullo modo licere cuiquam usuras præteriti temporis vel futuri in sortem redigere, & eas iterum usuras stipulari*. Vide hoc, uti & de pluribus aliis materiis circa usuras, si occurrant, in Jure Canonico *lib. 5. Decret. tit. 19. præsertim §. 2.* Ego dubito, an hæc lex ubique usu sit recepta; saltem in aliis debitis vidi praticari contrarium a viris etiam conscientiosis, qui, dum Emphyteutæ seu Coloni longo tempore dominis directis non solverunt canonem annuum, eundem insimul computarunt in novam aliquam sortem principalem, exigendo deinceps exinde annuum interesse.

## QUÆSTIO V.

De Pignore, & Hypotheca; ubi & de Antichrifi, & Pacto Legis Commissoria.

### SUMMARIUM

49. *Pignus, unde sic dictum?*

(c) Querit. 1. n. 2.

*Quomodo differat ab Hypotheca?*

50. *Pactum Antichrifeos, quid?*

51. *Est regulariter illicitum.*

52. *Nisi interveniat alius justus titulus.*

53. *Pactum Legis Commissoria, quid?*

54. *In Pignoribus an valeat?*

49. **P**ignus appellatur a pugno, quia res qua pignori dantur, manu (seu pugno) traduntur: unde etiam quidam putant, pignus proprie rei mobilis esse; prout notatur *l. Plebs, ff. de Verb. signif.* Porro Pignus accipitur vel pro re ipsa in Pignus data, vel pro contractu, ac resultante inde obligatione Pignoris, ut in simili dictum superius de mutuo. (c) Differt autem Pignus ab Hypotheca, quod pignus proprie dictum sit rei mobilis, creditori a debitore traditæ, ad præstandum securitatem de solvendo debito, vel adimplendo promisso: Hypotheca vero sit rei immobilis; ut, si alteri in securitatem solvendi debiti hypothecetur ager, domus, vel hujusmodi res immobilis. De cætero Pignus, & Hypotheca, pari ferme passu ambulant; & quod dicitur de uno, servata proportionem intelligendum est de altero. Quinimo allata quoque differentia non semper observatur; nam Pignus quandoque attribuitur rei etiam immobili, quæ traditur creditori, *arg. l. 2. ff. de Religiosis & sumptibus funerum*, ibi: *Qui pignori dedit agrum*. Circa quod

50. Quaritur I. An Pactum Antichrifeos sit licitum, nec ne: Ubi sciendum est, Antichristum

esse pactum inter creditorem & debitorem, ut creditor tandiu pignore uti & fructus ejus lucrari possit, donec debitum sibi restitutum sit. Quo notato

51. Resp. Cum communi, pactum Antichrileos regulariter esse illicitum, ac usurarium. Ratio est: quia alioquin creditor ultra pecuniam, quam mutuo dedit, aliquid lucrabitur causa solius Mutui, quæ est Usura; siquidem in tali casu creditor lucraretur fructus ex Pignore. Hinc in Jure Canonico *c. Cum contra, de Pignoribus*, habetur, quod *secundum Canonicas sanctiones fructus restitui, & in sortem debeant computari*. Hinc etiam *cap. 1. & 2. de Usuris*, dicitur, quod sit *usura lapsa ere fructus rei pignorate*.

52. Dicitur regulariter: nam possunt quandoque alii Tituli intervenire, ut liceat fructus ex Pignore lucrari. Primus est: si fructus ex Pignore, vel Hypotheca percepti, non superent quantitatem pensionis, quæ in Jure Censui, super eadem Hypotheca secundum morem Patriæ constituti, exigi potest. Secundus est: si creditor fundum, qui Pignori destinatus erat, certo pretio emat, cum pacto revendendi; nam tunc creditor fit verus dominus illius fundi, quamvis ipsum revendere teneatur, quando alter vult pretium principale refundere. His addi poterunt casus illi, in quibus ratione lucris cessantis, vel damni emergentis, licitum est aliquid in mutuo ultra sortem principalem exigere: Item & nonnulli alii casus, de quibus Canonistæ.

53. Queritur II. An in Pignoribus licitum sit pactum Legis Commissoriæ? Ubi notandum, quod Pactum legis Commissoriæ dicatur illud, quo creditor cum debitore convenit, ut, si intra certum tempus non fuerit debitum solutum, Pignus pleno jure acquiratur creditori.

54. Resp. cum communi Doctorum, hujusmodi pactum Legis Commissoriæ in Pignoribus non valere, sed veluti usurarium reprobari; & quidem tam a Jure Canonico, *c. significante, de Pignoribus*, quam a Jure Civili, *l. ult. C. de Pactis Pignorum*. Ratio est, quia Pignus ordinarie plus valet, quam ipsum debitum; unde ejusmodi Pactum verè est usurarium. Debèt proinde in tali casu Pignus vendi, ac pretium sortem principalem excedens ipsi debitori restitui: sicuti observatur in Montibus Pietatis, si debitum tempore definito non solvatur. Nonnulla alla, quæ de Pignoribus dicenda forent, potius ad Juris Interpretes examinanda pertinent, quam ad Theologiam Moralem.

## QUÆSTIO VI.

De Censibus, & an sint liciti?

### SUMMARIUM.

55. Censui, quid?
56. Censuarius, & Censualista, quis?
57. Censui divisionis.
58. Censui reservativus, quis, & an liceat?
- Censui consignativus.
59. Censui realis, & personalis, quis?
60. Censui perpetuus, redimibilis, & irredimibilis, Censui temporalis, & Censui vitalitius, quid?
61. Censum consignativum esse licitum, ostenditur auctoritate;

62. Ratione id ipsum probatur.
63. 64. 65. Conditiones jure natura requisitæ ad Censum licitum.
66. Alia conditiones ad Censum jure Ecclesiastico requisitæ.
67. Quoad has tamen attendenda locorum consuetudo.
68. Censui personalis, an licitus?
69. Solvitur objectio contra Censum.
70. 71. Inter Censum & Mutuum differentia multiplex.

55. CONCL. I. Dimissis variis aliis acceptionibus, Censui in proposito idem est, ac jus contractu aliquo constitutum, percipiendi annuam pensionem ex re, vel persona alterius. Ita in re communis. Nam, quamvis interdum ipsa pensio vocetur Censui; proprie tamen loquendo Censui non est ipsa pensio; sed jus eam exigendi. Et hinc, si per contractum Censualem quis vendat Censum, non vendit pecuniam, aut fructus annuos, sed jus quoddam, ratione cujus emptor Censui potest annuatim exigere certam pecuniam, aut fructus ex re alterius.

56. Porro venditor Censui (id est, ille, qui accepta certa pecuniæ quantitate supponit rem suam Censui, sese obligando ad solvendam annuatim certam pensionem ex ea) dicitur *Censuarius*. Qui vero pretium dedit, sicque Censum, seu jus percipiendi pensionem annuam ex re alterius emit, vocatur *Censualista*.

57. CONCL. II. Censui varè dividitur: & primo quidem in reservativum, & consignativum; deinde in realem, & personalem, in perpetuum, ac temporalem, & hujusmodi. Ita communis.

58. Censui reservativus dicitur, cum quis rem suam pleno jure dominii, id est, tam quoad dominium directum, quam quoad utile) transfert in alium, donando, legando, vendendo, aut permutando, servata sibi annua pensione ex re illa præstanda. Et hunc esse licitum, desumitur ex *L. ult. C. de Rev. permutat.* & patet exemplo Josephi, Aegypti Proregis, qui Aegyptiis dedit Terras, prius titulo Permutationis pro tritico subiectas dominio Pharaoni præstando, *Genes. c. 47*. Censui consignativus dicitur, quando quis super bonis suis, quorum dominium directum; ac utile retinet; vel etiam super persona sua alteri jus pensionis annuæ consignat. Et potest hic Censui alteri constitui mediante contractu Donationis, Venditionis, vel Permutationis; aut alio consimili; quamvis hic potissimum sit sermo de Censui, qui Emptione constituitur.

59. Censui consignativus subdividitur in realem, ac personalem. *Realis* est, qui fundatur super re; v.g. super domo, agro, vinea tda; & ideo committatur rem, ad quemcunque possessorem perveniat, donec Censui redimatur. Censui personalis est, qui fundatur super certa persona obligantè se ad annuam pensionem sine ordine ad aliam rem; ex qua pensio sit solvenda; quamvis interdum securitatis gratia fundus aliquis Hypothecæ supponatur, ut ex eo præstetur pensio; si hæc a persona debitrice nequeat obtineri.

60. Insuper ratione temporis futuri dividitur Censui in perpetuum, & temporalem. Perpetuus autem subdividitur in redimibilem, qui videlicet restituito per venditorem pretio potest redimi;

dimi: & in Irredimibilem, qui amplius redimi nequit. Temporalis etiam subdividitur in eum, qui extenditur ad certum tempus, v. g. ad triginta, vel 50. annos: & in eum, qui extenditur ad tempus incertum, utputa ad vitam unius hominis vel duorum; & hic *Census* proprio nomine dicitur *vitalitius*.

61. CONCL. III. *Census* consignativus realis, sive perpetuus, sive temporalis, etiam vitalitius, est licitus, ac neutiquam usurarius, si eo pretio fuerit emptus, quod vel lex taxavit, vel loci consuetudo approbavit. Ita omnes Doctores; & constat ex *Extravag. Martini V. & Calixti III.* quorum utraque habetur in Jure Canonico, inter Extravagantes communes, *tit. De Emptione & Venditione*, ubi ex professo definitur, ejusmodi contractus *Censuales*, seu *Census* emptos, in quorum redditibus, ac fructibus, plerumque Monasteriorum, Hospitalium, Ecclesiarum, & Beneficiorum Ecclesiasticorum foundationes, atque proventus dignoscebantur consistere, *esse licitos, juriq. conformes; & vendentes e. dem, ad ipsorum solutionem censuum, & reddituum juxta dictorum contractuum tenores efficaciter teneri*.

62. Accedit ratio: quia *Usura* non committitur, præterquam in Mutuo, *arg. can. Si feneratoris, 14. q. 3.* & patet ex ipsa definitione *Usuræ num. 11.* allata: atqui in *Censu* non intervenit Mutuum, sed verus Contractus *Venditionis & Emptionis*; nam *Censuarius* vendit sub certa pecunia ipsi *Censualistæ* jus percipiendi fructus aliquos ex suo agro, prædio, &c. ergo. Confirmatur: quia *Census* est veluti pars quædam *Ususfructus*; nam continet jus percipiendi partem fructuum, sive annuorum reddituum; quod jus est hic & nunc certa pecunia comparatum, non minus ac donatione, vel titulo legati comparari potest.

63. CONCL. IV. Nihilominus, ut contractus *Censualis* sit licitus ac justus, de Jure naturæ requiruntur sequentes conditiones. Prima est: ut *Census* constituatur in re frugifera; ut est ager, domus, & hujusmodi. Nam vi *Census* venditur jus percipiendi fructus alicujus rei, & consequenter hæc debet esse frugifera.

64. Secunda conditio, Jure naturæ requisita ad contractum *Censualem* est: ut justo pretio *Census* vendatur, & ematur. Hæc enim conditio ex natura rei requiritur ad quamcumque venditionem, & emptionem. Censetur autem justum pretium, quod vel lege, vel consuetudine, aut saltem iis deficientibus, arbitrio proborum & prudentum virorum taxatum est: quale in Imperio communiter censetur esse centum pro quinque annuatim præstandis.

65. Tertia conditio est: quod si res *Censui* subjecta pro parte, aut ex toto pereat, vel in perpetuum (secus, si ad modicum tempus cum refusione fructuum alio tempore percipiendorum) infrugifera reddatur, etiam *Census* ipse pro rata, seu juxta commensurationem, pro parte, aut ex toto pereat. Siquidem *Censualista* habet jus ad fructus rei, seu est dominus hujus juris, quælibet autem res domino suo fructificat, aut perit. Hinc si casu fortuito domus *Censui* subjecta pereat absque culpa *Censuarii*, perit *Census*. Secus, si pereat

v. g. incendio ex culpa *Censuarii*: nam tunc is vel debet refundere pretium *Census*, vel hunc super alia re immobili constituere; ut post Lessium *ib. 2. cap. 22. n. 88.* notat Pirhing. *tit. de Usuris, n. 80.* pluribus hanc conditionem explicans.

66. Præter has Jure naturæ ad *Censum* requisitas conditiones, sunt nonnullæ aliæ, quæ vel in duabus Extravag. Martini V. & Calixti III. indicantur, vel in Bulla B. Pii V. quæ incipit: *Cum onus Apostolica*, super *Censibus* edita (ac refertur *tom. 2. Bullarii Romani, Constit. 79. dicti Pont.*) de novo requiruntur: ut, quod *Census* non nisi super re frugifera immobili, vel quæ pro immobili habetur constituatur; quod *Census* impofterum non nisi redimibiles constitui possint: quod pretium *Census* ab invito repeti non possit, præterquam si *Censuarius* denunciaverit, se traditione pretii velle *Censum* extinguere: quod *Census* augeri, vel novus super eadem re constitui non possit, & hujusmodi.

67. Verum hæ conditiones hic omittuntur tum brevitate gratia, tum quia quoad eas attendenda est locorum consuetudo; cum nonnullis earum, utpote mero Jure humano Ecclesiastico requisitis, per contrariam consuetudinem derogari possit. Et certe Bullam citatam B. Pii V. non esse ubique receptam, ut in Belgio, Gallia, Germania, &c. censet Lessius *ib. cap. 22. dubii. 13.* in quibus proinde locis non forent *usurarii Census* illi, qui aliter constituti sunt, ac in Bulla B. Pii V. præscribitur.

68. CONCL. V. Etiam *Census* personalis est licitus, quantum est spectata natura rei. Ita Lessius *loc. cit. n. 18.* Layman, & communior Doctorum, quamvis nonnulli teneant oppositum. Ratio est: quia & hic solummodo venditur jus annuatim percipiendi aliquid ex lucris, quæ *Censuarius* sua industria acquirit; ergo redit ratio superior allata. Additur vero, *quantum est ex natura rei*. Siquidem juxta citatam Bullam B. Pii V. secundum quam *Census* non nisi in re immobili frugifera constitui potest, secus esse dicendum.

69. Objicies generatim contra omnes *Census*: In venditione aut emptione *Censuum* intervenit Mutuum virtuale, seu quasi Mutuum: ergo & *Usura* palliata. Antecedens probatur: nam in re idem est, emere pro 1000. florenis *Censum* annum 50. florenorum, ac mutuos dare 1000. florenos sub lucro 50. florenorum per singulos annos recipiendo; cum utrobique Summa capitalis salva maneat. Resp. negando assumptum cum sua probatione: multiplex enim est differentia inter *Censum*, & Mutuum. Prima est: quia in *Censu* emitur jus percipiendi certos fructus ex re, vel persona alterius: in Mutuo, utpote quod gratis fit, nullum tale jus emitur.

70. Secunda differentia inter *Censum*, & Mutuum est: quia *Mutuatarius* cogitur similem in specie, ac bonitate rem mutuam, seu sortem reddere, imo ad eam reddendam vi Mutui se obligat: secus fit in *Censu*, ubi *Censuarius* vi hujus contractus (secluso pacto redimendi ad arbitrium emptoris, utpote prohibito per Bullam B. Pii V. aut nisi *Censuarius* velit sponte *Censum* redimere)

non



non tenetur reddere sortem, sed dumtaxat annuam pensionem.

71. Tertia differentia est: quia in Mutuo sub Usuris obligatio principalis est ad sortem reddendam, & accessoria ad usuras: in contractu autem censuali principalis obligatio est ad reddendam pensionem annuam, nulla ad sortem, nisi quis velit Censum redimere. Tandem nullus iustus titulus potest assignari recipiendi aliquid ultra sortem vi Mutui, ut patet ex dictis n. 19. & seqq. fecus sit in Censu juxta proxime dicta.

## QUESTIO VII.

Quid, & quodplex sit Cambium, & an licitum?

### SUMMARIUM.

- 72. Cambium, quid?
- 73. Et quomodo differat a Mutuo?
- 74. Campsor, & Campsarius, quis?
- 75. Cambium reale, & siccum,
- 76. Cambium minutum, & Cambium locale, seu per litteras, quid?
- 77. In Cambio minuto licite aliquid accipit Campsor.
- 78. Tituli in eo plus accipiendi, quam dandi.
- 79. An pecuniam auream alteri solvendam, liceat nuncio prius permutare, retento lucro.
- 80. Limitatur solutio.
- 81. Etiam in Cambio locali licite Campsor aliquid lucratur.
- 82. Titulus accipiendi plus in Cambio locali.
- 83. Alii Tituli.
- 84. Cambium siccum est illicitum, ac usurarium.
- 85. Quid de conditionibus Cambio reali praescriptis?

72. **CONCL. I.** Cambium generatim idem est, quod permutatio: sed ex usu vulgato, & quantum attinet ad propositum, accipitur pro permutatione numismatum; soletque communiter definiri, dicendo: *Cambium* est permutatio pecuniae pro pecunia; & vulgo dicitur, ein Wechsel.

73. Differt autem Cambium a Mutuo, quod contractus Mutui unica pecuniae traditione perficiatur, quae reddi debet post temporis intervalum: Cambium vero, cum sit quaedam species Permutationis, do, ut des, non ante perfectum censetur, quam utrinque pecuniarum traditio facta sit. Deinde Cambium semper fit ob aliquam diversitatem pecuniarum ultro citroque dandarum, cujus diversitatis ratio in Mutuo non habetur.

74. Porro ille, a quo petitur pecunia permutanda, dici solet *Campsor*: alter vero, ad cujus petitionem pecunia ipsi commutatur, *Campsarius* appellatur.

75. **CONCL. II.** Cambium dividitur in reale, & siccum. Ita communis. *Cambium reale* est legitima permutatio pecuniarum, ex qua iuste aliquid lucri capi potest. *Cambium siccum* vocatur, quod non est verum Cambium, sed fingitur esse, eo quod imaginem quamdam Cambii praefertat: ut, quando habetur sola ratio temporis, aut quando fingitur alibi solutio facienda, & sit eodem loco cum usura. Et dicitur *siccum*: quia caret humore, seu iusto titulo ad pariendum lu-

crum. Unde huiusmodi Cambia sicca, tamquam usuraria, damnavit B. Pius V. in Bulla de Cambiis edita, quae incipit; *In ea pro nostro* (& habetur T. 2. Bullarii Romani, Consil. 118. dicti Pont.) quamvis ceteroquin in ea appellet *Cambiolum usum legitimum, & quem necessitas, publicaue utilitas induxit*: quod de Cambiis realibus, riteque usurpatis intelligendum.

76. **CONCL. III.** Cambium reale subdividitur in minutum, & locale. *Cambium minutum* est permutatio numismatum diversae rationis, & speciei; ut si major pecunia, utputa Ducatus, cum minore, vetus cum nova, patria cum externa, aurea cum argentea, argentea cum cuprea, vetita cum legitima permutatur. Et dicitur *Cambium minutum*, quia in eo frequentius pecuniae grandiores cum minutioribus commutantur, v. g. Ducatus, vel Thalerus cum sestertiis, aut crucigeris. *Cambium locale* est illud, in quo pecunia praesens commutatur cum pecunia distante in alio loco. Dicitur etiam *Cambium per litteras*, quia plerumque litterae dantur, quibus mandatur correspondenti, ut in alio altero loco pecuniam solvat.

77. **CONCL. IV.** In Cambio minuto licite aliquid, lege definitum, accipit Campsor a Campsario supra valorem nummi permutati. Ita omnes Doctores. Siquidem, ut bene notat B. Pius V. in Bulla proxime citata, huiusmodi Cambiorum usum necessitas, publicaue utilitas induxit: alioquin enim advenae, & peregrini, in terris alienis vix possent aliquid emere, cum non eadem moneta ubique sit in usu; ac proinde non usua-lem oportet commutare pro usuali, mediante isthoc Cambio minuto.

78. Porro titulus in Cambio minuto accipiendi plus, quam dandi, est multiplex. Primus est locatio operae & obsequii, quod Campsor praestat congregando omnis generis pecunias, quae permutari petentibus possint, atque paratum se praebendo ad easdem commutandas secundum Campsarii voluntatem. Alter titulus est lucri, vel commodi cellantis: nam saepe accidit, ut unum genus monetae plures, easque pretio aestimabiles commoditates habeat, quam alterum. Tertius est labor numerandi pecuniarum. Plures similes titulos refert Lessius lib. 2. cap. 23. dub. 2.

79. Quaes, an, si famulo, vel nuncio tradant centum Ducatos in auro, ut solvat meo creditori, non curans, qua specie id fiat, & ille Ducatos illos prius commutet pro moneta argentea cum lucro, eaque postmodum solvat creditori, retento lucro, licite id fiat, vel potius teneatur talis ad restitutionem alius lucri? Resp. talem non teneri ad restitutionem lucri. Ita Lessius loc. cit. n. 18. & alii. Ratio est: quia illud lucrum est fructus industriae, proveniens ex negotiatione pecuniaria, famuli industria & periculo facta; ac proinde nec domino pecuniae debetur, nec etiam suo creditori, utpotè cui integre per aliam pecuniam satisficit.

80. Dicitur notanter in casu posito, non curans, qua specie id fiat: Nam si mens domini erat, ut illam pecuniae speciem, utputa centum Ducatos in

in auro, famulus suo creditori traderet, eo quod cuperet illi gratificare, vel dare occasionem lucri, tunc peccaret famulus, commutando pecuniam illam in aliam speciem cum lucro: quia ageret contra justam domini intentionem. Unde, si exinde alteri sequatur damnum, tenebitur ad restitutionem, seu recompensationem illius.

81. CONCL. V. Etiam in Cambio locali licite potest aliquid a Campsore lucrari, idque variis ex titulis: sic v.g. si Campsor Monachii accipiat a Campsario 100. florenos, datis eidem litteris, ut Romæ a suo correspondente accipiat tantum 95. vel quid simile, cum detractioe alterius iusti, & consueti Campsorum lucri sive auctarii, licite id fit. Ita Doctores communiter: & patet ex citata Bulla B. Pii V. Siquidem hunc Cambiorum usum necessitas, & publica utilitas induxit; ne videlicet in terras remotas abituri, summo cum incommodo, quin & periculo, magnum pecuniarum pondus semper secum portare cogantur.

82. Ceterum causa, seu justus titulus plus accipiendi, quam postea dandi, inprimis est accessorius Contractus locatæ operæ ad pecuniam formaliter, vel virtualiter transferendam in locum, quo Campsarius vult. Si enim Monachio Romam usque centum florenos transferre deberes, multum laborem, periculumque subiturus esses; hoc autem onere te liberat Campsor, cum in se recipiat obligationem numerandi tibi Romæ conditam pecuniam cum magna tua commoditate: atqui tale obsequium est pretio æstimabile, ut patet; ergo. Et ex hoc fit, ut, quo longius distat locus, ad quem Cambium instituitur, & quo periculosior via, eo majus auctarium exigi possit, & soleat.

83. Secundus titulus, quo lucrari potest Campsor in hoc locali Cambio, est assicuratio, ac præstatio periculi. Siquidem Campsor accipiens hic pecuniam alio trajiciendam, non solum suscipit onus transferendi pecuniam illam, sed etiam periculum, ut, si pereat, non danti, sed ipsi Campsori pereat: atqui præstare tale periculum tractionis, atque assicurationem, est pretio æstimabile, ut constat, ergo. Accedunt alii tituli, ac præsertim illi, qui in simili de Cambio minuto procedunt, ac *num.* 78. referuntur.

84. CONCL. VI. Cambium siccum est illicitum, ac usurarium. Ita declaravit B. Pius V. in citata Bulla de Cambiis, quæ incipit: *In eam pro nostro.* Et talia sunt illa, in quibus ex intentione contrahentium post aliquod tempus cum lucro fit solutio in eodem loco, eo quod alter alibi pecuniam non habeat, ut jam *num.* 75. explicatum.

85. Tandem sciendum, quod B. Pius V. in citata Bulla quasdam condiciones in Cambiis realibus observandas præscripserit: verum notat Lessius *cit. cap.* 23. *n.* 93. quod eadem paucis in locis, & forte nullibi (saltem quoad omnes condiciones) sint usu receptæ.

\*Quæ. Qualenam justum Cambii pretium sit censendum? Resp. ex La Croix *lib.* 3. *Theolog. Moral. part.* 2. *num.* 1031. justum pretium esse

illud, quod lege, vel legitima consuetudine, aut communi hominum proborum æstimatione taxatur, spectata utilitate monetæ permutandæ, loci distantia, periculo viarum, ac copia, vel penuria pecuniarum, aut mercatorum in aliquo loco. Potest autem ratione Cambii accipi pretium communiter taxatum, quamvis per accidens ipsimet Campsori talis pecuniæ translatio, (ut hic e.g. Monachii recipiat a Campsario pecunias, quas ei per litteras Romæ iterum solvendas curat) sit valde utilis & commoda; nam ad hoc, ut communis aliqua æstimatio imponi possit, & pretium accipi, sufficit, quod talis translatio pecuniæ sit plerisque incommoda; nunc autem fiat in gratiam Campsarii; sic etiam a pari, si conduxisses Titium, ut equum tuum duceret Monachio Ulmam, quamvis is etiam ex alia causa eo proficisci vellet; foretque illi hic & nunc valde commodum uti hoc equo, posset nihilominus acceptare pretium conductionis. Ita ex Lessio, Layman & Sporer resolvit La Croix *loc. cit.* Illud tamen pariter ex Busenbaum ibidem sibi notet Campsor, quod, si cambio, vel aliter pecuniam adulterinam accipiat sive ex ignorantia, sive ex inadvertentia, non possit illam aliis expendere, neque ex eo, quod deceptus sit, alios iterum decipere; cum actio, qua deceptus est, nullum ad hoc jus tribuat.\*

## QUESTIO VII.

### De Emptione, & Venditione.

#### SUMMARIUM.

86. *Emptio, & Venditio, quid?*
87. *Pretium rerum duplex, legitimum & vulgare.*
88. *Pretium legitimum consistit in indivisibili.*
89. *Pretium vulgare triplex, summum, medium, & infimum.*
90. *Pregii vulgaris justitia, unde desumenda?*
91. *Corollarium.*
92. *Causa mutandi pretia rerum.*
93. *Corollaria.*
94. *Ratione Officii mercandi potest res plaris vendi.*
95. *Pro foro Conscientiæ qualibet lasio in Emptione, & Venditione resarcienda.*
96. *Secus pro foro externo.*
97. *Aut si lasio sit modica.*
98. *Aut aliud ex circumstantiis colligatur.*
99. *Res tanti valet, quanti vendi potest, quomodo?*
100. *Inventus regulariter cogi non potest ad vendendum.*
101. *Fallit in casu publicæ necessitatis,*
102. *Atque in publicum favorem.*

86. CONCL. I. *Emptio* est pactio pretii pro merce: *Venditio* econtra est pactio mercis pro pretio. Ita communis, & desumitur ex §. 1. *Instit. de Emptione.* Tria siquidem ad substantiam Emptionis, & Venditionis requiruntur. Primo res, quæ veneat, sive ea nunc existat, ut equus, vacca; sive sit futura, ut fructus nascituri; item jura & actiones: nam hæc omnia nomine mercis, seu rei venalis, intelliguntur. Secundo requiritur pretium; nam sine pretio Venditio nulla est: debetque simul pretium in numerata pecunia consistere; alioquin enim non Venditio

tio & Emptio, sed rerum Permutatio foret. Tandem ad Venditionem & Emptionem requiritur pactio; id est, ut in rem vendendam, & pretium pro ea præstandum, venditor & emptor consentiant.

87. CONCL. II. Pretium rerum generatim est duplex; unum legitimum, quod scilicet a Magistratu est taxatum; alterum vulgare, quod ex valore rei plurimum iudicio dependet. Ita rursum communis.

88. CONCL. III. Ex his pretium legitimum consistit in indivisibili, nec licet illud præterire. Ratio est: quia hoc est censendum verum rei pretium, quod a Magistratu definitum est, ne excedatur; simulque iudicium Magistratus, qui auctoritate publica, & boni communis intuitu, tale pretium constituit, est præferendum iudicio populari. Intellige, dummodo mutatis circumstantiis copiarum, inopiarum, & similibus, Magistratus non sit notabiliter negligens in pretio legitimo mutando; nam alioquin lex censeretur iniqua, & posset res vendi pretio vulgari. Lessius *lib. 2. cap. 21. n. 14.* & alii.

89. Pretium vulgare e contra non consistit in indivisibili; sed habet quamdam latitudinem. Hinc fit, ut pretium vulgare juxta Doctores communiter sit triplex, videlicet summum, medium, & infimum. Siquidem pretium vulgare plurimum pendet ab æstimatione & affectu hominum, qui subinde variis de rebus varie judicant, & quod aliqui æstiment novem florenis, alii æstiment decem, alii undecim.

90. CONCL. IV. Loquendo de pretio rerum vulgari, generatim iustum mercis pretium est; quod loci consuetudo approbat secundum communem hominum æstimationem; quæ quidem æstimatio desumitur ex abundantia vel penuria illius mercis, atque ordinaria acquirendi facilitate aut difficultate, utilitate, vel usu, aliisque hujusmodi circumstantiis. Ita in re communis. Hinc

91. Inferunt Doctores, quos citat, & sequitur Layman *l. 3. tit. 4. c. 17. n. 9.* eum nihil contra Justitiam peccare, qui frumentum pretio consueto vendit, conscius, brevi tempore superventuram frumenti copiam, vel hostium incurtionem, aut hujusmodi, si hæ causæ minuenti pretii publice ignorentur. Ratio est: quia rerum pretia non ex privata unitus, aut alterius hominis notitia vel affectione, sed ex communi hominum æstimatione ac sensu accipienda sunt. Idem de similibus dicendum.

92. CONCL. V. Variæ sunt causæ, ob quas rerum venalium pretia augeri, vel minui solent. Ita communis. Sic enim passim penuria mercium, multitudo emptorum, & paucitas vendentium, auget rerum pretia: ac e contra mercurum abundantia, multitudo vendentium, & paucitas emptorum minuit pretia. Hinc in transitu alicujus Principis cum magno comitatu, rerum pretia accrescere solent; in fine autem Nundinarum, dilapsis emptoribus, merces vilius emuntur: idem fit tempore pestis, & post partem ab hostibus victoriam.

93. Similiter merces, quæ sub hasta venduntur, minoris æstimari solent, quam quæ in propria

Officinâ quærentur, & rogantur. Item merces, quæ per partes venduntur, carius distrahantur ob majorem molestiam, minusque lucrum, quam quæ in magna quantitate. Sic etiam ob singularem affectionem, aut commoditatem, quam venditor ex re vendita habet, eaque in gratiam emptoris se spoliatur, potest res carius vendi, & e contra, si emptori commodum non sit emere, sed a venditore rogetur, ob hanc circumstantiam aliquantulum minuitur mercis.

94. Tandem, ut taceantur plures alii tituli variandi pretia rerum, licitum est rem pluris vendere ratione officii mercandi. Sic enim mercatores possunt paulo pluris vendere, quam ab aliis vendi soleat, qui non ex officio, sed ex occasione aliquid vendunt. Ratio est: quia pretio est æstimabile, quod illi ex officio curas, laboresque in rebus conquirendis, conservandis, & distrahendis assidue impendant, & quidem cum periculo, ne aliqua merces tractu temporis ipsis pereant.

95. CONCL. VI. In Foro conscientie omnis Venditio, & Emptio, in qua latitudo justii pretii exceditur, est iniqua, & lædens alterum tenetur ad restitutionem, nisi læsio sit valde modica, aut liberalis datio vel remissio ejus, qui deceptus fuit, saltem præsumpta accesserint. Ita D. Augustinus *l. 13. de Trin. c. 3.* estque communis Doctorum: id enim exigit Justitia commutativa, quæ in contractibus vult servari æqualitatem.

96. Dicitur, in Foro conscientie: Quia in Foro externo ob multitudinem litium evitandam non succurritur alicui, nisi supra dimidium justii pretii deceptus fuerit; nam tunc primum conceditur Actio venditori contra emptorem, ut vel rem emptam restituat, vel id, quod deest justo pretio, suppleat; prout habetur *l. Rem majoris, c. de resci. vendit. vendit. juncto cap. Cum dilecti &c. cum causis de Emptione.*

97. Dicitur ulterius, nisi læsio sit valde modica: nam tunc non tenetur quis ad restitutionem, ob levitatem materiz. Quintimo, quia durum est inter homines, in contractibus semper observare exactissimam justitiam; simulque modus commutantium quasi fundatus sit supra illud Legis naturæ: *Quod tibi vis fieri, hoc alteri facias*; hinc Doctor Subtilis *4. dist. 15. quæst. 2. art. 2.* notat, ferme omnem contractum concoinari aliquam donationem; & mox subjungit, *satis probabile esse, quod, quando contrahentes sunt mutuo consenti, mutuo volunt sibi remittere, si secundum aliquid deficiunt ab illa justitia requisi.* Et hanc doctrinam communiter recipiunt Doctores, ac ex ea Layman *loc. cit. num. 6.* format hanc Regulam: *In dubio est æstimandum, quod contrahentes invicem remittere & condonare velint, si in contractu inæqualitas modica, & non admodum notabilis accidat.*

98. Secus est dicendum, si est notabilis inæqualitas: tunc enim non est præsumenda donatio, vel remissio, nisi ex circumstantiis de liberali donatione, aut ultronea remissione, possit sumi conjectura: ut si emptor cognatus sit venditoris, & alias benefacere solitus; aut si læsio facile potuit deprehendi, & hujusmodi.

\* Ex hac conclusione inferes, graviter peccare, nec excusari ab onere restitutionis illos Mercatores, opifices, vel artifices, qui, ut ipsos dominos

ad suas trahant officinas, servitiales eorum variis corrumpunt honorariis; postmodum vero in consueta specificatione debitorum, non advertentibus dominis, notabiliter excedunt valorem rerum venditarum, ut sumptus propter eadem honoraria factos tali modo iterum occulte recompensent: nam similes non servant æqualitatem inter pretium & res venditas; cum invitis dominis in venditione illarum rerum transgrediantur notabiliter latitudinem iusti pretii. \*

99. Quæres, quomodo intelligendum sit illud comüne dictum: *Restanti valet, quanti vendi potest*? Et illud, quod habetur l.g. in causa cognitione. ff. de Minoribus, ubi dicitur, in pretio emptionis & venditionis naturaliter licere contrahentibus se circumvenire? Resp. cum comüni, huiusmodi dicta intelligenda esse de circumventionem intra limites iusti pretii, seu iustæ æstimationis, quia iustitia, pretii non consistit in indivisibili.

\* Verum, ut ista circumventio intra latitudinem iusti pretii liceat, atque ab onere restitutionis immunis sit, non debet deveniri ad pretium sumum per fraudes, v.g. per diminutionem ulnæ, mensuræ, vel ponderis &c. Ut totum clarius in exemplo eveniat, ponamus sequentem casum. Petrus Mercator libenter venderet merces suas pretio sumo; quia tamen prævidet, exinde deficere emptores, ut eorum major fiat confluxus, deinceps has merces apparentes venales exponit pretio infimo: occulte tamen pondera, ulnas, vel alias mensuras, quibus hæ merces dimetiuntur; ita diminuit, ut nihilominus vi talis diminutionis occulte consideratis considerandis ad pretium sumum ascendatur: talis circumventio nullatenus est licita, uti recte cum Molina, Diana, & Sporer advertit Lugo de 7. & 7. disp. 26. sect. 8. Ratio est, partim, quia taliter vendentes proprie non stant contractui cum Emptoribus inito de vendenda e.g. integra legitima, & non corrupta ulna panni, vel integro pondere sacchari, seu integra mensura olei &c. partim, quia per similem fraudem ipsos emptores, sibi falso persuadentes, se merces apud Petrum infimo pretio comparare posse, illegitimo modo ab aliis Venditoribus abstrahunt: licet enim quilibet Mercator suas merces laudare licite valeat, quamvis per illam suam emptores ab aliis venditoribus abstrahat; non tamen id poterit facere per falsas imposturas, dolos & fraudes. \*

100. Quæres ulterius, an quis invitus cogi possit ad vendendum rem suam? Resp. cum comüni, id regulariter loquendo fieri non posse. Ratio est: quia quilibet est dominus rei suæ, sicque de ea disponere potest pro libitu, vel eam retinere, prout sibi placuerit.

101. Dicitur, *regulariter loquendo*: nam sunt excipiendi aliqui casus, in quibus etiam invitus cogitur vendere rem suam. Primo quidem, in casu publicæ necessitatis: sic enim, si publica urgeat necessitas, v.g. tempore inopiæ frumenti, aut aliorum victualium, ad usum quotidianum re-

quisitorum, possunt iusto per Magistratum taxato pretio subditi cogi ad vendendum ejusmodi res pro sublevanda publica necessitate.

102. Secundo, ob publicum etiam favorem cogitur quis vendere rem suam: sic quippe, si domus v.g. vel fundus privatorum personarum necessarius sit ad constructionem vel ampliationem Civitatis, vel viæ publicæ, aut Principis Palatii, sive Templi, Monasterii, Collegii, vel etiam Hospitalis, cogitur quis ejusmodi domum, vel fundum taliter necessarium, iusto pretio vendere. Siquidem in huiusmodi casibus favor publicæ utilitatis, vel necessitatis, præponderare debet privatis comodis, Layman lib. 3. tract. 4. cap. 17. §. 5. n. 4. & alii.

\* Quæ. III. Ad quem spectet damnum cujusdam rei determinatæ emptæ, si contractus venditionis, ac emptionis equidem fuerit absolutus, & in se perfectus, aut res illa pereat, antequam fuerit actu tradita, vel pretium solutum? Ante resolutionem nota I. Quod alius contractus venditionis & emptionis sit absolutus, & alius conditionatus, seu quasi conditionatus. Prior censetur perfectus jam ante rei traditionem: nam iste contractus juxta comünem solo consensu perficitur, quamvis cæteroquin ante rei venditæ traditionem &c. emptori dominium nondum acquiratur. Posterior vero non quidem perfectus censetur ante eventum conditionis. Nota II. Quod contractus quasi conditionatus reputetur, quando res emenda necdum in individuo fuerit determinata, prout contingere sæpius potest, si quidpiam ematur ex re consistente in pondere, numero, vel mensura: facit enim talis emptio quasi hunc sensum conditionatum: *Emam e.g. ex hoc acervo tritici 10. modios, si fuerint mensurati: ex hoc grege decem oves, si fuerint determinata in individuo: ex hac carne decem libras, si fuerint ponderata*; unde, antequam facta sit mensuratio, determinatio, seu ponderatio, nondum censetur talis contractus perfectus, atque absolutus. Nos majoris claritatis gratia de contractu absoluto, & quoad res determinatas facto ponimus sequentem casum.

Cajus Lanio cujusdam Civitatis proficiscitur in certum oppidum, ubi venales exponuntur a Rusticis boves, ex quibus Lanio seligit in individuo duodecim, eosque emit absolute, antequam autem hi fuissent actualiter extraditi, aut pecunia Rusticis desuper data, superveniunt Hulari abigentes una cum aliis etiam illos duodecim boves.

Quæritur ergo, cuinam pereant, num Rusticis, vel Lanioni? Et videtur quidem ab initio eosdem perire Rusticis, sicque nec Lanionem teneri ad solutionem pretii: quia res quælibet domino suo perit; atqui ante traditionem actualem, vel solutionem pretii, Rustici adhuc sunt domini boum: ergo. Hoc tamen non obitante, Resp. Si illi duodecim boves lanioni tradendi jam fuerint ex grege quoad individuum determinati, nisi aliter expresse fuerit conventum, tunc lanioni pereunt; quamvis enim ante actualem traditionem horum Rustici adhuc sint domini; ex speciali

tamen



tamen Juris dispositione quoad contractum emptionis & venditionis damnum (uti pariter lucrum) ad emptorem, puta in praesenti ad lanionem, spectat etiam ante actualem rei emptae traditionem. Ita eruitur ex claris textibus Juris §. 3. *Institur. de Empt. & Vendit. & L. Necessario. ff. de pericul. & commod. rei vendita.* Nec dicas: si quis ex acervo tritici (puta constante 100. modii, duodecim modios emeret, & postea ex dicto acervo duodecim modii in verines abirent, tales duodecim modii non emptori, sed venditori perirent, neque obligaretur emptor venditori conditum dare pretium. *L. Quod saepe §. 5. ff. de contrah. Empt.* ergo etiam in nostro casu duodecim boves ab Hularis ablatis potius Rusticis venditoribus, quam Lanioni emptori peribunt, nec tenebitur Lanio solvere pretium.

Resp. Enim, negando consequentiam & paritatem. Disparitas est: quia illi duodecim modii ex acervo tritici nondum fuerunt admenfi; sicque necdum contractus perfectus ac absolutus; bene vero duodecim boves ex grege determinati, uti supponitur in casu; alias enim, si nec boves, quinam in specie ex grege tradendi Emptori, fuissent selecti, haud dubie pariter nec hi perirent Lanioni emptori, sed potius Rusticis venditoribus. Vide de hoc fusius in Jure Canonico *lib. 3. Decret. tit. 17. §. 8.*

Quar. IV. Ad quem pertineat damnum, vel lucrum, si ex re consistente in numero, pondere, vel mensura quidpiam adhuc indeterminatum ematur; interea tamen ante actualem determinationem, aut ponderationem, seu mensurationem tota illa res non quidem ex integro pereat, fiat tamen deterior, vel etiam melior? Resp. tam lucrum, quam etiam damnum (nisi venditor fuerit in mensurando, aut determinando culpabiliter morosus) pertinere ad Emptorem: Unde si Emptor contraxerit ex certo acervo tritici accipere duodecim modios, & postmodum totus ille acervus ante traditionem in corruptionem degeneret, teneretur Emptor nihilominus duodecim modios ex hoc ipso acervo a Venditore mensurandos recipere, modo dictus Venditor in dando non fuerit culpabiliter morosus. Ita Franciscus Henno in sua Theolog. *Tom. 2. tract. 2. disp. 7. quest. 7. conclus. 3.* nam Venditor non censetur in contractu isto se aliter voluisse obligare, quam ad exhibendam rem talem, qualis citra suam culpam erit tempore actualis traditionis seu mensurationis &c. Ex quo cit. Auctor resolvit: si vinum venditum ante traditionem, aut mensurationem acefcat, si frumentum degeneret in corruptionem, si boves aut equi fiant macilentii, si eorum pretium decrefcat, idque fiat sine culpa, aut mora Venditoris, damnum illud obvenire Emptori, sicut ipsi obvenit commodum, si vinum e.g. fiat generosius interea, aut carius &c.

Quar. V. Ad quem spectet lucrum, si aliqua res per tertium tamquam per deputatum majori pretio vendatur, vel carius ematur, quam dominus rei vendendae, aut ille, cui emitur, petierit? Casus ex resolutione hujus quaesiti eruendi possunt frequenter in confessionali contingere, e.g. Dominus quidam dicit ad Proxenetam: Videas, ut pro hac mea veste vendenda acquiras triginta flo-

renos: Proxenetam autem vendidit eandem quadraginta, quaeritur jam, an decem florenos valeat sibi retinere Proxenetam; quoniam Dominus datis sibi triginta florenis satisfactionem omnimodam habuisse visus fuit; imo & gratias egit? Item Ancilla ab Hera sua acceptis quinque florenis, missa ad nundinas varia emit, & quidem gnara mercari pretio infimo e.g. quatuor florenis; interea tamen redeundo domum indicat, se comparasse pretio medio, puta quinque florenis, qua emptione etiam Hera est contenta: cupit ergo Ancilla ex Confessario rescire, an excessum pretii infimi, puta unum florenum residuum, possit sibi appropriare bona conscientia? Resp. in utroque casu regulariter loquendo nec Proxenetam, nec Ancillam posse bona conscientia retinere excessum pretii. Ita cum aliis Molina *disp. 363. Lugo de 7. & 7. disp. 26. & Lessius Lib. 2. cap. 21. dub. 19.* Ratio est: quia ordinarie, & regulariter existimantur similes constituti utiles negotiorum Gestores, respectu quorum, si Domini principales certum designarunt pretium, solum ideo fecerunt, ut non infra illud res vendatur, aut supra id res ematur; non autem quasi majus lucrum donare vellent ipsis deputatis, nisi ex verbis, vel aliis circumstantiis haec donatio erui posset, uti certe observatur in Jure Canon. *Lib. 3. Decret. tit. 17. §. 14. num. 428. & seqq.* Ubi plura adhuc alia notabilia videri poterunt.

Nec dicas, talem Deputatum posse residuum lucri retinere ex ea ratione; quia ipsemet potest statim eam rem emere minori illo pretio, & sic emptam postmodum tamquam suam pretio majori, iusto tamen, alteri iterum vendere, ac lucrum speciale ex hac negotiatione acquisitum sibi applicare. Resp. enim, praeterquam, quod non ita soleant practicare fideles, & utiles negotiorum Gestores, talem excusationem etiam ex eo non procedere; quia ordinarie falsum est, quod tales Deputati actualiter sibi hanc rem emant; alias enim deberent pariter in se periculum hujus rei, si forsan ea casu fortuito periret, in se suscipere, quod tamen aegre facerent. Aliquid tamen minus notabile de extraordinario lucro talibus Deputatis, quando extraordinariam diligentiam quoad tam bonam mercationem adhibuerunt, subinde pro aliquali recompensationemitterem, si alias Dominus, vel Hera fuerint valde tenaces, ita ut tales Deputati currendo, & recurrendo plateas plus in calceamentis non raro destruxerint, quam recognitionis exinde accipiant. Caute tamen procedendum, ne mentiatur iniquitas sibi.

Quar. VI. Ad quem spectet lucrum, si Chirographa seu Nomina per tertium minori pretio emantur, quam foret ipsummet debitum in his literis obligatoriis contentum? Supponitur hic, quod per Nomina, seu Chirographa intelligantur jura illa, & actiones, quae alicui, puta Creditori competunt ad petendam ab altero solutionem debitam. Hoc supposito, Respondi. lucrum ex similibus Chirographis, minori pretio per tertium emptis, spectare ad Emptorem, dummodo communiter talia Chirographa vere minoris aestimentur, puta; quia pro iis obtinendis communiter faciendi sunt sumptus majores, subeundi communiter extraordinarii labores, vel pericula deper-

dendæ ex integro sortis principalis ob ingruens e.g. Bellum, aut sustinendæ communiter notabilis molestiæ ob absentiam, potentiam, tenacitatem, vel paupertatem, aliamve odiosam qualitatem Debitoris: sive; quia propter numerationem præsentis pecuniæ loco similium Chirographorum adest lucrum cessans aut damnum emergens. Ita sub his terminis communis, atque in Jure Canonico dictum fuit *lib. 3. Decret. tit. 17. §. 3. num. 61.* Ratio assignatur ista: quia justum pretium rerum communi hominum æstimatione statuitur, *L. Pre-sis rerum. ff. ad Leg. Falcid.* Omnium autem prudentum judicio debitum, quod communiter absque difficultate, periculo, expensis, aut lucro cessante, vel damno emergente &c. obtineri nequit, minoris, ac in se ipso est, æstimatur; adeoque etiam minori pretio comparari poterit: & consequenter, si postea per accidens exinde ille, qui similia Chirographa comparavit, majus lucrum reportet acquirendo e.g. integram debiti solutionem, id Emptoris erit.

Nec refert, quod ille tertius, qui dicta Chirographa comparavit, ut certam aliquam circumstantiam, v.g. ob favorem principis, vel ipsiusmet alterius Debitoris &c. possit absque omni prorsus difficultate, & periculo, nec non sine ullo lucro cessante, ac damno emergente integram debitorum solutionem obtinere: Etenim hoc in particulari prorsus per accidens est, & ut aliquid minori pretio comparari possit, sufficit, ut communiter minoris æstimetur: sic etiam res aliqua sub hasta existens, & exinde communiter minoris æstimata, minori pretio emi potest, quamvis sit ejusdem Bonitatis, & ad eundem finem eodem modo deserviat, ac si a Mercatore pluri similem rem vendente comparatur.

Dices: Ex hoc sequeretur, quod etiam ille v.g. Princeps, qui debita contraxit, possit talia Chirographa minori pretio emere; quia quilibet eo pretio rem comparare potest, quo communiter eadem res æstimari solet. Respond. dist. illatum, nimirum si talis Debitor, e.g. Princeps non sit ipsemet in causa, ut similia Chirographa minoris æstimantur, conceditur quidem illatum ob rationem in objectione assignatam: secus vero dicendum, si foret in causa; tunc enim talis injuste damnificat suos Creditores, ut rem minori pretio vendant, adeoque tenetur simile damnum resarcire ex titulo injustæ damnificationis.

Ast ponamus (inquies) quod alicujus Principis plurimis debitis obærat Officialis, puta, Quæstor, Thesaurarius, vel alius administrans ærarium publicum, non sit in causa debitorum a suo Principe contractorum, poteritne iste Officialis similia Chirographa communiter minoris æstimata ipsemet minori pretio emere, & postea sibi met ipsi ex ærario publico integram debitorum in talibus Chirographis contentorum solutionem præstare? Ad hoc dubium præsens Auctor P. Reiffenstuel in suo Jure Canonico *loc. cit. num. 64.* quamvis dicat, talem praxin esse periculosam, videtur tamen inclinare in affirmativam cum Layman, & Lessio, quia similes Officiales in data hypothese non sunt deterioris conditionis, quam alii, quando adeoque alii, etiam ipsi poterunt illa Chirographa eodem pretio comparare, & postea ex ærario publi-

co, uti alios, ita & se ipsos, ex integroolvere. Econtra Pichler *lib. 5. Decret. tit. 19. n. 32.* videtur defendere negativam; quia talis Officialis Principis super ærarium publicum constitutus habet eandem obligationem solvendi debita Principis, ac ipsemet Princeps, & consequenter sicuti juxta dicta ipsemet Princeps non potest Chirographa minori pretio a Creditoribus emere, si ipsemet est in causa, cur ea minoris æstimentur, ita nec talis ejusdem Officialis. Fundamentum istud meo judicio efficaciter urget in casu, quo similis Thesaurarius, qui habet propterea honestum salarium, ut Officium suum utiliter, ac fideliter administret, nescio quas excusationes & impossibilitates prætextat, si Creditoribus Principalibus ex ærario publico integra debitaolvere deberet; Econtra vero, ut quoad integram summam in talibus Chirographis, a se levi pretio comparatis, contentam sibi met ipsi ex ærario publico satisfaciatur, in dicto ærario publico facile sufficientia invenit media. Quodsi autem formemus Casum, in ærario publico revera non haberi sufficientes pro debita solutione pecunias, hincque easdem Creditori principali urgenti, nec ulterius expectare volenti, subministrari a Thesaurario ex suo proprio marsupio, emendo dicta Chirographa eo pretio, quo ob commune periculum &c. ex tunc æstimantur, difficile est hanc facultatem emendi Thesaurario in data hypothese denegare; cum vi Officii sui non videatur se obligasse ad hoc, ut, dum nihil est in ærario publico, nequeat ex proprio marsupio ipsemet emere Chirographa eo pretio, quo ex tunc juste æstimantur: modo ceteroquin bene observet, ne, dum denuo pecuniæ in ærarium publicum influunt, se in solutione hujus debiti anteponat aliis Creditoribus anterioribus, quibus Princeps citius, ac prius, quam illi, a quo Chirographum emit, solutionem præstare deberet, de quibus vide supra *Traç. 8. Dist. 4. quæst. 1. post. numer. 9. Addit. V. & VI. ac VII.*

Quæres ultimo, quidnam probent Mercatorum libri, in quibus continetur, pro re empta necdum ab Emptoribus solutum esse pretium? Resp. Et si tales libri tamquam Scripturæ privatæ, de jure quidem contra scribentem, pro ipso autem regulariter non probant, *cap. 14. de fide Instrument. & L. 7. C. de Probat.* nihilominus testibus Gaillo, Lauterbach, Brunneman, & aliis apud Franciscum Schmier, *Lib. 2. traç. 3. cap. 6. sect. 3. §. 4.* de moderna consuetudine saltem semiplenam probationem faciunt, nisi aliunde reddantur suspecti. Ratio est: quia in similibus causis non agitur juxta strictos apices Juris, sed ex æquo, & bono. Et hinc Judex, aliis probationibus deficientibus, posito, quod Emptores pretium jam esse solutum affirmarent, econtra vero dicti Mercatores negarent, exhibendo desuper pro se suos libros, posset mentionatis Mercatoribus, si alias communiter habeantur pro viris fide dignis, Juramentum Suppletorium deferre, quo deposito Emptores condemnarentur ad solvendum pretium. Quod si Mercator conscribens jam obiisset, nihilominus hi libri propter mortem ejusdem fidem facerent pro hærede similis Mercatoris, etiam absque alio Juramento, cum tantum importet mors, quantum Juramentum, prout advertit Reiffenstuel *Lib. 2. Decret. tit. 22. n. 218.* \*

QUA-

QUÆSTIO IX.  
De Ludo, & Sponsionibus.

SUMMARIUM.

103. Ludus dupliciter accipitur.
104. Ludi Contractus, an licitus?
105. 106. 107. Tres conditiones ad iustitiam Ludi requisita.
108. Ludere principaliter propter lucrum, an sit peccatum?
109. Alia responsio.
110. Lusus alearum est Clericis, & Religiosis prohibitus.
111. Per Lusum alearum quid intelligatur.
112. Lusus alearum etiam Laicis de Jure prohibetur.
113. Qui lucratur Ludo prohibito, an teneatur ad restitutionem?
114. Sponsio, quid?
115. Certus de veritate nequit Sponsionem inire.
116. Nisi postmodum incipiat dubitare,
117. Aut protestetur alteri.
118. Valet juramentum, vel votum, non amplius ludendi:
119. Sed quale?
120. Violatio talis juramenti, quale peccatum?
121. Hoc amplius declaratur.

103. **Q**uamvis ad primam attinet, Ludus dupliciter accipitur. I. Pro dictis, vel factis, ad oblectationem animi destinatis. II. Pro contractu, quo ludentes inter se paciscuntur, ut victori cedat, quod uterque deposuit. Et in isto posteriori sensu hic de Ludo agitur.

104. CONCL. I. Ludi contractus Jure naturæ est licitus, dummodo debitæ conditiones adsint. Ita communis. Ratio est: quia, sicut in potestate cujuslibet est, rem suam alteri donare absolute, ita etiam in alterum transferre sub quâpiam conditione, siue ea fortuita sit, siue ex intentione pendeat. Quinimo si Ludus debito modo instituitur, erit actus duarum virtutum, Justitiæ videlicet, ac Eutrapeliæ; simulque utilis esse potest ad vitandum otium, & quæ inde consequuntur mala. Layman *loc. cit. cap. 21. n. 1.* & alii.

105. CONCL. II. Tres potissimum conditiones requiruntur ad iustitiam contractus Ludi. Primo, ut ludentes habeant liberam dispositionem rei, quam in Ludum deponunt. Hinc quando alter ludentium non potest rem depositam alienare, ut Religiosus invito Prælato (secus, accedente ejus consensu) & Filiusfamilias non habens bona castrensia, vel quasi castrensia, neque alia a patre sibi concessa ad animi oblectationem, seu liberam administrationem; tunc is neque Ludo quidquam acquirere, neque perdere potest: unde si lucratur tenetur ad restitutionem; sicut & ille, qui ab eo lucratus est, Lessius *lib. 2. de just. & jure, cap. 26. n. 32.* Layman *n. 5.* & alii.

106. Secunda conditio ad iustitiam contractus Ludi requisita, est, ut alter alterum per injuriam, utputa minis, fraude vel conviciis, ad Ludum non pertraxerit: alioquin enim, si ille sic pertractus perdat, alter est ei causa damni per injuriam, ac proinde tenetur ipsi ad restitutionem; ut docet Lessius *n. 7.* Cajetanus, Covarruvias, Sotus, &

communior aliorum: etsi quidam non improbabili-ter oppositum teneant, eo quod talis simpliciter voluntarie luserit, & solum secundum quid involuntarie.

107. Tertia conditio justitiæ Ludi est, ut ludentes non utantur fraudibus contra leges Ludi; alioquin tenentur ad restitutionem ejus, quod sic lucrati sunt. Porro leges Ludi sunt, quas ipsi ludentes communi consensu inter se statuerunt, aut si nihil speciale statuerint, quæ eo loco communi consuetudine sunt receptæ. Nihilominus astutiæ illæ, quæ vel communi consuetudine receptæ sunt, vel in quas expresse aut tacite ludentes consentiunt, sunt licitæ: ut si quis, advertens se lucraturum, provocet adversarium ad duplum deponendum, aut si videat errantem in numerandis signis, & non moneat: quilibet enim suas dumtaxat partes agit.

108. CONCL. III. An ludere principaliter propter lucrum, sit peccatum, & quale? variant Doctores. Non desunt, qui id grave peccatum reputent, ut Gabriel, Abulensis, aliique, quos pro hac sententia refert Lugo *disp. 31. de just. & jure, sect. 1. n. 3.* Fundamentum eorum est: quia sic delideratur, & intenditur principaliter damnum proximi, quod pugnat contra illud decimum Præceptum Decalogi: *Non concupiscis rem proximi tui.* Verum hæc sententia passim relinquitur: tum quia contra dictum Præceptum dumtaxat est, desiderare rem proximi modo illicito, v. g. cupiendo eam acquirere per furta, rapinas, vel dolos; non autem modo licito, volendo, ut ea res fiat tua per justum contractum, utputa per emptionem, donationem, Ludum &c. Tum quia alioquin lucrum nullatenus intendi posset, ne quidem ut finis minus principalis; quod est contra communem sensum hominum.

109. Alii itaque multi volunt, ludere principaliter propter lucrum, esse peccatum saltem veniale. Ita Navarrus *c. 20. Manualis, n. 7. & 8.* Azorius, & alii. Ratio eorum est: tum quia finis Ludi est recreatio licita, non autem lucrum: tum quia Ludus, cum illa intentione factus, continet avaritiam. Cæterum desiderium lucri, nisi nimium sit, non semper continet avaritiam; cum possit lucrum honeste appeti, & procurari; hinc Lugo *cit. sect. 1. n. 4.* ait, quod quando debitæ circumstantiæ concurrunt, non sit cur damnetur peccati venialis, qui propter lucrum principaliter ludit.

110. CONCL. IV. Nihilominus Clericis, & Religiosis, Jure Canonico prohibitus est Lusus alearum. Ita habetur *Can. 42. & 43. Apostolorum*, ac refertur *can. 1. dist. 35. ibi: t piscopus, aut Presbyter, aut Diaconus, alea atque ebrietati d. serviens, aut definas, aut certe damnetur. Subdiaconus, aut Lector, aut Cantor similia faciens aut definas, aut Communionem privetur: similiter etiam Laicus.* Concordat textus *cap. Clerici, de vita & honest. cleric. ibi: Ad aleas & taxillos non ludant, nec hujusmodi ludis intersint.* Et Conc. Trid. *sess. 22. cap. 1. de Reformat.* ubi omnes antiquos Canones quoad hoc innovavit.

111. Porro nomine Lusus alearum in Jure significantur omnes illi Ludi, qui magis fortuna, quam arte & industria ludentium, reguntur. Et

licit Doctores advertant, textus Juris allegatos loqui de iis, qui non semel vel bis, aut ad breve tempus recreationis gratia, & in modica quantitate luserint; sed de iis, qui ejusmodi Ludo prohibito defervunt, id est, crebro, & per longum tempus ludunt, nihilominus plerique notant, Religiosos adhuc magis Lufum alearum decedere, simulque ab ipsis propter Statum perfectiorem, & scandalum, posse gravius in hoc genere delinqui.

112. CONCL. V. Lufus alearum etiam Laicis est de Jure prohibitus. Patet hoc tum ex *cit. cap. 1. dist. 35.* tum ex *l. Alearum, C. de Religiosis & sumptibus funerum*, ubi alearum usus generaliter prohibetur, adeo ut *nulli liceat in publicis, vel privatis domibus, vel locis ludere, neque inspicere: & si contra factum fuerit, nulla sequatur condamnatio, sed solum reddatur, & actionibus competentibus repetatur ab iis, qui dederunt &c.* Hæc ibi. Cujus quidem saluberrimæ constitutionis (quæ, utinam ubique terrarum esset in vigore) ratio ibidem redditur: quia quidam sic ludentes proprias perderunt substantias, & consequenter blasphemare, id est, Deo maledicere conantur.

113. CONCL. VI. Utrum is, qui Ludo prohibito aliquid est lucratus, teneatur ad illius restitutionem, variant Doctores. Affirmant D. Thomas in *4. dist. 15. quest. 2. art. 5.* Richardus, & alii. Communior tamen sententia tenet, acquisita Ludo prohibito posse retineri, neque necessario in Foro conscientie restituenda esse, donec per sententiam Judicis restitui jubeantur. Ita Covarruvias in *cap. Peccatum, de Reg. Jur. in 6. §. 4. n. 1.* Lessius *cit. cap. 26. n. 17.* Sannig, & alii. Ratio est: quia contractus Ludi Jure naturæ habet vim transferendi rerum dominium: Jus autem tum Civile, tum Canonicum, etsi prohibeat Ludum alearum, nullibi tamen prohibet translationem domini, neque irritum reddit contractum Ludi, sed solum concedit perdenti repetitionem in Judicio, adeo ut per sententiam Judicis recuperari debeat amissum; prout desumitur ex citatis supra *num. 112.* textibus Juris. Unde inferitur, non sufficere, ut repetitio privatim fiat; aut etiam, ut fiat in Judicio, nisi sequatur condemnatio, qua victor jubeatur restituere: de hac enim loquitur Jus *loc. cit.* ac proinde ante secutam condemnationem Judicis victor nihil tenetur restituere. Lessius *n. 19.* Layman *cit. cap. 21. n. 2.* & alii.

114. CONCL. VII. Quantum ad alteram partem Quæstionis attinet, *ponsi* est contractus, in quo duo aut plures de veritate, vel eventu alicujus rei contendentes, sibi vicissim aliquid spondent, ut ejus sit, qui veritatem sit assecutus. Ita in re communis. Et quidem Sponsionis contractus est Ludo valde affinis; ac proinde, quæ de Ludo dicuntur, possunt servata proportionem ad hunc contractum applicari.

115. Quæres autem, an certus de eventu, vel veritate rei, possit nihilominus Sponsionem inire, atque inde lucrum accipere? Resp. regulariter loquendo non posse. Ratio est: quia tunc vel error dat causam contractui; neque enim quispiam censetur velle spondere cum eo, qui habet certitudinem rei: Vel saltem non servatur æqualitas; cum hic, utpote certus, nulli periculo perdendi sese exponat, bene tamen alter.

116. Dicitur, *regulariter loquendo*: Nam in primis ille, qui a principio certus videbatur de veritate rei, quam sustinebat, si postea, altero pertinaciter contradicente, ac spondere volente, incipiat formidare, & dubitare, advertens, jam alias contigisse, ut deceptus fuerit etiam in iis, quæ sibi prius certa apparebant; poterit tunc licite lucrari, propter aliquale illud periculum, cui in sua existimatione se exposuit. Ita Lugo *cit. disp. 31. num. 79.* Molina, & alii.

117. Deinde si habens certitudinem protestetur alteri, se esse certum, nec velle, nec posse spondere, eo quod nulli periculo se exponat; & tamen ille alius concedat, velitque spondere, non obstante certitudine illa, multi Doctores volunt, Sponsionem acceptari, lucrumque retineri posse. Rationem dant: quia tunc nulla intervenit fraus: aut injuria, sibi que debet alter imputare suam temeritatem. Sunt tamen alii Doctores, qui id negant; eo quod tunc non servetur æqualitas, quæ requiritur ad contractum Sponsionis, ut uterque aliquale periculum subeat, possitque & vincere, & vinci. Lugo ibidem *num. 28.* & alii. In praxi expeditius erit sequi dicta *num. præc.*

118. Quæres, quid sentiendum de juramento, & Voto non amplius ludendi, vel spondendi? Resp. I. Quamvis Ludus secundum se sit res indifferens, & quæ potest bene vel male fieri, nihilominus Votum, vel Juramentum de abstinendo a Ludo, validum est. Ita Sanchez *lib. 3. in Decalogum, cap. 18. num. 1.* Lugo *loc. cit. num. 2.* contra paucos alios, qui putarunt, votum vel juramentum de abstinendo a quolibet Ludo, etiam licito, esse invalidum, eo quod Ludus licitus, sit actus virtutis Eutrapeliæ. Probatur autem conclusio a simili: Quia valet votum & juramentum, abstinendi a Matrimonio, quod tamen res bona est, & Sacramentum; ergo multo magis abstinendi a delectatione Ludi, ut quis Deo amplius vacare possit, vitareque peccata non raro inter ludendum fieri solita: nam hæc voluntas est de meliori bono.

119. Hoc tamen intelligendum de Voto, vel Juramento deliberate facto, atque ab bonum finem ordinato; alioquin enim, sicut generaliter votum, vel juramentum de re indifferenti, atque in Dei honorem nullatenus conducente non valet, ita & in proposito fieret.

120. Resp. II. Quando violatio talis Juramenti, vel Voti, sit grave vel leve peccatum, desumendum est ex intentione jurantis, vel voventis. Ratio est: quia Votum, & Juramentum, est quædam privata lex, quam quis sibi ipsi propter Deum imponit; ergo eatenus aliquis obligabitur, quatenus intendebat sese obligare. Unde vovens, vel jurans deliberate, quod velit abstinere ab omni Lufu, sive illicito, sive licito, sive in magna, sive in modica quantitate, tenebitur abstinere ab omni: secus, si vovit, vel juravit solum abstinentiam ab illicito, vel Lufu magnæ quantitatis.

121. Resp. III. Quando non conitat de expressa jurantis, vel voventis intentione, tunc ea ex ipsius fine desumenda erit. Ita Sanchez *loc. cit. n. 3.* idque declaratur inductione. Sic in primis, quando finis jurantis fuit, privare se temporali hac delectatione, ut peccata sua punire, Deoque magis



gis servire valeat, si non constat de alia ejus intentione, censetur sub hoc juramento omni Lusi, sive magnæ, sive parvæ quantitatis renunciasse; & tunc, an fractio sit mortalis, vel venialis, dijudicandum est ex duratione Ludi. Quod si finis jurantis, vel voventis, fuit vitare jacturam pecuniæ, ipsamque prodigalitem, tunc ex quantitate pecuniæ Ludo expositæ pensanda erit quantitas culpæ, imo si tunc ludatur in levi dumtaxat quantitate, nullum erit peccatum.

\* Quæres ulterius, quid ad hoc addendum sit circa votum non ludendi? Respond. sequentia I. Si quis vovit eo fine, ut evitet rixas, blasphemias, aut juramenta, supposito, quod hæc alias nascentur ex lusu a se facto nomine proprio, talis poterit adhuc ludere pro alio, quia hic lusus non censetur in simili casu per votum exclusus. Item loquendo de se ipso, poterit tertio dare pecunias, ut is ludat loco sui: Item poterit facere sponsones de hoc vel illo lucraturus: nam talis proprie non ludit ipsemet: adeoque in odiosis non est ad ista faciendam extensio in his circumstantiis. II. Si quis in vindictam, ac signum malæ voluntatis & aversionis cum certo homine vovisset non ludere; votum tale non adstringeret; cum id non sit vinculum iniquitatis. III. Si quis vovisset non ludere cum certo homine, vel in certa domo &c. quia firmiter sibi persuadet, se cum isto homine determinato, vel in illa domo nil posse lucrari: simile votum pariter non teneret, cum foret de re vana, & quali supersticiosum. Ita quoad omnia La Croix, *Lib. 3. part. 1. num. 454. & seqq.* Secus tamen puta dicendum, si quis vovisset non ludere cum hoc homine; quod sapius blasphemaverit ob mirabilem, & rixosum modum agendi ejusdem, si cum ipso lulum instituit. \*

## QUÆSTIO X. De Contractu Societatis. SUMMARIUM.

122. Societas quid?  
*Et frequens in negotiationibus.*
123. Socii qui?
124. Societatis Contractus quomodo differat a mutuo?
125. Societas expressa, & tacita, quæ?
126. Societas vitæ, &
127. Societas bonorum.  
*Societas quæstiosa, quæ?*
128. Ad hanc requiruntur quinque conditiones.
129. Prima.
130. Secunda.
131. Tertia.
132. Quarta.
133. & 134. In Societate an sit licitum pactum de  
*afficiatione sortis principalis?*
135. Qualibet res domino suo perit, quomodo?
136. Instantia ex Bulla Sixti V. resolvitur.
137. Instantia alia solvitur.
138. Quinta Societatis conditio quæ?
139. In Contractu Societatis de qua culpa tenetur socius?
140. Corollarium.
141. Hujusque declaratio.

142. *Expensa facta causa Societatis sunt solvenda in communi.*
43. *Nisi secus fuerit conventum.*
144. *Idem dicendum de moderatis elemosynis.*
145. *Et integris a Socio in itinere factis.*
146. *Et damnis sine sua culpa ex causa Societatis incursis.*
147. *Secus si Socius ex sua culpa in damnum incidit.*
148. *Vel non ex causa Societatis.*
149. *Societas finitur plurimis modis. I. II. III.*
150. *IV. Morte naturali socii;*
151. *Imo & morte civili ejusdem.*
152. *V. Interitu rei;*
153. *Et egestate socii.*
154. *Societate finita qualiter facienda sit divisio bonorum.*
155. *Societati suas operas locans, an eas etiam alteri locare possit?*
156. *Et quomodo secus?*

122. **C**ONCL. I. Societas est honesta duorum pluriumve conventio, ad commune lucrum, secundum proportionem rerum contributarum inter eos æque distribuendum, suam pecuniam, industriam seu laborem conferentium. Ita desumitur ex *L. 4. & seqq. ff. Pro socio*, estque in re communis. Et quidem contractus Societatis est frequentissimus in negotiationibus, præsertim copiosioribus, eo quod ad hæc exercendas sæpe facultates unius non sufficiant; vel saltem ob multa pericula, quæ terra marique oriri solent, non sit consultum, ut quis omnes suas facultates simul uni eidemque negotiationi impendat, sed commodius id fiat, si plurium opes atque industriæ cum æquali omnium lucro, & damno, in unum conferantur.

123. Porro qui contractum Societatis inter se ineunt, in Jure appellantur *Socii*; uti liquet ex toto *Tit. ff. de Pro Socio*. Ubi *L. 19. & 20.* additur, quod si ego cum Titio ineam societatem, Titius possit quidem secum admittere alium socium, puta, Cajum; nihilominus per hoc Cajus non sit futurus meus socius (nam quia Societas consensu contrahitur, socius mihi esse non potest, quem ego socium habere nolo) sed is solius Titii, qui eum admisit, socius existat: unde *Socii mei socius, meus socius non est*, prout loquitur Ulpianus ibidem.

124. Differt autem contractus Societatis a contractu Mutui, juxta D. Thomam 2. 2. *quæst. 78. art. 3. ad 5.* & alios, vel maxime ex eo, quod, licet utrobique interveniat aliqua contributio pecuniæ, seu aliarum rerum, hæc tamen fiat valde diverso modo. Siquidem in Mutuo dominium rei mutuatae transfertur in Mutuatarium: unde ille, cui pecunia mutuatur, sub suo periculo tenetur eam restituere integre; ac proinde non potest plus exigere ille, qui mutuavit. Secus accidit in contractu Societatis; nam dominium rei in societatem collatæ remanet adhuc penes conferentem, ita quod cum periculo ipsius mercator, seu socius de ea negotietur, vel artifex operetur, & ideo licite potest partem lucri inde provenientis expetere, tamquam de re sua.

125. CONCL. II. Societatis plures sunt species. In primis enim alia est expressa, alia tacita. *Societas expressa* est, quæ verbis, seu litteris expressis, de rerum suarum communione inter duos, vel plures deliberate contrahitur: atque in hac oportet attendere specialia pacta contrahentium, contractui *Societatis* nonnumquam legitime opponi solita; siquidem *contractus ex conventionem legem accipere dignoscuntur*, juxta Reg. 85. Juris in 6. cum similibus. *Societas tacita* est, quæ sive verbis, seu litteris, per actus sociales rebus ipsis contrahitur: uti contingit, si duo fratres ætate majores quidpiam in commune contulerunt, atque ex eo negotiati sunt. Atque in hac proceditur secundum ipsam naturam Societatis ut sic, eo quod nulla specialis conventio intervenerit.

126. Deinde Societas alia est vitæ, alia bonorum. *Societas vitæ* dicitur, quando duo vel plures conjunctim vivunt ad unum panem & vinum, seu (ut dici solet) ad eandem mensam. Et tales debent conferre suos redditus, seu proventus, usque ad necessitatem victus; ita tamen, ut, si unus eorum in convictu ex laboribus suis, vel bonis adventitiis, plus contulerit præ alio, id repetere non possit: nam fructus consumpti, jure Societatis vitæ censentur invicem communicari. Reliqua tamen bona non rediguntur in commune, sed remanent singulorum propria. Franciscus Mantica lib. 6. de *Tacitis Conventionibus*, tit. 2. num. 5. & tit. 3. num. 12.

127. *Societas bonorum* e contra dicitur, quæ initur in bonis. Atque hæc juxta diversitatem bonorum subdividitur in Societatem animalium, in Societatem officiorum, ac vectigalium; item in Societatem omnium bonorum, & in Societatem aliquorum bonorum, puta ratione negotiationis in unum collatorum, quæ dicitur *Societas quæstiosa*, & *lucratoria*. Et de hac posteriori præcipue nunc loquimur, quamvis illa, quæ de Societate quæstiosa in progressu dicentur, etiam cæteris (servata tamen proportionem) commode applicari possint.

128. CONCL. III. Ad Societatem quæstiosam, ut sit licita, quinque requiruntur conditiones, quarum una deficiente redditur illicita. Ita Reginaldus in *Praxi Fori Pænitenialis*, l. 25. c. 38. num. 38. & seq. Bonac. T. 2. disp. 3. de *Contractibus*, q. 5. punct. 1. num. 3. & alii.

129. Prima conditio est, ut Societas fundetur in negotiatione licita, & honesta: hoc est, ut negotiatio illa, cui sortes conferuntur, sit licita, nec in Jure prohibita. Unde iniqua & invalida est Societas, quæ initur ad exercendas usuræ, aut committendas fraudulentas emptiones, & venditiones, l. *Nec permittendum*, ff. *Pro socio*. Sicut & ipso jure nullius est momenti Societas illa, quæ dolo malo, aut fraudandi causa inita fuit, uti contingit in latronibus, & hujusmodi, l. 3. §. *fin.* ff. *eod.*

130. Secunda, Ut singuli Socii aliquid conferant in commune, sive dein contribuant pecuniam aut alia bona, sive operam seu industriam suam: nam pauperiores plerumque suppleant opera, quod

alii præstant pecuniis, l. *Societas*, §. 5. ff. *Pro socio*. In tali enim communi collatione bonorum, seu laborum, consistit natura contractus Societatis: uti liquet ex ejus definitione, juncto cit. cap. 5. & seqq. ff. *eod.*

131. Tertia, Ut servetur æqualitas inter Socios tam quoad damna, quam quoad lucra: ita videlicet, ut pro rata collatæ sortis, aut industriæ, singuli æqualiter lucrarentur; vel pereunte per casum fortuitum communi sorte, sive parte ipsius, omnes æqualiter damnum sustineant. Et notanter dicitur, *pro rata collatæ sortis, &c.* Quia lucrum, sicut damnum emergens, est computandum juxta proportionem quantitatis per singulos ad sortem principalem collatæ, vel impenitæ industriæ; Ut si Titius ad sortem principalem contulit 900. & Cajus 600. Mævius verò impendit operam suam æstimatam 100. ac detractis omnibus expensis, remaneat lucrum 640. florenorum, tunc Titio ex hoc lucro, juxta proportionem collatæ sortis principalis, debentur 360. Cajo 240. Mævio 40. floreni; prout facile deprehenditur per Arithmeticam mediante *Regula Aurea*, vulgo *el tre* appellata, sed specialius ad propositum loquendo, per *Regulam Societatis*.

132. Quarta conditio, ad justitiam quæstiosæ Societatis requisita, est: Ut sors principalis, seu pecunia, per socium in commune collata, subiaceat periculo conferentis; ita ut, si pereat absque culpa socii, pereat illi, qui eam in commune contulit. Nam quælibet res domino suo perit: atqui dominus pecuniæ in communem sortem collatæ, est ipsemet conferens, ut dictum num. 124. Navar. c. 17. *Manual.* num. 251. & seqq. Covar. lib. 3. *Var. Resolut.* c. 2. *Concl.* 1. & 2. Bonac. cit. *quæst.* 7. punct. 1. num. 4. cum aliis. Quinimo Sixtus V. in sua 55. Constitutione, quæ incipit, *Detestabilis avaritia* (& habetur Tom. 2. *Bullarum Romanarum*) ex professo damnat, & tamquam usurariam pravitatem sapientes reprobant omnes contractus, conventiones & pactiones, quibus cavetur, ut in singulos annos, aut menses per alterum socium, durante Societate certa lucri quantitas & summa, veluti tot pro quolibet centenario solvatur, ac nihilominus sors ipsa principalis, etiam si fortuito casu quamlibet jacturam, vel amissionem sequi contigerit, semper alteri maneat, & integra a socio recipiente restituatur: talis enim pactio videtur sapere usuram palliatam.

133. Contravertunt nihilominus DD. utrum his non obstantibus in Societate licitum sit pactum de assécuracione sortis principalis, saltem sub præstatione justii pretii pro imposito assécuracionis gravamine; vel ea lege, ut promisso in compensationem dicti gravaminis majori lucro incerto, velit quis esse contentus modico dumtaxat lucro, certo tamen, puta quinque pro centum in annos singulos sibi præstandis? Negant non pauci, licitum esse tale pactum assécuracionis; idque ob rationes num. *preced.* allatas, ut Sotus lib. 6. de *justit.* *quæst.* 6. art. 2. Azor. p. 3. l. 9. c. 3. *quæst.* 9. & quidam alii, quos citat Lugo disp. 30. de *just.* & *jur. sect.* 4. num. 39.

134. Oppositam tamen seu affirmativam sententiam esse jam satis communem, & verio- rem, censet Lugo *loc. cit. num. 40. & seq.* Lessius *lib. 2. de justit. & jur. cap. 25. dub. 3. num. 23.* Navarrus *cap. 17. Manu. num. 254.* Covarruvias *lib. 3. Var. resolut. cap. 2. concl. 3.* Layman *lib. 3. sect. 5. tract. 4. cap. 20. num. 2. & 4.* Bonacina *cit. punct. 1. num. 3. vers. Dixi nisi*, Reginaldus *lib. 25. cap. 29. num. 396. & seqq.* cum pluribus aliis, quos citant. Fundamentum hujus sententiae desumitur ex *l. Si non fuerint, ff. Pro socio*: ubi dicitur, *Ita coiri societatem posse, ut nullam partem damni alter sentiat, lucrum vero commune sit, si tanti sit opera, quanti damnum est*, hoc est periculum damni subeundi, ut explicat Gloss. *ibid. vers. damnum est*. Accedit ratio; quia contractus assecurationis, seu suscipiendi periculum rei alienae, est pretio aestimabilis, ac de jure licitus, *arg. l. in nave, ff. Locati*: ergo potest conjungi contractui Societatis, ceteroquin pariter licito: nullo enim jure reperitur prohibitum, duos contractus ceteroquin licitos conjunctim fieri, & permisceri. Atqui ita fit in contractu illo Societatis, ubi periculum sortis amittendae alter socius redimit praestito justo pretio, vel remittendo spem majoris lucri: ergo

135. Nec obstat, quod quaelibet res domino suo pereat. Nam hoc verum est regulariter loquendo, ac secluso speciali pacto, quo quis periculum rei alienae sponte in se suscepit; alias secus. Sic quippe in simili Commodatarius, vel Depositarius regulariter non tenetur de casu fortuito, quo res commodata vel deposita absque sua culpa perit: secus tamen, si praecessit pactum de praestando casu fortuito *c. un. de Commod. & t. 2. de Locato*, cum similibus.

136. Ad allegatam Sixti V. Constitutionem inquit Lugo *cit. disp. 30. sect. 4. num. 37.* allegans plures alios, ipsummet Sixtum V. de sensu dictae Bullae interrogatum respondisse, se in ea solum voluisse prohibere injustos contractus, & conventiones solitas Societatibus apponi, quas Classici Doctores condemnarent, non autem eas, quas iidem approbarent, tamquam justas. Accedit Rota in *decis. Romana Societatis die 3. Junii 1692. coram Coccino*, ubi censuit, dictam Bullam comprehendere solum casus usurarios de jure communi, additis tamen majoribus poenis. Id ipsum suadet ex eo; quia post memoratam Bullam Sixtinam passim similes contractus celebrantur: ut de Luitania, Belgio, aliisque Provinciis testatur Molina, Lessius, & alii. Quare dicendum, hanc fuisse mentem Pontificis, vel certe Bullam illam aliter non esse usu receptam. Ita discurret Lugo *ubi supra*.

137. Ad ultimum negatur assumptum. Licet enim pactio illa sapiat usuram palliatam, quando ex vi solius Societatis fit pactum de assecuratione sortis principalis; secus tamen est, quando expresse, vel tacite apponitur alius contractus, quo redimitur periculum amittendi sortem principalem praestando aliud justum pretium, vel in ejusdem compensationem, remittendo spem majoris lucri incerti, ut dictum.

138. Quinta tandem conditio, ad licitam So-

cietatem requisita, est, Ut iusta pacta ab initio inter Socios inita servantur, vel si nihil expresse conventum est, loci consuetudo attendatur: simulque non immisceatur fraus, dolus sive deceptio aliqua, aut alia culpa ex parte sociorum; alioquin ea hoc ipso foret injusta, & induceret obligationem restituendi damnum inde secutum etiam pro Foro conscientiae. Sic fieret, quando administrans communem pecuniam Societatis inde clam fraudaret, surripiendo in suos privatos usus; vel quando lucrum proveniens, non fideliter ex aequo divideretur inter socios pro rata contributae sortis principalis; item, quando ex culpa socii perit communis pecunia, vel lucrum, aut pars ipsius. Quae omnia ut clarius intelligantur, sit

139. CONCL. IV. In contractu Societatis, si quid pereat casu fortuito, & absque culpa sociorum, damnum censetur commune, juxta dicta *num. 131.* alioquin vero tenetur socius de dolo, culpa lata & levi, non autem de levissima. Ita desumitur ex *l. Socius socio, ff. pro socio, & §. ultim. instit. de Societate*, ac tradit Angelus in *Summa v. Societas 1. num. 16.* Lessius *d. cap. 25. num. 37.* Bonac. *cit. quest. 7. punct. 2. num. 3. vers. Dixi in quarta*, & alii. Nam quia contractus Societatis celebratur in utilitatem utriusque, consequens est, quod praestetur non solum dolus, & culpa lata, sed etiam levis, non autem levissima, *arg. l. si ut certo, §. nunc videndum est, ff. Commodati*, estque jam dictum supra *tract. 8. dist. 2. num. 45.*

140. Inferitur proinde, quod si aliquid damni acciderit, ex culpa saltem levi ipsius socii, & si res communes furto fuerint ablatae ex defectu debitae custodiae, tale damnum non futurum commune: quinimo socius ille, qui ejusmodi culpam commisit in non diligenter custodiendo, tenetur ceteris sociis ad restitutionem. Lessius, Bonacina, *ubi supra*, & alii. Idemque dicendum de similibus: quamvis loquendo pro Foro conscientiae, & ante sententiam Judicis, hoc ipsum non nihil limitetur supra *cit. disput. 2. num. 46. & seqq.*

141. Solum adde, quod, quando unus socius ab aliis convenitur propter ea, quae ratione Societatis debet, is non sit condemnandus in plus, quam commode facere potest, ita ut non negat. Textus est in *l. Verum est, §. 1. ff. pro socio*, addita illa congruentiae ratione: *Hoc enim summam rationem habet: cum Societatis jus quodammodo fraternitatis in se habeat.* Quamquam istud intelligendum sit, dummodo socius dolo non fecerit, quo minus integre satisfacere posset, *tit. l. verum est, §. tempus autem.* Simulque cautionem praestet de integre satisfaciendo, si pervenerit ad meliorem fortunam, *d. l. verum est, §. id facere.* Laym. *lib. 3. sect. 5. tract. 4. cap. 20. num. 6.*

142. CONCL. V. Expensae non superfluae causa Societatis factae a socio apponente industriam sunt communes, ac solvendae ex communi pecunia Societatis; nisi aliter conventum sit inter locios, vel consuetudine receptum. Ita Angelus *vers. Societas 1. num. 22.* Reginaldus *lib. 25. num. 395.* Bonacina *cit. disp. 3. de contractibus, q. 6. puncto 4. n. 3.* & alii. Ratio est: quia lucrum inter socios

locios dividendum, non intelligitur, nisi deductis necessariis expensis, *l. Mutius, ff. pro socio*, sicut & fructus solum intelliguntur deductis necessariis impensis, *l. fructus, ff. de operibus servorum*. cum similibus. Et hinc juxta Doctores passim, necessaria illa expensæ, quas facit socius in transportandis vel conservandis mercibus, & aliæ hujusmodi, solvi debent ex communi pecunia Societatis.

143. Intellige, nisi antea conventum fuerit inter socios, ut is ex propriis pecuniis necessarias expensas solveret, quas postmodum reciperet a cæteris sociis; Aut nisi hoc ipsum consuetudine receptum sit; prout accidit, quando pro conservatione mercium, vel pro acquisitione desiderati lucri, expensæ quædam necessario sunt faciendæ, nec amplius suppetit pecunia, quæ extrahatur ex communibus bonis Societatis: tunc enim socius negotiator non solum ex præcepto Charitatis, sed etiam ex lege Justitiæ, tenetur dictas expensas facere ex propriis bonis, postea suo tempore eas recepturus a sociis; vel, si non habet proprias pecunias, debet has mutuo petere ab aliis. Ita Lessius *cit. cap. 55. num. 36. Bonacina d. punct. 4. num. 5. Layman. cit. cap. 20. num. 5. & alii*. Siquidem socius negotiator ratione contractus Societatis (& consequenter etiam ex justitia) tenetur adhibere pro conservandis bonis communibus eam diligentiam, quam quisque diligens adhibere solet circa res proprias, alioquin is committeret culpam saltem levem: atqui in dicto casu quisque diligens impenderet suas pecunias, vel, si non haberet, mutuo acciperet alienas, ne majus damnum incurreret; ergo ad hoc ipsum tenetur socius, & quidem ex justitia.

144. Ampliatur Conclusio ad moderatas Eleemosynas, quales socius ponens industriam facere potest ad invocandum Divinum auxilium pro felici successu Societatis; nam etiam istæ ex communibus bonis solvendæ sunt. Layman *c. 10. n. 5. Bon. loc. c. punct. 4. n. 3. & 4. allegans alios*.

145. Ampliatur ulterius Conclusio ad integras expensas, quas facit socius in itinere, causa Societatis suscepto. Licet enim Sylv. *vers. Societas 1. q. 12. Angelus cit. num. 12. & nonnulli alii existiment*, huic deducendas esse illas impensas, quas socius ille domi fecisset; nihilominus magis accommodatè ad Jura, & praxin, videtur dicendum, integra impendia itineris ex communi sorte esse præstanda, *arg. l. si fratres, §. Siquis ex sociis, ff. Pro socio*. Huic quippe socio propter Societatem proficiscenti (veluti ad merces emendas) viatica indistincte conceduntur ex bonis Societatis, Nav. *c. 17. Man. n. 285. istud intelligens, nisi pactum in contrarium intervenisset. Less. cit. c. 25. n. 35. Laym. ubi supra num. 5. Bon. punct. 4. n. 3. cum aliis*.

146. Ampliatur tertio, quod, si socius absque culpa sua, etiam levi, ex causa Societatis damnum incurrit (ut puta, quia resistendo prædonibus violentibus auferre bona Societatis, vulneratus est, multasque postea expensas fecit ad se curandum) etiam tales expensæ sint communiter faciendæ, Textus est in *l. Cum duobus, §. Quidam, & l. Secundum Julianum, ff. Pro socio*; ac tradit Angelus *vers. Societas 1. n. 15. Layman cit. c. 20. n. 5. Bonac. punct. 4. n. 1. & communis aliorum*.

147. Additur notanter, *Si socius absque culpa sua, etiam levi, &c.* Nam secus dicendum, si socius ex sua culpa in tale damnum incidit, v. g. provocando alium rixis, in quibus postea sauciatur. Tum quia is tenetur de culpa, etiam levi, ut dictum *n. 129. & seq.* Tum quia æquum non est, ut Societas damnum patiatur ex culpa alicujus socii: cum peccata suos auctores tenere debeant, *de his que sunt a maj. p. cap.* Simulque non debeat alteri per alterum iniqua conditio inferri, *l. Non debet, ff. de Reg. Jur. cum similibus*.

148. Additur ulterius, *ex causa Societatis*. Nam damna propria, quæ socius aliunde incurrit, puta, si ob privatas inimicitias ab aliquo vulneratus sit, aut aliquid ipsi ex propriis rebus furto ablatum fuerit, non debent esse communia. Talia enim non venerunt in Societatem, *l. Socium qui, §. fin. ff. Pro socio*; & quia nec proveniunt ex causa Societatis, nulla subest ratio obligans cæteros socios ad refarcienda hujusmodi damna. Accedit, quod etiam lucra, quæ non ex causa Societatis, sed aliunde, v. g. ex paterna hæreditate, proveniunt, neutiquam sint communia; idem ergo dicendum de damnis aliunde socio obvenientibus. Bonac. *loc. cit. & alii*.

149. CONCL. VI. Societas pluribus modis finitur, qui recensentur in *l. Verum est 64. & l. Abiit 66. ff. Pro socio*. Et quidem I. Finitur Societas finito tempore ad Societatem constituto, *cit. l. Abiit, §. Item qui societatem*. II. Finitur negotiatione, *d. l. Abiit, §. Item si alicujus*. III. Per renunciationem, seu consensum mutuum omnium sociorum: alias vero, si unus dumtaxat renunciaret, ipse quidem a se liberabit socios suos, se vero non liberabit ab ipsis, quando Societatis interfuit non dirimi tunc societatem; prout amplius declaratur in *l. Abiit, §. Diximus*.

150. IV. Finitur Societas morte naturali unius socii, etiamsi Societas cum pluribus contracta fuerit, & plures supersint, *cit. l. Abiit, §. Morte unius, & l. Verum, §. Societas solvitur, ff. Pro socio*. Etenim in Societate eligitur industria personæ, qualis expirat superveniente morte naturali socii; ignoratur enim, qualis futura sit industria hæredis, atque ideo hæres defuncti socii non succedit in locum ejus, nisi novo consensu ineatur societas, *l. Nemo potest, & l. Plane si hi 3 ff. eod.*

151. Atque istud extenditur ad mortem etiam civilem cujuscumque sociorum, *cit. l. Verum, §. Societas solvitur*, qualis censetur incurri per exilium, imo & per Professionem Religiosam. Bonac. *cit. disp. 3. q. 6. punct. ult. num. 4. Regin. l. 25. num. 175. & alii*.

152. V. Solvitur Societas interitu rei: hoc est, quando vel fors capitalis periit in totum, vel conditionem ita mutavit, ut non amplius sit in commercio hominum, puta, quia facta est Religiosa, Deoque consecrata, *cit. §. Societas solvitur*. Addit Bon. *loc. c. n. 5. post Sylvestr. ver. Societas 1. q. 14. & alios*, Societatem finiri non solum, quando tota pecunia capitalis interiit, sed etiam, quando modica, & exigua dumtaxat remansit: quia non censetur alter socius in tali casu se voluisse obligare ad præstandam operam suam, quæ est longe majoris valoris.



153. Tandem Societas finitur, egestate alterius socii: ut quando ejus bona publicantur, aut oppressus a re alieno cedit bonis suis, cit. 2. *Actione*, §. *Publicatione*, ff. *Pro socio*. Idemque dicendum, quando alter socius jam depauperatus non potest contribuere promissam pecuniam, vel quando is promissit operam suam, sed hanc ob supervenientem infirmitatem prestare nequit. Bon. cit. num. 5. cum aliis.

154. CONCL. VII. Finita Societate divisio bonorum, seu lucri provenientis, facienda est inter socios ad aequalitatem, juxta proportionem illius, quod quisque contulit in societatem, ita ut, qui aequaliter contulerunt pecuniam vel industriam, aequè lucrum recipiant; inaequale verò, qui inaequaliter contulerunt. Ita comit. & ratio est; quia hujusmodi divisionem aequalem lucri inter socios exigit naturalis aequitas, & virtus justitiae; sic enim unicuique datur, quod ipsi debetur. His accedunt dicta num. 137.

155. Quæres, utrum is, qui Societatem quendam iniens operas suas ad ejus expeditionem obligavit, licite possit aliam adhuc Societatem inire, suasque operas eidem impendere? Resp. Licite hoc fieri, quoties illud quis prestare potest abs-

que præjudicio prioris Societatis, alias secus. Ita Bon. ubi supra qu. 1. num. 4. post Mol. disp. 419. *Rebell. lib. 10. q. 8. num. 4.* & alios comm. Ratio prioris partis est: quia tunc nullam facit injuriam sociis prioris Societatis, neque violat pactum cum eisdem initum; censetur enim solum se priori Societate obligasse, quatenus opus est, ne Societas damnum patiatur; alioquin, si ultra nihil agere liceret, potius præberetur causa otandi.

156. Altera pars de se patet. Quia iniens secundam Societatem cum præjudicio prioris, ageret contra justum Societatis contractum, cum priori jam initum; unde non solum peccaret, sed etiam teneretur ad restitutionem omnium damnorum, si qua exinde sociis prioris Societatis eveniant; faceret enim contra justitiam, non servando pacta ipsis promissa cum eorundem præjudicio. Sicut a pari famulus, qui ab uno domino conductus fuit, alterius domini negotiis sese immiscere non potest cum præjudicio prioris; alioquin teneretur huic ad restitutionem damni illati, cum ex vi contractus conditionis teneatur huic fideliter deservire, omneque damnum ipsius, quantum potest, avertere.

## TRACTATUS IX.

### DE PRÆCEPTIS DECALOGI, UBI ET DE RESTITUTIONE.

1. **D**ecalogi nomine intelliguntur decem Præcepta illa, quæ olim ministerio Angelorum in duabus Tabulis lapideis descripta, & per manus Moysis Populo Israelitico tradita, & promulgata fuerunt, prout legitur cap. 20. *Exodi*, & cap. 5. *Deuteronomii*, ac alibi. Eorum priora tria Deum immediate respiciunt, dicunturque *Præcepta primæ Tabulæ*; Septem posteriora Proximum spectant, & vocantur *Præcepta secundæ Tabulæ*. Quæ quidem Decalogi Præcepta tum ex naturali lumine generi humano indita, tum rursus a Christo Domino, utpote supremo Legislatore, non solum innovata, sed etiam magis explicata & ampliata fuerunt, prout Evangelicæ Legis major perfectio postulabat; uti habetur cap. 5. & cap. 19. *Matthæi*, & alibi. De his ergo Decalogi Præceptis, simulque occasione quinti, & trium sequentium Præceptorum, de *Restitutione* rationis Homicidii, Stupri, Furri, ac Detractionis faciendæ, (aliis pluribus materiis ad propria loca restitissis); in præsentis Tractatu dicetur. Favet ille, qui dixit *Matth. 19. Si vis ad vitam ingredi, serva mandata.*

#### DISTINCTIO I.

De Præceptis Decalogi in genere, ac primis tribus in speciebus.

#### QUÆSTIO I.

Quid generatim censendum sit de Præceptis Decalogi, eorumque obligatione?

#### SUMMARIUM

1. Decalogi Præcepta, quæ

Dividuntur in Præcepta primæ, & secundæ Tabulæ.

1. Excellentia Præceptorum Decalogi.
2. Ea sunt de jure naturali.
3. Atque obligant pro quocumque statu.
4. Solvitur instantia de sanctificando die Sabbati.
5. Alia instantia de Idololatria.
6. Causa dispositiva ad Idololatriam, quæ? Ejusdem causæ consummativa.
7. Omnia præcepta moralia reducuntur ad Præcepta Decalogi.
8. Mandatum de diligendo Deum, & Proximum; an reducatur ad Decalogum?
9. Quomodo ad id reducuntur Præcepta circa ceremonias veteris Legis, & ritus Sacramentorum, Legesque ceteræ?
10. Violatio omnium Præceptorum Decalogi est eæ genere suo mortalis.
11. Per accidens tamen potest esse venialis.
12. (a) Ut dictum Tract. 3. Distinct. 2. num. 8. & 15.
13. Notabilis differentia inter ipsa Præcepta Decalogi.
14. Utrum Deus possit dispensare in Præceptis Decalogi?
15. Exempla talis dispensationis.
16. Solvitur obiectio, ostendendo, ibi intervenisse veram dispensationem.

2. Recte notavit Divus Augustinus *Quaest. 140. super Exodum*, Decalogum; in quo Divinæ Legis præcepta continentur, esse omnium Legum Epitomen absolutissimam, Summamque omnium eorum, quæ homini Christiano agenda sunt, in eodem expressam esse; fatetur Concilium

Colonienſe in *Enchiridio Chriſtiana Inſtitutionis*. Unde ſi Præcepta ipſius bene intelligantur, ſufficient ad omnes actus humanos, tum interiores, tum exteriores recte ordinandos; cum omnia præcepta moraliæ educantur aliqua ratione ad Præcepta Decalogi. Hinc ſit

3. CONCL. I. Præcepta Decalogi ſunt de Jure naturali, atque obligant pro quocumque ſtatu. Ita communis; & ratio eſt: quia Præcepta Decalogi ſunt de his, quæ ſtatim in promptu mentis hominis ſuſcipit, & quorum contrarium videtur repugnare rationi. Hinc *Rom. cap. 2.* dicitur: *Gentes, quæ legem non habent, naturaliter ea, quæ legis ſunt, faciunt; ejusmodi legem (id eſt, ſcriptam) non habentes, ipſi ſibi lex ſunt: quæ oftendunt opus legis ſcriptum in cordibus ſuis.*

4. Proinde Præcepta Decalogi quocumque tempore obligant, etiam antequam promulgabantur a Moyſe, ſive jam in ſtatu Legis Naturæ; atque obligant de facto in ſtatu Legis Evangelicæ, eo quod lumine naturali notum ſit, non eſſe furandum, non blaſphemandum, non mentiendo, ac hujusmodi. Quamvis, ut magis memoria tenerentur, ac frequentius in cogitatione verſarentur, convenienter poſtmodum ea fuerint ſcripta, & a Moyſe promulgata, atque a Chriſto amplius declarata.

5. Si dicas: Præceptum Sanctificandi Sabbatum non amplius urget, cum ex traditione Apoſtolorum pro Sabbato colamus Diem Dominicam; ergo hoc præceptum non eſt de Jure naturali. Reſp. diſtinguendo antecedens: Præceptum ſanctificandi Sabbatum non amplius urget, quatenus eſt ceremoniale veteris legis, conceditur; quatenus eſt morale, negatur antecedens, & conſequentia. Siquidem præceptum de Sabbato ſanctificando partim eſt morale, partim ceremoniale. Morale quidem, quatenus præcipitur, quod homo aliquo tempore vacet rebus Divinis; & ſic eſt de Jure naturali, atque etiamnum obligat, juxta illud *Pſalm. 45. Vacate, & videre, quoniam ego ſum Deus*. Ceremoniale vero, quatenus in Lege veteri pro tali cultu determinabatur Dies Sabbatinus; & ſic de facto non obligat.

6. Quod ſi urgeas: Si Præcepta Decalogi ſunt lumine naturali nota, quomodo igitur ante Chriſti adventum Idololatria ferme totum Orbem occupavit, quæ tamen eſt contra primum Præceptum Decalogi? Reſp. Exiſtentiam veri Dei, huncque eſſe colendum, homines lumine naturali cognoverant, aut ſaltem, dummodo voluiſſent, neque propria malitia excoꝛcati fuiſſent, ex creaturis hujus Mundi cognoscere potuiſſent, prout aperte teſtatur D. Apoſtolus, *Rom. 1. Inviſibilia Dei a creatura mundi, per ea, quæ facta ſunt, intellectione conſpiciuntur: ſempiterna quoque ejus virtus, & Divinitas: ita ut ſint inexcusabiles: Quia, cum cognoviſſent, Deum, non ſicut Deum gloriſicaverunt, &c.*

7. Porro cauſa diſpoſitiva ad Idololatriam partim fuit inordinatum deſiderium præſentis moribus, quibus erigebant ſtatuas, ut in his velut præſentes cernerentur, qui mortui fuerant: partim tyrannis, ob quam Belus, (qui eſt Nemrod, de quo legitur *Genef. 10.*) a filio ſuo Nino, Aſſyriorum Rege, jubebatur in erecta ſibi ſtatuâ

coli, ut non mortuus, ſed deus eſſe videretur, de quo execrando cultu Beel, nec non & tyrannide diverſorum Regum, ſubditos ad Idololatriam provocantium, toties in S. Scriptura ſit mentio. His acceſſit ſucceſſu temporis convaleſcens iniqua conſuetudo, qua tantus error pro lege cuſtodiebatur; prout uberius habetur *Sapient. cap. 14.* Tandem, Deo ob malitiam hominum permittente, alia cauſa (quam *conſummationem Idololatriæ cauſam* appellat Doct̃r Angelicus 2. 2. qu. 94. art. 41.) acceſſit ex parte demonum, qui ſe colendos hominibus errantibus exhibuerunt, dando in Idolis reſponſa, & aliqua, quæ mirabilia videbantur, faciendo.

8. CONCL. II. Omnia præcepta moralia poſſunt aliqua ratione ad Præcepta Decalogi reduci. Ita D. Auguſtinus 6. *De decem Chordis*. Maſtrius diſp. 11. *Theol. Moral. num. 3.* & communis; idque patet inductione. Siquidem tria prima Decalogi Præcepta ordinant hominem ad Deum, ſeptem vero poſteriora ad Proximum: ex quibus priora tria complectuntur aliquo modo, quæcumque ad Dei cultum pertinent, atque explicari ſolent in Tractatu *De Religione, De Fide, Spe, & Charitate*, & alibi. Porro ſub honore Parentibus exhibendo etiam continentur reverentia, ſuſtentatio, obedientia, & alia hujusmodi, tam ipſis, quam cæteris legitimis Superioribus præſtanda, & contra horum obligatio erga ſibi ſubjectos: per ſequentia vero ſex Præcepta prohibentur omnia nocumenta, quæ poſſunt Proximis inferri in bonis animæ, corporis, fortunæ, & famæ, prout amplius patebit ex dicendis.

9. Objicies I. Mandatum de diligendo Deo, & Proximo, non reducitur ad Præcepta Decalogi, ſed potius hæc reducuntur ad illud, *Matth. 22. Diliges Dominum Deum tuum ex toto corde tuo &c. Diliges proximum tuum, ſicut teipſum. In his duobus mandatis univerſa Lex pendet, & Propheta*: ergo. Reſp. negando antecedens: licet enim Præcepta Decalogi ad illa duo mandata Dilectionis Dei, & Proximi, reduci poſſint tamquam ad prima principia præctica moralia (continentur enim Præcepta Decalogi in ipſis, tamquam Concluſiones in Præmiſſis) nihilominus viciffim etiam illa duo mandata reducuntur ad Præcepta Decalogi, atque in iſtis continentur tamquam Præmiſſæ in Concluſionibus, in quibus per partes explicantur.

10. Objicies II. Si omnia Præcepta moralia continentur aliquo modo in præceptis Decalogi; ergo ſuperſtuit innumera leges, tam Divinæ, tum Humanæ, Civiles, ſive Eccleſiaſticæ. Reſp. negando conſequentiam. Siquidem, ut taceantur plurimæ Leges ceremoniales veteris Legis, nec non & Præcepta Legis Evangelicæ circa ritus Sacramentorum, quæ non ſunt Jure naturali cognita, ſed pendent a libera voluntate Dei; neque aliter ad Decalogum reduci poſſunt, niſi quatenus Jure naturali docemur, Deum eſſe colendum Ceremoniis ſacris a ſe ordinatis; atque ſuppoſita Divina inſtitutione, ac revelatione, Fide inſtruimur, hoſce ſacros ritus Sacramentorum a Deo præceptos eſſe. Ut, inquam, hujusmodi leges taceantur, omnes alie leges aliquo modo reduci poſſunt ad Præcepta Decalogi, upote quæ expli-

explicant, atque ad casus speciales juxta rerum, temporum, locorum, personarum, aliarumque circumstantiarum exigentiam applicant, eorumque determinant obligationem: alioquin, si lex aliqua pugnaret contra Præceptum Decalogi, eo ipso foret injusta.

11. CONCL. III. Omnium & singulorum Præceptorum Decalogi violatio, ex genere suo est peccatum mortale; quamvis per accidens non raro a mortali excusetur parvitas materiæ, ubi dari potest (non enim semper, ac in omnibus dari potest, ut patet in Juramento falso, in blasphemia, & nonnullis aliis) tum defectus deliberationis, aut plenæ advertentiæ: Ita communis. Prior pars patet: quia omnia Præcepta Decalogi versantur circa talem materiam, cujus violatio graviter repugnat Dilectioni Dei, vel Proximi, aut akeri virtuti; nisi excipere placeat Mendacium jocosum, & officiosum, cujus utriusque prohibitio ad octavum Præceptum Decalogi, ceteroquin ex genere sub mortali obligans, reducitur.

12. Altera pars liquet ex eo, quia generaliter ad peccatum mortale requiritur plenæ advertentiæ rationis, ac deliberatio voluntatis; alioquin, si est semiplena, seu imperfecta solum, ex peccato de genere suo mortali, fit per accidens peccatum veniale (a) quo modo & Perjurium, si fit ex aliqua inadvertentiâ, potest reddi veniale.

13. CONCL. IV. Inter Præcepta Decalogi est notabilis differentia, quod aliqua eorum simpliciter loquendo, obligent, positis quibuscumque circumstantiis; quædam vero non simpliciter & absolute obligent, sed sub certis ac determinatis solum circumstantiis. Ita Mastrius *loc. cit. n. 6.* & alii, ac probatur inductione. Nam in primis Præcepta illa, quibus prohibetur Odium Dei, Idololatria, Perjurium, Blasphemia, Mendacium, & alii tales actus intrinsece mali, semper obligant, positis quibuscumque circumstantiis; ita ut actus oppositi in nullo prorsus casu reddantur liciti, etiamsi quis posset vitam suam salvare, aut totum mundum redimere. Econtra vero Præceptum non furandi, non occidendi, & quædam similia, obligant solum sub certis circumstantiis; utputa ne quis surripiat rem alienam domino rationabiliter invito, ne Proximus indebite occidatur, &c. Et quidem manentibus talibus circumstantiis semper obligant; si vero mutantur, non obligant; unde in extrema necessitate licite quis surripit rem Proximi, sicut & in bello justo licite sunt spolia hostium; similiter malefactores, & hostes in bello justo, recte occiduntur.

14. Et his patet responsio ad illam questionem inter Theologos agitatam, utrum Deus possit dispensare in Præceptis Decalogi? Resp. enim, quamvis Nominales affirmant, Deum posse dispensare in omnibus Præceptis Decalogi; Thomistæ vero id absolute negent; nihilominus cum Doctore Subtili 3. dist. 37. quæst. ult. mediam sententiam esse tenendam; & dicendum, quod in illis Præceptis Decalogi, quæ sunt de Jure naturali stricte sumpto (ut est Præceptum non blasphemandi, non pejerandi &c.) Deus non possit dis-

pensare; bene tamen dispensare valeat in aliis, quæ non sunt de Lege naturali stricte, sed solum large accepta, ut est Præceptum non occidendi, non furandi, &c. Quæ eatenus dicuntur esse de lege Naturæ, quatenus regulariter loquendo, ac seclusis specialibus circumstantiis, sunt consona primis principiis, & conclusionibus Legis Naturæ.

15. Porro in hisce posterioribus posse Deum dispensare, ita videlicet, ut accedente Divina auctoritate licitum evadat, quod alioquin illicitum foret, probatur ex S. Scriptura. Sic quippe Deus dispensavit cum Abraham, ut potuerit filium suum innocentem Isaac occidere, aut saltem voluntatem efficacem occidendi habere. Similiter dispensavit cum Hebræis exeuntibus de Ægypto, ut licite potuerint optima quæque vasa ejus, aurea & argentea, sibi mutuo data, auferre. Item dispensavit cum iisdem Judæis in Polygamia, seu simultanea pluralitate uxorum, in Libello repudiij, & nonnullis aliis hujusmodi.

16. Si dicas: In prædictis casibus non intervenisse veram dispensationem quoad Præcepta Decalogi, sed tantum esse factam mutationem materiæ Præcepti, aut positionem alicujus circumstantiæ, sub qua Leges illæ Juris naturalis non amplius obligabant: nam (inquies) Præceptum non occidendi, aut non furandi &c. solum prohibet furtum, vel homicidium indebite factum, quale non est, si id fiat ex concessione, vel mandato Dei, qui habet supremum in res nostras, vi tamque dominium. Resp. hoc parum urgere; nam dispensatio tunc accidit, quando ab habente legitimam facultatem fit relaxatio Juris communis: Atqui talis relaxatio Juris communis fit in casibus positis; quia accedente mandato Dei poterat Abraham licite velle occidere Isaac innocentem, quod alioquin non potuisset; & similiter ex concessione Divina licite potuerunt Judæi auferre bona Ægyptiorum (non obstante, quod furtum proprie non admiserint) quæ alioquin sine peccato auferre non potuissent; ergo tunc facta est vera dispensatio. Et certe, si hic nulla interveniebat dispensatio proprie dicta, sed sola mutatio materiæ Præcepti, sequitur, nullam omnino dari proprie dispensationem, sed omnes prorsus dispensationes esse meram legis cessationem, & tam ex mutatione materiæ, & circumstantiarum; nam superveniente dispensationis legitimæ circumstantiâ, cessat semper ac ubique obligatio legis respectu dispensati.

## QUESTIO II.

Quænam sub Primo, & Secundo Præcepto Decalogi contineantur?

### SUMMARIUM.

17. Divisio Præceptorum Decalogi juxta quosdam.
18. Communior eorum divisio, hujusce ratio.
19. Præceptum primum Decalogi, quædam.
20. Et quæ præcipiunt, ac prohibent.
21. De his remissive.
- (b) Tract. 4. & 5. per totum.
22. Præceptum secundum Decalogi, quod & quales?
23. Quænam eodem prohibentur, & præcipiuntur?



24. *De his remissive.*

(c) Tract. 6. Dist. 2. &amp; 3. per totum.

(d) Nempe Tract. 5. per totum, &amp; tr. 6. Distinct. 1.

17. **A**dvertendum, quod non desint SS. Patres, qui distinguendo præcepta Decalogi inter se, ponunt quatuor Præcepta pertinentia ad Deum, & sex pertinentia ad Proximum; qui proinde Præceptum *Non concupisces &c.* ad unicum revocant; primum autem, vel secundum Præceptum dividunt in duo: prout faciunt S. Elchius, & S. Hieronymus, atque Origenes, relati a D. Thoma 1. 2. *Quæst.* 100. art. 4.

18. Communior tamen, & magis recepta est divisio Præceptorum Decalogi, quam ponit D. Augustinus *Quæst.* 71. in *Exo. l.* ut sint tria Præcepta primæ Tabulæ pertinentia ad Deum, & septem Præcepta secundæ Tabulæ pertinentia ad Proximum. Ratio hujus communis divisionis est: quia ea, quæ ad Deum pertinent, convenienter ad tria Præcepta reducuntur. Deinde, cum concupiscentia uxoris Proximi spectet ad concupiscentiam carnis; & concupiscentia bonorum temporalium Proximi pertineat ad concupiscentiam oculorum; recte D. Augustinus duo de his Præcepta distinxit, juxta illam generalem divisionem peccatorum 1. *Joan.* 2. assignatam, ibi: *Omne, quod est in mundo, concupiscentia carnis est, & concupiscentia oculorum, & superbia vite.* Hac igitur præceptorum Decalogi divisione retenta, quam posuit D. Augustinus, sit

19. **CONCL. I.** Primum Præceptum Decalogi ita sonat: *Ego sum Dominus Deus tuus &c. Non habebis deos alienos coram me*, uti legitur *Exod. cap.* 26. Et hoc præceptum partim est affirmativum, partim negativum: ex una enim parte aliquid præcipit, & ex altera aliquid prohibet, prout observat Catechismus Romanus *part. 3. cap. 2.* Estque sensus Præcepti: *Me verum Deum coles, & apud alienis cultum non adhibebis.*

20. Et quidem, quatenus hoc Præceptum est affirmativum, seu quatenus quidpiam agendum præcipit, versatur illud circa actus virtutis Religionis, mandatque, uni Deo verum cultum, venerationemque debitam esse exhibendam; atque insuper ad hoc Præceptum revocantur, quæcumque pertinent ad tres Virtutes Theologicas, Fidem, Spem, & Charitatem, utpote quibus immediate attingimus Deum, tamquam objectum, atque ultimum Finem nostrum. Quatenus vero præceptum illud est negativum, prohibetur per illud non solum Idololatria, atque omnis superstitio, sed etiam Infidelitas, Desperatio, atque Odium Dei, omneque aliquid hujusmodi peccatum.

21. Quia igitur de Religione, ejusque diversis actionibus, atque oppositis vitiis, nec non & de Fide, Spe, & Charitate, in propriis Tractatibus jam actum est, (b) alia circa primum Præceptum Decalogi hoc loco dicenda non supersunt: unde ad secundum pergendo, sit

22. **CONCL. II.** Secundum Præceptum Decalogi *cap. 20. Exod.* his verbis exprimitur: *Non assumes nomen Domini Dei tui in vanum.* Et simili-

liter hoc præceptum, etsi verbis negativis comprehendatur, partim est affirmativum, partim negativum: nam dum prohibet assumere Nomen Domini in vanum, vel falso jurando, vel aliter Sacrosanctum Dei Nomen vane atque irreverenter usurpando, polluendo, aut contemnendo: simul præcipit, debitam Divino Nomini reverentiam, atque honorem exhibendum esse.

23. Itaque in primis hoc secundo præcepto Decalogi prohibetur, ne Divinitimum Nomen quoquo modo vane seu irreverenter assumatur, aut falso jurando, aut Nomen Dei in levissimis rebus temere ad testimonium adducendo, aut hoc Sanctissimum Nomen blasphemando, maledicendo, sive conviciis insectando, aut etiam Vota inale reddendo, & hujusmodi. Deinde præcipitur debitum honor Divino Nomini impendendus, ac reverentialis ejusdem invocatio; simulque, ut in Nomine isto juremus in veritate, justitia, & iudicio juxta illud *Jeremia 4. Jurabis, vivis Dominus, in veritate, & in iudicio, & in justitia.* Quibus addere oportet nuncupationem Votorum, & debitam eorum præstationem, prout Psalmista ait: *Psal. 75. Vovete, & reddite Domino Deo vestro.*

24. Cæterum, quia tum de Juramento, ejusque conditionibus, atque opposito vicio Perjurii, tum de Voto, ejusque obligatione, atque cessatione, abunde jam superius (c) dictum est, reliqua vero, reverentialem Divini Nominis assumptionem concernentia, comprehendantur in Tractatu de Religione, (d) non oportet eadem hoc loco repetere.

### Q U Æ S T I O III.

De Tertio Præcepto Decalogi, ejusque obligatione.

#### S U M M A R I U M.

25. *Præceptum tertium Decalogi, quale? Et ratio ordinis.*

26. *Præceptum hoc partim est morale, partim ceremoniale.*

27. *Quatenus morale, obligat de facto? Non vero, quatenus ceremoniale.*

(e) Ut dictum Tract. 2. dist. 2. q. 1.

28. *Pro Sabbato substituta est Dies Dominica.*

29. *Idem Præceptum est & affirmativum, & negativum.*

(f) Tract. 10. Dist. 1. per totum.

25. **T**ertium Decalogi Præceptum his verbis expressum habetur *Exodi cap. 20. Memento, ut diem Sabbati sanctifices.* Et quidem istud ordine pulcherrimò subjungitur duobus primis: nam quia ex Lege Naturæ debemus Deo Fidelitatem, Reverentiam, & Famulatum, ipsumque tum corde, tum ore, tum opere honorare; hinc in primo Decalogi Præcepto instruimur quoad interiorem cultum, Fidelitatemque Deo exhibendam, quæ consistit in agnitione, cultuque unius veri Dei, & falsorum deorum reprobatione: in secundo docemur, Reverentiam Deo, ac Divino Nomini impertiri, ejusque Nomen verbis pravis in vanum non usurpare: & nunc in tertio Præcepto instruimur debitum Deo Famulatum in gratiarum actionem, pro perceptis beneficiis Creationis, Redemptionis, aliisque innumeris, deve-



devote praestare; quod sit diem Sabbati sanctificando, modo explicando. Hinc sit

26. CONCL. I. Tertium istud Praeceptum partim est morale, & partim ceremoniale. Ita communis, estque breviter jam dictum superius num. 5. Et quidem hoc Praeceptum censetur esse morale, atque ex ipsa Lege naturali descendens, quatenus per id absolute praecipitur, ut homo positus temporalibus negotiis aliquod vitae temporis spatium Divino cultui impendat, Religionisque exercitiis vacet: ad hoc enim tenetur homo ex instinctu ipsius naturae. Ceremoniale vero est, quatenus hoc tempus colendi Deum juxta Legem Mosaicam debebat esse dies Sabbati.

27. Priori modo, seu quatenus est morale, Praeceptum hoc omnes semper & eodem modo obligavit, & obligat: cum ab ipsa Lege naturali derivetur obligatio, ut quandoque Deum venerationem, colamusque ob beneficium Creationis, Conservationis, aliaque innumera beneficia, idque partim in ipsum credendo, sperando, eumque super omnia diligendo, partim eundem diversis Religionis actibus humiliter colendo. Ceterum posteriori modo, seu quatenus est unum ex praecipis Ceremonialibus legis Mosaicae, cum post Christi adventum, atque inducta Lege Evangelica, omnia Praecepta Ceremonialia veteris Legis expiraverint (e) utpote quae fuerunt umbra futurorum per Christum jam impletorum, sicque de facto superstitiose observarentur ob falsam eorumdem significationem: hinc etiam istud tertium Praeceptum Decalogi, quatenus ceremoniale est, obligare cessavit.

28. Unde per sanctos Apostolos loco diei Sabbati, ex instinctu Spiritus Sancti, substitutus fuit in memoriam Dominicae Resurrectionis Dies Dominicus; de quo jam sit mentio cap. 1. *Apocalypsis*, ibi: *Fui in spiritu in Dominica die*; & loco aliarum Solemnitatum Judaicarum, ut explicat D. Thomas 1. 2. *quaest.* 203. *art.* 3. *ad 4.* alii successively dies Festi per Sanctam Matrem Ecclesiam instituti sunt, atque determinati, ut in illis speciali ratione Deo debitus cultus per pia Religionis exercitia impendatur.

29. CONCL. II. Tertium hoc Praeceptum Decalogi partim est affirmativum, partim negativum. Ita communis; Idque desumitur inter alia ex illo *Exodi cap.* 16. *Requies Sabbati sanctificata est Domino &c.* *Maneat unusquisque apud semetipsum*; id est (ut explicat Doctor Subtilis 3. *dist.* 27. *quest.* un. 5. *quantum ad secundum*) *recolligendo se, & ascendendo ad Deum suum per actus virtuosos.* Et Ecclesia specificavit quantum ad Missam audiendam in die Dominico, de consecr. *dist.* 2. *cap.* *Missas.* Unde quatenus hoc Praecepto injungitur exercitium actuum virtuosorum, censetur esse affirmativum: quatenus vero prohibentur opera servilia, atque iudicium mortis, & sanguinis, omnisque strepitus Forensis *cap.* 1. & *seqq. de Feriis*, hac ratione Praeceptum hoc est negativum. Verum de his ex professo inferius (f) agendo de Praeceptis Ecclesiae.

\* \* \*

## DISTINCTIO II

De quarto Praecepto Decalogi.

### QUESTIO I.

Quae sit obligatio Filiorum erga Parentes.

#### SUMMARIUM.

1. Ratio ordinis quarti Praecepti.
2. Honor Parentum, tria comprehendit.
3. Ex sunt actus Pietatis.
  - (a) Ut dictum Tract. 7. *dist.* 2. n. 6. & 7.
4. Reverentia Parentibus debita, in quo consistit.
5. Contra eam qualiter peccetur?
6. Amor Parentibus debetur.
7. Non tamen hi sunt praefrendi Deo.
8. Obedientia Parentibus praestanda, & in quibus?
9. Filius an possit ingredi Religionem invito Parentibus?
10. Quid, si Parentes sint in gravi necessitate?
11. An filius teneatur egredi ob extremam Parentum necessitatem?

1. **P**ostquam Supremus Legislator in Praeceptis primae Tabulae compendiosa, simulque ordinatissima serie tradidisset ea, quae Divinum Cultum, Honorem, atque Amorem respiciunt: declaraturus in altera, eaque secunda Tabula, quae ad Dilectionem proximi pertinent: sapientissime primo loco ponere dignatus est Praeceptum de honore Parentibus impendendo, utpote qui post ipsummet DEUM sunt particulare principium nostrum, *Exodi cap.* 20. dicens: *Honora patrem tuum, & matrem tuam.* Et addidit: *Ut sis longaevus super terram.* Ad quae verba Aeternae Veritatis respiciens D. Paulus *ad Ephes.* 6. subjungit: *Quod est mandatum primum in promissione.*

2. Ceterum, ut notat Catechismus Romanus, & unanimis Doctorum, nomine honoris Parentibus exhibendi tria praecipue significantur: videlicet Reverentia, Amor, & Obedientia. Addunt nonnulli sustentationem, Parentibus indigentibus subministrandam: verum haec commode reducitur ad amorem eisdem impendendum.

3. Notandum autem, quod praedicta tria sunt actus propriae virtutis, quae *Pietas* dicitur; estque specialis virtus sub Justitia contenta, tamquam pars potentialis ipsius: (a) cum enim ad rationem Justitiae pertineat, reddere cuique debitum suum, etiam Pietas, qua Parentibus debitum amorem, honorem, atque obedientiam praestamus, merito sub ipsa contineri censetur. Neque enim hic sumitur Pietas pro studio internae devotionis, ac sinceri affectus erga Deum & Proximum; quomodo passim accipitur in S. Scriptura, ut 1. *Timoth.* 4. *Exerce te ipsum ad pietatem*, & alibi: Sed sumitur hic Pietas pro illa speciali virtute, quae colimus Parentes, tamquam vitae & educationis nostrae post Deum auctores, debitam ipsis reverentiam, amorem, & obedientiam praestando.

4. CONCL. I. Quantum attinet ad reverentiam, ex virtute Pietatis tenemur exhibere cultum, & reverentiam parentibus, non solum externam, quae praestatur signis, & officiis externis, utputa ipsis assurgendo, famulando, honorifice de illis loquendo &c. sed etiam internam, quae consistit tum in positivo actu reco-

gnitio-

gnitionis superioritatis, benevolentia, & cuiusdam timoris filialis: tum in fuga vilipensionis, malevolentia, rancoris, contemptus interni, ac huiusmodi pravorum affectuum. Ita Herinex *disp. 10. de Religione, quest. 1. num. 2. Bonacina part. 2. disp. 6. quest. un. punct. 2. & alii.*

5. Hinc qui verbo, gestu, aliove signo exteriori gravem, juxta morem Religionis, ac communem hominum æstimationem, Parentibus inferunt irreverentiam, peccant mortaliter; juxta quod *Exodi 6. 21.* dicitur: *Qui maledixerit patri suo, vel matri, morte moriatur.* Et *Deuter. 27. Maledictus, qui non honorat Patrem suum, & Matrem.* Quinimo notant Doctores communiter, injuriam, quæ aliis hominibus illata mediocris foret, posse esse gravem, si Parentibus inferatur. Sic, prout exemplificat Bonacina *loc. cit.* & Bassæus *vers. Filius num. 4.* graviter peccant filii, qui Parentes animo deliberato ad notabilem provocant iracundiam verbis contumeliosis. Item & ille mortaliter peccat, qui parentem percutit, etiamsi hæc percussio cæteroquin levis foret. Idem dicendum censet, si Filius cum sufficienti deliberatione manum ad percutiendum eleverit: hæc enim communi hominum sensu gravis in Parentes injuria, & irreverentia reputatur. Verum ista intelligenda sunt per se loquendo, ac nisi indeliberatio actus a mortali excuset.

6. CONCL. II. Quantum attinet ad Amorem, quo filii tenentur suos Parentes prosequi, obligatio hæc certa est. Nam cum quilibet Jure Naturæ teneatur diligere Proximum suum, quanto magis proprios Parentes? utpote sibi conjunctissimos, & amplius præ cæteris proximos, cum ab ipsis vitam, & esse suum post Deum acceperit.

7. Parentes tamen idcirco non sunt præferendi Deo, neque magis præ ipso diligendi, juxta illud Salvatoris *Matth. 10. Qui amat patrem, aut matrem, plus quam me, non est me dignus.* Et *Luce 14. Si quis venit ad me, & non odit patrem suum, & matrem &c. non potest meus esse discipulus.* Non quod re ipsa, & absolute odio haberi debeant Parentes, sed comparative, & respective ad Deum: tum quia Deus magis appretiative diligendus est: tum etiam, quia, si Parentes quidpiam mali, seu illiciti præcipiant, quodque esset contra legem Dei, eisdem non est obediendum, juxta illud *Act. 4. Si justum est in conspectu Dei, vos potius audire, quam Deum, judicate.* Hinc S. Gregorius Papa *Hom. 37. in Evangelia*, ad propositum sic loquitur: *Sed si vim præcepti perpendimus, utrumque agere per discretionem valeamus, ut uxorem, & eos, qui nobis carnis agnatione conjuncti sunt, & quos proximos novimus, diligamus; & quos adversarios in via Dei patimur, odiendo & fugiendo nesciamus.*

8. CONCL. III. Tandem quantum ad Obedientiam, certum quoque est, Filios teneri obedire Parentibus, quidpiam legitime præcipientibus. Unde & Apostolus *ad Ephes. 6.* ait: *Filii, obedite parentibus vestris in Domino, cum pluribus concordantibus.* Et quidem tenentur ipsis obedire in iis, quæ spectant ad bonos mores, vel ad domus

gubernationem, ita ut, si obedire recusant in materia gravi, & magni momenti, peccent mortaliter, idque multo magis dicendum, si id ex contemptu, aut animi obstinatione faciant. In rebus autem pravis, seu quæ sine peccato fieri nequeunt, obedire non tenentur, juxta dicta *n. præced.* Verum occasione dictorum

9. Quæres, an Filius possit ingredi religionem invititis Parentibus? Resp. cum D. Thoma 2. 2. *quest. 189. art. 6.* & Doctoribus communiter. Si Parentes non sint constituti in gravi necessitate, ita ut Filiorum obsequio multum indigeant, possunt Filii Religionem intrare etiam contra præceptum Parentum. Ratio est: quia in statu eligendo Filius est sui Juris, ac proinde post annos pubertatis quilibet ingenuus libertatem habet quantum ad ea, quæ pertinent ad dispositionem sui status, præsertim in his, quæ sunt Divini obsequii. Insuper magis est obediendum vocanti Deo, quam Parentibus carnalibus. Unde Christus *Matth. 8.* reprehendit Discipulum, qui volebat eum statim sequi intuitu paternæ sepulturæ. Et S. Hieronymus *in Epist. ad Heliodorum*, quem refert D. Thomas 2. 2. *quest. 101. artic. 4.* ait: *Per calcatum perge patrem, per calcatam matrem, ad vexillum Crucis evola: summum genus pietatis est, in hac re fuisse crudelem.*

10. Dicitur notanter, *si parentes non sint constituti in gravi necessitate.* Etenim si Parentes in tanta necessitate constituti existant, quod ipsis commode aliter, quam per obsequium Filiorum, subveniri non possit, non licet Filiis prætermisso parentum obsequio Religionem ingredi, sed debent eis remanendo in seculo subvenire; idque tum Jure naturali, tum Divino, de honorandis Parentibus: dummodo remanendo in seculo possint subvenire tali necessitati Parentum, & ingrediendo non possint. Ita Doctor Angelicus *cit. quest. 189. art. 6. & quest. 10. art. 4.* estque communis. Unde inter alias condiciones recipiendorum in Ordinem Seraphicum numeratur & hæc, quod non relinquunt Parentes in seculo in gravi necessitate constitutos. Siquidem & Christus Dominus *Matth. 15.* graviter redarguit Phariseos, qui intuitu Religionis, & muneris Deo per filios oblatis, honorem, id est, sustentationem Parentibus debitam subtrahebant.

11. Quinimo si Filius jam ingressus sit Religionem, in eaque Professionem emisit, Parentes autem ejus in extremam necessitatem ex casu aliquo devolvantur; tenebitur Filius, admonito prius suo Superiore, ac nisi mediante hujus vigilantia Monasterium, sive Religio, æque bene succurrere possit ac velit, egredi ad subveniendum extremæ suorum Parentum necessitati, dummodo verisimile sit, quod egrediens possit ipsis subvenire: ad hoc siquidem obligat Filium ipsa Lex naturalis, & Divina. Si autem necessitas parentum haud sit tantum gravis, non tenetur egredi, tenetur tamen salva sui Prælati obedientia, & suæ Religionis statu, pium studium adhibere, qualiter suis Parentibus succurrat, aut per alios subveniatur.

QUÆ-

QUAESTIO. II.

De Obligatione Parentum erga Filios.

SUMMARIUM.

12. Parentum obligatio erga liberos.
13. Tria generatim debent Parentes liberis.
14. Alimentatio necessaria, quid involvat?
15. Mater primo triennio tenetur alere prolem, postea Pater.
16. Limitatur hoc.
17. Parentes debent thesaurizare filiis, quomodo?
18. Parentes tenentur instruere liberos in necessariis ad salutem.
19. Tenentur liberis relinquere libertatem circa electionem status.  
Excommunicantur, qui cogunt Mulierem ad ingressum Monasterii.

12. Sicut Filii erga Parentes, sic etiam Parentes erga Filios ad aliqua charitatis officia obligantur. Et nomine parentum intelliguntur non tantum ipsi Genitores, sed etiam Avus, Proavus, alique Ascendentes. Nec refert, quod hoc Præceptum Decalogi de sola Filiorum obligatione loquatur. Nam, quia reciprocam obligationem ipse naturalis instinctus, & affectio Parentum erga liberos satis inculcat, necesse non fuit, speciali præcepto eandem explicare: juxta commune adagium: *Per naturam sensualitatis amor potius descendit, quam ascendit.*

13. CONCL. I. Ex hoc Parentum amore erga Filios tria potissimum Parentes illis debent. Primum, est alimentatio necessaria. Secundum, instructio in Fide, Religione, & bonis moribus. Tertium, cura, studium, & diligentia, ut in certo vitæ statu, pro conditione personæ, Liberi collocentur. Ita Mastrius *disp. 11. Theol. Moral. n. 94. & seq.* & communis aliorum.

14. Tenentur itaque inprimis Parentes gravi obligatione Juris naturalis, curare conservationem, & educationem Liberorum suorum; hoc est, subministrare alimenta, & alia vitæ necessaria, puta, victum, vestitum, habitationem, & tempore adversæ valetudinis competentes medicinas, & hujusmodi. Hoc tamen intelligendum est, quamdiu Filii illis indigent, nec sibi ipsis providere possunt.

15. Et quidem ad Matrem proprie spectat, alere Filios & Fillas usque ad finem tertii anni; simulque lactare Filios per se, vel per bonam nutricem, quando iusta de causa per se non potest. Post triennium vero Liberorum educatio usque ad emancipationem pertinet ad patrem, ut dicitur *l. Nec filium, C. de Patria potestate.* Unde illi vulgati versiculi:

*Mater alit puerum trimum, trimoque minorem;  
Majorum vero pascere patris erit.*

16. Hoc tamen limitandum, primo, nisi Mater dives sit, & Pater pauper: tunc enim etiam post triennium spectabit ad Matrem, alere Filium. Limitandum ulterius, nisi Pater ex infidelitate conversus ad veram Fidem, Matre in infidelitate permanente, petat Filium etiam triennio minorem sibi assignari, ut eum ad veram Fidem perducatur: quia tunc id erit faciendum, prout habetur *cap. 2. de Conversione Infidelium*, juncta Glossa

ibidem. Idque merito statutum est in favorem Fidei Christianæ, nam summam esse rationem, quæ pro religione facit, habetur *l. Sunt persona, ff. de Religiosis & sumpt. funerum.*

17. Huc accedit obligatio, qua Pater tenetur providere Filiis in futurum, quantum honeste potest, habita ratione circumstantiarum particularium: ita ut possit, vel relinquat illis sufficientem hereditatem ad vitæ sustentationem, & conditionem status: vel certe ea ratione dirigat, ut ipsimet addiscendo aliquam artem, aut scientiam, possint sibi ipsis providere de necessariis. Et hoc innuunt illa verba Apostoli *2. Corinths. 12. Nec enim debent filii parentibus thesaurizare, sed Parentes filiis.* Nam Filii per accidens duntaxat, hoc est, propter supervenientem eorum necessitatem, tenentur succurrere Parentibus; e contra vero Parentibus per se convenit, ut subveniant Filiis: & propter hoc non solum ad horam debent eis subvenire, sed ad totam suam vitam, quod est thesaurizare, ut optime notat Doctor Angelicus *2. 2. qn. 101. art. 2. ad 2.* Hinc inferunt Filliucius *tract. 28. part. 2. num. 28.* Bonacina *cir. disp. 6. punct. 5.* & alii, Parentes illos graviter peccare, qui diligentiam saltem mediocrem non adhibent, ut bona acquirant, quibus Filii alantur, & hereditatem habeant juxta sui status conditionem: vel si bona dilapidando, impotentes sese reddant ad Liberos honeste secundum statum suum educandos, & dotandos.

18. Quantum ad alteram Parentum obligationem, tenentur ii sub gravi obligatione instruere Liberos per se, vel per alios, in necessariis ad salutem. Unde procurare tenentur, ut rudimenta Fidei addiscant, scilicet Orationem Dominicam, Salutationem Angelicam, Symbolum Apostolorum, Præcepta Decalogi, & Ecclesiæ, necessariam doctrinam de Sacramentis, & alia hujusmodi. Debent insuper illos verbis & exemplis, addita etiam, si opus fuerit, charitativa correctione, & paterna castigatione, ad bonos mores, ac vitam Christianam inducere, & a peccatorum occasionibus avertere. Et quidem graviter peccant Parentes, si in talibus fuerint notabiliter negligentes; cum a tali eorum instructione plurimum pendeat salus Liberorum, & bona horum conversatio per vitæ decursum: nam, ut *Proverbs. cap. 22.* legitur: *Adolescens juxta viam suam, etiam cum senuerit, non recedet ab ea.*

19. Tertio tenentur Parentes Liberi relinquare libertatem circa electionem status, ita ut eum eligere sinant, ad quem ipsos a Deo vocari cognoverint. Unde graviter peccant Parentes, si absque iusta causa Filios impediunt, ne Religionem ingrediantur; aut e contra, si eos invitos dolis, vel minis, ad ingressum Religionis cogunt. Quintimo Concilium Trident. *Seff. 25. de Regularibus, cap. 18.* excommunicat omnes, & singulas personas, quæ quomodocumque ceperint aliquam virginem, vel viduam, aut quancumque aliam mulierem invitam, præterquam in casibus a Jure expressis, ad ingrediendum Monasterium.

## QUÆSTIO III.

De Obligatione Subditorum erga Superiores,  
& econtra.

## SUMMARIUM.

20. *Parentum nomine, qui omnes hic comprehendantur?*  
 21. *De Obligatione Subditorum erga Superiores.*  
 22. *Præsertim erga Prelatos Ecclesie.*  
 23. *Superiorum obligatio erga Subditos, qua?*

20. **E**TSI nomine Parentum, quos in honore habendos esse, statuitur hoc quarto Præcepto Decalogi, præcipue intelligantur ii, qui eos secundum carnem genuerunt: nihilominus hoc nomine, simul ac præsentī Præcepto, omnia ea personarum genera comprehenduntur, quæ quamdam in nos superioritatem habent, & ad sequentia quatuor capita communiter reducuntur. Primum est Parentum, qui secundum carnem nos genuerunt. Alterum est Superiorum, potestatem spiritualement in nos habentium: ut sunt Episcopi, Curati, Pastores, &c. Tertium est Superiorum, potestatem in nos secularem habentium: quales sunt Reges, Principes, Duces, & Domini. Quartum est aliorum, qui aliquam super nos potestatem habent, quales sunt Magistri, Tutores, & huiusmodi. Hinc

21. Infertur I. Quod ea, quæ de officiis & obligationibus filiorum erga Parentes, & parentum erga Filios, hætenus dicta sunt, servata debita proportionem, etiam intelligi debeant de officiis & obligationibus Pupillorum erga Tutores, & alios parentum vicem gerentes: item de officiis & obligationibus servorum, subditorum, & quorumcumque inferiorum erga Dominos, aut Superiores suos, & econtra. Maius *cir. disp. 11. num. 98.* Navarrus, Bonacina, Toletus, & alii passim; idque ex *cap. 6. ad Ephesos*, & *cap. 3. ad Titum*, & aliis pluribus S. Scripturæ locis satis obviis clare liquet.

22. Infertur II. Quod Christiani omnes teneantur sub gravi culpa obedire Summo Pontifici, utpote Christi in Terris Vicario, in rebus ad Fidem, & Christianam disciplinam pertinentibus. Similiter, quod Diocesani Episcopis, Parochiani Parochis, Servi Dominis, Subditi Superioribus, & Populi Principibus suis, obligentur præstare obedientiam in his, in quibus respective ipsis subsunt; eisque reverentiam, & amorem specialem, aliaque officia, quotiescunque recta ratio & prudentia id postulat, exhibere.

23. Infertur III. Quod vicissim etiam omnes Superiores teneantur ad diligenter gerendam sibi subditorum curam, tum in temporalibus, tum in spiritualibus, prout cujusque officium & conditio postulat. Ratio est: quia ejusmodi Superiores sunt caput Subditorum, ideoque tenentur quodammodo, servata tamen proportionem, ad eadem, ad quæ Parentes erga Filios. Totam hanc Superiorum erga Subditos, horumque erga Superiores obligationem, paucis complectitur Apostolus *ad Hebræos cap. 13.* scribens: *Obedite Præpositis vestris, & subjacere eis: ipsi enim pervigilant, QUASI RATIONEM PRO ANIMABUS VESTRIS REDDITURI.*

## DISTINCTIO III.

De Quinto Præcepto Decalogi.

## QUÆSTIO I.

Quænam quinto Præcepto Decalogi prohibeantur?

## SUMMARIUM.

1. *Ratio ordinis.*  
 2. *Hoc Præcepto prohibetur quodcumque homicidium simulque*  
 3. *Damnum injustum corporis: Mutilatio enormis, & non enormis?*  
 4. *Quin etiam interior voluntas deliberata occidendi, vel injuste lædendi proximum.*  
 5. *Intellectus verborum Christi, Matth. 5.*  
 6. *Tres gradus ad homicidium.*  
 7. *Quæ alia hoc quinto Præcepto prohibeantur?*  
     (c) *Tract. 3. dist. 3. quæst. 5. & Tract. 9. dist. 6. quæst. 2. & 3.*  
 8. *Quomodo intelligendum, Cogitationis pœnam nemo patitur?*

1. **A**ggredimur nunc ea Præcepta Decalogi secundæ Tabulæ, quæ sunt negativa, seu quibus expresse prohibetur, quodcumque jus Proximi violare, aut ipsum in bonis suis injuste lædere. Quia vero inter alia bona hominis primum locum obtinet vita, merito in hoc quinto Præcepto Decalogi per illa verba, *Exodi 20. Non occides*, severissime a Deo interdicitur homicidium, ac quæcumque injusta læsio corporalis Proximi. Hinc sit

2. **CONCL. I.** Hoc quinto Præcepto Decalogi prohibetur quodcumque homicidium injuste illatum, tam proximi, quam sui ipsius. Ita certa, & communis; ac habetur expresse *c. Si non licet, 23. q. 5.* atque patet ex illis generalibus verbis: *Non occides.* Et quidem hoc præcepto non solum homicidium opere consummatum, quod est ultimum damnum in corpore, videlicet mors; sed etiam quodcumque aliud damnum injustum in corpore citra mortem, inferri prohibetur.

3. Porro huiusmodi damnum injustum in corpore citra mortem, aliud est irremediabile; ut mutilatio: aliud remediabile, ut vulneratio, aut alia læsio curabilis. Rursus mutilatio alia est enormis, quæ impedit ex toto actum aliquem humanum, qui competere homini secundum illam partem amputatam; prout contingit in amputatione manus dexteræ. Alia non enormis, id est, non impediens actum humanum: ut amputatio digiti, vel alicujus partis digiti. Scotus *4. Dist. 15. quæst. 3. §. de secundo*, & alii.

4. **CONCL. II.** Quinto isto Præcepto Decalogi non tantum prohibetur homicidium exterius, sicut intelligebat Populus carnalis Judæorum in Veteri Testamento, qui solum reputabat illud prohiberi, pro quo inferebatur pœna ab ipsa lege Mosaica: sed etiam secundum verum intellectum, atque authenticam declarationem Supremi Legislatoris, prohibetur interior deliberata voluntas occidendi, vel lædendi Proximum ex iracundia. Ita siquidem Christus Dominus *Matth. cap. 5.* docuisse legitur: *Audistis, quia dictum est antiquis: Non occides. Qui autem occiderit, reus erit judicio. Ego autem dico vobis, quia omnis, qui*



qui irascitur fratri suo, reus erit iudicio. Qui autem dixerit fratri suo, raca, reus erit concilio: Qui autem dixerit, facus, reus erit gehenna ignis. Quibus verbis manifeste Christus rejicit errorem Judæorum, putantium, quod solum homicidium exterius hoc Præcepto prohibeatur, dum etiam iram, seu quemlibet injustum vindictæ appetitum prohibitum esse ostendit.

5. Ubi pro clariori dictorum verborum, & sententiæ severioris intelligentia, advertendum est cum S. Thoma 2. 2. qu. 158. art. 3. ad 2. quod ibidem Dominus loquatur de illo motu iræ, in quo quis appetit Proximi occisionem, aut quamcumque gravem læsionem: nam talis appetitus, si consensus rationis plene ac perfecte superveniat, est peccatum mortale; quod ipse contextus verborum satis indicat.

6. Advertendum ulterius cum Lessio lib. 4. de just. & jure, cap. 4. num. 26. & aliis, quod Salvator noster dictis verbis explicaverit tres gradus ad homicidium. Primus, est ira interna optans mortem Proximi. Secundus, eadem ira prorumpens in contumeliam, sed leviolem, qui indicatur per *raca*, quod juxta D. Augustinum est interjectio spernentis, & adversantis. Tertius, eadem ira erumpens in contumeliam gravem, & manifestam, qualis indicatur per *racus*.

7. CONCL. III. Insuper hoc quinto Præcepto Decalogi prohibetur quodcumque convicium, aut probrolium & injuriosum verbum ex ira, vel appetitu vindictæ prolatum in Proximum; item & quilibet iræ motus; præscriptum a ratione modum excedens; similiter etiam injustus vindictæ appetitus, etiam si neque actu, neque ullo verbo, aut signo exteriori prodatur. Ita Doctores Catholici passim, & patet ex præallegatis verbis Christi Domini. Sed de his alibi. (a)

8. Nec dicas: juxta L. 18. ff. de Pœnis, & refertur *can. Cogitationis, de pœnis, dist. 1. Cogitationis pœnam nemo patitur*. Resp. enim cum Glossa ibidem communiter recepta, id intelligendum esse coram hominibus: nam cum homo non scrutetur cogitationes, neque percipiat secreta cordium, bene verificatur, quod cogitationis pœnam nemo patiatur ab hominibus. Secus est in ordine ad Deum, qui scrutatur corda, & renes. *Psal. 7.* unde coram Deo cogitatio prava ac deliberata incurrit culpam, & meretur pœnam, juxta omnes, & patet ex nono, & decimo Præcepto Decalogi.

## QUÆSTIO II.

Quodnam Homicidium sit prohibitum.

### SUMMARIUM.

9. Seipsum directè occidere non licet, absque Divina revelatione.
10. Facta quorundam Sanctorum excusantur.
11. Indirectè se occidere ex justa causa, non est illicitum.  
*Hujus exemplis,*
12. Ratio.
13. Non tenetur vitam servare, nisi mediis ordinariis.
14. Quid de Religiosis?
15. Auctoritate publica possunt occidi malefactores.
16. Auctoritate etiam privata potest occidi iniquus aggressor pro tuenda vita, &c.

17. Servato tamen moderamine inculpata tutele.  
*Hoc declaratur.*

18. Corollaria.

19. Idem licitum pro defendenda pudicitia,

20. Si ea aliter defendi nequeat.

21. Num liceat pugnis repercutere?

22. An liceas occidere furem ob defensionem suarum facultatum, vel honoris?

23. 24. 25. 26. 27. 28. 29. Propositiones diversæ circa hoc damnata, & cavenda.

30. Item alia Propositiones.

(b) Partim infra Quæst. seq. n. 37. partim supra Tract. 4. dist. 7. num. 10. & 12.

9. CONCL. I. Absque Divina auctoritate, seu revelatione, non est licitum, seipsum directè atque ex intentione occidere, ad cavendum tandem quodcumque malum. Ita habetur *c. Si non licet. 23. quæst. 5.* estque certum. Probatur autem partim ex generali prohibitione hujus quinti Præcepti Decalogi; partim ex eo, quia homo non habet jus & auctoritatem in propria vitam, cum non sit dominus absolutus vitæ suæ (hic enim est solus Deus) sed dumtaxat custos & usufructarius, quatenus jus habet custodiendi vitam suam & membra contra quemcumque iniquum aggressorem, hisque utendi ad Dei laudem.

10. Dicitur notanter, *absque Divina auctoritate, seu revelatione*: Tum propter exemplum S. Apolloniæ Virginis & Martyris, semetipsam in rogum sibi præparatum conjicientis; tum aliorum quorundam Martyrum, ac præsertim Fœminarum, quæ seipsas morti tradiderunt, ne pudicitiam amitterent: id enim fecisse creduntur ex Divina inspiratione, prout eas excusat S. Augustinus lib. 1. de Civitate Dei, cap. 20. & concordat textus *c. Si non licet 22. quæst. 5.*

11. CONCL. II. Licitum tamen est, juxta de causa aliquid facere, vel omittere, unde certo scitur præter intentionem nostram mors secutura; sicque seipsum indirectè occidere. Ita Scotus 4. dist. 14. quæst. 3. §. de secundo, & communis aliorum. Probatur Conclusio inductione. Sic enim miles potest, imo & tenetur, non deferere stationem suam, etsi moraliter certus sit, sese occidendum ab hostibus. Similiter tempore pestis potest quis inservire infectis peste, etsi putet, se pariter inficiendum. Potest item quis injicere ignem in pulverem tormentarium ad evertendam turrim hostilem, licet certum sit, momento sese dissipandum: prout exemplificat Lessius lib. 2. de just. & jure, cap. 9. dubit. 6. num. 27. & seqq. plura similia exempla adducens.

12. Ratio horum generalis est: quia in talibus circumstantiis proprie quis seipsum non interimit, sed ruita turris, vel impetus ignis, aut pestis, &c. Neque talis seipsum interimere intendit, sed bono communi consulere, hostibusque Reipublicæ vires nocendi subtrahere. Hinc lib. 1. Machabæorum, cap. 6. laudatur Eleazarus, quod ad liberandum Populum suum interfecerit elephantem hostilem, cujus casu videbat se opprimendum; sicut & postmodum oppressus est, proprioque triumpho sepultus.

13. Similiter nemo tenetur vitam servare, nisi mediis ordinariis, & communibus. Unde Gobat *tract. 5. Quinarii, cap. 1. num. 35.* post Victorian, & alios tradit, non teneri quempiam ad locum etiam propinquum migrare ob salubriorem auram, neque bibere vinum, quamvis medicus dicat, ejus potu vitam ad decennium prolongatum iri; nisi forte ab ejus longævitate penderet salus Reipublicæ.

14. Et infra *num. 60. & seq.* subjungit, quod nullus Religiosus teneatur a suo Superiore petere potum, victum, aut vestitum diversum ab iis, quæ sunt in ejus Conventu, Monasterio, Collegio usitata; quamvis non peccet, si ratione infirmitatis peculiarem potum petat rogando; secus, si petat efflagitando tamquam debitum. Huc facit S. Bernardus, *Ser. 30. in Cantica*, ubi graphice describit Religiosum, plus quam oportet, suæ valetudini studentem, ac proin inter alia queritantem: *Legumina ventosa sunt, caseus stomachum gravat, lac capiti nocet, potum aqua non sustinet petitus, pisces de stagno, aut de lutsa aqua, mea penitus complexionis non congruant &c.* Subdit autem inter alia Sanctus Pater: *Putat, te, quæso, Monachum esse, non Medicum; nec de complexionis judicandum, sed de professione.*

\* Nec dicas: si nemo tenetur suam vitam servare, nisi mediis ordinariis; tunc ægrotus, quin dicatur seipsum indirecte occidere, potest bona conscientia respuere medicinas in periculo mortis, quamvis illæ medicinæ non sint nimium pretiosæ, & cæteroquin foret magna spes reconvallescentiæ, si easdem, quas absque ingenti difficultate posset, etiam sumeret. Respond. enim negando illatum, & ejusdem suppositum, quasi nimirum medicinæ respectu status infirmorum essent quid extraordinarium: etenim hæc, præsertim non nimis pretiosæ, in similibus circumstantiis respectu status ægrotantium non sunt extraordinaria, sed potius ordinaria remedia. Hoc tamen verum est, quod exinde sequatur, nec ægrotos (nisi salus Reipublicæ aliter suadeat) teneri in simili casu applicare media extraordinaria, puta respectu status nimis pretiosa, aut valde dura, e. g. vir non tenetur admittere abscissionem cruris, aut virgo infirma contactum Medici seu Chirurgi in partibus inhonestis, vel mulier non potens parere, excissionem foetus &c. Videatur La Croix *lib. 3. part. 1. num. 769.* Item *n. 776. ac n. 784. & 785.* \*

15. CONCL. III. Licita est occisio alterius, quando fit auctoritate publica per Justitiam punitivam ob patrata scelera. Ita communis; & patet tum ex illo *Exod. 22. Maleficos non patieris vivere*: tum idem probatur ratione: quia sceleratorum hominum punitio prorsus necessaria est ad vitam hominum politicam, & quietam; alioquin enim scelera invalescerent, & prohi præmaltitia atque infestationibus impiorum non possent secure vivere.

\* Quod si Lictores, seu satellites auctoritate publica aliquem malefactorem jussi sint capere, is vero se opponat, ne comprehendatur, ut tunc similis Malefactor a satellitibus occidi licite possit, Julius Clarus, & Farinacius apud La Croix *loc. cit. num. 797.* sequentes sex requirunt condi-

tiones: 1. Ut crimen sit atrox. 2. Ut Lictores habeant mandatum ob id capiendi malefactorem. 3. Ut capiendus armata manu resistat. 4. Ut capiendus jam sit diffamatus de tali crimine. 5. Ut is alio modo comprehendi nequeat, nisi occidendo eum. 6. Ut timeantur graviora mala, si evaderet.

16. CONCL. IV. Etiam auctoritate privata licitum est occidere iniquum invasorem, & aggressorem, ob defensionem vitæ suæ, & integritatem membrorum; dummodo id fiat cum moderamine inculpatæ tutelæ. Ita rursus communis. Ratio est: quia Jus naturæ permittit, ut vim vi repellas, sicque iniquum aggressorem, qui tibi vitam eripere conatur, prævenias, & occidas, si aliter mortem evadere nequis. Unde c. *Significasti, de Homicidio*, dicitur: *vim vi repellere omnes leges, & omnia jure permittunt.*

17. Sed mox pro confirmatione secundæ partis Conclusionis ibidem subjungitur: *Tamen id debet fieri non ad sumendam vindictam, sed ad injuriam propulsandam*; hoc est, cum moderamine inculpatæ tutelæ. Porro moderamen inculpatæ tutelæ in homicidio tunc censetur adhiberi, quando quis occidit solum, quia revera in conscientia, & sine dolo ac fraude purat, se non posse evadere, nisi occidat.

18. Hinc infertur, quod, si quis cum levi percussione potest se ab aggressore defendere, tunc eum licite occidere non possit. Item, qui absque alio suo incommodo potest fugere, aut clamare, & implorare auxilium, tenetur ad id. Similiter si is, qui te invasit, jam fugiat, vel desistat nocere, ita ut amplius non sit metuendus, non tibi licet eum persequi, & occidere: quia talis occisio non esset amplius in defensionem vitæ, sed in vindictam accepti vulneris; nisi forte periculum adesset novæ invasionis, & quod alter regrediens, te denuo sit aggressurus. Semper enim ad futurum malum est respiciendum, ad quod dumtaxat vitandum justa defensio conceditur; non autem ad præteritum, cujus non est defensio, sed vindicta.

\* Cæteroquin per modum justæ defensionis, & servatis conditionibus moderaminis inculpatæ tutelæ proxime explicatis, licet occidere actualement infidiatorem, etiam præveniendò eundem, nec tenetur quis prius ictum expectare alterius, e. g. advertis latronem, vel hostem tuum, inter dumeta ex insidiis sclopium proxime parantem, ut contra te exoneret; in hoc casu non teneris expectare, usque dum actu fiat explosio sclopeti, sed potes; ubi nulla tuta via superest fugæ, talem infidiatorem præveniendò occidere, vel graviter vulnerare, uti recte Sporer *Tract. 5. cap. 2. sect. 3. num. 150.* \*

19. CONCL. V. Etiam pro defendenda pudicitia licitum est occidere invasorem, seu eum, qui tentat aliquam personam violare, si aliud remedium pudicitiam defendendi non suppetat. Ita Lessius *lib. 2. cap. 9. dubit. 12.* & alii. Ratio est: quia pudicitia est bonum summæ æstimationis, ac pretiosior multis opibus. Simulque in tali casu adest periculum peccati, ne videlicet persona violanda ob carnis fragilitatem tandem consentiat.

20. Verum data Conclusio intelligenda est, quando pudicitia, vel etiam integritas carnis, aliter defendi non potest: nam quando aliter periculum illud effugere potes, non licet tibi injustum aggressorem occidere; aut vulnerare; cum non amplius observaretur moderamen inculpatæ tutelæ.

21. Num autem liceat pugnare cum reperi-  
re, præsertim quando femina, vel juvenis solici-  
tatur, sive contrectatur, aut osculum accipit ab  
aliquo lascivo: existimat Lugo *disp. 10. de iustit.  
& jure, sect. 10. num. 196.* non esse in hoc scrupulose agendum, sed id licite fieri posse; imo & aliquando expedire, non solis verbis asperioribus, sed manibus quoque puritatem animi, & constantiam graviter ostendere.

22. CONCL. VI. Et si Doctores asserant, licitum esse occidere furem in defensionem suarum facultatum, si is sit fur nocturnus: aut si sit fur diurnus, telus tamen se defendat, ut habetur *1. Sed & si, ff. Ad Legem Aquiliam*, & tenet Covarruvias in *Clem. Si furiosus, part. 3. §. un. num. 6.* ac Lessius *loc. cit. dubit. 11*: cum aliis: dummodo ipsæ facultates sint magni momenti, nec sit spes illas recuperandi. Et si insuper multi affirmant Doctores, quos allegat, & sequitur Tannerus *rom. 3. disp. 4. quæst. 8. num. 73.* fas esse pro defensione honoris aggressorem injustum occidere, si nec aliter defendi, nec facile recuperari læsus honor possit. Tamen ne via patens homicidiis aperiatur, sequentes Propositiones, partim ab Alexandro VII. & partim ab Innocentio XI. damnatæ, merito erunt observandæ, atque omnimodis evitandæ.

23. Hinc sciendum, quod Alexander VII. in speciali Decreto, die 24. Septembris 1665. emanato, inter alias plures Propositiones, etiam sequentes damnaverit. Prima (in Decreto, ordine 17.) sic habet: *Est licitum Religioso, vel Clerico, calumniatorem gravia crimina de se, vel de sua Religione spargere minantem, occidere, quando alius modus defendendi non suppetit: uti suppetere non videtur, si calumniator sit paratus, vel ipsi Religioso, vel ejus Religioni publice, vel coram gravissimis viris prædicta impingere, nisi occidatur.*

24. Secunda (ordine 18.) *Licet interficere falsum accusatorem, falsos testes, ac etiam judicem, a quo iniqua certo imminet sententia, si alia via non potest innocens damnum evitare.*

25. Tertia (ordine 19.) *Non peccat maritus occidens propria auctoritate uxorem, in adulterio deprehensam.*

26. Quarta, quæ una cum sequentibus damnata est ab Innocentio Papa XI. in Decreto, 1679. die 2. Martii edito (estque in Decreto ordine 30.) sic se habet: *Fas est viro honorato occidere invasorem, qui nitiur calumniam inferre, si aliter hac ignominia vitari nequit: idem quoque dicendum, si quis impingat alapam, vel fuste percutiat, & post impatam alapam, vel idum fustis fugiat.*

27. Quinta (ordine 31.) *Regulariter occidere possum furem pro conservatione unius auri.*

28. Sexta (ordine 32.) *Non solum licitum est defendere defensione occisiva, qua actum possidemus, sed etiam, ad quæ jus inchoatum habemus, & quæ nos possessuros speramus.*

29. Septima (ordine 33.) *Licitum est tam heredi, quam legatario contra injuste impediensem, ne vel hereditas adeatur, vel legata solvantur, se taliter (id est, defensione occisiva) defendere: sicut & jus habenti in Cathedrali, vel Præbendali, contra eorum possessionem injuste impediensem.*

30. His addi poterit Propositio 13. 14. 15. item 34. & 35. in eodem Decreto Innocentii XI. damnata: sed earum quælibet jam alibi (b) refertur. Hæ igitur omnes Propositiones, utpote latam homicidiis portam aperiennes, & singulæ ipsarum, tamquam scandalosæ, & in praxi perniciosæ, merito a summa Sede damnatæ sunt, adjuncta gravissima prohibitione, ne defendantur, aut ad praxim deducantur. Proinde nonnulli Libri imposteriorum caute legendi, & si in eisdem hujusmodi occurrerint sententiæ, oportebit ab his cavere.

\* Quæst. I. Cur liceat occidere aggressorem in bonis fortunæ, si summa sit suo modo notabilis, & cur non aggressorem per verba injuriosa seu contumeliosa in bonis famæ ac honoris, cum tamen honor & fama sint bonum nobilius bonis fortunæ? Respond. Rationem hujus, ac disparitatem inter utraque bona esse; quia in primis occisio Infamatoris non esset certum medium conservandi famam; quinimo sæpius eandem magis diminueret, atque talis a prudentibus potius homo nimis vindicativus, & passionatus diceretur. Secundo. Quia bona fortunæ semel amissa verisimiliter amplius recuperari nequeunt, uti supponitur; alias enim nec liceret propter eadem raptorem occidere; cum excederetur moderamen inculpatæ tutelæ: Eccontra vero bona famæ vel honoris ordinarie recuperari facile possunt saltem auctoritate Judicis: puta per actionem injuriarum, per actionem ad palinodiam, per retorsionem verbalem &c. Tercio. Quia, si talis famæ defensio ordinarie liceret, tenderet in maximam perniciem Reipublicæ; præsertim, cum plurimi vel ex superbia, aut invidia, aliove malo affectu; vel ex præoccupatione judicii, amore proprio, aut aliis passionibus excæcati, facile sibi fingerent, ab hoc vel illo imminere proximum periculum infamiæ, vel læsionis honoris &c: sicque plurima committerentur duella æque, ac homicidia, & consequenter Respublica etiam nobilibus suis Civibus, alias ad eam defendendam aptissimis, copiose privaretur, prout antehac misere experta est Gallia: Vide de hoc fusius Auctores in Propositiones damnatas scribentes, notæpter Cardenam hic.

Porro, si quis non solum verbo injurioso (uti fit per contumeliarum) aggrediretur alterius honorem, sed simul aliud grave malum reale intendendo, quod haud aliter, quam armis, averti valeret; posset illud repelli per modum inculpatæ tutelæ, etiam apprehendendo gladium &c. quamvis postea sequatur alterius occisio: Ex quo Cardenas apud La Croix *lib. 3. part. 1. num. 802.* deducit: I. Quod Titius maritus, videns adulterum volentem ingredi ad uxorem suam, possit huic opponere gladium, ut deterreatur adulter, & emaneat; quod si vero ex tunc adulter vicissim stringat gladium, viam vi facturus, si Titius nequeat aliter arcere, potest occidere; & in hoc tuetur

tuetur non solum honorem suum, sed etiam jus thori; imo & vitam suam, quam stringendo vicissim gladium adulter vult Titio eripere, ut viam sibi paret ad uxorem ejusdem. II. Si Petrus fuste intentet ignominiosam percussione Pauli, qui sine gravi nota aliter fuga declinare non potest, in eo casu Paulus potest opponere gladium, ut avertat intentatam percussione graviter ignominiosam. Quod si Petrus vicissim opponat gladium, jam non tantum aggreditur honorem, sed etiam vitam Pauli; unde Paulus, si alter non possit, licite vim arcebit, etiam, si aliter fieri nequit, defensione occisiva. Idem dic, si quis præter verba contumeliosa, quibus alterum afficit, pariter tentet ipsi surripere summam notabilem in bonis fortunæ.

Quær. II. Quanta debeat esse summa in bonis fortunæ, ut censetur notabilis, ob quam liceat raptorem, seu furem servato moderamine inculpatæ tutelæ occidere, aut graviter lædere? Resp. Quantitas illa debet esse major, quam quæ sufficeret in ratione furti ad peccatum mortale. Ita Sporer *Tract. 5. in V. Præcept. Decalog. cap. 2. sect. 3. num. 157.* Ratio est; quia regulariter ad peccatum grave furti, præsertim respectu mediocriter divitis, sufficit ablatio unius aurei, qui tamen aureus, saltem regulariter loquendo, non sufficeret ad occidendum raptorem, etiam servato moderamine inculpatæ tutelæ, cum Propositio contraria superius jam allegata sit damnata ab Innocentio XI. *Ordine 31.* Ex quo infert P. Sporer, pessime egisse custodem vineæ, qui pauperculum uvæ aliquas carpentem, cum clamore monitus non mox cessaret, sclopeto trajectum occidit: Item alibi pariter peccasse custodem raparum agri, qui puerum rapas extrahentem securi jacta gravissime læsit in femore cum periculo vitæ.

Respondeo II. In specie, ac in particulari nequit quantitas regula aliqua universali definiri, sed debet considerari diversitas status, num sit Illustis, vel plebejus, dives, vel pauper &c. Ita denuo Sporer *loc. cit.* Ratio est, quia ablatio respectu unius v. g. pauperis potest esse notabilis, quæ tamen non censetur talis respectu valde divitis. Cardenas apud La Croix *lib. 3. part. 1. num. 808.* putat, respectu omnium etiam ditissimorum censeri in præfenti rem magni momenti valorem quadraginta Imperialium. Loquendo autem in specie de Pauperibus, existimat Sporer cum aliis, respectu eorum rem magni esse momenti unum alterumve aureum ablatum, sine quibus difficulter aliquo notabili tempore vitam suam sustentarent: nam Propositio illa, quæ tenuit licere occidere raptorem ob unius aurei ablationem, propterea ab Innocentio XI. rejecta est; quia posuit, id licere *regulariter*, quod utique falsum est; non tamen obstat doctrinæ Patris Sporer, non regulariter, sed tantummodo in casu extraordinario respectu pauperum loquentis. Quoad vero magis divites admittit Molina *Tom. 4. tract. 3. disp. 16.* nec quatuor ducatos sufficere, ut propter eosdem fur occidi licite possit, sicque mitti in infernum. Porro, an etiam per moderamen inculpatæ tutelæ, & absque peccato alterum occidens non incurrat irregularitatem ex defectu lenitatis, dicitur *Tract. 13. disp. 3. n. 65. & seqq.*

Quær. III. An liceat raptorem Bonorum fortunæ occidere, non solum tunc, quando intentat eadem auferre, sed etiam, quando talia jam actu abstulit, & cum his sese fugæ commisit? Resp. Affirmative, si fur sit sub actuali fuga constitutus, & talis res, quæ sit magni momenti, alia via recuperari nequeat. Ita Sporer *Tract. 5. cap. 2. sect. 3. num. 156.* La Croix *lib. 3. part. 1. n. 810.* & apud eundem Card. de Lugo cum communi. Ratio est; quia re ipsa talis fugiens, antequam rem in locum tutum ponat, censetur continuare actualem aggressionem, & ablationem, uti recte advertit Illung apud La Croix *loc. cit.* Adeoque, sicut sub actuali aggressionem, ita & sub actuali fuga licebit occidere, si alia via recuperandi non superfit: Neque censetur exerceri vindicta, sed potius moderamen inculpatæ tutelæ, præsertim, si quis talem fugientem clamando, dum tempus adhuc permittit, præmoneat; quod, nisi rem dimittat, sclopetum v. g. in eum explodat.

Dices: Si quis alteri non solum verbalem, sed etiam realem injuriam v. g. infligendo alapam, aut fuste percutiendo intulerit, & postea autegerit, talis actu fugiens nequit occidi: ergo etiam actu fugiens occidi non poterit, qui damnum intulit in bonis fortunæ. Antec. patet ex Propositione damnata ab Innocentio XI. & superius *num. 26.* relata. Consequentia vero videtur tenere a fortiori; cum talis injuria realis, præsertim Equestri, Nobili, alterive honorato viro illata, apprehendatur majus sæpe malum, quam furtum quadraginta Imperialium. Resp. neg. consequentiam, & paritatem. Disparitas est, *in primis*; quia alter per ipsam turpem fugam, jam se reum videtur fateri, ac ignavum & timidum, sicque læso exinde suus honor redire apud alios. Deinde alia disparitas est, partim, quia occisio ordinarie loquendo non est aptum remedium ad acquirendum honorem, per alapæ inflictionem ac fustis percussione læsum; partim quia alia ordinaria suppetunt media recuperandi iterum honorem, ac satisfactionem. Unde occisio in simili casu excederet moderamen inculpatæ tutelæ, & videretur potius vindicta, quæ privato homini non licet. Quid autem dicendum foret, si irrecuperabiliter honorem una cum tuo officio perderes, dicitur post *num. 45.* Additione II.\*

### Q U Æ S T I O III.

De Homicidiis specialem malitiam continentibus.

#### S U M M A R I U M.

31. *Homicidium simplex, & qualificatum.*
32. *Occisio Parentum, Consanguineorum, &c. superaddit specialem malitiam.*
33. *Quid de abortu?*  
*Et an illum procurans, fiat irregularis?*
34. *Fætas, quando animetur?*
35. *Contra procurantes abortum rigida Bulla Sixti V. Moderata tamen per Gregorium XIV. & quomodo?*
36. *Pæna procurantium abortum fætus animati.*
37. *Gemina propositio circa materiam abortus damnata.*

38. Pro-



38. Proditio Patriæ, & machinatio contra Principem; est speciale peccatum.  
 39. Homicidium sacrilegum, quod?  
 40. Ejus duplex species.  
 (c) Ut dictum Tract. 5. Dist. 3. n. 12.  
 41. Homicidium quandoque aggravatur ex modo occidendi.  
 (d) De hoc Tract. 12. Dist. 2. n. 36. 37. & 39.  
 (e) Vide Tract. 3. dist. 1. n. 41. & seqq.  
 42. Duellum, quid, & quam graviter prohibitum?  
 43. Quando possit acceptari tempore belli?  
 44. Quid in casu mortis aliòquin inferenda?  
 45. Duella specialiter damnata.

31. **A**dvertendum, quod Homicidium generati aliud sit simplex, aliud qualificatum. Hujus posterioris generis est occisio parentum, aut personarum propin quarum; & vulgo *Parricidium* appellatur. Item Homicidium sacrilegum, proditorium, & si quod est aliud, specialem malitiæ qualitatem sive circumstantiam includens, quæ non reperitur in simplici homicidio. His prænotatis, sit

32. CONCL. I. Homicidium, quod occiditur aliqua persona sanguinis cognatione, vel affinitate conjuncta, superaddit specialem malitiam in Confessione explicandam: ut si quis occidat aliquem ex suis parentibus, vel fratrem, sororem, nepotem, aut alium cognatum, vel affinem. Ita certa, & communis. Hujusmodi enim Homicidia sunt Parricidia, & specie distincta ab aliis homicidiis: quia sunt non solum contra Justitiam Proximis conservandam, sed etiam contra Pietatem, quæ honorare debemus parentes, & (suo modo præ cæteris) personas nobis carnis propinquitatem, vel affinitate conjunctas.

33. Huc accedit, si parens deliberatè abortum fœtus animati procurat; nam non solum simplex Homicidium, sed & Parricidium committit, ut notant communiter Doctores. Quod si vero quis malitiose impediat, ne fœtus humanus concipiatur; aut per pocula, aliosvè illicitos modos, fœtus necdum animati abortum procuret; peccatis quidem graviter, & mortaliter, non tamen vere homicidium, sed quasi homicidium committit: arg. c. *Quod vero*, &c. *Moses*; 32. quaest. 2. juncto c. *Si aliquis, de Homicidio*; ubi de tali dicitur, *quod ut homicida teneatur*. Hinc, licet procurans abortum fœtus animati fiat irregularis; cum sit vere & proprie Homicida; secus tamen est dicendum, si fœtus pœdum fuit animatus. *text. clar. c. Sicut ex litterarum, de Homicidio*.

34. Cæterum animatio fœtus, post organisationem embryonis, solet in masculis accidere die 32. a conceptione, & aliquando citius; vel tardius; in fœminis 42. die, & aliquando citius; aut tardius; prout post Hippocratem notat Lessius lib. 2. de just. & jure, c. 9. num. 65. & Lugo disp. 10. secl. 6. num. 133. Fatendum tamen, quod non pauci post Glossam Clem. un. *Verf. Simul unitas*, de Summa Trinit. arbitrentur, animationem masculi 40. & fœminæ 30. die a conceptione fieri: e contra vero nonnulli, atque inter eos quidam præclari Medici, asserant, animam rationalem ordinarie statim infundi circa septimum a conce-

ptione diem; quæ proinde, ut Themistius in 1 de Ani. c. 22. loquitur, ipsa sibi efformat, & preparat domicilium, non efformatum ante & preparatum subit. Verum, quidquid sit de hoc, priorem sententiam, utpote benigniorem, & communi persuasioni conformem, Forum etiam externum sequi solet quoad pœnam homicidii ordinariam.

35. His adde cum Barbossa part. 3. de off. & pot. Episc. allegat. § 1. num. 136. & seqq. quod contra procurantes abortum, consultantes, & quocumque modo conscientes, Sixtus V. anno 1588. ediderit rigidam Bullam, quæ incipit, *Infrenatam*, ac refertur tom. 2. Bullarii Romani, Constat. 87. ipsius. Eam tamen moderatus est Gregorius XIV. in Bulla, *Sedes Apostolica*, 1591. edita (& habetur tom. 2. Bullarii Romani, Constat. 8. disti. Pont.) ubi hic pœnas procurantium abortum fœtus inanimati, vel præbentium mulieri venena sterilitatis, reduxit ad terminos Juris communis; juxta quod tales puniendi sunt ut homicidæ: c. *Si aliquis, de Homicidio*; non tamen sunt irregulares: c. *Sicut ex litterarum, eod.* Pœnas vero eorum, qui abortum fœtus animati procurant, eatenus moderatus est, ut à peccato, & excommunicatione, quam juxta Bullam Sixtinam tales incurrunt, Summo Pontifici reservatam, quilibet Confessarius, ad hos causas per Ordinarium loci specialiter deputatus, absolvere possit.

36. Sequitur proinde, quod procurans abortum fœtus animati de facto fiat excommunicatus; quamvis hæc excommunicatio non amplius sit reservata Papæ, ut dictum; Deinde sequitur, quod non sint sublata aliæ pœnæ, in cit. Bulla Sixti V. contra procurantes abortum constitutæ: uti sunt pœnæ in utroque Jure homicidis constitutæ; ac, si tales fuerint Clerici, cujusvis Privilegii Clericalis, Dignitatis, Beneficii quæ Ecclesiastici privatio, atque inhabilitas ad talia impofterum consequenda; item pœna Degradationis, ac traditionis Curia seculari, &c. Nam de hisce pœnis earumque moderamine, nihil disposuit Gregorius XIV. & consequenter eas in suo vigore reliquit, prout amplius patet ex citatis Bullis, ac Barbossa ibidem.

37. Insuper cavenda erit, quantum ad Propositionem, duplex Propositio, novissime ab Innocentio XI. condemnata; quarum prior, ordine 34. latam procuratori abortus viam aperuit, docendo: *Licet procurare abortum ante animationem fœtus, ne puella deprehensa gravida occidatur; aut infametur*. Altera, ordine 35. & malitiam prioris amplius extendens, ita sonat: *Viderur probabile, omnem fœtum, quamdiu in utero est, careere anima rationali, & tunc primum incipere eandem habere, cum paritur; ac consequenter dicendum erit; in nullo abortu homicidium committi*. Et hæc quidem Propositio manifeste refellitur ex S. Scriptura; nam legitur *Jeremia cap. 1. Antequam exires de vulva, sanctificavi te*. Et *Luce 1. Spiritu Sancto replebitur adhuc ex utero matris sue*. Et *Genes. 25. Dedit Dominus conceptum Rebecca; sed collidebantur in utero ejus parvuli*. Talia quippe, ac præsertim sanctificatio, non possunt convenire, nisi enti animato, ac supposito rationali. Prior vero Propositio merito reprobatur: quia abortus, etiam fœtus inanimati, est gravius peccatum pollutionis; cum procu-

tatio

ratio abortus opponatur proximi generationi: atqui non licet procurare pollutionem, etiam ad vitandam mortem; ergo multo minus abortum.

\* Ceteroquin tum ex dictis superioribus, tum ex Jure Canonico *lib. 3. Decret. tit. 10. num. 25.* inferes, quam infelices sint præsertim Clerici abortum fœtus animati, effectu desuper secuto, directe vel indirecte procurantes, vel consilium seu auxilium ad eundem de industria præbentes, sive sint *curati*, sive *simplices*, sive Beneficiam habeant, sive non: si enim nullum pro illo tempore Beneficium adhuc habeant, etiam tale acquirere licite nequeunt, nisi dispensetur a Papa, quamvis delictum tale sit occultum. Si vero Beneficium habent, illud quidem ante sententiam dimittere non tenentur per se; attamen ante sententiam, & licet delictum sit occultum, sunt ipso facto irregulares, consequenter præter alios irregularitatis effectus non amplius possunt, si citra infamiam abstinere valeant, juxta dicta *Tract. 2. D. 2. q. 3. n. 28.* celebrare Missas, quas tamen etiam personaliter aliqua Beneficia requirunt, consequenter vel ex hoc capite tenentur, quantum sine gravi diffamatione possunt, dimittere Beneficium, cujus obligationi nequeunt satisfacere, nisi dispensentur a Papa, quod difficillime, & non nisi urgentissimis de causis fieri solet. Unum saltem consolatorium pro talibus additur in Jure Canonico *lib. 5. Decret. Tit. 12. num. 25.* Quod nempe hi Beneficio actu possessio saltem tunc ulterius frui licite valeant, si illud præter recitationem Horarum non requiratur exercitium personale alicujus Ordinis Sacri. \*

38. CONCL. II. Patricidalibus Homicidiis addi potest Proditio Patriæ, aut si ei vis inferatur: item machinatio contra Regem, sive Principem Patriæ. Hæc enim sunt specialia peccata contra Pietatem erga Patriam, ac in Jure reputantur crimina læsæ Majestatis, & gravissimis pœnis merito subjiciuntur.

39. CONCL. III. Datur ulterius homicidium sacrilegum, & sacrilega percussio, qua peccatur contra specialem virtutem Religionis, per quam debemus honorem, & reverentiam personis, locis, aliisque rebus Deo sacratis. Ita communis.

40. Porro hujusmodi Homicidium, & percussio sacrilega, habet duas species. Una est, qua occiditur, vel percutitur injuriose aliqua persona Ecclesiastica; id est, Clericus, vel Religiosus: & tales Clericorum percussores ipso facto incurrunt excommunicationem latam *Can. Si quis suadente, 17. quest. 4.* Altera Homicidii sacrilegi species est, qua occiditur, vel percutitur quis usque ad sanguinis effusionem, in loco sacro; violatur enim tunc locus sacer, & consequenter committitur Sacrilegium. (c)

41. CONCL. IV. Insuper aggravatur Homicidium voluntarium ex modo occidendi: ut si quis occidat Proximum proditorie (hoc est, vel sub specie amicitie; vel saltem securum, nihilque mali prævidentem, v.g. veneno, a tergo, de nocte, vel per insidias &c.) aut si Assassinium Homicidium fiat, dum quis data pecunia conducit occisorem, aut illa accepta conductus occidit.

Et quidem hujusmodi circumstantiam esse in Confessione explicandam, censet Azorius *part. 3. lib. 2. cap. 18. §. fin.* eo quod specialem deformitatem contineat, quia adimit alteri jus naturale sese defendendi: unde utrumque, scilicet tam Homicidium proditorium, quam Assassinium, non gaudet Immunitate Ecclesiastica, (d) atque alias a Legibus gravissime punitur. Verum Mastrius *disp. 11. Theol. Moral. num. 119.* arbitratur, pœnas statutas contra Homicidium qualificatum. v.g. proditorium, non ostendere differentiam specificam a non qualificato: nam distinctio specifica peccatorum desumitur per oppositionem ad diversas specie virtutes, vel rectitudines. (e)

42. Quæres, quid censendum sit de Duello? Resp. *Duellum* (quod alio nomine, a Græcis derivato, *Monomachia* dicitur) est pugna singularis ex condito. Et hoc quidem, si fiat privata auctoritate (vix uno, vel altero casu excepto) Jure tum Civili, tum Canonico, sub gravissimis pœnis prohibetur. Sic, ut aliæ plures Duellantium pœnæ taceantur, in Concilio Trident. *Sess. 25. cap. 19. de Reform.* pœna excommunicationis, ac omnium bonorum suorum proscriptionis, perpetuæque infamiae, decreta est in committentes Duellum, eorumque Parrinos: simulque statuitur, ut, si in ipso conflictu decesserint, perpetua careant Ecclesiastica Sepultura: addita etiam pœna excommunicationis in spectatores, & consilium in causa Duelli dantes, ipsorumque locorum Dominos, qui locum ad Monomachiam in terris suis inter Christianos concesserint. Ratio tam rigidae Constitutionis ibidem additur: *Quia detestabilis duellorum usus fabricante diabolo est introductus, ut cruenta corporum morte animarum etiam perniciem lucretur.* Siquidem in actuali Duello decedentes recte in infernum descendunt: cum moriantur in statu actualis peccati mortalis, de quo vix habent spatium pœnitendi.

43. Notanter tamen additur, Duellum esse illicitum, *vix uno vel altero casu excepto*: Nam in primis tempore belli, quando hostis exercitui Duellum offert, licite illud acceptatur, dum necessarium videtur ad avertendam totius exercitus ignominiam, animosque hostium debilitandos, & suorum confirmandos; exemplo Davidis, qui hac de causa singulare certamen cum superbo Goliath inivisse legitur, *1. Reg. cap. 17.* Idem dicendum, si communi partium consensu totum bellum, ceteroquin nonnisi copioso sanguine terminandum, ad duorum, vel paucorum certamen revocetur: nam tunc hujusmodi Duellum loco justii belli succedit. Sanchez *lib. 2. in De. alog. cap. 30.* & alii passim.

44. Alius casus est, quando provocatus ad Duellum videt se injuste occidendum a provocante, nisi Duellum acceptet: nam, si aliud remedium non suppetat sese a morte liberandi, licite potest acceptare; quia hoc nihil aliud est, quam tueri vitam suam. Azorius *cir. l. 2. cap. 5. Mastrius disp. 11. num. 113.* & alii.

45. Verumtamen litis privatæ terminandæ causa non est licitum acceptare Duellum. *cap. 1. & seqq. de Purgatione vulgari.* Insuper cavenda erit illa quorundam opinio, quam merito inter alias

alias Propositiones, ordine 2. damnavit Alexander VII. & sic sonat: *Virequestis ad duellum provocatus potest illud acceptare. ne timiditatis notam apud alios incurrat.*

\*Et sane Propositio proxime allegata jure meritiſſimo ab Alexandro VII. damnata fuit; nam nota illa timiditatis, quæ a parte rei vel omnino non, vel ſaltem tantummodo apud imprudentes aliquos incurritur, tanti æſtimanda non eſt, ut propterea tuam & alterius conduellantis vitam tam corporalem, quam ſpiritualem manifeſto periculo temporalis ac æternæ miſeriæ exponas. Itaque, ſi aliquis ſimilibus te verbis provocat: *Si es vir honeſtus, Genuinus, Nobilis, Cordatus miles &c. pugna mecum gladio aut globo &c.* Reſpondetali provocanti: *ſum, & manebo honeſtus, genuinus, Nobilis, Cordatus miles &c. licet tecum duellum non committam, quod reuſo, non quia te ullatenus timeo, ſed quia DEUM, & leges duellum graviffime prohibentes præ oculis habeo. Quod autem te non timeam, videbis, quando me aggredi tentaveris: tuam autem provocationem merito contemno: quia idem ſonat, ac ſi diceret: ſi es honeſtus, &c. vade mecum ad ſurandum, vel adulterandum, cum atrobique ſit graviffima prohibitio.* Ita egregie P. Pichler lib. 3. Decret. tit. 14. num. 7. qui recte ſubjungit, quod, ſi qui mundani, ac minus prudentes nolint tibi ſerio proteſtanti credere, ac ſi duellum non ex juſto fine, ſed ex timore recuſes, certo tibi perſuadeas, illud credi ab aliis melioris & ſanioris mentis, utique pluris æſtimandis. Profecto, etſi juxta Statuta Illuſtriſſimi Ordinis Equeſtris S. Jacobi inter alia Candidatus Ordinis interrogetur, an numquam recuſaverit duellum provocatus, & ſi ex mera timiditate recuſaſſe deprehendatur, tamquam ignavus repellatur; non tamen quaſi indignus, ſeu ignavus repellitur, qui recuſavit duellum ex cauſa, ne Deum offendant; uti teſtatur Dominicus Viva ad Propoſitionem citatam, ab Alexandro VII. damnatam.

Aſt ponamus, quempiam e. g. Officialem Bellicum miſeris hiſce temporibus in tantis circumſtantiis ac anguſtiis eſſe poſitum, ut recuſando duellum non ſolum apud nonnullos minus prudentes incurreret periculum timiditatis, ſed etiam graviffime periclitetur de amittendo exinde officio, ſtatu, ac dignitate ſua, & competentē ſuſtentatione, ab ipſo officio dependente, quaeritur, an ſaltem tunc ad declinandam ignominia notam, cum amiſſione officii &c. conjunctam, duellum liceat inire, ſi aliud non ſuppetat medium? Ad hoc difficile quaeritum repono formalia P. Pichler l. 5. Decret. tit. 14. n. 8. qui ex Patre Seybold refert, & reſolvit ſequentem caſum.

Cajus obſcuro genere natus, ſed officio bellico Nobilis, ad quod ſua virtute eluctatus fuerat, & nobiliſſima quadam familia Germaniæ uxorem duxerat: neſcio qua occasione dein idem Cajus ab alio quodam magnæ nobilitatis officiali bellico, ejusdem fere & non multum ſupra Cajum eminentis officii, arundine ignominioſe eſt percuſſus. Nobilitatem inſaſoris reveritus, nulla uſus eſt deſenſione Cajus, vulgatur res in exercitum: Officiales reliqui contra eum proteſtan-

tur, negant, cum eo ſtare milites velle, eumque tamquam imbellem e caſtris exire jubent. Princeps Imperii, in cujus cohorte centurionem (einen Hauptmann) agebat, a Cajo imploratus, reponit: ſe non removere ipſum ab officio; cogere tamen Officiales & milites aliorum Principum ſe non poſſe, ut cum ipſo ſtent in armis, ipſe ſibi proſpiciat. Fruſtra omnia; remedium retinendi vel recuperandi Officium erat nullum, niſi monomachia ſeu duellum, quod tamen Cajus non arripuit, & ideo privatus officio; atque ad priſtinæ fortunæ ſtatum reductus ad ruricolæ ſe contulit cum ſua perilluſtri conjuge, ubi cum magna paupertate multis jam annis luatur.

Ad hunc caſum reſpondet P. Seybold, quod Cajo non modo licitum fuiſſet contra percutientem arundine in continenti ſe defendere; etiam deſenſione occiſiva, ſi aliter non potuiſſet evitare ignominiam, ſed etiam inire duellum, poſtquam vidit, aliud medium non ſuſceſſe ad honorem & ſimul Officium ſuum, unde ſe, & nobilem uxorem competentē ſuſtentare neceſſe habuit; retinendum & recuperandum. Ratio eſt; quia in hoc caſu non præciſe agebatur de puncto honoris, ſed etiam de ſtatu ſimul & Officio, conſequenter de rebus quoque fortunæ neceſſariis ad vitam convenienter ſtatu ducendam; proinde injurioſus percuſſor aliter ſatisfacere reſnuens, fuit perpetuus Aggreſſor in rebus fortunæ magni momenti; aliter non recuperabilibus. Favet huic doctrinæ Leſſius de 7. & 7. lib. 2. cap. 9. num. 49. Layman. lib. 3. par. 3. cap. 3. num. 3. P. Wieſtner lib. 5. tit. 14. num. 5. allegans plures. P. Reiſſenſtuel hum. 31. eod. tit. Ita ille. Ne autem huiusmodi Officialis bellicus conſiciatur in tantis anguſtiis, ac neceſſitatem duellandi, providere ſua auctoritate debet ſupremus militiæ Princeps; aut is, cui & iſte Princeps ſubjacet; ſaltem niſi Monomachias ad evitanda majora mala permiſſerit neceſſe haberet.

Utrum vero hi Principes ſupremi invenire medium non poſſint, quo deteſtabilis duellorum uſus, imo in huiusmodi caſibus etiam neceſſitas, tollatur, ipſis conſiderandum relinquitur. Certe ſi poſſint, & non faciant, in conſcientia tuti non ſunt, ſeveram aliquando rationem coram Divino Tribunali propterea reddaturi, tamquam cauſa tantorum, & tot malorum. Viderint etiam Conſeſſarii tallum Principum, ne ſint muti canes; ſicque ſeſe illorum peccatorum participes reddant. Potius dictis Principibus inculcent Bullam Clementis VIII. præſertim Paragraphum octavum ejusdem. Incipit dicta Bulla: *Illius vices*; & reperitur tam in Jure Canonico P. Reiſſenſtuel lib. 5. tit. 14. num. 7. quam in Bul-lario Cherubini Tom. 3.

Quæres II. Quid ſentiendum ſit de illis duellis, quæ ineuntur ea conditione, ut ceſſetur; quamprimum alteruter fuerit vulneratus, aut poſt certum congreſſum, vel ictuum numerum? Item quæ ſuſcipiuntur ſicte, ac ſine animo ſe vulnerandi, ſed tantum ut legibus duelli ſatiſfiat, & per rixam levem ex condito initam dirimantur pugnantes? Reſp. denuo cum P. Pichler loc. cit. num. 4. talia duella regulariter loquendo eſſe illicita:

Pp

prior

priora quidem: quia per se periculosa sunt etiam quoad vitam: posteriora autem, quia aliis, tale occultum pactum ignorantibus, scandalum præbent, & Clemens VIII. prohibuit quoque duella non fatalia: quamquam (subjungit P. Pichler *loc. cit.* ad hanc prohibitionem dici possit, eam solum afficere duella, quæ per accidens solummodo nullum fatalitatis periculum conjunctum habent, non vero ea, quæ per se, & ex pacto expresso, ac intentione congruentium non sunt fatalia: prout etiam cum Basszo, Diana, Tamburino, & aliis similia posteriora duella a peccato excusant Sporer *Tract. 5. in Decal. cap. 2. sect. 4. num. 204.* si aliter honor salvari, ac vilipensio vitari, nequeat, quamvis tales ad speciem duellantes etiam descenderint ad locum pugne, gladios pro forma strinxerint, & ictus aliquos sine periculo contorserint. Ita Basszus & Tamburinus apud Sporer *loc. cit.* & Bonacina, Filiucius ac Escobar apud La Croix *lib. 3. part. 1. num. 840.* poteritque hæc sententia fortassis habere præcipue locum in casu specificato *Additione II.* alias vero eandem La Croix in praxi non suadet ob periculum scandali aliorum credentium, tale duellum esse ferium.

Quæres III. Quandonam, si ex illis, qui sine sufficienti causa duellum instituerunt, unus invenitur mortuus, is possit in loco sacro sepeliri, dum ante mortem dedit adhuc aliqua signa Pœnitentiæ? Ante responsum suppon. I. Ex Concil. Trident. *Sess. 25. de Reform. cap. 19.* quod inter alias gravissimas pœnas a duellantibus incurrendas etiam numeretur illa, ut, *si in conflictu decesserint, perpetuo caveant sepultura Ecclesiastica.* Supp. II. Ut hæc, aliasque pœnæ in Tridentino specificatæ incurrantur, requiri duellum proprie dictum; unde, etsi etiam rixæ particulares cum gladiis, vel sclopetis ad vindicandum, seu (uti ajunt) ad præstandam sibi metipsum satisfactionem sint gravissimum peccatum mortale, non tamen subjacent allegatis pœnis. Supp. III. Ad duellum proprie dictum necessario requiri *in primis*, ut ab utraque parte deliberate ex condicto seu pacto prævio duellum acceptetur. *Secundo*, ut certus locus & tempus duellandi designentur: adeo, ut, si solus condicatur locus, & non tempus, vel tempus, & non locus, duellum proprie non sit. De quo vide plura in Jure Canon *lib. 5. Decret. tit. 14. num. 9.* Supp. IV. Duellum proprie dictum dividi in solemne, & privatum. Posterius præter tempus & locum ex condicto non requirit alias solemnitates; prius vero habet annexas pariter alias solemnitates, puta litteras provocatorias, vulgo Cartel, testes præsentés seu patrinos ac secundantes &c. Porro tam solemne, quam privatum, modo sit proprie tale, comprehenditur sub pœnis Concilii Tridentini & Bullæ Clementis VIII. uti recte annotatur *citato libro. 5. Decret. tit. 14. num. 2.* His suppositis.

Respond. I. Si quis duellans culpabiliter, in eodem graviter fuerit vulneratus, ac primum uno alterove post duellum die ex vulnere sub signis pœnitentiæ mortuus, talis non est privandus sepultura Ecclesiastica. Ita communis; & ratio allegata fuit in Jure Canonico loco superius ci-

tato *num. 44.* nimirum, quia vi Concilii Tridentini hæc pœna solummodo annexa est, si quis decedat in ipso duello: talis autem non censetur moraliter mori in ipso duello, sed post illud: ergo. Resp. II. Si duellum proprie tale instituens, sive dein illud sit privatum, sive publicum, brevi post vel in ipso loco duelli, vel in alio quidem loco, sed tamen paulo post duellum eodem adhuc die moriatur, sicque sine sufficienti aliquo morali intervallo, conflictum inter & mortem intercedente, caret sepultura Ecclesiastica, etsi ante mortem dederit pœnitentiæ signa. Ita partim eruitur ex *cap. 1. de Torneamentis*, partim ex Rituali Romano, jussu Pauli V. edito, Titulo de Exequiis, ibi: *Negatur sepultura Ecclesiastica morientibus in duello, etiamsi ante obitum dederint signa pœnitentiæ.* Ad duo tamen Parochus, in cujus districtu cadaver taliter duellantis, & brevi post mortui reperitur, advertat: *In primis*, num constet, quod inter eosdem intercesserit verum duellum; nam si non fuisset proprie tale, sed potius rixa, huic ante mortem signa pœnitentiæ edenti sepultura non deberet negari. *Secundo*, si fuisset duellum proprie tale, attendat ulterius, an illud sit notorium, seu publicum: etenim, si notorium non foret, in materia ista pœnali, & consequenter odiosa nequitiam denegat sepulturam absolute, sed rem deferat ad Episcopum, ejusque decisionem expectet. Quod si ob nimiam ab Ordinario distantiam decisio ejus in simili casu expectari nequiret, in Nomine Domini hunc interea, præsertim si adhuc ante obitum in loco conflictus non solum dederit signa pœnitentiæ, sed & Sacramentaliter ante mortem absolutus fuerit, sepeliat in loco sacro, remque postea deferat ad Ordinarium. Videatur La Croix *lib. 3. Theolog. Moral, part. 1. n. 863. & seqq.\**

#### Q U Æ S T I O IV.

De Restitutione ratione injusti Homicidii, vel Mutilationis.

#### S U M M A R I U M.

45. De quo Homicidio sit sermo?
47. Ratione vite proximo injuste ablata, quid teneatur Homicida restituere?
48. An hac obligatio procedat solum ex naturali æquitate,
49. Vel etiam ex justitia?
50. Omnia damna, ex occisione alterius secuta, resarciri debent, &c.
51. Corollarium.
52. Quid de restitutione ob Mutilationem?
53. An pro dolore ex vulnere, ipsaque cicatrice, sit aliquid restituendum?
- Fundamenta negativa sententia.*
54. Opposita sententia probabilior.

46. **U**T ex titulo Quæstionis patet, sermo hic est de Homicidio injusto, atque illicita mutilatione: nam certum est, quod alterum occidens in bello justo, vel ob necessariam sui defensionem, ad nullam teneatur restitutionem; quod pariter dicendum, si quis alterum penitus involuntarie, aut omnino casualiter occidat. Verum loquendo de homicidio injusto atque voluntario, fatentur omnes, homicidam teneri ad restitu-



restitutionem damni illati, utpote cum Homicidium sit actus multum damnificans proximum; non tamen convehunt Doctores, de quo damno teneatur ad restitutionem. Pro cuius resolutione, sit

47. CONCL. I. Ratione vitæ, Proximo iniuste ablatæ, tenetur homicida ex iustitia, vel saltem de consilio, & ex naturali æquitate, pro anima occisi, quem non constat esse mortuum in peccato mortali, orationibus, eleemosynis, aliisque piis operibus Deo satisfacere, ac præfertim Sacrosanctum Missæ Sacrificium pro refrigerio animæ ejus offerendum curare: quod proinde poterit ipsi convenienter pro aliqua parte Satisfactionis Sacramentalis in Confessione iungi. Hæc Conclusio sic prolata, est in re communis: nam damnificans alterum adeo graviter in vita, debet resarcire damnum illatum modo, quo poterit, meliori. Idipsum confirmant dicenda n. 49.

48. Additur in Conclusionem notanter sub disjunctione, *vel ex iustitia, vel saltem de consilio, & ex naturali æquitate*: Nam circa fundamentum hujus obligationis, adest nonnulla concertatio speculativa inter Theologos. Et quidem Lugo *disp. 11. de iust. & jure sist. 1.* Lessius, Vasquez, alique plures, volunt, dictam obligationem procedere dumtaxat ex naturali quadam æquitate, non autem ex motivo Iustitiæ: cum vita hominis non sit pretio æstimabilis, neque possit eidem adæquate, seu ad æqualitatem satisfieri.

49. Econtra vero, quod homicida teneatur etiam ex Iustitia ad aliquam restitutionem faciendam pro vita ipsius occisi, satis ostendit Doctor Angelicus 1. 2. *quæst. 62. art. 2. ad 1.* ubi solvens hanc instantiam, præmissis aliis, sic infert: *Et ideo, quando id, quod est ablatum, non est restituibile per aliquid æquale, debet fieri recompensatio, qualis possibilis est.* Idipsum expresse tenet Doctor Subtilis 4. *dist. 15. quæst. 3. §. de secundo*, tum quia pro vitæ ablatione regulariter est statuta Lex talionis; scilicet, ut homicida moriatur, sicque reddatur vita pro vita. Tum quia, si talis reddicio non fiat, tenetur quis ad aliam restitutionem æquivalentem vitæ, quam abstulit, sicut potest esse æquivalentia in talibus, hoc est, faciendam saltem in spiritualibus: nam hoc exigit Iustitia. Et per istud simul patet ad rationem oppositæ sententiæ,

50. CONCL. II. Omnia damna, ex occisione alterius secuta, etiam in Foro conscientiæ, & ante Judicis sententiam, sunt resarcienda pro possibili ab eo, qui iniuste alterum occidit. Ita Scotus *loc. cit.* & communis Doctorum. Ratio clara est: quia iniustus damnificator tenetur ex Iustitia ad reparandum damnum iniuste illatum etiam in Foro conscientiæ. Hinc

51. Infertur, expensas pro curatione occisi, dum is non statim mortuus fuit, per homicidam esse solvendas: atque insuper hæredibus ejus omnia damna lucris cessantis (id est, omnia æmolumenta, quæ occisus ex artificio, negotiatione, vel officio probabiliter ipsis lucraturus fuisset, detractis tamen iis, quæ ipsemet vivens contempsisset) esse compensanda, & restituenda. Et idem dicendum de aliis similibus, quæ tamen

omnia prudentis arbitrio in casibus particularibus sunt æstimanda.

\* Indagabis autem hic incidentaliter, quid ergo sentiendum sit de damnis temporalibus mortem occisi subsequentibus? Ubi notandum, quod damna temporalia mortem occisi *antecedentia* dicantur ea, quæ occasione homicidii inferuntur ipsimet vulnerato in bonis suis ante mortem ejusdem, de quibus proxime dictum fuit. Damna vero temporalia mortem *subsequentia* vocantur illa, quæ primum post mortem occisi inferuntur aliis personis in futurum, quibus occisus antea ex officio, vel arte, aut industria ac opera præstabat alimenta &c. modo autem præfata illis in futurum carere debent, & de his quæritur in præfati, ad quod Resp. Si alia personæ propter mortem occisi privantur in futura aliqua re, ad quam antea habuerunt quodpiam jus, tenetur occidens damnum ipsis exinde obventurum recompensare. Ita cum Lessio, Marchantio, Molina & aliis Sporer *Tractat. 5. in Decalog. cap. 3. sist. 6. num. 227. & seq.* Ratio est: quia tales iniuste per homicidam damnificantur, & privantur vero aliquo jure, quod antea habuissent respectu occisi etiam in futurum, si is supervixisset: ergo ex communibus principiis Theologiæ damnificans homicida obligatur ad resarcitionem.

Ex quo infertur, quod, si occisus reliquerit post se parentes, uxorem, vel proles, quas antea, sibi metipsis alimenta præstare insufficientes, per suum officium, artem, seu industriam alebat, quod, inquam, in supplementum occisi ante omnem sententiam Judicis teneatur idipsum modo statui competente facere homicida iniustus usque ad tempus, quo prudenter credebatur alias supervicturus alter, si non fuisset occisus, respiciendo ad ætatem ejusdem, num fuerit adhuc vegetus, & ad vires, num robustus, vel imbecillis &c. Item attendendo, usque ad quale tempus similes alter aluisset. Ratio est: quia antea hæc alimenta occisus talibus præbebat non solum ex misericordia & liberalitate, sed in similibus circumstantiis etiam debebat ex iustitia. Econtra vero, si parentes (uti subjungit Sporer *loc. cit.*) sint divites, filii jam puberes, & ad se ipsos alendos apti, uxor non egeat, utpote sufficientissime provisa aliis mediis, vel per alias nuptias in eundem felicitatis statum reposita, ad nullam restitutionem, loquendo de damnis morte subsequentibus, obligabitur homicida ante Judicis sententiam. Ratio est: quia talibus in simili casu nil debebatur ex iustitia ab ipsomet occiso, si supervixisset, adeoque non censentur veram injuriam per hoc passi. Idem dic, si occisus fuit Nobilis, vel alias opulentus, vivens sine speciali aliqua arte, vel officio de bonis propriis, quæ suis reliquit hæredibus: vel si alias talis occisus jam fuerit senex, decrepitus, infirmus, qui nihil amplius officio, arte, industria, ac opera suis procurare potuit; vel si homo iners, atque incurius extiterit, qui, arte, industria, vel opera sua neglectis, suis nihil amplius comparare solebat: etenim in similibus casibus per mortem illius familia ratione sustentationis, vel lucris nullum patitur

detrimentum, uti consideranti patet, & consequenter talem occidens, ratione damni mortem subsequenti ad nullam restitutionem obligabitur. Videantur desuper Sporer *loc. cit.* & La Croix *lib. 3. part. 1. n. 296. & seq. \**

§ 2. CONCL. III. Loquendo de restitutione ob mutilationem Proximi, & alia damna corporis, communiter ea fieri debet per compensationem pecuniariam: quæ quidem restitutio non solum debet correspondere expensis factis in curatione, sed etiam damno, quod quis incurrit per mutilationem pro toto tempore futuro, quo usus fuisset membro abscisso. Hinc in Jure Canonico *cap. 1. de Injuriis & damno dato* juxta illud *Exod. c. 21.* sic statuitur: *Si virum fuerint homines, & percusserit alter proximum suum lapide, vel pugno, & ille mortuus non fuerit, sed jacuerit in lecto, qui percusserit, operas ejus, & impensas in Medicos restituat.* Hæc ibi: Sed occasione horum.

§ 3. Quæres: cum læsio, tristitia, & dolor ex vulnere, aut carentia membri resultans, ipsaque cicatrix, sit vere damnum corporale injuste Proximo illatum, an vulnerans, vel mutilans idcirco etiam pro his obligetur ad aliquam restitutionem? Resp. Resolutionem hujus pendere ex proxime dictis *Conclusionem primam.* Nam auctores illi, qui homicidam pro vita hominis ad nullam restitutionem faciendam ex Justitia teneri censent, consequenter in proposito idem docent. Et huic sententiæ favet textus *L. ult. ff. De his, qui dejecerunt &c.* ubi legitur: *Cum liberum hominis corpus laesum fuerit, Judex computet mercedes Medicis præstitas, ceteraque impendia, quæ in curatione facta sunt: præterea operas, quibus caruit, & cariturus est ob id, quo inutilis factus est: cicatricum autem, & deformitatis nulla sit æstimatio, quia liberum corpus nullam recipit æstimationem.* Hæc ibi.

§ 4. Hæc sententia probabilis est, tum ob allegatum textum Juris Civilis, additamque rationem; tum ob multiplicem Auctoritatem. Opposita tamen sententia est probabilior, ac fundamentis Doctoris tum Angelici, tum Subtilis *num. 46.* relatis, conformior. Nam allegatus textus Juris præcipue loquitur pro Foro externo, in quo negatur Actio pro cicatricibus; id est, nulli conceditur Actionem instituere ad petendum aliquid in Foro externo pro cicatricibus, aut vita hominis: siquidem de iis, quæ spectant ad Forum conscientie, Jus Civile minus fuit sollicitum, si ceteroquin provideatur pacificæ & bonæ Reipublicæ gubernationi. Unde Lessius *lib. 2. de just. & jure cap. 9. dubitat. 11.* non obstante, quod priorem sententiam amplexus sit, tandem *num. 145.* fatetur, pro damno vitæ, & pro injuria deberi satisfactionem quamdam signis doloris, & petitione veniæ: imo interdum, saltem ex charitate, & naturali æquitate, adesse obligationem ad aliquam pecuniariam satisfactionem, præsertim si hæredes sint pauperes.

\* Quæres II. Quidnam sit præctice injungendum homicidæ in confessionali pro aliqua satisfactione? Ad hoc quæsitum P. Sporer (etsi teneat is, homicidam directe ratione privationis vitæ per se ad nullam obligari recompensationem, cum

ea fuerit bonum altioris ordinis) nihilominus *Tract. 5. in Decalog. cap. 3. sect. 2. n. 60.* respondet ex Comitolo *lib. 4. Moral. cap. 11. num. 8.* uti sequitur: *Homicida Penitentia salutaris esset I. Veniam petere a Propinquis occisi.* Supple: si homicidium sit publicum, nihilque aliud obstat. II. *Iisdem omnia damna resarcire* (intellige modo superius in hac quæstione indicato) ubi bene distingue inter damna mortem occisi antecedentia & inter subsequencia. III. *Pro anima defuncti per unum annum singulis septimanis curare unam Missam celebrari*, aut saltem, puto ego, si divitiæ defuncti, semel specialiter eandem intra septimanam pro anima defuncti devote audire) IV. *Aliquam elemosinam taliter per annum juxta homicidæ facultatem pauperibus erogare.* V. *Litanias vel Rosarium B. Virginis eodem modo per annum persolvere.* VI. *Præterea per eundem annum semel per mensem communicare.* VII. *Per totam vitam quotidie unum Pater & Ave flexis genibus pro anima occisi persolvere.* Hæc Comitolus; interea tamen non necessario Confessariorum homicidæ adstringitur ad singula, sed poterit in aliquo easu particulari quoad multa, quæ non concernunt resarcitionem Juris læsi, penitentiam pro sua prudentia augere, vel minuere juxta conditionem personæ penitentis, aliasque circumstantias.\*

#### DISTINCTIO IV.

##### De Sexto Præcepto Decalogi.

#### QUÆSTIO I.

De Castitate, & opposito vitio Luxuriæ, ac utriusque speciebus.

#### SUMMARIUM.

1. *Quæ hoc Præcepto prohibeantur, & cur hic agatur de Castitate?*
2. *Castitas, quid?*
  - (a) Conformiter dictis *Tract. 7. dist. 1. n. 24.*
3. *Castitas alia perfecta, alia imperfecta.*
4. *Castitas adhuc triplex.*
5. *Conjugalis, vidualis, & virginalis, quæ cæteris est perfectior.*
6. *Virginitas, quid, & quæ importet?*
7. *Quid de Virgine vim passa?*
8. *Luxuria, quid?*
  - (b) Ut dictum *Tract. 3. dist. 3. quæst. 3.*
9. *Luxuria species, quæ?*
10. *An omnes distinguantur in genere Luxuria?*
  - (c) *Tract. 5. Dist. 3. n. 11. 14. & 15.*

1. **S**exto Decalogi Præcepto, quod *Exod. cap. 20.* proponitur his verbis: *Non machaberis*, non solum prohibetur Adulterium, quod proprie *Machia* dicitur, verum etiam universaliter omnis illicitus concubitus, & inordinatus actus in materia venerea. Antequam autem fœditas, malitiaque hujus vitii explicetur, cum contraria juxta se posita magis elucescant, operæ pretium fore visum est, ipsius Castitatis naturam, excellentiamque declarare; quam admiratus Sapiens exclamando dixit: *Sap. 4. O quam pulchra est casta generatio cum claritate! Immortalis est*

est enim memoria illius : quoniam apud Deum nota est, & apud homines.

2. CONCL. I. Castitas est species Temperantiz, quæ moderatur inordinatum appetitum, usumque venereorum, Ita communis. (a) Sicut enim Abstinencia, & Sobrietas moderantur inordinatum appetitum & usum in esculentis, & potulentis, ita Castitas moderatur inordinatum appetitum venereorum.

3. CONCL. II. Castitas generatim alia est perfecta, alia imperfecta. *Perfecta* est, quæ ab omnibus voluptatibus carnis, tam licitis, quam illicitis, perpetuo abstinere proponit: unde hæc etiam affectum nuptiarum excludit. *Imperfecta* vero est, quæ ad tempus dumtaxat id proponit, vel solum intendit ab illicitis abstinere, sed licitis moderate uti, prout fit in Matrimonio.

4. Deinde Castitas communiter dividitur in Conjugalem, Vidualem, ac Virginalem. Et de hisce tribus Castitatis speciebus mentionem faciens D. Augustinus *lib. de Viduitate* inquit: bona est pudicitia conjugalis, melior vidualis, & optima virginalis. Item D. Hieronymus *cap. 13. in Mattheum*, & *lib. 1. contra Iovinianum*, ac alii, fructum centesimum assignant Virginibus; sexagesimum Viduis, & trigessimum honestis, piisque Conjugibus.

5. *Castitas conjugalis* est prædicta Castitas imperfecta, quæ delectationes tactus circa res venereas moderatur in conjugatis, ut debito & licito dumtaxat modo admittantur: videlicet causa prolis, aut vitandæ incontinentiæ, vel reddendi debitum; & hoc temporibus, ac locis congruis, modo naturali, non autem explendæ libidinis gratia. *Castitas vidualis* est, si post obitum alterius conjugis servatur perfecta Castitas. Tandem *Castitas virginalis* est ipsamet Virginitas: & hæc est absolute perfecta Castitas, & omnium perfectissima; prout ostendit D. Apostolus 1. *Corinth. 7.* estque unanimis SS. Patrum sententia; ac novissime definitum in Concilio Trid. *Sess. 24. Can. 10.* ibi: *Si quis dixerit, statum conjugalem anteposendum esse statui virginitatis, vel celibatus, & non esse melius & beatius manere in virginitate, aut celibatu, quam jungi matrimonio, anathema sit.* Concordant dicta n. præced.

6. Porro Virginitas describitur a S. Augustino *lib. de S. Virginitate, cap. 13.* quod sit in carne corruptibili incorruptionis perpetua meditatio. Duo enim dicit Virginitas, integritatem; videlicet corporis, in tantum, ut numquam in perpetuum consentiatur in carnis corruptionem; ac insuper propositum observandi integritatem illam in perpetuum. Unde vere Virgines non sunt parvuli, quantumvis carne integri, quia hujusmodi propositum non habent: neque adulti volentes aliquando nubere, eo quod propositum perpetuo servandi Virginitatem non habeant: nec etiam illi, qui mentaliter consentiunt in rem veneream sine opere subsecuto, ob rationem proxime dictam. Verum in his Virginitas amissa adhuc recuperabilis est per poenitentiam, ut habet Summa Angelica *Verf. Virginitas*, & Sylvester *ibidem n. 2.* & alii. Quamvis Lessius *lib. 4. c. 2. num. 119.* arbitretur, in talibus

non manere virtutem Virginitatis, eo quod hæc dicat propositum perpetuo abstinendi a venereis: licet adhuc vulgo dicantur *Virgines*, quia manet corporis integritas, adeoque status ille, qui communiter vocatur Virginitas.

7. Additur notanter, in tantum, ut numquam consentiatur in carnis corruptionem; qualis fit per fornicationem, aut pollutionem voluntariam, &c. Exenim nihil obest Virginitati, si claustra pudoris violenter infringantur per involuntariam pollutionem, aut passivam oppressionem Virginis, si desit consensus hujus in ipsam. Quinimo tunc locum habet illud S. Lucie Virginis & Martyris dictum ad Paschasium Præfectum: *Si invitam jussus violari, Castitas mihi duplicabitur ad coronam.*

8. CONCL. III. Castitati opponitur *Luxuria*, quæ est inordinatus appetitus, vel usus venereorum. Ita communis. Et istud ceteroquin turpissimum vitium, est unum ex septem peccatis Capitalibus, (b) de quo recte Doctor Angelicus 2. 2. q. 151. art. 4. ad 3. dicit, quod inter cetera Intemperantiæ vitia, præcipue sunt exprobabilia peccata venerea.

9. CONCL. IV. Species *Luxuriæ* sunt septem, videlicet simplex Fornicatio, Adulterium, Incestus, Stuprum, Raptus, Sacrilegium, & Vitium contra naturam: quorum ultimum subdividitur in Mollitiem, Bestialitatem, Sodomiam, ac indebitum concumbendi modum. Ita *Mastrius disp. 15. Theol. Mor. n. 141.* Sannig. *disp. 2. de Temperantia, quæst. 3. num. 4.* & alii: quamvis nonnulli omittant Sacrilegium; id est, Sacrilegium concubitus a persona, vel cum persona per votum simplex, vel solemne Castitatis, aut susceptionem Ordinis sacri Deo sacra, commissum.

10. Notat tamen *Herinex disp. 2. de Temperantia, quæst. 3. num. 19.* quod proprie sola Fornicatio, & Vitium contra naturam, specie distinguantur in genere *Luxuriæ*. Nam cetera, quantum ad malitiam *Luxuriæ*, conveniunt cum Fornicatione, cui singula supperaddunt specialem malitiam extra genus *Luxuriæ*. Adulterium quidem malitiam Injustitiæ, Incestus malitiam contra Pietatem, Stuprum malitiam violentiæ, &c. In proposito de singulis (dempto Sacrilegio, de quo jam alibi (c) dictum) specialiter loquendo, fit

## Q U Æ S T I O II.

De Fornicatione, Adulterio, & Stupro.

### S U M M A R I U M.

11. Fornicatio, quid, & quam grave peccatum?
12. Fornicatio est intrinsece mala.
13. Concubinus, quid, & quanta ejus malitia?
14. Fornicatio cum sponsa alterius, an addat specialem malitiam?
15. Peccatum carnale fidelis cum infideli, an habeat malitiam specie distinctam?
16. Adulterium, quid, & quot modis contingat?
17. Adulterii quanta malitia, & quæ ejus pæna?
18. Adulterium est gravius Fornicatione, etiam

consensiente altero conjuge.

19. Stuprum variis modis accipitur.

20. Stuprum propriissime, quid, & quæ pena ejus?

11. **C**ONCL. I. Simplex Fornicatio est peccatum Luxuriæ, quo solutus cum soluta per carnalem commixtionem peccat. Ita communis. Et quidem Fornicationum esse peccatum mortale, de Fide est; & habetur ex illo ad Ephes. 5. *Omnis fornicator, aut immundus non habet hereditatem in regno Christi, & Dei: & ad Galat. 5. Manifesta sunt autem opera carnis, quæ sunt fornicatio, immunditia, impudicitia, luxuria, &c. & his similia: quæ prædico vobis, sicut prædixi, quoniam, qui talia agunt, regnum Dei non consequentur, & alibi.*

12. Quinimo Fornicatio non solum est peccatum mortale ex prohibitione legis Divinæ, sed etiam est intrinsece mala, ipsique rectæ rationi dissona. Hinc quippe D. Apostolus 1. Corinth. 6. pluribus rationibus demonstrat malitiam ejus; implicat autem, quod malitia cujuspiam probeatur argumentis petitis a ratione, nisi ejusmodi malitia sit dissona rationi. Accedit, quod vagus concubitus, sive fornicarius, sit contra bonum prolis: nam ad educationem hominis non solum requiritur cura matris, a qua nutritur; sed multo magis cura patris, a quo est instruendus, & defendendus, atque in bonis tam interioribus, quam exterioribus promovendus: ac proinde contra naturam hominis est, quod utatur vago concubitu, utpote per quem tollitur certitudo prolis respectu patris, & econtra; prout optime argumentatur Doctor Angelicus 2. 2. quæst. 154. art. 2. Hinc merito Innocentius XI. sequentem inter alias, ordine 48. Propositionem damnavit: *Tam clarum videtur, fornicationem secundum se nullam involvere malitiam, & solum esse malam, quia inordinata, ut contrarium omnino rationi dissensum videatur.*

13. Ad hanc Luxuriæ speciem reducitur Concubinatus: qui est Fornicatio continuata cum certa aliqua persona soluta, & cohabitatio cum illa. Estque peccatum grave, ac periculosum, eo quod hominem in continuo statu peccati mortalis detineat: quia Concubinarius, quamdiu Concubinam retinet, in continuo proposito, saltem virtuali, peccandi permanet; ut proinde de ejusmodi homine Concubinarius dici possit illud Job. cap. 15. *Bibit quasi aquam iniquitatem.* Unde Doctores communiter docent. Concubinarium, sicut & Meretricem, absolvi ordinarie non debere, nisi dimissa prius concubina, eaque e domo ejecta; alioquin enim non adesset in ipso firmum propositum emendationis, cum vellet perseverare in occasione proxima peccandi.

\* Porro, fornicatio alia est perfecta, alia imperfecta. Prima contingit, quando semen viri soluti immittitur in vas debitum feminae solutæ: atque de hac fit sermo in quæstione præsentis. Fornicatio imperfecta censetur, quando a solutis copula solummodo imperfecta exercetur, puta, quando vir sub actuali copula, vel omnino nullum semen emittit; vel post inceptam copulam, excitata jam ad feminandum natura, resistit, &

nonque dispergit extra. Atque id, si ita fieret in actu fornicario (idem dic, si contingeret in adulterio, & stupro) necessario in Confessionali deberet explicari; quoniam fornicatio perfecta & imperfecta distinguuntur specie, atque hæc copula imperfecta, si exerceatur absque emissionem ullius seminis, continet peccatum impurissimi tactus, seu, uti loquitur Sporer hic, actum extremæ impudicitiae cum manifesto periculo pollutionis; quando vero illud ad extra dispergitur ad impediendam imprægnationem, prout sæpius fit, reduceretur ad peccatum mollietiei cum affectu fornicario conjunctæ.

Econtra vero, posito, quod copula exerceatur cum emissionem seminis in vas debitum, censetur adhuc fornicatio perfecta ejusdem speciei, quamvis non servetur modus, seu sitas naturalis, sed fiat stando, jacendo a latere, a tergo brutorum more, vel exerceatur viro succubito, dummodo cateroquin ipsum sentien extra non dispergatur, atque exinde generatio impediatur: etsi enim similes modi ex mera luxuria exerciti merito sint improbandi, non tamen in simili casu transferunt fornicationem ad alienam speciem novam. Hinc pro praxi (inquit Sporer part. 4. Theolog. Sacrament. cap. 3. sect. 1. num. 574.) quando soluti consentunt, se commisit; se fornicationem, & aliquando modestis terminis interrogando rescitur a Confessario, quod eadem non imperfecta fuerit, sed perfecta, ad evitandum modo possibili scandalum etiam pusillorum, neutiquam ulterius a Confessario ordinarie urgeantur, præsertim feminae, de modo, & situ, quo copulam exerceverunt: quia juxta jam dicta, & juxta dicenda num. 66. per diversum situm, & distinctum modum non additur præter peccatum fornicationis aliud grave, nec mutatur species fornicationis, sed tantummodo aggravatur, modo semen viri adhuc finaliter ad vas naturale feminae deveniat, ibique retineri valeat. Videatur Sporer loc. cit. cap. 2. sect. 3. num. 493. \*

14. Quæres: an Fornicatio cum sponsa alterius de futuro, addat specialem malitiam? Affirmant multi Doctores, sponsalia addere Fornicationi sponsi, aut saltem sponsæ, novam malitiam injustitiæ specie distinctam, & in Confessione necessario explicandam. Econtra alii negant, & quidem probabilius, ut docet Mastrius disp. 11. Theol. Mor. num. 119. Ratio hujus posterioris sententiæ est: quia per sponsalia de futuro nondum sponsus acquisivit jus in corpus sponsæ; hoc enim jus consequitur solum per Matrimonium de presenti.

15. Quæres ulterius: an peccatum carnale personæ Fidelis cum infideli, v. g. Judæa, vel Turcissâ, sit Fornicatio simplex, vel addat novam malitiam specie distinctam, & in Confessione necessario aperiendam? Affirmat hoc posterius Sanchez lib. 7. de Matrim. disp. 5. cum nonnullis aliis, eo quod speciali ratione conjugium Fidelis cum Infideli fuerit prohibitum per Ecclesiam, videlicet ob motivum Religionis; & quia talia conjugia sunt damnosa tum Fideli, tum bonæ educationi prolis; atqui hæc eadem ratio militat in accessu fornicario; ergo. Negant econtra Azorius part. 3. lib. 3. cap. 29. Tamburinus, Diana,



Diana, Filiucius, & alii, tum quia nullo jure probatur, malitiam illam esse specie distinctam: tum quia in Matrimonio est longe major conjunctio, quam in accessu fornicario; ergo non valet assumpta paritas.

16. CONCL. II. *Adulterium* est peccatum Luxuriae, quo violatur fides conjugalitatis, & fit accessus ad alienum thorum. Contingit vero Adulterium tribus modis. I. Quando solutus miscetur carnaliter cum conjugata. II. Quando conjugatus cum soluta: III. Quando conjugatus cum conjugata. Et quidem primis duobus modis committitur Adulterium simplex: tertio autem modo duplex, necessario proinde in Confessione aperiendum: quia tunc duae injuriae committuntur in utriusque conjugem innocentem, ac fidem duplicem conjugalem duplexque Sacramentum Matrimonii.

17. Porro Adulterium esse peccatum mortale, certum est; unde specialiter hoc sexto Decalogi Praecepto dicitur: *Non machaberis*. Quinimo tanta ejus est malitia, ut ei secundum Leges Civiles poena capitis statuatur. I. Quamvis 30. C. Ad leg. Jul. de Adulteriis, ibi: *Sacrilegos Nuptiarum gladio puniri oportet*: juncto §. Item Lex Julia, Instit. de Publicis Judiciis. Quamvis Doctores velint, hanc poenam non competere, nisi pro Adulterio duplicato, sive formato (quale est, quod committitur a personis utrinque conjugatis) vel saepius repetito, id est, de quo jam semel punitus est Reus; atque etiam haec poena in foeminis ob sexus fragilitatem mitigata fuerit. Aurb. sed hodie, C. ad Leg. Jul. de Adult. ubi inter alia statuitur, quod hodie adultera verberata in Monasterium mittatur.

18. Insuper certum est, Adulterium esse gravius peccatum simplici Fornicatione: quia praeter communem Luxuriae malitiam, quae etiam datur in Fornicatione, continet novam & specialem injustitiam, atque injuriam, quae infertur conjugii innocenti, cujus jus in corpus suae consortis violatur, simulque Statui ac Sacramento Matrimonii. Et hoc intellige, etiam si alter conjux consentiat in ejusmodi turpem actum: adhuc enim ob injuriam, fidei conjugali, & Sacramento Matrimonii irrogatam, est Adulterium, & continet specialem malitiam. Unde Innocentius XI, hanc inter alias, ordine 50. Propositionem merito damnavit: *Copula cum conjugata, consentiente marito, non est adulterium, adeoque sufficit in Confessione dicere, se esse fornicatum*.

19. CONCL. III. Stuprum tribus modis sumitur. Primo, pro omni concubitu legibus prohibito. Sic non tantum Defloratio virginis, sed etiam Adulterium, Incestus, & Sodomia, Stuprum dicitur. Quomodo Stuprum in Jure Civili quandoque sumitur; ut l. Inter liberos, ff. Ad legem Juliam, de Adulteris: ibi: *Lex Julia stuprum, & adulterium promiscue appellat*. Et l. Stuprum, ff. eod. ibi: *Adulterium in nupta admittitur, stuprum in vidua, vel virgine, vel puero; cum concordantiis*. Deinde, & magis stricte, Stuprum sumitur pro illicita defloratione Virginis, sub cura parentum existentis: ut loquitur D. Thomas 2. 2. quaest. 154. art. 6.

20. Tertio tandem, ac propriissime, Stuprum sumitur pro violenta virginis corruptione. Unde Stupratores, & corruptores Virginum, proprie dicuntur illi, qui vim inferunt: Et sic propria ratio Stupri consistit in hoc, quod Virginitati, seu claustro virginali vis inferatur: quare supra Fornicationem addit injuriam gravem in puellam, cui per vim integritas corporis (quae maxime aestimari solet, ac debet) adimitur. Sic Stuprum est gravissimum peccatum: quod etiam juxta Jus commune Caesareum poena mortis plectitur, sive illa persona, cui vis illata est, sit Virgo, sive corrupta, puta maritata, aut vidua, §. *Si autem*, Instit. de publicis Judiciis, & alibi: licet adhuc gravius puniatur in Virgine, ob deflorationem.

### QUESTIO III.

De obligatione Restitutionis ratione Stupri, & Adulterii.

#### SUMMARIUM.

21. Qui virginem consentientem defloravit, an teneatur ei ad restitutionem?
  22. Vel saltem parentibus ejus?
  23. Quid pro Foro externo?
  24. Quid, si vi, vel fraude quis usum corporis a virgine extorsit?
  25. Limitatio hujus solutionis.
  26. Qui sub promissione Matrimonii, etiam ficta, aliquam defloravit, teneatur eam ducere.
  27. Limitatur hoc.
  28. Partu non secuto, an conjux adulterans teneatur quid restituere?
  29. Secuto partu teneatur Adultera damnum resarcire, quibus?
  30. Quibus modis id fieri possit?
  31. Non teneatur Adultera crimen suum revelare.
  32. Nec filius teneatur credere matri, asserenti, se esse spurium.
  33. Quid dicendum de Adultero?
  34. Quando, & quomodo ipse teneatur ad restitutionem.
- (a) Ut dictum superius Dist. 2. n. 44.

21. CONCL. I. Qui Virginem consentientem defloravit absque vi, vel fraude, aut promissione Matrimonii, corruptor in Foro conscientiae ad nihil ei tenetur; quidquid sit de Juris humani dispositione, quae ante sententiam Judicis non obligat. Ita Lessius l. b. 2. cap. 10. dubitas. 1. & 2. Matrius disp. 9. Theol. Mor. n. 57. & alii. Ratio est: quia volenti non fit injuria, juxta Reg. 27. Juris in 6. ibi: *Scienti & consentienti, non fit injuria, neque dolus*. Quinimo tunc non committitur proprie Stuprum, cum absit vis: licet in sensu largiori Stuprum appellari possit.

22. Et quamvis aliqui Doctores velint, in tali casu corruptorem teneri aliquid restituere parentibus, vel iis, sub quorum cura est puella deflorata, eo quod & his videatur injuria, damnumque aliquod irrogatum; cum hac de causa cogantur augere dotem ad invenendas filiae aequae competentes nuptias, ac si violata humquam

numquam fuisset: Alii tamen magis communiter, & probabiliter, id negant, ut notat citatus Mastrius n. 58. Idque tum ob rationem prædictam: tum quia puella habet liberum usum sui corporis; potestque absque parentum, vel curatorum injuria, nubere ad libitum, etiam minus æquali; ergo neque puella eis injuriam facit neque deflorator, de puellæ ipsius consensu apponens impedimentum meliorum nuptiarum.

23. Dicitur in Conclusionem, in Foro conscientie: Nam in Foro externo virgo deflorata semper præsumitur seducta, nisi contrarium probeatur. Lugo disp. 12. de just. & jure, num. 3. Et hinc deflorator obligatur ad restitutionem illam, quam Jura imponunt iis, qui Virginem seduxerunt; de quibus Jure Canonico cap. 1. de Adulteriis, sic statuitur: *Si seduxerit quis virginem nondum deponsatam, dormieritque cum illa, dotabit eam, & habebit uxorem. Si vero pater virginis dare noluerit, reddet pecuniam juxta modum dotis, quam virgines accipere consueverunt.* Cæterum ante sententiam Judicis corruptor ad hoc non tenetur, si absque vi, vel fraude, virginem sponte consentientem defloravit.

24. CONCL. II. Nihilominus, qui vi, aut fraude usum corporis a Virgine extorsit, etsi absque promissione Matrimonii, tenetur eam vel Matrimonio sibi copulare, vel damnum aliunde reparare. Ita Lessius loc. cit. n. 10. Mastrius n. 59. Navarrus, & alii. Ratio est: quia tunc damnum per injuriam illatum est; ergo debet refarciri: hoc autem fit vel Matrimonio, vel damni æstimatione; ergo ad alterutrum horum tenetur, & quidem in Foro conscientie, atque ante sententiam Judicis.

25. Hoc tamen intelligendum est cum cit. Lessio n. 15. & aliis, nisi puella talis postea æque commodis potita sit nuptiis, ita ut nihil detrimenti acceperit: quia in tali casu deflorator non obligabitur eidem quidpiam necessario restituere, cum damnum nullum re ipsa sit secutum, præter ipsam pudicitie deflorationem, quæ irreparabilis est, & pretio non æstimanda. Et hoc plerumque contingit, quando defloratio virginis est occulta, nec coram hominibus manifestata.

26. CONCL. III. Qui promissit conjugium, & ea spe seu conditione usum corporis impetravit, tenetur eam ducere, etiam si fecte promississet. Ita citati Auctores. Ratio est: quia vel sincere promissit corruptor Matrimonium, & tunc tenebitur vi promissionis; nam omne promissum cadit in debitum: vel fecte, & tunc tenebitur ratione injustæ deceptionis, atque subsequente læsionis.

27. Excipe, nisi deflorator talia signa dederit, quibus fœmina sufficienter agnoscere potuit, promissioni subesse dolum, aut ipsam conditionis, seu status inæqualitatem agnoscens, facile suspicari potuit, illum simulate solum nuptias promittere, ut ea frueretur. Ratio hujus limitationis est: quia in tali casu ipsa non præsumitur decepta, sed fingere deceptionem, ac ex mera sua voluntate consensisse in actum turpem; unde corruptor in Foro conscientie ad nihil ei tenetur, juxta dicta n. 52. & notat citatus Mastr. n. 62. cum aliis.

28. CONCL. IV. Quantum attinet ad obligationem restitutionis ex Adulterio provenientem; etsi Adulterium sit peccatum gravissimum & contra Justitiam, eo quod adulterans privet conjugem innocentem jure suo, quod habet in corpus ipsius: si tamen partus, aut aliud damnum non sit secutum, non tenetur conjux adulterans pro hac injuria, conjugi innocenti illata, ad aliquam compensationem pecuniariam, sed sufficit satisfactio per signa doloris, aut veniæ petitionem ab offenso, si eidem Adulterium conjugis innotescat. Quod si injuria talis sit penitus occulta, hæc satisfactio locum non habet, sed sufficit seria pœnitentia, & satisfactio coram DEO. Ita communis.

29. CONCL. V. Quod si partus sit secutus, tenetur Adultera, quantum fieri potest sine famæ dispendio, & vitæ periculo, procurare, ne legitimi hæredes, ac alter conjux innotens, ratione hujus suppositæ illegitimæ prolis aliquod damnum patiantur. Ita Scotus 4. diff. 15. qn. 2. & communis aliorum. Ratio clara est: quia per educationem prolis adulterinæ minuitur substantia legitimorum filiorum, alteriusque conjugis innocentis, & si proles adulterina supervivat, atque cum legitimis filiis hæreditatem adire velit, multum illis rursus de sua portione detrahetur. Atque horum omnium damnorum causa est conjux injuste supponens partum adulterinum: ergo ipsa ex Justitia tenetur laborare, ut hæc damna legitimis hæredibus non obveniant; aut, si eventura sunt, in alio refarciantur, sicque fiat debita restitutio, seu recompenratio damnorum illatorum.

30. Quæres autem, quomodo hujusmodi restitutio, seu damnorum illatorum compensatio, fieri possit? Resp. a Doctoribus, & præsertim Scoto loc. cit. varios assignari modos, quorum principales sunt sequentes. I. Si conjux adultera habeat bona paraphernalia, debet, quantum Jura permittunt, eadem relinquere legitimis filiis in compensationem damnorum illatorum: quod idem facere poterit ex dote sua. II. Tenetur diligentiam adhibere, ut ex labore suo lucrum capiat, sicque bona filiorum legitimorum pro compensatione damnorum illatorum adaugere valeat. III. Debet solitos sumptus imminuere, quantum commode potest, spectata conditione status, valetudinis, &c. ob eundem finem. Porro si Adultera prudenter dubitet, v. g. ob vicinitatem Copulæ Mariti, num proles sit spuria, vel legitima, juxta La Croix lib. 3. Theolog. Moral. part. 2. n. 335. excusabitur ab hoc onere Restitutionis: quia in dubio præsumitur pro Matrimonio, cui proles tamquam favor adjudicatur: uti: teste eodem Auctore cum Tamburino, sentit communis.

\* Ponamus autem, quod adultera certo non sciat, sed prudenter dubitet v. g. ob vicinitatem copulæ mariti, num proles sit ex marito, vel adultero concepta, sicque legitima, vel spuria: in simili casu juxta La Croix lib. 3. Theolog. Moral. part. 2. n. 335. tam adulter, quam adultera excusabitur ab hoc onere restitutionis: quia in dubio præsumitur pro matrimonio, cui proles tamquam favor adjudicatur: uti tenent non solum Card. de Lugo, Haunoldus, & Illung,

Milung, sed etiam teste Tamburino hic lib. 7. cap. 3. §. 4. communis DD. Quod si vero ponas, ex una parte certum esse, quod proles sit ex adulterio concepta; ex altera vero incertum, a quo; cum femina intra breve tempus cum pluribus adulterium commiserit; in simili casu, recte inquit La Croix loc. cit. n. 337. singulos adulteros secundum proportionem dubii esse obligatos ad partialem restitutionem alimentorum, & partis hereditariae prolibus legitimis subtractæ, ita ut hujus portionis hereditariae unum dimidium restituere debeat adultera; alterum vero ipsimet hi adulteri loco patris certi. Ratio est; quia ex una parte hic non potest præsumi in favorem matrimonii, uti prius; quoniam certo scitur, prolem esse ex adulterio conceptam; ex altera vero parte singuli ex adulteris posuerunt causam sufficientem generandi prolem, ac præterea singuli communi opera sunt causa ipsius incertitudinis, quæ justè impedit, ne ab uno determinato exigì possit debita restitutio; consequenter censentur singuli in hoc damnum virtualiter consensisse, volendo nimirum ipsam copulam hujusmodi damnorum causativam.\*

31. CONCL. VI. Nihilominus Adultera non tenetur se prodere, aut crimen suum revelare ullo modo, neque in mortis articulo, neque per Confessarium; sed tenetur solum aliis modis jam enumeratis laborare, quantum potest, ut hereditas relinquatur veris heredibus, aut in alio compensetur. Ita communis. Ratio est: quia talis revelatio non potest fieri sine jactura famæ, atque honoris, imo nec facile fieret sine periculo vitæ, aut aliorum incommodorum: atqui cum jactura famæ nemo tenetur restituere bona fortunæ, utpote quæ sunt ordinis inferioris: ergo.

32. Accedit, quod talis revelatio plerumque sit inutilis, cum filius non teneatur credere matri suæ, asserenti, se esse spurium: tum ob præsumptionem, ac publicam opinionem, qua censetur esse legitimus filius, & natus ex Matrimonio: tum ob possessionem, in qua existit, nec proinde ex ea ejici potest, donec convincatur. Quinimo nonnulli Doctores, quos citat Fagnanus, cap. Cum esses, num. 130. de Testamentis, & sequitur Menochius, De Arbitrariis Judiciis lib. 2. Cent. 1. n. 28. fatuum reputant filium, si credat matri, asserenti, eum ex Adulterio esse genitum.

33. CONCL. VII. Loquendo nunc de Adultero, non tenetur is facile credere mulieri adulteræ, dicenti, prolem natam esse suam. Ita Doctores passim. Ratio est: quia potest probabiliter, & prudenter præsumere, feminam potius ex marito suo concepisse, nisi de opposito constet; utputa quia maritus absuit, vel concurrant aliæ conjecturæ.

34. Quod si vero Adulter cognoscat, prolem esse suam, vel certe nullam habeat justam causam dubitandi, tenetur & ipse ad restitutionem pro sua parte. Et quidem in primis obligatur restituere, seu compensare ea, quæ impensa sunt in alimenta prolis a tertio anno ætatis, & deinceps: nam educatio prolis primo quidem triennio ad matrem pertinet, sequentibus

autem annis ad patrem. (a) Deinde ejusmodi Adulter tenetur una cum Adultera resarcire damnum, quod legitimis filiis ex illegitimi successionem obventurum est, etiam si suo consilio non fuisset auctor suppositionis. Ratio est: quia Adulter iniquo facto suo una cum matre est causa damnorum filiis legitimis illatorum; ergo una cum ipsa tenetur ad restitutionem: eo præsertim, quia iniquo suo facto matrem coëgit, pro conservanda sua fama prolem adulterinam supponere. Lessius lib. 2. de just. & jure, cap. 10. dubit. 6. cum communiori; quamvis quoad hoc ultimum Sotus, Henriquez, & nonnulli alii oppositum teneant, loquendo de Adultero, qui non dedit Adulteræ consilium suppositionis.

## Q U Æ S T I O IV.

### De Incestu, & Raptu.

#### S U M M A R I U M.

35. Incestus, quid?
36. Superaddit luxuria specialem malitiam.  
Et ad quos gradus extendatur?
37. Incestus inter diversos gradus, an specie distinguantur?
38. Sententia probabilior.
39. Raptus, quid?
40. Ad Raptum tria requiruntur? quæ?
41. Quæ ejus malitia?
42. Quæ pena in Raptores constituta?

35. CONCL. I. Incestus est peccatum Luxuriæ cum consanguinea, vel affine, intra gradus jure prohibitos commissum. Ita in re communis.

36. Porro Incestus est peccatum mortale, superaddens Luxuriæ specialem malitiam; & quidem eo graviores, quo gradus consanguinitatis, vel affinitatis, inter peccantes est propinquior. Ratio est: quia est contra reverentiam juri sanguinis debitam, ipsamque virtutem Pietatis. Unde ex instinctu naturali apud omnes Gentes damnatur concubitus cum consanguineis in linea ascendente, vel descendente, imo etiam in linea collateralis intra certos gradus: quamvis Jure Ecclesiastico extensa sit postmodum talis prohibitio usque ad quartum gradum consanguinitatis, ex copula licita, seu conjugali consurgentis; vel si affinitas consurgat ex copula illicita sive fornicaria, usque ad secundum gradum inclusive ex nova Constitutione Concilii Trid. Sess. 24. de Reform. matrim. cap. 4.

37. Quæres, an Incestus inter diversos consanguinitatis, vel affinitatis gradus commissi, distinguantur specie; adeo, ut ipse gradus consanguinitatis, vel affinitatis, sit necessario in confessione explicandus? Resp. cum Mastrio disp. 11. Theol. Moral. n. 122. tres esse diversas Doctorum sententias. Nam Navarrus, Valentia, Vasquez, & quidam alii volunt, omnes illos gradus specie distingui. Econtra Tamburinus, Cajetanus, Sotus, & Thomistæ passim volunt, omnes illos gradus, & Incestus in iisdem commissos, esse ejusdem speciei. Rationem dant: quia in iis omnibus peccatur contra eandem Pietatis

virtutem, & reverentiam juri sanguinis debitam; & consequenter in omnibus reperitur una specie difformitas, licet intra eandem speciem modo gravior, modo levior, juxta majorem graduum distantiam. Et hæc sententia tunc præcipue deservire poterit, quando poenitens non potest explicare gradum Incestus, quin Confessarius veniat in notitiam complicitis.

38. Tertia sententia est media, videturque probabilior, ac in praxi communiter tenenda. Hæc in primis admittit, quod Incestus cum consanguinea specie differat ab Incestu cum affine in eodem gradu: ista enim vincula specie differunt, Lessius lib. de just. & jure, cap. 3. nu. 79. Deinde eadem sententia docet; Incestum commissum cum consanguinea in linea recta, ut puta cum matre, vel avia, specie distingui ab Incestu cum aliqua, in linea collateralis commissio, v.g. cum sorore, vel consobrina: nam nullo unquam casu licuit congressus cum consanguinea in linea ascendente, secus in collateralis. Tandem dicta sententia docet, etiam Incestum in primo gradu consanguinitatis lineæ collateralis, respectu remotiorum esse specie distinctum: quem proinde, sicut & primum gradum affinitatis, plerique Doctores in Confessione exprimendum putant. Ratio horum est: quia longe alia reverentia debita est matri, quam sorori; & consequenter immanior censetur esse Incestus cum matre commissus: prout hoc ipsum natura dicitur, a tali coitu plus, quam ab alio abhorrens. Idem dicendum respectu sororis in ordine ad alios remotiores gradus.

\* Istam tertiam sententiam equidem præfens Auctor P. Anacletus in prioribus Editionibus judicat probabilior, huic tamen contradicit noster P. Franciscus Henno Tract. in Decalog. disp. 6. q. 3. Concl. 3. qui, etsi gratis admittat, incestum quemlibet continere duo specie distincta peccata, unum contra castitatem, & alterum contra pietatem ob reverentiam sanguinis; negant tamen valde probabiliter meo judicio cum sententia secunda, unum incestum ab alio specie morali distingui. Ratio ipsius est, quia quilibet incestus ex eodem fine, & motivo prohibetur; nimirum, ut servetur honor & reverentia inter certas personas; sicut ob eandem rationem etiam furta sunt ejusdem speciei morales conformiter dictis; quia nimirum, quamvis versentur circa diversas res, sicque aliqua diversitas materialis, & accidentalis sæpius inter ipsa reperiatur, nihilominus ex eodem fine, & motivo prohibentur, nimirum, ut proximus servetur indemnis in bonis fortune: ex quo ipso fundamento dictum est, detractiones, v. g. queis quis denigratur ut fornicarius, & tamquam fur, esse ejusdem speciei, quia nimirum ex eodem motivo, ut videlicet proximus servetur indemnis in bonis fame, prohibentur \*

39. CONCL. II. Raptus hoc loco proprie dicitur, cum persona aliqua invita, vel resistente ejus parentibus, aut illis, sub quorum cura est, abducitur per vim, ad libidinem explendam, vel ad Matrimonium contrahendum. Ita desumitur ex c. Lex illa, 36. quæst. 1. & c. Si quis virginem, 36. quæst. 2. juncto Conc. Trident. Sess. 24. de Reformat. Matr. cap. 6.

40. Colligitur proinde, ad Raptum proprie dictum tria requiri. I. Abductio personæ raptæ a domo sua, vel paterna, ejusque in aliena detentio: unde Raptus non committitur ab eo, qui Virginem in domo paterna repertam ibidem violat, aut vi opprimit, sed id potius erit Scrupulum. II. Requiritur, ut abductio illa fiat causa libidinis, vel Matrimonii contrahendi: in quo casu Raptus est impedimentum dirimens Matrimonii, ex Constitutione nova Concilii Tridentini cit. cap. 6. III. Requiritur vis illata: unde, quando nulla vis infertur femina, sed ipsa sponte consentit, & insciis parentibus cum amasio discedit, proprie Raptus non est, sed fuga voluntaria.

41. Raptus igitur inter species Luxuriæ merito reponitur, ratione intentionis pertinentis ad Luxuriam; quia nempe libidinis causa fit. Quamvis simul aliam malitiam contra Justitiam includat, quæ vis infertur vel puellæ, vel parentibus, aut curatoribus ejus.

42. Unde merito graves poenæ utroque Jure in Raptores sunt constitutæ; videlicet de Jure Civili poena capitis, l. an. C. de Rapto virginum: de Jure Canonico autem publica poenitentia, & ut Raptor sine spe conjugii maneat, c. Raptor, & c. statutum, 97. q. 2. His novissime Concilium Trident. Sess. 24. de Reformat. Matrim. cap. 6. alias poenas addidit; videlicet poenam excommunicationis, a Rapto, & omnibus illi consilium, auxilium, aut favorem præbentibus, ipsa jure incurrendam, perpetuæque infamiae; quod inter Raptores, & Raptam, quamdiu hæc in potestate Raptoris manserit, nullum possit consistere Matrimonium.

## Q U Æ S T I O V.

De prima specie Peccati contra naturam, quæ est Mollities.

### S U M M A R I U M.

43. Peccatum contra naturam, quid, & qua specie ejus?
44. Mollities, seu Immunditia, quid, & quale peccatum?
45. Mollities est intrinsece mala, & in nullo casu licita.
46. Non licet Medicis media applicare infirmis ad eam procurandam.
47. Quid de aliis pharmacis?
48. Solus notabilis instantia.
49. Omnes pollutiones sunt ejusdem speciei.
50. Per accidens tamen eis conjungi possunt alie species malitie.
51. Pollutio indirecte voluntaria est peccatum mortale.
52. Quid, si non fuerit pravisus talis effectus ex posita causa secuturus?
53. Alie limitationes.  
(b) Tract. 1. Dist. 1. n. 12. & 13.
54. Qualiter peccaminosus sit effectus pollutionis, si causa est tantum venialiter mala?
55. Quid de pollutione in somno orta?
56. An sit licitum desiderare pollutionem?
57. Aut simplici affectu de ea naturaliter sicut gaudere.
58. Diffusio, quomodo differat a pollutione?
59. An hæc dicta habeant locum in Diffusione?

43. Po-



43. **P**eccatum contra naturam, quod est vitium inter ceteras Luxuriae species gravissimum, est actus Luxuriae, ex quo non potest sequi humana generatio: sive, quo pervertitur ordo a natura praescriptus, ita ut conceptio fieri nequeat. Porro huiusmodi vitium dividitur in quatuor species, videlicet in Mollitiem, Bestialitatem, Sodomiam, & Indebitum concubendi modum, de quibus singillatim in hac, & sequenti Quaestione.

44. **CONCL. I.** *Mollities*, quae alio nomine ab Apostolo 2. *Corinth.* 12. & ad *Gal.* 5. vocatur *Immunditia*, est peccatum contra naturam, per quod voluntarie Pollutio quaeritur extra concubitum. Haec est peccatum mortale, quando perfecte voluntaria existit, cum sit contra ordinem naturae, & generationis; atque excludita regno Dei, juxta illud 1. *Corinth.* 6. *Mollis regnum Dei non possidebunt.* Et cit. cap. 5. ad *Galat.* *Manifesta sunt opera carnis, quae sunt Fornicatio, Immunditia, Impudicitia, Luxuria &c. Qua praedico vobis, sicut praedixi, quoniam, qui talia agunt, regnum DEI non consequentur.*

\* Dices: Datur etiam pollutio, seu seminis effusio intra concubitum, prout saepius contingit apud solutos, qui concubendo sistunt praecise in tactibus enormibus una cum effusione seminis ad extra, ne impraegnatione coram seculo confundantur: ergo ad rationem mollitiei non requiritur, ut fiat pollutio extra concubitum. Resp. disting. consequ. non requiritur ad rationem mollitiei, ut fiat extra concubitum; si sit pollutio, seu mollities simplex, nego; si sit mollities qualificata, id est, conjuncta cum aliquali saltem copula imperfecta, concedo consequentiam. Est autem bene notandum, quod, si pollutio sit conjuncta cum concubitu, sicque in re ipsa, seu in actu exercito cum affectu ad certam personam, non solum peccatum mollitiei, sed etiam aliud juxta qualitatem personarum concubentium contrahatur, prout notatur num. 50.

Ceteroquin in definitione mollitiei studio abstrahitur, num illa pollutio, seu seminis effusio fiat intra, vel extra locum debitum, ut sic sub mollitie fluxus seminis, sive foras effundatur, uti fit in maribus, sive intus diffusetur in matricem, prout ordinarie contingit apud foeminas, sub hac descriptione comprehendatur: etenim, uti recte cum Busenbaum hic docet Henno *Tract. in Decalog. disp. 6. q. 7. art. 1. Concl. 1.* etiam foeminae, licet seminant in vase ad generationem subservienti, pollutionis tamen culpam incurrunt, dum id deliberate, & extra aliquam copulam ad generationem de se sufficientem faciunt. Hinc errant Confessarii (pergit citatus Henno) putantes, ex parte foeminarum tunc solummodo putasse pollutionem, quando aliquem fluxum humoris extra corpus sentiunt, alias non; cum tamen haec saepe exterius sentiant alicujus humoris medii, puta, menstrualis fluxum sine pollutione; imo sine delectatione illa, quae in vera pollutione, aut peccaminosa inferius explicanda dissolutione evenire solet. Econtra vero, praesertim accedentibus lasciviscogitationibus, oculis, vel tactibus &c. patiantur interius veras pollutiones sine fluxu externo: prout accidit, dum semen de vase

decisum ad matricem mittitur; quod foeminae facile sentiunt; imo magna voluptate percipiunt. Fatendum tamen, aliquando per motus valde violentos, & enormes eadem etiam exterius pati pollutionem, licet rarius. Ita ille.

Ego autem illibenter quidem haec addidi; timendo, ne castos offendam oculos, & aures; interea tamen, cum omnia sint munda mundis, addere necessarium duxi, ne tot errores in hac uti delicata, ita etiam (utinam non) frequentiori materia contingant apud Juvenes Confessarios damnantes foeminas, aliquoties illas anxias, cum maxima earum perturbatione alicujus gravis pollutionis, ubi tamen potius est fluxus menstrualis, & econtra a peccato mollitiei excusantes, ubi tamen illud vere commiserunt: interea oportet, praesertim si foeminae ipsae se in confessionali deceptor non accusent expresse, Confessarios, maxime Juvenes esse cautissimos in interrogando. In materia castratis (inquiunt Busenbaum, & Sporer tractando de Sacramento Poenitentiae) interrogationes debent esse paucae, & caute, ne vel occasionem det investigandi, aut traducendi Confessionem, aut ignorantem doceat, aut se, vel illum periculo exponat. Et Coninch ait: *Praestat aliquando Sacerdotem minus perfecte peccatum intelligere, quam sibi vel poenitenti aliquod scandalum causare.*\*

45. **CONCL. II.** Mollities est intrinsece mala, adeo ut numquam quovis praetextu, etiam sedandae tentationis (nam hoc est succumbere) vel tuendae sanitatis causa, licitum sit procurare Pollutionem: naque Medicus possit praebere medicinam eo fine, ut naturam ad eam concitet. Ita communis. Nam voluntaria illa emissio seminis humani est contra primum finem, ob quem a natura est institutum. Et si semel licitum esset, ex tali praetextu procurare Pollutionem, ob naturalem delectabilitatem, & passim praetensum ejusmodi motivum, via latissima huic foeditati aperiretur, immutando naturalem usum in eum usum, qui est contra naturam. ad *Rom. cap. 1.* cum maxima jactura generationis humanae. Hinc merito Innoc. XI. sequentem inter alias, ordine 49. Propositionem damnavit; *Mollities jure naturae prohibita non est: unde si DEUS eam non interdixisset, saepe esset bona, & aliquando obligatoria.*

46. Et hinc, quantum attinet ad alteram partem Conclusionis, media huc praecise tendentia suadere, vel applicare infirmis; gravissime prohibetur Medicus c. *Cum infirmitas*, §. *fr.* de *Fornis. & remission.* ibi: *Ceterum cum anima sit multo pretiosior corpore, sub interminatione anathematis prohibemus, ne quis Medicorum pro corporali salute aliquid aegroto suadeat, quod in periculum animae convertatur.*

47. Dicitur notanter in Conclusionem, *praebere medicinam eo fine, ut naturam ad eam concitet*: Nam dare pharmaca, quibus semen in sanguinem, vel alium humorem resolvatur, culpa vacat; ut notat Bonacina *com. 1. q. 4. de Matrimonio punct. 10. n. 11.* Sanchez, & alii. Deinde, licet forte semen, si corporis sanitati officere coeperit, detrahi possit medicamento cathartico (eo modo, quo bilis, pituita, & melancholia absque libidinis sensu) tamen non potest pelli eo actu & impetu,

quem natura fecit illi proprium, neque hoc sine a Medicis pharmacum præscribi: quia hic solius prolis causa a natura institutus est, & alioquin procuraretur pollutio. Lessius lib. 4. cap. 8. num. 96.

48. Nec obstat, quod licita sit emissio sanguinis, imo & amputatio manus ad vitæ conservationem. Resp. enim negando paritatem. Quia semen est institutum ad propagationem speciei, unde nec ejus usus aliter est licitus, nisi ob dictum finem in legitimo Matrimonio: at sanguis, manus &c. sunt ordinata ad conservationem, & functiones individui: unde non mirum, quod ob ejus conservationem expelli, vel refecari possint, cum bonum totius præferendum sit bono partis. Accedit, quod in illius emissionem subsit delectatio naturaliter consurgens, induciva ad mala in Conclusionem allata; secus in emissionem sanguinis, aut amputatione manus.

49. CONCL. II. Omnes Pollutiones secundum se spectatae sunt ejusdem speciei. Ita Azorius part. 3. lib. 3. c. 21. Bonacina loc. cit. n. 25. & alii. Ratio est: quia habent eandem deformitatem, & contrarietatem cum recta ratione.

Dicitur, *secundum se spectata*: Quia per accedens possunt conjungi aliae malitiae speciei distinctae: nam, si polluit se persona voto Castitatis obstricta, additur nova malitia Sacrilegii: si conjugatus, nova malitia contra Castitatem conjugalem, bonumque Matrimonii: si cum imaginatione, seu desiderio peccandi cum hac vel illa persona soluta, conjugata, voto Castitatis obstricta &c. alia specie distincta turpitudine, juxta qualitatem personae illicite concupitae. Et hoc ipsum erit dicendum, si istud peccatum extra concubitum committatur a pluribus personis, una adjuvante alteram: nam etiam tunc exprimenda in Confessione erit qualitas personae complicitis, utpote cujus peccato quis cooperatur, vel eam ad hoc induxit.

\* Unde pro praxi, si e. g. Titius tuus poenitens in Confessionali dicat, quod se polluerit, tu mi Confessarie non solum de numero pollutionum sollicitus esse debes, sed etiam reflexionem facere, ac, nisi aliunde jam scias, interrogare. I. De statu poenitentis, quisnam sit, num solutus, vel ligatus? II. Num accesserint tactus impudici, vel oscula lasciva &c. aut similia cum alia persona, prout frequenter contingit apud diversum sexum? Quando vero se solo fecit pollutionem, III. Utrum non habuerit pro tunc simul reflexionem, & affectum specialem, vel etiam desiderium ad alias personas, & ad quas, num ad solutas, vel ligatas? Quod si tuus poenitens respondeat, se habuisse quidem sub pollutione reflexionem ad foeminas, sed solum in confuso, ad nullam autem determinatam, vel si ad determinatam, v. g. ligatam, tantummodo quatenus formosam, ejusmodi speciem pulchram sibi intentionaliter proponendo, non autem quasi volendo, seu optando cum eadem peccare, sed a qualitate personae prorsus abstrahendo: in simili casu non contraheretur specialis malitia qualitatis ipsius personae, ut recte Spor. part. 4. Theol. Sacram. c. 3. sect. 5. n. 629. eo ferme modo, quo

inferius dist. 7. n. 15. & 16. dicitur de delectationibus morosis.

Ast ponamus, ad Confessionale tuum accedere foeminam civicam, vel etiam nobilem erubescens alias deditam (rusticellæ sub sunt nimis apertæ ultra quam necessarium, aut expediens est) quæ se accusat, quod peccaverit contra sextum Præceptum, qualiter hæc prudenter erit examinanda? Talis, præsupposita cognitione status poenitentis, num sit soluta, vel ligata &c. interrogetur I. Qualiter peccaverit, num cogitatione, verbo, vel opere, &c. Quod si dicat, ipso opere perfectæ fornicationis se peccasse, indagetur, cum quibus, & quoties, resque erit absoluta. Quando vero respondet, se peccasse quidem carnaliter, sed non perfecte, vel se non peccasse in opere, sed tantum amasio admittendo tactus impudicos, vel impura oscula &c. interrogetur II. Cum quibus personis id contigerit, num cum solutis, vel ligatis? Quod si partim cum solutis, vel ligatis? Quod si partim cum solutis, partim cum ligatis, interrogetur III. Quoties cum solutis, & quoties cum ligatis; Item IV. poterit addi pro interrogatione quarta, si in Confessione ex circumstantiis colligatur, quod tactus fuerint aliquo modo magis qualificati, aut oscula in longius tempus protracta, seu voluptas valde intensa exinde captata, poterit (inquam) addi, num nihil aliud exinde sit subsecutum? Si respondeant: Nihil, in Nomine Domini conformiter dictis Addit. II. post num. 44. superseadeat ulteriores facere interrogationes: poterit enim prudenter se resolvere, quod vel pollutio subsecuta non sit, aut a muliere invincibiliter ignorata, vel saltem, quod non adstringatur ulterius interrogare ob periculum scandali. Subinde etiam honestiores foeminae ad quartam interrogationem: An nihil exinde subsecutum fuerit? respondent, magnam se exinde sensisse delectabilitatem, per quam intelligunt, & modestis terminis insinuare volunt ipsam pollutionem. \*

51. CONCL. IV. Pollutio indirecte voluntaria, hoc est, illa, quæ prævidetur secutura expositione alicujus causæ, quæ evitari posset, ac deberet, pariter est peccatum mortale, saltem si ipsa causa in genere Luxuriæ sit graviter peccaminosa, atque ex se multum excitativa talis effectus. Ita sub his terminis communis. Sic fit, quando quis prævisa ejusmodi foeditate secutura vacat libidinosis, seu ex venerea delectatione provenientibus osculis, tactibus, amplexibus, & aliis hujusmodi, quæ sunt causa propinqua pollutionis, & ex natura sua talis turpitudinis excitativa. Ratio est: quia in talem causam consentiens, hoc ipso in effectum inde connaturaliter secuturum consentire convincitur.

52. Dicitur in Conclusionem, *quæ prævidetur secutura*: Nam si operans nullo modo advertit ad periculum secuturi effectus pravi, tunc ejusmodi effectus, utputa pollutio, neque in se, neque in sua causa censetur voluntarius, utpote nullo modo prævisus.

53. Et additur, *ex positione causæ, quæ evitari posset, ac deberet*: Nam quando ejusmodi actio exteroquin licita est, & necessaria, vel utilis, ac proinde non adest obligatio eam vitandi, effectus inde

sequens, etiam prævisus, secluso alio consensu, non imputatur ad culpam, prout jam superius (b) dictum fuit. Et hinc licitum est sumere medicinam, ad expellendos varios alios corporis noxios humores ordinatam, etsi per accidens, citra complacentiam veneream, exinde sequatur, vel hanc expulsionem comitetur pollutio. Item Parochus, imo & alius Confessarius, ex officio non obligatus, potest excipere Confessiones, Chirurgus, vel Medicus tangere partes sceminae indigentis curam, aut studere rebus medicis, ac hujusmodi, non obstante prævisio periculo pollutionis secuturæ, dummodo hanc minime intendat, neque in eam libidinose consentiat. Similiter expertus, se pollui ex equitatione absque periculo proximo consensus, non tenetur pedester incedere. Ratio generalis est: quia talia vel fiunt ex officio, aut Charitate erga proximum, vel saltem sunt utilia operanti, & ceteroquin honesta & licita, neque causa per se, ac supapte natura proxima talis sceditatis. Sanchez lib. 8. de Matr. dist. 45. n. 7. & seqq. Azorius cit. cap. 23. quaest. 4. & 5. Lessius, Bonacina, & communis.

§ 4. Quæres I. An, si causa pollutionis sit tantum venialiter mala, hoc non obstante, effectus exinde secutus censeatur mortaliter peccaminosus? e.g. ponamus, quod pollutio sequatur ex semideliberata complacentia, vel ex curioso aspectu faciei alicujus sceminae solutæ, quaeritur, an talis pollutio sit mortaliter peccaminosa? Ad hoc quaesitum ex Lessio, & Sanchez noster Patritius Sporer part. 4. Theol. Sacram. sect. 5. §. 6. Respondet tripliciter. I. Si causa in genere luxuriæ non tantum venialiter, sed etiam mortaliter mala foret, atque ex sua natura proxime inducens ad similem sceditatem, tunc effectus secutus, nempe pollutio, haud dubie foret mortaliter peccaminosus, prout jam supra Conclusionem IV. fuit insinuatum. II. Si causa illa in genere Luxuriæ est tantum peccatum veniale, etiam graves motus, vel ipsa pollutio exinde secuta, minime tamen intenta, & secluso semper periculo consensus in illam, erit dumtaxat venialiter mala. Ratio est: Quia, cum tunc pollutio non sit voluta in se, sed tantum in sua causa tantum mala erit, in quantum mala est ipsa causa, & consequenter si causa fuerit tantummodo venialiter mala, pariter effectus imputabitur tantum venialiter malus. III. Quando causa, ex qua sequitur pollutio, non est peccatum in genere Luxuriæ, quippe natura sua non ordinata ad rem veneream, etsi mortaliter peccaminosa in alio genere, exinde tamen effectus pollutionis non erit mortaliter peccaminosus, si in illa pollutione non habeatur libidinosa complacentia, & pariter excludatur periculum proximum consensus. Ratio est: quia tunc illa causa non videtur per se, ac proxime, sed tantum per accidens, ac leviter & remote influere in similem effectum. Atque ex his responsionibus (inquit P. Sporer) tolluntur plurimi scrupuli, & solvuntur innumeri casus. Licet ceteroquin casta mens etiam talia studeat amovere ex abominatione hujus sceditatis.

§ 5. Quæres II. An liceat pollutionem involuntarie, e.g. in somno ortam permittere, seclu-

dendo omnem affectum ad eandem, ac ceteroquin se habendo negative? Ad hoc quaesitum denuo respondet P. Sporer, uti sequitur: quando motus venereus, ac ipsa decisio seminis accidit in somno, sed emissio seu effluxio fit postea in vigilia (& multo magis si ipsa emissio seminis jam incepit in somnis, & partim adhuc sit in vigilia (secluso consensu ad illam, nullum sit peccatum; juxta Gerson, Sanchez, Tamburinum. Ratio est: quia, uti supponitur, pollutio incepit involuntarie, continuatio autem effusionis seminis est solum effectus naturalis causæ præcedentis, quæ & hunc impediri amplius vix potest, & consequenter nec quis tenetur: vel enim conatus ille reprimendi nil operabitur, vel retento contra naturæ impetum extra suam sedem semine, corpus supra modum gravabitur, & periculo infirmitatum exponetur. Cavendum tamen vel maxime, ne vigilans non tantum permittat, sed etiam positivo conatu promoveat, vel compleat, quod utique non liceret citra grave peccatum, si vere deliberate fieret: nam in eo casu aliquoties non tam perfectum, quam imperfectum voluntarium intervenire, experientia patet. Tutissime agat taliter evigilans, si saltem circa similem sceditatem simplicem displicentiam eliciat, ac se B. Virgini immaculatæ concepat, aut suo Angelo tutelari commendat, ejusdem implorando assistentiam, ne consentiat positive.

§ 6. Quæres III. An licitum sit desiderare, vel delectari de Pollutione naturaliter secuta? Resp. I. Illicitum est eam desiderare, vel de ipsa jam secuta gaudere ob delectationem; neque ullo modo fas est, ipsam procurare, aut ad eam active cooperari, vel quidpiam facere eo fine, ut eveniat. Ita omnes Doctores: nam consensus in eam, cooperatio, vel intentio, jam foret peccatum mortale.

§ 7. Resp. II. Nihilominus simplici affectu & sine ulla procuratione ob finem honestum, v.g. sedandæ tentationis; vel sanitatis ergo, desiderare, ut pollutio naturaliter eveniat, aut de ea naturaliter secuta gaudere, multi Doctores non illicitum censent; ut Lessius cit. cap. 3. nu. 105. Navarrus cap. 16. Man. n. 7. Layman. lib. 3. sect. 4. n. 17. & alii. Qui tamen recte addunt, ejusmodi simplex desiderium, vel gaudium, indicare imperfectum Castitatis affectum: nam Viri perfecti, ob amorem puritatis, & timorem consentiendi in carnalem delectationem, vel maxime abhorrent ab omni, quamvis naturaliter eveniente, carnis impuritate.

§ 8. Quæres ulterius, an quæ hactenus dictæ sunt de Pollutione, etiam locum habeant in Distillatione? Ubi notandum ex Gerson part. 2. tract. de pollut. D. Thoma, Sanchez, & aliis, quod e corpore humano per meatus membrorum pudendorum præter urinam, verumque semen, procedat quodammodo medius, qui potest vocari salivialis, vel sputalis. Et hic quidem ab humore seminali non ita facile scernitur, propter similitudinem coloris, infectionem, carnisque commotionem, quæ aliquando ipsum comitatur: differt tamen præ cæteris in hoc, quod facilius fluat, nec cum tanta carnis commotione, sicuti seminalis, & quan-

doque imperceptibiliter, ac sine ulla carnis commotione. Hoc prænotato

59. Resp. Quando Distillatio accidit absque ulla carnis commotione, de ea non est curandum, cum sit veluti quidam sudor fluens: secus est, quando ipsa sit cum magna carnis commotione. Ita Sanchez *cit. disp. 45. num. 2. & num. 31. Bonacina punct. 10. n. 13. & alii.* Ratio posterioris partis est: quia ejusmodi commotio spirituum est notabiliter turpis, & veluti inchoata Pollutio; ergo si est voluntaria, etiam Distillatio erit mortalis ob ejusmodi delectationem veneram. De hac proinde erunt applicanda hæcenus dicta, non vero de ea, quæ contingit absque commotione carnali.

\* Doctissimus Gerson apud nostrum Petrum Merchantium in suis *Notabilibus Resolut. de Sacrament. Penitent. Casu III.* specificatis humoribus addit adhuc alios duos: verba formalia ejus sunt sequentia: *alius additur humor (præsertim in mulieribus) qui vocatur menstrualis: & huic similis quandoque masculo accidit ex infirmitate, præsertim circa plenilunium cum intolerabili pruritu ob suam salledinem in partibus verecundis, & quasi cum stranguria.* De priori jam dictum est supra. Loquendo de posteriori, humor iste in suo fluxu, teste eodem Gersone, vix aut nunquam causat talem modum delectationis, & concussionis totius corporis specialiter in partibus verecundis, nec ita obnubilat in suo exitu rationem, uti humor seminalis. Et hinc Marchantius de eodem proportionaliter eo modo resolvit, quo nos de illa distillatione, quæ absque magna carnis commotione evenit, & admittit fricationem in genitalibus ad sedandum pruritus hunc, quamvis exinde per accidens sequatur effusio ejusdem salis humoris. Cavendum tamen, ne quis hac doctrina abutatur, & mentiat iniquitas sibi. \*

## QUESTIO VI.

De cæteris speciebus Peccati contra naturam.

### SUMMARIUM.

- 60. Bestialitas, quid?
- 61. Non variatur specie ob diversitatem bestiarum.
- 62. Concubitus cum demone, quale peccatum?
- 63. Sodomia, quid?
- 64. Sodomitarum pena.
  - (a) Juxta dicta Tract. 4. Dist. 2. n. 40. & seq.
- 65. Indebitus concumbendi modus, quid?
- 66. Quale peccatum præposterus coitus inter conjuges?
- 67. Peccata contra naturam distinguuntur specie.
- 68. Solvitur objectio.
- 69. Plures Luxuria species concurrunt quandoque in eodem actu.

60. **C**ONCL. I. *Bestialitas*, quæ est secunda species Peccati contra naturam, tunc committitur, quando concumbit quis cum re animata non ejusdem speciei cum homine. Hoc peccatum est gravissimum, atque in Foro etiam Seculari pœna mortis, & combustionis merito punitur.

61. Cæterum istud peccatum contra naturam non variatur specie ex eo, quod committatur cum

animalibus specie distinctis, ut puta ove, equa, cane, &c. Omnia enim conveniunt in hac una ratione, quod non sint ejusdem speciei cum homine: malitia autem Bestialitatis consistit in hoc, quod non servetur eadem species, & natura. Filliucius *tract. 30. cap. 8. num. 161. & alii communiter.*

62. Quæres: An concubitus cum demone sit species Bestialitatis? Resp. cum cit. Filliucio, & aliis, peccatum cum demone assumente formam hominis, maris, vel femine, aut alicujus belluæ, semper dicitur peccatum Bestialitatis (quia etiam demon est diversæ speciei ab homine) sed ultra hanc peccati malitiam etiam superaddere vitium Irreligiositatis, & Superstitionis, ob societatem cum demone habitam in illo actu venereo. Addendum etiam cum citato Auctore *num. 162.* quantum est ex parte affectus, talia peccata posse esse diversæ speciei: nam si quis cum demone coeat in forma mulieris affectu fornicario, adulterino vel incestuoso, erit præter peccatum Bestialitatis, & Superstitionis, etiam peccatum Fornicationis, Adulterii, vel Incestus, ratione illius pravi affectus atque voluntatis, quam habet.

63. **CONCL. II.** *Sodomia* est peccatum contra naturam, quo ex affectu ad indebitum sexum vir concumbit cum viro, vel femina cum femina. Ita D. Thomas 2. 2. *quest. 154. art. 11. & alii.*

64. Hoc peccatum est gravissimum, atque in cælum clamans, *Gen. 19.* ob quod Sodoma & Gomorrha, cum finitimis civitatibus, cælesti igne vindice conflagrarunt. Hinc Jure quoque Civili tanti sceleris rei igne concremantur; ac Jure Canonico olim Laici excommunicabantur, Clerici vero deponebantur, & in Monasterium detrudebantur. Nunc vero, quod attinet Clericos, juxta Bullam B. Pii. V. quæ incipit, *Horrendum illud scelus* (& habetur *tom. 2. Bullar. Romani, Constit. 72. disti Pont.*) Clerici Sodomitæ ipso jure sunt privati privilegio Clericorum, & dignitate, Officio, & Beneficio Ecclesiastico: quamvis, quia hæc Constitutio est pœnalis, atque requirens executionem externam, ea primum in conscientia obligat post sententiam Judicis declaratoriam, (c)

65. **CONCL. III.** Ultima species peccati contra naturam, sive *Indebitus concumbendi modus*, est peccatum contra naturam, per quod vir concumbit cum femina modo indebito, ita ut impediatur generatio. Ita Filliucius *loc. cit. num. 156. & alii.*

66. Dicitur notanter, *ita ut impediatur generatio*: nam alioquin in rigore non erit peccatum contra naturam, cum ei non conveniat definitio *num. 43.* data. Hinc secluso hoc, ac etiam periculo impediendi generationem, præposterus coitus inter conjuges peccatum mortale non est: ordinarie tamen est peccatum veniale, & quidem grave in suo genere, nisi aliqua necessitas excuset, ut puta quia mulier est prægnans, vel quia corporis dispositio propter pinguedinem aliter fieri non patitur. Et hinc conjuges sic congregantes extra casum necessitatis, gravi-



graviter reprehendendi sunt ob periculum impediendae generationis. *Mastrius disp. 11. Theol. Moral. num. 135. Fillinius, Bonacina, & alii. Verum occasione praedictorum*

67. Queritur I. An praedicta quatuor peccata contra naturam distinguantur specie in genere moris? Resp. affirmative, cum *Mastrio loc. cit. num. 137. ac seqq. & communi. Ratio est: quia, licet opponantur eidem virtuti Castitatis, tamen ipsi opponuntur secundum diversam specie rectitudinem. Et hinc diversam difformitatem, atque dissonantiam cum recta ratione continet Bestialitas, & Sodomia, quam simplex Pollutio*

68. Nec obstat, quod omnia haec sint peccata contra naturam. Resp. enim, peccatum contra naturam esse genus respectu dictarum quatuor specierum: alioquin enim, nisi intercederet ejusmodi distinctio specifica in genere moris, sequeretur, quod, si quis semel habuisset Pollutionem, semel commisisset Bestialitatem, & semel Sodomiam, satisfaceret in confessione, dicendo: *Ter peccavi contra naturam*; quod est contra communem sensum Doctorum. Accedit Decretum Alexandri VII. hanc inter alias, ordine 24. Propositionem damnantis: *Mollities, Sodomia, & Bestialitas sunt peccata ejusdem speciei infima, ideoque sufficit dicere in Confessione, se procurasse pollutionem.*

69. Queritur II. An plures Luxuriae species necessario in Confessione explicandae, quandoque in eodem actu concurrant? Resp. cum *Scoto Quodlib. 18. §. de primo, & Doctoribus communiter, affirmative. Sic enim peccatum carnis a Clerico in Sacris constituto, vel alio habente votum Castitatis, cum consanguinea sua conjugata commissum una cum effusione seminis, praeter reatum Adulterii continet malitiam specie distinctam Sacrilegii, atque Incestus, & Peccati contra naturam. Idem contingere potest in desiderii illicitis, & carnalibus: sic quippe voto Castitatis obstrictus, ac seipsum, voluntarie polluens cum imaginatione, atque affectu ad personam conjugatam sibi consanguineam, praeter malitiam peccati contra naturam, & Sacrilegii, etiam ob pravam illam concupiscentiam internam, desideriumque carnale, contrahit malitiam incestus, atque Adulterii, necessario in Confessione aperiendam, utpote circumstantiam speciem mutantem: & idem dicendum de similibus.*

## Q U A E S T I O VII.

De Impudicitia, hoc est, de osculis, tactibus, aspectibusque impudicis; & an detur levitas materiae in re venerea?

### S U M M A R I U M.

70. Impudicitia est circa oscula, tactus &c. venereos.
71. Oscula, tactus, &c. impudici, quale peccatum inter solutos?
- Præparatoria Stupri, quæ?
72. Quid de osculis, & amplexibus causa amicitiae?
73. Vel tactibus ex joco, aut levitate habitis?
74. Siue ex causa iusta, v.g. medendi, factis?

*An famina teneatur tale genus medendi admittere?*

75. Quid de fricatione pudendorum?
76. Tactus, & aspectus impudici inter conjuges, an, & quale peccatum?
77. Num liceant inter Sponsos de futuro?
78. An tactus in partibus honestis, causa delectationis sensitivæ?
79. Tactus impudici inter personas ejusdem sexus, quale peccatum?
80. In tactibus libidinosis explicanda circumstantia personarum complicum.
81. Aspectus, verba, & cantus turpes inter solutos, quale peccatum?
82. Quid fiant levitate, curiositate, &c.
83. Discrimen inter tactum, & visum.
84. Aspectus curiosi, praesertim fixi, quam periculosi?
85. Levitas materia in re venerea, an detur? I. Sententia
86. II. Sententia.
87. III. Sententia, merito tenenda ex auctoritate,
88. Et ratione.
89. Solvuntur rationes primæ,
90. Et secunda sententia.

70. **A**dvertendum, quod Impudicitia sit circa oscula, tactus & alios actus circumstantes actum venereum, prout notat D. Thomas 2. 2. q. 154. art. 1. ad 5. de hac loquitur Apostolus ad Galat. 5. *Manifesta sunt autem opera carnis, quæ sunt, fornicatio, immunditia, impudicitia, luxuria &c. Quæ dico vobis, si quis prædixi, quoniam, qui talia agunt, regnum Dei non consequentur.* Quod ut melius intelligatur, sit

71. **CONCL. I.** Certum est, quod oscula, tactus & amplexus impudici, id est, habitus causa delectationis venereæ, & sensibilis ex commotione spirituum generationi deservientium consurgentis, inter personas solutas sint peccata mortalia. Ita Sanchez lib. 9. de Matrim. disp. 46. nn. 7. & communis aliorum, idque patet ex cit. textu D. Pauli ad Galat. 5. cum concordantiis. Ratio est: quia ejusmodi oscula, tactus & amplexus impudici, suapte natura ordinantur ad copulam carnalem, ad eamque proxime disponunt ob vehementem corporis, spirituumque generationi deservientium commotionem, & hoc ipso sunt pollutio aliqua inchoata; ergo. Hinc Glossa in l. *Quod ait: ff. Ad legem Juliam, de Adulteriis*, præparatoria Stupri refert his verbis:

*Visus, colloquium, tactus, post oscula, factum.*

Concordat Decretum Alexandri VII. inter alias Propositiones etiam hanc, ordine 40. damnantis: *Est probabilis opinio, quæ dicit, esse tantum veniale osculum habitum ob delectationem carnalem, & sensibilem, quæ ex osculo oritur, excluso periculo consensus ulterioris, & pollutionis.*

72. Dicitur notanter in Conclusionem, *impudici, id est, habitus causa delectationis venereæ*: Nam si oscula, vel amplexus fiant causa amicitiae secundum morem patriæ, communiter excusantur

tur a peccato: quia oscula, vel tactus de se non intrinsece mali, sed indifferentes, simulque hic fiunt ex honesto fine, nimirum in signum mutue benevolentie, pacis, & debiti obsequii. Nec obstat, quod inde consurgat quandoque motus inordinatus sensualitatis: dummodo eidem non præbeatur deliberatus assensus, nec habeatur libidinosa complacentia; nam alioquin ejusmodi prava complacentia utique foret peccaminosa.

73. Deinde si tactus, amplexus, vel oscula, solum habentur ex joco, vel quadam animi levitate, aut alia consimili ratione, non vero causa delectationis veneremur, per se loquendo non excedunt culpam venialem. Layman lib. 3. sect. 4. nu. 10. citans communem Doctorum. Quamvis recte idem post Sanchez loc. cit. num. 11. hinc excipiat tactus valde turpes & impudicos; utputa partium vicinarum verendis vel ipsarum verendarum: nam hi ultimi, si absque necessitate, vel utilitate (quod additur propter dicenda numero sequenti) fiant etiam ex joco, vel levitate inter personas diversi sexus in prædictis partibus inhonestis immediate (secus si obiter tantum supra vestes) non excusantur a peccato mortali, cum ex natura rei similes tactus ad delectationem veneream propinque tendant, eamque valde excitent inter personas diversi sexus, nisi forsan ætas infantilis a gravitate peccati eximat, prout exinde Sanchez, Sporer, & Jacobus Marchantius eximunt a gravi peccato (non item a veniali) ancillas, pueros vestientes, lavantes, eorumque pudenda ex curiositate per breve temporis spatium, secluso consensu, vel complacentia turpi tangentes: nam licet etiam istæ mortaliter peccare possint, si id morose seu mora longiori faciant ob morale periculum consensus libidinosi: si tamen brevi temporis spatio contingat, non solet similis tactus ex sua natura tendere propinque ad delectationem veneream, eamque valde excitare.

74. Rursus si tactus etiam inter personas adultas diversi sexus in partibus inhonestis fiat causa medendi, aut alia necessaria, vel justa, secluso alio pravo affectu, nullum est peccatum: cum talis contactus, utpote ex Charitate ordinatus, vel ex alio justo motivo procedens, sit consentaneus rectæ rationi. Notat tamen Lessius cit. lib. 4. cap. 3. num. 60. post Navarrum & Si cui, nu. 13. de penit. dist. 1. quod mulier, præsertim virgo, non teneatur tale genus medicandi in partibus secretioribus admittere: tum quia mens casta a tali curatione non minus, quam a morbo, abhorret: tum quia nemo tenetur admittere id, cui est conjunctum periculum motus pravi, aut delectationis carnalis.

75. Ex eadem causa necessitatis excusatur tactus, seu fricatio propriorum pudendorum ad sedandum pruritus, in illis partibus quandoque vehementius consurgentem. Imo Layman cit. sect. 4. n. 13. post Sanchez, & Petrus Marchantius in Resolutionibus, ad tomum 3. Tribunalis additis, Casu 3. post Sancium, & Villalobum existimant, non esse peccati damnandum, qui ejusmodi molestissimum pruritum fricatione sedare conatur, quamvis cum periculo pollutionis, dummodo non subsit periculum consensus in istam.

76. Additur insuper in Conclusionem, inter personas solutas: In primis enim conveniunt Doctores, conjugibus ejusmodi tactus esse licitos, si ad copulam conjugalem referantur, utpote ad quam licite se excitant. Deinde tactus, oscula, & aspectus ejusmodi inter conjuges, si fiant causa solius voluptatis, sunt quidem culpabiles, sed non mortaliter, etiam si capiantur ob delectationem absque intentione copulæ conjugalis: quia Matrimonium eos cohonestat, ac defectus debiti finis non est mortalis. Intellige: dummodo absit periculum pollutionis: nam alioquin juxta Bonacinam Tom. 1. q. 4. de Matrim. puncto 9. n. 6. Lessium, Layman, Mastrium, &c. a mortali non excusarentur, nisi adesset alia justa causa similes tactus admittendi, qualis foret juxta Sanchez lib. 9. disp. 49. num. 37. Perez disp. 45. ac Dianam par. 6. tract. 6. Resolut. 27. manifestatio & conservatio mutui amoris, præsertim ex parte reddentis, ubi admissio talium tactuum ex fine simili foret licita, etsi subinde præter intentionem sequatur pollutio, de quo vide fufius Sporer par. 4. Theol. Sacrament. cap. 2. sect. 3. §. 4. num. 500.

\* Putant tamen aliqui graves DD. inter conjuges etiam hos tactus admitti posse, etsi subinde accidentaliter per eos sequatur pollutio, si adesset aliunde aliqua justa causa tales tactus concedendi, qualis foret juxta Sanchez lib. 9. disp. 49. num. 37. Perez disp. 45. & Dianam par. 6. tract. 6. Resolut. 2. manifestatio, & conservatio mutui amoris præsertim ex parte reddentis. Vide de hoc fufius Sporer par. 4. Theol. Sacrament. cap. 2. sect. 3. §. 4. n. 500. Cui equidem Doctrinæ subscribo, si ex his tactibus oriatur pollutio tantum subinde: tunc enim, si exinde pollutio non oriatur valde frequenter, hic & nunc apud hos conjuges non videtur ex una parte adesse periculum proximum pollutionis; ex altera præfati tactus cohonestantur per contractum præcedentem matrimonii.

77. Num autem inter Sponsos de futuro liceant tactus & oscula, alia difficultas est. Et quidem tactus impudicos inter Sponsos non excusari a mortali, passim fatentur Doctores, eo quod hi proxime disponant ad copulam, quæ non est illis licita. Quod si oscula, & amplexus de se non sint impudici, simulque fiant absque fine veneremur delectationis, sed intuitu honesti amoris, benevolentie, aut necessitudinis, culpa vacant. Navarrus cap. 14. Manual. num. 19. & sequitur ex dictis n. 72.

78. Verum loquendo de hujusmodi tactibus, qui post Sponsalia absoluta fiunt causa delectationis sensitivæ in partibus cæteroquin honestis, variant Doctores. Et quidem Navarrus loc. cit. numer. 13. Layman num. 11. Cajetanus, Sa, pluresque alii, eos excusant a mortali, dummodo non subsit periculum pollutionis, vel consensus in actum turpem: quia (inquiunt) Sponsalia sunt initium, seu prævia dispositio Matrimonii, & sic hos actus reddunt licitos, si absit periculum pollutionis, vel ulterioris consensus: quamvis ejusmodi periculum, aut ipsos actus impudicos, præsertim si Sponsi soli absque

absque arbitris conuersantur, spectata fragilitate humana, raro abesse, ultro fateantur. Oppositum tenent Henriquez, Rebellus, & quidam alii, quorum sententiam tutiorem, & probabiliorē censet Bonacina *loc. cit. num. 6.* & Mastrius *disp. 11, num. 142.* Ratio hujus posterioris sententiae est: quia hæc delectatio a natura instituta est, ut prævia dispositio ad copulam, & consequenter, cum hæc inter Sponsos de futuro illicita sit, idem censendum de illa. Accedunt dicta superius n. 71a, quæ præcipue Decretum Alexandri VII. ibidem citatum.

\* Objicies contra hanc ultimam sententiam Patris Reiffenstuel: Delectatio sensitiva non est peccatum grave, sicut delectatio venerea, sed tantum veniale: ergo quavis inter sponsos de futuro delectatio venerea hausta ex tactu & osculis in partibus cæteroquin honestis alterius sexus adhuc sit peccatum mortale, non tamen erit mortale, si hæc delectatio fuerit solummodo sensibilis. Sic enim etiam quoad potentiam visivam, si femina præcisè aspiciatur ex curiositate, quia formosa est, sique objectum pulchrum, & visu delectabile, talis curiosus aspectus non erit peccatum mortale, quamvis foret tale, si aspectus contingeret ex delectatione venerea. Accedit, quod aspectus alterius sexus in partibus cæteroquin honestis ex levitate animi factus, item similes tactus, & oscula ex joco non excedant culpam levem; cur ergo tales tactus, & oscula sine peccato mortalia, si fiant ex delectatione sensibili absque tamen venerea? Nam si hæc ultima simul accederet, gratis conceditur, & ex damnata Propositione Alexandri VII. Ordine 46. clare colligitur, quod tunc culpa foret mortalis.

Facit ingenue, fundamenta ista apud me (salvo meliori) faciunt sententiam primam Navarri, Laymani, & aliorum valde probabilem, supposito, quod tactus, vel oscula facta in partibus honestis alterius sexus non sint pressa, & ex magno ardore impressa, nec per longam moram repetita, aut nimium qualificata, nec etiam apud istam, vel illam personam existat periculum proximum subsequens exinde, & adhiuc de delectationis venereæ, atque sub hac limitatione ipsa etiam admittit Henno *Tract. in Vocat. disp. 6. quest. 9. art. 1. concl. 2.* Generaliter tamen, & absolute, ac universaliter prolatam illam sententiam prædictam loquendo non approbarem, sed præplacitæ sententia Henriquez, ac Mastrii a P. Reiffenstuel adductæ tamquam teste Bonacina probabilior: quoniam similis delectatio sensibilis orta in potentia sensitiva tactus, maxime si sit nimis intensa &c. per se ordinarie, & quasi ex natura sua trahit etiam delectationem veneream.

Ut autem totus discursus præcedentis additionis adhuc magis capiat, & objectio, ex cujus resolutione multi casus practici inferri possunt, ex integro solvatur, prænotandum ex La Croix *Lib. 1. de peccatis n. 93.* quod delectatio venerea sit illa, quæ sentitur circa partes genitales per commotionem seminis, vel spirituum generationi deservientiam, qui spiritus re ipsa sunt subtilis sanguis veluti in aërem attenuatus. Delectatio sensitiva est, quæ oritur ex applicatione sensus ad objectum, v. g. loquendo de potentia tactus, si apprehendatur

manus tenelli pueri, quatenus caro ejusdem adhuc mollis est &c. Hæc delectatio sentitur communiter circa pectus cum aliquo calore, vel quasi cum emotione sanguinis, aut spirituum animalium circa cor: & si est valde intensa, solet pariter ordinarie propter magnam connexionem potentiae tactivæ cum concupiscentia carnis trahere delectationem veneream. H. N.

Ad objectionem respondetur neg. conseq. primi antecedentis, supposito, quod delectatio illa sensibilis, in potentia tactus resultans, fuerit valde intensa, seu qualificata, puta, causata per oscula pressa, ardentia, vel longiori tempore repetita, seu qualificata. Ad primam instantiam de aspectu negatur paritas; quia potentia visiva non tam propinque movet ad delectationem veneream, quam potentia tactus juxta dicenda inferius *Conclusione IV.* Nota etiam, quæ ibi statim subsequenti numero adjunguntur de aspectibus fixis. Ad II. Instantiam de tactibus, seu osculis ex levitate, vel joco factis ex eo patet disparitas; quia ex levitate, aut joco facti, nec sunt tam pressa, nec tam ardentes, aut in longius protracti, uti hic suppono, & consequenter nec movent tam propinque ad veneream delectationem, sicuti si fiant ex intensa delectabilitate sensitiva. Videantur Gobat in Theolog. Experiment. *Tract. 7. num. 330.* Sporer *Tract. 1. Theol. Moral. cap. 5. sect. 2. n. 19.* & La Croix *lib. 3. part. 1. n. 888.* & seqq. ac *Lib. 3. n. 93.* & seqq. Ubi pro, & contra exacte hanc difficultatem examinant.\*

79. CONCL. II. Tactus impudici seu venerei inter personas ejusdem sexus, sunt graviora peccata mortalia, quam inter personas solutas diversi sexus. Ita Layman *cit. sect. 4. num. 13.* Et ratio est: quia ejusmodi tactus venerei ex natura sua tendunt ad peccatum mollicitiei, vel etiam sodomizæ, quod gravius est simplici fornicatione. Dixi notanter: *Tactus venerei*: id est, facti ex motivo lascivo; nam si a personis ejusdem sexus exercerentur tales tactus tantummodo ex levitate animi, vel joco, dum v. g. simul natant, aut balneant, Sanchez *lib. 9. disp. 46. num. 22.* excusat a mortali peccato, quod Silvius apud Sporer censet, admitti posse, si leviter, & quasi per transennam fierent: tunc enim non solent ordinarie excitare propinque ad venerem, alias secus. Denique se ipsum tangere ex sola curiositate, vel levitate, seclusa inala intentione, vel turpi consensu, aut periculo, limites peccati venialis non excederet; cum minor videatur indecentia in corpore proprio, quam alieno, & talis tactus in proprio corpore ordinariæ non adeo exiteat ad venerem, quam in corpore alieno: Ubi tamen caute utantur hac doctrina illi juvenes, qui alias peccato mollicitiei sunt dediti, ne mentiatur iniquitas sibi.

80. Porro circa hæcenus dicta ulterius quodque contra quosdam Neotericos notandum est cum Sanchez *lib. 9. de Matrim. disp. 46. num. 17.* quod, quando tactus libidinosi juxta dicta sunt peccatum mortale, necessario in Confessione facienda sit circumstantia personæ tum agentis, tum patientis, v. g. an fuerit conjugata, consanguinea, Voto obstricta, &c. Nam hujusmodi tactus sunt ejusdem malitiæ moralis, cujus est actus consummatus copulæ, ad quam suapte naturâ referuntur.

R r

Hoc

Hoc ipsum ex professo tradit Azorius *part. 3. lib. 3. cap. 25. quest. 5.* allegans communem.

81. CONCL. III. Aspectus, turpiloquium, turpes cantilenæ, ac hujusmodi, si causa delectationis veneræ inter personas solutas fiant, sunt peccata mortalia. Ita Layman *num. 13.* cum communi: nam ipsamet delectatio venerea talibus prohibita est; ergo & illud omne, quod sit causa illius veneræ delectationis. Hinc Salvator *Matth. 5.* inquit: *Omnes, qui viderit mulierem ad concupiscendum eam, jam machatus est eam in corde suo.*

82. Dicitur, si causa delectationis veneræ: Nam si fiant ex quadam levitate, curiositate, aut ob voluptatem, quæ præcisè ex ipsa narratione capitur, vel alium hujusmodi vanum finem, non vero ob delectationem veneream, communiter venialia censentur, per se loquendo, etsi ratione scandalii, vel periculi proximi labendi in gravius peccatum, mortalia esse possint. Sanchez *cis. disp. 46. num. 34. & seqq.* Lessius *lib. 4. de just. & jura. cap. 3. n. 63.* & alii. Quod si talia fiant inter ipsosmet conjuges, patet ex dictis *num. 76.* an, & quale sint peccatum.

83. CONCL. IV. Nihilominus datur aliquod discrimen inter tactum & visum, in eo consistens, quod tactus, amplexus & oscula, magis propinque tendant ad concubitum; adeoque delectatio sensibilis inde consurgens frequentius sit venerea & mortalis, atque ad eam Luxuriæ speciem reducatur, in qua esset, si coitus sequeretur, & propterea in Confessione exprimi debeat circumstantia personæ tactæ. E contra visus, sive aspectus mulieris, quin & alloquium illius, propinque non tendit ad concubitum, potestque ex pluribus titulis licite fieri; puta, ob debitam urbanitatem, aut ad se cognoscendum postea, si iterum convenerint, vel interim ad reprehendendam illius vanitatem, vel eam de rebus honestis comonendam. Quinimo si ejusmodi aspectus fiat ob solam curiositatem, tantummodo erit peccatum veniale, nisi serio & deliberate contingat in partibus denudatis omnino obscænis personæ diversi sexus, ubi a peccato gravi haud eximeretur talis curiosus aspectus, quando fortassis ætas adhuc infantilis non excusat.

84. Fatendum tamen, quod tales aspectus curiosi, præsertim fixi & diuturni, sint valde periculosi, & innumeri ex illis fuerint perducti ad lapsum. Nam exinde naturaliter consurgit commotio spirituum generationi inservientium, & in membris rebellio, & in affectu complacentia; quin & ipsemet diabolus sese immiscere solet, faciendi, ut species visa assidue obverletur phantasiæ, quæ sensum affectum allicit, & naturam commovet. Hinc non immerito *Ecclesiastici cap. 31.* dicitur: *Nequius oculo quid creatum est?* Et Regius *Psalm. 118.* *Averte oculos meos, ne videant vanitatem: in via tua vivifica me.* Et e contra *2. Petri 2.* scelerati quidam memorantur, oculos habentes plenos adulterii, & inaccessibilis delicti. Unde & Daniel Seni illi, castam Susannam deperienti, improperavit: *Species decepit te, & concupiscentia subvertit cor tuum.* *Dan. 13.*

\* Cæteroquin, quæ diximus de aspectibus suis, & tactibus impudicis verendorum, intelligenda sunt etiam in ordine ad illas personas, quæ equidem perfectam copulam cum emissionem seminis exercere necdum valent ob defectum ætatis debitorum, puta, quia necdum sunt puberes; adhuc tamen jam sufficienter rationis in tantum capaces sunt, ut inter bonum, & malum, honestum, ac inhonestum sufficienter discernere queant, uti vel maxime contingere solet, si tales jam sint pubertati proximiores; quia similes actus de se tendunt ad pollutionem, & apud tales saltem excitare solent spiritus genitales, seu venereos, atque exinde aliquam veneream causare delectationem; ob quam ipsam rationem etiam similes actus censentur interdicti Eunuchis, quamvis & isti perfectam copulam ob defectum perfecti seminis exercere nequeant, uti recte advertit La Croix *lib. 3, p. 1. n. 906. & 908.*

Ex dictis colliges, quid sentiendum sit de praxi illa plurium puberum, vel saltem pubertati proximorum insimul corpore nudo natantium; nam si sint ejusdem sexus, sequæ ibidem ex curiositate vel levitate in partibus verecundis invicem aspiciant, secluso tamen consensu, vel complacentia impura, non erunt condemnandi peccati mortalis, sed tantum venialis; secus, si forent diversi sexus; tunc enim foret mortale, etiam seclusa alia impura complacentia, cui adeoque corruptelæ Parochi loci modo possibili contradicere debent. Sanchez *Lib. 5. Moral. cap. 6. num. 12. 13. 27. & 28.* & Sporer *part. 4. Theolog. Sacrament. cap. 3. sect. 6. num. 693.* Ratio est: quia, si hæ personæ sunt diversi sexus, tales aspectus, quatenus serior facti ex sensualitate, ex se solent ordinarie vehementer incitare ad venerem; secus, si forent sexus ejusdem. Quinimo in sexu eodem Busenbaum hic excusat a mortali etiam leves tactus subinde inter natandum ex levitate, seu petulantia, citra tamen ullum desiderium, vel complacentiam impuram factos: quia & isti, si facti fuerint obiter inter personas ejusdem sexus, & non frequenter, non solent propinque ex se excitare ad venerem; quamvis cæteroquin circa potentiam tactus ob majorem conjunctionem cum concupiscentia carnis adhuc majus suo modo videatur subesse periculum, quam circa visum. Et certe, si tactus forent pressi, seu replicati &c. proximo ad sodomiam, seu pollutionem disponent: hincque forent haud dubie gravissime peccaminosi. Unde finaliter Henno in *Decalog. Disp. 6. quest. 9. art. 3. Concl. 2.* subjungit utilissime quoad balneationes sequentia formalia: *Advertendum viris, & feminis se lavantibus, quarenda esse loca ita secreta, ut ad illa personis alterius sexus non pateat accessus propter evidens scandalii periculum. Unde non video, quomodo excusari possint a mortali, qui de die in plena civitate, quam v.g. perlabitur cotinus fluvius, se nudos exhibent coram mulieribus natandi causa. Similes igitur natationes publicas interdiciere debent Magistratus, imo expediret, ut nunquam adolescentes inter se natarent, nisi cooperitis secretionibus. Tot lapsus, tot horribilia non evenirent. Ita illa.*

Quæ-



Quæres I. Quid sentiendum sit de aspectibus, & tactibus animalium? Resp. I. Aspicere ex curiositate, seu animi levitate animalia cõsuetia, ex se, & absente periculo proximo impuræ delectationis morosæ, non est peccatum mortale, sed tantum veniale, si non interveniat complacentia, seu consensus venereus. Ita Henno *loc. cit. Concl. 7.* & Sporer *part. 4. Theolog. Sacrament. cap. 3. sect. 6. num. 697.* Ratio est; quia non solet similis aspectus ex se vehementer incitare ad venerem, sicuti tamen fortiter incitat, sicque graviter peccaminosus foret aspectus deliberatus curiosus copulæ humanæ. Resp. II. Animalia minora, e.g. catellos, catos molliter tractare, demulcere, etiam eorum pudenda contrectare, est solum veniale peccatum, si desuper nulla venerea deliberata habeatur complacentia. Ita Sanchez *lib. 9. disp. 46. num. 15.* Sporer & Henno *L. L. cit.* Ratio est: quia etiam similis tactus non notabiliter excitare solet ad libidinem. Quoad animalia vero grandiora, si tactus genitalium curiosus non tantummodo levis, sed morosus, & vehemens foret, Henno *loc. cit. disp. 6. Quaest. 9. art. 2. Concl. 3.* a peccato mortali non excusat ob longe majus ex se periculum delectationis libidinose circa animalia grandiora quoad potentiam tactus.

Quæres II. Quid statuendum sit de choreis inter personas diverſi sexus institutis? Respond. I. Si in choreis exhibentur gestus lascivi, tactus parum pudici, motus erga se ad invicem ad impuritatem proclives, eadem ab Urbibus, pagis, & domibus sunt ablegandæ. Ita Communis, & ratio est; quia similes choreæ natæ sunt tum saltantes, tum spectantes ad libidinem provocare, & equidem magis, quantum frequentius hæc excessivæ compositiones associantur: de quibus tripudiis S. Carolus Borromæus cum aliis SS. PP. intelligi debet, quando *Tract. adversus choreas*, inquit: *chorea mundana circulus est, cujus centrum diabolus; & cujus circumferentia sunt angeli ejusdem.* Resp. II. Si similia mala absint, choreæ secundum se sunt indifferentes, adeoque licitæ, nisi fiant ex fine pravo, aut alicui specialiter occasionem proximam præbeant graviter cum altero sexu peccandi. Ratio est: quia choreæ ex se ipsis non sunt natæ proxime provocare ad libidinem. Et ita sub his terminis DD. diversarum etiam nationum conveniunt: nam sic sentiunt præter Cajetanum, Sylvestrum, Angelum, Azorium, Busenbaum, & alios, Felix Potestas *Italus* in suo examine *Tom. 1. part. 2. num. 390. & seqq.* Franciscus Henno *Galus* in *Decalog. disp. 6. quaest. 9. art. 5.* & Sporer *Germanus* in *Theolog. Moral. c. 5. sect. 2. num. 20.* qui ultimus ex Filliucio *Tract. 33. cap. 10. n. 229.* hæc ponit formalia: *Rustici diebus festis non sunt prohibendi a choreis, modo fiant post Missam; tum quia aliter otia vacarent, quod pejus esset: tum quia sunt pro more regionis, & publice coram aliis, ideoque magna ex parte auferretur libidinis occasio.* Hisce Sporer *loc. cit.* subjungit, ut sequitur: *ad hoc ego, experientia paruisse, post abrogatas illas choreas publicas multa majora mala perpetrata fuisse, quam iis permissis.* Sed & ego adhuc superaddo, invigilandum esse, ne post finitas choreas publicas facile concedatur junioribus rusticis forsan jam bene crapulatis, ut cum puellis amatis domum

eant, præsertim soli cum solis; ubi sæpe ignis adhuc sub choreis publicis gliscens in apertum prorumpit incendium. Resp. III. Etsi non sit peccatum, accedere choreas de se indifferentes, & a superius enumeratis malis circumstantiis præcisas, nihilominus si in particulari quis experiatur, se sapius etiam sub his alias in se indifferentibus choreis lapsum esse carnaliter in peccatum grave, vel cogitationibus ac complacentiis impuris, vel verbis, aut operibus, tali in particulari non licebit ordinarie has, ubi ita lapsus fuerat, choreas amplius accedere. Ratio est: quia tali dictæ choreæ forent periculum proximum peccandi: tenemur autem ex communi DD. occasionem proximam peccandi vitare sub gravi.

Notent sibi hoc I. Puellæ, quæ non horrent etiam ut larvata accedere choreas in privatis locis institutas, in quibus, experientia teste, osculis, vel tactibus sollicitæ jam sæpe naufragium virginitatis suæ fecerunt. Notent sibi II. Idipsum quoque in choreis publicis illæ filia, vel ancilla, quæ tempore nuptiarum procurant a parentibus, vel heris suis accessum ad easdem, ut ibidem NB. cum procis suis, forsan jam ex parte crapulatis, aut vino æstuantibus, & a quibus alias jam se non adeo caste amari sciunt, possint saltare, & inter saltandum, si non externis actibus manifestare, saltem interne, nescio quas, impuras complacentias in corde nutrire. Porro, cum mala superius mentionata sese choreis non raro ingerant, prudentissime agunt Patres, & Matres familias, si filios, ac filias, & ancillas suas modo moraliter possibili cohibeant *primo*, ut saltem choreas privatas, & occultas in domibus, & conventibus sibi non sufficienter perspectis institutas omnino non adeant, præsertim ipsis non præsentibus. *Secundo*, ut choreas publicas saltem non nimium frequenter accedant: si enim non in ipso accessu rariori, saltem in frequentiori periculâ inveniunt. *Choreæ, & tripudia* (inquit S. Franciscus Salesius *Introduct. vita devota part. 3. cap. 33.*) *ex se indifferentia sunt, attamen hoc exercitium NB. communiter usurpatum valde in partem mali propendit, & proinde periculorum plenum est.* Quare, cum saltatrice ne assidue sis, nec audias illam, ne forte pereas in efficacia illius, ait Ecclesiasticus c. 9. v. 4. Volui hæc aliquomodo fusiori calamo adjungere; quia in libris rariis; in praxi autem frequentius cornuntur.

85. Quæres: an detur levitas materiæ in venerea? Resp. In resolutione hujus Quaestionis variare Doctores. Affirmant nonnulli, quos citat Basilius. *Vers. Peccatum, t. num. 7.* pro hac sententia allegant Sanchez, Navarrum, Sanchum, Vasquez, Sotum, & quosdam alios. Rationem dant, quia non videtur ratio, cur in aliis materiis communiter possit dari levitas materiæ, & non in proposito. Deinde, quis credat (inquunt) quod quis non possit ex levi & sensuali curiositate aspicere fœminam transeuntem, vel ejus manum aut pedem premere, digitos intorquere, &c. quin ulterius velit progredi?

86. Alii distinguunt inter materiam luxuriæ, & veneream: nam luxuria (ajunt) late patet ad omnem culpam, pertinentem maxime ad sensum tactus: sed res venerea, quam proprie vocamus libi-

libidinofam, restringitur ad culpas pertinentes ad generationem. Atque hæc delectatio venerea oritur in, vel circa partes genitales ob commotionem, vel alterationem spirituum generationi fervientium. Qua distinctione supposita asserit hæc sententia, in materia luxuriæ posse dari parvitatem materiæ: ut si fiat tactus levis ex joco, vel curiositate; vel quando matres, aut nutrices magna cum suavitate tangunt, vel osculantur pueros tenellos, &c. Negat vero, dari parvitatem materiæ in re venerea: nam eo ipso, quod venerea est, pariter est inchoatio copulæ, aut pollutionis, quæ inter solutos semper est peccatum mortale, dummodo sit perfecte voluntaria. *Mastrius disp. 11. num. 145. post Tamburinum lib. 7. cap. 8. §. 1. & quidam alii.*

87. Tertia, & cæteris probabilior, simulque cõmunior sententia asserit, quamvis in materia venerea possit dari, & sæpenumero detur, peccatum veniale ratione imperfecti consensus, vel ob defectum plenæ advertentiæ & deliberationis; ut est certum, atque indubitatum; eo quod in hac pugna quotidiana facillime contingat aliqua negligentia in repellendis turpibus motibus, vel etiam imperfecta complacentia, sufficiens ad peccatum veniale: nihilominus ait, in re tam lubrica ex sola parvitate materiæ non dari peccatum veniale. Modo cæteroquin adsit deliberata advertentia, & voluntarium sufficiens ad peccatum mortale constituendum. Ita Sanchez *lib. 5. in Decalogum, cap. 6. num. 12.* ubi priorem sententiam suam revocat, simulque asserit, a Summis Pontificibus Clemente VIII. & Paulo V. hanc posteriorem sententiam esse approbatam. Concordant novissimum Decretum Alexandri VII. n. 71. jam citatum, in quo damnatur sequens Propositio, ordine 40. *Est probabilis opinio, quæ dicit, esse tantum veniale osculum habitum ob delectationem carnalem, & sensibilem, quæ ex osculo oritur, secluso periculo consensus ulterioris, & pollutionis.*

88. Accedit ratio: quia omnis delectatio venerea est inchoatio quædam pollutionis: atqui omnis talis inchoatio, cæteroquin sufficienter deliberata & voluntaria, est peccatum mortale; ergo. Major desumitur ex Galeno *lib. 14. de usu partium, cap. 9. & 10.* ubi ait, quod delectatio venerea sit, quæ in carne confurgit ex motu humoris ferofi, qualis est substantia seminis incallescentis per commotionem spirituum generationi subservientium.

89. Ad rationes contrariæ sententiæ *num. 85.* adductæ, atque ad primam earum dicitur, etiam in materia Blasphemix, Perjurii, & quibusdam aliis non dari peccatum veniale ex sola parvitate materiæ: unde non mirum, quod idem dicatur de materia, seu delectatione venerea, cæteroquin plene deliberata, & eo modo voluntaria, prout ad grave peccatum constituendum conformiter dictis requiritur. Ad alteram dicitur, eadem non raro excusari a mortali, eo quod non ob delectationem veneream, sed potius ex joco, levitate, aut alio consimili vano fine fiant: alias foret secus dicendum.

90. Ad secundam sententiam, ejusque fundamenta respondetur eodem modo: nam, quidquid sit de data distinctione inter materiam luxuriæ,

& veneream (quæ pro solutione hujus difficultatis minus est necessaria) ad tactus ex se non impudicos, atque ex joco, levitate, vel curiositate factos, jam patet ex dictis. Oscula vero materna, vel Nutricum, inde merito excusantur, quia non ob delectationem veneream (nam hæc plene voluntaria, non vacaret culpa gravi) sed ex materno, castoque amore erga proprias proles, aut ætatem tenellam, innocentemque, proficisci solent: quia igitur oscula, juxta consuetudinem patriæ ex motivo amicitix facta, cõmuniter excusantur a peccato; non mirum, etiam oscula materna, vel Nutricum, ad abblandiendum tenellæ ætati exhibitæ, pariformiter excusanda fore.

## DISTINCTIO V.

*De septimo Præcepto Decalogi.*

### QUÆSTIO I.

Quid sit Furtum, & quæ quantitas ad Furtum mortale sufficiat?

### SUMMARIUM.

1. *Septimum præceptum, quale?*
2. *Furtum, quid?*
3. *Tria ad Furtum concurrunt, quæ?*  
*Plagium, quid?*  
(a) *Dist. 4. n. 39. & seqq.*
4. *Furtum non fit, si dominus non est rationabiliter invitus.*  
(b) *De hoc infra n. 10. & 13.*
5. *Furtum, quale peccatum?*
6. *Quæ quantitas sufficiat ad Furtum mortale?*
7. *Ea definienda tum ex quantitate rei ablata, tum ex circumstantiis, &c.*
8. *Taxatio ejus juxta varios status hominum.*
9. *Alius modus taxandi juxta victum unius diei.*
10. *In extrema necessitate licitum est, aliena surripere.*
11. *Nisi detinens sit in pari necessitate.*
12. *Magis debet quis diligere se, quam Proximum, quomodo?*
13. *Obsecutio notabilis, & an tunc sit licitum furari?*
14. *An idem possit fieri in gravi necessitate?*

1. **S**eptimum Præceptum Decalogi per modum negationis traditur *Exodi cap. 20.* illis verbis: *Non fur tuum facies*; eoque non tantum prohibetur Furtum, sed etiam quæcumque injusta rei alienæ contrectatio, aut damnificatio, quæ multiplicibus modis accidere potest. Insuper virtute ejusdem Præcepti præcipitur restitutio rei alienæ; quia, sicut præceptum affirmativum includit virtualiter negativum (prout præceptum de diligendo Proximo involvit aliud, ne Proximum injuste lædamus) ita econtra præceptum negativum de non furando includit affirmativum, ut injuste ablatum restituamus; juxta quod post S. Augustinum dicitur *Reg. 4. p. 17 s. in 6. Peccatum non dimittitur, nisi restituatur ablatum.* Nunc quantum attinet ad Furtum, sit

2. **CONCL. I.** *Furtum* est occulta acceptio rei alienæ, domino rationabiliter invito. Ita in re communis Theologorum. Concordat textus *1. 1. ff. de Furtis*, ibi: *Furtum est contrectatio rei fraudulosa lucri faciendi causa, vel ipsius rei, vel etiam usus ejus, possessionisve.*

3. **Tria**

3. Tria siquidem ad rationem Furti concurrunt. I. Quod sit contra Iustitiam; nam Furtum aufert alienum domino rationabiliter invito. II. Quod aliquis rem ab altero possessionem auferat, sive contrectet lucri faciendi causa: nam Furtum proprie est rerum mobilium, non vero immobilium vel incorporalium, quæ contrectari, sive ab uno loco in alium moveri nequeunt. Deinde per hoc differt Furtum ab injusta Damnificatione, utpote in qua destruitur res aliena, nihil autem auferitur lucri faciendi causa. Tandem per hoc differt Furtum ab Adulterio, & Homicidio, quæ sunt peccata contra personam; item a Plagio, seu crimine Plagiatus (quod committitur ab eo, qui hominem liberum, v. g. uxorem, vel prolem alterius aufert ad vendendum, aut retinendum in mancipium) simulque a Raptu, de quo jam supra. (a) III. Requiritur ad Furtum, ut res aliena occulte auferatur: nam per hoc differt Furtum a Rapina, quæ est occupatio rei alienæ cum violentia; nimirum dum sciente domino, & vim patiente, auferitur ipsi invito suum.

4. Additur notanter in Conclusionem, & prima conditione Furti, domino rationabiliter invito: Nam qui ab amente, ebrio, vel furioso gladium aufert, ne ille aliquem percutiat, Furtum non committit: etsi enim alter sit invitatus, non tamen est invitatus rationabiliter. Similiter, qui in extrema necessitate constitutus ab alio aufert, quod sibi ad vitæ sustentationem est necessarium, furari non dicitur; tum quia non aufert alienum, eo quod in extrema necessitate Jure naturæ sint omnia communia: tum quia hac ipsa de causa alter non est rationabiliter invitatus (b)

5. CONCL. II. Furtum ex genere suo est peccatum mortale, licet quandoque parvitas rei Furto ablata excuset a mortali. Ita communis; idque patet ex *cap. 20. Exodi, Non furtum facies.* Item ex illo *1. Corinth. 6. Neque fures, neque rapaces regnum Dei possidebunt.* Quod autem parvitas materiæ excuset a mortali, patet de furante unicuique obolum, vel hujusmodi.

6. Quænam autem quantitas sufficiat ad constituendum peccatum mortale Furti, tot prope modum sunt sententiæ, quot capita. Cujus diversitatis ratio est: quia malitia & gravitas Furti provenit ex damno, quod Proximo injuste inferitur; non autem omnes patiuntur æquale damnum ex jactura ejusdem quantitatis, ac rei. Siquidem majus censetur damnum ex re ablata tempore annonæ, minus tempore abundantie: majus, si auferatur pauperi; minus, si diviti: majus, si auferatur pecunia in loco, ubi modica reperitur, sicque exigua pecuniæ quantitate potest vita sustentari; minus, ubi argentum est in abundantia, &c. Hinc sit

7. CONCL. III. Quantitas Furti ad peccatum mortale sufficiens non potest una certa absolute taxari, sed ea prudentum arbitrio definienda est, non solum ex quantitate rei ablata, sed etiam ex circumstantiis personæ per Furtum læsæ, temporis, locorum, & hujusmodi. Hæc sententia est communior Doctorum, & patet ex proxime dictis: quia, quod respectu unius censetur notabile, respectu alterius non censetur tale, sed potius modicum & parvi momenti. Similiter, quod tem-

pore annonæ est quid magnum, tempore ubertatis censetur parvum, &c. Hinc bene consideranda sunt prudenti judicio omnes circumstantiæ.

8. Juxta hanc sententiam potest probabiliter dici cum Lessio *lib. 2. cap. 12. num. 19. & seqq.* quod respectu omnium, etiam Regis, & hominis prædivitis, unus Aureus (vulgo apud nostrates, unus Ducatus) videatur quid notabile. Deinde respectu mediocriter divitum quatuor Regales (*Regalis*, Italice *ju'ius*, valet decem circiter Crucigeros, aut tres Paceos nostrates, ut indicat Lugo *disp. 16. de just. & jure n. 20.* Lessius autem *loc. cit. n. 30.* quatuor Regales appellat unum florenum: alii parum plus, vel minus, valere tales monetas æstimant.) Quatuor, inquam, Regales, vel unus florenus respectu mediocriter divitum censetur quid notabile, juxta Petrum Navarrum, & alios. Tertio, respectu Mechanicorum quantitas notabilis censetur duo Regales, vel aliquid ultra. Quarto, respectu Pauperis sufficit unus Regalis, vel etiam dimidius.

9. Alii vero, atque inter eos Sannig *disp. 10. de just. quæst. 1. n. 7.* & Layman *lib. 3. tract. 3. part. 1. n. 3.* probabiliter censent, eam esse notabilem Furti quantitatem, ac peccati mortalis materiam, quæ ad victum unius diei sufficit illi homini, cui injuria Furti inferitur. Veluti si a Mercatore valde divite fureris duos, vel tres nostrates florenos; a Cive mediocriter divite duodecim, vel quindecim paceos; ab Operario tres, vel quatuor paceos; a Mendico paucos nummos, quibus uno die utcumque se aluisset: nam auferre cuiquam victum unius diei, non immerito quid notabile reputatur. Duo autem, vel tres Ducati, a quocumque tandem auferantur, etiam Rege potentissimo, peccatum mortale constituunt, juxta communem.

\* Nec dicas: Duos vel tres ducatos non sufficere pro sustentatione unius diei respectu potentissimi Regis, adeoque conformiter præcedenti Doctrinæ neque constituere peccatum grave, si tali Regi auferantur. Respondet enim ad istam objectionem La Croix *lib. 3. part. 1. n. 997.* negando anteced. si volumus respicere solam personam Regis, atque ordinariam ejusdem mensuram, & quidem prudenter æconomicam ac frugalem: extraordinaria autem convivia, & aulae pompa, atque apparatus armorum huc non spectant, sed solummodo attenditur ad sustentationem diurnam ordinariam. Vide Sabin. Bononien. in *Luce Morali Tract. 31. n. 20.*

Quod si autem ulterius velis libenter scire, cur ergo gravitas furti desumatur potius per ordinem ad sustentationem diurnam, cuilibet statui proportionatam, quam respiciendo ad aliquid aliud? Respond. ex La Croix *Lib. 3. Theolog. Moral. part. 1. n. 995.* hoc ideo fieri: quia indigere sustentatione diurna est commune omni homini, adeoque exinde commode peti potest regula communis, ut nimirum censetur universaliter grave & prudenter sensibile detrimentum, si quis per integrum diem hac sua sustentatione privatur, dum huic de Bonis externis tamquam mediis ad hunc finem (nimirum ad vitæ sustentationem) præcipue ordinatis tantum auferatur, quantum alias sufficeret pro una diurna

diurna sustentatione; hoc enim ab omnibus fere hominibus prudentibus reputatur per se notabile damnum, uti recte advertit noster Sabinus Bononiensis in sua *Luce Moral. part. 1. tract. 3* 1. n. 22.

Porro, quando quoad gravitatem furti dignoscendam ab Auctoribus recurritur ad sustentationem diurnam, duo præcipue notanda sunt. In primis, quod per sustentationem hic intelligantur necessaria ad honeste vivendum, & quidem secundum communem & mediocrem modum, quem servant homines similis conditionis, uti superius suo modo insinuatam jam fuit. Secundo, quod allegata mensura dignoscendi gravitatem furti tantummodo fiat in ordine ad personas extraneas, & quidem in eo casu, quo similis quantitas simul, & semel aufertur: nam si eadem summa surriperetur occulte a domesticis, vel quidem ab extraneis, sed per furta minuta, tunc in utroque casu requiritur major quantitas ad constituendum peccatum grave, cum ordinarie utrobique homines non sint tam cito graviter invitati, ut dicetur inferius questione sequenti.

Interea tamen ex Lessio *lib. 2. cap. 12. n. 15*, hoc sibi adhuc bene notent Confessarii, ut poenitentibus illis, qui commode vel ipsis Dominis, vel alias pauperibus restituere possunt, ordinarie inculcent onus illud restitutionis, quamvis furta eorum necdum constituerent summam gravem, præsertim si res simul & semel, vel etiam per furta minuta ablata suo modo proximius accedat ad aliquam summam notabilem: nam tunc non tam facile, sicuti in rebus levissimi momenti, præsumi prudenter potest condonatio Domini, adeoque saltem sub culpa levi adstringuntur ad restitutionem, & præterea non restituentes exponuntur periculo, ne pauca etiam adhuc ex se levia furta superaddentes, exinde compleant summam gravem, faciendo computationem ac moralem unionem cum præcedentibus: Item alias homines per hujusmodi furtula fiunt ad furta majora proniores.

Quæres I. An circa materiam gravem vel levem furti eodem modo discurrendum sit, si res sacra, si ve profana auferantur? Ad hoc dubium ex Baldellio La Croix *lib. 3. part. 1. n. 1003*, respondet: Si materia furti sacrilegi sit res, quæ pretio temporali solet æstimari (uti sunt Patena, Calix, Calula &c.) gravitas vel levitas furti sacrilegi eo modo, quo in aliis profanis, determinari debet, attento valore secundum communem æstimationem. Quod si vero res aliqua adæquate sit sacra, v. g. Reliquiæ, existimant nonnulli, non dari parvitatem materiæ, sed semper peccari mortaliter, quantumcumque parum abstrahatur, quia Clemens VIII. Paulus V. & Urbanus VIII. excommunicant ipso facto illos, qui absque consensu eorum, qui præsunt Ecclesiis in districtu Romano, extrahunt minimas, & quidquid potest habere umbram aut prætextum alicujus Reliquiæ. Recte tamen notant Sanchez, Bonac. Castropalao & alii cum Diana *part. 5. Tr. 5. R. 35*, pro locis extra districtum Romanum dari parvitatem materiæ, & considerandam esse dignitatem, aut raritatem Reliquiarum: ideoque fore mortale, si quis minimam particulam Sacrae Crucis furaretur: contra fore veniale, si quis a corpore alicujus Sancti

aufferet aliquid pulveris, capillum, aut simile quid, quod neque deformat ipsas Reliquias, neque earum æstimationem diminuit. Hucusque ex Baldellio La Croix *loc. cit.* \*

10. Quæres: Utrum in extrema, vel etiam gravi necessitate, licitum sit aliena occulte sibi surripere? Resp. I. In extrema necessitate id licitum est pro vitæ suæ conservatione, nisi & ipse detinens sit in pari necessitate. Ita Scorus 4. *disp. 15. q. 2. ad 5.* & alii. Siquidem in articulo extremæ necessitatis omnia sunt communia: non quidem hoc ita intelligendo, quasi per extremam necessitatē statim transferatur dominium omnium rerum in habentem eam; sed quia quoad jus utendi in ordine ad conservationem vitæ, omnia tunc sunt communia. Hinc c. *Exiit*, §. *Nec quidquam*, de Verb. signif. in 6. dicitur: *Nec jure poli in extrema necessitatis articulo ad providendum sustentationi naturæ viâ omnibus extrema necessitate detentis concessa præcluditur: cum ab omni lege extrema necessitas sit exempta.*

11. Additur notanter, *nisi & ipse detinens sit in pari necessitate*: Tunc enim hoc non liceret, prout bene notat Doctor Subtilis *loc. cit.* Ratio est: quia tunc duplici jure res illa detinenti debetur, Primo, propter æqualem extremam necessitatem: Secundo, propter dominam, possessionemque rei, a qua nunquam cecidit.

12. Neque hisce obstat, quod quis magis debeat diligere se, quam Proximum. Resp. enim, id intelligendum esse de dilectione ordinata; talis autem non foret, si quis magis vellet conservationem injustam vitæ suæ, quam conservationem justam vitæ Proximi. Unde non obstante dilectione sui ipsius, magis debet latro sustinere suspendium, quam occidere suspendentem, ut evadat.

13. Urgebis autem contra principalem responsionem. Innocentius XI. in Decreto 1679. die 2. Martii emanato, inter alias Propositiones damnavit etiam hanc, ordine 36. *Permissum est furari, non solum in extrema necessitate, sed etiam in gravi* ergo data responsio non videtur posse subsistere. Resp. negando consequentiam: nam, ut habetur in Præfatione dicti Decreti, Propositiones illæ: *Sicut jacens*, sunt damnatæ. Unde merito cavenda erit ista: *Permissum est, furari in gravi necessitate*. Deinde allata nostra responsio solum dicit, tunc licitum esse, rem alterius surripere pro vitæ suæ conservatione; non autem asserit, permissum esse furari in extrema necessitate: nam hac stante, nequit dominus esse rationabiliter invitatus, cum jure poli omnia sint communia pro necessario usu ad vitam conservandam. Et quia Furtum est occulta acceptatio rei domino rationabiliter invito, proprie loquendo implicat in terminis, Furtum committi, & dominum non esse rationabiliter invitatum; aut, si hic sit rationabiliter invitatus, ejusmodi Furtum esse licitum.

14. Resp. II. In gravi dumtaxat necessitate non est licitum furari, neque surripere rem Proximæ. Ita conformiter Doctori Subtili *loc. cit.* Mastrius *disp. 9. Theol. Moral. n. 21*, appellans hanc sententiam communiorē & veriorē, quamvis nonnulli apud Lugonem *disp. 16. de just. & jure, num. 153*, oppositam sententiam probabilem censuerint. Delu-



Defunditur hoc in primis ex allegato Decreto Innocentii XI. Accedit ratio: tum quia sola extrema necessitas facit, ut omnia sint communia, non vero gravis: tum quia per oppositam sententiam datur ansa non solum pauperibus, verum & aliis in gravi necessitate constitutis, passim occulte alienum furripiendi, imo verius furandi, ut sic evadere possint publicam ignominiam, status sui amissionem, vitæ abbreviationem, &c. Unde plurimum Respublica perturbaretur, eo quod tales necessitates crebrius occurrere soleant.

## QUÆSTIO II.

De minutis, ac Domesticorum Furtis.

### SUMMARIUM.

15. Modicum furans animo furandi plura si posset, peccat mortaliter.
16. An teneatur ad restitutionem?
17. Quomodo peccet, qui per Furta minuta intendit ditescere?
18. Declaratur amplius.
19. Solvitur notabilis instantia.
20. Furantes minuta tenentur restituere, quomodo?
21. Ad Furtum mortale in minutis, requiritur major quantitas, & qualis?
22. Per furta domestica potest graviter delinqui.
23. An ex his nascatur actio Furti?
24. Quid quoad Furta famulorum, aut mercenariorum?
25. Ad grave Furtum Domesticorum requiritur major quantitas.
26. Quid de Furto filii familias?
27. Praesertim operantis in obsequium patris?
28. Uxor furripiendo potest graviter peccare.
29. Quæ quantitas ad hoc requiritur?
30. Quid si assumat in bonum familia?
31. Aut maritus non sit invitatus &c.
32. Quid de Bonis paraphernis uxoris?  
(a) Tract. 7. Dist. 4. q. 2. n. 17.
33. Uxor potest facere donationes, ac elemosinas, quas?
34. Item impensas necessarias pro sustentatione familiae.
35. Aut averseione gravis damni.
36. Quid si maritus sit dissipator. Bonorum communium?
37. Ad Furtum grave famulorum major requiritur quantitas.
38. Hæc unde colligenda?
39. Propositio damnata, & ratio damnationis ejus.
40. Quid in casu manifesta injustitie.

15. **C**ONCL. I. Si quis modicum quid auferat, animo tamen & voluntate plura auferendi, si posset, certum est, quod peccet mortaliter. Ratio est clara: quia talis habet pravam voluntatem, & affectum furandi quantitatem notabilem, si posset: atqui sola voluntas prava jam fuisset apud Deum pro peccato gravi; ergo. Unde notat Laymen loc. cit. n. 3. si poenitens confiteatur, modicum quid se furtum, eum quandoque a Confessario esse examinandum, an non habuerit animum plura furripiendi, si adfuisset occasio?

16. Cæterum talis fur, non obstante pravo affectu interiori quantitatem notabilem furandi, si posset, non incurreret sententiam excommunicationis alicubi latam in eos, qui rem notabilem furantur: neque tenebitur sub mortali (bene tamen sub veniali, si posset) ad illius modici restitutionem.

17. **C**ONCL. II. Qui per furta minuta intendit ditescere, & conquirere notabilem pecunie quantitatem, peccat mortaliter illa prava intentione, & quovis externo Furto minuto ex vi illius intentionis deliberate procedente. Ita communis Doctorum. Ratio est: quia talis intendit accipere rem alienam magni momenti, invito Domino, simulque singula externa Furta procedunt ex intentione mortifera furandi sensim quantitatem notabilem. Unde de similibus dicitur Proverb. 11. Statuta dolosa abominabilis est apud Deum. Et Deuter. 25. Non habebis in sacculo diversa pondera, majus & minus &c. Abominatur enim Deus eum, qui facit hæc.

18. Notat tamen Lessius cit. cap. 12. num. 48. in singulis hujusmodi Furtis minutis non committi novum peccatum mortale, sed continuari jam coeptum: omnes enim istæ acceptiones, & detentiones acceptorum, censentur una continua executio illius prave intentionis.

19. Nec obstat dictis in Conclusionem, quod talis a pluribus successive minuta surripiens, nemini faciat, neque facere intendat notabilem injuriam; ac proinde non videatur peccare mortaliter. Resp. enim: etsi nemo in particulari sentiat grave detrimentum, tamen respectu Communitatis hoc est magnum incommodum, & valde repugnans societati humanæ; atque in omni Republica bene instituta adeo exosum, ut gravibus poenis passim puniri soleat; sicque tamquam res admodum noxia societati humanæ, merito sub peccato mortali prohibita censetur.

20. Ex his inferitur, quod sic furantes minuta, utputa fraudantes pondera, mensuras &c. teneantur ad restitutionem eis, a quibus acceperunt, quantum possunt: v. g. in simili occasione Furta minuta commissa dominis minutim supplendo; aut, si ii ignorentur, vel amplius conveniri non possint, talia pauperibus erogando, prout in simili dicitur c. Cum tu, de Usuris. Et merito Innocentius XI. inter alias Propositiones etiam sequentem, ordine 38, damnavit: Non tenetur quis sub pena peccati mortalis restituere, quod ablatum est per parva furta, quamvis cumque sit magna summa rei illius.

\* At ponamus, quod quis per plures res minutas, sive uni, sive pluribus ablatas, non voluerit ditescere, sed etiam furta minuta tantum eo occasione successive commiserit, non intendens notabile aliquid acquirere, nec proximo graviter nocere, constituentie similia plura furta peccatum mortale, si tandem perveniat ad summam gravem &c. Item obligaturne talis sub mortali ad restitutionem? Resp. I. Quando talis auferens advertit, ac se reflectit, hanc materiam ex se levem con crescere cum præcedentibus ablatis in summam aliquam gravem, tunc deliberate ac reflexe pro eo tempore, quo actualiter sic con crescit, auferens, peccat mortaliter, & sub mortali tenetur ad restitutionem, quamvis dicta materia ex se foret levis. Ita.

Ita cum communi contra nonnullos Sporer *Tr. 8. §. in Decalog. c. 5. n. 37.* Ratio a La Croix *lib. 5. part. 1. n. 1005.* recte assignatur ista: quia voluntas intendens retinere priores materias, & adiciens hanc, habet pro objecto totam illam materiam moraliter inter se unitam, quæ gravis est, & graviter damnificat. Excipe tamen, nisi simul pro tunc quis habeat efficacem voluntatem ex præcedentibus furtis minutis restituendi saltem tantum, ut non amplius conficiatur exinde, & cum materia præsentis moraliter una summa gravis: tunc enim ablatio non foret peccatum grave.

Respond. II. Si auferens plures res leves per plura furta minuta, nec habuit intentionem distendi, nec ullam fecit in auferendo reflexionem, quod concrecant furta hæc minuta antecedentia & subsequencia ex parte objecti seu materię ablatæ in summam notabilem, seu damnum grave tertii, vel alicujus communitatis; tunc equidem talis auferendo non peccavit mortaliter, obligatur tamen nihilominus ad restitutionem, saltem si res illa coalescens in summam notabilem apud ipsum adhuc existat in specie, vel in æquivalenti, id est, si exinde factus fuerit ditior. Ita sub his terminis teste Sporer *Tr. 8. §. in Decalog. c. 5. sect. 2. §. 3. n. 40.* Communis ac certa Doctorum, & patet ex propositione damnata superius *n. 20.* allegata. Nec dicas: ex delictis venialibus (qualia solummodo intervenirent in præsentis) alias juxta multos Doctores non oriri obligationem sub gravi ad restitutionem. Respondeo enim in præsentis hanc obligationem restituendi sub gravi oriri non tam ratione delicti in ipsa injusta acceptione seu ablatione commissi, quam ratione rei acceptæ, seu rei alienæ detentæ in quantitate notabili: tenemur enim rem alienam notabilem apud nos existentem sub gravi, quando recognoscimus alienam, restituere, quamvis eandem ab initio recepissemus absque interventione ullius peccati etiam venialis; credentes bona fide, & ex ignorantia invincibili, rem istam esse nostram, dummodo res ista apud nos adhuc existat in specie, vel in æquivalenti, e.g. putavi, hanc catenam auream hereditate acquisitam esse meam; postea autem experior, eam fuisse furto ablatam, teneor in hoc casu restituere, etsi accipiendo nullum prorsus peccatum commiserim. Quod si vero ponas in casu, quod præcedentes res leves, per furta minuta absque aliqua reflexione ad concrecentiam exinde summa gravis ablatæ, omnino sint jam consumptæ, ita, ut neque ex his surripient factus fuerit ditior, in simili emergentia non desunt Auctores, qui ex allegato superius fundamento commoti cum Oviedo, Diana &c. contra alios negant adesse obligationem sub gravi restituendi taliter ablatæ. De quo vide fufius La Croix *lib. 3. part. 2. num. 245. ac seqq.* ubi aliquot Auctores, & rationes pro & contra adducit, & demum concludit, quod, etsi ex tali peccato veniali ob semideliberationem actus non oriatur obligatio gravis; bene tamen ea oriri valeat, si tale peccatum veniale fuerit deliberatum, & ex ejus multiplicatione concrecat materia gravis. \*

21. CONCL. III. Non eadem quantitas, quæ simul accepta sufficeret ad Furtum grave, sufficit

ad hoc, quando per plura fortuita Furta minuta ad eam pervenitur, sed requiritur major quantitas. Ita Doctores communiter. Ratio est: quia domini non ita facile sunt inviti in his Furtis interpolatis, & fortuitis; taliaque minus agre ferre solent, quam si eadem quantitas simul ac semel auferatur. Unde Lessius *loc. cit. n. 46.* inquit: Si mortifere peccat, & ad restitutionem is tenetur, qui ab eodem homine aufert decem simul, requiruntur quindecim, vel sedecim, aut etiam viginti, ut quis sub mortali teneatur restituere ablatum per Furta minuta fortuita, præsertim si longis intervallis facta sint.

\* Similiter Lessius cum Sanchez, Rebello & aliis subjungit ex eodem fundamento, eo majorem requiri quantitatem ad constituendum peccatum grave in genere furti, quo plures numero fuerint illi, qui per furta minuta erant damnificati: nam damnum divisum in plures, censetur minus sensibile. Hincque Molina & Diana in simili casu requirunt saltem duplum: Sanchez & Cardenas putant, si auferatur a pluribus, qui unam communitatem constituunt, unum aureum sufficere ad peccatum mortale: ac judicio Patris La Croix *lib. 3. part. 1. n. 1012.* poterit quandoque extendi ulterius, si communitas sit magna & dives; puta sub qua multi Mercatores & opulenti clyes continguntur; ultra duos tamen ducatos non vult extensionem admittere loquendo de extraneis.

Tandem pro complemento primæ partis hujus quæstionis de furtis minutis extraneorum adhuc indagabis, quid ergo præctice sentiendum sit de illis Sartoribus, Sutoribus, Textoribus ac similibus opificibus, qui pluribus successive per furta minuta surripiunt fragmenta seu reliquias materiarum datæ? Respondeo cum Lugone *de 7. & 9. disp. 1. §. 4. §. 2.* Diana *part. 2. tr. 6. Resolut. 16.* ac Sporer *Tr. 8. §. in Decalog. sect. 2. §. 4. n. 68.* Si similia fragmenta sint suo modo majora, vel alias in pretio alicujus momenti, quæ a Dominis curantur, & concrecant in materiam gravem, peccari mortaliter eo modo, quæ discutiebatur, antea de rebus minutis uni, vel pluribus ablati. Secus ordinarie dicendum, si talia fragmenta sint levis momenti; cum similia a dominis ordinarie non multum curentur, vel omnino pro derelictis habeantur, adeoque non censeantur ad invicem concrecere in unam materiam gravem: quod maxime verum est, si similia levia fragmenta absque aliquo lucro speciali exinde quæsito iterum aliis, specialiter pauperibus, applicentur. \*

22. Quæres nunc quoad alteram partem Quæstionis, quid sentiendum sit de Furtis Domesticorum, id est, uxoris, filiorum, famulorum, &c. Resp. I. Certum est, eos posse peccare mortaliter peccato gravis Furti, si rationabiliter, & graviter invito patrefamilias, notabile aliquid surripiant. Patet hoc ex illo generali Præcepto Decalogi: *Non furtum facies.*

23. Solum hic notandum est, etsi tales in Foro conscientie vero sint fures, adhuc tamen contra eos in Foro externo non dari propriam Actionem furti pœnalem, & famosam. Et quidem inter conjuges vere posse dari Furtum, adeo ut ejusmodi

modi res tamquam furtiva usurpi non possit, quamvis ob honorem Matrimonii cesset inter eos *Actio furti*, nec vocetur *Furtum*, sed meliori nomine *Amotio*, & inde sequens *Actio rerum amotarum*, clare habetur *L. v. & seqq. ff. de Actione rerum amotarum*. Similiter si filius, vel servus, surripiat patri vel domino, Furtum committi, & rem effici furtivam, non autem inde nasci Actionem furti, textus est §. *Hi qui*, *Instit. de Actionibus, quæ ex delicto*, &c. Cum non magis cum his, quos in potestate habemus, quam nobiscum ipsi agere possimus.

24. Tandem, quod alia Furta domestica, videlicet commissa a famulis, aut mercenariis nobiscum degentibus, si leviora fuerint, publice vindicanda non sunt, ac proinde non pariant Actionem furti, patet ex *L. Respicendum, ff. de Pænis*. Unde si per talia Furta lætis, postmodum fiat debita satisfactio mediante restitutione ablatorum, cessat in Foro externo omnis Actio pœnalis & famosa. Quod si hoc non fiat, ac proinde pater familias a domesticis, vel eorum familiaribus, nequeat rem ablatam recuperare; tunc is etiam Iudicis auxilium implorare poterit, quod hi ad restitutionem compellantur. Quinimo si eorum Furta sint immodica, vel nimis multiplicata, etiam pœna corporali puniri solent; prout post Julium Clarum *l. §. Sententia §. Furtum, n. 22.* notat Layman *tit. cap. 1. n. 4.*

25. Resp. II. Certum videtur, ad furtum grave Domesticorum non sufficere eandem quantitatem, quæ ad grave furtum hominis externi sufficeret. Ita Lugo *disp. 16. de just. & iure, sect. 4. n. 63.* & alii communiter. Ratio est: quia respectu Domesticorum non ita facile invitatus est pater familias, sicut adversus extraneos, ut patet ex communi sensu hominum.

26. Et quidem de filiis familias loquendo, parentes non raro magis sunt invitati quoad modum, quam quoad substantiam. Et fortasse (ut inquit Lugo *loc. cit. n. 76.*) displicet usus ipse in tali, vel tali materia; non tamen volunt semper graviter obligare filium ad culpam lethalem in ea acceptance, & multo minus ad restitutionem, postquam pecunia consumpta est.

\* Præsertim non oportet ordinarie loquendo facere multos scrupulos circa esculentia, & potulentia, si filiis familias ipsimet absumpserint: secus, si in magna respectu quantitate alii vendiderint, & pecunias exinde comparatas ad malos usus luriæ applicarint, vel si similia in notabili quantitate aliis minus indigentibus & luriis hominibus donarint, forsitan ut per easdem occasiones acquirerent, impura, aliave illicita desideria sua executioni mandandi.

Item quamvis AA. moderni communiter admittant nobiscum, quod furari tres ducatos respectu extranei sit grave peccatum, etsi auferatur prædialitici Regi, nihilominus quoad domesticos, & filios familias, Navarrus, Lessius, Filicrucius & alii apud Sporer & La Croix hic volunt, Filium non esse condemnandum peccati mortalis, si duos vel tres aureos auferat a Patre valde divite: quod etiam non improbat Cardinalis de Lugo.

27. Adde ex eodem Lugone *num. 77.* & aliis, quando filius in commodum & obsequium patris ultra suum debitum operatur, & lucratur, posse in mercedem sui laboris & obsequii (nisi aliunde præstetur) aliquid accipere. Sed ne laxentur habent filius ad Furta domestica, illud bene notandum est, quod dicitur *Proverb. 28. Qui subtrahit aliquid a patre suo, vel a matre, & dicit: hoc non esse peccatum, participes homicida est.*

28. Uxorem quod attinet, ea quidem graviter peccat, & etiam mortaliter, si Summam notabilem ex bonis mariti, vel quorum administratio ad ipsum pertinet, utpote qui ex ipsis tenetur providere familiæ, ipso rationabiliter invito accipiat. In hisce tamen casibus multa sunt observanda.

29. I. In huiusmodi Furtis major ad peccatum mortale requiritur quantitas, quam in aliis: hæc autem quantitas iudicio prudentis, spectato statu, opibus & cæteris dijudicanda est, num sit notabilis, & excedens notabiliter consuetudinem aliarum mulierum suæ conditionis, nec ne.

30. II. Si uxor absumat in bonum familiæ, in quod maritus ipse erat absumpturus, ipsa non obligatur ad quidquam restituendum; prout inter alios notat Gobat *tract. §. Quinarius, tap. 22. num. 28.* Ratio est: quia nullo damno reali, & æstimabili, afficit hoc modo maritum; esto, affecerit eum injuriæ, usurpando sibi ipsius officium, atque administrationem bonorum communium.

31. III. Si maritus ipse aut omnino invitatus non sit, sed rogatus facile concederet, aut si irrationabiliter solum invitatus, non peccat uxor aliquid ex ejusdem bonis surripiendo. Ratio est clara: quia aut maritus invitatus non est, aut certe non rationabiliter invitatus, uti supponitur; ergo uxor jam hoc ipso non committit Furtum in tali casu, prout liquet ex ipsa definitione Furti, de qua *n. 20. & seqq.*

32. IV. Potest insuper uxor libere donare ex bonis suis paraphernis, spectato Jure communi Cæsareo, ac nisi aliter inter virum & ipsam fuerit conventum. *leg. Hac lege, Cod. de Pactis conventis.* Verum de hoc jam alibi. (c)

33. V. Potest etiam uxor ex bonis communibus facere donationes, & elemosynas secundum consuetudinem aliarum mulierum suæ conditionis. Quod si vir vetet, videtur vetare excessum; alioquin foret irrationabiliter contrarius, seu invitatus; siquidem uxor non est mancipium viri, sed socia, habens etiam quamdam auctoritatem administrationis, etsi viro subjectam, ne quid inordinate fiat; unde nequit ei maritus omnes donationes, etiam moderatas, & rationabiles prohibere.

\* Diana, Tamburinus & Banez loquentes de expensis, quas uxor facit in elemosynas, & alias honestas donationes, ajunt, uxorem non esse condemnandam gravis peccati, si taliter expendat singulis annis partem vigesimam lucri annui, seu annuorum reddituum, quam regulam observari posse, inquit Sporer *tract. §. in Decalog. cap. §. sect. 2. num. 52.* Ubi tamen sapienter subjungit; eandem regulam habere locum solummodo tunc, quando redditus annui non sunt nimii; nam alias uxor Principis v. g. posset singulis annis citra mor-



tale peccatum auferre marito decem millia ducatorum, si redditus annui Principis forent ducenta millia, utpote cum decem millia ducatorum forent vigesima pars talis summæ: atqui hoc videtur contra communem persuasionem, idque nec ditissimorum consuetudo probat: ergo.\*

34. VI. Insuper potest uxor in suas, liberorum, totiusque familiæ necessitates, atque adeo in victum, vestitum, medicinas, accipere, & convertere tantum, quantum teneretur maritus, posito, quod hic præ avaritia, vel ignorantia non subministret talia necessaria.

\* Sic si Pater filio ad bellum vel ad studia missus non suppeditaret necessaria secundum statum, posset eadem occulte ex bonis mariti seu ex communibus, si adsint, mittere mater, uti tenet *Lugo & J. & J. disp. 16. n. 68.* modo matrum nimius erga filios & excæcatus amor non sæpius suggerat necessitatem, ubi nulla est a parte rei. Item adverte, quod hæc doctrina, concedens matribus licentiam occulte quidpiam mittendi filiis pro conservando statu, intelligenda sit circa proles ex hoc ipso patre genitos. Etenim si uxor ista haberet proles ex præcedenti Matrimonio, deberet potius hisce, quando aliunde provisæ non sunt, succurrere ex propriis, si qua habet; licet cæteroquin Auctores nec similem uxorem mortalis peccati condemnent, si prolibus ex præcedenti Matrimonio, vel etiam parentibus suis aut fratribus ac sororibus, considerato statu suo vere pauperibus, applicaret eas eleemosynas & donationes, quas alias, conformiter dictis præcedentibus, facere posset. Ast ne quid nimis; alias forsan mentietur iniquitas sibi.\*

35. VII. Potest ulterius uxor eas alienationes facere, quas necessarias rationabiliter judicat ad avertendum a marito grave damnum, sive temporale, v. g. morbum, mortem, carcerem, si præ avaritia vel ignorantia id negligat maritus (sicut fecisse Abigail, ad perpetuam ejus laudem legitur *1. Reg. 25.*) sive spirituale, largiendo eleemosynas, ne Deus ipsum ob flagitia puniat, sed misericorditer convertat. Sic enim utilissime gerit uxor negotium mariti, cujus damnum etiam redundaret in ipsammet uxorem; ac proinde is nequit rationabiliter esse invitus.

36. Addit Lessius *l. 2. c. 12. n. 37.* & Layman *l. 3. tract. 4. cap. 13. num. 7.* Quando maritus est dissipator bonorum communium patrimonii in potationes, largas donationes, vel mulieres, non prohiberi uxorem, si ita opus esse videatur, occulta compensatione uti (eo quod vir tali modo faciat injuriam uxori) aliquid de bonis mariti subtrahendo: dummodo caveat, ne soluto matrimonio, propter ignorantiam factæ occultæ compensationis, restitutio dotis ipsi denuo fiat.

37. Quantum attinet ad famulos, & famulas, certum quoque est, plus requiri in iis ad Furtum grave, quam in extraneis. Ratio est: quia domini sciunt, attenta fragilitate humana, non posse, moraliter loquendo, ita ab iis administrari res de-

meisticas sibi committas, quin aliquid, præsertim in esculentis, & potulentis, adharreat manibus contrectantibus: licet, qui conducit operarios in vineam, supponit pro certo, utras ab ipsis comedendas usque ad libitum & saturitatem, nec posse bovem trituranti os alligari.

38. Porro, quænam quantitas sufficiat ad peccatum mortale in famulis, & ancillis, a multis pendet circumstantiis, ac præsertim a liberalitate & tenacitate dominorum; quorum aliqui liberales sunt, nec volunt erga famulos juris rigorem exercere, sed humana & communi fidelitate contenti esse, dummodo cæteroquin sua munia exacte præstent.

39. Ne autem hujusmodi famulis laxentur habentæ ad Furta domestica, Innocentius XI. hanc inter alias, ordine 37. Propositionem damnavit: *Famuli, & famula domestica possunt occulte heris suis surripere, ad compensandam operam suam, quam majorem j. dicant salario suo.* Et merito dicta Propositionio, sicut jacet, ad minimum tamquam scandalosa, & in praxi perniciofa, damnata fuit, quia erat inductiva famulorum ad plurima Furta: eo præsertim, quod judicium de insufficientia salarii relinquebat ipsis famulis, qui stante quocumque dubio, ob naturalem erga seipsum affectum, facile pro se judicarent; cum tamen nemo possit esse iudex in propria causa. Accedit, quod iniquum sit, patremfamilias, qui est in possessione suorum bonorum, superveniente dubio de sufficientia salarii, per occultam surreptionem a dicta suorum bonorum possessione deturbare, contra illud vulgatum: *In pari causa melior est conditio possidentis, arg. c. In pari de Reg. Juris in 6.*

40. Quod si vero luce meridiana clarius sit, herum committere injustitiam, vel minuendo salarii ex justitia debitum, vel non solvendo mercedem pacto promissam, tunc dictæ propositionis damnatio locum non habet: & poterit famulus in judicio petere æqualitatem mercedis sibi debite; aut, si ex aliqua causa id obtinere nequeat, extrajudicialiter sibi occulte compensare. Jo. Cardenas in *Crisi Theologica ad Propositionem 37. Innocentii XI. n. 38. & seq.*

\* Cæterum pro praxi eorum, quæ præcedentibus duabus quæstionibus diximus; ponamus, quempiam accedere Confessionalem, qui se accusat, quod furatus fuerit: ex tunc præ primis Confessarius, nisi poenitens ipsemet specificaverit, quærat de quantitate rei ablata, quam si respectu cujuslibet status absolute gravem deprehenderit, petat numerum, quoties distinctis ac interruptis vicibus, materiam gravem abstulerit, eumque obliget ad restitutionem, nisi aliqua addit ex causis excusantibus infra enarrandis. Quando vero materia ablata est talis, quæ non respectu cujuslibet illico censetur mortalis, tunc Confessarius, ut gravitatem aut levitatem furti, nec non obligationem gravem vel levem restituendi recte dignoscere queat, prudenter respiciat ad sequentes circumstantias. I. Advertat, quoniam sit auferens, num domesticus vel extraneus: Quod si domesticus, num Filius aut uxor vel potius famulus illius, cui res auferitur? II. Attendat, anam res illa sit ablata, num uni vel pluribus, an diviti vel pauperi, num mercatori aut civi communi, vel rustico

aut



aut operario &c. III. Quomodo fuerit ablata, an simul & semel, vel successive per furtiva minuta? Quod si per plura furtiva minuta, num habuerit animum exinde ditectendi, vel saltem se reflexerit, quod exinde deveniatur ad summam gravem vel non? &c. & commodas resolutiones desumet ex jam dictis. Sic enim, si filiusfamilias suo Parenti valde divitiis aliquid abstulit successive per furtiva minuta, jam confluunt simul tres causae, singulae diminuentes gravitatem furti. Et licet sane non expediat, similia passim manifestare talibus poenitentibus, ne ad furtiva promiores fiant, sed potius consultum sit, eosdem juxta jam dicta nihilominus ad aliquam restitutionem, quantum prudenter possibile, adstringere, vel saltem propterea certas preces injungere, deserviunt tamen non raro ista pro consolatione Confessarii, ut gravitatem vel levitatem peccati, & exinde exurgentem gravem vel levem obligationem restituendi, aut omnimodam condonationem dignoscere valeat. \*

### QUESTIO III.

De Cooperantibus ad Furtum, vel injustam Damnificationem.

#### SUMMARIUM.

41. Damnificatio injusta dupliciter fit.
42. Novem genera cooperandi ad Furtum, vel Damnificationem.
- (d) De hoc Quaest. seq. n. 60. & seq.
43. Jussio, &
44. Consilium, quos denotet?
45. Quando consulens teneatur ad restitutionem?
46. Obiectio notabilis.
47. Regula 62. Juris in 6. declaratur.
48. Consensus, quid importet?
49. Et quando censetur efficax?
50. Palpo, quis, & quando teneatur ad restitutionem?
51. Recursus, quid, & quomodo fiat?
52. Participans, dupliciter fit.
- (e) Adde dicta Tract. 4. Dist. 7. Quaest. 2. num. 23. & 24.
53. Aditus,
54. Non obstantes, &
55. Non manifestans, qui.
56. Et quomodo peccent, ac restituere teneantur?

41. **C**ertum est, quod contra septimum Praeceptum Decalogi non tantum delinquatur per Furtum, aut Rapinam, injuste aliena surripiendo, aut violenter rapiendo; sed etiam per quamcumque injustam Damnificationem Proximi in bonis fortunae. Dupliciter autem hoc potest contingere: Primo immediate, seu per seipsum id exequendo; ut si quis per seipsum furetur, aut rapiat violenter rem Proximi, vel ipsius bona damnificet. Secundo, mediate cooperando ad tale Furtum, Rapinam, vel Damnificationem; ut mandando, consulendo, vel alio simili modo.

42. Ceterum horum modorum cooperandi ad Furtum, vel Damnificationem alterius, novem sunt genera, quae non solum incurrunt reatum peccati cooperando ad tale injustum opus, sed etiam obligantur ad restitutionem in solidum (d) & hisce communibus vericulis apte comprehenduntur:

Quilibet in solidum reddat prius injuriato:

Jussio, Consilium, Consensus, Palpo, Recursus, Participans, Aditus, non obstantes, non manifestans.

Quorum priores sex modi positive cooperantur ad Furtum, vel damnum injustum inferendum; tres autem posteriores negative, id est, omittendo id, quod ex officio, atque justitia facere tenebantur. Omnes autem hasce personas, praedictis vericulis comprehensas, oportet breviter declarare. Itaque

43. De *Jussione* in primis loquendo, hoc nomine ille significatur, qui ita jubet, ut alterius animum ad Furtum, vel Damnificationem injustam inferendam moveat: ut si pater filio, dominus servo, aut alijs personis, sibi subditis, jubeat Furtum aut Rapinam facere, vel aliud damnum Proximo inferre. Talis secundum omnes non solum peccat jubendo opus pravam; sed etiam censetur causa damni illati per eum, qui ejus jussa sequendo damnum iatuit; & consequenter etiam tenetur ad restitutionem injuste ablatorum, sive compensationem damnificatorum.

44. De *Consilio* nunc loquendo, sub Consilio seu consulente comprehenduntur ii, qui sub pravo consilio permovent alterum ad aliquod malum, damnum sive maleficium, Proximis injuste inferendum. Huc pertinent adhortationes, preces, atque promissiones, ut alter excitetur efficaciter ad damnum injustum inferendum. Et tales non solum peccant mortaliter, si fraude, vel culpa lata (ut vocant Theologi) iniquum consilium dederint, ex quo grave damnum Proximo subsequutum est, sed etiam tenentur ad restitutionem.

45. Intellige, si altero pravam consilium suum sequente, grave damnum re ipsa sequatur: nam, si secus fiat, id est, si alter pravam consilium non sequatur, ac proinde consulens non fuerit efficaciter causa damni alicujus, etsi graviter peccaverit ratione pravi affectus interioris datique mali consilii, non tamen quidpiam tenetur restituere; eo quod altero meliora consilia sequente, nullum inde damnum cuipiam actualiter evenierit.

46. Dices: Nullus tenetur sequi consilium, quinimo explorare ac deliberare debet apud semetipsum, an illud sibi expediat, nec ne, *L. 2. ff. Mandati*: ergo non videtur, quod Consulens unquam possit incurrere obligationem restituendi. Accedit *Reg. 62. Juris in 6. ibi: nullus ex consilio, dummodo fraudulentum non fuerit, obligatur, cum concordantiis*. Resp. I. retorquendo argumentum: ergo cum allata Regula Juris loquatur de consilio non fraudulento, secus erit dicendum de fraudulento; nam exceptio firmat regulam in oppositum.

47. Resp. II. Argumentum, atque citatam Regulam, procedere de consilio dato circa contractus, vel quasi contractus: nam, si ex tali consilio, tamen non fraudulento, alteri illud exequenti, eveniat damnum, Consulens ei ad nihil tenetur, ob rationes dictas. Secus est de consilio dato circa maleficia, vel quali, v.g. committendi Furtum, Homicidium: si enim ex tali consilio fuit damnum cuipiam tertio efficaciter secutum, tunc in solidum tenetur Consulens, non quidem illi, cui consilium dedit (quia is scire debebat, id

S s a

fibi

sibi non expedire) sed alteri, contra quem consilium dedit, quemque suo consilio efficaciter damificavit. Glossa ad cit. Reg. 62. *Juris in 6.*

48. Quoad *Consensum* adverte, quod nomine Consensus in proposito intelligatur efficax approbatio, aut suffragium ad malum inferendum: veluti, si aliquis e Magistratu, Concilio vel Capitulo, præstet suffragium, & consensum ad inferendum bellum injustum, vel quodcumque damnum iniquum.

49. Et dicitur notanter, *efficax approbatio, aut suffragium*; id est, tale, a quo pendet, ut res fiat, ita ut ex ejusdem efficaci influxu damnum injustum re ipsa subsequatur. Nam si a consensu tuo non pendeat, ut malum inferatur, nec ne, eo quod auctoritatem nullam habeas, vel si absque tuo consensu jam alii æque fuerint parati ad damnum inferendum, non censeris causa damni efficax: ac proinde, licet juxta gravitatem excessus potueris peccasse mortaliter ob pravam voluntatem, qua consentiebas ad malum, nihilominus ad restitutionem, seu damni recompensationem non teneberis, quia per te re ipsa nullum efficaciter damnum illatum est. Et ex hoc innumeri casus possunt resolvi.

50. Quoad *Palponem* sciendum, quod nomine Palponis, seu Palpantis, intelligatur adulator laudans damificantem, aut scelus patraturum commendans, sic quod ex hoc alter moveatur ad damnicandum. Huc pertinet exprobratio ignavia, quod quis, v. g. injuriam acceptam nolit ulcisci, ac hujusmodi. Et talis non solum peccat juxta gravitatem materiæ, pravæque intentionis; sed etiam tenetur ad recompensationem gravis damni illati, quando ex tali adulatione, laudatione, aut exprobratione ignavia, alter efficaciter excitatur, atque impellitur ad maleficium perpetrandum. Ratio est clara: quia talis Palpo est causa efficax damni illati, nam sine tali palpatione (uti supponitur) damnum alteri non intulisset.

51. Per *Recursum* intelligitur hic, quicumque refugium, aut securitatem, vel quodlibet receptaculum præbet malefactori, ex quo is movetur ad inferendum damnum. Et hæc asscuratio potest fieri vel receptando personam, vel rem ablatam, aut ejus instrumenta occultando, aliisque similibus modis, quibus alter animatur, atque efficaciter movetur ad inferendum Proximo malum, vel omittendam debitam restitutionem.

52. Quoad *Participantem* est notandum, dupliciter aliquem posse esse participem, seu participantem damni illati. I. Quia participat de re injuste ablata, ut puta quia est particeps prædæ: & hac ratione præter peccatum, quod incurrit, tenetur ad restitutionem pro ea parte, quæ ipsi obvenit. II. Si quis participet in ipsa actione mala, & injusta; ut si quis adjuvet furem ad Furtum perpetrandum, v. g. scalas apponendo, vel ipsas fure ascendente sustinendo, excubias agendo, prædam asportando, aut similes actiones exercendo, quæ in talibus circumstantiis proxime juvant ad peccatum. Additur: *Qua in talibus circumstantiis proxime juvant ad peccatum*; nam secus dicendum, si opus illud de se indifferens sit, simul-

que proxime non juvet ad peccatum alterius, neque fiat ad cooperandum inferenti injustum damnum, sed ob alium rationabilem finem, v. g. ad reddendum licitum obsequium jure cuiuspiam debitum. (e)

\* Ex quo, inferes, quod, si tres vel quatuor gregarii milites sese ad invicem excitantes & commoventes, sicque unus dependenter ab alio communi consilio intrent vineam vel cellam vinariam non hostilem, eandem ex integro spoliando, vel plures grassatores simili modo expilent domum; quod, inquam, omnes peccent graviter, & in solidum obligentur, singuli sub gravi ad reparationem totius damni ab ipsis caulati, quamvis nonnulli horum tantum ex præda paucos botros, vel modicum vinum, vel tantum nonnullos crucigeros accepissent. Ratio est: quia singuli non solum in re accepta, sed in ipsa actione mala & graviter alteri noxia participarunt, ac unus ab altero dependenter influendo efficaciter totum effectum causavit. Secus dicendum, si absque communi consilio, seu ad invicem dependentia, ab aliquibus furta similia fuissent perpetrata; tunc enim, qui tantum modicum abstulisset, quamvis forsan conscius furti aliorum, non tamen exinde peccasset mortaliter, nec teneretur sub gravi ad restitutionem. Ita cum Lessio Card. de Lugo, Sanchez, Diana ac alii Sporer *tract. 5. cap. 5. sect. 2. num. 47.* & La Croix *lib. 3. part. 1. n. 1010.* Ratio est: quia talis tantum participat quoad ipsam rem acceptam, quæ levis est, utpote non influens in actiones aliorum. Excipe tamen, si huic deprædationi interfuisset præter gregarios Dux militum; vel ejusdem subordinatus: talis enim, quia *non obstitit*, prout tamen ex officio tenebatur, quiri & adjuvit, adstringitur in solidum ad resarcitionem totius damni; prout recte notat noster Henno *Tom. 2. tract. 1. disp. 4. quest. 4. ad finem*, & colligetur ex dicendis proxime.\*

53. Quod attinet ad reliqua tria, nempe *Musum, Non obflans, Non manifestans*, quibus indicantur negative concurrentes ad Furtum, aut aliam injustam Damnicationem: inprimis per *Musum* intelligitur ille, qui id, ad quod ex officio tenebatur, omittit præcipere, si erat Superior; consulere, si Consultor; clamare, aut strepitum facere, si erat Custos rei, ad damnum impediendum.

54. *Non obflans* dicitur, qui omittit opem vel operam, qua poterat damnum impedire, & quam ex officio tenebatur navare: ut Princeps, Magistratus, Præpositi viarum, & similes.

55. *Non manifestans* denotat eum, qui, cum ex officio teneatur, omittit manifestare malefactorem: idque sive ante factum, quando damnum erat impediendum; sive post factum, quando id est resarciendum: ut Custos rei alienæ custodiendæ deputatus.

56. Et quidem certum est, quod tales peccent juxta gravitatem suæ negligentiae, damni que inde sequentis: utpote cum ex officio teneantur impedire damnum, simulque illud impedire comode possint, uti supponitur. Quinimo tales etiam suo modo tenentur ad restitutionem ratione damni

ex

ex sua taciturnitate, vel non resistantia Proximo emergentis, prout amplius patebit ex dicendis Quæst. seq. Hinc sit

QUÆSTIO IV.

De Restitutione, atque ordine in ipsa servando, circa bona Fortunæ.

SUMMARIUM.

57. Restitutio, quid?
58. Est necessaria ad salutem.
59. Dux generatim sunt radices seu causa restitutionis, quæ?
60. Obligatio restituendi in solidum, quid?
61. Qui omnes teneantur restituere ratione injustæ acceptionis, vel Damnificationis?
- (f) Ut sæpius dictum Quæst. præc.
62. Causa totius damni tenetur restituere totum, causa partis partem.
63. Quid de tribus modis negative cooperantibus?
64. Quo ordine singuli teneantur ad Restitutionem?
- Per ordinem, quid intelligatur?
65. Detinens rem alienam primo loco tenetur.
66. Quis ordo in Restitutione ob Damnificationem injustam?
67. Si res furtiva casu pereat apud furem, adhuc le restituere tenetur.
68. Nisi similiter periisset apud dominum.
69. Restitutio, cui facienda?
70. I. Regula quoad hoc.
71. II. Regula.
72. III. Regula.
73. Restitutio, quando facienda?
74. Quid in casu impedimenti temporalis?

57. **Q**Uæritur I. Quid sit Restitutio, & ex quibus causis oriatur? Resp. I. Restitutio (sic dicta, quasi rei in statum pristinum statuio) quantum ad propositum, est actus Justitiæ, quo fit rei alienæ redditio, vel damni injuste illati compensatio. Ita in re communis.

38. Porro Restitutionem esse ad salutem necessariam de præcepto, patet ex illo Decalogi: *Non furtum facies*. Quia ejusdem rationis est, furari, & detinere rem alienam invito rationabiliter domino, dum reddi potest. Hinc S. Augustinus Epist. 54. ac refertur c. Si res aliena, 14. q. 6. ait: *Si res aliena, propter quam peccatum est, cum reddi possit, non redditur, non agitur penitentia, sed fingitur: si autem veraciter agitur, non dimittitur peccatum, nisi restituatur ablatum. Sed ut dixi, cum restitui potest, Hæc illæ.*

59. Resp. II. Dux generatim circa bona Fortunæ, sive res temporales exteriores, sunt radices, seu causæ Restitutionis: una ex parte rei acceptæ, seu possessæ, quæ domino suo reddi debet; altera ex parte injustæ acceptionis, sive damnificationis. Ratione prioris capitis tenetur quis restituere rem depositam, vel commodatam, ac hujusmodi, quando postulatur a domino, vel tempus præstitutum elapsum est. Ratione posterioris capitis non solum tenetur fur restituere vero domino rem furtivam, sed etiam injuste Proximum damnificans recompenfare damnum illatum, &

quidem in solidum, juxta Doctores communiter, & patet ex versiculis n. 42. relatis. Sed occasione horum

60. Quæritur II. Quid sit Obligatio restituendi in solidum? Resp. cum comuni: Per *Obligationem restituendi in solidum* intelligitur illa, quæ quis efficaciter ad furtum, vel damnum cooperans, obligatur ad restituendum seu solvendum totum, si alii, sive principales, sive cooperantes, non solverint. Quod si unus eorum prius illi, qui passus est damnum, restituit, ceteri liberantur a debito Restitutionis in comparatione ad ipsum damnificatum (alioquin enim idem damnum sæpius eidem deberet relarciri, quod non exigit Justitia) adhuc tamen iidem tenebuntur pro rata portionis, quæ eos contingit, partem suam refundere illi, qui damnificato totum damnum prior compensavit, atque restituit. Scotus 4. dist. 14. quæst. 2. §. De quario, & alii.

61. Quæritur III. Quinam ratione injustæ acceptionis, vel Damnificationis bonorum Fortunæ, teneantur restituere? Resp. I. Omnes illi tenentur ad Restitutionem in solidum, quia sua jussione, consilio, consensu, vel alio ex prædictis novem modis fuerunt causa efficax damni injuste illati. Ita communis, idque desumitur tum ex illo D. Apostoli Rom. 1. *Non solum qui talia agunt, sed etiam qui consentiunt scientibus*. Tum ex c. Notum fit, 2. q. 1. ubi dicitur, quod *scientem & consentientem pari pena constringit*. Tum tandem ex eo: quia omnes illi supponuntur fuisse causa efficax damni illius; nam, si vel talis jussio, aut consilium prævium non fuit in opus deductum, altero meliora consilia sequente; vel saltem non fuisse causa efficax damni, utpote independentem a tali consilio illati, nulla ex parte eorum oritur obligatio Restitutionis. (f) Unde ille vulgatus versiculus, supra jam relatus, & loquens de omnibus prædictis novem damnificantium generibus, sic de illis pronunciat:

*Quilibet in solidum reddat prius injuriato.*

Et hinc merito Innocentius XI. sequentem inter alias, ordine 39. Propositionem damnavit: *Quod alium movet, aut inducit ad inferendum grave damnum tertio, non tenetur ad restitutionem.*

62. Resp. II. Cum Lessio lib. 2. cap. 13. num. 32. & aliis, quod ad priores quinque modos attingit, nempe *Consulens, Mandans, Consentiens, Laudans, & Recepans* (de sexto modo, nempe de *Participante*, jam dictum est n. 52.) tenentur ii ad reparationem totius damni in solidum, si totius damni illati causa fuerunt: vel partis, si partis tantum illati damni causa extiterunt. Hinc sequitur, quod, si volenti furari decem, efficaciter jussisti, suastisti &c. ut acciperet alios decem, tenearis tantum ad decem: si vero is efficaciter non intenderat quidpiam furari, ad tuum autem consilium furetur viginti, illo non restituyente teneberis totos viginti restituere, eo quod causa efficax fueris totius damni per Furtum illati: & sic de similibus discurrendum.

63. Resp. III. Quod ad ceteros tres modos attingit, qui negative cooperantur ad damnum Pro-

ximi tamquam *Mutus, Non obfians, Non manifestans*: isti tunc solum obligantur, dum ex officio tenentur ad impediendum Proximi damnum, idque ex culpa gravi non impediunt. Lessius ibidem *num. 69. & seqq.* cum comuni. Additur notanter, *dum ex officio tenentur*: nam qui non obligatur ad impediendum damnum Proximi ex officio, licet teneatur ex Charitate, ac proinde non impediendo peccet, non tamen tenetur damnum refarcire; cum violatio Charitatis non inducat necessitatem Restitutionis, sed solum violatio obligationis Justitiæ, juxta Doctores passim.

64. Quæritur IV. Quo ordine teneantur prædicti ad Restitutionem faciendam? Ubi per *Ordinem* non intelligitur prioritas temporis: omnes enim suo modo, & nili aliunde excusentur, obligantur statim facere Restitutionem post Furtum, vel damnum Proximo injuste illatum, quamprimum fieri potest; cum præceptum non retinendi rem alienam injuste, & consequenter restituendi, sit negativum, sicque obliget semper & pro semper. Unde per *Ordinem* intelligitur hic prioritas quoad gravitatem criminis, & obligationis.

65. Resp. I. Si aliquid Proximo injuste est ablatum, primo loco, & ante omnes tenetur is restituere, ad quem res furtiva pervenit. Ratio clara est: quia talis obligatur ratione rei alienæ apud ipsum existentis, quæ obligatio est summa; nam quælibet res transit cum suo onere: simulque res aliena, quamdiu extat in specie, per se debetur, semperque clamat, ut dici solet. Quod si is rem jam consumpserit, neque habeat aliunde, unde restituat; tunc altero loco tenetur Jubens, tertio Executor, & postmodum alii, ut in simili mox dicitur.

66. Resp. II. Si vero nihil ablatum est, sed tantummodo damnum Proximo injuste illatum; primo loco tenetur is damnum refarcire, qui coëgit, vel fraude induxit, aut alteri imperavit damnum illud inferre, cui alter non fuit ausus contradicere: ut si Dux belli injusti imperet militi, ut occidat, incendat, spoliat. Idem dicendum de eo, qui suo nomine procuravit fieri maleficium, seu injustam Damnificationem. Ratio utriusque partis est: quia talis causa est primaria, movens cæteras, ac proinde tenetur ante alias ad Restitutionem. Imo ob hanc rationem notant Doctores, quod si talis restituat, aliæ concausæ secundariæ non teneantur eidem quidquam refundere. Secundo loco tenetur Executor; in quantum fuit executor Furti, vel damni injuste illati. Tertio loco tenentur cæteri, qui consilium ad illud dederunt, qui consenserunt, laudaverunt, aut recursum vel obsequium præstiterunt.

\* Quod si dubites, num tres causæ negative influentes, nimirum *Mutus, non obfians, non manifestans* eodem ordine (nimirum tertio loco) quoad obligationem restituendi sint ponendæ, sicuti causæ secundariæ positive ad damnificationem concurrentes? Ad hoc dubium tibi ex Lessio, Card. de Lugo, Haunoldo ac Layman &c. reponit La Croix *lib. 3. part. 2. n. 63.* causas illas positivas teneri adhuc restituere ante causas negative influen-

tes; quia positive influentes revera procurant damnum; negative autem solummodo id non impediunt. Et consequenter causæ negative in ordine ad faciendam reparationem damni videntur ponendæ *quarto loco*. e.g. ponamus, quod unus famulus efficaciter extraneis sibi notis; aut ex consanguineis suadeat, vel etiam claves subministret, sive modum ostendat, quomodo ab Hero hujus famuli ex granario, cella vinaria, vel culina quædam occulte surripere valeant. Alter famulus scit, nec similia furta sæpius repetita domino indicat. In simili casu post ipsos fures *priori loco* seu ordine prior famulus suadens, & primum *posteriori* alter mutus, seu non manifestans obligatur ex Justitia restituere.

Nec dicas: allegatum exemplum de famulis omnino non esse ad propositum; quia posterior famulus *non manifestans*, si non positive ad furtum cooperetur, ne quidem *quarto loco* ad refarcitionem damni adstringitur: quoniam non tenebatur ex Justitia admonere dominum, cum ad hoc propter salarium se non obligaverit, sed tantum quod suum officium, super quod constitutus est, velit fideliter administrare, adeoque solummodo obligabatur ex Charitate, uti alii extranei homines, si non manifestarent similia furta: notum autem est apud Theologos, quod opus, ad quod erat quis obligatus ex Charitate, omittens equidem peccet; non autem obligetur ad restitutionem. Respondeo enim, ita quidem aliquos DD. & meo judicio non improbabilius discurre, nihilominus communis DD. negat dictum antecedens: etenim vel ille posterior famulus fuit expresse vi officii sui ac salarii super culinam, aut frumentum &c. constitutus, vel non? Si primum; tunc certo juxta omnes *non manifestans* peccat contra Justitiam, adeoque obligatur quarto loco ad restitutionem. Si vero vi salarii sui non erat conductus ad similes res custodiendas, sed ad alias functiones peragendas; tunc etsi non expresse vi salarii sui, saltem tacite censetur se obligasse ad manifestanda furta extraneorum, si qua resciat, & absque gravi præjudicio possit manifestare. Ita enim communis habet persuasio dominorum tales famulos conducentium; prout contra Molinam, Rebllum & Bonacinam putat La Croix *l. 3. r. 2. n. 46.* Estque hoc (inquit Lessius apud eundem) quasi de Jure Gentium, quod quivis famulus censeatur tacite se obligasse vi salarii sui *ad manifestanda furta extraneorum*: secus communiter sentiunt DD. quoad *furta domesticorum*. Unde si famulus advertat, alium famulum vel domesticum furari ex rebus Domini sui; & sileat, quamvis talis peccet contra charitatem, quando facile absque suo gravi præjudicio manifestare potest; non tamen obligatur ullo modo ad faciendam restitutionem, nisi huic vi officii sui custodia rei esset specialiter commissa, uti communiter tenent omnes, prout ait Card. de Lugo apud La Croix *loc. cit.* \*

67. Quæritur V. Utrum, si res furtiva pereat apud furem, is adhuc teneatur ad Restitutionem? Resp. Si res furtiva, vel alias injuste parta, casu pereat, nihilominus is, qui abstulit, tenetur ad Restitutionem pretii; nisi ea similiter fuisset cer-



to peritura apud dominum. Prior pars est D. Thomæ 2. 2. q. 62. art. 6. & communis Doctorum. Ratio est: tum quia Restitutio ad hoc ordinatur, ut illi, qui per actionem injuriosam minus habet, suppleatur. Tum quia Restitutio generatim oritur vel ratione rei alienæ, vel ratione injustæ acceptionis, sive Damnificationis: atqui hæc in proposito intervenit; ergo.

68. Additur, *nisi ea similiter fuisset certo peritura apud dominum*: utputa inundatione aquarum, vel justa incursione hostium, aut hujusmodi. Nam tunc non teneri furem, aut iniquum rei alienæ occupatorem ad Restitutionem, censet Covarruvias part. 2. in cap. Peccatum, §. 6. n. 1. Lessius lib. 2. c. 12. n. 92. Sylvester, & alii contra quosdam oppositum tenentes: quia, si res certo apud dominum æque peritura fuisset (secus, si de hoc sit dubium) nullum notabile detrimentum eidem accidit, eo quod perierit apud furem, vel iniquum illum detentorem, & non potius penes ipsum dominum.

69. Queritur VI. Cui facienda sit Restitutio? Resp. cum Doctore Subtili 4. dist. 15. q. 2. & communi aliorum ponendo quasdam regulas generales, quæ desumuntur ex Jure Canonico cap. Cum tu de Usuris, ubi circa restitutionem usurarum, (& eadem ratio est de aliis male ablati) habetur statutum: *Quod ii, qui usuras extorserunt, cogendi sunt eas his, a quibus extorserunt, vel eorum heredibus restituere vel his non superfluis, pauperibus erogare: dummodo in facultatibus habeant, ut iis eas possint restituere: cum juxta verba Beati Augustini, non remittatur peccatum, nisi restituatur ablatum. Illi autem, qui non habent in facultatibus, unde usuras valeant restituere, non debent ulla pena mulctari; cum eos nota paupertatis evidenter excuset.* Hæc Pontifex loc. cit. Unde ista applicando ad nostrum propositum, sit.

70. Regula I. Restitutio est facienda ipsi damnificato, si possibile est: id est, si, qui damnum intulit, novit eum, & habeat ipsum præsentem, vel eidem mittere possit absque majori incommodo, quam illud, quod mittendum est, esset utile ipsi, cui mittitur.

71. Regula II. Si non sit possibile Restitutionem ipsi damnificato facere, quia ipse mortuus est, aut absens, restituendum erit ejus hæredibus, seu propinquis. Nam Lege Naturæ præsumitur, quod damnificatus in casu talis impotentiz potius velit Restitutionem fieri suis hæredibus, seu propinquis, utpote quibus Jure naturali magis conjunctus est, quam aliis extraneis.

72. Regula III. Si neutrum horum fieri potest, vel quia tam ipse, quam ejus propinqui nesciuntur, aut jam mortui sunt, vel quia majores sumptus essent ponendi in mittendo, quam illud valeat illi, cui mitti deberet, restituendum erit pauperibus vice illius.

\* Ast ponamus, in præcedentibus tribus Regulis Dominum ab altero damnificatum nesciri, vel esse absentem sine prudenti spe redditus in tanta distantia, ut absque maximis expensis, ipsum debitum superantibus, huic satisfactio præstari nequeat, vel eundem ex aliqua verisimili relatione fuisse creditum mortuum, hinc in his casibus restitutionem bona fide applicatam pauperibus; quid

faciendum, si postea Dominus rei ex insperato compareat? Ante responsum nota ex communi, quod bonæ fidei possessor rem alienam cognitam, ut talem, teneatur Domino reddere, si extat adhuc apud ipsum in specie; secus vero, si bona fide alienavit, vel consumpsit, ignorans, eam esse alienam, & neque ex hac consumptione vel alienatione factus ditior. Econtra verò malæ fidei possessor, sive factus sit ditior ex re aliena, sive non, tenetur satisfacere Domino, vel in ejus defectum dare pauperibus. H. N.

Resp. Sub distinctione; nam vel illa res in pauperes distributa adhuc apud eosdem existit, vel non? Si prius (quod tamen raro contingit) tenentur ipsimet pauperes, quamvis sint bonæ fidei possesores, dum resciantur, & conveniri possunt, iterum reddere; cum hisce similes res videantur datæ solum sub conditione implicita, *si Dominus verus non amplius compareat*. Quando vero talis res jam fuit a pauperibus, uti alia elemosyna consumpta; nec damnificans, nec pauperes tenentur aliquid reddere Domino comparenti. Non damnificans: utpote qui nec titulo rei acceptæ obligatur; cum talis res apud eundem non amplius existat: nec titulo injustæ acceptionis adstringitur, quoniam huic obligationi jam videtur satisfecisse; eandem rem bona fide, & præmissa prius debita de Domino indagatione, erogando in pauperes. Deinde nec Pauperes tenentur iterum restituere, qui jam bona fide consumpserunt; non exinde (uti supponitur) facti ditiores, & consequenter res sibi distributas nec in æquivalenti apud se retinentes. Sporer tr. 4. in Decalog. c. 3. sect. 3. n. 104. & La Croix l. 3. part. 2. n. 95.

Porro incidentaliter hic bene advertendum adhuc venit ex Patre Sporer Tract. 4. in Decalog. cap. 2. sect. 3. §. 4. n. 101. quod tunc ex re aliena absumpta quis censeatur factus ditior, & consequenter talem rem adhuc in æquivalenti apud se retinere, si per consumptionem hujus rei, seu occasione illius rei consumptæ suum Patrimonium in aliquo est auctum, vel si exinde aliquid lucratus est, ac possidet, quod alioquin non haberet loco rei alienæ. Quod si vero occasione ejusdem rei alienæ absumptæ Patrimonium suum in nullo est auctum, non dicetur quis ditior factus. \*

73. Queritur VII. Quando facienda sit Restitutio? Resp. Restitutio regulariter loquendo, & nisi adsit alia causa rationabiliter excusans, statim facienda est, quamprimum commode fieri potest. Ita communis: & ratio est: Quia restituere est actus præcepti negativi, quo teneamur non detinere alienum domino rationabiliter invito; ac proinde obligat semper, & pro semper. Unde sicuti tenemur ab alio quocumque actu peccati mortalis cessare statim, ita etiam ab injusta detentione rei alienæ.

74. Dicitur, *domino rationabiliter invito*. Nam si esset impedimentum ad tempus legitime excusans Proximum a facienda Restitutione, ipse, cui res injuste ablata est, vel non erit invirus, vel saltem non rationabiliter, quod alter differat Restitutionem exteriori ad aliquod tempus opportunius. Unde talis, supposita voluntate restituendi, quamprimum poterit, non peccat Restitutionem differendo. Verum de hoc inferius Quest. 6.

\* Cæ-

\* Cæterum, quod si etiam aliquis absque causa sufficienti differret actualem restitutionem ad aliud tempus, si tamen haberet voluntatem restituendi, & præterea dilatio ultra tempus debitum non foret notabilis, non illico peccaret exinde mortaliter per dictam dilationem, sed tantum venialiter; quoniam dominus non censetur prudenter esse invitus graviter, nisi prævideat, etiam per modicam illam dilationem imminere grave periculum, ne omnino non restituatur: quale periculum non raro contingere potest, si periculose decumbens absque rationabili causa vellet differre ulterius onus restitutionis. Ex quibus ultimis dictis cum Molina, Card. de Lugo, Illung, Tamburino & La Croix communiter advertunt Doctores, homines in periculo mortis constitutos ordinarie non esse absolvendos, si non pressa magna necessitate commode absque periculo scandali, infamiae, aut alterius gravis causae possint pro tunc restituere, & nihilominus velint onus illud in hæredes rejicere: tali enim modo creditores suos exponerent periculo proximo injustorum damnorum gravium; quia hæredes, præsertim Magnatum (inquit La Croix lib. 3. part. 2. num. 357.) sæpe negligentes esse solent in restitutione.\*

### QUÆSTIO V.

Ex qua culpa oriatur obligatio Restitutionis ratione damni dati?

#### SUMMARIUM.

75. *Damnificatio, quid?*
76. *Ex variis modis accidere potest.*  
(g) Vide de his Tract. 8. Dist. 2. n. 34. 35. & 36.
77. *Si nulla culpa intervenit, ob damnum datum nemo regulariter restituere tenetur.*
78. *Quid, si infans aut furiosus damnum intulit?*
79. *Aut adhibita fuit omnis cautela, ne damnum sequatur?*
80. *Quid, si animal damnum intulit?*  
(h) Tract. 8. Dist. 2. num. 37. & 38.
81. *Dolo vel fraude damnum inferens, ad quid teneatur?*
82. *Quid, si quis dolo aut fraude alium impedivit a consecutione alicujus boni?*
83. *Quid, si hoc accidis absque vi, dolo aut fraude?*
84. *Corollarium.*
85. *Aptissima declaratio præmissarum conclusionum.*
86. *Inferens damnum extra officium & contractum, ex qua culpa teneatur restituere?*
87. *An tunc sufficiat culpa Theologica venialis, vel requiratur mortalis?*
88. *Per culpam Theologicam, quando censeatur damnum illatum?*
89. *Ex sola culpa civili levi, aut levissima, non oritur obligatio restituendi pro Foro conscientiae.*
90. *Secus pro Foro externo.*
91. *Ratio diversitatis.*
92. *Ac notabilis instantia solutio.*
93. *Quæ sit obligatio restituendi ob damnum in officio datum?*
94. *Corollaria.*
95. *Limitatio circa profitentes extraordinariam diligentiam.*
96. *De obligatione restituendi ex contractu, remissionis.*  
(i) Tract. 8. Dist. 3. quæst. 4. per totum.

75. *Præfens Quæstio potissimum procedit de:*  
Damnificatione non lucrosa, sive damno dato absque eo, quod aliquid commodi, seu lucri, exinde perveniat ad damnificantem: atque definiri solet, quod sit jactura data in bonis externis Proximi absque eorum usurpatione. Et per hoc ejusmodi injusta Damnificatio differt, saltem materialiter, a Furto & Rapina, aliisque iniquis usurpationibus; eo quod fur, vel iniquus invasor rem alienam sibi vindicet, atque inde lucrum capturus in usum suum accipiat: secus fit in damno dato, ut puta si quis ædes vel segetes Proximi incendat, ejus animalia interficiat, &c.

76. Cæterum hujusmodi Damnificatio in rebus externis Proximi, primum dupliciter potest accidere: videlicet uno modo, destruendo illi id, quod actualiter aut virtualiter habet, v. g. domum incendiando, animalia ejus in tenera ætate occidendo, recentes arborum plantationes eradicando, &c. Altero modo, impediendo eum, ne aliquid bonum consequatur, ad quod adipiscendum spiritum concepit. Deinde id fieri potest cum, vel sine culpa aliqua Theologica, aut Civili, sive lata, levi, sive levissima. (g) Et tandem damnificatio illa contingere potest extra officium, & contractum, aut in officio, seu interveniente aliquo contractu, v. g. Commodati, Depositi, &c. Et de his omnibus modis per ordinem restat dicendum.

77. **CONCL. I.** Regulariter loquendo, & in Foro tum externo, tum conscientiae, nemo tenetur ad Restitutionem ob damnum alteri subsecutum vel illatum, si nulla culpa Theologica, aut Juridica intervenit. Ita in re communis. Sic nemo tenetur de damno dato rebus hostilibus in bello justo, vel illato ad se defendendum cum moderamine inculpatae tutelæ, aut quod dat Judex exequendo munus suum in puniendis Reis, & hujusmodi, prout aliunde liquet.

78. Deinde hoc idem dicendum, si casu fortuito, atque sine omni culpa Theologica, & Civili, damnum datum fuit: ut si infans, vel furiosus, qui est incapax culpe, damnum intulit, c. *illud relatum*, 15. q. 1. & l. *Sed & si*, ff. *ad Legem Aquiliam*, nam quia tales doli capaces non sunt, damnum ab eisdem illatum reputatur inter casus fortuitos, nisi culpa alicujus alterius præcellerit.

79. Tandem generaliter, si quis aliquid operetur, v. g. in loco deserto emittat sagittam, adhibita omni diligentia, ne cuiuspiam damnum eveniat, & tamen non obstante omni sua cautela nihilominus alteri damnum sequatur; non tenetur restituere: quia aberat omnis culpa ex parte ejus. Unde c. *ult. de Injuriis*, & damno dato, Pontifex sic ait: *Sane, licet, qui occasionem damni dat, damnum videatur dedisse: secus est tamen in illo dicendum, qui non accideret, de contingentibus nihil omisit.*

80. Additur notanter in Conclusionem, *regulariter loquendo*: Fallit enim hoc, si animal tuum absque alia culpa tua damnum intulit, ut puta percutiendo, vel occidendo animal Proximi, aut segetes depascendo: teneberis enim damnum illatum resarcire, nisi tali obligatione teipsum eximere velis, tradendo animal vivum, quod damnum intulit,

lit, pro occiso, aut pro damno per illud illato. cit. c. ult. de Injur. & damno dato, juxta L. 1. ff. Si quadrupes pauperiem &c. Insuper, si res apud aliquem sit ex contractu, v. g. Commodati, atque expresse de hoc conventum fuerit, tenebitur is etiam de casu fortuito; prout alibi (h) dictum.

81. CONCL. II. Qui dolo vel fraude damnum dedit, certum est, quod peccet mortaliter, atque sub gravi culpa ad Restitutionem teneatur, si quantitas rei damnificatae ad quantitatem notabilem ascendat; imò talis injuste damnum inferens rem alienam destruendo, vel deteriorando, tenetur restituere non solum damni dati valorem, sed etiam lucrum cessans, ac quodlibet aliud damnum ex illa injusta læsione causatum. Ita communis. Nam lex Justitiae, quæ læditur, horum omnium recompensationem exigit, ut injuste damnificato satisfiat.

82. CONCL. III. Loquendo de bonis primum consequendis, si quis directe (hoc est, intentione damnificandi Proximum) eundem metu injuste incussio, fraude vel dolo, impedit a consecutione alicujus boni, v. g. Officii sive Beneficii, sibi ex Justitia necdum debiti, sed solum ex liberalitate alterius conferendi, tenetur quidem eidem ad aliquam restitutionem, non tamen obligatur ipsi restituere totum illud bonum, neque valorem eidem æquivalentem, sed aliquam dumtaxat portionem, pro ratione illius spei consequendi dictum bonum. Ita Scotus 4. dist. 15. quaest. 2. ad ultimum principalem, Cavellus in Scholio ibidem, & alii. Ratio prioris partis est: quia, licet alter jus necdum haberet ad rem, quam alius ex mera liberalitate collaturus fuisset; jus tamen habuit, ne per media illicita & injusta, videlicet per vim seu metum injuste incussum, fraudem aut dolum, ab ejusdem consecutione impediatur: unde si quis eum taliter injuste impediat, tenetur ipsi ad recompensam pro ratione valoris spei, qua sperabatur illius boni consecutio. Altera pars ex eo patet: quia multum interest inter habere, & p̄p̄e esse; ergo:

83. CONCL. IV. Quod si quis impediat alterum a consecutione alicujus boni sine vi, metu, fraude aut dolo, idque fiat non ex animo nocendi Proximo; qui impeditur, sed ex intentione proprii Commodi, vel alterius amici, ad nullam tenetur Restitutionem. Ita cum Doctore nostro loc. cit. Martius disp. 9. Theol. Moral. n. 25. & alii.

84. Hinc si quis sciat, testatorem velle Legatum alius relinqueré, & precibus ab illo obtineat, ut voluntatem suam mutet, & potius sibi aut conlanguineo relinquat, nulla hinc consurgit obligatio restituendi: quia hoc totum fit sine ulla fraude, dolo, metu, aut alia injustitia, simulque quilibet habet jus procurandi sibi bonum, servatis circumstantiis justis & honestis.

85. Hoc ipsum Doctor Subtilis loc. cit. paucis verbis, simulque aptissimo exemplo, amplius declarat; dicens: Si quis tantummodo propria utilitati intendebat providere, & sic procurat sibi, & ex consequenti alius prater intentionem illius damnificatur, iste ad nihil tenetur illi: quia licet unicuique sibi ipsi providere, alio neglecto. Confirmatur hoc per illud l. 1. §. Item ajunt, ff. de aqua pluviaria arcend. Si praesindens venas in fundo meo, per quas derivabatur aqua

ad puteum alterius, intentione nocendi sibi, teneor ad restitutionem damni. Sed si hoc facio sine fraude, intendens consulere propria utilitati, ut quia mihi est utile facere murum; qui non potest convenienter fundari sine præcisione illarum venarum, non damnifico alium: quia jus habeo faciendi utilitatem meam in fundo meo. Et ff. de regul. jur. Nemo damnum facit, nisi qui illud facit, quod facere jus non habet. Iste autem habet jus procurandi sibi beneficium servatis circumstantiis justis & honestis. Hæc Scotus.

86. CONCL. V. Qui nec ex officio, nec ex contractu obligatus est ad alterius damnum præcavendum, pro Foro conscientiae solum tenetur ad Restitutionem damni, si noceat ex culpa Theologica, non autem ob culpam mere Civilem levem, vel levissimam. Prior pars est communis inter Doctores, quamvis iidem postmodum in hoc dissentiant, utrum ad inducendam obligationem gravem restituendi in Foro conscientiae, sufficiat culpa Theologica venialis, vel requiratur mortalis.

87. Et quidem sufficere culpam Theologicam venialem, probabilius censet Layman lib. 3. tract. 3. part. 1. c. 6. n. 4. eo quod altera radix obligationis restituendi, sit injusta acceptio, sive læsio: sed qui per venialem injuriam damnum infert; revera alterum injuste lædit; ergo. Oppositum nihilominus tenet Lessius l. 2. c. 7. n. 29. post Sotum; & alios, idemque probabilis censet cit. Layman: nam, quando dumtaxat culpa venialis intercessit, v. g. ob imperfectam animi considerationem, actus ille in genere moris, atque injuriæ non est perfectus: atqui actus in genere moris, & injuriæ imperfectus, utputa elicitus cum imperfecta advertentia rationis, non potest esse causa obligationis gravis atque perfectæ in eodem genere; pro Foro conscientiae; ergo. Addit tamen idem Lessius; quod, quando damnum illatum grave est; ordinariè loquendo culpa, sive negligentia, qua commissum est, censeatur mortalis, nisi aliunde constet, non esse.

88. Cæterum per culpam Theologicam, & peccatum proprie dictum, tunc censetur quis damnum intulisse, quando vel ex directo nocendi proposito, absque justa causa damnum intulit; vel quando perspecto damni inferendi periculo, actione aliqua non abstinuit, cum potuisset, ac debuisset abstinere, vel quando damnum inferri non impedivit, cum potuisset, atque ad hoc ex Justitia tenebatur; prout desinitur ex cap. ult. de Injur. & damno dato.

89. Altera pars Conclusionis est cit. Lessii n. 24. Lugonis disp. 8. de just. & jure, sect. 3. & 4. ac aliorum: Ratio est: quia nemo tenetur in suis actionibus majorem diligentiam adhibere; ad hoc, ut non censeatur alterum injuste lædere, quam communiter homines ejusdem professionis in talibus præstare solent, ne sibi, vel aliis noceant; sed qui admittit culpam civilem (idem a fortiori dicendum de culpa levissima) omittit diligentiam, quam communiter homines talis conditionis non adhibent; hi enim communiter non solent esse diligentiores; aut diligentissimi; ergo. Unde fit, quod ejusmodi damnum potius censeatur casuale & fortuitum; quam ipsi voluntarium; saltem in Foro conscientiae:

90. Dicitur notanter, in Foro conscientia: Nam secus est dicendum in Foro externo: qui enim ex negligentia mere civili, sive ea sit culpa levis, sive levissima, damnum intulit, in Foro externo per actionem ex lege Aquilia de damno dato, ad integram ejus recompensationem compelli potest; prout habetur *c. t. cap. ult. de Injuriis & damno dato*, ibi: *Si culpa tua datum est damnum, vel injuria irrogata, si aliis irrogantibus opem forte tulisti, aut hac imperitia tua sive negligentia evenerunt, jure super his satisfacere te oportet: nec ignorantia te excusat, si scire debuisti, ex facto tuo injuriam verisimiliter posse contingere, vel jacturam*. Concordat Jus Civile *L. 2. & seqq. ff. ad Legem Aquiliam*, & alibi.

91. Verum hæ Leges, ceu nimis rigidæ, & in Foro animæ vix practicabiles, in hoc cum tanto rigore non videntur receptæ: ac proinde in Foro conscientia, ante condemnationem Judicis, ad nihilum obligatus esse censetur, qui absque culpa Theologica, sive peccato injustitiæ, per culpam civiliter dumtaxat æstimatam, fuit causa cujuspiam damni subsecuti, nullo præcedente contractu. Siquidem fini dictarum Legum, nec non & boni communis emolumento abunde satisfacit, sufficienterque providetur, eo quod prædictæ personæ in Foro externo, & post sententiam Judicis etiam in Foro conscientia, ad damnum refarciendum obligentur.

92. Dices: Si talis non tenetur in conscientia ante sententiam Judicis; ergo neque post ipsam tenebitur, quin potius ejusmodi sententia erit injusta. Resp. negando consequentiam: nam cum ejusmodi Leges, volentes refarciri damnum etiam ex culpa levi, atque levissima datum, justissimis de causis, atque intuitu totius boni communis latæ fuerint, partim, ut quilibet amplius invigilet, ne sua vel suorum culpa damnum aliquod Proximis inferatur; sicque pax communis, & publica civium quies, atque indemnitas bonorum suorum conservetur, partim, ut præcaveatur innumeris fraudibus, & malitiis hominum, quæ in Foro externo sunt difficilioris probationis: sententia Judicis conformiter dictis Legibus lata merito etiam in Foro conscientia obligat, non obstante, quod ante eam necdum adfuerit talis obligatio refarciendi damnum, ex culpa mere Civili levi, vel levissima, & sine omni culpa Theologica illatum.

\* Instabis: Culpa Civilis lata obligat ante sententiam Judicis: ergo etiam culpa levis, ac levissima. Resp. neg. consequentiam & paritatem. Disparitas est: quia saltem ordinarie culpa Civilis lata solet esse conjuncta cum culpa n. 87. ex parte insinuatam fuit, non sic culpa levis, vel levissima. Quod si tamen ponas casus quosdam extraordinarios, in quibus culpa lata Civilis e.g. ob naturalem inconsiderantiam aut ignorantiam invincibilem cum culpa Theologica conjuncta non fuit, in simili emergentia (quæ tamen fortassis ordinarie non contingit) negat P. Pichler *lib. 5. jurisprudentia sacra tit. 36. n. 15.* adesse obligationem in Foro conscientia reparandi ante sententiam Judicis damnum datum ex culpa lata mere Juridica absque Theologica ob paritatem rationis; quia etiam tale damnum coram Deo est involuntarie, & quasi casu fortuito datum.\*

93. CONCL. VI. Loquendo de obligatione restituendi ex damno in officio dato, nemo tenetur in Foro conscientia ad reparandum damnum ex culpa dumtaxat levi, aut levissima in officio commissa, sed dumtaxat ex culpa lata, quæ Theologice sit gravis & mortalis: Ita Lessius *lib. 2. cap. 7. n. 31.* & alii. Ratio est, quæ supra: nemo enim tenetur in officio suo esse diligentior, doctior, ac prudentior, quam ejusmodi homines passim esse solent.

94. Infertur proinde, quod Magistratus, Medicus, Advocatus, Architectus, & ejusmodi Officiales, in Foro conscientia immunes sint a culpa atque obligatione restituendi, si eam habeant, adhibeantque doctrinam, prudentiam, ac diligentiam, quæ passim aliis ejusmodi officii communis est. Unde si contingat, Advocatum cadere causa, eo quod non præstiterit, quod doctissimus & diligentissimus præstitisset, fecit tamen bona fide, quod solent diligentes & docti in similibus præstare, non tenetur ad aliquam Restitutionem. Idem dicendum de Medico, Architecto, Magistratu, & aliis hujusmodi.

95. Excipe tamen, nisi quis ad extraordinariam diligentiam sese obligasset, profitendo se diligentior ac peritior aliis, & hac ratione eam, qui talem quærebat, ad se pertraxisset. Tunc enim tenetur ex culpa levi, & levissima, secundum quantitatem culpæ; quia eo ipso summa diligentia, saltem implicite, deducta fuit in pactum.

96. Tandem quæ sit obligatio restituendi ex Contractu, v. g. Commodati, Depositum, &c. superius (i) in proprio loco dictum est.

## QUÆSTIO VI.

De causis excusantibus a Restitutione, vel omnino, vel ad tempus.

### SUMMARIUM.

97. *Cause excusantes a Restitutione, variae.*
98. *I. Impotentia, seu inopia debitoris.*
99. *Per hanc suspenditur, non autem extinguitur obligatio restituendi.*
100. *Limitatur in casu extrema necessitatis,*
101. *Nisi quis alienum ante eam accepisset,*
102. *Aut res ablata post eam adhuc extaret.*
103. *Gravis necessitas dat facultatem differendi restitutionem.*
104. *Regula circa hoc.*
105. *Quid, si creditor sit in pari necessitate?*  
(k) Vide dicta superius n. 10. & seqq.
106. *Quid, si quis statum suum acquisivit injuste v. g. per rapinas, usuras, &c.*
107. *II. Periculum infamiae, vitæ, vel membrorum.*
108. *Quid, si possit fieri Restitutio per alium?*
109. *Cautela circa hoc servanda, & quid juris, si alter defraudet?*
110. *III. Condonatio creditoris.*
111. *Quæ conditiones ad eam requirantur?*
112. *Sufficit quandoque remissio rationabiliter præsumpta.*
113. *Regula circa hoc.*
114. *Aliud notabile.*
115. *IV. Si res restituenda, sit creditori nocitura?*



116. V. Praescriptio.

(1) Ut dictum Tract. 7. Dist. 6. n. 5. & seqq.

117. VI. Compensatio.

118. Conditiones ad occultam compensationem, ut sit licita, requisita.

119. VII. Cessio bonorum, & quid juris hac tribuat?

120. Alia cause excusantes a Restitutione generatim.

121. VIII. Ignorantia, quod res sit aliena.

122. Et hac alia facti, alia juris.

123. IX. Dubium, & quando?

124. Tacentur alia.

97. **C**ausas excusantes a Restitutione plures adducunt Doctores, adeo ut Lessius lib. 2. de just. & jure, cap. 16. num. 1. post Jo. Medinam enumeret duodecim, Gregorius a Valentia quindecim, & Reginaldus lib. 1. cap. 13. n. 250. sexdecim adducat. Earum principales sunt, quae sequuntur.

98. Prima causa excusans a Restitutione, est *Impotentia*, seu inopia debitoris. Hæc ab omnibus Doctoribus admittitur, & ratio clara est: quia ad impossibile nemo tenetur. Unde D. Augustinus, relatus can. Si res aliena, 14. q. 1. notanter ait: *Non dimittitur peccatum, nisi restituatur ablatum: sed, ut dixi, cum restitui potest. Plerumque enim, qui aufert, amittit, siue alios patiendos malos, siue ipse male vivendo: nec aliud habet, unde restituat. Huic certe non possunt dicere: Redde, quod abstulisti.* Hæc S. Augustinus.

99. Circa quod notandum I. cum comuni, per dictam Impotentiam, seu inopiam debitoris, suspendi quidem obligationem restituendi, non autem penitus extingui. Unde excusat non omnino, sed dumtaxat ad tempus, quamdiu videlicet durat illa impotentia: nam quando quis est impotens, prout tunc quidem non tenetur, cum restituere non possit; tenebitur tamen postea, si ad pinguiorum fortunam pervenerit, prout habetur c. Odoardus, de Solutione.

100. Excipitur tamen is, quis in extrema necessitate quidpiam accepit, atque consumpsit; ut puta panem, vel aliud quidpiam ad victum, vitamque conservandam necessarium; talis enim, juxta satis communem Doctorum, non tenetur restituere, etiam si postmodum perveniat ad pinguiorum fortunam. Ratio est: quia in extrema necessitate sunt omnia communia; ergo accipiens, & consumens alienum in actuali extrema necessitate constitutus, re ipsa alienum non consumpsit, sed id, quod sibi cum altero tunc erat commune: & consequenter ea necessitate transacta, ad nihil tenetur alteri ex Justitia.

101. Dicitur notanter, *accipiens, & consumens alienum in actuali extrema necessitate*; Nam, si quis alienum accepit ante illam extremam necessitatem, non liberatur ab obligatione, deinceps, postquam devenerit ad pinguiorum fortunam, reddendi æquale: quia ista obligatio ortum habuit ab illa injusta acceptione, quæ per supervenientem extremam necessitatem non est extincta, sed sopita. Scot. 4. d. 15. q. 2. ad 5.

102. Deinde, si res ablata non fuerit consumpta in ipsa necessitate, sed post eam adhuc extet, tenetur quis eam reddere. Unde accipiens equum alterius, ut manus inimicorum evadat, vitamque

salvet, cessante hoc periculo tenetur equum restituere: nam ad illam necessitatem sublevandam non fuit necessarius ipsemet equus, sed solum usus ejus; & consequenter, cum res adhuc extet in specie, oportet eam reddere: quia extrema necessitas non tribuit jus ad amplius, nisi quantum opus est ad eam superandam. Lessius lib. 2. c. 16. n. 3. & communis.

103. Notandum II. conformiter Scoto cit. q. 2. §. de quinto scilicet, &c. paucis hanc materiam subtiliter pertractanti, quem alii communiter sequuntur, quod necessitas non solum extrema, quando, si debitor restituat, fame v. g. periturus est; sed etiam gravis, quando, si restituat, vitam difficulter sustinebit, vel statu suo juste, & non per rapinam, vel usuras, neque per alia media illicita acquisito excidet, facultatem præbeat saltem differendi Restitutionem, aut paulatim & per partes restituendi. Ratio est: quia quilibet rationaliter (subdit Scotus) *debet magis velle, quod vitetur magnum incommodum proximi restituens, quam modicum incommodum suum, vel nullum in illa modica dilatione restituens.* Hæc ille.

104. Notandum III. Quod ad propositum nostrum, & conformiter Doctori Subtili loc. cit. duæ passim a Doctoribus ponantur regulæ generales, quas refert Layman lib. 3. tract. 2. cap. 12. num. 1. Prima est: *Nemo tenetur restituere cum suo notabiliter majore detrimento, quam sit creditoris commodum.* Secunda: *Quotiescumque dominus, siue creditor rationaliter contentus esse debet, ut restitutio differatur, potest differri, quamvis ille invitus sit.*

\* Dices: Censetur Dominus rationaliter invitatus, si alter ob gravem necessitatem, quam patitur, aut ne cadat a statu, rem aliquam Domino occulte aufert; ergo etiam censetur is rationaliter invitatus, si talis fur ob gravem, quam patitur, necessitatem, rem semel injuste ablatam retinet: nam rei alienæ retentio censetur ipsamet continuata ejusdem rei ablatio, & consequenter sicut non licet ob gravem necessitatem rem alienam auferre juxta communissimam sententiam, quoniam contraria Propositio ab Innoc. XI. ordine 36. damnata videtur, quæ sic sonabat; *Permissum est furari non solum in extrema necessitate, sed etiam in gravi.* Ita nec licebit eandem rem alienam semel injuste ablatam retinere, ejusque restitutionem ad tempus differre ob gravem aliquam necessitatem &c. Antequam ad hanc objectionem meo judicio speculative satis difficilem respondeam, Nota, I. Quod *furari* sit præcisè contra aliquod præceptum negativum, nimirum contra illud: *Non furtum facies*; e contra vero retinere rem alienam, equidem etiam ex una parte pugnet contra dictum præceptum negativum, interea tamen ex alia parte saltem secundario opponatur simul præcepto affirmativo, nimirum huic, *restituere*, id est, exercere actionem positivam restitutionis. Nota II. Præcepta pure negativa magis obligare, quam illa, respectu quorum etiam includuntur præcepta affirmativa, uti per exempla ostendit Card. de Lugo de 7. & 7. D. 13. num. 51. & ratio est: quia præcepta negativa facilius observari possunt, quam affirmativa; cum priora præcisè non agere, posteriora vero *agere* præcipiant; facilius autem utique sit non agere, quam agere? H. M.

T t 2

Resp.

Resp. Ad hanc objectionem negando consequentiam & paritatem: Disparitas est; quia *furari* præcise pugnat contra illud præceptum negativum *non furum facies*, quod, dum facilius observari valet, etiam magis seu in pluribus circumstantiis obligat. Contra vero *retinere illam rem alienam*, et si juxta multos Doctores principaliter etiam opponatur prædicto præcepto negativo, pariter tamen est præterea etiam contrarium alicui præcepto affirmativo, nempe huic, *restituere*, quod tamquam difficilius, eo ipso etiam censetur non in tam frequentibus circumstantiis, quam alterum præcise, & solummodo negativum obligare; ob quam ipsam rationem et si aliquis nequeat Petro v.g. rem suam restituere vere ob periculum diffamationis apud alios, potest tamen ex communi DD. & conformiter dicendis inferius rem semel Petro ablatam retinere ad tempus ob idem periculum diffamationis. Unde finaliter etiam falsum est, quod, si adsit vere gravis necessitas, ob quam restitutio differtur, pro tunc illa retentio rei alienæ ad tempus sit vere continuatio NB. *injusta ablationis*, seu falsum est in simili emergentia, quod dicta *retentio* dici queat *injusta continuata ablatio*. \*

105. Cæterum prædicta doctrina, asserens, necessitatem gravem in sensu explicato excusare a Restitutione, quasdam patitur limitationes. Et primo quidem ea intelligenda est, nisi creditor sit in pari necessitate: quia tunc tenebitur quis ei restituere, juxta communio rem sententiam. Ratio est: quia in pari necessitate, & causa, potior est conditio creditoris, quam debitoris: multoque magis melior debet esse conditio innocentis, quam nocentis, si debita ex delicto sunt contracta. Excipiunt quidem nonnulli extremam necessitatem, in qua (inquiunt) melior est conditio possidentis, cum omnia tunc sint communia. Sed de hoc ipso Doctor noster ibidem, & quidam alii non immerito dubitant, ob rationes allatas; quæ fortius urgent, quando & ipse creditor rem adhuc, saltem civiliter, possidet. (k)

106. Limitatur ulterius data doctrina, dummodo quis statum illum juste, & non per rapinas, vel usuras, neque per alia media illicita acquisiverit. Quia, si quis rapinis, usuris aut similibus fraudibus ad aliquem honorabilem statum perveniret, teneretur etiam cum ejus amissione statim restituere. Ratio est: tum quia *fraus & dolus alicui patrocinari non debent, c. Sedes, & c. Ex tenore, de Rescriptis*. Tum quia hoc non est tam statum suum amittere, quam alienum dimittere, & ad suum reverti. Verumtamen hoc ipsum intelligendum est, nisi debitor ille passim habeatur vir probus & honestus, ita ut non possit subito statum suum mutare, nisi de suis fraudibus se infamet: tunc enim sensim posset restituere, quia periculum infamiae excusaret, ne statim teneretur, ut mox dicitur.

\* Ast ponamus, quod superius n. 103. descripta necessitas gravis, vel in proxime allegato casu periculum gravis infamiae, sive etiam alia gravis causa, quæ alias concedit dilationem restitutionis, ad aliquod tempus durent ex parte debitoris in

perpetuum, excusabiturne nihilominus talis debitor a facienda restitutione? Ad hoc dubium La Croix lib. 3. *Theolog. Moral. part. 2. n. 431*. Respondet, uti sequitur: *Si talis necessitas aut impedimentum grave restitutionis, futurum esset perpetuum, certum est, debitorem teneri intra statum suum quam parissime vivere, vel saltem, quantum moraliter possibile, per vices restituat partes debiti. Fatetur tamen Lugo D. 21. a num. 19. & idem videntur insinuare alii apud Layman, lib. 3. tracl. 2. c. 22. n. 1. agnoscitque probabile Illung, Debitorem talem etiam in perpetuum excusandum, si damnum a Debitore subeundum esset notabiliter (& quidem meo judicio valde notabiliter) majus damno creditoris*. Hucusque La Croix, cui videtur allentire Sporer Tr. 4. in Decalog. c. 4. sect. 3. §. 4. n. 69, e.g. Si quis Petro valde diviti mercatori abstulit 50. aureos, quos nequit restituere absque certo periculo gravis infamiae, utique tamdiu excusatur a restitutione, quamdiu durat hoc periculum, et si perseveraret illud usque ad mortem suam. Etenim (supposito, quod non idem periculum gravis infamiae subeat Petrus creditor ex carentia horum 50. aureorum) videtur in simili casu Petrus creditor rationabiliter invitatus, ac contra legem Charitatis, si vellet in talibus circumstantiis nihilominus alterum obligare ad difficillimum actum positivum restitutionis. Idem dic, si alter per restitutionem talium 50. aureorum deberet omnino & cum gravissimo suo damno decedere a statu suo, alias juste acquisito.

Quod si urgeas ulterius, quid ergo tali, apud quem causa differendi restitutionem durat in perpetuum, ulterius sit agendum? Respondeo sub distinctione: Vel enim causa illa concedens licentiam differendi restitutionem est ipsa gravis necessitas debitoris, vel alia, puta periculum gravis infamiae alias per restitutionem incurrenda? Quod si posterius, tunc debitor talis, præsertim si fur extiterit, & secure præviderit, impedimentum restitutionis fore perpetuum, tenetur dubium illud, si neque per tertium v.g. per Confessarium citra periculum gravis infamiae restituere posset, erogare pauperibus, aliisve causis piis; cum exinde non redigatur ad paupertatem, nec adstringatur propterea decedere a suo statu juste quæsito, prout suppono. Contra vero, si illa causa concedens licentiam differendi restitutionem fuerit ipsa gravis necessitas debitoris, alias per restitutionem incurrenda, puta, si deberet exinde decedere a statu suo juste quæsito: tunc poterit sibi tamquam pauperi tantum reservare, quantum supposita prius retractione splendoris nimii status &c. in Domino fuerit judicatum necessarium ad honestam adhuc conservationem status, vel ne deveniat in notabilem ac valde sensibilem paupertatem: residuum tamen tenetur reddere Domino, aut in ejus defectum pauperibus, aliisve causis piis. Bonum præterea erit meo judicio, si tali debitori pauperi, ut magis adhuc recordetur præcedentis suæ obligationis, insuper injungantur certæ preces aliæ bona opera perfolvenda pro domino: Videatur La Croix lib. 3. *Theolog. Moral. part. 2. num. 365. & seqq.* & præsertim num. 425. ac Sporer *traclat. 4. in Decalog. cap. 4. sect. 3. n. 73*, qui ulterius adhuc pro consolatione Confessariorum, & pro praxi subjungit, quod minus gravis ne-

necessitas, ne minus respectu damnum debitoris sufficiat ad differendam restitutionem, si debita fuerint incerta, quam si fuissent certa. Dicuntur autem debita incerta, quæ non alicui determinato domino, vel saltem non cognito obstringuntur, qualia sunt, quæ incurruntur apud Beneficiatos ob intermissum Breviarium, vel ab aliis, qui per furta minuta in ulnis, mensuris, aut ponderibus commissa fuerunt, diversos ignotos confluentes emptores, singulos minutim, decipiendo. \*

107. Secunda causa excusans a Restitutione, est *Periculum infamiae*, & multo magis *vita*, vel *membrorum*: nam ob tale periculum posse differri Restitutionem, donec ejusmodi periculum cesset, passim tenent Doctores. Ratio est: quia bona ordinis inferioris, non sunt necessariæ restituenda cum detrimento bonorum ordinis superioris. Hinc, enim communiter docetur, utpote fundatum in ratione naturali, quod magis diligenda sint bona animæ, quam corporis; deinde magis bona corporis, quam famæ, & tandem magis bona famæ, quam fortunæ, juxta illud *Proverb. 21. Melius est nomen bonum, quam divitiae multæ*, cum concordantiis.

108. Circa hoc tamen recte observat D. Thomas 2. 2. *quæst. 62. art. 6. ad 2.* & sequuntur alii, quod, qui non potest per seipsum restituere absque detrimento famæ, vel corporis (v. g. rem clam reponendo in loco debito ac securo, ut ad dominum perveniat) possit autem sic restituere per aliam personam secretam & fidelem, utputa per suum Confessarium, id faciendum esse. Ratio est: quia si hoc modo poterit fieri Restitutio absque periculo famæ (atque etiam vitæ, & membrorum) ex una parte cessant rationes differendi restitutionem; ex altera vero parte urget preceptum restituendi, quamprimum fieri poterit.

109. Cæterum monet Navarrus *cap. 17. Manual. num. 67.* post S. Antoninum, caute hoc esse practicandum; & consultum fore, quod per illam personam intermediam petatur syngrapha a creditore, in qua is confiteatur, se accepisse tantam Summam per N. pro solutione ejus, quod alius (sine hujus nominis expressione) sibi debebat, eaque schedula postmodum debitori, sive pœnitenti clam reddatur. Ratio hujus cautelæ est: quia, si quis in genere debeat quidpiam restituere, v. g. decem florenos, vel etiam aliquid injuste acquiritum in specie, utputa torquem auream furto sublatam; idque committat personæ intermediæ, quam fidelem existimavit, v. g. Confessario, ad restituendum, sed ea defraudet, vel aufugiat, non cessabit obligatio primi debitoris. Lessius *civ. c. p. 16. dubit. 6.* Layman *num. 9.* & communior aliorum. Nam si res fuit indeterminate debita, v. g. pecunia decem florenorum; ea, si casu pereat, perit domino suo, qui in proposito est debitor. Quod si vero debeatur res quæpiam in specie, quæ fuerat injuste acquisita (secus, si juste fuisset obtenta, utputa inventa) tunc intercessit culpa; sicque, qui rem ejusmodi surripuit, tenetur de casu ejus fortuito, eo quod apud dominum non ita petisset.

110. Tertia causa excusans a Restitutione, est *Condonatio creditoris*. Hæc, si fiat cum debitis conditionibus, excusat a Restitutione, juxta omnes. Ratio est: quia, cum creditor sit dominus suæ rei, potest is cedere juri suo, illudque debitori remittere, & donare, quo facto expirat obligatio restitutionis.

111. Dicitur: *Si fiat cum debitis conditionibus*: nam ad hoc ex comuni sententia requiruntur sequentes tres conditiones. Prima est, ut hæc remissio, seu Condonatio, sit omnino libera; hoc est, non extorta metu gravi, vel fraude. Secunda, ut is possit condonare. Tertia, ut talis Condonatio non sit a Jure prohibita; sive quod Jus non resistat Condonationi.

112. Circa hoc punctum advertit Lugo *disp. 11. de j. st. & jure, sect. 4. n. 52.* quod, sicut sufficit remissio creditoris expressa, sic etiam possit ejusdem remissio, & voluntas rationabiliter præsumpta, excusare debitorem a Restitutione, vel saltem a statim facienda. Hinc ibidem *num. 53.* advertit post Molinam, excusari posse a peccato mortali aliquando domesticos, qui aliqua surripiunt, invito quidem domino quoad modum surripienti occulce, & sine licentia, non tamen quoad substantiam rei acceptæ, quia, licet dominus sit invitatus circa talem acceptionem, postquam res consumpta est, aliquando non est invitatus quoad retentionem.

113. Unde regula generalis colligi potest (subdit idem Lugo) ad excusandos plures pœnitentes a Restitutione, quando scilicet putant, quod, si per se, vel per alios manifestarent domino suum debitum, ipse liberaliter condonaret, & nollet obligare ad Restitutionem: jam enim datur voluntas præsumpta domini sufficiens, ut retentio non fiat invito domino quoad substantiam rei.

114. Advertit ulterius citatus Auctor *num. 54.* communem satis esse sententiam, quæ dicit, non esse Furtum grave, quando aliquis accipit rem non petitam, quam, si petisset, dominus dedisset. Quod alii extendunt etiam ad eum casum, quando domino displicet modus ille accipiendi sine licentia, dum tamen non displiceat substantia; pro quo utroque asserto plures ab ipso allegantur Doctores. Verumtamen hi passim notant, allatam doctrinam non habere locum, quando dominus non concederet rem ad illum usum: ut si dominus concederet quidem aliquid libenter ad comedendum, tu autem accipias ad vendendum, ad quod dominus etiam rogatus non concederet.

115. Quarta causa excusans a Restitutione, est, *Si res restituenda sit creditori nocitura*. Tunc enim ejus Restitutionem esse differendam ex motivo Charitatis, nec statim fieri debere, donec periculum talis nocimenti cessaverit, fatentur omnes Doctores. Solet hoc vulgari exemplo declarari: Si quis v. g. apud alterum arma, vel gladium suum deposuit, & postmodum factus insanus eadem repetit, ut aliquem occidat, vel lardat; in tali casu Depositarius non tenetur mox gladium restituere, sed oportet ejus Restitutionem differre.

116. Quinta causa est *Prescriptio*. Hæc enim, postquam bona fide, ac tempore a legibus definito, aliisque debitis concurrentibus conditionibus jam absoluta est, non solum in Foro externo, sed etiam in Foro conscientie vim habet excusandi debitorem a Restitutione; adeo, ut licet postmodum certo constet, rem fuisse alterius, eam amplius restituere non teneatur. (1)

117. Sexta causa excusans a Restitutione, est *Compensatio*: si videlicet quis abstulit quidpiam ab eo, qui tantumdem sibi tenebatur solvere. Verumtamen sciendum, quod huiusmodi occulta Compensatio in Foro conscientie non sit licita, nisi concurrentibus sequentibus conditionibus.

118. I. Ut debitum sit certum; id est, ut moraliter constet, rem esse tuam, aut tibi ex Justitia deberi: nam in dubio melior est conditio possidentis, sicque non licet mediante occulta Compensazione alterum privare sua possessione. Insuper non licet uti occulta Compensazione, si res illa non est debita ex Justitia, sed solum ex gratitudine: nam hæc non inducit stricte & proprie dictum debitum. II. Ut non possis rem illam alia ratione recuperare, vel saltem non absque notabili molestia, aut expensis, vel amissione favoris aut benevolentie, sive jactura honoris: ut si debitum quidem sit certum, sed tibi desint probationes; tunc enim locus erit occulte Compensationi. III. Ut non fiat Compensatio in re alterius, sed in re ipsius debitoris: nam Compensatio non aliunde, sed ex bonis debitoris fieri debet: alioquin tertius injuste gravaretur. IV. Ut in Compensatione non plus accipiat, quam debetur; alioquin excessus ille foret contra Justitiam, sicque in conscientia restituendus. V. Ut absit periculum scandali, ne videlicet Compensatio alicui imputetur tanquam Furtum; item, ut absit periculum infamie, ne talis deprehensus tanquam fur habeatur, & puniatur: nam Judices solent tales Compensationes punire ut furta, præsertim si debitum non possit liquido probari. Bonacina *Tom. 2. disp. 1. de Restitut. quest. ult. pund. 2. num. 10. & seqq.* Lessius *lib. 2. cap. 12. n. 57. & alii.*

119. Septima causa a quibusdam assignatur *Cessio Bonorum*, qua debitor ea relinquit creditoribus. Verumtamen recte inter alios notat Navarrus *cap. 17. Manual. n. 86.* quod, quamvis Cessio bonorum in Foro externo excuset quoad debita ex contractibus orta, ne debitor propter ea possit conjici in carcerem, *arg. L. 1. C. Qui bonis cedere, &c.* & quoad nonnullos alios effectus: nihilominus in Foro conscientie non magis excuset Cessio bonorum, quam necessitas sine Cessione excusaret. Unde post Cessionem sunt cedenti suæ artis instrumenta, & aliqua ad victum judicio boni viri necessaria relinquenda, *l. Qui bonis, ff. de Cessione bonorum*, quæ tamen etiam sine Cessione retineri possunt, cum nemo pro facienda Restitutione teneatur se spoliare necessariis vitæ, ita ut mendicare cogatur.

120. Præter has principales causas, quæ excusant ab obligatione Restitutionis, vel omnino, vel ad tempus, dum constat, certam alioquin adesse obligationem restituendi, dantur varie alie, quæ in tantum excusant, quatenus vel non con-

stat, hic & nunc adesse obligationem restituendi; ut sit, quando ignoratur, vel rationabiliter dubitatur, num res, quam quis possidet, sit aliena, nec ne. Vel quia ob varias circumstantias sit, quod revera obligatio restituendi hic & nunc non incurratur: ut, si quis accipiat alienum in extrema necessitate, vel si quis inferat damnum hostibus, ex eisdemque prædam agat in bello justo, & alia huiusmodi plura, quæ ex propriis locis erunt desumenda. Itaque loquendo solum de prioribus,

121. Octava causa excusans a Restitutione, est *Ignorantia probabilis, vel invincibilis juris, aut facti, quod res sit aliena*. Nam talis ignorantia excusat a peccato, ergo etiam a Restitutione. Porro, quantum ad propositum,

122. *Ignorantia probabilis, vel invincibilis facti*, est illa, qua quis probabiliter, vel ex errore invincibili existimat, rem esse suam, quæ revera non est sua: prout fieret, si quis bona fide rem alienam per hæreditatem acquisivit. *Ignorantia juris* est, qua ignoratur, quid sit juris: quando v. g. jus est obscurum, & controversum de aliquo contractu, num sit licitus, nec ne; vel quando quis consulit Viros doctos super obligatione restituendi, qui respondent, nullam adesse obligationem, cum tamen revera a parte rei subsit, tunc enim sequens eorum responsum ignorantia juris laboraret.

123. Nona causa excusans a Restitutione, est *Dubium*, quod possidens post adhibitam sufficientem diligentiam in investigando, num res sit sua, vel alterius, adhuc habet: siquidem in dubio melior est conditio possidentis, juxta *Reg. 65. Juris in 6.* Proinde talis vi hujus rationis licite potest retinere rem, quamdiu dubitat, num res illa sit sua, vel alterius. Et hoc ipsum extendere oportet ad dubium circa injustam Damnificationem subortum: unde Lessius *lib. 2. cap. 13. n. 38.* asserit, communem ferme Doctorum sententiam esse, si quis solum dubitet, an causa damni fuerit, v. g. an alios suo consilio, vel laude efficaciter promoverit ad damnum inferendum, nec ne, talem non teneri ad Restitutionem: cum in dubio melior sit conditio possidentis.

124. Plures alie causæ, veluti excusantes ab obligatione restituendi, adducuntur a Doctoribus, ut dictum *num. 97.* sed præmissæ sunt principaliores: cæteræ vero vel minus ad praxin conducunt, vel rarius occurrunt, quas proinde huc adducere non est necesse.

## DISTINCTIO VI.

### De Octavo Præcepto Decalogi.

#### QUÆSTIO I.

De Detractione, & variis ipsam concernentibus.

#### SUMMARIUM.

1. Octavo Decalogi Præcepto qua prohibeantur?
2. Honor, & fama differunt, quomodo?
3. Detractio, quid?
4. Detractio quibus modis fieri possit?
5. Ejus gravitas.

(a) Conformiter dictis Tract. 3. Dist. 2. n. 15.

6. Detractio formalis, & materialis, quid?



7. 8. 9. 10. Casus aliqui, in quibus licitum est, manifestare crimen, vel defectus Proximi.

(b) Tract. 4. Dist. 6. quaest. 5.

(c) Ut dictum, cit. Dist. 6. n. 52.

Ratio horum generalis.

11. Crimen falsum cuiquam imponere, semper est illicitum.
12. Solvitur obiectio.
13. Utrum audita referens absque assuectione, & sub dubio, peccet mortaliter?
14. Idcirco est rara fides, &c.
15. Tamen periculosum est talia referre, & quale id peccatum?
16. An, qui detractorem audit, peccet mortaliter?
17. Quid, si ei Detractio non placeat, tamen non resistit?
18. Quid, si commode resistere nequeat?
19. Detractori quomodo resistatur?

1. **O**ctavum Praeceptum Decalogi Exodi cap. 20. & Deuter. cap. 5. hisce verbis comprehenditur: *Non loquaris contra proximum tuum falsum testimonium.* Eoque juxta communem Doctorum sententiam prohibetur omnis injustitia & injuria, quae Proximo verbis inferri potest: ut sunt, Detractio, Contumelia, Convicium, Irrisio, Sufurratio, Mendacium, & hujusmodi, quae sub falso Testimonio contra Proximum tanquam sub principaliori comprehenduntur, ut notat D. Thomas 2. 2. quaest. 122. art. 6. De quibus proinde breviter in hac Distinctione tractandum erit, incipiendo a Detractione: cujus natura ut exactius intelligatur,

2. Advertendum est, quod, quamvis Honor, & Fama quandoque sumantur pro eodem, revera tamen differant. Nam *Fama bona* est communis opinio virtutis, sapientiae, & rerum praeclare gestarum alterius: *Honor* autem est testimonium excellentiae alterius. Item Fama consistit in interiore opinione, & dum exit in opus externum, dicitur Laus, vel (loquendo de mala fama) Vituperatio. Honor vero consistit in externa significatione nostrae existimationis de Excellentia alterius; unde supponit opinionem excellentiae ipsius, & intentionem exterius per aliquod signum eam testificandi: quod si deesset ejusmodi opinio excellentiae, atque intentio exterius eam testandi, potius foret illusio, quam honor. Hoc praenotato, sit

3. CONCL. I. Detractio est alienae famae occulta & injusta laesio, seu denigratio. Ita in re communis. Duo quippe requiruntur ad Detractionem. Primo, ut aliquid dicatur, quod alterius famam & existimationem, quam possidet in animo Proximi, extinguere, aut minuire valeat. Deinde, ut fiat occulte, saltem juxta intentionem dicentis: si quis enim in praesentia alicujus, famae ejusdem detrudere intendat, jam non erit simplex detractio, quae directe laedit famam, sed Contumelia honorem alterius coram violans.

4. CONCL. II. Detractio potest fieri dupliciter, directe videlicet, & indirecte. Ita D. Thomas 2. 2. quaest. 73. art. 1. ad 3. & alii. Directe quidem fit Detractio quatuor modis. I. Inponendo crimen falsum. II. Amplificando, seu exaggerando crimen verum. III. Pandendo crimen

occultum. IV. Sinistre interpretando opus bonum alterius, dum scilicet quis coram aliis factum alterius sinistre interpretatur. Indirecte etiam contingit Detractio quatuor modis. I. Negando recte facta, vel dotes alterius. II. Ea extenuando. III. Tacendo bona alterius eo loco & tempore, quo tuum silentium alii interpretantur tacitam vituperationem. IV. Simulare, & frigide laudando; ut quando quis simulat, se velle laudare aliquem, & tamen nihil affert laude dignum.

5. CONCL. III. Detractio ex genere suo est peccatum mortale contra Justitiam, gravius quidem furto, sed levius homicidio. Ita Doctores communiter, & ratio est: quia laedit Proximum in bono plurimum gravi, quodque praestantius est pecunia, juxta illud Proverb. 22. *Melius est nomen bonum, quam divitiae multae.* Item Ecclesiastici 41. *Curam habe de bono nomine: hoc enim magis permanebit tibi, quam mille thesauri pretiosi & magni.* Unde & Poeta canit:

*Omnia si perdas, famam servare memento.*

Dicitur notanter in Conclusionem, *ex genere suo*: Siquidem Detractio saepe est peccatum dumtaxat veniale, vel ob levitatem materiae, vel ob imperfectionem actus. (a)

\* Materia autem levis in praesenti illa laesio tenetur, quae, consideratis circumstantiis, prudentum judicio solummodo vim habet similis conditionis homines de facto leviter contristandi, seu levem tantummodo dolorem caufandi. Quodsi vero laesio foret talis, quae consideratis simul confluentibus circumstantiis jure merito potest etiam judicio prudentum similis conditionis homines graviter contristare, ac amicitiam inter eos dissolvere, talis laesio teneretur materia gravis. Et licet regulariter, ac ordinarie loquendo, quando Confessarius dubitat, num haec vel illa laesio in particulari habeat vim judicio prudentum graviter vel leviter contristandi, sicque num laesio sit gravis vel levis? possit regulariter teste Sporer tract. 5. in Decalog. cap. 4. sect. 3. num. 57. se resolvere; quod peccatum grave occultum de altero absque sufficiente causa revelatum habeat vim graviter contristandi; e contra vero peccatum leve revelatum tantummodo eundem juxta prudentum judicium soleat leviter contristare; dantur tamen subinde ob certas confluentes circumstantias casus speciales, respectu quorum etiam grave peccatum occultum ex judicio prudentum habeat solummodo vim leviter contristandi, e contra vero peccatum leve, vel etiam praecise defectus naturales occulti revelati ea vi sint praediti, ut possint merito etiam ex judicio prudentum graviter contristare; sic juxta communem DD. revelare de plebeo maxime in Germania, quod plene se nuptro festo inebriaverit; de milite, quod duellaverit; de Juvene rustico, vel pariter de milite, quod habeat amasiam &c. non censetur gravis detractio, adeoque ordinarie nec peccatum grave in genere detractiois. E contra vero de Viro valde gravi dicere passim, quod sit levibus mendaciis deditus, reputatur gravis detractio. Ratio utriusque est; quia prima revelatio apud similis conditionis homi-

Miles non solet causare gravem tristitiam: quin-  
imo non raro hi similibus gloriatur; e contra  
vero de Viro valde gravi manifestare, quod sit de-  
ditus mendaciis, merito apprehenditur etiam a  
prudentibus tanquam aptum, gravem in ejusdem  
animo causandi tristitiam.

Ex hac Doctrina inferes I. Manifestare, aliquem  
esse luscum, gibbosum, duri ingenii &c. comu-  
niter non esse materiam gravem, quæ constitue-  
ret peccatum mortale; partim quia sunt defectus  
præcise naturales, & quidem ordinarie de se bre-  
vi patentes, ac citra aliquam culpam graviter in-  
famatoriam regulariter contracti; partim, quia  
communiter alteri revelatio de his non est multum  
præjudiciosa; aut sit patefactio ex gravi causa.

Nec dicas: Ergo pariter non erit materia gra-  
vis, si quis alterum, qui occulte laboraret morbo  
gallico, manifestaret, cum etiam hic defectus sit  
naturalis. Resp. enim neg. illatum: etsi enim  
pariter hic defectus sit naturalis; quia tamen fre-  
quentissime contrahitur ex lue venerea, præberet  
manifestans aliis audientibus occasionem credendi,  
talem veneri deditum, & consequenter respectu  
illius, respectu cujus est materia gravis, manife-  
stare, quod sit fornicarius; pariter erit grave, di-  
cere aliis absque alia causa gravi, quod labores  
morbo gallico, saltem, si non addatur, quod in-  
nocenter contraxerit, e. g. jacendo in simili le-  
cto &c.

Inferitur II. Non esse materiam gravem, dicere  
de alio unum malum actum equidem necdum co-  
gnitum, qui tamen de pluribus similibus in eo-  
dem genere jam est infamis. Item de Infanti in  
uno crimine aliud valde affine (secus dic, si foret  
disparatum) manifestare: e. g. de notorio fornica-  
rio dicere, quod nuper miserit ad aliquam puel-  
lam litteras amatorias. Ratio est; quia exinde  
non notabiliter augetur infamia, seu tristitia. Bu-  
senbaum, Lessius, & Navar.

Inferitur III. Ordinarie loquendo, & nisi talis,  
de quo subsequenter dicuntur, aliunde patitur  
exinde notabile damnum v. g. in aliqua Promotio-  
ne, Officio &c. non esse materiam gravem dice-  
re de altero etiam sine gravi causa, quod sit su-  
perbus, iracundus, avarus, piger &c. quia talis  
modus loquendi communiter, & nisi speciales cir-  
cumstantiæ aliud insinuent, solet potius indicare  
passiones naturales & inclinationes ad similia vi-  
tia, quam ipsum peccatum, vel certe solummodo  
defectus in similibus leves, & non graviter pec-  
caminosus, uti sentiunt AA. infra citandi. Opor-  
tet tamen meo judicio in hoc puncto cautè proce-  
dere, ne loquaces sibi nimium abblendantur cum  
magno aliorum præjudicio.

Inferes IV. Non esse gravem materiam, dicere  
de aliquo, quod sit scrupulosus, si significetur,  
aut ex circumstantiis intelligatur ab audientibus,  
per *scrupulosum* intelligi timoratam & de pec-  
cato sollicitam conscientiam, prout apud perversum  
hoc seculum, teste La Croix, vix nomen  
scrupulosi effugiet, qui accurate vult facere, quod  
debet. Si autem per scrupulositatem intelligitur  
inanis & inutilis apprehensio & inde exorta anxie-  
tas absque ulla gravi ratione, atque sic dicatur de  
homine gravi, qui habet, atque habere debet fa-

mam boni judicii, & magnæ prudentiæ, hæc læ-  
sio erit materia gravis, si aliunde hæc scrupulo-  
sitas non sit jam nota. Ratio est: quia exinde alii  
credere possunt, virum istum habere defectum  
judicii, ac prudentiæ, timendo, ubi nulla gra-  
vis ratio timendi subest: atqui dicere de Viro ma-  
gnæ auctoritatis talia, quæ apud audientes cau-  
sare possunt opinionem, quod is habeat defectum  
judicii, & prudentiæ, utique est materia gravis,  
cum præbeat occasionem contristandi graviter;  
ergo. Quodsi diceretur idem de homine Juvēne,  
vel indocto, talis læsio seu manifestatio defectus  
naturalis conformiter jam dictis non foret matē-  
ria gravis. Ita tenent cum comuni DD. La Croix  
lib. 3. part. 1. num. 1202. Sporer loc. cit. Hennō  
trac. in Decal. disp. 8. quest. 3. art. 1. Felix Pote-  
stas in Exam. Confess. tom. 1. part. 2. num. 2754. &  
seqq. Sabinus Bononiensis in sua Luce moralis part.  
1. trac. 36. n. 27. & seqq. ac Bonacina de Restitut.  
in particulari disp. 2. quest. 4. punct. 2. per totum. \*

6. CONCL. IV. Detractio recte dividitur in  
formalem, & materialein. Ita communis. Et  
quidem *Detractio formalis* est, quæ fit ex inter-  
tione, & proposito, alienam famam denigrandi:  
quæ utique est peccatum mortale, si quis gravi-  
ter famam Proximi lædere intendat. *Detractio  
materialis* est, quando quis expressè non intendit  
lædere famam Proximi, sed ex quadam loquaci-  
tate narrat peccata, vel defectus ipsius, unde læ-  
ditur bona fama ejus. Cæterum circa hoc postē-  
rio materialis tam perfectum voluntarium non  
habeat, sicut formalis, ac proinde frequenter ob  
actus imperfectionem a peccato mortali excuse-  
tur; adhuc tamen sit peccatum mortale, si id,  
quod advertenter narratur, famam Proximi gra-  
viter lædat. Ratio est: quia, etsi expressè quis  
non intendat lædere famam Proximi, adhuc ta-  
men implicite & in sua causa hoc intendit; dum  
vult illud, unde per se gravis læsio sequitur.

7. Quæritur I. An in ullo casu licitum sit, ma-  
nifestare occultum crimen, vel defectus Proximi?  
Resp. dari aliquos casus, in quibus id fieri potest  
absque vitio Detractionis. Sic in primis Detractio  
non est, si quis servato modo correctionis frater-  
næ patefaciat testibus, vel superiori crimen fra-  
tris, ut emendetur; de quo jam supra. (b)

8. Deinde licitum est, manifestare crimen altē-  
rius occultum ad impediendum notabile damnum  
Proximo impendens, sive temporale, sive spiritua-  
le, quando id ad hoc necessarium est. (c) Hinc  
si novi, Titulum esse furem, possum monere eos,  
quibuscum habitat, ut sibi cavēant; & sic de si-  
milibus.

9. Insuper, quando agitur de Officio, vel Be-  
neficio conferendo, de Matrimonio contrahendo,  
de Religione suscipienda; possunt justa impedi-  
menta, etsi cæteroquin occulta, manifestari, si  
ex illis notabile incommodum merito timeri pos-  
sit.

10. Similiter licitum est, ejus, qui fictis vir-  
tutibus famam sibi paravit, simulationem aperi-  
re, si ea vergat in alicujus detrimentum: ut si  
quis simulet se peritum Advocatum, Medi-  
cum, Confessarium, Pharmacopolam &c. &

6015

constat mihi, non esse talem. Lessius lib. 2. cap. 11. dubit. 9. & alii. Ratio horum omnium generalis est: Quia nemo habet jus tuendae famae suae cum tanto damno, Proximis injuste obventuro; ergo in praemissis casibus non committitur Detractio, utpote quae est alienae famae injusta laesio, qualis ibi non intervenit.

11. Ceterum haecenus dicta intellige de crimine, aut defectu ceteroquin vero, licet occulto. Nam crimen falsum cuiquam imponere, semper est illicitum, & in materia gravi mortale: falsitatem enim proponere, in nullo casu licitum existit; cum mendacium sit intrinsece malum, & si sit in materia gravi, peccatum mortale. Unde non immerito Innocentius XI. sequentes duas damnavit Propositiones; quarum prior, ordine 43. sic habet: *Quidni non nisi veniale sit, detrahentis auctoritatem magnam, sibi noxiam falso crimine elidere?* Altera, ordine 44. taliter sonat: *Probabile est, non peccare mortaliter, qui imponit falsum crimen alicui, ut suam iustitiam, & honorem defendat. Et si hoc non est probabile, vix eris opinio probabilis in Theologia.*

12. Nec dicas: Aequè prohibitum est, detrahere Proximo, manifestando crimen grave occultum illius, ac imponendo illi crimen falsum; ergo si hoc non licet, neque illud licitum erit etiam pro impediendo gravi damno nostro, Reipublicae, aut aliorum. Resp. enim negando suppositum: nam manifestare crimen verum, sed occultum Proximi, ex iusta causa, utputa ad impediendum grave damnum, nobis, Reipublicae, aut tertio impendens, quodque alia ratione impediri nequit, non est detrahere, ut dictum num. 8. 9. & 10. At imponere grave crimen falsum, vel est mendacium grave, & lethale; vel etiam est contra iustitiam, prout post D. Thomam 2. 2. quaest. 69. art. 2. notat Joh. Cardenas ad dictas Propositiones Innocentii XI. cap. 3. & 4.

13. Quaeres II. Utrum audita, vel alia qualibet referens absque asseveratione, & sub dubio, peccet mortaliter, & teneatur ad Restitutionem? Hanc Quaestionem ex professo tractat, & subtiliter resolvit Scotus 4. dist. 15. qu. 4. art. 1. quem sequitur Layman lib. 3. tract. 3. part. 2. cap. 3. n. 7. cum aliis.

14. Et quidem in primis respondet Doctor noster: Si quis non imponit in publico crimen alteri, sed murmurat, vel indigne loquitur, vel alicui coram multis narrat, tamen non tamquam sibi certum, sed sic se audivisse &c. quod idcirco rara fides sit: quia multi multa loquuntur. Et ideo dicens, se tantum audivisse, nisi ex modo dicendi ostendat aliquam maiorem certitudinem, quam ex communi relatione, non aufert alteri ex natura actus bonam famam; quia, si audientes firmiter credant, illud, de quo sermo est, esse criminofum, id ex eorum levitate accidit; quia, *Qui credit cito, levis corde est.* Ecclesiastici cap. 10.

15. Addit deinde Doctor Subtilis loc. cit. cum a scandalo pusillorum oporteat cavere, & multi sint tales pusilli, leves ad credendum mala de Proximis; ideo periculosum esse, eis talia addita ex relato referre. Quod si vero hoc fiat animo malo, laedendi scilicet alterius famam, non est fa-

cile excusare, quin sit contra Charitatem, & per consequens peccatum mortale. Si autem fiat coram talibus ex inconsideratione, durum est dicere, quod exeat genus peccati venialis: quia lingua in lubrico posita est; &, *Qui non offendit in verbo, hic perfectus est vir.* Jacobi cap. 3.

16. Quaeres III. An, qui detractorem audit, peccet mortaliter, & ad Restitutionem teneatur? Resp. I. Qui audit detractiones absque resistentia, videtur detractori consentire, unde sit particeps peccati ejus; & si quidem ipsum inducat, vel excitet ad detrahendum, aut placeat ei Detractio propter odium illius, cui detrahitur, non minus peccat quam detrahens, imo quandoque magis. Ita D. Thomas 2. 2. quaest. 73. art. 4. cum communi. Unde D. Bernardus lib. 2. de Consideratione sub finem, ait: *Detrahere, & detrahentem audire, quid horum detestabilius sit, non facile dixerim.* Ratio est: quia talis non solum peccato alieno, id est, Detractioni, consentit, in eoque sibi complacet, sed & quandoque ad ipsum inducit, gravius peccat, quam detractor ipse.

17. Resp. II. Si non placeat ei Detractionis peccatum, sed ex timore, vel negligentia, vel etiam verecundia quadam omittat repellere detrahentem, peccat quidem, sed multo minus, quam detrahens, & plerumque venialiter, licet quandoque etiam peccatum mortale esse possit. Ita Doct. Angelicus loc. cit. cum aliis.

18. Sed hoc intelligendum est, dummodo quis absque incommodo possit Detractionem impedire: nam si commode detrahentem corrigere non possit, Detractionem impedire non tenetur, sicque nullatenus peccat; quia Caritas cum gravi incommodo non obligat, prout passim notant Doctores. Hinc sequitur, quod is, qui sibi grave damnum timet corrigendo, ut puta injurias, aut verbera; vel rationabilem habet verecundiam, eo quod sit filius, aut famulus detrahentis, vel nullius auctoritatis respectu illius; non teneatur ei resistere, aut ipsum corrigere. Idem dicendum, si probabiliter existimat, suam monitionem nihil profuturam.

19. Ceterum resistitur detractori, vel redarguendo ipsum modestis verbis, utputa, quod quis peccet detrahendo fratri; vel discursum interrumpendo, aut si fieri potest, aliorum divertendo; vel saltem ostendendo per tristitiam faciei, quod sibi displiceat Detractio: quia, ut dicitur Proverb. 25. *Ventus Aquilo dissipat pluvias, & facies tristis linguam detrahentium.*

## \* A P P E N D I X

Continens varia adhuc quaesita de Detractione.

Quaer. I. Utrum delicta gravia occulta asseverative referens de aliquo sibi, & aliis audientibus incognito, v. g. de homine aliquo larvato, vel si de cognito quidem, ast non apud alios audientes nominato, peccet mortaliter & teneatur ad Restitutionem?

Respondco quoad utrumque negative, dummodo absit periculum ex hac narratione occultorum gravium deveniendi in notitiam personae illius, quae commisit, ac praeterea dummodo hac

Uu

mani-

manifestatio criminis non redundet in præjudicium & notabilem infamiam Familiæ, cujus est membrum ille, qui dictum crimen perpetravit. Ita sub his terminis Sporer *traet. 5. in Decalog. cap. 4. sect. 3. num. 61.* & Henno ibidem *disp. 8. quæst. 3. art. 2. Conclus. 4.* cum communi. Ratio est: quia sub his limitationibus non infertur grave præjudicium individuo ipsius personæ incognitæ, & consequenter nec eadem rationabiliter propterea tristatur graviter.

Dixi autem notanter: *dummodo hæc manifestatio non redundet apud audientes in infamiam Familiæ, cujus est membrum*: Tunc enim foret grave, etsi persona non nominetur, quæ commisit; quoniam merito præbatur exinde tali Familiæ occasio iuste tristandi graviter, e. g. si diceret, in hoc Monasterio certus Religiosus (quem tamen in individuo non nominaret) commisit nuperrime fornicationem &c. Quamvis enim (uti recte inquit Sporer hic) aliqua communitas re ipsa non maculetur ex unius hominis scelere, sicut nec Collegium Apostolorum ex perfidia Judæ; maculatur tamen apud homines simplices, & imperfectos, quibus id sæpe multiplici scandalo & occasione vilipendendi Monasterium esse solet, si hæc de membro alicujus Familiæ, quam communiter sanctam & piam reputant, vulguntur. Quod si diceret taliter de membro innominato alicujus Civitatis, non incurres peccatum grave Detractionis; quoniam etiam simplices audientes exinde non multum scandalizantur, nec occasionem desumunt vilipendendi Civitatem, utpotè alias probe gnari, in tam ampla hominum secularium Communitate etiam reperiri aliquos improbos.

Quæ. II. Utrum in genere Detractionis peccet mortaliter, qui absque iusta aliqua, & rationabili causa uni tantum, vel alteri prudenti, de quo moraliter constat, eundem ulterius non divulgaturum, nec nocumento futurum, refert grave crimen de alio, nominando hanc ipsam personam, quæ crimen illud commisit? Resp. Talem probabiliter peccare mortaliter. Ita cum Card. de Lugo, Illung, ac communiori DD. Sabinus Bononiensis *part. 1. Lucis Moralis traet. 36. num. 37.* & Franciscus Henno *traet. in Decalog. disp. 8. quæst. 3. art. 2. Conclus. 3.* contra Cajetanum, Reginaldum, Tamburinum, Felicem Poteſta, aliosque. Fundamentum principale est, quia etiam apud unum tantum Virum gravem per talem manifestationem deperdere suam famam, ac æstimationem, censetur prudentum judicio notabile damnum aptum causandi merito magnam tristitiam: sicut a pari ob hanc ipsam rationem Judicium temerarium unius de alio, etiam seposito periculo ulterioris divulgationis, in re gravi conceptum reputatur peccatum mortale; quia nimirum apud unum illum, qui tale Judicium temerarium elicit, exinde deperdere suam æstimationem censetur notabile damnum, vi cujus, etsi fama ipsa apud Communitatem, hujus criminis ignaram, non deperderetur, apud illum tamen, qui temerarium judicium formavit, vel in præſenti, qui manifestantem de altero grave crimen edidit, eadem fama notabiliter censetur diminuta seu denigrata, quod tam ad rationem temerarii Judicii quam rationem Detractionis sufficit.

Dixi autem notanter: *Si contingat absque iusta causa*; etenim si fieret cum causa gravi, puta consilii aut auxilii petendi gratia, nec possit haberi, nisi crimen, & criminolum manifestando, non erit peccatum detractionis, uti recte advertit Henno *loco citato*; qui ulterius in terminis formalibus subjungit, neque peccare saltem mortaliter juxta Sylvium & alios, qui ad solamen, aut doloris mitigationem injuriam magnam sibi ab altero occulte illatam, uni aut alteri manifestaret, modo absit affectus vindictæ, & Detractionis, nec pluribus aperiatur, quam postulet doloris injuste illati amaritudo. Ratio est: quia videtur nimis durum, quod quis teneatur in secreto illatam sibi injuriam concoquere, ut parcat famæ injuriantis, qui noluit ipsemet injuriato parcere. Unde censetur talis injuriando se voluisse huic inconvenienti exponere; cum sciret, aut saltem prudenter scire deberet, hujusmodi revelationem per injuratum solere valde frequenter ex injuria illata subsequi. Hæc ultima doctrina de iusta querela contra injuriantem mota ad capiendum exinde solatium, hæc (inquit) ultima doctrina, si debite fuerit circumstantionata, poterit quidem aliquoties Confessario deservire post jam factum: aut in futurum erit vel ex eo dissuadenda; quia lingua labilis vix terminos debitarum circumstantiarum sibi ponere poterit, præsertim apud homines vindicativos, & fœminas passionatas.

Quæres III. Utrum in genere Detractionis peccet mortaliter, qui crimen a parte rei verum ac grave apud unam Communitatem una cum Persona jam publicam, seu publice notum refert, ac revelat aliis intra, vel extra eandem Communitatem, qui dictum crimen, vel saltem Personam ream nondum sciverunt? Antè Resp. advertendum, tripliciter posse crimen fieri notum, seu publicum alicui Communitati. In primis *Jure*, si nimirum a Communitate sciatur per Confessionem Rei in Judicio publico, vel per sententiam Judicis jam publicatam. Deinde *Facto*; per ipsam facti evidentiam apud tot, ut attentâ conditione illorum, qui eandem evidentiam habeant, & qualitate Communitatis arbitrio Prudentum judicetur, nulla amplius tergiversatione celari posse. Denique tertio præcise ex *Fama*, quando nimirum eadem non a garrulis mulierculis absque fundamento (tunc enim foret potius rumor inanis) sed ex verisimilibus indiciis originem trahens, ad majorem partem Communitatis pervenit. Nos in præſenti loquimur præcise de criminis notoreitate seu publicitate Juris, vel facti. Alterum de publicitate per famam communem differemus ad quæſitum sequens. H. N.

Respond. I. Si crimen sit publicum *Jure* seu (ut alii loquuntur) notorium notoreitate Juris; tunc post sententiam Judicis publice latam potest illud una cum Reo citra peccatum grave Detractionis etiam aliis tam ejusdem loci incolis adhuc ignorantibus, quam dissitorum locorum habitatoribus manifestari. Ita teste Sporer communissima. Ratio est: quia exigente sic Bono publico talis graviter Reus in poenam criminis sua fama privatur absolute, & propterea etiam publice sententia fertur, ac confluenti ex quibuscumque locis populo audiendi publicationem sententiæ li-

centia



centia datur, ut exinde homines alii magis a similibus criminibus deterreantur. Dicitur autem notanter: *Post sententiam Judicis publice latam*, nam si sententia ista non publice feratur, sed tantum privatim intra aliquam particularem communitatem cum intentione, ut non vulgetur ulterius v. g. si fiat in certo Monasterio vel Religiosa Familia, non liceret tale crimen, seu talem Reum aliis extraneis adhuc occultum propalare; quoniam Judex talem Reum non absolute, sed tantum in ordine ad certam Communitatem sua fama privavit, hincque ad publicationem sententiae non quoscunque confluentes admisit; quoniam, si similia vulgarentur ubique, ordinarie non solum illa persona particularis, sed etiam tota sacra ac innocens aliqua Religio infamaretur.

Resp. II. Si tale crimen est publicum seu notorium notorietate facti, potest absque peccato gravi Detractionis ille, qui crimen commisit, manifestari aliis ejusdem Communitatis adhuc ignaris. Ita apud Patrem Sporer hic Scotus in 4. sent. dist. 15. quaest. 4. cum communissima DD. & ratio est, quia pro tunc ex communissima Doctorum persuasione, & teste Lessio ex consuetudine totius Orbis censetur talis criminolus respectu similis Communitatis spoliatus jure & possessione suae famae, (eo ipso, quia crimen ejusdem ex sua culpa adeo publicum evasit) ut moraliter reputetur impossibile, quin in aliorum cohabitantium notitiam perveniat.

Respond. III. Si facti evidentia crimen alicujus est publicum ac notorium in aliqua Communitate absolute, puta in Pago, Oppido, Civitate, potest is, qui hoc crimen perpetravit, citra grave peccatum Detractionis manifestari in locis quoque vicinioribus, vel aliis etiam suummodo remotioribus, quae tamen commerciorum consortio ita sunt junctae, ut ad illa facile respective brevi, ac quasi moraliter certo idem rumor sit perventurus. Ita cum Molina, Soto, Layman & Petro Navarro, Sporer tract. 6. in Decalog. cap. 4. sect. 3. num. 71. Et teste eodem communis. Ratio est, quae prior; quia rem moraliter aestimando, fama absolute amissa in hoc loco, etiam in vicino, vel tam juncto amissa censeri potest, ita ut moraliter impossibile reputetur, quin & fama, alias cito volans, pariter brevi ad alia loca perveniat.

Dicitur autem notanter: *licere sic manifestare in aliis locis junctis &c. si evidentia facti sit notorium in aliqua Communitate NB. absolute.* Secus enim dicendum, si tantum foret notorium limitate, restringendo illam notorietatem praecise intra Cancellos cujusdam Communitatis particularis respective, puta ad certum genus personarum v. g. ad certum Collegium, vel Monasterium talis Civitatis: tunc enim extra corpus Monasterii non liceret vicinis secularibus, vel adjacentibus aliis Conventibus dictum crimen grave ipsis adhuc ignotum manifestare; quoniam exinde conformiter dictis non solum ipse Religiosus, sed etiam Collegium seu Monasterium infamaretur. Nec dicas: licere etiam juxta Molinam, & Rebellum saltem tunc manifestare aliis Monasteriis vicinis, si fuerint ejusdem Ordinis: nam etsi ob paritatem rationis id concedatur cum La Croix, quoad

ea Monasteria intra unam Provinciam sita, ubi Religiosi mutantur de loco in locum; negatur tamen in aliis casibus: quinimo ad evitandas saepe varias inconvenientias, & discordias inter Religiosos saltem dissuadetur ex virtute Charitatis etiam quoad Monasteria ejusdem Provinciae, si nulla alia ceteroquin habeatur rationabilis causa manifestandi.

Respond. IV. In locis remotioribus illis, quorum alias moraliter loquendo fama non poterat pervenire, probabilius non licet citra peccatum grave detractionis aliquem, qui crimen grave notorietate facti publicum perpetravit, propalare. Ita Franciscus Henno tract. in Decalog. disp. 8. quaest. 3. art. 3. Concl. 1. & Sporer tract. 6. in Decalog. cap. 4. sect. 3. num. 71. ac apud ipsum plures, contra tamen non paucos teste Henno loc. cit. Ratio est: quia, licet peccans publice cedat implicitamente Juri famae suae in locis vicinioribus, vel ratione commercii junctis, non tamen quoad alia remota; ideo enim censetur renunciare juri suo quoad loca priora; quia fama moraliter loquendo est crimen illuc alias perlatura; ergo ubi moraliter fama non est perlatura (uti se res habet quoad loca remotiora proxime explicata) neque censetur renunciare suo Juri.

Nec dicas: Publicum publicitate Juris per sententiam Judicis potest ubivis etiam in remotioribus locis vulgari: ergo etiam publicum per evidentiam facti. Respond. enim cum Patre Henno negando cons. & paritat. Disparitas est, quod in primo casu infamia universalis sit poena culpae imposita, non sic in casu secundo.

Quaer. IV. An crimen, quod est publicum non quidem notorietate Juris & Facti, sed tantum per famam communem, possit aliis adhuc ignaris ex Communitate, aut vicinia revelari? Respond. Si sit vere fama communis (& non potius rumor inanis) de gravi crimine ab aliquo commisso, Doctores superius allegati in ordine ad ulteriorem manifestationem simili modo discurrent de eadem, ac de notorietate facti ob paritatem rationis, quoniam & talis fama communis cito volat ad aures aliorum, ut moraliter vix amplius posse occultari credatur. Interea tamen, quia saepe potest esse potius rumor inanis, absque solido fundamento a garrulis, vel leviter credulis in vulgum sparsus, quam vera fama communis circa crimen grave ab altero e. g. Petro commissum; hinc bene respiciatur, undenam rumor iste ortum habuerit: nam si constet, quod ipsemet e. g. Petrus, de quo est rumor, non leviter praebuerit mala indicia taliter de se discurrendi, sibi metipsum imputet eam propagationem. Econtra vero si nec ex viris fide dignis, nec ex praevis gravibus indiciis sciatur origo similis rumoris, sit cautus ille, qui praecise habens informationem ex rumore aliis ex Communitate vel Vicinia ignaris refert, ne assertive tale crimen divulget de altero, sed vel reticeat, quod consultius, vel ad minus saltem addat, esse quidem rumorem; se tamen nescire, undenam rumor iste originem traxerit, & an nitatur solido fundamento? solent enim non raro a parte rei Innocentes per rumorem inanem falso diffamari tamquam Rei.

U u

Quaer.

Quær. V. Quod homines crimen ab aliquo commissum scire debeant, quatenus illud dicatur publicum, seu notorium notorietate Facti taliter, ut exinde in Communitate seu Vicinia ulterius aliis citra grave peccatum Detractionis revelari queat? Respondet ad hoc satis difficile & intricatum quæsitum Sabinus Bononienfis *part. 1. Lucis Moralis tract. 36. num. 39.* ut aliquod delictum egrediatur limites occulti, & fiat publicum, sicque aliis ex Communitate, vel Vicinia revelari queat absque gravi peccato Detractionis, debere illud præcise sciri a tot hominibus, ut attentam quantitate Communitatis, & qualitate hominum prudentum arbitrio censeatur impossibile ulterius cohibere famam communem de eodem. Alii DD. etiam specificant certum numerum hominum, quo habito, juxta proportionem majoris vel minoris Communitatis censeatur adesse prudens arbitrium, tale delictum ita jam innotuisse, ut fama de eodem amplius cohiberi nequeat. Sic enim nonnulli apud la Croix & Sporer hic putant sufficere, si sciant *decem*, quia iste numerus sufficit ad constituendum populum seu Parochiam; *L. 4. ff. de Bonorum raptorum.* Alii restringunt adhuc ad minorem numerum, & credunt, ad publicum sufficere, si resciant *Sex*; nam (inquiunt cum Abb. in *Can. de manifest. 2. q. 1.*) equidem verum est ad Communitatem Parochiæ faciendam requiri decem personas, at, ut quidpiam intra hanc Communitatem dicatur notorium, seu publicum, non necessario debet resciri ab omnibus membris ejusdem, sed sufficit, si cognoscatur a majori parte illius, qualem majorem partem respectu numeri *denarii* utique conficiunt *sex* personæ. Molina, Lugo & Haunoldus apud La Croix *lib. 3. part. 2. num. 1229.* dicunt, quando Communitas constat personis viginti, tunc esse aliquid publicum, seu notorium fama, quando *septem* sciunt. Si 100. quando *quindecim*. Si 1000. quando *viginti*, qui sint ex diversis domibus. Si autem Civitas constaret 5000. civibus, sufficere, quod sciant *triginta* sparsi per illam Civitatem, aut quod una platea vicina id sciat; quia tunc moraliter impossibile est celari, attenta humana fragilitate, & linguæ lubrica volubilitate. Deservient subinde similia Confessario in perplexitate pro consolatione, si nesciat se resolvere, num hoc, vel illud crimen in particulari juxta prudens arbitrium debeat dici publicum, vel non? prout praxis & experientia docerunt.

Quær. VI. An una Detractio sit ejusdem speciei cum altera? Resp. Affirmative. Ita præter alios Bosco *Disp. 7. de Sacrament. Penitent. sect. 10.* & La Croix *lib. 3. part. 2. num. 1227.* Ratio est: quia tota malitia specifica harum Detractionum consistit in injusta denigratione famæ alterius: atqui hæc malitia specifica reperitur in qualibet Detractione: ergo qualibet est ejusdem speciei. Ob quod ipsum fundamentum etiam DD. cum Sporer *tract. 5. in Decalog. cap. 4. sect. 6. num. 145.* inferunt, quod una contumelia sit ejusdem speciei cum altera; quia per omnes læditur honor, in cujus læsione consistit malitia specifica contumeliæ; sic etiam furtum gemmæ, & furtum equi ac furtum auri sunt ejusdem speciei moralis; quia

ubique fit læsio Bonorum fortunæ, in qua læsione consistit malitia specifica furti: pariformiter ob eandem rationem judicia temeraria, quando v. g. quis judicat Petrum fornicarium, & Paulum furem, sunt ejusdem speciei; quia tota malitia specifica judicii temerarii in hoc consistit, quod exinde lædatur jus, quod alter habet ad bonam existimationem sui, quæ læsio utrobique reperitur, uti recte cum Bussembaum, Escobar, Filiucio advertunt Potestas *Tom. 1. part. 2. num. 2753.* & Sabinus Bononienf. *part. 1. Tr. 36. n. 43.*

Quær. VII. Quomodo præcise sit interrogandus, qui confitetur, se detraxisse? Resp. Talem esse interrogandum I. Num. contigerit in materia levi, vel gravi, seu tali, quam ipse gravem reputaret, si contra semetipsum talis Detractio facta fuisset? Quodsi contigisset in materia gravi, interrogetur ulterius. II. Num talia de altero assertive dixerit, vel tantum præcise relative nihil augendo, vel addendo, ita ut prudenter credi possit, audientes non adhibuisse exinde positive fidem relatis? Quodsi protulisset assertive, interrogetur III. Utrum illa res fuerit vera, vel falsa? Et, si vera, num occulta vel publica? IV. Quoties deliberate contigerit in materia gravi occulta? V. Demum obligandus est ad restitutionem, nisi adsit aliqua ex causis excusantibus.

Cæterum finaliter circa istam materiam ad duo præsertim genera penitentium attendat Confessarius. Primum genus est nimis *laxum*, alterum nimis *anxium*. *Priores* sunt illi, qui quaslibet ferme res de altero prolatas reputant leves, cum tamen, si de ipsis similia spargerentur, judicarent, nescio quam graves; tales interrogandi sunt, quidnam ergo in specie occultum protulerint contra alterum, ut exinde noscatur, an materiâ fuerit gravis vel levis? *Posteriores* mox sibi timent de gravi peccato, si quidpiam narrent de Proximo, etsi jam publicum, vel majori saltem parti Communitatis notum, vel quamvis talem manifestationem requireret Bonum Reipublicæ, seu utilitas alicujus Communitatis, aut salus Proximi temporalis vel spiritualis &c. & hi magis sunt instruendi a Confessario conformiter jam dictis. \*

## Q U Æ S T I O II.

De Contumelia.

### S U M M A R I U M.

20. Contumelia, quid?
21. Ea tribus modis accidit, quibus?
22. Est ex genere peccatum mortale.
23. Per accidens tamen potest fieri veniale.
24. Leve convicium quando fieri possit sine omni peccato?
25. Alii tales casus.

20. **C**ONCL. I. Contumelia a contemnendo dicta est, estque injuria, qua alicujus præsentis honor & existimatio palam violatur. Ita in re communis. Differt autem Contumelia a Detractione, quod hæc directe famam lædat, Contumelia honorem. Detractio insuper fit occulte, & in absentia, sicuti furtum: Contumelia vero fit palam, & in faciem, ut rapina; aut clam quidem, sed ea intentione, ut veniat ad notitiam ejus, in quem conjicitur: prout contingit per Scripturas, ac Libellos famosos.

21. Cont-

21. CONCL. II. Contumelia tribus modis accidit, verbo, scripto, & facto. Et quidem sub Contumelia, quæ fit verbo, comprehenditur Convicium, Improperium, & Maledictum. Contumelia, quæ scripto fit, animo infamandi, *Libellus famosus* in Jure appellatur. Ad Contumeliam tandem, quæ facto fit, v. g. honoratum Virum verberando, domi includendo, pertinet Irrisio, & Subsannatio.

\* Porro, quamvis Contumelia juxta jam dicta a Detractione distinguatur, & quidem specie, cum hæc duo vitia respiciant duo specie distincta objecta formalia, Detractio quidem *famam*, quam denigrat, contumelia vero *honorem*, quem lædit; nihilominus ambo sæpius confluunt in uno, eodemque actu, etsi cæteròquin etiam verum sit, quod subinde ab invicem separentur. Sic v. g. si alteri objicias crimen occultum grave aliis præsentibus, teneretur adesse, ac simul in illo actu concurrere Contumelia & Detractio; quoniam simul læditur fama & honor. Quod si vero alicui soli, nemine alio præsentis, crimen in occulto objecisti in faciem, vel etiam alapam viro gravi in occulto, & quod maheat occultum, inflixisti, non lædisti famam per Detractionem, bene tamen honorem per Contumeliam. Econtra, si coram aliis, ipso tamen etiam ex tua intentione non præsentis, de quo loqueris, crimen grave occultum manifestasti, lædisti famam per Detractionem, non autem honorem per Contumeliam. Ita recte notat Spores *tract. 3. in Decalog. cap. 4. sect. 4. num. 145.* \*

22. CONCL. III. Contumelia ex genere suo est peccatum mortale. Ita Doctores unanimiter, & patet ex illo Salvatoris *Matth. 4. Qui dixerit fratri suo, Fatue, reus eris gehenna ignis*. Nam, ut inter alios explicat hunc locum Cornelius a Lapide, sub *ro Fatue* hic intelliguntur reliqua conviciorum, dirarum calumniarum, probrorum, & imprecationum genera: quæ sunt peccata mortalia, si valde Proximum dehonorent, aut ex animo graviter nocendi proferantur.

23. Dicitur, *ex genere suo*: Siquidem verbum contumeliosum per accidens potest fieri veniale, tum ob defectum voluntarii, ac indeliberationem actus; tum ob levitatem materiæ, si nimirum Contumelia vel in se ipsa levis sit, vel saltem cum habitudine ad personam, cui infertur, vel a qua infertur. Nam eadem Contumelia, quæ erga dominum, patrem, virum gravem, & honoratum prælata, foret peccatum mortale; erga subditum, sceminam, vel puerum, veniale esse potest. Similiter viro gravi ac honorato dicere, *Fatue*, est gravis Contumelia; vili vero & stupido, qui revera est fatuus, erit levis.

24. Imò notant Doctores cum D. Thomà 2. 2. *quest. 72. art. 2.* joci causa, & ad convenientem animi recreationem, non vero ad dehortationem Proximi, dicere aliquod leve convicium, aut leves alicui defectus objicere, posse pertinere ad Eutrapeliati, ac fieri sine omni peccato: dummodo debitæ circumstantiæ adhibeantur, nec periculum adsit Proximum contristandi, vel ad iram commovendi. Alioquin enim stante tali periculo dicere Proximo convicium, repugnet Charitati.

25. Insuper justæ objurgationis, correctionis ac disciplinæ causa, parentes licite filios suos, magistri discipulos, domini servos durius per verba convicii seu contumeliæ pungunt, castigant, & increpant; dummodo moderate ad justam correctionem id fiat. Sic quippe Christus Dominus Petrum vocavit *Satanam*, *Matth. 15.* Et Paulus *ad Galatas cap. 3.* vocat eos *insensatos*: rursumque Christus duos Discipulos, euntes in Emmaus, vocavit *stultos, & tardos corde*. Cujus rationem dat Doctor Angelicus *loc. cit.* Quia, sicut licitum est, aliquem verberare & flagellare virgis, causa disciplinæ; ita etiam verbis. Tamen, ut bene idem cum S. Augustino *lib. 2. de Sermone Domini in Monte cap. 30.* observat, raro, & non nisi ex magna necessitate, hujusmodi objurgationes sunt adhibendæ.

### Q U Æ S T I O III.

De Convicio, Improperio, Maledicto, Irrisio, Susurratio, ac Libello famoso.

#### S U M M A R I U M.

26. Convicium, quid, & quomodo differat à Contumelia?
27. Improperium, quid?
28. Maledictum, sive Maledictio, quid?
29. Unde ejus malitia dimetienda?
- (d) Adde dicta *Tract. 4. Dist. 7. n. 13. & 14.*
30. Irrisio, seu Derisio, ac Subsannatio, quid?
31. Susurratio, ejusque gravitas, quæ?
32. Libellus famosus, & quæ ejus pœna?

26. **Q**uatum ad Convicium attinet; Convicium sæpe confunditur cum Contumelia: stricte tamen loquendo differt ab ipso per hoc, quod per verba contumeliosa cuiuspiam repræsentetur, atque exprobratur defectus culpæ; v. g. quod sit fur, adulter, demonium habens; per Convicium vero exprobratur defectus pœnæ, vel naturæ. Unde si quis alicui injuriose objiciat, eum esse cæcū, Convicium quidem dicitur, sed non Contumeliam infert, stricte loquendo: si vero ipsi dicat, quod sit fur, non solum Convicium, sed etiam Contumeliam infert. Verum, ut jam dictum est, Convicium, & Contumelia non raro sumuntur pro eodem.

27. *Improperium* exprobat Proximo defectum minorationis, seu indigentia. Et tunc proprie fit, quando aliquis injuriose alteri ad memoriam reducit auxilium, quod contulit ei necessitatem patienti; de quo dicitur *Ecclesiastici 20. Exigua dabit, & multa impropèrabit.*

28. *Maledictum*, seu *Maledictio*; quandoque sumitur pro dictione cujuslibet convicii, & mali in Proximum; & in hac acceptione tam ampla in proposito non sumitur. Proprie tamen illud accipiendum, ac prout est speciale vitium; *Maledictum* est imprecatio mali pœnæ facta alicui: ut si cuiuspiam quis imprecetur diabolum, fulgura, vel alia hujusmodi mala.

29. Hujus peccati malitia potissimum dimetienda est ex advertentia, deliberatione, animoque proferentis: nam si ex inconsideratione, vel sine pravo animo proferantur ex ira subito talia verba Maledictionis, non illico censendum est, committi peccatum mortale; nisi id fiat delibe-

U u j

late;

rate, & pravo animo, juxta sæpe jam illatam doctrinam Sancti Thomæ 2. 2. *quest.* 73. *art.* 2. quod *Peccata verborum maxime sunt ex intentione dicentis dijudicanda.* (d)

30. *Irrisio*, seu *Derisio*, significat risum cum alterius contemptu: unde intendit erubescerentiam, seu confusionem derisi. Et per hoc *Irrisio* differt ab aliis linguæ vitiis; atque continet interdum culpam levem, nonnumquam graviolem, aliquando etiam lethalem, pro contemptu, & dignitate illius personæ, cui irridetur, & magnitudine turpitudinis ad jocum arreptæ. Huc pertinet *Subsannatio*, quæ contingit gestibus derisoriiis, ut naso contracto, vel rugato, & hujusmodi: qualia multa contigerunt Christo Domino in sua Passione, præsertim tempore Coronationis spinæ, *Matth.* 26.

31. *Sufurratio* est peccatum linguæ, dum quis occulte de Proximo male loquendo, odium ejus, ac dissensionem animorum molitur: nam finis *Sufurrationis*, est discordiarum inter amicos dissimulatio. De gravitate hujus vitii linguæ dissimulatio Doctor Angelicus 2. 2. *quest.* 74. ait: quod, quanto amicitia præstat famæ, tanto *Sufurratio*, per quam amicitia tollitur, sit gravius peccatum *Detractione*; cum peccatum in Proximum tanto sit gravius, quanto per ipsum majus nocumentum Proximo infertur; intellige, ex genere suo ac cæteris paribus. Hinc *Ecclesiastici* 28. dicitur: *Sufurro, & bilinguis maledictus; multos enim turbavit pacem habentes. Lingua tercia multos commovet, & dispergit illos de gente in gentem &c.* Et enarratis multis aliis gravissimis ejus malis, subditur: *Qui respicit illam, non habebit requiem, neque habebis amicum, in quo requiescat.*

\* Dices: *Sufurratio* non est *Detractio*, nec *Contumelia* proprie loquendo, sed distinctum peccatum gravius *Detractione*, & *Contumelia*; ergo non deberet in hac quæstione, in qua explicantur diversi modi, quibus contingit contumelia verbo, scripto vel facto, collocari. Anteced. probatur; quia hoc vitium *Sufurrationis* tollit majus Bonum, quam priora duo, nimirum *Amicitiam*, quæ majus est Bonum, quam *honor & fama*: quoniam *Amico fideli nulla est comparatio*, *Ecclesiastici* cap. 6. uti etiam ex parte jam supra notatum est, & advertit Henno *Tract. in Decalog. disp.* 8. q. 3. *art.* 7. *Concl.* 1. ergo. Respond. negando primam consequentiam: etsi enim proprie *Sufurratio* nec sit *Detractio*, nec *Contumelia*, sed peccatum utroque hoc vitio gravius, uti bene probat Divus Thomas apud Franciscum Henno *loc. cit.* nihilominus tamen saltem reductivè, hic, ubi de vitiis linguæ discutitur, congrue inferitur, quatenus est vitium linguæ summe noxium Communitati, ac tollens majus Bonum honore & fama hominis. \*

32. *Libellus famosus* est scriptura, quæ infamiam alicujus continet nondum publicatam, ut edatur, & publica fiat. Pœna componentis, seu projicientis Libellum famosum (quam etiam incurrit, qui Libellum famosum invenit, & non scindit, sed manifestat aliis) de Jure Civili est pœna capitis, *L. an. C. de Famosis Libellis*, & alibi. Quod intelligendum est, quando Libellus continet aliquid grave, quod si infamatus commisisset, di-

gnus esset morte. Ex quo patet gravitas Libelli famosi.

#### QUÆSTIO IV.

Quibus modis Fama, vel Honor injuste ablati refarciri possit, ac debeat?

#### SUMMARIUM.

33. *Falsum crimen scienter imponens, quomodo restituat?*
34. *Crimen verum, sed occultum revelans, quomodo restituere possit?*
35. *Injuste infamans tenetur ad damnorum in Bonis temporalibus illatorum recompensam.*
36. *Honor injuste ablati, quomodo refarciri valeat?*
37. *Quando tunc requiratur veniæ petitio, nec ne?*

33. **C**ONCL. I. Si quis falsum crimen scienter Proximo imposuit, oportet, ut restituat famam retrahendo verbum suum apud eos, quibus dixerat, & ad quos infamia criminis pervenit. Ita D. Thomas 2. 2. *quest.* 62. *art.* 2. Scotus 4. *dist.* 15. q. 4. & communis. Ratio est: quia hoc exigit Justitia in reddendo Proximo, quod suum est; quæ alias non servaretur. Interdum tamen satis erit, si infamator dicat, se fuisse deceptum, aliter rem sese intellexisse &c. dummodo per hoc famæ Proximi sufficienter caveatur.

34. **C**ONCL. II. Si *Detractio* committitur revelando verum crimen, sed occultum, non servato ordine Juris, talis *Detractor* non quidem tenetur retractare verbum suum, dicendo, se esse mentitum, aut falsum dixisse, &c. (quia hoc faciendo mentiretur, quod nulla de causa est licitum, multo minus præceptum) nihilominus tenetur is alio licito modo facere restitutionem, dicendo v.g. *Non credatis, eum esse talem, male enim dixi, aut fatue dixi, &c.* Hæc enim vera sunt: nam talis male, & fatue dixit, dum peccatum occultum Proximi in publico propalavit, non servato ordine Juris. Ita Doctor noster *loc. cit.* & alii.

35. **C**ONCL. III. Qui alterum injuste infamavit, ita ut ex infamia alteri aspersa secutum sit damnum in bonis temporalibus, tenetur etiam damni illati compensationem facere. Ita Lessius *lib.* 2. *cap.* 11. *dubit.* 19. cum aliis. Ratio est: quia ejusmodi infamatio est actio injuriosa: atqui omne damnum, quod Proximo infertur per actionem injuriosam, est restituendum; ergo. Hinc si quis injusta sua infamatione causa fuit, quod alter Officio, vel Dignitate sua privatus fuerit, aut illud non assecutus, tenetur pro possibili tale damnum recompensare, restituendo, quantum valebat illud Officium, &c. vel spes illud obtinendi, boni viri arbitrio, prout uberius declaratum est supra *Dist.* 5. n. 81. 82. & seqq.

\* Quodsi quæras, an hæc obligatio reparandi famam, & compensandi damna exinde secuta adstringat etiam illum, qui ex inconsiderata loquacitate, & non plena advertentia alteri graviter detraxit? Respond. Hæc obligatio reparandi famam adstringit, vel ex virtute Justitiæ, vel saltem ex virtute Charitatis etiam illum, qui ex præcipitantia, ac inconsiderata loquacitate alteri graviter detraxit, supposito tamen, quod absque gravi incommodo famam alterius refarcire valeat. Ita sub



sub his terminis communis apud La Croix lib. 3. part. 2. num. 1243. & apud Sporer tract. 5. in Decalog. cap. 4. sect. 4. num. 86. Ratio est; quia talis posuit, quamvis non plene deliberate, causam illam, ex qua alter fuit infamatus apud alios; adeoque tenetur, si commode valeat, effectum tam malum exinde causatum remove. Ob quam ipsam rationis paritatem etiam ille, qui ex oblivione Theologicè inculpabili reliquit candellam accensam in hypocauto, per quam causatum est incendium, censetur obligatus cooperari ad extinctionem dicti incendii, si absque notabili damno proprio & gravi incommodo possit.

Dixi notanter: Si absque gravi incommodo possit, per quas particulas fit distinctio inter eum, qui deliberate ac scienter aliquem graviter diffamat, & inter illum, qui id facit ex non plena advertentia; nam prior obligatur, ceteris paribus, & quando aliis mediis restitutio fieri nequit, restituere etiam cum certo periculo propriæ infamiæ per revocationem incurrendæ: non autem sic posterior: sicut a pari juxta jam dicta in Bonis fortunæ notabiliter damnicans deliberate, ceteris paribus, tenetur ad restitutionem; quamvis restituendo æque gravè damnum exinde pati deberet, ac alter sustinet vi ablationis; non autem sic adstringitur, qui in Bonis fortunæ illud damnum causavit citra culpam Theologicè gravem, ob non plenam advertentiam ad actum, prout jam antea insinuaturn fuit juxta valde probabilem sententiam dist. 5. q. 5. num. 87. Ex quo fundamento facile colliges, quod talis ex inconsiderata, ac non plene deliberata loquacitate detrahens, neque obligetur subsecuta damna alia in Bonis fortunæ resarcire cum suo gravi detrimento. \*

36. CONCL. IV. Quantum attinet ad obligationem restituendi honorem, per Contumeliam, & alia peccata linguæ injuste ablatum; potest id duplici modo resarciri; uno modo per externam aliquant obsequii exhibitionem, & declarationem absque ulla expressa petitione veniæ: alio modo condonatione, quæ vel sponte fit ab inhonorato, vel prævia humili veniæ petitione per inhonorantem facta. Ita Mastrius disp. 8. Theol. Moral. n. 70. cum aliis.

37. Cæterum, an sufficiat primo duntaxat modo restituere honorem, vel insuper requiratur expressa veniæ petitio, non potest absolute decidi; sed id ex gravitate injuriæ, & conditione personæ, aliisque circumstantiis prudentis viri judicio definiendum est. Siquidem, si Superiores, vel Prælati, aliquando inferiores vel plebejos contumelia afficiant, non decet veniam ab istis petere, ne frangatur regendi auctoritas: sed sufficit, si benigne eos tractent, ac signis vel factis ostendant, se illos non despiciere. Econtra vero, si injuria adeo gravis sit, & a subdito Superiori, vel a plebejo cuiuspiam Nobili, aut alii Viro multum honorato, quem forsitan fuste percussit, illata, ita ut alio modo compensari non possit talis injuria, nisi veniam petendo, & inhonoratus aliam satisfactionem suscipere nolit, nisi veniæ petitionem, tunc offendens tenetur illam petere. Alioquin autem, quando aliter, quam per veniæ petitionem, honor restitui potest, nemo ad veniam petendam cogendus est: sed ad eum modum, qui

est in consuetudine, atque a prudentibus sufficiens judicatur. Mastrius loc. cit. & alii.

## Q U Æ S T I O V.

De Causis excusantibus a Restitutione Famæ, & Honoris.

### S U M M A R I U M.

38. *Variæ causæ excusantes a Restitutione famæ, aut Honoris.*
39. *Regula tres circa hoc observandæ.*
40. *I. Causa excusans a Restitutione Famæ, si infamia non est secuta.*
41. *II. Si verbum, alioquin infamans, jam abiit in oblivionem.*
42. *III. Si Famæ aliunde recuperata fuit.*
43. *IV. Si crimen occultum, alia ratione publicum evaserit.*
44. *V. Si Restitutio Famæ facta sit impossibilis.*
45. *VI. Si ea nequeat fieri absque periculo vite.*
46. *VII. Vel non sine amissione Famæ majoris momenti.*
47. *VIII. Causa excusans, est justa condonatio.*
48. *IX. Compensatio justa.*
49. 50. 51. 52. 53. 54. 55. *Adhuc plures aliæ causæ excusant.*
- (e) Juxta dicta num. 14.

38. **V**arias causas passim enumerant Theologi, propter quas cessat obligatio restituendi Famam, aut Honorem, ut videre est apud Lugonem disp. 15. de just. & jure, sect. 2. Lessium lib. 2. cap. 11. dubit. 26. Mastrium disp. 8. Theol. Moral. num. 71. & seqq. Reginaldum lib. 10. cap. 23. & alios passim. Verum antequam hæc enumerentur,

39. Advertendum generaliter, certum esse ex communi Theologorum sententia, ad hoc, ut Famæ per Detractionem læsa (idem servata propositione dicendum de Honore) sit restituenda, hæc tres conditiones concurrere debere: I. Ut Famæ Proximo re ipsa sit ablata. II. Ut sit injuste ablata. III. Ut non fuerit aliunde jam recuperata. Et defectu harum conditionum, aut saltem unius, vel alterius earundem, diversæ oriuntur causæ excusantes a Restitutione Famæ & honoris; quamvis etiam ex aliis capitibus nonnullæ suboriantur.

40. Prima igitur causa, excusans a restitutione Famæ est: Si revera ex cujuspiam obloquutione nulla fuit infamia secuta: quia nimirum vel infamator nullius erat fidei (quod sæpè accidit) ac proinde ejus dictis audientes fidem non adhibuerunt, vel quia illi, apud quos infamavit, jam sciebant crimen illud, vel saltem (ut loquitur Lessius) jam sciebant similia, ita ut infamia non fuerit notabiliter aucta. Ratio est clara: quia, quod re ipsa ablatum non est, hoc ipso restitui non debet.

41. Secunda causa a Restitutione Famæ excusans, est: Si id, quod contra bonam famam alterius quis locutus est, jam in oblivionem abiisse prudenter existimatur. Ita rursus communis: & ratio est; quia in tali casu fama jam censetur recuperata, vel certe damnum illatum omnino evanuisse. Imo velle se retractare coram illis, apud quos alter diffamatus fuit, infamiam jam in obli-

oblivioni abeunte, non tam esset famam restituere, quam rursus infamare: sic enim revocaretur in memoriam crimen illud, quod ab eorum memoria jam exciderat; unde plus nocimenti sequeretur, quam utilitatis Proximo.

\* At ponamus, quod dubitetur, num crimen illud apud alios jam in oblivionem abierit, vel non, quid tunc faciendum? Respondeo, duas regulas tali esse observandas. I. Regula ex Cardinali de Lugo *de 7. & 7. disp. 5. sect. 3. num. 35.* est desumpta, ut nimirum talis sibi metipsum suam propriam personam ante oculos ponat, quidnam nimirum, si sibi met hæc infamatio ab alio fuisset illata, vellet in his circumstantiis fieri, & hoc ipsum circa infamatum præstet. II. Regula: quod si circa propriam personam se resolvere non posset, notet ex Navar. & Lessio apud La Croix *lib. 3. part. 2. num. 1255.* quod stante isto dubio ob periculum, ne per similia dicta species forsan jam sepultæ denuo resuscitentur, non facile sit renovanda memoria criminis, nisi evidens constet adesse aliud periculum, ne data occasione memoria criminis apud eos, quibus antea illud revelatum fuit, iterum redeat: interea tamen stante tali dubio saltem indirecte restituat famam laudando, quantum moraliter possibile est, & recommendando illum, cui detraxit, apud eos, coram quibus antea crimen occultum manifestavit, uti recte notat Molina apud Sporer *Tract. 5. in Decalog. cap. 4. sect. 5. num. 113.* \*

42. Tertia causa est: Si Fama ablata, jam fuit recuperata per aliam viam. Hæc enim est una ex conditionibus ad obligationem restitutionis faciendæ requisitis, ut constat ex supra dictis. Id autem fieri potest vel virorum gravium testimonio, vel si infamia vitæ probitate penitus sit absterfa, aut alio consimili modo.

43. Quarta est: Si crimen occultum, quod aliquibus revelasti illicito modo, ac injusto (nam si licite, ac justa de causa id factum est, nulla subest obligatio restitutionis) alia ratione fiat publicum, cessat obligatio restitutionis. Ratio est: quia talis, postquam crimen suum publicatum fuit, amisit jus ad famam, ita ut nemo ex Justitia teneatur amplius priorem existimationem de illo retinere; & consequenter neque tu teneris ei ex Justitia famam restituere, postquam tale crimen aliunde publicatum est.

44. Quinta causa excusans est: Si Famæ Restitutio factu sit impossibilis. Ratio est manifesta: quia ad impossibile nemo tenetur.

45. Sexta est: Si Restitutio Famæ non possit fieri sine periculo vitæ. Ratio est: quia generatim nemo tenetur restituere bona ordinis inferioris cum detrimento bonorum ordinis superioris: vita autem est bonum altioris & superioris ordinis, quam sit fama. Hoc tamen intelligendum est, nisi & alteri ex tali infamia damnum æquale, vel etiam majus emergat in bonis ordinis superioris, nempe in spiritualibus, aut vita corporali: tunc enim secus foret dicendum, & adesset obligatio restituendi.

46. Septima est: Si non possit fieri restitutio sine amissione Famæ, quæ sit longe majoris momenti: ut si Prælati, vel Vir illustris infamavit plebejum, non tenetur cum jactura sui nominis,

aut notabili detrimento proprii honoris revocare; sed sufficit, ut illum laudet in eo genere virtutis, ubi sic infamavit, vel alio meliori modo famam restituat, quo sine jactura propriæ famæ id facere poterit. Ratio est: quia ille plebejus non potest cum ratione exigere, ut talis Prælati, Reipublicæ adeo utilis, famam suam tanti momenti amittat; sed debet esse contentus laude, humanitate, aut etiam aliqua pecuniaria compensatione, judicio prudentum facienda.

47. Octava, est justa condonatio: intellige, quæ ab eo facta est, cujus infamia non redundat in alios. Ratio est: quia homo est dominus propriæ famæ, & honoris; ergo, si infamatio ipsum solum tangat, nec redundet in alios (secus foret, si infamia redundaret in alios) potest cedere juri Restitutionis famæ, ejusque obligationem alteri condonare, præsertim propter Deum, aut alium finem honestum.

48. Nona, est justa compensatio: ut si ab eo, quem infamasti, pari modo sis infamatus. Hoc tamen intelligendum, non quod talis vicissim possit alterum licite infamare (hæc enim foret manifesta vindicta, quam nemo privata auctoritate potest facere; simulque, ut dicitur 1. Petri 3. debemus esse *non reddentes malum pro malo, nec maledictum pro maledicto*) sed solum, quod talis alium injuste infamans, a quo antea injuste fuerat infamatus, non teneatur ei ad Restitutionem, si alter sibi restituere nolit; cum possit uti compensatione, servata tamen æqualitate, quantum fieri potest.

49. Decima est: Si bona fide persuasus, esse verum & publicum, narrasti aliquid, & Proximum diffamasti, nec possis sine propria infamia vel magno damno fortunarum restituere, non teneris famam cum tali tuo incommodo restituere. Ratio est: quia tale damnum absque tua culpa intulisti, hoc ipso, quod id bona fide narraveris. Porro causæ hæcenus enumeratæ sunt principales, quamvis nonnullæ aliæ ab Auctoribus referantur: liquidem ulterius, ut notat Reginaldus *loc. cit. sect. 2.* atque

50. Undecimo cessat obligatio Restitutionis Famæ, vel Honoris, quando ex tali Restitutione imminet periculum peccati mortalis, vel gravis scandali aliorum. Ratio est: quia res ordinis inferioris non sunt restituendæ cum jactura rerum ordinis superioris: atqui bona animæ procul dubio sunt bona ordinis altioris, quam bona famæ; ergo. Verum Casus hic vix habet locum, nisi forte persona infamans fuerit omnino magnæ Auctoritatis, ita ut ex ejus peccato manifestato timeatur merito scandalum aliorum.

51. Duodecimo: Quando is, qui alterum infamavit, fecit id propter ipsius bonum spirituale: ut quando peccatum ejus retulit Prælato, aut alteri, qui poterat illum juvare, nec vellet obesse. Sed talis revera alterum injuste non diffamavit; unde nec mirum, quod ad Restitutionem non teneatur.

52. Decimo tertio: Cum id, quod aliis dixi, erat indifferens, & poterat tam in bonam, quam malam partem accipi, sed qui audierunt, interpretati sunt in malam partem. Ratio est: quia id ex audientium malitia contingit, nam cæteroquin verba

verba & facta in partem meliorem sunt interpretanda, juxta legem Charitatis de diligendo Proximo.

53. Decimo quarto: Quando quis solum narravit audita, & dixit, se audivisse, nihil addendo, ex quo faceret credulitatem. Nam talibus dictis rara fides adhibetur, & si adhibeatur, id potius ex audientium levitate contingit: quia *qui cito credit, levis est corde. Ecclesiastici 19. (c)*

54. Decimo quinto: Quando quis ita narrat crimen alterius, ut simul narret poenitentiam, quam egit. Hoc tamen monet Reginaldus procedere tantum, quando talis narratio gloriam Dei concernit: prout S. Thomae Apostoli incredulitas, S. Petri trina negatio, & aliorum quorundam crimina, simulque poenitentiae, crebro recensentur ad Fidelium aedificationem.

55. Decimo sexto: Quando quis alterum infamat tantum in occasione remota, & per accidens: ut si quis jocans cum aliquo, illi crimen objiciat, quod putat, non esse ab ipso commissum, & ipse vociferando, atque indignando conqueratur vehementius, ex quo alii suspicantur, aut credunt, eum esse talis criminis reum.

## QUESTIO VI.

De Judicio temerario, Suspicionem, & Dubitationem.

### SUMMARIUM.

56. *Hec tria differunt. Dubitatio,*
57. *Suspicio, &*
58. *Judicium, quid?*
59. *Suspiciari vel judicari de Proximo ob sufficientia improbitatis indicia, per se peccatum non est.*
60. *Tutius tamen est, animum ab hoc cohibere.*
61. *Conclusio declaratur.*
62. *Judicium temerarium est peccatum ex genere suo mortale.*
63. *Idque ulterius probatur.*
64. *Temere de Proximo malum suspiciari per se est veniale.*
65. *Per accidens tamen potest fieri mortale.*
66. *Dubia in meliorem partem sunt interpretanda, & qualiter?*
67. *Idipsum amplius declaratur.*

56. **C**ontra octavum Praeceptum Decalogi etiam contingit peccari per judicium temerarium, ac finistram suspensionem de proximo: Nam & haec pertinent ad falsum testimonium, si non ore, saltem corde contra proximum prolaturum. Ubi praenotandum, quod haec tria, videlicet, Dubitatio, Suspicio, & Judicium, inter se differant. *Dubitatio* quippe non est verus assensus, sed veluti suspensio animi, in neutram partem sese determinantis, ac veluti in ancipiti haerentis.

57. *Suspicio* est assensus debilis, junctus cum dubitatione de opposito, & haec postmodum subdividitur in suspensionem levem, gravem & violentam: quarum prior valde debilem assensum, multum vero dubitationis continet; altera econtra, quae & *suspicio vehemens* appellatur, plus habet assensus, & parum dubitationis. *Suspicio violenta* tandem (quae in c. ex litteris, 12. de Praesumption. appellatur *violenta & certa suspicio*) idem est, ac

praesumptio violenta: qualis propemodum omnem excludit dubitationem, & fidem integram atque credulitatem ex conjecturis, seu indiciiis haustam producit. Navarr. in *Can. si quis, num. 8. & 9. de poenit. dist. 7.* Layman lib. 3. sect. 5. tract. 3. part. 2. cap. 2. num. 1. citans alios.

58. *Judicium* est firma animi sententia, seu assensus. Arque istud aliquando est prudens, si nimirum comitatur sufficientibus indiciiis seu conjecturis ad generandum firmum assensum de alterius probitate, vel improbitate. Aliquando est imprudens, seu *temerarium judicium*, nempe quod ejusmodi sufficientibus indiciiis non innititur. Atque hoc ipsum servata proportionem dicendum de Suspicionem, & Dubitationem, quarum utraque vel est prudens, vel temeraria, si innititur, vel non innititur sufficientibus ad rationabiliter dubitandum, vel suspicandum, indiciiis. Quibus praemotatis sit

59. **CONCL. I.** Suspiciari, vel judicare de Proximo, ubi sufficientia improbitatis indicia se produunt, per se loquendo nullum est peccatum. Ita Navarrus in *Commentario in Rubric. de Judiciis, num. 47.* Azorius parte 1. lib. 3. cap. 11. quaest. 3. Layman lib. cit. num. 4. & communis. Ratio est: quia in tali casu, ubi sufficientia adsunt improbitatis indicia, proximus amisit jus bonae suae estimationis respectu illius, cui crimen est cognitum ex illis sufficientibus signis; unde iste taliter suspicando, vel etiam judicando, neque peccat contra charitatem proximi, neque contra justitiam. Idipsum patet ex *Can. Quod suspecti, 3. quaest. 5. & c. Suspensionis, 39. de Offic. delegat.* cum similibus; ubi licet ac juste ob legitima indicia nunc Judices, nunc Testes, alique possunt recusari. Quod etiam de peccato proximi licitum sit judicare, ubi adsunt sufficientia ejus indicia, patet vel ex ipsa praxi publicorum Judiciorum, atque Magistratuum, qui ex Officio tenentur judicare de peccatis subditorum.

60. Fatendum tamen, quod extra casum necessitatis, vel utilitatis, tutius sit, animum a suspensionibus, & indiciiis circa peccata aliena penitus cohibere: idque ob periculum errandi, cum facile contingere possit, ut decipiamur circa sufficientiam indiciorum, & ubi etiam talia adsunt, adhuc dubitari possit de operantis intentione, quae soli Deo nota existit.

61. Dicitur in Conclusionem, *ob sufficientia indicia*: Nam, si quis concipit majorem, quam indicia promereantur, suspensionem, peccat; non quidem quia suspicatur; sed quia plus, quam causa suspicandi exigit, suspicatur. Navarrus cit. num. 47. Et additur, *per se loquendo*: Siquidem per accidens pluribus ex causis potest reddi illicitum tale judicium, vel Suspicio: ut si quis exinde concipiat grave odium erga proximum, & hujusmodi.

62. **CONCL. II.** Judicium temerarium de proximo in materia gravi deliberate conceptum, est peccatum ex genere suo mortale. Ita D. Thomas 2. 2. q. 60. art. 3. illud inter alia probans ex illo 1. Corinth. 4. *Nolite ante tempus judicare*; ubi Glossa, desumpta ex S. August. tract. 90. in *Johann.* subdit: *Est ergo suspiciones omnino vitata*

vitare non possumus, quia homines sumus; judicia tamen, id est, definitivas firmasque sententias continere debemus. Idipsum docet Layman ubi supra, num. 5. Angelus in Summa, Vers. Judicium, num. 17. & alii communiter. Ratio est: quia hoc repugnat præcepto Charitatis proximi, quo tenemur diligere proximum tanquam nosmetipsos; ac proinde non temere, & sine sufficiente indicio, de ejus improbitate judicare, sed actus ejus in partem meliorem interpretari, sicut vellemus nobismetipsis fieri. Idipsum repugnat virtuti Justitiæ: nam quisque habet jus ad bonam existimationem sui, donec per sufficientia signa demonstratur malus: ergo temere, seu absque sufficiente indicio, firmam de ipsius improbitate concipere sententiam, eumque in corde suo condemnare, repugnat virtuti Justitiæ; sicque est peccatum ex genere suo mortale.

63. Unde ad indicandam hujus vitii, seu judicii temerarii gravitatem, Christus Matth. 7. & Luca 6. dicere dignatus est: *Nolite judicare, & non judicabimini: Nolite condemnare, & non condemnabimini.* Nam ibidem Sermonem esse de judicio temerario, patet ex sequentibus verbis: *Quid autem vides festucam in oculo fratris tui &c.* ponderando *et festucam.* Item Jac. cap. 4. *Qui detrahit Fratri, aut qui judicat fratrem, detrahit legibus & judicat legem,* cum similibus. Hinc in jure Canonico c. *Esote misericordes,* & de Reg. Jur. dicitur: *Hoc loco nihil aliud nobis præcipi existimo, nisi ut facta, qua dubia sunt, quo animo fiant, in meliorem partem interpretemur.*

\* Cæteroque, ut actu per Judicium temerarium peccetur mortaliter, semper præ oculis habendæ sunt quinque conditiones, ad hoc grave peccatum contrahendum requisitæ, quæ etiam ex jam dictis possunt erui. I. Ut materia sit gravis, de qua gravitate eodem modo discutitur, uti de gravi materia respectu detractionis. II. Ut assensus circa illam materiam sit firmus, & non tantum debilis: ubi Cajetanus apud Busenbaum hic censet, eum assentiri firmiter, qui rogatus, an habeat rem pro certa, respondet, sibi certam, aut fere certam videri: eum vero suspicari, qui respondet, se non esse moraliter certum, sed facile posse falli. III. Ut dictus assensus sit voluntarius & deliberatus. IV. Ut motiva assentiendi sint insufficientia ad prudentem firmum assensum. V. Ut etiam pro tunc, quando talis assensus elicitur, vel positive noscantur motiva esse insufficientia, vel saltem dubitetur, num sint sufficientia, & nihilominus, v. g. ex odio, rancore aut male habituata & passionata natura absque ulteriori indagatione firmus eliciatur assensus, quamvis bene advertatur obligatio inquirendi prius de sufficientia motivorum, uti recte advertit Haunoldus de 7. & 7. Tom. 2. num. 520.

Quod si una ex his conditionibus deficiat, talis assensus jam non amplius mortaliter peccaminosus erit. Ex quo deducit Molina hic d. 13. n. 4. Viros timoratos raro quoad istud punctum peccate mortaliter, quoniam ordinarie una ex allegatis deerit conditionibus. Item exinde infert La Croix lib. 3. part. 2. n. 1189. prope finem, scrupulosos vix umquam condemnandos esse tanquam reos in ista materia alicujus peccati mortalis, quia

isti homines vix umquam habent vera judicia, præsertim his conditionibus qualificata, quamvis se habere putent, sed sunt vel meræ apprehensiones violentæ, vel impressiones phantasiæ apud istos, præsertim Melancholicos, ita fortes, ut videantur assensus, cum tamen sæpius ne quidem sint voluntariæ suspensiones. Deserviunt ista Confessario, qui, si similes ad confessionale accedunt, debet eosdem judicare secundum ordinarie contingentia, nisi certo & expresse sibi constet de contrario: interea tamen etiam in hoc invigilet Confessarius, ne tales id, quod interius judicant, etiam exterius aliis manifestent, sicque detrahant. \*

64. CONCL. III. Temere de proximo suo malum suspicari, per se loquendo est peccatum duntaxat veniale, idque multo magis de temeraria dubitatione est dicendum. Ita D. Thomas cit. qu. 60. art. 3. Navarrus in Commentario in Rubric. de Judiciis, n. 58. & seq. Angelus vers. Presumptio, Layman cit. cap. 2. num. 6. & alii. Ratio est: quia ex una parte per solam suspensionem, utpote consistentem in debili assensu, & conjunctam cum dubitatione, ac multo magis per meram dubitationem, bona fama atque existimatio proximi graviter non læditur: ex altera vero parte, quod quis ex levibus indiciis dubitare incipiat de bonitate fratris, procedit ex fragilitate humana, sicque ex genere suo peccatum veniale involvit.

65. Additur notanter, per se loquendo: Quia per accidens bene potest suspicio fieri peccatum mortale; ut si quis ex sinistra suspitione erga proximum animo retenta, concipiat grave odium, vel contemptum ipsius, aut ejusmodi temeraria suspicio in opus externum prædeat; ut puta, proximi famæ detrahendo, vel in electione, aut promotione ad dignitates alium minus dignum, vel penitus indignum ipsi præferendo, & hujusmodi.

66. Quæres: qualiter sit intelligendum dictum illud: *Dubia in meliorem partem sunt interpretanda*: prout habetur in cit. cap. *Esote misericordes,* de Reg. Jur. ac tradit D. August. lib. 2. de Serm. Dom. in Monte, cap. 16. estque communis. Resp. I. Loquendo de vero dubio, seu existentibus sufficientibus argumentis ad dubitandum de probitate proximi, Regula illa non est intelligenda affirmativa, quasi nihilominus proximum teneamur existimare innocentem (nemo enim obligatur ad exponendum se periculo erroris, quale in tali casu immineret) sed debet accipi negativa: ita videlicet, ut, quamdiu res est dubia, sententia non feratur in deteriorem partem. Hac enim ratione evitatur quodlibet periculum erroris, simulque nulla proximo inferatur injuria: unde & in foro externo, quamdiu reus de crimine convictus non est, absolvitur; non quidem affirmando, crimen ab eo commissum non esse, sed solum pronuntiando, crimen contra ipsum legitime probatum non fuisse. Lessius lib. 2. de Just. & jure, cap. 19. dub. 4. Layman ubi supra, num. 7. & alii.

67. Resp. II. Alter dictæ Regulæ sensus est, quod facta dubia, quæ possunt referri in bonam & malam partem, debeant semper interpretari in bonam partem. Ita desumitur ex Can. in Scripturnis, dist. 66. ac notat Glossa in Can. Absti. 11. quest.



Quaest. 4. *Verf. Siniftrum, Abb. in c. Estote misericordes, n. 5. de Reg. Jur. & communis.* Ratio est: quia ex tali interpretatione in partem meliorem nullum imminet periculum inferendi injuriam proximo, bene tamen, si fieret interpretatio in partem pejorem. Accedit, quod idiplum suadeat Dilectio proximi, ac præceptum Divinum de non judicando.

\* Porro, etsi stante dubio positivo (quando nimirum æque rationes graves sunt pro, ac contra) vel etiam stante dubio negativo (quando nimirum nec graves rationes sunt pro, nec contra) etsi, inquam, stante tali dubio nequeas aliquem determinate, ac positive judicare malum, cum is stante simili dubio existat in possessione, melior autem sit conditio possidentis; poteris tamen, hoc non obstante, in simili vero dubio facere præcautiones, ne, si forsan esset malus, exinde dampnificeris. Ita Henno *trac. in Decalog. disp. 8. quaest. 2. Concl. 4.* Sporer *ibidem trac. 5. cap. 4. sect. 2. num. 36.* & Sabinus Bononiensis *part. 1. trac. 36. num. 144.* Ratio est; quia, uti bene adjungit Henno, taliter agere est actus prudentiæ, & vigilantæ, nec alteri sit injuria; quia nullum jus habet nondum sufficienter cognitus, cur teneatur ipsi positive fidere in damni periculo; cum inter homines sint fideles & infideles, justi & injusti, probi & improbi. Idem exemplificant Sporer & Sabinus Bononiensis *loc. cit.* taliter: licet occludere pecunias; quia possibile est, aut saltem fieri potest, quod famuli vel hospites non sint fideles: item filias interdiceret, ne cum certo juvene conversetur; quia possibile est, aut fieri potest, ut ab eo seducatur, & ita discurrendo de pluribus aliis; quia in similibus casibus non judicas, de facto actu esse tales; sed posse tales, vel saltem successive fieri tales: paucis, æquivalentes sic dices: *non nego hominem illum esse bonum, nolo tamen propterea subire periculum; quod subesse posset, si forte sit malus.* Attendant autem sic sibi aliqui nimium suspiciosi; ne ista doctrina abutantur, & suis nimis præcautionibus tales ponant actus, ex quibus præbetur aliis merito occasio suspicandi, quasi hi, contra quos illæ excessivæ præcautiones sunt, essent positive infideles &c. ac mali.\*

## DISTINCTIO VII

De Nono, & Decimo Præcepto Decalogi:

### QUÆSTIO I.

Quenam Nono, & Decimo Præcepto Decalogi prohibeantur?

#### SUMMARIUM.

1. *Nonum, & decimum Præceptum Decalogi, quod? Mala prava concupiscentiæ.*
2. *Præsertim voluptatum carnalium, & divitiarum.*
3. *Quid generatim de pravis concupiscentiis?*
4. *Fomes peccati hoc duplici Præcepto non prohibetur.*
5. *Motus concupiscentiæ quando sine peccato?*
6. *Nono Præcepto Decalogi, quæ prohibeantur?*
7. *Contra decimum Præceptum, qui peccent?*

1. **U**trumque hoc Decalogi Præceptum, peccata cordis, pravamque concupiscentiam expressius inhibens, *Exodi 20.* & clarius *Deuter. cap. 5.* sequentibus verbis proponitur: *Non concupisces uxorem proximi tui.* Et rursus: *Non do-*

*num, non agnum, non servum, non ancillam, non bovem, non asinum, & universa, quæ illius sunt.* Ex merito: nam, quanta mala ex inordinata concupiscentia cordis oriuntur, Sanctus Jacobus in sua Canonica *cap. 4.* ex instinctu Spiritus Sancti, compendiose declarat illis verbis: *Unde bella, & lites in vobis? Nonne ex concupiscentiis vestris, quæ militant in membris vestris?* Et *1. Joan. 2.* *Quoniam omne, quod est in mundo, concupiscentia carnis est, & concupiscentia oculorum, & superbia vitæ, quæ non ex Patre est, sed ex mundo.* Ad hanc igitur edomandam concupiscentiam hoc duplici Præcepto Deus jubet: *Non concupisces.*

2. Quia vero vel maxime prava concupiscentia voluptatum carnalium, & divitiarum, generi humano nociva est, atque periculosa; utpote ad quam homines naturaliter magis sunt proclives: hinc Æterna Sapientia utramque speciali Præcepto explicite atque expresse prohibendam censuit, non obstante, quod implicite atque indirecte jam in sexto, atque septimo Decalogi Præcepto prohibeatur.

3. Insuper, quia juxta illud *1. Reg. 16.* *Homo videt ea, quæ parent, DEUS autem intuetur cor:* hoc duplici Præcepto pariter innuitur, omnes alias internas concupiscentias pravas, & voluntarias delectationes, animique proposita contra alia Præcepta Divina prohiberi. Juxta quod Christus Dominus *Matth. 15.* expressius declarare dignatus est, dicendo: *De corde exeunt cogitationes male, adulteria, furta, falsa testimonia, & hæc inquinant hominem.* Ut autem clarius intelligatur intentio hujus duplicis Præcepti, sit

4. **CONCL. I.** Hoc duplici Præcepto Decalogi non prohibetur concupiscentia illa, quæ ex peccato originali residua est, & communiter *Fomes peccati* appellatur. Ita omnes Catholici, ac novissime Concilium Trident. *Sess. 5.* ubi ait: *Manere autem in Baptizatis concupiscentiam, vel fomentum, hæc Sancta Synodus fatetur, & sentit: quæcumque ad agonem relicta sit, nocere non conscientibus, sed utiliter per Christi gratiam repugnantibus non valet.* Accedit ratio: quia ejusmodi motus appetitus sensitivi neque in nostra sunt potestate & libertate, ac proinde frustra prohiberentur; neque sunt peccatum; quamdiu ipsis voluntas non consentit. Siquidem, ut ait D. Augusti, *lib. de vera religione, c. 14.* *Usque adeo peccatum voluntarium est malum ut nullo modo sit peccatum, si voluntarium non sit.*

5. **CONCL. II.** Tunc motus concupiscentiæ in appetitu sensitivo sunt peccatum, ac contra hæc ultima Præcepta Decalogi, quando accedit consensus voluntatis. Ita omnes Catholici. Et quidem, si consensus voluntatis sit perfectus, ac plene deliberatus, in materia ceteroquin gravi committitur peccatum mortale: si vero solum imperfectus, ac non plene deliberatus, erit dumtaxat peccatum veniale. Et hoc posterius pariter dicendum, si versetur circa materiam levem; puta, quando quis vult furari unum obolum.

6. **CONCL. III.** Nono Præcepto Decalogi specialiter prohibetur Delectatio morosa, atque illius citum Desiderium in materia venerea; de quibus ex professo in sequenti Quaestione. Quinimo eisdem peccatis corde, seu cogitatione deliberata

perpetratis, peccatur contra hoc Præceptum, quibus, si opere perpetrantur, peccatur contra Præceptum sextum; juxta quod dicit Salvator *Matth. 5. Qui viderit mulierem ad concupiscendum eam, jam mœchatus est in corde suo.* Addit Navar. c. 19. *Manual. n. 1.* quod etiam peccet contra hoc Præceptum mortaliter, qui deliberate cupit, vel gaudet amari amore libidinoso mortali ab alia persona, quamvis ipse non sic amet: quia talis consentit peccato mortali suo, vel alieno.

7. CONCL. IV. Contra decimum, ac ultimum Præceptum Decalogi, peccant illi, qui nimia aviditate divitias expetunt, & modis pravis, atque illicitis artibus, opes augere concupiscunt: ut illi, qui ludis immoderate abutuntur: deinde mercatores, qui rerum penuriam, & annonæ caritatem expetunt: item milites, qui bellum desiderant, ut illis suppetat facultas furandi, ac hujusmodi. Ita Catechismus Romanus, & Doctores passim. Quantum autem hujusmodi prava, & inordinata desideria, noxia sint, si fiant, & habeantur animo deliberato, deducitur ex illis verbis Apostoli 1. *Timoth. 6. Habentes alimenta, & quibus regamur, his contenti simus: nam qui volunt divites fieri, incidunt in tentationem, & in laqueum diaboli, & desideria multa, & inutilia, & nociva, qua mergunt homines in interitum & perditionem. Radix enim omnium malorum est cupiditas, quam quidam appetentes erraverunt a fide, & inseruerunt se doloribus multis.*

## QUESTIO II.

De Delectationibus morosis, & Desideriis illicitis.

### SUMMARIUM.

8. Delectatio morosa generatim, quid?
9. Unde sic dicatur?
10. Desiderium illicitum, quid, & quomodo differat a Delectatione morosa?
11. Delectationes morosa venerea, & Desideria venerea, quid,
12. Ex quale peccatum?
13. Cogitationis peccatum pertinet ad speciem, ad quam peccatum operis.
14. Peccatum Cogitationis, an contrahat speciales malitias circumstantiarum actus externi?
15. Negatur quoad Delectationes morosas.
16. Affirmatur quoad Desideria illicita.
17. Disparitas inter hæc.
18. An quis peccet, tempore jejuniis morose se delectando in esu carniæ?

8. **A**dvertendum, quod *Delectatio morosa* generatim sit simplex, & deliberata complacentia, quam voluntas capit ex cogitatione rei illicitæ sine intentione ipsam in opus deducendi: ut si quis contentus sit sola Delectatione cogitationis interioris, v. g. complacendo sibi de occisione inimici, aut copula carnali absque operis intentione.

9. Porro hujusmodi *Delectatio* dicitur *morosa*, non ratione temporis, quo quis ejusmodi cogitationi illicitæ immoratur (potest enim brevissimo tempore peccari per Delectationem morosam, dummodo adsit perfecta advertentia, & consensus voluntatis) sed ratione negligentia, ignavia & moræ ipsius voluntatis, quæ advertens malitiam suam

cogitationis nihilominus perseverat morose in ipsa, ac tibi in ea complacet, cum ipsam expellere deberet.

10. Econtra vero *Desiderium illicitum* est actus, & motus efficax voluntatis, quo appetit, & fertur in objectum prohibitum: id est, quo voluntas vult, ac desiderat actum peccaminosum ipso opere perpetrare, si adesset facultas. Unde *Desiderium* illicitum per hoc differt a *Delectatione* morosa, quod *Delectationes* morosæ ferantur in objectum ut aliquo modo præsens; sine intentione progrediendi ad ipsam operis executionem: *Desideria* autem ferantur in objectum, seu in rem desideratam ut absentem (*Desiderium* enim est de bono absente, ut inquit Aristoteles) simulque tendant in executionem operis, si adsit facultas. Hanc generalem doctrinam ad propositum applicando, sit.

11. CONCL. I. *Delectationes morosa venerea* sunt illæ, quæ ex rebus obscenis cogitatione, vel imaginatione apprehensis cum pleno, & deliberato voluntatis consensu percipiuntur, quamvis nulla subsit voluntas rem illam turpem, v. g. actum fornicationis, opere complendi. Econtra *Desideria venerea* sunt illa, per quæ quis ipsum actum obscenum opere externo perficere desiderat: ut puta, dum quis cupit virginem deflorare, sive deinde media opportuna ad id opere perficiendum inquirat, sive non, dummodo id deliberate desideret facere, si facultas adesset. Ita in re communis.

12. Et quidem tam *Delectationem*, quam *Desiderium* illicitum in materia venerea, esse peccatum mortale, si adsit perfecta deliberatio, & consensus voluntatis, certum est inter Doctores, & patet tum ex nono Præcepto Decalogi, tum ex cit. illo Salvatoris *Matth. 5. Qui viderit mulierem ad concupiscendum eam, jam mœchatus est in corde suo.* Ut tamen alia nonnullæ difficultates breviter explicentur, hinc

13. Quæritur I. An cogitationis peccatum pertineat ad eandem speciem, ad quam peccatum operis? Resp. affirmative, cum Lessio lib. 4. de jure num. 122. & communi aliorum. Ratio est; quia in consensu *Delectationis*, est tacita approbatio operis. Hinc *Delectatio* ex cogitatione fornicationis concepta, pertinet ad speciem fornicationis; & quæ ex cogitatione peccati contra naturam, pertinet ad speciem peccati contra naturam; quæ vero ex imaginaria occisione inimici, spectat ad speciem homicidii, & quæ ex phantasia indebitæ excellentiæ concipitur, ad speciem superbiæ. Et quoad hoc conveniunt Doctores passim.

14. Quæritur II. An, si actus exterior ob speciales circumstantias speciem peccati mutant, plures in se continet malitias, eas omnes contrahat peccatum cogitationis? Resp. cum communiori Doctorum, hic esse distinguendum inter *Delectationes* morosas, ac *Desideria* illicita.

15. Et quidem, si quis simpliciter ac præcisè se oblectet cogitatione morosa peccati carnalis cum muliere, quæ ipsi est consanguinea; vel Deo per votum sacra, aut conjugata, eo quod sit pulchra, ac proinde objectum delectationis venereæ, non vero, quatenus est conjugata &c. is committit

ut unum simplex peccatum mortale interna Delectationis venereae morosae contra virtutem Temperantiae, & Castitatis. Ita Layman lib. 1. tract. 3. cap. 6. n. 15. Lessius loc. cit. n. 123. & plures alii, quos allegant, quamvis nonnulli contradicant.

16. Secus est dicendum de Desiderio illicito, quo quis desiderat, vel proponit fornicari, aut peccare carnaliter cum tali femina, quam alterius uxorem, personam sacram, vel consanguineam esse non ignorat: nam tunc ejusmodi circumstantia pravo Desiderio, seu proposito, specialem addit malitiam peccati.

17. Ratio diversitatis inter hunc, & priorem casum est: quia Desideria illicita tendunt in ipsam actionem externam, eandem desiderando perficere, si possent; ergo & eandem cum ipsa actione externa habent malitiam. Delectationes vero morosae sistant praecise in complacentia carnali (juxta casum positum) sequestrantes reliquam malitiam, quae in actione reperitur ratione circumstantiae conjugii, voti, vel consanguinitatis annexae.

18. Si dicas: Ergo pariter quis peccabit tempore jejunii Quadragesimalis delectando se morose in cogitatione elus carniū; cum de hac, & de delectatione morosa venerea, videatur esse eadem ratio. Resp. negando consequentiam, & paritatem. Disparitas est: quia Delectatio morosa venerea versatur circa objectum ex se, & intrinsece malum, causatque naturaliter inordinatam corporis commotionem, ac libidinosam pruriginem, quae disponit ad pollutionem; unde & ipsa illicita est, ac Lege naturali prohibita. Secus est de simplici imaginatione elus carniū tempore jejunii, seclusa voluntate; sive consensu contra praeceptum pro tali tempore vescendi carniū prohibitum: siquidem pro illo tempore elus carniū non jure Naturae, sed sola lege positiva Ecclesiastica prohibitus est: simulque prohibetur sola actio externa elus carniū, nec non & voluntas comedendi ipsas tempore vetito: non autem inhibetur ipsa interior delectatio circa elum ipsarum, seclusa alia prava voluntate carnes comedendi tempore vetito. Verum quidem est, in hujusmodi cogitationibus saepe contingere peccatum veniale, dum superflua in ipsis quaeritur Delectatio.

\* Quaeritur III. An delectatio morosa de re turpi, ac venerea, id est, circa copulam carnalem, vel circa ea, quae eandem proxime circumstant, aut disponunt &c. semper sit ita mortaliter peccaminosa, ut nunquam ex parte objecti intra terminos peccati venialis contineatur, supposito, quod fuerit deliberate voluntaria & absoluta? Ante Responsionem nota, I. Gratis admitti, taleni delectationem morosam frequenter solummodo esse venialiter peccaminosam ex parte subjecti ob non plene cognitam malitiam ex parte intellectus, vel ob semiplenam tantummodo deliberationem ex parte voluntatis; dubium vero hic praecise agitur ex parte objecti, an nimirum deliberata aliqua immediata, absoluta & directa delectatio circa objectum turpe, ac venereum non possit esse ita levis, ac remissa, ut non excedat culpam venialem? Ubi nota II. Quod delectatio morosa de re turpi, seu de objecto aliquo venereo possit esse

vel mere spiritualis, vel etiam carnalis. Prima in sola voluntate residet sine actuali, hic & nunc sensu perceptibili, commotione turpi in corpore. Secunda conjunctam habet actualem commotionem feminis, vel spirituum genitalium, & exinde delectabilitatem sensibus perceptibilem; haecque frequentius contingit, praesertim, si delectatio illa fuerit aliquo modo intensior. H. N.

Resp. Omnis deliberata, absoluta delectatio morosa de objecto venereo, etiam si foret mere spiritualis, est mortaliter peccaminosa apud illos, quibus illicita est copula. Ita S. Thomas 1. 2. quaest. 74. art. 8. cum communi. Ratio est: quia omnis talis delectatio est de objecto graviter malo; quoniam juxta jam dicta dist. 4. quaest. 7. n. 85. & seq. in ipso objecto venereo immediate & absolute voluto non datur levitas materiae: ergo talis delectatio erit actus mortaliter malus; nam actus sumit malitiam suam ab objecto, in quod tendit: sic enim etiam delectatio morosa deliberata in blasphemando est mortalis; quia ipsa blasphemia, in quam illa delectatio tendit tamquam in suum objectum, est graviter mala.

Dixi autem notanter: Delectatio morosa N.B. de objecto venereo: nam si non foret talis delectatio morosa de objecto venereo, sed de alio sensibili, etiam si ex mera curiositate, non excederet haec delectatio juxta Sporer, & alios graves Auctores limites peccati venialis, quamvis exinde exurgant motus carnales, citra tamen periculum consensus, aut complacentiae formalis in eisdem: si enim delectatio sensibilis hausta ex aspectu curioso faciei formosae alicujus mulieris non involvit peccatum grave quoad oculum corporalem, neque illud importabit quoad oculum spirituale, seu intellectum: uti enim ait Sporer, quando causa talium motuum carnalium citra formalem impuram in illis complacentiam habituum est tantum venialiter culpabilis, etiam non major culpa, quam venialis derivatur in ipsos effectus, id est, motus carnales, per accidens exinde citra impuram in ipsis complacentiam resultantes.

Quaeritur IV. An censeatur adesse delectatio morosa graviter peccaminosa, si cogitatio de objecto turpi praecise fuerit speculativa; non autem practica? Antequam respondeam, notandum ex La Croix lib. 3. part. 1. num. 896. quod cogitatio speculativa de objecto turpi sit illa, quae quidem cognoscit delectabilitatem hujus objecti, non tamen exinde appetitus movetur ad eam delectabilitatem amandam, sibi in objecto quatenus apprehenso ut sic delectabili complacendum. Contra cogitatio practica de objecto turpi ita apprehendit delectabilitatem illius objecti, ut ex hac ipsa delectabilitate tamquam ex motivo formali feratur appetitus in illud objectum amandum; sibi in eo ut intentionaliter praesenti complacendum. H. N.

Resp. I. Si cogitatio de objecto turpi fuerit praecise speculativa, exinde non censetur illico adesse delectatio morosa graviter peccaminosa. Ita La Croix loc. cit. ac lib. 5. n. 108. Et patet de aliquo studente casibus, vel de Confessario, qui dum cogitat, legit, & etiam subinde loquitur de copula carnali, bene intelligit ejusdem delectabilitatem; non tamen etiam ipsius voluntas move-

tur ad eam objective præsentem quatenus obiectum delectabile amandam.

Resp. II. Si ex tali cogitatione speculativa ob alium finem honestum, v. g. ut studeatur casibus, elicitæ exurgit in appetitu sensitivo amor, seu delectatio carnalis contra propriam voluntatem, neque tunc censetur adesse delectatio morosa graviter peccaminosa. Ita La Croix *loc. cit.* cum communi. Ratio est: quia, ut ea delectatio sit graviter peccaminosa, debet deliberate esse elicitæ ab ipsa voluntate, & non solum ab appetitu sensitivo. Interea tamen merito habent, quod sibi timeant de cogitatione non solum speculativa, sed etiam practica, ac cum delectatione morosa conjuncta, illi, qui similia in libellis (quos vulgo vocant Romanza) ardentè legunt, & reflexe considerant sine vera rationabili causa, vel taliter picturas valde obscenas etiam fixis oculis, aut longiori temporis mora, ac serio considerant; a quo enim motivo alio similes ad legendum cum tanta aviditate, vel adeo fixe considerandum tale obiectum cum tanto periculo trahuntur, quam ab ipsa delectabilitate obiecti apprehensa? Scio quidem aliquorum similium excusationes, quod nimirum non ex delectabilitate obiecti quatenus venerei, sed potius ex modo proponendi similia artificiose trahantur ad legendum, seu considerandum: sic e. g. (inquiunt ulterius) si quis videt amicum suum prono vultu in terram lapsum, & efferentem sordidum nasum, sibi que complacet, & exinde rideat, id non fit ob ipsum lapsum amici (de hoc enim dolet) sed de modo lepidò cadendi. Ast timeo sane, ne sapius amor proprius affingat externe tale pallium, ne similes mortaliter peccasse videantur. Et, si præcise delectaris in modo, & arte, cur non æque avide, & ardentè alios historicos libros honestos æque artificiose compositos legis? Cur non æque libenter alias pariter artificiosas honestas picturas aspicias? Videatur Sporer in *Decalog. part. 1. cap. 5. sect. 4. n. 30.*

Quæritur V. An ille sit arguendus habitus delectationis morosæ graviter peccaminosæ, qui deliberate secum ipso cogitavit, vel coram aliis protulit hæc formalia: *Vellem cum hac, vel illa puella fornicationem committere, dummodo non foret grave peccatum?* Resp. Si similes propositiones conditionatæ procedant ex affectu voluntatis & appetitu sensitivo ad obiectum simile carnale delectabile tamquam intensionaliter præsens (uti plerumque fit apud alias luxuriosos), tunc indicant latentem delectationem morosam graviter peccaminosam. Ita cum aliis Sporer *Tract. 1. in Decal. c. 6. sect. 3. n. 20.* & La Croix *lib. 5. n. 87.* Ratio est: quia apud tales ipsa delectabilitas, quæ in copula apprehenditur, trahit tamquam motivum formale voluntatem & simul ipsum appetitum sensitivum ad taliter optandum: atqui ubi motivum formale voluntatis est ipsa delectabilitas obiecti venerei, semper ex parte voluntatis, & appetitus sensitivi intervenit delectatio, seu complacentia morosa respectu talis obiecti: ergo. Nec refert, quod talis illicit hic & nunc in his circumstantiis, quibus est illicita, ipsam copulam: etsi enim nolit copulam in actu exercito, vult tamen delectabilitatem ex eadem ut objective, seu intensionaliter præsentem, moventem ad ipsum actum delectationis, seu complacentiæ, quod non licet: cum talis delectatio ex sua natura commoveat, & secum

trahat saltem aliquos spiritus vitales generationi deservientes, & ad semen excitantes, atque impuram complacentiam in partibus inhonestis ordinariè causantes.

Interea tamen etiam id sapienter advertit Sporer *loc. cit.* quod similes enunciationes conditionatæ subinde fieri soleant non ex affectu voluntatis actualis, sed potius, ut per easdem significetur propensio habitualis in delectationem, nisi turpitudine peccati, vel offensa divina ab ipsa actuali delectatione abstergeret; & tunc constat, non esse peccatum, quin potius propensio in ipsum peccatum motivo tali offensa Dei, seu turpitudinis peccati reprimatur.

Quæritur VI. An involvat aliquam delectationem morosam graviter peccaminosam, si viduæ de copula præterita, & Sponsi de futura deliberate recogitantes, exinde concipiant complacentiam? Resp. Si talis complacentia sit voluntarie sensibilis, equidem jam ex dictis in præced. quæsitò potest erui, quod involvat delectationem pariter morosam graviter peccaminosam; cum & ista multum ex sua natura excitet spiritus genitales ad seminationem, quæ utique Viduis, & Sponsis de futuro non licet. Ast de hoc fusius ex professo *Tract. 14. dist. 13. q. 6. Additione post. n. 90.* agendo de Sponsalibus, & Matrimonio, quorsum Lector pro hic, & nunc remittitur: vel si placet, poterit etiam videri Pater Sporer, qui totam materiam de desideriiis, & delectationibus fulissime examinat *part. 1. super Decal. cap. 6. sect. 3. & 4.*

Quæritur VII. An interpretative inferatur hæc delectatio morosa voluntatis graviter peccaminosa, si quis deliberate circa motum appetitus sensitivi concupiscibilis sponte nascentis se habeat negative seu permissive? Resp. I. Si fiat exinde, ne quis per positivam resistantiam impediatur a delectatione, quam suggerit appetitus sensitivus, haud dubie inferetur exinde graviter peccaminosa delectatio. Idem dic, si foret prudens periculum consensus formalis in delectationem appetitus sensitivi; cum utrobique habeatur affectus ad concupiscentiam carnalem. Resp. II. Si id fiat ex causa rationabili, nullum erit peccatum, cum exinde argui nequeat affectus ad peccatum propter causam gravem permittendi. Tales causæ juxta La Croix *lib. 5. num. 110. & seq.* sunt, si probabiliter timeatur, ne resistendo magis augeatur tentatio, vel si ob nimis longam durationem valde grave accideret continuo positive resistere: Resp. III. Absente causa rationabili AA. inter se non conveniunt. Et quidem multi cum Castropalao volunt apud talem negative se habentem adhuc non inferri delectationem voluntatis graviter peccaminosam; cum non adsit voluntas peccandi: Contraria tamen sententia Suarezii, Valquezii, Sanchezii & aliorum volentium, ut saltem simplex displicentia eliciatur, est securior, ac merito in praxi tenenda: nam hæc, si non sit efficax ad cohibendam delectationem appetitus sensitivi, saltem a consensu impedit voluntatem. Alias vero præsertim deditus luxuriæ vix ab interpretativa complacentia eximetur a prudentibus, nec a graviore tentatione, ac majori periculo futuri consensus immunis erit ob naturalem ad invicem coherentiam subsequentium motuum graviorem. Videatur La Croix *loc. cit.* \*

\* Quæritur VIII. An &c. Vide Addit. (L)

TRACT.



# TRACTATUS X.

DE PRÆCEPTIS ECCLESIAE.

1. **P**ost Præcepta Decalogi, quibus inter alia debitam legitimis Superioribus reverentiam, obedientiamque præstare, divinitus edocemur, receptissima methodo agitur de Præceptis Ecclesiæ; cujus Prælatos Æterna Veritas adeo honorandos censuit, ut de eisdem in persona suorum Discipulorum, tunc præsentium, pronunciare dignata fuerit, *Luce c. 10. Qui vos audit, me audit: & qui vos spernit, me spernit.* Et rursum *Matth. cap. 18. Si non audierit eos, dic Ecclesiæ: si autem Ecclesiam non audierit, sit tibi sicut Esauus & Publicanus.*

## D I S T I N C T I O I.

*De Primo, & Secundo Præcepto Ecclesiæ; sive  
de Festis.*

Q U Æ S T I O I.

Quænam generatim Primo, & Secundo Præcepto  
Ecclesiæ injungantur.

## S U M M A R I U M:

1. *Ratio ordinis.*
2. *Præcepta Ecclesiæ generalia; quinque.*  
*Tenor primi, & secundi.*
3. *Præceptum de celebratione Festorum; partim affirmativum, & partim negativum est.*
4. *Dies Festi quando inchoandi?*
5. *An in ipsis fideles præter Missam, teneantur ad alia pia opera?*
6. *Præsertim ad audiendam Concionem?*
7. *Solvitur instantia.*  
*Fideles monendi, ut accedant propriam Parochiam.*
8. *Datur in Ecclesiâ potestas instituendi Festa.*
9. *Festa ab Episcopis præcepta; etiam a Regularibus servanda.*

2. **P**ræcipua Præcepta Ecclesiæ, & cuius Christi-  
stianis scitti, atque observatu necessaria,  
cōmunitèr quinquè numerantur, non obstante,  
quod plurima alia Præcepta Ecclesiastica, parti-  
culares hominum Status concernentia, & in Sa-  
cris Canonibus expressa reperiantur. Ex illis au-  
tem quinquè præcipuis, simulque generalibus Ec-  
clesiæ Præceptis, primum communiter sequenti-  
bus verbis proponitur: *Statutos Ecclesiæ dies Festos*  
*celebrato*: de quo fit mentio frequenter in Jure  
Canonico, ut c. Nullus & seqq. 15. q. 4. & can.  
1. & seqq. de consecr. dist. 3. Nec non & toto Tit.  
de Feriis. Secundum Præceptum Ecclesiæ, &  
priori connexum, sequentibus verbis complecti  
solet: *Sacrum Missæ Officium diebus Festis reve-*  
*renter audito*: de quo habetur can. *Missas de consecr.*  
*dist. 1.* Et de his sigillatim in progressu.

3. CONCL. I. Præceptum Ecclesiasticum de celebratione Festorum, partim est affirmativum, partim negativum. Ita Herinex *part. 3. d. 3. de Festis n. 8.* estque communis. Nam quatenus illud est affirmativum, præcipitur devota Missæ auditio omnibus diebus Festivis: quatenus vero est negativum, præcipitur abstinencia ab operibus servilibus, & nonnullis aliis, de quibus fit sermo

cap. i. de Feriis, ubi Pontifex omnes dies Dominicos (idem dicendum de Festivis) a vespere in vesperram cum omni veneratione decernit observari, & ab omni illicito opere abstinere: ut in eis mercedum minimè fiat, neque placitum, neque aliquis ad mortem vel ad penam judicetur, nec Sacramenta (nisi pro pace, vel alia necessitate) prestentur. Hæc ibi: et postmodum cap. ult. de Feriis, rectè hoc limitetur, nisi necessitas urgeat, vel pietas suadeat.

4. CONCL. II. Quamvis in Jure Canonico *cap. 1. de Feriis* dicatur, quod dies Festi incipere debeant à vesp̄eris præcedentis diei, vel durare usque ad vesp̄eras diei sequentis, idque in Officio divinò, seu recitatione Horarum Canonicarum etiamnum observetur: tamen, quantum attinet ad abstinentiam ab operibus servilibus, aliisque supra enumeratis, rationabili, & antiquæ locorum consuetudini standum est: Ita expressè habetur *cap. Quoniam de Feriis*. Idem patet ex *cap. ult. de Consuetud.* ubi generaliter dicitur, quod consuetudo rationabilis, & legitime præscripta, derogat Juri positivo humano: Hinc ex usu Romanæ Ecclesiæ, qui per totam ferme Europam invaluit, solent incipere Festa à media nocte, & terminari in sequenti media nocte. *arg. l. More Romano, ff. de Feriis*; quamvis, si alia alicubi sit consuetudo, ea recte observetur.

§. CONCL. III. Etli saluberrimum sit, sum-  
meque omnibus suadendum; ut Fideles ad majo-  
rem dierum Festorum venerationem; debitasque  
DEO pro innumeris receptis beneficiis grates re-  
pendendas; præter devotam auditionem Missæ;  
aliis quoque pietatis operibus vacent; ac præser-  
tim Concloni attente interfint; speciali tamen  
Præcepto Ecclesiastico ad id non obligantur. Ita  
Mastrius *disp. 1. 1. Theol. Mo al. num. 81. Azorius*  
*part. 1. lib. 7. cap. 3. quest. 7. Herinex loc. cit. n. 9.*  
& alii. Nullibi enim tale præceptum aperte ha-  
betur.

6. Nec obstat Concilium Trident. *Sess. 24. c. 4. de Reformat.* ibi : *Moneat Episcopus populum diligenter ; teneri unumquemque Parochia sua intell. esse : ubi commode id fieri potest ; ad audiendum verbum Dei.* Nam, quamvis nonnulli Doctores, quos citat Barbossa in *Collectan. ad cit. cap. 3. Concilii Trident. n. 1* ; inde inferant, atque ex *ipso* teneri unumquemque deducant ejusmodi obligationem intelligendi Concioni Parochiali ; tamen Concilium non loquitur de rigorosa obligatione Juris positivi. Et hoc desumitur tum ex *ipso* *Moneat Episcopus*, quod patet non involvere præceptum : tum ex addita clausula, *Ubi commode id fieri potest* : tum ex communi sensu Fidelium, qui a tempore citati Concilii Tridentini tam gravem obligationem in dictis verbis non agnoverunt.

7. Nec dictis obstant illa verba; "*nūllūqūē tēneri*": Nam in primis hæc verba, etiam in toto rigore accepta, non loquuntur de obligatione absoluta, sed solum supposita commoditate. Deinde ea commodè intelliguntur de obligatione audiendi verbum DEI, non quæ procedit ex Jure aliquo

aliquo Ecclesiastico; sed quæ procedere solet ex lege Charitatis, qua quisque tenetur habere curam animæ suæ, sibi que providere de scientia necessaria ad salutem, & observantiam mandatorum DEI; atque adhibere non solum media simpliciter necessaria ad salutem, sed etiam utilia, inter quæ connumeratur devota Concionum auditio. Et merito monendi sunt Fideles ad accedendam propriam Parochiam, utpote in qua denunciari solent dies Festi, atque occurrentia jejunia, & alia de præcepto observanda; quamvis cæteroquin sufficiat, Concione extra Parochiam suam audire. Barboisa loc. cit. post Suarez, Herinex, & alii.

8. CONCL. IV. Esse potestatem in Ecclesiâ instituendi Festa de præcepto, de fide est: atque patet ex perpetua traditione, & usu Ecclesiæ, a temporibus Apostolorum usque nunc continuato. Quinimo etiam Episcopi respectu suarum Diocesium cum consensu Cleri, & saltem tacito Populi, possunt instituere quædam Festa; prout habetur cap. ult. de Feriis, & alibi.

9. CONCL. V. Dies Festi ab Episcopis in sua Diocesi præcepti, servari debent ab omnibus, etiam exemptis, ac Regularibus. Ita expresse statuitur in Concilio Trident. Sess. 25. cap. 12. de Regularibus, ibi: *Dies etiam Festi, quos in Diocesi sua servandas idem Episcopus præceperit, ab exemptis omnibus, etiam Regularibus, servantur.*

#### Q U Æ S T I O. II.

Quæ opera diebus Festis prohibita sunt?

#### S U M M A R I U M.

10. Opera corporis & animæ, seu corporalia & liberalia, quæ?
11. Opera corporalia servilia seu mechanica, & opera non servilia, quæ?
12. Diebus Festis non prohibentur Opera animæ, nec pietatis aut necessitatis.
13. Opera non servilia quæ prohibeantur?  
(a) De hoc Quæst. seq. num. 27. & seqq.
14. Opera servilia Festis diebus prohibita.
15. Dies Festi Christianorum non tam stricte obligant, ut olim Judæorum.
16. Venari, & piscari, an sit prohibitum die Festo?
17. An tunc liceat scribere, etiam ob lucrum?
18. Pingere, num licitum?
19. Quid dicendum de Typographis?
20. Itineratio an licita die Festo?
21. Qui actus Judicii Forensis diebus Festis prohibeantur? Judicii tres partes.
22. Quomodo liceant ob necessitatem, vel pietatem?
23. Quæ liceant Advocato, vel Doctori, diebus Festis?
24. Opera servilia per notabilem diem Festi partem exercere est mortale peccatum.
25. Quanam censeatur pars notabilis?
26. Quæ alia circa hoc consideranda?

10. **A**Dvertendum, Opera nostra alia esse corporis; seu corporalia, quæ nimirum per corporis exercitationem peraguntur: alia esse Opera animæ, qualia sunt legere, scribere, docere, disputare, concionari, consulere, & similia; quæ idcirco Opera animæ dicuntur, quia ab anima præcipue procedunt, & ad animum excolendum spectant, atque alio nomine Opera liberalia vocantur.

11. Rursum Opera corporalia alia ex genere suo sunt servilia, alia non item. Opera servilia dicuntur, quæ ex se habent quemdam famulatum,

& solum ab iis communiter exercentur, qui aliis inserviunt: ut opus arandi, fabricandi, seminandi, suendi, & alia hujusmodi Opera mechanica, quæ servis proprie conveniunt, etiam si per liberos nonnumquam exercentur. Et hæc appellantur etiam *mechanica*, eo quod per Artes mechanicas dirigantur: atque distinguuntur ab operibus liberalibus, quod hæc non habeant effectum materiale vel corporeum; aut si habent, is principaliter ordinatur ad animum excitandum, vel instruendum: econtra vero Opera mechanica post se relinquunt effectus corporeos, atque in commodum corporis proxime tendentes. Opera ex genere suo non servilia vicissim dicuntur illa, quæ proprie non conveniunt servis, sed omnibus communia sunt, tam dominis, quam servis: ut iter facere, saltare, digladiari, & hujusmodi.

12. CONCL. I. Diebus Dominicis, Festivisque, non sunt prohibita opera animæ, neque opera pietatis aut necessitatis. Ita communis; & patet ex c. 1. & ult. de Feriis, n. 3. allegatis. Adde cum Navarro c. 13. Manual. n. 5. & aliis (quidquid nonnulli contradicant) hujusmodi opera, quæ diebus Festis fieri conceduntur, non solum gratis, sed etiam ob pecuniam atque animæ recipiendi mercedem, licite peragi posse: siquidem intentio, atque propositum lucrandi, non facit opus servile, aut illicitum, quod ex se non est tale.

13. CONCL. II. Opera non servilia quædam diebus Dominicis ac Festivis sunt concessa, quædam non. Patet hoc ex c. 1. de Feriis, ubi dictis diebus prohibentur fieri *Mercatum*, sive mercatura: item *Placitum*, cujus nomine venit quælibet lis, jurgium, seu causa Forensis, quæ in Judicio agitur: item & *Præstatio Sacramenti*, hoc est, juramenti judicialis; adeoque neque testes tunc recipere, aut examinare licet, utpote qui prius jurare debent, nisi suadente pietate, aut urgente necessitate, (a) non obstante, quod talia neutiquam sint opera servilia, quinimo a dominis communiter præstentur. Porro reliqua opera non servilia, demptis enumeratis, non sunt illicita diebus Festis.

14. CONCL. III. Opera servilia diebus Dominicis, Festivisque, sunt prohibita: unde qui talia dictis diebus per notabilem partem (de qua n. 25.) sine justa causa excusante exercet, peccat mortaliter. Ita communis; & patet ex c. 1. de Feriis, atque recepta consuetudine Ecclesiæ, & communi sensu Fidelium. Concordat illud *Leviticus* cap. 23. *Omne opus servile non facientis in eo*: nam hoc præceptum, utpote judiciale, ac ex parte morale, Ecclesia innovavit.

15. Recte tamen notant Doctores cum D. Thoma 2. 2. q. 122. art. 4. quod dies Festi Christianorum, utpote post cessationem Legalium veteris Legis Jure dumtaxat Ecclesiastico introducti, non ita stricte obligent, sicut olim obligabat Præceptum divinum de observando Sabbato. Unde multa nobis permittuntur diebus Dominicis, Festivisque, ut ignem succendere, cibos coquere, iter facere, & hujusmodi, quæ in Sabbatis antiquæ Legis non licebant, *Exodus* c. 35. & c. 19. & alibi. Simulque circa prohibita in nostris Festivitatibus, facilior est dispensatio, quam olim in Sabbato. Navarrus c. 13. Manual. n. 2. Azorius, & alii. Verum occasione præmissorum occurrunt plura dubia. Hinc

16. Quæ-

16. Quæritur I. An venari, & piscari, sit opus servile, ac prohibitum in die Festo? Resp. Venari, & piscari, ex se, ac nisi addantur opera servilia, non censentur prohibita, si fiant dumtaxat recreationis causa; cum non sint servilia, sed potius liberalia, & communia servis & dominis. Bonac. tom. 2. disp. 5. q. un. punct. 2. n. 13. Azorius, & alii. Dicitur notanter, nisi addantur opera servilia: nam fatendum, quod venatio & piscatio non liceat, quando est conjuncta cum aliis operibus servilibus; prout accidere solet in venationibus clamorosis cum canibus, & apparatu institutis, nec non & in operosis multique laboris, & piscatoriæ Tribui quasi propriis piscationibus: quales proinde in Jure c. *Licet de Feriis*, dumtaxat conceduntur tempore necessitatis, seu propter occursum lucris transeuntis, eo quod tales pisces raro, & certis dumtaxat temporibus apparere soleant, ut Halecia, & hujusmodi.

17. Quæritur II. An scribere, si fiat ob lucrum, sit opus servile, & consequenter die Festo prohibitum? Resp. Cum scribere sit opus mentis, & locutio quædam permanens, ordinata ad instructionem mentis propriæ, vel alienæ; idcirco ex se censetur opus liberale, nec sit servile ob id, quod fiat ob lucrum. Ita Navarrus loc. cit. n. 5. & alii. Ratio est, quia Ecclesia non prohibuit operari in die Festo propter mercedem, nisi in quantum prohibuit totum opus: ergo, cum scribere die Festo non prohibeatur, neque prohibitum est scribere propter mercedem. Idem juxta probabilior sententiam est dicendum de transcriptione, quæ a Notariis & Scribis fit ex officio, & pacta mercede: siquidem transcribere non est aliud, quam scribere; ergo si hoc de se est licitum die Festo, erit & illud.

18. Quæritur III. Utrum pingere diebus Festis sit prohibitum? Resp. Hic varias esse Doctorum sententias, quæ sequenti modo videntur posse concordari. Et quidem plerique fatentur, non esse illicitum, ob solam voluptatem, aut recreationis causa quasdam delineationes facere: quod ipsum videtur suadere communis sensus hominum. Deinde Layman lib. 4. tit. 7. c. 2. n. 3. post Medinam, & Lopez, probabile censet, quod pingere in aliqua tabella, sine apparatu & magno labore, opus servile non sit, ideoque nec prohibitum die Festo per se loquendo: quia talis pictio, perinde ac scriptio, consistit in ducendis lineis, ac figuris; & consequenter idem dicendum de tali pictione sine apparatu, simulque secluso scandalo facta, quod de descriptione. Tandem extra præfatas limitationes die Festo pingere communis sententia Doctorum negat esse licitum: quia (inquiunt) pingere per se loquendo, est opus servile, cum soleat fieri ab iis, qui aliis inserviunt, ut argumentatur Bonac. loc. cit. n. 25. citans alios: simulque est mechanicum, cum respiciat opus sensibile & externum artefactum, principaliter non ordinatum ad instruendum animum; licet pictores contendant, suam artem esse unam ex liberalibus. Mastrius disp. 11. n. 24. Herinex, & alii.

19. Quæritur IV. Quid dicendum de Typographis? Resp. I. Certum est, quod actualis impressio foliorum sit opus servile, ac proinde pro-

inde prohibitum. Num autem artificiosa illa ordinatio, seu compositio characterum, sit opus servile, nec ne; major est difficultas, eo quod ipsa videatur æquipollere descriptioni. Nihilominus Herinex disp. 3. de Festis, q. 2. n. 15. & Bassæus Vers. Festum, II. n. 8. citans communem, contra Dianam part. 4. tit. 4. ref. 62. & Layman, etiam compositionem characterum inter opera servilia, & mechanica connumerat: cum per se non ordinetur ad locutionem, & expressionem mentis, sicut transcriptio, sed sit præparatio materiæ, & fabricatio instrumenti mechanici ad opus mechanicum, scilicet ad ipsam impressionem. Verum Typographi ordinantes characteres in ea persuasionem sunt, quod post rem divinam licite compensare possint ea, quæ præcedentibus diebus neglexerunt, ut inquit Layman loc. cit. n. 3.

20. Quæritur V. An itineratio sit opus servile? Resp. cum communi, itinerationem non esse opus servile, nec per se prohibitam diebus Festis: quia potius censetur esse opus naturale, ordinatum ad corporis conservationem, & ad negotia ubique exercenda. Verum hoc intelligendum est, nisi itinerationi addantur circumstantiæ annexæ operibus servilibus: ut si magno cum labore imponenda sint jumentis vel curribus onera, quæ ducantur; vel si animalia onusta, aut currus onusti, de uno loco ad alium deferantur. Hinc cit. Layman n. 5. cum aliis infert, quod tale iter die Festo inchoare concessum non sit, quamvis inchoatum continuare liceat, si commode abrumpi non possit.

21. Quæritur VI. Quinam actus judicii Forensis diebus Festis ab Ecclesia prohibeantur, extra casum necessitatis & pietatis, per textum n. 3. relatos, cum concordantiis? In primis hæc prohibitio generatim procedit de omnibus causis, seu licibus tum criminalibus, tum civilibus, utpote quæ omnes fieri solent cum strepitu Forensi, seu Judiciali processu. Deinde eadem prohibitio intelligenda est de omnibus partibus Judicii, quæ ad tres revocantur. Prima, est inchoatio causæ per Rei citationem; quippe quæ est basis, & fundamentum Judicii. Secunda, est processus; & fit per causæ cognitionem, examinationis & juratis testibus, exhibitisque instrumentis. Tertiâ, est per sententiæ prolationem, ejusque executionem. Et omnes tales actiones (nisi necessitas urgeat, vel pietas suadeat) non solum diebus Festivis prohibita sunt, sed etiam ipso jure nullæ, & irritæ; adeo quidem, ut consentientibus etiam partibus, nec processus habitus teneat, nec sententia, quam contingit hujusmodi diebus promulgari: prout habetur c. ult. de Feriis.

22. Additur vero, nisi necessitas urgeat, vel pietas suadeat: nam tunc secus est dicendum. Et quidem satis magnæ necessitatis ratio est, si alio tempore testes vocari, aut Judex adiri non possit, saltem sine jactura diurnæ mercedis, qua pauperes maxime solent indigere, ut notant Tannerus 1. 3. disp. 5. n. 9. Navarrus cap. 13. Man. n. 13. & alii. Quas ob causas excusantur in aliquibus locis Judices rusticorum, diebus Festis jus dicentes, aut sententiam promulgantes, quando aliis diebus rustici homines adesse, vel commode absque jactura mercedis diurnæ vocari nequeunt:

quod ipsum consuetudo aliquarum Religionum comprobatur. Idem dicendum de causis, quæ celebritatem requirunt, eo quod alioquin res peritura sit: vel si latro de fuga suspectus, die Festo possit capi, & incarcerari.

23. Non tamen idcirco prohibetur, quin Advocatus possit die festo dare operam studiis causa litium, scribere, quibus studuit, informare Judicem scripto, agere privatim de lite cum procuratore, & referre causam apud Judicem, ut ea cognita commodius ferat sententiam. Similiter licitum est Doctori, conficere edissimilia diebus Festis, & Civibus ad consilia convenire, & eligere ad officia. Insuper possunt die Festo confici testamenta, scripturæ, donationes, renunciationes & huiusmodi. Ratio horum omnium est: quia talia sunt opera animæ, & non sunt opera servilia, neque comprehenduntur in processu Judiciario.

24. CONCL. IV. Opera servilia, vel alia prohibita, diebus Dominicis, aut Festivis, per notabilem diei partem exercere, absque legitima causa excusante, est peccatum mortale. Ita communis: quia violaretur Præceptum Ecclesiasticum in materia gravi, pertinente ad virtutem religionis. Unde merito Innocentius XI. hanc inter alias, ordine 72. Propositionem damnavit: *Præceptum servandi Fasta non obligat sub mortali, seposito scandalo, si absit contemptus.*

25. Verum quantum temporis requiratur, ut quis censeatur notabili parte diei laborare, sicque peccare mortaliter, non conveniunt Doctores, prout videre est apud Filliucium tract. 27. c. 11. & alios. Nam aliqui unam integram horam censent esse partem notabilem, sicque materiam peccati mortalis: alii contra tres horas requirunt, quas ex viginti quatuor horis diei censent partem notabilem. Communior tamen, cæterisque probabilior sententia, est media, quæ laborem servilem duarum horarum plus minus requirit, & sufficere ait ad notabilem diei partem, atque peccatum mortale constituendum.

26. Recte tamen monet citatus Filliucius, considerandam simul esse qualitatem operis atque laboris, & an nulla concurrat necessitas. Nam si labor sit levior, aut aliqua necessitas concurrat, facile etiam quis diutius laborans excusabitur a culpa mortali: quod proinde prudentis viri iudicio dimetiendum erit. Hinc non facile pauperes fœminæ, vel ancillæ, peccati mortalis damnandæ sunt, quæ diebus Festivis aliquot horas insumunt nendo, vel vestes suas aut suarum prolium resarciendo, sive ad fugandum otium atque inutilia colloquia, sive ob paupertatem, & quia diebus ferialibus destituuntur tempore ad talia peragenda opportuno.

### Q U Æ S T I O III.

Quæ causæ excusent exercentes Opera prohibita diebus Festis?

#### S U M M A R I U M.

27. *Quæ generatim causæ excusent exercentes opera prohibita?*

28. *Necessitas quando sic excuset?*

29. *Corollarium circa bonum vite.*

(b) Ut dictum Tract. 2. dist. 2. n. 25. & seq.

30. *Aliud circa bonam fortunam.*

31. *Sartores quando excusentur perficientes die Festo vestes?*

*Quid de præparatione panni?*

32. *Alia Corollaria.*

33. *Molere die Festo, an liceat?*

34. *Occursus lucri transeuntis, an excuset?*

35. *Consuetudo, quid circa hoc valeat?*

27. CONCL. I. Et si plures causæ referri soleant, quæ excusare possunt exercentes opera prohibita diebus Festis, ex tamen commode reducuntur ad necessitatem, & pietatem. Ita desumitur ex cap. ult. de Feriis, ubi prohibentur diebus Festis opera illicita, nisi necessitas urgeat, vel pietas suadeat. Siquidem necessitas non habet legem, c. Quod non est, de Reg. Juris, ibi: *Quod non est licitum in lege, necessitas facit licitum.* Pietas etiam excusat exercentes erga pauperes, vel miserabiles personas, opera Misericordiz; vel præstantes ea, quæ ad Divinum cultum pertinent: nam summam esse rationem, quæ pro Religione facit, textus est l. Sunt persona, ff. de Religiosis & sumpt. funer. Hinc versus illi:

*Non recto servat legalia Sabbata cultu,*

*Qui pietatis opus credit in his vetitum.*

28. CONCL. II. Tunc censetur adesse necessitas exercendi opera cæteroquin die festo prohibita, quando imminet notabile damnum animi, aut corporis, sive proprii, sive alieni, aut bonorum temporalium sive propriorum, sive alienorum. Ita Reginaldus lib. 19. num. 50. Navarrus, alique; quamvis, utrum hic & nunc ejusmodi notabile damnum sit metuendum, prudentis viri arbitrio dijudicandum sit. Res exemplis fiet clarior,

29. Sic in primis laborantes die Festo excusat necessitas imminens propriæ conservationis vel sustentationis suæ vitæ, aut familiæ: quia lex Ecclesiastica non obligat cum tanto gravamine Fidelium (b). Hac ratione excusantur pauperes, qui, nisi die Festo laborent, nequeunt se sustentare, & huiusmodi.

30. Deinde necessitas, seu imminens notabile damnum in bonis fortunæ excusat coquentes calcem, aut vitrum die Festo: quia hoc genus operis inchoatum non potest intermitteri absque notabili damno. Similiter excusantur agricolæ tempore messis laborantes, ne segetes amittant ob pluviam: in quo tamen casu, ad cavendum scandalum, consultius est, adhibere consilium Parochi, ac petere dispensationem vel licentiam,

31. Ob eandem rationem excusantur in multis casibus sartores, perficientes vestes die Festo: ut puta si illæ debeant inservire pro ejusmodi Festo; vel si sint vestes sponsi seu sponsæ, proxime nuptias celebrantium; aut vestes lugubres, vel eorum, qui iis indigent ad servandum decentiam status. Idem censet Bassæus Vers. Festum, III. n. 1. si sartores timeant aliquod notabile incommodum, vel acerbæ reprehensiones, ac injurias ex eo, quod non perfecerint vestes ante Festum. Præparatio autem vestium, quæ fit per scissuram & præparationem panni die Festo, ex eo excusari potest, quia non est labor servilis: cum proprie competat Magistris, nec habeat adjunctum magnum laborem.

32. Huc accedit necessitas Reipublicæ, utpote cui magis subveniendum est, quam privatæ. Sic

EXCU-



excusantur milites jacentes aggeres die Festo, vel alia servilia opera peragentes pro defensione patriæ. Item necessitas Proximi, nam ob hanc licitum est die Festivo laborare ad extinguendum incendium in domo Proximi, & Chirurgo ad sublevandum infirmum, & hujusmodi.

\* Conclusio III. Loquendo nunc conformiter *cap. 5. de Feriis*, quoad alteram causam excusantem, ob quam laborare licet, quæ dicitur *Pietas*, tunc eadem adesse censetur, si opera servilia, quæ diebus Festivis exercentur, proxime ad Dei Cultum spectent. Ita communis. Ratio est; quia tales actiones per propinquitatem ad Dei Cultum quasi artes liberales reputantur, saltem ex consuetudine: hinc licitum est diebus Festivis Altaria candelabris, imaginibus, & aliis ornamentis vestire, prout etiam in antiquo testamento (uti *S. Matthæus cap. 12. eruit ex libro Levit. cap. 24.*) Sacerdotes die Sabbati faciebant omnia, quæ erant necessaria in templo; etenim præcepto illo abstinendi ab operibus servilibus, ut exinde promoveatur Cultus Divinus, non censentur prohibita illa, quæ pertinent proxime ad ipsum Cultum Divinum. Dico notanter: *Qua pertinent proxime ad Cultum Divinum*; nam si tantum spectarent ad eundem remote, ex communi DD., contra tamen non paucos apud *La Croix lib. 3. part. 1. n. 586.* non liceret propterea exercere opera vere, proprie servilia; alias certe foret licitum contra communem persuasionem diebus Dominicis citra ullam necessitatem, aliamve gravem rationem ædificare Ecclesias, secare ligna, & sculperé imagines pro exstructione Altarium &c. Histamen non obstantibus (inquiunt *Sporer*, & *La Croix* hic) diebus Dominicis, & Festivis sepulchrum Christi, Præsepe Domini, moles artificiosas ad excipiendam Eucharistiam extruere, seu collocare Scenam in Ecclesiis ad repræsentationem Sacram, excusari a mortali; non tamen a veniali, si præcedentibus diebus talia commode fieri potuissent. Ratio est; quia, et si forsitan similia, quorum erectionem in multis locis praxis jam obtinuit, non influant omnino proxime in Cultum Divinum, ita, ut etiam de per se, & absente alia causa rationabili a peccato levi excusent; videntur tamen propinque accedere ad talem influxum proximum, sicque tales actiones non prohiberi saltem sub gravi. \*

33 Quæres: an liceat die Festo molere triticum, quando molendinum agitur aqua, vel vento? Respondet *Balsæus loc. cit.* affirmative, atque pro hac sententia allegat *Bonacinam*, *Rodriquez*, & alios: quia (inquit) tunc aut nullus, aut exiguus labor intervenit. Verum conclusa necessitate, aut speciali alicujus loci consuetudine, hoc passim admittendum non est; idque tum ratione scandali vitandi, tum quia in molendinis non modicus simul labor servilis intervenit. Unde *Bonacina tom. 2. disp. 5. quaest. un. punct. 1. num. 9.* ait, si tales molitores notabilem temporis partem in his infumant, eos non excusari, nisi id faciant ex necessitate, v. g. ob multitudinem concurrentium ad molendinum, quibus satisfacere nequeunt diebus festatis,

34. Insuper causis excusantibus exercentes opera prohibita die Festo, communiter addunt Doctores occursum lucris transeuntis; id est, illius, quod amplius acquiri non poterit, nisi diebus Festivis talia opera fiant. Et hoc probatur ex Jure Canonico *cap. licet. de Feriis*, ubi Ecclesia, tamquam pia Mater, ex hac ratione diebus Festivis (præterquam in majoribus anni Solemnitatibus) indulget piscationem halecum, quæ certo dumtaxat anni tempore transire solent. Unde ob paritatem rationis idem de piscatione aliorum piscium, certo tantum anni tempore occurrentium & de aliis hujusmodi rebus temporalibus, quæ cum tempore pereunt, nisi Festivis diebus acquirantur, passim tradunt Doctores.

35. Tandem similia opera diebus Festivis præstari solita excusat legitima consuetudo, sive generalis, sive specialis quorundam locorum, quæ scitur, & toleratur a Prælatibus Ecclesiasticis. Ratio est: quia prohibitio talium operum die Festo fuit introducta solo Jure Ecclesiastico; ergo nihil obstat, eam tolli rationabili & legitime præscripta consuetudine contraria: cum generaliter hujusmodi consuetudo derogat Juri positivo humano, *cap. ult. de Consuetud.* Sic in pluribus locis Pistorum consueverunt pinsere panem, & Cerevisarii incipere braxaturam cerevisiæ a vespere diei Festi; Mercatores etiam in Nundinis solent per aliquam diei partem exercere publicum mercatum.

\* Pariter vi consuetudinis solent diebus Festivis fieri subinde præparatoria ad imminens convivium, occidi, excoiri, vel deplumari propterea animalia &c. *Castropalao Tract. 9. p. 10. num. 3.* Item per consuetudinem eximuntur a peccato in multis locis rustici, qui tempore messis die Festo sub vespere acuunt falcem & præparant materiam pro labore sequentis diei necessariam, *La Croix lib. 3. part. 1. num. 585.* Item excusantur a peccato Barbitonfores radentes tali tempore barbas, præsertim rustici, seu operarii aliis diebus impeditis. *La Croix loc. cit. n. 591. Sporer tract. 3. in Decalog. cap. 6. sect. 4. n. 55. & Felix Potestas tom. 1. part. 2. n. 20:7.* Non debent igitur Confessarii, si similes labores audiant in Confessionali a suis poenitentibus diebus Festivis exercitos, illico eosdem arguere alicujus gravis peccati, sed in dubio ulterius interrogare, utrum id soleat passim ab aliis etiam conscientiosis similis conditionis hominibus præstari, nec ne? Et, si poenitentes respondeant, hoc passim fieri, scientibus, & non contradicentibus Prælatibus, seu Superioribus, inferant, introductam esse desuper consuetudinem; interea tamen pariter sapius erit valde expediens, si diebus Festivis similes labores saltem pro deinceps, & in futurum dissuadeantur, in quantum commode intermitteri possunt, maxime, si Confessarius videat, exinde negligi Verbum Divinum, Vesperas, Catecheses &c. Profecto ex hac ipsa ratione plurimi Prælati sese opponunt consuetudini Barbitonforum, quoslibet ad se venientes sine distinctione personarum diebus Dominicis, ac Festivis radentium, prout non ita pridem inhibuit

Y y 2

Episco-

Episcopus Atrebatensis in sua Diocesi testè Patre Henno tract. in Decalog. disp. 3. quæst. 4. art. ult. Concl. 6.

#### Q U Æ S T I O IV.

Quæ sit obligatio audiendi Missam diebus Festis?  
S U M M A R I U M.

36. Extat Præceptum de Missa reverenter audienda diebus Festis.
37. Peccat mortaliter negligens notabilem ejus partem; & quæ sit talis?
38. Audire Missam, in quo consistat?
39. Explicatur hoc amplius.  
(c) Tract. 6. Dist. 1, quæst. 4.
40. An satisfaciatur, qui simul duas Missas partes audit plurimum Celebrantium?
41. Vel saltem successive?
42. Audire Missam num præferenda Concioni?
43. Alia Quæstia, remissive.

36. **CONCL. I.** Extat grave Præceptum Ecclesiasticum reverenter audiendi Missam diebus Dominicis, Festivisque. Patet hoc ex can. *Missam, de consec. dist. 1.* Et licet ibidem soli Seculares nominentur, tamen ex communi consuetudine, quæ est optima legum interpres, sub dicto Præcepto etiam comprehenduntur Clerici, & Sacerdotes non celebrantes, quamvis hi, si dictis diebus celebrent, hoc ipso, & quidem eminenter, Missam audire censeantur. Id ipsum liquet ex can. *Omnes fideles, de consec. dist. 1.*

37. **CONCL. II.** Peccat mortaliter, qui notabilem Missæ partem dictis diebus culpabiliter audire prætermittit. Ita omnes Catholici, & patet ex proxime dictis. Et quidem notabilis pars est dimidia vel tertia pars, secundum omnes Doctores: aut totum Missæ principium una cum Epistola, & Evangelio, ut plures volunt; non autem, si ab initio Evangelii usque ad finem quis Missam audiat, etiamsi reliquum, nempe initium Missæ cum Epistola prætermiserit. Addunt multi Doctores, ut Layman lib. 4. tract. 7. cap. 3. n. 3. Gobat, tract. 5. Experim. n. 135. Suarez, Rodriguez, Azorius, & quidam alii, etiam ab eo evadi peccatum mortale, qui venit primum post Evangelium, modo permaneat usque ad finem ultimi Evangelii inclusive: quia audiendo ultimum Evangelium, videtur compensare primum Evangelium neglectum.

38. **CONCL. III.** Audire Missam, non est verba Missæ intelligere, utpote quod plebei non possunt; nec audire Sacrificantem, quod surdi nequeunt; neque videre eundem, quod cæci frustra desiderant: sed Missam devote audire, est esse præsentem Missæ, & vacare Deo, sive, corpore adesse, & mente attendere ad Sacrificium. Ita communis.

\* Ex quo inferitur, Missam audiendi præceptum transgredi non solum eos, qui sub eadem dormiunt, sed etiam, qui sub illa per notabile tempus pingunt, scribunt, novellas legunt, vel de re seria confabulantur cum tanta intentione, ut per totam Missam, vel saltem per notabilem partem non sciant, ne confuse quidem, quidnam agatur a Sacerdote: Similes enim non solum interne sunt distracti, sed etiam externe ponendo tales

actiones, cum quibus in adductis circumstantiis attentio quoque externa non videtur moraliter compossibilis, eo ferme modo, quo discurretur; si similes actiones contingerent sub recitatione Horarum Canonicarum. Paucis: tales quidem sunt præsentès corpore, sed non devota mente.\*

39. Unde ad auditionem requiritur simul & devota, & corporalis præsentia. Porro devotio ista ad Missæ auditionem requisita, explicanda est conformiter necessariæ intentioni, & attentioni, ad recitationem Horarum Canonicarum requisitæ; de qua alibi, (c) Corporalis præsentia consistit in hoc, quod quis suo corpore præsens sit in eo loco, in quo sit Sacrum; idque vel physice, ut, si intra Capellam vel Ecclesiam, ubi Missa celebratur, præsens adsit; vel saltem moraliter, prout illi Missam audire censeatur, qui animo Missam audiendi, stant, aut flectunt antè januam illius Ecclesiæ, quam præ hominum multitudinem ingredi non valent, vel qui introspiciunt per fenestram.

\* Prout etiam Gobat, Dicastillo, Tamburinus, ac Cardinalis de Lugo apud La Croix lib. 3. p. 1. n. 463. & apud Felicem Potesta Clericus. cap. 109. num. 7. putant; illum adhuc censeri sufficienter corpore præsentem, ita, ut Missam audire dicatur, qui per interjectam parvam plateam & domo sua in templum, vel ad Altare potest respicere. Quod ipsum Henno Tract. in Decalog. disp. 3. quæst. 2. Concl. 1, concedit saltem in casu, si talis independentè ab assistentium aliorum multitudine plene advertat, quidnam a Sacerdote agatur. Ob quam paritatem censentur similiter juxta Gobat, & Dicastillo esse corpore præsentès, atque audire Missam Remiges in navi permanentes, dum eadem legitur in littore, vel milites existentes, & auscultantes in tentoriis, dum illa celebratur in publico campo, quamvis in spatio intermedio nulli essent homines Missam audientes. Ast ego similia in praxi non suaderem, si aliter commode & faciliter Missa audiri possit, nec aliunde habeatur causa excusans ex enumerandis Quæst. Etenim saltem quoad aliqua exempla ab aliis Doctoribus merito dubitatur pro tunc de morali præsentia. Profecto excommunicatus, si ex platea per fenestram suam audiret Missam, difficultè credo, quod censeretur de novo peccare, nec propterea deberet celebrans a Missa desistere ex eâ ratione; quia talis excommunicatus non diceretur Missæ moraliter corpore præsens, uti advertit La Croix loc. cit.

40. Quæres: an satisfaciatur Præcepto Ecclesiæ, qui audit partem posteriorem unius Missæ, v. g. ab Elevatione ad finem, & deinde priorem alterius Missæ usque ad Elevationem; vel econtra; aut si quis a duobus Celebrantibus, quorum unus Missam incipit, alter ab Elevatione pergit, simul audiat utramque? Resp. I. Si quis non successive, sed simul audiat duas tales partes Missæ a duobus Sacerdotibus simul celebrantibus, talis non satisfaciatur Præcepto. Ita de facto indubitate tenendum est, & quoad hoc punctum nonnulli libri caute legendi. Siquidem Innocentius XI. hanc inter alias Propositionem, ordine 53. damnavit, & doceri, atque prædicari prohibuit: *Satisfaciatur præcepto Ecclesiæ de audiendo sacro, qui duas ejus partes; imo quatuor simul a diversis Celebrantibus audit.*

41. Resp.

41. Resp. II. Nihilominus multi Doctores probabile censent, mortaliter non delinqui ab eo; qui successive audit duas medietates Missæ a diversis Sacerdotibus dictas; quamvis veniale peccatum, & in suo genere grave, committatur per hoc, nisi quis legitime impeditus fuerit; quominus integram ejusdem Sacerdotis Missam audiret. Ita Layman lib. 4. tract. 7. c. 3. n. 4. Gobat loc. cit. n. 143. Navarrus; & nonnulli alii; quos citant, contra non paucos oppositum tenentes. Ratio esse potest: quia parum refert, quid de æquipollentibus fiat; simulque ordo partium inter se non videtur pertinere ad substantiam præcepti: sic enim in simili satisfacit præcepto Ecclesiæ Clericus; qui prius recitat Laudes, quam Matutinum. Hæc sententiâ necdum est condemnata: unde etiam Jo. Cardenas in Crisi Theol. ad Propositionem § 3. Innocentii XI. c. 7. eam censet probabilem, dummodo impofterum per Sedem Apostolicam oppositum non declaretur.

42. CONCL. IV. Auditio Missæ per se loquendo præferenda est sacre Concioni, si utraque audiri non possit. Ita communis; nam audire Missam diebus Dominicis, Festivisque; est de Præcepto; non item audire Concionem; per se & ordinarie loquendo: atqui opus consilii non est præferendum operi debito ex præcepto. Dicitur; per se loquendo: nam per accidens, & in casu extraordinario, fieri potest, ut Concio præferatur auditioni Missæ; si nimirum urgeat necessitas addiscendi necessaria Fidei; hæcque commode nequeant alias addisci; vel si exemplum minus necessarium sit ad inducendos ceteros præ audienda Concione &c. Bonacina dist. 5. de Pract. Decal. quæst. 2. punct. 2. n. 28. & alii.

43. Posset hoc loco Quæstio moveri de peregrinis & advenis; an teneantur ad Festa particularia locorum; per quæ transeunt; ibique abstinere a servilibus, & Missam audire? item an quis de loco, ubi est Festum; possit omissa etiam Missa ad laborandum exire in alium locum propinquum, ubi id non celebratur? Verum de hoc, atque attinentibus materiis; ex professo jam dictum est Tract. 2. dist. 3. quæst. 3. & 4. Ibi videatur.

## Q U Æ S T I O V.

Quæ causæ excusent a Præcepto audiendi Missam?

### S U M M A R I U M.

44. Generalim a Missa audienda excusat impotentia physica; & moralis.

(d) Tract. 2. dist. 2. n. 25. & seqq.

45. Impotentia physica declaratur.

46. Impotentia moralis contingit variis modis.

47. I. Ob periculum boni animæ.

48. II. Ob periculum corporis.

49. Distantia loci, an etiam excuset?

50. In præxi quid circa hoc observandum?

51. III. Ob periculum famæ & honoris.

52. IV. Ob periculum bonorum fortune.

53. Excusantur aliqui ex titulo pietatis;

54. Et officii.

55. An impediti audire Missam; teneantur domi orare?

(e) Ut dictum tr. 4. dist. 2. n. 28. & seqq. & dist. 5. n. 9. & seq. & dist. 6. n. 9. & Tract. 5. Dist. 1. n. 49.

44. CONCL. I. Quamvis plures communiter assignari soleant causæ; ob quas quis excusari possit ab obligatione audiendi Missam die Festo; eæ tamen commode reducuntur ad impotentiam; tum physicam; tum moralem. Hæc Conclusio supponit ex dictis (d) alibi, quod leges Ecclesiasticæ in casu impotentiae non obligent; Idque; quantum ad propositum; clarius habetur cap. ult. de Feriis; ibi: *Nisi necessitas urgeat; vel pietas suadeat*. Quo supposito

45. Probatur Conclusio inductione: Et quidem ob impotentiam physicam (quæ est impotentia simpliciter) excusantur, qui detinentur in carceribus; in quibus Missa non celebratur. Item, qui tam gravi morbo decumbunt, ut Missæ interesse non possint. Similiter; qui longum iter faciunt, non inveniunt locum, ubi Missam audiant: ut sit in terris infidelium, & in mari. Et idem de aliis similibus.

46. Deinde ob impotentiam moralem; plures adhuc excusari possunt. Nam impotentia moralis censetur tunc contingere, cum nequit audiri Missa absque jactura boni notabilis æstimationis; aut non nisi cum magna difficultate, vel labore: quæ postea in casibus particularibus arbitrio viri prudentis dijudicanda erunt. Quid igitur generatim sunt quatuor bonorum genera; scilicet bona animæ; corporis; famæ seu honoris; atque fortunæ: hinc circa ea omnia hujusmodi impotentia moralis accidere potest.

47. Hinc in primis ob impotentiam moralem circa bonum animæ occurrentem, excusatur quis ab audienda Missa; si nequit adire templum sine periculo labendi in peccatum, ut si quis tempore persecutionis timeat periculum abnegandæ Fidei; si a persecutoribus comprehendatur; aut si virgo prævideat periculum stupri in via sibi inferendi; & hujusmodi.

48. Deinde propter periculum imminens corpori excusatur quis; si ex probabili conjectura; & non sola vana imaginatione ductus timeat; ne in via aut in ipso Templo vitam amittat, utputa ob aeris intemperiem, vel infectionem, &c. Item si timeat jacturam sanitatis; aut reincidentiam in morbum; vel adsit periculum notabiliter retardandi convalescentiam, si ipse Sacrum audiat in Templo: uti quandoque contingit laborantibus febri, & aliis hujusmodi morbis; in quibus standum est iudicio viri prudentis; ac præsertim Medicorum.

49. Quæres: an distantia loci excuset ab auditione Missæ? Resp. Quandoquidem distantia loci ad Templum non modicam sæpe causet corporalem incommoditatem senibus; claudis, labore pridiano valde fessis &c. proinde ex hoc capite tales nonnunquam contingit excusari; præsertim accedente tempestate nivali; aut nimboſa; Ita communis;

50. Et si vero non possit absolute determinari certa distantia, quæ sit necessaria, simulque sufficiens; pro omnibus & singulis hominibus excusandis; quandoquidem homines sint adeo diversi

versæ complexionis, & alii robusti, alii imbecilliores, aliqui etiam divites, qui curriculo ad Ecclesiam vehi possunt, simulque tempestatis nimboſæ atque hyemalis habenda sit ratio, &c. Nihilominus loquendo de hominibus mediocriter valentibus, & peculiarem excusationem non habentibus, quidam Doctores apud Gobat *Tract. 5. Theol. Experim. n. 486.* sufficere asserunt pro excusatione peditis distantiam unius bonæ horæ, vel quioque horæ quadrantes: alii vero majorem exigunt distantiam, vel spectandam loci consuetudinem ajunt, aut hoc absolute judicio prudentum relinquunt expensis circumstantiis discernendum. Certe plerique sibi ducerent religioni, si cessante alia causa omitterent Missæ auditionem ob distantiam unius horæ; & punirentur illi, qui deprehenderentur fere semper a re Divina abesse solum, quia distant sesqui hora a Templo. Quamquam nullus prudens Confessarius movebit his scrupulum, etsi iterato tales maneant domi: cum variæ aliz circumstantiæ non raro concurrant iter tam longum aggravantes, ut merito detur locus excusationi.

§1. Rursus propter periculum famæ, & honoris, quidam excusari possunt. Sic communiter Doctores excusant illum, qui non habet vestem decentem, ita ut nequeat sine dedecore, aut gravi derisione, seu notabili pudore, comparere in publico. Similiter excusant puellam cæteroquin honestam, quæ putatur casta, & tamen gestat uterum, ne videlicet publice confundatur; & hujusmodi. Si tamen tales possint primæ Missæ in tenebris sine probro interesse, obligantur ad eam audiendam, nisi aliud excuset.

§2. Tandem ob periculum bonorum fortunæ excusantur ii, quibus imminet damnum in fortunis, si pro Missâ audienda velint ire ad Ecclesiam: quod intelligit Gobat *loc. cit. n. 491.* non tantum de damno notabili, sed etiam de metu mali mediocris honorum. Sic famuli excusantur, qui domi remanent ad ejus custodiam, vel ob furtum aut incendium avertendum, &c.

§3. His omnibus accedit titulus pietatis, officii seu obedientiæ; quamvis & ad impotentiam moralem reduci possint. Sic ex titulo pietatis, seu Charitatis Proximi, excusatur ab audienda Missâ, qui inservit ægro, cui præsentia inservientis est necessaria, ita ut ab ipso recedere non possit: nam majus est vinculum præcepti Charitatis Proximi, quam præceptum Missæ audiendæ; cum illud Jure naturæ, hoc autem Jure dumtaxat positivo Ecclesiastico obliget. Idem in similibus casibus dicendum de matre, vel nutrice, quæ infantes deferere non possunt, dum non habent alium eisdem assistentem.

§4. Ex titulo officii excusantur excubitores ad portas, valla, turres; itemque custodes pecorum, & hujusmodi. Qui tamen tenentur mutuare vires, quando sunt plures, & potest a paucioribus custodia convenienter peragi, fiuntque successive plura Sacra. Et hæcenus dicta ad alios consimiles casus sunt extendenda, atque juxta exigentiam rerum applicanda.

\* Sic aurigæ, qui per consuetudinem habent jus vehendi aliqua die Festo, excusantur ab audi-

tionem Missæ, si hac audita vehere non possunt absolute, vel saltem non nisi cum notabili damno: nam cui aliquid conceditur, conceduntur etiam omnia necessaria ad illud. La Croix *l. 3. p. 1. num. 684.* dummodo prædicti hac doctrina non abutantur fingendo notabile damnum, ubi non est. Similiter excusantur itinerantes, quando Ducem, vel Comitem itineris valde utilem, puta itineris gnarum, vel commodam occasionem navigandi, aut curru vehendi amissuri essent, dum interim Missam audirent. Alioquin autem, si nulla accelerandinecessitas urgeat, omnes diebus Dominicis, vel Festivis iter facturi prius Missam audire debent, nisi prudenter existimare possint, se sub ipso itinere Missam audiendi habituros esse occasionem. Sporer *Tract. 3. in Decalog. c. 5. sect. 2. n. 28.*\*

§5. Porro in casu, quo quis habet impedimentum legitimum non audiendi Missam die Festo, consilium omnino salutare est, domi per aliquod tempus vacare orationi; id tamen non esse in præcepto, docent Navarrus *c. 21. Manual. n. 7.* Reginaldus *l. 19. n. 19.* Herinex *p. 4. dist. 8. de Sacrificio Missæ, n. 223. & 224.* solvens contraria, & alii: cum talis oratio domi peragenda, minime comprehendatur sub nomine Missæ; simulque finis præcepti non cadat sub præcepto. Nihilominus opposita sententia, quam nonnulli tenent, in praxi pro possibili hominibus consulenda est, ut, cum Jure naturali teneamur Deum quibusdam tum virtutum Theologicarum, tum Religionis actibus quandoque per vitæ decursum revereri, (e) huic obligationi eo melius satisfiat. In quem proinde finem D. Augustin. *Serm. 251. de Temp.* optime legitur, atque eum, qui non potest cum cæteris Sacro interesse, exhortatur, *ut saltem in domo sua oret, & non negligat Deo solvere votum, ac reddere pensum servitutis.*

## DISTINCTIO II.

De Tertio Præcepto Ecclesiæ, sive de Jejunio.

### QUESTIO II.

Quid sit Jejunium, & quæ ejus requisita?

### SUMMARIUM.

1. Tertium Ecclesiæ Præceptum, quod?
2. Jejunium generaliter acceptum, &
3. Jejunium specialiter, quid?
4. Jejunium naturale, requisitum ad sumptionem Eucharistiæ, quid?
5. Jejunium Ecclesiasticum quid? Et quando violetur?
6. Hoc non frangitur per potum.
7. Cautela circa haustum interdum factum.
8. Ad Jejunium Ecclesiasticum, tria requiruntur.
9. Delectus ciborum, in quo consistat?
10. Circa lacticiia est attendenda consuetudo locorum.
11. Abstinentia plurium refectionum, quid importet?
12. Certa refectionis hora, quæ?



1. **T**ertium Ecclesiae Praeceptum communiter sequentibus verbis comprehenditur: *Jejunia certis diebus, temporibusque indicta servato*. Concordat Canon 68. Apostolorum, de jejniis Ecclesiasticis observandis expresse statuens: & textus c. *Quadragesima*, de consecrat. dist. 5. cum seqq. can.

2. Ceterum Jejunii nomen quandoque sumitur generaliter, pro abstinentia a vitiis & peccatis; in qua acceptione D. Augustinus tr. 17. in Joannem, relatus cap. *Jejunium: de consecrat. dist. 5.* ait: *Jejunium magnum & generale est, abstinere ab iniquitatibus & illicitis voluptatibus seculi, quod est perfectum jejunium*. Et D. Basilius Homil. 1. de *Jejunio*: *Verum Jejunium est, ab omnibus vitiis esse alienum*. In proposito non accipitur Jejunii nomen tam generaliter, sed magis proprie ac specialiter pro abstinentia a cibo & potu.

3. Jejunium, prout sumitur specialiter, ac proprie pro abstinentia a cibo & potu, rursus duplex est, naturale scilicet, & Ecclesiasticum.

4. *Jejunium naturale* est abstinentia a qualibet re sumpta per modum cibi, aut potus, vel etiam per modum medicinae. Et tale Jejunium de praeccepto Ecclesiastico requiritur ad summptionem SS. Eucharistiae Sacramenti: unde Rubricae Missalis Tit. de Defectibus dispositionis corporis, sic loquuntur: *Si quis non est jejunus post mediam noctem, etiam post summptionem solius aquae, vel alterius potus aut cibi, per modum etiam medicinae, in quantumcumque parva quantitate, non potest communicare, nec celebrare*. Ubi tamen mox subjungitur in hanc verba: *Si reliquia cibi remanentes in ore transglutiantur, non impediunt Communionem, cum non transglutiantur per modum cibi, sed per modum saliva*. Idem dicendum, si levando os, deglutiatur siala aqua praeter intentionem. Hanc ibi: Verum de Jejunio naturali ex professio hic non agitur, sed de Jejunio Ecclesiastico; de quo loquendo sit

5. **CONCL. I.** *Jejunium Ecclesiasticum* est voluntaria abstinentia a cibo juxta praescriptum Ecclesiae. Ita in re communis. Dicitur, *voluntaria abstinentia*: quia Jejunium est actus virtutis Temperantiae, & consequenter debet esse actus liber, & voluntarius. Hinc, qui invitatus omnino abstinet a cibo, quia nimirum eo caret, potius esurire, quam jejunare censetur.

6. Dicitur ulterius, *a cibo*; quia potus, quamvis sit vinum, non solvit Jejunium Ecclesiasticum. Nec obstat, quod quis saepius de die bibat non solum ad sedandam sitim, quae cum sit vehementior, & crebrius accidat hominibus praefame, noluit Ecclesia, utpote pia Mater, potum prohibere) verum etiam ad sedandam alicqualiter famem. Resp. enim, adhuc non solvi Jejunium: quia sub praeccepto Ecclesiastico Jejunii non prohibetur intentio, sed solum externa cibi resectio, quae sit contra praescriptum Ecclesiae.

\* Porro illa censentur se habere potius per modum potus, quam per modum alicujus comestibilis, quae ex natura sua, atque juxta communem hominum, seu moralem prudentum aestimationem non sunt ordinata ad nutriendas solidas partes cor-

poris, sed magis ad extinguendam sitim, vel ad vehendum, & concoquendum alimentum; quamvis similia etiam alicqualiter per accidens soleant nutrire: Sic in primis cerevisia se habet per modum potus; quia ex natura sua, ac juxta communem hominum aestimationem ordinatur ad refrigerandum, ac sitim extinguendam, & deservit pro aliquo vehiculo, quamvis ob succum triticeum, seu hordeaceum inibi contentum etiam alicqualiter soleat nutrire, famemque sedare. E contra vero lac, vel jusculum habent se per modum alicujus comestibilis: etsi enim sint, qui liquidum putent, ex natura tamen sua, & juxta communem prudentum aestimationem ordinantur per se ad nutriendas partes solidas corporis. Secundo decoctum ex herba *Thee* pariter censetur se habere per modum potus; quia simile decoctum non censetur ex se ordinatum ad sedandam famem, sed potissimum ad recreandos spiritus, & purificandum, seu mitigandum sanguinem. Quidam autem sentiendum sit de Chocolata, & Caffee, sequentia ex Patre La Croix lib. 3. part. 2. num. 1291. & 1292. & aliis AA. subjungo; nimirum juxta Thomam Hurtad. Lopez, Henriquez, & alios se habere per modum potus, sicque diebus jejunii non frangere jejunium. Et ita teste Henriquez y. *Jejunium*, de Chocolata (de qua tamen major posset esse difficultas) declaravit Urbanus VIII. oblatis sibi ingredientibus, & confecta in ejus conspectu Chocolata: ubi Pontifex respondisse fertur, esse, & manere potum. Idem responsum esse a Gregorio XIII. Pio, & Paulo V. testantur plures DD. inquit Illung T. 4. D. 1. num. 39. quam etiam sententiam defendit Cardinal. Brancatius in dissertat. de Chocolata, nec improbat Sabinus Bononiensis, in *Luce Morali* part. 1. Tract. 38. num. 68. E contra vero habere se Chocolatam per modum cibi, sicque diebus jejunialibus frangere jejunium, docent multi alii DD. cum Castropalao hic p. 2. §. 2. n. 4. Ratio eorum est; quia potiores ingredientiae habent vim nutritivam, uti etiam Fabae Caffee. Mihi cum Felice Poteffa Tom. 1. Exam. part. 3. n. 2876. praeplicet sententia media Leandri, Dianae, Remigii, & Escobar; nimirum si non multum misceatur illius materiae, sed sorbeatur tenue, tunc se habere per modum potus, sicque non frangere jejunium: secus, si multum misceatur, & coquatur instar densae pultis, cum ibidem se haberet potius per modum cibi. Sic exemplificat Felix Poteffa loc. cit. Si sex unciae aquae admisceretur una, & media uncia Chocolatae, ad media uncia Sacchari, talis Chocolata se haberet per modum potus: Secus, si admixtio Chocolata foret in aequali, vel quasi aequali pondere. Attendant sibi hic illi, qui diebus jejunii similibus praeterea adjungunt, seu admiscent Lac, & ova, se se per modum cibi habentia, & multum nutritientia. \*

7. Addunt Doctores, ad haustum interdiu factum, etiam modicum panis, vel amygdalas paucas accipi posse, ne haustus ille noceat. Interim tamen cavendus, quantum ad hoc, excessus, ne repetitis saepius buccellis ad magnam tandem quantitatem deveniatur: nam Alexander VII. sequentem inter alias, ordine 29.

Propo-

Propositionem damnavit: *In die jejunii, qui sæpius modicum quid comedit, etsi notabilem quantitatem in fine comederit, non frangit jejunium.* Ab hoc proinde cavendum.

8. CONCL. II. Ad Jejunium Ecclesiasticum tria requiruntur, videlicet Abstinencia ciborum certi generis, Abstinencia plurium refectionum, & certa hora refectionis. Ita rursum communis Doctorum; & patet ex perpetuo usu, atque praxi Ecclesiæ, & illico quoad singula declarabitur.

9. Quantum igitur attinet ad primum, nempe ad *Abstinenciam a certis cibis*; sive ut, loquitur Concilium Trident. *Sess. 25. cap. 21. Delectum ciborum*: in primis diebus Jejunii abstinendum est a carne; deinde etiam a lacticiis, videlicet a lacte, caseo, & ovis, prout habetur *can. Denique dist. 4. ibi: Par autem est, ut quibus diebus a carne animalium abstinemus, ab omnibus quoque, quæ sementinam carnis trahunt originem, jejunemus, a lacte videlicet, caseo, & ovis.* Accedit Decretum Alexandri VII. hanc inter alias, ordine 32. Propositionem damnantis: *Non est evidens, quod consuetudo non comedendi ova & lacticia in Quadragesima obliget.*

10. Verum his non obstantibus, quantum attinet ad lacticia, attendenda est consuetudo tum particularis locorum: utpote quæ partim est optima legum interpretis, partim etiam, sicut de novo potest legem inducere, ita & priori derogare. Unde in primis in Feriis sextis, & Sabbatis per annum, quando aliud jejunium de præcepto non occurrit, ubique locorum permittuntur lacticia, etsi elus carniū sit prohibitus. Deinde in quibusdam locis ova atque lacticia solum prohibentur tempore Quadragesimæ, & extra illud non sunt vetita; alicubi vero diebus jejunii etiam extra Quadragesimam non permittuntur, ut notat Navarrus *cap. 21. Manual. n. 15.* Tandem in Germania ex antiqua consuetudine videmus permittenda ova, & lacticia, omnibus jejuniis totius anni: idque factum creditur ob defectum olei, atque aliorum ciborum Quadragesimalium, qui alibi abundare solent.

\* Num autem in Regionibus, in quibus diebus jejunii conceduntur ova, caseus, & lacticia, pariter intelligatur concessa comestio sanguinis, aut illius pinguedinis, quæ exprimitur e lardo porcino, vel ex adipe anserum, aliorumve animalium, alia est difficultas; ubi Glossa, Hostiensis, Abbas, & Sylvester apud Sporer in *Decalog. tract. 3. post caput quartum in Appendice sect. 1. n. 10.* Respondent affirmativè ex ea ratione, quia tam parum illa pinguedo est caro, ac ova, vel caseus: Item lac, & sanguis juxta Philosophos tantum accidentaliter in colore differunt; si ergo licet vesci lacte, cur non & sanguine? Ita illi. Econtra probabilior DD. & communior defendit negativam, ex eo præcipue fundamento; quia de Jure communi ne quidem licet vesci ovis, & lacticiis diebus formalis jejunii, nisi in locis, ubi est introducta legitima consuetudo; ergo, cum quoad lardum, & sanguinem talis consuetudo in his partibus Germaniæ necdum videatur introducta, præsertim respectu divitum aliis

cibis abundantium, neque licebit vesci sanguine, vel memorata pinguedine. Et hæc sententia in praxi merito est suadenda: interea tamen, quia prior sententia habet graves pro se Doctores, nec ejusdem probabilitas ex integro exhauritur, poterit eadem Confessariis juxta Patrem Sporer *loc. cit.* principaliter ad duo deservire: *Primo*, ut pauperibus licentiam vescendi ejusmodi pinguedine diebus jejunii concedere facile possint ob causam paupertatis, & defectum butyri, *Secundo*, ut ancillis, vel famulis permitti possit, & coquere, & cocta comedere de adipe animalium, quando a Dominis jubentur, iisve similia comedenda proponuntur: interea tamen, si ipsimet heri, vel heræ alias competentia pro suo statu media habentes, quæ famulis, & ancillis ex tali adipe coctos cibos diebus jejunalibus comedendos proponunt, Confessionale accedant, eisdem, in quantum cum fructu prudentiæ fieri potest, deinceps Confessarius similia efficaciter dissuadeat in locis, ubi non est jam introducta contraria consuetudo, qualis tamen quoad pinguedinem animalium, seu sanguinem vigere dicitur in Regno Siciliæ, teste Felice Potestas *Tom. 1. Exam. Ecclesiast. part. 3. num. 2880.* \*

11. Quoad secundum, videlicet quoad *Abstinenciam plurium refectionum*, est sciendum, quod ad Jejunium requiratur, ut in diei (sive intra spatium unius die naturalis, a media nocte usque ad aliam mediam noctem computandum *arg. leg. More Romano, ff. de feriis*) nonnisi unica refectio, seu comestio fiat: prout fatentur unanimiter Doctores, & patet ex perpetua atque universali Ecclesiæ consuetudine. Verum tamen est, quod Ecclesiæ his posterioribus seculis ob corporum infirmitatem, quæ Mundo senescente semper magis augetur, & aliis rationabilibus de causis, ex longæva consuetudine, & tacito consensu indulserit, ut præter dictam unam comestionem modicum aliquid cibi sero per modum collatiunculæ sumatur. Dicitur notanter, *modicum aliquid cibi*: quia, qui notabiliter excederet, procul dubio jejunium frangeret. Sed de hoc amplius *num. 23. & seqq.*

12. Tertia tandem Jejunii conditio, quæ est *certa refectionis hora*, hoc importat, ut unica illa resectio non prandii, sed cœnæ rationem obtineat: unde & Breviarium Romanum in Benedictione Mensæ præscribit, quod, quando semel comeditur (puta diebus Jejunii) omnes preces dicantur ut in Cœna. Et quidem hæc unica resectio prioribus seculis tempore Quadragesimali usque ad vespem prorogari debebat, uti patet ex *Can. Solent, de consec. dist. 1.* Aliis vero diebus jejunalibus differebatur usque ad horam nonam, quæ est tertia post meridiem, uti testatur D. Bernardus *Serm. 4. de Quadragesima.* Cæterum hisce posterioribus seculis, quibus ob corporum infirmitatem concessa fuit collatiuncula vespertina, pariter ob eandem causam usu receptum est, ut resectio illa unica fiat circa meridiem, & vespere in Choro tempore Quadragesimæ dicantur mane ante comestionem, ut sic primævæ consuetudinis Ecclesiæ memoria retineatur. Sed quia de istis tribus Jejunii Ecclesiastici conditionibus speciales occurrunt difficultates; hinc sit

QUÆ-

Q U Æ S T I O II.

Solvuntur varia dubia circa tres Jejunii conditiones.

S U M M A R I U M.

13. *Dispensatus circa esum carniū, an possit bis comedere?*
14. *Sententia negativa multorum.*  
(a) Tract. 6. Dist. 1. num. 83.
15. *Affirmativa probabilior.*
16. *Jejunium Ecclesiasticum an violet, replens ventrem cibis Quadragesimalibus?*  
*Ratio dubitandi.*
17. *Resolutio Quaestionis.*
18. *Solvuntur contraria.*
19. *Sapiens in die Jejunii comedens carnes, peccat toties, quoties comedit; Et quidem mortaliter, nisi excuset levitas materia; quæ?*
20. *Quid, si sapiens quis comedat cibos licitos?*
21. *Solvuntur instantia.*
22. *Differentia inter præceptum de non comedenda carne, & non sumenda secunda refectioe.*
23. *Collatio vespertina, an permessa?*
24. *Quantum cibi in ea sumere liceat?*
25. *I. Sententia, certas uncias admittens.*  
*Uncia, quid?*
26. *II. Sententia, id determinandum censens pro varietate circumstantiarum;*
27. *Vel admittens quartam partem iuxta cenam.*
28. *III. Sententia, ad consuetudinem locorum recurrens.*
29. *In Collatione an etiam qualitas ciborum sit attendenda?*
30. *I. Sententia.*
31. *II. Sententia.*
32. *In praxi attendenda est recepta locorum Consuetudo.*
33. *Quale peccatum sit anticipare tempus Comestionis?*
34. *Quid, si iuxta causa subsit?*
35. *An sit peccatum sumpta mane Collatione differre prandium ad vespem?*

13. **Q**Uæritur I. Circa primam Jejunii conditionem, an dispensatus circa esum carniū, censeatur dispensatus ad non jejunandum, ita ut possit sæpius de die comedere? Resp. cum Mastro disp. 12. Theol. Mor. num. 6 diversas quoad dubium esse Doctorum sententias.

14. Et quidem negativam sententiam non pauci tenent, ut Graffius, Petrazza, alique plures; quam sententiam amplectuntur etiam Lessius, Reginaldus, Cajetanus, Navarrus, & multi alii, loquendo de casu illo, quo quis dispensatus est in esu carniū non ratione debilitatis naturæ, sed quia a piscibus abhorret, aut hi ejusdem temperamento nocere solent. Rationem dant: quia præceptum Ecclesiæ, quando non potest servari in totum, nihilominus in parte, quæ servari potest, servandum est, arg. cap. Cum dilectis, de Dolo & Contumacia. Idem suadetur per simile: nam qui non potest recitare totum Bre-

viarium, potest tamen recitare partem, teneatur ad recitandam partem, prout alibi (a) dictum. Sic etiam, qui est dispensatus in duplici refectioe, non idcirco est dispensatus in esu carniū, non ratione suæ debilitatis, sed quia a cibis jejunalibus abhorret, nulla subest causa, cur gemina comestio concedatur: ergo saltem tunc ea erit illicita: nam dispensatio sine causa non valet.

15. Affirmativa nihilominus sententia est probabilior, atque inter Doctores communior, quam tenent Toletus, Diana, Tamburinus, Azorius, Filiucius, & Mastrius, citans plures alios. Ratio est: quia abstinencia ab esu carniū est de substantia Jejunii Ecclesiastici; ergo qui dispensatus est quoad comestionem carniū, eo ipso est dispensatus a jejunio, & consequenter poterit bis vel sæpius comedere; cum sublata substantia jejunii, censeatur solutus a lege Jejunii. Et per hoc patet ad rationes prioris sententiæ, quæ solum urgent in illis casibus, in quibus præceptum Ecclesiasticum potest servari quoad suam substantiam saltem ex parte, licet non ex toto: quod non fit, neque concessa comestione carniū fieri potest in jejunio Ecclesiastico.

16. Quæritur II. Quantum attinet alteram conditionem Jejunii, an semel tantum in die Jejunii comedens, sed tot cibis Quadragesimalibus ventrem replens, ut nullam carnis afflictionem sentiat, quinimo gulæ indulgeat, violet Jejunium Ecclesiasticum? Ratio dubitandi est: tum quia Jejunium Ecclesiasticum est actus Temperantiæ: atqui talis actus temperantiæ in proposito non intervenit, ob excessum illum, qui degenerat in gulam, vel etiam ebrietatem. Tum quia parum refert, quid de æquipollentibus fiat: atqui talis una excessiva comestio potest æquivalere duabus, vel tribus aliis comestionibus, per quas utique frangeretur Jejunium Ecclesiasticum. Tacentur aliæ rationes, quas ponit Covarruvias lib. 4. var. Resolut. cap. 20. num. 17.

17. Resp. cum Reginaldo lib. 4. cap. 14. num. 163. Cajetano, Medina, & aliis, quamvis talis perdat meritum Jejunii in totum, vel in partem, simulque peccet juxta qualitatem excessus (etiam mortaliter, si excessus tam magnus sit, qui in non jejunantibus culpam mortalem induceret) nihilominus is non judicabitur ab Ecclesia transgressor jejunii, neque ex eo capite punietur a Deo, sed ex alio, quia videlicet peccavit peccato gula: aut, si excessit in nimio potu, peccato ebrietatis. Ratio est: quia talis non agit contra substantiam Jejunii Ecclesiastici; nam Ecclesia solum præcipit abstinenciam a carnibus, & a secunda refectioe, atque ut ante certum tempus non fiat refectio; quæ omnia in casu posito observantur.

18. Ad rationes dubitandi, & earum primam dicitur, Jejunium Ecclesiasticum dici actum Temperantiæ, non quod Ecclesia illum præcipiat ut modificatum omnibus conditionibus virtutis Temperantiæ, sed ut modificatum ad minimum saltem tribus jam enumeratis. Neque obstat, quod Ecclesia præcipiens jejunium, intenderit corporum nostrorum casti-

gationem. Resp. enim, hoc parum urgere: quia finis præcepti non cadit sub præcepto, ita videlicet, ut finis ipse præceptus esse censeatur. Deinde ejusmodi castigatio intervenit in proposito saltem per hoc, quod fiat abstinencia a carnibus, atque secunda refectio: aliz vero mortificationes sunt quidem saluberrimæ, atque a SS. Patribus passim commendatæ, ex tamen non cadunt sub speciali præcepto jejunii Ecclesiastici, ut dictum. Ad alteram instantiam negatur minor: etsi enim unica illa comestio possit æquipollere pluribus quoad quantitatem ciborum sumptorum, non tamen pluribus æquipollere quoad multitudinem refectionum, quia semper manet unica refectio.

19. Quæritur III. An, qui sæpius comedit in die Jejunii, toties peccet, quot sunt comestiones? Resp. I. Quando in die Jejunii comeduntur cibi vetiti, utputa carnes, toties peccatur contra præceptum Jejunii, quoties distinctis comestionibus manducantur tales cibi. Ita Doctores communiter. Ratio est: quia in præcepto Jejunii duo includuntur, quorum unum est simpliciter negativum, scilicet ne comedantur cibi vetiti; alterum vero affirmativum, nempe ut quis unica refectioe, & quidem non nisi tempore debito sumenda, contentus sit: atqui per quæcumque carniū comestionem semper violatur præceptum Jejunii, quatenus est negativum; ergo etiam toties peccatur, & quidem mortaliter, nisi excuset levitas materiæ. Et hoc ultimum idcirco additur, quia negari non potest, in proposito dari posse peccatum veniale ob levitatem materiæ: ut si de cibis vetitis comedatur dumtaxat modicum quid, puta in quantitate unius unciz, vel (ut aliqui volunt) duarum unciarum.

20. Resp. II. Qui vero sæpius in die comedit cibos cæteroquin licitos, peccat solum per secundam comestionem contra præceptum Jejunii, non vero per tertiam, vel alias subsequentes. Ita Mastrius *loc. cit. n. 9.* cum communiori, & probabiliori Doctorum, contra Medinam, & paucos alios. Ratio est: quia præceptum Jejunii non obligat ad impossibile: atqui posita jam secunda comestione, quamvis culpabili, impossibile est, ut quis unica tantum refectioe contentus sit; ergo ad hoc amplius non obligat; & consequenter fit peccatum contra legem Jejunii in secunda tantum refectioe, non autem in aliis sequentibus. Dicitur, *contra legem Jejunii*: nam per subsequentes potest quis peccare contra Temperantiam, licet non contra præceptum Jejunii.

21. Nec dicas: Præceptum Jejunii est de unica tantum refectioe: atqui toties quis agit contra hoc præceptum, quoties ultra unicam refectioem comedit interpolatis vicibus; ergo etiam toties peccat. Resp. negando minorem: quia post secundam illicitam comestionem præceptum Jejunii de unica tantum refectioe, seu potius, ut quis una dumtaxat refectioe contentus sit, amplius servari non potest, sicque quoad hoc cessat ejus obligatio.

22. Nec obstat, quod quis sæpius comedendo carnes in die Jejunii, sæpius peccet; sicque

a pari etiam plures sumendo refectioes videatur sæpius peccare. Resp. enim negando consequentiam, & paritatem. Disparitas est: quia præceptum de non comedenda carne est simpliciter negativum, obligans semper & pro semper in die Jejunii, potestque post primam comestionem carnis adhuc pro reliqua diei Jejunalis parte servari. Præceptum vero de sumenda una solum refectioe, non obstante, quod etiam prima fronte videatur negativum, nihilominus re melius considerata est affirmativum; obligans, ut jejunans sit unica comestione contentus; & hoc post secundam comestionem est observatu impossibile.

23. Quæritur IV. Quid censendum de Collatione vespertina? Resp. I. Collatio vespertina, quæ prioribus seculis ignorabatur, posterioribus hisce seculis ob corporum infirmitatem, quæ Mundo senescente semper magis magisque augetur, & aliis rationabilibus de causis, ex generali consuetudine, & tacito consensu Ecclesiæ, in modica quantitate permixta est, ac licita. Ita communis. Et hanc Doctores non *refectioem*, sed *refectiunculam* dumtaxat, per quam jejunium non solvitur, appellandam censuerunt, utpote in parva solum quantitate sumendam.

24. Resp. Quantum cibi in tali refectiuncula, seu Collatione, licitum sit sumere, non tam facile est determinare; & forsan aliquibus de hoc disputantibus illud D. Hieronymi dictum quadrat, quod refertur *can. Gloria, 12. q. 2. Plenus venter facile de jejniis disputat.* Referam igitur præcipuas, & probabiliores sententias Doctorum, saltem in hoc convenientium, quod refectiuncula illa (ut ipsum nomen demonstrat) debeat esse modica, ne transeat in cœnam vel semicœnam.

25. Et quidem Filliucius *tract. 27. c. 2. n. 32.* ait, in hac refectiuncula quatuor, quinque, vel ad summum sex uncias sumi posse, ut volunt (inquit) plerique ex Recentioribus. Unde ultra sex uncias (*Uncia* est duodecima pars assis, sive unius libræ: sed libra aromataria est major quatuor uncis, & continet triginta duas semiuncias) inciperet refectiuncula deficere a debita mensura, & accederet ad peccatum levius vel gravius, juxta qualitatem excessus.

26. Deinde alii asserunt, non posse taxari, seu determinari certam pro omnibus jejunantibus quantitatem cibi pro Collatione vespertina, sed eam variam esse posse pro varietate tum personarum; uti videre est in provectionibus ætate, infirmis, nobilibus personis, qui pluribus epulis & delicatioribus assueti sunt: tum locorum; uti accidit in frigidis Regionibus, ubi major Collatio conceditur, quam in calidis: tum exercitii & laboris, in quo quis occupatus est, vel defatigatus. Nam quia hujusmodi labor quandoque totaliter excusat a Jejunio, pariter existente aliqua rationabili causa, v.g. laboris, studii, aut hujusmodi, aliquid ultra consuetum sumi potest in Collatione.

27. Quod si regulam quamdam generalem etiam circa hoc petas, respondet Reginaldus *lib. 4. num. 185.* & post eum Layman *lib. 4. tract. 8. cap.*



cap. 1. 9. ordinarie loquendo, & nisi aliqua causa justa excuset, v.g. laboris, infirmitatis, &c. non esse notabiliter excedendam quartam eorum, quæ jejunanti spectata sua complexione sufficerent ad ordinariam cœnam: alioquin enim quis semicœnaret.

28. Alii vero, ut Bonacina *punct. 3. de Jejunio*, nu. 2. citans Toletum, & alios, asserunt, hanc regulam esse desumendam ex consuetudine in singulis Regionibus recepta: nam refectiuncula ista est per consuetudinem introducta; ergo sumi potest juxta limites receptæ consuetudinis. Cavendum tamen, ne tanta cibi quantitas sumatur, ob quam Collatio transeat in cœnam, vel quasi cœnam.

29. Resp. III. Utrum in refectiuncula illa non tantum quantitas, sed & qualitas ciborum sit attendenda, rursum diversæ sunt sententiæ; in praxi tamen tum recepta locorum consuetudo, tum aliæ circumstantiæ erunt attendendæ.

30. Prima pars de diversitate sententiarum inter Doctores, ex eo patet: quia plerique Doctores pro Collatione solum admittunt leviuscula ciborum genera, quæ parum nutriant, & potius ad sitim extinguendam deserviant: ut sunt herbæ, poma, uva, & hujusmodi fructus arborum, nec non & aliqua ex saccharo confecta. His tamen ex communi usu: vel in defectu fructuum, vel ne hi soli noceant, panem addi posse concedunt, non obstante, quod panis plurimum nutriat, famemque depellat; cibos autem, qui communiter inter fercula apponuntur, ac juscula cocta ex pane, & hujusmodi, nisi adsit alia causa excusans, censent esse prohibita. Ita Filliucius, Azorius, & alii, quorum sententia communiori usu videtur esse recepta.

31. Econtra Bonacina *loc. cit.* & quidam alii volunt, in dicta refectiuncula non tam stricte prohiberi cibi qualitatem, sicut interdicitur quantitas: unde dictus Auctor admittit, posse licite sumi jusculum, modo non sit de cibis prohibitis, comedi pisciculum, aut exiguam partem piscis majoris; imo plures res in eadem Collatione degustari posse, dummodo cibi quantitas non excedatur, neque Collatio transeat in cœnam, nec aliud præceptum obstat. Et hæc quoad diversitatem sententiarum.

32. Altera pars datæ responsionis, videlicet in hoc attendendam esse receptam consuetudinem locorum, ex eo patet: quia refectiuncula illa est introducta per consuetudinem; ergo juxta hujus limites poterit sumi. Sic in partibus hisce Septemtrionalibus passim pro Collatione admittitur caseus una cum ovis frigidis, quamvis hi cibi præ cæteris nutriant atque in aliis terris prohibeantur. Quod autem de jusculis calidis addit Bonacina, id consuetudo hæcenus recepta non videtur admittere, nisi in casu debilioris complexionis, vel alia justa causa interveniente: prout forsan inter Personas nobiliores delicatioribus assuetas, aut studiis gravioribus defatigatas, quandoque fieri solet.

33. Quæritur V. Circa tertiam Jejunii conditionem, an sit peccatum mortale, notabiliter anticipare tempus ordinarium comestionis in die Jejunii, v. g. per unam, vel alteram horam;

Resp. Non desunt equidem Doctores, qui putant, hoc esse peccatum mortale, si absque justa causa fiat; pro qua sententia citatur Navarrus *cap. 21. Manualis*, nu. 27. Covarruvias, Cajetanus, & nonnulli alii: dicendum tamen cum communiori, & probabiliori Doctorum, id non esse peccatum mortale, sed veniale solum, si fiat absque justa causa. Ratio est: quia non violatur substantia quædam accidentalis. Lessius *lib. 4. de just. & jure*, cap. 2. n. 13. & alii.

34. Dicitur, *sed veniale tantum, si fiat absque justa causa*, quia tunc fit aliqua inordinatio. Quod si vero justa causa subsit, ut puta si iter sit ineundum, si hospites dimittendi, aut hujusmodi, nullum erit peccatum, ne quidem veniale.

35. Quæritur VI. Utrum similiter ille peccet, qui mane sumit Collationem cæteroquin sumi solitam, & prandium usque ad vesperras vel noctem differt? Respondet Bonacina *loc. cit.* n. 6. & Layman n. 10. cum aliis communiter, id continere peccatum veniale, si fiat absque causa, eo quod pervertatur recepta consuetudo: nullum, si justa causa interveniat, v. g. copia negotiorum, non permittentium sumptionem prandii in meridie, vel periculum infirmitatis, &c. Verum Mastrius *cit. disp. 12. n. 8.* Reginaldus *lib. 4. n. 186.* Azorius, & quidam alii, probabile esse censent, talem (dummodo sumat refectiunculam hora consueta prandii, & non prius, nisi adsit alia justa causa) nec venialiter peccare, licet sine speciali causa differat prandium ad noctem. Rationem dant, quia talis modus neque ex toto, neque ex parte, solvit substantiam Jejunii: quinimo hic modus jejunandi magis conducit ad corporis afflictionem, unde & olim in Ecclesia primitiva refectio sumebatur ad vesperam.

\* Quæritur VII. Utrum & quandonam peccet ille, qui diebus jejunalibus cœnam, vel collationem vespertinam semel inceptam, astiteram interruptam denuo continuat? Resp. I. Si cœna, vel collatio vespertina tantum mathematicæ, puta per aliquot Pater, & Ave, non autem moraliter fuit interrupta, eadem de novo etiam absque ulteriori aliqua causa ad libitum potest continuari citra peccatum. Ratio est: quia tunc censetur esse una moraliter cœna, seu collatio, quoniam partes ejusdem non reputantur juxta prudentum computationem ab invicem disjunctæ. Responsio hæc magis clarescit ab exemplis. Sic ponamus, quod Petrus ab alio invitatus ibidem per aliquod tempus sedens ad mensam, & saturatus competenter, jam plicarit mappulam; interea tamen afferantur adhuc nobiliores cibi, in hoc casu poterit continuare Petrus cœnam, mutato suo proposito. Quinimo idem concedunt Petro Filliucius, Tamburinus, Sanchez, & Lessius contra alios, si is jam a mensa surrexisset, facta gratiarum actione; ast denuo ab aliis persuasus de novo assideret, supposito tamen, quod id fiat intra spatium unius circiter quadrantis; nam spatium unius quadrantis moraliter non censetur juxta DD. partes cœnæ discontinuare. La Croix *lib. 3. part. 2. n. 1281.* Item ponamus, quod Paulus relinquens mensam in uno loco, cui assidebat, intendat eamdem

dem absolvere in altero, in quo efficaciter invitatus expectatur, poterit id licite facere, dummodo spatium inter duas tabulas non multum excedat quadrantem horæ. Ratio est: quia tunc partiales duæ comestiones videntur intra tam breve temporis spatium constituere adhuc unam moraliter cœnam, nec videtur diversitas locorum obesse, præsertim ubi id requirit honestas. Ita Franciscus Henno alias satis austerus *Tract. de peccatis, disp. 4. quæst. 4. Concl. 1. Resolut. 4.*

Resp. II. Si cœna, vel Collatio vespertina interruptitur ex gravi causa, puta ob certa negotia Pasqualigus apud La Croix *loc. cit. n. 1279.* putat, eandem intra suos terminos posse compleri absoluto negotio, quamvis illud negotium durasset usque ad tempus vespertinum; quia, cum illa interruptio sit involuntaria, cœna, ad quam jus habet, manebit complebilis per sequentem comestionem. Econtra Tamburinus, Diana, Lezana, ac Sanchez ajunt, non posse inter primam & secundam comestionem majus spatium, quam unam, vel ad summum duas horas intercedere, ut continuatio fieriqueat. Mihi præplacet distinctio Leandri, ac Stephani a S. Paulo *Tract. 1. Theolog. Moral. D. 5. num. 113.* vel enim talis, antequam surgit a cœna, est jam satur, vel non: si prius: non poterit peracto negotio post tantum temporis spatium continuare cœnam: quoniam ob interveniens negotium disparatum tanto tempore non videtur intercedere unio moralis inter primam, & secundam comestionem, & cæteroquin talis in prima refectione jam fuit sufficienter saturatus, uti supponitur. Quod si autem ante abitum ad negotium non foret sufficienter satur, posset adhuc in reditu comedere ad saturitatem, non obstante tam longo intervallo inter has comestiones intercedente: etenim quilibet habet jus semel intra diem jejunii ad saturitatem comedendi: propterea etiam exinde ostiatim mendicantes possunt in hoc loco offam, in altero panem porrectum, in tertio aliud oblatum usque ad saturitatem in die jejunii comedere, quamvis in quolibet ex his locis per aliquod notabile tempus expectare debuerint, usque dum ipsis quidpiam fuerit porrectum. Uti recte ex D. Thoma notat Sporer hic *num. 13.*

Resp. III. Loquendo proportionaliter de Collatione vespertina, si quis ob negotium v.g. vocatus subito ad infirmum periculose decumbentem debeat eandem interrumpere, vel talis ante abitum jam comedit quartam circiter partem justæ cœnæ, vel non? Si prius, nequit recedens continuare collationem: bene vero usque ad hanc mensuram, si parum, & ferme nihil sumpisset ante discessum ad infirmum.

Quæritur VIII. Quando nam peccet mortaliter, qui diebus jejunalibus sine rationabili causa comedit quidpiam de cibis esurialibus extra cœnam, & collationem vespertinam? Resp. I. Et si comestio hæc fieret absque causa sufficienti, nihilominus ex communi DD. non peccari mortaliter, si quantitas illa de cibis esurialibus tempore intermedio inter cœnam, & collationem vespertinam comesta non excedat duas uncias. Sunt autem duæ uncia quarta pars ipsius colla-

tionis vespertinæ, si pro integra collatione vespertina octo uncia, quæ mediam libram solent conficere, computentur. Ita cum aliis Diana *part. 5. Tract. 5. Resolut. 11. ac part. 10. tract. 14. resol. 57.* Sporer in *Decalog. tract. 1. Proæmial. cap. 5. sect. 2. n. 30. ac Tract. 3. post caput 4. in Appendice de observat. jejum. sect. 1. n. 17* & Tamburinus hic *Tract. 4. cap. 5. a num. 30.* Ratio est; quia quantitas illa duarum unciarum juxta communem æstimationem prudentum exigua, minusque notabilis censetur, siue consideretur secundum se, siue in ordine ad totum, siue etiam in ordine ad mortificationem carnis, tanquam finem jejunii, qui finis non læditur notabiliter, seu dictæ duæ uncia simul, seu successive sumantur. Ubi autem bene ex Sporer *loc. cit.* advertit conformiter Tractatui de peccato, si intra eundem diem extra cœnam, & collationem vespertinam modo una, modo altera, modo tertia, ac demum alia hora quarta uncia de comestibilibus sumatur, multas materias parvas distinctis vicibus, ac successive extra tempus licitæ refectionis sumptas tandem concrefcere in unam materiam gravem, & frangentem jejunium mortaliter. Interea tamen puto (salvo meliori) sicuti in furtis minutis successivis major quantitas requiritur ad constituendum peccatum mortale, quam si res simul, ac semel fuisset ablata, ita pariter ipsammet Ecclesiam tanquam benignissimam Matrem suo modo saltem, ac aliquantulum majorem quantitatem, & ultra duas uncias requirere ad constituendum peccatum mortale in ordine ad fractionem jejunii, si similia minuta successive, quam si simul, & semel, ubi magis nutrire videntur, comedantur. Ne vero nimium laxa fiat hic extensio, pariter præ oculis est habenda propositio ab Alexandro VII. ordine 29. superius jam allegata sequentis tenoris: *in die jejunii, qui saepius modicum quid comedit, est notabilem quantitatem in fine comederit, non frangit jejunium.*

Resp. II. Si adsit aliqua causa rationabilis simile quid modicum sumendi, tunc neque peccatur venialiter per comestionem talis modici cibi. Ita communis, idque verum est, etsi causa illa non tam gravis existat, ut ex integro eximat a jejunio: nam utique major causa requiritur ad tollendum ex integro jejunium, quam ad sumendum quid modicum extra tempus cœnæ, & collationis vespertinæ. Tales causæ rationabiles exemplificat Sporer *loc. cit.* si quis ad confortandum stomachum debilem, vel ad tollendum oris foetorem, similemve ob causam sumat offam, modicum frustum panis, vel electuarium. Item si Musicus ad conservandam vocem maneumat ovum recens, vel professor publicus, aut Concionator ante actum solemnem jusculum, vel alius per modum medicinæ saccharum seu aromata, siue ad refrigerandam naturam, aut extinguendam sitim aliquam uvam, seu pomum. Similiter cum pluribus aliis inquit La Croix *lib. 3. part. 2. num. 1282.* esse rationabile, comedere quid modicum, si prandium differri debeat ultra horam communem; tunc enim sumeretur potius per modum medicinæ, ne stomachus dolore prematur, aut vires deficient. \*

QUA.

Q U Æ S T I O III.

Quæ sit obligatio Jejunii?

S U M M A R I U M.

36. Jejunia solo jure Ecclesiastico instituta sunt.
37. Jejunium Quadragesimale ab Apostolis institutum.
38. Quid de Quatuor anni Temporibus?
39. Violare jejunium Ecclesiasticum, est peccatum mortale.
40. Omnes Christiani tenentur illud servare.
41. Sed primum completo vigesimo primo ætatis anno.
42. Quid de ultimo die vigesimi primi anni?
43. Adolescentibus, vel infantibus, an liceat vesci carnibus?
44. Adolescentes possunt obligari ad jejunium ex aliis causis.
45. Obligatio Jejunii Ecclesiastici est personalis.
46. Et certis diebus affixa.
47. Quid de Jejunio ex voto, vel pro penitentia injuncto?
48. Solvens Jejunium ex duplici præcepto Ecclesia obligatus, committit unicum peccatum.  
(b) Vide Tract. 3. dist. 1. num. 41. & seqq.
49. Quid, si quis ad illud tenebatur ex Voto, ac præcepto Ecclesie?  
(c) Ut dictum Tract. 3. dist. 1. num. 47.
50. Statuens per totam Quadragesimam non jejunare, vel non jejunans, quot peccata committat?  
(d) Tract. 3. Dist. 1. num. 57.
51. Peccant contra Præceptum Jejunii, qui alios ad id violandum inducunt.
52. Caupo apponens carnes hospitibus, an peccet?
53. An possit eis ministrare cenam?
54. Jejunium quomodo obliget peregrinos, & advenas? remissive.

36. **C**ONCL. I. Omnia Jejunia solo jure humano, seu ex Præcepto Ecclesie instituta sunt, quamvis Jejunium Quadragesimale, nec non Jejunia Quatuor anni Temporum ex Apostolica traditione descendant. Ita communis. Ratio est: quia, si Jejunia essent Juris Divini, sive a Christo Domino instituta, non potuisset tanta variatio circa ea intervenire, quantam ex consuetudine variis locis & temporibus patet esse inductam; siquidem contra Jus Divinum non valet consuetudo. *cap. ult. de Consuetudine.*

37. Cæterum sub Jure humano Ecclesiastico comprehenduntur ordinationes Apostolorum, quas ipsi ut Rectores Ecclesiarum fecerunt. Et quidem Jejunium Quadragesimale, ad exemplum Christi Domini per quadraginta dies jejunantis, ab Apostolis fuisse institutum, patet ex Canone 67. Apostolorum: unde D. Leo *Serm. 6. de Quadragesima* ait: *Apostolica institutio quadraginta dierum jejunii implatur.* Et hoc ipsum alii SS. Patres passim docent. Verum quidem est, quod S. Ambrosius *Serm. 25.* asserat, *indictam esse Quadragesimam a Domino.* At hujusmodi dictum ex eo salvatur, quia Apostoli ad Christi imita-

tionem, & ex Divino instinctu illud Jejunium præceperunt.

38. Porro Quatuor anni Tempora instituit S. Calixtus Papa I. quibus Jejunium ex Apostolica traditione acceptum ab omnibus servaretur; ut habetur in Breviario Romano, & Lectionibus Festi ejusdem, die 14. *Octobris*: reliqua vero Jejunia successive per Ecclesiam fuerunt instituta.

39. **C**ONCL. II. Hoc præceptum Jejunii ita obligat, ut, si absque justa causa violatur, committatur peccatum mortale. Ita communis, & certa DD. paucis exceptis, & a Lessio *loc. cit. n. 32.* relatis, qui volebant tunc solum peccari mortaliter, quod ex consuetudine aut contemptu violatur. Sed horum sententiam rejecit Alexander VII. inter alias etiam sequentem, ordine 23. Propositionem damnando: *Frangens jejunium Ecclesie, ad quod tenetur, non peccat mortaliter, nisi ex contemptu, vel inobedientia hoc faciat, puta, quia non vult se subicere præcepto.* Accedit ratio: quia generaliter Leges Ecclesiasticæ in materia gravi, qualis est hæc, obligant sub mortali. Et hinc olim violatores Jejunii jubebantur excommunicari. *cit. Can. 68. Apostolorum*, atqui excommunicatio non incurritur, nisi ob peccatum mortale: ergo.

40. **C**ONCL. III. Omnes Christiani completo vigesimo primo ætatis anno tenentur servare Jejunium diebus ab Ecclesia præscriptis, nisi justa aliqua causa excusentur. Ita certa, & communis Doctorum; idque patet ex praxi, & communi sensu Fidelium.

41. Additur notanter *completo vigesimo primo ætatis anno*: Quia, cum Adolescentes ante completum tertium septennium frequentiore & abundantiore cibo indigeant ratione augmentationis, seu ob crescentem ætatem, & caloris abundantiam, noluit Ecclesia obligationem jejunandi eisdem imponere ante completum vigesimum primum ætatis annum; ut tenet D. Thomas 2. 2. *quæst. 157. art. 4. ad 2.* & communis Doctorum, ac probat recepta consuetudo.

42. Et hoc adeo verum est, ut etiam is, qui explet annum vigesimum primum in die Jejunii, ante horam ejus ultimam completam necdum teneatur jejunare; sed ea transacta tenetur, dummodo possit, nec antea receperit plures refectioes: quia tunc jam currit tempus præcepti Ecclesiastici, non vero prius. Bonacina *loc. cit. punct. ult. n. 7.* & alii. Adhuc tamen conveniens est, ut adolescentes etiam priori tempore sese ad jejunandum exerceant, & alluescant, plus, & minus, secundum modum ætatis suæ.

43. Cæterum data doctrina de adolescentibus intelligenda est, quantum ad præceptum Jejunii quoad unicam refectioem: nam a carnibus, aliisque cibis prohibitis, & ipsi abstinere tenentur. Infantibus tamen nondum præditis usu rationis, utpote cum præcepti Ecclesiastici capaces non sint, infra primum septennium tales cibos dare licitum est: nisi consuetudine in contrarium existente, id scandalosum foret. Reginaldus *lib. 4. n. 208.* & alii.

44. Deinde posita Conclusio loquitur solum de Jejniis Ecclesiasticis: quia adolescentes ante

vigesimum primum annum possunt quandoque ex aliis causis obligari ad Jejunium. Nam inprimis possunt teneri ad Jejunia ex voto: prout Professi Regulam FF. Minorum, jam ante completum vigesimum primum annum tenentur servare Jejunia suæ Regulæ, cum per Professionem dictæ Regulæ vi Voti ab ipsis missi suo juri cessent. Similiter tales adolescentes tenentur ad Jejunia pro Sacramentali pœnitentia imposita.

45. CONCL. IV. Obligatio Jejunii ab Ecclesia indicta est personalis, unde nequit illud per alium persolveri. Ita communis. Ratio est: quia finis Jejunii Ecclesiastici est, moderate affligere corpus, carnemque propriam edomare; juxta quod Ecclesia canit in Præfatione Missæ Quadragesimalis: *Qui corporali jejunio vitia comprimis, mentem elevas, &c.*

46. CONCL. V. Obligatio Jejunii Ecclesiastici est certis, ac determinatis ab Ecclesia diebus affixa; atque ideo ille, qui tali die jejunare non potest, aut etiam culpabiliter illud violat, non tenetur loco ipsius alio die jejunare. Ita rursus communis; idque patet a simili in præcepto audiendi Missam diebus Festivis, atque in obligatione Sacerdotum recitandi Breviarium, quæ pariter diei affixa est, & cum die transit.

47. Dicitur, *obligatio jejunii Ecclesiastici*: Nam loquendo de Jejunio debito ex Voto, est attendenda ipsius votantis intentio: unde qui vovit bis in hebdomada jejunare, dies autem certos non determinavit, potest, quibus voluerit, jejunare; & non jejunans hac die hebdomadæ, tenetur alia jejunare: quia sic, & non aliter, sibi obligationem mediante suo Voto imposuit. Qui vero vovit singulis sextis Feriis jejunare, tenetur hisce determinatis diebus jejunare. Sic pariter discurrendum de Jejunio cuiuspiam imposito à Confessario pro pœnitentia Sacramentali: quamvis, si secus non exprimatur, Confessarius non censetur ita alligare jejunium certæ diei, ut, si tunc non servetur, aut ob impedimentum servari nequeat, pœnitens sit liber a Jejunio illo imposterum servando, ne Sacramentum Pœnitens sit liber a Jejunio illo imposterum servando, ne Sacramentum Pœnitentiæ remaneat incompletum ob defectum Satisfactionis, quæ est pars integralis ipsius.

48. CONCL. VI. Qui solvit jejunium ex duplici præcepto Ecclesiæ obligatus, v. g. Vigilia & Quatuor Temporum, seu Vigilæ & Quadragesimæ, unicum numero peccatum committit. Ita communis. Ratio est: quia, licet talis ex duplici titulo obligetur, utrumque tamen præceptum jejunii Ecclesiastici obligat ex eodem motivo virtutis Temperantiæ: atqui peccata non multiplicantur numero ex multiplicitate præceptorum, quando eandem virtutem respiciunt. Unde in simili omittens auditionem Missæ die Dominico, in quem incidit Festum de præcepto, non peccat duplici peccato. (b)

49. Additur notanter in Conclusionem, *ex duplici præcepto Ecclesiæ obligatus*; dum videlicet omnia Jejunia Ecclesiastica ex eodem motivo formali virtutis Temperantiæ injunguntur. Nam secus dicendum, si quis obligetur ad jejunium ex duplici præcepto, quod procedit ex motivo diversarum

virtutum; utputa quando quis tenetur jejunare ex Voto, sicque ex motivo formali virtutis Religionis; simulque ex motivo Temperantiæ, ratione concurrentis præcepti Jejunii Ecclesiastici: nam violans hujusmodi Jejunium, duplici specie peccati peccabit: nimirum & contra Temperantiam, & contra virtutem Religionis. (c)

50. CONCL. VII. Si quis cessante causa rationabili excusante deliberate statuit, per totam Quadragesimam numquam jejunare, ratione hujus pravæ voluntatis unum numero peccatum committit, gravius tamen: quod si vero postmodum hæc voluntas executioni mandetur, tot committuntur peccata numero distincta omissionis externæ Jejunii, quot sunt dies jejunales. Ita Filliucius *tracl.* 27. *cap. 5. num. 87.* & concordant superius (d) dicta. Ratio primæ partis est: quia, dum quis statuit, non jejunare per totam Quadragesimam, actus hic respicit omnia illa Jejunia per modum unius objecti adæquati, non autem fertur voluntas distincte super singulos dies Quadragesimæ. Altera pars ex eo probatur, quia obligatio Jejunii est singulis Quadragesimæ diebus (Dominicis dumtaxat exceptis) affixa; ergo & singulis illis diebus tenetur quis jejunare, & dum non jejunat, committit consummatam omissionem externam jejunii præcepti.

51. CONCL. VIII. Peccant insuper contra hoc præceptum Jejunii, qui alios ad jejunium violandum scienter inducunt. Ita communis. Quia tunc tales censentur aliis cooperari in fractione Jejunii: est enim regula generalis, quod non solum peccet, qui præceptum transgreditur, sed etiam, qui causa est, ut illud alii transgrediantur absque legitima causa. Hinc peccant Pæresfamilias & Oeconomi, qui subditis suis præbent cibos vetitos, quibus jejunium solvant: quinimo non solum non debent tales cibos ministrare, sed etiam monere, & curare ex lege Charitatis, ut subditi cessante justa causa excusante Jejunium servant. Non tamen tenentur ipsos cogere ad servanda jejunia; nimis enim rigorosum, & durum id esset. Filliucius *ibidem* n. 91.

52. CONCL. IV. Caupo, si adventantibus cibos vetitos, utputa carnes, apponat in locis Catholicis, graviter peccat; nisi urgeat necessitas, aut hospes habeat facultatem eas comedendi. Patet hoc ex priori Conclusionem. Additur, *in locis Catholicis*, nam in locis Hæreticorum, ubi communiter non observantur jejunia, non esset illicitum carnes apponere; dummodo tamen hospites ipsas petant; vel non posset Caupo recusare sine suo gravi incommodo, quia v. g. ab hospitibus ad aliud hospitium perrecturis deserendus, vel a Magistratu puniendus foret.

53. Quantum ad cœnam attinet, siquidem constat, hospites non teneri ad jejunium, clarum est, eam posse ministrari. Verum quando constat, eos teneri, tunc si Caupo potest sine suo incommodo negare cœnam tenetur: quia quilibet lege Charitatis obligatur, impedire offensionem Dei, quantum commode potest. Si vero sine incommodo negare nequeat, utputa quia hospites alio discessuri, & ibidem cœnaturi essent, aut gravius Deum offensuri blasphemando, vel maledicendo.



ledicendo, tunc Caupo non peccat petentibus ministrando. In dubio autem, an hospites teneantur jejunare, & cenam petant, praesumi potest, eos excusari, sicque cena porrigi. Filiucius *loc. cit.* n. 92. 93. & alii.

§4. Circa obligationem Jejunii variae hoc loco possent formari Quaestiones, quoad peregrinos & advenas, an, & quomodo obligentur ad Jejunia particularia locorum, per quae transeunt, & universalis totius Ecclesiae. Verum de his copiose jam dictum *Tract. 2. dist. 3. qu. 3. & 4.* ibi videatur.

# QUESTIO IV. Quae causa a Jejunio excuset?

## SUMMARIUM.

- §5. Sensus Quaestionis, & quid de esu carniū?
- §6. Generatim tres causa excusant a Jejunio, Impotentia, Pietas, Necessitas, seu Labor.
- §7. Ratione Impotentia excusantur I. Physice impotentes.
- §8. II. Moraliter impotentes, ut infirmi &c.
- §9. Alioquin carentes somno necessario, vel vertiginem patientes.
- §10. Mulieres gravidae, aut lactantes, Adolescentes, Pauperes.
- §11. Et Senes.
- §12. Sexagenarii, an omnes excusentur?
- §13. Resolutio.
- §14. Quid de feminis quinquagenariis?
- §15. Ratione Pietatis, qui excusentur a Jejunio?
- §16. Declaratur idipsum.
- §17. Corollaria.
- §18. Ratione Necessitatis, seu Laboris corporalis, qui excusentur?
- §19. Limitatio quoad labores aliquorum exiguos.
- §20. Itinerantes, an, & quando excusentur a Jejunio?
- §21. Quid, si iter non sit necessarium?
- §22. Bona Fide non jejunans, haud peccat.
- §23. Secus, si quis dubitet, an habeat justam causam non jejunandi?
- §24. Dispensatio legitima excusat a Jejunio.
- §25. Et qua ad eam requirantur?
- §26. Episcopi possunt dispensare in Jejunio. Item Praelati Regulares cum suis.
- §27. Parochi an dispensare valeant cum Parochianis?
- §28. Causa hactenus allata, an excuset a Jejunio ex Voto debito?
- §29. Quid, si constet de alia vorantis intentione?
- §30. Exemplum de FF. Minoribus.

§5. **A**dvertendum, quod praesens Quaestio praecipue loquatur de causis ab observatione Jejunii excusantibus, quatenus per praecceptum Jejunii unica dumtaxat comestio permittitur; non vero, quatenus esus carniū prohibetur: siquidem comestio carniū multo difficilius, nec nisi ratione gravioris necessitatis conceditur. Et haec quidem si evidens sit ac urgens, neque commode Superior adiri possit, licitum erit manducare carnes, & alios cibos

vetitos, etiam absque ulla dispensatione: quod si tanta necessitas non urgeat, aut de ea evidenter non constet, dispensatione Superioris opus erit, juxta Doctores passim.

§6. CONCL. I. Quamvis causa justae, quibus Fideles ab obligatione Jejunii excusantur, multiplices esse possint; ea tamen commode ad tria capita revocantur, nempe ad Impotentiam, Pietatem, & Necessitatem. Ita Reginaldus *lib. 4. n. 204.* quamvis nonnulli loco tertii membri ponant laborem. Ratio est: quia, quando per observantiam praeccepti Jejunii laederetur bonum corporis, excusat Impotentia; quando bonum animae seu spiritus, excusat pietas; & quando laederetur substantia externa, excusat Necessitas, seu Labor ad bona externa sive acquirenda, sive conservanda necessarius.

§7. CONCL. II. Ratione Impotentiae excusantur illi, qui sine gravi aliquo incommodo, vel notabili damno, jejunare non possunt. Ita communis. Siquidem per Impotentiam non intelligitur tantummodo impotentia physica, quae tunc contingit, quando quis non potest absolute jejunare; sed etiam impotentia moralis, quae accidit, quando quis absque notabili damno jejunare nequit.

§8. Sic primo ratione impotentiae moralis excusantur a Jejunio infirmi, & convalescentes, etiam si infirmitatem propria culpa contraxerint: nam quantum ad propositum, non est attendenda culpa praeterita, ob quam infirmitas contracta est; sed ipsa praesens impotentia, ob quam quis jejunare nequit, sed indiget multiplici refectione.

§9. Insuper ob dictam rationem excusari possunt, qui aliquid cibi noctu capiunt, ne necessario somno careant; aut quidpiam comedunt ad evitandam capitis vertiginem, vel membrorum tremorem, aut hujusmodi. Tum quia tale quid potius sumitur per modum medicinae: tum quia Ecclesia non censetur obligare cum tanto detrimento corporali. Bonacina *p. n. ult. de Jejunio*, n. 2. & alii.

§10. Deinde hac de causa excusantur mulieres gravidae, aut lactantes, utpote quibus tum pro se, tum pro suo foetu, opus est copiosiore cibo. Insuper excusantur adolescentes ante vigesimum primum aetatis annum completum, juxta dicta *num. 41. & 42.* Rursum excusantur pauperes, qui propter paupertatem alimento carent sufficienti ad unam congruam refectionem in die Jejunii sumendam; quinimo si alium cibum invenire non possunt, hi etiam carnes sibi datas licite comedunt; nam Ecclesiae praecceptum non obligat sub tam gravi incommodo.

§11. Tandem a Jejunio excusantur Senes: nam senectus ipsa est morbus, & quidem incurabilis, atque indigens moderato & frequentiori cibo. Et quidem certum est de Senibus septuagenariis, quia ut plurimum sunt infirmi, atque egent crebriori moderata refectione: non enim possunt semel totum alimentum naturae sufficiens sumere, cum id ob caloris naturalis defectum, qui senectutem comitatur, concoquere non valerent.

§12. Quini-

62. Quinimo multi Doctores, quos citat, & sequitur Sanchez lib. 7. de *Maurim. disp. 32. n. 17.* & Mastrius *loc. cit. nu. 20.* eximunt quoscunque Sexagenarios a Jejunio: quia (inquiunt) senum sanitas non est firma & constans, sed fallax & incerta, mediaque inter morbum & sanitatem perfectam, atque ex levi momento in morbum decidit; unde *senibus simili ratione iis, qui ex morbo convalescunt, in victu esse curandum*, notat Galenus *ib. 5. de Sanitate tuenda.*

63. Verum Lessius lib. 4. c. 2. n. 4. Layman lib. 4. tract. 8. cap. 3. n. 2. Bonacina nu. 4. & alii ab ipsis relati, hoc quidem ordinarie procedere ajunt, eo quod illa ætas pluribus subiacere soleat incommodis, & natura tunc facile tum inedia, tum repletionem graviter lætatur, & præcipitur: nihilominus tenet, Sexagenarios non esse absolute eximendos a Jejunio, dum constat, non esse debiles, aut infirmos, sed sine damno jejunare possunt. In dubio autem, an sint robusti & habiles ad jejunandum, fatentur omnes, ejusmodi Senes non teneri jejunare: quia stante tali dubio, exponerent se periculo gravis incommodi.

64. Addit citatus Sanchez, sententiam aliquorum, qui fœminas quinquagenarias ob fragilitatem sexus sui censent a Jejunio excusari, sicut viros sexagenarios, esse opinionem probabilem speculative loquendo, sed in praxi non tutam. Et revera, nisi alia corporis debilitas accedat, aut constet, talem personam viribus jam defecisse, eadem in praxi sequenda non est; imo ipsam omnino improbabilem censet Layman *cit. nu. 2. §. 1. Hud.*

65. CONCL. III. Ratione Pietatis excusantur a Jejunio, quicumque operibus præstantioribus, ac majoris momenti incumbunt, quæ una cum Jejunio absque gravi incommodo perficere nequeunt; ut sunt opera Misericordiæ, tum corporalis, tum spiritualis; item opera Religionis, ut concionari, docere, Sacramenta administrare, ac hujusmodi. Ita communis. Ratio est: quia labor mentis, ipsiusque ingenii, etiam redundat in corpus, illud affligendo, atque extenuando. Deinde Ecclesiæ suo præcepto intendit promovere Fideles ad opus bonum, non autem retrahere a meliori bono, seu operibus præstantioribus; ut sunt opera enumerata, & hujusmodi. Et hoc verum est, si deinde opera illa gratis exhibeantur, si ob mercedem.

66. Dicitur in Conclusionem, *qua absque gravi incommodo perficere nequeunt*: Nam secus dicendum, si opera illa sint facile compatibilia cum Jejunio: quod quidem in praxi dijudicandum erit juxta arbitrium viri prudentis, spectata talium operum qualitate, & attentata ipsius operantis complexione. Porro in dubio melius erit ad tollendos omnes scrupulos, ut Superior cum talibus dispenset: quia circa hoc regula certa & universalis assignari non potest, nisi quod lex Jejunii Ecclesiastici non obliget cum magna difficultate. Res tota magis declaratur exemplis.

67. Sic excusantur Concionatores, qui prædicant integra Quadragesima, quia valde laborant: secus, si tantum semel prædicent, nisi mul-

tum debilitentur. Similiter Lectores, Confessarii, & Cantores, Advocati, Judices, Medici, & alii hujusmodi, qui in suo munere sunt assidui, atque cum magna mentis & ingenii occupatione per totum diem studiis, lectionibus, & compositionibus intenti existunt, adeo ut suum officium agere nequeant cum Jejunio, excusantur ab eo: secus, si studium, &c. sit leve. Et ita loquendo de aliis similibus.

68. CONCL. IV. Ratione necessitatis, siue laboris corporalis, excusantur a Jejunio, quotquot labore suo victitant, cum quo jejunium commode consistere non potest: quales sunt Agricola, & ferme Mechanici omnes. Nec refert, utrum sint pauperes, vel divites: quia hoc ipso, quod ex officio laborent, excusantur a Jejunio, si re ipsa laborem subeant, prout declarasse Eugenium IV. post alios refert Lessius *cit. cap. 2. nu. 43.* Accedit ratio: tum quia Ecclesiæ diebus jejunialibus nulli prohibet consueta servitia, & labores subire. Tum quia labor corporalis, si gravis sit & ferme continuus, valde corpus defatigat, ejusque vires extenuat, adeo ut laborantibus opus sit frequentiori cibo pro restauratione virium.

69. Dicitur, & ferme Mechanici omnes: Quia communiter excipiuntur Pictores, quorum opus est ingenii potius, quam virium: item Sculptores, Sartores & Barbitonfores, quorum labor, cum sit exiguus, per se loquendo non excusat a Jejunio. Hinc Alexander VII. sequentem inter alias, ordine 30. Propositionem damnavit: *Omnes Officiales, qui in Republica corporaliter laborant, sunt excusati ab obligatione jejunii, nec debent se certificare, an labor sit compatibilis cum jejunio.* Verumtamen in casibus particularibus attendendum, an non tales quandoque excusentur ex aliis titulis; utputa ratione paupertatis, si non habent alimentum sufficiens pro una competenti refectioe; vel alicujus debilitatis adjunctæ, aut hujusmodi.

70. Ob eandem causam ordinarie excusantur a Jejunio itinerantes præsertim pedites, si suscipiant longum iter, puta iter totius diei, vel iter quindecim, viginti, aut duodeviginti miliarium Italicorum; prout exemplificat Bonacina n. 11. & Azorius *part. 1. lib. 7. cap. 17. quæst. 9.* hic enim censetur gravis labor intervenire. Secus dicendum, regulariter loquendo, de iis, qui equitando, vel curru vehendo, tale iter perficiunt: nam hoc genus itineris non ita defatigat. Unde & Alexander VII. sequentem inter alias Propositionem, ordine 31. damnavit: *Excusantur absolute a præcepto jejunii omnes illi, qui iter agunt equitando, utcumque agant, etiamsi iter necessarium non sit, & etiamsi iter unius diei consiciant.* Quod si vero iter longius sit, aut probabile periculum subit superventuræ debilitatis ob nimiam corporis agitationem, etiam equitantes, vel curru vecti, a lege Jejunii excusabuntur. Et hisce curru, aut equo iter agentibus, annumerandi videntur ii, qui per aquam ratibus, aut navibus vecti, itinera sua necessaria perficiunt: nam ex una parte tales aqua vecti, non ita defatigari solent, sicuti pedibus incedentes, ex altera vero parte

parte etiam aquei humores multum molestant, atque extenuant corpus humanum, ejusque vires debilitant. Quamquam in casibus particularibus hoc ipsum pensata viæ diuturnitate, ac temporis, complexionisque conditione, aliisque circumstantiis, pro proborum virorum judicio sit demetendum.

71. Cæterum allatam doctrinam de itinerantibus non pauci Doctores intelligendam censent de itinere necessario, & quod commodè differri non potest: unde & allata Propositio damnata habet annexam clausulam illam: *Etiam si iter necessarium non sit*. Et quamvis Azorius *loc. cit.* asserat, eum, qui ludendo valde est defatigatus, adeo ut cibo ulteriori indigeat, tuto Jejunium solvere: mox tamen addit, si in fraudem legis se adeo quis ludendo defatigaverit, peccatum committi per hoc, quod absque necessitate detur causa frangendi ex lassitudine Jejunium, licet ea jam data non amplius peccetur in solvendo jejunio.

\* Ex dictis La Croix *lib. 3. part. 2. num. 1335*. recte infert, omne opus inutile, ac incompatible cum jejunio esse omittendum, si commodè omitti possit, & supposito, quod faciendo illud non servetur jejunium, prout cum aliis docet S. Thomas apud Moyam *Part. 1. T. 6. D. 5. q. 1. num. 21*. Atque propterea Tambur. in *Decalog. lib. 4. cap. 5. §. 7. num. 31*. censuit neutiquam fuisse a peccato exemplum Juvenem illum nobilem ideo non jejunantem; quia cum magno labore præcise ex motivo satisfaciendi suæ voluptati exinde hausta dabat operam arti ferrariæ in elaborandis sclopetis: Ratio est; quia præcise voluptas non videtur sufficiens motivum ponendi tale opus laboriosum conexum cum exemptione a jejunio. Excusat tamen cæteroquin justa causa, qualis juxta Moyam *loc. cit. num. 22*. censetur omnis labor assumptus ad utilitatem spiritualem, aut corporalem propriam, vel alienam. Item excusant opera Religionis, ac Devotionis, præsertim jam inchoata, & quæ ad aliud tempus commodè differri nequiverunt: sic peregrinationem longinquam licet inchoare, & continuare, etsi per accidens aliqui dies jejunii intercedant, in quibus jejunium servandi non est obligatio, si e. g. quatuor, vel quinque Leucas Germanicas simili die perfecisti, de quo pariter vide La Croix hic *num. 1345*. Bonacinam de peccatis. *D. 2. quæst. 8. p. 1. n. 16*. Addunt Henriquez, Castropalao, Sanchez, & Bonacina excusare laborem ex quovis rationabili, seu honesto fine assumptum, ut si operose eas per plures horas ad amicum invisendum, cum posses equo; quia nulla lex actionem aliquam ex fine honesto susceptam, vi cujus ponaris in eum statum, ut non amplius adstringaris lege, prohibere videtur: sic e. g. ponamus, quod in tua Diocesi die Veneris sit formale jejunium; in altera vero vicina tantummodo dies abstinentiæ; in simili casu poteris utique ex fine honesto e transferre ad alteram Diocesin, quamvis exinde ponaris in eum statum, ut non amplius obligeris lege formalis jejunii. Cur igitur non etiam ex fine honesto poteris pedester iter aliquod assumere, quamvis exinde ponaris in eo statu, ut propter notabilem defatigationem non amplius adstringaris lege? \*

72. CONCL. V. Qui Jejunium non servat,

bona fide putans, se justam non jejunandi causam habere, non peccat, quamvis re ipsa non sit justa & sufficiens causa illa. Ita Reginaldus *loc. cit. num. 222*. Bonacina *punct. alt. n. 20*. & alii. Ratio est, quia bona fides eum excusat.

73. Secus dicendum de eo, qui dubitat, an habeat justam causam non jejunandi: is enim tenetur jejunare. Ratio est: quia in dubio judicandum est pro possidente: sed possessio stat pro lege Jejuni; ergo stante dubio Jejunium est observandum. Intellige, nisi a Superiore dispensetur cum ipso in Jejunio, vel nisi is dubium præctice deponat consilio Confessarii, seu alterius viri probi & prudentis, aut alia ratione.

74. CONCL. VI. Supra recensitis causis a Jejunio excusantibus addi potest alia causa, magis tamen extrinseca, videlicet legitima Superioris dispensatio. Ita omnes Doctores; & patet ex ipsa Ecclesiæ, non raro dispensantis, consuetudine. Advertendum tamen, quod dispensatione opus non sit, quando necessitas est evidens, sed solum, quando ea est dubia; idque sive ad elum carniæ, sive ad secundam tantum refectionem.

75. Porro, ut ejusmodi dispensatio sit valida & licita, requiritur causa rationabilis; id est talis, quæ quidem sufficiens videtur, adhuc tamen de ejus sufficientia ad excusandum a jejunio dubitatur, ideoque ad Superiorem recurritur, ut ipsius auctoritate suppleatur, si quid deesset. Et quidem minor causa, eaque privata sufficit, ut cum uno vel altero in lege Jejuni per auctoritatem Superioris dispensetur: major vero, eaque publica, ut cum integra Communitate dispensari valeat.

76. Cæterum ejusmodi Superior, habens legitimam facultatem dispensandi in lege Jejuni cum suis subditis, est Episcopus, aut Prælati Regularis respectu suorum Religiosorum. Ratio est: quia ad Episcopum pertinet dispensatio Juris communis in illis casibus, qui frequenter accidunt; idque tum ex præsumpta, & interpretativa voluntate Summi Pontificis, utpote ad quem ob casuum frequentiam difficilis foret accessus pro obtinenda semper citra Jejunium dispensatione, tum ex longæva consuetudine, ac præscriptione: alioquin certe Fidelium Communitati non esset sufficienter provisum. Et hæc eadem ratio militat de Prælati Regularibus respectu suorum Religiosorum, utpote in quos *Ecclesiasticam, & quasi Episcopalem jurisdictionem obtinent*, ut dicitur c. *Abbas*, de *Privilegiis* in 6.

77. Addunt Doctores, etiam Parochos ex causa rationabili posse cum particularibus Parochianis dispensare in lege Jejuni: etsi enim Parochi (imo & Episcopi) non habeant potestatem supra Jus commune, quo præceptum est Jejunium, tamen sive ex tacito consensu Pontificis, sive ex longæva consuetudine, & præscriptione, eisdem acquisita est jurisdictio, & facultas ista dispensandi. Et hoc quidem passim fatentur Doctores in casibus illis, quando Episcopus est absens. Imo etiam præsentem Episcopo, utpote ad quem gravioribus negotiis implicatum non tam facilis patet aditus, præsertim hominibus villioribus, ad obtinendam dispensationem, posse Parochum cum aliquibus in casu particulari, atque ex justa causa dispensare in lege

Aaa

Jeju-

Jejunii, probabilius censet Maftrius *loc. cit.* n. 26. cum aliis, quos allegat.

78. Quarres: An causæ, quæ juxta dicta excusant a Jejunio Ecclesiastico, pariter excusent a Jejunio ex Voto debito? Resp. Affirmative, dummodo non constet de alia voventis intentione. Ita Sanchez *lib. 4. in Decalog. cap. 11. n. 54.* Bonacina *cit. punct. ult. n. 4.* & alii. Ratio est: quia Votum est lex privata, quam sibi quisque sponte imponit; ergo, si non constet de alia voventis intentione, est interpretandum juxta dispositionem aliarum legum circa eandem materiam, & consequenter eadem causæ utrobique excusabunt.

79. Additur notanter, *dummodo non constet de alia voventis intentione*: Alioquin enim hæc erit attendenda: nam sicut quis vovendo sponte sibi legem imponit, ita strictiorem, si voluerit, imponere valebit. Sic potest adolescens ex Voto obligari ad Jejunium ante vigesimum primum ætatis annum, ut dictum n. 44.

80. Deinde loquendo de FF. Minoribus, ex vi Regulæ ipsorum major requiritur necessitas, ut jejunare non teneantur, in jejunii Regulæ, quam in jejunii Ecclesiæ: nam ad excusandum in jejunii Ecclesiæ, non requiritur nisi probabilis necessitas; sed in jejunii Regulæ requiritur manifesta, ut patet ex *cap. 3. Regula*, ibi: *Tempore vero manifesta necessitatis non teneantur Fratres jejunio corporali*; ac notat Petrus Marchantius *ibidem*, *Quæst. 3.* & alii Expofitores, quidquid nonnulli contradicant.

### DISTINCTIO III.

De quarto, & quinto Præcepto Ecclesiæ, scilicet de Annua Confessione, & Communione Paschali.

#### QUESTIO I.

Quid sit, & quo Jure, ac quando obliget Confessio Sacramentalis.

#### SUMMARIUM.

1. Quartum Ecclesiæ Præceptum, quale?
2. Confessio Sacramentalis, quid?
3. Ea Jure Divino necessaria est omnibus peccatum mortale committentibus post Baptismum.
4. Probatur hoc ulterius.
5. Præceptum Confessionis non statim obligat post peccatum mortale.
6. Quid, si subsit periculum oblivionis peccatorum?
7. Consultissimum est illico post Peccatum agere penitentiam; cur?
- (a) Ut dictum Tract. I. Dist. 2. n. 46.
8. Peccator non diu moraliter evitat novum peccatum.
9. Præceptum Confessionis obligat in mortis articulo vel periculo.
10. Corollaria.
11. Jure Divino obligat etiam quandoque extra mortis articulum.
12. Hinc merito Ecclesiæ præcipit Confessionem annuam.
1. Quartum Ecclesiæ Præceptum sequentibus verbis comprehenditur: *Peccata sua Sacerdoti proprio annis singulis confiteere*. De quo in Concilio Generali Lateranensi, sub Innocentio III. celebrato, & refertur *c. Omnis utriusque sexus de Penitentibus, & remissionibus*, sic statutum habetur: *Omnis utriusque sexus fidelis, postquam ad annos discretionis pervenerit, omnia peccata sua saltem semel in*

*anno fideliter confiteatur proprio Sacerdoti: & iniquitatem sibi penitentiam propriis viribus studeat adimplere.* Quod præceptum Ecclesiasticum ut clarius intelligatur, nonnulla præmittenda videntur: hinc sit

2. CONCL. I. *Confessio Sacramentalis* est accusatio legitima de propriis peccatis, facta coram Sacerdote, ad eorum veniam impetrandam virtute Clavium. Ita in re communis. Et quidem *re accusatio*, stat loco generis; reliqua ponuntur loco differentiarum. Porro per *re ad eorum veniam impetrandam virtute Clavium*, denotatur finis, ob quem fieri debet Confessio Sacramentalis, qui est consecutio veniæ, ac remissio peccatorum obtinenda virtute Clavium; id est, virtute Sacramentalis absolutionis, a Sacerdote legitimam jurisdictionem habente super confitentem prolata. Juxta quod Christus *Joan. 10.* dixit Apostolis, eorumque legitimis Successoribus: *Accipite Spiritum Sanctum, quorum remiseritis peccata, remittuntur eis, & quorum retinueritis, retenta sunt.*

3. CONCL. II. Confessio Sacramentalis est a Christo Domino instituta, & omnibus conscientiam peccati mortalis post Baptismum commissi habentibus Jure Divino necessaria. Ita omnes Catholici, estque novissime definitum in Conc. Trid. *Sess. 14. Can. 6.* ibi: *Si quis negaverit, Confessionem Sacramentalem vel institutam, vel ad salutem necessariam esse Jure Divino; aut dixerit, modum secreta confitendi soli Sacerdoti, quem Ecclesiæ Catholica ab initio semper observavit, & observat, alienum esse ab institutione, & mandato Christi, & inventum esse humanum, anathema sit.* Et *cit. Sess. 14. cap. 5.* sic habetur: *Ex institutione Sacramenti Penitentiae jam explicata, universa Ecclesiæ semper intellexit, institutam etiam esse a Domino integram peccatorum Confessionem, & omnibus post Baptismum lapsis Jure Divino necessariam existere.*

4. Eadem Catholica Veritas præter continuam traditionem, atque perpetuum sensum Ecclesiæ, delimitur ex citatis verbis Christi *Joan. 20.* *Quorum remiseritis peccata.* Siquidem, ut argumentatur Doctor Subtilis 4. *dist. 17. q. un.* & declarat Concil. Trid. *cit. c. 5.* per dicta verba Christus constituit Apostolos, eorumque Successores Sacerdotes, suos Vicarios, tanquam Judices habentes potestatem remittendi, & retinendi peccata, in quæ Christi Fideles ceciderint. Patet autem, Sacerdotes judicium hoc incognita causa exercere non posse, neque servare æquitatem in imponendis pœnis pro ipsis peccatis, si in genere dumtaxat, & non etiam in specie, ac singillatim oporteret penitentes sua peccata confiteri.

5. CONCL. III. Dictum præceptum Confessionis Sacramentalis non statim obligat, cum quis in peccatum mortale lapsus est. Ita communis, intelligendo tamen hoc salvis iis, quæ in sequentibus Conclusionibus dicentur. Ratio est: quia præceptum Confessionis est affirmativum, quod obligat non pro semper, sed solum pro determinato tempore.

6. Neque obstat, quod nisi quis illico confiteatur, incidat in periculum obliviscendi peccatorum commissorum. Resp. enim cum Layman *lib. 5. tract. 5. c. 5. n. 4.* & aliis, adhuc ejusmodi peccatori oblioso non incumbere obligationem illico confitendi, vel peccata sua scriptis annotandi, cum nullo jure id expressum reperitur. Quinimo

non



non tenemur confiteri nisi ea peccata, quorum post diligentem discussionem habemus conscientiam, ut fatetur Concilium Trid. Sess. 14. cap. 5. & Can. 7. Quo facto, licet quorundam habeatur inculcata oblivio, adhuc eadem virtute Sacramenti reuntuntur saltem indirecte.

7. Interim tamen consultiſſimum est, omnibusque vel maxime suadendum, post admissum peccatum mortale quam citissime per veram Contritionem ad Deum converti, imo etiam data opportunitate ad Sacramentum Pœnitentiæ per dolorosam peccati Confessionem properare. Idque tum ad citius consequendam gratiam, atque amicitiam Divinam, evitandumque periculum damnationis æternæ: tum ut opera nostra bona. (quæ, si fiant in statu peccati mortalis, sunt mortua, (a) neque meritoria augmenti gratiæ, & gloriæ cœlestis) hac ratione coram Deo meritoria evadant.

8. Accedit alia ratio: quia moraliter loquendo, & regulariter, nemo constitutus in peccato mortali diu observat totam legem, ac evitat novum peccatum mortale; nam, ut dicitur Psal. 41. *Abyssus abyssum invocavit*. Et S. Gregorius lib. 1. Homil. 11. in *Ezechielam*, ait: *Peccatum, quod per penitentiam non deletur, non suo pondere in aliud trahit*.

9. CONCL. IV. Dictum Præceptum Divinum de faciendâ Confessione Sacramentali, vel maxime obligat in articulo mortis, nec non, & in probabili periculo ipsius. Ita communis. Ratio est: quia non est assignabile aliud tempus, in quo hoc præceptum Divinum potius obliget, quam in mortis articulo, in quo pender tota æternitas. Accedit: quia, si tunc hoc præceptum non adimpleatur, id amplius secuta morte adimpleri non poterit.

10. Et conformiter dictis inferunt Doctores, quod non solum in infirmitate lethali teneatur quis ad Confessionem Sacramentalem, sed etiam in quolibet probabili periculo mortis; id est, tunc, quando quis aggreditur actus arduos, in quibus verisimile est, quod mors imminet: ut in bello mortali, in naufragio, & hujusmodi, prout exemplificavit Scotus cit. dist. 17. §. de secundo. His addunt Summistæ feminas primo parturientes, & quæ alias maximam in partu difficultatem expertæ sunt: siquidem de hujusmodi probabili periculo mortis æque militantes rationes proxime allatæ. Et per hoc patet altera pars Conclusionis.

11. CONCL. V. Etiam quandoque per vitæ decursum, atque extra articulum mortis, præceptum Divinum Confessionis Sacramentalis obligat omnes Fideles, conscientiam peccati mortalis habentes: quod præceptum ut a Populo Christiano generalius observaretur, optime Ecclesia in Concilio Lateranensi (num. 1. relato) præcepit, ut Fideles singulis annis saltem semel confiteantur. Ita præter communem Theologorum, docet Concilium Trident. Sess. 14. cap. 5. Ubi refellens inanem eorum calumniam, qui Confessionem a Divino mandato alienant, atque a Patribus in Concilio Lateranensi congregatis initium habuisse docere non verebantur, loquitur in hæc verba: *Neque enim per Lateranense Concilium Ecclesia statuit, ut Christi fideles confiteantur, quod Jure Divino necessarium & institutum esse intellexerat, sed ut præceptum Confessionis saltem semel in anno, ab omnibus & singulis, cum ad annos discretionis pervenissent, impleteretur.*

12. Ex quo clare sequitur, quod Ecclesia semper intellexerit, præceptum Confessionis quandoque extra mortis periculum obligare Jure Divino: quamvis, cum tempus illud non fuerit determinatum a Christo Domino, Ecclesia pie salubriterque, atque cum ingenti animarum fructu statuerit, ut præceptum illud ab omnibus Fidelibus impleatur singulis saltem annis; sicque tempus implendi præceptum istud Divinum determinavit.

## QUESTIO II.

Quomodo Præceptum Ecclesiasticum annuæ Confessionis obliget?

### SUMMARIUM.

13. Præceptum annuæ Confessionis, quos obliget? An sit præcepta Confessio venialium?
14. Quid agendum habenti sola venialia?
15. Confessio communiter fit in Paschate, etsi sufficeret semel in anno confiteri.  
(b) Ac refertur supra n. 1.
16. Solvitur instantia.  
(c) Tract. 14. dist. 2. quæst. 3. Concl. 3.
17. In Paschate non confessus tenetur confiteri per annum.
18. Quid de confesso sola venialia, si postea peccet mortaliter?
19. Annus, quomodo sit computandus?
20. Præcepto Ecclesiastico non satisfacit per Confessionem scienter invalidam.
21. Pueri quando teneantur ad Confessionem?
22. Circa pueros in praxi quid observandum?
23. Præsertim a Confessario?
24. Alia a Confessario observanda.

13. CONCL. I. Præceptum Ecclesiasticum annuæ Confessionis obligat omnes Fideles conscientiam peccati mortalis habentes, ensque solos. Ita Theologi communiter. Ratio est: quia Ecclesia non præcepit Confessionem peccatorum dumtaxat venialium. Tum quia hæc multis aliis remediis expiari possunt, ut fatetur Concilium Tridentinum cit. Sess. 14. cap. 5. Tum quia præceptum istud Ecclesiasticum, est determinatio præcepti Divini: atqui hoc est de peccatis dumtaxat mortalibus; ergo & illud.

14. Notant tamen Doctores, ex consuetudine Ecclesiarum, atque ad avertendum scandalum, receptum esse, ut Fideles omnes ante Communionem Paschalem Sacerdoti proprio se fiant, & si mortaliter nunquam se peccasse asseverent, super ea re Confessarii judicio sese subjiciant. Quinimo in praxi utilissimum erit, etiam sola venialia tunc confiteri, propter uberes ex Sacramento Pœnitentiæ fructus provenientes.

15. CONCL. II. Quamvis ad satisfaciendum præcepto Ecclesiastico sufficiat semel in anno confiteri, nihilominus isthæ Confessio communiter in Paschate fieri, atque Communioni Paschali præmitti solet. Ita communior, & probabilior Doctorum, nonnullis exceptis, qui volunt, præceptum Confessionis per se obligare in Paschate, & non tantum per accidens ratione Communionis Paschalis. Prior pars desumitur ex Concilio Lateranensi c. *Omnis utriusque sexus, de penit. & remis.* (b) ubi plus non requiritur, quam ut omnis fidelis omnia sua peccata saltem semel in anno fideliter confiteatur: quæ verba, nisi quis vim inferat, intelliguntur de toto tempore a principio usque

usque ad finem anni, prout argumentatur Lugo *disp. 15. de Sacram. Pœnitent. sect. 2. n. 157.*

16. Nec obstat communis consuetudo confitendi in Paschate, & quod tunc in plerisque locis soleat exigere testimonium Confessionis Paschalis; simulque, quod in *extrav. vices illius, de Tregua & pace*, dicatur: *De jure tenetur Parochianus saltem in Paschate proprio confiteri Sacerdoti.* Resp. enim hoc totum fieri per accidens, & ratione Communionis Paschalis; sive, quia tunc urget præceptum sumendi Sanctissimum Eucharistiæ Sacramentum, cujus dignæ perceptioni, habita copia Confessarii, præmittenda est Confessio Sacramentalis, nec sufficit sola Contritio de commisso peccato mortali; prout declaravit Concilium Trident. *Sess. 13. cap. 7.* & amplius suo loco (c) dicetur. Et per hoc patet altera pars Conclusionis.

17. Infertur proinde, quod si quis sive culpabiliter, sive ob legitimum impedimentum, in Paschate non est confessus, is postmodum per anni decursum confiteri teneatur: quia toto anno urget hoc præceptum, neque illud est affixum tempori Paschali, ita ut cum illo transeat, sicut transi obligatio audiendi Missam die Festo.

18. Infertur secundo, quod is, qui tempore Paschali confessus est sola venialia, teneatur adhuc confiteri mortale tunc invincibiliter omisissum. Quia etiam observat Lugo *loc. cit. num. 126.* quod si quis per totum annum frequenter confiteatur sola, quæ habet, & circa finem anni peccet mortaliter, obligetur hoc præcepto ad confitendum eodem adhuc anno illud peccatum mortale. Siquidem Ecclesia præcepit dumtaxat Confessionem mortalium semel in anno peragendam, qualem in casu quis necdum fecisse supponitur.

19. Quæres autem: Quomodo annus iste sit computandus? Resp. Duos dicendi modos cæteris esse probabiliores. Primus est eorum Theologorum, qui putant, annum esse computandum a die primo Januarii, & deinceps usque ad initium sequentis anni: cum ista die communiter censeatur novus annus incipere, & prior desinere. Secundus dicendi modus est illorum, qui asserunt, annum computandum esse a Paschate in Pascha, intelligendo per Pascha omnes illos dies, in quibus potest impleri præceptum communionis Paschalis. Ex huic computationi consonat praxis, atque communior sensus Fidelium, arbitrantium, se dicto præcepto Ecclesiastico satisfecisse, postquam Paschali Tempore confessi sunt: quamvis etiam pro tunc, juxta computum prioris sententiæ, semel in anno confessi intelligantur. Unde patet, quod præsens quaestio in praxi parum urgeat.

20. CONCL. III. Præcepto Ecclesiastico annuæ Confessionis non satisfacit per Confessionem sacrilegam, & scienter invalidam. Ita nunc pro certo tenendum: nam oppositam quorundam sententiam rejecit Alexander VII. dum sequentem inter alias Propositionem, ordine 14. condemnavit: *Qui facit Confessionem voluntarie nullam, satisfacit præcepto Ecclesiæ.* Accedit ratio. Tum quia, qui voluntarie facit Confessionem invalidam, revera non recipit Sacramentum Pœnitentiæ; cum ad hoc necessario requiratur vera, integra, & dolorosa Confessio. Tum quia Christus, & Ecclesia, præcepit talem Confessionem, quæ conductibilis

est ad consequendam remissionem peccatorum virtute Sacramenti Pœnitentiæ: atqui talis non est Confessio voluntarie nulla, & sacrilega; ergo.

21. Quæres: Quandonam teneantur Pueri ad Confessionem annuam? Resp. Eos teneri, postquam ad annos discretionis pervenerunt, semelque in peccatum mortale lapsi sunt. Ratio est clara: quia nullum est præceptum, ne quidem Ecclesiasticum, confitendi sola venialia.

22. Interim tamen, cum parentibus, vel præceptoribus, de primo peccato mortali puerorum constare nequeat, omnino consultum est, atque in praxi necessarium, ipsos tempestive de necessariis ad Confessionem requisitis instruere, atque post assecutos annos discretionis ad Confessionem mittere, ut eidem paulatim assuescant, atque (si opus fuerit) præcepto Ecclesiastico satisfaciant.

23. Confessarius autem, utrum hujusmodi Pueri, vel Puellæ sint capaces absolutionis, judicare debet; non quidem ex sola ætate, num videlicet septennium impleverint (quamvis post illam ætatem de usu rationis præsumptio esse soleat. *arg. c. Litteras, de Desponsat. impub.*) sed multo magis ex ingenii, atque educationis qualitate: multi enim post eam ætatem primum, aliqui vero citius consequuntur sufficientem usum rationis, ut non solum peccati venialis, sed etiam mortalis capaces existant.

24. Insuper, postquam Confessarius circumstantiis consideratis judicavit, Puerum vere ac deliberare peccasse, sive mortaliter, sive saltem venialiter; considerare debet, utrum ille de peccato doleat; & quidem ex motivo non mere humano, utputa, quia a patre castigatus fuit; sed ex motivo supernaturali per Fidem cognito, videlicet propter offensam Dei, metum pœnæ æternæ, aut Purgatorii, vel turpitudinem peccati. Sunt enim aliqui adeo natura vagi, ut licet satis dispositi fuerint ad peccatum, non tamen dispositi sint ad dolorem supernaturalem eliciendum: qui proinde vel prius per Confessarium disponendi sunt, vel si id tam cito fieri nequeat, eisdem, dummodo necdum mortaliter peccaverint, oratio, quasi loco pœnitentiæ imponatur, & benedictio (nondum vero absolutio) Cruce super eos formata impertietur. Quod si vero omnibus consideratis adhuc dubium remaneat de Pueri capacitate, tunc absolutio dari poterit sub conditione: *Si es capax, ego te absolvo &c.* Imo talis in mortis articulo sic absolvi debet. Layman *lib. 5. tract. 5. cap. 5. num. 7.* & alibi.

### Q U Æ S T I O III

An, & quæ sit Obligatio Juris tum Divini, tum Ecclesiastici sumendi Eucharistiam?

#### S U M M A R I U M.

25. *Quintum Ecclesiæ Præceptum, quod?*
26. *Jure Divino tenentur fideles sumere SS. Eucharistiam, & quidem sapienter.*
27. *Tempus hujus obligationis determinavit Ecclesiæ, præcipiendo Communionem Paschalem.*
28. *Huic præcepto non satisfacit per Communionem sacrilegam.*  
(d) Tract. 2. Diff. 1. n. 48. & seqq.
29. *Corollarium.*

30. *Ad*

30. Ad S. Communionem requiritur jejunium naturale.  
 31. 32. 33. Istud jejunium declaratur per Rubricas Missalis.  
 34. In periculo mortis potest sumi Eucharistia a non jejunio.  
 35. Es sapius per modum viatici.  
 36. An qui ante communionem sanus, teneatur, vel possit communicari per modum Viatici?

25. Quintum Ecclesiae præceptum hisce verbis exprimi solet: *Sacrosanctam Eucharistiam ad minimum semel in anno, idque circa Festum Paschæ sumito.* Et hoc præceptum Ecclesiasticum habetur in Concilio Generali Lateranensi, sub Innocentio III. celebrato, atque refertur cit. c. *Omnis aeternusque sexus, de penit. & remiss.* ibi: *Suscipiens reverenter ad minas in Pascha Eucharistia Sacramentum, nisi forte de proprii Sacerdotis consilio, ob aliquam rationabilem causam, ad tempus ab hujusmodi perceptione dixerit abstinendum: alioquin & vivens ab ingressu Ecclesiae arceatur, & moriens Christiana careat sepultura.* Hæc ibi: quod ut melius intelligatur, præmittendo nonnulla de præcepto Juris Divini, sit

26. CONCL. I. Extat præceptum divinum, obligans omnes Fideles adultos, sumendi SS. Eucharistiam, non tantum in articulo mortis per modum Viatici, sed etiam ante illud periculum, & quidem sæpius in vita. Ita communis, atque desumitur ex verbis Christi, *Joan. 6. Nisi manducaveritis carnem Filii hominis, & biberitis ejus sanguinem, non habebitis vitam in vobis,* cum concordantiis. Accedit ratio: quia Eucharistiae Sacramentum a Christo Domino institutum fuit per modum alimenti spiritualis; ergo non minus atque alimentum corporale, sæpius in vita sumendum est ad reficiendas vires animæ.

27. CONCL. II. Et si præceptum Divinum sæpius per vitæ decursum per se obliget Fideles adultos ad sumendam SS. Eucharistiam, nihilominus ejusmodi tempora non possunt generatim determinari, sed definienda sunt prudenti judicio, ita tamen, ut Sacra Communio non nimium differatur: unde, ut huic præcepto Divino generalius, atque majori cum fructu animarum satisfiat, Sancta Mater Ecclesia pie admodum præcepit, ut Fideles post annos discretionis ad minus in Paschate Sacramentum Eucharistiae reverenter suscipiant. Ita communis; & patet ex Concilio Lateranensi num. 25. allegato.

28. CONCL. III. Huic præcepto Ecclesiastico Communionis Paschalis non satisficit per indignam hujus sanctissimi sacramenti susceptionem. Ita defecto indubitanter tenendum, quidquid nonnulli olim in contrarium scripserint. Siquidem novissime Innocentius XI. sequentem inter alias Propositionem, ordine 55. damnavit: *Præcepto Communionis annua satisficit per sacrilegam Domini manducationem.*

Ex merito: quia Ecclesia in citato Concilio Generali præcepit, ut Fideles suscipiant reverenter in Paschate Eucharistiae Sacramentum: atqui hoc non fit per sacrilegam Communionem; ergo. Accedit, quod Ecclesia saltem indirecte, & concomitanter possit præcipere actus internos, prout suo loco (d) jam dictum.

29. Ex hinc indigne communicans in Paschate non solum peccat gravissime contra præceptum

Divinum, sacrilege istud SS. Sacramentum sumendo; sed etiam contra præceptum Ecclesiasticum, non reverenter suscipiendo Communionem Paschalem, ac proinde tenetur iterum, & digne communicare.

30. CONCL. IV. Ad recipiendum digne Sacramentum Eucharistiae, extra mortis articulum, Jure Ecclesiastico requiritur, ut quis a media nocte illius diei sit jejunus jejunio naturali. Ita communis; & habetur c. *Sacramenta, de Consec. dist. 1. & c. Nihil, 7. quaest. 1.* cum concordantiis.

31. Porro in praxi, quantum ad propositum, bene notanda sunt verba Rubricarum Missalis Romani, Tit. 9. *De defectibus dispositionis Corporis,* ita statuentium: *si quis non est jejunus post mediam noctem, etiam post sumptionem solius aqua, vel alterius potus, aut cibi, per modum etiam medicina, & in quantumcumque parva quantitate, non potest communicare, nec celebrare.*

32. Si autem ante mediam noctem cibum, aut potum sumperit, etiam si postmodum non dormierit, nec sit degestus, non peccat: sed ob perturbationem mentis, ex qua devotio tollitur, consultatur aliquando abstinendum.

33. Si reliquia cibi remanentes in ore transglutiantur, non impediunt Communionem; cum non transglutiantur per modum cibi, sed per modum saliva. Idem dicendum, si lavando os deglutiatur stilla aqua præter intentionem. Hactenus Rubricæ.

\* Ut autem in variis contingentibus, & casibus particularibus adhuc magis cognoscatur, num quis sit jejunus jejuni naturali, vel non, sicque communicare queat, nec ne? Pater Albertus Reiffenstuel in sua *Cena magna* §. 34. quatuor conditiones ex communi Doctorum assignat, quæ concurrere debent, ut fractum censeatur Jejunium naturale. *Primo* illud, quod sumitur, debet esse saltem aliquo modo nutriens. *Secundo* debet sumi ore ab extra. *Tertio* ante sacras species. *Quarto* aliter, quam per modum saliva, aut respirationis. Assignatur pro qualibet istarum conditionum sua propria ratio. Pro *prima*; quia quod accipitur, debet se habere saltem aliquo modo per modum cibi, vel potus, prout etiam suo modo medicina solida comedi, aut liquida potari dicitur: illud autem solum intelligitur se habere per modum cibi, vel potus, quod a stomacho alterari, vel saltem ex parte digeri potest, sicque in substantiam hominis saltem aliquo modo converti, & consequenter saltem ex aliquali parte nutrire. Pro *secunda*; quia in communi hominum æstimatione, quod non sumitur ad extra per os, non dicitur potari, aut manducari: alias enim qui attraheret odorem, seu fumum per nares, censeretur non jejunus naturaliter: v. g. si Sacerdos in thurificatione officii solemniter attrahit fuffitum. Pro *tertia*; quia si aliquid moraliter simul cum Eucharistia sumitur, fit una moraliter refectio: consequenter nec dicitur talis præcedenter, & ante sumptionem Eucharistiae non jejunus. Exemplum poni potest die Parasceves, quando particula hostiæ immixta vino non consecrato simul cum ipso sumitur. Pro *quarta*; quia salivam deglutire, vel respirare denuo moraliter non est edere, vel bibere.

Ex his infiniti casus decidi, ac multi a fractione jejunii naturalis excusari, & scrupulis eximi possunt, quales sunt. I. illi, qui deglutiant frustum metalli, lapillum, fragmentum testaceum, officulum



durius fructuum, capillum, ungues, plumas, leg-  
mentum ligni. II. Sumentes reliquias cibi intra-  
dentes residuas conformiter Rubricis jam superius  
allegatis. III. Sugentes humorem ex pustulis  
dentium, seu palati, vel sanguinem ex gingiva,  
dummodo intra os, & non ab extra. IV. Subito  
attractantes per nares guttulam aquæ odoriferæ, vel  
tabaci pulverisati. V. Sumentes vinum cum S.  
Hostia, licet mathematice loquendo vinum ali-  
quo modo citius defluat, dummodo adhuc mora-  
liter sit una refectio. VI. Masticientes aromata,  
si parum quid inseparabiliter salivæ adhæreret.  
VII. Eluentes os, si fortuito, dum attrahitur aer,  
una, vel altera gutta propter naturalem respira-  
tionem descendat; quoniam etiam hoc non est  
comedere: sicuti a porcinon diceretur comedi mu-  
sca, quæ subito involare in fauces, & se ipsam sub  
respiratione in stomachum inferret, uti recte cum  
aliis a se citatis advertit La Croix lib. 6. part. 1. n. 564.

Quod si quis ob varias circumstantias existeret  
dubius: num adhuc sit jejunos, nec ne? non de-  
funt AA, qui cum Thoma Sanchez, Villalobos,  
Rodriguez, Bonacina, & Castropalao probabiliter  
negant, talem posse communicare, quamvis etiam  
habeantur alii, qui æque probabiliter defendunt,  
eum stante hoc dubio communicare posse, uti cum  
Gobat, Joanne Sanchez, ac Dicastillo tenent Lay-  
man lib. 1. Theolog. Moral. tract. 1. cap. 5. §. 4. num.  
5. Sporer part. 2. Theolog. Sacram. cap. 6. sect. 7.  
num. 474. Herinex lib. 4. sent. disp. 6. q. 5. num. 59.  
& Bosco de Sacrament. disp. 4. sect. 2. concl. 6. Ratio  
fundamentalis est; quia Ecclesia tamquam beni-  
gnissima Mater non videtur filios suos jure commu-  
nicandi, quod a DEO concessum habent, voluisse  
privare, nisi in reverentiam Sacramenti illos, qui  
positive noscunt, se non esse jejunos: adeoque  
tantummodo dubitantes erunt relinquendi in pos-  
sessione sui juris communicandi, usque dum ipsis  
aliunde constet, se non esse jejunos: nam melior  
est conditio possidentis. Atque hæc sententia po-  
terit præcipue deservire illis, qui certa aliqua So-  
lemnitate cæteroquin habent magnum fervorem  
ad Sacram Communionem.

34. CONCL. V. Nihilominus in articulo  
mortis, cum tunc urgeat vel maxime præcep-  
tum Divinum sumendi Eucharistiam, potest  
etiam non jejuno hoc Sacramentum porrigi per  
modum Viatici. Ita communis Doctorum, exten-  
dentium hoc pariter ad probabilem periculum mor-  
tis; & constat ex praxi, & consuetudine Ecclesie.

35. Addunt Doctores, quod qui in ejusmodi ar-  
ticulo mortis Sacram Synaxim recepit perseverante  
morbo, atque eodem periculo, possit iterum atque  
sepius communicari per modum Viatici: quia mor-  
iturus valde indiget hoc alimento animæ ad vincen-  
das tentationes tunc temporis magis occurrentes, &  
superanda pericula peccandi.

36. Num autem moribundus, qui mane com-  
municaverat sanus, debeat vel possit eodem adhuc  
die sumere Eucharistiam per modum Viatici, vari-  
ant Doctores; prout videre est apud Gobat tract.  
4. Theolog. Experim. n. 174. & seqq. Qui postmo-  
dum recte negat, existentem in tali casu obligari  
ad denuo communicandum eodem die. Deinde  
asserit, probabilius esse, quod ne quidem liceat;  
etsi nihilominus probabile sit, quod liceat.

\* Cæterum, quoniam subinde quoad ægrotos  
quosdam in particulari occurrunt variz circum-  
stantiæ reddentes Sacerdotem anxium, an possit  
huic, vel illi infirmo non jejuno porrigere Eucha-  
ristiam, vel num potius debeat suspendere usque  
ad alterum diem? Pro Consultatione talium Sacer-  
dotum æque, ac ægrotantium subiungo sequen-  
tem doctrinam, quam La Croix lib. 6. part. 1. n. 612.  
ex variis Auctoribus collegit: In primis notant  
Tamburinus, & Dicastillo, Sacerdotem non de-  
bere hic scrupulose velle expectare jejunium se-  
quentis diei. Secundo advertit Averla quest. 8. sect.  
9. §. 6. satis esse, quod ægroto absque medicina,  
vel aliquo confortativo grave accideret expectare  
jejunium a media nocte usque mane. Terrio in-  
quit Gobat, si æger longe distet, v. g. duabus ho-  
ris, & periculose ægrotet, poterit non jejuno Pa-  
stor dare viaticum, quamvis probabiliter postriedie  
ieiunus illud valeret sumere infirmus: posito, quod  
Pastor comode expectare nequiret sequentem  
diem, v. g. quia mane impeditur functionibus  
aliis Parochialibus, vel quia statim post mediam  
noctem deberet de novo surgere ob itineris distan-  
tiam &c. Illud præterea notet Parochus, ut portans  
viaticum ad ægrotum semper ad minus deferat duas  
Hostias, ut nimirum semper unam residuam ite-  
rum a domo ægroti rediens secum in templum re-  
ferat: alioquin enim in reditu obviantes adorarent  
pixidem vacuum.

Quæres I. An ægrotis possit dari Eucharistia, si  
timeatur vomitus? Resp. I. Si timeatur vomitus  
præcise ex eo, quia subinde vomit talis ægrotus;  
potest eidem præberi Eucharistia. Ratio est: quia  
exinde nondum censetur adesse periculum proxi-  
mum, quod nunc brevi post sumptionem Eucha-  
ristiæ sit vomitus venturus. Resp. II. Si tamen post-  
ea nihilominus contingeret casu apud talem brevi  
post Communionem vomitus, deberet attendi,  
num ibidem adhuc species aliquæ Eucharistiæ vide-  
antur, nec ne? Si non: vomitus comburatur, &  
cineres in Sacrum mittantur conformiter. Ru-  
bricis de Defect. Miss. tit. 10. num. 14. Quod si simi-  
les adhuc species ibidem appareant, segregatæ  
purgentur, & postea suo tempore a Sacerdote su-  
mantur: vel si nemo sit, qui ob nauseam sumere  
velit, immittantur aquæ, donec dissolvantur, ac  
consumantur, & illa aqua in sacram piscinam con-  
iciatur. Resp. III. Si ob certas circumstantias  
timentur prudenter vomitus brevi post sumptionem  
Eucharistiæ futurus, tunc communior DD.  
ait, abstinendum esse a Communione ob pericu-  
lum irreverentiæ; non tamen defunt aliqui apud  
La Croix lib. 6. part. 1. num. 552. qui communicare  
adhuc licitum putant ex ea ratione; quia videtur  
melius esse, ut Sacramentum exponatur incerto  
periculo irreverentiæ, quam hominem fervidum  
in cujus bonum Sacramenta instituta sunt, privare  
certo fructu Communionis, alias ex opere ope-  
rato obtinendo. Addunt Suarez, Tanner, & Gobat;  
stante aliquo dubio in hoc, & similibus casibus  
saltem licitum esse dare ægro minimam particulam  
brevi in stomacho consumendam etiam in liquore,  
vel iusculo. Videatur La Croix loc. cit.

Quæres II. An ægrotis possit dari Eucharistia, si  
verentur continua tussis? Resp. cum La Croix loc.  
cit.



cit. num. 554. affirmative. Ratio est; quia quamvis materia, quam ejiciunt, saepe ascendat e pectore, attamen non est periculum ejiciendi sacras species, dummodo antea ad stomachum descenderint, quia via, per quam sputa ejiciuntur, non est Oesophagus, seu via cibi, & potus ad stomachum, sed vena aspera, sive via respirationis ad pulmones. Ex qua ipsa ratione recte infert La Croix loc. cit. n. 652. posse aliquem, postquam bene deglutivit hostiam, maxime si vinum simul sumpserit, brevi post expuere: quamvis cæteroquin expediat pro majori ædificatione, ac reverentia per spatium unius *Miserere* abstinere, si commode fieri possit, aut saltem intra tempus quinque Pater, ac Ave spiritum in strophio excipere. \*

#### QUESTIO IV.

Varia Quaestita circa sumptionem Sacramenti Eucharistia solvuntur.

##### SUMMARIUM.

37. An, qui Communionem Paschalem non peregit, teneatur eam compensare?
38. Sententia affirmativa est probabilior.
39. Ubi peragenda Communio Paschalis?
40. Quid de Peregrinis, vagis &c.
41. Sacerdotes, an tempore Paschali debeant communicare in propria Parochia?
42. Parvuli ante usum rationis non tenentur communicare.
43. Quando obligentur pueri ad Communionem Paschalem? Praxis circa hoc.
44. Mutis & surdis a nativitate, qua Sacramenta possint ministrari?
45. An etiam Sacramentum Eucharistia?
46. Energumenis, & epilepticis, an possit Eucharistia ministrari?
47. Qua sine pane non communicantium in Paschate?
48. An aliquando possit differri Communio ultra tempus Paschale?
49. Quid, si quis prævideat impedimentum communicandi tempore Paschali?

37. **Q**Uæritur I. An, qui communionem Paschalem culpabiliter, vel justo impedimento detentus non peregit, teneatur eamdem proxime compensare? Ratio dubitandi desumitur ex Concilio Lateranensi, &c. *Omnis utriusque sexus*, num. 25. relato; ubi præcipitur *suscipi Eucharistia Sacramentum in Pascha*: ac proinde videtur hoc præceptum esse affixum ipsi Tempori Paschali, non minus ac præcepta Festorum, Jejuniorum, atque Horarum Canoniarum, sunt affixa certis diebus; ergo sicuti hæc illis diebus culpabiliter, vel inculpabiliter omissa, non necessario compensanda sunt aliis diebus, ita & de præcepto Ecclesiastico Communionis Paschalis videtur dicendum. Et ita sentiunt non pauci Doctores, uti videre est apud Lugonem *disp. 16. de Eucharistia, sect. 4.* Aliqui vero distinguunt inter Communionem Paschalem culpabiliter omisam, vel inculpabiliter; & hanc quidem compensandam censent, non illam.

38. Verum affirmativa sententia, asserens indistincte, Communionem Paschalem postmodum eo anno compensandam esse, communior & probabilior est, quam tenet Lugo *loc. cit.* Mastrius *disp. 12. Theol. Mor. n. 54.* Sannig *disp. 4. de Eu-*

*charist. q. 31. n. 15.* Layman, Gobat, Sylvester, & alii. Ratio est: quia hoc præceptum non est præcise affixum Tempori Paschali, sicuti præceptum jejunandi, vel audiendi Missam tali diei. Siquidem præceptum Communionis Paschalis non est simpliciter unum (prout fit in aliis allatis) sed continet virtualiter duo præcepta; unum Communionis, saltem semel in anno peragenda, ut satisfiat præcepto Divino sumendi Eucharistiam; alterum communicandi in Paschate, ob venerationem hujus Solemnitatis; ergo, quamvis expiret hoc præceptum quoad secundum lapsum temporis Paschalis, non tamen quoad primum. Et per hoc patet ad rationem dubitandi *n. præc.* allatam.

39. Quæritur II. Ubinam Communio Paschalis sit peragenda? Resp. Eam peragenda in propria Ecclesia Parochiali; nisi adsit expressus, vel tacitus, aut saltem rationabiliter præsumptus consensus proprii Parochi, vel ejus Superioris, ad alibi communicandum. Ita Herinx *disp. 6. num. 39. de Eucharistia*, Rodriquez, & alii, idque desumitur ex *cit. c. Omnis utriusque sexus, de Panis. & remiss.* juncta communi praxi Ecclesiarum, & consensu Doctorum. Unde sine ejusmodi licentia alibi communicans, juxta Bonacinam *disp. 4. de Sacramentis, q. 7. punct. 2. num. 7.* Palaum, & alios, non satisfacit præcepto. Verum rigor iste procedit, quando ne quidem tacitus, aut saltem rationabiliter præsumptus consensus proprii Parochi, vel ejus Superioris adest: nam quando talis personæ qualitas, tempus, vel aliæ causæ concurrunt, ut arbitrio prudentis viri credatur fore contentus Parochus, si quis alibi communicet; satisfiet præcepto Ecclesiastico: nec erit peccatum mortale, recipere Eucharistiam extra propriam Parochiam; quia tunc non ministraretur sine jurisdictione, cum adesset saltem tacita proprii Parochi licentia. Bassus in *Supplemento, Vers. Communio, n. 3.*

40. Exciipiuntur etiam Peregrini, Vagi, & illi, qui extra propriam Parochiam tunc existentes, ad ipsam commode accedere nequeunt: nam tales possunt Tempore Paschali in Parochia, in qua degunt, Eucharistiam sumere, imo & in Ecclesiis Regularium. Bassus *Vers. Communio Sacra, n. 11.* & alii. Idem communiter tenent Doctores de servis Religiosorum, qui degunt in Monasteriis, vel aliis locis a cura Parochorum exemptis.

41. Insuper Sacerdotes satisfaciunt integre præcepto Ecclesiarum, ubicumque tandem celebrent tempore Paschali: secus, si communicent more Laicorum. Disparitas est: quia præceptum sumendi Sacram Synaxin in propria Parochia, ex recepta consuetudine extenditur ad eos, qui Eucharistiam ab alio sumunt; volendo, ut Oves a Pastore proprio pascantur; non vero ad illos, qui celebrando seiplos communicant. Bonacina *cit. disp. 4. q. 7. punct. 2. num. 7.* Gobat *loc. cit. num. 74.* & alii.

\* Num autem sive iidem Sacerdotes more Laicorum communicantes, sive alii Diocesani sacram Synaxin tempore Paschali sumentes in ipsa Ecclesia Cathedrali dictæ Diocesis satisfaciant præcepto annuæ Communionis, adhuc dubitari posset ex hac ratione; quia Ecclesia Cathedralis videtur eminentialiter continere omnes Ecclesias Parochiales dictæ Diocesis. Hoc tamen non obstante resolvitur negative, nisi vel expressa, vel tacita, aut consuetu-

suetudine approbata licentia Episcopi, seu Parochorum accedat; prout accedere censetur, si talis de manu ipsiusmet Episcopi tam quam Parochi Parochorum dictæ Diocesis ibidem communicaret e. g. in Cœna Domini. Ratio est: quia nec Cathedralis Ecclesia est omnium Civium ejusdem Diocesis, quin sæpius nec omnium ejusdem Civitatis propria Parochialis, nec Parochus Cathedralis proprius omnium Diocesanorum Parochus. Videatur Gobat hic tract. 14. num. 66.\*

43. Quæritur III. An, & quando Pueri teneantur præcepto Communionis Paschalis? Resp. I. Certum est parvulos usu rationis carentes, nulla obligari necessitate ad Sacramentalem Communionem. Ita declarat Concilium Trid. Sess. 21. Cap. 4. bene subjungens: *Neque ideo tamen damanda est Antiquitas, si cum morem in quibusdam locis aliquando servavit.* Ratio est: Tum quia parvuli sunt incapaces præcepti: tum quia ipsi non norunt debita cum reverentia hoc Sanctissimum Sacramentum suscipere: qua de causa mos ille Antiquitatis ministrandi parvulis Eucharistiam, postmodum auctoritate Ecclesiæ sublatus fuit.

43. Resp. II. Tunc Pueri obligantur præcepto Ecclesiastico Communionis Paschalis, quando ad annos discretionis pervenerunt; prout loquitur Concilium Lateranense num. 25. relatum. Cæterum, quando censendus sit puer attingisse annos discretionis, ex actionibus rationalibus ipsius, cæterisque circumstantiis, prudenti judicio parentum, & vel maxime Confessariorum discernendum est; cum alii citius, alii tardius sufficientem rationis usum, & spiritualium rerum intelligentiam assequantur. Praxis autem obtinuit, ut octennes & novennes non compellantur ad Sacram Synaxin; atque insuper Gobat tract. 4. Theolog. Experim. num. 88. post Suarez, & alios, notat, posse differri Communionem Paschalem in unum alterumve annum, postquam puer est satis intelligens rerum ad illam rite obeundam spectantium.

\* Quinimo loquendo de articulo mortis, si parvuli etiam octennes ferventer peterent S. Viaticum, essantque circa illud antea jam sufficienter instructi; non foret parvulis petentibus hic panis Cœlestis denegandus. Uti recte notat Bolco de Sacramentis, disp. 4. sect. 8. Concl. 6. cum aliis, quos allegat. Ratio est; quia in talibus circumstantiis prudenter suppositi potest, annos discretionis per judicii maturitatem esse suppletos accedente adiutorio DEI, qui intellectu dat, & sapientiam præstat parvulis. Quodsi vero in simili ætate constituti parvuli ipsismet ferventer, & devote non peterent, habet Confessarius sufficientem causam apud tam imbecillum ætatem, respectu cuius alias est ordinarie præsumptio de nondum sufficiente maturitate, dissimulandi realem Communionem: etenim signum hoc est, quod nondum sufficienter penetrant dignitatem, & summam utilitatem tanti Sacramenti.\*

44. Quæritur IV. Utrum mutis & surdis a natiuitate sit porrigendum Eucharistiæ Sacramentum, non minus, ac alia Sacramenta. Et additur, *non minus, ac alia Sacramenta*: Nam certum est, posse cuiusmodi surdo & muto, si cæteroquin non appareat indispositus, ministrari Sacramentum Baptismi & Confirmationis, atque in articulo mortis extre-

nam Unctionem. Deinde potest ipsi ministrari Sacramentum Pœnitentiæ, dummodo is, in quantum valet, signis ac nutibus peccata sua confiteatur: nam in casu tantæ impotentiae sufficere Confessionem per signa & nutus, possunt fatentur Doctores. Insuper cum ad Matrimonium contrahendum non requirantur certa verba, sed sufficiat solus consensus contrahentium exterius expressus, potest mutus & surdus, si velit, atque inveniat aliquam volentem, matrimonium contrahere: *Cum quod verbis non potest, signis valeat declarare*, ut habetur c. Cum apud, de Sponsalib. Sanchez lib. 1. de Matrimon. disp. 8. n. 12. & alii. Verum de Sacramento Eucharistiæ loquendo,

45. Resp. Potest ejusmodi surdo & muto etiam ministrari Sacramentum Eucharistiæ, præsertim tempore Paschali, atque in articulo mortis; dummodo aliunde non appareat indispositus. Ita Abbas Panormitanus in c. Cum apud, de Sponsalibus, Layman lib. 3. tract. 4. cap. 4. n. 5. & alii. Quinimo, si discretio talium sit maturior & perfectior, posse ipsi SS. Eucharistiam sæpius ministrari, ut puta in Festis solemnioribus, censet Herinex cit. disp. 6. quest. 2. n. 16. Ratio est; quia tales muti & surdi ita quandoque sunt perspicacis & acuti ingenii, ut multa explicatu difficilia ex signis & nutibus facile percipiant & vicissim manifestent; ergo visa aliorum Fidelium ad Sacram Synaxin accedentium devotione, facile distinguere valent Cibum istum Angelicum a profano, accedente simul interiori illustratione Spiritus sancti: & consequenter, stantibus præmissis, poterit ipsis, utpote viatoribus, ministrari Panis Angelorum, Factus Cibum Viatorum.

46. Porro quæ hæcenus dicta sunt de mutis & surdis, longe magis locum habent in Energumenis (hoc est, a dæmone obsessis) epilepticis, & aliis infirmis: qui proinde non solum in Paschate, ac mortis articulo, verum & aliis temporibus rite communicantur, dummodo Sacram Eucharistiam, absque irreverentia sumere possint, & cæteroquin indispositi non appareant.

47. Quæritur V. Quænam sint pœnæ non communicantium in Paschate? Resp. Tales & vivi ingressu Ecclesiæ arcendi sunt, & mortui Ecclesiastica Sepultura privandi; Ita enim statuitur in Concilio Lateranensi, & c. Omnis utriusque sexus, de Pœnit. & remiss. num. 25. relato: quamvis hæc pœnæ non ipso iure incurantur, sed primum per sententiam Judicis infligendæ sint, prout colligitur ex contextu illorum verborum, & tenet communis.

48. Quæritur VI. An aliquando licite possit differri Sacra Communio ultra tempus Paschale? Resp. Id fieri posse ob aliquam rationabilem causam, atque accedente consilio proprii Sacerdotis; prout patet ex verbis Concilii Lateranensis, cit. num. 25. relatis. Cæterum per proprium Sacerdotem, de cuius consilio possit differri Communio Paschalis, non solum intelligitur proprius Parochus, aut eius Superior, sed etiam Confessarius, qui eo tempore Confessionem pœnitentis excipere potest: censetur enim ad hoc a propriis animarum Pastoribus eo ipso delegatus, quod potestatem acceperit Confessiones excipiendi. Herinex loc. cit. n. 38.

49. Et conformiter dictis responderi poterit ad illud dubium, an prævidens sibi futurum impedi-

mentum communicandi Tempore Paschali, teneatur praevenire, & prius communicare? Exi enim quoad hoc sint diversae Doctorum sententiae, quorum aliqui negant, alii vero affirmant, adesse talem obligationem praeveniendi; nihilominus dicendum, quod tunc de licentia proprii Sacerdotis differenda sit Communio ultra tempus Paschale, juxta cit. Concilium Lateranense. Nisi forte praevideatur impedimentum duraturum per totum annum; tunc enim oportebit praevenire. Lugo cit. disp. 16. n. 74. & seqq.

## QUAESTIO V.

Quid sit sentiendum de Communionem frequenti & quotidiana?

### SUMMARIUM.

- 50. Communio quotidiana nullo jure praecepta est.
- 51. Solvitur instantia.
- 52. Frequens & quotidiana Communio, per se loquendo commendatur.
- 53. Quid spectatis variis hujus vitae impedimentis? Notabilis sententia D. Augustini.
- 54. An ea Laicis negotiatoribus, & conjugatis permittenda?
- 55. Quid observandum circa Moniales?
- 56. Frequens Confessio, & Communio, an sit nota Praedestinationis?

50. **CONCL. I.** Communio quotidiana nullo Jure Divino, aut Ecclesiastico, praecepta existit. Ita communis; idque novissime declaravit Decretum S. Congregationis Cardinalium Concilii Tridentini Interpretum, circa Communionem Quotidianam 1679. die 12. Februarii editum, quod incipit, Cum ad aures, estque approbatum ab Innocentio Papa XI. Ratio est: quia juxta c. Omnis atriisque sexus, de Penit. & remiss. de facto sufficit communicare saltem in Paschate; non obstante, quod olim Laici tribus saltem temporibus in anno, nempe in Natali Domini, Paschate, & Pentecoste, communicare debuerint, arg. c. Esi non frequentius. & c. Seculares, de consecr. dist. 2.

51. Nec obstat illud S. Anacleti Papae c. Peracta, de consecr. dist. 2. Peracta consecratione omnes communicent, qui noluerint Ecclesiasticis carere liminibus. Resp. enim cum Glossa ibidem, hoc intelligendum esse de Sacerdotibus, qui consueverunt seu consecrant, idque patet tum ex Summario ibidem, tum ex sequentibus Capitulis. Porro loquendo de ceteris, non adesse talem obligationem, clare desumitur ex Concilio Trident. Sess. 22. cap. 6. ubi nihil praecipiens, sed quasi humanam infirmitatem secum reputaret, quid cuperet tantum indicans, inquit: Optaret quidem Sacrosancta Synodus, ut in singulis Missis Fideles astantes non solum spiritali affectu, sed Sacramentali etiam Eucharistia perceptione communicarent, quo ad eos Sanctissimi hujus Sacrificii fructus uberius proveniret.

52. **CONCL. II.** Frequens, quin & quotidiana Communio, per se loquendo, & quantum est ex parte hujus Sanctissimi Sacramenti, utilissima est, atque a Sanctis Patribus semper commendata. Hinc S. Ambrosius lib. 5. de Sacramentis, cap. 4. ac refertur can. Non iste, de consecr. dist. 2. sic loquitur: Iste panis quotidianus est: accipe quo-

tidie, quod quotidie tibi proficit. Sic vive, ut quotidie merearis accipere, cum concordantiis. Unde Concilium Trident. Sess. 13. cap. 8. Fideles exhortatur ad frequentem Communionem, & eam Fidei constantiam, animique devotionem ac pietatem, ut Panem illum supersubstantialem frequenter suscipere possint.

53. Deinde, per se loquendo: Nam per accidens, & spectatis diversis vitae hujus impedimentis, ac distractionibus (ut taceatur remorsus peccati gravioris) communis fieri solet, quod Laici seculares ad Sacram Communionem ea, qua par est, reverentia, & animae suae fructu, quotidie sumendam, minus videantur dispoliri. Proinde in hoc sensu S. Augustinus, relatus can. Quotidie, de consecr. dist. 2. sic ait: Quotidie Eucharistiae Communionem percipere nec laudo, nec vituperor, omnibus tamen Dominicis diebus communicandum suadeo, & exhortor: si tamen mens sine peccandi affectu sit.

54. **CONCL. III.** Quod ad Seculares negotiatores attinet, frequens ad Sacram Alimoniam accessus, Confessariorum, secreta cordis explorantium, judicio relinquendus est, qui ex conscientiarum puritate, & frequentiae fructu, & ad pietatem processu Laicis negotiatoribus, & Conjugatis, quod prospicient eorum saluti profuturum, id illis praescribere debebunt; quamvis Conjugati serio admonendi sint, ob Sacratissimam Eucharistiae reverentiam amplius continentiae vacandum, puriorque mente ad Coelestium Epularum Communionem esse conveniendum. Ita citatum Decretum Sacrae Congregationis. Ubi idcirco subiungitur, quod Pastoribus incumbat, non aliquos a frequenti, aut quotidiana Sacrae Communionis perceptione detertere, vel accedentes repellere; sed operam dare, ut unusquisque digne pro devotionis, & praeparationis modo, rarius aut crebrius Dominici Corporis suavitatem degustet: & quod Episcopi, in quorum Dioecesium viget huiusmodi devotio erga Sanctissimum Sacramentum, pro illa gratias Deo agere, eamque adhibito prudentiae temperamento, sublata tamen omnis irreverentiae, & scandali suspitione, elere debeant.

55. **CONCL. IV.** Moniales, quotidie Sacram Communionem petentes, admonendae erunt, ut in diebus ex earum Ordinis Instituto praescriptis communicent: si quae vero puritate mentis eniteant, & fervore spiritus ita incaluerint, ut dignae frequentiori & quotidiana Sanctissimi Sacramenti perceptione videri possint, id illis a Superioribus permittatur. Ita verbatim citatum Decretum: quod tum alibi, tum apud Jo. Cardenas in Crisi Theologica ad propositiones ab Innocentio XI. damnatas, circa finem legi poterit.

56. Pro coronide sciendum, quod Innocentius XI. hanc inter alias, ordine 56. Propositionem, sicut jacet, merito condemnaverit: Frequens Confessio & Communio, etiam in his, qui gentiliter vivunt, est nota Praedestinationis. Quamvis enim frequens Sacramentorum Confessionis, & Communionis, debita cum reverentia & devotione receptorum usus, recte connumeretur inter notas Praedestinationis (id est, inter ea signa, ex quibus probabiliter sive coniecturaliter colligi valet. aliquem consecutum esse aeternam Beatitudinem)

Bbb

prout

prout ostendit, atque pluribus SS. Patrum auctoritatibus firmat Hieremias Drexelius *Signo 3. Zodiaci*: id tamen in gentiliter viventibus locum habere nequit. Quia tales, hoc ipso, quod vivant gentiliter, accedunt indisposite, & Sacramenta illa

recipiunt sacrilege: atqui absurdissimum est dicere, frequentem sacrilegam Sacramentorum receptionem esse notam Prædestinationis; cum eo amplius Divina offendatur Maiestas, quo frequentius eiusmodi reiterantur Sacrilegia.



# TRACTATUS XI.

## DE BENEFICIIS ECCLESIASTICIS, JURE PATRONATUS, ET DECIMIS.

**P**raesentium materiarum Tractatus ex professo quidem ad Jus Canonicum spectare videtur, ubi sub propriis Titulis tum de Ecclesiasticis Beneficiis, ac Jure Patronatus tum de Decimis, uberius agi consuevit. Veruntamen quia circa præmissa plures occurrere solent materiae practicae, & Forum Conscientiae respicientes, merito etiam in Theologia Morali discutiuntur, ne culpabilis eorum ignorantia multorum peccatorum origo sit, & fomentum.

### DISTINCTIO I.

#### *De Beneficiis Ecclesiasticis, eorumque Collatione.*

#### QUESTIO I.

Quid, & quotuplex sit Beneficium Ecclesiasticum?

#### SUMMARIUM.

1. *Præfens materia, cur hic tractetur?*
  2. *Beneficium generatim, quid? Quomodo in proposito sumatur?*
  3. *Beneficium Ecclesiasticum, quid?*
  4. *Tria in eo distinguuntur.*
  5. *Quomodo sit jus perpetuum?*
  6. *Ejus Laicus est incapax.*
  7. *Debet constitui auctoritate Ecclesiae.*
  8. *Beneficia Ecclesiastica majora, & minora.*
  9. *Regularia, & Secularia.*
  10. *Curata, & non curata, quæ?*
  11. *Beneficia Electiva, Patronata, & Collativa, seu Libera, quæ?*
  12. *Beneficia patrimonialia, & non patrimonialia.*
  13. *Manualia, seu revocalia, & non manualia, quæ?*
  14. *Dignitas, Personatus, & Officium, an differant?*
  15. *Stricte quid sit Dignitas.*
  16. *Personatus, &*
  17. *Officium?*
2. **B**eneficium generatim sumptum aliud non est, quam benevola actio tribuens gaudium capientibus: quomodo comprehendit quodlibet Beneficium, tam Laicale, quam Ecclesiasticum. In proposito sermo est de solis Beneficiis Ecclesiasticis, quæ auctoritate Ecclesiae sunt instituta, atque conferri solent Clericis propter officia spiritualia, & honestam eorumdem sustentationem, ne alioquin in opprobrium Ordinis Clericalis mendicare, vel negotiari cogantur; simulque, ut adimpleatur illud Apostoli 1. Corinth. 9. *Qui altari deserviunt, cum altari participant.*

3. **CONCL. I.** *Beneficium Ecclesiasticum, est jus perpetuum percipiendi fructus ex bonis Ecclesiasticis, propter aliquod officium spirituale, personæ*

Ecclesiasticæ auctoritate Ecclesiae constitutum. Ita in re Doctores communiter.

4. Tria siquidem in Beneficio Ecclesiastico distinguuntur. Primum, est *officium aliquod spirituale*, ut puta obligatio recitandi Horas Canonicas, deferendi alicui Ecclesiae, administrandi Sacramenta, celebrandi certas Missas, &c. Et hoc est omnino spirituale, non tamen est beneficium, sed fundamentum & causa beneficii Ecclesiastici; nam *propter Officium datur Beneficium, c. ult. de Rescriptis, in 6.* Secundum, est *jus percipiendi fructus ex bonis Ecclesiasticis*; & hoc ius proprie dicitur Beneficium; estque spirituale, quia oritur ex spirituali officio. Tertium, sunt ipsi *fructus percipiendi ex bonis Ecclesiasticis*, id est, ex bonis Deo dicatis, atque Ecclesiae donatis: Et hi sunt quid temporale, liciteque venduntur absque labe Simoniz, prout patet in fructibus Decimarum.

5. Additur in data definitione, *jus perpetuum*. Quia de natura Beneficii Ecclesiastici est, ut institutum perpetuo duret, & non conferatur ad certum dumtaxat tempus, sed regulariter ad totam vitam Beneficiarii: adeoque Beneficiarius in eo intutetur, seu investigatur, *arg. c. Sanctorum, dist. 70. ibi: In qua Ecclesia quilibet titulus est, in ea perpetuo perseveret.*

6. Et subjungitur, *persona Ecclesiastica*: Quia Laicus est incapax Beneficii Ecclesiastici: ante omne enim Beneficium requiritur præviis Clericatus, seu prima saltem Tonsura, adeo ut sine eo quis ad beneficium possidendum sit inhabilis: nam generaliter Laici spiritualia possidere non possunt, *c. Causam, de Prescript. & alibi.*

7. Dicitur ultimo, *auctoritate Ecclesiae constitutum*: Quia Beneficia non nisi auctoritate Ecclesiae institui, seu erigi possunt: Unde si quis certas Missas, vel etiam Anniversarium, in perpetuum fundaverit, nisi simul approbatio Episcopi accesserit, non erit Beneficium, sed tantum pia donatio, vel Legatum pium. Barbosa l. 3. *Juris Eccl. univ. c. 4. n. 16.* Engel, & alii.

8. **CONCL. II.** Beneficia Ecclesiastica varie dividuntur. Ita omnes; & patet inductione. In primis enim Beneficia alia sunt *Majora*: ut Papatus, Patriarchatus, Cardinalatus, Archiepiscopatus, Episcopatus: quibus addunt Abbatiam; nam Abbates in suos quasi *Episcopalem jurisdictionem* obtinent, *c. Abbates, de Privileg. in 6.* Et hæc communi nomine Beneficii, ac nisi secus exprimatur, comprehendendi non solent, cum sint *Culina Dignitatum*; prout appellantur *cap. Venerabilis, de Prebendis*. Alia dicuntur *Beneficia Minora*; ut sunt cætera prædictis inferiora.

9. Dein-



9. Deinde Beneficia alia sunt Regularia, alia Secularia. Illa sunt, quæ solis Regularibus competunt, aut pro ipsis tantum instituta fuerunt: ut Abbacia, Prioratus &c. Secularia e contra censentur, quæ sunt addicta, seu debita secularibus Clericis; id est, illis, qui nullam Regulam ex Ordinibus ab Ecclesia approbatis sunt professi, sed in seculo existentes serviunt Deo sub Statu Clericali. Et de hac divisione loquitur illud receptum Canonistarum: *Secularia Beneficia secularibus, & regularia regularibus sunt conferenda, c. Cum ad nostram, & c. Officii, de Electione*, juncto Concilio Trid. Sess. 14. de Reform. cap. 19. Intellige, nisi causa necessitatis exigente, deque consensu Superiorum, aliud fieri expediat.

10. Rursum alia sunt Beneficia curata, quæ videlicet curam animarum habent annexam: qualia habent Parochi, &c. Alia dicuntur Beneficia non curata, seu quibus nulla ejusmodi animarum cura est annexa: & in dubio Beneficium censetur non curatum, ac proinde allerenti curatum, incumbit hujus probatio.

11. Insuper Beneficia Ecclesiastica juxta triplicem modum, quo communiter conferri solent, dividuntur in collativa seu libera, in patronata, & in electiva. Beneficia electiva vocantur, quæ conferuntur per electionem legitime celebratam, atque a Superiore confirmatam. Patronata, quæ ad Patroni præviam præsentationem, & subsequutam institutionem a Prælate factam conferuntur. Seu brevius: Patronata sunt, quæ subsunt Juri Patronatus. Tandem Beneficia collativa, seu libera appellantur, quæ per liberam Superioris collationem sine prævia Capitulari electione, vel alterius præsentatione conferuntur.

12. Beneficia ulterius dividuntur in patrimonialia, & non patrimonialia. Patrimonialia dicuntur, non quod patrimonii naturam seu rationem habeant (nam successiones in Beneficiis Ecclesiasticis semper iniquæ, detestabiles, & Sacris Canonibus inimicè reputantur, c. Accepimus, de Pactis, &c. Ad extirpandas successiones, de filiis Presbyt.) sed quia juxta Fundatoris institutionem non possunt conferri, nisi Clericis ex aliquâ patria, loco, vel Parochia oriundis. Beneficia non patrimonialia vicissim sunt, quæ cui-libet digno, undecumque oriundo, conferri valeant.

13. Beneficia tandem alia dicuntur manualia, alia non manualia. Prioris generis sunt ea, quæ ad nutum conferentis evocari possunt; & propterea etiam appellantur Beneficia revocabilia. Sed hæc non sunt proprie dicta Beneficia, cum de se non sint perpetua. Beneficia non manualia e contra sunt, quæ semel collata amplius adimi non possunt, nisi certis de causis a Jure exprellis.

14. Quæres, quid sit Dignitas, Personatus, & Officium, & an differant? Resp. I. Hujusmodi vocabula quandoque sumuntur pro synonymis, præbuit ex c. Cum accessissent, de Constitut. ubi idem Primicerius primò appellatur Personatus, deinde Dignitas, & tandem Officium. Unde in horum vocabulorum usu attendendam esse locorum consuetudinem, passim notant Doctores, ut Vallesius. de Præbend. n. 7. Pirling. cod. n. 10. & alii.

15. Resp. II. Strictè loquendo prædicti termini inter se differunt: nam Dignitas, est præcedentia cum jurisdictione: Personatus vero præcedentia sine jurisdictione. Unde ea Beneficia censentur Dignita-

tes, quæ habent annexam præminentiam, atque administrationem rerum Ecclesiasticarum cum imperio, & jurisdictione; & quidem (ut notat Sylvester Vers. Dignitas num. 1.) in Foro externo contentioso: ut Præpositura, Decanatus, Archidiaconatus, Abbacia. Fatendum tamen, Dignitatem etiam oriri posse ex institutione: ut si in institutione Beneficii cautum fuerit, quod sit Dignitas. Item ex consuetudine: nam si de consuetudine Ecclesiæ aliqua reputetur Dignitas, licet de Jure non sit talis; tamen Dignitas censi debet.

16. Personatus, proprie accipiendo hanc terminum, est præcedentia sine jurisdictione: qualem habere censetur ille, qui præ cæteris Canonicis sui ordinis locum magis honorificum in Choro, in Capitulo, in Processionibus, & hujusmodi, obtinet. Unde Beneficium illud, cui talis præsentia sedis, & præcedentiæ absque jurisdictione annexa est, dicitur esse Personatus.

17. Officium tandem est administratio rerum Ecclesiasticarum sine alia speciali præcedentia, vel jurisdictione: qualem administrationem habent Sacrista, Custos, Thesaurarius, & hujusmodi.

## QUESTIO II.

### De Collatione Beneficiorum.

#### SUMMARIUM.

18. Beneficia, quibus modis conferri solent?
19. Alii modi eadem obtinendi.
20. Per Electionem, quomodo valide acquiratur?
21. Major pars eligentium, quæ?
22. Potior pars eligentium, quæ?
23. Per Præsentationem, quomodo, acquiratur Beneficium?
- (a) Dist. 3. per totam.
24. Institutio, quid?
25. Institutio triplex, videlicet Authoritatis.
26. Collativa, seu Verbalis, &
27. Institutio corporalis, seu realis.
28. Investitura, installatio &c. quid, & quomodo sit necessaria?
29. Per liberam collationem conferri Beneficia, & Collatio Beneficii, quid?

18. CONCL. I. Beneficia Ecclesiastica tribus potissimum modis obtineri, conferrique solent; videlicet per Electionem, Præsentationem, & liberam Collationem. Ita communis, atque desumitur ex illa vulgata divisione Beneficiorum in electiva, patronata, & collativa, de quibus n. 11. jam dictum est.

19. Dicitur notanter, tribus potissimum modis: Nam, quamvis hi tres sint communiores, & præcipue usitati modi, quibus Beneficia Ecclesiastica obtineri, conferrique solent, ea nihilominus etiam nonnullis aliis modis acquiri possunt, ut puta per Postulationem, per Translationem Episcoporum ab uno Episcopatu ad aliam, item per permutationem, & Resignationem in favorem tertii cum secuta collatione. De quibus partim in progressu, partim uberius in Jure Canonico per diversos Titulos tractatur.

20. CONCL. II. Ut per electionem valide acquiratur, & conferatur Beneficium Ecclesiasticum, necesse est, quod ea sit canonice celebrata,

& facta a majori atque saniori parte Capituli, sive eorum, quibus jus eligendi competit. Ita desumitur ex *c. Quia propter*, & *c. In Genesi*, de *Electiōe*, & aliis locis Juris Canonici; ubi dicitur, quod electio non valeat, nisi vel omnes, vel major & sanior pars Capituli, consenserit in electum.

21. Circa quod notandum, quod *major pars* censetur ea, ubi est major numerus eligentium respectu totius Capituli presentis. De jure enim non sufficit (quidquid sit de speciali quorundam locorum consuetudine contraria, de qua Engel *tit. de Election. n. 37.* post Zypæum) habere majora, seu plura vota comparatione alterius minoris partis, *c. Ecclesia*, l. 1. de *Electiōe*. sed requiruntur majora vota respectu totius Capituli presentis; ita ut, si sint duodecim Vocales, requirantur saltem septem vota, *arg. c. Cumana*, de *Electiōe*. & *c. Si cui*, *cod. in 6.* Sufficit autem quicumque excessus ultra medietatem, etiam si foret unius medii voti, v. g. si essent tredecim Vocales, septem vota jam sufficerent.

22. Porro *pars sanior* censetur ea, quæ est justior, & majori ratione nititur & auctoritate. Glossa in *cit. c. In Genesi*, sive, ut alii loquuntur, *pars sanior* dicitur, quæ constat Viris dignitate, ætate, ac tempore officii, nec non & prudentia, pietateque magis conspicuis. Verum si nihil opponatur, nec non & in dubio, major pars numero præsumitur etiam sanior, *c. Ecclesia*, 57. de *Electiōe*. ibi: *Cum ubi major numerus est, zelus melior præsumatur*, cum concordantiis.

23. CONCL. III. Per Præsentationem conferuntur, atque obtinentur Beneficia Ecclesiastica, quando ad præsentationem Patroni, & institutionem subsequutam, factam a Prælate, ea conferuntur. Ita in re communis. Dicitur, *ad præsentationem Patroni*; id est, illius, qui habet jus præsentandi Clericum idoneum ad tale Beneficium: & id proprio nomine appellatur *Jus patronatus*, de quo inferius (a) ex professo dicitur.

24. Additur, & *institutionem subsequutam, factam a Prælate*: Siquidem *Institutio*, est concessio Beneficii ad præsentationem Patroni facta: & tam ipsa, quam præsentatio, pertinet ad Jus patronatus. Beneficium namque Juris patronatus non dicitur proprie conferri, cum Ordinarius non eligit personam providendam; sed proprie Ordinarius dicitur instituere, Patronus vero præsentare, Barboza *lib. 3. Juris Ecclesiast. anu. cap. 13. n. 4.*

25. Ceterum allata particula intelligenda est de Institutione collativa. Nam, ut notat Fagnanus in *c. Cum Ecclesia*, n. 28. & *seqq. de Causa poss. & propriæ*, tres a SS. Canonibus assignantur species Institutionis. Prima dicitur *Institutio auctorizabilis*: nec aliud est, quam approbatio ad curam animarum, *arg. c. Cum satis*, de *Officio Archidiaconus*. ubi Summarium sic habet: *Archidiaconus sine mandato Episcopi non committit curam animarum, id est, non habet institutionem auctorizabilem.*

26. Altera vocatur *Institutio collativa* (quam alii *verbalis* appellant) estque ea, per quam titulus Beneficii confertur: ut si Episcopus, vel alius ordinarius Collator, præsentato ad Beneficium, vel verbis expressis, vel per litteras impertitur confirmationem. Ex hæc omnibus ad Beneficium Ecclesiasticum præsentatis adeo est necessaria, ut si

propria auctoritate Beneficium occupent, fructus illius colligant, aut simile quid facere præsumant, eo ipso jus ex præsentatione sibi quæsum amittant, *arg. c. Avaritia*, de *Electiōe* in 6. & post Garciam de Beneficiis, p. 11. t. 12. n. 217. tradit Engel *tit. de Instit. n. 2.*

27. Tertia tandem dicitur *Institutio corporalis*; sive (ut alii loquuntur) *realis*: neque aliud est, quam missio in possessionem Beneficii; quando nempe datur cuipiam actualis possessio ipsius. De hac fit mentio *c. Ad hac*, de *Officio Archidiaconi*, ibi: *Institutio corporalis, tam super Beneficiis, quam etiam Dignitatibus ad ipsum (Archidiaconum) debeat pertinere.*

28. Ex hæc Institutio corporalis alio nomine vocatur *Investitura*, *Installatio*, *Missio in actualem possessionem*. Neque enim quoad titulum institutus possessionem etiam vacuum Beneficii propria auctoritate, & sine licentia, sive introductione Superioris, apprehendere debet: alioquin poena saltem arbitraria per Prælatum puniendus erit. Covarruv. *lib. 3. variat. Res. cap. 16. num. 7. & seqq.* Engel *tit. de Institut. n. 4.* & alii. Præsertim, si alicujus Ecclesiæ consuetudo specialis, vel statutum id exigat, prout limitat Layman in *c. Nosti*, n. 5. de *Electiōe*. alioquin enim illum, qui habet jus in re, sive titulum canonicum Beneficii, posse propria auctoritate vacantem ejusdem possessionem apprehendere absque alio Superioris, vel Judicis decreto, censet Pirhing *tit. de Præbendis*, n. 53. citans alios.

29. CONCL. IV. Per liberam Collationem confertur, & obtinetur Beneficium Ecclesiasticum, quando illud solo jure Prælati libere, absque prævia Capitulari electione, vel præsentatione, confertur. Ita communis. Unde Barboza *loc. cit. n. 3.* ait, quod *Collatio Beneficii* sit a Superiore gratuito facta concessio. Et hæc alio nomine vocatur *Provisio*: quia is, cui est facta collatio, dicitur de Beneficio provisorius, aut Beneficium de persona ejus provisorium.

### Q U Æ S T I O III.

Quinam Beneficia libere conferre possint?

#### S U M M A R I U M.

30. Papa habet potestatem conferendi Beneficia totius Mundi.
31. Solet ea conferre tribus modis, videlicet,
32. Jure præventionis.
33. Jure devolutionis.
34. Collatio Beneficii ab Episcopo devolvitur ad Capitulum. Limitatur hoc.
35. Et Jure concursus, quomodo?
36. Quid juris, si idem Beneficium a Papa, & inferiore, duobus conferatur?
37. Episcopus est ordinarius Collator Beneficiorum suæ diocesis. Habet super his intentionem fundatam.
38. Collatio Ecclesiarum Parochialium per Concursum, quæ?
39. Forma dicti Concursus.
40. Quid censendum de primis precibus Imperatoris?
41. Non debent esse secunda.
42. In quibus Beneficiis non habeant locum?

30. CON-

30. **CONCL. I.** Papa de Jure communi habet potestatem conferendi omnia Beneficia Ecclesiastica totius Mundi. Ita unanimis Catholicorum; & habetur expressum in Jure Canonico variis in locis, ut *c. 2. de Prab. in 6. & c. Si Papa de Privil. in 6. & Clem. un. Ut lite pendente &c. ibi: Ad quam (Romanum Pontificem) Ecclesiarum, Personarum, Dignitatum, aliorumque Beneficiorum Ecclesiasticorum plena & libera dispositio, ex sua potestatis plenitudine noscitur pertinere.* Unde receptum dictum est, quod Papa habeat concurrentem jurisdictionem cum omnibus Ecclesiarum Prælati: quinimo ipse est *Ordinarius Ordinariorum.*

31. **CONCL. II.** Tribus præcipue modis Papa solet Beneficia conferre, videlicet jure præventionis, jure concursus, & jure devolutionis. Ita Rebuffus in *praxi. tit. de Devolutionibus §. 46.* alii; idque ostenditur inductione.

32. Inprimis *Jure præventionis* id fit, quando Romanus Pontifex cuiquam confert gratiam expectativam ad Beneficium primo vacaturum: arg. *c. Dudum, & c. Licet Ecclesiarum, de Prabend. in 6.* cum concordantiis. Et hoc est speciale in Summo Pontifice, neque alteri concessum, quod Beneficium, seu Præbendam nondum vacantem certæ personæ promittere, & jus ad illud dare queat; arg. *c. Nulla de Concess. Prabenda.* Idque adeo verum est, quod etiam promissio Beneficii vacaturi per Prælatum Papa inferiorem facta nihil valeat, nullamque inducat obligationem, *c. Relatum, & c. Ex tenore eod.* Ubi hujusmodi promissiones Beneficii vacaturi, etiam scriptis datæ, non tenere dicuntur, cum sint attentatæ contra dispositionem Concilii Lateranensis.

33. Deinde *Jure devolutionis* Beneficia Ecclesiastica conferantur a Papa, quando propter negligentiam conferendi, vel moram eligendi ab inferioribus Ecclesiarum Prælati commissam, talis potestas conferendi ab inferioribus devolvitur ad Summum Pontificem. Quia enim Ecclesiarum Cathedralis, & Regulares ultra tres menses vacare, seu Præbato vacare non debent, *text. cler. c. Ne pro defectu, de Election.* alia vero Beneficia intra semestre, seu sex menses conferenda sunt, *c. Nulla de Concess. Prabenda.* Hinc, si ordinarii Electores aliquem intra præfixum tempus eligere, aut ei Beneficium conferre negligent, vel eligant, seu conferant illud indigno, jus eligendi vel conferendi Beneficium plerumque devolvitur ad proximum Superiorem, ac eo etiam negligente, gradatim ad Summum Pontificem, *c. Quamquam de Election. in 6. & c. cap. Nulla de Concess. Prabenda.*

34. Verumtamen in hoc posteriori loco habetur specialis limitatio, dum statuitur, quod quando ad Episcopum spectat collatio Beneficii, & ipse ultra debitum tempus conferre distulit, tunc non ad Superiorem sive Metropolitanum, sed ad Capitulum devolvitur collatio illius Beneficii. Idque merito statutum fuit propter communionem, quæ fit inter Episcopum, & Capitulum suum Cathedralis: quamquam hoc ipsum procedat dumtaxat in Beneficiis, quæ pertinent ad Episcopum jure proprio, non autem in devolutis ad Episcopum propter negligentiam, vel delictum inferioris Collatoris; ut observat Abbas in *c. cap. Nulla de Concess. Prabenda.* cum aliis.

35. Tandem *Jure concursus* Papa conferre potest Beneficia Ecclesiastica, eo quod ipse cum quolibet ordinario Collatore concurrat in potestate, & jurisdictione. Nam quamvis Papa potestatem conferendi Beneficia Ordinariis contulerit, sibi tamen majorem reservavit, *c. Dudum de Prab. in 6.*

36. Unde de plenitudine potestatis potest Summus Pontifex quælibet totius Mundi Beneficia Ecclesiastica conferre, etiam nulla interveniente negligentia inferiorum Collatorum ordinariorum, & tunc inter Papam, & reliquos inferiores Collatores datur locus præventionis, ita ut qui prior contulit, ejus collatio rata sit. Quod si idem Beneficium a Papa uni, & ab Ordinario alteri collatum sit eadem die, nec appareat, quæ collatio fuerit prius facta, erit potior conditio possidentis: si vero neuter possideat, præfertur is, cui Papa, vel ejus Legatus contulit Beneficium, *text. clar. Si a sede de Prabenda in 9.*

\* Porro illud adhuc notandum hic est, quod Summus Pontifex, etsi valeat de plenitudine potestatis conferre omnia Beneficia totius mundi: hanc tamen potestatem absolutam non exerceat apud multas Nationes ob varia Concordata inter Sedem Apostolicam, & similes Nationes erecta, juxta quæ se solet regulare. Sic de Concordantiis Germaniæ plura poterunt videri in Jure Canonico, *lib. 3. Decret. tit. 6. §§. 18. & 19.\**

37. **CONCL. III.** Post Papam ordinarius Collator Beneficiorum in sua Diocesi est Episcopus. Patet hoc ex *c. Nullus omnino, 16. q. 7. & c. Cum ex injuncto, §. fin. de hereticis, ibi: Ad cujus (Episcopi) officium tam institutio, quam destitutio Sacerdotum noscitur pertinere.* Hinc Abbas in *c. c. Cum ex injuncto n. 2.* ait, quod Episcopus fundatam intentionem habeat super institutione, ac destitutione Sacerdotum, in Beneficiis suæ Diocesis: & si alius sibi vendicat, probare debeat, jure speciali id sibi competere; quia de Jure communi ista pertinent ad Episcopum. Unde de his inferioribus Collatoribus impræsentiarum non est necesse agere; cum potius specialia jura, quæ nonnullis inferioribus Collatoribus competunt, inspicienda veniant.

38. Quæres, quid censendum de Collatione Parochialium Ecclesiarum per Concursum? Resp. De hoc ex professo agi in Concilio Tridentino *Sess. 24. de Reform. cap. 18.* Cum enim maxime expediant animarum salutem, eas a dignis, & idoneis Parochis gubernari: hinc Concilium ibidem saluberrime decrevit, ut vacante Ecclesia Parochiali, interim, si opus fuerit, idoneus in ea Vicarius cum congrua fructuum portionis assignatione constituitur, donec ipsi de Rectore provideatur. Exinde voluit, ejusmodi Parochias non arbitrio Episcopi, sed per Concursum esse conferendas.

39. Porro forma concursus hæc assignatur, ut vacante Ecclesia Parochiali intra decem dies, vel aliud tempus ab Episcopo præscribendum, aliquot Clerici, ad Ecclesiam regendam idonei, coram deputandis Examinatoribus nominentur; vel, si ita pro Regionis more videatur magis expedire, per Edictum etiam publicum ad talem Parochiam aspirantes vocentur, & comparantes examinentur per Examinatores in Synodo Diocesana deputatos: & qui peracto examine idonei judicati fuerint ætate,



moribus, doctrina, prudentia, aliisque rebus ad vacantem Ecclesiam gubernandam opportunis, Episcopo denuncientur. Ex quibus deinde Episcopus eum eligat, quem ceteris magis idoneum judicaverit; ipsique, & non alii, Parochia conferatur, prout amplius habet Concilium Tridentinum *loc. cit.* Verum ab hoc Concursu sunt eximenda nonnulla Parochia, de quibus infra *Distinct. 3. num. 41. & 42.*

40. Quæres ulterius, quid sit censendum de Primis Precibus Imperatoris? Resp. Romanus Pontifex Imperatori recens electo, & a Papa confirmato, id postulanti, per speciales litteras concedere solet pro Ecclesiis Germaniæ singulare privilegium, virtute cujus in qualibet Ecclesia semel personam idoneam, sibi gratam & acceptam, ordinario Collatori nominare possit, qui ad Beneficium vacans, dummodo cæteroquin sit idoneus, omnino recipi debeat. Et hujusmodi nominatio per Romanum Imperatorem facta dicitur proprio nomine, *Prima Preces Imperatoris.*

41. Cæterum prædictæ Preces Imperatoris sunt intelligendæ, dummodo idem Collator nonnisi semel, id est, pro unico tantum Beneficio grave- tur: nam alioquin non primæ, sed secundæ Preces conferentur. Gravasse autem tunc censetur, si Preces ad effectum pervenerint, atque supplicans actu Beneficium illud obtinuerit: nam si hic Pre- cibus renunciaverit, vel ex quocumque alio impe- dimento Beneficium illud non obtinuerit, nihil prohibet, quin Imperator novas Preces pro alio ad eundem Collatorem dirigere valeat.

42. Ab his tamen primis Precibus excipiuntur Dignitates Pontificales, & primæ post illas; ut Præposituræ, vel Decanatus: item Prælaturæ, primæque dignitates in Monasteriis, & Ecclesiis Collegiatis. Excipiuntur etiam Beneficia, quæ pertinent ad Jus patronatus Laicorum: nam huic Pontifex numquam censetur derogare, nisi id ex- primat. Insuper primæ preces Imperatoris locum non habent, nisi ordinarius Collator ad minus quatuor Beneficia conferre possit: nam si unum dumtaxat, vel alterum conferendum habeat, non tenetur ejusmodi Preces admittere. Quinimo hæc clausula, *Dummodo ipsi Collatores, & Collatrices, saltem quatuor Beneficia conferre habeant:* Litteris Pontificiis, Cæsareæ Majestati dictam facultatem concedentibus, inseri solet; ne aliquin facile contingat, ut quis toto vitæ suæ tempore impediatur ab usu juris liberæ suæ Collationis. Engel *tit. de Præbend. n. 70.* Wagner *cap. Is cui. §. 2. tod. in 6.*

#### Q U Æ S T I O IV.

Quibus conferenda sint Beneficia? ubi & de Con- ditionibus ex parte eorum requisitis.

#### S U M M A R I U M.

43. Beneficia Ecclesiastica non nisi dignis conferenda.
44. Ea dignioribus in conscientia conferri debent.
45. Mens Concilii Tridentini circa hoc. Et Decretum Innocentii XI.
45. Conclusio procedit de omnibus Beneficiis curatis.
47. Quid de Beneficiis simplicibus,
48. Patrimonialibus, & Patronatibus?
- (b) Ut infra dicitur Dist. 3. n. 44. & seqq.
49. Ecclesia magis utilis, quis?

50. Dignus respectu Beneficii, & dignior, quis?
51. Unde desumenda major Dignitas?
52. Indignus, quis?
53. Conditiones, ut quis sit dignus ad Beneficium,
54. I. *Thorus legitimus.*
55. II. *Status Clericalis.*
56. III. *Ætas legitima. Et que sit talis?*
57. IV. *Calibatus.*
58. V. *Absentia censura, atque irregularitatis.*
59. Quid de excommunicatione excommunicatione minori?
60. VI. *Probitas morum.* VII. *Scientia debita.* VIII. *Habilitas corporis.*
61. IX. *Intentio Status Ecclesiastici.*
62. X. *Carentia Beneficii incompatibilis.*
- (c) Juxta dicenda Dist. 2. n. 19. & seqq.
63. Electio indigni est ipso jure irrita.
64. *Vales tamen electio digni omisso digniore.*

43. CONCL. I. Certum est, Beneficia Ecclesiastica non nisi dignis, atque idoneis, con- ferenda esse. Ita communis: nam recte rationi adversatur, assumere ad officium spirituale perso- nam inidoneam. Hinc c. *Grave nimis de Præbend.* dicitur: *Grave nimis est, & absurdum, quod quidam Ecclesiarum Prælati, cum possint viros idoneos ad Ec- clesiastica Beneficia promovere, assumere non verentur indignos, quibus nec morum honestas, nec litterarum scientia suffragatur: carnalitates sequentes affectum, non judicium rationis: unde quanta Ecclesiis damna proveniant, nemo sana mentis ignorat &c.*

44. CONCL. II. Electores, Patroni, & Col- latores Beneficiorum, præsertim curatorum, quan- tum in ipsis est, sive in ipsorum libera dispositione, tenentur in conscientia ad præferendum inter dignos digniorem, seu quem magis Ecclesiæ utilem ipsi judicaverint. Ita post D. Thomam 2. 2. qu. 63. art. 2. & qu. 185. artic. 5. Doctores passim; adeo, ut Lugo disput. 33. de just. & jure sect. 2. num. 10. hanc sententiam appellet communissimam. Desu- mitur hoc ex cap. *Metropolitano*, dist. 64. volentē, quod optimus ordinetur. Concordat textus c. *Lices* 8. quest. 1. ibi: *Qui præstantior est ex omni populo, qui doctior, qui sanctior, qui in omni virtute eminentior, ille eligatur ad Sacerdotium, & alibi.* Accedit ratio: quia dispensationes spiritualium principaliter ordi- nantur ad utilitatem communem, juxta illud 1. *Corinth. 12. Unicuique datur manifestatio spiritus ad utilitatem:* atqui communis isthæc utilitas non observatur, quando in dispensatione spiritualium, seu promotione ad Beneficia Ecclesiastica illi, qui sunt simpliciter minus boni, præferuntur melio- ribus; ergo.

45. Hinc Concilium Trident. Sess. 24. c. 1. de Reform. expresse ait: *Alienis peccatis communicantes mortaliter peccant, qui nisi quos digniores, & Ecclesia magis utiles, ipsi judicaverint, ad Ecclesias promoveant.* Quorum verborum sensum, cæteroquin admodum clarum, cum nonnulli Auctores sinistra interpre- tatione perverterint, Innocentius XI. sequentem inter alias, ordine 47. Propositionem damnavit: *Cum dixit Concilium Tridentinum, eos alienis peccatis communicantes mortaliter peccare, qui nisi quos dignio- res, & Ecclesia magis utiles, ipsi judicaverint, ad Ecclesias promoveant, Concilium vel primo videtur per hoc digniores non aliud significare velle, nisi dignitatem eligendorum sumpto comparativo pro positivo; vel se- cunda*



cundo locutione minus propria ponit digniores, ut excludat indignos, non vero dignos; vel tandem loquitur tercio, quando fit Concurfus. Haecenus Propositio damnata.

46. Dicitur notanter in Conclusionem, *Beneficiorum, praesertim curatorum*. Eam enim post citatum Decretum Innocentii XI. procedere non solum de Episcopatibus, de quibus ex professo loquebatur Concilium Tridentinum; sed etiam de omnibus illis, qui habent jurisdictionem quasi Episcopalem, sive sint Abbates, sive Vicarii, aut Priores nullius Dioecesis, sive Praelati Regulares, ob identitatem rationis; quin etiam de illis, qui eliguntur ad Beneficia Parochialia: ad longum deducit Jo. Cardenas in *Crisi Theologica ad Propositionem 37. Innocentii XI.*

47. Notat tamen citatus Auctor num. 2. neque Concilium Trid. Sess. 24. cap. 1. de Reformatione neque Propositionem allegatam Innocentii XI. agere de Beneficiis simplicibus, & nullam animarum curam habentibus: nam Concilium expresse agit de Pastoribus Ecclesiarum; Propositio vero citata agit contra eos, qui Concilium perperam interpretabantur. Hinc non pauci Doctores apud Lugonem loc. cit. nam. 10. oppositum tenent de Beneficiis simplicibus: & quod in his non sit peccatum mortale, praetermittere digniorem, dummodo vere dignus & idoneus instituitur, censet Layman lib. 4. tract. 2. cap. 15. num. 8. post Sotum, Lessium, & alios: siquidem Ecclesia plerumque non magnum inde detrimentum patitur.

48. Additur in Conclusionem, *quantum in ipsis est*: Nam in Beneficiis patrimonialibus, sive quae ex primæva Foundatione, statuto vel consuetudine, certo personarum generi, v.g. talis Familiae, Patriae &c. conferenda sunt, id observari debet, dummodo adsint idonei, qui ex tali genere institui possint; non obstante, quod alii meliores, sed extranei, praesto sunt. Deinde, quando Patronus, praesertim Laicus, praesentat Clericum dignum ad Beneficium, tenetur eum Episcopus instituere (b) haud obstante, quod judicet aliquem alium fore digniorem. Siquidem hic est favor specialis, & privilegium, ratione Foundationis Patrono concessum, ut quem voluerit, praesentare valeat; dummodo is cæteroquin idoneus sit, ac dignus. Quinimo ex hoc fundamento probabiliter tradunt nonnulli Auctores, quos citat, & sequitur Layman loc. cit. cap. 15. num. 7. Patronum Laicum plerumque satisfacere obligationi suae, si praesentet dignum, ac idoneum, adeo ut periculum non sit, Ecclesiam ex illius provisione damnum accepturam: quamvis secus dicendum sit de Praelatis, & Patronis Ecclesiasticis, utpote quibus ex officio incumbit, Ecclesiae quam optime providere.

49. Dicitur ultimo, *seu quem magis Ecclesia utilem judicaverint*: Quia non tenetur quis assumere simpliciter meliorem, sed meliorem quoad regimen Ecclesiae, qui scilicet possit Ecclesiam & instruere, & defendere, & pacifice gubernare, prout loquitur Doctor Angelicus cit. q. 185. art. 3. Unde & Concilium Trid. loc. cit. notanter monet, eos a Promotoribus esse promovendos ad Ecclesias, quos digniores, & Ecclesia magis utiles ipsi judicaverint. Hinc pro dictorum intelligentia

50. Notandum, quod Dignus respectu Beneficii

Ecclesiastici dicatur omnis ille, qui habet sufficientiam, omnesque qualitates a Jure requisitas ad ejus ministerium. Dignior vero, qui comparatione aliorum majorem sufficientiam, aptitudinemque ad administrandum habere dignoscitur. Et quidem isthac major sufficientia, dignitasque, non praecise mensuranda est ex majori doctrina, vel majori probitate, aut nobilitate; sed conjunctim ex omnibus animae & corporis dotibus, ipsaque aptitudine ad regendum, adeo ut Ecclesiae, sive Praelaturae, cui praeficitur, utilior fore credatur.

51. Et notanter hoc additur. Nam major isthac dignitas est desumenda per comparisonem ad bonum commune: contingit autem quandoque, quod ille, qui est minus sanctus, & minus sciens possit magis conferre ad bonum commune propter potentiam, vel industriam secularem, vel propter aliquid hujusmodi; uti notat D. Thomas cit. quaest. 63. art. 2.

52. Tandem Indignus censetur, cui deest aliqua ex qualitatibus ad ministerium Beneficiale a Jure requisitis. Quod ultimum, ut melius pateat, sic

53. CONCL. III. Ad hoc, ut quis sit dignus sive idoneus ad Beneficium Ecclesiasticum, plures requiruntur conditiones; videlicet Thorus legitimus, Clericatus, Aetas conveniens, Cœlibatus, Absentia Censurae atque Irregularitatis, Probitas morum, Scientia debita, Habilitas corporis, Intentio Status Ecclesiastici, & Garentia alterius Beneficii incompatibilis. Ita Lessius lib. 2. cap. 34. dubit. 17. & seqq. omnes has conditiones ad longum explicans, & alii passim.

54. Itaque ad obtinendum Beneficium Ecclesiasticum requiritur I. Thorus legitimus; hoc est, quod quis ex legitimo Matrimonio procreatus fuerit. Illegitimus enim cujuscumque Beneficii incapax est, nisi cum eo dispensetur.

55. II. Status Clericalis; id est, ut quis saltem prima Tonsura initiatus sit. Nam alias quilibet, & ad quodlibet Beneficium inhabilis existit; adeo quidem, ut non sufficiat, post illud jam acquisitum tonsurari. c. ex Literis. de Transactione. Quinimo si Beneficium ex sua institutione requirat certum Ordinem, quitumque illo Ordine caret, hoc ipso inhabilis censetur ad ejusmodi Beneficium: nisi forsan dictum Ordinem intra tempus a jure praescriptum obtinere valeat; prout adeptus Ecclesiam Parochialem satisfacit, si infra annum a sibi commissi regiminis tempore numerandum, se faciat ad Sacerdotiam promoveri. c. Licet Canon. de Elect. in 6.

56. III. Aetas legitima, nisi cum aliquo dispensetur. c. Cum in cunctis, de Electione. Porro pro quocumque Beneficio ad minimum requiritur aetas quatuordecim annorum inchoatorum; prout novissime statuit Concilium Trident. Sess. 23. cap. 6. de Reformatione. ibi: Nullus ante decimum quartum annum Beneficium possit obtinere. Deinde ad Dignitates, vel Personatus, quibus animarum cura nulla subest, requiruntur viginti duo anni saltem inchoati, juxta Concilium Trident. Sess. 24. cap. 12. de Reformatione. Verum ad Beneficium Parochiale requiruntur anni viginti quinque ad minus inchoati. cit. c. Licet Canon. de Elect. in 6. ibi: Decernentes, collationes de Parochialibus Ecclesiis, his, qui non attigerint vigesimum quintum annum, de cætero faciendas viribus omnino

omnino carere. Tandem ad Episcopatum requiritur ætas triginta annorum. *c. Cum in cunctis, de Electione.*

57. IV. *Calibatus*: hoc est, ut quis non sit Matrimonio ligatus. Siquidem quælibet collatio Beneficii facta ei, qui Matrimonio junctus est, invalida existit: nisi forsan quis consentiente conjugæ Castitatem voverit perpetuam, nec bigamus existat. *c. Sane, 2. de Clericis conjugatis.* Quinimo, si Clericus in minoribus Ordinibus constitutus habeat Beneficium, & postea contrahat Matrimonium, illud ipso jure perdit. *arg. c. 1. & c. Quod a te, eod. & cum communi Doctorum tradit Sanchez lib. 7. de Matrim. disp. 42. num. 4.*

58. V. *Absentia Censura atque Irregularitatis*: hoc est, ut quis non sit detentus ullo Juris impedimento, utputa Irregularitate, Excommunicatione, aut alia Censura Ecclesiastica. Collatio siquidem Beneficii nulla est, ipsoque jure irrita, si fiat excommunicato excommunicatione majori, vel suspensio, aut interdicto; prout patet ex *c. Postulasti, de Clerico excommunicat. & c. Cum dilectus, de Consuetud. & c. 1. de Postulat. Pralat. cum concordantiis.*

59. Additur notanter, *excommunicato excommunicatione majori*: Quia, si Beneficium conferatur excommunicato excommunicatione minori, collationem non esse ipso jure irritam, sed irritandam. *arg. c. Si celebrat. de Clerico excommun. censet Lessius loc. cit. n. 116.* quanvis nonnulli oppositum teneant.

60. VI. *Probitas morum.* Et VII. *Scientia debita.* Et VIII. *Habilitas corporis.* Hoc est, ut quis bonis moribus, & scientia commendabilis existat. *c. Cum in cunctis, de Elect. & alibi simulque ea corporis aptitudine præditus sit, ut decenter officium suum præstare valeat.*

61. IX. *Intentio Status Ecclesiastici.* Si enim quis accipiat Beneficium Ecclesiasticum eo dumtaxat animo, ut ex ejus fructibus sustentari valeat, donec Studia sua absolverit, vel divitem uxorem reperit, intentione postea Beneficium deferendi, peccat mortaliter, nec potest tuta conscientia illud retinere. Lessius *loc. cit. dubit. 26. num. 132.* allegans communem. Nihilominus satis est, ut quis sincero animo, bonaque fide proponat Statum Ecclesiasticum retinere, neque ab eo relinere, nisi justa causa supervenerit: quia non est mens Ecclesiæ, per Beneficium ita firmiter astringere Clericum ad Statum Ecclesiasticum, ut nulla de causa, licet adhuc sit constitutus in Ordinibus minoribus, possit eum deferere ineundo Matrimonium.

62. X. *Carentia alterius Beneficii incompatibilis*, juxta inferius dicenda *Dist. 2. Quest. 2.* Cæterum hoc non ita intelligendum est, quasi Collatio secundi Beneficii incompatibilis sit nulla: quinimo ea est valida, sed adepta illius pacifica possessione vacat primum; prout declarasse Sac. Congregationem Cardinalium Concilii Trid. Interpretum, refert Fagnanus *c. Super inordinata. n. 9. de Præbend.* Quod si vero Beneficiarius utrumque retinere perrexerit, utroque privatus existit ipso jure. (c)

63. CONCL. IV. Electio indigni, seu carentis aliqua ex qualitatibus ad ministerium Beneficiale a jure requisitis, irrita est, ac nullius roboris: valet tamen electio de digno celebrata omisso digniori. Prior pars patet ex pluribus textibus Juris Canonici, in explicatione singularum quali-

tatum hæcenus adductis. Concordat Concilium Trident. *Sess. 22. cap. 4. de Reform.* ibi: *Nec aliis imposterum fiat proviso, nisi iis, qui jam ætatem, & ceteras habilitates integre habere dignoscantur: aliter irrita sit proviso.*

64. Altera pars est *Zælii tit. de Election. num. 45.* Engel *eod. num. 47.* & aliorum. Ratio est: quia Ecclesia nullibi rejicit, neque irritat electionem de digno celebratam omisso digniore (bene tamen electionem indigni) idque ad bonum pacis: alioquin enim omnes propemodum electiones essent in discrimine, ac daretur locus infinitis litibus, si ea dumtaxat de causa posset electio impugnari, atque irritari, quod non fuerit electus dignior. Nec obstat, quod scienter eligentes dignum omisso digniori peccent. Nam *multa fieri prohibentur, quæ si facta fuerint, obtinent roboris firmitatem*, ut dicitur *cap. Ad Apostolicam, de Regularibus.*

## QUÆSTIO V.

Quæ sint obligationes Beneficiariorum?

### SUMMARIUM.

65. *Obligatio Beneficiariorum multiplex.*
66. *Una, est Horarum Canoniarum recitatio.*  
(d) *Tract. 6. Dist. 1. num. 24. 31. & seqq.*
67. *Alia, est Residentia personalis.*
68. *Episcopi & Pastores tenentur residere Jure Divino.*
69. *Alii vero Beneficarii Jure Ecclesiastico.*
70. *De consuetudine excipiuntur Beneficia simplicia.*
71. *Solvitur instantia.*
72. *Quibus de causis liceat abesse a Beneficio?*
73. *Episcopus quando, & quamdiu possit abesse?*
74. *Item & Canonici.*
75. *Quid de Parochis?*
76. *An hi possint abesse sine alia licentia per duos menses? Affirmant aliqui.*
77. *Melius alii negant.*
78. *Quid in casu subita necessitatis?*
79. *Vel in absentia ultra duos menses?*
80. *Solvitur instantia.*

65. CONCL. I. Obligatio Beneficiariorum multiplex esse potest, pro qualitate scilicet Beneficiorum, atque Foundationum diversitate. Patet hoc: tum quia in una Foundatione plura Missarum onera Beneficiario imponuntur, quam in altera. Tum quia nonnulli eorum quandoque ad Chorum alligati existunt, non vero alii. Tacentur aliæ speciales obligationes, quæ quibusdam Beneficiis vi primævæ suæ Foundationis impositæ sunt, non aliis: unde tenor Litterarum Foundationis vel maxime inspiciendus, & exacte observandus erit.

66. CONCL. II. Una principalis Beneficiariorum omnium, etiam necdum in sacris Ordinibus constitutorum obligatio, est recitatio quotidiana Horarum Canoniarum. Ita communis, & patet ex jam superius (d) dictis.

67. CONCL. III. Alia obligatio Clericis Beneficiariis incumbens, est Residentia personalis. Patet hoc tum ex Concilio Trid. *Sess. 23. de Reform. cap. 1.* tum ex Jure Canonico  *toto Tit. de Clericis non residentibus.*

68. CONCL. IV. Episcopi, & Pastores, quibus cura animarum commissa est, tenentur ad ejusmodi Residentiam personalem de Jure naturali, & Divino. Ita Lessius *lib. 2. de Just. & jure cap. 34. dubi.*

*debitas. 29. Henrinx disp. 7. de iust. & iure quaest. 4. Vallensis, & alii, idque satis aperte supponitur in Concilio Trid. cit. cap. 1. ibi: Cum praecepto Divino mandatum sit omnibus, quibus cura animarum commissa est, oves suas agnoscere, &c. Quia omnia nequaquam ab iis praestari, & impleri possunt, qui gregi suo non invigilant, neque assident, sed mercenariorum more deferunt.* Quibus verbis insinuat ratio Conclusionis: siquidem sedulorum Pastorum est, gregi suo invigilare, eique assistere, quod fit per Residentiam personalem; non autem Mercenariorum more eundem deferere.

69. CONCL. V. Etiam reliqui Beneficarii, curam animarum non habentes, spectato Jure communi Ecclesiastico, tenentur residere in loco Beneficii, siue Dignitatem annexam habeant, *arg. cap. 1. & seq. de Clericis non resid. siue aliud obtineant simplex Beneficium, quantumvis tenue ac modicum; prout desumitur ex c. Conquerente, & c. Inter quatuor eod.*

70. Dicitur notanter, *spectato Jure communi Ecclesiastico*: Nam in primis hujusmodi obligatio non descendit ex Jure naturali & Divino, sed vel ex primæva Fundatorum intentione, vel saltem ex Sacris Canonibus jam allegatis. Deinde loquendo de Beneficiis simplicibus, ex generali consuetudine totius Ecclesiæ eadem personalem Residentiam non amplius requirunt: ideoque potest Beneficiarius per Substitutum illis deservire, nisi Fundator disertis verbis oppositum expresserit. Fagnanus *c. Cum omnes, n. 14. de Constit.* Vallensis, Engel, & alii.

71. Quod si contra datas Conclusiones objicias; Juxta Regulam 68. Juris in 6. *Potest quis per alium, quod potest facere per seipsum*, cum concordantiis: ergo non tantum habens Beneficium simplex, sed & quilibet alius potest deservire per Substitutum. Resp. negando consequentiam: nam allata Regula fallit, seu patitur exceptionem, quando electa est industria & opera personæ; prout ipsa in collatione Beneficii semper electa intelligitur, *arg. c. Is cui, de Offic. Judicis delegati in 6.* Simulque, ut taceatur specialis dispositio Juris quoad hoc, contra rectam rationem est, ut non obstante, quod Beneficium detur propter officium, unus habeat Beneficium, ejusque emolumentum, & alter præstet onus, atque officium, nisi major aliqua ratio cogat Clericum a suo Beneficio ad tempus abesse, eique interim per alium idoneum Substitutum deservire.

72. CONCL. VI. Nihilominus justa de causa quandoque licitum est abesse a loco Beneficii. Ita Concilium Trid. cit. *Seff. 23. de Reform. cap. 1.* ubi inquit: *Christiana charitas, urgens necessitas, debita obedientia, ac evidens Ecclesiæ, vel Reipublicæ utilitas, aliquos nonnumquam abesse postulant, & exigunt.* Recte tamen ibidem subditur, quod quando tales, qui Beneficium Ecclesiasticum curam animarum annexam habentes obtinent, abesse contigerit, debeat causa legitimæ absentiae per Episcopum esse cognita, & approbata: simulque ipsi teneantur, Vicarium idoneum, ab ipso Ordinario approbandum, cum debita mercedis assignatione relinquere; ut quantum fieri poterit, ex ipsorum Pastorum absentia Oves conceditæ nullum damnum accipiant.

73. CONCL. VII. Episcopus extra tempus

Adventus, Quadragesimæ, ac solemniora Festa, potest abesse ab Ecclesiâ sua per duos, vel ad summum tres menses, siue continue, siue interruptim, sine alia Superioris approbatione, etiam caudumtaxat relaxandi animum. Ita colligitur ex cit. Concilio Trid. & notat Barbosa *ibidem in Collectaneis, n. 15. & 16.* & aliis, quos citat. Ratio hujus assertur a Concilio Trident. ibi: *Quoniam, qui aliquantisper tantum absunt, ex veterum Canonum sententia non videntur abesse; quia statim reversuri sunt.*

74. CONCL. VIII. Canonici Ecclesiarum Cathedralium, & Collegiatarum, possunt a suis Ecclesiis quolibet anno per tres menses abesse, nisi ubi propriis Ecclesiarum constitutionibus longius servitii tempus requiritur. Ita Concilium Trident. *Seff. 24. cap. 12. de Reform.* & Barbosa *ibi in Collectaneis, num. 64.* cum aliis. Intellige dummodo non omnes Canonici simul absint, sed tot semper remaneant, ut servitium Ecclesiæ possit peragi: quia Concilium non indulgit tres menses absentiae toti Capitulo, sed Canonicis, scilicet singulis per vices. Fagnanus *in c. Licet, n. 55. de Prabend.*

75. CONCL. IX. Parochi vel maxime residere tenentur propter periculum, ne in ipsorum absentia quidam e Parochianis sine Sacramentis decedant, aut in aliis spiritualibus auxiliis detrimentum patiantur. Nihilominus quia circa Parochos quoque non raro occurrunt causæ aliquantisper aliorum discedendi, provide idem Sac. Oecumenicum Concilium *cit. cap. 1.* statuit in hæc verba: *Eadem omnia, etiam quoad culpam, amissionem fructuum, & penas de Curatis inferioribus, & aliis quibuscumque, qui Beneficium aliquod Ecclesiasticum, curam animarum habens, obtinent, Sacrosancta Synodus declarat, & decernit; ita tamen, ut quandocumque eos, causa prius per Episcopum cognita, & probata, abesse contigerit, Vicarium idoneum, ab ipso Ordinario approbandum, cum debita mercedis assignatione relinquunt. Discedendi autem licentiam in scriptis, gratisque concedendam, ultra bimestre tempus, nisi ex gravi causa, non obtineant.* Hæc Concilium: occasione quorum

76. Quæritur, an Parochus per dictos duos menses possit abesse sine alia licentia Episcopi? Affirmant Navarrus *c. 25. Manualis, n. 121.* Azorius *part. 2. lib. 7. cap. 4. quaest. 10.* Bonacina & quidam alii. Rationem dant: tum quia ante Concilium id licebat, *arg. c. Presentium, & c. Si quis in Clero, 7. q. 1.* ubi per duos menses, vel saltem per tres hebdomadas poterat Sacerdos a sua Ecclesiâ abesse, atqui a Jure antiquo non est recedendum sine novo Jure expresso, *l. Præcipimus, C. de Appellat.* Tum quia Episcopo, qui tamen magis tenetur residere, id expresse permittitur a cit. Concilio.

77. Opposita sententia asserit, Parochos ne quidem primo bimestri posse abesse sine licentia Episcopi. Ita Barbosa *in Collectaneis ad cit. cap. 1. Concilii Trid. num. 67.* post Lessium *lib. 2. cap. 34. num. 159.* Vasquez, & plures alios. Et subdit Barbosa *num. 68.* quod Garcias, & Armendar. decisum referant, non posse Parochum per hebdomadam abesse non petita, vel non obrenta licentia, etiam relicto idoneo Vicario per Ordinarium approbato. Et hæc sententia est conformior verbis

Ccc

Con-



Concilii Trident. proxime relatis, ut patet: quamvis simul attendi debeat praxis singularum Dioecesium, & an rigor iste sit ibidem receptus. *Credo tamen* (inquit cit. Lessius) *non esse usu receptum.*

78. Illud certum est, quod quando subita necessitas occurrit, qua nequit Parochus Episcopum adire, fas sit eidem ad breve tempus abesse absque expressa Episcopi licentia (nam subita necessitas, cum gravis sit, non patitur dilationem, neque moram) dummodo relicto idoneo Vicario bene provideatur, ne in sua absentia Grex sibi commissus spirituale damnum patiatur.

79. Insuper certum est, si per longius tempus, utputa ultra duos menses, Parochus sive conjunctim, sive divisim, a sua Parochia abesse velit, requiri causam graviolem, atque expressam licentiam Episcopi; prout indicat cit. Concilium Trid. juncto c. *Licet canon. §. fin. de Election.* ubi dicitur, quod super Residentia personali Parochi facienda *potest Ordinarius ipsius gratiam dispensationis ad tempus facere, prout causa rationabilis id exposcit.*

80. Nec obstat, quod Parochus Jure naturali teneatur ad Residentiam personalem. Resp. enim, id intelligendum seclusa justa causa, & cessante legitima dispensatione. Verum de Residentia Beneficiorum, & pœnis non residentium, plura Canonistæ *Tit. De Clericis non residentibus, &c.*

#### \* APPENDIX

Qualiter Beneficiario obligato dimittere Beneficium ob Simoniam in ejusdem Receptione commissam præcise succurri queat?

**E**quidem totum illud suo modo jam erui posset, partim ex *tract. 5. dist. 3. quest. 3. ac 4.* partim ex Jure Canonico *lib. 5. Decret. tit. 3. §. 14.* nihilominus succincte ibidem dicta recapitulando, simulque ipsam praxin in casibus, qui Confessario aliquoties, præsertim tempore alicujus Jubilæi occurrere possunt, docendo, præ omnibus ante oculos poni debent pœnæ, quæ propter Simoniacam receptionem Beneficii incurruntur, quales ex Jure Canonico *loc. cit. §. 11.* breviter extrahuntur, suntque præsentis. *Primo*, Excommunicatio reservata Summo Pontifici, quæ tamen non incurritur, si gravitas culpæ, vel saltem pœna annexæ censuræ inculpabiliter ignoretur. Quinimo, etsi etiam ea incurritur; ab hac tamen Regulares Mendicantes absolvere possunt. *Secundo*, Irregularitas, si ante absolutionem a censura exerceatur actus Ordinis a tali Beneficiario. *Tertio*, Nullitas collati Simoniacæ Beneficii; ita ut prorsus nullum in illud acquirat Jus, nec fructus inde perceptos faciat suos. *Quarto*, Perpetua inhabilitas præsertim ad illud ipsum Beneficium deinceps obtinendum.

Uterius, dum similis casus in Confessionali proponitur, examinetur *Primo*, an proprie adsit Simonia, nec interveniat aliquis verus titulus excusans. De quo vide *Tr. 5. D. 3. q. 3.* *Secundo*, cognita vera Simonia attendatur, num fuerit præcise mentalis, vel conventionalis, aut realis; de quibus in *tract. 5. loc. cit.* nam quoad primas duas species, etsi graviter peccetur, pœnæ tamen supra allegatæ non contrahuntur. *Tertio*, si fuerit deprehensa Simonia realis, & quidem utrobique saltem ex parte completa (puta propter præsentationem ad Beneficium ex centum ducatis promissis;

interea dando quinquaginta) tunc attendendum ulterius, num illa Simonia fuerit commissæ ab ipso recipiente Beneficium, vel per aliquem tertium ignorante illo, qui Beneficium recipit: e. g. si Parens, vel consanguineus Beneficiati, inscio ipso, dedisset patrono quinquaginta ducatos, ut præsentet filium, aut cognatum suum. *Quarto*, quando Simonia realis foret commissæ per tertium ignorante Beneficiato, tunc si dictum Beneficium esset simplex, posset ad retinendum dispensare Episcopus; quinimo ipsemet Beneficiatus, qui integro triennio ignorans invincibiliter illam Simoniam a tertio commissam, bona fide Beneficium possedit, potest illud ulterius tuta conscientia retinere etiam absque ulteriori dispensatione. De quo vide Jus Canonico *loc. cit. n. 329.* *Quinto*, quodsi autem Simonia realis fuisset ab ipsomet Beneficiato, vel saltem per tertium eo sciente commissæ, recurrendum foret Romam ad Datariam, si Simonia esset publica, vel ad Pœnitentiarium, si foret occulta. Ubi ex Tiburtio Navar. in sua manu ductione ad praxin *part. 3. cap. 8.* notetur. *Sexto*, quod sacra Pœnitentia non semper censeatur dispensare, quando absolvit, nec semper rehabilitet, quando dispensat. Potest enim subinde absolvere a peccato Simoniacæ, & a censura annexæ, nec tamen dispensare quoad Irregularitatem per exercitium ordinum a dicto Beneficiario censuræ subjecto contractam. Item potest dispensare quoad Irregularitatem; nec tamen rehabilitare ad dictum Beneficium, vel alia obtinenda. Aliquando tamen (etsi valde raro, & non nisi ex causâ gravissimâ) contingere potest, ut quis per easdem litteras simul absolvatur a censura, dispensetur in Irregularitate, & rehabilitetur ad Beneficia in futurum obtinenda.

Ut totum magis capiatur, ponamus, Titium Nobili habenti Jus Patronatus Laicale ad Beneficium A. promississe centum, & actu dedisse ex his quinquaginta aureos, ex quo etiam fuit præsentatus, & actu obtinuit Beneficium. Vix integro anno elapso sub aliquo familiari decursu resciscens nullitatem collationis Beneficii, & fluentem exinde obligationem restituendi fructus perceptos, ac dimittendi dictum Beneficium (quas gravissimas pœnas antea ignorabat) pœnitentia ducitur, instantissime rogans Confessarium, ut sibi procuret Romæ in Pœnitentia (quoniam casus adhuc occultus est) dispensationem tam quoad fructus perceptos retinendos, quam quoad ipsum Beneficium. Pro motivo dispensandi allegat suam, suorumque consanguineorum paupertatem; item periculum diffamationis, si relinquat Beneficium. Quid agendum Confessario? Resp. Posse quidem eundem tentare formando nomine Titii ad Sac. Pœnitentiarium supplicem libellum. Duo tamen prophetizo tali. *Imprimis* probabilissime quoad fructus perceptos obtinebit dispensationem, si Supplicans Beneficiatus considerato suo, ac suorum proximorum Consanguineorum statu fuerit pauper: alias debet instituire compositionem relinquendo saltem certam partem in Rescripto specificatam aliis causis piis ibidem determinatis: puta in pauperum subventionem, & Ecclesiæ, in qua Beneficium situm erat, utilitatem. *Secundo*, quoad rehabilitationem in dicto Beneficio ordinario impetrabit nihil,



nihil, sed inscribatur Supplicæ: *dimittat*: intellige Beneficium.

Inhærendo adhuc allegato proxime casui, si Romæ tentare dispensationem placeat, poterit præctice Supplicæ taliter instrui.

Tertius (ponitur in Sac. Pœnitentiaria nomen fictum) *cuidam Nobili habenti Jus Patronatus Laicale quoad Beneficium A. promisit in octavo centum, & actu dedit quinquaginta aureos ex fine, & pacto, ut ipsum præficeret, prout etiam exinde præfentatus obtinuit Beneficium. Vix anno integro a tempore possessi Beneficii elapsa ex familiari discursu devenit in notitiam, quod Collatio ista nulla fuerit, & quod teneatur ad restitutionem fructuum evincendo perceptorum, ac ad dimissionem ipsius Beneficii, quas pœnas omnes antea ignorabat. Cum autem viriam illud adhuc sit occultam, & Orator prematur paupertate, ac prudenter timeat periculum infamiae; si Beneficium dimittat, humillime supplicat pro dispensatione ad effectum, ut fructus perceptos, & ipsum Beneficium valide, ac licite retinere valeat. Pro qua gratia &c.*

Ad talem Supplicam, si non in hoc, saltem in alio casu Simoniano aliquando factam ipsemet legi, a Sac. Pœnitentiaria post repetitam ternam instantiam semper loco alicujus favorabilis responsi fuisse inscriptum Supplicæ: *dimittat*, intellige Beneficium. Igitur his stantibus

Quæres I. Quidnam ulterius agendum, & quomodo pauperculo tali succurrendum sit? Resp. I. Quoad fructus jam perceptos, dummodo talis ipsummet Beneficium simoniace acquisitum dimittat, posse adhuc succurri, formando de novo aliquam Supplicam, in qua rogetur, ut saltem fructus ex dicto Beneficio perceptos retinere liceat. Prout etiam sibi spem facere poterit vel condonationis absolutæ (quando Orator fuerit pauper) vel alias saltem alicujus compositionis, uti jam innuimus supra. Resp. II. Si hoc Beneficium simoniace obtemperatum dimittat, & paupertate pressus supplicet, ut saltem habilitetur ad alia, pariter subinde impetrabit, prout ex nostro Navarro adjungo formulam concessionis sequentis.

Pro parte Sacerdotis Latoris præsentium Nobis oblata petitio continebat, quod ipse alias a Sacra Pœnitentiaria absolutionem, & dispensationem super Irregularitate per eum contracta obtinuit, cum hoc tamen inter cetera, . . . ut ad quæcunque Beneficia Ecclesiastica in futurum obtinenda perpetuo remaneret inhabilis . . . cum autem dictus Lator hujusmodi inhabilitatem per aliquod tempus sustinuerit, & pressus sive propria, sive suorum paupertate, Beneficia recipere, licite posse consideret; ideo pro sua conscientia quiete cupit Sedem Apostolicam secum desuper dispensari. Quare &c. Nos &c. Discretionem tuam committimus, quatenus, si est ita, cum dicto Latore, audita prius ejus Sacramentali Confessione, dummodo suffragentur sibi digni Pœnitentia fructus, & merita, salvo alioquin remanentibus omnibus aliis sibi in prædictis absolutione, & dispensatione impostis, quod præmissis non obstantibus, quæcunque Beneficia Ecclesiastica, sive cum cura, sive sine cura quatenus illa ei alias canonice conferantur, recipere, retinere, fructusque recipere licite valeat, misericorditer dispenses in Foro Conscientie &c. Datum &c.

Ubi Confessarius in Executione talis gratiæ ad tria advertat. Primo, an verificetur motivum, ob quod hæc gratia conceditur; quale motivum in

allegato rescripto est *Paupertas*, posset tamen, si adsit, etiam alia gravis causa adduci. Secundo, attendat ad merita, & fructus talis pœnitentis Simoniaci, utrum nimirum a tempore delicti meliorem instituerit vitam. Tertio notet, quod quamvis in memorata formula pœnitentis rehabilitetur ad quæcunque Beneficia cum, vel sine cura; id tamen non soleat fieri semper, sed aliquando ad simplicia tantum, aliquando etiam ad alia, considerata qualitate delicti, tempore primæ obtentæ gratiæ, & meritis pœnitentis.

Quæres II. An post trinam jam denegationem Sac. Pœnitentiariæ nulla amplius spes in memorato casu supersit Titio retinendi per aliquam dispensationem ipsum Beneficium simoniace antea acquisitum? Respondeo in simili casu vix ullam amplius superesse spem. Interea tamen practicus quidam, & peritus Styli Curie Romanæ suavit, quatenus adhuc supplicetur, saltem ut Oratori daretur certum aliquod tempus congruum ad hoc, ut quatenus opus, Beneficium suum sine scandalo, & salva propria verecundia dimittere valeat: ubi subinde concedi solet alius adhuc annus cum inscriptione: *Dimittatur intra annum*. Tale temporis spatium, si infra illud supplicetur de novo, solet bis, vel ter adhuc ad secundum, & tertium annum prolongari perdurante gravi causa aliqua motiva, & tandem (ut Roma scripsit ille Practicus) successive ad dies vitæ prolongabitur. Hoc si obtinuerit Simoniacus, felicem se poterit reputare. Interea in simili casu pro primo anno prorogationis emanavit Responsum a Sacra Pœnitentiaria sequentis tenoris:

Sacra Pœnitentiaria tibi Confessario a Latore electo concedit facultatem, ipsum Latorem, quatenus si est ita, audita prius ejus Sacramentali Confessione, a quibuscunque Sententiis, Censuris, & pœnis Ecclesiasticis, quas propter præmissa quomodolibet incurrit, Simonie labe, & excessibus hujusmodi Auctoritate Apostolica absolvendi, & cum eodem super Irregularitate per eum ex violatione censurarum quomodolibet contracta ad suos Ordines licite exercendos, eadem Auctoritate Apostolica dispensandi, sibi que fructus ex ipso Beneficio male perceptos, quatenus vere sit pauper, ita ut illos restituere nequeat, mediante aliqua Eleemosyna arbitrio suo taxanda, & in pauperes distribuenda condonandi; injuncta ei pro modo culpa pœnitentia satisfieri, quodque intra annum sub pena relabendi eo ipso in easdem censuras, ipsum Beneficium libere dimittat, nec non culpabiles in præmissis, quantum potest, moneat, & inducat ad impetrandam a Sede Apostolica absolutionem, & aliis injunctis de Jure injungendis. In Foro Conscientie, & in Sacramentali Confessione tantum, & non aliter, neque ullo alio modo. Ita quod hujusmodi absolutio, dispensatio, & condonatio in foro judicio nullatenus ei suffragentur. Datum Romæ, in Sacra Pœnitentiaria, die 16. Februarii, Anno 1725.

Quæres III. Quid præctice agendum Confessario a Beneficiato Simoniano electo, ut tale Rescriptum proxime allegatum executioni mandet? Respond. Talis Confessarius, antequam ad executionem litterarum Apostolicarum procedat, I. Indaget, an crimen hoc Simonie sit adhuc occultum: est enim hæc conditio, sine qua non dispensaret Sac. Pœnitentiaria. II. Utrum motiva dispensandi in Supplicæ allegata sint vera: puta an Beneficiatus

consideratis considerandis sit pauper, & num foret periculum diffamationis, si dimitteret Beneficium. III. Præsupposita Confessione Sacramentali huic Beneficiato Simoniaci pro modo culpæ Simoniz, & exercitii Ordinum in Censuris, per quod Irregularitatem contraxit, imponat pœnitentiam, & insuper injungat ei, quod in illo Rescripto additur, ut ante annum finitum, nisi interim novam prorationem Romæ impetret, *Beneficium dimittat, & culpabiles in præmissis*, id est, complices, & participes ejusdem delicti Simoniz, quantum moraliter potest, moneat, & inducat ad impetrandam a Sede Apostolica absolutionem. IV. Demum absolvat a censuris, ac peccatis, & dispense in Irregularitate contracta.\*

## DISTINCTIO II.

*De Incompatibilitate, Renunciatione, & Permutatione Beneficiorum.*

## QUESTIO I.

Quæ Beneficia sint incompatibilia, vel compatibilia?

## SUMMARIUM.

1. Mala ex pluralitate Beneficiorum simul retentorum obvenientia.
2. Ea quandoque possunt abesse. Et dantur Beneficia compatibilia.
3. Incompatibilitas Beneficiorum ex duplici capite oritur.
4. Si unum sufficit ad honestam sustentationem, non licet plura habere.
5. Quod Beneficium censeatur sufficiens ad congruam sustentationem?
6. Beneficia de se compatibilia, quæ?
7. Beneficia simplicia ultra duo nequeunt haberi.
8. Alia Beneficia compatibilia recensentur.
9. Beneficia de se incompatibilia, quæ?
10. Beneficia uniformia sub eodem testō, quæ?
11. Corollarium de duabus Capellaniis ejusdem Ecclesiæ.
12. Beneficium simplex potest adjungi alteri, tenues redditus habenti.

1. **Q**UANTA mala oriri solent in Ecclesia Dei, dum nonnulli plura obtinent Beneficia Ecclesiastica, paucis comprehendit Pontifex *c. Quia in tantum, de Præbend.* dicens, quod multitudine Præbendarum canonibus inimica, dissolutionis materiam & evagationis inducit, certumque continet periculum animarum. Eadem mala amplius deplorat Pontifex in *Extrav. Execrabilis, de Præbend.* eo quod execrabilis quorundam ambitio, & improbitas importuna, plura a Romanis Pontificibus non tam obtinere, quam extorquere plerumque noscuntur Beneficia: adeo, ut (præter alia incommoda, quæ ibidem recensentur) multi alii litterati, probique Viri a consecutione competentium Beneficiorum impediuntur, cultus Divinus minuatur, hospitalitas in ipsis Beneficiis debita non servetur, atque Ecclesiarum detrahatur commodis & honori, quæ carentes Defensorum auxilio in juribus suis, & libertatibus multipliciter collabuntur.

2. Quia vero talia incommoda atque inordinationes, quandoque certis concurrentibus circumstantiis abesse possunt: huic non sequitur, universim illicitum esse, plura simul habere Beneficia: Quinimo eorum quædam esse compatibilia, satis

indicat textus in *c. Gratia, de Rescriptis*, in 6. ibi: *Si talia sint beneficia, quæ simul nequeant de jure teneri.* Et idem manifeste supponit Concil. Trid. *Sess. 7. cap. 4. de Reform.* ibi: *Plura curata, aut alias incompatibilia Beneficia*: nam hujusmodi limitatio frustra apponeretur, nisi aliqua extarent Beneficia compatibilia. Hinc Quæstio remanet, unde oriatur, & quæ sit incompatibilitas Beneficiorum Ecclesiasticorum.

3. **CONCL. I.** Incompatibilitas Beneficiorum Ecclesiasticorum generatim ex duplici capite oritur; videlicet, si aut ipsa Beneficiorum institutio non permittat, ut plura ab eodem administrantur; aut si unum eorum ad honestam Beneficiarii sustentationem sufficiat. Ita communis, ut patebit ex dicendis. Et quidem, quantum attinet ad priorem partem, seu Beneficia de se incompatibilia, ex professio de ipsis dicitur *n. 9. & seqq.*

4. Quod autem cessante justa dispensatione sit illicitum, plura Beneficia, licet cæteroquin compatibilia, simul retinere, si unum ipsorum ad honestam Clerici sustentationem sufficiat, tenet Glossa communiter recepta in *c. Dudum, 54. Vers. Retinere, de Elect.* ubi ait: *Nota, quod qui habet plura beneficia, quorum alterum per se sufficeret, non potest sine mortali peccato retinere aliud.* Idem ad longum propugnat Abbas in *c. Extirpanda, 5. Qui vero, n. 34. & seqq. de Præbend.* & Layman lib. 4. tract. 1. cap. 8. n. 2. citans plures alios. Desumitur hoc ex *c. Sanctorum, dist. 80.* & *c. Conquerente, de Clericis non resident.* & *c. Cum teneamur, de Præbend.* cum concordantiis. Accedit Conc. Trid. *Sess. 24. c. 17. de Reform.* ibi: *Cum Ecclesiasticus ordo pervertatur, quando unus plarium officia occupat Clericorum, & c. Statuit, ut in posterum unum tantum Beneficium Ecclesiasticum singulis conferatur: quod quidem si ad vitam ejus, cui confertur, honeste sustentandam non sufficiat, liceat nihilominus aliud simplex sufficiens, dummodo utrumque personalem residentiam non requirat, eidem conferre: & consequenter a sensu contrario, & quia exceptio firmat regulam in oppositum, quando unum Beneficium sufficit ad honestam Clerici sustentationem, alterum conferri, & retineri non potest.* Confirmatur: quia repugnat rationi naturali, ut quis plura simul non necessaria Beneficia occupando, defraudet alios Clericos a consecutione competentium Præbendarum, deturque anxia incommotis *n. 1.* enumeratis, nisi justa causa interveniente, atque accedente legitima dispensatione id cohonestetur.

5. Quæres autem, quodnam Beneficium censeatur sufficiens ad congruam Beneficiarii sustentationem? Resp. Illud Beneficium censeatur taliter sufficiens, ex quo Clericus pro status sui conditione, & se, & familiam suam honeste valet sustentare. Adde cum Vallensi, *tit. de Concess. Præbend. 5. 4. n. 10.* & aliis, parentes, fratres, & consanguineos egentes: nam & hos potest Clericus ex redditibus Ecclesiasticis honeste sustentare, non autem augere; prout tum ex Can. 39. Apostolorum, tum ex Concilio Trid. *Sess. 25. cap. 1. de Reform.* desumitur. Insuper circa hoc Glossa in *c. Conquerente, Vers. Sufficiens, de Clericis non resid.* observat, atque ex utroque Jure ostendit, quod oporteat, quantum ad propositum, considerare plura alia, utpote nobilitatem, scientiamque: quia tales Personæ sunt

sunt amplioribus redditibus honorandæ, *c. de multa, §. fin. de Præbend.* Item, quod etiam hospitalitas, ipsaque jura Episcopalia persolvenda attendi debeant: nam Clerici & hospitalitatem tenere, & jura Episcopalia persolvere, & insuper congruam suæ personæ, familiæque sustentationem habere debent, *c. de Monachis, de Præbend.* cum concordantiis. Et hinc, quodnam Beneficium dicatur sufficiens ad congruam sustentationem, arbitrio Judicis relinqui paulo plus, vel minus æstimandum, consideratis considerandis, qualitate scilicet personarum, locorum & temporum, resolvit Barbosa *lib. 3. Juris Eccles. univ. cap. 13. n. 183.* citans plures alios.

6. CONCL. II. Beneficia de se compatibilia sunt ea, quæ vel ex Jure communi, vel ex consuetudine, Statuto, aut Fundatione simul obtineri, ac retineri possunt. Talia sunt in primis Beneficia simplicia non requirentia personalem residentiam, vel quorum unum requirit residentiam, alterum vero non: nam in his facilius admittitur pluralitas, si ita necesse sit ad honestam Clerici sustentationem; prout colligitur ex Concilio Trid. *Seff. 25. de Reform. c. 17.*

7. Cæterum Barbosa *loc. cit. n. 180. & 182.* refert Sac. Cardinalium Congregationem declarasse, quod Episcopus non possit plura Beneficia simplicia ultra duo uni conferre, usque ad sufficientem ejus sustentationem, absque Apostolica dispensatione. Et si de facto conferat tertium, collatio illius sit quidem valida, attamen quando istud est sufficiens pro congrua sustentatione Clerici, vacent ambo Beneficia priora; siu minus, vacet primum.

8. Deinde Beneficia compatibilia censentur, quæ in diversis Ecclesiis sunt, & nullam, vel saltem non incompatibilem residentiam exigunt. Layman *cit. cap. 8. n. 7.* & alii. Insuper Beneficia de se compatibilia in eadem Ecclesia dicuntur, quæ difformia sunt, v. g. Præpositura & Canonicatus: qualia proinde, cum utrisque simul satisfieri possit, etiam insimul (si ita necesse sit ad congruam Clerici sustentationem) retineri possunt, *arg. cap. 1. de consuetud. in 6.* Nisi alicujus Ecclesiæ speciale Statutum, vel consuetudo repugnet.

9. CONCL. III. Beneficia de se compatibilia (id est, abstrahendo ab eo, quod unum eorum ad honestam Beneficiarii sustentationem sufficiat) sunt ea, quæ vel Jure naturali, vel Jure communi Ecclesiastico, aut ex consuetudine, Statuto, seu Fundatione, continuam residentiam personalem postulant: ut sunt duo Episcopatus, duæ Abbatiæ, duæ Parochiæ, duæ perpetuæ Vicariæ, & cætera curata Beneficia. Item duæ Dignitates, Personatus, aut duo officia personalem residentiam requirentia, *arg. c. Ad hac, & c. Præterea, & c. Cum non ignores, & c. De multa, de Præbend.*

10. Similiter Beneficia uniformia sub eodem testō, censentur incompatibilia; ut sunt duo Canonicatus in eadem Ecclesia. Cæterum per Beneficia uniformia sub eodem testō intelliguntur ea, quæ in eadem Ecclesia ad eundem finem instituta sunt, adeoque habent idem prorsus onus & officium eodem tempore persolvendum: uti contingit in duobus Canonicatibus ejusdem Ecclesiæ.

11. Hinc inferitur, quod duæ Capellaniz in duobus Altaribus ejusdem Ecclesiæ, fundatæ cura

onere, ut in uno Altari bis, in altero ter, distinctis diebus in eadem Ecclesia celebretur, non sint Beneficia uniformia, ac proinde de se compatibilia. Quia licet uno nomine generali Capellaniz appellentur, cum tamen habeant distincta onera, seu officia in diversis Altaribus peragenda, re ipsa non sunt uniformia, sed difformia Beneficia: quæ proinde eidem conferri, & (dummodo primum eorum ad honestam Clerici sustentationem non sufficiat, nec constitutio, aut consuetudo particularis repugnet) simul retineri possunt.

12. Unde & Concil. Trid. *Seff. 24. cap. 13. de Reform.* statuit, quod si Canonicatus Ecclesiarum Cathedralium, aut Beneficia Parochialia, ob temporum injuriam redditus tam tenues habeant, ut non sufficiant sustentationi decenti pro dignitate, ac qualitate personæ, & loci, auctoritate Episcopi liceat adjungere simplex Beneficium, donec melius provisum fuerit.

## QUÆSTIO II.

Quæ sint pœnæ recipientium plura Beneficia incompatibilia?

### SUMMARIUM.

13. Illicitum est, plura simul obtinere Beneficia incompatibilia.
14. Citra dispensationem Pontificiam.
15. Triplex causa dispensandi in pluralitate Beneficiorum.
16. I. Necessitas Ecclesiæ.
17. II. Utilitas Ecclesiæ.
18. III. Evidens meritorum prerogativa.
19. Plura incompatibilia Beneficia recipiens, ipso jure privatus est priori.
20. Intellige, de facto.
21. Ex post receptionem, seu possessionem secundi.
22. Fallis si quis fructus secundi Beneficii necdum percipiat.
23. Dicta privatio de facto incurritur ipso jure.
24. Ea quomodo intelligenda?
25. Solvitur notabilis instantia.
26. Quid, si quis primum cum secundo retinere contenderit?
27. In quibus casibus plura simul Beneficia haberi possint?

13. CONCL. I. Quandoquocumque vel alterum Beneficium sufficit ad honestam Clerici sustentationem, vel ipsamet Beneficia de se sunt incompatibilia, illicitum est, sicque peccaminosum, plura simul obtinere citra dispensationem Pontificiam. Ita communis. Et quidem, quantum ad primum membrum attinet, patet illud ex *c. Ad hac, de Præbend.* ibi: *Illud est omni rationi contrarium, ut unus Clericus in una, vel diversis Ecclesiis, plures Dignitates, vel Personatus obtineat &c.* Huc accedunt textus, & mala ex pluralitate Beneficiorum provenientia, de quibus *num. 1.*

14. Altera pars, loquens de dispensatione Pontificia, ex eo probatur: quia habere plura Beneficia, non est intrinsece malum, sicuti mentiri, blasphemare, &c. sed quamvis habeat quamdam mali speciem, ea tamen concurrentibus certis causis eohonestari potest.

15. Porro ejusmodi justa causa dispensandi in pluralitate Beneficiorum, triplex a Doctoribus recenseri solet; videlicet necessitas Ecclesiæ, utilitas Eccle-



Ecclesiæ, & evidens meritorum prærogativa, arg. 6. *Talis*, 1. q. 7. ibi: *Nisi forte eos aut maxima Ecclesia utilitas, vel necessitas postulet, vel evidens meritorum prærogativa commendet.*

16. Et quidem ob necessitatem Ecclesiæ possunt quandoque plura Beneficia, etiam ultra congruam Clerici sustentationem conferri, si desint alii idonei Ministri, utputa in locis Hæreticorum, in quibus est defectus Clericorum.

17. Deinde ob utilitatem Ecclesiæ id accidere potest, quando unus solus, licet absens, magis putatur Ecclesiæ profuturus sua auctoritate, potentia, doctrina & prudentia, quam alius præsens, vel plures alii: qua de causa filius Principum conferuntur interdum plures Episcopatus, etiam ætatem, ut Ecclesiæ contra Hæreticos potentius defendantur. Pirhing de *Præbend.* num. 191. & alii.

18. Tandem de evidenti meritorum prærogativa habetur textus clarus c. *De multa*, §. *fin. de Præb.* ibi: *Nullus plures Dignitates, aut Personatus habere præsumat, etiam si curam non habeant animarum. Circa sublimes tamen, & litteratas personas, qua majoribus sunt beneficiis honorande, cum ratio postulaverit, per Sedem Apostolicam poterit dispensari.*

19. CONCL. H. Quicumque de facto plura incompatibilia Beneficia, sive curata, sive alias incompatibilia, simul recipere, ac retinere præsumperit, per receptionem secundi mox priori Beneficio est ipso jure privatus; & is, ad quem spectat prioris Collatio, libere illud confert, statim atque institutus secundum recepit. Ita habetur *cit. cap. De multa, de Præbend.* juncta *Extravag. Execrabilis*, §. *Qui vero, l. cod.* Accedit Concilium Trident. *Seff. 7. de Reform. cap. 4.* quod prædicta Jura innovavit, & cum illa loquerentur dumtaxat de Dignitatibus, Personatibus, seu Officiis, aut aliis Beneficiis curam animarum habentibus annexam, ad alia Beneficia, etiam quomodolibet incompatibilia extendit; prout notat Fagnanus *in cit. c. De multa*, n. 3. allegans decisionem Rotæ, Garciam affirmantem, ita esse indubitanter tenendum, & alios.

20. Dicitur notanter in Conclusionem, *Quicumque de facto.* Quia sermo est de tempore moderno post Concilium Tridentinum: nam antehac variaz successive emanarunt Constitutiones Pontificiæ, ut videre est c. *Referente, de Præbend.* & c. *Quia nonnulli, de Cleric. non resid.* & *cit. c. de multa*, atque *Extrav. Execrabilis*. Verum moderno tempore post Concilium Trident. procedit Conclusio, adeo ut hujus Decretum Fagnanus *loc. cit. num. 5.* ex quadam Cardinalium declaratione extendat ad plura Beneficia simplicia, si personalem residentiam requirant, aut primum ad congruam Clerici sustentationem sit sufficiens: nam & talia secundum Canones sunt incompatibilia.

21. Additur vero, *per receptionem secundi*: Siquidem sola affecturatio de altero Beneficio consequendo non sufficit ad inducendam dictam pœnam privationis, sed requiritur actualis receptio, atque possessio secundi Beneficii: hoc enim importatur per *receptionem*, id est, corporalem adeptionem, ut explicat *cit. Fagnanus n. 9.* & tenet Glossa *in c. De multa, de Præbend.* Accedit ratio: quia in jure verba accipienda sunt cum effectu, c. *Relatum, de Cler. non resid.* & alibi.

22. Quinimo ob hanc rationem similiter non

censetur vacare primum Beneficium per adeptionem secundi Beneficii, cujus fructus ex causa etiamnum alius percipit; prout clare decisum habetur c. *Si tibi, concessio, de Præb. in 6.* Rationem hujus ulteriorem dat Glossa *ibidem, Vers. Vacare*, quia talis non est adeptus plene; licet enim Beneficium habeat, fructus tamen non habet: & alioquin talis cogeretur mendicare, cum fructus ex secundo Beneficio non haberet, primo autem privatus existeret.

23. Dicitur ulterius in Conclusionem, *priori Beneficio est ipso jure privatus*: Siquidem, ut hæc privatio modernis temporibus incuratur, non amplius opus est sententia Judicis eam infligentis, ut olim c. *Quia nonnulli, de Cler. non resid.* sed de facto inducitur ipso jure: prout liquet ex *cit. c. De multa, de Præbend.* juncto Concilio Trid. *Seff. 8. de Reform. cap. 4.*

24. Cæterum hæc Beneficii privatio intelligenda est quoad titulum, seu jus illud retinendi, non quoad possessionem: nam possessione Beneficii ejusmodi Clericus privari non potest, nisi causa cognita, prout desumitur ex c. *Licet Episcopus, de Præbend. in 6.*

25. Si dicas: Privatio Beneficii, & ipsum Beneficium nequeunt simul stare, cum privative opponantur; ergo si Clericus ille ipso jure privatus est Beneficio, repugnat, quod adhuc ejus possessionem retineat. Resp. distinguendo antecedens: privatio Beneficii quoad titulum & possessionem simul, nequit stare cum beneficio, conceditur: privatio Beneficii quoad titulum dumtaxat, nequit stare cum Beneficio, seu possessione ejus, negatur antecedens, & consequentia. Nam, ut notat Lessius *lib. 2. de justis. & jure, cap. 29. num. 64.* leges illæ, quibus additur, quod delinquens ipso facto sit privatus officio & beneficio, privat titulo, seu jure ad Beneficium, quatenus ipso facto quis amittit jus ad illud; nondum autem ejus possessionem, nisi post sententiam Judicis.

26. CONCL. III. Insuper si quis prius Beneficium una cum secundo fore retinere contenderit, etiam secundo privatus existit. Ita habetur *cit. c. De multa*, juncto Concilio Trident. *Seff. 7. cap. 4. de Reformat.* & tradit Fagnanus *cit. c. De multa*, num. 6. & 8. dicens, hanc pœnam ipso jure incurri. Ubi ulterius addit, quamvis Glossa super illam dictionem, *contenderit*, asserat, ad hoc ut quis secundo etiam Beneficio ipso facto privatus existat, requiri, quod quis utrumque in Jure contentiose retinere voluerit usque ad litis contestationem: contrariam tamen aliorum sententiam, qui volunt, ex sola retentione primi Beneficii cum secundo jam induci dictam privationem utriusque Beneficii; etiam si quando quis incipit conveniri, velit prius dimittere, esse tenendam; eo præsertim, quia Concilium Trident. *loc. cit.* hanc pœnam jure ipso imponit illi, qui ejusmodi Beneficia incompatibilia recipere, & simul retinere præsumperit.

27. Quæres: An in nullo prorsus caso possit quis simul habere plura Beneficia? Resp. Hoc in nonnullis casibus accidere posse. Et primo quidem per legitimam dispensationem, de qua superius n. 15. & seqq. Deinde id accidit sine dispensatione, quoties ipsa Beneficia non sunt incompatibilia: prout fit in Beneficiis simplicibus, quorum singula ad honestam sustentationem Clerici non sufficiunt. Tertio, si Ecclesia Cathedralis, vel Parochialis, aut



aut Dignitas ob tenuitatem fructuum non sufficiat congruæ sustentationi Rectoris sui, potest simul tum ea uniri, vel obtineri Beneficium simplex non requirens residentiam, juxta Concilium Trident. Sess. 24. de Reform. cap. 15. & 17. Insuper ob eandem Ecclesiarum paupertatem possunt Episcopi, tamquam Sedis Apostolicæ Delegati, uniones perpetuas Beneficiorum facere, & ista postmodum simul ab eodem possideri, prout concessit idem Tridentinum Sess. 21. de Reform. cap. 5. Tandem ob præfatam causam quandoque Dignitati, vel Canonici accessorie annexa est Ecclesia Parochialis, quæ per idoneum Vicarium administrari, ac simul cum Canonatu retineri potest, text. clar. v. *Extirpanda*, §. *Qui vero*, de præbend.

### Q U Æ S T I O III.

Quid, & quodplex sit Renunciatio Beneficiorum, & ex quibus causis fieri possit?

#### S U M M A R I U M.

28. Renunciatio Beneficii, quid?
29. Non valet, nisi fiat coram legitimo Superiore.
30. Quilibet potest suo jure renunciare, quomodo?
31. Renunciatio Beneficii tacita,
32. Et expressa,
33. Renunciatio pura, & conditionalis, quæ?
34. Ad Renunciationem requiritur justa causa.
35. Sex cause resignandi Episcopatum.
36. Alia pro Renunciatione Beneficiorum.

28. CONCL. I. Renunciatio est spontanea Beneficii Ecclesiastici dimissio facta coram legitimo Superiore id acceptante. Ita in re communis.

29. Dicitur, facta coram legitimo Superiore: Si quidem Beneficia Ecclesiastica non nisi in manibus Ordinarii, hoc est, ipsius auctoritate interveniente resignari debent. c. *Si quis vero*, & c. *Si quis Presbyter*, 7. quaest. 1. Et aliter facta resignatio non est valida; atque dimittens Beneficium sine licentia sui Prælati, potest compelli ad illud reassumendum, etiam per Censuras Ecclesiasticas c. *Non oportet*, 7. q. 1. & c. *Admonet*, de Renunciat. cum concordantibus.

30. Nec dicas: Quilibet potest suo juri renunciare, c. *Si diligenti*, de Foro compet. ergo & Beneficiarius Beneficio, etiam sine licentia sui Superioris. Negatur enim consequentia: nam regula illa est intelligenda, dummodo id fiat sine præjudicio alterius. Atqui post acceptationem Beneficii, & confirmationem, manet Clericus Ecclesiæ suæ alligatus, quæ pateretur detrimentum, si quilibet ipsorum pro libitu ei renunciare, & veniente lupo, id est, instante tribulatione, instar Mercenarii aufugere, Ovesque sibi concreditas relinquere valeret.

31. CONCL. II. Renunciatio Beneficii Ecclesiastici alia est tacita, alia expressa. Ita communis, ac patet inductione. Et quidem *Renunciatio tacita* dicitur ea, quæ fit facto aliquo resignationem significante, vel ex dispensatione Juris eam importante. Nam qui facit id, quo posito ex ipsius Juris constitutione Beneficium amittitur, seu retineri nequit, eidem tacite, seu ipso facto renunciare censetur. Sic fit, dum Beneficiarius in Minoribus constitutus, contrahit Matrimonium: quia tunc Beneficium Ecclesiasticum ipso jure vacat, arg.

cap. 1. & 3. *Cler. conjug.* Idem dicendum de eo, qui Religionem solemniter professus est, c. *Beneficium*, de Regularibus, in 6. & hujusmodi.

32. Renunciatio expressa Beneficii Ecclesiastici illa est, quæ fit verbis expressis, aut scriptis, voluntatem renunciandi aperte declarantibus, coram legitimo Superiore eam acceptante. Cæterum

33. Renunciatio expressa subdividitur in puram seu simplicem, & absolutam; & in conditionalem. Renunciatio pura seu absoluta est, quæ fit sine adjectione ulius conditionis, modi, vel pacti. Conditionalis vero, quæ fit sub certa conditione, pacto, vel modo: ut si fiat Renunciatio Beneficii ex causa permutationis, vel si quis illud resignet in favorem tertii, puta, ut Beneficium conferatur Cajo, consanguineo suo, & non aliter intendat resignare; quod appellant *Resignare in favorem tertii*, seu sub clausula, *Non aliter*. Insuper Renunciatio conditionalis censetur ea, in qua resignans reservat sibi fructus, vel pensionem ex Beneficio: de quibus singillatim in progressu.

34. CONCL. III. Ad Renunciationem Beneficii requiritur justa, & legitima causa; alioquin Superior eam admittere non tenetur, neque debet. Ita communis. Ratio est: quia si quilibet pro suo arbitratu posset Beneficium relinquere, talis libertas in maximum Ecclesiæ detrimentum cederet, aufugientibus passim per renunciationem Pastoribus, si viderent lupum venientem, seu tribulationem instantem.

35. CONCL. IV. Sex sunt causæ, ob quas Episcopus post sui confirmationem potest petere, & Papa solet concedere licentiam cedendi, seu resignandi Episcopatum. Patet hoc ex c. *Nisi enim pridem*, de Renunciat. ubi sequentes sex causæ enumerantur. I. *Conscientia criminis*: non quidem cuiuscumque, sed illius dumtaxat, quod post actam poenitentiam impedit executionem Officii. II. *Imbecillitas corporis*, per quam quis impotens redditur ad exequendum Officium Pastorale. III. *Defectus scientiæ*, etiam competentis. IV. *Malitia plebis*, ob quam interdum cogitur Prælatus ab ipsius regimine declinare. V. *Grave scandalum*, quo aliter sedari non potest. VI. *Irregularitas personæ*; de quibus versiculi ibidem in Summario allegati:

*Debilis, ignarus, male conscius, irregularis,*

*Quem malam plebs odit, dans scandala, cedere possit.*

36. CONCL. V. Renunciationes Beneficiorum inferiorum solent admitti tum ex prædictis, tum etiam aliis levioribus causis. Ita Pirhing. in. de Renunciat. num. 54. post Azorium, & alios. Sic in Curia Romana solet de facto admitti Renunciatio Beneficii inferioris, præsertim simplicis, quando resignans multo tempore servivit in Ecclesia; vel quando is resignat, ut Beneficium dimissum alteri conferatur, in cuius gratiam illud Clericus dimittit; dummodo in Sacris constituto, & resignanti aliunde sit provisum, unde honeste sese alere possit. Concordat Bulla B. Pii V. quæ incipit, *Quanta Ecclesiæ* (& habetur tom. 2. Bullarii Romani *Constitut. 58. dicti Pontif.*) in qua plures causæ, ob quas inferiores Beneficiarii resignare valeant, referuntur: veluti si resignantes sint senio confecti, valetudinarii, aut corpore impediti, vel vitati; seu quia eos ad aliud Beneficium contigerit promoveri; vel si sint Religionem ingressuri, aut

Mauri.

Matrimonium contracturi, si statim postea id re ipsa exequantur; quique ob capitales inimicitias nequeunt, vel non audent in loco Beneficii residere securi: dummodo resignaturis, & sacro Ordini mancipatis, aliunde sit provisum, quo possit commode sustentari.

#### QUÆSTIO IV.

An sit licita Resignatio Beneficii in favorem tertii, vel reservata annua Pensione?

#### SUMMARIUM.

37. *Resignatio in favorem tertii, an sit licita?*
38. *Quid, si quis simpliciter resignet, & certam personam solum recommendet?*
39. *An tunc Episcopus teneatur, vel possit huic conferre?*
40. *Resignare Beneficium reservata pensione, an liceat?*
41. *Pensio, quid?*
42. *Id regulariter illicitum.*
43. *Tamen ex justa causa potest Episcopus constituere pensionem in Beneficio; & resignans pro ea sibi constituenda supplicare.*

37. **C**ONCL. I. Resignatione in favorem tertii, seu cum clausula, *Non aliter*, ob speciem Simoniz, quam habent, juxta Stylum Curiz non possunt fieri, nisi in manus Summi Pontificis. Ita Lessius lib. 2. de just. & jur. c. 35. dubit. 14. post Navarum, Rebuffum, & alios; ac sequitur Engel tit. de Renunciat. n. 8. citans communem omnium doctrinam, & in praxi observatam. Ratio est: quia Resignationes beneficiorum in favorem tertii, speciem quandam præ se ferunt hæreditariæ successionis; quam Sacri Canones semper detestantur, volentes, ut Beneficia Ecclesiastica secundum meritum personarum, & quidem dignioribus, conferantur. Accedit, quod ejusmodi Resignatio cum clausula, *Non aliter*, si fiat in manus Episcopi, aut alterius Papa inferioris, vel contineat Simoniam juris Ecclesiastici, ut multi volunt; vel saltem speciem talis Simoniz: *Cum in spiritualibus omnis pactio, omnisque conventio debeat omnino cessare, cap. ultim. de Pactis, juncto caput. Quæsitum, de Rerum permutat.* ibi: *Pactio præmissa circa spiritualia, vel connexa spiritualibus, labem semper continet simonia.*

38. **C**ONCL. II. Si quis tamen simpliciter resignet, & per modum recommendationis potius, quam rigorosæ obligationis, Episcopo certam aliquam personam nominet, non est jure prohibitum, quin Episcopus possit personam recommendatam, si ea cæteroquin idonea fuerit, ejusque qualitas mereatur, Beneficium illud conferre. Ita Zoësius tit. de Simonia n. 72. Covarruvias lib. 1. var. resol. 6. 5. n. 5. & Engel loc. cit. n. 8. Idque desumitur ex c. Cum universorum de Rerum permut. & c. Ex part. IV. de Offic. Jud. delegat. ubi similes Resignationes leguntur: nec tamen ex hoc capite reprobantur, quamvis ex aliis rationibus non tenuerint.

39. Notandum tamen cum citatis Auctoribus, quod facta ejusmodi resignatione pure, ac simpliciter in manus Episcopi, haud obstante, quod preces pro aliquo oblatæ fuerint, Episcopus non sit adstrictus, ut huic conferat Beneficium; neque injuriam faciat nominato, si alteri conferat. Ratio est: quia, cum Renunciatio in favorem tertii sit jure prohibita, simulque Resignatio Beneficii debeat fieri pure, hoc ipso non potest illi nominato jus quodpiam fuisse acquisitum (nam sola precum in-

terpositio tale jus non tribuit) & consequenter neque injuria per denegatam collationem eidem irrogabitur. Attamen non peccabit Episcopus, si conferat Beneficium nominato, pro quo preces sunt oblatæ, dummodo aliud canonicum impedimentum non obstat, & personæ qualitas id mereatur, ut dictum n. præced.

40. **C**ONCL. III. Resignare Beneficium Ecclesiasticum reservata annua Pensione, coram Episcopo, vel alio collatore Papa inferiore, regulariter loquendo non licet. Ita communis.

41. Ubi notandum, quod per Pensionem in proposito intelligatur jus percipiendi partem fructuum ex Beneficio alieno, auctoritate Superioris cuiuspiam justa de causa constitutum; ut si auctoritate Episcopi assignetur Parocho, ob senectutem v. g. resignanti, certa pars reddituum illius Beneficii, ab ejus successore ipsi persolvendorum ad honestam vitæ suæ sustentationem. Hoc prænotato

42. Conclusio probatur ex eo: quia Beneficia Ecclesiastica sunt conferenda sine diminutione; id est, sine novi oneris impositione, aut aliqua fructuum detractione: prout habetur toto Titulo, *Ut Beneficia Ecclesiastica sine diminutione conferantur*: atqui hoc non fit, quando constituitur cuiuspiam pensio in Beneficio; ergo.

43. Additur in Conclusionem, *regulariter loquendo*: Nam ex justa, & rationabili causa potest non solum Summus Pontifex, sed etiam Episcopus, Pensionem in Beneficio constituere: utputa quia resignans est ætate decrepitu, vel infirmus; ut sic ex Pensione habeat, unde honeste sustentetur, vel quando pro bono pacis fit Resignatio Beneficii litigiosi, & hujusmodi. Barbosa part. 3. de offic. & pot. Episc. allegat. 85. n. 3. Engel tit. de Renunciat. n. 10. & alii. Hoc ipsum desumitur ex c. Nisi essent de præbend. ubi legitur quædam provisio, seu pensio quadraginta librarum, resignanti pro bono pacis per Judices facta, & per Papam tolerata; ergo pariter nihil obstat, quin pure ac simpliciter resignanti Episcopus ex ejusmodi justa causa possit pensionem aliquam constituere. Quinimo pro ea sibi constituenda potest ipsemet resignans, ut securior sit, Episcopo ante Resignationem supplicare, arg. c. Tua nos de Simonia, ibi: *Rogans humiliter.*

#### QUÆSTIO V.

An, & quomodo possit fieri permutatio Beneficiorum Ecclesiasticorum?

#### SUMMARIUM.

44. *Permutatio Beneficiorum propria auctoritate fieri nequit.*
45. *Secus, accedente auctoritate Superioris.*
46. *Solvitur instantia.*
47. *Forma & modus permutandi Beneficia qualis?*
48. *In permutatione Beneficiorum, an pro habente pinguius proventus possit suppleri pretium?*
49. *Affirmant aliqui.*
50. *Opposita sententia est probabilior, ac merito tenenda.*
51. *Nequeunt permutari proventus sine Beneficio.*
52. *Solvuntur rationes prioris sententie.*
53. *Potest tunc Episcopus pensionem constituere in pinguiori Beneficio.*

44. **C**ONCL. I. Et si illicita sit, quin etiam accedente pactio Simoniaci, permutatio Beneficiorum Ecclesiasticorum privata auctoritate facta;

facta; atque insuper Beneficia Ecclesiastica perdant, qui ea propria auctoritate commutant: nihilominus licita est resignatio beneficiorum causa permutationis inter personas Ecclesiasticas idoneas, auctoritate legitimi Superioris interveniente. Ita certa, & communis; patentque singula ex diversis textibus Juris. Et quidem prima pars habetur c. *Quasitum de Rerum permutat.* ibi: *Generaliter teneas, quod commutationes prebendarum de jure fieri non possunt, praesertim pactione praemissa, qua circa spiritualia, vel connexa spiritualibus, labem semper continet simoniz; cum concordantiis.* Deinde quod perdant sua Beneficia, qui eadem propria auctoritate permunt, textus est clarus in c. *Cum olim, eod.*

45. Altera pars Conclusionis, quod videlicet legitima Superioris auctoritate interveniente, licita sit resignatio Beneficiorum causa permutationis, habetur cit. c. *Quasitum de Rerum permutat.* juncta *Clem. un. eod.* Ubi insuper additur, quod si quæ Beneficia ex causa permutationis ab aliquibus resignata fuerint, ea aliis, quam ipsis permutare volentibus conferri nequeant: alioqui Collatio nullius sit firmitatis.

46. Nec obstat textus c. *Majoribus de prebend.* ibi: *Divisionem prebendarum, aut dignitatum permutationem fieri prohibemus.* Resp. enim cum Glossa ibidem, id intelligendum sine auctoritate Superioris: Superior enim, si expedire viderit, poterit admittere resignationem causa permutationis factam, per textus n. *praced.* allegatos; etsi ejusmodi permutatio propria auctoritate neutiquam fieri possit. Et hoc modo concordantur jura iuribus.

47. CONCL. II. Forma, & modus permutandi Beneficia, est: ut ea Clerici resignent in manus Ordinarii, exprimentes, quod id causa permutationis faciant; ita tamen, quod prius accellerit consensus eorum, qui jus conferendi, eligendi, vel praesentandi habent. Quo casu arbitrari debet Ordinarius, num admittenda sit resignatio, nec ne: & si admittendam censuerit, nulli alteri, sed praecise ipsis causa permutationis resignantibus, Beneficia illa conferre poterit, ac debet, & collatio aliis facta non tenebit. Ita habetur cit. *Clem. un. de Rev. permut.*

48. Quæres, an in permutatione Prebendarum, sive Beneficiorum Ecclesiasticorum quoad titulum, quorum unum pinguius habet proventus, absque labe Simoniz possit suppleri pretium pro minus valente? Ratio dubitandi est: quia, quando duæ Ecclesie jure proprietatis una cum suis possessionibus invicem permuntur, potest pro alterius Ecclesie possessionibus pretium suppleri, dummodo adhibeatur cautela in Jure Canonico c. *Ad quaestiones de Rerum permut.* insinuata: hoc est dummodo id fiat, non unicum dumtaxat contractum instituendo (alioquin enim pretium refundi videretur etiam pro ipsamet Ecclesia, quod sapit Simoniam) sed faciendo duos contractus, quorum uno ad invicem gratis Ecclesie, altero autem possessiones earum cum refusione certæ pecuniæ permuntur: ergo idem videtur posse fieri in proposito.

49. Resp. in solutione hujus dubii variare Doctores. Et quidem affirmant Angelus, & Sylvester, *vers. Permutatio 2. qu. 6.* post Abbatem cap. *Ad quaestiones num. 3. de Rerum permut.* Eandem sententiam ex professo tradit Lessius lib. 2. c. 35. n. 101. allegans Socum, & Cajetanum. Probant in primis hanc sen-

tentiam ex cit. cap. *Ad quaestiones eod.* ob paritatem rationis. Addit Lessius, hanc compensationem exigi posse, non pro excessu, qui remanet annexus ipsi titulo Beneficii; sed pro incommodo temporali, quod quis subit sese spoliando majoribus illis proventibus, aut spe ipsorum. Sed quidquid sit de probabilitate hujus opinionis,

50. Opposita sententia non solum est probabilior, sed jure merito tenenda, prout eam tenent Covarruvias lib. 1. var. resol. c. 5. n. 9. Navarrus c. 23. *Manualis* n. 100. §. *Tertio.* Layman lib. 4. *Tract. 10. c. ult.* n. 54. citans insuper Suarez, & Vasquez. Engel tit. *de Rerum permutat. n. 4.* post Barbosam, Vallensis, & alii. Ratio hujus sententiae, simul & disparitatis inter permutationem duarum Ecclesiarum una cum suis possessionibus quoad proprietatem, & inter permutationem duorum Beneficiorum quoad titulum una cum suis proventibus, hæc est: quia in priori casu duæ possunt intervenire, atque interveniunt permutationes, sibi invicem non permixtæ; una videlicet Ecclesiarum, altera possessionum, juxta cit. c. *Ad quaestiones eod.* Econtra in altero casu una dumtaxat potest intervenire permutatio, sicque nequit adhiberi consimilis cautela.

51. Probatur hoc ultimum: quia Beneficiarius non est dominus possessionum, v. g. agrorum, aut prædiorum beneficii (sicque has distincto contractu permutare nequit) sed ex iis tantum percipit redditus, ut quid accessorium ad ipsum Beneficium. Deinde Beneficiarius etiam non habet jus, & dominium reddituum futuro primum tempore obventorum, sed eos primum acquiraturus est sub conditione Beneficii retinendi, atque officii debiti præstandi; ergo antecederet eosdem permutare nequit. Tandem permutatio illorum reddituum, cum sint quid accessorium ad Beneficium, simulque primum acquirendi sub conditione Beneficii retinendi, hoc ipso nequit separari a permutatione Beneficii; sicut sit in permutatione Ecclesie, suarumque possessionum quoad proprietatem.

52. Et per hoc patet ad rationes prioris sententiae. Nam ad primum negatur consequentia, & paritas inter permutationem Beneficiorum una cum redditibus: quia ibi possunt institui duo contractus permutationis, non hic, ut proxime explicatum. Ad alterum dicitur, redditus futuros Beneficii, ac spem ipsorum consequendorum, habere necessariam dependentiam & connexionem cum Beneficio; cum sint accessorium hujus: unde urget illud *can. Si quis objeceris 1. q. 3.* ibi: *Quisquis horum alterum vendit, sine quo nec alterum provenit, neutrum invenditum derelinquit.*

53. Cæterum his non obstantibus potest auctoritate Episcopi in hujusmodi casu constitui Pensio in pinguiori Beneficio, præstanda alteri Beneficiario, qui illud ob utilitatem Ecclesiarum pro minus pingui reliquit. Engel loc. cit. n. 4. post Navarrum de *Simoniacis Confess.* 43. n. 4.

## DISTINCTIO III.

### De Jure Patronatus.

## QUESTIO I.

Quid sit Jus patronatus, & quomodo acquiratur?

### SUMMARIUM.

1. Jus patronatus, quid?

2. Tribus potissimum modis acquiritur.

Ddd

B. Quæ



3. *Quis censeatur Ecclesiam fundasse,*
4. *Ædificasse, ac*
5. *Dotasse?*
6. *Acquiritur Jus patronatus etiam præscriptione,*
7. *Ac privilegio, & quomodo?*
8. *Legitime acquisitum transit ad heredes.*
9. *Hi succedunt non in capita, sed in stirpes.*
10. *Jus patronatus ab uno in alium transfertur 4. modis, nimirum*
11. *Successione, Donatione,*
12. *Permutatione,*
13. *Venditione universitatis.*
14. *Tamen id per se vendi nequit.*
15. *Jus patronatus procedit ex gratia, & privilegio Ecclesie.*
16. *Hodie tamen non gratia censetur, sed jus.*
17. *Ejus etiam Laici, ac femina, sunt capaces.*
18. *Solvitur objectio.*

1. **CONCL. I.** *Jus patronatus*, quantum ad propositum, est Jus nominandi, seu præsentandi Clericum idoneum, promovendum ad Beneficium Ecclesiasticum vacans. Ita in re communis. Dicitur primo, *jus nominandi, seu præsentandi*: nam ista duo hic ferme sumuntur pro eodem, quamvis cæteroquin nominatio latius pateat, quam præsentatio. Et additur, *ad Beneficium Ecclesiasticum vacans*: tum ad magis explicandam naturam illius patronatus, de quo agitur in proposito (nam Jus patronatus nonnullas in Jure acceptiones habet) tum quia, sicut institutio, ita, & præsentatio ad Beneficium non vacans, irrita est, *arg. c. Illud de Jure patronatus*. Reliquæ particulæ patebunt ex dicendis.

2. **CONCL. II.** Tribus potissimum modis acquiritur Jus patronatus respectu Beneficii Ecclesiastici, nimirum ex fundatione, ædificatione, & dotatione. Ita Glossa communiter recepta in *c. Pia mentis 16. q. 7.* & concordat Concil. Trident. *Sess. 14. cap. 12. de Reform.* Unde versiculus ille a cit. Glossa relatus.

*Patronum faciunt dos, ædificatio, fundus.*

3. *Fundasse* dicitur, qui fundum, seu terræ solum dedit, in quo Ecclesia construeretur.

4. *Ædificasse* dicitur, qui Ecclesiam suis sumptibus construxit, *arg. c. Monasterium 16. qu. 7.* cum concordantiis. Quod si Ecclesia solum reparetur, seu reficiatur, Jus patronatus non acquiritur, nisi ipsa fuerit penitus destructa. Si vero funditus destructa fuit, & de consensu Episcopi aliquis eam reædificet, licet forsan de eadem materia, verius est, hunc acquirere Jus patronatus, ac priorem dominum non amplius remanere Patronum; prout tenet, ac probat Glossa in *c. Quoniam, vers. Fundatores, de Jure patronatus*.

5. Tandem *Dotasse* dicitur, qui Ecclesiæ annuos redditus sufficientes assignavit. Porro qui Ecclesiam ædificat, hoc ipso videtur etiam se obligare ad dotandum, si nemo alius dotet: siquidem Ecclesia sine dote consecrari non debet *c. Nemo Ecclesiam, de consec. dist. 1. & c. Cum sicut, de Consecrat. Eccles.* juncta Glossa magna ibidem, dicente: *Qui fundat Ecclesiam, tenetur dotem assignare eidem: subintellige; nisi alius dotare velit.*

6. Dicitur notap̄ter in Conclusionē, *tribus potissimum modis*: Nam quamvis enumerati tres sint principales, nihilominus aliis quoque modis Jus

patronatus acquiri potest; videlicet præscriptione, ac privilegio. Et quidem contra Ecclesiam ab initio liberam de facto non præscribitur Jus patronatus, nisi tempore immemoriali: quod ipsum tamen legitime probari debet, juxta præscriptum Conc. Trid. *Sess. 25. c. 9. de Reform.* verum contra Ecclesiam non liberam, sed patronatam, seu potius contra ejus Patronum; præscribitur Jus patronatus spatio quadraginta annorum. Vallenſis *tit. de Jure patronatus. §. 1. & alii.*

7. Cæterum ex privilegio potest acquiri Jus patronatus, quando ejusmodi privilegium cuipiam de Ecclesia, vel Christiana Republica bene merito, a Summo Pontifice conceditur, etiamſi Ecclesiam illam non fundaverit, neque extruxerit, neque dotaverit. At vero Episcopus loci, alique Prælati Papa inferiores, tale privilegium concedere non possunt. *text. clar. c. 2. de Rebus Ecclesia non alien. in 6. juncto Concilio Trident. loc. cit.*

8. **CONCL. III.** Jus patronatus semel legitime acquisitum, transit etiam ad heredes; nisi aliud ex prima Juris patronatus constitutione appareat. Ita communis. Notanter additur, *nisi aliud ex prima &c.* Siquidem in potestate Fundatoris est, an velit omnino remittere Jus patronatus, vel sibi tantum, aut Familiz suæ, vel etiam heredibus extraneis reservare. Engel *tit. de Jure patr. n. 15. & alii.*

9. Notandum tamen, quod successio heredum in Jure patronatus non fiat *in capita*, sed *in stirpes*. Unde, si plures sint simul Patroni, atque ex iis unus mortuus fuerit relictis tribus v. g. heredibus, isti tres heredes unum tantum votum in præsentando habent; adeoque vel debebunt conspirare in unius Clerici præsentationem, vel inter se antea convenire, ut alternis vicibus præsentent. *Clem. 2. de Jure patr.*

10. **CONCL. IV.** Generatim quatuor modis ab uno in alium transfertur Jus patronatus, videlicet successione, donatione, permutatione, & venditione universitatis. Ita communis. Hinc illi versus a Glossa in *c. Ex insinuatione de Jure patr. relati.*

*Jura Patronatus transire facit novus hæres, Res permutata, donatio, venditioque.*

11. Et quidem (ut taceatur successio, de qua *Concl. præc.*) Jus patronatus transfertur ab uno in alium *donatione*, *arg. c. Illud, & c. Nullus, eod.* Verumtamen in donatione Juris patronatus, si fiat de Laico in Laicum, necessario debet intervenire consensus Episcopi, prout desumitur ex citatis locis: secus dicendum, si donatio Juris patronatus fiat per Laicum loco Ecclesiastico. *cap. un. eod. in 6.* Similiter non requiri consensum Episcopi, si unus Patronus alteri Compatrono jus suum cedat, donet aut remittat, cum aliis tenet Barbosa *part. 3. de offic. & potest. Episc. alleg. 71. m. arg. Clem. 2. de Jure patron.*

12. *Permutatione* quoque transfertur Jus patronatus ab uno ad alium, *arg. c. Nemini regum 16. q. 7.* Cæterum, si talis permutatio fiat in Laicum, requiritur consensus Episcopi: secus, si fiat in Ecclesiam. Barbosa *loc. cit. n. 31.*

13. Tandem transfertur Jus patronatus *per venditionem universitatis*, cui illud inseparabiliter adheret; ut puta per venditionem Castri, sive Comitatus, habentis annexum Jus patronatus, *arg. c. Cum seculum, de Jure patr. & alibi.*

14. Dici-



14. Dicitur notanter, per venditionem universitatis; id est, omnium eorum bonorum, ac jurium, quibus annexum est. Nam Jus patronatus, cum sit quid spirituale, aut spirituali annexum, per se vendi non potest absque labe Simoniz, *cap. De jure, eod. ibi: Cum inconueniens sit vendi jus patronatus, quod est spirituali annexum: juncto c. Præterea de Transact.* Imo etiam bona ipsa non possunt carius vendi propter annexum Jus patronatus; idque ob allegatam rationem, & notat Barbosa ibidem n. 34.

15. CONCL. V. Jus patronatus ex sola gratia, permissione, atque privilegio Ecclesiæ procedit: quatenus nimirum ex benignitate ejusdem per sacros Canones illud Fundatoribus, Aedificatoribus, & Dotatoribus Ecclesiarum, per modum cujusdam remunerationis concessum est, ut hac ratione Laici, alique Fideles magis provocarentur ad fundandas, extruendas, dotandasque Ecclesias. Ita Fagnanus in *c. Quoniam, n. 4. & seqq. de Jure patr.* & alii communiter. Idipsum desumitur ex *c. Quoniam, ibi: Potestate (præsentandi) in qua eos Ecclesia hucusque sustinuit, juncto c. Si quis Episcoporum 16. q. 5. ibi: Aedificatori Episcopo hac gratia reservetur.* Siquidem de Jure antiquiori Laici in Ecclesiis per eos ædificatis, vel dotatis, nullum habebant Jus patronatus, sed statim Ecclesiæ ipsæ cum Sacerdotibus suis ad ordinationem pertinebant Episcoporum; prout liquet ex *c. Noverit, 10. q. 1. & c. Pia mentis, 16. quæst. 7.*

16. Fatendum nihilominus, quod quamvis spectato Jure antiquo Jus patronatus, ejusque concessio fuerit gratiosa, ut dictum; hodie tamen, cum per jura non sit redactum in Corpus Juris, amplius non dicitur gratia, sed justitia, & jus commune. Fagnanus *loc. cit. n. 12.* Idque patet ex *c. Nobis, de Jure patr.* cum concordantiis: ubi constructiori Ecclesiæ, vel Capellæ, Jus patronatus expresse tribuitur.

17. CONCL. VI. Non tantum Clerici, sed etiam Laici, tam masculi, quam fœminæ, sunt capaces Juris patronatus. Ita communis. Et quidem de Laicis habetur expressus textus, *c. Cum autem, de Jure patr. ibi: Si laicus fuerit, cui jus competit præsentandi, & alibi.* De fœminis pariter fit mentio *c. Ex litteris, eod. ibi: Postmodum Abbatis prædicti Monasterii alium præsentavit eidem ad Ecclesiam superscriptam.* Et *c. ult. de Concess. Præb.* dicitur de quadam Comitissa, quod in quibusdam Beneficiis Ecclesiarum jus habet patronatus.

18. Dices: Laici sunt incapaces juris spiritualis, *arg. c. Decernimus, de Judiciis, & clarius c. Tua, de Decimis, ibi: Cum laicis nulla sit de spiritualibus concedendi, vel disponendi facultas, juncto c. Causam, de Præscript.* Atqui Jus patronatus est quid spirituale, vel saltem spirituali annexum: ergo ejusdem Laicus est incapax, ac præsertim fœmina. Resp. cum Glossa *c. Quanto, de Judiciis,* majorem esse veram loquendo de juribus mere spiritualibus: sed de iis, quæ non sunt quid mere spirituale, sed dumtaxat ei annexum; prout Laici possunt possidere jus funerandi. In proposito autem Jus patronatus non est quid mere ac proprie spirituale, sed spirituali annexum, ut loquitur textus *c. De jure patr. ibi: Jus patronatus, quod est spirituali annexum.* Accedit, quod hoc jus competat Laicis ex speciali concessione, ac privilegio Ecclesiæ.

## QUÆSTIO II.

Quotuplex sit Jus patronatus, & quomodo Ecclesiasticum differat a Laicali?

### SUMMARIUM.

19. Jus patronatus varie dividitur.
20. Jus patronatus hereditarium, ac familiare,
21. Activum, & passivum,
22. Personale, ac reale, quid?
23. Ejus præcipua divisio est in
24. Jus Patronatus Ecclesiasticum, &
25. Laicale, & quid?
26. Jus patronatus mixtum, quid?
27. Et quomodo reguletur?
28. Jus patronatus Ecclesiasticum, & laicale differunt, I. In tempore Patronis ad præsentandum concessio?
29. Et qua circa hoc notanda?
30. II. Patronus Ecclesiasticus nequit variare, sicut Laicus.
31. Ratio disparitatis.
32. Quid juris, si plures a patrone laico præsententur? (a) Adde dict. Tract. XI. Dist. 1. n. 63. & 64.
33. III. Si Ecclesiasticus præfereat indignum, perdit jus præsentandi: secus in Laico.
34. IV. Legatus a latere non potest conferre Beneficia juris patronatus laici.
35. Huic Papa non derogat, nisi id exprimat.
36. Quid de Beneficio Juris patronatus mixti?
37. Magis dignum trahit ad se minus dignum, quomodo?
38. In mixtis non semper ascenditur dignius, quando?
39. V. Papa per simplicem concessionem, &c. derogat Juri patronatus Ecclesiastico, non laico.
40. Limitatur hoc posterius.
41. VI. Jus patronatus Ecclesiasticum, & laicale differunt quoad Concursum.
42. A Concursu, quæ alia Parochia excepta?

19. CONCL. I. Jus patronatus varie dividitur, videlicet in hereditarium, & familiare; in activum, & passivum; in personale, ac reale. Ita communis, & probatur inductione.

20. Jus patronatus hereditarium dicitur, quod transit ad quoscumque hæredes, etiam extraneos. Jus patronatus familiare, seu gentilitium e contra est, in quo tantum succedunt illi, qui sunt de sanguine, & Familia Fundatoris: quæ divisio patet ex dictis n. 8.

21. Jus patronatus activum vocatur, quando Patronus potest præsentare ad Beneficium: & de hoc impræsentiarum agitur. Jus patronatus passivum est, quando certi ex aliqua Familia (dummodo idonei adsint) exclusis extraneis debent ad Beneficium præsentari, & admitti: prout accidit in Beneficiis patrimonialibus, de quibus supra Dist. 1. n. 12.

22. Jus patronatus personale est, quod coheret personæ Fundatoris, vel ejus hæredis, ubicumque locorum existat. Reale vero, quod coheret certo loco, utputa Castro, Prædio, Monasterio; ac hujusmodi: & hoc transit ad quemcumque talis loci possessorem.

23. CONCL. II. Nihilominus præcipua divisio Juris patronatus est in Ecclesiasticum, & Laicale. Ita communis; atque desumitur ex *c. Cum autem, de Jure patr.* cum concordantiis.

24. Jus patronatus Ecclesiasticum est, quod personæ Ecclesiasticæ competit ratione Ecclesiæ, vel

Dignitatis, aut Beneficii Ecclesiastici. Et tale censetur etiam esse illud Jus patronatus, quod primitus fuit laicale, postea vero a Laico fuit concessum Ecclesie, Capitulo, Monasterio, vel cuipiam Beneficio: nam quia illud vi talis donationis jam competit Ecclesie, imposterum censebitur Ecclesiasticum, & non laicale; ut habetur *c. un. de Jure patron. in 6.*

25. *Jus patronatus laicale* dicitur, quod alicui sive Laico, sive Clerico, competit ratione proprii patrimonii, vel successionis paternæ, aut alterius tituli secularis; non vero ratione Ecclesie, aut Beneficii Ecclesiastici, *arg. c. Cum dilectus*, juncta Glossa *Verf. Tamquam laicus, eod.*

26. His additur communiter tertium membrum, scilicet *Jus patronatus mixtum*; estque illud, quod partim nomine Ecclesie ad Clericum, & partim ex alio titulo ad ipsum, vel ad Laicum spectat, ac proinde est mixtum ex utroque: quale est, si Ecclesia fundavit ex suis bonis aliam Ecclesiam, eamque Laicus locavit; vel e contra.

27. Porro hujusmodi Juri patronatus mixto illud est speciale, quod regulatur in particularibus casibus vel ut Ecclesiasticum, vel ut laicale, prout exigit qualitas casus magis privilegiata, magisque favens Patronatui. Glossa *c. 1. Verf. Ecclesiasticus, de Jure patron. in 6.* Covarruvias *Prætic. Quæst. c. 36. num. 5.* & Fagnanus *c. Cum propter, num. 26. & seqq. de Jure patron. cum communi.* Ratio est: quia, si non privilegiatus in materia individua, sive inseparabili, concurrat cum privilegiato, illius privilegio utitur, *arg. l. Si communem, ff. Quemadmodum servitutes amittantur &c.* Ubi hoc conceditur habenti rem communem cum pupillo. Quinimo generaliter in individuis privilegium unius ex sociis concessum, porrigitur ad omnes, juxta Glossam *fin. l. 1. C. de diversis Rescriptis*, ac pluribus exemplificat Fagnanus *loc. citat. num. 53. & seqq.*

28. CONCL. III. Inter Jus patronatus Ecclesiasticum, & Laicale multiplex datur discrimen. Nam in primis (præter discrimen, quod sumitur ex utriusque definitione) differunt, quod Patronus Ecclesiasticus habeat sex menses ad præsentandum, Laicus vero, quatuor tantum, *c. Eam te, & c. Cum propter, de Jure patr. & clarissime c. un. eod. in 6.* Quod si vero Jus patronatus sit mixtum, & unus Patronus est Ecclesiasticus, alter Laicus, omnes ratione communionis habent semestre: nam propter communionem, non privilegiatum sortitur naturam privilegiati, juxta dicta *n. præc.*

29. Cæterum istud tempus sex, vel quatuor mensium, incipit currere non a die vacationis Beneficii, sed a die notitiæ dictæ vacationis, quam habent, vel considerata temporis, ac locorum distantia, habere præsumuntur Patroni; prout in simili dicitur *c. Quia diversitatem, de Concess. Præbend.* Quod si hoc elapsum fuit, & Patronus, sive Ecclesiasticus, sive Laicus, nullum præsentavit ad Beneficium vacans, vel quia neglexit, vel quia, si plures sint Patroni, lis de Jure patronatus inter eos orta est, & prius necdum decisa; statim elapso illo tempore pro ea vice devolvitur collatio Beneficii ad eum, ad quem spectat institutio, *arg. c. Cum propter, & c. Eam te, de Jure patr.* Et merito: ne propter negligentiam, vel discordiam

Patronorum, Ecclesia diutius destituta Rectore, patiatur dispendium aliquod.

30. Secundo differunt: quia si Patronus Ecclesiasticus idoneum præsentavit, non potest amplius variare, seu alium præsentare: quod si fecerit, nihilominus præfertur ille, qui primo est præsentatus, *text. clar. c. Cum autem, eod.* E contra Patronus laicus præsentato uno, vel pluribus, potest adhuc variare, ac intra quadrimestre alium præsentare: non quidem privative, seu ex toto recedendo a priori, sed accumulative, seu adjungendo secundum primo *arg. c. Cum autem, & c. Pastoralis, de Jure patr. & Clem. Plures eod.* ac tenet Fagnanus *cit. cap. Cum autem n. 6. cum communi.*

31. Cur autem laicis Patronis permissum sit variare in præsentando, non item Ecclesiasticis, multiplex solet dari ratio. Placet præ cæteris ea, quam affert Pirhing *tit. de Jure patr. num. 103. & 104.* quia præsentatio Patroni Ecclesiastici, utpote nomine Ecclesie facta, habet vim Electionis, ut post Innocentium, & Abbatem, passim tenent Doctores; ergo sicuti eligentes publicato scrutinio variare non possunt, *c. Publicato, de Elect.* ita nec Clerici præsentantes. Accedit, quod hi nomine, & jure Ecclesie, tales actus quasi ex officio exercent: ideoque, cum officio suo semel functi sunt, acquiescere debent; prout in simili dicitur de collatione, *c. Si tibi absenti, de Præb. in 6.* Secus est de Patrono laico: nam is suo proprio jure, & nomine præsentat. Accedit ulterius, quod Patronus laicus sit minus expertus circa Ecclesiastica, quam Clericus, utpote qui debet esse magis discretus, & amplius scire Jura: simulque quod Laicus habeat minus tempus ad præsentandum, quam Clericus. Unde non mirum, quod ille possit variare; & quia gravatur minori temporis spatio, relevetur in isto.

32. Porro si duo simul, aut successivis temporibus a Patrono laico sint cumulative præsentati, tenetur ex iisdem Episcopus præeligere digniorem: adeo, ut non sit locus gratificationi, sed peccet contra justitiam eligendo minus dignum, quamvis post factum sustineatur electio de digno, omisso digniori, nec liceat posthabito appellare, ut litum occasiones amputentur. Fagnanus *loc. cit. n. 28. & seqq.* citans alios, & desumitur ex *c. Constitutis, de Appellation.* juncto *c. Pastoralis, de Jure patron.* (a) Quod si vero ambo præsentati videantur æque idonei, vel sit dubium, quisnam ex iis sit dignior, tunc illud judicio Episcopi relictum est, *text. clar. c. Cum autem, eod.* Estque stante pari dignitate locus gratificationi, adeo ut Episcopus possit eligere, quem maluerit, juxta Glossam ibidem *Verf. Judicio, & alios.*

33. Tertio differunt Jus patronatus Ecclesiasticum, & laicale: quia si Patronus Ecclesiasticus scienter præsentet indignum, ipso jure privatus est ea vice potestate præsentandi, & ad proximum Superiorem, ad quem spectat institutio, devolvitur libera collatio Beneficii; Secus est in Patrono laico: nam licet is præsentet indignum, non est privatus jure præsentandi pro ea vice, sed jubendus est alium præsentare, *arg. c. Cum vos, de Officio Judicis ordin.* juncta Glossa ibidem *Verf. Minus idoneam.* Ratio hujus est eadem, quæ *n. 31.* allata fuit.

34. Quarto

34. Quarto differant: quia Legatus a latere Summi Pontificis potest conferre Beneficium Juris patronatus Ecclesiastici absque consensu, & præsentatione Patroni Ecclesiastici: secus est de Beneficio Juris patronatus laici: nam hoc absque consensu Patroni nequit conferre, arg. Cum dilectus, de Jure patron. & amplius explicat Glossa ibidem, Vers. Quempiam præsentare.

35. Quinimo generaliter Papa non censetur vel derogare Juri patronatus Laicorum, nisi hoc exprimat. Fagnanus c. Quoniam num. 10. de Jure patron. post Glossam proxime citatam, & alios. Accedit ratio: quia Laici acquirunt Jus patronatus ratione proprii patrimonii, quando fundarunt, ædificarunt, vel dotarunt Ecclesiam; unde non est æquum, ut jure inde quæsito facile priventur, sicque retrahantur ab aliis piis foundationibus: secus est in Patrono Ecclesiastico, cui jus hoc competit non ob proprium patrimonium, sed ratione Ecclesiæ.

36. Et ob eandem rationem Legatus nequit conferre Beneficium Juris patronatus mixti (id est, partim ad Clericum nomine Ecclesiæ, & partim ad Laicum spectantis) ne ex societate cum Clerico Patronus Laicus in re individua præjudicium, & incommodum sentiat, contra Reg. 22. Juris in b. Non debet aliquis alterius odio prægravari, & Doctores passim. Quinimo, quia non privilegiatum propter communionem sortitur naturam privilegiati, privilegium Patrono Laico competens, ne ipso invito possit Legatus Beneficium conferre, eum Patrono Ecclesiastico communicatur, juxta dicta num. 27.

37. Nec obstat illud commune dictum: Magis dignum trahit ad se minus dignum, arg. l. Quæ religio, ff. de Rei vindicatione; atqui Jus patronatus Ecclesiasticum est magis dignum, quam Laicale; ergo, Resp. enim cum communi, dictum illud procedere tantum quoad commoda, & privilegia, non vero quoad damna, odia, & pœnas.

38. Quod si urgeas: Hermaphroditus æstimatur feminei sexus, quando hic prævalet in ipso, l. Quæritur ff. de Statu hominum; & tamen sexus virilis est dignior, & magis prodest: ergo in mixtis non semper attenditur, quod dignius est, magisque prodest, sed quod est potentius. Resp. distinguendo consequens: ergo in mixtis naturalibus non semper attenditur, quod est dignius, conceditur: in mixtis, quæ sunt talia Juris ministerio, negatur. Nam in his Jus fingit illud esse potentius & dignius, quod magis prodest, & jus alterius non lædit. Fagnanus loc. cit. num. 56.

39. Quinto differunt, quod simplici concessione, unione, aut reservatione alicujus Beneficii per Papam facta, derogetur Juri patronatus Ecclesiastico, non vero Laico; nisi expressa, & specialis mentio fiat de hoc. Pirhing de Jure patron. n. 233. estque communis aliorum. Ratio est: quia quavis Papa posset etiam Juri patronatus Laicorum Fundatorum derogare, utpote cum hoc ipsis Fundatoribus ex gratia sit concessum ab Ecclesia, non tamen huic adeo facile derogare solet; partim, ne domini seculares a piis foundationibus retrahantur, si passim eorum juribus derogetur; partim, quia Prælati Ecclesiarum, sicut plus juris habent in bona Ecclesiastica quam Laicalia, ita etiam in Patro-

natus Ecclesiasticos, utpote ex Ecclesiasticis bonis originem trahentes, quam in Patronatus Laicales. Concordant dicta n. 34. & 35.

40. Notant tamen Doctores, hanc doctrinam in quarta, & quinta differentia allatam, habere locum dumtaxat in Jure patronatus Laicis competente ex fundatione, ædificatione, vel dotatione; non vero in eo, quod convenit ipsis ex specialigratia, privilegio, vel præscriptione. Cum enim in his deficiant rationes proxime allatæ, eisdem censetur sufficienter derogatum per clausulam generalem, Ad cujuscumque patroni præsentationem pertineat.

41. Ultimo differunt Jus patronatus Ecclesiasticum, & Laicale, quoad Concursum: nam hic quoad Parochiales Ecclesias, etiamsi sint Juris patronatus Ecclesiastici, præmittendus est, juxta Concilium Trid. Sess. 24. cap. 28. de Reform. Secus est de Parochiis, quæ spectant ad Jus patronatus Laicorum: nam tunc non est locus Concursum; sed is solus examinari debet, quem Patronus laicus præsentavit; & si dignus reperiatur, institui.

42. Notat tamen Engel cit. de Præb. n. 67. per Bullam B. Pii V. Ad exequendum (& habetur tom. 2. Bullarii Romani, Const. 47. disti. Pontif.) a præfato Concursum esse exceptas Parochias Monasteriis, vel aliis Ecclesiis incorporatas, in quibus non proprie Parochus, sed Vicarius ponendus est.

### Q U Æ S T I O III.

De jure præsentandi, aliisque juribus Patrono competentibus.

#### S U M M A R I U M.

43. Patrono quatuor jura competunt, quæ?
44. Jus præsentandi, quomodo competat Patrono?
45. Beneficium sine consensu Patroni regulariter nequit conferri.
46. Fallit hoc in certis casibus.
47. Collatio Beneficii sine consensu Patroni non est ipso jure irrita, sed irritanda.
48. Patronus nequit se ipsum præsentare.
49. Prælati tamen pœssunt Patrono conferre Beneficium.
50. Possunt plures Patroni unum ex se ipsis præsentare.
51. Patronus potest præsentare suos filios, vel consanguineos.
52. Quid juris, si plures sint Patroni, & discordent in præsentando?
53. Præsertim si duo præsententur ab eis in parinúmero?
54. Patrono debetur honor, & qualis?
55. Patrono competit jus defendendi Ecclesiam.
56. Quæ Patrono non liceant.
57. Patrono egenti succurrendum ab Ecclesia.
58. Et quomodo?

43. CONCL. I. Patrono sive Ecclesiastico, sive laico præcipue quatuor jura competunt in Beneficio Ecclesiastico, respectu cujus habet Jus patronatus; videlicet jus præsentandi, præcedendi, defendendi Ecclesiam, atque ut ex bonis Ecclesiæ eidem indigenti modeste succurratur. Ita habetur c. Nobis, de Jure patron. & complectitur Glossa ibidem hisce versiculis:

Patrono debetur honor, onus, utilitasque:

Præsentet, præsit, defendat, alatur egenus.

44. CONCL. II. Jus præsentandi Clericum idoneum ad Beneficium Ecclesiasticum, sive simplex curatum, postquam vacaverit, adeo competit Patrono, ut Episcopus, vel is, ad quem spectat institutio,

Ddd 3

teneat.

teneatur eundem cæteroquin habilem admittere, atque in dicto Beneficio inſtituere. Ita deſumitur ex *cit. c. Nobis, de Jure patron.* Dicitur, *Clericum idoneum*: Nam ſi hic ſit indignus, Patronus laicus tenetur alium præſentare: Patronus vero Eccleſiaſticus pro ea vice privatur jure præſentandi, ut dictum n. 33.

45. CONCL. III. Beneficium Eccleſiaſticum ſine conſenſu, & voluntate Patroni, regulariter loquendo conferri nequit: & ſi de facto collatum ſit alteri, quam illi, quem Patronus præſentavit, poteſt ad inſtantiã ejus collatio annullari, ipſoque inſtante debeat is, qui ſine ſuo conſenſu inſtitutus fuit, amoveri. Ita ſtatuitur *c. Ex inſinuatione, de Jure patr.* juncto *c. Decernimus, 16. q. 7.*

46. Dicitur, *regulariter loquendo*: Nam hic in primis excipitur caſus, ſi Patronus intra debitum tempus a Jure deſinitum neminem præſentavit: tunc enim pro ea vice devolvitur collatio Beneficii ad eum, ad quem cæteroquin pertinet inſtitutio, *c. Cum propter, & c. Eam te, de Jure patr.* Deinde valet collatio, ſi Summus Pontifex de plenitudine poteſtatis conferat Beneficium, derogando expreſſe Juri patronatus, ut jam dictum n. 39. Item, accedit, quando Patroni in præſentando diſcordant, & præſentatus a majori eorum parte non poteſt ſine ſcandalo inſtitui: tunc enim Episcopopus ordinabit Eccleſiam, ſicut melius eam ſecundum Deum viderit ordinandam, *c. Quoniam eod.*

47. Dicitur ulterius in Concluſione, *poteſt ad inſtantiã ejus collatio annullari*: Siquidem collatio Beneficii extra dictos caſus abſque Patroni præſentatione facta, non eſt ipſo jure nulla & irrita, ſed tantum poteſt per Patronum contradicentem irritari; ſi nempe is alium præſentet, aut expreſſe contradicat. Unde ſi terminus Patrono competens poſt collationem per Episcopopum factam fuerit elapſus non reclamante, nec contradicente Patrono, manet collatio omnino firma. Barboſa *part. 3. de offic. & poteſt. Episcopi. alleg. 72. n. 171.* citans plures alios.

48. CONCL. IV. Patronus, quamvis ſit Clericus, & cæteroquin idoneus, ſe ipſum ad Beneficium Eccleſiaſticum præſentare non poteſt. Ita communis, & patet ex *c. Per noſtras, de Jure patron.* Ratio eſt: quia præſentatio ſui ipſius ſapit vitium ambitionis. Concordat illud D. Gregorii Papæ, ac refertur *c. In ſcriptis, 8. q. 1. Sicut locus regiminis deſiderantibus negandus eſt, ita fugientibus offerendus. Et ſicut ſcriptum eſt: Nec quiſquam ſibi ſumit honorem, ſed qui vocatur a Deo, tamquam Aaron. Hebr. 5.*

49. Cæterum ſi Prælatuſ, ad quem ſpectat inſtitutio, motu proprio vocet Clericum Patronum, eique conferat Beneficium vacans, in quo dictus Clericus habet Jus patronatus, valebit collatio: quia tunc Patronus non cenſetur præſentare ſe ipſum, aut Beneficio ſeſe ingerere; ſed Beneficium ſibi oblatum acceptare, adeoque in collationem ejus ſibi factam conſentire. Pirhing. *tit. de Jure patron. n. 92.* Imo poſſet hoc caſu Patronus Clericus procédere per viam deprecationis, & ſupplicationis, ac rogare Episcopopum, ut ſibi conferre velit illud Beneficium; atque exinde poterit Ordinarius illum gratificando admittere. Barboſa *lib. 3. Juris Eccleſiaſt. univ. cap. 12. num. 199.* Abbas in *cap. Per noſtras, de Jure patr. & alii.*

50. Inſuper ſi plures ſint Patroni, poſſunt illi ex ſeipſis unum Clericum Compatronum nominare, & præſentare: nam quamvis Clericus Patronus non poſſit præſentare ſe ipſum, poteſt tamen præſentationi de ſe per Compatronos factæ conſentire. Gloſſa in *c. Conſultis, eod.* Barboſa *p. 3. de offic. & poteſt. Episcopi. alleg. 72. n. 91. & alii.*

51. CONCL. V. Nihilominus non eſt prohibitum Patrono, ad Beneficium præſentare filios ſuos, aut alios conſanguineos. Ita Engel *ſu. ed. Jure patr. n. 3.* cum communiori. Et merito: tum, ne hi ſint deterioris conditionis, quam alii, quorum parentes nullum fundarunt Beneficium. Tum, ne ipſummet Jus patronatus, quod in favorem Fundatoris, ejusque hæredum introductum eſt, in ipſorum odium retorqueatur contra *Reg. 61. Juris in 6. Quod ob gratiam alicujus conceditur, non eſt in ejus diſpendium retorquendum*; cum concordantiis.

52. CONCL. VI. Si plures ſint Patroni ejusdem Eccleſiæ, vel Beneficii, & hi in præſentando diſcordent, aliis hunc, aliis alium præſentantibus, præfertur is, qui majoribus juvatur meritis, & plurimum approbatur aſſenſu, modo id ſine ſcandalo fieri poſſit. Ita habetur *c. Quoniam, de Jure patron.* eſtque communis. Et quidem in tali caſu ſufficit præſentatio facta a majori parte reſpectu minorum partium, dummodo præſentatus cæteroquin ſit idoneus, veluti ſi ex ſex Patronis duo præſentent Titium, unus Sempronium, & tres Cajum, hi tres prævalent, ac præfertur Cajus, *arg. cit. c. Quoniam, & notat ibidem Fagnanus n. 13.* cum aliis. Additur vero, *modo id ſine ſcandalo fieri poſſit*, propter dicta n. 46.

53. CONCL. VII. Si autem duo ſint præſentati a pluribus Patronis in pari numero, vel ſi ex duobus Patronis unus præſentavit unum, & alter alterum, nemini eorum acquiritur jus petendi inſtitutionem. Ita Fagnanus in *c. Cum autem, num. 23. eod. & alii.* Ratio eſt clara: quia ad hoc, ut præſentatus acquirat jus ad Beneficium, & conſequenter jus petendi inſtitutionem, requiritur, quod Præſentatio ſit facta a majori parte Patronorum, *arg. cit. c. Quoniam, de Jure patr.* ibi: *Si forte in plures partes fundatorum ſe vota diſiſerint, ille præficiatur Eccleſiæ, qui majoribus juvatur meritis, & plurimorum eligitur, & approbatur aſſenſu.*

54. CONCL. VIII. Præter jus præſentandi, ulterius Patrono Eccleſiæ debetur honor. Ita communis; & patet ex *c. Nobis, de Jure patr.* ibi: *Pro fundatione quoque Eccleſiæ honor proceſſionis fundatori ſervatur.* Porro honor Patrono debitus conſiſtit in præcedentia Proceſſionis, quatenus in Litaniiſ, ac aliis publicis Proceſſionibus debetur ipſi locus dignior præ aliis Laicis. Item quod in Eccleſiæ ſua patronata debeat honorari per præcedentiam honorabilioris ſedis, & dignioris loci, atque anterioritatem in ſuſcipienda Pace, thurificatione, & aliis conſimilibus caſibus. Barboſa *lib. 3. Juris Eccleſt. univ. c. 12. n. 214.* cum aliis.

55. CONCL. IX. Inſuper competit Patrono jus, ſeu potius onus defendendi Eccleſiam. Ita habetur *c. Filiis, 16. q. 7.* Unde Patroni munus eſt, ut curam, & inſpectionem habeat quoad Eccleſiam & ejus bona, ne male alienentur, aut dilapidentur; & ſi quid in detrimentum Eccleſiæ fieri deprehenderit, neque Beneficiarius honeſta monitione præmiſſa



missa desistere velit, id Episcopo denunciatur; prout ibidem dicitur. Item ipsius munus est, ut Ecclesiam intra & extra Judicium defendat, *tamquam ejus Patronus & Advocatus*: hoc quippe nomine ipse appellatur in *c. Præerea*, & *c. Cum autem*, & *c. Nobis, de Jure patr.* & alibi.

56. Non tamen debet Patronus veram aliquam jurisdictionem in Beneficiarium usurpare; neque in iis, quæ ad Sacramentorum administrationem pertinent, ullatenus sese ingerere; neque visitationi ornamentorum Ecclesiæ, aut bonorum stabiliū seu fabricarum proventibus se immiscere (nisi id Patrono ex primæva institutione, ac fundatione competat) sed Episcopi ipsi hæc faciant, juxta Conc. Trid. *Sess. 24. de Reform. c. 3. circa finem*.

57. CONCL. X. Tandem Patrono convenit, ut, si ad inopiam vergat, ab Ecclesia illi modeste succurratur. Ita his verbis habetur *cit. c. Nobis, de Jure patr.* juncto *c. Contra*, & *c. Quicumque, 16. q. 7.*

58. Dicitur notanter, *modeste succurratur*; id est, habito respectu ad facultates Ecclesiæ, & ad qualitatem personæ, ut bene explicat, & probat Glossa ibidem. Hinc Barbosa *lib. 3. Jur. Eccles. univ. cap. 12. n. 217.* notat, quod tunc primum Ecclesia teneatur dare alimenta Patrono pauperi, quando superest ultra id, quod necessarium est ad cultum Dei, atque Ministrorum alimenta. In quo casu sunt præstanda Patrono alimenta in domo propria, non autem in ipsa Ecclesia; & quidem non solum pro se, sed etiam pro uxore, filiis, atque familia: ac insuper alimenta integra, id est, cibus, potus, vestis, lectus, & alia omnia, quæ sub alimentorum nomine continentur, dummodo (ut dictum) Ecclesiæ suppetant facultates.

#### DISTINCTIO IV.

##### De Decimis.

#### QUESTIO I.

Quid sint Decimæ, Primitiæ, & Oblationes?

#### SUMMARIUM.

1. Decima, quid?
2. Decimarum solutio est actus Religionis, & Justitiæ.
3. Qui fraudant Decimas, quomodo pœsent? Jubeantur excommunicari.
4. Excommunicatio hæc non est lata sententiæ.
5. Bona dantium, & mala non dantium Decimas.
6. Primitiæ, quid? Primogenita, quid? & quomodo differant a Decimis?
7. An extet præceptum offerendi Primitias?
8. Præsertim in lege Evangelica?
9. Oblationes, quid?
10. Oblationis nomen dupliciter accipitur.
11. Oblationes, an sint de Præcepto faciendæ?
12. Quid, si Ministri Ecclesiæ indigeant,
13. Vel id habeat consuetudo loci?

1. CONCL. I. Decima sunt pars decima omnium fructuum juste acquisitorum, Deo in recognitionem sui dominiū universalis debita, atque Ecclesiæ Ministris quotannis exsolvenda. Ita in re communis; & desumitur hæc definitio ex *c. Tua nobis, de Decimis*, ibi: *Decima, quas Deus in signum universalis dominiū sibi reddi præcipit, suas esse Decimas & primitias asseverans*: juncto *c. Decimas Deo, 16. q. 7.* & *c. Ex transmissio, de Decimis*, cum concordantiis.

2. Unde colligitur, quod solutio Decimarum, quatenus solvuntur a Fidelibus ob Dei cultum, atque in signum supremi ejus dominiū in omnes res, & quod ab ipso bona cuncta procedant, sit actus virtutis Religionis: quatenus vero spectatur, prout est debita Ecclesiæ Ministris, nobis spiritualia præbentibus, sit actus Justitiæ.

3. Hinc illi, qui fraudant Decimas, peccant & contra virtutem Justitiæ, & contra virtutem Religionis; crimenque committunt *Sacrilegii, c. Decimas quas. 16. q. 7.* Insuper fraudantes Decimas, tum in *c. Omnes decima, 16. q. 1.* & *c. Tua nobis, de Decimis*, tum in Concilio Trid. *Sess. 25. cap. 12. de Reform.* excommunicari jubentur, ibi: *Cum decimarum solutio debita sit Deo, & qui eas dare noluerint, aut dantes impediunt, res alienas invadunt, &c. Qui vero eas aut subtrahunt, aut impediunt, excommunicentur: nec ab hoc crimine, nisi plena restitutione secuta, absolvantur.* Hactenus Concilium.

4. Cæterum hæc Excommunicatio non est lata, sed primum ferendæ sententiæ; prout desumitur ex *to excommunicentur*. Imo præmittendam esse trinam monitionem, antequam infligatur, recte cum aliis notat Barbosa in *Collectaneis ad cit. locum Concilii Trid. n. 5.* & favet textus *c. Omnes decima 16. q. 7.*

5. Insuper, quod justo Dei judicio frequenter in rebus temporalibus damna patiantur, qui Decimas dare negligunt; & econtra, qui Decimas diligenter dant, non solum sanitatem corporis, sed etiam cum temporali fructu bona Cælestia promereantur &c. urgentissimis SS. Augustini, & Hieronymi, auctoritatibus comprobatur *c. Revertimini, & Decima tributa. 16. q. 1.* Ubi D. Augustinus *Serm. 219. de Tempore.* inter alia sic loquens refertur: *Cum decimas dando & terrena, & Cælestia possis præmia promereri, quare pro avaritia duplici benedictione fraudaris? Hæc est enim Dei justissima Consuetudo, ut si tu illi Decimam non dederis, tu ad Decimam revocaris. Dabis impio militi, quod non vis dare Sacerdoti.*

6. CONCL. II. Primitiæ appellantur primi fructus agrorum, vinearum, hortorum, arborumque, Deo ut Largitori omnium bonorum in signum gratitudinis oblatis. Ita desumitur ex *cap. 18. Numer.* ibi: *Universa frugum initia* (id est, Primitias) *quæ gignit humus.* Additur notanter, *quæ gignit humus*; nam in animalibus, recepto stylo S. Scripturæ, vocantur *Primogenita*. Unde patet discrimen inter Primitias, & Decimas: nam hæc sunt decima pars omnium fructuum juste acquisitorum; illæ vero, fructus primi arborum, agrorumque & hujusmodi.

7. Quæres: An extet præceptum aliquod offerendi Primitias? Resp. I. In Lege Mosaica extabat præceptum offerendi Primitias; uti patet ex *cap. 26. Deuteronom.* ibi: *Tolles de cunctis frugibus tuis primitias, pergesque ad locum, quem Dominus Deus tuus elegerit &c.* Item *Exodi 13. Sanctifica mihi omne primogenitum.* & alibi. Quia vero Ceremonialia, & judicialia veteris Legis per Christi mortem, atque prædicationem Evangelii, evacuata fuerunt; remanet Quæstio loquendo pro statu Legis Evangelicæ; ad quam

8. Resp. II. Olim quidem ex præcepto Juris Ecclesiastici aderat ejusmodi obligatio solvendi Primitias;

tias; prout colligitur ex *c. Prater. dist. 32. & c. Decimas. 16. q. 7.* ac notat Glossa in *c. 1. vers. In primitiis, de Decimis.* Hodie tamen de ejusmodi obligatio solvendi Primitias in plerisque locis per contrariam consuetudinem sublata est. Ita Pirhing. *sit. de Decimis. n. 172.* Suarez, Azorius, & alii passim.

9. CONCL. III. Oblationum nomen, quantum ad propositum, accipitur pro illis oblationibus seu donis, quæ Fideles ad Altare offerunt inter Missarum solemnias. Ita desumitur ex *c. Antiquus. 10. quest. 1. & cap. Omnis Christianus, de Consec. dist. 1.*

10. Additur notanter, quantum ad propositum: Siquidem Oblationis nomen interdum late accipitur pro omni eo, quod offertur Ecclesię; sive id fiat in vita, sive in morte, sive sit quid mobile, sive immobile. *arg. c. Videntes. 12. q. 1. ibi: Ipsa res fidelium oblationes appellantur, quia Domino offeruntur.*

Quinimo oblationis nomen adeo large acceptum, ipsas quoque Decimas & Primitias complectitur: verum stricte, & habito præsertim respectu ad communem modum loquendi, dicitur Oblatio, quod offertur Sacerdoti in Missa. Abbas *c. Causa. de verb. signific.*

11. Quæres: An homines ad faciendas hujusmodi Oblationes teneantur? Resp. I. De ratione hujusmodi Oblationum est, quod voluntarie offerantur, juxta illud *Exodi 25. Ab omni homine, qui offert ultroneus, accipietis eas.* Et hinc regulariter loquendo istæ Oblationes non sunt de præcepto, nisi in certis casibus. Ita D. Thomas 2. 2. q. 86. *art. 1. Abbas ad Rubric. tit. de Parochiis, & alii.*

12. Additur notanter, nisi in certis casibus. Et enim, si Ministri Ecclesię indigeant, neque habeant aliunde, unde sustententur, tenentur Parochiani Jure naturali, & Divino, ad Oblationes Presbyteris indigentibus faciendas: nam ex quo Sacerdos impendit spiritualia, debet consequi temporalia: *Dignus enim est operarius cibo suo, Matth. 10.* Unde quamvis Sacerdos ob hoc non debeat subtrahere spiritualia, tamen Superior debet Parochianos compellere ad præstandas has Oblationes juris remediis. Abbas *loc. cit.* Covarruvias *lib. 1. var. resolut. c. 17. n. 3. & alii.*

13. Deinde tenentur Parochiani ad faciendas Oblationes, ubi hoc habet consuetudo. Siquidem in multis locis consueverunt Parochiani, præsertim diebus Dominicis & aliis præcipuis Festis, facere ejusmodi Oblationes, juxta *Can. Omnis Christianus, de Consec. dist. 1.* Atqui Fideles tenentur, possuntque cogi ad observandas laudabiles consuetudines, *C. ad Apostolicam de Simon. & amplius de Oblationibus ostendit Hostiensis in Summa. tit. De Parochiis. §. In tertia.* Et quidem hisce casibus adhuc oblatio remanet quodammodo voluntaria, saltem quoad quantitatem, vel speciem rei oblata.

## Q U Æ S T I O II.

Quo jure, & ex quibus rebus solvendæ sint Decimæ?

### S U M M A R I U M.

14. Decima, an debeantur Jure Divino?
15. Præsertim in Lege Evangelica?
16. Quomodo ipse dicantur deberi constitutione Divina?
17. Solvitur instantia contra Decimas.
  - (a) Vide dicta Tracl. 2. Dist. 2. n. 9. & 10.
18. Decima ex quibus rebus debeantur?
19. Declaratur hoc.
  - (b) Ut dicetur Quæst. 4. per totum.

20. Decimarum divisio.

21. Decima prædiales, Personales, & Mixta, quæ?

22. Decima prædiales, & Personales, quomodo & quibus solvenda?

14. CONCL. I. Decimæ secundum substantiam spectatæ, quatenus videlicet sunt necessarium stipendium Ministrorum Ecclesię, ad ipsorum sustentationem requisitum, debentur ipsi Jure naturali, ac Divino: quatenus vero spectantur secundum quotam, sive determinationem suam (id est, quod debeat dari ipsamet pars decima fructuum) tempore Legis Mosaicæ debebantur Jure Divino positivo; tempore vero Legis Evangelicæ Jure dumtaxat Ecclesiastico, licet antiquissimo, utpote ab Apostolis derivato. Ita Doctor Angelicus 2. 2. q. 87. *art. 1. & alii passim, paucis exceptis.* Ratio primæ partis desumitur ex cit. verbis Christi *Matth. 10. Dignus est operarius cibo suo;* cum concordantiis. Altera vero pars, loquens de Lege Mosaicæ, patet ex *c. 27. Levit. & aliis pluribus locis.*

15. Tandem ultima pars, seu quod in Lege Evangelica debeantur Decimæ secundum quotam spectatæ Jure Ecclesiastico, patet tum ex plurimis textibus Juris Canonici jam allegatis, vel in progressu allegandis. Tum ex eo: quia si Decimæ simpliciter essent Juris Divini, non posset earum obligatio tolli per privilegium Summi Pontificis, aut contrariam consuetudinem: atqui hoc fieri posse, patebit ex dicendis *Quæst. IV.*

16. Nec dicas: In Jure Canonico *c. Parochianos, de Decimis,* expresse dicitur: *Decima non ab homine, sed ab ipso Deo sunt instituta:* juncto *c. Tua. eod. ibi: Decima divina constitutione debentur;* ergo non solum Jure Ecclesiastico. Resp. enim, hujusmodi auctoritates vel accipiendas esse de Decimis secundum suam substantiam spectatis, & quatenus sunt necessarium stipendium Ministrorum Ecclesię. Vel dicendum, quod velint, Decimas Jure Divino deberi, non directe ac immediate pro statu Legis Evangelicæ, sed solum remote ac occasionaliter, quatenus ad imitationem Legis Divinæ, pro veteri Testamento statuta, ad necessariam Ministrorum Ecclesię sustentationem, per Constitutionem Ecclesiasticam sunt denuo constituta.

17. Quod si dicas: Ceremonialia veteris Legis jam sunt evacuata, & de facto illicita observatu, *c. Majores, de Baptismo.* Resp. cum Doctore Angelico *loc. cit.* Præceptum de solutione Decimarum non fuisse ceremoniale, sed partim morale, partim judiciale. Et quatenus morale, fuit inditum a Lege naturali, atque a Christo in Lege Evangelica renovatum, *Matth. 10. Dignus est operarius cibo suo;* cum concordantiis. Quatenus vero judiciale erat, nempe secundum quotam, seu quoad determinationem decimæ partis, est renovatum auctoritate Ecclesię; sicque illud de facto obligat ex vi novi præcepti Ecclesiastici. (a)

18. CONCL. II. Spectato Jure communi debentur Decimæ ex omnibus, quæ licite acquiruntur. Ita habetur *c. Extransmissa, de Decimis, ibi: Fidelis homo de omnibus, quæ licite potest acquirere, Decimas erogare tenetur;* & alibi. Dicitur, *quæ licite acquiruntur:* nam de acquisitis per furta, simoniam, usuras, opus meretricium, ac hujusmodi Decimæ non debentur; imo nec possunt recipi, ne Cle-

Clerici censeantur approbare peccatum alterius, ut notat Glossa *ibidem*, *vers. licite*. Hinc c. *Non est putanda*. 1. q. 1. notanter dicitur; *Honora Dominum de tuis iustis laboribus*.

19. Additur autem, *spectato Jure communi*. Siquidem variis ex causis hæc obligatio solvendi Decimas, utpote ex Jure Ecclesiastico proveniens, tolli potest, & aliquis (b) a præstatione Decimarum eximi, vel ex parte, vel etiam in totum: dummodo Ministri Ecclesiæ aliunde congruam habeant sustentationem, utputa ex sufficientibus redditibus Fundationis Ecclesiæ, Oblationis, aut Legatis piis.

20. CONCL. III. Decimæ dividuntur in prædiales, personales, & mixtas. Ita communis. Siquidem, quantum est de Jure communi, debentur Decimæ *de vino, grano, fructibus arborum, pecoribus, hortis, negotiatione, de ipsa etiam militia, de venatione, & de omnibus bonis*; prout his ipsis verbis habetur c. *Non est, de Decimis*, cum concordantiis. Itaque

21. Decima prædiales sunt, quæ persolvuntur ex prædiorum, aut arborum fructibus, obventionibus molendinorum, vel ædium locatarum, & hujusmodi. *Personales* dicuntur, quæ ex rebus, quas quisque sibi industria & opera sua acquirit, persolvuntur; v. g. ex lucro honestæ negotiationis, venationis, militiæ, &c. Decima mixta vocantur illæ, quæ partim prædiales, partim personales sunt: cujusmodi sunt, quæ debentur ex fructibus pecorum, veluti ex fœtu, lana, lacte, &c.

\* Plures tamen Doctores &c. Vide Addit. (M)

22. Porro Decimæ prædiales differunt a personalibus, quod illæ statim atque collectæ sunt, solvi debeant: & quidem integræ absque deductione impensarum, quæ fieri solent in colendis prædiis vel agris, & colligendis fructibus. *arg. c. Cum sint homines, & c. Tua nobis, & c. Pastoralis, eodem.* E contra Decimæ personales solvuntur deductis prius expensis, utpote cum residuum dumtaxat censeatur esse fructus, seu lucrum, *cit. c. Pastoralis*. Insuper Decimæ prædiales sunt solvendæ Parocho, in cujus Parochia fructus crescunt, & colliguntur, quamvis colonus alibi habitet: Personales autem solvuntur Ecclesiæ, seu Parocho, in cujus Parochia quis audit Divina, & percipit Sacramenta Ecclesiastica; nisi consuetudine, conventionem, aut privilegio aliud fieri oporteat. *cit. c. Cum sint homines, de Decimis.*

\* Cæteroque Decimæ & Vide Addit. (N)

### QUÆSTIO III.

Quibus solvendæ sint Decimæ ?

#### SUMMARIUM.

23. Antiquitus Decima solvebantur Ecclesiæ, per Episcopos Clericis distribuenda.
- (c) Ut dictum Tract. 7. dist. 4. num. 30.
24. Tunc soli Episcopi erant Parochi: secus de sæp.
25. Decima prædiales spectant ad Ecclesiam Parochialem.
26. Es habet super iis Parochus fundatam intentionem.
27. Episcopo de Jure communi debetur quarta pars Decimarum.
28. Quid de Decimis nullius certa Parochia ?

29. Limitantur prædicta.

30. Laici mere seculares sunt incapaces juris Decimarum.

31. Secus de Laicis conversis, sive Regularibus.

32. Laicis potest competere jus percipiendi fructus Decimarum, ut quid temporale sunt.

33. Interveniens jure contractu emptionis, condonationis, &c.

34. An etiam per modum Feudi ?

23. **Q**uæstio præsens procedit præcipue pro moderno statu, quo facta supponitur divisio bonorum Ecclesiasticorum in quatuor partes (c) ipsarumque distinctio Parochiarum: nam antea Decimæ debebantur Ecclesiæ, sive cœtui Clericorum in communi; & præstabantur Episcopis cujuslibet Diœcesis, qui eas inter Clerum & Ministros suæ Ecclesiæ, pro cujuslibet meritis & necessitate, jure fideliterque distribuere tenebantur. *arg. c. Episcopus, & c. Præcipimus, 12. q. 1. juncto c. Decimas, 16. q. 7. cum concordantiis.*

24. Siquidem Episcopi soli pro illo tempore erant Parochi, quibus totius plebis Diœcesanæ cura imminebat: cæteri autem Presbyteri, veluti ipsorum Coadjutores, ad nutum eorundem Episcoporum modo in hac, modo in illa parte Diœcesis Pastorale Officium exercebant. *arg. cap. In novo, dist. 21. & notat Barbosa lib. 3. Juris Ecclesiast. univ. cap. 26. §. 2. num. 4.* Postmodum vero, facta illa reddituum Ecclesiasticorum divisione, Parochiæ singulæ singulis Presbyteris fuerunt constitutæ, singulisque Parochiis propria territoria per suos terminos assignata, in quibus cuilibet Presbytero tota suæ Parochiæ cura remaneret, prout habetur c. *Ecclesiæ, 13. q. 1.* Et de hoc tempore, sive post divisionem bonorum Ecclesiasticorum & Parochiarum distinctionem loquendo, sit

25. CONCL. I. De Jure communi Decimæ prædiales spectant ad Ecclesiam Parochialem, suntque persolvendæ Rectoribus illarum Ecclesiarum Parochialium, intra quarum fines prædia illa sita sunt. Ita communis; & habetur clare. c. *Cum contingat, de Decimis*, ibi: *Cum perceptio Decimarum ad Parochiales Ecclesias de jure communi pertineat.* Concordat textus c. *Cum in tua eod.* ibi: *Alioquin Parochialibus Ecclesiis exsolvantur, ad quas de jure communi spectat perceptio decimarum.*

26. Et hoc adeo verum est, quod Parochus loci habeat pro se fundatam in jure intentionem super omnibus Decimis intra limites suæ Parochiæ existentibus; ita ut præsumatur, Decimas ad ipsum pertinere, nisi adversarius, quicumque ille sit, oppositum ostenderit. *arg. c. A nobis eod.* Proinde propter istam Juris assistentiam, Parochus non tenetur aliter probare, Decimas sibi competere; sed contrarium asserenti incumbit onus probandi, cum contra hunc militet Juris præsumptio, *arg. cap. 1. de Prescrip. in 6. ac notat Barbosa loc. cit. cap. 26. §. 2. num. 8. cum aliis.*

\* Quinimo Parocho &c. Vide Addit. (O)

27. CONCL. II. Nihilominus post factam Parochiarum divisionem non prorsus excluditur Episcopus loci a perceptione Decimarum prædialium. Nam in primis spectato Jure communi

E e e

debe-

debetur ei, tamquam Superiori, & Ordinario omnium Fidelium suæ Diocesis Pastori, quarta pars Decimarum totius Episcopatus; prout liquet ex *c. Conquerente de Offic. Ordinarii*, ubi Pontifex inter jura Episcopalia recenset *quartam decimationem*: juncto *c. De quarta de Prescript.* & concordantiis. Hinc Fagnanus *c. Cum contingat, num. 13. de Decimis*, cum aliis notat, quod Episcopus super quartam Decimarum habeat intentionem fundatam.

28. Deinde, quando Decimæ non sunt in certa Parochia (veluti, si prædia sint multum distantia, & non inclusa in limitibus alicujus Parochiæ; vel si novalia fiant in nemoribus remotis, & extra limites Ecclesiarum Parochialium) tunc Episcopus fundat intentionem super eas; adeo, ut *ipsas secundum discretionem a Deo sibi datam, alii Ecclesia deputare, vel ad opus suum possit retinere*, prout habetur *c. Quoniam de Decimis*. Notat tamen ibidem Abbas, quod, si certum sit, ejusmodi prædia, vel novalia includi in aliqua vicinarum Parochiarum, sed ignoretur, quænam illa sit; tunc Decimæ non debeantur Episcopo, sed sint dividendæ inter illas Parochias.

29. Additur notanter *num. 27. spectato jure communi*. Nam per hætenus dicta non negatur, quin aliquo jure speciali possit Episcopus tale jus amittere: utputa si appareat de contraria consuetudine; illa enim servari debet, cum in transferendo jus Decimarum ab una Ecclesia in aliam, plurimum valeat consuetudo. Idem erit, si constet de compositione, vel appareat de quodam privilegio, aut intervenerit præscriptio specialis. Fagnanus *ibidem num. 18. & 19.*

30. CONCL. III. Laicis mere secularibus nullo modo competere, & concedi potest jus Decimarum, quatenus spirituale est; adeoque nec ipsæ Decimæ, prout sunt fructus Ecclesiastici. Ita Pirhing. *tit. de Decimis, num. 135.* & communis aliorum. Patet hoc ex *c. Decimas, quas in usum 16. q. 7.* ubi Laici Decimas possidere prohibentur, & oppositum facientes dicuntur *sacrilegii crimen committere, & æternæ damnationis periculum incurrere*. Idem desumitur ex *c. Ad hac, & c. Quamvis de Decimis*, cum concordantiis. Ratio etiam est: quia Laici non possunt possidere spiritualia, multo minus spiritualia officia ministrare Fidelibus.

31. Additur vero, *Laicis mere secularibus* sive, ut loquitur Pontifex in *cit. cap. Quamvis eod. Laicis in seculo remanentibus*. Siquidem Laici conversi, etsi nullo Clericali Ordine sunt insigniti, capaces sunt juris spiritualis: quia non sunt meri Laici, sed inter Religiosos numerantur, propterea Vota substantialia Religionis ab ipsis edita; ideoque Clericorum juribus, & privilegiis gaudent: cujusmodi sunt Hospitalarii, Professores Ordinum Militarium, Equites Melitenenses, & Teutonici Ordinis *arg. C. Cum & plantare de privilegiis*. Unde talibus possunt concedi Ecclesiæ, & Decimæ; argumento a contrario desumpto, cum non sint *Laici in seculo remanentes*: ita tamen, ut tales Religiosi Laici non per seipsos (hoc enim defectu Ordinis exequi nequeunt) sed per Clericos

idoneos Ecclesias regant, & administrent. Abbas *C. Quamvis n. 3. de Decimis & alii*.

32. CONCL. IV. Nihilominus potest Laicis concedi, & competere jus percipiendi fructus Decimarum, quatenus intelligitur abstractum a titulo, & jure spirituali, & quid temporale existit; videlicet jus præfise percipiendi decimam partem fructuum: non quidem titulo proprio, sed vel nomine Clericorum, ad quos pertinet, interyeniente iusto contractu: vel nomine Ecclesiæ; & causa temporalis stipendii, pro obsequio ipsi Ecclesiæ per eos præstito. Ita Glossa in *Cod. Quamvis, vers. Concesserit de Decimis*; ubi ait, quod *fructus Decimarum bene possent concedi Laico ex causa ad tempus vite sue*. Zoësius *eod. num. 45.* Pirhing *n. 138.* & alii. Idque probatur inductione.

33. Sic enim jus percipiendi fructus Decimarum, sive Decimas materialiter spectatas pro sola utilitate fructuum percipiendorum, præfisa a spirituali jure, & titulo, potest a Laicis obtineri interveniente iusto contractu emptionis, & conductionis: quia, ut habetur *cod. Vestra de Locato*, fructus Decimarum possunt dari ad firmam (hoc est, pro censu annuo aliis concedi) & libere locari illis, cum quibus Ecclesiæ conditio sit melior; dummodo hujusmodi locatio ad feudum, vel alienationem perpetuam non extendatur. Et talis locatio, quin & venditio fructuum decimarum ad unum, vel plures annos, passim fit: nam Decimæ sic spectatæ, sunt quid mere temporale.

34. Deinde Decimæ taliter spectatæ ante Concilium Lateranense, sub Alexandro III. 1179. celebratum, potuerunt Laicis in feudum per Episcopos dispensative concedi, ut Ecclesias ab hæreticis, & aliis oppressoribus defenderent. Et quamvis hæc potestas in dicto Concilio Episcopis adempta fuerit, tamen Decimæ prius perpetuo Laicis in feudum concessæ penes Vassallos Laicos remanserunt, *arg. Cod. Cum Apostolica. De his, que fiunt a Prelatis &c. & C. Statuto, §. Sane de Decimis in 6.*

#### QUÆSTIO IV.

Quibus modis eximatur quis a præstatione Decimarum?

#### SUMMARIUM.

35. Variis modis potest quis eximi a præstatione Decimarum.
36. I. Privilegio, & quali?
37. II. Per Consuetudinem; & quomodo hoc intelligendum?
38. Corollaria.
39. III. Prescriptione.
40. Solvitur instantia.
41. Quo tempore immunitas a solvendis Decimis præscribatur?  
Declaratur *c. 1. de prescript. in 6.*  
(c) Ut dictum Tract. 7. Dist. 6. n. 15.
42. IV. Compositione, ac remissione.
43. V. Gravi paupertate; & quomodo?

35. CONCL. I. Variis modis accidere potest, ut quis eximatur a præstatione Decimarum;



rum; videlicet, privilegio, consuetudine, praescriptione legitima, compositione, remissione, imo & ob gravem paupertatem eorum, qui solutis Decimis non habent necessaria ad se, suosque alendos. Ita Doctores passim; atque desumitur ex diversis textibus Juris, mox singillatim referendis: unde sit

36. CONCL. II. A praestatione Decimarum potest quis eximi privilegio, non quidem alicujus Principis territorialis laici, aut Episcopi loci; sed privilegio Summi Pontificis. Ita Vallenſis *tit. de Decimis*, §. 8. & alii. Prima pars habetur *c. Tua*, & *c. Dudum*, *de Decimis*. Ubi dicitur, neque Imperiali, neque Regali concessione, quempiam a solutione Decimarum eximi posse, utpote quæ Divina constitutione debentur, & sunt tributa egentium animarum. Altera pars ex eo patet; quia Episcopus nequit dispensare in Jure communi: nam *lex superioris per inferiorem tolli non potest. Clem. Ne Romani*, *de Elect.* Verum privilegio Pontificio id fieri posse, patet ex *c. Suggestum*, & *c. Ex parte*, & *seqq. de Decimis*, ubi plura hujusmodi privilegia Cisterciensibus, aliisque concessa referuntur.

37. CONCL. III. Per consuetudinem alicubi legitime introductam similiter potest induci exemptio a praestatione quarundam Decimarum; dummodo adhuc ex aliis Decimis, vel redditibus, tantum superſit, quod sufficiat iuxta Sacerdotum sustentationi. Ita Covarruvias *lib. 1. var. Resolut. cap. 17. num. 8.* & alii. Ratio est: quia Decimæ solo Jure Ecclesiastico debentur Clericis secundum quotam: sed secundum substantiam, sive ut sunt necessarium stipendium Ministrorum Ecclesiæ, debentur Jure naturali, & Divino: atqui huic Juri nequit derogari per contrariam consuetudinem, bene tamen priori, *cap. ult. de consuet.* ergo.

38. Hinc valet consuetudo, ut ex quibusdam fructibus, vel bonis, praesertim minutis, v. g. oleribus, fabis, rapis, & similibus, alicubi non solvantur Decimæ, aut saltem non integræ: ideoque Jura dicentia, quod Decimæ sint solvendæ integræ, intelligenda sunt de integritate solvi solita. Similiter valet consuetudo, ut Clerici nullas solvant Decimas, aut Laici non solvant personales: quinimo Decimas personales, seu ex lucro industriae, hac ætate nostra ferme in toto orbe Christiano de consuetudine legitime praescripta non solvi, notat Navarrus *c. 21. Manual. num. 31.* Ususque in hac Decimarum materia valde variari, ita tamen, ut adhuc Clericis superſit honesta sustentatio, passim observant Doctores.

39. CONCL. IV. Insuper praescriptione rite absoluta poterit immunitas a solvendis Decimis obtineri per privatas, seu particulares personas, sive Ecclesiasticas, sive Laicales. Ita Covarruvias *loc. cit. num. 10.* Pirhing *tit. de Decimis*, n. 129. & alii. Ratio est: quia, ut dictum, Decimæ debentur Jure dumtaxat Ecclesiastico; ergo nihil obstat, quin per contrarium usum legitime praescriptum abrogari possint, & sic immunitas ab eisdem solvendis praescribi; dummodo aliun-

de habeant Ecclesiæ Ministri congruam sustentationem.

40. Nec dicas: Laicus non potest praescribere jus percipiendi Decimas; ergo neque jus retinendi Decimas, id est, immunitatem ab eis solvendis. Resp. enim negando consequentiam, & paritatem: quia jus percipiendi Decimas est spirituale, cujus Laicus est incapax; jus autem immunitatis, seu exemptionis a Decimis solvendis, non est spirituale: hoc etenim tantum est quædam libertas, & commoditas temporalis integre percipiendi fructus suos, & in nullo titulo spirituali fundatur, ac radicatur.

41. Cæterum immunitas a solvendis Decimis bona fide, & cum titulo, praescribitur spatio quadraginta annorum: sine titulo autem, tempore dumtaxat immemoriali; prout notant citati Auctores. Et hoc desumitur ex *cap. 1. de Praescript. in 6.* ubi generaliter decernitur, quod, quando Jus commune resistit praescribenti, vel habetur praesumptio contra ipsum, non sufficiat bona fides, sed insuper requiratur titulus, qui possessori causam tribuat possidendi, nisi allegatur, probeturque praescriptio temporis immemorialis: atqui Jus commune resistit praescribenti immunitatem a solvendis Decimis; ergo. Accedit ratio: quia *possessor male fidei ullo tempore non praescribit*, juxta *Reg. 2. Juris in 6.* atqui possidens immunitatem solvendi Decimas (cum huic Jus commune resistat, cujus ignorantia non excusat) praesumitur habere malam fidem; nisi alleget titulum saltem coloratum, qui det justam causam possidendi, sicque bonam fidem ex parte possessoris inducat; vel nisi probet possessionem temporis immemorialis, quæ est instar tituli, imo qua non potest allegari melior titulus de toto Mundo (e) ergo.

42. CONCL. V. Compositione, ac remissione, potest etiam cuipiam competere immunitas a solvendis Decimis. Ita Vallenſis *tit. de Decimis*, §. 8. *num. 5.* cum communi. Idque desumitur ex *c. Ex multiplici*, *de Decimis*, juncto *c. Statuimus*, *de Transaction.* ubi ejusmodi compositio facta approbatur. Idem de remissione liquet ex *c. Quia circa*, *de Privilegiis*. Ubi pariter quarundam Decimarum facta remissio, per Papam comprobatur.

43. CONCL. VI. Tandem gravis paupertas, sive tanta, ut solutis Decimis quis non habeat necessaria ad se suosque sustentandos, excusat interim a solutione Decimarum, donec melior fortuna advenerit. Ita Layman *lib. 4. Tract. 6. cap. 2. num. 8.* Abbas, Suarez, & alii. Ratio est: quia ob necessitatem tam gravem, generaliter potest differri solutio debiti. Quinimo, si quis tempore Decimarum solvendarum fuerit constitutus in extrema necessitate, prorsus liberatur obligatione eas persolvendi: cum tunc omnia sint communia, & sic ipse consumpserit, quod suum erat. Verum, qui gravem solum necessitatem patitur, is liberatur non simpliciter, sed donec melior fortuna aspiet.

\* \* \*

## TRACTATUS XII.

DE IMMUNITATI ECCLESIASTICA, ET  
INDULGENTIIS.

1. **Q**uia præsens materia omnibus Clericis scitu valde necessaria existit, ne, quæ proprium statum, & Ecclesiæ sibi concreditæ jura concernunt, culpabiliter ignorent; ea juxta methodum, a pluribus Auctoribus observatam, in Theologia Morali merito pertractatur. Idipsum, dimissis difficilioribus ad Jus Canonicum Quaestionibus, breviter præstabit præsens Tractatus; ita tamen, ut ad finem ejusdem simul agatur de Indulgentiis.

## DISTINCTIO I.

*De Immunitate Ecclesiastica ut sit, ejusque Speciebus.*

## QUÆSTIO I.

Quid, & quotuplex sit Immunitas Ecclesiastica, & quo jure constituta?

## SUMMARIUM.

1. Ratio Ordinis.
2. Munus tripliciter accipitur. Immunitatis etymon.
3. Immunitas Ecclesiastica, quid?
4. Est triplex. Localis, Realis, & Personalis.
5. Certum est, Immunitatem Ecclesiasticam esse de Jure Divino quoad ea, quæ vere sunt spiritualia.
6. Immunitas Ecclesiastica etiam quoad alia, est aliqua ratione de Jure Divino.
7. Qua ratione hoc fiat, variant Doctores.
  1. Sententia.
    - (a) Tract. 11. Dist. 4. n. 16.
  2. II. Jurique conformior sententia.
  3. Instantia contra hanc solvitur.
    - (b) Tract. 11. Dist. 4. n. 14. & seqq.

2. **I**mmunitas sic dicitur a munere. Munus enim tripliciter accipitur. I. Pro dono: sic munera dari, mitti dicuntur. II. Pro officio: unde Munera militaria, Munera civilia, qualia solent esse conjuncta cum honore. III. Pro obligatione, seu functione cuiuspiam imposita: quo modo & *Municeps*, quasi communium onerum, seu *munerum particeps* dicitur. Et *Muneri* sic accepto opponitur *Immunitas*, quæ est exemptio, sive liberatio ab ejusmodi obligationibus, & oneribus. Hæc ad propositum applicando, sit

3. CONCL. I. Immunitas Ecclesiastica est exemptio, sive jus, quo Ecclesiæ, res, & personæ Ecclesiasticæ, a publicis muneribus seu oneribus secularibus liberæ sunt. Ita Doctores passim, & patebunt singula ex dicendis.

4. CONCL. II. Ejusmodi Immunitas recte dividitur in localem, realem, & personalem. Ita communis. Et quidem *Immunitas localis* est, quæ convenit Ecclesiis, aliisque locis Ecclesiasticis. *Realis*, quæ competit rebus Ecclesiasticis; id est, bonis ad Ecclesiam, vel personas Ecclesiasticas pertinentibus. *Personalis tamen*, quæ debetur personis Ecclesiasticis.

5. CONCL. III. Certum est, quod Clerici, Ecclesiæ, earumque bona, si spectentur quoad ea, quæ vere & proprie spiritualia sunt, Jure Divino

sint exempta a jurisdictione & potestate seculari. Ita Covarruvias *Pract. Quest. cap. 31. n. 2. Concl.* 1. Barbosa *lib. 1. Juris Eccles. univ. cap. 39. §. 2. n. 6.* & communis aliorum. Exemplificatur hoc de Sacramentis, quorum cognitio ad solum judicem Ecclesiasticum pertinet; adeo quidem, ut juxta Concilium Trid. *Sess. 24. can. 12. Si quis dixerit, Causas matrimoniales non spectare at Judices Ecclesiasticos, anathema sit.* Idem accidit in Donis supernaturalibus, in Beneficiis Ecclesiasticis, in rebus sacris, & aliis similibus, ad quorum decisionem supernaturalis cognitio requiritur. Ratio est: quia super his nullam omnino potestatem a DEO acceperunt Principes seculares (his quippe tota potestas sua immediate a Republica communicatur) sed ad talia dijudicanda per Christum supernaturaliter instituta fuit potestas Ecclesiastica, & tradita D. Petro, *Joan. 31. ibi: Pascite oves meas,* ejusque legitimis Successoribus, ac per hos cæteris Ecclesiæ Prælati.

6. CONCL. IV. Etiam quantum ad alia prorsus concedendum est, quod Immunitas Ecclesiastica, seu exemptio Clericorum, Ecclesiarum, rerumque Ecclesiasticarum, aliqua ratione sit de jure Divino. Desumitur hoc ex diversis textibus Juris, dictam Immunitatem esse Juris Divini, clare attestantibus. Loquendo enim de personali exemptione Clericorum, eam haberi de Jure Divino, patet ex *c. Si Imper. dist. 96. & c. Sylvest. r. & c. Relatum, 12. q. 1.* cum concordantiis. Deinde generatim loquendo de exemptione, seu Immunitate Ecclesiarum, habetur textus clarissimus *c. Quamquam, de Censibus in 6. ibi: Cum igitur Ecclesia Ecclesiasticaque persona, ac res ipsarum, non solum jure humano, quin & Divino, a secularium personarum exactionibus sint immunes.* Et ibidem Glossa *vers. Divino*, probat hoc ex *Genes. cap. 47.* Ubi Pharaon Rex Egypti terram Sacerdotum fecit immunitem & liberam, ne tenerentur cum aliis quintam partem fructuum solvere Regibus. Unde & in veteri Lege Sacerdotes, & Levitæ erant exempti a jurisdictione seculari aliarum Tribuum, & obligatione solvendi tributa. His accedit Concilium Tridentinum *Sess. 15. cap. 20. de Reform.* ubi ait, *Ecclesia, & personarum Ecclesiasticarum immunitatem Dei ordinatione, & Canonis sanctionibus constitutam.* Concordat *cap. Nimitis, de Jurejurando*, junctis variis Conciliis.

7. Dicitur notanter in Conclusionem, *aliqua ratione sit de Jure Divino.* Siquidem in hoc amplius declarando variant Doctores. Et quidem non pauci volunt, ejusmodi exemptionem non esse de Jure Divino obligante, sed solum a Lege humana, seu per privilegia in Corpore utriusque Juris clausa: dici tamen quadam ratione esse de Jure Divino, scilicet originaliter & initiative, quatenus Legi naturali valde conformis est; atque a veteri Lege Divinæ originem duxit; prout in simili superius (a) dictum est, Decimas Divina constitutione deberi. Et hujus sententiæ sunt Covarruvias

vias loc. cit. num. 2. Concl. 3. Lessius lib. 2. de just. & jure, cap. 33. num. 30. Molina, Garcias, & plures alii, quos citat Barbosa cit. §. 2. num. 1.

8. Alii e contra probabilius, Jurique conformius esse censent, Clericos etiam in temporalibus Jure Divino a Civili Potestate exemptos esse; prout fortiter urgent textus num. 6. relati, atque tenet Glossa c. Si Imperator, dist. 96. & c. Quamquam, de Censib. in 6. Abbas c. Ecclesia S. Mariae, n. 6. de Constitut. Barbosa cit. cap. 39. §. 2. num. 5. & rursus §. 5. n. 3. pro hac sententia allegans decisionem Rotæ, & plurimos Doctores; Layman lib. 4. tract. 9. c. 8. n. 1. Engel tit. de Immunit. Eccles. n. 23. aliique communius; quibus novissime accessit Prosper Fagnanus c. Ecclesia S. Mariae, num. 10. de Constit. asserens, quod crebrior gravissimorum interpretum sententia est, eam exemptionem esse de Jure Divino.

9. Neque obstat allata instantia de Decimis; nam Decimas etiam hodie esse Juris Divini, quatenus requiruntur ad necessariam Ministrorum Ecclesiæ sustentationem, superius (b) jam dictum est. Verum de hoc plura Canonistæ.

## QUÆSTIO II.

In quibus consistat Immunitas localis, sive Ecclesiarum?

### SUMMARIUM.

10. Immunitas localis consistit in duobus & quibus?
11. Judicia secularia prohibentur fieri in Ecclesiis, vel Cœmeteriis, sub nullitate actus;
12. Secus dicendum de Judiciis Ecclesiasticis.
13. Solvitur instantia.  
Quid magis deceat?
14. In Ecclesiis, ac Cœmeteriis, facere contractus &c. non licet.
15. Sed si fiant, non sunt irriti.
16. Quid de venditione candelarum?
17. Ibidem prohibentur fieri Concilia secularia, Confabulationes, &c.
18. Comœdia profana.
19. Comestiones, vel accubitus, &c.
20. Musica impura, omnesque actiones seculares.
21. Quid de Disputationibus?
22. Violentia Ecclesiis non est inferenda.  
Pœna contrafacientium.

10. **C**ONCL. I. Immunitas localis (quam alii appellant Immunitatem Ecclesiarum, sub his etiam comprehendendo Cœmeteria, & alia loca Religiosa) consistit in duobus: videlicet, ut actus profani, & seculares ab Ecclesiis arceantur: deinde, ut malefactores, ad Ecclesias confugientes, ibidem in vita & membris protegantur, neque violenter inde extrahi possint. Et quidem de hoc posteriori fusiùs dicetur Distinct. sequenti; quantum vero ad prius attinet, sit

11. **C**ONCL. II. In primis in Ecclesiis, earumque Cœmeteriis, prohibitum est, exercere Judicia secularia; adeo quidem, ut totus Processus judicialis, & sententia super causa seculari ibidem lata, ipso jure irrita, & nullius roboris existat. Ita expresse statuitur c. Decet, §. fin. de Immunit. Eccles. n. 6. ac tenent Doctores communiter. Et hoc quidem procedit non solum de causis criminalibus, sed etiam de civilibus, quæ ad

Forumulare pertinet; uti patet ex textu. Maxime tamen Immunitati Ecclesiarum repugnat, atque absurdum est, & crudele, si judicium sanguinis ibi exerceatur, ubi est tutela refugii constituta, ut dicitur c. Cum Ecclesia, de Immunit. Eccles. Ubi proin, præter nullitatem processus, etiam sub pœna excommunicationis prohibetur agitare causas sanguinis in Ecclesia, vel Cœmeterio.

12. Dicitur notanter, Judicia secularia. Siquidem Ecclesiastica Judicia ibidem valide, & licite tractari possunt, arg. c. Qua fronte, de Appellat. & docet Glossa communiter recepta cit. c. Decet, Vers. Secularium, de Immunit. Eccles. in 6.

13. Nec dicas: Judicia Ecclesiastica prohibentur exerceri in die Festo, non minus, ac secularia; ergo etiam utraque prohibentur exerceri in loco sacro. Resp. enim negando consequentiam & paritatem: nam æque, imo plus decet, ut Clerici in Forensibus actibus non occupentur diebus Festivis, ac Laici. At loquendo de loco, Ecclesia præsumere potuit, Judicia Ecclesiastica cum minori strepitu, minorique tempore expedienda fore, quam secularia: simulque Judicem Ecclesiasticum majorem curam adhibiturum, ut omnia sine irreverentia loci sacri fiant. Fatendum tamen, magis decens esse, ut etiam Ecclesiastica Judicia non in Ecclesia, quæ domus est orationis, non jurgiorum, sed in Palatio Episcopali, aut alio competenti loco fiant. Pirhing tit. de Immunitat. Eccles. num. 7.

14. **C**ONCL. III. Insuper prohibitum est in Ecclesiis, eorumque Cœmeteriis, facere contractus, vel negotiationes, aut nundinas instituere. Ita communis; & habetur cit. c. Decet, de Immunit. Eccles. in 6. ibi: Cessent in Ecclesiis, eorumque Cœmeteriis negotiationes, ac fori cujuscumque tumultus. Idque merito statutum est ad Exemplum Christi Domini, qui ingressus in Templum Dei, ejiciebat omnes vendentes, & ementes in templo, & mensas nummulariorum, & cathedras vendentium columbas evertit, & dixit eis: Scriptum est, Domus mea, domus orationis vocabitur: vos autem fecistis illam speluncam latronum. Matth. 21.

15. Licet autem contractus in Ecclesiis facere sit prohibitum, iidem nihilominus defacto initi valent: nam nullo jure irritantur, sicut cit. c. Cum Ecclesia, de Immunit. Eccles. cassantur Judicia secularia. Simulque isthæc Constitutio, cum sit pœnalis, non est extendenda ad contractus, & notat Glossa passim recepta cit. c. De et, Vers. Process.

16. Cæterum in Templis vendere candelas, si id fiat ad Fidelium devotionem promovendam, non est illicitum. Azorius part. 2. lib. 9. c. 9. quest. 5. Angelus, & alii. Nam prohibetur quidem omnis negotiatio, vel contractus, qui fit lucri gratia, aut Divina Officia perturbat, vel impedit: hoc tamen non accidit in venditione candelarum causa promovendæ devotionis Fidelium.

17. **C**ONCL. IV. Ulterius in Ecclesiis prohibentur fieri Concilia, Conciones, & publica Parliamentia (intellige, quando talia fiunt de rebus mere temporalibus, & secularibus; nam Concilia, & Conventus de rebus Ecclesiasticis, aut ad pietatem spectantibus, recte ibidem instituuntur.) Item confabulationes qualibet, & quacumque alia, qua Divinum possunt turbare Officium, aut oculos Dei

*vina Majestatis offendere.* Ita his ipsis verbis habetur cit. c. Decet, eod. in 6.

18. Deinde Comœdiæ profanæ, ac ludi Theatrales, penitus in Ecclesiis fieri prohibentur; non obstante quacumque consuetudine contraria, quæ potius corruptela dicenda est, c. Cum desorum, de Vita & honest. Cleric. Quamvis pia & honesta spectacula ibidem exhiberi valeant. Pirhing. loc. cit. n. 14. post Sylvestrum, & alios.

19. Item non oportet in Basilicis, seu Ecclesiis agere facere, & intus manducare, vel acubitus facere, c. Non oportet, dist. 42. Neque intra Ecclesiam possunt suppellectilia reponi; nisi id necesse sit propter hostiles incurfus, aut alias necessitates, quibus tamen cessantibus ad pristina loca reportari debent, arg. c. Oratorium, dist. 42. & tradit Azorius loc. cit. q. 8.

20. Tandem novissime Concil. Trid. Sess. 22. in Decretis de observandis & evitandis in celebratione Missæ, statuit, ut Ordinarii locorum ab Ecclesiis musicas eas, ubi sive organo, sive cantu lascivum aut impurum aliquid miscetur, item seculares omnes actiones, vana, atque adeo profana colloquia, deambulationes, strepitus, clamores arceant; ut Domus Dei vere domus orationis esse videatur, ac dici possit.

21. Quæres, an licitum sit Disputationes in Ecclesiis habere? Resp. affirmative: quia scientia est donum Dei, & res sancta, arg. L. 1. ff. de Variis & extraord. cognition. ibi: *Et quidem res sanctissima, civilis sapientia.* Abbas c. Cum Ecclesia, de Immunit. Eccles. Azorius loc. cit. q. 4. Pirhing. n. 11. & alii.

22. CONCL. V. Ad Immunitatem Ecclesiarum pertinet etiam, ne quis eis violentiam inferat, infringendo earundem fores, vel ipsas spoliando suis bonis, aut hujusmodi quidpiam attentando. Patet hoc ex c. Omnes & c. Quisquis 17. q. 4. cum concordantiis, ubi tales judicantur sacrilegi. Quinimo Ecclesiarum Dei violatores, sive cum effractione spoliantes Ecclesias, ipso jure excommunicati sunt, arg. c. Canonica, 11. q. 3. & c. Sicut, 17. q. 4. & c. Conquesti, de Sent. Excomm. juncta Glossa ibidem, Vers. Excommunicatos nunciatis.

### QUÆSTIO III.

De Immunitate reali, & personali.

#### SUMMARIUM.

23. Immunitas realis, & personalis, in quo consistat?
24. Bona Ecclesiarum, & personarum Ecclesiasticarum, sunt triplicis generis.  
(c) Conformiter dictis n. 6. & seqq.
25. II. ac 26. III. Declaratur.
27. Bona Clericorum patrimonialia, an gaudeant Immunitate?  
(d) Ut dictum num. 6. & seqq.
28. Quid de bonis Feudalibus?
29. Aut si Fundator in bonis Ecclesia reservavit sibi certam pensionem.
30. Quid loquendo de oneribus antiquis?
31. Ac etiam novis, sive postea imponendis?
32. Laici non possunt, etiam in communibus necessitatibus, novas collectas Ecclesiis, & Clericis imponere.
33. An possint prestari absque ulla exactione Laicorum?

34. Qua conditiones requirantur, ut Ecclesia & Clerici in communibus necessitatibus contribuere teneantur?

23. CONCL. I. Immunitas rerum, & personarum Ecclesiasticarum (quam alias *realem*, & *Personalem* appellant) generatim consistit in hoc, quod res, atque personæ Ecclesiasticæ, a jurisdictione secularium Magistratuum, eorumque exactionibus, & oneribus immunes sint, & liberæ. Ita omnes Theologi, Canonistæ, & Juris consulti Catholici; estque definitum in Concilio Lateranensi sub Alexandro III. cap. 19. & refertur c. Non minus, de Immunit. Eccles. ubi etiam Laici, collectas Clericis, vel Ecclesiis imponentes, aut jurisdictionem ipsorum usurpantes, si moniti non desistant, una cum fautoribus suis ipso facto excommunicantur. Concordat Concilium Generale sub Innocentio III. cap. 46. relatum in c. Adversus eod. juncto c. Quia nonnulli, eod. in 6. & Clem. un. eod. cum concordantiis.

24. Hæc Conclusio ut melius intelligatur, sciendum, quod bona Ecclesiarum, & Ecclesiasticarum personarum, triplicis generis distinguuntur. Primi generis sunt ipsæmet Ecclesiæ materiales, una cum Cœmeteriis; item vasa sacra, vestes, & quæcumque consecrata, sive benedicta sunt, tamquam Divini Cultus instrumenta. Et de his certum est, atque ab omnibus (c) concessum, ea Jure Divino esse exempta a jurisdictione, & quibuscumque exactionibus Magistratuum secularium; nullam enim temporalem utilitatem habent, quæ in æstimationem venire possit, utpote cum ad Divini Cultus ministerium specialiter dedicata, nullis aliis humanis usibus applicari possint, juxta Reg. 51. Juris in 6. Semel Deo dedicata, non est ad usus humanos ulterius transferendum.

25. Alterum genus complectitur bona Ecclesiarum tum immobilia, tum mobilia, quæ sive a Fundatoribus, sive ab aliis Fidelibus, ad honorem Dei oblata seu donata fuerunt, ut per Prælatos Ecclesiarum in pios usus, utputa in ornatum Ecclesiæ, ac Ministrorum ejus, sive pauperum sustentationem convertantur. Et de hisce bonis procedere dictam Decretalem, *Non minus*, cum concordantiis, conveniunt pariter Doctores, eo quod sint Deo oblata, atque ad cultum ipsius specialiter destinata; sicque non nisi in pios usus convertenda (quod secus foret, si per exactiones Secularium gravarentur, atque diminuerentur) cum sint res Dei, & Sanctum Sacrorum Domino, c. Nulli, 12. quest. 2. & alibi.

26. Tertium bonorum genus est eorum, quæ ad Ecclesiam, aut Personas Ecclesiasticas, pervenerunt aliis titulis, sive causis: utputa emptione, hæreditate, arte, labore manuali, aut alio quopiam titulo temporali. Et de his, præcipue vero de bonis patrimonialibus Clericorum, pollet nonnulla moveri difficultas: sit tamen

27. CONCL. II. Non solum bona Ecclesiæ, quocumque justo titulo acquisita, sed etiam bona patrimonialia Clericorum, gaudent Immunitate ab extraordinariis collectis, & jurisdictione seculari, atque potiuntur privilegio Fori. Ita communis Doctorum, uti testatur Barbosa lib. 1. juris Eccles. univ. cap. 39 §. 5. num. 6. Layman lib. 4. tract. 8. cap. 6. num. 9. Pirhing tit. de Immunit. Eccles.



*Eccles. num. 62. Engel num. 24. cum aliis.* Et hoc aperte desumitur ex Juribus *num. 6.* allegatis, utpote quæ de rebus Ecclesiæ, & Ecclesiasticarum personarum, indistincte, atque pariformiter loquuntur. Accedit ratio: quia *accessorium naturam sequi congruit principalis*, juxta *Reg. 42. Juris in 6.* cum concordantiis. Simulque magis dignum trahit ad se minus dignum, *arg. c. Quod in dubiis, de Consecrat. Eccles.* Atqui dicta bona sunt quid accessorium ad personas Ecclesiasticas, simulque hæ multo digniores illis; ergo. Quinimo Magistratus secularis nihil posset statuere circa ejusmodi bona patrimonialia Clericorum, nisi obligando simul ipsalinet eorum personas; sed has gaudere Immunitate Ecclesiastica, fatentur omnes Catholici. (d) Et hæ rationes a pari, vel etiam a fortiori militent de bonis Ecclesiarum tertii generis: nam, ut dicitur *L. Quæ Religiosis, ff. de Rei vendicis. Quæ Religiosis adhaerent, religiosa sunt.*

28. Limitatur hæcenus allata doctrina in nonnullis casibus. Et I. quidem in bonis Feudalibus: nam hæc non pleno jure transeunt in Clericum, aut Ecclesiam, sed dominus directus, qui eadem concessit, præter dominium ipsorum directum certas sibi condiciones, & jura reservat; quæ proinde a Clericis, atque Ecclesiis, erunt observanda. Unde pariter, si Ecclesia, vel Clericus, a seculari domino, v. g. Imperatore Feudum habeat, ac super jure Feudi quæstio inter Clericum & Laicum emerferit, ea non per Judicem Ecclesiasticum, sed per dominum Feudi erit terminanda, prout decisum habetur *c. ex transmissa & c. Verum de Foro competent.* Hinc respectu secularis Feudi Ecclesia, vel Clericus, non gaudet privilegio Fori, sed tenetur coram seculari domino Feudi judicium subire; & convenitur coram eo in actionibus tam realibus, quam personalibus Feudum concernentibus.

29. Limitatur II. Si Fundator, seu Patronus, v. g. Princeps territorialis in ipso Foundationis limine tibi certam pensionem, sive annuos redditus, in bonis Ecclesiæ attributis reservasset, atque ipsos Episcopus ante consecrationem Ecclesiæ eidem constituisset, *arg. c. Præterea de Jure patron.* Ubi Patronis permittitur in Ecclesiis antiquos & moderatos redditus a locorum Episcopis institutos exigere. Postquam autem Ecclesia jam ædificata, dotata, & consecrata est, novi census eidem imponi non possunt, nec veteres augeri, *cap. Prohibemus eodem cum concordantiis.* Quod si secus fiat, illud irritum erit.

30. Limitatur III. Quoad onera antiqua, seu quæ rebus, antequam ad Ecclesiam quocumque titulo devenissent, prius jam imposita fuerunt: nam quælibet res transit cum suo onere, *arg. c. Ex litteris de Pignoribus, & alibi.* Hinc Ecclesia, vel Clericus tenetur ad hujusmodi onera antiqua præstanda, dummodo ea sint vera, & realia, id est, ipsis fundis seu bonis infixæ, perpetua, certa, & determinata, *arg. cap. 1. juncta Glossa vers. Senioribus de Censibus.* Et in hoc sensu procedit textus *c. Si tributum 11. q. 1. ibi: Agri Ecclesiæ solvunt tributum:* Et illud *c. Tributum 23. q. 8. Quia de exterioribus Ecclesiæ, quod constitutum antiquius est: pro pace & quiete, qua nos tueri, & defensare debent, Imperatoribus persolvendum est.*

31. Dicitur, *quoad onera antiqua*; sive, ut Cænone proxime relato dicitur, *quod constitutum antiquius est.* Nam loquendo de oneribus novis, seu quæ imponuntur bonis Ecclesiarum, vel personarum Ecclesiasticarum eo tempore, quo bona illa jam spectabant ad Ecclesias vel personas Ecclesiasticas, ab ejusmodi oneribus hæ prorsus immunes sunt, per textus *num. 6.* allegatos. Et quamvis Bartolus in *l. Rescripto, §. fin. num. 5. de Minoribus* teneat, Principes Laicos posse efficere tributaria, & affecta omnia prædia eorum Territorii, ita ut, cum exinde ad Ecclesias pervenerint, obnoxia sint collectis postea imponendis: tamen ejus cautelam esse falsam, & contra Immunitatem Ecclesiæ, & ab omnibus communiter reprobata, ait Fagnanus in *c. Non minus num. 11. de Immunit. Eccles.* post Baldum, & Rotam, quos citat.

32. CONCL. III. Etiam in communibus necessitatibus, & utilitatibus Reipublicæ, prohibitum est Laicis sub pœna excommunicationis, novas exactiones seu collectas Ecclesiis, aut Clericis imponere. Ita hodie clarissime habetur in Bulla Cœnæ Domini, ubi §. 18. imponentes collectas Ecclesiis, vel personis Ecclesiasticis, ipso facto excommunicantur. Idipsum jam antehac prohibitum fuerat in Concilio Lateranensi, sub Alexandro III. ac refertur *c. Non minus de Immunitat. Eccles.* tibi contra oppositum attentantes, sic statutum legitur: *Quocirca sub anathematis distinctione fieri de cætero talia prohibemus: nisi Episcopus, & Clerus tantam necessitatem, vel utilitatem aspexerit, ut absque ulla exactione ad relevandas communes utilitates, vel necessitates, ubi Laicorum non supererunt Facultates, subsidia per Ecclesias existiment congerenda.* Hæc ibi.

33. Dicitur, *absque ulla exactione.* Nam istud absque ulla exactione, ac sponte per Ecclesias, ex arbitrio Episcopi, qui dictam necessitatem inspicere debebat, olim conferendum erat, ita ut ea *Laici humiliter & devote reciperent cum gratiarum actione*, prout declaratum fuit in Concilio Generali sub Innocentio III. & refertur *c. Adversus eod.* Ubi tamen judicium super his denuo admittitur Episcopis, atque præcipitur, ut *propter imprudentiam quorundam, Romanus Pontifex prius consulatur: cujus interest, communibus utilitatibus providere.*

34. CONCL. IV. Ut in casu communium necessitatum, vel utilitatum, Ecclesiæ, & Clerici contribuere debeant, plures requiruntur conditiones, ex allegatis textibus Juris desumptæ. I. Ut necessitas, vel utilitas sit publica. II. Ut Episcopus, & Clerus super hoc deliberent. III. Ut dicta necessitas, vel utilitas, sit communis, tam Laicorum, quam Clericorum. IV. Ut ad eas relevandas non sufficiant Facultates Laicorum. V. Ut contributio ab Ecclesiasticis fiat sponte, & sine aliqua exactione seu compulsionem Laicali: unde talis contributio, seu collecta, non debet imponi auctoritate Magistratus secularis, sed Ecclesiastici; simulque ad eam solvendam Clerici non sunt compellendi per Judicem secularem, sed per Ecclesiasticum. VI. Ut, nisi periculum in mora fuerit, desuper Romanus Pontifex consulatur. Ita desumitur ex *cit. c. Non minus & c. Advers.*

*Adversus de Immunit. Eccles. juncta Clem. un. eod. in 6. prout fufius explicat Fagnanus c. Non minus num. 22. & feqq. ac tenent alii Canonistæ.*

## DISTINCTIO II.

De Jure Asylorum.

## QUÆSTIO I.

Quo Jure, quibusque locis competat Privilegium Asyli?

## SUMMARIUM.

(d) Dist. 1. num. 10.

1. Immunitas localis, in quibus consistat?
2. Privilegium Asyli non est Juris Divini, sed humani.
3. Solvitur instantia.
- (b) De hoc Tract. 2. Dist. 2. quæst. 1.
4. Circa jus Asyli magnam vim habet consuetudo.
5. Privilegio Asyli gaudent omnes Ecclesia. Etiam interdicta, vel polluta.
6. Item Cœmeteria, Sacrificia, turres, atque atria Ecclesiarum.
7. Notabilis instantia solvitur.
- Ecclesia aliter sumitur in materia Immunitatis, quam violationis.
8. An gaudeat Immunitate tenens januam Ecclesia? vel ejus
9. Immunitate an gaudeat spatium 30. vel 40. passuum circa Ecclesiam?
10. Monasteria, Hospitalia, Oratoria &c. gaudent Immunitate? & qua?
11. Rei cur potius confugiant ad Monasteria, quam ad alia loca sacra?
12. Confugiens ad Sacerdotem SS. Eucharistiam portantem gaudet Immunitate.
13. Solvitur instantia.
- Est hoc amplius extenditur.
14. Quid de Reo Eucharistiam sumente?
- Vel fugiente ad Sacerdotem S. Oleum portantem?

1. Immunitas localis, ut jam superius (a) dictum, consistit in duobus; videlicet, ut actus profani, & seculares arceantur ab Ecclesiis; & ut malefactores ad eas, aliaque pia loca confugientes, in vita, & membris protegantur, neque inde violenter extrahantur. Siquidem tum per Leges Civiles, tum sacros Canones, speciale privilegium Ecclesiis, aliisque piis locis, ob majorem eorum reverentiam, concessum est, ut delinquentes, qui ad illas tamquam ad Asylum confugiunt, per vim extrahi non possint. Et de hoc loquendo, sit

2. CONCL. I. Privilegium Immunitatis, seu Asyli Ecclesiastici, non est Juris naturalis, aut Divini, sed humani dumtaxat, Civilis ac Ecclesiastici: Ita Covarruvias lib. 2. variar. Resolut. cap. 20. num. 2. Pirhing tit. de Immunit. Eccles. num. 15. & communior aliorum. Idque desumitur ex c. inter alia de Immunitate Ecclesiarum, ibi: *juxta sacrorum statuta Canonum, & traditiones Legum Civilium, fugiens ad Ecclesiam &c.* Accedit ratio: quia, licet Jure naturali, ac Divino Deus sit colendus, & reverentia Locis sacris exhibenda, non tamen inde necessario infertur, hoc fieri debere, Immunitatem Reis ad Ecclesiam confugientibus præstando: partim quia etiam crimina esse coercenda, Jure naturali, ac Divino statuitur: par-

tim quia reverentia Locis sacris Jure Divino, & naturali debita, satis observaretur per hoc, quod actus profani & seculares inde arceantur.

3. Nec obstat, quod jam in Lege veteri Deus præceperit Civitates refugii esse constituendas, Exodi 21. Num. 35. & Deut. 19. simulque etiam Gentiles ex instinctu naturæ aliqua Loca designaverint, quæ vocabantur *Asyla*; atque ipsum Concilium Trid. Sess. 25. cap. 20. de Reform. asserat, *Ecclesia, & personarum Ecclesiasticarum immunitatem, Dei ordinatione, & Canonicis sanctionibus constitutam.* Resp. enim, Leges veteris Testamenti, quæ morales non fuerunt, sed tantum ceremoniales, aut judiciales, per adventum Christi expirasse. (b) Unde Jus Asyli jam non habetur ex veteris Legis obligatione, sed solum ad quamdam ipsius similitudinem, & secundum congruam Juris naturalis æquitatem (quam etiam Gentiles agnoverunt) de facto per sacros Canones, ac Leges Imperatorias, Ecclesiis aliisque Locis sacris concessum fuit. Nec obstat Concilium Trident. loc. cit. Nam, ut concordentur jura juribus, loquendo de Immunitate Asyli, plus non vult, quam Asyla ad imitationem veteris Legis, atque instinctu Divino, acceptaque a Deo auctoritate, per Canonicas Sanctiones constitutam esse.

4. Infertur proinde cum Barbosa lib. 2. Juris Eccles. univ. cap. 3. num. 82. Engel. tit. de Immunit. Eccles. num. 9. Covarruvia, & aliis, quod circa hanc Immunitatem Ecclesiasticam, seu jus Asyli, habeat magnam vim consuetudo; ac propterea ad eam multis in casibus Judices recurrere debeant. Nam, quia hæc Immunitas non est Juris naturalis, aut Divini, sed humani dumtaxat, consequenter contrariam consuetudinem admittit arg. c. ult. de Consuetud.

5. CONCL. II. Privilegio Asyli gaudent omnes Ecclesiæ, sive consecratæ, sive nondum consecratæ, dummodo auctoritate Episcopi benedictæ fuerint, aut alia ratione, ut puta erectione Crucis, ad publicum Missæ Sacrificii usum deputatæ; prout liquet ex c. Ecclesia de Immunit. Eccles. Idque procedit, etiam si Ecclesia illa sit interdicta, vel polluta, & necdum reconciliata: quia tales Censuræ, aut impedimenta Juris, utpote pœnalia, & odiosa, non oportet extendere ultra casus a Jure expressos. Pirhing. loc. cit. n. 3. Sylvester, & alii.

6. Præterea Jure Asyli gaudent Cœmeteria, una cum fabricis ad Templi structuram attinentibus; ut est Sacrificia, Turris, Atrium, Porticus, atque Ambitus: quia hæc omnia vel spectant ad Ecclesiæ fabricam, vel ei sunt annexa. Quinimo Cœmeterium auctoritate Episcopi designatum, & sacratum, obtinet privilegium Immunitatis, etiam si sit separatim ab Ecclesia. Barbosa loc. cit. num. 63. & feqq.

7. Nec dicas: Si super tectum Templi, aut in ejus Turri, vel Sacrificia, sive subtus Ecclesiam in caverna committitur injuriosa humani sanguinis, vel seminis effusio, non polluitur Ecclesia; ut notat Glossa communiter recepta in cap. un. de Consecrat. Eccles. in 6. ergo neque gaudent isthæc loca jure Asyli. Negatur enim consequentia: nam quando agitur de violatione, sive pollutione Ecclesiæ, nomen Ecclesiæ strictè accipiendum est pro solo spatio, sive ambitu interiore; eo quod materia hæc sit quasi pœna-

pœnalis, & odiosa. Econtra dum sermo est de privilegio Asyli, quod est favorabile, & gr̃sum, nomen Ecclesiæ accipiendum est late; quo sensu omnia ei annexa, & coherentia complectitur: nam odia restringi, & favores convenit ampliari, juxta Reg̃l. 5. Juris in 6.

8. Huc facit cap. Si quis contumax 17. q. 4. ubi puniri jubetur, qui fugientem de atrio Ecclesiæ, vel de porticibus quolibet modo Ecclesiæ adherentibus per vim abstraxerit. Quinimo hac ipsa de causa gaudet Immunitate, nec potest violenter abstrahi, qui clausam Ecclesiam reperiens, ejus januam vel seram apprehendit, quia jam censetur existere in Loco sacro. Barbosa ibidem num. 65. Bonacina disp. 2. de Bulla Cane, q. 3. punct. 16. §. 4. num. 19. & alii. Et hoc extendunt non pauci Doctores ad illum, qui parietem Ecclesiæ exteriorem tangit: nam privilegia Immunitatis sunt amplianda; simulque talis censetur adherere Loco sacro. Diana part. 3. tract. 1. resolut. 73. post Aloysium Riccium, & Bonacina disp. 3. in Decal. q. 3. punct. 4. num. 5. citans plures alios; quamvis non desint oppositum tenentes quoad hoc posterius.

9. Insuper dicta Immunitas non tantum Ecclesiis, sed etiam spatio quadraginta passuum circa majorem sive Matricem Ecclesiam, & spatio triginta passuum circa minores Ecclesias, concessum legitur c. Sicut antiquitus, & c. Definivit. 17. q. 4. Verum hoc non habere locum quoad Ecclesias, intra Castella; sive muros Civitatum constructas; desumitur ex c. Quisquis. 17. quaest. 4. ibi: Capella, quæ sunt intra ambitum murorum castellarum, non ponuntur in hac triginta passuum observatione; & post Archidiaconum notat Covarruvias lib. 2. var. resol. cap. 20. num. 5. Cum quo etiam notant plerique Doctores, istam Immunitatis ad quadraginta, vel triginta passus extensionem, de consuetudine vix alicubi observari: quamvis Fagnanus c. Ecclesia, num. 20. de Immunit. Eccles. referat, quod S. Congregatio Cardinalium indistincte servari jusserit Immunitatem per circuitum dictorum passuum, saltem in Cathedralibus, & Collegiatis Ecclesiis.

10. CONCL. III. Insuper Monasteria, seu Domus Religiosorum, & eorum horti, aræ, & quæcumque intra Monasteriorum septa continentur; nec non Hospitalia, aut Oratoria auctoritate Episcopi constituta (secus, si Oratoria non sint constructa auctoritate Episcopi) atque omnia alia Loca, religioni aut pietati destinata, dummodo eadem auctoritate Episcopi fundata fuerint, gaudent privilegio Asyli. Ita Barbosa loc. cit. num. 67. & seqq. Fagnanus cit. c. Ecclesia, num. 23. & seqq. & alii. Idque patet tum ex c. Id constituimus, 17. q. 4. cum concordantiis; ac præsertim ex Bulla Gregorii XIV. quæ incipit: Cum alias 1591. desuper emanata, ibi: Monasteriis, Domibus, locisque sacris, aut religiosis.

11. Nec dicas: Si omnia hujusmodi Loca religiosa gaudent Immunitate Ecclesiastica, cur ergo communiter Rei confugiunt ad Monasteria, non vero ad Ecclesias, quarum tanta est multitudo? Resp. Id præcipue fieri ob majorem Asyli amplitudinem & commoditatem, quæ habetur potius intra septa Monasteriorum, quam in Ecclesiis,

vel aliis Locis religiosis; quamvis revera & hæc gaudeant privilegio Immunitatis, seu jure Asyli Ecclesiastici.

12. CONCL. IV. Reus confugiens ad Sacerdotem, manibus Sanctissimum Eucharistiæ Sacramentum portantem extra Ecclesiam, gaudet jure Asyli. Ita Abbas Panoromit. c. Sane de Celebrat. Missar. Engel tit. de Immunit. Eccles. num. 12. Barbosa cit. cap. 3. num. 69. allegans pro hac sententia plurimos Doctores; quamvis Covarruvias n. 6. nonnihil de hoc dubitet. Ratio est: quia Sanctissimum Corpus Christi est longe dignius, quam Ecclesia materialis: simulque ipsis Ecclesiis conceditur hoc privilegium propter Corpus Christi; ergo multo magis huic, sive Sanctissimo Eucharistiæ Sacramento: nam Propter quod unumquodque tale, est illud magis tale.

13. Nec obstat, quod de hoc non habeatur textus clarus in Jure. Siquidem præsens materia est favorabilis, sicque extendenda: & alioquin privilegium extenditur ad casum non expressum, quando ex mente Privilegiantis potest ille casus comprehendi. Et hac de causa istud intelligunt Doctores non solum in casu, quo quis Sacerdotem, vel hastam Baldachini apprehenderit, sed etiam, si se personis associantibus Sanctissimum Sacramentum immiscuerit: quia omnes illæ cum Sacerdote Sanctissimum deferente unam Ecclesiam constituunt, quibus proinde favor iste concessus intelligitur.

24. Neque hinc sequitur, quod etiam captivus sumens Eucharistiam gaudeat Immunitate. Siquidem privilegium Asyli conceditur fugientibus ad Ecclesiam, vel Eucharistiam: captivus autem non potest ad eam fugere, bene tamen Sanctissimo Sacramento, ut Viatico, & spiritali Cibo animæ, refici. Multo minus confugiens ad Sacerdotem, sacrum oleum ad infirmos deportantem, gaudebit immunitate: cum huic neque Jus faveat, neque paritas, sive ratio faciendæ extensionis. Barbosa ibidem cum aliis:

## QUÆSTIO. II.

Quæ personæ gaudeant jure Asyli Ecclesiastici?

### SUMMARIUM.

15. Rei ad Asyla fugientes; varii.
16. Fideles Laici Rei, an omnes gaudeant Immunitate?
17. An etiam debitores pecuniarii, vulgo Falliti?
18. Quid, si hi cum bonis suis fugiant ad Ecclesiam?
19. Clerici, & Religiosi delinquentes, an Immunitate gaudeant?  
Sententia affirmativa est probabilior.
20. Declaratur Conclusio.  
Fallit in pœnis mere Ecclesiasticis, quæ potius Correctionem sapiunt.
21. Judæi, & Pagani, an gaudeant Immunitate?
22. Sententia probabilior?
23. Hæretici ob crimen hæresis privantur Immunitate.
24. An ea pariter privati existant ob alia crimina.
25. Sententia negativa, hujusque fundamenta.

15. **R**eorum ad loca sacra, tamquam Asyla, fugientium alii possunt esse Fideles, alii Infideles: & illorum quidam Laici, quidam Clerici, vel Religiosi; istorum alii Pagani, aut Judæi, alii Hæretici: & denique ii vel gravitate delicto-

lictorum, vel ære alieno oppressi. Et de omnibus procedit præfens Quæstio.

16. CONCL. I. Certum est, omnes Fideles Laicos delinquentes, & ad loca sacra confugientes, gaudere jure Ecclesiastici Asyli, dummodo non admiserint crimina specialiter excepta. Patet hoc ex *c. Si quis contumax*, 17. q. 4. & *c. Inter alia, de Immunit. Eccles.* cum concordantiis, ac præsertim ex cit. Bulla Gregorii XIV. *Cum alias*. Et hoc intellige, etiam si hi sint excommunicati, vel interdicti: nam Censura non privat immunitate, cum hujusmodi poena nullibi sit jure expressa; simulque Censuræ sint medicinales, non mortales, *arg. c. 1. de Sent. Excommun. in 6.* Pirhing *loc. cit. num. 32.* post Covarruviam *cit. cap. 20. num. 11.* & alios.

17. CONCL. II. Fideles debitores pecuniarii qui solvendo non sunt (vulgo, Falliti) confugientes ad Ecclesiam, gaudent Immunitate. Ita Abbas *c. inter alia, n. 22. de Immunit. Eccles.* Barbosa *cit. lib. 2. de Juris Eccles. univ. c. 3. n. 46. & 47.* Covarruvias *num. 14.* & alii magno numero ab ipsis relati, quamvis non desint quidam oppositum tenentes. Ratio est: tum quia in favorabilibus, Reorum nomine veniunt debitores; Reus enim dicitur, cui movetur quæstio, id est, intentatur actio, sive criminalis, *c. Forus, de Verb. signif.* Tum quia Bulla Gregoriana §. 2. expresse facit mentionem de *fraudulentis Doctoribus*; ita tamen, ut revocet quæcumque privilegia, & indulta ipsos extrahendi. Tum tandem, quia *c. Inter alia, de Immunit. Eccles.* generaliter prohibetur extrahi de Ecclesia invitus; adeo, ut etiam servus, ob timorem Domini ad Ecclesiam confugiens, non sit restituendus, nisi de impunitate sua dominus ejus Clericis juramentum præstiterit.

18. Cæterum si fraudulentus debitor in creditorum præjudicium una cum rebus & bonis alienis ad Ecclesiam se recipiat, tunc de licentia Episcopi ejusmodi bona sunt consignanda Judici seculari ad effectum, ut veris dominis reddantur. Barbosa *cit. n. 47.* Diana *part. 6. tracl. 1. resol. 17.* & alii. Nec obstat *c. Desinivit. 17. q. 4.* ubi prohibetur quidpiam damni, *sem spoliis residentibus in loco sancto inferri*. Nam loquitur textus de bonis propriis Rei, non autem alienis, & in quorum detentione idem delinqueret.

19. CONCL. III. An Clerici, & Religiosi, in Asylo tuti sint etiam contra proprios Judices Ecclesiasticos (nam contra Judices seculares defenduntur aliunde, videlicet per privilegium Fori) ita ut ab illis extrahi extra casus Jure exceptos non possint: multum controvertunt Doctores, aliis affirmantibus, cæteris vero negativam sententiam tenentibus; ut videre est apud Fagnanum *c. Inter alia n. 70. & seqq. de Immunit. Eccles.* Barbosa *lib. 2. Juris Eccles. univ. c. 3. num. 137.* Sed merito aterque horum affirmativam sententiam amplectitur, veluti probabilior, & magis communem: nam Canones generaliter loquuntur, non distinguendo inter Clericum & Laicum, ac proinde generaliter de omnibus sunt intelligendi. Deinde privilegium Asyli, hoc est, ut nullus violenter inde extrahi valeat, principaliter concessum est ipsi Ecclesiæ, sive loco sacro, idque pro-

pter reverentiam ejus, *arg. c. Reum, & c. Frater, 1. q. 4.* cum concordantiis; ergo suffragatur cui libet, sive Clerico, sive Laico, nisi sit de specialiter exceptis. Accedit, quod Clerici non debeant esse deterioris conditionis, quam Laici; simulque nullibi hoc privilegium eis ademptum reperiatur.

20. Ceterum data resolutio procedit dumtaxat quoad crimina graviora, & correspondentes ipsis poenas judiciales enormes, quæ limites disciplinæ Ecclesiasticæ, ac Regularis correctionis excedunt: non vero quoad poenas correctivas omnino necessarias pro conservatione status Ecclesiastici, ac Regularis. Infertur proinde, quod Clericus perpetrans homicidium extra locum sacrum (quod additur, quia alioquin hoc delictum foret unum de exceptis) & confugiens ad Ecclesiam, gaudeat Immunitate; adeo, quod non possit inde violenter extrahi, & tradi Curia seculari, vel mitti ad triremes.

Secus est de delictis levioribus aut poenis mere Ecclesiasticis, quæ potius correctionem sapiunt, quam vindictam publicam. Sic enim Religiosi delinquentes possunt secundum eorum instituta per Superiorem in Monasterio coerceri, verberari, & in carcerem detrudi, imo, si opus fuerit, etiam de Monasterio expelli, neutiquam suffragante ipsis Immunitate loci, prout patet experientia, ipsaque Religionum consuetudine, quæ est optima legum interpret, & tenent Doctores passim. Similiter potest Episcopus Clericum, in flagranti crimine in loco sacro deprehensum, suis carceribus mancipare ad correctionem, absque violatione Immunitatis Ecclesiasticæ. Tum quia hic non agitur de amissione vitæ, vel membrorum, *arg. c. Inter alia, de Immunit. Eccles.* Tum quia alioquin disrumperetur nervus Ecclesiasticæ disciplinæ, juxta *c. Cum inter, de Consuetud.*

21. CONCL. IV. Quantum ad Judæos, & Paganos, multi censent, eos ad Ecclesiam confugientes gaudere Immunitate Ecclesiastica, eo quod privilegium istud fuerit concessum loco sacro, ob ejus reverentiam, atque ipsum, tamquam Ecclesiis favorabile, sit ampliandum; simulque Canones illud concedentes, loquuntur generaliter & indistincte: prout inter plures alios vult, & argumentatur Fagnanus *loc. cit. num. 59. & seqq.* & Diana *part. 6. tracl. 1. resol. 23.* Et pro hac sententia Barbosa *cit. cap. 3. num. 44.* allegat Declarationem Sac. Congregationis Controversiis Jurisdictionalibus præpositæ, Anno 1631. factam; de qua si legitime constabit, dicta sententia omnino tenenda erit.

22. Cæterum insistendo Juri communi probabilius videtur, eos non gaudere Immunitate, nisi sincero corde parati sint veram Fidem amplecti; ut tradit Abbas *c. Inter alia, num. 6. de Immunit. Eccles.* Covarruvias *n. 11.* Pirhing *tit. de Immunit. Eccles. num. 39.* Layman *lib. 4. tracl. 9. cap. 3. num. 12.* Bonacina *disp. 3. in Decalog. quest. 7. punct. 6. §. 5. num. 3.* & alii quamplures. Ratio est; tum quia ita habetur decisum in Jure Civili, *l. 1. C. de his, qui ad Ecclesias confugiunt*; quæ lex non reperitur in Jure Canonico correctæ, imo potius approbata *cit. cap. Inter alia, ibi: Juxta sacrorum statuta Canonam, & traditiones Legum Civilium.*

Tum



Tam quia indignus est, ut ab Ecclesia defendatur, qui Ecclesiam contemnit, arg. cap. ult. de Immunit. Eccles. Sic autem Ecclesiam contemunt infideles, nolentes veram Fidem amplecti, ipsamque Ecclesiam per Baptismum ingredi. Tum tandem, quia Cædones Immunitatis privilegium locale concedentes Ecclesiis, intelligendi sunt secundum materiam subjectam, hoc est, de personis Ecclesiasticæ jurisdictioni subjectis, sive de fidelibus: Siquidem istorum curam & gubernationem gerit Ecclesia, non Judæorum, aut Paganorum, de quibus dicit Apostolus 1. Corinth. 5. *Quid mihi de iis, qui foris sunt, judicare?* Et per hoc patere potest responsio ad rationes in oppositum.

23. CONCL. V. Certum est, quod Hæretici ob crimen hæresis priventur Immunitate Ecclesiastica. Siquidem in Bulla Gregoriana expresse excipiuntur *Hæresis Rei*: idque merito propter enormitatem hujus criminis, ad Ecclesiæ subversionem specialiter tendentis.

24. Cæterum an Hæretici propter solum crimen hæresis, vel (ubi publice tolerantur, v. g. in Germania) etiam propter alia crimina, utputa homicidium, furtum, &c. Immunitate priventur, rursus variant Doctores. Eos privari, affirmat Covarruvias cit. cap. 20. num. 11. cum quibusdam aliis: tum quia Hæretici, tamquam Ecclesiæ hostes & proditores, omni ejus favore indigni sunt. Tum quia tales re vera sunt *Hæresis Rei*, non obstante, quod propter hoc crimen non inquirantur: atqui hæresis Rei generaliter, & absolute excluduntur a privilegio Immunitatis per Bullam Gregorianam; ergo.

25. Oppositam nihilominus sententiam non pauci Doctores sequuntur, ut Sylvester *Verf. Immunitas*, III. quaest. 3. Zæsius tit. de Immunit. Eccles. num. 16. Pirhing num. 40. Engel num. 19. & alii. Rationem dant: quia in Hæretico propter Homicidium, vel aliud crimen ad Ecclesiam confugiente, hæresis se habet per accidens; neque enim is fugit ad Ecclesiam propter hæresin, sed propter aliud delictum. Accedit, quod Hæreticus per Baptismum jam sit ingressus Ecclesiam, ejusque legibus obligetur; ergo pariter favoribus localibus, live Immunitate, Ecclesiis ob earum reverentiam concessa, frui poterit. Et hoc vel maxime tunc, quando is a pertinacia & errore recedens, per veram pœnitentiam Ecclesiæ reconciliatus fuit; sicque dignus effectus, ut illius favore & protectione, perinde ac alii Fideles, per Immunitatem defendatur, prout limitat Bonacina cit. §. 5. num. 2.

### QUÆSTIO III.

Quæ crimina non gaudeant Immunitate Ecclesiastica?

#### SUMMARIUM.

26. Omnia crimina gaudent Immunitate, nisi sint specialiter excepta. Corollarium.
27. Solvitur instantia.
28. Septem crimina non gaudent Immunitate.
29. I. Publici Latrones, viarumque grassatores. Et qui sint tales.
30. Corollarium de furibus, & aliis.
31. II. Depopulatores agrorum, & qui?
32. III. Committentes homicidia, vel mutilationes in Ecclesiis, earumve Cæmeteriis.

33. Quando censetur homicidium committi in Ecclesia?

34. Existens in Ecclesia, & occidens aliquem extra eam, an gaudet Immunitate?

35. An Immunitas amittatur ob alia crimina commissa in Ecclesia?

36. IV. Proditorie hominem occidens.

37. Homicidium proditorium, quod?

38. Quid de procurante abortum factus animati?

39. V. Assassini Rei. Assassinium quid?

40. VI. Rei hæresis, ac VII. Rei criminis læsa Majestatis in personam Principi.

41. Corollaria.

26. CONCL. I. Omnia crimina gaudent Immunitate Ecclesiastica, quæ de Jure non reperiuntur specialiter excepta. Ita communis; & habetur expressum c. *Inter alia, de Immunitate Eccles.* ibi: *Fugiens ad Ecclesiam, quantumcumque gravia maleficia perpetraverit, non est violenter ab Ecclesia extrahendus, &c. Nisi publicus latro fuerit, vel depopulator agrorum, &c.* Unde adulteri, raptores virginum, fabricatores falsæ monetæ, condemnati ad triremes, & hujusmodi gaudent immunitate; cum de Jure Canonico specialiter non excipiantur.

27. Nec obstat, quod spectato Jure Civili ab Immunitate excipiantur homicidæ quicumque, adulteri, & raptores virginum. *Auth. De Mandatis Princip. §. Sed neque, Collat. 3.* Resp. enim, quod in materia Immunitatis, utpote mere Ecclesiastica, non sit attendendum Jus Civile, sed Canonicum, & quidem in omni Foro, quando est discrepantia inter utrumque.

28. CONCL. II. Septem sunt crimina, quæ non gaudent Immunitate Ecclesiastica; quæ licet in Jure Canonico paulo aliis verbis contineantur, tamen in Bulla Gregorii XIV. *Cum alias* (& habetur Tomo 2. Bullarii Romani, *Constitut. 7. diff. Pontificis*) referuntur sequentibus verbis §. 3. *Ut Laicis ad Ecclesias, Locaque sacra & religiosa prædicia confugiensibus, si fuerint publici latrones, viarumque grassatores, qui itinera frequentata, vel publicas stratas obsident, ac viatores ex insidiis aggrediuntur, aut depopulatores agrorum, quive homicidia, & mutilationes membrorum in ipsis Ecclesiis, earumve Cæmeteriis committere non verentur, aut qui proditorie proximum suum occiderint, aut Assassini, vel hæresis, aut læsa Majestatis in personam ipsius Rei, Immunitas Ecclesiastica non suffragetur.* Hæc ibi.

29. CONCL. III. Primo itaque Immunitate non gaudent publici Latrones, viarumque Grassatores, qui itinera frequentata, vel publicas stratas obsident, ac viatores ex insidiis aggrediuntur, uti loquitur Bulla Gregoriana, & concordat textus c. *Inter alia, de Immunit. Eccles.* Et hoc est primum crimen exceptum; nam Latrones, & viarum Grassatores parum differunt, nisi quod Latronis nomine illi tantum venire videantur, qui publicas vias obsidentes, solent aggredi, & despoliare viatores, eadē interveniente; Grassatores autem viarum id faciunt absque eadē hominis: & utroque casu crimen est exceptum. Tales censentur Piratæ, & qui publicas obsident vias, vel artem habent aut castrum, & inde erumpere solent ad despoliandum homines prætereuntes.

F f f 2

30. In-

30. Infertur proinde, Fures recipi Asylō. *Fures* enim vocantur, qui occulte, & sine armis furantur: qui autem violenter aggrediuntur, sive cum armis, sive absque armis, *Larrones*, prout habet *Auib. Sed novo, C. de Servis fugitivis*. Similiter is gaudet Immunitate, qui quidem in via publica hominis depradationem attentavit, sed non perfecit: quia in pœnabilibus & odiosis, præferuntur quæ cedunt in præjudicium Ecclesiæ, actus debent esse perfecti, & consummati.

31. CONCL. IV. *Depopulatores agrorum* dicuntur, qui segetes in agris depradantur, comburunt, aut destruunt, vel agros alienos vastant, & hi non gaudent jure Asyli. Addit Barbosa *loc. cit. num. 87.* cum aliis, quod inspecta Bulla Gregoriana, utpote absolute loquente, hoc procedat de Depopulatoribus agrorum sive diurnis, sive nocturnis; quamvis intento Jure communis solus nocturnus excludatur, *c. Inter alia, de Immunitat. Ecclesiast.* ibi: *Vel nocturnus depopulator agrorum.*

32. CONCL. V. Qui homicidia, & mutilationes membrorum in ipsis Ecclesiis, earumve Cœmeteriis committere non verentur, illis pariter non suffragatur Immunitas Ecclesiastica; prout liquet ex allegatis verbis Bullæ Gregorianæ. Concordat *cap. ult. de Immunit. Eccles.* ubi & hujus exceptionis ratio redditur, illis verbis: *Cum in eo, in quo delinquit, puniri quis debeat: & frustra legis auxilium invocet, qui committit in legem: mandamus, tales non debere gaudere immunitatis privilegio, quo se faciunt indignos.* Et hoc procedit etiam in illo casu, quo quis in una Ecclesia delinquit, & postea fugit ad aliam; cum enim una sit per totum Orbem Ecclesia universalis, qui offendit unam Ecclesiam particularem, censetur omnes offendisse; ac proinde nullibi gaudet immunitate.

33. Censetur autem homicidium, aut mutilatio in Ecclesia committi, non solum tunc, quando uterque intra Ecclesiam existit: sed etiam, quando quis extra Ecclesiam existens, sclopo, vel jaculo mutilat, vel occidit existentem intra Ecclesiam: nam talis revera occidit, vel mutilat alterum in Ecclesia. Et hoc idem dicendum, si quis lethaliter vulneravit existentem in Ecclesia, sed vulneratus extra eam obiit; quia delictum censetur commissum in Ecclesia, Bonacina *Tom. 2. q. 7. punct. 6. §. 2. num. 5.* & alii.

34. Num autem vicissim, si quis intra Ecclesiam existens, sclopo, vel telo interficiat, sive mutilat existentem extra Ecclesiam, privetur Immunitate, variant Doctores. Negant Bonacina *loc. cit. num. 3.* Navarrus, & quidam alii; eo quod talis proprie loquendo, non in ipsa Ecclesia, sed ex Ecclesia occidat, vel mutilat: simulque in hac materia, utpote odiosa & pœnali, non sit facienda extensio ab inchoatione homicidii ad homicidium ipsum. Affirmativa tamen sententia, videlicet talem privari Immunitate, est communior; quam tenet Abbas *cap. ult. n. 11. de Immunit. Eccles.* Pirhing. *cod. n. 25.* & Barbosa *cit. cap. 3. n. 111.* citans plurimos alios. Tum quia tale homicidium, quamvis consummetur extra Ecclesiam, nihilominus in ipsa inchoatur, sive principiat. Tum quia talis infert injuriam loco sa-

cro, abutens ipso ad eandem, vel mutilationem injustam faciendam.

35. Quæres: an quis privetur privilegio Immunitatis non solum propter homicidium, vel mutilationem, sed etiam propter alia crimina commissa in Ecclesia; v. g. propter furtum, adulterium; & hujusmodi gravia delicta, quibus infertur specialis irreverentia loco sacro? Resp. Spectata Bulla Gregoriana negative. Siquidem Pontifex in sæpe citata Bulla §. 2. expresse declarat, delinquentes in nullis aliis casibus, præterquam in sua Bulla expressis, posse ab Ecclesiis extrahi; simulque prohibet fieri extensionem ad casus in ea non expressos, *etiam ex paritate, identitate, aut majoritate rationis.* Barbosa *cit. cap. 3. n. 105.* Bonacina *loc. cit. n. 11.* & alii post dictam Bullam scribentes; quamvis ante ipsam non pauci oppositum tenuerint.

36. CONCL. VI. Insuper, qui proditorie hominem occiderit, non gaudet Immunitate. Patet hoc ex allegata Bulla Gregoriana, ibi: *Qui proditorie proximum suum occiderint.* Caterum *Homicidium proditorium* vel maxime tunc committitur, quando quis aliud verbis, & aliud mentis gerit, atque sub specie amicitie Proximum interficit: prout fecit Joab duobus Principibus militie, Abner, & Amasa, quos sub specie osculi præbendi occidit. 2. Reg. c. 3. & 20.

37. Deinde generalius loquendo, *homicidium proditorium* censetur, quando vel sub specie amicitie (ut dictum) vel saltem nulla præcedente inimicitia, aut si præcessit, eadem per reconciliationem sublata, securus, & nihil mali prævidens occiditur, v. g. ferro, veneno, a tergo, de nocte, vel per insidias &c. Siquidem Homicidii proditorii malitia in eo consistit, quod occidatur compos rationis, qui hic & nunc impotens est ad præcavendum.

38. Dicitur, *compos rationis.* Nam, utrumque procurans abortum fœtus animati, secuto effectu, censetur homicida proditorius, ac privetur Immunitate, est nova difficultas. Sed Bonacina *cit. punct. 6. §. 3. n. 8.* probabilius esse censet, talem non privari; cum infans non occidatur per insidias ac dolose, eo quod dolus in infantem, utputa rationis impotentem, non possit committi: nam dolus est machinatio ad decipiendum, seu fallendum proximum adhibita.

39. CONCL. VIII. *Assassinii Rei* non gaudent Immunitate; ut expresse tradit citata Bulla Gregoriana: Porro *Assassinii* crimen trahit originem, & nomen, a quibusdam Infidelibus, qui Assassini vocabantur, & accepta pecunia occidebant Fideles, quos aliqui volebant occidi; uti notatur per Glossam magnam *cap. 1. de Homicidio in 6.* Itaque Assassinii Rei sunt tum illi, qui occisorem promisso pretio conducunt, tum qui operas suas ad occidendum locant. Et hi omnes, utpote criminis Assassinii Rei, secuso effectu non gaudent Immunitate.

40. CONCL. VIII. Præter crimen hæresis (de quo jam supra n. 23. & seqq.) privantur Immunitate Ecclesiastica Rei criminis læsæ Majestatis, in personam ipsiusmet Principis commissi. Ita cit. Bulla Gregorii XIV.

41. Dicitur, in personam ipsiusmet Principis. Nam secus dicendum de offendentibus Statuam Principis, vel cudentibus falsam monetam; non obstante, quod & tales de Jure Civili censeantur Rei læsæ Majestatis. Addunt Doctores, eum, qui offendit, sive occidit filios Principis, aut ejus Consiliarios, vel Legatos, etsi reus existat criminis læsæ Majestatis, nihilominus gaudere Immunitate; eo quod crimen non committatur in personam ipsiusmet Principis. Bonacina citat. q. 7. punct. 6. §. 6. num. 3. & 4. Diana part. 6. tract. 1. resol. 18. & alii, paucis exceptis, qui ex eo oppositum tenent, quod Consiliarii, & Senatores censeantur esse pars corporis ipsius Principis, 1. Quisquis. Cod. ad Legem Juliam Majestatis.

\* Dices juxta novissimam Bullam Benedicti XIII. Ex quo Divina &c. Romæ 15. Junii anno 1725. publicatam pariter ab Immunitate, & asylo excluduntur falsificantes litteras Apostolicas, NB. Constantes, adulterantes, aut tendentes quascumque Monetas, vel ipsas monetas conflatas, adulteratas, aut detonsas ita expendere, & erogare præsumentes, ut fraudis conscii, & participes censerentur possint; Item Ministri Montis Pletatis, sive alterius publici Telonii, aut Banci pro depositis Principis, privatarumque personarum destinati, furtum, aut falsitatem in prædictis locis committentes; pariter ab immunitate excluduntur non solum homicidæ proditorii, sed etiam NB. illimitate interficientes proximum suum animo præmeditato, ac deliberato: ergo hucusque dicta, quæ omnibus hæc Asylum concedere videntur, non subsistunt. Respond. præsentem Auctorem ex fundamentis superius præsertim num. 25. & num. 36. adductis, ac insistendo Bullæ: Cum alias Gregorii XIV. equidem allegatis hic criminibus Asylum cum aliis DD. communiter concessisse pro suo tempore, quo necdum recentissima Bulla citati Benedicti XIII. excipiens novissime illa crimina ab immunitate, emanavit; ast de facto haud dubie pariter insistendo modernæ recentissimæ Bullæ Benedicti XIII. Ex quo Divina &c. Adulteratores Monetarum, vel alia delicta hic specificata committentes, non gaudent immunitate Ecclesiastica; quoniam Benedictus XIII. ob auctam, atque in dies invalescentem perversorum hominum malitiam, ne abutantur tales immunitate, priora crimina a Gregorio XIV. excepta adhuc magis ampliavit, ita, ut non solum adducta a Gregorio, & num. 28. specificata delicta excipiantur ab immunitate, sed etiam alia a Benedicto XIII. determinata, & hic in objectione allegata, quod bene notandum legentibus Auctores ante hanc recentissimam Bullam scribentes. Unde in forma respondeo ad objectionem distinguendo consequens: dicta illa, quæ adulterationi pecuniarum, & homicidio non proditorio &c. Asylum concedere videntur, non subsistunt, insistendo Bullæ Gregorianæ & illi tempori, quo Auctor præfens scripsit; Nego: insistendo modernæ recentissimæ Bullæ Benedicti XIII. admitto consequentiam.

#### QUÆSTIO IV.

De commodis Immunitatis Ecclesiasticæ, pœnisque eam violentum, ac modo extrahendi Reos criminum exceptorum.

#### SUMMARIUM.

42. Commoda Reorum ad Asyla fugientium. 1. Reus nequit inde extrahi &c.
43. Quid, si exeat sponte? Aut si sitis promissis inductus?
44. II. Reus nequit condemnari ad mortem, vel penam corporalem.
45. III. Non possunt ei prohiberi necessaria victus, & vestitus. Potest tamen custodiri, ne aufugiat.
46. IV. Fugiens ad Ecclesiam est recipiendus. Unda sustentari debeat?
47. V. Non potest spoliari rebus suis, & quando?
48. Violatio Immunitatis, quale peccatum?
49. Ejus violatores incurrunt Excommunicationem
50. Et alias pœnas.
51. Observanda circa extrahendum Reorum jure Asyli non gaudens.
52. Hi nequeunt absque licentia Episcopi extrahi.
53. Limitatur hoc,
54. Atque amplius declaratur.
55. Alia notanda.

1. CONCL. I. Privilegia Asylorum, seu commoda Reorum ad Ecclesias confugientium, varia sunt. Nam I. Reus in Loco sacro nequit capi, aut vinculis constringi, multo minus per vim, seu invitus, ex eo extrahi: prout habetur c. Definivit. 17. q. 4. ibi: Nullus audeat confugientes ad Ecclesiam, vel residentes inde abstrahere, aut quodcumque nobilitatis, vel damni, seu spoli residentibus in loco sancto inferre. Concordat cap. Inter alia, de Immunit. Eccles. ibi: Non est violenter ab Ecclesia extrahendus; estque unanimis Doctorum.

43. Quod si vero Reus sponte egrediatur (prout licite potest, etiam Rectoribus Ecclesiarum invitatis) Immunitas non violatur: quia nulla Ecclesiæ fit injuria, neque Reus inde violenter extrahitur. Secus dicendum, si Reus ad Asylum deferendum verbis dolosis, aut ficta promissione Judicis impunitatem promittentis, inductus fuerit, ac postea capiatur: quia dolus hac in parte pro vi habetur. Pirhing. tit. de Immunit. Eccles. num. 42. post Azorium, Suárez, & Layman. Unde, qui verbis dolosis circumventus, atque præstita a Judice securitate, & impunitate Principis, inductus exit ex Asylo, is Ecclesiæ restituendus erit, aut Judex tenebitur ei servare fidem promissam de impunitate vitæ, & membrorum. Barbosa loc. cit. num. 54. & alii.

44. II. Reus, quamdiu est in Ecclesia, non potest per sententiam Judicis ad mortem, vel aliam penam corporalem condemnari: prout desumitur ex c. Reum, 17. q. 4. & c. Inter alia de Immunit. Eccles. ibi: Nec inde damnari debet ad mortem, vel ad penam, sed Rectores Ecclesiarum sibi obtinere debent membra & vitam: super hoc tamen, quod inique fecit, est alias legitime puniendus: videlicet pecunialiter, vel alia satisfactione præter penam corporalem, ut explicat Glossa vers. Punendus, & sequitur Abbas ibidem, allegans com-

muniem Doctorum. Addit Pirhing. num. 47. & Layman *loc. cit. cap. 3. n. 13.* post Suarez, talem neque poena servitutis, neque exilii, neque trimisum mulctari posse; eo quod hæ poenæ sint valde graves, atque corporalibus æquiparentur, imo eorum quasdam excedant.

45. III. Nequit prohiberi, quo mirus ad Reum necessarius victus, & vestitus deferatur; *text. clar. l. Presenti, C. de his, qui ad Ecclesias confugunt*: ibi: *Aec aliquando patimur, in ipsis Ecclesiis reverendis ita quemque detineri, atque constringi, ut ei aliquid victualium rerum, aut vestis negetur, & requies.* Et merito ita statutum est: nam impedire Reo necessarium victum, foret aperta coactio, quia ipse vel fame perire, vel exeundo se tradere cogeretur. Nihilominus prohibitum non est, ponere custodias circa Ecclesiam, ne Reus libere aufugiat; vel, ut capi possit, si sponte exierit, aut fugam attentaverit. Layman ibidem cum communi.

46. IV. Rei ad Ecclesias confugientes recipiendi sunt, neque inde repelli possunt, aut excludi. Nam Clerici, ac præsertim Rectores Ecclesiarum, tenentur tueri jura Ecclesiæ, ipsiusque Immunitatem; ergo hoc ipso non possunt Reos ad eam confugientes excludere. Quinimo, si profugus non habeat bona propria, unde sustentetur (nam si hæc adsint, ex ipsis ei alimenta præstari debent) neque etiam a consanguineis, vel aliis necessaria vitæ habere possit; hæc per Ecclesiam, utpote cujus tutelæ, & protectioni sese commisit, eidem velut pauperi præstanda erunt; ne alioquin inedia, & necessariorum inopia urgente, invitus abire, & seculari Potestati sese tradere cogatur. Abbas *cit. c. Inter alia, de Immunit. Eccles.* Sylvester *vers. Immunitas III. num. 5.* & alii. Qui tamen addunt, debere ejusmodi Reum, si possit, in commodum Ecclesiæ laborare: tum, ne Immunitas ipsi sit occasio otianti: tum, ut labore recompenset alimenta sibi præstata.

47. V. Reus ad Ecclesiam fugiens nequit spoliari rebus, bonisque suis, quæ secum attulit in eam. *arg. c. Definiri. 17. q. 4.* Intellige hoc de rebus propriis Rei, non autem alienis, sive alteri obligatis, & in quorum detentione idem delinqueret, ut dictum num. 18. Insuper, si Reus arma prohibita secum detulit, ea poterunt ipsi etiam intra Ecclesiam auferri: delinquit enim is, qui fert arma legibus prohibita. Covarruvias *cit. c. 20. n. 18.* Layman *n. 13.* & alii.

48. CONCL. II. Per violationem Immunitatis Ecclesiasticæ, sive violentam Reorum ex Asylis Ecclesiasticis extractionem, committitur gravissimum Sacrilegii peccatum. Patet hoc ex *c. Miror, & c. Frater, 17. q. 4.* ibi: *Qui admittere sacrilegium non dubitavit, & alibi.* Accedit ratio: quia violenta talis extractio repugnat sanctitati, & reverentiæ Locis sacris debitæ. Hinc S. Augustinus *Serm. 5. de Dedicat. Eccles.* ejusmodi extractionem appellat, grandem injuriam Religionis, & Divinitatis offensam.

49. CONCL. III. Præter alias poenas in Jure statutas, violator Immunitatis Ecclesiasticæ olim excommunicari jubebatur, *c. Sicut a. tiquitus, 17. q. 4.* cum concordantiis; quæ tamen continebant excommunicationem non latæ, sed primum ferendæ sententiæ. Verum hodie, sive spectata

Bulla Gregoriana, dicta excommunicatio est lata sententiæ; prout liquet ex verbis ejusdem Bullæ §. 8. ibi: *Quod si quis quacumque dignitate, & auctoritate præditus, contra hujus nostre Constitutionis tenorem attentate presumpserit, declaramus, eum ipso facto censuras, & penas easdem incurrere.* Bonacina *tom. 2. disp. 3. q. 7. punct. 8. n. 3.* & alii.

50. Dicitur notanter, præter alias poenas. Nam plures poenæ in istos Sacrilegos Jure statutæ sunt. Et quidem de Jure Civili, tales censentur Rei criminis lætæ Majestatis, *text. clar. L. 2. C. de his, qui ad Ecclesiam confugunt.* Imo & ultimo supplicio affici jubentur, *l. Presenti, C. eod.* quamvis hæc poena non videatur amplius esse in usu. Insuper ipsi de Jure Canonico, præter poenitentiam publicam ab Episcopo injungendam, incurrunt poenam pecuniariam nongentorum solidorum. *c. Si quis contumax, 17. q. 4.* vel certe triginta librarum examinati argenti purissimi. *c. Quisquis inventus, ead. 17. q. 4.* pro qualitate delicti, & delinquentium conditione, Judicis arbitrio varianda, & Ecclesiæ lætæ applicandam pro satisfactione.

51. Quæres, quid observandum circa extractionem Reorum, privilegio Asyli non gaudentium? Resp. De facto quoad hoc est observanda Constitutio Gregorii XIV. quæ §. 3. & 4. exacte tradit formam extrahendi Reos ex Asylo Ecclesiastico ob commissa crimina excepta. Et primo mandat Pontifex omnibus Ecclesiæ Prælati, ut eos, qui aliquod ex criminibus ibidem exceptis judicio suo commisisse videbuntur, quando a Curia seculari fuerint requisiti, Ministris, & Officialibus Curia secularis absque irregularitatis nota, aut alicujus censura Ecclesiastica incursu, tradi, & consignari curent. Quibus verbis clare innuitur, de facto non esse opus prævia cautione, vel juramento, de impunitate vitæ & membrorum, Reo criminis excepti prius obtinenda: quidquid olim secus fuerit. *c. Reum, & c. Id constituimus, 17. q. 4.*

52. Deinde, ne Curia secularis Ministri abutantur facultate, sive de Jure communi, sive per specialia privilegia olim sibi concessa, per se & propria auctoritate extrahendi ejusmodi Reos; Pontifex dictam facultatem revocat, atque decernit, ut Curia secularis, ejusque Judices & Officiales, ab Ecclesiis, Monasteriis, Locisque sacris prædictis, Laicum aliquem, ut præfertur, delinquentem, in nullo ex casibus supra dictis sine expressa licentia Episcopi, vel ejus Officialis, & cum interventu persona Ecclesiastica ab eo auctoritatem habentis, &c. capere, extrahere, aut insarcere non possint.

53. Subdit tamen Pontifex unicam limitationem, ejusque cautelam, dicens: *Nisi eo casu, quo ipse Episcopus, & dicta Persona Ecclesiastica requisita, illos in delictis superius expressis culpabiles tradere, aut captura & incarcerationi intervenire, & assistere recusaverint: tum, que reverentia Ecclesia, & locis sacris debita memores, prædictos delinquentes, minori, quo id fieri poterit, cum scandalo & tumultu, extrahere curent.* Hæc Pontifex.

54. Et hoc quidem, videlicet extractionem Rei absque expressa Episcopi licentia per Judices seculares fieri non posse, quantumvis de qualitate criminis excepti certo constet, post dictam Constitutionem Gregorianam communiter tenetur, (licet



(licet Auctores hanc antecedentes oppositum docuerint) & clare deſumitur ex allegatis ejus verbis, utpote generaliter & indefinite loquentibus. Quod ſi vero ſuper qualitate criminis dubium emerſerit, ejus cognitio (deducto prius Reo ad carceres Curia Eccleſiaſtica, ibique debite cuſtodito) ad ſolum Judicem Eccleſiaſticam, id eſt, Episcopum, ſeu ab eo Deputatum pertinet: tum quia hæc res eſt Eccleſiaſtica, adeo ut ejus violatores ſacrilegium committant. Tum præſertim, quia noviffime ſic declaravit Gregorius XIV. in ſæpe cit. Bulla. §. 5. ibi; *Niſi cognitio prius per Episcopum, ſeu ab eo deputatum, an ipſi vere crimina ſuperius expreſſa commiſerint.* Barboſa l. 2. *Juris Eccleſiaſt. univerſ. c. 3. n. 157. & alii.*

§ 5. His addendum cum eodem Barboſa num. 168. & aliis, quod non poſſit Episcopus delinquentes Curia Seculari tradere, niſi prius ſibi de excepto delicto perpetrato conſtiterit plene, certe & concludenter, non autem per indicia, & præſumptive dumtaxat. Item, quod Episcopus non teneatur ſtare Proceſſui factò a Laica Potestate: nam quòd hæc aliqualem cognitionem per viam facti, pro informatione, an crimini commiſſo ſit annexa qualitas impeditiva juris Aſyli, poſſit inſtituere, haud negatur. Et tandem, quod ſi dubium fuerit inter Doctores, an delictum gaudeat Immunitate Eccleſiaſtica, nec ne, debeat Judex Eccleſiaſticus pro Reo judicare: nam Immunitas hæc, utpote ob reverentiam & favorem Eccleſiarum, aliorumque Locorum ſacrorum principaliter conceſſa, cenſetur eſſe materia favorabilis; ſimulque in dubio potius Reo favendum eſt, *juxta Reg. 11. Juris in 6. cum concordantiis.*

\* Dictis ultimis iterum ex Bulla Benediſti XIII. ſuperiori quæſtione jam citata de novo adjungendo, quod in extradendis ex aſylo Reis criminum exceptorum, ſequens præſcribatur Episcopis norma. I. Quotiescumque Curia Eccleſiaſtica a Curia ſeculari fuerit requiſita, ut Laicum aliquem delinquentem e loco immuni extrahi, & illi conſignari faciat, atque talia ſuper delicti excepti qualitate, ac perſonæ reitate ſubminiſtrata, vel acquiſita adſint indicia, quæ ad capturam decernendam ſufficere videantur, tunc Curia Eccleſiaſtica ad ejusdem delinquentis extractionem ab Eccleſia, aliſve locis immunibus opè, ac medio ſuorum Executorum (implorato etiam, quatenus opus ſit, brachii ſecularis auxilio) cum interven- tu perſonæ Eccleſiaſticae ab Episcopo deputandæ, procedere teneatur, extractumque ad ſuos carceres aſportari, ac ibi ſub tuta cuſtodia detineri curet, & faciat. II. Ubi vero ex proceſſu informativo deſuper conſciendo conſtat de crimine excepto, ac inſuper adverſus eundem Extractum talia reſultant indicia, ut crimen ab eo fuiſſe patratum moraliter credi poſſit, eo tandem caſu præſatum Extractum Miniſtris, & Officialibus Curia ſecularis tradere, & conſignare poteſt, ac debet; exacta tamen, receptaque prius ab ipſis obligatione, in forma Juris valida, reſtituendi Extractum Eccleſia ſub pœna Excommunicationis late ſententiæ Summo Pontifici reſervatæ, ſuppoſito, quod ille Extractus indicia contra ipſum acquiſita in ſuis deſenſionibus purget, ac diluat.

Quodſi ea minime purgaverit, & vere delinquens repertus fuerit, Curia ſeculari in ipſum tali caſu, uti Juris eſſe cenſuerit, agere, atque procedere liceat. \*

## DISTINCTIO III.

*De Indulgentiis.*

### QUÆSTIO I.

Quid ſit *Theſaurus Eccleſiæ*?

#### SUMMARIUM.

1. *Indulgentia varia acceptiones.*
2. *Quomodo ſumuntur in propoſito?*
3. *Theſaurus Eccleſiæ datur, & quid ſit?*
4. *Id declaratur ex verbis Extrav. Unigenitus.*
5. *Conſtat ex meritis ac ſatisfactionibus Chriſti, & Sanctorum.*
6. *Solvitur inſtantia.*
7. *Ubi is reſpoſitus maneat?*
8. *Theſaurus Eccleſiæ dupliciter conſideratur.*
9. *Quomodo diſpenſetur?*
10. *Præſertim ut includit ſatisfactiones Sanctorum.*

1. **I**ndulgentiæ nomen, quod a verbo *indulgeo* derivatur, quandoque accipitur pro lenitate, ſeu condeſcendentia; ut 1. *Corin. 7. Hoc autem dico ſecundum indulgentiam, non ſecundum imperium.* Alio modo ſumitur pro remiſſione; ut *Iſaia cap. 61. Prædicare captivis Indulgentiam.* Quæ verba apud S. Lucam *cap. 4.* referuntur taliter: *Prædicare captivis remiſſionem:* ut proinde Indulgentia quandoque ſumatur pro remiſſione.

2. Hanc utramque ſignificationem Theologi conjungunt, & Indulgentiam vocant remiſſionem pœnæ temporalis, ex condonatis peccatorum culpis ſæpe remanentis, quæ ſit ex cauſa juſta & rationabili, per diſpenſationem Theſauri Eccleſiæ. Hujus autem nomine aliud non intelligitur, quam Theſaurus ſpiritalis ſatisfactionum Chriſti & Sanctorum, qui applicari poſſit reis alicujus pœnæ temporalis, poſt peccata quoad culpam in Sacramento Pœnitentiæ jam dimiſſa non raro reſtantis. Et de hoc loquendo, ſit

3. **CONCL. I.** Datur in Eccleſia ejusmodi Theſaurus ſpiritalis, ex meritis Chriſti, & ſatisfactionibus Sanctorum conſtitutus, qui numquam exhauriri, ſed per legitimam Indulgentiarum conceſſionem diſpenſari poteſt. Ita omnes Catholici; atque patet tum ex perpetua traditione, ac ſenſu Eccleſiæ; tum ex mox alleganda Extravagant. *Unigenitus:* tum ex Concilio Trident. *Seſſ. 25. in Decreto de Indulgentiis,* cujus verba num. 25. referuntur. Fundatur inſuper hæc Catholica Veritas in illo Symboli Apoſtolicæ articulo: *Credo Sanctorum Communionem.* Nam Corpus myſticum Eccleſiæ non ſolum Chriſto tamquam capite conſtat, ſed etiam Sanctis, tamquam nobiliſſimis membris; juxta illud *Rom. cap. 12. Multi unum Corpus ſumus in Chriſto, ſinguli autem alter alterius membra.* Atqui in corpore ſano caput, & reliqua membra, habent talem communicationem ad invicem, ut, quod uni ſuperfluit, alteri communicetur; ergo idem dicendum de Corpore Chriſti myſtico, quod eſt Eccleſia.

4. Porro pro vera intelligentia hujus Theauri Ecclesiæ juvat adducere verba cit. *Extravag. Unigenitus*. Quæ in Jure Canonico habetur inter Extravagantes Communes, tit. de Pœnitent. & Remiss. ubi præmissa prærogativa meritorum, atque satisfactionum Unigeniti Filii DEI JESU Christi, sic loquitur Pontifex Clemens VI. *Quantum ergo exinde, ut nec supervacua, inanis, aut superflua, tanta effusionis miseratio redderetur, thesaurum Militanti Ecclesiæ acquisivit, volens suis thesaurizare filiis pius Pater, ut si sit infinitus thesaurus hominibus, quo qui usi sunt, Dei amicitia participes sunt effecti. Quem quidem thesaurum non in sudario repositum, non in agro absconditum, sed per Beatum Petrum Cæli Clavigerum, ejusque Successores suos in terris Vicarios commisit Fidelibus salubriter dispensandum, & propriis & rationabilibus causis, nunc pro totali, nunc pro partiali remissione pœnæ temporalis pro peccatis debita tam generaliter, quam specialiter (prout cum Deo expedire cognoscerent) vere pœnitentibus & confessis misericorditer applicandum. Ad cujus quidem thesauri cumulum, Beata Dei Genitricis, omnium Electorum a primo Jussu usque ad ultimum merita, adminiculum præstare noscuntur; de cujus consumptione seu minutione non est aliquatenus formidandum, jam propter infinita Christi (ut prædictum est) merita, quam pro eo, quod, quanto plures ex ejus applicatione præbentur ad justitiam, tanto magis accrescit ipsorum cumulus meritorum.* Hactenus Pontifex in cit. *Extravag. Unigenitus*.

5. Ex his proinde sequitur, quod Thesaurus Ecclesiæ constet in primis ex meritis & satisfactionibus Christi, quarum valor cum sit infinitus, Thesaurus hic exhauriri nunquam poterit. Sequitur ulterius, quod ex dignatione Divina ad constituendum dictum Thesaurum, ejusque cumulum accedant, atque adminiculum præstent merita Beatissimæ Virginis Mariæ, omniumque Sanctorum: Idque tum propter valorem generalissimum, qui in omni opere bono reperitur, atque universali Ecclesiæ obvenit; Tum ex eo, quia plurimi Sancti uberiora opera bona & satisfactoria peregerunt, plusque passi sunt, quam opus fuerit pro remissione pœnæ temporalis eorum peccatis debita; ut patet in D. Virgine MARIA, nullius macula peccati umquam contaminata; S. Joanne Baptista, jam sanctificato in utero materno; item in SS. Apostolis, atque innumeris SS. Martyribus, Confessoribus, Virginibus, aliisque Sanctis. Unde, ne alioquin ejusmodi merita, sive satisfactiones Sanctorum, quoad vim satisfactoriam a Deo irremunerata remaneant; simulque, ut in corpore mystico Ecclesiæ perfecta servetur *Communio Sanctorum*, & quod uni ejusdem membro superabundat, alteri communetur, prout alioquin in corpore sano fieri assolet; congruum fuit, ut ex Divina dignatione, ac non obstante infinitate meritorum Christi etiam merita, sive satisfactiones Sanctorum, ad constituendum istum spirituale Thesaurum Ecclesiæ allumerentur.

6. Hinc si objicias: Satisfactiones Christi repositæ in Thesauro Ecclesiæ, sunt infinitæ; ergo non est opus, ut ad eas accedant satisfactiones Sanctorum. Resp. distinguendo consequens: ergo hoc non est simpliciter & absolute necessa-

rium, conceditur: neque hoc est congruum, ac Divinæ Providentiæ, Justitiæ, & munificentia consentaneum, negatur. Siquidem merita seu satisfactiones Sanctorum reponuntur in Thesauro Ecclesiæ, non quasi satisfactiones Christi per se non sufficerent, sed (ut jam dictum) ex dignatione Divina, ne alioquin ipsæ quoad vim satisfactoriam maneant irremuneratæ: simulque quia hoc ipsum perquam gloriosum existit Christo Domino, a quo omne bonum Sanctorum promanat, ipsisque Sanctis, in quibus Christus sicut Caput in suis membris honoratur, perhonorificum, magisque per hoc elucescit perfecta unio Sanctorum cum Christo Capite suo.

\* Urgebis: Sancti &c. Vide Addit. (P)

7. Dices: Si datur talis Thesaurus Ecclesiæ, constans ex satisfactionibus Christi & Sanctorum, ubinam locorum is reperitur? Resp. Hanc esse satis lepidam instantiam: nam cum Thesaurus iste sit mere spiritualis, ac moralis, utpote constans ex satisfactionibus Christi & Sanctorum, quæ sunt quid spirituale ac morale, utique is in nullo loco materiali hujus Mundi repositus jacet. Ille igitur existit dumtaxat in mente Divina, in quantum ante oculos Dei merita, & satisfactiones superabundantes Christi & Sanctorum nondum oblivioni sunt traditæ, sed vivunt etiamnum, usque dum aliis indigentibus Ecclesiæ membris opportune communicentur, sicque quantum fieri potest, debitum ipsis præmium remissionis pœnæ temporalis reddatur.

8. Quæres, quot modis dispensetur Thesaurus Ecclesiæ? Ubi notandum, quod Thesaurus Ecclesiæ possit dupliciter considerari. I. Ut constet ex meritis Christi. II. Ut constet ex meritis Christi & Sanctorum simul, juxta proxime dicta. Hoc prænotato,

9. Resp. I. Considerando Thesaurum Ecclesiæ, prout constet ex meritis Christi, sic ipse dispensatur, nobisque applicatur variis modis, videlicet per Sacramenta, per Missæ Sacrificium, perque alia pia opera Fidelium, ipsasque Indulgentias. Ratio est: quia, quotiescumque aliqua culpa vel pœna nobis remittitur, aut alioquin gratiæ auxilium præstatur, semper Thesaurus meritorum Christi nobis applicatur, & distribuitur; eo quod hujusmodi beneficia nobis non conferantur, nisi intuitu atque virtute meritorum & Passionis Christi.

10. Resp. II. Spectando Thesaurum Ecclesiæ, prout non solum ex meritis Christi, sed etiam ex satisfactionibus Sanctorum constare intelligitur, sic ipse dumtaxat per Indulgentias dispensatur. Ita Suarez *part. 3. tom. 4. disp. 51. sect. 4.* & Mastrius *disp. 23. Theol. Moral. num. 9.* cum communi. Ratio est: quia Sacramenta, Missæque Sacrificium habent suam dignitatem, atque valorem ex opere operato, dumtaxat ex meritis & Passione Christi, qui solus, utpote Redemptor noster, promeruit nobis facultatem per bona opera consequendi gratiam vitamque æternam; ac proinde per hæc nobis non applicantur merita sive satisfactiones Sanctorum, bene tamen per Indulgentias. Et de his loquendo, sit

QUA

QUAESTIO II.

Quid, & quotuplex sit Indulgentia?

SUMMARIUM.

11. Indulgentia, quid?
12. Haec non tollunt culpam, sed poenam peccatorum.
13. Earum effectus.  
(a) Modo uberius declarando num. 38. 41. & 42.
14. Indulgentiarum divisio: Plenaria, seu totalis, quid?
15. Indulgentia plena, plenior, & plenissima, non differunt quoad remissionem poenae?
16. Bene tamen quoad aliquas facultates.
17. Indulgentiae non plenariae, seu partiales, quae?
18. Indulgentiae certorum annorum,
19. Aut dierum, quomodo intelligenda?
20. Quadragesima, seu Quaragesima, Septuagesima, & Centesima, quid?
21. Haec male negliguntur.
22. Indulgentia personalis.
23. Localis, &
24. Realis, quid?

11. **C**ONCL. I. Indulgentia, quantum ad positum, est Remissio poenae temporalis, peccatis actualibus, quoad culpam jam remissis, coram Deo adhuc debita, ab habente potestatem facta per applicationem sufficientis & condignae solutionis ex communi Thesauri Ecclesiae. Haec definitio in re est communis Theologorum, & patebit ex declaratione ipsius.

12. Dicitur, remissio poenae temporalis. Quia Indulgentiae non valent ad remissionem culpae, neque mortalis, neque venialis; sed solum ad remissionem poenae temporalis, quae post culpam jam remissam non raro restat luenda, prout omnes Theologi fatentur. Accedit ratio: quia peccatum mortale non potest tolli, nisi per infusionem gratiae sanctificantis; haec autem non confertur per Indulgentias, sed solum per Sacramenta, in re, vel voto rite suscepta. Et quamvis peccata venialia multis remediis expiari possint, ut docet Concilium Trident. Sess. 14. cap. 5. nihilominus ipsa quoad culpam non dimittuntur per Indulgentias: nam haec suppleunt locum satisfactionis peragendae post culpam jam remissam, & consequenter hanc non remittunt, sed virtute boni motus interioris, aut recepti Sacramenti prius jam ablatae supponunt.

13. Unde Indulgentiae valent duntaxat ad tollendam, per modum condignae solutionis, poenam peccatis quoad culpam jam remissis non raro adhuc debitam, seu restantem: ac proinde effectus earum solummodo est, tollere poenam peccatis debitam per applicationem sufficientis solutionis ex Thesauri Ecclesiae; (a) non vero ipsammet culpam peccatorum. Ceterae particulae datae definitionis patebunt ex dicendis in progressu.

\* Dices: Potest contingere &c. Vide Addit. (Q)

14. **C**ONCL. II. Indulgentiarum variae sunt divisiones: Ita communis; idque patet inductione. In primis enim Indulgentiae quoad quantitatem poenae, quae remittitur, dividuntur in plenarias, & non plenarias. Indulgentia plenaria, seu

totales sunt, quibus remittitur tota poena temporalis, peccatis quoad culpam jam remissis debita.

15. Ubi sciendum, quod aliqui distinguant inter Indulgentiam plenam, plenior, & plenissimam: cujus distinctionis fundamentum desumunt ex Extravag. Antiquorum, de Penit. & remiss. ubi Pontifex pro Anno Jubilaei non solum remittit veniam peccatorum, imo plenissimam omnium. Sed revera quoad effectum remissionis poenae temporalis, nullum inter eas apparet discrimen; cum non solum Indulgentia plenissima, sed etiam plenior, & plena, in rite dispositis conferat omnium veniam peccatorum, sive poenarum pro peccatis quoad culpam prius remissis debitarum. Neque per illum loquendi modum Pontifex aliud intendit, quam concedere Indulgentiam adeo plenam, prout clavium potestas se extendit; sicuti Papam interpretatum fuisse in Consistorio, testatur Glossa ibidem, Ters. Plenissimam.

16. Nihilominus quoad specialia privilegia, & annexas facultates, potest cum Marchantio Tom. 3. Tribunalis, tract. 5. tit. 2. q. 3. Maffrio cit. disp. 21. num. 21. & quibusdam aliis, sequens inter dictas Indulgentias notari discrimen: ut Indulgentia dicatur plena seu plenaria, quando tota poena, post culpam adhuc in Foro seu iudicio Dei debita, per applicationem Thesauri Ecclesiae remittitur: Plenior, quando potestas extraordinaria absolventi a Casibus reservatis superadditur: Plenissima, quando ultra haec etiam dispensationes in Votis, & huiusmodi vinculis conceduntur: prout fieri solent in Jubilaeo (de quo procedit cit. Extravag. Antiquorum) ac Indulgentius in forma Jubilaei datur.

17. Porro Indulgentiae non plenariae, seu partiales dicuntur illae, quae solum sunt remissivae partis poenae temporalis, peccatis quoad culpam jam remissis debita: ut sunt Indulgentiae certorum annorum, aut dierum; item Indulgentiae illae, quae dicuntur Quadragesima, Septuagesima, Centesima; aut quando remittitur tertia, vel quarta pars peccatorum.

\* Ceterum non raro pro eodem die, praesertim tempore Actionum quadragesimalium invenies concessas Indulgentias plenarias; & simul ac semel alias partiales, v. g. mille annorum &c. Quod equidem nullatenus significare vult, quasi quis simul, & semel ambas pro se lucrari valeat: etenim, si obtinet plenarias; eo ipso non indiget partialibus, uti consideranti patet. Adeoque talis conjunctio Indulgentiarum plenarum, & partialium potius signum est, in simili casu vel fuisse diversos Indulgentiarum largitores, unum nimirum quoad Indulgentias plenarias; alterum quoad partiales; vel si fuerit unus, idemque largitor, indicat, additas Indulgentias partiales fuisse subiectas, ut possint applicari defunctis per modum suffragii; vel utique insinuat, additionem hanc fieri ad cautelam, ut scilicet simul certi, causam Indulgentiarum esse sufficientem saltem ad acquirendas partiales, si non totales. Ita cum Suarez, Palao, & Corduba, Gobat Tract. 4. de Indulgentiis, part. 2. cap. 2. n. 275. & Razenberger Supplement. Theolog. Sacrament. Patris Sporer cap. 3. sect. 1. n. 9. \*

18. Quod si quæras, quid intelligatur per indulgentias mille, vel centum annorum, aut dierum, item per Quadragenam &c. Resp. I. Sensus huiusmodi Indulgentiarum non est, quod totidem dies, vel anni pœnæ Purgatorii remittantur; cum dentur Indulgentiæ nonnullæ decem millium annorum, nec tamen verisimile sit, Purgatorium, quod post diem extremi Iudicii mox cellabit, adhuc decem millibus annorum duraturum. Unde

19. Resp. II. Sensus illius locutionis, ac huiusmodi Indulgentiarum est, quod per talis Indulgentiæ collationem tanta pœna cuiuspiam remittatur, quanta remitteretur virtute illius pœnitentiæ, quæ secundum formam Juris, & consuetudinem Ecclesiæ olim statuebatur, si ipsa tot diebus vel annis in hoc mundo perageretur. Quæ vero, & quanta ea sit, optime novit, ac determinavit Dominus Deus. Et conformiter dictis.

20. Resp. III. *Quadragesima*, seu *Quarena*, est Indulgentia quadraginta dierum; id est, relaxatio tantæ pœnæ, quanta fuisset redempta per pœnitentiam quadraginta dierum, olim ab Ecclesia pro certis peccatis statutam. Porro *Septena*, est Indulgentia septem annorum; seu relaxatio tantæ pœnæ, quanta fuisset remissa ob pœnitentiam septem annorum. *Carena* vero, est Indulgentia utramque prædictam complectens: Ita, ut sit remissio tantæ pœnæ, quanta fuisset redempta per pœnitentiam quadraginta dierum in pane & aqua peractam, & per aliam pœnitentiam septem annorum subsequenter. Tannerus *Tom. 4. disp. 6. dubit. 8. n. 99.* & alii magis communiter.

21. Quia igitur ejusmodi pœnitentiæ, olim ab Apostolis, sacrisque Canonibus sancitæ, admodum graves extiterunt, per quas proinde multum expiari poterat de pœna temporali peccatis debita: hinc merito Gobat *tracl. 2. Quinarii, cap. 3. num. 286.* observat, eos pessime sibi consulere, qui ad solas Indulgentias plenarias attendunt, neglectis dierum vel annorum Indulgentiis, quas tamen sapissime sive pro se, sive etiam pro Defunctis, intra modicum temporis spatium lucrari possent.

22. CONCL. III. Ulterius Indulgentia ratione subjecti, cui conceditur, dividitur in personalem, localem, & realem. *Indulgentia personalis* est, quæ directe conceditur alicui personæ determinatæ, vel toti Religioni, aut Communitati: quales plures concessæ sunt Religiosis, & variis Confraternitatibus.

23. *Indulgentia localis* est, quæ alicui pio loco conceditur ad ejus devotionem augendam, in ordine ad personas in tali loco orantes, aut alia præscripta opera ibidem peragentes: quales sunt illæ, quæ conceduntur devote visitantibus hanc vel illam Ecclesiam, ibique orantibus. Et huiusmodi Indulgentiæ dicuntur locales, non quod ipsi loco secundum se concedantur (solus enim homo est capax Indulgentiarum, non vero Ecclesia materialis, utpote quæ est res inanimata) sed quia Fidelibus in tali loco devote orantibus conceduntur.

24. *Indulgentia realis* est, quæ conceditur rebus mobilibus, utputa Granis, Numismatibus, Imaginibus, Rosariis, aut huiusmodi, in ordine

ad homines. Et hæc Indulgentia pari passu ambulat cum locali, dempto eo, quod localis Indulgentia loco, sive devote ipsum visitantibus; realis autem rei mobili, sive eam devote penes se habentibus, atque opera ad Indulgentiæ consecutionem præscripta peragentibus, concedatur.

### QUÆSTIO III.

De Potestate concedendi Indulgentias, & Conditionibus ad earum valorem requisitis.

#### SUMMARIUM.

25. *Datur in Ecclesia potestas concedendi Indulgentias.*
26. *Idem probatur ex S. Scriptura.*
27. *Papa potest Indulgentias conferre omnibus Christi Fidelibus.*
28. *Episcopi, quas conferre valeant de ? communi;*
29. *Quid de aliis Prælati inferioribus?*
30. *Ad Indulgentias validas 4. conditiones requiruntur.*  
I. *Auctoritas legitima concedendi.*
31. *II. Causa iusta.*
32. *Es qua talis sit?*
33. *III. Status gratia ex parte recipientis.*
34. *IV. Executio operis præscripti.*
35. *Indulgentiæ tantum valent, quantum sonant, &c.*

25. CONCL. I. Datur in Ecclesia Potestas divinitus collata D. Petro, ejusque legitimis Successoribus, concedendi Indulgentias, & per earum concessionem dispensandi Thesaurum Ecclesiæ. Ita certa omnium Catholicorum, estque de Fide; & patet tum ex *cit. Extravag. Unigenitus*, tum ex Concilio Trid. *Sess. 25. in Decreto de Indulgentiis*, ubi sic loquitur: *Cum potestas conferendi Indulgentias a Christo Ecclesia concessa sit: atque huiusmodi potestate divinitus sibi tradita, antiquissimis etiam temporibus illa usa fuerit: Sacrosancta Synodus Indulgentiarum usum Christiano populo maximo salutarem, & sacrorum Conciliorum auctoritate probatum, in Ecclesia retinendum esse docet, & præcipit: eosque anathemate damnat, qui aut inutiles esse asserunt; vel eas concedendi in Ecclesia potestatem esse negant.* Hactenus Concilium.

26. Eadem Catholica Veritas desumitur ex illis verbis Christi *Matth. 16. Tu es Petrus, & super hanc petram ædificabo Ecclesiam meam. ----- Et tibi dabo claves Regni Cælorum: & quodcumque solveris super terram, erit solutum & in Cælis.* Quæ promissio, solvendi quodcumque, cum sit amplissima & generalis, extenditur ad omnia vincula solvenda, quæ possunt homines impedire a consecutione salutis æternæ: unde cum inter hæc vincula etiam connumeretur vinculum reatus pœnæ temporalis, retardans hominem ab ingressu Regni cælestis, etiam potestatem solvendi hoc vinculum per opportunam dispensationem Thesauri Ecclesiæ, seu indulgentiarum concessionem, Christus S. Petro, ejusque legitimis Successoribus impertivit.

27.



27. CONCL. II. Summus Pontifex potestate à Christo accepta, sicque Jure Divino, & primario, ac principaliter sibi competente, potest ex rationabili causa Indulgentias, sive generales, sive particulares, omnibus Christi Fidelibus dispensare. Ita omnes Catholici: & desumitur ex *cis. Extravag. Unigenitus*, tum ex dictis *num. preced.* Accedit Ratio: quia potestas dispensandi bona communia primario penes Principem residet: atqui Summus Pontifex est Princeps, & caput visibile totius Ecclesiæ; ergo.

28. CONCL. III. Episcopi possunt jure communi concedere Indulgentias unius anni pro die Dedicationis Ecclesiæ; at vero pro Anniversario Dedicationis ejus, & in aliis casibus ob justam causam, dumtaxat quadraginta dierum Indulgentias. Ita habetur expressum *cap. Cum ex eo de Pœnit. & remiss.* juncto *cap. ult. eod. in 6.* Hinc infert Laymannus *lib. 5. tract. 7. cap. 4. num. 2.* quod, si Episcopus ultra limites potestatis suæ Indulgentiam concedit, ea omni jure sit irrita quoad excessum. Dicitur, *quoad excessum*: valet enim nihilominus Indulgentia illa usque ad terminum potestatis Episcopalis: quia *Utile non debet per inutile vitiari*, juxta *Reg. 37. Juris in 6.* ac tenet Glossa *vers. Non obtinens cis. cap. ultim.*

29. CONCL. IV. Nullus Prælati Episcopo inferior, neque Provinciales, aut Generales Ordinum, possunt Jure communi atque ordinario Indulgentias concedere. Ita communis; & habetur clare decisum *cap. Accedentibus de Excessibus Prælat.* Dicitur, *Jure communi, & ordinario*; id est, nisi forsân quisquam eorum speciali concessione, aut commissione per Summum Pontificem sibi facta, quasdam Indulgentias (ut quandoque fieri solet) concedere valeat: nam tunc Indulgentiæ conceduntur ex delegatione, seu commissione Summi Pontificis, cujus limites bene erunt observandi.

30. CONCL. V. Ad hoc, ut Indulgentiæ sint ratæ, & validæ, requiruntur quatuor conditiones: duæ quidem ex parte concedentis, nimirum auctoritas legitima, & justa causa concedendi Indulgentias: & duæ ex parte suscipientis, videlicet status gratiæ, ac executio operis injuncti. Ita Bellarminus *lib. 1. de Indulgentiis cap. 11.* & communis. Et quidem de auctoritate legitima concedendi Indulgentias, per præcedentes Conclusiones, & textus Juris allegatos patet.

31. Deinde ad valorem Indulgentiarum requiri causam justam, ita quidem, quod concedens Indulgentiam sine causa justa non solum peccet, sed etiam indulgentia ipsa sit invalida, conceditur passim ab omnibus. Ratio est: quia Papa non est dominus Thesauri Ecclesiæ, sed dispensator; juxta illud *1. Corinth. 4. Sic nos existimet homo ut ministros Christi, & dispensatores Mysteriorum Dei.* Dispensator autem non potest sine justa causa, & ad libitum suum, de rebus domini disponere, alias enim potius dissipator bonorum domini sui foret, quam dispensator.

32. Porro causa justa dispensandi Indulgentias, non est sola utilitas, quam Indulgentiæ afferunt personis illis, quibus conceduntur: sed præterea requiritur alia causa finalis extrinseca, quæ Pon-

tificem moveat ad Indulgentias prudenter dispensandas: qualis præsertim est ea, quæ redundat in Ecclesiæ utilitatem, bonum commune, ac Dei & Sanctorum gloriam. Atqui hoc inter alia desumitur ex praxi: quia Pontifices non solent facile concedere Indulgentias, nisi in Festivitatibus Dei, & Sanctorum, ut sic Fideles magis ad eorum honorem prosequendum excitentur. Item in publicis Ecclesiæ, vel cujusdam Provinciæ Catholicæ necessitatibus, ad quas sublevandas conceduntur vel Jubilæa per totum Mundum, vel Indulgentiæ personales pugnantis contra Turcas. Imo ordinarie conceduntur Indulgentiæ, sub onere orandi pro exaltatione Sanctæ Matris Ecclesiæ, Fidei Catholicæ propagatione, hæresum atque schismatum extirpatione, Principum Christianorum concordia, & hujusmodi.

33. Tertio, ex parte recipientis Indulgentiam, certum est, quod requiratur status gratiæ: quia homo existens in peccato mortali, non est capax Indulgentiæ, utpote cum per hanc sola pœna temporalis peccato quoad culpam jam remissio debita remittatur. Quamvis autem nonnulli velint, requiri statum gratiæ etiam tunc, quando opera pro lucrandis Indulgentiis præscripta perficiuntur, atque hoc ipsum in praxi merito sit observandum, præmittendo vel Confessionem, vel saltem perfectam Contritionem: nihilominus communior, & probabilior est Doctorum sententia, sufficere ad lucrandam Indulgentiam, quod homo sit in statu gratiæ pro eo instanti, quo ultimum opus præscriptum perficitur, atque Indulgentia consumatur, & ejus effectus est percipiendus. Lugo *disp. 27. de Pœnitent. num. 83.* Maltrius *num. 61.* Herinex *disp. 4. de Satisfactione, quæst. 11. num. 77.* & alii.

34. Quarto tandem ad consequendum fructum Indulgentiæ, requiritur ex parte lucrantis executio operis præscripti. Ratio est: quia Papa concedit Indulgentiam sub conditione hujus, vel illius operis exequendi; ergo, si opus non perficitur, neque Indulgentia obtinetur.

35. Omnes hæ quatuor conditiones apte continentur in illo vulgato Theologorum dicto: *Indulgentia tantum valet, quantum sonat, Clave non errante, & Christo non reprobante.* Id est: *Clave non errante*, ob defectum legitimi potestatis, aut justæ causæ conferendi Indulgentias: & *Christo non reprobante*, ob indispositionem recipientis, qui vel non est in statu gratiæ, vel saltem opera præscripta non rite peragit.

#### QUÆSTIO IV.

De Subjecto Indulgentiarum capaci; & quomodo prosint Defunctis?

#### SUMMARIUM.

36. *Beati in cælis, damnati, & infantes, non sunt capaces Indulgentiarum.*
37. *Bene tamen Baptizati viventes adulti.*
38. *He ipsis applicantur per modam absolutionis, habentis annexam solutionem, &c.*
39. *Catechumeni, an sint Indulgentiarum capaces?*
40. *Quid de ipsis pie defunctis?*

41. *Anima Purgatorii sunt capaces Indulgentiarum, sed per modum Suffragii.*  
 42. *Indulgentia aliter conferuntur vivis, aliter Defunctis, Clausula, per modum Suffragii, quid denotet?*  
 43. *Indulgentia, an certo prosint illis Defunctis, quibus applicentur?*  
*Rationes sententiae negativae.*  
 44. *Affirmativa est probabilior.*  
 45. *Fundamenta ejus.*  
 46. *Solvuntur rationes in oppositum.*  
 47. *Cur diversa Indulgentia pro eadem Anima applicentur?*

36. **C**ONCL. I. Neque Beati in caelis, neque damnati in inferno, neque infantes, aut perpetuo amentes, sunt capaces Indulgentiarum. Ita omnes Doctores. Ratio clara est: quia Indulgentia est remissio poenae temporalis, ex peccatis actualibus quoad culpam jam remissis coram Deo adhuc debita. Atqui Sancti in caelis non habent talem poenam etiamnum remanentem (quia illuc non intrabit aliquid coinquinatum, *Apo. 21.*) Dammati vero sunt in statu disgratiæ, atque ultio termino damnationis æternæ: infantes autem, & perpetuo amentes nullum commiserunt peccatum actuale.

37. **C**ONCL. II. Loquendo de adultis etiamnum viventibus, omnes baptizati, atque in statu gratiæ constituti, & opera injuncta peragentes, sunt capaces Indulgentiarum, per quas ipsis poena temporalis, peccatis eorum quoad culpam jam dimissis adhuc debita, remittitur non per modum simplicis solutionis, neque per modum meræ absolutionis, sed per modum absolutionis secum habentis annexam solutionem ex communi Thesaurò Ecclesiæ. Ita Herinex *loc. cit. quest. 6. n. 55.* Mastrius *4. sp. 23. Theolog. Moral. num. 10.* Bellarminus *lib. 1. de Indulgentiis, cap. 5.* Suarez, & alii. Prior pars patet ex dictis *num. 33. & seqq.*

38. Altera pars probatur ex eo: quia per Indulgentias hinc dispensatur spiritualis Thesaurus Ecclesiæ, sicque intervenit solutio; illinc vero in dispensante requiritur jurisdictio, qua possit alterum solvere, & consequenter simul intervenit absolutio. Unde Pontifex c. *Quod autem de Penit. & remiss.* loquens de Indulgentiis, sic ait: *Cum a non suo iudice ligari nullus valeat, vel absolvi, remissiones predictas prodesse illis tantummodo arbitramur, quibus ut prosint, proprii iudices specialiter indulserunt.* Nota *ad vel absolvi, & ad proprii iudices.*

39. **C**ONCL. III. Adulti necdum baptizati, proprio tamen actu contritionis, sive Baptismo flammis justificati, v. g. Catechumeni etiamnum viatores, non videntur esse capaces Indulgentiarum. Ita Mastrius *loc. cit. num. 55.* cum communi, & probabiliori Theologorum. Ratio est: quia tales per januam Baptismi, actu recepti, nondum sunt ingressi Ecclesiam, neque adhuc ejus jurisdictioni subjecti; atqui Indulgentiæ viventibus non prosunt, nisi subditis, *arg. cit. c. Quod autem de Penit. & remiss.* Idipsum probat praxis, & consuetudo Ecclesiæ, qua hactenus non nisi Fidelibus, hoc est, jam Baptismi Characterè insignitis, concessit Indulgentias concedere.

40. Additur notanter, *Catechumeni etiamnum viatores.* Nam loquendo de ipsis in statu gratiæ jam defunctis, satis probabile est, prodesse eis Indulgentias per modum Suffragii: quia Defunctis conceduntur Indulgentiæ non per modum absolutionis judicariæ, sicuti vivis; sed per modum Suffragii, prout illico amplius declarabitur: hinc sic

41. **C**ONCL. IV. Animæ Fidelium in gratia defunctorum, & ob remanentem poenam temporalem suis peccatis debitam in Purgatorio existentium, sunt capaces Indulgentiarum; quamvis hæc eis non applicentur per modum absolutionis (sicuti fit respectu viventium) sed per modum suffragii, habentis simul annexam solutionem ex communi Thesaurò Ecclesiæ. Prima pars est certa, & patet ex receptissima praxi Ecclesiæ, atque communi sensu Fidelium; ac desumitur ex illo Articulo Symboli Apostolici: *Credo Sanctorum communionem.* Ratio posterioris partis est: quia Summus Pontifex, Christi in Terris Vicarius, non habet jurisdictionem in Defunctis, sicuti in Fideles viventes; non enim Christus *Matth. 16.* promisit D. Petro, ejusque legitimis Successoribus, potestatem absolute solvendi quodcumque, sed cum limitatione: *Quodcumque solveris super Terram, erit solutum & in caelis.*

42. Et hinc fit, quod Romanus Pontifex, sive per se, sive per alios, quibus id commiserit, Fidelibus etiamnum viventibus conferat Indulgentias vi Clavium, ac per modum absolutionis, simul tamen habentis annexam solutionem ex Thesaurò Ecclesiæ, ut jam dictum. Verum defunctis non sic confert Indulgentias per modum absolutionis judicariæ, sed dumtaxat per modum suffragii, habentis tamen annexam solutionem ex communi Thesaurò Ecclesiæ; quatenus offeruntur Deo Patri infinita Christi merita, & satisfactiones Sanctorum, per modum condigni pretii pro liberatione Fidelium Animarum a Pœnis Purgatorii, additis precibus, ut eadem pro harum liberatione misericordissime acceptare velit. Et hoc denotat clausula illa communiter inserta Brevibus Apostolicis, concedentibus Indulgentias pro Defunctis per modum Suffragii, prout communior Doctorum explicat; quamvis nonnulli aliam ejus explicationem afferant, ut videre est apud Filliucium *Tom. 1. tract. 8. cap. 8. num. 204. & seqq.* Verum occasione prædictorum

43. Quæres: An Indulgentiæ pro Defunctis, certo & infallibiliter illis prosint, quibus applicantur? Non desunt, qui hoc negent. Siquidem effectus Indulgentiarum pro Defunctis dependet ex liberali acceptione Dei: atqui creditibile est, quod Deus facilius acceptet Indulgentias applicatas pro iis Defunctis, qui ex hac vita decesserunt magis digni tali gratia, utputa quia in vivis fuerunt magis solliciti in acquisitione Indulgentiarum, & oratione pro Defunctis. Nam, ut in simili de Missæ Sacrificio, orationibus, atque elemosynis, inquit D. Augustinus *lib. de cura pro mortuis cap. ult. & refertur c. Non estimemus, 13. qu. 2. Non pro quibus fiunt, omnibus prosunt; sed his tantum, quibus, dum vivunt, comparatur, ut prosint.* Et his similia habet idem S. Augustinus, rela-

relatus c. Tempus, 13. q. 2. Idipsum videtur suadere praxis Ecclesiæ, ac sensus piorum Fidelium, sæpius applicantium Indulgentias pro una eademque anima Purgatorii. Et pro hac sententia citantur Durandus, Cajetanus, Canus, Corduba, & quidam alii. Verum his non obstantibus

44. Resp. Indulgentiæ rite acquisite, & pro determinata anima ex intentione Summi Pontificis applicatæ, secundum ordinariam Dei legem certo ac infallibiter profunt eidem; ita, ut anima illa de Thesaurò Ecclesiæ, per modum Suffragii sibi applicato, juvetur vel ad totalem remissionem peccatorum, & liberationem e purgatorio, si Indulgentia fuit plenaria; vel partialem, si hæc erit partialis. Ita Rodericus Tom. 2. qq. reg. quæst. 97. art. 3. Gobat Tract. 4. Quinarii num. 483. & seq. Filiucius loc. cit. num. 205. atque Mastrius disp. 24. Theol. Morali. num. 47. asserens, hanc esse communiorē, & probabiliorē sententiā.

45. Desumitur data responsio ex modo loquendi Summorum Pontificum, qui in Brevibus Altarium privilegiatorum concedere solent, ut quicumque Sacerdos, servatis servandis, ac diebus in Brevis specificatis, Missam Defunctorum pro anima cuiuscumque fidelium Defunctorum, ad præfatum Altare celebrabit, anima ipsa de thesauro Ecclesiæ per modum Suffragii Indulgentiam consequatur: ita ut Domini nostri, &c. suffragantibus meritis, a Purgatorii pœnis liberetur. Ubi ponderandum, quod pro anima cuiuscumque ac pro anima ipsa, &c. nam huiusmodi locutio promittit liberationem Animæ determinatæ e Purgatorio. Accedit ratio: quia ex una parte, quælibet anima Purgatorii est capax Indulgentiarum; cum existat in statu gratiæ, sicque DEO conjuncta per charitatem: ex altera parte DEUS non solet sinere, ut preces Ecclesiæ sint irritæ; simul Communio Sanctorum sese extendit etiam ad Ecclesiam purgantem, sive Fideles in gratia sanctificante decedentes, atque existentes in Purgatorio.

46. Nec obstant rationes prioris sententiæ. Ad primam siquidem negatur consequentia: etsi enim credibile sit, Deum non solum alia Ecclesiæ Suffragia, utputa Missæ Sacrificia, orationes, elemosynas, & jejunia, sed etiam Indulgentias generaliter pro Defunctis applicatas, facilius admittere pro illis, qui in vita fuere studiosi Indulgentiarum, ac ferventius memores piarum Animarum; id tamen de Indulgentiis pro hac determinata anima applicatis (secundum Legem DEI ordinariam) non videtur dicendum. Ad D. Augustinum potest responderi eodem modo: nisi dicere velis, Sanctum Doctorem ita locutum fuisse ad excludendum valde malos, sive decedentes in statu peccati mortalis, qui dum vixerunt, ob statum suum peccaminosum non promeruerunt, ut Indulgentiæ atque Suffragia Fidelium sibi post mortem prodesse.

47. Ad ultimum dicitur, diversas Indulgentias pro una eademque anima merito applicari: tum quia non constat, an Indulgentia pro tali defuncto hic & nunc rite obtenta sit, & nulla ex conditionibus, ad ejus validitatem requisitis defuerit, v. g. iusta causa concedendi tales Indulgentias, celebratio numeri Missarum pro valore Altaris privilegia-

ti præscriptarum, &c. Tum quia ignoratur, utrum non ob peculiarem causam Deus voluerit respectu talis Animæ exceptionem quamdam facere a lege sua ordinaria, ipsique pro nunc, juxta inscrutabilia judicia sua, negare fructum Indulgentiarum sibi applicatarum. Tum tandem, quia allata nostra responsio est quidem probabilior, atque communior inter Theologos, sed non omnino certa; ac proinde merito pro iisdem Animabus reiterantur Suffragia, Missæ Sacrificia, atque Indulgentiæ, *Melius enim supererunt ista eis, quibus non obfunt, quam eis decrant, quibus profunt*, ut loquitur D. Augustinus, relatus cit. c. Non assememus, 13. quæst. 7.

## QUÆSTIO V.

Varia Dubia circa Indulgentias breviter solvuntur.

### SUMMARIUM.

48. Ad lucrandas Indulgentias, an sit necessaria Confessio?
49. Et quando?
50. Quid, si quis habeat sola peccata venialia?  
(b) Ut dictum Tract. 10. Dist. 3. num. 13.
51. Unica Confessio, & Communio, an sufficiat pro pluribus Indulgentiis?
52. Quanto tempore possit procedere?
53. An eodem opere, v. g. oratione, possint obtineri plures Indulgentiæ?
54. Sententia negativa probatur.
55. Sed limitatur.
56. An eadem Indulgentia possit sæpius obtineri repetito opere?
57. Decretum Sac. Congregationis circa hoc.
58. Praxis Fidelium.
59. Omittens levem partem operis injuncti, an lucratur Indulgentiam?
60. Hæc levitas quomodo mensuranda?
61. Non valens intrare Ecclesiam, an foris lucratur Indulgentias?
62. Quid de Indulgentia concessa visitantibus quinque Altaria?
63. An, si alicui Festo est annexa Indulgentia, translato Festo etiam eadem transferatur.
64. An Indulgentia Portiuncula habeat aliquid speciale?
65. Quomodo ibidem intelligendi sint termini: toties quoties?
66. Quomodo Indulgentia cesset?

48. **Q**UÆRITUR I. Utrum ad lucrandas Indulgentias semper sit necessaria Confessio Sacramentalis? Resp. I. Si in Concessione Indulgentiarum non expresse præscribatur Confessio, certum est, eam non requiri actualiter; sed sufficere, ut Indulgentiam lucraturus existat in statu gratiæ, aut præmittat contritionem perfectam de peccato mortali, si quod habuerit.

49. Resp. II. Quando Confessio in forma Indulgentiarum præscribitur, utputa si dicatur, *premissa, aut facta Confessione*; & lucraturus Indulgentiam habet peccatum mortale, non sufficit sola contritio, sed requiritur actualis Confessio ad ejus consecutionem. Ita satis communis Theologorum: quia Confessio actualis tunc censetur esse

conditio necessario requisita per Breve Indulgentiarum ad earum effectum, seu consecutionem.

50. Resp. III. Quando Confessio quidem in forma Indulgentiæ præscribitur, tamen Indulgentiam lucraturus nullum habet peccatum mortale, sed sola venialia, licet tutius & consultius sit facere Confessionem de solis venialibus; nihilominus satis probabile est, tunc non requiri Confessionem actualem, nisi in forma Indulgentiæ expresse requiratur Confessio etiam de solis venialibus. Ita Suarez *disp. 52. sect. 3. n. 5.* Herinex *cit. disp. 4. num. 80.* & alii passim. Ratio est: quia, etiamsi Confessio requiratur, id intelligendum est, quando poenitens habet conscientiam peccati mortalis: nam confessio peccatorum simpliciter prolata, intelligitur in SS. Canonibus de Confessione mortalium: prout in simili patet ex præcepto annuæ Confessionis, ad quam (b) nemo obligatur, nisi habeat remorsum peccati mortalis. Accedit, quod Confessio videatur tantum exigi præsuppositivè, seu tamquam certius medium acquirendi gratiam justificationis; vel tamquam necessaria ad Communionem in habentibus peccatum mortale, quæ simul frequenter præscribitur.

51. II. An unica Confessio, & Communio sufficiat ad lucrandas plures Indulgentias, eodem die diversis Ecclesiis concessas? Resp. Affirmative: estque certa, & communis Doctorum sententia. Imo hoc idem dicendum erit, quamvis secunda Indulgentia non eadem die, sed sequenti (dummodo quis perseveret in statu gratiæ, ut rectè limitat Bassæus *Verf. Indulgentia, num. 2.*) vel intra debitam distantiam occurrat. Lugo *disp. 27. de Pœnit. sect. 6. num. 93.* & alii. Quia Confessio, & Communio, non videntur exigi directe, sed solum præsuppositivè, ad maiorem dispositionem subjecti ob finem intentum, ut proxime dictum.

52. Porro, quantum se extendat *ad vel intra debitam distantiam*, non omnino conveniunt Doctores. Et quidem, ut taceantur dies pauciores, Portel. in *Dubiis Regular. Verf. Indulgentia, 11. num. 5.* post Comitolum, & Bonagratia Habensis in *Summula Questionum Regularium, Verf. Indulgentia, num. 225.* post Bassæum extendit hoc ad quatuor dies, dummodo quis de novo mortaliter non peccaverit. Deinde Gobat *tract. 3. Quinarii num. 181.* censet, non solum allatam doctrinam procedere, quando sequenti die occurrit altera Indulgentia, sed insuper arbitratur, quod si quis primo die Augusti susceperit Sacramentum Confessionis, & Communionis, possit die sexta ejusdem mensis absque nova Confessione & Communionem lucrari Indulgentiam, quæ omnibus confessis, & communicatis, illo die proponitur; eo quod hic vere possit dici esse confessus, & communicatus.

53. Quæritur III. An eodem opere, v.g. unica oratione, possit quis lucrari plures Indulgentias diversis viis concessas? Ut si quis eodem die plures Indulgentias diversis Granis benedictis concessas lucrari intendat, quarum aliquam pro se, alias pro Defunctis applicare velit, an is teneatur ad hunc finem consequendum opera præscripta, v.g. preces, iterare? Et quidem de Confessione,

& Sacra Communionem, jam patet ex proxime dictis: verum de aliis operibus ad Indulgentiarum consecutionem præscriptis loquendo,

54. Resp. Eodem opere non possunt diversæ Indulgentiæ lucrari, nisi forsan illæ essent per modum unius. Ita Lugo *loc. cit. num. 90. & seqq.* post Suarez, & alios, Maltorius *num. 65.* Herinex *num. 82.* & alii. Ratio est: quia ad singulas illas Indulgentias requiritur causa propria, & diversa; simulque oratio directe præscribitur pro singulis Indulgentiis, & consequenter oportet eam reiterare.

55. Additur tamen, *nisi forsan illa concessa essent per modum unius*: ut cum visitanti talem Ecclesiam, conceduntur Indulgentiæ omnium Ecclesiarum Urbis. Tunc enim per unicum actum, seu unam visitationem, possunt omnes Indulgentiæ illæ lucrari; prout satis indicat ipsamet formula talis concessionis.

56. Quæritur IV. An possit obtineri sæpius eadem Indulgentia repetito opere injuncto: ut si visitantibus talem Ecclesiam concedatur Indulgentia, & quis eam ter visitet, an toties lucretur Indulgentiam? Resp. I. Si ejusmodi Indulgentia sit concessa in perpetuum, & opus injunctum repetatur distinctis diebus, toties acquiritur Indulgentia, quoties illud perfolvitur. Ita certa, & communis: nam id satis convincit formula dictæ concessionis.

57. Resp. II. Quod si Indulgentia concedatur pro certo dumtaxat die, & opus pium sæpius intra eundem diem repetatur, non nisi semel Indulgentia plenaria eodem die lucrari potest. Hæc responsio est quidem contra non paucos anteriores Auctores (quorum sententia circa Indulgentias non plenarias necdum videtur rejecta) sed de facto indubitanter tenenda, ob Decretum Sac. Congregationis circa Indulgentias editum, ac per Innocentium XI. die 7. Martii 1687. approbatum, & inviolate servari jussum; ubi §. fin. declaratur, *semel dumtaxat in die plenariam Indulgentiam in certos dies Ecclesiam visitantibus concessam, vel aliud pium opus peragentibus, lucriferi.* Ita sonat Decretum.

58. Nec obstat pia praxis Fidelium, sæpius intra eandem diem opus præscriptum, v.g. orationem, aut Ecclesiæ visitationem, peragentium. Nam hoc fit ad certius & securius lucrandam Indulgentiam plenariam: si enim quis prima vice opera præscripta defectuose peregrisset, adeo ut Indulgentiam per ea non fuerit meritus, lucrabitur ipsam, si eadem opera iterum, & sine defectu, intra debitum tempus obeat. Gobat *tract. 4. Quinarii, num. 203.* post Bonacinam.

59. Quæritur V. An prætermittens levem partem operis injuncti, consequatur Indulgentiæ effectum: ut si ad consequendam Indulgentiam sit injunctum Rosarium, vel jejunium, & quis vel de die aliquid modicum degustet, vel e Rosario unum aut alterum Ave omittat? Resp. Etsi res hæc nonnihil sit dubia, eo quod Indulgentia solum, ac indivisibiliter concedatur pro toto opere; adhuc tamen probabilius est, non impediri effectum Indulgentiæ ex omissione partis, quæ tum in se, tum respectu operis injuncti levis existit.

Ita



Ita Mastrius *loc. cit.* num. 69. Gobat *ibidem* num. 190. & seqq. Suarez, Bonacina, & alii. Ratio desumitur ex illa generali regula: *Parum pro nihilo reputatur.* Simulque, quia posita etiam levis partis omissione, adhuc opus junctum simpliciter praestatur.

60. Additur notanter, *que tum in se, tum respectu operis juncti levis existit.* Nam ejusmodi pars non tantum absolute, sed etiam respective debet esse minima unde non lucratur Indulgentias, recitantibus tria, vel quinque *Pater & Ave* concessas, qui unum omittit; hæc enim omisso, licet secundum se sit levis, tamen respectu talis operis censetur notabilis. Quod si vero quis omittat partem notabilem, ille neque totum fructum Indulgentiarum, neque partem ipsius consequitur. Lugo *cit. disp. 27. num. 89.* Gobat *num. 188. & 189.* & alii.

61. Queritur VI. Utrum non valens intrare Ecclesiam, live ob multitudinem hominum, live quia eam clausam repererit, possit lucrari Indulgentias, visitantibus talem Ecclesiam concessas, orando ante fores, vel in Cœmeterio ipsius? Resp. affirmative: nam talis censetur moraliter Ecclesiam visitare, & in ipsa orare; simulque in favorabilibus nomine Ecclesiarum etiam Cœmeterium comprehenditur.

62. Secus dicendum de Indulgentia concessa visitantibus quinque Altaria: licet enim existens, atque orans in Cœmeterio, dicatur moraliter visitare Ecclesiam; non tamen censetur moraliter visitare hoc, vel illud Altare. Itaque ad visitanda Altaria oportet ingredi ipsam Ecclesiam, atque eadem vel motu locali devote invisere, vel saltem in loco ac situ existere, unde sese convertendo ad quodlibet eorum, sicque orando, moraliter ceneri possit, unumquodque ipsorum visitasse; nam motus localis ad hoc simpliciter necessarius non est. Lugo *cit. disp. 27. num. 89.* Mastrius *loc. cit. num. 23.* & alii.

63. Querres VIII. Utrum, si alicui Festo est annexa Indulgentia, translato Festo etiam transferatur ipsa Indulgentia? Ad hoc Dubium post recens Decretum S. Congregationis respondet novissime noster Felix Potesta in Examine Confess. *part. 1. tom. 4. cap. 8. num. 3739.* Quando est Festum Fori, seu tale, in quo populus abstinet a servilibus, illudque præcise transfertur quoad Chortum & recitationem Officii, tunc non transferri Indulgentias; secus vero esse dicendum, si Festum illud etiam transferatur quoad forum, modo talis translatio non fiat voluntarie, sed juxta Rubricas & Ritum Ecclesiæ. Ratio desumitur ex mente Summi Pontificis, ideo, teste S. Pio V. in Bulla 34. ad talia Festa Fori Indulgentiam concedentis, ut eadem sit ad usum, & devotionem populi. Populus autem non attendit multum ad ipsum Officium, sed ad id, quod est publicum, nempe ad Festi solemnitatem quoad Forum. Ex quo fit, quod translato Festo non solum quoad officium, sed etiam juxta Rubricas quoad Forum, pariter transferatur Indulgentia, non vero transferatur Indulgentia, si Festum Fori transferatur præcise quoad officium. Respond. II. Si Festum aliquod non est Festum Fori, seu tale, in quo debet abstineri a servilibus, tunc locum habet Decretum Sacre

Congregationis Rit. editum 10. Junii 1690. estque talis tenoris: *Translato Festo, in cujus die conceditur Indulgentia, non transfertur etiam Indulgentia, nisi ex concessione speciali.* Dicitur notanter, *nisi ex concessione speciali*, quale Indultum ab Innocentio X. teste La Croix obtinuit Societas JESU circa Festum S. Francisci Xaverii, si incidat in Dominicam primam Adventus, ubi non solum Officium, sed pariter Indulgentia transfertur in diem Lunæ proxime sequentem. Quod indultum novissime confirmavit Clemens XI. 24. Noveinbris 1702.

64. Querres VIII. An Indulgentia Portiunculæ habeat aliquid speciale præter communes alias Indulgentias, & quidnam? Respondeo, præterquam quod hæc Indulgentia originem trahat ab ipso Christo Domino, adhuc sequentia habet specialia. I. Loquendo de ipsa Ecclesia Portiunculæ, seu S. Mariæ Angelorum prope Assisium, ibidem Fideles singulis diebus, si dictam Ecclesiam visitant, possunt lucrari Indulgentias plenarias. Ita novissime, & clarissimis terminis concessit Innocentius XII. in suo Brevi; *Redemptoris & Domini nostri &c.* edito die 8. Augusti 1695. vide nostrum Patrem Felicem Potesta *part. 1. Exam. Confess. tom. 4. cap. 8. num. 3797.*

Secundo. In Ecclesia S. Mariæ Angelorum prope Assisium dictæ Indulgentiæ in anno Sancto non suspenduntur. Ex Brevi Innocentii X. 5. Julii 1650. Clementis X. 12. Novembr. 1674. & Innocentii XII. 21. Augusti, 1699. vide dicenda infra. Tercio. Extendendo gratias ad alias Ecclesias totius Ordinis Seraphici per totum orbem diffusi, certum & extra ullam est controversiam, quod in dictis Ecclesiis omnibus Christi Fidelibus sint a Summis Pontificibus in Festo Portiunculæ concessæ Indulgentiæ plenariæ, atque hoc in perpetuum 2. Augusti a primis vespere usque ad occasum Solis. Quarto. An Fideles frequentantes eo tempore dictas Ecclesias, toties, quoties accedunt, lucrentur Indulgentias plenarias, prout est communis persuasio; teste P. Felice Potesta *loc. cit.* etiam Romæ non solum apud simplices, verum etiam apud viros doctos & Primates, exinde diem istum continuis visitationibus insumentes, magna erat suo tempore controversia, quæ ex eo crevit, quia Innocentius XI. in Brevi inferius allegando, & Romæ die 7. Martii 1678. edito statuit, semel dumtaxat in die plenariam Indulgentiam in certos dies Ecclesiam visitantibus concessam lucriferi. Cum autem Summus Pontifex in citato loco videatur loqui de Indulgentiis ordinariis, Indulgentia autem Portiunculæ sit extraordinaria, utpote ortum habens a Christo Redemptore, & exinde semper a Summis Pontificibus specialibus favoribus decorata, Sac. Congregatio Cardinalium Concilii Trident. Interpretum die 17. Julii 1700. sustulit hanc controversiam, ac respondit: *Servandum esse solitum*, posteaque consequenter FF. Minores, uti antea, ita etiam deinceps licite populo persuadere, easdem Indulgentias lucriferi illo die toties, quoties. Quinto. Indulgentia Portiunculæ potest per modum Suffragii applicari etiam Defunctis. Ita concessit Innocentius XI. in suo Brevi: *Alias Fel. record. &c.* Editio die 22. Januarii 1687. uti videtur.

dendum apud P. Augustinum Matthæcium in suo Officiali curiæ Regularis *Ver. Indulgentia* n. 16.

\* Quinimo non desunt AA. qui, usque dum constet de contraria declaratione Sedis Apostolicæ, saltem tamquam probabile defendunt, etiam id specialiter competere indulgentiis Portiunculæ, quod possint pariter applicari aliis vivis in statu gratiæ existentibus. Ita Wadingus *Tom. Annal. ad An. 1223. n. 8.* Ratio est; quia etsi in ordinariis Indulgentiis id non soleat, nec legatur fieri quoad alios vivos, uti fusius deducit Sabinus Bononiens. in *sua Luce Morali* part. 2. t. act. 65. in *Append. prope finem*: id tamen absolute loquendo fieri per Papam posset ex una parte, prout etiam notat La Croix *lib. 6. p. 2. n. 1328.* Ex altera autem parte, quod in ordine ad speciales Indulgentias Portiunculæ actu sic contingat, probat communis persuasio fidelium miraculosis exemplis comprobata, teste Pittonio *p. 2. Dub. 15.* apud Bonaventuram Cononum in Jubilæo jubilo Portiunculæ. Et hinc Ecclesiæ Portiunculæ Sacristano vix aliquot millia Schedarum sufficiunt, vi quarum testatur, quod peregrinantes pro aliis vivis Principibus, aut Magnatibus absentibus has Indulgentias lucraturi adfuerint. Videatur desuper Andreas Mohr in sua Portiuncula Theologica *p. 1. c. 1. Dub. 3. n. 27.*\*

65. Quæres IX. Posito, Indulgentias Portiunculæ lucrificari posse toties, quoties, quomodo hi termini sint intelligendi? Resp. meo quidem iudicio esse singulis vicibus interpolandam aliquam moram; interea tamen pro consolatione Fidelium pono verba formalia P. Felicis Potesta *loc. cit. num. 3803. & seqq.* ubi sic ait: *Plures tenent, esse intelligendum, ut visitationes pro eodem die sint, sive moraliter interruptæ, sive continuatæ, quia favores sunt ampliandi. Alii docent, visitationes debere esse moraliter interruptas, ut inter unam & aliam visitationem, aliquod mediæ opus & interpolatio. afferunt exemplum in humanis: si quis enim, postquam Principem invisit, statim, & per plures vices absque interpolatione ad invisendum rediret, tales visitationes plus saperent risus, aut stomachi, quam prudentia. Si, quid sentiam, scire cupis, dico, secundum modum plus sapere prudentia humane. Primum plus pietatis, ac simplicitatis. Scio tamen cum S. Joh. cap. 10. Dei non esse oculo carnos, nec sicut videt homo, illum videre.* Ita ille.

66. Quæres ultimo, quomodo Indulgentiæ semel concessæ iterum cessent? Resp. In primis, si tales Indulgentiæ fuerunt ad certum tempus limitatæ, vel sub certa conditione concessæ, tempore isto elapso, vel conditione deficiente, etiam cessant Indulgentiæ. II. Si Indulgentiæ sunt certo loco affixæ, eo destructo, pariter cessant. Quod si talis locus, v.g. Templum paulatim per partes destruat, & per partes iterum reedificetur, non cessabunt Indulgentiæ; Etenim in simili casu videtur perdurare adhuc eadem moraliter Ecclesia, ob quam rationem juxta La Croix hic pariter non indiget nova consecratione. III. Si Indulgentiæ sint datæ ad certas res v.g. ad Rosaria, Medallas &c. iis deperditis, vel moraliter destructis, etiam deperditur Indulgentia e.g. si frangatur una pars transversa Crucis Terræ sanctæ, illa Indulgentia cessat, cum ex hac fractione moraliter defuerit forma Crucis. Et licet aliqui cum Gobat velint de-

fendere, si talis res e.g. Crux iterum redintegretur, manere Indulgentias, mihi tamen cum pluribus aliis videtur non manere easdem, quoniam posita semel fractura, jam non censetur amplius moraliter eadem numero Crux, etsi postea redintegretur, sicuti destructa simul & semel Ecclesia, non censetur manere eadem, etsi ex prioribus a potiori materialibus reedificetur. IV. Demum cessant Indulgentiæ per expressam concedentis, vel ejusdem Successoris revocationem.

\* Porro per solam mortem concedentis non cessant Indulgentiæ antea per expeditionem Brevis concessæ juxta communem, & teste Suarez hic *d. sp. 57. sect. 2. num. 2.* certam Sententiam. Ratio est: quia hæc post expeditionem Brevis quamvis necdum ad manus supplicantis pervenerint, jam sunt gratia facta, quæ non expirat morte concedentis, sed tamquam Beneficium Principis debet manere. *Reg. 6. juris in 6.* Similiter Indulgentiæ non cessant, cessante post intervallum causa motiva, dummodo hæc causa subsisterit ad initium concessionis v.g. quando ad tempus Indulgentiæ fuerunt concessæ pro conversione cujusdam Provinciæ ad Fidem Catholicam: si Provincia fuerit jam ex integro conversæ, antequam tempus præfixum pro Indulgentiis totaliter effluxit, exinde non illico cessant illæ Indulgentiæ. Ita cum Mastrius, Gobat, Fillucio, Card. de Lugo, & Suárez communis, & vera Sententia teste P. Kazenberger *loc. cit. num. 56.* Ratio est; quia hæc concessio Indulgentiarum non est vulnus Juris, uti dispensatio, licque nec odiosa, aut restringenda, ac præterea se ea habet per modum liberalis donationis; donatio autem non cessat, etsi post actum donationis completum esset causa motiva: licet, si dono pauperi quinque florenos ex motivo sublevandi ejusdem miseriam, illa donatio subsistet, supposito, quod tempore donationis fuerit pauper, etsi post hanc donationem jam factam talis pauper hereditate, vel inventione thesauri venerit ad pinguiorem fortunam, atque exinde post actum donationis cesset ipsum motivum donandi. Accedit, quod causa motiva donandi Indulgentias non soleat ita adæquate, & totaliter cessare, quin saltem remaneat partialiter bonum commune Christi Fidelium, ut nimirum per ipsas similes Indulgentias reddatur populus Christianus Domino acceptior, fiat Sectator bonorum operum, atque efficiatur aptior Divinæ gratiæ.\*

## Q U Æ S T I O VI.

Quæ Indulgentiæ per Paulum V. revocatæ, ac de novo Regularibus concessæ fuerint?

## S U M M A R I U M.

67. Paulus V. revocavit Indulgentias Regularibus concessas.
68. Et quas generatim?
69. Corollaria circa non revocatas.
70. Indulgentia indubitata, ac per Paulum V. de novo concessa Regularibus, I. II. III.
71. IV. V. VI.
72. VII. (c) Supra n. 57. citatur.
73. VIII. IX. X.
74. XI. XII. XIII.

67. Ad-

67. **A**dvertendum, quod Paulus V. per specialem Bullam, quae incipit, *Romanus Pontifex*, die 23. Maji, 1606. editam (estque in Bullario Romano Tom. 8. ac inter ejus Constitutiones ordine 21.) ob varia dubia, incertitudinem & confusionem earum, *omnes & singulas Indulgentias quibuscumque Ordinibus, & Institutis Regularibus hujusmodi, etiam Mendicantibus, & quibuslibet personis Regularibus concessas, perpetuo revocaveris* atque ipsarum loco novas concesserit. Quia vero nonnulli postmodum audebant asserere, priores Indulgentias esse denuo renovatas, Alexander VII. ad istum errorem submovendum, inter alias Propositiones etiam sequentem, ordine 37. damnavit: *Indulgentia concessa Regularibus, & revocata a Paulo V. hodie sunt revalidatae*. His praesuppositis, sit

68. CONCL. I. Generatim loquendo, per Bullam Pauli V. revocatae sunt illae solae Indulgentiae, quae directe ac principaliter concessae fuerunt ipsis Religiosis, ac Monialibus. Ita Gobat *loc. citum*. 546. Bonagratia Habensis in *Summula Quaestionum Regularium, Vers. Indulgentia*, n. 221. & alii. Siquidem Paulus V. ibidem asserit, a se revocari *Indulgentias quibuscumque Ordinibus, & Institutis, & personis Regularibus concessas*: quae verba, cum sint correctiva Jurium antiquorum, sunt strictè intelligenda, videlicet de illis solis, quae ipsis Ordinibus, & personis Regularibus concessae fuerunt: ut v. g. quoties FF. Minores celebrant, vel communicant, Indulgentiam plenariam consequantur, id fecerint in die Dominico, aut Festis Domini, vel B. MARIAE Virgini, aut quoties Religiosi dicerent Psalmum *Miserere*, & hujusmodi.

69. Colligitur proinde, quod per dictam Bullam non sint revocatae indulgentiae, quae promiscue concedebantur Religiosis & Secularibus. Neque illae, quae concessae sunt universis Christi Fidelibus, visitantibus certis Festivitatibus Ecclesiarum Regularium; cum hi non debeant esse deterioris conditionis, quam alii Fideles. Neque etiam, quae concessae fuerunt Secularibus; ut puta parentibus, cognatis, intuitu Religiosorum; aut ipsis Religiosis pro Animabus Purgatorii, ac hujusmodi: nam tales non fuerunt directe concessae ipsis Regularibus.

\* Item ubi non potest &c. Vide Addit. (R).

70. CONCL. II. Indulgentiae indubitatae, ac per Paulum V. de novo concessae omnibus personis Regularibus quorumvis Ordinum, sunt sequentes. I. Habitum Regularem a legitimis Superioribus causa profitendi in eo suscipientibus, & vere poenitentibus confessis, ac Sacra Communionem refectis, Indulgentia plenaria. II. Professionem (ut supra) emittentibus, Indulgentia plenaria. III. Cuilibet Religioso intra Claustra sui Monasterii viventi, qui in Festo principali sui Ordinis confessus, & Sacra Communionem refectus fuerit, aut Missam celebrans pro Christianorum Principum concordia, haereseum extirpatione, Romani Pontificis salute, ac Sanctae Matris Ecclesiae

exaltatione, pias ad DEUM preces effuderit, Indulgentia plenaria.

71. IV. In cujuslibet vero mortis articulo, si pariter vere poenitens & confessus, & Sacra Communionem refectus, vel si id facere nequiverit, saltem contritus, nomen JESU ore, si potuerit, sin autem, corde devote invocaverit, Indulgentia plenaria. V. Qui primam Missam canonicè promotus, & confessus celebrabit, vel confessus & communicatus eidem Missae interfuerit, aut ipso die Missam similiter celebrabit, Indulgentia plenaria. VI. Spiritualia Exercitia per decem dies facientibus, Indulgentia plenaria. Ubi tamen sciendum, quod novissime Alexander VII. in Bulla, *Cum sicut* (& habetur Tom. 5. Bullarum Romanarum, Constat. 58. dicti Pont.) hujusmodi Indulgentias plenarias concesserit FF. Minoribus, qui per octiduum vacaverint Exercitiis Spiritualibus.

72. VII. Religiosi intra Claustra viventes, qui suam Ecclesiam devote visitaverint; & ut praefatur, oraverint, consequuntur easdem Indulgentias, quas visitantes Ecclesias Urbis & extra eam diebus Stationum consequuntur, in omnibus diebus, perinde ac si ipsas Urbis Ecclesias personaliter visitarent. Circa hoc autem notandum est Decretum Sacrae Congregationis (c) quae *Indulgentias Stationum Urbis, quae a Romanis Pontificibus singulari quodam beneficio vel communicata sunt, vel communicabuntur interdum aliquibus locis, Ordinibus, aut personis, diebus tantum Stationum in Missali Romano descriptis suffragari posse declarat*. Ita Decretum.

73. VIII. Omnibus Religiosis intra Claustra viventibus, qui quinquies Orationem Dominicam & Salutationem Angelicam ante Altare eorum Ecclesiae dixerint, in quolibet die quinque annos, & totidem Quadragenas. XI. Easdem Indulgentias lucentur existentes extra Claustra de licentia suorum Superiorum tamquam Praedicatorum, & Lectores, si dictas preces ante quodlibet Altare dixerint. XII. Religiosi, qui per mensem integrum singulis diebus spatio mediae horae Orationem mentalem fecerint, ac confessi, & Sacra Communionem ultima Dominica mensis refecti fuerint, lucentur sexaginta annos, & totidem Quadragenas.

74. XI. Qui vero contrito corde & poenitentes eorum culpas & peccata, ac imperfectiones in Capitulis culparum accusabunt, & spiritualiter communicabunt, & exercitium virtutum facient, tres annos & totidem Quadragenas XII. Missiones ad Terras Infidelium acceptantibus, &c. Indulgentia plenaria. XIII. Orationibus quadraginta Horarum per Superiores Ordinum indictis in Visitationibus Generalibus, qui spatio duarum horarum interfuerint, &c. Indulgentia plenaria. Patent haec omnia ex citata Bulla Pauli V. unde desumpta sunt.

H h h

QUA-

## QUÆSTIO VII.

Quæ Indulgentiæ ab Innocentio XI. declaratæ sint apocryphæ?

## SUMMARIUM.

75. *De Indulgentiis ab Innocent. XI. declaratis tamquam apocryphis.*

75. **D**Elatæ sæpius fuere ad Sacram Congregationem, Indulgentiis, sacrisque Reliquiis præpositam, Indulgentiæ quædam confictæ, & omnino falsæ, quæ per diversas Orbis Christiani partes circumferuntur; Aliæ vero examinandæ, quæ adhibito studio inventæ sunt, vel Apocryphæ, vel a Romanis Pontificibus revocatæ, vel nullæ, quod datum eis tempus præterisset: quarum quidem plurimæ, cum non facilem cognitionem habeant Christi fideles, harum rerum minus peritos fallunt, qui spe Indulgentiæ, remissionisque peccatorum suorum consequendæ frustrantur. Quam ob rem eadem S. Congregatio vehementer cupiens huic malo magis in dies serpenti occurrere, animarum profectui, & Indulgentiarum dignitati consulere, plures illarum singulari diligentia colligi, & in indicem referri curavit.

Tales in primis sunt illæ, uti asserunt, concessæ a Joanne II. & Sixto IV. recitantibus orationem Charitatis JESU Christi Domini nostri, precor te piissime Domine &c. ab Urbano II. Ecclesiæ S. MARIE, ut vulgo dici solet, Compagno-læ, & S. Victoriæ, ab Eugenio III. Revelationi de Plaga in humero JESU Christi, facta S. Bernardo ab Innocentio III. Archi-Confraternitati, & Ordini Redemptionis, a Bonifacio IX. visitantibus Capellam S. Nicolai de Tolentino in ejus die Festo, a Joanne XXII. osculantibus mensuram plantæ pedis B. MARIE Virginis, ab Alexandro VI. Imagini B. Mariæ, vulgo dictæ, Laghetti, a Leone X. gestantibus funiculum S. Francisci, primum in urbe impressæ, & deinde Mediolani Anno 1665. (suas tamen habent, & veras Confratres Archi-Confraternitatis Cordigerorum S. Francisci,) recitantibus salutationem Angelicam ad pulsus horologii, & Imagini Conceptionis Virginis Immaculatæ in circulo depinctæ, cujus pedibus Luna subjecta est, a Pio IV. vel Pio V. Principi Senatum, a Clemente VIII. dicentibus orationem: O Magnum Mysterium &c. & Ecclesiæ Sanctæ Mariæ, quam vocant Montis Serrati, Avenione impressæ, tum aliæ pro animabus Christi Fidelium defunctorum, impressæ Madriti 20. Julii 1606. a Paulo V. cantantibus Hymnum: Te Matrem Dei Laudamus, Te Mariam Virginem confitemur, &c. vel si die Sabbati interfuerint, dum idem canitur, & Coronis, Rosariis, Imaginibus, & Numismatibus, quæ Medallas appellant, ab eo benedictis, Federico Cardinali Borromæo supplicante Anno 1611. dum Ecclesia Romæ in honorem S. Caroli ædificaretur, & ab eodem Paulo, Gregorio XV. dicentibus: *Sia lodato il Santissimo Sacramento*, Laus Sanctissimo Sacramento, ab Urbano VIII. in honorem ejusdem Sacramenti precibus Cardinalis Magalotti, & Sacerdotibus, celebrata Missa dicentibus: Ave Filia Dei Patris,

Ave Mater Dei Filii &c. a Clemente X. recitantibus mane, meridie, ac Vespere consuetam Antiphonam: Angelus Domini, &c. & in fine: Deo gratias, & Mariæ. Ac demum aliæ a nonnullis Romanis Pontificibus tributæ, ut ajunt, Coronæ Mysteriorum Passionis Domini nostri JESU Christi, prece Magni Ducis Etruriæ.

Talis Indulgentia Sodalitatis S. Nicolai, quæ repetita quinquies Oratione Dominica, & Salutatione Angelica, unam liberari animam quolibet die a purgatorii pœnis affirmant. Tales aliæ Penes Confraternitatis Sanctorum Sebastiani, & Rochi, & Romæ Societatis S. Bernardi ad Columnam Trajani. Tales demum aliæ Crucesignatorum S. Eustorgii Mediolani, Arimini, & Bononiæ.

Ejus generis sunt & illæ concessæ, ut ajunt, Capellæ Rosarii in Ecclesia S. Antonii de Rovigo, seu Rodigii, vel Ecclesiæ Sanctissimæ Trinitatis Bergomi, aut S. Petri Montis Todoni die Festo Inventionis Sanctissimæ Crucis, vel gestantibus funiculum S. Francisci de Paula, vel celebrantibus Missas S. Augustini, aut alias quinque in honorem quinque Festivitatum B. V. vel recitantibus Officium S. Franciscæ Romanæ, aut Antiph. O Passio magna &c. in memoriam Passionis JESU, aut Rosarium S. Annæ (quod Congregatio Sac. Rituum non probat) aut orationem, quæ impressa cum Imagine S. Annæ circumferri solet: Ave gratia plena &c. (quæ oratio prohibetur) aut Officium Conceptionis B. V. Immaculatæ, quod asserunt a Paulo V. probatum fuisse, aut Orationem: Deus, qui nobis in Sancta Syndone &c. (excipitur Indulgentia centum dierum Anno 1671. concessa precibus Ducis Sabaudie ad annos 25. cunctis in illius ditione degentibus) aut aliam: Ave filia Dei &c. post Communionem recitandam, vel aliquo conspicuo signo venerantibus Sanctissimæ Eucharistiæ Sacramenti nomen: Indulgentiæ rursus octoginta millium annorum veteri de tabula exscriptæ, quam in Basilica Lateranensi asservari affirmant, pro dicentibus Orationem illam vere piam: Deus, qui pro redemptione mundi, &c. Tum quæ impressæ fuerint Papæ Anno 1670. sub hoc titulo: *Sommario dell' Indulgenze concesse dalla Santità di N. S. Papa Leone X. all' imagine della Conceptione della gloriosa Vergine Maria*, vel Pisauri sub nomine Beatæ Joannæ Anno 1608. evulgatæ, vel Barlette, seu Baruli a recitantibus quasdam non sane malas Orationes lucrandæ, vel Parmæ a visitantibus per Quadragesimæ dies Ecclesias tertii Ordinis Sancti Francisci, vel Pistorii, & Vastallæ a recitantibus orationem: Ave Sanctissima Maria Mater Dei, Regina Cœli, &c. & aliæ in peculiari impresso libro descriptæ, quibus frui dicunt devotos Seraphicos, & Benefactores.

His annumerandæ sunt, quæ crucibus Caravacensibus tributæ dicuntur, vel Coronæ, sive stellulario Conceptionis Virginis Immaculatæ, quod ex duodecim globulis precariis constat, vel granis, crucibus, & Coronis Aloysiæ Ascensionis Hispaniæ Monialis Ordinis Sanctæ Claræ, vel mensuræ Altitudinis JESU CHRISTI Domini nostri



nostri, vel Imagini, aut mensuræ vulneris lateri ejus inflicti, vel orationi, ut ajunt, in sepulchro Domini nostri repertæ, & Indulgentiæ, ut ajunt, innixæ revelationi factæ Sanctis Brigittæ, Mechtil-di, & Elisabeth, vel Beatæ Joannæ de Cruce, & concessæ, ut asserunt, grans, quæ aliquot ex tribus grans tetigerint extantibus penes Roma-num Pontificem, Hispaniarum Regem & Mini-strum Generalem Fratrum Minorum observantiæ S. Francisci.

Omnes vero & singulas jam dictas Indulgentias Sacra Congregatio partim esse confictas, & plene falsas declarat, partim Apocryphas, vel ex aliq capite nullas, quæ nemini suffragari possunt, eas-que in futurum ullo in loco ut veras publicari, & lucrandas Christi fidelibus proponi vetat: folia-que, & libros, ubi sic proponuntur, seu asserunt, omnino præcipit aboleri, nisi prædictæ Indulgentiæ fuerint diligenter expunctæ; nec ideo tamen vult, alias, quas hoc Decretum non continet, pro veris, & legitimis taciteque probatis haberi.

Ac demum omnes Indulgentias concessas ante Decretum Clementis VIII. latum die 9. Januarii 1597. Coronis, Rosariis, Grans, seu Calculis, Crucibus & Imaginibus sacris, vel ante Breve Pauli V. quod incipit: Romanus Pontifex &c. editum 23. Maji, Anno 1606. personis Regularibus quarumcumque Religionum & Ordinum, etiam Mendicantium, vel ante Constitutionem 115. Clementis VII. cujus initium: Quæcumque &c. & 68. Pauli V. incipientem: Quæ salubriter &c. habitas per aggregationem, vel aliam communica-tionem ab Archi-Confraternitate ulla, Ordine, Congregatione, Societate etiam JESU, Capitulo, vel cœtu quocumque, vel ab eorum Officialibus, Superioribus, aliisque personis, vel persona, et-iam si earum velesus mentio specialis, & individua facienda esset, nisi fuerint deinde Romani Ponti-ficis Auctoritate innovatæ, aut confirmatæ, nullius etiam roboris & momenti pariter declarat.

Porro Summaria Indulgentiarum pro Congre-gationibus Doctrinæ Christianæ, Confraternitati-bus Sanctissimæ Trinitatis, & Redemptionis capti-vorum, nominis DEI, Rosarii, B. Mariæ de Mer-cede, & Redemptionis captivorum, B. Mariæ de Monte Carmelo, Cincturæ S. Augustini, & S. Mo-nicæ, nisi ab eadem Congregatione recognita, non permittuntur.

Indulgentias vero stationum urbis, quæ a Ro-manis Pontificibus singulari quodam beneficio vel communicatæ sunt, vel communicabuntur inter-dum aliquibus locis, ordinibus, aut personis, die-bus tantum stationum in Missali Romano descri-ptis, suffragari posse declarat: semel autem dum-taxat in die plenariam Indulgentiam in certos dies Ecclesiam visitantibus concessam, vel aliud pium opus peragentibus, lucriferi.

De quibus relatione facta per Secretarium ad Sanctissimum, cuncta Sanctitas sua probavit, & inviolate servari jussit. Datum Romæ, die 7. Martii 1678.

Aloysius Cardinal. Homodeus.

Loco Sigilli.

Michael Angelus Riccius Secret.

\* Quod concernit *Angelus Domini*, id, quod novissimum est, addere volui, nimirum Benedi-ctum XIII. in *Brevi Injuncta Nobis* edito 14. Se-pteimb. Anno 1724. concessisse de novo Indulgen-tias perpetuas illud cum tribus *Ave Maria* recitan-tibus mane, aut meridie aut vespere. Et quidem tales recitantes in primis quoties id egerint, præ-missa, si in gravi peccato fuerint, contritione lu-crantur Indulgentias centum dierum. *Secundo*, quolibet mense semel Indulgentias plenarias, si confessi, & Sacra Communione refecti consueta pro lucrandis Indulgentiis preces persolverint. Additur ibidem, ut dicta Salutatio Angelica reci-tetur *flexis genibus*; ubi tamen utique exceptum intelligitur Paschale, vel aliud simile tempus, in quo ista devotio juxta præscriptum Ecclesiæ, vel saltem juxta multorum locorum, ac Provinciarum consuetudinem stando peragitur. Dixi notan-ter: &c. Vide Addit. (S)

Quæres, quomodo intelligenda sit ultima de-claratio Decreto Innocentii XI. in fine addita, quæ sic sonabat: *Declarat* (Supple S. Congregatio cum approbatione Summi Pontificis) *semel dumtaxat in die lucriferi plenariam Indulgentiam in certos dies vi-sitantibus Ecclesiam, aut aliud pium opus peragenti-bus concessam?* Resp. etsi plures antiquiores DD. voluerint, Indulgentias omnes indefinite, id est, absque restrictione explicita ad unicam dumtaxat vicem, concessas obtineri posse intra diem non se-mel dumtaxat, sed toties, quoties eodem die in-terruptim Ecclesia visitatur, aut aliud præscriptum opus pium peragitur: quoniam Beneficium Prin-cipis (uti ajebant) indefinite concedentis gratiam, potius est ampliandum, quam restringendum ad unicam vicem, nisi ipsemet Pontifex sic restringat expresse. Hæc tamen allegata doctrina sic uni-versaliter prolata post novissimum citatum Decre-tum Innocentii XI. amplius sustineri nequit *quod Indulgentias ordinarias ipsismet vivis concessas, si eadem sint certo die affixæ, & quidam pænariæ, ac posito, quod vellent vivi talem Ecclesiam sæpius visitantes, aut præscriptum pium opus peragentes sibi metipsis eadem sæpius de die applic. re.* Ita clare eruitur ex formalibus allegati Decreti, dummodo ad singula verba illius bene attendatur.

Dicitur notanter I. *Loquendo quod Indulgentias ordinarias*: Nam aliter discurrendo de extraordi-nariis, puta Portiunculæ sub hoc ordinario De-creto non comprehensis, pro quibus jam superius adducta est singulariter favorabilis responsio S. Congregationis, & insuper a Sabino Bononiensi *part. 2. Lucis Moralis, tract. 65. in Apologia* affer-tur specialis Bulla S. Pii V. Indulgentias Portiuncu-læ toties quoties expresse largientis.

Dicitur notanter II. *Supposito, quod eadem af-fixæ sint certis diebus*: nam, si non sic forent affi-xæ, sed perpetuæ pro quocumque anni die obti-nendæ, non defunt DD. qui defendunt, easdem adhuc pro se etiam intra unum diem obtineri pos-se sæpius. Ita enim cum Petro Murga, Passerino & aliis tenent Gobat hic *tract. 3. num. 143. & Ka-zenberger in Supplement. Theolog. Sacrament. cap. 3. sect. 1. num. 31.* Rationem assignant istam; quia ex una parte Decretum Innocentii XI. superius allegatum tantum loquitur de Indulgentiis certo

H h h 2 diet

diei affixis, non autem de perpetuis ad quemcumque diem totius anni extensis, ex altera vero Beneficium Principis concedentis aliquam gratiam nemini præjudiciosam, potius est ampliandum quam restringendum ad unicam dumtaxat vicem, ubi ipsemet Pontifex expresse non sic restringit.

Dicitur notanter III. *Si fuerint plenariae*: etenim quoad partiales, de quibus pariter declaratio illa Innocentii XI. nullam facit mentionem, æque sustinent aliqui DD. easdem, quamvis certo diei affixas, obtineri posse *toties, quoties* ob rationem superius adductam. Ita Dominicus Viva tract. de Jubil. Q. 6. art. ult. & in Append. §. 1. num. 8.

Dicitur notanter IV. Indulgentias plenarias pro Vivis certo diei affixas obtineri intra diem non posse sæpius, *postea, quod Vivis Ecclesiam talem plenariis Indulgentiis decoratam visitantes velint sibi recipere* *applicare sapius*: nam, si datur a Summo Pontifice licentia, eas per modum Suffragii donandi defunctis, pro tunc illis intra diem sæpius applicari, si Indulgentiæ non fuerint expresse ad unicam dumtaxat vicem limitatæ, & insuper repetantur Visitationes, aliaque præscripta pia opera illa, quæ eo die adhuc repeti possunt, tuetur Dominicus Viva loc. cit.

Verum valeant hæ nonnullorum DD. contra allegatam Innocentii XI. declarationem exceptiones, quantum valere possunt, ego quoad tres ultimas nonnihil subsisto, an per stylum Curie approbentur, nisi Pontifex circa unam alteramve Indulgentiam extraordinariam in particulari expresse vel saltem propter usum ac persuasionem publicam, præsertim, si simul solitum a Sacra Congregatione approbetur, tacite consentiat, Indulgentias tales intra unum diem lucriferi posse *toties, quoties*. Nec dubium hoc meum sufficienter mihi solveretur per illud principale horum Doctorum fundamentum: nimirum quod Beneficium Principis gratiam aliquam indefinite concedentis sit potius ampliandum, quam ad unicam dumtaxat vicem restringendum: *Responderi potest enim in primis*, hoc argumentum, si quid evinceret, probare nimium: videlicet, Indulgentias plenarias ordinarias certo diei affixas posse quoque pro Vivis obtineri *toties, quoties*, dummodo fuerint indefinite (id est non limitando explicite ad unicam tantum vicem) concessæ, quod equidem ob hoc ipsum fundamentum admiserunt multi DD. ante Innoc. XI. Is tamen per allegatum Decretum reprobavit. Ex quo erui videtur, quod Pontifex per suum modum loquendi indefinite circa Indulgentias, nolit intelligi, quasi exinde vellet concedere easdem ordinarie intra diem sæpius, quam unica vice. Dixi: *ordinarie*, nam quoad extraordinarias non est difficultas, præsertim si adsit insuper aliqua specialis Bulla, vel Decretum S. Congregationis. Igitur *Responderi possit in forma II.* Beneficium equidem Principis non debere sine gravi fundamento restringi, sed nec ampliari ultra sensum verisimiliter ab ipso Principe intentum. Quomodo autem ordinarie nolit Pontifex tanquam supremus Princeps quoad Indulgentias concessas intelligi, quasi easdem de die annueret dare sæpius per hunc modum loquendi indefinite, videtur saltem probabi-

liter deduci ex jam dictis. Cæterum resolvendo pro praxi haud dubie nocere non poterit, si in similibus circumstantiis intra diem visitatio, aliaque pia opera repetantur, & usque dum aliter ab Ecclesia declaratur, intentio conditionata formetur, ut, si sæpius hæ Indulgentiæ in tribus ultimis exceptionibus contentæ obtineri possint, velit quis easdem sæpius pro se, vel pro defunctis, conformiter dictis superius, lucrari. Quod si ex tunc a parte rei non essent pluries, quam unica vice lucrabiles, saltem ex frequentata Visitatione Ecclesiæ, & aliis piis operibus peractis habebit meritum ex opere operantis, poteritque fructum satisfactorium animabus in Purgatorio applicare.\*

## QUÆSTIO VIII.

Quænam Indulgentiæ post novam reformationem soleant de facto ordinarie concedi Romæ Ecclesiis, vel Altaribus, & quomodo præctice petantur?

Ubi etiam de notabilioribus quibusdam Clau- tulis, quæ nonnullis Brevibus apponi solent.

## S U M M A R I U M.

76. De Indulgentiis, quæ de facto solent ordinarie ad instantiam concedi Ecclesiis.  
Item quæ Altaribus privilegiatis?
77. 78. Quomodo intelligenda sit Clausula: Dummodo alia similis &c.
79. De Clausula: Dummodo septem Missæ &c.
80. An non detur Altare privilegiatum cum minori numero Missarum?
81. Quo tempore incipiat Concessio Altaris privilegiati, aut alterius indulgentiæ.
82. Quomodo præctice petenda sit pro Ecclesia aliqua indulgentia?
83. Qualiter petenda pro Altari privilegiato quoad omnes Defunctos?
84. Quomodo pro Confraternitate?
85. Quomodo pro Altari privilegiato alicujus Confraternitatis?
86. An pro expeditione Brevium Indulgentiarum aliquid debeat expendi?

76. **E**T si Summi Pontifices alii soleant Concessionem Indulgentiarum ampliare, alii vero, ne ipsa multitudo contemptum, vel negligentiam pariat, restringere, sicque ob variationem circumstantiarum nequeat adduci uniformis quoad concessionem Indulgentiarum pro perpetuis temporibus observantia; juvat tamen pro aliqua saltem directione in medium afferre, qualiter soleat post novam Indulgentiarum reformationem ordinarie (& nisi summus Pontifex alicui specialem faciat gratiam) modernus Sanctissimus Clemens XI. feliciter regnans concedere Indulgentias, prout hanc ipsam informationem Roma novissime accepimus a nostro Procuratore Generali Curie Romanæ.

## F O R M U L A N O V A.

Qualiter de facto concedantur Indulgentiæ pro Ecclesiis, aut Altaribus privilegiatis, si Romæ petantur.

§. I.

**I**ndulgentia quadraginta horarum in Ecclesiis Cathedralibus, Collegiatis, Parochialibus, Conventuum Regularium, virorum tantum, & Confraternitatum, semel tantum in anno, & ad septennium: in Italia continuatur, ultra montes interpolatarum noctis tempore. In aliis Ecclesiis, ut supra non qualificatis, ac signanter in Ecclesiis Monialium, & Conservatoriorum non concedantur.

Nota I. Quod per Conservatoria fœminarum intelligantur certa Loca a fœminis electa, ut ibidem Deo serviant &c.

Nota II. Non esse mirandum, quod hic, & alibi excludantur Ecclesiæ Monialium; quoniam ipsis præter Indulgentias sui Ordinis conceduntur speciales inferius. Quinimo in Bavaria vidi etiam in nonnullis Monasteriis Monialium institui comprecationem quadraginta horarum; ubi tamen, ut desuper Romæ impetrent Indulgentias per gratiam extraordinariam, indigent Patrono speciali.

§. II.

**I**ndulgentia Novena Nativitatis Domini Nostri JESU Christi conceditur pro Ecclesiis, ut supra qualificatis, tantummodo per Septennium.

Indulgentia Feriarum sextarum Mensis Martii, vel Quadragesime pro Ecclesiis, ut supra qualificatis, tantummodo ad Septennium.

Indulgentia plenaria ad Septennium in Ecclesiis secularibus, cum suis solitis restrictivis pro titulari, vel in uno Anni die festivo alicujus Sancti, in Martyrologio Romano descripti, vel una Dominica in anno, vel pro Dedicatione earundem Ecclesiarum.

§. III.

In Ecclesiis Regularibus Virorum, & Monialium.

**P**ro Ecclesiis Regularium (quæ nimirum alias jam habent Indulgentias Ordinis) conceditur plenaria ad Septennium sine restrictivo: pro titulari tantum. Nec hoc mirum, cum dictæ Ecclesiæ pluribus aliis Indulgentiis Ordinis decoratæ sint, uti nostræ in Festis S. Catharinæ Bonon. S. Paschalis, S. Bernardini, S. Antonii de Padua, S. Bonaventuræ, S. Claræ, S. Ludovici Episcopi, S. P. Francisci, S. Petri de Alcantara, S. Joan. de Capistrano, & S. Didaci &c.

Indulgentia plenaria ad Septennium in Ecclesiis Regularium, sub titulo B. Mariæ Virginis pro una ex Festivitatibus ejusdem B. Mariæ Virginis cum Clausula: dummodo, præter ea, quæ sunt Ordinis &c.

§. IV.

In omnibus Ecclesiis, exceptis Monialium, & Conservatoriorum.

**I**ndulgentia septem Altarium duodecim vicibus in anno, ad Septennium.

Litania B. M. V. semel in hebdomada ad Septennium.

§. V.

In omnibus Metropolitanis, & Cathedralibus.

**D**ua plenaria in anno cum solitis restrictivis ad Septennium.

§. VI.

Pro Monialibus intra claustra.

**P**ræter Indulgentias Ordinis, &c.

Indulgentia plenaria in quatuor Anni Festis, per Moniales eligendis, & ab Ordinario approbandis, ad Septennium.

Litania B. M. V. semel in hebdomada ad Septennium.

Septem Altaria duodecim vicibus in Anno ad instar septem Altarium Basilica S. Petri de Urbe, ad Septennium.

Septem Ecclesia de Urbe ter in Anno ad Septennium.

Scala sancta ad instar, &c. ad Septennium.

Novena Nativitatis Domini Nostri JESU Christi, ad Septennium.

Indulgentia plenaria in articulo mortis pro Monialibus nunc viventibus.

§. VII.

Extra claustra.

**P**ro titulari tantum.

Et in Ecclesiis sub titulo B. M. V. pro una ex septem Festivitatibus ejusdem B. M. V. cum Clausula: Dummodo præter ea, quæ sunt Ordinis &c.

Taceo hic, quod Ecclesiæ Monialium sæpius ex speciali gratia soleant incorporari Lateranensi, vel alteri Ecclesiæ, ex qua pariter pro se, quin etiam sæpe pro aliis præsertim consanguineis acquirere possunt magnas Indulgentias.

§. VIII.

Pro Hospitali.

**I**ndulgentia Plenaria in articulo mortis pro morientibus in Hospitali, ad Septennium.

§. IX.

Pro Missionibus.

**I**ndulgentia plenaria ad instantiam Archiepiscoporum, & Episcoporum, ad Septennium.

§. X.

In Regno Poloniæ.

**U**na plenaria, & alia septem annorum, ac totidem Quadragesimarum cum solitis restrictivis in Parochialibus, & Collegiatis Ecclesiis, ad Decennium.

§. XI.

Altaria privilegiata in genere.

**I**n omnibus Ecclesiis conceditur Altare privilegiatum (exceptis tamen Monialium, nisi sint Parochia) semel in hebdomade cum octava mortuorum, seu Commemorationis omnium Fidelium, & cum numero septem Missarum. Bis autem in hebdomade cum numero quatuordecim Missarum, ad Septennium.

Nota denuo, quod, etsi Moniales hic excludantur, nihilominus in sequenti numero earum Ecclesiæ saltem quoad se, & consanguineos Altari privilegiato cõndecorentur. Itaque

§. XII.

Pro Monialibus.

**A**ltare privilegiatum semel in hebdomade sine numero Missarum pro anima cujuscunque Monialis.

H h h 3

nialis, earumque Consanguineorum, & Affinium primi, ac secundi gradus, nec non Monasterii Benefactorum. Ad Septennium.

Ex quo patet, quod Privilegium Monialium ex parte sit majus precedenti, cum non restringatur ad numerum Missarum: partim vero minus: quia limitatur ad certas personas, ut ad. Moniales, & certos Consanguineos, ac Benefactores tantum.

Quodsi Monialium Ecclesia sint simul Parochia, conceditur Altare privilegiatum, etiam pro anima cuiuscunque Christi Fidelium semel in hebdomade, cum numero septem Missarum. Ad Septennium.

## §. XIII.

Pro qualibet Confraternitate.

**A**ltare privilegiatum semel in hebdomade sine numero Missarum: est tantum pro animabus Confratrum & sororum. Ad Septennium.

Ex quo patet, quod, si in aliqua Ecclesia Parochiali, vel alia sint tantum duo, vel ad summum tres Sacerdotes, & nequeant ob defectum numeri Missarum obtinere Romæ Altare privilegiatum absolutum pro omnibus Christi Fidelibus, consultum sit, ut ibi instituant Confraternitatem, vel incorporentur alicui Archi-Confraternitati, ex quo saltem obtinere poterunt Altare privilegiatum pro fratribus, & sororibus absque eo, quod requiratur aliquis certus numerus Missarum.

## §. XIV.

Pro Hospitali.

**A**ltare privilegiatum pro morientibus in Hospitali sine numero Missarum. Ad Septennium.

## §. XV.

In Polonia.

**A**ltaria privilegiata semel in hebdomade cum numero trium Missarum, & his in hebdomade cum numero sex Missarum. Ad decennium.

Quæres I. Quomodo in Brevis Indulgentiarum intelligenda sit illa clausula: *Dummodo in Ecclesia alia similis Indulgentia concessa non sit, qua adhuc duret.* Vel etiam altera: *Volumus autem, ut, si alia Indulgentia in dicta Ecclesia perpetuo, vel ad tempus nondum elapsum duratura, concessa sit, præsentem sint nulla.* Respondeo: tam nostrum Franciscum Diaz in Directorio trium Ordinum fol. 315. quam Claudium La Croix S. J. lib. 6. Theol. Moral. part. 1. n. 1379. afferre Decretum Innocentii XI. declarantis hanc clausulam, ut sequitur.

Cum a Sac. Congregatione Indulgentiis, sacrisque Reliquiis præposita Cameracensis Archi-Episcopus quaesivisset, qua vis, & sententia clausula (qua hodie Brevis Indulgentiarum apponi solet.) Volumus autem, ut, si alias Christi Fidelibus dictam Ecclesiam qualibet anni die visitantibus, alia Indulgentia perpetua, vel ad tempus nondum elapsum duratura, concessa fuerit, præsentem litterarum nulla sint. S. Congregatio, re diligentius exam nata, clausulam sic explicitam censuit, si videbitur Sanctissimo Domino Nostro. Ea minime contineri Altaria privilegiata pro Defunctis, neque Indulgentias, nec certo personarum generi concessas, ut Confraternitati,

Regularibus, & Capitulo, aut certum pium opus in ipsa Ecclesia peragentibus, ut Litanias, aliasque huiusmodi preces recitantibus, ac iis, qui Christiana doctrina eruduntur, vel alios erudiunt, & qui Sanctissimi Eucharistia Sacramenti expositioni cum oratione quadraginta horarum intersunt, neque Stationum Urbis & septem Altarium Indulgentias instar septem Altarium Basilica Vaticana concessas, neque d. m. m., que pro unica vice conceduntur. Caterum, si alia Indulgentia sive plenaria, sive non plenaria, in perpetuum, vel ad tempus, tum ab eodem, tum ab alio Romano Pontifice, generatim Christi Fidelibus, Ecclesiam vel aliquod ejus Altare seu Capellam visitantibus eodem anni die vel diverso concessa fuerit, de qua non fiat in litteris Apostolicis mentio, has litteras ob adjectam clausulam esse prorsus irritas, ac nullas. Datum die 23. Junii 1676. De his autem facta relatione ad Sanctissimum Dominum Nostrium die 18. Martii 1677. sententiam Congregationis approbavit. Affixum, & publicatum, &c.

\* Ast formemus sequentem casum: Ecclesia Parochialis N. ad septem annos decorata est Indulgentiis plenariis ad Festum S. Jacobi Patroni dictæ Ecclesiæ. Parochus cupiens prorogationem harum Indulgentiarum ad aliud Septennium, mature, & ne litteræ retardentur, jam ad initium sexti anni scribit Romam, atque etiam intra paucos Menses novum Breve Concessionis impetrat cum allegata tamen clausula: *Dummodo alia Indulgentia in Ecclesia concessa non sit.* Videns autem Parochus, quod primum Septennium necdum sit elapsum, sicque Ecclesia sua adhuc vi primi Brevis ultra annum dictis Indulgentiis decorata persistat, dubitat exinde, num validum sit Breve secundum pro alio tempore ex ea ratione; quia Ecclesia sua alia Indulgentia decorata jam est, utpote cum primum Septennium necdum expiraverit? Respondeo tamen ad hoc dubium, omnino valere secundum Breve Indulgentiarum, ita nimirum, ut ultimo anno primi Septennii adhuc pro Festo D. Jacobi subsistant Indulgentiæ vi primæ concessionis, pro subsequenti autem tempore vi secundæ Brevis Apostolici proxime impetrati. Ita recte Gobat apud Razenberger in Supplement. Theolog. Sacrament. Paris Sporer cap. 3. sect. 1. num. 59. Ratio est: quia dicta clausula: *dummodo alia Indulgentia concessa non sit &c.* ita intelligi debet, ut alia Indulgentia modo superius explicato in Ecclesia non existat post elapsum primum Septennium. Videatur Razenberger loc. cit. n. 68. ad finem.\*

79. Quæres II. Quomodo circa Altaria privilegiata intelligenda sit illa clausula: *Dummodo in ea septem Missa quotidie celebrentur?* Respondet ex Patre Gobat Matthæus in suo officiali Curia Regularis Vers. Indulgent. num. 28. sensum esse, dummodo solent celebrari: adeo, ut conditio nostra deficiat, si aliquando casu, & fortuito contingat non tot celebrari; præsertim quia dictio *quotidie* non videtur sumi grammaticaliter, sed moraliter. Ex quo etiam Gobat apud citatum Auctorem putat, propterea Indulgentiam non corrui, si quandoque aliqua justa causa, vel necessitate, aut infirmitate, vel ob hostium incursum uno die, vel etiam mense non celebrentur septem Missæ, dum-



dummodo tamen alias regulariter sic soleant celebrari.

\* Ne autem tempus illud, quo subinde septem Missae per diem in tali Ecclesia non leguntur, nimium extendatur, ex eodem Matthæo in cautela Confessarii lib. 1. cap. 27. num. 57. bene notanda veniunt Responsa Sac. Congregat. ad dubia super numerum Missarum celebrandarum in Ecclesia, in qua est Altare privilegiatum. Petebatur itaque

Primo: *An absentibus Religiosis ex causa Predicationis tempore Quadragesimæ, & Adventus, vel quando occasione Festivitarum, vel funerum, aut similibus a Superioribus ad celebrandum alibi mittuntur, Indulgentia concessa cum certo numero Missarum, qui ob dictas causas adimpleri non potest, prorsus cessent, vel pro tempore, quo dictus numerus Missarum non fuerit adimpletus, sint suspensæ, vel potius maneant in suo robore?*

Secundo: *An idem sit statuendum deficiente praefecto numero Missarum ob infirmitatem Sacerdotum tam Regularium, quam Secularium?*

Tertio: *An pariter idem sit statuendum deficiente praefecto numero Missarum ob absentiam ab Ecclesiis secularibus Canonicoꝝ, & Sacerdotum per aliquot dies, & Menses?*

Horum dubiorum resolutionem Summus Pontifex remisit Sac. Congregationi, quæ anno 1701. 30. Julii respondit:

Ad primum: *Quoad primam partem pro tempore Adventus, & Quadragesimæ remanere suspensas, non autem in reliquis, dummodo raro contingat.*

Ad secundum: *Non remanere suspensas.*

Ad tertium: *Provisum in primo.*

Hucusque Responsa Sac. Congregat. videnda apud Razenberger loc. cit. sect. 2. n. 134. ac inveni in ipso Bullario Clementis XI. edito Romæ anno 1723. folio apud me 542. part. 3. Decreto III. Sacra Congreg. Concil. Trid. Interpretum. \*

80. Quæres III. An pro impetrando Altari privilegiato non possit obtineri restrictior numerus Missarum? Resp. Præter Altaria Confraternitatum (de quibus jam antea) etiam quoad alia posse obtineri Privilegium, si supplicetur, saltem cum minori numero, nimirum quinque Missarum; quinimo, quotiescumque aliqua specialis adesset circumstantia, v.g. si Ecclesia sit undequaque ab Hæreticis circumdata, vel si ob vicinatum aliarum Ecclesiarum carentiam tot essent onera Missarum, ut piis Fidelium desideriis, & intentioni alias satisfieri nequiret &c. restringeretur numerus etiam ad quatuor Missas. Ita modernus stylus Curie.

\* Item novissime ex specialissima gratia Benedictus XIII. Fratribus Minoribus nostro Generali subjectis semel in hebdomada Altare privilegiatum concessit absolute & quidem in perpetuum pro eorum Ecclesiis, dummodo ibidem quatuor Missæ quotidie celebrentur; quinimo in Regno utriusque Poloniæ cum numero trium Missarum, & in partibus Infidelium vel Hæreticorum absque ulla expressione numeri Missarum. De tenore hujus privilegii vide infra.\*

81. Quæres IV. Quando in Bulla Concessionis habetur dari gratiam ad Septennium, v.g. quo tempore hoc Septennium incipiat? Respondeo: valde multos Auctores antecederent defendisse hoc septennium incipere non a die gratiæ Romæ concessæ, sed a die publicationis, & approbationis ab Episcopo; cum Papa videatur velle concedere Septennium utile; quod utile utique non incipit ante approbationem, & publicationem Episcopi. Hoc tamen non obstante hodie observandum est Decretum Sac. Congreg. Indulgentiarum novissime editum sequentis tenoris:

*Discussio dubio in Sacra Congregatione Indulgentiarum, & sacris Reliquiis præposita: An attentis verbis, quæ in Brevibus Indulgentiarum apponi solent, presentibus ad Septennium tantum valituris, Septennii initium a die publicationis Brevis desumendum sit. Eadem Sacra Congregatio die 18. Maji 1711. declaravit, non a die publicationis, sed a die data Brevis Septennii tempus incipere. Et facta relatione SS. Domino Nostro per me infra scriptum Secretarium die 20. ejusdem Mensis, Sanctitas sua Congregationis sententiam approbavit.*

I. M. Card. Gabriellus Præf.

Raphaël Cosmas de Hieronymis Secretarius.  
Romæ. Typis Camera Apostolicæ 1711.

\* Indagabis ulterius, an, dum in Brevi Concessionis datur Septennium pro duratione Indulgentiarum, etiam intra spatium hujus temporis computetur annus Jubilæus Romanus, si incidat intra idem tempus? Ratio dubitandi est; quia intra talem annum Sanctum, loquendo de Jubilæo singulis 25. Annis Romæ celebrando, omnes Indulgentiæ plenariæ pro vivis extra Romam suspenduntur; adeoque loquendo quoad Indulgentias concessas pro vivis, ille annus vacans non videtur computandus intra numerum septem annorum, qui pro indulgentiis in Brevis Apostolico fuerunt clementissime assignati, & utique concessi tamquam septem anni utiles, sicque indulgentiæ illæ adhuc poterunt uno anno extendi subtrahendo annum Jubilæum, quasi non esset, prout sic sentiunt Bellagambe part. 2. sect. 4. quest. 6. Gobat de Jubilæo num. 56. & de Indulgentiis n. 663. La Croix lib. 6. part. 2. num. 1378. Kazenberger in Supplement. Theolog. Sacrament. P. Sporer cap. 9. sect. 1. num. 60. & ex parte Dominicus Viva de Jubilæo. quest. 4. art. 5. num. 5. Potestque idem probari a paritate rationis; quia etiam, quando locis piis datur concessio locandi per triennium sua prædia, juxta communem DD. annus ex natura sua sterilis non numeratur, nec computatur sub hoc triennio. Interèa tamen Pasqualigus hic quest. 316. est contrarius allegatis supra Doctoribus; quia in Brevis non dicitur, quod gratia valeat per septem annos, sed ad Septennium; illud autem interest inter Septennium, & septem annos, quod Septennium significet septem annos continuatos; septem anni vero indicent illòs etiam interpolatos. Accedit, quod ipsèmet Summus Pontifex videatur insinuare velle, per Septennium non necessario debere intelligi septem annos utiles, sed continuos; quoniam conformiter dictis superius numeratur Septem-

Septennium illud non a die Publicationis ipsius Brevis Apostolici, sed a tempore Dati, quamvis subinde ob locorum distantiam inter diem *dati Brevis*, & inter diem Publicationis notabile temporis spatium etiam multorum mensium intercedat, antequam Breve illud sit utile. Et hoc ultimum fundamentum me multum trahit in sententiam Pasqualigi, nisi aliter declaret Pontifex, atque sic etiam observatur in praxi, prout novissimus textus est Franciscus Van Ranst in suo opusculo de Indulgentiis, & Jubilæo Romæ impresso, & Summo Pontifici Benedicto XIII. dedicato *quest. 5. n. 14.* Quinimo, dum hæc jam scripseram, emanavit per Benedictum XIII. die 9. Februarii Anno 1725. Decretum sequentis tenoris: *Sua Sanctitas declarat; quod in omnibus Indulgentiis, tam plenariis, quam particularibus ad Septennium concessis, debeat computari, & continuari Septennium a die dati Brevis Apostolici, etiamsi infra dictum Septennium annus sanctus occurrat, in quo omnes Indulgentiæ pro vivis suspenduntur.*

82. Quæritur V. Quomodo practice petatur Indulgentia pro Ecclesia aliqua? Respondeo loquendo de Ecclesia debere I. Exprimi patrocinium, seu Titulum Ecclesiæ. II. Num ea sit Secularium, vel Regularium, & qualium. III. Diocesis, ac Locus, in quo illa Ecclesia existit. IV. Denique dies, pro quo Indulgentiæ desiderantur: v.g. taliter instruendo supplicam:

*Humillime petitur Indulgentia Plenaria ad Septennium pro Ecclesia Parochiali (si sit Regularis, declarat etiam Ordinem) Divi Petri (supposito nimirum, quod hic dies Patrocinii) Civitatis N. Diocesis N. ac pro ipso festo SS. Apostolorum Petri, & Pauli. Si alium diem eligas pro Indulgentiis, eundem specifica conformiter instructioni superioris datæ.*

83. Quæres VI. Qualiter practice petendum sit pro omnibus Christi Fidelibus Altare privilegiatum? Respondeo: Modus petendi Altare privilegiatum est ferme idem cum præcedenti, v.g. loquendo de priori Ecclesia Parochiali, supposito, quod in aliquo ejusdem Altari petatur privilegium, Supplica sic instrui potest:

*Petitur humillime Altare privilegiatum ad Septennium pro Ecclesia Parochiali S. Petri Civitatis N. Diocesis N. atque in ea sito Altari summo (si aliud eligatur, specificetur) pro qualibet Feria VI. vel pro Feria una septimana ab ordinario Loci specificanda. Quod, si desideraret restrictionem numeri Missarum, deberet pariter id exprimi.*

82. Quæres VII. Quomodo, si in aliqua Ecclesia desideretur Confraternitas de novo erigenda, similis erectio practice petenda sit una cum Indulgentiis? Ante resolutionem nota: Quod aliud sit petere erectionem Confraternitatis, & aliud aggregari alicui Archi-Confraternitati. Aggregare enim competit Archi-Confraternitatibus; non autem Confraternitatibus; & hinc, si petitur institutio Confraternitatis in aliqua Ecclesia, debet supplicari in Curia Romana; quodsi autem petatur Ecclesia aliqua aggregari alicui Archi-Confraternitati, v.g. sacri Rosarii, vel Chordæ S. P. Francisci &c. talem aggregationem ex specialibus Privilegiis, & cum conditionibus in Bulla Clementis VIII. Quacumque a Sede sub die 24. De-

bris 1604. edita præscriptis etiam possunt concedere Generales Ordinum. Hoc notato,

Resp. Quando petitur primo erigi aliqua Confraternitas in certa Ecclesia (ponamus adhuc in Exemplo Ecclesiam Parochialem S. Petri) tunc Supplicatio Romam dirigenda taliter instrui potest:

*Petitur humillime Breve pro Ecclesia Parochiali Sancti Petri Civitatis N. Diocesis N. & in ea erigenda Confraternitate N. (hic nominatur, qualis sit Confraternitas) Festum Principale rogatur determinari N. Hic specificetur, quale Festum Principale hujus Confraternitatis petatur: etenim advertendum, (quod in Brevi simili, quale solet non tantum ad Septennium extendi, sed de stylo Curiae esse perpetuum) in Festo Principali concedatur Indulgentia plenaria, uti pariter pro die ingressus, & in articulo mortis; pro quatuor autem Festis minus Principalibus plerumque ab Ordinario determinandis Indulgentiæ septem annorum dantur.*

\* Cæterum ne forsan &c. Vide Addit. (T)

85. Quæres VIII. Qualiter practice putatur Altare privilegiatum pro Confratribus, & Sororibus alicujus Confraternitatis; Ante Respons. Nota ex dictis, quod tale privilegiatum Altare datur, absque eo, quod certus numerus Missarum requiratur; & hinc (inquit La Croix lib. 4. Theol. Moral. part. 3. num. 931.) sufficeret etsi hebdomadatim unica tantum Missa dicatur, dummodo celebretur illa die, qua determinatur Privilegium. H. N.

Respondeo; Altare Privilegiatum pro Confratribus, & Sororibus eodem ferme modo petitur, ac pro omnibus fidelibus Defunctis, excepto, quod in petitione hujus Brevis exprimi quoque debeat Titulus Confraternitatis, v.g. taliter:

*Petitur humillime Altare privilegiatum pro Ecclesia Parochiali Sancti Petri Civitatis N. Diocesis N. & in eo sito Altari Confraternitatis N. pro feria N. hic specificetur dies, vel si determinatus non petatur, ponatur sic: pro una Feria cujusvis septimanæ ad arbitrium Confratrum eligenda de consensu Ordinarii.*

\* Quæres IX. Quidnam specialiter favorabile circa Altaria privilegiata statuerit Summus Pontifex pro Ecclesiis FF. Minorum Generali totius Ordinis subsectorum? Resp. Idipsum clare desumi ex Decreto SS. DD. Benedicti XIII. Feria 6. die 14. Decemb. Anno 1725. emanato, quod est sequentis tenoris:

*Sanctissimus Dominus Noster ad humillimas preces Ministri Generalis totius Ordinis Fratrum Minorum confirmavit omnia Altaria privilegiata perpetua, quæ reperiuntur concessa in nonnullis Ecclesiis trium Ordinum Eidem Ministro Generali subsectorum.*

*Quia vero in aliquibus aliis Ecclesiis eorumdem Ordinum Altare privilegiatum pro una, vel pluribus Feriis, cum aliquo determinato numero Missarum ad Septennium, seu ad aliud longius tempus, nondum forsan elapsum, reperitur concessum, Sanctitas sua, prævia illorum Revocatione, eadem Altaria privilegiata denovo concessit in perpetuum pro Feriis, & cum numero Missarum ut infra.*

In Ecclesiis itaque trium Ordinum praefatorum, in quibus usque adhuc nullum Altare privilegium decoratum existit: Sanctitas Sua concessit unicuique tantum Altare privilegium perpetuum juxta modum, videlicet

I. In Ecclesiis Fratrum, in quibus quatuor Missae quotidie celebrantur, concessit Altare privilegium pro animabus quorumcumque Christi Fidelium, quae Deo in Charitate conjuncta ab hac luce migraverint, pro una Feria cujuslibet hebdomada: in quibus decem Missae, pro duabus Feriis: in quibus quindecim, pro tribus; in quibus viginti quinque, pro quinque Feriis; & in quibus triginta quinque, concessit Altare privilegium quotidianum.

II. In Ecclesiis vero suis in partibus Infidelium, vel Haeticorum, concessit Altare privilegium similiter in perpetuum pro una Feria in hebdomada absque expressione numeri Missarum.

III. Et in aliis Ecclesiis in Regno utriusque Polonia existentibus pariter concessit Altare privilegium perpetuum pro una Feria, cum numero trium Missarum: pro duabus Feriis, cum numero sex Missarum quotidianarum.

IV. In Ecclesiis autem Monialium pariter concessit Altare privilegium perpetuum pro una Feria cujuslibet hebdomada absque expressione numeri Missarum, sed pro Monialibus tantum, eorumque consanguineis, affinis, & Benefactoribus.

V. Cum hac tamen declaratione, quod in singulis, supra relatis Fratrum Ecclesiis, quibus modo Altare privilegium conceditur, indultum sit restrictum ad Sacerdotes, dumtaxat Ordinem supra expressorum inibi celebrantes, & quod Altaria, & Feria, pro quibus conceditur privilegium semel tantum, ab Ordinariis locorum designari debeant.

VI. Tandem Sanctitas Sua voluit, quod hujusmodi concessionibus fruantur, non solum Ecclesia, quas in praesenti jam habent, verum etiam aliae omnes, quas imposterum praefatus Ordo Minorum, ipsiusque Generales Ministri acquirant.

L. Card. Picus Praefectus.  
Loco Sigilli.

Raphaël Cosmus de Hieronymis Secretarius.\*

86. Quaes ultimo: An pro Brevibus Indulgentiarum supra memoratis debeat expendi certa taxa pecuniaria? Resp. si excipias institutionem Confraternitatis de novo in aliqua Ecclesia, omnia reliqua expediuntur gratis pro Deo & Scriptura, excepto, quod agenti praeter honorarium (si aliquod gratis vis offerre, ad quod tamen non obligaris, & attende, ne in hoc ignarus styli Curiae ab aliquo decipiaris) ratione Agentiae, &c. uti vocant, absque memoriali viginti Bajoci; cum memoriali autem quinquaginta Bajoci dentur, qui quinquaginta Bajoci nostra moneta conficiunt circiter unum florenum. Vide de hoc La Croix loc. cit. Dixi notanter: Si excipias institutionem Confraternitatis, &c. Nam quoad hanc est certa Taxa novem circiter florenorum.

## QUESTIO IX.

De Jubilao, & variis ipsum concernentibus.

### SUMMARIUM.

87. Annus Jubilaeus in Lege veteri, quis? & unde sit dictus?
88. Annus Jubilaeus in Ecclesia Catholica, quando celebratur?  
Vocatur etiam Annus Sanctus.
89. In Anno Sancto suspenduntur aliae Indulgentiae.
90. Jubilaeum Anni Sancti extendi solet ad Dies festos id sollicitantes.
91. Indulgentia in forma Jubilaei, extra Annum S. qua ratione concedatur?
92. Jubilaeum, quid?
93. Quae facultates in Jubilao concedantur?
94. Jura tempore Jubilaei praescribi solita, quae?
95. In Anno Sancto non suspendantur Indulgentiae Altarium Privilegiatorum.
96. An tunc suspendantur Indulgentiae pro mortis articulo?
97. Non suspenditur Indulgentia Ecclesiae Portuensis concessa.
98. An suspendantur Indulgentiae partiales?
99. Praesertim concessa ab Episcopo?
100. Ad Jubilaeum requiritur executio operum praescriptorum.
101. Et quidem perfecta.
102. Quid, si mittatur pars levis?
103. Opera debet quis exequi per se ipsum.
104. Quid, si deat elemosyna per famulum?
105. Opera illa peragenda tempore praefixo.
106. Et non ante tempus duarum hebdomadarum.
107. An lethaliter decumbens possit aibi lucrari Jubilaeum Roma publicatum?
108. Tria jejunia sunt statutis diebus peragenda.
109. Commutatio operum praescriptorum tempore Jubilaei quomodo fieri possit?
110. Atque intra eandem hebdomadam.  
An etiam reliqua opera intra eandem hebdomadam fieri debeant?
111. Opera illa possunt fieri in diversis locis.
112. Idque exemplificatur.
113. Itinerantes p. st. suam reditum possunt lucrari Jubilaeum.

87. PRO meliori sequentium intelligentia est praenotandum, quod olim in Lege veteri seu Moisaica, Hebraeorum populus clangentibus tubis excitabatur ad recolendum annum quinquagesimum ingressus Filiorum Israel in Terram promissionis; qui & Jubilaeus dicebatur, a voce Hebraea *Jubel*; quae buccinam significabat, ut vult Lyranius in cap. 25. *Levit.* quamvis alii alias Jubilaei derivationes ponant, uti videre est apud Navarrum Tom. 3. *Comment. de Jubilao, & Indulgentiis, notab. 1.* Et quidem in hoc anno quinquagesimo, qui Hebraeis erat Jubilaeus, sive Annus remissionis, debita gratis remittebantur; possessionesque ad pristinos dominos absque pretio revertebantur, ac praeter nonnulla alia servi libertate donabantur; prout patet ex *Levit. cap. 25. Num. cap. ult. & aliis Sacrae Scripturae locis.*

88. Quia igitur Christus Doctus non venit solvere legem, sed spiritualiter adimplere; hinc ad similitudinem antiqui Ritus, utpote futurorum

præfigurati; in Ecclesia Catholica dudum jam altiori quadam ratione institutus fuit *Annus Jubilæus*, live remissionis, & gaudii spiritualis, concedendo videlicet Fidelibus, Basilicas de Urbe devote visitantibus, plenissimam omnium peccatorum suorum veniam, seu Indulgentiam: quæ de causa Annus ille per antonomasiam *Annus Sanctus* appellatur. Et quidem juxta morem antea jam in Ecclesia vigentem, de quo Navarrus *loc. cit. notab. 1. n. 11. & notab. 1. n. 11. & notab. 7. num. 4.* Bonifacius VIII. in *Extravag. Antiquorum de Pœnit. & remiss. inter communes*, ejusmodi Jubilæum concessit pro quolibet centesimo anno. Verum ob brevitatem vitæ humanæ, atque ut quamplures tanti Thesauri participes fieri mererentur, terminus iste per Clementem VI. in primis reductus fuit ad annum quinquagesimum, ut habetur in *Extravag. Unigenitus, eod.* & postea per Paulum II. ad annum vigesimum quintum, *Extravag. Quemadmodum, eod. inter communes.*

Porro Ritus, quo Romæ ad annum Sanctum Jubilæum indicitur, a Dominico Viva in *suo Tractatu de Júbileo* moderno Summo Pontifici Benedicto XIII. pro tunc Archi-Episcopo Beneventano, ac S. R. E. Cardinali dedicato q. 1. art. 2. taliter describitur: Die Ascensionis Domini ante annum Sanctum maximo apparatu in Divi Petri Aede post Evangelium recitatur publice Pontificis Diploma de proximo Jubilæo: in pervigilio deinde Nativitatis Domini mane habetur solemnis supplicatio, & post meridiem e Sacello Palatii ad Ecclesiam S. Petri se confert Pontifex: Hanc omnino occlusam reperit, ipse vero portam muratam (quæ *Sancta* dicitur, tum quia calx, & lapides ejusdem specialiter benedicuntur, tum quia eandem lucraturi indulgentias ingrediuntur) ter percutit argenteo malleo, & bis summus Pœnitentiarius, dum interea certæ preces persolvuntur. Postea fabri murarii murum dēficiunt, ingrediturque Pontifex Ecclesiam, ac Vesperis interest. Quidam Cardinales interim eodem Ritu Portas Sanctas in aliis tribus Ecclesiis, quæ in Bulla Jubilæi semper specificari solent, referant, ut visitentur ab iis, qui Jubilæum sunt Romæ lucraturi. Anno integro elapso denuo in pervigilio Nativitatis omnes indulgentiæ, interea in reliquis mundi partibus suspensæ, reviviscunt, ubi denuo habentur ad S. Petrum solennes Vesperæ, post quas, præmissa solemnī supplicatione, lapides, calx, aliaque id genus benedicuntur; ipseque Pontifex, ac deinde summus Pœnitentiarius calcem jaciunt cochleari argenteo, ternosque lapides ponunt, ac deinde murus a murariis erigitur, manetque integer, donec iterum *annus Sanctus* recurrat.\*

89. Ut autem Christianæ Nationes ex omnibus Orbis partibus eo amplius in Fidei & religionis unitate congregarentur, eodemque pietatis ac devotionis spiritu Basilicas de Urbe, quo maximo fieri posset concursu, durante Jubilæo visitarent, & frequentarent: hinc eodem Anno Sancto quæcumque aliæ Indulgentiæ solent suspendi; idque per specialem Bullam desuper expeditam: cujus exemplar refert Georgius Gobat *Traß. 3. Quinarii, circa initium.*

90. Verum quia non omnes pro lucrando Jubilæo Romam personaliter accedere possunt: hinc Summi Pontifices pro sua pietate solent Jubilæum Anni Sancti extendere anno sequenti ad alios Episcopatus. Istud tamen non faciunt motu proprio, sed duntaxat ad instantiam vel Nuncios Apostolicorum, vel Episcoporum pro suis respective Provinciis, aut Diocesisbus ferventissime sollicitantium. Gobat *cit. Traß. 3. Quinarii, n. 489.*

\* Quinimo infra ipsum annum Sanctum ac Jubilæum Romanum solent Romani Pontifices pro singulari sua Benignitate expedire specialem aliquam Bullam; vi cujus clementissime concedunt, ut Moniales, & viri Religiosi illi, qui vi Professionis habent clausuram, uti pariter carcerati, & infirmi etiam sub ipso anno Sancto Romano possint domi lucrari Jubilæum, si vere habeant animum eundi Romam ad lucrandum Jubilæum, quando ista impedimenta essent reinota. Ita ex Urbano VIII. pro Anno 1625. 28. Jan. Ex Innocent. X. pro 1650. 12. Februariar. Ex Clement. X. pro 1675. 6. Februar. & ex Innocentio XII. pro Anno 1700. 19. Januarii talem Bullam vobtenus refert Van Ranst *de Indulgentiis, q. 8. n. 3.\**

91. Insuper extra Annum Sanctum consueverunt Summi Pontifices, tum post suam quisque Coronationem, tum quando Ecclesia Catholica gravibus necessitatibus atque angustis premittitur, concedere per universum Orbem Christianum Indulgentiam plenissimam, seu in forma Jubilæi: ita tamen, quod eo tempore non fiat suspensio cæterarum Indulgentiarum (cessat enim tunc allegata *num. 93.* ratio hæc suspendendi, unde etiam nulla apponitur Bulla cæterarum Indulgentiarum suspensiva, prout fit in Anno Sancto) concedantur tamen facultates absolventi a reservatis, & commutandi vota, prout amplius ex dicendis patebit. His prænotatis, sit

92. CONCL. I. *Jubilæum* est Indulgentia plenaria a Summo Pontifice concessa visitantibus certas Ecclesias, & præscripta pia opera peragentibus, una cum concessione certarum facultatum in Brevi Apostolico expressarum. Ita in re communis. Et ratio est: tum quia omne Jubilæum est Indulgentia plenaria, licet non e contra. Tum quia quoad effectum remissionis pœnæ temporalis, non differt Jubilæum a cæteris Indulgentiis plenariis, cum hæc omnes in rite dispositis conferant omnium veniam peccatorum, quoad culpam jam remissorum, ut dictum *n. 15.* differt tamen ab his quoad superadditas ipsi speciales gratias, seu facultates, in Brevi Apostolico expressas.

93. Et quidem ordinarie loquendo, atque extra Annum Sanctum conceditur Jubilæum lucraturis, ac præscripta opera peragentibus, ut possint sibi eligere Confessarium a locorum Ordinariis approbatum, qui habeat facultatem absolventi eos pro foro conscientie a quibusvis casibus reservatis, atque Censuris, etiam in Bulla Cœntis Domini contentis, & insuper vota quæcumque (Religionis, & Castitatis perpetuæ exceptis) in alia pia opera commutandi. Aliquando tamen una,

vel



vel altera harum facultatum non conceditur, ut notat Gobat *cit. Tract. 2. Quinarii, n. 2.* sed id ex tenore Brevis Apostolici, Jubilaeum indicentis, desumendum erit, sicut & quoniam pia opera pro lucrando Jubilao sint peragenda.

92. Etenim in Anno Sancto, praeter Confessionem Sacramentalem, & Communionem, sufficit certo dierum numero quatuor Urbis Ecclesias devote visitare, ibique pias ad Deum preces effundere, juxta formam praescriptam: quale quid etiam accidere solet in extensione Anni Sancti ad alias Dioeceses facta. Quod si vero ad avertendas graves Ecclesiae necessitates extraordinarium Jubilaeum publicetur, solet communiter exigi, ut Fideles extra Urbem existentes prima, vel secunda hebdomada indictionis Jubilaei, Ecclesiam, vel Ecclesias, ab Ordinariis locorum assignandas visitent, ibique juxta praescriptam intentionem Deum exorent, ac feria quarta, sexta, & Sabbato alterius ex duabus hebdomadis jejunent, pariterque peccata sua confiteantur, & sacra Communionem reficiantur, & eleemosynas pro arbitrio suo faciant: quamvis simul concedi soleat, ut, si qui ex causa infirmitatis, vel alterius justae impedimenti, unum, vel alterum praedictorum operum praestare nequiverint, id Confessarii in alia pietatis opera commutare, vel in aliud proximum tempus prorogare valeant; prout amplius liquet ex contextu Litterarum Apostolicarum Jubilaeum indicentium.

95. CONCL. II. Quamvis Anno Sancto, ac Jubilao in Urbe durante, suspendi soleant tantisper omnes & singulae Indulgentiae, etiam perpetuae, per quoscumque Romanos Pontifices concessae, ut dictum num. 93. nihilominus tunc non intelliguntur suspendi Indulgentiae Altarium Privilegiatorum pro Defunctis, neque aliae concessae eodem modo pro Defunctis. Ita Gavantus in *Addit. ad Manuale Episcoporum, Vers. Indulgentia*, & alii: atque ita fuisse declaratum tum ab Innocentio X. tum novissime a Clemente X. refert Gobat *cit. Tract. 3. Quinarii, num. 45. & 48. in Append. I. Litt. a & seqq.* quamvis in hac posteriori declaratione addatur, quod illae Indulgentiae suspendi habeantur, quas possunt sibi lucrari vivi, ut eas possint concedere animabus Purgatorii per modum Suffragii.

96. Major difficultas est de Indulgentiis concessis pro articulo mortis. Et quidem has etiam suspendi in Anno Sancto, cenlet Layman *lib. 5. tract. 7. cap. 8. num. 2.* Tannerus, & quidam alii: nam Breve suspensivum Indulgentiarum loquitur indistincte, imo Sixtus IV. in *Extravag. Quemadmodum de aenit. & remiss. inter communes*, expresse suspendit omnes Indulgentias in vita, seu in mortis articulo concessas, Oppositum nihilominus, videlicet Indulgentias pro mortis articulo tunc non censi suspendi, tenet Gavantus *loc. cit.* Lezana *Tom. 3. Summa, Vers. Jubilaeum, n. 5.* Bonacina *diff. 6. de Indulgentiis, q. 1. punct. 8. n. 2.* & alii, qui referunt, quod ita Urbanus VIII. declaraverit, ejusque declaratio Romae publicata fuerit a Vice-Regente Penitentiariae: atque hoc ipsum declarasse Innocentium X. refert Gobat *cit. n. 45.* Accedit ratio: tum quia respectu agonizantium cessat ratio suspendendi Indulgentias, vide-

licet concursus ad Basilicas Urbis: tum quia Successores Pontifices in suis Bullis omittunt clausulam illam, seu in mortis articulo concessas, olim a Sixto IV. insertam; sicque aliud non velle videntur: alioquin enim, si voluissent, idem expressissent, *arg. c. Inter corporalia, de Translat. Episc.*

97. Insuper, quod non sit mentis, & intentionis suae, sub generali Indulgentiarum suspensione comprehendere, neque in verbo Romani Pontificis comprehensam esse Indulgentiam Ecclesiae Portuiculae prope Assisium die 2. Augusti concessam, declaravit Clem. XIII. Urbanus VIII. & Innocentius X. ut refert Lantusca in *Theatro Regularium, Vers. Indulgentia in 6.* declarationem dicti Innocentii X. per extensum allegans. Tacentur Indulgentiae concessae Basilicis & Ecclesiis Romanae Urbis, & nonnullae aliae, quas pariter in Anno Sancto non suspendi, fusius ostendit Gobat *cit. tract. 3. Quinarii, n. 40. & seqq.*

98. Insuper, cum Sixtus IV. in *cit. Extravag. Quemadmodum*, pro Anno Sancto tantum suspendat Indulgentias plenarias, hinc non suspendi tunc Indulgentias partiales, tradunt plerique Doctores: Nam dictio illa, *plenarias*, firmat regulam in oppositum de partialibus. Et licet in recentioribus Bullis non amplius addatur *et plenarias*, adhuc non suspendi tunc partiales Indulgentias, probabile censet Gobat *loc. cit. n. 47.* etsi haec doctrina non careat difficultate, eo quod Pontifex indistincte suspendat *omnes & singulas* Indulgentias.

99. Illud certius est, ac probatur ex ratione proxime allata, quod, cum Pontifex Anno Sancto solummodo suspendat Indulgentias, quae sunt concessae a Romanis Pontificibus, idcirco non intelligantur suspendi Indulgentiae ab inferioribus concessae, ut sunt Indulgentiae 40. dierum, quas potest concedere Episcopus.

\* Quod si scire cupias in specie, an in Anno Sancto suspendantur Indulgentiae concessae Numismatibus, Granis, & Coronis, seu Rosariis: item Indulgentiae Stationum, Scalae Sanctae, ac Lateranenses? Respond. succincte I. Indulgentias plenarias affixas Coronis, Granis, seu Numismatibus, & directe pro vivis concessas Anno Sancto suspendi. Ita La Croix *lib. 6. part. 2. num. 1401.* Ratio est; quia per Bullam Jubilaei annunciativam sub terminis generalibus suspenduntur *omnes, & singulae* Indulgentiae sub quacumque forma concessae, ut recte advertit Dominicus Viva *tract. de Jubilao c. 4. art. 1. num. 1.* Respondeo II. Nec in Urbe Romana Indulgentias Stationum, nec Lateranenses, aut Scalae sanctae, suspendi. Ita cum Filliucio, Lezana, & Gobat, Dominicus Viva *loc. cit. num. 2.* Ratio est: quia Gregorius XIII. & Clemens X. apud eundem Auctorem expresse sic declararunt. Respondeo III. Indulgentias Stationum, Lateranenses, & alias quascumque saltem plenarias Ordinibus Religiosis, Sodalitatibus, & Confraternitatibus extra Romanam existentibus concessas per modum Communicationis in Anno Sancto suspendi. Ita Zerola in praxi Episcoporum *Vers. Annus Sanctus* cum Dominico Viva *loc. cit. num. 2.* Ratio partim jam desumitur ex Respons. I. partim apud Viva deducitur ex ipsa declaratione Gregorii XIII. in sua Bulla Jubilaei. Dico notanter *saltem plenarias*

*rias suspendi.* Quidam enim quoad loca extra Romam de partialibus, seu de indulgentiis non plenariis sentiendum sit, utrum etiam hæ suspendantur, jam eruitur ex dictis. Qualiter autem de iudictus XIII. a suspensione in Anno Sancto exceperit indulgentias concessas ad recitationem Angelicam, & visitantibus SS. Sacramentum, aperietur *Appendice II. Additione VII.* ubi de his plura.

Præterea, dum in Anno Jubilæo Romano suspenditur per Bullam facultas extra Romam absolvendi a casibus reservatis, & commutandi Vota, satis convenit inter DD. ibidem suspendi tantummodo eam facultatem absolvendi, & commutandi, quæ conceditur a Pontifice in ordine ad lucrandas indulgentias, non autem illam, quæ datur independentem ab indulgentiis. Ita expresse declararunt Urbanus, & Clemens VIII. teste Cardinali de Lugo *Tom. 3. disp. 20. n. 145.* Hinc sequitur, non suspendi facultatem, quam habent Episcopi ex Trid. *Seff. 24. cap. 6.* absolvendi ab occultis Papæ reservatis, & dispensandi cum impeditis adire Romam, aut etiam per alia specialia privilegia. Ratio est: quia similia habent non vi Jubilæi, sed intuitu Officii, vel ex speciali gratia Summi Pontificis.

Sequitur II. Nec Anno Sancto, dum Jubilæum celebratur Romæ, suspendi privilegia Regularium ad absolvendum alias ex speciali Clementia Sedis Apostolicæ concessa; nam & ista facultas non est data intuitu lucrandi indulgentias. Ita cum communi Dominicus Viva de *Jubilæo q. 4. art. ult. & Franciscus Van Ranst de Indulgent. q. 5. n. 15.* \*

100. CONCL. III. Ad obtinendum Jubilæum requiritur ex parte lucrantis executio operum præscriptorum: & quamvis optandum sit, atque pie elaborandum, ut homo saltem præmissa vera contritione sit in statu gratiæ toto illo tempore, quo singula opera præstat; tamen probabilius est, sufficere ad consequendam Indulgentiam Jubilæi, quod ultimum opus perficiatur in statu gratiæ. Hæc conclusio sequitur ex dictis *n. 33. & 34.*

101. Et quidem opera præscripta ita perfecte sunt adimplenda, ut, si aliquod ipsorum vel penitus, vel saltem quoad partem notabilem omittatur, sive id fiat ex ignorantia seu oblivione, sive etiam ex impotentia (seclusa commutatione in aliud pium opus a Confessario facta) non obtineatur quidquam de Indulgentia Jubilæi. S. Thomas 4. *dist. 20. q. 3.* Gobat *cit. tract. 3. n. 61.* & alii communiter. Siquidem Papa concedit hanc Indulgentiam sub conditione executionis operum præscriptorum, dando simul facultatem, ut eadem in casu iusti impedimenti possit per Confessarium in alia pietatis opera commutari: atqui non impleta conditione nemo consequitur id, quod sub conditione datur, quia deest animus concedentis.

102. Additur notanter, *vel saltem quoad partem notabilem*: Quia, etsi res dubia sit, utrum prætermittens levem partem operis inuncti consequatur fructum Indulgentiæ, v. g. si quis sub die præscripti jejunii aliquid modicum deguster, quod tamen non sufficit ad fractionem totalem jejunii:

vel si quis ex inuncto Rosario omittat unum vel alterum Ave Maria, & hujusmodi. Etsi, inquam, res sit nonnihil dubia, tamen probabilius est, quod etiam hic parum pro nihilo reputetur, ac proinde omittens ejusmodi minimam partem, non excidat fructu Jubilæi, aut alterius Indulgentiæ: nam adhuc opus inunctum simpliciter impletur, v. g. servatur jejunium quoad Substantiam, recitatur Rosarium, &c. Suarez *disp. 52. de Indulgentiis, sect. 5. num. 3.* Bonacina *citat. disput. 6. quest. 1. punct. 5. num. 51.* & concordant dicta superius *n. 59. & 60.*

103. Porro lucraturus Jubilæum debet opera præscripta per semetipsum exequi, ut puta jejunando (etiāsi necdum attigerit vigesimum secundum annum ætatis) Ecclesias visitando, &c. Siquidem Pontifex in Bulla Jubilæi exigit industriam personæ, sive actus personales lucraturi Jubilæum, veluti contritionem & dispositionem ipsius ad istud digne & fructuose consequendum.

104. Nec obstat, quod quis per famulum suum possit dare eleemosynam. Nam talis hoc ipso, quod det de propriis, adhuc censetur moraliter & proprie dare eleemosynam, licet interveniente ministerio sui famuli. Et nota, quod in tali casu nihil præjudicetur domino quoad valorem Indulgentiæ, si famulus ille sit constitutus in peccato mortali: bene tamen, si famulus non det eleemosynam pauperibus, sed eam sibi fraudulenter retineat; quia tunc revera deficeret conditio datæ eleemosynæ.

105. CONCL. IX. Insuper ad consecutionem Jubilæi requiritur, quod opera præscripta peragantur tempore in Bulla præfixo. Ratio patet ex dictis; quia nimirum nemo lucratur Jubilæum, nisi servatis conditionibus, sub quibus conceditur. Quia igitur in Jubilæis, quæ ob gravem Ecclesiæ necessitatem extraordinarie concedi solent, communiter habetur inserta clausula illa, quod opera præscripta peragi debeant *prima vel secunda hebdomada*, ab Ordinariis Locorum, vel eorum Vicariis, &c. indicenda; item quod *Feria quarta, sexta, & Sabbato alterius ex duabus hebdomadis ab eisdem deputandis* jejunium servetur. Hinc

106. Infertur primo, quod non lucretur Jubilæum, qui incipit opera præscripta facere ante tempus duarum hebdomadarum taliter ab Ordinario indictarum: quia deficit conditio debiti temporis. Lugo *disp. 27. de Sacramento Pœnitentiæ, sect. 7. n. 127.* Navarrus *Consil. 1. de Consil. n. 9.* & alii.

107. Verum in casu urgentis periculi (ut puta, si quis lethaliter decumbat) & accedente commutatione hujus conditionis in aliud pium opus per Confessarium facta, posse Jubilæum Romæ jam publicatum obtineri alibi, censet Filiucius *tract. 8. de Sacramentis, n. 267.* citans pro se multos graves Doctores, sed tacito nomine: ejusque doctrinam secure in praxi observari ex causa, sentit Gobat *cit. tract. 3. n. 64.* Ratio est: quia in Bulla Jubilæorum extraordinariorum expresse concedi solet, quod Confessarius ex causa legitimi impedimenti, ratione cujus pœnitentes opera pro lucrando

do Jubilæo præscripta vel eorum aliquod præstare nequeunt, in illa pietatis opera commutare, vel in aliud proximum tempus prorogare possit, eaque injungere, quæ ipsi poenitentes efficere poterunt, prout communiter loquuntur Bullæ Pontificiæ Jubilæum extraordinarium indicentes. Exgo post publicatum Romæ Jubilæum, pro toto Orbe Christiano concessum, hoc ipso Pontifex concedere, atque indulgere censetur, quod Confessarius circa constitutos in articulo mortis possit uti facultate commutandi opera, & conditiones præscriptas, eaque pro lucrando Jubilæo injungere, quæ ipsi poenitentes ante obitum suum adhuc efficere poterunt. Quod enim majus impedimentum, quam instans mortis Articulus? Et quis credat, ab hac largissima facultate, circa juste impeditos Confessariis expresse concessa, voluisse Papam, pientissimum Patrem, & Pastorem omnium Fidelium, excludere solos agonizantes, eo quod tempus Jubilæi in propria Diœcesi deputatum necdum advenerit?

108. Infertur ulterius, quod ille non lucretur Jubilæum, qui aliis diebus, ac in Bulla præscribuntur, jejunat: utputa, si quis loco jejunii Sabbatini jejunet Feria quinta: nam talis non peragit jejunium tempore præscripto, sicque agit contra formam, nisi forte ex causa rationabili interveniat commutatio hujus conditionis per Confessarium facta in aliud pietatis opus juxta proxime dicta.

109. Ubi breviter notandum, quod, si tempore Jubilæi conceditur Confessariis facultas commutandi opera præscripta, requiratur ad hoc rationabilis causa; nempe, quod poenitentes præ infirmitate, paupertate, necessario labore, vel alio justo impedimento, dicta opera, vel eorum aliquod præstare nequeant, vel saltem non absque gravi difficultate: requiritur enim, ac sufficit, vel physica, vel saltem moralis impotentia. Deinde commutatio illa debet fieri in alia opera æquivalentia: alioquin enim non foret mera commutatio, sed partialis dispensatio. Layman c. 8. de indulgentiis, n. 12. Gobat tract. 3. Quinarii, num. 109. citans alios. Attendendum tamen est circa hoc ad statum poenitentis, ejusque qualitates, & vires: nam commutatio præfata debet fieri juxta prudens arbitrium Confessarii, in talia opera, quæ ipsi poenitentes efficere poterunt, prout loqui solent Bullæ Jubilæorum. Dicta quippe æqualitas operum non præcise spectanda est ex ipsa specifica operis præstantia, seti poenaltate, sed ex fine, per Pontificem in largitione Jubilæi intento. Unde ægrotis loco jejunii injungi poterit vel largitio copiosioris elemosynæ, si possunt, vel aliquarum precum recitatio: sicut & pauperibus, nullam penitus elemosynam dare valentibus, oratio, aut iterata Ecclesiarum visitatio, & hujusmodi. Atque ista operum commutatio non solum intra ipsam Confessionem (prout communiter fieri solet, estque consuetius) sed etiam extra eam potest per Confessarium a poenitentibus electum exerceri: dummodo fiat, saltem inchoative, intra duas hebdomadas pro Jubilæo designatas; prout amplius tradit Gobat cit. Tract. 3. n. 110. & 111. cum aliis.

110. Insuper non potitur Jubilæo, qui (cessante memorata rationabili commutatione) diebus ceteroquin debitis jejunat prima hebdomada semel, & alia hebdomada bis: debent enim omnia tria jejunia diebus statutis intra unam eandemque hebdomadam peragi, prout requirunt Bullæ Pontificiæ illis verbis: *Ac Feria quarta, sexta, & Sabbato alterius ex duabus hebdomadis ab eisdem deputandis jejunaveris.* Nam dicta illa alternativa, *alterius ex duabus*, satis indicat, tria illa jejunia debere conjungi, ac fieri intra unam eandemque hebdomadam: idque eo magis, quia Pontifex hac intentione jejunium indicit, ut caro maceretur; ad hunc autem finem plus deserviunt jejunia magis unita, quam interpolata per integram hebdomadam. Lugo citat. disp. 27. num. 105. Gobat tract. 3. Quinarii, num. 212. cum aliis, contra Bonacinam cit. punct. 5. num. 34.

Cæterum, ut etiam reliqua opera, pro consequendo Jubilæo præscripta, debeant fieri intra unam eandemque hebdomadam, non adeo conveniunt Doctores. Affirmat Lugo loc. cit. n. 105. Henriquez, Busenbaum, Sanctarellus, & alii, qui id probare conantur ex verbis Bullæ Jubilæi. Negat Bonacina c. p. 5. n. 34. Diana part. 5. tract. 12. resol. 12. & alii, quorum sententiam esse probabiliorē, eo quod verba Bullæ Jubilæi hoc non convincant de aliis operibus præter tria jejunia, censet Gobat loc. cit. num. 72. quamvis prior sententia utique sit tutior, ac proin in praxi merito tenenda, & consulenda.

111. CONCL. V. Opera præscripta tempore Jubilæi possunt impleri in diversis locis, utputa visitando Ecclesias in loco domicilii, & alibi jejunando, confitendo, &c. Ita Lugo, ubi supra n. 123. Sannig lib. 5. Decretal. tit. de Penit. & remiss. c. 2. n. 16. & alii. Ratio est: tum quia favor Jubilæi non est localis, sed personalis. Tum quia nullibi in Bullis requiritur identitas loci, sed dumtaxat visitatio Ecclesiarum designatarum, ac devota præstatio operum præscriptorum.

112. Infertur proinde, quod, qui tempore promulgati Jubilæi cœpit aliqua opera præscripta perficere, v. g. visitando Ecclesias, possit in itinere reliqua opera peragere. Insuper, si quis a principio promulgati in sua patria Jubilæi non erat præsens, sed primum Feria quinta advenerit, poterit is jejuniis Feriæ quartæ alibi peracto, vel hoc ex justa causa in aliud pietatis opus per Confessarium commutato, reliqua opera in patria prosequi.

113. Quinimo, si malit, poterit talis in itinere constitutus sequenti hebdomada jejunium præscriptum una cum cæteris operibus peragere, haud obstante, quod tempus Jubilæi in sua patria jam effluerit. Ratio est: quia in Bulla Jubilæi facultas universalis conceditur navigantibus, aut iter agentibus, ut, cum primum ad sua sese domicilia receperint, possint opera præscripta peragere, sicque Jubilæum lucrari: atque in hunc finem, ut omnia cum majori quiete, ac devotione perfici valeant, conceditur eisdem spatium duarum hebdomadarum non minus ac cæteris,

Ad priorem quaestionem explicans conditiones Jubilæi superiori quaestione enumeratas.

**Q**uæres I. Quomodo sit instituenda Visitatio Ecclesiarum in Jubilæo præscripta? Resp. I. Visitatio Ecclesiarum facienda est devote; ubi ex D. Thoma 2. 2. q. 182. art. 1. nota cum Dominico Viva hic q. 8. art. 5. n. 3. devotionem requisitam in eo consistere, quod talis visitatio sit ordinata ad cultum Dei; unde si quis præterit visitaret Ecclesiam ex eo fine, ut ibidem personam alterius sexus inducat ad peccatum carnale, talis visitatio, nisi pessimus iste finis adhuc ante ingressum in Ecclesiam saltem sub itinere revocetur, non foret sufficiens, utpote non devota, id est, non ordinata ad Dei cultum: cum talis intentio mortaliter peccaminosa videatur impossibilis cum voluntate colendi Deum per eum ipsum actum, qui ob pessimum finem est graviter peccaminosus, ac Deo summe abominabilis. Interea per dicta ista non negatur, quod adhuc visitatio aliqua possit esse devota, si instituat a gravi peccatore habitualiter in suo peccato permanente, modo non ipsamet visitatio ordinetur ad finem moraliter malum, sed potius ad Dei cultum, quæ ordinatio ad cultum Divinum utique etiam in peccatoribus gravibus moraliter bona est, sicque devota. Videatur Viva *loc. cit. n. 5.* Suadet tamen haud dubie tanquam melius, ut talis quoque peccator gravis conetur saltem ante visitationem elicere contritionem, vel deponere Confessionem. Quintimo supposito, quod visitatio illa esset ultimum opus Jubilæi, id ipsum necessario requiritur. Cæterum La Croix hic n. 1432. putat, non obstare devotæ visitationi, si eadem instituat currum, vel equo, nisi aliter expresse in aliqua Bulla requiretur. Resp. II. Num omnes Ecclesiæ in Jubilæo pro visitatione specificatæ debeant simul, & semel, seu uno die absolvi, vel num una ex præscriptis Ecclesiis hoc, altera alio die assumi queat, non conveniunt inter se Doctores. Et quidem affirmativam tenent Filliucius hic *tract. 1. cap. 10.* & La Croix *lib. 6. part. 2. num. 1432.* nimirum talem visitationem diebus diversis modo superius indicato posse institui; aut nisi ex rationabili causa simul interveniat aliqua commutatio, securius defenditur negativa cum Navarro, Bossio, Quarto, & Dominico Viva *de Jubilæo quest. 8. art. 5. n. 2.* videtur enim primæ sententiæ obstare praxis Fidelium, qui eodem die omnes præscriptas Ecclesias simul visitant: praxis autem, & observantia declarant Jus. *cap. cum dilectus. de consuetud.* Quintimo Innocentius XII. pro Romano Jubilæo 1700. celebrato apud Dominicum Viva *tract. de Jubilæo ad finem folio apud me 87.* expresse declaravit, quod Romæ integra visitatio præscriptarum Basilicarum debeat fieri intra unum diem 24. horas in se continentem, computando initium hujus diei, & finem ab una media nocte usque ad alteram: ergo idem erit sentiendum, si tale Jubilæum altero anno extendatur ad alias terras. Interea tamen, si vel post annum sanctum, vel alias temporibus extraordinariis alibi conceduntur Jubilæa, attendere oportet Parochos, quantum prudenter fieri potest, ne in pagis apud rusticos pro visitatione nimium

ab invicem distantes præscribant Ecclesias: alias enim præsertim mala tempestate multi has visitationes intermittunt, aut Confessarios continuo pro commutatione urgebunt, prout experientia non raro docet, dum frequenter fiunt tales commutationes, & quidem prudenter a Confessariis vel in proximiores Ecclesias sæpius visitandas, vel etiam in preces, aliave pia opera maxime apud Senes, debiles, operarios, ac opifices ex labore quotidiano victitantes. Respond. III. Si post annum Sanctum Romanum ad instantiam Nunciorum, seu Episcoporum alibi conceditur Jubilæum, ibique pro lucrands indulgentiis præscribuntur visitationes repetitæ certarum Ecclesiarum, solent hæ visitationes ad minorem numerum restringi, si fiant cum Processionibus, quam si contingerent sine istis. Sic vidi in praxi observari præcedenti Jubilæo anno 1700. ubi in aliquibus Diocelibus una Processio ab aliqua communitate instituta æquivalerat tribus, alibi quatuor visitationibus particularibus, ita, ut loco quindecim visitationum particularium sufficerent quatuor, vel quinque, processionaliter institutæ. Et tali modo etiam observatur Romæ in anno Sancto; ubi, etsi alias deberent quatuor Ecclesiæ specificatæ visitari trigies; si tamen Religiosi Processionem instituunt, sufficit terna, & apud alias Communitates studentium quaterna talis visitatio, prout colligitur ex declaratione Clementis X. emanata pro Jubilæo 1675.

Quæres II. Qualiter sint persolvendæ preces in visitatione Ecclesiarum requisitæ? Resp. I. Preces in Bulla Jubilæi, quando visitantur Ecclesiæ, requisitæ debent persolvi ad mentem Summi Pontificis: non est autem necesse, ut sub oratione exprimatur finis Summi Pontificis specificæ, sed sufficit in genere orare ad eam intentionem, quam requirit Pontifex pro lucrando Jubilæo. Ita cum Bossio, Sanctarello, Quarto, & Pasqualigo, Dominicus Viva hic *quest. 8. art. 5. num. 6.* Ratio est: quia per illam intentionem genericam eo ipso saltem implicite oratio dirigitur ad finem a Pontifice intentum. Resp. II. Si certæ, & specificæ preces in Bulla Jubilæi sub visitatione Ecclesiarum non determinantur, tunc equidem Suarez, Henriquez, Bonacina, & alii probabilissime existimant, sufficere quascumque minimas, præsertim, si attentam mente persolvantur; cum adhuc salvetur vera persolutio alicujus orationis; aut in praxi merito consulenda est tamquam securior sententia Rodriguez, Coninch, & Dominici Viva, requirunt orationem congruam tamquam medium magis proportionatum ad obtinendum finem a Pontifice intentum. Profecto Doctores teste P. Kazenberger *Tr. de indulgentiis, art. 3. quest. 10.* suadent communiter, si aliud pro recitatione sub qualibet visitatione in Bulla non præscribitur, ut saltem sex Pater, & Ave cum Credo recitentur. Resp. III. Preces sub visitatione Ecclesiarum faciendæ, debent persolvi cum ea attentione, quæ requiritur ad substantiam Orationis, de qua in Tractatu de Horis Canonicis; unde saltem probabili periculo invaliditatis exponit suum Jubilæum ille, qui voluntarie, & deliberate sub his precibus requisitis mente distractus existit per notabilem qui-



qualitate Orationis partem. Porro, si quis Ecclesiam, ut has preces persolvere valeat, amplius ingredi nequeat, puta, dum jam ostium invenit clausum, testibus Suarez, Lugo, & Diana, ac conformiter jam dictis de indulgentiis in communi, satisfacit orando ad ostium; quoniam adhuc moraliter censetur preces persolvere in Ecclesia.

Quæres III. Qualis sit danda eleemosyna, si ejusdem elargitio in Bulla Jubilæi desideratur, prout requiritur solet in Jubilæis extraordinariis, quæ tempore Coronationis Pontificis, aut pro sublevanda extraordinaria necessitate Ecclesiæ concedantur? Resp. Equidem, si non expresse aliud insinuat in Bulla, quamplures DD. æque defendere hic, uti præcedenter de precibus ob paritatem rationis; nimirum sufficere eleemosynam quancumque. Interea tamen loquendo in praxi prudenter discurret quoad divites La Croix lib. 6. part. 2. num. 1427. ponendo sequentia vix non in omnibus verba formalia: Si Bulla nihil determinet, sufficere eleemosynam quancumque parvam etiam pro quovis divite, docet Diana, Faustus, Rodriguez, Leo, & alii. Contra Navar. Cordub. Regin. & Aloza probabilius volunt, dandam proportionate ad personæ facultates. Et licet Bulla moderna dicant: prout unicuique devotio, & charitas suggererit: nihilominus Zech, ourre, & alii adhuc ajunt sufficere quancumque parvam; sed alii melius dicunt, simul habendam esse rationem dictaminis interni plus minusve suadentis. Et quia L. si olcum, ff. de dolo, habetur, minima non esse consideranda, recte subsistit Dominicus Viva q. 8. art. 6. quando aliquid committitur arbitrio operantis, non sufficere quidvis minus, sed mensurandum esse secundum Regulas prudentia. Quinimo, si in Bulla talis extraordinarius Jubilæi poneretur hac Clausula: juxta cujusvis facultatem, dives utique debet plus dare, quam alius. Ita ille merito sequendus; cum ipsa praxis doceat, quod divites (nisi omnino fuerint Euctiones) etiam de facto soleant ordinariæ, & communiter plus dare, quam alii minus habentes, alias sibi sumptus de non lucrando Jubilæo, s. g. tantummodo ad eum finem darent unicum obolum, vel crucigerum, prout pariter advertit Van Ranst de Indulgentiis q. 7. n. 24. ac seqq. Porro per pauperes, quibus eleemosyna danda, poterunt hic etiam merito intelligi egentes necessariis ad conservandum statum: item Ecclesiæ, aliave loca pia vere indigentia luminaribus, ornamentis, ædificiis, sustentatione &c. ut cum Nav. Lugo, Sanch. Diana, & Bellagamb. advertit La Croix loc. cit. n. 1429.

Quæres IV. Quomodo sit observandum jejunium, si illud requiritur, prout fit in Jubilæis extraordinariis tempore Coronationis novi Pontificis, aut in gravi necessitate Ecclesiæ? Resp. Observandum esse jejunium eo modo, quem singulæ Provinciæ tenent illo tempore quoad alia jejunia: consequenter nec impedit illud collatiuncula de nocte, nec potius, nec modicum quid sumptum intra diem. Ita apud La Croix, Sanchez in Decalogum lib. 4. cap. 11, & Franciscus Bellagamb. de Jubilæo p. 3. sect. 5. quæst. 1. Ratio est: quia etiam alias, si Ecclesia jejunium præcipit, illud injungit juxta modum in illis Regionibus consue-

tum: & hinc in vigiliis Germani comedunt adhuc ova, æque lactinia, prout utique etiam facere possunt tempore Jubilæi. Porro cum jejunium requiratur tamquam conditio sine qua non, ad id, supposito, quod Jubilæum illud, in quo præscribitur, lucrari velint, adstringuntur etiam illi, qui alias ad jejunium necdum sunt obligati, uti pueri, senes, itinerantes, laborantes, ac infirmi, nisi hæc jejunia in aliud opus pium a Confessariis commutentur. Quæ tamen jejunii commutatio in aliud opus pium non debet facile fieri, nisi id observari nequeat absque notabili incommodo, uti contingere potest apud valde infirmos, & ex itinere, vel labore notabiliter fatigatos. Ita recte annotat Dominicus Viva hic q. 8. art. 26. præsertim n. 4. qui exinde eodem articulo accurate subjungit, quod si jejunium Jubilæi incidat in aliquod festum principale alicujus civitatis, non illico debeat illud commutari in aliud opus pium, v. g. in eleemosynam, sed potius ab Episcopo transferri ad alium diem hebdomadis non impeditum: nam sic Ecclesia etiam prædicat in aliis jejniis, si incidant e. g. Vigiliæ in diem Dominicam, aut in aliquod principale Festum. Quinimo teste Van Ranst hic q. 7. n. 22. Urbanus VII. simile Jubilæum anno 1634. concedens tempore Paschali etiam ibi consueta imposuit jejunia.

Quæres V. An, si pia opera superius mentionata, quæ pro Jubilæo lucrando injunguntur, jam sint alias debita, tales nihilominus satisfaciunt Bullæ Jubilæi per eadem opera, sique per ipsa adhuc obtinere possint indulgentias Jubilæi? Casus emergentes sunt varii; putâ, potest quis esse jam aliunde obligatus ad visitandam Ecclesiam, ut die Dominica audiat Missam eodem, vel potest esse adstrictus ad jejunandum, &c. Vocî, aut Præcepti Ecclesiastici &c. Quæritur ergo, an nihilominus per similem visitationem Ecclesiæ, vel jejunium, quis satisfaciat Bullæ Jubilæi extraordinarii, & lucratur indulgentias inibi contentas? Resp. a potiori loquendo, & nisi contraria sit Summi Pontificis ex specialibus circumstantiis desumatur, valent per mentionata opera aliunde debita satisfacere, & lucrari indulgentias Jubilæi. Ita Sabini Bottoniensis part. 2. tract. 65. q. 29. & La Croix lib. 8. part. 2. num. 1425. ac teste eodem communis, præsertim sub his terminis: Ratio fundamentalis est; quia ex una parte potuit supremus Christi in terris Vicarius Pontifex indulgentias tales intuitu hujus operis alias debiti concedere: quæ enim in hoc implicantia? Et ex altera parte, cum non restrinxerit expresse Bullam ad opera præcisè supererogatoria, sed absolute concesserit cum his operibus, oportet ordinariè mentem ejusdem in causa hac favorabili sic interpretari, quod nimirum dederit eas indulgentias, si allegata opera peragantur, sive dein eadem alias jam sint debita, sive non; nam beneficium supremi Principis patitur largam interpretationem, Leg. Beneficium, ff. de Constit. Princip. nisi aliunde sit ratio restringendi, vel specialiter in Rescripto aliquo constet de mente contraria ejusdem. Accedit, quod, dum in Jubilæo illo extraordinario injunguntur jejunia, iisdem contentus sit Pontifex ad obtinendas indulgentias juxta communem, quant-

440 *Tract. IX. De Immunitate Ecclesiastica, & Indulgentiis. Distinct. III.*

quamvis dicta jejunia incidant in quatuor tempora, vel in dies Vigiliarum, vel in Quadragesimam, ubi alias est obligatio jejunandi, quod utique signum est, non requiri a Summo Pontifice ordinarie opera supererogatoria, seu alias indebita. Sic etiam utique censetur quis sufficienter visitasse Ecclesiam suam Parochialem, etsi aliunde fuisset obligatus eam adire pro eo tempore, puta festivo ad audiendam Missam, quæ alibi non amplius celebratur. Nec dicas: Non obtinet aliquis indulgentias Jubilæi per illam elemosynam, quam alias largiri debet ex justitia: ergo per opera alias debita non acquiritur Jubilæum. Respond. enim concedendo antec. in casu specificato, & quoad similes obligationes ex justitia: nego tamen exinde consequentiam, & paritatem quoad alios casus, in quibus non invenitur aliqua specialis ratio. Disparitas est: quod illa solutio debiti ex justitia tollat rationem elemosynæ propriæ dictæ, utpote cum datio elemosynæ non sit restitutio, sed potius aliqua gratuito donatio: econtra vero jejunium exhibitum, quia præceptum est (idem dic proportionatiter de aliis similibus piis operibus) non tollit rationem jejunii. Unde notanter diximus a priori loquendo, & nisi contrarium ex specialibus circumstantiis colligatur (uti colligitur in materia Justitiæ) posse in ordine ad indulgentias Jubilæi obtinendas satisfieri per opera aliunde debita, loquendo de operibus, quæ sunt in enumeratione casuum comprehensa.\*

Q U Æ S T I O X.

De Facultate absolvendi a reservatis tempore Jubilæi.

S U M M A R I U M.

114. Tempore Jubilæi solas Confessariis concedi potestas absolvendi a reservatis,
115. Et commutandi vota.
116. Jubilæum non posse bis obtineri, est probabilius.
117. Nec etiam in duobus locis.
118. Quamvis non desint oppositum tenentes.
119. Valida est absolutio a reservatis, obtemperata in Jubilæo ab habente animum adimplendi opera præscripta, licet postea hæc non peragat.
120. Secus, si non habuisset animum ea implendi.
121. Utrum absolutus a reservatis peccet mortaliter, si postea non præstet opera Jubilæi?
122. Virtute Jubilæi, potest quis absolvi a reservatis oblitus eo jam peracto.
123. Hoc ipsum tenent aliqui de commutatione votorum.
124. Alii vero negant.
125. Probabilius est, in Jubilæo concedi facultatem absolvendi ab Hæresi, nisi excipiat.
126. Idque probatur multipliciter.
127. Et confirmatur.
128. Solvitur ratio opposita.
129. Respondetur ad Declarationes SS. Pontificum.
130. Excepta Hæresi non censentur excepti casus Hæresin sapiences.

114. **P**RO majori intelligentia sequentium est notandum, quod tempore Jubilæi præter Indulgentias plenarias, omnibus Fidelibus opera præscripta rite peragentibus concessas, duplex communiter potestas respectu eorum conce-

di soleat Confessariis, quos ipsi ex approbatis ab Ordinariis locorum elegerint. Prima est, quod hi possint eos pro ea vice, & in foro conscientiarum tantum, absolvere ab omnibus censuris, & peccatis, etiam reservatis tum a locorum Ordinariis, tum a Summo Pontifice, ac etiam contentis in Bulla Cœnæ Domini: dummodo non sint publice denunciati, incidisse in aliquam sententiam seu censuram excommunicationis, suspensionis, & interdicti; nam tales expresse in Bulla excipiuntur, nisi infra tempus celebrationis Jubilæi satisfecerint. Solet etiam interdum expresse excipi crimen hæresis, ut videre est in Jubilæo Innocentii X. Anno 1648. die 11. Martii publicato, quod refert Gobat circa initium *Tractatus III. Quinarii*.

115. Altera facultas, concessa Confessariis, est, quod possint quæcumque vota ipsorum (Religionis, & Castitatis exceptis) in alia pia, & salutaria opera commutare. Ubi nomine *Castitatis* intelligitur Castitas perpetua, & integra, ut in simili dictum est supra *Tractat. VI. Dist. 3. n. 45. & 46*. Non tamen solet concedi ulla facultas dispensandi super aliqua irregularitate quomodocumque contracta, prout amplius ex verbis Bullæ cujuslibet Jubilæi patere poterit; nam illa nonnumquam alterantur. His prænotatis, pro solutione præcipuorum dubiorum, circa materiam præsentis questionis occurrentium, sit

116. **CONCL. I.** Probabilius est, quod Jubilæum ad duas hebdomadas extensum non possit bis obtineri; ac proinde, qui intuitu ejus absolutus a reservatis hebdomada priori, non possit denuo hebdomada sequenti reiteratis operibus absolvi a reservatis, in quæ noviter incidit. Ita Lugo *disp. 27. de Sacram. Pœnit. n. 121.* citans Suarez, Sanchez, & alios. Filliucius *n. 261.* asserens, ita fuisse declaratum a Sacra Congregatione Concilii, anno 1620. & rursus *n. 278.* ubi refert, ita respondisse Clementem VII. ac novissime Sannig *loc. cit. n. 15.* Fundatur hæc sententia, præter alias jam Declarationes, in eo: quia Indulgentia tantum valet, quantum sonat Bulla; atqui Bullæ Jubilæorum utuntur clausula disjunctiva: *Qui prima, vel secunda hebdomada*: & infra: *ulterius ex duabus hebdomadis*; ergo non nisi disjunctive poterit Jubilæum obtineri prima, vel secunda hebdomada & consequenter non bis, seu copulative in utraque.

117. Atque hinc ulterius infertur, quod, si quis in uno loco, v.g. Salisburgi, lucratus est Jubilæum, ibi prius publicatum, & postea veniat Frisingam, ubi serius idem Jubilæum publicatur; non possit secundo idem Jubilæum lucrari, & absolvi a reservatis: quia, licet locus sit diversus, Jubilæum tamen est idem. Lugo *loc. cit. n. 121.*

11. Additur notanter in Conclusionem, *probabilius est*. Quia non desunt Doctores, qui affirmant, posse Jubilæum sæpius, atque in utraque hebdomada obtineri, si opera præscripta repetantur, eo quod Beneficium Principis sit latissime interpretandum, quando non tendit in præjudicium tertii. Henriquez *lib. 7. de Indulgentiis, cap. 11. num. 1.* & novissime Gobat *Tract. 3. Quinarii, num. 92. & seqq.* citans plures alios; ac proinde *num. 256.* inferens, quod prima hebdomada

absolutus a censuris, si reincidat in illas, possit secunda hebdomada denuo absolvi repetitis operibus: quorum sententiam Lugo cit. num. 122. probabilem censet, etsi nostram appellet probabilior.

\* Ex qua ultima doctrina etiam Sanchez apud La Croix lib. 6. part. 2. num. 1450. deducit, multo magis, & a fortiori quempiam sapius a peccatis reservatis, seu censuris absolvi posse intra spatium unius, nimirum illius septimanæ, qua quis peragit opera ratione Jubilæi præscripta; atque hanc sententiam valde favorem saltem procedere putant usque ad illud tempus, quo quis ultimum opus in Jubilæo præscriptum complevit. Quinimo Cardinalis de Lugo, & Castropalao idem respectu unius septimanæ defendunt, etiam si primis diebus illius septimanæ quis jam absolvisset omnia opera pro Jubilæo præscripta: quia (inquiunt) pro favoribus Jubilæi acquirendis ad minus videtur cuilibet assignata una tota septimana; quoniam Bulla Jubilæi absolute concedit favores Jubilæi opera præscripta peragentibus una ex designatis septimanis. Altera autem verba: *pro hac vice tantum absolvas &c.* si in aliqua Bulla Jubilæi reperiantur, non videntur referri ad actum absolvendi, quasi nimirum quis unica tantum vice absolvi posset a censuris, & casibus reservatis, sed ad tempus Jubilæi, nimirum, quod similis potestas absolvendi a censuris, & peccatis tantum daret tempore Jubilæi, non autem ultra.

Ast dices, apud Filliucium reperiri contrariam huic sententiæ declarationem S. Congregationis, volentis semel tantum acquiri posse indulgentiam per Jubilæum concessam, & NB. semel tantum quempiam posse a reservatis absolvi. Respondet ad hanc declarationem Gobat. & Diana apud Dominicum Viva tract. de Jubilæo quest. 6. art. ult. prope finem, non constare authenticæ de eadem. Ego vero (ut verum ingenuè fatear) in reverentiam hujus declarationis, quæ pariter allegatur a Van Ranst. loc. cit. quest. 5. nu. 15. & cui accedunt alia gravia fundamenta apud Viva loc. cit. videnda, vix amplius audeam, supposito, quod quis intra illam septimanam jam fuerit complete Jubilæum lucratus, & primum postea committeret de novo casum reservatum, praticare sententiam Cardinalis de Lugo, ac Castropalao, nisi aliunde doceat, hanc declarationem, cujus valorem, ac subsistentiam alii graves DD. pro viribus defendunt, non esse authenticam. \*

119. CONCL. II. Valida est absolutio illius, qui animo adimplendi omnia requisita pro lucrando Jubilæo, die Lunæ alterius hebdomadæ confessus est peccata reservata, & ab eis, atque annexis censuris, etiam Papæ reservatis, obtinuit absolutionem pro Foro conscientie, licet postmodum opera præscripta implere negligat. Ita Zerola part. 2. Praxis Episcopalis, vers. absolutio, quest. 11. Lugo disp. 20. de Sacram. Pœnit. num. 100. Sanchez lib. 4. in Decalog. cap. 54. nu. 42. Bonacina disp. 5. de Sacram. Pœnit. quest. 7. punct. 5. §. 5. nu. 16. citans insuper Suarez, Vasquez, & alios: quamvis nonnulli velint, in tali casu censuras, earumque reservationem redire. Ra-

tio Conclusionis est: quia absolutio ejusmodi fuit data omnino absolute, non autem sub conditione de futuro, ergo semel habita, simpliciter tenet. Accedit, quod pœnitens cum intentione peragendi omnia requisita confessus, rite fuerit dispositus pro recipienda absolutione ab omnibus peccatis, & censuris etiam reservatis virtute Jubilæi, quod lucrari vere intendebat; nam in ordine ad istud obtinendum Papa concessit facultatem absolvendi a reservatis.

120. Additur notanter, qui animo adimplendi omnia &c. Nam deficiente intentione adimplendi opera ad Jubilæum requisita ex parte contentis, deficit quoque facultas absolvendi a reservatis: ex parte Confessarii; cum ipsam Pontifex solum concesserit in ordine ad consequendum Jubilæum; ac proinde defectu potestatis absolutio illa nunquam fuerit valida. Lugo, Bonacina, ubi supra cum aliis.

121. Variant autem Doctores, utrum in priori casu pœnitens graviter peccet, si, postquam tempore Jubilæi obtinuit absolutionem a reservatis, mutato animo non præstet opera præscripta, sicque Jubilæum lucrari negligat. Et quidem Suarez disp. 31. de Pœnit. sect. 4. num. 5. arbitratur, talem graviter peccaturum. Contra Sanchez loco citato numero 54. Lugo, Bonacina, ubi supra, Gobat cit. tract. 3. num. 262, & alii, probabilius esse censent, talem non peccaturum mortaliter: nam, ex quo bona fide petiit, & accepit absolutionem a reservatis, non apparet sufficiens fundamentum inducendi obligationem sub mortali ad præstanda cætera opera; cum nulli gravem injuriam inferat, sibi que potissimum noceat non lucrando Jubilæum, ad quod nulla lege sub mortali obligatur.

122. CONCL. III. Qui confessus est Tempore Jubilæi animo illud lucrandi, atque ex oblivione omisit confiteri peccatum reservatum, vel censuratum, potest peracto Jubilæo ejus absolutionem obtinere a simplici Confessario. Ita Lugo cit. disp. 20. numer. 99. Filliucius tract. 8. cap. 10. de Jubilæo, num. 279. Sannig. loc. cit. numer. 17. Suarez, & alii. Ratio est: quia per absolutionem tempore Jubilæi generaliter, & absolute datam, jam censetur ablata reservatio pro oblitis; & consequenter postea ab his potest absolvere simplex Confessarius.

123. Et hoc ipsum non pauci Doctores extendunt etiam ad commutationem votorum, ita ut ille, qui præstitit opera pro consequendo Jubilæo præscripta, possit transacto etiam tempore Jubilæi votorum antea factorum commutationem petere, atque obtinere a quovis Confessario. Ratio esse potest: quia, qui semel lucratus est Jubilæum, acquisivit jus ad obtinendas omnes gratias Jubilæi, etiam pro tempore sequenti, si eas pro tunc petere fuit oblitus; & consequenter, sicut postea potest obtinere absolutionem a reservatis, ita & commutationem votorum. Ita Sanchez lib. 4. in Decalog. cap. 54. num. 1. 39. Lessius lib. 2. de just. & jur. cap. 40. num. 109. Gobat loc. cit. num. 243. citans plures alios.

124. Fatendum tamen, quod Suarez lib. 6. de voto cap. 16. num. 14. & Bonacina disput. 4. in



*Deatque, quæst. 2. punct. 7. §. 3. num. 14.* & quidam alii negent, commutationem votorum fieri posse post peractum tempus Jubilæi, nisi hæc pro tunc jam fuerit inchoata, sicque perpetuata jurisdictio delegata Confessarii, dicendo v. g. *Commuto tua vota in ea opera, quæ postmodum ero designaturus.* Alioquin vero (inquiunt) transacto tempore Jubilæi, expirat jurisdictio Confessarii. Neque enim est paritas inter absolutionem a reservatis, & commutationem votorum: nam illa jam absolute, & sine aliqua conditione, facta fuit ipso tempore Jubilæi: non sic commutatio votorum, nisi in casu jam excepto.

\* Porro, cum in potestate commutandi Vota, tempore Jubilæi concessa, excipiantur Vota perpetuæ Castitatis, & Religionis, revidendum in materia de Votis *tract. 6. dist. 3. quæst. 2. ac 4. cum sequenti*, quænam proprie censeantur Vota perpetuæ Castitatis, & Religionis: nam si non sint proprie talia, ita, ut in ipsis etiam Religiosi Mendicantes extra Jubilæum virtute suorum privilegiorum dispensare valeant, pariter eadem Voto alii Confessarii alias non privilegiati commutare possunt in Jubilæo illo, in quo generaliter conceditur potestas commutandi Vota exceptis Religionis, & perpetuæ Castitatis &c. Subjungunt Dominicus Viva de *Jubilæo quæst. 12. art. 2. num. 7. ac 8.* Et la Croix *lib. 6. part. 2. num. 1462.* posse commutari Vota perpetuæ Castitatis ab impuberibus emissa, non obstante, quod in Bulla Jubilæi excipiantur Vota perpetuæ Castitatis. Ratio ipsorum est: quia impuberes præsumuntur non perpendisse sufficienter matura deliberatione statum perpetuum Castitatis, hincque eorum Vota non comprehensa sub reservatione Bullæ. Profecto impuberes juxta *cap. Attestationes de Dispensat. impub.* nequeunt eligere Matrimonium; quia in ea ætate non præsumuntur, quamvis cæteroquin suo modo post Septennium jam capaces rationis, deliberatione NB. sufficienter matura perpendere statum perpetuum tam gravis obligationis.\*

125. CONCL. IV. Quando in Bulla Jubilæi datur Confessariis facultas absolvendi pro Foro conscientie ab omnibus censuris, & peccatis, *quantumvis gravibus, & enormibus, etiam in listis die Cæne Domini legi solitis, & alias quomodocumque reservatis*: probabilius est, etiam concedi facultatem absolvendi ab Hæresi, nisi hæc expresse excipiat. Ita Filliucius *citat. tract. 8. capit. 10. numer. 265.* asserens, ita fuisse responsum in Sacra Pœnitentiaria 1617. occasione Jubilæi tunc promulgati. Zerola *part. 2. Praxis Episc. vers. Absolutio, quæst. 8. concl. 4.* citans Scotum *dist. 22. quæst. 2. art. 3.* Corduba, in *Summ. quæst. 8.* Fagundez, Lugo, Azorius, pluresque alii, ac novissime Gobat *cit. Tract. 3. Quinarius, n. 248.* & ibi in *Appendicula*; quamvis etiam multi teneant oppositum, ut videre est apud Barbosam *part. 2. de Offic. & potest. Episcop. alleg. 40. n. 31.*

126. Ratio Conclusionis est: quia verba generalia generaliter sunt intelligenda; simulque negari nequit, quin Hæresis connumeretur inter casus Bullæ Cœnæ Domini. Deinde causa motiva, ob quam Pontifex per Bullam Jubilæi

solet Confessariis concedere amplissimam illam facultatem absolvendi, solet assignari ista; quia videlicet Sanctissimus Dominus Papa cupit omnes Christi Fideles participes fieri hujus pretiosissimi Thesauri, seu Jubilæi: atque etiam lapsus in Hæresim, & de hac verò pœnitens, & contritus, pertinet ad Christi Fideles: cur igitur is solus de mente Pontificis non poterit particeps fieri tanti Thesauri, nisi expresse excipiat, Notum quippe est, quod beneficium Principis, nulli tertio præjudicans, sit largissime interpretandum, ut c. *Olim de Verb. signif. & quod favores sint ampliandi, non restringendi, juxta Reg. 15. juris in 6. cum similibus.*

127. Accedit, quod, si Papa a tam generali, & favorabili concessione velit esse exceptum crimen Hæresis, soleat illud expresse excipere, pro ut sæpius factum esse ostendit Gobat, *ubi sup. ergo*, quando illud expresse non excipit, censetur per verba tam generalia, atque intuitu Jubilæi, velle dare Confessariis potestatem absolvendi etiam a crimine hæresis pro Foro Conscientie, *arg. t. quia circa de Privileg. ibi: Cum nihil exceptum, & poterat exceptisse*; sicut jam fecerant alii Pontifices, quando hoc crimen voluerunt esse exceptum.

128. Nec obstat ratio Doctorum oppositæ sententiæ, sese fundantium in gravitate, & rigorosa reservatione Hæresis: unde (inquiunt) hoc crimen non venit in generali concessione absolvendi, cum sit speciali nota dignum, juxta *Reg. 81. juris in 6. In generali concessione non veniunt ea, quæ quis non esset verisimiliter in specie concessurus.* Nam contra est: quia, licet sit opinio multorum Doctorum, non venire in generali concessione Casuum Bullæ Cœnæ crimen Hæresis, propter ejus enormitatem; tamen id nullo jure probatur, & alioquin Viri etiam doctissimi contrarium sentiunt; quod & in usum & praxin reducitur Romæ in sacra Pœnitentiaria, ut inquit Filliucius *loc. cit.* atque intrepide, singulariter a Confessariis Septemtrionalibus, ubi impune grassantur Hæreses, in usum deduci posse, notat Gobat *cit. num. 249. circa finem.* Accedit, quod si vera esset opposita sententia, non nisi superflue, & nugatorio quidam Pontifices expresse crimen Hæresis exceptissent, utpote quod per se, & aliunde jam fuisset sufficienter exceptum.

129. Afferuntur quidem in favorem oppositæ sententiæ nonnullæ Declarationes Sanctorum Pontificum, uti videre est apud Barbosam *cit. num. 31.* Verum respondet Diana *part. 1. tract. 5. resolut. 1.* post Fagundez, quod de illis non constet authenticæ. Certe Responsio Sacre Pœnitentiariæ, per Filliucium adducta, stat in oppositum. Quod si revera tales declarationes Pontificiæ emanarint, non erit locus dandus nostræ sententiæ: nisi dici possit, quod dictæ Declarationes emanarint a Pontificibus circa proprias suas Bullas; aut quod ipsæ restringantur intra limites Hispaniæ, aliorumque locorum, ubi viget Officium S. Inquisitionis, ad cujus instantiam dictæ Declarationes emanarunt, ut patet ex verbis Decreti a Diana, *ubi supra*, relati.

\* Oppo-



\* Oppones Decretum S. Congregationis sub Alexandro VII. 15. Maji anno 1656. editum sequentis tenoris: *Cum crimen hæresis præ cæteris gravissimum speciali nota dignum sit, decrevit facultatem absolvendi ab hæresi NB. in Jubilæis, vel aliis similibus Concessionibus non censeri comprehensam, nisi præcisè verbis concedatur facultas absolvendi ab hæresi.* Resp. ad hunc textum, qui etiam pro fundamento in Jure Canonico lib. 5. Decret. tit. 7. §. 8. n. 400. adducitur, eundem esse intelligendum quoad loca, ubi hæreses sunt rariores, ac viget officium Inquisitionis; non autem, ubi ea impunitæ grassantur, uti in Germania. Et ita etiam novissime resolvit Van Ranst in suo *Opusculo de Jubilæo, Roma impresso, & Benedicto XIII. Summo Pontifici dedicato* q. 10. n. 4. \*

130. His addendum cum Diana *part. 4. resolut.* 140. Gobat *loc. cit.* n. 250. & aliis, quod, licet quandoque in Bulla Jubilæi expresse excipiantur Hæresis a generali facultate absolvendi, non idcirco censeantur excepti alii casus Hæresis sapientes: ut est lectio, ac retentio librorum hæreticorum una cum cæteris casibus in primo Articulo Bullæ Cœnæ contentis. Nam talia delicta non possunt cum verborum proprietate dici Hæresis.

\* Quæres, quid profit opinionum probabilitas ad lucrandas indulgentias, vel favores Jubilæi? ubi nota, quod favores Jubilæo annexi dicantur *Electio Confessarii, potestas absolvendi a reservatis, vel commutandi Vota &c.* qui favores expresse in Jubilæis extraordinariis, quin & in ordinariis anni Sancti quoad potestatem absolvendi, & commutandi concedi solent, prout patet ex Bulla Clementis X. annectenda in Appendice post hanc quæstionem. Hoc prænotato, ut quæsitum istud magis capiatur, ponuntur exempla in his quæstionibus jam comprehensa: e.g. disceptatur inter Doctores, num anno Sancto sint revocata indulgentiæ partiales, vel non? Item, num obtineantur indulgentiæ Jubilæi nec ne, si parum quid ex operibus injunctis intermittatur? Pariformiter controversi potest inter Doctores loquendo de favoribus Jubilæi, num sub potestate absolvendi, & commutandi tempore Jubilæi concessa hoc, vel illud in specie comprehendatur, nec ne? &c. Posito ergo, quod ego verisimilius judicem, non revocari anno Sancto indulgentias partiales, vel valere easdem, etsi parum quidpiam ex operibus injunctis intermittatur, aut loquendo de favoribus Jubilæi, comprehendendi sub facultate absolvendi, vel commutandi etiam licentiam circa casum inter DD. controversum, sicque absolvam, vel commutem. In his, & similibus casibus quæritur, quid mihi profit judicium meum ex similibus probabilissimis fundamentis firmatum, posito, quod a parte rei indulgentiæ partiales æque, ac plenarie a Papa anno Sancto essent revocata, aut Pontifex etiam ob intermissionem levem operum injunctorum non concederet indulgentias, vel nollet sub potestate absolvendi a casibus Bullæ Cœnæ comprehendere hæresin? Ad quod

Respond. I. Opinionum probabilitas in ordine ad indulgentias Jubilæi, vel etiam alias in tantum prodest, ut is, qui juxta eandem operatur,

non incurrat notam temeritatis, & consequenter nec excommunicationem, aliasve pœnas Ecclesiasticas latas in illos, qui falsas indulgentias spargunt, & defendunt tamquam veras, aliosque ad eas inducunt. Ita communis, & ratio est, quia hæc pœnæ solummodo feruntur in illos, qui scientes indulgentias falsas jactant tamquam veras: tales autem, quibus ex valde gravi fundamento indulgentiæ apparent veræ, non habent scientiam de falsitate earum: ergo.

Resp. II. Non desunt aliqui AA. qui cum Amico *Tom. 8. E. 21. n. 47.* & Dominico Viva *de Jubilæo q. 3. art. 1.* defendunt, opinionum probabilitatem conferre etiam ad obtinendas ipsas indulgentias, ita, ut, si forsitan sequendo talem opinionem probabilem error contingeret, ipsemet Pontifex hunc errorem suppleret, adhuc eo non obstante ex thesauro Ecclesiæ concedendo indulgentias: ast communior Doctorum est contraria, semper sibi persuadens, Pontificem non alligasse valorem indulgentiarum opinioni easdem lucrantium, sed suæ voluntati, & certis præfixis conditionibus: nam juxta commune: *Indulgentia tantum valent quantum sonant:* id est (uti loquitur D. Thomas) quantum sonant arbitrio eas impertientis, & ad certas conditiones adstringentis, quas concedens judicat affigendas, non vero quas lucraturus probabiliter putat attendendas.

Resp. III. Loquendo de aliis favoribus Jubilæi tribuentibus Confessario facultatem absolvendi, & Vota commutandi respectu eorum, qui Jubilæum lucrari intendunt, opinio probabilis in tantum prodest, ut attendendo præsertim ad principia reflexa moraliter certo Jurisdictionem tribuat tales favores exhibendi. Ita Viva *loc. cit. art. 2.* & La Croix *lib. 6. part. 2. n. 1445.* ac teste ipso communis. Ratio est, quia in Sacramento Pœnitentiæ error communis jus tribuit, quatenus Ecclesia ad evitanda multa incommoda, & præjudicia publica supplet in eo casu defectum Jurisdictionis, eo ipso tribuendo eam, quando prudenter judicatur adesse, prout fufius solide probat Dominicus Viva *loc. cit.*

## A P P E N D I X II.

Continens Bullam suspensivam tempore Jubilæi in anno Sancto: Item subjungitur notificatio Gratiarum, & Declarationum factarum occasione Jubilæi Romæ celebrati, ac novissima Concessio Benedicti XIII. quoad Indulgentias pro defunctis applicandas, & alias provivis.

Bulla suspensiva Indulgentiarum Tempore Jubilæi Romani anno 1725. celebrati

## B E N E D I C T U S

Episcopus Servus Servorum Dei.

Ad futuram rei Memoriam.

\* **C**um Nos nuper sancti Jubilæi celebrationem a vigilia Nativitatis Domini Nostri JESU Christi proxime futura inchoandam, & usque ad finem sequentis anni duraturam universo populo Christiano, de Venerabilium Fratrum nostrorum sanctæ Romanæ Ecclesiæ Cardinalium assensu, indiximus,

rimus, ac omnibus utriusque sexus Christi Fidelibus vere penitentibus, & confessis, qui Beatorum Petri, & Pauli Apostolorum, nec non sancti Joannis Lateranensis, & sancta Mariae Majoris de Urbe Basilicas visitaverint, plenissimam omnium peccatorum suorum Indulgentiam, Remissionem, & veniam concesserimus, prout in nostris desuper confectis litteris plenius continetur; cupientes, ut Christiana nationes ex omnibus terrarum Orbis locis in alma Urbe nostra in Fidei, ac Religionis unitate congregata, eodem pietatis, ac devotionis spiritu Basilicas praedictas, quo maximo fieri poterit concursu, durante eodem Jubileo, visitent, & frequentent, multorum Romanorum Pontificum Praedecessorum nostrorum exemplo adducti omnes, & singulas Indulgentias, etiam perpetuas, & peccatorum remissiones, ac facultates, & indulta absolvendi, etiam a casibus Sedis Apostolica reservatis, etiam in litteris die Cona Domini legi solitis contentis, quibusvis Ecclesiis, Monasteriis, Hospitalibus, etiam sancti Joannis Hierosolymitani, Domibus, Militiis, Ordinibus, etiam Mendicantibus, Congregationibus, Confraternitatibus, & piis locis, illorumque Ordinibus, Capitulis, Conventibus, Magistris, Superioribus, & tam secularibus (quam quorumvis, etiam Mendicantium Ordinum Regularibus personis, Coronisque, Granis, Imaginibus, Numismatibus ex metallo, seu quacumque alia materia confectis, tam singulariter, quam universaliter per quoscumque Romanos Pontifices Praedecessores nostros, ac etiam Nos etiam ad instantiam Imperatoris, Regum, Ducum, aliorum Principum: aut ipsis etiam Imperatori, Regibus, Ducibus, & Principibus, vel aliis quacumque alia mundana, vel Ecclesiastica Dignitate, etiam speciali nota digna, fulgentibus, etiam ad instar Jubilei aut alias quomodocumque & ex quibusvis causis & occasionibus sub quibuscumque tenoribus, & formis, ac cum quibusvis clausulis, & Decretis, etiam motu proprio, & ex certa scientia, ac alias quomodolibet concessas, & concessa, quorum omnium tenores, formas, derogationes, & decreta praesentibus pro expressis haberi volumus, Apostolica Auctoritate, de eorumdem Fratrum consilio, & assensu, ac potestati plenitudine suspendimus, & suspensas, ac suspensa esse declaramus, easque, & ea, eodem anno durante, nulli prodesse, aut suffragari debere. Irritum quoque, & inane decernimus, si secus super his a quoquam quavis auctoritate scienter, vel ignoranter contigerit attentari. Quocirca per praesentes Auctoritate Apostolica praecipimus, & mandamus, ne interim alia, quam indicti a Nobis praedicti Jubilei, indulgentia sive publice, sive privatim, quovis praetextu, ubivis locorum, & gentium sub excommunicationis, eo ipso incurrenda, aliisque arbitrio Ordinariorum infligendis poenis publicentur, vel nuncientur, aut in usum demandentur. Non obstantibus praemissis, ac constitutionibus, & ordinationibus Apostolicis, nec non Ecclesiarum, Monasteriorum, Conventuum, Ordinum, Congregationum, Hospitalium, Confraternitatum, Universitatum, Collegiorum, & Locorum, aliorumque praedictorum etiam Juramento, confirmatione Apostolica, vel quavis firmitate alia roboratis, statutis, & consuetudinibus, privilegiis quoque, exemptionibus, ex indultis Apostolicis illis, eorumque Superioribus, & personis, ac aliis qui-

buscumque per eosdem Romanos Pontifices Praedecessores Nostros, ac Nos, & dictam Sedem ejusque Legatos sub quibuscumque tenoribus, & formis, ac cum quibusvis clausulis, & Decretis, & ex quibusvis causis, concessis, confirmatis, & innovatis. Quibus omnibus, etiam si in illis caveatur expresse, quod sub similibus, vel dissimilibus suspensionibus nequaquam comprehendantur, nisi de illis specialis, & individua mentio fiat, illis in suo robore permanens, ad effectum praemissum, hac vice dumtaxat, specialiter, & expresse derogamus, ceterisque contrariis quibuscumque. Et quia difficile nimis esset praesentes quocumque, ubi illas opus fuerit perferri, volumus earum exemplis etiam impressis, Notarii publici manu, & sigillo persona in dignitate Ecclesiastica constituta obsignatis, eandem prorsus fidem in iudicio, & extra ubique locorum adhiberi, qua adhiberetur praesentibus, si essent exhibita, vel ostensa. Nulli ergo omnino hominum liceat hanc paginam nostra suspensionis, declarationis, decreti, praecipi, mandati, & voluntatis infringere, vel ei ausu temerario contraire. Si quis autem hoc attentare praesumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursurum. Datum Romae apud Sanctam Mariam Majorem, anno Incarnationis Dominicae Millesimo Septingentesimo vigesimo quarto, pridie Nonas Julii, Pontificatus Nostri Anno primo.

P. M. Card. Prodaturus.

F. Card. Oliverius.

Visa de Curia I. C. Archiep.  
Amasenus.

Registrata in Secretaria Brevium,  
Loco Plumbi.

L. Martinettus.

Hæc Bulla omnino convenit cum aliis duabus, quas Clemens X. pro anno Sancto 1675. & Innocentius XII. pro anno Jubileo 1700. ediderunt, ubi iisdem, ac Benedictus XIII. pro anno 1725. utuntur potissimum verbis in suspensione indulgentiarum extra Romam, prout omnes tres collationavi.

Ex quo etiam ad tollenda multa dubia recte ex Dominico Viva Tract. de Jubil. quest. ult. art. 1. n. 2. deducitur, quod sistendo in allegata Bulla non alia anno Sancto 1725. intelligantur suspensa indulgentiarum, quam quæ fuerant suspensa praecedentibus duobus Jubilæis pro annis 1675. & 1700. Romæ durantibus: nisi Pontifex expresse se aliter declaret. Ratio assertionis est; quia, dum alias Pontifices Successores iisdem, ac Antecessores, utuntur verbis; etiam eodem modo veniunt intelligendi quoad illa verba. Idque praecipue locum habet, si in Bullis addant (prout faciunt in Jubilæo) sese multorum Praedecessorum suorum vestigiis inhaerere. Hinc, quamvis, si volumus nuda verba novissimæ Bullæ superius allegatae inspicere, viderentur pariter suspensa indulgentiarum plenariae in articulo mortis, vel altaribus privilegiatis pro solis defunctis concessæ. Item illæ, quæ alias sunt datæ pro Eccle-

Ecclesia Portiunculæ &c. Nihilominus quia Antecessores Pontifices, quorum vestigiis se inhærere ait SS. D. Benedictus XIII. expresse declararunt, se nolle sub his ipsis verbis, & clausulis suspensivis comprehendere allegatas proximè indulgentias, speciali mentione dignas, uti præter alios in specie de Portiuncula testatus est Innocent. XII. in Bulla *Cum ab sacri Jubilæi &c.* edita 21. August. 1699. pari modo intelligenda erunt eadem ipsamet verba, quatenus sunt inserta novissimæ Bullæ suspensivæ Benedicti XIII.

Audiamus itaque declarationem Clementis X. quam post emanatam pro anno Jubilæo 1675. talem Bullam extra Romam suspensivam indulgentiarum poni fecit sequentis tenoris.

Gaspar Tit. S. Sylvestri in Capite S. R. B.  
Presbyter Cardinalis Carpineus SS. D.  
N. Papæ Vicarius Generalis.

I. Cum Sanctitas Domini Nostri, prout nobis vivæ vocis Oraculo mandavit, cupiat magis dilatarî gratias concessit omnibus illis, qui conveniunt, veniuntque Romam, consecuturi plenissimum Jubilæum hujus anni Sancti, mandavit nobis exponere infra scriptas concessiones, declarando etiam illa, quæ in dubio erant, aut vocabantur, non sine fidelium turbatione, & scrupulis Conscientiarum, quarum paci, & quieti consulturus Summus Pontifex hæc statuit. Ut itaque Confessarii, & Operarii multiplicentur ad majorem commoditatem, & consolationem fidelium utriusque sexus, in omni plenitudine paternæ Charitatis concedit amplam Facultatem Pœnitentiariis Basilicarum D. Petri, S. Pauli, S. Joannis Lateranensis, & S. Mariæ Majoris, siue illi sint ex numero antehac esse solito, siue ex jam aucto, & deinceps augendo. Ad hæc eadem facultas datur Parochis tam Secularibus, quam Regularibus omnium Parochiarum Roma (durante tamen Jubilæo anni Sancti) absolvendi, videlicet in ordine ad lucrandum præsens Jubilæum, fideles ab omnibus sententiis, & Censuris Ecclesiasticis contra illos pronunciatis, & fulminatis, a Sacris Canonibus, aut Judiciis quacumque de causa, & ab omnibus peccatis, & excessibus, ac delictis quantumcumque gravibus, & enormibus, etiam a Casibus reservatis non solum ab Episcopis, aut aliis a Prælatibus inferioribus, verum etiam a Pontifice ipso & a Sede Apostolica Cæna Domini, & in aliis quibuscumque Constitutionibus Summorum Pontificum, in foro Conscientiæ tantum: ubi tamen sua Sanctitas declarat, se non intelligere, aut dispensare, nec dare facultatem dispensandi, & in primum statum restituendi, quæ ad Irregularitatem publicam, aut occultam, vel notam, defectum, incapacitatem, & inhabilitatem quomodocumque contractam, spectant, nè quidem in foro Conscientiæ. Neque vult sua Sanctitas, ut præsens facultas illis suffragetur, qui a Summo Pontifice, aut Judicibus Apostolicis vel aliis Ecclesiasticis excommunicati, suspensi, vel interdicti sunt declarati, vel publice denunciati ob sententias, & Censuras Ecclesiasticas, quas incurrerunt; adeo ut isti omnes absolvi non possint, nisi prius satisfecerint, aut obedierint, & partes sibi contrarias pacificas ante reddiderint: Ita, ut iidem Pœnitentarii, & Parochi, durante hoc

anno Jubilæi Sancto, commutare possint omnia vota (exceptis Castitatis, & Religionis) in alia opera pia: imponendo nihilominus hisce fidelibus, & quibusque aliis pœnitentiam salutarem, & alia opera pia, quæ eidem Confessarii præscribent.

II. Concedit pariter sua Sanctitas Confessariis Religiosis cujuscumque Ordinis, Congregationis, & Instituti, qui a nobis, vel a nostro vicegerente sunt approbati, aut deinceps approbabitur, eandem facultatem paulo ante explicatam absolvendi a Censuris, & Casibus reservatis, commutandi vota, modo ea non sint substantiaalia Religionum, Ordinum, Institutorum: imo & Religiosis Confessariis eadem datur facultas NB respectu sui Ordinis: & illis aequè, qui modo Roma versantur, quam illis, qui huc sunt venturi hoc anno Sancto, ad quem se extendit tantum hæc facultas.

III. Ut etiam facilitetur iisdem Religiosis consecratio anni Sancti, & Jubilæi, tantique thesauri spiritualium gratiarum, & ut illi suo exemplo populum adificent, compareantque debito cum decore, qui decet personas Deo dicatas, significatur eisdem, suam Sanctitatem contentam esse, ut illi visitent quatuor Ecclesias assignatas ter tribus diebus continuis, aut interpolatis, una simul, aut quod majorem partem euntes, & incedentes respectu eorum, qui in eodem Conventu, aut Domicilio versantur; & si consuevantur Sanctissimum Jubilæum, si visitassent easdem Ecclesias triginta vicibus aut diebus. Ut tamen observentur cætera, quæ in Bulla Jubilæi continentur, hortamur & Nos eosdem Religiosos in Domino, ut incedant servato ordine quam modestissime, recitantes psalmos, vel alias preces, & laudes divinas decantantes.

IV. Idem Indultum, ut visitentur tamen quatuor diebus continuis, aut interpolatis eadem Ecclesia, concedit Summus Pontifex etiam alumnis, & convictoribus juvenibus, qui operam dant scientiis, & liberalibus artibus, & vivunt in eodem conventu; modo & illi cant saltem quoad mediam partem, quos comitabitur Præfectus aut Rector, vel alii, qui eidem præsunt, ut eadem gratia fiat iisdem Præfectis, Magistris, & Famulis; monentur tamen hi omnes, ut servent modestiam, & ordinem, inter eundem orantes, vel piū quid tractantes. Regulares vero aliiunde huc profecti ad lucrandum Jubilæum Sanctum, si voluerint se conjungere aliis sua Religionis, eandem habebunt facultatem, & lucrabuntur Indulgentias; si eodem modo ter visitaverint Ecclesias supradictas modo; si vero non possent expectare aliorum commoditatem, aut advenirent, cum aliis lucrati sunt Indulgentias, concedit sua Sanctitas, ut illi quinquies visitando Ecclesias per quinque continuos, aut interpolatos dies lucrentur easdem Indulgentias, quas suffragent lucrati visitando per quindecim dies easdem Ecclesias, prout Bulla præscribit. Conceditur etiam Congregationibus, & Confraternitatibus, quæ aliiunde huc venerunt, ut simul, semel visitando Ecclesias; bis separatim Fratres, aut Sorores satisficiant visitationibus præscriptis in Bulla, ac si quindecies visitassent.

V. Et cum maxime sua Sanctitas secundum viscerum paternam compatiaur paupertati, ac multiplicibus miseriis advenarum, eorumque plurimorum, qui non habent;

unde se tamdiu alant, vel neque sufferre possunt molestias tot visitationum intra quindecim dies remittit arbitrio, discreto tamen, & prudenti dictorum Pœnitentiariorum, & Parochorum, ut quivis dispense juxta cujusvis pœnitentis indigentiam, & possibilitatem in assignando numero visitandarum Ecclesiarum, dando eisdem omnem facultatem circa id necessariam, & opportunam. Eodem modo quia cives, & incolæ Romani, qui inceperunt visitare Ecclesias, sed morbo impediuntur prosequi Sanctum opus, ne priventur fructu laborum inchoatorum, & pia intentionis, qua aggressi sunt opus, ne affligantur corpore & animo, concedit eisdem Pœnitentiariis, & Parochis Facultatem commutandi opera injuncta visitandarum Ecclesiarum per triginta dies in alia, qua viderint esse proportionata possibilitati dictorum civium, & incolarum infirmorum. Quodsi repente mors imminet, antequam obtineant hanc commutationem, concedit illis sua Sanctitas Jubilæum, ac si omnia opera necessaria expleverint.

»VI. Ut etiam finaliter tollatur omnis ambiguitas, & ut fideles sint certi de Indulgentiis, quas possunt lucrari, declaramus una cum Oraculo suæ sanctitatis, ut supra insinuatum, quod in suspensione Generali Indulgentiarum, quæ continetur in Bulla data 5. Maji 1674 publicata vero 17. Sept. ejusdem anni, non intelligantur suspensæ indulgentiæ Altarium privilegiatorum pro defunctis, neque aliæ concessæ eodem modo pro defunctis (verum illæ suspensionæ habeantur, quas sibi possunt consequi vivi, ut eas possint concedere animabus purgatorii per modum suffragii) & nec minus Indulgentiæ in articulo mortis, & facultates communicandi eas aliis: Sicut nec cessant modo Facultates Sanctæ Inquisitionis, & officialium ejusdem, aut Missionariorum, & Ministrorum, qui ab eodem tribunali, vel a Congregatione propagandæ Fidei, vel cum auctoritate Apostolica ad id sunt deputati; & specialiter facultates absolvendi ab hæresi illos, qui abjurato errore redduntur capaces earum gratiarum.

»VII. Ut autem conservetur pium institutum, & consuetudo visitandi templa, in quibus celebratur comprecatio quadraginta horarum, & præcipua sanctuaria colendi in hac urbe, concedit sua Sanctitas, non obstante ea generali indulgentiarum suspensione, ut indulgentias solitas consequi possint fideles utriusque sexus, quas alias consequebantur: Si visitent septem Ecclesias, & scalam Sanctam diebus determinatis, eo modo, & his cum conditionibus, quibus illæ fuerunt concessæ, easdem lucrantur indulgentias. Quivis insuper, qui visitat templâ, ubi habetur expositum Venerabile, & est comprecatio quadraginta horarum Circularium, & Ordinariorum, quæ sunt in publico folio a nobis exponendo, & publicando hujus anni Sancti decursu, ita, ut ibidem aliquo tempore inter preces detineatur, prout illi videbitur, Confessione prius, & Sacra Communione peractis, aut saltem concepto firmo proposito consistendi, lucrabitur is septem annorum Indulgentias, & totidem quadragenas toties, quoties id præstiterit.

Datum Roma ex aedibus nostris die 1. Febr. 1675. Jubilæi. \*

\* Huic Declarationi æque, ac ipsi Bullæ se confirmarunt Innocentius XII. anno Jubilæi 1700. & Benedictus XIII. qui ultimus sub num. V. adhuc liberalior novissime circa suspensionem Indulgentiarum sequentem dedit Notificationem.

#### DECLARATIO.

» Ex vivæ vocis Oraculo Sanctissimi Domini »Bened. XIII. quoad Indulgentias in anno Sancto »suspensas, facta per Fabricium Paulucci, S. R. E. »Cardinalem, & Sanctitatis suæ Vicarium Generalem.

» I. Ad tollendam omnem ambiguitatem, & »ut fideles sint certi quoad obtinendas in anno »Sancto Indulgentias, declaramus, quod sub »suspensione Indulgentiarum in anno Sancto non »contineantur Indulgentiæ concessæ Altaribus »privilegiatis, vel alias immediate pro defunctis. Intelliguntur autem suspensæ illæ indulgentiæ, quas alias consequi valent vivi cum facultate applicandi easdem defunctis per modum Suffragii.

» Item in anno Sancto non sunt suspensæ Indulgentiæ concessæ in articulo mortis, uti nec facultas hæc aliis communicandi.

» III. Præterea non sunt suspensæ Indulgentiæ, quæ concedi solent Cardinalibus Legatis, Nunciis Apostolicis, & Episcopis, sive in usu Pontificalium, sive in danda Benedictione, vel in alia solita forma.

» IV. Nec cessant ullo modo facultates Tribunalis S. Inquisitionis, atque Officialium ejusdem, sive Ministrorum, ac Missionariorum ab hoc sacro tribunali, aut a Sacra Congregatione de propaganda fide, vel alias Auctoritate Apostolica deputatorum. Specialiter apud mentionatos non cessant facultates absolvendi ab hæresi illos, qui pœnitentes eandem abjurant, sequens dictæ absolutionis capaces reddunt.

» V. Ut etiam conservetur devota consuetudo visitandi principalia Sanctuaria hujus Urbis, ac SS. Sacramentum sub comprecatione 40. horarum expositum: pariter ut stabiliatur pius usus genuflexionis ad pulsum Salutationis Angelicæ, sua Sanctitas concedit sequentes Indulgentias:

» Illi, qui devote visitant septem Ecclesias, aut Scalam Sanctam, vel templa, ubi sunt Stationes, diebus, qui alias specificantur, solitas lucrantur Indulgentias absque ulla diminutione.

» Item qui comitantur SS. Viaticum deportatum ad infirmos, vel si fuerint impediti, saltem mittentes illuc quodpiam lumen, obtinent eas Indulgentias; quæ alias propterea a Summis Pontificibus concessæ fuerunt.

» Insuper manent adhuc in suo vigore Indulgentiæ a sua Sanctitate concessæ Fidelibus, qui ad sonitum campanæ mane, aut meridie, seu vespere flexis genibus devote recitaverint Angelus Domini.

» Finaliter illi, qui visitant templa, ubi habetur expositum Venerabile, & est comprecatio 40. horarum



etiam Circularium, ac ordinariorum (quæ hodie indicantur in publico folio a nobis exposito, & adhuc per decursum hujus Anni Sancti exponendo) lucrantur Indulgentias 7. annorum, & totidem Quadragenarum toties, quoties id præstiterint, si tamen aliquo tempore, prout vixit in Domino videbitur, inter preces ibidem detineantur, & Confessionem, ac SS. Communionem præmittant, vel saltem firmum propositum conficiendi concipiant. Datum Romæ 19. Januarii 1725.

Cardinalis Vicarius.

Nicol. Antonius Canon.

Cuggio Secretarius.

Occasione dictarum Declarationum quæres, an vi earum a suspensione Indulgentiarum in Anno Sancto intelligantur exemptæ Indulgentiæ septem Ecclesiarum, & Stationum &c. si quæ tales reperiantur extra Romam pro vivis concessæ etiam plenariæ? Supponit hoc quæsitum, similes Indulgentias superiori declaratione Bened. XIII. sub n. V. adductas valere adhuc Romæ in Anno Sancto, loquendo tam de Indulgentiis Stationum, quam septem Basilicarum, nimirum Lateranensis, D. Petri, D. Pauli, Sanctæ Mariæ Majoris, D. Laurentii, SS. Fabiani & Sebastiani, ac demum Sanctæ Crucis in Jerusalem: nam quamvis verba Bullæ Jubilæi pro Anno Sancto annunciantis, & sub Addit. 1. allegatæ videantur velle, ubivis locorum generaliter, sicque etiam Romæ esse suspensas indulgentias, exceptis solis iis, quæ ratione Jubilæi Romæ obtinentur; ipsæ tamen adjunctæ Declarationes satis indicant, Romæ non solum Jubilæum, sed & indulgentias antea dictas valere, ut conservetur consuetudo visitandi principalia Sanctuaria NB. ejusdem Urbis.

Hoc supposito. Resp. extra Romam Indulgentiæ Stationum, & septem Ecclesiarum aliarque similes saltem plenariæ intelliguntur adhuc sub suspensione in Anno Sancto comprehensæ. Ratio est: quia in Declarationibus tam Clem. X. quam Bened. XIII. specificatæ indulgentiæ a suspensione excipiuntur solum in Urbe Romana; motivum enim principale concessionis est *Conversatio Devotionis visitandi Romana Sanctuaria*, ad exemplificationem peregrinorum, qui Romam tendentes, & præter Portam sanctam etiam alia principalia Sanctuaria visitantes non solum Jubilæi, sed & aliarum indulgentiarum sese exinde participes reddere valeant. Et certe si memoratæ indulgentiæ non solum Romæ, sed ubique subsistere intelligerentur, tunc possent pro vivis, nempe pro se ipsis omnes fideles forme ubivis locorum propter Stationes in Quadragesima, ac aliis temporibus quam plures lucrari indulgentias plenarias, sicque frustraretur magna ex parte finis dictæ suspensionis in Anno Sancto, qui finis principalis fuerat, ut exinde Fideles magis incitarentur ire Romam ad Sacra Limina pro eo tempore, quo vident alibi suspensas indulgentias præsertim plenarias.

Dices: Quando allegatæ Declaratio Clem. X. & Ben. XIII. excipit a suspensione in Anno Sancto indulgentias immediate concessas pro Defun-

ctis, item pro vivis in articulo mortis, intelliguntur non solum Romæ, sed ubivis locorum a suspensione exceptæ in anno sancto: ergo etiam pariter erit discurrendum de indulgentiis proxime specificatis. Resp. Neg. consequ. & paritatem: nam priores, uti patet attente legenti, declarationes, absolute excipiuntur a suspensione in Anno Sancto: posteriores vero solum in Urbe Romana. Quod si in aliis Jubilæis futuris aliter de novo declaratur, haud dubie standum esset in illa Declaratione, uti etiam si nova gratia in futurum concederetur.

Indagabis adhuc: an pariter indulgentiæ datæ ob Salutationem Angelicam; item occasione Comprecationis 4. Horarum ad expositionem Sanctissimum, vel alias concessæ comitantibus Sanctissimum per modum Vatici deportatum ad infirmos, an (inquam) etiam memoratæ indulgentiæ, alias pro vivis immediate datæ, concessæ in Anno Sancto pro vivis extra Romam suspensæ? Ratio dubitandi & affirmativam tenendi est; quia proxime Addit. IV. allegatæ declaratio Summi Pontificis eodem modo loqui videtur de his, ac de aliis indulgentiis septem Ecclesiarum, & Stationum; Adeoque erunt æque, ac illæ, conformiter dictis præcedentibus quoad vivos extra Romam suspensæ tempore Jubilæi in Anno Sancto. Et ad hanc quidem sententiam multum propendebam, usque dum contrarias litteras Romæ, & Neapoli recepi, annunciantes valorem mentionatarum indulgentiarum etiam extra Urbem. Ratio est: quia motivum eximendi dictas indulgentias a suspensione in Anno Sancto erat consuetudo visitandi Sanctissimum Sacramentum, & stabiliendi pium usum genuflexionis ad pulsum Salutationis Angelicæ: atqui hoc motivum eximendi a suspensione non solum procedit Romæ, sed etiam alibi, ubi similis pius usus introductus est; adeoque etiam quoad alia loca erit dicta exemptio intelligenda; cum hic in Bulla non sit modificatio ad solam Urbem Romanam.

Quare ad tacite præveniendum alicui objectioni, notandum, quod Pontifex in superius Addit. IV. allegata declaratione pro causa eximendi a suspensione indulgentias Stationum, Scælarum sanctæ, & septem Basilicarum adduxerit motivum limitatum, nimirum hoc: *Ut conservetur devota consuetudo visitandi principalia Sanctuaria NB. hujus Urbis*, id est, Romæ: Hincque mirum non est, quod ista exemptio a suspensione ultra Romam non sit extendenda. Econtra vero motivum eximendi a suspensione indulgentias, respectu comprecationis ad expositionem Sanctissimi, & ob recitationem Salutationis Angelicæ concessas, erat illimitatum, nimirum *ut conservetur Devotio erga Sanctissimum, & pius usus genuflexionis ad pulsum Salutationis Angelicæ*; adeoque non est mirum, quod etiam hic favor extra Romam extendatur. Et ita (salvo meliori) puto sentiendum, usque dum aliter declaratur a Summo Pontifice.

Quæres ulterius, an a Benedicto XIII. intra Annum Jubilæum 1725. non fuerit concessa nova gratia Fidelibus extra Romam tempore Jubilæi in bonum Defunctorum? Respond. in bonum Defun-

Defunctorum ab Altesato primum post ipsam præcedentem notificationem, seu declarationem fuisse de novo concessam aliquam specialissimam gratiam, quæ non legitur data ab Antecessoribus: etenim Antecessores, prout jam supra innuebatur, illas indulgentias plenarias tempore Jubilæi extra Romam etiam suspenderunt pro Defunctis, quæ antea potuerunt ipsis applicari tantum indirecte per modum Suffragii, immediate autem datæ fuerunt pro vivis, uti sunt Communio Generalis, & monstra nonnullarum Confraternitatum: quos equidem suos Antecessores etiam ad initium secutus est Benedictus XIII. in notificatione 10. Januarii Anno 1725. emanata, ac superius jam allegata: postea tamen (id est 9. Februarii 1725.) ex specialissima gratia concessit pro Anno Jubilæo 1725. ut omnes prorsus indulgentiæ pro vivis concessæ, etiam illæ, quæ alias nequeunt per Suffragium donari Defunctis, hoc Anno Sancto tantum extra Romam pro ipsis defunctis (non autem pro vivis) applicari valeant. Tenor concessionis est sequens:

*Manente in suo vigore suspensione omnium Indulgentiarum pro vivis, uti in Bulla præmemorata continetur, sua Sanctitas dat facultatem pro hoc anno solum, omnibus Fidelibus lucrandi omnes illas Indulgentias suspensas pro vivis, ad effectum duntaxat eas directe, & immediate applicandi per modum Suffragii animabus Defunctorum, & non aliter: Dico: omnes, id est, Indulgentias tam temporales, quam perpetuas, tam plenarias, partiales, locales vel personales: concessas quocumque modo per Summos Pontifices, vel per Legatos Apostolicos: & non solum illas, quæ data sunt cum facultate eas applicandi pro Defunctis, sed etiam omnes alias, in quibus talis facultas non est apposta: Ita tamen, ut hæc omnia opera in eorum concessione præscripta. Et hæc omnia, ut per merita JESU Christi Redemptoris Nostri, ejusque Sanctissime Matris, & omnium Sanctorum, de quibus Thesaurus Indulgentiarum cumulatur, illa anima quantocius possint transire a flamma castigato (ut ait S. Augustinus in flammam beatificantem, & celestem Jerusalem per suas sanctas portas intrare. Ita ut præsens annus etiam pro animabus Purgatorii dici possit Annus Sanctus, & annus jucundus Sanctissimi Jubilæi. Datum 9. Februarii Anno 1725. Adverto tamen, quod hæc gratia, utpote extraordinaria, non debeat extendi ad alios Annos Sanctos, uti nec altera sub sequenti quæsito specificata, nisi similiter sic subsequentes Pontifices se declarent.*

Quæres ultimo, an a Benedicto XIII. intra annum Jubilæum 1725. fuerit pariter concessa extraordinaria aliqua gratia pro vivis? Respond. affirmative. Sic enim alcedictus Sanctissimus toti Nationi Germano-Belgicæ nostri Seraphici Ordinis ad humiles preces ex specialissima gratia indulxit, ut in singulis ejusdem Ecclesiæ ab omnibus Fidelibus utriusque sexus pro vivis obtineri valeant indulgentiæ in Festis S. Antonii Paduani, Portiunculæ, & S. P. Francisci. Quinimo loquendo de Provinciis strictioris Observantiæ has indulgentias plenarias pro vivis quoad Festum S. Francisci idem Sanctissimus per speciale Decretum die 18. Augusti anno 1725. emanatum

extendit ad Ecclesias Reformatorum totius Familiz Cismontanæ, consequenter etiam ad nostras Ecclesias in Italia sitas. Quod idem Sanctissimus die 7. Septembris 1725. adhuc magis ampliavit ad omnes prorsus Ecclesias totius Ordinis tam Fratrum, quam Monialium; ac die 28. Sept. anno 1725. eodem modo concessit in Festo Immaculatæ Conceptionis B. V. Mariæ. Ubi tamen in Festo S. Francisci excipiuntur Ecclesiæ de Urbe Romana.

Porro primum Breve Apostolicum clementissimæ concessionis sic sonat:

*Sanctissimus Dominus noster Divina Providentia Pontifex Benedictus XIII.*

*Supplicationibus P. Joannis Thoni Fratrum Minorum Retolles. Nationis Germano-Belgicæ in Romana Curia Agentis (non obstante communi Indulgentiarum suspensione) pro Festis Sanctorum Antonii, & Francisci, ac sanctæ Mariæ Angelorum Portiunculæ nuncupata in singulis Ecclesiis Ordinis & Nationis prædictorum, etiam Monialium, nec non Oratoriis Missionum prædicti Ordinis; omnibus utriusque sexus Christi fidelibus, vere penitentibus, & confessis, ac sacra Communione refectis, qui aliquam ex prædictis Ecclesiis, seu Oratoriis a primis Vesperis usque ad occasum solis dierum hujusmodi devoto visitaverint, & ibi pro Christianorum Principum concordia, Hæresium extirpatione, ac S. Romana Ecclesia exaltatione pias ad DEUM preces effuderint, plenariam omnium peccatorum suorum Indulgentiam, & remissionem misericorditer in Domino consequi posse benigne concessit. Hac die 4. Maji 1725.*

*Cosmus de Hieronymis Secretarius.*

*Loco Sigilli.*

*Roma Typis Rev. Cam. Apostolica 1725.*

Pro complemento totius materiæ de Jubilæo repetuntur succincte omnia illa, quæ hactenus de eodem dicta fuere, prout ordinarie contingere solent. Quare

In primis, Dum singulis viginti quinque annis Romæ Jubilæum ordinarium celebratur, illud antecedenter indicitur, & per specialem Bullam Additione I. allegatam omnes reliquæ Indulgentiæ suspenduntur intra hunc annum Sanctum: qualis suspensio non contingit, si aliquod Jubilæum extraordinarium, e.g. tempore Coronationis novi Pontificis, vel magnæ necessitatis Ecclesiæ promulgatur.

Secundo, Post breve tempus intra ipsam annum Sanctum emanat declaratio, quales nimirum Indulgentiæ intelligantur in anno Sancto suspensæ, vel non, prout legitur Additione II.

Tertio, Solet intra eundem annum Sanctum emanare aliud Breve, vi cujus Monialibus, aliisque Religiosis personis specialiter Clausuræ additis, uti etiam infirmis, ac carceratis sub ipso anno Sancto concedunt Indulgentiæ Jubilæi, subjuncta tamen clausula, quod alias parati essent Romam ire ad lucrandum Jubilæum, si hoc impedimento non detinerentur. Similem concessionem fecit Benedictus XIII. per Breve Pontificia sollicitudo editum 12. Januarii anno 1725. Poterisque explicationem talium Brevium, si cupis, videre apud Domi-

Dominicum Viva de Jubileo, quaestione VII. & apud Franciscum Van Ranst, in Opusculo de Indulgentiis, quaestione VIII.

Quarto, Finito anno Sancto ad instantiam Episcoporum solet emanare alia Bulla, vi cujus pariter extra Romam conceditur Jubilæum, in quo non requiruntur (uti in Jubilæis extraordinariis) certa jejunia, ac elemosynæ, sed præter Confessionem & S. Communionem tantummodo aliquot visitationes Ecclesiarum. Et hæc dicta de Jubilæo sufficiant. \*

## Q U Æ S T I O XI.

De Suffragiis.

### S U M M A R I U M.

131. Suffragium dupliciter sumitur.
132. Suffragia fidelium sunt triplicis generis.  
(d) Tract. 14. Dist. 5. per totum.
133. De fide est, dari inter fideles communicationem bonorum operum.
134. Possunt fideles justi se invicem juvare per Suffragia &c.
135. Solvitur Instantia.
136. Ut Suffragium alteri proficiat, tria ex parte offerentis requiruntur. I. Status gratia.
137. II. Intentio offerendi pro alio.
138. III. Opus de se satisfactorium.
139. Qua requirantur ex parte ejus, pro quo offeritur?
140. Declaratur.
141. Suffragia pro aliis oblata, adhuc proficiunt offerenti.
142. In nihil perdit, quin potius lucratur.
143. Prælati Regulares, quid concedant per Litteras Fraternalitatis, seu Suffragia Ordinis?
144. Hæc possunt communicare Benefactoribus.
145. Prodest talis communicatio.  
I. Per modum meriti de congruo.
146. II. Per modum impetrationis.
147. III. Per modum satisfactionis.
148. Indulgentia plenaria pro talibus post mortem applicabiles.
149. Solvitur instantia.
150. Differentia inter concessionem Indulgentiarum, & Suffragiorum Ordinis.

131. **S**uffragium, quod a suffragari (hoc est, assistere, vel auxilium præbere) derivatur, dupliciter accipitur. I. Pro voto, quale in electionibus ad Officia, & Dignitates dari solet: sed hæc acceptio ad propositum non servit. II. Pro auxilio, quod alteri præbatur: & hoc modo dicuntur Fideles mutuis sese Suffragiis juvare, quando precibus ad Deum fufis, aliisque piis operibus sese mutuo juvare satagunt.

132. Porro hujusmodi Suffragia, quibus unus Fidelis alterum juvare potest, generatim sunt triplicis generis, videlicet Sacrosanctum Missæ Sacrificium, Indulgentiæ, & propriæ actiones bonæ, ac satisfactoriæ; ut orationes, jejunia, & hujusmodi, quibus Fideles sese invicem juvare possunt, Fideles autem, quibus ejusmodi Suffragia applicari possunt, duplicis generis existunt, nempe

Viatores, sive existentes in Ecclesia Militante, & mortui in Purgatorio, sive qui sunt in Ecclesia Purgante: nam Sancti in cælis nullo indigent Suffragio, damnati vero ejusdem sunt incapaces. Quia igitur de Indulgentiis hæcenus jam dictum, & de SS. Missæ Sacrificio (d) alibi dicitur, ex professo nunc de tertio Suffragiorum genere agendum restat.

133. **CONCL. I.** De fide certum est, dari aliquam inter Fideles bonorum operum communicationem, quibus ipsi sese mutuo juvare, ac sibi invicem suffragari possunt. Patet hoc ex illo Articulo Symboli Apostolorum: *Credo Sanctorum Communionem.* Hujus quippe Articuli, juxta omnes Theologos, sensus est, quod detur in Ecclesia communio bonorum operum inter homines justos, quibus se invicem juvare possunt: nam homines justi sunt membra unius corporis mystici Ecclesiæ sub uno Capite Christo, Rom. 12. & Ephes. 4. ergo, sicut in corpore sano unum membrum potest ferre auxilium alteri indigenti, ita & in Corpore mystico Ecclesiæ. Hinc ad Rom. cap. 15. ait Apostolus: *Obsecro vos, fratres, ut adjuvetis me in orationibus vestris pro me ad Deum.* Et Jacobi 5. *Orate pro invicem, ut salvemini: multum enim valet oratio justis assidue:* & alibi.

134. **CONCL. II.** Possunt insuper Fideles justi se invicem juvare per Suffragia ad satisfaciendum pro pœna temporali. Ita certa, & communis Catholicorum, contra Hæreticos; atque hoc ipsum a Catechismo Romano Beati Pii V. in fine de Sacramento Pœnitentiæ, deducitur ex citato Articulo Symboli Apostolorum de *Communione Sanctorum.*

135. Nec obstat illud ad Galat. 6. *Unusquisque onus suum portabit.* Et 2. Corinth. 5. *Ut referat unusquisque propria corporis, prout gessit.* Resp. enim, hujusmodi textus Sacræ Scripturæ loqui de retributione finali post hanc vitam: & sensus eorum est, quod in extremo judicio nullus puniatur pro peccatis alterius, neque præmiandus sit propter bona opera aliorum, sed quilibet pro propriis gestis dumtaxat. Per hoc tamen non negatur, quin unus de facto possit satisfacere pro pœna temporali post culpam peccatorum dimissam aliis adhuc restante, sicque ipsos sive viventes, sive mortuos in Purgatorio, juvare suis Suffragiis.

136. **CONCL. III.** Ut Suffragium habeat suum effectum, tres ex parte offerentis requiruntur conditiones. I. Status gratiæ; nam existens in statu peccati mortalis, indignus est remissione culpæ & pœnæ, sicque non potest pro altero offerre opera satisfactoria ex opere operantis, ac nomine proprio; etsi secus sit de Missæ sacrificio, quod habet effectum suum ex opere operato; nec non de precibus, in persona Ecclesiæ a Sacerdote in Missa, & Divino Officio per solutis, quæ non obstante malitia Ministri habent suum effectum, quatenus dicuntur nomine Ecclesiæ.

137. II. Requiritur, ut offerens habeat intentionem offerendi pro altero opus suum, eique Suffragium applicandi. Et hæc quidem applicatio debet antecedere opus bonum, non subsequi:

alioquin vel applicabitur ipsi operanti, si indiget ejusmodi satisfactione; vel si is non indiget, nec, dum operatur, applicavit alteri, quoad fructum satisfactorium reponitur in Thesauo Ecclesie. Sufficit tamen applicatio habitualis, hoc est, præterita & nondum revocata. Mastrius *disp.* 23, *Theol. Moral. num.* 84. & alii.

138. III. Ut ejusmodi opus ex se sit satisfactorium, hoc est, habeat valorem & pretium ad solvendum debitum illius, pro quo offertur. Et talia opera generatim sunt tria, videlicet Oratio, Jejunium, & Eleemosyna; sub quibus omnes aliz operationes pœnales comprehenduntur.

139. CONCL. IV. Ut Suffragium quoad vim satisfactoriam habeat suum effectum, etiam ex parte illius, pro quo offertur, tres requiruntur conditiones. I. Quod indigeat Suffragio. II. Quod sit in statu gratiæ. III. Quod peccata, pro quibus satisfactio exhibetur, jam sint remissa quoad culpam. Ita communis. Siquidem pœna non remittitur, nisi prius peccatum quoad culpam fuerit dimissum.

140. Additur, quoad vim satisfactoriam. Nam quoad vim impetratoriam potest Suffragium prodelle etiam existentibus in peccato mortali, eisdem de congruo promerendo, atque impetrando specialia gratiæ auxilia, quibus interius illuminati citius ad poenitentiam convertantur: atque a variis tum animæ, tum corporis periculis præserventur &c.

141. CONCL. V. Suffragia pro aliis oblata non redduntur inutilia offerenti, quin potius adhuc multipliciter ei profunt. Ita communis; & patet inductione. Siquidem primo ejusmodi opus bonum prodest ipsi operanti in ratione meriti, seu quatenus homo justus per illud de condigno promeretur augmentum gratiæ sanctificantis, & gloriæ cœlestis: nam hoc semper manet operanti, & nequit alteri donari. Deinde ultra hoc meritum operis peracti, eidem remanens, accedit novum meritum ratione ipsius actus Charitatis, quo quis per applicationem boni operis a se peragendi vult suo Proximo subvenire. Insuper tale Suffragium prodest offerenti quoad valorem specialissimum illius boni operis, utpote quem non potest licite alteri applicare.

142. Ex quibus proinde liquet, offerentem Deo sua bona opera ex motivo Charitatis, & Misericordiæ spiritualis pro aliis, præsertim pro Animabus in Purgatorio, parum exinde perdere, quin potius lucrari, eo præsertim, quia Æterna Veritas dicere dignata fuit, *Matth. 5. Beati misericordes, quoniam ipsi misericordiam consequentur.* Atque ipsæmet Animæ Purgatorii, tanti Beneficii nequiquam inmemores, siue adhuc in statu Purgationis (ut nonnulli volunt) siue saltem in statu adeptæ Cœlestis Beatitudinis, Deum pro suis benefactoribus exorare ferventius studebunt.

143. Quæres, quid concedant Prælati Regulares, dum quosdam Seculares, præsertim Benefactores, admittunt ad communionem specialem operum & Suffragiorum Ordinis, siue Religiosorum sibi subditorum? De hoc ex professo agunt Eman. Rodericus *tom.* 1. *qq. reg.* 9. 3. *art.* 2. & *seqq.* Miranda *tom.* 2. *Manual. Pralat.*

*q.* 50. *art.* 3. Suarez *part.* 3. *tom.* 4. *disp.* 55. *sect.* 5. Lugo *disp.* 7. de *Pœnit. sect.* 8. Bassæus *Verf. Suffragium*, n. 1. Sorbus *Verf. Indulgentia quoad seculares quarto*, in *Annot. & alii.*

144. Et sciendum, quod Urbanus V. prout refertur in Monumentis Ordinis, & Compendio Privilegiorum *Verf. Indulgentia quoad seculares. quarto*, n. 6. concesserit, ut *Generalis & Provinciales totius Ordinis Minorum possint communicare Suffragia, Indulgentias, orationes, & bona spiritualia benefactoribus Ordinis*: idque fieri communiter solet concedendo eis *Litteras*, quas vocant, *Fraternitatis siue suffragia Ordinis*. Notant vero citati Auctores, hanc concessionem, qua gaudent etiam alii Ordines habentes communicationem Privilegiorum, nihil continere, quod Jure communi non sit concessum: nam de Jure communi jam potest quilibet Prælatas bona & merita suorum Subditorum communicare, & applicare Benefactoribus suis. Hoc prænotato,

145. Resp. Hujusmodi communicatio bonorum operum Ordinis, prodest hominibus, ad eam per Prælatus admissis, multipliciter. In primis quidem indirecte, per modum cujusdam meriti de congruo, quia, ex quo quis efficitur membrum, ac socius talis Religionis, congruum est, ut ob merita ejusdem Religionis Deus speciali auxilio & protectione foveat, atque custodiat personas ipsi conjunctas, etiam ad hunc finem merita illa non referantur. Sic propter decem justos, si ibi inventi fuissent, pepercisset Dominus Sodomæ & Gomorrhæ, ac finitimis Civitatibus, *Gen.* 18. Rodericus *loc. cit. art.* 3. Suarez, Lugo, & alii.

146. Deinde dicta admissio prodest illis personis etiam directe, per modum impetrationis. Tum quia, cæteris paribus, efficacior est oratio justis facta pro persona sibi conjuncta, quam pro extranea: tum quia tales personæ fiunt directe participes omnium Orationum, Missarum, aliorumque Suffragiorum, quæ generaliter fieri solent pro ipsa Religione, ac membris ejus. Unde bona opera talis Religionis possunt de congruo mereri (juxta dicta n. 80. & 85.) atque impetrare, ut Deus Confoederatis illis specialia gratiæ auxilia conferat, quibus a vitiis avocentur, interius illuminentur, atque amentur ad profectum in virtutibus, insuper præserventur a peccatis, a morte, & ab aliis malis tum spiritualibus, tum corporalibus. Ita citati Auctores, & alii.

147. Ulterius juvat illa unio, atque communicatio bonorum operum Confoederatis (dummodo habeant conditiones n. 79. assignatas) ad aliquem fructum satisfactionis consequendum. Tum quia in Communitatibus Ordinum Religiosorum præter quamplures Missas, præsertim Conventuales, peraguntur plurimæ preces, pia exercitia, & bona opera pœnalia, atque satisfactoria, quæ generaliter applicantur pro Fratribus, Benefactoribus, ipsisque Confoederatis, tam vivis, quam defunctis. Tum quia satisfactiones illæ, quæ piis Religiosis superabundant, vi talis communicationis applicantur cæteris.

148. Addit Bassæus *loc. cit. n.* 2. quod pro animabus habentium prædictas Litteras participationis possint



possint Religiosi illius Monasterii, cuius olim fuerant Benefactores, celebrare Missam, quæ eas liberet a pœnis Purgatorii; idque ex concessione Clementis VIII. Fratribus Minimis facta, & communicantibus cum eis, quæ refertur *Tom. 2. Privilegiorum ejusdem Ordinis, Constit. 10. d. 6. Clementis.*

149. Objicies contra dicta: Si Prælati Regulares possent Benefactoribus applicare bona opera subditorum, præsertim quoad vim satisfactoriam, hoc ipso concederent Indulgentias: atqui hoc dici nequit; ergo. Resp. negand. consequent. Nam multiplex est differentia inter concessionem Indulgentiarum & Suffragiorum.

150. Primo siquidem Indulgentiæ conceduntur ex communi Thesouro Ecclesiæ, ac virtute

Clavium: non sic Suffragia. In illis dispensatur etiam satisfactiones Christi, & Sanctorum, ex operibus olim jam peractis: in his sola pia opera Subditorum adhuc viventium, & primùm peragenda. Ulterius de illarum infinitate, ac sufficientia constat; secus de bonis operibus aliqujus Communitatis religiosæ. Tandem hæc Benefactoribus profunt, atque virtute Suffragiorum Ordinis communicantur non solum quoad vim satisfactoriam, sed etiam impetratoriam, ac de congruo meritoriam: contra Indulgentiæ profunt quoad solam vim satisfactoriam. Et ob tam multiplicem differentiam fit, quod suspensis Indulgentiis non suspendatur isthæc communiō Suffragiorum Ordinis. Rodericus *loc. cit. art. 7.* pluribus isthæc suffragia declarans, & alii.

# TRACTATUS XIII.

## DE CENSURIS, AC IRREGULARITATE, ALIISQUE POENIS CANONICIS.

1. **T**RACTATUS de Censuris Ecclesiasticis valde utilis est, scituque necessarius omnibus, qui live in Foro Pœnitentiæ, live exterius Ecclesiastico judicant; eo quod ipsæ partiim sint Pœnæ medicinales, c. 1. de *Sentent. excomm. in 6.* partiim pertineant ad *Nervum Ecclesiasticæ disciplinae* numquam distumpendum, s. *Cum inter de Consuetud.* Quia vero Censuræ sub Pœnis Canonicis, tamquam species sub genere continentur, breviter etiã de his agendum, ita tamen, ut materia Irregularitatum exactius declaretur.

### DISTINCTIO I.

De Censuris, & Pœnis Canonicis in genere.

### QUÆSTIO I.

Quid, & quotuplex sit Censura Ecclesiastica?

### SUMMARIUM.

1. Utilitas hujus Tractatus.
2. Censuræ generatim.
3. Censura Ecclesiastica, quid?
4. Est pœna spiritualis.
5. Ac medicinalis.
6. Declarantur alia ejus particula.
- (a) Juxta dicenda Dist. 3. num. 24. & seqq.
7. Censura Ecclesiastica, quot?
2. **C**ensura apud Romanos significabat tum Officium Censoris, tum sententiam ejusdem Censoris, tiores corrigentis, aut pœnam decernentis. Unde occasione hujus posterioris acceptionis factum est; quod Censura significet correctionem quamdam, & punitionem, juxta illud *Juvenalis Satyræ 1. de Junone canentis; Dai veniam corvis, vexat censura columbas.* In proposito tamén nomine Censuræ intelligimus solam Ecclesiasticam; de qua loquendo, sit
3. **CONCL. I.** Censura Ecclesiastica est pœna

spiritualis, ac medicinalis, pro culpa inflicta; privans usu aliquorum spiritualium bonorum; per Ecclesiasticam potestatem imposita, ut Fidelis a contumacia desistat. Ita in re communis, & patebit explicando singulas particulas.

4. Dicitur, *pœna spiritualis.* Tum ad differentiam pœnarum corporalium: siquidem Censuræ Ecclesiasticæ non versantur principaliter circa privationem bonorum temporalium, aut afflictionem corporis: quamvis per accidens, & secundario, nonnumquam hæc sequatur ex illa. Tum quia pœna spiritualis latius patet, quam Censura: unde hæc particula stat loco generis; cætera vero habent rationem differentię.

5. Dicitur ulterius, *ac medicinalis.* Quia Censura Ecclesiastica proprie non est pœna vindictivæ sceleris jam patrati, sed potius est pœna medicinalis intendens futuram correctionem delinquentis contumacis, arg. *cap. 1. de sentent. excomm. in 6. ibi: cum medicinalis sit excommunicatio, non mortalis, disciplinans, non eradicans; dum tamen is, in quem lata fuerit, non contemnat.*

6. Additur, *pro culpa inflicta.* Quia Censuræ Ecclesiasticæ non infliguntur, nisi ob culpam: per quod differunt ab Irregularitate, quæ quandoque incurritur absque ullâ culpa, ex mero defectu aliquo. (a) Et additur rursum, *privans usu aliquorum bonorum spiritualium:* qualia sunt administratio, vel receptio Sacramentorum, Suffragia Ecclesiæ, Sacrificium Missæ, ac hujusmodi. Dicitur tandem, *per Ecclesiasticam potestatem imposita:* quia potestas ferendi Censuras convenit soli Ecclesiæ, cui dicta potestas competit Jure Divino; prout habetur *Matth. cap. 16. & 18;* quamvis institutio, atque ipsa impositio Censurarum, sit de Jure humano Ecclesiastico.

7. **CONCL. II.** Censuræ Ecclesiasticæ sunt tantum tres; videlicet Excommunicatio, Suspend-

sio, & Interdictum. Ita omnes Doctores; & habetur clare c. *Quarenti*, de Verb. signif. ubi Pontifex interrogatus, quid per Censuram Ecclesiasticam debeat intelligi? Respondet, quod per eam non solum interdicti, sed suspensionis, ac excommunicationis sententia valeat intelligi. Unde patet, has tres esse Censuras Ecclesiasticas, & quidem solas.

## Q U Æ S T I O II.

Ob quam causam Censuræ ferri possint?

### S U M M A R I U M.

8. Excommunicatio, aut alia Censura, fertur ob solum peccatum mortale.
9. Dempta Excommunicatione minori,
10. Ac Suspensione levi,
11. Peccatum illud debet esse externum,  
(a) Tracl. 2. Dist. 1. n. 46. & Tracl. 4. Dist. 4. n. 26.
12. Ac in suo genere completum.
13. Et quod habeat annexam contumaciam, sive inobedientiam delinquentis.
14. Quomodo etiam ob alias causas, quis excommunicari possit?
15. Qualis contumacia requiratur & sufficiat?
16. Corollarium.
17. Censura proprie non infligitur ob peccatum mere preteritum.
18. An possit imponi Suspendio v. g. per modum pœnæ?
19. Censura ipso jure decreta non requirit aliam mentionem;  
Benetamen, si ea feratur ab homine.
20. Censura, an possit infligi ob peccatum alterius?  
Affirmatur de Interdicto;
21. Negatur de excommunicatione. Tota Communitas non debet excommunicari, quomodo?
22. Disparitas inter Interdictum, & Excommunicationem.  
Excommunicatio pœna gravissima.
23. Probatur Responsio ex jure.
24. An, si excommunicetur tota Communitas, teneat Excommunicatio?
25. Suspendio non incurritur, nisi ob propriam culpam.
26. Disparitas inter hanc, ac Interdictum.

8. **C**ONCL. I. Ob solum peccatum mortale, externum, & in suo genere completum, potest infligi Excommunicatio major, vel alia Censura Ecclesiastica gravis. Ita Doctores passim. Ratio primæ partis est: quia pœna, ut sit justa, debet commensurari culpæ, sive eam non excedere: Excommunicatio major autem est gravissima pœna; ergo etiam gravem, seu mortalem culpam requirit.

9. Dicitur notanter, *Excommunicatio major*. Siquidem, ut notat Reginaldus lib. 32. num. 147. cum communi, Excommunicatio minor potest imponi non solum ob peccatum mortale, sed etiam ob veniale, nempe ob communicationem cum excommunicato vitando in alloquio, mensa, aliisque commerciis humanis, in quibus non reperitur notabilis irreverentia Dei vel læsio sui, aut Pro-

ximi. Et ratio est: quia effectus Excommunicationis minoris non est adeo gravis, cum privet solum participatione seu receptione Sacramentorum, quæ non quovis tempore est necessaria.

10. Et additur, *vel alia censura Ecclesiastica gravis*. Siquidem nihil prohibet, quin propter levem, sive venialem culpam, quandoque imponatur suspensio levis, v. g. suspensio ab uno actu electionis, aut Missa celebranda per unum vel alterum diem, prout notat Pirhing. *sit. de sent. excommun. num. 207. Layman lib. 1. tracl. 5. par. 3. n. 2.* Suarez, Navarrus, & alii.

11. Altera pars Conclusionis, quod ob solum peccatum externum incuratur Censura, ex eo suadetur: quia Ecclesia non judicat de occultis. Et hinc alibi (c) jam dictum est cum communi, licet hæretici ipso jure incurrant excommunicationem, nihilominus eum, qui hæresin solo animo fovet, excommunicationem non incurere, priusquam verbo vel opere externo eam sufficienter manifestarit.

12. Ultimæ tandem partis, quod peccatum in suo genere debeat esse completum, ratio est: quia leges pœnales sunt stricte interpretandæ. c. *Odia*, de Reg. Jur. in 6. Simulque earum verba accipienda cum effectu arg. c. *Hæc autem verba*, de Penit. dist. 1. Hinc, qui conatus fuit percutere Clericum, sed erravit, aut impeditus fuit, non incurrit pœnam excommunicationis latam in Percussores Clericorum. Similiter, quamvis dicta excommunicatio sit statuta etiam in mandantes, vel consulentes percussorem Clericorum, ea tamen ab ipsis non incurritur, nisi percussio Clerici actualiter sit secuta: & idem dicendum de similibus.

13. **CONCL. II.** Non ob quodlibet peccatum mortale potest ferri Excommunicatio, aut alia proprie dicta Censura Ecclesiastica: sed requiritur ulterius, ut peccatum illud habeat annexam inobedientiam, & contumaciam delinquentis, per quam Reus Ecclesiæ monentis, ac præcipientis, auctoritatem spernere censeatur. Ita Navarrus cap. 27. *Manual. n. 9. Sannig. Dist. 1. de Censuris, quest. 3. n. 12.* Abbas, & alii. Et hoc colligitur ex Sac. Scriptura: nam *Matth. 18.* dicitur: *si Ecclesiam non audieris (id est, si ei obediens non fuerit) sit tibi sicut Ethnicus & Publicanus;* id est, tamquam exclusus ex gremio Ecclesiæ. Idem desumitur ex definitione Censuræ ut sic, qua dicitur, Censuram esse infligendam, ut Fidelis a contumacia desistat: & hinc Censura Ecclesiastica censetur esse pœna medicinalis.

14. Nec dictis obstat, quod quis non solum ob contumaciam, sed ob alias quoque causas excommunicari possit; prout desumitur ex c. *Qua fronte*, de Appellat. ibi: *Sane si quis pro contumacia, vel alia qualibet causa, interdicto vel excommunicatione teneatur astrictus.* Resp. quippe cum Abbate ad cit. cap. nu. 10. ad excommunicationem semper requiri contumaciam, quæ sit causa immediata excommunicationis, sive præcesserit delictum, sive non. Et hoc ultimum idcirco additur, quia potest in aliquem interdicti, vel excommunicationis sententia proferri pro contumacia tantum

tantum, quia scilicet citatus stare notuit juri, text. clar. c. Ex parte, §. 1. de Verb. signif. Quod si vero aliud delictum praecesserit, ac proinde excommunicationis sententia proferatur non tantum propter contumaciam, sed etiam pro illa causa alia, sive pro delicto; tunc istud erit causa excommunicationis non immediata, sed mediata.

15. Nihilominus id, quod dicitur, ad incurrendam Censuram requiri ex parte delinquentis contumaciam, non sic intelligendum est, quasi requiratur contumacia atque contemptus formalis: sufficit enim inobedientia generalis, & contemptus interpretativus, in hoc consistens, quod quis sciens, quidpiam ab Ecclesia esse prohibitum sub Censura, nihilominus illud facere non vereatur. Unde

16. Infertur I. Excommunicationem, aut aliam Censuram, numquam incurri ob peccatum, solo Jure naturali, aut Divino prohibitum: nam ulterius requiritur praecipuum Ecclesiae, sua Censura quidpiam praecipientis, aut prohibentis, quod a Reo transgressore contumaciter spernatur.

17. Infertur II. Censuram proprie dictam non esse infligendam ob peccatum mere praeteritum; id est, quod penitus cessavit, & nullam praesentem inobedientiam ac contumaciam adjunctam habet. Ratio est: Tum quia Reus alioquin non posset dici contumax: tum quia Censura proprie dicta, non est solum poena seu vindicta, sed simul medicina, ut Fidelis a contumacia desistat: ergo, cum inobedientia & contumacia non respiciat praeterita, quae jam non sunt in potestate hominis, propter solum peccatum praeteritum nequit Censura proprie dicta infligi.

18. Dicitur notanter, Censura proprie dicta. Quia propter peccatum praeteritum potest quidem imponi poena, v. g. privatio Officii, vel Beneficii, imo & Suspendio ferri potest ob culpam mere praeteritam, atque per modum poenae, ut notat Abbas in c. Reprehensibilis, num. 3. de Appellat. & Layman cit. tract. 5. part. 3. cap. 3. num. 3. Verum hujusmodi Suspendio, seu poena, non est Censura proprie dicta; cum non inferatur per modum medicinae ad averterendum hominem a peccato: sed est mera poena spiritualis, vindictiva peccati jam facti; cum tantum imponatur in poenam admitti sceleris. Bassaeus Pers. Censura, num. 15. & alii passim.

19. CONCL. III. Quamvis, si ipso jure decreta est Censura latae sententiae, alia monitio necessaria non sit (quia tunc Lex, seu commune praecipuum semper monet, ac proinde alia trina admonitione praevia opus non est, arg. c. Reprehensibilis, de Appellat.) nihilominus, quando Censura fertur ab homine, ea numquam infligenda est, nisi trina & legitima monitione praevia, cum intervallo dierum aliquot, saltem duorum aut trium, ut censurandus habeat sufficiens tempus ad exhibendam emendationem, vel praestandam satisfactionem, aut proponendam suam defensionem, alioquin non solum injusta, sed etiam irrita foret Censura: licet aliquando, si necessitas facti id suadeat, possit una etiam ad-

monitio peremptoria sufficere. Ita habetur expresse c. Statuimus, & c. Constitutionem, de Sent. excom. in 6. cum concordantiis; estque communis Doctorum.

20. Quaeres, an possit infligi Censura Ecclesiastica ob peccatum alterius? Resp. I. Loquendo de Interdicto, sententiam affirmativam esse tenendam. Sic quippe propter peccatum Regis potest interdici totum Regnum, arg. c. Non est vobis de sponsalibus. Et pro peccatis Episcopi terra ipsi subiecta, c. Sane, §. 2. de Officio delegati. Et propter delictum Domini, vel Rectoris, Civitas, c. Si Sententia, de Sent. excom. in 6. Et Monasterium ob peccatum Praelati contumacis, c. Cum dilectus, de Religiosis domibus, ac notat Fagnanus c. Responsio, num. 42. de Sentent. excommunic. Et sic quandoque puniuntur aliqui, qui non peccaverunt, vel potius in suis Subditis Superiores, ut publica coercitione confusi citius relinquant, atque a sua desistant contumacia: praesertim cum poena Interdicti non tam multis bonis priveret, sicut Excommunicatio major.

21. Resp. II. Excommunicatio major ob peccatum alienum non incurritur: ac proinde ne innocentes cum nocentibus poena adeo gravi involvantur, simul & collective excommunicari non debet tota aliqua Communitas, sive Collegium, aut Civitas; quamvis singuli, adeoque etiam omnes distributive, qui de tali Communitate nocentes reperiuntur, excommunicari valeant. Ita D. Thomas part. 3. Supplem. quaest. 22. art. 5. Tannerus tom. 4. disp. 6. quaest. 10. dub. 3. num. 42. Layman, Pirhing, & alii communiter. Ratio est: quia Excommunicatio major non est infligenda, nisi propter peccatum mortale; peccatum vero, cum consistat in actu, non est Communitatis, sed singularium personarum. Accedit, quod in Communitate plerumque soleant esse aliqui innocui, & non consentientes peccato aliorum, atqui aequum non est, ut condemnentur jussu cum impio, praesertim poena tam gravi, qualis est Excommunicatio major.

22. Nec obstat, quod secus fiat in Interdicto. Negatur enim paritas: siquidem Interdictum non est tam gravis poena, neque tam multis privat bonis, sicut Excommunicatio major: haec enim est separatio non solum a Divinis, sed etiam a communione Fidelium, atque ideo poena gravissima; sive, ut loquitur D. Augustinus, relatus c. Corriganur 24. qu. 3. quae poena in Ecclesia nulla major est. Quare ad hanc deveniendum non est, nisi magna adhibita circumspectione, & postquam praeviis monitionibus, ac plerumque aliis levioribus poenis & Censuris, nihil obtineri potuit; ut recte monet Concilium Trident. Sess. 25. cap. 3. de Reform. juncto can. Ecce autem, 24. q. 3. Quinimo, cum ipsa sit medicinalis, neque tunc ad eam deveniendum est, nisi appareat spes aliqua fructus, vel ad ipsum reum emendandum, vel saltem ad bonum publicum promovendum. Layman loc. cit. part. 2. c. 1. n. 6.

23. Ceterum, quod unus non sit excommunicandus propter peccatum alterius, ut puta filius pro delicto parentis, ad longum resolvit Augustinus Epist. 75. Ad auxilium Episcopum, ac refertur c. Si

habes 24. q. 3. Quod autem tota communitas aliqua (intellige, simul & collective; secus, distributive, dummodo omnes sint Rei,) excommunicanda non sit, statuitur *c. Romana, de Sentent. excomm. in 6. ibi: In Universitatem, vel Collegium proferri excommunicationis sententiam; penitus prohibemus, volentes animarum periculum evitare, quod exinde sequi posset; cum nonnumquam contingeret, innocuos huiusmodi sententia irretiiri: sed in illos dumtaxat de Collegio, vel Universitate, quos culpabiles esse consideris, promulgetur.*

24. Utrum autem, si dictis non obstantibus excommunicetur tota Communitas, sententia excommunicationis valida sit, nec ne, ad longum disputat Fagnanus *c. Responsio: nu. 88. de Sentent. excomm.* Et quamvis non pauci Doctores censeant, ipsam esse invalidam, ponderando dictionem illam, *penitus prohibemus*: nihilominus idem Fagnanus *num. 102.* tenet contrarium, asserens cum Glossa in *citat. cap. Romana, Pers. penitus*, & aliis, quod si sententia excommunicationis lata sit in Communitatem, non obstante, quod fuerit illicite lata, & hac ratione injusta, adhuc bene teneat, & liget singulos de tali Communitate dolli capaces. Tum quia Pontifex prohibuit quidem, ejusmodi ferri sententiam, sed hanc non irritavit. Tum quia, ut dicitur *c. ad Apostolicam, de Regularibus, Multa fieri prohibentur, quae si facta fuerint, obtinent roboris firmitatem.* Accedit, quod *sententia Pastoris, siue justa, siue injusta fuerit, timenda sit, c. Sententia, 11. q. 3.*

25. Resp. III. Suspendio stricte accepta non incurritur, nisi ob culpam propriam. Ita Navarrus *cap. 27. Manual. num. 165.* Layman *(lib. 1. tract. 5. part. 3. cap. 3. num. 1. Suarez, & alii.* Ratio est: quia Suspendio est proprie dicta poena, quippe directe culpam adimens usum Ecclesiasticae potestatis: atqui poena talis non incurritur sine culpa propria; Quinimo peccata suos auctores tenere debent, prout habetur *c. Quasvis, de his qui sunt a majori parte Capit.*

25. Nec urget, si fiat instantia de Interdicto. Nam neque Interdictum personale solet incurri, nisi ob peccatum proprium. Et quamvis Interdictum locale etiam astringat innocentes, id tamen sit dumtaxat indirecte, ac quamdiu sunt in loco interdicto: nam extra illum possunt interesse Divinis, atque si moriantur, in loco sacro sepeliri. Econtra suspensus nullibi potest exercere usum potestatis Ecclesiasticae.

\* Quæres II. Quidnam practice Judex observare debeat, ut cum minori impugnationis periculo Censuram alicui infligat? Resp. Talem judicem partim juxta jam dicta, partim juxta adhuc dicenda debere potissimum attendere ad sequentia. I. Videat, num habeat jurisdictionem, & quidem non impeditam respectu talis personæ, cui intendit Censuram infligere. II. Num adsit valde gravis causa infligendi Censuram; ubi non debet in hoc puncto esse præceptum. III. Num crimen, ob quod Censuram infligere intendit, forsitan non sit tale, cui annexa jam est alias Censura a jure? IV. Si non sit annexa Censura a jure, necessario ante inflictionem ejusdem ab homine præcedere debet monitio conformiter di-

ctis *num. 19.* & ceteroquin in ipsa inflictione observari Juris ordo V. Quodsi crimini tali annexa jam foret Censura a jure; videndum, num illa sit Censura *ferenda sententia*, id est, infligenda primum per sententiam condemnatoriam Judicis, vel potius Censura *sententia lata*, quæ nimirum infligitur actu per ipsummet Jus, & incurritur absque nova sententia condemnatoria Judicis. VI. Quando Censura a jure tali Crimini annexa primum foret *Sententia ferenda*, adhuc deberet necessario præcedere prævia monitio ante sententiam. *Argum. cap. Reprehensibilis, 26. de appellat.* VII. Quando autem dicta Censura Juris est *lata sententia*, ac ipso facto jam incurritur; tunc Judex Ecclesiasticus taliter delinquentem potest publice denunciare per sententiam declaratoriam censuratum v. g. Excommunicatum absque prævia aliqua admonitione; debet tamen is, saltem nisi delictum & contumacia omnino notoria essent; prius citari ad hoc, ut se defendere possit, si forsitan causam habeat excusantem a Censura, per textum & Glossam *Clementina III. de Censibus. & Clementina II. de Penis.* Nam et si juxta *Tract. II. de Legibus. dist. 2. quest. 4. n. 39.* Censura *lata sententia*: si vera, & proprie dicta sit Censura, & non potius poena vindicativa privans jure jam quæsito, ac possessio: de jure communi statim contrahatur in foro conscientiae, quamprimum ipsum Crimen, cui dicta Censura annexa est, committitur: Nihilominus in foro externo Judex declarans seu publice denuncians taliter censuratum securus regulariter haud erit de impugnatione, si prius delinquentem non citet ad audiendum; quare non deberet contra ipsum proferri sententia declaratoria? Videantur *Engel. lib. 5. Decret. tit. 39. n. 9. Navarrus eodem. Consil. 9. m. 4. & Ludovicus ab Amæno in practica Criminali tit. ult. §. 7. n. 62.* Quodsi citandus studio subterfugiat citationem personalem abscondendo se, poterit citari per Edictum; affigendo illud publicis locis, & post debitum tempus, eo non comparente, nihilominus procedi ulterius in causa. \*

### Q U Æ S T I O III.

An ignorantia, metus, vel aliud quidpiam excuset ab incurrenda Censura?

#### S U M M A R I U M.

27. Regula generalis circa hoc.
28. Ignorantia facti excusat a Censura.
29. Ignorantia juris etiam excusat a Censura, dummodo non sit crassa.
30. Corollarium.
31. Rustici, & homines simplices, sæpius per hoc excusantur a Censuris.
32. Metus gravis excusat a Censuris;
  - (b) Juxta dictum Tract. 2. Dist. 2. n. 25. & seqq.
33. Etiam si actus jure natura prohibitus existat.
34. Excommunicatio, aut alia Censura sit invalida:
  35. I. Ob defectum jurisdictionis; & hoc dupliciter.
  36. Per appellationem, quando impediatur effectus Censura?
  37. II. Ob defectum substantialis ordinis Judicii.
  38. III. Ob defectum justæ Causæ; & hoc tripliciter.
  39. Cuius



39. Censura lata contra innocentem, qui in iudicio probatur nocens, an sit servanda?

40. Quid de Clerico innocente, & secundum publicas probationes excommunicato?

41. Forma absolvendi a Censuris, qua?

42. Suspendio, & Interdictum, quandoque non indigent absolutione.

43. Absolutio a Censuris, an possit dari extra Confessionem, aut absentia?

27. **S**upponendum pro regula generali, cum juxta num. 8. & seqq. & Doctores passim, ad incurrendam Censuram Ecclesiasticam requiratur culpa mortalis, & talis, qualis ibidem est descripta: quotiescumque aliquis per ignorantiam, inadvertentiam, vel animi passionem, aut parvitatem materiæ excusatur a peccato mortali, eum etiam ab Excommunicatione majori, gravi Suspensione, atque Interdicto personali fore excusandum. Hoc prænotato, quantum attinet ad statum propositæ Quæstionis, sit

28. **CONCL. I.** Ignorantia facti, qua quis ignorat, factum suum esse tale, quod sub Censura prohibitum est, excusat ab ipsa Censura: hinc, si quis v. g. percutiat Clericum, quem putat esse Laicum, adeoque invincibiliter ignorat esse Clericum, excusatur ab excommunicatione. Ita communis; & habetur c. Si vero, de Sent. excom. ibi. Si vero aliquis in Clericum nutrientem comman. manus iniecerit violentas, propter hoc non debet excommunicatione notari; dummodo ipsum Clericum esse ignoraverit. Imo in talicasu sufficit ad evitandam Censuram ignorantia probabilis, ut explicat Glossa ibidem.

29. **CONCL. II.** Ignorantia invincibilis, vel probabilis Juris Ecclesiastici, præcipientis vel prohibentis quidpiam sub Censura; imo & sola ignorantia ipsius Censuræ, dummodo non sit crassa, seu supina, excusat a Censura incurrenda. Ita Doctores communiter; & habetur clare ex cap. 2. de Constit. in 6 ubi dicitur: Ut animarum periculis obviatur, sententiis per statuta quorumcumque Ordinariorum prolati ligari nolumus ignorantes; dum tamen eorum ignorantia crassa non fuerit, aut supina. Quæ decisio cum sit favorabilis, multumque rationabilis, non tantum in Statutis Episcoporum, sed etiam Constitutionibus Pontificiis locum habet; nam etiam Papa est Ordinarius, & quidem Ordinarius Ordinariorum.

30. Inferitur proinde, quod, licet quis sciat, opus aliquod esse prohibitum vel præceptum, sive lege naturali, aut Divina, sive Ecclesiastica; si tamen invincibiliter, aut probabiliter ignoret, ipsi esse annexam excommunicationem, aut etiam Censuram Ecclesiasticam, hanc ipse non incurrat. Patet hoc tum ex citato textu Juris Canonici; tum ratio hujus ulterior est: quia ad incurrendam Censuram requiritur contumacia, & virtualis quidam contemptus, quo quis recusat obedire Legi, sub tali pœna seu Censura quidpiam præcipienti: atqui is, qui ignorat illam pœnam, seu censuram, jam non est taliter contumax; ergo.

31. Inferitur ulterius, Rusticos, aliosque homines simplices, sæpius ex hoc fundamento excusari ab incurrenda censura excommunicationis; eo quod eam esse hic & nunc latam, rarissime sciant, imo vix audierint aliquid de excommunicatione. Dummodo excipias excommunicationem in percussores Clericorum latam, & vix alicui ignotam, atque alias Censuras communiores, vel publice denunciatas.

32. **CONCL. III.** Qui ex gravi metu mortis, mutilationis, infamiae, aut hujusmodi, transgreditur legem Ecclesiasticam sub pœna Censuræ impositam, is non incurrit annexam Censuram. Ita Pirhing. tit. de Sent. excom. num. 47. Suarez, & alii. Ratio est: quia leges Ecclesiasticæ regulariter non obligant cum tanta severitate, seu periculo vitæ, aut membrorum: (b) Atqui lex Censuram imponens, est Ecclesiastica: ergo.

33. Nec obstat, quod talis non tantum contra legem Ecclesiasticam, sed etiam contra Naturalem, ac Divinam operetur, ac proinde peccet: ut si quis gravi metu mortis adactus Matrimonium contrahat, & consummet cum consanguinea, vel Moniali. Resp. enim, quamvis talis peccet contra legem Divinam & Naturalem, eo quod Matrimonium sit irritum, simulque propter nullum metum sit faciendum peccatum; adhuc tamen eum non incurrit excommunicationem, quæ ipso jure lata est contra taliter contrahentes: Clam. un. de Consang. & affinit. Nam hæc Jure dumtaxat Ecclesiastico, quale in casu tanti metus non obligat, statuta est: incestus autem prohibetur Jure naturali & Divino, quod ex nullo metu licitum est transgredi.

34. **CONCL. IV.** Insuper ex triplici capite potest excommunicatio, aut alia Censura Ecclesiastica reddi invalida, ita ut nullum producat effectum; videlicet ob defectum jurisdictionis, ob defectum substantialis ordinis Judicii, & ob defectum justæ causæ. Ita Pirhing. loc. cit. nu. 40. & alii communiter. Et quidem

35. I. Censura ab homine lata redditur invalida; adeo ut non obliget, ob defectum jurisdictionis in ferente: ut si imponens Censuram, vel simpliciter caret Jurisdictione eam imponendi, vel ipsam habeat impeditam per excommunicationem, aut suspensionem. Nam excommunicatus, vel suspensus ab officio, alium excommunicare non potest, c. Audivimus, 24. quæst. 1. juncta Glossa ibidem.

36. Idem dicendum; si Prælati habeat jurisdictionem suspensam per appellationem, legitime ab alio interpositam ante sententiam absolute latam: ut si is ferat sententiam contra Sempronium, quod, nisi intra tot v. g. dies satisfecerit, noverit se esse excommunicatum; atque interim Sempronius appellet, & ad diem statutum non satisfaciatur: nam ipse Censuram ejusmodi non incurrit, eo quod per legitimam appellationem, ante eventum conditionis interpositam, impediatur effectus Censuræ sub conditione latæ, vel alterius postea primum infligendæ, prout habetur c. Prætere, 40. de Appellat. Secus foret, si appellatio primum fieret post latam sententiam Censuræ in aliquem; nam

hujus

hujus effectus per appellationem subsequentem non impeditur, neque suspenditur, *text. clar. c. Is cui, de Sentent. excommun. in 6.*

\*Qualiter a Sententia Censuræ absolute lata appellari amplius nequeat, fusius explicatur in Jure Canonico l. 2. *Decret. tit. 28. n. 212. ac seqq.* ubi tamen etiam ex eodem lib. 2. *Decret. loc. cit. n. 24.* adverte, quod non sit idem appellare a sententia, & opponere nullitatem sententiæ: nam ista duo in pluribus differunt; principaliter in hoc, quod exclusa appellatione non censeatur sublata oppositio seu querela nullitatis sententiæ: hincque etsi interdicta semel appellatione nequeam ad altius tribunal appellare; potero tamen adhuc querelare (uti ajunt) id est, opponere nullitatem sententiæ e.g. ex defectu jurisdictionis, vel ratione substantialis ordinis non observati, de quo ordine vide apud Patrem Reiffenstuel.

37. II. Censura excommunicationis, aut alia, redditur invalida, & nullius roboris, ob defectum substantialis ordinis Judicii: ut si Judex Censuram laturus nullam omnino, ne unicam quidem, præmittat admonitionem: vel, si omitatur citatio Rei, isque ad sui defensionem non admittatur; aut si legitima probatio causæ, ob quam Censura fertur, desit. Pirhing *loc. cit.* Suarez, & alii.

38. III. Censura est invalida ob defectum justæ causæ; si nimirum ob nullam, aut omnino levem, & non commensuratam culpam feratur. Porro justitia causæ rursus tripliciter potest deficere. Primo, si nec reipsa, nec secundum allegata & probata crimen subsit: ut si quis excommunicetur, quod pauperi elemosynam tribuerit, vel non fecerit id, quod agere illicitum & pravum erat, aut hujusmodi. Censura sic lata haud dubie invalida est, cum contineat errorem intolerabilem, ut Jura loquuntur c. *Per tuas, de Sent. excommun. & c. Venerabilibus, §. Potest. eod. in 6.* Denique potest justitia causæ deesse, quando crimen, ob quod Censura fertur, fuit quidem a parte rei commissum, sed de eo Reus nec est legitime convictus, nec confessus: sic enim causa subsistit solum secundum se, non autem in ordine ad Judicium, seu Forum externum; & consequenter sententia Censuræ, ob id inflicta, est nulla. Tandem potest deficere causa, si a parte rei causa seu crimen non subsistat, tamen juridice contra Reum probetur: tunc enim non adest vera causa ferendi Censuram, bene tamen præsumpta; cum Reus reipsa sit innocens, qui tamen juridice probatus est nocens. Verum de hoc ultimo casu loquendo, & pro vera ejus intelligentia, sit

39. CONCL. V. Censura lata contra innocentem, qui secundum allegata & probata in Judicio censetur nocens, etsi reipsa, & in Foro conscientiae, non privet eum communibus Ecclesiæ Suffragiis, aliisque spiritualibus commodis ac facultatibus (revera enim Censura talis ob defectum causæ est nulla) tamen in Foro externo, atque in facie Ecclesiæ, debet servari, donec vel ab ea quis fuerit absolutus; vel innocentia ipsius atque error Censuræ, publice innotuerit. Ita Covarruvias in c. *Alma mater, part. 1. §. 7. nu. 7.*

§. Navarrus cap. 27. *Manual. num. 3.* Pirhing, num. 41. & alii. Sic quippe habetur c. *Si quis a proprio, 21. q. 3.* Et S. Gregorius, relatus can. 1. *ead. caus. 11. q. 3.* ait; *Sententia Pastoris, sive justa, sive injusta fuerit, timenda est.* Accedit ratio: quia hoc necesse est ad publicam utilitatem atque disciplinam, ipsamque Judicis ex officio secundum allegata & probata judicantis auctoritatem tuendam; cui bono communi merito bonum privatum postponi debet. Et certe aliquin malevolis lata porta aperiretur; quaslibet Censuras contemnendi; cum dicere possent, se coram Deo esse innocentes, quamvis in Foro externo per falsa allegata & probata sint damnati nocentes.

40. Infertur proinde, quod, si Clericus innocens, sed secundum publicas probationes a Judice excommunicatus, actum sui Ordinis postea exerceat, is non contrahat irregularitatem: quia revera excommunicatio fuit nulla. Si tamen in Judicio ipse hac de re accusetur, & vincatur, tamquam irregularis a Judice condemnari potest: cum in Foro externo censeatur excommunicatus, consequenter etiam irregularis declarari debet, si in tali excommunicatione celebrasse demonstretur. Quod si vero talis monitus desistere nolit, tunc de novo vere excommunicari, propter suam inobedientiam & contumaciam, atque apparentem contemptum Ecclesiasticæ potestatis.

41. Quæres, quænam sit forma absolvendi a Censuris? Resp. Nulla determinata forma verborum requiritur ad tollendas Censuras, sed sufficit, ut quibuscumque verbis voluntas absolventis sufficienter significetur. Solet tamen communiter hujusmodi forma observari: *Absolve te a vinculo excommunicationis, quam incurristi N. (exprimendo causam ipsius) & restitue te sanctis Sacramentis, & communioni Fidelium, in Nomine Patris, &c.* A Suspensionis tantum: *Ego te absolvo a vinculo suspensionis, quam incurristi propter N. (exprimitur causa) & restitue te executioni Ordinum, in Nomine Patris, &c.* Quando vero Censura est dubia, servetur hæc, vel similis forma: *Si teneris aliquo vinculo excommunicationis, suspensionis, vel interdicti, absolvo te ab omni vinculo excommunicationis, suspensionis & interdicti, in quantum possum, & tu indiges, in Nomine Patris &c.*

42. Quinimo si Suspendio fuit lata ad determinatum dumtaxat tempus, v.g. ad unum, aut duos annos; vel usque ad positionem certæ conditionis v.g. dicendo, *Sis suspensus, donec feceris*: tunc elapso illo tempore, vel adimpleta conditione, ut puta præstita satisfactione, per se ipsam cessat Suspendio, neque opus est alia formula absolutionis, sive sententia restitutionis, arg. c. *Quia sapes, de Election. in 6.* juncta Glossa ibidem *vers. Donec.* Idem dicendum de Interdicto taliter lato. Layman *cit. tract. 5. part. 4. cap. 5. num. 1.* Cæterum extra hosce casus necesse est, adhiberi veram absolutionem a Censuris, ab habente legitimam facultatem absolvendi datam; prout alias rationes tacendo, clare patet ex Decreto Alexandri VII. inter alias Propositiones sequentem, ordine 44. condemnantis: *Quoad Forum conscientie Reo correcto, ejusque contumacia cessante, cessant Censura.*

43. Tandem sciendum, quod absolutio a Censuris ab habente potestatem ordinariam, possit dari etiam extra Confessionem Sacramentalem, imo & absenti, ac invito. Dicitur, *ab habente potestatem ordinariam*: nam habens potestatem delegatam ad absolvendum a Censuris, debet absolvere juxta tenorem suæ delegationis, ejusque formam exacte observare. San- nig. Dist. 1. de Censuris, quæst. 6. & alii.

#### QUÆSTIO IV.

Quid, & quotuplex sit Pœna Canonica? ubi & de Depositione, Degradatione, & Infamia.

#### SUMMARIUM.

44. Pœna Canonica latius patet, quam Censura.
45. Pœna Canonica, quid?
46. Irregularitas, quomodo habeat rationem pœna?
47. Declaratur ulterius data definitio.
48. Pœna Canonica sunt septem.
49. Depositio, &
50. Degradatio, quid?
51. Et quomodo privent Clericali munere?
52. Degradatio privat etiam omni Clericali privilegio.
53. Utraque infligitur primum a Judice.
54. Forma Degradationis.
55. Infamia, quid?
56. Alia Juri, alia facti.
57. Infamia Juri, ob qua crimina contrahatur?
58. Enarrantur potiora.
59. Quomodo tollatur.

44. **A**dvertendum, quod Pœna Canonica latius pateat, quam censura Ecclesiastica: Siquidem Pœna Canonica respectu Censuræ Ecclesiasticæ se habet, sicut genus respectu speciei; omnis enim Censura Ecclesiastica est etiam Pœna Canonica, non autem e contra. Hoc prænotato, sit

45. CONCL. I. Pœna Canonica est *pœna infligita per Canones, vel secundum Canones, prohibens vel arcens punitum ab aliquo gradu Ecclesiastico, qui alias sibi liceret*. Ita Doctor Subtilis 4. dist. 25. quæst. 1. estque in re communis.

46. Dicitur, *pœna*. Quæ particula sumitur late, prout non tantum comprehendit pœnam proprie dictam, seu quæ procedit ex culpa, sed etiam irregularitatem absque ulla culpa mortali quandoque provenientem: hæc enim habet rationem pœnæ saltē large & improprie dictæ; in quantum est malum, ac pœnale homini cupienti ordinari, habere ejusmodi impedimentum. Additur autem, *infligita per Canones, vel secundum Canones*: quia quædam pœnæ Canonice infliguntur ipso Jure per Canones; quædam vero per sententiam Judicis secundum Canones; alioquin enim ejusmodi sententia Judicialis non esset justa; nisi inflingeretur secundum Canones.

47. Dicitur ulterius: *prohibens, vel arcens punitum ab aliquo gradu Ecclesiastico*. Quia pœnæ Canonice a potiori prohibent hominem a susceptione, vel executione Ordinum: & licet

quædam earum, ut Excommunicatio, ac Interdictum, privent ulterius quibusdam aliis bonis spiritualibus; hoc tamen satis denotatur per appositum *ad Arcere*. Et additur, *qui alias sibi liceret*: si enim alioquin talis gradus, vel actus Ecclesiasticus, cuiusmodi non liceret; jam non esset ipsi pœna, eo privari. Hinc quippe non est pœna Laico, vel mulieri; quod non possit celebrare Missam, eo quod talis actus aliundē sibi non competat; bene tamen Sacerdoti id foret pœnale.

48. CONCL. II. Pœnæ Canonice sunt septem, videlicet Depositio, Degradatio, Infamia, Irregularitas, Excommunicatio, Suspendio, & Interdictum. Ita Scotus *loc. cit.* & alii; atque patebit ex diversis textibus Juris Canonici in progressu citandis.

49. *Depositio* est privatio perpetua Clericalis muneris; per canonicam sententiam cum debita solemnitate prolatam.

50. *Degradatio*, quæ plurimum convenit cum Depositione, est privatio perpetua Clericalis muneris, & privilegii; facta post canonicam sententiam, adjuncta reali actione & ceremonia per Canones instituta. Additur, *quæ plurimum convenit cum Depositione*, adeo, ut a nonnullis pro una pœna computetur, arg. c. *Degradatio, de Pœnis in 6.* ibi: *Verbalis degradatio, seu depositio, ab ordinibus*: & notat Fagnanus c. *Qualiter, l. 2. num. 76. de Accusat.* Nihilominus est notabilis differentia inter ipsas: nam Degradatio fit actione reali, & simul includit privationem privilegii Clericalis; quæ duo in Depositione verbali non habentur, prout patebit ex declaratione utriusque definitionis.

51. Dicitur I. In utraque data definitione, *privatio perpetua Clericalis muneris*. Quia tam Depositio, quam Degradatio, privat in perpetuum, ac sine spe remissionis; omni munere Clericali; id est, omnibus Beneficiis Ecclesiasticis, nec non & licentia exercendi actum cujuscumque Ordinis. Non tamen privatur quis Characterē Ordinis, quia hic est indelebilis; neque potestate valide consecrandi (si fuerit Sacerdos) quia & hæc potestas est simpliciter inimpedibilis; neque facultate absolvendi pro mortis articulo moribundum; quia tunc nulla est reservatio Casuum; Insuper Depositus, aut Degradatus, non liberatur ab onere recitandi Breviarium, aut servandi perpetuam Castitatem: ne alioquin ex suo peccato commodum reportet.

52. Dicitur II. in definitione Degradationis, & *privilegii*: quæ particula in definitione Depositionis est omissa. Siquidem per Degradationem (non tamen per solam Depositionem verbalem) privatur quis tum privilegio Fori, tum etiam privilegio Canonis. Privilegio quidem Fori, in quantum ejicitur e Foro Ecclesiastico; & traditur Foro seu Curie seculari; ita, ut deinde sit constitutus sub jurisdictione Magistratus secularis, a quo proin, quasi esset Laicus; poterit capi, incarcerari, ac juxta Leges Civiles de commissis criminibus puniri, quamvis, dum Clericus degradatus propter sua crimina traditur Curie seculari, efficaciter pro eo debeat

M m m

Ec-

Ecclesia intercedere, ut citra mortis periculum quoad eum sententia moderetur, c. *Novimus, de Vert. signific.* Privatur insuper Degradatus privilegio Canonis, ita ut ejusdem invalor, aut percussor, quamvis injustus, non incurrat Excommunicationem latam in percussores Clericorum.

53. Dicitur III. In utraque definitione, post *canonicam sententiam cum debita solemnitate factam*. Tum quia neutra earum infligitur ipso jure, sed quælibet a Judice, seu per sententiam Canonicam debet infligi. Tum quia tam ad Depositionem, quam ad Degradationem, requiritur certa solemnitas a Jure præscripta, quæ refertur in 6. *Degradatio, de pœnis in 6.*

54. Dicitur tandem in definitione Degradationis, *adjuncta reali actione*. Quia, ut habetur *«cit. c. Degradatio, de Pœnis, in 6.* Clericus degradandus, vestibus sacris indutus, & habens *«instrumenta illa in manibus, quæ spectant ad «Ordinem suum, ad Episcopum adduci debet; «ab eoque ordine retrogrado (id est, incipiendo «ab illo vestimento, quod ultima vice in sua «Ordinatione acceperat, usque ad primum, «quod datur in collatione primæ Tonsuræ) omnibus suis vestibus, & ornamentis sacris, cum «certis verbis exuitur; ac tandem caput illius «raditur, vel tondetur, ne Tonsuræ, vel Clericatus vestigium in eo remaneat: & hisce peractis, Degradatus primum traditur Curie seculari. Hæc omnia tamen non reperiuntur in «simplici Depositione: nam hæc fit per solam «sententiam in criminosos canonicè latam, neque privat omni privilegio Clericali, aut Fori. Abbas c. *Tue, de pœnis*, ubi insuper notat, quod isthæc Depositio alio nomine dicatur *Degradatio verbalis, c. Degradatio eod. in 6.**

55. Quantum attinet ad *Infamiam*, quæ est tertia Pœna Canonica, Advertendum, quod infamia idem sit, ac privatio seu diminutio bonæ famæ; sive, ut alii loquuntur, *arg. l. Cognitum, ff. De variis & extraord. cognition. Infamia est laesa dignitatis status, vita ac moribus reprobatus.*

56. Duplex autem communiter assignatur Infamia, videlicet *Infamia juris, & Infamia facti*. Hæc posterior accidit, quando quis tale aliquid perpetrat, propter quod ejus bona existimatio apud probos & honestos viros læditur, licet jure aliquo expresso non notetur infamia. *Infamia juris* est, quæ ipso jure infligitur, seu decernitur in certa crimina committentes. Idque adhuc fit dupliciter, nempe dum vel ipso facto infamia contrahitur, vel primum per sententiam Judicis secundum juris declarationem decernitur.

57. Quæres: Ob quæ crimina contrahatur Infamia juris? Resp. I. Regula generalis est, Jure Canonico omnes eos censerî infames, quicumque Jure Civili habentur infames; nisi infamiam Jure Civili introductam Canones speciatim sustulerint. Prior pars habetur clare ex c. *Omnes, 6. quest. 1.* ubi Hadrianus Papa inquit: *Omnes vero infames esse dicimus, quos leges seculi infames appellant.* Concordat c. *Infames, 6. qu. 1.* ibi: *Infames esse dicimus omnes, quos Ecclesiastica, vel sa-*

*culi leges Infames pronanciant.* Altera vero pars probatur ex cap. ult. de *Secundis nuptiis*, ubi infamia Jure Civili, L. 1. C. de *se. undis nuptiis*, decreta mulieri, intra annum luctus nubenti, fuit sublata.

58. Resp. II. Quænam personæ censeantur Jure Canonico infames, refertur *cit. cap. Infames, 6. quest. 1.* Et sunt fures, sacrilegi, incestuosi, homicidæ, perjuri, raptores, malefici, venefici, adulteri, de bellis publicis fugientes, criminibus capitalibus irretiti, sepulchrorum violatores, & alii hujusmodi ibidem enumerati. Et de talibus loquitur Reg. 87. *Juris in 6. Infamibus porta non pateant dignitatum.*

59. Cæterum Infamia Canonica, quando orta est ex crimine occulto, tollitur per pœnitentiam: secus, quando ortum habet ex crimine manifesto; ut post Glossam c. *Illi qui, 6. quest. 1.* notat Fagnanus in c. *Vestra, n. 37. de Cohab. Cler.* Unde Infamiam juris ex crimine manifesto subortam auctoritative tollere, seu abolere, spectat ad Principem, sive ad SS. Pontificem, tamquam Conditorem Juris Canonici, *arg. c. Cum te, de Sent. & re judicata, & notat idem Fagnanus c. Vergentius, num. 38. de Hæreticis.*

## DISTINCTIO II.

*De Excommunicatione, Suspensione, & Interdicto.*

### QUESTIO I.

Quid, & quotuplex sit Excommunicatio?

#### SUMMARIUM.

1. *Excommunicatio vi nominis, quid?*
2. *Excommunicatio, & Anathema, an differant?*
3. *Datur in Ecclesia potestas ferendi Excommunicationem, aliasque Censuras.*
4. *D. Paulus potestate excommunicandi aliquoties usus fuit.*
5. *Excommunicatio, quid?*
6. *Dividitur in majorem & minorem. Absolutè posita denotat majorem.*
7. *Excommunicatio minor, quid?*
8. *Ejus effectus, quis?*
9. *Excommunicatio major, quæ?*

1. **E**Xcommunicatio juxta nominis Etymologiam idem est, ac *extra communionem separatio*. Sed in proposito sumitur ipsa pro Censura Ecclesiastica, per quam homo Christianus a communionē Ecclesiæ separatur. Dicitur etiam alio nomine *Anathema*; nam anathema græce significat separationem alicujus a reliquis partibus, & quidem frequentius; prout ejusmodi separatio fit ab Ecclesia, tamquam alicujus execrandi & maledicti; prout hæreses & hæretici, alique peccatores incorrigibiles, ab Ecclesia anathematizantur.

2. Interim licet Excommunicatio, & Anathema essentialitè non differant (utraque enim importat separationem alicujus ab Ecclesiæ communionē) differunt tamen quoad solemnitatem: nam excommunicatio quandoque incurritur ipso jure, quandoque profertur per Sententiam Judicis in scriptis

com-



comprehensum: Anathema vero cum certis cœnomeniis, et Delent, et quæst. 3. præscriptis, ad terrorem cœterorum peragitur. Siquidem debent duodecim Presbyteri Episcopum circumstare, & lucernas ardentes in manibus tenere, quas post latam Anathematis sententiam in terram projiciunt, & pedibus contulant: cui solemnitati aliz quoque maledictiones, & execrationes verbales addi solent. Hinc e. Cum non ab homine, de Judiciis, Clericus depositus incorrigibilis primum excommunicari, deinde vero crescente contumacia Anathematis mucrone feriri jubetur.

3. CONCL. I. Datur in Ecclesia Catholica potestas ferendi Excommunicationem, ac alias Censuras Ecclesiasticas, Jure Divino eidem concessa. Ita omnes Catholici, atque desumitur tum ex perpetua praxi & sensu Ecclesiæ; tum ex illo generali dicto Salvatoris, *Matth. cap. 16. Et tibi dabo claves Regni Cœlorum; Et quodcumque ligaveris super terram, eris ligatum & in Cœlis.* Et *Matth. cap. 18. Dic Ecclesiæ: Si autem Ecclesiam non audierit, sit tibi sicut ethnicus & publicanus.*

4. Et tali potestate jam usus fuit D. Paulus Apostolus, dum 1. *Corinth. 5.* quempiam Satanæ tradidit, hoc est, excommunicavit, seu ex consortio Fidelium ejecit; prout ipsemet Apostolus ibidem indicat dicens: *Et non magis lætari habuistis, ut tollatur de medio vestrum, qui hoc opus fecit.* In quem locum D. Augustinus, *relatus 6. Omnis 11. quæst. 3. ait: Omnis Christianus, qui a Sacerdotibus excommunicatur, Satana traditur, Quomodo? Scilicet, quia extra Diabolus est, sicut in Ecclesia Christus. Unde illos, quos tunc Apostolus Satana esse traditos prædicat, excommunicatos a se esse demonstrat. Quinimo Scotus 4. dist. 19. quæst. un. 5. De quinto, notat, in Epistolis D. Pauli legi, quod ipse tribus vicibus excommunicaverit, nempe 1. *Corinth. 5.* ut jam dictum. Et 1. *Timoth. 1.* ibi: *Ex quibus est Hymeneus & Alexander, quos tradidi Satana, ut discant non blasphemare.* Et *Galat. 1.* *Si quis vobis evangelizaverit præter id, quod accepistis, anathema sit.**

5. CONCL. II. Excommunicatio est censura Ecclesiastica, qua homo Christianus a communione Fidelium separatur. Ita Doctor Subtilis *loc. cit. 5. De quinto, ubi ait: Excommunicatio simpliciter, quæ est sola major, est exclusio alicujus a communione fidelium: non quidem exclusio corporalis, quæ fit incarceratione, vel exclusionem ab aliis; sed excludendo per prohibitionem, ne communicet cum aliis, nec alii cum eo: estque in re communis. Dicitur, Censura Ecclesiastica: quæ particula stat loco generis, nam reliqua stat loco differentie. Et additur, quæ homo Christianus separatur a communione fidelium. Tum quia Ethnicus, & nunquam baptizatus, nequeunt excommunicari, cum necdum re ipsa in Ecclesiam fuerint ingressi per Baptismum. Tum quia per hanc particulam Excommunicatio differt ab aliis Censuris Ecclesiasticis, ut magis patebit ex dicendis.*

6. CONCL. III. Excommunicatio ut sic ex parte boni, quo privat hominem, proprie ac principaliter dividitur in majorem, ac minorem;

eo quod possit quis a communione Fidelium separari vel ex parte solum, vel ex toto: quamvis si nomen Excommunicationis absolute ponatur, nec aliud ex primatur, illud sit intelligendum de Excommunicatione majori. Ita Scotus *loc. cit.* estque communis; & habetur e. *Si quem de sententia excommunicat.* ubi dicitur: *Si quem sub hac forma verborum: illum excommunico, vel simili, a Judice, seu excommunicari contingat, dicendum est, cum non tantum minori, quæ a perceptione Sacramentorum, sed etiam majori excommunicatione, quæ a Communionem fidelium separat, esse ligatum.*

7. CONCL. IV. Excommunicatio minor est Censura Ecclesiastica, privans hominem perceptione Sacramentorum. Ita habetur ex *ci. c. Si quem, de Sent. excomm.* juncto e. *Si celebrant, de Clerico excomm.* &c. Ubi de excommunicato excommunicatione minori dicitur, quod non videatur a collatione, sed participatione Sacramentorum (quæ in sola consistit perceptione) remotus.

8. Unde infertur, quod proprius & adæquatus Excommunicationis minoris effectus sit, privare hominem solo usu passivo seu receptione Sacramentorum Ecclesiæ; ac proinde ipsa tantum separet secundum quid a communione Fidelium, videlicet quoad solam Sacramentorum participationem sive receptionem. Per quod ea differt ab excommunicatione majori, quæ longe plures, eosque gravissimos effectus habet, uti patebit ex *Quæst. seq.*

9. CONCL. V. Excommunicatio major, quæ est simpliciter excommunicatio, bene definitur, quod sit Censura Ecclesiastica, qua quis a communione Fidelium simpliciter separatur. Ita desumitur tum ex Doctore Subtili *loc. cit.* tum ex *ci. c. Si quem, de Sent. excommunicat.* Quamvis enim ibidem non apponatur *simpliciter* tamen textum illum loqui de separatione totali (id est, quæ fit tum per privationem Sacramentorum Ecclesiæ, tam recipiendorum, quam administrandorum; tum etiam per privationem communium Suffragiorum Ecclesiæ, nec non & convictus Civilis, seu exterioris communionis Fidelium) communiter intelligunt Doctores, prout mox amplius explicabitur. Hinc sit

## Q U Æ S T I O II.

Qui sint effectus Excommunicationis majoris?

### S U M M A R I U M.

10. *Communis fidelium, triplex. Pure interna.*
  - (a) Vide dicta Tract. 12. Dist. 3. Quæst. 7. per totum.
11. *Pure externa.*
12. *Et media, seu mixta.*
13. *Ecclesia non prius excommunicatum communionem fidelium mere interna;*
14. *Neque privatis orationibus Fidelium.*
  - (b) De hoc amplius num. 17.
15. *Bene tamen communionem Fidelium tam media quam pure externa.*
16. *I. Excommunicationis majoris effectus, est privatio communium Ecclesiæ Suffragiorum. Hæc quæ sunt?*

Mmm a

17. Corol-

17. *Corollarium notabit.*  
 18. II. *Privatio communionis Sacramentorum, activa, & passiva.*  
 19. *Nisi iusta causa excuset; & qua?*  
     (c) *Tract. 2. Dist. 2. n. 25. & 28.*  
 20. III. *Privatio usus Divinorum Officiorum. Divina Officia, qua?*  
 21. IV. *Privatio sepultura Ecclesiastica.*  
 22. *Quid juris, si excommunicatus in Eodem sacro sepeliatur?*  
 23. *An hic effectus de facto locum habeat in omnibus excommunicatis?*  
     (d) *Tract. 14. Dist. 3. num. 126.*  
 24. *Omnino impunitus, non est sepeliendus in loco sacro.*  
 25. *Major difficultas de excommunicato non vitando, & penitente.*  
 26. *Solutio.*  
 27. V. *Incapacitas ad Beneficium Ecclesiasticum.*  
 28. VI. *Nullitas Rescripti Apostolici ab excommunicato impetrati.*  
     *Absolutio ad cautelam a Censuris.*  
 29. VII. *Privatio omnis Jurisdictionis spiritualis.*  
 30. *Quid, si excommunicatus non erat vitandus?*  
     (c) *De quo num. 26. & 36.*  
 31. VIII. *Privatio communionis Forensis.*  
     *Limitatur in Reo.*  
 32. *Atque excommunicato non vitando.*  
 33. IX. *Inforsus per annum in excommunicatione sit suspectus de herefi.*  
 34. X. *Privatio omnis Civilis communionis.*  
     *Hoc procedit de excommunicato non tolerato, sed vitando.*

20. **N**otandum hic cum D. Bonaventura 4. dist. 18. art. 1. q. 1. & aliis, quod triplex sit Communio Fidelium, nempe pure interna, pure externa & media seu mixta. *Communio, seu Communio Fidelium pure interna* consistit in Fide & Charitate, per quam Fideles inter se, & cum Christo Capite suo mystice copulantur: & ratione hujus unionis, seu communionis, potest unus Fidelis impetrare alteri de congruo specialia beneficia, eique si ceteroquin capax est applicare proprias satisfactiones; juxta quod testatur David Psal. 118. *Particeps ego sum omnium timentium te.* Concordat illud Symboli Apostolici: *Credo Sanctorum Communionem.* (a)

11. *Communio Fidelium pure externa*, est mere politica, consistens in Fidelium convictu, colloquio, aliisque commerciis. Et hæc olim prohibita fuit exhiberi excommunicatis excommunicatione majori: verum hodie post Concilium Constantiense, circa annum Domini 1414. celebratum, per constitutionem Martini V. quæ incipit, *Ad evitanda*, generaliter ejusmodi prohibitio sublata est, exceptis duobus casibus, videlicet nominatim excommunicatis ac denunciatis, & notoriis Clericorum percussoribus.

12. Tandem *Communio Fidelium media seu mixta* est, quæ in exterioribus actionibus, seu ceremoniis Ecclesiasticis consistens, interiorem ac

spiritualem fructum ex propria institutione continet. Quo spectat in primis usus tam activus quam passivus Sacramentorum; id est, administratio, & perceptio eorum: deinde communia Ecclesie Suffragia, quæ in Sacrificio Missæ, aliisque publicis Officiis, utputa in Horis Canonicis, in Benedictionibus Cinerum, Palmarum, & hujusmodi, pro universa Ecclesia ad Deum funduntur. Huc adde satisfactiones Christi & Sanctorum, quæ ex communi Thesaurò Ecclesie per Indulgentias Fidelibus applicantur. His prænotatis, sit

13. CONCL. 1. Certum est, quod Ecclesia per Excommunicationem neque velit, neque possit quempiam privare communione Fidelium mere interna, quæ est per Fidem & Charitatem. Ratio est: quia talibus Virtutibus nemo potest privari invitus, & absque propria culpa mortali: imò vera Fides & Spes potest etiam manere in peccatoribus, ipsisque excommunicatis, si contra hæc Virtutes propria voluntate non delinquant. Porro Charitas non tollitur per excommunicationem, sed supponitur jam sublata per peccatum mortale prævium; cum non nisi ob peccatum mortale excommunicatio major infligatur: & potest contingere, ut homo, priusquam ab excommunicatione absolvar, per contritionem perfectam redierit in gratiam & amicitiam Dei. Layman lib. 1. tract. 5. part. 2. cap. 1. num. 9. & alii.

14. CONCL. II. Insuper certum est, quod Ecclesia excommunicatum non privet fructu orationum & satisfactionum, quas alii Fideles proprio nomine, ac privata intentione ipsi applicant. Ratio est: quia hujusmodi bona opera sunt ipsius operantis propria; ergo spectant ad liberam ejus applicationem, non vero ad dispensationem Ecclesie. Unde nemo prohibetur pro excommunicationis privatim Deum orare. (b)

15. CONCL. III. Excommunicatio major privat excommunicatum communione Fidelium tam media, quam etiam pure externa, seu mere politica. Ita communis. Ratio est: quia non excedit potestatem Ecclesie, privare hominem criminis, & contumacem, communibus Ecclesie Suffragiis, utpote suo nomine factis, ac usu Sacramentorum, vel eidem interdicare externam conversationem, & convictum Fidelium. Quomodo autem id intelligendum sit, patebit inductione, explicando plerosque effectus Excommunicationis majoris.

16. Primus itaque effectus Excommunicationis majoris est, privare hominem communibus Ecclesie Suffragiis, ita ut excommunicato non profint; neque ea nomine Ecclesie possint pro ipso offerri. Porro hujusmodi communia Ecclesie Suffragia commode ad tria capita reducuntur: quæ sunt in primis SS. Missæ Sacrificium; nam illud nomine totius Ecclesie offertur. Deinde Indulgentiæ, utpote quæ proveniunt ex communi Thesaurò Ecclesie. Tandem huc pertinent Orationes publicæ, aliæque actiones sacræ, quæ a Ministris Ecclesie, in quantum tales sunt, ac nomine ipsius Ecclesie peraguntur: quales sunt Horæ Canoni-

Officina, Benedictio solennis Aquae Benedi-  
ctae, Candelarum, Palmarum, Consecratio Ec-  
clesiae vel Altaris, Officium Defunctorum, &  
hujusmodi.

17. Inferitur proinde cum Navarro c. 27. *Ma-*  
*qualis*, n. 36. & aliis, peccare eos mortaliter,  
qui orant pro excommunicato oratione publica,  
aut qui cum eo communicant in Oratione publi-  
ca, seu nomine totius Ecclesiae facta. Verum hoc  
intelligendum est de excommunicato non tolera-  
to, sed vitando, uti observat cit. Navarrus. In-  
telligendum ulterius id est de Oratione publica,  
seu nomine totius Ecclesiae facta: nam orationes  
privatae, sub quibus comprehenditur *Memento*  
in Missa, a Sacerdote mentaliter orando factum,  
item & jejunia, aliaque pia opera, quae non  
sunt nomine Ecclesiae, neque ab ejus Ministris  
qua talibus, sed proprio cujuslibet nomine, ac  
ex privata devotione, non prohibentur fieri pro  
excommunicatis, juxta dicta num. 14. Insuper  
Feria sexta Parasceves, quo die Christus in Cru-  
ce pro suis inimicis oravit, etiam Ecclesia pu-  
blice & solemniter orat pro Haereticis ac Schi-  
smaticis, qui tamen sunt excommunicati. Item  
licitum est, solemniter orare pro extirpatione  
haereseos; & sic indirecte pro ipsis Haereticis, ut  
a Deo convertantur, & hujusmodi.

18. Secundus effectus Excommunicationis ma-  
joris est, privare hominem communione Sacra-  
mentorum, tam activa, quam passiva; ita, ut  
excommunicatus licite, & absque peccato mor-  
tali, non possit ullum Sacramentum recipere,  
vel administrare. Et hoc intelligendum est non  
solum excommunicato adhuc impoenitente, ut  
pote qui ratione sui peccati mortalis prohibetur  
Sacramenta suscipere, vel administrare; sed et-  
iam de eo, qui per perfectam contritionem jam  
redit in gratiam Dei. Siquidem talis non po-  
est licite, & absque peccato mortali (excuset ju-  
sta causa) ullum Sacramentum recipere, vel ad-  
ministrare, donec fuerit absolutus a sua excom-  
municatione: ageret enim contra praeceptum Ec-  
clesiae, & expressam illius prohibitionem in ma-  
teria gravi.

19. Additur notanter, nisi excuset justa causa:  
qualis foret ignorantia invincibilis, necessitas ad-  
ministrandi Sacramentum ob metum mortis, in-  
famiae, jacturae bonorum, ac hujusmodi. Nam  
si quis excommunicatus, ignorans invincibiliter,  
se esse excommunicatum, administrat vel reci-  
pit Sacramenta; certum est, quod non peccet  
mortaliter, ratione ignorantiae suae invincibilis.  
Similiter, si quis excommunicatus occultus, sibi  
tamen conscius excommunicationis, urgente gra-  
vi necessitate, Sacramenta administret, vel reci-  
piat, v. g. ad vitandam mortem, aut scandalum,  
vel gravem jacturam, non peccabit; dummo-  
do in ejusmodi casu, quo non potest prius ob-  
tinere absolutionem ab excommunicatione, per-  
fectam contritionem praemittat receptioni, vel  
administrationi Sacramentorum. Ratio est: quia  
Lex Ecclesiastica, qualis est de privatione parti-  
cipationis Sacramentorum, tum activae tum pas-  
sivae, cum tanto rigore non obligat; prout su-  
pra (d) jam dictum.

\* Certe quia prohibitio illa usus activi & pas-  
sivi Sacramentorum tantum excommunicatos,  
non solum eos qui ab Ecclesia tolerati non sunt,  
sed etiam toleratos, prout Kilianus Kazenberger  
in *Supplemento Decal. P. Sporer Tract. de Censuris*  
cap. 3. sect. 2. n. 74. ac seqq. recte deducit, ex capto  
si quem de sensent. Excommunicat. Ubi receptio  
Sacramentorum prohibetur excommunicato extra  
communicationem minori, qui utique est excom-  
municatus toleratus.

Quod si autem excommunicatus, qui antea  
non fuit debite ab excommunicatione absolutus,  
Sacramentum quodpiam recipere praesumeret;  
equidem haud dubie peccaret, non tamen pec-  
catum Ecclesiasticum ex parte de novo incurreret,  
cum nulla in Jure sit decreta, seu expressa. Ex-  
cipitur Sacramentum Ordinis, hoc enim si reci-  
piat Excommunicatus, vel exerceat, incurrit ir-  
regularitatem, prout fusiuss declarabitur distin-  
ctione sequenti.

20. Tertius effectus Excommunicationis ma-  
joris, est privatio usus Divinorum Officiorum;  
Ita ut excommunicatus Missae, aliisque Divinis  
Officiis (excepta Confectione) non possit licite,  
& absque gravi peccato intersse. Ubi nomine  
Divinorum Officiorum intelligitur non solum  
Missa, sed & cantus Horarum Canoniarum,  
publica Oratio, Processio, Benedictio olei, aquae,  
candelarum, & caetera Ordini Clericali an-  
nexa: excepta Confectione; hanc enim etiam excom-  
municato non tolerato licet audire, ut sic magis  
& citius ad poenitentiam excitetur, c. *Responsio*,  
de Sens. excommunicat.

21. Quartus effectus Excommunicationis ma-  
joris, est privatio sepulturae Ecclesiasticae. Nam  
certum est, corpus excommunicati non posse se-  
peliri in Loco sacro, seu destinato Sepulturae  
Fidelium; prout expresse habetur c. *Sacris*, de Se-  
pulturis, allegata ea ratione quia, quibus non  
communicavimus vivis, nec debemus communicare  
defunctis. Quinimo hac de causa, ibidem prae-  
cipitur, ut ossa excommunicatorum sepulta in  
Cimiterio Ecclesiastico, si possint discerni ab  
aliis ossibus non excommunicatorum, debeant  
exhumari, & inde amoveri: secus est, si am-  
plius discerni non possunt.

22. Quod si qui scienter, ac temerarie prae-  
sumpserint excommunicatum sepelire in Loco sa-  
cro, incurrunt & ipsi excommunicationem ipso  
facto, ut dicitur Clem. 1. de Sepulturis. Simul-  
que ante exhumationem ejus, si ossa excommu-  
nicati discerni valeant ab aliis, non possunt in  
illo loco Fideles sepeliri, neque ibidem Divina  
Officia celebrari; & post exhumationem (idem  
dicendum, si corpus excommunicati ibi relictum  
fuit, eo quod ab ossibus Fidelium discerni non  
potuerit) debet locus reconciliari, cap. *Consu-*  
*luisse*, de Consecrat. Ecclesiae. Siquidem per sepul-  
turam excommunicati Locus sacer fuit pollutus,  
& ad Divina celebranda, Fideliumque sepul-  
turam factus incapax. Herinex disp. 6. de Censuris,  
quaest. 2. num. 30. & alii.

23. Dubitant vero Doctores, an praedictus  
effectus de facto post Concilium Constantiense  
locum habeat in solis excommunicatis vitandis.



an vero generaliter in omnibus? Ratio dubitandi est: quia in excommunicatione non vitandis videtur cessare ratio ex Jure Canonico superius allata, quibus non communicamus in vivis, non debemus communicare defunctis. Nam excommunicationis non vitandis de facto communicamus in vita, consequenter videtur eis etiam de facto posse nos communicare defunctis in sepulchro. Et quidem per sepulturam excommunicati tolerati non violari locum sacrum, ob rationem allegatam, ultro (d) conceditur: num autem talis in loco sacro licite sepeliatur, major difficultas est; ad quam

24. Resp. I. Certum est, quod, quando alicujus excommunicatio est publica, & ipse fuit mortuus omnino impœnitens, talis non sit sepeliendus in loco sacro. Ratio est: quia, cum excommunicatio major non feratur nisi ob peccatum mortale, qui in ea moritur absque ullo pœnitentiæ signo, censetur notorie mori in statu peccati mortalis, sicque esse indignus sepultura Ecclesiastica. Et hac de causa Hæretici in sua hæresi decedentes non sepeliuntur in loco sacro, etsi in vivis non fuerint vitandi.

25. Resp. II. Utrum excommunicatus, qui ante mortem dedit vera signa pœnitentiæ, possit absque obtenta prius absolutione mortuus sepeliri in loco sacro post Concilium Constantiense, si vitandus non fuit? variant Doctores. Et quidem Navarrus cap. 27. *Manual. num.* 36. & Layman l. 1. *Tract. 9. part. 2. cap. 4. n.* 9. post Henriquez, putant, talem posse sepeliri in loco sacro, quando eum pie mortuum esse præsumi potest.

26. Oppositum tamen videtur probabilius, atque tenendum cum Lud. Engel. *tit. de Sepulchris, n.* 19. Herinex *loc. cit. n.* 31. Zoëlio, & aliis, quando excommunicatio est publica: quia tunc excommunicatus prius erit absolvendus, saltem post mortem, verberato, juxta Ritus præscriptum in Rituali Romano, ejus corpore, antequam sepeliatur in loco sacro: quæ quidem absolutio eo dumtaxat tendit, ut hujusmodi defunctus restitatur communioni Fidelium quoad publica Ecclesiæ Suffragia (quæ proinde posterum pro ipso celebrari, atque offerri poterunt) ipsamque sepulturam Ecclesiasticam. Ratio fundamentalis hujus sententiæ est: quia Bulla Martini V. in Concilio Constantiensi edita, quæ incipit: *Ad evitanda*, in fine expresse protestatur, quod *per hoc non intendit, excommunicatos in aliquo relevare, nec eis quomodolibet suffragari*; ergo publice excommunicati, sicut olim, *c. A nobis, den Sent. excomm.* ita, & nunc privati existunt sepultura Ecclesiastica, donec absolvantur, non obstante, quod contriti decesserint. Quod si vero excommunicatio sit occulta, & non nisi uni vel alteri cognita, non est ipsi neganda sepultura Ecclesiastica: nam ejus privatio, cum sit publica, requirit etiam publicam causam, ne alias, qui publice bonus habetur, hac via infametur.

27. Quintus effectus Excommunicationis majoris est incapacitas, seu inhabilitas ad quodlibet Ecclesiasticum Beneficium accipiendum.

Hinc præsentatio, vel electio alicujus excommunicati, item & institutio, ac confirmatio ipsius in Beneficio, sunt jure ipso irrita; prout habetur *c. Postulasti, de Clerico excomm. vel deposito*, ibi: *Cum excommunicatis communicari non debeat, Clericis excommunicationis vinculo innodatis Ecclesiastica Beneficia conferri non possunt; nec illi valens ea licite retinere, nisi forsitan cum eis fuerit misericorditer dispensatum; cum ea non fuerint Canonice consecuti, cum concordantiis.* Idque Covarruvias in *c. Alma mater, part. 1. §. 7. n.* 3. Lessius *lib. 2. cap. 34. n.* 117. Layman *n.* 7. & communior aliorum, contra Navarrum, extendunt ad eum casum, quo excommunicatus, etiam toleratus, ignoravit suam excommunicationem: nam licet ignorantia excommunicationis (dummodo ea probabilis fuerit, & non crassa vel supina) juvet ad effugiendam irregularitatem, aliasque pœnas Juris latas contra excommunicatos, quidpiam sibi prohibitum agentes; non tamen sufficit ad habilitandum hominem in ordine ad ea, ad quæ per excommunicationem factus fuit inhabilis.

28. Sextus effectus Excommunicationis majoris est, quod Rescriptum Sedis Apostolicæ ab excommunicato impetratum, sit ipso jure nullum, ac irritum, *tex. clar. cap. 1. de Rescriptis in 6.* Unde hac de causa hodie de stylo Curie Romanæ plerisque Rescriptis (id est, Litteris Pontificiis quidpiam ad alicujus consultationem vel relationem concedentibus) præsertim impetratis a Regularibus, solet inseri Absolutio ad cautelam a Censuris, in ordine ad effectum illius Rescripti certius consequendum. Inde enim fit, quod post talem a Censuris absolutionem, datam ad cautelam, postmodum ex hoc capite, quod impetrator illius Rescripti tempore impetrationis fuerit constitutus in excommunicatione, illud nequeat impugnari.

29. Septimus effectus Excommunicationis est: quia excommunicatus privatur omni usu, sive exercitio jurisdictionis spiritualis, ut proinde omnia acta invalida sint. Hinc excommunicatus nequit alium excommunicare, *cap. Audivimus, 24. q. 1.* Neque potest conferre Beneficia, *arg. cap. an. Ne sede vacante &c. in 6.* Nec valide eligere, *cap. Cum dilectus, & cap. Cum inter, 16. de El. B.* ubi electio a suspensis celebrata, censetur irrita: omnis autem excommunicatus hoc ipso est suspensus ab Officio, & Beneficio.

30. Verumtamen istud intelligendum est de excommunicatis non toleratis, seu de vitandis. Siquidem acta excommunicati tolerati valida sunt, quamdiu per oppositam exceptionem non repelluntur, prout notat Navarrus *cap. 27. Manual. n.* 21. id probans ex *cap. Ad probandum, de Sent. & re judic. at. Pirhing. tit. de Sent. excomm. n.* 18. Layman *cit. part. 2. n.* 13. Lessius, & alii. Unde excommunicatus toleratus potest excommunicare, & Beneficia conferre, & eligere, & præsentare, aliasque hujusmodi jurisdictionalia valide exercere, nisi a parte adversa contra eum tamquam minus idoneum excipiat. Accedit ratio: quia ex una parte tales excommunicati tolerantur, & consequenter sustinentur etiam eorum acta (nisi opponatur exceptio) ne alioquin plura incomm-



incommoda, & inconvenientia oriantur, quæ Concilium Constantiense (c) sublata voluit: ex altera vero parte dictum Concilium ipsos excommunicatos nullatenus in aliquo relevare, vel eis quomodolibet suffragari voluit; ergo sicut antehac, ita & nunc, saltem opposita exceptione, eorum acta sunt invalida.

31. Octavus est: quia Excommunicatio privat etiam communione Forensi; id est, impedit, quo minus excommunicatus possit esse Judex, Tabellio, Advocatus, Actor, Testis, &c. etiam in causis Civilibus. Hoc tamen non obstante, potest excommunicatus stare in Judicio ut Reus; id est, potest in Judicio conveniri, ibique accusari, & citari; ne alioquin, si accusari, & quocumque alio modo in Judicio conveniri non posset, videretur de sua malitia commodum reportare, c. intelleximus, de Judiciis.

32. Quinimo & prior pars de facto solum procedit de excommunicatis vitandis, seu non toleratis: nam si tolerati sunt, recurrunt dicta n. 30. Et quamvis Judex teneatur excommunicatos non toleratos repellere ab agendo, patrocinando, & testificando, ne ipse atque alii illicite eis communicent, c. Determinamus, de Sent. excomm. in 6. juncta Glossa ibidem! Si tamen ii sunt tolerati, non tenetur Judex eos repellere (etsi possit, dummodo excommunicatio sit notoria) donec pars altera de super excipiat, ipsamque excommunicationem, si necdum est notoria, intra octo dies aperte demonstret, arg. c. 1. de Except. in 6. Layman ibidem n. 14. & alii.

33. Nonus effectus est, quod, si quis in Excommunicatione per annum continuum inordinaverit, hoc est, pertinaciter persistit, is fiat suspectus de hæresi; quia videtur contemnere potestatem Ecclesiæ, cujus Claves atque Excommunicationem non timet. Unde contra talem, tamquam de hæresi suspectum, procedi potest, ut habetur in Concilio Trid. Sess. 25. c. 3. de Reformatione. Et si quis propter suspicionem hæresis, aut alterius criminis conjuncti cum contumacia (ut quia legitime citatus non comparuit) excommunicatus fuit, atque in tali excommunicatione per annum perseveravit, censetur is etiam convictus de illo crimine; arg. c. Excommunicamus, §. Qui autem, de Hæreticis, & cum communi tradit Covarruvias in C. Alma mater, §. 7. n. 16. fusius hanc pœnam deducens.

34. Tandem, ut omittantur quidam alii Excommunicationis effectus minus notabiles, de quibus Covarruvias cit. §. 7. Layman lib. 1. tr. 8. part. 2. c. 2. & alii, Excommunicatio major privat excommunicatum omni civili, seu politica communicatione Fidelium: adeo, quod non solum ipsi excommunicato sit interdicta quælibet civilis conversatio, sive communicatio politica cum Fidelibus; sed etiam vicissim aliis Fidelibus prohibitum sit, ne excommunicati hominis societatem admittere, aut eidem communicare valeant. Alioquin enim, si alii Fideles scienter, & extra casus a Jure concessos, communicarent excommunicato (quod tamen de facto intelligendum est de excommunicato non tolerato, seu

de vitando) non solum peccarent, sed etiam ipsimet incurrerent Excommunicationem minorem. Quod, ut melius intelligatur, sit

### Q U Æ S T I O III.

Quinam Excommunicati, & in quibus casibus sint vitandi?

#### S U M M A R I U M.

35. Excommunicati alii tolerati, alii vitandi.
36. Excommunicati, qui de facto sint vitandi?
37. Notorius percussor Clerici, quis?
38. Casus, in quibus non licet communicare excommunicatis.
39. Or.
40. Orare.
41. Vale.
42. Communio.
43. Mensa, quid importet?
44. Communicans excommunicato vitando peccat.
45. Atque incurrit excommunicationem;
46. Et qualem?
47. Causæ ab hoc excusantes.
48. Utile.
49. Lex.
50. Humile.
51. Res ignorata.
52. Necessè, quid denotet?

35. PRæsens Quæstio procedit solum de excommunicatione majori; nam excommunicati excommunicatione minori dumtaxat, numquam fuerunt vitandi; utpote quæ solum separat excommunicatum a perceptione Sacramentorum, c. Si quidem, de Sentent. Excomm. Ceterum de prioribus loquendo, de facto communiter distinguunt Doctores; ac dicunt, quod excommunicati alii sint tolerati, quos ceteri Fideles vitare non tenentur: alii non tolerati seu vitandi, quos nimirum alii Fideles tenentur evitare, nisi & ipsi excommunicationem minorem incurrere velint.

36. CONCL. I. Etsi olim omnes omnino excommunicati excommunicatione majori fuerint vitandi, publici quidem publice, occulti vero occulte: hodie tamen post Concilium Constantiense, circa annum Domini 1414. celebratum, ex moderatione Martini V. nulli excommunicati sunt vitandi, nisi sint specialiter & nominatim denunciati, vel nisi sint notorii percussores Clericorum, Ita Herinex disp. 6. de Censuris, quæst. 2. num. 22. estque Doctorum modernorum communis sententia. Prima pars patet ex Jure Canonico c. Cum non ab homine, de Sent. excomm. cum concordantiis. Altera pars constat ex verbis Constitutionis Martini V. in Concilio Constantiensi editæ, quæ incipit, Ad evitanda, & inter alios refertur a Sylvestro, Pers. Excommunicatio §. n. 7. Unde jam more Ecclesiæ receptissimum est, ut non vitemus nisi duas illas excommunicatorum species, quas prædictum Concilium vitari iussit; & sunt excommunicati nominatim denunciati, deinde notorii percussores Clericorum.

37. Notandum vero, quantum attinet ad percussorem Clerici, quod tunc censeatur quis esse *Notarius percussor Clerici*, quando factum adeo notorie constat, ut non possit aliqua tergiversatione celari, nec aliquo juris suffragio excusari, prout loquitur Pontifex in cit. *Bulla*. Unde si percussio Clerici est adhuc occulta, vel factum ipsum potest probabiliter excusari, v. g. si percussor dicat, se percussisse Clericum ex joco, aut inadvertenter, vel nesciendo esse Clericum, talis percussor Clerici etiam manifestus, non erit vitandus. Herinex *ibidem* cum aliis.

38. CONCL. II. Prohibitum est, communicare cum excommunicatis vitandis in iis casibus, qui hoc vulgato carmine comprehenduntur:

*Os, Orare, Vale, Communio, Mensa negatur.*

39. Ubi per *rd Os*, intelligitur confabulatio, seu collocutio cum excommunicato, etiamsi fiat per litteras, vel internuncium, aut alia signa. Similiter ratione hujus particulæ intelliguntur prohibita oscula, amplexus, & alia hujusmodi signa amicitiae, nec non & receptio munerum. Bonacina *tom. 1. disp. 2. de Excommunicat. punct. 6. §. 2. & alii*.

40. Per *rd Orare*, prohibetur communio in Sacris, sive in Orationibus, eo quod non liceat orare simul cum excommunicatis vitandis, neque coram eis Missam celebrare. Quinimo, si excommunicatus vitandus ingrediatur Ecclesiam, ut Missam audiat, monendus erit, ut exeat: quod si nominatim monitus exire noluerit, novam excommunicationem Papæ reservatam incurrit, juxta *Clem. 2. de Sent. excommun.* ac potest per vim expelli. Si vero hoc fieri nequeat, erunt omitenda Divina Officia, ac ipsamet Missa: dummodo necdum fuerit inchoatus Canon, aut (ut aliqui volunt) Consecratio: tunc enim oportebit pergere usque ad Sumptionem, ne Sacrificium Missæ maneat incompletum; sed peracta Sumptione Calicis Sacerdos debet discedere, ac reliqua peragere in Sacristia, vel omittere, si talis locus non adsit. Verum alii astantes debent illico in tali casu exire Ecclesia, excepto Ministro Altaris: alioquin enim peccarent participando in Divinis cum excommunicato vitando. Bonacina *loc. c. punct. 3. §. 1. n. 3. Herinex disp. 6. de Censuris, q. 6. n. 28. Sannig dist. 2. de Excommun. q. 2. n. 8. & alii*.

41. Per *rd Vale*, prohibetur omnis salutatio honorifica, etiam gestu facta. Notant tamen Doctores, licitum esse, prius salutantem resalutare; eo, quod sit quædam debiti solutio, quæ etiam debetur inimicis.

42. Per *rd Communio*, prohibetur quælibet societas, quæ sit communicando cum excommunicatis vitandis in habitatione, contractibus, aut exercitio: unde non licet inire contractus cum excommunicato vitando, vel idem opus facere cum eo, aut hujusmodi.

43. Tandem per *rd Mensa*, prohibetur communicatio in cibo & potu: ut quando unus alterum invitat ad mensam, & cum ipso manducat: etiam talis manducatio fiat eo modo, quo aliqui communem & socialem vitam agentes, si-

mul comedunt: uti fieri solet in Seminariis, aut Refectoriis Religiosorum.

44. CONCL. III. Quicumque absque rationabili causa excusante scienter communicat excommunicato non tolerato, sed vitando, non solum peccat, sed etiam ipsemet incurrit Excommunicationem, saltem minorem, imo quandoque & majorem. Ita communis Doctorum. Et quidem prima pars patet ex eo: quia talis agit contra rationabilem Ecclesiæ prohibitionem, qua vetantur cæteri Fideles communicare cum excommunicato vitando, ut eo citius resipiscat, & ad poenitentiam, atque condignam læsis satisfactionem præstandam compellatur. Estque tale peccatum pro gravitate excessus quandoque mortale, præsertim si fiat ejusmodi communicatio in publicis Officiis Divinis, quandoque autem veniale: prout communicando in rebus civilibus, & actionibus humanis, ut plurimum peccari tantummodo venialiter, idque ob levitatem materiæ, notat Filiucius *tract. 13. c. 3. n. 44. Navarrus c. 17. Manual. n. 29. Bonacina loc. cit. punct. 5. n. 5. & alii*.

45. Altera pars patet ex jure Canonico variis in locis, ac præsertim ex *c. Excommunicatos, 11. q. 3.* ubi dicitur: *Nullus cum excommunicatis in oratione, aut cibo & potu, aut osculo communicet, aut Ave eis dicat: quia quicumque in his, vel aliis prohibitis, scienter excommunicatis communicaverit, juxta Apostolorum institutionem, & ipse simili excommunicationi subiacet*. Hæc ibi; quibus similia habentur alibi.

46. Dicitur in Conclusionem, *Excommunicationem saltem minorem, imo quandoque & majorem*. Quia plerumque ejusmodi Excommunicatio est dumtaxat minor, & nulli reservata, qualis ob peccatum quoque veniale contrahi potest: nisi quis cum excommunicato scienter in crimine communicet criminoso; id est, quando quis cooperatur crimini, vel contumeliæ, propter quam lata fuit excommunicatio, eidem consilium, favorem aut auxilium impendendo. Tunc enim non solum peccatur mortaliter, verum etiam incurritur excommunicatio major, & quidem reservata, si alterius excommunicatio reservata fuit: cum facientem & consentientem per poenā constringat, prout statuitur in *c. Nuper, & c. Quod in dubiis, de Sent. excommun.* cum concordantiis.

47. CONCL. IV. Sunt tamen aliquæ causæ, excusantes ab omni censura & culpa eos, qui communicant cum excommunicato vitando, quæ referuntur *can. Quoniam multos, 11. q. 3.* & sequenti versiculo communiter continentur:

*Utile, Lex, Humile, Res ignorata, Necessse.*

48. Per *rd Utile*, denotatur utilitas tum spiritualis, tum corporalis, sive ipsius excommunicati, sive communicantis cum eo, vel alterius. Unde licitum est, tam verbo, quam facto, excommunicatum hortari ad resipiscentiam & conversionem: licitum quoque est, ab excommunicato petere consilium pro se vel aliis, quando non adest alius, qui possit æque utiliter consulere: potest insuper ab ipso exigere debitum, imo & ipse excommunicatus potest privatim (secus in Judiciis, quia ibi non admitteretur) petere suum debitum ab aliis.

49. Per

49. Per *ad Lex*, intelligitur Matrimonium, ratione cuius potest uxor marito excommunicato, etiam denunciato, communicare quoad thorum & cohabitationem, atque in colloquiis familiaribus; in pertinentibus ad gubernationem domus, & in aliis omnibus obsequiis, quæ præstabat uxor ante mariti excommunicationem.

50. Per *ad Humile*, denotantur subjecti; ut sunt liberi, servi, ancillæ, & mancipia, atque rustici servientes, de quibus omnibus fit mentio cit. *Quoniam multos*, 11. q. 3.

51. Per *ad Res ignorata*, datur intelligi quælibet ignorantia, qua quis ignoranter communicat excommunicato, sive ea sit ignorantia juris, sive facti, dummodo non sit affectata.

52. Tandem per *ad Necesse*, intelligitur quæcumque notabilis necessitas, sive se teneat ex parte excommunicati vitandi, sive ex parte communicantis cum eo, aut alterius; sitque vel necessitas animæ, vel corporis, vel famæ, aut fortunæ. Hinc excommunicatus potest recipi hospitio, potest ei dari elemosyna, & vicissim ab eodem peti, & accipi, quando quis indiget: potest etiam cum eo communicari in eo loco, ubi adhuc est bonæ famæ, si alioquin esset infamandus, & huiusmodi.

#### QUESTIO IV.

De nonnullis Excommunicationibus in particulari.

##### SUMMARIUM.

53. Excommunicationes latae, & ferenda sententia, quæ? (d) Tract. 2. Dist. 2. n. 35. 36. & seqq.
54. Alia reservata, alia non reservata?
55. Bulla Cœnæ Domini, quæ?
56. Excommunicationes, & casus in ea contenti breviter enumerantur.
57. Pana absolventium a Casibus Bullæ Cœnæ.
58. Excommunicatio in percussores Clericorum lata, declaratur.
59. Injectio manuum violenta, quæ?
60. Quid, si Clericus sit consentiens?
61. Alii modi violentæ manuum injectionis.
62. Quid de eam mandantibus, consulentibus, ratificantibus?
63. Clerici, & Monachi nomine, qui hic intelligantur?
64. Odia restringi, & favores convenit ampliare. Declaratur.
65. Ratio difficultatis.
66. Regula I.
67. Regula II.
68. Canon. Si quis suadente, an sit favorabilis, nec ne?
69. Qualis percussio requiratur ad incurvandam dictam Excommunicationem?
70. Casus, in quibus ea non incurritur.
71. Alia Excommunicationes, remissive.
72. An possit quis sapius excommunicari?
73. Solvitur infantia.
74. Corollarium.
75. Solvitur alia infantia.

53. Notandum, quod Excommunicationes alia sint lata sententia, alia primum ferenda sententia. Priores sunt, quæ ipso jure im-

nuntur, & posito delicto mox incurruntur: ut si in lege dicatur, *Qui tale delictum commiserit, sit ipso facto excommunicatus*, aut huiusmodi. Excommunicationes ferenda sententia dicuntur eæ, quas Legislator comminatur delinquenti, suntque primum per sententiam Judicis imponendæ: ut si dicatur, *Qui tale crimen commiserit, excommunicetur*, vel huiusmodi; prout amplius supra (d) jam dictum.

54. Notandum ulterius, quod Excommunicationes alia sint reservatae, alia non reservatae. Excommunicationes reservatae dicuntur, quarum absolutionem Superior (nempe Papa, Episcopus, vel Prælatus Excommunicationem ferens) sibi reservavit: unde ab his nemo potest absolvere, nisi ipsemet ille Prælatus, aut illius Superior, vel qui commissionem absolventi ab eisdem accepit. Excommunicationes non reservatae e contra sunt, quarum absolutionem sibi Superior non retinuit: unde a talibus quilibet approbatus Confessarius absolvere potest, idque ex tacita commissione Superioris, arg. c. *Nuper*, de Sent. excommunicat. His prænotatis, loquendo de nonnullis Excommunicationibus in particulari, sit

55. CONCL. I. Inter Excommunicationes latae sententia, & Summo Pontifici reservatae, in primis sunt Casus Bullæ Cœnæ Domini; quæ Bulla ideo sic dicta annis singulis in die Cœnæ Domini publicari solet, ac renovari. Ejus exemplatum in Ritualibus Diocesanis, tum etiam in Bullario Romano, atque aliis libris passim reperitur, estque Bulla satis longa.

56. Porro Excommunicationes in Bulla Cœnæ Domini in diversas personas feruntur. I. Excommunicantur hæretici, Apostatae a Fide, receptores, fautores, & defensores Hæreticorum, legentes eorum libros de Religione tractantes, imprimentes, defendentes, & Schismatici. II. Appellantes a sententiis, & mandatis Summi Pontificis ad futurum Concilium Generale. III. Piratae, seu Latrunculi maritimi, eorumque fautores, &c. IV. Rapientes bona naufragantium Christianorum, ubivis terrarum. V. Imponentes nova Pedagagia, seu Gabellas, præter habentes auctoritatem ad hoc: ut sunt Imperator, Reges, & Principes absoluti in terris suis. VI. Falsificantes Litteras Apostolicas. VII. Deferentes arma, & alia usui bellico idonea ad Saracenos, Turcas, & alios Christiani nominis hostes, vel Hæreticos, expresse & nominatim a Sede Apostolica declaratos. VIII. Impedientes eos, qui victualia, aut alia necessaria Romam vehunt. IX. Afficientes injuriis eos, qui accedunt ad Sedem Apostolicam. X. Vexantes Romipetas. XI. Offendentes Cardinales, & Ecclesiæ Prælatos. XII. Offendentes eos, qui ad Romanam Curiam accedunt pro negotiis, negotiorumque gestores. XIII. Appellantes a gravamine, vel futura executione Litterarum Apostolicarum, ad Laicam Potestatem. XIV. Officiales, & alii, qui causas Ecclesiasticas avocant a Judicibus Ecclesiasticis. XV. Judices seculares, qui personas Ecclesiasticas ad sua Tribunalia trahunt. XVI. Impedientes Prælatos, ne jurisdictione sua Ecclesiastica utantur. XVII. Usurpantes jurisdictionem Sedis Apostolicæ, aliarumque Ecclesiarum, seu fructus, redditus, & proventus earum. XVIII. Imponentes De-

N n

clinas,

ciñas, vel alia onera Personis Ecclesiasticis, XIX. Judices seculares, qui in causis capitalibus Clericorum sese interponunt. XX. Occupantes bona & Terras Ecclesiæ Romanæ, & supremam Jurisdictionem in illis usurpantes.

57. Tandem circa finem citatæ Bullæ Cœnæ Domini addit Pontifex: *Quod si forte aliqui contra tenorem præsentium, talibus excommunicatione & anathemate laqueatis, vel eorum alicui, absolutionis beneficium impendere de facto præsumpserint, eos excommunicationis sententia innodamus.* Circa quæ verba recte notat Navarrus cap. 27. *Manual. num. 74.* (ubi a num. 55. & deinceps, explicat Bullam Cœnæ Domini) quod hæc excommunicatio, ejusque absolutio non sit reservata Papæ, cum talis reservatio ex littera non pateat. Deinde, quod hanc excommunicationem non incurrat ille Confessarius, qui oblivione, incogitantia, vel ignorantia non crassa absolvit: quia refertur in eos, qui absolutionis beneficium impendere *de facto* (de jure enim talis absolutio non tenet, ob defectum jurisdictionis, cum obstat reservatio) *præsumpserint*: hoc est, scienter ac deliberate, non obstante isthac Constitutione, attentaverint. De horum quippe numero non est, qui absolvit per oblivionem, incogitantiam, aut ignorantiam non crassam.

58. CONCL. II. Inter alias plurimas Excommunicationes, tum reservatas, tum non reservatas, quæ partim in Jure Canonico, partim in diversis Constitutionibus Apostolicis continentur, cæteris frequentior, atque ideo scitu magis necessaria est illa, quæ ipso Jure est lata contra percussores Clericorum. De hac c. *Si quis suadente diabolo*, 17. q. 4. sic habetur statutum ab Innocentio Papa II. in Concilio Lateranensi: *Si quis suadente diabolo hujus sacrilegii reatum incurrerit, quod in Clericum, vel Monachum violentas manus injecerit, anathematis vinculo subiaceat &c.* Concordat Clem. *Si quis suadente, de Pœnis.* Circa quam Excommunicationem

59. Notandum I. Per manus violentas, Clerico, aut Monacho injectas, intelligi quamcunque actionem corporalem injuriosam, quæ est mortaliter peccaminosa, & violenter illata personæ Clerici, aut Monachi, vel rebus ipsius corpori adherentibus. Unde hujusmodi excommunicationem incurrit, qui Clericum vel Monachum occidit, mutilat, vulnerat, vel percutit, sive id fiat manu aut pede, gladio vel baculo.

60. Quinimo hoc ipsum procedit, etiamsi hujusmodi injuriosa percussio, sive manuum injectio, fiat in Clericum consentientem, atque subjicientem corpus suum certis percussionebus, quamvis hoc fiat in satisfactionem cujuspiam præcedentis injuriæ, a Clerico alteri illatæ. Nam etsi talis percussio non esset violenta, utpote exercita in consentientem; adhuc tamen ea foret injuriosa, atque redundans in opprobrium Status Clericalis, cujus favori privatorum pacto renunciari non potest; prout expresse cavetur c. *Contingit* 36. de *Sentent. excomm.* juncto c. *Si diligenti, de Foro comp.*

61. Insuper ille censetur injecisse manus violentas, atque ipso Jure incurrere memoratam

excommunicationem latæ sententiæ, qui Clericum injuriose (licet absque alia læsione corporali) detinet in custodia publica vel privata, aut eum detrudat in vincula, c. *Nuper, de Sentent. excomm.* Item, qui sputum aut pulverem in faciem ejus projicit, vestimenta ipsi adhærentia dilacerat, aut violenter detinet, & hujusmodi. Secus est, si desineantur, dilacerentur, aut percutiantur vestimenta Clerico non adhærentia; ut puta si Clericus fugiens amittat pileum, & alter pileum ex ira dilaceret, aut verberet.

62. Ulterius, licet ex textu citati Canonis comprehendantur soli physice offendentes Clericum vel Monachum, tamen ex aliis Canonibus extenditur hæc Excommunicatio etiam ad mandantes, consulentes, auxiliumve præbentes ad percussione Clerici, dummodo effectus sit secutus, c. *Quanta, de Sent. Excomm.* Nam *facientes & consentientes pari pœna plectendi sunt*, ut ibidem dicitur & idque clarius habetur Clem. *Si quis suadente, de pœnis.* Item ad eos, qui ratam habent offensionem Clerici suo nomine factam, *tex. clar. c. Cum quis, 22. de Sent. excommunicat. in 6.* Quia, ut ait Reg. 10. *Juris in 6. Ratihabitionem retrahit & mandato non est dubium comparari.*

63. Notandum II. Quod nomine Clerici hic intelligantur omnes saltem prima Tonsura insigniti, dummodo Privilegio Canonis privati non existant. Nomine autem Monachi hic intelliguntur omnes omnino Religiosi & Religiosæ, sive Viri sive Moniales sint, eorumque Conversi & Conversæ, imo etiam Novitii & Novitiæ. His addit Herinex disp. 6. de *Censuris*, q. 2. num. 56. Canonissas seculares (vulgo Die Stifts-Fräulein) quamdiu Præbendam retinent, & in habitu Ecclesiastico, patenter a secularibus fœminis distinctivo, incedunt. Item gaudent hoc privilegio Canonis Tertiarii, & Tertiariæ Ordinis S. Domini, & S. P. N. Francisci, qui assumpto habitu Monachali se mancipaverunt obsequio alicujus approbatæ Religionis sub obedientia Superioris. Secus dicendum de Eremitis illis, qui sub nulla Regula & obedientia Superiorum vivunt, sed sunt vagi, & nullam specialem Ecclesiasticam obligationem habent.

64. Si dicas: Juxta Reg. 15. *Juris in 6. Odia restringi, & favores convenit ampliari.* Atqui Can. *Si quis suadente*, 17. q. 4. versatur in materia odiosa, videlicet excommunicationis ipso facto incurrendæ; ergo non debet extendi ad omnes dictas personas, sed restringi ad solos Clericos & Monachos, utpote de quibus dumtaxat Canon citatus expresse loquitur. Resp. cum Abbate C. *Non dubium, de Sent. excomm.* distinguendo min. Atqui Canon ille versatur in materia odiosa ex parte percipientis, transeat (nam & hoc in dubium verti posset, cum *excomm. fit medicinalis*, c. 1. *ead. in 6.*) versatur in materia odiosa ex parte Clericorum, Statusque Clericalis, negatur min. Sic enim is continet favorem, cum privilegium Canonis sit concessum non tam in favorem Clerici ordinati, quam in favorem Ordinis Clericalis, ut dicitur c. *Contingit*, 36. de *Sent. excomm.* ac proinde merito extendendum. Hæc responsio ut melius intelligatur,

65. Ad-



65. Advertendum, quod plerumque, dum uni quidpiam favorabiliter conceditur, id alteri adimatur, ac proinde, quod uni est favor, id alteri soleat esse odium. Ad dignoscendum igitur, quænam materia sit favorabilis, & quænam odiosa, Doctores apud Covarruviam *lib. 1. var. resolut. cap. 11. num. 5.* & Sanchez *lib. de Matr. disp. 1. n. 4.* sequentes assignant Regulas.

66. I. Quoties favor & odium distingui, atque ab invicem separari possunt, favor ut favor, & odium ut odium assumi debet: ac proinde ejusmodi Constitutio, qua parte est favorabilis, debet late explicari, & qua parte est odiosa, debet censi strictæ interpretationis.

67. II. Quando Constitutio partim est favorabilis, partim odiosa, simulque favor ab odio separari nequit, tum ut dignoscatur, an sit favorabilis nec ne, attendere oportet ad principalem intentionem disponentis. Et si quidem principaliter in favorem alicujus statuta sit, constitutio censetur omnino favorabilis, non obstante, quod in aliquod damnum, sive odium tertii redundet. Si autem principale intentum Constitutionis tendit in alicujus odium, seu poenam, Constitutio censetur simpliciter odiosa, estque strictè interpretanda, haud obstante, quod simul cedat in aliqualem favorem tertii: liquidem ex primario suo fine mensuranda, & dijudicanda est ipsamet dispositio.

68. Hoc ad propositum applicando, cum Canon, *Si quis suadente*, 17. q. 4. principaliter latus fuerit in favorem Status Clericalis & Monachalis, eo quod in ejus opprobrium & damnum cedat, injuste ab aliis verberari, atque iniquis vexationibus corporalibus malevolorum passim obnoxios esse Clericos & Monachos, cæteroquin inermes: hac ratione Constitutio illa censetur favorabilis, ac proinde extenditur etiam ad Conversos, Novitios, & alias personas enumeratas. At vero respectu ipsius criminis, seu injuriæ censetur odiosa, & strictè interpretanda: unde non sufficit solus conatus, aut sola injuria verbalis, sed requiritur vera læsio corporalis, sive injectio manuum injuriosa. Unde ulterius

69. Notandum III. Quod ad incurrendam hanc Excommunicationem requiratur injuriosa percussio, & quæ spectatis circumstantiis sit peccatum mortale. Unde ab hac Excommunicatione excusatur primo, qui tam leviter, aut joco, vel ex subita cholera percutit Clericum, ut vel ratione parvitatæ materiæ, vel ratione inadvertentiæ, seu indeliberationis, non peccet mortaliter; prout *cap. 1. de Sent. excomm.* habetur, atque inter alia exemplificatur de impubere Clericum percutiente.

70. Deinde excusatur, qui percutit Clericum causa correctionis & disciplinæ, habens ad hoc legitimam facultatem. Ut si Magister Clericum Scholarem correctionis causa percutiat. *cir. c. 1. de Sent. excomm.* Vel si Prælati subditum percutiat causa disciplinæ: quia talis correctio non potest censi violenta manuum injectio. Insuper excusantur, qui Clericum vim sibi inferentem, aut sua bona auferentem, percutit cum moderamine inculpatæ tutelæ: nam *vim vi repellere, omnes leges omniaque jura permittunt*, uti notatur *c. Si vero, 3. de Sent. excomm.* Rursum excusatur

ab excommunicatione, qui percutit Clericum quem invincibiliter nescit esse Clericum, *cir. c. Si vero.* Item ille, qui Clericum, contempto Clericali habitu tyrannidi, & enormitatibus, se invectunde immiscentem captivat, percutit, aut occidit, *c. Cum non ab homine, & c. Perpendimus, cod.* Idem accidit in nonnullis aliis casibus, rarioribus tamen, de quibus Auctores.

\* Item excusantur ab Excommunicatione Rustici, qui Clericum ebrium, eosque injuste aggredientem repellunt, vel vestes ejus aut brachia violenter detinent. Item Hospites, qui Clericum rixosum, ac varias insolentias, & turbationes in Hospitio causantem vi e domo ejiciunt, quando alias abire renuit, aliaque via non suppetit; quod tamen in Foro externo vix credetur, nisi per sufficientes testes probari queat. Similiter excusantur ab excommunicatione mulieres, quæ Clericum pudicitia suæ insidiantem, quem verbis, aut fuga abigere non valent, inflictione alapæ, fuste, aliave violenta manus injectione repellunt.

Pariter ex speciali juris constitutione *c. Si vero 3. de Sent. excomm.* ab excommunicatione immunis est, qui in Clericum, cum Uxore Matre, Sorore, vel Filia propria turpiter inventum, manus injecerit. Similiter excusantur Judices seculares ex tacito Ecclesiæ consensu capientes Clericum in flagranti delicto deprehensum, ut eundem listant Judici Ecclesiastico: uti & Creditores, Clericum debitorem de fuga suspectum detinentes. Idem accidit in aliis nonnullis casibus, rarioribus tamen, de quibus consule Jus Canonicum *lib. 5. Decret. tit. 39. §. 4.* \*

71. CONCL. III. Plurimæ aliæ Excommunicationes, tum reservatæ, tum non reservatæ, habentur in jure Canonico, & aliis Constitutionibus Ecclesiasticis passim, quas omnes ob sui multitudinem enumerare difficile foret: in casu tamen emergentiæ de iisdem consulantur Libri de hac materia copiosius tractantes.

\* Specialiter integrum Catalogum talium Excommunicationum affert Pichler *lib. 5. Decret. tit. 37. num. 17.* Potiores, qui excommunicatione, & quidem majori reservata summo Pontifici ligati sunt, allegantur sequentes: I. Sacrilegi Effractores Ecclesiarum, ut eam spolient. *cap. Conquesti. 22. de Sentent. excomm.* II. Vexantes eos, qui Censuram in aliquos tulerunt, & intra duos menses non desistentes. *cap. Quicumque. 11. de Sent. excomm. in 6.* III. Dantes, & recipientes ob ingressum Religionis. *Extravag. 1. de Simonia.* Item Simoniaci in Ordine, Beneficio *Extravag. 2. de Simonia.* IV. Ingredientes Clausuram Monasteriorum sub prætextu Privilegii, seu licentiæ. Bulla Pii V. quæ incipit: *Regularium.* ordine 20. & altera Gregorii XIII. *Ubi grati.* ordine 28. V. Committentes Duellum, & illud consulentes, ac Principes Territoriales concedentes locum, & permitcentes Duellum in terris suis, *Cont. Trid. de Reformat. Sess. 25. cap. 19.* ac Clemens VIII. in Bulla, *Illius Vices.* Ordine 11. VI. Dantes & recipientes pro gratia, aut justitia apud sedem Apostolicam, *Extravag. 1. de Sent. excomm.* VII. Extrahentes ex Alys gaudentes eodem, Greg. XIV. in Bulla, *Cum alias.* Hanc excommunicationem aliqui volunt

volunt non esse reservatam, praxis tamen Curiae Romanae & Declarationes Cardinalium annumerant cum comm. DD. reservatis. Matthæus *Official. Eccles. c. 24. n. 22. Wiestner lib. 3. Decret. tit. 49. num. 185.* VIII. Docentes & Defendentes etiam disputative Propositiones damnatas. Decreta S. Officii emanata annis 1665. 1666. 1679. & 1690. IX. Regulares administrantes Sacramenta extremae Unionis, aut Eucharistiae infirmis, vel Matrimonia solemnizantes sine licentia Parochi, vel Episcopi, aut Papae, *Clement. 1. de Privileg. X. Tertiarii portantes Habitum FF. Minorum, Leo X. in Bulla, Licet alias. Extra Bullarium XI. Apostatae a Religione, quamvis maneant in Fide Catholica: alias enim pariter incurrerent reservationem Bullae Cœnæ.* Atque ista excommunicatione, in quantum fuit lata a Pontifice, *c. 2. Ne Clerici. in 6.* equidem non reservatur: interea tamen specialiter reservatur a multis Religionibus, titi nostra, ac inter casus reservatos numeratur. XII. Absolventes sub pretextu Privilegiorum a casibus Bullae Cœnæ, vel specialiter reservatis per Ordinarios. *Decret. sub Clemente VIII. emanatum anno 1661.*

Inter Excommunicatos Excommunicatione non reservata numerantur a citato Auctore:

I. Scientes contrahentes Matrimonium in gradibus prohibitis, *Clem. unic. de Consang.*

II. Imprimentes libros absque licentia Superiorum, *Leo X. in Bulla duodecima respectu Bullarii.*

III. Procurantes abortum fœtus animati. *Greg. XIV. in Bulla Sedes Apostolica: ordine octava.*

IV. Cogentes vel impediennes mulieres ab ingressu Religionis. *de Regularibus Sess. 25. c. 18.*

V. Vexantes Ecclesiasticos, quod non elegerint eum, pro quo rogabatur. *c. dicant. 12. de Elect. in 6.*

VI. Regulares adeuntes Gurias principum ad nocendum suis Prælati vel Monasteriis. *Clement. Ne in agro §. Quia vero de stat. Monach.*

Hæ (ut supra jam memini) sunt potiores Excommunicationes, quæ in Germania contingunt. Tu Confessarie easdem attente relege: & pro consolatione tua ex Patre Alberto Reiffenstuell *part. 1. Instit. c. 6. §. 6. n. 468.* frequentes tres Regulas cape. I. Quoad seculares plebejos non est multum scrupulizandum circa materiam Censurarum; vix enim audies, eosdem aliquam incurrere, dummodo tres casus excipias, utpote Percussionem Clerici, Hæresin, & quando pro Excommunicatione est quis sententialiter declaratus, seu publice denunciatus: ubi tamen etiam quoad *primos duos casus* adverte, num omnes conditiones ad incurrendam excommunicationem requisitæ, & superius specificatæ concurrerint, quoad *tertium casum* autem, num fuerit Excommunicatio lata vel ferendæ sententiæ. *Regula II.* Quoad Clericos, vel doctores seu honoratiores Laicos majus est subinde periculum, ne vel Excommunicationem aliquam contentam in Bulla Cœnæ, vel alias superius expressas incurrant; præsertim Clerici attendant, ne aliquam Censuram propter labem Simoniae contrahant. Milites, & eorum Officiales, ne subiaceant penis duellantium. Laici Judices, ne lædendo immunitatem seu libertatem

Ecclesiasticam Excommunicatione Bullae Cœnæ afficiantur. Hinc bene imprimant memoriæ inter specificatas superius *num. 56.* Excommunicationes Bullae Cœnæ illas, quæ a casu XIV. usque ad XX. reperiuntur. *Regula III.* Quamvis excommunicationes intra, & extra Corpus Juris sint prope modum infinitæ, sufficit tamen Confessario noscere potiores, præsertim superius in Bulla Cœnæ, & extra specificatas; nam Judicium hoc Sacramentale exercetur humano modo; foret autem humanæ imbecillitati onus prorsus insupportabile habere obligationem noscendi omnes, & memoriter sciendi singulas Censuras in & extra Corpus Juris in varia crimina, aut excelsus latus, vel comminatas. \*

72. Quæres, an quis sæpius possit excommunicari? Resp. affirmative, *arg. c. Cum pro causa, de Sent. excom. & notat Glossa un. in c. Engelstradam, 3. q. 4.*

73. Nec obstat, quod ejectus ex Ecclesia, non possit amplius ejici; sicut & occisus nequit iterum occidi. Resp. enim cum cit. Glossa, excommunicationem habere duos effectus, unum ejiciendi extra Ecclesiam, & alterum detinendi extra. Et licet excommunicatio posterior non possit consequi primum effectum in jam excommunicato, bene tamen secundum.

74. Infertur proinde conformiter dictis, quod ligatus pluribus excommunicationibus, possit absolvi ab una, & non ab altera; & qui vere vult absolvi ab omnibus, omnem causam, pro qua, vel quibus fuit excommunicatus, debeat exprimere *arg. cit. cap. Cum pro casu, de Sent. excomm. juncta Glossa ibidem, vers. Tamquam excommunicatum.*

75. Nec obstat, quod unum peccatum non dimittatur sine altero, *arg. cap. Majores, §. sed adhuc, de Baptismo,* ibi: *Dominus, qui totum hominem salvum fecit in Sabbato, opus imperfectionis non novit; & ob hoc peccata non ex parte, sed ex toto dimittit.* Resp. quippe cum Fagnano in *cit. c. Majores, num. 62.* disparitatem esse, quia absolutio a peccatis est actus Divinus, qui non debet esse absque perfectione: secus est de absolutione ab excommunicatione, quæ est actus humanus Ecclesiæ, utpote per quam introducta est excommunicatio.

## APPENDIX

De modo tollendi Excommunicationem semel latam.

\* Quæres I. Quomodo Excommunicatio semel lata iterum tollatur? Respond. *Ex lib. 5. Decret. tit. 39. n. 240.* ordinarie loquendo excommunicatio major semel contracta, etiam cessante contumacia excommunicati, & præstita satisfactione, non tollitur sine absolutione, quamvis is, qui excommunicationem tulit, vel ipse excommunicatus moriatur, etiam datis ante mortem signis Pœnitentiæ, quibus equidem cælum promereri poterit; ad terrorem tamen aliorum in loco benedicto excommunicatus notorius, & non toleratus sepeliri nequit, antequam verberatis prius ossibus in tantum absolvatur, ut quoad Suffragia, & preces communes iterum Ecclesiæ incorporetur. Ita habetur quoad omnia puncta, *Can. h. Episcop. 11. q. 3.*

q. 3. & præcipue cap. A nobis 28. de Sent. Excommunicat. Dicitur notanter ordinarie loquendo, quia limitatur in casu, quo Auctor excommunicationis hanc tulit sub certa conditione, simulque declaravit, eam non nisi usque ad talis Conditionis impletionem durare; tunc enim conditione adimpleta cessat excommunicatio absque nova aliqua absolutione.

Quæres II. Quisnam possit ab excommunicatione semel lata absolvere in articulo mortis? Respond. In articulo mortis quilibet Sacerdos potest absolvere a quavis Censura, nulla prorsus excepta. Ita expressè Concil. Trident. Sess. 14. de Penitentia cap. 7. prope finem. Ubi tamen notandum, si talis moribundus fuisset antea specialiter declaratus, seu publice denunciatus tamquam excommunicatus, talem debere ante absolutionem jurare, vel saltem pro foro interno efficaciter promittendo se obligare, quod, si convaluerit, se sistere velit reservanti, ut obedientem se ostendat, & Mandatum, non novam absolutionem, de satisfaciendo ab eodem recipiat, quo postea non præstimo in Excommunicationem reincident. Pichler lib. 5. Decret. tit. 39. num. 14. Vide etiam Sporer part. 3. Theolog. Sacrament. cap. 6. sect. 1. num. 723. qui etiam part. 3. c. 3. sect. 4. num. 519. explicat, quid per articulum mortis intelligatur.

Quæres III. Quisnam ab eadem absolvere possit extra articulum, vel periculum mortis? Resp. I. Extra articulum mortis, si Excommunicatio, qua poenitens afficitur, non fuit particulariter, & in specie contra ipsum lata ab homine & præterea eadem in Jure non est reservata, potest quilibet legitimus Confessarius absolvere. Ita apud Pichler loc. cit. & apud Schmalzgrueber lib. 5. Decret. tit. 39. num. 96. cum plurimis aliis Divus Thomas in supplem. part. 3. ac deducitur ex c. Nuper. 29. de Sentent. Excomm. & c. Ex frequentibus. 3. de Infirmis. prope finem

Respond. II. Ab Excommunicatione specialiter contra aliquem ab homine v. g. ab Episcopo lata, extra articulum mortis solus ille, qui tulit, vel legitimus Successor, aut Superior ejusdem, vel de iure ab eodem delegatus absolvere potest, idque intelligendum pro utroque foro. Ita communis, & deducitur ex variis textibus Juris passim apud Canonistas videndis. Ratio est, quia lata per particularem sententiam Excommunicationem, censetur sibi ferens ex communi persuasione potestatem absolvendi specialiter pro utroque foro reservasse, ut sic excommunicatus magis adigatur ad parendum Judici, aut satisfaciendum parti læsæ.

Resp. III. Si Excommunicatio, quam poenitens incurrebat, est lata a Jure, & præterea ibidem reservata Summo Pontifici, nullus inferior absolvere potest, nisi quis habeat specialem desuper facultatem per Privilegium, delegationem, vel etiam per ipsummet Jus. Ita apud Pichler loc. cit. teste Castropalao omnes, ac eruitur ex cap. 13. & cap. 58. de Sent. Excomm. Ratio est, quia nullus inferior habet potestatem in Superioris legem, nisi ab eodem, vel ab altiori concedatur. Resp. IV. Episcopis per ipsummet Jus, nimirum per Concil. Trident. Sess. 24. de Reformat.

cap. 6. data est facultas ab omnibus Censuris Sedis Apostolica reservatis, in quibuscumque casibus NB. occultis delinquentes quoscumque sibi subditos in Diocesi sua per se ipsos, aut per Vicarium ad id specialiter deputandum in foro Conscientie gratis absolvendi. Idem & in Hæresis crimine in eodem foro Conscientie eis tantum, non eorum Vicariis, sibi permissum. Ita in terminis Concil. Trid. loc. cit. Et licet disputetur inter AA. an post Bullam Cænæ, singulis annis Romæ de novo cum suis efficacissimis clausulis derogatoriis promulgatam, hæc potestas ipsis adhuc competat quoad speciales casus in illa Bulla contentos? de quo inquiri poterit apud Kazenberger in Supplem. Theolog. P. Sporer Tract. de Censuris cap. 3. sect. 2. num. 187. Interea tamen videtur in Germania, in qua hæreses sunt frequentiores, hæc disputatio quoad Praxin ex eo cessare; quia Episcopis specialiter desuper supplicantibus solet de novo concedi ista facultas non solum pro foro interno; sed etiam pro externo per se, vel per alios deputatos, prout verba formalia Concessionis plerumque sic sonant: *Datur insuper facultas absolvendi ab omnibus casibus reservatis etiam Bulla Cænæ, in locis tamen, ubi impune grassantur Hæreses &c.* videatur Jus Canon. L. 5. T. 7. §. 7.

Resp. V. Regularibus Mendicantibus per speciale Privilegium data est facultas pro foro Conscientie tantum; & extra casus Bulla Cænæ seculares quoscumque accedentes absolvendi ab omnibus reliquis Censuris Papæ in jure reservatis, si tamen casus adhuc isti necdum fuerint ad forum contentiosum deducti. Ita eruitur ex variis concessionibus SS. Pontificum, quas videre est in compendio nostrorum Privileg. v. Absolutio quoad seculares; nec non in Jure Canonico lib. 5. Decret. tit. 7. §. 7. 8. at: 9. & tit. 39. §. 8. num. 255. Item fusius apud Hyacinthum Donati Tom. 1. part. 1. tract. 13. quest. 17. & tom. 2. tract. 11. quest. 17. & 18. ac utilissime apud Kazenberger in Supplement. Theolog. Moral. P. Sporer de Censuris cap. 3. sect. 2. §. 2. per totum. Dicitur notanter, Primo: *pro foro Conscientie tantum*: nam in foro externo, si Judex vult, potest adhuc non obstante hac absolutione procedere. Antequam tamen actu sic procedat, non tenetur necdum publice cognitus, quod fuerit antea excommunicatus, & modo sit in foro interno absolutus, se etiam quoad forum externum gerere tamquam excommunicatum. Dicitur notanter, secundo: *Si casus isti necdum sunt ad forum contentiosum deducti*: nam secus dicendum, si jam forent in foro contentioso, præsertim si quis ibidem per sententiam condemnatoriam, vel declaratoriam jam fuisset tamquam excommunicatus proclamatus. Dicitur notanter, tertio: *exceptis casibus Bulla Cænæ*: quid enim de his in ordine ad Regulares Mendicantes sit sentiendum, adaperiet quæsitum ultimum: interea continuando adhuc de excommunicationibus, reservatis extra Bullam Cænæ,

Quæres IV. An Regulares Mendicantes in Germania possint absolvere ab excommunicatione circa quinque casus; quos sibi specialiter reservavit Summus Pontifex Clemens VIII? Ante Responsionem suppono, casus illos quinque, quibus Clemens VIII. annectebat excommunicationem, ejusque absolutionem specialiter sibi refer-

vabat, esse sequentes. I. Excommunicationem Reorum ex Ecclesia vel Cœmeterio. II. Violationem Clausuræ Monialium ad malum finem castitati oppositum. III. Duellum in forma Trident. IV. Percussionem Clerici, dummodo non sit omnino levis. V. Simoniam realem, vel Confidentialem. H. N. Respond. Extra Italiam Regulares Mendicantes possunt absolvere pro foro interno ab excommunicatione dictorum quinque casuum. Ita deducitur ex Decreto Urbani VIII. post Clement. VIII. anno 1620. 17. Novemb. emanato. Videatur Kazenberger *loc. cit. n. 110. & 111.* ubi integrum Decretum Urbani VIII. adducit.

Quæres V. An Regulares Mendicantes possint seculares extra casus Bullæ Cœnæ absolvere pro foro interno ab aliis Excommunicationibus Papæ reservatis, supposito, quod aliquis casus, ob quem talis excommunicatio incurritur, equidem jam pluribus sit notus, interea tamen necdum ad forum contentiosum deductus, e. g. Ponamus, quod Petrus coram pluribus percusserit Paulum Clericum: quæritur, an is, si paratus sit Paulo omnimodam satisfactionem exhibere, possit ab hac excommunicatione per Regulares Mendicantes pro foro interno absolvi eo tempore, quo hæc percussio necdum fuit deducta ad forum contentiosum?

Resp. ad hoc dubium Sbogar *Tract. 40. n. 50.* affirmative, & P. Kilianus Kazenberger affert *loc. cit. §. 2. num. 111.* de super speciale Privilegium ex Bulla Pauli III. data anno 1545. Confessariis Societatis JESU, & consequenter etiam Mendicantibus quoad Privilegia Communicantibus, extra casus Bullæ Cœnæ absolute, & non tantum limitando ad peccata occulta, id concedens. Incipit autem hæc Bulla: *Cum inter cunctas &c.* ubi sic asseritur: *Nec non illis ex vobis, qui Presbyteri fuerint, quorumcumque viriusque sexus Christi fidelium ad vos undecumque accedentium, Confessiones audiendi, & ab omnibus & singulis eorum peccatis, criminibus, excessibus & delictis, quantumcumque gravibus & enormibus, etiam Sedi Apostolica reservatis, & a quibusvis ex ipsis casibus resultantibus Sententiis, Censuris, Pœnis Ecclesiasticis (exceptis contentis in Bulla Cœnæ) absolventi, ac eis pro commissis Pœnitentiam salutarem iungendi, plenam, ac liberam facultatem concedimus.* Interea tamen recte notatur in Jure Canon. *l. 5. Decret. tit. 39. §. 8. num. 270.* ut, si excommunicatio fuerit contracta ob læsionem alterius, etiam pro foro interno non facile quis absolvatur, antequam parti læsæ actualiter satisfecerit.

Quæres VI. An Regulares mendicantes possint seculares absolvere ab excommunicatione Bullæ Cœnæ in casibus occultis? Quæstio hæc movetur solummodo de casibus Bullæ Cœnæ occultis; num quod absolvere nequeant a publicis, nisi specialissimum haberent Privilegium, non obstat Bulla Cœnæ id concedens (prou de tali speciali Privilegio quoad hæresin mentionem fecimus *Tract. 4. dist. 4. in addit. post. n. 31.*) est omnium Doctorum, & clare eruitur ex ipsis Clausulis derogatoriis Bullæ Cœnæ, a Clemente X. emanatæ, ac singulis annis de novo promulgatæ. Hoc præscripto, Respond. I. Si dubitatur, an hi vel illi

casus in particulari comprehensi sint sub excommunicatione Bullæ Cœnæ, possunt Regulares Mendicantes absolvere. Ratio est: quia sic Clem. VIII. expressè concessit, prout testes sunt præter Passerinum, Dominicus Viva in *Trutina Theolog. Expositione Propositionis 3. ab Alexand. VII. damnata*: & Kilianus Kazenberger *loc. cit. n. 111.*

Resp. II. In casibus Bullæ Cœnæ certis, quamvis occultis nequeunt Regulares Mendicantes ab excommunicatione absolvere loquendo quoad pœnitentes seculares. Ita cōmunis, patet tum ex Clausulis derogatoriis Bullæ Cœnæ videndis in Jure Canon. *lib. 5. Decret. t. 7. n. 352.* tum ex Propositione damnata circa Hæresin pariter in Bulla Cœnæ contentam, estque propositio damnata ab Alexand. VII. ord. I. hujus tenoris: *Prælati Regulares possunt in foro Conscientiæ absolvere quocumque seculares ab Hæresi occulta, & ab Excommunicatione per eam.* Dicitur notanter: *loquendo quoad pœnitentes seculares.* Etenim quoad pœnitentes Regulares ejusdem Ordinis multi DD. adhuc defendunt, tales, si casum Bullæ Cœnæ incurrissent, posse absolvi a suis Superioribus aut per se ipsos, aut per specialiter deputatos. Videantur Felix Potestas *tom. 1. Examinis Confess. part. 4. cap. 5. num. 3372. ac seqq.* & Kilianus Kazenberger, qui plures AA. una cum Bullis Pontificiis in *supplement. Theolog. Moral. P. Sporer* adducit, *Tract. de Censuris cap. 3. sect. 3. §. 4. num. 119.* Accedit, quod Regulares (ne detur vagandi licentia) numerentur inter legitime impeditos adire Romam pro Absolutione: sed legitime impeditos suos subditos habens in eosdem potestatem Episcopalem vel quasi Episcopalem (uti habere censentur in suos Prælati Regulares) potest absolute absolvere a casibus Bullæ Cœnæ per se vel etiam per suum delegatum: Ergo, Adde praxin, qua videmus passim Prælatos absolvere Apostatas suæ Religionis deprehensos: consuetudo autem est optima legum interpret. Videatur Jus Canon. *lib. 5. Decret. T. 7. §. 8.* uti quoque *§. 9. num. 371. num. seqq. & Sporer part. 3. Theol. Sacram. c. 6. sect. 2. n. 750. ac seqq.\**

## QUÆSTIO V.

De Suspensione, & variis ipsam attinentibus.

### SUMMARIUM.

76. *Suspensio, quid?*
77. *Differt a Depositione, & Degradatione.*
78. *Suspensio lata, & ferenda sententia.*  
(c) Vide dicta *Tract. 2. Diss. 2. n. 35. 36.* & seqq.
79. *Suspensio ab officio, & Beneficio.*
80. *Totalis, & partialis, quid?*
81. *Suspensio ab officio non includit Suspensionem a Beneficio, nec e contra.*
82. *Per se loquendo.*
83. *Idem dic de Suspensione ab Ordine, & jurisdictione.*
84. *Suspensio absolute lata, censetur totalis.*
85. *Corollarium.*
86. *Secus, si Suspendio feratur determinate.*
87. *Suspendus, si exerceat actum sibi prohibitum, an fiat irregularis?*
88. *Qui suspensionem possint incurrere?*
89. *Solvitur instantia.*

76. Concl.



76. CONCL. I. *Suspensio* est Censura Ecclesiastica, qua prohibetur seu arcetur Minister Ecclesiae ab aliquo actu Ecclesiastico alias sibi competente, & hoc ad tempus. Ita Doctor Subtilis 4. dist. 25. q. 1. estque in re communis. Dicitur, *qua Minister Ecclesiae*, id est, Clericus; quia *Suspensio* est Censura propria Clericorum, & quae Laicis non competit, quamvis Excommunicatio, & Interdictum sint Censurae Clericis, & Laicis communes. Dicitur ulterius, *arcetur ab aliquo actu Ecclesiastico*: quia hic est proprius, & adaequatus effectus suspensionis, scilicet privata Clericum exercitio actus ecclesiastici ceteroquin sibi competentis, ut non possit illum licite, & absque peccato exercere. Et per hoc differt *Suspensio* à ceteris Censuris, quae plures alias, & distinctos effectus habent, ut patet ex singularum explicatione.

77. Additur tandem, & hoc ad tempus. Per quod *Suspensio* differt a *Depositione*, ac *Degradatione*, quae privant ministerio actuum Ecclesiasticorum in perpetuum, & absque spe restitutionis.

78. CONCL. II. *Suspensio* varie dividitur. Ita omnes, & patet inductione. Nam in primis *Suspensio* alia est *lata Sententia*, quae scilicet ipso Jure infligitur delinquenti: alia *ferenda sententia*, quae primum per sententiam Judicis ob commissum delictum infligitur. (e)

79. Deinde ipsa dividitur in *Suspensionem* ab officio, & a Beneficio. *Suspensio ab officio* est, qua Clerico interdicitur executio suorum Ordinum, aut aliarum functionum, quae ipsi ratione Ordinis, aut muneris Clericalis competunt. *Suspensio a beneficio* dicitur, qua fructus sui Beneficii Ecclesiastici Clericus percipere prohibetur; prout amplius declarabitur in Conclusionibus.

80. Ex his utraque *Suspensio* subdividitur in totalem, & partialem. *Totalis* est, qua quis ab omni prorsus officio Ecclesiastico, vel a perceptione omnium omnino fructuum Beneficialium suspenditur, seu arcetur. *Partialis* est, qua vel unus specialis actus officii Ecclesiastici Clerico prohibetur: ut si Sacerdos ab exceptione Confessionum, aut Episcopus a collatione Ordinum suspendatur; nam talis potest alios actus Ordinis sibi competentes exercere, utputa celebrare Missam, & hujusmodi. Vel (loquendo de *Suspensione partiali* a Beneficio) si Clerico Beneficiario certa dumtaxat pars fructuum Beneficialium subtrahatur, v. g. tertia vel quarta solummodo pars eorum.

81. CONCL. III. Censura *Suspensionis* est strictae interpretationis, ac proinde *Suspensio* ab officio per se non includit *Suspensionem* a Beneficio, nec e contra. Ita Ludov. Engel tit. de Sent. excomm. num. 75. Navarrus c. 27. Manual. num. 160. & alii. Ratio est: quia *Suspensio* est poena, ob commissum delictum inflicta: atqui poenae sunt strictae interpretationis; nam odia restringi, & favores conveniri ampliari, juxta Reg. 15. Juris, in 6. similitque in poenis benignior est interpretanda facienda, Reg. 48. Juris in 6. Ex quibus mox sequitur, *Suspensionem* ab officio non includere per se loquendo *Suspensionem* a beneficio,

nec e contra: habent enim diversos effectus, & ab invicem separabiles.

82. Dicitur, *per se loquendo*. Nam, si *Suspensio* ab officio sit perpetua, & in effectu *Depositio*, tunc taliter *suspensus* per sententiam Judicis, merito etiam privandus erit beneficio: cum Beneficium detur propter officium; quod tamen in perpetuum *suspensus*, amplius exercere non potest. Intellige, dummodo ipsi *suspensus* praestentur alimenta ab Ecclesia, ne in opprobrium Ordinis Clericalis mendicare cogatur.

83. CONCL. IV. Similiter *suspensus* ab Ordine, non censetur *suspensus* a jurisdictione Ecclesiastica, nec e contra. Ita cit. Engel. num. 76: estque communis Doctorum. Ratio patet ex proxime dictis: quia *suspensio* est strictae interpretationis, ac proinde non extendenda ultra verborum proprietatem. Hinc Episcopus *suspensus* ab Ordine, licet Confessiones audire non possit, alteri tamen potestatem absolvendi, seu Confessiones audiendi delegare non prohibetur: nam hoc spectat ad potestatem jurisdictionis, illud ad potestatem Ordinis.

84. CONCL. V. Nihilominus, si absolute, & sine limitatione *Suspensio* imponatur, neque ex adjunctis limitatio aliqua colligi possit, censetur ea esse simpliciter totalis. Ita Herinex disput. 6. de Censuris. num. 63. Layman, & communis. Ratio est: quia ex vi sermonis, propositio indefinita aequivalet universali; simulque tunc non est ratio, cur potius *Suspensio* de uno, quam de altero lata intelligatur.

85. Infertur proinde, quod *suspensus* absolute sine ulla determinatione, intelligatur *suspensus* tam ab officio, quam a Beneficio. Infertur ulterius, quod simpliciter, & absolute *suspensus* ab officio, censetur *suspensus* tam ab Ordine, quam a jurisdictione: quia officium includit utrumque, nec est major ratio de uno, quam de altero.

86. Dicitur, *si absolute, & sine limitatione &c.* Nam si *Suspensio* feratur determinate ad certam materiam, utputa super certum actum Ordinis, vel jurisdictionis non exercendum, fatentur omnes, eam ultra ejusmodi actum non esse extendendam: cum poenae non sint extendendae ultra verborum proprietatem. Sic *suspensus* a Confessionibus audiendis, potest celebrare Missam, officium Diaconi solemniter exercere, ac hujusmodi.

87. CONCL. VI. *Suspensus* ab officio, si actum sibi interdictum culpabiliter exerceat, contrahit Irregularitatem, c. 1. de Sent. & re judic. in 6. At vero *suspensus* a Beneficio, si eidem se ingerat, & fructus percipiat, non efficitur irregularis, perdit tamen Beneficium ipso jure, arg. c. Cupientes, §. Caterum, de Elect. in 6. Engel loc. cit. num. 78: Pirhing. de Sent. excomm. num. 209. & alii.

88. CONCL. VII. Omnes, & soli Clerici, praeter Papam, *Suspensionis* Censuram incurrere possunt. Ita Layman lib. 1. tract. 5. part. 3. c. 1. contra Henriquez, qui existimat, etiam in Abbatissam *Suspensionis* censuram cadere posse. Patet Conclusio ex definitione *Suspensionis* num. 76: & seqq. explicata.

89. Nec urget instantia de Abbatissa. Nam ipsa solum suspendi potest ab officio suæ Oeconomix, ejusque actibus; non vero ab actu aliquo Ecclesiastico, cum sit incapax omnis Ordinis.

\* Quæres I. Ob qualia crimina ratione collationis vel receptionis Ordinum a Jure suspensio infligatur? Supponit hoc quæsitum, *ab homine*, nimirum a Superiore Ecclesiastico, posse infligi, uti excommunicationem, ita etiam regulariter suspensionem ob varia gravia delicta, prout in Domino visum fuerit. Dubium igitur solummodo remanet, ob quæ *ab ipso Jure* suspensio infligatur, & quidem in præsentī ratione Ordinum? H. S.

Resp. I. Loquendo de Episcopo male ordinante is incurrit suspensionem. I. Si primam Tonsuram det infanti. II. Idem dic, si illiterato, vel conjugato conferat; prout utrumque eruitur ex *c. nullus de Temp. ord. in 6.* III. Si ordinet simoniace *c. penult. de Simonia.* IV. Si sacrum Ordinem conferat Religiosis necdum professis, *Bulla 75. Pii V.* V. Si ordinet Monachum sine licentia Abbatis, vel non subditum sine licentia proprii Ordinarii, *Trid. Sess. 23. c. 8. de Reform.* VI. Si ordinet suum subditum in aliena Diœcesi sine licentia Ordinarii diœcesis, *Trid. Sess. 6. c. 5. de Reformat.*

Resp. II. Loquendo de male ordinatis. Suspenduntur, qui recipiunt ordines simoniace *c. penult. de Simonia.* II. Religiosi necdum professi recipientes Ordines sacros. *Bulla 75. Pii V.* III. Qui recipiunt Ordines sacros ante requisitam ætatem, *cap. 14. de Temp. Ordin.* IV. Qui uno die duos sacros Ordines recipiunt. *cap. Litteras. 13. de Temp. Ordin.* V. Qui ordinantur extra Tempora, *cap. Cum quidam eod.* VI. Qui ordinantur ab Episcopo alieno sine licentia Ordinarii proprii, & VII. Qui a proprio in aliena Diœcesi, absque debita licentia. *Trid. de Reform. Sess. 6. c. 5. & Sess. 23. Capite octavo.* VIII. Qui recipiunt Ordines aliqua Censura irretiti. *cap. 23. de Sent. Excommunicationat.* IX. Qui ordinantur per saltum. *Trid. Sess. 23. cap. 14. de Reform.* X. Qui citra speciale Privilegium ordinantur in Sacris, cum litteris Dimissoriis, a Capitulo infra Annum Sede vacante datis, *Trid. Sess. 7. c. 10. de Reform.* XI. Qui ordinantur ficto Titulo. *Bulla Secretis* ab Urbano VIII. edita 1624. XII. Qui ordinantur in Sacris post Matrimonium etiam ratum tantum. *Extravag. Antiqua. Joannis XXII. de Voto & Voti Redemp.*

Quæres II. Ob quæ alia delicta præter Suspensiones specificatas, & incurrendas in Collatione, vel receptione Ordinum infligatur a Jure suspensio? Resp. Ob sequentia. I. Si Episcopi ingrediantur Monasteria Monialium in Calibus non necessariis. *Bulla 28. Gregorii XIII.* II. Si Religiosi in Religionis ingressu a se admissio NB. *ex pacto* recipiant prandia, pastum, pecunias, aut jocalia. *Extravag. Sane de Simonia.* III. Si Parochi jungant Sponfos alterius Parochiæ sine licentia proprii Parochi. *Trid. Sess. 24. c. 1. de Reform. Matrim.* IV. Si Regulares prætextu Privilegiorum introducant mulieres in Clausuram Monasteriorum, *Bulla 20. S. Pii V. de quo l. 3. Decret. Tit. 35. paragrapho secundo.* V. Si Clerici nefandum Sodomix

crimen exerceant. Ita in Bulla Pii V. Ord. 72. quæ est reperibilis *lib. 5. Decr. Tit. 16. n. 91.*

Hæc tamquam potiora delicta, ob quæ suspensio incurritur, adduxisse sufficiat. In emergentia autem alicujus specialis casus dubii, qui ex dictis erui nequiret, inquiratur apud Canonistas præsertim *lib. 1. Tit. 11. de Temporibus Ordinationum, & lib. 4. Decretalium*, in quo plurimis Titulis tractatur de variis criminibus, & pœnis ob eadem incurrendis. Cæteroquin pro praxi & speciali Confessariorum ac Pœnitentium consolatione quatuor bene adhuc notentur. I. Quod nulla suspensio afficiat Laicos, sed tantummodo Clericos. II. Quod loquendo in ordine ad Clericos non omnes Suspensiones, quæ subinde in Jure vel libris reperiuntur, sint illico *lata sententia*, sed non raro primum *serenda*, quæ consequenter in nullo foro contrahuntur ante sententiam Judicis condemnatoriam. III. Quod conformiter dictis de Censuris, suspensio gravis tamquam Censura a Clericis non incurritur, nisi ob peccatum mortale deliberate perpetratum, cui annexam esse Censuram præterea cognosci debet saltem in confuso; alias cum indeliberatione vel cum ignorantia invincibili peccati, vel saltem Censuræ annexæ eadem non incurritur, & consequenter nec Irregularitas contrahitur, si stante tali ignorantia actus aliquis Ordinis sacri exercetur. IV. Quod, supposito etiam, omnia ad Censuram requisita confluisse, Confessarii adhuc Ordinis Mendicantium a qualibet suspensione tamquam Censura, inflicta ab ipsomet Jure, & necdum ad forum contentiosum deducta, quamvis cæteroquin aliis nota, possint pro foro interno absolvere, prout patet tum ex Bulla, *Cum inter cunctas* Pauli III. quæ est 7. in Bullario Rodriquez, tum ex *compend. Privileg. S. J. V. Absolutio § 1.\**

## QUÆSTIO VI.

Quid, & quotuplex sit Interdictum, & qualis effectus ipsius?

## SUMMARIUM.

90. *Interdictum, quid?*
91. *Quomodo differat ab Excommunicatione, & Suspensione?*
92. *Interdictum Locale, Generale & Particulare, quid?*
93. *Interdicta Civitate censentur interdicta Suburbia, &c.*
94. *Quid si Ecclesia sit interdicta? Contigua quid?*
95. *Interdictum personale,*
96. *Et mixtum, quid?*
97. *Interdictio Clero, vel Populo, qui censentur interdicti?*
98. *Interdicti triplex effectus.*
99. *I. Privatio participationis quorundam Sacramentorum.*
100. *Et quorum?*
101. *Quid de Baptismo, Confirmatione, Et confessione Chrismatis?*
102. *Item de Pœnitentia, & Eucharistia?*
103. *II. Prohibitio Divinorum Officiorum, & quorum?*
- (f) Conformiter dictis supra n. 29.

104. Limitatur hoc.

105. III. Privatio sepultura Ecclesiastica.

106. Declaratur hic effectus.

107. Casus prædicti circa hoc.

108. Cessatio a Divinis, quid?

90. **C**ONCL. I. Interdictum recte definitur, dicendo: Interdictum est Censura Ecclesiastica, per quam prohibetur participatio certorum Sacramentorum, Divinorum officiorum, atque sepultura Ecclesiastica. Ita in re communis.

91. Differt autem Interdictum ab Excommunicatione, quod hæc multo gravior existat, utpote removens Fidelem non solum a participatione Sacramentorum, sed etiam a communibus Suffragiis Ecclesiæ, ipsaque communione Fidelium. Item Excommunicatio non fertur in loca, aut integras Civitates; secus accidit in Interdicto locali. Differt etiam Interdictum a Suspensione: nam hæc fertur in solas personas Ecclesiasticas; Interdictum vero etiam in Laicas ferri potest. Omituntur aliæ differentia.

92. **C**ONCL. II. Interdictum dividitur in locale, personale, ac mixtum. Ita omnes Doctores, & patet inductione. Siquidem *Interdictum locale* dicitur illud, quod directe fertur in locum, quatenus in ipso interdiciuntur, seu prohibentur fieri Divina Officia, & hujusmodi. Et istud subdividitur in generale, & particulare. *Interdictum locale generale* est, quo interdicitur locus, varia sub se loca complectens, v. g. Regnum, Provincia, Civitas. *Interdictum locale particulare* dicitur, quo interdicitur particularis aliqua Ecclesia. Porro Interdictum locale indirecte tantum afficit personas, dum scilicet sunt in tali loco, vel Ecclesia, unde si ejusmodi personæ alibi existant, possunt ibidem Officiis Divinis interesse, Sacramenta recipere, atque in loco sacro sepeliri.

93. Et quidem loquendo de Interdicto locali, sciendum ex c. *Si civitas*, de *Sent. excomm. in 6.* quod interdicta Civitate, Castro, aut Villa, etiam Suburbia, & continentia ædificia ipsorum intelligantur interdicta: ne cæteroquin Interdicti sententia vilipendatur, si possent in prædictorum Suburbis celebrari; cum incolæ ab eadem absque labore excurrentes, Interdicti vim passim eluderent.

94. Et ob eandem rationem, si Ecclesia Interdicto subjecta existat, neque in Capellis ejus Divina celebrari, neque in Cœmeterio eidem Ecclesiæ contiguo sepeliri poterit: secus, si eidem Ecclesiæ contigua non sint, prout subjungitur c. *Si civitas*, de *Sent. excomm. in 6.* Porro *contigua* dicuntur ea, quorum extrema invicem se contingunt, ut ait Glossa ibidem: sive, ut alii loquuntur, quando inter parietem Ecclesiæ ipsamque Capellam, vel Cœmeterium, nihil aliud interponitur.

95. *Interdictum personale* est, quod immediate, & directe fertur in personam; per quod videlicet certa persona arcetur a participatione quorundam Sacramentorum, Divinorum Officiorum, ac sepultura Ecclesiastica in quocumque loco. Unde hujusmodi Interdictum sequitur personam, quocumque ierit, sicut umbra comitatur corpus, & lepra leprosum, arg. c. *Si sententia*, §. *Cum vero*, de *Sent. excomm. in 6.* Ubi additur, quod si

populus alicujus terræ Interdicto notetur, singulares personæ interdici censentur, ne alioquin sententia effectum careat.

96. Tandem *Interdictum mixtum* dicitur illud, quo locus, ac personæ simul interdiciuntur: ut si interdiciatur Civitas, & omnes incolæ ejus. Unde Interdictum mixtum includit locale, & personale simul.

97. Cæterum quoad Interdictum personale est notandum, quod, si sententia Interdicti proferatur in Clerum, non censetur interdictus Populus; nec econtra interdicto Populo, censetur Clericus interdictus, *text. clar. cit. v. Si sententia, de Sent. excomm. in 6.* Unde uno ipsorum interdicto alius licite admittitur ad Divina: siquidem in materia pœnali, & odiosa, qualis est hæc, verba sunt stricte interpretanda, juxta *Reg. 15. Juris in 6. Odis restringi, & favores convenit ampliari.* Et *Reg. 26. eod. In pœnis benignior est interpretatio facienda.* Addunt Doctores, quod, sive Clerus, sive Populus alicujus loci interdiciatur, non comprehendantur Religiosi utriusque sexus, nisi exprimantur: nam et si in materia favorabili nomine Cleri contineantur etiam Religiosi utriusque sexus, secus tamen est in materia odiosa; idque per textus proxime allegatos, juncta *Clem. 1. de Supplenda neglig. Prælat.* ubi ista ponuntur tamquam diversa; & concordantis.

\* Porro loquendo de potioribus Interdictis in specie ab ipso Jure determinatis,

## I.

### Quoad Interdicta localia.

Subjacent eo ipso Interdicto locali territoria illorum Dominorum, qui absolute non recipiunt, vel impediunt, ne Legatus, vel Nuncius Papæ fungantur suo officio, idque tamdiu, quamdiu Domini in sua contumacia persistunt. *Extravag. Super gentes, de Consuetud. Videatur lib. 1. Decret. Tit. 30. num. 24.*

Item ipso facto subduntur Interdicto locali Collegia, quæ exigunt Gabellas, aliudve contra libertatem Ecclesiasticam, Bulla 93. Gregorii XIII. Videatur in jure Canonico *lib. 3. Decret. Tit. 49. §. 9. & 10.* Item Ecclesiæ Clericorum Secularium, vel Regularium ipso facto, qui aliquem inducunt, ut juret, vel promittat, ibi eligere sepulturam effectum securo, & satisfactione desuper non præstita, c. *1. de sepult. in 6.* Videatur *Lib. 3. Decret. Tit. 28. n. 32.*

## II.

### Quoad interdicta personalia Generalia contra Universitates.

Tale Interdictum incurrunt ipso facto Universitates, quæ Usurariis publicis locant habitationem, & tœnus publice exercere sinunt. *cap. 1. de Usuris in 6. Vid. lib. 5. Decret. Tit. 19. §. 10.* Item Collegia, Capitula & Universitates, quæ appellant a sententia Papæ ad futurum Concilium, Bulla Cœna §. 11. Item saltem post sententiam Capitula Cathedralia Sede vacante infra annum concedentia dimissoriales non arctatis Beneficio. *Trid. Sess. 7. de Reformat. cap. 10.*

## III.

*Quoad Interdicta personalia contra singulares.*

Tale Interdictum ab ingressu Ecclesie incur-  
runt illi, qui violant interdictum locale *cap. Epi-  
scoporum, de Privileg. in 6.* Item, qui de manu Lai-  
ci recipiunt Prælaturam Ecclesiasticam, vel digni-  
tatem, usque dum iterum dimittant, *Can. Si quis  
deinceps. 16. q. 7.* Item Clerici Concubinarij in  
Sacris constituti in crimine fornicationis, usque  
dum pœniteant. *c. Si qui sunt. dist. 8.* Item Re-  
ctores Ecclesiarum secularium, qui recipiunt one-  
ra perpetua Missarum sine licentia Ordinarii. *Bull.  
Cum sepe contingat. 43.* Urban. VIII. Item Episco-  
pi & Superiores Prælati usurpantes Bona vacan-  
tium Beneficiorum *Extrav. Unica Ne Sede vacan-  
te &c.* Item Episcopi vel Prælati exigentes in Vi-  
sitatione ultra frugalem victum aliquam procura-  
tionem. *Trid. Sess. 24. cap. 3. de Reform.* Semper  
tamen, ac pro semper habendum præ oculis,  
quod Censuræ Interdicti Pœna non incurratur,  
nisi cum culpa gravi &c. uti antea notatum jam  
est, quoad suspensionem. \*

98. CONCL. III. Triplex est effectus Interdi-  
cti, videlicet privatio participationis quorundam  
Sacramentorum, prohibitio Divinorum Officio-  
rum, & tandem privatio sepulturæ Ecclesiasticæ,  
Ita Doctores communiter: & patet non solum ex  
definitione Interdicti superius posita, sed etiam  
ex diversis textibus Juris Canonici in progressu  
allegandis.

99. Quantum attinet ad primum effectum In-  
terdicti, notandum, quod privatio participationis  
quorundam Sacramentorum sit intelligenda de  
participatione talium Sacramentorum tam activa,  
quam passiva; ita ut illa nec licite possint admi-  
nistrari, nec licite recipi tempore Interdicti, aut  
a persona interdicta.

100. Et dicitur notanter, *quorundam Sacra-  
mentorum.* Nam tempore Interdicti localis, sive  
illud sit generale, sive particulare, non prohibe-  
tur administratio, & receptio omnium Sacramen-  
torum, sed aliquorum dumtaxat; videlicet Sacra-  
menti Extremæ Unctionis, Ordinis, Eucharistiæ  
extra articulum mortis, ac etiam Benedictio nup-  
tialis: quamvis juxta satis probabilem senten-  
tiam, Matrimonium sine Benedictioe nuptiali  
licite possit contrahi.

101. Sciendum proinde, quod Sacramentum  
Baptismi, & Confirmationis licite possit conferri,  
& recipi ab interdictis, ac etiam in loco interdi-  
cto, ut habetur *c. Responso, de Sent. ex.omm. & c.  
Quoniam, & c. Alma Mater, eod. in 6.* Siquidem  
Baptismus est Sacramentum summe necessarium  
ad salutem; Confirmatio autem est quasi com-  
plementum Baptismi, cum detur ad confirman-  
dam, & fortiter profitendam Fidem Christianam  
in Baptismo susceptam. Et ob hoc *cit. c. Quo-  
niam, eod. in 6.* habetur, quod tempore Interdi-  
cti Chrisma in die Cœnæ Domini confici queat:  
quia vetus Chrisma non debet esse in usu: & con-  
cesso principali censetur concessum accessorium,  
nempe confectio Chris-matis pro administratione  
dictorum Sacramentorum requisiti.

102. Similiter Sacramentum Pœnitentiæ potest  
tempore Interdicti, non solum morientibus, sed

etiam sanis (dummodo non fuerint excommuni-  
cati, nec sint in causa culpabili, ob quam latum  
est Interdictum) licite administrari, *cit. c. Alma  
Mater, de Sent. excomm. in 6.* eo quod, & istud  
Sacramentum sit valde necessarium propter proni-  
tatem, quam habent homines ad peccandum.  
Sacramentum vero Eucharistiæ non nisi in mortis  
articulo (vel probabili periculo mortis) ministrari  
potest, *arg. c. Quod in te, de Panis. & remiss.*

103. Secundus effectus Interdicti, qui est pro-  
hibitio Divinorum Officiorum, hoc involvit, quod  
tempore Interdicti intelligatur esse prohibita ce-  
lebratio, & auditio Divinorum Officiorum. Por-  
ro nomine *Divinorum Officiorum* comprehenditur  
non solum Sanctissimum Missæ Sacrificium, sed  
& (f) omnis publica solemnitas Oratio, quæ ab  
Ecclesia instituta est, quod a Clericis ad Dei lau-  
dem exerceatur: cujusmodi sunt solennes Bene-  
dictiones Aquæ benedictæ, Cinerum, Palmarum,  
& Candelarum, quæ nomine, & auctoritate Ec-  
clesiæ a Sacerdotibus fiunt. Item Horæ Canoni-  
cæ, si publice legantur: quod ultimum idcirco  
additur, quia privatim tenentur Clerici, ad Ho-  
rarum Canoniarum recitationem obligati, eas re-  
citare, non obstante Interdicto locali, vel personali.

104. Nihilominus hæc tam ampla Divinorum  
Officiorum prohibitio postmodum limitata fuit in  
*cit. cap. Alma mater.* Ubi dicitur, quod, quando  
Civitas, vel locus alius Interdicto subjacet, sin-  
gulis diebus in Ecclesiis, & Monasteriis Missæ ce-  
lebrentur, & alia dicantur Divina Officia, sicut  
prius, submissa tamen voce, januis clausis, ex-  
communicatis, & interdictis (intellige, nisi ha-  
beant speciale privilegium, nec dederint causam  
Interdicti) exclusis, & campanis non pulsatis. In  
Festivitatibus vero Natalis Domini, Paschæ, ac  
Pentecostes, & Assumptionis Virginis Gloriosæ,  
campanæ pulsantur, & januis apertis alta voce  
Divina Officia solemniter celebrentur, excom-  
municatis tamen prorsus exclusis, sed interdictis  
admissis.

\* Idem Martinus V. & Eugenius IV. concesserunt  
ad Festum Corporis Christi, & per totam  
octavam, uti testatur Jus Canonicum *lib. 5. De-  
cret. Tit. 39. n. 211.* ubi adhuc plura de hac ma-  
teria videre licet. Item Matthæucius in *Officiali  
Curia Regularis c. 20. num. 15.* affert Privilegium  
speciale Seraphico Ordini a Clemente VIII. da-  
tum, ut *temporibus Interdicti quacumque, etiam Au-  
thoritate Apostolica appositæ Festa Sanctorum suorum,  
Francisci, Antonii de Padua, Ludovici, Bernardini,  
Clara, Elisabeth, Portiuncula, Didaci, ac Marty-  
rum solemniter ritu celebrare, prout ac si interdictum  
hujusmodi minime appositum esset, libere possit. Non  
obstantibus constitutionibus Apostolicis, universalibus,  
Provincialibus, Synodaliibus, Conciliis editis Genera-  
libus, vel specialibus &c.* Idem concessum defen-  
dunt Rodriquez, & Miranda aliorum Ordinum  
Mendicantium Ecclesiis in Festis suorum Sancto-  
rum. Item in Circumcisione Domini, Epipha-  
niæ, in Festis SS. Trinitatis, quatuor Principali-  
bus Delparæ, Apostolorum, Natalis S. Joannis Ba-  
ptistæ, S. Marci, S. Lucæ, omnium Sanctorum, in  
Dedicatione propriæ Ecclesiæ, & in Commemo-  
ratione omnium Fidelium Defunctorum. Vide  
Kazemberger hic *c. 3. sect. 3. n. 147.*



105. Tertijs effectus Interdicti est privatio sepulture Ecclesiasticæ. Et hic effectus intelligendus est, ut in Loco sacro interdicto nullus possit sepeliri, nisi habeat privilegium: quale datur, ut alii privilegiati taceantur; omnibus Clericis, qui tempore Interdicti generalis illud servaverunt, ad hoc, ut cum silentio possint sepeliri in Loco sacro, *text. clar. c. Quod in te, de Penit. & remiss.*

106. Nihilominus tempore Interdicti localis generalis (secus in personali, vel si alicujus terræ populus interdicto notetur; nam etiam tunc singulares personæ censentur interdictæ, c. *Si sententia, de Sens. excomm. in 6.*) possunt homines illius loci, qui personaliter interdicti non sunt, extra illum locum efferri, & in alio loco non interdicto sepeliri, imo & ibidem interesse Divinis, *cir. c. Si sententia.*

107. Insuper si quis sepultus fuerit extra locum sacrum tempore Interdicti, cessante Interdicto in locum sacrum est transferendus, si id commode fieri potest, ut post Glossam in *cap. A nobis, 28. de Sens. excomm. vers. Forma*, notat Navarrus *6. 15. Man. num. 176.* Quod si vero contingat, contra prohibitionem Juris aliquem interdictum sepeliri in Loco sacro, non erit is extrahendus: quia hoc non habetur Jure statutum. Glossa cit. & Engel *loc. citato num. 96.* Nec obstat, quod secus sit dicendum de excommunicatis; quippe qui, in loco sacro sepulti, debent exhumari, *cap. Sacris, de Sepultur.* Nam hæc poena non est extendenda ad alium casum Jure non expressum: simulque Excommunicatio privat communione Fidelium, non vero Interdictum.

\* Quæres I. Quomodo Interdictum semel latum iterum tollatur? Resp. I. Si Interdictum latum est pro certo tempore, vel sub certa conditione, tempore finito, vel conditione adimpleta illud tollitur absque nova absolutione: utpote cum talis interdicti duratio videatur annexa certo tempori, vel conditioni. Ita Glossa in *cap. Non est vobis. II. 7. Ponet de Sponsalibus.* Abbas ibidem *n. 7. Sylvester 7. Interdictum III. n. 13.* ac plures alii apud Schmalzgrueber *lib. 5. Decret. Tit. 39. num. 398.* Resp. II. In aliis casibus facienda est distinctio, num Interdictum sit latum specialiter ab homine, vel Jure? Si *ab homine*, tollitur per eum, qui tulit, vel per ejus delegatum, aut Superiores, vel Successorem. Quodsi latum sit *a Jure*, Resp. III. Rursum debere discerni, num sit Interdictum locale, vel personale. Item num *Personale generale* latum contra Communitatem aliquam, ita ut singulæ personæ considerentur præcise, quatenus membra hujus Communitatis, vel num *Personale particulare*, respiciens Personas quæ singulares? Potiora exempla de similibus interdictis jam sunt antecederet assignata. Porro quando est Interdictum personale particulare, Resp. IV. Eodem modo ratione Absolutionis cum grano salis discurrendum est; uti antea de absolutione ab Excommunicatione, vel Suspensione, quorsum Lectorem remitto. Quodsi vero Interdictum actualiter jam latum ipso facto *a Jure* foret locale, vel personale generale; id est, latum vel immediate in ipsum *Locum*, vel in *Communitatem, qua talem*, tunc tolli potest solummodo ab eo, qui habet quædam hoc Jurisdictionem in foro

externo, exclusis etiam Religiosis illis, qui alias Privilegium obtinent absolvendi a Censuris. Ratio est: quia Privilegium illud Regularium extenditur ad solum forum internum Pœnitentiæ, cui foro equidem ipsæ *Personæ*, non autem *locus*, seu aliqua *Communitas, qua talis*, subjiciuntur: In Sacramento enim Pœnitentiæ non locus, vel integra Communitas qua talis, sed Personæ absolvuntur. Ita Schmalzgrueber *lib. 5. Decret. Tit. 39. num. 400.* Pichler ibidem *num. 53.* Kazenberger *de Cens. cap. 3. sect. 4. num. 151. \**

108. Quæres: quid sit Cessatio a Divinis? Resp. cum communi: *Cessatio a Divinis* (quæ & *Suspensio Organorum*, id est, laudis Divinæ dicitur) est Ecclesiastica prohibitio, ob quam Clerici cellare debent in certo loco a Divinorum Officiorum celebratione, & Sacramentorum administratione, nisi quatenus eam necessitas postulat.

109. Porro Cessatio a Divinis non debet indici, nisi ob gravem injuriam Deo & Ecclesiæ illatam, ut injuriantes resipiscant, & quod deliquerunt, emendent: suntque in ejus indictione plura observanda, quæ in jure Canonico, c. *Si Canonici*, & c. *Quamvis de Offic. Ordinarii in 6.* fulte præscribuntur.

110. Differt autem multipliciter Cessatio a Divinis ab Interdicto. Nam I. Cessatio a Divinis non est Censura, sicut interdictum. II. Violans Cessationem a Divinis, licet graviter peccet, non fit irregularis: bene tamen violans Interdictum. III. Cessatio a Divinis nunquam afficit personas, sed locum tantum: unde extra illum libere possunt Divina audiri a quolibet, vel celebrari: Interdictum vero quandoque est personale, & afficit personas. IV. Sepultura in loco sacro tempore Cessationis a Divinis, juxta probabiliorē sententiam, omnibus est concessa, dummodo fiat sine Officio funebri: secus est in Interdicto. Omittuntur aliz differentiæ.

## DISTINCTIO III.

### De Irregularitate.

## QUÆSTIO I.

Quid, & quotuplex sit Irregularitas? ubi varia ipsam attinentia.

## SUMMARIUM.

1. Irregularitas, unde sic dicta?  
(a) Ut dictum Dist. 1. num. 45.
2. Irregularitas, quid?  
Declaratur amplius.
3. Dividitur in Irregularitatem ex delicto, & ex defectu.
4. Et quomodo hæc differant.
5. Irregularitas non est Censura: Cur?
6. Violans Irregularitatem non fit denuo irregularis: secus in Censuris.
7. Irregularitas non incurritur, nisi Jure exprimat.
8. Ea non ab homine, sed solo Jure imponi potest, & quo?
9. An omnes solo Jure Ecclesiastico constituta sint?

1. Quia Irregularitas inter alias causas contrahitur ob violationem Censuræ Ecclesiasticæ, merito de ipsa tractatur post Censuras

jam explicatas. Cæterum *Irregularitatis* nomen derivatur a *irregula*, quod significat aliquid inter regulam non contentum; sive non secundum regulam existens. Verum in proposito Irregularitas magis stricte sumitur, ac prout ipsa est una ex septem Pœnis Canoniciis, arcens hominem a susceptione, vel executione Ordinum: & dicitur Pœna Canonica, saltem large sumendo nomen pœnæ. (a)

2. CONCL. I. *Irregularitas* est impedimentum Canonicum impediens susceptionem Ordinum Ecclesiasticorum, eorumque administrationem. Ita in re communis. Ratio est: quia præcipuus Irregularitatis effectus est, impedire Ordinum susceptionem, aut susceptorum usum. Ubi tamen est sciendum, quod *ad Ordo* in data definitione large sumatur, prout etiam primam Tonsuram includit: siquidem irregularis prohibetur primam quoque Tonsuram suscipere. Advertendum ulterius, quamvis Irregularitas impediatur susceptionem Ordinum, ac susceptorum usum, non tamen ita impedire, ut, si Ordo a viro baptizato in Irregularitate constituto suscipiatur, sit nullus ac irritus: adhuc enim Ordo valide suscipitur, quamvis illicite. Similiter, si Sacerdos irregularis præsumat celebrare Missam, valide celebrabit, etsi illicite.

3. CONCL. II. Irregularitas ut sic dividitur in Irregularitatem ex delicto, & in Irregularitatem ex defectu. Ita communis. Ratio est: quia Irregularitas non aliter dividitur, nisi propter causam, ob quam fertur: Unde quia Irregularitas quandoque contrahitur ob aliquod delictum, quandoque vero sine prævio delicto ex mero defectu naturali, aut inculpabili; recte ea dividitur in Irregularitatem ex delicto, & in Irregularitatem ex defectu ortam.

4. Porro inter has duas Irregularitates est hoc notabile discrimen, quod Irregularitas orta ex defectu, sæpius tollatur sublato defectu; Irregularitas vero orta ex delicto semper maneat, donec legitime in ea dispensetur.

5. CONCL. III. Irregularitas non est Censura Ecclesiastica, imò in pluribus differt ab ea. Ita Doctores unanimiter, & patet inductione. In primis enim Irregularitas proprie non est pœna, sed potius inhabilitas quadam ad Ordines suscipiendos, vel exercendos: etenim pœna proprie dicta supponit culpam, sed irregularitas quandoque contrahitur ex mero defectu naturali, absque ulla culpa. Et quamvis detur Irregularitas orta ex delicto, seu quæ in pœnam delicti imponitur; ea tamen primario non imponitur per modum pœnæ medicinalis, sed impedimenti Canonici: contra Censuræ Ecclesiasticæ imponuntur ut pœnæ medicinales.

6. Deinde violans Censuram Ecclesiasticam administrando Sacramenta, vel celebrando, incurrit Irregularitatem: at vero irregularis celebrans, vel administrans Sacramenta ante obtentam dispensationem etsi peccet mortifere, non tamen incurrit novam Irregularitatem, prout notat Navarrus cap. 27. *Manualis*, num. 194. cum aliis satis communiter. Ratio est: quia prius in Jure exprimitur, non autem posterius: atqui Ir-

regularitas numquam incurritur, nisi id in Jure exprimat; ut mox dicitur; ergo. Hinc sit

7. CONCL. IV. Irregularitas non incurritur, nisi ea in Jure sit specialiter expressa. Ita Scotus 4. dist. 7. q. 5. & clare desumitur ex c. *Is qui, de Sent. excomm. in 6.* ubi dicitur: *Licet in hoc temerarie agat, irregularitatis tamen (cum id non sit expressum in jure) laqueum non incurrit.* Quinimo ex hoc textu recte inferitur, quod defectus ille, ob quem Irregularitas incurritur, debeat esse specificè nominatus in Jure, neque ab uno ad alium casum, ob similem vel majorem rationem, extensio fieri possit: siquidem odiosa, & pœnalia, sunt restringenda potius, non extendenda. Hinc Fagnanus c. *Si quis Presbyter*, num. 5. de *Cler. excomm.* inquit: *Qui dicit aliquem irregularem, debet dare casum juris.*

8. CONCL. V. Irregularitates non ab homine per sententiam (id est, non per sententiam Judicis) sed solo Jure, & quidem Jure dumtaxat universali Pontificio, non autem Episcopali imponi possunt. Ita Layman lib. 1. tract. 5. part. 5. num. 5. & alii. Ratio est: quia Irregularitas principaliter imponitur per modum Canonici impedimenti, ob decentiam ac reverentiam sacro Altaris ministerio debitam: atqui convenit, ut talia sint perpetua, totique Ecclesiæ communia, sicuti & Altaris ministerium, ejusque reverentia est communis Ecclesiæ universali; ergo. Accedit, quod nullibi in Jure concessum sit Episcopis, novas Irregularitates constituere, quamvis subditos transgressores & contumaces possint punire pœna Excommunicationis, Suspensionis, ac Interdicti.

9. Cæterum non obstante, quod omnis Irregularitas Jure dumtaxat humano Ecclesiastico constituta sit; negari tamen non potest, multas Irregularitates Jure Ecclesiastico constitutas, & naturali originem traxisse. Siquidem pleraque, sive ob naturalem indecentiam, sive ad exemplum veteris Legis Divinæ, atque occasione illius, sint statuta: prout patet in Irregularitate ex homicidio, seu defectu perfectæ lenitatis proveniente, quam Ecclesia constituit, eo quod David Rex fuerit impeditus ab ædificatione Templi, ob multum sanguinem effusum. 2. Reg. cap. 7.

## Q U A S T I O. II.

De Irregularitatibus ex delicto provenientiibus.

### S U M M A R I U M.

10. Irregularitas ex delicto, oritur ex Baptismo reiterato. Secus fit in Confirmatione.
11. Aut si Baptismus sub conditione reiteretur.
12. Oritur quoque ex violatione Censuræ.
13. Eodemmodo ministerium sit proprium Ordinis.
14. Quid, si peragantur ea, quæ sunt jurisdictionis. (b) Adde dicta Dist. 2. n. 87.
15. Irregularitas oritur ex indubitam susceptionem Ordinum; idque varie.
16. Excommunicatio minor non sufficit ad Irregularitatem inducendam, &c.
17. Quid de orinato per saltum, vel ante legitimam aetatem, &c.
18. Hæretici, Schismatici, eorumque fautores, &c. sunt irregulares.

19. Cri-

19. *Crimina inducentia infamiam juris, inducunt irregularitatem.*
20. *Quid, si crimina illa sint occulta?*
21. *Solvitur instantia.*
22. *Quid, si postea crimen illud fiat publicum?*
23. *Ex homicidio occulto oritur Irregularitas, & cur?*

10. **CONCL. I.** Irregularitas ex delicto, oritur in primis ob Baptismum serio & scienter iteratum, tam ex parte rebaptizantis, quam rebaptizati. Ita Doctor noster 4. dist. 6. quest. 8. atque desumitur ex c. *Ex litterarum, de Apostatis*, & c. *Qui in qualibet*, 1. q. 7. & alibi. Secus est dicendum de Sacramento Confirmationis: nam, ut notat Doctor Subtilis 4. dist. 7. q. 5. cum communiori, ejusmodi Irregularitatem non incurrunt scienter reiterantes, vel iterato suscipientes Sacramentum Confirmationis: quia Irregularitas non incurritur, nisi in casibus a Jure expressis, c. *Is qui, de Sent. excomm. in 6.* estque proxime dictum num. 7. Atqui, nullibi in Jure reperitur expressa Irregularitas contra reiterantes Sacramentum Confirmationis; ergo.

11. Adde ulterius cum Layman. cap. 2. de Irregularitate, n. 1. non contrahi Irregularitatem, si rebaptizatio fiat sub conditione; quamvis temere, & non praemissa debita inquisitione, utrum Baptismus antea fuerit collatus, id fiat. Ratio est: quia leges poenales intelligi debent cum effectu: qui autem baptizatum sub conditione baptizat. *Si baptizatus non est, ego te baptizo*, &c., is revera non baptizat; quia apposita conditio, de praeterito, aut praesenti, si non subsit, semper annullat, & impedit actum; ergo. Ex ob eandem causam, qui metu, verb. grat. adactus, animo simulato exterius rebaptizat, non fit irregularis; cum non habeat animum baptizandi.

12. **CONCL. II.** Oritur insuper Irregularitas ex violatione Censurae Ecclesiasticae, si nimirum ea inmodatus, actum aliquem Ordinis solemniter exerceat. Ita habetur in Jure Canonico, toto tit. *De Clerico excommunicato, deposito, vel interdicto ministrante*, & alibi. Hinc Clericus fit irregularis, si exerceat actum proprium Ordinis constitutus in Excommunicatione majori, vel suspensus ab Ordine, vel ligatus Interdicto personali, aut in loco interdicto.

13. Requiritur autem ad incurrendam hanc Irregularitatem, ut ministerium, quod Clericus in Censura exercet, sit proprium Ordinis, seu tale, ut ab alio, qui talem Ordinem non habet, exerceri non possit. Unde Clerici in minoribus vix possunt ex hac causa Irregularitatem contrahere: siquidem consuetudo terne obtinuit, ut eorum ministeria & Laicis etiam solemniter obviarent, Layman loc. cit. cap. 3. num. 4. Navarrus cap. 27. *Manual. num. 242. & 244.* hoc ipsum docens de eo, qui cantat Epistolam sub Missa, sed sine Manipulo.

14. Insuper Clerici excommunicati, vel suspensi, non sunt irregulares, si ea dumtaxat peragant, quamvis illicite, quae sunt officia solius jurisdictionis, non autem Ordinis. Ut si Episcopus tali Censura ligatus excommunicet, vel ab excommunicatione absolvat, omnia tamen solemnitate precum & Stola. Item, si Parochus

assistat Matrimonio; sed non benedicat Nuptias, & ita loquendo de aliis actibus, qui sunt solius jurisdictionis, non vero Ordinis: tales enim non violant Censuram Ecclesiasticam exercendo in eo actum Ordinis sibi prohibiti, cum talem revera non exercent. (b)

15. **CONCL. III.** Ob indebitam susceptionem Sacramenti Ordinis variis de causis incurritur Irregularitas. Ita omnes Doctores, & probatur inductione. Sic quippe fit irregularis, qui sciens, aut scire debens, se excommunicatum esse excommunicatione majori, aut interdictum, vel suspensum a susceptione Ordinum, ordinatur, prout ex variis textibus Juris probat Navarrus c. 27. *Manual. m. 241.*

16. Et dicitur notanter *Excommunicatione majori*. Quia Excommunicatio minor, quamvis sufficiat ad peccandum, non tamen sufficit ad Irregularitatem inducendam, c. *Si celebrat, de Clerico excomm. ministrante*. Deinde, qui ab Episcopo excommunicato, suspenso, interdicto, Simoniacoque Schismatico, Haeretico, aut Deposito, vel Degradato ordinatur, fit irregularis; quamvis characterem Ordinis suscipiat, arg. c. *Quod quidam, & c. Statuimus, decretum*, 1. q. 1. ac notat. citat. Navarrus. Accedit c. *Ordinationes*, 9. quest. & cap. 1. ac 2. de Schismaticis, ubi irregulariter censentur hujusmodi ordinationes (non quidem quantum ad valorem Sacramenti, sed quantum ad executionem Ordinis) nisi legitime cum aliquo fuerit dispensatum. Siquidem dispensatio proprie habet locum respectu Irregularitatis, non autem respectu Suspensionis, utpote quae solet tolli per absolutionem; non per dispensationem: ac proinde hic non intervenit mera Suspendio, uti quidam asserere videntur, sed etiam Irregularitas.

17. Porro qui Ordine sacro ordinatur ante legitimam aetatem, vel extra tempora legitima, aut absque Litteris Dimissorialibus, item, qui per saltum ordinatur, accipiendo videlicet majorem Ordinem ante minorem, non est quidem irregularis (nullibi enim ejusmodi Irregularitas reperitur in Jure expressa) bene tamen ipso jure, suspensus: si autem, antequam absolvatur a Suspensione, ejusmodi Ordinem exerceat, fit irregularis. Navarrus loc. cit. n. 241, & 242. id ex variis textibus Juris probans; Pithing tit. *de Clerico per saltum promotus*, num. 2. & alibi.

18. **CONCL. IV.** Etiam Haeretici, Apostatae, Fidei, Schismatici, & alii, qui sunt auctores ac receptatores (id est, qui favent Haeticis, vel Schismaticis formaliter sumptis, seu qui tales sunt) irregulares existunt. Ita habetur c. *Quicumque, de Haereticis in 6.* & c. *Saluberrimum*, 9. 7. cum concordantibus; quamvis ad hanc Irregularitatem incurrendam requiratur haeresis externa, live signo quodam exteriori sufficienter manifestata.

19. **CONCL. V.** Crimina inducentia Infamiam juris, etiam inducunt Irregularitatem. Ita habetur c. *Infamia*, 9. 1. ubi, cum dictum fuisset, fures, sacrilegos, incedulos, homicidas, perjuros, raptos, maleficos, adulteros, & alios ibidem enumeratos, de jure infames esse, subdit textus: *Et omnes infamia, non ad sacrum gradum debent admitti*. Et praeterea, qui puros & immaculatos non autem sceleratos atque infames, conveni-

in sortem Domini, & sacrum ejus ministerium cooptari.

20. Circa hoc tamen notandum, quod Clerici criminosi, atque delictorum de Jure Infamiam inducentium sibi conscii, ante actam veram poenitentiam non debeant Ordines suscipere, aut jam susceptis ministrare, v. g. celebrando Missam non præmissa Confessione Sacramentali; eo quod perdididerint testimonium bonæ conscientie, sicque non absque novo peccato mortali id facerent. Nihilominus, si ejusmodi crimina (excepto homicidio) sint etiamnum occulta, tales post actam veram poenitentiam prohiberi non debent, quo minus, si velint, in susceptis Ordinibus ministrent, aut ad superiores Ordines ascendant; prout habetur *c. Ex tenore, & cap. ult. de Temporibus Ordinationum*, & tradit Pirhing *ibidem num. 15. & seqq.* ac Navarrus *c. 27. Manual. num. 248. & alii*. Et hinc inferes generaliter, quod ob crimina occulta non incurratur Irregularitas ratione Infamie; quidquid nonnulli in contrarium dixerint, male (ut loquitur Navarrus) injicientes magnos scrupulos Ecclesiasticis, qui ejusmodi crimina in occulto commiserunt.

21. Nec obstat, quod certis criminibus, utputa perjurio, incestui, adulterio, &c. infamia ipso jure annexa sit. Respond. enim, id procedere de talibus criminibus, quando publica sunt: secus, quamdiu illa sunt occulta. Nam quia Infamia consistit in diminutione bonæ famæ, sicut hæc sine publica rerum notitia comparari nequit, ita nec Infamia incurri ob crimen mere occultum.

22. Quod si vero postea crimen publicum fiat, utputa per propriam Confessionem, vel alias legitimas probationes in judicio factas, statim absque alia Judicis sententia oritur Infamia, utpote ipso jam jure statuta pro tali crimine, & sic exinde incurritur Irregularitas. Unde Layman *cap. 4. de Irregularitate, num. 8.* ait, quod commisso ejusmodi crimine, etiamnum occulto, contrahatur Infamia fundamentaliter, atque in radice: accedente autem ejus publicatione efficiatur Infamia formaliter, inducens Irregularitatem ipso facto, donec abolita infamia legitime cum aliquo fuerit dispensatum.

23. Additur notanter *num. 20. excepto homicidio*. Istud enim, quantumvis sit occultum, inducit Irregularitatem, ut habetur *cit. c. ult. de Tempor. ordinat. juncto Concilio Trid. Sess. 24. de Regularib. cap. 6* cum concordantiis. Quamvis hoc non ratione contractæ Infamie (hanc enim non parit crimen occultum, modo declarato) sed ex speciali Juris constitutione accidere videatur. Quæ ratione pariter in occulto violans Censuram Ecclesiasticam, aut scienter Baptismum reiterans, Irregularitatem contrahit; Nam talibus delictis secundum se, ac præcisa infamia, Jus ipsum statuit Irregularitatem.

\* Quæres I. Quale debeat esse peccatum, vi cujus contrahatur Irregularitas ex delicto? Resp. peccatum illud debere esse mortale. Ita post Navarrum, Sanchez, Mastrium, Castropalao, Sporer & alios, Schmalzgruebert *l. 5. Decret. t. 37. num. 76.* & Kazenberger in *Decalog. c. 3. sect. 4. n. 156.* qui ultimus etiam pro se citat Scotum in *4. Sent. diff. 13. q. 2. ex ea ratione: quia Irregu-*

laritas est malum valde grave, quale, si imponitur ob aliquod delictum, non præsumitur, nisi expresse aliter constet, ab Ecclesia tamquam benigna Matre injungi, nisi ob peccatum grave. Et hinc, si actus ob defectum inadvertentiæ, præcipitantiæ, imperfectæ deliberationis, aut ob levitatem materiæ excusatur a mortali, non incurritur Irregularitas ex delicto, prout bene notandum pro praxi ad resolvendos quamplures casus.

Nec dicas: Irregularitas ex defectu potest contrahi etiam ob nullum prorsus peccatum; prout statim patebit ex questione sequenti; ergo nec videtur requiri ad Irregularitatem ex delicto aliquod peccatum mortale. Resp. enim negando consequent. Esi Irregularitas ex Defectu contrahi valeat ob omnino nullum, ne quidem veniale peccatum; interea tamen, sicut ad eandem contrahendam requiritur saltem aliunde gravis ratio, ita etiam ad contrahendam Irregularitatem ex Delicto, prout distinguitur ab Irregularitate ex Defectu, videtur requiri aliunde grave delictum: quoniam, licet *primario* nulla Irregularitas imponatur tamquam poena, sed potius conformiter dictis ad conservandam decentiam status Clericalis, nihilominus tamen saltem *secundario* Irregularitas, ob delictum imposita, videtur injungi aliquo modo tamquam poena vindicativa, non sic Irregularitas ex defectu.

Urgebis: Ut contrahatur Irregularitas ex delicto ob homicidium indirecte voluntarium, sufficit, ut actus ille, ex quo sequitur mors, sit peccaminosus venialiter: ergo saltem non ad omnem Irregularitatem ex delicto requiritur peccatum mortale. Anteced. probatur: quia Monachus etiam peritus in arte Chirurgica, & nullam in curando committens graviter peccaminosam negligentiam, seu culpam latam, adhuc incurrit Irregularitatem, si alter ex ejusdem incisione vel adustione moriatur præter intentionem, prout eruitur ex *c. 19. de Homicidio, juncto summano*. Atqui talis Monachus utique non graviter in his circumstantiis peccavit exercendo illam artem Chirurgicam, prout patet a pari, si alius Chirurgus secularis præstitisset idem cum talibus circumstantiis & limitationibus: ergo. Respond. hoc argumentum plane nimium, & sic nihil probare: sequeretur enim, si efficax foret probatio, quod Irregularitas ex delicto incurreretur absque ullo delicto etiam veniali, sic eo ipso non foret Irregularitas ex delicto. Etenim alius secularis Chirurgus, qui in iis circumstantiis cum debita præcautione, & adhibita morali diligentia adhibuisset eandem curationem, ne quidem venialiter peccasset, si per accidens, & præter illam Chirurgi intentionem sequeretur mors alterius.

Ut autem totius argumenti solutio fiat clarius in forma, & melius capiat, hinc ad tollendam omnem obscuritatem & æquivocationem, notandum I. Possè actum quempiam esse, vel hujus naturæ, ut ex eo etiam voluntarie, & deliberate exercito alias rarissime sequatur mors alterius, vel possè esse talem, ut eundem aliquo modo frequentius mors alterius comitetur. In primo casu, si ex positione hujus actus sequatur præter intentionem Homicidium, illud non censetur indirecte voluntarium, & consequenter nec impu-

tatur



tatur tamquam peccatum mortale; nili in extraordinario aliquo casu. Quodsi foret *actus talis*, ex cuius positione aliquo modo sapius sequatur mors alterius, pro eodem

Notandum II. Talem actum, si is ceteroquin ex una parte non sit intrinsece malus, ex altera vero possit esse multum utilis bono publico, de per se non esse graviter prohibitum, si ceteroquin ad praecavendum circa similem actum mortis periculum adhibeatur ea diligentia, quae adhiberi communiter debet; nam dicta diligentia deliberate & scienter intermissa committeretur culpa lata graviter peccaminosa. Exemplum cape in arte Chirurgica, in cuius usu per adustionem, incisionem, & sectionem membrorum equidem saepe subsequitur mors alterius: interea tamen a Chirurgis in arte peritis licite exercetur, si ita expediens videatur, & ceteroquin nulla culpa lata in intermissione diligentiae moralis ad praecavendum periculum requiritur committatur.

Notandum III. Similem actum modo praedicto circumstantiatum, etsi non prohibitum aut illicitum, posse tamen certo Statui ex ratione, ut status iste adhuc remotior sit ab omni Homicidio, graviter interdici: & ita Clericis in sacris constitutis cap. 9. *Ne Clerici vel Monachi* exercitium artis Chirurgicae quoad adustionem & incisionem membrorum, si alii seculares huius artis periti adsint, graviter prohibetur, quamvis ceteroquin & ipsi gnari sint ejusdem artis, & omnem diligentiam de praecavendo periculo moraliter possibilem adhibeant, vel saltem culpam latam quoad intermissionem ejus non committant; prout satis clare innuitur cap. 19. *de Homicidio juncti Summario*: Ubi exinde tales transgressores non tam contra praecceptum naturale, quam Ecclesiasticum peccant. His bene praenotatis,

Respond. In forma neg. anteced. quod nimirum ad contrahendam Irregularitatem ex delicto sufficiat actus praecite venialiter peccaminosus. Ad ejus probationem, nego suppositum, quod talis Monachus, si alii seculares in arte periti haberi potuerunt, non graviter peccaverit, scienter transgrediendo allegatam legem Ecclesiasticam. Ut enim Clerici in sacris constituti adhuc remotiores sint a periculo mortis aliis inferenda, Ecclesia absolute graviter praecipit, ut, quando alii seculares haberi possunt, Clerici quamvis periti, & adhibita omni praecautione moraliter possibili, saltem quoad adustionem, abscissionem, & incisionem, ubi periculum mortis videtur respective majus, & suo modo frequentius, artem Chirurgicam non exercent. Dico notanter: quoad adustionem, incisionem, seu abscissionem; nam, si exercerent quoad alia minus periculosa, vel etiam minus periculosas medicinas alias aegrotis darent, adhuc Sayrus de Cens. lib. 7. cap. 6. num. 11. cum Sporer Tract. 5. in Decal. c. 3. sect. 5. n. 175. (Huic tamen praesens Auctor contrarius videtur lib. 3. Decret. t. 50.) defendit, id nullo textu Juris assignabili prohiberi, praesertim, si ex Christiana charitate porrigant pauperibus, & miserabilibus personis, & tales Clerici ceteroquin sint periti in arte, nec negotiationem seu lucrum speciale exinde quarant, qui consequenter nec conformiter his principiis incurrunt Irregularitatem, si in

casu rariori mors sequatur praeter intentionem, & adhibita debita diligentia. Scio equidem, quod in contrarium objiciatur textus Juris c. *Ad aures* 7. de aet. & qual. &c. Ast praefatum Capitulum Canonico Colonienfi dat Consilium, &c. non praecceptum, atque Summarium dicti Capituli loquens de promotione huius Canonici ad sacros Ordines sic habet: *Eventus mortalitatis infirmi non impedit promoveri ejus medicum peritum, sollicitum, & traditiones artis observantem*. Viderint tamen Clerici, & Monachi, ne hac doctrina abutantur.

Quaeres II. An, ut contrahatur Irregularitas ex delicto, non solum debeat peccatum esse mortale, sed etiam resciri, huic fuisse a Jure annexam Irregularitatem? Ratio dubitandi, affirmativam tenendi est; quia ad contrahendam Censuram Excommunicationis majoris non solum debet peccatum esse grave, verum etiam saltem in confusa resciri Censura: ergo pariter in praesenti debet resciri Irregularitas. Et ita quidem cum Reginaldo, Portell, Navarro, & aliis sentit Sporer part. 1. Theol. Sacram. c. 5. sect. 4. n. 79. ac probabile censent cum Suarez, Sanchez, Bonacina, Coninch, ac Diana, La Croix Tom. 8. lib. 7. num. 482. & Schmalzgrueber lib. 5. Tit. 37. n. 108. Respond. tamen cum Relino, Cardena, Kazenberger & communiori negative. Ratio est: quia NB. primario loquendo omnis Irregularitas etiam ex delicto infligitur per modum potius inhabilitatis, quam poenae; sed inhabilitas contrahitur, quamvis non sciatur delicto annexa; ergo. Min. prob. ab exemplis: sic enim juxta communem ob impedimentum affinitatis ex copula illicita, & ob impedimentum criminis persona redduntur inhabiles ad contrahendum Matrimonium, etiam ignorantes hanc inhabilitatem annexam.

Quaeres III. An ob causam dubiam censeatur contrahi Irregularitas, ita ut talis dubitans saltem se teneatur gerere tamquam irregularem? Antea Responsionem suppono, dubium circa Irregularitatem posse esse Juris vel facti. *Dubium Juris* dicitur, quando dubitatur, an in Jure ob tale factum sit imposita Irregularitas. *Dubium facti* censeatur, quando dubitatur, num tale factum sit commissum, cui a Jure certo imposita est Irregularitas. H. S.

Respond. Si post debitam praeviam inquisitionem maneat adhuc dubium, non censeatur contrahi Irregularitas, nec tenetur talis dubitans se gerere tamquam irregularem: sive dubium sit Juris, sive facti. Excepto unico casu, & dubio facti, quo quis dubitat, an Homicidium, quod quidem constat a parte rei esse commissum, a se per suam actionem, vel ab alio fuerit perpetratum: ubi stante hoc dubio erit abstinendum a celebratione. Ita Franciscus Bardi disc. 6. c. 7. §. 4. Castropalao Tract. 29. D. 6. p. 3. num. 7. Suarez de censuris. D. 40. sect. 6. Sperellus Decis. 77. a num. 31. & Decis. 119. num. 48. Sporer tract. 1. in Decalog. cap. 1. sect. 4. num. 96. ac part. 1. Theolog. Sacram. cap. 5. sect. 4. num. 79. cum pluribus aliis. Ratio fundamentalis a P. Pichler lib. 5. Decret. Tit. 37. num. 25. recte desumitur ex cap. 18. de sen. Excomm. in 6. ubi asseritur, nullam Irregularitatem incurri, nisi in casibus a Jure expressis; sed si dubium est Juris vel facti circa Irre-

Irregularitatem, non reperitur expressa in Jure aliqua Irregularitas extra dubium facti de Homicidio, de quo proxime: ergo. Accedit, quod in tali casu dubio libertas & immunitas ab Irregularitate existat in possessione, quæ nemini adimenda est, nisi efficax aliqua Lex stet in oppositum, qualis tamen assignari nequit extra dubium facti circa Homicidium. Dico notanter *extra dubium facti de Homicidio*. Nam quod in hoc dubio, supposito, quod ex una parte sciatur, aliquem fuisse occisum, ex altera vero præcisè dubitetur, num per suam, vel alterius actionem, quod (inquam) in hoc dubio tamquam Homicidia talis dubitans haberi debeat, & quamvis forte a parte rei Homicida non sit, nihilominus a Sacerdotali Officio abstinere, habetur expressa Lex *cap. 18. de Homicidio*; ac alibi, qualis Lex ex speciali ratione lata est quoad Homicidium; quia Homicidium quoad Sacerdotalem Statum specialem continet suo modo indecentiam: videtur enim specialiter minus decens, ut, qui alios vita privavit, Agnum offerat immaculatum, qui nobis vitam dedit. Solutiones objectionum videantur apud Schmalzgrueber *lib. 5. Decret. Tit. 39. num. 881*. Et notabiles ac utilissimæ exinde pro praxi resolutiones apud Sporer *tract. 5. in Decalog. c. 3. sect. 5. per totum*. Qualiter autem per Homicidium certum incurritur Irregularitas, agatur *Quæst. 4.*

Q U Æ S T I O III.  
De Irregularitatibus ex defectu.  
S U M M A R I U M.

24. Irregularitas ex defectu varie contingit.
25. Ex defectu animi sunt irregulares Amentes.
26. Omnino inscii.
27. Neophyti, & qui sint tales?
28. Ex defectu corporis, qui censeantur irregulares?
29. Quid de carente oculo, aut visu ejus?
30. Præsertim oculi sinistri?
31. Quid de Leproso, paralytico, phrenetico, &c.
32. Habente sex digitos, gibboso, & claudico?
33. Ex defectu Natalium, qui sint Irregulares?
34. Illegitime natus legitimatur per subsequens Matrimonium parentum.
35. Quid, si illegitimi Religionem intrent?
36. Ex defectu ætatis, &
37. Ex defectu libertatis oriuntur irregulares, & in quibus?
38. Ex defectu Sacramenti etiam ea oriuntur.
39. Et cur?
40. Bigamia triplex, nimirum Vera,
41. Interpretativa, &
42. Similitudinaria, quid?
43. Non fit irregularis, qui cum pluribus fornicatur.

24. CUM Irregularitas duplex sit, una ex defectu, altera ex defectu; explicata priori, multiplici titulo proveniente, pergendum ad Irregularitatem ex defectu, quæ etiam multipliciter confurgit. Nam ipsa provenit I. Ex defectu animi. II. Ex defectu corporis: III. Ex defectu Natalium. IV. Ex defectu ætatis, & libertatis. V. Ex defectu Sacramenti, sive ex Bigamia. Et tandem VI. Ex defectu lenitatis; id est, ex homicidio, etiam licite patrato, de quo *Quæst. seq.* Nunc priores Irregularitates ex defectu provenientes prolequendo, sit

25. CONCL. I. Ex defectu animi censentur vel maxime irregulares, qui penitus careant usu

rationis; quales sunt amentes. Et hi non solum Jure humano sunt irregulares, sed etiam Jure Divino ac naturali sunt inepti ad suscipiendos Ordines; quamvis recipiant Characterem, si ordinentur. Idem fit in infantibus.

26. Insuper defectus omnimodæ scientiæ facit hominem irregularem. Siquidem naturale lumen dicat, non esse admittendos ad aliquod munus eos, qui nesciunt illud munus exercere. Interim hæc Irregularitas de se, & absque alia dispensatione tollitur sublata causa, seu ignorantia per acquisitam debitam scientiam.

27. Rursum Neophyti sunt irregulares, *arg. can. 1. dist. 48.* Idque ne insuperbiam elati, invidant in laqueum diaboli, ut monet Apostolus. 1. *Timoth. 3.* Dicitur autem Neophytus, qui ex lege Judaica, Mahometica, vel Ethnica nuper conversus ad Fidem Christianam, suscipit Baptismum in ætate adulta.

28. CONCL. II. Corpore viciati, qui videlicet non possunt absolute obire Ordinis ministeria, vel non sine aliorum horrore, sunt irregulares. Ita desumitur ex *c. Illiberatus, dist. 36. & c. Presbyterum, de Clerico agrotante*, cum concordantiis. Unde irregularis est, cui brachium vel manus deest, aut reddita est manca. Item, qui caret digitis dexteræ manus, quibus formatur signum Crucis; aut si deficiat pollex.

\* Ubi tamen occasione Irregularitatis ob defectum Pollicis contrahendæ bene notandum, quod alia dicatur Irregularitas totalis, alia partialis. Totalis est, quæ omni Ordine suscipiendo, & suscepti exercitio privat: uti Irregularitas absolute & simpliciter posita supponit pro totali, nisi aliud ex circumstantiis & subjecta materia colligatur. Partialis est, quæ non impedit omne Exercitium Ordinum, sed vel solo adconsensu ad Ordinem superiorem, vel tantum certo aliquo Ordinis Ministerio privat: sicut fit in præsentem quoad Sacerdotem, qui sine sua culpa pollicem perdidit; nam talis excepta celebratione potest adhuc reliqua munera obire: e. g. absolvere; Kazenberger in *Theol. Decalog. Patris Sporer c. 3. sect. 4. num. 155*, Quinimo, si Pollex (qui, uti & Index digiti Canonici dicuntur) non omnino abscissus, sed tantummodo mutilatus seu truncatus, ita tamen firmus existat, ut aliquis Hostiam secure tenere, elevare, ac frangere possit, talis non solum ut jam actualis Sacerdos celebrare, sed etiam, si nondum sit initiatus sacro Presbyteratu, ordinari poterit. Sporer *part. 1. Theolog. Sacrament. cap. 5. sect. 4. num. 82*. Plura quoad similia emergente dubio videre poteris apud Canonistas *l. 1. Decret. Tit. 17. & seqq. usque ad Tit. 23*. Interea tamen adhuc saltem aliquas ex defectu Corporis Irregularitates adducendo. \*

29. Insuper censetur irregularis, cui oculus erutus est, ut dicitur *c. Si Evangelica, dist. 55. ibi: Nam illi, cui erutus est oculus, non possunt secundum Canones, Sacerdotii jura concedi*: siquidem hujusmodi carentia organi oculi, notabilem parit deformitatem. Secus est dicendum de eo, qui caret solo lumine, aut visu dextri oculi, modo habeat utrumque oculum integrum: vel qui habet visum ac intuitum brevem, aut non videt sine perspicillis: quia hujusmodi vitium non inducit notabilem deformitatem.

30. Utrum autem qui caret visu oculi finis-  
stri, quem *Stylus Romanus oculum Canonis* appella-  
lat, eo quod necesse sit videre eum, ut quis Cano-  
nem Missae sine indecora & nimia faciei conver-  
sione legere possit, sit irregularis, variant Docto-  
res. Nam talis a quibusdam absolute censetur  
irregularis: alii tamen id hincitandum aestimant,  
si absque notabili deformitate seu indecentia Can-  
onem legere nequeat, aut defectus illa cum alia  
gravi foeditate faciei, seu oculorum, sit conjun-  
ctus; prout notat Navarrus c. 27. *Manual. num.*  
*199.* & Barbosa *part. 2. de Offi. & Potest. Episc.*  
*alleg. 42. n. 31.* cum pluribus aliis, quos citat. In  
dubio autem standum erit iudicio Ordinarii.

31. Insuper ex hoc capite irregularis est lepro-  
sus, paralyticus, phreneticus, arreptitius, mor-  
bo caduco laborans. Verumtamen si tales inte-  
gre convaluisse videantur, ac jam ante ordinati  
erant, possunt admitti ad Celebrationem. Sacer-  
dos quoque, si morbo caduco laborans raro ca-  
dat, & etiam sputa ore non evomat, privatim  
celebrare potest, adjuncto ei socio Sacerdote, qui  
Missam prosequi possit, si alter deficiat. *Layman*  
*cap. 7. de Irregularitate, num. 2. & seqq.* citans  
alios.

32. Porro irregularis non est, qui sex digitos  
in manu habet: neque qui uno digito ex mino-  
ribus caret: neque gibbosus, nisi gibbositas con-  
iuncta sit cum nimia deformitate, aut debilitate.  
Nec etiam claudus censetur irregularis, nisi sit  
magna gressus deformitas, ita ut baculo, vel pe-  
de ligneo niti debeat; quod indecorum foret in  
Altaris ministerio. In dubio autem, an corporis  
defectus sit notabilis, ut Irregularitatem inducat,  
nec ne, ad ordinarium Prælaturam pertinet iudi-  
cium. Barbosa *cit. allegat. 42.* Layman *loc. cit. n. 6.*  
& alii.

33. CONCL. III. Ex defectu Natalium cen-  
sentur irregulares, qui sunt illegitime nati; sive  
dein illi sint nati a parentibus, inter quos tempo-  
re conceptionis, vel saltem nativitatis, poterat  
consistere Matrimonium; sive sint spurii, id est,  
nati a parentibus, inter quos tempore concep-  
tionis, ac etiam nativitatis non potuit consistere Ma-  
trimonium. Ita habetur *cap. 1. & 2. de Filiis Pres-*  
*byterorum*, & alibi. Ratio est: quia talis Irregu-  
laritas Jure Canonico est introducta, partim in de-  
testationem sceleris paterni, partim ob turpitudi-  
nis notam, quam filius ex tali nativitate, juxta  
communem hominum estimationem, contrahere  
censetur; partim quia timeatur, ne filius paternae  
incontinentiae imitator existat.

34. Ubi tamen notandum, quod illegitime  
natus, per subsequens Matrimonium inter paren-  
tes contractum legitimitur, si, dum suscipieba-  
tur, inter parentes nullum suberat impedimen-  
tum dirimens, *cap. Conquestus, & c. Tanta. Qui*  
*filius sint legitimi, & c. fin. instit. de Nuptiis.* Et  
enim fictione Juris, seu ex benignitate Legum,  
Matrimonium subsequens quasi retrahitur ad  
tempus conceptionis, vel nativitatis, in ordine  
ad hunc effectum legitimationis: qui etiam locum  
habet in successione hereditaria, & officiis  
tam secularibus quam Ecclesiasticis, nec non & in  
Ordinibus, atque Dignitatibus: quia Matrimo-

nium omnia praecedentia purgat, prout probat  
Glossa *cit. c. Tanta, Vers. Legitimi.*

35. Notandum ulterius, quod illegitimi, si  
Religionem ingrediantur, possint post emissam  
professionem ad Ordines promoveri, *cap. 1. de*  
*Filiis Presbyterorum.* Non tamen possunt tales ad  
Prælaturas Ordinis eligi, ut ibidem dicitur, nisi  
cum ipsis fuerit dispensatum.

\* Porro in dubio, num quis sit legitimus nec-  
ne, reputari debet legitimus, quoniam vitium ad  
peccatum Parentis non praesumitur, nisi probetur.  
Ex hinc etiam expositi, quorum Parentes ignoran-  
tur, censentur legitimi, sicque capaces Ordinum  
& Beneficiorum. De quo vide latius de Jure Ca-  
nonico *lib. 4. Decret. tit. 17. n. 14. & lib. 5. tit. 12.*  
*num. 20.*

36. CONCL. IV. Defectus legitimæ ætatis,  
requisitæ ad Ordines, inducit Irregularitatem,  
quandiu durat defectus. Ita desumitur *ex c. ult.*  
*de temporibus Ordinationum*, cum concordantiis.  
Dicitur notanter, *quandiu durat defectus*: siquidem  
Irregularitas ex defectu ætatis proveniens, cessat  
adveniente termino legitimæ ætatis, absque  
ulla alia dispensatione.

37. CONCL. V. Ex defectu libertatis indu-  
citur Irregularitas in pluribus. Primo quidem in  
mancipiis proprie dictis, *c. de servorum* & *c. Con-*  
*sultus, de Servis non ordinandis.* Nec non & in Ser-  
vis adscriptitiis, atque originariis, qui certæ glo-  
biæ seu prædio colendo sunt perpetuo obligati, at-  
que ideo sine consensu dominorum ordinari non  
possunt. *can. Generalis, & can. Admittuntur, dist.*  
*54.* Insuper & in Conjugatis: nam conjugati non  
admittuntur ad Ordines, sine licentia uxoris Vo-  
tum continentiae emittentis, *c. Uxoratus, de Con-*  
*vers. conjugat.* His accedunt obligati ad ratioci-  
nia (hoc est, Procuratores, Actores, Executores,  
seu Curatores pupillorum, & hujusmodi) nam hi  
ordinari non possunt, nisi deposito onere, atque  
reddita ratione: *Si enim ante libertatem negotiorum*  
*vel officiorum fuerint ordinati, Ecclesia infamabitur*,  
ut dicitur *cap. un. de Obligatis ad ratiocinia.*

38. CONCL. VI. Ex defectu Sacramenti, sive  
ex Bigamia, oritur Irregularitas. Ita habetur in  
Jure Canonico, *Tit. de Bigamis non ordinandis.* Et  
quidem hujusmodi Irregularitas, Bigamiæ anne-  
xa, procedit ex traditione Apostolica, ut colligi-  
tur ex illo *1. Corinth. 2. Oportet Episcopum unius*  
*uxoris esse virum.* Et infra: *Diaconi sint unius ux-*  
*oris viri.* Intellige, non quod debeant esse uxo-  
rati, sed quod non debeant habuisse plures uxo-  
res.

39. Porro hæc Irregularitas dicitur oriri *ex de-*  
*fectu Sacramenti.* Siquidem Matrimonium con-  
summatum significat conjunctionem Christi cum  
Ecclesia, per carnis assumptionem, juxta illud A-  
postoli ad Ephes. *c. 5. Sacramentum hoc magnum est:*  
*ego autem dico in Christo & Ecclesia.* Hæc autem  
significatio deficit in Matrimonio cum secunda  
uxore, vel cum vidua, aut corrupta contracto,  
cum non sit conjunctio unius cum una, eaque  
virgine, sicut Filius Dei copulavit sibi Ecclesiam  
unam, & ab alio non assumptam.

40. Triplex communiter a Doctoribus assignatur Bigamia, scilicet vera, interpretativa, & similitudinaria: & harum quælibet inducit Irregularitatem, ut constat ex toto tit. de Bigamis non ordinand. Porro Bigamia vera est, quando quis valide contraxit Matrimonium cum duabus; illudque consummavit. Et additur, illudque consummavit: nam ex solo Matrimonio rato cum secunda inito non confurgit Bigamia, nisi illud sit etiam consummatum, cap. ult. dist. 34. & c. Debitum, de Bigamis non ordinand.

41. Bigamia interpretativa est, quæ contrahitur ab eo, qui quadam Juris interpretatione censetur habuisse duas uxores, etsi verè illas non haberet: ut si quis duxerit viduam, quæ prius Matrimonium consummaverat, vel si quis ducat ab alio corruptam, vel si cognoscat propriam uxorem post adulterium ab ipsa commissum, aut hujusmodi. De quibus extant diversi textus Juris Canonici, ut c. Marium, dist. 33. & c. Si cujus, & c. Si Laici, dist. 34. & alibi.

42. Tandem Bigamia similitudinaria est, quæ contrahitur ex attentatione & consummatione Matrimonii, quamvis invalida, post Votum solenne Castitatis emissum in Religione approbata, vel post receptionem Sacrorum Ordinum. Tales enim aliquo modo similes sunt contrahentibus duplex Matrimonium, quatenus post connubium spirituale cum Christo initum, ab eo recedentes, attentant Matrimonium carnale contrahere, & consummare: sicque incurrunt Bigamiam similitudinariam, arg. c. Quotquot, & c. Monacho, 27. quæst. 1.

43. Advertendum tamen, nullam in Jure impositam esse Irregularitatem viris, qui extra Matrimonium constituti cum pluribus fornicantur, aut plures habent concubinas. Imo Presbyterum, qui plures habuit concubinas, ex eo non esse bigamum, neque irregularem, expresse decusum habetur c. Quia circa, de Bigamis non ordinand. Si quidem hic non intervenit defectus Sacramenti, cum nullum præcesserit Matrimonium, significans conjunctionem Christi cum Ecclesia.

#### QUESTIO IV.

De Irregularitate ex homicidio, vel mutilatione,

#### SUMMARIUM.

44. Irregularitas ex homicidio dupliciter contingit.

45. Causa eam statuendi.

46. Injuste mutilans, vel occidens, fit irregularis,

47. Dummodo sit baptizatus,

48. Ac secuto effectu.

(c) Vid. Tract. 9. Dist. 3. num. 33. & seqq.

49. Mutilatio, quid?

50. Per membrum, quid intelligatur?  
Corollarium.

51. Mandans, vel cooperans ad injustam occisionem &c. fit irregularis.

52. Quid, si plures aliquem aggrediantur?

53. Homicidium casuale, an inducat Irregularitatem?

54. Saltem, si fuit indirecte, aut in causa voluntarium?

55. Quid, si quis dedit operam rei licite?

56. Vel illicite, sine debita diligentia, ne sequatur Homicidium?

57. Irregularitas etiam oritur ex homicidio publica auctoritate facto.

58. Corollarium de cooperantibus.

59. Qualis requiratur cooperatio?

60. Clericus injuriam passus, an possit conquiri coram Judice &c.

61. Quid de Confessario comitante Reum ad supplicium?

62. In bello justo, qui fiunt irregulares?

63. Quid, si bellum sit mere defensivum, aut injustum?

64. Occidens ob necessariam visam defensionem non est irregularis.

65. Quid, si ob defensionem rerum suarum?

Refertur aliorum opinio,

Ac rejicitur.

66. Aut in bello mere defensivo ad tuendam Patriam?

67. Et quid de Clericis?

44. **Q**uia Irregularitas ex homicidio quandoque provenit ex delicto, quandoque vero ex defectu, hinc expediens videbatur, specialem de ipsa instituire Quæstionem. Et quidem, si contingit homicidium, aut mutilatio injuste, tunc oritur Irregularitas ex delicto. Quando autem contrahitur Irregularitas ex homicidio, aut mutilatione justa, qualis fit a Judice, Reum ob delicta condemnante, aliisque Justitiæ Ministris in causa sanguinis ministrantibus, vel militibus, in bello justo occidentibus, tunc ea dicitur Irregularitas ex defectu perfecta lenitatis.

45. Porro causa, cur SS. Canones hanc Irregularitatem statuerint, est hæc: quia indecens videtur, ut, qui alienum sanguinem fuderit, Christi mitissimi, proprium Sanguinem pro nobis effundentis, personam in Altari representet, ac ejus nomine Hostiam immaculatam & incruentam Deo Patri offerat. Unde & in veteri Lege DEUS noluit sibi ædificari Templum a Rege Davide, eo quod multum sanguinem fudisset, non obstante, quod id factum fuerit in bello justo, simulque David ceteroquin extiterit sanctissimus, ac Vir secundum cor Dei. His prænotatis, & agendo prius de homicidio injusto, fit

46. **CONCL. I.** Clericus, aut quicumque alius homo baptizatus, injuste mutilans, vel occidens hominem, secuto effectu, est irregularis. Ita habetur expressum in Jure Canonico, toto tit. de homicidio, cum concordantiis, estque communis.

47. Dicitur notanter, *Homo baptizatus*. Quia ad incurrendam Irregularitatem requiritur inter alia, ut occidens, mutilans, sit baptizatus; nam Jura loquuntur tantum de mutilantibus, & occidentibus post susceptum Baptismum, c. Si quis vidimus, dist. 50. & c. Si quis post Baptismum, dist. 51. Accedit ratio: quia Infideles, seu necdum baptizati, Constitutionibus Canonice non arctantur, c. Gaudemus, de Divortiis.



48. Additur autem (*secum efflu*) Quia ad incurrendam Irregularitatem non sufficit sola intentio mutilandi vel occidendi, sed requiritur actualis occisio vel mutilatio hominis, live deinde illa sit occisio seu mutilatio hominis infidelis, sive fidelis, excommunicati, banniti, aut alterius hominis: nam Jura hinc loquuntur generaliter, illinc vero sunt accipienda cum effectu. Cæterum dicta procedunt, sive ejusmodi occisio aut mutilatio fuerit publica, sive occulta, *cap. ult. de Temporibus ordinat.* & alibi. Hinc etiam fit irregularis, qui procurat abortum foetus animati anima rationali (*secus, si animatus non sit*) *c. Sicut de Homicidio. (c)*

49. Quæres: Quid in proposito intelligatur per mutilationem? Resp. Per mutilationem intelligitur communiter alicujus membri abscissio. Unde non sufficit ad Irregularitatem, si quis tantum vulneraverit Proximum, aut idem membrum reddiderit inutile; ut si quis excæcaverit hominem solo visu privando, non autem oculum eruendo: quia non est mutilatio.

50. Insuper per *Membrum* intelligi debet corporis pars aliqua principalis, peculiarem in corpore functionem habens: ut manus, pes, oculus, auris, ac hujusmodi. Hinc inferunt Doctores, eum non fieri irregularem, qui in rixa præscindit alteri digitum, ungues, barbam, capillos, aut excutit dentem, vel hujusmodi: quia talia non sunt proprie membra, & digitus v. g. est tantum pars & officium membri. Covarruvias *part. 3. Clem. Si furiosus, n. 8. Barbosa part. 2. de offic. & potest. Episc. alleg. 1. 42. num. 11. & alii.*

51. CONCL. II. Etiam incurrunt Irregularitatem, quicumque injustam occisionem vel mutilationem hominis mandant, aut ad illam favorem vel auxilium præstant, dummodo effectus actualiter fuerit subsecutus. Ita communis, & habetur *c. Si quis viduam, dist. 50. & c. Sicut dignum, de Homicidio, & alibi.* Nam facientes & consentientes par poena constringit.

52. Inferitur proinde, quod, quando plures communi consilio aliquem aggrediuntur, omnes fiant irregulares, etsi unus occidat, vel mutilet: quia præbent auxilium, atque moralem influxum ad occisionem, vel sese animando, vel impediendo, ne alter se defendere possit, aut aliter cooperando. Dicitur notanter, *quando plures communi consilio &c.* Nam si extra commune consilium, aut consensum, plures inflixerint alteri vulnera, solus ille fit irregularis, quem constat inflixisse vulnus lethale. Si tamen discerni nequeat, ex cujus ictu alter occubuerit, omnes debent se gerere tamquam irregulares, *c. Significasti, de Homicidio.*

53. CONCL. III. Quamvis ob homicidium mere casuale, ac fortuitum, non incurratur Irregularitas; si tamen illud fuit indirecte saltem, aut in causa voluntarium, Irregularitas contrahitur. Ita Doctores passim, propter textus Juris satis claros. Et quidem prior pars habetur expresse *cap. 9. & 12. ac seqq. de Homicidio.* Sic quippe, ut ibidem dicitur, irregularis non est, qui equum lascivientem freno coercuit, aut ipsum calcariibus stimulavit, unde equus excusso sellatore profugias, in via occidit instantem. Similiter non in-

currit Irregularitatem, qui ex alto deiciens lignum, prius sollicitè circumspexit, an nemo inferius adesset, sicque neminem videns, lignum projecit, & puerum fortuito ibi existentem, neque antea visum, interfecit. Accedit *Clem. un. de Homicidio*, ubi dicitur: *Si furiosus, aut infans, seu dormiens hominem mutilet, vel occidat, nullam ex hoc irregularitatem incurrit*: quia nempe tale homicidium non est voluntarium, sed potius casuale ac fortuitum.

54. Altera pars habetur ex *c. Presbyterum, & c. Coninebantur, de Homicidio*, ubi dicitur, quod homicidium imputetur ei, isque fiat irregularis, qui dedit operam rei licitæ, vel illicitæ, si non adhibuit omnem diligentiam, quam debuit, ne sequeretur occisio hominis: sic enim homicidium censetur saltem indirecte voluntarium. Similiter *c. De catere, eod.* dicitur, quod dans causam homicidio, fiat irregularis: qualia etiam alibi habentur.

55. Circa hoc tamen notabilem distinctionem affert Layman *lib. 3. tract. 3. part. 3. cap. 10. num. 4.* post alios, docens, quod, si quis dedit operam rei licitæ, ac per se honestæ, sed debitam non adhibuit diligentiam, ne mors aut mutilatio hominis sequeretur; requiratur culpa lata, atque mortalis, ad contrahendam Irregularitatem ex tali homicidio, vel mutilatione solum indirecte voluntaria. Sic v. g. Medicus, aut Chirurgus, volens sanare infirmum, si ipsum per imperitiam aut incuriam interficiat, non fit irregularis, nisi hujusmodi culpa fuerit lata, atque peccatum mortale. Idem dicendum de Infirmario, qui infirmum Charitatis gratia in lectulo movet, ut ei cibum ministret, aut quietius cubet: nam is non fit irregularis, etsi mortem paululum accelerasse videatur.

56. Econtra vero, si quis dedit operam rei illicitæ, sicque ob non adhibitam debitam diligentiam, homicidii, vel saltem mutilationis causa exitit, videtur sufficere culpa venialis ad Irregularitatem contrahendam. Exemplum habetur in Clerico venatore cervorum, aut aprorum, si ipsos jaculando, non omnem adhibuit diligentiam, ne homicidium sequatur; nam Clericis venatio est specialiter interdicta, *cap. 1. & 2. de Cleric. venat.* Idem dicendum de Clerico impudice jocante, vel saltante cum muliere gravida, unde abortus prolis animatæ contingit; prout refertur casus *c. Sicut, de Homicidio.* Quamvis non desint Auctores, qui volunt, ejusmodi Canones pertinere tantum ad Forum externum, in quo præsumptio fieri solet culpæ latæ, si quis dedit operam rei illicitæ, atque exinde mors vel hominis mutilatio fuit subsecuta.

\* Quod si quæras, quomodo hæc sententia, quæ tenet ex subsecuto homicidio ob aliqualem intermissionem diligentis præcautionis tantummodo venialiter peccaminosam contrahi Irregularitatem, cohæreat cum Doctrina, quæ tradita est superius *Additione 1. post n. 23.* ubi defendebatur, ad contrahendam Irregularitatem ex delicto requiri peccatum mortale? Respond. Optime ambas cohæreere doctrinas, si accurate præcedentia recapitulentur. Prius enim solummodo allegavimus, quod ipsemet actus, ex quo subsequitur homicidium,

debeat esse graviter prohibitus, ac mortaliter peccaminosus, ut exinde contrahatur Irregularitas ex delicto. In presenti vero dicitur, quod actus hujus graviter illiciti modus influendi in ipsum homicidium non debeat necessario continere culpam latam Theologicam graviter peccaminosam. Hæc autem duo non sunt idem; potest enī actus aliquis, ex quo sequitur alterius mors, graviter prohiberi, & tamen modus ipse influendi in mortem ob factam præcedenter præcautionem (uti contingit in exemplo adducto de Clerico Chirurgo) non continere culpam latam Theologicam graviter peccaminosam. Paucis: Ecclesia graviter prohibuit Clericis, & Monachis tales actiones, ex quibus, etiam non commissa quoad faciendam debitam præcautionem culpa lata Theologica gravi, solet sequi aliquantulum frequentius (secus si raro) mors alterius, quamvis alii seculares præmissa in præcavendo diligentia, has ipsas actiones eliciendo ob utilitatem publicam &c. omnino non, vel saltem non graviter peccarent, utpote non exercentes modum influendi in ipsum homicidium graviter peccaminosum; nec committentes in modo influendi culpam latam. Videantur desuper Jus Canonicum lib. 5. *Decret. Tit. 12. §. 5. Sporer tract. 5. in Decalog. cap. 3. sect. 5. Fagnanus in c. ad audientiam, 12. de homicidio. Barbosa in c. 9. eodem num. 3. Schmalzgrueber lib. 5. Decret. Tit. 12. num. 216. ac seqq. cum pluribus ibi citatis.*\*

57. CONCL. IV. Irregularitas insuper contrahitur ex homicidio, vel hominis mutilatione, publica auctoritate facta, etiam si nulla omnino culpa intervenerit, sed id fiat ex officio. Ita communis; & habetur *c. Si quis viduam, dist. 50. & c. Aliquantos, dist. 51.* cum concordantiis ibidem a Glossa relatis. Siquidem tunc Irregularitas accidit ob defectum perfectæ lenitatis: & indecens est, ut ille, qui voluntarie sanguinem humanum fudit, Christi mansuetissimi personam in Altari repræsentet, ut jam dictum num. 45.

58. Hinc Judex, Assessor, Accusator, Denunciator, Testis, Tabellio, Satellites, Lictores, & quotquot alii cooperantur ad causam sanguinis, dummodo mors vel mutilatio actualiter fuerit subsecuta, Irregularitatem incurrunt, ob defectum perfectæ lenitatis; atque ostendit ex variis textibus Juris Glossa citata.

59. Intellige cum Glossa in *c. De cætero, de Homicid.* communiter recepta, dummodo cooperatio ad mortem, seu mutilationem, aliquo modo notabilis sit, & non admodum remota, vel per accidens. Hinc Opifices irregulares non sunt, qui pro furibus suspendendis furcam ædificaverunt, vel funes aut scalas confecerunt: quamvis secus dicendum sit de iis, qui funes ad suspendium deferunt, aut scalam applicant. Hi enim censentur causa propinqua, illi remota. Layman *loc. cit. cap. 7. num. 2.*

60. Similiter, si Clericus in suis rebus, aut suorum vel Ecclesiæ bonis injuriam passus est, potest is de suis malefactoribus absque pœna Irregularitatis conqueri coram Judice seculari, eosque denunciare Magistratui etiam de iis criminibus, quibus statuta est pœna sanguinis: dummodo

expressè protestetur, quod ad vindictam seu pœnam sanguinis id non faciat, sed petat emendam sibi fieri: prout expressum habetur *c. Postulasti, de Homicidio, & amplius c. Prælati, eod. in 6.* Quia (ut dicitur ibidem) *Alioquin daretur plerisque malefactoribus materia trucidandi eorum (Clericos) aut ipsarum bonis libere depravandi.*

\* Ob quam ipsam rationem proxime in citato Capitulo assignatam ab Irregularitate immunis est, qui malefactores, se ipsum, vel suos, aut Ecclesiam suam damnificantes, ipsamet capit, vel Judici indicat, ubi lateant, ut capi possint, aut deprehensos detinet, eosque pro impetrando suo, suorumve, aut Ecclesiæ suæ interesse, NB. si aliter obtineri nequeat, cum protestatione sanguinis Judici Laico sistit, uti recte notant Barbosa, Gonzalez, Covarruv. & alii apud Schmalzgrueber lib. 5. *Decret. Tit. 12. num. 114.* Atque deducitur ex *cap. 2. de homicidio in 6.* Quod si vero damnum, illud non fuit, sed aliis extraneis inferatur, an quis etiam tunc malefactorem citra periculum Irregularitatis valeat apud Judicem Laicum denunciare &c. distinctio adhibenda est: vel enim agitur præcise de damno extraneis jam illato, vel etiam de periculo inferendi illud in futurum? Si prius, similia faciendo, & morte, seu mutilatione malefactoris postmodum subsecuta, Irregularitatem non evadet; cum hæc licentia denunciandi judicialiter tantummodo concedatur a Jure contra Malefactores NB. suos, *arg. c. 2. de homicid. in 6.* Quod si vero agatur de gravi periculo mali etiam in futurum extraneis, vel Reipublicæ a talibus malefactoribus, v.g. in puncto magiæ, aut Latrocinii inferendi, per eas denunciationes Irregularitatem nullatenus incurreret, si aliter periculo tanti mali præcaveri posse prudenter non speratur; quoniam talem accusatorem Jus etiam a pœnis Ecclesiasticis excusat, *Si pro pace hoc fecerit, id est, pro bono publico,* uti in hunc textum Glossantes exponunt Covarruvias, Franciscus Schmier, Barbosa, Passerinus, Castropalao, Layman, & alii apud Schmalzgrueber *loc. cit. num. 15. & seqq.*

Pariter immunes sunt ab Irregularitate, I. Qui Reum sive propter se, sive propter alios extraneos accusant etiam criminaliter apud Judicem Ecclesiasticum; quoniam hic pœnam sanguinis, aut mutilationis infligere non potest. II. Qui deferunt criminaliter coram Judice Laico, de crimine levi, pœnam mortis, seu mutilationis non promerente; quamvis sub processu per accidens aliunde Judex deveniat in notitiam etiam majorum delictorum ipsius Rei, sicque plectat eundem pœna mortis: nam hoc respectu accusantis est prorsus per accidens. III. Eximitur ab Irregularitate Papa damnans ad pœnam sanguinis, utpote qui est super omne Jus Ecclesiasticum, & Legibus suis vi coactiva non subijcitur. *arg. cap. 6. de Elect.* IV. Inquisitores Hæreticæ pravitatis, eorumque Consilarii, ex Privilegio Summorum Pontificum. V. Principes Ecclesiastici Sacri Romani Imperii Jus gladii habentes in tantum, ut, licet ipsimet mortis sententiam ferre nequeant, possint tamen aliis suis secularibus Ministris hanc potestatem committere. *arg. cap. 9. de Clerici, vel*

Mo.

*Abbas.* VI. Judices Ecclesiastici Clericum ob gravissima crimina prius degradant, tradentes Curie seculari juxta leges puniendum. *arg. c. Abbatem 27 de verb. Significat.* Ubi tamen adjungitur, ut efficaciter intercedant pro eo, ut poena mortis, vel mutilationis non puniatur. Quod si eorum preces a Judice seculari non exaudiantur, sunt extra culpam. VII. Theologi, Canonistæ, & Confessarii, & interrogati respondeant in genere, quid de similibus statuam Jura. Glossa committere recepta in *cap. ex litteris. 10. de excess. Prælat. & Confessariis.* Videatur fufius in Jure Canonico lib. 5. *Decret. tit. 12. §. 9.*

61. Insuper citatus Layman post Sotum, ridet scrupulum alicujus Confessarii, qui Remm ad supplicium comitatus, quod asinum, in quo vehetur, pupugisset, irregularem se existimabat, quasi mortem hominis occideret. Idem est, si Confessarius hortetur Reum, ut in via procedat: nulli parum pro nihilo reputatur. Secus foret, si cooperatio, vel acceleratio mortis notabiliter facta sit: nam tunc fatentur omnes, contrahi Irregularitatem.

62. CONCL. V. Quicumque in bello offensivo justo hominem propriis manibus mutilant, vel occidunt, fiunt irregulares. Ita communis; & habetur *c. Penitus, de Homicid. & c. Quicumque, de seqq. 23. q. 8.* Est enim Clerici possint hortari ad pugnandum in bello justo, propria tamen persona pugnare non debent, *c. Ex multa, §. fin. de Foto, & alii.*

63. Dicitur notanter, in bello offensivo: nam quid juris sit de pugnantis in bello mere defensivo, dicitur *num. 66.* Et additur, *justo hominem propriis manibus, &c.* Siquidem in bello injusto, quicumque auxilium aliquod attulerunt, quantumvis propriis manibus neminem occiderint, nec mutilaverint, secuta unius hominis mutilatione, aut occisione, fiunt omnes irregulares, *arg. c. Sicat, de Homicid.* Econtra in bello offensivo justo illi dumtaxat redduntur irregulares, qui propria manu occidunt, vel mutilant, non vero alii, v. g. hortantes ad pugnam, Consiliarii, vel præbentes arma, sive subsidium: cum hoc non exprimitur in Jure. Herinex *disp. 6. de Censuris, num. 148.*

64. CONCL. VI. Qui ob necessariam vitam, vel corporis sui defensionem, hominem mutilat, vel occidit, irregularitatem non incurrit. Ita habetur *Clem. un. de Homicidio*, ibi: *Nullam irregularitatem incurrit, qui mortem aliter vitare non valens, suum occidit, vel mutilat invasorem.* Accedit ratio: quia Irregularitas non incurritur, nisi ex homicidio spontaneo: atqui illud, quod ad necessariam suam defensionem fit, non omnino sponte, sed cogente Legis naturalis necessitate perpetratur; ergo.

65. Dicitur notanter, qui ob necessariam vitam, vel corporis defensionem. Nam si quis moderamen inculpatae tutelæ excedat, certum est, eum incurtere Irregularitatem, utpote qui mortem aliter evadere potuisset. Deinde si quis furem, aut alium iniquum aggressorem occidat, vel mutilet ob defensionem rerum suarum, etiam talis contrahit irregularitatem; prout notat Glossa *cap. 3. Versi. Non deponatur, de Homicid. & Abbas ibid, num. 4.*

Navarrus *cap. 27. Manual. n. 213.* asserens, Glossam illam fere ab omnibus receptam, ac fuisse dispositam Covarruvias *part. 3. Clem. Si furiosus, §. un. num. 6.* id probans *ex cit. cap. 3. & c. Suscepimus, cod.* estque communior Doctorum, nonnullis tamen exceptis. Ratio est: quia ad Irregularitatem ex defectu perfectæ lenitatis non requiritur culpa, sed sufficit spontanea hominis occisio, vel mutilatio. Accedit, quod SS. Canoness excipiant solummodo casum, si quis mortem aliter vitare non valens, suum occidit, vel mutilat invasorem: atqui talis non fuit in periculo vitæ, sed dumtaxat bonorum suorum; ergo de Jure non excipitur ab Irregularitate ob perpetratum homicidium.

Additur nihilominus; nonnullis tamen exceptis. Quia non desunt Doctores, volentes, quod Irregularitas ex defectu lenitatis incuratur tantummodo ex homicidio publica auctoritate facto, & cooperatione ad illud: econtra vero ex homicidio privato contrahatur solum Irregularitas ex delicto; ac proinde, ubi homicidium privatum est inculpabile, & sine delicto, non oritur irregularitas, cum hæc nullo Jure expressa reperiatur, ut probare conantur ex solutione textuum Juris in contrarium allegatorum. Ex quo concludunt, homicidium factum ad necessariam defensionem bonorum temporalium magni momenti, non inducere irregularitatem, hoc ipso, quod fiat absque omni delicto; cum res suas defendere, & vim vi repellere, cuilibet a natura sit permillum, *l. 1. §. Vim vi. ff. De vi armat. & c. Olim causam, 12. de Restitut. spoliat.* cum similibus: prout tenet Suarez *disp. 46. de Censuris, sect. 2. num. 4.* Filliucius *tract. 20. num. 150. & seqq.* Lessius *lib. 2. de justit. & jur. cap. 9. dubit. 11. num. 73.* Castropalao *disp. 6. de Censur. punct. 15. §. 8. num. 7.* Alphonsus de Castro, Petrus Navarrus, Coninch, & alii ab ipsis citati.

Verum a priori sententia, quam etiam posterioris Auctores, ac præsertim Filliucius & Suarez, fatentur esse communem, non videtur recedendum. Tum quia Jus inter homicidium publica, vel privata auctoritate factum, quantum ad incurrendam Irregularitatem, nullibi distinguit: quinimo si hæc distinctio aliquando a Jure fuisset intentata, & approbata, superflue postmodum laborasset Concilium Generale Viennense, relatum *cir. Clem. un. de Homicid.* dum præter homicidium mere casuale (quod jam exceptum fuerat *c. Hi, qui arbores, dist. 50. & c. Dilatus, cum seqq. de Homicid.*) specificavit alios casus particulares, in quibus ex occisione, vel mutilatione hominis non incurritur irregularitas; si nempe furiosus, infans, vel dormiens hominem mutilet, vel occidat; aut si mortem aliter vitare non valens, suum occidat, seu mutilet invasorem; nam omnia hæc ad homicidium privata auctoritate, & absque culpa perpetratum, spectare dignoscuntur. Tum quia etiam in homicidio, ob defensionem rerum suarum inculpate facto, intervenire defectum lenitatis, & perfectæ representationis mansuetudinis Christi, negari non potest: simulque patet, necessitatem tuendæ propriæ vitæ esse strictissimam, longeque graviolem præ necessitate tuendi bona temporalia, quæ sunt ordinis multo inferioris, ac *res viles & transitoria* merito appellantur, *c. Suscepimus*.



*mus, de Homicid.* Unde mirum non sit, quod casus ille fuerit exceptus ab incurfione Irregularitatis, non item iste: & si in hoc Conditor Canonis idem fieri voluiffet, potuiffet & hunc expreffiffe, prout in fimili argumentatur Pontifex c. *Inter corporalia, de Translat. Epife.* Tum tandem, quia ita obfervat Stylus Curiae Romanae, qui jus facere dignoscitur, & de quo testatur ipfemet Filiucius *loc. cit. num. 149.* citans Navarrum *cap. 15. Adanal. num. 5.* Sicut & in c. *Significaffi, de Homicid.* Presbyter Ecclesiae censetur irregularis, eo quod lethaliter percuffit maleficum, Euchariftiam cum Altarium ornamentis, & libris Ecclesiasticis auferentem.

\* His tamen non obftantibus contraria Sententia, quae tenet, Irregularitatem ratione homicidii ex defectu lenitatis non incurri exinde, fupposito, quod Bona fortunae fuerint magni momenti, fed praecise tunc, quando infertur mors, seu mutilatio auctoritate publica, defenditur ut adhuc vere probabilis, & in praxi tuta in ipfo Jure Canonico praesentis Auctoris *lib. 5. l. eccl. cit. 12. §. 4. a n. 158.* Ubi etiam fundamenta, quae huic obftare videntur, folide folvuntur. Idem tenet Schmalzgrueber *l. b. 5. Decret. tit. 12. num. 65.* Et apud eundem Julius Clarus, Farinacius, Bonacina, Gaill, Franciscus Schmier, König, Gonzalez, ac plures alii.\*

66. CONCL. VII. Tandem, si quis in bello mere defenfivo, ad Patriam a violenta hostium aggressionem liberandam, ex obligatione Charitatis, aut Pietatis pugnet, hostemque merz defenfionis causa mutilet, vel occidat, non incurrit Irregularitatem. Ita Pirhing *tit. de Homicidio, num. 115.* Herinex *cit. num. 149.* Suarez, & alii. Ratio est: Tum quia bonum commune est praestantius privato: Tum quia in tali casu etiam propria vita periclitatur: simulque vim vi repellere, omnia Jura permittunt.

67. Ceterum loquendo de Clericis, Doctores admittunt hoc dumtaxat in casu inevitabilis necessitatis, & quando per solos Laicos Ecclesia, vel Patria, fufficienter defendi non potest: alioquin autem Clericus pugnans etiam contra inimicos Nominis Christi, si quemdam interficiat, censetur irregularis, c. *Peritio, de Homicid.* Nam specialiter *Clericatus officium eos reddit inhabiles ad pugnandum* ut dicitur c. *Ex multa, §. fin. de Voto, juncto c. Clerici, & feqq. 23. q. 8.* Et arma Clericorum sunt lacrymarum, arg. c. *Si vult, dist. 36. & c. Conveniencior. 23. q. 8.* cum concordantiis.

#### A P P E N D I X,

In qua compendiose recapitulantur dicta praecedentia, & exinde succincte resolvuntur aliqui casus ad utilitatem Confessariorum.

\* Ante omnia Confessarius I. Attendat ad delictum inter Irregularitatem ex delicto, & inter Irregularitatem ex defectu lenitatis. II. Curet bene imprimi suae memoriae adducta superius crimina, ob quae incurritur Irregularitas ex delicto, & actus, propter quos contrahitur Irregularitas ex defectu lenitatis. III. Habeat pro Regula uni-

versali, quod Irregularitas nulla sive ex delicto, sive ex lenitatis defectu incuratur, nisi in casibus a Jure expressis, nec valeat fieri forsan ex aliqua paritate in his odiosis extensio de materia in Jure expressa ad non expresse. *cap. is qui 18. de Sent. Excomm. in 6. IV.* Recolligat ex dictis, quod Irregularitas ex delicto non contrahatur, nisi actus, ex quo sequitur Irregularitas, sit moraliter peccaminosus; unde quod excusat a gravitate peccati, etiam excusat ab Irregularitate. V. Quod, si dubium sit, num quis propter suam actionem hic & nunc sit irregularis, sive sit dubium Juris, sive facti, si illud post debitam indagationem vinci nequeat, non teneatur quis se gerere tamquam irregularem, neque in foro interno, neque in externo: excepto dubio facti de homicidio, de quo specialia. Et hinc

Quando in Confessionali proponitur casus irregularitatis in puncto Homicidii, vel mutilationis, tunc, I. Si casus est dubius, attendat Confessarius, num sit dubium Juris, vel facti? si est dubium invincibile ipsius Juris, resolvat, talem non esse obligatum se gerere tamquam irregularem: cum id in nullo Jure sit expressum, uti recte obfervat praeter alios quamplures Schmalzgrueber *lib. 5. Decret. tit. 12. n. 240.*

Quodsi dubium fuerit facti, Confessarius attendat ulterius, II. Num committens delictum grave dubitet, an pro tunc Homicidium contigerit, nec ne? vel, utrum sciens, Homicidium esse perpetratum, solummodo dubius haereat, an per actionem suam efficaciter influxerit in illud, vel non? In primo dubio poterit denuo resolvere in favorem poenitentis: In secundo autem dubio facti tenetur talis poenitens se gerere tamquam irregularem, fupposito, quod dubium illud sit de occisione, & non praecise de mutilatione c. *12. de Homicid.* Videatur Sporer *Tr. 5. in Decal. cap. 3.* praesertim a n. 129. & feqq. III. Quodsi autem positive constaret, poenitentem influxisse suo modo in occisionem, vel mutilationem alterius hominis, ulterius advertat Confessarius, num quaestio moveatur de Irregularitate contrahenda ex defectu praecise lenitatis, vel num de Irregularitate ex delicto? Si prius; poterit consolationi esse sententia gravium Doctorum asserentium tamquam probabile, & in praxi tutum, nullam Irregularitatem ex defectu lenitatis contrahi, nisi homicidium, vel mutilatio fuerint facta auctoritate publica, qua deficiente pariter non adesse Irregularitatem, si nulum simul intercesserit in ista occisione, vel mutilatione delictum. Quodsi vero intervenisset ali-quod delictum, jam quaestio non amplius moveretur de Irregularitate ex defectu, sed ex delicto.

\* Pro quo

Confessarius notet IV. Num actio, ex qua sequitur mors, vel mutilatio alterius, fuerit grave peccatum, vel non? si non, resolvat conformiter dictis, Irregularitatem ex delicto nullam fuisse contractam. Quodsi vero peccatum fuerit tale, advertat V. Ad motivum prohibendi talem actum: nam si actus aliquis propterea graviter est in Jure prohibitus Clericis, quia saepe talis actio conjungitur cum morte alterius, tunc ille, cui graviter talis actus est interdictus, eundem



Acto nihilominus deliberate exercens incurrit Irregularitatem, sive in modo influendi in mortem, vel mutilationem; culpam tantum venialem, vel etiam omnino nullam commiserit. Quando vero non ex hoc fine, & motive determinato actus prohibetur, tunc non solum actus ipse, ex quo mors, vel mutilatio sequitur, sed etiam modus influendi in eandem mortem &c. debet esse graviter peccaminosus ad hoc, ut contrahatur Irregularitas, e. g. ponamus: Petrus alias rixis non dedit se voluntarie inebriat usque ad privationem usus rationis, ibique occidit Paulum: in illo casu Petrus quidem graviter peccat se inebriando, non tamen contrahit Irregularitatem in ebrietate occidendo; quia ex una parte ebrietas non est, uti ars exercendi Chirurgiam quoad adustionem, & incisionem, Clericis specialiter in Jure interdicta ex hoc determinato motivo, ne contingat sub eadem aliquod homicidium: ex altera autem parte modus influendi in dictam occisionem a plene ebrio commissam non est graviter peccaminosus, ut puta cum homicidium in his circumstantiis nullatenus ab adhuc compote rationis fuerit prævisum in se, vel in sua causa, sicque nec directe, nec indirecte censetur voluntarium. Videatur Sporer *loc. cit.* præsertim n. 287. & seqq. accurate hanc materiam pertractans.

Porro ex dictis hic, & præcedenter eruuntur casus sequentes.

I. Petrus adhuc studiosus de nocte cum aliis suis commilitonibus obambulans in platea incidit in nonnullos milites alias sibi infensos; ubi post plura verba injuriosa communi utriusque partis coopératione venit ad arma, non paucis utrinque vulneratis. Petrus videns, sibi tamquam causæ primariæ omnia mala esse imputanda, fuga se subducit, studia in alia prosecuturus Universitate. Subinde absolutis alibi studiis, intendit recipere Sacros Ordines, quærens ex Confessario, an liceat? Resp. I. Petrum ante omnia esse interrogandum, num aliquis nullum ex accepto a se, vel aliis vulnere obierit, nec ne? si nullus fuit exinde mortuus, vel mutilatus, utique poterit recipere Sacros Ordines; alias vero non, citra dispensationem, quamvis miles non ab ipso, sed ab alio suorum commilitonum occisus fuisset. Vide dicta n. 52.

II. Titius committit ut studiosus fornicationem, & postea, ne cum puella cotam seculo prostituatur, efficaciter suadet huic exinde gravidæ procreationem abortus. Post tempus poenitentia ductus cupit fieri Clericus; quærit autem antecederet ex Confessario, num non impediatur per aliquam Irregularitatem? Respond. eundem, nisi denuo ante applicationem dissuaserit per efficaciam motiva, ab Ordinum susceptione impediri per contractam Irregularitatem, si puella, juxta Consilium suum actualiter applicando media expulsiua, abortum fœtus animati procuraverit effectum expulsionis fœtus secuto. Dixi notanter fœtus animati: ubi nota ex dictis *tract. 9. dist. 3. q. 3.* fœtum censei animatum quadragesimo post conceptionem die, si fuerit masculus; octuagesimo, quando extitit foemella. Dum autem nescitur, num fœtus fuerit masculus vel foemella, S. Peni-

tentaria teste Sporer *tract. 4. Theolog. Sacramenti cap. 4.* ad initium præsumit fuisse masculum: alii vero apud eundem Auctorem mitius sentiunt in hac materia odiosa. Quodsi effectus expulsionis fœtus vel omnino non, vel saltem ante animationis diem fuerit subsecutus, non censetur Irregularis. Quando dubitatur, an vere subsecuta sit aliqua fœtus animati expulsio, vel non, nec valet aliunde deveniri in notitiam rei, puta, si puella interea fuerit mortua, &c. poterit talis dubitans se gerere tamquam non Irregularis, sicque suscipere Ordines; utpote vere, & invincibiliter dubitans, num a parte rei aliquod homicidium fuerit factum, nec ne? ubi melior est conditio possidentis. Quodsi sciret ex relatione puellæ, vel aliunde, contigisse expulsionem fœtus jam animati, dubitaret autem, an eveniret vi efficacis alias medicinae, quam ad hunc finem suaserat, seu dederat puellæ, vel num ex alia causa accidentali, teneretur se gerere tamquam Irregularis conformiter dictis. Vid. Sporer *loc. cit.* & in *Decal. tract. 5. cap. 3. sect. 5.*

III. Paulus Clericus in comitatu fratris sui adhuc secularis vadit cum sclopeto in proximam sylvam, ut recreationis causa latentes in dumetis feras trajiciat: ast, nescio quo casu, vel incuria (necdum tamen mortaliter peccaminosa) exoneratur sclopetum, & occiditur exinde frater secularis, vel alius pertransiens. Quæritur, an dictus Clericus sit irregularis? Respond. negative: non enim contraxit Irregularitatem ex defectu lenitatis; quia actus ille occisivus nec fuit deliberatus, nec publicæ auctoritate factus. Neque incurrit Irregularitatem ex delicto, utpote quæ intelligitur ob peccatum mortale, quale in præsentem non intervenit. Dices: Clericus quoad adustionem, & incisionem exercens artem Chirurgiæ peccat, & subsecuta alterius morte, incurrit Irregularitatem, quamvis omnem adhibuerit in præcavendo periculo diligentiam: ergo etiam pari modo exercens venationem; quoniam etiam venatus, uti Chirurgia, est Clericis prohibita c. 1. & c. 2. de *clericis venatore*. Respond. Negando consequentiam; nam in primis Clericis citatis Capitulis tantum prohibetur venatio clamorosa, & tumultuosa, non autem quieta, & moderata; qualis erat in præsentem. Deinde secundo etiam venatio clamorosa prohibetur solum, quia videtur esse contra honestatem Clericalem; e contra Chirurgia quoad adustionem, & incisionem, quia est periculosa, & non raro inductiva mortis; similia autem ultima Clericis ita prohibentur, ut etiam Irregularitas contrahi censetur, quamvis casu, & facta omni præcautione contigisset homicidium: non autem sic priora. Videatur Jus Canonicum *lib. 5. Decret. tit. 12. §. 5.* præsertim *num. 201.*

\* IV. Milites Defensores Patriæ tempore belli resciant secure, in pago vicino nonnullos ex hostibus existeré, quos obrutere quidem conantur; ast hi videntes in vicinia copiosum militem, tamquam viribus impares, partim in proxima Sylva, partim in domibus sese abscondiderunt. Quare Præfectus militum severe ex Parocho Loci interogat, ubinam hostes lateant, qui omnes manifestat fideliter, hæneque multi ex illis deprehensi,

ac truncati fuere. Parochus exinde anxius querit ex Theologo, num per hanc manifestationem contraxerit Irregularitatem? Ratio dubitandi est; quia alias etiam, dum auctoritate publica occiduntur malefactores, ex defectu lenitatis contrahitur Irregularitas non solum ab occidentibus, sed etiam a consulentibus, vel alio modo efficaciter influentibus, juxta communem. Respond. tamen, hoc non obstante, Parochum neutiquam contraxisse Irregularitatem. Ratio est: quia in bello justo etiam offensivo soli illi contrahunt Irregularitatem, qui propriis manibus occidunt, vel mutant; non autem (sicuti dum auctoritate publica malefactores puniuntur poena mortis) ipsimet hortatores, vel alio modo influentes; quoniam in ordine ad bellum justum id non exprimitur. Irregularitas autem non incurritur, ubi nihil est expressum in Jure. Videatur Jus Canonicum lib. 5. tit. 12. n. 117. & seqq.

V. Cajus Clericus noscit quosdam perversos homines in occulto plura gravissima crimina magis, & latrocinii in maximum totius Reipublicae praedictum perpetrantes. Ideoque Cajus ad ista mala Reipublicae tam perniciose avertenda, quae alia via impediri posse prudenter sperari non potest, id manifestat Judici seculari, qui facta inquisitione, pluribus praesumptionibus, & indicibus gravatos incarcerat, torturae subicit, ac demum confessos, & convictos morti adjudicat. Queritur, utrum Cajus sit irregularis? Ratio dubitandi est; quia etiam denunciatus furem, qui extraneo v.g. centum florenos abstulit, sit irregularis, si exinde fur suspendatur. Hoc tamen non obstante Respond. Cajum non esse factum irregularem. Ratio est: partim quia denunciat non solum de praeteritis criminibus, sed quoniam periculum est etiam in futurum, cui periculo aliter (uti suppono) prudenter caveri nequit; partim quia haec crimina Reipublicae sunt valde perniciose, & hinc delatio eorum in Jure a poenis pronuntiatur immunis cap. 8. de Accusatis. Quoad illum, qui denunciat furem, non est paritas; quia damnum istud per furtum non fuit illatum Bono publico, sed tantum homini privato, & quidem extraneo, cui periculo in futurum ordinarie sufficienter praecaveri potest, si moneatur ille, cui res ablata est, ut accurate sua custodiat &c. Vide Covarruviam, Laymanum, Barbosa, & alios apud Schmalzgrueber lib. 5. Decret. Tit. 12. num. 116.

VI. Porphyrius adhuc Laicus casu praesens erat, quando Andreas ab altero fuit occisus; quod Judex inquirens in Auctorem homicidii aliunde rescit; quare eundem tamquam suum subditum compellit agere testimonium contra reum, prout etiam juratum praestitit testimonium, atque dictus reus convictus, & confessus debitas poenas dedit, capite plexus. Subinde Porphyrius aspirans ad Clericatum querit ex aliquo Canonista, num per illud testimonium contraxerit Irregularitatem, ex qua a receptione sacrorum Ordinum impediatur? Respond. Si ad ferendum testimonium fuit compellus (prout haud dubie a Judice seculari etiam in causa sanguinis, exigente sic necessitate Boni publici, compelli possunt Laici, non autem actuales jam Clerici) si, inquam, fuit Porphyrius tam-

quam adhuc Laicus compellus ad ferendum testimonium, is propterea nullam incurrit Irregularitatem; secus, si voluntarie egisset talem testimonium tunc voluntarie indueretur in mortem alterius. Videantur Jus Canonicum lib. 5. Tit. 2. num. 105, & Schmalzgrueber ibidem, num. 121. ac seqq.

#### QUAESTIO IV.

Quis possit dispensare in Irregularitatibus?

#### SUMMARIUM.

68. Irregularitas tollitur per dispensationem,
69. Causa perdurante.
70. Papa dispensat in omni Irregularitate.
71. Episcopi, in quibus Irregularitatibus dispensant?
72. Quid de Capitulo, Sede vacante?
73. Praelati Regulares, in qua Irregularitate dispensant cum suis Subditis?
74. Quid de Superioribus Localibus?
75. Limitatio praemissorum.
76. Forma dispensandi super Irregularitate.
77. Ad quem debeat dirigi Supplicatio pro impetranda dispensatione circa Irregularitatem?

68. **N**otandum, quod Irregularitas tollatur per dispensationem, non autem per absolutionem; prout tenet communis Doctorum. Siquidem absolutio est actus justitiae, in quo terminatur causa, & judicium; dispensatio autem est exemptio quaedam a lege communi; Atqui Irregularitas est mera inhabilitas ad Ordines tum suscipiendos, tum exercendos, & contrahitur quandoque absque ullo delicto; & consequenter in eam proprie cadit dispensatio, non autem absolutio.

69. Et hoc insuper intelligendum est, causa Irregularitatis perdurante: alioquin enim cessante causa Irregularitatis ex defectu, cessat etiam per se ipsam Irregularitas, neque opus est alia dispensatione. Sic, qui est Irregularis ex defectu legitimaetatis, literaturae, aut infirmitatis, adveniente legitimaetate vel scientia, aut cessante infirmitate sua, potest ordinari, aut Ordines suscipere exercere, absque ulla alia dispensatione. Hoc praenotato, sit

70. **CONCL. I.** Summus Pontifex habet potestatem ordinariam, & universalem, dispensandi in omni Irregularitate: Ita omnes Doctores Catholici. Ratio est: quia omnis Irregularitas est de Jure dumtaxat humano Ecclesiastico: atqui Papa de plenitudine potestatis habet facultatem dispensandi supra omne Jus Ecclesiasticum, argum. cap. Proposuit, de Concess. Praebenda, ibi: *Qui secundum plenitudinem potestatis, de jure possumus supra Jus dispensare*; ergo.

71. **CONCL. II.** Episcopi possunt dispensare in omnibus Irregularitatibus ex delicto occulto provenientes, excepta ea, quae oritur ex homicidio voluntario, & exceptis aliis deductis ad Forum contentiosum. Ita novissime eisdem concessum est in Concilio Trident. Sess. 24. de Reformat. cap. 6. ubi dicitur: *Liceat Episcopis in Irregularitatibus, & Suspensionibus, ex delicto occulto provenientibus, excepta ea, quae oritur ex homicidio voluntario, & exceptis aliis deductis ad Forum contentiosum*.

*sum, dispensare.* Et hanc quidem facultatem dispensandi, cum sit de facto jure ordinario annexa muneris Episcopali; posse Episcopum committere alteri, recte observant Doctores.

\* Dicitur notanter I. Episcopos posse dispensare potestate ordinaria quoad Irregularitates provenientes ex delicto; nam secus vi proxime citati textus Concilii Tridentini statuendum, si contraheretur aliqua Irregularitas ex defectu lenitatis. De quo vide Sporer *tract. 5. in Decalog. cap. 3. numer. 240. & 241.* Dicitur notanter II. Posse dispensare Episcopos quoad Irregularitates ex delicto occulto: nam si foret aliquod delictum publicum, vel ad forum contentiosum deductum, nequirent potestate ordinaria dispensare Episcopi, prout de novo eruitur ex textu. Vocatur autem occultum in præsentii illud; quod sit paucis, puta, quatuor; vel quinque tantum præsentibus, quibus solummodo vere notum est illud crimen; quamvis apud plures cæteroquin talis possit esse aliquo modo suspectus de eodenti, quod non obest occulto. Deductum vero ad forum contentiosum censetur quod plam tunc, quando sit contestatio litis, & non ante. Videatur Jus Canonicum *lib. 5. Decret. Tit. 12. numer. 229. ac seqq.* Dicitur notanter ulterius III. Excepto Homicidio voluntario directe intento; nam in Irregularitate ex homicidio etiam occulto (secus dic, si tantum fuerit occulta mutilatio) nequit vi Concilii Tridentini dispensare Episcopus; si homicidium directe fuerit intentum. Appellatur autem homicidium directe intentum; si immediate volo per meam actionem alterius mortem: quando vero illud non intendo, & mors ex actione etiam peccatilis per accidens subsequitur, vocatur homicidium vel indirecte intentum; vel casuale, ubi, quamvis hæc actio esset conjuncta cum peccato gravi, potest adhuc dispensare quoad illam Irregularitatem Episcopus; v. g. in homicidio, quod sequitur ex incauta ægrotantis incisione, vel adustione, quam ex intentione curandi ægrotum contra prohibitionem Juris Canonici exercuerat Clericus; vel si quis in duello ab altero præoccupatus præcise voluit defendere se ipsum; interea tamen sub actuali rixa excedens moderamen inculpate tutelæ alterum interficit. Videatur Jus Canon. *loc. cit. num. 221. ac seqq.*\*

72. Addit Barbosa in *Collectaneis ad cit. locum Concilii Trident. numer. 4.* citans plures alios Auctores, etiam Capitulum Sede vacante habere præfatam facultatem dispensandi; a Concilio Trident. *loc. cit.* concessam Episcopis.

73. CONCL. II. Prælati Regulares possunt cum suis subditis; ex specialibus privilegiis, dispensare in omni ferme Irregularitate, excepta illa, quæ orta est ex homicidio voluntario; bigamia, & mutilatione. Ita Generalibus, & Provincialibus Ordinum Mendicantium, & communicantium in privilegiis eorum; concessisse Sixtum IV. refertur in *Compendio Privilegiorum Fratrum Minorum, Vers. Dispensatio, num. 9. & 22. ac tradit Herinex disp. 6. de Censuris Ecclesiast. n. 192. & alij.*

74. Eandem facultatem dictus Sixtus IV. concessit etiam Prioribus conventualibus Ordinis Prædicatorum, & eorum Vicariis; prout habetur in Bulla; *Regiminis universalis, §. 4.* (ac refertur *Tom. 1. Bullarum Romanæ, Constitut. 7.* dicti Pontificis) & vulgo *Mare Magnum Prædicatorum* appellatur. Unde merito inferunt Auctores, quod etiam Prælati, seu Superiores Locales Regularium; communicationem Privilegiorum habentium, atque eorum vicem gerentes, possint cum suis Subditis, etiam hospitibus ac Novitiis, dispensare in Irregularitatibus; ut supra; dummodo hæc per Regulam, Statuta, vel alias, non sint specialiter reservatæ Prælato superiori. Bernard. Sannig *tom. 3. Theolog. Scrist. Tract. De Censuris, distinct. 3. quæst. ultim.* Pellizaritis *tom. 2. Manual. Prælat. tract. 9. capit. 3. numer. 102. & rursus num. 136.* ubi hoc speciatim docet de Irregularitate proveniente ex eo, quod quis Censura Ecclesiastica irretitus celebraverit Divina; & alij Canonistæ regulares passim.

\* Item dispensat Prælatus Regularis cum subdito in Irregularitate proveniente ex defectu naturalium, quamvis dicta irregularitas non annumeretur Irregularitatibus ex delicto; sed ex defectu. Quinimo memorata irregularitas tollitur per ipsam Professionem Religiosam *cap. 1. & cap. fin. de Filiis Presbyt.* citra ulteriorem aliquam dispensationem. At tantum quoad Ordines, non vero quoad Prælaturas; quamvis etiam quoad has dispensare possit Generalis, aut Provincialis in Capitulo Generali, aut Provinciali respective, seu in intermedio, & non alias juxta tenorem Bullæ Gregorii XIV. quæ incipit; *Circumspecta &c.* Ita fuit cum Herinex noster Gaudentius Kerchove in *Comment. in Statuta Generalia cap. 7. §. 2. num. 1. & seqq.*\*

75. Additur in data Conclusionem notanter, *in omni ferme Irregularitate, excepta illa, quæ &c.* Nam inprimis Irregularitas contracta ratione homicidii voluntarii, bigamiæ, & mutilationis membrorum, expresse excipitur a Sixto IV. tum *loc. cit.* tum in alia Bulla *Regiminis universalis* (etidem relata *Tom. 1. Bullar. Rom. Constitut. 6.* dicti Pontificis, ac *Mare Magnum Fratrum Minorum* nuncupata) in qua Generali, ac Provincialibus Ministris ejusdem Ordinis Fratrum Minorum, ipsorumque Vicariis pro tempore existentibus, supra dictam facultatem dispensandi cum suis Subditis concessit. Deinde hinc excipi debet Irregularitas ex defectu animi proveniens: ut si quis amens, furiosus, aut patiens defectum necessariæ scientiæ; item ea, quæ oritur ex defectu corporis, ætatis, aut hujusmodi. Nam in talibus, quamdiu durant ejusmodi defectus, non posse dispensare Prælatos Regulares, est certum, ac extra controversiam. Idem respectu Prælatorum Localium dicendum de illis Irregularitatibus; quarum dispensatio expresse reservata fuit Prælato superiori.

\* Dices: Episcopi juxta dicta possunt cum suis subditis dispensare in irregularitate proveniente ex homicidio occulto saltém casuali, & indirecte voluntario: ergo etiam Regulares Prælati habentes



tes quali poteſtatem Episcopalem idem poterunt cum ſuis Religioſis. Reſpondeo Concedendo totum. Quinimo Auctores multi Regulares adhuc plus concedunt hac in parte Prælatiſ Regularibus, quam Episcopis, ſubjungentes, quod dicti Prælati, quamvis vi conceſſionis Sixtinæ nequeant diſpenſare cum ſuis Religioſis quoad irregularitatem, ex homicidio occulto directe intento exortam, id tamen valeat vi Conceſſionis Martini V. & aliorum Pontificum: prout ex Rodriquez, Miranda, Portell, Hyacintho Donato, Caſtopalao, & aliis annotatur in Jure Canonico *lib. 5. Decret. tit. 12. num. 228.* & docet Kazenberger in Decalog. Patris Sporer *cap. 3. ſect. 4. num. 167. & 168.* qui noviffimus Auctor *loc. cit.* inſuper adhuc notanter ſuperaddit, poſſe Generales, vel Provinciales non quidem ſemper, ſed certo tempore, id eſt, *die Luna poſt primam Dominicam Quadrageſime* per ſe, vel per alios a ſe deputatos e. g. per Superiores Locales, impoſita condigna ſatisfactione, pro foro conſcientiæ diſpenſare etiam extra Sacramentum Pœnitentiæ cum ſuis ſubditis in omnibus omnino Irregularitatibus ex delicto etiam publico, puta, voluntario, publico homicidio, vel mutilatione, quin etiam ratione Bigamiæ contractis ob indefinitam Conceſſionem Pauli III. Bulla: *Exponſa hominibus &c.* datam Benedictinis Valliſoletanis, in quo privilegio participant Regulares Mendicantes. Videri etiam poterit apud Pichler *lib. 5. tit. 12. num. 35.* Layman *lib. 3. traſt. 3. part. 3. cap. 12. Aſſert. 7. num. 4.*

76. Pro fine hujus Quæſtionis ſciendum, quod pro impertienda diſpenſatione ſuper Irregularitatibus, nulla ſit præſcripta certa forma verborum; ſed ſufficiat quæcumque, dummodo ſignificet, Irregularitatem auferri. Communiter autem uſurpatur iſta forma: *Diſpenſo tecum ſuper Irregularitate, quam contraxiſti ob celebrationem Divinorum in ſtatu excommunicationis, v. g. aut ob hanc, vel illam cauſam (exprimendo hujusmodi cauſam) Quod ſi dubium ſit, an quis Irregularitatem incurrit, additur: Si forte eam incurriſti.*

\* Quæres I. An Regulares Mendicantes, ſicuti poſſunt ſeculares abſolvere a multis Cenſuris, ita etiam valeant cum iſtis diſpenſare in aliquibus Irregularitatibus? Reſpondeo, non deſiſſe Doctores apud Kazenberger *loc. cit. num. 170.* qui cum Paſſerino, & noſtro Portell negant. Is tamen cum Sannig, Rodriquez, Baſſæo, Sayro, & Henriquez affirmat, nimirum poſſe Regulares Mendicantes in foro conſcientiæ diſpenſare ſuper omnibus illis Irregularitatibus, ex delicto occulto provenientes, ſuper quibus poteſtate ordinaria poſſunt Episcopi. Conantur aſſertionem ſuam probare ex Conceſſione Pauli III. in Bulla: *Cum inter cunctas.* Vide Kazenberger *loc. cit.* ubi etiam ſolutam invenies aliquam objectionem, & Patrium Sporer *part. 3. Theolog. Sacrament. cap. 6. ſect. 2. n. 742.*

Quæres II. Ad quemnam Romæ ſupplica dirigi debeat, ſi petatur ab aliquo ſeculari per Confeſſarium diſpenſatio in Irregularitate ob homicidium directe intentum contracta? Ante Reſpon-

ſionem notet I. Confeſſarius, num homicidium vere fuerit deliberatum, vel tantum caſuale non præviſum, nec indigens diſpenſatione, de quo in antecedentibus. Notet II. ex dictis, Episcopum de poteſtate ordinaria non poſſe diſpenſare quoad Irregularitatem contractam ex homicidio voluntario directe intento, quamvis delictum fuerit occultum. Secus valde probabiliter ſentiendum, ſi illud tantummodo fuerit indireccte voluntarium, ac ſimul occultum, vel ſi fuiſſet occulta mutilatio etiam directe intenta. Notet III. dicta priora, quandonam cenſetur Irregularitas occulta, & ad forum contentioſum necdum deducta? H. N.

Reſpond. I. Si delictum ſit adhuc occultum, nec ad forum contentioſum deductum, poterit in contracta Irregularitate diſpenſare Sacra Pœnitentia, quæ diſpenſatio ſit gratis, ſive petatur quoad Ordines recipiendos, ſive quoad ſuſceptos exercendos, dummodo præter delictum occultum etiam addit gravis cauſa diſpenſandi in iſta ſupplica exprimenda. Ita noſter Tiburtius Navarr. Pœnitentiarius Apoſtolicus *part. 3. Manducationis, cap. 6.* Reſp. II. Supplica ad Eminentiſſimum ex gr. Cardinalem ſupremum Pœnitentiarum dirigenda ſuccincte ſic inſtrui poterit:

*Eminentiffime, & Reverendiſſime DD.*

N. Sacerdos, vel Diaconus, vel Laicus, (nam ponitur ſtatus ejus; non tamen exprimitur verum nomen, & cognomen in delicto occulto, ſed vel fictum, vel nullum apud S. Pœnitentiarum) *contraxit irregularitatem ex homicidio occulto ob talem cauſam N.* (hic additur, quare alterum occiderit) *perpetrato, & quia ab exercitio Ordinum citra grave ſcandalum abſtinere non poteſt.* (Si ex alio gravi motivo petat diſpenſationem, vel quoad receptionem, vel quoad exercitium SS. Ordinum, illud exprimat.) *Hinc humillime ſupplicat pro diſpenſationis remedio. Quam gratiam Deus, &c.* Reſpondeo III. Si delictum ſit publicum, aut Irregularitas proveniat ex defectu lenitatis, recurrendum erit ad Datariam, atque ibidem debet dari certa taxa pecuniaria pro qualitate, & gravitate delicti, aut defectus, prout deſuper a Procuratore aliquo generali Ordinis, aut ab Agente poteris inſtrui. Ubi inſuper adverte, quod diſpenſatus ad Ordines non illico cenſetur exinde diſpenſatus quoad Beneficium. Videatur Navarr. *loc. cit. \**

77. Quæres adhuc finaliter, ad quemnam Supplica dirigi debeat, ſi petatur diſpenſatio ab Irregularitate ob homicidium ſive ex defectu proveniens? Ante Reſp. Nota I. ex dictis, circa Irregularitatem ratione homicidii, ſive ex delicto, ſive ex defectu proveniente, non poſſe diſpenſare Episcopos aut Prælatos Regulares.

Nota II. Delictum homicidii poſſe eſſe publicum, vel occultum; ubi occultum hic dicitur illud, quod a nemine vel a tam paucis ſcitur, ut neque ſit famoſum, neque manifeſtum, neque notorium facti, vel Juris H. N.

Reſp.



Resp. I. Si delictum hoc sit adhuc occultum, potest circa Irregularitatem dispensare sacra Pœnitentiaria, sive ea dispensatio petatur quoad Ordines recipiendos, sive quoad jam susceptos exercendos, modo præter delictum occultum adit valde gravis causa dispensandi, & Orator absque scandalo & periculo manifestandi alia delicta a promotione ad Ordines, vel ab exercitio eorum abstinere nequeat. Ita noster Tiburtius Navar-

rus, Innocentii XI. Pœnitentiarius in sua Mantuæductione ad Praxin.

Resp. II. Si delictum sit publicum, aut Irregularitas proveniat ex defectu, recurrendum erit ad Datariam, atque ibidem debet dari certa Taxa pecuniaria pro qualitate, & gravitate delicti aut defectus &c. ubi insuper adverte, quod dispensatus ad Ordines, non illico exinde censeatur dispensatus quoad Beneficium.

# TRACTATUS XIV.

## DE SACRAMENTIS.

**E**Xcellentiam Sacramentorum Legis Evangelicæ paucis sacrosanctum Oecumenicum Concilium Tridentinum complectitur, dum *Seff. 7. in Proœmio* verissime attestatur, quod per ea omnis vera iustitia vel incipit, vel capta augetur, vel amissa reparatur. Hæc enim septem Sacramenta, septem illæ sunt Columnæ, quas Æterna Sapientia de Cœlo descendens, & formam nostræ humanitatis suscipiens excidit, ut super eas Domum Ecclesiæ suæ firmissimam construeret; juxta illud *Proverb. 9. Sapientia edificavit sibi domum, excidit columnas septem.* Hæc insuper sunt septem illæ Candelabra aurea, *Apoc. 1.* quibus mediantibus ad Fideles Divinæ gratiæ lux diffunditur. Et rursus hæc sunt septem illæ stellæ, quas *titat. cap. 1. Apoc.* Filius Hominis, id est, Servator noster JESUS CHRISTUS, in dextera misericordiæ suæ, ac infinitæ Pietatis, ad illustrandam Ecclesiam suam habuisse legitur. De his ergo septem Sanctissimis Ecclesiæ Sacramentis, tum in genere, tum in specie, in præsentī Tractatu plane utilissimo, scituque vel maxime necessario, Deo adjuvante, tractabitur, ad infinitam & perennem ejusdem laudem.

### DISTINCTIO I.

#### De Natura Sacramentorum in genere.

### QUÆSTIO I.

Quid, & quot sint Sacramenta novæ Legis?

### SUMMARIUM.

1. Excellentia Sacramentorum novæ Legis.
2. Sacramenti varia acceptiones.
3. Sacramentum in proposito, quid?
4. Cur sit signum sensibile.
5. At efficaciter significans gratiam?
6. Per effectum gratuitum, quid intelligatur?
7. Alia particula definitionis Sacramenti.
8. Sacramenta novæ Legis sunt septem.
9. Et omnia a Christo instituta.
10. Septem Ordines constituunt unam Sacramentam, & quomodo?
11. Instantia hereticorum solvitur.
12. An in Lege Mosaica, & statu Legis Naturæ, fuerit verum Sacramentum?

13. Declarantur Auctoritates, quæ id negare videntur. Circumcisio, quomodo dicatur non contulisse gratiam?

14. Remedium contra peccatum originale, quale antiquitus?

**A**Dvertendum, quod variaz sint Sacramenti acceptiones: cum enim Sacramentum a sacro derivetur, in primis Sacramentum sumitur a Juristis pro juramento, eo quod sit sacra quædam & religiosa affirmatio, *can. Qui Sacramento, 22. q. 4. & alibi.* Deinde in S. Scriptura Sacramentum sumitur quandoque pro Mysterio, seu re arcana; ut *Sapient. 2. Nescierunt Sacramentum Dei. Daniel. 2. Mihi Sacramentum hoc revelatum est, & alibi.* Tertio, & magis ad propositum, sumitur Sacramentum pro Cereemonia sacra, seu hominem sacrantem.

3. **CONCL. I.** Sacramentum, prout in proposito accipitur, est signum sensibile, gratiam Dei, vel effectum ejus gratuitum, ex institutione Divina efficaciter significans, ordinatum ad salutem hominis viatoris. Ita Doctor Subtilis 3. *dist. 1. quæst. 2.* cum suis. Neque re ipsa differt allata Sacramenti definitio ab aliis, quarum plures afferre solent Theologi Catholici, ut est illa Catechismi Romani: *Sacramentum est invisibilis gratia visibile signum, ad nostram justificationem institutum.* Verumtamen definitio Scoti naturam Sacramenti clarius exprimit.

4. Dicitur I. *Signum visibile, seu sensibile:* id est, externum, & in materia sensibili institutum. Nam, ut Sacramentum institueretur in tali signo sensibile, admodum congruum erat pro hoc statu; juxta illud D. Chrysostomi, *Homil. 60. ad Populum:* *Si incorporeus fides, incorporea dedit ipse tibi dona; sed quia corpori conjuncta est anima tua, ideo rebus sensibilibus tibi intelligenda tradit.*

5. Dicitur II. *Efficaciter significans gratiam Dei.* Quia Sacramentum non est quomodocumque signum ipsius gratiæ divinæ, quæ confertur homini rite illud suscipienti, sed est signum efficax, seu efficaciter significans: quia gratiam illam, quam significat, etiam causat in homine ex opere operato, quatenus ex Divina institutione ac virtute meritorum Christi, infallibiliter confert gratiam homini digne suscipienti Sacramentum.

Qq q 2

6. Ad-

6. Additur in definitione a Scoto allata, *v. l. effectum Dei gratuitum*, majoris claritatis gratia, & propter SS. Eucharistiæ Sacramentum, quod consistit *in facto esse*, ac primo & immediate significat verum Corpus & sanguinem Christi, realiter sub Sacramento Eucharistiæ contentum: quod Christi Corpus, utpote ex gratuita Dei voluntate ibidem existens, dicitur *effectus Dei gratuitus*. Quamvis postea idem Sacramentum etiam gratiam sanctificantem digne sumentibus conferat ex opere operato.

7. Dicitur III. *Ex institutione Divina*. Quia Sacramenta totam vim suam efficaciter significandi, id est, causandi gratiam in digne recipientibus, habent ex institutione Divina, non autem ex natura sua intrinseca. Et additur, *ordinatum ad salutem hominis viatoris*: ut insinuetur finis ille, propter quem Deus voluit instituire Sacramenta, qui est salus æterna hominis viatoris.

8. CONCL. II. Sacramenta Novæ legis sunt septem, & nec plura, nec pauciora. Ita de Fide tenendum; ac præter perpetuam traditionem, sensumque Ecclesiæ, fuit definitum tum in Concilio Florentino, tum in Tridentino, *Seff. 7. can. 1.* his verbis: *Si quis dixerit, Sacramenta novæ Legis non fuisse omnia a JESU Christo Domino nostro instituta; aut esse plura, vel pauciora quam septem, videlicet, Baptismum, Confirmationem, Eucharistiæ, Penitentiam, extremam Unctionem, Ordinem, & Matrimonium, aut etiam aliquod horum septem non esse vere & proprie Sacramentum: anathema sit.*

9. CONCL. III. Certum insuper est, ac de Fide, omnia Sacramenta novæ Legis esse a Christo Domino instituta. Patet hoc ex allegato textu S. Concilii Tridentini. Hinc S. Ambrosius *lib. 4. de Sacramentis, cap. 4.* ait: *Auctor Sacramentorum quis est, nisi Dominus JESUS? De Cælo ista Sacramenta venerunt.*

10. Objicies breviter contra dicta: Septem sunt Ordines, & quilibet eorum est Sacramentum; ergo computatis sex aliis Sacramentis, plura sunt Sacramenta, quam septem. Resp. negando consequentiam: quia omnes septem Ordines constituunt simul unum Sacramentum Ordinis. Idque fit tum unitate ordinationis, seu finis, in quantum omnes ordinantur ad unum Sacerdotium, ac ratione hujus recipiuntur: tum unitate generis proximi, quatenus omnes & singuli Ordines in particulari, conveniunt in ratione Sacramenti Ordinis ut sic, tamquam in genere proximo. Et hinc omnes septem Ordines sub eodem nomine Sacramenti Ordinis hic comprehenduntur.

11. Objicitur ulterius ab Hæreticis: Nullibi habetur in S. Scriptura, quod dentur septem Sacramenta: ergo ea non dantur. Resp. I. Neque in S. Scriptura ullibi dicitur, quod dentur duo, vel tria tantum Sacramenta, ut volunt Hæretici; ergo vel militat allata ratio contra ipsosmet Hæreticos, vel nihil probat. Resp. II. negando consequentiam: quoniam hic Septenarius Sacramentorum numerus constat tum ex perpetua traditione Ecclesiæ, definitione Conciliorum, unanimique SS. Patrum consensu; tum etiam satis bene deducitur ex diversis S. Scripturæ locis, ut suo loco de singulis Sacramentis in specie agendo patebit.

12. Quæres, an etiam in Lege Mosaica, ac statu Legis Naturæ, fuerit verum Sacramentum, conferens gratiam ex opere operato, atque in parvulis delens peccatum originale? Resp. affirmative; prout tenet Scotus *4. dist. 1. q. 6.* Nam ut inquit D. Augustinus *lib. 2. de nuptiis & concupiscentia, c. 11.* ac refertur, *c. Ex, de consecr. dist. 4. Ex quo instituta est Circumcisio in populo Dei (quod erat tunc signaculum justitiæ fidei) ad significationem purgationis valebat & parvulis originalis veterisque peccati, sicut & Baptismus ex illo valere cepit ad innovationem hominis, ex quo est institutus.* Hoc ipsum, & quidem extendendo ad statum Legis Naturæ, tradit idem D. Augustinus *lib. 5. contra Julianum, cap. 11.* ubi huic objicienti, quod in Lege Naturæ nondum fuerit Baptismus, respondet: *De Baptismo verum dicis, nec ideo tamen credendum est, ante datam Circumcisionem famulos Dei, quandoquidem eis inerat Mediatoris fides in carne venturi, nullo Sacramento ejus opitulatos fuisse parvulis suis; quamvis, quod illud esset, aliqua necessaria causa Scriptura latere voluerit.* Concordat textus *c. Majores, §. Cautè tamen, de Baptismo*, ibi: *Originalis culpa remittebatur per Circumcisionis mysterium, & damnationis periculum evitabatur.* Atqui hoc non fit sine infusione gratiæ sanctificantis: non enim de Lege Dei ordinaria remittitur peccatum mortale, sive actuale, sive originale, sine infusione justificantis gratiæ; quia de facto non datur status medius inter filium Regni, & Gehennæ.

13. Nec obstat, quod aliqui SS. Patres, ac præsertim Concilium Florentinum in *Decreto Unionis*, videantur oppositum tenuisse. Resp. enim, SS. Patres, & Concilia, dum negant, Sacramenta veteris Legis contulisse gratiam ex opere operato, loqui de Sacramentis improprie dictis; qualia fuerunt plurima Ceremonialia illius Legis, veluti Purgationes a tactu morticini per aquam expiationis, Purgationes a lepra, Asperlio sanguinis hircorum & vitulorum ad emundationem carnis, ac hujusmodi. Hæc enim non conferebant gratiam ex opere operato, sed solum ex opere operantis, quatenus pro tempore Legis veteris fiebant in Charitate, atque ex obedientia Deo præstanda.

Quod si aliqui SS. Patres dicant etiam Circumcisionem non contulisse gratiam, loquuntur ipsi comparative ad gratiam Baptismalem: nam Circumcisio non contulit gratiam ut dispositionem immediatam ad cælum, sicut Baptismus, prout declaravit Pontifex *cit. cap. Majores, de Baptismo*, ibi: *Quoniam, etsi originalis culpa remittebatur per Circumcisionis mysterium, & damnationis periculum evitabatur, non tamen perveniebatur ad Regnum cælorum, quod usque ad mortem Christi fuit omnibus observatum: Sed per Sacramentum Baptismi Christi sanguine rubricati, culpa remittitur, vitatur periculum, & ad Regnum cælorum pervenitur.*

14. Ex his patet, quod in Lege veteri, quæ incepit ab Abraham, aut (ut alii volunt) a Moyse, & duravit usque ad Christum Dominum, ejusmodi Sacramentum, & Remedium contra peccatum originale parvulorum, fuerit Circumcisio: quæ etiam conferebat gratiam aliquam ex opere operato, quamvis respectu Baptismi parvam admodum, & quæ non fuit immediata dispositio ad Gloriam Cælestem, eo quod fluxerit tempore, quo

quo pretium nostrae Redemptionis per Passionem Christi actu exhibitam nondum fuerat persolutum. Ceterum in Lege Naturae, quae durabat ab Adam usque ad Abraham, vel Moysen, ejusmodi Remedium (quod etiam tempore Legis Moisaicae adhibebatur foemellis) consistebat in aliquo actu externo, qui fuit veluti exterior Professio Fidei in Messiam venturum: quamquam incertum sit, quale illud in specie fuerit remedium, aut ceremonia.

## QUAESTIO II.

De Materia, & Forma Sacramentorum.

### SUMMARIUM.

15. Sacramenta tribus perficiuntur; quibus?
16. Sacramenta consistunt in usu, seu in fieri prae-ter Eucharistiam.
17. Haec est Sacramentum permanens, ac veluti in facto esse consistit.
18. Materia Sacramentorum remota, & proxima, quid?
19. Forma Sacramentorum, quae?
20. Utraque a Christo fuit determinata quoad substantiam?
21. Vel in specie infima, saltem in genere.
22. Mutatio substantialis irritat Sacramentum; non item accidentalis.
23. Et quae talis sit.
24. Exempla utriusque mutationis circa materiam.
25. Et circa formam.
26. Requiritur similitudo inter materiam & formam Sacramentorum; & qualis?
27. Haec magis declaratur in 4. Sacramentis.
28. Quid de sententia minorem similitudinem requirente?
- (a) Vide Tr. I. Dist. 3. n. 57. & 58.
29. Eadem similitudo ostenditur in Sacramento Eucharistiae, Penitentiae, &
30. Matrimonii.

15. **S**acramenta novae Legis, ut proxime dictum, sunt signum sensibile; idque praecipue fit ex eo, quod omnia novae Legis Sacramenta consent, seu perficiantur ex materia, & forma sensibili. Siquidem, ut Concilium Florentinum in Decreto Unionis, post enumerata septem novae Legis Sacramenta confitetur: *Haec omnia Sacramenta tribus perficiuntur, rebus tamquam materia, verbis tamquam forma, & persona Ministri conferentis Sacramentum cum intentione faciendi, quod facit Ecclesia: quorum si unum desit, non perficitur Sacramentum.* Unde in praesenti Quaestione de Materia, & Forma Sacramentorum in genere, & in subsequenti de Intentione Ministri dicetur: quae ut melius intelligantur,

16. Advertendum I. Quod omnia novae Legis Sacramenta consistant in usu, & in fieri, excepto solo sanctissimo Eucharistiae Sacramento, quod est Sacramentum permanens, ac veluti in facto esse consistit. In prioribus enim idem est Sacramentum, ac perceptio Sacramenti: sic enim Sacramentum Baptismi, est ipsamet perceptio Baptismi; nec permanet aliquid, quod est Sacramentum, cessante tali usu, seu receptione ejus. Nam post colla-

tionem Baptismi manet quidem in baptizato gratia Sacramentalis, & Character; hi tamen non sunt Sacramentum, sed effectus dumtaxat ipsius Sacramenti Baptismi: & idem fit in aliis Sacramentis consistentibus in usu, seu in fieri.

17. Aliter dicendum de SS. Eucharistiae Sacramento, quod habet rationem permanentis, ac veluti in facto esse consistit. Siquidem sub speciebus panis & vini consecratis Christus permanenter nobiscum esse voluit, semperque sub eisdem realiter praesens continetur, usque dum corrumpantur; atque idcirco tum in publicis Processionibus, tum ad infirmos, summa cum reverentia circumfertur. Unde Eucharistia est Sacramentum etiam ante usum, seu actualem ejus perceptionem: quippe in termino prolationis formae consecrationis jam incipit esse signum sensibile, ex institutione Divina efficaciter significans effectum Dei gratium, scilicet Corpus & Sanguinem Christi realiter contineri sub speciebus consecratis; quamvis postmodum digne hoc SS. Sacramentum suscipientibus etiam gratia habitualis, seu sanctificans, ex opere operato conferatur.

18. Advertendum II. Quod duplex sit materia Sacramentorum consistentium in usu, seu fieri, remota scilicet, & proxima. Remota materia Sacramentorum, est res sensibilis requisita ad consecrationem Sacramenti: Proxima vero, est ipsamet debita applicatio hujus materiae remotae. Sic in Baptismo materia remota est aqua naturalis, seu elementaris: ablutio vero, per quam debito modo applicatur aqua naturalis baptizando, est materia proxima Baptismi. Et idem dicendum de Sacramento Ordinis, & aliis, prout in progressu magis patebit.

19. Advertendum III. Quod forma Sacramentorum sint verba, quae Minister in administratione Sacramenti ex institutione Divina profert. Sic Forma Sacramenti Baptismi sunt verba illa, a baptizante proferenda: *Ego te baptizo in Nomine Patris, & Filii, & Spiritus Sancti.* Et eodem modo discurrendum de aliis verbis in administratione singulorum Sacramentorum necessario proferendis.

20. **CONCL. I.** Materia, & forma omnium Sacramentorum novae Legis, fuit a Christo Domino determinata quoad substantiam; non tamen ejusmodi determinatio in omnibus aequaliter facta. Prima pars est communis Theologorum. Siquidem Christus Dominus omnia isthaec Sacramenta instituit; ergo etiam determinare debuit eorum materiam, & formam, saltem quoad substantiam.

21. Altera pars est Suarezii p. 3. tom. 3. disp. 1. s. 2. 3. Mastrii 4. disp. 4. n. 36. & 45. ac aliorum. Ratio est: quia in quibusdam Sacramentis res, seu materia, fuit a Christo Domino determinata in quadam specie infima; ut aqua naturalis in Baptismo, & oleum olivarum in Extrema Unctione, in quibusdam vero solum in genere; ut in Sacramento Ordinis. Prout hoc desumitur ex praxi primitivae Ecclesiae, quae ante descriptionem Sacri Evangelii, atque Epistolarum Canoniarum, non potuit Diaconis & Subdiaconis in eorum Ordinatione tradere Librum Evangeliorum, ac Epi-

stolarum: simulque ex praxi Ecclesiæ Græcæ & Latinæ, quarum quælibet valide conficit Sacramentum Ordinis, licet non conveniant in signo sensibili, seu materia Ordinandis porrigenda quoad speciem; sed solum in genere, quatenus quilibet eorum significatur certa potestas in Ecclesia conferri ordinato. Simile quid contingit in Sacramento Eucharistiæ, pro cuius consecratione sufficit quicumque panis triticeus, sive azymus, sive fermentatus; ac vinum de vite, cujuscumque sit speciei: item in Sacramento Pœnitentiæ, cuius materia remota sunt peccata actualia post Baptismum commissa, tum mortalia, tum venialia, hujus vel illius speciei.

22. CONCL. II. Quælibet mutatio substantialis facta in materia, vel forma Sacramentorum, irritat Sacramentum; non item mutatio solum accidentalis. Ita certâ, & communis Catholicorum. Et patet hoc ex praxi Ecclesiæ Græcæ, & Latinæ, quarum utraque juxta determinationem Concilii Florentini valide conficit Sacramenta, quamvis in eorum collatione nonnihil variant, sive in materia, sive in forma: nam variatio illa non est substantialis, sed solum accidentalis, ut magis in progressu patebit.

23. Quæres: quænam mutatio sit censenda substantialis, & quænam accidentalis? Resp. Mutatio substantialis tunc fieri censetur, quando secundum prudens judicium non manet amplius eadem res in substantia, quam Christus determinavit pro materia Sacramenti: vel loquendo de forma, quando non manet in verbis eadem significatio; ita ut illa mutatio, quæ destruit sensum verborum a Christo institutum, sit substantialis; quæ vero non destruit, censeatur accidentalis.

24. Declaratur allata doctrina exemplis. Sic valet Baptismus, sive adhibeatur aqua putealis, sive pluvialis, dulcis aut amara, vel marina, sive consecrata (qualis extra casum necessitatis adhiberi debet) sive non consecrata: quia quælibet harum adhuc quoad substantiam est aqua naturalis, seu elementaris, quæ ex Christi institutione est materia necessaria Baptismi. Non autem valet Baptismus in vino, lacrymis, aut spuito collatus: quia talia quoad substantiam non sunt aqua naturalis, sive elementaris. De illis autem liquoribus, de quibus dubium est, utrum adhuc retineant substantiam aquæ naturalis, nec ne (ut est tenue lixivium, aqua illa, in qua carnes sunt decoctæ &c.) similiter dubium est, an sint materia sufficiens Sacramenti Baptismi. Et idem, servata tamen proportionem, dicendum de materia aliorum Sacramentorum.

25. Similiter loquendo de forma Sacramentorum, si in forma Baptismi v. g. pro *in nomine Patris* dicatur *abluo*, vel si omittatur pronomen *Ego*, aut si transponantur solummodo verba, manente tamen adhuc eadem significatione; vel si subtrahatur aliqua syllaba syncopando ex humana inconsideratione, sive propter impedimentum linguæ, aut ob imperitiam loquentis, ita tamen, ut adhuc audiens satis possit intelligere sensum, & intentionem loquentis: tunc ejusmodi mutatio formæ Baptismi solum censebitur esse accidentalis, ac proinde Baptismus valere: & ita discurrendo

de aliis Sacramentis. Aliud dicendum foret de tali mutatione, per quam sensus verborum formæ variatur: ut si in forma Baptismi omittatur *in nomine Patris*; aut si dicatur cum Ariano, *Ego te baptizo in nomine Patris majoris &c.* Hæc enim mutatio, vel additio, repugnat verbis principalibus formæ, sicque est substantialis, ac proinde per eam non conficitur Sacramentum. Et eodem modo discurrendum est de cæteris Sacramentis.

26. CONCL. III. Ad valorem Sacramentorum requiritur insuper aliqua similitudo inter eorum materiam, & formam: hæc tamen similitudo non necessario debet esse physica, vel mathematica (id est, talis, ut simul ac toto eodem tempore, quo v. g. profertur forma Baptismi, continueatur ablutio baptizandi) sed sufficit moralis, id est, talis similitudo, ut secundum moralem hominum æstimationem, spectatâ natura cujuscumque Sacramenti, una pars alteram efficiat. Ita Scotus 4. dist. 6. q. 3. ubi ait: *quod inter materiam, & formam Sacramentorum talis similitudo requiratur, qualis requiritur in actibus humanis: notuit enim Christus nos obligare ad tam subtilem similitudinem, quam vix posset homo percipere vel servare.* Idem in re tenet communis Doctorum: nam cum Sacramentum sit compositum morale, requiritur, & sufficit talis similitudo, sive unio inter materiam, & formam, ut unum moraliter, ac secundum communem hominum æstimationem censeatur efficere alterum, spectatâ natura cujuscumque Sacramenti.

27. Additur, *spectatâ natura cujuscumque Sacramenti.* Nam cum Sacramenta ex diversis actibus humanis constent, quorum aliqui majorem, alii minorem similitudinem ex sua natura postulant; eadem diversitas etiam in Sacramentis observari debet, juxta naturam, & varietatem illarum operationum, quibus Sacramenta constant. Hoc ipsum melius patebit inductione. Sic in Baptismo, Confirmatione, Extrema Unctione, ac Ordine, requiritur, & sufficit talis similitudo, ut unum non finiatur complete ante inceptionem alterius; ac proinde applicatio materiæ, & prolatio formæ, quoad aliquam partem, se contingant, ut sic Minister, dum verba profert, moraliter etiam censeatur abluere, inungere &c. Hinc in Baptismo requiritur tanta similitudo, ut, antequam una pars finiatur, altera incipiat; id est, ut antequam finiatur ablutio baptizandi, incipiat baptizans proferre formam Baptismi, & e contra, antequam is finiatur formam Baptismi, jam incipiat abluionem. Et idem servata proportionem de Confirmatione, Extrema Unctione, ac Ordine dicendum est, atque in praxi semper observandum.

28. Nec obstat, quod nonnulli Doctores sentiant, ad valorem horum Sacramentorum non requiri tantam similitudinem; adeoque validum adhuc foret Sacramentum Baptismi, si statim post abluionem jam finitam verba formæ proferantur vel e contra: quia (inquiunt) adhuc talis intervenit similitudo, ut juxta prudens judicium verba illa censeantur efficere abluionem Baptismalem. Resp. enim, quidquid sit de probabilitate hujus sententiæ speculative loquendo, in praxi doctrinam superius traditam esse observandam: siquidem in

ad-



administratione Sacramentorum tutior semper pars est sequenda, ne Sacramentum absque necessitate exponatur periculo invaliditatis. Unde & Innocentius XI. inter alias sequentem ordinem damnavit Propositionem: *Non est illicitum, in Sacramentis conferendis sequi sententiam probabilem de valore Sacramenti, relicta tutiore &c.* (a)

29. Ceterum in alijs tribus Sacramentis multo major, vel minor, inter materiam, & formam requiritur simultas, prout natura cujusque, juxta Christi institutionem, ac prudens judicium exigit. Et quidem loquendo de Sanctissimo Eucharistiae Sacramento, ad ejus confectionem omnino requiritur, ut toto eo tempore, quo verba Consecrationis proferuntur, materia sit praesens: hanc enim ut praesentem significant pronomina demonstrativa *Hoc*, & *Hic*. Econtra in Sacramento Poenitentiae multo major distantia admitti potest inter accusationem Poenitentis, & absolutionem Sacerdotis: Siquidem hoc Sacramentum peragitur per modum Judicii; in Judicio autem accusatio praesupponitur absolutioni, nec requiritur, ut sententia Judicis cum accusatione ipsius Rei sit tempore conjuncta.

30. Tandem in Sacramento Matrimonii potest consensus unius conjugis post consensum alterius tam diu sequi, quamdiu hic moraliter permanere censetur; licet accidere solet in alijs contractibus. Imo potest hoc Sacramentum, cum perficiatur per modum contractus, etiam inter absentes, ac per Procuratorem ad hoc specialiter deputatum rite celebrari, ut habetur c. *Accedens*, de *Procuratorib.* juncto c. *ult.* eod. in 6.

### QUAESTIO III.

Quanam Intentio ex parte Ministri, ac Recipientis, requiratur ad valorem Sacramentorum?

#### SUMMARIUM.

31. Ratio ordinis.
32. Solus homo viator est Minister Sacramentorum. Quid de nonnullis Historiis.
33. Aliqua Sacramenta requirunt Ministrum consecratum, alia non; & quae?  
(a) Tract. 14. Dist. 3. n. 46. & Dist. 12. n. 55.
34. Intentio triplex, Actualis, Virtualis, & Habituális, quae?
35. Habituális, quae?
36. Qualis requiratur ex parte Ministri?
37. Quid observandum pro praxi?
38. Intentio actualis in actu exercito, & in actu signato, declaratur.
39. Intentio ex parte recipientis, an requiratur?
40. Et qua sufficiat in adultis?
41. Disparitas quoad hoc inter Ministrum, & recipientem.

31. Cum ex Concilio Florentino num. 15. relato constat, quod Sacramenta tribus perficiantur, rebus tamquam materia, verbis tamquam forma, & persona Ministri conferentis Sacramentum cum intentione faciendi, quod facit Ecclesia. Explicata materia, & forma Sacramentorum, in praecedenti Quaestione restat, ut de Ministro atque

intentione ex parte ipsius, simul ac ex parte recipientis Sacramentum requisita; nunc agatur.

32. CONCL. I. De facto, ac de Lege Dei ordinaria, solus homo viator est legitimus Sacramentorum Minister. Ita Communis; & desumitur ex illo 1. Corin. 4. *Sic nos existimet homo, ut ministros Christi, & dispensatores Ministeriorum Dei.* Item ex illo *Matth. ult.* ubi Christus solis hominibus viatoribus loquens, dixit: *Docete omnes gentes, baptizantes eos in nomine Patris, &c.* & alibi. Quod si quandoque in Sacris Historiis legatur, Sacramentum aliquod ab Angelis fuisse ministratum, id factum est ex speciali ordinatione Divina, ac privilegio extraordinario.

33. CONCL. II. Ex Sacramentis aliqua requirunt Ministrum consecratum, alia etiam possunt a Ministro non consecrato perfici. Ita communis, & patet inductione. Siquidem Ministrum consecratum requirunt omnia, praeter Sacramentum Baptismi, & Matrimonii. Baptismus enim in casu necessitatis a quocumque homine, sive masculo, sive femina, conferri potest: Matrimonium vero non nisi a personis solutis, inter se contrahentibus, perficitur. Porro Eucharistia, Poenitentia, & Extrema Unctio, requirunt Ministrum initiatum Sacro Ordine Presbyteratus. Tandem ordinarius Minister Sacramenti Confirmationis, sicut & Ordinis, est solus Episcopus, non autem simplex Sacerdos: quidquid sit, an ex speciali concessione SS. Pontificis secus fieri possit, de quo suo loco. (a)

34. CONCL. III. Intentio, quantum ad propositum, recte dividitur in actualem, virtualem, & habitualem. Ita communis. Et quidem *Intentio Actualis* tunc habetur in administratione Sacramentorum, quando quis actu cogitat; & vult, seu intendit conficere Sacramentum, dum illud conficit. *Intentio virtualis* ea dicitur, quae licet actu jam praeterierit, adhuc tamen manet in virtute sua: & talis tunc censetur haberi, quando operans virtute actualis intentionis prius habitae facit omnia, quae facit, tamquam ex radice, ita, quod intentio illa actualis praehabita, fuerit principium ordinatum ad omnes actus subsequentes. Declaratur exemplo: habuit quis v.g. intentionem actualem celebrandi Missam, atque ex hac voluntate induit se sacris Vestibus, & vadit ad Altare; dum celebrat autem, fit distractus; & ex distractione non considerat actualiter actum, quem exequitur: iste celebrans sic distractus dicitur celebrare cum intentione virtuali, quia virtute intentionis prius actualiter habitae celebrandi Missam, facit omnes illos actus concernentes Missae celebrationem.

35. Tandem *Intentio habitualis* aliud non est, quam intentio mere praeterita, & non retractata per actum contrarium, quae tamen non amplius influit in effectum: ut, si quis semel intendat suscipere Sacramentum Baptismi, vel Confirmationis, & hanc intentionem suam non amplius retractet, is dicitur habere intentionem habitualem suscipiendi tale Sacramentum, etiam dum dormit, imo & post integrum annum, ac ultra, dummodo hanc intentionem interim non revocaverit.

36. CONCL. IV. Intentio, quæ ex parte Ministri conficientis Sacramentum requiritur, debet esse vel actualis, vel saltem virtualis; sola autem habitualis non sufficit. Ita Doctor noster 4. *dist. 6. quest. 6.* estque communis Theologorum. Ratio est: quia intentio ad Sacramentum conficiendum requisita debet esse causa Sacramenti: talis autem non est sola intentio habitualis, bene tamen actualis, vel virtualis, in sensu superius explicato; quia hæc utraque influit in actum, estque causa ipsius, non vero sola intentio habitualis.

37. Cæterum, licet intentio virtualis ex parte Ministri ad confectionem Sacramentorum sufficiat, ut tenent Theologi communiter, nam intentionem actualem semper habere, & numquam sub administratione Sacramentorum, & præsertim Sacramenti poenitentiae in concursu Confitentium, mente distrahi, moraliter foret impossibile; cum & ipse Regius Psalter conquetatur *Psalm. 39. Cor meum dereliquit me.* Adhuc tamen Minister Sacramentorum studiose debet curare, ut, quantum patitur humana fragilitas, ipse etiam intentionem actualem adhibeat: hæc enim actualis intentio est longe perfectior virtuali, & consequenter magis meritoria.

38. Notandum tamen cum Cajetano *part. 3. quest. 64. art. 8.* quamvis studiose debeat Minister operam dare, ut etiam actualiter intendat conficere Sacramentum (ut proxime dictum) hoc non esse intelligendum *in actu signato*, sed *in actu exercito*. Non enim studendum est, ut habeamus hoc in mente actualiter: *Ego intendo conficere Sacramentum*; sed studendum, ut actualiter mens nostra ad ea, quæ sunt v.g. Consecrationis, attendat, ut puta ad prolationem distinctam formæ, ad reverentem contrectationem materiæ, ad futuram tunc ineffabilem præsentiam Divinæ gratiæ in Sacramento, vel etiam ipsius Christi quoad Eucharistiam: hoc enim est celebrare cum actuali intentione *in actu exercito*. Ita Cajetanus. Et istam distinctionem actualis intentionis *in actu exercito*; & *in actu* (ut vocant) *signato*, etiam Arctinus 4. *dist. 6. quest. 6.* & Suarez, cum aliis agnoscunt, potestque deservire pro remedio vane nonnumquam scrupulorum.

39. CONCL. V. Loquendo de intentione ex parte ipsius suscipientis Sacramentum, in infantibus, ac perpetuo amentibus, nulla requiritur intentio propria recipiendi Sacramentum, v.g. Baptismi: in aliis tamen, nempe in adultis usum rationis habentibus, omnino requiritur aliqua intentio, ita ut ipsis invitis ac repugnantibus non possit valide conferri Sacramentum. Ita decusum habetur c. *Majores, de Baptismo*; ubi in primis, quantum ad parvulos, dicitur: *Originale peccatum, quod sine consensu contrahitur, sine consensu per vim remittitur Sacramenti.* Deinde ibidem §. *Sed adhuc, & seqq.* altera pars Conclusionis expresse deciditur, quæ proin est certa, & communis Theologorum. Et hinc in Rituali Romano Pauli V. prohibetur, baptizare amentem, qui cum aliquando habuerit usum rationis, priusquam incidit in amentiam, numquam ostendit voluntatem recipiendi Baptismum.

40. CONCL. VI. Nihilominus in adultis ad valide recipiendum Sacramentum sufficit quælibet intentio ex tribus supra enumeratis, scilicet tam actualis, & virtualis, quam etiam sola intentio habitualis: unde ad susceptionem Sacramenti non requiritur, ut quis, dum suscipit Sacramentum, actu intendat, vel paulo ante intenderit illud suscipere; sed sufficit, ut aliquando intenderit, & hanc suam intentionem per actum contrarium necdum revocaverit. Ita rursus communis; & habetur *cit. c. Majores, §. fin. de Baptismo*. Ratio est: quia intentio ex parte suscipientis solum requiritur ut dispositio, seu conditio, per quam suscipiens intelligitur non repugnare Sacramento; non autem requiritur ut principium actionis Sacramentalis, sicut requiritur ex parte Ministri conficientis Sacramentum. Hinc si

41. Objicias: Ex parte Ministri, seu conficientis Sacramentum, non sufficit sola intentio habitualis ad valorem Sacramenti; ergo hæc neque sufficit in suscipiente. Resp. negando consequentiam, & paritatem. Disparitas desumitur in primis ex ipsa Christi institutione, quæ nobis innotescit ex perpetua traditione Ecclesiæ, atque unanimi Doctorum consensu. Deinde ex eo: quia utique plus requiritur ad agendum, quam ad patiendum, seu recipiendum: atqui in proposito Minister est agens, & habet se active in administratione Sacramentorum, quoniam ipse v.g. baptizat, recipiens vero habet se passive, ipse enim est, qui baptizatur, confirmatur, &c.

#### QUÆSTIO IV.

Quænam ex parte Ministri requirantur ad legitimam Sacramentorum administrationem?

#### S U M M A R I U M:

42. *Quæ generatim requirantur ad Sacramentorum administrationem?*
43. *Improbis Ministri ea non invalidas.*
44. *Ad Sacramenta licite ministranda requiritur status gratiæ.*
45. *Quid de Ministro non consecrato?*
46. *Vel in casu necessitatis, &c.*
47. *Corollarium de duobus Sacerdotibus sibi mutuo consensibus.*
48. *Graviter peccat celebrans in peccato mortali, sed gravius, qui simulat se consecrare.*
49. *Quot peccata committat Sacerdos, plures communicans in statu malo?*
50. *Sententia rigida quorundam.*
51. *Plures simul communicans, commisit unum numerum peccatorum, sed gravius.*
52. *Sententia negans, talem peccare mortaliter, rejicitur.*
53. *Quid de Sacerdote, plurimum Confessiones audiente in peccato mortali?*
54. *Sacramenta, an possint peti ab indigno Ministro?*
55. *Præsertim excommunicato vitando.*
56. *Quid de Ministro indigno tolerato?*
57. *Et eo, qui non tenetur ex officio ministrare Sacramenta?*
58. *An peccet graviter, qui alias functiones sacras exercet in statu malo?*

42. CONCL. I. Generatim ad legitimam, si- mulque meritoriam Sacramentorum, Ministrum consecratum requirentium, admini- strationem, ex parte ipsius requiritur potestas, vitæ probitas, debita intentio conficiendi Sacra- mentum, & observantia Rituum Ecclesiasticorum. Ita communis, & patebit ex dicendis.

43. CONCL. II. Nihilominus infidelitas, seu improbitas Ministri, si cætera requisita adsint, neu- tiquam invalidat Sacramentum. Ita omnes Catho- lici; estque novissime definitum in Concilio Tri- dent. *Sess. 7. can. 12.* his verbis: *Si quis dixerit, Ministrum in peccato mortali existentem, modo omnia essentialia, quæ ad Sacramentum conficiendum, aut conferendum pertinent, servaverit, non conficere Sa- cramentum: anathema sit.*

44. CONCL. III. Et si Minister in peccato mortali existens valide administret Sacramenta, ut dictum: nihilominus ad ea licite, & sine peccato mortali ministranda, requiritur in Ministro con- secrato status gratiæ. Ita communis. Nam hoc ipso, quod Sacramenta sint instituta à Christo ad nostram sanctificationem, & Minister ad eorum dispensationem specialiter sit consecratus, oritur obligatio ad illa ministranda in gratia: siquidem sancta sunt sancte tractanda. Hinc *Levi. 1. 21.* dicitur: *Sacerdotes incensum Domini, & panes Dei sui offerunt; & ideo sancti erunt.* Et *Isaia 52. Mun- daminæ, qui fertis vasa Domini.* Et S. Augustinus, relatus, c. *Omnia. 1. quæst. 1.* inquit: *Omnia Sa- cramenta, cum obsint indigne tractantibus, profunt tamen per eos digne sumentibus.*

45. Dicitur notanter, in Ministro consecrato. Quia Laicus, vel etiam Paganus, baptizans in ca- su necessitatis, non tenetur sub novo peccato mor- tali esse in statu gratiæ; cum tales non sint Mini- stri consecrati, sicuti sunt Sacerdotes, qui virtutē Sacramenti Ordinis accipiunt potestatem solemniter baptizandi, &c. specialemque gratiam ad talia Sacramenta rite ministranda obtinent. Sannig. d. st. 1. de Sacramentis, quæst. 14. n. 8. cum com- muni.

46. Limitant passim Doctores allatam doctri- nam, nisi ausi casus extremae necessitatis, vel impos- sibilitatis. Quia, si quis v. g. debeat administrare Sacramentum Baptismi puero agonizanti, poterit illud etiam peccato mortali irreuitus administrare, si non possit tam cito elicere contritionem de pec- cato commisso: siquidem concurrentibus duobus præceptis impossibilibus, illud magis obligat, cujus transgressio magis nocet. In praxi tamen hæc limitatio rarius poterit habere locum, nisi forsan in Ministro ob casus inopinati emergentiam perplexo, aut perturbato, vel ratione inadverten- tiæ: nam alioquin contritio de peccatis admissis poterit brevissimo tempore, & quasi unico momen- to, præmitti, & concipi a Ministro, si voluerit.

47. Hinc inferunt Doctores, si duo Sacerdotes velint sibi invicem confiteri, & ambo sint in pec- cato mortali constituti, eum, qui primo loco alte- rius excipit Confessionem, teneri antea præmittere Contritionem perfectam: quia alioquin admini- straret Sacramentum Pœnitentiæ in peccato mor- tali. In altero autem, qui primo loco confitetur, sufficeret attritio cum Confessione Sacramentali.

48. CONCL. IV. Et si graviter peccet, gran- deque sacrilegium committat, qui in statu peccati mortalis constitutus, scienter celebrat SS. Missæ Sacrificium: adhuc tamen gravius peccat is, qui peractis cæteris simulat se consecrare, & non con- secrat. Ita declaravit Innocentius III. c. *De ho- mine, de Celebrat. Missar.* ubi refertur casus de quo- dam incauto Presbytero, qui propter conscientiam peccati mortalis, in quo se constitutum novit, nec tamen Missarum solemniam ob urgentem necessita- tem intermittere potuit; peractis cæteris cæremoniis, sed omissis verbis Consecrationis, Missam celebrare se finxit. Rationem dat Pontifex, quod aliter sacrilege celebrans, in solius misericordis Dei manum incidat: iste vero (fictè celebrans) non solum Deo, cui non veretur illudere, sed populo, quem de- tipit, se astringat. Idem servata proportionem di- cendum de aliis Sacramentis. Et merito Innocen- tius XI. sequentem, ordine 29. propositionem damnavit: *Urgens metus gravis est causa iusta Sa- cramentorum administrationem simulandi.* Nam, cum huiusmodi simulatio contineat etiam irreveren- tiam respectu Sacramentorum; ex nullo metu, quantumvis gravi, poterit licita reddi: cum irre- verentia rebus sacris, sanctissimisque Sacramentis illata, sit intrinsece mala.

49. Quæritur I. An Sacerdos plures commu- nicans, vel plurium Confessiones excipiens in sta- tu peccati mortalis, tot peccata numero distincta committat, quot Sacramenta administrat? Ratio dubitandi, atque affirmativam tenendi, est: quia interveniunt tot actus externi completi, quot fiunt indignæ administrationes Sacramentorum; ergo & tot peccata numero distincta.

50. Et quidem non defunt Doctores, qui hoc ultro concedunt, ob rationem dictam; & præfer- tius, qui id admittunt de Confessario audiente plurium Confessiones in statu malo: siquidem hu- jus iudicium Sacramentale finitur, ac variatur in singulis Confessionibus auditis. Imo Bonacina disp. 1. de Sacramentis, in genere, quæst. 3. punct. 2. n. 15. post Coninch, & alios, hoc concedit etiam de eo, qui communicat alios in peccato mortali: ait enim, talem toties peccare, quoties Hostias di- stribuit; cum sint plures Sacramenti distributiones; & plures actiones terminatæ & completæ, etiam si fiant successive. Istis tamen non obstantibus,

51. Resp. I. Sacerdos in peccato mortali plu- res simul communicans, sive præbens eisdem SS. Eucharistiæ Sacramentum, est reus unius dunta- xat peccati mortalis; licet gravioris. Ita Mar- chantius tom. 3. Tribunalis, Tract. 3. tit. 4. quæst. 2. concl. 2. Filliucius tract. 1. num. 87. Henriquez, & probabile censet Tannerus tom. 2. disp. 4. q. 2. n. 56. Ratio est: quia totus ille actus communi- candi habet se per modum unius Convivii Spiri- tualis, & ipsamet administratio Sacramenti cen- setur moraliter unum Ministerium sacrum, ex plu- ribus quasi actibus partialibus constitutum; unde & Christus Dominus in ultima Cœna Apostolis di- cebat per modum unius Ministerii: *Accipite & comedite ex hoc omnes.*

52. Quinimo Vasquez 3. parte, disp. 135. cap. 3. num. 39. existimat, & favet Mastrius disp. 16. theo- log. Moral. n. 42. citans alios, Sacerdotem, qui in statu peccati mortalis Fidelibus Eucharistiam di-

tribuit, ne quidem mortaliter peccare; eo quod tunc is non conficiat, neque recipiat Sacramentum, sed jam antea confectum dumtaxat dispenset. Verum, quidquid sit de probabilitate hujus sententiae, oppositum, sive talem peccare mortaliter, videtur probabilius. Tum quia communicans alios, vere ministrat Sacramentum. Tum quia Apostolus 1. *Timoth. 3.* etiam Diaconos, olim Calicem consecratum Fidelibus dispensantes, voluit esse habentes *Mysterium fidei in conscientia pura*. Et hinc c. *Scisci. antibus*, 15. q. 8. de malis Sacerdotibus alios communicantibus dicitur: *Quoniam mali bona administrando, se tantummodo ladunt, & consequenter peccant.*

53. Resp. II. Sacerdos, qui se una vice ad audiendas Confessiones exposuit, quamvis centum poenitentes successive se praesentent, ab eoque in statu peccati mortalis absolvantur, probabiliter unum dumtaxat peccatum committit: Ita Marchantius *loc. cit.* Ratio est: quia & talis Confessarius Ministerium, seu actionem natura sua communem omnibus accedere volentibus exercet, quam explicamus per verbum, *pro tribunali sedere, iudicium facere, &c.* Et per hoc patet ad rationem dubitandi: quia hoc spirituale Ministerium non est completum per singulas absolutiones Sacramentales. Dicitur notanter *una vice*: si enim quis pluribus vicibus inter se moraliter distinctis se exponeret ad Confessionale, vel alios communicaret, sicuti censeretur multiplicare Ministeria, ita fierent numero distincta peccata.

54. Quaritur II. An possint licite peti Sacramenta a Ministro indigno? Ubi per *indignum Ministrum* intelligitur is, qui est in notorio peccato mortali constitutus, quamvis habeat potestatem Sacramenta conferendi, sive dein sit excommunicatus, sive non. Et dicitur, *in notorio peccato mortali*. Nam, si peccatum alicujus non sit publicum; certum est, quod quis ab eo possit petere Sacramenta; cum possit, ac debeat praesumere, ipsum non esse indignum: quia nemo praesumitur esse malus, nisi probetur malus. Hoc praenotato,

55. Resp. I. Si Minister est excommunicatus, & vitandus (quales de facto solum sunt nominatim excommunicati & denunciati, ac notorii percussores Clericorum) non est licitum, ab eo petere Sacramenta, nisi in casu necessitatis. Ratio est: quia alioquin communicaret quis in Divinis cum excommunicato vitando; quod illicitum est extra casum necessitatis.

56. Resp. II. Loquendo de Ministro tolerato, licitum est non tantum in casu necessitatis, sed etiam extra casum necessitatis, ac ob spirituales profectum animae suae petere, ac recipere Sacramenta a Ministro, cui ex officio Sacramenta administrare incumbit; quamvis ille malus sit, ac in peccato mortali constitutus. Ita Mastrius *disp. 16. Theol. Moral. num. 51.* cum communi. Desumitur hoc ex c. *Sciscitantibus*, 15. q. 8. ubi dicitur, quod de manu Sacerdotis, quamdiu ab Ecclesia toleratur, licite Sacramenta sumantur. Accedit ratio: quia subditus, ut puta Parochianus habet jus petendi, & accipiendi Sacramenta a suo Parocho; neque tale jus is amittere censetur ob sui Parochi malitiam: praesertim cum is, dummo-

do velit, possit se prius vel per Confessionem, vel saltem per Contritionem restituere in statum gratiae.

57. Et hoc idem dicendum de eo, qui est expositus ad ministranda Sacramenta, quamvis ex officio eadem administrare non teneatur: nam is, si sit in statu peccati mortalis (quod tamen non facile praesumendum) sibi soli nocet.

58. Quaritur III. An peccet graviter, qui alias functiones Ordinum exercet cum conscientia peccati mortalis: ut si Lector Lectionem, Subdiaconus Epistolam, vel Evangelium Diaconus, in tali statu solemniter cantet? aut si Sacerdos Aquam Lustralem benedicat, SS. Eucharistiam de uno loco in alium transferat, vel Matrimonio assistat; seu Episcopus benedicat sacras vestes, consecrer Ecclesias, vel alia hujusmodi praestet? Resp. negative: quia tales actiones neque sunt Sacramenta, neque immediate ordinantur ad sanctificationem animae. Bonacina *cit. pun. 2. §. 1.* Mastrius *n. 42.* & alii, paucis exceptis.

## DISTINCTIO II.

### De Effectibus, ac Necessitate Sacramentorum.

#### QUESTIO I.

An, & quomodo Sacramenta conferant gratiam?

#### SUMMARIUM.

1. Effectus Sacramentorum duplex, Gratia, & Character.
2. Gratia actualis, &
3. Gratia habitualis, seu sanctificans, quid?
4. Gratia Sacramentalis, quae? Gratiam conferri ex opere operantis, & ex opere operato, quid?
5. Omnia Sacramenta conferunt gratiam ex opere operato non ponentibus obicem.
6. Hanc causam non physice, sed moraliter.
7. Ratio Conclusionis.
8. Sacramenta praeter gratiam habitualement, conferunt etiam actualem.
9. Declaratur inductione de Baptismo,
10. Confirmatione,
11. Eucharistia,
12. Penitentia,
13. Extrema Unctione,
14. Ordine, &
15. Matrimonio.

1. **P**ost explicatam naturam, atque essentiam Sacramentorum novae Legis, progrediendum est ad eorumdem effectus declarandos (agendo simul de debita dispositione, ad consequendum effectum gratiae Sacramentalis requisita) nec non explicandum singulorum Sacramentorum necessitatem. Et quidem, quantum ad primum attinet, duplex communiter statuitur effectus Sacramentorum, Gratia videlicet, & Character. Horum prior per omnia Sacramenta digne recipientibus ex opere operato confertur; posterior vero non nisi per Baptismum, Confirmationem, & Ordinem: prout amplius in progressu dicetur, incipiendo a gratia Sacramentali, utpote principaliori Sacramentorum effectui.

2. Advertendum, quod gratia supernaturalis generatim dividatur in actualem, & habitualement: Gratia actualis est aliquod actuale auxilium Dei, quo



quo ipse hominem ad bene agendum, & ad salutem suam procurandum admonere, & quantum est de se, promovere solet: cujusmodi gratia actualis, ad instar luminis partim illuminantis, partim calefacientis, duo complectitur, videlicet internam illustrationem intellectus, piæque motionem voluntatis; qua quis a Deo illuminatur ad cognoscendum id, quod est agendum vel fugiendum, & aliquammodo interius instigatur, & commovetur ad illud agendum vel fugiendum. Et tales gratiæ actuales (quæ alio nomine *Auxilia Dei actualia* vocantur) sunt innumera bonæ inspirationes, piæque voluntatis affectiones, sæpius nobis liberaliter & misericorditer a Domino Deo immixtæ.

3. *Gratia habitualis* est habitus gratiæ sanctificantis, per quam homo formaliter sanctus, justus, Deoque gratus redditur, etiam dum libere nihil operatur. Et hæc dicitur etiam *Gratia justificans*, seu *sanctificans*: quia est unica formalis causa justificationis Impii, ut docet Concilium Trident. Sess. 6. cap. 7. Atque expellit formaliter ab homine omne peccatum mortale, cum quo de facto est impossibilis, simulque constituit hominem esse Filium Dei adoptivum, ac hæredem vitæ æternæ, si in ea finaliter decedat seu moriatur.

4. Cæterum omnis ea gratia, quæ virtute Sacramentorum confertur homini ex opere operato, dicitur *Gratia Sacramentalis*, sive deinde illa sit gratia quædam actualis, sive habitualis. Dicitur, *ex opere operato*: nam quando homini datur gratia propter propria sua merita, devotionem, actusque virtuosos, dicitur talis gratia conferri ipsi *ex opere operantis*. Ea vero gratia, quæ virtute Sacramentorum homini rite disposito ultra gratiam suæ devotioni, actibusque virtutis correspondentem, ex meritis Christi confertur, dicitur conferri *ex opere operato*: qui modus ex opere operato conferendi gratiam digne, seu absque obice peccati mortalis recipientibus Sacramentum, est proprius Sacramentorum. Et dicitur, *ex opere operato*: quia ob infallibilem promissionem Divinam ea gratia confertur ex meritis Christi, ac virtute Passionis suæ, quæ jam sunt *opus operatum*. His suppositis, sit

5. CONCL. I. Omnia novæ Legis Sacramenta conferunt ex opere operato gratiam digne sumentibus, seu non ponentibus obicem. Ita de Fide; estque non solum in Symbolo Nicæno decretum per illa verba: *Confiteor unum Baptisma in remissionem peccatorum*; sed etiam novissime clarius, & loquendo generatim de omnibus Sacramentis, definitum in Concilio Tridentino Sess. 7. can. 6. his verbis: *Si quis dixerit, Sacramenta novæ Legis non continere gratiam, quam significant: aut gratiam ipsam non ponentibus obicem non conferre, &c. anathema sit.*

6. CONCL. II. Sacramenta gratiam illam, quam conferunt ex opere operato, non causant physice, sed moraliter; id est, causant gratiam tantum, quatenus ex Divina institutione, & pacto; quod in eorundem institutione Christus inivit cum genere humano, sunt signum infallibile Deum efficaciter movens ad producendam gratiam, quam significant, intuitu meritorum ac

Passionis Christi, in animabus digne suscipientium Sacramentum. Ita Scotus 4. dist. 1. q. 4. & 5. cum Scotistis, ac plures alii Theologi; quavis nonnulli oppositum teneant, asserentes, Sacramenta gratiam etiam physice causare, quod postmodum diversimode explicant.

7. Probatur Conclusio ex eo: quia Sacramenta, quæ talia sunt quid morale; ergo etiam erunt causæ dumtaxat morales, & non physice, ipsius gratiæ. Antecedens patet: quia Sacramenta dependent solum ex institutione Christi, a qua, & meritis ejusdem Christi Domini, totam suam vim, atque efficaciam causandi habent. Consequentia probatur: quia modus operandi sequitur modum essendi, eique conformatur; ergo, cum Sacramenta quæ talia sunt quid morale, etiam erunt tantum causæ morales ipsius gratiæ: eatenus videlicet, quatenus ex institutione Christi, ac virtute meritorum ejus, sunt signum efficax, atque infallibiliter movens Deum ad causandam gratiam in rite suscipientibus Sacramentum. Accedit, quod omnes auctoritates SS. Patrum, & Conciliorum, asserentium, quod Sacramenta causent gratiam, optime salventur per causalitatem eorum moralem.

8. CONCL. III. Per Sacramenta novæ Legis digne recipientibus non tantum confertur gratia habitualis, seu sanctificans; sed præter eam, etiam virtute Sacramentorum, præstantur hominibus alia specialia gratiæ actualis auxilia, opportuna ad consequendos proprios fines singulorum Sacramentorum. Ita Theologi communiter. Ratio est: quia singula Sacramenta sunt a Deo instituta ob speciales suos fines; ergo etiam oportet, ut conferant specialia auxilia gratiæ actualis, quibus homo juvetur ad fines illos consequendos.

9. Hinc, quia per Baptismum spiritualiter regeneramur, ac in Christo vivere, ejusdemque Fidem profiteri incipimus: postmodum per alia Sacramenta juvamus ad hanc vitam spiritualem conservandam, & ad superandas varias difficultates in ea occurrentes; prout declarabitur discurrendo de singulis Sacramentis.

10. Sic per Confirmationem, per quam roboramur & confortamur ad fortiter confitendam Fidem in Baptismo susceptam, præter gratiam habitualem, digne sumentibus conferuntur tempore opportuno specialia gratiæ actualis auxilia ad constanter in Fide perseverandum, & quidem majora, quam conferuntur virtute solius Baptismi.

11. Similiter per Sanctissimum Eucharistiæ Sacramentum, quod est cibus spiritualis animæ, conferuntur specialia subsidia actualis gratiæ præ conservatione vitæ nostræ spiritualis; non minus, ac cibus corporalis vitam alit, & conservat corporalem. Unde juvat hoc Sanctissimum Sacramentum ad refrenandas inordinatas passiones, ut puta iræ, invidiæ, luxuriæ, &c. præbendo multas particulares gratias auxiliantes, quibus debilitatur, atque moderatur prava inclinatio ad peccatum; simulque idem Augustissimum Sacramentum confert complura auxilia excitantia, & concomitantia gratiarum actualium, ad exercenda opera vitæ spiritualis, & diversarum virtutum; sicut cibus

corporalis præbet vires ad exercendos actus vitales corporis.

12. Sicuti autem in vita corporali necesse est habere remedium contra morbum: ut, si quis in morbum inciderit, sanetur: Ita in vita nostra spiritali tale remedium, & quidem multo fortius, est Sacramentum Pœnitentiæ, quo non solum morbi, sed & ipsa mors animæ curatur, dum virtute ejus a morte spiritali, per peccatum mortale inducta, resurgimus.

13. Sequitur Extrema Unctio, præter augmentum gratiæ habitualis conferens homini digne recipienti specialia auxilia, quibus infirmus juvetur ad fortius resistendum tentationibus, in extremo vitæ articulo occurrentibus: simulque is in sua infirmitate alleviatur, quantum prodest saluti animæ suæ; juxta illud *Jacobi c. 5. Ungentes eum oleo in Nomine Domini: & oratio fidei salvabit infirmum, & alleviabit eum Dominus, & si in peccatis sit, remittentur ei.*

14. Per Sacramentum Ordinis, quod respicit totam Ecclesiam in suo statu Hierarchico conservandam, atque ut sua singulis ministeria ad legitimum gubernamentum hujus Ecclesiasticæ Reipublicæ destinentur: conferuntur Ordinato pariter quædam specialia auxilia, ad digne adimplenda Ministeria sacra cuilibet Ordini annexa.

15. Tandem per Matrimonium, quo fit legitima propagatio generis humani ad Dei cultum, & conservationem Ecclesiasticæ Reipublicæ; ut id honeste ac decenter fiat, dantur Conjugibus Christianis specialia gratiæ auxilia ad pie degendam vitam conjugalem; ac sustinenda ejus onera, prolemque recte ac devote educandam. Cæterum hujusmodi specialia gratiæ auxilia, plura vel pauciora, conferuntur digne suscipientibus Sacramentum juxta majorem, vel minorem eorumdem dispositionem, ac capacitatem, ut amplius dicitur *Quest. seqq. num. 25.*

## Q U Æ S T I O II.

An omnia Sacramenta conferant primam, aut æqualem in inæqualiter dispositis?

### SUMMARIUM.

16. *Sacramenta mortuorum, &*
17. *Sacramenta vivorum, quæ?*
18. *Gratia habitualis seu sanctificans, prima & secunda, quæ?*
19. *Baptismus & Pœnitentia, per se conferunt primam gratiam.*
20. *Per accidens quandoque secundam.*
21. *Alia quinque Sacramenta per se conferunt secundam.*
22. *Corollarium.*
23. *Dant per accidens quandoque primam gratiam.*
24. *Cur hoc fiat per accidens?*
25. *Sacramenta conferunt majorem gratiam magis dispositis.*
26. *Etiam ex opere operato.*

16. **A**Dvertendum, quod Sacramenta communiter dividantur in Sacramenta vivorum, & mortuorum. *Sacramenta mortuorum* sunt duo, videlicet Baptismus, ac Pœnitentia: quæ duo ideo sic dicuntur, quia per se (id est, ex

primariæ institutionis suæ) sunt instituta ad conferendam primam gratiam, seu ad præbendam vitam spiritualem iis, qui per peccatum mortale spiritaliter fuerunt mortui, quæ non confertur nisi mediante gratia sanctificante.

17. *Sacramenta vivorum* sunt alia quinque: quæ ideo sic appellantur, quia per se loquendo supponunt, animam susipientis jam esse constitutam in gratia sanctificante, quæ est vita animæ. Unde, ut quis rite suscipiat unum horum Sacramentorum, requiritur, quod sit in statu gratiæ (saltem quantum bona fide, ac inspecta propria sua conscientia existimat) quod non requiritur ad Sacramenta mortuorum: hæc enim ab existente in peccato mortali, præmissa sola attritione, rite ac fructuose recipiuntur. Quod ut clarius intelligatur,

18. Advertendum ulterius, quod gratia habitualis, seu sanctificans (de qua *num. 3.* jam dictum) communiter dividatur in primam & secundam. *Gratia habitualis prima* aliud non est, quam illa prima gratia sanctificans, quam homo primo suæ justificationis instanti acquirit, ac per quam formaliter ab eo expellitur peccatum mortale. *Gratia secunda* dicitur omne augmentum gratiæ sanctificantis: unde omnis illa gratia habitualis dicitur esse gratia secunda, quæ infunditur homini jam prius justificato, ac habenti in se aliquem gradum gratiæ. Sic dum peccator per Pœnitentiam justificatur, illa gratia habitualis, quam is in primo suæ justificationis instanti acquirit, dicitur *gratia prima*: omnis autem gratia posterior, quam virtute bonorum operum subsequentiæ, vel Sacramentorum digne receptorum, ulterius acquirit, dicitur *gratia secunda*; eo quod sit augmentum prioris, ac secundo primum loco acquiratur. His prænotatis, sit

19. **CONCL. I.** Baptismus, ac Pœnitentia, quæ dicuntur *Sacramenta mortuorum*, per se, ac ex vi suæ primariæ institutionis, conferunt primam gratiam sanctificantem; quamvis, si hæc jam præfuerit in anima, per accidens conferant solum augmentum gratiæ. Ita communis Theologorum. Ratio primæ partis est: quia Baptismus primario, & principaliter, est institutus a Christo Domino in ordine ad remissionem peccati originalis; Sacramentum autem Pœnitentiæ in ordine ad remissionem peccati mortalis post Baptismum commissi: atqui talium peccatorum remissio non fit absque infusione primæ gratiæ sanctificantis; ergo dicta Sacramenta per se conferunt primam gratiam.

20. Altera pars ex eo patet: quia prædicta Sacramenta digne recepta conferunt susipientibus ex opere operato gratiam sanctificantem; ergo si recipiens jam prius est justificatus, non possunt primam, sed dumtaxat secundam gratiam conferre, hoc est, augmentum primæ gratiæ sanctificantis tribuere.

21. **CONCL. II.** Reliqua quinque novæ Legis Sacramenta, videlicet Confirmatio, Eucharistia,

stia, Extrema Unctio, Ordo, & Matrimonium, per se, ac ex vi suæ primariæ institutionis, non conferunt primam gratiam; sed principaliter instituta sunt ad conferendam secundam gratiam, sive augmentum ejus. Ita communis. Hac enim de causa ea appellantur Sacramenta vivorum, ac præsupponunt vitam animæ, quæ habetur per existentem gratiam sanctificantem.

22. Hinc sequitur, quod, si quis scienter in peccato mortali existens, accedat ad unum illorum quinque Sacramentorum cum sola attritione cognita; ipse non solum per susceptionem talium Sacramentorum non justificetur, neque recipiat primam gratiam (quod tamen fieret virtute Sacramenti Baptismi in necdum baptizatis, & Pœnitentiæ in relapsis post Baptismum, prævia attritione recepti) sed potius de novo gravissime peccet, atque committat peccatum Sacrilegii.

23. CONCL. III. Nihilominus prædicta quinque Sacramenta vivorum per accidens quandoque possunt conferre primam gratiam. Ita communis Theologorum, dempto Sacramento Eucharistiæ, de quo, cum sit institutum per modum cibi & potus, qui mortuis non prodest, nonnulli Theologi tenent oppositum. Declaratur in primis Conclusio. Sic etenim, si quis bona fide existimet, se esse in statu gratiæ, cum tamen revera habeat occultum peccatum mortale, cujus non recordatur, & cum sola attritione accedat ad unum Sacramentum vivorum, illudque recipiat, talis vi Sacramenti justificatur, ac recipit primam gratiam, saltem per accidens: Probatur hoc, simulque posita Conclusio. Quia juxta Concilium Trident. *Seff. 7. can. 6. & 7.* omnia Sacramenta novæ Legis habent vim conferendi gratiam non ponentibus obicem: atqui talis homo bona fide accedens, & cum attritione de commissis suis peccatis, jam non ponit obicem; ergo. Minor patet in Sacramento Baptismi, & Pœnitentiæ: simulque ex eo, quia ob suam bonam fidem nullius peccati mortalis sibi conscius est; ergo recipiet gratiam vi Sacramenti: Hæc autem, cum nulla prior infuerit, non secunda, sed prima gratia sanctificans erit.

24. Dicitur notanter in Conclusionem per accidens quandoque &c. Siquidem ab hisce Sacramentis vivorum, in casu posito, per accidens tantum confertur prima illa gratia sanctificans, eo quod ipsa per se & primario a Christo Domino non sint instituta ad primam gratiam conferendam; sed solum hanc conferre possint in casu extraordinario, & accedente bona fide susipientis, putantis se esse in statu gratiæ, cum tamen non sit ob occultum peccatum mortale: quod totum fit per accidens.

25. CONCL. IV. Sacramenta ejusdem rationis conferunt majorem gratiam magis disposito, quam alteri minus disposito: & quidem major illa gratia confertur magis disposito partim ex opere operantis: ac virtute illius boni motus interioris, quo facta est major ejusmodi dispositio; partim vi Sacramenti, atque ex opere operato.

Prima pars est certa, ac extra controversiam: nam utique major illa dispositio ac præparatio promeretur majorem gratiam ex opere operantis; cum hoc ipsum generaliter fiat in omnibus piis actibus justorum.

26. Alteram partem Conclusionis, quod etiam vi Sacramenti, sicque ex opere operato, conferatur major aliqua gratia magis disposito, ait Suarezius *part. 3. tom. 3. disp. 8. sect. 5. Concl. 3.* esse communem Theologorum sententiam; & colligitur ex Concilio Trident. *Seff. 6. cap. 7.* dicente, quod in justificatione, quæ fit in Baptismo, *justitiam recipiat unusquisque suam secundum mensuram, quam Spiritus Sanctus partitur singulis, prout vult, & secundum cujusque dispositionem & cooperationem*; ergo, si Sacramenta conferunt gratiam secundum propriam cujusque dispositionem, & cooperationem, conferunt majorem magis disposito quam minus disposito. Accedit ratio desumpta ex congruentiis. Siquidem videtur spectare ad suavem Dei providentiam, ac sapientem, justissimamque distributionem, ut melius disposito virtute Sacramentorum major conferatur gratia: simulque fuit hoc expediens, ut homines excitarentur ad recipienda Sacramenta cum majori devotione, ac reverentia, propter spem majoris fructus spiritualis.

### QUÆSTIO III.

Qualis requiratur dispositio ad fructuose recipienda Sacramenta, & præsertim SS. Eucharistiæ?

### SUMMARIUM.

27. Ad Sacramenta mortuorum recipienda, sufficit attritio de peccato mortali.
28. Pro Sacramentis vivorum requiritur status gratiæ.
29. Corollarium.
30. Ad dignam Eucharistiæ receptionem debet præmitti Confessio de peccato mortali.
31. Textus notabilis Concilii Trid. circa hoc.
32. Mandatur ejus celebrantibus injunctum quam primum confitendi.
33. Hoc id Quamprimum confiteatur, quid importet?
34. Quandoque obligat ad statim confitendum.
35. Aliquin extenditur ad irriduum.
36. Quid, si quis jam confessus, oblitus fuit peccati mortalis?
37. Solvitur instantia.
38. Limitatur hoc in casu necessitatis.
39. Quid, si non adsit necessitas celebrandi &c.
40. Copia Confessarii, quando deesse censeatur?
41. Quid, si is distet?
42. Dicto præcepto confitendi quamprimum, an tenetur Laicus?
43. An Sacerdos indigne celebrans?

27. CONCL. I. Ad recipienda Sacramenta mortuorum, nempe Baptismi & Pœnitentiæ, requiritur in adultis, conscientiam peccati mortalis habentibus, contritio, vel saltem attritio. Ita communis Theologorum: atque desumitur ex Concilio Trident. *Seff. 14. cap. 4.* ubi dicitur: *Docet præterea sancta Synodus, nisi Contritionem* hanc

hanc aliquando charitate perfectam esse contingat, hominemque Deo reconciliare, priusquam hoc Sacramentum (Pœnitentiæ) actu suscipiatur: ipsam nihilominus reconciliationem ipsi Contritioni sine Sacramenti voto, quod in illa includitur, non esse adscribendam. Illam vero Contritionem imperfectam, quæ attritio dicitur, quoniam vel ex turpitudinis peccati consideratione, vel ex gehenna & pœnarum metu communiter concipitur, si voluntatem peccandi excludas cum spe veniæ, declarat, donum DEI esse &c. Et quamvis sine Sacramento Pœnitentiæ per se ad justificationem perducere peccatorem nequeat, tamen cum ad DEI gratiam in Sacramento Pœnitentiæ impetrandam disponit. Hactenus Concilium.

28. CONCL. II. Ad recipienda rite & fructuose Sacramenta vivorum, qualia sunt alia quinque, requiritur per se loquendo status gratiæ. Patet hoc totum ex dictis *Quæst. præced. num. 21. & 22.*

29. Unde, si quis sit sibi conscius peccati mortalis, & velit suscipere Sacramentum Confirmationis, Extremæ Unctionis, Ordinis, vel Matrimonii, tenetur is prius vel per actum contritionis perfectæ, vel per præmissam Confessionem, ac susceptum saltem cum attritione Sacramentum Pœnitentiæ, se in statum gratiæ restituere. Et quidem ob maiorem difficultatem in elicienda perfecta contritione communiter solet præmitti, atque ut præmittatur, suaderi Confessio Sacramentalis; quamvis in dictis quatuor Sacramentis jam sufficeret Contritio perfecta. Verum loquendo de Eucharistia, sit

30. CONCL. III. Ad dignam Augustissimi Eucharistiæ Sacramenti susceptionem, quando quis sibi conscius est alicujus peccati mortalis, omnino requiritur, ut præmittatur Confessio Sacramentalis de tali peccato mortali habita copia Confessarii, nec sufficit Contritio. Ita communis; atque desumitur ex verbis Apostoli, 1. Corinth. 11. ubi de suscepturis hoc SS. Sacramentum, ait: *Probet autem se ipsum homo, & sic de pane illo edas, & de calice bibas: qui enim manducat, & bibit indigne, judicium sibi manducat, & bibit, non discernens Corpus Domini.*

31. Idipsum expresse declarat Concilium Trid. Sess. 13. cap. 7. & can. 10. Verba ejus in cit. cap. 7. sunt sequentia, ac bene notanda. *Quare communicare volumi revocandum est in memoriam ejus præceptum: Probet se ipsum homo. Ecclesiastica autem consuetudo declarat, eam probationem necessariam esse, ut nullus sibi conscius peccati mortalis, quantumvis sibi contritus videatur, absque præmissa Sacramentali Confessione ad sacram Eucharistiam accedere debeat. Quod a Christianis omnibus, etiam ab iis Sacerdotibus, quibus ex officio incumbuerit celebrare, hæc Sancta Synodus perpetuo servandum esse decrevit, modo non desit illis copia Confessoris: quod si necessitate urgente, Sacerdos absque prævia Confessione celebraverit, quamprimum confiteatur.* Hactenus Concilium.

32. Notent hoc bene Sacerdotes, quotidie vel saltem sæpius per hebdomadam celebraturi: simulque sciant, cum circa ultima citati Concilii verba: *Quamprimum confiteatur*, diversæ inter Theologos fuissent subortæ sententiæ, atque interpre-

tationes, Alexandrini VII. sequentes duas propositiones damnavit. Prima, & ordine 38. sic habet: *Mandatum Tridentini factum Sacerdoti sacrificanti ex necessitate cum peccato mortali confitendū quamprimum, est consilium, non præceptum.* Secunda, & ordine 39. sic sonat: *Illæ particula, Quamprimum, intelligitur, cum Sacerdos suo tempore confitebitur.* Verum occasione præmissorum

33. Quæres, quid per *quædam* *quamprimum* confiteatur in citatis verbis Concilii Tridentini intelligatur? Resp. I. Quantum ad dictam clausulam explicandam, olim variæ extiterunt sententiæ: nam nonnulli eam explicarunt in sensu aperte enervante vim præcepti, prout liquet ex relatis duabus Propositionibus damnatis: alii e contra mandatum illud intellexerunt in toto rigore, quasi statim post Missam teneatur Sacerdos celebrans, si possit confiteri. Et hæc posterior sententia utique in praxi saluberrime practicatur, ut sic conscientiæ, & puritati Sacerdotum celebrantium amplius consulatur; eo præsertim, quia Rubricæ Missalis, *Tit. De Defectibus dispositionis animæ*, sic habent: *Si quis autem in casu necessitatis non habens copiam Confessoris, in peccato mortali absque contritione celebret, graviter peccat. Secus, si contratur: debet tamen, cum primum poterit, confiteri.* Verum hic rigor, etsi in specialibus circumstantiis sit observandus, non tamen semper sub præcepti distinctione obligare videtur, sed opus est distinctione. Hinc

34. Resp. II. Quando hodie post Missæ Sacrificium præmissa contritione, ut supra, peractum, occurrit copia Confessarii, & non sit certum, an sequenti die, quo rursum celebrare teneberis, sis habiturus copiam Confessarii, teneris hodie confiteri. Ita Lugo disp. 14. de Eucharist. sect. 7. num. 162. Herinex disp. 6. de Eucharist. quæst. 6. num. 81. recte hoc extendens ad casum, quando sequenti triduo non putatur adfutura occasio confitendi; & alii. Ratio est: quia neglecta isthac copia confitendi, vel daretur nova causa iterum celebrandi sine Confessione, vel non confitendi *quamprimum*. Atqui horum utrumque directe est contra finem, atque intentum Concilii Tridentini; ergo.

35. Resp. III. Seclulis prædictis & aliis specialibus circumstantiis, ac si quis interea non est denuo celebraturus, sive communicaturus, memorato præcepto Ecclesiastico Concilii Tridentini satisfacere videtur, qui intra triduum confitetur. Ita Herinex ibidem, asserens, cit. *quædam* *quamprimum* confiteatur, hoc modo communius explicari; Lugo, Sannig, & alii. Ratio est: quia hujusmodi dictio est moraliter, & civili modo intelligenda: neque *quædam* *quamprimum*, aliud importare videtur, quam *quædam* *illico*, quod in Jure (nisi secus subjecta materia exoptulet) ad triduum extenditur, arg. l. Cum specialis, C. de Judiciis, ibi: *Illico autem, id est, intra triduum proximum sine ulla dilatione.* Et L. ult. D. de Error. Advocat. ibi: *Palam ex continenti, id est, triduo proximo, cum concordantiis.*

36. Quæritur II. Quid juris, quando quis jam semel confessus est, sed inculpabiliter oblitus alicujus peccati mortalis? Resp. Per se loquendo, ac seclulis specialibus circumstantiis, quæ ipsum excusare possunt, talis obligatur confiteri pecca-



tum mortale necdum in Confessione depositum, antequam communicet, vel celebret. Ita Reginaldus *lib. 2. s. num. 105.* Herinex *loc. cit. num. 75.* & Lugo *num. 151.* addens, talem, si est Sacerdos celebrans in casu necessitatis praevia Contritione, etiam comprehendendi sub praecepto Concilii Tridentini ad *quamprimum* postea confitendum: quamvis nonnulli apud Henriquez *lib. 8. cap. 46.* teneant oppositum, eo quod talis jam sit justificatus per Confessionem praevia; quorum sententiam speculative loquendo non esse improbabilem, censet etiam Joan. Bosco *p. 1. 2. Theol. Sacrament. disp. 4. sect. 10. Concl. 7.* Ratio autem nostrae responsionis est: quia praeceptum praemittendae Confessionis ante Communionem, non obligat ad quomodocumque confitendum; sed simpliciter ad confitenda omnia peccata mortalia, quorum quis sibi conscius est.

27. Nec obstat, quod talis vi Sacramenti Poenitentiae jam sit justificatus, eique saltem indirecte remissum peccatum mortale, ob ignorantiam invincibilem, aut inculpata oblivionem non confessum. Resp. enim, omnia peccata mortalia, quorum quis sibi conscius est, ante Sacram Communionem directe subjicienda esse clavibus Ecclesiae, habita copia Confessarii, prout indicat Concilium Tridentinum *loc. cit.* allegans verba Apostoli *1. Corinth. 11.* Ex quibus communior Doctorum infert, hoc esse praeceptum Juris Divini, & non tantum Ecclesiastici: unde non sufficit sola absolutio indirecta. Et revera, si quis pro prima vice posset in dicto casu communicare, vel etiam celebrare, posset etiam pro secunda & tertia vice, imo toties, quoties vellet, id ipsum facere absque nova praevia Confessione, donec incidat in novum peccatum mortale: quod plane repugnat communi sensui Fidelium.

38. Dicitur notanter *num. 36. per se loquendo, ac seclusis specialibus circumstantiis.* Nam si quis non amplius habeat copiam Confessarii, urgeatque necessitas celebrandi, vel communicandi; aut si quis jam ad linteum communicantium positus recordetur peccati mortalis, quod oblitus erat confiteri, nec inde sine nota vel scandalo gravi amplius recedere possit, talis non peccat communicando. Et hoc, etiam si non eliciat de novo Contritionem: quia peccatum illud jam est remissum, saltem indirecte, vi praeviae Confessionis bona fide peractae; simulque talis a facienda nova Confessione excusatur ob defectum Confessarii.

39. Quod si vero vel non desit copia Confessarii, vel saltem non urgeat necessitas celebrandi, aut communicandi, stante conscientia peccati mortalis necdum confessi, abstinendum erit a celebratione, vel Communione, donec praemittatur Confessio; ut notat Scotus *4. dist. 9. quest. un. Navarrus cap. 21. Manual. n. 49. & communis.*

40. Censetur autem deesse copia Confessarii, quando vel absolute deest, cui possit Confessio fieri; vel quando is ex malitia, aut alio capite non vult, vel non potest audire Confessionem; aut quia caret jurisdictione; vel etiam, quando poenitens rationabiliter timet sibi grave detrimentum, ut

puta revelationem Sigilli, vel aliud notabile damnum a Confessario inferendum, & hujusmodi.

41. Quantum autem Confessarius debeat distare, ut censeatur ejus esse defectus, non potest certa regula statui, sed id desumendum est a variis circumstantiis, prudenti judicio ponderandis. Generatim, dumtaxat dici potest, tunc deesse copiam Confessarii, quando ob infirmitatem, difficultatem itineris, brevitatem temporis, vel alia occurrentia negotia, aut hujusmodi, sine gravi incommodo, hic & nunc haberi non potest. Ita Lugo *num. 82. & seqq.* Herinex *num. 80.* Reginaldus *num. 108. & alii.*

42. Quæritur III. An hoc praecepto confitendi *quamprimum* teneatur Laicus, qui in casu necessitatis communicavit sine Confessione, sed cum contritione? Resp. negative. Ratio est: quia praeceptum confitendi *quamprimum* Sacerdotibus, ut supra, celebrantibus incumbens, non est Juris Divini (nam praeceptum Divinum non obligat ad confitendum post Communionem, sed ante eam, dummodo habeatur occasio confitendi) sed est praeceptum mere Ecclesiasticum, jure novo Concilii Trident. Celebrantibus impositum; atqui Concilium Trid. nullam facit mentionem Laicorum, sed dumtaxat Sacerdotum celebrantium; ergo ejus praeceptum non extendendum ad Laicos. Ita Bonacina *disp. 2. de Eucharistia, quest. 6. punct. 1. num. 37. & 40.* hoc etiam extendens ad Sacerdotem in casu necessitatis more Laicorum communicantem, cum Tridentinum loquatur solum de Sacerdotibus celebrantibus: Suarez, Reginaldus, aliique; quamvis non desint oppositum tenentes.

43. Quæritur IV. Utrum Sacerdos malitiose celebrans in statu peccati mortalis, teneatur vi praefati praecepti ad confitendum *quamprimum*? Resp. negative: nam hic non celebravit urgente necessitate, atque praemissa contritione (de quo casu loquitur Concilium Trid.) sed ex malitia; ad proinde celebrando, jam gravissime peccavit. Bonacina *ibidem num. 30.*

#### QUESTIO IV.

De Characteribus; ubi & de Sacramentis cum Fictione susceptis.

#### SUMMARIVM.

44. Ratio Ordinis.
45. Character, quid?
46. Tria Sacramenta imprimunt Characterem.
47. Et cur haec?
48. Videlicet Baptismus, Confirmatio, & Ordo.
49. Et non alia imprimant Characterem?
50. Character nec in morte deletur.
51. Corollarium notabile.
52. Fictio in proposito, quid?
53. Fictio negativa, & positiva, quae?
53. Baptismus fide susceptus, recedente fisione, committit effectum.
55. Similiter Confirmatio, & Ordo.
56. Quid de aliis quatuor Sacramentis?
57. Praesertim cum fisione negativa receptis?

44. **P**ost explicatum principalem Sacramentorum effectum, qui est Gratia, pergendum ad alterum ipsorum effectum minus principalem, qui est Character. De quo loquendo, fit

45. **CONCL. I.** *Character*, quantum ad propositum, est signum spirituale, impressum a Deo animæ suscipientis Sacramentum non iterabile. Ita Scotus 4. dist. 6. quest. 9. estque in re communis. Ejus frequens mentio est apud SS. Patres, ac etiam in S. Scriptura; ut 2. Corinth. 1. *Qui unxit nos Deus, qui & signavit nos.* Et Ephes. 1. *In quo signati estis Spiritu promissionis sancto.*

46. **CONCL. II.** Tria sunt Sacramenta quibus talis Character indelebilis imprimitur, videlicet Baptismus, Confirmatio, & Ordo: quæ proinde Sacramenta iterari non possunt. Ita de Fide habeturque definitum in Concilio Florentino, in Decreto Unionis, ac novissime in Trident. Sess. 7. can. 9. his verbis: *Si quis dixerit, in tribus Sacramentis, Baptismo scilicet, Confirmatione, & Ordine, non imprimi characterem in anima, hoc est, signum quoddam spirituale & indelebile, unde ea iterari non possunt: anathema sit.*

47. Cur autem hæc tria Sacramenta imprimant Characterem, & non alia quatuor, causa primaria est voluntas DEI, ac Christi ita instituentis; quæ nobis sufficienter constat ex perpetua traditione, atque auctoritate Ecclesiæ. Accedit congruentia, quam Doctor Subtilis 4. dist. 6. quest. 10. desumit ex Politia humana, in qua diversi Ministri, in familia cujuspiam magni Principis constituti, diversis, certisque Insigniis notantur, quibus eorum munus dignoscatur, atque Ipsi inter se assimilentur, & ab aliis distinguantur: unde congruum fuit, ut simile quid fieret in Aula Summi Regis Christi JESU.

48. Hinc, quia per Baptismum assumitur quis in Familiam, seu Ecclesiam Christi, ejusque Servus incipit esse; accipit is in anima sua Characterem, quo denotatur esse Servus Christi, & convenit cum reliquis Christianis, differt autem ab Ethnicis, & Judæis. Idem contingit in Confirmatione, qua quis inungitur in Militem Christi ad fortiter defendendam, & consitendam Fidem ejus: atque in Sacramento Ordinis, quo quis deputatur in Ducem, ac unum ex Magistratu Familiæ Christi, seu Dispensatorem Mysteriorum DEI.

49. Quia vero per reliqua Sacramenta non deputatur homo ad speciale munus in Ecclesia, seu Familia Christi peragendum (sicut neque id accidit in Familia terreni Regis, ex eo, quod quis comedat & bibat, ut ipsi offenso reconcilietur, vel a morbis curetur, aut per generationem personas in ejus Familia multiplicet) hinc congruum fuit, ut reliqua quatuor Sacramenta Characterem non imprimerent.

50. **CONCL. III.** Character, qui per prædicta tria Sacramenta imprimitur, ita est signum indelebile impressum animæ suscipientis, ut neque in morte hominis deleatur. Ita communis. Ratio est: quia alioquin a SS. Conciliis Generalibus non posset dici absolute esse *Signum indelebile*. Hinc

51. Infertur, quod Character Sacramentalis remaneat in animabus Beatorum in cælis existen-

tium, & quidem ad majorem eorumdem gloriam, saltem accidentalem. Quinimo remanet quoque in animabus Damnatorum, quamvis ad majorem ipsorum confusionem. Infertur ulterius, si quis rite baptizatus, confirmatus, aut Ordine v.g. Sacerdotali initiatus moriatur, atque miraculose a mortuis resuscitetur, eundem non posse amplius licite, aut valide baptizari, confirmari, aut denuo in Sacerdotem ordinari, remanet enim in ejusdem anima Character indelebiliter, unde nec dicta Sacramenta amplius reiterari possunt. Sed occasione dictorum, & quoad alteram partem Quæstionis,

52. Quæres: utrum Sacramenta, præsertim imprimentia Characterem, & sicte suscepta, recedente Fitione, conferant suum effectum gratiæ? Ubi notandum, quod *Fictio* hic non accipitur pro defectu interioris intentionis suscipiendi Sacramentum: ut si quis simulate accedens, permetteret se exterius aqua ablui, interius autem nollet suscipere Baptismum. Certum quippe est, tale Sacramentum invalide suscipi, ob defectum intentionis, ac proinde Baptismum sic susceptum nec imprimere Characterem, nec umquam postea habere effectum gratiæ ex opere operato consequendæ. Igitur in proposito, juxta receptam phrasin Theologorum, *Fictio* accipitur pro indispositione recipientis, effectum Sacramenti impediens, dum cæteroquin Sacramentum est validum. Nam etiam ille, qui suscipit Baptismum v.g. cum vera intentione, sed sine debita dispositione, committit quamdam Fitionem, dum exterius ostendit, se recipere Sacramentum cum legitima dispositione, qua tamen interius caret. Unde de tali verificatur illud *Sapient. 1. Spiritus sanctus disciplina effugiet fictum.*

53. Porro hujusmodi *Fictio*, seu indispositio recipientis, atque obex impediens effectum Sacramenti, adhuc duplex esse potest. Una *negativa*, & absque peccato: ut dum quis ad Sacramentum accedit indispositus, hoc tamen invincibiliter ignorat, atque ideo in ejus receptione non peccat. Alia *positiva*, & cum peccato: ut cum quis scianter recipit Sacramentum indisposite, sicque illud recipiendo peccat. Hoc prænotato,

54. **Resp. I.** Baptismus sicte susceptus, recedente per veram pœnitentiam Fitione, confert effectum suum; ac proinde effectus gratiæ sanctificantis, si propter obicem peccati mortalis, vel indispositionem suscipientis tempore suscepti Baptismi impeditus fuit, remoto obice postmodum confertur. Ita communis Theologorum; estque expressa sententia D. Augustini lib. 1. de Baptismo, cap. 12. ac refertur can. *Tunc valere, de consecr. dist. 4.* ubi ait: *Tunc valere incipit ad salutem Baptismus, cum illa fictio veraci confessione recesserit, qua corde in malitia, vel sacrilegio perseverante, peccatorum abolitionem non sinebat fieri.*

55. **Resp. II.** Etiam Confirmatio, & Ordo, veluti Sacramenta Characterem imprimentia, & irreiterabilia, si sicte seu indisposite recepta sint, conferunt effectum gratiæ Sacramentalis recedente Fitione. Ita communior, & probabilior Doctorum, quamvis non desint oppositum tenentes. Ratio est: quia non videtur esse major ratio de Baptismo, ac de hisce duobus Sacramentis; utpote cum

tum quodlibet horum imprimat Characterem, sitque amplius irreiterabile; & alioquin recipiens, teneretur carere effectu ipsorum in perpetuum. Accedit, quod Confirmatio sit veluti perfectio, & consummatio Baptismi, *arg. c. De his, de cons. secr. dist. 5.*

§ 6. Resp. III. Alia quatuor Sacramenta, si cum Fictione positiva, novoque peccato sacrilege recipiantur, recedente Fictione non conferunt effectum suum gratiae sanctificantis. Disparitas inter isthuc, & priora, est: quia haec Sacramenta non imprimunt Characterem, possuntque iterari, ac saepius recipi; sicque eorum effectus alio tempore acquiri. Quinimo specialiter loquendo de SS. Eucharistiae Sacramento, dicitur 1. Corinth. 11. *Qui manducat, & bibit indigne, iudicium sibi manducat, & bibit.*

§ 7. Additur, cum fictione positiva. Nam, si recipiatur Sacramentum cum Fictione negativa (hoc est, praetermittendo debitam dispositionem inculpabiliter, & sine peccato, v. g. ex casu inopinato, aut inadvertentia, nullam praemittendo attritionem) multi Doctores sunt, arbitantes, huiusmodi Sacramenta conferre effectum suum recedente per veram dispositionem Fictione: cum hoc videatur conformius infinitae Bonitatis Divinae. Bonacina *disp. 1. de Sacramentis, quest. 6. punct. 3.* Suarez, Cajetanus, & alii; quamvis hoc ipsum a non paucis vel negetur, vel in dubium revocetur.

## QUESTIO V.

An, & quomodo singula Sacramenta sint necessaria ad salutem?

### SUMMARIUM.

(b) Tract. 4. Dist. 2. n. 12.

- 58. Necessitas medii, & Necessitas praecepti, quid?
- 59. Baptismus est necessarius necessitate medii, & praecepti,
- 60. Loquendo de Baptismo in re, vel saltem in voto.
- 61. Baptismus fluminis.
- 62. Baptismus fluminis, &
- 63. Baptismus sanguinis, quid?
- 64. Martyrium supplet vicem Baptismi, Et confert gratiam ex opere operato.

(c) Tract. 7. Dist. 1. quest. 6. per totum.

- 65. Sacramentum Penitentiae, quomodo sit necessarium?
- 66. Et quibus?
- (d) Ut dictum Tract. 10. Dist. 1. num. 13. & 14.
- 67. Eucharistia, quomodo necessaria?
- (e) Tract. 10. Dist. 3. quest. 3.
- 68. Confirmatio, & Extrema Unctio, an necessaria?
- 69. Rer accidens quandoque obligant.
- 70. Quid observandum in praxi?
- 71. Sacramentum Ordinis, & Matrimonii, an sit necessarium?

§ 8. **E**st hic recolendum ex jam alibi (b) dictis, quod, quantum ad salutem animae consequendam, communiter duplex a Theologis distinguatur necessitas, una medii, altera praecepti. Necessitas medii illa dicitur, qua quidpiam ita est necessarium ad consequendum finem, v. g. aeternam salutem, ut sine eo non possit ullatenus finis obtineri; sic gratia sanctificans est necessaria re-

spectu vitae aeternae, item, & Baptismus in statu Legis Evangelicae: quia de facto sine ipso, etiam si ex ignorantia, vel impotentia, aut inculpabili oblivione praetermittatur, salus aeterna non obtineatur. Necessitas praecepti ea est, qua aliquid sub obligatione cuiuspiam praecepti necessaria praestandum est ad salutem consequendam, eo quod alias mortaliter peccaret, sitque aeternam salutem amitteret; quamvis, si ex ignorantia, vel impotentia, aut oblivione inculpabili id forte praetermittatur, non impediatur aeternae Vitae consecutionem: sic necessaria est ad salutem observantia mandatorum.

§ 9. CONCL. I. Baptismus in statu Legis Evangelicae non solum est necessarius ad salutem necessitate praecepti, sed etiam necessitate medii. Ita certa, & communis Theologorum. Et quidem necessitate medii Baptismus est necessarius respectu omnium hominum, etiam parvulorum; quia nullus sine ipso potest vitam aeternam consequi, licet ex ignorantia invincibili non baptizetur; prout contingit in parvulis, sine Baptismo, cum solo peccato originali, in utero materno decedentibus. Necessitate vero praecepti Baptismus est necessarius solum respectu adultorum, non autem parvulorum: nam adulti tantum sunt praecepti capaces, ac proinde peccant, si oblata opportunitate negligant recipere Baptismum. Secus est de parvulis: qui proinde, si moriuntur sine Baptismo, non damnantur propter transgressionem Legis de recipiendo Baptismo, sed solum propter culpam originalem, quae defectu Baptismi non fuit in ipsis deleta.

§ 10. CONCL. II. Nihilominus ea, quae dicta fuerunt de necessitate Baptismi, sunt intelligenda de Baptismo in re, vel saltem in voto suscepto. Ita omnes Catholici; & constat ex definitione Ecclesiae, ac unanimi SS. Patrum consensu. Sic enim *c. Baptismi vicem, de consecr. dist. 2. & cap. Apostolicam, de Presbyt. non baptizato*, dicitur, quod, quando deest possibilitas recipiendi Baptismum in re, possit homo salvari per Baptismum in voto susceptum. Idem habetur in Concil. Trid. *Sess. 6. c. 4.* ubi illa sententia Salvatoris, *Nisi quis renatus fuerit ex aqua, & Spiritu Sancto, non potest introire in regnum Dei*, Joan. 3. explicatur de Sacramento Baptismi in re, vel in voto suscepto.

§ 11. Unde celebris est illa divisio Baptismi apud Sanctissimos Patres, & Theologos in Baptismum fluminis, fluminis, & sanguinis. Baptismus fluminis est Sacramentum Baptismi in re ipsa susceptum, seu in aqua cum debita verborum forma collatum. Et hic Baptismus est primum Sacramentorum novae Legis, & fundamentum aliorum Sacramentorum; adeo, ut eo non suscepto caetera Sacramenta valide, & fructuose non recipiantur. Hinc si quis non actu Baptizatus in aqua, ordinaretur in Sacerdotem, invalida foret talis Ordinatio, non obstante, quod is forsan per Baptismum fluminis (qui Sacramentum non est, etsi in casu necessitatis suppleat vicem Baptismi, quantum opus est ad consequendam gratiam justificantem, & vitam aeternam (antea fuisset justificatus: ac proinde, deprehenso errore, talis foret in aqua baptizandus, & rursus ordinandus; prout expresse habet.

habetur *cir. cap. Apostolicam, De Presbyt. non baptiz.* Nam Baptismus fluminis, qui solus ex dicto triplici Baptismo Sacramentum est, cæterorum Sacramentorum janua existit.

62. *Baptismus fluminis* aliud non est, quam contritio perfecta hominis includens propositum servandi omnia præcepta, & consequenter etiam votum recipiendi Baptismum aquæ, seu Sacramentum Baptismi in re necdum receptum. Porro quod Baptismus fluminis suppleat Sacramentum Baptismi, quantum ad effectum gratiæ sanctificantis, atque remissionem peccatorum, vitamque æternam consequendam, si desit occasio recipiendi Sacramentum Baptismi in re: patet non solum ex definitione Ecclesiæ, & communi SS. Patrum consensu, sed insuper desumitur ex illis S. Scripturæ locis, in quibus promittitur justificatio, & peccatorum remissio, hominibus vere pœnitentibus. Sic quippe dicitur *Ezech. cap. 18. Si egerit pœnitentiam impius, vita vivet, & non morietur*, cum concordantiis.

63. *Baptismus sanguinis* aliud non est, quam Martyrium supplens defectum Baptismi aquæ. Et additur: *supplens defectum Baptismi aquæ*: quia, si quis jam baptizatus Martyrium iustineat (vel habeat contritionem perfectam) is proprie non habet Baptismum sanguinis, & fluminis; cum non possit amplius includere votum recipiendi Baptismum aquæ, eo quod istud Sacramentum sit irriterabile.

64. Cæterum, quod Martyrium suppleat defectum Sacramenti Baptismi, quando deest possibilitas hoc recipiendi, patet ex illa generali promissione Christi, *Matth. 10. Qui perdidit animam suam propter me, inveniet eam*, & alibi. Imo hoc adeo verum est, ut Martyrium etiam in parvulis (qui tamen proprium actum, quo Martyrium propter Christum acceptent, habere non possunt) suppleat vicem Baptismi: nam ipso opere perdunt animam suam propter Christum, atque ad instar innocentium Martyrum, ab Herode occisorum, præconium Christi non loquendo, sed moriendo confitentur. Ex quo fundamento communior opinio Theologorum docet, quod Martyrium conferat gratiam ex opere operato: cum ex speciali privilegio Christi, ejusque meritis iustificet parvulos, qui proprium actum bonum habere nequeunt. Plura de Martyrio, suo loco (c) videantur. Nunc ulterius loquendo de cæteris Sacramentis sit

65. CONCL. III. Sacramentum Pœnitentiæ in re, vel saltem in voto, necessarium est ad salutem necessitate medii, ac etiam præcepti, omnibus adultis post receptum Sacramentum Baptismi in peccatum mortale relapsis. Patet hoc inter alia ex Concilio Trid. *Sess. 14. cap. 2.* ubi sic habetur: *Est autem hoc Sacramentum Pœnitentiæ lapsis post Baptismum ad salutem necessarium, ut nondum regeneratis ipse Baptismus.*

66. Dicitur notanter, *adultis post receptum Sacramentum Baptismi in peccatum mortale relapsis*: Siquidem iis, qui iustitiam in Baptismo susceptam constanter tuentur, non est necessario opus hoc Sacramento, ut Concilium Tridentinum *loc. cit. cap. 1.* fatetur. Et hoc adeo verum est, ut, si quis

nullius peccati mortalis sibi conscius sit, is neque ad Confessionem annuam obligetur. (d) Quamvis utique cuilibet, etiam nullius peccati mortalis sibi conscio, summe consulendum sit, in dicto casu hujus Sacramenti sese participem efficere, sola venialia cum debito dolore confitendo; quod probi plerique, ob multiplices fructus Sacramenti Pœnitentiæ, sæpius per annum facere non intermittunt.

67. CONCL. IV. Sanctissimum Eucharistiæ Sacramentum adultis est necessarium necessitate præcepti. Ratio est clara: quia extat præceptum, ut quandoque ab adultis, præsertim tempore Paschali, atque in mortis articulo, hoc Sacramentum reverenter digneque recipiatur; prout amplius ostensum suo loco. (e)

68. CONCL. V. Licet nullum extet præceptum de recipiendo Sacramento Confirmationis, aut Extremæ Unctionis in mortis articulo, ac proinde hæc duo Sacramenta per se, ac simpliciter loquendo, non sint necessaria ad salutem, neque necessitate medii, neque præcepti: adhuc tamen necessarium est, ut non contemnantur. Ita Scotus 4. *dist. 7. quest. 2.* D. Bonaventura, & Theologi communiter. Nullibi enim reperitur præceptum clarum de receptione horum Sacramentorum secluso contemptu. Et hoc additur ex eo, quia alioquin ratione contemptus peccatum committeretur; ut si ex eo omitteret horum Sacramentorum receptionem, quia ipsa parvi æstimeret.

69. Deinde certum est, ex dictorum Sacramentorum omissionem posse graviter delinqui per accidens, seu ratione scandalii: ut si quis ea recipere negligat in talibus circumstantiis, unde alii graviter scandalizentur. Eadem obligatio per accidens occurrere posset ob alias circumstantias: ut si ponatur casus, quo ingruentes tentationes aliter vinci non possent, nisi receptione hujus, vel illius Sacramenti: quamvis hic casus rarius accidere posse videatur, cum communiter sufficientes resistendi vires per Orationes, Confessionem, & alia remedia spiritualia obtineri valeant.

70. In praxi igitur serius admonendi sunt Fideles, ne hujusmodi Sacramentum negligant suscipere, præsertim oblata majori opportunitate illud recipiendi: tum ne se privent maximo fructu, virtute Sacramenti consequendo; tum ne illud contemnere videantur. *Judicaretur enim contemptus, si omnimoda opportunitate oblata non susciperetur*, inquit Doctor Subtilis *cir. quest. 2.* solvens instantiam ex c. *Omnes fideles, de Consecrat. dist. 5.* adductam.

71. CONCL. VI. Sacramentum Ordinis, atque Matrimonii, non est necessarium singulis, sed tantum toti Ecclesiæ. Hæc Conclusio ex eo patet; quia neque singuli in particulari obligantur esse Sacerdotes, neque singuli tenentur nubere; quamvis, si nulli prorsus fierent Sacerdotes, aut nulli Matrimonium inirent, illinc Ecclesiastica Hierarchia, hinc autem legitima propagatio populi Christiani brevi esset interitura.

\*\*\*

DISTINCT.



DISTINCTIO III.

De Baptismo, & Confirmatione.

QUÆSTIO I.

Quid sit Baptismus, & quo tempore institutus, quæque ejus obligatio.

SUMMARIUM.

1. *Hic sermo est tantum de Baptismo fluminis.*
2. *Qui est janua Sacramentorum.*
3. *Baptismus, quid?*
4. *Fuit institutus a Christo ante suam Passionem.*
5. *Solvitur instantia.*
6. *Nam institutus tempore Christi a Joanne Baptizato?*
7. *Vel postea primum tempore opportuno?*
8. *Ad Baptismum suscipiendum tenentur omnes homines.*
9. *Infidelium filii, an possint baptizari invitis parentibus?*
10. *Presertim licite?*
11. *Casus, in quibus hoc licitum est.*

1. **I**N præsentī sermo non est de Baptismo fluminis, neque de Baptismo sanguinis, sed duntaxat de Baptismo fluminis: utpote qui solus absolute dicitur Baptismus, estque unicus, juxta illud *Ephes. 4. Unus Dominus, una fides, unum Baptisma.* Quique solus est Sacramentum, quicquid janua, & Fundamentum omnium Sacramentorum, ante cujus susceptionem non suscipitur aliud Sacramentum, ut dicitur in cap. *Veniens, de Presby. non baptizato.* Dummodo excipiat Sacramentum Eucharistiæ: nam non baptizatus accipit verum Corpus Christi, si ei ministretur Eucharistia, prout ibidem notatur; quamvis illud fructuose non recipiat.

2. **CONCL. I.** Baptismus est Sacramentum ablutionis animæ a peccato, consistens in ablutione hominis aliquo modo consentientis, facta in aqua ab alio ablutente, & in certis verbis, simul ab eodem ablutente cum debita intentione prolatis. Ita Scotus 4. *dist. 3. q. 1.* Neque hæc definitio in re differt ab ea, quam tradit Catechismus Romanus, dicendo; *Baptismus est Sacramentum regenerationis per lavacrum aque in verbo vite*: quamvis prior definitio naturam Sacramenti Baptismi clarius explicet, utpote continens omnia ad ipsum requisita.

3. **CONCL. II.** Baptismus, qui est janua reliquorum Sacramentorum novæ Legis, fuit a Christo Domino institutus, & quidem ante suam Passionem, & mortem. Prima pars est de Fide, & constat ex dictis *dist. 1. n. 7. & 9.* Altera pars ex eo probatur: tum quia Baptismus est janua cæterorum Sacramentorum, sicque ante Sacramentum Ordinis, in ultima Cœna Discipulis collati, ipsiusque Eucharistiæ, institui debuit: tum quia Christus, vel potius ejus Discipuli, jam leguntur baptizasse *Joan. 3. & 4.* & consequenter illo tempore Baptismus Christi jam fuit institutus; cum non sit credibile, Apostolos alium Baptismum contulisse, quam Christi.

4. Nec obstat, quod Christus primum post suam gloriosam Resurrectionem dixerit Apostolis, *Matth. 28. Euntes docete omnes gentes, baptizantes eos in nomine Patris, & Filii, & Spiritus Sancti.* Respond. enim, tunc quidem Apostolis esse datum generale

mandatum prædicandi Baptismum ubique terrarum; non tamen illo primum tempore fuisse institutum Baptismum.

5. Cæterum, quod determinato tempore Christus instituerit Baptismum, variant Doctores. Et quidem D. Thomas 3. *part. q. 66. art. 2.* cum suis, & multis aliis, censet, Baptismum, in quantum Sacramentum est, fuisse institutum a Christo eo tempore, quo ipse a Joanne in Jordane baptizatus fuit. Et potest hæc sententia suaderi ex eo: quia tunc Christus tactu suæ mundissimæ carnis consecravit fluentia Jordanis, atque aquam naturalem pro materia Baptismi dedicavit. Insuper eodem tempore tota SS. Trinitas, in cujus nomine confertur hoc Sacramentum, simul apparere dignata est: dum Pater Cœlestis de cœlo loquebatur: *Hic est Filius meus dilectus*; Filius baptizabatur; & super eum Spiritus sanctus in columbæ specie apparebat.

6. Verum hæc sententia nonnullas patitur instantias. Tum quia Christus, dum baptizabatur, non suscepit Sacramentum Baptismi, sed Baptismum Joannis duntaxat, qui Sacramentum non erat. Tum quia Christus eo tempore necdum prædicavit, neque Discipulos habuit, & consequenter non videtur tunc instituisse Sacramentum Baptismi; haud obstante, quod ex tunc consecraverit aquas Jordanis, imo & quamcumque aquam naturalem, ut esset materia apta Baptismi a se instituendi. Atque ideo Scotus 4. *dist. 3. qu. 4.* & Scotistæ passim, probabilius esse censent, Sacramentum Baptismi non pro tunc, quando Christus baptizabatur a Joanne, sed paulo post institutum fuisse tempore opportuno, tamen ante illud tempus, quo Discipuli ejus baptizarunt; quamvis de tempore illo determinato ex S. Scriptura clare non constet.

7. **CONCL. III.** Ad Baptismum suscipiendum in statu Legis Evangelicæ, post sufficientem ejus promulgationem tenentur omnes homines: unde etiam Judæi, ac Pagani, obligantur præcepto recipiendi Baptismum. Ita Scotus 4. *dist. 3. q. 4.* D. Thomas 3. *q. 68. art. 1.* & Theologi communiter. Ratio est: quia omnes homines, etiam Pagani, atque Judæi, obligantur ad procurandam propriam salutem æternam; ergo etiam tenentur ad id, sine quo salutem consequi non possunt: atqui sine Baptismo nequeunt consequi salutem æternam: juxta illud Salvatoris, *Joan. 3. Nisi quis renatus fuerit ex aqua & Spiritu Sancto, non potest introire in regnum Dei.*

8. Quæres: Utrum Infidelium filii invitis parentibus suis baptizari possint? Resp. Eos quidem valide baptizari; tamen ordinarie non esse licitum, invitis parentibus Infidelibus eorum infantes baptizare. Ita Doctor Angelicus *sc. cit. art. 10.* alique communiter. Ratio primæ partis est: quia ad valorem Baptismi ex parte infantium non requiritur propria dispositio. *Majoris, de Baptismo.* Neque obstat iplis parentum contradictio: quia infantes non baptizantur in fide suorum parentum, sed in fide totius Ecclesiæ, ac secundum voluntatem Christi.

9. Altera pars ex eo probatur; quia filii Infidelium ante usum rationis secundum Jus naturale

sunt sub cura parentum; & ideo contra iustitiam naturalem esset, si tales pueri invitis parentibus baptizarentur. Accedit, quod periculosum sit, tales filios Infidelium baptizare, quia de facili ad Infidelitatem redibunt, propter affectum ad parentes, eorumque exemplum: unde neque Ecclesia haec consuevit filios Infidelium invitis eorum parentibus baptizare.

10. Dicitur notanter n. 8. *Id ordinarie non esse licitum.* Nam hinc excipiuntur aliqui casus. I. Si infans constitutus sit in articulo mortis; nam tunc cessat periculum subversionis, ac proinde potest baptizari etiam infans, vel invitis parentibus; dummodo hoc fieri valeat absque gravioribus incommodis. Idem dicendum, si filii Infidelium sint perpetuo amentes. II. Si infans ab Infidelibus parentibus sit separatus, nec ipsis amplius possit, aut saltem non debeat restitui: nam tunc baptizandus est. III. Si unus e parentibus consentiat, altero dissentiente: quia tunc ob favorem Religionis, salutemque proles, praefertur voluntas consentientis in Baptismum, veluti iustior. IV. Si proles ad usum rationis pervenerit, aut saltem pervenisse, ex quibusdam indiciis colligi possit, baptizarique velit: etenim in iis, quae concernunt salutem animae, homo non dependet a parentibus.

#### Q U A E S T I O II.

Quae sit materia Baptismi, qualisque requiratur ablutio baptizandi?

#### S U M M A R I U M.

11. *Materia Baptismi remota, & proxima, quae?*
12. *Aqua Baptismalis de praecepto Ecclesia debet esse benedicta.*
13. *Ad valorem Baptismi requiritur vera ablutio.*
14. *Corollarium.*
15. *Aliud Corollarium.*
16. *Ablutio Baptismatis potest fieri immersione, effusione, vel asperione.*
17. *An trina effusio adhibenda.*
18. *In Baptismo, quae pars corporis sit abluenda?*
- (a) Juxta dict. Tract. 1. Dist. 3. n. 57. & 58.
19. *Corollarium.*
20. *Quid agendum, si ablutio facta est in parte dubia?*
21. *Puer projectus in flumen cum intentione ipsum baptizandi, an baptizatur?*

11. **C**ONCL. I. Materia Baptismi duplex est, remota scilicet, & proxima. Ita omnes Doctores. Et quidem materia ejus remota, est aqua naturalis, seu elementaris, prout non solum in Concilio Florentino, ac Tridentino definitum fuit; sed etiam constat ex pluribus S. Scripturae locis; ut ex illo *Joan. 3. Nisi quis renatus fuerit ex aqua, & Spiritu Sancto, &c.* Item *Act. cap. 8. Ecce aqua, quis prohibet me baptizari?* & alibi. Materia proxima Baptismi est ipsa ablutio facta in aqua naturali.

12. **C**ONCL. II. Licet ad valorem Sacramenti Baptismi sufficiat quaelibet aqua, quae quoad substantiam est naturalis: ex praecepto tamen Ecclesiastico ea debet esse certo ritu benedicta Ita certa, & communis. Ceterum ejusmodi solemnis Benedictio Fontis, seu Aquae Baptismalis, peragi-

tur Sabbato sancto ante Dominicam Resurrectionis, ac Vigilia Pentecostes, prout habetur in Missali Romano. Unde peccaret ille (& quidem juxta Toletum, mortaliter) qui extra casum necessitatis uteretur ad Baptismum aqua non sic benedicta, *arg. Cl. ment. un. de Baptismo.*

13. **C**ONCL. III. Ad valorem Sacramenti Baptismi requiritur aliqua vera ablutio, nec sufficit simplex applicatio aquae ad corpus absque ullo motu successivo, seu fluxu ipsius aquae: sufficit autem quaelibet aquae quantitas, dummodo sit tanta, quae possit successive contingere corpus quoad aliquam partem sufficientem ipsius. Ita communis. Ratio est: quia materia proxima Baptismi non est nuda aqua, sed ablutio per aquam facta: atqui vere nemo dicitur abluui, nisi aqua successive ab una parte corporis perveniat ad alteram: ergo.

14. Inferitur proinde, quod ille non valide baptizaret, qui digito per aquam naturalem madefacto attingeret dumtaxat corpus baptizandi, absque ullo tactu, vel motu ipsius: secus foret, si per motum aquae, vel digiti madefacti, ablueretur pars sufficiens corporis baptizandi. Hinc non immerito approbant Doctores casum illum, quo foemina infantem moribundum baptizavit madefacto aqua digito, ac ducendo Crucem per frontem infantis, simulque legitimam formam pronuntiando: hic enim vera, sufficiens interveniens ablutio.

15. Inferitur, eum pariter non valide baptizaturum, qui aspergit alterum aqua naturali in tam modica quantitate, quod omnes guttae persistant immotae, ac nullo modo per corpus fluant. Revera enim in tali casu nulla interveniret ablutio hominis baptizandi: quia ad veram abluionem omnino requiritur aliqua motio, seu fluxus aquae abluentis; ut patet ex significatione vocis, ac communi modo concipiendi hominum.

16. **C**ONCL. IV. Ablutio baptismalis potest fieri vel immersione, si baptizandus immergatur in aquam; vel effusione, ut si aqua fundatur super corpus baptizandi; vel asperione, ut si baptizandus aspergatur aqua, in quantitate tamen sufficiente, ut actu fluat per sufficientem partem corporis. Ita rursus Doctores communiter. Et quidem certum est, abluionem quolibet horum trium modorum peractam sufficere ad valorem Baptismi, licet secunda, quae sit per effusionem, hodie communiter observari soleat.

17. Quamvis autem ad valorem Baptismi sufficiat unica ablutio Baptismalis, neque necessario requiratur trina effusio aquae: nihilominus in praxi communiter trina effusio adhibenda est, juxta praescriptum veterum Canonum, *c. Postquam, & seqq. de consecr. dist. 4.* ac Ritualium Diocesano- rum, quibus extra casum necessitatis debet Minister sese conformare.

18. Notanter autem in hac, & praecedenti Conclusionem dictum est, *dummodo aqua fluat per sufficientem partem corporis baptizandi.* Etli enim non sit necesse ad valorem Baptismi, ut totum corpus abluatur, sed sufficiat, si abluatur quaedam pars ipsius sufficiens; variant tamen Doctores in assignando, quanam pars sit sufficiens. Et quamvis

mon

non desint Auctores, qui velint, absolute loquendo validum esse Baptismum, abluta quacumque etiam minima corporis parte: id tamen communior opinio vel negat, vel saltem incertum putat. Hinc in praxi semper tutior pars, quantum fieri poterit, est eligenda, ne Sacramentum homini tantopere necessarium, sine causa exponatur periculo invaliditatis, vel dubietatis. (a)

19. Inferitur proinde, quod, si Baptismus possit fieri in capite, in illo sit merito conferendus: quia caput est praecipua pars hominis, in qua principales sensus vigent, & a qua maxime totus homo potest denominari: unde caput est certissima, & sufficientissima pars pro collatione Baptismi. Quod si hoc commode fieri non possit, tunc in casu necessitatis, utputa propter periculum mortis, in quo versatur infans nondum perfecte natus, semper facienda est ablutio in alia parte principaliori, quantum fieri potest.

20. Si vero pars illa sit minus principalis, ac proinde dubia (qualis secundum Scotum 4. d. ff. 4. q. 3. non solum est digitus, sed etiam manus, pes, ac huiusmodi) tunc, si infans evadat periculum, ac perfecte nascatur, iterum baptizandus est sub conditione; prout notatur c. De quibus, De baptismo, atque in Ritualibus Diocesani Parochi plenius informantur. Insuper sciendum, quod, si parvulus cum Baptismo dubio moriatur, is sepeliendus sit in terra benedicta: quia ad hanc jus acquisivit ob probabilitatem sui Baptismi.

\* Quod si ponas, infantem aliquem adhuc secundinis involutum totaliter clausum in utero matris: talis, si aliud remedium, quo vivus ex utero matris eximi queat, non superesset, nihilominus modo honestiori, quo fieri potest, intra uterum matris baptizetur sub conditione, supposito, quod aqua per artem, & instrumenta perungere valeat ad corpus infantis, prout praxin adducendi eandem illuc describit Gobat hic Tit. 2. num. 57. Quamvis enim talem ablutionem constituere Baptismum validum negent apud Comitolum Respons. Moral. lib. 1. q. 13. plures etiam graves Doctores existimantes, non posse per Baptismum renasci spiritualiter, qui nondum natus est corporaliter; non desunt tamen etiam alii, qui probabiliter valorem ejus defendunt cum Pignatello Tom. 1. cons. 103. Item nota hic incidentaliter, Confessarie, quando vocaris ad foeminam gravidam periculose decumbentem, eamque vix finita Sacramentali absolutione deprehendis mortuam, ut invigiles, quatenus illico os mortuae aperiatur, ne infans, si forsitan adhuc vivat, suffocetur, possitque mature a peritis in arte, puta chirurgis, excindi, ac baptizari. Vide La Croix lib. 6. p. 1. n. 293.\*

21. CONCL. V. Dubium sane, num puer, cum intentione ipsum baptizandi, projectus de ponte in fluvium vel fontem, ubi submergendus est, sit valide baptizatus: quamvis non desint Doctores, asserentes, talem Baptismum valere (inter quos sunt Suarez, Vasquez, Layman, & plures alii Recentiores) attamen rationabiliter, & magis probabiliter, negatur cum Doctore Subtili 4. d. ff. 5. q. 3. Ratio hujus sententiae negativae est: quia in tali casu deest ablutio requisita ad valorem Sacramenti Baptismi. Et si enim videatur hic intervenire immersio pueri in aquam, ea tamen non

tam est immersio, quam submersio pueri in fontem, vel fluvium praecipitati; cum ex natura sua tendat ad mortem parvulo inferendam. Unde nec is ablati dicendus est, sed potius submergi: nam ablutio hominis debet fieri salva vita ipsius, saltem quantum est de se, atque ex natura ipsius ablutionis.

### QUAESTIO III.

#### De Forma Sacramenti Baptismi.

#### SUMMARIUM.

22. Forma Baptismi, quae?
23. Qua forma utantur Graeci?
24. Tria in forma Baptismi exprimenda.
25. In ea debet exprimi & Unitas, & Trinitas Personarum.
26. Quid, si rō In nomine, ter reperatur?
27. Baptismus in nomine Christi, de facto non valet.
28. An olim validus fuerit?
29. Quae forma sit adhibenda in Baptismo dubio?
30. Forma Baptismi, In nomine Patris, &c. an sufficiat?

22. CONCL. I. Vera, & legitima forma Sacramenti Baptismi, est haec: *Ego te baptizo in nomine Patris, & Filii, & Spiritus Sancti.* Ita Fides Catholica. Et haec forma, quae in tota Ecclesia Latina semper fuit observata, atque etiamnum observatur, desumitur ex illis verbis Christi, *Matth. 28. Baptizantes eos in nomine Patris, & Filii, & Spiritus Sancti.*

23. Verum quidem est, quod in Ecclesia Graeca jam a tempore Apostolorum, atque ex eorum ordinatione, ex instinctu Spiritus sancti, ob gravissimas causas facta (ac praecipue ad tollendum errorem, & Schisma Graecorum, de quo fit mentio 1. *Corin. h. 1.*) observetur paululum alia forma Baptismi, nempe haec: *Baptizetur servus IESU Christi in nomine Patris, &c.* Quae forma pariter certa est, ac sufficiens, & a Graecis de precepto observanda, tamen re ipsa non differt a priori: nam quod verbo activo: *Eg, te baptizo*, dicunt Latini; hoc idem verbo passivo, *Baptizetur servus IESU Christi*, significant Graeci. Sed impofterum ex professo erit sermo de forma Baptismi, aliisque Ritibus Sacramentorum in Ecclesia Latina usitatis.

24. CONCL. II. In forma Baptismi necessario necessitate Sacramenti (ita nempe, quod alioquin eo non expresso nullum fieret Sacramentum) debent exprimi sequentia tria. I. Persona, quae baptizatur, quod fit per rō *Te*. II. Actio baptizandi, quod fit per rō *baptizo*. III. Invocatio SS. Trinitatis, quod fit per rō *In nomine Patris, & Filii, & Spiritus sancti.* Delumitur hoc totum ex forma Baptismi, a Christo praescripta *cit. cap. 28. Matth. 28.* Unde declaravit Alexander Papa III. & habetur cap. 1. de Baptismo: *Si quis puerum ter in aqua immiserit in nomine Patris, & Filii, & Spiritus sancti, Amen & non dixerit: Ego te baptizo in nomine Patris, & Filii, & Spiritus sancti, amen: non est puer baptizatus.* Haec ibi.

25. CONCL. III. Ob eandem rationem, si ve institutionem Christi, *Matth. cap. 28.* nobis indicatam, requiritur, ut in forma Baptismi necessario necessitate Sacramenti exprimat non solum Trinitas Personarum, sed etiam Naturae Unitas,

puz significatur per *rd* *In nomine*. Unde infer-  
tur cum Suarezio *disp. 21. sect. 3.* & aliis, hanc for-  
mam: *Ego te baptizo in nominibus Patris, & Filii,  
& Spiritus sancti*, esse insufficientem ad valorem  
Sacramenti Baptismi: quia in ipsa fit substantialis  
mutatio.

26. Aliter dicendum est de hac forma: *Ego te  
baptizo in nomine Patris, & in nomine Filii, & in  
nomine Spiritus sancti*. Hæc enim valet: quia li-  
cet *rd* *in nomine*, ter repetatur, non tamen signi-  
ficat pluralitatem Naturæ Divinæ, sicut *rd* *in no-  
minibus*: prout a pari absque pluralitate Divinæ  
Naturæ dicitur: *Deus Pater, Deus Filius, & Deus  
Spiritus sanctus*, quamvis dici non possit: *Dii Pater,  
& Filius, & Spiritus sanctus*.

27. CONCL. IV. Baptismus de facto collatus  
in nomine Christi tantum, nec est validus, nec  
licitus. Ita Herinex *disp. 5. de Baptismo, quest. 4.*  
*num. 45.* & alii: idque desumitur ex *c. Multi sunt,  
de consecr. dist. 4.* ubi rejicitur Baptismus in nomine  
solummodo Christi collatus. Atque hoc ipsum vi-  
detur tenere communis praxis, & sensus Fidelium;  
quamvis Sannig *dist. 2. de Baptismo, quest. 9. n. 6.*  
dubitet, ac indecisum relinquat, num de facto va-  
leat Baptismus in nomine Christi collatus.

28. Dicitur notanter in Conclusionem, *de facto*.  
Nam in primitiva Ecclesia Baptismus in nomine  
Christi tantum collatus, ex speciali dispensatione  
Divina, & Apostolis revelata, videtur fuisse vali-  
dus, ac licitus; uti tenent Scotus 4. *dist. 3. q. 2.*  
D. Thomas, S. Bonaventura, & communior Theo-  
logorum, paucis exceptis. Et hoc factum fuisse  
creditur ex speciali dispensatione Divina ad glori-  
ficandum magis SS. Nomen JESU, tempore pri-  
mitivæ Ecclesiæ Judæis, atque Gentilibus summe  
exosum, Idque desumitur ex S. Scriptura: nam  
*Actorum cap. 2.* S. Petrus, repletus Spiritu sancto,  
præcepit, dicens: *Baptizatur unusquisque vestrum  
in nomine JESU Christi*. Item *Act. cap. 8.* dici-  
tur: *In nomine JESU baptizabantur viri, ac mulie-  
res*. Et *cap. 10.* *Missi eos baptizari in nomine Do-  
mini JESU Christi*. Hinc etiam Nicolaus Papa I.  
ut refertur *can. A quodam Judeo, de consecr. dist. 4.*  
dicit eos, qui in nomine SS. Trinitatis, vel tantum  
in Christi nomine, sicut in *Actibus Apostolorum legi-  
mus, baptizati sunt*, non esse denuo baptizandos.

29. Quæres, quænam forma sit adhibenda, si  
probabiliter dubitatur, an quis sit baptizatus?  
Resp. Hoc patere ex Jure Canonico, *cap. 2. de Ba-  
ptismo*, ubi sic habetur: *De quibus dubium est, an  
baptizati fuerint, baptizantur his verbis: premissis. Si  
baptizatus es, non te baptizo: sed si nondum bap-  
tizatus es, ego te baptizo in nomine Patris, &c.* Hæc  
ibi. Quamvis nonnulla Ritualia Diocesana prio-  
rem partem omittant, dicendo tantum in tali ca-  
su: *Si non es baptizatus, ego te baptiz in nomine Pa-  
tris, &c.*

30. Quæres ulterius, an Sacerdos ille valide  
baptizaverit, qui ignarus Linguae Latinæ, hac for-  
ma usus est: *Baptizo te in nomine Patria, & Filia,  
& Spiritu sancta*. Respondet Zacharias Papa (&  
habetur *can. Retulerunt, de consecr. dist. 4.*) affirma-  
tive, his verbis: *Si ille, qui baptizavit, non erro-  
rem introducens, aut hæresin, sed pro sola ignorantia  
Romana locutionis infringendo linguam, ut supra, ba-*

*pizans dixisset, non possumus consentire, ut denuo ba-  
ptizentur: & consequenter sic baptizati, censentur  
valide baptizati, eo quod non contigerit er-  
ror substantialis in forma, sed dumtaxat error La-  
tinitatis ob imperitiam baptizantis.*

#### QUÆSTIO IV.

De Ministro, & quibusdam aliis Baptismus con-  
cernentibus.

#### SUMMARIUM.

31. *Minister Baptismi potest esse quilibet homo.*
32. *In casu necessitatis, quid observandum?*
33. *Extra necessitatem, cui competat baptizare?*
34. *An Diaconus, vel Subdiaconus possit solemniter baptizare?*
35. *An valeat Baptismus, uno materiam, & altero formam adhibente?*
36. *Observanda a Ministro Baptismi.*
37. *Quid agendum de Monstris?*
38. *Pœna reiterantium Baptismum.*
39. *Quid de rebaptizante sub conditione?*  
(b) Ut dictum Traçt. 13. Dist. 3. n. 11.
40. *Patrini in Baptismo, qui?*

31. CONCL. I. Quilibet homo ratione pra-  
ditus potest esse Minister Baptismi, ita  
ut Sacramentum valeat: ac proinde validus est  
Baptismus, etiam si conferatur a Pagano, vel Hæ-  
retico; aut a muliere, vel Ministro malo, dum-  
modo omnia alia necessaria adhibeantur. Ita Sco-  
tus 4. *dist. 5. q. 1.* cum communi: & habetur de-  
cisum *can. Romanos, & seqq. de consecr. dist. 4.* jun-  
cto *c. Firmiter de Summa Trinit. & Concilio Floren-  
tino in Decreto unionis.*

32. In praxi tamen observandum est, ut in ca-  
su etiam necessitatis Sacerdos præfens præferatur  
Diacono, & Diaconus Subdiacono, ac Clericus  
alius Laico, & vir fœminæ: nisi pudoris gratia  
deceat, fœminam potius, modi baptizandi gna-  
ram, quam virum baptizare infantem in mor-  
tis periculo constitutum, ac nondum plene na-  
tum; vel nisi melius fœmina, utputa obstetric  
examinata, & approbata, sciat formam & mo-  
dum Baptismi: prout passim solent monere Ritua-  
lia Diocesana.

33. CONCL. II. Nihilominus extra casum  
necessitatis baptizans, cui id jure, vel ex officio  
non competit, peccat. Ita communis. Et hoc  
quidem esse peccatum mortale, docent Suarez;  
Navarrus, Scotus, aliique, quos citat & sequitur  
Layman *lib. 5. traçt. 2. cap. 7.* quia SS. Canones,  
ob honorem Sacramenti Baptismi, severe præci-  
piunt, ut Sacerdos extra casum necessitatis so-  
lemniter baptizet. *Clem. un. de Baptismo*. Quinimo  
munus baptizandi ex officio competit soli proprio  
Sacerdoti, seu Parocho, nisi is alicui alteri licen-  
tiam baptizandi concedat.

34. CONCL. III. Ex Episcopi, vel proprii  
Sacerdotis commissione, ob rationabilem causam  
facta, non solum alius Sacerdos, sed etiam Dia-  
conus solemniter baptizare potest; non autem  
Subdiaconus, vel alius Clericus inferior, poterit  
solemniter baptizare ex tali commissione. Ita de-  
sumitur ex *c. Diaconus, dist. 93.* juncta Glossa ibi-  
dem, *Verf. Necessitas*, & tradit Layman *loc. cit.*  
*num. 3.* citans alios.



35. CONCL. IV. Non valet Baptismus a pluribus collatus, uno eorum adhibente materiam, & altero proferente formam; dum, scilicet unus aquam infundit, & alter verba formæ Baptismi proferit. Ita Scotus 4. dist. 6. quæst. 2. D. Thomas part. 3. quæst. 67. art. 7. & alii. Ratio est: Tum quia hoc est contra Christi institutionem; ut patet ex praxi Ecclesiæ, & communi sensu Doctorum. Tum quia in tali casu, significatio formæ esset falsa; nam alter dicendo, *Ego te baptizo* &c. cum non ipse, sed alius baptizaret, falsum enuntiaret.

36. CONCL. V. Minister Baptismi extra casum necessitatis, ac solemniter baptizans diligenter proprium Rituale Diocesani revideat, atque exacte observet, quæ in eo præscribuntur observanda circa Baptismum, iive parvulorum, siue adultorum, singulasque Cereemonias ibidem ad longum descriptas. Hæc Conclusio certa est: nam quilibet Minister Sacramentorum tenetur observare laudabiles Ritus suæ Ecclesiæ. Ceterum, quia ea, quæ circa cæremonias Baptismi conferendi describuntur in Ritualibus Diocesanis, sunt longiora, simulque in aliquibus variant, hoc loco omittuntur. Solum pro complemento hujus materiæ

37. Quæres I. Quid agendum sit de Monstris? Respond. Monstrum, quod humanam speciem non præ se fert, baptizari non debet. Quod si vero dubium sit, an sit homo nec ne, baptizetur sub hac conditione: *Si tu es homo, ego te baptizo in nomine Patris &c.* Si autem Monstrum habeat plura capita, vel plura pectora; signum erit, quod totidem habeat corda, & animas, ac proinde quod sint homines distincti: unde eo casu singuli eorum sunt seorsim baptizandi, unicuique dicendo: *Ego te baptizo in nomine Patris, &c.*

38. Quæres II. Quænam sint pœnæ reiterantium Baptismum? Resp. I. Gravissimum Sacrilegium committitur ab eo, qui sciens & prudens absolute rebaptizat hominem, quem constat valide fuisse baptizatum: simulque talis temere rebaptizans incurrit ipso facto Irregularitatem. Ita communis; & colligitur ex cap. 2. de Apostatis & reiterantibus Baptismum.

39. Addit Tannerus tom. 4. disp. 4. q. 2. n. 109. & 120. post Scotum, Suárez, & Vasquez, non multo levius peccaturum eum, qui quempiam, de quo nullum est morale dubium, quin vere baptizatus sit, denovo etiam sub conditione rebaptizat; quamvis talis sub conditione solum temere baptizans non incurrat Irregularitatem. (b)

\* Dicitur notanter, illum, quamvis ab irregularitate, non tamen a peccato immunem esse, qui baptizat conditionate, ubi nullum est morale, seu rationabile dubium de valore Baptismi. Quodsi vero dubium rationabile adesset, taliter rebaptizans haud dubie a peccato omnino eximeretur. Censetur autem sane dubium rationabile. I. Si infans fuerit ab inexpertis mulieribus subito ingruente necessitate privatim baptizatus, ubi facile circa formam, aut materiam, vel circa applicationem materiæ, & intentionem ex perturbatione, & passionum præoccupatione potuit irreperere error substantialis, prout non raro ostendit ipsa experientia, quando obstetrices non fuerint

electæ circumspectiores, quam vulgus mulierum, integræ famæ, verlatæ, & probatæ in aliis jam periculis. II. Si infans expositus; quamvis etiam cum scheda testante de Baptismo fuerit inventus: talis enim scheda videtur partim suspecta; maxime, si in illo loco Judæi execrantes Baptismum permixti cum Catholicis exiunt, partim etiam in illo ipso Baptismo infantis expositi privatim collato facile potuit irreperere; uti antea, error substantialis, prout fufius exemplificant Doctores infra citandi. Quodsi tamen e. g. Mater infantis expositi aufugisset, & conformiter schedæ adjunctæ inveniretur nomen infantis in ipso libro Baptismali de Baptismo collato attestante, haud dubie non deberet rebaptizari. III. Si quis fuit baptizatus ab Hæretico in iis locis, in quibus impune grassantur diversæ incognitæ Sæctæ, seu de quibus non constat sufficienter, qualem materiam, ac formam, & modum in Baptismo adhibeant, & nun substantialia observent, nec ne? uti alicubi dicuntur Pastores proferre formam Baptismi super Cathedram, & interim alii infra eandem affundere aquam super baptizandum &c. Plane in his, & similibus casibus non argueretur imprudentiæ, & consequenter neque peccaret, qui conditionate rebaptizaret. Ubi adhuc observandum est, quod quoad talem Baptismum stante dubio tantum conditionate repetitum non necessarius sit locus sacer, neque Parochus baptizandi, nec præsentia novi alicujus Patrini; nam Canoness, qui innuere videntur contrarium, loquuntur solummodo in casu, in quo Baptismus de novo absolute confertur. Insuper si constat, in primo Baptismo dubio adhibitas fuisse Cereemonias sacras, neitiquam opus est, easdem reiterare in altero Baptismo conditionate conferendo. Videantur Kazenberger in Supplement. Theol. Sacrament. c. 1. sect. 2. num. 20. ac seqq. Et La Croix lib. 6. part. 1. num. 318.

40. Quæres III. Quid sentiendum de Patrinis? Respond. Quod in Sacramento Baptismi unus tantum Patrinus, siue vir siue mulier, vel ad summum unus & una, baptizatum de Baptismo suscipiant; inter quos & baptizatum ipsum, & illius patrem & matrem spiritualis cognatio contrahitur. Ita expresse statuit Concilium Trident. Sess. 24. cap. 2. de Reformat. Matrim. juncto c. Non plures, ad Consecr. dist. 4. & c. Quod autem, 30. quæst. 4.

\* Ut autem inter Patrinum, & Baptizandum contrahatur cognatio spiritualis, debet dictus Patrinus per se, vel per suum Procuratorem assistere pro tunc, quando actualiter Baptismus confertur; unde non sufficeret, si Baptismo prius jam collato v. g. ob ingruentem necessitatem prolis; solis postea aliis Ceremoniis præsens foret. Item insuper, ut cognatio hæc contrahatur, debet is per se, aut per Procuratorem suum Baptizandum sub actuali Baptismo saltem mediis vestibus, aut fasciis attingere, vel ad minus immediate e manibus Sacerdotis Baptizantis recipere, quando habetur consuetudo, quod sub actuali Baptismo solus Sacerdos Baptizans infantem teneat. Videatur Jus Canonicum Lib. 4. Decret. tit. 11. \*

## QUÆSTIO V.

De Sacramento Confirmationis.

## SUMMARIUM.

41. Confirmationis dignitas.
42. Sacramentum Confirmationis, quid?
43. Materia ejus remota, & proxima: Et forma, quæ?
44. Fuit a Christo institutum in ultima Cæna.
45. Episcopus est ordinarius Minister ipsius.
46. An & simplex Sacerdos ex commissione Papa?
47. Generale præceptum de recipienda Confirmatione non extat.
- (c) Juxta dicta Dist. 2. num. 86. & seqq.
48. Prima tonsura initiandi debens prius esse confirmati.
49. An peccetur mortaliter, si secus fiat?
50. Qua ætate hoc Sacramentum recipiendum?
51. Ad id qualis dispositio in adultis requiratur?
- (d) Videantur dicta Dist. 2. num. 28. & 29.
52. Non potest reiterari.
- (e) Dist. 2. Quæst. 4. per totum.
53. Sed reiterans non fit irregularis.
- (f) Vide Tract. 14. Dist. 3. num. 10.
54. In Confirmatione debet intervenire Patrinus.
55. Et alius a Patrino in Baptismo.

41. **Q**uandocumque Confirmatio est veluti perfectio, & consummatio Baptismi, adeo ut sine ea quis non inveniatur plenus Christianus, arg. c. Omnes fideles, de Consecr. dist. 5. merito post Sacramentum Baptismi agitur de confirmatione, per quam Spiritus sanctus infunditur, gratia Baptismalis roboratur, & cor fidelis ad patientiam & constantiam dilatatur.

42. CONCL. I. Sacramentum Confirmationis, est unctio hominis viatoris, facta in fronte, in figura Crucis cum Chrismate sanctificato, & hoc a Ministro idoneo, simul debita verba proferente, significans efficaciter ex institutione Divina unctionem animæ per gratiam, roborantem, ad confitendum cum fiducia fidem Christi. Ita Scotus 4. dist. 7. quæst. 1. Vel, si placet, brevius: Confirmatio est Sacramentum novæ Legis, quod baptizatis confertur per sacri Ghismatis in fronte inunctionem.

43. CONCL. II. Materia remota Confirmationis, est Chrisma compositum ex oleo olivarum & balsamo, ac specialiter benedictum ab Episcopo. Materia vero proxima ipsius, est unctio facta in fronte, in figura Crucis, cum Chrismate sanctificato. Porro forma ipsius est talis: *Signo te signo Crucis, & confirmo te Chrismate salutis, in nomine Patris, & Filii, & Spiritus Sancti*. Ita communis; & habetur expressum in Concilio Florentino in Decreto Unionis.

44. CONCL. III. Sacramentum Confirmationis a Christo institutum fuit, & quidem verisimilius in ultima Cæna. Prior pars est de Fide, & patet ex dictis supra dist. 1. num. 8. & 9. Altera pars ex eo suadet: quia Christus Dominus in ultima Cæna Apostolos circa hoc Sacramentum instruxit, eosque docuit Chrisma conficere, sicut desumitur ex auctoritate S. Fabiani Papæ, Epist. 2. 1. ad Orientales, ubi ait: *In illa die Dominus Christus IESUS, postquam cenavit cum Discipulis suis, & lavit eorum pedes, sicut a sanctis Apostolis Prædecessores nostri acceperunt, nobisque reliquerunt, Chrisma conficere docuit.*

pulis suis, & lavit eorum pedes, sicut a sanctis Apostolis Prædecessores nostri acceperunt, nobisque reliquerunt, Chrisma conficere docuit.

45. CONCL. IV. Ordinarius hujus Sacramenti Minister est solus Episcopus. Ita omnes Theologi; ac præter Concilium Flor. loc. cit. fuit novissime definitum in Concilio Trid. Sess. 7. can. 3. de Confirmatione, his verbis: *Si quis dixerit, sanctæ Confirmationis ordinarium Ministrum non esse solum Episcopum, sed quemvis simplicem Sacerdotem: anathema sit.*

46. Dicitur, Confirmationis ordinarium Ministrum. Nam ex speciali commissione summi Pontificis, posse etiam simplicem Sacerdotem conferre Sacramentum Confirmationis, passim fatentur Doctores; idque desumitur ex c. Pervenit, dist. 95. ubi S. Gregorius Magnus concessit Sacerdotibus in Sardinia hoc Sacramentum in absentia, atque defectu Episcoporum, ministrare. Idem desumitur ex Concilio Florentino in Decreto Unionis, ubi cum dictum esset, quod ordinarius Minister hujus Sacramenti sit Episcopus, subjungitur: *Legitur tamen aliquando per Apostolica Sedis dispensationem ex rationabili, & urgente admodum causa simplicem Sacerdotem Chrismate per Episcopum confecto hoc administrasse Confirmationis Sacramentum.* In quo casu, ut observat Sannig, dist. 3. De Sacramentis, quæst. 3. num. 14. dicta facultas conferendi istud Sacramentum convenit simplici Sacerdoti, remote quidem ac inchoative ratione Ordinis Sacerdotalis, proxime autem ratione dispensationis Papalis, reducens quasi potestatem remotam in actum.

47. CONCL. V. Quamvis nullum extet generale præceptum de recipiendo Sacramento Confirmationis, neque hoc sit simpliciter necessarium ad salutem, licet necesse sit, ut non contemnatur (c) adhuc tamen Parochis incumbit, suos Parochianos sedulo admonere, ne hoc Sacramentum Confirmationis nimium differant, vel omnino suscipere negligant; sicque priventur fructu virtutis hujus Sacramenti digne recipientibus ex opere operato conferendo. Ita communis, atque hoc ipsum optime solent monere Ritualia Diocesana.

48. CONCL. VI. Nihilominus ex præcepto Ecclesiastico speciali debet is, qui ad Ordines, aut primam Tonsuram admittendus est, esse confirmatus. Patet hoc ex Concilio Trident. Sess. 23. cap. 5. De Reform. ubi dicitur: *Prima tonsura non initiatur, qui Sacramentum Confirmationis non susceperint.*

49. Num autem peccet mortaliter, qui suscipit Ordines ante Confirmationem, variant Doctores. Affirmat Bonacina disp. 8. de Sacramentis, qu. un. punct. 5. num. 10. Toletus & quidam alii; eo quod talis agat contra præceptum Concilii. Communior tamen sententia peccatum mortale, secluso contemptu, in hoc non agnoscit: cum Concilium nihil præcipiat ordinandis, sed ipsi Episcopo ordinanti, ne videlicet tales prima Tonsura initiet. Barbosa ad cit. cap. Concil. Trident. num. 2. citans plurimos Doctores. Imo Layman lib. 5. tract. 3. cap. 5. num. 4. cum quibusdam aliis, etiam respectu Episcopi ordinantis non agnoscit grave præceptum, sed admonitionem ejus, quod congrue fieri debeat: *quamvis, si secus fiat, peccetur venialiter.*

§ 8. CONCL. VII. Quantum attinet ad ætatem recipientium hoc Sacramentum, observanda potissimum erit laudabilis cujusque Diœcesis consuetudo, atque instructio priorum Ritualium Diœcesanorum: quamvis enim non semper expectari debeant anni discretionis in pueris, aut puellis, ad hujus Sacramenti susceptionem, expedit tamen, non facile ante septennium illos ad id suscipiendum adduci; prout sapientissime monet Catechismus Romanus, jussu Beati Pii V. editus.

§ 1. CONCL. VIII. Qui adulta jam ætate Confirmationem recipere volunt, requiritur, ut ad hujus Sacramenti gratiam, effectusque digne consequendos, præter Fidem, ac pietatem, etiam de peccatis suis ex animo doleant. Qua in re elaborandum est parochis, ut tales prius ad Confessionem sacramentalem, atque ad alia pietatis officia suscipienda excitent, & inducant. (d)

§ 2. CONCL. IX. Certum est, hoc Sacramentum propter impressum Characterem, non posse sæpius sumi, sive reiterari, idque, nec licite, nec valide: ut proinde non solum ille mortaliter peccet, qui scienter præsumit hoc Sacramentum reiterare, sed etiam tale Sacramentum secunda vice collatum, prorsus nullum sit, ac irritum. Patet hoc ex Concilio Tridentino Sess. 7. can. 9. & dictum est superius. (e)

§ 3. CONCL. X. Nihilominus Sacramentum Confirmationis temere reiterans, non fit irregularis. Ita Scotus 4. dist. 7. quest. 9. & communior aliorum. Ratio est: quia nullibi in Jure reperitur expressa talis Irregularitas: atqui Irregularitas non incurritur, nisi in casibus a Jure expressis, ut habetur cap. 1. qui, de Sententia excommunicatio. in 6. Nec obstat, quod scienter reiterans Baptismum fiat irregularis. Respond. enim, disparitatem esse: quia hæc Irregularitas est Jure expressa, non verò illa: & aliopquin ob similitudinem rationis poenæ non facile sunt extendendæ. (f)

§ 4. CONCL. XI. In Sacramento Confirmationis debet intervenire Patrinus, qui teneat confirmandum. Ita perpetua praxis Ecclesiæ; & constat tum ex c. Fervent, 30. q. 1. tum ex Concilio Trid. Sess. 24. de Reform. Matr. cap. 2. ubi additur, quod imposterum cognatio spiritualis, quæ ex Confirmatione contrahitur, confirmantem, & confirmatum, illiusque patrem & matrem, ac tenentem non egredia. (g)

§ 5. Sciendum insuper, quod non debet idem esse Patrinus in Confirmatione, qui fuerat in Baptismo, idque propter consuetudinem Ecclesiæ Romanæ, nisi cogat necessitas, prout habetur c. in Catechismo, de consecr. dist. 5.

#### DISTINCTIO IV.

##### De Sanctissimo Eucharistia Sacramento.

#### QUÆSTIO I.

##### De Natura, Institutione, ac Unitate Sacramenti Eucharistia.

#### SUMMARIUM.

1. Eucharistia vi nominis, quid?
2. Eucharistia Sacramentum, quid?
3. Quando institutum a Christo?

4. Est excellentissimum.

5. Eucharistia est simpliciter unum Sacramentum.

(a) Ut dictum supra Dist. 1. num. 8.

6. Est unum unitate integritatis, non indivisibilitatis.

7. Multiplicatur numero juxta multiplicationem specierum consecratarum.

1. **E**ucharistia à Græcis derivatur, & Latine significat idem, ac *Bona gratia*, item *Gratiarum actio*. Et idcirco præsens SS. Sacramentum non immerito dicitur *Eucharistia*, eo quod sit signum sensibile Christi Domini, qui est fons & origo totius gratiæ, sub ipso realiter contenti. De quo proinde loquendo ad perennem Christi JESU laudem, atque in debitam institutionis hujus saluberrimi Sacramenti Gratiarum actionem, sit

2. CONCL. I. Eucharistia est Sacramentum Corporis & Sanguinis Christi veraciter contenti sub speciebus panis & vini, post consecrationem factam a Sacerdote sub verbis certis cum debita intentione prolatis, ex institutione Divina veraciter significans, Corpus Christi & Sanguinem sub eis realiter contineri. Ita Doctor subtilis 4. dist. 8. quest. 1. Cujus definitionis bonitas ex eo patet: quia naturam hujus sanctissimi Sacramenti clare explicat. Vel si placet, brevius: Eucharistia est Sacramentum Corporis & Sanguinis Christi, veraciter contenti sub speciebus panis & vini consecratis.

3. CONCL. II. Eucharistia Sacramentum est institutum a Christo Domino in ultima Cœna. Ita communis; & aperte habetur *Matth. c. 26. Marc. 14. Luca 22. & 1. Cor. 11.*

4. CONCL. III. Eucharistia Sacramentum inter omnia excellentissimum est, atque augustissimum. Patet hoc ex eo: quia realiter sub se continet Christum Dominum, verum Deum ac hominem, omnisque gratiæ fontem atque originem. Hinc non immerito Doctor Angelicus *Opuscul. 57.* illud appellat *Miraculum a Christo patratorum maximum*. Alia encomia de hoc sanctissimo, & nunquam satis digne laudando Sacramento, habentur passim in Libris Asceticis.

5. CONCL. IV. Non obstante, quod in Venerabili Sacramento Eucharistia sub unaquaque specie, & sub singulis cujusque speciei partibus separatione facta, totus Christus contineatur, uti Fides docet: adhuc tamen Eucharistia simpliciter, & absolute, dicenda est unum Sacramentum; non quidem unitate indivisibilitatis seu simplicitatis, sed unum unitate integritatis atque perfectionis. Ita Doctor subtilis 4. dist. 8. quest. 1. cum omnibus suis, estque in re communis. Ratio est: quia alioquin simpliciter, & absolute, possent dici esse octo novæ Legis Sacramenta; quod est falsum, & erroneum in Fide, ac contra definitionem Concilii Trid. Sess. 7. can. 1. (a)

6. Quod autem hoc Sacramentum sit dumtaxat unum unitate integritatis, non autem unitate indivisibilitatis, patet ex eo: quia hoc Sacramentum habet duas partes, ex quibus integratur, videlicet species panis, & species vini cum propriis signatis, nimirum Corpore, & Sanguine Christi; ergo jam non est unum unitate indivisibilitatis (cum possit dividi in duas partes, sed tantum

Tet unum

unum unitate integritatis, quatenus ambæ partes integrant, & perficiunt unum totale Sacramentum Eucharistiæ. Accedit optima hujus congruentia: quia Sacramentum Eucharistiæ est a Christo institutum per modum spiritualis Convivii, ad significandam completam nutritionem spirituales animæ: convivium autem non nisi ex duobus, cibo videlicet & potu, unam totalem refectionem constituentibus perficitur, nec tamen idcirco duplex convivium appellatur.

7. CONCL. V. Nihilominus Eucharistia non est unum, idemque numero Sacramentum in toto terrarum orbe, sed multiplicatur numero juxta multiplicationem ac pluralitatem numericam specierum consecratarum. Ita Mastrius 4. *disput.* 3. *num.* 63. & *seqq.* ac Scotistæ passim, contra nonnullos alios. Ratio est: quia Sacramentum Eucharistiæ non est solum Corpus, & Sanguis Christi (quod utique est unum, idemque numero) sed ipsæ species consecratæ; quatenus sunt signum sensibile Corporis, & Sanguinis Christi realiter sub ipsis contenti, sunt Sacramentum Eucharistiæ: atqui species panis, & vini consecratæ, multiplicantur numero: ergo etiam numero multiplicatur ipsum Sacramentum Eucharistiæ, utpote in dictis speciebus consecratis consistens. Verum de hoc plura in Theologia Speculativa.

## QUÆSTIO II.

De Materia Sacramenti Eucharistiæ; ubi præcipue de Pane.

### SUMMARIUM.

8. *Materia, & forma Eucharistiæ, qua communiter dicatur?*  
*Instantia contra hoc.*
9. *Explicatur communis ille modus loquendi.*
10. *Materia Consecrationis Eucharistiæ, quæ?*
11. *Panis triticeus, &*
12. *Triticum, quid?*
13. *Quid de Siligine?*
14. *Panis ex hordeo, avena, amygdalis, vel saccharo &c., an sit materia Consecrationis?*
15. *Panis triticeus, ut possit consecrari, quomodo conficiendus?*
16. *An requiratur azymus, vel fermentatus?*
17. *Quid de Gracis inter Latinos peregrinantibus?*

8. **A**Dvertendum, quod communiter *Materia* Sacramenti Eucharistiæ dicatur esse *panis triticeus, ac vinum de vite*; *Forma* autem ipsius dicantur esse *verba Salvatoris, quibus hoc conficitur Sacramentum*, prout loquitur Concilium Florentinum in Decreto Unionis. Nihilominus hic loquendi modus non nullam patitur instantiam, ac proinde est in recto sensu intelligendus: cum enim sanctissimum hoc Sacramentum sit permanens, & in facto consistens; verba autem cito transeant post sui prolationem; ipsaque substantia panis, & vini, mox in instanti peractæ consecrationis, convertatur realiter in Corpus, & Sanguinem Christi: pater, quod neutra earum possit esse stricte loquendo materia, & forma Sacramenti Eucharistiæ, utpote cum hoc Sacramentum in

facto esse consistat, atque permaneat, illis non amplius existentibus.

9. Cæterum propter communem loquendi modum tum SS. Patrum, tum Conciliorum, omnino in aliquo bono, & recto sensu concedendum est, quod panis, & vinum sint materia, verba autem Consecrationis sint forma hujus Sacramenti; idque varie potest intelligi. Primo causative, quatenus ex pane, & vino, tamquam ex materia debita, per legitimam formæ Consecrationis pronuntiationem conficitur hoc Sacramentum. Secundo, quatenus sint materia, & forma Eucharistiæ, ut in fieri consideratur, hoc est, ipsius Consecrationis Eucharistiæ: unde, & panis, ac vinum, solet dici a Theologis *materia ex qua*, id est, talis materia, ex qua conficitur Eucharistia: quomodo etiam verba Consecrationis dicuntur forma Eucharistiæ, in quantum per ea, veluti per formam, conficitur hoc sanctissimum Sacramentum. Et in hoc sensu sumendo materiam, & formam Eucharistiæ, in præsentī ac subsequenti Quæstione dicitur de Materia, ex qua conficiendum est illud Sacramentum; de forma vero tractabitur *Quæst. V.*

10. CONCL. I. Materia Consecrationis Eucharistiæ est panis triticeus, ac vinum de vite. Ita omnes Catholici: idque constat tum ex facto Christi, in prædictis materiis tempore ultimæ Cænz conficientis hoc Sacramentum: tum ex variis Conciliis, præsertim autem ex Florentino in Decreto Unionis, ubi ait: *Tertium est Eucharistia Sacramentum, cujus materia panis triticeus, & vinum de vite.* Accedit congruentia optima: quia hæc duo sunt aptissima ad integram refectionem animæ significandam; simulque solus panis triticeus, absolute dicitur panis, & communiter adhiberi solet ad reficiendas vires corporis.

11. Quæres autem: Quid intelligatur per panem triticeum, seu qualis panis esse debeat, vel sufficere possit pro materia Consecrationis? Resp. I. Generaliter loquendo, ac in praxi, illud frumenti genus adhibendum est pro materia Consecrationis Eucharistiæ, quod in quavis regione a peritis certo censetur esse Triticum; quale apud nos indubitate est illud frumenti genus, quod vulgo vocatur Weizen.

12. Resp. II. Absolute loquendo, & quantum sufficit ad valorem Consecrationis, per Triticum hic intelligere possumus omne illud frumentum, ex quo potest fieri panis usitatus; id est, talis, qui simpliciter, & sine addito vocatur panis, & communiter inter homines pro refectione virium adhiberi solet. Unde nomine Tritici, etiam intelligitur Siligo nostra (Korn, oder Rocken) & quidquid in frumentorum genere melius est hac nostrate Siligine ad panem conficiendum, ut Zea (vulgo, ein Kern, vel Dunkelkorn) & hujusmodi.

13. Cæterum liceat a plerisque admittatur, siligineam farinam (Rockenmehl) sufficere ad valorem Sacramenti, attamen peccaret, qui adhiberet eam præ Triticea, vel alia æquivalenti: decet enim candidam esse materiam Eucharistiæ,



Ita, qualis non est Siliginea, quavis ex ea panis communiter inter homines usitatus confici solet.

14. Excluditur ergo a ratione materiae sufficientis ad Consecrationem Eucharistiae, panis ex hordeo, & avena; prout notant Bonacina *disp. 2. de Eucharistia, quest. 2. punct. 1.* Lugo, Herinex, Sannig, & alii communiter, contra Gabrielem, & Cajetanum. Siquidem panis ex hordeo, vel avena, non dicitur absolute panis, sed solum cum addito, panis hordeaceus, avenaceus: neque talis panis communiter usitatus est inter homines ad restaurandas vires, licet a pauperibus, atque egestate laborantibus, nonnumquam adhibeatur ad pellendam mortem. Insuper insufficiens ad Consecrationem est panis ex leguminibus, amygdalis, saccharo, & aliis huiusmodi rebus confectus; cum pariter non sit panis triticeus, nec simpliciter appellatur panis, sed solum cum limitatione, panis amygdalinus &c. Atque hinc Rubricae Missalis, tit. de defectu panis num. 1. recte observant: *Si panis non sit triticeus, vel si triticeus admixtus sit graminis alterius generis in tanta quantitate, ut non mereatur panis triticeus, vel si aliqui corruptus, non conficitur Sacramentum.*

\* Dices: Eadem Fundamenta, quae a ratione materiae validae excludunt panem ex hordeo, vel avena confectum, etiam pugnant quoad panem Siligineum; nam nec ille est triticeus, & adhibetur tantummodo apud pauperiores, uti hordeaceus in supplementum, quando alter panis triticeus non adest: ergo vel panis ex hordeo, & avena confectus erit materia valida, vel alias neque Siligineus. Respond. I. Non decesse Doctores apud Aquilinum Athan in *seculo Ordinandorum cap. 6. art. 5. num. 554.* qui ob hanc ipsa fundamenta panem Siligineum iudicant materiam dubiam quoad valorem, & hinc eandem etiam ex hoc fundamento illicitam inferunt, quoniam nequit in consecratione absque gravi peccato adhiberi materia quoad valorem dubia. Respondetur tamen defendendo sententiam Auctoris. II. Negando anteced. quod panis Siligineus non possit suo modo dici triticeus, quoniam conformiter D. Thomae 3. *part. 9. 7. art. 3. ad 2.* Siligo non differt specie a tritico, & aliquoties ex tritico seminato, si terra non sit adeo bona, nascitur. Deinde licet panis Siligineus non sit triticeus ex optimis graminis a Nobilioribus adhibitus, est tamen talis communiter usurpatus etiam a non pauperibus, quod non convenit hordeaceo, vel avenaceo.\*

15. CONCL. II. Ut panis triticeus sit materia apta Consecrationis, debet ipse confectus esse ex aqua naturali, atque igne decoctus: unde panis ex aqua rosacea confectus, item panis ex oleo, lacte, Butyro coagulatus &c. aut materia cruda panis, quae dicitur pasta (vulgò ein Teig) non est materia sufficiens Consecrationis: Ita communior Theologorum, contra Cajetanum, qui affirmat, panem ex aqua rosacea confectum esse materiam sufficientem Consecrationis: & hinc Rubricae Missalis *loc. cit. num. 2.* Panem confectum ex aqua rosacea, vel alterius distillationis, vocant materiam dubiam Consecrationis. Ratio Conclusionis: quia panis communis, & usitatus inter homines,

solet fieri duntaxat ex farina triticea, & aqua naturali; simulque massa farinacea ex oleo, vel butyro coagulata, potius est placenta, quam panis.

16. CONCL. III. Quavis ad valorem Eucharistiae quilibet panis triticeus, sive azymus, sive fermentatus sufficiat, loquendo tamen de necessitate praecepti, tenentur Latini consecrare in pane azymo, & Graeci in fermentato. Ita communis, estque definitum in Concilio Florentino.

17. Fatendum tamen, si Graeci inter Latinos peregrinentur, posse & ipsos, sicubi propriam Ecclesiam propriis institutis permisso Superiorum viventem non habent, in azymo celebrare, atque Ecclesiae Latinae, in qua peregrinantur, se conformare; quamvis ad hoc per se loquendo non teneantur, sed licite nihilominus Ecclesiae suae ritum & consuetudinem retinere possint: & idem vicissim dicendum de Latinis inter Graecos peregrinantibus. Ratio huius, inter Theologos, laetis receptae sententiae est: quia quilibet peregrinus potest se licite conformare particularibus Institutis cujusque Ecclesiae, per quam transit, licet per se loquendo (id est, secluso contemptu, & scandalo,) ad id non teneatur.

### QUAESTIO III.

De Vīno, seu materia Consecrationis Calicis.

#### SUMMARIUM.

18. Vīnum, ut sit materia Consecrationis, quale?
19. Uva non potest consecrari.
20. Nec acetum, vinum adustum, aut lacryma vitis.
21. Neque vinum ex pomis &c.
22. Quid de vino miraculoso?
23. Aut si vino admisceatur alius liquor.
24. Vīnum in pane imbibitum nequit consecrari.
25. Vīnum congelatum valide consecratur.
26. Sed non licet.
27. Quid agendum, si vinum, vel S: Sanguis congelatur?
28. Varii defectus circa vinum.

18. CONCL. I. Per vīnum de vite, quod est materia apta Consecrationis Calicis, intelligitur illud, quod de uvis maturis expressum est, qualiscunque tandem speciei vel coloris existat, dummodo sit verum vīnum de uvis maturis expressum. Ita certa, & unanimis omnium Catholicorum.

19. Dicitur I. Vīnum de uvis expressum. Quamdiu enim liquor vini adhuc intra uvam est inclusus, magis habet rationem comestibilis, quam potabilis: ac proinde uva, seu vīnum intra uvam, non est materia apta Consecrationis, ut omnes fatentur.

20. Dicitur II. De uvis maturis. Nam, si uvae sint penitus immaturae, sicut liquor ex illis expressus non est verum vīnum, sed potius acetum, ita nec potest esse materia sufficiens Consecrationis. Et ob eandem rationem etiam alii liquores, qui non habent rationem vini, consecrari nequeunt; ut sunt lacrymae vitis, acetum, vīnum adustum; non obstante, quod tales liquores de vite proveniunt: nam revera non sunt vīnum, sed alius quidam liquor.

21. Similiter vinum ex pomis, malogranatis, ac huiusmodi expressum, consecrari nequit: cum non sit vinum de vite, id est, de uvis expressum; licet vinum appelletur, eo quod colorem vini referat, & ad modum vini conficiatur.

22. Aliter tamen dicendum est de vino miraculoso, quale fuit illud in Cana Galilææ, a Christo ex aqua productum: nam ejusmodi vinum foret materia apta Consecrationis, cum in substantia sit ejusdem rationis & speciei cum Vino de vite expresso, quod sufficit.

23. Quod si vino de vite admisceatur quantitas alterius liquoris, ut puta aquæ, tunc attendendum est ad ipsius quantitatem, & pensandum, utrum adhuc juxta prudens judicium hominum censeatur esse vinum usuale: & si quidem de hoc fuerit dubium, eo quod vino satis multa aqua fuerit infusa, similiter materia Consecrationis Calicis dubia erit: si certum, materia illa erit certa. In praxi tamen super materia certa, & cui præter modicam aquam ex præcepto Ecclesiastico apponenda, nulla materia extranea est admixta, adhibenda erit: idque tum ob reverentiam hujus SS. Sacramenti: tum quia alioquin quis peccaret, si hoc scienter & absque necessitate faceret, nisi forte materia illa foret levissima.

24. CONCL. II. Vinum in pane imbibitum non est materia apta Consecrationis Calicis. Ita Doctores communiter. Ratio est: quia tale vinum potius habet rationem cibi, quam potus: unde sicut simili de causa nequit consecrari uva, ita nec vinum in pane imbibitum.

25. CONCL. III. Nihilominus vinum congelatum valide consecrari potest, quamvis consecrando vinum congelatum quis peccaret. Prima pars Conclusionis est communior Theologorum, et si Ledesma, Henriquez, Armilla, & quidam alii oppositum teneant. Ratio est: quia vinum congelatum adhuc substantialiter est vinum usuale, simulque per se, ac ex natura sua, est materia potabilis; non obstante, quod hic & nunc, seu quatenus congelatum est, non possit potari; hoc enim est per accidens. Accedit, quod moraliter loquendo, & juxta communem sensum hominum, vinum congelatum adhuc censeatur esse potus, non vero cibus; prout tamen uva, vel vinum in pane imbibitum, potius censeatur esse quid comestibile, quam potabile.

26. Altera pars Conclusionis, quod nempe in vino congelato consecrans peccat (& quidem juxta quosdam graviter) ex eo patet: tum quia committeretur quædam irreverentia: tum quia sine necessitate consecraret quis in materia aliquantulum dubia, quam scilicet nonnulli Doctores superius allegati putant esse insufficientem, & invalidam.

27. Unde si tempore hyberno ante Consecrationem accidat congelatio vini, tunc antea debet liquefieri, vel per applicationem linteoili calidi, vel alia ratione decenti. Et quantum ad propositum, Rubricæ Missalis, Tit. De defectibus in ministerio ipso occurrentibus, sic loquuntur: Si in hyeme sanguis congeletur in Calice, involvatur Calix panis calefactis: si id non proficeret, ponatur in ferventi aqua prope Altare, dummodo in Calicem non intret, donec liquefiat.

28. CONCL. IV. Insuper si vinum sit factum acetum, vel penitus putridum, vel de uvis acerbis, seu non maturis expressum, vel ei admixtam tantum aqua, ut vinum sit corruptum, non conficitur Sacramentum. Si autem vinum coeperit acescere, vel corrumpi, vel fuerit aliquantum acre, vel mustum de uvis tunc expressum, vel non fuerit admixta aqua, vel fuerit admixta aqua rosacea, vel alterius distillationis, conficitur Sacramentum, sed conficiens graviter peccat. Ita loquuntur Rubricæ Missalis, Tit. 4. de defectu vini.

#### QUÆSTIO IV.

De Aquâ vino consecrando apponenda:

#### SUMMARIUM.

29. Aqua vino consecrando miscenda;
30. Et cur?
31. Hoc præceptum est Ecclesiasticum.
32. Aqua vino apponenda, debet esse modica.
33. Hæc aqua convertitur in Sanguinem Christi mediate, non autem immediate.
34. Opposita tamen sententia non caret probabilitate;
35. Quomodo hæc solvat rationes in oppositum.
36. Solutio principalis objectionum, pro favore Conclusionis.

29. CONCL. I. Juxta exemplum Christi Domini, ac præceptum Ecclesiæ, vino consecrando est admiscenda modica aqua. Ita unanimis Doctorum, atque patet non solum ex Conc. Florent. in Decreto Unionis, ac Trident. Sess. 22. c. 7. sed etiam ex Rubricis Missalis num. præc. relatis.

30. Porro huiusmodi appositio aquæ fit in primis ad exemplum Christi, qui in ultima Cœnâ consecravit vinum, cui aqua fuit admixta; ut communiter docent SS. Patres, & Concilium tam Florentinum; quam Tridentinum loc. cit. Deinde dicta appositio aquæ fit propter mysterium, videlicet propter sanguinem & aquam, quæ ex JESU Christi jam mortui latere profluxerunt. Tandem, cum per aquas in S. Scriptura Apoc. cap. 17. Populi intelligantur, fit dicta appositio aquæ in Calice consecrando, ad representandum ipsius Populi fidelis unionem cum Capite suo Christo. Et hæc tres rationes, cur aqua sit vino consecranda, dat Concilium Florentinum, ac etiam Tridentinum, ubi supra.

31. CONCL. II. Hoc præceptum de aquâ vino miscenda est tantum Ecclesiasticum, non autem Divinum. Ita communior Theologorum; & concordat Concilium Tridentinum loc. cit. sic dicentis: *Mones præterea sancta Synodus, præceptum esse ab Ecclesia Sacerdotibus, ut aquam vino in Calice offerendo miscant.* Ubi bene notandum id præceptum esse ab Ecclesia.

32. CONCL. III. Aqua vino apponenda, debet esse modica. Ita Scotus 4. dist. 11. q. 7. quamvis nonnulli dicant, non esse scrupulose procedendum in apponenda aqua. Ratio Conclusionis est: quia juxta communioem Doctorum, aqua vino apposita non convertitur in Sanguinem Christi, nisi prius fuerit conversa in vinum; ergo, ut sic possit converti in vinum ante Consecrationem, erit modica aqua apponenda. Et hinc Rubricæ Missalis Tit. 7. De Offertorio &c. præcipiunt, ut

Sacra-

Sacerdos infundat *parum aquæ in Calicem*: & Florentinum Concilium *loc. cit.* dicit, quod vino *ante Consecrationem aqua modicissima admisceri debet*. Ubi *modicissima*, partim prohibet multum aquæ apponi, partim ostendit, omnem aquam, quantumvis modicam, etiam si foret una dumtaxat gutta sensibilis, sufficere.

33. CONCL. IV. Aqua ipsa vino mixta convertitur quidem mediatè in Sanguinem Christi; si videlicet ea prius antè inchoatam Consecrationem fuerit conversa in vinum per hujus virtutem; non tamèn, juxta probabiliorem sententiam Doctorum, convertitur aqua immediate in sanguinem Christi, si videlicet tempore Consecrationis adhuc retinet substantiam aquæ, & necdum fuit in vinum conversa. Ita expresse Doctor subtilis *loc. cit.* D. Thomas p. 3. q. 74. art. 8. D. Bonaventura 4. dist. 11. p. 2. art. 1. q. 3. & Alensis, cum omnibus Thomistis & Scotistis, ac pluribus Recentioribus, contra nonnullos alios. Ratio est: quia solum vinum de vite, est materia apta Consecrationis Calicis, ut docet Concilium Florentinum: atqui aqua nondum conversa in vinum, non est vinum de vite, imò nullatenus est vinum, ut patet; ergo. Accedit auctoritas Innocentii III. qui (ut habetur c. *Cum Marthe*, de *Celibrat. Missar.*) rejectis duabus aliis sententiis, tandem subjungit, tertiam sententiam esse probabiliorem, quæ docet, aquam cum vino transsubstantiari in Sanguinem, cum in vinum transeat aqua mixta.

34. Additur notanter in Conclusionè, *juxta probabiliorem sententiam Doctorum*. Siquidem opposita etiam sententia non caret sua probabilitate; ac docetur a Cardinale de Lugo, Coninch, Layman, aliisque pluribus, præsertim Recentioribus, qui volunt, aquam vino mixtam per accidens etiam immediate converti cum vino in sanguinem Christi, licet antea necdum fuerit conversa in vinum: Ratio hujus oppositæ sententiæ desumitur ab exemplo, & facto Christi Domini, qui in ultima Cœna vinum aqua mixtum consecravit; prout superius n. 29. & 30. & communi SS. Patrum, & Concilio Florentino, ac Tridentino, dictum est: Accedit, quod totus ille liquor in Calice contentus, sit vinum usuale: atqui vinum usuale est materia apta Consecrationis; ergo.

35. Nec obstat (inquiunt) quod vinum de vite dumtaxat, juxta Concilium Florentinum, sit materia sufficiens Consecrationis Calicis: Respondent enim, hoc esse verum per se loquendo; adhuc tamèn per accidens aquam vino mixtam esse consecrabilem, cum constituat vinum usuale, quali Christus usus est in consecratione Calicis sub ultima Cœna.

36. Nihilominus, qui priorem sententiam n. 33. relatum; tamquam probabiliorem amplectitur; facile ad præfatum Recentiorum fundamentum respondet, dicendo, Christum consecrassè aquam vino mixtam dumtaxat mediatè: Nam intra tempus illud, quo Christus Calicem vino & aqua mixtum accepit; alia notabilis mora intercessit ante actualem factam Consecrationem; prout desumitur ex S. Evangelio, ubi Christus interea & Patri Cœlesti gratias egissè, & ipsum Calicem benedixissè legitur. Omnino siquidem credibile

est, hujusmodi tum benedictionem, tum gratiarum actionem; longiori tempore, atque ad conversionem aquæ in vinum sufficiente, durasse: præsertim, quia tunc hoc SS. Sacramentum a Christo Domino institutum, primaque vice celebratum fuit.

## QUÆSTIO V.

De Forma Consecrationis Eucharistiae:

### SUMMARIUM.

37. Status Questionis.
38. Forma Consecrationis, in Canone Missæ præscripta.
39. Quale peccatum, aliquid in ea omittere?
40. Præctica circa hoc, ex Rubricis Missalis.
41. Forma sufficiens Consecrationis Corporis Christi.
42. Quæ verba sint de essentia Consecrationis Calicis.
43. In praxi circa hoc quid observandum?
44. Verba essentialia Consecrationis proferuntur tantum recitative, quam significative?
45. Verba proferre recitative tantum.
46. Significative tantum.
47. Et recitative ac significative simul, quid?
48. Quomodo verba essentialia Consecrationis proferuntur?

37. **A**dvertendum, quod certum sit, Formam Consecrationis, quæ ponitur in Canone Missæ, esse legitimam, sufficientem, atque in praxi semper a Sacerdote Latino celebrante observandam, ne consecrando peccet. Num autem omnia verba dictæ Formæ sint necessaria necessitate Sacramenti, ita quod uno eorum omisso non conficiatur Sacramentum Eucharistiæ, Quæstio remanet: Hinc sit

38. CONCL. I. Formam in Canone Missæ præscriptam, atque in Ecclesia Latina semper observandam; est hæc; videlicet loquendo de consecratione Corporis Christi: *Hoc est enim Corpus meum*. Et loquendo de Consecratione Calicis: *Hic est enim Calix Sanguinis mei, novi & æterni Testamenti; mysterium fidei, qui pro vobis, & pro multis effundetur in remissionem peccatorum*.

39. CONCL. II. Si unum horum verborum Minister celebrans ex contemptu, vel (excepta particula, *Enim*) ex prava negligentia omittat, peccat mortaliter: Ita communis Doctorum: quia delinquit in materia gravi, atque concernente principale Mysterium Fidei. Additur tamèn: *excepta particula, Enim*. Siquidem non desunt Doctores, qui volunt, veniale dumtaxat esse peccatum; particulam *enim* ex prava negligentia; aut alia consimili de causa omittere, dummodo non omitatur ex contemptu: alioquin enim ratione contemptus; omissio ejus foret mortalis.

40. Circa hujus tamèn Formæ Consecrationis prolationem; atque ad præcavendum pluribus scrupulis, & conscientiarum anxietatibus, Rubricæ Missalis *tit. 5. De defectibus formæ*, provide ordinant in hunc modum: *Si celebrans non recordatur, se dixisse ea, quæ in consecratione communiter dicuntur, non debet propterea turbari. Si tamen certè ei constet, se omisisse aliquid eorum, quæ sunt de necessitate Sacramenti, id est, formam Consecrationis; seu partem, resumat ipsam formam, & cetera prosequatur per ordinem: si vero valde probabiliter du-*

T t c 3

blidz

dicat, sc. aliquid essentialiter omisissse, iteret formam saltem sub tacita conditione. Si autem non sunt de necessitate Sacramenti, non resumatur, sed procedat ulterius. Hactenus Rubricæ Missalis. Ut autem intelligatur, quænam sint illa verba, quæ sunt de necessitate Sacramenti, sit

41. CONCL. III. Forma sufficiens, ac essentialiter requisita ad Consecrationem Corporis Christi, est hæc: *Hoc est Corpus meum*, aut quæcumque alia æquivalens in sensu: *Et Enim* non est necessarium necessitate Sacramenti. Ita certa, & communis omnium Theologorum.

42. CONCL. IV. Non omnia supra dicta verba, quæ habentur in Canone Missæ, sunt de substantia, seu essentia Formæ Consecrationis Calicis, sed hæc consistit essentialiter in solis illis verbis: *Hic est Calix Sanguinis mei*; vel in æquivalentibus: quamvis cætera sint necessario addenda necessitate præcepti, adeo quod alioquin graviter quis peccaret. Ita D. Bonaventura, Scotus, Suarez, & communior Theologorum; quamvis non desint cum D. Thoma par. 3. q. 78. art. 3. oppositum tenentes, asserendo; omnia verba in Canone Missæ posita (dempto *Et Enim*) esse de substantia Consecrationis Calicis. Ratio Conclusionis est: quia neque sancti Evangelistæ omnium illorum verborum meminerunt, sed singuli aliqua omittunt: atqui non est verisimile, ipsos in hoc principali Mysterio Fidei quidpiam essentialiter requisitum omisissse, atque Formam Consecrationis mutilam & insufficientem tradidissse. Imo ex hoc fundamento comunius censent Theologi, hæc sola verba: *Hic est sanguis meus*, sufficere pro Consecratione Calicis: non minus, ac illa verba: *Hoc est Corpus meum*, sufficiunt pro Consecratione Corporis Christi: quia Christus, ut habetur Luca 22. tam bene hic addidit: *Quod pro vobis datur*, sicut subjunxit in altera Consecratione: *Qui pro vobis funditur*.

43. Notat tamen Docteur noster 4. dist. 8. q. 2. §. De isto secundo. Filliucius tract. 4. de Eucharistia, cap. 5. num. 115. & alii, in praxi Consecrantem non debere habere intentionem conficiendi cum solis primis verbis, quæ diximus esse de essentia Consecrationis, vel cum omnibus; cum utrumque aequaliter dubium sit, ac non omnino certum, ob varietatem sententiarum a Theologis in utramque partem defensorum. Unde oportebit intendere consecrare cum verbis a Christo Domino institutis, & secundum ejusdem institutionem, sive intentionem Ecclesiæ: sic enim evitabitur omne periculum errandi.

44. CONCL. V. Verba essentialia utriusque Formæ Consecrationis juxta hactenus dicta, dum in Missa proferuntur a Sacerdote celebrante, dicuntur tam recitative, quam significative simul. Recitative quidem, in quantum celebrans intendit referre, quid olim Christus dixerit, juxta illa verba præcedentia Canonis: *Qui pridie quam pateretur, sumpsit, & dixit*. Insuper significative, in quantum Sacerdos celebrans in persona Christi loquitur, ac vere & significative dicit: *Hoc est Corpus meum: Hic est Calix Sanguinis mei*. Alia autem verba immediate præcedentia, & subsequencia utramque Formam Consecrationis, utputa *Accipite, & comedite, &c.* ac *Hic quotiescumque feceritis, &c.* nec non & illa verba Consecrationis Calicis: *Qui pro vobis effundetur, &c.* proferuntur a Sacerdote solum recitative, non autem significative. Ita Scotus 4. dist. 8. quest. 2. cum omnibus suis; & videtur in re esse communis Theologorum, atque patebit ex declaratione terminorum.

45. Advertendum proinde, quod ille dicatur aliqua verba proferre tantum recitative, seu (ut alii loquuntur) materialiter, qui verba solummodo refert ut ab altero prolata, nihil tamen iisdem affirmare, vel negare intendit, Ut si dico, *Aristoteles dixit, Mundum fuisse ab æterno*: hæc verba, *Mundum fuisse ab æterno*, ego profero dumtaxat recitative; quia iisdem non intendo affirmare: *Mundum fuisse ab æterno* (nam oppositum de Fide teneo) sed solum illa verba profero, seu recito, ut ab Aristotele dicta. Sic & in proposito, dum in Forma Consecrationis Calicis dicitur a celebrante, *Qui pro vobis effunditur*, verba hæc tantum recitative proferuntur, ut nempe quondam a Christo prolata, non autem significative: quia Christus non amplius pro nobis morietur, neque imposteriorum effundet Sanguinem suum.

46. Ille vero significative tantum profert aliqua verba, qui solum intendit iisdem aliquid asserere, seu enunciare: non autem profert ea, ut ab alio dicta. Sic fit, dum dico: *Mundus est creatus in tempore*, & hujusmodi.

47. Ille tandem profert aliqua verba recitative & significative simul, qui refert verba illa ut ab altero prolata, & simul per ea vult aliquid significare, seu asseverare: quo loquendi modo sæpius Concionatores uti solent, exclamando, v.g. *Deus præcepit, dicens, non furtum facies*, intentione referendi verba Dei, simulque insinuandi, quod furtum non sit faciendum.

48. Et hoc ultimo modo verba essentialia utriusque Formæ Consecrationis proferuntur, videlicet recitative & significative simul: recitative quidem, quatenus præmissis illis verbis: *Qui pridie quam pateretur, &c.* dixit: *Hoc est Corpus meum*, dicta verba Consecrationis proferuntur ut olim a Christo prolata: simul tamen etiam significative, eo quod Sacerdos in persona Christi loquens, vere & assertive dicat: *Hoc est Corpus meum: Hic est Sanguis meus*. Porro cætera verba solum proferuntur recitative, ut nempe quondam a Christo prolata.

## QUÆSTIO VI.

De reali Præsentia Christi in Eucharistia.

### SUMMARIUM.

49. Christus vere ac realiter, & non tantum in figura, est præsens in Eucharistia.
50. Et quomodo?
51. Declaratur amplius per verba Concilii Trid.
52. In Consecratione fit transsubstantiatio panis, & vini, in Corpus, & Sanguinem Christi.
53. Nihilominus substantia panis & vini, proprie non annihilatur.
54. Cautela pro modo loquendi.
55. Quamdiu Christus præsens sit sub speciebus consecratis?



49. **CONCL. I.** De Fide certum est, sub speciebus consecratis panis & vini contineri vere, atque realiter, & secundum propriam suam substantiam, Corpus, & Sanguinem Christi; non autem tantum in figura, signo, aut virtute. Ita perpetuo tenuit, & credidit Sancta Mater Ecclesia; estque contra Haereticos in pluribus Conciliis, ac novissime in Tridentino *Sess. 13. cap. 1. & can. 2.* definitum. Patet insuper hæc Catholica veritas ex verbis Christi, in ultima Cœna prolatis: nondum enim Apostoli susceperant Eucharistiam de manu Domini, cum ipse veraciter affirmaret, Corpus suum esse, quod præbebat, dicendo: *Accipite, & comedite: Hoc est Corpus meum.*

50. **CONCL. II.** Christus Dominus peracta Consecratione est totus tam quoad humanitatem, quam quoad Divinitatem, sub speciebus panis, ac vini: tamen ex vi verborum sub speciebus panis continetur Corpus ejus, & sub speciebus vini Sanguis; cætera vero concomitanter solum, seu vi naturalis illius connexionis, qua partes Christi inter se copulantur, & qua per Unionem Hypostaticam Divinitas ejus humanitati est unita. Ita omnes Catholici, atque, ut alia probationes omittantur, hæc Catholica Veritas est novissime tradita in Concilio Tridentino, *Sess. 13. cap. 3.* sequentibus verbis admodum dignis, ut huc adducantur, atque in modo loquendi de hoc SS. Sacramento jugiter observentur.

51. *Semper hæc fides in Ecclesia Dei fuit, statim post Consecrationem veram Domini nostri Corpus, verumque ejus Sanguinem sub panis & vini specie una cum ipsis anima & Divinitate existere, sed Corpus quidem sub specie panis, & Sanguinem sub vini specie, ex vi verborum; ipsum autem Corpus sub specie vini, & Sanguinem sub specie panis, animamque sub utraque vi naturalis illius connexionis, & Concomitantia, qua partes Christi Domini, qui jam ex mortuis resurrexit, non amplius moriturus, inter se copulantur: Divinitatem porro propter admirabilem illam ejus cum Corpore, & anima Hypostaticam Unionem. Quapropter verissimum est, tantumdem sub alterutra specie, atque sub utraque contineri: totus enim, & integer Christus sub panis specie, & sub quavis ipsius speciei parte; totus item sub vini specie, & sub ejus partibus existit.* Hactenus Concilium Tridentinum.

52. **CONCL. III.** Prolata rite Forma Consecrationis, panis per veram transubstantiationem convertitur in Corpus Christi, & vinum in Sanguinem: atque illico desinente tota substantia panis & vini, sub iisdem speciebus incipit esse realiter præsens totus Christus. Hæc conclusio similiter est omnium Catholicorum, ac novissime definita in Concilio Tridentino *Sess. 13. Can. 2. ibi: Si quis dixerit, in sacrosancto Eucharistia Sacramento remanere substantiam panis & vini, una cum Corpore & Sanguine Domini nostri JESU Christi: negaveritque illam mirabilem, & singularem Conversionem totius substantia panis in Corpus, & totius substantia vini in Sanguinem, manentibus dumtaxat speciebus panis & vini: quam quidem conversionem Catholica Ecclesia aptissime transubstantiationem appel-*

*lat: anathema sit.* Hactenus Concilium. Et desumitur hæc Catholica Veritas ex ipsis verbis Christi, de eo, quod sub specie panis porrigebat Apostolis, veraciter dicentis: *Hoc est Corpus meum.*

53. **CONCL. IV.** Nihilominus in dicta Conversione, seu transubstantiatione panis in Corpus Christi, & vini in sanguinem ejus, proprie substantia panis & vini non annihilatur. Scotus 4. *dist. 11. quest. 4.* D. Thomas *part. 3. quest. 75. art. 3.* D. Bonaventura 4. *dist. 11. p. I. art. 1. quest. 3.* & alii. Ratio est: quia terminus ad quem annihilationis est purum nihil: atqui hoc non fit in proposito; ergo. Minor probatur. Quia desitioni substantia panis & vini, vi præfatæ totalis Conversionis, seu admirabilis transubstantiationis, succedit realis præsentia Corporis & Sanguinis Christi; & consequenter proprie loquendo, substantia panis & vini non annihilatur, sed potius vere ac totaliter convertitur, sive transubstantiatur in Corpus, & Sanguinem Christi.

54. Cæterum, quia quoad præsentem materiam nonnulla latet lis de nomine, quidnam videlicet intelligatur per annihilationem; hinc abstrahendo a dicta difficultate, utpote minus utili pro praxi, optimum erit, in communibus discursibus, ac præsertim Concionibus dicere, quod panis, & vinum peracta Consecratione vere transubstantientur, seu quoad totam suam substantiam convertatur in Corpus, & Sanguinem Christi, remanentibus solis speciebus, seu accidentibus suis.

55. **CONCL. V.** Christus tamdiu sub Sacramento Eucharistia est realiter præsens, donec ipsæmet species consecratae corrumpuntur: in eo autem instanti Christus Dominus desinit esse præsens, quo species consecratae ita sunt alteratae, & corruptae, ut, si sub ipsis adfuisset substantia panis, hæc naturaliter deberet desinere esse, & corrumpi. Ita communis Theologorum. Ratio est: quia Christus in hoc Sacramento decrevit supplere absentiam substantia panis, & vini; & consequenter neque citius, neque tardius vult desinere esse sub speciebus consecratis, ac ipsa substantia panis, & vini naturaliter desineret, si adesset.

## QUESTIO VII.

De Necessitate sumendi Eucharistiam sub alterutra specie; ubi & de ejus Effectibus.

### SUMMARIUM.

56. *Non est præceptum Divinum sumendi Eucharistiam sub utraque specie.*
57. *Solvitur instantia.*
58. *Ecclesia juxta decrevit, ut Laici sub una tantum specie communicarent.*
59. *Causa hujus præcepti Ecclesiastici.*
60. *Sumens Eucharistiam sub una specie, nulla fraudatur gratia ad salutem necessaria.*
61. *Eucharistia, quando producat effectum gratia sanctificantis?*
62. *Præter hunc causat Eucharistia alios effectus: nam*
63. *Delet venialia,*

64. *Præ-*

64. *Præservat a mortalibus.*65. *Confert dulcedinem animæ.  
Diminuit fomitem.*66. *Alia remissive.*

(b) Tract. 10. Dist. 3. Quæst. 3. &amp; seqq.

§ 6. CONCL. I. Ex præcepto Divino non est necessarium, ut omnes Christi Fideles sument Eucharistiam sub utraque specie. Ita novissime definitum est in Concilio Tridentio *eff. 21. can. 1. & 2.* & oppositum asserentes anathematis condemnantur. Ratio est: quia nullibi habetur tale præceptum. Nam, qui dixit *Joan. 7. Nisi manducaveritis carnem filii hominis, & biberitis ejus sanguinem, non habebitis vitam in vobis*: dixit quoque ibidem: *Si quis manducaverit ex hoc pane, vivet in æternum.* Item: *Panis, quem ego dabo, caro mea est pro mundi vita.* Item: *Qui manducat hunc panem, vivet in æternum*; prout rectissime observat Concilium Trid. *loc. cit. cap. 1.* & sequuntur Theologi, & Controversistæ unanimiter. Accedit, quod jam in primitiva Ecclesia fuerit consuetudo communicandi quandoque sub una specie, prout amplius ostendunt Controversistæ contra Hæreticos modernos.

§ 7. Nec valet dicere *Matth. 26.* Christus porrigens Calicem, præcepit dicens: *Bibite ex hoc omnes*; ergo usus Calicis omnibus sub præcepto Divino injectus est. Resp. enim in primis, retorquendo argumentum, quia D. Marcus Evangelista *c. 14. v. 23*: expresse fatetur, ac testatur: *& biberunt ex eo omnes*; ergo illud Christi præceptum jam in ultima Cœna fuit adimpletum, & consequenter nequaquam respiciebat omnes Christi Fideles imposterum nascituros. Resp. ulterius, illud Christi præceptum solos Apostolos, quibuscum Christus cœnavit, non autem omnes alios Fideles comprehendisse; uti patet ex allata instantia.

§ 8. CONCL. II. Sancta Ecclesia Catholica iustissimis de causis statuit, ut Laici, atque etiam Clerici non conficientes (id est, Missam actu non celebrantes) sub una tantum specie communicarent. Ita omnes Catholici; estque novissime definitum in Concilio Trid. *cit. Sess. 21. can. 2.* Porro rationes, quibus Ecclesia ad prohibendum Laicis, & Clericis non conficientibus, seu non celebrantibus, usum Calicis adducta est, præcipue sunt sequentes, & revera gravissimæ.

§ 9. Primo siquidem dicta prohibitio facta est ob gravem irreverentiam, quæ sacrosancto Sanguini Christi multoties inferebatur per effusionem ipsius in terram, aut barbas, sive vestes Communicantium. Deinde, quia sacratissimus Sanguis consecratus, qui non semper juxta numerum atque exigentiam Communicantium ita consecrari potuit, ut sub actuali Communione totus sumeretur, & neque deficeret, neque superabundaret, non potuit, nec potest in Sacrariis debita cum reverentia asservari, quin a potiori propter corruptionem specierum vini, utpote facillime in acetum degenerantis, tempore præsertim calidiori, gravem pateretur irreverentiam. Accedit, quod sanctissimus Sanguis consecratus absque effusionis periculo, aut aliis incommodis, difficillime potuerit ad infirmos deferri, aut pro iisdem asser-

vari. Hujusmodi igitur malis, & irreverentiis, quotidie emergentibus in tanta populorum frequentia, atque hominum magna ex parte rudium multitudine, aliter sancta Mater Ecclesia efficaciter providere non potuit, nisi per subtractionem Calicis quoad Laicos, vel Clericos non celebrantes.

§ 10. CONCL. III. Quamvis Christus Dominus in ultima Cœna hoc Sacramentum sub duabus speciebus instituerit, atque Apostolis tradiderit; tamen fatendum est, etiam sub altera specie totum atque integrum Christum, verumque Sacramentum sumi, ac propterea, quod ad fructum attinet, nulla gratia ad salutem necessaria eos defraudari, qui unam speciem solam accipiunt. Ita Concilium Trident. *cit. Sess. 21. can. 3.* & omnes Catholici.

§ 11. CONCL. IV. Eucharistia non statim, ac in ore ponitur, ex opere operato confert effectum gratiæ sanctificantis; sed primum, quando species deglutiantur, ac ex ore trajiciuntur in stomachum. Ita Communis. Ratio est: quia ad consequendum Eucharistiæ effectum ex opere operato requiritur, ut Corpus, & Sanguis Christi, mediis speciebus Eucharisticis, vere comedatur, & bibatur; juxta illud *Joan. 6. Qui manducat meam carnem, & bibit meum sanguinem, habet vitam æternam.* Atqui juxta communem loquendi modum, nemo censetur quidpiam comeditse, vel bibisse, qui panem, vel vinum in ore dumtaxat retinet, nihil autem ex eo deglutit; ut patet in abluciente os suum, qui non censetur fregisse jejunium naturale; sed potest adhuc communicare; ergo.

§ 12. CONCL. V. Præter augmentum gratiæ sanctificantis, qui est primarius ac principalis hujus Sacramenti effectus, idem sanctissimum Sacramentum causat quosdam alios effectus. Ita tenent omnes Theologi, & Libri Ascetici, fusius de talibus effectibus differentes, quorum principales hic in compendio referuntur.

§ 13. Et primo quidem hoc Augustissimum Sacramentum, digne susceptum, delet peccata venialia: idque non tantum immediate, ac indirecte, quatenus fervorem Charitatis excitat, & movet ad actus virtuosos, per quos venialium detestatio sequitur; sed etiam immediate ex opere operato, quatenus producit augmentum gratiæ sanctificantis, virtute cujus delentur peccata venialia, præsertim ea, ad quæ digne Sacramentum suscipiens non habet positivum affectum, & actualem complacentiam, sed virtutalem quamdam detestationem.

§ 14. Secundo, præservat a peccatis mortalibus, quatenus vi illius Deus hominem exterius specialiter protegit, atque interius corroborat per singularia gratiæ actualis auxilia: itemque vel represso dæmone, vel amotis occasionibus peccandi, hominem ab ingruentibus tentationibus liberat, nec non ad eas superandas specialia quædam auxilia gratiæ subministrat.

§ 15. Tertio, confert dulcedinem spirituales, & quamdam devote sumentibus suavitatem internam; ut proinde merito Ecclesia Catholica, in Officio de Corpore Christi, huc applicet Prophetiam Jacob de Aser, *Genes. cap. 49. Pinguis panis*

panis ejus, & praebebit delicias Regibus. Tandem inter alia bona, quae secum affert, hoc Sacramentum rite susceptum diminuit fomitem, ac inordinatum affectum ad illicita.

66. Plura quidem alia de hoc SS. Sacramento disputant Theologi, sed ea sunt altioris indaginis, atque ad Theologiam Moralem proprio non pertinent. Quae verò dicenda forent de præcepto Communionis, præsertim Paschalis, jam superius (b) agendo De præceptis Ecclesiae, ex professo discussa fuerunt.

## DISTINCTIO V. De Sacrificio Missae.

### Q U A E S T I O I. De natura Sacrificii in genere. S U M M A R I U M.

1. Eucharistia ut Sacramentum, & ut Sacrificium.
2. Sacrificium propriè, & impropriè.
3. Sacrificium propriè, quid?  
(a) Tract. 5. Dist. 1. n. 15.
4. Est rei permanentis.
5. Ad id sufficit sola rei oblata immutatio moralis.
6. Declaratur aliis exemplis.  
(b) Tract. 5. Dist. 1. n. 15. & seqq.
7. Sacrificium est actus Latvia.
8. Sacrificium Missae non offertur Sanctis.
9. Sacrificia Gentilium fuerunt vera; & cur illicita?
10. In Lege Moysaica, & jam ante ipsam fuerunt aliqua Sacrificia.
11. Deo esse sacrificandum, est de Jure naturali.
12. Sacrificia veteris Legis, varia: ut Victimæ, Immolatio, Libamen.
13. Holocaustum. Hostia pacificorum, Hostia pro peccato.
14. Omnia Sacrificia antiqua coadunantur in uno Missae Sacrificio.

1. **A**dvertendum, quod Eucharistia possit dupliciter considerari. Primo, ut est Sacramentum novæ Legis; id est, signum sensibile Corporis, & Sanguinis Christi, realiter contenti sub speciebus consecratis panis, & vini. Secundo, ut est Sacrificium novæ Legis: quomodo ipsa non solum ex opere operato confert gratiam æque sumentibus, sed etiam prodest aliis, pro quorum salute offertur. Viso proinde de Eucharistia, ut est Sacramentum, restat agere de ipsa, ut est Sacrificium, præmissa tamen ad majorem claritatem unica Quaestione de natura Sacrificii ut sic: unde

2. Advertendum ulterius, quod Sacrificium in communi dupliciter sumatur, propriè scilicet, & impropriè seu latissime. Hoc posteriori modo Sacrificium etiam comprehendit sub se preces, & orationes devotas Fidelium: juxta illud Ps. 49. *Immola Deo Sacrificium laudis.* Et ad Hebr. cap. 13. *Offeramus hostiam laudis semper Deo, id est, fructum laborum consentium nomini ejus;* & alibi. Sacrificium propriè dictum, est peculiaris actus virtutis Religionis, quo speciali quodam modo protestamur summam, & absolutam excellentiam Dei nostramque subjectionem ad ipsum, per oblationem, & destructionem alicujus rei sensibilibis. Et loquendo de hujusmodi Sacrificio, sit

3. **CONCL. I.** *Sacrificium propriè dictum, est oblatio externa rei permanentis Deo exhibita, qua significatur supremum dominium atque excellentia DEI, & subiectio Sacrificantis ad ipsum, mediante aliqua ipsius rei oblata destructione, seu immutatione.* Ita in re communis, & concordant dicta superius, (a).

4. Dicitur, *oblatio externa rei permanentis;* ut puta ovis, bovis, vituli, tritici &c. ad distinguendum Sacrificium propriè dictum a Laude DEI, quæ sit DEI verbis transeuntibus, atque ab Adoratione eidem exhibita per genuflexionem, & hujusmodi; nec non ab omni Oblatione interna, quæ quis per piam voluntatem se, suaque omnia Divinæ Majestati offert, atque resignat.

5. Dicitur ulterius, *mediante aliqua ipsius rei oblata destructione, seu immutatione.* Hæc siquidem ad rationem Sacrificii propriè dicti omnino requiritur, quamvis non semper sit necesse, rem oblata physice destrui, cum quandoque sufficiat sola illius immutatio moralis, sive humano modo facta, in quantum res oblata accipit alium statum, & ad priores operationes redditur inutilis. Sic quippe olim Hebræi sacrificare Deo censebantur, dum vinum, oleum, aut alios hujusmodi liquores effundebant in terram circa Altare Domini: nam tunc vinum illud, aut oleum, non statim substantialiter corrumpebatur, donec siccaretur, sed solum acquirebat statum inutilem ad usus humanos.

6. Quo etiam modo Veteres, quibus sicut erat magis frequens, ita & magis nota ratio Sacrificii, quandoque sacrificabant projiciendo aliquid in mare, vel etiam coquendo panes in clibano, sicque farinam immutando: prout de quibusdam malis Jadaeis, coquentibus placentas Reginz cæli, legitur *Jeremia cap. 7.* Nam tunc farina substantialiter non corrumpebatur, sed solum mutabatur in alium statum, a suo pristino diversum: res vero in mare projecta, ut puta annulus, plerumque in sua substantia persistebat, immutabatur tamen, quatenus ad usus humanos inutilis fiebat. Cæteræ particulæ definitionis Sacrificii tum ex aliis dictis (b) tum magis ex dicendis patebunt.

7. **CONCL. II.** *Sacrificium est actus virtutis Religionis, & quidem supremæ ejus speciei, quæ dicitur Latvia;* unde non nisi soli Deo offerri potest. Ita communis omnium Theologorum; & patet ex ipsa Sacrificii definitione, qua dicitur, Sacrificium exhiberi in protestationem supremi dominii, atque excellentiæ: nam hæc non nisi soli Deo competit.

8. Ex dictis proinde sequitur primo, quod, quamvis in honorem Sanctorum optime celebrentur Missæ, nihilominus nec Beatissimæ Mariæ Virgini, nec ulli Sancto revera offeratur Missa. Siquidem hæc est Sacrificium novæ Legis propriè dictum, quale non nisi soli Deo offerri potest, eo quod in ipso solo reperitur supremum in omnes creaturas dominium, summaque excellentia. Hinc Concilium Tridentinum Sess. 22. c. 3. sanctissime monet: *Quamvis in honorem, & memoriam Sanctorum nonnullis interdum Missas Ecclesia celebrare consueverit, non tamen illis Sacrifi-*

Uuu cium

tium offerri docet, sed Deo soli, qui, illos coronavit: Unde nec Sacerdos dicere solet, offero tibi Sacrificium, Petre, vel Paule; sed Deo de illorum victoriis gratias agens, eorum patrocinia implorat; ut ipsi pro nobis intercedere dignentur in celis, quorum memoriam facimus in terris. Hæc Tridentinum: quod ipsum dudum jam docuit Sanctus Augustinus lib. 8. de Civitate Dei, cap. 27. & communis sensus Ecclesiæ.

9. Sequitur ulterius, quod Sacrificia Gentilium, etsi cæteròquin proprie dicta; ex eo capite fuerint illicita, imò & execranda, quia non fuerunt exhibita vero Deo. Fiebant enim tum hominibus, & quidem pessimis; ut Beel, seu Baalim (qui fuit Demotod, robustus venator coram Domino Gen. 10.) & aliis huiusmodi, quos cœca, aut verius propria malitia excœcata Gentilitas pro diis habebat: tum demoniis per simulacra Idolorum nonnumquam responsa dantibus; juxta illud etiam ingratum Israëlitis quondam obiectum Deuter. cap. 32. Immolaverunt demoniis, & non Deo, diis quos ignorabant, & alibi.

10. CONCL. III. Non solum in Lege Mosaica, sed etiam ante ipsam, aliqua extiterunt Sacrificia. Pater hoc clare ex S. Scriptura: ut ex primis septem Capitulis Libri Levitici, ubi de Sacrificiis legis Mosaicæ agitur: item ex cap. 4. Genes. ubi longe antea justus Abel Deo obtulit de primogenitis gregis sui, & de adipibus eorum. Et Genes. 3. ubi Noë post Diluvium, tollens de cunctis pecoribus, & volucris mundis, obtulit holocausta super Altare. Item Melchisedech obtulit panem & vinum (erat enim Sacerdos Dei altissimi) Gen. 14. & alibi sæpe.

11. Quinimo notant Doctores cum D. Thoma 2. 2. q. 95. art. 1. quod naturali Jure præscribatur, Deo esse sacrificandum, quamvis, an hæc, vel illa sint sacrificanda, Lex humana vel Divina postmodum constituerit. Sicut a pari Jus naturale præcipit, Deum esse orandum, atque invocandum, utpote summum rerum omnium Dominum, & Largitorem bonorum omnium, eique pro acceptis beneficiis grates debitas referendas &c. quamvis certæ & determinatæ preces, & formulæ precandi, sint Juris positivi, Divini vel humani.

12. Porro Sacrificia veteris Legis varie dividebantur: & in primis ratione materiæ, in Victimam, Immolationem, & Libamen. Victimam comprehendebat animalia oblata, & mactata in honorem Dei: utputa, quando de bobus, ovibus, agnis, vel capris fiebat Sacrificium. Per Immolationem offerebantur res inanimatæ, & solidæ: ut panis, simila, thus, triticum, & huiusmodi. Libamen dicebatur, quando fiebat oblatio de rebus inanimatis, sed fluidis, quæ effundebantur: ut vinum, oleum, alique liquores.

13. Alia divisio Sacrificiorum Legis Mosaicæ ratione finis, & formæ, fuit in Holocaustum, Hostiam pacificam, & hostiam pro peccato. Holocaustum, & Holocaustoma, erat Sacrificium Deo oblatum pure ad laudem, & cultum ipsius, atque in protestationem supremæ suæ excellentiæ: & in hoc tota res oblata destruebatur, seu com-

burebatur, ut nihil cederet in usus humanos. Hostia pacifica, seu hostia pacificorum erat Sacrificium, quod offerebatur Deo vel in gratiarum actionem pro accepto beneficio; & alio nomine dicebatur Sacrificium laudis; vel pro impetratione alicujus beneficii novi; & erat Sacrificium impetratorium: in eo una pars comburebatur ad honorem Dei, altera cedebat in usum Sacerdotum, tertia in usum ipsorum offerentium. Tandem hostia pro peccato, erat Sacrificium, quod offerebatur ad obtinendam peccatorum remissionem: Unde & vocabatur Sacrificium propitiatorium, in quo una pars comburebatur, altera cedebat in usum Sacerdotum.

14. CONCL. IV. Omnia Sacrificia tum Legis Naturæ, tum Mosaicæ, de facto coadunata sunt in uno Tremendo & Incruento Missæ Sacrificio. Ita omnes Catholici; atque proficetur Ecclesia in Secreta Missæ post Dominicam VII. Pentecostes, sic orans: Deus, qui Legalium differentiam hostiarum unius Sacrificii perfectione sanxisti. Uberius idipsum docet Concilium Trident. Sess. 22. cap. 1. sic loquens: Hæc denique illa munda oblatio est, quæ per varias Sacrificiorum naturas, & Legis tempore, similitudines figurabatur; utpote quæ bona omnia, per illa significata, velut illorum omnium consummatio, & perfectio complectitur. Ex de hoc Tremendo Missæ Sacrificio ex professo nunc agendum.

## Q U Æ S T I O II.

De Missa, & quâ ratione in ea offeratur verum Sacrificium?

## S U M M A R I U M.

15. Missa, vox antiquissima.
16. Liturgia quid?
17. In Missa distinguitur ratio Sacramenti, Sacrificii, & Missæ.
18. Missa Catechumenorum, & Missa Fidelium.
19. In Missa offertur Deo verum Sacrificium.
20. Probatur Catholica Veritas.
21. Missa Sacrificium est incruentum, cujus principalis Hostia Christus.
22. Panis, & vinum, hostia minus principalis; & quomodo?
23. Christus, quomodo in hoc Sacrificio offeratur?
24. Obiectio notabilis, quomodo Hostia in Missa Sacrificio immoletur &c.
25. I. Responsio, de mystica, Sacramentali, & incruenta immolatione Christi.
26. II. Responsio, de morali Christi immolatione.
27. III. Responsio de physica Conversione panis, & vini in Corpus & Sanguinem Christi.
28. Obiectio contra hanc sententiam, ejusque notabilis solutio.

15. **A**Dvertendum I. quod hæc vox Missa, ejusque usus sit antiquissimus in Ecclesia: legitur enim tum apud S. Augustinum, S. Ambrosium, aliosque SS. Patres, tum in Concilio Romano sub S. Sylvestro Papa I. celebrato.



brato. Imo S. Ignatius, Antiochenæ Ecclesiæ tertius post S. Petrum Episcopus, & Martyr, in *Epist. 6. ad Smyrnenfes*, jam hujus dictionis meminit. Porro quod Patres Latini Missam appellant, Græci vocant *Liturgiam*, hoc est, *Ministerium*, *Sacrificiumque Altaris*; uti notat Covarruvias *lib. 4. var. resol. cap. 22.*

15. Advertendum II. quod juxta usum Ecclesiæ, communemque sensum Fidelium, Missa accipitur pro collectione omnium actionum, quæ fiunt a principio Sacrosancti Eucharistiæ Sacrificii usque ad finem ipsius, in quo Corpus & Sanguis Christi consecratur, & offertur. Unde ad propositum tria sunt distinguenda, videlicet ratio Sacramenti, Sacrificii, & Missæ. *Ratio Sacramenti* consistit in eo, quod Eucharistia sit signum sensibile Corporis & Sanguinis Christi, realiter contenti sub speciebus consecratis; prout amplius *dist. præc.* declaratur. *Ratio Sacrificii* consistit in hoc, quod Christus in Missa incruente immoletur, Patrique suo Cœlesti offeratur; idque essentialiter & principaliter fit in Consecratione, prout in progressu amplius ostendetur. *Ratio Missæ* tandem complectitur tum consecrationem Eucharistiæ, seu Consecrationem, tum reliqua omnia sive antecedentia, sive consequentia; ac proinde consistit in collectione eorum omnium, quæ a principio usque ad finem ipsius peraguntur. Et ex his quidem substantialia a Christo Domino, utpote novæ Legis Auctore, instituta fuerunt: quoad totam vero actionem, atque ut Missa includit diversas Orationes & Ceremonias, ea est instituta ab Ecclesia.

17. Advertendum III. Quod olim tota ejusmodi actio dividebatur in duas partes, videlicet in Missam Catechumenorum, & Missam Fidelium. *Missæ Catechumenorum* durabat a principio Missæ usque ad Offertorium exclusive; & fuit sic dicta, quia tamdiu, & non ultra, Catechumenis interesse licebat. *Missæ Fidelium* incipiebat ab Offertorio, & durabat usque in finem. Et ob hanc veterem Missæ divisionem, etiam de facto quandoque totum Officium solet dici in plurali *Missarum flemnia*; quamvis etiam Missa in singulari, sufficienter significet totam illam actionem sacram, quæ in Missa a principio usque in finem peragitur. His prænotatis, sit

18. CONCL. I. In Missa offertur Deo verum, ac proprie dictum Sacrificium. Conclusio est de Fide, ac definita in pluribus Conciliis, novissime autem in Concilio Trident. *Sess. 22. can. 1.* ibi: *Si quis dixerit, in Missa non offerri Deo verum & proprium Sacrificium, aut quod offerri non sit aliud, quam nobis Christum ad manducandum dari: anathema sit.*

19. Desumitur insuper hæc Catholica Veritas, præter traditionem perpetuam, ac præxim Ecclesiæ jam a temporibus Apostolorum jugiter continuatam, ex illis verbis Christi *Matth. 26. Hoc facite in meam Commemorationem.* Siquidem *ed facite*, æquivalere verbo *sacrificate*; juxta illud *Levit. capit. 19. Sumet duos turtures, dabitque Sacerdoti, qui faciet unum pro peccato, & alterum in holocaustum*; id est, sacrificabit, seu offeret unum pro peccato &c. quales locutiones sæpius

alibi in S. Scriptura reperiuntur. Accedit, quod Christus Dominus, utpote *Sacerdos in æternum secundum ordinem Melchisedech*, *Ps. 109.* in ultima Cœna Deo Patri vere sacrificaverit; ergo, cum illud ipsum Apostolis, eorumque legitimis Successoribus, facere præceperit, etiam hi vere ac proprie sacrificabunt. Et hoc quidem fecisse Apostolos, eorumque Successores, constat ex antiquissimis Liturgiis, plurimis Sanctorum Patrum testimoniis, & probatissimis historiis, de quibus Controversiæ; præsertim Bellarminus *lib. 1. de Missa.*

20. CONCL. II. Missæ Sacrificium est incruentum; in quo præcipua & principalis Hostia est Christus Dominus, sive Corpus, & Sanguis ipsius. Ita omnes Catholici; & omnis aliis probationibus habetur expresse in Concilio Trident. *Sess. 22. cap. 2.* ibi in *Divino hoc Sacrificio, quod in Missa peragitur, idem ille Christus continetur, & incruente immolatur, qui in ara Crucis semel seipsum cruento obrulit.* Et infra *can. 2.* Concilium definit, Christum ordinasse, ut *Apostoli, alique Sacerdotes offerrent Corpus, & Sanguinem suum.*

21. Dicitur notanter, *principalis Hostia est Christus.* Siquidem hoc non obstante passim fatentur Theologi; quod etiam panis & vinum aliquo modo in Missa offerantur, sicque pertineant ad rem, quæ sacrificatur; prout liquet ex modo loquendi Ecclesiæ, quæ in Missæ offertorio sic orat: *Suscipe sancte Pater hanc immolatedam Hostiam*, præsentando simul panem consecrandum. Et infra: *Offerimus tibi Domine Calicem salutaris*, elevando vinum. Cæterum substantia panis & vini, est dumtaxat Hostia minus principalis, & secundaria; atque eatenus in hoc tremendo Sacrificio offertur, quatenus ipsa est materia Consecrationis Eucharistiæ, & quæ totaliter convertitur, seu transubstantiatur in Corpus & Sanguinem Christi.

22. Insuper sciendum, quod Christus in Sanctissimo Missæ Sacrificio offeratur, non quomodoque, sed ut mediante transubstantiatione panis, & vini, in Corpus & Sanguinem suum, realiter contentus est sub horum speciebus; prout fatetur Concilium Trid. *Sess. 22. cap. 1.* ibi: *Corpus & Sanguinem suum sub speciebus panis & vini Deo Patri obtulit, ac sub earum rerum symbolis, Apostolis, eorumque in Sacerdotio successoribus, ut offerrent, præcepit.* Christus itaque in hoc incruento Sacrificio non offertur; quatenus existit in Cœlis (sic enim nulla prorsus circa eum sit immutatio, ad rationem Sacrificii essentialiter requisita) sed quatenus vi Consecrationis, ac mediante transubstantiatione panis, ac vini, in Corpus & Sanguinem suum; ponitur atque existit sub eorum speciebus consecratis. Verum pro majori dictorum intelligentia

23. Objicitur contra præmissa: Ad verum, & proprie dictum Sacrificium requiritur aliqua destructio, aut immutatio rei oblatæ, sive ipsius Hostiæ; atqui in Missa non fit talis destructio, neque immutatio rei oblatæ, sive Hostiæ; nam Christus, qui dicitur esse Hostia principalis, neque destruitur, cum sit immortalis, neque alia ratione immutatur, cum sit impassibilis; atque int-

corruptibilis; ergo. Ad hanc satis communem objectionem, plures sunt responsiones Theologorum, in hoc convenientium, quod omnes quamdam ex parte Hostiæ oblatae destructionem, sive immutationem admittant (hæc enim omnimodis requiritur ad rationem veri Sacrificii) licet eam varie postmodum explicant.

24. Primo itaque nonnulli cum Lessio lib. 12. de Divinis Perfectionibus, cap. 13 n. 95. censent, ipsi Consecrationi convenire rationem actionis sacrificativæ, ac per ipsam Christum modo incruento mactari: & hac ratione immolari, quatenus per ipsam vi verborum Corpus Christi a Sanguine separatur, & vicissim Sanguis a Corpore. Siquidem vi verborum formæ Consecrationis, sub speciebus panis ponitur solum Corpus Christi, & vi verborum Consecrationis, sub speciebus vini solus Sanguis; sicque (non obstante, quod reliqua concomitanter sub utriusque speciebus etiam ponantur) Christus mystice, incruente, atque sacramentaliter tunc mactatur, immolatur, atque immutatur. Unde in forma ad propositam objectionem respondent, distinguendo Minorem: In Missa non fit destructio, aut immutatio Hostiæ, physica & substantialis, transeat; non fit destructio, aut immutatio ejus mystica, incruenta, sive Sacramentalis, negant Minorem: & eodem modo distincta sua probatione, negant consequentiam.

25. Si dicas: Ad veram rationem sacrificii non sufficit sola immutatio mystica, & Sacramentalis. Respond. id quidem non sufficere ad Sacrificium cruentum, bene tamen ad Sacrificium incruentum, quale peragitur in SS. Missæ Sacrificio. Ad hæc quippe incruentum novæ Legis Sacrificium sufficit incruenta, mystica, & Sacramentalis illa immolatio Christi: quæ fit non quidem malleo, vel cultro materiali, sicut olim victimæ immolabantur, sed cultro verbi Dei, de quo dicitur ad Heb. cap. 4. *Vivus est enim sermo Dei, & efficax, & penetrabilior omni gladio ancipiti.* Nam vi hujus verbi Dei, seu vi verborum formæ Consecrationis in persona Christi prolatorum, revera, quantum est ex vi verborum, sub speciebus panis solum Corpus Christi, & sub speciebus vini solus Sanguis ipsius ponitur: non obstante, quod ob naturalem partium inter se connexionem, & concomitantiam, ipsamque unionem Hypostaticam, etiam aliæ partes humanitatis Christi, una cum Divinitate, sub utraque specie contineantur; hoc enim est per accidens.

26. Secundo alii respondent, distinguendo Majorem. Ad rationem Sacrificii requiritur destructio, sive immutatio Hostiæ, vel physica, vel saltem moralis, concedunt, semper physica, negant Majorem, conformiter dictis num. 5. & 6. Et eodem modo distinguunt Minorem. Siquidem in Sacrificio Missæ, licet Christus Dominus secundum suam humanitatem vi Consecrationis substantialiter non destruat, adhuc tamen secundum eam moraliter immutatur, quatenus per Consecrationem Corpus Christi transfertur a statu suo naturali ad Sacramentalem, atque in usum cibi & potus, longe diversum a statu suo naturali. Nam istud moraliter loquendo idem est, ac si fieret verus cibus; juxta quod idem

Salvator, Joan. cap. 6. affirmabat: *Caro mea vere est cibus: & sanguis meus vere est potus.* Ita Lugo disp. 19. de Eucharistia, sect. 5. & plures alii.

27. Tertio quidam volunt, Christum sacrificari ex eo, quia terminat realiter conversionem, seu transubstantiationem panis, & vini, in Corpus & Sanguinem suum, vi Consecrationis peractam. Quia enim in Missa offertur panis & vinum, non quomodocumque, sed ut vi Consecrationis totaliter convertitur seu transubstantiatur in Corpus & Sanguinem Christi: hinc actio sacrificativa censetur consistere in hac physica conversione unius in aliud, ad quam etiam spectat Christus Dominus, veluti terminus *ad quem* dictæ conversionis. Et simile quid contingebat olim sub Lege veteri in oblatione thymiæ, & thuris, ubi in protestationem supremi Domini Dei, & subjectionis sacrificantis ad ipsum, una res convertebatur in aliam, videlicet thus, aut thymiama, in suavissimum suffitum.

28. Si dicas: Ex hac sententia videtur sequi, solum panem & vinum sacrificari (nom illud proprie sacrificatur, quod realiter immutatur) atqui hoc est falsum, & contra Concilium Trident. num. 20. citatum: simulque absurdum; quia alioquin Ecclesia haberet dumtaxat Sacrificium inanime, ac vilius, quam habuerunt olim Hebræi; foretque figuratum minus nobile quam figura; ergo. Respond. negando sequentiam, cum sua probatione. Etsi enim illud proprie offerri dicatur, quod destruitur, seu immutatur, quando non fit conversio unius in aliud: nihilominus, si fiat talis conversio, tunc proprie ac principaliter illud offertur, quod per ejusmodi actionem potissimum intenditur. Unde, si principaliter intendatur destructio prioris rei per conversionem in aliam, tunc res conversa erit Hostia; prout accidit in combustionem Holocausti conversi in ignem, ubi non ignis, sed aries v. g. vel bos igne absumptus, censetur esse Hostia. Secus autem erit, si tunc principaliter intendatur res illa, in quam fit conversio alterius: quia enim, ut illud incipiat esse, alterum desinit; etiam Deus magis intendit honorari, honoraturque per illam actionem conversivam, ut ponit terminum *ad quem*, quam ut tollat terminum *a quo*: prout & in Lege veteri, dum thymiama vel thus offerebatur, convertendo ipsum in suavissimum suffitum, potius Deo offerebatur, & sacrificabatur ejusmodi suffitus suavissimus, quam thymiama vel thus. Igitur cum in Sacrificio Missæ Christus ejusque præsentia principaliter intendatur, consequenter in eo Hostia principalis erit Christus Dominus; non quomodocumque, sed ut contentus sub speciebus consecratis, ac veluti terminus *ad quem* principaliter intentus transubstantiationis, quæ divinitus accidit peracta Consecratione. Quamvis eadem actione offeratur simul panis & vinum, secundario tamen & concomitanter, quatenus est terminus *a quo*, & cujus desinitio intenditur propter aliud dumtaxat, sicque minus principaliter. Lessius lib. 2. de just. & jure, cap. 38. num. 13. licet postea lib. 12. de Divinis Perfectionibus

fectionibus, cap. 13. num. 95. amplexus sit primam sententiam num. 24. relata, tamquam faciliorem intellectu, magisque respondentem ordinario sacrificandi modo, qui supponit Hostiam, non producit.

### Q U Æ S T I O III.

Qui sint Offerentes Missæ Sacrificium, & in quo consistat Essentia ipsius?

#### S U M M A R I U M.

29. Principalis offerens in Missæ Sacrificio, est Christus Dominus.
30. Et quomodo?
31. Sacerdos celebrans, est proximus Minister.
32. Et quomodo alii Fideles illud offerant?
33. In Missa non omnes actiones pertinent ad essentiam Sacrificii.
34. Hujus essentia consistit in Consecratione.
35. In Parasceve non fit Sacrificium Missæ.
36. Sumptio S. Hostiæ, non est de essentia ejus;
37. Præsertim facta ab astantibus.
38. Requiritur ad hoc Sacrificium Consecratio utriusque speciei.
39. Opposita sententia refertur, ac rejicitur.

29. **C**ONCL. I. Principalis offerens Missæ Sacrificium, est Christus Dominus, quamvis illud offerat Sacerdotum ministerio. Ita omnes Catholici Doctores; & patet tum ex Concilio Florentino in Decreto Unionis, tum ex Tridentino Sess. 22. cap. 2. ubi docet: *Una est eademque Hostia, idem nunc offerens Sacerdotum ministerio, qui se ipsum tunc in Cruce obtulit, sola offerendi ratione diversa.* Idem patet ex verbis Consecrationis, ubi Sacerdos non nomine proprio, seu in persona Christi loquens, dicit: *Hoc est Corpus meum: Hic est Sanguis meus.*

30. Cæterum Christus dicitur offerens, & quidem principalis: tum quia Sacerdotium, ipsumque Missæ Sacrificium instituit: tum etiam, quia Sacerdos illud ex Christi ordinatione offert nomine, atque in persona ipsiusmet Christi Domini. Ipse liquidem Sacerdotes constituere dignatus est suos Ministros, & Vicarios, qui nomine, atque in persona sua, Patri Cælesti illud offerrent Sacrificium; uti præter concordem SS. Patrum doctrinam, tenet Concilium Florentinum, & Tridentinum loc. cit.

31. **C**ONCL. II. Sacerdos celebrans offert Missæ Sacrificium ut proximus Minister; cæteri autem Fideles etiam aliquo modo, minus tamen proprie, dicuntur hoc Sacrificium offerre, Ita communis. Et quidem prima pars patet tum ex cit. Concilio Trid. ubi dicitur: *Idem nunc offerens Sacerdotum ministerio.* Tum ex eo: quia Sacerdos est publicus Minister Ecclesiæ, ad hoc Mysterium conficiendum consecratus, verusque Sacrificans; juxta quod Christus Apostolis, eorumque in Sacerdotio successoribus, præcepit in ultima Cœna, dicens: *Hoc facite &c.* Quia vero Sacerdos, in persona Christi loquens; hoc conficit Sacramentum & Sacrificium; hinc Sacerdos non est principalis offerens, sed post

Christum, qui est offerens principalis, proximus Minister.

32. Altera pars patet ex Canone Missæ, ubi dicitur: *Memento Domine famulorum famularumque tuarum, pro quibus tibi offerimus, vel qui tibi offerunt hoc Sacrificium laudis.* Et infra: *Hanc igitur oblationem servitutis nostræ, sed & cunctæ Familæ tuæ.* Dicuntur autem alii Fideles hoc Sacrificium offerre dupliciter; primo, ratione quadam generalissima; & solum, qui sunt membra Ecclesiæ, cujus nomine Sacerdos Deo offert Sacrificium istud. Secundo: ratione quadam magis speciali, in quantum scilicet speciali externo concursu ad ejus oblationem cooperantur, vel petendo, aut procurando per donationem stipendii, vel faciendo sub ipsa oblationem ad Altare, aut inserviando Sacerdoti celebranti, vel saltem per devotam assistentiam seu præsentiam consentiendo in ipsum.

33. **C**ONCL. III. Certum est, quod non omnes sacræ Actiones, quæ in Missa peraguntur, pertineant ad essentiam Sacrificii. Pleraque enim sunt piæ quidem, sed solum accidentales Ceremoniæ, Ritusque sacri ab Ecclesia instituti ex Apostoli a disciplina, & traditione, quo & Majestas tanti Sacrificii commendaretur, & mentes Fidelium per hæc visibilia Religionis, & Pietatis signa, ad rerum altissimarum, quæ in hoc Sacrificio latent, contemplationem excitarentur: prout loquitur Concilium Trid. cit. Sess. 22. cap. 5. Porro in quam parte Missæ consistat essentia Sacrificii, Quæstio remanet; pro ejus resolutione, sit

34. **C**ONCL. IV. Essentia Sacrificii Missæ consistit in Consecratione; & quidem probabilius in illa sola. Ita Herinex disp. 8. de Eucharistia, quæst. 3. num. 42. Sannig. disp. 5. de Missæ, quæst. 4. num. 5. cum communiori Theologorum; contra Bonacinam disp. 4. de Eucharistia, quæst. ult. punct. 2. num. 2. dicentem, quod partes essentielles Sacrificii Missæ sint Consecratio, Oblatio, & Sumptio; & contra nonnullos alios, qui volunt, etiam Sumptionem a Celebrante peractam, spectare ad essentiam Sacrificii Missæ. Ratio Conclusionis est: quia Sacrificium Missæ offertur: ac perficitur a Sacerdote in persona Christi, qui est principalis offerens, ut num. 29. dictum est: atqui Consecratio eaque sola, fit a Sacerdote in persona Christi; ergo sola Consecratio spectat ad essentiam ejus. Minor præbatur: nam Sacerdos in persona Christi loquens, hoc conficit Sacramentum, ut ait Concilium Florentinum in Decreto Unionis; ergo: Hinc

35. Infertur I. Quod Feria sexta Parasceves proprie non fiat Sacrificium Missæ: quia ibi non fit nova Hostiæ Consecratio, sed sumitur dumtaxat Hostia pridie consecrata.

36. Infertur II. Quod Sumptio Hostiæ seu Sacramenti, quæ fit a Sacerdote celebrante, non spectet ad essentiam Sacrificii Missæ, stricte loquendo (hæc enim Sumptio non fit in persona Christi, sicut Consecratio) quamvis spectet ad ejus integritatem, & complementum: nam, ut dicitur e. Relatum de consecrat. dist. 2. *Quæ erit illud sacrificium, cui nec ipse sacrificans particeps esse cognoscitur?*

37. Infertur III. Quod multo minus sumptio Sacramenti, quæ sit ab aliis astantibus, spectet ad essentiam Sacrificii Missæ: unde Concilium Trid. Sess. 22. cap. 6. & can. 8 approbat, & commendat Missas illas, in quibus solus Sacerdos sacramentaliter communicat.

38. CONCL. V. Ad perfectam rationem Sacrificii novæ Legis requiritur Consecratio utriusque speciei: idque ex Christi institutione, qui voluit in illo offerri Corpus & Sanguinem suum sub speciebus panis & vini, prout docet Concilium Trid. Sess. 22. c. 1. Unde Rubricæ Missalis Tit. De defectibus in ministerio ipso occurrentibus, quantum ad propositum, sic habent: *Si Sacerdos ante Consecrationem graviter infirmetur, vel in syncope incidit, aut moriatur, præmittitur Missa* (quia videlicet Sacrificium substantialiter necdum est inchoatum) *Si post Consecrationem Corporis tantum, ante Consecrationem Sanguinis, vel utroque consecrato id accidit, Missa per alium Sacerdotem expleatur ab eo loco, ubi ille desit, & in casu necessitatis etiam per non jejunum.* Et merito: nam plus urget præceptum Divinum de substantiali perfectione, atque integritate Missæ, quam præceptum Ecclesiasticum de non sumendo Eucharistiam nisi a jejunis.

39. Sunt quidem nonnulli Theologi, quos refert Barbosa in *Collectaneis ad Concilium Trid. Sess. 22. de Sacrificio Missæ, c. 1. num. 26.* qui volunt, posse Papam ex causa urgente concedere, ut consecratio Eucharistiæ, & Sacrificium Missæ in una specie fiat. Quia vero Concilium Trident. loc. cit. satis indicat, Consecrationem utriusque speciei esse de Jure Divino, dum cit. cap. 1. inter alia sic loquitur: *Christus Sacerdotem secundum ordinem Melchisedech se in æternum constitutum declarans, Corpus & Sanguinem suum sub speciebus panis & vini DEO Patri obtulit, ac sub earumdem rerum symbolis, Apostolis, ut sumerens, tradidit, & eisdem, eorumque in Sacerdotio successoribus, ut offerrent, præcepit.* Hinc merito de hac quorundam sententia dubitatur, eaque probabilius & communius negatur.

#### Q U Æ S T I O IV. De Effectibus Sacrificii Missæ.

##### S U M M A R I U M.

40. Sacrificium Missæ habet valorem ex opere operato, & ex opere operantis.
  41. Est Latreuticum, ac Eucharisticum.
  42. Est Propitiatorium, Satisfactorium, & Impetratorium.
  43. Missæ Sacrificium, quomodo sit propitiatorium? Et peccata mortalia expiet?
  44. Per se ac immediate non causat gratiam sanctificantem. Differentia inter Sacramentum, & Sacrificium.
  45. Missæ Sacrificium, quomodo sit satisfactorium?
  46. Et quomodo impetratorium?
  47. Effectus impetrationis bonorum temporalium, an sit infallibilis?
- (c) Concordant dicta Tract. 5. Dist. 1. n. 57. & 58.

40. **A**dvertendum cum Scoto *Quædlib. 10. &* communi Theologorum, quod Missæ Sacrificium habeat duplicem vim, atque valorem operandi suos effectus, videlicet ex opere operantis, & ex opere operato. Prior valor promanat ex bonitate ipsius Ministri, ejusque proprio merito, atque devotione, quacum peragit hoc Sacrificium; prout id ipsum accidit in omnibus aliis piis operibus, utpote quæ valent seu profunt ex opere operantis. Alter valor Sacrificii Missæ est ille, qui eidem Christi institutione, ejusque meritis, atque independenter a bonitate Ministri competit; juxta quod Concilium Trident. cit. cap. 1. proficitur dicens: *Et hæc quidem illa munda oblatio est (Malach. 1.) quæ nulla indignitate, aut malitia offerentium inquinari potest.* Unde sequitur, quod Missæ Sacrificium proficit ex opere operato, seu virtute ipsius Sacrificii, quatenus habet specialem valorem sibi peculiariter ex Christi institutione annexum, & quidem ultra omne meritum operantis, seu procurantis, celebrationem Missæ, atque independenter a bonitate Ministri illud offerentis. Hoc prænotato, sic

41. CONCL. I. Sacrificium Missæ in primis est Latreuticum, atque Eucharisticum. Ita communis; & patet ex Concilio Trid. Sess. 22. can. 3. ubi inter alia dicitur, *Missa Sacrificium esse laudis, & gratiarum actionis.* Siquidem Missæ Sacrificium dicitur Latreuticum, quatenus instar Holocausti offertur Deo in recognitionem suæ supremæ excellentiæ: ipsum quippe institutum est ad ferendum cultum Latriæ (quaratione Latreuticum appellatur) soli Deo debitum. Verum quatenus offertur in gratiarum actionem pro omnibus receptis beneficiis, præsertim Redemptionis nostræ, hac ratione Sacrificium Missæ vocatur Eucharisticum: Eucharistia enim latine sonat bona gratia, sive gratiarum actio.

42. CONCL. II. Insuper Sacrificium Missæ est propitiatorium, satisfactorium, & impetratorium: ac proinde (præterquam, quod sit Sacrificium laudis, & gratiarum actionis) triplicem habet effectum, propitiationem videlicet, seu expiationem peccatorum quoad culpam; satisfactionem pro pœnis remanentibus ex peccatis quoad culpam jam dimissis; & impetrationem diversorum Beneficiorum. Ita omnes Catholici, & habetur novissime definitum in Conc. Trid. Sess. 22. can. 3. his verbis: *Si quis dixerit, Missa Sacrificium tantum esse laudis, & gratiarum actionis, aut nudam Commemorationem Sacrificii in Cruce peracti, non autem propitiatorium, neque pro vivis & defunctis, pro peccatis, pœnis, satisfactionibus, & aliis necessitatibus offerri debere: anathema sit.* Idipsum fufius declarat citatum Concilium cap. 2.

43. CONCL. III. Missæ Sacrificium vere quidem est Propitiatorium; in quantum virtute ejusdem Deus nobis fit placatus, & propitius; id est, movetur ad deponendam justissimam iram suam & indignationem, quam ob nostra peccata concepit in ordine ad neganda uberiora gratiæ auxilia, quibus pœnitentiam agere, atque in ejus amicitiam redire, & peccatorum remissionem acquirere valeamus; nihilominus effectum expiationis peccatorum



peccatorum mortalium, quoad culpam non causat immediate, sed dumtaxat mediate, ac dispositive, impetrando videlicet specialia gratiae auxilia, quibus homo disponitur, atque excitatur ad agendam veram de peccatis poenitentiam, mediante qua per infusionem gratiae sanctificantis immediate remittuntur peccata. Ita communis Theologorum; & patet ex verbis Conc. Trid. Sess. 22. c. 2. ubi explicans modum, quo hoc Sacrificium nobis peccata remittit, sic loquitur: *Hujus quippe oblatione placatus Dominus gratiam, & donum poenitentiae concedens, crimina & peccata ingentia dimittit.* Quibus verbis aperte docet, Sacrificium istud non remittere peccata mortalia immediate, prout faciunt Sacramenta Baptismi & Poenitentiae; sed tantum mediate, impetrando nimirum a Deo gratias actuales praevienientes, quibus peccatores excitentur ad agendam veram poenitentiam, sicque ad consequendam peccatorum remissionem virtute perfectae Contritionis, vel Attritionis cum Sacramento.

44. Et conformiter dictis inferitur, quod Missae Sacrificium per se, & immediate, non causet gratiam sanctificantem (alioquin enim immediate deleteret peccata mortalia) neque augmentum ipsius: quia nemo recipit augmentum gratiae habitualis seu sanctificantis, nisi vel per proprium meritum, vel per dignam receptionem Sacramenti. Et hoc ipsum suadet differentia inter Sacramentum, & Sacrificium: nam Sacramentum est primario & principaliter institutum ad nostram sanctificationem; Sacrificium vero immediate refertur ad cultum Dei, & protestandam supremam ejus excellentiam, & secundario solum ac veluti per quamdam redundantiam, ad nostram utilitatem.

45. CONCL. IV. Quod attinet alterum effectum ipsius, Missae Sacrificium dicitur esse *Satisfactorium*, & quidem tam respectu vivorum, quam respectu animarum in Purgatorio existentium, in quantum ex opere operato virtute ipsius aliqua poena, peccatis quoad culpam jam deletis correspondens, remittitur illis, pro quibus hoc Sacrificium applicatur. Unde Concilium Trid. loc. cit. ait: *Quare non solum pro fidelium vivorum peccatis, poenis, satisfactionibus, & aliis necessitatibus, sed & pro defunctis in Christo nondum ad plenum purgatis, rite juxta Apostolicam traditionem offertur.* Et infra Sess. 25. in Decreto de Purgatorio, docet: *Animas in Purgatorio detentas fidelium suffragiis, potissimum vero acceptabili Altaris Sacrificio juvari.* Et hic effectus satisfactionis infallibiliter confertur virtute Sacrificii Missae, dummodo is, pro quo Missa offertur, sit capax ejusdem; id est, indigeat aliqua satisfactione, nec ponat obicem peccati mortalis, neque sit aequaliter in statu damnationis.

46. CONCL. V. Tandem Missae Sacrificium est *Impetratorium*, in quantum habet virtutem impetrandi a Deo diversa bona, tum spiritualia, tum etiam temporalia, quatenus ad spiritualia conducunt. Ita omnes Catholici; & patet ex perpetuo sensu, atque traditione Ecclesiae, ipsoque Concilio Tridentino proxime allegato. Additur vero notanter, *bona temporalia, quate-*

*nus ad spiritualia conducunt.* Quia effectus Sacrificii incruenti Missae nituntur meritis Sacrificii cruenti a Christo in Cruce oblato: atqui Christus non promeruit nobis in Cruce bona temporalia, nisi quatenus conducunt ad spiritualia; nam bona temporalia secundum se praecise spectata, non sunt bona, imo saepe saepius homini mala & nociva.

47. Et hinc fit, quod effectus iste Sacrificii Missae, nimirum impetratio bonorum temporalium, non infallibiliter habeatur, ut experientia constat: neque illico omnia nobis conceduntur, pro quorum impetratione leguntur Missae; siquidem huiusmodi bona temporalia non semper conducunt ad bonum spirituale, & salutem animae. Interim tamen credibile est, semper aliquid obtineri a Deo, neque Sacrificium in vanum offerri, etiamsi non statim obtineatur illud in specie bonum temporale, pro quo obtinendo Missa offertur: potest enim Deus, atque pro summa in nos pietate solet, vel ejus concessionem in tempus opportunius, nobisque salutarius differre; vel loco illius, quod petimus, aliud nobis largiri longe conducibilius ad salutem animae nostrae: ad hoc quippe concedendum videtur ipsum compellere sua infinita Liberalitas, Bonitas, atque Misericordia. (c)

\* Quaes, quidnam requiratur, ut ille, pro quo SS. Missae Sacrificium offertur, fiat particeps horum effectuum? Respondeo I. Ante omnia requiritur, ut pro tali celebrans applicet hos effectus: is enim solus in sua ordinatione accipit potestatem applicandi, seu offerendi. II. Quoad effectum propitiatorium non desideratur ex parte illius, pro quo applicatur, seu offertur, status gratiae Sanctificantis; cum hic effectus etiam communicetur gravibus peccatoribus gratia sanctificante privatis, obtinendo exinde adaptionem auxilii divini excitantis ad agendam poenitentiam. III. Quoad effectum impetratorium dictus status gratiae, etsi sit de meliori esse, simpliciter tamen pariformiter non exigitur ob eandem rationem, modo caeteroquin beneficia, quae petuntur, sint honesta, & ad aeternam salutem aliquo modo conducentia. IV. Bene vero dictus status gratiae ex parte illius, pro quo Missa legitur, requiritur quoad effectum satisfactorium: etenim virtute hujus effectus juxta communem DD. ac conformiter jam dictis Concl. IV. remittuntur solae poenae pro peccatis quoad culpam jam a Deo condonatis adhuc debita; ergo necessario praesupponant condonationem culpae mortalis, sicque statum gratiae. \*

## Q U A E S T I O V.

Quantus sit valor Sacrificii Missae?

### S U M M A R I U M.

48. *Valor Missae ad placandum, satisfaciendum, ac impetrandum, non est infinitus.*
49. *Non obstante infinitate meritorum Christi.*
50. *Cur hac per Missam finito dumtaxat modo applicentur?*
51. *Missae pro pluribus oblata, minus prodest singulis.*
52. *Quid de pluribus inservientibus, aut astantibus?*

53. Sacerdos pluribus stipendiis non satisfacit, si unicam Missam celebret;
54. Ne quidem applicando uni fructum satisfactorium, & alteri impetratorium;
55. Aut partem fructus ejus specialissimam.
56. Fidelibus plus prodest, si Missas curent sibi celebrari in vita, quam post mortem.
57. In Missa duo sunt consideranda.
58. Missa mali Sacerdotis tantum valet, quantum boni, quoad substantiam,
- Et quoad fructum ejus ex opere operato.
59. Imo & quoad Orationes dictas nomine Ecclesie.
60. Secus quoad Orationes, prout a Celebrante procedunt.

48. **C**ONCL. I. Valor, quem habet Missæ Sacrificium ex opere operato, sive ad placandum nobis DEUM, sive ad satisfaciendum, sive ad impetrandum, non est infinitus, sed finitus, non obstante infinitate satisfactionis, ac meritorum Christi, in quibus totus Missæ valor radicatur, & fundatur. Ita D. Bonaventura 4. dist. 45. art. 3. Scotus Quodlib. 20. cum suis & aliis communiter, paucis exceptis. Conclusio hæc potissimum suadet ex communi sensu Ecclesie: nam si idem numero Sacrificium foret infiniti valoris, tunc frustra speciales numero Missæ legerentur pro specialibus hominum necessitatibus; imo unica Missa, utpote infiniti valoris, sufficeret ad exhauriendum totum Purgatorium, simulque posset quis per unius Missæ celebrationem satisfacere pro centum stipendiis a diversis hominibus datis: hæc autem omnia sunt absurda, & contra perpetuam praxin, ac sensum Ecclesie; ergo dicendum, quod Missæ Sacrificium a nobis oblatum, non sit infiniti valoris.

49. Additur in Conclusionem, non obstante infinitate meritorum Christi. Quia valor ille, quem habet Missa ex opere operato, fundatur, ac desumitur ex Sacrificio cruento in Ara Crucis oblato per Christum, ac meritis ejus, quæ sunt infinita, ac sufficientia pro redemptione infinitorum hominum, vel etiam mundorum, si darentur: quamvis hæc infinita merita Christi, per incruentum Missæ Sacrificium finito, ac limitato dumtaxat modo, juxta ordinatissimam DEI voluntatem, nobis applicentur. Et hac de causa Barthol. Gavantus part. 2. Commentar. in Rubricas, tit. 8. num. 3. valorem Missæ ait esse infinitum in radice, quatenus nempe radicans in meritis Christi, quæ sunt infinita; sed ad impetrandum, & ad alios suos effectus, finitum in terminis, quia finite de eo omnes participant.

50. Cæterum ratio, cur per Missæ Sacrificium merita Christi finito dumtaxat modo nobis applicentur, alia non est, nisi voluntas, ac institutio Christi Domini veri DEI & hominis, qui per hoc incruentum Missæ Sacrificium modo dumtaxat finito voluit nobis applicare merita suæ Dominicæ Passionis atque satisfactiones præstitas in Sacrificio illo cruento, quod ipsemet obtulit in Ara Crucis, se ipsum offerendo Patri suo Cælesti pro redemptione totius generis humani.

51. **C**ONCL. II. Idem numero Sacrificium Missæ pro pluribus simul oblatum, minus prod-est singulis, ac si paucioribus, vel uni tantum applicaretur. Conclusio hæc sequitur ex præcedenti: quia valor ille finitus, qui ex opere operato correspondet Missæ, dividitur tunc in illos plures homines, pro quibus simul offertur, qui cæteroquin totus uni obveniret, si Missa pro uno solo applicaretur.

51. Dicitur, Sacrificium pro pluribus simul oblatum. Nam si loquamur de Missæ Sacrificio, quatenus a pluribus offertur, nempe a pluribus Missæ inservientibus, vel devote assistentibus (qui etiam suo modo dicuntur Missam offerre, juxta dicta num. 31. & 32.) non minorem fructum exinde singuli referunt, quam si ipsi soli essent. Ratio est: quia ejusmodi oblationes privatæ sunt distinctæ, ideoque eis distincti, ac proprii effectus correspondent, juxta propriam singulorum devotionem & capacitatem. Et hoc ipsum suadet communis sensus Fidelium. Layman lib. 5. tract. 5. cap. 1. num. 11. & alii.

53. **C**ONCL. III. Sacerdos, qui pluribus sive ob acceptum stipendium, sive ob aliam causam, est obligatus ad celebrandum, non satisfacit unicuique Sacrificium Missæ pro omnibus offerendo. Ita de facto tenendum pro certo, ob Decretum Urbani VIII. De celebratione Missarum, quod incipit, Cum sepe contingat (habeturque tom. 4. Bullarii Romani, Constitut. 45. dicti Pont.) ubi §. 2. sub obestratione Divini Judicii mandat, ac præcipit, ut absolute tot Missæ celebrentur, quot ad rationem attributa elemosina præscripta fuerint, ita ut alioquin ii, ad quos pertinet, sua obligationi non satisficiant, quinimo graviter peccent, & ad restitutionem teneantur. Concordat Decretum Alexandri VII. inter alias Propositiones etiam sequentem ordine 10. damnantis: Non est contra justitiam, pro pluribus Sacrificiis stipendium accipere, & Sacrificium unum offerre: neque etiam est contra fidelitatem, etiamsi promittam promissione etiam juramento firmata, dari stipendium, quod pro nullo alio offeram. Proinde

54. Inferitur I. Sacerdotem non posse pro una Missa duplex stipendium accipere, applicando uni fructum satisfactorium, & alteri fructum impetratorium; dum v. g. unus petit celebrari Missam pro Defunctis, alter pro infirmo. Nam qui dat stipendium pro celebratione Missæ, censetur velle fructus omnes ipsius, quantum est capax.

55. Inferitur II. Non posse Sacerdotem licite pro una Missa duplex stipendium accipere, applicando uni petentium partem illam fructus, quæ ipsi sacrificanti competit. Siquidem hoc non modo sequitur ex dictis, sed rursus opposita sententia ab Alexandro VII. damnata est, dum is inter alias Propositiones etiam sequentem, ordine 8. rejecit: Duplicatum stipendium potest Sacerdos pro eadem missa licite accipere, applicando petenti partem ejus specialissimam fructus ipsius celebranti correspondentem, idque post Decretum Urbani VIII. Hæc, inquam, Propositio est damnata.

56. Quæres, utrum Fideles majora sibi beneficia, fructumque uberiores comparent, si Missas sibi

sibi curent celebrari in vita, quam post mortem? Resp. affirmative, ut notat Barbosa in *Collectaneis ad Concilium Trid. Sess. 22. cap. 2. num. 11.* citans Fraxinellum, & Homobonum de Bonis. Ratio est: quia Missæ pro aliquo dictæ post mortem, solum sunt satisfactoriæ pro pœnis in Purgatorio adhuc luendis: at in vita pro aliquo celebratæ, non solum satisfactoriæ sunt, sed etiam propitiatoriæ, atque impetratoriæ, sicque juvant in vita & post mortem. Accedit illud D. Gregorii lib. 4. Dialog. c. 58. *Tutior est via, ut bonum, quod quisque post mortem sperat agi per alios, ipse, dum vivit, per se exequatur: beatius quippe est liberum exire, quam post vincula libertatem querere.*

57. Quæres ulterius, utrum Missa mali Sacerdotis tantum valeat, quantum boni? Ubi notandum cum D. Thoma *part. 3. Quæst. 82. art. 6.* D. Bonaventura 4. *dist. 13. art. 1. quæst. 4.* & communi Doctorum, quod in Missa duo debeant considerari, scilicet ipsum Sacramentum seu Sacrificium, quod est principale; & Orationes, quæ in Missa pro vivis atque defunctis fiunt; idque sive in persona totius Ecclesiæ, cujus Sacerdos est publicus Minister, sive in Persona Sacerdotis, ac prout secundum propriam ejus devotionem spectantur. Hoc prænotato,

58. Resp. I. Certum est, quod Missa mali Sacerdotis quoad substantialia, sive quantum ad Sacramentum, atque Sacrificium, non minus valeat, quam Missa boni Sacerdotis. Ratio est: quia utrobique idem conficitur Sacramentum, atque Sacrificium; & quidem nomine, atque in persona Christi Domini, qui est principalis Offerens, simulque Hostia. Unde D. Augustinus lib. de *Corpore Christi*, inquit: *In mysterio Corporis, & Sanguinis Domini nihil a bono majus, nihil a malo minus perficitur Sacerdote.* Et hoc ipsum etiam est intelligendum de fructu præcipuo Sacrificii Missæ, qui provenit ex opere operato, & quatenus illud offertur in persona Christi: sic enim nihil omnino pendet a dispositione, & bonitate Ministri, juxta dicta *num. 40.*

59. Resp. II. Quatenus Sacerdos offert Missam, oratque nomine Ecclesiæ, non minuitur fructus impetrationis ob malam dispositionem Ministri celebrantis: quia etiam in peccatoribus manet ministerium, inquit Doctor Angelicus. Unde quantum ad hoc, non solum est fructuosa Oratio Sacerdotis peccatoris Missam celebrantis, sed etiam omnes aliæ ejus orationes, quas facit in Horis Canonicis, aliisque Ecclesiasticis Officiis, in quibus gerit personam Ecclesiæ. Excipe, nisi Minister sit excommunicatus non toleratus: quia per hunc non vult Ecclesia ad DEUM preces offerri, & consequenter nullam habent efficaciam, quatenus fiunt nomine Ecclesiæ.

60. Resp. III. Orationes privatæ Sacerdotis mali, seu in statu peccati mortalis celebrantis, non sunt fructuosæ, ne quidem secundum vim impetrandi pro aliis: ac proinde quoad circumadjacentia, sive annexa, hoc est, quoad Orationes, prout a celebrante procedunt, plus prodest Missa boni, quam mali Sacerdotis. Ratio est: quia Sacerdos malus celebrando, de novo peccat mortaliter; unde prout celebratio Missæ ab ipso procedit, potius meretur vindictam, quam misericor-

diam. Huc quadrat dictum illud cæci nati, atque a Christo illuminati, de quo *Joan. 9. Scimus, quia peccatores Deus non audit: sed si quis Dei cultor est, & voluntatem ejus facit, hunc exaudit.*

## QUÆSTIO VI.

Pro quibus possit offerri Sacrificium Missæ?

### SUMMARIUM.

61. Missa potest offerri pro vivis, atque defunctis; non vero pro damnatis.
62. Nequit offerri pro sanctis.
63. Licite offertur pro Fidelibus non excommunicatis, etiam peccatoribus.
64. Secus de excommunicatis visitandis.
65. Quid de excommunicatis toleratis?  
(a) Videantur dict. Tract. 13. Distinct. 2. num. 26.
66. Potest offerri pro conversione Infidelium,
67. Sive indirecte, non autem directe pro Infidelibus &c.
68. Et cur directe.  
(e) Ut dictum Tract. 13. Dist. 1. n. 17.

61. **CONCL. I.** Missæ Sacrificium potest offerri tum pro vivis, tum pro Defunctis in Christo, nondum plene purgatis: neutiquam vero pro damnatis. Ita communis. Et quidem prima pars constat ex dictis *num. 42. & 45.* Altera pars habetur c. *Pro obeuntibus*, 13. *quæst. 2.* ac ratio est: quia damnatorum desperata est redemptio. Et hoc intelligendum cum Glossa ibidem communiter recepta, quando evidens est, aliquem decessisse in peccato mortali; ut puta cum quis se ipsum suspendit, præcipitat, vel alio modo occidit, *arg. c. Placuit*, 23. *quæst. 5.* Nam secus est dicendum, si de hoc sit dubium; quia tunc oportet meliora de Proximo sperare.

62. **CONCL. II.** Etsi DEO in honorem Sanctorum rite offeratur Missæ Sacrificium, juxta dicta *num. 8.* nequit tamen illud offerri pro Sanctis. Ita habetur decisum c. *Martha*, 6. *Tertio loco de Celebrat. Missarum*, addita hac duplici ratione. Tum quia *injuriam facit Martyri, qui orat pro Martyre.* Tum quia Sancti in cælis *orationibus nostris non indigent: pro eo, quod, cum sint perfecti beati, omnia eis ad vota succedunt.*

63. **CONCL. III.** Certum quidem est, Missæ Sacrificium licite offerri pro Fidelibus non excommunicatis, etiam peccatoribus; illud tamen existentibus in peccato mortali non prodest quoad effectum satisfactorium, sed solum, quatenus Sacrificium hoc est propitiatorium (modo *num. 43.* explicato) & impetratorium. Ratio est: quia Fideles in peccato mortali existentes sunt quidem capaces utriusque posterioris effectus, non vero effectus satisfactionis, seu remissionis pœnæ temporalis; cum ponant obicem peccati mortalis.

64. **CONCL. IV.** Pro excommunicatis vitandis, seu non toleratis, nequit licite offerri Sacrificium Missæ, & peccat graviter Sacerdos, directe pro ipsis celebrans. Ratio est: quia Missæ Sacrificium offertur non solum in persona Christi, sed etiam nomine Ecclesiæ: atqui Ecclesia prohibet, ne suo nomine, & publico Ministerio Ecclesiastico, pro excommunicatis oretur, aut Missa celebretur,

X x x

bretur, donec fuerint absoluti; uti habetur *cap. Anobis*, 28. & *cap. Satis*, de *Sent. excommun.* ergo.

65. Additur notanter, *pro excommunicatis non toleratis*. Nam non pauci Doctores volunt, post Concilium Constantiense, atque Extravag. Martini V. *Ad evitanda*, pro excommunicatis toleratis, seu vitandis, licite posse offerri Sacrificium Missæ: utpote quibus de facto licite communicamus in aliis Officiis Divinis, imò, & pro ipsis præsentibus publice precamur in Choro dicendo: *Misereatur vestri, Domine vobiscum* &c. prout argumentatur Herinex *disp. 8. de Missa, num. 64.* citans Navarrum, Sa, Lugonem, & alios passim. Verum, quamvis id licite fiat, simulque tale Sacrificium prodesse valeat excommunicatis toleratis, quatenus offertur in persona Christi, non tamen ipsis proderit, quatenus offertur in persona Ecclesiæ; cum Pontifex in præfata Bulla expresse protestetur, quod *per hoc non intendit, excommunicatos in aliquo relevare, nec eis quomodolibet suffragari.* (d)

\* Dices: Si A catholicus petat aliquam Missam v. g. in honorem S. Antonii ad impetrandam ejusdem intercessionem certam gratiam temporalem, & propterea offerat stipendium, prout in his partibus Septemtrionalibus non raro contingit, potest illud licite recipi, teste Pasqualigo: ergo etiam poterit licite offerri pro Excommunicatis toleratis Missæ Sacrificium. Respondeo ad hanc objectionem, tales recipere stipendium, & exinde offerre Sacrificium pro potentibus A catholicis vel exinde, quia per principia reflexa amplectuntur alteram contrariam multorum sententiam; vel quia se resolvunt, talem obligationem Sacrificii non solum prodesse illis, pro quibus legitur, sed etiam celebrantibus, utpote propterea NB. Stipendium recipientibus, sicque similem casum non contineri sub prohibitione Martini V. nolentis per tolerationem talium Excommunicatorum NB. præcisè ipsos Excommunicatos in aliquo relevare. Videatur Kazenberger *de Censuris cap. 3. sect. 2. num. 73.* \*

66. CONCL. V. Pro Infidelibus, non baptizatis, potest offerri Missæ Sacrificium per modum deprecationis, ut ad veram Fidem convertantur. Ita Bonacina *dist. 4. de Eucharistia, quasi. ultim. puncti. 5. num. 4.* Herinex *num. 59.* Sannig *quasi. 7. num. 15.* & alii. Ratio est: quia juxta Concilium Tridentinum *num. 42. & 45.* relatum, potest Missa offerri *pro peccatis & aliis necessitatibus*: atqui Infidelitas est peccatum, & necessitas maxima. Accedit, quod Sacrificium incruentum Missæ imitetur cruentum, olim a Christo in Ara Crucis oblatum; quod etiam non baptizatis profuit ad salutem animæ. Quinimo *cap. Apostolicam, de Presbytero non baptiz.* jubet Pontifex, quod Missæ Sacrificium offeratur pro Presbytero non baptizato, qui in confessione nominis Christi decessit.

67. Cæterum Mastrius *disp. 19. Theol. Moral. num. 62.* alia ratione hoc declarat, & citans communiorum, & probabiliorem Doctorum, ait, posse quidem pro Paganis, & Infidelibus (imo & Excommunicatis) Sacrificium Missæ indirecte offerri, non autem directe. Et quidem prior pars suadet ex eo, quod de facto sic fiat, quoties

Missæ Sacrificium Deo offertur pro incremento, & exaltatione Sanctæ Matris Ecclesiæ, vel tollendo ab ea schismate, aut Hæresum extirpatione: nam quia hæc vel maxime fiunt per conversionem Infidelium, atque resipiscenciam Hæreticorum, Schismaticorum, aliorumque excommunicatorum; celebrando Missam juxta dictam intentionem, pro his pariter indirecte oratur, & celebratur.

68. Altera pars probatur ex eo: quia Pagani, & Infideles, necdum sunt effecti membra Christi per Baptismum in re, vel saltem in voto susceptum: atqui Sacrificium Missæ non potest directe applicari, nisi pro membris Christi: quia, ut inquit D. Augustinus *lib. 1. de Anima, & ejus orig. cap. 9.* relatus a D. Thoma *3. par. quasi. 79. art. 7. ad 2.* *Quis offerat Corpus Christi, nisi pro his, qui sunt membra Christi?* Idem desumitur ex ipsa praxi, & consuetudine Ecclesiæ, quæ quidem summo affectu, veluti pia Mater, Paganorum, aliorumque enumeratorum conversionem, & salutem exoptat; nullam tamen pro ipsorum conversione Missam ordinavit (bene tamen pro tollendo schismate, vel contra Paganos) neque preces aliquas pro eis dicendas instituit: dempto solo die Parasceves, quo propter speciale mysterium, & quia Christus Jesus eadem die pro suis persecutoribus in Cruce orare dignatus est, etiam Ecclesia pro Hæreticis, & Schismaticis, Judæis, & Paganis publice precatur. (e)

#### Q U Æ S T I O VII.

##### De Applicatione Missæ.

#### S U M M A R I U M.

69. Missa tripliciter prodest, specialissimo, generalissimo, & specialiter.
70. Missa specialiter prodest iis, quibus applicatur a Celebrante,
71. Quid, si nemini applicetur,
72. Aut Celebrans eam applicet contra suam obligationem, vel voluntatem Superioris?
73. Applicatio Missæ, an sufficiat habitualis?
74. Et quando fieri debeat?
75. An sit licitum celebrare cum reservatione applicationis,
76. Vel Missam applicare proxime daturum stipendium?
77. Praxis optima applicandi Missam.
78. Expedit etiam facere secundum intentionem.
79. Et quomodo?
- (f) Ut dictum num. 73.
80. Digne celebrans plus participat de fructu Missæ, quam alii.

69. **A**dvertendum cum Scoto *Quodlib. 20. &* aliis, Sanctissimum Missæ Sacrificium (idem servata proportionem dicendum de Orationibus Fidelium, aliisque Justorum meritis, de quibus ex professo Doctor Subtilis *ibidem §. de primo*, hoc declarat) tripliciter valere, seu prodesse, nimirum specialissime, generalissime, ac modo quodam medio seu specialiter. *Specialissime* prodest solum ipsi celebranti Missam, seu aliud bonum opus peragenti, ac in statu gratiæ esistenti; & hoc modo non videtur, id posse recta, seu ordinata voluntate alteri applicari; quia quilibet tenetur magis seipsum diligere, quam Proximum. *Generalissime* prodest toti Eccle-



Ecclesiæ: neque enim celebrans, vel orans, debet aliquem de Ecclesia excludere, sed ex intentione saltem habituali omnes includere; uti patet ex Oratione Dominica, in qua singuli, ex Christi institutione orantes, dicimus: *Et ne nos inducas in tentationem, &c.* non vero, *& ne me inducas in tentationem.* Et de hoc fructu generalissimo videtur David loqui *Psal. 118.* dicens: *Particeps ego sum omnium timendum te, & custodientium mandata tua.* Tertio tandem modo, seu specialiter, prodest Missæ Sacrificium, vel aliud pium opus illi, cui specialiter per Celebrantem, vel orantem applicatur, v. g. Animabus in Purgatorio, vel danti stipendium pro celebratione Missæ: & hic solus fructus, nempe specialis, applicatur pro eo, pro quo offertur solum Missæ sacrificium.

70. CONCL. I. Sacrificium Missæ specialiter prodest iis, pro quibus offertur; attamen ad hoc, ut Sacrificium habeat suum effectum ex opere operato pro iis, pro quibus offertur, necessaria est propria applicatio Sacerdotis celebrantis. Ita Herinex *part. 4. disp. 8. de Missa, quæst. 7.* Sannig *disp. 5. quæst. 6.* & alii. Ratio est: quia in hoc tremendo Missæ Sacrificio Sacerdos celebrans, & quidem solus, sustinet personam Christi; ergo sicut a solo Sacerdote celebrante in persona Christi Sacrificium pro aliis offertur, sic etiam ab eo solo fructus ejusdem applicatur. Idem desumitur ex forma Ordinationis cujuslibet Sacerdotis, qua eidem dicitur: *Accipe potestatem offerendi Sacrificium &c. pro vivis, & defunctis;* & consequenter ab ipso pendet applicatio fructus ejus.

71. Infertur proinde I. Sacrificium Missæ nemini applicatum, quoad fructum suum speciale nemini profuturum ex opere operato, sed fructum ipsius in Thesauris Ecclesiæ remansurum. Intellege, si Sacerdos eundem ex certa scientia nolit neque sibi, neque alteri applicare. Si vero hoc accidat ex inadvertentia, videtur ex parte celebrantis adesse tacita, & habitualis intentio applicandi sibi, aut certe aliis, pro quibus tenetur; qualis applicatio habitualis jam sufficeret, juxta dicenda *num. 73.*

72. Infertur II. Etsi Sacerdos ex Voto, Justitia, Charitate, vel Obedientia obligetur, Missam applicare certis personis; valide tamen eundem posse Missam applicare aliis, (etsi illicite) quantumvis intentio, & applicatio Superiorum, vel Ecclesiæ sit in contrarium. Ita Herinex, *loc. cit. n. 30.* Layman *cap. 2. num. 11.* Sannig. *num. 11.* & alii communiter, contra Fraxinellum, qui, ut refert Gavantus *tom. 1. Comment. in Rubricas, part. 3. tit. 12. num. 13.* docebat, Prælaturum Regularem posse irritare intentionem subditorum in celebratione Missæ, si hanc contra suam intentionem applicarent, ita ut valeat applicatio Prælati, & non subditi. Sed communis sententia ex eo probatur: quia applicatio Missæ est actus potestatis Ordinis, quæ non dependet ex potestate Superioris Regularis. Unde, quamvis subditus peccet agendo contra Obedientiam sup Prælato debitam, ejus tamen applicatio non potest irritari per Prælaturum: sicut a simili nequeunt irritari alia, quæ sunt annexa Ordini Sacerdotali, uti patet in intentione conficiendi Sacramenta.

73. CONCL. II. Applicatio Sacrificii Missæ

non necessario debet esse actualis, aut virtualis, sed sufficit habitualis; id est, actualis quondam habita, & nondum retractata. Ita communiter Doctores, paucis exceptis. Ratio est: quia per actualem intentionem olim habitam, ac necdum retractatam, Sacerdos jam donavit alteri fructum Sacrificii sui; qui proinde eidem, utpote vi donationis jam debitus, obveniet, supposito, quod sequatur Sacrificium, neque revocetur applicatio.

\* Et hinc valet applicatio Missæ, quam promissisti Paulo, quod velis in ejusdem Natali cras (vel pone etiam longiorem terminum) incidente pro ipso Missam legere, etsi ipso die Natali non renoves intentionem, dum celebras.

Nec dicas: Ut valide sacrifices, non sufficit dicta intentio habitualis, sed potius requiritur juxta dicta *disp. 1. Tractatus hujus quæst. 3.* actualis, vel virtualis: ergo etiam non sufficit hæc habitualis, ut Sacrificium illud alteri valide applies. Resp. enim negando consequentiam, & paritatem: in priori enim casu sacrificans, seu celebrans habet se per modum agentis, uti loco citato insinuat jam est; in posteriori autem per modum donantis. Ad valorem autem donationis alicujus sufficit voluntas actualis aliquando habita, & nondum retractata, seu habitualiter adhuc, etsi non actualiter, vel virtualiter perseverans. \*

74. CONCL. III. Applicatio Missæ debet fieri, antequam Sacrificium sit perfectum, ac proinde ante Consecrationem, utpote in qua Sacrificium Missæ essentialiter consistit. Imo debet Sacerdos, præsertim quando accepto stipendio pro aliis celebrat, formare intentionem ante initium Missæ, ut etiam fructus precum, nomine Ecclesiæ peractarum, obveniat illis, pro quibus celebrat.

75. CONCL. IV. Illicitum est, quod Sacerdos, qui de facto non habet stipendium pro Sacro faciendo, celebret cum reservatione suæ applicationis, applicaturus ei, qui dato stipendio proxime Sacrum fieri postulabit. Ita communis. Ratio est: quia fructus Sacrificii non potest suspendi a Sacerdote, in cujus potestate non aliter est Sacrificii effectus, quam ipsum Sacrificium.

76. Et ob eandem rationem neque licitum est, per modum anticipatæ solutionis ex nunc applicare fructum Sacrificii iis, qui postea primo petent; aut celebrare ad eorum futuram intentionem, quam Deus jam novit. Quinimo hæc praxis nonnullorum, tamquam periculosa, scandalosa, ac antiquissimæ Ecclesiæ consuetudini contraria, reprobata est a Congregatione Cardinalium 1605. ut refert Borbosa *part. 2. de offic. & potest. Episcop. allegat. 24. num. 12.*

\* CONCL. V. Si quis accipiat decem stipendia a decem hominibus, vel ab unico quidem, sed ad decem distinctos fines, Bonacina, Diana, & Aversa defendunt, satis esse, si primas decem Missas legendas pro his conjunctim, & in confuso applicet, relinquendo cæteroquin, postquam homines jam semel Missam aliquam ad certam intentionem actualiter petierunt, Deo determinationem in individuo quoad quamlibet Missam

X x x 2

fam

sam particularem, seu potius suam applicationem regulando juxta Beneplacitum DEI quoad determinationem in individuo illorum decem hominum, vel quoad quemlibet finem in specie; Si enim valet (prout valere tenet communis teste La Croix lib. 6. part. 2. num. 221.) applicatio facta pro eo, pro quo Deus vult applicari Adissam, relinquendo sic DEO quasi determinationem, qualem ex ejusmodi individuis velit determinare; vel cuinam animæ in Purgatorio applicare: sicuti ferme simili modo num. 78. & 79. discurretur de intentione secundaria; Cur non etiam (inquiunt) pariformiter hic in casu præsentis? Sed quidquid de hoc sit, tutius, & adhuc melius faciunt illi, qui singulis diebus determinate pro certo individuo v. g. Petro, vel Paulo, & juxta quamlibet intentionem determinatam (si tamen diversas illas intentiones, seu distinctos fines ipsemet petens pro stipendio Missæ expresse specificet) applicent, prout taliter volunt alii Auctores apud La Croix loc. cit. num. 200. In Monasteriis autem, in quibus subditi tenentur legere juxta intentionem Superioris, saltem ipsimet Superiores, vel hi, quibus per Superiores cura designandi Missas Patribus commissa est, diligenter invigilent, ut Libros Missales (de quorum praxi facilius agitur lib. 5. Decretalium tit. 3. num. 214.) confici curent, ex quibus intentiones applicandi, quas subditi insinuant, depromant: poterunt dein subditi securius, & cum majori animi quiete se remittere ad intentionem Superioris, seu Sacristani indicantis, quamvis ipsimet subditi aliquoties nesciant, nec ipsis significetur; in quem finem in specie tendat hæc intentio applicandi, & pro quo individuo.

CONCL. VI. Si quis accipiat decem stipendia a decem distinctis hominibus, ut decem Missas legat, in simili casu Possevinus, & Pasqualigus apud La Croix loc. cit. num. 210. dicunt, talem Sacerdotem non satisfacere, si in singulis Missis ad intentionem singulorum ex his decem hominibus applicet decimam partem harum suarum decem Missarum: alii alii, ut Bonacina, & Averfa tenent, eundem satisfacere partim, quia quotidie dividendo partem fructus in singulos, in fine ultimæ, seu decimæ Missæ cuilibet ex his decem hominibus solvitur, quantum debetur, prout consideranti patet; partim quia sic singulis melius providetur; cum singuli ex his maturius saltem partialiter quidpiam participant de fructu Missæ: cum alias, si pro quolibet ex his decem fuisset applicata Missa, aliqui (puta quos Sacerdos apud se determinavit tamquam octavum, vel nonum in ordine) deberent expectare octo diebus, & ultra, antequam quidpiam participant. Ast sententia ista practicanda non est saltem pro tunc, quando aliquæ ex his decem intentionibus differri ad decem dies non possunt, e. g. si nonnullæ ex his Missis sint applicandæ pro felici partu, pro felici morte alicujus in agone constituti, &c. \*

77. CONCL. VII. Loquendo de modo circa applicationem Missæ observando, optimum est, atque in praxi consultissimum, ut Sacerdos applicet valorem Missæ juxta intentionem petentis, eique modo, quo debet, ac potest, meliori prodesse intendat; interim tamen simul, & sibi, &

toti Ecclesiæ, prodesse velit ea ratione, qua potest meliori, absque præjudicio tamen dantis stipendium. Ita Gavantus tom. 1. Comment. in Rubricas, part. 2. tit. 8. num. 3. Nam, ut bene considerantibus patebit, hoc modo fiet perfectissima applicatio Missæ, absque ullo cujusque præjudicio, cum Deus optime noverit, simulque de fructu Sacrificii dare paratus sit cuique, quantum ipsi competit.

78. Deinde, quia quandoque contingere potest, ut is, pro quo sive ratione accepti stipendii, sive ex alio titulo quis est celebraturus, non sit capax fructus Sacrificii Missæ (prout v. g. accideret, si anima Defuncti, pro qua legitur Missa, jam sit in cælo, vel ob sua delicta in inferno) in quo proinde casu fructus specialis Missæ rediret in Thesaurum Ecclesiæ, si nulla alia adesset persona, cui ipse competeret, & applicaretur; Hinc ad istud evitandum optime consulunt Doctores, ut fiat aliqua secunda intentio, seu applicatio, per quam, si fructu Missæ non egeat, vel ejus incapax sit ille, pro quo applicatur, mox alii substituantur, quibus in tali casu fructus Missæ applicatus obveniat.

79. Sed quoniam nobis non certo constat, quibus in tali casu optime possit, vel etiam debeat fructus Missæ applicari: hinc consultum erit, ut generaliter eliciatur talis intentio, qua quis in ejusmodi casibus semper velit, tali secunda intentione fructum Sacrificii Missæ illi, vel illis applicare, cui vel quibus Deus novit, hic, & nunc præ cæteris magis debere illum applicari, ac ut applicetur, Deo gratus fore. Nam, cum ad applicationem Missæ sufficiat intentio non solum actualis, & virtualis, sed etiam (f) habitualis, ejusmodi intentio secundaria generalis pariter sufficit: potestque praticari absque ulla animi perturbatione, & anxietate.

80. His addendum pro solatio spirituali Sacerdotum devote celebrantium, cum Gavanto citat. tit. 8. num. 3. certum esse, quod Sacerdos digne celebrans in majori quantitate participet de fructu, & valore Missæ, quam quilibet alius, qui eundem celebrare jubet, vel dato stipendio procurat. Et hoc tum ex ministerio proximiori: tum ex majori fide, ac devotione, quæ sub devota Celebratione multipliciter excitatur: tum ex ipsa digna Sacramenti Eucharistiæ perceptione.

## Q U Æ S T I O VIII.

De obligatione celebrandi Missam, quam ex variis Titulis habent Sacerdotes.

### S U M M A R I U M.

81. Sacerdos ex variis titulis potest obligari ad celebrandum.
82. An & quoties per annum celebrare teneatur?
83. Curatus, quibus diebus celebrare debeat?
84. An tunc teneatur Missam applicare pro Parochianis?
85. Resolutio.
86. Sententia merito practicanda.
87. Beneficiarius, quoties teneatur celebrare?
88. Quid, si infirmetur ad tempus?
89. Beneficiarius, qui quotidie celebrare tenetur, an possit quandoque abstinere?

90. Ans

90. Aut pro alia intentione celebrare?  
 91. An satisfaciat anticipando Missas?  
 92. Obligatus ad celebrandum in certa Ecclesia, vel Altari, peccat alibi celebrando,  
 93. Nisi iusta causa subsit.  
 Quanta sit hac obligatio?  
 94. An alibi Celebrans teneatur ad restitutionem?  
 95. Nequit Sacerdos Missam alii legendam dare, re-tenta parte stipendii.  
 96. Limitatur hoc in certis casibus.  
 97. Peccat mortaliter, qui est notabiliter in mora cele-brandi Missas debitas.  
 Et tenetur ad restitutionem.  
 98. Quid, si ad modicum tempus differantur?  
 99. Aut dans stipendium consentiat?  
 100. Sacerdos tenetur dicere Missam petitam, nisi ob-estet Ritus Ecclesie.  
 101. Quid de Missis votivis, ac de requiem in Festis duplicibus?  
 Et Indulgentiis Altarium Privilegiatorum?  
 102. Obligatio celebrandi Missam ratione stipendii qualis?  
 103. Unicam Missam omittens, an peccet morta-liter?

81. **A**dvertendum, quod generatim Sacerdos ex variis Titulis obligari possit ad cele-brandam Missam. I. Ratione suscepti sacri Ordinis Sacerdotalis. II. Ratione Curæ animarum, quam habet. III. Ratione Beneficii, seu Capel-laniæ, cui ex primæva Fundatione annexum est onus celebrandi certas Missas, in Litteris Funda-tionis præscriptas. IV. Ratione recepti stipendii, seu elemosynæ, pro Missa celebranda porrectæ; non enim tenetur Sacerdos, quamvis sit dives ac opulentus, ultro Missam pro aliis celebrare; sed potest licite stipendium sui ministerii, juxta con-suetudinem laudabilem cujuslibet loci, recipere; idque pro sustentatione congrua vitæ suæ, juxta illud Salvatoris, *Matth. 10. Dignus est operarius cibo suo*, & alibi. Hoc prænotato, de singulis procedit præsens Quæstio: ad cujus resolutio-nem, sit

82. CONCL. I. Simplex Sacerdos peccat, & quidem juxta plures Doctores (quorum senten-tiam Sannig *loc. cit. quæst. 8. num. 1.* censet proba-biliorem) mortaliter, si cessante justo impedi-men-to nunquam celebret toto anno: tenetur enim saltem ter, vel quater in anno, in Festis præser-tim solemnioribus, celebrare. Probatur hoc ex Concilio Trident. *Seff. 23. cap. 4. de Reform.* ubi dicitur: *Curet Episcopus, ut Sacerdotes saltem die-bus Dominicis, & Festis solemnibus, si autem cu-ram habeant animarum, tam frequenter, ut suo mu-neri satisfaciant, Missas celebrent.* Accedit c. *Do-lentes, de Celebrat. Miss.* ubi graviter reprehen-duntur ii, qui Missarum solennia vix quater ce-lebrant in anno.

83. CONCL. II. Sacerdos Curatus per se, vel per alium, omnibus illis diebus tenetur celebra-re, quibus Plebs sibi subiecta ex præcepto Eccle-siæ tenetur Missam audire. Ita communis: & patet tum ex citatis verbis Concilii Tridentini, tum ex ipsa ratione Curæ animarum: nam alias non posset Populus implere præceptum de au-dienda Missa.

84. Num autem omnibus dictis diebus tenea-tur Sacerdos Curatus applicare Missam pro Popu-lo, quæstio non modica est, eo quod Concilium Trident. *Seff. 23. de Reform. cap. 1.* sic dicat: *Cum præcepto Divino mandatum sit omnibus, quibus cura animarum commissa est, oves suas agnoscere, pro his Sacrificium offerre &c.* Quibus verbis Concilium videtur agnoscere præceptum Divinum celebran-di, Missamque applicandi pro suis Ovibus, ex parte ipsius Parochi, seu Curati.

85. Resp. Licet Scotus *lib. 9. de Justitia, quæst. 3. art. 1.* arbitretur, Parochum non solum obli-gari celebrare Missam, ut eam subditi audire va-leant, sed etiam hanc pro ipsis offerre: commu-nior tamen sententia negat, talem obligationem ipsi incumbere ratione muneris sui; nisi forsan ex Fundatione, Consuetudine, Lege Diocesana, Pacto, aut alio hujusmodi Titulo, specialis ob-ligatio habeatur. Ita Layman *lib. 5. tract. 5. cap. 3. num. 3.* Herinex *disp. 8. de Missa, quæst. 9. n. 95. & 96.* Sannig *disp. 5. quæst. 8. num. 3.* Suarez, & alii. Ratio est: Quia Beneficia curata proprie sunt instituta ad pascendum Populum verbo, & Sacramentorum administratione, non item ad semper applicandam Missam pro ipso; nisi secus habeatur ex Fundatione, vel alio speciali Titulo. Deinde non plus videtur evincere citatus textus Concilii Trid. nisi quod Sacerdotes Curati tene-antur pro Ovibus suis Sacrificium offerre, cele-brando saltem diebus, quibus urget præceptum audiendi Missam, ut sic Parochiani possint Mis-sam audire, eique devote assistendo, de fructi-bus ipsius participare: nam diversæ sunt obliga-tiones ad celebrandum, & ad applicandum pro Parochianis Missæ Sacrificium; ab una autem ob-ligatione non est facienda extensio ad aliam.

86. Fatendum tamen, quod his non obstanti-bus Barbosa *part. 2. de offic. & potest. Episc. allegat. 24. num. 23.* & amplius *part. 1. de officio Parochi, cap. 11. num. 10.* verius esse putet, parochum te-neri Missæ Sacrificium pro suis Ovibus applica-re aliquoties, juxta boni viri arbitrium. Idem censet Gobat *tract. 3. Theol. Experim. num. 593.* additque, istud boni viri arbitrium esse feren-dum attenta copia vel inopia reddituum, magna aut parva necessitate Parochianorum. Notat etiam Layman *cit. num. 3.* quod lex Charitatis, ac æqui-tatis ratio suadeat, ut Pastores ordinarii, videlicet Papa, Episcopus, Parochus, & Prælati Regularium, pro suis subditis Deo intra, & extra Sacri-ficium, frequenter supplicent, & aliquando etiam pro eisdem illud offerant.

\* Quinimo in Jure Canonico *Lib. 3. Decret. Tit. 41. num. 22.* & adhuc latius *Lib. 5. Tit. 3. n. 209. ac seqq.* invenitur aliquod Decretum Sacræ Congregationis, faciens distinctionem inter pin-gues, & non pingues Parochias his formalibus: *Cum præcepto Divino iis, quibus animarum cura commissa est, mandatum sit, pro ovibus suis Sacri-ficium offerre, sæpe alias Sacra Congregatio censuit, Pa-rochos teneri pro Parochianis Sacrificium applicare, atque ea cum distinctione, ut, si redditus pingues sint, singulis diebus* (quod tamen intelligitur discrete cum grano salis, excipiendo anniversaria, exe-quias, & similes, quas habent Parochi, obliga-tiones

tiones &c.) si vero tennes, saltem festivis diebus. Idem nunc censet &c. Vide de hoc loc. cit.

Propter allegatam proximè declarationem formabis dubium, an ergo Parochi habentes pingues redditus teneantur applicare Missam pro suis Parochianis extra Dominicas, & festivos dies, posito, quod pro tunc neque occurrant Anniversaria, nec dies depositionis, septimi, vel trigesimi, nec Benedictiones nuptiarum, similesve parochiales functiones alias Curæ Animarum annexæ, & quasi inter ipsos redditus stolæ computatæ? Ratio dubitandi, & affirmativam tenendi videtur esse; tum quia Decretum allegatum expressè ait, Parochos habentes pingues redditus adstringi *singulis diebus* pro ovibus sacrificium applicare, sicque tam diebus Dominicis, & Festivis, quam aliis, nisi ipsæ functiones Parochiales similibus diebus aliam insinuent applicationem: tum quia a Patre Reiffenstuel in Jure Canonico *Lib. 5. Decret. Tit. 3. num. 213.* adducitur aliquod Breve Apostolicum Innocentii XII. vi cuius Parochi etiam non habentes pingues redditus tenentur applicare diebus Dominicis, ac Festivis Missas pro ovibus, supple, nisi ipsæ functiones Parochiales insinuent aliam intentionem: ergo cum vi Decretorum ibidem allegatorum fiat distinctio inter curatos habentes, & non habentes pingues redditus, atque priores majorem habeant obligationem applicandi, quam posteriores, consequenter illi posteriores adstringentur etiam extra Dominicas, & dies festivos applicare Missam pro ovibus suis. Et ita quidem tenent scribentes post hoc Decretum aliqui Doctores non exigui nominis, citati apud Paulum Zetil in suo Clerico curato *part. I. Instrucl. VI. num. LXVII.* Prout etiam videre poteris in Jure Canonico Patris Anacleti Reiffenstuel locis superius citatis.

Ego vero (salvo tamen meliori) etiam insistendo allegatis Sac. Congregationis Decretis cum Patre Schmalzgrueber *Lib. 3. Decret. Tit. 41. n. 106.* & Alberto Reiffenstuel in sua Novenna Canonica *Resolut. 8. fol. apud. me 54.* distinguendum puto, num Parochi illi habentes alias pingues redditus pariter ex peculiari quadam fundatione, seu particulari statuto vel consuetudine sint obligati extra Dominicas & Festa fori Populo Missam legere, vel non? Si prius, existimo, Parochos hosce, si tenentur ex tali particulari causa legere, pariter obligari, regulariter loquendo, Missam lectam pro populo applicare; ita enim in sensu aliquo moderato, & non nimium duro adhuc verificantur illa verba allegati Decreti, quod nimirum Parochi habentes pingues redditus teneantur Missam pro ovibus non solum in Dominicis ac Festis, verum etiam singulis diebus applicare, id est, singulis diebus illis, quibus ex peculiari fundatione, Statuto particulari vel consuetudine tenentur etiam extra Dominicas & Festa Fori legere Missam, sicque in casibus particularibus eo ferme modo resolvitur, quomodo *Quaest. IX. post num. 131. Addit. I. ac II.* discurretur de aliis pinguibus fundationibus, in quibus equidem obligatio celebrandi, non tamen obligatio applicandi fuerat expressa. Econtra autem, quando neque ex peculiari fundatione, neque ex particulari Statuto vel consuetudine Parochi tenentur legere

populo Missam, multo minus obligantur similem Missam, si nihilominus velint celebrare, pro populo applicare: videtur enim mihi captu difficilimum, non teneri quempiam legere Missam, & nihilominus obligari, supposito, quod ex proprio beneplacito velit legere, eandem alteri applicari. Et sane alias, si ratione Curæ Animarum censetur adesse tam gravis obligatio, pariter Episcopi tamquam Parochi Parochorum, imo etiam summi Pontifices tamquam Episcopi Episcoporum tenerentur singulis diebus Missam pro populo sibi commisso applicare, utpote superiores Animarum Curam exercentes; quod tamen videtur contra communem praxin, uti notat Albertus Reiffenstuel *loc. cit.* ac pluribus ostendit.

Profecto ego ipsemet nuperrime, cum circa prædicta quidam AA. post illa Decreta scribentes nolint quidpiam positive decidere, partim anxius, partim ad aliorum instantiam per R. P. Secretarium nostrum in Curia Romana a Sac. Congregatione Concilii supplici libello humillime desuper declarationem petii. Ast Eminentissimi Patres responderunt.

#### *Exprimatur Casus particularis.*

Ex quo tacite apud me ipsum inferebam: Ergo similia responsa Sacre Congregationis emanare solent quoad casus particulares, uti discurrebam antea. Et hinc secundo Altedictæ Sacre Congregationi sequentem Casum per supplicem libellum novum humillime præsentari feci:

#### *Eminentissimi DD. Cardinales.*

*Petrus N. Parochus ad S. Geminianum Diocesis Frisingensis pingues equidem habet redditus, non tamen sive ex particulari statuto, sive ex consuetudine obligatus extra Dominicas, & dies festivos sacrificare; quia vero nihilominus sæpius infra septimanam extra dies Festivos & Dominicos ex devotione celebrat.*

*Dubitatur I. An has Missas infra septimanam ex devotione lectas, teneatur applicare pro suis Parochianis? Quodsi negative,*

*Dubitatur II. An ego pro his Missis ex devotione lectis possit recipere Stipendium a particularibus oblatum; præsertim cum ibidem existat statua miraculosa, ad quam conflunt peregrini petentes pro stipendio celebrationem Missæ?*

*Humillime supplicatur pro declaratione horum dubiorum ad quietandam Parochi conscientiam multum anxiam &c. pro qua gratia &c.*

Lecto hoc casu particulari, Eminentissimi Patres recentissime depuo responderunt:

*Congregationem Concilii non esse institutam ad fovendos scrupulos.*

Interea tamen Illustrissimus quidam ac Doctissimus ad altesatam Sac. Congregationem spectans Secretario nostro in Curia Romana oretenus reposuit, mihique per litteras insinuari voluit, quod exceptis diebus Dominicis & Festivis allegatus in casu Dominus Parochus non teneatur applicare Missas pro suis Parochianis, & pro Missis infra septimanam lectis possit sine scrupulo recipere stipendium a particularibus oblatum, uti communiter practicatur a Parochis. Ita in formalibus sonabant litteræ: ubi tamen adhuc subjungebatur quoad pingues redditus obligatio dicti Parochi superflua erogandi in pauperes. Volvi hæc candi-



candida mente, uti accepi, pro multorum forsitan sublevatione inserere.

Interea tamen insistendo juri praesertim moderno illud non auderem defendere amplius, quod antea non pauci tenuerunt AA. nimirum similes Parochos neque diebus Dominicis, neque Festivis fructum specialem teneri applicare pro suis ovibus: deterrent enim me *in primis* Breve Apostolicum Innoc. XII. superius allegatum: *Secundo*, Instructio Sacri Concilii pro Visitatione Liminum SS. Apostolorum Episcopis praescripta, atque reperienda in Appendice novissimi Concilii Romani Lateranensis ad Titulum XIII. ubi §. 3. n. 1. expressè petitur informatio, *an singulis Parochi, ceterisque Curam Animarum exercentes singulis Dominicis, festisque de precepto Missam applicent pro populo eorum Cura commisso?* Tum demum *Tertio*, quia in nuperrima Visitatione Sacrorum Liminum Celsissimi Principis ac Episcopi Frisingensis per Deputatum facta, Sacra Congregatio Concilii 30. Decembris 1722. sequentia ad Celsissimum rescripsit.

*Puto inter ceteras Pastoralis vigilantia curas, quas omnes egregie sustines, suum & illam tenere locum, qua sedulo invigilet, ut Parochi diebus festis pro Populo Missam, Collegia Canonicorum suam Conventualem applicent, quod quidem a Concilio Tridentino summo-pere commendatum Sacram hanc Congregationem sollicitam, ne omittatur, habet. \**

87. CONCL. III. Capellanus, seu beneficiarius, ex justitia sub mortali culpa est obligatus ad illum Missarum numerum, quem Litterae Foundationis Beneficii, ad cujus onera Beneficiarius illud acceptans sese obligavit. Circa hoc tamen

88. Notant I. Doctores, ac inter eos Navarrus *lib. 2. de Restit. cap. 2. num. 210. Lugo disp. 21. de Eucharist. num. 49. Sannig n. 5. & Layman num. 7.* quod, si ejusmodi Beneficiarius, ad certum Missarum numerum singulis hebdomadibus dicendum obligatus, ad breve tempus infirmetur, ut puta una, vel altera hebdomada (aut juxta cit. Laymanum, & Lugonem, uno mense) praesumendum sit, Fundatorem, & Ecclesiam, non intendisse tam arctam obligationem, ac proinde talem non teneri ad recompensationem: nam etiam dominus temporalis, tamen jure detrahare posset de mercede famuli ob ejus infirmitatem (ut multi volunt, *argument. h. Si uno, §. Item eum, ff. Locati*) si tamen pius & benignus est, detrahare non solet.

89. Notant II. Doctores, quod, si Fundatio exigat quotidianum Sacrificium in certo loco, v. g. in determinata Ecclesia, vel Altari peragendum, sicque obligatio principaliter habeatur ratione loci, v. g. ob majorem ejus reverentiam, vel commoditatem Populi: tunc tenetur Sacerdos, tale onus Missarum quotidie ibi celebrandarum in se habens, ibidem quotidie celebrare, vel per se, vel per alium substitutum, juxta Foundationem ipsi loco impositam. Si vero talis obligatio quotidie celebrandi sit ipsimet personae Capellani, seu Beneficiarii imposita, tunc arbitrantur, ob reverentiam Sacrificii, majoremque devotionem in se excitandam, aut alia justa de causa, posse eundem quandoque abstinere, etiam semel in hebdomada, *arg. c. Significatum, de Prabend.* ubi de obligato ad

quotidie celebrandum dicitur, eum teneri quotidie extra casum infirmitatis celebrare, *salva honestate sua, & debita devotione.* Nam propter plurimos mundanos casus contingit nonnumquam debitam impediri devotionem.

90. Non tamen hinc sequitur, quod is, qui titulo honestatis, majorisque devotionis, potest semel in hebdomada a Missa abstinere, possit etiam semel Missam alibi, vel pro alia intentione celebrare. Nam haec sunt omnino diversa: atqui ex diversis non valet illatio. Dicendum proinde, quod obligatus ad quotidie celebrandum juxta certam intentionem, etsi advertens, se esse minus dispositum, possit quandoque ob causam honestatis, debitaeque devotionis, abstinere (ad summum semel in hebdomada) tamen eo die nec pro se, nec pro alio, neque alibi celebrare valeat; aut si celebraturus est, teneatur Missam applicare juxta praescriptam Fundatoris intentionem, vel saltem hanc per alium celebrandam curare. Bonacina *disput. 4. de Eucharistia, quaest. ult. punct. 7. §. 2. n. 16. Sannig disp. 5. de Missa, quaest. 8. n. 4. & alii.*

91. Notant III. Capellanus, qui ad celebrandum in determinato loco aliquot per hebdomadam diebus obligatus est, per se loquendo, ac nisi aliud exprimatur, posse satisfacere, si anticipet praecedenti hebdomada ibidem celebrando: eo quod non defraudet intentionem Fundatoris, utpote qui (nisi aliud expresse) videtur exigere certum dumtaxat Missarum numerum tempestive persolvendum. Additur tamen, *per se loquendo &c.* Quia si in Litteris Foundationis contrarium exprimatur, specialiter statuendo, v. g. ob commoditatem devotionemque Populi, aut reverentiam Loci sacri, ut in nulla hebdomada Missae praetermittantur, non licebit eas anticipare: mens enim justa Fundatorum, tamquam lex specialis, adimplenda est. Bonacina *Ibid. §. n. 4. Sannig, n. 8. Navarrus, & alii.*

\* Notant DD. IV. Capellanum Beneficiatum, vel etiam alium annuis oneribus Missarum v. g. ex Legato semel acceptato gravatum, non posse ex eo, quod redditus annui sint multum diminuti, propria Auctoritate imminuere onera Missarum, quinimo, stabiliter loquendo, neque idem de facto possunt spectato jure scripto ipsimet Episcopi; cum per Decreta emanata tempore Urbani VIII. & ab Innocentio XII. in Bulla: *Nuper a Congregatione &c.* anno 1697. die 24. Decembris novissime confirmata, atque per extensum videnda in Jure Canonico *L. V. Tit. 3. §. 10.* ipsis fuerit interdictum. Quare attento Jure scripto pro reductione in eo casu recurrendum foret Romam, quando stabilis fieret reductio. Quodsi autem uno tantum, vel altero anno fructus alias ratione Missarum obventuri notabiliter minuerentur, posse pro tunc adhuc Episcopos non obstantibus Decretis Urbani VIII. & Innocent. XII. pro rata damni imminuere onera Missarum, tenet La Croix *Lib. 4. n. 855.* rationem hanc subjungens; quia allegata Decreta Pontificum prohibitoria videntur tantum loqui de reductione stabili, & semper duratura; non autem pro brevi tempore. Quinimo de consuetudine, quam spectandam esse, ait La Croix *Lib. 6. part. 2. num. 117.* dicuntur saltem aliqui Germaniae Episcopatus defacto adhuc

adhuc prætereundum jus faciendi similes moderationes, & reductiones Missarum etiam perpetuas, prout testes sunt Gobat, & Tamburinus apud La Croix *Lib. 6. part. 2. num. 117.* ac de Germania inferiore Gaudentius Kerchkove in suis Commentariis *cap. 3. §. 6. num. 15. & seqq.* ac *cap. 8. §. 2. num. 20. ac seqq.* Concessit equidem Concilium Trident. *sess. 25. de Reform. cap. 4.* eandem reducendi Missas facultatem Abbatibus, & Generalibus Ordinum; verum etiam hæc potestas per dictos Pontifices Urban. VIII. ac Innocent. XII. sublata fuit, prout recte notant nostra Statuta Generalia Victorienſia apud Kerchkove *loc. cit.* licet cæteroquin ad instantiam Generalium soleant subinde hiſce de novo similes gratiæ tribui, prout Benedictus XIII. Mense Julio, anno 1724. novissime per Breve Apostolicum nostro Generali etiam respectu Monialium, & Tertiariorum capacium bonorum, ac suæ Jurisdictioni subjectorum clementissime concessit amplissimam circa eam reductionem facultatem in Italia, ac adjacentibus Insulis Triennio; extra vero, Sexennio duraturam: Id ipsum dictus Sanctissimus eodem anno concessit Abbati Generali Congregationis Casinensis, quam Facultatem pariter extendit ad illos Episcopos, qui vel per se, vel per suos Procuratores ultimo Romano Provinciali interfuerunt Concilio, prout videndum *Tit. XV. cap. VIII.* ejusdem Concilii. \*

92. CONCL. IV. Qui ex titulo Fundationis, vel ex conventionem, aut pacto ratione recepti stipendii tenetur in certa Ecclesia, vel Altari celebrare, non potest absque peccato alibi celebrare; nisi hoc fiat ex justa, & rationabili causa. Ratio est: quia rationalis piaque voluntas Fundatoris, vel dantis elemosynam pro celebratione Missæ, est adimplenda; quod alioquin non fieret.

93. Dicitur notanter, *nisi hoc fiat ex justa causa.* Nam si hoc accadat ob legitimum impedimentum, v. g. ob profanationem Ecclesiæ, inundationem aquarum, aut quia Sacerdos bona fide exiens a Sacristia invenit Altare jam occupatum ab alio Celebrante, & hujusmodi, nullum committitur peccatum.

Et quamvis obligatio celebrandi in loco determinato, ex genere suo sit gravis, adeo, ut juxta Bonacina *cit. punct. 7. §. 4. num. 2.* & alios, alibi celebrans peccet moraliter, nihilominus recte notat Herinex *disp. 8. de Missa, q. 15. num. 185.* hic etiam locum habere levitatem materiæ, utpote si raro mutetur locus, v. g. bis vel ter in anno, vel etiam semel aut bis in mense, dum quis debet quotidie celebrare. Insuper facilius excusari potest celebrans in alio Altari ejusdem Ecclesiæ, quam si celebret in diversa Ecclesia; utpote minus recedens a voluntate Fundatoris. Lugo *disp. 21. de Eucharistia numer. 36.*

94. His adde, quamvis Sacerdos extra præscriptam Ecclesiam, vel Altare, contra voluntatem Fundatoris, vel dantis stipendium celebrans peccet, ut dictum: nihilominus sit probabilius, talem non teneri ad restitutionem, aut novam celebrationem Missæ. Bonacina *cit. §. 4. num. 5.* cum aliis. Siquidem talis Celebrans, etsi peccaverit, non tamen fraudavit Fundatorem, vel dantem stipendium, fructu ipsius Sacrificii.

\* Excipe, si Missæ fuerint petitiæ in Altari privilegiato pro defunctis eo die, quo privilegium est; tunc enim tenetur Sacerdos recompenſare in simili Altari privilegiato, si alibi legerit: quia privat animam defuncti notabili fructu, nimirum Indulgentiis plenariis Altari privilegiato concessis. Azorius *p. 1. Lib. 10. c. 24. q. 7. & lib. 6. cap. 24. quest. 7.* ac Castropalao *Tract. 13. d. 1. p. 6. n. 27.* Difficile mihi tamen videtur, similem, qui tales Missas, in Altari privilegiato legendas, bona fide alibi celebravit, ex integro condemnare ad refarcitionem, & repetitionem ipsarum Missarum, cum animæ illæ, pro quibus præcedentes erant applicatæ, saltem ex opere operato, nimirum ex ipsismet Missarum Sacrificiis notabiles fructus perceperint, puta satisfactorium, & probabiliter etiam impetratorium. Hinc credo, alicui simili injungi posse, ut in supplementum conetur pro illis defunctis devote lucrari aliquoties indulgentias plenarias alias, puta per viam Crucis, generalem communionem &c. prout idem videtur innuere Kazenberger in Supplement. Sacram. P. Sporer de Indulgentiis *cap. 3. Sect. 2. num. 137.* dum ait, tales non celebrantes in Altari privilegiato obligari id compensare aliis proportionatis precibus.

Dices: Indulgentiæ plenariæ, quæ acquiruntur defunctis per applicationem Sacrificii in Altari privilegiato, annectuntur ipsimet *operi operato*, aliæ vero *operi operantis*, sicque priores suo modo securius acquiruntur, quam posteriores; quoniam ex parte operantis frequentius contingere potest defectus, ne Indulgentiæ obtineantur: ergo per posteriores non videtur fieri sufficiens compensatio cum prioribus. Ad hanc satis difficilem objectionem Respond. in primis etiam quoad Indulgentias priores Altarium privilegiatorum non esse omnino certum, easdem infallibiliter prodesse his, quibus per modum suffragii applicantur: quamvis enim id ut probabilius asseratur superius *Tract. 12. dist. 3. q. 4. num. 43. & 44.* non desunt tamen, qui cum Van Ranſt de Indulgentiis *q. 5. n. 12.* tenent contrarium, allegantes pro se D. Augustin. in Enchirid. *cap. 109.* ibi: *Suffragia eis solum profunt, qui, cum viverent, hæc sibi ut possent prodesse postea, meruerunt.* Respondeo II. Etiam tales indulgentias Viæ Crucis, aut generalis Communionis, & similes quibusdam piis operantium actionibus annexas satis secure pro ipsis defunctis lucriferi, si præscripta opera devote, & attente pro ipsis perſolvere conemur, & quod fortasse adhuc in securitate aliquantulum deesset, potest per majorem numerum Indulgentiarum, aliæque bona opera suppleri. \*

95. CONCL. V. Non est licitum Sacerdoti, qui Missam suscipit celebrandam sub certo stipendio, eandem Missam alteri, parte illius stipendii sibi retenta, celebrandam committere. Ita habetur in Decreto Urbani VIII. *De Celebratione Missarum* (de quo jam *num. 53.*) ubi *§. 4.* hoc fieri prohibetur, *ut omne damnable lucrum ab Ecclesia removeatur.* Unde oppositam nonnullorum sententiam Alexander VII. denuo rejecit, inter alias Propositiones etiam sequentem, ordine 9. damnando: *Post Decretum Urbani potest Sacerdos, cui Missa celebranda traduntur, per alium satisfacere, collato illi minori stipendio, alia parte stipendii sibi retenta.*

Et

Et hæc Conclusio procedit etiam in casu, quo cuiuspiam Sacerdoti offertur eleemosyna solito maior pro celebratione Missarum: nam debet is absolute integram eleemosynam tribuere alteri Sacerdoti celebranti, nec ullam illius partem sibi retinere potest; prout declararunt Cardinales, Respondendo ad 10. quorum Declarationes habentur additæ post cit. Decretum Urbani VII. in Bullario Romano.

96. Cæterum hoc Decretum non habet locum in Beneficiis: unde satis est, Quod Rector Beneficii, qui potest Missam celebrare per alium, tribuat eleemosynam congruam secundum morem patriæ, nisi secus caveatur in Fundatione Beneficii; prout declararunt iidem Cardinales, ad 8. Et merito: nam Beneficiarii habent suum stipendium non præcise ratione Missarum, sed etiam propter alia onera Beneficio annexa, cui specialiter obligati sunt deservire, atque intuitu ipsius recitare Horas Canonicas; unde non mirum, quod residuum ex redditibus Beneficii sibi retinere possint. Hoc ipsum dicendum videtur de Capellano, habente salarium stabile instar Beneficiarii: cum similiter sit obligatus ad alia onera Capellaniz. Insuper dictum Decretum non tangit illos, qui pinguius stipendium accipiunt per modum eleemosynæ, tamquam a speciali amico, vel benefactore, uti notat Sannig cit. dist. 5. q. 9. n. 5. Aut quando alter Sacerdos sponte in se suscipit sacrificandi obligationem, partem stipendii condonata. Layman loc. citat. numer. 14. Nam quilibet potest cedere juri suo, vel favorem specialem cuiuspiam exhibere.

97. CONCL. VI. Sacerdotes, qui sunt notabiliter in mora celebrandi Missas debitas, peccant mortaliter. Ita Herinex dist. 8. de Missa, quaest. 15. n. 181. Bonacina, & alii passim. Ratio est: quia potest contingere, ut dans stipendium pro celebratione Missæ, fraudetur fructu ipsius; ut accideret, si Missa petatur celebranda ad impetrandum aliquid a DEO, & Missa dicatur jam elapso tempore necessitatis; vel petatur Missa ad impetrandam infirmo sanitatem, aut pro anima Defuncti, & illa primum legatur, postquam obiit infirmus, aut anima ex Purgatorio post gravissimas poenas jam est liberata. Quinimo (addunt Doctores) in tali casu tenetur Sacerdos ad restitutionem. Et hinc Urbanus VIII. in citato Decreto, De Celebratione Missarum, §. 8. provide statuit, quod eleemosynas manuales, & quotidianas ita demum Sacerdotes accipere possint, si oneribus antea impositis ita satisfecerint, ut nova quoque onera suscipere valeant; alioquin omnino abstineant ab hujusmodi eleemosynis, etiam sponte oblatis, in futurum recipiendis. Hæc ibi.

98. Dicitur: qui sunt notabiliter in mora celebrandi. Nam in primis Declaratio Cardinalium ad dictum Decretum Urbani VIII. Respondendo ad 11. excipit casum, quando infra modicum tempus potest omnibus oneribus Missarum satisfieri: modicum autem tempus (ait Herinex n. 182.) valde credibile censetur esse tempus unius mensis, aut etiam duorum mensium, imo nonnulli id extendunt ad tres menses.

99. Deinde citata Declaratio Cardinalium,

Respondendo ad 12. excipit casum, si tribuens eleemosynam pro aliarum Missarum celebratione sciat, & consentiat, ut illa tunc demum celebrentur, cum susceptis oneribus satisfactum fuerit: nam tunc, juxta benefactoris consensum, poterit Missarum celebratio differri.

100. CONCL. VII. Sacerdos, qui stipendium accepit, tenetur dicere Missam, sicut offerens petivit; videlicet Missam talem, aut talem Votivam, vel Missam de Requiem; nisi obstat Ritus Ecclesiæ. Prima pars probatur ex eo: quia alioquin virtus Fidelitatis violatur; simulque potest contingere, quod ob specialem offerentis devotionem, nec non speciales Missæ Orationes, major fructus impetrationis eidem proveniat. Altera pars ex eo liquet: quia sanctæ Matris Ecclesiæ voluntas, & ordinatio, prævalere debet voluntati privatorum Fidelium; eo præsertim, quod hi non intendunt, nec rationabiliter possunt intendere, contravenire Ritui Ecclesiæ.

101. Hinc, quia Rubricæ Missalis, Tit. De Missis Votivis, & Missis Defunctorum, prohibent dici tales Missas in Festis Duplicibus, ac diebus Dominicis, non est dubitandum, quin satisfiat intentioni petentium celebrando Missam de Festo Duplici occurrente cum applicatione ad intentionem petentis, & non Missam votivam, vel de Requiem. Hoc idem, loquendo de Missis privatis de Requiem (secus est de Anniversariis, ac Missis cantatis) novissime declaravit, ac fieri mandavit Alexander VII. Anno 1662. simulque tum ipse in speciali Decreto, 1664. tum Clemens IX. in alio die 23. Septembris 1669. emanato, quod incipit, Cum fil. record. (& habetur tom. IV. Bullarii Romani, Constit. 39. dicti Pont.) concessit, atque declaravit, per Missam de Festo occurrente dictis diebus celebratam pro Defunctis, lucrari Indulgentias Altarium Privilegiatorum pro Animabus in Purgatorio: de quo antea fuerat magna difficultas inter Doctores, qui communiter negativam tenuerunt.

\* Pariter satisfiat intentioni offerentium stipendium, & obtinentur indulgentiæ, si in Altari privilegiato fuerit petita Missa privata pro defunctis, & ea legatur de Semiduplici, vel de Feria illis diebus, quibus aut est prohibitum legere Missam privatam de Requiem: v.g. infra Octavas Corporis Christi, Paschatis, Pentecostes &c. aut interdictum celebrare etiam de Duplici, e.g. Die Cinerum &c. Idem dicendum, si Festum quidem apud Regulares fuerit Semiduplex, cæteroquin tamen in Diocesi Festum Fori de præcepto; nam tunc ipsis, uti in Dominicis, interdictæ sunt privatæ Missæ de Requiem. Item, si in Semiduplici publice est expositum sanctissimum Sacramentum; ubi pariter non permittitur Missa privata de Requiem juxta Decretum Clementis XI. editum 20. Januarii Anno 1705. Aliis autem diebus, quibus Missa privata de Requiem est licita, eadem, dato propterea stipendio, sub peccato celebrari debet, nec alias obtinentur indulgentiæ, si in Altari privilegiato petatur. \*

102. Quæres, qualis sit obligatio celebrandi Missam ratione stipendii? Resp. I. Certum est, quod hujusmodi obligatio sit de genere Justitiæ, ha-

Y y

bens

bens annexum onus restitutionis, si non adimpleatur: alioquin enim talis injuste retineret stipendium. Et huiusmodi obligatio indubie ex genere suo est gravis, atque sub mortali.

103. Resp. II. Num peccet mortaliter, qui accepto stipendio unam dumtaxat Missam scienter omittit celebrare, variant Doctores. Et quidem, talem peccati mortalitatem, censet Mastrius *disp. 12. Theol. Moral. n. 80.* citans Petrum Navarrum, Bonacinam, & alios; eo quod damnum spirituale, per privationem debiti fructus Missæ illatum, sit admodum grave. Econtra negativam sententiam sequuntur Herinex *cit. disp. 8. n. 180. Sannig quest. 9. n. 10. Sanchez lib. 1. de Matr. disp. 5. num. 25.* & quidam alii: quia censent esse parvitatem materię in una dumtaxat Missa omissa: neque enim hic attendendum ajunt ad damnum spirituale (alioquin enim omittens recitationem unius Salutationis Angelicę, ad quam tenebatur, peccaret mortaliter; cum damnum spirituale ex tali omissione sequens anteferatur cuilibet temporali) sed gravitas materię mensuranda est juxta gravitatem, seu quantitatem stipendii, quale pro unica Missa datum, communiter non attingit quantitatem sufficientem ad peccatum mortale, ut patet in furto.

\* Quæres II. An ratione stipendii sit obligatio non solum celebrandi, sed etiam applicandi Missas, si in Testamento, vel in litteris foundationis nulla facta sit mentio de applicatione, sed tantum de celebratione? Respond. in dubio affirmative; supposito, quod consignatum fuerit ex una parte sufficiens, ac proportionatum stipendium, etiam si Missæ applicentur pro Fundatore: ex altera vero non adsint positę, valde efficaces circumstantię suadentes, Fundatorem præcise celebrationem, non autem foundationem petiisse. Ita cum aliis Barbosa *de officio Parochi cap. 11. n. 13.* Pasqualigus *de Sacrificio q. 908.* La Croix *Lib. 4. n. 833. ac Lib. 6. n. 141.* & Sabinus Bononiens. *part. 2. Lucis Moralis, Tract. 45. n. 69.* Ratio est: quia stante sufficienti pro applicatione stipendio præsumitur quisque in dubio sibi, vel suis voluisse optime consulere. Accedit pro hac sententia aliqua declaratio Cardinalium, quam refert Pignatelli *Tom. 1. Consil. 139.*

Ex hac ultima resolutione infert I. Sylvius *p. 2. v. Missa. Casu 4.* si fundatio nude habeat: *fundo Missam omni die Veneris legendam*, præsumi legendam ad intentionem Fundatoris, nisi particulares circumstantię concurrant suadentes contrarium. Infert II. La Croix *L. 6. p. 2. n. 145.* Sacerdotem, qui celebrat in quodam loco v. g. in Templo Monialium, si ideo congruum stipendium habeat ab Ecclesia, vel Monialibus, non posse recipere aliud stipendium pro applicatione talis Missæ, nisi expresse aliquis alius specialis titulus in fundatione assignetur, ex quo prudenter præsumi possit, quod fundator solam celebrationem intenderit, non autem applicationem, prout his Stipendiariis valde favorabiliter exemplificant ex Keding. *P. Schmier Lib. 3. tract. 1. part. 2. cap. 1. sect. 2. n. 93.* & Schmalzgrueber *Lib. 3. Decret. tit. 41. n. 113.* Hęc tamen præsumptio stante pingui stipendio facile fieri non

debet. Videatur La Croix *Lib. 4. & 6. locis citatis.*

## QUÆSTIO IX.

De Tempore celebrandi Missam.

### SUMMARIUM.

104. Tempus celebrandi Missam, quale?
105. Per Auroram, quid intelligitur?
106. Est moraliter, non mathematicè consideranda, & attendenda consuetudo de hyeme.
107. Quid de meridio?
108. Et privilegiis Regularium?
109. An sit licitum, quotidie celebrare?
110. Quid de Feria V. Cœna Domini, & Sabbato Sancto?
111. Non licet plures Missas eodem die celebrare.
112. Excepto die Nativitatis Domini:
113. Et causa necessitatis.
114. Casus necessitatis præcipui qui?

104. **C**ONCL. I. Tempus ordinarium celebrandi Missam incipit ab aurora, & terminatur in meridie, sive hora diei duodecima. Ita communis; & patet ex Rubricis Missalis, *Titul. de defectibus in Ministerio ipso occurrentibus*; ubi dicitur, quod tempus debitum celebrandi sit ab aurora usque ad meridiem communiter.

105. Cæterum per *Auroram* non intelligitur ortus Solis, sed prima Solis irradiatio, quando nempe aliquid lucis apparet. Et licet crepusculum hoc non semper, & ubique locorum sit æquale, ordinarie tamen solet incipere hora & quadrante vel sesqui hora ante ortum Solis.

106. Notandum ulterius cum Doctoribus passim, quod hæc res moraliter potius, quam mathematicè sit consideranda. Hinc infertur, posse Missam inchoari duabus horis ante ortum Solis, ita ut circa initium aurorę finiatur. Quinimo tempore hyberno recepta consuetudo in partibus Septentrionalibus obtinuit, quod Missa tribus vel quatuor horis ante Solis ortum celebretur, eo præsertim tempore, quo communiter homines sese labori suo manuali solent accingere. Siquidem hæc consuetudo justa de causa est introducta, ut in hisce partibus, quibus in hyeme Sol sero oritur, operarii & famuli prius Missæ Sacrificium audire possint, antequam ad suas operationes sese accingant. Layman *o. 4. de Sacrificio Missæ, 1. 3. & alii.*

107. Insuper quamvis ordinarie non sit licitum sacrificare post meridiem, ut patet ex Conclusionem, adhuc tamen satis est ad evitandam culpam, si Missa inchoetur ante meridiem, vel in meridie, licet postea primum finiatur. Quinimo ex causa justa potest Missa inchoari etiam post meridiem, ut puta ne infirmus sine Viatico decedat, aut propter Principis funus; vel si Sacerdos, diebus, præsertim Festivis post meridiem ad locum Ecclesię perveniens celebrare velit &c. Herinex *cit. disput. 8. q. 10.* Layman, & alii.

108. Notandum præterea, Regularibus Mendicantibus varia privilegia a SS. Pontificibus concessa



cessa esse celebrandi una hora ante auroram, & una post meridiem; imo etiam usque ad horam nonam, id est, horam tertiam vespertinam; uti refertur in Compendio Privilegiorum *Vers. Missa*.

109. CONCL. II. Licitum est cuilibet Sacerdoti rite disposito quotidie celebrare, exceptis tribus postremis diebus hebdomadae Sanctae. Prior pars est certa, & patet ex c. *Consuluit*, de *Celebrat. Missar.* & praxi Ecclesiae universalis. Altera pars ex eo probatur: quia in primis Feria sexta Parasceves omnino prohibitum est, celebrare Missam; cum eo die, ob memoriam illius Sacrificii cruenti, quo Christus Dominus semetipsum Patri Coelesti hac die pro salute totius mundi in Ara Crucis offerre dignatus est, non fiat Consecratio; sed a Sacerdote Actum consuetum perficiente, juxta Ritus Ecclesiae, solum sumatur sacra Hostia pridie consecrata.

110. Porro Feria quinta Coenae Domini, & Sabbato Sancto, una dumtaxat Missa solemnis celebrari solet, juxta traditionem, & consuetudinem Ecclesiae. Verum quidem est, multos Doctores, ut Suarezium, Sotum, Barbosa, Lugonem, quos citant, & sequuntur Layman *loc. cit.* n. 8. & Gobat *tract. 3. Theol. Experim.* n. 219. & *seqq.* existimare, quod non sit prohibitum, Sabbato Sancto privatim, ac seculo scandalo, post Officium solemne celebrare: cum nullo jure hoc prohibitum reperiatur. Et hoc ob datam rationem, ac loquendo de Celebratione privata ante Officium solemne, multo magis admittunt Doctores de Feria quinta Coenae Domini, quamvis communiter hac die Sacerdotes de manibus sui Praelati, Missam solemnem celebrantis, sacram Communionem more Laicorum sumere, exemplo Apostolorum, qui isto die de manu Christi Eucharistiam acceperunt.

\* Verum hac DD. opinio moderno tempore non videtur ulterius manuteneri posse, ubi ex novo Decreto S. R. C. & publica prohibitione Clement. XI. 23. Martii 1701. & 20. Aprilis 1707. item 15. Aprilis 1710. interdictum est amplius die Jovis, aut Sabbato Sancto in una, eademque Ecclesia, praeter Missam solemnem habere aliam privatam, prout idem de Sabbato Sancto jam antea declaravit pariter Sacra Congregatio die 12. Februarii, & iterum 11. Martii 1690. etiam non obstante contraria consuetudine. Quodsi Festum S. Josephi, vel Annuntiationis incideret in illum diem Jovis Hebdomadis Sacrae, possunt celebrari aliquae Missae privatae ante solemnem, ut populus adimplere valeat commodius praecipuum audiendi Missam; cum tale Festum tantum quoad chorum, non autem quoad forum transferatur. Sac. Congregatio 13. Septembris 1692. Quando autem simile Festum occurreret Sabbato Sancto, vel die Parasceves, transfertur etiam in foro, & quoad praecipuum audiendi Missam post Pascha. Sac. Congregatio 11. Martii 1690. Hinc adhuc manet, quod etiam pro tunc in Sabbato Sancto nequirent dici plures Missae.\*

111. CONCL. III. Excepto die Nativitatis Domini, & casu necessitatis, non licet eidem Sacerdoti plures Missas eodem die celebrare,

Ita statuitur c. *Consuluit*, & c. *Te referente*, de *Celebrat. Missar.* juncto c. *Sufficit*, de *Consecr. dist.* 1. ubi pro ratione subjungitur: *Non modiceres est, unam Missam facere, & valde felix est, qui unam digne celebrare potest.*

112. Additur, *excepto die Nativitatis Domini*. Quia illo die potest quilibet Sacerdos tres Missas celebrare, quamvis ad omnes celebrandas non obligetur: & si voluerit dicere tantum unam, dicat quam maluerit, sed melius leget tertiam, utpote cujus oratio concordat officio diei.

\* Ubi tamen, si tres Missas legere placeat: bene notetur, posse de jure loquendo omnes tres celebrari media nocte, prout inter alia novissime innuit Decretum S. R. C. emanatum 18. Decembris 1702. sequentis tenoris: *Non licet in media nocte Nativitatis Dominica celebrare successive alias duas Missas, & in eis S. Communionem exhibere, sed utrumque omnino prohibitum.* \*

113. Additur ulterius in Conclusionem, & casu necessitatis. Nam in casu necessitatis plures eodem die Missas celebrari posse a Sacerdote jejuno, & qui in prima Missa non sumpsit purificationem, patet ex *cit.* 6. *Consuluit*, de *celebrat. Missar.* estque communis Doctorum.

114. Porro inter hujusmodi casus necessitatis, potissimum numerantur sequentes. I. Ne moriturus sine S. Viatico decedat, quando non adest alia Hostia consecrata. Ne populus die Festo Missa privetur, praesertim in casu, quando plures Sacerdotes haberi non possunt, v. g. in Anglia, &c. aut quando Sacerdos habet duas Parochias, & die Festo in utraque celebrare tenetur. III. Juxta nonnullos, quando die Festo adveniunt peregrini Missam audituri: vel quando ad Ecclesiam accedit Vir Illustris, utputa Princeps, vel Episcopus. Verum hodie standum est consuetudini locorum, cum ob multiplicationem Sacerdotum aliqui casus raro amplius locum habere soleant.

## Q U A E S T I O X.

Quo in Loco sit celebranda Missa? Ubi de Violatione Ecclesiae.

### S U M M A R I U M.

115. Quo in loco de jure communi sit celebranda Missa?
116. Quid in casu necessitatis?
117. Enumerantur tales casus necessitatis.
118. Episcopus potest dispensare ex causa rationabili.
119. An sit licitum, celebrare Missam in aqua vel mari?
120. Non licet celebrare Missam in Ecclesia polluta.
121. Ecclesia polluitur quinque praecipue modis.
122. I. Per injuriosam humani sanguinis effusionem: & qualem?  
(g) Ut dictum Tr. 12. Dist. 2. n. 7.
123. II. Per injuriosum homicidium.
124. III. Per illicitam humani seminis effusionem.
125. Et quid de actu conjugali?
126. IV. Per sepulturam excommunicati vitandi.  
(h) Tract. 13. Dist. 2. n. 26.
127. V. Per sepulturam Pagani, seu Infidelis.

128. Alii duo modi a normalis adduntur.  
 129. Polluta Ecclesia an polluantur Cimiterium, & contra?  
 130. Quid si in dictis casibus factum est occultum?  
 131. Quid agendum, si Ecclesia sit polluta?  
 132. Et quomodo reconcilianda, & a quo?  
 133. Quid de FF. Minoribus?  
 134. Aut si Ecclesia fuit tantum benedicta?  
 135. Ecclesia polluta, an reconcilietur per celebrationem Missæ?  
 136. Quid agendum, si durante Missa violetur Ecclesia?

115. **C**ONCL. I. Jure communi, & ordinario, Missam celebrare non licuit, nisi in Ecclesia consecrata; sive, ut dicitur c. *Nul-  
 lus*, de *Consecrat. dist. 1. Nisi in sacratis ab Episcopo locis*. Hodie autem sufficit, Ecclesiam, vel Oratorium esse benedictum, aut etiam non benedictum, dummodo ad hunc solum usum debite deputatum, atque ab Episcopo designatum fuerit. Ita Heri, cit. disp. 8. q. 11. cum communi: idque inter alia desumitur ex Concilio Trident. *Sess. 22. in Decreto de Observandis in Celebratione Missarum*; ubi prohibetur Episcopis, ne patiantur privatis in domibus, atque omnino extra Ecclesiam, & ad Divinum tantum cultum dedicata Oratoria, Sanctum hoc Sacrificium peragi. Concordant Rubricæ Missalis, ut. *De defectibus in Ministerio ipso* occurrentibus, ibi: *Si celebratur in loco non sacro, vel non deputato ab Episcopo: & consequenter a sensu contrario, sufficit locum ab Episcopo esse deputatum.*

116. Dicitur notanter, *Jure communi, & ordinario*. Siquidem in primis excipitur casus necessitatis, arg. can. 1. de *Consecr. dist. 1.* ubi dicitur, *Missarum celebrationem non alibi, quam in sacratis Domino locis, absque magna necessitate fieri debere*. Unde, cum exceptio firmet regulam in oppositum, tempore magnæ necessitatis licet alibi celebrare, in loco tamen honesto.

117. Porro necessitas celebrandi extra Ecclesiam consecratam in privatis domibus, aut etiam sub dio, in Altari tamen portatili, & loco ceteroquin honesto, juxta Doctores communiter potest esse I. Si Ecclesiæ sint dirutæ, vel ab Infidelibus, sive Hæreticis occupatæ. II. Si Locus sacer non capiat tot homines, vel Celebrantes; ut in Supplicationibus ad parvas Capellas quandoque contingere solet. Similiter ob eandem necessitatem in publicis castris, seu bello, pro exercitu licitum est celebrare. Herinex, Layman *loc. citat.* & alii.

118. Excipitur ulterius, si fiat dispensatio ab Episcopo. Nam Episcopus ex rationabili causa potest dispensare, ut celebretur Missa in loco profano, honesto tamen, etsi aliis usibus, ut puta in hypocausto Nobilis Personæ ex morbo occumbentis, super Altare portatile rite præparatum, Layman *cap. 5. de Sacrificio Missæ, num. 4.* & alii. Idem dicendum, si qui a Summo Pontifice privilegium acceperint extra Ecclesiam Missas celebrandi. De modo autem obtinendi dictum Privilegium, vide partim mea dicta in Jure Canonico *Lib. 3. tit. 41. num. 16. & seqq. par-*

*tim La Croix lib. 6. Theol. Moral. part. 3. n. 931. Vers. de Oratoriis*. Ubi etiam advertit, quod, etsi in Oppidis ac Urbibus non soleat Romæ concedi hoc Privilegium ordinarie, nisi Nobilibus; pro Rure tamen, seu pro locis ac habitationibus extra Urbem, aut Oppidum sitis, detur quoque iis, qui non sunt Nobiles.

\* Porro, quibusnam illud privilegium jure moderno post Decretum Clementis XI. competat, habetur partim in Jure Canon. *lib. 4. Decret. Tit. 41.* partim dicitur in Appendice I. hujus questionis. \*

119. Quæres: num sit licitum, celebrare Missam in aqua, vel mari pro navigantibus? Resp. negative regulariter loquendo: idque propter periculum effusionis sacratissimi Sanguinis. Dicitur, *regulariter loquendo*: nam in longinquis navigationibus v. g. in Indias Orientales susceptis, si magna sit tranquillitas sine ullo tempestatis indicio, aditque præter Celebrantem alius Sacerdos, qui post consecrationem firmiter teneat Calicem, ita ut absit omne periculum effusionis sacri Sanguinis; non pauci Doctores, quos citat, & sequitur Lugo *disp. 20. de Eucharistia, sect. 3.* existimant, posse aliquando celebrari in mari. Id ipsum in navigatione Orientali nonnullis a Sede Apostolica specialiter concessum fuisse, sed pro Triremibus in mari Mediterraneo negatum refert cit. Lugo n. 89.

120. **C**ONCL. II. Non licet celebrare Missam in Ecclesia polluta, seu violata. Ita communis; & patet ex *cap. Proposuisti, ac seqq. de Consecr. Ecclesia*, cum concordantiis. Hinc Rubricæ Missalis, *Tit. De defectibus in ministerio ipso* occurrentibus, sic habent: *Si Sacerdote celebrante violatur Ecclesia ante Canonem, dimittatur Missa: si post Canonem, non dimittatur*. Hæc ibi. Incipit autem Canon, post dictum *Sanctus*, ab illis verbis: *Te igitur Clementissime Pater, &c.* Nihilominus, etsi celebrans in Ecclesia polluta mortaliter peccet: uti patet ex prohibitione Ecclesiæ, & gravitate ipsius materiæ; nullam tamen Censuram, vel Irregularitatem talis incurrit, cum hæc Jure statuta non reperiatur. Bonacina *quæst. 4. de Matrim. punct. ult. num. 26.* cum communi.

121. Quæres autem occasione hujus Conclusionis, & quantum attinet alteram partem Quæstionis, quibus modis Ecclesia violetur? Resp. Generatim loquendo, quinque præcipue modis violatur, seu polluitur Ecclesia. Et quidem

122. I. Violatur Ecclesia per injuriosam humani sanguinis effusionem. Requiritur autem ad hoc, ut percussio seu vulnus infligatur homini existenti in Ecclesia, & non super tectum, aut turrim, aut subtus speluncam Ecclesiæ (g) sive deinde sanguis effundatur intra, sive extra Ecclesiam; imo etiam si vulnerans existat extra Ecclesiam. Deinde requiritur, ut percussio sit gravis, seu talis, quæ sit peccatum mortale: Unde si casu quis alterum percutiat, vel cum veniali tantum culpa excutiat alteri sanguinem e naribus (v. g. cum pueri ex veniali solum cholera sese percutiunt, usque dum manent sanguine e naribus,) Ecclesia non polluitur. Tandem requi-

requiritur, ut tale factum sit notorium, juris, aut facti notitia: universum enim, ut Ecclesiae aut Altaris violatio inducatur, oportet factum esse notorium; idque vel per sententiam Judicis, aut confessionem in Judicio factam, quod dicitur *Notorium juris*; vel per evidentiam rei, quae tergiversatione aliqua celari non possit, quod vocant *Notorium facti*.

123. II. Violatur Ecclesia per homicidium injuriosum, ac notorium, quod, vel cujus causa intra Ecclesiam perpetrata est, licet fiat sine sanguinis effusione. Dicitur notanter, *cujus causa intra Ecclesiam perpetrata est*: nam, si quis foris sit percussus, & postmodum in Ecclesiam se recipiat, ibique quantumvis copioso sanguine effuso moriatur, non violatur Ecclesia. Ceterum sufficit in proposito, ut homicidium sit injuriosum ipsi Ecclesiae, seu sanctitati loci, quamvis non sit injuriosum ipsi occiso: unde si quis seipsum in Ecclesia suspendat: vel Judex cuiuspiam Reo in Ecclesia mortis supplicium inferat, adhuc violabitur Ecclesia.

124. III. Violatur Ecclesia per illicitam, & notoriam humani seminis effusionem factam intra Ecclesiam, non autem in turre tantum, vel super tectum, ut supra n. 122. in simili dictum est: repugnat enim ea sanctitati loci. Quod si ejusmodi effusio sit involuntaria, aut si accidat in somno, licet causa sit data in vigilia, non violatur Ecclesia: nam hoc ipso, quod ipsa accidat in somno, secundum se non est libera. Herinex *loc. cit. q. 11. n. 119.* Bonacina *num. 19.* Navarrus, Sylvester, & alii. Sufficit autem, si ea seminis effusio fiat per pollutionem voluntariam, sive per fornicationem: utroque enim modo violatur Ecclesia, si ea sit notoria juris, vel facti notorietate.

125. De actu conjugali dubitant Doctores, quibusdam absolute affirmantibus, aliis negantibus; ceteris vero magis probabiliter excusantibus dumtaxat casum necessitatis; quae contingere potest ob probabile periculum incontinentiae, si conjuges longo tempore intra Ecclesiam cohabitare teneantur.

126. IV. Violatur Ecclesia per sepulturam excommunicati. Hoc tamen post Concilium Constantiense intelligendum est de excommunicato non tolerato, videlicet de illo, qui aut publice denunciatus est, aut notorius percussor Clerici existit: hi enim soli de facto sunt vitandi in vita ac proinde etiam in morte; juxta illam regulam, *Quibus non communicamus vivis, non communicamus defunctis*: c. Sacris, de Sepulturis. Nec obstant dicta superius (h) ubi cum probabiliori Doctorum negatur, excommunicatum toleratum absque praevia absolutione posse sepeliri in loco sacro. Ratio enim disparitatis est: quia Concilium Constantiense noluit ipsosmet excommunicatos in aliquo relevare, aut eis quomodo libet suffragari; sed solum intendit tollere alia incommoda, quae ex antiqua generali prohibitione communicationis Fidelium cum excommunicatis saepius oriebantur, atque impofterum oriri poterant, inter quae merito connumeratur Vi-

olatio Ecclesiae per sepulturam excommunicati: sicque etiam talis Violatio Ecclesiae de facto solum procedit in duobus enumeratis casibus.

127. V. Violatur Ecclesia per sepulturam Paganis, seu Infidelis, prout habetur c. *Ecclesia, de consecr. dist. 2.* Et hoc etiam intelligendum de infante necdum baptizato. Quod si tamen infans in utero matris mortuus sit, potest una cum matre Christiana sepeliri in Loco sacro: quia foetus est pars matris, & nnum quasi cum ea corpus censetur, *arg. l. 1. ff. de Ventre inspiciendo*, ibi: *Partus enim, antequam edatur, mulieris portio est vel viscerum.*

128. Dicitur notanter num. 121. *quinque praecipue modis.* Nam nonnulli addunt duos alios modos Violationis Ecclesiarum; videlicet, quando Ecclesia benedicitur, vel consecratur, ab Episcopo excommunicato publico; item, quando parietes Ecclesiae consecratae majori ex parte simul deiciuntur, ac destruuntur, ut reaedificari debeat. Verum de priori casu merito dubitant ceteri Doctores; cum ejusmodi Violatio nulli claro textui Juris innitatur, atque in poenalibus non sit facienda extensio, nisi habeatur in jure: unde sententiam negativam appellat Bonacina *loc. cit. num. 22.* probabilissimam. Posteriori autem casu potius Ecclesia destruitur, quam polluitur.

129. Quaes. II. An polluta Ecclesia etiam polluat Cœmeterium, & econtra? Respondeo cum communi. Polluta Ecclesia polluitur simul Cœmeterium, si ei contiguum sit; non tamen vicissim polluto Cœmeterio polluitur Ecclesia. Ita communis, & habetur decisum *cap. un. de Consecrat. Eccles. in 6.* Accedit ratio: quia, ut inquit *Reg. 42. Juris in 6.* *Accessorium naturam sequi congruit principalis*; non econtra: atqui Cœmeterium, si sit contiguum, est accessorium Ecclesiae; ergo. Additur notanter, *si sit contiguum*: nam secus est, si Cœmeterium fuerit remotum ab Ecclesia, prout notatur *cit. cap. un. in 6.*

130. Quaes. III. Quid juris, quando in dictis casibus factum est occultum? Resp. Locus sacer in ejusmodi casibus non censetur pollutus, ita ut indigeat reconciliatione, quamdiu de eis publice non constat. Ita Glossa communiter recepta *cap. 1. vers. pollui, de consecr. Eccles. in 6.* Quare, quamdiu res manet occulta, ita ut nemo, vel non nisi pauci sciant, Ecclesia quoad judicium humanum non est polluta: censetur autem polluta, quandoquaque res mala propalabitur, & de facto publice constabit; quia tunc bona fama, ejusque existimatio apud homines deperdita erit, ac proinde indigebit reconciliatione.

131. Quaes. IV. Quid agendum, si Ecclesia fuerit polluta, seu violata? Resp. Cum per se loquendo sit grave peccatum, celebrare in Ecclesia violata, hinc eadem prius est reconcilianda. Ita communis.

132. Et quidem, si Ecclesia prius fuit solemniter consecrata, tam solus Episcopus reconciliare potest, adhibita aqua per ipsum benedicta ac

vino & cinere mixta: unde simplex Sacerdos Ecclesiam consecratam reconciliare nequit, nisi ex commissione Summi Pontificis.

133. Dicitur notanter, *nisi ex commissione Summi Pontificis*: nam hac accedente poterit etiam simplex Sacerdos Ecclesiam consecratam reconciliare. Quo modo ex privilegio, & concessione Domini Papæ, Superiores FF. Minorum possunt Ecclesias sibi subjectas, aqua tamen prius per Episcopum consecrata, reconciliare, quando Episcopus distat duabus dietis (una dieta continet viginti milliaria Italica, quæ faciunt quatuor vel quinque Germanica) prout eisdem concessum a Leone X. & refertur in Compendio Privilegiorum, §. *Benedicere*.

134. Dicitur ulterius, *Ecclesiam consecratam*. Nam si Ecclesia solum fuerat benedicta, seu auctoritate Episcopi ad Divinum Cultum, atque Officium deputata, poterit etiam simplex Sacerdos eam reconciliare aqua a se benedicta: prout notat cum aliis Layman *loc. cit.* num. 12. Quamvis decens sit, ac ita consuetum, ut negotium hoc prius Episcopo significetur.

135. Addunt nonnulli Auctores, videlicet Sa-  
*vers. Ecclesia*, num. 19. Castro, Avila, quando Sacerdos celebrat in Ecclesia polluta, præsertim bona fide (imo, & mala fide) jam propter summam virtutem tanti Sacrificii Ecclesiam haberi pro reconciliata. Accedit textus *cap. De fabrica, de consecr. dist. 1*. Sed hanc sententiam merito rejiciunt Layman *loc. cit.* num. 13. Sannig. *dist. 1. de Missa, quest. 10. num. 23.* & alii: cum ea nullo jure fundata sit. Nam textus citatus loquitur de alio casu, ut notat Engel *tit. de Consecrat. Eccles.* num. 15, ubi, quamvis non nihil faveat priori sententiæ, illico subjungit, quod tutius sit, vera reconciliatione uti, quam sacri Canonis præscribunt.

136. Quæres V. Quid agendum, si durante Missa contingat Ecclesiam violari? Resp. conformiter Rubricis Missalis, n. 120. relatis, si id accidat ante Canonem, dimittendam esse Missam: secus, si post Canonem. Quid autem sit agendum, quando sub Missæ Sacrificio ingreditur Ecclesiam excommunicatus vitandus, dictum est *Tract. 13. Dist. 2. n. 40.*

## A P P E N D I X I.

Continens specialia de Oratoriis, & privatis Cameris, an, quibus, & quando liceat ibidem celebrare Missam;

\* **A**Nte resolutiones prænotandum est, quidnam sit proprie Ecclesia, & quidnam Oratorium? *Ecclesia* est locus Deo dicatus, & auctoritate Episcopi perpetuo designatus, in quo Fideles ad Officia Divina, & sacra Religionis exercitia conveniunt. *Oratorium publicum* videtur convenire cum Ecclesia; dicitur enim ædificium Religiosum auctoritate Episcopi perpetuo destinatum Divino cultui habens ostium patens in via publica: prout hoc ultimum est præcipuum, teste Clericatus, a Doctoribus requisitum ad rationem Oratorii publici.

*Oratorium privatum* est locus in aliqua arce, vel domo privatorum &c. a Domino domus, vel

arcis ad cultum Divinum hic & nunc deputatus, & ab eodem pro libitu in usum profanum convertibilis. Ita Barbosa de Jure Eccles. *L. 2. c. 8. n. 18*. Unde ad Oratorium privatum nec requiritur auctoritas Episcopi; nec ostium patens in via publica. Paucis, censetur semper Oratorium privatum illud, cui deficit aliquid ex requisitis ad Oratorium publicum, superius in definitione expressis, & potest erigi illud in quacumque camera, seu hypocausto, modo sit locus honestus.

Porro emergente subinde dubio, an hoc, vel illud Oratorium sit publicum legitima auctoritate erectum nec ne? Recurrendum est ad præsumptiones, & si fuerit illud ædificatum in modum alicujus Ecclesiæ, si extet ibidem altare, & Campanile, si ad Missam personæ nullo facto discrimine admittantur, erit præsumendum publicum, legitima auctoritate erectum juxta Abbatem, Mascardum, Pignatellum, & Clericatum teste Francisco Schmier *Lib. 3. Jurisprudencia Tract. 1. part. 2. sect. 3. n. 96*. Hoc notato,

Quæres I. An liceat de facto Regularibus extra casum necessitatis celebrare Missam in privatis extraneorum Oratoriis, aut Cameris? Resp. negative, nisi novum privilegium, vel dispensatio particularis obtineatur, vel per consuetudinem jam debito tempore legitime præscriptam nec reprobata habeatur. Ita præter alia jura colligitur clare tum ex Concil. Trid. *Sess. 22. Decreto de Observandis in celebratione Missæ*. Tum ex Decreto Clementis XI. edito Anno 1703. *15. Septembris*, & per extensum reperiendo in Jure Canonico *Lib. 3. Decret. Tit. 41. post n. 5.* ubi Summus Pontifex verbis formalibus annullavit similia Privilegia antea Regularibus concessa per *Cap. In his 30. de Privilegiis*. Vi cujus Capituli antea potuerunt cum Altari portatili ubicumque etiam in Domibus Laicis celebrare.

Quæres II. An non obstante illo Decreto Clementis XI. liceat Regularibus mendicantibus adhuc erigere Oratoria in suis Monasteriis, ibique, vel in Cameris infirmorum Confratrum celebrare? Resp. Non obstante priori Decreto Clementis XI. Regulares mendicantes, & cum ipsi quoad privilegia communicantes adhuc retinent de facto speciale privilegium extruendi Oratoria privata, & Capellas Domesticas in suis habitaculis, ibique legendi, & audiendi Missam diebus quoque Festivis, ac Dominicis. Quinimo si quis fratrum fuerit infirmus, poterit etiam eadem legi in sua Camera, vel alio commodo loco: non enim hæc loca comprehenduntur sub Decreto prohibente superius allegata, prout fufius deductum est in Jure Canonico *Lib. III. Tit. 41. n. 19. & seqq.* quorum lectorem brevitatis gratia remitto, simulque ex dictis ibidem n. 21. adverto, quod in privatis Oratoriis Religiosorum a Superioribus legitime ad cultum Divinum deputatis possint alii quoque Sacerdotes Seculares legere, & Laici audire Missam, atque sic satisfacere præcepto Ecclesiæ; quia Gregorius XIII. etiam post Concilium Trident. absolute, & generalibus terminis concessit, ut in privatis Oratoriis Monasteriorum, ad Divinum cultum a legitimo Superiore deputatis possit dici Missa, adeo-



adeoque a quocumque, cum potius videatur locale, quam personale privilegium. Econtra vero in Cameris, & aliis locis ad cultum Divinum a Superioribus non deputatis Pius IV. tantum concessit pro solatio, in favorem infirmorum, sicque videtur privilegium personale ad alios illimitate non extendendum.

Quæres III. Quidnam Jure moderno sentiendum sit de Episcopis in ordine ad Oratoria quoad suam propriam personam? Resp. Jure antiquo juxta *cap. ult. de Privilegiis in 6.* habuerunt Episcopi speciale Privilegium non solum in loco habitationis suæ, verum etiam alibi in, & extra Diocesim erigendi Oratoria privata, ibique in Altari portatili celebrandi. Moderno autem tempore Clemens XI. in novissimo Decreto superius jam citato contrarium statuit, sequentibus formalibus: *Episcopis, & his majoribus Prelatis, etiam si Cardinalatus dignitate fulgentibus, neque sub prætextu privilegii clausi in Corpore Juris, neque alio quocumque titulo ullo modo licet extra Domum propriam habitationis in domibus Laicis, etiam in propria Diœcesi, quod fortius intelligitur in aliena etiam si Diœcesani consensus adhiberetur, erigere Altaria, ibique Sacrosanctum Missæ Sacrificium celebrare, seu celebrari facere.* Vide totum Decretum in Jure Canonico *Lib. 3. Tit. 41.*

Quæres IV. An jure moderno possint Episcopi saltem suis Diœcesanis post Decretum allegatum Clementis XI. concedere celebrationem in Oratoriis privatis? Ratio dubitandi est; quia juxta illud Decretum ipsemet Episcopus non potest celebrare in Oratoriis privatis Laicorum suæ Diœcesis: ergo multo minus videtur posse hanc facultatem aliis concedere. Resp. tamen, dubium istud juxta modernos AA. etiam post memoratum Decretum scribes valde probabiliter, præsertim ubi accedit consuetudo tamquam optima Legum interpret, solvi sequenti distinctione, dicendo, de facto vi moderni Decreti Episcopis hanc facultatem non esse omnino ademptam, sed tantum restrictam, ut hodie non ordinarie amplius, & libere, quomodo olim poterant, sed solum tunc, quando dubia est necessitas, num sit sufficiens pro celebratione extra Ecclesiam, aut Oratorium publicum, vel ubi alia justa, & rationalis, licet non absolute necessaria adest causa, possit licentiam dare, vel ipsamet eadem uti. Exemplum sit: persona nobilis ægrotans, quamvis non fataliter decumbens, in isto allegato casu, si humiliter supplicetur, solet frequenter in his partibus Episcopus dispensare, ut in Ejus domo in loco decenti celebretur, quatenus Missam audiat, vel Sac. Communionem etiam ex devotione e.g. diebus festis pro speciali animæ suæ consolatione recipiat. Et ita suadet praxis, ac optima legum interpret, nimirum consuetudo in his regionibus, atque præter plures alios præcedentes Auctores etiam sic ex novissimis docent Schmalzgrueber *Lib. 3. Decret. Tit. 40. n. 12.* La Croix *Lib. 6. part. 2. n. 263.* Pichler *Lib. 3. Decret. Tit. 41. n. 5.* Vide etiam dicta *Lib. 3. Decret. Tit. 41. n. 15.* ac præterea attende, an, quæ, & quanta sit consuetudo in qualibet Diœcesi vel Religione legitime præscripta? Item no-

tanter adverte Doctrinam P. Reiffenstuel *Lib. 1. Decret. Tit. 4. §. 8.* traditam, quod nempe juxta valde probabilem sententiam per clausulam generalem: *Non obstante quacumque consuetudine:* equidem derogetur consuetudini præteritæ; non autem in futurum inducendæ, nisi reprobetur ea tamquam abusus, & corruptela.

Cæterum adhuc impræsentiarum addo, quod equidem soleant quoque a reverendissimis Ordinariis in similibus concessionibus non raro, uti in dispensationibus Papæ, excipi festa Resurrectionis, Pentecostes, ac Nativitatis Domini, aliaque solemniora (sub quibus solemnioribus Sac. Congregatio 17. Novembris 1607. comprehendi declaravit præter enarrata, etiam festa Epiphaniæ, Annunciationis, Assumptionis, Apostolorum Petri, & Pauli, ac omnium Sanctorum) hæc tamen exceptio, nisi aliter expresse constet de mente Reverendissimorum Ordinariorum, sit benigne interpretanda, & tantummodo intelligenda quoad sanos, si ipsis alias domo egredi potentibus ex alia certa rationabili causa concedatur in ædibus Oratorium privatum cum portatili; non autem quoad infirmos, hypocausto, vel etiam lectulo affixos: cum enim infirmis tale Oratorium privatum concedatur in spirituale solatium, jure merito præsumitur, nisi aliter constet expresse de mente concedentis, pariter concessum illis solemnibus diebus festis, quibus hi pauperuli dicto solatio spiritali vel maxime indigent, pro tunc præter SS. Missæ Sacrificium etiam cibo Angelico, nimirum SS. Corpore Christi sæpius anhelantes refici in suo cubiculo; quoniam nequeunt egredi domo, sicut alii sani. Profecto talem esse pariter stylum Curie Romanæ, si pro ægrotis petuntur Oratoria privata, testis est La Croix *Lib. 6. part. 2. n. 271.* & præsertim *part. 3. num. 931. §. de Oratoriis.*

Quæres V. Qualiter Romæ Privilegium mediante portatili celebrandi, seu Missam audiendi concedatur in Oratoriis privatis *pro Rure tantum*? Ante resolutionem nota, similia Oratoria Romæ concedi quadrupliciter; nimirum *pro Rure tantum, pro Civitate, pro infirmis nobilibus, & pro itinerantibus.* H. N. Respond. ex La Croix *Lib. 6. part. 3. n. 931. §. de Oratoriis.* Privilegium istud *pro Rure tantum*, id est, pro locis, seu habitationibus extra Urbem, aut oppidum sitis datur etiam personis iis, quæ non sunt nobiles, & nullam exercent Jurisdictionem temporalem in aliquo Dominio; modus petendi est ille. *Petur Oratorium pro N. N. Diœcesis N. vigore cujus ipse, moderna conjux ipsius N. cum prolibus, & Familia possit curare celebrari Missam cum solitis clausulis, & exceptionibus in domo sua habitationis rure extra Urbem N. &c.* Taxa 12. circiter Scuta conficiet.

Quæres VI. Qualiter dictum Privilegium celebrandi, & Missam audiendi in privatis Oratoriis detur Romæ *pro Civitate*? Respond. Pro Civitate, & omnibus omnino locis, sive ea sint oppida, sive villæ, sive Dominia, conceditur personis tantum Nobilibus exercentibus Jurisdictionem temporalem altam, vel bassam in aliquo loco, qui specificari debet. Datur au-

tem

tem hoc Oratorium ordinarie loquendo cum frequentibus restrictionibus. I. Ut valeat tantum pro Civitate, & locis unius Diocesis, unde si quis velit erigere in loco alterius Diocesis, debet petere aliud Oratorium pro illa Diocesi. II. Ut quotidie tantum una Missa dicatur, per quod tamen non prohibentur celebrare ii, qui Privilegium habent personale celebrandi, ubicumque commoditatem nacti fuerint. III. Ut locus sit mundatus, & a domesticis aliis usibus separatus: ac prius visitetur ab Ordinario, vel ejus Vicario. IV. Ut in Festis solemnioribus anni ibid. Missa non habeatur. V. Ut famuli, & famulae illo tempore ad servitia non necessarii diebus Festis, & Dominicis eant ad Ecclesiam publicam: filii autem, & famuli necessarii, ac ruri etiam hospites nobiles possunt dictis diebus interesse Missae privatae cum Domino, & Domina, satisfaciuntque praecepto Ecclesiae. Quinimo non desunt AA. qui contra communioem cum Azorio, Castropalao, & Marchantio apud La Croix lib. 3. part. 1. num. 628. defendunt, etiam alios extraneos, qui tali Missae interfunt, satisfacere substantiae praecepti audiendi Missam. Quodsi ipsis obijciatur clausula Brevi Concessionis inserta, quae videtur contraria, conantur eandem solvere. Vide La Croix loc. cit. & P. Sporer tract. 3. in Decal. cap. 4. num. 24. Qui ultimus, etsi extraneis suadeat in praxi, ut aliam Missam audiant; nolentes tamen non adigit. Porro modus petendi hoc Oratorium est iste: *Petitur Oratorium pro N. N. S. Rom. Imperii Comite &c. ejus moderna conjuge N. Prolibus, & Familia, pro Civitate N. & loco N. Diocesis N. in quo exercet Jurisdictionem temporalem.* Si quis addere velit etiam alia Dominia ejusdem Diocesis, quae forte quis habet, potest: quia etiam illa inserentur Brevi Concessionis, necesse tamen non est; quia in fine semper additur; *aliisque locis ejusdem Diocesis*; expedit tamen, ut quis addat Dominia, quae habet in alia Diocesi; quia subinde impetratur insertio, si non omnium, saltem unius, vel alterius per idem Breve, & quidem cum eadem taxa 12. circiter Scutatorum concessum.

Quaeres VII. Qualiter eadem licentia quoad Oratoria Romae impetretur pro infirmis? Resp. Eandem licentiam Romae impetrari pro infirmis Nobilibus, quamvis hi nullam Jurisdictionem exerceant. Modus impetrandi convenit cum praecedenti, praeterquam, quod valeat tantum pro eo tempore, quo Orator ob infirmitatem domo ad Missam audiendam egredi nequit; quamvis alias nulla anni dies etiam solemnissima excipiantur; deinde diebus Dominicis, & Festis restringitur ad unam tantum personam usibus necessariam: aliae vero debent audire Missam in publica Ecclesia, ut satisfaciant praecepto. Si conjux etiam sit infirma, nominetur & ipsa; quia impetrabitur unum Breve pro utroque. Impetrari etiam potest pro Patre, & Filio, vel Filia. Item pro Matre, ac etiam pro Fratre, & Sore infirmis, si simul habitent. Taxa, quae supra. Modus petendi est iste: *Petitur Oratorium pro N. N. & ejusdem conjuge N. Nobilibus Diocesis N. si laborant quibusdam infirmitatibus, propter quas do-*

*mo Missam audiendi ( si est Sacerdos, dicitur celebrandi ) causa egredi non possunt, pro Civitate N. & tota Diocesi N.*

Quaeres VIII. Qualiter concedatur pro itinerantibus? Resp. Pro itinerantibus datur cum frequentibus clausulis. I. Ut persona sit Nobilis, sive Jurisdictionem temporalem exerceat, sive non. II. Ut valeat tantum ꝑ. g. per Italiam, Germaniam, vel Hispaniam &c. III. Ut valeat tantum in actuali itinere, & quidem, ubi Missarum commoditas deest. Ceterum ejusmodi Missae interesse possunt valide omnes Comites itineris: Taxa quae supra: Modus petendi est iste: *Petitur altare portatile, sive viatorium pro N. N. ejusque moderna conjuge N. Nobilibus Diocesis N. frequenter, aut subinde iter facientibus per Germaniam.* Porro loquendo de ultimis quatuor quaestis, si quis impetravit privilegium in Oratorio, seu alias mediante Altari portatili in privata Camera audiendi Missam, non tenetur quidem diebus Festivis sibi dato stipendio Missam procurare, uti habet communis: nihilominus tamen saltem probabilius obligatur interesse, quando eandem ex una parte hic gratis habere; ex altera autem alibi audire non potest. Ratio est: quia diebus Festivis, & Dominicis tenetur quilibet Christianus audire Missam, qui sine incommoditate mediocriter gravi audire potest. Videatur La Croix Lib. 3. part. 1. num. 676.

## APPENDIX II.

Qualenam debeat esse Altare; & quomodo instructum, ut Missa in eodem celebrari valeat? Ubi etiam de Execratione Altarium.

Quaeres I. Quid, & quotuplex sit Altare? Respond. I. Altare dicitur illa mensa, supra quam peragitur incruentum Missae Sacrificium; uti in Monte Calvariae Crux ipsa suo modo dicebatur Altare Sacrificii cruenti in die Parasceves immolati. Resp. II. Altare dividitur in fixum, & portatile, quod ultimum ab aliis Altare Viaticum vocatur. Fixum est structura alicui basi affixa. Portatile, seu Viaticum, quod amoveri, & de loco in locum transferri potest. Ita communis.

Quaeres II. Quidnam requiratur, ut in tali Altari Missa celebrari licite valeat? Respond. I. Tale Altare sive fixum, sive portatile debet esse lapideum. Ita Scotus in 4. dist. 13. q. 2. num. 24. Ratio hujus congruentialis ex Divo Thoma 3. part. q. 83. a. 3. ad 5. assignatur ista; quia nimirum Altare significat praeter alia sepulchrum Christi lapideum, vel etiam, quia ipsum Christum repraesentat, qui in scriptura dicitur *Petra, lapis Angularis &c.* Quod autem aliquando fuerit in usu Altare ligneum, causa erat persecutionum frequentia, ut hoc facile valuerit transferri: potuit & illud repraesentare Altare ligneum sanctae Crucis, ubi peragebatur Sacrificium cruentum.

Respond. II. Non est necesse, ut tota structura Altaris sit ex lapide, sed sufficit, si pars ipsius, seu mensa superior sit lapidea, & saltem ita longa

longa; ac lata, ut Calicem, & Patenam cum Hostia commodè capere poffit. Unde pars reliqua potest effe lignea ad augendum illius latitudinem; uti Angelus a Clavario *ſ. Altare* deducere nititur *ex can. 30. de Conf. dift. 1.*

Respond. III. Pariter tale Altare debet effe confecratum. *Argum. can. 30. & 31. de Conſecrat.* ita quidem, ut graviter teſte Gobat in *Theologia Experim. T. 3. n. 279.* delinqueret, qui in Altari non confecrato, vel enormiter fracto, & confequenter juxta dicenda confecrationem amittente Miſſam celebrare præſumeret. Rectè tamen La Croix *Lib. 6. part. 2. n. 309.* addit; non effe opus celebranti petere, & inſpicere, num Altare fit confecratum, & integrum: ut enim Prudenter cenſeatur effe tale, quale effe debet, ſufficit, quod fit celebrationi expoſitum ab illis, ad quos ſpectat attendere.

Quæres III. Qualiter Altare debeat effe inſtructum, ut ibidem Miſſa celebrari poſſit? Respond. partim ex Rubricis Miſſalis, partim ex probatis Auctõribus, Sporer, Gobat, La Croix &c. ſuper hanc materiam ſcribentibus. In primis Altare debet effe coopertum tribus Tobaliis benediſtis juxta Miſſale Romanum Clementis VIII. & S. Pii V. editum *Tit. de deſect. Rubric. 16.* vel ſaltem duabus, quarum una eſt duplicata, ſicque æquivalenter duplex. Quinimoteſtibus Layman, Gobat, & Sporer juxta modernam aliquarum Provinciarum conſuetudinem apponuntur duæ ſimplices Tobaliæ mappæ, & loco tertiar deſervit Corporale. In neceſſitate autem licitum eſt celebrare cirtra ullum peccatum ſuper unica etiam non benediſta. *Secundo* Tobaliis, ſeu mappis adjungi debet Antipendium; ſufficit etiam ex aſſeribus formatum; aut ex polito marmore, quod ſe ipſo eſt ornamentum; quinimo aliqua cauſa rationabilis excuſaret ab omni Antipendio. *Tertio* In dicto Altari debet aſſeſſe candelæ accenſæ duplex, atque ex cera. *Miſſale loc. citato.* In neceſſitate tamen ſufficeret unica, & quidem etiam ex ſebo, vel lucerna, aut lampas ex oleo. Sine ullo tamen lumine etiam in neceſſitate, probabilius celebrare prohibitum eſt, cum numquam teſte Boſco legatur in hoc Eccleſia diſpenſaſſe, & ſit communior hæc Doctorum perſuaſio. Quodſi Miſſa ſit cum lumine inchoata, & uſque ad Conſecrationem (Lugo, Sporer, La Croix, & Gobat dicunt uſque ad Offertorium) perducta, poteſt eadem continuari, quamvis poſtmodum ſint v. g. per vehementiam venti in aliqua Capella in publico campo exiſtente omnia etiam in lampade extinſta lumina ſine ſpe reacceſſionis. Quando autem foret ſpes reacceſſionis, deberet exſpectari; aſt poſt Conſecrationem certe non multum ultra medium quadrantem horæ: longiori autem tempore (Quintad judicat per mediam horam) ſi ante Conſecrationem talis cafus accideret. *Quarto* Oportet ſaltem ſub peccato veniali effe præſentem Crucifixum etiam expoſito Venerabili, ſive iſ ſit ſculptus, ſive etiam juxta fatiſ probabilem ſententiam in imagine depiſtus &c. Decretum Sac. Congregationis 14. Maji 1707. emanatum ſic habet: *Quando ſuper Altare expoſitum eſt Venerabile, debet etiam in eo collocari Crux cum imagine Crucifixi.* Porro nec Im-

ago Crucifixi, nec candelabra, nec candelæ, nec antependia debent effe neceſſario benediſta.

Quæres IV. Quot modis Altare ſemel confecratum iterum excretur, ſeu deperdat ſuam Conſecrationem, ita ut in eodem amplius celebrari nequeat? Respond. I. Altare fixum deperdit ſuam Conſecrationem, ſi pars ſuperior ejusdem (id eſt, Menſa confecrata) removetur ab altera parte inferiori, cui compaginabatur. Ita Innocent. III. *cap. 1. de Conſecrat. Eccleſ.* Quodſi ſtructura Altaris fixi tota integra cum ſuperiori, & inferiori parte ſimul translocetur ad alium locum Eccleſiæ, exinde non amittit ſuam Conſecrationem, La Croix *loc. cit. num. 304.* ſicut etiam Altare portatile non excretur, ſi ex uno loco ad alium transferatur. Reſp. II. Si Altare frangitur enormiter, deperdit ſuam conſecrationem. Ita Innocent. III. *cap. 3. de Conſecrat.* cenſetur autem frangi enormiter, quando ob talem fractionem de lapide non remanet ſpatium ſufficiens ad capiendum Calicem, & Patenam cum Hostia ſaltem ſecundum majorem ſui partem, prout ſubinde ſolet contingere quoad Altaria portatilia.

Respond. III. Si Altare non ſit fractum, ſed tantum ſciſſum, non deperdit Conſecrationem, dummodo partes non ab invicem, nec etiam a ſtructura inferiori (ſi fuerit Altare fixum) ſeparentur. Ratio eſt: quia ſciſſura non tollit formam, nec facit Altare aliud, & hinc poterit illa ſciſſura etiam aliquo glutine reparari. Paſqual. hic *quaſt. 689. num. 10.*

Nec dicas: ergo etiam, dum ponimus confecratum lapidem fractum in plures partes, quarum nulla ſufficiens eſt ad capiendum Calicem cum patena, poſſet ibidem celebrari, ſi partes illæ aliquo glutine denuo coadunentur. Respond. enim negando paritatem; quia per fractionem talem lapis iſte jam deperdiſſet Conſecrationem, quæ per iſtam unionem mediante glutine artiſcioſo probabilius non iterum recuperatur; ſicuti Crux Indulgentiis prædita, & taliter fracta, ut non amplius retineat figuram Crucis, exinde probabilius non recuperat amplius Indulgentias, quamvis iterum per gluten conjungatur: econtra vero per ſciſſuram ſolam lapis conſecratus numquam deperdiſſit ſuam formam, & confequenter neque Conſecrationem.

Quæres V. An Altare deperdat ſuam Conſecrationem per hoc, quod frangatur ſigillum, vel removeatur ſepulchrum cum Reliquiis? Ubi nota, quod per *ſepulchrum* intelligatur locus ille, ſeu capsula, in qua ſacræ Reliquiæ reconduntur; per *ſigillum* vero parvulus ille lapis, quo ſepulchrum clauditur, & tegitur. H. N.

Respond. Jam fuiſſe probabiliter in Jure Canonico, *lib. 3. Decret. Tit. 40. num. 39 & 40.* propugnatum, per talem fractionem ſigilli, aut amotionem ſepulchri Altaria non deperdere Conſecrationem; cum nullus textus ex Jure poſſit ab adverſariis aſſignari, qui convinceret, Reliquias Sanctorum neceſſario requiri ad Conſecrationem Altarium; licet cæteroquin haud facile debeant omitti, prout etiam tempore Sveconum, quando in bello aliquot millia Altarium

in sola Diœcesi Augustana erant spoliata sacris Reliquiis, voluit Sac. Rituum. Congregatio die 21. Aprilis 1668 ut tales in iisdem iterum repouerentur, sed absque nova Altarium Consecratione. Ita testis Franciscus Schmier lib. 3. *Jurisprudencia Tr. 81. 1. part. 2. sect. 3. num. 146.* Vide pariter de hoc fufius La Croix lib. 6. part. 2. num. 306.

### A P P E N D I X III.

De variis præter Ecclesiam, & Altare requisitis, ac scitu necessariis ad Missam rite celebrandam.

**Q**UÆRES I. Qualibus Sacerdos debeat indui vestibus, ut rite celebret? Respond. I. Ex communi, vestes sacerdotales esse Humerale, seu amictum, Albam cum Cingulo, Manipulum, Stolam, & Planetam, seu Casulam quoad colores tempori, seu Rubricis conformem: ubi notandum, quod color aureus, vel croceus juxta DD. æquivalet omni colori; quia omnes ad ipsum concurrunt juxta Quarti *part. 1. Tit. 18. Dub. 2.* Quinimo in defectu uniformitatis adhiberi potest manipulus, vel stola diversi coloris ab invicem, & a casula, etiam si Missa non ex necessitate (puta, ut provideatur infirmus viatico, vel populus die festivo Missam audiat) sed & ex sola devotione celebretur; nam hæc Rubrica de coloribus est præcise directiva, vel certe tantum leviter præceptiva, ubi consequenter facilius causa excusans admittitur, testibus Sporer, Busenbaum, La Croix, Suarez &c. Econtra vero altera Rubrica de ipsis vestibus sacerdotalibus, ut ex adhibeantur in Missa. ex communi Doctorum ex se loquendo graviter præceptiva, quia secus facientibus gravis ultio imminet *can. 42. dist. 1. de Consecrat.* Non tamen incurreret peccatum mortale, qui in aliquali necessitate unam vel alteram ex minoribus, puta manipulum, vel cingulum tantummodo intermitteret. Busenbaum *hic Dubio 5.* Quinimo omissionem cinguli a mortali etiam citra necessitatem ullam Herinex, Coen, & Henno &c. excusant ob levitatem materiæ.

Respond. II. Hæ vestes debent esse benedictæ ab Episcopo vel alio habente speciale privilegium, quale habent Superiores Regularium quoad paramenta Ecclesiastica illa, quæ non indigent unctione, uti fufius tibi exhibebit Jus Canon. lib. 3. Tit. 40. num. 40. & seqq.

Respond. III. Vestes, vel alia paramenta Ecclesiastica benedicta deperdunt suam benedictionem, si ita immutentur, ut vel amittant pristinam formam, e g. si ex stola fiat manipulus, ex casula detrita aliqua stola &c. vel si ad illum usum, ad quem antea destinata, redduntur inepta, puta, si Alba deperdat manicas, si cingulum ita frangatur, ut nulla pars (secus si una adhuc) sit sufficiens ad cingendum sacerdotem; si anterior pars casulæ separatur a posteriori &c. Ita communis, & patet ex jam dictis in Jure Canon. *loc. cit. n. 53.* Subjungit utiliter Pater Henno, Sacristam, sitaliter immutata reficienda extradat sartoribus, debere eos monere, ut, antequam de novo ad sacrum usum applicentur, Su-

perioribus pro nova Benedictione consignentur.

QUÆRES II. Qualem Calicem cum patena. & quomodo instructum debeat sacerdos ad celebrandam Missam adhibere?

Respond. I. Calix cum patena, si non ex auro, omnino ex argento sit confectus. Pauper Ecclesia saltem stanneum Calicem habeat. De ære, & aurichalco non fiat Calix: quia ob vini virtutem æruginem causat, quæ vomitum provocat. Nullus autem in ligneo, aut vitreo Calice præsumat Missam cantare. Ita habetur in terminis *Can. 44. & Can. 45. d. d. 1. de Consecrat.* Addit Missale *de defectibus Missæ Tit. 10.* sufficere, si cuppa Calicis sit aurea, argentea, vel in Ecclesiis pauperibus stannea, quamvis pes ejusdem alterius existat materiæ. Quinimo de facto de consuetudine in Ecclesiis aliquibus pauperibus licite juxta Gobat in *Theolog. Experiment. Tit. 3. n. 306.* adhibentur non solum patenæ, verum etiam Calices ex alio metallo, dummodo pro tunc cuppa intus sit deaurata, & potest hujus consuetudinis esse ratio; quia per inurationem non amplius virtus vini æruginem parit provocantem vomitum, hincque videtur cessare ratio prohibendi cuppam ex ære &c. prius assignata.

Respond. II. Calix, aut patena nequeunt benedici a Superioribus Regularibus etiam Mendicantibus, nisi qui extraordinarium aliquod possent exhibere Privilegium. Ita communis, & constat ex aliqua declaratione Sac. Congregationis sub Alexandro VI. Ratio est: quia concurrat ad similia unctio sacri Chrismatis, quæ debet exerceri ab ipsis Episcopis, non autem ab aliis, qui nequeunt quodpiam extraordinarium Privilegium exhibere.

Respond. III. Calix, in quo Sacerdos celebrat, debet præter patenam in primis esse instructus Purificatorio linto, quod tamen non habet in Rituali propriam benedictionem, & hinc neque erit mortale sine eo celebrare, quando facile haberi nequit, ubi etiam pro tunc aliud mundum strophium adhiberi potest. *Sesundo* Palla, & quidem juxta quodpiam S. Congregat. Decretum 21. Januarii 1701. emanatum linea, ac benedicta, quæ si desit, aut per quadrantem expectare deberet, potest ad tegendum Calicem substitui corporale aliud, vel purificatorium. *Tertio* Corporali, & quidem benedicto, ac mundo, quale si notabiliter esset immundum, præsertim illo spatio, ubi ponitur Sacratissimum Corpus Christi, foret ob irreverentiam notabilem peccatum grave in eo celebrare juxta Gavantum *p. 2. Tit. 2. n. 1. Litt. 9.* ac plures. Cæterum intermittere velum Calicis, vel Bursam corporalis etiam in Missa ex sola devotione, ubi haberi nequeunt, nullum omnino est peccatum juxta communem Doctorum: cum non ita proxime accedant ad ministerium hujus sacratissimi Sacrificii.

Porro valde probabiliter (quamvis etiam altera sententia contraria relata a P. Reiffenstuel lib. 1. *Decret. Tit. 16 num. 31. ac seq.* suis gravibus non careat fundamentis) nec Calix, nec Patena execrantur, etsi longo usu interior deauratio abstergetur.

Quin-



Quinimo nec censetur execrari, etsi in simili casu per aurifabrum de novo inaurantur, & consequenter etiam in eo casu non indigent nova consecratione, sicuti a pari nec Ecclesia censetur execrata, aut indigens nova Consecratione, etsi decidente consecrato superficiem cimento, novum parietibus Ecclesiae superinducatur. Item nec purificatoria, vel pallæ, aut corporalia benedicta execrantur per lotionem. Debet autem prima hæc lotio fieri ab aliquo in Ordinibus constituto. Antecedenter Laicis sine speciali Privilegio (quale potest tribui a Superioribus Mendicantium Fratribus Sacristanis, testibus Sporer, & La Croix) non licet absque causa legitima citra peccatum veniale illa tangere, quæ Corpus Christi immediate contigerunt, aut sacro Chrismate inuncta fuerunt. Quinimo ea sacra vasa &c. tangere, dum actu continent Corpus Christi, ex communi prohibitum est mortali, exceptis Sacerdotibus, & Diaconis. Post primam autem lotionem, antequam denuo actu fuerint applicata talia Corporalia, Pallæ & Purificatoria, eadem tangere (puta, ut exactius mudentur, aut lacera reficiantur) omni caret peccato. Vide de his latius Jus Canonicum lib. 3. Decret. Tit. 41. n. 44. & seqq.

Quæres III. Qualem Sacerdos celebrans debeat adhibere Ministrum? Respond. Regulariter masculinum. Ita clare desumitur ex Missali de defunctis Tit. 10. Hinc adhibens feminam peccaret, arg. cap. inbibendum de cohabit. Cleric. & mulier. Et quidem ex communi Doctorum mortaliter, saltem in locis, ubi contraria praxis non est introducta; qualem praxin tamen Doctores non laudant apud La Croix lib. 5. part. 2. num. 388. Ubi apud eundem Pasqualigus cum Sporer, Gobat, & pluribus aliis sentit, melius esse celebrare sine Ministro, quam permittere mulierem ad Altare servire. Licitum autem est, in necessitate gravi (e. g. ut populus Missam audiat, vel ægrotus Viatico provideatur) celebrare sine Ministro: quod idem juxta Lugo, Henriquez, Tambur. Hurtad. fieri poterit, si Minister quidem cum sacerdote exiverit, at postea sub Missa (pro ut nonnulli petulantes pueri solent facere) discesserit, & aliquantulum expectatus nec ipse, nec substitutus reversus fuerit.

Item Layman, Sporer, & La Croix loc. cit. num. 385. defendunt hanc praxin Germaniæ, qua in multis pagis celebrari solet nullo præse, qui respondere noverit; bene tamen substituto v. g. ædituo rustico, qui alias ceremonias exequetur, portando librum ab uno cornu ad aliud, administrando urceolos &c. atque tali modo licere celebrationem Missæ etiam extra necessitatem ex sola devotione dici solitam, tenet cum Layman, Sporer Theolog. Sacrament. part. 2. cap. 6. sect. 1. §. 4. n. 390. cum saltem habeatur aliquo modo Minister in Missali requisitus.

Quæres IV. Qualem Sacerdos, qui vult celebrare singulis diebus, debeat legere Missam? Respond. Nisi talis sacerdos diebus, quibus ex causa rationabili licitum est, velit celebrare Missam votivam, aut de Requiem, debeat ordinarie legere Missam conformem Officio divino, seu Breviario, quod recitat. Ita expresse præ-

scribunt Rubricæ. Excipe tamen, si quis legeret Missam in alia Ecclesia, in qua est aliqua solemnitas, vel duplex; tunc enim debet se huic præsertim in colore conformare, quamvis longe aliud ipse recitet pro eo die Officium divinum v. g. de semiduplici, vel de feria, prout eruitur ex Decreto 19. Novemb. 1622. emanato, & 9. Junii 1668. repetito sequentis tenoris: *Qui celebrat Missam in aliqua Ecclesia Regularium, aut etiam Monialium, in qua sit de Festo duplici habente Missam propriam, que non sit concessa omnibus, Missam quidem dicat de Festo, sed cum Missali Romano.*

Quæres V. Quandonam Sacerdoti sit licitum legere Missas votivas? Resp. I. Quandocumque non est Festum Duplex, aut Dominica, aut talis dies, in quo de duplici prohibetur fieri Festum, semper licitum est ex causa rationabili legere Missam votivam privatam. Ita eruitur ex Rubric. Missal. part. 1. tit. 4. num. 3. junctis variis Decretis Sac. Rituum Congregationis. In specie autem per Sacram Congregationem Missæ votivæ privatæ præter Dominicas, & Festa duplicia fieri prohibentur infra octavas Epiphaniæ, Paschatis, Pentecostes, Corporis Christi, & Nativitatis Domini. Item in Vigiliis Nativitatis Domini, Epiphaniæ, Pentecostes, Feria quarta Cinerum, ac in tota hebdomade majori. Ita præter alia Decreta Sac. Rit. Congregationis partim apud Rubricistas invenienda statuerunt in specie Clemens V. 13. Septemb. 1670. & Clemens XI. 29. Septemb. 1714. Quodsi igitur his diebus petantur Missæ votivæ, legantur de die, vel Festo occurrente ad intentionem petentis, atque exinde satisfiet dantibus pro Missa stipendium. Cæterum, si dies Dominica anticipetur, seu transferatur ad aliquam feriam intra hebdomadem, potest legi Missa votiva; quod idem sentiendum censet La Croix lib. 6. part. 2. num. 498. si Festum duplex sit præcisè ad libitum; potest enim recipi Festum illud ad libitum quoad recitationem Breviarii, quin acceptetur quoad Missæ celebrationem, utpote Privilegium.

Respond. II. Missas votivas publicas, seu solennes pro re gravi e. g. tempore pestis, famis, belli, magnæ siccitatis &c. vel pro publica causa Ecclesiæ licitum est legere in omnibus duplicibus, si non sint primæ Classis. Ita pariter in Dominicis etiam privilegiatis, dummodo similiter non æquivalent Festis primæ Classis, prout tamen talibus primæ Classis festivitibus æquivalent feria quarta Cinerum, Dominica I. Quadragesimæ, Passionis, Palmarum cum tota hebdomada sancta, Dominica Resurrectionis, & Pentecostes cum subsequenter utrobique duobus diebus, Dominica in Albis, & Dominica I. Adventus. Ita cum Diana, Fagioli, & pluribus aliis Constantinus Hagerer in Ritu exacto in Appendice tit. 1. in Additione post §. 5. num. 4. La Croix lib. 6. part. 2. n. 499. & Lohner de Sacrific. Missa part. 5. tit. 2. §. 1. num. 7.

Nec dicas: Juxta novissimum Mandatum Clement. XI. emanatum 20. Januarii 1705. & reperibile in suo Bullario part. 2. n. 11. equidem comprecatio 40. horarum inter causas publicas, ubi licet cantare Missam votivam solemnem,

numeratur; attamen ibidem festa non solum primæ, sed etiam secundæ Classis excipiuntur: ergo Missas votivas publicas seu solemnes prohibitum est legere in Festis non solum primæ, sed etiam secundæ Classis.

Respond. enim. Equidem, si constet sufficienter, Decretum illud in partibus hisce, ubi scribo, etiam quoad hoc punctum fuisse receptum, haud dubie sic esse sentiendum: interea tamen si una mecum in fonte legere velis, multa in illo Decreto, seu instructione reperies, quæ in his partibus in praxi non observantur, quod propterea contingere potuit; quia allegatum Mandatum instructivum videtur directum ad solos Italos: solummodo enim in dicto Bullario Editione Romana anno 1723. exprimitur in lingua Italica, ac continetur in secunda parte Bullarii Clement. XI. cui secundæ parti præfixus titulus sic habet: *Edicta, Decreta, & Mandata ad spirituale, & temporale NB. Urbis, Ditionisque Pontificia regimen pertinentia.* Non nego tamen, saltem aliqua puncta hujus Decreti etiam in his partibus observari.

Porro declarando, quænam sit res gravis, qua stante Missam solemnem votivam celebrare licet, eadem censetur illa, quæ merito potest Episcopo (ubi aliquis adest) & Clero vel alteri communitati, puta alicui Religioni, præbere occasionem conveniendi, Deoque supplicandi, e. g. tempore belli, pestis &c. aut comprecationis 40. seu 10. horarum cum expositione Venerabilis pro avertendo gravi Reipublicæ malo, aut procurando notabili bono. Item tempore alicujus Capituli generalis, aut Provincialis ad eligendum utilem Pastorem, vel DEO gratias agendi pro magno beneficio notabiliter in Communitatem redundante, puta, pro recuperata sanitate Summi Pontificis, Episcopi, vel alterius Communitati multum proficui Principis.

Decretum Sac. Rit. Congregationis 19 Maji 1607. sic habet: *Res gravis pro licita votiva solemnis decantatione cum Gloria, & Credo ea est, pro qua convenit totus Clerus cum Episcopo, vel apud Regulares in eorum Comitibus Generalibus, seu Provincialibus, cum cantatur Missa pro re eorundem judicio gravi.* Ubi tamen nota, quod teste Kerckove in *Commentar. cap. 2. §. 2. n. 29.* Consuetudo locorum alicubi rationem causæ gravis soleat extendere etiam ad Primitias, Investitionem, & Professionem Regularem.

Cæterum modum celebrandi Missas votivas publicas, vel privatas: Item quot ibidem sumantur Orationes; num *Gloria*, vel *Credo*, & qualis color paramentorum &c. vide utiliter in Ritu exacto Patris Constantini Hagerer novissime edito, præsertim in Appendice tit. 1. ubi etiam §. 2. varios circa præsentem materiam casus reperies.

Quæres VI. de quibus Sanctis &c. Vide Ad. dit. (X)

Quæres VII. Quo tempore Sacerdoti non sit licitum legere Missam de Requiem privatam? Respond. tempore illo, quo non est licitum legere Missam privatam votivam, neque licebit celebrare privatam de Requiem. Ita denuo com-

munis, & præter plura Decreta Sac. Rit. Congregationis patet etiam ex Brevis Innocentii XI. *Alias postquam, &c.* edito 4. Maji 1688. Atque hoc adeo verum est, ut Missæ privatæ de Requiem non sint licitæ diebus alias prohibitis etiam præsentem, seu insepulto corpore, prout easdem absolute prohibuit Sac. Congregatio Rituum §. *Augusti* 1662. atque adhuc clarius 10. Junii 1693. Et Alexander VII. idem decrevit apud Matthezucium in Officiali Curia Ecclesiasticæ cap. 10. §. 2. n. 67. Cujus Decretum Clement. XI. innovavit 30. *Augusti* 1706. qui ultimus Pontifex pariformiter juxta jam dicta post n. 101. inhibuit celebrare Missas de Requiem sub publica expositione Sanctissimi Sacramenti. Ubi nota ex aliquo Decreto S. Congregationis videndo in *Lib. 1. Decret. tit. 31. n. 39.* quod tunc publice censeatur expositum Sanctissimum, si in Monstrantia publice, ita ut Hostia publice videri queat, exponatur: secus, si fiat in Ostiolo Tabernaculi, vel si in Pyxide velata, in qua S. Hostia non cernitur. Quod si ulterius indages, quid ergo sit faciendum, si in alia Ecclesia, in qua debes celebrare, legantur Missæ privatæ de Requiem? Respond. sub distinctione: vel enim in illa Ecclesia, in qua celebras, est duplex de præcepto, sicut apud te, vel non? Si non: utique poteris, imo debes te conformare huic alteri Ecclesiæ, & confluentibus ad funus Sacerdotibus nigro colore celebrantibus; quamvis tu recitaveris in tuo Breviario Officium Divinum de duplici. Quando autem pariter ibi foret duplex, & tamen reliqui confluentes dicerent Missam de Requiem nolentes servare, & servari Rubricas, vel forsan contrariam Consuetudinem prætendentes, &c. poteris te tandem in Nomine Domini conformare legendo de Requiem, ut multa incommoda, murmura, & scandala evites; cum sub tam gravi incommodo Rubrica talis te non videatur obligare. Viderint autem illi (inquit Hagerer in Ritu exacto in Appendice tit. 2. §. 1. num. 5.) qui talibus Ecclesiis præpositi, etsi facile possent, similes tamen abusus non tollunt.

Quæres VIII. Quando possit cantari Missa solemnis de Requiem? Resp. I. Missa solemnis de Requiem præsentem corpore potest cantari non solum in duplicibus, sed etiam in Dominicis, & aliis festivis diebus, qui non sunt primæ Classis. Ita colligitur partim ex Matthezucio *loc. cit.* partim ex La Croix *lib. 6. part. 2. n. 507.* Respond. II. Quando Corpus Defuncti non est præsentem, nequit diebus Dominicis, vel festivis cantari Missa solemnis de Requiem; bene vero in aliis etiam majoribus duplicibus pro die obitus cantari poterit, prout eruitur totum ex Decreto Sac. Congregationis Rituum 4. Maji anno 1686. in Rubricis Particularibus nostri Breviarii reperibili num. 47. sequentis tenoris: *Ubi ex Dispositione Constitutionum Provincialium, aut Ordinis cantari debet Nocturnum cum Missa de Requiem, cum primum habita fuerit notitia de obitu &c. dicta Missa cantari poterit cum Nocturno in festo duplici etiam majori, secus vero in festo de præcepto.* In quo textu per festum de præcepto intellige festum fori, seu dies illos, quos populus feriare

tenetur, audiendo Missam, & abstinendo ab opere servili. Porro quod de die obitus absente corpore statutum reperitur, idem Fagioli in suo Calendario perpetuo fol. 79. extendit ad diem tertium, septimum, & trigessimum, utpote quasi unum continuum cum die obitus. Respond. III. loquendo de Anniversariis ex dispositione Testatorum quotannis cum cantu celebrandis, poterunt eadem pariformiter haberi, uti videndum in Decreto emanato mense Sept. 1714. reperiendo supra; conformiter Bullario Clementis XI. Romae anno 1723. edito, folio apud me 571. et si fuerit duplex majus. Ita pariter sonat Decretum 22. Novembr. 1664. Ceterum durante expositione publica SS. Sacramentiv. g. in comprecatione 40. vel 10. horarum nequit regulariter celebrari Missa de Requiem, neque cantari pro implenda mente testatoris, quamvis illis diebus esset ceteroquin festum, seu Officium hujusmodi admittens, uti in terminis statuit Sac. Rit. Congreg. 2. Decemb. 1684.

Quæres IX. Quando, & qualiter peccet Sacerdos Missam legens, qui non observat deliberate Rubricas in Missali Romano præscriptas? Ante Responsionem nota I. Rubricam nil aliud esse, quam informationem, & designationem eorum, quæ in Missa faciendæ sunt. Vocatur autem Rubrica; quia plerumque rubris litteris exprimitur. Nota II. Rubricam aliam esse directivam, aliam præceptivam; Prima consulit, quid agendum, ut cum majori decentia, & reverentia celebretur, qualiter consuluntur certæ quædam preces ante Missam persolvendæ, & post eandem. Secunda præceptiva etiam mandat, vel expresse sub peccato, vel designando saltem talem materiam, quæ alias sive ex Jure, sive ex Consuetudine jubetur, prout fit circa paramenta, & vestes Sacerdotales modo superius indicato, circa Epistolas, Evangelia, & Canonem. Nota III. Ex Sporer hic partes Missæ alias esse Essentiales, uti Consecratio Corporis, & sanguinis Christi; alias Integrales ex præcepto divino requisitas, uti oblatio, seu sumptio utriusque speciei, & demum alias Accidentales, id est, primum ab Ecclesia subjunctas, quæ ab aliis A.A. etiam integrales per Ecclesiam additæ vocari solent, atque hæc rursum sunt vel Ordinariæ, id est, in omni Missa concurrentes, uti Introitus, Oratio primaria, Epistola, Evangelium, Canon &c. vel non Ordinariæ, uti Gloria, Credo, Orationes secundariæ, Prefatio extraordinaria, vel Communicantes speciale, quæ utique non in qualibet Missa concurrunt. H. N.

Respond. I. Si celebrans non observat deliberate tales Rubricas Missalis Romani, quæ versantur circa quidpiam ad valorem, vel saltem ad integritatem Sacrificii ex ordinatione divina requisitum, peccat graviter. Ita communissima, & ratio est; quia Rubrica circa similia est graviter præceptiva, uti patet ex ipsa dignitate, & gravitate materiæ: sic utique peccaret graviter, qui consecraret sub una specie tantum, vel qui adhiberet pro Consecratione panem non triticeum, aut ex aqua rosacea confectum, &c.

Respond. II. Si celebrans non observat Rubricas circa partes accidentales ordinarias, pari-

ter ex communi DD. graviter peccat, nisi inadvertentia actus, aut parvitas materiæ excuset a gravi. Ratio est; quia hæc partes continentur absolute sub Rubricis præceptivis, quæ per Bullam S. Pii V. Missali Romano præfixam jubentur in virtute Sanctæ obedientiæ observari, adeoque in materia notabili, qualis ex communi Doctorum sensu censetur quælibet notabilis pars ordinaria ex jussu Ecclesiæ Sacrosanctæ Missæ Sacrificio adjuncta, erit obligatio gravis.

Respond. III. Si pars aliqua accidentalis sit extraordinaria, equidem celebrans, qui non observat, peccat, at non graviter, sed tantum venialiter. Ratio est; quia, etsi etiam circa tales partes adsint Rubricæ præceptivæ, ex communi tamen Doctorum Judicio; cui in similibus omnino acquiescendum, partes accidentales extraordinariæ non sunt materia adeo notabilis, ad quam Legislator voluerit sub gravi adstringere; cum multæ Missæ existant etiam quoad requisita Ecclesiæ omnino completæ sine his partibus extrordinariis.

Ex his Doctores communiter, ut Herinex, Illsung, Sporer, Suarez, Coen, Castropalao, La Croix, Henno, & alii inferunt primo, peccare mortaliter, qui celebrat in vino putrido, atque in acetum quasi jam mutato, vel de uvis immaturis expresso. Item qui sine oblatione saltem mente concepta, vel qui in una tantum specie sacrificat. Ratio est; quia agit contra Rubricas versantes circa valorem, aut saltem integritatem Sacrificii.

Inferunt Secundo: Graviter peccare eos, qui omittunt totam Epistolam cum graduali, vel aliis Strophis temporis accommodis, Evangelium cum Offertorio, quamlibet periodum in Canone. Ratio est; quia hæc partes, etsi accidentales, sunt tamen ordinariæ, & juxta communem DD. censentur simul notabiles. Econtra foret veniale tantum omittere Kyrie eleison, nonnullas benedictiones super oblata, aut Orationem ordinariam, sive unum, vel alterum verbum etiam in Canone, vel particulam enim in Consecratione Hostiæ. Ratio est: quia tales partes non sunt notabiles, uti recte cum communi advertit Sporer hic contra aliquos nimium rigide & sine solido fundamento docentes, omissionem unius verbi in Canone esse mortale. Fatendum tamen, concedi a Doctoribus, fore mortale intermittere admixtionem aquæ cum vino post offertorium, vel etiam juxta Gobat, & Suarez apud La Croix lib. 6. part. 2. num. 419. fractionem Hostiæ, & ejusdem particulæ immixtionem in Calicem; licet enim hæc actiones videantur in se modicæ, fiunt tamen magnæ, & notabiles ob magnitudinem Mysterii, quod repræsentant, prout appositio aquæ in Calice significat effusionem Sanguinis, & aquæ emanantis ex latere Salvatoris nostri, ac etiam unionem Christi cum Ecclesia.

Inferunt tertio: Esse tantum veniale, omittere Orationes secundariæ, Gloria, vel Credo, Rhythmos post Epistolas, Lauda Sion Salvatorem, Victimam Paschali, Veni Sancte Spiritus, Dies ira, dies illa &c. vel sumere de communi loco specialis alicujus in certo Festo occurrentes Prefationes, & Communicantes. Ratio est: quia dictæ partes non sunt ordinariæ Missæ ut sic,

Zzz 3

hinc-

hincque ex mente Doctorum non censentur notabiles, seu materiae graves, ad quas nimirum voluisset Ecclesia adstringere sub gravi, nisi adjungerentur contemptus ipsius Ecclesiae praecipientis, aut grave scandalum.

Quæres X. Quidnam sit agendum Sacerdoti volenti celebrare, qui tamen prævidet, quod unam alteramve Ceremoniam in Missali præscriptam nequeat servare? Resp. ex Gobat *Tom. 3. Theolog. Experiment. num. 743*. Talem, ubi ad unum, alterumve casum particularem neque hic, neque apud alios AA. aliquid expresse decisum invenerit, vel ubi tempus non amplius concedit inquirere, debere inter se conferre ex una parte gravitatem Ceremoniarum intermittendarum, ex altera vero necessitatem celebrandi, ac exinde videre, num sit consultius sine his Missam legere, quam ob earum defectum eandem omittere. Alii Doctores recte etiam hoc subjungunt, quod circa aliquam Rubricam præcise directivam tantummodo sub veniali minor sufficiat causa excusans ab observantia, quam si illa Rubrica graviter obligatoria foret.

### Q U Æ S T I O XI.

De aliis notabilibus Dubiis circa Sacrificium Missæ.

#### S U M M A R I U M.

137. An plures possint eandem Hostiam consecrare?
138. Et quomodo?
139. Solvitur instantia.
140. Sacerdotes ordinati, quam intentionem consecrandi cum Episcopo debeant formare?
141. Consilium pro praxi.
142. Sacerdos ordinatus non debet prævenire Episcopum in consecrando;
143. Sed consecrare cum Episcopo, si potest; aut verba Consecrationis proferre materialiter.
144. Quid agendum, si aqua pro vino infundatur?
145. Quid, si error primum advertatur post summationem?
146. Aut dum aqua habetur in ore?
147. Alia Dubia remissive.

137. **Q**Uæritur I. An plures simul eandem Hostiam consecrare possint? Ratio dubitandi est: quia Sacerdotes noviter ordinati juxta Pontificiale Romanum monentur, ut una cum Episcopo, eisdem ordinante, proferant verba Consecrationis; & cætera peragant, quæ habentur in Canone Missæ; atqui eo tempore jam habent iidem Sacerdotes potestatem consecrandi; ergo.

138. Resp. Possunt plures simul eandem Hostiam consecrare, dummodo formam Consecrationis cum debita intentione simul super eandem Hostiam proferant, & absolvant: quod si vero unus eorum, intendens absolute consecrare, alterum in finienda prolatione formæ præveniat, tunc ipse solus consecrabit, non vero alter. Ita communis Theologorum; & ratio hujus postremæ partis est: quia Hostia semel consecrata, est incapax ulterioris Consecrationis.

139. Nec obstat, quod ambo simul inceperint formam Consecrationis proferre. Respon-

deo enim, Consecrationem complete non perfici, nisi post integram prolationem formæ Consecrationis, qua rite prolata mox Consecratio Eucharistiae est perfecta: unde solus ille consecrabit, qui cum debita intentione consecrandi prius absolvit formam.

140. Quæritur II. Quam igitur intentionem consecrandi simul cum Episcopo debeant formare Sacerdotes noviter ordinati sub ea Missa, sub qua ordinantur? Ratio dubitandi est: quia vix moraliter loquendo possibile est, ut in eodem momento una cum Episcopo finiant formam Consecrationis; unde videtur sequi, quod, si Episcopus prius finierit formam Consecrationis, Sacerdotes noviter ordinati consecrent hostiam jam consecratam, quod est falsum: vel, si isti præveniant, Episcopus ordinans nihil sit acturus, neque consecraturus, quod est absurdum: cum Episcopus sit principalis Minister, offerens illud Missæ Sacrificium.

141. Resp. I. Quod ad praxim attinet, optimum est consilium, ut Sacerdotes noviter ordinati intendant cum Episcopo proferre verba Consecrationis modo, quo possunt, meliori; sive cum ea intentione, quam juxta sensum, atque ordinationem Ecclesiae, tunc habere debent. Ratio est: quia hoc modo evitatur omne periculum errandi, & quodlibet inconveniens ex præallegatis. Suarez *p. 3. tom. 3. disp. 61. sect. 4.* & alii.

142. Resp. II. Optimus modus, atque intentio Ecclesiae videtur in hoc consistere, ut Sacerdos noviter ordinatus nullo modo præsumat, neque intendat prævenire Episcopum in consecrando: hoc enim foret magnum inconveniens, quia tunc revera Episcopus non sacrificaret; eo quod Missæ Sacrificium essentialiter consistat in Consecratione, quæ tunc non ab Episcopo, sed a Sacerdote noviter ordinato fieret.

143. Deinde noviter ordinatus Sacerdos habeat intentionem conditionatam, seu potius disjunctam, vel consecrandi cum Episcopo, si possit simul cum eo formam absolvere; vel, si id non accidit, verba Consecrationis materialiter solum proferendi, in signum Potestatis Sacerdotalis sibi tunc concessæ. Quinimo sunt multi Auctores, quos refert, ac sequitur Suarez, qui tenent, in dicto casu solum Episcopum proferre verba Consecrationis formaliter, seu cum intentione consecrandi, alios vero Sacerdotes noviter ordinatos, proferre ea solum materialiter, seu in signum Potestatis Sacerdotalis, sibi tunc concessæ. Igitur ad evitanda quæcumque incommoda proferunt Sacerdotes noviter ordinati una cum Episcopo verba Consecrationis juxta sensum, atque intentionem Ecclesiae, ac modo, quo possunt, meliori: sic enim nullum aderit periculum errandi.

145. Quæritur III. Quid agendum, si errore Sacerdos infuderit aquam pro vino, idque primum post Consecrationem advertat? Resp. cum Rubricis Missalis, *tit. de defectu vini*, & communi Doctorum, Si Sacerdos post verba Consecrationis advertat, vinum non esse positum in Calice, sed aquam, deposita aqua in aliquod vas, iterum vinum cum aqua ponat in Calice; & facta Obla-



Oblatione, saltem mente concepta (id est, formando intentionem consecrandi, & dicendo saltem mentaliter illam Orationem: *Offeimus tibi Domine Calicem salutis &c.* absque ejus elevatione, neque faciendo cum ipso Crucem super altare) statim debet consecrare, incipiendo ab illis verbis: *Simili modo, postquam cœnatum est &c.* & Missam proseguere.

145. Et hoc idem faciendum, etiam si error primum advertatur post sumptionem hujusmodi aquæ. Debet enim Sacerdos pariter apponere novum vinum cum aqua in Calice, & facta Oblatione, saltem mente concepta, consecrare, ut supra, & sumere; quamvis non amplius sit jejunus. Siquidem præceptum Divinum de integritate Sacrificii Missæ magis urget, quam præceptum Ecclesiasticum de sumenda Eucharistia a jejunis.

146. Sed quæres, quid agendum, si Sacerdos, dum potum adhuc habet in ore, priusquam deglutiat, sentiat, eum esse meram aquam? Respondent Angelus *versus Missa n. 17* & Sylvester *vers. Eucharistia, II. n. 15*, quod, si potest sine scandalo, emittat aquam in Calicem, & extrahat particulam S. Hostiæ, ipsamque aquam reponat in alio vase; & sic accipiat vinum, & consecret, ut supra; ac post sumptionem Sanguinis etiam aquam illam sumat, si potest sine periculo vomitus, vel si timet de vomitu, reponat in Sacrarario. Sed cum hoc sit difficillimum, & communiter non careat periculo scandali, præsertim si celebretur in publico; sitque non parva irreverentia, Particulam consecratam, prius Calici in fractione sacra Hostiæ immixtam, rursus ex ore in Calicem evomere: Hinc bene notat Gavantus *p. 3. in Rubr. Miss. tit. n. 5*, post Suarezium, quod absque scrupulo possit Sacerdos deglutire primum, & rursus consecrare, ac sumere secundum.

\* Quod si ulterius indages, an Sacerdos invalide in aqua celebrans, supposito, quod ex perplexitate, vel ignorantia non substituit aliud vinum repetendo de novo Consecrationem, aut primum rediens in Sacristiam finita Missa se recollegisset, aut ab aliis informatus fuisset de sua obligatione, an (inquam) Sacerdos ille adhuc de novo in Sacristia posset consecrare Vinum? Respondeo cum Suarez, Herinex, & Pasqualigo probabilius negative. Ratio est: quia tunc non amplius videtur durare prior actio sacrificativa, adeoque etiam non habet locum aliqua supplementio.

Nec dicas: Sacerdos regressus ad Sacristiam, & adhuc vestibus Sacerdotalibus indutus, licite particulas Hostiæ in patena sua inventas fuit, atque hoc idem, quia moraliter adhuc durat actio sua sacrificativa: consequenter censetur in regressu ad Sacristiam durare actio sacrificativa, & sic poterit etiam ad Sacristiam regressus adhuc consecrare. Respondeo enim cum Angelo *Vers. Missa, Layman lib. 6. tract. 4. cap. 6. num. 22*, negando suppositum, quod Sacerdos ille jam reversus ad Sacristiam (secus dic, si adhuc staret ad Altare etiam post purificationem) possit sumere relictas in patena particulas; quia sic reversus ministerium suum jam complevit, ita, ut ad hanc actionem nil amplius per modum alicujus continui re-

ferri possit; unde tales particulae potius forent reverenter ponendæ in Ciborium, vel alium decentem locum, qui si non adesset, pollent equidem sumi etiam a jejunis; non tamen ex eo fundamento, quasi adhuc duraret eadem actio sacrificativa, sed quia alias majori exponerentur periculo irreverentiæ; sicque jejunium non videtur adstringere.

Quæritur IV. Quid agendum Sacerdoti, si deprehendat in sumptione, vinum esse acetosum?

Resp. I. Si tantummodo sit aliquantum acetosum, potest sumi absque scrupulo, præsertim in his partibus Septentrionalibus, ubi alia vina non sunt adeo dulcia, maxime in pagis. Ratio est: quia non adest grave periculum valoris Sacramenti, prout ut patet ex præcedenti 4. *Dist. q. 3.*

Resp. II. Si ita deprehendatur acetosum, ut ex gravi ratione prudenter dubitetur, num non omnino degeneraverit in substantiam aceti, debet ob periculum grave ipsius valoris, & integritatis Sacrificii sub conditione de novo consecrari, si prudens spes acquirendi novum melius vinum, & illud non minus diu expectari debeat; alias perendum esset; nam Rubrica equidem dicit *aliquandiu*, sed non ponit *nimis diu* esse expectandum; etenim nimis diuturna expectatio videretur interrompere connexionem moralem cum consecratione Hostiæ. Ita La Croix *lib. 6. part. 2. n. 536*. Pater Gobat *in Theolog. Experiment. Tit. 3. num. 806*. apud La Croix *loc. cit. n. 549*. putat in alio casu, non esse diutius expectandum, quam per unam circiter horam.

Quæritur V. Quid faciendum, si Sacerdos sub Missæ Celebratione moriatur, aut saltem ita destituatur viribus, ut nequeat continuare Missam? Respondeo ex Missali Romano, si id contingat ante primam Consecrationem Corporis Christi, vel post sumptionem utriusque speciei, nihil erit ab alio supplendum: si vero post Consecrationem Hostiæ eveniat, Sacerdos alius etiam non jejunus (si nequeat jejunus haberi) debebit consecrare Sanguinem, sicque Missam proseguere; & quidem convenienter secundum illam intentionem applicandi, quam prior habuit. Quod si ambæ species jam fuissent a priori consecratæ, deberet alter Sacerdos utramque, si restet, alias illam, quæ est adhuc residua, sumere. Ita Missale Romanum *de defectibus Tit. 10. n. 3.*

Quæritur VI. An, & quando defectus accidentales a Sacerdote vel in recitandis vel in agendis commissi ab eodem sint supplendi? Resp. Si quis longius jam sit progressus in Missa, vel si per supplementationem deberet inverti ordo Missæ, defectus accidentales, seu ceremoniales non amplius sunt per repetitionem supplendi in Missa. Ita omnes teste Sporer *p. 2. Theol. Sacram. cap. 6. sect. 2. n. 433*. Et ratio est: quia gravior fieret deordinatio, & irreverentia in sacra actione ista repetendo, quam prius contigit in omittendo. Accedit, quod teste D. Thoma ea, quæ hic fiunt, ita ad invicem sint connexa, ut, si a propriis suis locis extrahantur, jam non ita ad invicem cohæreant. Hinc si quis omiserit *Gloria*, vel competentem Epistolam, aut Evangelium, aut *Credo*, & primum notet post Offertorium; sive si intermiserit illud, quod sumere

mere debuisset, extraordinarium *Communicantes* ac jam procul v. g. ad consecrandam Hostiam processerit, non tenetur ista repetendo supplere. Quodsi Sacerdos vero, dum secreto orat, post pauca verba non solum dubie, sed certo cognoscat, se notabile quidpiam ex oblivione, vel inadvertentia &c. omisisse, paululum regredendum erit; quoniam id faciliter sine confusione, vel incommodo celebrantis, & absque murmure, seu admiratione populi fieri poterit. Ita cum aliis Sporer *loc. cit.*

Quæritur ulterius VII. Quidnam specialiter circa Sacrificium Missæ pro suo sanctissimo zelo statuerit Summus Pontifex Benedictus XIII. in Concilio Provinciali Lateranensi novissime celebrato? Ante Resp. Nota I. quod illud Concilium ad Dominicam in Albis Anni Jubilæi 1725. indictum, ac postea ad Dominicam secundam post pascha ejusdem Anni prorogatum, non fuerit Generale sed Provinciale, Capuanam inter, & Pisanam Provinciam institutum, prout ipsemet Summus Pontifex insinuat in sua Constitutione: *Redemptor noster, qui plantavit &c.* edita in privilegio Nativitatis Domini die 24. Decemb. Anno 1724.

Notat II. Ex *Lib. 1. Decret. tit. 2. §. 3.* Concilium aliud dici Generale, seu Oecumenicum, aliud Nationale, aut Provinciale, & demum aliud Diocesenum, quod communiter Synodus Diocesana appellatur. Concilium Generale conflatur ex Episcopis totius Orbis; Nationale ex Episcopis certæ Nationis e. g. Gallicæ, & Provinciale ex Episcopis certæ Provinciæ, seu Archiepiscopatus, & demum Diocesenum ex Pastoribus alicujus Diocesis.

Generale suppositis supponendis obligat quoad suas Constitutiones, & Decreta Orbem Universum. Nationale illam Nationem, & non ultra. Provinciale dictam Provinciam, & demum Diocesenum eam Diocesim H. N.

Resp. Circa Sacrificium Missæ Summus Pontifex Benedictus XIII. in suo Concilio Provinciali Lateranensi novissimo tit. XV. sequentia statuit. *In primis* Cap. 1. ejusdem tituli XY. zelose commendat observationem Rubricarum Missalis, addens, intermissionem cujuslibet etiam in minimis (quod intellige saltem quoad Rubricas præceptivas) arguere peccatum, nimirum leve, vel grave pro qualitate materiæ, & contrariam consuetudinem, immemoriam quoque, esse potius abusum, ac corruptelam; consequenter præscriptione defendi non poterit.

*Secundo* Ibidem capite II. sustulit facultatem celebrandi in privatis, ubi dormiri solet, Cubiculis, non obstantibus Indultis, aut Consuetudinibus quibuscumque; ita nimirum, ut exinde indifferenter, & absque necessitate, ac infirmitate, non possit amplius prætendi facultas ibidem celebrandi. Interea tamen difficulter mihi persuadeo, quod piissimus, & Clementissimus Pontifex per hæc verba voluerit cassare etiam speciale Privilegium superius post quæstionem decimam Appendice I. Addit. III. adductum, ac concessum Regularibus Mendicantibus, non quidem indifferenter, sed tantum in casu particulari gravi infirmitatis, ubi tales pauperculi nec Capellam in-

firmariæ habent, vel saltem eamdem sine valde gravi difficultate accedere nequeunt.

*Tertio* Loco citato, Capite III. Memoratus Summus Pontifex Decretum Clem. XI. quod Episcopis extra domum propriæ habitationis celebrationem Missæ in domibus Laicis interdixit, conformiter Prædecessori suo Innoc. XIII. declaravit, ut sequitur: *Declaramus, quod, cum in prædicto Decreto statuitur; non licere Episcopis extra domum propriæ habitationis, in domibus Laicis erigere Altare, ibique Sacrosanctum Missæ Sacrificium celebrare, sive celebrari facere, hujusmodi prohibitio intelligenda non sit de domibus, etiam Laicis, in quibus ipsi Episcopi forte, occasione visitationis, vel itineris, hospitio excipiuntur: & nec etiam, quando Episcopi in casibus a Jure permissis, vel de speciali Sedis Apostolica licentia, absentes a domo propriæ ordinariæ habitationis, moram idcirco faciunt in aliena domo per modum similis habitationis: his enim casibus licita iis erit erectio Altaris ad effectum dictæ celebrationis, non secus ac in domo propriæ ordinariæ habitationis.*

Quæritur VIII. Quid sit sentiendum de Missis Gregorianis? Ante Responsum nota I. ex Felice Potestas *Tom. 3. Examinis part. 1. n. 156. D. Gregorium Lib. 4. Decal. cap. 55.* Abbati Protiolo, ut pro quodam defuncto Monacho curaret celebrari Missas triginta, præcepisse his formalibus: *Vade ab hodierna die diebus triginta continuis offerre pro eo Sacrificium: stude, ut nullus omnino prætermittatur dies, quo pro absolutione illius Hostia salutaris non offeratur.* Nota II. Quod hunc Ritus sequantur multi Fidelium simili modo pro defunctis Patribus, Consanguineis &c. triginta Missas celebrari curantium, quæ Missæ, uti recte apud Felicem Potestas notat Tamburinus *lib. 2. cap. 6. §. 7.* non sunt prohibitz, sed solum quædam aliæ pro vivis, & defunctis, quæ falso D. Gregorio adscribuntur. N. H.

Resp. ex Ritu exacto Constantini Hagerer *Tit. 2. §. 1. n. 11.* Quoad Missas Gregorianas respiciendum esse ad tria. *In primis*, Quod non sit necesse, ut idem numero Sacerdos has triginta Missas celebret: non enim dicit in allata Historia D. Gregorius: *Vade offerre NB. per te &c.* *Secundo*, quod hæc tamen (remota autem omni superstitione) celebrari debeant diebus triginta continuis; Taliter enim in Dialogo præcepit Abbati D. Gregorius. Ubi vero non censetur fieri moralis discontinuatio ob triduum Sacrum majoris Hebdomadæ. *Tertio*, quod non necessario hæc Missæ triginta debeant esse de Requiem; hoc enim D. Gregorius superius denuo non exigit \*

147. Possent hoc loco plura similia Dubia, Sacrificium Missæ concernentia, moveri. Verum ea exacte, simulque breviter resolvuntur in Rubricis Missalis, a quolibet Sacerdote bene legendis, atque observandis: hinc ipsa in præsentiarum omituntur.

## DISTINCTIO VI.

### De Sacramento Pœnitentiæ.

## QUÆSTIO I.

De institutione, natura, & necessitate Sacramenti Pœnitentiæ.

## SUMMARIUM.

1. Pœnitentiæ sumitur ut Sacramentum, & ut virtus.

2. De

2. De fide est, Pœnitentiam esse Sacramentum?

3. Est a Christo institutum.

4. Et quando præcipue?

5. Sacramentum Pœnitentia, quid?

6. Definitio ejus explicatur.

7. Est necessarium omnibus post Baptismum lapsis.

(a) Dist. 2. num. 65. & 66.

8. Appellatur secunda post naufragium Tabula.

1. Pœnitentia dupliciter sumitur, nempe ut est virtus, & ut est Sacramentum. Pœnitentia ut Sacramentum, est unum, & in ordine quartum ex septem novæ legis Sacramentis. Pœnitentia ut virtus non est Sacramentum, sed virtus quædam: qualis de facto etiam requiritur ad ipsum Sacramentum Pœnitentiæ rite ac fructuose percipiendum, cum sit pars ipsius. Et hanc communiter ad differentiam Pœnitentiæ Sacramenti, solemus alio nomine vocare *Dolorem de peccatis, cum proposito non peccandi de cæteris* qui postmodum dividitur in Contritionem, & Attritionem.

2. CONCL. I. De Fide est, Pœnitentiam esse verum, & proprie dictum novæ Legis Sacramentum. Ita habetur tum ex perpetuo sensu, & traditione Ecclesiæ, tum ex definitione plurium Conciliorum, ac novissime Conc. Trid. Sess. 14. Can. 1. sic definitis: *Si quis dixerit, in Catholica Ecclesia Pœnitentiam non esse vere, & proprie Sacramentum, pro fidelibus, quoties post Baptismum in peccata labuntur, ipsi Deo reconciliandis, a Christo Domino institutum: anathema sit.*

3. CONCL. II. Sacramentum Pœnitentiæ tunc præcipue Christus Dominus instituit, cum a mortuis excitatus insufflavit in Discipulos suos, Jo. 20. dicens: *Accipite Spiritum sanctum, quorum remiseritis peccata, remittuntur eis, & quorum retinueritis, retenta sunt.* Ita communis. Nam optime S. Conc. Trid. Sess. 14. cap. 1. ad citatum textum Evangelicum, sic loquitur: *Quo tam insigni facto, & verbis tam perspicuis, potestatem remittendi, & retinendi peccata, ad reconciliandos fideles post Baptismum lapsos, Apostolis, & eorum legitimis Successoribus fuisse communicatam, universorum Patrum consensus semper intellexit.* Hæc Concilium.

4. Dicitur, tunc præcipue Christus instituit, cum a mortuis, &c. Quamvis enim jam in vita sua Christus Dominus D. Petro hanc potestatem remittendi peccata sese daturum repromiserit, dum eidem dixit, *Matth. 16. Tibi dabo Claves regni Cælorum; & quodcumque solveris super terram, erit solutum & in Cælis: similemque promissionem cæteris postmodum Apostolis fecerit, Matth. 18.* Eam tamen potestatem Christus actualiter primum post suam gloriosam Resurrectionem Apostolis, antea sub ultima Cœna in Sacerdotes ordinatis, contulit *cir. loc. Jo. 20.* Unde & eo tempore Sacramentum Pœnitentiæ præcipue institutum dicitur.

5. CONCL. III. Sacramentum Pœnitentia est absolutio hominis pœnitentis, facta certis verbis, cum debita intentione prolatis a Sacerdote jurisdictionem habente, ex institutione Divina efficaciter significantibus absolutionem animæ a peccato. Ita Doctor Subtilis in 4. dist. 14. q. 4. cum suis.

6. Dicitur, Absolutio hominis pœnitentis: id est, signum sensibile, live Sacramentum novæ Legis

consistens in absolutione hominis pœnitentis; eo modo, quo Baptismus dicitur esse ablutio hominis, &c. Et additur, *facta certis verbis, cum debita intentione prolatis a Sacerdote jurisdictionem habente.* Tum quia Minister hujus Sacramenti est solus Sacerdos, ita ut nullo modo Diaconus, multo minus alius inferior Clericus, illud ministrare possit. Tum quia Sacerdos ille, præter Characterem Sacerdotalem, etiam habere debet jurisdictionem in pœnitentem, vel ordinariam, vel saltem delegatam: alioquin enim absolutio data non valeret, cum sententia a non suo Judice lata, nulla sit. Cæteræ particulæ vel patent ex dictis in simili de aliis Sacramentis, vel amplius patebunt ex dicendis.

7. CONCL. IV. Sacramentum Pœnitentiæ est omnibus, post Baptismum in peccatum mortale lapsis, necessarium ad salutem in re, vel saltem in voto. Conclusio hæc est certa, & inter Catholicos indubitata; atque præter alia, patet ex Conc. Trid. Sess. 14. cap. 2. prout jam superius (a) declaratum fuit.

8. Additur vero, *omnibus post Baptismum in peccatum mortale lapsis.* Siquidem peccata ante receptum Baptismum commissa remittuntur virtute ipsius Sacramenti Baptismi, neque sunt materia, apta Sacramenti Pœnitentiæ. Et hinc istud Pœnitentiæ Sacramentum recte a SS. Patribus appellatur *secunda post naufragium Tabula*, naufragis præparata; prout habetur *can. Secunda, de pœnit. dist. 1.* juncto Conc. Trid. cit. Sess. 14. can. 2. ibi: *Si quis Sacramenta confundens, &c. dixerit, Pœnitentiam non recte secundam post naufragium Tabulam appellari: anathema sit.*

## QUÆSTIO. II.

De Materia Sacramenti Pœnitentiæ.

### SUMMARIUM.

9. Materia ipsius remota, eaque vel necessaria, vel sufficiens?

10. Et proxima, qua?

11. Circa hanc doctrinam Scoti, & Conc. Trid. concordat.

12. Peccatum originale, & actualia ante Baptismum, non sunt materia Sacramenti Pœnitentia.

13. Peccata venialia sunt Materia sufficiens.

14. Non autem sola imperfectiones.

15. Circa has, quid observandum in praxi?

16. Aut quando materia certa haberi nequit?

17. Peccata rite confessa, sunt materia sufficiens.

18. Solvitur instantia.

(b) Adde dicenda num. 34. & 35.

19. An sit necesse addere, quod peccata jam fuerint confessa, nec ne?

20. Id per accidens quandoque explicandum.

9. CONCL. I. Materia Sacramenti Pœnitentiæ est duplex, remota, & proxima. Remota sunt peccata post Baptismum commissa: & hæc rursus est duplex, videlicet necessaria, & sufficiens. Materia remota & necessaria Sacramenti Pœnitentiæ, est omne peccatum mortale post Baptismum commissum, & nondum rite confessum. Materia sufficiens, etsi non necessaria, est omne peccatum veniale post Baptismum commissum, vel etiam mortale alias rite confessum. Ita communis Theologorum, idque patet inter alia ex Conc. Trid. Sess. 14. cap. 5.

Aaaa

10. Por-

10. Porro *Materia proxima* Sacramenti Pœnitentiæ sunt actus Pœnitentis, videlicet, Contritio, Confessio, & satisfactio. Ex quibus Satisfactio in re exhibita, communiter conceditur esse solum pars integralis Sacramenti Pœnitentiæ: uti patet in agonizante, qui si prius petivit Confessarium, aut aliud signum petiæ Confessionis dedit, potest, ac debet absolvi absque alia injuncta Satisfactione, utpote quam amplius præ mortis angustiis peragere nequit. Contritio vero, & Confessio, juxta Thomistas & Recentiores passim, sunt partes essentialis Sacramenti Pœnitentiæ; juxta Doctorem Subtilem vero 4. dist. 16. q. 1. §. de Pœnit. & Scotistas, essentiam stricte, ac præcisè pro ipsa quidditate rei accipientes, solum requiruntur (necessario tamen, seu simpliciter) ad Sacramentum Pœnitentiæ, ad hæc, ut digne recipiatur, prout amplius ibidem explicat Scotus.

11. Et cum hac Scotica doctrina concordat Conc. Trid. Sess. 14. cap. 3. sic dicens: *Sunt autem quasi materia hujus Sacramenti ipsius pœnitentis actus, nempe Contritio, Confessio, & Satisfactio: qui quatenus in pœnitente ad integritatem Sacramenti, ad plenamque & perfectam peccatorum remissionem ex Dei institutione requiruntur, hac ratione Pœnitentia partes dicuntur.* Nota tò qui quatenus ad integritatem Sacramenti requiruntur, hac ratione Pœnitentia partes dicuntur: & consequenter, ex mente Concilii Tridentini, actus Pœnitentis non sunt partes essentialis hujus Sacramenti, ut volunt alii; sed solum eatenus dicuntur partes ipsius, quatenus ad ejus integritatem, atque ut digne & perfecte recipiatur, requiruntur: quæ est ipsissima sententia Scoti, & communis Scotistarum. Sed dimissa Theologis hujusmodi difficultate speculativa, sit ulterius

12. CONCL. II. Peccatum originale, nec non peccata actualia ante Baptismum commissa, non sunt materia apta Sacramenti Pœnitentiæ. Ita Scotus 4. dist. 4. q. 5. cum communi. Nam peccatum originale, sicut & peccata actualia ante Baptismum commissa, tolluntur virtute Sacramenti Baptismi: & Sacramentum Pœnitentiæ, tamquam secunda post naufragium Tabula, est institutum a Christo pro remissione sequentium peccatorum. Unde si Judæus, vel Gentilis recens baptizatus, sola peccata ante Baptismum commissa vellet confiteri, ipse non posset absolvi: quia non afferret materiam aptam hujus Sacramenti Pœnitentiæ.

13. CONCL. III. Peccata venialia possunt vel omnia, vel aliqua eorum (idem dicendum de mortalibus jam rite confessis, si peragitur Confessio generalis) in Confessione omitti; cum non sint materia necessaria, sed solum sufficiens: ac proinde utiliter quidem, sed non necessario, Clavibus Ecclesiæ subjiuntur. Unde Concilium Trident. loc. cit. cap. 5. sic ait: *Peccata venialia, quibus a gratia Dei non excludimur, & in qua frequentius labimur, quamquam recte & utiliter, citraque omnem presumptionem in Confessione dicuntur, quod piorum hominum usus demonstrat, sacri tamen citra culpam, multisque aliis modis expiari possunt.*

14. CONCL. IV. Solæ imperfectiones non sunt materia apta Sacramenti Pœnitentiæ. Ratio est: quia tales non sunt peccatum mortale, aut veniale.

Unde recte monent Doctores, quod in Confessione semper sit afferenda materia certa: & si nova non occurrat, saltem ex jam semel confessis.

15. Porro materia certa (ut notat Diana part. 3. tract. 4. resol. 52. contra Toletum lib. 3. c. 2. n. 6.) non est, confiteri dumtaxat, quod quis non responderit Divinis inspirationibus, non fecerit bonum, quod poterat, & hujusmodi. Quamvis idcirco in his exponendis non debeat Confessarius impedire Pœnitentem: tum quia multa ex iis, quæ nonnunquam videntur meræ imperfectiones, sunt peccata venialia; idque ob varias intervenientes circumstantias, utputa negligentias voluntarias, vel leves contra rectam rationem excessus. Tum quia ad majorem sui humiliationem, atque exercitationem ferventioris progressus spiritualis, talia recte aperiantur. Lugo disp. 16. de Pœnit. n. 103.

16. Quod si vero materia certa omnino haberi non possit, sed dumtaxat dubia, pro ratione dubii danda est absolutio sub conditione, saltem tacita, præsertim si gravitas peccati dubii, aut alia circumstantia id exoptulare videatur: vel, si nulla apparet necessitas Sacramentum sub conditione ministrandi, absolutione penitus superfeedatur. Layman lib. 5. tract. 6. cap. 3. n. 5.

17. CONCL. V. Peccata jam rite confessa, & remissa, sunt materia sufficiens Sacramenti Pœnitentiæ, possuntque denuo fructuose confiteri, & subijci Clavibus Ecclesiæ. Ita communis; & patet tum ex Extravag. Inter cunctas, §. Veram de Privilegiis, ibi: *Licet de necessitate non sit, iterum eadem confiteri peccata: tamen quia propter erubesceniam, qua magna est Pœnitentia pars, ut eorumdem peccatorum iteretur Confessio, reputamus salubre, &c.* Accedit praxis piorum hominum, qui sæpius peragunt Confessiones tum generales, tum certorum peccatorum jam antehac confessorum.

18. Dices: Nemo potest solvi, qui non est ligatus: sed pœnitens post peccata rite confessa, eisdem non est ligatus; ergo eisdem non potest solvi virtute absolutionis Sacramentalis, sicque ea non videntur amplius posse subijci Clavibus Ecclesiæ. Resp. majorem illam, *Nemo potest solvi, &c.* procedere solum in physicis (prout v. g. nemo potest solvi a catena, vel alio vinculo corporali, nisi actualiter ipso ligatus existat) non vero in moralibus, ubi sufficit tale vinculum præcessisse: sic enim potest quis injuriam sibi illatam sæpius alteri condonare, præsertim si is iterato veniam roget. Idem ergo dicendum de absolutione Sacramentali a peccatis, sæpius cum iterato dolore confessis, & Clavibus Ecclesiæ subiectis. (b)

19. Quæres, utrum sit necesse, pœnitentem in Confessione exprimere, quod peccata sua jam semel sint confessa, nec ne? Resp. Per se loquendo id necesse non est; prout notant Lugo disp. 16. de pœnit. Sess. 2. §. 1. Sanchez lib. 1. in Desal. cap. 10. num. 17. Bonacina, & alii: quia peccatum est idem specie, ac numero, sive confessum fuerit, sive non; neque etiam tempus, quo id commissum est, addit circumstantiam specie mutantem.

20. Dicitur, per se loquendo. Siquidem per accidens quandoque id necessarium est explicare; v. g. ob annexam reservationem, eo quod a casu refer-



reservato cæteroquin posterior Confessarius absol- vere non posset, nisi illud peccatum jam prius ha- bentis debitam jurisdictionem confessum fuisset. Idem contingere potest ob proximam peccandi oc- casionem, quæ alioquin Confessario non innotet- sceret. Item, quando ratione circumstantiarum peccatum specie mutatur; ut si peccatum venere- um sit, & tempore, quo committebatur, pœni- tens extiterat solutus, aut Laicus; nunc autem est conjugatus, Clericus, aut voto Castitatis obstri- ctus, vel e contra: nam, nisi tunc notificetur sta- tus iste variatus, deciperetur in materia gravi Confessarius, intelligens, pœnitentem vel habere circumstantiam specie diversam, vel ipsa carere. In praxi proinde tutius erit, nova peccata ab anti- quis separare: eo præsertim, quia alioquin pœni- tentiam competentem Confessarius imponere non sciret; cum major debeatur peccato mortali nec- dum confesso, quam semel jam rite confesso, & quoad culpam dimisso.

### QUESTIO III.

De forma Sacramenti Pœnitentiæ.

#### SUMMARIUM.

21. Forma Sacramenti Pœnitentiæ, quæ?
22. Quæ verba sint de ejus essentia?
23. Solvitur instantia de rō, &c.
24. Solvuntur alia instantia.
25. An possit omitti particula Te?
26. Absolutio in scriptis, vel absentis data, non valet.
27. Solvitur instantia.
28. Disparitas inter absolutionem a peccatis & Cen- suris.  
(c) Ut dictum Tract. 13. Dist. 1. n. 41. & 43.
29. Forma Absolutionis sub modo deprecativo, non valet.
30. Quid, si dicatur, Absolutionem vestram.
31. Aliæ preces non sunt de essentia formæ.
32. Ritus absolutionis Sacramentalis.
33. Quid observandum circa Irregularitatem.  
(d) Vide Tract. 13. Dist. 1. num. 41. & 42. ac Dist. 3. n. 74.
34. Sensus verborum formæ Absolutionis, quis?
35. Præsertim, si peccata jam prius remissa sunt.

21. **CONCL. I.** Forma Sacramenti Pœnitentiæ sunt verba absolutionis a Sacerdote pro- lata, videlicet illa: *Ego te absolvo a peccatis tuis*; vel alia æquipollentia, actum judicalem senten- tiæ absolventis sufficienter exprimentia. Desu- mitur hoc tum ex Rituali Romano Pauli V. cujus verba num. 32. referuntur: tum ex Concilio Trid. Sess. 14. cap. 3. ubi ait: *Sacramenti Pœnitentiæ for- mam in illis Ministri verbis positam esse, Ego te ab- solvo, &c.* Quibus quidem de Ecclesia Sancta more preces quadam laudabiliter adjunguntur, ad ipsius ta- men formæ essentiam nequaquam spectant, neque ad ipsius Sacramenti administrationem sunt necessaria. Hæc Concilium.

22. **CONCL. II.** Ex prædictis sola illa duo verba, *Absolvo te*, vel æquivalentia, sunt de es- sentia formæ absolutionis, ac necessario exprimen- da necessitate Sacramenti. Ita Doctor Subtilis 4. dist. 14. q. 4. §. *Ex hoc sequitur*: ibi: *Communi- ter tamen ista verba sunt apta, Ego te absolvo.* Con- cordat Concilium Florentinum in Decreto Unio- nis, ibi: *Forma hujus Sacramenti est: Ego te absol-*

*vo, &c.* Et Tridentinum *loc. cit.* Accedit ratio: quia hæc duo sola vocabula, *absolvo te*, constituunt perfectam sententiam absolutoriam Rei quoad peccata ab eodem in Confessione explicata; ergo hæc sola constituunt essentiam formæ absolutionis.

23. Dices I. Concilium tam Florentinum, quam Tridentinum, post dicta duo vocabula apponit rō, &c. ergo & sequentia spectant ad essentiam formæ. Resp. negando consequentiam: quia inde solum sequitur, sequentia verba, *a peccatis tuis*, esse apponenda de præcepto; adeo, quod eadem omittens peccaret, vel mortaliter, vel juxta alios venialiter. Busenbaum lib. 6. Tract. 4. cap. 1. ab. 1. Deinde per citatum rō, &c. denotatur, quamvis verba immediate sequentia, *a peccatis tuis*, jam tacite intelligantur in præcedentibus, adhuc tamen ea spectare ad magis explicitam at- que expressam significationem formæ.

24. Dices II. Verba illa, *absolvo te*, ex se non faciunt completum sensum absolutionis Sacramen- talis, cum sint indifferentia ad significandam ab- solutionem a Censuris, pœnis, vel culpis: ergo se solis non sufficiunt pro essentia formæ Sacramenti pœnitentiæ. Respond. negando consequentiam; quia, licet verbum, *absolvo te*, ex se sit indiffe-rens ad significandam absolutionem a pœnis, cen- suris, vel peccatis; ipsum tamen, præcedente ho- minis pœnitentis Confessione, super quam cadit, sufficienter, atque ex vitalis locutionis, determi- natur ad significandam illius hominis absolutio- nem a peccatis; ita ut determinate cadat super hæc peccata absolvenda: sicuti in simili, si quis roget veniam illatæ injuriæ, altero respondente, *remitto tibi*, censetur vi hujus locutionis ipsi re- missa, pro quo rogavit veniam.

25. Dices III. Ergo pariter poterit omitti rō Te, cum similiter verbum, *absolvo*, concurren- tibus hujusmodi circumstantiis sufficienter deter- minetur ad significandam absolutionem a peccatis potius quam a Censuris, vel aliis vinculis. Resp. ne- gando sequelam. Siquidem omissa particula Te, mu- tatur substantialiter significatio formæ; forma enim absolutionis fuit instituta a Christo Domino per voces demonstrativas, adeo ut non nisi super præ- sentem cadere possit, prout desumitur ex illis ver- bis Christi, Joan. 20. *Quorum remisistis pecca- ta, &c.* Juncta perpetua traditione, ac sensu Ec- clesiæ. Atqui omissa particula Te, locutio illa non est demonstrativa: cum verbum *Absolvo* pro- ferri possit non solum circa peccata præsentis, sed etiam absentis. Sufficeret tamen pro essentia for- mæ absolutionis, si Sacerdos diceret, *Absolvo a peccatis tuis*: quia in rō Tui, implicite continetur rō Te. Lugo disput. 13. de Pœnitent. n. 26.

26. **CONCL. III.** Absolutio in scriptis data, vel etiam absentis collata, est nulla, & invalida. Ita communis. Siquidem ad formam absolutionis re- quiruntur verba proprie dicta, seu quæ oretenus proferuntur in præsentem; prout tenuit perpetuus sensus Ecclesiæ, & indicant verba Conc. Trid. num. 21. relata, ubi ait: *Sacramenti pœni- tentiæ formam in illis Ministri verbis* (hoc enim scri- pturæ non convenit) *positam esse.* Id ipsum decla- rat rō *Ego te absolvo, &c.* quod est demonstrativum, & de absente non verificatur. Hinc merito Clemens VIII. in Decreto, quod incipit, *Audissimus* 1620.

die 20. Julii edito (& habetur tom. 3. Bullarii Romani Constit. 87. dicti Pont.) damnavit, & sub pœna Excommunicationis prohibuit oppositam quorundam sententiam, asserentium, *Licere per litteras, seu internuncium, Confessario absenti peccata sacramentaliter confiteri, & ab eodem absente absolutionem obtinere.*

27. Nec obstat, quod Sacramentum Pœnitentiæ sit a Christo Domino institutum per modum Judicii; in Judicio autem possit quis absolvi absens, ac etiam per scripturam. Resp. enim: etsi hoc verum sit in Foro externo, ac Judicio publico, sive Seculari, sive Ecclesiastico; negatur tamen, id procedere in Foro pœnitentialem, seu Judicio Sacramentali. Nam istud habet totum suum valorem ex institutione Christi, qui voluit, & ordinavit, ut in hoc Sacramento, seu Foro Pœnitentialem, proferatur forma absolutionis per verba proprie dicta, atque in præsentem; non autem scripto, vel in absentem. Et quidem Christum sic instituisse, patet ex perpetua traditione, praxi, ac sensu Ecclesiæ, ipsiusque Summi Pontificis, Christi in terris Vicarii, definitione. Ex quo ulterius sequitur, quamvis hoc Sacramentum fuerit institutum per modum Judicii, nihilominus illud non per omnia æquiparari Judicio Forensi; idque ob specialem Christi ordinationem circa aliqua factam.

28. Nec rursus obstat, quod absolutio ab Excommunicatione, aliisque Censuris Ecclesiasticis, possit dari absenti, atque in scriptis. (c) Resp. erim negando consequentiam, & paritatem. Ratio disparitatis desumitur ex Christi institutione qua ad formam Sacramenti pœnitentiæ, seu absolutionem Sacramentalem a peccatis requiruntur verba proprie dicta, & in præsentem prolata. Id autem nequit dici de absolutione a Censuris Ecclesiasticis, utpote Jure Ecclesiastico constitutis, non autem a Christo immediate provenientibus, sicut forma Sacramenti Pœnitentiæ. Accedit communis praxis Ecclesiæ, & consensus Doctorum.

29. CONCL. IV. Forma absolutionis, sub modo deprecativo prolata, non valet. Unde si dicatur: *Absolvat te Deus*, nullum perficitur Sacramentum. Ita communis Doctorum. Ratio est: quia hoc Sacramentum est a Christo institutum per modum Judicii; ergo & forma ejus debet proferri per modum sententiæ judicialis, non autem per modum deprecationis, vel impetrationis.

30. CONCL. V. Valida est absolutio, si reverentiæ causa Confessarius dicat, *Absolve Dominationem vestram*, vel *Majestatem vestram*. Ratio est: quia non mutatur substantialiter forma; etsi mutatio hujusmodi neutiquam sit adhihenda in praxi. Idem erit, si dicatur, *Solve te a peccatis tuis*, vel *Remitto tibi peccata tua*, & hujusmodi: quia talia verba sunt æquivalentia formæ communiter usitatæ. Econtra vero hanc formulam, *Ego te mundo a peccatis tuis*, plerique arbitrantur non sufficere: quia non videtur significare absolutionem per modum sententiæ judicialis; qualis requiritur ad Sacramentum Pœnitentiæ, utpote quod per modum judicii est a Christo institutum.

31. CONCL. VI. Aliæ preces, quæ juxta morem Sanctæ Ecclesiæ laudabiliter apponuntur, non

spectant ad essentiam formæ, neque ad hujus Sacramenti administrationem sunt necessariae. Ita expresse Concilium Trident. Sess. 14. cap. 3. cujus verba num. 21. relata sunt. Hinc Rituale Romanum, jussu Pauli V. editum, dicit; quod in Confessionibus frequentioribus & brevioribus possit omitti, *Misereatur tui, &c.* & satis sit dicere, *Dominus noster Jesus Christus, &c.* usque ad illud, *Passio Domini &c.* Unde hoc in concursu Pœnitentium praticare licite poterit.

32. Cæterum pro praxi, & digna administratione Sacramenti Pœnitentiæ, observandum, quod juxta citatum Rituale Romanum, Pœnitente ante Confessionem petente benedictionem, Confessarius dicat: *Dominus sit in corde tuo, & in labiis tuis, ut digne & competenter confitearis peccata tua in nomine Patris* (formando signum Crucis versus eum) *Filii & Spiritus Sancti Amen.* Deinde peracta rite Confessione, & injuncta Pœnitenti prius, ab eoque acceptata salutari Pœnitentia, primo dicit, *Misereatur tui &c.* Deinde dextera versus Pœnitentem elevata, dicit: *Indulgentiam &c. Dominus noster Jesus Christus te absolvat, & ego auctoritate ipsius te absolvo ab omni vinculo excommunicationis, suspensionis* (hoc verbum, *Suspensionis*, in Laicis omittitur) *& interdicti, in quantum possum, & tu indiges.* Deinde, ego te absolvo a peccatis tuis, in nomine Patris & Filii, & Spiritus Sancti. Amen. Passio Domini nostri JESU Christi, merita B. Mariæ Virginis, & omnium Sanctorum, quidquid boni feceris, & mali sustinueris, sint tibi in remissionem peccatorum, augmentum gratiæ, & præmium vite æternæ. Amen. Urgente vero aliqua gravi necessitate, utputa in periculo mortis instantis, breviter Confessarius dicere poterit: *Ego te absolvo ab omnibus Censuris, & peccatis in nomine Patris &c.* Ita Rituale Romanum.

33. Observandum ulterius, nomine Censurarum non venire Irregularitatem; atque ideo, si quid circa eam concedatur, ipsam ab habente facultatem dispensandi esse specialiter exprimentam, dicendo: *Dispensatio totum in Irregularitate, quam incurristi propter &c.* & specificatur causa. Et hoc ultimum observandum in absolutione a Censuris. (d)

\* Porro non præmittere &c. Vide Addit. (Y)

34. Quæres, quis sit sensus verborum formæ absolutionis, *Ego te absolvo a peccatis tuis*? Resp. sensus horum verborum ille est, quem verba ipsa juxta proprium suum significatum important: ita ut per modum sententiæ judicialis significant absolutionem hominis a peccatis, loco DEI a Sacerdote factam. Ita Mastrius 4. disput. 5. num. 386. Lugo disp. 3. de Pœnit. num. 72. & alii, quamvis multi dictam formam in alio sensu explicant. Ratio est, quia forma Sacramentorum, quantum fieri potest, intelligenda est in sua propria significatione; uti patet in forma Sacramenti Baptismi, Confirmationis, & aliis: ergo idem dicendum de forma Sacramenti Pœnitentiæ, sive de absolutione Sacramentali, cum commode sic intelligi possit.

35. Dices: Sæpius contingit, quod peccata confessa jam sint prius remissa virtute contritionis perfectæ, vel alterius Confessionis prioris; ergo saltem tunc verba formæ absolutionis non possunt intelligi in propria significatione, sicque

GRUX

erunt accipienda in alio sensu. Resp. negando consequentiam: quia nihil obstat, quo minus idem peccatum cuiuspiam sæpius remittatur, conformiter dictis num. 18. Quinimo hoc ipsum contingit etiam in iudicio humano, ubi Reus judicialiter absolvitur, si eadem causa sæpius in iudicium deducatur.

\* Quæres II. Quando hæc forma absolutionis sit proferenda absolute, & quando conditionate? Respond. I. Quando nullum prudens dubium emergit de valore Sacramenti, forma absolutionis proferenda est absolute, eo ipso, cum nulla prudens ratio dubitandi adsit, propter quam deberet proferri conditionate. Ita communis, adeo, ut Castropalao, & Stoż apud La Croix lib. 6. part. 2. num. 1769. satis in hoc puncto rigidi iudicent peccati mortalis reum illum Confessarium, qui absque iusta causa absolveret conditionate. Ubi tamen Doctores ab hac gravi culpa recte eximunt illos anxios Confessarios, qui formam absolutionis proferunt sub conditione ex eo, ut se molestis liberent scrupulis; quia, quando hi anxie agunt ex metu, ne offendant Deum, non videntur agere imprudenter, nec gravem irreverentiam inferre Sacramento, si verba absolutionis conditionate proferant, ut exinde ab his anxietatibus se liberent, quas alias de periculo irreverentiæ Sacramento inferendæ haberent; si formam proferrent absolute. Ita ex Tamburino, Leandro & Gobat advertunt La Croix lib. 6. part. 1. num. 130. & Sporer part. 3. Theol. Sacrament. cap. 5. q. 3. num. 631. Unde præcise loquendo meo iudicio (salvo meliori) vix umquam peccabitur mortaliter proferendo formam absolutionis conditionate; quia vix umquam sic proferetur, nisi simul habeatur aliqua anxietas, vel causa dubitandi ex proxime enarrandis de subsistentia valoris Sacramenti; ubi propterea absolutio conditionate datur, ut ex una parte hoc Sacramentum forsitan non exponatur periculo nullitatis absolvendo absolute; ex altera vero simul etiam pœnitens, si omnia requisita adessent, non defraudetur fructu huius Sacramenti, prout tamen fieret, si nullo modo absolutio daretur: Interea tamen scrupulosi tam in forma absolutoria, quam consecratoria non abutantur hac doctrina, sed cæco modo sequantur consilium Directoris conscientiæ eorum.

Resp. II. Quando circa valorem Sacramenti Pœnitentiæ prudens resultat dubium, forma absolutionis danda est conditionate; nimirum, si capax es, ego te absolvo &c. conditione hac, vel simili saltem mente retenta. Ita Sporer part. 3. Theolog. Sacrament. cap. 5. quæst. 1. §. 4. & quæst. 3. §. 2. Ratio est: quia alias Sacramentum exponeretur periculo nullitatis, sicque eidem Sacramento per prolationem formulæ absolutam juxta communem existimationem Doctorum gravis irreverentia irrogaretur. Porro talia dubia solent non raro oriri. I. Quoad pueros confitentes, num sint capaces rationis; vel ut inquit Sporer loc. cit. num. vere peccaverint, nec ne? II. Quoad adultos consuetudinarios, & inveteratos peccatores, num habeant verum dolorem, & efficax propositum? III. Quoad animas perfectioni deditas, vel etiam quoad rudes, num habeant sufficientem materiam? ubi si tunc ad instantiam Confessarii

addunt unum; vel alterum peccatum antiquum v. g. in juventute commissum, attamen exinde aliquoties Confessarius præsertim apud rudes novò anxietur dubio ex circumstantiis, num pro eo tempore, quando commiserunt, malitiam peccati sufficienter intellexerint, vel num deliberate egesserint &c. IV. Quoad moribundos, num signa doloris & Confessionis adsint vera, nec ne? Num ex corde contrito, vel vehementia morbi elicitæ?

Quæres III. An, & quando formula absolutionis semel data, sit iterum repetenda? Respond. I. Quando Confessarius post factam Confessionem, antequam pœnitens suus ex ipso Confessionali jam discesserit, prudenter dubitat, aut graviter formidat, an suo pœnitenti v. g. ob distractionem aliquam dederit jam absolutionem, vel num in ea nihil de verbis essentialibus omiserit, repetenda erit absolutio, non quidem absolute, sed conditionate e. g. Si te nondum valide absolvi, ego te absolvo &c. Ita communis, & ratio est: quia necessitas, vel magna utilitas suscipientis hoc Sacramentum pœnitentiæ, & exinde fructus ejusdem subsequens, est iusta causa repetendi formulam absolutionis: Reverentiæ autem Sacramenti satis consulitur per conditionem appositam &c. Dixi notanter: Si dubium sit prudens, aut timor gravis; nam si tale dubium foret imprudens, aut timor irrationabilis, deberet contemni, & repetitio formulæ intermitteri, nisi nimis anxietates in animo tuo, si intermittas, exortæ te excusent a peccato in conditionata repetitione formulæ. De quo vide Sporer part. 3. Theolog. Sacrament. c. 5. quæst. 3. §. 2. num. 631.

Respond. II. Si Confessarius quidem bene se colligat, quod jam dederit suo Pœnitenti Absolutionem, interea tamen idem peccator post eandem adhuc offerat quidpiam, quod a principio debuisset necessario exprimi,posito, quod pro tunc fuisset recordatus, in tali casu formula Absolutionis erit repetenda absolute: puta, si post primam Absolutionem pœnitens dicat, se fuisse oblitum unius fornicationis; vel si confessus, se fornicatum quinquies circiter, postea se magis reflectens asserat, factum esse decies, qui numerus per se circiter non erat in priori inclusus &c. In omnibus his, quos adducit Sporer loc. cit. & similibus casibus repeti debet formula Absolutionis absolute. Ita communis; & ratio est: quia hæc gravia peccata numquam adhuc fuerunt directe absoluta; utpote numquam adhuc confessa; uti suppono, adeoque postea de novo Ecclesiæ clavibus subiecta indigent absolutione nova absoluta. Nota hic incidentaliter ex La Croix Lib. 6. part. 2. n. 940. quod sub particulis circiter, plus, minusve censeatur quidem inclusus excessus aliquis huius numeri parvus in se, vel saltem talis respectu magnæ summæ: nullatenus autem excessus major, hincque in materia gravi excessus major post Absolutionem cognitus debet de novo clavibus subijci; non autem parvus, si in priori Confessione fuerint adhibitæ particulæ circiter &c.

Resp. III. Si illa nova materia, quæ post primam Absolutionem a pœnitente affertur, non est materia necessaria Confessionis, puta, solummodo peccatum veniale, vel si numerus ille jam

Aaaa j

fuit

fuit in prima Confessione per particulas *circiter* inclusus e. g. si prius dixerit, se deliberate blasphemasse quinquies *circiter*, plus, minusve, & post primam Absolutionem deprehendat, factum esse sexies, in similibus casibus non obligatur Confessarius de novo repetere formam Absolutionis, uti nec ipse pœnitens teneretur de novo similia confiteri. Ita Sporer *loc. cit. num.* 628. & ratio est: quia vel illa peccata, si gravia, jam fuerunt in prima Confessione per particulas *circiter* inclusa, sicque per primam Absolutionem directe remissa, uti in casu de blasphemis, adeoque non amplius sub obligatione repetenda, vel si levia forent necdum confessa, attamen jam condonata essent propter dolorem, aut humilem Confessionem; quoniam peccata venialia etiam extra Sacramentum Pœnitentis per actus virtuosos deleri possunt immediate.

Cæterum his non obstantibus, necdum audem arguere imprudentiam illum Confessarium, qui suo pœnitenti post primam Absolutionem aliquod novum certum peccatum veniale nondum clavibus Ecclesiæ subiectum afferenti, de novo pro suæ animæ consolatione impertiret Absolutionem ex ea ratione, ut clienti suo novam, & specialem gratiam absolutivam conferret, quam propter hoc peccatum necdum clavibus Ecclesiæ adhuc antea subiectum in eo augmento nondum obtinuit. Interim stante tali repetitione recte adhuc monendo subjungit La Croix *Lib. 6. p. 2. n.* 944. ut, quando forma Absolutionis repetitur, id fiat tacite, non formata de novo Cruce; alioquin enim adstantes, qui jam viderant talem antea absolvi, quandoque suspicarentur, cum novum attulisse peccatum forsan grave, &c. \*

#### Q U Æ S T I O I V.

De Contritione, seu Pœnitentia virtute, quæ est prima pars materialis Sacramentalis Pœnitentiæ.

#### S U M M A R I U M.

36. *Partes Sacramenti Pœnitentiæ tres.*
37. *Contritio generatim, quid?*
38. *Dividitur in perfectam, & imperfectam seu Attritionem.*
39. *Contritio perfecta.*
40. *Amor Dei appetitiue, & intensius summus, quis?*  
(e) Vide Tract. 4. n. 6. & 7.
41. *Contritio imperfecta sive Attritio, quid?*  
*Et, quomodo differat a Contritione perfecta?*
42. *Attritio mere naturalis non sufficit.*
43. *Pœnitentia virtus, seu Contritio aliqua, est necessaria ad salutem, &c.*
44. *An sufficiat Pœnitentia virtualis?*
45. *Actus Contritionis perfecta sufficit ad justificationem.*
46. *Sed ea de facto includit votum Sacramenti, & cuius?*
47. *Extra Sacramentum requiritur Contritio, cum Sacramento sufficit Attritio.*
48. *Etiā cognita.*
49. *Proposuit non peccandi de cætero, an sufficiat virtuale?*
50. *Contritio, & propositum hoc debet esse universale de mortalibus.*

51. *Quid de Peccatis venialibus?*
52. *Ad propositum illud non requiritur credulitas de non relapsu.*
53. *Corollarium.*
54. *Doctrina notabilis circa tentationem de futuro relapsu.*
55. *Non sufficit dolere, quod non satis doleas.*
56. *Tamen in tali actu plerumque intervenit verus dolor.*
57. *Dolor de Mortalibus debet esse summus appetitiue, quomodo?*
58. *Dolor hic precedere debet absolutionem.*
59. *Non autem necessario Confessionem.*
60. *Esse hoc sit consultum.*
61. *Dolor de peccatis, quanto tempore possit precedere Confessionem?*
62. *An Confitens peccata prius omissa, teneatur elicere novum dolorem?*
63. *Corollarium de moribundo.*

36. **T**res esse partes Sacramenti Pœnitentiæ, videlicet, Contritionem, Confessionem, & Satisfactionem, patet ex dictis *num.* 10. & 11. ac unanimi Catholicorum. Unde viso de natura, simulque materia, & forma Sacramenti Pœnitentiæ, breviter (quantum fieri poterit) erit videndum de singulis partibus ejus, incipiendo a Contritione; additis tamen nonnullis, quæ Pœnitentiæ virtuti secundum se conveniunt. Hinc fit

37. **CONCL. I.** Contritio, quæ primum locum inter partes Sacramenti pœnitentiæ obtinet, ac prout est genus ad Attritionem & Contritionem perfectam, bene describitur a Concilio Trident. *Sess. 14. cap. 4.* quod sit *dolor animi, ac detestatio de peccato commisso, cum proposito non peccandi de cætero.* Unde Contritio, seu Pœnitentia virtus, non solum cessationem a peccato, & vitæ novæ propositum, sed veteris etiam odium, seu detestationem peccati commissi continent; prout idem Concilium *loc. cit.* uberius declarat.

38. **CONCL. II.** Contritio sic generatim sumpta, recte dividitur in Contritionem perfectam, & in Attritionem, seu Contritionem imperfectam. Ita Concilium Trident. *loc. cit.* & omnes Catholici. Et hæc divisio Contritionis in perfectam, & imperfectam, oritur ex diversitate motivi illius formalis, ob quod quis dolet, ac detestatur peccatum commissum: nam si quis doleat ex motivo amoris Dei per peccatum offensus, erit Contritio perfecta: si vero ex motivo solum turpitudinis peccati, aut metu inferni, seu pœnarum (per has intelligendo pœnas distinctas ab infernalibus, utputa pœnas Purgatorii, vel pœnas temporales vitæ præsentis, v.g. pestem, famem, bellum, ac hujusmodi, quibus Deus castigare solet peccata Fidelium) erit Attritio. Siquidem

39. *Contritio perfecta*, quæ est *Contritio simpliciter dicta*, est dolor animi, ac detestatio peccati propter Deum summe dilectum, cum firmo proposito non peccandi de cætero. Ubi tamen propter Deum summe dilectum, intelligendum est de Deo summe dilecto saltem appetitiue, quamvis non semper amor ille Dei sit summus intensius.

40. Porro *Amor Dei appetitiue summus* tunc habetur, quando Deum ita amamus, ipsumque omnibus aliis rebus anteponimus, ut nullius creaturæ amore, vel timore, velimus ipsum offendere,

re,



re, aut ab ejus amore recedere. Et hoc modo homines tenentur amare Deum super omnia; juxta illud *Mat. b. 10. Qui amat patrem, aut matrem plus quam me, non est me dignus*, & alibi. Et qui ex motivo hujus amoris Dei dolet de commissis suis peccatis, censetur habere Contritionem perfectam. *Amor Dei in ensive summus* ille dicitur, qui est intensior, & vehementior omni alio actu amoris: & hoc modo non tenemur in hac vita Deum diligere super omnia; quinimo non raro parentes plus intense amant liberos suos, quam Deum, quamvis adhuc appetitive plus diligant DEUM, eo quod hunc ob amorem filiorum nolint offendere. (e).

\* Benedictus XIII. in Appendice ad Concilium Romanum Lateranense anno 1725: celebratum, agendo de Sacramento Pœnitentiæ, posuit sequentem formulam perfectæ contritionis: *Deus meus, & Dominus meus, cum sis summum, infinitum, & perfectissimum Bonum, amo te super omnia, & ideo me pœnitet, & ex toto corde doleo, quod Te toties offenderim peccatis meis. Abominor ea & detestor super omnia mala maxima cum displicentia, & rogo humiliter veniam cum firmo proposito, tua sancta gratia auxiliante Te impofterum non amplius offendendi.* \*

41. Contritio imperfecta, quæ proprio nomine communiter dicitur *Attritio*, est dolor animi, ac detestatio peccati contra Deum commissi, ob turpitudinem peccati, vel metum gehennæ, aut pœnarum conceptus cum firmo proposito non peccandi de cætero. Unde patet, hanc a Contritione perfecta differre dumtaxat penes motivum formale: nam perfecta Contritio concipitur ex motivo amoris Dei per peccatum offensi; Attritio autem vel ex turpitudinis peccati consideratione, vel ex gehenna, & pœnarum metu communiter concipitur, ut loquitur Conc. Trident. cit. Sess. 14. cap. 4.

42. Notandum tamen, ut Attritio cum Sacramento sufficiat ad justificationem peccatoris, requiri, quod ea procedat ex aliquo motivo supernaturali; sive quod sit donum Dei & Spiritus sancti impulsus, juxta citat. Concilium. Unde dolor mere naturalis neutiquam sufficit, ut puta si puer de peccato doleat, eo quod virgas a patre meruerit; aut homo adultus, eo quod publicam apud homines infamiam incurrerit: nam dolor talis nulla ratione foret supernaturalis, neque donum DEI, aut impulsus Spiritus sancti. Et merito Innocentius XI. sequentem inter alias, ordine 57. Propositionem damnavit: *Probabile est, sufficere attritionem naturalem, modo honestam.* Secus foret, si quis de peccatis doleat ob metum pœnarum temporalium ut a Deo immittarum: nam talis dolor non elicitur ex motivo mere humano, sed respicit DEUM ut justum vindicem peccati, & ultorem ejus per pœnas etiam temporales: prout Fideles credunt ex lumine Fidei supernaturalis.

43. CONCL. III. Pœnitentia virtus, sive Contritio aliqua, est, & fuit universis hominibus, qui se mortali aliquo peccato inquinaverunt, pro quocumque statu ad salutem, & justitiam consequendam necessaria. Conclusio sic prolata, est de Fide; habeturque in Concilio Trid. 14. cap. 4. ubi inter alia hoc probatur ex illis verbis Christi, *Luc. 13. Nisi pœnitentiam egeritis, omnes simul peribitis.*

44. CONCL. IV. Quamvis regulariter loquendo, post peccatum mortale commissum, homini sit necessaria ad salutem Pœnitentia formalis; adhuc tamen in aliquo casu potest ipsa suppleri per Pœnitentiam virtutalem, qualis est Dilectio DEI super omnia. Ita Doctores communiter. Hinc *Luc. 7.* dicitur: *Dimittuntur ei peccata multa, quoniam dilexit multum;* & alibi.

45. CONCL. V. Actus Contritionis perfectæ est, fuitque in omni Lege semper congrua dispositio, per Christi merita consequendi gratiam Divinam, nostramque justificationem: ea tamen in lege gratiæ, post receptum Baptismum, includit votum Sacramenti Pœnitentiæ suo tempore recipiendi. Ita communis omnium Catholicorum; & habetur clare in concilio Trid. Sess. 14. cap. 4. ubi dicitur: *Docet præterea, & si Contritionem hanc aliquando charitate perfectam esse contingat, hominemque DEO reconciliare, priusquam hoc Sacramentum (Pœnitentiæ) actu suscipiatur: ipsam nihilominus reconciliationem ipsi contritioni sine Sacramenti voto, quod in illa inciditur, non esse adscribendam.*

46. Additur notanter, in Lege gratiæ, post receptum Baptismum. Nam Contritio perfecta antè receptionem Baptismi elicitæ, includit votum recipiendi Sacramentum Baptismi (unde & *Baptismus flammis* dicitur) non autem votum Sacramenti Pœnitentiæ; cum peccata ante Baptismum commissæ, non sint materia apta ipsius. Secus de Contritione post Baptismum elicitæ, nam hæc includit votum Sacramenti Pœnitentiæ impofterum recipiendi.

47. CONCL. VI. Quamvis ad salutem, & justificationem peccatoris extra Sacramentum, omnino requiratur Contritio perfecta cum voto Sacramenti saltem implicito, attamen cum Sacramento Pœnitentiæ sufficit Attritio, etiam cognita. Ita de facto Doctores communiter. Unde Concilium Trid. cit. cap. 4. ait: *Quamvis Contritio imperfecta, quæ Attritio dicitur, si voluntatem peccandi excludat, sine Sacramento Pœnitentiæ per se ad justificationem perducere peccatorem nequeat; tamen eam ad DEI gratiam in Sacramento Pœnitentiæ impetrandam disponit.* Hæc Concilium.

48. Fatendum quidem est, ultimam partem, quod etiam Attritio cognita (id est, ea quæ certè scitur, ac cognoscitur esse solum Attritio) sufficiat cum Sacramento ad salutem, a pluribus olim fuisse negatam: verum de facto ob tam clara verba Concilii Oecumenici communiter tenetur Conclusio. Et ratio ulterior est: quia Sacramentum Pœnitentiæ est Sacramentum mortuorum, id est, per se ac primario a Christo Domino institutum ad remissionem peccati mortalis, & collationem primæ gratiæ sanctificantis: atqui tale non esset, si virtute ejus nunquam conferretur prima gratia, sed hæc mediante prævia Contritione perfecta; semper collata supponeretur; ergo.

\* Ut vim argumenti hujus aliqui Recentiores Rigoristæ eludant, gratis nobiscum concedunt contra alios apud Le Drû: *de Contrit. Differt. 1. cap. 3.* ad Sacramentum Pœnitentiæ (quod utique juxta SS. PP. & textus Conciliorum est Sacramentum mortuorum potius, quam vivorum) non

non requiri Contritionem perfectam, sed sufficere attritionem, negant tamen suppositum, quod ipsa attritio sine aliquali saltem actu Dilectionis DEI super omnia interveniente in Sacramento Pœnitentiæ justificet. Unde ajunt, Contritionem proprie talem, quæ extra Sacramentum justificat, tunc haberi, quando fit in aliquo gradu valde intenso detestatio peccati ob bonum infinito amore dignum exinde offensum: contra vero, quando eadem detestatio ex hoc ipso motivo proxime adducto contingit in gradu aliquo valde remisso, dicunt adesse Attritionem, quæ extra Sacramentum nullatenus, bene tamen cum Sacramento Pœnitentiæ justificat.

Ex quo inferunt, quod Contritio perfecta, & Attritio non distinguatur specie, sed tantum secundum magis, & minus, utpote habente idem motivum formale, ita ut, si eliciatur dolor de peccato gravi ob Bonum infinito amore dignum exinde offensum, talisque dolor sit elicitus in gradu valde intenso foras mittens timorem pœnarum, dicatur Contritio perfecta; e contra vero, si idem fiat in gradu tamen valde remisso, censeatur attritio insufficiens sine Sacramento Pœnitentiæ, bene tamen sufficiens cum eodem. Ita illi. Sed contra sic argumentor: Quando Concilium Trident. ex professo *Sess. 14. præsertim cap. 3. & cap. 4. de Pœnitent.* partes Sacramenti Pœnitentiæ explicat, etiam simul subjungit, loquens de Attritione, talem dolorem conceptum ex consideratione turpitudinis peccati, vel ex metu gehennæ, & pœnarum acerbitate esse donum DEI, & Spiritus Sancti impulsus, qui in Sacramento Pœnitentiæ NB. disponit ad impetrandam gratiam: atqui nullam facit ibidem Concilium Trident. mentionem, quasi nimirum ad hunc ipsum dolorem, qui attritio a dicto Concilio appellatur, deberet intervenire aliquis actus remissus saltem Dilectionis DEI super omnia: adeoque ad rationem Attritionis talis necessitas interveniendi actum Dilectionis super omnia gratis adstruitur, simulque falsum est, quod attritio, & contritio perfecta distinguantur præcise secundum magis, & minus, cum potius differant specie, utpote habentes diversa proxima, & immediata motiva formalia: Contritio perfecta quidem, *Summum Bonum infinito amore dignum*; attritio autem *turpitudinem peccati*, aut *acervitatem pœnarum* a DEO propter peccatum immittendarum.

Ast persistunt Adversarii in sua opinione, requirentes adhuc ad Attritionem quatenus justificantem intra Sacramentum Pœnitentiæ aliquem actum saltem remissum Dilectionis DEI super omnia: & quando ipsis opponitur textus Concilii Trident. *loc. cit.* ubi inquit, dolorem conceptum ex metu gehennæ, vel turpitudine peccati NB. disponere in Sacramento Pœnitentiæ ad impetrandam gratiam; *Respondent*, talem dolorem præcise conceptum ex eo motivo in Sacramento Pœnitentiæ tantum *remote* ad impetrandam gratiam disponere, non autem *proxime*, nisi simul adsit aliquis remissus actus Dilectionis DEI super omnia. Sed contra est *primo*, quod Concilium Tridentinum *loc. cit.* absolute dicat, hunc dolorem ex metu pœnarum, vel turpitudine peccati conceptum disponere ad gratiam: ergo non solum remote,

sed proxime disponet; alias enim Concilium Trident. *cit. Sess. 14.* si voluisset innuere, quod dolor iste pœnarum tantum remote ad justificantem gratiam disponderet, idque nobis non expresse indicasset, neutiquam exinde dedisset nobis plenam notitiam de Sacramento Pœnitentiæ ejusque requisitis, prout tamen se daturum ad initium hujus *Sess. 14.* promiserat. Contra est *secundo*: Eo modo confirmat Concilium Tridentinum memoratum dolorem ex acerbitate pœnarum &c. conceptum ad gratiam justificantem ipsum peccatorem disponere intra Sacramentum Pœnitentiæ, quo modo negat, eundem perducere peccatorem ad justificantem gratiam extra Sacramentum Pœnitentiæ: sed tantum negatur, quod præfatus dolor ex metu gehennæ &c. conceptus extra Sacramentum Pœnitentiæ perducatur ad justificantem gratiam proxime: ergo Concilium Trident. intendit affirmare, quod intra Sacramentum Pœnitentiæ disponat proxime; alias enim non foret discrimen quoad hunc dolorem in se, sive intra, sive extra Sacramentum Pœnitentiæ eliceretur; cum utrobique disponderet, ac perduceret ad gratiam sanctificantem, & justificationem remote: nullibi vero proxime. Percipiamus, & bene perpendamus adhuc ipsamet verba formalia Concilii Trid. *cit. Sess. 14. de Pœnitentia cap. 4.* ubi loquens de dolore ex metu gehennæ, vel turpitudine peccati concepto sic habet: *Quamvis sine Sacramento Pœnitentia per se ad justificationem perducere NB. nequeat, tamen DEI gratiam in Sacramento Pœnitentia, NB. impetrandam disponit.*

Vides ex hoc textu in *primis*, quod dolor ex metu gehennæ conceptus sit bonus: alias enim nullo modo ne quidem remote posset disponere ad gratiam; hincque recte Alexander VIII. sequentes duas propositiones damnavit. Prima Ordine 14. erat hujus tenoris: *Timor gehenna non est supernaturalis.* Altera ordine 15. sic sonabat: *Attritio, qua gehenna, & pœnarum metu concipitur, sine dilectione Benevolentia DEI, propter se, non est bonus motus, ac supernaturalis.* Vides *secundo*, quomodo Concilium innuat, quod dolor iste ex metu pœnarum conceptus aliter extra, & aliter intra Sacramentum Pœnitentiæ disponat ad gratiam justificantem; in primo nimirum remote, in altero proxime. Plura de his invenire potes apud La Croix *Lib. 6. part. 2. an. 717.* usque ad *num. 892.* Ubi etiam contra Attritionem ex metu gehennæ conceptam varias reperies solutas objectiones: etenim auctoritates contra talem dolorem adductæ vel solum loquuntur de illis, qui ita sunt constituti positive, ut non dolerent de peccato, si gehennæ pœna non foret; vel certe alias probarent nimium; quod nimirum contra Decretum Alexandri VIII. proxime adductum, talis dolor ex acerbitate pœnarum elicitus neque esset supernaturalis, ac bonus, vel demum, si requirerent, similem dolorem debere in Sacramento Pœnitentiæ saltem esse conjunctum cum quodam actu amoris, intelligendi sunt de amore *Concupiscentia*, pertinente ad virtutem Spei, quo DEUM prosequimur ut nobis bonum, non de amore *Amicitia* spectantem ad charitatem Theologicam, quo DEUM amamus tamquam Bonum infinitum in se.

Dices:

Dices: Altera sententia, quæ ad valorem Attritionis in Sacramento Pœnitentiæ requirit conjunctionem cum inchoativo quodam amore Benevolentia erga DEUM, necdum est a Sancta Sede rejecta: ergo tamquam tutior merito est defendenda, cum agatur de valore Sacramenti, ubi tutiora sunt præferenda. Antecedens probatur partim ex eo, quia Alexander VII. in Decreto, annò 1667. diè 5. Maji edito, prohibuit, ut illa Sententia, requirens ad Attritionem aliquem inchoatum amorem Benevolentia erga DEUM, aliqua censura Theologica afficiatur, qualis utique foret dicere, eandem a Sancta Sede rejectam; partim quia Benedictus XIII. in Appendice ad suum Romanum Concilium Lateranense annò Jubilæo 1725. celebratum *Parte Tertia instructionis ad Sacramentalem Confessionem* expresse testatur, præfatam sententiam hucusque a Sacra Sede esse relictam indecisam.

Respondeo, præfatam Sententiam contrariam nec a nobis aliqua censura affici, quam ultro fatemur necdum a Sacra Sede esse rejectam: interea tamen opinio communis Doctorum, quæ negat ad Attritionem requiri amorem inchoatum Benevolentia, vi nostrorum fundamentorum, & attendendo ad omnia principia etiam reflexa consecutive, & ultimo creditur a nobis ita moraliter certa, ac tuta, ut excludatur omne verè grave periculum invaliditatis Sacramenti, in quo sensu tenemur sequi tutiora, id est meliora: alias, quantum documque nobis actus virtutis melior, seu perfectior proponitur; illico adesset obligatio sequendi. Quare in forma respondendo ad hanc molestam objectionem, concessio antecedenti disting. consequens. Esset merito defendenda contraria sententia, si in eo sensu esset tutior, ac si altera sententia communis, negans ad Attritionem requiri amorem benevolentia, neque amplius esset tuta, concedo; secus nego consequentiam. Neque hoc est sententiam contrariam aliqua censura Theologica afficere, si absque scommatibus ullis dicamus, vi fundamentorum sequi nostram, & communem opinionem Doctorum in praxi ita esse moraliter certam, ac tutam, ut omne grave periculum invaliditatis excludatur. Quinimo si Adversarii dicerent, nostram, ac communem Doctorum sententiam esse consentibus ex gravi in contrarium ratione in praxi periculosam, possemus nos forsan magis conqueri de censura desuper inusta. Et plane difficulter mihi imaginari possum, Benedictum XIII. qui propter ea instructionem pro Confessionali Concilio suo adjunxit, ut evitentur in praxi errores in hoc Sacramento alias committendi, difficulter (inquam) mihi imaginari possum, tam ferventem, & sollicitum Pastorem non positive nos in praxi dehortatum fuisse ab illa communi sententia, quæ negat, ad dolorem Sacramenti Pœnitentiæ requiri amorem benevoluntiam, si in eadem periculum verè grave invaliditatis, attentis omnibus principiis directis, & reflexis, ultimato subesse censuisset. Item ad tollendam æquivocationem hic nota sequentes duas propositiones non debere confundi, quarum prima est hujus tenoris: *Tutius, sed melius est eliciere in Sacramento Pœnitentiæ dolorem conjunctum cum amore Benevolentia, id est, amicitia.* Altera

vero sic sonat: *Tutius est N.B. docere, quod adsit positiva obligatio eliciendi in Sacramento Pœnitentiæ dolorem conjunctum cum amore Benevolentia, & quod eo amore absente Sacramentum sit invalidum.* Prima propositio ultro conceditur; altera vero negatur. \*

49. CONCL. VII. Propositum non peccandi de cætero; quod requiritur una cum dolore de peccatis ad contritionem; & Sacramentum Pœnitentiæ; regulariter quidem debet esse formale ac explicitum; ita ut quis expresse sibi proponat, non amplius peccare de cætero: per accidens tamen potest etiam sufficere propositum virtuale, ac implicitum, quale includitur in ipsomet actu Contritionis, ac detestationis peccati. Ita communis. Nam dum quis verè, & ex corde dolet de peccato commisso, illudque detestatur, simulque non habet actualem voluntatem peccandi pro futuro, hoc ipso censetur saltem virtualiter, ac implicite, habere propositum non peccandi de cætero. Et ita fit in casu, quo quis dolet, ac detestatur peccatum super omnia; nihil advertens ad futuram vitam; censetur enim habere propositum sese emendandi; saltem virtuale ac implicitum.

50. CONCL. VIII. Contritio, ac propositum non peccandi de cætero, debet esse universale de omnibus peccatis mortalibus. Est certum. Unde peccat graviter; qui recepturus Sacramentum Pœnitentiæ sciens, & prudens, non atteritur de omnibus mortalibus necdum confessis; vel proponit dumtaxat unum peccatum mortale evitare; non vero alterum.

\* Oppones: Potest contingere, quod pœnitens invincibiliter non recordetur unius; vel alterius gravis peccati a se commissi; talis utique nihilominus valide confitetur; & peccata invincibiliter ignorata adhuc indirecte remittuntur; sed iste pœnitens non habet dolorem; & propositum de peccatis invincibiliter ignoratis; quia juxta commune axioma: *nihil volitum, quin præcognitum*; adeoque ad valorem Sacramenti Pœnitentiæ non requiritur dolor; & propositum universale de omnibus peccatis mortalibus. Resp. disting. mortalitas non habet dolorem, & propositum formaliter, & expresse extensum ad peccata gravia oblita; seu invincibiliter ignorata. Conced. neque virtualiter, ac implicite extensum. Neg. min. & similiter disting. Conseq. Non requiritur ad Sacramentum Pœnitentiæ; ut dolor, & propositum expresse, ac explicitè se extendant ad peccata gravia; & invincibiliter ignorata. Conced. Conseq. Non requiritur; ut saltem se sic extendant virtualiter. Neg. Conseq. Censetur autem virtualiter talis dolor, & propositum se extendere etiam ad peccata gravia oblita; ideo quia motivum doloris quoad peccata gravia, ut quis gratiam justificantem recipiat; debet esse universale, seu quod moveat non solum ad detestandum unum; alterumve peccatum mortale in particulari; sed ad omnia gravia; qualia motiva sunt offensa DEI Summi Boni, turpitudine gravis peccati, timor perdendi Regni Cœlestis, aut incurrendæ pœnæ gehennalis, quæ motiva utique pugnant contra omnia peccata gravia. \*

bbb

si. Di-

51. Dicitur notanter, *de omnibus peccatis mortalibus*: nam secus est dicendum de peccatis venialibus. Licet enim ad Confessionem peccatorum etiam venialium requiratur aliquis dolor, ac propositum eadem evitandi: quia tamen peccatum veniale hominem a gratia DEI non excludit, potestque unum renūcti sine altero (quod non est in mortalibus) hinc sufficit attritio, & propositum de uno veniali confesso, etsi de aliis non habeatur. Sufficit etiam dolor, & propositum de evitandis venialibus confessis, præcise quoad frequentiam: quia talis habet jam voluntatem diminuendi peccata venialia, sicque se emendandi.

52. CONCL. IX. Quamvis propositum non peccandi de cætero debeat esse firmum, nihilominus ad illud non requiritur credulitas, seu existimatio, quod quis deinceps non amplius sit relapsurus. Ita Petrus Marchantius tom. 1. *Tribunalis, tract. 4. tit. 3. quest. 3.* Layman lib. 5. *tract. 6. cap. 4. num. 8.* & alii. Ratio est: quia dolere de peccatis, & proponere emendationem vitæ, est actus præsens voluntatis peccatum commissum detestantis, & nolentis in illud relabi: existimatio vero, seu credulitas illa, non est actus voluntatis, sed intellectus, qui ex dolore, & proposito illo non necessario consequitur; idque ob cognitam humanæ conditionis fragilitatem, nostræque voluntatis mutabilitatem, & plurimas hinc inde peccandi occasiones. Hinc donum perseverantiæ in bono, est quidem vel maxime exoptandum, summisque a DEO precibus postulandum, & auxiliante gratia Divina, in virtute Passionis, ac meritorum JESU Christi, humiliter sperandum: neutiquam tamen stulte præsumendum, aut absque speciali revelatione firmiter credendum: cum David, Petrus, aliosque post optima proposita lapsos fuisse constet.

53. Infertur proinde cum citatis Auctoribus, & aliis sæpe fieri posse, ut, licet quis absolutum, & sufficiens propositum habeat, non peccandi de cætero, nihilominus timeat, vel etiam existimet, se non evitaturum omnia mortalia, vel certum peccati genus; idque ob rationes dictas, & expertam hæcenus suæ voluntatis mutabilitatem.

54. Pro praxi tamen, etsi diabolus conetur talibus persuasive suggerere, *Tu cades sine dubio, Tu non poteris ab hisce peccatis abstinere, Occurrente tali occasione non resistes &c.* consultum erit, hujusmodi afflictis personis consulendum, ne cum vafferimo isto Sophista multum disputent, sed potius mentem ad DEUM convertant, & cum humilitate cordis dicant: *Domine, verum est, quod, quantum est ex me, meaque fragilitate, rursus in peccatum caderem, si tua gratia non me protegeret: sed rogo, adesto Mihi, & adjuva fragilitatem meam, quia per gratiam tuam spero, & firmiter propono, non amplius peccare.* Hoc, vel consimili modo, ejusmodi diabolicæ suggestiones eludendæ sunt, ne alioquin pœnitens, multum cum dæmone disputans, sexcentis ejus fallaciis succumbat; & vel in conditionatam volitionem pertrahatur rursus peccandi, si talis occasio sese offerret, vel certe in pusillanimitatem, aut diffidentiam erga DEUM, nec non & desperationem præcipite-

tur: ex quo fieri solet, quod vel Pœnitentiæ Sacramentum sacrilege recipiatur, vel desperans ab ipso, aliisque spiritualibus mediis, penitus retrahatur.

55. CONCL. X. Ad Sacramentum Pœnitentiæ non sufficit dolere, quod non satis doleas. Ita Layman cit. cap. 4. num. 5. Herinex disput. 2. de Pœnit. num. 57. cap. 3. num. 5. & communis aliorum, contra Sylvestrum, Navarrum, & Saeptalem dolorem sufficere asserentes. Ratio est, quia talis revera non est dolor de peccatis commissis.

56. Interim tamen fatendum cum Doëtoribus passim, in tali actu, quo quis dolet, se non satis dolere de peccatis, plerumque conjunctum esse dolorem de peccatis, etsi pœnitens eum non cognoscat. Neque enim ad Confessionem requiritur dolor sensibilis: sufficit quippe voluntas, ejusque aversio, & dolor de peccato commisso; quæ cum sit potentia spiritualis, ac interna, scrupulosi tam facile angi non debent, quasi sine dolore accedant ad Sacramentum, eo quod exterius nullum sentiant.

57. CONCL. XI. Etsi dolor de peccatis mortalibus commissis debeat esse summus appretiative, ita ut pœnitens nihil magis detestetur, quam peccatum, malitque omnia mala Mundi perpeti, quam mortaliter contra DEUM peccare: non tamen opus est, imo nec passim expedit, particulares facere collationes, v. g. Mallem hoc vel illud malum subire, quam mortaliter peccare. Ita Doëtores communiter. Quinimo ejusmodi particulares collationes, seu reflexiones, spectata fragilitate humana, sunt infirmioribus periculose: quamvis, si rite fiant, sint actus valde excellentes, ac meritorii.

58. CONCL. XII. Dolor requisitus ad Sacramentum Pœnitentiæ, præcedere debet Absolutionem: estque tutius, ut ipsam quoque Confessionem antecedit; quamvis sufficiat, si Absolutionem præcedat. Ita communis. Ratio primæ partis est: quia in Absolutione essentialiter consistit Sacramentum Pœnitentiæ: atqui ad hoc necessario necessitate Sacramenti prærequiritur dolor; & consequenter iste debet etiam præcedere Absolutionem.

59. Altera pars probatur ex communi sensu Fidelium, & recepta praxi Confessariorum, qui post auditam Confessionem solent exhortari Pœnitentes ad eliciendum dolorem, quem & hi amplius pro tunc elicere gestiunt: frustra enim hoc fieret, nisi dolor tunc elicetus sufficeret. Accedit ratio: quia dolor ille cadit super peccata confessa: simulque Confessio sufficienter redditur dolorosa per sequentem dolorem, & dolor sufficienter sensibilis per præcedentem Confessionem; eo ipso, quod pœnitens ordinet Confessionem. Sic enim affert hæc duo, tamquam facientia unum quid morale, id est, Confessionem dolorosam, qualis requiritur ad Sacramentum Pœnitentiæ.

60. Quia vero in praxi periculosum est, tam diu differre dolorem; cum facile contingere possit, ut quis peracta Confessione fiat distractus, aut

attenta-



attendendo ad pœnitentiam injunctam, vel reflectendo, num omnia rite confessus fuerit, obliviscatur doloris tunc eliciendi, sicque Sacramentum invalide recipiat: hinc consultissimum erit, dolorem ipsimet Confessioni præmittere.

61. Quod si quæras, quanto tempore dolor possit præcedere Confessionem? Resp. Tanto, quanto adhuc moraliter censeri potest, unum actum imperari ab alio, & facere unum quid moraliter cum ipso, videlicet Confessionem dolorosam. Quod ad praxim attinet, respondet Tamburinus in *Methodo exedita Confessionis lib. 1. cap. 2. §. 4.* Qui mane dolet, & actu non revocato post tres vel quatuor horas confitetur sine novo doloris actu, non est dubium, quin satisficiat. Rursus, si quis vesperi examinans conscientiam elicit actum doloris, proponens sequenti die confiteri, abunde est. Idem puto (addit citatus Auctor, si non solum præcedenti vesperi, sed etiam præcedente die id fecerit, actu semper, ut dixi, non revocato: colligitur hoc ex Lugone *disp. 14. de Pœnit. sect. 4. in fine, num. 36. & initio num. 37.* Longiorem temporis extensionem nondum inveni apud Theologos. Hæc ille. Porro actus doloris censetur revocari per actum contrarium (id est, per complacentiam peccati, de quo doluisti) vel per aliud novum peccatum mortale quodlibet.

62. CONCL. XIII. Qui peracta Confessione iterum confitetur aliqua peccata, quorum antea fuit oblitus, probabilius non tenetur elicere novum actum doloris antea generaliter concepti de omnibus peccatis, sed potest absolvi virtute prioris doloris adhuc virtualiter permanentis. Ita Lugone *disp. 14. de Pœnit. sect. 3.* Henriquez, Diana, aliique. Ratio est: quia prior dolor, uti supponitur, fuit generalis, sicque extendit se ad illud peccatum, cujus confitens antea fuit oblitus; ergo, cum adhuc maneat, nihil obstat, quin possit deservire ad duo Sacramenta, cum censeatur virtualiter multiplex.

63. Inferunt proinde Doctores, posse moribundum propter instans periculum mortis a Confessario absolvi audito uno, alterove peccato; & deinde, si superiit tempus, auditis per otium cæteris, iterato absolvi in virtute doloris præcedentis. Quod si quis velit eadem peccata repetere, ac denuo confiteri, tunc plures Doctores volunt, dolorem esse renovandum: quamvis nonnulli contradicant.

## DISTINCTIO VII.

De Confessione, quæ est altera Pars materialis Sacramenti Pœnitentia.

### QUÆSTIO I.

Quæ Conditiones requirantur ad Confessionem Sacramentalem?

#### SUMMARIUM.

1. Confessio varie sumitur. Et quomodo in proposito?
2. Confessio Sacramentalis, quid, & quomodo necessaria?
3. Conditiones ejus sexdecim.
4. An omnes necessariae?
  - (a) Ut dictum Tract. 10. Distinct. 3. num. 5. 7. & 8.
  - (b) De his vide loc. cit. n. 9. & seqq.

5. Reducantur ad tres. I. Confessio Sacramentalis debet esse dolorosa: & sic
6. Humilis.
7. Libens.
8. Discreta.
9. Corollarium.
10. Verecunda.
11. Lacrymabilis, &
12. Parere parata: quomodo?
13. II. Confessio debet esse vera, atque ideo simplex, pura, fidelis, nuda, &
14. Accusans: quomodo?
15. Atentiri in Confessione, an sit peccatum mortale?
16. Quid, si major numerus peccatorum exprimat?
17. Vel fiat mendacium circa peccatum veniale?
18. Declaratur amplius.
19. III. Confessio debet esse integra: & sic
20. Fortis, ac
21. Secreta, & quomodo?
22. Confessio, si fiat publice, an valida sit?
23. Quid de Confessione per Interpretem?
24. Et de Confessione, tempore v. g. naufragii alia voce facta.
- (c) Juxta dicenda n. 35. & seqq.
25. Confessio, an debeat esse vocalis?
26. Saltem extra casum impotentia.
27. Magna difficultas, aut verecundia, an extuset a Confessione oretenus facienda.
- (d) Ut dictum Tract. 1. Dist. 3. n. 57. & 58.

I. Confessionis nomen varie solet accipi. I. Pro Confessione cujuscumque veritatis: & sic confiteri sumitur Joan. 1. *Et confessus est, & non negavit.* II. Pro Confessione Fidei: sic sumitur Marci 8. *Qui me confessus fuerit coram hominibus &c.* III. Pro Confessione laudis, quam DEO deferimus ob ejus beneficia, opera, & attributa: & sic frequentissime sumitur in Psalmis, & alibi passim in Sacra Scriptura. IV. Pro confessione judiciali in Foro externo: in quo sensu dici solet: *Propria Confessio est optima probatio.* V. Pro Confessione Sacramentali, prout hæc est altera pars materialis Sacramenti Pœnitentia: & in hoc sensu agitur hic de Confessione.

2. Definitor autem Confessio Sacramentalis taliter: Confessio est accusatio legitima de propriis peccatis, facta coram Sacerdote, ad eorum veniam impetrandam virtute Clavium. Ubi nota accusatio, stat loco generis, reliqua ponuntur loco differentia: prout ex professo dictum fuit Tract. 10. dist. 3. num. 1. & seqq. ubi explicando quartum Præceptum Ecclesiae, simul de institutione, atque necessitate Confessionis Sacramentalis, fufius agitur.

3. Quantum igitur nunc attinet ad alia, atque in primis ad conditiones Confessionis Sacramentalis, earum sexdecim communiter a Doctoribus enumerantur, hisce verticulis comprehensæ:

*Sit simplex, humilis Confessio, pura, fidelis, atque frequens, nuda, & discreta, libens, verecunda, integra, secreta, & lacrymabilis, ac celerata, Fortis, & accusans, & sit parere parata.*

4. Observandum tamen, non omnes istas conditiones esse simpliciter necessarias ad Confessionem, bene tamen utiles, ac valde proficuas; prout patet præsertim in illis duabus conditionibus, quod

sit frequens, & accelerata. Nam, licet sit consultissimum, atque utilissimum, post admissum peccatum gravius quamprimum confugere ad Sacramentum Pœnitentiæ per veram peccatorum Confessionem, ad id tamen homo non obligatur (a). Neque tenetur quis per se loquendo, ac extra certos casus (b) intra annum sæpius confiteri, quamvis procul dubio id sit utilissimum, ac summe commendandum. Porro ceteræ conditiones, commode ad hæc tres reducuntur, nempe, quod Confessio sit *Dolorosa, vera, & integra*, de quibus singillatim loquendo, sit

5. CONCL. I. Confessio Sacramentalis necessario debet esse *Dolorosa*. Patet hoc ex eo: quia Confessio debet fieri cum vero dolore de peccatis, ac firmo proposito non peccandi de cetero; ut proxime dictum est *Distinct. præced. quest. 4. per totum*.

6. Ad hanc conditionem reducuntur plures aliæ ex enumeratis sexdecim; ut illa, quod Confessio sit *Humilis*; id est, ut Pœnitens cum humilitate cordis, nec non & humili corporis exterioris compositione, utpote genibus flexis, & capite nudato, si vir est, neque infirmitas excuset, peccata sua confiteatur.

\* Ubi ex aliis Auctoribus subjungit La Croix *Lib. 6. part. 2. num. 1116*. peccari venialiter, si quid tale sine rationabili causa omittatur. Addit pariter, ad humilitatem conservandam spectare, ut ante Confessionem gladius deponatur, nisi pœnitens profiteretur militiam pro tuenda fide, quod faciunt Equites Melitenses, & Teutonici: de his enim docet Joann. Sanchez, merito portari gladium in receptione Sacramentorum. Imo, quod si etiam alii non deponerent eundem, existimat citatus Sanchez, non fore peccatum, etsi in his locis sit consuetudo deponendi ad humilitatem, & majorem Reverentiam. \*

7. Item, quod sit Confessio *Libens*; id est, voluntaria, & ut ipsa cum animo recipiendi Sacramentum peragatur. Cui tamen conditioni non obstat, quod quis confiteatur propter obligationem præcepti, aut ad eam inducatur timore excommunicationis, infamiæ, &c. dummodo adsit animus vere confitendi, ac recipiendi Sacramentum, & nullum aliud ex necessario requisitis deficiat.

8. Huc ulterius reducitur, quod Confessio sit *Discreta*, & hoc ex eo, quod Pœnitens utatur honestis & discretis verbis in sua Confessione, maxime in explicandis peccatis carnalibus. Vel maxime autem Confessio debet esse discreta in eligendo prudente atque erudito Confessario, qui sciat discernere inter lepram & lepram, ac debita remedia & consilia dare, maxime si Pœnitens habeat casus difficiliore.

9. Ex quo proinde infertur cum Bonacina *disp. 5. de panis. quest. 5. sect. 2. punct. 2. §. 2. num. 17*. & aliis, quod, si Pœnitens, dubius de contractu v. g. usurario, eligat Confessarium, quem novit esse indoctum, putans, se propter ipsius incitiam non obligandum ad restitutionem, non solum non excusetur a restitutione, verum etiam teneatur iterum confiteri. Hic enim non videtur habuisse debitum dolorem, cum firmo proposito vitandi peccata in futurum.

10. Insuper ad Confessionem dolorosam revocatur illa conditio, quod sit *Verecunda*; hoc est, quod pœnitens corde & ore debeat præferre verecundiam, ne, sicut fabulam, aut historiam, impudenter narret peccata sua. Et certe, si quis cum risu proponat peccata, quomodo is præsumi poterit habere verum dolorem de peccatis suis? Unde severe talis erit admonendus, adhibitis motivis etiam gravioribus, ad eliciendum dolorem requisitum pro Sacramento Pœnitentiæ rite suscipiendo.

11. Ulterius huc spectat alia conditio, nempe, quod Confessio sit *Lacrymabilis*. Non quod ad Confessionem requirantur Lacrymæ sensibiles seu exteriores, quandoquidem hæ non sunt in nostra potestate; sed quia debet fieri cum lacrymis cordis, id est, cum vera displicentia, atque interno dolore de peccatis, firmoque emendationis proposito. Unde hæc particula idem importat, ac *Confessio dolorosa*.

12. Tandem huc reducitur, quod Confessio sit *Parere parata*, in quantum pœnitens debet accedere animo parato ad obediendum Confessario in his, in quibus tenetur ipsi obedire, puta, in acceptanda pœnitentia, in vitandis occasionibus proximis peccatorum, in restitutione male oblato- rum, si facultas suppetat, & hujusmodi: alioquin enim Pœnitens non haberet firmum emendationis propositum.

13. CONCL. II. Confessio insuper debet esse *Vera*; ita videlicet, ut nihil falsitatis, vel simulationis, aut deceptionis habeat annexum. Ad hoc pertinent quinque sequentes conditiones ex supra enumeratis; nempe, quod Confessio sit *Simplex*, id est, non ita artificiose facta, ut aliquid peccatum occultetur, atque a Confessario non intelligatur. Item, quod sit *Pura*; tum quoad intentionem, ut non fiat ob pravam finem, utpote ob vanam gloriam, vel ad capeßendum favorem Confessarii, &c. sed spe veniæ, atque ad consequendam peccatorum remissionem: tum etiam quoad explicationem peccatorum, ut fiat sine admixtione rerum, vel historiarum impertinentium. Insuper, quod Confessio sit *fidelis*; id est, verax, & sine mendacio, de quo mox plura. Et *Nudas* id est, non palliata; & vestita certis verborum ambagibus, quibus peccata obscurentur, ne eorum gravitas a Confessario percipiatur, vel minus ponderetur.

14. Et tandem, quod sit *Accusans*. Tum quia accusatio est de essentia Confessionis Sacramentalis, ut patet ex hujus definitione *num. 2. allata*. Tum quia Confessio ita debet institui, ut per eam Pœnitens se accuset, sibi que peccata imputet; non autem inaniter se excuset alteri ea imputando, v. g. diabolo, malis sociis, naturali complexionem, &c. utpote quæ ejus liberam voluntatem ad peccatum cogere non possunt. Excipe tamen circumstantias illas, quæ speciem peccati mutant, atque ex mortali faciunt veniale; ut est indeliberatio actus, imperfectus consensus voluntatis, & pravitatis materiæ: hæ enim necessario debent addi.

15. Quæres, an mentiri in Confessione sit peccatum mortale? Resp. I. Mentiri deliberate in Confessione circa materiam mortalem, ac necessariam,

larium, est peccatum mortale; & consequenter tali mendacio irritum redditur Sacramentum. Sic juxta omnes Theologos peccat mortaliter, & sacrilege recipit Sacramentum, qui scienter negat, se fecisse peccatum mortale, quod revera fecit, ac necdum rite confessus est; vel qui deliberate dicit, se commisisse tale peccatum mortale, quod revera non commisit; quia talis in Foro DEI malitiose decipit Judicem, seu Confessarium, Christi Vicarium, & quidem in materia gravi, utpote pertinente ad substantiam causae, seu Sacramenti Pœnitentiae.

16. Addunt Doctores, ac praesertim Bonacina *loc. cit. num. 9.* eum similiter peccare mortaliter, & invalide confiteri, qui scienter majorem numerum peccatorum mortalium exprimit, quam revera admisit: quia etiam talis decipit Confessarium in materia gravi. Per accidens tamen contingere potest, quandoque Pœnitentem circa hoc excusari a mortali: ut, si homo simplex, ac rudis, bona fide majorem numerum fateatur, putans, consultius esse ac melius, majorem explicare numerum peccatorum, quam forte minorem.

17. Resp. II. Mentiri in Confessione circa peccatum veniale, vel aliam materiam non necessariam, aut quam hic & nunc confiteri quis non tenetur, non est peccatum mortale, sed veniale dumtaxat. Ita Layman *lib. 5. tract. 6. cap. 8. num. 15.* Bonacina *loc. cit.* alique communiter, contra Cajetanum. Ratio est: quia, cum tale mendacium non sit circa materiam necessariam Sacramenti Pœnitentiae, non decipitur graviter ipse Confessarius, seu Judex.

18. Excipe, dummodo Pœnitens non sit confessus unum dumtaxat peccatum veniale; ac circa illud mentitus. Quia, cum tale veniale tunc sit tota materia Confessionis, & juxta hypothesein falso narrata, nulla revera afferretur materia Sacramenti Pœnitentiae, ac proinde talis graviter peccaret, nisi forte animi perturbatio, vel scrupulus, eum excuset. Ita citati Auctores, & alii.

19. CONCL. III. Confessio debet etiam esse *Integra*, Unde Concilium Trident. *Sess. 14. cap. 5.* docet, ac infra *can. 7.* sub anathemate definit: *In Sacramento Pœnitentiae ad remissionem peccatorum necessarium esse jure Divino, confiteri omnia & singula peccata mortalia, quorum memoria cum debita & diligenti prae meditatione habeatur, etiam occulta, & quae sunt contra duo ultima Decalogi praecepta: & circumstantias, quae peccati speciem mutant.* Sed de Confessionis integritate, ex professo *Quaest. seq.*

20. Ad hanc Confessionis conditionem spectat illa alia, qua dicitur, quod debeat esse *Fortis*; ne videlicet ob naturalem verecundiam, aut timorem, aliquid ex necessario dicendis omittatur. Unde patet, quod ista conditio juvet ad integritatem Confessionis.

21. Huc accedit altera conditio, qua dicitur, quod Confessio debeat esse *Secreta*: sic dicta, quod, ex Christi institutione ordinarie, & regulariter loquendo, debeat fieri coram solo Sacerdote Confessario; unde & communiter *Confessio auricularis* appellatur. Nam si Confessio Sacramentalis ex Christi institutione non esset secreta (adeo ut & Confessarius arctissime teneretur ad servandum sigillum) ea hominibus foret difficillima praeser-

tim loquendo de peccatis occultis, & cogitationum, quin etiam parum accommodata, ac consultata communitati Fidelium. Sed circa hanc ultimam conditionem

22. Quaeritur I. An Confessio Sacramentalis ita debeat esse secreta, ut non valeat, si fiat publice; sive (ut alii loquuntur) An hæc conditio sit de essentia Confessionis? Resp. Quamvis Christus instituerit modum confitendi secreto, tamquam modum Confessionis regulariter & ordinarie servandum; valet tamen Confessio in casu necessitatis, aut alia de causa publice, seu aliis audientibus facta: & consequenter non est de essentia Confessionis, quod fiat penitus secreto. Ita communis Doctorum. Ratio est: quia ex institutione Christi Confessio secreta ita est præcepta, ut publica nec sit præcepta nec prohibita; prout patet ex praxi, & communi sensu Doctorum de validitate Confessionis factae per Interpretem. Hoc ipsum clare probant verba Concilii Trident. *Sess. 14. cap. 5.* sic docentis: *Ceterum quoad modum confitendi secreto apud solam Sacerdotem, nisi Christus non volueris, quin aliquis in vindictam suorum scelerum & sui humiliationem, tum ob aliorum exemplum, tum ob Ecclesiae offensam edificationem, delicta sua publice confiteri possit: non est tamen hoc Divino præcepto mandatum, nec satis consulte humana aliqua lege præciperetur, ut delicta praesertim secreta, publica essent Confessione aperienda.* Hæc Concilium.

23. Infertur proinde cum communi, quod quidem valida sit Confessio facta per Interpretem, tamen per se loquendo nullus teneatur confiteri per Interpretem: quia Christus non quidem prohibuit Confessionem publicam, eam tamen non præcepit. Intellige, *per se loquendo*: nam peccator existens in periculo mortis, qui de perfecta contritione dubius, vel non satis securus esset, per accidens obligaretur confiteri per Interpretem, ut sic una cum attritione, & Sacramento Pœnitentiae justificaretur, atque evitaret æternam damnationem. Id autem fieret, non quidem ex præcepto Divino Confessionis, sed ex præcepto Charitatis erga seipsum, qua quilibet tenetur procurare salutem animæ suæ. Herinex *disp. 3. de Confessione, quaest. 7. num. 91.* Sannig *distinct. 10. de Confess. quaest. 2. num. 6. & 7.* allegans Scotum *4. diff. 17. quaest. num. & alii.*

24. Infertur ulterius, quod valida sit confessio facta ab existentibus in naufragio, vel quando tempore pestis plures infirmi decumbunt in eadem camera, etiam si ea fiat voce alta, ita ut ab aliis astantibus audiat. In tali tamen casu, sicut & in priori sufficit confiteri solum aliqua peccata, per quæ minus fama ejus apud circumstantes læditur, cum quandoque sufficiat integritas tantum formalis Confessionis. (c)

25. Quaeritur II. Utrum Confessio debeat esse vocalis, adeo ut pœnitens teneatur confiteri sua peccata oretenus, ac propriis verbis? Resp. I. Certum est, quod impotentia excuset a Confessione oretenus facienda. Patet hoc ex communi sensu Ecclesiae: sic enim muti, qui scripto, nutibus, vel aliis signis peccata illa expriment modo, quo possunt, meliori, sacramentaliter solent ac debent absolvi: & idem sit in moribundis,

dis, qui non valentes amplius loqui, signa doloris ac petiæ Confessionis exhibent.

26. Resp. II. Extra casum impotentia adest gravis obligatio, peccata sua oretenus, seu propriis verbis confitendi. Patet hoc tum ex communi praxi, ac sensu fidelium; tum ex Concilio Florentino in Decreto Unionis, ubi pro parte Sacramenti poenitentia assignat *Confessionem oris*; id est, Confessionem oretenus factam, nisi forsitan impotentia excuset. Huc accedit illud D. Augustini lib. *De vera & falsa poenitentia*, cap. 10. accrefertur c. Quem poenitet, de poenit. dist. 1. *Præcipit Dominus mundandis, ut ostenderent ora Sacerdotibus, docens, corporali presentia confitenda peccata, non per nuncium, non per scriptum manifestanda.*

27. Infertur proinde, quod, quamvis multi Doctores, ut Suarez, Vasquez, Lugo, Layman, aliique velint, non solum impotentiam, sed etiam magnam difficultatem, vel nimiam verecundiam in exprimendis oretenus peccatis, excusare a Confessione oretenus faciendâ, ac sufficere, si scriptis comprehensa tradatur legenda Confessario: quod præsertim sufficere ajunt, quando post peccata a Confessario lecta subjungit poenitens voce sensibili, *De his omnibus peccatis accusome &c.* Nihilominus opposita sententia, quam tenet Martius disp. 5. num. 475. Sannig cit. dist. 10. quest. 5. num. 3. Faber, aliique, est probabilior, tutior, ac in praxi merito tenenda: cum eam non solum Concilium Florentinum verbis citatis, sed ipsa etiam communis praxis fidelium suadeat, & confirmet. Accedit, quod in materia valorem Sacramentorum concernente, tutior pars sit eligenda, ne Sacramentum sine urgente causa exponatur periculo invaliditatis. (d)

\* Dicitur notanter, sententiam illam, quæ requirit Confessionem vocalem, esse tenendam in praxi *Ordinarie*: nam in extraordinariis casibus, & difficultatibus potest etiam altera sententia praticari e. g. si poenitens sit ægrotus, & difficulter loquatur, vel si Confessarius sit surdaster, aut poenitens, qui surdaster est, nimis alta voce proferat, aut legat suam Confessionem: poterit enim tunc porrigi Confessario Confessio scripta cum expressis supra cautelis. Videantur Layman, & Sporer hic. \*

## Q U Æ S T I O II.

Quomodo Confessio debeat esse integra?

### S U M M A R I U M.

28. *Integritas Confessionis duplex, materialis, & formalis, quæ? Confessio formaliter, & materialiter integra, quæ?*
29. *Regulariter Confessio debet esse integra, etiam materialiter.*
30. *Omnia mortalia peccata, quoad numerum, speciem, &c. sunt confitenda.*
31. *Quid de simplicibus; grossiori modo quondam confessis?*
32. *Quid, si poenitens ob multitudinem peccatorum, nesciat numerum certum?*
33. *Corollarium de meretrice,*
34. *Et passim concupiente feminas obvias, Concubinario, vel gravem vindictam cogitante.*

35. *Per accidens quandoque sufficit sola integritas formalis Confessionis.*

36. *Id generatim contingit ex tribus causis.*

37. *I. Ratione ignorantia, seu oblivionis.*

38. *II. Ratione impotentia. Quid de muto?*

39. *Alia Corollaria.*

40. *Quid agendum tempore naufragii aut belli instante conflictu?*

41. *Ob solum concursum poenitentium, non licet facere dimidiatam Confessionem.*

42. *III. Ratione gravis damni imminentis.*

43. *Corollaria.*

44. *Quomodo in distis casibus remittantur peccata?*

45. *Peccata non confessa, debent imposterum confiteri?*

46. *An debeant illico confiteri?*

(e) Supra Dist. 2. num. 36. & 37.

28. **A**dvertendum, quod integritas Confessionis sit duplex, materialis videlicet, & formalis. Tunc habetur *Integritas materialis Confessionis*, quando omnia peccata mortalia necdum legitime confessa quoad speciem, & numerum, Clavibus Ecclesiae subjiciuntur, nullo prorsus sive ex oblivione, sive ex alia causa omisso. *Formalis* est, quando ea peccata Clavibus subjiciuntur, quæ post diligens examen memoriae occurrunt, & ad quæ aperienda hic & nunc poenitens tenetur. Sive *Integritas tantum formalis* est, quando poenitens facit talem Confessionem, qualem moraliter loquendo in talibus circumstantiis potest facere, non obstante, quod non omnia peccata mortalia exprimantur, inculpabiliter tamen. Unde illa Confessio dicitur formaliter saltem esse integra, in qua nihil omittitur cum culpa mortali: quod si vero non solum nihil omittatur cum culpa mortali, verum etiam omnia & singula peccata rite exprimantur, tunc Confessio non solum formaliter, sed etiam materialiter erit integra. Quando autem omittitur aliquod peccatum mortale scienter, & absque justa causa, adeoque culpabiliter, tunc Confessio illa nullatenus erit integra, sed sacrilega.

29. CONCL. I. Per se, ac regulariter loquendo Confessio semper debet esse integra, etiam materialiter. Ita omnes Theologi; & patet ex Concilio Trident. cit. Sess. 14. cap. 5. & can. 7. ibi: *Si quis dixerit, in Sacramento Poenitentia ad remissionem peccatorum necessarium non esse jure Divino, confiteri omnia & singula peccata mortalia, quorum memoria cum debita & diligenti præmeditatione habeatur, etiam occulta, & quæ sunt contra duo ultima Decalogi præcepta, & circumstantias, quæ peccati speciem mutant, &c. Anathema sit.* Additur autem, *per se, ac regulariter loquendo*, propter dicenda num. 35. & seqq.

30. CONCL. II. Certum est, omnia peccata mortalia nondum legitime confessa, tam quoad numerum ac speciem, quam quoad circumstantias peccati speciem mutant, esse necessario confitenda. Patet hoc ex citatis verbis Concilii Tridentini, & communi Catholicorum. Unde non sufficit dicere: *Commisi furtum, Fornicatus sum, Neglexi Missam aliquoties, &c.* Sic enim non explicaretur numerus peccatorum. Sed oportet determinare certum numerum, prout præmissis de-

hinc,



bito, ac diligenti examine praesens cogitatio dicat: v. g. *Neglexi Missam die Festo bis; Fornicatus sum tot vel tot vicibus, vel* (si non omnino sibi certo constet de numero, addat poenitens) *circiter plus minus, &c.*

31. Notant tamen hic non pauci Doctores, ut Fagundez, Layman, & alii, consultum non esse, simplici plebi scrupulos injicere, illius Confessiones invaliditatis damnando, eo quod ex ignorantia, & bona fide, numerum suorum peccatorum olim non rite determinarint: nam bona fides, atque ignorantia tales simpliciores excusare solet.

32. CONCL. III. Si poenitens ob nimiam peccatorum multitudinem ejusmodi certum numerum exprimere non possit, ad minimum dicat suam ad peccandum habitudinem: v. g. continuavi tale peccatum tanto tempore, illud committendo tot vel tot circiter vicibus, plus, minusve, per mensem, hebdomadam aut diem. Ita communis; & ratio est: Quia sic jam sufficienter innotescit status poenitentis: simulque enumerantur distincte peccata quoad numerum, quantum moraliter, ac humano modo hic & nunc fieri potest.

33. Ceterum quia dantur quidam casus, in quibus multum difficile est explicare numerum peccatorum, ut in publica meretrice, &c. notandum cum Lugone *disp. 16. sect. 4. §. 4.* & aliis, in hujusmodi casu sufficere dicere tempus, quo quis in tali statu, & consuetudine peccandi perseveravit. Sic meretrix v. g. sufficienter se accusat, dicendo, se per annum omnibus, tam conjugatis, quam solutis, tam Clericis, quam Laicis, fuisse expositam. Quamvis quidam satis bene hoc limitent, dicentes, addi debere numerum actuum externorum in iis speciebus peccatorum, quae non ita frequenter occurrunt; ut quoties cum Religiosis, consanguineis, &c. peccaverit: haec enim peccata possunt facilius numerari.

34. Et quod hic dictum est de meretrice, dicendum est de quocumque alio peccatore, in quo aequalis est difficultas explicandi certum numerum peccatorum. Unde hoc in primis habet locum in eo, qui passim turpiter concupiscit foeminas sibi obvias: Sufficit enim explicare hanc consuetudinem, ac tempus illius una cum speciebus principalioribus. Idem dicendum de eo, qui Concubinam domi habuit, eaque ut propria uxore usus est; satisfacit enim, si statum & tempus explicet, addito tamen firmo proposito relinquenti, atque expellendi Concubinam. Similiter ille, qui per aliquot dies, vel hebdomadas, fovit cupiditatem gravis vindictae, vel odium, aut amorem turpem, communiter satisfacit, si dicat, se illo tempore magna diei parte, vel quasi per totum diem, talibus cogitationibus deliberate immoratum fuisse.

35. CONCL. IV. Quamvis per se, ac regulariter loquendo omnia & singula peccata mortalia, tam quoad speciem ac numerum, quam quoad circumstantias speciem peccati mutantem, sint Jure Divino explicanda in Confessione, ut dictum *num. 29. & 30.* ac proinde graviter peccet peccato Sacrilégii, indigne videlicet recipiendo sacramentum Poenitentiae, qui scienter & absque ju-

sta causa omittit aliquod mortale confiteri: nihilominus per accidens, & in casu quodam extraordinario, sufficit quandoque ad Confessionem sola integritas formalis. Ita certa, & communis. Ratio est: quia praecipuum Divinum de facienda materialiter integra peccatorum Confessione, non obligat cum impotentia physica, vel morali; cum ad impossibile nemo obligetur. Hoc ipsum amplius patebit ex dicendis Conclusionem sequenti: Hinc fit:

36. CONCL. V. Tres generatim sunt causae excusantes ab integritate materiali Confessionis; videlicet ignorantia seu oblivio, impotentia, & grave damnum imminens poenitenti, aut tertio, utputa Confessario. Ita in re communis; & patet inductione.

37. Et quidem ratione ignorantiae, seu oblivionis, excusantur illi, qui praemisso sufficienti examine alicujus peccati mortalis non recordantur, aut illud penitus ignorant. Tenentur tamen tales omnia imposterum confiteri, dummodo eorum recordentur, juxta dicenda *num. 44. & 45.*

38. Ratione impotentiae excusantur a materiali integritate Confessionis, qui laborant impotentia physica ad integra confitendum. Sic excusatur mutus, utpote nullatenus loqui valens: qui proinde absolvi poterit, dummodo unum vel alterum peccatum per nutus explicaverit; vel, si neque hoc fieri potest, signum doloris de suis peccatis ediderit, v. g. percutiendo pectus. Quod si tamen is scribere novit, expedit, ut peccata sua in scriptis Confessario exhibeat: ad quod tunc eum teneri, probabilius esse censent Doctores contra Cajetanum, Navarrum, & quosdam alios.

39. Ob eandem rationem ignarus idiomatis poterit absolvi tempore praecipii, vel alterius necessitatis, etsi non integre percipiatur, si non potest haberi Confessarius linguae suae gnarus. An autem talis teneatur confiteri per Interpretem, si adsit, dictum est superius *num. 23.* Rursum si poenitens inter confitendum in phrenesin incidat, vel periculum sit, ne illico moriatur, debet statim absolvi, & postea, si supervixerit, reliqua peccata audienda erunt, & absolutio denuo impertienda.

40. Hoc ipsum accidere solet tempore naufragii, aut belli, quando imminet conflictus, & Confessarius multorum integras Confessiones audire non possit. Quinimo in hujusmodi casibus, quando periculum imminens aliud non permittit, possunt omnes simul uno peccato explicato, quod minus infamat, confiteri, & a Confessario absolvi, dicendo: *Egos vos absolvo &c.* Imo secundum quosdam (inquit Busenbaum *dub. 2. de Confessione cap. 2.*) si aliter fieri non possit, sufficeret in tali casu dicere in genere, se esse peccatorem; aut etiam (subdit Ferdin. Hauckias, *vers. Absolutio num. 22.*) signo aliquo, ut genuflexione, significare, se peccasse: ut si Confessarius dicat: Omnes, qui volunt confiteri & absolvi, percutiant pectus, vel genuflectant; & tunc imminente tam gravi periculo possunt omnes absolvi a Confessario, dicente: *Ego vos absolvo &c.* Hurtado de Sacram. *Poenit. disp. 9. diff. 10.*

\* Ex

\* Ex dictis facile resolvitur casus ille, qui præcedente novissimo bello contigit, ubi nimirum quidam milites in certo pago ex improvise ab hoste obruti, & multi ex his vulnerati in pago relictæ, reliqui autem in captivitatem abducti fuere. Vocabatur ad vulneratos pro danda absolutione Parochus loci. Hic illico adveniens percipiebat, quosdam ex vulneratis esse Catholicos, alios hæreticos: Item aliquos periculose, & graviter, alios autem leviter sauciatos. Quid igitur consilii? Si multum temporis, insupplisset interrogationibus, quinam hæretici, quinam Catholici existant, quales periculose, quales leviter sauciat, manifestum fuisset periculum, ne interea temporis aliquot ex graviter vulneratis sine absolutione Sacramentali in longam infelicem æternitatem abiissent. Itaque ante omnia alia Parochus iste breviter hæreticos ad relinquendam sectam, & generaliter omnes succinctis, efficacibus tamen verbis ad dolorem, & propositum excitavit, subjungendo, ut, si possibile, hunc dolorem percussione pectoris, vel gemitu, aliove signo sensibili manifestent: exinde, antequam singulos in particulari pro exigentia necessitatis accesserat, generatim super vulneratos præsentem sequentem formulam absolutariam protulit: *Ego ex vobis omnibus hos, qui capaces sunt, absolvo ab omnibus censuris, & peccatis vestris in Nomine Patris, & Filii, & Spiritus Sancti, Amen.* Quaritur, num factum bene, nec ne? Et respondetur, in his circumstantiis affirmative: periculum enim imminens mortis aliquot graviter sauciatorum non admisit longiorem inter eosdem disquisitionem, aut peccatorum Confessionem materialiter integram, atque insuper per particulas, *qui capaces sunt*, jam fuerunt exclusi incapaces, puta illi hæretici, qui fortassis in sua Hæresi persistentes, renuerunt recipere a Catholico absolutionem Sacramentalem. Præterea etiam exinde prudentissime fecit præfatus Parochus, si, antequam absolutionem impertiit, ad eliciendum de peccatis ex parte sauciatorum dolorem talia succincte verba inseruit, quæ ad veram Contritionem movere solent: quia in tali emergentia contingere potuisset, quosdam præsentem sauciatos milites fuisse hæreticos pure materiales, aliquibus tamen aliis gravibus peccatis obstrictos, qui dein ante mortem per talia verba Parochi ad veram Contritionem eliciendam commoti adhuc vi ipsius Contritionis essent salvati, etsi ex ignorantia invincibili credentes, suam sectam esse veram Religionem, non habuissent intentionem recipiendi Sacramentum Absolutionis a Sacerdote Catholico. \*

41. Cæterum extra hunc casum magni periculi imminens, ob solum concursum pœnitentium, non licet facere Confessionem dimidiatam: tenemur enim Jure Divino confiteri omnia peccata mortalia, quorum habemus conscientiam, extra casum impotentiae physicae, aut moralis: qualis in solo pœnitentium concursu non adest. Et hinc merito Innocentius XI. inter alias sequentem, ordine 59. Propositionem damnavit: *Licet Sacramentaliter absolvere dimidiate tantum confessos, ratione magni concursus pœnitentium, qualis v.g. potest contingere in die magna alicujus Festivitatis, aut Indulgentia.*

42. Tandem ratione gravis damni imminens potest excusari pœnitens ab integritate materiali Confessionis, quoties vel pœnitenti, vel ipsi Confessario, ex Confessione omnium peccatorum rationabiliter timetur grave damnum spirituale, vel corporale: siquidem in tali casu cœsetur adesse impotentia moralis.

43. Sic fieret, quando pœnitens rationabiliter timet, peccatum suum revelandum; quod tamen in praxi vix, nec nisi gravibus de causis, est præsumendum. Item quando foemina ex jam expertis, vel aliis causis pobabilibus, metuit sollicitationem ad peccatum, si confiteatur peccatum carnis, nec tamen habeat alium, cui confiteatur; nam tunc, delicto carnis prætermisso, posset alia confiteri. Huc accedit casus, si pœnitens, vel ipsemet Confessarius, timeat tempore v.g. pestis, ne ex diutius protracta Confessione contrahat morbum contagiosum. Idem dicendum de similibus.

44. CONCL. VI. In supradictis, ac alijs hujusmodi casibus, in quibus nequit fieri Confessio materialiter integra, remittuntur quidem (si cætera requisita adint) omnia peccata mortalia virtute Sacramenti Pœnitentiae, sed diversimode: nam peccata explicite confessa remittuntur directe, adeo ut non remaneat in pœnitente obligatio illa denuo confitendi, alia vero peccata mortalia, quorum quis vel invincibiliter fuit oblitus, vel eadem non potuit ob aliam justam causam ex supra enumeratis confiteri, solum indirecte, & cum onere eadem imposterum confitendi, ac data opportunitate directe Clavibus Ecclesiae subjiciendi. Ita communis. Ratio primæ partis est: quia unum peccatum mortale non remittitur sine alio. Simulque gratia habitualis, seu sanctificans, quæ virtute Sacramenti Pœnitentiae in tali casu confertur, est impossibilis cum quocunque peccato mortali; ac proinde omne tale excludit.

45. Altera pars ex eo probatur: quia extat præceptum Divinum de confitendis omnibus peccatis mortalibus post Baptismum commissis; & consequenter peccata ea, quæ antea ob casum impotentiae quis nequit confiteri, debent postmodum data opportunitate in proxima Confessione exponi, & directe Clavibus Ecclesiae subjici. Hinc merito Alexander VII. sequentem inter alias, ordine 11. Propositionem damnavit: *Peccata in Confessione omissa, seu ob instanti viâ periculum, aut ob aliam causam, non tenemur in sequenti Confessione exprimere.*

46. CONCL. VII. Nihilominus, qui per oblivionem, aut aliam justam causam ex supra dictis, omisit aliquod peccatum confiteri, non tenetur statim ac habuerit commoditatem, illud confiteri; sed potest differre Confessionem illius peccati, donec ex vi alterius obligationis iterum confiteri teneatur. Ita Bonacina disp. 5. quæst. 5. sect. 2. punct. 4. num. 32. post Suarez, Navarum, Filliucium, & plurimos alios Doctores. Ratio est: quia jam satisfecit præcepto Confessionis, cum re ipsa valide sit confessus. Excipitur tamen casus ille, quo quis Sacram Eucharistiam sumpturus, recordatur peccati mortalis omissi: nam tunc, si absque periculo infamiae possit

possit deinde confiteri, tenetur præmittere Confessionem, ac peccatum illud directe Clavibus Ecclesiæ subijcere, ut jam alibi (e) dictum,

### QUÆSTIO III.

De necessitate confitendi Circumstantias aggravantes, Peccata dubia &c. & præmittendi Examen Conscientiæ.

#### SUMMARIUM.

47. Circumstantia speciem peccati mutantes, quæ?

(f) Ut dictum Tract. 3. Dist. 2. Quæst. 2. per totum.

*Hæ sunt confitenda.*

48. Circumstantia aggravantes, quæ?

*Aliæ sunt notabiliter aggravantes, aliæ non.*

49. Per se loquendo non tenemur confiteri circumstantias aggravantes, etiam notabiliter.

50. Solvitur instantia.

*Confessarius quomodo debeat judicare de gravitate culpe?*

51. Quid Concilium Tridentinum circa hoc statuat?

52. Per accidens quandoque oportet confiteri circumstantias aggravantes.

53. Quid de consuetudine peccandi?

54. Peccata dubia sub dubio sunt confitenda.

55. Quod intelligendum de dubio proprie dicto, sive negativo.

(g) Ut dictum Tract. 1. Dist. 3. n. 29.

*Secus de scrupulo, aut dubio positivo.*

56. Solvitur instantia.

57. An possit, & debeat quis peccatum confiteri, quamvis Confessarius veniat in notitiam Complicis?

58. Quid de sententia negativa?

(h) Ut dictum Tract. 9. Dist. 6. n. 7. & seqq.

59. An si adiri possit alius Confessarius?

60. Examen conscientie Confessionis præmittendum.

61. Qualis diligentia in eo faciendo adhibenda?

62. Hæc diligentia non requiritur equalis in omnibus.

63. Rustici non facile dimittendi pro faciendo meliori examine.

47. **Q**Uæritur I. Utrum Circumstantiæ solum aggravantes, etiam notabiliter, sint necessario confitendæ? Pro cuius resolutione notandum, quod Circumstantiæ aliæ mutant speciem peccati, aliæ intra eandem speciem dumtaxat aggravant. Circumstantia speciem peccati mutantes dicuntur illæ, quæ actus humanos transferunt in aliam speciem peccati ab ea, quam habent ex objecto suo: sic circumstantia personæ conjugatæ, vel habentis votum Castitatis, transfert peccatum carnis a specie Fornicationis ad speciem Adulterii, vel Sacrilegii, dum actui Luxuriæ superaddit novam malitiam Adulterii, vel Sacrilegii. Idem contingit in illis casibus, quando peccatum ex genere suo veniale, per accidens fit mortale, vel e contra. (f) Et tales circumstantias speciem peccati mutantes, certum est, esse necessario confitendas, idque expresse fatetur, atque definit Concilium Trid. Sess. 14. cap. 5. & can. 7.

48. Circumstantia aggravantes appellantur eæ, quæ malitiam actus ex objecto desumptam, intra

eandem speciem peccati dumtaxat aggravant, seu majorem reddunt; non autem superaddunt novam malitiam specie distinctam ab ea, quam actus habet ex objecto. Et ex his aliæ sunt notabiliter aggravantes, quæ videlicet multum aggravant malitiam actus intra eandem speciem peccati; ut furtum mille florenorum simul ablatorum; aliæ non notabiliter aggravantes; ut furtum quinque, vel sex florenorum. Quæstio præsens præcipue procedit de circumstantiis notabiliter aggravantibus: nam omnes fatentur, circumstantias parum dumtaxat aggravantes, non esse necessario confitendas. His prænotatis,

49. Resp. Et si consultum sit, circumstantias solum aggravantes in Confessione explicare; nihilominus per se loquendo, nulla est obligatio, eas etiam notabiliter aggravantes confitendi. Ita D. Thomas 4. dist. 16. q. 3. D. Bonaventura, Magistrus disp. 21. Theol. Moral. num. 175. & communior, atque probabilior Doctorum; licet non pauci oppositum teneant, etiam Scotistæ, eo quod Doctor 4. dist. 17. §. De secundo, libertatem suis reliquerit, hanc vel illam sententiam tuendi. Probatur autem data responsio: quia non est imponenda ejusmodi obligatio, nisi constet de tali præcepto, quinimo in dubiis melior est conditio possidentis; simulque in obscuris minimum est sequendum, juxta Reg. 30. Juris in 6. cum concordantiis. Deinde tale præceptum, talisque obligatio nullibi reperitur: quinimo Concilium Tridentinum satis clare oppositum indicat, sess. 14. cap. 5. & can. 7. ubi exacte tradens doctrinam de obligatione confitendi, solummodo meminit obligationis confitendi omnia & singula peccata mortalia, & circumstantias, quæ speciem peccati mutant; ergo neque a nobis asserenda est obligatio confitendi circumstantias speciem peccati dumtaxat aggravantes. Et hoc eo magis; quia idem Concilium cit. cap. 5. expresse subjungit, nihil aliud in Ecclesia a penitentibus exigi.

50. Dices: Juxta Concilium Trid. cit. cap. 5. talis requiritur Confessio, ut Sacerdotes de gravitate peccatorum recte valeant judicare, & proportionatas pœnitentias injungere: atqui ad hoc necessario exigitur Confessio circumstantiarum notabiliter aggravantium; nam aliud judicium est de gravitate mille florenorum, quam decem, majorque pœnitentia pro illo furto injungenda, quam pro hoc; ergo. Resp. negando minorem, cum sua probatione: nam sufficit, ut Confessarius judicet de gravitate culpæ secundum speciem suam mortalem, sicque proportionatam pœnitentiam injungat; nec opus est, ut judicet de tantitate seu intensione culpæ intra eandem speciem moris. Sive (ut alii loquuntur) sufficit ad Judicium Sacramentale, quod Judex sit informatus quoad omnia substantialia, inter quæ sunt circumstantiæ speciem mutantes; licet non quoad omnia accidentalia, qualia sunt circumstantiæ solum aggravantes. Nec urget, quod unicum furtum mille florenorum æquivalet centum furtis decem florenorum. Resp. enim, id verum esse in genere entis, seu physico; non autem in genere moris; nam certum est, quod in priori casu unicum numero peccatum, in altero autem centum committuntur.

C e e e

31.

§1. Neque aliud vult Concilium Tridentinum *loc. cit.* nam sic ait: *Constat enim, Sacerdotes iudicium hoc incognita causa exercere non potuisse, neque aequitatem quod in illos in panis injungendis servare potuisse, si in genere dumtaxat, & non potius in specie, ac si illatum, sua ipsi peccata declarassent.* Hæc Concilium; inde inferens, a pœnitentibus omnia peccata mortalia, & præterea etiam hæc circumstantias in Confessione explicandas esse, quæ speciem peccati mutant. Unde, quia altum flet Concilium Oecumenicum de circumstantiis dumtaxat aggravantibus, simulque noti juris sit, quod *exceptio firmat regulam in contrarium in casibus non exceptis*, arg. *L. Quasitum, §. denique, ff. de Fundo instructo*, cum concordantiis: sequitur, per se loquendo, nullam esse obligationem confitendi circumstantias dumtaxat aggravantes.

§2. Additur *per se loquendo*. Nam per accidens contingere potest, quod quis obligetur confiteri circumstantias aggravantes: ut si certæ v.g. quantitati furti sit annexa reservatio, vel excommunicatio; nam de ea tunc debet constare Confessario, ne absque jurisdictione absolvat. Simile quid accidere potest propter annexam obligationem restituendi, cujus modum pœnitens petit sibi indicari a Confessario. Quod si hoc necesse non sit, poterit Confessarius absolute dicere pœnitenti: *Restitue, quod abstulisti*.

§3. Insuper, quamvis non detur per se obligatio confitendi consuetudinem peccandi, nihilominus ea per accidens dari potest. Sic fit, quando Confessarius, ut rectum iudicium formare valeat de dispositione pœnitentis, & intelligere, an is non sit constitutus in occasione proxima peccandi, vel ipsa consuetudo non sit novum peccatum propter aliquam specialem rationem &c. interrogat pœnitentem circa hanc peccandi consuetudinem, prout explicat, & notat Joannes Cardenas in *Crisi Theologica cap. 2. ad Propositionem 58. Innocentii XI.* ubi Pontifex hanc, ordine 58. damnavit: *Non tenemur Confessario interroganti fateri peccati alicujus consuetudinem.* Etli enim consuetudo peccandi, post priora peccata rite confessa, sit circumstantia dumtaxat aggravans, & sic per se loquendo non necessario confitenda: tamen per accidens, ob rationes prædictas, tenetur pœnitens eam aperire Confessario interroganti.

§4. Quæritur II. Utrum peccata dubia sint necessario confitenda? Resp. Probabilius est, & in praxi communiter tenendum, quod peccata dubia sint confitenda, sub dubio tamen. Ita Herinex *disp. 3. de Confess. quest. 4.* & communior Doctorum, quamvis non desint oppositum tenentes. Ratio est: quia oportet peccata explicare, prout sunt in conscientia pœnitentis; ergo, sicuti peccata certa sunt sub certitudine explicanda, ita peccata dubia sub dubio. Idipsum suadet communis praxis, & sensus Fidelium, per quem sufficienter manifestatur nobis voluntas Christi, obligantis ad Confessionem talium peccatorum.

§5. Accedit alia ratio: quia præsens Quæstio, ejusque Resolutio, procedit de dubio proprie dicto, adeo ut quis pro neutra parte habeat iudicium probabile, sed remaneat omnino suspensus, non determinando in alterutram partem, an pec-

caverit, nec ne; vel an tale peccatum fuerit confessus, nec ne: quod vocant *Dubium negativum*. (g) Nam passim fatentur Doctores, secus esse dicendum de inani scrupulo, utpote ex frivolis dumtaxat rationibus ortum habente: item & de casu illo, quo quis probabiliter uni parti determinate adhæret, utputa se non fecisse hoc peccatum, vel illud jam confessum esse, quamvis remaneat aliqua formido de opposito; quia tunc licebit sequi sententiam probabilem, imo etiam practice deponere Dubium positivum, si quod subortum fuit. Atqui stante dubio proprie dicto, seu negativo, si quis non confiteatur sub dubio peccatum, de quo dubitat, operatur cum conscientia practice dubia, atque exponit se periculo faciendi Confessionem sacrilegam, & non integram; ergo hoc ipso peccat.

§6. Nec obstat illud commune dictum: *In dubio melior est conditio possidentis*. Resp. enim; in dato casu possessionem stare pro obligatione legis de facienda Confessione. Nam certum est, omnia peccata mortalia, quorum conscientiam pœnitens habet, Jure Divino esse necessario confitenda: quod autem ab hac generali obligatione Legis Divinæ sit exceptum peccatum mortale, dubium, necdum certo constat (imo praxis, & consuetudo piorum Fidelium oppositum habet: simulque *Consuetudo est optima Legum interpretes, cap. Cum dilectus, de Consuet.*) & consequenter possessio stat pro obligatione Legis Divinæ, ac proinde allata instantia urget in oppositum.

\* Interim tamen recte ex communi DD. subjungit La Croix *lib. 6. part. 2. n. 611*. sententiam istam, quæ adstruit obligationem confitendi peccata negative dubia, non afficere alias scrupulosos. Ratio est: quia illorum dubia ordinarie inanes sunt apprehensiones, adeoque possunt se semper secundum ordinarie contingentia resolvere, talia dubia nimirum hic, & nunc occurrentia contemnendo, tamquam inanes scrupulos: habent præterea sufficientissimum hujus resolutionis fundamentum ex eo; quia alias successive in gravissimas inducerentur molestias. Quinimo scrupulosi, si sciant quidem, se peccasse, dubitent vero, num hoc, vel illud peccatum fuerint confessi, non tenentur illud in alia Confessione repetere juxta Cajetanum, Navarrum, Henriquez, Medinam, Rodriquez &c. Est enim incredibile (uti recte notat La Croix *loc. cit.*) quod peccata talibus non occurrissent antehac, quando erant recentius commissa. Quod si autem pro tunc occurrissent, tales scrupulosi certo illa fuissent confessi: Unde prudenter supponere debent vel pro tempore, quo commissa fuerunt, non fuisse eadem apprehensa ut mortalia, sicque nec mortaliter peccasse, vel saltem se jam fuisse actualiter confessos. Quod idem ex hac ipsa ratione La Croix *loc. cit. n. 612.* extendit ad alios timoratos conscientiam, qui non solent plene deliberare, & advertenter ordinarie Deum graviter offendere: Similes enim, si dubitent, num hoc, vel illud peccatum commiserint, sive an commissum confessi fuerint, vel non? non præcise dubitant negative, sed in super habent positivam pro se gravem rationem, seu præsumptionem superius jam indicatam, quod vel non gra-



graviter peccaverint, vel saltem cognitum ut grave jam confessi fuerint, quamvis non amplius recordentur. Idque bene notandum in praxi tam pro scrupulosis, quam pro aliis timorata conscientia, quamvis ceteroquin non scrupulosis. \*

57. Quæritur III. An, quando peccatum non potest rite explicari in Confessione sine manifestatione Complicis, possit, & debeat pœnitens tale peccatum confiteri, non obstante, quod Confessarius veniat in cognitionem Complicis? Respond. Probabilius esse, quod possit, ac debeat; dummodo non possit alius Confessarius adiri, simulque Complici præter solam notitiam Confessarii nullum aliud damnum eveniat. Ita D. Bonaventura 4. dist. 21. part. 2. art. 1. quæst. 3. Mastrius disp. 21. Theolog. Moral. num. 185. Sannig dist. 10. de Confessione, quæst. 6. n. 11. Suarez, Layman, & communior aliorum. Ratio est: tum quia pœnitens utitur jure suo; & complex, si quod dispendium famæ apud Confessarium incurrit, sibi ipsi imputet, eo quod libere fuerit socius talis criminis, quod sine ejus manifestatione coram Confessario explicari nequit. Nam, ut habet Reg. 86. Juris in 6. Damnum, quod quis sua culpa sentit, sibi debet, non aliis, imputare. Tum quia ex una parte Confessarius cognoscit peccatum Complicis sub Sigillo Confessionis dumtaxat, ac proinde non datur vera ratio infamiae, parumque vel nihil læditur fama Proximi, seu Complicis: ex altera vero parte urget præceptum Divinum integritatis Confessionis.

58. Fatendum tamen, quod oppositam etiam sententiam nonnulli Doctores sequantur; ut Diana part. 1. tract. 7. resolut. 49. Navarrus cap. 7. Manual. n. 3. & alii ab ipsis citati: quia (inquiunt) præceptum non infamandi alterum, fortius est præcepto integrandi Confessionem. Sed hæc ratio non convincit: nam in multis casibus ex justa causa licet peccatum Proximi manifestare (h) etiam in Foro externo: cur igitur id non licebit in Foro Sacramenti Pœnitentiae, ad servandam integritatem Confessionis? Et hinc prior Sententia merito censetur probabilior, estque communior.

59. Dicitur notanter num. 57. dummodo non possit alius Confessarius adiri. Nam si id potest, tenetur pœnitens alium Confessarium adire, ne sine causa prostituat bonam famam, atque existimationem Complicis apud Confessarium. Lugo disp. 16. de Pœnit. num. 391. & siqq. cum aliis. Et ob eandem causam, si Confessarius animadvertat, pœnitentem paratum esse ad nominandum Complicem circa ea peccata, quæ sine Complicis agnitione intelligi possunt, debet ipsum modeste prohibere, quin etiam, si ad particularem personam descendat, increpare: ac multo minus ipsemet Confessarius curiose inquireat de persona Complicis; uti notat D. Bonaventura cit. quæst. 3. & alii passim.

60. Quæritur IV. Quænam diligentia adhibenda sit in examine conscientiae faciendo? Respond. I. Certum est, quod pœnitens debeat prius se diligenter examinare, antequam Sacramentalem Confessionem peragat. Patet hoc ex sæpe cit. Concilio Trident. Sess. 14. can. 7. ubi definit,

omnia & singula peccata mortalia, quorum memoria cum debita, & diligenti præmeditatione habeatur, esse confitenda.

61. Resp. II. Talis diligentia in faciendo ante Confessionem examine conscientiae adhibenda est, qualis communiter inter homines adhiberi solet in re seria, & quæ multum cordi est. Ita Scotus 4. dist. 17. quæst. num. 5. de secundo, Marchantius Tom. 1. Tribunalis, tract. 4. tit. 6. quæst. 3. Sannig quæst. 5. num. 11. & alii. Ratio est: quia, ut loquitur Concilium Trid. loc. cit. sufficit diligens præmeditatio; ac proinde non requiritur strictissima & exactissima discussio, sed sufficit diligentia moralis, sive humano modo facta, qualem scilicet viri prudentes in arduis negotiis communiter adhibere solent.

62. Resp. III. Certum est, hanc diligentiam non requiri eandem in omnibus. Ratio est clara: quia in hoc attendendus est status pœnitentis, ac tempus, quod a præterita Confessione effluxit. Minus enim diligentiae requiritur in homine DEUM timente, & qui frequenter, v. g. singulis hebdomadibus confitetur, quam in alio, qui omnibus peccandi occasionibus exponitur, & ad plures menses, aut etiam integrum annum, Confessionem distulit: unde moraliter hæc res est judicanda.

63. Resp. IV. Licet Rustici quandoque inveniantur negligenter examinati, ipsi tamen communiter non sunt dimittendi, ut se magis examinent, ac postea redeant ad Confessionem. Ita Lugo disp. 22. de Pœnit. sect. 2. num. 20. Vasquez, & alii. Ratio est: quia de iis præsumitur, licet millies se examinent non fore magis aptos, quam si ab ipso Confessario breviter interrogentur, ac suaviter examinentur. Quando igitur Confessarius cognoscit talem defectum examinis in hominibus rudioribus, expedit, ut sua industria ipsos adjuvet, suisque interrogationibus eorum suppleat defectum.

#### QUÆSTIO IV.

An absolvendus sit Moribundus, qui amplius confiteri non potest?

#### SUMMARIUM.

64. Qui plura confiteri nequit, absolvendus est unico peccato expresso;
  65. Aut si coram Sacerdote det signa doloris, ac pœnitentia Confessionis;
  66. Immo & si dedit talia signa absente Confessario.
  67. Sufficit testis unicus de talibus signis.
  68. Ordinatio Ritualis Romani circa absolutionem moribundi, valde notanda.
  69. Difficultas præcipua de pio Christiano, ac subito omnibus sensibus destituto.
  70. Potest talis in articulo mortis absolvi sub conditione.
- Probatur hoc auctoritate Doctorum.
71. Eadem sententia probatur ratione.
  72. Objeccio communis contra dicta.
  - (i) Ut dictum Dist. 6. num. 10. & 11.
  73. Ejusque solutio.
  74. Declaratur sententia, asserens, quod in casu tanta

Cccc 2

nece-

*necessitatis vita Christiana &c. videatur sufficiens Confessio.*

75. *Soluitur instantia contra hanc sententiam allatam.*

(k) Dist. 6. num. 60.

76. *Alia Sententia, tunc ex signis exterioribus pie præsumentis Confessionem sensibilem.*

64. **C**ONCL. I. Certum est, quod possit, ac debeat absolvi infirmus, qui unum saltem peccatum confessus est, si præ infirmitate plura exprimere non valeat. Ratio est clara: quia talis jam facit Confessionem formaliter integram, etsi non materialiter; ad hanc enim in tali casu impotentia non tenetur, ut patet ex dictis n. 36. 38. & seqq. Et ob eandem rationem, atque juxta Rituale Romanum num. 68. allegandum, etiam si pœnitens moribundus nullum peccatum in particulari confiteatur, sed solum dicat in genere, se peccasse, potest is absolvi, dummodo præ infirmitate nullam in particulari amplius explicare valeat.

65. **C**ONCL. II. Certum insuper est, quod etiam ille moribundus absolvi possit, ac debeat, qui ob amissam præ infirmitate loquelam nullum amplius peccatum in specie, neque etiam in genere confiteri potest, exhibet tamen coram Sacerdote certa signa doloris, ac petita Confessionis. Ratio est: quia talis confitetur modo, quo potest, meliori. Accedit Rituale Romanum, de quo infra num. 68.

66. **C**ONCL. III. Etiam ille, qui absente Confessario petivit Confessionem, ac ostendit signa pœnitentia, de quibus, qui viderunt, testimonium perhibent, potest, ac debet absolvi a Sacerdote superveniente; quamvis in præsentia Sacerdotis jam sit destitutus sensibus, & nullum amplius signum exhibeat. Ita rursus communis Doctorum, propter rationes proxime allatas.

67. Porro notat Diana *par. 3. tract. 3. resolut. 5.* post Reginaldum *Tom. 1. lib. 8. c. 3. n. 8.* & alios Doctores, quod in tali casu sufficiat unicus testis, qui testetur de petita per moribundum Confessione. Idque jure alleritur: nam & alioquin uni testi plene creditur, quando non agitur de alterius præjudicio; uti tradit Glossa *c. Nuper, Vers. Nisi juratus, de Testibus*, arg. *c. Parvulos*, & *c. Cum itaque, de consecr. dist. 4.* ubi per unum testem plene probatur, quod quis sit baptizatus.

68. **C**ONCL. IV. Generaliter quoad praxin in hujusmodi casibus rite erit observanda ordinatio Ritualis Romani, auctoritate Pauli Papæ V. editi, quod agendo de Ritibus Sacramenti Pœnitentia, sic ordinavit: *Si inter confitendum, vel etiam antequam incipiat confiteri, vox & loquela agrum deficiat, nutibus & signis conetur Sacerdos, quoad ejus fieri poterit, peccata pœnitentis cognoscere, quibus utcumque vel in genere, vel in specie cognitis, vel etiam si confitendi desiderium sive per se, sive per alios ostenderit, absolvendus est.* Hactenus Rituale Romanum. Ubi *si absolvendus est*, intelligendum est de absolutione Sacramentali absolute impertienda, & non tantum sub conditione: nisi forte de aliquo prædictorum signorum certo non constet, sed dubium sit; tunc enim debet dari absolutio solum

sub conditione. Et hæc quidem sunt certa, & communiter inter Doctores recepta.

69. Major difficultas est de illo moribundo, qui subito in phrenesin lethalem lapsus, vel apoplexia tactus est, aut alio casu improvise ita subitaneæ omnium sensuum usu destituitur, ut nullum omnino certum signum doloris, aut petita Confessionis dederit ante adventum Confessarii, neque in ejus præsentia ob vim morbi tale signum exhibeat, aut exhibere possit, interim tamen constet, eum prius Christiane vixisse, Sacramenta frequentasse, ac probum fidelemque fuisse existimatum. Major, inquam, est difficultas, utrum talis in ejusmodi casu sit absolvendus, saltem sub conditione: *Si capax es absolutionis, ego te absolvo &c.* Pro cujus resolutione, salvo semper meliori, ac præsertim sanctæ Romanæ Ecclesiæ judicio, sit

70. **C**ONCL. V. In ejusmodi casu is, qui prius Christiane & pie vixit, etiam nullo dato tali expresso signo, quod ad exprimendum dolorem de peccatis communiter adhiberi solet (si tale ob vim morbi amplius dare nequeat) potest probabiliter, tam practice quam speculative absolvi sub conditione. Ita ex Ordine Franciscano Theologi satis communiter, ut Petrus Marchantius *Tom. 1. Tribunalis, tract. 4. tit. 4. q. 3. dub. 7.* Herinex *disp. 3. de Confess. n. 77.* qui in secunda Editione ad finem IV. Partis, post Indicem, in speciali additione subjungit, quod, ut hoc observetur in praxi, injungatur omnibus Parochis in prima admissione ad Curam animarum a Consistorii Ecclesiastici Moguntini Assessoribus Theologis. Item Poncius *disp. 46. q. 4. n. 95.* Joan. Bolco *de Pœnit. disp. 7. sect. 9. Concl. 6. n. 150.* Ballæus *Vers. Absolutione n. 13.* plures tum ex nostro Ordine, tum alios pro se allegantes. Eandem sententiam tenet expresse Barbosa *in Collectaneis ad Concilium Trid. Sess. 14. cap. 5. de Sacramento Pœnit. n. 2.* citans pro hac sententia Vivaldum, Antonium de Litteratis, Homobonum de Bonis, Molfesium, Carolum de Bauccio, Bartholom. de S. Fausto. Eandem sententiam probabilem censet Diana *part. 3. tract. 3. resolut. 8.* atque præter plures supra jam relatos Auctores citat pro hac sententia Gregorium XV. in suo Memoriali Confessariorum, quod ediderat, quando adhuc erat Archiepiscopus Bononientis; atque etiam Sacerdotale Romanum *pag. 624.* dicens: *Possit absolvi moribundum assuetum frequentare Confessionem, quamvis repentino casu oppressus Sacramentum non petierit.* Et hæc auctoritates ideo fusius adducuntur, ne videatur isthæc sententia destitui probabilitate sua extrinseca, ex tam multorum doctissimorum Virorum auctoritate desumpta: quæ cum tanta sit, rationibus mox atferendis probe stabilita, non mirum est, quod ista sententia communius in praxi observetur.

71. Probatur nunc eadem sententia ratione. Quia inprimis probabiliter videtur adesse in dicto casu Confessio sufficiens, qualis nempe hic & nunc fieri potest; (prout patebit ex solutione objectionum. Deinde nihil mali fit in conferenda tali absolutione conditionata) eo enim ipso, quod apponatur conditio, *Si capax es, ego te absolvo &c.* jam præcavetur omni injuriæ Sacramenti, omneque peri-

periculum Sacrilegii evitatur) econtra vero spes subest, quod si non semper, saltem aliquando possit talis absolutio conditionata prodesse moribundo, eidemque interius dumtaxat attrito, vi Sacramenti Pœnitentiæ cum perpetuo, atque in omnem æternitatem duraturo emolumento, gratiam sanctificantem conferre, vel augere; ergo nihil obstat, quo minus ejusmodi homo possit absolvi saltem sub conditione. Confirmatur: Sacramentum Baptismi in casu extremæ necessitatis potest, imo & debet conferri in materia dubia, vel etiam in parte dubia, utputa in digito, manu &c. si infans moriturus nondum plene natus est; ergo ob paritatem rationis, idem dicendum videtur de absolutione Sacramentali sub conditione impertienda in casu memorato: cum sit dubium inter Theologos, an non possit impertiri, imo & pars affirmativa sit multum probabilis.

72. Objicies autem communem difficultatem contra positam sententiam. Sacramentum Pœnitentiæ necessario prærequirit Confessionem sensibilem, utpote quæ est pars ipsius (i) ergo ubi nulla est Confessio sensibilis, ibi nullum potest dari Sacramentum Pœnitentiæ, & per consequens neque absolutio Sacramentalis: atqui in dato casu nulla omnino adest Confessio sensibilis, neque per verba, neque per signa aut nutus, uti supponitur; ergo. Confirmatur: quia Sacramentum Pœnitentiæ ex Christi institutione est judicium sensibile; ergo ad ipsum necessario requiritur accusatio sensibilis: atqui in casu posito nulla intervenit accusatio sensibilis: cum juxta hypothesin moribundus nec dare possit, neque antea dederit signum petitiæ Confessionis; ergo. Hæc est instantia principalis oppositiæ sententiæ.

73. Respondetur ad hanc difficultatem, atque utrumque argumentum, negando subsumptum, vel istud distinguendo. Licet enim in casu posito, & juxta hypothesin, non interveniat Confessio sensibilis certa, seu verbis expressis, aut aliis signis claris & indubitatis facta; interveniunt tamen talia signa sensibilia, quæ probabiliter sunt Confessio aliqua sensibilis, & pro casu istius extremæ necessitatis probabiliter sufficiens pro obtinenda absolutione: quamvis, quia ejusmodi signa non sunt omnino certa, sicque non adest clara Confessio, absolutio illa solum sub conditione danda sit, non autem absolute. Cæterum duplici præsertim modo conantur Auctores ostendere, in ejusmodi casu intervenire, saltem probabiliter, aliquam Confessionem sensibilem.

74. Primus modus dicendi, est non paucorum Auctorum hujus sententiæ, allèrentium, quod vita Christiana, atque Catholica, hætenus probe & publice peracta, in hujusmodi casu, ac extrema necessitate talis Moribundi, sit sufficiens sui accusatio (cum alia major fieri nequeat) adeoque ex hoc capite possit absolvi Moribundus. Hanc suam opinionem ita declarant: quia ille, qui petiit Confessionem, vel saltem dedit signa petitiæ Confessionis, potest in mortis articulo absolvi, sed homo Christiane & Catholice vivens, hoc ipso petiit, deditque signa Confessionis pro mortis articulo petitiæ; ergo. Minorem probant. Tum

quia per decursum totius vitæ Christianæ sapius, ac præsertim frequentando Sacramenta Ecclesiæ, vel faciendo consuetum examen conscientie, imo & devote orando *Pater Noster*, vel *Ave Maria*, per *ad dimitte nobis debita nostra*, vel *Ora pro nobis peccatoribus &c.* fatentur se peccatores, petuntque omnia pro felici hora mortis necessaria, aut opportuna: atqui inter hæc est etiam Confessio, & absolutio Sacramentalis in mortis articulo obtinenda; ergo.

75. Nec obstat, quod talia non semper explicite referant homines pro absolutione Sacramentali in mortis articulo recipienda. Respondeo enim, ex parte recipientis Sacramentum sufficere etiam intentionem habitualement, atque insuper, quod dolor ad Sacramentum Pœnitentiæ requisitus, possit aliquo tempore præcedere Confessionem, ipsamque absolutionem, jam superius (k) dictum esse. Quod si urgeas, ex hoc sequi, quod homo Christiane vivens etiam alias, v.g. in somno, possit absolvi. Resp. negando sequelam: quia extra casum impotentie requiritur vera & integra Confessio; quamvis secus sit in casu impotentie, & quidem extremæ, de quali nunc sermo est.

76. Alter modus respondendi ad supra dictam difficultatem est Marchantii *loc. cit.* & aliorum multorum, qui licet nolint absolute concedere, vitam Christianam esse sufficientem sui accusationem ad obtinendam absolutionem Sacramentalem in tali casu impotentie, & mortis articulo: addunt tamen, eadem esse sufficiens fundamentum ad prudenter præsumendum, quod hic & nunc adsit signum aliquod sensibile, quo Moribundus conetur petere Confessionem, & absolutionem Sacramentalem, eamque actu petat, utputa per suspiria, gemitus, aspirationes, oculorum ictus &c. Etsi enim talia ordinarie sint signa naturæ patientis, ac doloris corporalis: nihil tamen obstat, quo minus ea ab homine moribundo, singulariter a Deo illuminato, & interius contrito, atque confiteri cupiente, neque ob destitutionem usus omnium sensuum externorum valente aliud signum desideratæ Confessionis dare præter unum, aut alterum ex supra dictis actibus, quandoque ordinentur ut signa ad petendam Confessionem, & absolutionem Sacramentalem. Cum igitur hoc fieri possit, & probabiliter quandoque fiat (prout sibimetipsi accidisse, citatus Marchantius testatur) poterit sub conditione talis homo moribundus absolvi, eo quod ob vitam antea pie & Christiane peractam præsumi, ac sperari possit, etiam ipsum per talia signa hic & nunc posse confiteri, & sacramentaliter absolvi, cum alio meliori modo amplius nequeat confiteri, aut suum internum desiderium confitendi explicare.

\* Instabis: Ex fundamentis hujus sententiæ, & ex solutione objectionum sequeretur, quod præfatus moribundus in extremis constitutus conditionate valeat absolvi non solum, si pie, sed etiam si male ante vixit, v.g. si antea esset confossus in Duello &c. quoniam etiam mali Christiani ita fidem suam Christianam a potiori ordinare præsumuntur, ut in ultimis constituti velint pro remissione peccatorum Sacramentum Pœnitentiæ recipere; & forsan pariter isti edunt signa doloris,

C c c c 3

quæ

Quæ tamen ob imbecillitatem moribundi non percipiuntur. Respond. Ex hac ipsa ratione, gratis concedi totum a Patre La Croix lib. 6. part. 2. n. 1163. cum Pontio, Sporer, Gormaz, Stoz, Carden. Tamburin. & aliis. Quæ contra objici possent, solvuntur ibidem apud Schild. Gormaz, & Moyam.\*

## DISTINCTIO VIII.

### De Ministro Sacramenti Pœnitentia.

#### QUÆSTIO I.

Quis sit Minister Sacramenti Pœnitentia, & quomodo indigeat Jurisdictione?

#### SUMMARIUM.

1. Solus Sacerdos est Minister Sacramenti Pœnitentia.
2. Is debet habere legitimam Jurisdictionem.
3. Sacerdos in sua Ordinatione accipit potestatem Ordinis, non Jurisdictionis.
4. Accipit tunc potestatem in Corpus Christi verum, & mysticum, &c.
5. Differentia inter potestatem consecrandi, & absolvendi.
6. Potestas absolvendi declaratur apto exemplo.
7. Hac præsupponit potestatem consecrandi.
8. Jurisdictio, sive Potestas jurisdictionis, quid?
9. Jurisdictio ordinaria,
10. Et delegata, quæ?
11. An quilibet Sacerdos possit absolvere a venialibus?
12. Cautela circa hoc.
  - (a) De hoc vide Tract. 10. Dist. 3. n. 50. & 55.
  - (b) Tract. 4. Dist. 4. n. 33.
14. Ad Ministerium Sacramenti Pœnitentia requiritur legitima approbatio.
15. Regulares exempti, a quo accipiant jurisdictionem?

1. **C**ONCL. I. Solus Sacerdos est legitimus Sacramenti Pœnitentia Minister. Ita omnes Catholici; estque definitum in pluribus Conciliis, atque novissime in Trident. Sess. 14. cap. 6. & canon. 10. Idque patet ex illo Joan. 20. ubi Christus solis Apostolis, jam antea in ultima Cœna in Sacerdotes ordinatis, postquam a mortuis resurrexerat, dixit: *Accipite Spiritum sanctum, quorum remisistis peccata, remittuntur eis.*

2. **C**ONCL. II. Quamvis solus Sacerdos sit legitimus Sacramenti Pœnitentia minister, non tamen quicumque Sacerdos est talis, sed solum ille, qui præter potestatem Ordinis habet etiam potestatem Jurisdictionis, id est, legitimam Jurisdictionem, vel ordinariam, vel saltem delegatam. Ita omnes Catholici; ac patet tum ex perpetua traditione ac sensu Ecclesiæ, tum ex citato Concilio Tridentino cap. 7. ubi ait: *Persuasum semper in Ecclesia Dei fuit, & verissimum esse Synodus hæc confirmat, nullius momenti absolutionem eam esse debere, quam Sacerdos in eum profert, in quem ordinariam, aut subdelegatam non habet jurisdictionem.* Accedit ratio: quia absolutio est actus judicialis;

ergo ex parte Sacerdotis requiritur jurisdictionem in subditos: nam sententia a non suo Judice lata, nulla est.

3. **C**ONCL. III. Sacerdotibus in sua Ordinatione solum confertur potestas Ordinis, nondum vero potestas Jurisdictionis. Ita ex professo Herinex disp. 5. de Pœnit. n. 11. cum communi. Ratio est: quia, licet Sacerdos in sua Ordinatione accipiat potestatem remittendi peccata (quæ dicitur potestas Ordinis) nondum tamen acquirit aliquos subditos; neque Jurisdictionem ad ipsos sacramentaliter absolvendos. Cæterum, ut hæc, simulque præcedens Conclusio, melius intelligatur,

4. Notandum I. Quod Sacerdos in sua Ordinatione duplicem accipiat potestatem, unam in Corpus Christi verum; id est, potestatem consecrandi, & conficiendi verum Corpus, & Sanguinem Christi in tremendo Missæ Sacrificio: alteram in Corpus Christi mysticum, id est, potestatem absolvendi Fideles pœnitentes, qui sunt de Corpore Christi mystico, quod est Ecclesia, cujus ipse caput est; juxta illud Coloss. 1. *Et ipse (Christus) caput est Corporis Ecclesia.* Et infra 7. 24. *Pro corpore ejus (Christi) quod est Ecclesia.*

5. Notandum II. Quod inter hanc duplicem potestatem multiplex intercedat discrimen. Si quidem potestas consecrandi est proxima, & omnino inimpedibilis, quæ proinde a Sacerdote semel rite ordinato amplius auferri, aut per Ecclesiam impediri non potest: unde licet Sacerdos sit suspensus, excommunicatus, imo etiam degradatus, si consecrare præsumat, valide, etiam illicite consecrabit. Econtra vero potestas absolvendi, in Ordinatione Sacerdoti collata, est impedibilis, ac remota solum: remota quidem, eo quod insuper ad validam ejus executionem requiratur jurisdictio legitima: impedibilis vero, per subtractionem cujuslibet jurisdictionis, qua subtracta, vel saltem non collata per Prælatos Ecclesiæ, si Sacerdos attentaret absolvere, non solum illicite, sed & invalide absolveret.

6. Declarari solet istud per simile in Doctore Juris, qui licet in sui creatione, qua Doctor Juris declaratur, accipiat potestatem, ut ubique locorum possit Judicium exercere respectu sibi subditorum; non tamen mox a sui gradatione potest in quoslibet Judicium exercere, sed postea primum, quando alicubi, vel ex officio, vel ex delegatione Superioris, quosdam acquirit subditos, respectu quorum deinceps Judicium exercere valebit. Ita in simili (servata tamen proportionem) de Sacerdote jam ordinato quoad potestatem exercendi Judicium Sacramentale in Sacramento Pœnitentia, & absolvendi peccatores confitentes, est discurrendum. Fagnanus in cap. Omnis, num. 84. de Pœnit. & remiss. sub aliis terminis tradit hanc doctrinam, dicendo, quod Presbyteris in sua Ordinatione datur potestas Clavium in habitu tantum, non autem in actu, seu quantum ad usum: in institutione vero, seu collatione Beneficii curati, tribuatur executio illius potestatis.

7. Et



7. Est & alia differentia inter potestatem consecrandi & potestatem absolvendi Sacerdotibus concessam: Siquidem hæc posterior necessario præsupponit illam priorem. Unde Christus Dominus, qui Apostolis in ultima Cœna dedit potestatem consecrandi Corpus, & Sanguinem suum, eisdem primum post suam Gloriosam Resurrectionem contulit potestatem absolvendi, *Joan. 20.* dicens: *Accipite Spiritum sanctum, quorum remiseritis peccata, remittuntur eis.* Hinc etiam per Episcopum in Ordinatione Sacerdotum, conferri eisdem solet potestas consecrandi circa Offertorium Missæ, videlicet ante lectum Evangelium: potestas vero absolvendi primum peracta Communionem. Hujus autem ratio alia non est, nisi voluntas ac institutio Christi Domini, qui voluit, neminem posse conscientias nostras in Sacramento Pœnitentiæ judicare, qui non posset prius suum Sacratissimum Corpus, & Sanguinem conficere: ut eo libentius conscientias nostras tali subiceremus, cui ipsemet Christus sese subjecit consecrandum, & manibus tractandum.

8. Notandum III. Quod *Jurisdictio*, quantum ad propositum, aliud non sit, quam auctoritas quædam superioritatis supra alios in Foro conscientie judicandos. Porro hujusmodi Jurisdictio (quæ & *Potestas jurisdictionis* dicitur) duplex est, ordinaria scilicet, & delegata.

9. *Jurisdictio ordinaria* ea est, quæ alicui competit ex proprio officio, seu munere suo: id est, qua quis ex vi proprii officii (utpote cui annexa est cura animarum) habet subditos, quos in Foro conscientie judicare potest. Et talem habet Parochus in sua Parochia, Episcopus respectu Diœcesanorum, Abbas respectu suorum Monachorum, Generalis cujusdam Ordinis respectu totius Ordinis, & Papa respectu totius Orbis.

10. *Jurisdictio delegata* est, quæ habetur ex commissione alterius habentis ordinariam: id est, quam quis absque collatione alicujus Beneficii curam animarum habentis, accipit ab habente jurisdictionem ordinariam. Et talem habent Religiosi nullum habentes Beneficium curatum, sed tamen legitime approbati pro Confessionibus excipiendis respectu Secularium, & alii hujusmodi. Et ex his sensus patet secundæ, & tertiæ Conclusionis.

\* Dixi notanter: *Sed tamen legitime approbati*, ubi notandum IV. Quod, uti potestas Ordinis, & Jurisdictionis; ita & ipsa *Jurisdictio*, ac *Approbatio* non debeant ad invicem confundi; etsi enim ad validam absolutionem ambæ concurrant; magna tamen inter eas intercedit differentia: nam *Approbatio* est actus intellectus declarantis de capacitate, & sufficienti intelligentia Confessarii in ordine ad hoc munus obeundum: *Jurisdictio* vero respicit voluntatem; est enim potestas in certas personas dijudicandas acquisita per voluntatem Superioris concedentis. Quoad collationem Jurisdictionis, Regulares exempti quoad pœnitentes Seculares, juxta dicenda, non dependent ab Episcopo, utpote quam accipiunt ab ipso summo Pontifice; bene tamen juxta Conclus. VI. ab eo dependent quoad approbationem; econtra vero Clerici alii dependent a Judice ordinario, puta,

ab Episcopo, etiam quoad Jurisdictionem, quæ vel vi curati Beneficii, vel aliis modis ab eodem conferri debet, nec censetur data præcise vi Sacerdotii, saltem quoad peccata mortalia: quid autem de venialibus sentiendum sit, doctrina Anacleti aperiet.

11. CONCL. V. Sacerdotibus in sua Ordinatione confertur sufficiens jurisdictio absolvendi quemlibet a solis peccatis venialibus. Ita communior Theologorum. Ratio est: quia peccata venialia sunt materia libera Confessionis; ergo frustra reservarentur, & consequenter omnis Sacerdos poterit ab ipsis absolvere.

12. Notandum tamen, quod extra casum necessitatis non facile Sacerdos necdum expositus debeat se immiscere audiendis Confessionibus venialium; idque ob plurima incommoda, quæ inde facile possent oriri. Et hinc non immerito Innoc. XI. in Decreto, circa Communionem quotidianam, edito 12. Februarii 1679. (a) monet Episcopos, & Parochos, quod *non permittant, ut venialium Confessio fiat simplici Sacerdoti, non approbato ab Episcopo, aut Ordinario.*

13. CONCL. V. In mortis articulo potest quilibet Sacerdos, etiam non approbatus, imo & excommunicatus, degradatus, hæreticus, absolvere ab omnibus Censuris, & peccatis. Ita expresse Concil. Trident. *Sess. 14. cap. 7.* ubi ait: *Verumtamen pie admodum, ne aliquis pereat, in Ecclesia DEI custoditum semper fuit, ut nulla sit reservatio in articulo mortis: atque ideo omnes Sacerdotes, quoslibet pœnitentes a quibusvis peccatis, & Censuris absolvere possunt.* Ex quibus verbis tam amplis docet unanimis Doctorum, quod simplex etiam Sacerdos, quamvis sit degradatus, excommunicatus, irregularis, vel apostata, possit absolvere, si non adsit Confessarius approbatus, proprius Parochus, aut Episcopus. Num autem hoc præsentem possit absolvere simplex Sacerdos, jam alibi (b) dictum fuit.

\* Quod proxime dictum est de potestate absolvendi in articulo mortis, Lugo, Vasquez, Sanchez, Suarez, Sylvestre, Medina, & alii cum Glossa extendunt etiam ad periculum mortis. Ubi notandum, quod, etsi soleat subinde articulus, & periculum mortis ab AA. pro eodem accipi conformiter *dist. 9. n. 13.* proprie tamen articulus mortis tunc adesse censeatur, quando mors moraliter certa proxime instat. Periculum vero mortis tunc dicitur esse, quando sub dubio, vel timore probabili expectatur mors, uti in prælio, vel itinere periculoso, vel simili maritima navigatione: item tale periculum subire reputantur illi, qui inserviunt pestiferis, aut mulieres partui vicinæ, alias in partu expertæ periculum vitæ: non enim præsumitur, etiam hos velle pia Mater Ecclesia exponere probabili periculo æternæ damnationis denegando Sacerdotibus præsentibus Jurisdictionem saltem in casu, quo alii habentes potestatem absolvendi desunt, aut nolunt, vel non possunt absolvere.\*

14. CONCL. VI. Ut Minister Sacramenti Pœnitentiæ, sive Confessarius, illud valide administret, necessario requiritur etiam legitima approbatio ipsius. Ita communis. Hinc vitandæ sequen-

sequentes duæ Propositiones ab Alexandro VII. damnatæ, quarum una, ordine 16. sic habet: *Qui Beneficium curatum habet, possunt sibi eligere in Confessarium simplicem Sacerdotem non approbatum ab Ordinario.* Altera, ordine 13. taliter sonat: *Satisfactis præcepto annuæ Confessionis, qui confitetur Regulari Episcopo presentato, sed ab eo injuste reprobato.* Et merito utraque Propositio damnata fuit: nam seclusa approbatione Episcopi, neque simplex ille Sacerdos ab eodem recipit jurisdictionem delegatam absolvendi (ordinariam enim eo ipso non habet, quod careat Beneficio curato) neque hanc accipiunt Regulares a Summo Pontifice.

15. Et notanter hoc ultimum additur: nam Regulares exempti jurisdictionem absolvendi seculares non accipiunt ab Episcopo approbante, sed supposita approbatione Episcopi loci, accedente consensu proprii Superioris Regularis, ea statim intelligitur ipsis concessa a Sede Apostolica; prout desumitur ex *Clem. Dudum, §. Statuimus, de Sepulturis.* Atque a Sacra Congregatione Concilii declaratum fuisse, refert Fagnanus in *cap. Omnis, num. 79. de Pœnit. & remiss.* Accedit ratio, quam affert Layman *lib. 5. traët. 6. cap. 10. num. 19.* quia Episcopus loci tam amplam jurisdictionem audiendi Confessiones omnium Fidelium undecumque venientium, eosque a Censuris etiam Papæ reservatis, extra casus Bullæ Cœnæ Domini absolvendi, dare non potest: sed eam Confessarii Ordinum Mendicantium immediate recipiunt a Summo Pontifice, cum dependentia tamen a consensu sui Prælati, & approbatione Episcopi.

#### \* APPENDIX

##### Continens varia adhuc quæsitæ de Approbatione.

Quæres I. An Episcopus Clericum, & quem in examine consideratis omnibus considerandis vere idoneum invenerit, possit nihilominus citra peccatum reprobare? Respond. negative: peccaret enim talis Episcopus contra justitiam; quia intervenit quasi contractus, uti alias fit in concursu, quo dicitur: *Subjicio te examini ea conditione, ut approber, si dignus inveniar;* quæ conditio etiam censetur acceptari ab altero, supposito, quod ipsum examinet. Ita recte cum Card. de Lugo *La Croix lib. 6. part. 2. num. 1491.* & ex Boscio *de jubileo fest. 5. P. Henno traët. de Pœnit. disp. 8. q. 6. Concl. 4.* Interea tamen etiam injuste reprobatus juxta jam dicta requirit audire in illa Diocesi Confessiones; cum delicti necessario requisitum, nempe approbatio.

Quæres II. An Episcopus Clericos Regulares exemptos possit tantum ad certum genus personarum, vel ad certum locum, aut tempus approbare? Resp. quoad hoc provideri in Constitutione *Superna*, edita per Clement. X. ubi §. 5. sic habetur: *Illi Religiosi, qui ad Confessiones audiendas idonei generaliter inventi fuerint, ab Episcopis generaliter quoque, & indistincte absque aliqua limitatione* NB. temporis, ceterorumque locorum, aut generis personarum in Diocesi propria sunt admittendi: quoad ceteros vero, qui non idonei reperiuntur, si petierint se admitti, arbitrio Ordinariorum relinquitur, ipsis

limitata facultate, prout eisdem Ordinariis magis expedire videbitur, probare, & admittere.

Quæres III. An, supposito, quod aliquando Regulares exempti, fuerint approbati pro aliqua Diocesi, illa approbatio denuo possit tolli ab illo Episcopo, qui eam dedit? Resp. Talem approbationem semel factam nullatenus posse ab eodem tolli, seu revocari alio tempore, nisi vere coram Deo nova gravis causa revocandi, quæ ipsas concernat Confessiones, intervenerit. Ita *La Croix lib. 6. part. 2. n. 1545.* & probatur ex Constitut. *Superna, Clement. X. §. 6.* ubi sic legitur: *Regulares ad Confessiones audiendas prævio examine simpliciter, & absque ulla temporis præfinitione ab ipsomet Episcopo* (NB. secus autem ab ejus Vicario, aut ab Antecessoribus Episcopis approbati) *non possunt ab eodem, qui sic approbavit, iterum examinari, aut ab eisdem Confessionibus audiendis suspendi, seu licentia illis concessa revocari, nisi nova superveniente causa, quæ ipsas Confessiones concernat.* Videatur Henno *Traët. de Pœnit. disput. 8. quæst. 7.*

Quæres IV. A quonam Episcopo debeant Regulares exempti approbati, ut valide in aliqua Diocesi seculares pœnitentes absolvere possint? Resp. Ordinarie loquendo debent tales Regulares esse approbati ab Episcopo illius Diocesis, in qua excipiunt Confessiones, ita quidem, ut citra istam approbationem ibidem absolvere non possint pœnitentes ad se confluentes etiam ex alia Diocesi, in qua jam fuerant antecederet approbati. Ita clarissime patet ex Constit. *Clement. Papæ V. incip. Superna*, edita undecimo Calendas Julii 1670. ubi inter multa hæc verba habentur: *Ad hæc Regulares ab Episcopo ad Confessiones Secularium in sua Diocesi audiendas approbati* NB. *non possunt in aliena Diocesi eas absque illius Episcopi Diocesani approbatione audire, quamvis pœnitentes subditi sint ejus Episcopi, a quo ipsi Religiosi jam fuerunt approbati.* Cæteroquin Episcopus ille approbationem dare potest electus, & confirmatus, quamvis non consecratus, vel Capitulum sede vacante. Pariter Abbates, & Præpositi, qui habent territorium nulli Episcopo subjectum. Videatur *La Coix lib. 6. p. 2. n. 1495. ac seqq.*

Quæres V. An pariformiter quoad approbationem sentiendum sit quoad Clericos Seculares? Resp. Eisdem pariter debere esse approbatos ab Ordinario illius Diocesis, in qua Confessiones excipiunt. Ita cum Navarr. Barbosa, Cardin. de Lugo &c. Sabinus Bpnoniens. in *Luce Mor. rr. 76. n. 34.* Et probatur a fortiori: Confessarii enim seculares magis dependent ab Episcopo, quam Regulares exempti; cum posteriores ab eo dependant tantum in approbatione; priores autem etiam in Jurisdictione: ergo, si Regulares debent esse approbati ab Episcopo Locum, in quo Confessiones excipiunt, multo magis Seculares. Accedit, quod apud eundem Sabinum *loc. cit. n. 37.* ita fuisse decisum a Sac. Congregat. Concilii, referant Fagnanus in *cap. Ne pro Lilaione n. 65. ac seqq.* & Pignatellus *tom. 7. Consult. 8. n. 46.*

Quæres VI. Quomodo ergo stante hac doctrina salvetur in Germania praxis; vi cujus in con-

fini-

finibus duarum Diœcesium tam Parochi, quam Regulares tempore Indulgentiarum, seu magnæ alicujus festivitatis, aut peregrinationis confluunt in unum certum locum, coadjuvando ibidem excipere Confessionis, quamvis in Diœcesi ejusdem loci, seu oppidi, ubi Confessiones excipiunt, numquam fuerint ab Ordinario approbati? Ratio dubitandi est; quia ex una parte juxta jam dicta requiritur ad absolvendum aliqua approbatio, & quidem Episcopi, in cujus Diœcesi excipiuntur Confessiones, ex altera vero propterea, quod quis sit approbatus in propria Diœcesi, non inferitur, quali foret approbatus in omni alia, sicque nec in ea, in qua sine ulteriori approbatione Confessiones excipit: nam sequens propositio est damnata ab Alexand. VII. quæ sic sonat: *Regulares Ord. Mendicant. semel approbati ab uno Episcopo ad audiendas Confessiones in sua Diœcesi habentur pro approbatis in aliis Diœcesibus, nec nova indigent approbatione.* Resp. ex Illung hic, & aliis, praxin istam justificari posse per tacitum consensum, & approbationem Episcopi illius Diœceseos, in qua talis Confessiones excipit: dum enim similia in Germania tempore magni concursus pœnitentium a Confessariis Regularibus, qui in alia Diœcesi fuerunt approbati, uti & a Parochis, & Beneficiatis curatis notorie practicantur, & Reverendissimi Ordinarii non contradicunt, etsi facile possint, merito tacitus exinde de præsentis consensus eorum inferitur, qui æquivalet consensui expresso. Quod idem erit sentiendum de alia praxi, qua nimirum vicini Parochi ad invicem, vel Cooperator unius Parochiæ vicino Parocho consentitur.

Quæres VII. An etiam post Decretum Clementis X. salvari possit illa praxis, qua Regulares exempti ab uno Conventu in alium mutati, solent in locis, per quæ transeunt, præsertim in aliquo concursu pœnitentium, & quando fuerunt a Parochis requisiti, excipere ibidem Confessiones, quamvis in ea Diœcesi necdum fuerint approbati ab Ordinario? Antequam respondeam, suppono tamquam certum, quod nequeant tales excipere secularium Confessiones in ipso loco, ad quem mutantur, & ubi Domicilium figunt, nisi vel jam alio tempore pro illa Diœcesi fuerint approbati, vel de novo ab Ordinario memoratæ Diœcesis, sub qua ille locus situs est, approbationem obtineant: ita enim expressè decernit Clemens X. in superius allegata Constitutione. Quæstio igitur solum versatur circa loca, per quæ præcise tales Regulares transeunt, non ibidem permanendo. Hoc præscripto, Resp. Supposito, quod tales jam ab aliquo Ordinario alicujus Diœcesis fuerint approbati, posse sub itinere excipere Confessiones in loco, per quem transeunt, quamvis locus iste existat in ea Diœcesi, in qua numquam approbationem obtinuerunt, dummodo specialiter excipiat oppidum, in quo ipsemet Episcopus moratur. Ita cum aliis contra Illung Pater Reiffenstuel lib. 5. *De ret. tit. 39. num. 259.* Et ratio desumitur tum ex privilegio per Eugenium IV. FF. Minoribus, ac per Gregor. XIII. Patribus Soc. Jesu concessio, quoad NB. transeuntes, seu itinerantes, necdum clavis terminis per Clement. X. revocato, tum ex tacito consensu ipsorum Ord-

nariorum, eo ferme modo, quo diximus in antecedenti Quæstio. Videatur Anacletus Reiffenstuel loc. cit. & Albertus Reiffenstuel in sua Practica p. 1. cap. 3. n. 95.

Quæres VIII. An Regulares exempti, semel in aliqua Diœcesi approbati possint excipere Confessiones in locis ejusdem Diœcesis, in quibus non habent Monasteria, ubi Parochi positive contradicunt? Resp. affirmative. Ita La Croix lib. 6. p. 2. n. 1523. & deducitur ex Constit. *Superna.* Clem. X. sæpe jam allegata. Ratio est, quia quoad approbationem non dependet a Parocho, sed ab Episcopo, a quo, si sunt semel approbati, illimitate Jurisdictionem in Christi fideles accipiunt ab ipsomet Summo Pontifice. Nec dicas: Parochi nequeunt audire Confessiones in altera Parochia ejusdem Diœcesis, contradicente positive altero Parocho: ergo nec Regulares. Resp. enim Neg. Conseq. & paritatem; nam Parochi non acquirunt Jurisdictionem in alienos subditos, puta, in altera Parochia existentes, nisi per expressum, vel saltem per tacitum de præsentis consensum alterius Parochi; Regulares autem Mendicantes illam obtinent a Papa in omnes Seculares, habita semel approbatione Episcopi Diœcesani. Interea tamen præfati Regulares non debent publice in ipsa Ecclesia alterius Parochiæ excipere Confessiones, si positive Parochus nolit, ut sic evitentur trixæ, & lites, uti notant La Croix lib. 6. p. 2. n. 1576. & Henno *Tract. de Pœnit. disp. 9. quæst. 5. Concl. 3.*

## QUÆSTIO II.

De Probato, Soientia, & Prudentia Confessarii.

### SUMMARIUM.

16. Ratio Ordinis.
17. In Confessario requiritur probitas, scientia, & prudentia.
18. Confessarius debet esse Index, Medicus, & Doctor.
19. Probitas, qua in ipso requiratur?  
(c) De hoc Tract. 14. Dist. 1. n. 43. 44. & 47.
20. Quomodo peccet administrans hoc Sacramentum in mortali?
21. Scientia in Confessario, qualis requiratur?
22. Scientia eminens, & Scientia mediocris, quæ?
23. Quid, si Sacerdos sit dubius de sua sufficientia?
24. Generatim, qua Scientia debeat pollere Confessarius?
25. An is teneatur judicare de gravitate peccatorum in individuo?  
(e) Ut dictum Tract. 3. Quæst. 2. per totum.
26. Quid, si is erret in judicando? Doctrina practica.  
(f) Ut amplius n. 34. & seqq. dicetur.
27. Prudentia Confessario necessaria.
28. Ea generatim debet exerceri circa propriam Confessarii personam.
29. Circa personas astantes.
30. Et circa pœnitentes, quomodo?

16. POSTquam de iis dictum est, quæ requiruntur ad Ministrum Sacramenti Pœnitentiæ, ut valide illud administret: merito præsens quæstio una cum sequentibus tractat de his, quæ requiruntur ad dignam, legitimam, licitam, &

D d d d

meri-

meritoriam dicti Sacramenti administrationem ex parte Ministri. Hinc sit

17. CONCL. I. Ut Confessarius rite, ac licite, meritorieque suo munere fungatur, ex parte ipsius requiruntur tria, videlicet Probitas vitæ, Scientia conveniens, & Prudentia. Ita communis. Ratio est. Tum quia is sine probitate vitæ, sive existens in peccato mortali, peccaret mortaliter administrando Sacramentum pœnitentiæ. Tum quia, ut dicitur *cap. Omnis utriusque sexus, de Pœnit. & remiss.* Confessarius debet se habere *more periti Medici, ut superinfundat vinum, & oleum vulneribus sauciati*: ad hoc autem opus est scientia, & prudentia, ut patet; ergo.

18. Hæc generalia requisita ex parte Confessarii paucis complectuntur Doctores, dum ajunt, quod Confessarius debeat esse & Judex, & Medicus, & Doctor. *Judex* quidem, discutiendo pœnitentem, atque de ejusdem peccatis judicando, ac pro ipsis salutarem pœnitentiam & satisfactionem imponendo, simulque vel impertiendo absolutionem, vel (si merita causæ id exposcant) hanc negando. *Medicus*, qui juxta *cit. c. Omnis utriusque sexus, eod.* noverit superinfundere vinum & oleum vulneribus sauciati. Et *Doctor*, ob debitam scientiam, prudentiamque ex parte ipsius requisitam, prout amplius in progressu dicetur. Nunc singula in Conclusionem enumerata prosequendo per ordinem,

19. Quæritur I. Quænam probitas requiratur ex parte Confessarii? Resp. I. Ad hoc, ut Sacerdos licite, & absque peccato mortali administret Sacramentum Pœnitentiæ, requiritur, ut non sit sibi conscius peccati mortalis. Quod si eum remordeat conscientia peccati gravioris, tenetur prius per receptionem Sacramenti Pœnitentiæ, vel saltem præmissa contritione perfecta (c) sese restituere in statum gratiæ: alioquin peccaret novo peccato mortali Sacrilegii. Valebit tamen absolutio data a Sacerdote in statu peccati mortalis existente, si cætera requisita adsint; ac proinde valide quidem, sed non licite Sacramentum administrabit.

20. Quæritur II. Quot peccata numero distincta committat Sacerdos, qui plurium Confessiones pro eadem vice, successive tamen, in statu peccati mortalis excipit? Respond. De hoc jam esse dictum superius *Tract. 14. dist. 1. n. 49. & 53.* Ibi videatur.

21. Quæritur III. Quæ, & quanta requiratur Scientia in Confessario? Resp. I. In Confessario requiritur Scientia competens, id est, saltem mediocris. Ita communis. Ratio est: quia, cum in hoc Sacramento Confessarius exerceat officium Judicis & Medici, scire debet, quid sit sui muneris, ne & se & suos pœnitentes periculo exponat errandi in materia gravi, & salutem animarum concernente. Siquidem, ut inquit Salvator, *Matth. 15. Cecus, si cæco ducatum præstet, ambo in foveam cadunt.*

22. Additur notanter: *Scientia competens, id est, saltem mediocris.* Dux enim sunt species scientiæ.

Prima dicitur *Scientia eminens*, qua quis optime sit versatus in Jure Canonico, in Theologia Morali, atque Casuistarum lectione, & qua sciat ratiocinari, casusque difficiles Conscientiæ resolvere. Hæc Scientia, quamvis sit utilissima, omnique studio prosequenda, nihilominus absolute necessaria non est: alioquin pauci reperirentur Confessarii. Secunda vocatur *Scientia mediocris*, quæ tamen commode determinari nequit, sed debet judicari ex ratione diversitatis tum locorum, tum personarum: major enim requiritur scientia pro Confessionibus, in Urbe aliqua inter Magnates & Mercatores excipiendis, quam in pagis inter simplicem populum.

23. Resp. II. Si Sacerdos sit dubius de sua sufficientia, debet se conformare judicio Episcopi approbantis, vel sui Prælati, aut alicujus docti Theologi, & si per ipsos capax, & sufficiens repertus fuerit, suum dubium in illorum judicium rejicere, & secure Confessiones excipere. Ita D. Thomas 2. 2. q. 104. art. 5. Suarez, Toletus, & alii. Intellige, dummodo is successive per lectionem librorum competentium magis conetur in hujusmodi scientia ad Confessarium requisita proficere, & in casibus obscurioribus ac difficilioribus non erubescat doctiores consulere: quod præsertim a principio erit observandum, quando quis incipit Confessiones excipere.

24. Resp. III. Interim certum est, quod Confessarius debeat esse præditus tanta Scientia, ut sciat, quænam sint peccata ex genere suo mortalia, & quænam venialia; quænam sint circumstantiæ speciem peccati mutant, & quæ non: tenetur enim inter hæc veluti inter lepram & lepram, seu spirituales Medicus, posse discernere. Insuper tenetur scire regulas communes, quibus quis excusari possit a præcepto, vel a peccato mortali: nec non ea, quæ requiruntur ad legitimam Sacramentorum administrationem, ac in specie ad Sacramentum Pœnitentiæ, & hujusmodi, de quibus idcirco passim Theologi Morales tractare consueverunt.

25. Resp. IV. Cum Suarez *part. 3. tom. 4. disp. 28. sect. 2. num. 2.* Lugone, Marchantio, aliisque. Quamvis teneatur Confessarius scire, quidnam ex natura sua sit peccatum mortale, & quidnam veniale, ut dictum: non tamen requiritur, quod de omnibus; quæ audivit a pœnitente, judicet, an sint hic & nunc peccata mortalia, vel venialia. Quis enim hoc etiam ex viris doctissimis, absque manifesto periculo errandi, facere poterit? Idque tum ob diversitatem opinionum inter Doctores: tum quia casus ipsi in individuo valde alterantur quoad majus, ac minus, ex materia, indeliberatione, passione, multisque aliis circumstantiis, ratione quarum quandoque peccatum ex genere mortale fit veniale, ac econtra. (c) Sufficit itaque, ut Confessarius attente audiat confitentem, & qualitatem gravitatemque malitiæ prudenter expendat, licet ad gravitatem peccati mortalis certo illam determinare non possit.



26. Notandum tamen, si Confessarius determinatum ferat iudicium, & quandoque peccatum mortale reputet veniale, aut econtra, non ideo Confessionem, & absolutionem poenitentis reddi invalidam; nam ut recte quidam loquuntur: *Sacerdos non debet judicare poenitentem scientia Divina, sed auctoritate Divina absolvere.* Unde, si Confessarius audiat peccatum, quod discernere nequit, utrum hic & nunc sit mortale, illud tale quale est absolvat, suspendens iudicium pro natura ipsius; quandoquidem in genere bene sciat, an sit mortale, vel veniale: etenim quidquid agat, non semper poterit concepta dubia (doctioribus praesertim ob particulares circumstantias frequentius occurrentia) super peccatis, & eorum gravitate deponere; neque oportet per exactissimas interrogationes hoc Sacramentum poenitentibus nimis grave & onerosum reddere. (f)

\* At ponamus, quod Sacerdos in Confessionali commiserit aliquem errorem ex sua incitia, seu ignorantia, quem postea cognoscit, debetne error hic denuo ab ipso corrigi, & quomodo, ac quando? Antequam respondeam, suppono, talem errorem posse contingere vel circa substantia Sacramenti, sine quibus nullo modo valor Sacramenti habetur, v. g. si administraretur absque intentione Ministri, si detur absolutio absenti, aut omittendo in formula absolutoria aliqua verba essentialia; sive si conferatur poenitenti non habenti dolorem ex motivo supernaturali, aut efficax propositum &c. Vel error iste potest praecise versari circa integritatem materialem, puta, si a Confessario ex incitia intermittatur interrogatio circa species, & numerum peccatorum, e. g. an poenitens, qui accusat se contra sextum praeceptum peccasse, commiserit hoc peccatum cum soluta, vel ligata, & quoties? Item error iste in Confessionali ex incitia a Confessario factus potest tendere in praedudicium tertii, ut in puncto restitutionis in bonis famae, vel fortunae, vel potest contingere citra damnum alterius. H. S.

Respondeo I. Si error iste ex incitia contingit circa valorem Sacramenti, tunc illa incitia vel fuit ignorantia vincibilis, ac graviter peccaminosa, vel invincibilis. Si prius, tenetur hunc errorem corrigere, & poenitentem monere etiam cum gravi suo incommodo, petita tamen prius (saltem de sententia securiori) a poenitente licentia loquendi cum ipso de re sibi ad salutem necessaria. Ratio est: quia graviter ex sua propria culpa damnificavit poenitentem: ergo debet sibi imputare grave onus, quod in corrigendo errore subire cogitur. Quando vero incitia ista fuisse ignorantia invincibilis oblivione, tunc vel poenitens est in eo statu, ut sit periculum, ne Sacramentum poenitentiae post talem absolutionem invalidam unquam amplius recipiat, puta, quia periculose pro tempore talis invalidae absolutionis erat decumbens, vel non est tale periculum: in priori casu adhuc tenetur Confessarius subire onus corrigendi suum errorem etiam cum gravi incommodo, si alius modus lenior corrigendi non supersit. Ratio est: quia poenitens versatur in periculo

ternae damnationis, si ita cum suis peccatis gravibus a parte rei necdum absolutus decederet. Quod si tale periculum moriendi abesset, non teneretur Confessarius cum tali gravi suo incommodo, & prostitutione hunc suum errorem corrigere; quoniam moraliter certum est, talem poenitentem adhuc saepius accessurum ad confitendum, ubi a suis prioribus illis peccatis saltem indirecte absolveretur. Ita cum Tamburino, & Card. de Lugo, P. Sporer *part. 3. Theol. Sacram. cap. 6. sect. 4. n. 803.* ac teste ipso communis.

Respond. II. Si stante valore Sacramenti Confessarius quoad alia (secluso tamen omni damno tertii) erravit ex incitia inculpabili, vel naturali oblivione, non tenetur cum gravi suo incommodo, & prostitutione, aut infamia corrigere hunc suum errorem. Ita cum Card. de Lugo, Averfa, & Filiucio, Claudius La Croix *lib. 6. part. 2. num. 1779.* ac Tamburinus hic, qui etiam *cap. 8. num. 3.* subiungit, tale grave incommodum corrigendi communiter praesumi adesse. Ratio responsionis est: quia ex una parte talis nihilominus indirecte ab his peccatis fuit absolutus, ex altera autem nulli sit praedudicium, ac praeterea nec intervenit aliqua culpa.

Respond. III. Si error iste contingit ex incitia Confessarii in materia iustitiae cum damno tertii, tunc vel Confessarius iste erravit negative tantum, utpote non monendo, non imponendo restitutionem debitam, seu non docendo nullitatem, seu injustitiam alicujus contractus &c. vel dictus Confessarius erravit etiam positive v. g. dicendo positive ad poenitentem, quod sit excusatus a restitutione; cum tamen foret obligatus, aut vice versa adstringendo poenitentem ad faciendam aliquam restitutionem, a qua tamen foret excusatus: sive asserendo, quod hic contractus usurarius e. g. sit justus, qui tamen a parte rei est invalidus &c. Si in materia iustitiae error iste ex incitia culpabili, vel etiam ex respectu humano proveniens fuit negativus, tenetur eum Confessarius juxta non paucos ex iustitia, juxta plures vero teste La Croix *loc. cit. num. 1781.* saltem ex charitate corrigere etiam cum suo incommodo non levi. Ratio est: quia fuit causa negativa damni ex propria malitia. Dixi notanter: *Si error fuit ex incitia culpabili:* etenim si similia contigissent ex ignorantia invincibili, aut oblivione naturali, sicque sine gravi culpa, non obligaretur ad corrigendum errorem cum gravi incommodo, & erubescencia. Quando autem error iste in materia iustitiae ex incitia culpabili Confessarii, vel ex respectu humano proveniens fuit positivus, tunc certo talis Confessarius etiam cum suo non exiguo incommodo tenetur corrigere hunc errorem ex iustitia, ita quidem, ut in defectum alterius obligetur ad refarcitionem damni, si habeat media. Ratio est; quia fuit causa mala positive influens in hoc damnum, sicque conformiter dictis de restitutione, obligatur ex titulo injustae damnificationis. Quod si damnum hoc contigisset ex incitia inculpabili, neque obligaretur ex iustitia ad refarcitionem damni: non quidem titulo *rei acceptae*; cum nil ad eundem pervenerit: nec titulo *injustae acceptionis*; seu da-

mnificationis; quoniam nullam commisit gravem culpam. Interea tamen videtur lex Christiana dictare, ut Confessarius iste, impetrata prius a pœnitente licentia, loquatur desuper cum pœnitente, etiam cum aliquali incommodo, licet non tanto, ac si mala fide errasset. Nec tenetur propterea famam propriam, aut Religionis suæ tamquam bonum altioris Ordinis gravi periculo prostitutionis, & infamæ exponere, modo non mentiatur iniquitas sibi, dicendo grave periculum, ubi revera non est. Sporer *loc. cit.* n. 805.\*

27. Quæritur IV. Circa quæ generatim Prudentia Confessarii debeat esse sollicita? Resp. I. Licet Prudentiæ virtus ad omnes Sacerdotum functiones rite obeundas summe necessaria sit, merito tamen præ omnibus aliis ea requiritur ad Confessiones audiendas, ut Confessarius, & quatenus Medicus est, probe noverit superinfundere oleum, & vinum vulneribus sauciati; & quatenus Doctor est, caute errantes viam veritatis edoceat.

28. Respond. II. Generatim Prudentia Confessarii est exercenda partim circa propriam personam, partim circa pœnitentes, & partim circa alias personas. Et quidem circa propriam personam: vigilare oportet Prudentiam Confessarii tum in procuranda, atque conservanda puritate conscientiæ, tum in devota invocatione gratiæ Spiritus sancti, ad hoc Divinum ministerium rite peragendum: tum in ardenti zelo, sive desiderio procurandi salutem animarum, Deique gloriam adaugendi, & ampliandi. Accedit assecuratio corporalis, ne videlicet, quantum fieri poterit, Confessarius incurrat periculum corporis, seu contrahendæ infirmitatis præsertim excipiendo Confessiones laborantium morbis contagiosis. Huc revocantur nonnulla alia, quæ Confessario quoad propriam, etiam in exterioribus gestibus rite ordinandam, necessaria, & prudenter attendenda erunt.

29. Deinde quoad alias personas affantes, plura observanda suggerit Prudentia. Primum est: uniformitas in modo procedendi. Alterum, ne nimis clare loquendo, faciat nonnumquam circumstantes audire peccata contentis contra eorum voluntatem, aut ne gestibus, aliisve signis, faciat affantes devenire in notitiam cujuscumque peccati gravioris confessi. Et hoc tum ratione sigilli Confessionis, ne illud quoquo modo, etiam indirecte, violetur: tum ratione scandali, & ne circumstantes merito absterreantur, & (quod pronissimum est) averfionem concipiant a tali Confessario. Alia similia suggeret ipsamet Prudentia.

30. Potissimum autem circa pœnitentes ipsos Prudentia Confessarii exercenda est, eos partim caute examinando, si opus fuerit; partim charitative instruendo, dubiaque ipsorum solide resolvendo, & dando opportuna consilia; partim eos discrete corrigendo, atque salubria subministrando media, quibus ad veram detestationem peccatorum inducantur, atque ab ulteriore lapsu præserventur. Præsertim autem magna opus est prudentia circa eos, qui videntur esse constituti in occasione proxima peccandi, nec non & circa recidivos. Hinc sit

### QUÆSTIO III.

De Interrogationibus a Confessario faciendis.

#### SUMMARIUM.

31. *Confessarius, an teneatur quandoque interrogare pœnitentem?*
32. *Cautela circa interrogationes.*
33. *Quid observandum circa rudiores.*  
(g) Dist. 7. n. 63.
34. *Quid observandum in faciendis interrogationibus?*
35. *Hic potest errari per defectum & excessum.*  
*Doctrina notabilis.*
36. *Regula generales circa examen, & interrogationes faciendas.*
37. *Præsertim in materia Luxuria.*
38. *Praxis circa hujusmodi interrogationes.*
39. *Interrogationes, an sint instituenda post Confessionem?*
40. *Vel potius sub Confessione?*
41. *Quid agendum, si pœnitens taceat peccatum, quod Confessarius scit eum commisisse?*
42. *Quid, si pœnitens illud neget?*
43. *Limitatur data responsio.*

31. **Q**UÆRITUR I. An Confessarius teneatur quandoque interrogare pœnitentem? Respond. etli per se, ac primario, munus pœnitentis sit sese debite examinare, atque integre accusare, Judicis autem audire: nihilominus in supplementum ignorantia, seu defectus ipsius pœnitentis, etiam Judicis sive Confessarii est interrogare, eumque examinare in hoc Foro Sacramentali. Ita Herinex *disp. 5. de pœnitent. num. 55.* cum communi. Idque tum ex *capit. Omnis utriusque sexus, de Pœnitent. & remiss.* ibi: *Sacerdos autem sit discretus & cautus, &c. diligenter inquirens & peccatoris circumstantias & peccati.* Tum ex Rituali Romano, ibi: *Si pœnitens numerum, & species, & circumstantias peccatorum explicatu necessarias non expresserit, eum Sacerdos prudenter interroget.* Accedit ratio: quia Confessarius tenetur, quantum moraliter potest, procurare integram peccatorum Confessionem, atque evitacionem peccati Sacrilégii; & curare, ne indisposito administret hoc Sacramentum.

32. Additur, in supplementum ignorantia, seu defectus pœnitentis. Nam Confessarius non obligatur ulterius interrogare pœnitentem, quem ex modo procedendi advertit virum doctum, & bene conscientiam examinasse, suæque peccata quoad numerum ac speciem rite proposuisse, si nesciat; eum aliquid per oblivionem omisisse. Herinex *loc. cit. Lugo disp. 22. de Pœnitent. num. 17. & alii.* Imo etiam, quando facienda est interrogatio, prorsus abstinendum est a curiosis, & non substantialibus: hoc est, iis, quæ non concernunt numerum, speciem, ac circumstantias speciem mutantem peccatorum: quamvis, ut hæc facilius intelligantur, expediat, circa pœnitentem cate-roquin ignotum præmittere interrogationem de

tempore ultimæ Confessionis, & (si occurrat peccatum carnis) an sit solutus, vel ligatus Matrimonio, &c.

\* Quodsi indages ulterius, quandonam ergo debeat Confessarius interrogare? Respond. Votum id desumi ex triplici classe pœnitentum a practicis assignata: ubi ab iisdem in prima Classe ponuntur suo modo doctiores, e. g. Clerici, Religiosi, vel etiam studiosi altiorum facultatum, præsertim Theologiæ moralis. In secunda Classe numerantur minus quidem docti, competenter tamen circa divina educati, nimirum cives, famuli, vel liberi adulti educati in Civitatibus, item studiosi inferiorum facultatum. In tertia Classe collocantur rudiores, agrestes, regulariter minus in divinis exculti. Quoad personas *primæ Classis* ordinaria intermittenda est interrogatio, nisi ex circumstantiis manifeste appareat in contrarium necessitas interrogandi, prout aliquoties Confessarius experietur talem necessitatem circa expressionem speciei, vel numeri peccatorum quoad eos pœnitentes, qui equidem in aliis altioribus facultatibus deprædicantur docti, minus tamen sunt in Theologia morali versati. Quoad personas *secundæ Classis* solum tunc instituendæ sunt interrogationes, quando probabiliter, consideratis circumstantiis aliis, timetur defectus examinis, & ignorantia culpabilis. Quoad *tertiam Classem* ordinariè requiritur interrogatio Confessarii in supplementum pœnitentis, nisi ex brevitate ultimæ Confessionis, vel ex constitutione conscientia tenetæ alias jam notæ, vel ex ipsomet modo proponendi Confessionem contrarium inferatur: audies enim juvenis Confessarie subinde præter opinionem tuam personas rusticellas apparenter simplices, quæ tamen melius in Divinis, & ad Sacramentum Pœnitentiæ spectantibus instructæ sunt, quam aliæ Nobiles. Videatur Albertus Reiffenstuel in Instit. super practicam Confessionalis p. 1. cap. 6. §. 2. \*

33. Quantum ad rudiores attinet, plerumque non expedit, ipsos, etiamsi minus parati accedere videantur, dimittere sine absolutione, ut se magis examinent: quia aut deterriti vix amplius ad talem Confessarium venient, aut ratione suæ incapacitatis non raro redibunt æque indispositi. Quare tales communiter permittendi sunt, peccata suo modo, quo possunt, etiam rudiori, proponere; & tunc suaviter examinentur, atque juvantur a Confessario, uti jam superius (g) dictum fuit.

\* Pariter dimittendi non sunt absque ulterioribus interrogationibus: miti animo propositis illi pœnitentes nimium verècundi, qui sub ipsa actuali Confessione, vel ex speciali instinctu Spiritus sancti illuminati, vel efficaci admonitione sagacis, & discrete zelosi Confessarii commoti detegunt grave quodpiam peccatum, ab aliquot jam annis ex erubescencia absconditum, quod forsan neque de facto aperuissent, nisi Deus, in cujus manu sunt corda hominum, ex improvviso sic mirabiliter disposuisset; licet enim apud tales, præsertim si exinde jam pluribus annis Confessiones Sacrilegas fecerunt, sicque plura gravia peccata etiam in præcedentibus Confessionibus jam detecta denuo

Clavibus hujus Sacramenti subicere debent, licet (inquam) apud tales videatur subesse periculum quoad materiale integritatem Confessionis, videlicet ne aliquot peccata ex oblivione, hic & nunc inculpabili, quoad speciem, & numerum intermittantur; praxis tamen ista continuandæ Confessionis, ac absolutionis ordinariæ justificatur ob aliud majus periculum, alias, si absolutionem Confessarius differret, imminens; nimirum; ne pœnitentes isti, si hic & nunc pro ulteriori examine sine absolutione dimittantur, alia vice omnino emanent denuo naturali verècundiæ victi, atque exinde Sacrilegas continuantes Confessiones: prout solide cum Gobat & Sporer docet ex multa experientia Albertus Reiffenstuel in suis Instit. Moral. loc. cit. num. 331. & seq. Interea tamen similes, finitis modo morali inferiori post num. 43. explicando interrogatoriis, & peracta Confessione ante absolutionem suaviter moneat Confessarius, ut, si adhuc alio tempore aliqua peccata gravia intra tempus primæ Sacrilegæ Confessionis perpetrata, hic autem & nunc ex inculpata oblivione intermissa deinceps memoriæ occurrerent, ea ipsa, quæ interim vi modernæ Confessionis sinceræ indirecte sunt remissa, de novo, quando alias Confessionem deponere cogitant, Clavibus Ecclesiæ subijciant; alia vero de præsentis corde contrito legitime confessa non teneantur de novo repetere. \*

34. Quæritur II. Quomodo se gerere debeat Confessarius in faciendis interrogationibus? Respond. I. Confessarius non tenetur examinare pœnitentem requisita industria, exactissimo examine, sed suavi & humano modo. Ita Lugo disp. 16. de Pœnit. sect. 14. num. 589. & seqq. Gobat tract. 7. Theol. Experim. num. 331. & seqq. & alii passim. Ratio est: quia ipsemet pœnitens, qui tamen primario ad hoc obligatur, non tenetur, nisi moralem diligentiam in examine conscientia faciendo præmittere; ergo multo minus tenetur Confessarius ad exquisitissimas interrogationes, utpote qui tenetur facere interrogationes dumtaxat in supplementum. Deinde in hoc vel maxime attendendum est ad conditionem humanam, & ne ex hoc capite Confessio, seu Sacramentum Pœnitentiæ reddatur nimis grave ac odiosum, neque detur ansa Hæreticis vocandi illud *Conscientia carnificiana*. Et ad hoc maxime requiritur prudentia Confessarii, ne vel nimium pœnitentem torqueat aliis, & aliis minutissimis interrogationibus, vel aliunde quid plus, aut minus fiat.

35. Additur notanter, *ne quid plus, vel minus fiat*. Dupliciter siquidem circa hoc errari potest, scilicet per excessum, vel defectum. Per defectum errant rudes quidam & ignari Confessarii, nihil interrogando, vel solum crassissima quædam, aut universalia. Per excessum contra errant nonnulli nimium interrogando, ac strictissime examinando, imo interdum ex quadam curiositate impertinentia investigando: ut scrupulosi, & curiosi. Atque in hoc etiam majus periculum habent Confessarii doctiores, quia his occurrunt plures semper & plures interrogationes, quibus melius species & numerus peccatorum cognosceretur,

& explicaretur. Verum hic notanda doctrina Lugonis *loc. cit. num. 590.* Non est bona regula illa: si dicas: talis vel talis interrogatio facit aperire distincte numerum & speciem peccati: ergo illa etiam interrogatio addenda erit, &c. Quia non est attendendum solum ad exactam & integram Confessionem peccatorum, sed & maxime attendendum est ad conditionem humanam, & ne ex eo capite Sacramentum ipsum reddatur grave, &c. ut proxime dictum.

36. Resp. II. Circa examen pœnitentis, faciendasque modo humano Interrogationes, nequit dari una eademque regula pro omnibus: cum pendeat plurimum ex capacitate, & dispositione speciali pœnitentis, aliisque circumstantiis. Si quidem pauciores & crassiores interrogaciones debent fieri homini inculto & barbaro, quales sunt Indi occidentales, quam Europæ: levius item examinandus est rusticus, quam homo civilis: levius, qui ægrotat, & difficile potest ad subtilia attendere propter capitis debilitatem, quam homo sanus: denique (quod notandum etiam est) levius, & minus exacte interrogandus est circa singula, qui plura habet peccata, quam qui pauciora. Ita Lugo *cit. disp. 16. num. 494.* & ratio patet ex dictis.

37. Insuper circa hoc advertit communis Theologorum, in materia præsertim Luxuriæ cautissime esse procedendum, & non multiplicandas interrogaciones: tum ne forte ex ejusmodi interrogacionibus pœnitens male discat, quæ bene ignorabat: tum ut pudori consulatur, atque occurratur periculo tam ex parte pœnitentis, quam Confessarii, ne se illecebra insinuet. Unde, ut recte notat Coninch *disp. 7. de Sacram. dub. 7. n. 56.* cum aliis, præstat aliquando Sacerdotem minus perfecte peccatum intelligere, quam vel pœnitenti, vel sibi aliquod scandalum creare, aut esse nimium.

38. In praxi igitur utatur Confessarius terminis honestis, præcipue erga fœminas, & minoris ætatis personas, ordiendo semper suas interrogaciones a cogitationibus cum consensu. Quod si pœnitens vere castus respondeat, se illis non consensisse, non est opus, ut Confessarius suo examine ulterius ad Luxuriæ actus progrediatur: nam quando pœnitens est immunis a consensu in cogitationes obscenas, multo magis erit liber ab ipsis actibus pravis; nisi forsan præ ruditate ingenii, malitiam cogitationum obscenarum non apprehendat. Si vero pœnitens sese pravis cogitationibus consensisse confiteatur, quærat Confessarius ex ipso, num eas actu complere voluerit? si respondeat quod sic, petat deinde, num talia obscena desideria habuerit erga personas solutas, vel ligatas: atque an actu ipso cum eisdem compleverit, nec ne. Sicque procedat quasi per gradus de cogitationibus ad desideria, de istis ad oscula, de osculis ad tactus impudicos, ab his ad ipsosmet actus, inter limites honestatis, & modestiæ.

39. Quæritur III. Utrum circa illos, qui ipsi sua peccata exponunt, necessariæ interrogaciones speciei, numeri, & circumstantiarum speciem mutantium, sint immediate subjungendæ expositioni cujuslibet peccati, vel differenda usque ad

finitam totam Confessionem? Resp. Circa hæc variare Doctores, idque in praxi relinquendam esse prudentiæ Confessarii. Interdum enim, præcipue in Confessionibus brevioribus, & quæ memoriter sine scriptura peraguntur, expediet differre interrogaciones usque ad finem, ut censeret Laymann: idque, ne pœnitentes per hujusmodi crebras interpositas interrogaciones facile in sua Confessione confundantur, perturbentur, vel omnino a subsequentium Confessione absterreantur, aut tædio afficiantur. Et hoc locum habere potest, si Confessarius confidat suæ memoriæ, se omnia quæ sita facile usque ad finem retenturum: in quem finem in uno, vel altero digito contracto, signum faciendæ postmodum interrogacionis sibi facere poterit.

40. Nihilominus communiter, & ordinariè, potissimum in Confessionibus e scripto factis, vel longioribus, ubi Confessarius merito sibi metueret debet, an forsan plurimum obliviscatur, & deinde vel cum scrupulo omnis interrogacionibus absolvat, vel certe pœnitentem magna cum molestia sua cogat repetere longam Confessionem; satis esse censet Lugo *disp. 22. scilicet, 2. num. 15.* & alii, si Confessarius suaviter eum successive adjuvare studeat, & ejusmodi necessarias interrogaciones quoad numerum, speciem, nec non & circumstantias speciem mutantem, immediate singulis peccatis substituatur. Et hoc eo magis, quia frequenter ipsemet pœnitens post longum intervallum non statim singillatim de peccatis illis, quæ antea sive memoriter, sive e scriptis confessus fuerat, sese reflectere potest; vel saltem de novo confunditur, eadem cum rubore repetendo, ut distinctius exponantur.

41. Quæritur IV. Quid agendum, si pœnitens taceat, vel etiam neget peccatum, quod Confessarius aliunde novit eum commisisse? Resp. I. Si pœnitens dumtaxat taceat peccatum, illud non confitendo, debet Confessarius inquirere veritatem, etiam, si id absque alio incommodo fieri possit, insinuando suam de hoc notitiam; Herinex *disp. 5. de Pœnit. quæst. 4. num. 56.* Quod si vero id resciat ex Confessione alterius, v. g. complicitis, oportet interrogare adeo caute, ut pœnitens de alterius Confessione nihil possit conjicere (alioquin enim frangeretur Sigillum) utputa quærendo in communi, an nihil amplius habeat, quod conscientiam gravet? vel adhibendo consuetas ceteroquin interrogaciones, & abstrahendo a notitia prioris Confessionis.

42. Resp. II. Quando pœnitens negat, se ejusmodi peccatum commisisse, regulariter is erit absolvendus. Ita Herinex *loc. cit.* Tannerus *tom. 4. disp. 6. quæst. 7. n. 99.* Gobat *tract. 7. Theol. Exper. n. 245.* Diana *part. 5. tract. 11. resol. 21.* Toletus, & alii. Ratio est: quia in Foro Sacramentali pœnitens stat pro se, & contra se; ac proinde ei credendum est tam contra se, quam pro se. Accedit, quod si Confessarius solum noverit peccatum ex Confessione alterius, non sit major ratio, cur alteri potius fides adhibeatur, quam isti. Quia imo si tunc posteriori confitenti negaretur absolutio, hoc ipso frangeretur indirecte Sigillum Confessionis prioris, utendo ejus notitia in præjudicium,



clor, ruborem, & confusionem complicitis. Accidere insuper potest, quod alter pœnitens hoc peccatum jam fuerit confessus, aut saltem habeat justam causam illud impræsentiarum tacendi, v. g. ob dampnum suum, vel alterius.

43. Additur, *regulariter*. Nam si Confessarius evidenter sciat, pœnitentem commisisse tale peccatum, illudque nunc malitiose negare, non potest eum absolvere; prout notant citati Auctores, ac Lugo *disp. 22. de Pœnit. num. 21. & 22.* & alii. Siquidem nefas est, ministrare Sacramentum ei, quem evidenter scio esse indignum, illudque non nisi sacrilege petere.

\* Quæritur V. Quid circa interrogationes observandum Confessario, si pœnitens proponat aliquod peccatum in prioribus Confessionibus occultatum, prout aliquoties solet contingere, præsertim in peregrinationibus ad famosas, & miraculosas imagines, in Jubilæis, vel aliis Indulgentiis extraordinariis? Respond. ex Sporer *part. 3. Theolog. Sacrament. cap. 3. sect. 3. n. 505. & seqq.* tali Confessario esse suadendum, ut *in primis* audito illo peccato, quod in prioribus Confessionibus occultabatur, ante omnia interroget, an tunc, quando pœnitens id commisit, sciverit, esse peccatum grave? Quodsi responderit (prout apud aliquot plebejos, non raro contingit) se pro eo tempore non intellexisse, res est salva, neque ulla Confessio erit Sacrilega, & consequenter ab ulteriori Confessione circa peccata præterita superfedendum, nisi forsan dictus pœnitens post Confessionem primum rescians actum illum esse peccatum, putaverit ex conscientia erronea, se fuisse obligatum ad Confessionem ejusdem, & tamen ex erubescencia omiserit; tunc enim interrogationes prosequendæ forent, ut infra in fine hujus quæst. *Secundo*, quodsi pœnitens ille fateatur, se ipso tempore commissionis jam scivisse, hoc esse grave peccatum, ac nihilominus illud non fuisse confessum, interrogetur ulterius, cur ergo illud non fuerit confessus? An ex inculpabili oblivione, vel scienter forsan ex naturali verecundia reticuerit? Nam in primo casu denuo eximitur a repetitione præcedentium Confessionum; in posteriori vero Confessarius *Tertio* instet, an etiam positive sciverit, tale peccatum non remitti, si subdiceat, aut se per occultationem de novo mortaliter peccare? Quando pœnitens respondet, quod non, prout subinde apud minus doctos contingere potest: dicendo e.g. *Avertat DEUS, si scivissem, tam grave peccatum esse illud silentium, certe non reticuissem &c. Credidi bona fide, me habuisse justam causam celandi, meaue peccata omnia nihilominus a DEO remitti, modo vere de illis doleam, & id, quod subicui, apud alium in Confessionali manifestem*: Fidem suo pœnitenti adhibeat Confessarius, nec compellat repetere priores Confessiones, utpote jam validas. *Quarto*, quodsi autem dictus pœnitens reponat, se omnia ista supra enarrata jam scivisse, nihilominus peccatum illud ex maledicta verecundia in Confessione intermisisse; tunc omnino erit modo suavi, & pro hic & nunc moraliter possibili urgenda repetitio priorum Confessionum. Quare Confessarius exhibendo signa compassionis talem miserum peccatorem, ne des-

peret, excitet ad concipiendam firmam fiduciam erga clementissimum DEUM: Deinde interroget I. A quot annis hoc peccatum sic reticuerit? II. Quoties circiter intra hoc tempus confessus fuerit, & communicarit? III. An in singulis Confessionibus, vel quoties, dum peregit Confessionem, talis gravis peccati recordatus fuerit, & nihilominus scienter reticuerit? IV. Demum admoneat eundem, ut, quantum moraliter in præsentia occurrit, singula peccata gravia illarum Confessionum, in quibus scienter hoc delictum occultavit, repetat, cum omnes illæ Confessiones fuerint Sacrilegæ: offerendo se, quod in examine per interrogatoria pœnitentem juvare velit. Vide dicta in *Addit. post num. 33.*

Quæritur VI. Qualia interrogatoria præctica sint facienda a Confessario, si pœnitens accedens Confessionale proponat, quod velit deponere Confessionem generalem? Respond. Ut status præsens pœnitentis melius percipiatur, magisque congrua pœnitentia injungatur, & alii confluentes (puta tempore Jubilæi) minori temporis spatio retardentur, ante omnia I. Confessarius interroget, quando ultimo pœnitens sit confessus, curetque ex rationibus proxime allegatis, ut peccata ab ultima Confessione perpetrata præprimis exponantur. II. Præmissa illa Confessione particulari circa Confessionem generalem quærat, an in præcedentibus Confessionibus nulla gravia peccata cognita ut talia fuerint scienter abscondita? Quodsi pœnitens reponat, fuisse quidem aliqua intermissa, non tamen voluntarie, sed ex oblivione, indaget Confessarius III. Quænam illa sint? Nam circa speciem, & numerum peccatorum jam in aliis Confessionibus detectorum poterit Confessarius esse minus sollicitus quoad interrogationes faciendas, cum illa peccata non amplius sint materia necessaria, utpote jam semel directe remissa. IV. Quando vero peccata hæc fuissent scienter intermissa ex verecundia, vel culpabili, & affectata ignorantia, haud dubie oporteret Confessarium magis esse sollicitum circa speciem, & numerum omnium peccatorum, gravium a tempore primæ sacrilegæ, ac invalidæ Confessionis usque huc perpetratorum, ubi proportionaliter, & cum gravis talis applica dicta in fine prioris quæst. \*

#### APPENDIX I.

Quid agendum Confessario circa eos, qui conquerrunt, se esse maleficiatos, aut etiam obsestos, vel possestos? Ubi etiam de pecoribus aliisque rebus maleficio infectis: Item de Spectris infestantibus domos &c.

**E**rrant hic aliqui Confessarii per defectum, alii per excessum. Priores passim rejiciunt omnes sine ulteriori examine, quasi nimirum Exorcismum ad expellendos dæmones, & destruenda maleficia ordinatum frustra recepissent. Posteriores autem sunt nimium creduli talibus hominibus, hincque frequentissime decipiuntur, ac prostituuntur.

Quare præprimis advertendum, similes actus, vel morbos posse provenire vel ex simulata malitia,

tia, vel ex pura imaginatione, seu etiam ex morbo naturali, præsertim apud Hypochondriacos excessum habentes in atra bile, sive apud mulieres defectum menstruorum patientes, teste Candido Brognoli *Tom. 2. dist. 4. q. 4. §. 2. n. 547.* vel demum mirabiles istæ actiones exercentur ex vera obsessione diabolica, ac fatales, & a medicis ex causis naturalibus impenetrabiles, tales morbi contrahuntur ex vero maleficio, quod ultimum circa morbos per magos, vel sâgas ex invidia, concurrente simul ope dæmonis, concitatos solet fieri respective frequentius, quam ipsa actualis obsessio, qualem rarius contingere credebatur S. Philippus Neri, de quo refert Auctor vitæ ejusdem Sancti, quod similia a potiori ad naturalia principia, puta ad naturales ex atra bile provenientes morbos, ad uteri & matricis effectus, aut certe ad cerebri decrementum retulerit. Videatur etiam desuper præter Paulum Zachiam, celeberrimum Medicum, Franciscus Arias *Lib. 1. de Imitat. Christ. Tract. 3. cap. 40.* H. N.

Quæres I. Quænam sint signa, quod quis sit vere infectus aliquo maleficio? Resp. Et si sæpius præsertim apud mulieres credantur intervenisse maleficia, ubi tamen omnia acciderunt naturaliter, nihilominus a DD. tamquam saltem probabilia, & ad applicandas ex Ritualibus contra maleficiosas benedictiones sufficientia adduntur signa sequentia, & quidem circa infirmos. I. Si quis ægrotus magis horreat cibos appositos, in occulto benedictos, quam alios. II. Si is ad præsentiam SS. Eucharistiæ, vel Reliquiarum insolito percellatur horrore, præsertim si simul easdem aspicere nequeat. III. Cum infirmus vehementissima ardet siti, vel fame lupina vexatur; cibum tamen & potum, si afferatur, abhorret: præsertim si post varias ex ordinatione Medicorum applicatas medicinas nullus sentiat effectus In isto vel aliis Medico incognitis morbis. IV. Si ex ore ejusdem exeant quasi infernales fætores sulphuris, picis, fuliginis, carbonum &c. V. Si ex ventre ægroti insoliti procedant clamores per modum ranarum &c. VI. Si is vomitu ejiciat acus, cultros, clavos, vitra, aliaque similia: Caveatur tamen, ne apud tales simulatio intercedat.

Circa infantes signa intervenientis maleficii sunt. I. Cum per aliquot dies nihil omnino comedunt, nec lac sugunt sine alia præcedente causa. II. Quando sæpius contremiscunt, infomnes ducunt totales noctes, flentes continuo, absque eo, quod per expertos aliqua hujus sciatur causa naturalis. III. Quando oculos habent pavidos, ac simul specialiter Sacerdotes aspicere nolunt. IV. Quando numquam possunt lacte satiari, licet continuo sugentes, præsertim si exinde macilentiores evadant, quamvis cæteroquin nutrix sana existat. V. Quando absque alia cognita causa naturali de repente expalliscunt, amissa faciei, & totius corporis constitutione. VI. Quando circa renes nigri fiunt, vel in pectore intumescunt &c. hoc enim contingere solet propter decursum sanguinis, quem sæpe ex eorum corpusculis sugunt; quales haud dubie faciliorem habent accessum, si infantes ante cubitum non alperguntur aqua benedicta, nec

signo S. Crucis, aut sacris muniuntur Reliquiis; quinimo sæpe variis imprecationibus loco Benedictionum a Parentibus afficiuntur.

Circa Conjugatos probabiliter inferri poterit intervenisse maleficio I. Si maritus uxorem absentem vehementissime diligit, quam tamen præsentem summo prosequitur odio. II. Cum nec vir uxori, nec uxor viro appropinquare potest, quia videtur corpus aliquod præsens esse intermedium. III. Quando natura alias satis robusta & cupida ex improvise ordinarie debilitatur, dum ipsamet tentatur copula. IV. Si uxor alias capax, pro eo autem tempore, quo copula tentatur, subito ita constringitur, ut penetrari nequeat.

Quæres II. Quænam sint signa, quod quis a diabolo vere sit obsessus vel possessus? Respondeo: Signa ab Auctoribus præsertim a Candido Brognoli in suo speciali tractatu desuper edito, & superius allegato equidem enumerari varia: secutiora tamen ac certiora sunt sequentia. I. Si quis cognitus antea tamquam rudis disputet subtiliter de arduis & sublimioribus quæstionibus Philosophicis, aut Theologicis, hoc a DEO vel dæmone obsidente aut possidente provenit. II. Si vero, & non simulato delirio, aut phrenesi affectus (præsertim si etiam a Medicis cognoscatur vera phrenesis) illico cesset, ac rite, & ordinate iterum discurrat, postquam Exorcista in Nomine JESU præcepit dæmoni, ut desinat nocere. III. Quando rudis antea cognitus tamquam talis intelligit perfecte, quæ Confessarius latine etiam vocabulis a vulgaribus diversis profert: vel cum is loquitur linguis peregrinis, quas antea numquam audivit, vel didicit, ubi tamen non illico fidendum, si tantum pauca similia verba proferat, prout facere solent nonnulli simulati Obsessi. IV. Quando quis cæteroquin debilis, & infirmus ita fortis evadit, ut ab aliquot viris detineri nequeat. V. Quando vere occulta annunciat, aut remota adducit intra brevissimum temporis spatium, id a DEO provenit, vel a diabolo: Ubi tamen notandum, quod etiam sagaciores melancholici soleant subinde ex conjecturis occulta annunciare, aut futura conjecturaliter prædicere. VI. Dum in aliqua parte corporis est realis, & non tantummodo simulatus dolor, vel etiam tumor, qui ad signum Crucis, & ad præceptum dæmoni factum in Nomine JESU, ut recedat, illico disparet, ac jubente Confessario iterum de novo advenit. VII. Ubi alicui ex improvise lumen oculorum, vel auditus aufertur, & subito iterum restituitur, quod frequens est, quando similes personæ spiritualia legunt, aut audiunt, vel imagines Sanctorum aspiciunt: Item ubi loquela inopinato amittitur, eaque ad præceptum Confessarii illico recuperatur. Hic tamen denique sit cautus Confessarius, ne per aliquorum simulationem, vel nimiam aliorum phantasticam apprehensionem decipiatur: hinc multum juvat antea noscere tales homines, eorumque phlegma. VIII. Cum quis scitur non tantum per unum, alterumve, sed per plures dies nihil comedisse, vel bibisse, & tamen fortis existit, ac pinguis. Attendat tamen etiam hic Confessarius, ne tali occulte surripiat cibos, &c. IX. Si homo inopinato sine ulla

ulla præcedente causa velit sibi mortem inferre; ita ut se saxo collidat, in ignem mittat &c. nec tamen sequatur aliquod malum. X. Si semetipsum cum læsione Corporis percutiat pugnâ, aliove instrumento, atque mox iterum sine alio remedio sanitati restituatur. XI. Si imaginativæ potentia inhoneatissima quæque circa Christum, ejusque sanctissimam Matrem, aliosve Beatos repræsentantur, eodemque tempore vel in phantasia quasi plumbum aut ferrum candens residere, vel dolor hinc inde per corpus instar formicarum discurrere videatur, atque ad signum Crucis illico aufugiat seu recedat. XII. Cum quis contra suam voluntatem radicato odio habet Sacramenta, Reliquias Sanctorum &c. Item cum quis repugnante propria voluntate gaudet malefacere, & nequit Clericos, ac Religiosus aspicere &c. Cavendum tamen, ne pariter hic simulata malitia interveniat, aut tentatio & suggestio diabolica illico pro signo obsessionis reputetur.

Quæres III. Quid ergo prudenter agendum Confessario, si qui accedant quasi obsessi a dæmone? Antequam respondeam. Notandum I. Potestatem exorcizandi, quam Confessarius jam vi Ordinis Exorcistatus accepit, exerceri posse dupliciter; nempe solemniter, & non solemniter. Prius contingit cum certo apparatu coram hominibus in loco publico e.g. in Ecclesia cum certis Ceremoniis in quolibet Rituali Diocesano rependiis. Posterius fit privatim absque ulteriori aliqua solemnitate per simplicem invocationem sanctissimi Nominis JESU, qualis invocatio tamquam formula efficacissima ab ipsis Apostolis in expulsionem dæmonum adhibita legitur in Scriptura. Notandum II. Quadruplicia esse potissimum præcepta, quibus a Confessario similes personæ adjuvari possunt: nimirum communia, probativa, lenitiva, & expulsiva. Communia dicuntur, quibus dæmon ad aliquid agendum, vel omittendum constringitur, non quidem ex fine probandi, vel leniendi, sed ex alio motivo, e.g. dæmon impedit Energumenum a loquela in Confessionali; tunc si Confessarius, ut pœnitens sua peccata proponere valeat, præcipiat dæmoni in Nomine JESU, ut cesset ab hoc impedimento, erit præceptum commune. Econtra, si Confessarius diabolo aliquid præcipiat, ut exinde in notitiam deveniat, num quis vere, vel fecte sit obsessus, tale præceptum dicitur probativum.

Quod si post probationem injungat dæmoni, ut iterum cesset a vexatione, illud præceptum vocatur lenitivum e.g. adducitur ad Confessarium quidam communiter reputatus Energumenus: hic breviter in fide, & fiducia erga DEUM instructus præcepto probativo a sedente Confessario per talem formulam probatur: *Ego N. ut Minister Christi, & Eccl. sis in Nomine JESU Christi præcipio tibi dæmon, si aliquis existas in corpore istius creature, ut statim des mihi signum evidens presentia torquendo, moderate tamen, hanc Creaturam (hic specificet modum torquendi) in manu sinistra, vel in hoc digito, five prosternendo eandem in terram modeste tamen &c.* Dato tali signo, si Confessarius addat: *In Nomine JESU Christi præcipio tibi dæmoni imo omnibus, si plures essis, ut illico hanc Creaturam vexare cessitis; habetur præceptum lenitivum.* Demum præ-

ceptum expulsivum appellatur; quo utitur Sacerdos ad dæmonem absolute expellendum; atque plura similia in Ritualibus passim sunt rependienda. H. N.

Resp. Ut Confessarius cum tali adducto, qui dicitur obsessus, seu possessus, prudenter & circumspice agat, observet sequentia. I. Si tempus, & circumstantiæ permittunt, bene expiscetur ejus vitam, & mores per parentes, & alias personas fide dignas. II. Accurate consideret ejusdem modum agendi, inclinationes, phlegma, passionibus &c. & num effectus isti non potius causis naturalibus sint adscribendi. III. Attendat, utrum ex specificatis signis non deprehendat quodpiam, vel saltem aliud efficax obsessionis, aut possessionis. Ubi tamen reprobo praxin aliquorum, qui veram, vel fictam obsessionem ex eo tamquam signo desumere volunt: Nimirum imponunt capiti res profanas sub prætextu, quasi sacræ forent, atque si persona obsessa ad talium applicationem nullum sentiat dolorem, & subrideat, vere obsessam credunt; si vero clamat, quasi torqueretur, imaginarie obsessam, imo tamquam malevolam rejiciunt; quasi vero astutissimus dæmon bene recognoscens rem superimpositam esse profanam, nihilominus torquere posset obsessum, ut inexpertem decipiat Exorcistam, a quo ipse dæmon exinde in sua possessione relinquitur, nec ulterius ab eo per Exorcismos torquetur. IV. Quod si signum aliquod obsessionis adesset, sed necdum omnino certum, superaddat præceptum probativum, & lenitivum: prius tamen tam in se, quam prætenso obsessio excitet firmam Fidem, & Fiduciam in DEUM Adjutorem, tamquam conditiones necessarias prævias. Quando huic præcepto etiam repetito nullus correspondet effectus, merito Confessario ista res poterit esse suspecta: vel enim in se, aut in exorcizando non adsunt firma fides, & radicata fiducia in DEUM tamquam conditiones præviæ, vel nullus habitat in prætenso obsessio diabolus; alias enim Sacerdoti ad hæc præcepta obedientiam præstaret.

Habito autem signo valde efficaci procedat ad expulsionem, prius præter fidem & fiduciam in DEUM, quantum possibile, saltem de consilio, etiam præparando suam, & exorcizandi animam ad divinam gratiam per devotam Confessionem Sacramentalem. Nullatenus vero progrediatur ad exorcizandum solemniter sine licentia Ordinarii, aut si est Regularis exemptus, & intra locum exemptum exorcismos publice adhibere cogitat, absque legitima facultate Superioris: foret enim alias magnum periculum, ne effectu optato non secuto apud præsentem præter semetipsum etiam Sacramentum Exorcistatus exponeretur ludibrio, vel saltem minori æstimationi.

At si pones casum, quo non petis solemniter, ac publice, sed tantum privatim adhibere præceptum expulsivum, e.g. si talis prætenso obsessus tibi subito v.g. in Confessionali, vel alibi occurrat, quid tunc agendum? In hoc casu coneris præcedenter saltem aliquo modo probabile acquirere signum obsessionis, aut possessionis, quo habito excites pœnitentem ad firmam fidem, & fiduciam in Deum de subsequenda expulsionem, ac demum privatim conditionatam subjungas subsequentem

E e e

for-

formulam: *In Nomine Domini nostri JESU Christi precipio tibi demon, vel vobis demonibus, si aliqui hic estis, ut illico ab hac creatura DEI fugiatis, nec revertamini imposterum.* Ita enim (si fraus non lateat, & debitæ adsint dispositiones) sæpius brevi negotio plures liberabis, poteritque id non raro fieri, dum tamquam sacer Judex pro tribunali sedes, immediate formæ absolutionis annectendo: *Eadem auctoritate in Nomine JESU Christi precipio tibi demon. &c.* uti supra. Si tempus vacat, poteris etiam antecedenter tales tentare præcepto probativo, & lenitivo.

Quæres IV. Qualia remedia prudenter in praxi a Confessario sint præscribenda illi pœnitenti, quem a dæmone per Exorcismos liberavit? Ante responsum nota, quod dæmon similes personas semel liberatas denuo soleat aggredi diversissimis modis, præsertim si huic antea per ipsa vitia ad ingressum via parata fuit, de quo vide Brognoli in suo *Manuali* p. 3. c. 4. art. 6. q. 1. H. N.

Resp. I. Talem esse instruendum, ut continuet in firmissima fide, & fiducia erga Deum, ita quidem, ut, etsi subinde forsan strepitus externos audiat, vel aliquid in ipso corpore vexari videatur; nunquam facile credat, se denuo possessum, sed illico ipsemet vera confidentia dæmoni præcipiat, dicens: *In Nomine JESU Christi tibi precipio demon, ut illico recedas, & me ab omni vexatione liberrimum relinquant.* II. Ad exemplum D. Bernardi (prout de ipso testatur vita ejusdem lib. 2. cap. 4. apud Surium tom. 4.) collo antea obsessi juvat appendere exorcismum, a Confessario calamo, & atramento benedicto scriptum, sequentis tenoris: *In Nomine Domini nostri JESU Christi precipio tibi, demon, ne hanc creaturam DEI ingrediaris imposterum.* III. Consultum est, ut & alias res benedictas talis liberatus secum ferat, uti principaliter æstimantur Cere Papales vulgo *Agnus Dei*. IV. Ut talis vitam conetur ducere piam, præsertim nullum deliberatum admittendo peccatum grave, maxime in illa materia, propter quam Deus ex justo suo judicio forsan diabolo antea ingressum permisit; exinde enim sæpius fit regressus juxta Revelationes S. Brigittæ. V. Ut frequentissime invocet Sanctissimum Nomen JESU tamquam specialem armaturam contra nequitias dæmonum.

Quæres V. Quid agendum Confessario, si vocatur ad ægrotum existimantem, morbum suum provenire ex maleficio? Resp. talem Confessarium debere *In primis* in se ipso, & in ægrotto excitare firmam fidem, ac fiduciam in Deum, ac in SS. Nomen JESU. *Secundo* attendat, num adsint aliqua ex signis maleficii superius declarata, vel alia similia. *Tertio*, supposito, quod signa forent dubia, superaddat cum signo † Crucis præceptum lenitivum superius explicatum illa parte corporis, in qua ægrotus sentit dolorem: nam si verum sit maleficio, ac cæteroquin ægrotus æque, ac Confessarius in firma fide, ac fiducia in Deum dispositus existat, dolor ad tempus illico evanescet, vel ad aliam corporis partem transfe-

retur; alias non suberit maleficio. Quod si ægrotus nullum actuale sentiret dolorem, Confessarius stante dubio de maleficio, eliciat signum præcepto probativo, & si ad id sentiat ab ægrotto dolor, eundem illico iterum reprimat præcepto lenitivo. *Quarto*, habito signo latentis maleficii disponat ulterius ægrotum (si tamen is capax sit; alias vero e. g. si ægrotus adhuc fuerit infans, parentes ejusdem) ad continuandam firmam fidem, ac fiduciam in Deum, ac simul proposita imagine Crucifixi ad eliciendam Contritionem de peccatis, vel etiam ad faciendam Confessionem. *Quinto* tandem, ac ultimo procedat ad præceptum expulsiuum sequenti modo: *Præcipio tibi demon in Nomine Domini Nostri JESU Christi, ut cum omnibus tuis maleficiis illico recedas, & fugias in Nomine Patris † & Filii † & Spiritus Sancti. † Amen.*

Notandum hic est Confessario ex Ubaldo Stober in suo *Armamentario Ecclesiastico* part. 2. cap. 3. quæst. 1. quod maleficio aliud dicatur naturale, aliud præternaturale, & aliud mixtum. *Naturale* dicitur, quod per applicationem alicujus rei noxiæ naturalis est procuratum: non enim dubitandum est, dari res quasdam, ac venena, quæ ex naturali quadam virtute homines inficiunt, variasque in corpore humano pravas causant operationes naturales. *Præternaturale maleficio* est; quod dæmonis ope ita procuratur, ut simul dæmon sit præsens homini maleficio infecto, & corpus ejusdem sive immediate per se ipsum, sive per commotionem humorum mire torqueat, & vexet. *Mixtum* dicitur maleficio, quod participat ex utroque. Et quidem circa maleficio præternaturale, & mixtum, quatenus de præternaturali participat, potissimum applicandi sunt Exorcismi. Naturale vero, si eodem ægrotus per malevolos fuisset infectus, potius per medicinas a Medicis tolli deberet, si adhuc tolli possit: interea tamen etiam pro tunc proderunt Benedictiones Sacerdotis; dum enim Medici morbo, qui ex maleficio diabolico ortum habuit, depellendo sunt intenti, dæmon ex inveterato in genus humanum odio, urgentibus etiam malevolis hominibus, nova semper machinatur maleficia, recentia in corpus ingerit venena, quinimo & medicinas corrumpere nititur, ut nullam contra præsentem morbum habeant efficaciam. His autem malis in futurum impediendis non Medicus, sed Sacerdos occurrere debet, benedicendo emplastra, medicinas, aliave remedia a Medico contra morbum applicanda &c. Ita recte *Armamentarium Ecclesiasticum* loc. cit. Remedia vero præservativa in futurum contra maleficia videri poterunt *Conc. Trid. s. dist. 2. num. 46. ac seqq.*

Quæres VI. Quid agendum Confessario, si infirmus maleficiatus ejiciat ranas, acus, aliasque res solidas etiam majoris quantitatis? Ref. In tollendo maleficio ingestionis similium rerum est eodem modo procedendum, uti prius, ac præcipiendum diabolo in Nomine JESU, ut in ejectione harum rerum non destruat organa naturalia, sed cum omnibus suis fœcibus, & immunditiis sine ullo nocumento creaturæ recedat. Ita Candidus Brognoli, alique in *Armamentario Ecclesiastico* part.



*part. 2. cap. 4. quest. 3.* vel etiam, si cupis longiores Exorcismos, pariter in Ritualibus invenies circa maleficiatos. Facta ejectione res illæ igne prius benedicto comburantur, & talis ægrotus in vera erga Deum fiducia, quod diabolus nullam deinceps in eum sit habiturus potestatem, corroboretur. Quodli curiosior scire cuperes, quomodo similes res, præsertim per maleficia potuerint ingeri ægrotis? Ad hoc dubium solvendum allegatum Armamentarium Ecclesiasticum ex Delrio, & Candido Brognoli quatuor modos suggerit. *Primus* est per dilatationem pororum corporis humani. *Alter* per divisionem, & comminutionem rerum solidarum: potest enim dæmon res solidas in minutissimas particulas dividere, & sic ingestas iterum combinare, ac in pristinam formam redigere. *Tertius* modus ingerendi res duras fieri potest per vulnus cito a diabolo apertum, ac iterum obductum, per quod materia solida introducit. *Quartus* per oris, & orificii dilatationem: si enim, teste experientia, per has ipsas partes possunt ejici res similes, per easdem etiam poterunt ingeri. His quatuor modis accedit, quod sæpe tales res præsertim majoris quantitatis non tam a parte rei ex intestinis ejiciantur, sed potius per illusionem sensuum, quos diabolus facile potest decipere, ut apparenter videantur exinde provenire.

Quæres VII. Quid agendum Confessario, si conquerantur homines, non tam se ipsos, quam animalia sua esse maleficiata? Supponitur hic ex Abulensi *quest. 126. in cap. 8. Marthæ*, magos, sagas, ac similes farinæ malevolos, si hominibus ex Dei ordinatione nocere nequeunt, iram suam, ac invidiam in res eorum, præsertim in animalia convertere, nunc emulgendero vaccas, ut amplius non reddant lac, nisi sanguinolentum, modo illud lac ita corrumpendo, ut nequeat ullo conatu in Butyrum transire, nunc vero introducendo in animalia pestem, aliosve morbos, ut omnino moriantur. Quomodo ergo hisce desolatis practice succurrendum per Confessarium, ex quo petunt consilium? Resp. I. Generaliter loquendo, quoad omnia ista puncta esse præmonendos patres familias, ut firmam fidem, ac fiduciam in Deum collocent, & quoniam hæc mala Deus sæpius in peccatorum peccatorum permittit, eadem corde contrito, vel etiam juncta Confessione desceant, atque meliorem vitam inchoent. Ita ex principiis generalibus supra jam allegatis. Respond. II. Si vaccæ non reddant lac, nisi sanguinolentum, ipsas Sacerdos benedicat, ac in Nomine JESU dæmoni præcipiat, ne impoterum potestatem habere præsumat hisce quomodolibet nocumentum inferendi, vel per se, vel per malevolos homines emulgenderi. Insuper benedicat ex Rituali ipsum stabulum, ac illud rebus benedictis præmuniat. Resp. III. Si lac nequeat coagulari in butyrum, illud benedicat, & aqua benedicta cum signo Crucis aspergat, dicendo: *Præcipio tibi dæmon in Nomine Domini Nostri JESU Christi, ne ullatenus præsumas lac corrumpere, nec butyrificationem impedire, sed totaliter ab eo recedas, & fugias.* Insuper benedicat vas, cui lac ad conficiendum exinde butyrum infunditur, idque præmuniat rebus benedictis, adjungendo utilem aliquam benedictionem, & Exorcismum ex Armamentario Ecclesiastico *part. 2. cap. 4. quest. 5.*

Resp. IV. Si animalia ex maleficio fiant ægrotæ, exhortetur Patrem familias cum suis concreditæ, ut genuflexi ante imaginem Crucifixi plena fide, ac fiducia, & corde contrito a Deo liberationem petant; ipse vero interea ex eodem Armamentario *l. c. cit.* certam Benedictionem, ac postea Exorcismum subjungat, præcipiendo dæmonibus in Nomine JESU, ut illico ab his animalibus, destructo totaliter omni maleficio, recedant, nec unquam amplius hisce deinceps nocere præsumant. Deinde benedicat etiam ex Rituali aquam, cibos animalium, & ipsum stabulum, ac rebus benedictis præmuniat, præsertim schedulis, in quibus scriptum contineatur præceptum, ut dæmon in virtute SS. Nominis JESU non amplius nocere præsumat. Quinimo teste Auctore citati Armamentarii consultum erit, ut ipsimet Patres familias, & custodes pecorum subinde forment in Nomine JESU simile præceptum. Adhibere autem contra maleficia varia incognita, & nec a Ritualibus, nec a gravibus Auctoribus approbata Amuleta, in quibus reperiuntur ignoti characteres, verba peregrina, & diversi circuli, ac res vanæ, vel sub certo dumtaxat sine gravi causa numero quædam exhibentur, omnino dissuadetur, cum frequentissime meras contineant superstitiones, ac pacta saltem implicita diabolica, quamvis jactentur a circumforaneis, ac aliis similium compositoribus ex revelationibus minus authenticis, & historiis apocryphis nescio quantæ virtutis divinæ &c. Non rejicio omnia Amuleta, rarius tamen iisdem fidendum judico, nisi per Theologos sint bene examinata, aut a Ritualibus authentice approbata.

Quæres VIII. Quid observandum sit Confessario, si vocetur, ut spectra diabolica, vel magica expellat a domibus, quas infestant? Resp. Ex Delrio, Candido Brognoli, aliisque practiciis I. Talis Sacerdos debet ante omnia reflectendo ad omnes circumstantias loci, temporis, personarum &c. accurate examinare, num adsint vera spectra, vel num potius sit mera apprehensio, vanusque timor causatus e. g. ex strepitu felium, aliorumve animalium; prout frequenter evenit apud pavidas mulieres, præsertim si aliunde jam sunt intimidatæ, puta ex morte mariti, vel prolium &c. Item debet attendere, ne lateat palliata fraus, & malitia hominum maxime servitium, hac occasione alios malos suos fines facilius exequi intendunt, prout non raro contigit. II. Quodli per suum examen, & ex prævio factis præcautionibus deprehenderit, similes effectus hic & nunc verisimiliter provenire a spectris, quam ab aliis caulis naturalibus, exinde prudenter inferet, hæc ipsa spectra potius esse mala, quam bona: nam spectra bona (qualia sunt animæ in purgatorio) non solent juxta allegatos summe practicos, aliosque Auctores ordinarie tantos tumultus, & strepitus excitare, ut homines exinde perturbent, & domo expellant, sed potius humiliter se produnt junctis suspiriis, gemitibus, ac voce tristi, & lacrymabili absque signo impatientiæ. Quare III. Ante omnia patrem familias, & congregatos domesticos brevibus, sed efficacibus verbis ad firmam fidem, ac fiduciam in Deum, nec non ad contritionem de suis peccatis eliciendam adhortetur,

tur, & nisi forte ex aliis signis specialibus, & extraordinariis (puta quia spectrum honorat SS. Nomen JESU, illudque devote pronunciat &c.) deprehenderit, adesse potius animam in piacularibus flammis detentam, & suffragia flagitantem, pronunciet ad habitatores, talia spectra esse vel daemones, vel maleficos daemonibus adjutos. Nec dicatur, posse hæc spectra mala nec daemones, nec magos, sed animas damnatas esse; nam contra est, quod ipsæmet animæ damnatæ vix unquam compareant, prout teste *Armamentario Ecclesiastico part. 2. cap. 6. quest. 1.* communiter tenent Doctores. Quinimo, quamvis foret subinde anima damnata, iisdem spiritualibus armis, ac spectra diabolica depelleretur, si ad eandem Exorcismus dirigatur, prout notat præter alios Thyraus de *daemoniis part. 3. c. 85.* IV. Superpelliceo, & stola (si haberi possint) indutus, accepta Cruce, candelis benedictis accensis, & aqua benedicta cum habitatoribus illis, qui firma fide, & fiducia muniti sint, processionaliter accedat ad portam domus, ibique Litanias omnium Sanctorum inchoet, quas circumeundo continuet, & in loco principaliter infestato (sive hæc infestatio prove-niat immediate, vel mediantibus sagis a daemone) coram exposita Crucifixi imagine finiat, ac de novo comites suos ad firmam fidem, & fiduciam in Deum, & SS. Nomen JESU excitet. V. His peractis tamquam Judex a Deo destinatus sedens voce gravi, & sonora præceptum probativum contra daemonem pronunciet e.g. dicendo: *In virtute SS. Trinitatis, & in Nomine Domini Nostri JESU Christi precipio vobis, daemones, ut, si habeatis aliquam potestatem in hanc domum, detis mihi absque tamen aliqua læsione cujuscumque signum evidens presentia vestra causando aliquem tumultum, vel rumorem, quem prius me absente causare consueveratis.* Quod si nec tumultus, nec aliud præsentis signum percipiatur, recte inferri poterit, vel nullum ibidem unquam spectrum diabolicum, seu magicum extitisse, vel jam aufugisse; quare pro majori securitate etiam pro deinceps quibuscumque malis spectris in Nomine JESU interdicat omnem diabolicum, ac maleficum ingressum, ac remedia præservativa passim in libris Exorcisticis reperienda præscribat, & habitatores in firma fide, fiducia & exemplari vita Christiana corroboret. Quando vero talis tumultus præceptum probativum subsequeretur, addat illico præceptum lenitivum e.g. *Precipio vobis daemones in Nomine Domini Nostri JESU Christi, ut illico iterum ab omni tumultu, & rumore cessetis.*

VI. Demum, & ultimo cæteris omnibus genuflexis & firma fide, ac fiducia in Deum Omnipotentem orantibus, ipse sedens quasi pro tribunali ex Armamentario Ecclesiastico, vel aliquo Rituali depromat præceptum expulsum, injungendo in Nomine JESU absolutum discessum maleficum, & diabolicum absque aliquo reditu ullo unquam tempore. Hoc finito formet adhuc præceptum probativum superius jam adductum tentando per illud, an daemones, seu malefici jam sint expulsi nec ne? Quodsi post hoc præceptum probativum de novo audiretur tumultus, se, & habitatores ad majorem fidem, ac fiduciam excitet re-potendo Exorcismos ad expulsionem ordinatos. Si

autem nihil amplius percipitur, signum est expulsionis; quare Deo cum habitantibus humillimas agat gratias, & remedia præservativa in futurum præscribat, de quibus omnibus utiliter consulatur Armamentarium *loc. cit.*

Quæres IX. Quid faciendum, si attentis omnibus circumstantiis adhuc dubitetur, num spectrum infestans domum sit spiritus bonus, vel malus? Respond. ex Armamentario spirituali *part. 2. cap. ult. quest. 7.* præmissis Orationibus, Sacrificio Missæ, cereis sacris accensis, aqua benedicta adhibita, utiliter in tali casu practicatur modus a P. Joanne Godi Ord. Prædicat. observatus, prout habetur in *prima Decade questionum peregrinarum quest. 2. cap. 4.* Is enim vocatus in similem domum post crepusculum vespertinum cum sociis Officium Defunctorum recitavit. Postea strepitu exsurgente adjuravit spectrum in Nomine SS. Trinitatis, & in virtute SS. Nominis JESU, ut non recedat de loco, priusquam ad ea, quæ interrogaverit, veraciter respondeat. Exinde quæsit I. An esset spiritus bonus vel malus? Possset etiam pro majori securitate, si dicat, se esse spiritum bonum, peti, ut secum SS. Nomen JESU honoret, & devote pronunciet. II. Hoc facto institit ulterius, quis esset? Et postquam devenit in cognitionem spiritus boni, III. Quid velit? quibus cognitis illam animam dimisit, & pro illa, quæ petebat, facienda curavit. Quando autem Sacerdos ea responsione, vel aliis signis cognosceret spiritum malum, peragat ea, quæ dicta fuere antecederet de spectris malis, dummodo etiam accurate attendat, ne subrepat fraus humana, apparitio fictitia, apprehensio phantastica &c.

## APPENDIX II.

Quomodo a Confessario prudenter tractandi sint illi, qui in Confessionali proponunt, se habere Extases, Apparitiones, &c. Revelationes divinas?

\* I nveniet tales personas Confessarius, & quidem, si quoque per externa signa æstimat easdem, ac dictis facile fidem adhibet, etiam plures præsertim fœminas nonnullas, quæ esse, vel saltem apparere volunt devotulæ. Non equidem negari potest, subinde dari a parte rei sanctas personas hisce specialibus gratis apparitionum, ac revelationum &c. a Deo ornatas, uti patet de sanctis Theresia, Brigitta, Catharina Senensi, & altera Bononiensi &c. Interea tamen his temporibus, ubi fides alias jam abunde per signa, & miracula ubique est dilatata, rarior avis in terris. Vincentius Negro in *Tuba Sonora, Sono 13.* ait, Confessarium non falli, si in simili casu ex mille fœminis vix uni credat. Quare, si etiam mirabilia quædam antea a se non visa Confessarius ab his Personis exerceri videat, non illico inferat supernaturalia, & propterea revelationes ab hisce sparsas esse divinas, sed prius probet spiritus, num ex Deo sint, vel num potius ab astuta simulatione, aut ab ipsa natura, & forti apprehensione, vel demum a diabolo originem trahant? Et qualis mira efficiunt ope daemonis maleficiati! Item magi

magi & sagæ, quatenus Confessarios incautos decipiant, & exinde tandem efficiant, ut apud vulgum veris quoque apparitionibus, & revelationibus nulla deinceps fides habeatur? Itaque

Quæres I. Quidnam in genere circa similes personas Confessarius debeat observare? Resp. I. Talis Confessarius debet se informare non solum in Theologia Morali, & Speculativa, sed præcipue etiam in Mystica, quam haurire poterit e.g. ex Libris S. Theresiæ, ex doctissimo Tractatu Cardinalis Bona, specialiter ad hunc finem de discretionem spirituum edito, & ex Prologo Galeato Ven. Virginis Mariæ de Agreda &c. II. Præditus esse debet non solum scientia, sed vel maxime circumspecta prudentia, ac pariter indagare in emergentia casus, quinam effectus ab ipsa natura possint procedere, & quinam non? ubi specialiter deservient *quæstiones Medico-Legales* Pauli Zacchiæ verfatissimi Medici Romani, & Practica Theologo-Canonica ad causas Beatificationum Augustini Matthæucii. III. Debet esse profunde humilis; alias quamvis doctissimus sæpius impinget: Deus enim humilibus dat gratiam discernendi spiritus, ac superbis resistit. IV. Non sit facilis ad credendum. V. Teste Gerfone non facile applaudat tali personæ, nec laudet præsentem, aut miretur quasi sanctam; quinimmo subinde probandi causa eandem moderate increpet, tentando, num forte non lateat occulta superbia, qualis apud homines elatos, præsertim si non advertant, se probari, brevi manifestabitur, dum ægre ferent increpationes, aut minus æstimatas, ac laudatas suas revelationes. Profecto Dominicus Banez insignis Theologus spiritum S. Theresiæ exinde cognovit. *Ego* (inquit in initio operum S. Theresiæ) *per multos annos ejus Confessiones excepi, eamque sæpius examinavi, semper me erga illam valde asperum, & rigidum præbens: quo magis autem illam humiliabam, & despiciebam, eo magis ipsa ad meum Consilium animabatur, ita se existimans tutius incedere. In nulla autem Persona majorem animi sinceritatem, simplicitatem & humilitatem observavi.* Ita ille.

Quæres II. Quidnam Confessarius observare debeat circa similes personas, si in extasi rapi videantur? Ante responsum notetur ex Theologia Mystica, familiare esse personis sanctis, quæ gratia revelationum præditæ sunt, ut antecederent rapiantur in extasi, sub qua Deus influit, ac ipsis per visiones, & revelationes sua Secreta communicat: Quoniam vero etiam ipsa extasis æque, ac jactata vitio, seu revelatio potest provenire vel a nequitiosa simulatione, vel a natura, aut dæmone; hinc Confessarius circa tales personas observet sequentia. I. Nequiter simulatam extasim deprehendi posse partim ex vita, & moribus talis personæ, partim teste Paulo Zacchia per applicationem sternutamentorum, per fortes revulsiones, per dolorosas ligaturas, per cucurbitulas cum multo igne appolitas, vel per inunctiones, & cauteria &c. ubi brevi ex vi doloris tales personæ ad se redibunt, seu potius exinde indicabunt, se nunquam fuisse in extasi raptas. Ast loquendo de *extasi vera,*

Observet II. Extasim in genere describi, quod sit *alienatio potentie imaginativæ ab aliis rebus cum fixa detentione in certi alicujus objecti consideratione*, Hæc dividitur in naturalem, dæmoniacam, & supernaturalem, uti recte Matthæucius in sua Practica Theologo-Canonica *tit. 3. cap. 3. art. 1. n. 2.* advertit cum aliis, prout nimirum ejusdem auctor est natura, dæmon, vel ipse Deus. Oritur autem extasis naturalis, teste Matthæucio *loc. cit.* ex valde intensa, & immoderata consideratione objecti, sive nimium dilecti, aut satis terrifici; ubi in cerebrum confluent omnes, vel saltem potiores spiritus animales alias sensibus externis, & potentie loco-motivæ destinati, quibus non amplius ministrant vires sufficientes, hincque provenit, ut sensus externi, & potentia loco-motiva pro eo tempore non amplius operentur, usque dum spiritus animales denuo redeant.

Observet Confessarius III. ex Paulo Zacchia hic, quod extasis naturalis in fixa detentione potentie imaginativæ possit versari circa cœlestia, Angelos, & Sanctos, antea forsitan per meditationem intensam phantasiæ repræsentatos: & quo vehementior est imaginatio, eo magis, ac plus sensus interni ac externi destituuntur suis spiritibus animalibus. Item juxta quantitatem, & qualitatem spirituum etiam longius, vel brevius durat extasis: sic teste Paulo Zacchia *lib. 4. tit. 1. q. 7. n. 7. & 8.* quando cerebrum fuerit debile, & spiritus multi, crassi, ac melancholici, quos cerebrum debile tam cito rejicere nequit, per longissimum tempus potest durare extasis naturalis, quæ etiam degenerat subinde in apoplexiam, vel in catalepsin. Ubi

Observet Confessarius IV. Quod Catalepsis sit ille morbus, qui ferme omnem sensum, motum, & animalem virtutem, præsertim, si fortis est, destruit, maxime quoad rationalem animæ partem. *Caros* est somnus profundus sine febris, vel subsequens ad febrem. *Coma vigil* est propensio ad somnum, ubi tali morbo laborantes, etsi facile dormiant, de facili tamen etiam iterum excitantur. *Coma somnolentum* est somnus profundus differens a *Caros*, quia *Caros* a frigido, *Coma* vero magis ab humido dependet. *Suffocatio uteri* est morbus foeminis familiaris per consensum cerebri cum utero proveniens, qui, si magnus sit, mulieres tamquam mortuæ, alias tamquam semimortuæ apparent, loqui non possunt, sed tamen audiunt, quin etiam transacto paroxysmo audita referunt. Hi omnes paroxysmi in multis sunt consimiles cum extasi naturali, ac propterea hic descripti.

Observet Confessarius V. Quod extasis diabolica tunc contingat, cum vel diabolus immediate, vel hujus ope magi mentes hominum a sensibus externis alienant, figendo potentiam imaginativam ad certum objectum a diabolo præsentatum, in quo casu dæmon vel externos sensus modo insensibili ligat, vel impedit, ne in easdem defluant spiritus animales ad officia sensuum necessarij. Tales credit Matthæucius *loc. cit.* fuisse duas extases, quas refert S. Augustinus *lib. 14. de Civit. Dei cap. 24. & lib. de Cura pro Mort. agenda c. 11.* Econtra vero extasis supernaturalis a S. Bonaventura *lib. de septem gradibus contemplationis* ex D. Dione-

visio sic describitur, quod sit quædam *voluptuosa elevatio devota anima supra se deserto exteriori homine ad supernaturalem Divini amoris fontem.*

Observe Confessarius VI. Signa discernendi extasin supernaturalem a naturali, & diabolica esse quidem difficillima; interea tamen tam a Paulo Zacchia *lib. 4. Q. Q. Medico-Legalium tit. 1. Q. 6.* quam a Matthæucio in sua *Practica tit. 3. cap. 3. art. 1. n. 12.* aliqua assignantur, ex quibus efficaciora desumo: nimirum in extasi naturali, si non omnia, saltem aliqua ex sequentibus concurrunt, nempe capitis discrasia seu intemperies, constitutio melancholica, sanguinis, ac spirituum non naturalis constitutio. Exinde corpus ea finita patitur lassitudinem, ac torporem, quamdam intellectus obfuscationem, rerum præteritarum oblivionem, colorem conversum ad pallorem, vel livorem, seu fuscadinem: Insuper talis homo vexatur tristitia absque sufficiente causa, molestatur pandiculatione, & oscitatione frequenti, & incurrit periculum Apoplexiæ, vel Paralysis, aut Catalepsis, &c. Econtra vero similia, præsertim quæ animum concernunt, abesse solent saltem a potiori ab extasi supernaturali; Unde

Observe Confessarius VII. Conjecturari posse probabiliter his absentibus, præsertim quæ animum efficiunt, esse extasin supernaturalem, maxime si extaticus ille præditus heroicis virtutibus, post extasin non gloriatur, sed magis humiliatur, & doleat, quod ab aliis videatur, a quibus extasin, quantum est in sua potestate, celare curat: alias enim extasis etiam a diabolo provenire potest, vel immediate, vel etiam mediante natura, qua uteretur tamquam instrumento.

Observe VIII. Confessarius ex eodem Matthæucio. & Zacchia, si extasēs valde frequentes sint, prudentem præsumptionem esse extasis potius naturalis, quam supernaturalis, nisi aliunde efficacissime constet de effectu supernaturalitatis. Deus enim non solet ordinarie in tantum multiplicare miracula: interea tamen, si talis homo noscatur alias virtutibus heroicis bene probatis exornatus, & sub extasi elevetur a terra in altum, aut facto præcepto obedientiæ etiam sub terminis extatico ignotis, aut in summo silentio, vel tantum mentaliter proposito (prout contigit talis probatio apud Ven. Virg. Mariam de Agreda) illico ad se redeat, crederem, talem extasin suppositis supponendis esse potius supernaturalem, quam naturalem, aut diabolicam.

Quæres III. Quidnam Confessario attendendum, si similes personæ in Confessionali proponant varias apparitiones, seu visiones? Resp. Talem Confessarium debere attendere ad sequentia. I. Quod alia sit visio corporalis, alia imaginaria, & alia intellectualis. *Corporalis* immediate procedit a sensu externo v. g. visu, vel auditu percipiente objecta sensibilia externa vera, vel apparentia sibi proposita. *Imaginaria* ea est, quæ a potentia imaginativa, seu a sensu interno primo procedit, quin in eo ipso momento operatio aliqua in sensu externo præcesserit. *Intellectualis* illa est, quæ primo

ab intellectu formatur per species intelligibiles, quin originem suam habeat ab iis, quæ vel sensus externi prius perceperint, vel phantasia, seu potentia imaginativa præcedenter cognoverit. Attendat Confessarius II. Quod ex parte causæ efficientis alia dicatur visio naturalis, alia dæmoniacæ, & alia supernaturalis. *Ultima* a Deo efficitur sive immediate, sive ministerio Angelorum. *Dæmoniacæ* procedit a potestate dæmonis deludentis variis modis sensus internos & externos, vel per alterationem humorum, & spirituum animalium, vel per subtractionem realium rerum, & appositionem aliarum, quas sive ex aëre composuit, sive aliunde concepit. *Naturalis* visio a naturali principio procedit, pro qua

Attendat Confessarius III. Hanc ipsam naturalem visionem posse esse vel corporalem, vel imaginariam. *Corporalis* contingit ad extra sive propter vehementem imaginationem circa aliquod objectum, adeo ut humores corporis præter ordinem commoti irregularem spirituum animalium copiam tum phantasiæ, tum sensui externo deferant, propter quod quis censet, e. g. Conventus Angelorum audire, aut oculis corporeis videre figuras Sanctorum sibi apparentium: Sive talis visio corporea naturalis evenire etiam potest propter impedimentum in cerebro, quod confundit ordinem in sensu etiam externo, adeo ut imagines phantasticas observe, ac si essent vera corpora, prout frequenter fit apud graviter infirmos; apud sanos vero testibus D. Bonaventura, & Gerlone *traß. de probat. Spirituum* prænunciat periculum insanix. *Visio naturalis imaginaria* suboritur ad intra ex spirituum animalium commotione, vel ex immoderato voluntatis affectu, vi cuius quis vehementer applicat potentiam imaginativam efformantem sibi varias species sensibiles, seu phantasticas circa id, quod concupiscit &c. Ita quoad omnia doctissime Matthæucius in sua *practica traß. 3. cap. 3. art. 2.* Attendat Confessarius IV. Quod valde frequenter visiones, seu apparitiones corporales, & imaginariæ, quæ creduntur provenire a Deo, & Sanctis, possint esse pure naturales, præsertim apud fortiter apprehensivos, & apud feminas, maxime certis temporibus, quæ præter matricem abundant passionibus admodum acribus, hincque non raro, quod a passione natum, a veritate profectum putant: suntque præterea feminæ naturæ magis humidæ, & viscosæ; humidum autem facile commovetur, variasque figuras recipit, & viscosum difficilius, ac serius a motu cessat. In emergentia difficilioris casus legatur desuper Delrio præsertim *lib. 4. disquis. mag. sect. 2. & 3.* atque apud eundem bene notentur verba Gerlonis sequentis tenoris: *Hoc præcipue considerandum, qualiter cum suis Confessionibus, & Instructionibus muliercula tales converſentur. Si Collocutionibus intendunt continuis sub obtentu nunc crebra Confessionis, nunc longe narrationis visionum suarum, nunc alterius cujuslibet confabulationis: expertis credite, nominatim Augustino, & Bonaventura, vix est altera pestis vel efficacior ad nocendum, vel insanabilior.* Ita ille Vir non solum doctissimus, sed & summe practicus. Attendat Confessarius V. Quod equidem, si talis persona alias noscatur non multum dedita phan-



phantasiis &c. ac præterea sit probata virtutis, maxime quoad cœcam obedientiam, & profundam humilitatem, possit Confessarius prudenter inferre, visionem esse supernaturalem, eo quidem magis, si fuerit visio pure intellectualis, aut si visio ni etiam sensitivæ fuerit conjuncta talis revelatio, quæ vix potuit esse alia, quam Divina. Econtra vero visio, seu apparitio prudenter infertur deceptoriam, si conjuncta revelatio fuerit falsa, seu si res revelata sit parum utilis, excitativa discordiarum &c. Item deceptoriam, & diabolicam erit, si in visione apparens fugiat signum Crucis, ac Sacramentalia, si nolit pronunciare sacra Nomina Jesu, & Mariæ, nec ipsis reverentiam facere, si appareat forma non humana, seu bene formata, aut si primo quidem læticiam afferat, postea tamen horrorem, turbationem, vel magnam desolationem, aut etiam tentationes ad impura: vel si abeat cum magno fœtore, ac strepitu. Notentur ultimate verba formalia D. Bernardini *Serm. de Utilit. verb. Dom.* dicentis: *Se transfigurat malignus spiritus aliquando in Angelum lucis, ut virtutis simulatione plus noceat, sed tunc quoque, si diligenter advertimus, nunquam nisi amaritudinis, & discordia semina spargit: suadet enim nonnullis singularia jejunia quædam, unde ceteri scandalizentur, non quia diligit jejunium, sed quia scandalo delectatur.*

Quær. IV. Quidnam Confessario observandum, si poenitens proponat in Confessionali varias revelationes sibi factas? Resp. I. Ut bene inter revelationem Divinam, imaginariam, & diabolicam distinguat, ante omnia Confessarium suæ memoriæ debere profunde insigere doctrinam S. Bernardi de perfect. Relig. lib. 2. cap. 26. ubi sic ait: *In omnibus revelationum & visionum generibus magna cautela habenda est, ne falsa pro veris, noxia pro salutaribus, exigua pro eximiis, & incerta pro certis recipiantur:* sic utique, si extatica aliqua visio deprehenditur naturalis, aut diabolica, revelatio sub eadem facta non credetur Divina.

Resp. II. Confessarius doctus, & versatus potest revelationem Divinam ab imaginaria, vel diabolica discernere per quatuor genera causarum, I. *Ex parte causa materialis* perpendat, an materia revelata nil contineat contra fidem, contra communem SS. PP. aut contra bonos mores &c. *Ex parte causa formalis* attendat Confessarius ad modum, quo Auctor illas revelationes proposuit, e.g. si ad aliquam personam profundæ humilitatis, & promptissimæ obedientiæ eadem sit de repente absque prævia intentione circa illud objectum, neque est in potestate animæ ipsam non attendere. Item, si brevissima temporis morula multa sublimia, sacratissima, & ad purum Divinum amorem excitantia docet, nec non ad heroica fortificat, signum est, revelationem provenire à Deo, quando aliunde nihil obstat. *Ex parte causa efficiens*, seu ex parte illius, qui proponit aliquam revelationem, observet, & probeat Confessarius, etiam altero ipsam probationem non advertente, num sit valde virtuosus, præsertim fundatus in contemptu sui, & abnegatione propriæ voluntatis. Item num non nimium inclinet in melancholiam, nam teste Paulo Zacchia lib. 4. tit. 1. an. 14. temperamentum melancholicum plurimum ad similia propendet,

etiam prophetando futura: cum enim melancholici sint fortiter apprehensivi, & sæpe docti ex uno aliud conjecturantes, solent subinde credi Prophetiæ; cum tamen fuerint solummodo conjecturæ, quibus per accidens veritas erat conjuncta. *Ex parte causa finalis* respiciat Confessarius, utrum similes revelationes tendant ad majorem Dei Gloriam, nec non ad notabilem utilitatem spiritualem propriam, aut proximi, & non potius introducant (quàmvis ad speciem boni) aliquem teporem, scrupulos, anxietates, desperationes, vel quampiam partialitatem, atque exinde in communitate varias murmurationes, discordias, &c.

Quær. V. Quænam fuerint motiva, vi quorum a sapientibus erant habitæ pro supernaturalibus revelationes, & visiones S. Theresiæ? Resp. Ex Alberto Reiffenstuel in sua *Practica part. 2. cap. 1. §. 6. n. m. 198.* Motiva fuisse sequentia I. Semper timebat diabolicas illusiones, & propterea nunquam similia extraordinaria dona desideravit, prout idem fecit B. Coleta. II. Semper a spiritu sibi apparente, ac revelante mandatum acceperit, ut ea, quæ audiebat, communicaret cum viris doctis, prout etiam fecit. III. Non uni solum, sed & pluribus Directoribus sibi designatis exactissime obediebat, & post tales gratias magis in charitate, & humilitate proficiebat. IV. Libentius cum illis agebat, qui minus creduli erant, eosque amabat, a quibus persecutiones patiebatur. V. Mens illius summa tranquillitate semper gaudebat, ac ferventi desiderio perfectionis, & ardentissimo zelo animarum flagrabat. VI. Omnis defectus ejus, etsi minimus, a spiritu intus gubernante reprehendebatur. VII. Cum illa conversantes ad virtutem excitabantur. VIII. Similia dona ut plurimum post Orationem, vel S. Communionem contingebant. IX. Continuum habuit desiderium pro Deo patiendi, juncta etiam mortificatione. X. Solitudinem amabat, horrens conversationem hominum. XI. In prosperis, & adversis eandem animi tranquillitatem servabat. XII. Nil in ejus revelationibus alienum a fide, aut perfectione fuit deprehensum. \*

#### QUÆSTIO IV.

Quid agendum Confessario circa constitutos in occasione proxima peccandi, Recidivos, & laborantes quadam ignorantia?

#### SUMMARIUM.

44. *Quid agendum circa constitutos in occasione proxima peccandi?*
45. *Occasio peccandi proxima, & remota, quæ?*  
(h) Concordant dicta Tract. 3. Dist. 2. n. 24.
46. *Quid si occasio proxima relinqui nequeat?*
47. *Propositiones circa occasionem proximam peccandi damnatae.*  
*Ratio damnationis earum.*
48. *Quid agendum circa recidivos? Solus relapsus non est certum signum falsæ Penitentia.*
49. *Quid, si recidivus minuat numerum peccatorum?*
50. *Et quid, si cum augeat &c.*
51. *Quando penitenti recidivo sit neganda ad tempus absolutio?*

52. Quid agendum, si pœnitens habeat ignorantiam circa peccatum?  
 53. Præsertim vincibilem?  
 54. Aut est spes profectus.  
 55. Vel pœnitens petat resolutionem dabit.  
 56. Generalia circa scientiam & prudentiam Confessarii.

44. **Q**Uæritur I. Quomodo debeat se gerere Confessarius circa constitutos in Occasione proxima peccandi? Resp. I. Oportet Confessarium cavere, ne aliquem in proxima occasione peccandi mortaliter constitutum absolvat, nisi se illam, quamprimum poterit, relicturum proponat. Ita communis. Ratio est: quia talis, si nolit, cum possit, relinquere occasionem proximam, non censetur esse contritus, nec habere firmum propositum sese emendandi; cum affectus ad proximam occasionem peccandi, sit virtualiter ipsa volitio peccati: nam, ut habetur *Eccles. c. 3. Qui amat periculum, in illo peribit.*

45. Dicitur notanter, in occasione proxima. Si quidem ejusmodi Occasio alia est remota, alia proxima. Proximam occasionem peccandi appellant, quæ talis est ex suo genere, ut frequenter homines similis conditionis ad peccatum mortale inducat, vel saltem experientia constet, eam in hoc homine talem effectum habere. Lugo disput. 13. de Pœnitent. num. 149. Alii per Occasionem proximam peccandi intelligunt eas solum circumstantias loci, temporis, personarum, &c. in quibus si sis constitutus, certum est moraliter, te esse peccaturum novo peccato mortali, sive, quibus nunquam, vel fere nunquam uteris sine novo peccato: ut si decies in tali occasione constitutus, succubuisse septies, vel octies; secus, si solum bis, vel ter acquievisses peccato. Gobat Tract. 7. Theol. Exper. n. 525. citans alios. (h) Occasione remota dicitur ea, quæ talis non est: & hanc fugere non tenemur: alias enim omnes deberemus secedere in eremum, aut de mundo exire, ad fugiendas innumeras occasiones remotas peccandi, quod nemo dixerit.

\* Cæteroquin, etsi &c. Vide Addit. (Z)

46. Resp. II. Quia vero sunt aliquæ Occasiones proximæ, quæ difficillime relinquuntur, & non nisi cum scandalo, vel infamia, aut alio notabili detrimento: v. g. si frater sua propria sorore in domo paterna abutatur sine medio separationis faciendæ &c. tunc magna opus est Prudentia Confessarii. Siquidem ejusmodi occasiones, quæ vel declinari non possunt, vel, dum declinantur, gravia generant incommoda, non illico tenetur (sicut nec moraliter potest) pœnitens derelinquere; cum talis potius permaneat in ejusmodi occasione ex quadam necessitate atque impotentia, quam ex affectu ad peccatum. Itaque Confessarius adigat pœnitentem, ut promittat, se proxima commoditate oblata illam occasionem deseriturum: deinde protestetur, se divina cooperante gratia omnes vires adhibiturum, ne relabatur, atque in hunc finem Sacramenta frequentaturum, Beatissimæ Virginis Mariæ se fore devotum &c. si quidem sit peccatum Luxuriæ, pœnitens promit-

tat Confessario, se specialiter evitaturum colloquia, familiaritates, loca privata, munuscula, aliasque peccati illecebras. Quod si igitur in præstatione, & executione horum appareat aliqua vel parva emendatio, talis pœnitens absolvatur: si vero teste experientia, per longum tempus probata, oppositum appareat, is rejiciatur, veluti non contritus ratione evidentis periculi, in quo versatur; simulque efficaciter eidem intimetur illud Christi Domini, *Matth. 18. Si manus tua, vel pes tuus scandalizat te, abscinde eum, & projice abs te: bonum tibi est debilem vel claudum in vitam ingredi, quam duas manus, aut duos pedes habentem mitti in gehennam ignis.*

47. Huc addendæ, & vitandæ sunt nonnullæ Propositiones, a Sede Apostolica merito condemnatæ: & quidem Alexander VII. hanc inter alias, ordine 41. damnavit: *Non est obligandus concubinarium ad ejiciendam concubinam, si hac nimis utilis esset ad oblectamentum concubinarium, vulgo regalo, dum deficiente illa, nimis egre vitam ageret, & alia epula radio magno concubinarium afficerent, & alia famula nimis difficile inveniretur.* Hæc est damnata Propositio. Accedunt aliæ ab Innocentio XI. novissime condemnatæ, quarum prior, ordine 61. sic sonat: *Potest aliquando absolvi, qui in proxima occasione peccandi versatur, quam potest, & non vult omittere, quinimo directe & ex proposito quarit, aut ei se ingerit.* Altera, ordine 62. sic habet: *Proxima occasio peccandi non est fugienda, quando causa aliqua utilis, aut honesta non fugiendi occurrit.* De tertia ordine 63. *Licitum est querere directe occasionem proximam peccandi pro bono spirituali, vel temporali, nostro, vel proximi.* Omnes hæ Propositiones sunt damnatæ; & merito. Siquidem ad hoc, ut quis non teneatur deserere occasionem proximam peccandi mortaliter, nulla causa est sufficiens, nisi sola impotentia physica, vel moralis, deserendi illam occasionem proximam: nam quoties potest quis eam derelinquere, tenetur; quia quilibet, si potest, tenetur vitare proximum periculum summi mali, quale est peccatum mortale, utpote gravissima offensa infiniti Boni. Accedunt allegata verba Eternæ Veritatis, *Matth. 18.*

\* Ex allegatis propositionibus damnatis inferitur, quod non liceat retinere occasionem proximam ex motivo, quia capiatur exinde oblectamentum, vel quia habetur spes acquirendi de novo certum lucrum, vel ut evitetur aliqua difficultas alias subeunda in inquirenda altera famula, vel ob præteritam aliquam aliam causam etiam honestam, seu utilem, nisi simul per dimissionem ejusdem occasionis incurratur gravissimum, aut saltem valde grave damnum in bonis corporis, aut animi, seu famæ, vel in bonis fortunæ. Ita Dominicus Viva in prop. sit. 41. *Alexand. VII. n. 11.* Sabin. Bon. tr. 30. n. 23. & Felix Patesta to. 1. p. 4. c. 5. n. 3651. Ratio est: quia similes, qui ex dimissione hujus occasionis necdum incurrunt valde grave damnum in suis bonis, non censentur habere efficacem propositum excludendi peccatum, si prævidentes proximum periculum non dimittant illam occasionem, ad

ad quam tamen dimittendam haberent potentiam physicam, & moralem. Nec dicat talis poenitens, quod habeat firmum propositum sese emendandi, remedia spiritualia recipiendi, & sic a suis praecedentibus peccatis desistendi, licet adhuc in illa occasione persistat; faciendo tamen ex occasione proxima remotam: Nam contra est, quod, etsi similis excusatio saepe locum habeat conformiter dictis n. 46. apud illos, qui ex necessitate in materiali, & extrinseca occasione perseverant, ita, ut eandem ex impotentia physica, vel saltem morali proxime explicata deserre pro hic & nunc nequeant, interim tamen alia remedia spiritualia praeservativa in futurum recipere parati existant: Etsi (inquam) apud hos excusatio ista, & quidem juxta non paucos AA. etiam quoad necessitatem moralem approbetur; apud alios tamen ordinarie non facile admitti debet, praesertim, si poenitens jam antea eandem emendationem huic, vel alteri Confessario, & sic saepius jam promiserit, nec tamen promissum servaverit, prout in praxi tales, si conformiter tuae obligationi indages Confessarie, plures fortassis invenies peccatores quoad materiam lubricam. Scio quidem, quod P. La Croix lib. 6. p. 2. n. 18. 1831. doceat, constitutum in occasione proxima posse absolvi pro illa vice, pro qua nova, & certa est spes ex prudentibus motivis, quod illam esset proxime relinquiturus, aut NB. quod talem occasionem per aliqua media sibi suggesta redditurus esset ex proxima remota, adeoque facturus, ut hoc, quod hactenus ipsi fuisset formale periculum, postea esset materiale tantum. At dictus Auctor sese remittens ad lib. 5. nu. 259. subjungit, tali asserenti non esse facile credendum, & postea si per experientiam adverteretur, quod permaneat periculum proximum relabendi, omnino absolvi non posse, nisi actu antecedenter removisset talem occasionem, puta dimittendo concubinam, si ea in sua domo existeret; vel si in aliena, efficaciter promittendo, quod illam societatem, ubi a potiori peccaverat opere, vel saltem tactibus, aut desideriis, deserre vellet; nam ex una parte apud Eundem objectum praesens specialiter multum allicit, ex altera inclinatio, & passio ad idem objectum valde vehemens ex jam expertis ob praesentiam particularis hujus objecti denuo probabilissime exibat in actum peccaminosum: quoniam talis ordinarie non potest tam prudenter, uti alius in necessitate constitutus, sperare per suas orationes, & alia opera valde extraordinaria illa, quibus summopere indigeret, auxilia Divina; cum iis dignum se non reddat amando periculum, ad quod tamen amovendum haberet potentiam non solum physicam, verum etiam moralem. Et quomodo talis prudenter praesumitur habere efficacem aversionem a peccato, ultro & absque gravi necessitate permanens in periculo peccati? Videatur Joan. Kugler in Crisi Theolog. super proposit. damnat. ab inhoc. XI. Proposit. LXI. ac seqq. succincte, sed tamen solide desuper discurrens ex Joanne Cardena.

Ex dictis hisce potest facile colligere juvenis Confessarius. Quid I. Sentiendum sit de illius nobilibus personis, quae frequentant certas societates, ubi tamen solum subinde, sed ordina-

rie ob certas personas impure amatas, ac simul praesentes animam maculant peccato luxuriae: si non opere, saltem verbis, & morosis delectationibus, nolentes autem hanc occasionem sane proximam intermittere, ne videantur aliquo modo inurbanæ, vel melancholicæ &c. Item II. Quid statuendum sit de illis puellis rusticellis, quae, ut amatos suos in amore (uti ajunt) conservent, vel suo tempore fortassis ad matrimonium facilius pertrahant, tam diurno, quam nocturno tempore alliciunt, praesertim diebus festivis ad se invitant, ad choreas, & cauponas comitantur, a quibus jam totaliter, vel saltem semiebrii denuo nocte intempesta inter impura a potiori colloquia, oscula, & desideria domum reducuntur. Item III. Quid decernendum de illis adhuc innuptis rusticis, qui, ne ipsi deficiant in exhibendis suae amatae signis amoris reciproci, nocturno tempore accedunt sine arbitris fenestras camerae, in qua solet amasia alias dormire, ubi plerumque, & ferme semper, etsi occludatur camera, sicque eandem ingredi nequeant, nihilominus extra ad ipsam fenestrellam intercedunt desideria, & colloquia inhonesta, tactus lascivi &c. Hæ enim personæ omnes similia exercentes non habent sufficiens motivum persistendi in hac occasione proxima; hincque regulariter tenentur efficaciter promittere, quod velint absolute dimittere hæc societates, compositiones, & accessus; nam alias, si permittantur in ea occasione permanere, absque fructu transmigrabunt ab uno ad aliud Confessionale, nec se emendabunt, quamvis fugam peccatorum, & vitæ emendationem centies spondeant, teste ipsamet experientia: nam, licet adsit gratia sufficiens, deest tamen ipsis regulariter specialis, quæ etiam rebellem compelleret voluntatem, quam equidem magis sperare possunt, qui ex necessitate conjiciuntur in proximam occasionem, utique exinde majori misericordia digni, qualem tamen superius allegari, vel ideo non promerentur, quia ab objecto vehementer, ac specialiter propter hosce actus frequentatos jam habituatōs alliciente ad peccandum, nolunt se absentare, quamvis haberent potentiam physicam, & moralem absentandi se, sicque periculum evadendi. \*

48. Quæritur II. Quid agendum circa Relapsos, seu Recidivos & Consuetudinarios, qui semper in eadem recidunt peccata? Resp. I. Necessesse est, quod Confessarius magnam circa istos adhibeat discretionem. Siquidem ejusmodi relapsus non est generaliter certum signum falsæ poenitentiae, sed potius fragilitatis humanæ: pluri enim, etiam probitate conspicui, relapsi sunt, & contra bona proposita firmiter concepta, quin quandoque juramento, aut voto firmata, denuo peccarunt. Unde & Matth. 18. Petro interroganti: Quoties peccabit in me frater meus, & dimittam ei? usque septies? Dixit Jesus: Non dico tibi, usque septies, sed usque septuagies septies: hoc est, toties, quoties serio doluerit, veniamque rogarit.

49. Resp. II. Si hujusmodi Recidivus post ultimam suam Confessionem se vel paululum emendavit, nec tot peccata, ut ordinarie solitus fuerat, commisit, & aliquem conatum ad se emendandum

F f f

adhi-

adhibuit, debet is absolvi, ac moneri, ut in proposito perseveret.

50. Quod si vero augeat numerum peccatorum, aut saltem ita longo tempore sua peccata continuet, aliquoties quidem se vincendo, de novo iterum relabendo, ac numerum augendo, tunc solícite duo extrema erunt Confessario vitanda: I. Ne per nimiam severitatem pœnitenti potius sit occasio ruinæ spiritualis, ac desperationis, quam salutis. II. Ne econtra per nimiam clementiam potius foveat peccata, quam minuat. Unde magna opus erit prudentia, ac discretione, qua Confessarius ambo ista extrema devitando, hinc per graviora exhortationum motiva deterreat pœnitentem a relapsu, ac peccatis; illinc vero dulciora Divinæ gratiæ, Passionis Dominicæ, & invocationis Sanctorum lenimenta proponendo, erigat in fiduciam & spem Christianam, atque iteratam peccatorum detestationem, & firmiter emendationis propositum; sicque cum Evangelico Samaritano noverit opportune vulneribus sauciati oleum, ac vinum infundere. Neque mox de talibus spes omnis erit abjicienda; nam, ut inquit Thomas Kempensis lib. 1. de Imitat. Christi, cap. 16. *Quod si fortiter proponens, sepe deficit: quid ille, qui raro, aut minus fixe aliquid proponit?*

51. Si vero omnia hujusmodi remedia sint frustra, hætenus longo jam tempore adhibita, & nullum appareat verum signum doloris, aut propositum emendandæ vitæ, eo quod pœnitens nullum serium conatum adhibeat, quo tentationibus ac occasionibus peccandi resistat, sed freno suis cupiditatibus relaxet: tali post crebras admonitiones, & minas affectuosas adhibitas, tandem ita dictante prudentia erit absolutio ad tempus deneganda, ne Confessarius pœnitentem in suis peccatis videatur fovere. Quinimo opposita nonnullorum sententia ab Innoc. XI. damnata est, dum is sequentem inter alias Propositionem, ordine 60. condemnavit: *Pœnitenti habenti Consuetudinem peccandi contra Legem Dei, Naturæ, aut Ecclesiæ, esse emendationis spes nulla appareat, nec est neganda, nec differenda absolutio; dummodo ore proferat, se dolere, & proponere emendationem.* Hæc, inquam, Propositio, utpote damnata, impofterum cavenda erit: quamvis omnem lapidem prius oporteat movere, quam pœnitenti relapso absolutionem negare, præsertim si hic & nunc clariora det signa doloris, ac propositi emendationis.

\* Quod libenter scires remedia, quæ consuetudinariis a prudentibus Confessariis præscribi solent. Resp. I. Remedia generalia pro qualibet consuetudine mala extirpanda esse sequentia: 1. Humiliter, ac frequenter cum plena in Deum fiducia petere auxilium ejusdem. 2. Frequenter confiteri, & quidem ordinariè uni Confessario determinato, ejusque consilia diligenter exequi. 3. Devote communicare: nam juxta Conc. Florent. devota, ac frequens Sacratissimæ Eucharistiæ sumptio est habituum malorum debilitatio. 4. Attente sæpius quidpiam legere de gravitate peccati mortalis, ac pœna peccati, vel de quatuor novissimis &c. 5. Confugere per preces ad B. Virginem, tamquam universale refugium peccatorum, 6.

Declinare occasiones, personas, seu objecta induciva ad illud peccatum, cujus habet consuetudinem. 7. Subinde poterit adhiberi remedium, quo apud inveteratum quempiam peccatorem usus fuerat B. Bernardus, suadendo eidem, ut triduo abstineat a familiari sibi vitio in honorem SS. Trinitatis, quod, cum fecisset, consuluit, ut altero triduo in honorem Christi pro se crucifixi: quo iterum observato persuasit aliud triduum in honorem B. Virginis Mariæ &c. usque dum omnis difficultas evanuit, & per contrarios actus successively totus habitus vitiosus sublatus fuit.

Resp. II. Loquendo in specie de mala consuetudine quoad peccatum mollioris conducunt sequentia. 1. Frequens Confessio apud eundem Confessarium, qui tamen ægre non debet ferre, si talis pœnitens una, alterave vice alium accedat; ne alias detur ansa sacrilegæ Confessionis propter erubescientiam pœnitentis. 2. Frequens communio juxta SS. PP. speciale antidotum contra libidinem. 3. Quotidiana devotio erga immaculatam Conceptionem B. V. Mariæ per unum, alterumve Ave Maria, vel devote recitando: *Per sanctam & immaculatam Conceptionem tuam purissima Virgo Maria emunda cor, & carnem meam in nomine + Patris, & + Filii & + Spiritus Sancti, Amen.* 4. Fuga otii, nam (uti sonat commune proverbium) *otia, si solas, periere cupidinis arcus.* 5. Memoria Dei præsentis tamquam futuri quondam severissimi Judicis, præsertim tempore vehementioris tentationis. 6. Repræsentatio viva Christi crucifixi per tale peccatum de novo crucifigendi, ubi efficacius proderit talis repræsentatio, si eadem fiat statim ab initio occurrentis impuræ cogitationis, ne alias scintilla parva neglecta magnum excitet in tali habituato incendium, & carnis rebellionem. 7. Quotidie, implorata fiducialiter divina Assistentia, firmum propositum præsertim de mane, ac de nocte tale vitium non amplius committendi. 8. Sæpe non nocebit, si præter motiva supernaturalia etiam adducatur, quantum talis habitus malus obfit sanitati, ex quo debilitas memoriæ, vertigo capitis, phthisis, & apoplexia non raro in ipso Juventutis flore causantur. Et quorsum veniet anima, si talis per subitanæ mortem in longam æternitatem avocetur? momentaneum sane, quod delectat; æternum quod cruciat. Cæteroquin si & ista non juvent, homini adhuc libero inculcetur illud Apostoli: *melius est nubere, quam uri.*

52. Quæritur III. Quid agendum, si Confessarius advertit, pœnitentem habere ignorantiam circa aliquod peccatum? Resp. I. Quando Confessarius advertit, pœnitentem esse in bona fide cum ignorantia invincibili circa aliquod peccatum commissum, vel committendum, prævidetque, pœnitentem, quamvis instruat, non idcirco a peccato recessurum esse, ac proinde probabiliter credit, suam admonitionem non profuturam, non tenetur pœnitentem admonere. Siquidem ejusmodi monitio foret actus vanus, atque inutilis, imo & nocivus: quia, dum Confessarius pœnitentem ab errore bona fide habito retrahere conaretur, & quidem absque spe fructus, juxta casum positum, ipsum in æternæ damnationis abyssum demergeret.

53. Resp



rius dissimulare, quamvis admonitio non sit profutura. Ita communis. Ratio est: quia, cum ea ignorantia non excuset, pœnitens affectus est peccato mortali; quare si Confessarius dissimularet, conferret Sacramentum indigno. Cæterum, quia ignorantia, quæ in uno est vincibilis, in alio potest esse invincibilis; hinc rursus opus est magna prudentia Confessarii, eumque oportet hoc perpendere ex qualitate personæ, & aliis circumstantiis.

54. Resp. III. Quando etiam ignorantia est invincibilis, adest tamen spes profectus, debet Confessarius pœnitentem admonere. Ita Sanchez lib. 2. de Matrim. disp. 38. cum aliis. Ratio est: quia quilibet approbatus Confessarius tenetur lege Charitatis docere proximum errantem.

55. Resp. IV. Quod si pœnitens aliquod patitur dubium, illiusque resolutionem petat, tenetur Confessarius illi veritatem aperire, licet non ignoret, pœnitentem suis dictis & monitis non obtemperaturum. Ita Sanchez loc. cit. n. 14. cum aliis. Ratio est: quia pœnitens, eo ipso, quod dubitet, jam habet in conscientia remorsum peccati sui, ita ut amplius in bona fide non sit; unde taciturnitas Confessarii foret illius erroris approbatio.

\* Addit tamen La Croix lib. 6. p. 2. n. 1759. sequentem limitationem ex Stoz, Tamburino, & Dicastillo, nimirum nisi veritas, ejusque cognitio esset gravius obfutura; tunc enim allegati AA. existimant, Confessarium etiam apud talem dubitantem posse dissimulare, quasi non audivisset propositionem sui dubii, aut oblitus esset respondere, vel etiam posse dicere, non jam opus esse, ut illud sciat: in talibus enim circumstantiis (ajunt isti) positive veritatem dicere, esse gladium ipsi in manus dare, quo se, vel alium, sauciaret gravius, quam facturus esset, si ignoraret. Sed quidquid sit de hac sententia, cum ex una parte per talem responsionem pœnitens a Confessario, a quo tamquam a Doctore petiit categoricam resolutionem, non liberetur a suo dubio; ex altera vero, si dictus pœnitens abutendo hac veridica resolutione occasione ejusdem velit se ipsum ex mera malitia magis sauciare, id proveniet ex propria culpa; hinc ordinarie positive dubitanti, ac categoricam resolutionem petenti candide, atque sincere aperire veritatem, nisi in malo gravissimo exinde subsequuturo speciales circumstantiæ suaderent dissimulationem, \*

56. Cæterum, quomodo circa præmissa, & alia plurima, oporteat vigilare scientiam & prudentiam Confessarii, paucis hisce pagellis pro dignitate nequit comprehendere, eo quod negotium hoc sit valde arduum. Tota Theologia Moralis ad istud Sacerdotis officium rite ordinandum incumbit, innumeri Libri & Tractatus Theologici hætenus editi, & impofterum edendi, in hoc ipsum allaborant: ut autem actu ipso omnia legitime perficiantur, post sedula Litterarum studia, nec non & debitam Librorum Theologicorum lectionem, gratia Spiritus Sancti humilibus precibus erit imploranda.

## Q U Æ S T I O V.

De Denunciatione Confessoriorum sollicitantium Pœnitentes ad inhonestā.

### S U M M A R I U M.

57. Immane Sacrilegium est, sollicitare pœnitentes in Confessione.
58. Sollicitare hic, est incitare ad turpia.
59. Istud exemplificatur.
60. Sollicitare, plures habet acceptiones.
61. Sollicitare censetur Confessarius tradens in Confessione turpem Chartam postea legendam.
62. Sive sollicitet ad peccandum secum, sive cum alio.
63. Pœnitens sollicitatus tenetur denunciare Confessarium sollicitantem.  
Et alius Confessarius debet hoc ipsum monere.
64. Et sub qua obligatione?
65. Ipse tamen Confessarius sollicitans non tenetur sollicitato precipere, ut se denunciaret.
66. Solvitur instantia.
67. Constitutiones denunciandi Confessarium sollicitantem, non ubique sunt receptæ.
68. Sollicitatus denunciatus non cogitur propriam turpitudinem detegere.
69. Confessarius a famina sollicitatus, hanc denunciare non tenetur.
70. Confessarius pœnitentem sollicitans, quibus pœnis subjaceat?
71. Neque is punitur, donec de crimine conflet.
72. Sollicitatio an sufficienter probeatur per testes singulares?

57. **C**Um nefandum scelus, immanequæ sacrilegium committatur, si quis Sacerdotum, ad sacras Confessiones excipiendas deputatus, non solum probitatem vitæ ex parte Ministri Jure Divino requisitam non habeat, sed insuper Sacrosancto Pœnitentiæ Sacramento abutatur, & malitia diabolica sollicitando pœnitentes ad turpia pro medicina venenum, & pro pane aspidem eis porrigat, in summam animarum perniciem: Plurimum Romanorum Pontificum Pastoralis sollicitudo salubria pestifero huic malo remedia providere studuit; prout liquet ex Constit. 31. Pii IV. Cum sicut nuper, & Constit. 34. Greg. XV. Universi Dominici (quarum prior Tom. 2. posterior autem Tom. 3. Bullarii Romani refertur) statuendo, ut hujusmodi delinquentes a personis in Confessionali sollicitatis denunciarentur Inquisitoribus, seu locorum Ordinariis, atque per hos procedatur contra eosdem tamquam de hæresi suspectos, debitas pro delicti enormitate pœnas infligendo, prout amplius ex dicendis patebit.

58. CONCL. I. Sollicitare, quantum ad propositum, idem est ac provocare, seu allicere verbis, aut alia ratione incitare ad turpia, & inhonestā; hoc est, ad res carnales, & venereas. Ita Bonacina Tom. Tractationum variarum, d. 6. de Obligatione denunciandi &c. punct. 3. n. 2. post Sanctarellum in tract. de Hæresi q. 44. n. 7. & alios; idque patet ex contextu dictarum Constitutionum Pontificalium, quæ de Confessario sollicitante loquuntur.

Ffff 2

59. Unde

59. Unde sequitur, Confessarium, qui pœnitentem in Confessionali osculatur, aut cum venera delectatione contrectat, seu verbis, ictu oculorum, vel alio exteriori signo ad libidinem provocat, esse denunciandum, ac subjiendum pœnis dictarum Constitutionum; quia censetur sollicitare ad inhonestam. Secus dicendum, si is solum interius carnaliter delectetur, vel etiam deliberate polluat, fœmina tamen non advertente, etiamsi hoc ipsi extra Confessionale aperiatur. Bonacina *loc. cit.* n. 3.

60. Additur tamen in Conclusionem, quantum ad propositum. Nam verbum *Sollicitare* plures alias habet significationes: aliquando enim accipitur pro verbo *pluries instare*, & requirere: aliquando pro *inquietare*, vel *molestare*, uti videre est apud Calepinum, *V. Solicito*. Verum in propositum solum accipitur pro *sollicitare pudicitiam* pœnitentis, eamque conari labefactare, adeo, ut in præcatis Bullis Pontificiis sermo dumtaxat sit de Confessariis sollicitantibus pœnitentes ad inhonestam, quorum nomine per antonomasiam intelliguntur peccata. Castropalao *p. 1. tract. 4. disp. 9. n. 4.* Bonacina *loc. cit.* n. 13. & alii.

61. CONCL. II. Sollicitare ad inhonestam quoad propositum etiam censetur ille Confessarius, qui pœnitenti tribuit in Confessione chartam postea legendam, in qua ad venerem incitat: nam traditio illa sceleratæ chartæ jam est incepta sollicitatio, & quidem in injuriam Sacramenti, sacrilege facta eo tempore, quo pœnitens monendus erat de seria vitæ emendatione. Unde contrariam quorundam opinionem reprobavit Alexander VII. die 24. Septembr. 1665. inter alias damnando sequentem, ordine 6. Propositionem, *Confessarius, qui in Sacramentali Confessione tribuit pœnitenti Chartam postea legendam, in qua ad venerem incitat, non censetur sollicitasse in Confessione; ac proinde non est denunciandus.* Hactenus propositio damnata.

62. Insuper nomine *Sollicitationis* impræsentiarum intelligitur, sive Confessarius impiè tentet provocare pœnitentem ad peccatum secum; sive ad peccandum cum tertia persona; & sive sollicitet fœminam, sive masculum; sive istud contingat sub actu Confessionis, etiam simulatæ, sive antea vel post immediate; imo & si fiat extra occasionem Confessionis in Confessionali. Patet hoc totum ex citata Bulla Gregorii XV. *Universi Domimici*, §. 3. & 4. ubi Constitutionem Pii V. *Cum sicut nuper*, olim pro Regnis Hispaniarum emanatam, ac loquentem dumtaxat de Confessariis mulieres pœnitentes sollicitantibus, in primis *motu proprio*, & *ex certa scientia*, extendit ad qualvis Christiani Orbis partes, & postea statuit, & declarat, *quod omnes & singuli Sacerdotes, qui personas, quæcumque illa sint, ad inhonestam, sive inter se, sive cum aliis quomodolibet perpetranda, in actu Sacramentalis Confessionis sive antea vel postea immediate, seu occasione, vel prætextu Confessionis hujusmodi, etiam ipsa Confessione non secuta, sive extra occasionem Confessionis in Confessionario; aut in loco quocumque, ubi Confessiones Sacramentales audiantur, seu ad Confessionem audiendam electo simulantes ibidem Confessiones audire,*

*sollicitare, vel provocare tentaverint, aut cum eis illicitos & inhonestos sermones, sive tractatus habuerint, in Officio S. Inquisitionis severissime, ut infra, puniantur.* Hæc Pontifex.

63. CONCL. III. Certum est, quod pœnitens sollicitatus habeat gravem obligationem denunciandi Confessarium sollicitantem in Confessionali ad actus inhonestos; adeo, ut etiam alius Confessarius habens desuper notitiam, teneatur præcipere pœnitentibus ad denunciandum ejusmodi Confessarios sollicitantes. Ita communis. Idque præter quasdam Litteras Clementis VIII. quarum meminit Bonacina *loc. cit. punct. 3. n. 3.* patet ex relata Constitutione 34. Gregorii XV. ubi gravis ejusmodi obligatio manifeste supponitur, dum Pontifex §. 7. expresse, & sub pœnis per locorum Ordinarios, & Inquisitores pro modo culpæ infligendis, *Mandat omnibus Confessariis, ut suos pœnitentes, quos noverint fuisse ab aliis, ut supra, sollicitatos, moneat de obligatione denunciandi sollicitantes; seu ut præfertur tradantes Inquisitoribus seu locorum Ordinariis.*

64. Et quidem hujusmodi præceptum denunciandi Confessarium sollicitantem, obligat sub mortali: est enim datum in materia gravi, seu respiciente salutem animarum, ac majorem Sacramenti Pœnitentiæ reverentiam. Quinimo pluribus in locis extant Edicta Episcoporum, & Inquisitorum, præcipientia dictam denunciationem Confessarii sollicitantis sub pœna excommunicationis; excommunicatio autem supponit peccatum mortale. Porro pœnitens non denuncians peccaret contra virtutem Religionis, utpote ex cujus motivo, seu ob majorem Sacramenti reverentiam, Pontifex dictam denunciationem præcepit, Bonacina *loc. cit.* n. 10. & 12. allegans plures alios.

65. Cæterum notanter dicitur in relata Bulla Gregorii XV. *Quos fuisse ab aliis sollicitatos.* Nam ipsemet Confessarius, qui personam pœnitentem impudice sollicitavit, non tenetur huic præcipere, ut seipsum Inquisitori, vel Ordinario denunciaret. Repugnat enim Juri Naturæ, ut quis voluntarie procuraret propriam suam ruinam; prout accideret, si Confessarius, qui sollicitavit, præciperet pœnitenti, ut seipsum denunciando diffamet, ac proinde gravem, & Naturæ repugnantem obligationem, noluit Sancta Mater Ecclesia Confessariis injungere, sed solum præcipit, ut pœnitentes moneant de obligatione denunciandi sollicitantes, si quos noverint, *fuisse ab aliis sollicitatos*, prout loquitur Gregorius XV. ubi supra. Ita Jo. Maria Sbogat in *Theologia Radicali*, t. 149. cap. 2. n. 19. post Bordonum tom. 1. cap. 25. n. 57. & alios.

66. Neque hinc sequitur Propositio illa, quam Alexander VII. die 24. Septembris 1665. ordine 7. reprobavit, quæ asserbat; *Modus evadendi obligationem denunciandam sollicitationis est, si sollicitator consentiat cum sollicitante, hic potest ipsum absolvere absque onere denunciandi.* Etsi enim sollicitans, cui sollicitatus rite confitetur, non teneatur hunc monere de obligatione denunciandi semetipsum, ut dictum: non tamen pot-

potest eum liberare ab obligatione denunciandi, quam aliunde, seu ex præcepto Ecclesiæ, per memoratas Constitutiones Pontificias promulgato, contraxit.

67. Utrum autem Constitutiones illæ de obligatione denunciandi ubique terrarum sint receptæ, est quid facti, & in facto consistens. Et quidem, quod in partibus Infidelium, ubi non servatur Decretum S. Officii, absolvantur recusantes denunciare sollicitantes in Confessione, refert Jacobus Pignatellus tom. 1. Consult. 255. n. 14. vers. In partibus. Idipsum de Germania sentire videtur Gregorius Gobat tract. 7. Theologia Experimentalis, n. 575. & 576. de quo alii.

68. Dices: Nemo cogitur propriam turpitudinem detegere, ac Judici denunciare, Can. Quis aliquando, §. His auctoritatibus, de Pœnit. dist. 1. ergo nec pœnitens est cogendus ad denunciandum Confessarium sollicitantem, saltem quando eidem consensum præbendo peccavit. Resp. Neg. consequ. Quia pœnitens solummodo tenetur denunciare Confessarium, qui ipsum sollicitavit in Confessionali: non autem tenetur dicere: se Confessario sollicitanti consensum præbuisse. Sed nec Inquisitores, aut Ordinarii locorum possunt denunciantem interrogare, an Confessario sollicitanti in opus consenserit; & si improvide interrogarent, non teneretur denuncians respondere, cum non interrogaretur legitime: sicque is numquam cogitur propriam turpitudinem in iudicio detegere. Bonacina Tract. var. disp. 6. punct. 5. n. 10.

69. CONCL. IV. Non tamen econtra Confessarius, si a fœmina in Confessionali sollicitetur ad inhonestam, tenetur istam denunciare. Ita Bonacina loc. cit. num. 10. allegans alios. Ratio est: quia supra memoratæ Constitutiones Pontificiæ emanarunt dumtaxat ad comprimendam quorundam pro Sacro Tribunali sedentium execrabilem malitiam, occasione salutiferi Sacramenti Pœnitentiæ actu diabolico pervertentium animas fidelium: solum enim loquuntur de Confessariis sollicitantibus personas in Confessionali, nullam autem mentionem faciunt de fœminis sollicitantibus Confessarios.

70. CONCL. V. Confessarius sollicitans pœnitentem in Confessione seu confessionali, ut supra, gravibus pœnis subjiciendus est pro qualitate criminis. Patet hoc ex citata Constitutione 34. Gregorii XV. §. 4. ubi omnes hæreticæ pravitatis Inquisitores, & locorum Ordinarii in universis Orbis Christiani partibus, pro suis Territoriis, etiam privative quoad alios, Judices delegantur, ut super his diligenter inquirent, & procedant: & quos in aliquo ex huiusmodi nefariis excessibus culpabiles repererint, in eos pro criminum qualitate, & circumstantiis, suspensionis ab executione Ordinis, privationis beneficiorum, dignitatum, & officiorum quorumcumque, ac perpetua inhabilitatis ad illa, nec non vocis activa & passiva, si Regulares fuerint, exilii, damnationis ad Trivernum, & carceres etiam in perpetuum absque ulla spe gratiæ, aliasque pœnas deseruant, eos quoque, si pro delicti enormitate graviores pœnas meruerint, debita precedente degradatione, Curia seculari puniendos tradant. Hæc ibi.

71. Solum nota, quod Inquisitor, seu Ordinarius loci, Sacerdotem de tam nefando crimine delatum non possit illico punire, donec de delicto legitime constet: alioquin manifestum subesset periculum, ad malevolarum, & quandoque ab aliis subornatarum fœminarum ementitam delationem puniendi innocentes Confessarios. Unde nec Evangelium, nec ulla Divina humanaque Lex unius testimonio etiam idoneo quempiam condemnat: Can. Admonere, 33

72. Quæres: an crimen sollicitationis ad actus inhonestos in Confessionali, sufficienter probetur per testes singulares, utputa, per plures fœminas, quæ singillatim affirmant, se a Confessario seorsim fuisse sollicitatas? Resp. Negative, nisi etiam concurrant alia indicia, seu præsumptiones. Ita Pignatellus citat. tom. 1. Consult. 104. num. 2. & seq. & alii. Ratio desumitur excitata Bulla Gregorii XV. ubi quidem §. 5. ne ob defectum probationum delictum tam enorme, & Ecclesiæ DEI tam perniciosum maneat impunitum, admittuntur testes singulares, istud tamen non absolute conceditur, sed solum concurrentibus aliis præsumptionibus & indiciis, arbitrio Judicis dijudicandis, ibi: Cum difficilis sit probationis, testibus etiam singularibus, concurrentibus præsumptionibus, indiciis, & aliis adminiculis, delictum probatum esse iudicandi &c. Alioquin vero, quod testes singulares regulariter non probent, patet ex Can. Nihilominus, 3. quaest. 7. & c. Cum dilectus, 33. de Electione, cum similibus.

## DISTINCTIO IX.

De Casibus Reservatis, & Sigillo Confessionis.

### QUÆSTIO I.

Quid sit Reservatio Casuum, & a quo fieri possit?

#### SUMMARIUM.

1. Casus reservatus, quid?
2. Per actum reservationis directe afficitur persona Confessarii &c.  
Corollarium.
3. Datur in Ecclesia potestas reservandi casus.
4. Quæ peccata reservari soleant?  
Quid de casu dubio?
5. Papa ordinarie non reservat peccatum, nisi ob annexam excommunicationem.
6. Unde hac sublata quilibet Confessarius absolvit a peccato.
7. Item, si Censura non fuit contracta.
8. Casus reservati SS. Pontifici, qui?  
(a) Videatur Tract. 13. Dist. 2. n. 55. & seq.
9. Episcopi possunt reservare Casus pro suis Diocesis.
10. Ubi tales reperiantur.
11. Cautela quoad Regulares.

1. CONCL. I. Reservatio Casuum aliud non est, quam negatio jurisdictionis absolvendi circa aliquod peccatum. Ita in re communis. Hinc Casus reservatus bene definitur, quod sit peccatum mortale externum, ad cuius absolutionem inferioribus Sacerdotibus jurisdictio non est concessa.

2. Dicitur, *jurisdictio non est concessa Sacerdotibus*: Siquidem per actum Reservationis principaliter, ac directe, tantum afficitur persona Confessarii, ejus jurisdictionem arctande, & indirecte solum persona ipsius poenitentis, eo quod a tali Confessario ob defectum jurisdictionis a Casu reservato absolvi non possit: prout inter alios notat Fagnanus *c. Omnis*, n. 78. & *seqq. de Panit. & remiss.* ubi ad longum probat, quod per actum Reservationis Casuum non afficiatur, nisi persona Sacerdotis Confessiones audientis, licet indirecte obstat poenitentibus. Unde infert, quod Regulares intra Diocesim Episcopi approbantis possint absolvere poenitentem alterius Diocesis a Casibus in Diocesi poenitentis reservatis, si hi non sint reservati in Diocesi, in qua Confessiones audiunt: cum Regulares habeant jurisdictionem a Papa, & Episcopus alterius Diocesis nequeat, etiam quoad suos Subditos, limitare jurisdictionem Sacerdotis sibi non subditi.

3. CONCL. II. Certum est, dari in Ecclesia DEI potestatem reservandi casus aliquos, sive causas criminum graviorum, a quibus inferiores Confessarii absque speciali licentia, & facultate, extra mortis articulum absolvere non possunt. Patet hoc præter continuam praxin, & sensum Ecclesie, ex Concilio Trid. *Sess. 14. Can. 11. cap. 7.* ubi proinde monet in hæc verba: *Extra quem articulum mortis Sacerdotes, cum nihil possint in casibus reservatis, id unum poenitentibus persuadere narrantur, ut ad Superiores, & legitimos Judices pro beneficio absolutionis accedant.*

4. CONCL. III. Sola peccata mortalia, eaque non nisi certa, externa, ac opere consummata, reservari solent. Ita Lugo *disp. 20. de Panit. sect. 2.* Layman *l. 5. tract. 6. cap. 12. n. 3.* Herinex *disp. 6. de Panit. n. 6. & seqq.* cum aliis passim. Dicitur, *reservari solent*: nam quamvis peccata mortalia etiam mere interna possent reservari, tamen in usu non est, neque expedit, ut eadem reservatione Casus, jam is non censetur reservatus, sive sit dubium juris, sive facti: siquidem reservatio est valde odiosa, & stricte interpretanda, adeoque intelligi debet de casibus certis, & indubitatis. Herinex *loc. cit. n. 7.* Suarez, & communis.

5. CONCL. IV. Papa ordinarie nullum peccatum mortale sibi reservat, nisi propter annexam Censuram Excommunicationis sibi itidem reservatæ. Ita Herinex *cit. num. 6.* Navarrus, Tolæus, Henriquez, Layman, aliique communiter: dummodo excipiat unus, vel alter casus, in quo oppositum habetur specialiter expressum: prout Sixtus V. in Bulla, contra male promotos, quæ incipit, *Sanctum & salutare* (ac habetur *tom. 2. Bullarii Romani Constit. 91. disti Pont.*) reservasse sibi peccatum istud absque alia excommunicatione annexa, notat ibidem Lugo *num. 25.* Et hinc in Conclusionem additur *ordinarie*.

6. Infertur proinde, quod si Papa, aut ejus Poenitentiarius, aliquem absolvat a sola Censura excommunicationis, Summo Pontifici reservatæ, possit postmodum quilibet inferior Confessarius in foro conscientie absolvere hominem illum a

peccato ipso, cui talis excommunicatio adjuncta fuit. Idem dicendum, si quis tempore Jubilæi, vel alias Confessario habenti specialem facultatem absolvendi a Casibus Summo Pontifici reservatis fuisset confessus, ab eoque absolutus ab omni vinculo excommunicationis, omissa tamen per oblivionem Confessione Casus reservati Papæ: nam talis poterit postmodum per quemlibet Confessarium ab eodem casu absolvi, eo quod jam fuerit antea absolutus ab excommunicatione Papæ reservata; sublata autem excommunicatione non amplius manet reservatio Casus Papalis.

7. Infertur ulterius: Si quis commisit peccatum Summo Pontifici reservatum, sed ob ignorantiam, aut aliam causam a Censura Papali excusatus fuit, talem etiam ab inferiori Confessario absolvi posse, siquidem sublata, vel non contracta censura Excommunicationis, etiam ablata censetur reservatio. Pirhing *tit. de Hereticis*, num. 37. Basilius *Verf. Casus reservatus*, n. 2. Layman *n. 2.* & alii.

8. CONCL. V. Casus reservati Summo Pontifici, continentur partim in Bulla Cænæ Domini, sic dicta, quod eandem Summus Pontifex singulis annis in die Cænæ Domini solemniter promulgari faciat (a) partim in jure Canonico, & diversis Bullis Pontificiis.

9. CONCL. VI. Etiam Episcopi pro suis Diocesibus possunt sibi reservare certos casus, a quibus Confessarii absolvere nequeunt absque licentia, & facultate ipsorum speciali. Patet hoc tum ex perpetua praxi, sensuque Ecclesie; tum ex Concilio Trid. *Sess. 14. cap. 7. & Can. 11.* sic definiente: *Si quis dixerit, Episcopos non habere jus reservandi sibi Casus, nisi quoad externam politiam, atque ideo Casuum reservationem non prohibere, quo minus Sacerdos a reservatis vere absolvas: anathema sit.*

10. Cæterum Casus Episcopis reservati continentur in propriis singularum Diocesum Ritualibus, & variantur juxta exigentiam & diversitatem Diocesum: quamvis isthæ reservatio non afficiat personam Confessarii extra ejusmodi Diocesim existentis, si Casus in Diocesi Confessarii reservatus non sit, ut dictum *n. 2.*

\* Dixi notanter: *Si Casus iste pariter in ipsa Diocesi Confessarii reservatus non sit.* Nam quando reservatio aliqua non solum in Diocesi poenitentis, verum etiam in Diocesi ipsius Confessarii facta fuisset, respectu talis Casus nequireret Confessarius alias hac facultate absolvendi non præditus poenitentem ab eo absolvere, cum in Bulla *Superna* Clementis X. §. 7. concedatur licentia absolvendi a reservatis confluentes ex alia Diocesi pro tunc tantum, quando peccata non sunt reservata in illa Diocesi, ubi idem Confessor est approbatus. Formalia textus sic sonant: *Post autem Regularis Confessor in ea Diocesi, in qua approbatus est, confluentes ex alia Diocesi a peccatis in ipsa reservatis, non autem in illa, ubi idem Confessor est approbatus, absolvere.* Et hoc quidem in casu, quo peccatum in utraque, nimirum tam in Diocesi poenitentis, quam Confessarii reservatur, quod nimirum pro tunc Con-



Confessarius, alias facultate ab his absolvendi non præditus, nequeat a reservatis, ex quacunque Diœcesi pœnitentes existant, absolvere in sua Diœcesi directe extra necessitatem, omnino certum est.

At formemus alium casum, nimirum quod peccatum a pœnitente alienæ Diœcesis commissum ibidem equidem reservatum non sit, bene tamen in Diœcesi, in qua Confessarius dicti pœnitentis Confessionem excipit; poteritne ex tunc Confessarius, alias facultate absolvendi a reservatis non præditus, nihilominus extra articulum, vel periculum mortis directe absolvere pœnitentem alienæ Diœcesis? Motivum dubitandi, ac negativam tenendi eruitur ex dictis; quia nimirum Clemens X. sicuti concedit Absolutionem Confessario simili, quando peccatum in aliena quidem pœnitentis, non tamen in sua Diœcesi propria reservatum est; sic videtur e contra vice versa negare hanc potestatem absolvendi, quando peccatum illud equidem non in aliena pœnitentis, bene tamen in sua propria reservatum fuit. Et ita quidem ob paritatem rationis in utrolibet casu cum pluribus aliis sentit noster Henno hic *disp. 8. q. 8. art. 4. Concl. 4.* Econtra vero La Croix *Lib. 6. part. 3. n. 1531.* allegatum Clementis X. textum intelligit solummodo in supposito, quo peccatum illud tam in Diœcesi aliena pœnitentis, quam in propria Confessarii ejusdem Confessionem audientis reservatur. Quod si vero peccatum reservatum non sit in Diœcesi pœnitentis, sed tantum in Diœcesi Confessarii, in hoc casu nihil, ait, expresse declarasse Clementem X. Plerique tamen (prout dictus Auctor subjungit) cum Suarez, Lugone, Marchant, & Aversa putant, etiam tunc Confessarium non posse hic absolvere: quia Episcopus hujus Diœcesis directe sustulit Confessario jurisdictionem absolute respectu talis peccati reservati; quamvis cæteroquin Fagundez, & Stoz adhuc judicent, memoratum Confessarium in dicto casu posse viatorem, seu peregrinum absolvere; tum quia reservatio fit ab Episcopo NB. non nisi in Bonum propriæ Diœcesis, & consequenter non nisi circa peccata suorum Diœcesanorum; tum etiam quia Confessarius talem peregrinum, qui in Diœcesi Confessarii figere non intendit domicilium, vel quasi domicilium, absolvit per jurisdictionem, vel ab ipso Summo Pontifice (si Confessarius fuerit Regularis Ordinis Mendicantium) vel ab Episcopo Viatoris (si extiterit Confessarius non Privilegiatus) ex recepta consuetudine delegatam; adeoque, cum nec Papa, nec Episcopus Viatoris hanc jurisdictionem Confessario alterius Diœcesis respectu ejusmodi peregrini concessam limitet, quoad simile peccatum poterit pariter ab eodem absolvere. Interea tamen saltem in his partibus memoratæ opinioni Patris Stoz, & Fagundez videtur ob stare præter verba allegata Clementis X. etiam ipsamet praxis; qua videmus, quod Confessarii alias in sua Diœcesi propria non præditi facultate absolvendi a reservatis, solummodo attendant ad peccata reservata in hac propria sua Diœcesi, qualia in Confessionali ordinarie non absolvunt absque eo, quod præcedenter interrogent, ex qua Diœcesi sit pœnitens, an ex hac ipsa, vel ali-

ena, & num in aliena Diœcesi hoc peccatum pariter sit reservatum, nec ne?

Quæres I. An Diœcesanus, qui extra suam Diœcesin existens perpetrat tale peccatum, quod in sua Diœcesi est reservatum, exinde incurrat reservationem, ita ut rediens in suam Diœcesin nequeat ordinarie, nisi ab habente potestatem in casus reservatos, directe absolvi, etsi peccatum illud reservatum non sit in eo loco, in quo dictus pœnitens id commisit? Supponit hoc quæsitum ex jam dictis, quod, si pœnitens confiteretur illud peccatum in ipsa aliena Diœcesi, in qua commisit, & ubi inter casus reservatos non numeratur; quod (inquam) respectu Confessarii talis alienæ Diœcesis memoratum peccatum non censeatur reservatum; quoniam dicto Confessario ab Episcopo alterius distinctæ Diœcesis jurisdictio sua non limitatur, aut demitur. Quæstio ergo solummodo remanet in casu, quo dictus pœnitens differt Confessionem talis peccati, usque dum redeat in suam propriam Diœcesin. H. S.

Resp. Talem pœnitentem in ordine ad Confessarios suæ propriæ Diœcesis incurrare casum reservatum. Ita cum multis Dicastillo *de Pœnitentia. D. 11. n. 244. & seqq.* Et La Croix *Lib. 6. part. 2. n. 1632.* Ratio colligitur ex jam dictis: quia nimirum exceptis solummodo specialiter designatis ab Episcopo, de reliquo omnibus Confessariis illius Diœcesis, in qua nunc consistens habet domicilium, absolute adimitur potestas absolvendi quoad certa peccata, quæ propterea reservata vocantur; idque maxime verum est in ordine ad ipsos Diœcesanos.

Quæres II. An Diœcesanus incurrat reservationem quoad casus Episcopales, si etiam invincibiliter ignoret, tali peccato esse annexam aliquam reservationem Episcopalem? Videtur, quod non; quia etiam a pari reservatio Papalis juxta jam dicta non incurritur, si invincibiliter ignoretur. Et ita quidem sentiunt Josephus a S. Januario, Navarrus, Grassis, & Quintanadvennas apud Sporer *part. 3. Theolog. Sacrament. c. 6. sect. 2. n. 715* quam sententiam allegatus Auctor existimat, secure practiciari posse, quando apud Confessarium non præditum facultate absolvendi a reservatis simile peccatum reservatum in Confessionali a pœnitente, qui ignorat invincibiliter annexam reservationem, bona fide proponitur. Quod ipsum citatus Auctor in tali emergentia solebat consulere Parochis, & Vicariis de reservatis casibus Episcopalibus sollicitis. Ego autem, nisi viderem, pœnitentem difficulter posse disponi, ut alteri habenti potestatem directe absolvendi a reservatis adhuc semel illud peccatum manifestet, vix auderem cum La Croix *loc. cit. n. 1696.* suadere praxin hujus sententiæ. Hinc respondeo: reservatio casus Episcopalis incurritur, quamvis invincibiliter ignoretur annexa. Ita teste La Croix *loc. cit. n. 1608.* communissima; quod clarum esse, & in praxi notum, ait Aversa hic *q. sect. 1.* Ratio est: quia reservatio principaliter afficit non pœnitentem, sed ipsum Confessarium, cujus jurisdictionem limitat quoad certa peccata: ergo impertinens videtur esse in ordine ad reservationem, num pœnitens ipse eandem resciat, vel ignoret. Quoad casus reservatos Papales, quod isti non incurrantur cum ignorantia invincibili, ratio

ratio jam est superius insinuata; quia nimirum ordinarie reservari non solet a Papa aliquod peccatum, nisi cum dependentia ad Censuram simul annexam: Censura autem juxta jam dicta nequitiam incurritur, si invincibiliter ignoretur annexa. Econtra vero Episcopi certa peccata absolute reservant absque dependentia ad aliquam Censuram.

Dices: Si dubitetur, num peccato sit annexa reservatio, eadem non incurritur juxta jam dicta num. 4. siue sit dubium Juris, siue dubium facti: ergo multo magis nec reservatio incurritur, si omnino ignoratur invincibiliter, quod eadem sit annexa. Resp. Disting. anteced. si dubitetur de reservatione &c. eadem non incurritur, si dubium illud maneat usque ad absolutionem; ita nimirum, ut tam poenitens, quam Confessarius ex rationibus e. g. pro, & contra militantibus vere dubitent, num tale peccatum sit casus reservatus, transeat; Si saltem Confessarius adhuc ante absolutionem certo resciat, tale peccatum esse reservatum, nego ant. Et similiter disting. conseq. Non incurritur reservatio, si ante absolutionem ignoratur etiam ex parte Confessarii, quod peccatum tale sit inter casus reservatos, transeat. Si ab eodem certo sciatur, esse reservatum, nego conseq. Quinimo non desunt AA. apud La Croix loc. cit. num. 1693. qui existimant, in peccato dubio (idem dic de ignorato) adhuc incurri reservationem, si primum post absolutionem resciauerit, tale peccatum numerari inter reservata, & sic illud ipsum peccatum fuisse tantum per absolutionem, uti alia peccata oblita, indirecte remissum, consequenter fore obligationem habita certa cognitione reservationis etiam post absolutionem illud denuo subjiciendi clavibus apud eum, qui habet potestatem absolvendi a reservatis. Contra hos tamen AA. si cognitio reservationis primum post absolutionem accedat, præter Sporer loc. cit. n. 734. contrarii sunt Portell, Sa, Hurtado, Gobat, Dicastillo probabilissime judicantes, supposito, quod dubium permaneat tam ex parte poenitentis, quam Confessarii usque ad absolutionem, exinde vi absolutionis Sacramentalis absolute, & directe illud peccatum tolli, eo ferme modo, quo absolute etiam per non habentem alias potestatem in reservata tollitur in articulo, seu periculo mortis; ita nimirum, ut nulla deinceps sit obligatio tale peccatum de novo subjiciendi clavibus Ecclesiæ apud habentem privilegium speciale absolvendi a reservatis; cum reservans non censeatur voluisse sub reservatione comprehendere peccatum tali modo dubiosum. \*

11. De cætero quoad potestatem absolvendi Seculares, imposterum Regularibus cavendæ erunt duæ Propositiones, ab Alexandro VII. damnatæ, quarum prior, ordine 4. sic sonat; *Prælati Regulares possunt in Foro Conscientiæ absolvere quoscunque seculares ab heresi occulta, & ab Excommunicatione propter eam incursum.* Posterior autem, ordine 12. est ista: *Mendicantes possunt absolvere a Casibus Episcopis reservatis, non obiecta ad id Episcoporum facultate.*

## Q U Æ S T I O II.

De absolutionibus a Casibus reservatis in & extra Articulum mortis.

## S U M M A R I U M.

12. In mortis articulo absolvere potest quilibet Sacerdos.
13. Articulus mortis, & periculum mortis, quid?
14. Sacerdos excommunicatus, in mortis articulo absolvens non fit irregularis.
15. Absolutus a Casu reservato in mortis articulo, non tenetur postea se sistere Superiori.
16. Nisi fuerit annexa excommunicatio.
17. Extra articulum mortis nequit Confessarius absolvere a Casu reservato.
18. Quid, si urgeat necessitas?
19. Et Casui reservato sit annexa excommunicatio?  
(b) Ut dictum Tract. 2. Dist. 2. n. 28.
20. An tunc opus sit confiteri peccata reservata?

12. **C**ONCL. I. In mortis articulo quilibet Sacerdos potest absolvere ab omnibus Casibus reservatis. Patet hoc ex Dictis *Dist. præc. num. 53.* & Concilio Trid. *itidem* relato.

13. Porro per *Articulum mortis* non dumtaxat intelligendus est quasi ultimus vitæ spiritus, sed etiam quodvis probabile mortis periculum, siue id accadat ex infirmitate, siue ex decreto Judicis quempiam morti adjudicantis, siue ex aliis causis, utputa ex imminente belli conflictu, partu periculoso mulieris, aut navigatione periculosa, seu valde longa, in qua Sacerdotis copia futura non est. Licet enim in rigore differentia sit inter articulum, & periculum mortis (nam *Articulus mortis* proprie dicitur, quando ex ægritudine prudenter præsumitur mors secutura: *Periculum mortis* vero, cum datur occasio, in qua frequenter homines pereunt, ut in conflictu bellico, in periculosa navigatione, & hujusmodi) in præsentī tamen materia, utpote favorabili, idem est Articulus mortis, & probabile periculum ejus: nam morale periculum in malis ita existimari, & vitari debet, sicut eventus ipse, juxta illud *Ecclesiastici 3. Qui amat periculum, peribit in illo.* Barbosa *part. 2. de offic. & potest. Episc. allegat. 25. num. 81.* Diana, Layman, & alii passim.

14. Advertendum etiam, quod Sacerdos excommunicatus in præfato mortis articulo quempiam absolvens, per hoc non incurrat Irregularitatem, uti post alios notat Barbosa in *Collectaneis ad Concilium Trid. Sess. 14. cap. 7. num. 15.* Nec obstat, quod cæteroquin violans Censuram Ecclesiasticam, fiat irregularis. Resp. enim, in hoc casu excusare necessitatem, siue articulum mortis Proximo impendentis: eo præsertim, quod Concilium Trid. *cit. cap. 14.* ad hoc cuivis Sacerdoti expressam facultatem præbeat, ibi: *Atque ideo in articulo mortis omnes Sacerdotes quolibet poenitentes a quibuscunque peccatis & Censuris absolvere possunt.*

15. **C**ONCL. II. Qui propter mortis articulum a Casibus reservatis per inferiorem Confessarium fuit absolutus, non tenetur amplius cessante periculo Superiori se sistere; nisi fuerit annexa Cen-

Censura excommunicationis Superiori reservata. Ita Barbosa *cit. allegat. 25. num. 80.* & Doctores communiter. Ratio est: quia in mortis articulo habent omnes Sacerdotes potestatem, per se & directe absolvendi ab omnibus peccatis, ut patet ex Concilio Trid, *loc. cit.*

16. Redditur notanter, *nisi fuerit annexa Censura excommunicationis.* Quia absolutus in mortis articulo ab excommunicatione, cessante tali periculo, tenetur se sistere Superiori; non quidem, ut iterum absolvatur, sed ut mandatum ejus accipiat, & condigne satisfaciatur: alioquin enim reincideret in eandem specie excommunicationem, & quidem ipso jure, propter novam inobedientiam, atque contemptum sese debite praesentandi de novo commissum: prout expresse statutum habetur *cap. Eos qui, de Sentent. excomm. in 6.* estque communis Doctorum.

17. CONCL. III. Extra casum articuli mortis, si Confessarius non praeditus legitima facultate absolvendi animadvertat, quod poenitens inter alia confiteatur peccatum reservatum, ordinarie loquendo non debet ipsum absolvere, sed ad Superiorem mittere: nisi ipsemet Confessarius possit, ac velit ab eodem facultatem absolvendi petere, tacito tamen nomine poenitentis. Ita Doctores communiter, & concordat Concilium Tridentin. *cit. Sess. 14. cap. 7.* cujus verba n. 3. referuntur.

18. Dicitur, *ordinarie loquendo.* Nam, si urgeat aliqua necessitas, v. g. si poenitens longe distet ab Episcopo, & tamen nunc debeat celebrare, vel communicare; tunc Confessarius potest absolvere poenitentem, ita, ut absolutio directe cadat super non reservata, tamen si solum venialia, indirecte vero super reservata: cum onere tamen, ut poenitens postea Superiori, aut alteri habenti facultatem absolvendi, se praesentet, ab eoque, praevia Confessione, a reservatis quoque directe absolvatur. Intellige, nisi malit ipsemet Confessarius a Superiore licentiam absolvendi impetrare, persona non nominata, ut supra dictum.

19. Adde cum Layman *cit. tract. 6. cap. 12. num. 10.* Suarez, Henriquez, & aliis, idem dicendum esse, tamen si Censura excommunicationis, v. g. ob occultam Clerici percussorem, reservationi annexa sit: adhuc enim in casu necessitatis poterit is indirecte absolvi ab inferiori Confessario. Ratio est: quia excommunicatio solo Jure Ecclesiastico arcet a receptione Sacramentorum, & consequenter cessat ejus obligatio in casu magnae necessitatis. Quinimo, cum excommunicatus ad vitandam infamiam possit praemissa contritione SS. Eucharistiam suscipere (b) cur non pariter urgente simili necessitate Sacramentum Poenitentiae?

20. Ceterum in praemisso casu multi Doctores volunt, per se loquendo sufficere confiteri sola peccata non reservata inferiori Confessario; quam sententiam Herinex *disp. 3. Confess. quest. 5. n. 61.* valde probabilem asserit, eo quod nemo per se loquendo obligetur ad idem peccatum bis confitendum. Oppositam tamen sententiam plurimi tenent Doctores, estque saluberrimum

consilium, & per accidens quandoque necessarium, etiam peccata reservata inferiori Confessario exponere, ut sic poenitens in rebus necessariis melius instrui, aut, si indignus fuerit, a Sacramento Poenitentiae repellere possit, prout bene notat Herinex ibidem.

\* Quaes: Quid ergo practice observandum sit Confessario non habenti potestatem absolvendi a reservatis, si poenitens confiteatur peccatum reservatum? Resp. Ante omnia, praesertim, si in aliqua Confessione generali poenitens simile peccatum proponat, talis Confessarius observet I. An non alias tempore alicujus Jubilaei cuicumque demum Confessario approbato, vel extra illud saltem Confessario speciali, facultate directe absolvendi a reservatis praedito, peccatum illud poenitens fuerit confessus: tunc enim posset haud dubie etiam directe absolvere ab eodem. Quinimo plurimi Auctores cum Herinex, Lugo, Sporer, Covarruvia, Lessio, Ledesma apud La Croix *loc. cit. num. 1695.* putant a peccato reservato absolvere posse directe Confessarium, alias non habentem facultatem absolvendi a reservatis, si poenitens antea confessus fuerit alicui facultate absolvendi a reservatis praedito, ubi tamen peccatum reservatum eo tempore jam commissum in specie vel quoad numerum invincibiliter omisit: voluit enim prior Confessarius saltem implicite, & virtualiter facere, quod potuit: sed potuit prior Confessarius ex sua potestate tollere reservationem: ergo censetur implicite saltem voluisse; prout DD. eodem modo discurrunt, si quis tempore Jubilaei invincibiliter omisisset confiteri aliquem casum Papalem, vel Episcopalem.

At ponamus, peccatum reservatum fuisse a poenitente commissum primum ab ultima Confessione; in eo casu Confessarius alias facultate directe absolvendi a reservatis carens observet II. Num omnes conditiones ad reservationem requisitae adsint; puta, num fuerit deliberato commissum; num certo constet, esse annexam reservationem, &c. Quod si sic, observet III. In quo statu existat poenitens, num in periculo mortis, vel saltem in aliqua necessitate e. g. confitendi ob periculum alias infumiae. Stante periculo mortis poterit absolvere directe; quoad alias vero necessitates praesentes indirecte cum onere se sistendi postea adhuc Confessario specialiter habenti facultatem absolvendi a reservatis. Quod si nec ulla adsit necessitas, persuadeat poenitenti, ut accedat Confessarium alium facultate absolvendi a reservatis praeditum.

### Q U A E S T I O III. De Sigillo Confessionis.

#### S U M M A R I U M.

21. *Sigillum Confessionis, quid?*
22. *Quanta sit ejus obligatio?*
23. *Confessarius tenetur celare peccatum auditum, jure naturali, Divino,*
24. *Es Ecclesiastico.*
25. *Sub Sigillo Confessionis, quae omnia cadant.*

26. Corollarium.
27. *Sigillum Confessionis potest violari directe, & indirecte.*
28. *Exempla violationis indirectæ.*
29. *Alia hujus exempla.*
30. *Cautela notabilis.*
31. *Quando Confessarius possit uti notitia Confessionis?*
32. *Cautela.*
33. *An quis possit uti notitia Confessionis ad declinandas infamias?*
34. *De licentia confitentis, an liceat revelare Confessionem?*
35. *Sententia aliorum.*
36. *Præter Confessarium, qui aliis teneantur ad Sigillum?*
37. *Quid, si quis alterius Confessionem scriptam reperit?*

21. **C**ONCL. I. Per *Sigillum Confessionis* aliud non intelligitur, quam obligatio illa, qua in secreto teneri debent peccata, ex Sacramentali Confessione cognita. Et hæc obligatio dicitur *Sigillum*, sumpta metaphora a sigillo materiali, quo solent obsignari res illæ, quas volumus omnino esse occultas, & secretas.

22. **C**ONCL. II. Certum est, talem obligationem nihil revelandi de peccatis Confessione auditis, de facto extare: quæ quidem obligatio tanta est, tamque graviter *Sigillum Confessionis* obligat, ut communiter Theologi asserant, non licere Confessario ex quacumque causa, etiam gravissima, utputa ob periculum vitæ suæ, imo nec ob periculum totius reipublicæ, Confessionem revelare, aut peccatum in eadem auditum manifestare. Ratio hujus strictissimæ obligationis est: quia alioquin fieret injuria Sacramento Pœnitentiæ, simulque Confessio redderetur odiosa & merito retraheretur ab ea Fideles, si scirent, in aliquo casu posse peccata confessa revelari in eorum præjudicium.

\* Nec refert, quod talem peccatorem Confessarius ob indispositionem, puta, ob defectum doloris, aut propositi, vel quia eam, quam facile potuit, occasionem proximam noluit relinquere, non absolverit; adhuc enim dictus Confessarius obligatur ad strictissimum silentium Sacramentale, neque potest huic schedam Confessionis publice petenti denegare, quia in similibus circumstantiis negare esset indirecte dicere, quod non sit rite confessus, uti recte La Croix *Lib. 6. p. 2. n. 1994*. Dummodo cæteroquin pœnitens enarraverit animo eadem confitendi: Secus dicendum, si certo constiterit, quod nullum habuerit animum confitendi, sed tantum proposuerit, ut ob alios malos fines simul et apud alios Confessionem, puta, ad illudendum Confessario, ad eundem præcise sollicitandum, & seducendum, &c. Ita cum aliis Layman, & Lugo apud La Croix *Lib. 6. part. 7. num. 1942*. \*

23. **C**ONCL. III. Peccatum in Confessione detectum tenetur Confessarius celare tum Jure naturali, ac Divino positivo, tum etiam Ecclesiastico. Ita Scotus 4. *dist. 21. quest. 2.* & Theologi communiter. Ratio prioris partis est: quia alio-

quin hinc Lex naturæ de servanda Fidelitate, & secreto Proximi celando violaretur, illinc autem Præceptum Christi positivum. Nam Christus, dum instituit Sacramentum Pœnitentiæ, præcepitque Confessionem, simul Confessariis arctissimam hanc Sigilli obligationem imposuit: ut patet tum ex perpetua traditione, ac sensu Ecclesiæ, tum ex eo, quia alioquin præceptum Confessionis non esset accommodatum conditioni humanæ, ac spirituali Fidelium utilitati.

24. Ultima pars, quod etiam Jure Ecclesiastico *Sigillum confessionis* sit præceptum, patet inter alia ex *cap. Omnis utriusque sexus, de Tænit. & remiss.* ubi pœna Depositionis a Sacerdotali Officio, ac perpetuæ pœnitentiæ in arcto Monasterio peragendæ, constituitur iis, qui *Sigillum confessionis* violaverint.

25. **C**ONCL. IV. Sub *Sigillo Confessionis* non tantum cadunt peccata confitentis, sed etiam peccata complicitis, item circumstantiæ peccatorum, quæ ad eorum Confessionem aliquo modo pertinent, & ex quarum revelatione potest confitenti evenire infamia, vel aliud incommodum; utputa, si quis confessus sit, se illegitime natum Sacros Ordines recepisse; infamibus parentibus ortum, nobilitatem generis jactasse, &c. Tales, inquam, peccatorum circumstantiæ, v. g. defectus natalium, aut generis obscuritas, a Confessario manifestari non possunt sine *Sigilli violatione*. Ratio est: quia per horum, ac aliorum similium revelationem, confitenti fieret præjudicium, & sic Confessio redderetur odiosa.

26. Similiter, atque ob eandem rationem, violatur *Sigillum Confessionis*, si Confessarius generatim dicat, Titium sibi confessum esse peccatum mortale, vel habuisse Casum reservatum, aut Censuram excommunicationis. Item, si dicat, se illum non absolvisse, quia non recte dispositus erat. Insuper Confessarius violat *Sigillum*, si peccatum aliquod veniale in specie revelet: secus foret, si solum in genere; cum certum sit, pœnitentem ad minus peccatum veniale confiteri debuisse, nam alioquin Confessio non subsisteret. Unde si quis dicat, Titium confessum sibi esse peccatum veniale, *Sigillum* non violatur: bene tamen, si dicat, Titius confessus est mendacium. Monet quoque Layman *lib. 5. tract. 6. cap. 14. num. 6*. cum aliis, cavendum esse Confessario, ne aliquo loquendi modo sinistram de confitante opinionem apud alios generet; v. g. si dicat: *Titius minutissimis suis peccatis sepe mihi molestus est*. Significare enim videtur, illum scrupulosum esse, & sic indirecte *Sigillum Confessionis* violabit. Quod ultimum ut melius intelligatur, sit.

27. **C**ONCL. V. *Sigillum Confessionis* duplici modo violari potest, directe scilicet, ac indirecte. *Directe* tunc violatur, quando Confessarius expresse & aperte peccatum confessum, aut aliquid aliud sub *Sigillo* cadens, manifestat. *Indirecte violatur Sigillum Confessionis*, quando, licet Confessarius nihil aperte revelet, ita tamen verbis vel signis se gerit, ut alter possit in notitiam peccati confessi devenire, & colligere, hunc pœnitentem habuisse peccatum mortale vel certum veniale, &c. Ita Doctores communiter.

28. Ita



28. Ista Conclusio, ac praesertim secunda pars ipsius, amplius declaratur exemplis. Sic quippe Parochus publice cuiusdam negans Sacramentum, v. g. Eucharistiae, propter solam notitiam e Confessione acceptam, indirecte frangit Sigillum. Similiter Confessarius, si absolute dicat, se non absolvisse Petrum, nulla alia addita rationabili causa, frangit Sigillum indirecte, eo quod absolutio nulli negetur, nisi supposita indispositione poenitentis, aut ob Casum reservatum. Unde, si interrogetur Confessarius, an hunc vel illum absolverit, non debet absolute negare, neque affirmare, se absolvisse, si non absolvit; sed optimum erit dicere, se functum fuisse munere suo.

29. Insuper Sacerdos, qui aversionem aliquam a peccatore ex notitia accepta in Confessione concipit, ac severiorem vultum ea de causa illi ostendit, aut minus grata ei colloquitur, &c. frangit Sigillum indirecte: quia sic facto exprobrat poenitenti peccata confessa; & si hoc liceret, redderetur Confessio multum odiosa: praesertim inter eos, qui simul debent cohabitare. Marchantius, Lugo, Bonacina, & alii. Similiter illicitum est, extra Confessionem revocare poenitentem in memoriam sua peccata confessa, etiam ipsum consolandi gratia: quia ipse hac ratione confunderetur, sicque Confessio, si hoc passim liceret, odiosa redderetur.

\* Viderint hic illi Confessarii, qui non studentes implantandis virtutibus pleni suis passionibus se ipsos regere nequeunt, an non indirecte conformiter doctrinae sancti Caroli Borromaei cap. 12. *Instruct. Pastoral.* frangant sigillum, qui, dum vocantur in Confessionale ad quempiam, quem ex aliis Confessionibus jam resciant magnum peccatorem, ante accessum per notabilem obmissas voluntario passiones immutationem faciei, si ve sub ipsa Confessione per deliberatam actionem manuum, vel per profundos gemitus, per elevationem vocis, per prurptionem violentam ex Confessionali, per impatientiam clamorosa verba dant alias intelligi, qualis sit status poenitentis, & quidnam timeatur. Attendant sibi etiam alii Confessarii, qui, dum deprædicantur suæ spirituales filiae a Confessionibus, quas exinde virtuosas sciunt, miris eas juvant extollere laudibus; econtra vero, dum pariter laudantur aliae, quas ex Confessione occultis vitiis deditas noscunt, silent, oculos in terram demissos tenent, vel alia signa suæ internæ cognitionis præbent. Item caveant sibi nonnulli garruli Confessarii, de aliqua civitate alias non ampla, & bonæ famæ, dicentes e. g. quod plurimum ibi invalescant vitia, seu multum grassentur adulteria, &c. nam si ex Confessionali habeant, & non aliunde, apud alios, qui talia de hac civitate non credebant, eandem infamant, & sigillum sic frangunt, ac odiosum reddunt Sacramentum Poenitentiae. Invigilent pariter illi Superiores, ne frangant indirecte sigillum utendo ad gubernium illa notitia, quam hauserunt præcise ex Confessionali; cum magno periculo, cum ex isto modo agendi deveniatur in notitiam poenitentis, qui peccatum illud confessus fuit. \*

30. Hinc non immerito Clemens VIII. in Decreto, de Casibus reservatis; die 26. 1593. edito (& verbatim refertur a Ballo, *Verf. Casus reservatus*, n. 40. universis Regularibus sic mandavit: *Tam superiores pro tempore existentes, quam Confessarii, qui postea ad Superioratus gradum fuerint promoti, caveant diligentissime, ne ex notitia, quam de aliorum peccatis in Confessione hauserint, ad exteriorem gubernationem utantur, &c.* Quod Decretum, et si specialiter de Regularibus, utpote perpetuo simul cohabitantibus loquatur, quia tamen quoad hoc punctum consonat Juri naturali, ac divino; etiam ad alios extendendum erit, ne Sacramentalis Confessio quoquo modo reddatur odiosa.

31. CONCL. VI. Nihilominus licite utitur Confessarius notitia Confessionis ad actiones non afferentes ullum prorsus incommodum poenitenti, vel complici. Ita in re communis: sic enim Confessio non redditur ullatenus odiosa, & onerosa. Et utique propter notitiam ex sola Confessione haustam potest Confessarius orare DEUM pro salute sui poenitentis, ob consuetudinem occultorum peccatorum de aeterna salute periclitantis: potest etiam DEUM orare, ut se per gratiam suam a similibus peccatis misericorditer præservet: potestque se magis præcavere ab illis peccatorum incitamentis, & initiis, quibus videt poenitentem suum a diabolo seductum fuisse, ac postea graviter cecidisse, & huiusmodi. Rursus Concionator, vel Scriptor rerum ad mores spectantium, potest ejusmodi notitia uti ad parandas tanto aptius Conciones, Commendationes, dummodo hoc ita fiat, ut nulli exinde incommodum sequatur, neque scandalum pusillorum sequi valeat.

32. Et hoc ultimum notanter additur: quia coram simplicioribus hominibus cavendum est Confessariis, ac praesertim Concionatoribus, ne dicant, sese hoc vel illud e Confessionali scire; nam per huiusmodi dicta facile simpliciores scandalizantur. Unde infert Gobat *tract. 7. Theolog. Experim. num. 878.* cum Diana *part. 3. tract. 4. resol. 76.* quod communiter peccent graviter Concionatores, praesertim si sint Parochi, quando dicunt expresse, se hæc vel illa peccata percipisse in Confessione: quia communiter homines, praesertim plebeji, scandalizantur similibus verbis.

33. Ex dictis patet resolutio illius quaestionis, utrum Sacerdos, si ex notitia Confessionis sciat, sibi in via, vel in nemore, parari insidias, aut præberi venenum in poculo, possit hoc periculum declinare? Resp. enim, hoc licite fieri, dummodo id occasione aliunde accepta, absque ullo detrimento, pudore, aut manifestatione contentium fieri possit; ut notat Scotus 4. *d. 21. quest. 2. §. Ad argumenta*, & Sanchez *lib. 3. de Matrim. disp. 16.* citans plurimos alios. Secus dicendum, si id fieri nequeat sine præiudicio, manifestatione, aut suspitione Rei confessi: nam sic redderetur Confessio odiosa.

\* Quare circa dictam doctrinam, qualiter Confessarius ad extra uti possit notitia præcise ex Confessionali hausta, in compendio semper duo ex P. Sporer *part. 3. Theolog. Sacrament.*

Gggg 2

*ment. c. 7. quest. 4.* præsertim §. 3. præ oculis habenda sunt. *Primo*, num non absit grave periculum, ne alii extranei exinde vi ipsius usus talis notitiæ deveniant in cognitionem personæ, quæ illud peccatum confessæ fuit? nam si id foret, nullo umquam casu juxta jam dicta Conclus. II. liceret usus talis notitiæ, quoniam sic per ipsum usum ejusdem notitiæ manifestaretur saltem indirecte peccator confessus. *Secundo*, posito autem, quod vi ipsius usus notitiæ equidem alii non ducerentur in cognitionem peccatoris pœnitentis; bene tamen pœnitens adverteret, quod Confessarius utatur notitia ex sua Confessione hausta, in eo casu distinguendum est, num talis usus notitiæ cedat in verum incommodum pœnitentis, vel non? Si posterius, poterit uti notitia hac: e. g. si Confessarius ex suo pœnitente in Confessionali cognovit, quod is per certa verba vexatoria fuerit sæpe ad internam gravem iram commotus, poterit deinceps Confessarius in discursu familiari similes vexationes intermittere &c.

Quod si autem usus dictæ notitiæ pergat in aliquod incommodum pœnitentis, eam Confessarius adhibere nequit, etsi exinde nullo modo deveniatur in notitiam peccati. Et hinc non potest Confessarius, vel Magister Novitiorum, qui alias in votando votum affirmativum dedisset, illud prædicto negare, ideo quia præcise ex Confessionali noscit ipsum indignum. Nec refert, quod nullus exinde extraneus, quin nec ipse pœnitens advertat, fuisse negatum votum ab isto Confessario. Nam contra est, quod usus talis scientiæ non solum propterea sit interdictus, ne extranei deveniant in notitiam confessi, ejusque peccati, verum etiam, ne Sacramentum ullo modo reddatur odiosum pœnitentibus; prout tamen fieret, si scientia Confessionis in gravamen pœnitentis uti liceret. Hinc merito Innocentius XI. in Congregatione Generali Universalis Inquisitionis die 18. Novemb. Anno 1682. expresse inhibuit scientia Confessionis uti cum gravamine aliquo pœnitentis, quamvis absit omnis sigillo revelatio, & quamvis NB. multo majus gravamen ejusdem pœnitentis ex non usu, quam ex usu hujus scientiæ sequeretur. Videantur allegantes hoc Decretum in terminis Sabinus Bononiens. in Luce Morali tract. 70. n. 50. & La Croix Lib. 6. part. 2. n. 1977. prout etiam teste Henno tract. de Pœnit. disp. 10. quest. 6. Concl. 1. Episcopi Belgici, id ipsum repetierunt. En quam strictum velint Summi Pontifices Sigillum Confessionis. \*

34. CONCL. VII. Utrum de licentia pœnitentis possit Confessarius revelare Confessionem Sacramentalem, disputant Theologi. Negant plerique ex antiquioribus, ac præsertim Scotus cit. dist. 31. quest. 2. Alensis, alique. Ratio est: quia, licet pœnitens possit cedere juri suo, non tamen potest cedere juri Sacramenti: atqui Sigillum est introductum Jure naturali, atque ex primaria Christi institutione, in favorem Sacramenti, & secundario solum in favorem pœnitentis; ergo.

35. Oppositum docent multi alii cum D. Thoma in Supplemento, part. 3. quest. 11. art. 4. Tum quia, si pœnitens det licentiam loquendi de pec-

catis in Confessione auditis, videtur cessare ratio secreti naturalis, atque reverentiæ Sacramenti. Tum quia cap. significasti, de adulteriis, legitur, quod de licentia mulieris Sacerdos, cui hæc confessæ fuit, dixerit, eam sibi confessam esse adulterium, nec tamen in hoc casu vel minimum Sacerdos reprehenditur a Papa. Verum Barbosa ad cit. cap. significasti num. 2. post Navarrum in cap. Sacerdos, de Pœnit. dist. 6. num. 126. & quidam alii censent, illud Capitulum loqui non de Confessione Sacramentali, sed extra Sacramentum Sacerdoti tam per adulterum, quam adulteram facta. Et hinc præsens Quæstio ulteriori Disputationi Theologicæ relinquitur.

\* Hoc tamen notanter superadditur, quod etiam illa sententia, quæ admittit intra ipsam Confessionem, vel etiam jam terminato judicio Sacramentali dari posse a pœnitente licentiam loquendi extra circa quædam in Confessionali proposita, superaddat, prædictam licentiam confitentis debere esse expressam, ac liberrimam, nec sufficere interpretativam, vel metu etiam reverentia extortam: nam, si sufficeret interpretativa, quoties foret periculum abutendi hac interpretatione? & si demeretur plena libertas, quanta v. g. si manifestatio fieret ex metu præcise, quanta, inquam, aperiretur janua Confessionibus Sacrilegis? Videantur Sporer cap. 7. Theolog. Sacrament. num. 819. Sabinus Bononiens. tract. 70. num. 30. ac notanter Albertus Reiffenstuel in sua Practica part. 1. cap. 6. nu. 508. ac seqq. & Henno loc. cit. quest. 5. con. 3. \*

36. CONCL. VIII. Præter Confessarium, ad quem Sigillum Confessionis principaliter spectat, obligantur quoque ad tacendum aliæ personæ, ad quas Sacramentalis Confessio immediate, vel mediate pervenit: utputa astantes, quidpiam audientes; interpretes, per quem facta est Confessio; item ille, cui pœnitens bona fide confitetur, existimans, eum esse Sacerdotem, cum non sit. Ita Doctores communiter. Ratio est: quia hujusmodi revelatio foret contra reverentiam Sacramenti, ipsamque Confessionem redderet odiosam.

37. Addunt nonnulli, eum quoque teneri Sigillo Confessionis, qui Confessionem alterius memoriæ causa scriptam reperit. Sed alii rectius negant, hunc Sigillo Sacramentali obligari. Rationem dant, quod talis Scriptura non sit Confessio Sacramentalis, sed tantum remote ac per accidens ordinetur ad Sacramentum Confessionis. Interim tamen ille, qui talem scriptam Confessionem reperit, arctissimo secreto naturali obligatur, adeo ut peccet mortaliter, si gravia, seu diffamantia peccata consulto legat, vel lecta aliis evulget: quamvis secus sit, si ex curiositate sola levia peccata legat, vel lecta aliis revelet. Layman loc. cit. quest. 8. n. 19. & alii.

\* Quæres, an Confessarius post datam absolutionem, vel in alia Confessione possit, non petita prius a pœnitente licentia, loqui cum pœnitente de auditis in Confessione circa fractionem sigilli? Resp. I. Potest Confessarius etiam absque petitione specialis licentiæ circa fractionem Sigilli loqui in hac Confessione cum pœnitente de auditis a se in alia Confessione. Ita cum Averfa, Granado &c. Henno

Tract.

*Tract. de Pœnitent. disp. 10. quaest. 4. Concl. 1. & La Croix L. 6. p. 2. n. 1981.* Ratio est; quia loquitur sic in eodem foro Sacramentali; taliter contingit cum consuetudinariis, cum quibus loquitur Confessarius, si viderit, quod semper antiqua in specie, & numero afferant peccata. Respond. II. Completa semel valida absolutione, & non amplius durante priori judicio, non licet extra ipsum Sacramentum Pœnitentiæ citra periculum fractionis Sigilli etiam cum ipso pœnitente loqui de actitatis in Confessione, nisi petatur prius a confitente licentia. Ita communis. Ratio est: quia, si sic de per se liceret absque petita prius loquendi licentia, foret id valde incommodum confitenti: non licet autem extra Sacramentum Pœnitentiæ juxta jam dicta uti notitia Confessionis, si id pœnitenti incommodum existat. Videatur La Croix *loc. cit. n. 1773. & n. 1980.* Ast ponamus, quod Confessario, uti sæpe fit, illico post completam Absolutionem incidat hoc vel illud de specie vel de numero &c. adhuc fuisse interrogandum, debetne etiam pro tunc petere illico post Absolutionem a pœnitente licentiam loquendi? Suppono hic ante resolutionem, Confessarium sub Absolutione non debere se multum reflectere ad præcedentia, sed potius attendere, quomodo devote proferat formam absolutoriam, ne alias, si similibus incidentiis sæpius superfluis, scrupulosis, & a malo spiritu suggestis aures præbeat, multum distractus, ac perturbatus evadat, dubitando non raro, an substantialia ipsius formulæ protulerit. Omnia tempus habent: sub Confessione, vel ea finita, erat tempus interrogandi: sub prolatione autem Absolutionis est tempus attendendi ad formam, ne error ibidem committatur. Hoc supposito, Respondet ex Tanero, Aversa, Card. de Lugo, Dicastillo, & aliis ad hoc incidens dubium contra Fagundez, P. La Croix *loc. cit. num. 1980.* uti sequitur: *Potest statim post Absolutionem (supple) Confessarius de auditis in Confessione cum pœnitente loqui non petita venia loquendi; quia cum in continenti, id est, pœnitente, & Confessario adhuc existente in Confessionalis, fiat, censetur ipsum judicium adhuc durare saltem integraliter: adeoque, si uti potuisset loqui non petita venia intra ipsum judicium, ita & nunc.* Idem sentit Henno *loc. cit. \**

## DISTINCTIO X.

De Satisfactione, ut tertia parte Sacramenti Pœnitentiæ.

## QUESTIO I.

De Satisfactione Sacramentali, ejusque acceptatione, & impletione.

### SUMMARIUM.

1. Satisfactio dupliciter sumitur.
2. Dimissa culpa non semper remittitur tota Pœna peccatis debita.
3. Satisfactio, ut est pars Sacramenti Pœnitentiæ, quid?
4. Confessarius tenetur pœnitenti aliquam Satisfactionem injungere.
5. Regulariter loquendo, & an hac sit pars essentialis?

6. Satisfactio Sacramentalis habet effectum remittendi partem pœna ex opere operato.
7. Ea in peccato mortali peracta sufficit ad integritatem Sacramenti.
8. An tunc habeat effectum ex opere operato sibi correspondentem?
9. Solvitur instantia.
10. An possit pœnitens respuere pœnitentiam sibi impositam?
11. Quid, si Confessarius nolit eam moderari?
12. Quid de levi pœnitentia?
13. Pœnitens tenetur implere pœnitentiam sibi injunctam.
14. Quid, si pœnitentia sit solum levis?
15. Tenetur pœnitens per se ipsum implere pœnitentiam.
16. An hac possit ipse commutari a Confessario?
17. Et an tunc necesse sit, repetere priora peccata?

**A**dvertendum, quod Satisfactio dupliciter accipitur. I. Generaliter, quo modo importat actionem, qua quis facit, quantum debet: sic debitor solvens creditor, dicitur illi satisfacere. II. Specialiter, proprie, ac strictè: quo modo ipsa est actio afflictiva corporis vel animæ, per quam Deo voluntarie satisfacimus pro pœnis temporalibus, quæ remanent ex peccatis virtute pœnitentiæ a Deo quoad culpam jam remissis.

2. Certum siquidem est, quod quidem in justificatione peccatoris aliquando remittatur peccatum tam quoad culpam, quam quoad totam pœnam, adeo, ut nulla remaneat pœna temporalis pro eo luenda; prout contingit in Baptismo, & Martyrio & quandoque in actu perfectæ Contritionis, vel amoris Dei super omnia. Id tamen non semper fit, quinimo ordinarie loquendo, dimissa per pœnitentiam culpa peccati mortalis, remanet aliqua pœna temporalis, in quam pœna æterna peccato mortali correspondens commutatur in hoc vel futuro seculo luenda; prout liquet tum ex Conc. Trid. *Sess. 6. cap. 14. & Sess. 14. cap. 8.* tum ex pluribus S. Scripturæ locis, ac fusius contra Hæreticos ostendunt Controversistæ.

3. CONCL. I. Satisfactio, ut est tertia pars Sacramenti Pœnitentiæ, est opus bonum pœnale in Sacramento Pœnitentiæ a Confessario impositum, ad pœnæ temporalis peccatis confessis debitæ compensationem, seu solutionem. Ita Marchantius *tom. 1. Tribunalis, tract. 4. tit. 7.* estque in re communis. Dicitur, in Sacramento Pœnitentiæ a Confessario impositum; ad excludenda alia opera satisfactoria, & pœnalitates, quæ vel propria voluntate assumuntur, vel a Deo nobis immittuntur; hæc enim deserviunt quidem ad satisfaciendum pro peccatis nostris, non tamen sunt pars Sacramenti Pœnitentiæ, neque satisfactio Sacramentalis; sed talis est ea solum, quæ a Confessario imponitur.

4. CONCL. II. Sacerdos regulariter loquendo tenetur aliquam Satisfactionem pœnitenti inungere. Ita communis Doctorum, & patet ex Conc. Trid. *Sess. 14. cap. 8.* ibi: *Debent ergo Sacerdotes Domini pro qualitate criminum, & pœnitentiam facultate, salutare, & convenientes satisfactiones injungere.* Hinc idem Conc. *ibi, Sess. 14. cap. 3. & Can. 3.* inter partes Sacramenti Pœnitentiæ etiam

Gggg 3 num.

numerat Satisfactionem. Nec obstat, quod Satisfactio communiter censetur esse pars integralis hujus Sacramenti. Resp. enim, hoc parum urgere; quia Sacerdos tenetur etiam integritatem ipsius curare.

5. Intellige, *regulariter loquendo*; nam incapaci, v. g. moribundo extra usum rationis constituto, nulla Satisfactio imponi debet (imo nec potest) non obstante, quod dato signo petita Confessionis absolvi debeat. Ex quo liquet, Satisfactionem non esse partem essentiali Sacramenti poenitentiae, sed integram solum: quamvis Matrius 4. *disp. 5. n. 569.* cum aliis hoc intelligendum censet de Satisfactione actu exhibita; id est, de actuali executione ipsius: nam Satisfactio Sacramentalis in voto, sive propositum saltem implicitum satisfaciendi, potest dici pars essentialis ipsius, in quantum hoc sublato (id est, si poenitens tale propositum saltem implicitum non haberet, sed contrariam voluntatem) Sacramentum non conficeretur.

6. CONCL. III. Satisfactio Sacram. habet virtutem specialem ex opere operato remittendi aliquam partem poenae temporalis peccatis debitae, quam non haberet, si illud ipsum opus esset voluntarie assumptum, aut aliunde impositum. Ita Doctores passim, Ratio est: quia satisfactio a Sacerdote imposita, & a poenitente adimpleta, est pars Sacramenti poenitentiae; ergo habet aliquem effectum ex opere operato (quia sicut totum Sacramentum, ita & quaelibet pars ejus talem habere debet) atqui talis effectus alius non est, nisi remissio poenae temporalis peccatis confessis debitae, utpote ad quam principaliter ordinatur; ergo.

7. CONCL. IV. Poenitentia Sacramentalis in statu peccati mortalis peracta, sufficit ad integritatem Sacramenti Poenitentiae, atque ad implendum praecipuum Confessarii de persolvenda Poenitentia. Ita omnes Doctores: idque patet tum ex communi sensu Fidelium; qui non solent repetere poenitentias forsitan in statu peccati mortalis peractas, neque ad eas repetendas consueverunt a Confessariis obligari. Tum ex eo: quia praecipuum jejunii, & alia ejusmodi satis implentur; licet opera praescripta peragantur in statu peccati mortalis.

Adde cum Doctore Subtili 4. *dist. 15. q. 1. §. de quarto*, quem sequuntur Scotistae communiter, & multi alii, ut Navarrus, Vasquez, Medina, Diana, &c. quamvis melius sit, poenitentiam injunctam in Charitate persolvere (quia talis non tantum solvit poenam, sed etiam meretur augmentum gratiae, & gloriae caelestis) adhuc tamen probabile esse, quod poenitentia Sacramentalis in statu peccati mortalis peracta habeat effectum remissionis poenae temporalis peccatis confessis debitae, ac sibi ex opere operato correspondentem: eo quod hujusmodi effectus habeatur ex meritis Christi, seu vi Sacramenti Poenitentiae, cujus Satisfactio illa est pars.

9. Nec obstat, quod homo non sit in statu gratiae. Tum quia, licet is de facto non sit, in illo tamen fuit tempore recepti Sacramenti Poenitentiae: tum quia, licet ad merendum requiratur status gratiae,

ex nullo tamen capite ostenditur, eum etiam requiri ad satisfaciendum virtute Sacramenti prius digne recepti. Verum haec solummodo probabiliter dicuntur, quia multi alii oppositum tenent: imo non pauci hujus sententiae Auctores asserunt, Satisfactionem in malo statu peractam delere poenam non pro tunc, sed postea primum ablato obice, seu recuperato statu gratiae. Hinc quilibet studeat persolvere poenitentiam Sacramentalem in statu gratiae: sic enim & merebitur, & certo solvet poenam.

10. CONCL. V. Quamvis poenitens ex aliqua causa rationabili possit poenitentiam a Confessario sibi impositam non acceptare, petendo, ut alia sibi imponatur; tamen omnem poenitentiam ab ipso sibi impositam respuere non potest, si ab eodem absolvi velit. Ita communis, Ratio primae partis est: quia poenitentiae a Confessario injungendae debent esse salutares, & convenientes statui seu facultati poenitentium, juxta Concilium Trid. *Sess. 14. cap. 8.* ergo ob causam rationabilem, utputa quia ipsam commode peragere nequit, licite potest poenitens hanc vel illam in particulari poenitentiam respuere, veluti sibi non convenientem, ac rogare Confessarium, ut aliam mitiorem, sibi que convenientiorem imponat.

11. Quod si Confessarius sit adeo imprudens, ac indifferens (prudens enim hoc non faciet) ut non obstante rationabili petitione poenitentis nolit illam poenitentiam moderari, ac mitiorem imponere; poterit poenitens licite a Confessione desistere, ac dicere Confessario, se alium minus severum, magisque discretum quaesitum. Nam poenitens non tenetur sub peccato mortali quoad hoc ei obedire, nisi quatenus cupit ab ipso absolutionem recipere.

12. Altera pars ex eo probatur: quia Satisfactio est pars integralis Sacramenti Poenitentiae; ergo tenetur poenitens, extra casum impotentiae, aliquam saltem levem poenitentiam acceptare, & adimplere. Et certe, quis credat, talem esse rite dispositum, si extra casum impotentiae neque unicum *Ave Maria*, aut prolationem Sanctissimi Nominis Jesu, vel percussione pectoris, vellet pro poenitentia Sacramentali acceptare? Neque contrarium docet Scotus 4. *dist. 15. q. 1. & dist. 19. q. un.* Quia is partim loquitur de poenitentia peccatis condigna: partim de tali, occasione cujus poenitens traheretur in desperationem (tunc enim excusabit impotentia) prout ex ejus verbis desumitur, ac notant Herinex *disp. 4. de Satisfact. n. 15.* Sannig. *dist. 12. q. 2. n. 10. & 11.* alii.

\* Dices: Potest contingere, quod poenitens post datam jam absolutionem afferat aliquod peccatum antea in Confessione oblitum, ubi juxta Amicum, & aliquos alios DD. non est opus imponi aliquam novam poenitentiam, quamvis de novo, si peccatum fuerit grave, debeat dari absolutio Sacramentalis: ergo quoad Sacramentum Poenitentiae non tenetur Sacerdos imponere aliquam satisfactionem; cum absque satisfactione in allegato casu valide, & licite post novam Confessionem peccati obliti

nova



nova administretur absolutio Sacramentalis. Resp. ad anteced. cum La Croix lib. 6. part. 2. n. 1239. negando hanc Amici sententiam; nam cum in simili casu sit novum iudicium, utpote nova Confessio, & nova absolutio, pariter erit ad salvandam Sacramenti integritatem ad minus quidpiam leve addendum; vel cum possit subinde injungi pro Satisfactione opus etiam aliunde præceptum, debet saltem illa poenitentia, quæ antea data fuerat, nunc expresse extendi & injungi etiam pro posteriori Confessione. Quinimo si peccatum post primam Confessionem superadditum statum poenitentis notabiliter immutaret, satisfactio de novo injungenda deberet esse proportionata peccato illi de novo adjuncto, qualiter nimirum alias Confessarius Satisfactionem imposuisset, si statim ab initio illud peccatum in Confessione manifestatum fuisset.\*

13. CONCL. VI. Tenetur poenitens sub peccato adimplere poenitentiam sibi a Confessario impositam. Patet hoc cap. Omnis utriusque sexus, de Poenit. & remiss. ubi cuilibet confitenti præcipitur, quod injunctam sibi poenitentiam propriis viribus studeat adimplere. Accedit ratio: quia tenetur poenitens recipere Sacramentum Poenitentiae, non solum essentialiter, sed etiam integraliter totum.

14. Cæterum notat hic Suarez disp. 38. sect. 7. n. 4. & 5. cum aliis, quod, quamvis obligatio adimplendi poenitentiam sit ex genere suo gravis, ac proinde ille peccet mortaliter, qui non adimplet gravem poenitentiam, vel notabilem ejus partem omittit: tamen, si poenitentia sit solummodo levis, v. g. dicere quinque Pater & Ave, aut modica tantum ejus pars omittatur, non committatur peccatum mortale, sed solum veniale: quia etiam hic levitas materiae excusat a mortali.

\* Obijcies: Si poenitens ex incuria peccaminosa, seu deliberata negligentia quinque Pater, & Ave etiam pro solis venialibus, vel pro mortalibus jam confessis imposita intermittit ex integro, talis est in causa, ut Sacramentum hoc maneat incompletum, cum non ponantur omnes partes; quoniam juxta jam dicta etiam Satisfactio est pars ejusdem, sed qui est in causa, ut Sacramentum poenitentiae sit incompletum, peccat graviter, quamvis cæteroquin afferat mera peccata venialia: ergo quamvis non delinquat mortaliter, qui levem, ac minus notabilem partem poenitentiae omittit, saltem peccabit graviter, qui ex integro quinque Pater, & Ave intermittit. Min. probatur ab exemplo, sic omittens dolorem, graviter peccat, etsi confiteatur mera venialia, quoniam Sacramentum facit incompletum: ergo. Respondent ad hoc Henno Tract. de Poenit. disp. 6 q. 2. Concl. 3. & La Croix loc. cit. n. 1278. ac n. 1279. Disting. Maj. Talis est in causa, ut Sacramentum maneat incompletum essentialiter, neg. habetur enim absolutio, & omnes conditiones necessario ad essentiam dicti Sacramenti requisitæ: talis est in causa, ut Sacramentum maneat incompletum integraliter, concedunt quidem; at subjungunt simul ex Aversa, quod completio integralis per materiam levem non obliget nisi leviter se-

cundum materiam. Quinimo citati Auctores insuper ex Ledesma, Soto, Navar. Suarez, & Layman addunt, quod, si etiam poenitentia gravis propter peccata levia, vel graviora antehac jam confessis imponeretur, omittens eandem non peccaret graviter, sicuti non delinqueret mortaliter, qui intermittit Rosarium, ad quod recitandum se obstrinxerat tantum sub levi; nam etiam Confessarius tamquam Judex æquus demptis iis, quæ spectant ad essentiam, & valorem Sacramenti, non potest obligare sub gravi, ubi peccata in Confessione proposita sunt tantum levia, vel saltem non materia necessaria Confessionis. Ita illi cum AA citatis. Mihi vero, etsi dicta hæc non displiceant, si confitens talis saltem aliquid leve de poenitentia injuncta persolvat, sicque suo modo saltem Sacramentum Poenitentiae adintegret, videretur tamen allegata DD. sententia multum difficilis, si omnimodam Satisfactionem intermitteret, deliberatè, ac voluntarie relinquendo totaliter Sacramentum quoad integritatem incompletum.\*

15. CONCL. VII. Poenitens tenetur per se ipsum implere poenitentiam Sacramentalem, & non potest eam implere per alium, quem sibi propria auctoritate substituit. Ita Theologi communiter. Ratio est: quia juxta Concilium Tridentinum soli actus poenitentis sunt quasi materia Sacramenti Poenitentiae, ergo debet satisfactio fieri per ipsummet poenitentem. Concordat textus cit. cap. Omnis utriusque sexus, de poenit. & remiss. Et hinc merito Alexander VII sequentem, ordine 14. Propositionem damnavit: Poenitens propria auctoritate substituere sibi alium potest, qui loco ipsius poenitentiam adimpleat.

16. CONCL. VIII. Quamvis poenitens non possit poenitentiam Sacramentalem sibi impositam propria auctoritate commutare in aliud opus, etiam evidenter melius: potest tamen poenitentia ab uno Confessario imposita, ab alio ex rationabili causa commutari in aliam poenitentiam, non solum æqualem, aut meliorem, sed & in mitiorem. Ita Doctores communiter, ac præsertim Herinex cit. disp. 4 q. 4. n. 3. Sannig loc. cit. quaest. 3. hoc extendentes ad quemlibet Confessarium, etiam altero inferiorem (dummodo poenitentia non fuerit a Superiore imposita pro casu reservato) quia idem est Tribunal, atque Iudicium ejusdem potestatis in utroque.

17. Utrum autem ad hoc, ut posterior Confessarius possit commutare poenitentiam prius ab alio impositam, necesse sit, quod ipsi rursus explicentur a poenitente peccata illa, pro quibus prior poenitentia fuit imposita, variant Doctores. Et quidem probabilior, ac securior est opinio Suarezii, & plurium aliorum Doctorum, assertentium, id fieri debere: oppositum tamen, si ve hoc non esse necesse, est etiam probabile, ac docetur a Navarro cap. 26. Manual. n. 22. Layman lib. 5. tract. 6. cap. 15. n. 16. Toletus, Diana, & pluribus aliis. Cæterum in praxi optimum erit consilium, interrogare poenitentem vel de peccatis gravioribus, propter quæ altera poenitentia prius ipsi fuit imposita, vel saltem, an prius habuerit similia peccata iis, de quibus nunc

nunc se accusavit: sic enim saltem aliquantulum cognoscitur status pœnitentis, ac proinde poterit alia convenientior pœnitentia eidem imponi.

\* Indagabis, an pœnitens teneatur accedere de novo alium Confessarium, ut prior injuncta Satisfactio sibi commutetur substituendo aliam, si præcedentis pœnitentiæ fuerit oblitus, vel executio ejusdem interea temporis sibi facta sit impossibilis? Resp. Negative, supposito, quod talis exinde ad proportionatam commutationem faciendam cogeretur a Confessario de novo clavibus subijcere omnia peccata jam semel legitime confessa, ac directe remissa. Ita Soto, Navar. Averſa, & alii cum Sporer part. 3. Theolog. Sacrament. cap. 4. num. 552. & La Croix loc. cit. num. 1275. Nec obstat, quod tali modo prius Sacramentum integraliter maneret quoad unam partem, nimirum quoad Satisfactionem incompletum: nam videtur probabiliter causa sufficiens excusandi ab hac integritate coactio confitendi de novo alteri Confessario eadem peccata jam alteri manifestata, & a quibus jam semel directe quis fuit absolutus. Interim recte adhuc citatus Auctor subiungit, quod tam in casu oblivionis, quam impossibilitatis, si conveniri possit idem Confessarius, qui esset saltem in confuso memor status pœnitentis, petenda foret ab eo commutatio, ut sic Sacramentum integretur, quoniam apud talem cessat prior ratio, quæ videbatur a dicta integritate excusare. Imo expediens est etiam apud alium Confessarium se accusare saltem in confuso de omnibus reliquis peccatis, & petere tanto majorem pœnitentiam, extendendo eamdem pariter ad peccata præteritæ Confessionis, ut sic, quantum absque valde notabili difficultate fieri potest, prius Sacramentum etiam quoad integritatem compleatur, uti observat Sabinus Bononiensis in Luce Morali part. 2. traç. 64. n. 13. ac pœna forsan restans ex opere operato vi Satisfactionis Sacramentalis deleatur.

Illud etiam sibi notent similes pœnitentes, quod, si materia pœnitentiæ injunctæ sit divisibilis, teneantur tamen adhuc persolvere alteram etiam minorem, sicuti in Horis Canonicis, qui nequit persolvere Matutinum cum Laudibus, teneatur adhuc recitare Horas minores; quoniam propositio sequens, ordine 54. ab Innocentio XI, est damnata, quæ sic sonabat: *Qui non potest recitare Matutinum, & Laudes, potest autem reliquas Horas, ad nihil tenetur, quia pars major tribus ad se minorem.*\*

## Q U Æ S T I O II.

Quænam opera pro Pœnitentia Sacramentali injungenda sint?

### S U M M A R I U M.

18. Doctrina Concilii Tridentini circa injunctionem pœnitentiæ Sacramentalis.
19. Generatim, quæ opera possint injungi?  
Omnia bona reducuntur ad Orationem, Jejunium, & Eleemosynam.
20. Confessarius pœnitentiam designaturus, ad quæ

debeat attendere?

21. Peccatis, quæ generatim correspondant pœnitentiæ.
22. Rigor ille in casibus particularibus nequit semper observari.
23. Declaratur hoc exemplis.
24. In determinanda pœnitentia vitandus est defectus, & multo magis excessus; cur?
25. In praxi circa imponendam pœnitentiam, quid observandum?
26. Declaratur hoc alterius.  
(c) Ut jam dictum n. 23.
27. Alia circa hoc notanda.
28. Possunt pro pœnitentia injungi opera aliunde præcepta.
29. Sed communiter injungenda sunt opera non præcepta.  
Corollarium.
30. Potest injungi oratio pro Defunctis.
31. Solvitur instantia.
32. Modus Satisfactionis Sacramentalis, juxta Catechismum Romanum.

18. PRæmittenda cumprimis est saluberrima Conc. Tridentini doctrina, quam Sess. 14. c. 8. his verbis proposuit: *Debent ergo Sacerdotes Domini, quantum Spiritus & prudentia suggesserit, pro qualitate criminum, & pœnitentium facultate, salutare, & convenientes pœnitentias injungere: ne, si forte peccatis commoveant, & indulgentius cum pœnitentibus agant, levissima quadam opera pro gravissimis delictis injungendo, aliorum peccatorum participes efficiantur. Habeant autem præ oculis, ut satisfactio, quam imponunt, non sit tantum ad nova vitæ custodiam, & infirmitatis medicamentum, sed etiam ad præteritorum peccatorum vindictam & castigationem.* Hactenus Concilium, cujus verba, utpote veram Catholicam doctrinam continentia, sunt optime notanda: quibus suppositis, sit

18. CONCL. I. Opera, quæ pro Satisfactione sacramentali injungenda sunt, debent esse honesta, & moraliter bona, qualia generatim sunt tria, videlicet Orationis, Jejunium, & Eleemosyna. Ita unanimis Theologorum. Omnia enim reliqua bona opera, quæ ex fide viva, atque per Charitatem operante proficiuntur, ad hæc tria, veluti tres Justitiæ Christianæ fontes, facile reducuntur; juxta illud Raphaëlis Archangeli Tobia 12. *Bona est Oratio cum Jejunio & Eleemosyna, magis quam thesauros abscondere*, & alibi. Id ipsum patet inductione: siquidem sub oratione comprehenduntur omnes actus religiosi, qui ad Deum referuntur: ut actus Theologici, Fidei, Spei, & Charitatis; item actus Laudis, Adorationis, Gratiarum actionis, Glorificationis Dei; insuper genuflexiones, Ecclesiarum visitationes, ac hujusmodi. Sub Jejunio comprehenduntur omnes castigationes corporales, cilicia, disciplinæ, vigiliæ, humicationes, mortificationes, &c. Tandem sub Eleemosyna continentur omnia opera Misericordiæ tam corporalia, quam spiritualia, & alia opera Charitatis erga Proximum.

20. CON.

20. CONCL. II. Confessarius pœnitentiam designaturus ad duo attendere debet, nempe ad magnitudinem qualitatemque peccatorum, & ad pœnitentis dispositionem. Ita Conc. Trid. n. 18. relatum, & communiter Doctores, ac præsertim Scotus 4. dist. 15. q. 1. Ratio est: quia, quantum commodè fieri potest, patiturque pœnitentis dispositio, debet esse correspondentia aliqua pœnæ ad culpam, juxta illud Sapientia 11. *Per qua quis peccat, per hac & torquetur.* Et Dent. 25. *Pro mensura peccati, erit & plagarum modus.*

21. Quia igitur Peccatum in genere distinguitur in tria membra, scilicet in peccatum seu concupiscentiam carnis, concupiscentiam oculorum, & superbiam vitæ 2. *Joan. cap. 2.* hinc observat Doctor noster cit. *quaest. 1.* quod singulis peccatis sic in genere distinctis, respondeant de congruo propriæ Satisfactiones in genere: scilicet peccato carnis Jejunium, comprehendendo sub hoc quascunque carnis macerationes: peccato superbiæ, & cæteris spiritalibus, Oratio, quæ & humiliat spiritum Deo, & roborat contra peccata: peccatis autem circa temporalia, nimirum avaritiæ, & hujusmodi, magis appropriate correspondet Eleemosyna. Idipsum habet Rituale Romanum tit. de Sacramento Pœnitentiæ, ibi: *Quare curet (Minister) quantum fieri potest, ut contrarias peccatis pœnitentias injungat: veluti avaris Eleemosynas, libidinosis jejunia, vel alias carnis afflictiones, superbis humilitatis officia, desidiofis devotionis studia, &c.*

22. Dicitur notanter: *quantum fieri potest.* Siquidem secus dicendum, quando speciales circumstantiæ hunc rigorem servare non permittunt. Hinc Doctor Subtilis loc. cit. recte subjungit, quod, quamvis hæc sit correspondentia in generali, & de congruo; ea tamen in casibus particularibus nec necessario, nec congruenter debeat semper observari, eo quod in casibus specialibus satis frequenter non conveniat facultati pœnitentis pœnitentia illa, quæ correspondet peccatis suis in generali. Unde optime monet, requiri circa hoc discretionem Sacerdotis, qui, ut loquitur Tridentinum, *pro qualitate criminum, & pœnitentium facultate, salubres, & convenientes pœnitentias injungat.*

23. Declaratur eadem doctrina exemplis ibidem a Scoto relatis, & inter Theologos communiter receptis. Sic quippe pauperi, qui Eleemosynam dare nequit, non sunt injungendæ Eleemosynæ, etiam si peccata commissa, v.g. furta secundum congruentiam generalem exigerent Eleemosynam; cum sæpius tales non amplius habeant, unde injuste ablatum restituant. Item homini, qui ob continuum laborem jejunare nequit, non sunt imponenda jejunia, quamvis cæteroquin talia suis peccatis respondeant; sed potius inducendus est, ut una cum alia pœnitentia sibi convenienti suum continuum laborem subeat, Deoque offerat in remissionem suorum peccatorum. Similiter dives, qui lapsus fuit in peccatum carnis, si est adeo delicatus, quod non velit jejunare, nec aliam macerationem notabilem subire, vel præsumitur, quod, si sibi imponeretur, cito abjiceret; & sic peccaret novo

peccato; inducendus est ad Orationem, & Eleemosynam, illudque ipsi imponendum, quod libentius recipit, & quod creditur perseverantius adimplere.

24. Interim fatendum est, quoad praxin non modicam esse difficultatem in quantitate pœnitentiæ taxanda, magnaue in ea determinanda opus esse discretionem. Siquidem ex una parte vitandus est defectus, *ne, si forte peccatis committant, & indulgentius cum pœnitentibus agant, levissima quedam opera pro gravissimis delictis injungendo; Confessarii aliorum peccatorum participes efficiantur,* prout monet Conc. Trid. cit. c. 8. Dum tales non tam inducunt pœnitentes in odium criminum, quam in vilipensionem eorundem, ob levitatem pœnitentiæ injunctæ; nam, ut ait S. Ambros. *Serm. 8. in Ps. 118. Facilitas venia, incentivum tribuit delinquendi.* Ex altera vero parte multo magis cavendus est excessus, ne vel Fideles gravioribus injunctis pœnitentiis, scandalizentur; atque ab hoc saluberrimo animarum suarum remedio deterreantur, vel novi eis laquei injiciantur, per neglectum ejusmodi indiscretarum pœnitentiarum denuo peccandi. Pulchre, quantum ad propositum, loquitur S. Chrysostomus, relatus cit. *Allegas. 26. q. 7.* & tandem subjungit: *Esse enim erremus modicam pœnitentiam imponentes, nonne melius est, propter misericordiam rationem reddere, quam propter crudelitatem? Ubi enim Paterfamilias largus est, Dispensator non debet esse senax. Si Deus benignus est, ut quid Sacerdos ejus austerus? Vis apparere sanctus? circa vitam tuam esto austerus, circa alienam benignus.*

25. Verum, quia Sacramentum Pœnitentiæ a Christo per se, ac principaliter institutum fuit in bonum pœnitentis, atque ut animæ ejus vulnera curentur, sequitur inprimis, quod Sacerdos numquam debeat talem pœnitentiam imponere, quam omnino credit pœnitentem ex imbecillitate, vel alia causa, non impleturum: nam ea hoc ipso non esset pœnitentia salutaris, qualem imponendam censet Concilium Tridentinum. Hinc, ut loquitur Joannes Gerson p. 2. *Operum. Tutius est, cum parva pœnitentia, qua sponte suscipitur, & verisimiliter adimpletur, ducere confessos ad Purgatorium, quam cum magna non implenda precipitare in infernum.* Ne tamen confitens ob pœnitentiæ levitatem peccata sua minus æstimet, suaviter monendus erit a Confessario, pœnitentiam impositam non esse commensuratam suis delictis; quare ipsemet sponte exercere studeat alia opera bona in satisfactionem suorum peccatorum.

26. Deinde notandum ex Rituali Romano, pro peccatis occultis, quantumvis gravioribus, non esse injungendam pœnitentiam publicam, utpote infamativam. Item nec talem, unde domestici possint devenire in cognitionem gravioris criminis, uti sunt jejunia extraordinaria, disciplina, ac hujusmodi, nisi habeatur occasio similes pœnitentias secreto peragendi, vel saltem sic, ut alii non advertant, ipsas ratione Confessionis injunctas fuisse; nam urget eadem ratio. Rursum (c) non expedit, pauperibus pro pœnitentia imponere Eleemosynas neque operariis vel debilibus jejunia, aut mulieribus longas peregrinationes.

H h h h

neo

nec valde occupatis multas preces. Insuper tempore Jubilæi, vel alterius Indulgentiæ plenariæ, levior pœnitentia injungi potest, cum illius defectum suppleat lucratio Indulgentiæ.

27. Quodli vero peccata pœnitentis graviorem exposcant pœnitentiam, is primum leniter disponendus erit ad agnoscendam suorum criminum gravitatem, & quantam pro eis pœnitentiam promeritus fuisset, & postmodum eidem proponi poterunt variz pœnitentiæ, ipsique relinqui delectus, cum hac admonitione, ut ultro, & sponte sua, quædam alia pia opera adjungat. Etsi enim regulariter loquendo debeat Sacerdos imponere pœnitentiam sub præcepto, nihil tamen obstat, quin etiam possit quædam opera satisfactoria consulere; sicque aliquando, inspecta fragili conditione pœnitentis, quamdam pœnitentiæ partem sub consilio injungere. Quinimo Suarez *disp. 38. sect. 6. n. 6.* citans D. Thomam, Navarrus *cap. 26. Manual. n. 23.* Bonacina *disp. 5. de Penit. q. 5. sect. 3. punct. 2. n. 13.* alique plures, probabile censent (quamvis contradicant Vasquez, & Lugo *disp. 25. de Penit. n. 57.*) per illa verba Sacerdotis, post absolutionem adjungi solita: *Quidquid boni feceris, & mali sustinueris, sint tibi in remissionem peccatorum &c.* posse ejusmodi opera in genere injungi pro Pœnitentia, & sic elevari ad Satisfactionem pro peccatis tunc confessis ex opere operato exhibendam. Tandem juvabit injungere frequentio-rem Confessionem, præsertim recidivis: atque etiam, ut monet Catechismus Romanus *n. 32.* citandus, ut certis aliquot & definitis diebus orationi vacent, prout Spiritus & prudentia suggesserit.

28. CONCL. III. Possunt pro Pœnitentia Sacramentali injungi non solum opera supererogatoria, seu aliunde indebita, sed etiam opera alioquin præcepta. Ita communis, paucis exceptis. Ratio est: quia hujusmodi opera, non obstante priori præcepto, adhuc sunt libera, & meritoria; & consequenter satisfactoria.

29. Notant tamen Doctores, communiter loquendo, ac cessante justa causa, non esse imponenda opera aliunde jam præcepta, sed opera supererogatoria. Unde inferunt, si Confessarius aliud non exprimat, aut ex verbis ipsius, vel aliis circumstantiis oppositum non appareat, censerem velle injungere pro pœnitentia opus aliunde non præceptum: v.g. si injungat, ut die Festo Missam audiat, censetur velle injungere Missam aliam præter eam, quam alioquin pœnitens tenetur die Festo audire. Quod si vero dicat pœnitenti, ut duas Missas audiat die Festo, censetur ex hoc loquendi modo comprehendere etiam Missam alias jam præceptam: & sic de aliis similibus.

30. CONCL. IV. Potest pro Pœnitentia Sacramentali injungi Oratio applicanda pro Fidelibus defunctis. Ita Lugo *disp. 25. de Penit. sect. 4. n. 62.* cum communiori, quamvis nonnulli oppositum teneant. Ratio est: quia Oratio pro defunctis est acceptissima Deo Eleemofyna, utpote per quam subvenitur animabus Defunctorum summe indigentibus; ergo cum Eleemofyna, sub qua continentur quælibet opera Mi-

sericordiæ tam corporalia, quam spiritualia, pro pœnitentia possit imponi, cur non etiam Oratio pro Defunctis?

31. Dices: Oratio, vel aliud opus bonum pro Defunctis applicatum, non prodest pœnitenti ad satisfaciendum pro se ipso; ergo non videtur posse imponi pro Satisfactione Sacramentali. Resp. negando antecedens, licet enim satisfactio operis præcepti applicetur Defunctis, adhuc tamen satisfactio correspondens illi bonæ voluntati, & actui Charitatis Proximi, atque Misericordiæ spiritualis, quo pœnitens ob præceptum Confessarii vult orare, & orat pro Defunctis, remanet ipsi pœnitenti; qui proinde non destituitur omni fructu Satisfactionis, proveniente ex tali pœnitentia.

32. Confirmatur hæc sententia auctoritate Catechismi Romani, jussu B. Pii Papæ V. editi, in quo, agendo de satisfactione, circa finem, præsens Conclusio approbatur, simulque generalis modus Satisfactionis Sacramentalis imponendæ assignatur, sequentibus verbis plurimum ponderandis: *Igitur universa Satisfactionis modum, culpa ratio temperabit. Sed ex omni Satisfactionis genere maxime convenit pœnitentibus præcipere, ut certis aliquot & definitis diebus orationi vacent, ac pro omnibus, præsertim pro iis, qui ex hac vita in Domino decesserunt, preces Deo faciant. Hortari vero etiam eos oportet, ut sæpe eadem Satisfactionis opera a Sacerdote indicata, ultro suscipiant, ac repetant.*

\* Quæres I. Quænam opera pro pœnitentia Sacramentali sint imponenda infirmis, & moribundis? Resp. ex Sporer *part. 3. Theolog. Sacrament. cap. 4. n. 546.* Inprimis, si infirmi necdum sint desperati, hisce juxta proportionem peccatorum etiam quandoque suo modo pœnitentia injungenda est, ita nimirum, ut, si ob infirmitatem integram persolvere pro tunc ipsis nimium difficile accideret, saltem partem a Confessario determinandam peragant, & residua opera, postquam reconvaluerint, a quibus tamen, si interea obirent, a Confessario eximantur expresse ad tollendas anxietates. Secundo, Quodli salus jam sit desperata, ut plus ab infirmis præstari nequeat, expedit ad minus imponere, ut SS. Nomen JESU ter, vel quinquies ore proferant, vel si non possint, saltem mente recogitent. Item consultum erit, ut Confessarius subinde moneat, quatenus pœnitens ipsam suam infirmitatem, dolores, molestias, imo & mortem impendentem DEO offerat in Satisfactionem suorum peccatorum, idque in unionem dolorum, passionis, ac mortis Redemptoris nostri JESU Christi. Præterea pro quantitate delictorum, & qualitate personarum adhortetur infirmum, ut de bonis suis eleemofynas largiatur, sacrificia offerri curet &c. Insuper si antea facto testamento quidpiam ad causas pias legaverit, ut illud animo denuo ratificet, Deoque offerat etiam in Satisfactionem pro suis peccatis &c.

Quæres II. Quandonam mortaliter peccet differens opera pro pœnitentia Sacramentali injuncta? Resp. Non facile deberi talem etiam gravem alias



alias peccatorem damnari alicujus peccati mortalis, nisi ex dilatione prævideatur periculum oblivionis, aut impotentia impofterum eadem perfolvendi. Ita cum aliis Sporer *loc. cit. num. 177.* Ratio est: quia ex una parte per talem dilationem ordinarie necdum tollitur integritas prioris Sacramenti habentis se per modum Judicii, in quo utique sententia executio differri potest; ex altera autem parte plerumque præceptum Confessarii magis cadit in rem ipsam præstandam, quam in tempus præfixum. Exinde La Croix *Lib. 6. part. 2. n. 1288. ac seqq.* prudenter discurre, uti sequitur: Si poenitentia fuerit vindicativa tantum, & eandem ad mensẽ differre, non videtur esse mortale. Item, cui injunctum est, ut per annum omni mense confiteatur, non mortaliter peccat, si v. g. occasione Festi, aut Indulgentiarum differat ad octo dies in altero mense bis confiteatur; quoniam tempus tale ordinarie præfigitur ad finiendam cum tempore obligationem. Item, qui jussus est jejuna- re hac die Veneris, & jejunat sequenti, aut communicare proxima Dominica, & differt ad octiduum etiam sine rationabili causa, ordinarie peccat tantum venialiter; quia nimirum plerumque, & nisi aliud ex circumstantiis desumatur, præceptum Confessarii cadit magis in rem ipsam præstandam, quam in tempus præfixum; tenetur tamen omittens hac die Veneris jejunium, vel hac Dominica Communionem, illam poenitentiam exequi sequenti conformiter dictis; quoniam talis dies præfixus ordinarie censetur ad urgendam, non tamen ad finiendam cum die obligationem. Si tamen alicui injunctum sit, ut jejunet omni die Sabbati in honorem B. V. Mariæ, aut ut communicet omni Festo B. Virginis per annum, putant Coninch, Gobat, & Sporer, poenitentem, quamvis negligendo eum diem peccet, non teneri altera die tale opus exequi; quia in circumstantiis similibus extraordinariis mens Confessarii videtur fuisse, alligare opus illud tali diei, cum quo obligatio extinguatur, non prolongetur ad alium diem. Ita utiliter pro praxi La Croix, & quidem vix non quoad omnia in terminis formalibus. \*

## DISTINCTIO XI.

### De Sacramento Extremæ Unctionis.

## Q U Æ S T I O I.

Quæ sit Materia, & Forma Sacramenti Extremæ Unctionis?

## S U M M A R I U M.

1. Extrema Unctio est Poenitentia consummativum. Et Sacramentum exeuntium.
2. Et verum nova Legis Sacramentum, a Christo institutum.
3. Extrema Unctio, quid?
4. Materia ejus remota, & proxima quæ?
5. Oleum quale esse debeat?
6. Quid, si ei sit admixtum balsamum?
7. Oleum illud debet esse benedictum ab Episcopo.
8. Forma Sacramenti Extremæ Unctionis, quæ?

9. In quibus corporis partibus sit facienda Unctio?
10. Renum Unctio in feminis semper omittenda: & quando in viris?
11. Quid, si quis careat manu, pede &c.
12. Manus Presbyteris quomodo ungenda?
13. An in casu necessitatis sufficiat unica Unctio?
14. Solvitur instantia.
15. Praxis quarundam Diocesum tempore pestis.

1. **E**xtrema Unctio est ultimum ex illis Sacramentis, quæ vitam spiritualem cujuslibet Fidelis quoad se promovent: simulque non modo potentia, sed & totius Christiana vita, quæ perpetua poenitentia esse debes, consummativum existimatum est a Patribus, uti loquitur Concilium Tridentinum *Sess. 14. in Doctrina de Extrema Unctione.* Et quia nonnisi in mortis articulo recipi potest, hinc & Sacramentum exeuntium nuncupatur, juxta citatum Concilium *1. 3.* De quo loquendo, sit

2. **CONCL. I.** De Fide certum est, Extremam Unctionem esse verum, & proprie dictum Sacramentum novæ Legis, a Christo Domino institutum. Ita præter perpetuum sensum Ecclesiæ Catholicæ, docet Concilium tum Florentinum in Decreto Unionis, tum Tridentinum *Sess. 14. De Extrema Unctione, c. 1.* ubi sic loquitur: *Instituta est autem sacra hac Unctio infirmorum, tamquam vere & proprie Sacramentum novi Testamenti, a Christo Domino nostro, apud Marcum quidem (c. 6.) insinuatum, per Jacobum autem Apostolum, ac Domini fratrem, fidelibus commendatum, ac promulgatum (Jacobi 5.) Infirmatur, inquit, quis in vobis? inducat Presbyteros Ecclesiæ, & orent super eum, ungentes eum oleo in nomine Domini: & oratio fidei salvabit infirmum, & alleviabit eum Dominus, & si in peccatis sit, dimittentur ei.* Et ibidem *Can. 1.* sic definit Concilium contra Hæreticos: *Si quis dixerit, Extremam Unctionem non esse vere, & proprie Sacramentum a Christo Domino institutum, & a Beato Jacobo Apostolo promulgatum &c. Anathema sit.*

3. **CONCL. II.** Sacramentum Extremæ Unctionis, est Unctio hominis infirmi poenitentis, facta in determinatis partibus corporis cum oleo consecrato ab Episcopo, ministrata a Sacerdote, simul verba certa cum intentione debita proferente, ex institutione divina efficaciter significans curationem finalem venialium. Ita Doctor Subtilis *4. dist. 23. q. un.* per hæc verba apte declarans naturam hujus Sacramenti quoad singulas partes; prout ex progressu patebit.

4. **CONCL. III.** Materia remota Extremæ Unctionis est Oleum olivarum ab Episcopo benedictum: Proxima vero est ipsamet Unctio facta hoc oleo. Ita certa, & communis; & constat tum ex Concilio Florentino *loc. cit.* ubi ait, quod extremæ Unctionis materia est oleum olivæ per Episcopum benedictum: Et Tridentino *cit. cap. 1.* ibi: *Intellexit enim Ecclesiæ, materiam (Extremæ Unctionis) esse oleum ab Episcopo benedictum.* Tum ex illis verbis Apostoli Jacobi: *Ungentes eum oleo in nomine Domini.*

5. Ex quibus sequitur I. Oleum istud debere esse

H h h h 2

esse simplex, ac sine admixtione alterius liquoris: quale est oleum olivarum commune, ac usuale, eo quod tale absolute dicatur oleum.

6. Quod si huic oleo admisceatur balsamum (prout fit in confectione Chrismatis) tenent eundem nonnulli Doctores, per hoc impediri validitatem hujus Sacramenti; probabilius tamen est, oleum etiam balsamo mixtum esse validam materiam hujus Sacramenti; prout docent Suarez *part. 3. tom. 4. disp. 40. sect. 1.* Poncius, Mastrius, aliique plures. Ratio est: quia mixtio balsami, cum sit modica (uti supponitur, ac fieri solet in confectione Chrismatis) non destruit naturam olei; ergo in substantia remanebit verum oleum ab Episcopo benedictum. Et licet extra casum necessitatis, ob admixtionem balsami, eo uti non liceat, si tamen per errorem, aut alias adhibeatur, Sacramentum valide administrabitur.

7. Sequitur II. Oleum hoc debere ab Episcopo esse benedictum, prout expresse docet Concilium tum Florentinum, tum Tridentinum *loc. cit.* Et quidem communior Doctorum sententia, quod benedictio Episcopi essentialiter requiratur ad valorem Sacramenti Extremæ Unctionis, ita ut adhibito oleo non benedicto ab Episcopo, nullum fiat Sacramentum.

8. CONCL. IV. Forma Sacramenti Extremæ Unctionis est sollemnis illa precatio, quam Sacerdos ad singulas unctiones adhibet, cum ait: *Per istam sanctam Unctionem & suam piissimam Misericordiam indulgeat tibi Dominus, quidquid per visum (auditum, odoratum &c.) deliquisti.* Ita Concilium Florentinum *loc. cit.* una cum Concilio Tridentino, ac Rituali Romano Pauli V. Et quamvis hæc forma, sub his ipsis verbis præcise non habeatur ex S. Scriptura, constat tamen tum ex traditione Ecclesiæ, tum insinuatione ab Apostolo Jacobo c. 5. ubi: *Infirmatur quis in vobis? inducat Presbyteros Ecclesiæ, & orent super eum, ungentes eum oleo in nomine Domini.* Nam *ad orent super eum*, satis indicat, formam hujus Sacramenti debere esse deprecatoriam.

9. CONCL. V. In septem corporis partibus infirmus communiter est unguendus; nimirum in oculis, propter visum, in auribus, propter auditum; in naribus, propter odoratum; in ore; propter gustum, & locutionem; in manibus, propter tactum; in pedibus, propter gressum; & in renibus, propter delectationem ibidem vigentem. Ita expresse Conc. Florentinum, ac Rituale Romanum Pauli V.

10. Dicitur, *communiter est unguendus.* Siquidem circa hoc notat citatum Rituale Romanum, quamvis præter illas corporis partes, quas veluti sensuum instrumenta homini natura tribuit, nempe oculos, aures, nares, os, & manus, etiam pedes ac renes unguendi sint; semper omitti (notandum *ad semper*) atque etiam in viris, quando infirmus commode moveri non potest: neque tunc sive in mulieribus, sive in viris, aliam corporis partem pro renibus unguendam esse.

11. Notat ulterius idem Rituale Romanum,

si quis aliquo dictorum membro mutilatus existat, v. g. careat manu, vel pede, quod pars illi loco proxima sit unguenda, servata eadem verborum forma.

12. Notat tertio idem Rituale, quod manus, quæ reliquis infirmis interius ungi debent, Presbyteris exterius ungantur. Rationem hujus assignant Doctores: quia Sacerdos in sua Ordinatione jam fuit unctus oleo sacro in parte interiori manuum, id est, in palmis; ac ob id congruum magis censetur, ut postea in exteriori potius manuum parte inungatur, quam in interiori. Cæterum loquendo de valore Sacramenti, nihil refert, Sacerdotem etiam in ipsis palmis inungi; cum hæc Unctio sit diversa ab illa, quam accepit in Ordinatione sua. Est tamen hac in re standum consuetudini cujuslibet Diocesis, ac præsertim Ordinationi Ritualis Romani.

13. CONCL. VI. Quamvis multi Doctores velint, ad validitatem hujus Sacramenti necessarias esse ad minimum quinque unctiones in quinque corporis sensibus, cum quinque partialibus formis, quæ correspondent singulis unctionibus: probabile tamen est, in casu necessitatis unicam sufficere unctionem, in quacunque corporis parte fiat, cum unica tantum forma, omnes tamen corporis sensus exprimente, taliter: *Per istam sanctam Unctionem, & suam piissimam Misericordiam, indulgeat tibi Dominus, quidquid deliquisti per visum, auditum, odoratum, gustum, tactum &c.* Ita Mastrius *disp. 22. Theol. Mor. num. 38.* post Suarezium, Coninch, Layman, Poncium, aliosque. Ratio est: quia per unius organi unctionem, factam cum expressione quinque sensuum corporis infirmi, salvatur totum id, quod ad hoc Sacramentum requiritur a S. Jacobo Apostolo; simulque illa unica unctio sufficienter significat effectum hujus Sacramenti: ergo etiam sufficit ad valorem ejus.

14. Nec obstat Concilium Florentinum, ac Rituale Romanum; quæ exigunt septem, vel saltem quinque præcipuarum partium unctiones. Nam hæc loquuntur de eo, quod fieri debeat extra casum necessitatis: non autem per hoc intendunt definire, omnium harum partium unctionem essentialiter requiri ad valorem Sacramenti.

15. Unde hæc sententia non solum a tota Universitate Lovanienti approbata fuit, ut refert Diana *part. 3. tract. 4. resolut. 168.* sed etiam præscripta in diversis Ritualibus Diocesanis, ut Mechlinensi, & Passaviensi, pro tempore pestis grassantis, nec non & in Rituali Diocesano Frisingensi, ubi *cap. 6. De Sacramento Extremæ Unctionis memb. 1. circa finem*, sic habetur: *In morbis contagiosis, & peste grassante, ut periculum vitetur, sufficit inungi sensus organum magis ad Unctionem expositum, ac detectum, dicendo: Per istam sanctam Unctionem & suam piissimam Misericordiam, indulgeat tibi Dominus, quidquid deliquisti per visum, auditum, odoratum, gustum, tactum, lumbos (si inungendi fuerint) & gressum. Et tum preces, que præmittenda, & subjungenda forent, poterunt privatim dici.*

\*Quia-

\* Quinimo non pauci DD. tenent, ad essentiam extremæ Unctionis non requiri, ut, dum in necessitate unicum membrum inungitur, allegati quinque sensus in specie. & distincte exprimantur per verba, sed sufficere, si id fiat in genere v. g. dicendo: *Per hanc Unctionem indulgeat tibi Dominus, quidquid deliquisti: vel, quidquid per quinque sensus deliquisti.* Ratio est: quia stante simili pronuntiatione sufficienter continetur sensus a Christo intentus in hujus Sacramenti forma circa remissionem. Videatur Kazenberger in *Supplement. Theolog. Sacrament. cap. 2. sect. 3. n. 72.* \*

Q U Æ S T I O II.  
De Effectibus, subiecto, & Iterabilitate Sacramenti Extremæ Unctionis.

S U M M A R I U M.

16. Effectus Sacramenti Extremae unctionis.
17. I. Præter gratiam sanctificantem, remissio peccatorum.
18. Effectus remissionis peccatorum, quomodo intelligendus?  
(a) Tract. 14. Dist. 2. n. 23. & 24.
19. II. Allevatio infirmi, & quomodo?
20. Peccatorum reliquia, quas abstergit hoc Sacramentum, quæ?
21. III. Liberatio ab infirmitate corporali, quando expedit &c.
22. Subiectum Extremae Unctionis capax, quod?
23. Nequit ministrari sanis, etiam damnatis ad mortem.
24. Quid de peste laborantibus, vulneratis, senibus.
25. Infantibus, ac perpetuo amentibus?
26. Vel adultis lapsis in phrenesin, aut amentiam?
27. Disparitas inter Sacramentum Pœnitentia, & Extrema unctionis.  
(b) De hoc videatur supra Dist. 7. quaest. 4. per totum.
28. In quo periculo, & statu infirmi, hoc Sacramentum ministrandum.
29. Sacramentum hoc est iterabile; & an in eodem morbo?
30. Declaratur hoc amplius.
31. Sacramentum hoc, an sit necessarium ad salutem?

16. **E**ffectus Sacramenti extremæ Unctionis paucis verbis a S. Jacobo in sua *Canonica*, cap. 5. sequentibus verbis indicantur: *Et oratio fidei salvabit infirmum, & alleviabit eum Dominus, & si in peccatis sit, dimittentur ei.* Hinc sit

17. CONCL. I. Ultra gratiam habitualement, seu sanctificantem, quæ ex opere operato causatur ab omnibus Sacramentis novæ Legis, specialis effectus Sacramenti Extremæ Unctionis est remissio peccatorum. Patet hoc ex citatis verbis Apostoli Jacobi: *Et si in peccatis sit, dimittentur ei.* Super quæ verba Concilium Trid. loc. cit. cap. 2. explicans rem, seu effectum hujus Sacramenti, sic ait: *Res etenim hæc gratia est Spiritus Sancti, cujus unctio delicta, si qua sint adhuc expianda, ac peccati reliquias abstergit.*

18. Porro effectus iste remissionis peccatorum, intelligendus inprimis est de peccatis veni-

alibus, quæ si homini per alia Sacramenta, ac remedia, seu opera bona remissa necdum sunt, virtute hujus Sacramenti remittuntur, si cæteroquin homo sit dispositus. Intelligendus deinde est de remissione pœnarum peccatis debitæ, non quidem semper omnium, sed plurium vel pauciorum, juxta dispositionem suscipientis. Quinimo per accidens fieri potest, ut etiam primam gratiam conferat Sacramentum istud & peccatum mortale remittat, homini bona fide existimanti, se esse in statu gratiæ, illudque cum sola attritione suscipienti; prout jam supra (a) dictum est.

19. CONCL. II. Secundus hujus Sacramenti effectus est, alleviare infirmum, juxta citatum illud D. Jacobi; *Et alleviabit eum Dominus.* Dicitur autem hoc Sacramentum alleviare infirmum, in quantum (ut ait Concilium Trid. *sess. 14. cap. 2.*) *egroti animam alleviat, & confirmat, magnam in eo Divina Misericordia fiduciam excitando, qua infirmus sublevatus, & morbi incommoda ac labores levius fert, & tentationibus demonis, calcaneo insidiantis, facilius resistit.*

20. Huc reduci potest alius effectus hujus Sacramenti ibidem a Concilio Tridentino, & communi Theologorum assignatus, qui est *peccatorum reliquias abstergere.* Ubi per *peccatorum reliquias* intelligitur animi languor, torpor, mœror, tristitia, fastidium, & anxietas, & aliæ hujusmodi prævæ affectiones, quæ ex peccatis præteritis, eorumque recordatione oriri solent, ac peccatorem in desperationem inducere: in ordine ad quas removendas proinde plurimum conducit digna hujus Sacramenti susceptio.

21. CONCL. III. Tertius Extremæ Unctionis effectus est, liberare infirmum ab infirmitate sua corporali, ubi salutis animæ id expedierit; juxta illud cit. Apostoli. *Et Oratio fidei salvabit infirmum.* Hunc tamen effectum sanitatis corporalis non semper, ac infallibiliter præstat hoc Sacramentum, ut patet; sed tunc solum, ubi salutis animæ infirmi expedierit; prout notat Concilium Trid. loc. cit. cap. 2. dicens, quod infirmus virtute hujus Sacramenti *sanitatem corporis interdum, ubi salutis animæ expedierit, consequitur.* Et ratio est: quia Sacramenta nullum ex Christi institutione conferunt effectum, nisi in ordine ad spirituale animæ profectum, ac vitam æternam consequendam

22. CONCL. IV. Subiectum capax extremæ Unctionis est solus homo baptizatus, rationis compos, & periculose infirmus, ita quod probabiliter mors imminet. Ita communis; & patet tum ex citatis S. Jacobi verbis: *Infirmatur quis in vobis.* Tum ex Concilio Trid. loc. cit. cap. 3. ubi ait: *Declaratur etiam, esse hanc Unctionem infirmis adhibendam, illis vero præsertim, qui tam periculose decumbunt, ut in exitu vita constituti videantur; unde & Sacramentum exeuntium nuncupatur.*

23. Infertur proinde cum communi, non posse hoc Sacramentum ministrari sanis, neque iis, qui sunt constituti in mortis articulo ob extrinsecam dumtaxat violentiam, v. g. damnatis ad mortem, hominibus in naufragio constitutis, militibus ad prælium ituris, & hujusmodi. Ratio est:

H h h h 3

est: quia ex Christi institutione solus homo infirmus est capax hujus Sacramenti: tales autem homines non sunt infirmi, ut patet.

24. Aliud est dicendum de eo, qui pestem contraxit, qui venenum, vel vulnus lethale accepit &c. propter quod est in periculo mortis. Talis enim post ejusmodi casum vere jam ægrotat, licet causa istius ægritudinis fuerit extrinseca, & violenta: atque ideo communiter hujusmodi homines censentur esse capaces extremæ Unctionis. Idem dicendum de eo, qui ob nimiam senectutem deficientibus viribus est constitutus in periculo mortis: etiam & iste vere infirmatur; nam, ut habet vulgatum illud, *Senectus ipsa est morbus*.

25. Infertur ulterius, quod infantibus, ac etiam illis, qui perpetuo amentes fuerunt, Extrema Unctio ministranda non sit; ut notat Scotus 4. dist. 23. §. De secunda, cum communi. Ratio est: quia tales non possunt esse pœnitentes, id est, non sunt capaces Sacramenti Pœnitentiæ; ergo neque Extremæ Unctionis, eo quod hoc Sacramentum illius consummativum, sive complementum existimetur, ut loquitur Concilium Trid. num. 1. relatum.

26. Loquendo tamen de adultis, & qui rationis usum habuerunt, tamen si deceat, idque curandum sit, ut hoc Sacramentum conferatur infirmis, dum adhuc rationis compotes sunt (sic enim majori cum reverentia suscipietur) attamen non debet denegari morituris, in phrenesin, aut amentiam lapsis, sed est eisdem dandum, dummodo antea christiane vixerint, atque salutis suæ memores fuerint: quod quidem præsumendum est, nisi de contrario constet. Layman cap. 4. num. 3. & communis.

27. Nec obstat, quod loquendo de Sacramento Pœnitentiæ (b) Doctores vel oppositum teneant, vel dubitent, an in tali casu sit conferendum illud Sacramentum etiam sub conditione. Resp. enim, disparitatem esse; quia ad Sacramentum Pœnitentiæ, quod a Christo Domino institutum fuit per modum Judicii, requiritur Confessio sensibilis, qualem tunc adesse dubitatur: hæc autem non requiritur ad Extremam Unctionem.

28. Quinimo ad conferendum Sacramentum Extremæ Unctionis non est expectandum, donec infirmus omni prorsus sensu careat, aut penitus sit desperata salus ejus, sed sufficit, quod infirmus judicio Medicorum, aut peritorum, periclitetur de vita, sive probabile periculum subsit, ne, si diutius differatur istud Sacramentum, mors vel defectio sensuum subito superveniat. Expedi enim, ut ab infirmo periculose ægrotante hoc Sacramentum (si fieri potest) dum adhuc viget integra mens & ratio, recipiatur, sicque is ad uberiores illius fructum, gratiamque percipiendam, sua fide, piaque animi voluntate, sese disponere valeat. Herinex disp. 11. de Extrema Unctione, quæst. 5. n. 14. post Catechismum Romanum. Barbosa de offic. Parochi, cap. 22. n. 19. Layman n. 4. & alii.

29. CONCL. V. Quamvis hoc Sacramentum simpliciter sit iterabile, si nimirum homo

in pluribus morbis cum probabili vitæ periculo successive sit constitutus, nihilominus durante eadem necessitate, statuque morbi, Sacramentum istud iterari non potest: quod si tamen variatur morbi status, & infirmus, postquam reconvalescere videbatur, denuo in periculum mortis incidat, iterum conferri poterit. Ita certa, & communis Doctorum, atque habetur in Concilio Trid. loc. cit. cap. 3. Accedit ratio: quia hoc Sacramentum non imprimit Characterem; ergo est iterabile, superveniente tamen novo vitæ discrimine.

30. Porro illa temporis distantia, morbi que varietas, prudenti judicio relinquitur designanda; ita tamen, ut considerata diuturnitate ægritudinis, ac variatione status ejus, censetur esse novus morbus (id est, constituens hominem in novo mortis periculo) ac proinde nova necessitas; & sic primum poterit iterari Sacramentum istud.

\* Augustinus Barbosa de Offic. Parochi cap. 22. num. 28. apud Gobat existimat, intervallum unius septimanæ inter unam & alteram unctionem intercedens esse sufficientem temporis distantiam de novo Sacramentum Extremæ Unctionis recipiendi, dummodo vere constet, infirmum post primam unctionem intra hoc intervallum hebdomadarium fuisse constitutum extra periculum propinquum mortis, licet cæteroquin necdum ex integro sit restitutus sanitati, prout id teste Patre Kiliano Kazenberger in Supplement. Sacrament. cap. 2. sect. 4. n. 110. frequenter potest contingere apud Asthmaticos, Hydropicos & Phthisicos in quibus, radice morbi permanente, morbi status sæpe notabiliter variatur, ut nunc in periculo urgenti sint constituti, postea plateas, & Ecclesias frequentent, ac demum intervallo alio iterum periculose decumbant. Quare pro praxi, si ægroti illi, qui jam semel extremam unctionem receperunt, iterum post aliquot dies inungi petant, Domini Parochi observent, an intra hoc tempus novus morbus periculosus accesserit, vel non? Si prius, non facile denegent fervide petentibus hoc Sacramentum etiam post paucos dies, nam propter novum aliud certamen, seu agonem poterit pro confortatione nova adhiberi unctio, teste Dicastillo, hic D. 1. Dub. 10. n. 166. Si vero posterius, tunc indagent ulterius, an interea periculum præcedentis morbi, ratione cujus inuncti fuerunt, vere cessaverit, nec ne? si non, neutiquam reiteretur Extrema Unctio: si vero cessavit jam integro circiter octiduo, de novo administrare poterunt: alias vero non id faciant. Videatur Kazenberger loc. cit. \*

31. Posset hic ulterius quæri de necessitate hujus Sacramenti ad salutem. Verum de hoc jam dictum fuit supra Dist. 2. n. 68. & seqq. Quamvis enim Fideles ad receptionem Extremæ Unctionis nulla præcepti restrictione, per se loquendo, teneantur, tamen (ut loquitur Conc. Trid. cit. cap. 3.) nec tanti Sacramenti contemptus absque ingenti scelere, & ipsius Spiritus sancti injuria esse possit.



QUAESTIO I.

Quid, & quot sint Ordines? Ubi & de prima Tonsura.

SUMMARIUM.

1. Ratio Ordinis inter Sacramenta.
2. Ordo varie sumitur.
3. Ordo sumitur & pro praeminenti gradu in Ecclesia, & pro actuali Ordinatione.
4. Presbyteratus est Sacramentum, quomodo?
5. Declaratur hoc amplius.
6. Sacramentum Ordinis, quid?
7. Ostiarius &c. Subdiaconatus, Diaconatus, & Presbyteratus, quid?
8. Sacerdos &c. quis?
9. Ordines sunt septem.
10. Prima Tonsura non est ordo, sed dispositio ad Ordines.
11. Effectus prima Tonsura, qui?
12. Privilegium Canonis.  
(a) Tract. 13. Dist. 2. n. 58. & seqq.  
Alii effectus prima Tonsura.
13. Episcopatus, an sit Ordo?
14. Comprehenditur sub Sacerdotio ample sumpto.
15. Omnes & singuli Ordines, sunt verum Sacramentum;  
Et causant specialem Characterem.
16. Constituunt omnes unum Sacramentum, quomodo?  
(b) Tract. 14. Dist. 2. num. 10.  
Quid de Characteribus.

1. **A**bsolutis Sacramentis, quae vitam spiritualem cujuslibet Fidelis quoad se promouent, recepta Theologorum methodo tractatur de Sacramentis illis novae Legis, quae respiciunt totam Communitatem populi Christiani: qualia sunt Sacramentum ordinis, & Matrimonii. Si quidem mediante illo in Ecclesia Catholica constituuntur legitimi Sacerdotes, ac Ministri Ecclesiastici, qui praesint ac legitime gubernare noverint totum Populum Christianum. Post quod sequitur Sacramentum Matrimonii, quo generis humani propagatio ad conservationem Reipublicae Christianae requisita perennatur, atque ut honeste ac decenter fiat, specialibus gratiis & auxiliis Divinis roboratur. Et quidem loquendo nunc de Sacramento Ordinis;

2. Advertendum est primo, quod nomen Ordinis diversas habeat significationes. Nam quandoque sumitur Ordo pro congrua quorundam inter se dispositione, ut si dicatur: *Exercitus conservat ordinem bonum: Inter haec reperitur nullus ordo.* Quandoque pro gradu praeminenti in aliqua Republica: sic dicitur *Ordo Equestris, Ordo Senatorius, Ordo Clericalis, &c.* ut taceantur aliae ejus acceptiones.

3. Advertendum ulterius, quod, quantum attinet ad propositum, Ordo dupliciter sumatur: primo pro gradu praeminenti in Ecclesia DEI, id est, pro dignitate Ecclesiastica quibusdam per-

sonis collata vi Sacramenti Ordinis recepti. Secundo sumitur Ordo pro ipsa actuali ordinatione, seu institutione alicujus in gradu praeminenti Ecclesia: & hoc posteriori modo acceptus Ordo, est unum ex septem novae Legis Sacramentis, non item in priore acceptione. Sic v. g. Presbyteratus potest sumi vel pro ipsa actuali ordinatione alicujus in Presbyterum, & sic est Sacramentum: vel pro dignitate, seu potestate Sacerdotali, quam quis acquisivit vi ordinationis suae in Presbyterum, & ratione cujus potest valide consecrare, & absolvere, & hoc modo Presbyteratus non est Sacramentum, sed potius aliquid consequens ad Sacramentum Ordinis Presbyteratus jam peractum, sibi collatum. Et quod dicitur hic de Presbyteratu, idem servata proportionem dicendum est de Diaconatu, Subdiaconatu, & quatuor Ordinibus minoribus,

4. Hinc si quis dicat: Presbyteratus est Sacramentum novae Legis; atqui Petrus, ante annum ordinatus, habet Presbyteratum; ergo Petrus habet Sacramentum Ordinis, & quidem adhuc hodie, cum etiam nunc habeat Presbyteratum. Resp. distinguendo majorem: Presbyteratus est Sacramentum, sumendo Presbyteratum pro actuali ordinatione alicujus in Presbyterum, conceditur: sumendo Presbyteratum pro dignitate, seu potestate Sacerdotali permanente, negatur major: & sic distincta minore, negatur consequentia.

5. Ratio hujus doctrinae est: quia Ordo est Sacramentum consistens in fieri, non autem in facto esse: unde nequit consistere in ipsa dignitate, potestate, & gradu Sacerdotali, qui semper permanet; sed solum in actuali ordinatione, id est, in illa sensibili actione mox transeunte, qua praebetur Clericis dicta potestas & gradus Sacerdotalis. Unde ad hoc indicandum, & vitandam omnem ambiguitatem, atque æquivocationem, Concilium Trid. Sess. 23. can. 3. notanter sic inquit: *Si quis dixerit, Ordinem, seu sacram Ordinationem non esse vere ac proprie Sacramentum, &c. anathema sit:* per additum *ad sacram Ordinationem*, explicans, quid intelligatur per *ad Ordo*, dum dicitur esse Sacramentum novae Legis. His praenotatis, sit

6. CONCL. 1. *Sacramentum Ordinis bene definitur*, dicendo: Ordo est Sacramentum novae Legis, quo spiritualis potestas traditur ordinato ad aliquod Ministerium circa Eucharistiam digne exhibendum. Ita in re communis; potestque haec definitio Sacramenti Ordinis in genere, facile cuilibet Ordini in particulari applicari, definiendo eosdem per officia singulis propria.

7. Sic *Ostiarius* est Ordo, seu Sacramentum novae Legis, quo traditur ordinato potestas aperiendi, & claudendi januas Ecclesiae, &c. Similiter *Subdiaconatus* est Ordo, quo traditur ordinato potestas solemner cantandi Epistolam, & portandi Calicem cum Patena ad Altare. Diaconatus est Ordo, quo datur ordinato potestas solemner cantandi Evangelium ac proxime ministrandi Sacerdoti circa confectionem Eucharistiae, *Presbyteratus* est Ordo, seu Sacramentum novae Legis, quo datur ordinato pote-

potestas consecrandi Corpus & Sanguinem Christi, atque Fideles constituentes a peccatis absolvendi.

8. Unde *Sacerdos* bene describi potest, quod sit vir in præ eminenti gradu Ecclesiæ constitutus, habens potestatem consecrandi Corpus & Sanguinem Christi, &c. Quo modo (servata tamen proportionem) etiam Diaconus, & alius in Ordinibus constitutus, apte poterit describi per officium sibi competens.

9. CONCL. II. Septem sunt Ordines in Ecclesia DEI, videlicet Ostiarius, Lectoratus, Exorcistatus, Acolythatus, Subdiaconatus, Diaconatus, ac Presbyteratus seu Sacerdotium. Ita Concil. Trid. Sess. 23. cap. 2. asserens, *ab ipso Ecclesia initio dictorum Ordinum nomina, atque uniuscujusque eorum ministeria in usu fuisse.*

10. CONCL. III. Prima Tonsura non est Ordo, neque Sacramentum, sed mera dispositio ad Ordines. Ita Theologi communiter, contra plebsque Canonistas, volentes, etiam primam Tonsuram esse Ordinem proprie dictum; quorum sententiam ex professo, ac fusissime propugnat Fagnanus in *c. Cum contingat*, num. 44. & *siqq. de atate & qualitat. præficiendorum*. Ratio Conclusionis desumitur in primis ex Decreto S. Caji Papæ & Martyris, qui (ut refertur in Breviario Romano, die 22. Aprilis) *constituit, ut his Ordinum & honorum gradibus in Ecclesia ad Episcopatum ascenderetur: Ostiarii, Lectores, Exorcistæ, Acolythi, Subdiaconi, Diaconi, Presbyteri*: ergo cum inter hos ordinum gradus non connumeretur prima Tonsura, dicendum, quod ipsa non sit Ordo. Idem probatur ex cit. Concilio Trid. Sess. 23. cap. 2. ubi referens nomina Ordinum, ab ipso Ecclesiæ initio in usu existentium, pariter tacet primam Tonsuram: quinimo eam satis aperte ab Ordinibus secernit, dum ait, quod Ordines in Ecclesia *ita sunt distributi, ut, qui jam Clericali Tonsura insigniti sunt, per minores ad majores ascenderent*. Unde merito inferre licet, quod prima Tonsura potius sit dispositio ad Ordines recipiendos, in quantum per eam patet ascensus ad Ordines tum minores, tum majores; simulque per ipsam quis sit Clericus, ac de Foro Ecclesiastico, & particeps Privilegiorum Clericalium: Occasione cujus

11. Quæres: Qui sunt effectus primæ Tonsuræ? Resp. cum Communi, eos esse multiplices, quos enumerat cit. Fagnanus num. 112. In primis enim per eam Christiani a Statu Laicali transferuntur ad Clericalem, & de sorte Domini efficiuntur, *arg. can. Duo sunt*, 12. q. 1. & *can. Cleros*, dist. 21. Deinde Tonsurati acquirunt Privilegium Fori; hoc est, eximuntur ab omni Potestate, seu Jurisdictione seculari, *can. Si Imperator*, dist. 96. ac proinde non possunt amplius a Judice seculari in Judicium trahi, incarcerari, vel puniri, sed dumtaxat ab Ecclesiastico. Verumtamen novo Jure Concilii Trid. Sess. 23. de Reform. cap. 6. ad hoc, ut prima Tonsura initiatus gaudeat dicto Privilegio Fori, requiritur, quod is vel Beneficium Ecclesiasticum habeat; aut Clericalem habitum, & Tonsuram deferens, alicui Ecclesia ex mandato Episcopi interviat, vel in Se-

minario Clericorum, vel in aliqua Schola, vel Universitate, de licentia Episcopi, quasi in via ad majores Ordines suscipiendos versetur. Ita Concilium: quod, cum sub disjunctione *aut, vel*, loquatur, sufficit quolibet harum trium conditio, ut is Privilegio Fori gaudeat.

12. Rursus prima Tonsura initiatus acquirit Privilegium Canonis, ac proinde ipsum injuriose percutiens, incidit ipso facto in excommunicationem latam, *can. Si quis suadente*, 17. q. 4. de qua jam superius. (a) Item talis potest obtinere beneficium Ecclesiasticum, ut innuit Concilium Trid. cit. cap. 6. Est etiam capax omnis Jurisdictionis Ecclesiasticæ, tam ordinariæ, quam delegatæ, cujus merus Laicus est incapax: hinc initiatus prima Tonsura, est capax potestatis excommunicandi, Beneficia conferendi, Causas spirituales cognoscendi, &c. Et tandem gaudet omnibus Privilegiis Clericorum.

13. CONCL. IV. Episcopatus est quidem proprie dictus Ordo, tamen commode refertur ad Ordinem Sacerdotii: atque ideo simpliciter dicendum est, in Ecclesia DEI esse tantum septem Ordines. Ita Theologi passim, contra Canonistas quoad secundam partem. Prior pars de facto est certa, adeo ut oppositum tenere sit periculosum: Siquidem Concilium Trid. Sess. 23. cap. 4. Episcopatum expresse inter Ordines connumerat, dum ait: *Docet insuper Sacrosancta Synodus, in Ordinatione Episcoporum, Sacerdotum, & ceterorum Ordinum, &c.* Accedit ratio: quia Episcopo competit quædam specialis potestas Ordinis, in quantum Episcopo; nimirum potestas conferendi Sacramentum Confirmationis, & Ordinis: simulque consecratio Episcopi amplius tolli, aut dicta potestas valide conficiendi illa Sacramenta, ulterius auferri non potest.

14. Ultima vero pars ex eo suadetur: quia, licet Episcopatus sit Ordo a simplici Sacerdotio distinctus, ut docet Concilium Trid. Sess. 23. *can. 7.* tamen & ipse sub generali ratione Sacerdotii comprehenditur, sumendo nempe Sacerdotium ample pro potestate non solum consecrandi, sed etiam valide conferendi omnia alia Sacramenta, quas requirunt Ministrum consecratum. Quo modo sumendo Sacerdotium, illud postea subdividitur in Presbyteratum, cui competit administratio Eucharistiæ, Pœnitentiæ, ac Extremæ Undtionis, & in Episcopatum, cui insuper convenit potestas conferendi jure ordinario Confirmationem, & Ordinem. Hinc S. Anacletus Papa in *Epistola* 3. cap. 1. ait, Ordinem Sacerdotum bipartitum esse, scilicet Episcoporum & Presbyterorum.

15. CONCL. V. Omnes, & singuli prædicti Ordines, sunt verum ac proprie dictum Sacramentum. Ita communis. Et quidem, quod Sacerdotium sit Sacramentum, est de Fide. Quod autem etiam ceteri Ordines inferiores habeant veram rationem Sacramenti, colligitur ex Concilio Florentino, in Decreto Unionis, ac Tridentino Sess. 23. cap. 2. & *can. 3.* ubi absolute, & absque ulla limitatione definitur, Ordinem seu sacram Ordinationem esse Sacramentum; simulque dicitur, esse septem Ordines in Ecclesia DEI. Accedit, quod omnes & singuli Ordines habeant suam deter-

determinatam materiam & formam, propriamque significationem, uti patebit ex dicendis *Quaest. seq.* Insuper singuli Ordines imprimunt specialem Characterem, ac diversum ab aliis, secundum quod diversae sunt potestates ministrandi, ut docet D. Bonaventura 4. *dist.* 14. *part.* 2. *art.* 1. *quaest.* 3. cum communi, ac patet ex eo, quod omnes sint irreiterabiles: atqui Character est effectus proprius Sacramenti; ergo.

16. Cæterum his non obstantibus, omnes dicti septem Ordines constituunt insimul unum dumtaxat Sacramentum Ordinis. Idque fit tum unitate ordinationis, seu finis; in quantum omnes ordinantur ad unum Sacerdotium, ac ratione hujus recipiuntur: tum unitate generis proximi, quatenus omnes & singuli Ordines in particulari, conveniunt in ratione Sacramenti Ordinis ut sic, tamquam in genere proximo. Ac proinde merito a Concilio Trid. *loc. cit.* comprehenduntur omnes sub uno nomine Sacramenti Ordinis, prout jam superius (b) dictum fuit. Et hac eadem ratione Characteres particulares singulorum Ordinum, simul constituunt unum Characterem totalem & completum Ordinis.

## QUAESTIO II.

De Materia, Forma, & Officiis singulorum Ordinum.

### SUMMARIUM.

17. *Materia, & Forma Ordinum generatim, quae?*  
(c) Videatur Tract. 14. Dist. 1. num. 18. & seqq.
18. *Materia Ostiariatus, & forma, quae?*  
*Officium Ostiarii, quod?*
19. *Exorcistatus materia, & forma. Officium Lectoris.*
20. *Exorcistatus materia, & forma. Officium Exorcistae.*
21. *In reliquis Ordinibus datur duplex materia, & forma partialis.*
22. *Acolythatus materia, & forma duplex, quae?*  
*Officium Acolythorum.*
23. *Objectio, ejusque solutio notabilis.*
24. *Subdiaconatus materia, & forma.*
25. *Subdiaconi Officium, quale?*  
(d) Ut dictum Tract. 13. Dist. 3. n. 13.
26. *Subdiaconi obligationes speciales, quae?*  
(e) Tract. 6. Dist. 1. n. 12. & 13.
27. *Clerici in Sacris, quo jure teneantur ad perpetuam continentiam?*
28. *An vi voti Sacris Ordinibus annexi?*
29. *Instantia ex Scoto refellitur.*
30. *Diaconatus materia, & forma.*
31. *Officium Diaconi, quod?*
32. *Presbyteratus materia, & forma.*
33. *Officium Sacerdotis.*  
(f) Ut dictum Dist. 8. num. 7.
34. *Objectio ex Concilio Florentino; Ejusque solutio.*
35. *Quid de Libro Epistolarum respectu Subdiaconatus?*
36. *Alia notabilis objectio.*
37. *Ejusque solutio.*  
(g) Tract. 14. Dist. 2. n. 20. & 21.
38. *Uniformitas in materia & forma Sacramentorum quomodo detur?*

17. **A**dvertendum, quod loquendo de materia, & forma Ordinum in genere, materia cujuslibet Ordinis duplex sit, remota scilicet & proxima. *Materia remota* cujuslibet Ordinis est illa res, quae traditur ab Episcopo suscipienti aliquem Ordinem. *Materia proxima* est ipsamet traditio illius rei. Porro forma cujuslibet Ordinis in genere, sunt verba illa, quae in collatione singulorum Ordinum, ac sub traditione debitae materiae proferuntur ab Episcopo, utpote ordinario Ministro Sacramenti Ordinis.

18. Verum loquendo de singulis Ordinibus in particulari, *Materia Ostiariatus* est traditio Clavium Ecclesiae per manus Episcopi. *Forma* sunt verba illa ab Episcopo sub porrectione dictarum Clavium Ecclesiae prolata, videlicet: *Sic agite, quasi reddituri DEO rationem pro iis rebus, quae his lavibus recluduntur.* Porro *Officium Ostiarii* est, Templi claves custodire, ejus januam claudere, cymbalum & campanam pulsare. Ita Pontificale Romanum, & Catechismus Romanus.

19. *Lectoratus materia* est traditio Libri Prophetiarum. *Forma* vero talis: *Accipite, & estote verbi DEI relatores; habituri si fideliter & utiliter impleveritis officium vestrum, partem cum iis qui verbum DEI bene ministraverunt ab initio.* Porro *Officium Lectoris* est, Lectionem Prophetiarum in Ecclesia pronunciare, sive canendo, sive solum legendo: item Catechumenos docere Rudimenta Fidei.

20. *Exorcistatus materia* est traditio Libri Exorcismorum. *Forma* vero haec: *Accipite, & commendate memoria, & habete potestatem imponendi manus super energumenos, sive baptizatos, sive catechumenos.* *Officium Exorcistae* est, imponere manus super Energumenos (hoc est, obsessos a daemonibus) & ad arcendos daemones super eum invocare Nomen Domini, legereque Exorcismos Ecclesiae, ac ipsos ita praeparare, ut Sacris interesse possint.

21. Quantum ad sequentes Ordines attinet, notandum, quod in reliquis Ordinibus duplex reperiatur materia, constituens unam adaequatam, cum duplici forma sibi correspondente; & similiter unam adaequatam formam constituyente: qualis in Acolythatu est traditio Cerei extincti, & Urceoli vacui: in Subdiaconatu est traditio Calicis vacui una cum Patena vacua, ac Libri Epistolarum: in Diaconatu impositio manuum Episcopi, atque traditio Libri Evangeliorum: in Presbyteratu traditio Calicis cum vino & Patenae cum hostia superposita, ac impositio manuum Episcopi. Itaque

22. Acolythatus una materia est traditio Candelabri una cum Cereo extincto, cum tali forma: *Accipite Candelabrum cum cereo, & sciatis vos ad accedenda Ecclesia Luminaria mancipatos, in Nomine Domini.* Altera partialis materia est traditio Urceoli vacui, cum hac forma: *Accipite Urceolum ad suggerendum vinum & aquam in Eucharistiam Sanguinis Christi, in Nomine Domini.* Porro *Officium Acolythorum* est, luminaria Ecclesiae accendere, atque praeparare ad Sacrificium: & portare Cereum accensum ad Altare, praecipue dum Evangelium sub Missa canitur; itemque ampullas vini & aquae ad Missae Sacrificium praeparare, & ministrare.

23. Nec dicas: Possunt hujusmodi officia peraque peragi sine dictis Ordinibus; ergo frustra ponuntur hi Ordines. Resp. enim negando consequentiam. Tum quia per dictos Ordines constituitur quis in tali gradu Ecclesiæ, ut ejusmodi officia possit solemniter & auctoritative peragere; quod aliis non competit. Tum quia etiam per quatuor Ordines minores confertur ordinatis ex opere operato gratia specialis ad ejusmodi officia dignius peragenda, ut proinde dicti ordines nequaquam sint frustranei.

24. *Subdiaconatus materia* una, est traditio Calicis vacui cum Patena vacua. *Forma* autem talis: *Videte, cujus ministerium vobis traditur; ideo vos admonet, ut ita vos exhibeatis, ut DEO placere possitis.* Altera ejus materia partialis, est traditio libri Epistolarum, cum tali verborum forma: *Accipite Librum Epistolarum, & habete potestatem legendi eas in Ecclesia Sancta DEI, tam pro vivis, quam pro defunctis, &c.* Et nota, usque ad Subdiaconatum formas positas esse in plurali, eo quod usque ad Subdiaconatum regulariter loquendo plures soleant simul ordinari, si adsint: quod si vero unus solus ordinatur, tunc dictæ formæ proferuntur in singulari.

25. Porro *Subdiaconi officium* est, Vasa sacra, videlicet Calicem ac Patenam ad usum Sacrificii præparare, atque ad Altare deferre, & Diacono in Altaris ministerio inservire: in Missa Epistolam cum Manipulo solemniter cantare; sine Manipulo enim liceret etiam non Subdiacono cantare Epistolam (d) item Pallas Altaris, Corporalia, Calices & Patenas abluere, ipsamque ablutionis aquam in Sacrarium fundere, aliaque juxta Rubricas Missalis in Missæ Sacrificio peragere. Verum occasione horum

26. Quæres I. Quæ sint speciales obligationes Subdiaconi? Resp. Cum communi, esse sequentes. I. Subdiaconi, alique in Ordinibus majoribus constituti, tenentur servare perpetuam Castitatem; prout liquet ex c. *Presbyteris*, dist. 27. & c. *A multis*, de atate & qualitat. præsciend. & c. *Ut Clericorum*, de vita & honest. Cleric. ac alibi. II. Subdiaconi tenentur ad quotidianam recitationem Horarum Canoniarum, prout jam superius (e) dictum est. III. Subdiaconi, alique in Sacris Ordinibus, tenentur deferre Habitum, & Tonsuram Clericalem c. *Si quis ex Clericis*, & c. *Clerici*, de vita & honest. Cleric.

27. Quæres II. Quo jure teneantur Clerici in Sacris constituti ad servandam perpetuo Continentiam? Resp. I. Initiati sacro Ordine non tenentur ad Continentiam ex Jure Divino, sed dumtaxat Ecclesiastico. Ita Scotus 4. distinct. 37. cum communi. Nullibi etiam extat tale præceptum Divinum: quinimo Græci in minoribus Ordinibus contrahunt, & in superioribus utuntur Matrimonio jam contracto, neque in hoc reprehenduntur ab Ecclesia, c. *Cum olim*, de Clericis conjugat. prout fieri oporteret, si dicta obligatio descenderet ex Lege Divina.

28. Remanet proinde, quod Clerici in Sacris teneantur ad perpetuam Continentiam Jure dumtaxat Ecclesiastico, in quantum Ordinibus sacris ex generali statuto Ecclesiæ (per textus num. 26. citatos) annexum est Votum perpetuæ Castitatis:

prout inter alios tradit Scotus 4. dist. 25. quest. 1. §. *Hic breviter*, inquiens: *Quia suscepti ni Ordinis sacri annexum est votum continentia, ut habetur extra, c. A multis, de atate & qualis.* Id ipsum tenet communior Doctorum, atque desumitur ex cit. c. *Cum olim*, de Cleric. conjugat. ubi Pontifex ait: *Nos attendentes, quod Orientalis Ecclesia votum continentia non admittit.* Ex quo, Glossa ibidem, argumento a sensu contrario desumpto, infert, quod Occidentales, sive Latini Clerici, ex voto ad continentiam teneantur: eo enim ipso (inquit) quod quis promoveatur ad sacrum Ordinem, cui ex constitutione Ecclesiæ annexum est votum continentia, intelligitur tacite vovere Continentiam, licet nullam de hoc mentionem faciat. Et hinc cap. un. de voto in 6. illud appellatur *Votum*, quod solemnizatum fuerit per suspensionem sacri Ordinis.

29. Nec obstat Scotus 4. dist. 37. quest. un. ex quo loco is passim citatur in oppositum. Resp. enim, Doctorem ibidem solum dicere, quod Ordo sacer non dirimat Matrimonium propter votum Continentia, sive proprie, sive ex præcepto Ecclesiæ annexum; sed ex hoc solum, quod Ecclesia talem personam faciat simpliciter illegitimam, sive inhabilem ad contrahendum: & hoc est certum, atque patet ex citat. cap. un. de Voto in 6. Non tamen Doctor Subtilis ibidem negat, Ordini sacro esse annexum Votum Continentia, imo hoc ipsum supponit, atque antea, seu distinct. 25. quest. 2. jam citata, expresse docet.

30. *Diaconatus materia* etiam duplex est; una impositio manus dexteræ Episcopi, cum tali verborum forma: *Accipe Spiritum Sanctum ad rebur, & ad resistendum diabolo & tentationibus ejus, in Nomine Domini.* Altera est traditio Libri Evangeliorum, cum hac forma: *Accipe* (aut, si plures simul ordinentur) *Accipite potestatem legendi Evangelium in Ecclesia DEI, tam pro vivis, quam pro defunctis, in Nomine Domini.*

31. Porro *Officium Diaconi*, Sacerdoti in Missæ Sacrificio immediate assistere, eique ministrare panem & vinum ad conficiendam Eucharistiam, atque Evangelium cum Stola solemniter cantare, aliaque juxta Rubricas Missalis præstare. Tacentur cætera ejus officia; qualia sunt, Sacerdote impedito Verbum DEI ex facultate Episcopi prædicare, de Parochi licentia solemniter baptizare, & hujusmodi.

32. *Presbyteratus* duplex est materia, scilicet traditio Calicis cum vino, & Patenæ una cum Hostia superposita, cum hac verborum forma: *Accipe potestatem offerendi Sacrificium DEO, Missasque celebrandi, tam pro vivis, quam pro defunctis, in Nomine Domini.* Altera materia Presbyteratus, est impositio manuum Episcopi super caput ordinandi, cum hac verborum forma: *Accipe Spiritum Sanctum, quorum remiseras peccata, remittuntur eis, & quorum retinueris, retenta sunt.*

33. Porro *Officium Sacerdotis* præcipuum est, consecrare Corpus & Sanguinem D. N. JESU Christi: quæ potestas traditur per traditionem Calicis cum vino, & Patenæ cum Hostia superposita; idque fieri solet ante Offertorium, nempe circa finem Tractus, Sequentiæ, vel Alleluja, Evangelium præcedentis. Alterum ejus officium est



est, absolvere pœnitentes a peccatis, accedente tamen legitima jurisdictione: quæ potestas eidem traditur per manuum Episcopi impositionem, cum debita verborum forma; soletque fieri peracta Communione. (f) Insuper ad Officium Sacerdotis pertinet, alia Ecclesiæ Sacramenta dignis administrare, excepto Sacramento Confirmationis, ac Ordinis, quorum administratio spectat ad Episcopum, veluti ordinarium Ministrum. Item Sacerdotis est, benedicere, baptizare, ac populum DEI opere, doctrina, exemplo pascere; atque ejusdem necessitates ferventibus precibus DEO recommendare, aliaque pietatis opera impensius exercere.

34. Objicies contra hæc dicta: In Concilio Florentino in Decreto Unionis, unica materia assignatur pro Ordine Subdiaconatus, Diaconatus, Presbyteratus; ergo male assignatur duplex materia horum Ordinum. Antecedens patet. Sic enim loquitur citatum Concilium: *Sextum Sacramentum est Or̃inis, cujus materia est illud, per cujus traditionem confertur Ordo; sicut Presbyteratus traditur per Calicis cum vino & Patena cum pane porrectionem. Diaconatus vero per Evangeliorum dationem, Subdiaconatus per Calicis vasui cum Patena vacua superposita traditionem.* Resp. negando consequentiam: quia, ut notat Herinex *disp. 20. de Sacramento Ordinis num. 37. & 46.* Concilium Florentinum non intendit assignare adæquatam materiam dictorum Ordinum, sed solum tradere exempla doctrinæ generalis a se præmissæ, nempe materiam cujuslibet Ordinis esse illud, cujus traditione confertur Ordo. Unde alteram materiam, ex usu Ecclesiæ jam claram, atque perspectam, non excludit.

35. Fatendum tamen, quod loquendo de Ordine Subdiaconatus, plerique Scholastici negent, Librum Epistolarum spectare essentialiter ad materiam hujus Ordinis, alii vero, & quidem melius, asserant, traditionem Libri Epistolarum esse partem materiæ hujus Ordinis saltem minus principalem. Gobat. *tract. 8. Theolog. & experiment. num. 49.* & Herinex *loc. cit. num. 46.*

36. Objicies ulterius: Tempore Apostolorum Diaconi sunt ordinati sine traditione Libri Evangeliorum, utpote qui tunc necdum conscriptus erat; ergo traditio Libri Evangeliorum non est de essentia Sacramenti Diaconatus. Confirmatur: De facto in tota Ecclesia Græca conferuntur Ordines absque omni instrumentorum traditione, per solam manuum impositionem, cum certis verbis singulos Ordines exprimentibus ab Episcopo factam. Atqui ordinatio Græcorum est valida: quia viget non tantum apud Schismaticos Græcos (quos tamen revertentes ad Catholicam Ecclesiam, ipsa recipit in suis Ordinibus) sed etiam apud Catholicos, & illos ipsos, qui Romæ degunt, ibique more suo ordinantur consentiente Papa, ut testatur Herinex *loc. cit. num. 51.* & Gobat *loc. cit. num. 95.* ergo.

37. Resp. cum D. Bonaventura *disp. 24. p. 2. art. 1. quæst. 4.* Bellarmino *lib. un. de Ordine, cap. 9.* Lugone *dis. 2. de Sacramentis, sect. 5.* Marchantio, & aliis Theologis Christum Dominum non determinasse in particulari, seu specie infima, materiam singulorum Ordinum, sed tantum in

genere, nimirum, ut conferrentur per signa sensibilia & verba, quæ sufficienter significarent collationem potestatis talium Ordinum, relinquendo interim Ecclesiæ magis specificam, ac veluti materialem instrumentorum porrigendorum, & verborum determinationem, prout jam superius (g) dictum est. Unde in forma respondendo, negatur consequentia.

38. Instabis: Ergo non est in tota Ecclesia Christi uniformitas quoad materiam, & formam Sacramenti Ordinis, Resp. distinguendo sequentiam: ergo non est uniformitas, quatenus non est ubique eadem materia & forma physice, conceditur; moraliter, & saltem in genere; negatur. Vel (ut alii loquuntur) non est ubique uniformitas materialiter loquendo, conceditur; formaliter, negatur. Quia semper & ubique juxta Christi institutionem, ac determinationem Ecclesiæ, adhibeatur, & adhibetur talis materia & forma verborum, quæ sufficienter significat collationem potestatis cujuslibet Ordinis.

### QUÆSTIO III.

De Ætate, & Qualitatibus Ordinandorum.

#### SUMMARIUM.

39. Ordines sacri, seu majores, qui, & cur sic dicantur?
40. Ordines minores, seu non sacri, qui?
41. Soli masculi sunt capaces Ordinis, non femina.
42. In masculis ut ordinari possint, plura requiruntur.
43. Sine Baptismo non recipitur Sacramentum Ordinis.
44. Ordo potest recipi & valide, & licite.
45. Infans, an possit ordinari?  
(h) Vide Tract. 14. Dist. 1. n. 19.
46. Infans ordinatus, an teneatur servare Continentiam, vel recitare Breviarium?
47. Ad Ordines, an requiratur Confirmatio?  
(i) Vide Tract. 14. Dist. 48. & 49.
48. In ordinandis requiritur debita scientia, & qualis?
49. Item probitas vitæ, & morum.
50. At ætas legitima, & qualis?
51. Quid de prima Tonſurâ, & Ordinibus minoribus?
52. Quid juris, si quis ordinetur ante legitimam ætatem?
53. Præsertim bonæ fide?

39. A Dvertendum, quod ex prædictis Ordinibus alii dicantur Ordines majores, seu Sacri; alii, Ordines minores. Ordines sacri seu majores sunt tres, videlicet Subdiaconatus, Diaconatus, ac Presbyteratus: & hi quidem ex eo dicuntur Ordines sacri, quia habent annexum Votum perpetuæ Castitatis, nec non & obligationem recitandi Breviarium, quibus homines specialiter quasi DEO consecrantur. Dicuntur etiam Ordines majores: eo quod per eos ordinati ad majus officium circa Eucharistiam exercendum deputentur: Sacerdos scilicet ad consecrandum; Diaconus vero, ac Subdiaconus, ad proxime assistendum, & ministrandum solemniter Sacerdoti ad Altare. Fatendum quidem est, quod Subdiaconatus in primitiva Ecclesia non fuerit connumeratus inter Ordines Sacros, uti patet ex c. Nullum in Episcopum, *dist. 60.* de facto tamen Subdiaconatum inter sacros Ordines computari, certum est, atque decusum habetur c. A multis, De ætate & qualitate præficiend.

40. Porro *Ordines minores* sunt alii quatuor, videlicet Ostiarius, Lectoratus, Exorcistatus, Acolythatus. Et dicuntur *minores*, ob minus officium, ad quod ordinantur. Dicuntur etiam quandoque *Ordines non sacri*, non quidem in eo sensu, quasi nihil sacrum sint, aut contineant (sunt enim & ipsi verum Sacramentum, juxta dicta num. 15.) sed ad differentiam Ordinum majorum, qui per excellentiam, ob rationes jam allatas, appellantur *Sacri*, cum econtra Ordines minores nec habeant annexam obligationem recitandi Breviarium, neque Votum perpetuæ Castitatis; ut proinde hisce dumtaxat Ordinibus initiati, licite possint contrahere Matrimonium, si velint. Hoc prænotato, sit

41. CONCL. I. Soli masculi sunt capaces Sacramenti Ordinis, non fœminæ. Ita Scotus 4. dist. 25. quest. 2. ubi hoc refundit in Legem Divinam, atque ordinationem Christi. Idipsum patet tum ex perpetua traditione Ecclesiæ: tum ex eo, quia neque B. Virgo Maria hanc potestatem Ordinis a Christo Filio suo accepit, non obstante, quod fuerit dignior ac excellentior universis Apostolis.

42. CONCL. II. Etsi in masculis, ad hoc, ut quis valide ordinetur, post susceptum Baptismi Sacramentum aliud non requiratur præter debitam materiam & formam, ac intentionem Ministri, atque suscipientis, si is sit adultus; tamen, ut quis licite & absque ullo peccato possit ordinari, plura alia requiruntur. Ita certa, & communis.

43. Notanter tamen additur, *post susceptum Baptismum*. Nam, cum Baptismus sit janua omnium Sacramentorum novæ Legis, sine ipso Sacramentum Ordinis valide non potest recipi. Unde c. 1. de Presbytero non baptizato dicitur: *Si quis Presbyter ordinatus deprehenderit, se non esse baptizatum, baptizetur & iterum ordinetur*.

44. Cæterum, ut data Conclusio melius intelligatur, sciendum, quod dupliciter intelligi possit Ordines recipi, valide nimirum, ac licite. Valide tunc intelligitur Sacramentum Ordinis recipi (idem dicendum de aliis Sacramentis) quando ipsum ita recipitur, ut valeat, & subsistat Ordo receptus. Quod quidem fieri potest, etiam si quis recipiat Ordinem in peccato mortali, aut per ejus receptionem actu peccet, dummodo nihil desit de essentialiter requisitis ad ipsius validitatem. Licite tunc intelligitur recipi Ordo, quando non solum valet Ordo receptus, sed insuper receptio ipsius sit licite, seu absque peccato: & quidem ut hoc posteriori modo recipiantur Ordines, præter sexum masculinum, ac receptionem Baptismi, plura alia requiri, patebit ex sequentibus Conclusionibus.

45. CONCL. III. Parvulis masculis ante usum rationis valide quidem, sed non licite, Sacramentum Ordinis ministratur. Ita Scotus 4. dist. 25. quest. 2. estque communis Doctorum. Ratio est: quia infans similiter capax est aliorum Sacramentorum, ut Baptismi (h) & Confirmationis, quæ non requirunt in suscipiente proprium consensum, si is numquam habuit usum rationis. Quod autem talibus Sacramentum hoc licite non conferatur, patet ex eo: quia præter plura alia, quæ

in parvulis non reperiuntur, requiritur legitima ætas in ordinandis, ut dicitur in progressu.

46. Cæterum hic notandum, quod, licet Ordo sacer ante usum rationis valide cuipiam conferatur, tamen ordinatus ad servandam Continentiam, vel recitandas Horas Canonicas non astringatur, nisi post adeptos annos pubertatis ratificet; idque vel verbo, vel facto: nimirum utendo Ordine sacro. Sed semel facta scienter hujusmodi ratificatione post legitimam ætatem, jam non erit ipsi integrum resilire. Sanchez lib. 7. de Matrim. disput. 30. cum communi.

47. CONCL. IV. Ut quis licite ordinetur, imo & prima Tonsura initietur, requiritur, quod sit confirmatus. Patet ex Concilio Trid. Sess. 23. cap. 4. de Reform. ubi dicitur: *Prima Tonsura non initiatur, qui Sacramentum Confirmationis non suscepit &c.* Quod, si tamen secus fiat, valebit quidem ordinatio, sed scienter sic ordinans, imo & ordinatus peccabit. (i)

48. CONCL. V. Insuper requiritur debita scientia in ordinandis. Ita certa omnium. Requirit autem Concilium Trident. cit. Sess. 23. cap. 4. de Reform. ad primam Tonsuram, ut initiandus sit Fidei Rudimenta edoctus, & sciat legere & scribere. Ad quatuor Ordines minores requiritur, juxta cit. Concilium Trident. c. 11. ut ordinandi saltem Linguam Latinam intelligant. Ad Subdiaconatum, & Diaconatum postulat idem Concilium cap. 13. quod ordinandi sint instructi litteris, & iis, quæ ad Ordinem suum exercendum pertinent. Et tandem ad Sacerdotium exigi in ordinandis tantam scientiam, ut possint populum docere ea, quæ scire omnibus ad salutem necessarium est; simulque ministrare Sacramenta.

49. CONCL. VI. Insuper requiritur vitæ, & morum probitas in ordinandis. Patet hoc tum ex ipsa ratione Sacramenti, & Concilio Tridentino cap. 5. & alibi: tum ex illo Apostoli, 1. Tim. 5. *Manus cito nemini imposueris*.

50. CONCL. VII. Requiritur ulterius in promovendis ad Sacros Ordines ætas legitima, & a Jure præscripta. Est certum. Intellige, nisi cum aliquo sit legitime dispensatum. Et si autem antiquitus minor ætas suffecerit, Jure tamen novo Concilii Trid. Sess. 23. cap. 12. de Reform. nullus imposterum ad Subdiaconatus Ordinem licite promovetur ante vigesimum secundum, ad Diaconatum ante vigesimum tertium, & ad Presbyteratum ante vigesimum quintum ætatis suæ annum. Sufficit autem annus hujusmodi saltem inchoatus, etsi tantum per medium diem aut unicam horam sit inchoatus: prout ex communi docet Herinex disp. 10. de Sacramento Ordinis, q. 7. num. 72. idque patet ex praxi Ecclesiæ, quæ sic citatum Decretum Tridentinum semper intellexit.

51. Dicitur: *in promovendis ad Sacros Ordines*. Siquidem ad primam Tonsuram, & quatuor Ordines minores licite suscipiendos, non requiritur determinata ætas, dummodo adsit sufficiens scientia una cum aliis requisitis: quamvis ante annum decimum quartum (saltem inceptum) tales non possint obtinere Beneficium Ecclesiasticum, prout decrevit Concilium Trid. cit. Sess. 23. cap. 6. de Reform. & notat Barbosa ibid. num. 2. cum aliis.

52. Concl.

§ 2. CONCL. VIII. Ordinatus Ordinibus maioribus ante legitimam ætatem, valide quidem ordinatur, atque recipit Ordinis Characterem; talis tamen ipso Jure est suspensus, & si in tali suspensione ministraverit, efficitur irregularis. Ita de facto communis Doctorum, estque decisum per Bullam Pii II. quæ incipit: *Cum ex Sacrorum*, & habetur tom. 1. *Bullarii Romani, constit. 7. dicti Pontificis.*

§ 3. Hoc tamen intelligendum de eo, qui scienter ante legitimam ætatem permittit se ordinari. Siquidem ordinatus bona fide, & qui post diligentem inquisitionem credidit, se ætatem legitimam habere, non incurrit Suspensionem: loquitur enim Constitutio Pii II. de illis, qui *presumunt* ante legitimam ætatem ordinari, id est, qui scienter, ac deliberate, non obstante Constitutione Canonum, id agunt. Quamdiu tamen ordinatus ad legitimam ætatem non pervenit, non est licitum eidem ministrare in suscepto Ordine, ne quidem cum licentia Episcopi, cum hic non possit dispensare super ætate contra Sacros Canones.

\* Quæres: quomodo in defectu ætatis quoad annos Sacerdotii practice impetretur dispensatio?

Resp. I. Si adsit penuria Sacerdotum, in Germania, de speciali Privilegio, ad præviam Supplicationem ordinarie obtineri solito, possunt dispensare Episcopi, nec est necessaria certa formula petendi, modo cæteroquin sufficienter constet de penuria Sacerdotum. Ita patet ex facultatibus ordinarie concessis Germaniæ Episcopis, quarum una sic sonat: *Dispensandi super defectu ætatis unius anni ob operariorum penuriam, ut promoveri possint ad Sacerdotium, si alias idonei fuerint.*

Resp. II. Si petatur Dispensatio in ætate tredecim Mensium, vel alias extra penuriam Sacerdotum, recurrendum erit ad Curiam Romanam, ubi non solum ob penuriam Sacerdotum, sed etiam ob solatium Parentum saltem alterutrius viventis, item ob arctationem Beneficii actualis, aut ob Doctoratum Theologiæ, aut Philosophiæ Magistratum &c. dispensatur, & Taxa pecuniaria excurrit ad undecim, vel duodecim Scuta, id est, in Moneta nostra ad viginti quatuor circiter florenos; Modus autem petendi esse poterit talis:

*Petitur humillime Dispensatio in ætate tredecim Mensium pro N. Diœcesis N. ad effectum recipiendi S. Ordinem Presbyteratus in solatium Patris senio confecti. \**

#### QUÆSTIO IV.

De Ministro Sacramenti Ordinis.

#### SUMMARIUM.

§ 4. Ordinarius Minister Ordinis est Episcopus.

§ 5. Potestas conferendi Ordines minores, an possit concedi simplici Sacerdoti?

*Quid de Abbatibus Insulatis?*

§ 6. Episcopus sine Dimissoriis licite non ordinat alienum subditum.

§ 7. Subditus Episcopi quibus modis quis efficiatur?

§ 4. CONCL. I. Episcopus est ordinarius Minister Sacramenti Ordinis, Ita definitum est in Concilio Trid. Sess. 23. can. 7. & patet

tum ex perpetua praxi, & sensu Ecclesiæ; tum ex S. Scriptura *Actorum 6. & 2. Timoth. 1. & alibi*, quibus in locis non nisi ab Apostolis, quibus in Ecclesia DEI succedunt Episcopi, legimus aliquos ordinatos esse.

§ 5. Dicitur, *ordinarius Minister*. Siquidem, ut notat Ascanius Tamburinus *de Jure Abbatum, tom. 2. disp. 2. quest. 1. num. 3.* potestas Ordines minores conferendi potest etiam simplici Sacerdoti a Summo Pontifice committi. Unde Abbates, Presbyteri, & usum Mitræ ac Baculi habentes, possunt Ordines minores suis subditis conferre; idque ex concessione Sedis Apostolicæ; prout liquet ex c. *Quoniam videmus, disp. 69. & c. Cum contingat, de ætate & qualis. presb.* Imo de speciali assensu Episcopi posse Abbates etiam Secularibus non sibi subditis, ac Regularibus habentibus speciales Dimissorias suorum Superiorum, conferre primam Tonsuram, & Ordines minores, docet citatus Tamburinus, *quest. 7. cum pluribus aliis Doctoribus.*

\* Id ipsum praticari in variis Diœcesibus, testatur Engel apud Franciscum Schmier *Lib. 1. Jurisprud. tract. 4. c. 2. sect. 2. §. 3.* quam sententiam sub allegatis supra conditionibus etiam ipsemet citatus Auctor defendit, quamvis non desint tenentes oppositum extra ipsos Regulares subditos, prout videri poterit apud La Croix *Lib. 6. part. 2. num. 2190.* ubi præter Concil. Trident. Sess. 23. *de Reform. cap. 10* tantummodo concedens Abbatibus conferre Tonsuram, & minores Ordines Regularibus subditis, etiam in contra adducit aliquam decisionem Rotæ confirmatam a Summo Pontifice die 17. Januarii Anno 1662.\*

§ 6. CONCL. II. Episcopus alienum subditum sine Litteris Dimissoriis licite non ordinat, alioquin scienter talem ordinare præsumens, suspenditur a collatione Ordinum per annum, & sic ordinatus ab executione Ordinum susceptorum. Ita Concilium Trid. Sess. 23. *cap. 8. de Reform.* ubi ait: *Unusquisque a proprio Episcopo ordinatur, &c. Si secus fiat, ordinans a collatione Ordinum per annum, & ordinatus a susceptorum Ordinum executione, quamdiu proprio Ordinario videbitur expedire, sit suspensus.*

§ 7. Porro quatuor modis censetur quis subditus Episcopi, quantum sufficit ad Ordines recipiendos. I. Ratione originis: unde potest quisque ordinari in loco, ubi natus est, licet postmodum alibi domicilium, aut Beneficium possederit, dummodo parentes tempore Nativitatis suæ ibidem domicilium habuerint. II. Ratione domicilii. Sic recipiuntur Ordines ab Episcopo, in cujus Diœcesi ordinandus habitationem perpetuam constituit. Dicitur notanter, *perpetuam*: nam non sufficit habitatio tantum temporalis in tali loco, v. g. Studiorum causa, aut hujusmodi. III. Ratione Beneficii. Et hinc ordinari quis potest ab Episcopo, in cujus Diœcesi Beneficium possidet, ut dicitur c. *Cum nullus, de temporib. Ordination. in 6.* IV. Ratione triennalis familiaritatis, seu commensalitatatis cum Episcopo. Proinde poterit Episcopus ordinare sibi alias non subditum, qui per triennium in ipsius familia, sive servitio, sumptibus ipsius, & ita quasi commensalis

salis fuit, dummodo statim re ipsa Beneficium illi conferat; prout habetur in Conc. Trid. Sess. 23. cap. 9. de Reform.

\* Hos quatuor modos, quibus aliquis respectu collationis Ordinum fit subditus Episcopi, fufius cum suis clausulis adducit Innocentius XII. in sua Constitutione: *Speculatores Domus Israel &c.* edita 4. Novembris, anno 1694. & in suo Bullario Ordine 44. quam Bullam Auctor præfens P. Reiffenstuel in Jure Canonico Lib. 1. Decret. tit. 11. §. 4. magis declarat, addendo de expositis publice, quorum parentes ignorantur, eosdem posse ordinari ab Episcopo loci; in quo expositi reperiuntur; supposito, quod non constet de illa Diœcesi, in qua naturaliter nati fuere: prout facile fieri poterit in confinibus duarum ad invicem Diœcesium.

Quæres, quisnam Episcopus Clericos, qui sunt nullius Diœcesis, item Regulares debeat ordinare? Resp. I. Quoad Clericos nullius Diœcesis, si cæterquin alio speciali extraordinario privilegio muniti non sunt, ordinatio spectat ad Episcopum, intra cujus Diœceseos fines locus ille situs est. Quodsi locus iste foret omnino extra dictos fines, ordinatio pertineret ad Episcopum illum, cujus Ecclesia Cathedralis est proximior. Ita ex Fagnano cap. Significasti. Lib. 1. Decret. num. 23. deducunt Felix Potestas Tom. 3. Examinis, num. 29. & Sabinus Bononiensis. part. 2. tract. 48. num. 42.

Resp. II. Quoad Regulares, si Episcopus loci, ubi morantur de familia, abfuerit, vel tempore præfixo ordinationes non habuerit, possunt hi ordinari a quocumque alio, dummodo in Dimissorialibus Superiores Regulares expresseverint, quod in loco, in quo ordinandi alias degunt de familia, ob absentiam Episcopi, vel alia ex causa ordinationes non fiant eo tempore. Ita cum aliis Matthæucius in Officiali Curie Ecclesiasticæ cap. 35. num. 2. quoad ordines. Et adducitur desuper a P. Reiffenstuel Lib. 1. Decret. tit. 11. n. 133. speciale Decretum Sac. Congregationis confirmatum a Clemente VIII. die 15. Mensis Martii Anno 1596. in emergentia casus ibi videndum.

Ast ponamus, quod Episcopus loci, in quo dicti Regulares degunt de familia, ipsemet habeat pro eo tempore ordinationes, poteruntne hoc non obstante præfati Regulares exempti ordinari ab alio Episcopo, v. g. ab illo, qui est vicinior alteri alicui ejusdem Ordinis Monasterio, ubi ex licentia suorum Superiorum sunt celebraturi Primitias? Ad hoc quæsitum Pater Reiffenstuel loc. cit. num. 136. si Regulares fuerint exempti, respondet affirmative, ac conatur ibidem id probare ex Concessione Clement. VIII. die 23. Novemb. 1596. facta Congregatione S. Joannis Evangelistæ in Portugallia, cum qua alii exempti quoad privilegia communicant. Loquendo quoad Hispaniam, quando Summus Pontifex Innocentius XIII. in sua Bulla *Apostolici Ministerii &c.* edita 13. Maji anno 1723. præcipit, ut Regulares ordinentur ab Episcopo loci, supposito, quod habeat Ordinationes, expresse quoad prædicta excipit Regulares illos, quibus per speciale privilegium a Sede Apostolica post Concilium Tridentinum fuit concessum, ut a quolibet Catholico Antistite Ordines suscipere possint: quam Bullam confirmavit Be-

nedictus XIII. per aliam *In superno militantis Ecclesia &c.* editam 23. Septembris anno 1724.\*

### Q U Æ S T I O. V.

Solvuntur varia Quæsitæ circa Sacramentum Ordinis.

### S U M M A R I U M.

58. Ordines, quo tempore sint conferendi?
59. Præsertim Sacri?
60. Quid de Ordinibus minoribus?
61. An Ordines minores possint eodem die recipi?
62. Quid de majoribus?
63. Ordines minores, an recipi possint cum Subdiaconatu?
64. Sine titulo, an possit quis ordinari? Titulus, quid?
65. Quid de Ordinibus minoribus?
66. Ejusmodi titulus, quotuplex?
67. An requiratur contactus physici materia Ordinis?
- (k) Ut dictum Tract. 1. Distinct. 3. num. 57. & 58.
68. Præsertim ad valorem Sacramenti Ordinis.
69. Declaratur hoc amplius.

58. **Q**Uæritur I. Quo tempore sint conferendi Ordines? Resp. I. Circa hoc Concilium Trident. loc. cit. cap. 6. sic statuit: *Ordinationes Sacrorum Ordinum statutis a Jure temporibus publice celebrentur.* Hæc ibi.

59. Resp. II. Sacri Ordines in Sabbatis quatuor Temporum, & in Sabbato præcedente Dominicam Passionis, & Sabbato Sancto conferri debent. Intellige, nisi speciatim Summus Pontifex licentiam concesserit, ut sacri Ordines quibusdam extra prædicta tempora conferri possint.

\* Dixi notanter, nisi speciatim Summus Pontifex licentiam concesserit. Talis autem licentia recipiendi sacros Ordines etiam extra dicta tempora tam ante, quam post Concilium Trident. videtur ab aliquot Pontificibus concessa Regularibus exemptis, prout videri poterit in Jure Canonico Lib. 1. Decret. tit. 11. num. 43. & seqq. Scio equidem, quod adversæ sententiæ Patroni etiam novissime desuper litem moverint, impugnando subsistentiam hujus privilegii post Concilium Tridentinum; ast noster Joannes Preti a Consentia Eminentissimi Cardinalis, ac Legati ex latere Ducatus Ferrariensis Piazza Theologus in sua Epistola ad illustrissimum Episcopum Comacensem directæ, & Ferrariæ 1715. impressa valorem ejusdem fuisse, & Canonice probat, ac post Concilium Trident. privilegium quoddam de Ordinatione extra tempora ab Urbano VIII. anno 1621. die 30. Julii concessum nostro Procuratori Generali Ordinis adducit, quod petitum fuit non ex necessitate, sed ad majorem (ut fuerat dictum) cautelam pro suis Religiosis commorantibus in Indiis. Videatur Sabinus Bononiensis in sua Luce Morali part. 2. tract. 48. num. 48. Accedit novissime Concilium Provinciale Romanum sub Benedicte XIII. anno 1725. celebratum, ubi tit. 5. cap. 11. leguntur sequentia formalia: *Quod vero ad Regulares, Privilegia a Summis Pontificibus habentes, sive expresse, sive per viam Communicationis concessa, sacros videlicet Ordines extra tempora suscipien-*



ceptiendi : cum privilegia ipsa in suo robore persistant, nec iis derogatum fuisse constet, decernimus proinde, Regulares eisdem absque novo Indulto Apostolico tuto posse extra tempora ordinari. \*

60. Resp. III. Ordines minores possunt conferri non solum in supra dictis Sabbatis Ordinationum, sed etiam singulis Dominicis, Festivisque diebus. Ita habetur c. *De eo autem, de Temp. Ordinatus*. ac in Pontificali Romano.

61. Quæritur II. An possint plures Ordines eodem die suscipi? Resp. I. Quamvis Concilium Trident. *loc. cit. cap. 11.* velit, Ordines minores per temporum interstitia, nisi aliud Episcopo expedire magis videatur, conferri debere : consuetudine tamen in pluribus locis receptum est, ut eodem die, ac eadem Ordinatione quatuor Ordines minores simul conferantur. Nam & hoc, præsertim in Diocæsesibus amplioribus, magis expedire visum est.

62. Resp. II. Duo sacri Ordines eodem die nulli sunt conferendi, ne quidem Regularibus. Ita Concilium Trid. *loc. cit. cap. 13.* Quod rursus intelligendum, nisi id fiat de speciali licentia Summi Pontificis.

63. Resp. III. Stando Juri communi, non possunt quatuor Ordines minores, simul cum Subdiaconatu recipi. Patet hoc ex c. *Litteras*, & c. *Dilectus*. de tempor. *Ordinatus*. juncto Concilio Trident. *Sess. 23. cap. 11. de Reform.* dicitur : *stando Juri communi* : siquidem consuetudinem illam, qua in quibusdam locis eodem die cuipiam quatuor Ordines minores una cum Subdiaconatu conferuntur, recte admittunt Navarrus *cap. 25. Manual. num. 7.* Engel *tit. de Temp. Ordinatus. n. 19.* & alii.

64. Quæritur III. An sine Titulo possit quis ordinari, & quotuplex sit Titulus? Resp. I. Per Titulum in proposito intelligitur Beneficium Ecclesiasticum, vel aliud medium sese honeste sustentandi. Cum enim non deceat, ut Clerici, Divinis Officiis specialiter adscripti, cum Ordinis dedecore mendicent, aut sordidum aliquem quæstum exerceant ; ideo nemo ad sacros Ordines admittendus est, nisi ejusmodi Titulum, seu medium sese honeste alendi, possit ostendere : prout tum c. *Neminem*, & c. *Sanctorum*, *dist. 70.* ac alibi tum in Concilio Trid. *Sess. 21. cap. 2. de Reform.* expressè habetur.

65. Dicitur, *ad Sacros Ordines* : nam ad Ordines minores non requiri Titulum, tenet communis Doctorum, ac praxis Ecclesiæ. Ratio est : quia Clerici in Minoribus constituti, si se Clericaliter sustentare nequeant, libere possunt nubere, aliaque negotia secularia exercere. Et hinc Concilium Trid. *loc. cit.* notanter prohibet solum, ne quis sine Titulo *ad Sacros Ordines promoveatur*.

66. Resp. II. Cum Bonacina *disp. 3. de Sacram. Ordinis, quæst. un. punct. 5. num. 31.* & aliis, ejusmodi Titulum esse triplicem. Primus, est Beneficii Ecclesiastici, dum tale quis pacifice possidet. Secundus Titulus, est Patrimonii, vel Pensionis : ut tamen ad hunc Titulum Patrimonii, vel Pensionis, quis ordinari possit, requiritur insuper, quod Episcopus judicet, talem pro utilitate vel

commoditate Ecclesiarum suarum esse assumendum, illudque Patrimonium, vel Pensionem, & ad vitam sustentandam sufficiens esse, & vere ab ipso obtineri ; ut statuit Concilium Trid. *loc. cit.* Tertius Titulus est Paupertatis, seu Professionis Religiosæ : Siquidem Religiosi Professi, utpote propter Christum omnia sua relinquentes, nihilque proprium in hoc Mundo possidentes, ordinantur ad Titulum Paupertatis, juxta Pontificale Romanum, §. *De Ordinatione Subdiaconi*. His juxta praxin, atque antiquam consuetudinem Germaniæ, & quarundam aliarum Regionum, addi potest Titulus Mensæ. Sed de hoc, utpote consuetudine solum introducto, Jura mentionem non faciunt ; fusius tamen de ipso disserit Ludov. Engel, in *Collegio Juris Canonici lib. 1. tit. 14. & seqq.*

67. Quæritur IV. An pro susceptione Ordinum sufficiat contactus moralis materiæ sibi per Episcopum porrectæ, dum quis v. g. solam manum Episcopi, vel alterius simul ordinati tangit, non vero ipsam materiam ; vel an requiratur etiam contactus physicus, seu immediatus ipsius materiæ ? Resp. I. Quantum est de necessitate præcepti, ac in praxi, diligenter curandum est, ut ipsamet materia Ordinis, v. g. Liber Evangeliorum, Calix cum Patena &c. ab ordinandis physice ac realiter attingatur. Ratio est : tum quia Rubricæ Pontificalis hoc præscribunt, quæ proinde sunt observandæ. Tum quia in Sacramentis tutior pars, quantum fieri potest, est eligenda : (&) multi autem Doctores, ut D. Thomas, Cajetanus, Paludanus, alique plures, quos citat Layman *lib. 5. tract. 9. cap. 5. num. 8.* existimant, contactum physicum ac realem materiæ requiri ad substantiam & valorem Sacramenti Ordinis.

68. Resp. II. Nihilominus probabilius est, ad valorem Sacramenti Ordinis sufficere solum contactum moralem materiæ remotæ Ordinationis. Ita Layman *loc. cit.* Gobat *tract. 8. Theolog. Experim. num. 77.* estque communior Doctorum. Ratio est : quia per solum contactum moralem jam verificatur verbum illud formæ, *Accipe potestatem &c.* ab Episcopo prolatum. Deinde tam stricta necessitas contactus physici materiæ ad validitatem Ordinis, ex nulla Lege, vel claro textu constat ; ergo non est asserenda.

69. Addit tamen non immerito Mastrius *disp. 19. Theolog. Moral. num. 26.* hoc intelligendum esse de tali contactu morali, quo quis saltem mediate tangit materiam Ordinis, tangendo v. g. manum Episcopi materiam porrigentis : nam sola ostensio, seu porrectio materiæ ; absque ullo contactu physico, saltem mediato, non videtur sufficere : Unde & Clemens VIII. aliquos sic ordinatos, sub conditione reordinari præcepit, prout citatus Mastrius refert.

\* Plura adhuc circa præsentem materiam possent subjungi, sed quia jam fusius fuerunt pertractata in Jure Canonico *Lib. 1. Decret. tit. 11. item tit. 14. usque ad tit. 22.* hinc emergente particulari dubio illuc Lector remittitur. \*

DISTIN.

## DISTINCTIO XIII.

## De Sacramento Matrimonii.

## QUÆSTIO I.

Quid, & quotuplex sit Matrimonium, & quæ Bona ipsius?

## SUMMARIUM.

1. *Matrimonium dicitur magnum Sacramentum, cur?*  
*Unde derivetur?*
2. *Appellatur Conjugium, Connubium, Nuptia; & hæc proprie quid?*  
*Ac Sponsalia de præsen:ti.*
3. *Hæc tria, Matrimonium, Contractus Matrimonii, & Sacramentum Matrimonii, distinguuntur.*
4. *Matrimonium, quid?*  
(a) De hoc infra Quæst. 5. per totum.
5. *Matrimonium dividitur in Legitimum,*
6. *Ratum, &*
7. *Consummatum, & quid?*
8. *Matrimonium, est Sacramentum novæ legis.*
9. *Quando id a Christo institutum sit?*
10. *Qua ratione jam antea fuerit institutum?*
11. *Olim non fuit Sacramentum, neque de facto est inter Infideles.*
12. *Bona Matrimonii, quæ?*
13. *Alia ejus bona sive effectus.*  
(b) Ut dictum Tract. 14. Dist. 2. num. 5. & seqq. ac num. 15.

1. **M**atrimonium, quod communiter postremo inter novæ legis Sacramenta loco tractatur, a D. Apostolo, ad Ephes. 5. *Magnum Sacramentum* appellatur. Non quidem in eo sensu, quasi sit omnibus aliis novæ Legis Sacramentis præstantius: sed dicitur *Magnum Sacramentum* ratione suæ significationis, eo quod significet conjunctionem Christi cum Ecclesia; prout idem Apostolus *loc. cit.* exponit, de Matrimonio Fidelium sic loquens: *Sacramentum hoc magnum: ego autem dico in Christo & in Ecclesia.* Porro *Matrimonium*, juxta nominis etymologiam, derivatur a *τῆ matris*, & *munium*, id est, officium: quasi diceretur *matris munium*, eo, quod matri maxime incumbat officium nutriendæ proles, quæ est finis primarius Matrimonii.

2. Matrimonii varia sunt nomina: quandoque enim dicitur *Conjugium*, eo quod virum ac mulierem sub uno, eodemque quasi mutuo jugo ad servandam fidem; & onera matrimonii sustinenda constituat. Insuper appellatur *Connubium*, & quandoque *Nuptia*; eo quod antiquitus pudoris gratia se puellæ obnuberent, seu faciem velarent, dum viris dabantur; exemplo Rebeccæ, de qua idipsum legitur Gen. 24. & notatur c. *Nec illud* 30. *quæst. 5.* Hodie tamen per *Nuptias* proprie intelligitur ipsamet solemnitas, seu pompa exterior, quæ in contractu matrimoniali communiter adhiberi solet. Et hinc tempore Adventus, & Quadragesimæ, prohibentur celebrari *Nuptiæ*, hoc est (ut loquitur Concilium Trident. *Sess. 24. Can. 11.*) *Solemnitas Nuptiarum*; quamvis quocumque tempore Matrimonium contrahatur, c. *Capellanus, de Feriis.* Tandem Matrimonium solet nonnunquam dici *Sponsalia de præsen:ti*: Verum tamen sub his potius intelligitur ipse contra-

ctus matrimonialis, per verba præsentis temporis initus. Quod ut melius intelligatur,

3. Advertendum cum Doctore Subtili 4. *dist. 26. quæst. un. §. de quinta*, tria in Matrimonio distinguere debere: siquidem aliud est Matrimonium, & aliud Contractus Matrimonii, & aliud Sacramentum Matrimonii. *Matrimonium* est illa obligatio mutua, seu vinculum illud, quo conjuges inter se mutuo indissolubiliter obligati permanent: & sic sumitur communiter Matrimonium absolute prolatum. *Contractus Matrimonii* est ille mutuus actus voluntatum, signis exterioribus sufficienter declaratus, quo conjuges contrahunt *Sponsalia de præsen:ti*. Et iste contractus Matrimonii habet se in ordine ad Matrimonium priori modo sumptum, sicut causa ad effectum; siquidem vinculum Matrimonii causatur, & oritur ex contractu ipso Matrimonii. Tandem *Sacramentum Matrimonii* aliud non est, quam ipsum septimum novæ Legis Sacramentum, seu signum sensibile, ex Christi institutione in digne contrahentibus causans gratiam ex operato. His prænotatis, sit

4. CONCL. I. *Matrimonium* est legitima maris ac fœminæ conjunctio, individuum vitæ consuetudinem retinens. Ita communis; & habetur tum c. *Illud*, §. *fin. de Presumpt. tum §. 1. Inst. de Patria potestate*. Siquidem Matrimonium non ad tempus dumtaxat, sed quantum est ex natura contractus, & quoad propositum seu intentionem contrahentium, debet contrahi in perpetuum, si ve pro toto vitæ tempore, quidquid sit, an in certis casibus, atque auctoritate Divina, denuo possit dissolvi, nec ne. (a)

5. CONCL. II. Matrimonium recte dividitur in legitimum, ratum, & consummatum. Ita communis. *Matrimonium legitimum* dicitur illud, quod legitimo consensu inter personas habiles, seu jure non impeditas, constitutum est. Et dicitur *legitimum*, quia juxta Leges factum est. Et tale Matrimonium datur non solum inter Fideles baptizatos, sed etiam fuit olim ante Christi adventum, daturque de facto inter Infideles, qui legitime, id est, absque ullo impedimento dirimente, Matrimonium contrahunt.

6. Matrimonium ratum in se includit legitimum, addit vero rationem Sacramenti, per quod majorem firmitatem acquirit: unde illud dicitur *Matrimonium ratum*, quod non solum legitimo modo est contractum, sed insuper est Sacramentum, nondum tamen consummatum. Et tale Matrimonium ratum datur dumtaxat inter Fideles baptizatos, non vero inter Infideles; sicut habetur c. *Quanto, de Divortii*, ibi: *Et si Matrimonium verum inter Infideles existat, non tamen est ratum: inter fideles autem verum, & ratum existit.*

7. Tandem *Matrimonium consummatum* dicitur, quod accedente reali corporis usu, seu copula carnali inter conjuges est completum, & consummatum.

8. CONCL. III. Matrimonium inter Fideles baptizatos contractum, est unum ex septem novæ Legis Sacramentis, a Christo Domino institutum. Ita Fides Catholica; estque definitum non solum in Concilio Florentino, sed etiam Trid. *Sess. 24. Can. 1.* ibi: *Si quis dixerit, Matrimonium non esse vere & proprie unum ex septem novæ Legis Sacramentis*

mentis a Christo Domino institutum, sed ab hominibus in Ecclesia inventum; neque gratiam conferre: anathema sit. Idem probatur ex perpetua traditione, ac sensu Ecclesiæ.

9. Quæres, quo tempore Christus instituerit hoc Sacramentum? Resp. cum Scoto 4. dist. 26. §. de primo, Sanchez lib. 2. de Matrim. disp. 4. n. 5. & aliis, verisimilius id contigisse tunc, quando Christus Matth. cap. 19. approbavit contractum Matrimonii, eo modo, quo primitus a DEO institutus fuerat Genes. cap. 2. & subjunxit: *Quod Deus conjunxit, homo non separet.* His liquidem verbis Christus Dominus, ut Auctor Legis Evangelicæ, videtur elevalle contractum matrimonialem ad rationem Sacramenti: ita ut *to Quod DEUS conjunxit*, denotet, DEUM non præcise instituisse contractum matrimoniale, sed conjunxisse ex tunc gratiose per institutionem Sacramenti, concomitantis illum contractum matrimoniale: nam alibi planius non invenitur institutio hujus Sacramenti.

10. Dices: Matrimonium a Deo fuit institutum jam ab initio Mundi, & in statu Innocentiæ, Genes. cap. 2. ergo non primum post Adventum Christi Domini in carne passibili. Resp. distinguendo antecedens: Matrimonium fuit institutum jam ab initio Mundi, in ratione contractus indissolubilis, atque in ordine ad officium naturæ, & legitimam propagationem generis humani, conceditur: in ratione Sacramenti, hoc est, signi efficacis digne recipientibus conferentis gratiam ex opere operato, negatur antecedens; & eodem modo distinguitur consequens.

11. CONCL. IV. Matrimonium in lege veteri, sicut & Matrimonium inter Infideles de facto contractum, non obstante quod sit legitimum, atque validum in ratione contractus, nihilominus non fuit, neque est Sacramentum. Ita communis. Tum quia Matrimonium est unum ex septem novæ Legis Sacramentis, a Christo Domino institutum, uti definivit Concilium Florentinum in Decreto Unionis, ac Tridentinum Sess. 7. can. 1. & Sess. 24. can. 1. Tum quia Baptismus est janua omnium Sacramentorum Legis Evangelicæ; & consequenter, quotquot necdum fuerunt baptizati, existunt incapaces ipsorum.

12. Quæres, quæ sint Bona Matrimonii? Resp. breviter cum Magistro Sententiarum 4. dist. 31. & communi Theologorum. Tria principaliter sunt Bona Matrimonii, videlicet Fides, Proles, & Sacramentum. In Fide attenditur, ne post vinculum conjugale cum alio, vel alia coëatur. In Prole, ut amanter suscipiatur, & religiose educetur. In Sacramento, ut conjugium non separetur; & dimissus, vel dimissa, nec causa prolis alteri conjugatur. Concordat Concilium Florentinum loc. cit. ubi ait: *Tria sunt bona Matrimonii. Primum, proles suscipienda, & educanda ad Cultum DEI. Secundum fides, quam unus conjugum alteri servare debet. Tertium, indivisibilitas Matrimonii, propter hoc, quod significet indivisibilem conjunctionem Christi, & Ecclesiæ.*

13. Et hæc intelligenda sunt de tribus peculiaribus, & principalibus bonis sive effectibus Matrimonii. Tum quia illud habet alios quosdam effectus minus principales, utputa remedium vi-

tandæ incontinentiæ post lapsum, juxta illud Apostoli 1. Corinth. 7. *Melius est enim nubere, quam uri*, & hujusmodi. Tum quia Matrimonium ut Sacramentum confert gratiam ex opere operato (b); quamvis hic effectus sit communis omnium Sacramentorum, & non peculiaris soli Matrimonio.

## QUÆSTIO II.

De Materia, Forma, & Ministro Sacramenti Matrimonii.

### SUMMARIUM.

14. *Materia remota, & proxima Sacramenti Matrimonii?*
15. *Forma Sacramenti Matrimonii, quæ?*
16. *An id mutus, & surdus, contrahere valeat?*
17. *Natus, & signa, cur pro forma sufficiant in hoc Sacramento, & non in aliis?*
18. *Minister ejus, sunt ipsi contrahentes.*
19. *Solvitur instantia.*
20. *An contrahentes in statu malo, committant duplex peccatum mortale?*  
(c) Concordant dicta Tract. 14. Dist. 1. n. 45.
21. *Parochus assistens Matrimonio, proprie non est ejus minister.*
22. *Assistit solum ut Testis auctorizabilis.*  
(d) Plura de hoc infra Dist. 14. num. 134. 136. & seqq.
23. *Quomodo proferat certa verba?*
24. *Hæc non requiruntur ad valorem Sacramenti.*  
(e) Ut dicetur Dist. 14. n. 137.  
*Parochus assistens, an possit dici Minister secundarius?*
25. *An peccet moraliter assistens in statu malo?*
26. *Matrimonium, an possit contrahi per Procuratorem?*

14. CONCL. I. *Materia remota* Sacramenti Matrimonii, sunt corpora habilia contrahentium; *Materia proxima* vero, est ipsamet legitima traditio mutua corporum in ordine ad generationem prolis. Ita Scotus 4. dist. 26. *Matth. disp. 20. Theol. Moral. num. 9. & 10. & alii passim.* Ratio est: quia Christus instituens hoc Sacramentum, in nullo penitus immutavit naturam contractus matrimonialis, sed eum dumtaxat ad statum Sacramenti evexit; ergo eadem est materia hujus Sacramenti, quæ contractus: atqui materia contractus matrimonialis, sunt corpora contrahentium, generaliter enim materia cujuslibet contractus est res illa, de qua contrahitur; ergo. Cæterum, quod traditio legitima corporum sit materia proxima hujus Sacramenti, probatur a simili: sic quippe etiam in Sacramento Ordinis, traditio materiæ remotæ censetur esse materia proxima ipsius; ergo idem dicendum in proposito.

15. CONCL. II. *Forma Sacramenti Matrimonii* sunt ipsorum contrahentium verba, vel alia signa externa verbis æquivalentia, & mutuum consensum internum, atque traditionem illam corporum sufficienter exprimentia. Ita communis. Tum quia & in cæteris Sacramentis forma consistit in verbis. Tum quia generatim forma contractuum solent esse verba, vel alia signa verbis æquivalentia, quæ sufficienter exprimunt internum consensum contrahentium.

Kkkk

16. Ad-

16. Additur, *vel alia signa verbis æquivalentia*. Quia mutus, etsi loqui non valeat, nihilominus Matrimonium contrahere potest. *Cum, quod verbis non potest, signis valeat declarare*, ut dicitur c. *Cum apud, de Sponsalibus*. Ubi Pontifex hoc ipsum admittit de muto & surdo, dummodo hic sit compos rationis, & sufficienter intelligat, quid agatur.

17. Nec obstat, quod in Baptismo, & aliis Sacramentis novæ Legis, pro forma requirantur verba proprie dicta, neque sufficiant nutus, aut alia signa verbis æquivalentia. Disparitas enim est: quia Sacramentum Matrimonii est institutum a Christo per modum contractus, quinimo ipsemet legitimus contractus matrimonialis ad statum Sacramenti elevatus; ergo, cum cæteroquin ad contractum huiusmodi sufficiant signa verbis æquivalentia, non mirum, quod hæc etiam sufficiant ad Sacramentum Matrimonii. Secus fit in aliis Sacramentis, utpote quæ non fuerunt instituta a Christo per modum contractus.

18. CONCL. III. Minister Sacramenti Matrimonii, proprie sunt ipsimet contrahentes; ambo quidem adæquate, singuli autem inadæquate. Ita communis, ac præsertim Scotus 4. *dist.* 26. §. *de ministro*, ubi ait: quod ipsimet contrahentes ministrant sibi hoc Sacramentum, vel mutuo, vel uterque sibi: integrant tamen unum ministrum, sicut idem prius dixerat de forma. Ratio est: quia ille est minister huius Sacramenti, qui est minister contractus matrimonialis, utpote quem Christus elevavit ad rationem supernaturalem Sacramenti: atque minister illius contractus, sunt ambo contrahentes; ipsi enim per mutuum consensum faciunt contractum; ergo.

19. Dices: Laicis, ac præsertim scæminis, non competit administratio Sacramentorum; ergo non videtur, quod contrahentes sint minister huius Sacramenti. Resp. antecedens esse verum dumtaxat de illis Sacramentis, quæ requirunt ministrum consecratum, non autem de Matrimonio, utpote quod non requirit ministrum consecratum. Accedit, quod in casu necessitatis possit scæmina baptizare: unde patet, non omnia Sacramenta requirere Ministrum consecratum, quamvis reliqua quinque talem requirant.

20. Urgebis: Si contrahentes sunt minister huius Sacramenti; ergo ipsi, si in statu peccati mortalis contrahant, duplex committent peccatum mortale; unum quidem, quatenus indigne recipiunt hoc Sacramentum, ut omnes fatentur; & alterum, quatenus indigne ministrant sibi ipsis hoc Sacramentum: consequens videtur absurdum, & contra communem sensum hominum; ergo. Respondent non pauci, concessa sequela, ob rationes allatas, negando minorem. Sed iis non obstantibus, Sanchez *lib. 2. de Matrim. disp.* 6. *num.* 4. verius esse censet, tales non committere peccatum mortale, sed dumtaxat unum, in quantum videlicet hoc Sacramentum indigne suscipiunt; non autem, quatenus illud indigne ministrant: cum non sint ministri ad id munus specialiter consecrati, sed potius illud sibi invicem ministrent ex necessitate quadam, eo quod non nisi per mutuum contrahentium consensum perfici queat. (c)

21. CONCL. IV. Parochus, vel alius Sacerdos de ejusdem licentia, juxta præscriptum Concilii Trident. *Sess.* 24. *cap.* 1. *de Reform. Matrim.* assistens Matrimonio, illudque benedicens, proprie non est minister huius Sacramenti, sed potius assistit ut Testis auctorizabilis. Ita Fagnanus c. *Quod nobis, num.* 54. *de Clandest. desponsat.* & alii. Ratio est: quia Matrimonium clandestinum, aut celebratum sine præsentia Parochi, olim erat validum, & ratum, atque de facto est tale in locis, ubi citatum Decretum Concilii Tridentini numquam fuit publicatum, aut receptum; ergo hoc ipso Parochus non est minister: nam sine ministro Sacramentum confici nequit.

22. Sequitur proinde, quod Parochus, vel alius Sacerdos de ejus licentia assistens Matrimonio, proprie non sit minister huius Sacramenti, sed dumtaxat testis auctorizabilis illius: hoc est, talis, qui nomine, atque auctoritate Ecclesiæ assistere, & cæteroquin in contrahentes habere debet jurisdictionem specialem, vel saltem ab habente istam recepisse licentiam assistendi, ut, si secus fieri contingeret, contrahentes per Concilium Tridentinum redditi fuerint omnino inhabiles ad sic contrahendum. (d)

23. Dices: Parochus, aut ille alius Sacerdos juxta præscriptum Concilium Trid. *loc. cit.* dici ad virum & mulierem, mutuo eorum consensu intellecto: *Ego vos in Matrimonium conjungo in nomine Patris, & Filii, & Spiritus Sancti*: vel saltem aliis utitur verbis, juxta receptum cujusque Provinciæ Ritus; ergo est minister, utpote proferens huiusmodi formam. Resp. negando consequentiam: nam verba ista non proferuntur a Sacerdote per modum formæ (hæc enim sunt verba, vel signa verbis æquivalentia ipsorum contrahentium) sed adhibentur solum per modum cujusdam precationis, ac Ceremoniæ Ecclesiasticæ, qua confirmatur, approbatur, atque in facie Ecclesiæ rata habetur illa mutua traditio, & acceptatio corporum.

24. Interim huiusmodi verba non necessario requiruntur ad valorem Sacramenti: subsisteret enim Sacramentum, licet Sacerdos assistens nulum proferret verbum, imo etiam positive contradiceret, (e) ac proinde is proprie non est Minister huius Sacramenti. Dicitur, *proprie*. Nam, si quis cum Gobat *tract.* 10. *Theolog. Exper. num.* 396. & quibusdam aliis, velit dicere, quod Sacerdos utpote ex officio assistens, atque ratificans dictum contractum matrimonialem, sit Minister accidentalis, sive secundarius huius Sacramenti, non est de verbis litigandum, cum constet de re ipsa.

25. Infertur proinde cum Sanchez *cit. disp.* 6. *num.* 5. & aliis, quod Sacerdos in statu peccati mortalis assistens Matrimonio, vel Nuptias benedicens, non peccet de novo mortaliter. Neque enim Sacerdos est minister conficiens hoc Sacramentum: simulque benedictio illa non est Sacramentum, sed dumtaxat quid Sacramentale.

25. Quæres: An Matrimonium possit contrahi per Procuratorem? Resp. affirmative; adeo quidem, quod Matrimonium per Procuratorem, ad hoc



hoc speciale mandatum habentem, contractum inter fideles, habeat veram rationem Sacramenti. Ita Sanchez lib. 2. de Matrim. disp. 11. cum aliis passim. Idque patet ex cap. ult. de Procuratoribus in 6. ubi approbatur Matrimonium celebratum per Procuratorem, ad hoc speciale mandatum habentem (nam generale non sufficit) dummodo is antea non fuerit revocatus, ne quidem ignoranter. Cum igitur Concilium Tridentinum circa hoc nihil inmutaverit: idipsum valebit etiam hoc tempore; & quidem non solum in ratione contractus, sed etiam in ratione Sacramenti, eo quod Christus contractum matrimonialem legitimum inter Fideles elevaverit ad rationem Sacramenti. Accedit praxis, ac sensus ecclesiæ, quæ de facto permittit publice celebrari Matrimonia per Procuratores, ad hoc habentes speciale mandatum, præsertim inter Magnates.

### QUÆSTIO III.

An, & qualis consensus requiratur ad valorem Matrimonii?

#### SUMMARIUM.

27. Ad valorem Matrimonii requiritur liber ac mutuus consensus.
28. Qualis simulatas mutui consensus contrahentium sufficiat?
29. Matrimonium ex metu gravi, ac injuste incusso contractum ipso jure nullum est.
30. Idem dicendum de Sponsalibus.
31. Coacta voluntas est voluntas, quomodo intelligendum?  
(f) Vide Tract. 1. Dist. 1. num. 29. & Tr. 8. Dist. 1. n. 18. & seqq.
32. Quid de metu levi, aut injuste incusso?
33. Metus reverentialis, an irritet Matrimonium?
34. Metus reverentialis, quis?  
Ad eum quandoque accedunt importuna preces, minæ, aut sævitia parentum.
35. Ratio Conclusionis.
36. Consensus parentum non requiritur ad valorem Matrimonii.
37. Decet tamen, eundem requirere, ac obtinere. Alioquin peccatur.
38. Nisi iusta causa excuset.

27. CONCL. I. Ad valorem Matrimonii omnino requiritur liber ac mutuus consensus contrahentium, verbis aut aliis signis exterioribus sufficienter expressus. Ita unanimis Doctorum; atque habetur c. Tua nos, de Sponsal. ubi ob defectum consensus ex parte alterius, matrimonium declaratur esse nullum. Quia (inquit Pontifex) sine consensu cetera nequeunt sedus perficere conjugale.

28. CONCL. II. Et si ad validatem Matrimonii requiratur aliqua simulatas mutui consensus de præsentia ex parte contrahentium, ea tamen non necessario debet esse physica, sed sufficit moralis, qualis sufficere solet ad contractum legitimum, Ita Scotus 4. dist. 26. Maius cit. disp. 20. num. 31. & alii; atque concordant dicta superius Dist. 1. num. 26. & 30. Hinc quippe Matrimonium potest contrahi per Procuratorem, imo & per literas; & consequenter non necessario requiritur simulatas physica consensuum, sed sufficit moralis.

Consentur autem consensus tandiu moraliter perseverare, donec expresse, vel saltem implicite revocetur: quod tum ex intentione ac dispositione contrahentis, tum ex modo consentiendi, ac variis circumstantiis discerni debet.

29. CONCL. III. Consensus metu gravi, atque injuste incusso extortus, non sufficit ad valorem Matrimonii; quinimo istud ex tali metu contractum, est ipso jure nullum tam in Foro externo, quam conscientia. Ita Scotus 4. dist. 29. Sanchez lib. 4. dist. 12. & communis. Idque patet ex c. Veniens, lib. 2. & c. Cum locum, de Sponsalib. ubi Pontifex hujus rationem reddit: quia (inquit) locum non habet consensus, ubi metus, vel coactio intercessit: atqui Matrimonium solo consensu contrahitur: ergo.

30. Et hoc ipsum communior, & probabilior Doctorum, quos citat, & sequitur Sanchez cit. lib. 4. disp. 13. extendit ad Sponsalia de futuro ex metu injusto, & cadente in virum constantem contracta; quod nimirum & ipsa irrita sint ipso jure, sicque non inducant impedimentum Justitiæ publicæ honestatis. Tum quia connexorum idem est iudicium, arg. c. Translato, de Constitut. Tum quia Sponsalia metu contracta, si semel valerent, non possent amplius per sententiam Judicis ex toto, & quoad omnem suum effectum rescindi, cum semper remaneret impedimentum Justitiæ publicæ honestatis: unde cessat hic ratio, quæ militat de aliis contractibus. Accedit textus c. Ex litteris, de Desponsat. impuber. ubi Sponsalia impuberum de præsentia (qualia olim habebant vim Sponsalium de futuro) censentur irrita, & nullius obligationis, eo quod fuerint contracta ex gravi metu, atque a puella invita, & minis parentum impulsâ.

31. Nec obstat illud vulgatum Juris Consultorum: Coacta voluntas est voluntas. Resp. enim, id procedere regulariter loquendo, ac præsertim in Contractibus civilibus, ubi per rescissionem actus, sententia Judicis factam, totum damnum facile recuperabile est. Secus dicendum in Matrimonio, ac Sponsalibus, utpote, si semel valerent, perpetuo inducerent impedimentum justitiæ publicæ honestatis: item & in Professione Religiosa, ac nonnullis aliis (f) ubi ob speciales rationes requiritur omnimoda libertas, neque sufficit voluntas coacta. Idque vel Jure naturali (prout loquendo de matrimonio, censent Doctor Subtilis 4. dist. 29. q. un. §. De secundo, D. Thomas, D. Bonaventura pluresque alii) vel saltem Jure Ecclesiastico, prout volunt quidam alii apud Sanchez loc. cit. disp. 14.

32. Dicitur notanter num. 29. consensus metu gravi. Nam secus dicendum de metu levi: hic enim non sufficit ad invalidandum Matrimonium. Et additur, atque injuste incusso. Si enim metus, cæteroquin gravis, juste incussus fuit, non obstat valori matrimonii: ut v. g. si Episcopus minetur Titio excommunicationem, nisi Bertham, cum qua prius habuit Sponsalia, accipiat in uxorem; aut si Judex sub justis pœnis cogat aliquem ad ducendam puellam, quam defloravit; vel si quis metu gehennæ, sive ob remorsum conscientia adigatur ducere quandam in uxorem, &c. Per hujusmodi enim metum, utpote juste incussum,

non invalidatur Matrimonium. Sanchez lib. 4. de Matr. disp. 13. cum communi. Tandem subditur, *extortus*. Nam dicta in conclusione non solum procedunt, quando revera tempore contractus deerat consensus internus (tunc enim ob defectum interni consensus nullum foret Matrimonium) sed etiam, quando is tunc adest, verum non nisi metu gravi, atque injuste incussio extortus.

33. CONCL. IV. Etsi non pauci probabile esse existiment, metum reverentialem sufficere ad irritandum Matrimonium; nihilominus probabilius est, solam reverentiam erga Majores, sive metum reverentialem, non sufficere ad reddendum Matrimonium irritum, nisi simul accesserint sævitia, vel graves minæ parentum, aut Majorum, vel preces importunæ. Ita Sanchez cit. lib. 4. disp. 6. & 7. Mastrius 4. disp. 7. num. 123. ac seqq. & plures alii, quos citant.

34. Ubi notandum, quod per *Metum reverentialem* hoc loco non intelligatur metus ille, seu verecundia, quæ naturaliter inest filiis respectu parentum, atque aliorum, quibus debetur reverentia: sed in proposito ille censetur *Metus reverentialis*, quando filius animo prorsus repugnante, & quasi coactus, consentit in Matrimonium sibi a Patre oblatum, non audens præ pudore ac reverentia contradicere, timendo, ne Patrem offendant, aut alium, cui debetur reverentia. Et ad hujusmodi Metum reverentialem quandoque accedunt frequentes, ac importunæ preces, vel blanditiæ parentum, ut si parentes assidue, atque importune sollicitent filium de tali ineundo Matrimonio, aut ad hoc obtinendum sæpius etiam blanditias adhibeant. Quandoque vero Metui reverentiali superveniunt graves minæ, vel etiam sævitia parentum: ut dum imperio parentis, aut Superioris, junguntur verbera, vel mala tractatio, asperitas vultus, graves minæ diminuendæ v. g. hæreditatis, quas ille creditur executurus; aut quando timetur diu duratura indignatio parentis, vel alterius personæ, a qua plurimum pendet fortuna filii. His prænotatis,

35. Probatur Conclusio. Quia solus Metus reverentialis, nisi minæ, verbera, aut alia hujusmodi adjungantur, non cadit in constantem virum; ergo nec annullat contractum matrimoniale. Secus dicendum, si ad ejusmodi Metum reverentialem accedant sævitia, vel graves minæ parentum, aut Majorum: tunc enim merito censetur ejusmodi Metus esse cadens in virum constantem, eo quod ab his admodum pendeat fortuna filiorum, etiam per totum quandoque vitæ decursum. Et hoc idem dicendum de precibus importunis (per has intelligendo non quascunque preces, sed eas solum, quæ sunt instantissimæ, sæpiusque repetitæ, ac inculcatæ) si sunt conjunctæ Metui reverentiali. Siquidem ex una parte ejusmodi importunitas parentum, vel Majorum petentium, valde urget, vexat, quin & subiectos quandoque opprimit; ex altera vero parte reverentia eis petentibus debita, timorque ipsos offendendi, haud leviter instat. Ergo non immerito ambæ hujusmodi causæ simul conjunctæ, censentur efficere Metum cadentem in virum constantem:

nam, *quæ non profunt singula, multa juvant*, arg. l. *Instrumenta*, C. de Probation. juncta Glossa ibidem.

36. CONCL. V. Quamvis omnino decens sit, & conveniens reverentiæ parentibus debitæ, ut filii Matrimonium inituri, consensum parentum reverentialiter requirant: nihilominus ad illius valorem consensus parentum, vel Curatorum, absolute loquendo, non est necessarius. Conclusio quoad alteram partem desumitur ex S. Scriptura, *Tobia*, c. 7. ubi Tobias junior de consilio Angeli, sine parentum scitu, & assensu, legitimum Matrimonium contraxisse legitur. Concordat textus c. *Sufficiat*, 27. *quest.* 2. ubi Glossa notat, quod in Matrimonio consensus parentum *requiritur ex honestate, non ex necessitate*. Idipsum novissime declaravit Concilium Trid. *Seff.* 24. de *Reform. matrim.* cap. 1. ubi eos *anathemate damnat, qui falso affirmant, Matrimonia, a filiis familias sine consensu parentum contracta, irrita esse, & parentes ea rata, vel irrita facere posse*.

37. Cæterum prior pars, videlicet, quod filii Matrimonium celebraturi, parentum, aut (iis jam defunctis) Curatorum consensum, si fieri poterit, ex decencia, reverentia, & honestate requirere, atque obtinere debeant, est certa. Nam ipsamet ratio naturalis, & regula humani convictus plane demonstrant, quod proles inconsultis, aut rationabiliter invitis parentibus, rem adeo gravem, & unde totius vitæ institutum pendet, aggredi non debeant. Atque ideo proles sine consilio, ac consensu parentum contrahentes, nisi justa causa speciali excusentur, non carent omni culpa. Imo non pauci Doctores, quos citat, atque (loquendo de non adhibito parentum consilio) sequitur Sanchez citat. lib. 4. *disput.* 23. num. 9. & 10. censent, id esse peccatum mortale; cum sit res gravis, & multis periculis exposita. Verum alii peccatum dumtaxat veniale in hoc agnoscunt, eo quod filius, cæteroquin ingenuus, in electione status sui juris: dummodo non concurrant aliæ circumstantiæ, ob quas etiam mortaliter in hoc delinqui potest; utputa si ex talibus nuptiis essent oritura jurgia, dissensiones, scandala, &c. Heri-nex disp. 3. de Matr. num. 8. citans alios.

38. Additur superius, *nisi justa causa excusetur*. Hac enim existente nullum per hoc committeretur peccatum: utputa si parentes (idem a potiori dicendum de Curatoribus) tentarent filium molesto, vel nimis difficili matrimonio copulare; tradendo v. g. sibi fœminam ægram, imprudentem, aut durioris cervicis, cum qua verisimiliter non esset pacem habiturus: aut si indiscrete vellent impedire Matrimonium plane dignum, & utile: vel negligenter, sive nimium differrent ei de convenienti matrimonio providere. Nam tunc existente tali justa causa fatentur omnes, filium non peccaturum, quamvis ineat Matrimonium, parentibus invitis: cum hi sint irrationabiliter invitati, simulque proles, cæteroquin ingenuæ, quoad electionem status existant sui juris.

\* \* \*

\* AP.

Continens adhuc tria quæ sita circa consensum matrimoniale.

**Q**uæres I. An censcatur consensus matrimonialis efficax, & sufficiens ad valorem ejusdem, si huic adjiciatur aliqua conditio turpis exequenda in futurum? Resp. Sub distinctione. Vel enim talis conditio turpis est contraria triplici bono substantiali Matrimonii superius num. 12. explicato, vel non? Si prius, talis conditio turpis adjecta invalidat ipsum contractum matrimonialem, utpote repugnans substantiæ, & fini ipsius Matrimonii. Quod si vero conditio turpis adjecta non sit contraria triplici bono ipsiusmet Matrimonii, qualis v. g. foret: *contraho tecum, si tamen postea me coadjuves in furtis, & rapinis &c.* adhuc in favorem Matrimonii consensus efficax censetur datus quoad substantiam Matrimonii atque sufficiens ad valorem ejusdem, & addita conditio turpis habetur pro non adjecta, quatenus nempe in favorem Matrimonii specialiter præsumitur, contrahentem noluisse tali conditioni alligare ipsam substantiam sui consensus in Matrimonium, nisi expresse constet de tali alligatione. Prout id jam inlinuavimus *Tract. 8. agendo de contractibus dist. 1. post num. 12. Ad III.* Atque totum eruitur ex *cap. final. de conditionibus apposis &c.* ibi: *Si conditiones contra substantiam conjugii inferantur: puta, aliter dicat alteri: contraho tecum, si generationem prolis evites; vel donec inveniam aliam honore, & facultatibus ditiores: aut si pro quæstu adulterandam te tradas &c.* Matrimonialis contractus, quantumcumque sit favorabilis, caret effectu. *Licet alia conditiones appositæ, si turpes, aut impossibiles fuerint, debeant propter ejus favorem pro non adjectis haberi.* Videatur fusius in Jure Canonico P. Reiffenstuel *lib. 4. tit. 6. §. 2.*

**Q**uæres II. Quid sentiendum sit de illo consensu matrimoniali, cui adjicitur aliqua conditio honesta? Ante resolutionem bene attendendum, ne confundantur ad invicem consensus sponsalitiæ, & consensus matrimonialis: nam prior importat primum futuram traditionem corporalem ad invicem, hincque etiam indicatur per verba de futuro: *Contraham tecum*; posterior vero involvit actualem traditionem corporum, sicque exprimitur per verba de præsentis: *Contraho tecum.* Porro consensui sponsalitiæ adjici posse valide, ac licite conditiones honestas, patet ex communi DD. & praxi quotidiana. Quid enim frequentius auditur, quam similis formula: *Ducam te in uxorem, si pater meus consentiet, si talem dotem afferas &c.* vel *contraham tecum, si hoc officium obtineas &c.* ubi, si verificatur conditio, consensus sponsalitiæ de conditionato transit in absolutum. Itaque dubium adhuc restat de consensu matrimoniali. H. N.

Resp. Consensui matrimoniali valide potest adjici aliqua conditio honesta, qua semel verificata ipsum Matrimonium censetur absolutum sine novo aliquo consensu. Ita cum Abbate, Innocentio, Anchorano, & aliis Fagnanus in *cap. Super eo, de conditionibus apposis* etiam ibidem sub num. 4. Idem probat ex repetitis declarationibus Cardinalium per Romanos Pontifices approbatis, vi quarum

habetur, quod Matrimonium per verba de præsentis sub honesta conditione de futuro coram Parocho, & testibus contractum etiam post Concilium Tridentinum valeat, nec NB. opus amplius sit, ut consensus iste, cognita adjectæ conditionis existentia, de novo coram Parocho, & testibus repetatur, supposito nimirum, quod antea iste contractus fuerit coram testibus & Parocho initus, quando illa conditio fuerat appositæ. Confirmatur a pari: consensus sponsalitiæ conditionatus, uti pariter juxta communem alius contractus conditionatus, existente conditione censetur absolutus sine novo aliquo addito in ratione sponsaliorum: ergo etiam consensus matrimonialis in ratione Matrimonii. Et hinc sicuti in consensu sponsalitiæ existente conditione annexa habetur illico absque alio superaddito jus ad contrahendum ipsummet Matrimonium, ad quod altera Compars potest obligari, ita etiam in contractu simili matrimoniali, existente conditione, habetur jus ad ipsum Matrimonium, per copulam carnalem consummandum, absque aliquo novo superaddito, sicuti si ab initio fuisset ille consensus absolutus. Duo tamen in præsentis ex AA. sibi bene notent Parochi. *Primo*, ne facile tali Matrimonio, in quo consensus non ponitur absolutus, sed ipsimet consensui matrimoniali annectitur conditio, assistant, ad vitanda plura incommoda, quæ non ita facile eveniunt in sponsalibus non conditionatis. *Secundo*, ubi specialis urget ratio gravis, aut necessitas sic assistendi, ne, nisi Pars illa a præsentis sua conditione coram testibus desistat, contractum taliter Matrimonium consummare permittant, donec certo constet, conditionem esse adimpletam; alias enim contingere posset id, quod refert Fagnanus in casu, ubi aliquis cum quadam contraxit Matrimonium sub conditione præsentis: *Si es legitima*, & post multiplicem copulam primum rescivit, eandem non esse legitimam, ex quo illud Matrimonium fuit declaratum nullum, reclamante eo, qui opposuit, non fuisse verificatam conditionem sui consensus matrimonialis. Videatur circa hoc, & prius quæsitum fusius in Jure Canonico P. Reiffenstuel *lib. 4. Decr. tit. 5.*

**Q**uæres III. Quid sentiendum in casu sequenti. Caja Nobilis consentit in Matrimonium cum Titio pariter Nobili, addita tamen tam in consensu sponsalitiæ, quam matrimoniali, hac expressa clausula, ut Titius Cajæ ex suis redditibus singulis annis tribuat mille florenos pro recreatione, & ad suum beneplacitum, quod pactum etiam Titius inivit; quia tamen successu temporis amor defervuit, præsertim cum nulla proles ex eo Matrimonio sit suscepta, recusat Titius stare præcedenti pacto; quare Caja exinde pertaxa prætendit declarari nullitatem Matrimonii, volens transire ad alias nuptias. Quæritur, an bene? Resp. Etsi Titius sub peccato, si aliud excusans non interveniat, teneatur continuare solutionem mille florenorum propter præcedens pactum; si tamen eandem non præstet, exinde non sequitur, præcedens Matrimonium esse nullum. Ratio est: quia præsertim in Matrimonio tamquam causa favorabili, & ad vitandas plures inconvenien-

nientias non præsumitur, solutionem mille florenorum consensui matrimoniali fuisse annexam tamquam conditionem sine qua non, sed potius tamquam modum, sicque contractum hunc adhuc esse validum, etiam modo isto absente. Videantur dicta *tr. 8. post num. 12. Addit. II.* Et in simili La Croix *lib. 6. part. 3. n. 400.*

Nec dicas: In casu præcedentis quæsitæ clausulæ Matrimonii adjecta: *Si est legitima*, censetur annexa per modum conditionis, sicque ea non subsistente Matrimonium declarabatur nullam: ergo etiam in hoc casu clausula: *ut singulis annis solvantur mille floreni*, erit adjecta tamquam conditio, qua non existente Matrimonium erit nullum. Resp. enim neg. consequ. & paritatem: etenim prima clausula continet particulam *Si*, quæ juxta dicta de contractibus a potiori indicat conditionem sine qua non, altera vero habet particulam *ut*, quæ juxta pariter ibidem dicta ordinarie non aliquam conditionem, sed potius insinuat modum, sine quo adhuc substantia contractus subsistit. Et certe, si illa Compars clausulam hanc: *ut singulis annis solvantur mille floreni*, voluisset annexare tamquam conditionem sine qua non, nunquam posset per totam vitam concedere usum corporis consummando Matrimonium, cum nunquam esset secuta, an promittens hanc solutionem subsequenter annis sit adimpleturus, uti consideranti patebit. \*

#### QUÆSTIO IV.

Utrum sit licita Pluralitas Uxorum?

#### SUMMARIUM

39. Unitas Matrimonii duplex. Polygamia, & Bigamia, Trigamia, &c. quid?
40. Polygamia, seu Pluralitas simultanea uxorum, est prohibita.
41. Solvitur instantia de Patriarchis veteris Testamenti.
42. Pluralitas successiva uxorum, est licita.
43. Quid de Legibus Civilibus?
44. Secunda nuptia non ita probantur, si ut prima.
45. Uxor non certificata de morte viri, nequit contrahere cum alio.
46. Idem dicendum de viris.
47. Cautela Ritualium Diocesanorum circa hoc.
48. Quid, si mulier deponat, maritum se vidente obuisse?
49. Dubitans de morte conjugis, si contrahat, non potest petere debitum.
50. Cur possit reddere parti innocenti.
51. Quid, si postea conjux superstes redeat? Num filii legitimi?

39. **Q**uæstio præsens sub aliis terminis, videlicet, de Unitate Matrimonii, non raro proponi solet. Pro cujus resolutione sciendum, quod Unitas Matrimonii duplex considerari possit, videlicet vel respectu ejusdem temporis, vel in ordine ad diversa tempora. Priori unitati, juxta quam Matrimonium ita debet esse unum, ut non possit idem vir habere simul plures uxores, neque eadem mulier plures viros, opponitur Polygamia, quæ est simultanea pluralitas uxorum. Posteriori modo opponitur unitati Matrimonii Bigamia, Trigamia, &c. dum scilicet quis successive

duas, tres, aut etiam plures accepit uxores, contrahendo secundas, tertias, aut posteriores Nuptias.

40. **CONCL. I.** Polygamia, seu pluralitas simultanea uxorum, in Lege Evangelica Jure Divino est prohibita. Ita omnes Catholici; & habetur *c. Gaudemus, de i. i. v. t. i. s.* estque novissime definitum in Concilio Trid. *Sess. 24. can. 2.* his verbis: *Si quis dixerit, licere Christianis plures simul habere uxores, & hoc nulla Lege Divina esse prohibitum, anathema sit.* Idem probatur ex Sac. Scriptura, ut *Matth. 19. Marci 10. & Ephes. 4.* ubi de conjugato dicitur, atque renovatur illud præceptum *Gen. cap. 2.* positum: *Adhærebit uxori suæ, & erunt duo in carne una.* Nam Sacer Textus ibidem non dixit: *Erunt tres, vel plures, sed duo:* nec dixit: *Adhærebit uxoribus, sed uxori;* uti notat, atque argumentatur Pontifex in *c. Gaudemus, de Divortiiis.* Confirmatur Conclusio ex illis verbis Christi, *Luca 16. Omnis, qui dimittit uxorem suam, & alteram ducit, mæchatur: & qui dimissam a viro ducit, mæchatur.* Si ergo juxta Christi præceptum uxore dimissa duci alia de Jure non potest; ergo a fortiori, neque ipsa retenta: per quod evidenter apparet, pluralitatem simultaneam uxorum in Lege Evangelica reprobari.

41. Nec obstat, quod Abraham, Jacob, aliique sancti Patriarchæ in veteri Testamento plures simul uxores habuisse legantur. Resp. enim conformiter *cit. c. Gaudemus*, & communi Theologorum, illud Divina revelatione, atque dispensatione, Sanctis illis Patriarchis fuisse concessum. Et id quidem factum creditur ob paucitatem Fidelium, ut nimirum hoc modo vera Fides, & agnitio unius DEI, Cæli terræque Conditoris, quæ ob grassantem tunc undequaque idololatriam prope modum exstinguebatur, saltem in posteris Abraham conservaretur.

42. **CONCL. II.** Pluralitas successiva uxorum post mortem prioris conjugis licita est inter Christianos, & valida. Patet hoc tum ex perpetuo sensu, & praxi Ecclesiæ; tum ex illo Apostoli, *1. Corinth. 7. Mulier alligata est legi, quanto tempore vir ejus vivit: quod si dormierit vir ejus, liberata est: cui vult, nubat, tantum in Domino.* Et hoc non solum de secundis, sed etiam de ulterioribus Nuptiis intelligendum est: unde nec Christus *Matth. 22.* damnavit mulierem, quod septem viros legitime habuisset; nec Samaritanam, quod quinque *Jo. 4.*

43. Nec obstat, quod Legibus Civilibus secundæ Nuptiæ sint exosæ, & variis pœnis afficiantur, imo mulier nubens intra annum luctus (hoc est, infra annum a morte mariti) notetur Infamia, *lib. 1. & 2. C. de Secundis Nuptiis*, & alibi. Resp. enim, hanc pœnam Infamiæ Jure Canonico esse sublatam, *cap. penult. & ult. de Secundis Nuptiis*; eo quod mulier sic nubens concessa sibi ab Apostolo utatur potestate.

44. Verum quidem est, quod primæ Nuptiæ magis probentur, quam secundæ, *c. Nuptiarum. 27. quest. 1. & c. Quomodo 31. quest. 1. & alibi.* Unde etiam secundæ Nuptiæ inducunt Bigamiam, *cap. 1. & seqq. de Bigamis non ordinandis.* Neque secundæ Nuptiæ benedicuntur, *cap. 1. & 3. de secund. Nuptiis*, cum concordantiis: cum enim alter contrahentium saltem in primis Nuptiis fuerit benedi-



nedictus, eaque benedictio semper duret, non est iteranda. Intellige, nisi consuetudine contrarium alicubi sit introductum. Navarrus *cap. 22. Manual. num. 83.*

45. CONCL. III. Uxor non certificata de morte viri prioris, & e contra, nequit contrahere cum alio, etiamsi facta diligenti inquisitione ignoret, quid contigerit circa maritum pluribus jam annis non comparentem. Ita habetur decilum *c. In presentia, de Sponsalib.* ubi Papa consultus, quid agendum fœminis adhuc viventibus, quæ viros suos causa captivitatis, vel peregrinationis absentes, ultra septennium præstolata sunt, nec certificari possunt de vita, vel morte ipsorum, licet super hoc inquisitionem adhibuerint diligentem. Respondet, *quod quocumque anhorum numero ita remaneant, viventibus viris suis non possunt ad aliorum conditum canonice convolare: nec auctoritas Ecclesie permittit contrahere, donec certum nuncium recipiant de morte virorum.*

46. Et hoc ipsum in viris observandum esse, absentibus uxoribus, declaratur *c. Dominus, de secundis Nuptiis*, ibi: *Nullus a modo ad secundas Nuptias migrare presumat, donec ei constet, quod ab hac vita migraverit conjux ejus.* Ratio est: quia stante dubio de morte conjugis, prius Matrimonium stat in possessione. Accedunt plurima inconvenientia, quæ ex secundis Nuptiis, temere, seu non habita certa noticia de morte prioris conjugis initis, provenire solent.

47. Quinimo his de causis Ritualia Diœcesana recte alicubi monent Parochos, ne facile ad contrahendum Matrimonium admittant vagos & peregrinos, & qui incertas sedes habent, non habita prius Ordinarii licentia. Neque item eos, qui antea conjugati fuerunt, ut sunt uxores militum, & captivorum vel aliorum, præsertim peregrinantium, nisi habita certa noticia de morte prioris conjugis: aut in casu, quo non adfuit indubitata talis mortis testimonia, causa ad Ordinarium deferatur, ejusque judicium & consensus requiratur; ne alioquin ex incentivo libidinis, ac postposito DEI timore, facilius contingat, secundas Nuptias iniri non habita certa noticia de morte prioris conjugis.

48. Quæres: quid agendum, si quædam mulier deponat, aut etiam juramento firmare velit, conjugem suum, se vidente, atque præsentem, tali tempore mortuum, atque sepultum fuisse? Resp. Eam absque aliis testimoniis, vel indiciis (secus, si talia præsertim gravia concurrant) non esse audiendam; quia *nullus idoneus testis in re sua intelligitur*, l. *Nullus, ff. de Testibus*. Accedit, quod juramentum suppletorium probationis neque deferendum, neque admittendum sit absque semiplena probatione; & alioquin, si præstaretur, nulla ejus habenda sit ratio. Gobat *trad. 9. Theolog. Experim. num. 281.* ubi hoc declarat casu quodam Hungarico.

49. CONCL. IV. Si quis, vel aliqua, dubitans de morte prioris conjugis absentis, contrahere præsumpserit ei, quæ libi nupsit, debitum conjugale reddere tenetur, id tamen exigere non potest. Ita habetur expresse *cit. cap. Dominus, de secundis Nuptiis*, estque communis Doctorum. Ratio est: quia, cum alter conjux supponatur bo-

na fide contraxisse (nam, si etiam ipse scivisset incertitudinem mortis prioris conjugis, neuter posset petere debitum) stante dubio non est privandus jure suo; cum sit in possessione juris conjugii, ac stante dubio melior sit conditio possidentis. Secus dicendum de eo, qui mala fide, seu dubitans de morte prioris conjugis contraxit; nam semper in possessione stat prius Matrimonium contra ipsum: unde perseverante conscientia sua dubia, & nisi hæc per acquisitam certam notitiam de morte prioris conjugis deponatur, is peccaret petendo.

50. Dices: Ergo stante tali dubio neque poterit reddere alteri petenti. Resp. negando sequentiam. Etenim, si revera conjux prior mortuus fuisset, Matrimonium cum altera (servatis cæteroquin servandis) contractum, esset validum, non obstante alterius dubio: quia satis est, quod a parte rei conjux sit mortua, sicque Matrimonium contrahi possit. Proinde parti innocenti, seu quæ bona fide contraxerat, jus suum, perseverante illo dubio, negandum non est.

51. Quod si vero ex post facto, quocumque tandem tempore, vel casu, conjux absens redierit, aut eum superstitem esse constiterit, omnino necesse est, ut, qui alterum Matrimonium contraxerat (quod non obstante bona fide, ipso jure irritum fuit) relictis adulterinis complexibus ad priorem conjugem revertatur, prout notatur *cit. cap. Dominus de secund. Nupt.* cum concordantiis. Si tamen ejusmodi Matrimonium fuit contractum ex judicio & assensu Ecclesiæ, filii ex ipso nati reputantur legitimi, & admittendi ad hæreditatem, *arg. c. Prælatum. Qui filii sunt legitimi.*

#### QUÆSTIO. V.

De Indissolubilitate Matrimonii.

#### SUMMARIUM.

52. *Matrimonium dupliciter potest intelligi indissolubile, quomodo?*
53. *Matrimonium omne est indissolubile propria contrahentium auctoritate.*
54. *Etiā loquendo de Matrimonio Infidelium.*
55. *Omnis res, per quascumque causas nascitur, per easdem dissolvitur, explicatur.*
56. *Libellus Repudii, an olim fuerit licitus Judæis?*
57. *Matrimonium Infidelium potest dissolvi altero ad fidem converso, &c.*
58. *Matrimonium ratum fidelium dissolvitur quoad vinculum per Professionem Religionis.*
59. *Non vero per Votum Castitatis, sive solemnizatum per Ordinem Sacrum, sive simplex.*  
*Quo jure illud privilegium competat Professioni Religiosa?*
60. *Matrimonium ratum potest etiam dissolvi dispensatione SS. Pontificis.*
61. *Probatur Conclusio.*
62. *Matrimonium consummatum fidelium, quoad vinculum est indissolubile.*
63. *Probatur ulterius.*
64. *Disparitas inter Matrimonium ratum, & consummatum.*
65. *Obsectio Hæreticorum, ejusque solutio.*  
(g) *Ut dicetur num. 103. & seqq.*

52. **M**atrimonium dupliciter intelligi potest esse indissolubile, nimirum vel quoad vinculum, vel quoad thorum & cohabitationem.

De

De indissolubilitate Matrimonii hoc posteriori modo accepta, dicitur ex professo *Quaest. VII.* per totum: de priori autem impræsentiarum agitur, investigando, an, & quomodo Matrimonium sit indissolubile quoad vinculum, adeo, ut illo semel legitime contracto, non liceat conjugibus ab eodem recedere, atque ad alias nuptias viventi adhuc priore conjugē transire. Hoc prænotato, sit

53. CONCL. I. Matrimonium omne est indissolubile ac perpetuum, adeo ut propria contrahentium auctoritate dissolvi nequeat. Ita communis; & aperte traditur a Concilio Trid. *Seff. 24. in principio*, ubi ait: *Matrimonii perpetuum, indissolubileque nexum primus humani generis Patres Divini Spiritus instinctu pronuntiavit, cum dixit: Hoc nunc os ex ossibus meis, & caro de carne mea: quamobrem relinquet homo patrem suum, & matrem suam, & adhaerebit uxori suæ, & erunt duo in carne una, Gen. 2.* Idem patet ex definitione Matrimonii num. 4. allata, ibi: *individuum vitæ consuetudinem continens.* Hinc *cap. ult. de Conditionibus apposis*, &c. dicitur, quod conditio de indissolubilitate Matrimonii appositæ, sit contra substantiam conjugii. Accedit ratio: quia hujusmodi nexum indissolubilem Matrimonii exigit bonum proles, cujus bonæ educationi plurimum obesset incertitudo, atque separatio parentum.

54. Et hæc quidem rationes procedunt de quocumque Matrimonio, etiam Infidelium: adeo, ut ipsi quoque Infideles nequeant Matrimonium pro libitu, & propria auctoritate dissolvere: cum Lex Divina, ab origine Mundi lata, & per Protoplasten promulgata, obliget omnes.

55. Nec dicas: *Omnis res, per quamcumque causas nascitur, per easdem dissolvitur, cap. 1. de Reg. Juris*: atqui Matrimonium mutuo contrahentium consensu nascitur; ergo eodem pariter dissolvitur. Resp. enim, Regulam illam procedere potissimum de obligationibus & contractibus temporalibus, qui, cum solo mutuo consensu fiant, eodem etiam dissolvuntur: secus dicendum de spiritualibus obligationibus (sic enim obligatio, & Character Baptismi, vel ordinis, nequit amplius mutuo consensu dissolvi) ac præsertim de Matrimonio, quod ex Divina institutione indissolubile est; cujus dissolubilitas plurimum præjudicaret bono proles. Et hæc quidem vera sunt, loquendo de dissolutione Matrimonii, propria contrahentium auctoritate facta: num autem illud, extra casum mortis alterius conjugum, in nonnullis casibus auctoritate Divina aliquando fuerit, vel sit de facto dissolubile quoad vinculum, quaestio remanet.

56. CONCL. II. Olim in Lege veteri, seu Mosaica, licitum fuit Judæis Repudium uxoris; idque ob specialem dispensationem Divinam, qua DEUS per manum Moysis propter duritiam Populi Judaici, & ad evitanda uxoricidia, concessit ipsis *Deuter. 24.* scribere Libellum Repudii, ita ut Judæi hoc facientes non peccaverint. Ita Scotus 4. *dist. 33. quest. 3.* & probabilior Doctorum, quamvis non desint oppositum tenentes. Ratio est: quia Moyses promulgavit Legem DEI, atque ideo, quos ille per Legem a se promulgatam separavit, seu separari permisit, etiam DEUS

separavit, seu separari permisit. Unde juxta *cit. cap. Deuter. 24.* licuit uxori sic dimissæ alterum maritum ducere; & consequenter per dationem Libelli Repudii, vere quoad vinculum fuisset dissolutum prius Matrimonium in Lege veteri.

57. CONCL. III. Matrimonium inter Infideles contractum de facto dissolvi potest, quoad vinculum, si unus conjugum convertatur ad veram Christi Fidem, alter vero nolit converti, neque cohabitare converso sine injuria Creatoris, hunc videlicet blasphemando, aut sollicitando conversum ad Infidelitatem. Ita certa, & communis omnium Theologorum, & Canonistarum; atque habetur decisum c. *Si infideles*, & c. *Quanto, de Divortii*. Idem deducitur ex illo 1. *Corinth. 7.* *Si infidelis discedit, discedat: non enim servituti subiectus est frater, aut soror in hujusmodi.* Unde patet, quod hæc facultas solvendi Matrimonium, Fideli ad Fidem converso concessa fuerit a Christo sua suprema auctoritate, & ab Apostolo Paulo *loc. cit.* promulgata; prout Ecclesia Catholica hactenus semper intellexit, & intelligit

58. CONCL. IV. Matrimonium ratum Fidei, seu Christianorum, nondum tamen consummatum, dissolvitur quoad vinculum per ingressum alterius conjugis in Religionem; ita ut conjux in seculo relicta emissæ per consortem Professione, licite possit transire ad alias nuptias. Ita communis Doctorum Catholicorum; & habetur non solum c. *Verum*, & c. *Ex parte tua, de Conversion. conjugat.* sed etiam novissime definitum fuit in Concilio Trid. *Seff. 24. can. 6.* his verbis; *Si quis dixerit, Matrimonium ratum, non consummatum, per solemnem Religionis professionem alterius conjugum non dirimi: anathema sit.*

59. Secus est dicendum de Voto Castitatis solemnizato per susceptionem Ordinis Sacri, utputa Subdiaconatus, Diaconatus, &c. Quamvis enim hujusmodi Votum impediat Matrimonium contrahendum, & dirimat postea contractum, tamen non sufficit ad dissolvendum Matrimonium prius contractum, licet necdum consummatum: *Cum nec jure Divino, nec per sacros reperiantur Canones hoc statutum*; prout argumentatur atque declarat Joannes XXII. in *Extravag. Antiqua, de Voto & Voti redempt.* Multo minus quoad vinculum dissolvitur matrimonium antea contractum, & non consummatum, per Votum simplex Castitatis, *text. clar. cit. c. Ex parte tua, de Conversion. conjugat.* Nam dictum privilegium est speciale professioni Religiosæ, sive Jure Divino, atque ex Christi institutione eidem concessum, uti cum suis censet Doctor Subtilis 4. *dist. 31. quest. 1.* ac sequitur Sanchez *lib. 2. de Matrimon. disp. 19.* citans plures alios: eo quod initium hujus privilegii non reperitur in Jure Ecclesiastico, sed extet a primordiis Ecclesiæ; atque desumatur ex facto Christi, vocantis Joannem Apostolum, & Evangelistam, a nuptiis ad Apostolatam, *Joan. 1.* Sive saltem Jure Ecclesiastico, licet antiquissimo, prout vult Fagnanus c. *Ex parte, num. 8. de Convers. conjug.* cum quibusdam aliis.

60. CONCL. VI. Matrimonium ratum, non consummatum, extra casum Professionis Religiosae potest etiam alia gravi, & iusta de causa, dissolvi auctoritate seu dispensatione Summi Pontificis, ita ut ambo conjuges licite possint ad alia vota transire. Ita D. Antoninus, Cajetanus, Bellarminus, Bonacina; Navarrus, & plurimi alii, quos citat, & sequitur Sanchez *cit. lib. 2. disp. 24.* & Mastrius *in 4. disp. num. 198.* asserens, hanc modo esse communem ac probabilior sententiam, magisque Pontificiae auctoritati in re iusta favorem.

61. Fundatur hæc Conclusio in illa generali potestate pascendi Oves, seu Fideles, a Christo Domino concessa D. Petro, ejusque legitimis Successoribus, *Joan. 21. ibi: Pascite oves meas.* Quæ verba Christus, ad ostendendam dictæ potestatis amplitudinem, trina vice repetere voluit: sicque, quia ad hoc, ut Oves concredita rite pascantur, multum juvat facultas dispensandi in Votis, Juramentis, Matrimonio rato, ac hujusmodi, quando ad bonum Ecclesiæ regimen expedit, merito de talis quoque potestatis concessione intelliguntur. Unde quod Summi Pontifices aliquoties dispensaverint in Matrimonio rato, & nondum consummato Fidelium, plures referunt Auctores, ac in specie id traditur de Martino V. Eugenio IV. Paulo III. Pio IV. Immo Sanchez *loc. cit.* addit, Gregorium XIII. una die cum undecimo dispensasse: non est autem credendum, tot Pontifices in facto tam gravi, atque conscientioso errasse. Accedit, quod in dubio standum sit iudicio Superiorum, ac vel maxime Summi Pontificis, cui totius Ecclesiæ regimen incumbit, cuique Spiritus sanctus specialiter assistit.

62. CONCL. IV. Matrimonium valide inter Christianos contractum, & consummatum, quoad vinculum ita est indissolubile, ut extra mortem naturalem alterius conjugum nulla de causa, nisi immediate Divina auctoritate dissolvi valeat. Ita communis Catholicorum: estque contra Hæreticos volentes, illud dissolvi posse propter supervenientem fornicationem alterius conjugum, & ob nonnullas alias causas, novissime definitum in Concilio Trid. *Sess. 24. can. 8. ibi: Si quis dixerit, propter hæresin, aut molestiam cohabitationem, aut affectatam absentiæ a conjugē, dissolvi posse matrimonii vinculum: anathema sit.* Et *can. 7. Si quis dixerit; Ecclesiam errare, cum docuit, & docet, juxta Evangelicam & Apostolicam doctrinam, propter adulterium alterius conjugis, matrimonii vinculum non posse dissolvi, &c. anathema sit.*

63. Idipsum constat tum ex perpetua traditione, ac sensu Ecclesiæ; tum ex illis verbis Christi, *Mat. b. 19.* ubi revocans Libellum Repudii, & elevans Matrimonium ad rationem Sacramenti subjunxit: *Quod DEUS conjunxit, homo non separet.* Item ex illo *Rom. 7. Mulier vivente viro alligata est legi.* Et *1. Corinth. 7. His, qui Matrimonio juncti sunt, præcipio non ego, sed Dominus, uxorem a viro non discedere, quod si discesserit, manere innuptam, aut viro suo reconciliari, cum concordantiis.* Quæ verba S. Mater Ecclesiæ de Matrimonio consummato inter Fideles

contracto semper intellexit, ac proinde in eodem pro nullo prorsus casu dispensasse legitur.

64. Nec obstat, quod Matrimonium ratum Fidelium possit in aliquo casu dissolvi, ut dictum *num. 58. & 60.* Resp. enim, disparitatem esse: quia Matrimonium ratum significat dumtaxat *Conjunctionem Christi cum anima fidei per gratiam, sive Charitatem, quæ non est indissolubilis, imo perditur per quodcumque peccatum mortale: Matrimonium vero consummatum significat Conjunctionem Christi cum Ecclesia per assumptam humanitatem, quæ amplius est indissolubilis; prout notatur c. Debitum, de Bigam. non ordin.* Accedit, quod separatio Matrimonii consummati posset redundare in injuriam proles; atque ideo (præter immediatam potestatem Divinam) ex Christi institutione in nullo casu istud est separabile quoad vinculum, nisi per mortem naturalem alterius conjugum.

65. Objicies cum Hæreticis: Christus *Mat. b. 19.* dixit: *Quicumque dimiserit uxorem suam, nisi ob fornicationem, & aliam duxerit, mæchatur; ergo, cum exceptio firmet regulam in oppositum, ob fornicationem ab ea factam licitum est dimittere uxorem & aliam ducere.* Resp. negando consequentiam: nam *id nisi ob fornicationem*, refertur solum ad prius, ac denotat, ob eam esse licitam dimissionem uxoris quoad thorum & cohabitationem; (g) non autem inde sequitur, esse licitam dissolutionem Matrimonii quoad vinculum ob causam fornicationis: prout semper intellexit, docuit, & docet S. Mater Ecclesiæ. Alioquin certe lata porta aperiretur adulteriis, ut sic conjuges, cæteroquin male cohabitantes, possent hoc titulo separari, atque aliis pro libitu nubere.

## Q U A S T I O VI.

De Cohabitatione, & onere Debiti Conjugalis.

### S U M M A R I U M.

66. Obligatio Conjugum, ad qua generatim se extendat.
67. Conjuges tenentur cohabitare in eadem domo, mensa, & lecto.
68. Maritus, an possit abesse, & quando?
69. Uxor, an teneatur sequi virum, mansuetam domicilium?
70. Et vir uxorem?  
Differentia inter virum: & uxorem, quoad hoc.
71. Actus Conjugalis ex se licitus est, & honestus.
72. Dummodo sit vestitus debitis circumstantiis. Propositio damnata.
73. I. Finis actus conjugalis, est generatio proles.
74. II. Satisfactio debiti conjugalis, & vitatio incontinentia alterius Conjugis.
75. III. Vitatio propria incontinentia.
76. Solvitur instantia contra hoc.
77. An liceat causa solius sanitatis?
78. Conjuges tenentur alteri petenti reddere.
79. Alioquin peccat, & quomodo?
80. Nisi iusta causa excusetur.
81. Varia causa excusantes a reddendo debito conjugali.
82. Decet Temporibus sacris abstinere ab actu conjugali.
83. An sit peccatum, tunc petere?

- Quid de redditione debiti?
84. Mala fide contrahens matrimonium, an possit petere, vel reddere?
85. Quid, si dubium de valore matrimonii superveniat?
86. Quid, si certo sciatur invaliditas matrimonii, sed non possit probari?  
(h) Vide dicta Tract. 13. Dist. 1. n. 39. & 40.  
(i) De hoc Tract. 7. Dist. 1. n. 49. & seqq.
87. Quid, si superveniat affinitas? Aut quis contraxerit cum Voto simplici Castitatis?  
(k) Tract. 6. Dist. 3. n. 48.
88. Conjuges, quomodo peccent indubite congregiundo?  
(l) Tract. 6. Dist. 4. n. 64.  
(m) Ibidem num. 74.
89. Actus conjugalis, an liceat, si conjux est gravida?
90. Puerpera? Menstruata? Vel lactans?

66. **C**um Matrimonium a Deo institutum fuerit ad legitimam generis humani conservationem, ipsiusque Ecclesiae propagationem, ac proinde finis ejus principalior sit Bonum prolis: hinc generatim ad duo sese extendit obligatio conjugum, videlicet ad mutuam cohabitationem, & redditionem debiti conjugalit. Proinde, ut intelligatur, quæ, & quanta sit ejusmodi obligatio, sit

67. CONCL. I. Tenentur conjuges simul cohabitare in eadem domo, mensa, & lecto, quæ quidem obligatio descendit tum ex Jure Divino, tum ex natura contractus conjugalit. Hinc siquidem Gen. 2. dicitur: *Quamobrem relinquet homo patrem suum, & matrem, & adhærebit uxori suæ: & erunt duo in carne una.* Idem patet ex definitione Matrimonii, ibi: *individuum vitam consuetudinem retinens.* Proinde

68. Infertur I. Quamvis maritus ratione negotii gerendi possit modico tempore abesse, id tamen non esse licitum tempore longo: nisi accedat alia gravis, & iusta causa, ut puta si teneatur Principem comitari in bellum; aut si hoc necessarium sit ad gubernationem Familiæ, vel conservandas res familiares Sanchez lib. 9. de Matrim. disp. 4. n. 12. ac alii. Ratio est: quia conjuges Jure Divino tenentur cohabitare; unde cap. 1. de Conjugio leprosum, inquit Pontifex: *Cum vir & uxor una caro sint, non debet alter sine altero esse diutius.* Verum cum hoc loco tempus absentiae non definiatur, hinc Glossa ibidem, & Doctores censent; id arbitrio viri prudentis, pensatis absentiae causis, ac periculo incontinentiae, definiendum esse: alioquin post diuturnam moram Judex ab altero conjugue requisitus, vel, si notorie constet, quod vivant incontinenter, etiam ex officio, potest eos cogere ad cohabitandum, Abbas ad cit. cap. 1. de Conjugio leproso.

69. Infertur II. Uxorem teneri ad comitandum virum, si hic aliorum mutaverit domicilium; idque ob rationem dictam. Secus, si vir efficiatur vagabundus, & ante contractum matrimoniale non fuisset talis: tunc enim uxor ipsum hinc inde vagantem sequi non tenetur, utpote quod hoc foret gravissimum onus. Bene tamen, si vir more histrionum jam ante nuptias vagus extitisset: quia tunc ipsa censeretur

approbasse mores suos, Abbas loc. cit. Fallit ista super allata doctrina: quando uxor absque gravi detrimento virum sequi non potest; tunc enim ipsum non tenetur sequi, arg. c. Si quis inevitabili 34. quest. 2.

70. Infertur III. Quod, si uxor ex causa necessaria recedit a loco priori, & aliorum transfert domicilium, etiam maritus sequi teneatur. Ita colligitur ex cit. cap. 1. de Conjug. leproso. ac notat Glossa ibidem: quia quoad mutua obsequia conjugalia, vir & uxor pares sunt. Est tamen inter eos nonnulla differentia: nam quia vir est caput mulieris, atque ejus sit gubernare, hinc potest ad libitum eligere domicilium, teneturque uxor ipsum sequi; uxor vero, cum sit subdita marito, domicilium pro libitu mutare, vel eligere nequit; si tamen necessitate cogente id faciat, vir ob tuenda jura Matrimonii tenebitur eam sequi. Sanchez lib. 1. disp. 41. num. 15. & 6.

71. CONCL. II. Actus conjugalit ex se est licitus; & si fuerit vestitus debitis circumstantiis, honestus, ac meritorius. Ita communis; idque patet ex eo, quia est medium ex natura rei ordinatum ad finem bonum, atque honestum, sive ad legitimam propagationem generis humani. Unde & DEUS Protoparentibus nostris præcepit actum conjugalem, Gen. 2. ibi: *rescitate & multiplicamini.* Atqui blasphemum foret dicere, quod DEUS aliquid ex se malum præceperit. Hinc ad Hebr. cap. 3. ait Apostolus: *Honorable connubium in omnibus, & thorax immaculatus.*

72. Additur notanter, vestitus debitis circumstantiis, nimirum ut non nisi loco, tempore, modo, sineque debito eliciatur: alioquin enim culpa non vacaret. Hinc Angelus Raphael Tobiae, cap. 6. dixit: *Qui conjugium sua suscipiunt, ut DEUM a se, & a sua mente excludant, & sua libidini sua vacent, sicut equus & mulus, quibus non est intellectus, habet potestatem demonum super eos.* Et conformiter huic Effato Angelico, meritissime Innocentius XI. sequentem inter alias, ordine 9 Propositionem damnavit: *Opus conjugii ob solam voluptatem exercitum omni penitus caret culpa, & defectu veniali.*

73. Cæterum multiplex finis esse potest, licite ac honeste exercendi actum conjugalem. I. Ob generationem prolis: nam proles suscipienda, & religiose educanda ad Cultum Divinum, est finis primarius Matrimonii.

74. II. Ob Satisfactionem debiti conjugalit, atque ad vitandam incontinentiam ex parte alterius conjugis. Siquidem uxori expresse, vel tacite petenti, tenetur vir, & econtra uxor viro, reddere debitum ex iustitia. Quando autem compartem advertit existere in periculo incontinentiae, tunc opus conjugale erit actus Charitatis, utpote elicitus ob finem salutis spiritualis Proximi. Hoc inducitur ab Apostolo, 1. Corinth. 7. illis verbis: *Uxori vir d bium reddat, similiter autem uxor viro: Mulier sui corporis potestatem non habet, sed vir, &c.* Et infra: *Iterum revertimini in id ipsum, ne tentet vos Satanas propter incontinentiam vestram.*

75. Ob vitandam incontinentiam propriam. Etiam enim non pauci Doctores velint, actum conjugalem



galem non vacare culpa veniali, si fiat ad vitandum periculum incontinentiæ in semetipso: quia (inquiunt) hic non est proprius finis Matrimonii, sed bonum prolis; Communior tamen sententia nullam in hoc culpam agnoscit: siquidem, ut notat Doctor Subtilis 4. dist. 26. §. per hoc patet, institutio Matrimonii non solum facta est a DEO in officium, hoc est, ad propagationem generis humani; sed etiam in remedium, videlicet vitanda incontinentia per lapsum. Unde Apostolus 1. Corinth. 7. de innuptis ait: *Quod, si non se continent, nubant: melius est enim nubere, quam uri.*

76. Nec obstat ratio in oppositum. Resp. enim, quamvis bonum prolis sit finis primarius ac principalis Matrimonii; simul tamen finem ejus minus principalem esse vitationem propriæ incontinentiæ, quem proinde sufficit intendere. Alioquin certe contra communem Doctorum sequeretur, quod nec careat culpa veniali actus ille, si fiat ad vitandum in altero conjuge periculum incontinentiæ, cum & hic non sit finis primarius Matrimonii.

77. Num autem causâ solius sanitatis propriæ tuendæ licite, atque sine culpa veniali, fiat actus conjugalis, variant Doctores. Et quidem multi culpam in hoc venialem agnoscunt; eo quod finis hic adverteretur institutioni Matrimonii, quod ob bonum prolis, atque vitandam incontinentiam a Deo institutum fuit, juxta proxime dicta. Alii e contra id omni culpa vacare censent, præsertim si aliud aptum medium ad acquirendam, vel tuendam sanitatem non suppetat, prout limitat Sanchez lib. 9. disp. 10. Nam in tali casu (inquiunt) etiam bonum prolis, saltem remote, includitur. Illud certum est, quod quamvis venialiter peccaret conjux petendo debitum causa solius sanitatis, tamen reddens nullatenus peccet.

78. CONCL. III. Tenetur conjux alteri explicite, sive implicite petenti, reddere debitum, nisi iusta causa excusetur. Ita communis, & patet ex dictis, ac textibus S. Scripturæ n. 74. relatis.

79. Infertur proinde, quod conjux mortaliter peccet, si absolute neget debitum consorti, illud rationabiliter, serio ac sub obligatione exigenti: cum non uxor, sed vir habeat potestatem corporis ejus; & alioquin in petente facile suboriatur periculum incontinentiæ. Secus, esset, si consors non serio, neque sub obligatione, sed solum ex quadam benevolentia id petat, aut si precibus recusantis facile acquiescat; dummodo in petente non subsit periculum incontinentiæ.

80. Additur tamen in Conclusionem, nisi iusta causa excusetur. Nam ejusmodi obligatio non est tam stricta & gravis, quin occurrente rationabili causa liceat solutionem vel negare, vel saltem differre: Quoniam (ut inquit Pontifex c. Quoniam, Ut lite non contestata) in conjugio multi casus occurrunt, in quibus Conjuges sine culpa, sed non sine causa, continere coguntur.

81. Sic excusatur conjux I. Si non possit reddere debitum sine notabili periculo salutis corporalis: ut si conjux sit vulneratus, labore febri-

hectica, aut alio morbo, adeo ut actus conjugalis vehementer credatur nociturus. Immo, si nocumentum existeret grave, illicitum foret illud reddere. II. Quando conjux peteret in amentia, ebrietate, aut alias constitutus extra usum rationis: nam non peteret actu humano & libero. III. Quando conjux immoderate, ac nimis frequenter petit: quia non videntur conjuges sese obligasse ad usum immoderatum: præsertim cum repugnet decentiæ, ipsique valetudini. IV. Cum conjux ante consummationem Matrimonii possit Religionem ingredi, non tenetur illud consummare reddendo debitum ante elapsos duos menses a contractu matrimoniali, arg. c. Ex publico, de Conversione conjugat. V. Si publice, seu coram aliis exigeretur. Sunt & aliæ nonnullæ causæ, de quibus fusissime Sanchez lib. 9. de Matr. disp. 24. & seqq. & alii.

\* Inter alias causas excusantes ab obligatione reddendi debitum etiam numeratur, si pars innocens resciat, consortem commisisse adulterium vel incestum, de quo vide fusius La Croix Lib. 6. part. 3. num. 372. ac seqq. Et si enim pars innocens possit, non tamen tenetur reddere debitum, quoniam nocens deperdidit exinde jus petendi illud. Num autem etiam debitum conjugale negari queat exinde, ne apud inopes nimium multiplicentur proles, alia est difficultas, & allegatus Auctor loc. cit. num. 392. respondet ordinarie negative; quoniam finis in ipso contractu matrimoniali imbibitus, est propagatio generis humani, in quem finem uterque conjugum videntur contrahendo Matrimonium saltem tacite consensisse, & Deus tamquam Auctor Matrimonii hæc proles haud deseret, qui etiam volucres Cœli pascit. Ex quo jam patet disparitas inter hanc necessitatem ex multiplicitate prolium evenientem, & inter alia damna prorsus extrinseca Matrimonio, sub ipso contractu matrimoniali non prævisa, ac postea evenientia, ad quæ consequenter vi contractus matrimonialis se non videntur obligasse, ut maneant his non obstantibus adstricti reddere debitum conjugale. Sotus tamen, Lopez, & Sa ponunt exceptionem istam, nimirum: nisi incommoditas alendi proles foret valde notabilis ex una parte; ex altera vero abisset omne periculum alicujus incontinentiæ; quod tamen meo judicio raro aberit, præsertim si ambo conjuges adhuc in eodem lecto existant, vel si unus eorum renuat consentire in pactum non petendi debitum. Pater Sporer in casu præsentis part. 4. Theolog. Sacrament. cap. 2. sect. 3. num. § 16. inquit, secluso mutuo inter conjuges pacto petendi debitum, negare illud ob solam paupertatem esse mortale, juxta Navar. Sylvest. & alios communiter, qui pronunciant absolute, multiplicationem prolis non excusare a redditione debiti, quam doctrinam in praxi etiam allegatus Auctor cum Gobat semper se observasse testatur. Quod si tamen (subjungit Sporer) res eo loco esset, ut ob prolis multiplicationem, vel parentes ipsi, vel vivis parentibus liberi in extremam inopiam (casus certe rarus inter Christianos) redigendi forent, omnino fatendum est, ac fatetur Layman cap. 1. num. 16. debitum juste

negari posse; cum non videatur tanta inopia sub primo pacto matrimoniali comprehensa. Et quæso te Confessarie (pergit citatus P. Sporer) an peccati damnabis miseram uxorem, quæ marito omnia abligurienti, ipsa cum liberis famem, & ærumnas tolerans, ne amplius miseranda & forsitan pessime per maritum educanda proles multiplicetur, debitum negat, priusquam se emendet? Quoniam absolute non improbabilis, & bene consideratis similibus circumstantiis in praxi tuta videtur sententia opposita, quæ cum Ledesma, Sanchez, & Diana defendit, sine culpa debitum negari posse ob paupertatem, ne multiplicata prole nimia molestia, vel mendicitas sit sustinenda. Ita Sporer *loc. cit.* prout nec ego talem uxorem (supposito, quod ipsamet in propria persona non patiat periculum proximum incontinentiæ,) in tantis circumstantiis auderem condemnare peccati mortalis, si marito huic luridissimo copulam denegaret, usque dum se emendet. Attendatur tamen accurate a Confessario ad omnes circumstantias, ne fiat abusus hujus doctrinæ, & prius tentetur potius, ut mutuo nequeant conjuges inopes persuaderi, ut mutuo pacto, & consensu adinvicem a copula conjugali abstineant, ac omnia pericula proxima pollutionum amoveant. \*

82. Quæres, an Tempore sacro, v. g. Diebus Solemnioribus, Festivis, aut Dominicis, item die, quo quis Sacram Synaxin sumpturus est, vel sumpsit, licitum sit exigere, vel saltem reddere debitum? Resp. I. Maxime decens est, atque a SS. Canonibus commendatum, quod conjuges ejusmodi Diebus sacris abstineant ab actu conjugali, ut sic juxta monitum Apostoli, 1. *Corinth.* 7. expeditius vacent orationi; prout notatur c. *Proposuisti*, dist. 82. & c. *Quotiescumque*, ac tribus seqq. 33. *quest.* 4. cum concordantiis.

83. Resp. II. Utrum autem ad hoc teneantur conjuges sub peccato, saltem veniali, variant Doctores. Et quidem non pauci arbitrantur, petere debitum ejusmodi Sacris Temporibus non vacare culpa, saltem veniali; idque ob Canones proxime citatos. Verum quia isti continent dumtaxat consilium (sicut & verba Apostoli *loc. cit.*) non præceptum; hinc Sanchez *loc. cit. disp.* 12. cum quibusdam aliis censet, talem petitionem debiti non solum vacare culpa mortali, sed etiam veniali: Illud certum est, quod nullum sit peccatum, illis diebus petenti reddere, quinimo quocumque tandem die, quantumvis solemniter, debitum exigatur, tenetur alter reddere, nisi alia justa causa excusetur.

84. CONCL. IV. Petitio, ac redditio debiti conjugalis, redditur quandoque illicita, & mortifera. Ita communis, & probatur inductione. Sic in primis, qui mala fide seu dubius de valore Matrimonii contraxit, non potest stante illo dubio petere debitum; tenetur tamen illud reddere petenti comparti, si hæc bona fide contraxerat. Hujus ratio, & exemplum, habetur superius num. 49. & 50.

85. Quod si dubium superveniat primum Matrimonio antehac bona fide contracto, talis non solum reddere, sed etiam petere potest,

dummodo simul adhibeat debitam diligentiam acquirendi veritatem, nec tamen de invaliditate Matrimonii constet. Ratio est: quia talis existit in legitima possessione Matrimonii bona fide inchoati, sicque in jure petendi debitum; in dubio autem melior est conditio possidentis. Herinex *disp.* 7. de *Matr. quest.* 6. num. 32. Pirhing *tit. de Sent. excomm.* num. 108. solventes contraria, & alii: Et hoc ipsum a priori dicendum, si postea oriatur solummodo scrupulus, ex levi ac temeraria credulitate conceptus: nam potest is ad consilium proprii Pastoris deponi ac debitum conjugale non solum licite reddi, sed etiam peti, *text. clar.* c. *Inquisitione*, de *Sent. excomm.*

86. Si vero conjux pro certo cognoscat invaliditatem Matrimonii, eo quod indubitanter sciat, subesse impedimentum dirimens, quamvis hoc in facie Ecclesiæ probare nequeat; non solum non potest petere, sed nec reddere debitum: non obstante, quod per sententiam judicalem Ecclesiæ (quæ de occultis non judicat) vel etiam excommunicationem ad id compellatur, aut aliunde periculum vitæ imminet: Ratio est: quia in nullo casu potest quis scienter fornicari, seu alteri carnaliter commisceri extra legitimum Matrimonium: hoc enim est intrinsece malum. Unde talis potius in foro externo debet humiliter sententiam excommunicationis sustinere, ut dicetur *cit.* c. *Inquisitione*, de *Sent. excomm.* (h) Occisus autem ex hac causa, moreretur pro servanda virtute supernaturali Castitatis, & sic evaderet Martyr. (i)

87. Deinde, si quis durante Matrimonio contraxit affinitatem cum sua consorte, cognoscendo videlicet carnaliter ejus consanguineam, non potest petere debitum, licet reddere possit, ac teneatur: Ita habetur c. *Discretionem*, & c. *Tua fraternitatis*, de *eo, qui cognovit* &c. Et hoc idem dicendum de illo, qui cum Voto simplici Castitatis contraxit Matrimonium. An autem Confessarii Mendicantium cum talibus dispensare possint in ordine ad petendum debitum conjugale, jam alibi (k) dictum fuit.

88. Rursus certum est, conjuges peccare congregiendi sodomitice, sive extra vas naturale; quia talis congressus repugnat ordini naturæ, finique Matrimonii. Quod si vero conjuges sine justa causa non servant modum, sive situm naturalem, absque tamen periculo effusionis seminis; committitur peccatum dumtaxat veniale; nullum, si justa causa interveniat. Quid autem sentiendum sit de eorum præpostero congressu in vase naturali (l) nec non & de tactibus impudicis inter conjuges (m) superius jam dictum est.

98. Quæres; an sit licitus actus conjugalis muliere existente prægnante, puerpera vel lactante: Resp. I. Quando mulier est gravida, licite redditur, & petitur debitum (adeoque illicite negatur) dummodo absit periculum abortus. Ita communis: nam nullo jure hoc prohibitum legitur. Nec obstat textus c. *Non solum*, 32. *quest.* 7. & c. *Si causa* & c. *Origo*, 33. *quest.* 4. ubi videtur prohiberi accessus ad uxorem gravidam. Resp. enim, hoc est de consilio,

non

non de præcepto, nisi in casu periculi abortus: unde per se id non est illicitum, quamvis per accidens quandoque non liceat, imo abstinendum sit, siue ob nimiam uxoris debilitatem, siue quia abortus timetur.

90. Resp. II. Uti Matrimonio statim post partum, durante adhuc naturali purgatione mulieris, per se loquendo non est quidem peccatum mortale, ut tenent plerique Doctores: nihilominus communiter peccatum veniale deesse non solet; idque ob nimiam intemperantiam, quæ in copula ista scdritati juncta intervenire solet. Ita Herinex *loc. cit. num. 18*, hoc ipsum *n. 15*, post Sanchez *lib. 9. de Matr. disp. 21. n. 7.* & alios, tradens de accessu viri ad menstruatam; quamvis quoad hoc ultimum D. Thomas, D. Bonaventura, & Scotus *4. dist. 32. quaest. un.* ac nonnulli alii, videantur esse rigidioris sententiæ, atque extra periculum incontinentiæ in alterutro conjugum existens, damnare peccati gravioris accessum viri ad menstruatam. Porro non esse illicitum actum matrimonialem eo tempore, quo mulier est lactans, passim fatentur Doctores.

\* Quæres II. An citra grave peccatum liceat Viduis, & Sponsis de futuro sibi cum aliqua delectatione repræsentare actum conjugalem de præterito habitum, vel de futuro habendum? Ante responsum Nota I. ex Sporer *part. 1. in Decalog. cap. 6. sect. 4. num. 22.* Delectationem, seu complacentiam morosam circa objectum venereum, seu circa copulam esse duplicem; alia dicitur rationalis, quæ oritur in ipsa voluntate ex cogitatione intellectiva talis rei. Alia vocatur sensibilis, quæ ex imaginatione phantasie, objectum illud venereum sibi repræsentantis, exurgit in appetitu sensitivo concupiscibili, atque exinde derivatur in partes obscenas per motum spirituum generationi deservientium. Ut autem totum hoc magis capiatur, Nota II. Delectationem veneream sensibilem hoc ordine contingere. *In primis* voluntas consentit, ut intellectus cogitet de illo objecto venereo, id est, de objecto ad profusionem seminis, & exinde ad generationem ex se alliciente; ubi incidentaliter adverte, quod objectum venereum dicatur propter Venerem, quæ apud Ethnicos credebatur Dea generationis. *Secundo*, postquam hoc objectum venereum e. g. copula repræsentatur ab intellectu tamquam ens delectabile voluntati, ea sibi complaceat spiritualiter, supposito, quod voluntas in hoc objectum intentionaliter præsens feratur, quatenus est sibi propositum ut delectabile, vocaturque illa complacentia rationalis. *Tertio*, species sensibiles hujus delectationis, seu objecti qua delectabilis transferuntur ad phantasiam. *Quarto*, exinde nascitur naturaliter complacentia in appetitu sensitivo, & subsequitur naturaliter delectabilis sensatio in partibus obscenis ex commotione seminis, & spirituum genitalium, diciturque delectatio sensibilis venerea. *Quinto*, demum hanc sensibilem delectationem denuo ab intellectu voluntati propositam, eadem approbat, & acceptat, ex quo *Sexto*, sæpius, maxime si vehemens sit, aut longior, sequitur profusio seminis, extra, vel intra vas generationi deserviens. His prænotatis,

Dubitatur, num Viduis de actu conjugali præterito, & Sponsis de futuro recogitando liceat deliberate delectari absque gravi peccato? Ratio dubitandi, & negativam tenendi est, quia etiam tales cogitationes, & subsequentes exinde delectationes ex se ob sympathiam ad invicem natæ sunt de præsentis excitare spiritus genitales, ac causare delectationem sensitivam, ac veneream in partibus inhonestis, sicque inchoatam aliquam seminationem, eo ferme modo, quo *tract. 9. dist. 7. post num. 18* diximus de personis solutis; ideoque omnibus illis, quibus de præsentis illicita est seminatio in vase a natura ordinato, etiam erit illicita talis delectatio utpote inchoata copula.

Nec dicatur: Talibus Sponsis de futuro licere sibi repræsentare, ac desiderare Matrimonium; ac Viduis optare, ut Matrimonium pristinum adhuc actu perduraret, sitque eo ipso hisce etiam licere sibi repræsentare, ac desiderare actum conjugalem utpote effectum Matrimonii; ergo pariter licebit de eodem actu conjugali delectari: utique enim possum licite delectari de aliqua re, ut objective præsentis, cujus executionem possum licite desiderare, & optare. Nam contra in primis est, quod desiderium sit circa rem absentem, delectatio autem circa præsentem objective: magis autem alliciat appetitum concupiscibilem, & carnalem delectabile ut præsens amatum, quam desideratum ut absens, nisi forsitan desiderium de absenti realiter sit valde intentum, cui conjuncta sit magna voluptas, eo quod talis res sit intentionaliter, & objective præsens. Contra secundo est, quod cogitatio de Matrimonio ita alliciat ex se ad profusionem seminis, sicut cogitatio practica (& non dumtaxat speculativa) ac subsequens delectatio actus conjugalis: Matrimonium enim ex se est mutua traditio corporis per mutuum ad invicem consensum, adeoque ejus repræsentatio ex se non sic movet appetitum concupiscibilem.

Agnosco, fundamenta hæc satis solide probare, quod similibus non liceat delectari de copula quondam licite habita, vel habenda; cum tales delectationes videantur in actu exercito inchoata copula de præsentis, ubi ipsis eadem non licet. Nihilominus tamen Pater Sporer *par. seu tract. 1. in Decalog. cap. 6. sect. 4. num. 41. & 42.* facit distinctionem inter delectationem rationalem, & sensibilem veneream, quæ oritur in appetitu sensitivo, atque exinde derivatur ad partes obscenas. Priorem delectationem admittit Sponsis, & viduis licitam, cum ex una parte ab intellectu proponatur intentionaliter copula in iis circumstantiis, in quibus est, aut fuit licita; ex altera autem non videatur adesse periculum adeo proximum seminationis, si conatus interveniat ulteriorem delectationem cohibendi, prout fieri posse docet La Croix *lib. 5. n. 97. prope finem.* Et *lib. 6. part. 3. n. 350*, Alteram vero delectationem sensibilem veneream omnino prohibet, utpote ex natura sua proximius accedentem ad periculum seminationis & copulæ, quæ his non licet, sicuti

actualibus conjugibus. Fateor tamen, hanc responsionem non carere sua adhuc difficultate ob sympathiam naturalem ad invicem, hinc talibus omnis cogitatio practica cum delectatione deliberata voluntaria, de actu conjugali ut objective presente, omnino est dissuadenda, utpote valde periculosa &c. Et certe quando rem hanc intimius perpendere volumus, si id licitum existat Viduis ac Sponsis, videretur pariter licitum alicui omnino soluto sibi repræsentare, & deliberate appetitu rationali delectari de actu conjugali, quem ad invicem exercent duo conjuges, dummodo talis solutus non ipsemet desideret pro nunc exercere similem actum. Hoc tamen utique est prohibitum soluto: etsi enim actus iste conjugalis in iis circumstantiis, in quibus eundem sibi dictus solutus proponit, sit licitus ipsis conjugibus: non tamen repræsentatio deliberata, ac practica hujus actus cum delectatione rationali erit pro nunc licita huic soluto, utpote ex se directe & immediate ordinata ad excitationem spirituum genitalium, ac seminis, sicque ad copulam, quæ pro nunc soluto non licet. \*

## Q U Æ S T I O VII. De Divortio.

### S U M M A R I U M.

91. Divortium, quid?
92. Divortium dupliciter.  
(n) Quæst. 5. per totum.
93. Divortium quoad thorum, & cohabitationem, potest fieri.
94. Idque generatim ex sex causis.
95. Differentia inter adulterium, & alias causas repectu Divortii.
96. Divortium fit I. Mutuo consensu.
97. II. Ob spiritualement fornicationem alterius conjugum.
98. III. Ob grave periculum spirituale, sive incitationem ad peccatum.
99. Et varia hujus exempla.
100. IV. Ob sævitiam conjugis.
101. V. Votum ultramarinum ad liberandam Terram Sanctam.
102. Quam causam alii hoc loco ponant?
103. VI. Fornicatio alterius Conjugis.
104. Per Fornicationem, quid hoc loco intelligatur?
105. An innocens possit ab adultero Coniuge propria auctoritate se separare?
106. An se separans sit alteri restituenda?
107. Casus, in quibus non licet dimittere uxorem ratione adulterii.
108. I. Quando adulterium est materiale solum.
109. II. Si vir uxori fuit causa adulterii.
110. III. Si hoc ab utroque committitur.
111. Ampliatur istud.
112. IV. Quando injuria est remissa adultero.
113. Quomodo fiat isthæc remissio?

91. **D**ivortium, quantum ad propositum, est legitima separatio viri ab uxore, manente adhuc vinculo conjugali. Et dicitur,

*legitima separatio*: quia sine lege, & legitima ratione fieri non potest, cum vi ipsius Matrimonii, cujus vinculum est indissolubile, teneantur conjuges ad individuum vitæ societatem mutuo retinendam. Et additur, *manente vinculo conjugali*, ad excludendam aliam Divortii acceptionem: siquidem

92. Divortium generatim accipitur dupliciter. I. Pro separatione conjugum dissoluto eorum matrimonio quoad vinculum: quò modo sæpius illud sumitur in Jure Civili, & an fieri possit, superius (n) dictum est. II. Pro separatione conjugum quoad thorum dumtaxat, vel etiam quoad cohabitationem. Quoad thorum quidem, si ve debitum conjugale, juste illud alteri conjugi denegando: quoad cohabitationem vero, quatenus remanente vinculo Matrimonii non tenentur amplius conjuges simul cohabitare in eadem mentia, thoro, & lecto. Et de hoc loquendo, sit

93. CONCL. I. Certum est, Divortium quoad thorum, & cohabitationem ex legitima causa quandoque fieri posse. Patet hoc ex perpetua praxi Ecclesiæ, fuitque novissime definitum in Concilio Trid. Sess. 24. can. 8. his verbis: *Si quis dixerit, Ecclesiam errare, cum ob multas Causas separationem inter Conjuges, quoad thorum, seu quoad Cohabitationem, ad certum incertumve tempus fieri posse decernit: anathema sit.*

94. CONCL. II. Sex generatim sunt causæ, ob quas licitum est ejusmodi Divortium inter conjuges Christianos. I. Mutuus contrahentium consensus. II. Fornicatio spiritualis, seu lapsus in hæresin, aut Gentilismum. III. Incitatio ad peccatum, seu grave periculum salutis spiritualis. IV. Sævitia conjugis, aut aliud grave periculum salutis temporalis. V. Votum ultramarinum. VI. Adulterium; sive fornicatio carnalis voluntaria, & culpabilis alterius conjugum.

95. Nec obstat, quod Christus *Matth. 19.* non nisi fornicationem, ob quam liceat dimittere uxorem, assignaverit. Resp. enim cum Engel tit. *de Divortiiis*, num. 10 & 11. ac aliis, id ex eo accidere, quia propter solam fornicationem carnalem, sive adulterium, licet dimittere uxorem in perpetuum, ac etiam nolentem & invitam: aliæ vero causæ hic enumeratæ ex sua natura non sunt perpetuæ (hinc enim cessante hæresi, sævitia conjugis, aut incitatione ad peccatum, tenetur separata redire ad conjugem, estque eidem restituenda; non autem cessante adulterio) vel saltem requirunt mutuum utriusque conjugis consensum, prout fit in prima causa Divortii. Itaque

96. I. Divortium, seu separatio conjugum, potest fieri mutuo consensu, ut si juxta monitum D. Apostoli *1. Corinth. 7.* ad tempus sese separent conjuges, ut *vacent orationi*; vel si uterque mutuo consensu voveat perpetuam Castitatem, aut ad Religionem transeat, arg. c. *Cum sis*, & seqq. *de Convers. Conjugat.* Idipsum mutuo consensu fieri poterit ex alia honesta causa, v. g. ne proles multiplicetur ultra suas facultates, &c. quamdiu periculum incontinentiæ alteri conjugi non imminet.

97. Di-



97. Divortium, seu dicta separatio fieri potest, si alter conjugum spiritualiter fornicatus fuerit; nempe si labatur in hæresin, aut in Gentilismum. Verumtamen si talis ab errore sese revocaverit, tenetur conjux in Fide stabilis ad alterum reverti, si propria auctoritate, ac sine judicio Ecclesiæ ab ipso recessit, *c. De illa, & c. Quando, §. fin. de Divortiiis*. Quod si vero conjux judicio Ecclesiæ fuit separata, non compellitur redire, sed potest Religionem ingredi, *cit. cap. De illa, eod. juncto cap. ult. de Convers. Conjugat.* Si vero Religionem ingredi noluerit, etiam hæc redire compellitur; ut notat Glossa *cit. c. Quanto, Vers. Redire cogatur*.

98. III. Divortium fit propter grave periculum salutis spiritualis, seu propter incitationem ad peccatum mortale; ut si alter conjugum provocet alterum ad gravia crimina, & admonitus non desistat a provocatione, *arg. c. Quævisit, de Divortio*, ibi: *Verum si Conjugem suam ad infidelitatis maleficium traxerit, a viro poterit separari, ita quod ei nubere alii non licebit*. Concordat illud Salvatoris, *Matth. 5. Si dextera manus tua scandalizat te, abscinde eam, & projice abs te, &c.*

99. Hinc, ut exemplificat Tannerus *tom. 4. disp. 8. quæst. 5. num. 84.* datur locus Divortio, si conjux inducat alterum in hæresin, apostasiam, peccatum Sodomiz, veneficium, aut alia peccata mortalia: item si vir latro inducat uxorem, ut res furtivas, aut socios fures receptet, nec possit illa scelus detegere, &c. Quamdiu enim tale periculum durat, non tenetur conjux innocens cum altero permanere, sed potest ab ipso discedere, ut evitet tam grave periculum salutis spiritualis.

100. IV. Divortium potest fieri ob sævitiam conjugis. Et quidem si tanta sit sævitia, ut altera pars absque periculo gravis damni corporalis non possit sævienti cohabitare, poterit conjux propria auctoritate ab altero divertere. Sanchez *lib. 10. disp. 18.* Et divertens non debet alteri petenti restitui, donec conjux sæviens sufficientem securitatis cautionem præstet, prout habetur *c. litteras, & c. ex transmissa, de Restit. spoliat. & cap. 1. Ut lice non contestata*. Quamvis enim cæteroquin spoliatus ante omnia sit restituendus, fallit tamen hoc, si conjux divertens opponat, simulque in continenti probet adeo gravem sævitiam alterius, donec sufficiens securitatis cautio sibi præstetur, *per textus citatos*.

\* Porro propter modicam verberationem etiam sine justa causa factam altera Compars non illico inferre debet sævitiam Conjugis sufficientem ad separationem. Quinimo, quamvis fuerit verberatio gravis, non illico potest institui divortium, si verberatio ex insolita ira, vel perturbatione processit, nec prudens periculum inducat exercendi eandem etiam in futurum. Videatur de hoc (uti & de aliis circa materiam matrimonialtem) fusius, & exactius Reiffenstuel in *lib. 4. Decret. tit. 19. num. 37. ac seqq.*

101. V. Votum ultramarinum ad liberandam Terram Sanctam, etiam invita uxore, vir emitte, atque implere potest, prout ob tantam Populi Christiani necessitatem, atque subsidium Terræ Sanctæ, decisum habetur *c. Ex multa, §.*

*In tanta de voto*. Unde in præmissis casu datur Divortium ad tempus, donec scilicet vir redeat, ac proinde inter causas Divortii recte numeratur.

102. Fatendum quidem, plures Doctores aliam hoc quinto loco ponere causam Divortii, nempe vel morbum contagiosum, vel veneficium conjugis: siquidem venefici etiam conjunctissimis sæpe nocent, utpote qui dæmonis consilio pessima agunt. Verum quia hæc duo ad quartam causam, nempe ad *sævitiam Conjugis, vel aliud grave periculum salutis corporalis*, commode reducuntur; hinc melius cum Vallensi *§. 2. tit. de Divortio*, ponitur hoc quinto loco Votum ultramarinum.

103. VI Divortium est licitum, & quidem Jure Divino, atque in perpetuum (nam priores regulariter sunt solum causæ Divortii ad tempus, nempe quamdiu dictæ causæ durant, ut dictum *num. 25. & seqq.*) si alter conjugum commiserit Fornicationem carnalem. Hoc quippe Christus Dominus concessit *Matth. c. 19. Quicumque dimiserit uxorem suam, nisi ob fornicationem*. Concordat *c. Significasti, & c. Ex litteris, de Divortio*. Accedit illud vulgatum: *Frangemi fidem, fides frangatur eidem*.

104. Porro nomine Fornicationis hoc loco intelligitur non solum Adulterium, sed etiam Sodomia, ipsaque Bestialitas. Secus dicendum de tactibus impudicis, voluntate fornicandi, aut peccato mollitiei: quia per hæc, licet cæteroquin gravia peccata, non perfecte & consummate laeditur jus Matrimonii; cum non dividatur caro unius conjugis ab altero per concubitus in tertium. Sanchez *lib. 10. de Matr. disp. 4. Layman, & alii*.

105. Et nota, quod innocens conjux, cognita ejusmodi Fornicatione alterius, possit etiam propria auctoritate se a nocente separare quoad thorum; quoad cohabitationem vero solum post sententiam Judicis, nisi Fornicatio fuerit omnino publica, & notoria. Ratio est: quia separatio quoad cohabitationem est res publica, & quæ scandalo esse potest; ideoque non nisi judicio Ecclesiæ fieri debet, *arg. c. Porro, de Divortio*.

106. Additur tamen, *nisi fornicatio fuerit omnino publica*. Nam tunc non esset necesse, expectare sententiam Judicis, *arg. c. Significasti, eod.* Alioquin vero, si fornicatio, sive adulterium sit occultum, & innocens pars propria auctoritate divertat ab alio quoad cohabitationem, mox ipsa alteri petenti erit restituenda, *cit. c. Ex transmissa, de Restitut. spoliat.* donec probaverit adulterium alterius conjugis.

107. Quæres, utrum dentur aliqui casus, in quibus non liceat dimittere uxorem ratione adulterii? Resp. cum communi. plures dari ejusmodi casus, & sunt sequentes.

108. Primus est, quando adulterium est tantum materiale, sive sine culpa sua commissum; veluti si mulier vim passa sit, *arg. c. Item, & c. Proposito, 32. q. 5.* Vel si quis fraudulenter sub specie mariti aliquam cognoverit, *c. In lectum, 34. q. 1. & 2.* Quia, ubi non est culpa, nec poena esse debet.

109. Se-

108. Secundus. Si vir fuit uxori causa adulterii: veluti si eam prostituat, vel adulterium consulat, aut in illud consentiat, arg. c. *Discretionem*. De eo qui cognovit consanguin. &c. ibi: Cum vir adulterium ei non possit obijcere, qui eam adulterandam tradidit.

110. Tertius casus est, quando adulterium ab utroque Coniuge fuit commissum, arg. c. *Significasti*, de Divort. & alibi. Cum matrimonii jus in utroque laesum consistat, & paria delicta mutua compensatione tollantur; ut dicitur, c. *Intelleximus*, de Adulteriis.

111. Et hoc procedit, etiamsi unus conjux prius commisisset adulterium, ac proinde auctoritate Judicis lata sit sententia Divortii: nam si postmodum etiam alter fornicetur, restituitur; prout desumitur ex cit. locis, ac fufius probat Glossa in c. ult. *Verf. Fornicationi*, de Adulteriis. Idem dicendum, quamvis adulteria numero & gravitate sint imparia; ut si unus semel cum soluta, & alter decies cum ligata peccasset: adhuc enim jus Matrimonii in utroque laesum existit, & sic neuter ab altero divertere potest; cum paria delicta mutua compensatione tollantur.

112. Quartus casus est, quando injuria ab innocente jam fuit adultero remissa; tunc enim nequit amplius ab eo recedere, cum jam cesserit juri suo. Siquidem, qui juri suo semel renunciat, illud repetere non potest, c. *Quam periculosum*, 7. q. 1. juncta Glossa ibidem.

113. Cæterum hujusmodi remissio dupliciter fit. I. Expresse, ut quando expressis verbis innocens condonat alteri injuriam. II. Tacite, quando nempe conjux innocens, post cognitum adulterium alterius, actum conjugalem cum eo habuit, arg. l. *Crimen*. C. ad Leg. Julianam de adulteriis, ibi: *Crimen adulterii maritum resente in matrimonio uxore inferre non posse*, nemini dubium est. Sanchez lib. 10. de Matrim. disp. 14. num. 6. qui plura de his, aliisque Divortium concernentibus, toto illo Libro fufissime tractat.

## DISTINCTIO XIV.

### De Impedimentis Matrimonii.

## QUESTIO I.

A quo possint statui Impedimenta Matrimonii?

### SUMMARIUM.

1. Impedimenta matrimonii alia impediencia, alia dirimentia.
2. Datur in Ecclesia potestas eadem constituendi.
3. Cui eadem potestas competat?
4. An etiam Episcopis?
5. Princeps secularis, an possit statuere impedimenta dirimentia matrimonii pro subditis fidelibus?
6. Et cur non?
7. Quid respectu subditorum infidelium?

1. Impedimenta Matrimonii generatim sunt illa, quæ obstant, seu impediunt, ne matrimonium rite celebretur. Horum duo sunt genera, alia mere impediencia, alia dirimentia. Im-

pedimenta mere impediencia dicuntur illa, quæ quidem matrimonium cum ipsis contractum non reddunt irritum ac nullum, prohibent tamen contrahendum. Unde stante tali impedimento matrimonium licite, & absque peccato non potest contrahi, bene tamen valide. Impedimenta dirimentia sunt, quæ non solum obstant, ne licite contrahatur matrimonium, sed etiam, ne valide; atque ideo matrimonium, cum hujusmodi impedimento contractum, est omnino nullum, ac irritum.

2. CONCL. I. Datur in Ecclesia DEI potestas constituendi impedimenta, sive impediencia, sive etiam dirimentia matrimonii. Ita omnes Catholici; estque definitum novissime in Concilio Trid. *Sess. 24. can. 4.* ibi: *Si quis dixerit, Ecclesiam non potuisse constituere impedimenta matrimonii dirimentia, vel in iis constituentis errasse: anathema sit.* Idem patet ex perpetua praxi, ac usu Ecclesie: quamvis ad hoc, ut Ecclesia statuatur novum impedimentum matrimonii, requiratur gravis & justa causa, qualis jam reperitur in omnibus iis, quæ de facto sunt constituta.

3. CONCL. II. Hæc potestas statuendi impedimenta matrimonii convenit non solum legitimo Concilio Generali, quod Ecclesiam universalem in suis Capitibus congregatam repræsentat; sed etiam summo Pontifici, utpote qui est Caput visibile totius Ecclesie Militantis, habetque ex speciali privilegio Christi potestatem ligandi, atque solvendi super terram, *Matth. 16.*

4. CONCL. III. Episcopi non possunt de facto in suis Dioccesibus statuere impedimenta dirimentia matrimonii. Ita Sanchez lib. 7. de Matrim. disp. 1. num. 9. cum aliis. Patet id ex generali Ecclesie consuetudine, qua hæc potestas Summo Pontifici est reservata.

5. CONCL. IV. De facto nullus Princeps secularis fidelis potest suis subditis fidelibus ejusmodi impedimenta matrimonii statuere. Ita certa, & communis. Ratio est: quia, quamvis id posset Princeps secularis facere respectu suorum subditorum, quantum est ex vi sui officii; de facto tamen hanc potestatem, utpote materiam spirituales Sacramentorum concernentem, Ecclesia & Papa sibi reservavit. Quinimo Concilium Trid. *Sess. 24. can. 12.* generaliter definivit causas matrimoniales (ad quas utique pertinent impedimenta matrimonii, eorumque constitutio) spectare ad forum Ecclesie, his verbis: *Si quis dixerit, causas matrimoniales non spectare ad iudices Ecclesiasticos: anathema sit.*

6. Porro hæc reservatio satis congruenter, & rationabiliter est facta per Ecclesiam, eo quod contractus matrimonialis Fidelium sit a Christo elevatus ad esse supernaturale Sacramenti; ac proinde dedecet, ut tanti Sacramenti dispositio, ac Judicium circa illud, ad Principes seculares pertineat. Hi siquidem non receperunt a Christo potestatem Ecclesiasticam, ac spirituales circa Sacramenta, aliasque res Ecclesiasticas; sed solum Petrus, ejusque legitimi Successores, juxta illud *Matth. 16.* *Et tibi dabo claves regni.* Et *Joan. 21.* *Pasce oves meas.*

7. Dici-

7. Dicitur notanter in Conclusionē, nullus Princeps secularis fidelis potest suis subditis fidelibus. Quia certum est, & communiter a Doctoribus concessum, posse de facto Principes seculares statuere impedimenta matrimonii respectu subditorum infidelium, v. g. Judaeorum, in eorum Dictionibus commorantium. Ratio est: quia reservatio Pontificis non est respectu infidelium, cum hi sine extra Ecclesiam; simulque respectu horum cessat ratio reservationis, cum matrimonia infidelium non sint Sacramentum, sed legitimus dumtaxat contractus.

## Q U A E S T I O II.

Quae sint Impedimenta mere Impedientia Matrimonium?

### S U M M A R I U M.

8. Impedimenta mere impedientia matrimonii de Jure antiquo, quae?
9. Catechismus, quid.  
Non amplius viget hoc impedimentum.
10. Crimina, quae olim impediebant matrimonium contrahendum?
11. Ea non amplius impediunt.  
Quae impedimenta mere impedientia nunc sunt in usu?
12. I. Tempus sacratum, & quale hoc sit?  
An tunc liceat contrahere absque solemnitatibus?  
(a) Dist. 13. num. 2.
13. II. Ecclesia vetitum, & quod?
14. III. Sponsalia.
15. IV. Votum, & quale?
16. Votum solemne est impedimentum dirimens.
17. Contrahens cum voto simplici Castitatis, an peccet, ac petere possit debitum?
18. Quid, si cum ipso dispensetur?  
(b) De hoc Tract. 6. Dist. 3. n. 48.
19. An peccet reddendo?
20. Praeterea prima vice?
21. Quid de votente non nubere, vel SS. Ordines suscipere?  
Aut ingredi Religionem?

8. **I**mpedimenta Matrimonii non dirimentia, sed mere impedientia, spectato Jure antiquo plura fuerunt, sequentibus versiculis communiter comprehensa:

*Ecclesia vetitum, nec non tempus servatum, Atque Catechismus, Crimen, Sponsalia, Votum: Impediunt fieri, permittunt juncta teneri.*

9. Per Catechismum intelligitur cognatio quaedam spiritualis imperfecta, olim ex eo orta, quod, quamvis quis prolem jam antea privatim baptizatum de sacro Fonte non levavit, tamen Catechismo per quasdam interrogationes Sacerdotis baptizantis, ac responsiones Patrini fieri solito, & aliis consuetis solemnibus Baptismi caeremoniis singulariter assistebat. Verum hujusmodi Impediens Matrimonium contrahendum, sed non dirimens contractum (arg. t. Contracto, de Cognat. spirit. & c. Per Catechismum, eod. in 6.) non amplius viget; sed fuit sublatum per Concilium

Trident, Sess. 24. cap. 2. de Reform. matr. ac notat Sanchez lib. 7. de Matr. disp. 10. num. 12, citans communem.

10. Ceterum per id Crimen, intelliguntur varia crimina, quorum auctoribus de Jure Canonico antiquitus in penam commissi sceleris infanctum fuit, ut absque spe matrimonii remanerent, sique crimina illa erant Impedimenta impedientia matrimonii. Et haec Glossa ap. 2. de penitent. & remission. comprehenduntur illis valgatis versiculis:

*Incestus: raptus sponsata: Mors mulieris:  
Susceptus propria proles: Mors presbyterialis;  
Vel si paniteat solemniter: aut Monialem  
Accipiat: prohibens hac conjugiam sociandum.*

11. Nunc tamen haec criminum impedimenta per consuetudinem contrariam, & longevam, videntur sublata, nec amplius esse in usu: unde cum & impedimentum Catechismi ulterius non subsistat, omnia impedimenta moderno adhuc tempore Impedientia Matrimonium, apte hoc unico versiculo concluduntur.

*Sacratum tempus, Vetitum, Sponsalia, Votum.*

12. Primum igitur Impedimentum mere impediens Matrimonii, est Tempus sacratum, sed servatum; quale juxta antiquos Canones longius erat, sed juxta Jus novum, & praescriptum Concilii Trid. Sess. 24. cap. 10. de Reform. Matrim. est ab Adventu usque in octavam Paschatis inclusive. Verumtamen sciendum, hoc praeccepto solum prohiberi solemnitates Nuptiarum, id est Solemnem earum benedictionem; item & solemnem iraductionem sponsae in domum sponsi, qualis fieri solet per convivia, & alia vanae laetitiae signa. Porro dictarum Ferialium tempore licitum esse Matrimonium contrahere coram Parocho, ac testibus, absque praedictis solemnitatibus, superius (a) jam dictum est, & latius probat Sanchez lib. 7. disp. 7. citans alios.

13. Secundum Impedimentum Matrimonii mere impediens, est Ecclesia vetitum. Et per hoc intelligitur generalis, vel particularis prohibitio Ecclesiae, aut Episcopi, vel Parochi Matrimonium prohibentis, facta ex iusta & rationabili causa: v. g. ut non contrahatur Matrimonium ante praemissas trinas denunciations, vel ut certa personae non contrahant, donec constet, nullum inter eas intercedere impedimentum; aut si prohibetur contrahi Matrimonium tali die, ob alicujus Festi venerationem, vel hujusmodi.

14. Tertium Impedimentum mere impediens Matrimonium contrahendum, sunt Sponsalia prius cum alia persona valide contracta. Qui enim sponsalia cum aliqua persona valide contraxit, tenetur sub mortali (nisi iusta causa subsit dissolvendi sponsalia) eandem ducere; quamvis si aliam ducat, ipsum Matrimonium sic contractum sit validum. Sed de Sponsalibus plura Quaest. seqq.

15. Quartum Impedimentum mere impediens, est Votum. Porro nomine Voti in proposito intelligitur Votum simplex Castitatis, item

M m m m

Votum

Votum simplex ingrediendæ Religionis, assumendi Ordinem sacrum, non ineundi conjugium, item & iuramentum de his rebus factum. Ratio est: quia huiusmodi Vota simplicia, vel Iuramenta sunt observanda: unde, quia directe adversantur statui Matrimonii, id impediunt contrahendum; non tamen dirimunt contractum, cum hoc nullo Jure expressum reperiatur. Hinc cum tali Voto simplici valide quidem contrahitur Matrimonium, sed non licite.

16. Notanter additur, *Votum simplex*. Siquidem *Votum* solemne Castitatis, id est, illud, quod solemnizatur per susceptionem Ordinis sacri, aut Professionem cujuscumque Religionis ab Ecclesia approbatæ, est Impedimentum dirimens Matrimonii, ut dicitur inferius *Quæst. IV. §. VII.*

17. Quæres I. An cum Voto simplici Castitatis contrahens Matrimonium, possit petere, vel reddere debitum conjugale? Resp. I. Qui Voto simplici Castitatis perpetuè obstrictus (idem de tali Juramento) Matrimonium contrahit, non solum peccat mortaliter contrahendo cum intentione illud consummandi, sed etiam privatus existit jure petendi debitum: adeo quidem, ut toties peccet mortaliter agendo contra suum Votum, quoties illud petit, donec cum eo legitime dispensatum fuerit. Ita Scotus 4. dist. 38. §. *Consimiliter*, Sanchez lib. 9. disp. 23. num. 5. & alii. Ratio est: quia talis agit contra Votum, tum contrahendo cum dicta intentione consummandi (secus, si antea velit ingredi Religionem,) tum petendo, cum propter Votum teneatur abstinere ab omni actu venereo, neque ad petendum debitum adstringatur ullo vinculo fortiori, imo per Votum sponte renunciaverit Juri petendi.

18. Additur vero, *donec cum eo legitime dispensatum fuerit*; sive a Summo Pontifice, vel ex ejusdem commissione a Sac. Pœnitentiarum, aut Episcopo, vel Confessario habente ad hoc specialem facultatem. (b) Nam tunc secus erit dicendum, & licite talis poterit petere debitum.

19. Resp. II. Nihilominus Voto simplici Castitatis astrictus, post contractum, simulque consummatum Matrimonium, licite potest, imo & tenetur, alteri conjugi petenti reddere debitum. Ita communis. Ratio est: quia ad hoc jam est obligatus vinculo majori: majus siquidem vinculum est, obligatio Matrimonii, per quod fit traditio corporum, quam Voti simplicis, quod meram promissionem importat: simulque per Votum non potuit quis juri alterius præjudicare.

20. Dicitur notanter, *simulque consummatum*. Utrum enim talis peccet prima vice reddendo debitum, variant Doctores, atque melius responderetur sub distinctione. Et quidem loquendo de primo bimestri, dicendum, talem peccare reddendo pro prima vice: quia, cum tunc non sit astrictus ad reddendum debitum conjugale, imo possit adhuc Religionem ingredi, absque urgente causa ageret contra Votum Continentiæ. Verum elapsò dicto bimestri negat Sanchez loc. cit. disp. 34. n. talem peccare pro prima vice reddendo: quia tunc jam urget obligatio reddendi.

21. Resp. III. Qui solummodo vovit non nubere, etsi peccaret nubendo, tamen post matrimonium contractum non prohibetur debitum petere, vel reddere: cum ad hoc non se extendere suum Votum. Et hoc idem dicendum de Voto suscipiendi Sacros Ordines. Qui vero vovit ingredi Religionem, manet quidem obligatus usque ad consummationem matrimonii, neque potest sub mortali illud consummare, sive petendo, sive reddendo (alioquin enim faceret ibi Votum suum observatu impossibile; cujus observandi liberam antea potestatem habuerat) posita tamen semel consummatione ipsius matrimonii, licet culpabili, potest exinde & reddere, & petere debitum, donec vel conjugis moriente, vel consentiente, aut adulterante, possit Religionem libere ingredi, sicque suum Votum adimplere. Herinex disp. 6. de Matrim. num. 17. & alii.

### Q U Æ S T I O III.

De Sponsalibus, eorumque Obligatione, & Dissolutione.

#### S U M M A R I U M.

22. Sponsalia, ut sic dicta.

Sumuntur improprie, & proprie, quomodo?

23. Sponsalia quid?

24. Declaratur eorum definitio.

25. Quid de promissione matrimonii non mutua?

26. Quatuor condiciones Sponsaliorum. 1. 11. 111.

(c) Juxta dicta Tract. 8. Dist. 2. n. 13.

27. Habens Votum simplex Castitatis, vel Sponsalia priora, an valide contrahat Sponsalia?

28. Quid de habente impedimentum temporale?

29. IV. Condicio Sponsaliorum.

(d) Juxta dicta Tr. 8. Dist. 1. n. 6. 7. & 13.

30. An ad valorem Sponsaliorum requiratur presentia Parochi & testium?

31. Disparitas inter matrimonium clandestinum, & sponsalia.

32. Sponsalia iustis de causis possunt dissolvi.

33. I. Mutuo contrahentium consensu.

34. II. Per ingressum Religionis.

35. Et quid, si Professio non sequatur?

36. Per Votum simplex Castitatis, vel suscipiendos

SS. Ordines, an dissolvantur sponsalia?

(2) Dist. 13. Quæst. 5. n. 59.

37. III. Per matrimonium cum alia.

38. Et quid, si tale matrimonium dissolvatur, per mortem conjugis?

39. Sponsalia, an dissolvantur per posteriora sponsalia?

40. IV. Per subsequentem alterius fornicationem.

41. V. Per notabilem seditatem supervenientem.

(f) Ut dictum Tr. 6. Dist. 2. n. 23.

42. Generalis doctrina circa præmissa.

43. VI. Propter morum asperitatem, vel sevitiam.

44. VII. Ob paupertatem alteri supervenientem.

45. VIII. Ob discessum Sponsi, &c.

46. Alia



46. *Alia causa dissolvendi sponsalia, Remissive.*

47. *Pater, an possit impedire sponsalia filii?*

48. *Ad solvenda sponsalia an requiratur sententia iudicis?*

22. **O**rdiendi a nominis etymologia, dicuntur Sponsalia a spondendo: nam moris fuit veteribus stipulari, & spondere sibi uxores futuras: unde & Sponsi, Sponsaeque appellatio nata est: uti notatur L. 2. & 3. ff. de Sponsalibus. Porro hæc vox, Sponsalia, nonnumquam sumitur pro Matrimonio rato nondum consummato, vel potius pro ipso contractu matrimoniali: verum hæc acceptio est dumtaxat impropria, atque ad evitandam terminorum æquivocationem addi solet ad Sponsalia de presenti. Igitur proprie loquendo Sponsalia significant sponsonem, sive promissionem matrimonii de futuro ineundi: & in hoc sensu de Sponsalibus loquendo, sit

23. CONCL. I. Sponsalia futurarum sunt nuptiarum promissio. Ita habetur c. Nostres, 30. q. 5. & concordat textus L. 1. ff. de sponsal. ibi: Sponsalia sunt mutatio, & repromissio futurarum nuptiarum. Vel clarius sic definiri poterunt: Sponsalia sunt futurarum nuptiarum mutua promissio, inter personas ad contrahendum habiles externis signis sufficienter expressa.

24. Dicitur, futurarum nuptiarum, tum ad excludenda Sponsalia de presenti, tum ad promissiones aliarum rerum. Et additur, mutua promissio, &c. Nam Sponsalia sunt contractus aliquis onerosus, ultro citroque obligationem inducens: sicque requirit mutuatam hinc inde promissionem ineundi matrimonii.

25. Unde si promissio matrimonii ab una persona fieret alteri mere gratuita, & sine conditione repromissionis (ut si dives quispiam fœminæ, in gravi morbo sibi fideliter servienti, pro remuneratione promittat matrimonium, & fœmina promissionem non respuat, sed saltem tacendo acceptet) vir taliter promittens tenebitur quidem stare promissis; tamen fœmina, si postea contrahere noluerit, non obligatur ipsum ducere: quia, ex quo nihil repromisit, habebit quidem virum promissorem sibi obligatum, ipsa tamen non erit obligata, idque ob defectum repromissionis. Insuper hac eadem de causâ talis promissio gratuita matrimonii, non habebit vim, & effectum Sponsaliorum; ac proinde nec inde nascetur Impedimentum Justitiæ publicæ honestatis. Sanchez lib. 1. de Matr. disp. 5. cum aliis.

26. CONCL. II. Ad valorem Sponsaliorum plures requiruntur conditiones. I. Ut adsit vera promissio: nam facta non sufficit, quamvis facte promittens teneatur ad resarciendum damnum, si quod inde alteri evenierit. (c) II. Ut promissio illa sit mutua, ob dicta num. præc. III. Ut hæc fiat inter personas ad contrahendum habiles; hoc est, nullo perpetuo Impedimento, sive dirimente, sive solum impediendo affectus: alioquin enim Sponsalia forent nulla, & irrita, nullamque inducerent obligationem: Generaliter enim promissio rei illicitæ non valet, neque obligat, etiamsi juramento firmata foret; quia juxta Reg. 58. juris in 6. Non est obligatorium contra bonos mores præstitum juramentum. Sanchez lib. 1. disp. 15. cum comaruni.

27. Hinc Sponsalia, ab habente Votum simplex perpetuæ Castitatis facta, sunt invalida, & neque obligant ad sui observantiam, neque de facto inducunt Impedimentum Justitiæ publicæ honestatis. Similiter si quis cum una persona valide contraxit Sponsalia, & postea prioribus nondum legitime dissolutis de novo contrahat Sponsalia cum alia, hæc posteriora erunt nullius roboris, neque inde consurget Impedimentum Justitiæ publicæ honestatis.

28. Additur num. 26. Nullo impedimento perpetuo affectas. Nam Impedimentum dumtaxat temporale non impedit valorem Sponsaliorum. Sic enim impuberes valide possunt contrahere Sponsalia, quamvis pro ea ætate non possint contrahere matrimonium. Similiter, qui vovit Castitatem ad tempus, v. g. ad biennium, licet pro eo tempore non possit licite inire matrimonium, potest tamen contrahere Sponsalia de matrimonio post elapsum Voti tempus celebrando.

29. IV. Ad Sponsalia requiritur, ut verbis, vel aliis externis signis, mutua illa promissio sufficienter exprimatur. Hinc ad Sponsalia non sufficit promissio mere interna, & sola mente concepta; sed debet hæc verbis, vel aliis signis sensibilibus sufficienter exterius manifestari. Quia Sponsalia sunt contractus quidam inter homines initus; homines autem non possunt judicare de mere internis. (d)

30. CONCL. III. Ad valorem Sponsaliorum non est necessaria præsentia Parochi, aut testium; unde Sponsalia clandestina, seu clam contracta nemine alio præsentem, de facto valida existunt. Ita communis: siquidem hujusmodi Sponsalia clandestina nulla Lege sunt annullata, vel irritata.

31. Nec dicas: Juxta Concilium Trident. Sess. 24. de Reform. Matrim. cap. 1. de facto non valeat Matrimonium clandestinum, id est, sine Parocho, & duobus testibus celebratum; ergo neque valent Sponsalia clandestina. Negatur enim consequentia: quia Concilium Trid. loc. cit. ob gravissimas causas, & ad præcavenda irremediabilia mala perpetui concubinatus, & adulterii aliorum, qui prius clandestine cum una & postea in facie Ecclesiæ cum altera contraxerant, irritavit quidem Matrimonium clandestinum, non vero Sponsalia clandestina; utpote de quibus neque urget allata ratio, neque ullum Concilium fecit mentionem.

\* Porro sponsalia superius explicata contrahi possunt vel absolute, vel conditionate; atque hæc conditio annexa potest esse honesta, vel turpis. Item conditio turpis adjecta vel potest repugnare ipsi substantiæ Matrimonii, vel non. De omnibus istis conditionatis sponsalibus moveri possunt aliqua dubia, & quidem in præmis, si conditio de futuro adjecta est honesta, qualis v. g. foret ista: *Ducam te in uxorem, si Parentes mei consenserint &c.* Equidem annectens hanc conditionem non obligatur ad contrahendum Matrimonium, nisi conditio prius fuerit verificata: interea tamen, si intra hoc tempus ante eventum conditionis etiam copulam habuisset cum hac sua Sponsa, dubitari posset, an per eam non censetur promittens sal-

tem tacite hanc conditionem remittere, & velle absolute contrahere, ita, ut teneatur exinde instituere cum hac alias æqualis conditionis Sponsa Matrimonium, etsi consensus Parentum post habitam copulam non sequatur, sed potius contradictio? Et videtur hoc dubium decidi *cap. 5. de Conditionibus apposis* &c. ubi Summarium sic habet: *Qui sub honesta conditione Sponsalia contrahit, & ante conditionis eventum desponsatam cognoscit, a conditione recedit*: præsumitur enim in Jure hanc conditionem remittere. Interea tamen recte subjungit La Croix *lib. 6. part. 3. num. 89.* quod, si habens copulam positive sibi reservasset, nolle obligari ad Matrimonium, nisi verificetur prius annexa conditio, pro foro conscientie non foret attendenda prior præsumptio, utpote nitens falso supposito: tenetur tamen puellæ meo iudicio, si præfata hanc suam reservationem non indicasset ante copulam, omne damnum, si quod ex copula eveniret, resarcire, utpote cum eam induxerit, quæ prudenter credere potuit per copulam recedi a conditione annexa.

Quodsi conditio Sponsalibus adjecta esset turpis, & quidem repugnans Substantiæ Matrimonii, v.g. si diceret Titius ad Bertham: *Ducam te, si tempore Matrimonii generationem proles evites non exercendo perfectam mecum copulam* &c. haud dubie Sponsalia forent ex utraque parte nulla, quamvis se Bertha taliter adstringeret, cum talia Sponsalia obligarent ad contrahendum, & consummandum Matrimonium graviter peccaminosum, &c.

Quando vero memorata conditio turpis non repugnat Substantiæ futuri Matrimonii, e.g. si Sempronius diceret ad Cajam: *Accipiam te in uxorem, si modo mihi usum corporis tui concedas*: in simili casu oritur difficultas, an, & quomodo talia valeant Sponsalia? & quidem eadem absolute in suo valore subsistere, & Sempronium ad Matrimonium contrahendum obligari, si Caja petat, quamvis illa ante Matrimonium usum corporis non concederet, defendit cum aliis Sanchez ex ea ratione; quia etiam in Matrimonio, juxta jam dicta, talis conditio turpis, quæ non repugnat Substantiæ Matrimonii, habetur, ac si numquam adjecta fuisset, adeoque (ajunt) pariter de Sponsalibus discurrendum erit. Ast Basilii Pontius, Perez, Castropalao apud Reiffenstuel *Lib. 4. Decret. tit. 1. num. 58.* verosimiliter judicant, talem conditionem debere attendi, ita nimirum, ut ante impletam conditionem Sponsalia non obligent, & utraque pars resilire adhuc possit; cum nemo ex pacto obligetur ad peccandum; postquam vero hæc conditio turpis ab una parte impleta est, Sponsalia valeant, & compartem ad contrahendum Matrimonium adstringant. Ratio est: quia, quod talis conditio turpis non attendatur in Matrimonio, sed potius habeatur pro non adjecta, est particularis dispositio Juris ob specialem favorem Matrimonii alias indissolubilis facta: Cæteroque autem generaliter quoad contractus specialiter non exceptos jam dictum est in materia de contractibus, quod conditio turpis attendatur, ita quidem, ut ante ejus impletionem utriusque liberum sit resilire; post impletionem vero ad sit obligatio standi promissis ex parte spondentis. \*

32. CONCL. IV. Sponsalia semel valide contracta juxta de causis possunt denuo dissolvi; adeo, ut contrahentes possint ab ipsis resilire, & si voluerint, licite alteri nubere. Ita communis: & probatur inductione assignando præcipue illas causas, ob quas possunt dissolvi Sponsalia. Et quidem

33. I. Sponsalia puberum (secus de impuberibus, ante adeptam pubertatem) possunt mutuo eorum consensu dissolvi: nam *omnis res, per quas causas nascitur, per easdem dissolvitur, cap. 1. de Reg. Juris.* Et hoc intellige, etiam si Sponsalia fuerint juramento firmata, *arg. c. Præterea, de Sponsal.* juxta Glossa ibidem: quia potest quilibet Juri suo, quod per Sponsalia acquisivit, cedere, illudque alteri remittere. Quod si unus tantum a Sponsalibus resiliat, ipse quidem per hoc ab obligatione immunis non fit (nisi alter postea consentiat) nihilominus alter illico redditur immunis: quia hoc ipso, quod prior Sponsalibus renunciaret, censetur cedere juri suo.

34. II. Sponsalia dissolvuntur per ingressum Religionis: nam quia per hunc secuta Professione dissolvitur Matrimonium ratum, quanto magis Sponsalia? Et quidem per solum ingressum jam ante Professionem dirimi Sponsalia ex parte remanentis in seculo, communiter fatentur Doctores; quia ingrediens Religionem, hoc ipso censetur renunciassse juri sibi ex Sponsalibus acquisito; sicque alter ab eorum obligatione liber existit.

35. Utrum autem ea per solum ingressum Religionis, etiam Professione non secuta, dissolvantur ex parte utriusque, major difficultas est. Affirmant Bonacina *quæst. 1. de Sponsalibus, punct. 5. n. 3.* Sanchez *lib. 1. de Matr. disp. 42. n. 5.* & quidam alii, dummodo quis bona fide ingressus fuerit. Oppositum tenet Engel *tit. de Sponsal. §. 3. num. 7.* asserens, quod ingressus Religionem, & rursus egrediens teneatur stare Sponsalibus, si remanens in seculo velit ultro expectare eumque recipere: quia ingrediens Religionem non potuit jus alteri quæsitum per suum factum auferre, nisi Professione secuta. Et hanc posteriorem sententiam tenent multi Doctores, eamque Sanchez *loc. cit. num. 4.* appellat probabilissimam.

36. Porro per Votum simplex Castitatis, aut Votum suscipiendi sacros Ordines, post Sponsalia editum, non videntur hæc dissolvi. Tum quia privilegium dissolvendi Matrimonium ratum, & Professioni Religiosæ concessum, non extenditur ad Votum simplex Castitatis, neque ad susceptionem sacrorum Ordinum, ut dictum superius (e) jima tale Votum videtur illicite factum, cum teneat in præjudicium tertii, scilicet sponsæ. Tum quia *cap. 1. de Obligatis ad rationem, &c.* generaliter prohibetur, ne quis in præjudicium alterius ordinetur, Engel *loc. cit. num. 8.* Sanchez *disp. 46.* & probabilior aliorum, quamvis non desint oppositum tenentes.

37. III. Sponsalia omnino dirimuntur per Matrimonium subsequens, valide; quamvis illicite contractum de presenti cum alia persona. Ita certa, & communis; atque habetur expresse a *Si inter, de Sponsal.* Ubi hoc ipsum extenditur ad casum, quo priora Sponsalia fuerunt jurata. Ratio est:

est:

est: quia res unitradita per contractum indissolubilem, non potest amplius tradi alteri, cui tantum est promissa: atqui per Matrimonium fit mutua traditio corporum, & per Sponsalia solum promissio eorum; ergo.

38. Et hoc adeo verum est, quod probabilior Doctorum asserat, talia Sponsalia, etiam dissoluta per mortem conjugis matrimonia, non amplius obligare ad sui impletionem; eo quod obligatio semel extincta, non amplius reviviscat: quamvis loquendo de Sponsalibus juratis, oppositum teneant Bonacina *punct. 7. de Sponsalib. num. 3.* & quidam alii. Interim certum est, quod si ob violationem Sponsalium primæ Sponsæ quidpiam mali contigerit, illud in conscientia sit reparandum: cum damnum ejusmodi acciderit ex culpa violatoris.

39. Verum loquendo de Sponsalibus, priora Sponsalia non dirimuntur per posteriora ex parte contrahentis ea; quinimo posteriora sunt irrita, ac invalida. Nihilominus ex parte alterius possunt dissolvi Sponsalia; adeo, ut si ipse velit, possit licite alteri nubere: nam alius, qui posteriora Sponsalia contraxit, hoc ipso renunciasset censetur prioribus.

40. IV. Sponsalia, etiam juramento firmata, dissolvuntur ex parte innocentis per sequentem alterius fornicationem: ita ut, si innocens velit, sit liber a Sponsalibus. Ita habetur *cap. Quemadmodum, de Jurejurando*; estque communis. Nam propter fornicationem supervenientem potest vir licite dimittere uxorem a sua cohabitatione; ergo longe magis sponsam de futuro ad eam non admittere. Accedit, quod in contractu sponsalicio tacite subintelligatur isthæc conditio, *Si illa contra regulam desponsationis non venerit*; prout notat Pontifex *cit. cap. Quemadmodum*.

\* Quod si fornicatio præcessisset Sponsalia, fuisset autem ante promissum Matrimonium ab innocente ex Sponsis ignorata, an etiam eadem postmodum rescissa præbeat comparti innocenti sufficientem causam Sponsalia solvendi, alia est difficultas; ubi communior DD. in Jure Canonico apud hunc Auctorem *Lib. 4. Decret. tit. 1. num. 246. & seqq.* distinguit inter Sponsum, & Sponsam: nimirum, quod propter fornicationem Sponsæ præcedentem, a Sponso tamen ignoratam, Sponsalia juste solvi possint ab ipso Sponso; non item vice versa regulariter loquendo a Sponsa ob præcedentem fornicationem Sponsi. Ratio utriusque partis est; quia exinde Sponsa, quæ antecederet commisit fornicationem, notabiliter evadit vilior in communi æstimatione, quam fuisset absque hac fornicatione, quæ notabilis vilitas antea ignorata justam præbet causam resciliendi in hoc contractu adeo oneroso conformiter dicendis. Cum vero tanta regulariter vilitas non adit ex parte Sponsi, si ante Sponsalia is fuerit fornicatus, consequenter nec propterea Sponsa regulariter potest solvere Sponsalia; quoniam juxta communem æstimationem, quæ hic maxime attendenda est, non ita ignominiosum reputatur, nec ita præjudiciosum fœminæ, si nubat viro, qui prius aliam cognovit, ac si vir nuberet fœminæ, præcedenter ab altero carnaliter cognita. Subjungunt tamen DD. *loc. cit.* quod, si

Sponsus antea cum pluribus fuisset fornicatus, vel ex præcedente unica fornicatione prolem haberet, idque Sponsa primum post Sponsalia resciret, exinde pariter Sponsæ præberetur justa causa resciliendi; quoniam & in talibus circumstantiis interveniret valde notabilis qualitas antea ignorata.

Quantum ad oscula vere impudica ac similes amplexus, & tactus, Auctor allegatus cum Bosco, Layman, & Sporer *loc. cit. num. 253.* recte ponit sequentia formalia: *Etiam ob oscula, amplexus, & tactus impudicos a Sponsa libere admissos, vel exercitos, siue post, siue etiam ante Sponsalia* (ignorante tamen pro tempore Sponsaliorum comparte) *Sponsus solvere potest Sponsalia &c.* Ratio est; quia etiam in tali casu respectu Sponsa censetur adesse notabilis mutatio, ac reputatur talis fœmina impudice vivere, ut proin eam merito horrere possit Sponsus. Sponsi tamen oscula, & tactus impudici cum altera commissi ante Sponsalia non dant Sponsæ causam sufficientem ad solvenda Sponsalia; imo nec post illa, nisi fuerint frequentes &c. quia in viro tales actus ita probasti non sunt, ac in fœminis, nec tam facile impudica vita notam incurrunt, nisi sint frequentes, ut limitant DD. & merito, quia post Sponsalia a Sponsa cum alia habita justum causant horrorem in Sponsa &c. Ita ille. \*

41. IV. Sponsalia, etiam juramento firmata, dissolvuntur fœditate notabili superveniente; aut oculorum, vel nasi amissione, aut paralyti, vel leprâ. Ita habetur *cit. c. Quemadmodum, de Jurejurando*. Et ratio est: quia promissio sponsalitia, quin & juramentum, intelligitur rebus in eodem statu permanentibus. (f) Qua de causa Sanchez *lib. 1. de Matr. disp. 57. num. 2.* præsentem materiam amplius declarans, infert cum aliis, hoc idem esse dicendum de morbo gallico, aut alia gravi infirmitate incurabili superveniente, v.g. epilepsia: item de eo, cui os male olet, nec arte medica curari potest: & præsertim, si animi, aut existimationis, notabilis deformitas superveniat, ut si sponsus furti, aut alterius turpis criminis damnetur; cum major sit morum, & famæ, quam corporis habenda ratio.

42. Cæterum prædicta intelligenda sunt ex parte illius, qui innocens, aut illæsus est. Eo enim volente, solvuntur Sponsalia, si vero nolit eadem solvi, manebunt: quia in favorem ipsius innocentis, seu illæsi, hoc statutum est. Insuper dicta procedunt de ejusmodi morbo, aut defectu præcedente quidem Sponsalia, sed ignorato ab altera parte: nam si postea talis defectus primum deprehendatur, potest pars illæsa rescilire, si vult. Secus, si prius noverat illum defectum, & nihilominus libere contraxit Sponsalia: nam censetur in hæc consensisse, non obstante illo defectu.

43. VI. Sponsalia dissolvuntur propter morum asperitatem vel sævitiam notabilem alterius conjugis ex post facto cognitam: item ob graves, & capitales inimicitias inter Sponsos subortas. Ratio est: tum ne alioquin Matrimonium infelices exitus habeat: tum quia hæc est notabilis mutatio rerum, & gravis causa superveniens, aut saltem postea primum cognita, Sanchez *lib. 1. disp. 56.* cum communi.



44. VII. Sponsalia dissolvuntur ob paupertatem alteri supervenientem: ut si sponsa, quæ dives fuerat, ad paupertatem redacta fuerit. Ratio est: quia adest notabilissima mutatio, quæ a principio existens, vel cognita, Sponsaliorum contractum impedivisset. Et hoc idem dicendum, si paupertas jam præcessit, fuit tamen ignorata, & sponsa dives credita.

\* Quando autem post contracta Sponsalia nulus equidem inter Sponsos evadit pauperior, bene vero unus ex improvisa hæreditate, thesauri inventionem &c. fit multo ditior, & exinde honoratior, an talis exinde habeat justam causam dissolvendi Sponsalia? inter AA. controversitur: ubi teste La Croix affirmativa defenditur ab Amico, Hurtado, & Illung; ego autem cum Krimer, Kugler, & communiori puto, veriore esse negativam; quia alter exinde, quantum est ex parte sua, nihil immutavit in suis qualitatibus, adeoque standum erit priori contractui: alias certe contra communem praxin posset etiam Sponsus illico resilire a Sponsalibus ex eo, quia ipsi modo offertur Sponsa ditior. Interea tamen optime consulit Sporer hic, ut, si Sponsus factus ditior nolit omnino amplius ducere suam Sponsam, eadem non multum ipsum cogat ob pericula dissensionum exinde in Matrimonio futurarum, sed potius aliud quidpiam in compensationem, eo quod a sua petitione desistat, exigat. \*

45. VIII. Insuper Sponsalia dissolvuntur propter alterius sponsi discessum in longinquam regionem absque licentia sponsæ, nec sit certa spes cito redeundi: tunc enim in Foro conscientie licitum est relicte sponsæ ad alias nuptias transire. Ratio est: quia alter sic clam discedens, censetur renunciavisse juri suo.

46. Sunt quidem nonnullæ aliæ causæ dissolvendi Sponsalia, de quibus fusissime Doctores, ac præsertim Sanchez *cit. lib. 1. per plures Disputationes*. Verum præmissæ sunt principaliores.

47. Quæres, an pater possit impedire Sponsalia filii contra ejus voluntatem inita? Resp. Id fieri non posse, nisi scandalum magnum ex tali Matrimonio probabiliter timeatur. Alias enim, cum filius teneatur servare fidem, & Sponsalia promissa sub gravi culpa (nisi una prædictarum causarum excuset) obligent promittentem, non poterit pater tuta conscientia impedire, ne filius suam obligationem exequatur. Sanchez *loc. cit. disp. 14. & alii*.

48. Quæres ulterius, an ad solvenda Sponsalia ob supra dictas causas, opus sit auctoritate, & sententia Judicis Ecclesiastici, nec ne? Resp. cum Tannero *rom. 4. disp. 8. quest. 1. dum. 4. num. 72. & aliis*. Quando Sponsalia sunt clandestina, aut quando causa dissolvens Sponsalia, ejusque justitia est manifesta, non est opus auctoritate Judicis ad solvenda Sponsalia ex supra dictis causis: secus vero, si Sponsalia sunt manifesta, causa vero dissolutionis incognita, vel dubia. Quod si alicubi Ritualia Diocesana præcipiant, Sponsalia publica non nisi cum præcitu Ordinarii dissolvenda esse, licet interveniret mutuus contrahentium consensus, aut alia causa publica, eorum ordinationi in tali Diocesi standum erit.

## APPENDIX.

Continens utilia adhuc notanda circa difficultates, defectus, & qualitates, ob quas Sponsalia semel contracta iterum dissolvi possunt.

\* **U** Num præcipue, ac utilissime ex La Croix *Lib. 6. pari. 3. num. 167.* difficultates, defectus, & qualitates illas vel antea ignoratas, vel primum post Sponsalia advenientes, & dantes occasionem sufficientem resiliendi, bene annotandum est: nimirum, quod, etsi in aliis contractibus onerosis conformiter dictis in materia de contractibus *Tract. 8. dist. 1. quest. 2. 15. & seqq.* non admittatur illa Regula, quasi nimirum liceret alteri universaliter rescindere aliquem contractum absolute initum ex eo, quia supervenit aliqua difficultas, vel de novo cognoscitur alia qualitas, quæ si ab initio prævisa, sive præcognita fuisset, contractus iste non fuisset initus; hoc enim solummodo verum est, quando hæc qualitas dedit causam contractui, aut fuit expresse in pactum deducta juxta dicta de contractibus; alias vero decepto infra dimidium solummodo in foro conscientie competit jus ad compensandum sibi damnum permanente adhuc in suo valore contractu. His tamen non obstantibus memorata potestas dissolvendi contractum procedit ordinarie in Sponsalibus, si talis qualitas, defectus, seu difficultas interveniat; quoniam promissio Matrimonii, quod inducit vinculum indissolubile, requirit majorem libertatem, ac intentio spondentis circa casum tam difficilem in materia, ex qua alias sequeretur vinculum indissolubile, juxta communem prudentum interpretationem (cui talis saltem tacite se voluisse conformare præsumitur) videtur sibi specialiter reservasse facultatem rescindendi, si post Sponsalia ante ipsum actuale Matrimonium interveniat quidpiam, vel innotescat, quod ipsum indissolubile Matrimonium alias redderet valde grave, & exinde communiter habetur pro causa dissolutionis.

Nec refert, quod in ordine ad ipsum contractum Matrimoniale non liceat eundem semel absolute initum iterum rescindere ob aliquam similem difficultatem, aut qualitatem accidentalem, quamvis, si esset antea hæc prævisa, seu præcisa, dictum Matrimonium non fuisset initum.

Respondetur enim, contractum Matrimoniale ipsummet semel absolute initum non taliter subjacere dissolubilitati; hincque non posse præsumi, quod propter dictas difficultates, seu qualitates contrahens absolute, sibi reservaverit facultatem rescindendi. Econtra vero contractus sponsalitiis, quamvis absolute initus, adhuc est dissolubilis, & consequenter talis reservatio facultatis rescindendi utique fieri potest, atque in allegatis casibus tacite facta fuisse ex communi prudentum persuasione præsumitur. Ex quo jam patet disparitas inter contractum matrimoniale, & sponsalitiis. Videantur etiam dicenda *quest. seq. num. 52.*

Porro,



Porro, si dubium sit, utrum aliqua mutatio existat talis, ut, si fuisset praevisa, impedivisset Sponsalia, desuper debet interrogari ille, qui intendit dissolvere Sponsalia, utrum, quando tempore contrahendi Sponsalia rescivisset, eundem instituere noluisse? Affirmanti autem, vel neganti in Foro conscientiae, maxime si addat Juramentum, credi debet, uti ex Sanchez, Filliuccio, Layman, Gobat deducunt *la Crux loc. cit. num. 168. & Sporer part. 4. Theologi Sacramenti. cap. 1. n. 279.* Unde si nihilominus contraxisset pro tunc, nequit a modo propterea solvere Sponsalia. Quod si nunc existat dubium, num. si scivisset, contracturus fuisset, nec ne. Leander apud Tamburinum ait, si defectus sit gravis, praesumi non fuisse contracturum, secus si sit levis tantum. Meo iudicio, optime facit talis dubitans, si candide proponendo casum desuper expectet sententiam Episcopi.

Ponamus autem, quod quantitas illa, ob quam alter ex Sponsis, si resciret, resilire posset, adhuc sit occulta, tenebiturne laborans hac qualitate eandem Comparti manifestare, vel poteritne illam occultando, ac tacendo, nihilominus Matrimonium praetendere?

Respondeo I. Ad hoc dubium, si qualitas illa fuerit occulta, nec sit periculum grave, ne evadat publica, exinde causatur, rixas; tunc potest ea occultari, & adhuc Matrimonium praetendi, supposito, quod ipsa futuro Matrimonio dicta qualitas non afferat notabile incommodum. Ita Castropalao, Sporer, Basilus Pontius, alii, atque tam haec, quam aliae materiae de Sponsalibus fusius traduntur in *lib. 4. Decret. tit. 1. & tit. 4.* Ratio est; quia vitium mercis occultum, quod non affert notabile damnum, seu incommodum ex communi contrahentium consensu non tenetur unus contrahentium alteri manifestare, juxta materiam de contractibus; sed talis qualitas, seu defectus, quamdiu est in occulto, & ignoratur, non affert Matrimonio notabile incommodum, seu damnum, uti supponitur in casu: ergo. Sic ex praxi patet, quod, si Sponsa ante Matrimonium admittat ab alio proco occulta impudica oscula, & amplexus, aut Sponsus cum alia exerceat tactus impudicos, vel etiam post Sponsalia in occulto committat fornicationem, citra aliud damnum eveniens, nihilominus praetendant Matrimonium, quin defectum hunc manifestent. Resp. II. Si qualitas illa, seu defectus futuro Matrimonio afferret notabile incommodum, prout foret, si aliqua pars laboraret lepra, morbo gallico usque ad tempus Matrimonii non curabili; vel si Sponsa, ab alio ante Matrimonium impraegnaretur, tunc tenetur laborans hac qualitate, seu defectu occulto a praetensione Matrimonii desistere, & etiam alteri persuadere, ut cedat suo juri; vel alias ipsi in secreto (qui tamen obligaretur ad strictum silentium) hunc defectum, seu qualitatem manifestare, tentando, utrum eo non obstante adhuc velit contrahere, nec ne? Ita AA. qui supra. Ratio est: quia juxta materiam de Contractibus non licet communiter loquendo occultare defectum, qui alteri contrahentium, etsi ignorant, notabile afferret damnum, seu incommodum.

Dices: Nemo tenetur bona altioris ordinis perdere, ut exinde alteri procuret bona inferioris ordinis: sed si quis obligaretur manifestare talem defectum, seu qualitatem, deberet perdere bona altioris ordinis, ut exinde procuret bona inferioris ordinis: ergo. Min. probatur. Bonum illud, quod quis revelando suum crimen (e.g. copula cum alio habita subsecuta impraegnatione) deperderet, est ipsamet fama propria; bonum vero, quod exinde alteri procuraret, est bonum fortunae, ut nimirum exinde alter non adstringatur futuram prolem alere, eamque hereditatis participem reddere: sed fama unius est superioris ordinis, ac bona fortunae: ergo. Confirmatur: In ipso conjugio non tenetur adultera impraegnationem ab alio factam manifestare cum propria diffamatione, quamvis exinde sequatur viro damnum in bonis fortunae; eo quod talem prolem adulterinam alat, ad hereditatem admittat &c. ergo neque in Sponsalibus. Respond. neg. min. Ad ejus probationem neg. maj. in primis falsum est quoad primam partem, quod quis adstringatur perdere bonum famae; etenim non obligatur determinate manifestare suum defectum, sed potest assumere alterum remedium, sponte desistendo a petitione Matrimonii sub praetextu alio. Secundo pariter falsum est, quod ex parte alterius praecise procuret bonum fortunae; cum exinde etiam evitentur graves inimicitiae, discordiae, ac rixae, quae evitatio utique concernit bonum ipsius animae. Accedit, quod etiam manifestando defectum cum allegatis circumstantiis non adeo notabiliter deperdatur bonum famae; quoniam in notitiam illorum occultorum defectuum alias altera Compars cum majori prostitutionis periculo deveniret post contractum ipsum Matrimonium, supposito, quod in praetensione Matrimonii adhuc persisteretur. Ex quo jam patet disparitas, & resolutio quoad Confirmationem.

Assumamus casum sequentem: Sempronius cum Titia contraxit Sponsalia, ac cum eadem intra hoc tempus etiam frequenter exercuit copulam, qualem pariter intra idem tempus Titia concessit Cajo, ex quo ultimo etiam concepit. Impraegnata advertens Sempronius suam Sponsam, ac credens semetipsum hujus Auctorem, urget Matrimonium brevi, & antequam uterus intumescere incipiat, contrahendum, ne alii advertant extra Matrimonium gravidam factam. Numquid in his circumstantiis poterit Titia illum incognitum a Sempronio Matrimonium contrahere? Respondeo, in hoc casu efficacius urgere Argumentum superius pro parte affirmativa adductum. Etenim resilire a Matrimonio a Sempronio dictum crimen ignorante huic non concedetur: item si resiliret, cognosceretur non sine prostitutione fuisse facta gravida extra Matrimonium. Quod si autem manifestaret crimen, se ipsam infamaret apud Sempronium, per quem etiam probabilissime a Matrimonio excluderetur cum maximo dedecore. Econtra vero si crimen abscondat, Sempronius credens, se esse patrem futurae proles, nequaquam deveniret in ejusdem notitiam, uti supponitur in casu. Quare meo.

meo iudicio in his extraordinariis circumstantiis, cum Titia necessario deberet determinate famam perdere, nisi delictum abscondat, poterit illud occultare, & sic cum Sempronio Matrimonium contrahere, permittendo eundem in sua bona fide; quoniam, dum aliud medium præservandi alterum a damno inferiori non superpetit, nemo tenetur regulariter prostituere bonum famæ, ut alium conservet in bonis fortunæ, uti in superiori objectione recte adductum fuerat, & patet ex paritate quoad conjugem factam adulteram in Matrimonio: etenim utrobique, si rem intimius volumus considerare, non fit positivus influxus in damnum alterius quoad bonam fortunam, sed si per accidens quodpiam eveniret, ex gravissima causa tantum permittitur ad conservandum bonum famæ. Ceteroquin vero debet sub gravi peccato, & onere restitutionis allegata Titia invigilare, ut, si ex præcedente imprægnatione per Cajum facta proles nasceretur, eadem non expensis Sempronii, sed Caji educaretur, & aliis liberis ex legitimo Matrimonio procreandis, vel hæredibus Mariti portio hæreditatis exinde non diminueretur. Nec credo, sub his limitationibus La. Croix loc. cit. num. 183. fore contrarium.

Quæres An, quando aliquis defectus occultus dirimens ipsummet Matrimonium ex culpa unius sponsorum post contracta Sponsalia intervenit, is, qui est in culpa talis impedimenti, possit exinde solvere Sponsalia, si altera Compars ad dissolutionem non consentiat, vel quidnam in tali casu sit agendum? Casus majoris claritatis gratia potest formari sequens: Sempronius in occulto contraxit Sponsalia cum Titia. Successu temporis familiarior factus ipsius Titia Sorori Caji, ab eadem præcedentium Sponsalium ignara obtinet perfectum usum corporis juncta promissione Matrimonii. Cognoscens autem postmodum, quod in his circumstantiis conformiter dicendis quæst. seq. nullam ex duabus ducere valeat ob duplex impedimentum dirimens, Affinitatis quidem ex parte primæ, & publicæ honestatis ex parte secundæ, statuit secum occulte augere: Quæritur, an id possit bona conscientia facere? Respond. neutiquam: tenetur enim quoad priorem, nimirum Titiam (supposito, quod ipsamet non velit sponte a futuro Matrimonio desistere) procurare suis propriis expensis dispensationem, cum sit peccaminose in causa huius defectus futurum Titia Matrimonium dirimentis: interea tamen expensæ desuper ratione dispensationis impetrandæ in præsentem non erunt magnæ; quoniam eadem juxta dicenda ob impedimentum occultum petitur solummodo in Pœnitentiaria. Quoad posteriorem vero (puta Cajam) obligatur, omnia damna, si quæ huic propterea evenerint, resarcire; quia eandem ignaram præcedentis promissi, & exurgentis exinde impedimenti fraudulenter induxit. Insuper obligatur prolem, si quæ exinde nascatur, alere. Videatur de hoc fusius utilissime Reifensuel in Jure Canonico Lib. 4. Decret. tit. 1. §. 4. & §. 8. n. 294. ac seqq.\*

## SUMMARIUM.

49. Impedimenta dirimentia Matrimonii, quot?  
Et qua?

50. An, an ponenda pro distinctio impedimentorum?

49. Impedimenta dirimentia Matrimonii antiquo jure tantum duodecim fuerunt, iis tamen per Concilium Tridentinum duo sunt adjecta, scilicet Absentia Parochi, aut duorum testium, & Raptus mulieris, nisi hæc post raptum dentio fuerit collocata in loco securo. Porro umbra hæc Impedimenta sequentibus versiculis apte comprehenduntur.

Error, Cœditio, Votum, Cognatio, Crimen, Cultus disparitas, Vis, Ordo, Ligamen, Honestas.  
Si sis affinis, si forte coire nequibis;  
Si Parochi, aut duplicis desis præsentia testis,  
Raptæ sis mulier, nec parvi reddita tuta:  
Hæc socianda vetant connubia, facta retrahant.

50. Sunt quidem nonnulli, qui pro distincto Impedimento addunt Etatem impuberum, ac proinde allegatum tertium versiculum sic legunt: Etas, Affinis, &c. Verum istud Impedimentum Etatis, utpote quam malitia potest supplere, commodè reducit ad Impotentiam, de qua inferius § IV. Hinc retentis prioribus versiculis, quos tum D. Thomas part. 3. quæst. 50. Supplementi, art. 1. tum Scotus 4. dist. 42. alique referunt: breviter dicta Impedimenta in hac Quæstione declarantur, majoris tamen claritatis gratia de singulis speciales Paragraphos instituendo.

## §. I.

## De Impedimento Erroris.

## SUMMARIUM.

§ 1. Error persone dirimit matrimonium.

§ 2. Error fortune, & qualitatis, quis, & an Matrimonium dirimat?

(g) Adde dicta Tr. 8. Dist. 1. n. 14. & 15.

§ 3. Error conditionis, quis?

§ 1. Error, quantum ad propositum, quotumplex intelligi potest; scilicet personæ, fortunæ, conditionis, aut qualitatis. Error personæ est, quando erratur circa personam, putando, se contrahere cum tali persona, & est alia: prout contigit Jacob Patriarchæ; cui putanti se contrahere cum Rachele, loco hujus fuit supposita Lia, soror ejus, Genes. 29. Et hic Error personæ, juxta omnes Doctores dirimit Matrimonium, idque non solum Jure Ecclesiastico, sed etiam Jure naturæ: quia aufert consensum ad substantiam Matrimonii requisitum, utpote cum quis velit cum tali determinata persona contrahere, & non cum alia. Unde Matrimonium Jacob cum Lia, a principio fuit nullum; quamvis postea accedente novo ipsius Jacob consensu, fuerit convalidatum. Et de hoc errore personæ loquitur præsens Impedimentum.

§ 2. Error fortunæ, quando quis putatur esse dives, qui est pauper. Error qualitatis est, quando contingit errari circa qualitates alicujus personæ;

ut

ut dum quis putatur esse bonus, vel pulcher, qui malus est, aut deformis; vel virgo, aut huiusmodi, & non est. Et istum duplicem errorem, qualitatis scilicet, ac fortunæ (dummodo adsit absolutus consensus, neque ejusmodi qualitas deducatur in conditionem contractus; neque error ille qualitatis involvat errorem circa ipsam substantiam personæ) nullatenus dirimere Matrimonium, consentiunt Doctores. Ratio est: quia error iste non contingit circa substantiam Matrimonii, sed solum circa ejus accidentia; ac proinde est solum accidentalis. (g)

§ 3. Tandem *Error conditionis* est, quando quis putatur esse liber, qui est servus. Et de hoc *Error* agetur ex professo in *sequenti Paragrapho*.

## §. II.

### De Impedimento Conditionis.

#### SUMMARIUM.

- § 4. *Impedimentum conditionis, quod?*
- § 5. *Conditio servilis dirimit Matrimonium, quando?*
- § 6. *Et quo jure?*
- § 7. *Matrimonium servorum inter se, an sit validum?*
- § 8. *Quid, si liber contrahat scienter cum serva?*
- § 9. *Aut servitus non sit proprie dicta?*
- § 10. *Triplex genus Servorum, nimirum Mancipia, Servi adscriptitii, & Originarii.*
- § 11. *Hi omnes prohibentur ad SS. Ordines promoveri.*

§ 4. **E**TI nomen *conditionis* satis amplum sit ad plura significanda, in proposito tamen ex communi usu loquendi denotat statum servilem, seu Servitutem proprie dictam, qualis olim plurimum fuit in usu. Unde per *Impedimentum Conditionis* intelligitur *Error conditionis* (de quo *n. prec.*) & tunc accidit, quando quis putatur esse liber, qui est servus proprie dictus. Et talis vulgo dicitur *Mancipium*: quale ita est Domini sui, ut illud Dominus possit ad libitum venumdare. Hoc prænotato, sit.

§ 5. CONCL. I. Conditio servilis, sive Servitus proprie dicta, est impedimentum dirimens Matrimonii, quando liber contrahit cum serva, vel libera cum servo, ignorata ejus conditione servili. Ita communis; & habetur decisum *c. Si quis ingenuus*, 29. q. 2. & *c. Ad nostram*, de *Conjugio servorum*.

§ 6. Existimant equidem plures Doctores, Conditionem servilem ignoratam dirimere Matrimonium inter servum & liberam Jure dumtaxat Ecclesiastico, prout tenet Sanchez *lib. 7. de Matrimon. disp. 29. n. 16.* citans pro hac sententia multos Doctores. Verum sententia, asserens, Conditionem servilem de Jure naturali irritare Matrimonium, satis probabilis est, aut etiam probabilior: siquidem *Error conditionis* evacuat consensum, prout notat Magister Sententiarum 4. *dist. 30.* atqui sine consensu Matrimonium Jure naturæ est nullum. Accedit, quod in toto Jure non reperiatur textus irritans, sed potius irritatio, seu nullitas talis Matrimonii supponatur. Insuper in Matrimonio fit permutatio corporum quoad usum Matrimonialem: atqui servus proprie dictus non habet liberum usum sui corporis, sicuti liber; ergo liber ignorans ejus servitutem non censetur

consentire in ipsum, neque potestatem corporis sui velle commutare cum potestate corporis servi, utpote quam ipse non habet; prout argumentatur Doctor Subtilis 4. *dist. 30. q. 1.*

§ 7. CONCL. II. Nihilominus validum est Matrimonium servorum inter se, licet ineatur domino contradicente; quamvis per hoc non liberentur a consuetis servitiis domino suo præstandis. Ita habetur *cap. 1. de Conjugio servorum*. Et hoc extendunt Doctores communiter ad eum casum, quo servus putans, se contrahere cum libera, contrahit cum serva: nam tunc non militat ratio *num. prec.* allata, cum quælibet pars æqualem sui ipsius potestatem transferat in aliam; neque error iste reddat conditionem contrahentis deteriolem. Et hinc SS. Canones dumtaxat loquuntur de Matrimonio liberi cum serva, vel econtra, ignorata ejus conditione servili, contracto, dum illud declarant esse invalidum.

§ 8. CONCL. III. Si liber contrahit cum serva scienter, aut econtra, validum est Matrimonium: Ideoque dicendum, si prius quidem ignorata ejus conditione servili contrahit, postea tamen cognita rei veritate in Matrimonium consensit, aut servam carnaliter cognovit. Ita communis; habeturque decisum *c. Proposuit*, & *cap. ult. de Conjug. servorum*. Accedit ratio: quia quilibet potest cedere juri suo.

§ 9. CONCL. IV. Quando servitus non est vera & proprie dicta, sed adscripticia solum, aut originaria, ejus error non dirimit Matrimonium. Ita Sanchez *cir. disp. 19. n. 9.* cum communi. Ratio est: quia hæc servitus non ita obsistit effectibus Matrimonii, sicuti prior; unde nec ejus ignorantia censetur tollere sufficientem consensum pro Matrimonio. Hinc Ecclesia numquam legitur irritasse, vel irrita declarasse Matrimonia cum talibus servis ignoranter inita.

§ 10. Ubi notandum, quod communiter triplex assignetur genus Servorum. Primo enim aliqui sunt *Servi proprie dicti*, quia ita sunt juris domini sui, ut eos venumdare possit: & tales dicuntur *Mancipia*, de quibus loquitur præfens *Impedimentum Conditionis*. Secundo, alii dicuntur *Servi adscriptitii* & sunt illi, qui glebæ, seu prædio cuiuspiam colendo, sunt perpetuo addicti. Tertio, alii sunt *Servi originarii*; & sunt illi, qui ex adscriptitiis nati sunt.

§ 11. Porro, quamvis hæc utraque posterior Servitus, licet antea ignorata, non sit impedimentum dirimens Matrimonii, ut dictum: nihilominus de Jure Canonico Servi tum adscriptitii, tum originarii, prohibentur ad Sacros Ordines promoveri invitis suis dominis, & ante manumissionem in scriptis Episcopo exhibendam; ut habetur *cap. Generalis*, & *c. Admittuntur*, *dist. 54.*

## §. III.

### De Impedimento Violentiæ.

#### SUMMARIUM.

62. *Violentia, quid?*

(h) *Dist. 13. Quaest. 3. n. 29. & seqq.*

62. **P**ER vim, seu *Violentiam*, prout est tum ex Impedimentis dirimentibus Matrimonii, aliud non intelligitur, quam metus gravis, atque

N n n

atque injuste incussus, inducens hominem ad contrahendum Matrimonium; quod alioquin nullo modo contraxisset, nisi ad id metu illo, seu violentia, fuisset compulsus. Et Matrimonium ex tali metu gravi, atque injuste incusso, contractum, ipso jure nullum est, ac irritum; prout superius (h) jam dictum.

## §. IV.

## De Impedimento Impotentia.

## SUMMARIUM.

63. *Impedimentum Impotentia, quod?*
64. *Dirimit Matrimonium, si est perpetua Impotentia.*
65. *Quid de temporali?*
66. *Aut si Impotentia supervenit Matrimonio jam contracto?*  
*Corollarium.*
67. *In dubio, an Impotentia censetur id processisse?*
68. *Quid juris, si dubitetur, an ea sit perpetua?*
69. *Castratio est Impedimentum dirimens Matrimonii.*
70. *Non vero sola sterilitas.*
71. *Impuberes invalide contrahunt, nisi malitia suppleat aetatem.*
72. *Idque ex Jure Ecclesiastico.*  
*Corollarium.*

63. **P**ER *Impedimentum Impotentia* hoc loco intelligitur Impotentia coeundi; seu inhabilitas ad habendam perfectam copulam conjugalem. Et de tali loquendo, sit

64. **CONCL. I.** Impotentia, si est perpetua, cui per naturam vel artem subveniri non potest, simulque praecessit contractum matrimoniale, simpliciter impedit Matrimonium contrahendum, & dirimit contractum, respectu cujuscumque est tale impedimentum. Ita communis, & habetur c. *Ex litteris*, & c. *Fraternitatis, de Frigid. & maleficiis*.

65. Dicitur, *si est perpetua*. Nam temporalis v. g. propter febrim, aut aliam infirmitatem accidens, non dirimit Matrimonium. Quinimo valet Matrimonium in mortis articulo contractum cum concubina ad legitimandam prolem; prout tenet communis Doctorum, & praxis Ecclesiae. Siquidem infirmi de se non habent Impotentiam perpetuam, sed temporalem: & per accidens est, quod quandoque hic & nunc moriantur, sicque impotentia illa fiat perpetua.

66. Additur etiam, *simulque praecessit contractum matrimoniale*. Nam, si ejusmodi impotentia sive propter viri frigiditatem, sive ob maleficium, Matrimonio jam contracto primum superveniat, certum est, Matrimonium non dirimi. Infertur proinde; quod talibus, utpote veris conjugibus, liceant tactus, & oscula ad ostendendum affectum conjugalem, dummodo absit periculum pollutionis. Infertur ulterius, quod talibus etiam licitum sit, conari ad actum conjugalem, quamdiu spes probabilis superest, ipsum perficiendi intra vas naturale, licet aliquando praeter intentionem pollutio contingat. Additur notanter, *quamdiu spes probabilis superest, &c.* Nam si de consummatione ejus totaliter sit desperatum, tunc illis illicitus est accessus conjugal. Sanchez lib. 9. disp.

17. num. 18. Layman lib. 5. tracl. 10. part. 4. cap. 11. & alii.

67. Porro in dubio, an impotentia praecesserit Matrimonium, vel primum postea supervenerit, praesumendum est, eam praecessisse. Abbas c. *Fraternitatis, de Frigid. & malef.* Engel eod. num. 10. & alii.

68. In dubio autem, num impotentia sit perpetua, vel temporalis, tunc ad experiendum conceditur conjugibus spatium trium annorum, c. *Laudabilem, eod.* Dicitur, *in dubio*. Nam, si de impotentia perpetua constet, statim separatur Matrimonium: quia, dum constat de veritate, frustra adhibetur ulterior experientia. Poterunt tamen tales, si voluerint, cohabitare ut frater & soror; caste videlicet vivendo, & abstinendo ab omni commercio carnali, arg. c. *Consultationi, eod.*

\* Porro tempus illud triennale, quod conjugibus in dubio, num impotentia sit perpetua, vel temporalis, ad probandum conceditur, conformiter dictis in Jure Canonico Lib. 4. *Decret. tit. 15. num. 27.* non computatur a die contracti Matrimonii, sed incipit a tempore, quo prima vice attentata fuit copula; quoniam praefatum triennium conceditur ad explorandum, an impotentia sit perpetua; haec autem exploratio non alio commodiori tempore, quam ab ipsa copulae attentione suum initium sumit: ergo. Quodsi hoc triennium fuerit completum, antequam actualiter adhuc ad separationem pro foro externo procedatur, praerequiratur, ut ambo conjuges jurent, quod serio copulam intra hoc tempus tentaverint, nec tamen perficere potuerint. Item praeterea ex parte cujuslibet conjugis debent septem propinqui, vel his deficientibus septem vicini bonae famae deponere Juramentum credulitatis, id est, debent jurare, quod credant, memoratos conjuges affirmare verum. Insuper quando constat, illud Matrimonium intra tempus hoc triennale consummari non potuisse, ab eo tempore nequeunt amplius putari hi conjuges petere, vel reddere debitum. Ratio est: quia tunc censetur adesse moralis certitudo impotentiae: adeoque male tentaretur copula. Quodsi tamen ex certis circumstantiis intra hoc tempus afflueret aliqua nova spes perficiendi copulam, posset haec probatio continuari etiam ultra triennium juxta Cajetanum, & Sanchez apud La Croix lib. 6. part. 3. n. 803.

Ast ponamus, quod finito sine effectu copulae triennio, & non affulgente nova spe in futurum eam perficiendi, impotentia ex parte unius conjugis fuerit decisa judicio Ecclesiae perpetua, & consequenter impedimentum dirimens, atque exinde alteri comparti potenti data licentia transeundi ad aliud Matrimonium, quod etiam contraxit, & consummavit; ponamus, inquam, quod post haec omnia jam facta primum deprehendatur, illam impotentiam non fuisse perpetuam: puta quia pars, quae judicabatur impotens, post separationem, & declaratam nullitatem prioris Matrimonii, aliam per copulam fornicariam impraegnavit, quidnam tunc agendum? num redeundum ad primum Matrimonium, vel poteritne altera Compars persistere in secundo? Antequam resolvam, Notandum I. Quod impotentia perpetua dicatur illa,



illa, quæ vel nequit tolli citra miraculum absolute, vel saltem non sine maleficio, seu peccato, siue non sint in gravi periculo mortis. Quodsi tolli queat citra miraculum, & absque peccato, ac mortis periculo censetur ante sublationem impotentia temporalis, quæ non dirimit præcedens Matrimonium. Notandum II. Quod impotentia perpetua alia sit absoluta, id est, quoad quascunque personas alterius sexus; alia respectiva, seu respectu unius tantum, vel alterius. Utraque autem evenire potest vel naturaliter, vel maleficio. *Naturaliter* ordinarie ex parte viri contingit ob nimiam frigiditatem, & ex parte feminae ob nimiam arctitudinem. *Ex maleficio* autem censetur evenire, quando alias nullus defectus neque ex parte mariti, neque ex parte uxoris advertitur. H. N.

Resp. I. Si separatio, & præcedentis Matrimonii nullitatis declaratio fuerit facta ex eo, quoniam a Iudice credebatur impotentia absoluta, & naturalis, quæ tamen postea cernitur sublata absque miraculo, peccato, vel interveniente gravi mortis periculo, debet in simili casu primum Matrimonium reintegrari, & posterius annullari. Ita demitur ex *cap. 5. & 6. de frigidis &c.* Ratio est: quia hæc Sententia Iudicis nitebatur falso supposito. Resp. II. Si præcedens impotentia naturalis fuerit iudicata respectiva, & exinde declaratum præcedens Matrimonium nullum, debet adhuc in ea nullitate persisti, & secundum Matrimonium, quod contraxit altera pars, permitti in suo valore; quia bene potest contingere, ut quis sit potens respectu unius, non tamen respectu alterius; prout idem evenire potest, si præcedens impotentia fuerit iudicata provenire ex maleficio, & exinde adhibitis frustra intra triennium probationis variis Exorcismis declarata nullitas primi Matrimonii; potuit enim maleficiū factum esse inter has duas personas, ut se non extenderit ad alias; hincque in simili casu utraque pars posset ad alias transire nuptias. Videantur dicta in Jure Canonico *Lib. 4. tit. 15. num. 56. & \**

69. CONCL. II. Castratio est Impedimentum dirimens Matrimonii: & hinc perfecte Eunuchi (hoc est, utroque testiculo carentes) non sunt habiles ad illud contrahendum. Ita communis; & patet ex Bulla Sixti V. *Cum frequenter* (& habetur *tom. 2. Bullarii Romani, Constit. 59. dicti Pons.*) in qua declaratur, perfecte Eunuchos esse ad contrahendum inhabiles, eosque, qui jam contraxerant, iterum separandos. Ratio est: quia, licet tales possint uti congressu, destituuntur tamen vero semine; ac proinde per se loquendo sunt inepti ad habendum bonum prolis, qui est finis primarius Matrimonii.

\* Aliam difficultatem movet La Croix *Lib. 6. part. 3. num. 789.* de aliquo curato ab hernia per sectionem, ubi uterque testiculus equidem mansit in inguine, at cum visceribus reconditus, & insutus; quaeritur, an talis possit verum excoquere semen, ita, ut sit capax Matrimonii? & respondit ibidem Universitas Vallesoletana cum Medicis, & Canonistis affirmative. \*

70. CONCL. III. Nihilominus sola sterilitas non est impedimentum dirimens Matrimonii. Ita

communis. Ratio est: Tum quia steriles possunt uti naturali copula, quæ per accidens tantum inepta est ad generandum, imo quandoque præter spem deservit ad generationem prolis: uti patet in Anna, matre Samuelis; Sancta Elisabeth, matre S. Joannis Baptistæ; & pluribus aliis. Tum quia Matrimonium non solum propter bonum prolis, sed etiam in remedium concupiscentiæ permissum, atque institutum est.

\* Ex hoc infertur, quod validum sit Matrimonium, si mulier semen viri debite valeat recipere, quamvis illud denuo matrix rejiciat. Ratio est: quia in simili casu jam habetur perfecta copula conjugalis; quod autem matrix illud semen iterum rejiciat, signum quidem est sterilitatis, at hæc non obest valori Matrimonii. Quodsi vero femina ob nimiam latitudinem vasis muliebris ne quidem semen viri debite recipere possit, an tunc non adsit impotentia dirimens Matrimonium, aliud est dubium, ad quod La Croix *loc. cit. n. 700.* respondet. Si latitudo antecesserit, nec naturaliter citra grave mortis periculum repelli possit, & sit constans causa, cur semen viri non possit debite recipi a femina, facit non solum sterilitatem, sed impotentiam perpetuam; utpote cum nequeat exerceri perfecta copula, adeoque ab initio invalidat Matrimonium. Quodsi de aliquo horum sit dubium, debet talis mulier conformiter *cap. 5. 6. & 7. de Frigidis &c.* a peritis inspicere, & examinari. Videatur desuper Paulus Zacchias *Lib. 3. Consilior. tit. 1. q. 6. \**

71. Quaeres: an impuberes (id est, masculi ante decimum quartum, & feminae ante duodecimum ætatis annum completum) valide possint contrahere Matrimonium? Resp. Negative, nisi in eis malitia suppleat ætatem; prout liquet ex *c. Puberes, & cap. ult. de Desponsat. impuber.* cum concordantiis. Ratio est: quia Ecclesia speciali jure disposuit, ut ejusmodi Matrimonia sint irrita; uti patet tum per Jura allegata, tum ex *c. Attestationi, eod.* ubi impuberes contrahentes jubentur separari, nisi malitia suppleat ætatem; id est, nisi citius sint doli capaces, simulque potentes ad actum conjugalem.

72. Dices: Impotentia temporalis non dirimit Matrimonium, ut dictum *n. 65.* atqui in impuberibus adest sola impotentia temporalis; ergo. Resp. Majorem esse veram, quantum est ex natura rei: secus accedente Jure Ecclesiastico, quo impuberes, in quibus malitia non suppleat ætatem, redduntur inhabiles ad contrahendum Matrimonium de presenti. Nam, ut notat Sanchez *lib. 7. de Matr. disp. 104. num. 9.* Herinex *disp. 6. de Matr. num. 85.* & alii, quamvis impuberes ceteroquin doli capaces, non obstante impotentia temporali ad actum conjugalem, spectato Jure naturæ, possent valide contrahere Matrimonium (prout & puberes effecti valide contrahunt, non obstante aliqua impotentia temporali, vel superveniente, vel adhuc ob complexionem tenellam durante) nihilominus impuberes Jure Ecclesiastico redduntur inhabiles ad contrahendum; nisi malitia suppleante ætatem sint potentes ad actum con-

N a a a a

juga-

jugalem. Ex quo ultimo infert Fagnanus *c. De illis, num. 38. de Desponsa. Impub.* quod istud impedimentum ætatis, a SS. Canonibus præfinitæ, non sit absolutum, sed conditionale; nisi videlicet malitia suppleat ætatem: quamvis ante eam ætatem assenti hanc aptitudinem, incumbat onus ipsam probandi, utpote qui præsumptionem juris contra se habet; nam Jus adepta pubertate, & non ante, præsumit homines habiles ad actum matrimoniale.

\* Quæres II. An Hermaphroditi, id est, participantes partim de sexu Masculino, partim de fœminino, possint valide contrahere Matrimonium? Respond. cum communi affirmative. Ratio est: quia Hermaphroditus potest perfectam superius *num. 63.* descriptam exercere copulam. Interea tamen, ut non solum valide, sed etiam licite id faciat, debet se gerere secundum prævalentiam sexus, vel si nullus sexus prævaleret, sed uterque quasi æqualis appareret, deberet se ad unum sexum ante Matrimonium determinare, & in Matrimonio non nisi secundum sexum semel electum copula uti. Videantur dicta *Lib. 4. Decret. tit. 15. num. 22. & seqq.* \*

## §. V.

## De Impedimento Ligaminis.

## SUMMARIUM.

73. *Impedimentum Ligaminis, quid?*

73. **P**ER *Impedim. Ligaminis* intelligitur vinculum prioris Matrimonii, quo durante posterius est nullum, & irritum. Verum de hoc ex professo dictum superius *Distinct. præc. Quest. 4.* per totum: ibi videatur.

## §. VI.

## De Impedimento Ordinis.

## SUMMARIUM.

74. *Impedimentum Ordinis, quid?*

75. *Oritur ex Jure Ecclesiastico.*

74. **P**ER *Impedim. Ordinis* illud intelligitur, quo Clerici in Sacris Ordinibus constituti, id est, Subdiaconi, Diaconi, ac Presbyteri, fuerunt ab Ecclesia inhabiles redditi ad valide contrahendum Matrimonium: ut patet ex *c. Presbyteris, dist. 27.* cum concordantiis; estque novissime definitum in Concilio Trid. *Sess. 24. can. 9.* ibi: *Si quis dixerit, Clericos in sacris Ordinibus constitutos, vel Regulares Castitatem solemniter professos, posse Matrimonium contrahere, contractumque validum esse, non obstante Lege Ecclesiastica, vel voto &c. anathema sit.*

75. Ex quibus verbis simul liquet, ac jam antea notavit Scotus *4. dist. 37.* istud Impedimentum Ordinis oriri ex Jure dumtaxat Ecclesiastico, quo tales ad contrahendum valide matrimonium redduntur inhabiles. Quinimo Clerici in Sacris constituti, si Matrimonium contrahere præsumant, præterquam quod nulliter ac invalide contrahant, excommunicationis sententiam ipso facto incurrunt; juxta *Clem. Eos qui, de Consang. & affinit.*

## §. VII.

## De Impedimento Voti.

## SUMMARIUM.

(i) Ut dictum Tract. 6. Dist. 3. num. 8. & 9.

76. *Votum solemnne Castitatis dirimit Matrimonium, non simplex; cur?*

77. *Quid de votis simplicibus Societatis JESU?*

76. **C**UM Votum Castitatis aliud sit simplex, aliud solemnne (i) conveniunt Doctores, solum votum solemnne Castitatis dirimere Matrimonium, de quo proinde præsens Impedimentum intelligendum est: Votum autem simplex Castitatis non *dirimit Contractum*, sed solum *impedit contrahendum*, prout patet ex *c. un. de Voto in 6.* Rationem hujus assignat Doctor Subtilis *4. dist. 38. circa finem*; quia Ecclesia habentes Votum solemnne Castitatis illegitimavit ad contrahendum Matrimonium, non autem habentes Votum dumtaxat simplex. Et hoc rationabiliter factum fuit: quia ille se posuit in potestate Ecclesiæ quantum ad oppositum ejus, ad quod est contractus Matrimonii, non vero iste habens dumtaxat votum simplex Castitatis; & hinc noluit Ecclesia hunc illegitimare ad contrahendum Matrimonium, sed eum reliquit Judicio Divino.

77. Caterum ab hac generali doctrina excipi debent Vota simplicia, in Societate JESU post absolutum biennium Novitiatus emitti solita: nam ejusmodi Votum simplex Castitatis ante legitimam e Societate dimissionem, non solum impedit Matrimonium contrahendum, sed etiam dirimit contractum; prout constat ex Bulla Gregorii XIII. *Ascendente Domino* (& habetur *tom. 2. Bullarii Romani, Constit. 89. dicti Pont.*) ubi §. 22. omnes ad sic contrahendum inhabiles declarantur, ipsique contractus annullantur. Et merito: nam etiam tales Professi specialiter quoad hoc se posuerunt in potestate Ecclesiæ.

## §. VIII.

## De Impedimento Disparitatis Cultus.

## SUMMARIUM.

78. *Impedimentum Disparitatis Cultus, quod?*

78. *Solvitur instantia.*

80. *Alia Cultus Disparitas, qua est inter Catholicos, & Hæreticos. Hæc impedit Matrimonium.*

81. *Quod limitatur.*

82. *Pacta de parte liberorum in hæresi educanda, sunt impia.*

83. *Cautela circa Matrimonia Catholicorum cum Hæreticis.*

78. **P**ER *Impedimentum Disparitatis Cultus*, seu *Disparis Cultus*, aliud non intelligitur, quam illud, quod oritur ex disparitate in Fide: qualis Disparitas in Cultu, seu Fide datur inter eas personas, quarum una est fidelis seu baptizata, altera vero infidelis & non baptizata. Et talis Cultus Disparitas est Impedimentum dirimens Matrimonii, ita ut de facto persona fidelis cum infideli valide contrahere non possit.

79. Nec obstat, quod S. Monica nupserit Patrio cuidam gentili, & S. Clotildis Clodoveo Francorum Regi adhuc gentili. Resp. enim, id tunc valide factum, eo quod vel illo tempore necdum ab Ecclesia fuerint annullata & irritata talia matrimonia, quæ fuerunt contracta inter fidelem & infidelem; vel certe ob rationabilem causam tunc prædictæ personæ obtinuerint legitimam dispensationem. Siquidem hanc Cultus Disparitatem solo Jure Ecclesiastico irritare Matrimonium, eo quod Ecclesia illegitimaverit Fidelem respectu Infidelis, notat Scotus 4. dist. 39. §. De secundis, estque communis.

80. Præter hanc Cultus Disparitatem, quæ intercedit inter Fidelem ac Infidelem, datur adhuc alius Dispar Cultus, qui reperitur inter eas personas, quarum utraque est baptizata, una tamen est Catholica, altera vero hæretica, vel apostata a Fide: nam etiam tales personæ habent disparem cultum, seu Fidem. Cæterum hæc Fidei, seu Cultus Disparitas non dirimit Matrimonium, quamvis illud contrahendum impediatur: ac proinde persona Catholica valide quidem potest contrahere Matrimonium cum hæretica, non tamen licite; cum talia Matrimonia prohibeantur c. Cave, & c. Non oportet, 28. quæst. 1. Sanchez lib. 7. disp. 72. cum comuni.

81. Excipe tamen cum eodem Sanchez loca illa, in quibus Hæretici cum Catholicis permixti vivunt, ut in Germania, Gallia, Polonia: in his enim ex consuetudine recepta, & tolerata, licent conjugia personæ Catholicæ cum hæretica, dummodo Catholica libere, & absque subversionis periculo, permittatur in Fide permanere.

\* Nec dicas, tali modo Catholicum moraliter cooperari, & influere in peccatum ipsius hæretici, quod is committit indigne administrando, & recipiendo Sacramentum Matrimonii, qualis influxus utique videtur illicitus. Respond. enim optime cum P. Pichler lib. 4. Decret. tit. 1. num. 130. negando, talem Catholicum in his circumstantiis moraliter cooperari alterius peccato; quoniam facit aliquid ex se honestum ob gravem causam, quo alter abutitur, & peccat ex sua malitia: sicut eodem modo discutitur quoad eum, qui ministrat Eucharistiam publice petenti, quem privatim scit indignum &c. Deinde materiales hæretici non semper indigne aut sacrilege saltem formaliter suscipiunt Sacramentum Matrimonii.\*

82. Pacta vero, quæ quandoque in talibus conjugis ineuntur, ut quidam ex liberis nascituris Catholicæ Fidei, alii vero hæresi adhæreant, sunt prorsus impia & irrita: cum pugnent contra Jus naturale, & Divinum, quo tenentur parentes prolem in vera Fide educare, eique media ad salutem consequendam necessaria subministrare.

83. Quia insuper ex matrimoniis Catholicorum cum Hæreticis communiter majora eveniunt mala, quam bona, utputa pertractio conjugis Catholicæ ad hæresim, vel saltem violationem Legum Ecclesiasticarum; rixæ, & dissensiones inter ipsosmet conjuges; periculum manifestum perversionis liberorum nasciturorum, ac hujusmodi. Hinc præter Ritualia Diocesana, stricte circa hoc observanda, merito notant Doctores, Parochis

esse attendendum, ut, quodam possunt, sese opponant talibus conjugis, neque ipsis assistant, nisi ineantur ex justa causa, & sine morali periculo subversionis: numquam autem iis, quorum Sponsi paciscuntur de parte liberorum educanda in hæresi, ne quoquo modo videantur consentire in pacta illicita, Jurique naturali ac Divino de legitima prolium educatione, atque instructione in vera Fide, repugnantia. Gobat tract. 9. Theol. Experm. n. 220. & alii.

# §. IX.

## De Impedimento Criminis.

### SUMMARIUM.

84. Impedimentum Criminis, quid, & unde oriatur?
85. Machinatio in morte conjugis dirimit matrimonium, quando fit pari consensu.
86. Vel conjungitur cum adulterio.
87. Adulterium, in quibus casibus dirimat Matrimonium?
88. Quatuor conditiones, ut uxoricidium dirimat matrimonium?
88. l. 89. II. 90. III. 91. IV.
92. An hoc impedimentum oriatur, si uxor occidat virum?
93. Quæ requirantur, ut adulterium dirimat matrimonium?

84. **P**ER Impedimentum Criminis, intelligitur Impedimentum dirimens matrimonium, quod ex aliquo gravi crimine ortum habet. Et quidem spectato Jure communi antiquo (nam Concilium Trid. Sess. 24. de Res. matr. cap. 6. addidit Impedimentum ex Raptu proveniens) duplex est hujusmodi crimen, videlicet Machinatio in mortem conjugis, & Adulterium: quamvis hæc non semper dirimant matrimonium, sed in sequentibus dumtaxat casibus.

85. Itaque Machinatio in mortem conjugis tunc dirimit matrimonium, quando vel pari consensu viri & mulieris committitur uxoricidium effectu secuto; vel quando uxoricidium conjungitur cum adulterio. Ita communis. Prima pars patet ex c. Laudabilem, de Convers. Infidel. ubi dicitur, quod Saraceni, qui quarundam Christianarum viros earum inficiis, & machinationibus occiderunt, postea conversi ad fidem non possint hæc mulieres Christianas habere in conjuges. Concordat c. Si quis vivente, 31. q. 1.

86. Altera pars habetur c. Super hoc, & c. Si significasti, De eo qui duxit in matrim. &c. Et quidem in tali casu, quando adulterium jungitur uxoricidio, sufficit ad istud Impedimentum incurrendum, quod alterutra pars, nimirum vel adulter, vel adultera, fuerit machinata in mortem conjugis, effectu tamen secuto: sive deinde fidem dederint, quod conjuge defuncta velint invicem nubere, sive non. Patet hoc ex cit. c. Super hoc, eod. ibi: Si adultera est in mortem uxoris aliquid machinata, sive fidem dederit, sive non, quod ea defuncta hanc esset ducturus, secundum Canones ab ejus consortio prohibetur: & hac prohibitio perpetuo servanda est. Ita videlicet perpetuo, ut necdum impediat matrimonium contrahendum, sed etiam dirimat jam contractum; prout explicat Abbas ibidem, & sequuntur alii.

87. Quantum attinet alterum crimen, tunc adulterium impedit matrimonium contrahendum, ac dirimit contractum inter adulterum & adulteram, quando vel cum adulterio concurrit machinatio in mortem conjugis, ut proxime dictum: Vel quando una cum adulterio intervenit fidei datio mutua de contrahendo inter se matrimonio post mortem conjugis, *arg. c. Significasti, eod. juncto c. Relatum, 31. q. 1.* Vel quando contractus matrimonii de facto (nam de jure non valet) cum adultera initus est vivente adhuc priore conjugis; prout liquet ex *c. Significavit, & c. Ex litterarum, De eo qui duxit in matrimonium &c.* Verum pro clariori dictorum intelligentia,

88. Quæritur I. Quæ conditiones requirantur ad hoc, ut crimen uxoricidii inducat dictum impedimentum? Resp. Quatuor ad hoc debere concurrere. I. Ut unus conjugum vere, physice, vel moraliter extiterit causa necis consorti illata. Et hinc sola ratihabitio ejus non sufficit: nam hæc non est causa occisionis, neque influit in eam, sed hanc supponit. Sanchez *lib. 7. de Matrim. disp. 78. n. 6.* Herinex *disp. 6. n. 73.* Bonacina, & alii.

89. II. Ut vel occisioni conjugis accedat adulterium, licet non interveniat mutua conspiratio; vel si adulterium desit, ambo, qui contrahere volunt, conspirarint in necem alterius conjugis.

90. III. Ut mors realiter sequatur, & ex vi actionis illarum: nam in materia pœnali, & odio, verba cum effectu accipienda sunt, *c. Hac autem verba, de pœnit. dist. 1.* Unde si machinatio in mortem conjugis caruit effectu, vel mors ejusdem aliunde consequatur, v. g. ex incuria Medici, vel Chirurgi, non confurgit istud Impedimentum.

91. IV. Ut vir & femina ad finem contrahendi machinentur atque inferant mortem: etsi enim hæc conditio nullo claro textu habeatur expresse, colligitur tamen tum ex *c. Si quis vivente, 31. q. 1.* tum ex fine hujus impedimenti, quod inductum fuit, ne conjux conjugem occidere præsumat, ut soluto priori Matrimonio possit Matrimonium inire cum alia persona, quam deamat. Sanchez *cit. disp. 88. n. 13.* Bonacina, Herinex, Mastrius, Sannig, & alii; quamvis non desint, qui negant, hanc conditionem requiri.

92. Quæritur II. Utrum ad incurrendum hoc impedimentum requiratur, ut occisio sit uxoris; ac proinde illud non surgat, si uxor virum suum occidat ad contrahendum cum adultero? Affirmant nonnulli, eo quod *cit. c. Significasti, De eo, qui duxit in matrim. &c.* de solo uxoricidio, seu machinatione in mortem uxoris, fiat mentio. Dicendum tamen est cum Sanchez *lib. 7. disp. 78. n. 8.* & comuni aliorum, hoc impedimentum confurgere etiam, si uxor virum occidat, *arg. c. Laudabilem, de Convers. Infidel.* ubi dicitur hoc impedimentum contraxisse mulieres, quæ viros suos occiderunt. Concordat *c. Si quis vivente, 31. q. 1.* ibi: *Nisi forte vir, aut mulier, virum, qui mortuus fuerat, occidisse noetur.* Accedit, quod de correlativis idem sit judicium; ut notat Layman *c. Translato, num. 5. & de Constitution.*

93. Quæritur III. Quæ conditiones requirantur ad hoc, ut crimen adulterii inducat impedimentum dirimens? Resp. Si adulterium contingat absque machinatione in mortem conjugis, requiri sequentia. I. Ut cum adulterio interveniat promissio de ineundo matrimonio post mortem conjugis, vel contractus ejus de præsentis: quamvis nihil referat, sive talis mutua fidei datio præcesserit adulterium, sive hoc illam antecesserit, dummodo concurrant ambo durante priori matrimonio. II. Ut promissio illa sit facta serio: ficta enim promissio non sufficit, cum revera nulla sit. III. Ut copula fuerit perfecta sive sufficiens ad generationem; nam sola pollutio, aut emissio seminis extra vas non sufficit: siquidem materia ista est pœnalis, ac proinde requiri adulterium perfectum. IV. Ut utraque pars formale adulterium commiserit: unde si adultera ignorat, compartem esse matrimonio ligatam, hujusmodi impedimentum non incurritur. Sanchez *lib. 7. de Matr. disp. 79.* Herinex, Sannig, & alii.

\* Illud adhuc in præsentis in controversiam vocari posset, an ergo ad contrahendum hoc impedimentum præter adulterium requiratur, ut promissio futuri Matrimonii cum adulterio conjuncta, ad invicem sit mutua, vel num sufficiat, ut una pars promittat, & altera præcise acceptet? Ubi quidem hic Auctor (uti patet) tenet primam sententiam, ac pro ea ipsa a Patre La Croix *Lib. 6. part. 3. n. 626.* citantur Henriquez, Bellarminus, Diana, Layman, Burghaber, & Krimer. Nihilominus contraria sententia secunda Patris Bosco, Sanchezii, Pontii &c. videtur communior, & meo judicio, si similis controversia ante Matrimonium contrahendum emergat merito tenenda in praxi, ne alias Sacramentum Matrimonii futuri exponatur gravi periculo nullitatis, cum agatur de valore actus, & præterea nec *Can. Relatum 31. quest. 1.* nec *Cap. significasti, de eo, qui duxit in Matrimonium &c.* requiratur ad hoc Impedimentum, ut fidei datio sit mutua, sed sufficiat, si alter eorum fidem dederit de Matrimonio contrahendo. Ob quam ipsam rationem præsens auctor in Jure Canonico *Lib. 4. Decret. tit. 8. num. 17.* hanc secundam sententiam in praxi tamquam communiozem prælegit præ prima.\*

## 6. X.

De Impedimento Cognationis, tum Carnalis, tum Spiritualis, ac Legalis.

### S U M M A R I U M.

94. Cognatio carnalis, quid?
95. Stipes, Linea consanguinitatis, quid?
96. Linea recta, Descendens, & Ascendens, &
97. Linea transversalis seu collateralis, quæ?
98. Gradus Consanguinitatis, quid?
99. Quousque olim impediverint, & de facto impediant matrimonium?
100. Arbor Consanguinitatis.
101. Modus intelligendi Arborem Consanguinitatis.
102. Regula tres ad cognoscendam distantiam Graduum Consanguinitatis.
103. I. Pro Linea recta.
104. II. Pro Linea collateralis equali.





101. Pro hujus Arboris intelligentia sciendum est, quod ad investigandum inter duas personas consanguinitatis gradum, semper alterutra ponatur in cellula illa vacua, quæ habetur circa medium, & postmodum investigetur altera persona, utrum ad unam cæterarum cellularum pertineat, nec ne. Siquidem persona illa, quæ ponitur in cellula vacua (quam claritatis gratia placet appellare *Petrucium*) cum omnibus illis personis, quæ cernuntur in hac Arbore, habet Impedimentum consanguinitatis de facto dirimens Matrimonium, & cum nulla alia, quæ non reperitur in hac Arbore: dummodo excipias Lineam rectam; in qua est impedimentum dirimens etiam ascendendo usque ad Adamum, ut infra num. 107. dicitur.

102. Cæterum ad magis cognoscendam distantiam Graduum consanguinitatis, a Glossa ad dictam Arborem consanguinitatis & Theologis communiter ponuntur tres Regulæ, quarum prima deseruit pro Linea recta, reliquæ duæ pro Linea collateralis, seu transversali.

103. I. Regula pro Linea recta. Hæc est: *Ascendentium & descendentium, quot sunt persona, de quibus queritur, computatis intermediis una dempta, tot sunt gradus inter eos.* Si igitur vis scire, quantum distet Abavus a Petrucio, utroque computato ac intermediis, inveniuntur quinque personæ: deme unam, utpote Stipitem, & quatuor sunt gradus, qui etiam per appositum in Arbore consanguinitatis numerum indicantur. Et idem fit in aliis.

104. II. Regula pro Linea collateralis æquali, hæc est: *Collateralium, in Linea æquali, quot gradus quis distat a communi stipite, toto gradu distat inter se,* secundum computationem Juris Canonici. Sic v. g. Petrucius & Pronepos Propatruum, cum æqualiter distent quatuor gradibus ab Abavo, qui est utriusque Stipes, etiam inter se distant quatuor gradibus; uti denotat numerus Latinus appositus a parte superiori cellulæ.

105. III. Regula pro Linea collateralis inæquali, hæc est: *Collateralium in linea inæquali, quot gradu remotior distat a communi stipite, toto distat inter se.* Sic Petrucius, & Neptis fratris sui, distant inter se tribus gradibus: nam quamvis a Patre suo, qui est Stipes utriusque, Petrucius solum uno gradu distet, tamen Neptis fratris sui distat ab hoc Stipite tribus gradibus: adeoque inter ipsam & Petrucium erunt tres gradus consanguinitatis, secundum Canones; prout designat superior cellulæ numerus in Arbore Consanguinitatis appositus.

106. Dicitur, *secundum Canones.* Nam dictæ tres Regulæ solum valent secundum computationem Juris Canonici in ordine ad investigandum Impedimenta matrimonii: cæterum secundum Leges Civiles, quæ pro fine habent distributionem hæreditatis inter amicos defunctorum, aliter computantur Gradus consanguinitatis. Siquidem secundum Jus Civile, sive in Linea recta, sive in collateralis, quot sunt personæ, de quibus queritur, computatis intermediis, una dempta, tot sunt gradus inter eas. Hinc inter Petrucium ac Pronepotem Propatruum sui, secundum Jus Civile, sunt octo gradus, quamvis secundum Canones sint so-

lum quatuor, prout hanc distantiam graduum secundum computationem Juris Civilis denotat numerus inferior, in præallegata Arbore Consanguinitatis ciphris Germanicis expressus: ubi distantiam graduum consanguinitatis secundum Jus Canonicum denotat numerus superior, sive Latinus.

107. Quæres autem, quo jure gradus consanguinitatis dirimant matrimonium? Resp. I. Certum est, in primo gradu Lineæ rectæ, id est, inter parentes & liberos, Jure naturæ dirimi matrimonium. Hinc non solum omnes Gentes bene instructæ ex naturali lumine hujusmodi nuptias detestatæ sunt; sed etiam Adamus, afflatu Spiritus sancti, exclusit parentes a conjugiiis liberorum, *Genes. 2.* dicens: *Propter hoc relinquet homo patrem suum, & matrem, & adheret uxori suæ.* Quinimo Doctor Subtilis 4. dist. 30. §. *De secundo,* & plurimi alii, extendunt hanc prohibitionem, ac irrationem matrimonii Jure naturæ, ad quicumque gradum Lineæ rectæ in infinitum, adeo, ut, si hodie viveret Adam, non posset cum aliqua, præter solam Hevam, matrimonium contrahere: siquidem omnes ascendentes habent rationem principii, ac genitoris respectu descendentium. Sunt quidem nonnulli contrarium tenentes, sed eorum sententia, ob brevitatem vitæ humanæ, in praxi locum habere non videtur.

108. Resp. II. Consanguinitatis in secundo, tertio, & ulteriori gradu Lineæ collateralis, Jure dumtaxat Ecclesiastico dirimit matrimonium. Ita certa, & communis. Hinc c. *Gaudemus de Divoritiis*, decisum habetur, quod Infideles in secundo, vel ulteriori gradu conjuncti, cum constitutionibus Canonicis non arceantur, matrimonialiter copulari libere possint, neque separandi sint, si postmodum ad Fidem convertantur. Insuper Concilium Trid. *Sess. 24. cap. 5. de Reform. matr.* concedit inter magnos Principes, & ob publicam causam, in secundo consanguinitatis gradu dispensari posse: & consequenter is Jure naturæ non impedit matrimonium, cum in eo Pontifex dispensare valeat.

109. Resp. III. In solo primo gradu consanguinitatis Lineæ collateralis, nempe inter fratres & sorores, est interdictum, ac irritum Jure naturæ matrimonium. Ita innuit Scotus 4. dist. 10. q. 1. dum solvit rationes oppositæ sententiæ; Sanchez lib. 7. de Matr. disp. 52. num. 11. & alii. Ratio est: quia inter fratres & sorores est innatus quidam pudor, ac naturalis reverentia, cui valde adversatur actus conjugalis. Et hinc omnes Nationes bene instructæ, solo lumine naturali ductæ, ab hujusmodi matrimoniis abstinere, & quæ talia quondam mittebant, reputabantur barbaræ.

110. Nec obstat, quod Cain ab initio Mundi duxerit suam sororem. Resp. enim cum Doctore nostro loc. cit. illud fuisse necessitatis a principio Mundi; quia non erant aliæ fœminæ, nisi sorores.

111. Quod si urgeas: Multiplicato jam genere humano Abraham, vir sanctissimus, duxit Sarai sororem suam; prout ipsemet fatetur *Genes. 20.* de Sarai dicens: *Vere soror mea est, filia Patris mei, & non filia matris meæ.* Resp. hoc dici, quia Sarai fuerat consanguinea Abraham: nam, ut inquit

inquit D. Augustinus, relatus c. *Quaritur*, 22. *quæst.* 3. Sarræ Abrahæ soror dicitur, quia filia fratris erat, id est, genita ex Aran fratre suo. Si quidem in S. Scriptura etiam Consanguinei dicuntur quandoque Fratres, & Sorores; juxta quod nonnulli ad Christum dixerunt, *Marci cap.* 3. *Ecce mater tua & fratres tui* (id est Consanguinei) *foris querunt te.* Et Tobias junior vocat Saram conjugem, sororem suam, *Tob. cap.* 8. quæ tamen fuit solum consanguinea ipsius, ut patet ex *capite* 7. Quinimo observat D. Thomas *part.* 3. *quæst.* 28. *art.* 3. *ad* 5. quod in S. Scriptura dicantur Fratres quatuor modis, videlicet natura, genere, cognatione & affectu.

De Cognatione Spirituali.

112. **C**ognatio Spiritualis, prout est impedimentum dirimens Matrimonii, est vinculum contractum ex dispensatione Sacramenti Baptismi, & Confirmationis. Et notanter tantummodo hæc duo Sacramenta exprimuntur, quia, ut dicitur *cap. Quamvis, de Cognat. spirit.* ex datione aliorum Sacramentorum præter Baptismum & Confirmationem, Cognatio Spiritualis nequaquam oritur, quæ Matrimonium impediat, aut dissolvat.

113. Licet vero olim Cognatio Spiritualis ad plures personas fuerit extensa, de facto tamen propter novam Constitutionem Concilii Trid. *Sess.* 24. *de Reform. Matr. cap.* 2. ea ex Sacramento Baptismi solum oritur inter baptizantem & baptizatum; baptizatique patrem & matrem, & rursus inter tenentem ac baptizatum, baptizatique patrem & matrem, & inter nullas alias personas. Porro Tenens alio nomine dicitur *Patrinus* vel *Matrina*.

114. Similiter ex Sacramento Confirmationis solum oritur Cognatio Spiritualis inter confirman-tem & confirmatum, confirmatique patrem & matrem, ac inter tenentem & confirmatum, confirmatique patrem & matrem, & inter nullas alias personas. Ita Concilium Trid. *loc. cit.*

De Cognatione Legali.

115. **Q**uamvis attinet ad Cognationem Legalem, ea oritur inter certas personas ex adoptione alicujus in filium, vel filiam; quæ tamen de facto rarius accidit. Et quidem ex ista Cognatione Legali contrahitur Impedimentum dirimens Matrimonium inter sequentes personas. I. Inter adoptantem & adoptatum, hujusque filios & filias. II. Inter adoptantem, & uxorem adoptati; & vicissim inter adoptatum, uxoremque adoptantis. III. Inter personam adoptatam ac prolem naturalem adoptantis, datur impedimentum dirimens Matrimonium, quamdiu durat adoptatio: quod si cessat adoptatio, etiam cessat impedimentum hoc inter personam adoptatam, ac prolem adoptantis. Sanchez *lib.* 7. *de Matr. disp.* 63. & alii; atque desumitur ex c. *Ita diligere*, 30. *quæst.* 1. cum concordantiis.

§. XI.

De Impedimento Affinitatis.

S U M M A R I U M.

116. Affinitas quid:

Ejus olim tria fuerunt genera,

117. Unde oriatur?

118. Et inter quas personas.

119. Corollarium notabile.

120. Gradus Affinitatis mensurantur juxta gradus consanguinitatis, quomodo?

121. Affinitas, in quoto gradu dirimat Matrimonium?

122. Et quo jure?

123. Affinitas ex copula, est vinculum naturale.

124. An in Linea collateralis jure natura dirimat Matrimonium?

125. Vel saltem in Linea recta?

116. **A**ffinitas bene definitur a Doctore Subtili 4. *dist.* 41. *quæst.* un. quod sit vinculum quoddam personæ ad personam, ex copula carnali cum persona alteri consanguinea contractum. Porro antiquitus tria fuerunt genera Affinitatis, de quibus fit mentio in c. *Non debet, de Consang. & affinit.* atque amplius declaratur per Glossam, quæ habetur c. *Primo gradu* 35. *qu. 5. in Arbore Affinitatis*, §. *Genus affinitatis*, ubi ait: Si is, qui est mihi conjunctus in secundo gradu consanguinitatis, cognoscit mulierem, illa est mihi conjuncta in secundo gradu affinitatis, & primo genere: Si alius eandem cognoscit, ille (juxta jura antiqua) attinet mihi secundo genere affinitatis, & secundo gradu: Si iste aliam adhuc mulierem cognoscit, illa attinet mihi tertio genere affinitatis, & secundo gradu. Quia tamen de facto viget primum dumtaxat genus affinitatis (nam secundum, & tertium Affinitatis genus, ob magnas inde subortas difficultates, sublatum fuit in Concilio Generali, sive Lateranensi, celebrato sub Innocentio III. prout habetur *cit. cap. Non debet, de Consang. & affinit.*) hinc impræsentiarum sermo erit de solo primo genere affinitatis.

117. Porro hoc vinculum ac impedimentum Affinitatis, non solum confurgit ex actu matrimoniali perfecto & completo, per quem vir & femina fiunt una caro, sed etiam ex actu fornicationis perfecto; juxta illud D. Apostoli, 1. *Corinth.* 6. *An nescitis, quoniam, qui adheret meretrici, unum corpus efficitur?* Quod ut melius intelligatur, sit

118. **CONCL.** I. Affinitas oritur solum inter virum, & consanguineos mulieris a se carnaliter cognita, ac econtra inter hanc mulierem, & consanguineos illius viri; nulla vero oritur affinitas inter consanguineos viri, & consanguineos mulieris. Ita communis; & habetur clare c. *Quod super his, de Consang. & affinit.*

119. Unde sequitur, atque habetur *cit. c. Quod super his, eod.* Quod pater & filius ex una parte possint contrahere Matrimonium cum matre & filia ex altera parte: item possunt duo fratres contrahere cum duabus sororibus. Econtra vero vir, mortua sua conjugē, nullam potest ducere ex consanguineis suæ conjugis defunctæ intra gradus a jure prohibitos: nam impedimentum Affinitatis est perpetuum, nec tollitur per mortem conjugis.

Oooo

120. CON-

120. CONCL. II. Gradus Affinitatis mensurantur juxta gradus Consanguinitatis, ita ut, quod gradu consanguinitatis est quis conjunctus personæ carnaliter cognitæ, totò gradu Affinitatis sit conjunctus alteri personæ, quæ eam cognovit, & e-converso. Ita communis Hinc Petrus sit Affinis omnibus consanguineis Annæ a se carnaliter cognitæ, & quidem in eodem gradu affinitatis, in quo consanguinei Annæ sunt huic consanguinitate juncti; & e-contra Anna sit Affinis omnibus consanguineis Petri in eodem gradu affinitatis, in quo hi sunt Petro consanguinitate juncti. Unde facile hoc intelligi poterit ex Arbore consanguinitatis supra apposita, si ambæ personæ carnaliter cognitæ, ac proinde factæ una caro, ponantur in cellula vacua, & postmodum una pars investiget consanguineos alterius partis una cum gradu Consanguinitatis, & e-contra.

121. CONCL. III. Affinitas dirimit Matrimonium, siue oriatur ex copula licita seu conjugali, siue ex illicita seu fornicaria: cum hoc tamen discrimine, quod affinitas orta ex actu conjugali, seu licito, sit impedimentum Matrimonii usque ad quartum gradum inclusive; orta vero ex actu fornicario, seu illicito, de facto sit impedimentum dirimens Matrimonii tantum usque ad secundum gradum affinitatis inclusive. Ita communis. Et quidem prima pars habetur clarissime c. *Non debet*, de *Consang. & affinit.* Altera vero pars, loquens de impedimento affinitatis ex fornicatione contractæ, patet ex Concilio Trid. Sess. 24. de *Reform. Matr. c. 4.* Verum occasione horum

122. Quæres, quo jure affinitas oriatur & dirimat Matrimonium? Ubi sciendum, quod aliud sit, quæ-rere, an affinitas oriatur Jure naturali, siue sit vinculum naturale; & aliud, an naturæ dirimat Matrimonium? nam etiam consanguinitas in secundo, vel ulterioribus gradibus, consurgit Jure naturæ, nec tamen jure naturæ dirimit Matrimonium. Unde Infidelis valide contrahit Matrimonium in secundo Consanguinitatis gradu; sed si id iniret post susceptum Baptismum, invalide contraheret, non obstante, quod consanguinei jam ante conversionem ejus nati fuissent. Hoc prænotato.

123. Resp. I. Affinitas ex copula conjugali, est vinculum naturale, atque oritur ex Jure naturæ, non mero Jure Ecclesiastico. Ita Sanchez lib. 7. de *Matr.* 96. num. 4. & alii communiter. Probatur hoc ex illo Protoparentis nostri, Genes. cap. 2. *Et erunt duo in carne una.* Atque, ut infert S. Gregorius Papa, relatus c. *Fraternitatis*, 35. quest. 10. *Si una caro sunt, quomodo potest aliquis eorum propinquus pertinere uni, nisi pertineat alteri? Hoc minime posse fieri credendum est.* Accedit sensus communis, & praxis omnium Nationum; quæ idcirco ad indicandum istud naturale vinculum Affinitatis, utuntur propriis nominibus, ut *Socer*, *Socrus*, *Gener*, *Nurus*, *Vitricus*, *No-verca*, *Privignus*, *Privigna*, &c.

124. Resp. II. Nullus gradus Affinitatis in Linea collateralis, Jure naturæ dirimit Matrimonium; quamvis aliquam præferat indecentiam naturalem, nisi iusta causa cohonestetur. Ita desumitur ex cap. ult. de *Divortis*, ubi ex dispen-

satione Ecclesiæ permittitur, ut *conversi ad fidem Catholicam, Matrimonium contractis cum relictis fratrum utantur.* Accedit, quod Jacob Patriarcha Sanctissimus duxerit Rachel, & Liam, sorores, Genes. 29. Et Lex Mosaica, Deuter. 27. jussit, ut frater duceret uxorem fratris sine liberis defuncti, eique suscitaret semen. Atqui hæc omnia fieri nequirent, si affinitas in primo gradu Lineæ collateralis Jure naturæ dirimeret Matrimonium; ergo non sic dirimit.

125. Resp. III. An Affinitas in Linea recta dirimat Matrimonium Jure naturæ, variant Doctores. Et quidem Sanchez loc. cit. num. 7. cum multis aliis, negative respondet. Verum sententia affirmativa videtur tenenda: tum quia 1. Corinth. 5. Apostolus hoc, quod uxorem patris sui aliquis habeat, appellat fornicationem, qualis nec inter Gentes auditur. Tum quia can. *Si vir*, 35. q. 3. ex S. Augustino refertur: *Si vir & uxor non jam duo, sed una caro sunt, non aliter est nurus reputanda quam filia.* Atqui inter filiam Jure naturæ irritum est Matrimonium; ergo.

## §. XII.

### De Impedimento Justitiæ publicæ Honestatis.

#### S U M M A R I U M.

- 126. *Impedimentum Justitiæ publicæ Honestatis, quid?*
- 127. *Ad quos gradus olim extendebatur?*
- 128. *Et ad quos de facto?*
- 129. *Corollarium notabile.*
- 130. *Aliud Corollarium.*

126. **P**ER Impedimentum Justitiæ publicæ Honestatis, intelligitur Impedimentum Jure Ecclesiastico dirimens Matrimonium ex sponsalibus proveniens. Et dicitur *publica Honestas*: quia ob naturalem quamdam honestatem id ab Ecclesia introductum fuit, eo quod per sponsalia, siue de futuro siue de præsentis (hoc est, Matrimonio rato nondum consummato) jam oriatur conjunctio animorum; ac proinde honestum sit, ut consanguineis unius sponsi interdiciatur Matrimonium cum altero sponso.

127. Et quidem Jure antiquo extendebatur hoc Impedimentum ad consanguineos sponsi respectu sponsæ, usque ad quartum gradum, arg. c. *Sponsam*, de *Sponsalib.* Simulque oriebatur ex quibuscumque sponsalibus puris, & certis, etiam si fuissent invalida, dummodo non invalida ex defectu consensus, prout habetur cap. un. de *Sponsalib.* in 6.

128. Verum rigor iste Juris antiqui, ob plurimos emergentes casus, atque difficultates, novissime correctus atque temperatus est in Concilio Trid. Sess. 24. c. 3. de *Reform. Matr.* ubi sic statuitur: *Justitiæ publicæ honestatis impedimentum, ubi sponsalia quacumque ratione valida non erunt, Sancta Synodus pro suis tollit: ubi autem valida fuerint, primum gradum non excedant: quoniam in ulterioribus gradibus jam non potest hujusmodi prohibitio absque dispendio observari.* Hæc Concilium.

129. Sequitur proinde, quod si Titius contrahat valide sponsalia de futuro cum Bertha, habente plures



plures forores, dissolutis illis sponsalibus sive mutuo consensu (nam per hunc non tollitur dictum Impedimentum, prout declaravit Sac. Congregatio Concilii, die 6. Julii 1658, ac refert Fagnanus c. *Ad audiendam*, num. 29, de *Sponsalib.* quidquid olim nonnulli in contrarium docuerint) si-ve etiam per mortem Berthæ, non possit Titius ullam e sororibus Berthæ ducere in uxorem: quia obstat Impedimentum Justitiæ publicæ Honestatis.

130. Quod si postea Titius actu consummato carnaliter cognoscat unam e sororibus dictæ Berthæ, tunc neutram earum habere poterit in uxorem: non Bertham, ob impedimentum contractæ Affinitatis: non ejus sororem, ob impedimentum Justitiæ publicæ Honestatis. Si vero fornicatio ejusmodi accidisset ante Sponsalia cum Bertha celebrata, posset Titius illam ducere, quam carnaliter cognovit: nam sponsalia cum Bertha forent de jure invalida, ob impedimentum contractæ Affinitatis; sicque, juxta novum Decretum Concilii Trid, non inducerent Impedimentum Justitiæ publicæ Honestatis.

§. XIII.

De Præsentia Parochi, ac duorum Testium,

S U M M A R I U M.

131. Ratio Ordinis, Matrimonium clandestinum, quid?
132. Denunciationes trina Matrimonio celebrando præmittendæ.
133. Matrimonia clandestina olim valida, sed illicita. Malaque irremediabilia ex ipsis orta.
134. Verba Concilii Tridentini, quibus annullat Matrimonia clandestina. Quo tempore Decretum ipsius obligare incipiat?
135. Ecclesia quomodo potuerit irritare Matrimonium clandestinum, etiam ut Sacramentum?
136. Qualis Præsentia Parochi juxta Concilium Trident, requiratur ad valorem Matrimonii?
137. An sufficiat Præsentia Parochi vi detenti, aut invitæ & contradicentis?
138. Requiritur præsentia proprii Parochi contrahentium.
139. Quid, si sponsus, & sponsa sint diversarum Parochiarum,
140. Quot testes requirantur, & qualis eorum præsentia?
141. Quales Testes sufficiant?

131. **A**bsolutis illis Impedimentis, quæ vel Jure naturali, vel saltem Jure Ecclesiastico antiquo annullant Matrimonium, superest, ut explicentur duo impedimenta jure novissimo Concilii Trid, adjecta, & continentur versiculis illis num. 49. relatis:

*Si Parochi, aut duplicitè desit præsentia Testis, Raptave sit mulier, nec parti reddita tuta.*

Porro Matrimonium illud, in quo deest præsentia Parochi, aut duorum Testium, de facto communiter appellatur *Matrimonium clandestinum*: quamvis olim etiam illud dicebatur *Matrimonium clandestinum*, quod fiebat non præmissis

denunciationibus; ut patet ex c. *Cum inhibitis de clandestina Desponsat.* Ibi siquidem in Concilio Generali (scilicet Lateranensi, sub Innocentio III, celebrato) statutum fuit sub gravibus pœnis ibidem expressis, ut, cum Matrimonia fuerint celebranda, ea in Ecclesiis per Presbyteros publice proponantur, si-ve denuncientur, competenti termino præfixo: ut infra illum, qui voluerit, & valuerit, legitimum impedimentum opponat; atque ipsi Presbyteri interim pariter investigent, utrum aliquod impedimentum obstat.

132. Et hinc saluberrimo Decreto inhærens S. Concilium Trid. *Sess. 24. cap. 1. de Reformat. Matr.* ulterius decrevit, *ut impofterum, antequam Matrimonium contrahatur, ter a proprio contrahentium Parocho tribus continuis diebus Festivis in Ecclesia inter Missarum solemnias publice denunciatur, inter quos Matrimonium sit contrahendum. Nisi Ordinarius ipse expedire judicaverit, ut prædictæ Denunciationes remittantur: quod ipsius præsentia, & judicio Sancta Synodus relinquit.* Quinimo, ut pia Sanctæ Matris Ecclesiæ intentio, in dictis Generalibus Conciliis abunde manifestata, perfectius adimpleatur, solent Ritualia Diocesana exigere, ut, si vir & mulier, inter quos Matrimonium est celebrandum, diversæ sint Parochiæ, in utraque Parochia fiant ternæ illæ Denunciationes: adjectis insuper optimis cautelis, in praxi merito observandis, quas in proprio singularum Diocesium Rituali videre licebit. Cæterum impresentiarum per *Matrimonia clandestina* intelliguntur illa, in quibus deest præsentia Parochi, & duorum Testium jure novissimo Concilii Trid, ad valorem Matrimonii requisita, ut mox amplius dicetur.

133. Et quidem ejusmodi Matrimonia clandestina justissimis de causis Sancta DEI Ecclesia semper detestata fuit, atque prohibuit: nihilominus tamen eadem libero contrahentium consensu facta, ante Decretum Concilii Trid, mox allegandum, rata, & valida fuerunt. Quia vero solæ prohibitiones Matrimonii clandestini propter hominum inobedientiam jam non proderant, & gravia peccata ac mala, per auctoritatem Ecclesiæ amplius irremediabilia, ex ejusmodi Matrimoniiis oriebantur, dum quidam priore uxore, cum qua clam contraxerant, relicta, postea cum alia palam contrahebant; sicque in statu damnationis, ac perpetuo adulterio remanserant; imo & lite desuper mota per sententiam Ecclesiæ, cui de priori Matrimonio constare non poterat, remanere compellebantur: huic malo Sancta Mater Ecclesia haud amplius efficax remedium adhibere potuit, nisi ejusmodi clandestina Matrimonia prorsus irritando, & cassando.

134. Quare Concilium Tridentinum *Sess. 24. c. 1. de Reform. Matr.* inter alia provida sic decrevit: *Qui aliter, quam præsentia Parochi, vel alio Sacerdote, de ipsius Parochi, seu Ordinarii licentia, & duobus vel tribus testibus Matrimonium contrahere attentabunt, eos Sancta Synodus ad sic contrahendum omnino inhabiles reddit: & hujusmodi contractus irritos & nullos esse decernit, prout eos præsentis decreto irritos facit, & annullat.* Hæc Concilium, varias pœnas in transgressores sta-

statuens, & infra subjungens: *Decernit insuper, ut hujusmodi Decretum in unaquaque Parochia suum robur post triginta dies habere incipiat, a die prima publicationis, in eadem Parochia facta, numerandos. Occasione quorum*

135. Quæritur I. Quomodo Ecclesia potuerit irritare Matrimonium contractum clandestine, hoc est, sine Parocho, & Testibus? Resp. cum Pirhing. tit. de clandestina desponsat. num. 4. & aliis, Ecclesiam potuisse irritare, & de facto irritasse tale & tale Matrimonium, etiam ut Sacramentum est: non quidem per se ac directe, seu immediate ut Sacramentum; sed per accideas, ac mediate, annullando videlicet ipsum contractum Matrimonii humanum, seu civilem, unde consequenter irritum redditur ipsum Sacramentum. Desumitur hoc ex verbis citati Concilii Trident. ibi: *Eos sancta Synodus ad sic contrahendum omnino inhabiles reddit, & ejusmodi contractus irritos & nullos decernit.* Confirmatur: quia hac ratione etiam invalidum est Matrimonium inter consanguineos, vel a persona Ecclesiastica contractum; eo quod tales personæ sint inhabilitatæ ad sic contrahendum, ipsique contractus auctoritate Ecclesiæ fuerint irritati & annullati.

136. Quæritur II. Qualis præsentia Parochi juxta Concilium Tridentinum requiratur ad valorem Matrimonii? Resp. I. Præsentia Parochi in Matrimonio necessaria, non tantum requiritur corporea, sed etiam moralis, seu habita cum intelligentia & advertentia actus, Ita Barbosa part. 2. de Offic. & potest. Episc. allegat. 32. num. 78. Sanchez lib. de Matr. disp. 39. num. 1. & communis. Ratio est, quia non intelligens, nequit dici præfens, arg. l. coram, ff. de verb. signif. ibi. *Coram Titio aliquid facere jussus, non dicitur præfente eo fecisse, nisi is intelligat.* Atqui Concilium Tridentinum irritavit eorum contractum matrimoniale, qui aliter quam præfente Parocho, & duobus vel tribus Testibus Matrimonium contrahere attentabant; ergo requiritur Parochi præsentia, non tantum physica, sed & moralis, sive humana, ita ut intelligat, quid agatur. Unde si Parochus esset ebrius, vel dormiens, non valeret Matrimonium coram eo celebratum: nam dicta præsentia ejus exigitur pro forma actus.

137. Resp. II. Sufficit tamen hujusmodi præsentia Parochi & Testium, quamvis vi detenti, aut dolose illuc adducti interfint, dummodo probe intelligant verba, & consensum contrahentium: quinimo etiam validum est Matrimonium, coram Parocho invito, & contradicente contractum, quamvis tunc peccent contrahentes. Ita citati Doctores, & Fagnanus in cap. Quæsum, n. 7. de Penitent. & remiss. qui adducit etiam Declarationem Cardinalium ita sentientium. Et merito hoc dicitur: quia Parochus assistens Matrimonio, proprie non exercet jurisdictionem, sed ut Testis auctorizabilis nudam exhibet præsentiam, quæ etiam exhibetur ab invito. Fagnanus c. Quod nobis, n. 54. de clandestin. desponsat.

138. Quæritur III. Cujus Parochi præsentia requiratur ad validitatem Matrimonii? Resp. I. Certum est, vi Concil. Tr. ubi illud receptum est, requiri præsentiam proprii Parochi contra-

hentium, vel alterius Sacerdotis, de ipsius, seu Ordinarii licentia assistentis; ut patet ex verbis citati Concilii num. 139. relatis.

139. Resp. II. Quando sponsus & sponsa sunt diversarum Parochiarum, sufficit assistentia alterutrius proprii illorum Parochi, vel licentia ab eo alteri Sacerdoti concessa. Ita Barbosa loc. cit. num. 98. cum plurimis aliis, atque decisum a Sac. Congregatione testatur Fagnanus cit. c. Quod nobis, n. 33. & seqq. de clandestin. desponsat. In praxi tamen observetur ordinatio proprii Ritualis Diocesani,

\* Resp. III. Quando Sponsus, vel Sponsa computantur inter personas vagas, sufficit ad validitatem Matrimonii præsentia Parochi loci illius, in quo contractus matrimonialis instituitur, ubicumque demum locus iste existat; & quamvis alter contrahentium alibi habeat fixum habitationis domicilium, atque exinde proprium distinctum Parochum. Ita communis, & ratio est, quia ex una parte juxta jam dicta sufficit ad valorem Matrimonii præsentia unius Parochi ex Sponsis contrahentibus; ex altera autem quoad personas vagas congruentior Parochus nequit assignari, quam loci illius, in quo pro tunc, quando contractus instituitur, similis persona vaga invenitur, ubi etiam Sacramenta Pœnitentiæ, Eucharistiæ, & Extremæ Unctionis recipi, si ibidem infirmetur. Atque ita apud Reiffenstuel. Lib. 4. Decret. tit. 3. num. 86. & seqq. sæpius declaravit Sac. Congregatio testibus Cardinali de Luca, & Fagnano. Solummodo hic incidentaliter adhuc notetur I. Vagum dici illum, qui nullibi tenet domicilium, vel quasi domicilium habitationis. Notetur II. Parochum similem, etsi valide, non tamen licite posse assistere Matrimonio vagorum sine licentia Ordinarii ob periculum multiplicis fraudis.

Ex hac triplici responsione resolves, cujusnam Parochi præsentia sufficiat, si Matrimonium contrahant milites. Etenim etsi, supposito, quod eorum Sponsæ habeant proprium domicilium, vel quasi domicilium, possint etiam in præsentia illius parochi contrahere, ad id tamen non obligantur, sed vel hi milites habent præsentem Capellanum Castrensem speciali legitima facultate præditum administrandi hisce Sacramenta, vel non habent talem Capellanum præsentem; Si prius: ille simili Matrimonio omnino poterit assistere, supposito, quod hanc facultatem legitime valeat ostendere. Si posterius: Parochus loci, in quem pro tempore contractus Matrimonialis se talis miles confert, valide assistet. Ratio est: quia milites annumerantur vagis. NB. quod tamen intellige, si morantur in castris, vel transeunt ab uno loco in alium, vel existunt quidem in præfidiis, ast sine stabilitate, & animo per magnam, vel majorem anni partem subsistendi, sed ad nutum Ducis avocandi ad exercitum.

Econtra vero ponamus, quod milites isti, non habentes Capellanum Castrensem speciali facultate præditum, ex professo a suis præfectis mittantur ad præfidium, vel hybernandum, ut illis per notabilem anni partem, vel ultra, sese declinant, ita, ut ibidem saltem quasi domicilium acquirant, in hoc casu remitteretur ad valorem Matrimonii

Matrimonii assistentia Parochi loci, in quo degunt, nec possent ex hoc loco exire ad vicinum Parochum, & ibidem contrahere Matrimonium. Ratio est; quia in eo casu jam non essent amplius vagi, sed habentes quasi domicilium, atqui habentes domicilium, vel quasi domicilium habitationis, debent contrahere coram Parocho loci illius, in quo domicilium, vel quasi domicilium fixum est; ergo. Excipe tamen, Si Sponsa esset vaga: nam tunc etiam in tali casu ratione Sponsa posset miles præfidiarius valide contrahere exeundo extra locum præsidii cum sua futura Sponsa, & post aliquale tempus finito contractu iterum redeundo. Quid de licetitate statuendum foret in simili casu, colligitur ex præcedenti Additione. Videantur Reiffenstuel *loc. cit. num. 94. & seqq.* & Pichler *Lib. 4. Decret. tit. 3. num. 21.*

Quæritur IV. An possit contingere, ut idem sit sub duobus Parochis, ita, ut coram utrolibet eorum, prout placuerit, valide Matrimonium contrahere possit? Ante Responsionem nota I. Quod, sicuti respectu vagorum in ordine ad assistendum Matrimonio Parochus censeatur ille, qui est Parochus loci, in quo tales vagi hic & nunc se detinent, ita respectu aliorum debitus dicatur Parochus is, ubi hi habent domicilium, vel quasi domicilium habitationis. Nota II. Quod quis in loco aliquo censeatur figere domicilium, si habeat animum in illo loco constanter permanendi; e contra vero, si tantum ibidem staret persistere per majorem anni partem, reputaretur in tali loco figere quasi Domicilium. Nota III. Ex Reiffenstuel *Lib. 4. Decret. tit. 3. n. 60.* uti ad acquirendum verum domicilium sufficit unius diei habitatio cum animo constanter ibidem permanendi, ita etiam ad acquirendum quasi domicilium sufficere unum, alterumve diem cum animo per majorem, vel saltem quasi æqualem alicujus anni partem ibidem persistendi. Nota IV. Domicilium originis, seu illius loci, quo quis natus est, non tribuere Parocho illius loci jus assistendi Matrimonio, nisi simul fuerit conjunctum domicilium, vel quasi domicilium habitationis, uti recte observant Pignatell. *Tom. 5. Consult. 79.* & Gutierrez *Tract. de Matr. c. 62. n. 29.* Nota V. Domicilium originis in dubio præsumi conjunctum cum domicilio habitationis, si talis in loco originis adhuc, etsi aliquot annis absens retineat majorem partem suorum bonorum, uti advertit König *Lib. 2. Decret. tit. 2. n. 13.* & in simili casu adducit decisionem Rotæ Pignatellus *Tom. 7. Consult. 63. n. 3.* Nota VI. Domicilium habitationis semel electum, non debere illico inferri, quasi iterum fuisset derelictum ex eo, quia talis aliquo tempore illic non fuerit, nisi simul aliæ circumstantiæ derelictionis intervenerint. Friderich *Tract. de foro compet. part. 2. cap. 1. per totum.* Nota VII. Liberos necdum emancipatos censeri habere domicilium habitationis ipsorum Parentum, & uxorem viduam domicilium mariti defuncti *L. 22. §. 1. ff. ad Municipal. & L. fin. C. de incolis H. N.*

Respond. Potest contingere non raro casus, ut quis existat sub duobus Parochis, ut quilibet eorum valide possit assistere Matrimonio. Ratio est: quia potest esse, ut talis contrahens Matrimonium habeat duplex domicilium habitationis, vel in uno loco domicilium habitationis, in altero quasi domicilium, ubi utique talis est sub utroque Parocho, & a quolibet eorum Sacramenta (si Sacramentum Ordinis excipias, de quo specialia suo loco dicta fuere) recipere valet. Exemplificatur magis; sic e. g. studiosus in loco studii habet quasi domicilium, & ubi degit parens, sub cujus patria potestate est constitutus, verum domicilium habitationis, nec in Germania declarabitur Matrimonium invalidum, sive unus, sive alter Parochorum astitit. Item Nobilis Officialis potest tam in Civitate, quam in suo Castro duplex domicilium instituere. *Argum. L. 5. §. 2. ff. ad Municipalem* puta, proponendo utrobique æqualiter æqualitate saltem morali (e. g. tempore hyemali in Civitate, & æstivali in Castro) permanere. Pro quo præter Glossam, & Rotam vide plures DD. apud Illustris L. B. D. Zeller *Tom. 1. Consult. 6. num. 52.* & apud Gutierrez *Tract. de Matr. cap. 64.* Non equidem melatet, quod Antonius Chlingensperg de *Judiciis in genere cap. 2. Assert. 28. n. 8.* ex Illustris. D. L. B. de Schmid afferat casum, quo Parochus domicilii cujusdam Nobilis noluit admittere, ut filia præfati Nobilis coram Parocho Hoffmarchiali, seu sui Castri Matrimonio jungatur, sed nihil obtinuit. \*

140. Quæritur IV. Quot, & quales Testes, præter proprium Parochum, requirantur ad valorem Matrimonii Jure novo Concilii Trid.?

Resp. I. Certum est, requiri saltem duos aut tres Testes, prout exprimit idem Concilium *loc. cit. ibi: Ex duobus vel tribus testibus.* Et quidem hi Testes simul cum Parocho debent adesse, neque sufficit successiva eorum præsentia, prout notat Barbosa *loc. cit. n. 120.* cum aliis. Debent insuper iidem esse præsentis non tantum physice, sive corpore, sed etiam moraliter, seu cum advertentia ac usu rationis, ita ut intelligant, quid agatur, prout in simili supra *num. 136.* dictum est de præsentia Parochi.

141. Resp. II. Testes quicumque rationis compotes, quamvis impuberes, consanguinei, domestici, Religiosi, scæminæ, vel infames sufficiunt ad valorem Matrimonii. Ita Barbosa *loc. cit.* cum aliis. Ratio est: quia Concilium simpliciter requirit duos Testes, neque exigit in ipsis specialem aliquam qualitatem; ergo nulla alia requiritur præter eam, quæ Jure naturæ est necessaria ad testificandum, nempe ut quis sit compos rationis. Accedit, quod Decretum Concilii Tridentini sit correctorium juris communis; ergo non est extendendum, sed quantum patitur verborum proprietas, restringendum; eo præsertim, quod sit irritans Matrimonium, cujus causa est favorabilis, *cap. ult. de sentent. & re judicat.*

§. XIV.  
Solvuntur varia Dubia circa præsentiam Parochi ac Testium.

S U M M A R I U M.

142. In loco non recepti Concilii Trid. valide contrahunt incola inter se, & cum aliis sine solemnitatibus ejusdem.

143. Idem est, si sponsus & sponsa illuc veniant animo transferendi domicilium.  
 144. Vel ibidem figendi quasi domicilium.  
 145. Quid si illuc pergant solo animo contrahendi sine Parocho & Testibus? Rationes dubitandi.  
 146. Non est validum tale matrimonium, si habitatio non mutetur.  
 147. Solvantur rationes in contrarium.  
 148. Valet autem, si transferatur domicilium.  
 149. Valent matrimonia Hereticorum, si apud ipsos Tridentinum non est promulgatum.  
 150. Corollarium.  
 151. Quid juris, si Catholici & Hæretici eodem Templo utantur?  
     *Sententia stans pro valore matrimonii.*  
     *Sententia negativa.*  
 152. Quid, si Parochus metu Infidelium absit, vel lateat?

142. **Q**Uæritur I. Quid sentiendum sit de Matrimonio contracto in loco, ubi Concilium Tridentinum in puncto Reformationis matrimonii non est receptum? Resp. I. Non tantum a duobus incolis talis loci, sed etiam, si quis e loco recepti Concilii excurrat ad locum non recepti Concilii, ibidem contrahat cum incola illius loci, non servata forma Decreti Tridentini, valide a talibus ibi contrahitur Matrimonium. Ita communis Doctorum. Ratio primæ partis habetur ex verbis Concilii Trid. *num.* 134. relatis: quibus declaravit, Decretum suum non obligare, nisi post triginta dies a publicatione ejus, facta in Parochia; & consequenter, ubi talis publicatio non est facta, valet adhuc Matrimonium clandestinum inter incolas illius loci, sicut olim valuerat. Altera pars probatur ex eo: quia contractus Matrimonialis est individuus; ergo, cum incola illius loci valide contrahat sine dictis solemnitatibus, etiam vicissim advena cum ipso ibidem contrahens valide contrahit: siquidem contractus Matrimonii non potest claudicare, siue valere ex parte unius, & non alterius.

143. Resp. II. Si etiam utraque pars, id est, tam sponsus, quam sponsa, e loco recepti Concilii emigraverint ad locum non recepti Concilii, ex causa transferendi verum domicilium, & ibidem contrahant, valebit Matrimonium sine dictis solemnitatibus. Ita rursus communis. Ratio est: quia tales hoc ipso, quod illuc veniant animo figendi verum domicilium, ibidemque perpetuo manendi, jam sunt incolæ loci illius ejusque legibus obstringuntur; ergo valide contrahunt juxta morem illius loci, neque amplius astringuntur legibus prioris domicilii, ubi Decretum Tridentinum viget, cum inde recesserint.

144. Resp. III. Insuper valide contrahitur Matrimonium sine dictis solemnitatibus, si qui sese conferant ad locum non recepti Concilii animo ibidem figendi dumtaxat quasi domicilium. Ita rursus Doctores communiter. Ratio est: quia Decretum Tridentinum non obligat in Parochia, in qua non est promulgatum: atqui per solam translationem quasi domicilii efficitur quis Parochianus alicujus loci, ita ut ab Ecclesiæ

illius Parocho possit recipere Sacramenta, argo. *c. Significavit, de Parochis*, juncta Glossa in *Clem. 2. de Privilegiis*; ergo. Et sic v. g. Matrimonia Christianorum apud Turcas captivorum, vel commercii causa ibi degentium, sunt valida, quamvis contrahant non servata forma Tridentini, supposito, quod hoc ibi non fuerit promulgatum.

\* Ut autem magis noscatur pro praxi in specie, ubinam fuerit Concilium Tridentinum promulgatum, vel non, volui ex variis Auctoribus, VVex, Kugler, Pichler, Neusser, La Croix &c. apponere similia loca: sic enim promulgatum non est in Suecia, Saxonia, Prussia, Anglia, Scotia, Hibernia, Turcia, Dania, Pomerania; & in aliis Provinciis Septentrionalibus, quæ a fide Catholica defecerunt ante annum 1563. quo Concil. Trid. absolutum est, vel saltem ante annum 1564. quo confirmatum, ac promulgatum fuerat. Econtra vero ante defectionem promulgatum est in Hollandia, ac Provinciis confederatis; similiter censetur promulgatum sufficienter in Parochiis, ubi Catholici cum hæreticis permixti vivunt, & illic Catholici receperunt. Item in Hungaria, & Silesia. Quoad Poloniam, & Galliam saltem in aliquibus locis dicitur non promulgatum.

Ponamus autem tales Germaniæ Urbes, ubi in eadem Civitate diversæ Parochiæ existunt, aliquæ Catholicæ, aliæ Aatholicæ, v. g. Ratisbonæ, Augustæ Vindelicorum: censeturne hoc Decretum Concil. Trid. irritans Matrimonia clandestina afficere etiam Parochias Aatholicas? Respondeo, in talibus circumstantiis esse respiciendum ad tempus, quo defecerunt dictæ Parochiæ; nam si factum esset ante illud Decretum, non obligaret id tales Aatholicos: secus, si primum postea, & facta jam memorati Decreti in simili Parochia promulgatione defecissent. Ubi, ut tacite præveniatur alicui objectioni, notandum ex Fagnano, & Barbosa apud Reiffenstuel *Lib. 4. Decret. tit. 4. n. 118.* ad hoc, ut dictum Decretum obliget in aliqua Parochia, non æque, uti in aliis Legibus Pontificiis, sufficere, quod in Diocesi sit promulgatum, sed requiri etiam promulgationem in illa ipsa Parochia, in qua prætenditur obligatio, ob specialem dispositionem Concilii Trid. *Sess. 24. cap. 1. de Reform. Matrim.* \*

145. Quæritur II An, si incolæ loci, in quo Tridentinum Concilium in puncto Reformationis Matrimonii est promulgatum, se conferant ad locum non recepti Tridentini solo animo ibidem sine Parocho & Testibus contrahendi, valide contrahant Matrimonium? Ratio dubitandi, & Affirmativam tenendi, est: quia *ratione contractus sortitur quis regulariter Forum*, ut habetur *cap. ult. de Foro competens*, & consequenter valide contrahit secundum leges illius loci, v. g. Matrimonium sine Parocho & Testibus. Accedit, quod talis videatur uti jure suo: atqui *nullus videtur dolo facere, qui suo jure utitur*, l. Nullus, ff. de Reg. juris; ergo. Tandem, quamvis hujusmodi intentio mala reddat actum illicitum, non tamen statim sequitur, eum esse invalidum; nam *multa fieri prohibentur, quæ si facta fuerint, obtinent roborem firmitatis*.



*Matrimonium, arg. c. Ad Apostolicam, de Regularibus.* Et ob has, atque alias huiusmodi rationes, non desunt, qui absolute censent cum Sanchez *lib. 3. de Matr. disp. 18. num. 29.* tale Matrimonium valere. Nihilominus

146. Resp. I. Praefati incolae, si cum fraude, ac solo animo sine Parocho & Testibus contrahendi, illuc se transferant, habitationem vero non mutent, invalide contrahunt Matrimonium. Ita a Sac. Congregatione Cardinalium Concilii Trid. Interpretum fuisse responsum, dictamque responsum ab Urbano VIII. anno 1627. confirmatum refert Lugo *lib. 1. Respons. Moral. Dubio 36.* Engel. *cit. de clandestin. desponsat. n. 20.* & Barbosa *cap. 21. de Offic. Parochi, num. 99;* citans alias Declarationes Sac. Congregationis, & plures Doctores. Ratio est: quia *fraus, & dolus, alicui patrocinari non debent, c. Sedes, de Rescriptis.* Deinde, cum tales non intendant alibi habitare, censentur Parochiani prioris loci, *arg. c. Is qui, de Sepult. in 6.* ubi hoc in simili casu decernitur; & consequenter tenentur observare solemnitates Concilii Tridentini, utpote in sua Parochia recepti, & quidem sub nullitate actus. Adde, quod Concilium Tridentinum tales personas *ad sic contrahendum omnino inhabiles reddat;* & consequenter quamdiu manent Parochiani prioris loci, neque mutarunt habitationem, ubicumque repariantur, nulliter sic contrahant: nam inhabilitatio personae comitatur ipsam personam, sicut umbra corpus.

147. Nec urgent rationes in oppositum *num. 145.* allatae. Nam *cap. ult. de Foro compet.* procedit *regulariter*: fallit autem inter alia, quando persona est inhabilitata ad sic contrahendum: Ad alterum respondet Barbosa ibidem, *re Nullus videtur* indicare, quod lex illa loquatur stante dubio: quia tunc juris praesumptione nemo censetur quid in fraudem, sive dolo juris facere. Ad ultimum dicitur, Regulam illam non semper procedere; ac praesertim tunc non habere locum, quando aliquid est praecceptum tamquam pertinens ad formam actus.

148. Resp. II. Si vero incolae tales transferant suam habitationem, seu domicilium, eo solo animo, ut ibi absque Parocho & Testibus contrahant, valet Matrimonium sic contractum. Ita subditur in citata a Lugone Cardinalium responsione. Ratio est: quia per talem translationem habitationis, censetur quis fieri Parochianus alterius loci in ordine ad Sacramenta recipienda.

\* Ast pone casum, quod quis exeat ad locum non recepti Concilii Tridentini nequitiam ex fine, ut illic occulte Matrimonium contrahere valeat, sed ex alio motivo, puta ratione mercaturae; ubi tamen per accidens invenit occasionem occulte absque Parocho contrahendi cum alia, e.g. cum sua ancilla pariter illuc cum ipso egressa; quaeritur, an tale Matrimonium sit invalidum, supposito, quod non simul habeat animum transferendi in talem locum domicilium, seu quasi domicilium, sed tantummodo aliquot diebus ibidem subsistendi, ac praeterea nec Compars ex contrahentibus sit vaga, aut inquilinus loci illius,

in quo Concil. Trid. receptum non est? Resp. Tale Matrimonium fore validum, quamvis illicitum. Ratio fundamentalis est; quia ex una parte egressus in loco domicilii ex hoc motivo non legitur specialiter prohibitus, nec propter hoc motivum egrediens specialiter ad contrahendum alibi inhabilitatur; ex altera vero parte generaliter quis ratione contractus, in loco, quo contrahit, forum sortitur, quando persona specialiter non est inhabilitata illic contrahendi. Videantur Reiffenstuel *Lib. 4. Decret. cit. 3. n. 123.* & Pichler ibidem *num. 14.*

149. Quaeritur III. Quid dicendum de Matrimonio Haereticorum? Resp. I. Certum est, Matrimonia Haereticorum esse valida, si in ipsorum Parochia Concilium Tridentinum numquam fuit promulgatum. Ratio patet ex verbis Concilii Trid. relatis *num. 134.* utpote quod ad obligationem & robur sui Decreti requirit publicationem in unaquaque Parochia faciendam; simulque addit, ante lapsum triginta dierum a die primae publicationis in Parochia factae, dictum Decretum non obligare; & consequenter ibidem Jure antiquo valide contrahitur Matrimonium, etiam sine praesentia Parochi ab incolis illius loci.

150. Infertur proinde cum Gobat *tract. 9. Theol. Experim. n. 458.* & aliis, quod valeant pleraque Matrimonia Haereticorum, si aliud non desit, quam praesentia Parochi. Etenim in plerisque Parochiis omni ex parte haereticis, non fuit ulla facta publicatio illius Decreti: quia pleraque illa loca jam defecerant ab Ecclesia, & Romano Pontifice, priusquam lucem aspiceret illa Constitutio Tridentina.

151. Resp. II. Utrum in locis & Parochiis, in quibus inter Catholicos & Haereticos, eodem Templo utentes, datur *Simultaneum* (ut vocant) estque a Catholicis promulgatum, atque receptum Decretum Concilii Trid. valide contrahant Matrimonium Haeretici coram suo Pseudo Pastore, variant Theologi. Et quidem valere huiusmodi Matrimonia, sustinebat Tannerus *tom. 4. disp. 8. q. 4. num. 122.* Layman *lib. 5. tract. 10. part. 2. cap. 4. num. 7.* Dicastillo, & alii. Tum quia *error communis ius tribuit, arg. l. Barbarius, ff. de Offic. Praetoris.* Tum quia ad validitatem Matrimonii iuxta formam Concilii Tridentini sufficit assistentia Parochi, etiam putativi. Tum tandem, quia in dicto casu videntur quoad effectum esse duae Parochiae, una Catholicorum sub proprio Parocho Catholico viventium; altera Haereticorum, in qua non fuit promulgatum, neque receptum Decretum Concilii Tridentini.

Econtra sententiam negativam tenent multi alii Doctores. Siquidem certum est, Haereticos, velint, nolint, Legibus Ecclesiasticis de jure obligari; quamvis de facto resistant. Deinde, ut taceant aliae rationes, Sacra Congregatio Concilii, prout refert Gobat *loc. cit. num. 464.* Nuncio Apostolico in Belgio respondit, *Haereticos quoque, ubi Decretum cap. 1. Concilii Trid. est publicatum, teneri talem formam observare; & propterea etiam ipsorum Matrimonia, absque forma Concilii, quamvis coram Ministro haeretico, vel Magistratu loci contracta, nulla atque irrita esse.*

\* Scio

\* Scio quidem, quod R. P. Pichler, qui *Lib. 4. Decret. tit. 3. num. 15.* cum Staleno in *Differ. Theologo, Politica, cap. 4. & seqq.* aliisque Germaniæ scriptoribus defendit affirmativam, nimirum talia Hæreticorum Matrimonia adhuc valere, quod, inquam, dictus Auctor *loc. cit. num. 17.* respondeat: Declarationem allegatam nec Belgium, quo missa est, amplius stringere ob circumstantias interea emergentes. Ego vero, cum multo plures adhuc similes Declarationes uniformes adducantur ab AA. vix credo, Romæ ita sentiri, nisi aliter informer. Profecto a pari alia Ecclesiastica impedimenta dirimentia videntur ex mente Pontificis similiter efficere hæreticos Germaniæ: ad quid enim alias Episcopi Germaniæ (juxta *dist. seq. quest. 2.*) peterent specialem facultatem a Curia Romana dispensandi in iisdem, posito, quod hæretici ad fidem convertantur, si dicta impedimenta hæreticos non afficerent? Interea illud in hac controversia magnis partium studiis pro & contra in Germania agitata indubitatum esse videtur, in his partibus similia Matrimonia saltem valere quoad certos effectus civiles ob bonum publicum, v.g. ut filii reputentur legitimi, & ut possint, sicut alii in Feudis, Fideicommissis, Majoratibus, Hæreditatibus succedere &c. Item non solum in superiori Germania, sed etiam in ditionibus Regi Hispaniarum subjectis procedere testatur Henno *Tracl. de Matr. Disput. ult. q. 3. art. 8.* quod credo potissimum ab allegato Auctore, intelligi de Germania inferiori pro tempore, quo is scripsit, adhuc magna ex parte Regi Hispaniarum subjecta. \*

152. Pro coronide hujus materiæ de præsentia Parochi, & testium, restat notandum pro illis locis, seu Parochiis, in quibus Decretum Concilii Trid. *Sess. 24. cap. 1. de Reform. Matr.* aliquando fuit receptum, & publicatum, postea vero per potentiam Hæreticorum, aliorumve Infidelium, expulsis Catholicis Sacerdotibus amplius observari non potest. Tunc enim, quando talis locus, seu Parochia Episcopo, & Parocho caret, aut saltem uterque horum, nullo constituto Vicario ob metum Hæreticorum latet, ita ut tuto adiri non possit, si alius Parochus, vel Sacerdos in loco propinquo existat, coram isto, & testibus contrahatur Matrimonium. Quod si etiam hoc commode fieri nequeat, contrahatur coram duobus, & si fieri potest coram Notario, servatis cæteroquin de Jure servandis; sicque validum erit Matrimonium. Et ita respondisse Summum Pontificem ad relationem Sac. Congregationis Concilii, refert Fagnanus in c. *Si Clericus n. 58. de Foro compet. & concordat Declaratio ejusdem Sac. Congregationis, de die 19. Januarii 1605. cujus verba allegat Diana part. 11. tr. 6. resolut. 1.*

\* Cæteroquin pro praxi, si tu Confessarius in Confessionali invenias aliquos, quorum Matrimonium deprehendis, aut ex dictis eruas ob defectum Parochi debiti esse nullum, ne misericors hosce, & coram seculo reputatos adhuc tamquam veros conjuges, qui modo tuum in sua perturbatione implorant officium, desolatos relinquant, sed alterutrius putatitiorum conjugum debi-

tum Parochum accedas rogando, ut tibi det facultatem nomine suo assistendi alicui certo Matrimonio nulliter celebrato; nullatenus tamen manifestando huic ipsas personas invalide ex defectu Parochi contrahentes. Quodsi Parochus hanc facultatem recuset, aut ipsi manifestare nolis, timendo, ne deveniat in notitiam personarum, scribe Episcopo, aut Vicario Generali alterutrius contrahentium, specificando casum, & motiva dandi facultatem, non autem nominando personas; ubi pro zelo suo haud dubie tibi tribuet facultatem assistendi, si expediens judicaverit. Hac igitur facultate impetrata, tales in Nomine Domini in occulto de novo conjunge in præsentia duorum Testium Religiosorum, vel alias silentio deditorum, qui strictissime obligantur ad servandum Secretum. Quodsi nullitatem hujus Matrimonii haberes ex ipsa Confessione, deberes prius a Confistente petere licentiam assumendi ad ratificandum Matrimonium duos testes silentiosos, nisi ipsimet conjuges putatitii velint tales denominare: alias enim frangeres Sigillum; cum assumpti a te testes devenirent in notitiam nullitatis Matrimonii, quam nullitatem tu non aliunde nisi ex Confessione rescires. \*

## §. XV.

## De Impedimento Raptus.

## SUMMARIUM.

153. Raptus, quid?

154. Raptus est impedimentum dirimens matrimonii.

155. Et quamdiu?

Quid, si femina rapiat virum?

153. **P**ER Raptum hoc loco intelligitur violenta puellæ extractio e domo parentum, & potestate, in ordine ad matrimonium contrahendum. Dicitur, *violenta puella extractio*: quia ad Raptum requiritur violentia, vel physica per manuum injectionem, vel saltem moralis per minas, aut metum gravem illata: unde non sufficiunt solæ blanditiæ, vel preces, quibus puella educitur e domo paterna. Et additur, *ad matrimonium contrahendum*: quia, si ob alium finem quis violenter abduceret puellam, non fieret talis Raptus, qui est impedimentum dirimens Matrimonium inter raptorem & raptam.

154. Porro Raptus sic commissus non solum tunc est impedimentum dirimens Matrimonii inter raptorem, & raptam, quando puella per vim abducta revera non consentit in Matrimonium (sic enim Jure naturæ Matrimonium foret nullum, defectu consensus ad ejus valorem necessario requisiti) sed etiam tunc, quando puella postmodum quidem vere ac libere consentit, adhuc tamen manet in potestate raptoris. Ratio est: quia novissime in Concilio Trid. *Sess. 24. cap. 6. de Reform. matrim.* decretum fuit, inter raptorem & raptam, quamdiu ipsa in potestate raptoris permanferit, nullum posse consistere Matrimonium.

155. Dicitur notanter, *quamdiu ipsa in potestate raptoris manserit*. Nam si post raptum commissum, puella rapta iterum separata fuerit a rapto, & in loco tuto ac libero constituta, ac postmodum raptorem in virum habere consenserit, posse

posse inter eam & raptorem consistere Matrimonium, docet ibidem citatum Concilium. Insuper, si femina rapiat virum ordine ad Matrimonium secum ineundum, non orietur inde Impedimentum dirimens Matrimonii, si postea vir consentire voluerit: quia Concilium Trid. loc. cit. loquitur solum de raptore & rapta; ac proinde Decretum ipsius, utpote correctorium Juris antiqui, simulque poenale, non est extendendum ad feminam raptricem viri. Sanchez lib. 7. disp. 13. num. 16.

# QUAESTIO V.

De Dispensatione Impedimentorum Matrimonii.

## SUMMARIUM.

156. Dispensatio, quid?

(k) Videatur Tract. 2. Dist. 4. n. 12. & seqq.

157. Papa, in quibus impedimentis possit dispensare?

158. An Episcopus possit aliquando dispensare in impedimentis matrimonii?

159. Quibus stantibus conditionibus id fieri valeat?

160. Fundamentum dictae assertionis.

161. An etiam quoad matrimonium contrahendum dicta procedant?

162. Quid observandum sit in procuranda dispensatione impedimentorum matrimonii?

163. I. Proponatur impedimentum rite in sua specie.

164. An exprimendum nomen ejus, pro quo petitur dispensatio?

165. II. Si plura concurrant impedimenta, omnia exponantur.

166. III. Impedimenta Cognationis, Affinitatis, &c. explentur in proprio gradu.

167. IV. Et unde sit contracta Affinitas, &c.

168. V. Quae alia sint aperienda?

(l) Supra n. 159. citati.

169. Quid consilii cum iis, qui post matrimonium contractum sibi conscii sunt alicujus impedimenti?

(m) Adde dicta, dict. 13. n. 3.

170. Dispensatio per quem petenda?

171. Et a quo, & quomodo?

172. An obienta dispensatione matrimonium coram Parocho & Testibus renovandum sit?

173. An ambo conjuges debeant scire nullitatem matrimonii, ut renovent consensum?

174. An aliquando sufficere possit consensus sub conditione?

156. **D**ispensatio proprie dicta; est juris communis relaxatio, facta cum causae cognitione ab habente legitimam potestatem. (k) Dicitur *ab habente legitimam potestatem*: quia dispensatio est actus jurisdictionis, ad quam requiritur legitima potestas. In proposito igitur, nomine *Dispensationis*, intelligitur ablatio Impedimenti Matrimonii, seu relaxatio legis illud impo-  
nentis, facta pro certis personis & casibus in particulari: de qua loquendo, sit

157. **CONCL. I.** Papa nequit dispensare in impedimentis Jure naturali, ac Divino, Matrimonium dirimentibus; potest tamen dispensare in omnibus Impedimentis, solo Jure Ecclesiastico illud dirimentibus. Ita omnes Doctores Catholici. Ratio primae partis est: quia Papa non habet potestatem relaxandi Jus naturale, aut Divinum; cum inferior non possit dispensare in lege

Superioris: Ratio secundae partis est: quia, ut habetur c. *Proposuit, de Concess. Præbend.* Papa secundum plenitudinem potestatis de jure, potest supra jus dispensare.

158. **CONCL. II.** Quamvis jure ordinario non possit Episcopus dispensare in impedimentis Jure Ecclesiastico dirimentibus Matrimonium; tamen in casu magnae necessitatis, & concurrentibus certis conditionibus, potest in ipsis etiam Episcopus pro Foro conscientiae dispensare. Ita Sanchez, lib. 2. de Matrim. disp. 40. n. 3. Fagnanus in c. *Nimis*, n. 33. & seq. de filiis Presbyt. Gobat Tract. 9. Theolog. Experim. 2. 576. Barbosa de offic. & potest. Episc. allegat. 35. num. 3. & seq. Perez disp. 44. de Matr. sect. 6. Engel tit. de Matrimonio contra interdictum, &c. §. 3. num. 11. & alii communiter.

159. Porro condiciones illae, quae requiruntur ad hoc, ut Episcopus secluso speciali privilegio possit dispensare, saltem pro Foro conscientiae, in impedimentis Matrimonium dumtaxat Jure Ecclesiastico dirimentibus, & caeteroquin dispensari solitis, sunt sequentes. I. Ut impedimentum sit occultum. II. Ut Matrimonium jam sit contractum publice, sive in facie Ecclesiae, simulque praemissis denunciationibus. III. Ut sit contractum bona fide, id est, absque scientia impedimenti: & hoc propter Concilium Trid. Sess. 24. de Reform. Matrim. cap. 5. quod contrahentes scienter inter gradus prohibitos vult separari, & spe dispensationis consequendae carere: sufficit tamen, si unus ex conjugibus in bona fide fuerit. IV. Ut subsit gravis causa dispensandi, sive urgens necessitas: utputa, quod neque conjuges separari possint absque scandalo, neque propter paupertatem, aut distantiam loci, & magnum periculum incontinentiae, pateat recursus ad Summum Pontificem.

160. Et quidem stantibus praefatis conditionibus posse Episcopum dispensare pro Foro conscientiae, est communis: & propemodum certa sententia. Ratio est: quia hoc videtur exigere Pastorale Officium Episcoporum, ne alioquin oves subjectae destituantur necessariis remediis, si Episcopus in casu tantae necessitatis, & concurrentibus dictis conditionibus, non posset eisdem opportune subvenire, & dispensare saltem pro Foro conscientiae. Unde tum Summus Pontifex praesumitur ejusmodi potestatem Episcopis tacite concedere, idque ad evitandum manifestum periculum animarum: tum etiam hoc ipsum comprobare censetur ipsamet consuetudo, quae est optima legum interpres, ac sufficit ad acquirendam jurisdictionem.

161. Quinimo in casu urgentissimae necessitatis posset Episcopus, quando adessent reliquae tres praecedentes condiciones, jure ordinario, seu citra novam specialem facultatem, ac pro solo Foro interno, dispensare, in impedimentis non solum quoad Matrimonium jam contractum, verum etiam quoad contrahendum, uti cum aliis docent Basilius Pontius Lib. 8. de Matrim. cap. 12. num. 6. & Palao part. 5. tract. 28. disp. 4. punct. ult. §. 1. num. 9. Non enim est credendum, Conditorum Canonum fuisse adeo strictum, ut urgentissimae simili necessitati noluerit per tale medium succur-

P p p p rere.

rere. Sic fieri posse videtur, quando quis morti proximus ad legitimandos liberos, &c. cito deberet contrahere, & obstarat impedimentum occultum. Item, quando quis mane confitens reperitur habere occultum impedimentum, cujus manifestatio infamiam pariat, & ceteroquin jam omnia sunt parata ad nuptias, sine gravi diffamationis periculo haud differendas, &c.

162. Quæres I. Quid observandum sit in procuranda dispensatione impedimentorum Matrimonii? Resp. Petens dispensationem impedimentorum Matrimonii, ante omnia attendat, ne in sua Supplicatione exprimat falsum, aut occultet verum, quod in Jure præcipitur exprimi. Ratio est; quia alioquin dispensatio taliter obtenta, foret nulla ac subreptitia. Ne autem talis error committatur, erunt cumprimis sequentia observanda.

163. I. Impedimentum, de quo petitur dispensatio, proponatur rite in sua specie, nam, si unum exprimeretur pro alio, nulla foret dispensatio, v.g. si impedimentum Affinitatis ponatur pro impedimento Consanguinitatis; aut e contra, non valebit dispensatio deluper obtenta.

164. Petatur autem ejusmodi dispensatio tacito nomine ejus, pro quo petitur, si hæc pro solo Foro conscientie petatur. Quod si vero postuletur dispensatio pro Foro externo necesse erit exprimere & nomen & cognomen, & Diæcesis, imo plerumque & Parochiam, conditionemque petentium.

165. II. Si plura simul impedimenta concurrant, omnia sunt in specie exponenda: quia, si unum solum impedimentum, quamvis fortius, exponatur, vel de nullo (ut vult Sanchez *lib. 8. disp. 23. 2. 2.* citans alios) vel ad summum de solo expresso habebitur dispensatio, non de altero. Et hoc intellige, etiam si plura illa impedimenta sint ejusdem speciei; unde quando quis est affinis alteri ex duplici capite, ut puta quia cognovit duas ejus consanguineas, debet utraque affinitas explicari. Sanchez *loc. cit. disp. 24. num. 5.*

166. III. Impedimenta Cognationis, Affinitatis, ac publicæ Honestatis, debent explicari in proprio gradu; id est, num petentes dispensationem sint conjuncti in primo, secundo, tertio, aut quarto gradu; item, an Conjunctio Consanguinitatis, seu Affinitatis, sit in Linea recta, vel transversali; & si in transversali, an sit in gradu æquali, vel inæquali: hæc enim omnia reddunt dispensationem magis vel minus facilem, ac pro ipsa obtinenda requiritur major vel minor causa.

167. IV. Exprimatur, utrum Affinitas sit contracta ex copula conjugali, vel fornicaria: item, an publica Honestas orta fuerit ex sponsalibus de futuro, vel ex Matrimonio rato.

168. V. Si petitur dispensatio impedimenti post Matrimonium jam contractum, est addendum, ac explicandum, an Matrimonium illud fuerit scienter contractum cum impedimento dirimente, vel cum spe sic facilius impetrandæ dispensationis, aut non servatis trinis denunciationibus, nec ne. Et hoc ratione Decreti Concilii Trid. *Sess. 24. de Reform. matr. cap. 5.* (l) Insuper, si in casu urgentis necessitatis petatur dispensatio ab Ordinario loci, addendum est, atque osten-

dendum, hic revera adesse urgentem necessitatem, & alias condiciones superius recensitas, ut sic eadem constet, se hic & nunc dispensare posse pro Foro conscientie.

169. Quæres II. Quid Consilii sit cum iis, qui post Matrimonium jam publice contractum sunt sibi conscii alicujus impedimenti dirimentis? Resp. I. Si Impedimentum dispensabile est, petendam esse dispensationem vel a Pape, si ad ipsum patet aditus; vel ab Episcopo sive Ordinario loci, si is vel ex speciali privilegio Apostolico facultatem dispensandi obtinuerit, vel si tem hanc habeat pro Foro conscientie in casu urgentis necessitatis, atque periculo incontinentie. Interea tamen putativi conjuges, & conscii talis impedimenti, tenentur abstinere ab omni actu conjugali; utpote cum alioquin ob nullitatem Matrimonii committerent grave peccatum fornicationis. (m) Proinde interim vel debent cohabitare, & vivere tamquam frater & soror in vera continentia; vel (ob periculum incontinentie) sub specie cujusdam peregrinationis, aut alterius negotii peragendi, ab invicem sequestrari, donec obtenta sit dispensatio.

170. Resp. II. Quando impedimentum est occultum, ac præsertim, si oriatur ex aliquo crimine, petiturque dispensatio pro Foro conscientie, ordinarie consultum est, ut ipsemet Parochus, vel Confessarius, de licentia pœnitentis, ejusdemque expensis in mittendo nuncio faciendis, hujusmodi dispensationem procuret; tacito tamen nomine eorum, qui tali impedimento laborant, vel fingendo aliud nomen, v.g. Stich, Berthæ, aut litterarum: *A. Vir, B. Femina.* Sic enim non periclitabitur bona fama indigentium dispensatione.

171. Resp. III. Quando est dispensatio pro Foro conscientie petenda a SS. Pontifice, non est necesse litteras inscribere ipsi Summo Pontifici, sed (nisi habeatur qualificata persona intermedia, v.g. Procurator Generalis Ordinis, vel Agens Romæ causas sui Ordinarii, per quam melius possit negotium expediri) sufficit eas dirigere ad Majorem Pœnitentiarium, in hunc modum: *Eminentissimo & Reverendissimo Domino, Domino S. R. E. Cardinali Majori Pœnitentiaro, Romæ.* Is enim pro sua humanitate, charitateque, libenter omnes audiet, & litteras jubebit expediri: dummodo in ipsis litteris rite apponatur locus, in quem sint remittendæ litteræ, v.g. in hæc verba: *Dignetur Eminentia Vestra rescribere mihi N. N. per Mantuam, Ratisbonam & dehinc in Oppidum N.* Et specificetur locus ultimus bene. Quod si vero pro Foro conscientie sit petenda dispensatio loci, ordinarie litteræ dirigendæ sunt ad Reverendissimum Dominum Vicarium Generalem, sive Officialem, p.t. existentem, qui earundem expeditionem postmodum jam rite ordinabit, dummodo & ipse moneatur in litteris de loco, quorsum, & ad quem responsio sit dirigenda.

172. Resp. IV. Quamvis Matrimonium antea ratione occulti impedimenti nulliter contractum, & conjugibus per novum mutuum consensum, post impetratam dispensationem habendum, necessario sit renovandum: tamen quando illud coram Parocho, ac duobus Testibus, jam semel est initum, non obstante, quod fuerit invalidum ob occultum.



Nullum impedimentum; ejusmodi Matrimonium ablatum postmodum impedimento per legitimam dispensationem non est iterum in facie Ecclesiæ, seu coram Parocho ac duobus Testibus, necessarium celebrandum. Ita cum aliis Sanchez lib. 2. de Matrim. disp. 37. ubi etiam ex Navarro refert, ita declarasse B. Pium V. Et merito; nam tale Matrimonium revera non est clandestinum; hoc ipso enim, quod Parochus & testes ignorent ejusmodi impedimentum, utpote occultum, Matrimonium illud sufficienter probatur in facie Ecclesiæ, quamvis postea sublato per dispensationem impedimento clam revalidetur. Sufficit proinde, quod ambo putativi conjuges denuo renovent mutuo consensum suum Matrimoniale, et si nemo alius addit.

173. Dicitur notanter, *ambo conjuges*. Nam non sufficit consensus unius dumtaxat partis, cum Matrimonium non nisi mutuo consensu contrahatur. Hinc, si illud fuit nullum ob occultum impedimentum, ordinarie oportet conjugem impedimenti ignaram reddere certiore de nullitate prioris Matrimonii (et si non sit necesse, causam hujus nullitatis manifestare) ut mutuo denuo consensus præstetur. Nam alioquin conjux ignara prioris nullitatis, non censetur renovare consensum pro revalidando Matrimonio, cum erratis nullus sit consensus; & persona ignara impedimenti faciat omnia in virtute prioris consensus, qui nullus fuit. Scotus 4. dist. 35. quæst. un. §. Respondeo, primus consensus, & alii.

174. Quod si hoc fieri nequeat ratione scandalali, vel infamiae, ut quia alter conjux putativus, si foret conscius nullitatis Matrimonii, non amplius esset consensurus, aut gravem suspicionem de occulto alterius crimine conciperet: tunc sufficere poterit renovare mutuum consensum sub simili forma; *Volo tecum ex nunc ita contrahere, ut si jam non esset validum inter nos Matrimonium; illud nunc inire velim.* Et altera pars respondeat: *Volo & ego similiter.* Sanchez lib. 4. disp. 36. num. 5.

\* Alium adhuc modum in suo Jure Canonico suggerit Reiffenstuel lib. 4. Decret. in Appendice de Dispensat. num. 603 & ex ipso Pichler lib. 4. Tit. 17. num. 55. ut nimirum dictante necessitate, & circumstantiis ipsemet Confessarius subinde hoc negotium in se suscipiat; & Conjugi nullitatis ignaro exaggeret, quam necessaria; & utiles sint gratiæ Sacramentales ad onera Matrimonii facilius sufferenda, quæ tamen non ita a Deo dantur, quando Matrimonium, uti facile contingere potest, fuisset nulliter contractum. His præmissis conjugibus forsan intra se non adeo convenientibus (nam alias non foret magnum periculum eliciendi consensum expressum, & explicitum ex parte ignorantis impedimentum) suadeat, ut inter se de novo contrahant uno e.g. dicente: *Si ex aliqua causa Matrimonium nostrum non esset validum, volo tecum ex nunc contrahere*: altero autem respondente: *volo pariter & ego tecum contrahere.* Quodsi taliter faciant, Matrimonium censetur de novo contrahi, & præterea gratiæ Sacramentales conjugibus adeo salubres conferuntur. Notetur autem bene, quod altera compars ignara impedi-

menti debeat dicere; *volo tecum contrahere*: non autem NB. *vellem contrahere, si Matrimonium esset nullum.* Nam *vellem* potius indicaret consensum ponendum de futuro, quam de præsentis Matrimonio.

Ponamus autem, quod uxor, quæ ante Matrimonium e.g. cum fratre sui mariti perfecta copula carnali peccavit, sicque ob impedimentum afinitatis Matrimonium contraxit nullum, ponamus (inquam) quod uxor talis habeat virum astutum, qui jam noscit, quod similes modi loquendi occulte tendere soleant ad revalidanda Matrimonia ob præcedens quodpiam latens impedimentum nulliter contracta, hincque cum alias non multum amet uxorem, ac præterea sit Zelotypus, valde grave exinde periculum imminet ingentium scandalorum, suspicionum, jurgiorum, ac etiam forsan dissensus positivi in revalidationem. Quid in his angustiis uxori, quæ Romæ super suum impedimentum occultum impetravit a Pœnitentiaria dispensationem, ulterius, ut Matrimonium revalidetur, est agendum, præsertim si putatus maritus facta per dispensationem prioris impedimenti ablatione adhuc ante revalidationem petierit ab uxore debitum conjugale; utpote ignarus impedimenti? Respondi ad hoc in *Theoria & Praxi Ingoistadii anno 1710. edita, Disp. 2. Cas. 5. n. 53.* in tantis angustiis, & difficultatibus posset tandem juxta Bonacinam, & Gobat admitti in praxi contrariam sententiam Ledesma, Soto, & Henriquez; ut nimirum sola pars conscia impedimenti eliciat expresse novum consensum: nam altera pars inscia impedimenti saltem adhuc juxta probabilem sententiam (quamvis quamplures DD. cum Reiffenstuel doceant contrarium) censetur in facto, & actu exercito habere sufficientem consensum ad Matrimonium; quia is petendo debitum exercet copulam affectu maritali, non autem fornicario, consequenter vult adhuc Matrimonium. Et ita tanta necessitate hanc praxim etiam admittit noster Syrus Placentinus Pœnitentiarius Lateranensis in sua dilucidatione Romæ anno 1699. ex voluntate Summi Pontificis impressa, & per substitutum a Reverendissimo Magistro Sacri Palatii plurimum commendata, quem vide *part. 2. cap. 2. fol. apud me 228.* Similiter in tantis angustiis concedit noster Tiburtius Navar. pariter Pœnitentiarius Apostolicus in sua *Manuduct. ad praxin part. 2. cap. 3.* prope finem, quem libellum Carolus Stradiotti S. I. Pœnitentiarius Apostolicus ad S. Petrum jussu Reverendissimi Magistri Sac. Palatii deputatus Censor magnis laudibus deprædicat. Accedit novissime R. P. Pichler lib. 4. Decret. Tit. 17. n. 55. ad finem.

Dices I. Juxta Innocent. XI. quando agitur de valore Sacramenti, non licet sequi opinionem probabilem relicta tutiore: atqui illa sententia, quæ docet revalidari Matrimonium, et si altera pars explicite per verba de novo non consentiat, solummodo ad summum est probabilis, & contraria tutior: ergo. Respond. Disting. maj. non licet sequi sententiam probabilem in materia Sacramentorum relicta tutiore, regulariter, conc. in casu tali extraordinario emergente gravissima necessitate, nego. Et ita sentiunt etiam post propositiones damnatas scribentes AA. Cardenas in Cris-

Theolog. *Dissert.* 2. cap. 8. art. 13. q. 3. Banholzer in *Ethica Christiana* art. 11. num. 109. Illung. *Traçt.* 1. *Theol. præf. Distinct.* 1. art. 7. §. 1. n. 77. & 78. La Croix *Lib. 6. Theol. præf. Distinct.* 1. art. 7. §. 1. n. 77. & 78. La Croix *Lib. 6. Theol. Moral. part.* 1. n. 119. Nec credo, sententiam Syri Placentini & Tiburtii Navar. utriusque Pœnitentiarii Apostolici a Magistro Sac. Palatii fuisse toleratam; si contineretur sub propositionibus damnatis Innocentii XI. Illud tamen ex hoc fundamento gratis admitto, quod altera pars conscia impedimenti teneatur in revalidatione elicere consensum expressum; cum id facere possit faciliter, sicque debeat in hoc puncto, ubi agitur de valore Sacramenti, se accommodare sententiæ tutiori, & simul probabiliori.

Dices II. Sententia, quæ tenet, ad revalidandum Matrimonium sufficere copulam affectu maritali exercitam, est tantum tenuiter probabilis: sed sententiam tantum tenuiter probabilem neque in necessitate quoad præsentem materiam sequi licet: ergo. Min. prob. quamvis enim in extrema necessitate, & absente alia materia liceat quempiam conditionate baptizare in materia, quæ tantum tenuiter probabiliter est valida, id tamen non licet in casu, quo talis sententia tenuiter probabilis habet sibi annexum alium actum intrinsece malum, prout est copula carnalis, quæ non est conjugalis: etenim, si tantum est tenuiter probabile, adesse hic & nunc verum conjugium, pariter erit tantum tenuiter probabile, copulam exinde exercitam esse conjugalem; nam copula est talis, quale est ipsum conjugium. Quis autem dicet, licitam esse copulam, quæ nullam gravem rationem pro se, sed tantum tenuiter probabilem habet, quod sit conjugalis; econtra gravissimas rationes contra se, quod nimirum sit fornicaria? Respond. Si major hujus Syllogismi esset vera, argumentum efficacissime urgeret, prout patet rem intimius consideranti: Ego autem ob rationes superius allegatas Nego Maj. Nam illa sententia non solum tenuiter, sed vere est probabilis, quamvis minus tuta, qualem etiam in materia Sacramentorum in extrema quasi necessitate sequi licet juxta jam dicta.

Instabis: Quando dispensatur Romæ in impedimento occulto, solet ordinarie hæc clausula addi, ut, antequam de novo Matrimonium contrahatur, pars ignara impedimenti de nullitate prioris consensus certioretur, ita tamen caute, ut latoris delictum numquam detegatur: ergo non licet praxis sententiæ proxime allegatæ, ubi pars ignara non certioratur de nullitate Matrimonii. Respond. in primis, hoc argumentum probare nimum, nempe quod neque licerent formulæ quoad revalidandum Matrimonium superius num. 174. & sublequenti Additione I. adauctæ; cum nec ibidem proprie pars ignara impedimenti de eodem certioretur, uti consideranti patet. Resp. II. Triburtius Navar. *Part. 2. cap. 3.* declarando hanc clausulam, nimirum quod ea non ponatur tamquam conditio necessaria sine qua non, sed ad meliorem instructionem Confessarii, ut nimirum ille elicere curet ex utroque conjugum consensum positivum per verba expressa, si citra gravia exinde mala sublecutura fieri possit. De

quo Sanchez *Lib. 8. disp. 24. num. 61.* Sæpe enim (pergit ulterius Navar.) dispensationes suo valore frustrarentur, si esset conditio necessaria; quia sæpe contingit, non posse nullitatem detegi absque periculo detegendi delictum, maxime si impedimentum sit ex parte fœminæ, ut multoties contigisse ipsa experientia demonstrat. \*

## DISTINCTIO XV.

*Praxis obtinendi Dispensationes quoad impedimenta Matrimonii.*

### QUÆSTIO I.

Quomodo præctice ab Episcopo possit impetrari dispensatio etiam pro foro externo?

### SUMMARIUM.

1. *Quandonam dispensare queant tam pro foro interno, quam externo Episcopi.*
2. *Enumerantur Facultates dispensandi in specie.*
3. *Quid in executione dispensationis pro foro externo Episcopi observare debeant?*
4. *Formula talis Dispensationis.*

1. **P**RÆsupponendum, quod, quando Reverendissimi Ordinarii Germaniæ ad præviam eorum supplicationem impetrant specialem facultatem dispensandi circa certa impedimenta Matrimonii, eandem potestatem non solum pro foro interno, & cum certis conditionibus, de quibus in ultima Quæstione præcedentis Distinctionis mentio facta est, sed etiam pro externo exercere valeant, & quidem etiam si tale impedimentum foret publicum, atque pateret cæteroquin recursus ad Summum Pontificem. Ratio est: quia hæc potestas est absolute concessa: Verba autem generalia generaliter sunt intelligenda, maxime in Beneficio supremi Principis, & in materia favorabili, qualis est facultas dispensandi concessa a Summo Pontifice Reverendissimis Ordinariis Germaniæ.

2. Sunt autem facultates, quæ Reverendissimis Ordinariis plerumque ad Eorum Supplicationes circa præsentem materiam concedi solent, sequentes.

*Primo.* Potestas dispensandi in 3. & 4. gradu simplici & mixto tantum cum pauperibus in contrahendis; in contractis vero cum Hæreticis conversis etiam in 2. simplici & mixto, dummodo nullo modo attingat primum gradum, & in his casibus prolem susceptam declarandi legitimam.

*Secundo.* Dispensandi super impedimento publicæ honestatis Justitiæ, ex Sponsalibus proveniente.

*Tertio.* Dispensandi super impedimento criminis, neutro tamen conjugum machinante mortem, ac jus petendi debitum amissum restitnendi.

*Quarto.* Dispensandi super impedimentis cognationis Spiritualis præter levatam & levatum.

*Quinto.* Hæc vero dispensationes Matrimoniales non concedantur, nisi cum clausula, *dummodo mulier non fuit rapta, & si rapta fuerit, in potestate raptoris non existat*; & in dispensationibus jus-

jusmodi declaretur expresse, illas concedi tamquam a Sedis Apostolicæ Delegato; ad quem effectum etiam tenor hujusmodi facultatum inferatur cum expressione temporis, ad quod fuerint concessæ; alias nullæ sint.

*Sexto.* Conceditur potestas communicandi has facultates in toto, vel in parte, prout opus esse secundum ejus conscientiam judicaverit, Sacerdotibus idoneis in conversione animarum laborantibus, & præsertim tempore sui obitus, ut Sede vacante sit, qui possit supplere, donec Sedes Apostolica certior facta, quod quamprimum fieri debebit, per Delegatos, aut per unum ex eis alio modo provideat.

*Septimo.* Utendi eisdem facultatibus in Civitate, & Diœcesi N. tantum.

*Octavo.* Ac prædictæ facultates gratis, & sine ulla mercede exerceantur, &c. His præsuppositis, & præscriptis, si quis simili impedimento laborare dignoscatur, & habeat gravem causam dispensandi, refugiat per se, vel per Confessarium ad suum Ordinarium tali facultate præditum, & instruat debite Supplicam conformiter dictis præcedentibus.

3. *Quæres*, quid in executione similis dispensationis, pro Foro etiam externo dandæ, observari debeat? Respondeo, eandem esse dandam in scriptis, ubi etiam inferi debent: I. Potestas delegata. II. Tenor hujus facultatis. III. Tempus, quoad usque se extendat dicta facultas: uti omnia ista requisita patent in ipsa Bulla seu Brevis concessionis, ubi ordinarie hæc reperiuntur inserta: qualiter adjungitur formula quædam, quomodo soleat eadem quoad Pauperes, e. g. in 3. vel 4. gradu consanguineos ab Episcopo dispensandos in scriptis dari.

4. *NN. Dei & Apostolica Sedis gratia Episcopus Diœcesis N. Sacri R. I. Princeps* (specificentur hic Nomen & cognomen Episcopi, item ipsa Diœcesis, in qua Episcopus existit) *Unive sis & singulis presentes visuris, lecturis & audituris notum facimus*, quod N. & N. Pauperes humillimi nobis supplicaverint, ut cum eis in tertio consanguinitatis gradu simplici, quo conjuncti existunt, ob defectum dotis ipsius sporsa, in ordine ad contrahendum Matrimonium dispensare clementissime dignaremur. Nos igitur, qui a Sanctissimo Domino Nostro Papa Clemente XI. (si alius Pontifex concesserit, ille specificetur) speciali facultate d. super Anno Die Mensis ad quinquennium Nobis concessa, muniti existimus, tenoris, ut sequitur: *Damus etiam licentiam dispensandi in tertio, & quarto gradu consanguinitatis simplici & mixto tantum cum Pauperibus in contrahendis, &c. Vi delegata Nobis potestatis Apostolica allegata cum memoratis N. & N. n. p. Pauperibus, ex causa Nobis sitis cognita, & probata, in Domino dispensamus, & dispensatum declaramus, dummodo mulier non fuerit rapta, vel, si rapta fuerit, in Raptoris potestate non existat, servatis in reliquo servandis de jure. In quorum fidem, &c. Datum, &c.*

## QUÆSTIO II.

Quomodo præctice circa impedimenta Matrimonii possit Dispensatio obtineri a Sacra Pœnitentiaria?

### SUMMARIUM.

5. *Quandam Supplicam Dispensationis ad Pœnitentiariam, & quando ad Datariam dirigi debeat?*
6. *In quibus casibus Sacra Pœnitentiaria dispenses?*
7. *Ob quas causas dispenses?*
8. *Ponitur Casus Dispensationis.*
9. 10. *Prævia interroganda, antequam fiat Supplicam.*
11. *Formula petende Dispensationis.*
12. *Rescriptum ad talem Formulam expeditum.*
13. *Quoad alias Formulas, vel clausulas Rescriptorum, remissive.*
14. *Explanatio Breviaturarum.*

5. **S**ciendum I. Quod juxta jam aliquantulum dicta duplex Tribunal Romæ erectum sit a Summo Pontifice, ad quod pro impetrandis Dispensationibus recurri potest. Primum solummodo pro Foro interno & conscientie; vocaturque *Sacra Pœnitentiaria*. Alterum pro Foro externo, & appellatur *Dataria*. Quod bene notandum Confessariis: nam, si quoad solum Forum internum pro suo pœnitente vellent petere Dispensationem, ad illud primum Tribunal Litteras supplices dirigere oportet, nec debent exprimere vera nomina & cognomina dispensandorum, sed solummodo ficta, aut litteras A. B. C. vel N. &c. in quo Tribunali etiam omnia gratis expediuntur. Quod si autem ea dispensatio etiam pro Foro externo postuletur, necesse est, eandem a Dataria expetere, ubi partim ratione taxæ, partim ratione compositionis pecuniariæ expensæ aliquæ, & nonnumquam non exiguæ (præsertim, nisi Rescriptum expediatur *in forma Pauperum*) fieri debent, quæ pecunia dein ad alias Ecclesiæ Catholicæ utilitates applicatur. Nos loquæmur hic de facultatibus Sacræ Pœnitentiariæ.

6. Sciendum II. Quod facultas huic sacro Tribunali concessa, possit, & soleat subinde ampliari a Summo Pontifice, vel etiam restringi. Certe aliquando, teste Cardinale de Luca in sua Relatione de Curia Romana *iscu-su* 12. num. 2. Officialibus Sacræ Pœnitentiariæ valde magna fuit data potestas, ita ut non exigua pars illorum negotiorum, quæ hodie per Datariam, atque per Secretariam explicantur, tunc per hoc Tribunal fuerit expedita. In præsentem, Sacra Pœnitentiaria (quantum constat) in ordine ad dispensationes matrimoniales:

I. Quoad Matrimonia invalide jam contracta ob occultum impedimentum Consanguinitatis hoc Tribunal eadem revalidat, dummodo non agatur de gradibus primo & secundo Consanguinitatis.

II. Quoad Matrimonia primum contrahenda in nullo gradu Consanguinitatis dispensat.

III. Quoad impedimenta affinitatis pro Foro interno dispensat tam in contrahendis, quam in contractis, etiam quoad primum gradum.

Pppp 3

IV.

IV. Pariter dispensat quoad impedimentum criminis occultum. Item quoad simile impedimentum publicæ Honestatis, ac in omnibus aliis impedimentis occultis, & jure dumtaxat Ecclesiastico dirimentibus. Ita Vincentius de Justis *lib. 1. cap. 8. num. 29.* Vide meum Jus Canonicum *lib. 4. Decret. in Appendice §. 9. n. 418.*

7. Sciendum III. Quod sine justa causa in Supplicatione expressa Sacra Pœnitentiaria nullatenus impertiatur dispensationem. Causæ autem frequentiores, ob quas solet dispensare, sunt sequentes. I. Prærogativa dignitatis Regiæ vel Principalis. II. Conservatio Illustrissimæ cujusdam Familiæ. III. Extinctio litis vel gravis inimicitia. IV. Confirmatio, vel conservatio pacis. V. Evitatio scandali, vel periculi incontinentiæ, aut alterius gravis damni. VI. Angustia loci. VII. Defectus competentis dotis. VIII. Ætas mulieris vigesimum quartum annum jam excedens, & necdum honestas, statuique competentes nuptias invenientis. IX. Copula cum consanguinea, aut alia impedimentum habente, jam nota, & pro palata, v. g. ex prole jam acquisita, vel saltem ex imprægnatione. X. Infamia mulieris ex nimis familiari & suspecta Oratorum inter se conversatione orta absque copula. Et demum ultimo ipsum Matrimonium cum ignorantia impedimenti bona fide contractum, maxime si jam est consummatum & proles subsecuta, &c. Vide de his omnibus meum Jus Canonicum *lib. 4. Decret. in Appendice §. 3.*

8. His præscitis ponamus (majoris claritatis gratia) casum, quod Sejus cum Diana in tertio simplici gradu lineæ transversalis sibi consanguinea contraxerit de præfenti Matrimonium bona fide, & in facie Ecclesiæ. Postquam autem septem annis ad invicem ut conjuges convixerunt, & liberos exinde adepti sunt, deveniunt in notitiam nullitatis Matrimonii. Et quoniam ex una parte citra scandalum, & prolium detrimentum separari nequeunt: ex altera autem in cohabitando adest ex jam expertis periculum incontinentiæ; hinc supplicant pro dispensatione ad effectum revalidandi Matrimonium; quid suadendum talibus a Confessario desuper interrogato?

9. Resp. Supposito, quod bona fide (secus enim si factum fuisset, deberet in Supplica, v. g. per verba *confiteor impedimenti* exprimi mala fides) contraxerint, & impedimentum adhuc sit occultum, oportet ulterius interrogare, an sint pauperes, vel non. Quod si forent tales, juxta jam dicta præcedentis Quæstionis, potest etiam Episcopus, præsertim Germaniæ, si haberet tale speciale privilegium, dispensare. Quando autem non essent pauperes,

10. II. Indagare debet, (NB. nisi ex ipsa Confessione, aut aliis circumstantiis jam appareat contrarium) an saltem prudenter judicent, se posse continere, usque dum veniat dispensatio Roma? Quod si reponant negative, vel id ipsum ex Confessione (puta, quia etiam post notitiam impedimenti ob nimium amorem intra breve tempus sæpius peccaverunt, si non copula, saltem tactibus lascivis, &c.) valde probabiliter deduci posset, ac præterea nec interim citra periculum ab invicem separari valerent, denuo pro Foro Con-

scientiæ ob impedimentum occultum, periculum in mora, & vi taciti consensus Papæ patet recursus ad Episcopum de jure ordinario, supposita bona fide, prout jam dixi in superiori Quæstione.

11. Quando autem videtur, non adesse verum periculum incontinentiæ intra id tempus, vel saltem interea facile ab invicem separari possent, v. g. si una pars interim institueret peregrinationem, usque dum veniat dispensatio Roma, nec dispensandi sunt pauperes, dirigatur Supplica ad Curiam Papalem; nimirum ad Sacram Pœnitentiariam, & in ea instituenda observentur illa, quæ adduximus *Quæst. 5. num. 162. præcedentis Distinctionis*, rogando etiam pro legitimatione prolium, si aliqua extent. Ubi eadem quoque suo modo, & cum grano salis mutatis mutandis applicari poterunt, si petatur Dispensatio ab Episcopo, &c.

### SUPPLICA.

**S**ejus cum Diana consanguinea sua in tertio gradu simplici Linea collateralis contraxit Matrimonium; bona tamen fide, ac publice in facie Ecclesiæ, quod & simul consummavit. Post aliquot vero annos, educatis jam quibusdam liberis, cognoverunt inter eisdem intercedere impedimentum dirimens ratione consanguinitatis præfata. Et quoniam ex una parte sine gravi periculo magni scandali separari ab eadem domo nequeunt, ex altera vero in cohabitatione periculum imminet incontinentiæ; hinc pro majori Conscientiæ suæ quiete humillime petunt dispensationem super hoc impedimento adhuc occulto, ut etiam proles tam suscepta, quam suscipienda legitimetur. Pro qua gratia, &c.

### RESPONSIO.

**N. N.** (Hic major Pœnitentiarius ponit suum nomen) S. R. Ecclesiæ Cardinalis N. N. &c. discreto viro Confessario ex approbatis ab Ordinario, sive proprio latorum Pœnitentium Parocho salutem in Domino. Ex parte viri & mulieris latorum Nobis oblata petitio continebat, quod ipsi alias a septennio Matrimonium inter se publice in facie Ecclesiæ bona fide contraxerunt, id successive consummantes; nunc vero resciverunt, se tertio Consanguinitatis gradu simplici Linea collateralis esse conjunctos. Cum autem, sicut eadem petitio subjungebatur, dicti latrores ob impedimentum ex tertio gradu hujusmodi proveniens, quod a septennio, ut profertur, nullum remanet, in dicto Matrimonio remanere nequeant absque Sedis Apostolicæ dispensatione: ideo ad vitanda scandala, quæ, si divortium fieret inter eos, exorirentur, ac pro sua Conscientiæ quiete cupiunt per ipsam Sedem Apostolicam absolvi, secumque desuper dispensari. Quare supplicarunt humiliter, ut sibi super his de opportuno remedio providere dignaremur. Nos igitur, qui Pœnitentiaria D. Papæ curam gerimus, hujusmodi Supplicationibus inclinati, auctoritate Apostolica specialiter Nobis concessa discretionis tue committimus: quatenus, si ita est, dictos latrores audita prius eorum Sacramentali Confessione, a quibusvis sententiis, censuris, & pœnis Ecclesiasticis, quas propter præmissa quomodolibet incurrerunt, incessu & excessibus hujusmodi absolvas in Forma Ecclesiæ consuetæ, injuncta eis pro modo culpe pœnitentia saluari, & aliis injunctis de jure injungendis. Demum, dum-

modò



modo impedimentum ex predicto tertio consanguinitatis gradu o cultum huc usque remanserit, & nunc remanet, & separatio fieri nequeat absque scandalo aliudque Canonicum non obstat, cum eisdem, quod predicto impedimento non obstante Matrimonium inter se de novo secrete ad vitanda scandala contrahere, & in eo postmodum remanere licite valeant, misericorditer dispenses, prolem siue susceptam, siue suscipiendam exinde legitime discernendo in foro Conscientie, & in ipso actu Confessionis Sacramentalis tantum, & non aliter, nec alio modo, nullis super hoc adhibitis testimoniis, seu datis litteris, sed presentibus statim sub pena Excommunicationis lata sententia per te laceratis, Datum Roma sub Sigillo Penitentiariae, &c.

13. Quod si plures formulas supplicandi apud S. Penitentiariam in distinctis materiis desideres, vel tibi quoad diversas clausulas in Responsoriis contentas, siue quoad modum exequendi causeatur dubium, recurrere poteris denuo ad IV. Decretalium in Appendice §. IX.

14. Ceterum, quoniam Rescripta a Sacra Penitentiaria missa plerumque insertas continent varias Abbreviaturas, quas inexperti legere nequeunt, consultum duxi, ex nostro Tiburtio Navar. Penitentiario Lateranensi harum aliquam Explicationem apponere.

|                 |      |    |                   |
|-----------------|------|----|-------------------|
| Archiepus       | Lege | A. | Archiepiscopus    |
| Alr             |      |    | Aliter.           |
| Als             |      |    | Alias.            |
| Abfoluto        |      |    | Absolutio.        |
| Aplica          |      |    | Apostolica.       |
| Appatis         |      |    | Approbatis.       |
| Autte           |      |    | Auctoritate.      |
|                 |      | C. | Cardinalis.       |
| Cardilis        |      |    | Canonice.         |
| Canice          |      |    | Censuris.         |
| Cen             |      |    | Circumspectioni.  |
| Circumpeoni     |      |    | Christus.         |
| Xpus            |      |    | Confessione.      |
| Confeone        |      |    | Confessorii.      |
| Confeori        |      |    | Communione.       |
| Coione          |      |    | Conscientia.      |
| Conscia         |      |    | Constitutionibus. |
| Constitutionibu |      | D. | Discretioni.      |
|                 |      |    | Dispensatio.      |
| Discreoni       |      |    | Dominus.          |
| Dispensao       |      | E. | Ecclesie.         |
| Dnus            |      |    | Effectus.         |
|                 |      |    | Existit.          |
| Ecclae          |      |    | Ecclesiasticis.   |
| Effus           |      |    | Episcopus.        |
| Exit            |      |    | Excommunicatione. |
| Ecclis          |      | F. | Frater            |
| Epus            |      |    | Fratrum.          |
| Excoe           |      | G. | Generali.         |
|                 |      | H. | Hujusmodi.        |
| Humoi           |      |    | Humiliter.        |
| Humilr          |      |    |                   |

Infraptum  
Irregulte  
Igr  
  
Lia  
Ltima  
Lra  
Lite  
  
Mrimonium  
Magro  
Miraone  
Mir

Nulltus  
  
Ordio  
Ordinaoni

pp.  
Pr.  
Pontus  
Puis  
Ptur  
Pntium  
Pbyter  
Pbyricida  
Pcena  
Pceniaria  
Poe  
Pror

Qtnus  
Qmlbt  
Qd

Relari  
Relione  
Roma

Sntæ, vel Stæ.  
Saluri  
Sentia  
Spealr.  
Supplionibus  
Spualibus

Tn  
Tm  
Thia, vel Theolia.  
Tli

Venebli  
Vra

I.  
Infraferiptum.  
Irregularitate.  
Igitur.

L.  
Licentia.  
Legitima.  
Litteræ.  
Licite.

M.  
Matrimonium.  
Magistro.  
Miseratione.  
Misericorditer.

N.  
Nullatenus.

O.  
Ordinario.  
Ordinationi.

P.  
Papa.  
Pater.  
Pontificatus.  
Præfatus, seu prædictus.  
Præfertur, seu prædicatur  
Præsentium.  
Presbyter.  
Presbytericida.  
Pceniencia.  
Pcenienciaria.  
Poffe.  
Procurator.

Q.  
Quatenus.  
Quomodolibet.  
Quod.

R.  
Regulari.  
Religione.  
Romana.

S.  
Sanctæ.  
Salutari.  
Sententia.  
Specialiter.  
Supplicationibus.  
Spiritualibus.

T.  
Tamen.  
Tantum.  
Theologia.  
Tituli.

V.  
Venerabili.  
Vestra.

\* \* \* \*  
\* \* \*  
\* \*  
\*

QUAE.

## QUÆSTIO III.

Quomodo præctice Dispensatio in causis Matrimonialibus obtineri queat a Dataria tam pro foro interno, quam etiam externo?

## SUMMARIUM.

15. Quotupliciter in Dataria obtineatur Dispensatio?
16. Ob quas causas?
17. Quomodo debeat instrui Supplicæ?
18. Formula Supplicationis ob angustiam loci?
19. Declaratio Supplicæ.
20. Si duo a communi stipite inæqualiter distant, qualiter id debeat exprimi in Supplicæ?
21. Formula Supplicæ ob contractum jam bona fide Matrimonium, &c.
22. Reflexio ad II. Supplicam.
23. Qualiter in Supplicæ intelligatur illa Clausula: Si Oratoribus vitæ periculum imminet.
24. Quomodo Supplicæ rite concepta dirigatur Romanam?
25. Quid facere debeat ille, qui nescit Supplicam concipere juxta stylum Curie?
26. Corollarium I. pro Parocho.
27. Corollarium II.
28. Quid consulendum Oratori Pauperi, qui nequit solvere taxam?
29. Ad quemnam recurratur pro executione Dispensationis?
30. 31. 32. Qualia Rescripta Dispensationum soleant expediri a Dataria ad Executorem?
33. Qualiter Clausula Rescriptorum sint intelligenda: Remissive.

15. Sciendum I. Quod in Dataria, seu pro foro externo, & dum Impedimentum est publicum, quoad Matrimonia proprie non dispenset Dataria, seu Pro-Dataria, sicuti in Pœnitentiaria Pœnitentiarius, sed potius ipsemet Summus Pontifex, quamvis is Dataria utatur tamquam instrumento, & informante, atque per manus Officialium Datarie dicta Dispensatio transeat. Hinc pariter ob eandem rationem in Supplicæ ad dictum Tribunal directæ, non scribitur, sicuti in Pœnitentiaria, *Eminentissime Domine*, sed *Beatissime Pater*. Porro hæc Dispensatio obtinetur vel in forma ordinaria, vel in forma Pauperum, quando nimirum dispensandi sunt Pauperes & miserabiles, &c.

16. Sciendum II. Quod ob illas causas, superiori Quæstione adductas, ob quas Sacra Pœnitentiaria dispensat pro solo foro interno, & quando impedimentum est occultum, pariter dispensetur in Dataria pro foro externo, & dum impedimentum est publicum. Quinimo in Dataria potest subinde peti dispensatio sine allegatione in Supplicæ alicujus certæ & determinatæ causæ, ac cum sola hac clausula generali: *Ex certis rationabilibus causis*, in quo tamen ultimo casu Supplicantibus imponitur major compositio, seu grævia pecuniaria, quæ pecunia dein ad usus pios pro Bono communi applicatur, v.g. in Redemptionem Captivorum, in auxilium pro Missionariis Apostolicis, &c.

17. Sciendum III. Quod Supplicæ ad hoc Tribunal directæ debeat concipi verbis propriis, utatis, claris, ac sine ambage, superfluitate, ac quæsito ornatu. Et quidem I. in eadem exprimuntur vera nomina ac cognomina Oratorum, una cum expressione Diœcesis; quod si Oratores seu supplicantes forent ex distinctis Diœcesibus, quælibet specificetur, & si ob angustiam loci dispensatur, deberet quoque locus Oratorum denominari. II. Postea ordinarie ponitur causa motiva dispensandi. III. Ipsum impedimentum. Et IV. demum fit conclusio, in qua supplicant humiliter Oratores, ut cum ipsis in dicto impedimento dispensetur. Quod si causa motiva dispensandi foret *Copula præcedens*, aut *contractum jam Matrimonium*, ipsum impedimentum poneretur in Supplicæ secundo, & causa motiva tertio loco, prout in utroque casu adducitur majoris claritatis gratia Exemplum præter plures formulas circa diversa impedimenta fusius videndas in meo Jure Canonico, lib. 4. *Decret. in Append. §. VI.*

## SUPPLICA I.

IN qua petitur super tertium & quartum Consanguinitatis gradum in Dataria Dispensatio, quoad Matrimonium contrahendum ob angustiam loci.

## BEATISSIME PATER.

18. Exponitur humiliter Sanctitati Vestre pro parte Devotorum illius Oratorum Titii N. Laici & Bertha N. amborum Diœcesis N. Oppidi N. (hic specificentur verum Nomen, Cognomen, Diœcesis, &, quia dispensatur ob angustiam Loci, etiam Oppidum Oratorum) quod, cum illa Oratrix in dicto Loco propter illius angustiam virum non consanguineum vel affine paræ Conditionis, cui nubere possit, invenire nequeat, hi duo Oratores cupiant matrimonialiter invicem copulari; sed quia tertio & quarto a communi stipite provenientibus gradibus ad invicem conjuncti sunt, desiderium suum hac in parte adimplere non possunt absque Sedis Apostolicæ dispensatione. Supplicant igitur humiliter Sanctitati Vestre Oratores præfati, quatenus cum eisdem, quod impedimento quartæ Consanguinitatis gradus hujusmodi non obstante, Matrimonium inter se publice, servata forma Concilii Tridentini contrahere, illudque in facie Ecclesiæ solemnizare, & in eo postmodum remanere libere, & licite valeant, dispensare, distantiam vero tertii gradus non obstat, declarare. Prolemque exinde suscipiendam legitimam denunciare clementissime dignetur. Pro qua gratia, &c.

19. Vides, quomodo in hac Supplicæ I. ponatur nomen & cognomen Oratorum, &c. II. Causa motiva dispensandi, ibi: *Propter illius angustiam*. III. Ipsum Impedimentum, ibi: *sed quia tertio & quarto a communi stipite provenientibus, &c.* ac demum IV. Conclusio, in qua exponitur desiderium dispensandi sub his terminis: *Supplicant igitur, &c.*

20. Illud etiam in præfenti Supplicæ specialiter nota, quod, si duo Affines, vel Consanguinei inæqualiter distant a communi stipite (prout hic debeat

debeat uterque gradus in Supplicā exprimi, sub hoc modo. ut pro remotiori (puta in praesenti pro quarto) petatur dispensatio, & propinquiori (puta in praesenti pro gradu tertio) declaratio *non obstat*, uti in ipsa formula Supplicationis poteris videre circa Conclusionem ejusdem. Quando vero dispensandi aequaliter distant a communi stipite, non apponitur similis petitio declarationis *de non obstat*, sed absolute petitur Dispensatio, exprimendo in Supplicā, quod aequaliter distent, uti illico Formula seu Supplicā II. tibi monstrabit.

# SUPPLICA II.

**I**N qua super secundum gradum Affinitatis petitur a Nobilibus in Dataria Dispensatio ob jam contractum bona fide Matrimonium, & periculum gravis scandali ex divortio subsequenti.

## BEATISSIME PATER.

21. **E**xponitur humiliter Sanctitati Vestrae pro parte Devoto um Oratorum N. N. Nobilium Diaecesis N. quod ipsi alias ignorantes aliquod impedimentum inter eos existere, quo minus possent invicem matrimonialiter copulari, Matrimonium inter se per verba de praesenti adhibitis omnibus solemnitatibus adhiberi solitis (quod si aliqua Solemnitas fuisset omissa, v. g. Denunciationes, &c. deberet addi v. g. Omisiss denunciationibus) nulloque detecto, neque denunciato impedimento contraxerunt, illudque in facie Ecclesiae solemnizarunt, & carnali Copula consummarunt. Postmodum vero ad eorum pervenit notitiam, quod se secundo Affinitatis gradu in Linea equali, & a communi stipite ex Copula licite proveniente, invicem attingant, & nihilominus in eadem Copula carnali persistunt. (NB. si post notitiam impedimenti a copula abstinuissent, deberet apponi.) Cum autem, Sanctissime Pater, si divortium inter eos fieret, gravia exinde scandala (quando alia esset causa motiva petendi dispensationem, illa hoc loco inferatur) possent verosimiliter exoriri; hinc humiliter supplicant Sanctitati Vestrae praefati Oratores, quatenus eos ab Excommunicationis sententia, si quam propter praemissa quomodolibet incurrissent, incestus reatu & excessibus hujusmodi in utroque foro absolvere, ac cum eisdem Oratoribus, quod impedimento secundi gradus Affinitatis hujusmodi non obstante, in dicto Matrimonio libere ac licite remanere valeant, clementissime dispensare dignetur. Prolem susceptam, vel suscipiendam exinde legitimam declarando. Pro qua gratia, &c.

22. In ista secunda Supplicā videre potes, quod conformiter dictis n. 17. quoad Copulam vel Matrimonium prius adducatur impedimentum, ibi: postmodum vero ad eorum pervenit notitiam. Deinde ponitur primum causa dispensandi, ibi: Si Divortium inter eos fieret, gravia scandala, &c.

23. Id praeterea observant hinc Practici Curiae cum Vincentio de Justis de disp. lib. 3. c. 1. n. f 16. Quod si in hoc altero casu pro gradu nimirum secundo Affinitatis, aut Consanguinitatis peteretur dispensatio non pro Nobilibus, sed pro Ignobilibus, deberet ex stylo Curiae in formula Supplicae, Oratoribus imminere periculum vitae, si non dispenseretur. Quinimo dicta clausula poneretur in litteris dispensatoriis, seu in Rescripto Pontificis apud Ignobiles, etsi eadem non fuisset posita in ista Sup-

plica. Ubi posset oriri dubium, cur praefata clausula sic ponatur, cum de facto saltem in Germania, teste Schmalzgrueber in 4. l. decret. tit. 16. num. 239. nec ignobiles amplius, committentes incestum in secundo gradu, afficiantur poena mortis, adeoque memorata clausula videatur superflua & frustranea. Ad hoc dubium reposuit Reverendissimus Abbas Josephus Melchiori, vir styli, quem Curia Romana tenet, ex longissimo tempore peritissimus, taliter: *Est in Germania Poena ista a Tribunalium usu recesserit; legibus tamen sancita est, & eadem in incestuosos animadvertit assollet in aliis Provinciis: ob quam Causam formula istius Rescripti antiquissima etiam mortis addiderunt periculum, non quod Pontifex semper periculum istud supponat, sed quia a conceptis ab antiquo formulis Sacra Sedes recedere non solet, nec debet. Cum enim rerum poenarumque olim statutarum circumstantia murentur identidem, nec idem omnibus Provinciis mos sit, si itidem Sacra Sedes mutaret suorum Rescriptorum formulas, quorsum tandem, & in quod Chaos deveniretur? Adde, quod etiam in Germania intercedere praesumatur periculum mortis saltem aequivalenter, cum enim honor & vita pari passu ambulant, ita contrahentes autem in secundo gradu ob suspicionem incestus se exponunt periculo infamiae, eo ipso censentur etiam se saltem aequivalenter exponere periculo vitae. Ita ille.* His praetitis,

24. Quaes. I. Quomodo Supplicā rite concepta secure Romam dirigatur? Resp. Ex meo Jure Canonico sub iisdem formalibus; nimirum, quod securissima via sit recurrere ad Reverendissimum Ordinarium, vel ejus Vicarium Generalem, aut Consilium Ecclesiasticum, vel practicum Consiliarium, aut Secretarium ejusdem, rogando, ut Supplicationem Romam dirigere, & per Reverendissimi Ordinarii Agentem (quavis enim Episcopus Roma longe distans Agentem ibidem habere solet) Supplicationem in loco debito porrigere, atque Dispensationis litteras, earumque expeditionem urgere dignetur. Quod si quis ob rationes sibi notas hac via incedere nolit, potest per se ipsum, vel per tertium media post ordinaria Supplicationem rite conceptam mittere Romam ad aliquem Agentem vel Episcopi, vel Principis territorialis, vel ad Procuratorem Generalem alicujus Ordinis per Religiosum talis Ordinis, vel ad alium notum bonum amicum ibidem existentem, rogando, ut eam in loco debito porrigere, & expeditionem urgere dignetur; addere tamen debet, quod taxam consuetam non tantum solvere, sed labores quoque sollicitatoris realiter recognoscere velit. Notandum etiam hic, quod Domini Itali & Germani, nisi sufficientem de necessaria solutione habeant assecurationem, aut personam alias satis notam, cui fidere possint, non facile credant, ac propterea nec quid laboretur ibidem, nec obtineatur pro foro externo. Neque id eis vitio vertendum, ob plures fraudes ex parte Oratorum jam commissas, & facile adhuc committendas. Notandum ulterius, quod Procuratores Generales Ordinum non libenter suscipiant munus procurandi Dispensationes matrimoniales pro foro externo, nisi concernant praecipuos Benefactores Ordinis, & necessaria solutio taxae per Cambium, & alia via certe ac se-

cure ita ordinetur, ut semper ad manus haberi possit: idque procedit præcipue in Procuratore Generali Ordinis nostri Seraphici, utpote qui negotia Ordinem non concernentia, ubi pecunia intervenire solet, illibentissime suscipit.

25. Quæres II. Quid facere debeat Parochus v. g. vel aliquis Religiosus, qui ignorat, aut saltem sibi metipso non fudit, talem formulam juxta præscriptum Stylum Curiae instruere, & tamen libenter vellet, Parochianum, vel Oviculam, ne desperet, juvare? Respondeo denuo per formalia mei Juris Canonici *loc. cit.* quod talis alio doctiori viro ad hunc finem utatur, cui necessario exprimenda breviter exprimat. I. Nomen & cognomen utriusque Oratoris contrahere volentis. II. Speciem, & gradum impedimenti, addendo etiam propinquum, si in æquali gradu distant, ac copulam, si præhabita est cum, vel sine spe facilius obtinendi Dispensationem. III. Si Matrimonium jam est contractum, an bona vel mala fide, præmissis denunciationibus, vel sine illis sub spe facilius consequendi Matrimonium, vel sine tali spe; & tandem IV. exprimat causam Dispensationis. Casum sic expressum mittat ad Reverendissimum Ordinarium, vel ad aliquem Romæ jam existentem ex dictis præcedentibus, rogando, ut ipse dispensationem juxta stylum Curiae apud Sedem Apostolicam procurare dignetur pro Oratoribus paratis ad solvendam taxam consuetam. Habito siquidem casu rite explicato, talis Romæ existens bonus amicus, vel Agens Supplicationem juxta stylum Curiae vel ipsemet faciet, vel per alium peritum Romæ fieri curabit, & in loco debito porriget, expeditionem urgebit, atque impetratas Dispensationis Litteras ad Oratores diriget. Sic v. g. Parochus aliquis scribendo ad suum Ordinarium, vel ejus generalem Vicarium, aliumve styli Curiae expertum potest casum venientium ad se Parochianorum, Dispensationem super impedimento desiderantium, breviter statim ita proponere:

REVERENDISSIME, &c.

**P**etrus N. Laicus, & Anna N. Diæcesis Frisingensis adhuc solvi cupiunt matrimonialiter copulari: quia vero laborant impedimento Consanguinitatis in tertio & quarto gradu, rogant humillime, & ego cum ipsis, dignetur Reverendissima Dominatio Sua, &c. pro eis Dispensationem juxta Stylum Curiae in forma ordinaria procurare. Causa Dispensationis allegari potest copula ob imprægnatam Oratricem jam publicam, quæ tamen absque spe facilius consequenda Dispensationis fuit habita. (Sic potest etiam alia causa adduci, si adest, v. g. pro causa dispensandi servit incompetens Dos Oratricis) Taxam consuetam, & alias expensas cum gratiarum actione, & debita recognitione exacte solvent, &c.

26. Notetur tamen bene a Parocho I. Ne facile ipsemet ad interim, forsitan a Dispensandis requisitus, solvat taxam pecuniariam, quamvis Oratores promittant certam recompensationem hujus mutuatae pecuniae. Scio enim similem casum, dum aliquis ab Oratoribus ad invicem Consanguineis ita persuasus mutuos interim aliquot cente-

nos florenos de sua pecunia loco Oratorum ad Datariam misit pro Dispensatione tanquam taxam debitam; ubi tamen postmodum Oratores, cum ante executionem litterarum Dispensationis actua-lem amor eorum ad invicem remisisset, ac quælibet pars ex mutuo consensu ad alias nuptias transiisset, prædicti ex eo, quod non amplius indigeant hac dispensatione, persuaderi haud potuerunt, ut mutuatas Parocho restituerent pecunias, quamvis antea nescio qualem fecerint allecurationem verbalem, &c.

27. Notetur II. Valde provide agere Parochum vel alium, ad quem Oratores confidentiam habent, si per Agentem Romanum, antequam ipsum Rescriptum Pontificium Romæ actu expediatur, prius copiam ejusdem procurare tentet, ut exinde videatur, num dictum Rescriptum sit conformiter Supplicæ debite instructum, sicque minus periculo sub-vel obreptionis, quando postmodum Executor illud examinat, subjectum. Et enim sciendum, quod non obstante, rem totam in Supplicâ claris & perspicuis verbis fuisse explicatam, sæpius tamen ob molem negotiorum, &c. varii errores a Scriptöribus Curiae Romanæ committantur, ponendo, v. g. pro gradu *Consanguinitatis* gradum *Affinitatis*, vel loco *Officialis*, e. g. *Frisingensis* denominando *Executorem Augustanum*, &c. Et licet non omnis error in Rescripto commissus vitiet ipsum Rescriptum, dummodo omnia bene fuerint exposita in ipsa Supplicâ præcedenti, attamen tale Rescriptum erroribus repletum sæpius non carebit sua difficultate apud Executorem.

28. Quæres III. Qualiter Pauper, qui nequit solvere tantam taxam pecuniariam Datariae, possit obtinere Dispensationem etiam pro Foro externo? Respondeo, talem adhuc posse juvari, si laboretur, ut a Dataria obtineat Rescriptum Dispensationis *in forma Pauperum*; ubi tamen nota I. Quod hæc dispensatio in forma Pauperum non concedatur, nisi Oratores sint Pauperes; & simul etiam miserabiles, ita, ut tantum vivant de labore, & sua industria. Nota II. Quod illi, qui petunt dispensationem *in forma Pauperum*, debeant prius habere authenticam Attestationem quoad paupertatem ab Ordinario Domicilii habitationis. Nota III. Quod in Curia Romana hæc dispensatio *in forma Pauperum* non concedatur, nisi ob præcedentem copulam, aut suspicionem illius, &c. Unde, si adsint talia impedimenta, in quibus Nuncii Apostolici, vel Episcopi per specialia Privilegia possunt cum Pauperibus dispensare, melius est, ad ipsos recurrere, ubi tot conditiones non requiruntur, modo dispensandi sint vere Pauperes, & habeant justam causam dispensandi. Vide meum Jus Canonicum *loc. cit.* §. VIII.

29. Quæres IV. Ad quemnam Oratores, seu dispensandi, posito, quod Romæ in Dataria obtineant dispensationem, debeant recurrere pro Executione? Respondeo, ordinarie esse recurrendum ad Ordinarium unius ex Oratoribus, vel ad ejus Vicarium Generalem; cui ultimo plerumque committitur dicta Executio, & quidem cum hac inscriptione:

*Dilecto Filio Officiali Diæcesis N.*

Ubi



Ubi Nomen illius Diocesis solet exprimi, & per Officiale intelligi Vicarius Generalis. Quod si Oratores existerent diversae Diocesis, ordinarie solent litterae Dispensationis committi Ordinario, vel Vicario Generali ipsius Oratricis. Pyrrhus Corradus de dispensat. lib. 7. c. 5.

30. Quares V. Qualiter sonent Rescripta Pontificia, quae ab Oratoribus in Dataria quoad causas matrimoniales obtinentur? Respondeo, hoc quaesitum fuisse resolvi Lib. 4. Decretalium mei foris Canon. in Appendice §. VII. Quorum Lectorem remitto, & interea duas formulas conformes duobus Supplicis prius positae adjungo, addendo tertium Rescriptum in forma Pauperum, ex quibus formulae reliquorum Rescriptorum facile intelligi queunt.

### RESCRIPTUM I.

**A**d primam Supplicam in causa dispensandi inter Consanguineos ob angustiam Loci.

**C**lementis Papa XI. Servus Servorum DEI. Dilecto Filio Officiali Venerabilis Fratris Nostri Episcopi N. Salutem & Apostolicam Benedictionem. Oblata Nobis nuper pro parte dilecti Filii Titii N. Laici, & dilectae Filiae Berthae N. ex Diocesi N. Oppido N. ditorum petitio continebat, quod, cum dicta Bertha in dicto loco propter illius angustiam, virum sibi non consanguineum, vel affinem parae conditionis, cui nubere possit, invenire nequeat, cupiunt Titius & Bertha praefati invicem matrimonialiter copulari; sed quia tertio & quarto a communi stipite provenientibus, Consanguinitatis gradibus invicem sunt conjuncti, desiderium eorum hac in parte adimplere non possunt, absque Sedis Apostolicae dispensatione. Quare iidem Titius & Bertha, asserentes se ex dicto loco ortos existere, nobis humiliter supplicari fecerunt, quatenus eis in praemissis de opportuna dispensationis gratia providere de benignitate Apostolica dignaremur. Nos igitur eisdem Titium & Bertham, & eorum quemlibet & quibusvis Excommunicationis, Suspensionis, & Interdicti, aliisque Ecclesiasticis Sententiis, Censuris, & penis a jure, vel ab homine, quavis occasione, vel causa latis, si quibus quomodolibet innodati existunt, ad effectum praesentium tantum consequendum harum serie absolventes, & absolvi fore censentes, discretionis tuae per Apostolica scripta mandamus, quatenus de posita per te omni spe cujuscumque muneris aut praemii, etiam sponte oblata, a quo te omnino abstinere debere monemus, te de praemissis diligenter informes, & si per informationem eandem precis veritate nitens repereris, super quo conscientiam tuam oneramus: tunc cum eisdem Titio & Bertha (quomodo illa propter hoc raptum non fuerit), quod impedimento quarti Consanguinitatis gradus hujusmodi, ac Constitutionibus, & Ordinationibus Apostolicis, ceterisque contrariis nequaquam obstantibus Matrimonium inter se publice, servata forma Concilii Tridentini contrahere, illudque in facie Ecclesiae solemnizare, & in ea postmodum remanere libere & licite valant, Auctoritate nostra dispensas. Distantiam vero tertii gradus praefati eis non obstat de iure. Prolem suscipiendam exinde legitimam nunciamus, & volumus autem, quod si praefata mo-

nitione nostra hujusmodi aliquid muneris aut praemii occasione dicta dispensationis exigere, aut oblatum recipere temere praesumpseris, Excommunicationis lata sententia poenam incurras. Datum Roma, &c.

### RESCRIPTUM II.

31. **A**d II. Supplicam in causa dispensandi inter Nobiles secundo gradu ad invicem affines ubi contractum jam bona fide Matrimonium, &c.

**C**lementis Papa XI. &c. ut supra Oblata Nobis nuper pro parte Nobilium dilecti Filii N. Diocesis N. & dilectae in Christo Filiae N. Diocesis N. Provincia N. petitio continebat, quod ipsi alias ignorantes aliquid impedimentum inter eos existere, quo minus possint invicem matrimonialiter copulari, matrimonium inter se per verba de praesenti, adhibitis omnibus Solemnitatibus adhiberi solitis, nulloque detecto, neque denunciato impedimento contraxerunt, illudque in facie Ecclesiae solemnizarunt, & carnali copula consummarunt. Postmodum autem ad eorum pervenit notitiam, quod se secundo in Linea transversali aequali Affinitatis gradu ex copula licita proveniente ad invicem attingat, & nihilominus in eadem carnali copula perstiterunt. Cum autem, sicut eadem petitio subungebat, in hujusmodi matrimonio sine dispensatione vestra remanere non possint, & si divortium inter eas fieret, gravia exinde scandala possent verisimiliter exoriri. Quare iidem, qui orthodoxae fidei Cultores vere existunt, & sub obedientia Sanctae Romanae Ecclesiae vivunt, vivereque & mori intendunt, Nobis humiliter supplicari fecerunt, quatenus eis in praemissis opportune providere de benignitate Apostolica dignaremur. Nos igitur eosdem, ac eo um quemlibet & quibusvis Excommunicationis, Suspensionis, & Interdicti, aliisque Ecclesiasticis Sententiis, Censuris, & penis, a jure, vel ab homine, quavis occasione, vel causa latis, si quibus quomodolibet innodati existunt, ad effectum praesentium tantum consequendum harum serie absolventes, & absolvi fore censentes, discretionis tuae per Apostolica scripta mandamus, quatenus de posita per te omni spe cujuscumque muneris aut praemii, etiam sponte oblata, a quo te omnino abstinere debere admonemus, de praemissis te diligenter informes, & si per eandem informationem precis veritate nitens reperies, super quo conscientiam tuam oneramus, imposita eis pro modo culpa arbitrio tuo poenitentia saluari, & recepto prius ab eis juramento, quod talia deinceps non committent, neque committentibus praestabunt auxilium, consilium vel favorem, ipsos ab incestus ratu & excessibus hujusmodi hac vice dumtaxat in utroque Foro Auctoritate nostra absolvas in forma Ecclesiae consuectae, & quatenus contra ipsos causa super praemissis in judicium quoquo modo deducta fuerit, pariter judicatio. Denique, si tibi expediens videbitur, quod dispensatio hujusmodi sit eis concedenda, nec scandalum sit, ex ea oriturum, super quo conscientiam tuam quaeramus, tunc cum iis, dummodo orthodoxae fidei Cultores vere existant, ac sub obedientia Sanctae Romanae Ecclesiae vivant, vivereque & mori intendant, ac ignorantia hujusmodi probabilis fuerit, quod impedimento secundi Affinitatis gradus hujusmodi, ac Constitutionibus, & Ordinationibus Apostolicis, ceterisque contrariis nequaquam obstantibus, matrimonium inter se de novo publice, servata forma Concilii

Tridentini contrahere, illudque in facie Ecclesia solemnizare, & in eo postmodum remanere, libere & licite valeant, dicta Auctoritate dispenses, declarantes prolem susceptam, si quadam sit, & suscipiendam exinde legitimam decernendo. Volumus autem, quod si spreta admonitione Nostra huiusmodi aliquid muneris, aut premii occasione premissorum exigere, aut oblatum recipere, temere presumpseris, Excommunicationis lata sententia panam incurras. Datum Roma &c.

### RESCRIPTUM III.

32. **I**n simili causa, excepto, quod dispensandi in secundo Affinitatis gradu fuerint Ignobiles (atque hinc in Rescripto etiam fit mentio de periculo vitæ conformiter jam dictis n. 23.) & Pauperes, atque dispensationem petierint primum ad Matrimonium contrahendum; hincque Rescriptum Pontificium in aliquibus immutatum.

**C**lementis PP. XL Dilecte Fili, Salutem & Apostolicam Benedictionem. Oblata Nobis pro parte dilectorum Filiorum N. Laici, & N. Mulieris Diocesis N. petitio continebat, quod ipsi alias scientes, se secundo in Linea equali Affinitatis gradu invicem attingere, non quidem peccandi data opera, vel crimine admissio hac causa foret, Nos & Sedem Apostolicam ad Misericordiam & gratiam erga ipsos faciliores reddendis, insinuat converfati sunt, carnali tamen copula minime subsecuta. Et nihilominus orta est gravis suspicio licet falsa, quod se carnaliter cognoverint. Cum autem, sicut eadem petitio subungebat, nisi matrimonium inter ipsos exponentes contrahatur, dicta Mulier N. graviter diffamata, & innupta remaneret, graviaque exinde scandala orirentur, dictisque exponenibus vita periculum immineret, capiunt exponentes præfati, qui, ut ipsi afferunt, orthodoxæ Fidei Cultores vere existunt, & sub obedientia S. Romana Ecclesiæ vivunt, vivereque & mori intendunt, invicem matrimonialiter copulari, sed stante impedimento huiusmodi desiderium eorum hac in parte adimplere non possunt, absque Sedis Apostolicæ dispensatione. Ideo Nobis humiliter supplicari fecerunt exponentes prædicti, ut eis in præmissis de absolutionis beneficio & opportuna dispensationis gratia providere de benignitate Apostolica dignaremur. Nos igitur, qui Salutem quæsumus cunctarum, & scandalis quantum cum Domino possumus, libenter obviamus, ipsique exponentes specialis gratia favore prosequi volentes, nec non eorum quemlibet a quibusvis Excommunicationis, Suspensionis, & Interdicti, aliisque Ecclesiasticis Sententiis, censuris & penis a Jure vel ab homine quavis præterquam præmissorum occasione vel causa latis, si quibus quomodolibet innodati existunt, ad effectum præsentium tantum consequendum, earum serie absolvendos & absolutos fore censentes, certam tamen de prædictis notitiam non habentes huiusmodi Supplicantibus inclinari, discretionem tuam, de qua plenam in Domino fiduciam habemus, per præsentem committimus, & mandamus, quatenus abjcta per te omni spe cujuscumque muneris, aut præmii etiam sponte oblatis, a quo te

omnino abstinere debere monemus, de prædictis diligenter te informes, & si per informationem eandem probes veritate nihil repereris, super quo conscientiam tuam oreramus, exponentes præfatos, qui, ut ipsi afferunt, Pauperes, & miserabiles existunt, & ex suis labore & industria tantum vivunt, in primis ab invicem separates, deinde si veniam a te petierint humiliter, injuncta eis pro malo culpa arbitrio tuo gravi penitentia salvari, & recepto prius ab eis juramento, quod sub spe facilius habenda dispensationis huiusmodi prædicta non commiserint, & quod talia deinceps non commiserint, neque commitrendis præstabunt auxilium, consilium aut favorem, ipsos ab excessibus huiusmodi in utroque Foro, imposita etiam eis propter prædicta arbitrio tuo gravi penitentia salvari, Auctoritate nostra has vice damtaxat absolvas in forma Ecclesiæ consuetæ. Denique, si tibi expediens videbitur, quod dispensatio ejusmodi sit eis concedenda, neque scandalum sit ex ea oriturum, super quo conscientiam tuam etiam oreramus, cum eisdem exponenibus, ut postquam in separatione præfata arbitrio tuo perseveraverint, & dummodo dicta Mulier N. propter hoc rapta non fuerit, ipsique exponentes Pauperes & miserabiles existant, & ex suis labore & industria tantum vivant, ac Orthodoxæ Fidei Cultores vere existant, & sub obedientia S. Romana Ecclesiæ vivant, vivereque & mori intendant, impedimento secundi in Linea equali Affinitatis gradus huiusmodi, ac Constitutionibus & Ordinationibus Apostolicis, ceterisque contrariis quibuscumque non obstantibus, matrimonium inter se publice, servata forma Concilii Tridentini, contrahere, illudque in facie Ecclesiæ solemnizare, & in eo postmodum remanere libere & licite valeant, dicta Auctoritate Nostra dispenses, prolem suscipiendam exinde legitimam nuncian. es. Volumus autem, quod si sprete monitione nostra huiusmodi aliquid muneris aut præmii occasione absolutionis & dispensationis prædictarum exigere, vel oblatum recipere presumpseris, Excommunicationis sententia tandem innodatus existas, donec a Sede Apostolica absolutionis beneficium per Satisfactionem condignam merueris obtinere. Et nihilominus absolutio & dispensatio a te faciendæ perpetuo nullius sint roboris vel momenti. Datum Roma &c.

33. Cæterum, si circa intellectum clausularum, five circa modum exequendi talia Rescripta novum aliquod apud Executorem emergat dubium, citatam Appendicem Libri 4. Decretalium §. VII. vel alios Auctores ibidem citatos, præsertim in Curia Romana practicos, uti Pyrrhum Corradum, Vincentium de Justis de Dispensationibus, Thomam de Rosa de Executoribus Litterarum Apostolicarum, & Theodorum Ameyden de Stylo Datarie consulere poteris.

Nobis hæc tum de sanctissimis Legis Evangelicæ Sacramentis, tum de tota Theologia Morali dicta sufficiant, quæ sint humillime subjecta Censuræ ac Judicio Sanctæ Matris Ecclesiæ, & cedant ad perennem DEI Gloriam.



APPEN-

## A P P E N D I X.

Continens modum legendi, & scribendi Citationes utriusque Juris.

§. 1.

## DE JURE CANONICO.

## SUMMARIUM.

*Partes Juris Canonici sunt, Decretum Gratiani, & unde sic dictum?*

*Decretales Gregorii IX.*

*Liber Sextus Decretalium.*

*Clementina, Extravagantes Joannis XXII. & Extravagantes Communes.*

*Decretum Gratiani habet tres partes.*

*Prima pars, qua, & quomodo citetur?*

*Secunda pars, ejusque citatio.*

*Tractatus de Penitentia, & quomodo citetur?*

*Tertia Decreti pars, & quomodo citetur?*

*Quinque Libri Decretalium, & quomodo citentur?*

*Sextus Decretalium, & Clementina, ac quomodo dividantur, & citentur?*

*Extravagantes Joannis XXII. qua, & quomodo citentur?*

*Extravagantes Communes, earumque citatio.*

*Idem modi citandi quandoque variantur.*

**C**Orpus totius Juris Canonici plures, ac universim sex continet partes. I. *Decretum Gratiani*, sic dictum, quod a Gratiano Monacho S. Felicis, Ordinis S. Benedicti (ut notatur in Monitione ad Lectorem, Decreto praefixa) ex diversis tum Summorum Pontificum, tum Sanctorum Patrum, atque Conciliorum dictis, decenti ordine in unum volumen, circa annum Domini 1151. fit compilatum.

II. *Decretales Gregorii PP. IX.* sic dictas, quia Gregorius Papa Nonus varias Constitutiones, seu Decretales Epistolas suorum Praedecessorum, per S. Raymundum de Pennafort, Ord. FF. Praedicatorum (cujus Festum nunc celebratur die 23. Januarii) in unum volumen colligendas curavit, quibus idem Pontifex multas Constitutiones suas, ac Decretales Epistolas adjecit. III. In Corpore Juris Canonici continetur *Liber Sextus Decretalium*, sic dictus, quod ipse auctoritate Bonifacii Papae VIII. compilatus, aliis quinque Decretalium Gregorii Noni Libris sit annexus, ac respectu eorum Sexti Decretalium Libri locum occupet, quamvis & ipse in quinque libros sit divisus. IV. *Clementina* (intellige, *Constitutiones*) sic dicta, quod a Clemente V. sint edita. V. *Extravagantes* (intellige, *Constitutiones*) *Joannis XXII.* sic dicta, quia *extravagantur*, seu vagantur extra

lex Libros Decretalium; ob quam rationem etiam *Clementina* quandoque dicuntur *Extravagantes*. Additur autem, *Joannis XXII.* eo quod sint edita a Joanne Papa XXII. simulque ad differentiam aliarum Extravagantium. Sextum, ac ultimum locum in Jure Canonico, obtinent *Extravagantes communes*: sic dicta, quod a diversis Romanis Pontificibus post *Sextum* emanaverint. Ex his

*Decretum Gratiani* (quod in plerisque vetustis exemplaribus *Concordia Discordantium Canonum* inscribitur) in tres dividitur partes, quarum quaelibet habet diversam rationem citandi suos textus. Prima pars continet centum & unam *Distinctiones*: & textus in hac prima Decreti parte contenti, citantur ponendo numerum *Distinctionis*, & initium Canonis, sive (ut alii loquuntur) Capituli, v. g. taliter: *Dist. 16. Placuit. Lege: Ut habetur Distinctione decima sexta, Canone, qui incipit, Placuit.* Vel brevius, ceteris subintellectis: *Distinctione decima sexta, Canone, Placuit.* Aut sic: *c. Indicatum, dist. 89. Lege: Canone, Indicatum, distinctione 89.*

Altera pars Decreti continet triginta sex *Causas*, quarum ferme quaelibet plures continet *Quaestiones*, & quaelibet *Quaestio* plures *Canones*. Modus citandi textus, in hac secunda Decreti parte contentos, talis est, ut exprimat numerus *Causae* sine ullo addito (nonnulli Recentiores addunt *caus.* majoris claritatis gratia) deinde numerus *Quaestionis*, & tandem initium Canonis (nisi talis textus habeatur in Tractatu de Penitentia) taliter: *9. q. 3. Conquestus est. Lege: Ut habetur causa nona, quaestione Tertia, Canone, qui incipit, Conquestus est.* Aut sic, & quidem melius, ac magis utilitate: *c. Si homicidium, 23. q. 5. Lege: Canone, Si homicidium. Causa vigesima tertia, Quaestione quinta.*

Additur notanter, nisi talis textus habeatur in Tractatu de Penitentia. Siquidem Causa trigesima tertia, Quaestione tertia inseritur Tractatus de Penitentia, qui continet in se septem *Distinctiones*, quae postmodum dividuntur per *Canones*. Porro textus in hoc Tractatu de Penitentia contenti solent sic citari, ut omisso numero Causae trigesimae tertiae, ponatur numerus *Distinctionis* de Penitentia (& nota semper addi *De penit.* ad differentiam primae & tertiae partis Decreti, quarum quaelibet etiam constat *Distinctionibus*.) Deinde addatur initium Canonis, vel saltem numerus ipsius, taliter: *de Penit. dist. 3. In tantum. Lege: ut habetur de Penitentia. Distinctione tertia. Canone, qui incipit, In tantum.* Vel sic: *de pen. dist. 3. can. 33. Lege: de penitentia, Distinctione tertia Canone trigesimo tertia.*

Q999 3

Tertia

Tertia pars *Decreti* intitulatur *De Consecratione*: & dividitur in quinque *Diffinitiones*, & hæc rursum in Canones. Modus citandi textus in ipsa contentos talis est, ut primo ponatur *de consec.* ad differentiam primæ & secundæ partis *Decreti*: deinde ponatur, numerus *Distinctionis*, & tandem initium Canonis. Exemplum sit: *de consec. dist. 1. Nota sancta. Lege: De consecratione. Distinctione prima, Canone, cujus initium est, Nocte sancta.* Vel sic: *c. Solet etiam, de consec. dist. 4. Lege: Canone, Solet etiam, de consecratione, Distinctione quarta.* Sive enim prius ponatur initium Canonis, & postea primum numerus *Distinctionis*, sive e contra, nihil refert.

*Decretales Gregorii Papa Noni* continent quinque Libros, qui dividuntur ulterius in Titulos, Tituli vero in Capitula. Modus citandi textus in iis repositus talis est, ut primo ponatur initium Capituli, deinde Titulus hoc modo: *c. Damnamus, De Summa Trinitate. Lege: cap. quod incipit: Damnamus, titulo, De Summa Trinitate.* Quandoque primo loco ponitur Titulus, & postea initium Capituli, sed est idem, v. g. *de sentent. excom. Nuper. Lege: Titulo, de Sententia excommunicationis, capitulo, Nuper.* Sed prior citandi modus de facto magis est usitatus. Quandoque etiam præter inscriptionem Tituli, ac initium Capituli, solet apponi *et extra*, aut *et X*, v. g. taliter: *prout habetur extra, de restitut. spoliat. Cum venissent.* Vel sic: *c. Publicato. X. de electione.* Sed idem est, ac prius; nam sive apponatur *et extra*, aut signum *X*, (quod interdum apponitur ad significandum, huiusmodi textus haberi *Extra*, id est, *Extra decretum Gratiani*), sive non apponatur, ac fiat citatio solius Tituli, atque initii Capituli, & nulla alia particula addatur, signum erit, textum illum haberi in quinque Libris *Decretalium*. Unde ex citationibus supra allegatis, prior sic erit legenda: *prout habetur extra* (subintellige, *Extra Decretum Gratiani*) *Tit. De restitutione spoliatorum, capitulo: Cum venisset.* Altera vero sic legitur: *capit. Publicato, extra. Titulo. De electione.*

*Sextus Liber Decretalium* dividitur in quinque Libros parciales (ac idem dic *De Clementinis*, quæ itidem in quinque Libros dividuntur) Libri vero subdividuntur in Titulos, & Tituli in Capitula. Citantur autem tum *textus Decretalium*, tum *Clementinæ* Constitutiones, nulla facta mentione Libri, per Titulos ac initia Capitulorum, eo modo, quo quinque Libri *Decretalium*: hoc solum cum discrimine, quod in citatione *Sexti Decretalium* addatur *et in 6.* taliter; v. g. *Cum quis, de sepulch. in 6.* Vel sic: *c. Cum quidam, de except. lib. 6. Lege sic: cap. Cum quis, Titulo de Sepulchris, in 6.* Item: *capit. Cum quidam, Tit. de Exceptionibus, libro sexto Decretalium.* In citatione vero *Clementinarum* apponitur *et in Clem.* vel absolute *et Clem.* v. g. hoc modo: *c. Sicut, de Appellat. in Clem. Lege: cap. quod incipit: Sicut, Titulo de Appellationibus, in Clementinis.* Vel sic: *c. Plures, Clem. de iur. patr. Lege: cap. Plures, in Clement. Tit. de iur. patr. notatus.* Communius vero, simulque brevius, absolute ponitur *et Clem.* una cum initio,

vel numero Capituli, & citatione Tituli: v. g. taliter: *Clem. un. de Remiss. permutat. de Clem. Titulus: vis rigor, de Appellat. Lege: ut habetur in Clementina unica* (sic dicitur, quia Titulus ille habet unicuique Capitulum) *Titulo de Rerum permutatione.* Vel: *in Clementina, quæ incipit: Quamvis rigor, Titulo, de Appellationibus.* Interdum etiam simpliciter ponitur *et Clem.* una cum initio Capituli, sine mentione Tituli, quod præcipue fit, quando illud Capitulum est notius, v. g. taliter: *Clem. Exivi. Lege: ut habetur in Clementina, quæ incipit: Exivi.* Imo cum Constitutiones *Clementis V.* quandoque appellantur *Extravagantes*, eo quod exstant, & quasi vagentur extra lex Libros *Decretalium*, solent ipsæ nonnumquam citari ad modum aliarum *Extravagantium*, taliter: *Ita Clemens habet Extravag. Exivi. Lege: Ita Clemens habet Extravaganti, quæ incipit: Exivi.*

*Extravagantes Joannis XXII.* continent viginti Constitutiones, seu Epistolas *Decretales*, in quatuordecim Titulos distributas: & solent citari ponendo nomen Papæ, nempe *Joannis XXII.* ad differentiam *Extravagantium Communium*, & citando initium Constitutionis, una cum addito *et Extravag.* vel *Extrav.* Taliter v. g. *ut inquit Jo. an. 22. Extrav. Quid quorundam. Lege: Ut inquit Joannes XXII. in Extravaganti, quæ incipit: Quid quorundam.* Vel sic: *Extravag. Execrabilis Jo. an. 22. Lege: in Extravaganti Joannis XXII. quæ incipit: Execrabilis.*

*Extravagantes Communes* dividuntur in quinque Libros, Libri in Titulos, tituli in Capitula, quorum singula novam, & distinctam continent Constitutionem, vel Constitutiones, seu *Extravagantes*. Textus ex hisce *Extravagantibus Communibus* citantur eo modo, quo textus *Decretalium*: videlicet faciendo citationem Tituli, & ponendo initium Capituli, seu *Extravagantis*, addendo tamen *et Extravag.* vel *Extrav.* taliter: *Extravag. Unigenitus, de Penit. & Remiss. Lege: in Extravaganti, quæ incipit: Unigenitus, Titulo de Penitentis & remissionibus.*

Statendum tamen, hæcenus explicatos modos citandi Jus Canonicum quandoque nonnihil immutari; ita tamen id accidit, ut ex dictis facile possint ejusmodi citationes intelligi.

## §. II.

## DE JURE CIVILI.

## SUMMARIUM.

*Corpus Juris Civilis, quas partes habeat?*  
*Signa generalia citationum usitatarum.*  
*Divisio generalis partium Juris Civilis.*  
*Digestum, ejusque partes,*  
*Et qua ratione citetur?*  
*Codex, ejusque divisio, & modus citandi.*  
*Quid de tribus postremis Libris Codicis.*  
*Novellæ, seu Authentice Constitutiones, quomodo dividantur & citentur?*  
*Quid de Libris Feudorum?*  
*Institutiones, qua ratione citentur?*

Totum



**T**otum Corpus Juris Civilis plures in se continet partes, videlicet *Digestum* seu *Pandectas*, *Codicem*, & *Institutiones* Justiniani: quibus accesserunt *Authentica*, seu *Novella* Constitutiones, nec non & Libri Feudorum. Nam de Legibus Longobardorum, ac Imperatoriis Constitutionibus, & nonnullis aliis, quorum notitia est minus necessaria, non est opus hic aliquid dicere, cum eorum citatio vix occurrat. Circa quod

Notandum I. Quod præfatæ Juris Civilis partes propria habeant signa distinctiva, suis citationibus apponi solita. Et quidem duplex ff. (aliqui utuntur Græco π vel littera D.) significat *Digestum*, seu *Libros Pandectarum*. Deinde majuscula littera C. *Codicem*: & τδ *Instit.* denotat *Institutiones*. Rursus τδ *Auth.* seu *Authent.* significat *Authenticas*: & τδ *Novell.* *Novellas* (subintellige, Constitutiones.) Ac tandem τδ *Feud.* *Libros Feudorum*. Porro L. vel l. significat Legem, tit. Titulum §. Paragraphum π. supra i infra. Et τδ *eo l.* idem est ac *eodem Titulo*, hoc est, proxime citato.

Notandum II. Quod, sicut pleræque partes Juris Canonici dividuntur in Libros, Libri in Titulos, & Tituli in Capitula: ita & pleræque partes Juris Civilis dividantur in Libros, Libri in Titulos, Tituli vero non in Capitula, sed in Leges, ac postmodum nonnullæ Leges in Paragraphos. Unde in citandis textibus Juris Civilis idem ferme servatur modus citandi, qui in Decretalibus, excepto, quod loco Capituli ponatur initium Legis (addito quandoque, si Lex est longior, initio Paragraphi, aut ejusdem numero) & simul addatur proprium signum distinctivum, videlicet τδ ff. (vel Græcum π. aut D.) ad denotandum *Digestum*: vel τδ C. ad indicandum *Codicem*: aut τδ *Instit.* vel *l. ff.* ad insinuandas *Institutiones* Justiniani: five τδ *Auth.* *Novell.* *Feud.* ad ostendendum, ejusmodi textum haberi in *Authenticis*, seu *Novellis* Constitutionibus, aut *Libris Feudorum*.

*Digestum*, quod alio nomine appellatur *Pandecta* seu *Libri Pandectarum*, continet in se quinquaginta Libros, qui omnes dividi solent in Tres Tomos. Primus appellatur *Digestum vetus*, & continet priores viginti quatuor Libros. Secundus dicitur *Inforsiatum*, & continet sequentes quatuordecim Libros usque ad trigesimum octavum inclusive. Tertius tandem, ac ultimus Tomus, vocatur *Digestum novum*, & continet reliquos duodecim Libros: quamvis recentiores quædam Editiones non amplius observent hanc divisionem, sed totum *Digestum* in unicum Tomum constringant; quod tamen nihil refert. Porro Libri isti *Pandectarum* ulterius dividuntur in Titulos, Tituli in Leges, & Leges nonnumquam in Paragraphos. Et textus ex iis sic citari solent, ut primo ponatur Lex (id est, initium, aut saltem numerus ipsius) deinde, si Lex forsan longior est, addatur Paragraphus, postea duplex ff. (vel saltem Græcum π aut littera D.) tandem scribatur Titulus, v.g. taliter: l. Si quis vi, §. differentia, ff. de Acquir. poss. Lege: ut habetur Lege, qua incipit: Si

quis vi, Paragrapho, qui incipit, Differentia, in digestis, Titulo, de Acquirenda possessione. Solet non raro, ac præsertim a Glossa, primo loco poni τδ ff. deinde subjungi Titulus, & tandem initium Legis v.g. taliter: ff. de procurat. l. mutus. Id est: in Digestis, Titulo, de Procuratoribus, l. Mutus. Sed prior modus citandi de facto est usitator.

*Codex* Justiniani habet Libros duodecim, qui postmodum dividuntur in Titulos, Tituli in Leges, & Leges longiores in Paragraphos. In primis novem Codicis Libris (qui simul conjungi, & compingi solent) est eadem citationum scribendarum, & legendarum ratio, quæ in Digestis, nisi quod loco duplicis ff. pro signo distinctivo ponitur C. majusculum v.g. taliter: l. In testamento. C. de test. id est: Lege, qua incipit: In testamento, in Codice, Titulo, de Testamentis. Vel sic: l. un. §. ex hoc, C. de Rei uxor. act. Id est: Lege unica, Paragrapho, Ex hoc, in Codice, Titulo, De Rei uxoria actione. Ubi τδ l. un. ideo ponitur, quia citatus Titulus non nisi unicam Legem habet. Aliud exemplum sit hoc: de fidejuss. C. l. fin. Id est: titulo, de Fidejussoribus, in Codice, Lege finali. Quæ Lex ideo sic dicitur, quia est Lex finalis, sive ultima citati Tituli; siquidem τδ fin. significat Legem, seu Capitulum ultimum, sive finale cujusdam Tituli. Multi tamen τδ fin. applicant Paragraphis tantum; atque Capitulum, seu Legem ultimam Titulorum, denotant per τδ cap. ult. aut l. ult. sed parum refert.

Porro in tribus postremis Libris Codicis, videlicet decimo, undecimo, & duodecimo, qui separatim a prioribus novem Libris collocantur, & exprimitur etiam numerus Libri v.g. l. omnes profugi, C. de agricolis, lib. 11. Id est: Lege, Omnes profugi, in Codice, Libro undecimo, Titulo, de Agricolis. Quod si numerus Libri non addatur, quærenda erit citatio in prioribus novem Libris Codicis.

*Novella* (subintellige, *Constitutiones*, ac alio nomine *Authentica* dicuntur) constat novem *Authenticis* Collationibus, quibus recens decima est adjecta: ex iis quælibet Collatio in plures Titulos, seu *Novellas* dividitur; ex *Novellis* vero quædam subdividuntur in plura Capitula. In earum citationibus hæc tenetur ratio, ut primo scribatur initium Capituli (si tamen aliquod habeat) deinde numerus *Novellæ*, tum Titulus ejus, & tandem numerus Collationis, v.g. taliter: c. Sed tamen. *Novell.* 129. de Samar. col. 9. Lege sic: capite, quod incipit, Sed tamen. *Novella* 129. titulo, De Samaritis, Collatione nona. Interdum vero *Novella* scribitur *Authentica*; & fit citatio ponendo Titulum, vel potius Rubricam ejus, & initium Paragraphi; v.g. *auth. Ut facta nova constit. §. Sancimus.* Lege: In *Authentica*, cujus titulus est, Ut facta nova Constitutiones &c. Paragrapho, qui incipit, Sancimus: & tunc in Indice Libri *Authent.* est quærendum τδ *Ut facta nova Constitutiones &c.* sicque allata citatio facile invenietur; nam quando *Authentica* quædam citatur ex Codice, semper apponitur C. majus.

Libri

*Libri Feudorum* (qui alio nomine *Conuetudinibus Feudorum* appellantur) sunt duo partiales Libri, qui dividuntur in Titulos, & Tituli in Paragraphos. In Feudorum citationibus, ponitur primo signum proprium *Feud.* live *in lib. Feud.* postea Titulus, & tandem Paragraphus, v. g. *in lib. Feud. de prob. feud. ali. n. per Frid. §. Calidis insuper.* Lege: *in Libris Feudorum, Titulo, de prohibita Feudi alienatione p. r. Fridericum. Paragrapho, qui incipit: Caldis insuper.* Interdum Paragraphus ponitur primo loco: v. g. *§. Calidis insuper. Feud. de probib. Feud. alien. p. r. Frid.* Lege ut supra.

*Institutiones* tandem (intellige, *Iustiniani*) dividuntur in quatuor Libros, Libri in Titulos, & Tituli in Paragraphos; non autem in Capitula, vel Leges. Solent autem *Institutiones* citari nulla facta mentione libri, taliter: ut primo ponatur initium Paragraphi, in quo textus citandus reperitur, deinde addatur signum distinctivum, *l. ff.* & postmodum subjungatur Titulus, in quo Paragraphus ille continetur, v. g. sic: *§. Fera. inst. de rer. divis.* Legatur sic: *Paragrapho, qui incipit, Fera, in Institutionibus, Titulo, de Rerum divisione.*

#### COROLLARIUM.

Ad discernendas, ac reperiendas Citationes utriusque Juris.

#### SUMMARIUM.

*Regula generalis ad discernendas Citationes Juris Civilis;*

*Et Juris Canonici.*

*Modus reperiendi Citationes in Jure.*

**E**X haecenus dictis colligitur Regula generalis, qua possint discerni citationes Juris Civilis a citationibus Textuum Juris Canonici. Siquidem in citationibus Juris Civilis semper exprimitur Volumen, seu pars illius per aliquod signum peculiare, ac distinctivum a cæteris omnibus: nimirum *Codex* per majus *C.* *Digestum* per duplex *ff.* vel *Græcum* *g.* aut saltem per litteram majoris *D.* *Novella*, seu *Authentica* Constitutiones, per *Novell.* vel *Auth.* Libri *Feudorum* per *Feud.* Ac tandem *Institutiones* per *Inst.* live *Inst.* Unde quotiescumque unum ex supra dictis signis citationi appositum reperitur, indicium certum est, dictam citationem desumi ex Jure Civili, non autem ex Canonico; utpote cum nullum tale signum

apponatur citationibus Juris Canonici: ex quam autem parte Juris Civilis ea citatio sit desumpta, proprium cujuslibet signum demonstrabit.

Porro quomodo citationes partium Juris Canonici ab invicem sint dignoscendæ, liquet ex supradictis. Nam ubicumque apponitur *dist.* vel *quest.* aut *q.* signum est, eam citationem desumi ex Decreto Gratiani; utpote cum solum Decretum habeat Distinctiones, & Quæstiones: alix quippe partes omnes Juris Canonici habent Titulos. Ubicumque autem apponitur Titulus una cum initio, vel numero Capituli, absque alio signo addito (nisi forte addatur *Extra.* vel quod idem est, *X.*) tunc signum est, citationem illam fieri ex quinque Libris Decretalium. Quando vero præter Titulum, ac initium Capituli, vel hujus numerum, apponitur aliud quidpiam, utputa *in 6.* vel *Clem.* aut *extravag. Joan. 22.* vel absolute *extravag.* tunc citatio illa quærenda erit, juxta diversitatem appoliti signi, vel *in Sexto Decretalium*, vel *in Clementinis*, vel *in Extravagantibus Joannis XXII.* vel *in Extravagantibus Communibus.*

Quod si igitur ex præmissis dignoscatur Pars illa Juris Canonici, aut Civilis, in qua Capitulum, seu Lex quæsitæ continetur, tunc ulterius ad reperiendum determinatum locum, ubi habetur, juvat quærere initium ejus in Indice Capitulorum, sive Legum, qui cuilibet Parti Juris, vel generatim omnibus (juxta diversitatem Editionum) præfigi solet: atque appositus paginæ, vel alius competens numerus, dabit locum quæsitæ Capituli, sive Legis. Sic quæsiturus *c. in Lateranensi, de Præbend.* cum istud ex dictis intelligas reperiri in quinque Libris Decretalium, vide in Indice Capitulorum dictis quinque Libris Decretalium præfixo: & habebis annotatum numerum paginæ, in quo Capitulum illud existit. Quod si vero non habeatur appositus numerus paginæ (prout in nonnullis Editionibus contingit) illico quære in Indice Titulorum: sicque reperiēs, Titulum *De Præbendis*, esse Titulum X. Libri III. Decretalium: quem per singula Capitulorum initia transcurrens, reperiēs, dictum *c. in Lateranensi*, esse 31. Capitulum illius Tituli: & sic loquendo de aliis, prout amplius ipsa praxis docebit.



INDEX.

# INDEX ALPHABETICUS RERUM ET VERBORUM.

- A**bbates an possint Ordines minores conferre etiam non subditis? Vide *Ordines minores*.
- Abbatibus Insulati, an possint conferre Ordines minores? Tract. 14. Dist. 12. Num. 55. pag. 621.
- Abortum fœtus animati procurantes quas incurant pœnas, præsertim Clerici? tr. 9. d. 3. post n. 37. p. 296.
- Abortus, quale peccatum? tr. 9. d. 3. n. 33. p. 295. Et an illum procurans, fiat irregularis? n. 33. & 34. p. ibid. Contra procurantes abortum rigida Bulla Sixti V. n. 35. p. ibid. Sed moderata per Gregorium XIII. & quomodo? Ibid. Pœna procurantium abortum fœtus animati n. 36. p. ib. Gemina Propositio circa materiam abortus damnata. n. 37. p. ib. Abortum procurans, an committat homicidium proditorium, privereturque Immunitate? tr. 12. d. 2. n. 38. p. 412.
- Abrogatio Legis, quid? tr. 2. d. 4. n. 27. p. 84.
- Absolvendi ab Hæresi potestas quibus specialiter competat? tr. 4. d. 4. post n. 31. p. 102. Absolvere in hæresin lapsos per negationem alicujus articuli fidei quandonam possint alii Confessarii non habentes cæteroquin specialem facultatem? Ibid. post n. 35. p. ibid. Absolvere quis possit legentes libros hæreticos citra licentiam. Vide *Libri hæreticorum*, & *Lesio Librorum*, &c.
- Absolvendi ab Hæresi potestas tempore Jubilæi quæ? tr. 12. d. 3. post n. 129. p. 443.
- Absolvendi a reservatis potestas qualiter, quomodo, & quando competat Confessariis, alias hæc facultate non præditis? Ubi de subditis alienæ Diœcesis consentientibus: Item ignorantibus reservationem annexam, tr. 14. d. 9. post n. 10. & seqq. p. 558.
- Absolvendi potestas ab Excommunicatione quibus competat in, & extra articulum mortis? tr. 13. d. 2. post n. 75. in Appendice. p. 469. Absolvendi potestas a suspensione, & interdicto. Vide *ψ. suspensiones*, & *ψ. Interdicta*.
- Absolvi an possint a quolibet Sacerdote existentes non solum in articulo, sed etiam in periculo mortis? tr. 14. d. 8. post n. 13. p. 575.
- Absolutio Sacramentalis conditionata an sit danda moribundo nullum aliud signum doloris edenti, qui antea non bene vixit? tr. 14. d. 7. post n. 76. p. 573.
- Absolutio Sacramentalis quandonam debeat proferri super pœnitentes absolute, & quandonam conditionate? tr. 14. d. 6. post n. 35. p. 557. Absolutionis formula semel prolata quandonam possit iterum repeti? Ibid.
- Absolutionis forma in Sacramento Pœnitentiæ, quæ? tr. 14. d. 6. n. 21. p. 555. Quæ verba sint de ejus essentia? n. 22. & seqq. p. ib. Absolutio Inscriptis, vel absenti data, non valet. n. 26. & seqq. p. ib. Disparitas inter absolutiones a peccatis, & censuris. n. 28. p. 556. Forma absolutionis sub modo deprecativo non valet. n. 29. p. ib. Quid de aliis formulis? n. 30. p. ib. Ritus absolutionis Sacramentalis. n. 32. p. ib. Sensus verborum formæ absolutionis. n. 34. & 35. p. ib. An absolvendus sit moribundus, qui amplius confiteri non potest? tr. 14. d. 7. n. 64. & seqq. p. 572. Vide *ψ. Confessio*. Absolutio a casibus reservatis. Vide *ψ. Reservatio casuum*. Absolutio tempore Jubilæi. Vide *ψ. Jubilæum*.
- Abstinencia, quid? tr. 7. d. 1. n. 23. p. 193.
- Acceptatio Populi, an requiratur ad obligationem legum? tr. 2. d. 1. n. 33. & seqq. p. 33. Acceptatio donationis, an & quomodo pro alio fieri possit? tr. 8. d. 2. n. 19. & 20. p. 238.
- Accessio, est modus acquirendi rerum dominium jure Gentium. tr. 7. d. 5. n. 25. p. 217.
- Acedia, quid? tr. 3. d. 3. n. 58. p. 78. Sumitur dupliciter. n. 59. & 60. p. ib. Acedia recte ponitur inter vitia capitalia. n. 61. p. ib. Ejus filia sex. n. 62. & seqq. p. ib.
- Acolythatus materia, & forma, duplex. tr. 14. d. 12. n. 22. p. 617. Acolythorum officium. ibid.
- Acquæstus quid, & an de his bonis participet uxor? tr. 7. d. 4. post n. 19. p. 207.
- ad Acta qualiter secure testamentum deponatur? tr. 8. d. 3. n. 82. in Appendice. p. 256.
- Actio, quid? tr. 7. d. 2. n. 26. p. 201. Dividitur in actionem realem, & personalem. n. 27. p. ibid. Et quid utraque? n. 28. & 29. p. ib. Minus est, habere actionem, quam rem, quomodo? tr. 8. d. 4. n. 42. p. 267.
- Actus conjugal. Vide *ψ. Debitum conjugale*.
- Actus deliberatus, & semideliberatus circa idem objectum quomodo distinguantur specie? tr. 3. d. 1. n. 42. p. 63.
- Actus Fidei, Spei, Charitatis. Vide *ψ. Fides*, & *ψ. Spes*, & *ψ. Charitas*.
- Actus humanus an sit indifferens, si quis operatur ex fine præcise delectabili? tr. 1. d. 2. post n. 39. p. 14.
- Actus humanus, & actus hominis, differunt. tr. 1. d. 2. n. 1. & seqq. p. 8. Actus humanus, seu moralis, quid? n. 2. & 3. p. ib. Quomodo debeat fieri ad regulam nostrorum actuum? n. 4. p. ib. Actus voluntatis elicit, & imperati. n. 6. p. 9. Unde desumant suam bonitatem, vel malitiam moralem? n. 9. & seqq. p. ibid. Quæ harum sit actui primaria, & essentialis? n. 10. & 11. p. ib. Quomodo malitia, & præsertim bonitas, debeat esse volita, ut eam actus humanus desumat ex objecto, & circumstantiis? tr. 1. d. 2. n. 18. & seqq. p. 11. Actui interno voluntatis per se primo inest bonitas, vel malitia moralis. n. 28. p. 12.

- An Actus externus addat propriam bonitatem, vel malitiam actui interno? n. 29. 30. & seqq. p. 12. Actus interior, & exterior, an sint duo peccata? n. 34. & 35. p. 13. Actus indifferens, quid? n. 36. p. 14. An detur? n. 37. & 38. p. ib. An omnem actum teneatur homo dirigere in finem honestum? n. 39. p. ibid. Actus humani ut sint meritorii vitæ æternæ, quid requiratur? tr. 1. d. 2. n. 40. & seqq. p. 15. Actus interni an possint præcipi lege humana? tr. 2. d. 1. n. 46. p. 35. Actus peccaminosi physice distincti, non semper distinguuntur moraliter, tr. 3. d. 1. n. 50. p. 65. Actus voluntatis quomodo moraliter interrumpantur? n. 52. & seqq. p. ibid.
- Actus liberæ facultatis qui, & an per eosdem valeat introduci consuetudo? tr. 7. d. 6. post n. 7. p. 219.
- Actus meritorius an eo ipso sit etiam satisfactorius? tr. 1. d. 2. post n. 48. p. 16. Ad actum satisfactorium quænam requirantur conditiones? Ibid.
- Adam, si nunc viveret, an posset cum aliqua alia matrimonium contrahere præter Hevam? tr. 14. d. 14. n. 107. p. 656.
- Adjuratio, quid? tr. 5. d. 1. n. 20. p. 130. Fit duobus modis. n. 21. p. ibid.
- Adolescentes quo tempore incipiant obligari ad jejunium Ecclesiasticum? tr. 10. d. 2. n. 40. 41. & seqq. p. 365.
- Adoratio, quid? tr. 5. d. 1. n. 23. p. 131. Alia mere civilis, seu politica; alia sacra, seu religiosa. n. 24. p. ibid. Adorationis sacræ tres species, videlicet Latria, Hyperdulia, & Dulia. n. 25. p. ibid. Adorationis objectum duplex, materiale, & formale. n. 26. p. ibid. Deo debetur cultus Latriæ. n. 27. p. ibid. Tres Personæ Divinæ sunt una adoratione adorandæ; quomodo? n. 28. p. ibid. Adoratio absoluta, & respectiva, quid? n. 31. p. 132.
- Advena. Vide *ŷ. Peregrinus*.
- Advertentia, qualis sufficiat ad peccatum? tr. 3. d. 2. n. 7. 9. & seqq. p. 68. Quæ censeatur perfecta advertentia, & sufficiens ad peccatum mortale? n. 10. & 11. p. 68. & 69. Signa, quibus in dubio discerni possit consensus perfectus ab imperfecto. n. 12. p. 69.
- Adulatio, quid? tr. 7. d. 2. n. 12. p. 199.
- Adultera quomodo perdat jus petendi debitum? Vide *Uxor*.
- Adultera si dubitet, an a Marito, vel ab alio sit imprægnata, qualis fieri debeat restitutio; tr. 9. d. 4. post n. 30. p. 304.
- Adulterium, quid, & quot modis contingat? tr. 9. dist. 4. n. 16. p. 303. Quanta ejus malitia, & poenæ? n. 17. p. ibid. Est gravius fornicatione, etiam consentiente altero conjuge. n. 18. p. ibid. Obligatio restitutionis ratione adulterii, quæ? n. 28. & seqq. p. 304. Adulterium, in quibus casibus dirimat matrimonium? tr. 14. d. 14. n. 87. p. 654. Quæ requirantur, ut illud dirimat? n. 93. p. ibid.
- Adultero deprehensio quidnam a Marito inferri possit? tr. 9. d. 3. post n. 30. p. 293.
- Advocatus, an possit sequi sententiam probabilem relicta probabiliori? tr. 1. d. 3. n. 63. p. 26. Obligationes quædam Advocatorum. n. 64. p. 27. Inter Advocatum, & Judicem, differentia. n. 67. p. ibid.
- Ædificatio, quomodo sit modus acquirendi rerum dominium? tr. 7. d. 5. n. 31. p. 218. Ædificasse Ecclesiam, quis censeatur? tr. 11. d. 3. n. 4. p. 394.
- Ætates hominis, quæ? tr. 8. d. 1. n. 21. p. 232.
- Ætas legitima pro Beneficiis Ecclesiasticis consequendis, quæ? tr. 11. d. 1. n. 56. p. 383. Ætas, quæ requiratur pro singulis Ordinibus? tr. 14. d. 12. n. 50. & seqq. p. 620. Ætas impuberum, an sit distinctum impedimentum dirimens matrimonii? tr. 14. d. 14. n. 50. & 51. p. 648.
- Ægroti maleficiati unde dignoscendi? tr. 14. d. 8. Appendice I. p. 583. Ægroti tales, quomodo a Maleficio sunt liberandi? ibid. Item si tales ejiciant ranas, acus &c. quid faciendum? ibid. Ægroti quandonam possint sumere Euchariam etiam non jejuni? tr. 10. d. 3. post n. 36. p. 374.
- Ægrotis quænam Pœnitentia injungenda? Vide *Infirmis*. Ægroti ad quid teneantur? Vide *Infirmi*.
- Æquivalenter quandonam censeantur res apud alienum extare? Vide *Ditior quando*.
- Æquivocatio an liceat, si quis ab hæretico Magistratu interrogetur, num sit Sacerdos, vel Religiosus? tr. 4. d. 2. post n. 52. p. 89. Æquivocare an, & quando permittatur? Vide *Amphibologia*.
- Affabilitas, quid, & quomodo differat ab amicitia? tr. 7. d. 2. n. 12. p. 198.
- Affinitas, quid? tr. 14. d. 14. n. 116. p. 657. Ejus olim erant tria genera. Ibid. Unde oriatur, & inter quas personas? n. 117. & 118. p. ibid. Corollarium notabile. n. 119. p. ibid. Affinitatis gradus mensurantur juxta gradus Consanguinitatis; quomodo? n. 120. p. 658. Affinitas in quoto gradu dirimat matrimonium? n. 121. p. ibid. & quo Jure? n. 122. & seqq. p. ibid.
- Agnos Dei, Cruces, &c. gestare licitum est. tr. 5. dist. 2. n. 38. p. 142.
- Aggressorem in bonis fortunæ cur liceat occidere, & cur non in bonis famæ, tr. 9. d. 3. post n. 30. p. 293.
- Alearum lusus, quis? tr. 8. d. 4. n. 111. p. 277. Est jure prohibitus. n. 110. & 112. p. 277. sq.
- Alluvio, quando sit modus acquirendi rerum dominium Jure Gentium? tract. 7. dist. 5. n. 23. p. 216.
- Altare quid, & quotuplex? tr. 14. d. 5. post n. 136. Appendice II. p. 544. Quidnam requiratur, ut ibi Missa legi queat? ibid. Qualiter tale Altare debeat esse instructum? ibid. & quomodo illud deperdat suam consecrationem? ubi de fractione sigilli, & semotione sepulcri.
- Altare privilegiatum cum quibus clausulis soleat concedi? Ubi in specie de clausula: *Dummodo alia similis &c.* & de altera: *Dummodo septem Missæ &c.* tr. 12. d. 3. n. 78. & seqq. p. 429. Altaris privilegiati tempus quandonam incipiat, & quamdiu duret? Ibid. n. 81. p. 431. Altare privilegiatum quomodo practice impetrandum? ibid. n. 83. p. 432. Quid si Altare illud præcise petatur pro aliqua Confraternitate? ibid. n. 85. p. ibid. In Altari privilegiato petita pro stipendio Missæ si non legatur ibidem, qualis facienda sit recompensatio? tr. 14. d. 5. post n. 94. p. 536.



p. 336. In Altari privilegiato petita Missa pro aliquo defuncto quandonam debeat legi de Requiem, & quando non? *ibid.* post n. 101. p. 337.

Altaria privilegiata qualiter a Benedicto XIII. concedantur FF. Minoribus? tr. 12. d. 3. post n. 85. p. 432.

Alvei mutatio in quem transferat Dominium prominentis terræ? tr. 7. d. 5. post n. 23. p. 216.

Ambitio, quid, & quale peccatum? tr. 3. d. 3. n. 9. p. 73.

Amicitia, quid, & quomodo differat ab Affabilitate? tr. 7. d. 2. n. 12. p. 198.

Amor Dei, duplex, amicitia scilicet, & concupiscentia, tr. 4. d. 5. n. 7. p. 107. Hic est proprius spei, ille Charitatis Theologicæ. *Ibid.* Amor, & Charitas generatim, quid? tr. 4. d. 6. n. 1. p. 109.

Deum amare super omnia intensive, & appetitive, quid? n. 6. *ibid.* Amor debetur parentibus, & qualis? tr. 9. d. 2. n. 6. & 7. p. 288.

Amor Dei appetitive, & intensive summus, quid? tr. 14. d. 6. n. 40. p. 558. Vide *Charitas*.

Amor. Vide *Charitas*.

Amphibologia an liceat? tr. 6. dist. 2. post n. 41. p. 174.

Amuleta an, qualiter, & quando sint æstimanda? tr. 14. d. 8. post n. 43. p. 483. *sqq.*

Anathema, an differat ab Excommunicatione? tr. 13. dist. 2. n. 2. p. 458.

Ancilla quandonam teneatur indicare Heræ vitia alterius famulæ? Vide *famula sciens &c.* Ancilla. Vide *famuli*.

Animal si damnum intulit, an teneatur dominus ejus ad restitutionem? tr. 9. d. 5. n. 80. p. 328.

Animalia maleficiata. Vide *Pecora &c.*

Animæ in purgatorio an censeantur infestare domos, & quomodo succurratur? tr. 14. d. 8. Appendice I. p. 583. *sqq.*

Anniversaria, & alia piaz obligationes perpetuæ, an præscriptione extinguantur, & quo tempore? tr. 7. d. 6. post n. 30. p. 225. in Appendice. Item an similis obligatio præscriptione inducatur? *ibid.*

Annus Jubilæus in lege veteri, quis, & unde sic dictus? tr. 12. d. 3. n. 87. p. 433. Annus Jubilæus in Ecclesia Catholica, quando celebretur? n. 88. p. 433. *sq.* Vocatur etiam *Annus Sanctus*. *Ibid.* In Anno Sancto suspenduntur alia Indulgentia. n. 89. p. 434. Nonnullis tamen exceptis, & quibus? n. 95. 96. & *sqq.* p. 435. Vide *Indulgentia*, & *Jubilæum*.

Antichrisis, quid? tr. 8. d. 4. n. 50. p. 268: Pactum Antichriseos illicitum, nisi interveniat alius justus Titulus, n. 51. & 52. p. 269.

Antidotalis obligatio, an involvat pactum simoniacum? tr. 5. d. 3. n. 42. p. 150.

Apes ex alveari avolantes ad quem spectent? tr. 7. d. 5. n. 21. p. 216.

Apostasia a Fide, quid? tr. 4. d. 4. n. 36. p. 103.

Apostasia a Religione. n. 37. *ibid.* A Conventu, vel Habitu. *Ibid.* Apostasia ab Ordine, quid? n. 38. *ibid.*

Apparitiones quomodo dignoscendæ, num sint veræ, vel fictæ? tr. 14. dist. 8. Appendice II. p. 588. *sqq.*

Appellatio, vel oppositio nullitatis sententiæ, an impediatur effectum censuræ? tr. 13. d. 1. post n. 36. p. 456.

Applicandi Missam an sit obligatio, si in litteris foundationis nulla sit facta mentio de obligatione applicandi, sed tantum de obligatione celebrandi? tr. 14. d. 5. post n. 103. p. 538.

Applicatio Missæ, an sufficiat habitualis? tr. 14. d. 5. n. 73. p. 531. Praxis optima applicandi Missam. n. 77. & *seqq.* p. 532. Intentio secunda in applicatione Missæ. n. 78. & 79. *ibid.* Vide *Missæ*.

Applicatio Missæ quomodo fieri debeat, si pro stipendio a decem hominibus petantur decem Missæ, vel si ab uno ad decem distinctos fines? tr. 14. d. 5. post n. 76. p. 531.

Applicatio Missæ quandonam debeat fieri pro Parochianis? Vide *Parochi quandonam teneantur &c.*

Approbatio qualiter differat a Jurisdictione? tr. 14. d. 8. post n. 10. p. 575. Approbatio quoad Regulares Exemptos an restringi possit ab Episcopo ad certum genus hominum? *ibid.* post n. 15. in Appendice. p. 576. Et an Approbatio semel data possit iterum cassari? *ibid.*

Approbatio Regularium a quonam Episcopo fieri debeat? Item a quonam approbatio Clericorum Secularium? *ibid.* ubi etiam adducitur praxis Germaniæ. Approbatione speciali an indigeant illius Episcopi, per cujus Diocesim transeunt illi Regulares Exempti, qui jam in alia Diocesi fuerunt approbati? *ibid.* Approbatio an non solum Episcopi, sed etiam Parochi illius loci, in quo Confessiones excipiuntur, sit necessaria apud Regulares Exemptos? *ibid.*

Aqua est Materia Sacramenti Baptismi, & qualis? tr. 14. d. 3. n. 11. & 12. p. 508. Aqua vino consecrando est miscenda. tr. 14. d. 4. n. 29. p. 516. Et cur? n. 30. & 31. *ibid.* Debet opponi modica. n. 32. *ibid.* An convertatur in Sanguinem Christi? n. 33. & *seqq.* p. 517. Quid agendum, si aqua pro vino infundatur? tr. 14. d. 5. n. 144. p. 550. Quid, si error primum advertatur post Sumptionem? n. 145. p. 551. Aut dum aqua habetur in ore? n. 146. *ibid.*

Arbor consanguinitatis, quæ? tr. 14. d. 14. n. 100. & *seqq.* p. 655. Vide *Consanguinitas*.

Argentum alienum, si bona fide ad novam statuat formandam applicetur, ad quem spectet Dominium hujus statui? tr. 7. d. 5. post n. 24. p. 217.

Ars notoria, quid? tr. 5. d. 2. n. 32. p. 141.

Articulus mortis, quid? tr. 14. d. 9. n. 13. p. 600. An comprehendat periculum mortis? *ibid.* Absolutus a Casu reservato in articulo mortis, an teneatur postea se sistere Superiori? n. 15. *ibid.* In mortis articulo, an quilibet Sacerdos possit absolvere ab hæresi, & aliis casibus? tr. 4. d. 4. n. 32. & 33. p. 102. & tr. 14. d. 9. n. 12. p. 600. Vide *Reservatio casuum*.

Aspectus impudici. Vide *Impudicitia*.

Aspectus impudici, & tactus quandonam peccatum grave? tr. 9. d. 4. post n. 84. p. 314.

Aspectus impudici animalium an sint grave peccatum? *ibid.* p. 315.

Aspersione Aquæ Benedictæ, an remittantur peccata venialia? tr. 3. dist. 2. n. 35. p. 72.  
 Assassinium, quid? tr. 12. d. 2. n. 39. p. 412. Rei hujus criminis non gaudent immunitate Ecclesiastica. n. 38. & 39. p. ibid.  
 Astrologia judiciaria est species Divinationis. tr. 5. d. 2. n. 19. p. 139. Astrologia naturalis est licita Ibid.  
 Astutia, quid? tr. 7. d. 1. n. 15. p. 192.  
 Asyli privilegium, an sit Juris Divini? tr. 12. d. 2. n. 2. & seqq. p. 408. Eo gaudent omnes Ecclesiæ, etiam interdictæ, pollutæ, &c. n. 5. p. ib. Item Cœmeteria, turres, &c. n. 6. & 7. p. ib. An eo gaudeat tenens januam Ecclesiæ, vel parietem? n. 8. p. 409. Quid de spatio 30. vel 40. passuum circa Ecclesiam? n. 9. p. ibid. Monasteria, Hospitalia, an gaudeant immunitate? n. 10. p. ibid. Rei cur potius confugiant ad Monasteria, quam ad alia Loca Sacra? n. 11. p. ibid. Confugiens ad Sacerdotem SS. Eucharistiam portantem, gaudet immunitate. n. 12. & 13. p. ibid. Quid de communicante, vel fugiente ad S. Oleum? n. 14. p. ibid. Qui Rei gaudeant jure Asyli Ecclesiastici? n. 15. 16. & seqq. p. 409. An etiam debitores pecuniarii? n. 17. & 18. p. 410. Clerici, & Religiosi? n. 19. & 20. p. ibid. Judæi, & Pagani? n. 21. & 22. p. ibid. Hæretici? n. 23. & seqq. p. 411. Quæ crimina non gaudeant Immunitate? n. 26. & 27. p. ibid. Referuntur septem crimina excepta, n. 28. & seqq. p. ibid. An præter homicidium, & mutilationem, amittatur Immunitas ob alia crimina in Ecclesiis commissæ? n. 35. p. 412. Commoda Reorum ad Asyla fugientium. n. 42. & seqq. p. 413. Quid si fictis promissis inde educantur? n. 43. p. ib. Unde sustentari debeant? n. 46. p. 414. Immunitatis violatio, quale peccatum? n. 48. p. ibid. Quæ pœnæ eam violantium? n. 49. & 50. p. ib. Observanda in extractiōe Reorum jure Asyli non gaudentium. n. 51. & seqq. p. ibid.  
 Asylum. Vide *Immunitas*.  
 Attentio circa Orationem vocalem triplex, ad verba, ad sensum, & ad finem Orationis. tr. 6. d. 1. n. 39. p. 161. Qualibet harum sufficit ad satisfaciendum præcepto recitandi Horas Canonicas. n. 42. p. ibid. Voluntarie distractus absque ulla interiori intentione, non videtur satisfacere, n. 43. & seqq. p. ibid.  
 Attritio, quid, & quomodo differat a Contritione? tr. 14. d. 6. n. 38. 41. p. 558. sq. Vide *Contritio*.  
 Avaritia, quid? tr. 3. d. 3. n. 12. p. 74. Et quale peccatum? n. 13. p. ibid. Recte numeratur inter Peccata capitalia. n. 14. p. ibid. ejus filia, quæ? n. 15. & 16. p. ibid. Avaritia computatur inter peccata spiritualia, cur? tr. 3. d. 1. n. 8. & 9. p. 58.  
 Audacia, quid? tr. 7. d. 1. n. 38. p. 194.  
 Augurium est species Divinationis, tr. 5. d. 2. n. 24. p. 140.  
 Aurigæ, itinerantes quandonam excusentur diebus festis audire Missam? tr. 10. dist. 1. post n. 54. p. 358.  
 Aurora, quid? tr. 14. d. 5. n. 105. p. 538. Quomodo consideranda quoad celebrationem Missæ? n. 106. p. ibid.

Auxilia Dei actualia, quæ? tr. 14. d. 2. n. 2. p. 498. Præstantur specialia ad proprios fines consequendos per Sacramenta, n. 3. & seqq. p. 499.

## B.

**B** Alneantes insimul quandonam graviter peccant? tr. 9. dist. 4. post n. 84. p. 314.  
 Baptismi Sacramentum imprimit Characterem, tr. 14. d. 2. n. 46. & seqq. p. 504. Baptismus per se confert primam gratiam, n. 19. p. 500. Baptismus fide susceptus, recedente fictione confert effectum, n. 54. p. 504. Quomodo sit necessarius ad salutem? n. 59. & 60. p. 505. Baptismus fluminis, fluminis, & sanguinis, n. 61. & seqq. p. ibid. Martyrium supplet vicem Baptismi, n. 64. p. 506. Baptismus fluminis est janua Sacramentorum novæ Legis, tr. 14. d. 3. n. 1. p. 507. Quid sit? n. 2. p. ibid. Fuit institutus a Christo ante suam Passionem. n. 3. & 4. p. ibid. Et quando? n. 5. & 6. p. ibid. Ad Baptismum suscipiendum tenentur omnes, etiam Judæi, ac Pagani. n. 7. p. ibid. An baptizari possint filii Infidelium invitis parentibus? n. 8. & seqq. p. ibid. Materia Baptismi remota, & proxima, quæ? n. 11. & 12. p. 508. Ad ejus valorem requiritur vera ablutio. n. 13. & seqq. p. ib. Hæc potest fieri immersione, affusione, vel aspersione, n. 16. p. ibid. An trina affusio adhibenda? n. 17. p. ibid. In Baptismo, quæ pars corporis sit abluenda? n. 18. & seqq. p. ibid. Quid agendum, si ablutio facta est in parte dubia? n. 20. p. 509. Puer projectus de ponte in flumen cum intentione ipsum baptizandi, an baptizetur? n. 21. p. ibid. Forma Baptismi, quæ? n. 22. p. ibid. Quasi utantur Græci? n. 23. p. ibid. In forma Baptismi tria necessario exprimenda, quæ? n. 24. p. ibid. & quomodo? n. 26. & seqq. p. 510. Baptismus in Nomine Christi, de facto non valet. n. 27. p. ibid. An olim validus fuerit? n. 28. p. ibid. Quæ forma sit adhibenda in Baptismo dubio? n. 29. p. ibid. Forma Baptismi, *in nomine Patris*, &c. an sufficiat? n. 30. p. ibid.  
 Baptismi Minister, quis? tr. 14. d. 3. n. 31. & seqq. p. 510. In casu necessitatis, quid observandum? n. 32. p. ibid. An Diaconus vel Subdiaconus, uno materiam, & altero formam adhibente? n. 35. p. 511. Observanda a Ministro Baptismi. n. 36. p. ibid. Quid agendum de Ministris? n. 37. p. ibid. Pœnæ reiterantium Baptismum. n. 38. & 39. p. ibid. Patrini in Baptismo, qui? n. 40. p. ibid. Hi contrahunt cognationem Spiritualem. tr. 14. d. 14. n. 112. & 113. Sine Baptismo non recipitur Ordo. tr. 14. d. 12. n. 43. p. 620.  
 Baptismus an conferendus infanti adhuc secundinis involuto? Item quid observandum, si Mater moriatur infante adhuc existente in utero? tr. 14. d. 3. post n. 20. p. 509.  
 Baptismus quandonam possit rationabiliter conferri conditionate? ibid. post n. 39. p. 511.  
 Baptizandi cognatio spiritualis cum suo Patrino quando contrahatur? Vide *Cognatio spiritualis*.  
 Barbitonfores an diebus Dominicis, & festivis licite possint passim radere barbas? tr. 10. dist. 1. post n. 35. p. 355.  
 Beatis necdum Canonizatis qualis cultus exhibendus? tr. 5. dist. 1. n. 42. p. 1347.

Bel.

**Belli Ducum, & Principum specialia peccata in Bello** quæ? tr. 4. d. 7. post n. 50. p. 127.  
**Bellum, quid, & quomodo differat a Seditio, & Rixa?** tr. 4. d. 7. n. 40. p. 126. Est ex natura sua licitum, si debitas habeat condiciones. n. 41. p. ibid. Ad Bellum justum tres requiruntur condiciones, quæ? n. 42. p. ibid. Potest dari bellum ex utraque parte justum formaliter, non autem materialiter. n. 43. p. ibid. In dubio de justitia belli, an liceat militare? n. 44. & seqq. p. ibid. In bello justo licite occiduntur nocentes. n. 45. p. ibid. Quid de innocentibus? n. 48. p. ibid. Cui acquirantur bona hostium? n. 49. & 50. p. 126. sq. In bello qui fiant irregulares? tr. 13. d. 3. n. 62. 63. & 66. p. 485. sq. Bellum inferre, & litem judicialiter movere, differunt, tr. 1. d. 3. n. 68. p. 27.  
**Bellum justum an, & quando transferat in occupantes Dominium rerum ablatarum?** tr. 4. d. 7. n. 50. & seqq. p. 127. Vide etiam *ψ. Bona*.  
**Benedictio Paramentorum quæ, & quandonam censeantur eam deperdere vestes Sacerdotales in Missa?** tr. 14. d. 5. in Appendice III. p. 546. sqq.  
**Beneficentia, est actus externus Charitatis,** tr. 4. d. 6. n. 27. p. 115.  
**Beneficia etiam a Summo Pontifice solent conferri juxta Concordata,** tr. 11. dist. 1. post n. 36. p. 381.  
**Beneficia Simoniaci obtinentibus quomodo succurrendum?** ibid. post n. 80. in Appendice. p. 386.  
**Beneficarii Clerici.** Vide *ψ. Clerici*. Beneficarii obligatio ad celebrandam Missam. Vide *ψ. Missam celebrandi obligatio*.  
**Beneficiarii abortum factus animati procurantes an, & quando teneantur dimittere suum Beneficium actu jam possessum?** Vide *Clerici abortum &c.*  
**Beneficiarius an diminutis redditibus possit proportionaliter diminuerè onera Missarum propria Auctoritate?** tr. 14. d. 5. post n. 91. p. 535.  
**Beneficiarius an habeat obligationem etiam applicandi Missas, si in litteris foundationis facta sit mentio solummodo de obligatione celebrandi certis diebus?** tr. 14. d. 5. post n. 103. p. 538.  
**Beneficiarius si non recitat Horas Canonicas post primos sex Menses, cui fiat restitutio?** tr. 6. d. 1. post n. 37. p. 160. Beneficiarius inculpabiliter, v. g. ex naturali oblivione omittens aliquas Horas Canonicas an teneatur ad aliquam restitutionem? tr. 6. d. 1. post n. 34. p. 159. Item si leve quidpiam ex iis omittat deliberate vel si nil omittat, voluntarie tamen distractus eas recitet? ibid.  
**Beneficium an, & quando legitime obtineri possit præscriptione?** tr. 7. d. 6. post n. 30. in Appendice. p. 223.  
**Beneficium generatim.** tr. 11. d. 1. n. 2. p. 378.  
**Beneficium Ecclesiasticum, quid?** n. 3. & seqq. p. ibid. Ejus Laicus est incapax, n. 6. p. ibid. Quomodo debeat constitui? n. 7. p. ib. Beneficia Ecclesiastica majora, n. 8. p. ib. Regularia, & secularia. n. 9. p. 379. Curata, & non Curata, n. 10. p. ib. Electiva, Patronata, & Collativa

seu libera. n. 11. p. ib. Patrimonialia, & non Patrimonialia, n. 12. p. ibid. Manualia, & non Manualia, quæ? n. 13. p. ibid. Beneficia, quibus modis conferri soleant? n. 18. & 19. p. ib. Quomodo acquirantur per electionem. n. 20. & seqq. p. 379. seq. Per præsentationem. n. 23. & seqq. p. 380. Et per liberam collationem. n. 29. p. ib. Quinam Beneficia libere conferre possint? n. 30. & seqq. p. 381. Vide *ψ. Papa & ψ. Episcopus*. Collatio Ecclesiarum Parochialium per Concursum, quæ? n. 38. & 39. p. ibid. In quibus Beneficiis preces primæ Imperatoris non habeant locum. n. 41. & 42. p. 382. Quibus conferenda sint Beneficia? ubi & de conditionibus ex parte eorum requisitis. n. 43. & sq. p. ibid. Beneficia curata omittis dignis debent conferri dignioribus. n. 44. & seqq. p. ib. Quid de Beneficiis simplicibus? n. 47. p. 383. Patrimonialibus, & Patronatis? n. 48. p. ib. Dignus respectu Beneficii, & dignior, magisque Ecclesiæ utilis, quis? n. 49. & 50. p. ibid. Indignus, & quis? n. 52. & seqq. p. ib. Quæ condiciones requirantur, ut quis sit dignus ad Beneficium? n. 53. & seqq. p. ib. Beneficii Ecclesiastici incapax est excommunicatus. tr. 13. d. 2. n. 27. p. 462. Beneficiorum simul retentorum pluralitas, quantorum malorum sit origo? tr. 11. d. 2. n. 1. p. 388. Ea quandoque possunt abesse, danturque Beneficia compatibilia. n. 2. p. ibid. Incompatibilitas Beneficiorum ex duplici capite oritur. n. 3. & seqq. p. ibid. Quod Beneficium censeatur sufficiens ad congruam Clerici sustentationem? n. 5. p. ibid. Beneficia de se compatibilia, quæ? n. 6. & 8. p. 389. Beneficia simplicia ultra duo nequeunt haberi. n. 7. p. ibid. Beneficia de se incompatibilia n. 9. p. ibid. Et beneficia uniformia sub eodem tecto, quæ? n. 10. & n. 11. p. ibid. Beneficium simplex potest adjungi alteri tenues redditus habenti. n. 12. p. ibid. Beneficia incompatibilia simul plura obtinere, illicitum est. n. 13. p. ibid. Idque citra dispensationem Pontificiam. n. 14. p. ibid. Triplex causa dispensandi in pluralitate beneficiorum. n. 15. & seqq. p. 389. sq. Plura incompatibilia Beneficia recipiens, an ipso jure privatus sit priori? n. 19. & seqq. p. 390. Quid si quis fructus secundi Beneficii necdum recipiat? n. 22. p. ibid. Aut primum cum secundo retinere contenderit? n. 26. p. ibid. In quibus casibus plura simul Beneficia haberi possint? n. 27. p. ibid. In Beneficiis Ecclesiasticis an possit aliquid dari ad redimendam injustam vexam? tr. 5. d. 3. n. 32. p. 148. Beneficium simoniace recipienti, quid agendum? n. 50. p. 151. Dispensatio super Beneficio simoniace recepto, a quo possit dari, & qualiter sit obtinenda? n. 51. p. ibid. Beneficii renunciatio. Vide *ψ. Renunciatio Beneficii*. Permutatio Beneficiorum. Vide *ψ. Permutatio*. Beneficium sine consensu Patroni conferri nequit. tr. 11. d. 3. n. 45. & seqq. p. 398. Vide *ψ. Patronus*.

**Bestialitas, quid?** tr. 9. d. 4. n. 60. p. 310. An varietur specie ob diversitatem bestiarum? n. 61. p. ibid. Concubitus cum dæmone, an sit species bestialitatis? n. 62. p. ibid.

**Bigamia triplex, vera, interpretativa, & similitudinaria.** tr. 13. d. 3. n. 40. & seqq. p. 482. Non oritur, si quis cum pluribus fornicetur. n. 43. p. ibid. Bigamia, Trigamia, &c. quid? tr. 14. d. 13. n. 39. p. 630.

**Blasphemans Rusticus** quandonam censeatur aliis dare scandalum? tr. 4. d. 7. post n. 28. in Appendice p. 123. Blasphemi quomodo practice examinandi a Confessario? tr. 5. d. 3. post n. 64. p. 153.

**Blasphemia, quid?** tr. 5. d. 3. n. 53. & 54. p. 152. Blasphemia in Deum; & Sanctos, n. 55. p. ibid. Hæreticalis, & non hæreticalis. n. 56. p. ib. Et quale peccatum? n. 57. & seqq. p. ibid. Ex ira dicere, *Corpus Dei, Chrisma, & Sacramenta &c.* quale peccatum? n. 60. p. 153. Quid de nonnullis aliis verbis? n. 61. p. ibid. An omnes blasphemæ sint ejusdem speciei? n. 62. & seqq. p. ibid.

**Bona Clericorum** quænam censeantur redditus stolarum, & distributiones quotidianæ? tr. 7. dist. 4. post n. 22. p. 208.

**Bona, de quibus testari possint Conjuges** ex hac vita decedentes: item Vidui, & Viduæ superstites? Vide *Conjuges, & Vidui*.

**Bona Fides** ordinarie præscribente præsumitur, & quando non? tr. 7. d. 6. post n. 10. p. 221.

**Bona Fortunæ** quantam debeant attingere Summam, ut propterea quis per modum moderaminis inculpatæ tutelæ occidi queat? tr. 9. d. 3. post n. 30. p. 293.

**Bona Peregrinorum.** Vide *Peregrinorum Bona*.

**Bona spiritualia** hosti in Bello justo ablata an fiant capientium? tr. 4. d. 7. post n. 50. p. 127.

**Bona temporalia** ablata per hostem; aut denuo virtute bellica recuperata per milites defensores, ad quem spectent? ibid. An talia Bona temporalia possint jure Postliminii prætendi a primis Dominis, quando? ibid.

**Bona Uxoris.** Vide *Uxoris Bona*.

**Bonitas naturalis, & moralis** in actibus nostris. tr. 1. d. 2. n. 7. p. 9. Bonitas actus moralis unde desumatur? n. 9. & seqq. p. ibid. Bonitas finis non sufficit ad tollendam malitiam medii pravi, n. 12. p. ibid. Bonitas quomodo debeat esse volita, ut eam actus humanus desumat ex objecto, & circumstantiis? n. 20. & seqq. p. 11. An propriam bonitatem habeat actus externus? n. 29. & seqq. p. 12.

**Bonum triplex, delectabile, utile, & honestum.** tr. 1. d. 2. n. 8. p. 9. Bona superflua naturæ, & superflua statui, quæ? tr. 4. d. 6. n. 39. p. 116. Ex bonis superfluis quando sub præcepto sit danda eleemosyna? n. 36. & 46. ac seqq. p. 116. & 118. Bona per Orationem, quæ recte a Deo postulentur? tr. 5. d. 1. n. 50. p. 135. Bona dotalia & paraphernalia uxoris, quæ? tr. 7. d. 4. n. 14. p. 206. Bona Clericorum quadruplicia, nempe Patrimonialia, quasi Patrimonialia, mere Ecclesiastica, & Parimonialia. tr. 7. d. 4. n. 20. seqq. p. 208. Bonorum Ecclesiasticorum divisio, quando sit facta? n. 30. p. 209. Bona Ecclesiastica, quomodo dicantur *Res ei, & Patrimonia pauperum*. n. 41. & 42. p. 211. Bona incerta, quæ & ad quid teneatur eorum inventor? tr. 7. d. 5. n. 6. p. 213. An possint retineri

post diligentem inquisitionem domini? n. 8. p. ibid. Bona Ecclesiarum, & Ecclesiasticarum personarum, sunt triplicis generis. tr. 12. dist. 1. n. 24. & seqq. p. 406. An gaudeant immunitate a collectis, & jurisdictione seculari? n. 27. & sq. p. 406. sq. Quid de bonis feudalibus? n. 28. p. 407. Vide *Collecta*. Bona Matrimonii, quæ? tr. 14. d. 13. n. 12. & 13. p. 625.

**Breviario, quo utendum in recitatione Horarum Canonicarum?** tr. 6. d. 1. n. 58. p. 163. Recitans Horas ex Breviario alieno, an peccet mortaliter? n. 59. p. ibid.

**Breviarium.** Vide *Horas Canonicas*.

**Bullæ Pontificiæ** cur multæ in variis Regionibus non obligent? tr. 2. d. 1. n. 40. p. 34. Bulla Cœnæ Domini, quæ? tr. 13. d. 2. n. 55. p. 465. Casus in ea contenti, breviter enumerantur. n. 56. p. ibid. Pœnæ absolventium a Calibus Bullæ Cœnæ, n. 57. p. 466.

## C.

**Calendarium novum, & antiquum, discrepant.** tr. 2. d. 3. n. 32. p. 47.

**Calix cum patena** qualis ad celebrandum requiratur? tr. 14. d. 5. post n. 136. Appendice III. p. 546. & quomodo excretur? ibid.

**Cambii** qualenam justum pretium sit censendum? tr. 8. d. 4. post n. 85. p. 272.

**Cambium, quid?** tr. 8. d. 4. n. 72. p. 271. Et quomodo differat a mutuo? n. 73. p. ibid. Cambium reale, & siccum. n. 75. p. ibid. Minutum, & locale, seu per litteras, quid? n. 76. p. ibid. In Cambio minuto licite aliquid accipitur. n. 77. & 78. p. ibid. Etiam in Cambio locali licite Campsor aliquid lucratur. n. 81. & seqq. p. 272. Cambium siccum est illicitum, ac usurarium. n. 84. p. ibid.

**Campsor, & Campsarius, quis?** tr. 8. d. 4. n. 74. p. 271.

**Canonis privilegium Clericis concessum, quod?** tr. 14. d. 12. n. 12. p. 616.

**Canonizationis forma, quæ nunc est, olim non requirebatur.** tr. 5. d. 1. n. 42. p. 134.

**Capellani intermittentes Horas Canonicas** an teneantur ad aliquam restitutionem? tr. 6. dist. 1. post n. 34. p. 159.

**Capellanus.** Vide *Beneficiarius*.

**Castellanus extra Regnum Castellæ, an possit vesci die Sabbati extremitatibus animalium?** tr. 2. d. 3. n. 28. p. 46. Quid de advenis illuc venientibus? n. 30. p. ibid.

**Castitatis violatio in Religioso, vel Clerico, an contineat duplicem speciem malitiam?** tr. 3. d. 1. n. 48. p. 64. Castitas; quid, & quoduplex? tr. 7. d. 1. n. 24. p. 193. Ad eam reducitur Pudicitia, & Continentia. Ibid. Ob hanc defendendam an liceat invasorem occidere? tr. 9. d. 3. n. 19. & 20. p. 292. Vel pugnibus repercutere? n. 21. p. 293. Castitas generatim, quid, & quoduplex? tr. 9. d. 4. n. 2. & 3. p. 301. Conjugalis, Vidualis, & Virginalis. n. 4. & 5. p. ibid. Hæc est cæteris perfectior; & quid importet? n. 5. & 6. p. ibid. Votum simplex Castitatis impedit Matrimonium contrahendum. tr. 14. d. 14. n. 15. p. 641. Et solemnne dirimit contractum. n. 16. p. 642. & 76. p. 652. Vide *et Votum*

Castra-



- Castratio** est impedimentum dirimens Matrimonii, tr. 14. d. 14. n. 69. p. 651.
- Casus**, quid? tr. 8. d. 2. n. 35. p. 240. **Casus reservatus**. Vide *Reservatio Casuum*.
- Casus reservati**. Vide *Reservatio Casuum*.
- Catechismus**, quid, & an adhuc impediatur Matrimonium? tr. 14. d. 14. n. 9. p. 641.
- Catechumeni**, an obligentur Legibus Ecclesiasticis? tr. 2. d. 3. n. 5. p. 42. An possint salvari? tr. 4. d. 3. n. 9. p. 91. An sint capaces Indulgentiarum? tr. 12. d. 3. n. 39. & 40. p. 420.
- Causa aliqua pia** si scribatur Hæres, erretur tamen in expressione Nominis ejusdem, an tale Testamentum sit validum? tr. 8. d. 3. post n. 35. in Appendice. p. 247. **Causa pia** instituta Hæres in aliquo Testamento, in Pulpito Testatoris reperto, absque subscriptione alicujus testis an succedat? ibid. Item quid sentiendum, si reperitur præcise aliqua scheda, in qua fuit expressa certa causa pia tamquam Hæres? ibid.
- Causa motiva dispensationis cessante**, an, & quando cesset ipsamet dispensatio? tr. 2. d. 4. post n. 26. p. 82.
- Causa motiva legis cessante in particulari**, an similiter cesset apud talem particularem personam obligatio legis? tr. 2. d. 4. post n. 34. p. 85.
- Causæ solvendi Sponsalia** quæ? Vide *Sponsalia*.
- Causam peccati tollere**, quando quis teneatur? tr. 1. d. 1. n. 16. p. 3. **Causa peccati non est Deus**, tr. 3. d. 1. n. 23. & seqq. p. 60. **Causa ipsius interna**, & externa, quæ? n. 27. & 28. p. 61.
- Celebrare Missam**. Vide *Missam celebrare*.
- Censuarius**, & **Censualista**, quis? tr. 8. dist. 4. n. 56. p. 269.
- Censura**, generatim, tr. 13. dist. 1. n. 2. p. 451. **Censura Ecclesiastica**, quid? n. 3. & seqq. p. ib. Est triplex. n. 7. p. 451. sq. Ob quam causam, five peccatum, **Censura ferri** possit? n. 8. seqq. p. 452. Proprie non infligitur ob peccatum mere præteritum, n. 17. p. 453. Ipso jure decreta non requirit aliam monitionem; bene tamen, si ea feratur ab homine. n. 19. p. ibid. **Censura an possit infligi ob peccatum alterius?** n. 20. & seqq. p. ibid. Ab incurrenda **Censura quæ generatim excusent?** n. 27. p. 455. An ignorantia facti. n. 28. p. ibid. Et juris? n. 29. & seqq. p. ibid. An metus gravis? n. 32. & 33. p. ibid. **Censura sit invalida ob defectum jurisdictionis**, aut ea per appellationem suspensa. n. 35. & 36. p. ibid. Et ob defectum substantialis ordinis judicii. n. 37. p. 456. Vel justæ causæ; & hoc tripliciter. n. 38. p. ibid. **Censura lata contra innocentem**, qui in judicio probatur nocens, an sit servanda? n. 39. & 40. p. ibid. **Forma absolventi a Censuris**, n. 41. & 42. p. ibid. **Abolutio a Censuris**, an possit dari extra Confessionem, aut absenti? n. 43. p. 457. **Censuræ violatio inducit irregularitatem**, tr. 13. d. 3. n. 12. p. 477. **Dummodo ministerium sit proprium Ordinis**, n. 13. p. ibid. Et non solius jurisdictionis. n. 14. p. ibid. **Quid de Censura innodato**, & absolvente moribundum in articulo mortis? tr. 14. d. 9. n. 14. p. 600.
- Censuræ effectus an impediatur per appellationem**, vel oppositionem nullitatis sententiæ? post n. 36. p. 456.
- Censuram inferens Judex** quidnam debeat observare? tr. 13. d. 1. post n. 26. p. 454.
- Census**, quid? tr. 8. d. 4. n. 55. p. 269. Ejus divisiones. n. 57. & seqq. p. ibid. **Census reservativus**, quis, & an liceat? n. 58. p. ibid. **Census consignativus realis** est licitus. n. 61. & 62. p. 270. **Conditiones Jure naturæ requisitæ ad censum licitum**. n. 63. & seqq. p. ibid. **Aliæ conditiones ad censum Jure Ecclesiastico requisitæ**. n. 66. p. ibid. **Quoad has attendenda locorum consuetudo**. n. 67. p. ibid. **Census personalis an licitus?** n. 68. p. ibid. **Inter censum & mutuum differentia multiplex**. n. 69. & seqq. p. ibid.
- Cessatio a Divinis**, quid? tr. 13. d. 2. n. 108. p. 475. **Quando possit indici?** n. 109. p. ibid. **Differt ab Interdicto varie**. n. 110. p. ibid.
- Cessatio a peccato** quandonam faciat numero ab invicem distingui actus peccaminosos? tr. 3. d. 1. post n. 53. p. 65.
- Cessio bonorum**, an excuset a restitutione; & quid juris tribuat? tr. 9. d. 5. n. 119. p. 334.
- Chafee**, **Chocolata**, & **herba Thee** an frangant **Jejunium**? tr. 10. d. 2. post n. 6. p. 359.
- Character**, quid? tr. 14. d. 2. n. 45. p. 504. **Quæ Sacramenta ipsum imprimant?** n. 46. & seqq. p. ibid. **Character nec in morte deletur**. n. 50. p. ibid. **Corollarium notabile circa hoc**. n. 51. p. ibid. **Characteres singulorum Ordinum constituunt unum Characterem totalem**, & completum Ordinis. tr. 14. dist. 12. n. 15. & 16. p. 616. sq.
- Charitas amittitur per omne peccatum mortale**. tr. 4. d. 1. n. 14. p. 81. **In Beatis manet Charitas**, non Fides, nec Spes. n. 16. p. ibid. **Charitas, & Amor**, generatim, tr. 4. d. 6. n. 1. p. 109. **Charitas ut virtus Theologica**, quid, & quod objectum ejus? n. 2. p. ibid. **Deus, quomodo appelletur Charitas?** n. 3. p. ibid. **Præceptum de diligendo Deum super omnia**, est partim affirmativum, partim negativum. n. 4. p. ibid. **Ei satisficit diligendo Deum super omnia appetiati-ve**. n. 5. & seqq. p. ibid. **Præceptum diligendi Deum obligat ad frequens exercitium**. n. 8. p. 110. **Quo determinato tempore illud obliget?** n. 9. p. ibid. **Tres propositiones quoad hoc damnatæ**. Ibid. **Ex Charitate generatim tria nobis sunt diligenda**. n. 10. & seqq. p. ibid. **An etiam creaturæ irrationales ex Charitate sint diligendæ?** n. 14. p. 111. **Actus Charitatis plures sunt**, & qui? n. 26. & seqq. p. 115. Vide *Amor*. *¶ Dilectio*.
- Charitas erga Deum** quomodo debeat esse constituta, & nam excludat spem? tr. 4. d. 6. post n. 9. p. 110.
- Charitas erga proximum quem observet ordinem?** tr. 4. d. 6. post n. 14. p. 111. **Ubi & aliquot exinde Corollaria deducta de necessitate spirituali proximi**, puta de infante necdum baptizato, ac morti vicino, & de corporali, e.g. de altero vita periclitante propter pestem, famem, vel naufragium.
- Charitas erga proximum in necessitate constitutum quomodo ad succurrendum adstringat Medicos, Chirurgo, congregantes frumenta tempore caritatis &c.** tr. 4. dist. 6. post n. 42. p. 117.
- Chi-

- Chirographa a quibus emi possint, & ad quem pertineat Lucrum eorum? tr. 8. d. 4. post n. 102. & seqq. p. 275.
- Chiromantia, quid? tr. 5. d. 2. n. 20. p. 139.
- Christus, quomodo existat in SS. Eucharistiæ Sacramento? tr. 14. d. 4. n. 49. & seqq. p. 519.
- Quamdiu sit præsens sub speciebus consecratis? n. 55. p. ib. Christus est Hostia principalis in incruento Missæ Sacrificio. tr. 14. dist. 5. n. 20. p. 523. Quomodo in hoc Sacrificio offeratur? n. 22. & seqq. p. ib. Christus in Missæ Sacrificio est offerens principalis. n. 29. & 30. p. 525. Vide *Missæ* Christus adoratur adoratione Latræ. tr. 5. d. 1. n. 29. p. 132.
- Circumcisio, & alia Ceremonialia veteris Legis, an, & quando illicita esse cœperint? tr. 2. d. 2. n. 6. & seqq. p. 36. Circumcisio an fuerit verum Sacramentum in Lege Mosaica? tr. 14. d. 1. n. 12. & seqq. p. 492. Quomodo dicatur non contulisse gratiam? n. 13. p. ib.
- Circumstantiæ, an, & qualem bonitatem, vel malitiam, tribuant actui humano? tr. 1. d. 2. n. 9. & seqq. p. 9. Quomodo hæc debeat esse volita, ut desumatur ex circumstantiis? n. 18. 22. & seqq. p. 11. Circumstantiæ speciem peccati mutant, quæ? tr. 14. d. 7. n. 47. p. 569. Sunt necessario confitendæ. n. 29. & 30. p. 566. Circumstantiæ aggravantes quæ? n. 48. p. 569. Aliæ sunt notabiliter aggravantes, aliæ non. Ib. An teneamur confiteri circumstantias solum aggravantes? n. 49. & seqq. p. ib.
- Clandestinum Matrimonium. Vide *Matrimonium Clandestinum*.
- Clausulæ Indulgentiarum qualiter sint intelligendæ? tr. 12. d. 3. a n. 78. usq; ad n. 80. p. 429. seqq.
- Clementia, quid, & quæ vitia eidem adversentur? tr. 7. d. 1. n. 27. p. 193.
- Clerici abortum Fœtus animati procurantes quas pœnas incurrant, & quam difficulter dispensentur? tr. 9. d. 3. post n. 37. p. 295.
- Clerici, an teneantur Legibus Civilibus? tr. 2. d. 3. n. 13. & seqq. p. 44. Clericorum nomine, qui comprehendantur? tr. 2. d. 4. n. 8. p. 80. Clerici in Sacris tenentur recitare Horas Canonicas. tr. 6. d. 1. n. 12. & seqq. p. 155. Idem dicendum de Clericis Beneficiariis, etiam si nullo sacro Ordine sint insigniti. n. 25. p. 157. Et quo jure? n. 9. & 10. p. 155. Excipiuntur nonnulli. n. 26. p. 157. Clerici Beneficarii omittentes Horas Canonicas tenentur pro rata omissionis ad restitutionem fructuum, & quomodo? n. 31. & 32. p. 158. Rata neglecti Officii, quomodo computanda? n. 32. & 33. p. ib. Vitandæ quædam Propositiones circa hoc n. 4. p. 159. An Clericus Beneficiarius, supplens Horas omissionis alio die, liberetur ab onere restituendi fructus? tr. 6. d. 1. n. 89. p. 168. Quid, si ille Beneficiarius sit pauper? n. 90. p. ib. Aut ex justa causa non recitet? n. 91. p. ib.
- Clerici Seculares, & Regulares a quonam Episcopo ordinari valeant? Vide *Ordo*.
- Clerici Seculares quoad approbationem, Vide *Approbatio*.
- Clericorum Beneficiorum obligatio, multiplex. tr. 11. d. 1. n. 65. & seqq. p. 384. An, & quomodo teneantur ad Residentiam personalem in loco Beneficii? n. 67. & seqq. p. ib. Quibus de causis possint abesse a Beneficio? n. 72. & seqq. p. 385. Clerici in Sacris, quo jure teneantur ad perpetuam continentiam? tr. 14. d. 12. n. 27. p. 618. Et an vi voti sacris Ordinibus annexi? n. 28. & 29. p. ib. A quibus teneantur abstinere ratione voti Castitatis? tr. 5. d. 3. n. 15. p. 146. Quid juris de Clerico innocente, & secundum publicas probationes excommunicato. tr. 13. d. 1. n. 39. & 40. p. 456. Clericis an liceat pugnare in bello? tr. 13. d. 3. n. 62. & 67. p. 485. sq.
- Clericorum bona quadruplicia, Patrimonialia, quasi Patrimonialia seu industrialia, mere Ecclesiastica, & Parsimonialia, quæ? tr. 7. d. 4. n. 20. & seqq. p. 208. Clerici seculares Beneficarii habent plenum dominium bonorum Patrimonialium. n. 25. p. ib. Imo & quasi Patrimonialium. n. 26. & 27. p. ib. Ac Parsimonialium. n. 28. p. 209. Bonorum mere Ecclesiasticorum acquirunt quidem dominium, sed cum onere, superflua in pias causas erogandi. n. 29. & seqq. p. ib. Quo jure Clerici Beneficarii teneantur superflua in pias causas erogare? n. 33. & 34. p. 210. Dicta obligatio est personalis Clericorum. n. 35. p. ib. Quantitas sufficiens ad peccatum mortale ratione bonorum Ecclesiasticorum male expensorum, quæ, & quomodo computanda? n. 38. & 39. p. ib. Objectiones notabiles contra præmissa, earumque solutio. n. 37. & 40. & seqq. p. 210. seqq. Clerici, in quo sensu dicantur Dispensatores bonorum Ecclesiasticorum? n. 41. p. 211. Clerici seculares libere testantur de bonis patrimonialibus, industrialibus, & parsimonialibus. tr. 8. d. 3. n. 45. p. 250. An etiam de bonis mere Ecclesiasticis? n. 46. & seqq. p. ib. Quid circa hoc valeat consuetudo? n. 49. & seqq. p. 251. Clericorum consuetudo testandi, quæ? n. 56. & 57. p. 252. Clericorum bona an gaudeant immunitate a Collectis Laicorum? tr. 12. d. 1. n. 27. & seqq. p. 406. sq. Vide *Collecta*.
- Clericorum Bona qualia redditus Stolar, & distributiones? Vide *Bona Clericorum*.
- Clericorum percussio. Vide *Percussio Clericorum*.
- Codicillus, quid? tr. 8. dist. 3. n. 59. p. 254. Et quomodo fieri possit? n. 60. p. ib. Codicilli ad quid inserviant? n. 61. p. ib. Clausula Codicillaris, quomodo apponatur? n. 62. p. ibid. Ejus multiplex effectus. n. 63. p. ib.
- Cœmeteria Catholicorum an possint usurpari pro sepeliendis Hæreticis? tr. 4. dist. 4. post n. 46. p. 105.
- Cœmeterium an polluat polluta Ecclesia, & e contra? tr. 14. dist. 5. num. 129. p. 541. In Cœmeteriis prohibentur fieri contractus, &c. tr. 12. d. 1. n. 14. & seqq. p. 405. Vide *Immunitas*.
- Cœna quando, & quo tempore possit interrumpi? tr. 10. d. 2. post n. 35. p. 364.
- In Cœna Domini Missæ quot? Vide *Missæ quot &c.*
- Cogit.

Cogitatio præcise speculativa de objecto turpi an sit grave peccatum. tr. 9. dist. 7. post num. 18. p. 349. Cogitatio de præterita copula an liceat viduis, & sponsis de futura; ibid.

Cogitationis poenam nemo patitur, quomodo? tr. 9. d. 3. n. 8. p. 291. Cogitationis peccatum pertinet ad speciem, ad quam peccatum operis. tr. 9. d. 7. n. 13. p. 348. An contrahant speciales malitias circumstantiarum actus externi? num. 14. & seqq. p. ibid.

Cognatio carnalis, quid? tr. 14. d. 14. num. 94. p. 655. Vide *ψ. Consanguinitas*. Cognatio spiritualis, quæ: & ad quas personas extendatur? n. 112. & seqq. p. 657. Cognatio Legalis, quæ; & inter quas personas inducat impedimentum dirimens Matrimonii? n. 115. p. ibid.

Cognatio Spiritualis quandonam inter Baptizandum, & Patrinum contrahatur; tr. 14. d. 3. post n. 40. p. 511.

Collatio Beneficii, quid? tr. 11. d. 1. n. 29. p. 380. Quot modis fiat? n. 18. & seqq. p. 379.

Collatio Beneficii ab Episcopo devolvitur ad Capitulum. n. 34. p. 381. Collatio Ecclesiarum Parochialium per concursum, quæ? n. 38. p. ibid. Vide *ψ. Beneficium*.

Collatio vespertina in die jejunii, an & qualis permittitur? tr. 10. d. 2. n. 23. & seqq. p. 362.

Collatio vespertina. Vide *Cena*.

Collæctæ novæ, an per Laicos possint imponi Ecclesiis, & Clericis? tr. 12. d. 1. n. 31. & 32. p. 407. An possint præstari absque ulla exactione Laicorum? n. 33. p. ibid. Quæ conditiones requirantur, ut Ecclesiarum, & Clericis, in communibus necessitatibus contribuere teneantur? n. 34. p. ibid. Quid de oneribus antiquis? n. 29. & 30. p. ibid.

Contra Colonos quo tempore præscribatur duplex Laudemium? tr. 7. dist. 6. post n. 30. In Appendice. p. 225.

Columbæ ex Columbario avolantes ad cujus pertineant Dominium? tr. 7. d. 5. post n. 21. p. 116.

Comedere ex sola voluptate cur sit prohibitum? tr. 1. d. 2. post n. 39. p. 14.

Comedere extra Cœnam, & Collationem quandonam diebus Jejunii constituat peccatum mortale? tr. 10. dist. 2. post n. 35. p. 364.

Commixtio, & Confusio, sunt modi acquirendi rerum dominium Jure Gentium; & quomodo differant? tr. 7. d. 5. n. 26. p. 217. Regula pro confusione materiarum, & commixtione specierum. n. 27. & 28. p. ibid. Specialis Regula pro commixtione nummorum. n. 29. & 30. p. ibid.

Commodata aliqua re utens ad quos teneatur sumptus? tr. 8. dist. 1. post n. 29. p. 239.

Commodatarius, an teneatur de casu fortuito? n. 37. 38. & seqq. p. 240. Aut de culpa levissima? n. 42. & seqq. p. 241. Commodatarius an possit salvare res proprias omissis alienis, si non potest utrasque? n. 50. & 51. p. 241.

Commodatum, quid? tr. 8. d. 2. n. 27. p. 239. Et quomodo differat a Locatione, Pignore, &c. n. 28. & 29. p. 239.

Communicatio bonorum operum inter fideles datur. tr. 12. d. 3. n. 133. p. 449.

Communio Fidelium triplex, pure interna, pure externa, & media, seu mixta. tr. 13. d. 2. n. 10. & seqq. p. 460. Qua communione Fidelium Ecclesia priveret excommunicatum? n. 13. & seqq. p. ibid.

Communio Paschalis an rite peragatur in Ecclesia Cathedrali? tr. 10. d. 3. post n. 41. p. 375.

Communio Paschalis. tr. 10. d. 3. n. 27. & seqq. p. 373. Vide *ψ. Eucharistiam tenentur*.

Communio quoad infirmos. Vide *Vaticum*.

Communio Sacra quale prærequirat Jejunium, & quot desiderentur conditiones, ut id censeatur fractum? tr. 10. d. 3. post n. 33. p. 373. Casus exinde inferuntur varii. ibid. Communio nem sacram an accedere queat dubitans de fractione Jejunii? ibid. Communio sacra quandonam non prærequirat Jejunium naturale? ibid. post n. 36. p. 374.

Communione Sacram an accedere queant tussi, vel vomitu vexati? ubi etiam quandonam possit expui post Sacram Communionem? ibid.

Communitas tota, an possit interdici? tr. 13. d. 1. n. 20. p. 453. Vel etiam excommunicari? n. 21. & seqq. p. ibid.

Communiandi votum in aliud quæ requiratur causa? tr. 6. d. 3. post n. 34. p. 182.

Compensatio occulta ut sit licita, quæ requirantur conditiones? tr. 9. d. 5. n. 118. p. 334.

Complacentia morosa. Vide *Delictatio morosa*.

Complicis in notitiam si veniat Confessarius, an peccatum sit confitendum? tr. 14. d. 7. n. 57. & seqq. p. 571.

Concordata. Vide *Beneficia*.

Concubinarus, quid, & quanta ejus malitia? tr. 9. d. 4. n. 13. p. 302.

Concupiscentia, an causet involuntarium? tr. 1. d. 1. n. 32. & seqq. p. 7. Mala pravæ concupiscentiæ, tract. 9. dist. 7. num. 1. & seqq. p. 347. Motus concupiscentiæ, quando sint peccatum? num. 5. p. ibid.

Concursus in collatione Ecclesiarum Parochialium, quomodo fiat? tr. 11. d. 1. n. 38. & 39. p. 381. Ab eo quæ Parochiæ sint exceptæ? tr. 14. d. 3. n. 41. & 42. p. 397.

Conditiones, quæ tacite, seu de Jure insunt, non faciunt actum conditionatum. tr. 6. d. 2. n. 24. p. 171.

Conditio servilis, quæ, & qualiter dirimat Matrimonium? tr. 14. d. 14. n. 54. 55. & seqq. p. 649. Vide *ψ. Servus*.

Conditio. Vide *Contractus conditionatus*.

Conditio turpis adjecta Matrimonio an, & quando invalidet Matrimonium? Vide *Matrimonio adjecta conditio*.

Confessarii qualiter debeant in Confessionali practice examinare Blasphemantes? tr. 5. d. 3. post n. 64. p. 153.

Confessarii qualiter in Confessionali practice examinare debeant poenitentes, qui dicunt, se jurasse? tr. 6. dist. 2. post n. 20. p. 172.

Confessarii quam circumspecte in Confessionali debeant interrogare foeminas in materia lubrica? Vide *Examen in materia lubrica*.

Confessarii qualiter practice interrogare debeant molliciei deditos. tr. 9. d. 4. post n. 50. p. 308.

Confessarii qualiter examinare debeant afferentes materiam detractionis? tr. 9. d. 6. n. 19. p. 337.

Confessarius, an debeat se conformare opinioni pœnitentis probabili? tr. 1. d. 3. n. 55. p. 23. Confessarii Mendicantium, an habeant potestatem dispensandi in votis? tr. 6. d. 3. n. 44. & seqq. p. 183. Quid de voto Castitatis non perpetuæ, vel non integræ, aut voto conditionato, & pœnali? n. 45. p. ibid. An possint dispensare ad petendum debitum cum conjugibus incestuosis; & contrahentibus cum voto Castitatis? n. 48. p. 184. Et dispensare, vel commutare juramenta? n. 53. p. 185. Confessario quid indagandum, & observandum ad obtinendam & exequendam dispensationem in Votis. num. 54. & seq. p. ibid. Confessario an sit credendum circa legata a defuncto relicta? tr. 8. d. 3. n. 27. & seqq. p. 246. Cautela Confessariorum circa hoc, n. 28. & 29. p. ibid. Confessariis, qui ambo sunt in peccato mortali, & sibi mutuo confiteri volunt, quid agendum? tr. 14. d. 1. n. 47. p. 497. Confessiones plurium audiens in peccato mortali, an plura peccata numero distincta committat? n. 50. & 53. p. 497. sq. Confessarii copia, quando deesse censeatur, ut quis contritus absque Confessione celebrare valeat? tr. 14. d. 2. n. 40. & 41. p. 503.

Confessarius, sive Minister Sacramenti Pœnitentiæ, est solus Sacerdos. tr. 14. d. 8. n. 1. p. 574. Is debet habere legitimam jurisdictionem, n. 2. & seqq. p. ibid. Atque approbationem, n. 14. p. 575. In Confessario requiritur probitas, scientia, & prudentia. n. 17. p. 578. Debet esse Iudex, Medicus, & Doctor. n. 18. p. ibid. Probitas, quæ in ipso requiratur? n. 19. & 20. p. ibid. Qualis scientia? n. 21. & 22. & seqq. p. ibid. Quid, si Sacerdos sit dubius de sua sufficientia? n. 23. p. ibid. An teneatur judicare de gravitate peccatorum in individuo? n. 35. p. ibid. Et quomodo de gravitate culpæ? tr. 14. d. 7. n. 50. p. 569. Prudentia Confessario necessaria. tr. 14. d. 8. n. 27. p. 580. Hæc generatim debet exerceri circa propriam Confessarii personam? n. 28. p. ibid. Circa adstantes? num. 29. p. ibid. Et circa pœnitentes. num. 30. p. ibid. Confessarius an teneatur quandoque interrogare pœnitentes, & quomodo? n. 31. & seqq. p. ibid. Quid agendum, si pœnitens taceat peccatum, quod Confessarius scit, eum commisisse? n. 41. & seqq. p. 582. Et quid circa constitutos in occasione proxima peccandi? num. 44. & seqq. p. 592. Quid circa recidivos? n. 48. & seqq. p. 593. Et quid, si Confessarius advertat, pœnitentem habere ignorantiam circa aliquod peccatum? n. 52. p. 594. Confessarius quando censeatur in Confessionali sollicitare pœnitentem? n. 61. & seqq. p. 596. Vide *Y. Sollicitatio in Confessionali*. Confessarius, quo jure teneatur celare peccatum in Confessione auditum? tr. 14. d. 9. num. 23. p. 602. Tenetur pœnitenti aliquam satisfactionem injungere. tr. 14. d. 10. num. 4. & 5. p. 605. seq. De-

gnaturus pœnitentiam Sacramentalem, ad quæ attendere debeat? num. 20. p. 609. Vide *Y. Sacerdos*, *Y. Interrogatio*, *Y. Occasio*, *Y. Pœnitentia Sacramentalis*, *Y. Sigillum*.

Confessarius ad quid debeat attendere, si in Confessionali casus Irregularitatis proponitur? tr. 13. d. 3. post n. 67. in Appendice. p. 486.

Confessarius quomodo, & quando Sacramentalem absolutionem debeat super pœnitentem proferre? Vide *Absolutio Sacramentalis*.

Confessarius in Confessionali errans quando, & quomodo debeat suum errorem corrigere? tr. 14. d. 8. post n. 26. p. 579.

Confessarius quandonam suum pœnitentem interrogare debeat? ibid. post n. 32. p. 581.

Confessarius qualiter interrogare debeat illos, qui antea omiserunt aliquod peccatum, vel confessi fuerunt sacrilege? ibid. post n. 33. p. ibid.

Confessario quid observandum circa eos, qui conqueruntur, vel proles suas, aut pecora maleficio infectos, vel spectris domos suas esse infestatas? tr. 14. d. 8. Appendice I. p. 583.

Confessario quid agendum, si in eos incidat, qui putant se obsessos a dæmone? ibid.

Confessarius quomodo tractare debeat personas illas, quæ in Confessionali proponunt Extasies, Apparitiones, ac Revelationes? ibid. Appendice II. p. 588.

Confessarii alias facultate absolvendi a reservatis non præditi an nihilominus aliquando possint ab hisce absolvere etiam extra articulum, vel periculum mortis, & quos? tr. 14. d. 9. post n. 10. ac seqq. p. 598.

Confessarius quoad Sigillum. Vide *Sigillum*.

Confessarius quoad constitutos in occasione proxima quidnam debeat agere? tr. 14. d. 8. post n. 47. p. 592. Item quoad recidivos? ibid. post n. 51. p. 594. Item quoad dubitantes circa quodpiam peccatum? ibid. p. n. 55. p. 595.

Confessarius an possit interrogare pœnitentem, data jam absolutione, circa aliqua in præcedenti, vel prioribus Confessionibus deposita? tr. 14. d. 9. post n. 37. p. 604.

Confessarius an debeat novam pœnitentiam injungere, si post absolutionem afferatur novum peccatum? tr. 14. d. 10. post num. 12. p. 606.

Confessio vocalis an obliget semper? tract. 14. dist. 7. post n. 27. p. 566.

Confessionis integritas materialis quandonam non requiratur? ubi notabilis casus de militibus vulneratis ex conflictu residuis. ib. post n. 40. p. 568.

Confessio dubiorum an obliget scrupulosos? ibid. post num. 56. p. 570.

Confessio generalis. Vide *Generalis Confessio*.

Confessio Sacramentalis, quid? tr. 10. d. 3. n. 2. p. 370. Est jure Divino necessaria lapsus in peccatum mortale post Baptismum. n. 3. & 4. p. ibid. Confessionis præceptum, an statim obliget post mortale commissum? n. 5. & seqq. p. ibid. Obligat in mortis articulo, vel periculo, n. 9. & 10. p. 371. Ac etiam quandoque extra mortis articulum. n. 11. p. ibid. Hinc Ecclesia merito præcepit Confessionem annuam. num. 12. p. ibid. Hoc præceptum quos obliget? n. 13. p. ibid. Quid agendum habent-



- habenti sola venialia? n. 13. & 14. p. ibid. Confessio communiter fit in Paschate, etsi sufficeret semel in anno confiteri n. 15. & 16. p. 371. sq. In Paschate non confessus, an teneatur confiteri per annum? n. 17. & seqq. p. 372. Annus, quomodo sit computandus? n. 19. p. ibid. Præcepto Ecclesiastico non satisfiat per Confessionem scienter invalidam. n. 20. p. ibid. Pueri quando teneantur ad Confessionem, & quid circa ens observandum? n. 21. & seqq. p. ibid. Confessio frequens, an sit nota Prædestinationis? n. 56. p. 377. Confessio, an & quando sit necessaria ad lucrandas Indulgentias? tr. 12. dist. 3. num. 48. & seqq. p. 421. Quanto tempore possit eas præcedere? n. 52. p. 422. Dolor de peccatis, an debeat præcedere Confessionem? tr. 14. d. 6. n. 58. 59. & 60. p. 562. Quanto tempore possit eam præcedere? n. 61. p. 563.
- Confessio varie sumitur. tr. 14. d. 7. n. 1. p. 563. Confessio Sacramentalis, quid? n. 2. p. ibid. Conditiones ejusdem sedecim, & an omnes necessariae? n. 3. 4. & seqq. p. ibid. Confessio Sacramentalis debet esse dolorosa. num. 5. & seqq. p. 564. Et quomodo discreta? num. 8. & 9. p. ibid. Debet esse vera. n. 13. & seqq. p. ibid. Mentiri in Confessione, an sit peccatum mortale? n. 15. & seqq. Quid, si major numerus peccatorum exprimitur? n. 16. p. 564. sq. Confessio debet esse integra; n. 19. & seqq. p. 565. Ac secreta, & quomodo? n. 21. & seqq. p. ibid. Si fiat publice, an valeat? num. 22. p. ibid. Quid de Confessione per Interpretem? n. 23. p. ibid. Et facta tempore, v. g. naufragii alta voce? n. 24. p. ibid. Debet esse vocalis. n. 25. & seqq. p. 565. sq. Magna difficultas, aut verecundia, an excuset a Confessione oretenus facienda? n. 27. p. 566. Confessio formaliter integra, quæ? n. 28. p. ibid. Ea regulariter debet esse integra etiam materialiter. n. 29. p. ibid. Omnia peccata mortalia quoad numerum, speciem, ac circumstantias speciem mutant, sunt confitenda. n. 30. p. ibid. Quid de simplicioribus grossiori quodam modo confessis? n. 31. p. 567. Quid si pœnitens ob multitudinem peccatorum nesciat numerum certum? n. 32. & sq. p. ibid. Corollarium de meretrice; n. 33. p. ibid. Et passim concupiscente fœminas obvias, Concubinario, vel gravem vindictam cogitante. n. 34. p. ibid. Per accidens quandoque sufficit sola integritas formalis Confessionis. n. 35. p. ib. Id generatim contingit ex tribus causis, & quibus; n. 36. & sq. Quid agendum tempore naufragii, aut belli, instante conflictu; n. 40. p. ib. Ob solum concursum pœniteptium non licet facere dimidiatam Confessionem. num. 41. p. 568. Ratione gravis damni imminientis, quando pœnitens excusetur ab integritate materiali Confessionis? n. 42. & 43. p. ibid. Quomodo in illis casibus, in quibus nequit fieri Confessio materialiter integra, remittantur peccata; n. 44. p. ib. Peccata tunc non confessa debent imposte- rum confiteri. n. 45. p. ibid. Et an statim, ac habetur commoditas? n. 46. p. ibid. Circumstantiæ speciem peccati mutant, sunt necessario confitendæ. n. 47. p. 569. Quid de circumstan-
- tiis solum aggravantibus? n. 48. 49. & seqq. p. ibid. Quid de consuetudine peccandi? n. 53. p. 570. Peccata dubia, an sint necessario confitenda? n. 54. & seqq. p. ibid. An possit, & debeat quis peccatum confiteri, quamvis Confessarius veniat in notitiam complicitis? n. 57. p. 571. Quid, si adiri possit alius Confessarius? n. 59. p. ibid. Confessione, an, & quale examen conscientiae sit præmittendum? n. 60. & seqq. p. ibid. An absolvendus sit moribundus, qui amplius integre confiteri non potest? num. 64. & seqq. p. 572. Præsertim, si subito omnibus sensibus destitutus signum certum petita Confessionis dare nequeat? n. 69. & seqq. p. ibid. An in tali casu vita Christiane peracta sit sufficiens Confessio? n. 74. p. 573. Vel hæc ob vitam Christianam ex signis exterioribus pie præsumi possit? n. 76. p. ibid.
- Confirmatio imprimit Characterem. tr. 14. d. 2. n. 46. & sq. p. 504. An sit necessaria ad salutem; n. 67. & seqq. p. 506. Confirmationis Sacramentum, quid tr. 14. d. 3. n. 42. p. 512. Ejus materia, & forma n. 43. p. ib. Fuit a Christo instituta. n. 44. p. ib. Ejus ordinarius minister est Episcopus n. 45. p. ib. An & simplex Sacerdos ex commissione Papæ id conferre possit? n. 46. p. ibid. Qua ætate hoc Sacramentum recipiendum? n. 50. p. 513. Qualis dispositio in adultis ad id requiratur? n. 51. p. ib. Nequit reiterari, sed reiterans non fit irregularis. n. 52. & 53. p. ib. In Confirmatione debet intervenire Patrinus. n. 54. p. ib. Et alius a Patrino in Baptismo. n. 55. p. ib. An extet præceptum de recipienda Confirmatione? tr. 14. d. 2. n. 68. & seqq. p. 506. & d. 3. n. 47. p. 512. Prima tonsura initiandi, debent prius esse confirmati. n. 48. p. ib. Quomodo peccetur, si secus fiat? n. 49. p. ibid. & tract. 14. dist. 12. n. 47. p. 620.
- Confitens an sub aliqua culpa teneatur deponere gladium? tr. 14. d. 7. post n. 6. p. 564.
- Confusio. Vide *Commixtio*.
- Conjuges ex hac vita decedentes ex quibus bonis testari valeant? tr. 8. d. 3. post n. 58. in Appendice. p. 252.
- Conjuges quoad debitum conjugale. Vide *Uxor*.
- Conjugibus quomodo, & quando concedatur triennium ad tentandam consummationem Matrimonii? Vide *Triennium*.
- Conjugium. Vide *Matrimonium*.
- Conjugum donationes, quas ad invicem instituunt, qualem habeant firmitatem? tr. 8. d. 2. post n. 16. p. 237.
- Conjugum obligatio ad cohabitandum, qualis? tr. 14. d. 13. n. 66. & seqq. p. 634. Quomodo peccent indebite congregiando? n. 88. p. 636.
- Consanguinitas, quid? tr. 14. d. 14. n. 94. p. 655. Linea Consanguinitatis, quæ, & quotuplex? n. 95. & sq. p. ib. Gradus Consanguinitatis, qui? & quotusque olim impediverint, & de facto impediunt matrimonium? n. 98. & 99. p. ibid. Arbor Consanguinitatis, quæ? num. 100. 101. p. ibid. & sq. Tres regulæ ad cognoscendam distantiam graduum Consanguinitatis. num. 102. & 103. & seqq. p. 656. Ex procedunt secundum Canones; & quid de Jure Civili? n. 106. p. ibid. Consanguinitas in primo gradu Lineæ rectæ

- dirimit matrimonium Jure naturæ n. 107. p. 656. Quid de gradibus ulterioribus Lineæ rectæ? ibid. Quid de secundo, & ulteriori gradu Lineæ collateralis? n. 108. p. ibid. In primo hujus gradu, nempe inter fratres & sorores, dirimitur matrimonium Jure naturæ. n. 109. & seqq. p. ibid. Consanguinei quandoque dicuntur fratres & sorores n. 111. p. ibid.
- Conscientia, unde dicta? tr. 1. d. 3. n. 1. p. 17. Remorsus Conscientiæ, & Testimonium conscientiæ. Ibid. Conscientia, quid? num. 2. p. ibid. Dividitur in quinque membra num. 3. p. ibid. Conscientia recta num. 4. p. ibid. Alia practice, alia speculative recta. n. 6. p. ib. Quomodo differat probabili? n. 7. p. ibid. Quanta sit obligatio ipsius? n. 8. p. ibid. Conscientia erronea, quid? n. 9. p. 18. Conscientia practice dumtaxat recta, an sit erronea? n. 10. p. ibid. Conscientia erronea invincibilis, & vincibilis, quæ? n. 11. p. ibid. Erronea quæcumque, quomodo obliget? n. 12. & seqq. p. ibid. Et quomodo sit deponenda? n. 21. p. 19. Quid agendum, quando utraque contradictionis pars putatur esse peccatum? n. 23. p. ibid. Quid, si quis nesciat discernere, ubi sit minus malum? n. 24. p. ibid.
- Conscientia dubia, quid; tr. 1. d. 3. n. 25. p. 20. Dividitur varie juxta variam dubii divisionem. n. 26. & seqq. p. ibid. Cum conscientia practice dubia illicitum est operari. n. 30. p. ibid. Operans cum ea peccat pro qualitate dubii. num. 31. & 32. p. 21. Quid de conscientia solum speculative dubia; n. 33. & seqq. p. ibid. Conscientia probabilis, quid? tr. 1. d. 3. n. 38. & seqq. p. 22. An licitum sit, in rebus moralibus sese conformare conscientiæ vere probabili; n. 50. & seqq. p. 24. Etiam relicta probabiliore; n. 53. & seqq. p. ibid. Ac quoad Propositiones de Fide; n. 54. p. ibid. Quid in Quæstionibus circa materiam facti versantibus; n. 56. & seqq. p. 25. An liceat sequi sententiam minus probabilem in materia de valore Sacramentorum; n. 57. & 58. p. ibid. An Medico; n. 59. & 60. p. 26. An Judici in judicando; n. 61. & 62. p. ibid. An Advocato; n. 63. & seqq. p. ibid. Conscientia scrupulosa, quæ; n. 69. p. 27. Ejus signa. n. 70. p. 28. An sit licitum, agere contra conscientiam scrupulosam; num. 72. & seqq. Vide *ψ. Scrupulus*.
- Consecratio Eucharistiæ. Vide *ψ. Eucharistia*. Et *ψ. Missa*.
- Consecratum Altare quomodo excretur? tr. 14. d. 5. post n. 136. Append. II. p. 545.
- Consensus, quid, & quando censeatur efficax; tr. 9. d. 5. num. 48. & 49. p. 324.
- Consensus Matrimonialis. Vide *Matrimonium*.
- Consilia Evangelica, an possint præcipi; tract. 2. dist. 1. n. 43. p. 34.
- Consuetudinarii quomodo in Confessionali tractandi? Vide *Remedia contra recidivos*.
- Consuetudo contra legem an introduci possint per actus formaliter peccaminosos? tr. 2. dist. 4. post n. 39. p. 56. Consuetudo an valeat in futurum introduci contra illam legem, quæ habet annexam clausulam *non obstante consuetudine contraria*? tract. 2. dist. 4. post n. 44. p. 57.
- Consuetudo semel introducta quando per contrariam Legem censeatur denuo tolli? ibid. Consuetudo immemorialis de præterito an tollatur per clausulam *nulla obstante consuetudine* Legi contrariæ annexam? ibidem.
- Consuetudo sumitur dupliciter. tr. 2. d. 4. n. 35. p. 55. Consuetudo triplex, præter legem, secundum legem, & contra legem. Item, quandonam consuetudo præter legem censeatur introducta; num. 36. p. ibid. Consuetudo, quæ censeatur rationalis. num. 38. p. 56. Quomodo dicatur legitime præscripta; n. 40. p. ibid. An per eam possit tolli lex; n. 37. & seqq. p. ibid. Et quo tempore per eam abrogetur Lex civilis; n. 41. p. ibid. Ac Ecclesiastica; n. 42. & seqq. p. ib. Consuetudo peccandi, an fatenda Confessario interroganti, & cur? tr. 14. d. 7. n. 53. p. 570.
- Consulens, quando teneatur ad restitutionem; tr. 9. d. 5. n. 45. & seqq. p. 323.
- Contemptus, quomodo peccatum veniale per accidens reddat mortale; tr. 3. d. 2. n. 19. & 20. p. 70. Ex contemptu, quando fiat transgressio legis; ibid.
- Contentio, quid? tr. 4. d. 7. n. 30. p. 125. Et quale peccatum; num. 31. p. ibid.
- Contractus, unde sic dicti; tr. 8. d. 1. n. 1. p. 227. Contractus large seu pactum, quid? n. 2. & 3. p. 227. sq. Requirit plurium consensum in idem. n. 4. & seqq. p. 228. Contractus proprie. n. 7. & 8. p. ibid. Contractus explicitus, & implicitus, seu interpretativus, ac quasi contractus. n. 10. p. ibid. Lucrativus seu gratuitus, & onerosus n. 11. p. 229. Absolutus, & conditionatus, quid; n. 12. p. ibid. Ad consensum pro valore contractuum requiruntur quatuor conditiones, quæ; n. 13. p. 230. Error circa substantiam reddit contractum nullum. n. 14. p. ib. Quid de errore circa qualitatem; n. 15. p. ib. An metus gravis invalidet contractum; n. 16. 17. & seqq. p. 231. Regula practica circa justitiam contractuum. tr. 8. d. 4. n. 48. p. 267.
- Contractus quotuplex? Vide *Pactum*.
- Contractus conditionatus qualem possit habere conditionem adjunctam? tr. 8. d. 1. post n. 12. p. 229. Item quid sit sentiendum, si conditio adjuncta sit honesta, & quid, si fuerit turpis? ib. Item qualis sit distinctio, quidpiam contractui adjicere tamquam *conditionem*, & addere tamquam *modum*? ibid. Vide etiam *ψ. Matrimonialis Contractus*.
- Contractus quandonam reddatur invalidus per errorem in Substantia materiæ, & quando, si tantum erratur in qualitate? tr. 8. d. 1. post n. 14. & post n. 15. p. 230. Quoad Contractum Matrimoniale, & Sponsalitiū. Vide *ψ. Matrimonium*, & *ψ. Sponsalia*.
- Contritio. Vide *Dolor*.
- Contritio perfecta qualiter practice sit formanda? tr. 14. d. 6. post n. 40. p. 559.
- Contritio generatim, quid? tr. 14. d. 6. n. 37. p. 558. Dividitur in perfectam, & imperfectam seu attritionem. n. 38. p. ibid. Contritio perfecta. n. 39. p. ibid. Et imperfecta, seu attritio, quid, & quomodo differant? n. 41. p. 559. Attritio mere naturalis non sufficit. n. 42.

- n. 42. p. 559. Contritio aliqua est lapsis necessaria ad salutem pro quocumque statu. n. 43. & 44. p. 559. Actus contritionis perfectæ sufficit ad justificationem. n. 45. p. ibid. Sed hæc de facto includit votum Sacramenti, & cuius: n. 46. p. ibid. Extra Sacramentum requiritur contritio; cum Sacramento sufficit attritio, etiam cognita. n. 48. p. ibid. Contritio debet esse universalis de mortalibus. n. 50. p. 561. Et quid de venialibus; num. 51. p. 562. An sufficiat dolere quod non doleas; n. 55. & 56. p. ibid. Dolor de mortalibus debet esse summus appetitiue; quomodo; n. 57. p. ibid. Et præcedere absolutionem. n. 58. p. ibid. An etiam Confessionem; n. 59 & 60. p. ibid. Dolor de peccatis, quanto tempore possit præcedere Confessionem; n. 61. p. 563. An confitens peccata prius omissa, teneatur elicere novum dolorem; n. 62. p. ibid. Corollarium de moribundo; n. 63. p. ibid.
- Contumacia, qualis requiratur, & sufficiat ad incurrendam Censuram; tr. 13. d. 1. n. 15. p. 453. Quomodo non solum ob contumaciam, sed ob alias quoque causas quis excommunicari possit; n. 14. p. 452.
- Contumelia, quid; tr. 9. d. 6. n. 20. p. 340. Fit tribus modis. num. 21. p. 341. Contumelia, quale peccatum; n. 22. & 23. p. ibid. An, & quo modo differat a convitio: n. 26. p. ibid.
- Contumelia quid, & quomodo sæpe concurrat cum Detractione? tr. 9. d. 6. p. n. 21. p. ibid.
- Convitium, quid & quomodo differat a contumelia; tr. 9. d. 6. n. 26. p. ibid. Leve convitium, an fieri possit sine omni peccato; n. 24. & 25. p. ib.
- Correctio fraterna quandomodo ex Charitate fieri debeat; ubi notabiles tres Casus. tr. 4. d. 6. post n. 48. p. 118.
- Correctio proximi duplex, judicialis, & fraterna. tr. 4. d. 6. n. 45. p. 118. De correctione fraterna habetur speciale præceptum. n. 46. p. ib. Quod ex genere suo obligat sub mortali. n. 47. p. ibid. Quatuor conditiones, ut hæc præceptum obliget: n. 48. p. ibid. Præceptum correctionis fraternæ magis obligat Superiores, quam subditos. num. 49. p. ibid. Et hirarius contra illud peccant mortaliter. n. 50. p. 119. In correctione fraterna servandus est ordo a Christo præscriptus. n. 51. p. ibid. Casus, in quibus non est necesse præmittere monitionem secretam. n. 52. p. ibid. Aliiter corripiendus inferior, aliter æqualis, aliter Superior, quomodo; n. 53. p. ibid. Prælati Ecclesiæ in Concionibus non taxandi. n. 54. p. ibid.
- Corrigere an teneamur errantem ex ignorantia? & quando? ibid. post n. 54. p. ibid.
- Creaturæ irrationales, an sint ex Charitate diligendæ? tr. 4. d. 6. n. 14. p. 111.
- Credere explicite, & implicite, quid? tr. 4. d. 2. n. 11. p. 83. Necessitas explicite credendi aliquos Articulos Fidei, quæ? n. 15. & seqq. p. 84. Aliud est explicite credere; aliud, explicite scire Articulos Fidei. n. 21. p. 85. Quanam teneantur Fideles explicite credere necessitate præcepti; n. 23. & 24. p. ibid. Vide *ŷ. Fides*.
- Creditor quid prætereendere possit contra suum debitorem? Vide *Mutuum* vel *Solutio mutui*.
- Credulitas de non relapsu, an requiratur ad propositum non peccandi de cætero; tr. 14. d. 6. n. 51. & seqq. p. 562.
- Crimen proximi manifestare absque vitio detractionis, an interdum liceat, & quando? tr. 9. d. 6. n. 7. & seqq. p. 336. Crimen falsum cuiuspiam imponere, semper est illicitum. n. 11. p. 337. Crimen falsum scienter imponens, aut verum occultum revelans, quomodo restituat; n. 33. & 34. p. 342. Vide *ŷ. Restitutio*. Crimina, quæ olim impediverint matrimonium contrahendum; tr. 14. d. 14. n. 10. p. 641. Ea non amplius sunt in usu. n. 11. p. ib. Criminis impedimentum, quod, & in quibus casibus de facto oritur; n. 84. & seqq. p. 636.
- Crimina ab Immunitate Ecclesiastica vi novissimæ Bullæ Benedicti XIII. excepta quæ? tr. 12. dist. 2. post n. 41. p. 413.
- Crimina num inter excepta ab Immunitate Ecclesiastica computentur, a quo dignoscendum, & qualiter circa eadem a potestate Ecclesiastica procedendum ibid. post num. 55. p. 415.
- Culpa aliter accipitur apud Juristas, quam Theologos. tr. 8. d. 2. n. 34. p. 240. Culpa Juridica, seu Civilis. n. 35. p. ibid. Culpa Juridica triplex, lata, levis, & levissima. n. 36. p. ibid. Ex qua culpa oriatur obligatio restitutionis ratione damni dati; tr. 9. dist. 5. num. 77. & seqq. p. 328. An inferens damnum extra officium, & contractum, teneatur ad restitutionem ex culpa Civili levi, aut levissima; n. 86. & seqq. p. 329. Quid si intervenit culpa Theologica venialis; n. 87. p. ibid. Per culpam Theologicam, quando censeatur damnum illatum; n. 88. p. ibid. Quid, si ex culpa aliqua damnum datum fuit in officio; n. 93. & seqq. p. 330. Aut in contractu; n. 96. p. ibid. & tr. 8. d. 2. n. 41. & seqq. p. 241. Culpa dimissa, non semper remittitur tota pena peccatis debita. tr. 14. d. 10. n. 2. p. 605.
- Culpa lata civilis cur obliget regulariter ad satisfactionem damni ante Sententiam Judicis, & cur non pariter culpa levis? tr. 9. d. 5. post n. 92. p. 303.
- Cultus qualis exhibendus illis, qui nec sunt beatificati, nec canonizati? tr. 5. d. 1. post n. 42. p. 134.
- Cultus & honor, differunt, quomodo? tr. 5. d. 1. n. 5. p. 129. Cultus latræ debetur Deo. n. 27. & seqq. p. 131. Cultus Dulciæ debetur Sanctis; & cultus Hyperdulciæ B. V. Mariæ. n. 32. p. 132. Vide *ŷ. Adoratio*. Cultus publicus, & privatus, quis? n. 39. p. 133. Corollaria de cultu privato Sanctis necdum Canonizatis impertiendo. n. 40. p. ibid. Quid de cultu publico, n. 41. & seqq. p. ibid. Superstitio ratione cultus incongrui, ejusque divisio. tr. 5. d. 2. n. 6. p. 137. Cultus falsus, quis, & quomodo accidat; n. 7. p. ibid. Et quale peccatum; n. 8. p. 138. Cultus superfluous, quis, & quale peccatum; n. 9. & 10. p. ibid. Cultus disparitas. Vide *ŷ. disparitas cultus*.
- Curator, in quo differat a Tutore? tr. 8. d. 1. n. 32. p. 232. Vide *ŷ. Minor emnis*.

D.

**D**amnati nihil amplius demerentur. tr. 1. d. 2. n. 44. p. 15. Nec sunt capaces Indulgentiarum. tr. 12. d. 3. n. 36. p. 420.

Ssss 3

Da-

- Damnificatio injusta dupliciter fit, tract. 9. dist. 5. n. 41. p. 323.** Novem genera cooperandi ad injustam damnificationem, num. 42. & seqq. p. ib. **Damnificatio, quid?** n. 75. p. 328. Ea variis modis accidere potest, n. 76. p. ib. Ex qua culpa oriatur obligatio restitutionis ratione damni dati; n. 77. & seqq. p. ib. Quid, si infans aut furiosus, damnum intulit? n. 78. p. ib. Vel animal? n. 80. p. ib. Quid, si aliquis impedivit alium a consecutione cujuspiam boni? n. 82. 83. & seqq. p. 329. An ex sola culpa civili levi, aut levissima, oriatur obligatio restituendi, ratione damni dati? n. 89. p. ib. Vide plura *ꝑ. Restitutio.*
- Dataria in quibus impedimentis Matrimonii dispense?** tr. 14. dist. 15 n. 5. & seqq. p. 669.
- Debitor ad quid adstringatur suo Creditori?** Vide *Mutuum, vel solutio Mutui.*
- Debitor quomodo se contra alterum prætendentem debitum a parte rei non existens defendere queat?** tr. 8. d. 4. post n. 9. in Append. p. 259.
- Debitum Conjugale ex quo sine possit peti?** tr. 1. d. 2. post n. 39. p. 14.
- Debitum conjugale num denegari queat, ne proles nimium multiplicetur, vel ob adulterium alterius?** tr. 14. d. 13. n. 81. p. 635.
- Debitum conjugale ejusque obligatio, qualis?** tr. 14. d. 13. n. 71. & 78. ac seqq. p. 634. sq. Variæ causæ excusantes a reddendo debito conjugali. n. 81. p. 635. Actus conjugalis ex se est licitus, ac honestus. n. 71. p. 634. Dummodo sit vestitus debitis conditionibus, n. 72. p. ib. Ex quo sine haberi possit? n. 73. & seqq. p. ib. An stante dubio de valore matrimonii liceat? n. 84 & 85. p. 636. Quid, si certo sciatur invaliditas matrimonii, sed non possit probari; n. 86. p. ib. An liceat, dum conjux est gravida, puerpera, menstruata, vel lactans? n. 89. & seqq. p. ib. An tempore sacro; n. 82. & 83. p. ib. In debito petendo, an Mendicantes cum incestuosus, &c. dispensare possint; tr. 6. d. 3. n. 48. p. 184.
- Debitum legale, & morale, quid?** tr. 7. d. 2. n. 4. & 5. p. 197.
- Decalogi præcepta, quæ?** tr. 9. d. 1. n. 1. p. 283. Dividuntur in præcepta primæ, & secundæ Tabulæ. Ibid. Excellentia ipsorum. n. 2. p. ib. Ea sunt de Jure naturæ. n. 3. & seqq. p. 284. Ad præcepta Decalogi reducuntur omnia præcepta Moralia. n. 8. & seqq. p. ib. Violatio præceptorum Decalogi est ex genere suo mortalis. n. 11. p. 285. Inter ipsa præcepta Decalogi est notabilis differentia. n. 13. p. ib. In præceptis Decalogi an possit Deus dispensare? n. 14. & seqq. p. ib. Divisio præceptorum Decalogi. n. 17. & 18. p. 286. Primum præceptum Decalogi, quale? n. 19. p. ib. Et quæ præcipiat, vel prohibeat? n. 20. & 21. p. ib. Secundum præceptum, quod? & quale? n. 22. & 23. p. ib. Tertium præceptum Decalogi. n. 25. p. ib. Est partim morale, partim ceremoniale. n. 25. & 26. p. ib. Affirmativum, & negativum. n. 29. p. 287. Quartum præceptum Decalogi declaratur. tr. 9. d. 2. n. 1. & seqq. p. ib. Quinto præcepto Decalogi, quæ prohibeantur? tr. 9. d. 3. n. 1. & sq. p. 290. & n. 7. p. sq. Sexto præcepto Decalogi, quæ prohibeantur? tr. 9. d. 4. n. 1. p. 300. Septimum præceptum Decalogi, quale? tr. 9. d. 5. n. 1. p. 316.
- Octavo præcepto Decalogi, quæ prohibeantur?** tr. 9. d. 6. n. 1. p. 335. Nonum, & Decimum præceptum Decalogi, quod? tr. 9. d. 7. n. 1. p. 347. Quænam iisdem prohibeantur? num. 6. & 7. p. 347. sq.
- Decimæ, quid?** tr. 5. d. 1. n. 19. p. 130. & tr. 11. d. 4. n. 1. p. 399. Decimarum solutio est actus Religionis, & Justitiæ; tr. 11. d. 4. n. 2. p. ib. Qui fraudant eas, sunt excommunicandi. n. 3. & 4. p. ibid. Bona dantium, & mala non dantium Decimas n. 5. p. ibid. Decimæ, quo Jure sint solvendæ? n. 14. & seqq. p. 400. Ex quibus rebus debeantur; n. 18. & seqq. p. ib. Decimæ prædiales, personales, & mixtæ: quæ? n. 20. & 21. p. 401. Quomodo & quibus solvendæ, num. 22. p. ibid. Decimæ prædiales, spectant ad Ecclesiam Parochialem. num. 25. p. ibid. Et habet super iis Parochus fundatam intentionem. n. 26. p. ibid. Episcopo de Jure communi debetur quarta pars Decimarum. num. 27. p. ib. Quid de Decimis nullius certæ Parochiæ? num. 28. p. 402. Laici mere seculares sunt incapaces Juris Decimarum. n. 30. p. ib. Quid de Laicis Conversis, sive Regularibus? n. 31. p. ibid. Laicis potest competere jus percipiendi fructus Decimarum, ut quid temporale sunt. num. 32. & seqq. p. ib. A præstatione Decimarum quibus modis aliquis eximi possit? n. 35. & seqq. p. ib. Quomodo id fiat consuetudine? n. 37. & 38. p. 403. Ac præscriptione; n. 39. & seqq. p. ibid. Item compositione; n. 42. p. ibid. Ac paupertate; num. 43. p. ibid.
- Defloratio Virginis.** Vide *ꝑ. Stuprum.*
- Defunctis quomodo applicentur Indulgentiæ?** tr. 12. d. 3. n. 41. & seqq. p. 420. Vide *ꝑ. Indulgentiæ.*
- Defuncti qualia vota teneantur exequi Successores in Hæreditate;** tr. 6. d. 3. post n. 24. p. 179.
- Degradatio, quid;** tr. 13. d. 1. n. 50. p. 457. Et quomodo privet Clericali munere, ac privilegio; n. 51. & 52. p. ibid. Forma Degradationis. n. 54. p. 458.
- Delectatio morosa generatim, quid?** tr. 9. d. 7. n. 8. & 9. p. 348. Delectationes morosæ venereæ, quæ, & quale peccatum; n. 11. & 12. p. ib. An contrahant speciales malitias circumstantiarum actus externi; n. 15 & 17. p. 348. sq.
- Delectatio sensibilis quæ, & quale peccatum?** tr. 9. d. 4. post n. 78. p. 313. Item quomodo distinguatur a delectatione venereæ? ibid.
- Delectatio morosa de re turpi an semper sit mortale peccatum?** tr. 9. d. 7. post n. 18. ac seqq. p. 349. Vide etiam *ꝑ. Sponsus, & ꝑ. Viduis.* Utrum delectationem morosam graviter peccaminosam arguat cogitatio præcise speculativa de objecto turpi? tr. 9. d. 7. post n. 18. p. 349. Item an talem delectationem inferat optatio præcise conditionata, nimirum quod quis vellet actum exercere, si non esset peccatum? ibid. p. 350.
- Denudatio liberior pectoris qualiter interdicens forminis?** tr. 4. d. 7. post num. 28. in Appendice. p. 124.
- Denunciationis obligatio, ad Confessarios (in Confessionali sollicitantes) Superioribus denunciandos imposita, an ubique vigeat;** tr. 14. d. 8. n. 67. p. 597. *ꝑ. Sollicitatio in Confessionali.*

Denun-



- Denunciationes** trinae matrimonio celebrando præmittendæ: tr. 14. d. 14. n. 131. & 132. p. 659.
- Depopulatores** agrorum, qui? tr. 12. d. 2. n. 31. p. 412. Non gaudent immunitate, n. 28. & 31. p. 411. sq.
- Depositio**, quid? tr. 13. d. 1. n. 49. p. 457. Quomodo prius Clericali munere? n. 51. p. ibid. Infligitur solum a Iudice, n. 53. & 54. p. 458. Differt a suspensione? tr. 13. d. 2. n. 77. p. 471.
- Depositum** consumens bona fide an teneatur similem rem in specie reddere, vel num sufficiat, si det in pretio æquivalenti? tr. 8. d. 2. post n. 33. p. 219.
- Depositum**, quid? tr. 8. d. 2. n. 31. p. 239. Quomodo differat a commodato? n. 29. p. ib. Depositarius re deposita utens, an peccet? n. 29. 32. & seqq. p. ibid. Depositarius non tenetur de casu fortuito; n. 37. & seqq. p. 240. An teneatur de culpa levissima, aut lata? n. 42. & seqq. p. 241. An possit salvare res proprias omissis depositis, si non potest utraq? n. 50. & 51. p. 241. Depositarius non possidet, cur? tr. 7. d. 3. n. 23. p. 204.
- Depositum** si pereat apud membrum particulare, an teneatur ad resarcitionem Capitulum, seu Conventus? tr. 8. dist. 2. post n. 51. p. 242.
- Derogatio Legis**, quid? tr. 2. d. 4. n. 27. p. 84.
- Desiderium** objecti impuri cum conditione, si non esset prohibitum, an elici possit deliberate citra grave peccatum? tr. 9. d. 7. post n. 18. p. 349. sq.
- Desiderium** illicitum, quid, & quomodo differat a delectatione morosa? tr. 9. d. 7. n. 10. & 11. p. 348. Et quale peccatum? n. 12. p. ibid. An contrahat speciales malitias circumstantiarum actus externi? n. 14. & seqq. p. ibid.
- Desperatio** opponitur Spei per defectum. tr. 4. d. 5. n. 12. p. 107. Quid sit n. 17. p. 108. In quo consistat? n. 13. p. ibid. Quale sit peccatum? n. 14. p. ibid. Quid agendum circa personas afflictas? n. 15. p. ibid. Desperatio numeratur inter peccata in Spiritum sanctum. n. 16. p. ibid. Desperatio potest consistere cum, & sine actu Infidelitatis, n. 17. p. ibid.
- Detractionis** materia quænam levis, & quæ gravis? tr. 9. d. 6. post n. 5. p. 335. Ponuntur exinde quoad detractionem varii casus & Corollaria. Ibid. p. 336.
- Detractionis** an reus sit referens gravia de homine alias incognito? tr. 9. d. 6. post n. 19. in Appendice. p. 337. sq. Item an detractio sit gravis, si quis de homine alias cognito revelat grave crimen unico tantum viro alias prudenti, & taciturno? ibid. p. 338. Vel si crimen in una communitate jam cognitum propalat in altera? ibid.
- Detractio** quid? tr. 9. d. 6. n. 3. p. 335. Quibus modis fieri possit? n. 4. p. ibid. Ejus gravitas, n. 5. p. ib. Detractio formalis, & materialis, quid, & quale peccatum? n. 6. p. 336. Casus, in quibus absque vitio detractionis licitum est manifestare crimen, vel defectum proximi, n. 7. & seqq. p. ibid. Crimen falsum cuiquam imponere, semper est illicitum, n. 11. p. 337. Audita referens absque asseveratione, & sub dubio, ac peccet mortaliter? n. 13. & seqq. p. ibid. Qui detractorem audit, quomodo peccet? n. 16. p. ibid. Quid, si ei detractio non placeat, tamen non resistit? n. 17. & 18. p. ibid. Detractori quomodo resistatur, n. 19. p. ibid.
- Detractionis** peccato ut quis revelans in certa communitate sit immunis, qualiter intra eandem communitatem crimen debeat esse publicum? ibid. Detractiones an sint ejusdem speciei? ibid.
- Detrahentes** qualiter in Confessionali examinandi? ibid.
- Detrahentes** alteri ex inconsiderata loquacitate quandonam teneantur restituere famam? tr. 9. d. 6. post n. 35. p. 342.
- Si detrahens dubitet, num res manifestata apud alios audientes jam abierit in oblivionem, an nihilominus coram illis revocare obligetur? ibid. post n. 41. p. 344.
- Detrahentes** coram aliis quandonam debeant corrigi ab audientibus? tr. 4. d. 6. post n. 48. p. 118.
- Devotio**, ut est specialis actus Religionis, quid? tr. 5. d. 1. n. 2. p. 130. Devotionis largior acceptio, n. 13. p. ibid. Devotionis causæ, n. 14. p. ibid.
- Deus** non est auctor peccati, tr. 3. d. 1. n. 23. & seqq. Quomodo dicatur hominem indurare, excæcare, &c. num. 25. & 26. p. 61. Deus, quomodo appelletur Charitas? tr. 4. d. 6. n. 3. p. 109. Deum, an, & quomodo teneamur super omnia diligere, n. 4. & seqq. p. ibid. Deus secundum se nequit odio haberi. tr. 4. d. 7. n. 1. p. 120. Odium Dei, quale peccatum? num. 3. p. ibid. Deo debetur cultus Patriæ. tr. 5. dist. 1. num. 27. p. 131. Deus an possit dispensare in præceptis Decalogi? tract. 9. dist. 1. num. 14. & seqq. p. 285.
- Diaconus** ex commissione proprii Sacerdotis potest solemniter baptizare? tr. 14. d. 3. n. 34. p. 510. Diaconatus Ordo, quid, tr. 14. d. 12. n. 7. p. 615. Ejus materia, & forma, n. 30. p. 618. Officium Diaconi, n. 31. p. ibid.
- Diebus** festis quinam censeantur audire Missam? Vide *Festis diebus*.
- Dies** Dominica est substituta pro Sabbato, tr. 9. d. 1. n. 28. p. 287.
- Dignitas**, quid, & an differat a personatu, & Officio? tr. 11. dist. 1. n. 14. & seqq. p. 379.
- Dignus** respectu Beneficii, & dignior, quis, & unde desumenda major dignitas? tr. 11. d. 1. num. 49. 50. & seqq. p. 383. Magis dignum trahit ad se minus dignum, tr. 11. d. 3. num. 37. & 38. p. 397.
- Dilatio** restitutionis quandonam constituat peccatum mortale? tr. 9. d. 5. post n. 74. p. 328.
- Dilatio** restitutionis an fieri possit ab aliquo mortis proximo, si necessitas gravis usque illuc perduret? tr. 9. dist. 5. p. n. 106. p. 332.
- Dilectio** sui ipsius, & proximi, est præcepta; tr. 4. d. 6. n. 10. & seqq. p. 110. Præceptum diligendi proximum, quantum & unde oriatur? n. 11. p. 111. Ei non satisficit per solos actus externos, n. 12. p. ibid. An debeamus diligere corpus nostrum? n. 13. p. ibid. Datur speciale præceptum de diligendis inimicis, n. 15. p. 112.

- p. 112. Vi hujus tenemur inimicis exhibere generalia signa dilectionis, n. 16 & 18. & seqq. p. ibid. An etiam inimicis sint exhibenda signa specialia dilectionis: n. 21. & seqq. p. 113. Dilectio est præcipuus actus Charitatis internus, n. 27 p. 115. Vide *Charitas*. Magis debet quis diligere se, quam proximum, quomodo; tr. 9. d. 5. n. 11. & 12. p. 38.
- Dilectio erga Deum qualis: Vide *Charitas erga Deum*.
- Dilectionis proximi ordo quis: Vide *Charitas erga proximum*.
- Discordia, quid; tr. 4. d. 7. n. 29. p. 125.
- Disparitas cultus est impedimentum matrimonii dirimens, & quando; tr. 14. d. 14. n. 78 & seqq. p. 652. sq. Quid de disparitate cultus, quæ est inter Catholicos, & Hæreticos; n. 80. & seqq. p. 653.
- Dispensatio qualiter interpretanda: tr. 2. dist. 4. post num. 12. p. 81.
- Dispensatio an, & quando sit nulla, si causa dispensandi allegata non verificetur; ibid. post n. 24. p. 82.
- Dispensatio an, & quando cesset, cessante causa motiva dispensandi; ubi de dispensatione contrahendi Matrimonium in bonum proles extra Matrimonium susceptæ. tr. 2. dist. 4. post n. 26. p. ibid.
- Dispensatio utrum cesset, quando cessat causa motiva pro eo tempore, postquam dispensatio jam est deducta in usum; ubi de dispensatione in jejuniis ob infirmitatem, vel in recitatione Breviarii ob oculorum imbecillitatem, ibid.
- Dispensatio an per mortem dispensantis expiret; ibid.
- Dispensare in quinque Votis quomodo & quando possint Regulares Mendicantes? tr. 6. d. 9. post n. 47. p. 184.
- Dispensatio in Voto perpetuæ Castitatis in quantum se extendat: ibid. post n. 48. p. ibid. Antequam hæc Dispensatio Romæ petatur, quid prævie interrogandum a Confessario: tr. 6. d. 3. post n. 53. in Append. p. 185. Dispensationis petendæ formula quæ: ibid. Dispensationis Executor quid debeat observare, ut conformiter litteris Romanis dispense: ibid.
- Dispensandi in Votis, quæ potestas competat Confessariis tempore Jubilæi: tr. 12. d. 3. post n. 124. p. 442.
- Dispensandi in Irregularitatibus quæ potestas competat Episcopis, & Regularibus: Vide *Episcopi*, & *Regulares*.
- Dispensatio in Simonia circa impetrationem Beneficii commissæ qualiter practice impetrandæ: tr. 11. dist. 1. post num. 80. & seqq. p. 386 sq.
- Dispensatio in Irregularitate ratione Homicidii contractæ quomodo impetrandæ. tr. 13. d. 3. post n. 76. p. 490.
- Dispensatio quomodo impetretur quoad ordinem Presbyteratus: tr. 14. d. 2. post n. 53. p. 621.
- Dispensatio, quid: tr. 2. d. 4. n. 12. p. 80. A quo fieri possit; n. 13. & seqq. p. 81. An sit invalida, si fiat sine causa: num. 8. & seqq. p. ibid. Dispensatio subreptitiæ obtenta non valet, n. 23. p. ibid. In ea subintelligitur clausula, *Si preces veritate nitantur*; n. 24. p. 82. In votis, juramentis, &c. quomodo Papa censetur dispensare: n. 25. & 26. p. ibid. An dispensare possint Confessarii Mendicantium cum conjugibus incestuosis, aut contrahentibus cum voto simplici Castitatis, ad petendum debitum: tr. 6. d. 3. n. 48. p. 184. Quomodo practice impetrari possit dispensatio in votis, n. 54. & seqq. p. 185. Quid Confessario, vel Executori indagandum & observandum ante, & post adeptam dispensationem in votis, n. 55. p. ibid.
- Dispensatio impedimentorum matrimonii, quid: tr. 14. dist. 14. n. 156. & seqq. p. 665. Vide *Impedimenta Matrimonii*; & *Matrimonium*.
- Dispensatio circa certa impedimenta matrimonii, quando ab Episcopis pro foro tam interno, quam externo dari queat: tr. 14. d. 15. n. 1. & seqq. p. 668. Vide *Episcopi, quando*. Dispensatio, quando a Sacra Pœnitentiaria, & Dataria petenda, n. 5. p. 669. In quibus casibus Sacra Pœnitentiaria dispense, num. 6. & seqq. p. ibid. Prævia observanda, antequam fiat Supplicatio, n. 9. & seqq. p. 670. Dispensationis petendæ formula, n. 11. p. ibid. Rescriptum ad talem formulam, n. 12. & seqq. p. ibid. Explicatio Breviaturarum, num. 14. p. 671. Quotupliciter in Dataria obtineatur Dispensatio, n. 15. & seqq. p. 672. Quomodo debeat instrui Supplicatio, n. 17. p. ibid. Formula dispensationis ob angustiam loci, n. 18. & seqq. p. ibid. Forma Supplicæ ob contractum jam bona fide Matrimonium, n. 21. & seqq. p. 673. Quomodo Supplicatio rite concepta dirigatur Romam, n. 24. p. ibid. Quid facere debeat ille, qui nescit Supplicam concipere juxta Stylum Curie, num. 25. & seqq. p. 674. Quid consulendum Oratori pauperi, qui nequit solvere taxam, n. 28. p. ibid. Ad quem recurrendum pro executione dispensationis, n. 29. p. ibid. Qualia Rescripta Dispensationis soleant expediri a Dataria ad executores; n. 30. & seqq. p. 675. Qualiter clausulæ Rescriptorum sint intelligendæ, n. 33. p. 676.
- Disputare de rebus Fidei, quando licitum; tr. 4. d. 4. num. 41. & seqq. p. 104. Laicis an sit prohibitum, sic disputare; num. 44. p. 105. Disputationes in Ecclesiis an habere liceat; tr. 12. dist. 1. num. 21. p. 406.
- Dissolvi Sponsalia quando non possint: Vide *Sponsalia*.
- Distillatio, quomodo differata pollutione; tr. 9. d. 4. n. 58. & 59. p. 309.
- Distinctio specifica, & numerica peccatorum. Vide *Peccatorum Distinctio*.
- Distinctio specifica inter varias Detractiones an ad invicem intercedat: tr. 9. d. 6. post n. 19. p. 317. sq.
- Distinctio numerica peccatorum undenam defumatur: tr. 3. d. 1. p. n. 53. ac post n. 61. & seqq. p. 65 & 66.
- Distributiones quotidianæ inter quæ Bona Clericorum computentur: tr. 7. d. 4. post n. 22. p. 208.
- Ditior quando quis censetur fieri: tr. 9. d. 5. post num. 72. p. 327.
- Divinatio an sit, aliqua prædicare ex puncto natiuitatis: tr. 5. d. 2. post n. 19. p. 139. Item aliqua cum effectu naturalem connexionem non habentia tentare joci causa: ibid. post n. 28. p. 140. Diva

- Divinatio**, quid; tr. 5. d. 2. n. 15. p. 138. Con-tingit vel per expressam dæmonis invocationem, vel per implicitam, n. 16. p. 139. Utriusque Divinationis varii modi, ac species, n. 17. 18. & seqq. p. ibid. Divinatio quale peccatum: n. 17. & 27. & 28. p. 139. seq. Divinatio, quo-modo distinguatur a vana Observantia, n. 30. p. 141. Et observantia eventuum. n. 35. p. ibid.
- Divortium** quid; tr. 14. d. 13. n. 91. p. 638. Su-mitur dupliciter, n. 92. p. ibid. Divortium quoad thorum, & cohabitationem, potest fieri, n. 93. p. ibid. Idque generatim ex sex causis, quibus? n. 94. & seqq. p. ibid. Differentia in-ter adulterium, & alias causas, respectu Divor-tii, n. 95. p. ibid.
- Divortium** quandonam valeat ab uxore prætendi propter verberationem? Vide *Verberatio*.
- Dolor** ad Sacramentum Pœnitentiæ requisitus an debeat procedere ex motivo amoris Dei super omnia dilecti? tr. 14. dist. 6. post n. 48. ac seqq. p. 559. seqq. Item an debeat esse universalis, & quomodo? ibid. post n. 50. p. 561.
- Dolor** de peccatis. Vide *Contritio*.
- Dolus**, quid? tr. 8. d. 2. n. 35. p. 240. Dolo æqui-paratur culpa lata, n. 36. p. ibid.
- Dominicis diebus** quæ opera sint licita? Vide *Feſtæ diebus*.
- Dominium** Apum, & Columbarum. Vide *Apes*, & *Columbe*.
- Dominium** novæ Insulæ, vel prominentis terræ per alvei mutationem cui acquiratur? tr. 7. d. 5. post n. 23. p. 216.
- Dominium** quomodo acquiratur Specificatione? Vide *Specificatio*.
- Dominium** communissime, quid? tr. 7. d. 3. n. 2. p. 201. Dividitur in divinum, & humanum. Ibid. Dominium humanum aliud Jurisdictionis, aliud Proprietatis, n. 3. p. ibid. Domi-nium Proprietatis perfectum, & imperfectum, quid? n. 4. & 5. p. 202. Imperfectum subdivi-ditur in Dominium directum, & utile. n. 5. p. ibid. Sub Dominium hominis, quæ cadant; tr. 7. d. 4. n. 2. & seq. p. 205. Dominium rerum quibus modis generatim acquiratur; tr. 7. d. 5. n. 3. & 4. p. 212. Quomodo acquiratur Nati-vitate, n. 22. p. 216. Alluvione, n. 23. p. ibid. Specificatione, n. 24. p. 217. Accessione, n. 25. p. ibid. Confusione, & Commixtione, n. 26. & seqq. p. ibid. Edificatione, n. 31. p. 218. Plantatione n. 32. p. ibid. Fructuum perceptio-ne n. 33. & Traditione; n. 34. & 35. p. ibid.
- Domus** infestæ quomodo sint a spectris munda-ndæ? tr. 14. d. 8. App. I. p. 583. seqq.
- Donatio**, quid? tr. 8. d. 2. n. 13. p. 236. Dividi-tur in mere gratuitam, & remuneratariam, n. 14. p. ibid. Donatio mortis causa, quæ; n. 15. p. ibid. Hæc potest semper revocari, n. 16. p. ibid. Donatio inter vivos, quæ, & an revocari possit; n. 17. p. 237. Hæc ante acceptationem non obligat, n. 18. p. 238. Censetur acceptari a præ-sente, & tacente, n. 19. p. ibid. An possit ac-ceptari pro alio, aut pro determinatâ Ecclesia; & quando. n. 20. p. ibid. Donatio ante actua-lem rei traditionem non dat jus in re, n. 21. p. ibid. Donatio ultra quingentos Solidos, an valeat; n. 22. & seqq. p. ibid.
- Donationes** factæ a Parentibus Liberis necdum emancipatis an, & quando sint firmæ? tr. 8. d. 2. post n. 16. p. 236. seq.
- Donationes** factæ prolibus an, & quando mortuo parente conferendæ sint cum reliquis Bonis re-lictis in divisionem hæreditatis? ibid.
- Donationes** factæ ad invicem inter Sponsos de fu-turo an, & quando censentur firmæ? ibid.
- Donationes**, quas Conjuges tempore Matrimo-nii faciunt, qualiter reputandæ? ibid.
- Dotis** proprietas, an maneat penes uxorem; tr. 7. d. 4. n. 15. & seqq. p. 206.
- Dubitans** de Fide, an peccet peccato hæresis, tr. 4. d. 4. n. 20. & seqq. p. 100. Et incurrat ex-communicationem; n. 23. p. 101. Quid de natis inter Hæreticos: n. 21. p. 100.
- Dubitatio** quid, & an differat a Judicio temerä-rio, & suspicione tr. 9. d. 6. n. 56. p. 345. Du-bia in meliorem partem sunt interpretanda, & qualiter, n. 66. & seq. p. 346.
- Dubium** speculativum, & practicum, quid, & quoduplex; tr. 1. d. 3. n. 26. 27. & seqq. p. 20. An licitum sit operari cum dubio; n. 30. & seqq. p. ibid. In dubiis tutior pars est eligenda, quomodo; n. 35. & 36. p. 21. Dubitans de morte conjugis, si contrahat, an possit petere debitum, vel saltem reddere; tr. 14. d. 13. n. 49. & seqq. p. 631.
- Dubio** existente, num quis sit bonus, vel malus? licitum est contra talem diligentes facere præ-cautiones. tr. 9. d. 7. post n. 67. p. 347.
- Dubius** de jejunio naturali an possit celebrare, vel sumere Eucharistiam? tr. 10. d. 3. post n. 33. p. 373.
- Dubitans**, an peccatum sit reservatum, an absol-vi possit a non habente potestatem in reserva-ta? Vide *Reservatio*.
- Dubitantes** in Confessionali quandonam sint in-struendi a Confessario in veritate? tr. 14. d. 8. post n. 55. p. 595.
- Duellum** quandonam inire liceat? ubi fufius ex-plicatur propositio desuper damnata. tr. 9. d. 3. post n. 45. p. 296.
- Duella** ea conditione inita, ut post etiam levent vulnerationem aut post certum congressum, seu ictuum numerum illico cellentur, vel facto animo suscepta, an liceant? ibid.
- Duellans** mortuus repertus an, & quando possit sepeliri in loco sacro? ibid.
- Duellum**, quid, & quam graviter prohibitum, tr. 9. d. 3. n. 42. & 45. p. 296. An in aliquo ca-su possit acceptari; n. 43. & 44. p. ibid.
- Dulia**, quid, tr. 5. d. 1. n. 25. p. 131. Cultu Du-liæ honorantur Sancti in cœlis, n. 32. p. 132.

## E.

**Ebrietas**, quid: tr. 3. d. 3. n. 45. p. 77. Et qua-le peccatum n. 47. p. ibid. Signa plenæ ebri-etatis, quæ, n. 48. p. ibid. Quando censetur voluntaria, sicque peccatum mortale, n. 49. p. ibid. Inebriare se causa recuperandæ sani-tatis, vel tuendæ vitæ, an sit peccatum n. 50. p. ibid. Differentia inter dormientem & ebrium n. 46. p. ibid.

T t t t

Eccle-

- Ecclesia num possit prætere Dominium, si in loco ad se spectante inveniat thesaurus? tr. 7. d. 5. post n. 11. p. 214.
- Ecclesiæ quales Romæ obtineant Indulgentias, & cum quibus clausulis? tr. 12. d. 3. n. 76. seqq. p. 428.
- Ecclesiis concessa Indulgentiæ quando incipiant, & an inter tempus concessum computetur annus Jubilæus? ibid. post n. 81. p. 431.
- Ecclesiarum visitatio quomodo tempore Jubilæi instituenda? tr. 12. d. 3. post n. 113. Append. I. p. 438.
- Ecclesiam inter, & Oratorium qualis distinctio? tr. 14. d. 5. post n. 136. Append. I. p. 542. seqq.
- Ecclesia, quid? tr. 4. d. 3. n. 1. p. 89. Dividitur in Triumphantem, Purgantem, & Militantem. Ib. Ecclesia militans sumitur dupliciter. n. 2. p. ibid. Vera Christi Ecclesia in terris est visibilis. n. 3. & 4. p. 90. Ejus caput invisibile est Christus, visibile Summus Pontifex. n. 3. & 5. p. ibid. Nec tamen est biceps. n. 6. p. ibid. Vera Ecclesia Christi non potest errare in Fide, neque omnino deficere. n. 7. p. ibid. Extra eam nemo salvatur. n. 8. & 9. p. 90. & sq. Quænam sint notæ veræ Ecclesiæ Christi; n. 10. & seqq. p. 91. Quomodo hæc sit una. n. 12. & 13. p. ibid. Sancta. n. 14. p. ibid. Catholica. n. 15. p. ibid. & Apostolica. n. 16. p. 92. Soli Romanæ Ecclesiæ conveniunt hæc quatuor notæ. n. 17. & seqq. p. ibid. S. Augustini notabile dictum de Ecclesia Catholica. n. 20. p. ib.
- Ecclesiæ Præcepta generalia quinque. tr. 10. d. 1. n. 2. p. 351. Tenor primi, & secundi. n. 2. & seqq. p. ibid. Ecclesiæ tertium Præceptum declaratur. tr. 10. d. 2. n. 1. & seqq. p. 359. Ecclesiæ quartum Præceptum, quod? tr. 10. d. 3. n. 1. & seqq. p. 370. Ecclesiæ quintum Præceptum declaratur. n. 25. & seqq. p. 373.
- Ecclesiarum bona sunt triplicis generis. tr. 12. d. 1. n. 24. & seqq. p. 406. Ecclesiarum immunitas. Vide *Immunitas*. *Asylum*. *Collecta*. Ecclesia aliter sumitur in materia immunitatis quam violationis. tr. 12. d. 2. n. 7. p. 408. In Ecclesia committens homicidium, vel alia crimina, an gaudeat immunitate; n. 32 & 35 & seqq. p. 412. Ecclesiam non valens intrare, an foris lucretur Indulgentias? tr. 12. d. 3. n. 61. p. 423. Præsertim concessas visitantibus Altaria; n. 62. p. ibid. Ecclesia interdicta, quæ censeantur Interdicto subiacere; tr. 13. d. 2. n. 94. p. 473.
- Ecclesia polluitur quinque præcipue modis, & quibus; tr. 14. d. 5. n. 121. & seqq. p. 540. Alii duo modi a nonnullis adduntur. n. 128. p. 541. In Ecclesia polluta non licet celebrare Missam. n. 120. p. 541. Polluta Ecclesia, an polluat Cæmeterium, & econtra; n. 129. p. 541. Quid, si in dictis casibus factum est occultum. n. 130. p. ibid. Ecclesia polluta quomodo sit reconcilianda; n. 132. & seqq. p. ibid. Ecclesia polluta an reconcilietur per celebrationem Missæ. n. 135. p. 542. Quid agendum, si durante Missa violetur Ecclesia; n. 136. p. ib.
- Effectus ut imputetur ad culpam, veluti in causa, aut indirecte voluntarius, quæ requirantur; tr. 1. d. 1. n. 9. & seqq. p. 2. In dubio, num offe-
- ctus excedat vires causæ naturalis, quid agendum; tr. 5. d. 2. n. 40. 41. p. 142.
- Effectuum Missæ Sacrificii, ut quis fiat particeps, quidnam requiratur? tr. 14. d. 5. post n. 47. p. 527.
- Electione quomodo acquirantur Beneficia Ecclesiastica; tr. 11. d. 1. n. 20. p. 379. Eligentium major, & sanior pars, quæ; n. 21. & 22. p. 380. Electio indigni ad Beneficium est ipso jure nulla. n. 63. p. 384. Valet tamen electio digni omisso digniore. n. 64. p. ibid.
- Eleemofyna notabilis an dari debeat pauperibus vita periclitantibus cum gravi dispendio proprii status? tr. 4. d. 6. post n. 41. p. 116. sq.
- Eleemofynæ dandæ, ac proximo succurrendi obligatio qualiter adstringat Medicos, Chirurgos, Eucliones frumenta congregantes, & alios. post n. 42. ubi notabilia Corollaria. p. 117.
- Eleemofyna tempore Jubilæi qualis sit danda? tr. 12. d. 3. post n. 113. App. I. p. 439.
- Eleemofyna, quid; tr. 4. d. 6. n. 34. p. 116. Est quandoque de præcepto. n. 35. p. ibid. Ad obligationem dandi eleemofynam duo concurrere debent, quæ; n. 36. & 37. p. ibid. Tempore necessitatis extremæ proximi an eleemofyna sit danda sub præcepto de superfluis naturæ; n. 40. & 41. p. ibid. De superfluis naturæ, & status, danda est eleemofyna etiam gravem dumtaxat necessitatem patientibus, n. 42. p. 117. An eleemofyna sit danda sub præcepto pauperibus, communem necessitatem patientibus; n. 43. & 44. p. ibid.
- Eleemofynæ largitione an remittantur peccata venialia; tr. 3. d. 2. n. 38. p. 72.
- Emphyteuta an possit prætere Dominium thesauri reperti in loco Emphyteusi subjecto? tr. 7. dist. 5. post n. 13. p. 214.
- Emptio, & venditio, quid; tr. 8. d. 4. n. 86. p. 272. Vide *Venditio*.
- Emptio vini debilis loco generosi an sit valida? Et quid, si loco veteris, & puri ematur vinum recens, ac lymphatum, vel etiam coctum, & sic de aliis speciebus? tr. 8. d. 1. post n. 15. p. 230.
- Emptores an per circumventiones adduci possint ad summum pretium rei emendæ intra latitudinem tamen justii pretii? tr. 8. d. 4. post n. 99. p. 274.
- Empta res cui ante traditionem pereat? tr. 8. d. 4. post n. 102. p. ibid.
- Empta res, si quidem non pereat, fiat tamen deterior, vel melior ante traditionem, ad quem spectet damnum, vel lucrum? ibid.
- Emendo Chirographa minori pretio ad quem spectet lucrum, si Emptor debitum sciat propter specialem favorem ex integro obtinere? Item quisnam sic emere possit? ibid. & seqq.
- Energumeni ex quibus signis sint dignoscendi, & quomodo liberandi a demone? tr. 14. dist. 8. post n. 43. Append. I. & seqq. p. 583.
- Epicheja quoad exemptionem a Lege quando, & apud quas personas habeat locum cessante apud easdem causa motiva Legis? tr. 2. d. 4. post n. 34. p. 55.
- Epicheja, quid? tr. 2. d. 4. n. 9. p. 50. & tr. 7. d. 1. n. 9. p. 191. Quomodo differat ab interpretatione



tione Legum. tr. 2. d. 4. n. 10. p. 50. Habet quandoque locum. n. 11. p. ibid.

Episcopatus est Ordo. tr. 14. d. 12. n. 13. p. 616. Comprehenditur sub Sacerdotio ample sumpto. n. 14. p. ibid. Sex causæ resignandi Episcopatum. tr. 11. d. 2. n. 35. p. 391.

Episcopi, an possint absolvere ab hæresi, tr. 4. d. 4. n. 29. & seqq. p. 101. Quid in Germania. n. 31. p. 102. Episcopus habet fundatam intentionem super collatione Beneficiorum suæ Diocesis. tr. 11. d. 1. n. 37. p. 381. Collatio Beneficii ab Episcopo devolvitur ad Capitulum. n. 34. p. ibid. Episcopi quo modo, & quo jure teneantur ad residentiam personalem. tr. 11. d. 1. n. 68. 71. 72. & 73. p. 384. sq. Episcopi soli antiquitus erant Parochi. tr. 11. d. 4. n. 24. p. 401. Episcopi, quas Indulgentias concedere valeant; tr. 12. d. 3. n. 28. p. 419. In quibus irregularitatibus dispensent. tr. 13. d. 3. n. 71. p. 488.

Episcopi, quando dispensare queant circa impedimenta Matrimonii, tam pro Foro interno, quam externo. tr. 14. d. 15. n. 1. p. 668. Enumerantur Facultates dispensandi in specie. n. 2. p. ib. Quid in executione Dispensationis pro Foro externo Episcopi observare debeant. n. 3. p. 669. Formula talis dispensationis. n. 4. p. ibid.

Episcopi in quibus Irregularitatibus possint dispensare. tr. 13. d. 3. post n. 71. p. 489.

Episcopi an possint diminuere onera Missarum diminutis redditibus? Vide *Onera Missarum*.

Episcopi an possint celebrare in Oratoriis privatis. tr. 14. d. 5. post n. 136. in Append. l. p. 542. Item quid de super fuerit specialiter responsum a Benedicto XIII. in suo novissimo Provinciali Concilio Lateranensi. ibid. post n. 146. p. 551. sq. An possint aliis dare licentiam ibidem celebrandi. ibid. post n. 136. p. 542.

Ab Episcopis quomodo dependeant Clerici Seculares, & Regulares etiam exempti quoad approbationem in ordine ad Confessiones excipiendas. Vide *Approbatio*, & *Regulares*.

Episcopi quosnam possint ordinare. Vide *Ordo*.

Episcopi qualiter in collatione Ordinum possint incurrere suspensionem. tr. 13. d. 2. post n. 89. p. 472.

Equo commodato utens ad quos teneatur sumptus. Vide *Commodata &c.*

Error in Substantia an semper reddat contractum nullum. tr. 8. d. 1. post n. 14. p. 230. Item quando Error est in qualitate, quid tunc sit sentiendum. ibid. post n. 15. p. ibid.

Error in Confessionali commissus an, quando, & quomodo debeat a Confessario corrigi. tr. 14. d. 8. post n. 26. p. 579.

Error circa substantiam reddit contractum nullum. tr. 8. d. 1. n. 14. p. 230. Et quid de errore circa qualitatem: n. 15. p. ibid. Error personæ dirimit matrimonium, tr. 14. d. 14. n. 51. p. 648. Error fortunæ, & qualitatis, quis? & an matrimonium dirimat. n. 52. p. ibid. Error conditionis, quis? n. 53. p. 649.

*Evangelio nan crederem, nisi me Catholica Ecclesia commoveret auctoritas, quomodo?* tr. 4. d. 2. n. 10. p. 83.

Eubulia, quid? tr. 7. d. 1. n. 9. p. 191.

Eucharistiæ sumptionem quale, & quandonam debeat præcedere Jejunium naturale. Vide *Communio*, & *Viaticum*.

Eucharistiam tenentur Fideles Jure Divino sumere, & quidem sæpius. tr. 10. d. 3. n. 26. p. 373. Tempus hujus obligationis determinavit Ecclesia, præcipiendo Communionem Paschalem. n. 27. p. ibid. Huic præcepto non satisficit per Communionem sacrilegam. n. 28. & 29. p. ib. Ad Sacram Communionem requiritur jejunium naturale. n. 30. & seqq. p. ibid. In articulo mortis potest sumi Sacra Eucharistia a non jejunio. n. 34. p. 374. Et quidem sæpius per modum Viatici. n. 35. p. ibid. An, qui mane communicavit sanus, possit, vel teneatur infirmatus eodem die communicare per modum Viatici. n. 36. p. ibid. An, qui Communionem Paschalem non peregit, teneatur eam compensare. n. 37. & seqq. p. 375. Ubi peragenda sit Communio Paschalis. n. 38. & seqq. p. ibid. Pueri, quando obligentur ad Communionem Paschalem. n. 42. & 43. p. 376. Eucharistia an possit ministrari mutis & surdis. n. 45. p. ibid. Atque Energumenis, & Epilepticis, &c. n. 46. p. ibid. Quæ pœnæ non communicantium in Paschate. n. 47. p. ibid. An aliquando possit differri Communio ultra tempus Paschale. n. 48. & 49. p. ibid. Non est præceptum Divinum sumendi Eucharistiam sub utraque specie. tr. 14. d. 4. n. 56. & 57. p. 520. Ecclesia juste decrevit, ut Laici sub una tantum specie communicarent. n. 58. & 59. p. ibid. Sumens Eucharistiam sub una specie, nulla fraudatur gratia ad salutem necessaria. n. 60. p. ibid. Quid sentiendum de Communionem frequenti, & quotidiana. tr. 10. d. 3. n. 50. & seqq. p. 377. An ea Laicis negotiatoribus, & conjugatis permittenda. n. 54. p. ibid. Et quid de Monialibus. n. 55. p. ibid. Frequens Confessio, & Communio, an sit nota Prædestinationis. n. 56. p. ib. Communicans plures in statu malo, an plura numero distincta peccata committat. tr. 14. d. 1. n. 49. & seqq. p. 497.

Eucharistiæ Sacramentum est adorandum cultu Latriæ, tr. 5. d. 1. n. 30. p. 132. Consistit in *facto esse*. tr. 14. d. 1. n. 16. & 17. p. 493. Ad dignam Eucharistiæ receptionem debet præmitti Confessio de peccato mortali. tr. 14. d. 2. n. 30. p. 502. Textus notabilis Concilii Tridentini circa hoc. n. 31. p. ibid. Mandatum Tridentini injunctum ex necessitate Celebrantibus cum contritione de peccato mortali, *confitendi quamprimum*, quid importet. n. 32. & seqq. p. ibid. Ad quod tempus extendatur. n. 34. & 35. p. ibid. Et quid de triduo. ibid. Dicto præcepto *confitendi quamprimum*, an teneatur Laicis. n. 42. p. 503. Vel Sacerdos indigne celebrans. n. 43. p. ibid. Si quis jam confessus, oblitus fuit peccati mortalis, an teneatur denuo confiteri, antequam communicet, vel celebret. n. 36. & seqq. p. 502. seq. Copia Confessarii quando deesse censeatur. n. 40. & 41. p. 503. Eucharistia, quomodo necessaria. n. 67. p. 506.

Eucharistia vi nominis, quid? tr. 14. d. 4. n. 1. p. 513. Eucharistiæ Sacramentum, quid? n. 2. p. ibid. Est institutum a Christo. n. 3. p. ibid. Est excellentissimum, & simpliciter unum Sacramentum n. 4. & 5. p. ibid. Non quidem unum unitate indivisibilitatis, sed unitate integritatis. n. 6. p. ibid. Multiplicatur numero

juxta

- juxta multiplicationem specierum consecratarum. n. 7. p. 514. Materia, & forma Eucharistiae, quae communiter dicatur. n. 8. p. ibid. Explicatur communis ille modus loquendi. n. 9. p. ibid. Materia Consecrationis Eucharistiae est panis triticeus, ac vinum de vite. n. 10. & seqq. p. ibid. Panis triticeus, quis? Et qualiter conficiendus; n. 11. & 15. p. 514. sq. An requiratur azymus, vel fermentatus. n. 16. & 17. p. 515. Panis ex siligine, an sufficiat ad Consecrationem; n. 12. & 13. p. 514. Quid de pane ex hordeo, avena, amygdalis, vel saccharo: n. 14. p. 515. Vinum, ut sit materia Consecrationis, quale esse debeat. n. 18. p. ib. Quid de vino miraculoso; n. 22. p. 516. Aut si vino admisceatur alius liquor; n. 23. p. ibid. Uva nequit consecrari. n. 19. p. 515. Neque vinum in pane imbibitum. n. 24. p. 516. de vino congelato; n. 25. & seqq. p. ibid. Aqua vino consecrando est apponenda. n. 29. & seqq. p. ibid. Haec debet esse modica. n. 32. p. ibid. An convertatur in Sanguinem Christi. n. 33. & seqq. p. 517. Forma Consecrationis Eucharistiae. tr. 14. d. 4. n. 37. & seqq. p. ibid. Quale peccatum, aliquid in ea omittere; n. 39. p. ibid. Quid in praxi circa eam observandum; n. 40. & 41. p. 517. seq. Quae verba sint de essentia Consecrationis; n. 41. & 42. p. 518. Verba essentialia Consecrationis proferuntur tam recitative, quam significative. n. 44. & 48. p. ibid. In Eucharistia quomodo Christus sit praesens; n. 49. & seqq. p. 519. Verba notabilia Concilii Tridentini circa hoc. n. 51. p. ibid. In Consecratione fit transubstantiatio panis & vini, in Corpus, & Sanguinem Christi. n. 52. p. ibid. Nihilominus substantia panis, & vini, proprie non annihilatur. n. 53. & 54. p. ib. Quamdiu Christus sit praesens sub speciebus consecratis; n. 55. p. ibid. Eucharistia, quando producat effectum gratiae sanctificantis. n. 16. p. 520. Praeter hunc causat Eucharistia alios effectus, & quos. n. 62. & seqq. p. ib. Eucharistia accipi potest ut Sacramentum, & ut Sacrificium. tr. 14. d. 5. n. 1. p. 521. V. *Sacrificium* & *Missae*. Eunuchorum matrimonia sunt invalida. tr. 2. d. 1. n. 21. 28. p. 12. & tr. 14. d. 14. n. 69. p. 651.
- Eutrapelia, quid? tr. 7. d. 1. n. 31. p. 194.
- Examen conscientiae, an, & quale praemittendum Confessioni? tr. 14. d. 7. n. 60. & seqq. p. 571. Rustici non facile dimittendi pro faciendo meliori examine. n. 63. p. ibid.
- Examen quale in Confessionali circa blasphemos instituendum? tr. 5. d. 3. post n. 64. p. 153. Item quale circa confitentes, se jurasse &c. tr. 6. d. 2. post n. 30. p. 172.
- Examen in materia lubrica quam circumspicte sit instituendum praesertim apud foeminas? tr. 9. d. 4. post n. 13. p. 302. & notanter post n. 44. p. 307. Examen quoad deditos mollitiei quale in Confessionali instituendum? tr. 9. d. 4. post n. 50. p. 308.
- Examen in materia detractionis quomodo sit formandum? tr. 9. d. 6. post n. 19. p. 340.
- Examen quoad Simoniacos Beneficiatos qualiter instituendum in Confessionali, & quomodo succurrendum? tr. 11. d. 1. post n. 80. in Append. p. 386.
- Examen quale instituendum sit a Confessario quoad poenitentes sacrilege Confessos? tr. 14. d. 8. post n. 33. p. 581. Item quoad eos, qui ajunt, se in prioribus Confessionibus aliquid omisisse. Ibid. post n. 43. p. 583. Vel quoad deponentes Confessionem Generalem? ibid.
- Exceptio non numeratae pecuniae quando, & quomodo habeat locum? tr. 8. d. 4. post n. 9. in Appendice. p. 262.
- Excommunicati ob negationem alicujus articuli Fidei a quibus possint absolvi? tr. 4. d. 4. post n. 35. p. 102. Item Excommunicati ob lectionem librorum Haeticorum. ib. post n. 40. p. 104.
- Excommunicati an etiam tolerati priventur Communione Sacramentorum? tr. 13. d. 2. post n. 19. p. 461.
- Excommunicationes Summo Pontifici reservatae enumerantur potiores. Ib. post n. 71. p. 467. sq.
- Excommunicatio in percussores Clericorum lata quandoam non incurritur? tr. 13. d. 2. post n. 70. p. 467.
- Excommunicationes aliae num incurrantur, vel non: quomodo per certas Regulas, & quales cognosci valeant? ib. post n. 71. p. 467. seq.
- Excommunicationes semel latae a quibus iterum possint tolli in, & extra articulum mortis? Ib. post n. 75. in Append. p. 468. seqq.
- Excommunicatio est una inter poenas Haeticorum. tr. 4. d. 4. n. 24. p. 101. Ad eam incurrendam requiruntur quatuor conditiones, quae? n. 25. & seqq. p. ibid. Excommunicatio minor potest ferri ob peccatum veniale. tr. 13. d. 1. n. 9. p. 452. Excommunicatio major fertur ob solum peccatum mortale. n. 8. p. ib. Externum; ac in suo genere completum. n. 11. & 12. p. ibid. Et quod habet annexam contumaciam. n. 13. & 14. p. ibid. Qualis contumacia requiratur, & sufficiat? n. 15. p. 453. Excommunicatio est poena gravissima. n. 22. p. ibid. An possit infligi ob peccatum alterius? n. 20. 23. & seqq. p. ibid. An possit ferri in totam Communitatem? n. 21. & seqq. p. ibid. Disparitas inter excommunicationem, & Interdictum. n. 22. p. ibid. Excommunicatio ex triplici capite redditur invalida. n. 34. & seqq. p. 455. Vide *de Censura*.
- Excommunicatio vi nominis, quid? tr. 13. d. 2. n. 1. p. 458. An differat ab Anathemate? n. 2. p. ibid. Datur in Ecclesia potestas ferendi excommunicationem. n. 3. p. 459. Ea D. Paulus aliquoties usus fuit. n. 4. p. ibid. Excommunicatio quid? n. 5. & seqq. p. ibid. Absolute posita denotat majorem. n. 6. p. ibid. Excommunicatio minor, quid, & quis ejus effectus? n. 7. & 8. p. ibid. Excommunicatio major, quae? n. 9. p. ibid. Qui sint effectus excommunicationis majoris? n. 13. 15. & seqq. p. 460. Quomodo privet communibus Ecclesiae Suffragiis? n. 16. & 17. p. 460. seq. Communionem Sacramentorum. n. 18. & 19. p. 461. Usu divinorum Officiorum. n. 20. p. ib. Et sepultura Ecclesiastica. n. 21. p. ib. Quid juris, si excommunicatus in loco sacro sepeliatur? n. 22. p. ib. An privatio sepulturae Ecclesiasticae de facto habeat locum in omnibus excommunicatis, etiam non vitandis? n. 23. & seqq. p. 461. sq. Alii effectus excommunicationis majoris. n. 25. & seqq. p. 462. Excommunicationes latae, & ferendae sententiae, quae?

quæ? n. 53. p. 465. Aliæ reservatæ, aliæ non reservatæ, n. 54. p. ibid. Excommunicationes in Bulla Cœnæ Domini contentæ breviter enumerantur. n. 56 p. ibid. Excommunicatio in percussores Clericorum lata, declaratur. n. 58. & seqq. p. 466. Eam incurrunt mandantes, consulentes &c. n. 62. p. ibid. Clerici & Monachi nomine, qui hic intelligantur? n. 63. p. ibid. Canon, *Si quis suadente*, an sit favorabilis, nec ne. n. 68. p. 467. Ad hanc excommunicationem incurrendam qualis requiratur percussio Clerici? n. 69. & 70 p. ib. An quis possit sæpius excommunicari? n. 72. & seqq. p. 468. Excommunicatio minor, si violetur, non inducit irregularitatem. tr. 13. d. 3. n. 16. p. 477. Excommunicatio occulto quid licet ad vitandam infamiam? tr. 2. d. 2. n. 28. p. 39. Excommunicati Clerici tenentur recitare Horas Canonicas. tr. 6. d. 1. n. 14. p. 156. Non tamen debent dicere: *Dominus vobiscum* n. 15. p. ibid. Inforsdescens per annum in excommunicatione, fit suspectus de hæresi. tr. 13. d. 2. n. 33. p. 463. Excommunicati alii tolerati, alii vitandi. n. 35. p. ibid. Excommunicati, qui de facto sint vitandi; n. 36. p. ibid. Casus, in quibus non licet communicare excommunicatis vitandis. n. 38. & seqq. p. 464. Communicans excommunicato vitando peccat, n. 44. p. ibid. Atque incurrit excommunicationem, & qualem? n. 45. & 46. p. ibid. Causæ ab hac censura excusantes eos, qui communicant cum excommunicato vitando. n. 47. & seqq. p. ibid. Executor dispensationis quomodo se gerere debeat? tr. 6. d. 3. n. 62. seqq. p. 186. Executori dispensationis in Votis, Quid observandum? tr. 6. d. 3. n. 55. & seqq. p. 185. Exempta loca an adstringantur Legibus Territorii, in quo sunt sita? Vide *Leges Territoriales*. Exercitia spiritalia facientibus Religiosis, quæ Indulgentiæ concessæ? tr. 12. d. 3. n. 71. p. 425. Exorcismi quandonam sint applicandi illis, qui conqueruntur, se maleficio infectos, vel a diabolo obfessos? Vide *Maleficiatus*, & *Energumeni*. Exorcistatus materia, & forma, quæ? tr. 14. d. 12. n. 20. p. 617. Officium Exorcistæ. Ibid. Expensæ factæ propter proles an, & quando mortuo parente computandæ sint in divisionem Hæreditatis? tr. 8. d. 2. post n. 16. p. 237. Expositi Infantes an debeant censerî illegitimi, & sic irregulares? tr. 13. d. 3. post n. 35. p. 481. Exstases falsæ, & diabolicæ quomodo sint discernendæ a veris, & Divinis? tr. 14. d. 8. in Appendice II. p. 588. seqq. Extrema Unctio qualia verba essentialiter requirat pro sua forma? tr. 14. d. 11. post n. 15. p. 613. Extrema Unctio quandonam apud infirmos de novo repeti possit? ib. post n. 30 p. 614. Extrema Unctio, quid? tr. 14. d. 11. n. 3. p. 611. Est Pœnitentiæ consummativum. n. 1. p. ibid. Et Sacramentum novæ Legis. n. 2. p. ibid. Materia ejus remota, & proxima, quæ? n. 4. & seqq. p. ibid. Quid si oleo sit admixtum balsamum. n. 6. p. 612. Forma ipsius quæ? n. 8. p. ibid. In quibus corporis partibus sit facienda unctio. n. 9. p. ib. Renum unctio, quando omittenda n. 10. p. ib. Quid, si quis careat manu, pede, &c. n. 11.

p. ib. Manus Presbyteris quomodo ungendæ? n. 12. p. ibid. An in casu necessitatis sufficiat unica unctio? n. 13. & 14. p. ibid. Praxis quarundam Diœcesium tempore pestis. n. 15. p. ibid. Effectus Sacramenti Extremæ Unctionis, qui, & quomodo intelligendi? n. 16. & seqq. p. 613. Subjectum ejus capax n. 22. p. ibid. Nequit ministrari sanis, etiam damnatis ad mortem. n. 23. p. ibid. Quid de pestelaborantibus, vulneratis, senibus? n. 24. p. 614. Infantibus, ac perpetuo amentibus? n. 25. p. ibid. Vel adultis lapsis in phrenesin, aut amentiam? n. 26. p. ibid. Disparitas inter Sacramentum Extremæ Unctionis, & Pœnitentiæ, n. 27. p. ibid. In quo periculo, & statu infirmis, hoc Sacramentum ministrandum? n. 28. p. ibid. Sacramentum hoc est iterabile; & an in eodem morbo n. 29. & 30. p. ibid. An sit necessarium ad salutem? n. 31. p. ibid. & tr. 14. d. 2. n. 68. & seqq. p. 506.

F.

**F**alcidia, quid, & unde sic dicta? tr. 8. d. 3. n. 77. p. 255. Fama. Vide *Detrahitio*, & *Revelatio*. Famæ propriæ homo est dominus. tr. 7. d. 4. n. 7. p. 206. Non tamen sine causa potest eam prodigere. n. 8. p. ibid. Fama, & honor differunt; quomodo? tr. 9. d. 6. n. 2. p. 335. Fama injuste ablata quomodo restitui possit, ac debeat? n. 33. & seqq. p. 342. Vide *Restitutio*. Famulari an liceat Hæreticis tr. 4. d. 4. post n. 46. p. 105. Famula sciens, alteram confamulam nutrire suspecta consortia, quandonam teneatur eam ad Herum, seu Heram denunciare? tr. 4. d. 6. post n. 48. p. 118. Famuli an citra peccatum scandalî quoad fidelitatem probari possint per expositionem pecuniæ in loco publico? tr. 4. d. 7. post n. 28. in Appendice. p. 124. Famuli, & Ancillæ an, & quando teneantur ex justitia manifestare damnum suis Dominis illatum? tr. 9. d. 5. post n. 66. p. 326. Femina per mundum suum muliebrem cæteroquin statui competentem alios ad peccatum alliciens an teneatur abstinere? tr. 4. d. 7. post n. 28. in Append. p. 124. Femina qualiter teneatur abstinere a liberiori denudatione pectoris? ib. Femina quam caute in Confessionali interrogandæ in materia lubrica? Vide *Examen in materia lubrica*. Femina si proponant Visiones, seu Revelationes, quomodo tractandæ? Vide *Apparitio*, & *Revelatio*. Fera laqueo intricata, an sit eximentis, vel laqueum ponentis? tr. 7. d. 5. n. 21. p. 215. Vide *Venatio*. Festivis diebus quæ opera liceat & quæ non liceat exercere? tr. 10. d. 1. n. 10. seqq. p. 352 sqq. Festivis diebus an licita sint opera Servilia causa pietatis? ibid. post n. 32. p. 355. Festivis hisce diebus quænam alia opera vi consuetudinis exercere liceat? ubi casus particulares aliqui specificantur pro praxi. ibid. post n. 35. p. ibid.

- Festivis diebus quandonam moraliter quis censeatur audire Missam? *ibid.* post n. 39. p. 356. Et quando hisce diebus festivis excusentur ab auditione Missæ itinerantes, & Aurigæ. *ibid.* post n. 54. p. 358.
- Festis certis aliquid faciendi, vel omittendi consuetudo, an damnanda. tr. 5. d. 2. n. 39. p. 142.
- Præceptum de celebratione Festorum partim affirmativum, partim negativum. tr. 10. d. 1. n. 3. p. 351. Dies Festi quando inchoandi. n. 4. p. *ibid.* An in ipsis Fideles præter Missam teneantur ad alia pia opera. n. 5. p. *ibid.* Præsertim ad audiendam Concionem. n. 6. & 7. p. *ibid.* Festa ab Episcopis præcepta, etiam a Regularibus sunt servanda. n. 9. p. 352. Opera diebus Festis prohibita, quæ? n. 12. & seqq. p. *ibid.* Vide *Opera*. Dies Festi Christianorum non tam stricte obligant, ut olim Judæorum. n. 15. p. *ibid.* Quæ sit obligatio audiendi Missam diebus Festis. n. 36. & seqq. p. 356. Vide *Missæ*.
- Fictio, quid? tr. 14. d. 2. n. 52. p. 504. Fictio negativa, & positiva. n. 53. p. *ibid.* Baptismus fidei susceptus, recedente fictione confert suum effectum. n. 54. p. *ibid.* Quid de aliis Sacramentis fidei susceptis. n. 55. p. *ibid.*
- Fidejussio Mulierum quandonam subsistat? tr. 8. d. 4. post n. 9. p. 259.
- Fides præcise juridice mala an obsit præscriptioni, & quali; tr. 7. d. 6. post n. 10. p. 221.
- Fides Bona præsumitur &c. Vide *Bona fides*.
- Fides quando amittatur. tr. 4. d. 1. n. 14. & 15. p. 81. Non manet in Beatis n. 16. p. *ibid.* Fidei nomen varie accipitur. tr. 4. d. 2. n. 1. & 2. p. 82. Fides supernaturalis, actualis, & habitualis, quid? n. 3. & 4. p. *ibid.* Objectum materiale Fidei, quod, n. 5. p. *ibid.* Objectum ejus complexum, & incomplexum, quod? n. 6. & 7. p. *ibid.* Objectum formale Fidei, n. 8. & seqq. p. 83. *Evangelio non crederem, nisi me Catholica Ecclesia commoveret Auctoritas*, quomodo? n. 10. p. *ibid.* Fides explicita, quæ? n. 11. p. *ibid.* Fides quomodo necessaria ad salutem. n. 13. & seqq. p. 84. An requiratur necessitate medii Fides explicita de existentia Dei, & ut Remuneratoris, n. 16. p. *ibid.* Quid de Mysterio SS. Trinitatis, & Incarnationis Verbi. n. 17. & seqq. p. *ibid.* Fides ex puris naturalibus non juvat ad justificationem. n. 20. p. *ibid.* Quænam teneantur Fideles explicite credere necessitate præcepti. n. 23. & 24. p. 85. Præceptum Fidei affirmativum, & negativum. quid? n. 25. p. *ibid.* Obligatio eliciendi actum Fidei, Spei, &c. alia per se, & directe, alia per accidens. n. 26. p. 86. Datur præceptum Divinum per se obligans quandoque ad actum Fidei. n. 27. p. *ibid.* Non sufficit, hunc tantum semel in vita elicere. n. 28. p. *ibid.* Quo tempore obliget præceptum Fidei. n. 29. 32. & seqq. p. *ibid.* Quando cuiquam censeatur vera Fides sufficienter proposita. n. 30. & 32. p. *ib.* Actus Fidei, item Professio, & Confessio Fidei, quomodo differant. n. 39. p. 87. Datur præceptum Divinum de non neganda Fide externe. n. 40. p. 88. An, & quando obligemur ad externam Fidei Confessionem. n. 41. & 43. p. *ibid.* An quandoque Fidem licite possimus occultare, n. 44. 45. & seqq. p. *ibid.* Et quibus modis id liceat fiat. n. 45. & seqq. p. *ibid.* Methodus brevissima reducendi Hæreticos ad Fidem Catholicam. tr. 4. d. 3. n. 22. p. 93. In materia Fidei, an liceat sequi opinionem minus probabilem. tr. 1. d. 3. n. 54. p. 24. & tr. 4. d. 2. n. 31. p. 86.
- Fidem resolvere, quid? tr. 4. d. 3. n. 50. p. 97. Fidei resolutio a priori, sit in primam veracitatem Dei nobis revelantis. n. 51. & seqq. p. *ib.* Instantia de Circulo proponitur, & solvitur. n. 53. & 54. p. *ib.* Motiva credibilitatis Fidei, quæ. n. 55. p. *ibid.* Fides non resolvitur in motiva humana. n. 56. p. *ib.* Actus Fidei non est merus actus intellectus, sed ad ipsum requiritur pia affectio voluntatis. n. 57. p. 98. Nonnullæ Propositiones damnatæ circa hoc. n. 58. & 59. p. *ib.* Disputare de rebus Fidei, quando licitum. tr. 4. d. 4. n. 43. & seqq. p. 104.
- Fides bona requiritur ad præscriptionem. tr. 7. d. 6. n. 10. p. 220. Possessor bonæ, & malæ fidei, quis; tr. 7. d. 3. n. 20. p. 204.
- Fideicommissum, quid; tr. 8. d. 3. n. 68. p. 254.
- Filiifamilias peculium adventitium quotuplex. tr. 7. d. 4. post n. 13. p. 206.
- Filiis factæ Donationes a Parente an, & quomodo teneant. Vide *Liberis factæ Donationes*.
- Filiifamilias quandonam censeantur committere furtum grave. tr. 9. d. 5. post n. 26. p. 321.
- Filiifamilias mutuo accipientes, quando juventur S. C. Macedoniano. tr. 8. d. 4. n. 8. & 9. p. 259. Filiifamilias peculium. Vide *Peculium*.
- Filii quid debeant parentibus. tr. 9. d. 2. n. 2. & 4. & seqq. p. 287. Filius an possit ingredi Religionem invitis parentibus. n. 9. p. 288. Quid, si hi sint in gravi necessitate. n. 10. & 11. p. *ib.* Filius an a patre, vel matre alendus. n. 15. & 16. p. 289. Vide *Parentes*. Filius, an teneatur credere matri asserenti, se esse spurium. tr. 9. d. 4. n. 32. p. 305. De furto Filiifamilias, quid censendum. tr. 9. d. 5. n. 26. & 27. p. 321.
- Finis ultimus hominis. tr. 1. d. 1. n. 1. p. 1. Finis moralis adjunctus, quomodo peccatum ex genere veniale, reddat per accidens mortale. tr. 3. d. 2. n. 18. p. 70.
- Fiscus, an succedat ab intestato. tr. 8. d. 3. n. 82. p. 256.
- Fœtus quando animetur. tr. 9. d. 3. n. 34. p. 295.
- Fomes peccati non prohibetur Præceptis Decalogi. tr. 9. d. 7. n. 4. p. 347.
- Forma Extremæ Unctionis essentialis quæ? Vide *Extrema Unctio*.
- Forma Sacramentorum, quæ? tr. 14. d. 1. n. 19. p. 493. Fuit a Christo determinata, & quomodo. n. 20. & seqq. p. *ibid.* Cujus mutatio quando irritet Sacramentum. n. 22. & 25. p. 494. Inter formam, & materiam Sacramentorum requiritur aliqua similitudo, & qualitas. n. 26. & seqq. p. *ibid.*
- Fornicatio ex eodem æstu libidinis multiplicata cum numero multiplicet peccata, & cur non repetita ex eodem impetu iræ verbera. tr. 3. d. 1. post n. 61. p. 66. Fornicatio quotuplex, & utrum modus diversus transferat fornicationem ad aliam speciem. tr. 9. d. 4. post n. 13. p. 302.
- Fornicatio quandonam parti innocenti ex Sponsis præbeat causam solvendi Sponsalia? tr. 14. d. 14. post n. 40. p. 645.

Fori



**Fori privilegium** Clericis concessum, quale? tr. 14. d. 12. n. 11. p. 616.

**Fornicatio**, quid, & quam grave peccatum. tr. 9. d. 4. n. 11. p. 302. Est intrinsece mala. n. 12. p. ibid. Ad eam reducitur concubinitas, n. 13. p. ibid. Fornicatio cum sponsa alterius, an addat specialem malitiam? n. 14. p. ibid. Quid de fornicatione Fidelis cum Infideli? n. 15. p. ib.

**Fortitudo**, quid? tr. 7. d. 1. n. 33. & 34. p. 194. Ejus partes potentiales, quæ? n. 35. & seqq. p. ibid. Fortitudini, quæ vitia opponantur? n. 37. & 38. p. ibid. Fortitudinis actus excellentissimus, est Martyrium. n. 39. p. ibid. Vide *γ. Martyrium*.

**Fratres dicuntur** quatuor modis. tr. 14. d. 14. n. 111. p. 656.

**Fratres Minores** non possint institui hæredes. tr. 8. d. 3. n. 72. p. 255. Quomodo obligentur ad jejunia Regulæ? tr. 10. d. 2. n. 8. p. 370.

**Fraus**, quid, & quomodo differat a dolo. tr. 7. d. 1. n. 17. p. 192.

**Fructus rei**, qui? tr. 7. d. 3. n. 8. p. 203. Fructuum perceptio, quomodo sit modus acquirendi rerum dominium? tr. 7. d. 5. n. 33. p. 218.

**Frumento** apud se deposito ex licentia præsumpta utens an teneatur alteri reddere simile consumpto in specie, vel num sufficiat, si restituat ipsum pretium, quo frumentum depositum tempore usus æstimabatur? tr. 8. d. 2. post n. 33. p. 239.

**Frumentum corruptum** si ematur loco idonei, an contractus teneat? Item si loco communis comparatur humectatum, & sic tumefactum? tr. 8. d. 1. post n. 15. p. 231.

**Fundationes perpetuæ** Missarum an, & quando præscriptione extinguantur? tr. 7. d. 6. post n. 30. in Append. p. 226. Item an Fundatio talis possit etiam præscriptione induci? p. ibid.

**Fundationis litteræ** si nullam faciant mentionem de obligatione applicandi, sed tantum celebrandi Missam, an nihilominus Beneficiatus teneatur Eandem applicare? tr. 14. d. 5. post n. 103. p. 538.

**Funera Hæreticorum** an liceat sepelire in Cœmeteriis Catholicorum? tr. 4. d. 4. post n. 46. p. 105.

**Fur** quantum summam auferre debeat, ut propterea possit per modum inculpatae tutelæ occidi? tr. 9. d. 3. post n. 30. p. 293. Fur seu Raptor Bonorum fortunæ an occidi possit jam actu cum pecunia aufugiens? ibid.

**Fures** quomodo in Confessionali sint practice examinandi? tr. 9. d. 5. post n. 40. p. 322.

**Fur** necessitate gravi prellus cur nequeat rem alienam auferre? Vide *γ. Necessitate gravis pressus &c.*

**Furti materia** gravis qualiter desumatur per ordinem ad sustentationem diurnam? tr. 9. d. 5. post n. 9. p. 317. seq. Furti gravitas an ex eodem principio desumatur siue res ablata sit sacra, siue profana? ibid. p. 318. Furta minuta an, & quando coadunentur in unam materiam gravem, si quis per eadem non intendit dicescere? tr. 9. d. 5. post n. 20. p. 319. sq. Furta minuta ut constituent peccatum grave, requirunt majorem quantitatem, ac si res fuisset simul, & semel ablata. ib. post n. 21. p. 320.

**De Furtis minutis** Sutorum, Textorum, Molitorum &c. ibid. Furta Filiorum familias quandam constituent grave peccatum? post n. 26. ac seqq. p. 321.

**Furtum**, quid? tr. 9. d. 5. n. 2 & seqq. p. 316. Et quale peccatum? n. 5. p. 317. Quæ quantitas sufficiat ad furtum mortale. n. 6. & seqq. p. ibid. In extrema necessitate an sit licitum aliena surripere? n. 10. & seqq. p. 318. An tunc etiam liceat furari? n. 13. p. ibid. Quid in gravi necessitate. n. 14. p. ibid. Modicum furans animo surripiendi plura, si posset, peccat mortaliter. n. 15. p. 319. An teneatur ad restitutionem? n. 16. p. ibid. Per furta minuta intendens dicescere quomodo peccet? n. 17. & seqq. p. ibid. Furantes minuta tenentur restituere, quomodo? n. 20. p. ibid. Ad furtum mortale in minutis requiritur major quantitas, & qualis? n. 21. p. 320. Per furta domestica potest graviter delinqui. n. 22. p. ibid. An ex iis nascatur Actio Furti n. 23. p. ibid. Quid de furtis famulorum, aut mercenariorum? n. 24. & 25. p. 321. Quid de furto filiifamilias, præsertim operantis in obsequium patris? n. 27. p. ibid. Uxor surripiens ex bonis mariti, an peccet, & quomodo? n. 28. & seqq. p. ibid. Ad furtum grave famulorum major requiritur quantitas, & unde hæc colligenda? n. 37. & 38. p. 322. Propositio damnata circa hoc discutitur, n. 39. & 40. p. ibid. Novem genera cooperandi ad furtum. n. 42. & seqq. p. 323. Si res furtiva casu pereat apud furem, an is restituere teneatur? n. 67. & 68. p. 326. sq.

G.

**G**audium est actus, seu potius effectus Charitatis, tr. 4. d. 6. n. 26. & 28. p. 115.

**Generalis Confessio** quomodo practice instituenda? tr. 14. d. 8. post n. 43. p. 583. seqq.

**Gladius** sub Confessione sub qua obligatione debeat deponi? tr. 14. d. 7. post n. 6. p. 564.

**Grassatores viarum**, qui? tr. 12. d. 2. n. 29. p. 411. Non gaudent Immunitate. n. 28. & 29. p. ibid.

**Gratia actualis**, & gratia habitualis seu sanctificans, quid? tr. 14. d. 2. n. 2. & 3. p. 498. seq.

**Gratia Sacramentalis**, quæ? n. 4. p. 499. Gratiæ conferri ex opere operantis, & ex opere operato, quid? Ibid. An, & qualem gratiam conferant Sacramenta non ponentibus obicem. n. 5. 8. & seqq. p. ibid. Gratia habitualis prima, & secunda, quæ? n. 18. p. 500. Quæ Sacramenta conferant primam, quæ & secundam gratiam. n. 19. & 23. p. 500. sq. Gratiæ sanctificantem an immediate causet Sacrificium Missæ, tr. 14. d. 5. n. 43. & 44. p. 526. seq.

**Gratitudo**, quid? tr. 7. d. 2. n. 10. p. 198. Ejus officia quinque. ibid.

**Gravis necessitas**. Vide *Necessitas gravis*.

**Gravitas Materię** in furto unde desumatur? tr. 9. d. 5. post n. 9. p. 317. sq. Gravitas ista an mensuretur eodem modo siue res sit Sacra, siue profana? ibid. p. 318.

**Gravitas in materia** detractiois unde colligatur? tr. 9. d. 6. post n. 5. p. 335. Deducuntur exinde Corollaria. ibid. p. 336.

Gula

Gula, quid? tr. 3. dist. 3. n. 41. p. 76. Committitur quinque modis. Ibid. Gula ut sic dividitur in Comellationem, & Ebrietatem. n. 42. p. 77. Quale sit peccatum. n. 43. & 44. p. ibid. Est peccatum capitale, ejusque quinque Filia. n. 52. & seqq. p. 78. Comedere, & bibere ob solam voluptatem, an sit peccatum. n. 51. p. 77.

## H.

**H**æres necessarius, & non necessarius, qui? tr. 8. d. 3. n. 69. p. 255. Ejus institutio est fundamentum Testamenti. n. 70. p. ibid. Qui possint institui hæredes? n. 71. & 72. p. ibid. Hæredibus necessariis debet relinqui Legitima, & quomodo? n. 73. & seqq. p. ibid. Hæredi non necessario quantum relinquendum? n. 76. p. ibid. Hæredes ab intestato, qui, & quando succedant? n. 80. p. 256.

Hæresis, unde sic dicatur? tr. 4. d. 4. n. 9. p. 99. Et quid sit: n. 10. p. ib. Ad hæresin formalem requiritur, & error in intellectu, & pertinacia in voluntate. n. 11. & 13. p. 99. sq. Corollaria notabilia n. 12. 14. & 15. p. 99. sq. Pertinacia ad hæresin requisita, in quo consistat? n. 16. & 17. p. 100. Dubitans de Fide, an peccet peccato hæresis? n. 20. & seqq. p. ibid. Absolvere ab hæresi in & extra Articulum mortis, qui possint? n. 29. & seqq. p. 101. sq. Antepore Jubilæi detur facultas absolvendi ab hæresi? tr. 12. d. 3. n. 125. & seqq. p. 442.

Hæredes qualia Vota defuncti teneantur exequi? tr. 6. dist. 3. post n. 24. p. 180.

Hæredes quomodo institui possint Consanguinei pauperes per modum causæ piæ, vel pauper Uxor? tr. 8. dist. 3. post n. 35. p. 247.

Hæreticos absolvendi quinam specialem habeant facultatem? tr. 4. d. 4. post n. 31. p. 102. Hæreticos, seu etiam alias Catholicos hic & nunc aliquem articulum Fidei negantes quandonam etiam alii possint absolvere? ibid. post n. 35. p. ibid.

Hæreticorum Libri quandonam legi possint absque incurfu Excommunicationis Bullæ Cœnæ? tr. 4. d. 4. post n. 40. p. 104. Hæreticos Libros alias prohibitos an absque incurfu Excommunicationis legere possint illi, respectu quorum non est periculum subversionis? tr. 4. dist. 4. post n. 39. p. 103.

Hæreticorum funera an liceat sepelire in Cœmeteriis Catholicorum? ibid. post n. 46. p. 105.

Hæreticis an liceat famulari? ibid. post n. 46. p. ibid.

Pro Hæreticis an applicari possit Missa? tr. 14. dist. 5. post n. 65. p. 530.

Hæreticorum Matrimonia an, & quando sint valida, si sine debito Parocho, vel cum impedimento præcisè Ecclesiastico contrahantur? Vide *Matrimonia Hæreticorum &c.*

Hæretici, qui? tr. 4. d. 4. n. 5. p. 98. Hæretici formales, & materiales, qui? n. 18. & 19. p. 100. Inter alias Hæreticorum pœnas est Excommunicatio. n. 24. & seqq. p. 101. Vide *Excommunicatio*. Quis sit modus recipiendi Hæreticos resipiscentes? n. 34. & 35. p. 102. Fu-

nera Hæreticorum, an Catholicis liceat comitari? tr. 4. d. 4. n. 46. p. 105. Hæretici propter Sectam suam occili, non sunt Martyres. tr. 7. d. 1. n. 43. p. 195. An gaudeant Immunitate Ecclesiastica? tr. 12. dist. 2. n. 23. & seqq. ac n. 28. p. 411.

Homicidium peccaminosum quandonam quis censetur committere? Vide *Occidere & Occisio*. Homicida quidnam teneatur restituere? tr. 9. d. 3. post n. 51. p. 299. Homicidæ confitenti quamnam practice sit injungenda pœnitentia? ibid. post n. 54. p. 300.

Homicidium quandonam post se trahat Irregularitatem? tr. 13. d. 3. quæst. 4. per totum juncta Appendice. Ubi & modus examinandi talem in Confessionali proponitur adjunctis diversis casibus. p. 482. seqq.

Homicidium quodcumque prohibetur quinto Præcepto Decalogi, tr. 9. d. 3. n. 2. p. 290. Quin etiam interior voluntas occidendi. n. 4. & seqq. p. ibid. Tres gradus ad homicidium. n. 6. p. 291. Quodnam homicidium sit prohibitum? n. 9. & seqq. p. ibid. Vide *Occidere*. Homicidium simplex, & qualificatum. n. 31. p. 295. Homicidium, quo parentes, consanguinei &c. occiduntur, superaddit specialem malitiam. n. 32. & seqq. p. ibid. Quid de abortu? n. 33. & seqq. p. ibid. Homicidiis paricidalibus additur proditio Patriæ, & machinatio contra Principem. n. 38. p. 296. Homicidium sacrilegum, quod? n. 39. p. ibid. Ejus duplex species. n. 40. p. ibid. Homicidium quandoque aggravatur ex modo occidendi. n. 41. p. ibid. Quid de Duello? n. 42. & seqq. p. ibid. Restitutio ratione injusti homicidii, vel mutilationis, quomodo facienda? n. 46. & seqq. p. 298. Homicidia, vel mutilationes in Ecclesiis, earumve Cœmeteriis committentes non gaudent Immunitate. tr. 12. d. 2. n. 28. p. 411. & 32. p. 412. Homicidium quando censetur committi in Ecclesia. n. 33. p. 412. Existens in Ecclesia, & occidens aliquem extra eam, an gaudeat Immunitate? n. 34. p. ibid. Homicidium proditorium, quod? n. 36. 37. & 38. p. ibid. Ex homicidio, etiam occulto, incurritur irregularitas. tr. 13. d. 3. n. 23. p. 478. Vide *Irregularitas*.

Homo potest cadere sub dominium alterius hominis; quomodo? tr. 7. d. 4. n. 3. p. 205. Homo non habet dominium vitæ suæ n. 4. & seqq. p. ibid. An sit dominus propriæ famæ? n. 7. & 8. p. 206. Hominis atates, quæ? tr. 8. d. 1. n. 21. p. 232.

Honestas, quid? tr. 7. d. 1. n. 32. p. 194.

Honor, & cultus differunt: quomodo? tr. 5. d. 1. n. 5. p. 129. Honor parentum. Vide *Parentes*. Honor, & fama differunt, quomodo? tr. 9. d. 6. n. 2. p. 335. Honor injuste ablati, quomodo resarciri valeat? n. 36. & 37. p. 343. Vide *Restitutio*.

Quoad Horas Canonicas dispensatus ob oculorum imbecillitatem an teneatur eas recitare, si visus reddatur melior? tr. 2. d. 4. post n. 26. p. 53.

Horas

Horas Canonicas recitare an teneantur personæ Religiosæ etiam in particulari, quamvis necdum Sacris Ordinibus initiatæ? tr. 6. d. 1. post num. 18. p. 156.

Horas Canonicas intermittentes Capellani, vel Provisores an teneantur ad aliquam faciendam restitutionem? tr. 6. d. 1. post n. 34. p. 159. Quid si easdem intermittant Beneficiati ex naturali oblivione? ibid. Aut si omissio fuerit tantummodo levis? Vel si tantummodo easdem recitaverint voluntarie distracti? ibid. Horas Canonicas intermittens Beneficiatus cuius debet restituere fructus? tr. 6. d. 1. post n. 37. p. 160.

Horas Canonicas cum socio recitans ad quidnam debeat attendere? tr. 6. d. 1. post n. 51. p. 162.

Horarum Canonicarum ordo quandonam inverti possit? ibid. post n. 57. p. 163.

Horæ Canonicæ quandonam licite recitari queant de Reliquiis tr. 6. d. 1. post n. 65. p. 164. ubi etiam ponuntur alii tres Casus notabiles circa Horas Canonicas.

Ab Horis Canonicis quomodo eximantur infirmi? tr. 6. d. 1. post n. 77. p. 166. Vide etiam *Officium Divinum*.

Horoscopus quid, & an ex eo liceat aliqua prædicere? tr. 5. d. 2. post n. 19. p. 139.

Horæ Canonicæ, quæ? tr. 6. d. 1. n. 2. p. 154. Sunt septem. n. 4. p. ibid. Usus Horarum Canonicarum antiquissimus. n. 5. & 6. p. ibid. Obligatio eas recitandi, non Juris Divini, sed Ecclesiastici. n. 7. & seqq. p. 155. Quinam teneantur recitare Horas Canonicas? n. 11. & seqq. p. ibid. Subdiaconus tenetur eas dicere jam primo die, quo ordinatur, & quas? n. 13. p. 156. Quid de Clericis excommunicatis, & suspensis? n. 14. & 15. p. ibid. Religiosi, quinam, & unde teneantur recitare Horas Canonicas? n. 17. 18 & seqq. p. ibid. Quid de Novitiis? n. 19. p. 157. Quid de Societate JESU, & nonnullis Monasteriis Monialium? n. 20. p. ibid. Quid de Religioso Clerico, ad statum Laicalem translato. n. 22. p. ibid. aut ejecto ex Monasterio? n. 23. p. ibid. Clerici Beneficarii obligantur ad Horas Canonicas. n. 25. p. ibid. Et quo jure? n. 9. & 10. p. 154. Obligati ad Horas Canonicas, & eas in totum, vel quoad partem notabilem culpabiliter omittentes, peccant mortaliter. tract. 6. dist. 1. num. 27. p. 158. Quanam censetur pars notabilis, sufficiens ad peccatum mortale? n. 28. p. ibid. Quot peccata mortalia committat omittens Officium totius diei? n. 29. p. ibid. An peccet duplici peccato omittens Officium, ad quod tenetur ratione Ordinis sacri, simul & Beneficii? n. 30. p. ibid. Beneficarii omittentes Horas tenentur ad restitutionem fructuum pro rata omissionis. n. 31. p. ibid. Idque post sex menses adepti Beneficii, ac Jure Ecclesiastico. n. 32. p. ibid. Rata neglecti Officii, quomodo taxanda? n. 32. & 33. p. 158. sq. Vitandæ circa hoc quædam Propositiones damnatæ. n. 34. p. 159. Officium Defunctorum, & Litanæ majores, an extra Chorum sub præcepto dicendæ? num. 35. & seqq. p. 160. Quid sit, studiose, & devote celebrare Officium Divinum? num. 38. p. ibid. Quanam intentio requiratur ad recitationem

Horarum Canonicarum. n. 40. & 41. p. 161. Attentio triplex. n. 39. p. 160. Earum quælibet sufficit ad satisfaciendum præcepto. n. 42. p. 161. Voluntarie distractus absque ulla interiori attentione, non videtur satisfacere. n. 43. & seqq. p. ibid. Quid de leviter distracto? n. 46. p. ibid. Aut si distractio non sit plene voluntaria? n. 47. p. ibid. Remedia ad repellendas distractiones. n. 48. p. 162. Septem requisita ad debitam Horarum Canonicarum recitationem. n. 49. p. ibid. Contra integritatem divini officii, qui peccent, & quomodo? num. 50. p. ibid. Satisfacit, qui recitat cum socio non obligato. num. 51. p. ibid. Quid de occupatis in pulsandis organis, ponendis libris, &c. num. 52. p. 163. Continuatio horarum, quomodo requiratur? n. 53. & seqq. p. ibid. Ordo insuper. n. 56. & 57. p. ibid. Causæ licite invertendi ordinem Horarum. n. 57. p. ibid. Qualitas in Divino Officio; quæ servanda? num. 58. p. ibid. Recitans Horas ex Breviario alieno, an peccet mortaliter? n. 59. p. ibid. Non commutandum Officium unius diei in aliud, & quomodo alioquin peccetur? n. 60. & seqq. p. 163. sq. Quid agendum, si quis hodie legit Officium, aut Lectiones diei crastinæ? num. 64. p. 164. Aut omisit hodie recitare de Festo occurrentes? n. 65. p. ibid. Quo loco possit recitari Officium Divinum? num. 67. p. 165. Canonici tenentur illud recitare in Choro, nisi, &c. num. 68. & 69. p. ibid. Quid de Religiosis? n. 21. p. 157. Horæ Canonicæ, quo tempore in, & extra Chorum sint recitandæ? n. 70. & seqq. p. 165. Matutinum, & Laudes, possunt pridie vespere recitari, & circa quam horam; num. 71. p. ibid. Laudes an possint separari a Matutino; n. 3. p. 154. Quo tempore recitandæ Horæ Minores, & Vesperæ; n. 72. p. 165. Quid de Vesperis in Quadragesima. n. 73. p. ibid. An satisfaciatur incipiens Officium ante mediam noctem diei sequentis, & post ipsam absolvens; num. 74. p. ibid. An sit peccatum mortale, celebrare Missam ante dictum Matutinum; num. 75. p. 166. A recitatione Horarum Canonicarum quæ causæ excusent; tract. 6. dist. 1. n. 76. & seqq. p. ibid. Quid de oblivione, ac dubio de recitatis Horis, vel Psalmo aliquo cujuspiam Horæ; n. 76. p. ibid. Infirmitas, an excuset a recitatione Horarum? num. 77. & seqq. p. ibid. An prævidens impedimentum futurum, teneatur prævenire recitando Horas? num. 79. p. 167. An morbi causa impeditus, teneatur audire alium recitantem? n. 80. p. ibid. Occupatio gravis potest excusare, & quæ? n. 81. p. ibid. An, qui non potest recitare totum Officium, teneatur recitare partem, quam potest? num. 83. p. ibid. An, qui solus recitare nequit, teneatur adhibere socium, n. 84. p. ibid. Dispensatio, & metus gravis, an excusent? num. 85. & 86. p. 167. sq. An, qui non potest recitare per se ipsum, teneatur recitare per alium; num. 87. p. 168. An quis Officium omissum teneatur recompensare alio die; num. 88. p. ibid. Et quid de Beneficiario; num. 89. & seqq. p. ibid.

Hostia eadem an possit a pluribus consecrari? tract. 14. dist. 5. num. 137. & seqq. p. 550.

Uuuu

Quid

Quid de Sacerdotibus noviter ordinatis, & cum Episcopo verba Consecrationis proferentibus, 140. & seqq. p. ibid.

Mumilitas, quid? tr. 7. d. 1. n. 29. p. 194.

Hyperdulia, quid? tr. 5. d. 1. num. 15. p. 131.

Debetur B Virgini MARIÆ, n. 32. p. 132.

Hypotheca, an differat a pignore? tr. 8. d. 4. n. 49. p. 268.

## I.

**I**dololatria, quid? tr. 5. d. 2. num. 11. p. 138.

Est gravissimum peccatum. n. 12. p. ibid. Idololatria metaphorice sumitur pro omni peccato mortali, num. 13. p. ibid. Causæ dispositivæ ad Idololatriam. tr. 9. dist. 1. n. 6. & 7. p. 284.

Jejunium an obliget dispensatum propter infirmitatem, si fuerit denuo Sanitati restitutus? tr. 2. d. 4. post. n. 26. p. 53.

Jejunium an non frangant habentia se per modum potus? ubi in specie de Chocolata, Caffee, & herba Thee. tr. 10. dist. 2. post num. 6. p. 359.

Jejunii diebus an in Regionibus, ubi licent ova, & caseus, pariter concedatur comestio Sanguinis, & lardi; ibid. post n. 10. p. 360.

Jejunii tempore utrum, & quando liceat interrumpere Cœnam, vel Collatiunculam Vespertinam; ibid. post num. 35. p. 363.

Item Jejunialibus diebus extra Cœnam, vel Collationem Vespertinam aliquid comedens, quandonam peccet graviter? ibid. p. 364.

Jejunio quinam eximantur? ubi quoad exercentes opera inutilia, & exinde varii casus inferuntur pro praxi. ibid. post n. 71. p. 369.

Jejunium tempore Jubilæi quomodo sit observandum? tr. 12. d. 3. post n. 113. in Appendice I. p. 439.

Jejunium naturale ad Sumptionem SS. Eucharistiæ, ordinarie requisitum quandonam censeatur fractum? ubi varii adducuntur casus. tr. 10. d. 3. post n. 33. p. 373. sq.

Dubitans, num Jejunium illud fregerit, an nihilominus possit communicare? ibid. p. 374.

Jejunium naturale quandonam non requiratur ad Sumptionem S. Eucharistiæ? ibid. post num. 36. p. 374.

Jejunium Quadragesimale an teneatur absolvere, qui pervenit ad locum, ubi illud jam est absolutum; tr. 2. d. 3. n. 39. & seqq. p. 47. Quid, si quis in fraudem jejunii illuc pergat; n. 41. p. ibid. An e contra, qui jejunium jam peregit, teneatur alibi rursus jejunare; n. 42. p. 48. An discedens e loco, ubi non est jejunium, venturus ad locum, ubi est jejunium, possit comedere carnes, num. 38. p. 47. Non jejunare die, quo duplex occurrit jejunium Ecclesiasticum, est unicum peccatum. tr. 3. d. 1. n. 46. p. 64. Quid, si quis ad alterum teneatur ex voto? num. 47. p. ibid. Tempore jejunii morose se delectans in esu carniū, an peccet? tract. 9. dist. 7. num. 18. p. 349.

Jejunium generaliter, & specialiter acceptum. tr. 10. d. 2. n. 2. & 3. p. 359. Jejunium natu-

rale. n. 4. p. ibid. Et Ecclesiasticum, quid? n. 5. p. ibid. An hoc frangatur per potum? n. 6. & 7. p. ibid. Tria ad istud requiruntur. n. 8. & seqq. p. 360. Nempe delectus ciborum; & quid de lacticiis; n. 9. & 10. p. ibid. Abstinencia plurium refectionum, n. 11. p. ibid. Et certa refectionis hora. n. 13. p. ibid. Dispensatus circa esum carniū, an possit sæpius comedere; n. 13. & seqq. p. 361. Jejunium, an violet replens ventrem cibis Quadragesimalibus? n. 16. & seqq. p. ibid. Sæpius in die comedens carnes, quoties peccet? n. 19. p. 362. An excuset levitas materiæ a mortali? Ibid. Quid, si sæpius comedat cibos cæteroquin licitos; n. 20. & seqq. p. ibid. Collatio vespertina an permessa; n. 23. p. ibid. Et qualis; n. 24. 29. & seqq. p. 362. sq. Quale peccatum sit, anticipare tempus comestionis; n. 33. p. 363. Vel sumpta mane collatione, differre prandium ad vespem; n. 35. p. ibid.

Jejunia omnia sunt Jure Ecclesiastico instituta. tr. 10. d. 2. n. 36. p. 365. Jejunium Ecclesiasticum violare, quale peccatum; n. 39. p. ibid. Quo tempore teneantur Adolescentes ad ejus observantiam; n. 40. & seqq. p. ibid. Et quid de ultima die vigesimi primi anni; n. 42. p. ibid. Jejunii Ecclesiastici obligatio est personalis, n. 45. p. 366. Et certis diebus affixa. num. 46. p. ibid. Quid de Jejunio ex voto, vel pro pœnitentia injuncto. n. 47. p. ibid. Solvens Jejunium ex duplici præcepto obligatus, quot committat peccata; n. 48 & 49. p. ibid. Statuens per totam Quadragesimam non jejunare, vel non jejunans, quot peccata committat? n. 50. p. ib. Alios ad jejunium violandum inducens, peccat contra præceptum jejunii, n. 51. p. ibid. Caupo, an possit hospitibus ministrare carnes? n. 52. p. ibid. Vel cœnam? n. 53. p. ibid. Quæ causæ generatim excusent a jejunio? n. 55. & 56. p. 367. Et quomodo impotentia; n. 56. 57. & seqq. p. ibid. Pietas; n. 56. 65 & seqq. p. 367. sq. Ac necessitas, sive labor corporalis; n. 56. 68. & seqq. p. 367. sq. Sexagenarii, an omnes excusentur; n. 62. & 63. p. 368. Et quid de fœminis quinquagenariis; num. 64. p. ibid. Itinerantes, an, & quando excusentur a jejunio? n. 70. & 71. p. 368. sq. An etiam dispensatio excuset a jejunio? n. 74. & 75. p. 369. Qui possint dispensare in jejunio? n. 76. p. ibid. An Parochi cum Parochianis, n. 77. p. ib. Causæ hujusmodi, an excusent a jejunio ex Voto debito? n. 78 & seqq. p. 370. Jejunia tempore Jubilæi, qualiter peragenda? tr. 12. d. 3. n. 108. & seqq. p. 437.

Ignorantes, alicui peccato esse ab Episcopo annexam reservationem, an eandem nihilominus incurrant? tract. 14. dist. 9. post n. 10. p. 598.

Ignorantia vincibilis quandonam sit imputabilis ad culpam? tract. 1. dist. 1. post n. 40. p. 7.

Ignorantia Juris apud quos toleretur, & respectu quorum obicit præsumptioni? tr. 7. d. 6. post n. 10. p. 221.

Ignorantia, quid? tr. 1. d. 1. n. 35. p. 6. Dividitur variè n. 37. & seqq. p. ibid. Ignorantia juris, & fa-



& facti. n. 38. p. ib. Antecedens, concomitans, & consequens n. 39. p. 7. Invincibilis & vincibilis. n. 40. p. ib. Crassa, & affectiva quæ? n. 41. p. ib. An causet involuntarium? n. 42. & seqq. p. ib. Ignorantia facti, vel juris an excuset ab incurrenda Censura? tr. 13. d. 1. n. 28. & seqq. p. 455. Ignorantia circa aliquod peccatum si poenitens laboret, quid agendum Confessario? tr. 14. dist. 8. n. 52. & seqq. p. 594. sq.

Illegitimi sunt irregulares tr. 13. d. 3. n. 33. p. 481. Quid, si Religionem intrent; n. 35. p. ib. Legitimantur per subsequens matrimonium parentum, n. 34. p. ibid.

Imagines sacræ quomodo venerandæ? tr. 5. d. 1. n. 34. p. 132. Verba notabilia Concilii Tridentini circa cultum SS. Imaginum ibid. Imagines possunt dupliciter considerari. n. 36. p. 133. Obsectio Hæreticorum contra sacras Imagines diluitur. num. 37. p. ibid. Decretum Urbani VIII. circa Imagines Sanctorum necdum Beatorum. n. 43. & 44. p. 134.

Imagines obscenæ. Vide *Pictura obscena*.

Immunditia, quid? tr. 9. d. 4. n. 44. p. 306. Vide *γ. Molities*.

Immunitate quæ crimina gaudeant præsertim insistendo Bullæ novissimæ Benedicti XIII. tr. 12. d. 2. post num. 41. p. 413. Immunitate si qua crimina non gaudeant, quæ forma observanda in extradendis Reis? tr. 12. d. 2. post n. 55. p. 415.

Immunitas Ecclesiastica, quid? tr. 12. d. 1. n. 3. p. 404. Est triplex, localis, realis, & personalis n. 4. p. ib. An ea sit de Jure Divino; n. 5. 6. & seqq. p. ibid. Immunitas localis, in quo consistat? n. 10. p. 405. In Ecclesiis, earumque Cæmeteriis, prohibentur fieri judicia; quæ, & quomodo; n. 11. & seqq. p. ibid. Item contractus. n. 14. & 15. p. ibid. Et quid de venditione Candelarum; n. 16. p. ibid. Quæ alia ibidem fieri prohibeantur; n. 17. & seqq. p. 405. sq. An etiam Disputationes; n. 21. p. 406.

Immunitas realis, & personalis, in quo consistat; n. 23. p. ibid. Bona Ecclesiæ, & Clericorum, an gaudeant immunitate a Collectis, & jurisdictione seculari; n. 27. & seqq. p. 406. sq. Vide *γ. Collecta*. Immunitas localis generatim consistit in duobus. n. 10. p. 405. & d. 2. n. 1. p. 408. Vide *γ. Asylum*.

Impedimenta matrimonii alia impediencia, alia dirimentia. tr. 14. d. 14. n. 1. p. 640. Datur in Ecclesia potestas eadem constituendi. n. 2. p. ib. Hæc quibus competat; num. 3. & 4. p. ibid. An etiam Principi seculari; n. 5. & 6. p. ibid. Saltem respectu subditorum infidelium; n. 7. p. 641.

Impedimenta mære impediencia de Jure antiquo, quæ? n. 8. & seqq. p. ibid. Et quæ nunc sint in usu; n. 11. & seqq. p. ib. Impedimenta dirimentia matrimonii, quot, & quæ; num. 49. & seqq. p. 648. Impedimentum Erroris. num. 51. & seqq. p. ibid. Impedimentum Conditionis. num. 54. & seqq. p. 649. Violentia. num. 62. p. ibid. Impotentia. n. 63. & seqq. p. 650. Ligaminis. n. 73. p. 652. Ordinis. num. 74. & 75. p. ibid. Voti n. 76. & 77. p. ibid. Disparitatis cultus. n. 78. & seqq. p. ibid. Criminis. n. 84. & seqq. p. 653. Cognationis carnalis. n. 94. & seqq. p. 654. Cognationis spiritua-

lis. n. 112. & seqq. p. 657. Et Legalis. n. 115. p. ibid. Affinitatis n. 116. & seqq. p. ibid. Justitiæ publicæ Honestatis. n. 126. p. 658. Et impedimentum Raptus. n. 153. p. 664. Quid de præsentia Parochi, ac duorum Testium; n. 131. & seqq. p. 659.

Impedimenta Matrimonii. Vide *Matrimonium*.

Impedimentorum matrimonii dispensatio, an possit fieri a Papa; tr. 14. d. 14. n. 157. p. 665. Et aliquando ab Episcopo; n. 158. & seqq. p. 665. Vide *γ. Dispensatio circa certa impedimenta*. Et quæ conditiones ad hoc ultimum requirantur; n. 159. p. ib. In procuranda dispensatione Impedimentorum matrimonii, quid observandum; n. 162. & sq. p. 666. Quid consilii cum iis, qui post matrimonium contractum sibi consciunt alicujus impedimenti; n. 169. p. ibid. Dispensatio super Impedimentis matrimonii, per quem petenda. n. 170. p. ibid. A quo, & quomodo; n. 171. p. ibid. An obtenta occulti impedimenti dispensatione, matrimonium coram Parocho, & Testibus renovandum sit; n. 172. p. ibid. An tunc ambo conjuges debeant scire nullitatem matrimonii, ut renovent consensum; n. 173. p. 667. Aut aliquando sufficere possit consensus sub conditione; n. 174. p. ib. Plura Vide *γ. Dispensatio circa certa impedimenta*.

Imperfektionen solæ non sunt materia apta Sacramenti Pœnitentiæ: tr. 14. d. 6. tr. 14. p. 554. Circa has quid observandum in praxi; n. 15. & 16. p. ibid.

Impotentia impedimentum, quod? tr. 14. d. 14. n. 63. p. 650. Dirimit matrimonium, & quando; n. 64. & seqq. p. ibid. Quid juris, si dubitetur, an ea præcesserit matrimonium; n. 67. p. ibid. Vel an sit perpetua; n. 68. p. ibid.

Impotentia quomodo contrahatur per Castrationem? ibid. post n. 69. p. 651. Item an eadem intercedat, si mulier equidem viri semen recipiat, aut Matrix postea iterum rejiciat? ibid. post n. 70. p. ibid. Item Impotentia Impedimento quandonam laborare censeantur Hermaphroditi. Ibidem post n. 72. p. 652.

Impotentibus Conjugibus quomodo concedatur probatio triennalis? tr. 14. d. 14. post n. 68. p. 650. sq.

Improperium, quid? tr. 9. d. 6. n. 27. p. 341.

Impuberes invalide contrahunt matrimonium, tr. 14. d. 14. n. 71. p. 651. Et quo jure; n. 72. p. ib.

Impuberum vota possunt irritari a parentibus. tr. 6. d. 3. n. 38. p. 182. Impubes, quis, tr. 8. d. 1. num. 22. p. 232.

Impudicitia est circa oscula, tactus venereos, ac hujusmodi. tr. 9. d. 4. n. 70. & seqq. p. 311. Oscula, tactus impudici, quale peccatum inter Solutos n. 71. p. ib. Quid, si fiant causa amicitia; n. 72. p. ib. Ex joco, aut levitate; n. 73. p. 312. Vel ex causa justa, v. g. medendi. n. 74. p. ib. Quid de fricatione pudendorum; n. 75. p. ib. Quid, si fiant inter Conjuges; n. 76. p. ibid. Aut sponsos de futuro; n. 77. p. ib. Aut sint tactus in partibus honestis, causa delectationis sensitiva; n. 78. p. ib. Tactus impudici inter personas ejusdem sexus, quale peccatum; n. 79. p. 313. In tactibus libidinosis explicanda circumstantia personarum complicum, n. 80. p. ibid.

- Aspectus, verba, & cantus turpes inter Solutos, quale peccatum; n. 81. & seqq. p. 314. Aspectus curiosi, præsertim fixi, quam periculosi, n. 84. p. ibid. Discrimen inter tactum, & visum. n. 83. p. ib. Levitas materiæ in se venerea, an detur; n. 85. & seqq. p. 315.
- Impudica loquens quandonam dicatur scandalum dare? Vide *Verba impura*.
- Incestus ad invicem an distinguantur specie? tr. 9. d. 4. post n. 38. p. 306.
- Incestus, quid; tr. 9. d. 4. n. 35. p. 305. Superaddit luxuriæ specialem malitiam, & ad quot gradus; n. 36. p. ib. Incestus inter diversos gradus, an specie distinguantur; n. 37. & 38. p. 305. sq.
- Indifferentiæ actus an maneat, si quis operetur præcise ex fine delectabili? tr. 1. d. 2. post n. 39. p. 14.
- Indulgentiæ si præter plenarias simul & semel concedantur partiales, quomodo intelligendum? tr. 12. dist. 3. post num. 17. p. 417.
- Indulgentiæ Portiunculæ quidnam habeant speciale, & an possint etiam applicari pro aliis vivis? ib. num. 64. & sq. p. 423.
- Indulgentiis præscripta opera qualiter sint peragenda? Vide in *Jubileo præscripta opera*.
- Indulgentiæ semel concessæ an iterum cessent cessante causa motiva, vel per mortem concedentis? ibid. post n. 66. p. 424.
- Indulgentiæ ab Innocentio XI. rejectæ quænam? ubi specialiter de concessis ad: *Angelus Domini &c.* ibid. post num. 75. p. 427.
- Indulgentiæ in certos dies Templum visitantibus, vel aliud pium opus peragentibus indefinite concessæ quoties possint intra illud tempus obtineri? an toties, quoties? ibid. Item quid sentiendum, si Indulgentiæ non fuissent certis diebus affixæ, sed in perpetuum pro quocumque anni die concessæ? ibid.
- Indulgentiis annexa clausula *Dummodo alia similis &c.* quomodo intelligenda? ibid. n. 78. p. 430. Item de alia clausula *Dummodo septem &c.* n. 79. & seq. p. ibid.
- Indulgentiarum tempus quandonam incipiat, & utrum intra illud numeretur annus Jubilæus? ibid. n. 81. p. 431.
- Indulgentiæ pro Ecclesiis, & Confraternitatibus quales dentur, & quomodo impetrentur? Vide *Ecclesia & Confraternitas*.
- Indulgentiæ varix acceptiones. tr. 12. d. 3. n. 1. p. 415. Quid sit; n. 2. & 11. p. 415. & 417.
- Indulgentiæ non tollunt culpam, sed solum poenam peccatorum. n. 12. & 13. p. 417.
- Indulgentia plena, plenior, & plenissima, an differant; n. 15. & 16. p. ibid. Plenaria. n. 14. p. ibid. Partialis, seu non plenaria. n. 17. p. ibid. Personalis. n. 22. p. 48. Localis. n. 23. p. ib. Et Realis, quid; n. 24. p. ib. Indulgentiæ mille, seu centum annorum, aut dierum, quomodo intelligendæ; n. 18. & 19. p. ibid. Quadragena, Septena, & Carena, quid; n. 20. p. ib. Hæ male negliguntur. n. 21. p. ibid. Datur in Ecclesia potestas concedendi Indulgentias. n. 25. & 26. p. ibid. Qui possint eas concedere; n. 27. & seqq. p. 419. Ad earum valorem quatuor requiruntur conditiones. n. 30. & seqq. p. ibid. Indulgentiæ tantum valent, quantum sonant, &c. n. 35. p. ibid. Qui sint capaces In-
- dulgentiarum, n. 36. & seqq. p. 420. An etiam Catechumeni; n. 39. & 40. p. ib. Applicantur vivis per modum absolutionis, Indulgentiis annexam solutionem ex *Thesauris Ecclesiæ*. n. 38. p. ibid. Animæ Purgatorii earum sunt capaces per modum Suffragii. n. 41. p. ib. Clausula *Per modum Suffragii*, quid importet; n. 42. p. ib. Indulgentiæ aliter conferuntur vivis, aliter Defunctis. n. 42. p. ib. An certo profint illis Defunctis, quibus applicantur; n. 43. & seqq. p. ib. Cur diversæ Indulgentiæ pro eadem Anima applicantur; n. 47. p. 421. Ad lucrandas Indulgentias, an sit necessaria Confessio, & quando. n. 48. & seqq. p. ibid. Unica Confessio, & Communio, an sufficiat pro pluribus Indulgentiis; n. 51. p. 422. Et quanto tempore possit præcedere; n. 52. p. ibid. An eodem opere possit obtineri plures Indulgentiæ; n. 53. & seqq. p. ibid. Et eadem repetitio opere sepius; n. 55. & seqq. p. ibid. Omittens levem partem operis inuncti, an lucretur Indulgentiam. n. 57. & 60. p. 422. sq. Non valens intrare Ecclesiam, an foris lucretur Indulgentias; n. 61. & 62. p. 423. An, si alicui Festo est annexa Indulgentia, translato Festo, etiam eadem transferatur; n. 63. p. ibid. An Indulgentia Portiunculæ habeat aliquid speciale; n. 64. p. ibid. Quomodo ibidem intelligendi sint termini, *Toties, quoties*; n. 65. p. 424. Quomodo Indulgentiæ cessent; n. 66. p. ib. Quæ Indulgentiæ per Paulum V. revocantur, & de novo Regularibus concessæ fuerint; num. 67. & seqq. p. 425. Indulgentiæ ab Innocentio XI. declaratae tamquam Apocryphæ. num. 75. p. 426. Indulgentiæ, quæ de facto solent dari, ad instantiam concedi Ecclesiis. Item, quæ Altaribus privilegiatis, n. 76. p. 428. Quomodo intelligenda sit clausula: *Dummodo alia similis &c.* n. 77. & seqq. p. 430. De clausula: *Dummodo septem Missæ, &c.* n. 79. p. ib. An non detur Altari privilegiatum cum minori numero Missarum; n. 80. p. 431. Quo tempore incipiat concessio Altaris privilegiati, aut alterius Indulgentiæ; n. 81. p. ibid. Quomodo practice petenda sit pro Ecclesia aliqua Indulgentia; n. 82. p. 432. Qualiter petenda pro altari privilegiato quoad omnes Defunctos; n. 83. p. ibid. Quomodo pro Confraternitate; n. 84. p. ibid. Quomodo pro Altari privilegiato alicujus Confraternitatis; n. 85. p. ibid. An pro Expeditione Brevium Indulgentiarum aliquid debeat expendi; n. 86. p. 433.
- Indulgentiæ Stationum, quo die possint lucrari; num. 86. p. ibid. Indulgentiæ Altarium Privilegiatorum obtinentur celebrando Missam de Festo duplici occurrente. tract. 14. dist. 5. num. 101. p. 537. Indulgentiæ in Anno Sancto suspenduntur. tract. 12. dist. 3. num. 89. p. 434. Non tamen Indulgentiæ Altarium privilegiatorum. num. 95. p. 435. Nec Indulgentiæ pro mortis articulo concessæ. num. 96. p. ibid. Neque Indulgentia Ecclesiæ Portiunculæ. num. 97. p. ibid. Et quid de Indulgentiis partialibus; num. 98. & 99. p. ibid. Vide *v. Jubilæum*.
- Item quænam pro Altari privilegiato? Vide *Alt-*

*are Privilegium*, ac tempore Jubilæi? Vide *Jubilæum*.

*Infamia*, quid; tr. 13. dist. 1. num. 55. p. 458. Alia juris, alia facti. n. 56 p. ib. Infamia juris, ob quæ crimina contrahatur; n. 57 & 58. p. ibid. Quomodo tollatur; n. 59. p. ib. Crimina inducentia infamiam juris, indicunt irregularitatem, & quando; tr. 13. d. 3. n. 19. & seqq. p. 477.

*Infans*, an possit ordinari; tr. 14. d. 12. n. 45. p. 620. Et an ordinatus teneatur servare continentiam, & recitare Breviarium; n. 46. p. ib. Infantibus non est necessaria Fides actualis. tr. 4. d. 2. n. 14. p. 84. Infantia quamdiu duret; tr. 8. d. 1. n. 21. & 22. p. 232.

*Infans* secundinis involutus an baptizandus, & quid cum tali agendum mortua jam matre? tr. 14. d. 3. post n. 20. p. 509.

*Infestata domus*. Vide *Domus infestata*.

*Infidelitas* alia positiva, alia negativa. tr. 4. d. 4. n. 1. p. 98. Culpabilis, & inculpabilis. n. 2. p. ibid. Pure negativa, & privativa. n. 3. p. ib. Infidelitatis species generatim tres, nempe Paganismus, Judaismus, & Hæresis. n. 4. p. ibid. Quæ infidelitas sit ceteris gravior; n. 6. p. 99. An, & quale peccatum? n. 7. & 8. p. ib.

*Infidelium* filii, an baptizari possint invitis parentibus. tr. 14. d. 3. n. 8 & 9. p. 507. Calus, in quibus hoc licitum est, n. 10. p. 508. Infidelibus adultis quando censeatur vera Fides sufficienter proposita, tr. 4. d. 2. n. 30. p. 86.

*Infirmis* pauperibus an pretiosis medicinis succurrendum sit etiam cum gravi dispendio proprii status? tr. 4. d. 6. post n. 41. p. 116.

*Infirmi* quomodo excusentur a recitatione Breviarii? tr. 6. d. 1. post n. 77. p. 166.

*Infirmi* qualibus mediis teneantur vitam suam servare? tr. 9. d. 3. post n. 14. p. 292.

*Infirmi* quoad sumptionem Eucharistiæ: Vide *Vaticum*.

*Infirmis* quæ sit injungenda Pœnitentia? tract. 14. d. 10. post num. 32. p. 610. sq.

*Infirmis* quandonam sit danda extrema Unctio, & quo tempore eadem iterum repeti possit? Vide *Extrema Unctio*.

*Infirmi* maleficiati. Vide *Ægroti maleficiati*.

*Inimici* sunt ex speciali præcepto Charitatis diligendi. tract. 4. dist. 6. n. 15. p. 112. Vi hujus præcepti tenemur inimicis exhibere generalia signa Dilectionis. n. 16. & 18. p. ib. Depone-re odium, & internum rancorem erga eos. n. 19. p. 113. Eisque veniam rogantibus remittere injuriam, non item satisfactionem; num. 20. p. ib. Inimicis an sint exhibenda etiam specialia signa Dilectionis; n. 21. & seqq. p. ib. An sit licitum, odisse peccatum inimici; n. 24. p. 114. Atque de ejus punitioe latari. n. 25. p. ib.

*Inimici* quomodo se ad invicem debeant reconciliare? tr. 4. d. 6. post n. 25. p. 114.

*Injuria* quid, & quomodo distinguatur ab offensa? tr. 4. d. 6. post num. 20. p. 113.

*Inopes* Conjuges quoad petitionem debiti. Vide *Pauperes*.

*Insulæ* novæ Dominium ad quem pertineat? tr. 7. d. 5. post n. 22. p. 216.

*Institutio*, quid; tract. 11. dist. 1. num. 24. p.

380. Institutio triplex, videlicet auctorizabilis. num. 25. p. ibid. Collativa, seu verbalis. num. 26. p. ibid. Ac corporalis, seu realis. num. 27. p. ibid. Hæc alio nomine vocatur *Investitura*, *Installatio*, &c. & quam sit necessaria; num. 28. p. ibid.

*Integritas* Confessionis duplex, materialis, & formalis, quæ; tract. 14. dist. 7. num. 8. p. 566. Regulariter requiritur Confessio etiam materialiter integra. num. 29. & seqq. p. ib. In quibus casibus sufficiat sola ejus integritas formalis; num. 35. & seqq. p. 567.

*Integritas* Confessionis. Vide *Confessionis integritas*. Intentio applicandi Missam quæ? Vide  *Applicatio Missæ*.

*Intentionis* bonitas non sufficit ad tollendam malitiam medii pravi. tr. 1. d. 2. n. 12. & seqq. p. 9. sq. Intentio judicat omnes, quomodo; n. 14. p. 10. Intentio bona nostris actionibus præfigenda cur; n. 25. p. 11. Commendatur bona intentio mane facta, & an ea sufficiat. num. 26. p. 12. Sufficit ad meritum intentio virtualis; & quæ ea sit; n. 27. p. ibid. Intentio in executione operis præcepti, duplex. tr. 2. d. 3. n. 43. p. 48. Qualis requiratur, ut impleatur præceptum; n. 44. & seqq. p. ibid. Et quæ ad recitandum Horas Canonicas; tr. 6. d. 1. n. 40. & 41. p. 161. Intentio triplex, actualis, virtualis, & habitualis. tr. 14. d. 1. n. 34. & 35. p. 495. Qualis requiratur ex parte Ministri Sacramentorum; num. 36. & seqq. p. 496. Intentio actualis in actu exercito, & in actu signato, declaratur. num. 38. p. ibid. Intentio ex parte recipientis, an, & quæ requiratur; num. 39. & 40. p. ib. Disparitas quoad intentionem inter Ministrum, & recipientem. n. 41. p. ib.

*Interdicta* potiora enumerantur. tr. 13. d. 2. post p. 97. p. 473. sq. Interdicti tempore quandonam possint celebrari solemniter Divina? ibid. post num. 104. p. 474.

*Interdicta* semel lata quomodo iterum possint tolli? ibid. post n. 107. p. 475.

*Interdictum* potest infligi ob peccatum alterius. tr. 13. d. 1. n. 20. p. 453. Disparitas inter Interdictum, & Excommunicationem n. 22. p. ibid. Ac Suspensionem. n. 26. p. 454. Vide *Censura*. Interdictum, quid; tr. 13. d. 2. n. 90. & 91. p. 473. Interdictum locale, generale, & particulare. n. 92. p. ib. Interdicta Civitate, censentur interdicta Suburbia &c. n. 93. p. ib. Quid, si Ecclesia sit interdicta; n. 94. p. ib. Interdictum personale, & mixtum. n. 95. & 96. p. ib. Interdicto Clero, vel Populo, qui censentur interdicti; n. 97. p. ib. Interdicti triplex est effectus. n. 98. & seqq. p. 474. Interdictum, quomodo differat a cessatione a Divinis; n. 108. & seqq. p. 475.

*Interesse* novum an exigi possit ex Interesse restanti? tr. 8. d. 4. post n. 48. p. 267. sq. Interesse plura restantia an computari queant in novum Capitale? ibid.

*Interesse*, sive recipi aliquid in mutuo ultra sortem tamquam Interesse, quid; tr. 8. d. 4. n. 36. p. 266.

*Interprete* mediante, an possit, & debeat fieri confessio; tract. 14. dist. 7. num. 23. & 39. p. 565. & 567. Interpret tenetur ad Sigillum

Uuuu 3

Con-

- Confessionis, tract. 14. dist. 9. num. 36. p. 604.
- Interpretatio, quid? tr. 2. d. 4. n. 1. p. 49. Interpretatio legum, duplex, authentica, & doctrinalis. n. 2. p. ibid. Quomodo fieri debeat; n. 3. & seqq. p. ibid.
- Interpretatio quomodo fiat in dispensationibus? tr. 2. d. 4. post n. 12. p. 81. Interpretatio benigna Legis quomodo, & quando habeat locum? Vide *Epicheja*.
- Interrogationes, an quandoque a Confessario faciendæ; tr. 14. d. 8. num. 31. & seqq. p. 580. Cautela circa interrogationes. n. 32. & 33. p. ibid. & sq. Quomodo se gerere debeat Confessarius in faciendis interrogationibus; n. 34. p. 581. Hic potest errare per defectum, & excessum n. 35. p. ibid. Regulæ generales circa interrogationes faciendas. n. 36 & seqq. p. 582. Præsertim in materia luxuriæ. n. 37. p. ibid. An sint instituendæ post Confessionem vel sub ea; n. 39. & 40. p. ibid.
- Interrogatoria in materia lubrica caute in Confessione instituienda. Vide *Examen in materia lubrica*.
- Interrogatoria qualia instituenda apud deditos mollitiæ? Vide *Pollutionibus dediti &c.* Interrogatoria quoad detrahentes Vide *Examen &c.*
- Interrogatoria an, & quando, & quomodo circa sum penitentem sint instituenda a Confessario? Vide *Examen & p. Penitens quandonam &c.*
- Interruptio actus peccaminosi quandonam inferat distinctionem numericam peccatorum, supposito, quod is postea continuetur? tr. 3. d. 1. post n. 53. p. 65.
- Invidia, quid; tr. 3. d. 3. n. 27. p. 75. Quale peccatum; n. 29. p. ib. Recte connumeratur inter Vitia Capitalia, n. 30. p. ibid. Ejus Filiz. n. 31. p. ibid. Invidus proprie, quis; n. 27. & 28. p. ibid.
- Invidia an sit, si Mercatores optent, ut Emptores loco aliorum ad se venirent? tr. 3. d. 3. post n. 28. p. 75.
- Involuntarium simpliciter, & secundum quid; tr. 1. d. 1. n. 26. p. 5. An causetur a violentia; n. 27. p. ibid. Metu; num. 28. p. ib. Concupiscentia; n. 32. & 33. p. 6. Et passione; n. 34. p. ibid. Aut ignorantia; n. 42. & seqq. p. 9.
- Joci gratia tentare aliqua, quæ videntur non carere dubio, num lateat aliqua superstitio, quam periculosum? tr. 5. d. 2. post n. 28 p. 140.
- Ira, quid; tr. 3. d. 3. n. 32. p. 76. Est Satellitium rationis. Ibid. Ira inordinata, quale peccatum; n. 33. p. ibid. Ejus Filiz; n. 34. & seqq. p. ib.
- Irregularis occultus, an possit celebrare ad vitandam infamiam; tr. 2. d. 2. n. 18. p. 39.
- Irregularitas, quomodo habeat rationem pœnæ; tr. 13. d. 1. n. 46 p. 457. Irregularitas, unde sic dicta; tr. 13. d. 3. n. 1 p. 475. Et quid; num. 2. p. 476. Dividitur in Irregularitatem ex delicto, & ex defectu, n. 3. p. ibid. Et quomodo hæ differant; n. 4. p. ib. Irregularitas non est Censura. n. 5 p. ibid. Eam violans, non sit denuo irregularis; secus in Censuris. n. 6. p. ibid. Non incurritur, nisi Jure exprimatür. n. 7 p. ibid. Ea non ab homine, sed a solo Jure imponi potest n. 8. p. ib. An omnes solo Jure Ecclesiastico constitutz sint? num. 9. p. ib.
- Irregularitas ex delicto oritur ex Baptismo reiterato, tr. 13. d. 3. n. 10. p. 477. Quid si is sub conditione reiteretur? n. 11. p. ib. An oriatur ex reiteratione Confirmationis? n. 10 p. ib. & tr. 14. d. 3. n. 53. p. 513. Oritur quoque ex violatione censuræ; & quomodo? tr. 13. d. 3. n. 12. & seqq. p. 477. Item ob indebitam suspensionem Ordinis, & quando n. 15. & seqq. p. ibid. Quid de ordinato per saltum, aut ante legitimam ætatem? n. 17. p. ibid. Excommunicatio minor, si violetur, non inducit irregularitatem. n. 16. p. ibid. Hæretici, Schismatici, eorumque fautores, sunt irregulares. n. 18. p. ibid. Crimina inducentia infamiam Juris inducunt irregularitatem. n. 19. p. ibid. Quid, si crimina illa sint occulta. n. 20. & 23. p. 478. Vel postea fiant publica. n. 22. p. ibid.
- Irregularitas ex defectu varie contingit. tr. 13. d. 3. n. 24. & seqq. p. 480. Quomodo ex defectu animi. n. 25. & seqq. p. ibid. Ex defectu corporis, n. 28 p. ibid. Et quid de carente oculo, aut visu oculi sinistri. n. 29. & 30. p. ibid. & sq. Gibboso, & clauda. n. 32. p. 481. Ex defectu natalium. n. 33. & seqq. p. ibid. Ex defectu ætatis. n. 36. p. ibid. Ex defectu libertatis. n. 37. p. ibid. Et ex defectu Sacramenti. n. 38. & seqq. p. ibid. Non sit irregularis, qui fornicatur cum pluribus. n. 43. p. 482.
- Irregularitas ex homicidio dupliciter contingit, & cur? tr. 13. d. 3. n. 44. & 45. p. 482. Injuste mutilans, vel occidens sit irregularis, dummodo sit baptizatus. n. 46 & seqq. p. ibid. Licet homicidium sit occultum. n. 23. p. 478. Etiam mandans, vel cooperans ad illud, sit irregularis. n. 51. p. 483. Quid, si plures aliquem aggrediantur. num. 52 p. ibid. Homicidium casuale an inducat irregularitatem? n. 53. & seqq. p. ibid. Irregularitas etiam oritur ex homicidio publica auctoritate facto n. 57. p. 484. Quid de cooperantibus ad istud? n. 58. & 59. p. ibid. Quid de Clero injuriam passo, & conquirente coram Judice, &c. num. 60. p. ibid. Aut Confessario comitante Reum ad supplicium. num. 61. p. 485. Occidens ob necessariam vitæ defensionem, non est irregularis. num. 64. p. ibid. Quid, si ob defensionem rerum suarum; n. 65. p. ibid. In bello justo, qui fiant irregulares? n. 62. p. ib. Quid, si bellum sit injustum; n. 63. p. ibid. Aut mere defensivum; n. 63. & 66. p. ibid. & sq. Et quid de Clericis? n. 62. & 67. p. ibid. & sq.
- Irregularitas tollitur per dispensationem. tr. 13. d. 3. n. 68. p. 488. Papa dispensat in omni irregularitate. n. 70. p. ibid. Episcopi, in quibus irregularitatibus dispensent; n. 71. p. ibid. Quid de Capitulo Sede vacante; n. 72. p. 489. Prælati Regulares, in qua irregularitate dispensent cum suis subditis; n. 73. & seqq. p. ib. Forma dispensandi super irregularitate. n. 76. p. 490. Ad quem debeat dirigi Supplicia pro impetranda dispensatione circa irregularitatem. num. 77 p. ibid.
- Irregularitas ex delicto ut contrahatur, quale debeat esse peccatum; tract. 13. dist. 3. post num. 23. p. 478. Item post num. 56. p. 483. Irregularitas annexa an debeat resciri; Irregularitas an



- an contrahatur, si causa sit dubia; ibid. Irregularitas ex defectu an contrahatur ob defectum pollicis; ibid. post n. 28. p. 480.
- Irregularitas ex homicidio qualiter incurratur; ib. post n. 56. p. 483. Ab Irregularitate ex homicidio quinam sint immunes; ib. post n. 60. p. 484. Ab Irregularitate an immunis sit, qui Furem occidit ad conservanda Bona Fortunæ; ibid. post n. 65. p. 485.
- Irregularitas si quæ in Confessionali proponitur, quid debeat Confessarius attendere; tr. 13. d. 3. post n. 67. in Appendice. p. 486. seqq.
- De Irregularitate proponuntur, ac resolvuntur casus varii de aliquo rixante, de altero abortum Puellæ suadente, de Clerico venante, & per incuriam occidente hominem, similiter de alio Clerico militibus indicante hostem latentem, ac iterum de altero manifestante Judici Magiz, vel Latrocinii Reos. Item de testante in causa Sanguinis. ibid. in Appendice. p. 487. seqq.
- Irregularitas a quibus tolli possit per Dispensationem? Vide *ŷ. Epi/copi*, & *ŷ. Regulares mendicantes*.
- Irreligiositas, quid, & quæ vitia sub se contineat, tr. 5. d. 3. n. 1. p. 144.
- Irrisio, seu Derisio, quid? tr. 9. d. 6. num. 30. p. 342.
- Irritatio legis, quid? tr. 2. d. 4. n. 27. p. 84.
- Irritatio votorum a quibus, & quando fieri possit? tr. 6. d. 3. n. 35. & seqq. p. 182.
- Itinerantes quandonam diebus præceptis excusentur ab Auditione Missæ? Vide *Auriga*.
- Itinerantes, an, & quando excusentur a jejuniis? tr. 10. d. 2. n. 70. & 71. p. 368. sq.
- Jubilæum celebrandi Ritus, tract. 2. dist. 3. post n. 88. p. 434. Jubilæum ordinarium quomodo intra annum suspensionis Indulgentiarum soleat concedi Monialibus, & aliis Romam ire impeditis? ibid. post num. 90. p. ibid. Jubilæo ordinario quænam Indulgentiæ suspendantur in specie? ibid. post num. 99. p. 435. Item integra Appendice II. Item in Jubilæo qualis suspendatur potestas absolvendi; ibid.
- Jubilæum ordinarium quomodo completo Romæ Anno Sancto extendatur ad alias Dioceses; Item qualiter in eodem opera præscripta (puta Visitatio Ecclesiarum, preces &c. persolvenda, & an satisfiat per opera alias debita? tr. 12. d. 3. post n. 113. integra Appendice I. p. 438.
- Virtute Jubilæi an quis possit bis absolvi a reservatis? ibid. post n. 118. p. 441. Et in quibus votis dispensari? ibid. post n. 124. p. 442. ac quibus peccatis absolvi? ibid. post. n. 129. 443.
- Jubilæo quid profit probabilitas opinionum? tr. 10. d. 3. post n. 130. p. 443. Plura de Jubilæo in Indice primo.
- Jubilæum quid? tract. 12. dist. 3. num. 92. p. 434. Jubilæum Anni Sancti extendi solet ad Dioceses id solicitantes, num. 90. p. ibid. Jubilæum extra Annum Sanctum qua ratione concedatur, numer. 91. p. ibid. Et quæ Facultates in eo dentur, numer. 93. p. ibid. 114. & seqq. p. 440. Quæque opera præscribi soleant numer. 100. p. 436. Et quæ ratione hæc sint præstanda. num. 101. & seqq. p. ibid. Et quo tempore? numer. 105. & seqq. p. ibid. Et quomodo eorum commutatio tunc fieri possit? num. 109. p. 437. Jubilæum Romæ publicatum an possit alibi lucrari lethaliter decumbens? n. 107. p. ibid. Jubilæum possunt itinerantes lucrari post suum reditum, n. 113. p. 437. Jubilæum non posse bis obtineri, est probabilius. n. 116. & sq. p. 440. Quamvis non desint oppositum tenentes. n. 118. p. ibid. An sit valida absolutio a reservatis obtenta in Jubilæo ab eo, qui postea non peragit opera præscripta? n. 119. & seqq. p. 441. Et quomodo talis peccet, n. 121. p. ib. Virtute Jubilæi potest quis absolvi a reservatis oblitis eo jam peracto, n. 122. p. ibid. An hoc ipsum procedat de commutatione votorum? n. 123. & seqq. p. ibid. Probabilius est, in Jubilæo concedi facultatem absolvendi ab hæresi, nisi hæc excipiat. tr. 12. d. 3. n. 125. & seqq. p. 442. Excepta Hæresi non excipiuntur casus eam sapientes. n. 130. p. 443.
- Judæi, an obligentur legibus Ecclesiasticis? tr. 2. d. 3. n. 5. & seqq. p. 42. Judæi, qui? tr. 4. d. 4. n. 5. p. 98. Judæis an fuerit licitus Libellus Repudii? tr. 14. d. 13. n. 56. p. 632. Aut a Deo concessum exercere usuras? tr. 8. d. 4. n. 17. & 18. p. 263.
- Judex, an possit sequi sententiam probabilem, relicta probabiliori? tr. 1. d. 3. n. 56. & 59. & seqq. p. 25. sq. Quid agendum ei in judicando? n. 61. p. 26. Præsertim, quando litigantes habent pro se opiniones æque probabiles? n. 62. p. ibid. Inter Judicem, & advocatum differentia. n. 67. p. 27.
- Judex in Criminalibus, & Civilibus actionibus quid debeat observare, si occurrunt pro & contra Reum rationes probabiles? tr. 1. dist. 3. post n. 62. p. 26. Judex ante inflictionem censuræ quidnam debeat observare? tract. 13. dist. 1. post n. 26. p. 454.
- Judicium temerarium quandonam sit grave peccatum? tr. 9. d. 6. post n. 63. p. 346. Judicium temerarium non est, si facias diligentes præcautiones contra eum, quem nescis esse bonum vel malum. ibid. post n. 67. p. 47.
- Judicium debet esse comes juramenti, tr. 6. d. 2. n. 12. & 3. p. 170. Judicii tres partes, tr. 10. d. 1. num. 21. p. 253. Judicii Forensis actus diebus Festis, an prohibiti. n. 21. p. ibid.
- Judicium temerarium differt a Dubitatione, & Suspicionem, tr. 9. d. 6. num. 56. p. 345. Quid sit, n. 58. p. ibid. An & quale peccatum? n. 59. & seqq. p. ibid.
- Juramentum debite factum, an sit bonum? tr. 6. d. 2. n. 1. p. 168. Juramentum, quid? n. 2. p. 169. Aliud Assertorium, aliud promissorium. n. 4. p. ibid. Simplex & solemne. num. 5. p. ibid. Per simplicem Dei contestationem, & execrationem, quid, n. 6. p. ibid. An sit Juramentum, si quis per fidem suam, aut honorem Sacerdotalem, vel nobilitatis suæ, aliquid affirmet, vel promittat? n. 7. & 8. p. ibid. Quid sentiendum de aliis jurandi formulis? num. 9. & seqq. p. ibid. In his intentio loquentis spectanda. n. 10. p. ib.

Jura-

Juramenti tres comites tr. 6. d. 2. n. 12. p. 170 Quale peccatum, si desit iudicium in juramento? n. 11. p. ibid. Consuetudo incaute jurandi, quale peccatum? n. 14. p. ibid. Quid de Consuetudine jurandi sine iusta causa? num. 15. p. ibid. Iustitia, quomodo requiratur ad Juramentum. n. 16. p. ibid. Juramentum promissorium sine animo exequendi, est perjurium. n. 17. p. 171. Si fiat circa rem malam, quale peccatum? n. 18. p. ibid. Juramentum de re illicita non obligat. n. 19. p. ibid. Quid, si fiat de faciendo opere indifferenti? n. 20. & seqq. p. ibid. In omni juramento, & voto, quatuor condiciones tacite subintelliguntur, quæ? n. 23. p. ibid. Hæ tamen non faciunt juramentum conditionatum; n. 24. p. ibid. Juramentum promissorium de re bona obligat. n. 25. p. 172. Quid, si fiat de opere minus bono? n. 26. p. ibid. In juramento requiritur veritas, & sub qua obligatione? n. 27. & 28. ac seqq. p. ibid. Juramenti promissorii violatio, quale peccatum? n. 31. p. 173. Quid si res promissa sit levis? n. 32. p. ibid. Violare Juramentum, & votum super eadem re factum, est duplex specie malitia; tract. 3. dist. 1. num. 49. p. 63.

Juramentum exigere a juraturo falsum, an liceat? tr. 6. d. 2. n. 39. & seqq. p. 174. Præsertim in iudicio, n. 25. p. ibid. Aut a juraturo per falsos deos; vel Machometem. n. 36. p. ibid. Vel a juraturo bona fide contra veritatem. n. 37. p. ibid. An liceat jurare cum restrictione mentali, n. 38. p. ibid. Vel æquivoce? n. 39. & 40. p. ibid. Juramentum quis possit irritare, dispensare, commutare? n. 41. p. 175. In juramento falso cur non excuset levitas materiæ; bene tamen in voto violato? tr. 6. d. 3. n. 14. p. 177. Qui potest dispensare in votis, an idem possit in juramentis; & quid de Regularibus? n. 52. & 53. p. 185. Juramentum non amplius ludendi, an valeat; tr. 8. d. 4. n. 118. & 119. p. 278. Juramenti huius violatio, quale peccatum? n. 120. & 121. p. ibid.

Juramentum an contineant certæ quædam formulæ? tr. 6. d. 2. post n. 11. p. 169. Juramentum an fieri possit absque verbis? ibid.

Jurantes qualiter in Confessionali examinandi? tr. 6. d. 2. post n. 30. p. 172. Juramentum de servando secreto cujusdam Medicinæ &c. quando nam teneat? ibid. Jurantes de pretio rerum Mercatores quando nam excusentur a perjurio? ibid.

Qualiter res debeat apprehendi tamquam vera, ut liceat jurare; tr. 6. d. 2. post n. 30. p. 173. Jurare an liceat cum æquivocatione, vel restrictione, & quando, ac quomodo; tr. 6. d. 2. post n. 40. p. 175.

Jurisdicção qualiter differat ab Approbatione? Vide *Approbatio qualiter* &c.

Jurisdicção, quid; tr. 14. d. 8. n. 8. p. 575. Ordinaria, & delegata, quæ; n. 9. & 10. p. ibid. Requiritur in Ministro Sacramenti Pœnitentiæ. n. 2. & seqq. p. 574.

Jus venandi, piscandi &c. quo tempore in alienis sylvis, & fluminibus præscribatur? tr. 7. d. 6. post num. 30. in Appendice. p. 225. sq.

Jus, & lex, an differant; tract. 2. d. 1. n. 3. p.

29. Jus humanum subdividitur in Jus Gentium, Civile, Ecclesiasticum. n. 9. & seqq. p. 30. Juris variæ acceptiones. tr. 7. dist. 2. n. 2. p. 197. Jus, ut objectum Justitiæ, quid? num. 22. p. 200. Dividitur in jus ad rem, & jus in re. n. 24. p. ibid. Jus in re, & jus ad rem, quid, & quomodo differant; n. 24. & 25. p. ibid. Juris in re species: quæ? tr. 7. d. 3. num. 1. p. 201. Jus utendi, & Jus fruendi, quomodo differant; num. 7. p. 202. Jus naturæ aliud præceptivum, aliud permissivum, tr. 7. d. 5. num. 15. p. 215.

Jus patronatus, quid? tr. 11. dist. 3. num. 1. p. 394. Quibus modis acquiratur; n. 2. & seqq. p. ibid. Legitime acquisitum transit ad hæredes. n. 8. p. ibid. Et quomodo hi succedant n. 9. p. ibid. Jus patronatus ab uno in alium transfertur quatuor modis, quibus? num. 10. & seqq. p. ibid. Nequit per se vendi. n. 14. p. 395. Procedit ex gratia Ecclesiæ. n. 15. p. ibid. Sed hodie censetur jus. n. 16. p. ibid. Ejus etiam Laici, & scemine sunt capaces, n. 17. & 18. p. ibid. Dividitur in hæreditarium ac familiare. num. 20. p. ibid. Activum & passivum. num. 21. p. ibid. Personale ac reale. num. 22. p. ibid. Ac præcipue in Ecclesiasticum, ac Laicale. n. 23. & seqq. p. ibid. Jus patronatus mixtum, quid, & quomodo regulatur? n. 26. & 27. p. 396. Jus patronatus Ecclesiasticum, & laicale, differunt multipliciter. n. 28. & seqq. p. ibid. Juri patronatus laico Papa non derogat, nisi id exprimat. n. 35. & 39. p. 397. Quid de jure patronatus mixto? n. 36. & seqq. p. 397. Vide *Patronus*.

Justitia Christiana involvit duo tr. 4. d. 1. n. 1. p. 79. Justitia requiritur ad juramentum, quomodo; tr. 6. d. 2. n. 12. & 16. p. 170. Justitiæ variæ acceptiones: tr. 7. d. 2. num. 1. & 2. p. 197. Justitia proprie, quid; n. 3. p. ibid. Reddit alteri jus, & quale? n. 4. p. ibid. Virtutes Justitiæ annexæ, quæ? n. 6. p. 198. Justitia proprie dicta, an detur inter Patrem & filium? dominum, & servum? num. 9. p. ibid. Ea dividitur in commutativam, & distributivam. n. 13. p. 199. Justitia commutativa, quæ; n. 14. p. ibid. Et qualem servet æqualitatem; n. 15. p. ibid. Justitia distributiva, quæ; n. 16. p. ibid. Hæc servat proportionem Geometricam, illa Arithmeticam. n. 17. p. ibid. Utræque justitia dividitur in præmiativam, & punitivam. n. 19. p. ibid. Justitiæ objectum, quale; n. 20. p. 200. Justitiæ publicæ Honestatis impedimentum, quid; tr. 14. d. 14. n. 126. p. 658. Quando oritur; n. 127. & seqq. p. ibid. Corollaria circa notabilia; n. 129. p. ibid.

**L** Ac maleficiatum. Vide *Pecora maleficio* &c. Laici sunt incapaces Beneficii Ecclesiastici. tr. 11. d. 1. n. 6. p. 378. Bene tamen capaces Juris patronatus. tr. 11. d. 3. n. 17. & 18. p. 395. An etiam juris Decimarum tr. 11. d. 4. n. 30. & seqq. p. 402.

Lanio, si ex alienis ovibus bona fide comparatis, & mactatis, præparasset carnes, an hujus carnis fiat Dominus vi specificationis? Vide *Pistor*. Lanionum deceptio. Vide *Opifices*.

Lar

Lardum comedere an liceat tempore Jejunii in illis Regionibus, in quibus permittuntur Ova, & Caseus? tr. 10. d. 2. post n. 10. p. 360.  
 Latria, quid? tr. 5. d. 1. p. 25. p. 131. Deo debetur cultus Latriæ. n. 27. p. ibid. Christus adoratur cultu Latriæ. n. 29. p. 132. Et Sanctissimum Eucharistiæ Sacramentum. n. 30. p. ib.  
 Latrones publici, qui? tr. 12. d. 2. n. 29. & 30. p. 411. seq. Non gaudent immunitate. n. 28. & seqq. p. 411.  
 Laudemium duplex quo tempore præscribatur, ut a colonis licite continuari valeat? tr. 7. d. 6. post n. 30. in Append. p. 225.  
 Laus Dei. tr. 5. d. 1. n. 22. p. 131.  
 Lectio Librorum Hæreticorum quas condiciones requirat, ut post se trahat Excommunicationem contentam in Bulla Cœnæ? tr. 4. d. 4. post n. 40. p. 104.  
 Lectoratus materia, & forma. tr. 14. d. 12. n. 19. p. 617. Lectoris Officium. Ibid.  
 Legatum, quid? tr. 8. d. 3. n. 64. p. 254. An in Testamento minus solemnè ad causas pias factò, valeant Legata profana? n. 65. p. ibid. Econtra corrue[n]te Testamento ad causas profanas, corrue[n]t Legata pia? n. 66. & 67. p. ibid. An credendum Parocho, vel Confessario circa Legata pia a defuncto relicta. n. 27. & 28. p. 246.  
 Legitima debet relinqui in Testamento hæredibus necessariis. tr. 8. d. 3. n. 73. p. 255. Legitima portio, quæ? n. 74. p. ibid. Non habet locum in Regnis &c. n. 75. p. ibid.  
 Legislator, an teneatur propriis legibus? tr. 2. d. 3. n. 17. & seqq. Legislator, ejusque succellor dispensat in lege propria. tr. 2. d. 4. n. 15. & 17. p. 51.  
 Legis obligatio gravis, vel levis ex quibus signis cognoscatur? tr. 2. d. 2. post n. 28. p. 39.  
 Leges Ecclesiasticæ quandonam obligent pueros? tr. 2. d. 3. post n. 11. p. 43. Leges Territoriales an obligent loca exempta? tr. 2. d. 3. post n. 30. p. 46.  
 Legis dispensatio qualiter declaranda? Vide *Dispensatio*.  
 Lex an cesset obligare, si tantum apud particularem personam cesset causa motiva Legis? tr. 2. d. 4. post n. 34. p. 55. Lex quandonam abrogetur per contrariam consuetudinem? tr. 2. d. 4. post n. 39. p. 56. Leges contrariæ an censeantur tollere consuetudines particulares locorum, antecederent jam introductas, & quando? ibid.  
 Lex Divina nullum reddit perplexum. tr. 1. d. 3. n. 22. & seqq. p. 19. Lex unde dicatur? tr. 2. d. 1. n. 2. p. 29. Varia Legis nomina. n. 3. p. ib. An differat a jure. Ibid. Lex quid? n. 4. p. ib. Lex naturalis, & positiva, n. 6. & 7. p. 30. Positiva Divina duplex. n. 8. p. ibid. Positiva humana, quæ, & quomodo dividatur? n. 9. & seqq. p. ib. Legis encomia, n. 12. p. ibid. Ejus condiciones. n. 12. 13. & seqq. p. ibid. Quomodo differat a simplici præcepto? n. 18. & 19. p. 31. Ut lex obliget in conscientia, requiritur ejus promulgatio, n. 20. p. ib. An interdum extendatur ad præterita, & quomodo? n. 21. & 22. p. ib. Scriptura non est substantia legis. n. 23. p. 32. Leges

civiles, qualem requirant promulgationem? n. 24. & 25. p. ibid. Lex Pontificia Romæ promulgata, an illico obliget pro toto mundo. n. 26. & seqq. p. ib. Legem acceptari, & usu recipi, quid? n. 33. p. 33. Adeam an requiratur acceptatio populi. n. 34. p. ib. Leges firmantur, cum moribus utentium comprobantur, quomodo? n. 35. p. ibid. An lege teneatur populus acceptare. n. 36. & seqq. p. ib. Corollaria quoad hoc. ib. Lege humana, quænam generatim præcipi possint? n. 41. & seqq. p. 34. Idem actus, potest præcipi pluribus legibus. n. 45. p. 35. Actus interni an possint præcipi lege humana? n. 46. & seqq. p. ibid. Quid de inhonesto. n. 51. p. ibid.  
 Lex vetus, quos obligaverit? tr. 2. d. 2. n. 3. & seqq. p. 36. Quando cessaverit? n. 5. p. ib. Ejus præcepta alia moralia, alia cæremonialia, & alia judicialia. n. 1. p. 35. Hæc, an de facto obligent? n. 6. & seqq. q. 36. Differentia inter præcepta cæremonialia, & judicialia veteris legis. n. 10. p. 37. Lex nova, quibus nominibus appellatur? n. 12. p. ib. Ea lata est a Christo pro toto Mundo, obligat etiam Judæos ac Gentiles. n. 13. p. ibid. Quando cœperit obligare? n. 14. p. ib. Lex nova excedit veterem multis modis. n. 15. & seqq. p. ibid.  
 Leges humanæ tum Ecclesiasticæ, tum Civiles, an obligent in conscientia, & sub peccato? tr. 2. d. 2. n. 20. & seqq. p. 38. An obligent cum periculo vitæ, vel gravis incommodi, & quando? n. 23. & seqq. p. 39. Lex humana moralis, & pœnalis, quid? n. 29. p. 40. Dantur Leges mere Pœnales. n. 30. & seqq. p. ib. Unde colligatur, legem esse mere pœnalem. n. 32. & seqq. p. ib. Leges pœnales an obligent in conscientia ad subeundam pœnam. n. 34. & seqq. p. ib. Legibus Pontificiis qui obligentur; tr. 2. d. 3. n. 1. & seqq. p. 42. An etiam Hæretici? n. 2. & seqq. p. ib. Et judæi, ac Pagani. n. 5. & seqq. p. ib. Leges inferiorum Prælatorum, quos obligent. n. 9. & seqq. p. 43. In legibus vis obligandi directiva, & coactiva, quid? n. 12. p. 44. Leges Civiles an obligent Ecclesias, & Clericos. n. 13. & seqq. p. ibid. Legibus a Republica latis tenentur singuli ex illa. n. 16. p. ib. Peregrini an obligentur legibus, & consuetudinibus locorum, per quæ transeunt? n. 20. & seqq. p. 45. Quid dicendum quoad hoc de legibus universalis Ecclesiæ, quando ipsæ alibi, sed non in propria patria obligant. n. 27. & seqq. p. 46. Quid econtra si hæ in patria obligent, sed non in loco, ubi quis hospitatur. n. 30. p. ibid. Varia quæ sita quoad obligationem Legum particularium locorum circa Peregrinos. n. 31. & seqq. p. ib. Qua intentione, quibusque actibus satisfiat præcepto legis? n. 43. & seqq. p. 48. An possit adimpleri præceptum legis per actum malum? n. 48. & seqq. p. ib. An uno actu possit satisfieri pluribus præceptis? n. 51. & seqq. p. 49. An eodem tempore per plures actus satisfieri possit pluribus præceptis; n. 54. & 55. p. ib. Transgressio Legis ex contemptu, quando fiat; tr. 3. d. 2. n. 19. & 20. p. 69.  
 Legum interpretatio, quid, & quomodo facienda; tr. 2. d. 4. n. 1. & seqq. p. 49. Lex pœnalis, &  
 Xxxx  
 odiosa,

odiosa, stricte est interpretanda. n. 6. & seqq. p. 50. Leges favorabiles ample sunt interpretandæ n. 8. p. ib. Interpretatio legum quomodo differat ab Epicheja; n. 9. & 10. p. ibid. Legum dispensatio, an, & a quibus fieri possit. n. 12. & seqq. p. ib. Leges semel latæ, an, & quomodo possint denuo revocari; n. 28. & seqq. p. 54. Lex nova generaliter lata, an tollat priorem; n. 30. & 31. p. ib. An consuetudines, & statuta particularia locorum; n. 32. p. ibid. Cessante causa legis, an cesset ipsa lex. n. 33. & 34. p. ib. Leges, an, & quomodo, tollantur per consuetudinem contrariam, n. 37. & seqq. p. 55.

Libellus famosus, quid, & quæ ejus pœna; tr. 9. d. 6. n. 32. p. 342. Libellus Repudii, an fuerit licitus Judæis; tr. 14. d. 13. n. 56. p. 632.

Liberis factæ donationes an, & quomodo teneant; tr. 8. d. 2. post n. 16. p. 236. sq.

An propter Liberos factæ expensæ sint mortuo Parente computandæ in divisionem Hæreditatis; ibidem.

Libri Hæreticorum an possint citra periculum Excommunicationis legi in particulari ab illis, apud quos non videtur subesse periculum subversionis; tr. 4. d. 4. post n. 39. p. 103.

Libri Mercatorum quidnam probent? Vide *Mercatorum libri*.

Libri Canonici, qui; tr. 4. d. 3. n. 23. & seqq. p. 93. Hunc vel illum Librum esse Canonicum, unde constet. n. 26. & seqq. p. ib. Vide *Scriptura Sacra*. Librorum perversorum, præsertim hæreticorum, lectio recte prohibetur. tr. 4. d. 4. n. 39. p. 103. Duplex circa eam prohibitio Ecclesiæ. n. 40. & 42. p. 103. sq. An excuset parvitas materiæ, & quæ sit talis. n. 41. p. 104.

Lictores an, & quando possint occidere capiendum, si se opponat; tr. 9. d. 3. post n. 15. p. 292.

Linea Consanguinitatis, quæ, & quotuplex; tr. 14. d. 14. n. 96. & 97. p. 655.

Litanie majores, an extra Chorum sub præcepto dicendæ; tr. 6. d. 1. n. 35. & seqq. p. 160.

Litteræ Fraternitatis. Vide  *Suffragium*.

Locus, in quo solutio mutui est faciendæ. Vide *Solutio Mutui*.

Locatio, quomodo differat a Commodato; tr. 8. d. 2. n. 28. p. 239. Inter Locationem, & Mutuum, magna est disparitas. tr. 8. d. 4. n. 21. p. 264.

Locupletari nemo debet eum alterius jactura, quomodo; tr. 7. d. 6. n. 7. p. 219.

Loth, quomodo excusetur ab incestu; tr. 1. d. 1. n. 10. p. 2.

Lusus dupliciter accipitur. tr. 8. d. 4. n. 103. p. 277. Ludi contractus an licitus; n. 104. p. ib. Requiritur tres conditiones ad ejus justitiam, n. 105. & seqq. p. ibid. Ludere principaliter propter lucrum, an sit peccatum; n. 108. & 109. p. ibid. Lusus alearum est prohibitus Clericis ac Religiosis. n. 110. p. ibid. Imo etiam Laico. n. 112. p. 278. Per lulum Alearum, quid intelligatur; n. 111. p. 277. Qui lucratur ludo prohibito, an teneatur ad restitutionem; n. 113. p. 278. Juramentum non amplius ludendi, an valeat; n. 118. & 119. p. ibid. Violatio talis juramenti, quale peccatum; n. 120. & 121. p. ibid.

Lusus cum prodigo an importet ex parte prodigi obligationem solvendi, si perdat; tr. 8. d. 1. post n. 30. p. 233.

Lusus detestatio si fiat addito voto deinceps non ludendi, qualiter hoc votum intelligi debeat; tr. 8. d. 4. post n. 121. p. 279.

Luxuria, quid, & quale peccatum; tr. 3. d. 3. n. 17. p. 74. Recte numeratur inter peccata Capitalia. n. 18. p. ibid. Ejus filia sunt octo, quæ; n. 19. p. ibid. Luxuria, quid, & quæ species ejus; tr. 9. d. 4. n. 8. & 9. p. 301. An hæc omnes distinguantur in genere luxuriæ; n. 10. p. ib. Plures luxuriæ species concurrunt quandoque in eodem actu. n. 69. p. 310. Levitas materiæ in re venerea, an detur; n. 85. & seqq. p. 315.

Lyturgia, quid; tr. 14. d. 5. n. 15. p. 523.

## M.

**M**agia naturalis, quid; tr. 5. d. 2. n. 42. p. 142. Est periculosa. Ibid. Magia superstitiosa, quid; n. 43. p. ibid. Duplex ejus finis. n. 44. p. ibid. Est peccatum mortale, habetque annexa multa alia peccata. n. 45. p. ibid. Vide  *Malefium*.

Magnanimitas, quid; tr. 7. d. 1. n. 36. p. 194.

Maledictio, sive Maledictum, quid, & unde ejus malitia dimetienda; tr. 9. d. 6. n. 28. & 29. p. 341.

Malefactores capiendi an possint occidi a Lictoribus, si se ipsi opponant; tr. 9. d. 3. post n. 15. p. 292.

Maleficia qualiter, & quomodo liceat tollere per signa contraria; tr. 5. d. 2. post n. 49. p. 143.

Maleficia undenam cognoscantur; tr. 14. dist. 8. Append. I. p. 583. seqq.

Maleficiatus agrotus qualiter tractandus; ibid. Item qualiter Maleficiata pecora &c. ib.

Malefium, quid; tr. 5. d. 2. n. 44. p. 142. Est peccatum mortale, & habet annexa multa alia peccata. n. 45. p. ibid. Remedia adversus Maleficia, quæ; n. 46. & seqq. p. 143. Signa magica tollere, ut diabolus nocere desinat, an licitum; n. 49. & seqq. p. ibid. Quid agendum Confessario cum Malefico pœnitente; n. 52. & seqq. p. 144. An Maleficus pœnitens teneatur curare sibi chyrographum a dæmone restitui; n. 53. p. ibid. Quid agendum circa bona Malefico per diabolum data; n. 55. p. ib. Quomodo is muniendus contra relapsum; n. 56. p. ibid.

Malitia actus humani. Vide  *Abus*.

Malum culpæ non licet facere cum ordinatione ad bonum finem. tr. 1. d. 2. n. 15. & seqq. p. 10. Ex duobus malis minus eligendum. ib.

Manifestatio delicti quandonam constituat grave peccatum in genere detractionis; Vide  *Revelatio*.

Manfuetudo, quid, & quomodo contra eam peccetur; tr. 7. d. 1. n. 26. p. 193.

Maritus an, & quando possit occidere adulterum deprehensum apud Uxorem; tr. 9. d. 3. post n. 30. p. 293.

Maritus quoad debitum conjugale. Vide  *Uxor*.

Marty-



**Martyrium** est excellentissimus actus Fortitudinis. tr. 7. d. 1. n. 39. p. 195. Quid sit? n. 40. p. ibid. Et quæ ad illud requirantur in adultis? n. 41. 43. & seqq. p. ibid. Quid sufficiat in parvulis? n. 42. p. ibid. Hæretici propter Sectam suam occisi, non sunt Martyres. n. 43. p. ibid. Quid, si dormiens occidatur in odium Fidei? n. 45. p. ibid. Milites pugnantes contra Infideles, an sint Martyres? n. 46. & seqq. p. ibid. Morientes pro defensione cujuslibet virtutis supernaturalis, sunt vere Martyres. n. 49. & 50. p. 196. Quid, si Tyrannus alios prætexus fingat? n. 51. p. ibid. Ad Martyrium quomodo requiratur, ne mors inferatur? n. 52. p. ibid. Missi in carcerem, vel exilium, propter Fidem, an, & quando sint Martyres? n. 53. p. ibid. Martyres desiderio, an sint proprie Martyres? n. 54. p. ibid. Pulchræ sententiæ circa Martyrium sine sanguine. n. 55. p. ib. Morientes in causa pia, v. g. servitio pestiferorum, an sint Martyres? n. 56. & 57. p. 196. seq. Ad Martyrium requiritur vel status gratiæ, vel dispositio ad eam: & qualis sufficiat? n. 58. & 59. p. 197. Injuriam facit Martyr, qui orat pro Martyre. n. 60. p. ibid. Martyrium supplet vicem Baptismi. tr. 14. d. 2. n. 64. p. 506. Et confert gratiam ex opere operato. ib.

**Materia Sacramentorum** duplex, remota, & proxima. tr. 14. d. 1. n. 18. p. 493. Fuit a Christo determinata, & quomodo? n. 20. & seqq. p. ib. Mutatio ejus, an, & quæ irritet Sacramentum? n. 22. & seqq. p. 494. Uniformitas in materia, & forma Sacramentorum, quomodo detur? tr. 14. d. 12. n. 38 p. 619.

**Matrimonium**, an sit materia apta Voti? tr. 6. d. 3. n. 7. p. 176. An sit necessarium? tr. 14. d. 2. n. 71. p. 506. Matrimonium dicitur *Magnum Sacramentum*, cur? tr. 14. d. 13. n. 1. p. 624. Appellatur Conjugium, Connubium, Nuptiæ, Sponsalia de præsentia. n. 2. p. ibid. Matrimonium, Contractus matrimonii, & Sacramentum matrimonii, distinguuntur. n. 3. p. ibid. Matrimonium, quid? n. 4. p. ib. Dividitur in legitimum, ratum, & consummatum n. 5. p. ib. Est Sacramentum novæ Legis, n. 8. p. ibid. Quando sit institutum a Christo? n. 9. p. 625. Quæ ratione jam antea fuerit institutum? n. 10. p. ib. Bona matrimonii, quæ? n. 12. & 13. p. ib. Materia remota, & proxima ipsius, n. 14. p. ib. Et forma; quæ? n. 15. & seqq. p. ib. An id mutus, & surdus contrahere valeat? tr. 16. p. 626. Minister ejus, sunt ipsi contrahentes. n. 18. & seqq. p. ib. An contrahentes in statu malo, committant duplex peccatum mortale? n. 20. p. ib. Parochus quomodo assistat matrimonio? n. 21. & seqq. p. ibid. Vide *¶ Parochus*. Matrimonium an possit contrahi per Procuratorem? n. 26. p. ib. Ad ejus valorem qualis requiratur consensus? n. 27. & seqq. p. 627. Atque simultas mutui consensus contrahentium? n. 28. p. ib. Quid de consensu ex metu præstito? n. 29. & seqq. p. ib. Metus reverentialis, an irritet matrimonium? n. 33. & seqq. p. 628. Quid de consensu Parentum? n. 36. & seqq. p. ibid.

**Matrimonii unitas**, duplex. tr. 14. d. 13. n. 39. p. 630. Pluralitas simultanea uxorum, an licita?

n. 40. & 41. p. ib. Quid de successiva? n. 42. & seqq. p. ib. Quid, si quis non certificatus de morte prioris conjugis, denuo contrahat? n. 45. & seqq. p. 631. Matrimonium est indissolubile, quomodo? n. 52. & 53. & seqq. p. 631. sq. Quid de Lege veteri? n. 56. p. 632. Et matrimonio Infidelium? n. 54. & 57. p. ib. Matrimonium ratum Fidelium dissolvitur quoad vinculum per Professionem Religiosam. n. 58. & 59. p. ibid. Non vero per susceptionem Ordinis Sacri, aut Votum simplex Castitatis. n. 59. p. ib. An possit dissolvi ex dispensatione SS. Pontificis? n. 60. & 61. p. 633. Quid de matrimonio consummato Fidelium? n. 62. & seqq. p. ib. Disparitas inter matrimonium ratum, & consummatum. n. 64. p. ibid.

**Matrimonii finis** principalior. tr. 14. d. 13. n. 66. & seqq. p. 634. Quomodo conjuges teneantur cohabitare? n. 67. & seqq. p. ibid. Quid de debito conjugali? n. 71. & seqq. p. ib. Vide *¶ Debitum conjugale*. Matrimonium contrahens mala fide, an possit petere, vel reddere? n. 84. p. 636. ac n. 49. & 50. p. 631. Quid, si dubium de valore matrimonii superveniat? n. 85. p. 636. Aut hujus invaliditas certo sciatur? n. 86. p. ib. Matrimonii impedimenta, & a quo statui possint? tr. 14. d. 14. n. 1. & seqq. p. 640. Vide *¶ Impedimenta matrimonii*. Matrimonium tempore Sacrato, quomodo sit prohibitum? n. 12. p. 641. Quid censendum de matrimonio inter Catholicos & Hæreticos? n. 80. & seqq. p. 653.

**Matrimonium clandestinum**, quod? tr. 14. d. 14. n. 131. & 132. p. 659. Mala irremediabilia olim ex iis orta. n. 133. p. ib. Annulantur per Concilium Tridentinum. n. 134. p. ibid. Quo tempore Decretum Concilii obligare incipiat? n. 134. p. ib. Quomodo Ecclesia potuerit irritare matrimonium clandestinum, etiam ut Sacramentum? n. 135. p. 660. Ad valorem matrimonii, qualis requiratur præsentia Parochi? n. 136. & seqq. p. ib. Ac Testium? n. 140. & 141. p. 661. Vide *¶ Parochus*. Quid juris, si contrahentes a loco recepti Concilii emigraverint ad locum non recepti Concilii? n. 142. & seqq. p. 662. Præsertim, si illuc pergant solo animo contrahendi sine Parocho & Testibus. n. 145. & seqq. p. ib. Matrimonia Hæreticorum an valeant, non obstante absentia Parochi? n. 49. & seqq. p. 663. Quid, si Parochus metu Infidelium absit, vel lateat? n. 152 p. 664.

**Matrimonium inter Consanguineos** dispensatos ob bonam proles, extra Matrimonium susceptæ, an possit contrahi, si proles ante initum adhuc Matrimonium moriatur? tr. 2. dist. 4. post n. 26. p. 52.

**Matrimonio adjecta conditio turpis** an suspendat contractum Matrimoniale, vel potius habeatur pro non adjecta, ita, ut contractus Matrimonialis valeat, ac si nulla conditio adjecta fuisset? tr. 8. d. 1. post n. 12. p. 229. Item fusius, tr. 14. d. 13. post n. 38. in Appendice. p. 629. Et quid, si illa conditio turpis in futurum exequenda non repugnet substantiæ Matrimonii? ib. Item si fuerit eadem conditio honesta: ubi notabile Corollarium pro Parochis loco citato.

XXXX 2

Item

- Item quid sentiendum, si Matrimonio quidpiam adjectum fuerit non tanquam conditio, sed tantum modus? ubi Casus speciales. ib.
- Matrimonium Hermaphroditum an, & quando valeat? tr. 14. d. 14. post n. 72. p. 652.
- Matrimonii vagorum quisnam sit legitimus Parochus? tr. 14. d. 14. post n. 139. p. 660.
- Matrimonium coram quo contrahere possint milites? ibid.
- Matrimonium coram quo Parocho contrahi debeat, si quis habeat duplex domicilium, vel quasi domicilium sub duabus Parochiis situm? ibid.
- Matrimonia Hæreticorum quandonam censenda sint valida? tr. 14. d. 4. post n. 144. p. 662. Item post n. 151. p. 661.
- Matrimonium an, & quando teneat, si quis a loco promulgati Concilii Trident. transeat ad alium, ubi id non est promulgatum? tr. 14. d. 14. post n. 148. p. 663.
- Matrimonium defectu Parochi nullum quomodo revalidandum? ibid. post n. 152. p. 664.
- Matrimonio an, & quando licite assistat Parochus, si una Pars contrahentium sit Hæresi infecta? tr. 14. d. 4. post n. 81. p. 653.
- Matrimonium ratione alicujus occulti impedimenti nullum quomodo revalidari debeat, si compars sit ignara hujus Impedimenti? tr. 14. d. 14. post n. 174. p. 667. lq.
- Medicus, an possit sequi sententiam probabilem relicta probabiliori? tr. 1. d. 3. n. 56. & 59. p. 25. seq. Quid ei observandum in curando infirmo? n. 60. p. 26.
- Membrum, quid? tr. 13. d. 3. n. 50. p. 483.
- Mendacium est triplex, jocosum, officiosum, & perniciosum, quid, & quale peccatum? tr. 7. d. 2. n. 11. p. 198. Mentiri in Confessione, quale peccatum? tr. 14. d. 7. n. 15. & seqq. p. 564.
- Mendacium an committatur ab eo, qui utitur Amphibologia, vel restrictione? Vide *Amphibologia*.
- Mercatores optantes plures Emptores quandonam sint arguendi invidiæ? tr. 3. d. 3. post n. 28. p. 75. Mercatores jurantes circa pretia rerum quandonam excusentur a perjurio? tr. 6. d. 2. post n. 30. p. 173. Mercatores qualiter peccent, si honoraria, quæ porrigunt famulis, ut ad suas Officinas ipsos trahant Dominos, occulte computant inter merces plures easdem vendentes Dominis? tr. 8. d. 4. post n. 93. p. 273. seq. Mercatores an intra latitudinem iusti pretii possint devenire ad summum per circumventionem Emptorum? ibid. post n. 99. p. 274.
- Mercatorum libri quidnam probent contra Emptores? tr. 8. d. 4. post n. 102. p. 276.
- Meretrix publica, quomodo sufficienter explieet peccata sua in Confessione? tr. 14. d. 7. n. 33. p. 567.
- Meritum, quid? tr. 1. d. 2. n. 40. p. 15. Meritum de condigno, & de congruo, quid? n. 41. p. ibid. Ad meritum de condigno requiritur status viz, & status gratiæ. n. 42. & seqq. p. ibidem.
- Metoposcopia, quid? tr. 5. d. 2. n. 20. p. 139.
- Metus, an causet involuntarium? tr. 1. d. 1. n. 28. & seqq. p. 5. Pro nullo metu debet quis peccare. n. 29. p. ibid. Pacta, contractus &c. metu initi, an valeant? n. 30. p. ibid. Metus gravis, & levis, quid? n. 31. p. ibid. Metus gravis ab intrinseco proveniens, non invalidat contractum tr. 8. d. 1. n. 16. p. 231. Idem dicendum de metu ab extrinseco, sed iuste incusso. n. 17. p. ibid. Quid si contractus ex metu gravi iniuste incusso celebretur? n. 18. & seqq. p. ibid. Metus gravis, an excuset ab incurrendis Censuris? tr. 13. d. 1. n. 32. & 33. p. 455. An irritet Matrimonium, ac Sponsalia de futuro? tr. 14. d. 13. n. 29. 30. & seqq. p. 627. Et quid de metu reverentiali? n. 33. & seqq. p. 628. Metus reverentialis, quis? n. 34. p. ibid.
- Milites pugnantes contra Infideles, an sint Martyres? tr. 7. d. 1. n. 46. & seqq. p. 195. Exercitum actum valde meritorium, & sententiæ notabiles circa hoc. n. 48. p. ibid.
- Militum specialia peccata in bello. tr. 4. d. 7. post n. 50. p. 127. Milites insimul deprædantes quandonam censeantur obligati restituere in solidum? tr. 9. d. 5. post n. 52. p. 324. Milites partim Catholici, partim A catholici. ex prælio graviter vulnerati relictæ quomodo absolvendi? tr. 14. d. 7. post n. 40. p. 568.
- Militum Matrimonia. Vide *Matrimonium coram quo &c.*
- Minister Altaris quis? tr. 14. d. 5. post n. 136. in Appendice III. p. 546. seqq.
- Minister Sacramentorum. Vide *Sacerdos & Confessarius*.
- Minister Sacramentorum, quis? tr. 14. d. 1. n. 32. p. 495. Aliqua Sacramenta requirunt Ministerium consecratum, alia non. n. 33. p. ibid. Ex parte Ministri qualis requiratur intentio? n. 36. & seqq. p. 496. Ex parte ejus quæ generatim requirantur ad Sacramentorum administrationem? n. 42. p. 597. Ministri improbitas Sacramenta non invalidat. n. 43. p. ibid. Tamen ad hæc licite ministranda requiritur in ipso status gratiæ. n. 44. p. ibid. Quid de Ministro non consecrato? n. 45. p. ibid. Vel in casu necessitatis? ibid. Ab indigno Ministro, an possint peti Sacramenta? n. 54. & seqq. p. 498. An is graviter peccet, dum alias Functiones sacras exercet in statu malo? n. 58. p. ibid. Minister Baptismi. Vide *Baptismus*. Tres Regulæ aureæ, a Ministro Sacramentorum observandæ. tr. 1. d. 3. n. 57. p. 25.
- Minorennis, quis? tr. 8. d. 1. n. 22. p. 232. An possit contrahere sine auctoritate Curatoris? n. 26. p. 233. Corollarium de perdente ludendo? n. 28. p. ibid. An tunc obligetur naturaliter? n. 29. p. ibid. Quid si contrahat cum consensu Curatoris? n. 31. p. ibid.
- Misericordia, quid? tr. 4. d. 6. n. 30. p. 115. Vitia eidem opposita Ibid. Opera misericordiæ alia corporalia, alia spiritualia, & quæ? n. 31. & 32. pag. ibid.
- Missæ annuæ quomodo obligatorie per præscriptionem inducantur, vel etiam extinguantur? Vide *Anniversaria*.
- Missam diebus festivis an censeantur audire confabulantes sub ea? tr. 10. d. 1. post n. 38. p. 356. Vel prospicientes e Domo sua in templum? ibid. post n. 39. p. ibid. Missam audire quonam

quinam excusentur? ibid. post n. 54. p. 358.  
 Missam audientes in Oratorio quinam, & quando satisfaciant præcepto Ecclesiastico? tr. 14. d. 5. post n. 136. in Appendice. I. p. 542. seqq.  
 Missam celebrare an possit dubius de Jejunio? Item vomitu, vel tussi vexatus? ubi etiam quando talis possit exspuere? tr. 10. d. 3. post n. 36. p. 374. seqq.  
 Missæ fructuum ut quis fiat particeps, quidnam requiratur? tr. 14. d. 5. post n. 47. p. 527.  
 Missa an legi possit pro Hæreticis eam petentibus? ibid. post n. 65. p. 530.  
 Missam applicandi intentio qualis? Vide  *Applicatio Missæ.*  
 Missæ applicatio pro Parochianis quando? Vide  *Parochi quandonam &c.*  
 Missarum onera. Vide  *Onera Missarum.*  
 Missa petita in Altari privilegiato si ibi non legatur, qualis sit facienda restitutio? tr. 14. d. 5. post n. 94. p. 536. Missa si ab offerentibus stipendium petatur pro certo defuncto in Altari privilegiato, an, & quando satisfiat per celebrationem. ibid. de Semiduplici, vel de feria? ibid. post n. 101. p. 537.  
 Missæ quot celebrari possint in Cœna Domini, & Sabbato Sancto? ibid. post n. 110. p. 539. Et quid, si pro tunc incidat Festum S. Josephi, aut Annunciationis B. V. Mariæ. ibid.  
 Missæ sub quo numero possint celebrari media nocte Nativitatis D. N. JESU Christi? tr. 14. d. 5. post n. 112. p. 539.  
 Missam in Oratoriis, vel etiam Cameris celebrare, an, & quibus liceat, ac quomodo hæc licentia impetretur Romæ? tr. 14. d. 5. post n. 136. in Append. I. p. 542. seqq. & post n. 146. p. 551. seqq.  
 Ad Missam legendam Altare qualiter instructum exigatur? ibid. Appendice II. p. 544. seqq.  
 Missæ requisita qualia, ubi de Vestibus Sacerdotalibus, Calice, Patena, Ministro &c. ibid. Append. III. p. 546. seqq. Missa quæ singulis diebus celebrari debeat? ibid.  
 Missa Votiva quandonam possit legi privata? Item quando publica, & qualiter? ibid. Vel Missa privata de Requiem. ibid.  
 Missa sollemnis de Requiem quando possit cantari. ibidem.  
 Missa Gregoriana an, & quomodo celebrari queat? tr. 14. d. 5. post n. 146. p. 551.  
 Missæ Rubricas non observans an, & qualiter peccet? Vide  *Rubrica.*  
 Missæ defectus per commissionem, vel omissionem perpetrati an, & quando sint supplendi. Vide  *Sacerdos.*  
 Missam prius audire an teneatur, qui exit e loco, ubi est Festum, sed perventurus est ad locum, ubi non est dies Festus. tr. 2. d. 3. n. 35. & seqq. p. 47. Quando teneamur prævenire audiendo Missam n. 37. p. ibid. Missam celebrare ante dictum Matutinum, an sit peccatum mortale? tr. 6. d. 1. n. 75. p. 166. Missa reverenter audienda diebus Festis. tr. 10. d. 1. n. 36. p. 356. Peccat mortaliter negligens notabilem ejus partem, & quæ talis sit. n. 37. p. ibid. Audire Missam, in quo consistat. n. 38. & 39. p. ib. An

satisfaciat audiens duas Missæ partes duorum celebrantium simul. n. 40. p. ibid. Vel successive. n. 41. p. 357. Auditio Missæ num præferenda Concioni, n. 42. p. ibid. Quæ causæ excusent a præcepto audiendi Missam. n. 44. & seqq. p. ibid. Quomodo impotentia physica. n. 45. p. ibid. Et moralis, & quibus modis hæc accadat. n. 46. & seqq. p. ibid. Distantia loci, an etiam excuset. n. 49. & 50. p. ibid. An impediti audire Missam, teneantur domi orare. n. 55. p. 358. Missa vox antiquissima, & vocatur Græce Lyturgia, tr. 14. d. 5. n. 15. p. 522. In ea distinguitur ratio Sacramenti, Sacrificii, & Missæ. n. 16. p. 523. Missa Catechumenorum, & Missa Fidelium, n. 17. p. ibid. In Missa offertur Deo verum Sacrificium, n. 18 & seqq. p. ibid. Missæ Sacrificium est incruentum, cujus Hostia principalis est Christus, n. 20. p. ibid. Panis, & vinum, Hostia minus principalis. n. 21. p. ibid. Christus quomodo offeratur in Missæ Sacrificio. n. 22. p. ibid. Objectio notabilis, ejusque solutio, quomodo Hostia in Missæ Sacrificio imoletur. n. 23. usque ad n. 28. p. 523. seq. Missæ Sacrificium non offertur Sanctis. n. 8. p. 521. Omnia Sacrificia antiqua coadunantur in uno Missæ Sacrificio. n. 14. p. 522. In Missæ Sacrificio offerens principalis, est Christus Dominus. n. 29. & 30. p. 525. Sacerdos celebrans, proximus Minister. n. 31. p. ibid. Alii Fideles quomodo offerant. n. 32. p. ibid. Essentia Sacrificii Missæ in quo consistat. n. 33. 34. & seqq. p. ibid. In Parasceve non fit Sacrificium Missæ. n. 35. p. ibid. & 109. p. 539. Ad istud an requiratur Consecratio utriusque speciei. n. 38. & 39. p. 526.  
 Missa habet valorem ex opere operato, & opere operantis. tr. 14. d. 5. n. 40. p. 526. Est Latreuticum, ac Eucharisticum. n. 41. p. ibidem. Propitiatorium, & quomodo. n. 42. & 43. p. ibid. Satisfactorium. n. 42. & 43. p. ibid. Ac impetratorium. n. 42. & 46. p. 526. seq. Ejus effectus impetratorius bonorum temporalium, an sit infallibilis. n. 47. p. 527. Valor Missæ non est infinitus, haud obstante infinitate meritorum Christi; & Cur? n. 48. & seqq. p. 528. Missa pluribus applicata prodest minus singulis n. 51. p. ibid. Quid de pluribus inservientibus, aut adstantibus? n. 52. p. ibid. Sacerdos pluribus stipendiis non satisfacit, si unicam Missam celebret. n. 53. & seqq. p. ibid. Fidelibus plus prodest, si Missas sibi curent celebrari in vita, quam post mortem. n. 56. p. ib. In Missa duo sunt consideranda. n. 57. p. 529. Missa mali Sacerdotis an tantum valeat, quantum boni. n. 58. & seqq. p. ibid. Missa potest offerri pro vivis atque defunctis, non vero pro damnatis, aut Sanctis. n. 61. & 62. p. ib. An possit offerri pro peccatoribus. n. 63. p. ibid. Excommunicatis, n. 64. 65. p. 529. seq. Et infidelibus. n. 66. & seqq. p. 530.  
 Missa tripliciter prodest, specialissime, generalissime, & specialiter. tr. 14. d. 5. n. 69. p. 530. Missa specialiter prodest iis, quibus applicatur a Celebrante, n. 70. p. 531. Quid, si nemini applicetur. n. 71. p. ibid. Aut Celebrans eam appli-

- applicet contra suam obligationem, vel voluntatem Superioris. n. 72. p. ibid. Applicatio Missæ an sufficiat habitualis. n. 73. p. ibid. Et quando fieri debeat? n. 74. p. ibid. An sit licitum celebrare cum reservatione applicationis. n. 75. p. ibid. Vel Missam applicare proxime daturò stipendium. n. 76. p. ibid. Praxis optima applicandi Missam. n. 77. p. 532. Expedi etiam facere secundum intentionem; quomodo? n. 78. & 79. p. ibid. De fructu Missæ plus participat digne celebrans, quam alii. n. 80. p. ibid. Missam Primam celebrantes, aut eam audientes Religiosi, lucentur Indulgentiam plenariam. tr. 12. d. 3. n. 71. p. 425. Missam celebrans in peccato mortali, graviter peccat; sed gravius, qui fingit se consecrare. tr. 14. d. 1. n. 48. p. 497.
- Missam celebrandi obligatio, ex variis titulis potest incumbere Sacerdotibus. tr. 14. d. 5. n. 81. p. 533. An, & quoties per annum Sacerdos simplex celebrare teneatur? n. 82. p. ibid. Sacerdos curatus, quibus diebus celebrare debeat? n. 83. p. ibid. An tunc teneatur Missam applicare pro Parochianis. n. 84. & seqq. p. ib. Beneficiarius, quoties celebrare teneatur. n. 87. p. 535. Quid, si infirmetur ad tempus. n. 88. p. ibid. An Beneficiarius, qui quotidie celebrare tenetur, possit quandoque abstinere. n. 89. p. ibid. Aut pro alia intentione celebrare. n. 90. p. ibid. An satisfaciatur anticipando missas? n. 91. p. ibid. Obligatus ad celebrandum in certa Ecclesia, vel Altari, an, & quomodo peccet alibi celebrando. n. 92. & seqq. p. 536. Et alibi celebrans teneatur ad restitutionem? n. 94. p. ibid. Nequit Sacerdos Missam alii legendam dare retenta parte stipendii: n. 95. p. ibid. Limitatur hoc in certis casibus. n. 96. p. 537. An & quomodo peccet, qui est in mora celebrandi Missas debitas? n. 97. & seqq. p. ibid. Sacerdos tenetur dicere Missam peccatam, nisi obstat Ritus Ecclesiæ. n. 100. p. ibid. Quid de Missis votivis, ac de Requiem in Festis duplicibus, & Indulgentiis Altarium Privilegiatorum. n. 101. p. ibid. Obligatio celebrandi Missam ratione stipendii, qualis. n. 102. p. ib. Unicam Missam omittens, an peccet mortaliter. n. 103. p. 538.
- Missæ quo tempore sit celebranda, tr. 14. d. 5. n. 104. & seqq. p. 538. An sit licitum, quotidie celebrare. n. 109. p. 539. Quid de Feria quinta Cœnæ Domini, & Sabbato Sancto. n. 110. p. ibid. Non licet plures Missas eodem die celebrare. n. 111. p. ibid. Excepto die Nativitatis Domini. n. 112. p. ibid. Et casu necessitatis. n. 113. & 114. p. ibid. Missa, quo in loco sit celebranda? n. 115. p. 540. Quid in casu necessitatis. n. 116. & 117. p. ibid. Aut dispensationis. n. 118. p. ibid. An sit licitum, celebrare Missam in aqua, vel mari. n. 119. p. ibid. Non potest Missa celebrari in Ecclesia polluta. n. 120. & seqq. p. ibid. Per celebrationem Missæ an reconcilietur Ecclesia polluta. n. 135. p. 542. Quid agendum, si durante Missa violetur Ecclesia. n. 120. & 136. p. 540. & 542. Vel Ecclesiam ingrediatur excommunicatus visitandus. tr. 13. d. 2. n. 40. p. 464. An plures possint eandem Hostiam consecrare. tr. 14. d. 5. n. 137. & seqq. p. 550. Quid de Sacerdotibus in sua Ordinatione cum Episcopo proferentibus verba Consecrationis. n. 140. & seqq. p. ibid. Quid agendum, si aqua pro vino infundatur. n. 144. & seqq. p. ibid.
- Modestia, quid, & quæ vitia ei opponantur. tr. 7. d. 1. n. 30. p. 194.
- Moderamen inculpatæ tutelæ an non excedat, qui insidiatorem suum præveniendū occidit. tr. 9. d. 3. post n. 18. p. 292. Moderamen inculpatæ tutelæ quandonam non censetur excedi in aliis casibus. tr. 9. d. 3. post n. 30. p. 293.
- Modus contractui alicui adjectus non suspendit ipsum contractum usque ad impletionem talis modi. tr. 8. d. 1. post n. 12. p. 229.
- Mohatra contractus, quis? tr. 8. d. 4. n. 26. p. 265. Est illicitus. n. 27. p. ibid.
- Mollities an subinde sit duplex peccatum. tr. 9. d. 4. post n. 44. p. 307. Mollitiei dediti quomodo practice in Confessionali interrogandi. Vide *Pollutionibus dediti &c.*
- Mollities, seu Immunditia, quid, & quale peccatum; tr. 9. d. 4. n. 44. p. 307. Est intrinsece mala, & in nullo casu licita. n. 45. p. ibid. An liceat Medicis applicare media ad eam procurandam. n. 46. & seqq. p. ibid. Omnes pollutiones an sint ejusdem speciei. n. 49. & 50. p. 308. Pollutio indirecte voluntaria, quale peccatum. n. 51. & seqq. p. ibid. Qualiter peccaminosus sit effectus pollutionis, si causa est tantum venialiter mala. n. 54. p. 309. Quid de pollutione in somno orta. n. 55. p. ibid. An sit licitum, eam desiderare. n. 56. p. ibid. Aut de ea naturaliter secuta gaudere. n. 57. p. ibid. A pollutione, quomodo differat Distillatio. n. 58. & 59. p. 309. & seq.
- Monasterium non tenetur ad refarcitionem, si res aliqua citra ejusdem approbationem apud Religiosum deposita ex ejus culpa pereat. tr. 8. d. 2. post n. 51. p. 242.
- Moniales an teneantur ad recitationem Breviarii non solum in communi, sed etiam in particulari? tr. 6. d. 1. post n. 18. p. 156.
- Monstra, an, & quomodo baptizanda? tr. 14. d. 3. n. 37. p. 511.
- Montes Pietatis, qui? eorumque origo. tr. 8. d. 4. n. 28. p. 265. An sint liciti? n. 29. & seqq. p. ibid.
- Moribundi ad actus Virtutum Theologicarum maxime excitandi. tr. 4. d. 2. n. 38. p. 87. De Moribundis, & quomodo absolvi possint, notabile Corollarium; tr. 14. d. 6. n. 63. p. 563. Moribundus an sit absolvendus, si amplius integre confiteri non potest? tr. 14. d. 7. n. 64. & seqq. p. 572. Quid, si dedit signa petitiæ Confessionis absente Confessario? n. 66. & seqq. p. ibid. Quid, si subito sensibus destitutus tale signum non dederit, nec dare possit? n. 69. & seqq. p. ibid.
- Moribundo nullum aliud signum sensibile actualiter perceptibile edenti an sit absolutio conditionata danda, si antea non bene vixerit? tr. 14. d. 7. post n. 76. p. 573.
- Morientes peregrini incogniti absque ultima voluntate. Vide *Peregrini*.

More-



Morositas, quid? tr. 7. d. 2. n. 12. p. 199.  
 Mors concedentis Dispensationem an, & quando  
 impediatur executionem dispensationis? tr. 2. d. 4.  
 post n. 26. p. 53.  
 Mortem sibi optare a Deo, an sit licitum? tr. 4. d.  
 7. n. 9. p. 120. An liceat mortem optare pa-  
 rentibus ob aliquod emolumentum temporale?  
 n. 10. & seqq. p. 121. Mortis articulus, & pe-  
 riculum, quid? tr. 14. d. 9. n. 13. p. 600.  
 Motiva credibilitatis Fidei, quæ? tr. 4. d. 3. n. 55.  
 p. 97. Fides non resolvitur in motiva humana,  
 n. 56. p. ibid.  
 Circa metus carnales sponte nascentes an, &  
 quando liceat se habere negative? tr. 9. d. 7.  
 post n. 18. p. 350.  
 Mulieres, si fide jubeant, an obligentur servare?  
 Vide *Fidejussio*.  
 Mulieres quoad Apparitiones, & Revelationes.  
 Vide *Apparitio, & Revelatio*.  
 Multiloquium, quale peccatum? tr. 3. d. 3. n. 55.  
 & 56. p. 78.  
 Munus a Manu, a lingua, & ab obsequio, quid?  
 tr. 5. d. 3. n. 39. p. 150. Munus tripliciter ac-  
 cipitur. tr. 12. d. 1. n. 2. p. 404.  
 Mutilatio prohibetur quinto præcepto Decalogi.  
 tr. 9. d. 3. n. 3. p. 290.  
 Mutilatio enormis, & non enormis. Ibid. Ratio-  
 ne mutilationis, quæ restitutio facienda? n. 52.  
 p. 300. Ex mutilatione hominis oritur irregu-  
 laritas? tr. 13. d. 3. n. 46. & seqq. p. 482.  
 Mutilatio, quid? n. 49. & 50. p. 483.  
 Mutis & surdis a nativitate, quæ Sacramenta mi-  
 nistrari possint? tr. 10. d. 3. n. 44. p. 376. An  
 etiam Eucharistia? n. 45. p. ibid. Et quid de  
 matrimonio? n. 44. p. ibid. & tr. 14. d. 13. n.  
 16. p. 626.  
 Mutus quomodo confiteri, & absolvi possit? tr.  
 14. d. 7. n. 38. p. 567.  
 In mutuo cur loco auri possit reddi argentum, &  
 cur non loco frumenti oleum? tr. 8. d. 4. post  
 n. 4. p. 258.  
 Mutui solutio quo loco sit facienda? ibid. post n.  
 9. in Appendice. Item quo tempore? ibid.  
 Mutui solutio an possit fieri per partes? ib.  
 Mutuum quando solvitur a debitore, an inter  
 Creditores sit observandus ordo & qualis? ibi-  
 dem.  
 Mutua pecunia in qua sorte, valore, & pretio sit  
 solvenda? ibid.  
 Mutuum si quis se accepisse testetur per proprium  
 Chirographum Creditori extraditum, cum ta-  
 men nihil adhuc acceperit, quid tali agendum,  
 si Creditor, vel eo mortuo hujus Successor præ-  
 tendat solutionem debiti? ibid.  
 Mutuum, quid, & unde sic dictum? tr. 8. d. 4. n.  
 2. 3. & seqq. p. 258. In mutuo dominium rei  
 transfertur in Mutuatarium, n. 4. & 5. p. 258.  
 seq. Qui possint mutuum dare, vel accipere?  
 n. 6. p. 259. Ex mutuo quando obligetur Civi-  
 tas, Ecclesia, Monasterium, &c. n. 7. p. 259.  
 Quid de filiis familias mutuo accipientibus? n.  
 8. & 9. p. ibid. Inter contractum mutui, &  
 locationis, magna est disparitas? n. 21. p. 264.  
 In mutuo an possit aliquid exigi ratione lucr-  
 cellantis, damni emergentis, &c. n. 32. &

seqq. p. 265. Vel pacisci de pœna solvenda?  
 n. 38. & 39. p. 266. An pro sola carentia pe-  
 cuniæ quid exigi valeat? n. 40. & seqq. p. ib.  
 In mutuo an aliquid exigi possit ultra sortem  
 auctoritate Principum, vel consuetudine Pro-  
 vinciarum? n. 43. p. 267. Quid de praxi Ro-  
 mani Imperii? n. 46. & 47. p. ibid. Inter mu-  
 tuum, & censum, multiplex differentia. n.  
 69. & seqq. p. 270. Mutuum, quomodo dif-  
 ferat a Cambio? n. 73. p. 271. Et Commoda-  
 to? tr. 8. d. 2. n. 29. p. 239.

N.

**N**ativitas est modus acquirendi rerum domi-  
 nium Jure Gentium. tr. 7. d. 5. num. 22.  
 p. 216.  
 Ex Nativitatis puncto, seu horoscopo an liceat ali-  
 qua prædicere? tract. 5. dist. 2. post num. 19.  
 p. 139.  
 Nativitate Domini in media nocte quot Missæ  
 celebrari valeant? tract. 14. d. 5. post n. 112.  
 p. 539.  
 Necessitate gravi pressus cur possit restitutionem  
 rei alienæ differre, & cur non æque propter  
 necessitatem gravem rem alienam auferre? tr.  
 9. d. 5. post n. 104. p. 331. Necessitas gravis  
 si duret usque ad mortem, an adhuc possit dif-  
 ferri propter eandem restitutio rei alienæ? ibi-  
 dem post n. 106. p. 332.  
 Necessitas mediæ, & præcepti, quæ? tr. 4. d. 2.  
 n. 12. p. 83. & tr. 14. d. 2. n. 58. p. 505. Qua  
 necessitate Baptismus sit necessarius ad salutem.  
 tr. 14. d. 2. n. 59. & seqq. p. ibid. Quid de aliis  
 Sacramentis? n. 65. seqq. p. ib. Necessitas proximi  
 triplex, extrema, gravis, & communis. tr. 4.  
 d. 6. n. 38. p. 116. Necessitatem patientibus  
 quando sit danda eleemosyna sub præcepto? n.  
 36. & 40. ac seqq. p. ibid.  
 Nomina, seu Chirographa si minori pretio per  
 tertium emanant, quam foret ipsum debitum  
 principale in his litteris expressum, ad quem  
 spectet lucrum, posito, quod Emptor totum  
 debitum obtineat? tr. 8. d. 4. post n. 102. &  
 seqq. p. 275.  
 Notæ veræ Ecclesiæ Christi, quæ? tr. 4. d. 3. n.  
 10. & seqq. p. 91. Ex conveniunt soli Roma-  
 næ Ecclesiæ. n. 17. & seqq. p. 92.  
 Notitia præcisæ ex Confessionali hausta an, &  
 quando liceat uti? tr. 14. d. 9. post n. 33. p.  
 603. sq.  
 Novitio an negari possit votum ob defectum ex  
 Confessione notum? tr. 14. d. 9. post n. 33. p.  
 603. seqq.  
 Novitii, an sub culpa teneantur recitare Horas  
 Canonicas? tr. 6. d. 1. n. 157. p. 157. Novitii  
 Religionum libere testantur. tr. 8. d. 3. n. 42.  
 p. 250. Novitiorum testamenta an subint  
 Decreto Concilii Tridentini? n. 43. & 44. p.  
 ibidem.  
 Nummi post commixtionem sunt accipientis, &  
 cur? tr. 7. d. 5. n. 29. & 30. p. 217.  
 Nuncius, cui res commodata consignatur restitu-  
 enda Domino, si is cum ea aufugiat, quis luere  
 debeat? tr. 8. d. 2. post n. 40. p. 241.

Nu-

Nuptiæ proprie, quid? tr. 14. d. 13. n. 2 p. 624. Prohibentur fieri Tempore Sacrato. Ibid. & tr. 14. d. 14. n. 12. p. 641. Nuptiæ secundæ non ita probantur, sicut primæ, tr. 14. d. 13. n. 44. p. 630. An benedicendæ: Ibid.

## O.

**O**blatio late, & proprie accepta, quid; tr. 5. d. 1. n. 17. p. 130. & tr. 11. d. 4. n. 9. & 10. p. 400. Oblationes an sint de præcepto faciendæ; n. 11. & seqq. p. ibid.

Objectum turpe sibi repræsentare cum desiderio, si non esset peccatum, an liceat? tr. 9. d. 7. post n. 18. p. 350.

Obligatio Legis quanta sit, ex quo dignoscendum; tr. 2. d. 2. post n. 28. p. 39.

Obligatio Legis quandonam cesset; Vide *Lex an cesset &c.*

Obligatio eliciendi actum Fidei, Spei, &c. alia per se & directe, alia per accidens. tr. 4. d. 2. n. 26. p. 86. Obligatio civilis, & naturalis, quæ: tr. 8. d. 1. n. 33. p. 233. Obligationis naturalis effectus. n. 34. p. ibid.

Obligatio Antidotalis, unde sit: tr. 5. d. 3. n. 42. p. 150.

Observantia somniorum est species Divinationis. tr. 5. d. 2. n. 21. p. 139. Et quale peccatum; n. 22. p. 140. Vana observantia, quid? tr. 5. d. 2. n. 29. p. 141. Et quomodo distinguatur a Divinatione; n. 30. p. ibid. Observantia sanitatum, quid? n. 33. p. ibid. Et quo pacto hæc cognosci possit. n. 34. p. ibid. Observantia eventuum, quid, & quomodo differat a Divinatione; n. 35. p. ibid. Vana observantia, ejusque species, quale peccatum: n. 36. & 37. p. ibid. Quid in dubio, num effectus excedat vires causæ naturalis: n. 40. & 41. p. 142. Observantia ut virtus, quid: tr. 7. d. 2. n. 8. p. 198.

Obsessi a dæmone ex quibus signis cognoscantur. tr. 14. d. 8. in Append. I. p. 583. seqq. Obsessis quomodo a Confessario succurrendum; ib. Obsessis a Dæmone liberatis qualia remedia præscribenda? ibid.

Occasio proxima quomodo, & quando fugienda? tr. 14. d. 8. post n. 47. p. 592. Eadem magis declaratur per varia Exempla. ibid.

Occasio peccandi proxima, & remota, quæ; tr. 14. d. 8. n. 45. p. 592. Quid agendum circa constitutos in occasione proxima peccandi: n. 44. p. ibid. Præsertim, si hæc facile relinquere nequeat; n. 46. p. ibid. Propositiones circa occasionem proximam peccandi damnatæ. n. 47. p. ibid.

Occidere quandonam liceat insidiatorem etiam præveniundo eundem? tr. 9. d. 3. post n. 18. p. 292.

Occidere cur liceat per modum inculpatæ tutelæ aggressorem in Bonis Fortunæ, & cur non in Bonis Famæ? ibid. post n. 30 p. 293.

Occidere se ipsum directe non licet absque Divina revelatione. tr. 9. d. 2. n. 9. p. 291. Facta quorundam Sanctorum excusantur. n. 10. p. ibid. Indirecte se occidere ex justa causa, non est illicitum; & varia hujus exempla. n. 11. &

seqq. p. ibid. Non tenemur vitam servare, nisi mediis ordinariis. n. 13. & 14. p. 291. Auctoritate publica possunt occidi malefactores. n. 15. p. ibid. Auctoritate etiam privata potest occidi iniquus aggressor pro tuenda vita. n. 16. p. ibid. Servato tamen moderamine inculpatæ tutelæ n. 17. & 18. p. ibid. Idem licet pro tuenda pudicitia. n. 19. & seqq. p. 292. seq. An liceat occidere ob defensionem suarum facultatum, vel honoris: n. 22. p. 293. Propositiones diversæ circa hoc damnatæ, & cavendæ. n. 23. & seqq. p. ibid. Vide *γ. Homicidium*.

Occisio quandonam fieri dicatur per modum moderaminis inculpatæ tutelæ; tr. 9. d. 3. post n. 30. p. 293.

Occisio ut fiat per modum inculpatæ tutelæ in Bonis Fortunæ, quanta debeat esse summa, ib. Occisio num fieri censeatur per modum inculpatæ tutelæ, si Fur, seu Raptor Bonorum Fortunæ, jam sit sub actuali fuga cum re ablata constitutus, ibid.

Occisionem fortis animati directe, vel indirecte procurantes præsertim Clerici quas pœnas incurrant, & quam difficulter dispensetur, tr. 9. d. 3. post n. 37. p. 296.

Occisus in duello an, quando possit sepeliri in loco sacro, tr. 9. d. 3. post n. 45. p. 297.

Occidens alterum an, & quæ damna occisi subsequenter teneatur reparare, tr. 9. d. 3. post n. 51. p. 299.

Occidenti alterum quæ sit a Confessario injungenda practice Pœnitentia, ibid. post n. 54. p. 300.

Occisio quænam post se trahat Irregularitatem. Vide *Homicidium quale &c.*

Oculus simplex, quis? tr. 1. d. 2. n. 13. p. 10. Oculo carens est irregularis, tr. 13. d. 3. n. 29. p. 480. Quid, si careat solo visu oculi, præsertim sinistri; n. 29. & 30. p. 480. sq.

Odium Dei, an detur: tr. 4. d. 7. n. 1. p. 120. Et quale peccatum, n. 3. p. ibid. Odium proximi duplex, personæ, seu Odium inimicitiz, & qualitatis, seu abominationis. n. 2. p. ibid. Odium proximi, quale peccatum: n. 4. & 5. p. ibid. Odium inimicitiz semper illicitum; non sic Odium abominationis. n. 6. p. ibid. Corollaria de utroque. n. 7. & seqq. p. ibid. Cavendæ quoad propositum quædam Propositiones damnatæ. n. 10. & seqq. p. 121. Odia restringi, & favores convenit ampliari, quomodo intelligendum, tr. 13. d. 2. n. 64. & seqq. p. 466. seq. Regulæ circa hoc observandæ. n. 66. & 67. p. 467.

Offensa quid, & quomodo ea possit conjungi, vel separari ab injuria, ac damno, tr. 4. d. 6. post n. 20. p. 113.

Officium Ecclesiasticum, & Divinum, quod: tr. 6. d. 1. n. 2. p. 154. Officium Ecclesiasticum Nocturnum, & Diurnum. n. 3. p. ibid. Laudes an possint separari a Matutino; Ibid. Officium totum constat septem Horis Canonicis. n. 4. p. ibid. Vide *γ. Hora Canonica*. Officium Defunctorum in Die Commemorationis Animarum, an extra Chorum sub præcepto dicendum; n. 35. & seqq. p. 159. Officia divina, quæ; tr. 13. d. 2. n. 20. p. 461. Officiorum divino-

rum

- rum prohibitio tempore Interdicti, quæ; tr. 13. d. 2. n. 106. & 104. p. 474.
- Officium, quid, & an differat a Personatu, & Dignitate; tr. 11. d. 1. n. 14. & seqq. p. 379.
- Officiales an & ipsi possint emere Chirographa, seu nomina minori pretio, quam foret debitum inibi contentum, atque sibi ex *Ærario Principis* integram satisfactionem præstare, tract. 8. d. 4. post n. 102. p. 275.
- Officium Divinum quoad certum Sanctum in una Diocesi translatum an debeat recitari, si quis interea veniat in aliam, ubi id fuit jam persolutum, tr. 6. d. 1. post n. 65. p. 164.
- Officio Divino alterius Diocesis an Viator, seu peregrinus se possit conformare, ibid. Item an tunc jam possit prævenire Vesperas conformiter ordinationi talis Diocesis, etsi necdum ejusdem terminos attigerit, ibid. Vide *Horas Canonicas, &c.*
- Oleum, ut sit materia Extremæ Unctionis, quale esse debeat, tr. 14. dist. 11. n. 5. p. 611. sq.
- Quid, si ei sit admixtum balsamum: n. 6. p. 612. An debeat esse benedictum ab Episcopo; n. 7. p. ibid.
- Omnis res, per quascumque causas nascitur, per easdem dissolvitur, quomodo; tr. 14. d. 13. n. 55. p. 632.
- Opera Missarum an possint propria Auctoritate, vel saltem per Episcopum diminui diminutis Redditibus, tr. 14. d. 5. post n. 91. p. 535.
- Opera Rusticorum. Vide *Opera.*
- Operæ, vulgo Scharwerck, quandonam possint Rusticis imponi a Dominis Temporalibus, tr. 7. d. 3. post n. 6. p. 202.
- Opera servilia diebus festis prohibita quæ, tr. 10. d. 1. n. 11. & 14. p. 352.
- Opera servilia an ibi liceant causa pietatis, ibidem post num. 32. p. 355.
- Opera quænam alia liceant festivis diebus vi Consuetudinis, ubi de aliquibus pro praxi indagatur in specie. Ibid. post n. 35. p. ibid.
- Opera Jubilæi quomodo persolvenda, Vide *In Jubilæo qualiter opera, &c.*
- Opera bona viva, mortificata, & mortua, quæ, & quomodo prosint: tr. 1. d. 2. n. 46. & seqq. p. 16.
- Operum bonorum communicatio datur inter Fideles; tr. 12. d. 3. num. 133. p. 449.
- Vide *γ. Suffragium.* Omnia opera bona reducuntur ad Orationem, Jejunium, & Eleemosynam. tr. 14. d. 10. n. 19. p. 608.
- Opera misericordiz; Vide *γ. Misericordia.*
- Opera corporis, & animæ, quæ: tract. 10. dist. 1. n. 19. p. 352.
- Opera servilia, seu mechanica, & non servilia. n. 11 p. ibid.
- Quæ opera diebus Festis prohibeantur; n. 12. & seqq. p. ibid.
- An die Festo sit prohibitum venari, & piscari: n. 16. p. 353.
- Scribere ob lucrum: n. 17. p. ibid.
- Pingere; num. 18. p. ibid.
- Iter facere, n. 20. p. ibid.
- Sartoribus vestes reficere; num. 31. p. 354.
- Molere; num. 33. p. 355.
- Actus judicii Forensis exercere: num. 21. p. 353.
- Quid de Typographis: num. 19. p. ibid.
- Advocato, vel Doctore; num. 23. p. 354.
- Opera servilia per notabilem diei Festi partem exercere, est mortale peccatum. n. 24. & seqq. p. ibid.
- Quæ censeatur pars notabilis diei; n. 25. p. ibid.
- Et quæ alia circa hoc consideranda; num. 26. p. ibid.
- Quæ causas excusent exercentes opera prohibita; num. 27. & seqq. p. ibid.
- Quando excuset necessitas; n. 28. & seqq. p. ibid.
- Vel occurfus lucri transeuntis; num. 34. p. 355.
- Aut consuetudo: n. 35. p. ibid.
- Opera pro lucrando Jubilæo, quæ, & qualiter peragenda? tr. 12. d. 3. n. 104. & seqq. p. 436.
- Quomodo tunc eorum commutatio fieri possit; n. 109. p. 437.
- Opifices, & artifices quandonam arguendi sint invidia, si optent præ aliis assumi ad laborandum? tr. 3. d. 3. post n. 28. p. 75.
- Opifices quomodo in suis opificiis possint decipere, & sic animas suas gravare? tr. 8. d. 1. post n. 15.
- Opifices. p. 230. sq. qualiter peccent excedendo apud Dominos pretium suorum laborum propter honoraria, quæ dederunt eorum Famulis. Vide *Mercatores qualiter peccent &c.*
- Opinio probabilis, quæ: tr. 1. d. 3. n. 40. & 41. p. 22.
- Opinio probabilis probabilitate intrinseca, & extrinseca. num. 42. p. ibid.
- Est alia magis, alia minus probabilis, & tuta. num. 43. p. ibid.
- Per probabilitatem quantumvis tenuem, quid intelligatur; n. 44. & seqq. p. 23.
- Frustra post factum inquiritur sententia probabilis num. 51. p. 24.
- Opinionem probabilem, relicta probabiliori, an liceat sequi; num. 52. & seqq. p. ibid.
- Vide *γ. Conscientia.*
- In Medicina, & Jure, quomodo dentur Opinionones probabiles; num. 66. p. 27.
- Circa mysteria Fidei non licet sequi opinionem minus probabilem relicta probabiliori; & cur; num. 54. p. 24. & tract. 4. dist. 2. num. 30. & 31. p. 86.
- Opinionum probabilitas quid conferat ad Indulgentias? tr. 12. d. 3. post 130 p. 443.
- Optatio objecti turpis sub conditione an sit peccaminosa? Vide *Objectum turpe &c.*
- Oratio varie accipitur; tr. 5. d. 1. n. 45. p. 135.
- Oratio propriissime accepta. num. 46. p. ibid.
- Oratio mentalis, vocalis publica, & privata, quæ; n. 47. p. ibid.
- Oratio aliqua est præcepta. num. 48. p. ibid.
- Quibus temporibus urgeat præceptum Orationis; num. 49. p. ibid.
- Quæ bona recte per Orationem postulentur a Deo, num. 50. p. ib.
- Oratio debite facta habet infallibilem effectum, num. 51. p. 136.
- Sed quatuor ad hoc requiruntur conditiones, & quæ, num. 52. & seqq.
- Causa, cur multi petant, nec accipiant, quæ, n. 57. p. ibid.
- Orationes nostræ debite factæ; numquam sunt irritæ, etiam pro bonis temporalibus, num. 58. p. ibid.
- Cautela petentium bona temporalia. num. 59. p. ibid.
- Oratione quotidiana, an remittantur peccata venialia; tract. 3. dist. 2. num. 34. p. 72.
- Orationes Fidelium, aliaque justorum opera valent specialissime, generalissime, & specialiter. tr. 14. dist. 5. n. 69. p. 530.
- Oratorium quid? tract. 14. dist. 5. post n. 136. in Appendice I. p. 542. sqq.
- In Oratoriis privatis, & Cameris an liceat de facto Regularibus celebrare? ibid.
- Item num Episcopis? ibid. post num. 146.
- Item quandonam

- donam prædicti aliis pariter licentiam illic celebrandi concedere queant? tract. 14. dist. 5. post num. 136. p. 551. sq.
- In Oratoriis privatis quomodo, & quotupliciter Romæ detur licentia celebrandi? ibid. ac sqq. ubi & praxis petendi tale Oratorium.
- Quoad Ordines qualiter incurrat suspensio? tr. 13. d. 2. post n. 89. p. 471.
- Ordines Minores an conferre possint Abbates etiam non subditis? tr. 14. d. 12. post num. 55. p. 621.
- Ordo a quonam Episcopo conferri debeat? ibid. post num. 57. p. 622. Et quid, si Ordinandi sint Diocesis nullius, vel Regulares, ibid. Ordines an possint conferri Regularibus extra tempus ordinarium? ibid. post n. 59. p. ibid. Ordo Presbyteratus qualiter obtineatur dispensatione? tr. 14. d. 12. post n. 53. p. 621. De Ordinibus plura remissive. ibid. post num. 69. p. 623.
- Ordo, Sacramentum, imprimit characterem. tr. 14. d. 2. n. 46. & seqq. p. 504. An sit necessarium, n. 71. p. 506. Ordo varie sumitur, tr. 14. d. 12. n. 2. p. 615. & pro præ eminenti gradu in Ecclesia, & pro actuali Ordinatione. n. 3. & seqq. p. ibid. Sacramentum Ordinis, quid; n. 6. p. ibid. Ordines sunt septem. n. 9. p. 616. Quid de prima tonsura: n. 10. p. ibid. Ac Episcopatu: n. 13. & 14. p. ibid. Omnes, & singuli Ordines, sunt verum Sacramentum. n. 15. p. ibid. Et causant specialem Characterem. ibid. Constituunt tamen unum Sacramentum; & quomodo: tr. 14. d. 1. n. 10. p. 492. & tr. 14. d. 12. n. 16. p. 617. Ordinum generatim, & singulorum in specie, quæ materia, & forma: tr. 14. d. 12. n. 17. 18. & seqq. p. ibid. Solvuntur objectiones notabiles contra eas. n. 34. 36. & seqq. p. 619. Ordines sacri seu Majores, qui, & cur sic dicantur: n. 39. p. ibid. Clerici in Sacris, an vi voti Sacris Ordinibus annexi teneantur ad Continentiam: n. 27. & sqq. p. 608. Ordines non sacri, seu Minores. n. 40. p. 620. Soli masculi sunt capaces Ordinis non femine. n. 41. p. ibid. Sine Baptismo non recipitur Ordo. n. 43. p. ibid. Potest recipi & valide & licite. n. 44. p. ibid. Infans an, & quomodo possit ordinari: n. 45. & 46. p. ibid. Ad Ordines requiritur Confirmatio. n. 47. p. ibid. In ordinandis requiritur debita scientia. n. 48. p. ibid. Vitæ, morumque probitas. n. 49. p. ibid. Ac legitima ætas; & qualis; n. 50. & 51. p. ibid. Quid juris, si quis ordinetur ante legitimam ætatem: n. 52. & 53. p. 621. ac tr. 13. d. 3. n. 17. p. 477. Aut per saltum: cit. n. 17. p. 477.
- Ordinis Minister ordinarius, est Episcopus. tr. 14. d. 12. n. 54. p. 621. An potestas conferendi Ordines minores possit concedi simplici Sacerdoti; n. 55. p. ibid. Episcopus sine Dimissoriis licite non ordinat alienum subditum. n. 56. p. ibid. Subditus Episcopi, quibus modis quis efficiatur; n. 57. p. ibid.
- Ordines, quo tempore sint conferendi; n. 58. & seqq. p. 622. An minores possint recipi una cum Subdiaconatu; n. 63. p. 623. Sine Titulo nemo admittendus est ad Ordines sacros. n. 64. p. ibid. Quid de Ordinibus minoribus; num. 65. p. ibid. Materie Ordinis contactus physicus an requiratur; num. 67. & seqq. p. ibid. Ad sacros Ordines servi promoveri an possint: tr. 14. d. 14. n. 61. p. 649. Ordinis impedimentum respectu matrimonii declaratur. num. 74. & 75. p. 652.
- Ordinatus per saltum, vel ante legitimam ætatem, an fiat irregularis, vel suspensus; tr. 13. d. 3. n. 17. p. 477 & tr. 14. d. 12. num. 52. p. 621. Sacerdotes noviter ordinati, quam intentionem consecrandi cum Episcopo formare debeant; tr. 14. d. 5. n. 140. & sqq. p. 550.
- Oscula inter solutos. Vide *Impudicitia*.
- Ostiarius, quid; tr. 14. d. 12. n. 7. p. 615. Ejus materia, & forma. n. 18. p. 617. Officium Ostiarii. Ibid.
- P.
- P**actum requiritur ad Simoniam. tr. 5. d. 3. n. 40. & seqq. p. 150. Unda colligendum, an quid detur vel accipiat ex pacto Simoniaci, nec ne; n. 46. p. 151. Pactum, quid; tr. 8. d. 1. n. 3. & seqq. p. 228. Vide *Contrarius*. Pactum Antichristeos, quid; tr. 8. d. 4. n. 50. p. 268. Pactum Legis commissoria, quid; n. 53. p. 269. Et an valeat in Pignoribus: n. 54. p. ibid.
- Pactum quotuplex? tract. 8. dist. 1. post num. 2. p. 228.
- Pagani, qui: tract. 4. d. 4. num. 4. & 5. p. 98. An obligentur legibus Ecclesiasticis; tr. 2. d. 3. n. 5. & seqq. p. 42.
- Palpo, quis, & quando teneatur ad restitutionem: tr. 9. d. 5. n. 50. p. 324.
- Pannifex si ex aliena lana faciat Pannum, quis Dominus ejusdem? Vide *Pistor*.
- Pannificum deceptio. Vide *Opifex*.
- Panis hordeaceus an sit materia valida Consecrationis? tr. 14. d. 4. post n. 14. p. 55.
- Panis triticeus est materia apta Consecrationis Eucharisticæ. tr. 14. d. 4. n. 10. & sqq. p. 514. Panis triticeus, quis: n. 11. & sqq. p. ibid. Et qualis esse debeat: n. 15. & seqq. p. 515. An sufficiat etiam alius panis: num. 13. & seqq. p. 514. sq. Panis vi Consecrationis transubstantiatur in Corpus Christi num. 52. p. 519. Nihilominus proprie non annihilatur. num. 53. & 54. p. ibid.
- Papa, an obligetur præceptis totius Ecclesiæ: tract. 2. dist. 3. num. 18. p. 44. Papa dispensat in omni lege Ecclesiastica, non vero Divina. tract. 2. d. 4. n. 13. p. 51. Potest tamen legem Divinam interpretari. num. 14. p. ibid. Quomodo censeatur dispensare in votis, juramenti &c. cum tamen hæc obligent Jure Divino: num. 25. & 26. p. 52. Papa est caput visibile Ecclesiæ. tract. 4. dist. 3. n. 3. & 5. p. 90. An possit involvi crimine Simonie: tract. 5. dist. 3. num. 37. p. 149. Habet potestatem dispensandi in votis. tract. 6. dist. 3. num. 42. 43. & seqq. p. 183. Habet potestatem conferendi Beneficia totius Mundi. tract. 11. dist. 1. numer. 30. p. 381. Solet ea con-



Conferre jure præventionis. num. 31. & 32. p. 381. Jure devolutionis. n. 31. & 33. p. ibid. Et jure concursus, quomodo? n. 31. 35. & 36. p. ibid. Quid juris, si idem Beneficium a Papa, & inferiore, duobus conferatur: num. 36. p. ibid. Papa potest Indulgentias conferre. tr. 12. d. 3. n. 27. p. 419. Papa dispensat in omni irregularitate. tr. 13. d. 3. n. 70. p. 488. Papa ordinarie non reservat sibi peccatum, nisi ob annexam excommunicationem. tr. 14. dist. 9. n. 5. p. 598. Corollaria circa hoc. n. 6. & 7. p. ibid. Papa an possit dispensare in matrimonio rato Fidelium: tr. 14. d. 13. n. 60. & 61. p. 633. Ac impedimentis matrimonium dirimentibus: tr. 14. d. 14. n. 157. p. 665.

Parentum honor tria comprehendit. tr. 9. d. 2. n. 2. & seqq. p. 287. Reverentia parentibus debita, in quo consistat: n. 4. p. ibid. Et contra eam qualiter peccetur; n. 5. p. 288. Parentibus debetur amor. n. 6. p. ibid. Non tamen hi sunt præferendi Deo. num. 7. p. ibid. Parentibus præstanda obedientia; & in quibus: n. 8. p. ib. Invitis parentibus an possit filius ingredi Religionem: n. 9. p. ibid. Quid, si hi sunt in gravi necessitate: num. 10. & 11. p. ibid. Parentum obligatio erga liberos. n. 12. p. 289. Hac generatim tria involvit, quæ: n. 13. & seqq. p. ibid. An pater, vel mater, teneatur alere prolem: n. 14. & seqq. p. ibid. Parentes debent thesaurizare filiis, quomodo. n. 17. p. ib. Tenentur eos instruere in necessariis ad salutem. n. 18. p. ibid. Et ipsis relinquere libertatem circa electionem status n. 19. p. ibid. Parentum nomine, qui omnes hic comprehendantur; n. 20. p. 290. Parentum consensus non requiritur ad valorem matrimonii filiorum. tr. 14. d. 13. n. 36. p. 628. Debet tamen ordinarie prærequiri. n. 37. & 38. p. ibid.

Paramenta Ecclesie, Vide *Missa requisita*.

Parentum Donationes factæ Liberis an teneant, & utrum sint mortua Parentibus computandæ in divisionem Hereditatis? tr. 8. d. 2. post n. 16. p. 237.

Parochi quandonam teneantur applicare Missam pro suis ovibus: tr. 14. d. 5. post n. 86. p. 533. sq.

Parochus vagorum quoad Matrimonium quis; tr. 14. dist. 14. post n. 139. p. 660. sq. Item quis militum? ibid. uti & Hæreticorum. ibid. post n. 151. p. 664.

Parochiani, an extra Parochiam suam, ubi est Festum, possint alibi laborare: tr. 2. dist. 3. num. 33. p. 47. An inde mane exeuntes, teneantur prius Missam audire; num. 35. & seqq. p. ib.

Parocho celebraturo; & recordanti, se non jejunum, quid agendum; tr. 1. dist. 3. num. 24. p. 19. Parocho an credendum circa Legata pia a defuncto relicta; tr. 8. d. 3. n. 27. & 28. p. 246. Parochi, an dispensare valeant cum Parochianis in jejunio; tr. 10. d. 2. n. 77. p. 369.

Parochi, quo jure, & quomodo teneantur residere: tr. 11. d. 1. n. 68. 75. & seqq. p. 384. sq. Parochus, an assistat matrimonio ut Minister, vel ut Testis auctorizabilis: tr. 14. d. 13. n. 21. & seqq. p. 626. Parochi præsentia ad valorem matrimonii juxta Concilium Tridentinum, qualis requiratur; tr. 14. d. 14. n. 136.

p. 660. An sufficiat, præsentia Parochi vi dentis, aut contradicentis; n. 137. p. ibid. Cujus Parochi præsentia requiratur; n. 138. & 139. p. ibid. Varia dubia circa præsentiam Parochi quoad valorem matrimonii solvuntur. n. 142. & seqq. p. 662. Vide *ſ. Sacerdos* & *ſ. Clericus*.

Partes Prudentiæ, Justitiæ, &c. aliæ subjectivæ, aliæ potentiales, aliæ integrales tr. 7. dist. 1. n. 6. p. 191.

Paterfamilias qualiter possit tentare fidelitatem sui Famuli? Vide *Pecunia an in publico &c.*

Patientia, quid; tr. 7. dist. 1. num. 36. p. 194.

Patrinus quandonam contrahat cognationem cum Baptizando; tr. 14. d. 3. postnum. 40 p. 511.

Patrinus in Baptismo adhibendus. tr. 14. dist. 3. num. 40. p. 511. Patrinus in Confirmatione debet intervenire. num. 54. p. 513. & alius a Patrino in Baptismo. num. 55. p. ibid. Patrinus cum quibus contrahat cognationem spirituales; ibid. & tract. 14. d. 14. n. 113. & 114. p. 657.

Patronus Ecclesiasticus habet sex menses ad præsentandum, Laicus quatuor. tr. 11. d. 3. n. 28. & 29. p. 396. Ille nequit variare in præsentando, sicut Laicus num. 30. & 31. p. ib. Quid juris, si plures a Patrono Laico præsententur, n. 32. p. ibid. Quid, si præsentet indignum, num. 33. p. ibid. Patrono quatuor jura competunt. num. 43. p. 397. Quomodo jus præsentandi. num. 44. & seqq. p. ibid. Collatio Beneficii sine consensu Patroni, an valeat: num. 45. & seqq. p. 398. Patronus an possit se ipsum præsentare; n. 48. & seqq. p. ibid. vel suos filios, aut consanguineos; num. 51. p. ibid. Quid juris, si plures sint Patroni, & discordent in præsentando; n. 52. & 53. p. ib. Patrono debetur honor. n. 54. p. ibid. Competit ei jus defendendi Ecclesiam. n. 55. p. ibid. Quæ ipsi non liceant; num. 56. p. 399. Patrono egenti succurrendum ab Ecclesia, & quomodo? num. 57. & 58. p. ibid.

Patronatus. Vide *ſ. Jus patronatus*.

Pauperes præsertim ægroti an sustentandi sint cum gravi dispendio proprii status? tr. 4. d. 6. post n. 41. p. 117.

Pauperes Consanguinei. Vide *Consanguinei Pauperes*.

Pauperes an, & quando comparenti Domino teneantur restituere, si eodem absente res aliena furto ablata ipsi a Fure, vel altero bona fide fuerint donata? tr. 9. d. 5. post num. 72. p. 327.

Pauperes Conjuges an possint debitum alteri Conjugum petenti denegare ex eo, ne proles multiplicentur? tr. 14. d. 13. post n. 81. p. 653.

Pax est actus, seu potius effectus Charitatis. tr. 4. d. 6. num. 29. p. 115.

Peccator in statu peccati mortalis, an per bona opera quidpiam mereatur; tract. 1. dist. 2. num. 45. 47. & 48. p. 15. sq. Peccator non diu moraliter evitat novum peccatum, tract. 10. dist. 3. num. 8. p. 371.

Peccatum Theologicum, & Philosophicum quid? tract. 3. d. 1. post n. 2. p. 58. Peccatum Philosophicum num bene pronuncietur peccatum grave, quin sit offensa Dei? ibid. Ad peccatum

Yyy 2

qua

- qualiter Deus concurrat? tr. 3. d. 1. post n. 24. p. 60. Peccatum veniale, & mortale circa idem objectum quomodo distinguantur specie? tr. 3. d. 1. post n. 42. p. 63.
- Peccatum an, & quando censeatur moraliter interruptum, ac numero multiplicatum per cessationem ab actu peccaminoso? tr. 3. d. 1. post n. 53. p. 65.
- Peccata externa completa an, & quando multiplicari censeantur numero toties, quoties actus externi fuerint repetiti? ib. post n. 61. p. 66.
- Peccata quot numero committat intermittens per aliquod tempus restitutionem, aut Voti executionem? ibid.
- Peccatum quale sit, si malitia tantum advertatur in genere? tr. 3. d. 2. post n. 12. p. 69.
- Peccata specialia Principum, Ducum, & Militum in Bello. tr. 4. d. 7. post n. 50. p. 127.
- Peccata negative dubia; item illa, quæ sciuntur certo commissæ, ubi tamen dubitatur de eorum Confessione, quandonam sint iterum in Confessione repetenda? tr. 14. dist. 7. post n. 56. p. 570.
- Peccatum reservatum. Vide *Reservatio*.
- Peccatum commissionis, & omissionis, quid; tr. 1. d. 1. n. 17. p. 3. & tr. 3. d. 1. n. 10. & 11. p. 59. Quo tempore peccatum tum commissionis, tum omissionis, veluti indirecte, seu in causa dumtaxat voluntarium, contrahatur? tr. 1. d. 1. num. 17. 18. & seqq. p. 3. Peccati causam tollere, quando quis teneatur? n. 16. p. ibid. Ob peccatum in causa dumtaxat voluntarium, quando incurrantur pœnæ, ac inhabilitates? n. 25. p. 4. Peccatum generalissime. tr. 3. d. 1. n. 2. p. 58. Peccatum artis, & naturæ. n. 2. p. ibid. Peccatum animi. num. 3. p. ibid. Hoc dividitur in originale, & personale. n. 5. & 6. p. ibid. In peccata carnalia, & spiritualia. n. 7. & 8. p. ibid. In peccatum ex ignorantia, passione, & malitia. num. 12. & seqq. p. 59. In peccatum actuale, & habituale. n. 15. & seqq. p. ibid. Contra peccatum originale, quale antiquitus remedium? tr. 14. d. 1. n. 14. p. 492.
- Peccatum actuale, quid? tr. 3. d. 1. n. 16. & 17. p. 59. In eo sunt duo consideranda, materiale scilicet, & formale. n. 19. p. 60. Non consistit formaliter in positivo, sed privativo. n. 20. & seqq. p. ibid. Peccati auctor non est Deus. n. 23. & seqq. p. ibid. Ejus causa propria & interna, est sola voluntas creata. n. 27. p. 61. Dantur etiam causæ externæ ipsius, quæ? n. 28. p. ib. post actum peccati remanet aliquid in homine, unde is denominatur peccator. num. 30. p. ib. Istud in S. Scriptura dicitur *Macula*. n. 31. p. ibid. Post actum peccati mortalis plura eveniunt in homine, quæ? num. 35. & seqq. p. 62.
- Peccatum habituale, quid? tract. 3. dist. 1. num. 32. p. 61. Illud qua tale an addat novam malitiam? n. 33. & 34. p. ibid. An consistat in reatu culpæ? num. 36. & seqq. p. ibid. Cur potius consistat in reatu culpæ; quam privatione gratiæ; num. 38. p. ibid.
- Peccatorum distinctio specifica moralis; unde sit desumenda? tract. 3. dist. 1. num. 39. 40. & seqq. p. 63. Ea an inferatur ex sola diversitate præceptorum? num. 43. & seqq. p. ibid. Corollaria circa hoc. num. 46. & seqq. p. 64. Unde desumatur distinctio numerica moralis peccatorum? num. 50. & seqq. p. 65. Peccata interna, quomodo multiplicentur numero? n. 55. p. ibid. Sicut & peccata, quæ opere externo perficiuntur? num. 56. p. ibid. Unico actu occidens decem homines, an committat unum numero peccatum? num. 57. & seqq. p. 66. Quid dicendum de actibus pravis & incompletis? num. 59. & seqq. p. ibid.
- Peccatum mortale, & veniale, quid? tract. 3. d. 2. num. 1. & 2. p. 67. sq. In quibus conveniant, ac differant? num. 3. & 4. p. 68. Ad quodcumque peccatum actuale requiruntur tres conditiones. num. 5. & seqq. p. ibid. Ad peccatum mortale requiruntur alia tria. num. 8. & seqq. p. ibid. Quænam censeatur perfecta advertentia, & sufficiens ad peccatum mortale? n. 10. & 11. p. 68. sq. Signa, quibus in dubio discerni possit consensus perfectus ab imperfecto. num. 12. p. 69. Peccatum veniale triplex, ex genere suo, ex parvitate materiæ, & ex imperfectione actus. num. 13. p. ibid. Peccatum mortale aliud ex genere suo, aliud ex accidenti. num. 14. p. 70. Peccatum ex genere mortale, tribus modis fit veniale per accidens. num. 15. p. ibid. Econtra veniale, quot modis fiat per accidens mortale. n. 16. & seqq. p. ibid. Peccata venialia quibus modis remittantur? n. 25. & seqq. p. 71. Peccata Capitalia, quæ, & cur sic appellantur? tract. 3. d. 3. num. 1. & seqq. p. 72. Per omne peccatum mortale amittitur Charitas, non Fides & Spes. tract. 4. dist. 1. n. 14. p. 81. Peccata in Spiritum Sanctum, quæ; tract. 4. dist. 5. num. 16. p. 108. Peccata verborum maxime sunt ex intentione dicentis dijudicanda. tract. 5. dist. 3. num. 58. p. 152. & tr. 6. dist. 2. n. 10. p. 169. & 30. p. 172.
- Peccatum contra naturam, quid; & quæ species ejus; tr. 9. d. 4. n. 43. & seqq. p. 307. Indebitus concumbendi modus, quid, & quale peccatum? n. 65. & 66. p. 310. Peccata contra naturam distinguuntur specie. n. 67. & 68. p. 311. Contra peccatum originale, quale remedium fuerit antiquitus? tr. 14. d. 1. n. 14. p. 492. Peccatum originale, & peccata actualia ante Baptismum commissæ, non sunt materia Sacramenti Pœnitentiæ. tr. 14. d. 6. n. 12. p. 554. Quid de aliis peccatis? num. 13. 17. & seqq. p. ibid. Vide *Penitentia Sacramentum*. Peccata mortalia, quomodo omnia sint confitenda? tract. 14. dist. 7. num. 30. & seqq. p. 566. sq. Peccata quomodo remittantur, quando nequit fieri Confessio materialiter integra? num. 44. p. 568. Vide *Confessio*. Peccata dubia an sint necessario confitenda? num. 54. & seqq. p. 570. Dimissa culpa non semper remittitur tota pœna peccatis debita. tract. 14. dist. 10. num. 2. p. 606.
- Pecora maleficio infecta quomodo liberanda? tr. 14. d. 8. Append. 1. p. 583. sqq.
- Peculium Filiifamilias adventitium quoduplex? Vide *Filiifamilias peculium*.
- Peculium, unde sic dictum? tract. 7. dist. 4. n. 9. p. 106.

- p. 206. Peculium Filiifamilias castrense, quasi castrense, profectitium, & adventitium, quid? n. 10. & seqq. p. ibid.
- Pecuniam auream alteri solvendam accipiens famulus, vel nuncius, an possit prius permutare retento lucro? tr. 8. d. 4. n. 79. & 80. p. 271.
- Pro sola earentia pecuniarum in mutuo nihil potest exigi. n. 40. & 41 p. 266.
- Pecunia an publico loco exponi possit ad probandam aliorum fidelitatem? tr. 4. d. 7. Append. post n. 28. p. 124.
- Pensio, quid? tr. 11. d. 2. n. 41. p. 392. Reservata Pensione an liceat resignare Beneficium? n. 40. 42. & 43. p. ibid. An in resignatione, & permutatione Beneficiorum, possit per Episcopum constitui Pensio? n. 43. & 53. p. 392. sq.
- Percussor notorius Clerici, quis? tr. 13. d. 2. num. 37. p. 464. Excommunicatio in percussores Clericorum lata, declaratur. tr. 13. d. 2. n. 58. & seqq. p. 466.
- Percussor Clericorum quandonam excusetur ab Excommunicatione? tr. 13. dist. 2. post n. 70. p. 467.
- Peregrini an se possint conformare Officio Divino alterius loci, quem pertranseunt, & quomodo? tr. 6. dist. 1. post n. 65. p. 164.
- Peregrinorum: ab intestato morientium Rona ad quem pertineant? tr. 7. d. 5. post n. 5. p. 212. sq.
- Peregrini, & advenae; an obligentur particularibus legibus, & consuetudinibus locorum, per quae transeunt; tr. 2. d. 3. n. 20. & seqq. p. 45.
- Periculum mortis quomodo differat ab articulo mortis? Vide *Sacerdos non approbatus*.
- Periculum proximum. Vide *Occasio proxima*.
- Perjurium. Vide *Juramentum* & *Jurare*.
- Perjurium, quid? tr. 6. d. 2. n. 28. p. 172. Est peccatum mortale. Ibid. In perjurio non datur levitas materiae. num. 29. p. ibid. Potest tamen id fieri veniale ex defectu voluntarii, ac deliberationis. n. 30. p. ibid.
- Permutatio Beneficiorum, quomodo fieri possit? tr. 11. d. 2. num. 44. p. 392. Forma, & modus permutandi Beneficia. n. 47. p. 393. In permutatione Beneficiorum, an pro habente pinguius proventus possit suppleri pretium? n. 48. & seqq. p. ibid. Nequeunt Ecclesiastici proventus permutari sine Beneficio n. 51. p. ibid.
- Perseverantia, quid? tr. 7. d. 1. n. 16. p. 194.
- Personatus, quid, & an differat a Dignitate, & Officio? tr. 11. d. 1. n. 14. & seqq. p. 379.
- Pertinacia ad haeresin requisita, in quo consistat? tr. 4. d. 4. n. 13. & 16. & seqq. p. 100.
- Physiognomia est species Divinationis; & quae partes ejus? tr. 5. dist. 2. num. 20. p. 139. Naturalis est licita. ibid.
- Pietas varie accipitur, & quid sit? tr. 7. d. 2. n. 7. p. 198. & tr. 9. dist. 2. num. 3. p. 287.
- Pignus, quomodo differat a Commodato? tract. 8. dist. 2. num. 29. p. 139.
- Pignus, unde sic dictum? tract. 8. d. 4. num. 49. p. 268. Quomodo differat ab Hypotheca? ibid. In pignoribus an liceat pactum Antichriseum? n. 50. & seqq. p. 268. sq. Vel pactum Legis Commissoriae. n. 53. & 54. p. 269.
- Picturae obscenae quandonam dicantur scandalosae, & quid cum iis agendum? tr. 4. d. 7. post n. 28. p. 123.
- Pingere die Festo, num licitum? tract. 10. dist. 1. num. 18. p. 353.
- Pistor si ex alieno frumento bona fide empto conficiat panem, ad quem spectet ejus Dominium? tr. 7. d. 5. post n. 24. p. 217. Pistorum deceptio. Vide *Opifices*.
- Plagium, quid? tr. 9. d. 5. n. 3. p. 317.
- Plantatio, quomodo sit modus acquirendi rerum dominium? tr. 7. d. 5. n. 32. p. 218.
- Plebeji, quomodo credant Articulis Fidei ob propositionem Concionatoris; tr. 4. dist. 2. n. 9. p. 83.
- Pœna ipso jure inflicta, seu latae sententiae; & pœnae ferendae sententiae, quae; tr. 2. d. 2. num. 35. p. 41. Pœna quando censetur esse latae, vel ferendae sententiae; n. 36. & seqq. p. ibid. Pœnam an teneatur Reus subire ante sententiam Judicis? n. 34. 39. & seqq. p. 40. sq. Quid dicendum de pœnis corporis afflictivis; num. 44. & 45. p. 42. Pœna ob peccatum in causa duntaxat voluntarium, quando incurrantur; tr. 1. d. 1. num. 25. p. 4. sq. Pœna contra Simoniacos statuta; quae; tr. 5. d. 3. n. 47. & seqq. p. 151. Pœnam nemo imponere potest, nisi Superior, quomodo? tr. 8. d. 4. n. 39. p. 266.
- Pœna Canonica, quid? tr. 13. d. 1. n. 45. & seqq. p. 457. Pœnae Canonicae, quot? n. 48. & seqq. p. ibid.
- Pœnitens sollicitatus in Confessione ad turpia, an teneatur denunciare Confessarium? tr. 14. d. 8. n. 63. & seqq. p. 596. Vide *Y. Sollicitatio in Confessione*.
- Pœnitentiae sacramentum per se confert primam gratiam. tr. 14. d. 2. n. 19. p. 500. Quomodo sit necessarium, & quibus? tr. 14. d. 2. n. 65. & 66. p. 506. Pœnitentia sufficitur ut Sacramentum, & ut virtus. tr. 14. d. 6. n. 1. p. 553. De Fide est, Pœnitentiam esse Sacramentum. n. 2. p. ibid. Et institutum a Christo. num. 3. p. ibid. Et quando praecipue: n. 4. p. ibid. Sacramentum Pœnitentiae, quid? n. 5 & 6. p. ib. Est necessarium omnibus post Baptismum lapsis. n. 7. p. ibid. Appellatur secunda post naufragium Tabula. n. 8. p. ibid. Materia ipsius remota, eaque vel necessaria, vel sufficiens. n. 9. p. ibid. Et proxima, quae? n. 10. p. 554. Circa hanc doctrinam Scoti, & Concilii Tridentini, concordat. n. 11. p. ibid. Peccatum originale, & peccata actualia ante Baptismum non sunt materia Sacramenti Pœnitentiae. n. 12. p. ibid. Quid de solis imperfectionibus; n. 14. & seqq. p. ibid. Peccata rite confessa, sunt materia sufficiens ipsius. n. 17. p. ibid. Solvitur instantia. num. 18. p. ibid. An sit necesse addere, quod peccata jam fuerint confessa, nec ne? n. 19. & 20. p. ibid. Forma Sacramenti Pœnitentiae, quae? n. 21. p. 555. Quae verba sint de essentia formae absolutionis? n. 22. p. ibid. Vide *Y. Absolutio*. Partes Sacramenti Pœnitentiae tres. n. 36. p. 558. Pœnitentiae virtus, seu contritio aliqua, est lapsis necessaria ad salutem. num. 43. & seqq. p. 559. Vide *Y. Contritio*. Pœnitentiae Sacramenti Minister est solus Sacerdos; & qualis? tr. 14. d. 8. n. 1. & seqq. p. 574. Vide *Y. Confessarius*.

- Pœnitentiam Sacramentalem** sibi impositam an possit pœnitens respuere; tract. 14. dist. 10. n. 10. p. 606. Etiam levem; num. 12. p. ibid. Tenetur pœnitens implere pœnitentiam sibi injunctam. n. 13. p. 607. Et quidem per se ipsum. n. 15. p. ibid. Quid, si hæc sit solum levis; n. 14. p. ibid. An ea possit ipsi commutari a Confessario; n. 16. p. ib. Et an tunc necesse sit, repetere priora peccata; n. 17. p. ibid. Doctrina Concilii Tridentini circa injunctionem pœnitentiae Sacramentalis. num. 18. p. 608. Generatim quæ opera pro ea injungenda sint; n. 19. p. ibid. Confessarius pœnitentiam designaturus ad quæ debeat attendere; n. 20. p. 609. Quæ pœnitentiae generatim corresponsdeant peccatis; n. 21. p. ibid. Rigor iste in particularibus casibus nequit semper observari. n. 22. & 23. p. ibid. In pœnitentia determinanda vitandus est defectus, & multo magis excessus. n. 24. p. ibid. In praxi circa imponendam pœnitentiam, quid observandum? n. 25. & seqq. p. ibid. Possunt pro pœnitentia imponi opera aliunde præcepta. n. 28. p. 610. Sed communiter sunt injungenda opera non præcepta. n. 29. p. ibid. Injuncta Missa pro pœnitentia, de qua Missa id intelligendum; ibid. Potest injungi oratio pro defunctis. n. 30. & 31. p. ibid. Modus satisfactionis Sacramentalis juxta Catechis. Rom. n. 32. p. ib. Vide *†. Satisfactio*.
- Pœnitentiaria Sacra** quando dispenset in impedimenti Matrimonii. tr. 14. d. 15. n. 5. & seqq. p. 669.
- Pœnitentes executionem Voti, vel restitutionem** intermittentes in Bonis Famæ, vel Fortunæ quomodo in Confessionali circa numerum peccatorum examinandi? tract. 3. dist. 1. post num. 61. p. 67.
- Pœnitentia** quænam practice sit injungenda confitenti Homicidæ; Vide *Homicida confitenti*.
- Pœnitentiæ Sacramentum** qualem requirat dolorem; & an ad eundem debeat concurrere necessario aliquis actus remissus Amoris Benevoli erga Deum? tr. 14. d. 6. post n. 48. p. 559. sqq.
- Pœnitens** quandonam sit in Confessionali interrogandus? tr. 14. d. 8. post n. 32. p. 581.
- Pœnitens Sacrilege** antea confessus quomodo tractandus; ibid. post n. 33. p. ibid.
- Pœnitens**, qui confitetur, se in pluribus Confessionibus aliqua peccata omisisse, qualiter examinandus? ibid. post n. 41. p. 583.
- Pœnitens** deponens Confessionem Generalem qualiter instruendus? ibid.
- Pœnitentes proponentes Extases, vel Apparitiones** quomodo tractandi? Vide *Confessarius quomodo &c.*
- Pœnitentes**, præsertim peregrini, an, & quando possint absolvi a peccatis reservatis? tr. 14. d. 9. post n. 10. & seqq. p. 598. sqq.
- Pœnitentes proponentes peccatum reservatum** alicui non habenti facultatem in eadem, an, & quando possint a tali absolvi? tr. 14. dist. 9. post. n. 20. p. 601.
- Pœnitentes** in occasione proxima constituti quomodo in Confessionali tractandi; tr. 14. dist. 8. post n. 47. p. 592. sq.
- Pœnitentes** quandonam possint interrogari a Confessario circa præterita peccata ex Confessione nota? ibid. d. 9. post n. 7. p. 598.
- Pœnitentia** an sit novâ injungenda confitentibus, si post absolutionem afferant novum peccatum? tr. 14. d. 10. post n. 12. p. 606.
- Pœnitentia** imposita ob peccatum leve si intermittatur, quale sit peccatum? Vide *Satisfactio imposita &c.*
- Pœnitentia** ab uno Confessario imposita quomodo possit commutari ab alio? Vide *Satisfactio ab uno Confessario &c.*
- Pœnitentia** quæ sit injungenda infirmis? tr. 14. d. 10. post n. 32. p. 610.
- Pœnitentia** injuncta quanto tempore possit differri citra grave peccatum? ibid.
- Pollutio** ex eodem æstu libidinoso multiplicata cur numero multiplicet peccata? Vide *Peccata externa completa &c.*
- Circa Pollutiones Fœminarum** an subinde, & quando a Confessariis sit in Confessionali formanda interrogatio? tr. 9. d. 4. post n. 44. p. 307.
- Pollutionibus** dediti quomodo in Confessionali practice interrogandi? ibid. post n. 50. p. 308.
- Pollutiones** discernendæ sunt ab aliis fluxibus. ibid. post n. 59. p. 310.
- Pollutio**. Vide *†. Molities*.
- Polygamia**, an licita? tr. 14. d. 13. num. 40. & 41. p. 630.
- Populi** nomine, qui comprehendantur? tr. 2. d. 4. n. 8. p. 50. Populo interdicto, qui censeantur interdicti? tr. 13. d. 2. n. 95. & 97. p. 473.
- Possessio** varie accipitur; tr. 7. d. 3. n. 18. p. 204.
- Possessio** juris tantum, seu civilis, possessio facti, seu naturalis tantum; & possessio juris & facti simul, quid? n. 19. 20. & 21. p. ibid. Possessionis definitio explicatur. n. 22. & seqq. p. ibid. Possessionis privilegia præcipua. n. 24. & seqq. p. ibid. Rerum deperditarum possessionem, an dominus amittat? tr. 7. dist. 5. n. 7. p. 213.
- Possessio** requiritur ad præscriptionem. tr. 7. d. 6. num. 9. p. 220. Ea quomodo interrumpatur num. 29. & 30. p. 225.
- Possessi** a diabolo. Vide *Obsessi*.
- Possessor** bonæ, & malæ fidei, quis? tr. 7. d. 3. n. 20. p. 204. Possessor si spoliatur, ante omnia restitui debet. n. 26. p. 205. An invasus possit vim vi repellere; ibid.
- Postliminii Jus** quid? Et quænam virtute hujus a primis Dominis possint prætendi? tr. 4. d. 7. post n. 50. p. 127.
- Potestas** legislativa alia Ecclesiastica, alia Civilis; & quomodo differant? tr. 2. d. 2. n. 19. p. 38. Potestas Sacerdotis in Corpus Christi verum, & mysticum, quæ? tr. 14. d. 8. n. 4. p. 574. Differentia inter Potestatem consecrandi, & absolvendi, quam habet Sacerdos, n. 5. & seqq. p. ibid. Potestas Jurisdictionis, & quoruplex. n. 8. & sq. p. 575.
- Præceptum simplex**, quomodo differat a lege: tr. 2. d. 1. n. 18. & 19. p. 31. Præcepta Legis veteris. Vide *†. Lex vetus*. Præceptum ut impleatur, qualis requiratur intentio; tr. 2. d. 3. n. 44. & seqq. p. 48. Vide *†. Lex*. Præceptum aliud affirmativum, & aliud negativum, & quomodo differant; tr. 3. d. 1. n. 11. p. 59. Ex sola diversitate præceptorum an recte inferatur diversitas specifica peccatorum; tr. 3. d. 1. n. 43. & seqq. p. 63.



- p. 63. Præceptum Fidei, Spei, &c. Vide *†. Fides, Spes &c.* Præcepta Decalogi. Vide *†. Decalogus.* Præcepta Ecclesiæ. Vide *Ecclesia præcepta.*
- Prælati Ecclesiæ in publicis Concionibus non taxandi. tr. 4. d. 6. n. 54. p. 119. Prælati Regulares, in qua irregularitate dispensent cum suis subditis: tr. 13. d. 3. n. 73. 74. & 75. p. 489. Prælati quæ vota Religiosorum irritare possint; tr. 6. d. 3. num. 39. p. 182. An concedere possint Indulgentias? tr. 12. d. 3. num. 29. p. 419. Quid concedant per litteras Fraternalitatis, seu suffragia Ordinis? n. 143. p. 450.
- Præscriptio, quid, & an differat ab Usucapione? tr. 7. d. 6. n. 2. & 3. p. 218 sq. Quo jure, & cur sit introducta? n. 4. p. ib. Habet locum etiam in Foro conscientie? n. 5. & seqq. p. ibid. Ad præscriptionem quæ conditiones requirantur? n. 8. & seqq. p. 220. An ea cum dubio possit inchoari, vel continuari? num. 11. & 12. p. 221. Quantum temporis requiratur ad usucapionem, seu præscriptionem rerum mobilium inter privatos? num. 21. p. 223. Vel immobilium inter eos, sive præsentis, sive absentes? num. 22. & seqq. p. ibid. Quid de rebus immobilibus Ecclesiarum, & Monasteriorum? num. 25. p. 224. Ac etiam mobilibus earum? n. 27. p. ibid. Specialia quoad hoc privilegia quorundam Monasteriorum, & Ordinum. n. 26. p. ibid. Præscriptio quomodo interrumpatur? n. 28. & seqq.
- Præscriptio positiva, & privativa quæ? tr. 7. d. 6. post num. 7. p. 219.
- Præscriptio immemorialis quæ, & quomodo probetur? tr. 7. d. 6. post n. 7. p. ibid.
- Præscriptio contra quas personas introduci valeat ibid. Præscriptio an introduci valeat per actus meræ facultatis, & quomodo hi actus cognoscantur? ibid.
- Ad Præscriptionem Possessio quotuplex, & qualis requiratur? tr. 7. d. 6. post n. 9. p. 220.
- Præscriptio an introduci possit per malam fidem juridicam, si tamen adsit bona fides Theologica? tr. 7. d. 6. post n. 10. p. 221.
- Præscriptio qualem desideret titulum? Vide *Titulus?*
- Præscriptio quale requirat tempus? Vide *Tempus.*
- De Præscriptione sex notabiles Casus. Ubi de annuis præstationibus, & duplici Laudemio subditorum; Item de Anniversariis, Beneficiis, & Juribus lignandi, piscandi, &c. tr. 7. d. 6. post n. 30. Append. p. 225. sqq.
- Præsens, & absens, in ordine ad præscriptionem, quis dicatur? tr. 7. d. 6. n. 23. p. 223. Quid de partim præsentis, partim absente? n. 24. p. 224.
- Præsentatione, quomodo acquirantur Beneficia Ecclesiastica? tr. 11. d. 1. n. 23. & seqq. p. 380.
- Præsumptio, quid, & quale peccatum? tr. 3. d. 3. n. 8. p. 73. Præsumptio, ut opponitur Spei Divinæ, quid? tr. 4. dist. 5. n. 18. p. 108. Potest committi dupliciter. n. 19. p. ibid.
- Præcarium, quid? tr. 8. d. 2. n. 30. p. 239. Et quomodo differat a Commodato? ibid.
- Preces primæ Imperatoris. tr. 11. d. 1. n. 47. & 41. p. 382. In quibus Beneficiis non habeant locum; n. 42. p. ibid.
- Preces tempore Jubilæi qualiter persolvendæ? tr. 12. d. 3. post n. 113. Appendice I. p. 438.
- Presbyteratus Ordo. Vide *Ordo Presbyteratus.*
- Presbyteratus est Sacramentum, quomodo? tr. 14. d. 12. n. 4. & 5. p. 65. Presbyteratus, quid? n. 7. p. ibid. Ejus materia & forma. n. 32. p. 618. Vide *†. Sacerdos.*
- Pretium simoniacum, quid, & quotuplex? tr. 5. dist. 3. num. 38. & 39. p. 150. Pretium rerum duplex, legitimum, & vulgare. tr. 8. d. 4. num. 87. p. 273. Illud consistit in indivisibili. n. 88. p. ibid. Pretium vulgare triplex, summum, medium, & infimum. num. 89. p. ibid. Pretii vulgaris justitia, unde desumenda? n. 90. & seqq. p. ibid.
- Pretium summum an a Venditoribus per circumventionem Emptorum extorqueri possit? tr. 8. d. 4. post n. 99. p. 274.
- Prima Tonsura. Vide *†. Tonsura prima.*
- Primitiæ, quid? tr. 5. d. 1. n. 18. p. 130. & tr. 11. dist. 4. num. 6. p. 399. An ex præceptum offerendi primitias? n. 7. p. ibid. Præsertim in Lege Evangelica? n. 8. p. ibid.
- Privilegium Fori, quod? tr. 14. dist. 12. num. 11. p. 616. Privilegium Canonis. num. 12. p. ibid. Competit prima Tonsura insignitis. ibid.
- Privilegium celebrandi in locis privatis, Cameris, seu Oratoriis Regularibus concessum an adhuc post Decretum Clementis XI. subsistat? tract. 14. dist. 5. post num. 136. Appendice I. p. 542. sqq.
- Privilegia Regularium quoad Collationem Ordinum. Vide *Ordo.*
- Probabilitas quantumvis tenuis, quæ? tr. 1. d. 3. num. 44. & seqq. p. 23. Vide *†. Conscientia probabilis, & †. Opinio probabilis.*
- Probabilitas Sententiarum quid profit in absolvendo, vel condemnando Reum? tr. 1. d. 3. post n. 62. p. 26. Item quid eadem conferat in ordine ad Indulgentias? Vide *Opinionum Probabilitas.*
- Prodigi contractus, vel Lusus cum alio vergens in ejusdem præjudicium an teneat, & importet aliquam obligationem? tr. 8. d. 1. post n. 15. p. 230.
- Proditio Patris est speciale peccatum; & potest addi Homicidiis patriocidialibus. tr. 9. d. 3. n. 38. p. 296.
- Professione adjecta conditio turpis an suspendat Professionem usque ad ejusdem impletionem? tr. 8. d. 1. post num. 12. p. 229.
- Professione Religiosa dissolvitur matrimonium ratum Fidelium. tr. 14. d. 13. n. 58. p. 632. Et quo jure? n. 59. p. ibid. In eam commutantur omnia vota tr. 6. d. 3. n. 33. p. 181. Professio Fidei, & Confessio Fidei differunt, & quomodo? tr. 4. d. 2. n. 39. p. 87. sq.
- Proles. Vide *Liberi.*
- Promittentes gratuito valde liberaliter; aut pauca servantes qualiter æstimandi? tr. 8. d. 2. post n. 7. p. 235.
- Promissio, quomodo differat a simplici proposito; tr. 6. d. 3. n. 2. p. 176. & tr. 8. d. 2. n. 3. p. 235.
- Promissio solo animo concepta, an obliget? tr. 6. d. 3. n. 3. p. 176. Promissio etiam hominibus fieri potest. num. 5. p. ibid. Antequam sit acce-

- acceptata, non obligat, tr. 8. d. 1. n. 6. p. 228. Discrimen inter promissionem Deo, & homini factam, n. 7. p. ibid. Promissio, quid? tr. 8. d. 2. n. 2. p. 235. Quanta sit ejus obligatio? n. 4. & seqq. p. ibid. Excusantur multæ promissiones a mortali, cur? n. 7. p. ibid. Promissio variis modis obligare definit, n. 8. & seqq. p. 235. sq.
- Promulgatio ad obligationem legum, an, & qualis requiratur? tr. 2. d. 1. n. 20. & seqq. p. 31.
- Proportio Geometrica, & Arithmetica, quæ? tr. 7. d. 2. num. 18. p. 199. Quam proportionem servant justitia commutativa, & distributiva? n. 17. p. ibid.
- Propositum, quomodo differat a promissione? tr. 6. d. 3. n. 1. & 2. p. 176. & tr. 8. d. 2. n. 3. p. 235. Propositum non servare, an sit peccatum? n. 4. p. ibid. Propositum non peccandi de cætero an pro Sacramento Pœnitentiæ sufficiat virtuale? tr. 14. d. 6. num. 49. p. 561. Debet esse universale de mortalibus, n. 50. p. ibid. Quid de venialibus? n. 51. p. 562. Ad propositum illud non requiritur credulitas de non relapsu; n. 52. p. ibid. Doctrina notabilis circa tentationem de futuro relapsu, n. 54. p. ibid.
- Provisores intermittentes recitare Horas Canonicas ad quid obligentur? Vide *Capellani intermittentes*.
- Proxenetæ si rem aliquam distrahant majori pretio, quam Dominus petiit, ad quem spectet excessus pretii? tr. 8. d. 4. post n. 102. p. 275.
- Proximus quo ordine diligendus? tr. 4. d. 6. post num. 14. p. 111. ubi etiam ponuntur varii Casus de necessitate spirituali, & corporali ipsius Proximi.
- Proximo succurrere in necessitate quomodo obligentur Medici, Chirurghi, Eucliones frumentum copiose congregantes? tr. 4. d. 6. post n. 42. p. 117.
- Proximum nostrum tenemur diligere, tr. 4. d. 6. n. 10. & 11. p. 110. sq. Præcepto diligendi proximum non satisfit per solos actus externos, n. 12. p. 111. Vide *¶ Dilectio*.
- Prudentia, quid? tr. 7. d. 1. n. 4. p. 191. An sit unicus habitus? n. 5. p. ibid. Ejus encomia, n. 3. p. ibid. Prudentiæ, quæ sint partes subjectivæ? n. 7. & 8. p. ib. Partes Potentiales; n. 9. p. ib. Et integrales; n. 10. p. ib. Prudentiæ, quæ vitia opponantur? n. 11. & seqq. p. 192. Prudentia carnis, quæ? n. 14. p. ib. Prudentia Confessario necessaria; & circa quæ? tr. 14. d. 8. n. 27. & seqq. p. 580.
- Pubes, Impubes, qui? tr. 8. d. 1. n. 22. p. 232. Pubertas quando incipiat; tr. 6. d. 3. n. 38. p. 182.
- Publicum quomodo quidpiam esse debeat, ut aliis citra peccatum detractionis manifestari queat? tr. 9. d. 6. post n. 19. Append. p. 340.
- Pudicitia, quid; tr. 7. d. 1. n. 24. p. 193. Reducitur ad Castitatem. Ibid.
- Puellæ per mundum suum muliebrem, præsertim per liberio rem peccatoris denudationem aliis præbentes scandalum qualiter dehortandæ a Confessariis? tr. 4. d. 7. post n. 28. p. 124.
- Pueri qua ætate adstringantur Legibus, seu præceptis? tr. 2. d. 3. post n. 11. p. 43.
- Pueris ægrotis qua ætate sit dandum Viaticum? tr. 10. d. 3. post n. 43. p. 376.
- Pueri, quando teneantur elicere actum Fidei, tr. 4. d. 2. n. 32. p. 86. Et quando teneantur ad Confessionem annuam; tr. 10. d. 3. n. 21. p. 372. Circa pueros in praxi quid observandum; num. 22. & seqq. p. ibid. Pueri, quando obligentur ad Communionem Paschalem; num. 42. & 43. p. 376.
- Pupillus, quis; tr. 8. d. 1. num. 23. p. 232. Pupillus pubertati, vel infantie proximus, quis; p. ibid. Pupillus an sine tutoris auctoritate contrahere possit; n. 26. p. 233. Corollarium de Pupillo sic emente, n. 27. p. ibid. Vel perente ludendo, n. 28. p. ibid. An is tunc obligetur naturaliter; n. 29. & 30. p. ibid. Quid, si contrahat cum consensu Tutoris; num. 31. p. ibid.
- Purgationes vulgares sunt prohibitz, & quæ sint; tr. 5. d. 3. num. 6. p. 145.

Q.

**Q**uestiones aliæ versantes circa honestatem actus, aliæ circa materiam facti, tr. 1. d. 3. num. 47. p. 23. Notabile discrimen inter utrasque, n. 48. & 49. p. 23. sq. An circa eas liceat sequi sententiam probabilem; n. 50. 56. & seqq. p. 24. sq. Vide *¶ Conscientia probabilis*. Quæstiones an possint emere Chirographa minori pretio ob difficile solutionem æstimata, & sibi ex Erario Principis satisfactionem facere ex integro? tract. 8. d. 4. post n. 102. p. 275. sq.

R.

**R**aptus, quid? tr. 9. d. 4. n. 39. p. 306. Ad raptum tria requiruntur, n. 40. p. ibid. Quæ ejus malitia; n. 41. p. ibid. Pœnæ in Raptores constitutz, n. 42. p. ibid. Raptus est impedimentum dirimens Matrimonii, tr. 14. d. 14. n. 153. & seqq. p. 664. Quid, si fœmina rapiat virum; n. 155. p. ibid.

Reatus pœnæ, & Reatus culpæ, quid: tr. 3. d. 1. num. 35 & 36. p. 62. An in reatu culpæ formaliter consistat peccatum habituale; n. 36. p. ibid.

Recidivi, quomodo a Confessario tractandi; tr. 14. d. 8. n. 48. & seqq. p. 593.

Recidivus &c Vide *Remedia*.

Reconciliatio quid? Item qualiter, ac quando quis teneatur cum suo inimico se reconciliare? tr. 4. d. 6. post num. 25. p. 114.

Reditus stolæ inter quæ Bona Clericorum sint computandi; tr. 7. d. 4. post n. 22. p. 208.

Regula morum alia remota, alia proxima, tr. 1. d. 2. n. 5. p. 8. Regulæ Cancellariæ nondum publicatæ obligant, & quomodo; tr. 2. d. 1. n. 21. & 22. p. 31. sq.

Regulares. Vide *¶ Religiosi*.

Regularis a Magistratu Hæretico interrogatus, num sit Monachus, an teneatur positive fateri veritatem? tr. 4. dist. 2. post n. 52. p. 89.

Regulæ an teneantur ad Horas Canonicas etiam in particulari? tr. 6. d. 1. post n. 18. p. 156.

Regulares Mendicantes a quibus Excommunicationibus possint absolvi? tr. 13. d. 2. post n. 67. in Appendice ac sqq. p. 468. sqq.

Re-

**Regulares Mendicantes** in quibus Irregularitatus possint dispensare in ordine ad suos Religiosos? tr. 13. d. 3. n. 74. p. 489. Item cum quibus secularibus? ibid. post n. 76. p. 490.

**Regulares Mendicantes** an adhuc possint celebrare in Cameris, & Oratoriis privatis? tr. 14. d. 5. post n. 136. in Append. I. p. 542. seqq.

**Regulares Exempti** an possint ab Episcopo restringi quoad Approbationem ad certum genus Pœnitentium? tr. 14. d. 8. post n. 15. in Append. p. 576. seq.

**Regulares Exempti** semel approbati an possint pro libitu iterum reprobari; ibid.

**Regulares Exempti** a quonam Episcopo debeant esse approbati? ibid.

**Regulares Exempti transeuntes** per alia loca an in approbatione debeant ab Episcopo loci, per quem transeunt? ibid. Item semel approbati an pariter in approbatione debeant a Parocho loci? ibid.

**Regulares** a quo Episcopo, & quo tempore ordinari valeant? Vide *Ordo*.

**Rei** quomodo extrahendi, si non gaudeant Immunitate? tr. 12. d. 2. post n. 55. p. 415.

**Religiosi.** Vide *Regulares*.

**Religio**, virtus, quomodo respiciat Deum; tr. 4. d. 1. n. 10. p. 80. Religio, unde sic dicta; tr. 5. d. 1. n. 2. p. 128. Sumitur tripliciter. n. 3. p. ib. Religio ut virtus moralis, quid; n. 4. & 5. p. 128. seq. Ejus objectum. n. 6. p. 129. Est inter virtutes Morales præstantissima. n. 7. p. ib. Ab ea possunt imperari actus virtutum Theologicarum, & aliarum omnium. n. 8. p. ibid. Religio generatim, & proprie accepta. n. 9. p. ibid. Actus Religionis universum sunt undecim. n. 10. p. ibid. Religio consistit in medio. tr. 5. d. 2. n. 1. p. 137. Quæ vitia eidem opponantur. Ibidem. Contra Religionem quomodo possit peccari per excessum; n. 3. p. ibid.

**Religionem** an possit filius ingredi invitis parentibus; tr. 9. d. 2. n. 9. p. 288. Quid, si parentes sint in gravi necessitate; n. 10. & 11. p. ibid. Excommunicantur, qui cogunt mulierem ad ingrediendum Monasterium. n. 19. p. 289.

**Religiosi exempti**, an teneantur legibus per Ordinarios locorum editis; tr. 2. d. 3. n. 10. p. 43. Religiosi a quibus abstinere teneantur ratione Voti Castitatis; tr. 5. d. 3. n. 15. p. 156. Religiosi quinam, & unde teneantur recitare Horas Canonicas; tr. 6. d. 1. n. 17. 18. & seqq. p. 156. Vide *℥. Hora Canonica*.

**Religiosi**, an habeant dominium bonorum temporalium; tr. 7. d. 4. n. 45. & 46. p. 211. Saltem in communi; n. 48. 49. p. ibid. Habent quasi dominium bonorum spiritualium. n. 47. p. ibid. Religiosi, an possint contrahere; tr. 8. d. 1. n. 25. p. 232. Et an testari valeant; tr. 8. d. 3. n. 38. & seqq. p. 249. seq. Aut facere donationem mortis causa; n. 41. p. 250. An possint, vel teneantur, pro tuenda sanitate petere potum, aut victum diversum ab usitato in Monasterio; tr. 9. d. 3. n. 14. p. 292. Religiosis quas Indulgentias, cæteris revocatis, Paulus V. concesserit; tr. 12. d. 3. n. 67. 70. & seqq. p. 425. Prælati Regulares, in qua irregularitate dispensent cum suis subditis; tr. 13. dist. 3.

n. 73. & seqq. p. 489. **Regulares exempti** a quo accipiant jurisdictionem absolvendi Sæculares; tr. 14. d. 8. n. 15. p. 576.

**Reliquiæ sacræ**, quomodo venerentur; tr. 5. d. 1. n. 34. p. 132.

**Reliquiæ Sanctorum** quandonam publicæ venerationi exponi valeant? tr. 5. d. 1. post n. 34. p. 132. seq. Item qualiter debeat constare de identitate Corporis? ibid. p. 133.

**Reliquias sacræ** auferre quandonam sit grave peccatum? tr. 9. d. 5. post n. 9. p. 318.

**Remedia Recidivis**, seu Consuetudinariis qualia præscribenda? tr. 14. d. 8. post n. 51. p. 594.

**Renunciatio Beneficii**, quid; tr. 11. d. 2. n. 28. p. 391. Non valet, nisi fiat coram legitimo Superiore. n. 29. p. ibid. Renunciatio Beneficii tacita, & expressa; pura, & conditionalis. n. 31. & seqq. p. ibid. Ad eam requiritur justa causa. n. 34. p. ibid. Sex causæ resignandi Episcopatum. n. 35. p. ibid. Aliæ pro renunciatione inferiorum Beneficiorum. n. 36. p. ibid. Resignatio in favorem tertii, an sit licita; n. 37. p. 392. Quid, si quis simpliciter resignet, & certam personam solum recommendet; n. 38. p. ibid. An tunc Episcopus teneatur, vel possit huic conferre; n. 39. p. ibid. Resignare Beneficium reservata Pensione, an liceat, n. 40. & seqq. p. ibid.

**Reprobari** an possit ab Episcopo Clericus in Examine pro Confessionali inventus idoneus? tr. 14. d. 8. post n. 15. in Append. p. 576. seq.

**Res Corporales**, & incorporales, quæ; tr. 7. d. 3. n. 22. p. 204. Res incorporales proprie non possidentur. ibid. Res corporales aliæ, quæ carent domino, aliæ non. tr. 7. d. 5. n. 1. & 2. p. 212. Rerum dominium generatim, quibus modis acquiratur; n. 3. & seqq. p. ibid. Res, quæ nullius sunt, sunt primo occupantis. n. 5. p. ibid. Limitatur hoc. ibid. Res deperditæ, & ab alio inventæ, an debeant restitui; n. 6. & seqq. p. 213. Rerum deperditarum possessionem, an Dominus amittat; n. 7. p. ibid. Ac dominium. ibid. Res apta præscribi, & quæ talis non sit; tr. 7. dist. 6. n. 16. & seqq. p. 222. Res mobiles, & immobiles, quæ; n. 20. p. 223. Et quo tempore præscribantur contra privatos; n. 21. 22. & seqq. p. ibid. Vel Ecclesias, aliæque pia loca; n. 25. & 27. p. 224. Minus est actionem habere, quam rem; quomodo? tr. 8. d. 4. n. 42. p. 267. Res tanti valet, quanti vendi potest, quomodo; n. 99. p. 274. Vide *℥. Bonum*.

**Rescripta Dispensationum** circa certa Impedimenta Matrimonii. tr. 14. d. 15. n. 12. p. 670. Plura vide *℥. Dispensatio circa certa Impedimenta*.

**Reservatio Casuum**, quid; tr. 14. d. 9. n. 1. p. 597. Per actum reservationis directe afficitur persona Confessarii. n. 2. p. 598. Datur in Ecclesia potestas reservandi casus. n. 3. p. ibid. Quæ peccata reservari soleant, n. 4. p. ibid. Quid de casu dubio; ibid. Papa non solet sibi reservare peccatum, nisi ob excommunicationem annexam. n. 5. p. ibid. Corollaria notabilia. n. 6. & 7. p. ibid. Episcopi possunt etiam reservare casus pro suis Diocæsis. n. 9. & 10.

Zzzz

p. ib.

p. 16. Cautela quoad Regulares circa hoc. n. 11. p. 608. A casibus reservatis quis possit absolvere in articulo mortis; n. 12. & seqq. p. 16. Sacerdos excommunicatus in mortis articulo absolvens, non fit irregularis. n. 14. p. 16. Absolutus a casu reservato in mortis articulo, non tenetur se postea sistere Superiori. n. 15. p. 16. Nisi fuerit annexa excommunicatio. n. 16. p. 601. Extra mortis articulum nequit Confessarius absolvere a casu reservato. n. 17. p. 16. Quid, si urgeat necessitas; n. 18. p. 16. Et casui reservato sit annexa excommunicatio, n. 19. p. 16. An tunc opus sit, confiteri peccata reservata; n. 20. p. 16.

Reservationem Casus an incurrat ille, qui tale peccatum in sua Diocesi reservatum extra eandem committit in loco, in quo id non est reservatum? tr. 14. d. 9. post n. 10. p. 598. fqq.

Reservatio Casus an incurratur, si invincibiliter ignoretur eadem peccato annexa? ibid. Item si dubitetur de Reservatione? ibid.

Reservatio an tollatur, si fiat Confessio tempore Jubilæi, vel alias alicui habenti potestatem absolvendi a reservatis; ubi tamen ex oblivione inculpabili hoc peccatum omittitur? tr. 14. d. 9. post n. 20. p. 601.

Reservatum peccatum si proponatur alicui non habenti in reservata potestatem absolvendi, an, quando, & quomodo talis possit ab eo absolvere? ibid.

Residentia personalis quomodo, & quo jure incumbat Episcopis, aliisque Beneficiariis; tr. 11. d. 1. n. 67. 68. & seqq. p. 384. Quid de Beneficiis simplicibus. n. 70. p. 385.

Resolutio Fidei. Vide *γ. Fidem resolvere*.

Restitutionem per aliquod tempus ex mera negligentia intermittens, quot numero peccata committat, & quomodo in Confessionali examinandus? tr. 3. d. 1. post n. 61. p. 67.

Restitutio cui a Beneficiato sit facienda, si is intermittat Horas Canonicas? tr. 6. d. 1. post n. 37. p. 160.

Restitutio in integrum, quid? tr. 8. d. 1. n. 35. p. 234. Beneficium restitutionis, in quibus casibus concedatur? n. 36. p. 234. Conceditur ætate minoribus. n. 37. p. 234. Demptis aliquibus casibus. n. 38. p. 234. Competit etiam Ecclesiis, aliisque piis locis. n. 39. p. 234. Intra quod tempus debeat peti. n. 40. & seqq. p. 234. Quibus aliis competat. n. 43. p. 234.

Restitutio ratione injusti homicidii, vel mutilationis, qualis facienda. tr. 9. d. 3. n. 46. & seqq. p. 298. seq. An aliquid restituendum ratione vitæ, proximo injuste ablata; n. 47. & seqq. p. 299. Omnia damna ex occisione alterius secuta, resarciri debent. n. 50. & 51. p. 299. Quid de restitutione ob mutilationem; n. 52. p. 300. An pro dolore ex vulnere, ipsaque cicatrice, sit aliquid restituendum; n. 53. & 54. p. 300.

Restitutio ratione stupri, sive deflorationis, an, & qualis facienda? tr. 9. d. 4. n. 21. & seqq. p. 303. Restitutio ratione adulterii, partu non secuto, an præstanda; n. 28. p. 304. Partu secuto an teneatur adultera resarcire damna; n. 29. p. 304. Quibus modis id fieri possit: n. 30. p. 304.

An teneatur revelare crimen suum; n. 31. & 32. p. 305. Quando, & quomodo teneatur ad alter ad restitutionem; n. 32. & 34. p. 305.

Restitutio circa bona fortunæ, quid? tr. 9. d. 5. n. 57. p. 325. Est necessaria ad salutem. n. 58. p. 325. Quæ generatim sint radices, seu causæ restituendi; n. 59. p. 325. Obligatio restituendi in solidum, quid; n. 60. p. 325. Qui omnes teneantur restituere ratione injustæ acceptationis, vel damnificationis; n. 61. p. 325. Causa totius damni, tenetur restituere totum; causa partis, partem. n. 62. p. 325. Quid de tribus modis negative cooperantibus: n. 63. p. 325. Quo ordine singuli teneantur ad restitutionem. n. 64. & seqq. p. 326. Restitutio cui facienda? n. 69. & seqq. p. 327. Et quando: n. 73. & 74. p. 327. Ex qua culpa oriatur obligatio restitutionis ratione damni dati: n. 75. & seqq. p. 328. An hæc oriatur ob damnum sine culpa datum: n. 77. & seqq. p. 328. Quid, si quis dolo, vel fraude damnum intulit: n. 81. p. 329. Aut impedit alium a consecutione alicujus boni: n. 82. p. 329. Quid, si taliter impedit absque vi, & fraude, ex intentione proprii, vel alieni commodi. n. 83. & seqq. p. 329. Inferens damnum extra officium & contractum, ex qua culpa teneatur restituere; n. 86. & seqq. p. 329. Quæ sit obligatio restituendi ob damnum in officio datum. n. 93. p. 330. Quid de obligatione restituendi ex contractu: n. 96. p. 330. & tr. 8. d. 2. n. 37. 41. & seqq. p. 240. seq. Causæ excusantes a restitutione, variz. tr. 9. d. 5. n. 97. & seqq. p. 331. Nimirum. I. Impotentia, seu inopia creditoris. n. 98. p. 331. Hæc quomodo, & quando excuset; n. 99. & seqq. p. 331. II. Periculum infamiz, vitæ, & membrorum. n. 107. p. 333. Quid, si possit fieri restitutio per alium: n. 108. p. 333. Cautela circa hoc: quid, si alter defraudet; n. 109. p. 333. III. Condonatio creditoris. n. 110. p. 333. Sufficit quandoque remissio rationabiliter præsumpta. n. 112. & seqq. p. 333. IV. Si res restituenda, sit creditori nocitura: n. 115. p. 333. V. Præscriptio. n. 116. p. 334. VI. Compensatio, & quæ conditiones ad occultam compensationem requirantur; n. 117. & 118. p. 334. VII. Cessio bonorum, & quid juris hæc tribuat; n. 119. p. 334. VIII. Ignorantia, quod res sit aliena. n. 121. & 122. p. 334. IX. Dubium, & quando; n. 123. p. 334.

Restitutio famæ, vel honoris injuste ablati, quomodo fieri possit, ac debeat; tr. 9. d. 6. n. 33. & seqq. p. 342. Causæ excusantes a restitutione famæ, & honoris, variz. n. 38. & seqq. p. 343. Regulæ tres circa hoc. n. 39. p. 343.

Restituere num teneatur Commodatarius in æquivalenti, si Nuncius, cui res commodata fuit consignata extradenda Domino, cum eadem aufugiat? tr. 8. d. 2. post n. 40. p. 241. Restituere in æquivalenti num teneatur Capitulum, vel Monasterium, si depositum pereat apud membrum particulare Ejusdem? ibid. post n. 51. p. 242.

Restituere quid, & cui ex relictis teneatur ille, qui alterum occidit? tr. 9. dist. 8. post n. 51. p. 299.

Resti-



**Restitutio in puncto Adulterii** qualis fieri debeat, si ob vicinitatem copulæ dubitetur, num proles sit a Marito, vel ab alio; tr. 9. d. 4. post n. 30. p. 304.

**Restituere quando quis teneatur ablata furta minuta;** tr. 9. d. 5. post n. 20. p. 319.

**Restituere in solidum quandonam teneantur milites in simul deprædantes;** ibid. post num. 52. p. 324.

**Restituere quo loco teneantur causæ negative influentes in damnum tertii, puta Mutus, non obfians, non manifestans;** tr. 9. d. 5. post n. 66. p. 326.

**Restitutio cui sit facienda, si Dominus rei fuerit absens;** ibid. post n. 72. p. 327.

**Quid faciendum, si Restitutio bona fide absente Domino facta sit pauperibus, ac postea Dominus compareat;** ibid.

**Restitutio quanto tempore differri possit, ut exinde graviter peccetur;** ibid. post num. 74. p. 328.

**Restitutio rei ablatae cur possit propter gravem necessitatem differri & cur nequeat res aliqua pariter propter gravem necessitatem auferri;** tr. 9. d. 5. post n. 104. p. 331.

**Restitutio rei alienæ an differri possit, si necessitas gravis usque ad mortem perduret;** Ibid. post n. 106. p. 332.

**Restituere quando teneatur detrahens alteri ex considerata loquacitate;** tr. 9. d. 6. post n. 35. p. 342.

**Revalidatio Matrimonii ex defectu Parochi, vel ratione alicujus occulti Impedimenti invalidi;** tr. 14. d. 14. post n. 152. p. 664.

**Revelare crimen in una communitate publicum alteri communitati, quæ nescit, quandonam constituat grave peccatum;** tr. 9. d. 6. post n. 19. in Append. p. 337.

**Revelatio gravis criminis de homine alias incognito an arguat detractionem gravem;** ibid.

**Quid si revelatio de homine alias cognito fiat unitamen soli sub sigillo;** ibid.

**Revelatio cujusdam criminis de certa persona quandonam alicui alteri intra eandem communitatem fieri queat citra peccatum detractionis;** ibid.

**Revelationes qualiter examinandæ, num sint Divinæ, vel deceptoriz;** tr. 14. d. 8. post n. 43. Append. II. p. 588. seqq.

**Revelationes S. Theresiæ cur approbentur;** ibid.

**Reverentia parentibus debita, in quo consistat;** tr. 9. d. 2. n. 4. p. 287. Contra eam qualiter peccetur; n. 5. p. 288.

**Revocatio criminis detecti, seu occulti defectus manifestati num fieri debeat, si dubitetur, utrum apud audientes non jam abierit in oblivionem;** tr. 9. d. 6. post n. 41. p. 344.

**Reus fugiens ad Sacerdotem SS. Eucharistiam portantem, an gaudeat Immunitate;** tr. 12. d. 2. n. 12. & 13. p. 409. Rei ad Asylum fugientes, varii. n. 15. p. ibid. Rei cur potius fugiant ad Monasteria, quam alia loca pia; n. 18. p. ibid.

**Qui gaudeant, vel non gaudeant Immunitate;** n. 16. & seqq. p. 410. Vide *Asylum*.

**Rixa, quid, & quomodo differat a bello;** tr. 4.

d. 7. n. 40. p. 126. Rixa, quale peccatum. tr. 9. d. 3. n. 40. p. 76.

**Rubricæ Missalis quando, & qualiter obligent;** tr. 14. d. 5. post n. 136. in Appendice III. p. 546. seqq.

**Rusticus Blasphemans quandonam censeatur dare scandalum;** Vide *Blasphemans Rusticus*.

S.

**S**abbati sanctificandi præceptum est partim morale, partim cæremoniale. tr. 9. d. 1. n. 5. p. 284. Sabbati loco est substituta Dies Dominica. tr. 9. d. 1. n. 28. p. 287.

**Sabbato Sancto Missæ quot;** Vide *Missæ quot* &c.

**Sacerdos an Magistratui Hæretico de suo statu interroganti teneatur eundem manifestare;** tr. 4. d. 2. post n. 52. p. 89.

**Sacerdos quando, & qualiter peccet in Missa non observans Rubricas Missalis;** tr. 14. d. 5. post n. 136. Append. III. p. 546. seqq.

**Sacerdotes Vestes in Missa quæ necessariae, & quæ non;** ibid. Item quandonam hæ suam deperdant Benedictionem; ibid.

**Sacerdotis Minister in Missa quis;** ibid.

**Sacerdos alius an debeat supplere Missam, si prior sub ea deficiat;** tr. 14. dist. 5. post n. 146. p. 551. seqq.

**Sacerdos non approbatus an non solum in articulo, sed etiam in periculo mortis absolvere possit a peccatis;** tr. 14. d. 8. post n. 13. p. 575. ubi etiam quomodo articulus mortis a periculo mortis distinguatur.

**Sacerdos consecrans in materia invalida, an jam finita Missa adhuc possit repetere Consecrationem;** tr. 14. d. 5. post n. 146.

**Sacerdos. Vide *Missæ* & *Beneficiatus*. Item *Altare Privilegiatum*.**

**Sacerdos, quis;** tr. 14. d. 12. n. 8. p. 616. Ejus officium. n. 33. p. 618. Sacerdos quilibet potest in mortis articulo absolvere ab hæresi, & aliis casibus. tr. 4. d. 4. n. 52. p. 102. Antequam simplex Sacerdos absolvere possit præsentem proprio Confessario; n. 33. p. ibid. Quid agendum sacerdotibus sibi mutuo confiteri volentibus, si ambo sint in peccato mortali; tr. 14. d. 1. n. 47. p. 497. Sacerdos plures communicans in peccato mortali, an plura peccata numero distincta committat; n. 49. & seqq. p. ibid.

**Quid de Sacerdote plurium Confessiones audiente;** n. 55. p. 498. Vide *Minister Sacramentorum*. Sacerdos Missæ Sacrificium offert ut proximus minister. tr. 14. d. 5. n. 51. p. 525. Non satisfacit pluribus stipendiis, si unicam Missam celebret. n. 53. p. 528. Sacerdotis mali Missa, an tantum valeat, quantum boni. n. 58. p. 529. Sacerdos ex variis titulis potest obligari ad celebrandam Missam. n. 51. & seqq. p. 533. Vide *Missam celebrandi obligatio*. Sacerdos noviter ordinatus, quam intentionem consecrandi cum Episcopo formare debeat; tr. 14. d. 5. n. 140. & seqq. p. 550. Sacerdotis officium, quale; tr. 14. d. 12. n. 33. p. 618. Vide *Parochus*.

Sacerdos solus est Minister Sacramenti Pœnitentiæ tr. 14. d. 8. n. 1. p. 574. Debet habere legitimam jurisdictionem. n. 2. p. ibid. Et approbationem. n. 14. p. 575. Accipit in sua ordinatione potestatem in Corpus Christi verum, & mysticum. n. 4. p. 574. Atque potestatem Ordinis, non jurisdictionis. n. 3. & seqq. p. ib. Potestas absolvendi declaratur apto exemplo. n. 6. p. ibid. Hæc præsupponit potestatem consecrandi, cur: n. 7. p. 575. An quilibet Sacerdos possit absolvere a venialibus: n. 11. & 12. p. ibid. Et in mortis articulo ab omnibus peccatis: n. 13. p. ib. Vide *Confessarius*.  
 Sacramentorum novæ Legis excellentia. tr. 14. d. 1. n. 1. p. 491. Sacramenti variae acceptiones. n. 2. p. ibid. Ejusque definitio. n. 3. & seqq. p. ibid. Sacramenta novæ Legis sunt septem. n. 8. & seqq. p. 492. Et omnia a Christo instituta. n. 9. p. ibid. An fuerit Sacramentum veniale in Lege Mosaica, & statu Legis naturæ: n. 12. & seqq. p. ibid. Sacramenta tribus perficiuntur. n. 15. p. 493. Consistunt in usu, seu in fieri, præter Eucharistiam n. 16. & 17. p. ibid. Materia eorum remota, & proxima. n. 18. p. ibid. Et forma, quæ; n. 19. p. ibidem. Utraque a Christo fuit determinata, & quomodo: n. 20. & 21. p. ibid. Uniformitas in materia, & forma Sacramentorum, quomodo detur; tr. 14. d. 12. n. 37. & 38. p. 619. Mutatione eorum, qualiter irretit Sacramentum: tr. 14. d. 1. n. 22. & seqq. p. 494. Inter materiam & formam Sacramentorum requiritur similitudo aliqua, & qualis; n. 26. & seqq. p. ib. Hæc declaratur in singulis Sacramentis. n. 27. & 28. p. 494. & seqq.  
 Sacramentorum Minister est homo viator, & quid de nonnullis historiis; tr. 14. d. 1. n. 32. p. 495. Quæ Sacramenta requirant ministrum consecratum; n. 33. p. ibid. Qualis requiratur intentio ex parte ministri; n. 36. & seqq. p. 496. Vel dispositio; num. 42. & seqq. p. 497. Sacramenta, an possint peti ab indigno ministro; n. 54. & seqq. p. 498. Vide *Minister Sacramentorum*.  
 Sacramentum duplex effectus, Gratia, & Character. tr. 14. d. 2. n. 1. & seqq. p. 498. Sacramenta omnia conferunt gratiam ex opere operato. n. 5. p. 499. Hæc non causant phylice, sed moraliter. n. 16. & seqq. p. ibid. Sacramenta præter gratiam habitualement, conferunt etiam gratias actuales. n. 8. p. ibid. Declaratur hoc de singulis. n. 9. & seqq. p. ibid. Sacramenta matrimonii, & vivorum, quæ; n. 16. & 17. p. 500. An omnia conferant primam gratiam. n. 19. & seqq. p. ibid. Etiam Sacramenta viatorum, saltem per accidens; n. 23. & 24. p. 500. Sacramenta conferunt majorem gratiam magis disposito. n. 25. p. ibid. Etiam ex opere operato. n. 26. p. ibid. Ad fructuosè recipienda Sacramenta qualis requiratur dispositio; n. 27. & seqq. p. ibid. Quid de Ss. Eucharistiæ Sacramento; n. 30. & seqq. p. 502. Vide *Eucharistia*. Quæ Sacramenta imprimunt Characterem. n. 46. & 47. p. 504. Sacramenta, præsertim imprimentia Characterem & sicre suscepta, an recedente fictione conferant suum

effectum gratiæ; n. 52. & seqq. p. ib. An, & quomodo singula Sacramenta sint necessaria ad salutem; n. 58. & seqq. p. 505. Differentia inter Sacramentum, & Sacrificium. tr. 14. d. 5. n. 44. p. 527. In Sacramento matrimonii, cur pro forma sufficiant nuptus & signa, & non in aliis Sacramentis; tr. 14. d. 13. n. 17. p. 626. Sacramenta, quæ possint ministrari mutis & surdis a nativitate; tr. 10. d. 3. n. 44. & 45. p. 376. Tempore interdicti, quorum Sacramentorum participatio sit prohibita; tr. 13. d. 2. n. 99. & seqq. p. 474.  
 Sacramentalia, quid, & quot sint; tr. 3. dist. 2. n. 33. p. 72. Per Sacramentalia an remittantur peccata venialia; n. 31. 32. & seqq. p. ibid.  
 Sacrificium propriè, quid; tract. 5. d. 1. n. 15. p. 130. Sumitur quandoque large. n. 16. p. ibid. Sacrificium propriè, & Impropriè. tr. 14. d. 5. n. 2. 3. & seqq. p. 521. Ad Sacrificium quandoque sufficit sola rei oblatio, immutatio moralis. n. 5. & 6. p. ibid. Sacrificium est actus Latriæ. n. 7. p. ib. Non offertur Sanctis n. 8. p. ib. Sacrificia Gentilium fuerunt vera; & cur illicita; n. 9. p. 522. Sacrificia aliqua fuerunt in Lege Mosaica, & jam ante ipsam. n. 10. & 11. p. ib. Sacrificia veteris legis varia, & quæ; n. 12. & seqq. p. ibid. Omnia Sacrificia antiqua coadunantur in uno Missæ Sacrificio. n. 14. p. ibid. Vide *Missæ*. Sacrificium, quomodo differat a Sacramento; tr. 14. d. 5. n. 44. p. 527.  
 Sacrilegium, quid; tr. 5. d. 3. n. 9. p. 146. Ejus tres sunt species. n. 10. & seqq. p. ibid. Sacrilegium ex genere suo est peccatum mortale. n. 14. p. ibid. Per accidens potest fieri veniale. n. 16. p. ibid. Non omne peccatum a Persona sacra commissum, propriè est Sacrilegium. n. 17. p. ibid. Sacrilegium homicidium, & duplex ejus species. tr. 9. d. 3. n. 39. & 40. p. 296.  
 Sacrificium. Vide *Missæ*.  
 Sacrilege Confiteus quomodo interrogandus? Vide *Pœnitens sacrilege &c.*  
 Sæculares Clerici quoad Approbationem. Vide *Approbatio*.  
 Salus animæ, duplex, prima & ultimata. tr. 4. d. 2. n. 12. p. 83.  
 Sancti in Cœlis sibi nihil amplius merentur. tr. 1. d. 2. n. 44. p. 15. An in ipsis maneat Fides, Spes, & Charitas; tr. 4. d. 1. n. 16. p. 81. Quo cultu adorentur; tr. 5. d. 1. n. 32. p. 132. Sancti non sunt Canonizati, non possunt cultu publico honorari; bene tamen privato. tr. 5. d. 1. n. 38. & seqq. p. 133.  
 Sarai, quomodo dicatur soror Abraham; tr. 14. d. 14. n. 14. p. 636.  
 Sartores quando excusentur perficientes die Festo vestes, tr. 10. d. 1. n. 31. p. 354.  
 Sartorum deceptio. Vide *Opisthes*.  
 Satisfactio quid; tr. 1. d. 2. post n. 48. p. 16. quomodo distinguatur a satisfatione; ibid.  
 Satisfactio an, & quando remittat poenam, si peragatur in statu peccati mortalis; ibid.  
 Satisfactio Sacramentalis novæ an, & quando sit injungenda, si post Absolutionem afferatur novum peccatum; tr. 14. d. 10. post n. 12. p. 606.  
 Satis-

**Satisfactio** imposita ob peccatum levē, vel ob grave jam confessum, si ex integro intermitatur, qualenam peccatum? tr. 14. d. 10. post n. 14. p. 607.

**Satisfactio** ab uno Confessario imposita quomodo possit commutari ab alio? tr. 14. d. 10. post n. 17. p. 608.

**Satisfactio** infirmis quanam sit imponenda? ibid. post n. 32. p. 610.

**Satisfactio** Sacramentalis quanto tempore possit differri citra grave peccatum? ibid.

**Satisfactio** Sacramentalis &c. Vide *Poenitentia*.

**Satisfactio** dupliciter sumitur, tr. 14. d. 10. n. 1. p. 605.

**Satisfactio**, ut est pars Sacramenti Poenitentiae, n. 3. p. ibid. Est aliqua a Confessario injungenda, regulariter loquendo, n. 4.

& 5. p. 605. seq. An sit pars essentialis Sacramenti Poenitentiae? n. 5. p. 606. Habet effectum remittendi partem poenae ex opere operato, n. 6. p. ibid.

Ea in peccato mortali peracta sufficit ad integritatem Sacramenti, n. 7. p. ibid.

An tunc habeat effectum ex opere operato sibi correspondentem? n. 8. & 9. p. ibid. An possit poenitens respuere poenitentiam sibi impulsam? n. 10. & seq. p. ib. Vide *¶ Poenitentia*.

**Scandalum**, quid, tr. 4. d. 7. n. 16. p. 121. Scandalum activum, seu datum, n. 17. p. 122. Est duplex. ibid. Scandalum passivum, sive acceptum, aliud Pusillorum, aliud Pharisaicum, n. 18. p. ibid.

Peccatum speciale scandali, quando committatur? n. 19. p. ibid. Scandalum activum, quale peccatum? n. 21. & 22. p. ib.

Causa justa faciendi aliquid indifferens, quo alter creditur abusus, quae? n. 23. & 24. p. ibid.

Scandalum more passivum interdum permitti potest, interdum non, & quando, n. 25. & seq. p. 123.

An ex causa licitum sit, petere ab alio talia, quae non sine peccato praestantur existimatur? n. 27. p. ibid.

Quid dicendum de scandalo Pusillorum, & Pharisaicorum? n. 28. p. ibid.

**Scandalum** quandoque datur, vel non, declaratur per sex casus in praxi valde notabiles, tr. 4. d. 7. post n. 28. in Append. p. 123.

**Scheda** aliqua reperta, in qua annotata reperitur causa pia tamquam Haeres, an sit reputanda pro testamento valido? tr. 8. d. 3. post n. 35. p. 248.

**Schisma**, quid, tr. 4. d. 7. n. 22. p. 125. & quale peccatum? n. 33. p. ibid.

Schisma aliud purum, aliud conjunctum cum haeresi, n. 34. p. ibid.

Quid faciendum tempore schismatis, quando electi sunt duo Pontifices? n. 35. & seq. p. ibid.

**Scientia** eminens, & mediocris: & qualis requiratur in Confessario, tr. 14. d. 8. n. 21. & seq. p. 578.

**Scriptorum** Catholicorum, sua scripta iudicio Ecclesiae subicientium, cautela cur adhibeatur? tr. 4. d. 4. n. 14. p. 100.

**Scriptura** sacra, quos Libros contineat? tr. 4. d. 3. n. 23. p. 93.

Vulgata Editio Sacrae Scripturae est authentica, n. 28. p. 94.

An in hac qualibet minima vocula sit de Fide, n. 29. & seq. p. ibid.

Lectio S. Scripturae in Lingua vulgari iuste est interdicta, n. 32. p. ibid.

**Quid** in Germania: n. 33. p. ibid.

**Sensus** S. Scripturae generatim, est duplex, literalis, & mysticus, n. 34. p. 95.

Subdividitur uterque, & quomodo? n. 35. & seq. p. ibid.

Universim quatuor ejus sensus, n. 38. p. ibid.

Et in singulis excelebant singuli Ecclesiae Doctores, n. 39. p. ibid.

**Sensus** accommodatitius S. Scripturae, quid, n. 40. p. ibid.

S. Scriptura saepius est obscura, n. 41. & 42. p. 95. seq.

Ejus interpretatio Canonica spectat ad Ecclesiam, n. 43. p. 96.

Quid de interpretatione doctrinali? n. 44. p. ibid.

Vide *¶ Libri Canonici*. Abusus sententiarum S. Scripturae spectat ad Sacrilegium, tr. 5. d. 3. n. 13. p. 146.

**Scrupulus**, quid? tr. 1. d. 3. n. 69. p. 27. Quae sit origo scrupulorum? n. 71. p. 28.

Discrimen inter scrupulosos, & timoratos timore DEI, n. 76. p. ibid.

Mala scrupulorum, n. 77. p. ibid.

Remedia contra scrupulos, n. 78. p. ibid.

Consilium pro scrupulis, n. 79. & 80. p. 29.

**Scrupulosi** an teneantur confiteri peccata negative dubia, vel ea, de quibus existant anxii, an aliquando fuerint haec confessi? tr. 14. d. 7. post n. 56. p. 570.

**Sculpturae** obicere qualiter praebeant scandalum? Vide *¶ Pictura obscena*.

**Scurrilitas**, quid, & quale peccatum? tr. 3. d. 3. n. 56. p. 78.

**Seditio**, quid, & quomodo differat a bello? tr. 4. d. 7. n. 40. p. 126.

**Secretum** servandum si promittitur, quandoque talis promissio obliget? tr. 6. d. 2. post n. 30. p. 173.

**Semen** in ordine ad pollutionem discernendum est a fluxu aliorum humorum, tr. 9. d. 4. post n. 59. p. 310.

**Sepultura** Ecclesiastica an, & quando privetur officio in Duello? Vide *¶ Occisus in Duello*.

**Sepultura** Ecclesiastica privatur excommunicati, tr. 13. d. 2. n. 21. p. 461.

Quid juris, si excommunicatus in loco sacro sepeliatur? n. 22. p. ibid.

An de facto post Concilium Constantiense sepultura Ecclesiastica priventur omnes excommunicati, etiam non vitandi? n. 23. & seq. p. 461. seq.

Privatio sepulturae Ecclesiasticae, quomodo causetur per Interdictum? n. 105. & seq. p. 475.

**Servi**, an valde contrahant matrimonium? tr. 14. d. 14. n. 57. & seq. p. 649.

Servi proprii, dicti, seu Mancipia, Servi adscriptitii, & Servi originarii, qui, n. 60. p. ibid.

Prohibentur ad sacros Ordines promoveri, n. 61. p. ibid.

**Servi**. Vide *¶ Famuli*.

**Servitus** quid, & quod duplex? tr. 7. d. 6. post n. 20. p. 223.

Servitus quo tempore praescribatur cum, vel sine titulo? ibid. post n. 24. p. 224.

Servitus semel praescripta quo tempore iterum extinguatur? ibid.

**Sexagenarii**, an excusentur a jejuniis Ecclesiasticis? tr. 10. d. 2. n. 62. & seq. p. 368.

**Sigillum** Confessionis, quid? tr. 14. d. 9. n. 21. p. 602.

Quanta sit ejus obligatio? n. 22. p. ib.

Ex quo jure oriatur? n. 23. & 24. p. ibid.

Sub sigillo Confessionis quae omnia cadant? n. 25. & 26. p. ibid.

Potest violari directe, & indirecte, n. 27. p. ibid.

Exempla violationis indirectae, n. 27. p. ibid.

- et. n. 28. & seqq. p. 603. Quando Confessarius possit uti notitia Confessionis: n. 31. & 32. p. ib. An quis ea uti possit ad declinandas iniurias: n. 32. p. ibid. An liceat revelare Confessionem de licentia confitentis: n. 34. & 35. p. 604. Præter Confessarium qui alii teneantur ad Sigillum: n. 36. p. ibid. Quid, si quis alterius Confessionem scriptam reperit: n. 37. p. ibid.
- Sigillum Sacramentale obligat etiam in Confessione sacrilega. tr. 14. d. 9. post n. 22. p. 602. Et quandonam illud non obligat? ibid. Sigillum Confessionis quot modis possit frangi? ibid. post n. 29. p. 603.
- Sigillum illud an frangatur, & quando, si Confessarius utitur notitia præcise hausta ex Confessione? ibid. post n. 33. p. 603. An citra fractionem Sigilli liceat revelare quidpiam de Confessione ex licentia interpretativa confitentis, vel posito, quod ea licentia ex metu reverentia fuerit extorta a pœnitente. ibid. post n. 35. p. 604.
- Sigillum an, & quando censetur frangi, si post datam absolutionem adhuc sine petita prius licentia Confessarius interroget ex Pœnitente circa quædam in Confessione deposita? ibid. post n. 37. p. 604.
- Simonia in obtinendo Beneficio si sit commissæ per tertium, an possidens bona fide tale Beneficium, seu Canonatum possit præscribere, & quo tempore? tr. 7. d. 6. post n. 30. in Appendice. p. 226.
- Simonia, unde sic dicta: tr. 5. d. 3. n. 18. p. 147. Ea est species Sacrilegii. n. 19. p. ibid. Declaratur ejus definitio. num. 20. p. ibid. Simonia quam grave peccatum: n. 21. p. ibid. Est triplex, nempe mentalis, conventionalis, & realis. n. 22. & seqq. p. ibid.
- Simonia conventionalis alia mixta, alia pure conventionalis n. 24. p. ibid. Simonia confidentialis declaratur, n. 25. p. ibid. Si quid gratis datur, ac recipiatur, non sit simonia. n. 27. p. 148. Simonia non est, intuitu spiritualium Functionum recipere aliquid per modum stipendii. n. 28. p. ibid. An de hujusmodi stipendio licitum sit pacisci: n. 29. & 30. p. ibid. An sit simonia, dare quid ad redimendam vexam circa spiritualia: n. 31. & 32. p. ibid. Vel recipere pretium pro labore conjuncto cum sacro Ministerio: n. 33. & 34. p. 149.
- Simonia alia Juris Divini, alia Juris Ecclesiastici. tr. 5. d. 3. n. 35. p. 149. Simoniaz crimine an possit Papa involvi: n. 37. p. ibid. Ad Simoniam requiritur pactum; quale? n. 40. & seqq. p. 150. Simonia est, dare temporale tamquam motivum conferendi, vel efficiendi spirituale. n. 43. & seqq. p. ibid. Plures Propositiones circa materiam de Simonia damnatæ, n. 43. & 45. p. ibid. Simonia mentalis non inducit pœnas in Jure contra Simoniacos statutas. n. 47. p. 151. Quid de simonia conventionali? n. 48. & 49. p. 151.
- Simonia realis inducit pœnas Juris ipso facto, quando sit in ingressu Religionis, Ordine, vel Beneficio. n. 50. p. ibid. Quid, si committatur in aliis casibus: n. 52. p. 151. seq. Quid de dispensatione super Beneficio Simoniacæ ob- tento; n. 51. p. 151.
- Simoniacorum pœnæ succincte recapitulantur. tr. 11. d. 1. post n. 80. in Append. p. 186. sq.
- Simoniaci Beneficiarii qualiter in Confessionali examinandi? ibid. Item quomodo dispensandi? ib.
- Sobrietas, quid? tr. 7. d. 1. n. 23. p. 193.
- Societatis contractus, an ab usura excuset præxiâ accipiendi aliquid ultra sortem? tr. 8. d. 4. n. 48. p. 267.
- Sodomia, quid? tr. 9. d. 4. n. 63. p. 310. Sodomitarum pœnæ n. 64. p. ibid.
- Solicitatio in confessionali ad turpia, est grande Sacrilgium. tr. 14. d. 8. n. 57. p. 595. Solicitare hic, est incitare ad turpia, n. 58. p. ibid. Illud exemplificatur. n. 59. p. 596. Solicitatio plures habet acceptiones. n. 60. p. ibid. Solicitare censetur Confessarius tradens in Confessione turpem chartam postea legendam. n. 61. p. ibid. Sive sollicitet ad peccandum secum, sive cum alio. n. 62. p. ib. Pœnitens sollicitatus tenetur renunciare Confessarium sollicitantem, & alius Confessarius debet hoc ipsum monere; & sub qua obligatione: n. 63. & seqq. p. ibid. Ipse tamen Confessarius sollicitans non tenetur sollicitato præcipere, ut se denunciaret. n. 65. & seqq. p. ib.
- Constitutiones de obligatione denunciandi Confessarium sollicitantem non ubique sunt receptæ: n. 67. p. 597. Sollicitatus denunciatus non cogitur propriam turpitudinem detegere. n. 68. p. ibid. Confessarius a femina sollicitatus, hanc denunciare non tenetur. n. 69. p. ibid. Confessarius pœnitentem sollicitans, quibus pœnis subjaceat: n. 70. p. ibid. Hic non punitur, donec de crimine constet. n. 71. p. ibid. Solicitatio an sufficienter probetur per testes singulares: n. 72. p. ibid.
- Sollicitudo temporalium, quæ, & quando prohibita: tr. 7. d. 1. n. 18. & 19. p. 192.
- Solidi nomine, quid intelligatur: tr. 8. d. 2. n. 23. p. 238.
- Solutio mutui in quo loco sit facienda, ac quo tempore? tr. 8. d. 4. post n. 9. in Append. p. 259. Item an possit fieri per partes. ibid. Item quo ordine sit facienda? ubi notabiles Doctrinæ.
- Solutio mutuæ pecuniæ in quo pretio, valore & forte fieri debeat? ibid.
- Solutio si prætendatur a Creditore, vel ejus Successore; cum tamen alter actu nihil mutui acceperit, qualiter is contra prætendentem se defendere possit? ibid.
- Somnium esse a Deo, vel potius a dæmone, unde dignosci possit: tract. 5. dist. 2. n. 23. p. 140.
- Somniorum observantia. num. 21. & 22. p. 139. sq.
- Sordes divinatoriæ, consultoriæ, & divinatoriæ, quæ, & an licitæ: tr. 5. d. 2. n. 25. & 26. p. 140.
- Sortilegium est species Divinationis. n. 25. p. ibid.
- Specificatio, est modus acquirendi rerum dominium Jure Gentium. tr. 7. d. 5. n. 24. p. 217.
- Specificatio quando transferat Dominium in illum, qui novam formam in alienam introduxit materiam? tr. 7. d. 5. post n. 24. p. ibid.
- Spectra domuum aliquam instantia quomodo cognoscantur?



- cognoscenda, & pellenda? tract. 14. dist. 8. Appendice L p. 533. seqq.
- Spes**, an amittatur per omne peccatum mortale, tr. 4. d. 1. n. 14. & 15. p. 81. An maneat in Beatis: n. 16. p. ibid. Spei variz acceptiones, tr. 4. d. 5. n. 1. p. 106.
- Spes Theologica**, quid? n. 2. & 3. p. ibid. Objectum Materiale primum Spei, est Deus. n. 4. p. ibid. Ad objectum materiale secundarium Spei, quæ spectent: n. 5. p. ibid. Objectum formale ipsius n. 6. & 7. p. 106. seq.
- Spes Divina** est infallibilis, quomodo: n. 8. p. 107. Præceptum Spei aliud negativum, aliud affirmativum. n. 9. p. ibid. Et quando obliget: n. 9. & 10. & seqq. p. ibid. Spei per defectum opponitur Desperatio: per excessum Præsumptio. n. 12. p. ibid.
- Spiritus boni** quomodo discernendi a malis, si domus aliqua infestatur? Vide *Spectra domum &c.*
- Sponsalia** an ex parte peccantis solvi valeant ex eo; quia unus sponsus non culpabiliter contraxit cum Sponsa sua impedimentum dirimens post ipsa Sponsalia e. g. post eadem occulte habendo copulam cum Sorore Sponsæ, sicque cum ipsa contrahendo impedimentum Affinitatis, vel an potius talis teneatur suis expensis procurare dispensationem? tr. 14. d. 14. post n. 48. in Append. p. 646. seqq.
- Sponsalia conditionata** quondam obligent; tr. 14. d. 14. post n. 31. p. 643. seq. Sponsalibus adjecta conditio an censeatur remissa per copulam subsequentem? ibid.
- Sponsalia** semel legitime inita quomodo iterum solvantur propter alterius fornicationem? Item quomodo propter oscula, & tactus? tr. 14. d. 14. post n. 40. p. 645. Sponsalia solvendi an sit justa causa, si post eadem unus sponsorum fiat ditor? tract. 14. dist. 14. post n. 44. p. 646.
- Sponsalia** cur solvi possint ob certas qualitates, vel Sponsalia præcedentes, attamen ignoratas, vel ob alias subsequentes, & cur non sit idem sentiendum de Matrimonio, & aliis Contractibus? tr. 14. d. 14. post n. 48. Append. p. 646. seqq. Item quid statuendum, si quis dubitet, num Sponsalia renuisset, si eas qualitates pro tunc, quando Sponsalia contraxit, rescivisset? ibid.
- Sponsus** an liceat delectari de copula futura? tr. 9. d. 7. post n. 18. p. 350. & fusius tr. 14. d. 13. post n. 90. p. 637.
- Sponsus**, vel Sponsa laborans occulto defectu an, & quando teneatur eundem comparti ante Matrimonium manifestare? tr. 14. d. 14. post n. 48. in Append. p. 646. seqq. Ubi specialiter de Sponsa, quæ ante Matrimonium habuit cum alio copulam, ex qua etiam concepit. ibidem.
- Sponsorum Donationes**, quas ad invicem faciunt, quam firmæ sint? tr. 8. dist. 2. post n. 16. p. 237.
- Sponsalia**, unde sic dicta: tr. 14. d. 14. n. 22. p. 643. Sumuntur dupliciter. ibid. Sunt impedimentum mere impediens matrimonium. n. 14. p. 641. Sponsalia, quid: n. 23. & seqq. p. 643. Quatuor conditiones ad ea requisitæ: n. 26. & seqq. p. ibid. Quid de promissione matrimonii non mutua: n. 25. p. ibid. Sponsalia clandestina, an sint valida: n. 30. & 31. p. ibid. Sponsalia iustis de causis dissolvi possunt, & ex quibus: n. 32. & seqq. p. 644. Sponsalia filii an pater impedire possit. n. 47. p. 646. Ad solvenda sponsalia num requiratur sententia Judicis: n. 48. p. ibid. Sponsalia metu inita, an sint valida: tract. 14. dist. 13. n. 30. p. 627.
- Sponsio**, quid: tr. 8. d. 4. n. 114. p. 278. Certus de veritate, an possit spondere, & quando: n. 115. & seqq. p. ibid.
- Status viæ**, & status gratiæ, quid: tr. 1. d. 2. n. 43. p. 15. Requiritur uterque ad meritum de condigno. n. 42. & seqq. p. ib.
- Statuta**. Vide *Leges*.
- Sterilitas** non est impedimentum dirimens matrimonii. tr. 14. d. 14. n. 70. p. 651.
- Stipendium** intuitu spiritualium functionum dare, aut recipere, non est Simonia. tr. 5. d. 3. n. 28. p. 148. An de hujusmodi stipendio licitum sit pacisci? n. 29. & 30. p. ibid.
- Studiositas**, quid, & quæ vitia ei adversentur? tr. 7. d. 1. n. 28. p. 193.
- Stuprum** variis modis accipitur. tr. 9. d. 4. n. 19. p. 303. Stuprum propriissime, quid, & quæ pænæ ejus? n. 20. p. ibid. Ratione stupri, quæ sit obligatio restitutionis? n. 21. seqq. p. ibid. Præparatoria stupri. n. 71. p. 311.
- Subdiaconatus**, quid? tr. 14. d. 12. n. 7. p. 615. Ejus materia, & forma. n. 24. p. 618. Liber Epistolarum an essentialiter spectet ad materiam Subdiaconatus? n. 35. p. 619.
- Subdiaconus** tenetur dicere Horas Canonicas jam primo die, quo ordinatur, & quæ? tr. 6. d. 1. n. 13. p. 146. Non potest solemniter baptizare, etiam ex commissione proprii Sacerdotis. tr. 14. d. 3. n. 34. p. 510. Subdiaconi officium. tr. 14. d. 12. n. 25. p. 618. Ejusque obligationes, quæ? n. 26. & seqq. p. ibid.
- Subditorum obligatio** erga Superiores. tr. 9. d. 2. n. 21. & 22. p. 290. Superiorum obligatio erga subditos. n. 23. p. ibid.
- Sublannatio**, quid? tr. 9. d. 6. n. 30. p. 342.
- Suffragium**. Vide *Votum*, vel potius *Novitio &c.*
- Suffragium** dupliciter sumitur. tr. 12. d. 3. n. 131. p. 449. Suffragia Fidelium sunt triplicis generis. n. 132. p. ibid.
- Suffragiis** possunt Fideles se invicem juvare. n. 134. & seqq. p. ibid. Ut suffragia alteri prosint, requiruntur tria ex parte offerentis. n. 136. & seqq. p. ibid.
- Suffragia** pro aliis oblata, adhuc profunt offerenti. n. 141. & seqq. p. 450. Per litteras Fraternitatis, seu Suffragia Ordinis quid concedant Prælati Regulares? n. 143. & seqq. p. ibid. Differentia inter concessionem Indulgentiarum, & suffragiorum Ordinis: n. 150. p. 451. Suffragia communia Ecclesiæ, quæ? tract. 13. dist. 2. num. 16. p. 460. His privantur excommunicati. num. 16. & 17. p. 460. seq.
- Super-**

**Superbia**, quid; tr. 3. dist. 3. n. 2. p. 72. seq. Et quale peccatum; n. 3. p. 73. & Filia superbia, quæ? n. 5. & seqq. p. ibid. Superbia, cur dicatur vitium Capitale? n. 10. p. ibid. Quæ sint remedia contra eam? n. 11. p. ibid.

**Superiorum obligatio** erga subditos. tr. 9. d. 2. n. 23. p. 290. Præceptum de Correctione fraterna magis obligat Superiores, quam Subditos. tr. 4. d. 6. n. 49. & 50. p. 118. seq.

**Superiores Regulares** in quibus Irregularitatibus possint dispensare cum suis subditis? tr. 13. d. 3. post n. 74. p. 489.

**Superstitio**, quid; tr. 5. d. 2. n. 2. & 3. p. 137. Superstitionis duæ sunt species. n. 4. & seqq. p. ibid. Et quale peccatum? n. 8. & 10. p. 138.

**Suspensio**, an possit imponi ob peccatum veniale? tr. 13. d. 1. n. 8. & 10. p. 452. Vel per modum poenæ? n. 18. p. 453. Non incurritur, nisi ob culpam propriam. n. 25. p. 454. Vide *ψ. Censura*. Suspensio, quid? tr. 13. d. 2. n. 76. & 77. p. 471. In quo differat a Degradatione & Depositione? n. 77. p. ibid.

**Suspensio lata**, & ferendæ sententiæ n. 78. p. ib.

**Suspensio ab Officio**, an includat suspensionem a Beneficio, & econtra? n. 81. & 82. p. ib.

**Quid de Suspensione ab ordine**, & jurisdictione? n. 83. p. ibid. Suspensio absolute lata, censetur totalis. n. 84. & seqq. p. ibid. Suspendus, si exerceat actum sibi prohibitum, an fiat irregularis? n. 87. p. ibid. Suspensionem qui possint incurrere; n. 88. & 89. p. 471. seq.

**Suspensio Indulgentiarum tempore Jubilæi ordinarii** quæ? tr. 12. d. 3. post n. 99. p. 435. lq. & integra Append. II. p. 438. seq.

**Suspensio qualiter** incurratur quoad ordines; tr. 12. d. 2. post n. 89. p. 472.

**Suspensiones alia** enumerantur. ibid. Et quinam ab his præsertim pro foro interno possint absolvere? ibid.

**Suspicio** differt a Dubitatione, & Judicio. tr. 9. d. 6. n. 56. p. 345. Quid sit? n. 57. p. ibid. An, quando, & quale peccatum? n. 59. 60. 61. 64. & 65. p. 345. seq.

**Sufurratio**, ejusque gravitas. tr. 9. d. 6. n. 31. p. 342.

**Sufurratio quam grave peccatum**, & quomodo distinguatur a Detractione, & contumelia? tr. 9. d. 6. post n. 31. p. 342.

**Sutorum deceptio**. Vide *Opifices*.

**Synagoga**, quæ? tr. 4. d. 3. n. 2. p. 89. seq.

## T.

**Tactus impudici** inter conjuges non amplius potentes exercere copulam an, & quando liceant? tr. 9. d. 4. post n. 76. p. 312.

**Tactus impudici** quandonam sint grave peccatum? Ibid. post n. 84. p. 314.

**Tactus impudici animalium** an sint grave peccatum? ibid.

**Tactus impudici**. Vide *ψ. Impudicitia*.

**Temerarium Judicium**. Vide *Judicium temerarium*.

**Temperantia**, quid, tr. 7. d. 1. n. 22. p. 193. Sumitur etiam large. ibid. Ejus partes subjective. n.

23. & 24. p. ibid. Potentiales. n. 25. & seqq. p. ibid. Et integrantes, quæ? n. 32. p. 194.

**Tempus**, quo præscribitur servitus. tr. 7. dist. 6. post n. 24. p. 224.

**Tempus**, quo Servitus semel præscripta iterum extinguatur. ibid.

**Tempus**, quo solutio mutui fieri debet? Vide *Solutio mutui &c.*

**Tempus conferendi Ordines** an necessario debeat observari quoad Regulares? Vide *Ordines*.

**Tentatio alia probationis**, alia Seductionis. tr. 5. d. 3. n. 2. p. 144. Tentatio Dei, quid? n. 3. p. 145. Alia expressa, alia interpretativa. n. 4. p. ibid. Est ex genere suo peccatum mortale, n. 5. p. ibid. Solvitur instantia. n. 7. p. ibid. Tentatio Dei per accidens potest esse venialis. n. 8. p. ibid.

**Testamento adjecta conditio turpis** an habeatur pro non adjecta? tr. 8. d. 1. post n. 12. p. 229.

**De Testamenti confectione** ponuntur sex casus notabiles. tr. 8. d. 3. post n. 35. p. 247. seqq.

**Testamentum ad causas pias** an teneat, si erretur in expressione Nominis Hæredis? ibid.

**Testamentum ad Causas pias** repertum in pulpito absque subscriptione testium an, & quomodo valeat? Et quid, si tantummodo fuerit inventa aliqua scheda? ibid.

**Testamentum quomodo cito** fieri possit, præsertim succurrendo causis piis, & pauperibus, si quis subito periculossissimo obruatur morbo, sitque periculum in mora? ibid.

**Testamentum quomodo practice** fiat? tr. 8. d. 3. post n. 82. p. 256. Append. Item quomodo practice tradatur ad Acta? ibid.

**Testamentum**, & quælibet donatio mortis causa, potest libere revocari. tr. 8. d. 2. n. 16. p. 236.

**Testamentum**, quid? tr. 8. d. 3. n. 1. p. 242.

**Dividitur** in solemne, & minus solemne, seu privilegiatum. n. 2. p. 243. Paganum, & militare. n. 3. p. ibid. Testamentum scriptum, seu clausum, & nuncupativum, quid? n. 3. p. ib.

**Hoc a Notario solet redigi in scripturam**, cur? n. 4. p. ibid. Ad testamentum solemne scriptum, quæ requirantur? n. 5. ac seqq. p. ibid.

**Et quæ ad testamentum nuncupativum?** n. 11. p. ibid. Testamentum non privilegiatum, an in Foro conscientie validum sit, si ei desint solemnitates Juris Civilis? num. 12. & seqq. p. 244.

**Testamenta privilegiata**, quæ? tr. 8. d. 3. n. 20. p. 245. Testamentum ad pias causas, quod? ib.

**Ad hoc quænam** requirantur, & sufficiant? n. 21. p. ibid. Duo testes in testamento ad pias causas non sunt de forma substantiali, sed probatoria. n. 22. p. ibid. Hinc scriptum manu testatoris valet absque alio teste. n. 23. p. ib.

**Item si hæredi certo constet de dispositione** ejus ad pias causas. n. 24. p. 246. Quid juris, si moriturus cepit facere testamentum, & non absolvit? n. 25. & seqq. p. ibid. Ad credendum Parocho, vel Confessario, circa legata pia a defuncto relicta? n. 27. & 28. p. ibid.

**Testamentum inter liberos** est privilegiatum. n. 30. p. ibid. Item testamentum militare; & quomodo? num. 31. p. ibid. Testamentum ad Acta, est privilegiatum. num. 32. p. 247.

Quid

Quid liceat hominibus rusticis? n. 33. p. 247.  
 Quid juris de testamento tempore pestis? n. 34.  
 p. ibid. Quid spectata speciali locorum consue-  
 tudine, statutis, & Regnorum legibus? n. 35.  
 p. ib. An omnes testari possint? num. 36. & 37.  
 p. 249. Quid de Religiosis? num. 38. & seqq.  
 p. 249. sq. Eorumque novitiis? n. 42. p. 250.  
 Testamenta Novitiorum an subsint Decreto  
 Concilii Tridentini? num. 43. & 44. p. ibid.  
 Clerici seculares, præsertim Beneficarii, an tes-  
 tari valeant? num. 45. 46. & seqq. p. ib. In  
 testamento minus solemnè ad causas pias, valent  
 Legata profana inserta, num. 65. p. 254. Cor-  
 ruente testamento minus solemnè ad causas pro-  
 fanas, non corruunt Legata pia. n. 66. & 67.  
 p. ib. Testamenti fundamentum, est institutio  
 hæredis. num. 70. p. 255. An sit obligatio faci-  
 endi testamentum? num. 79. p. 256. Praxis,  
 quomodo Testamentum sive ad causas pias, sive  
 ad profanas præctice faciendum. p. ib.  
 Testari de quibus Bonis possint Maritus, & Uxor  
 moritura? tr. 8. dist. 3. post num. 58. in Ap-  
 pendice. p. 252. Item de qualibus Bonis Vidui,  
 vel Viduæ superstitis? ib.  
 Testatoris voluntas qualiter debeat esse constituta,  
 ut Testamentum valeat? tr. 8. d. 3. post n. 1.  
 p. 242.  
 Testes Legitimi, qui? tr. 8. d. 3. num. 7. p. 243.  
 Testes duo, an sint de substantiali forma Testa-  
 menti ad pias causas? tr. 8. d. 3. n. 22. p. 245.  
 Unicus sufficit ad probandum, quando non ag-  
 itur de alterius præjudicio, tr. 14. d. 7. n. 67.  
 p. 572.  
 Theologicæ virtutes. Vide *¶ Virtus. ¶ Fides. ¶*  
*Spes. & ¶ Caritas.*  
 Thesaurarii &c. Vide *Officiales.*  
 Thesaurus quandonam proprie talis dicatur? tr. 7.  
 dist. 5. post n. 9. p. 213. Thesaurus repertus  
 in loco pertinente ad Fiscum ad quem spectet?  
 Item si locus iste pertineat ad Ecclesiam, vel  
 aliquam communiatem? ibid. post num. 11.  
 p. 214. Item quisnam thesauri reperti in feudo,  
 vel Emphyteusi possit prætereendere Domi-  
 nium, num Dominus directus, vel Feudatarius,  
 seu Emphyteuta? ibidem, post num. 13.  
 p. ibid.  
 Thesaurus, quid? tr. 7. dist. 5. n. 9. p. 213. The-  
 saurus inventus, cujus sit? num. 10. & seqq.  
 p. 213. sq. An sit licitum emere fundum, in  
 quo scitur latere Thesaurus? n. 13. p. 214.  
 Thesaurus Ecclesiæ datur, & quid sit? tract. 12.  
 d. 3. n. 3. & 4. p. 415. sq. Constat ex Satisfac-  
 tionibus Christi, & Sanctorum. num. 5. & 6.  
 p. 416. Ubi is repositus maneat? n. 7. p. ib.  
 Thesaurus Ecclesiæ dupliciter consideratur. n.  
 8. p. ib. Et quomodo dispensetur? n. 9. & 10.  
 p. ibid.  
 Titulus iustus, & ad præscriptionem sufficiens,  
 quis? tract. 7. dist. 6. num. 13. & 14. p. 221.  
 Quando requiratur ad præscriptionem. n. 15.  
 p. 222.  
 Titulus ad Ordines sacros requisitus, quid? tract.  
 14. d. 12. n. 64. p. 623. Et quotuplex? n. 66.  
 p. ibid.

Titulus ad præscriptionem requisitus quotuplex?  
 tr. 7. d. 6. post n. 14. p. 222. Titulus an, &  
 qualis requiratur etiam ad præscriptionem ex-  
 traordinariam? ibid.  
 Tonsura prima iniciandi, debent prius esse confir-  
 mati. tr. 14. d. 3. n. 48. p. 512. An peccetur  
 mortaliter, si secus fiat? n. 49. p. ib. Prima  
 Tonsura non est Ordo, sed dispositio ad Ordines,  
 tr. 14. d. 12. num. 10. p. 616. Effectus,  
 atque privilegia primæ Tonsuræ. n. 11. & 12.  
 p. ib. Ad hanc an requiratur certa ætas? n. 51.  
 p. 620.  
 Traditio, quid? tr. 4. d. 3. num. 45. p. 96. Est  
 triplex, nempe Divina, Apostolica, & Eccle-  
 siastica. n. 46. p. ib. Traditiones Divinæ sunt  
 admittendæ. n. 47. p. ibid. Sunt ejusdem in-  
 fallibilitatis, ac Verbum Dei scriptum. n. 48.  
 p. ib. Regulæ dignoscendi Traditiones Divinas.  
 n. 49. p. ib.  
 Traditio est modus acquirendi rerum dominium  
 Jure gentium. tr. 7. dist. 5. num. 34. & 35.  
 p. 218.  
 Trebellianica, quid? tract. 8. dist. 3. num. 78.  
 p. 255.  
 Tridentinum Concilium quoad Matrimonia co-  
 ram Parocho & testibus contrahenda in qui-  
 bus locis non sit receptum? tr. 14. dist. 14.  
 post n. 144 p. 662.  
 Triticum, quid? tr. 14. d. 4. num. 11. & 12.  
 p. 514.  
 Tussi vexati quandonam possint accedere ad Sac-  
 ram Eucharistiam? Vide *Communione Sacram ac-*  
*cedere.*  
 Tutor, in quo differat a Curatore? tr. 8. d. 1. n.  
 32. p. 233. Vide *¶ Pupillus.*

V.

Vagorum Matrimonium. Vide *Matrimonium*  
*vagorum.*  
 Valor Missæ Sacrificii, quantus sit? tr. 14. d. 5. n.  
 48. & seqq. p. 528. Vide *¶ Missa.*  
 Vana gloria, quid? tr. 3. d. 3. n. 6. p. 73. Et quale  
 peccatum? n. 7. p. ib.  
 Vana observantia. Vide *¶ Observantia.*  
 Venationem, & piscationem possunt Principes in-  
 terdicere. tr. 7. d. 5. n. 14. & 15. p. 214. sq.  
 An, qui contra justam prohibitionem venatur,  
 peccet, teneaturque damnum compensare?  
 n. 16. & 17. p. 215. An is acquirat dominium  
 Feræ captæ? n. 18. p. ib. Duplex in proposito  
 jus considerari potest. n. 19. p. ibid. Quid de  
 animalibus domesticis, aut feris in certo loco  
 conclusis? n. 20. p. ib. An fera laqueo intri-  
 cata sit eximentis, vel laqueum ponentis? num.  
 21. p. ib. Venari, & piscari die Festo, an li-  
 ceat? tr. 10. d. 1. n. 16. p. 353.  
 Vendita res si pereat ante traditionem, quis de-  
 beat eandem lucrare, an venditor vel Emptor?  
 tr. 8. d. 4. post n. 102. p. 274.  
 Vendita res si quidem non ex integro pereat, fiat  
 tamen ante actuale traditionem deterior, vel  
 A a a a me-

- melior, ad quem spectet damnum, vel lucrum? ibid. p. 275.
- Venditio, & emptio, quid? tr. 8. d. 4. num. 86. p. 272. Ejus pretium, quotuplex? n. 87. & seqq. p. 273. Justitia pretii vulgaris, unde desumenda? n. 90. & seqq. p. ib. Lætio in emptione, & venditione interveniens, an sit refarcienda? n. 95. & seqq. p. ib. Res tanti valet, quanti vendi potest, quomodo? n. 99. p. 274. Invitus, an, & in quibus casibus possit cogi vendere? n. 100. & seqq. p. ib.
- Venditione si res distrahatur per tertium pretio majori, quam Dominus petiit, ad quem spectet excessus lucri? ib. p. 275.
- Venditores an possint circumvenire Emantes deducendos eos ad pretium summum mercis? tr. 8. d. 4. post n. 99. p. 274.
- Veneficium. Vide *Maleficium*.
- Veneria delectatio quomodo distinguatur a sensibili? tr. 9. d. 4. post n. 78. p. 313.
- Veniam ab altero petere quandonam quis obligetur? Vide *Reconciliatio*.
- Verba generalia generaliter sunt intelligenda. tr. 2. d. 4. n. 5. p. 49. sq. Verborum peccata maxime sunt ex intentione dicentis dijudicanda. tr. 5. d. 3. n. 58. p. 152. Verba, quæ sint de essentia Consecrationis Eucharistiæ? tr. 14. d. 4. n. 38. 41. & seqq. p. 517. sq. An proferantur tam recitative, quam significative? n. 44. & 48. p. 518. Verba proferre recitative tantum, significative tantum, & recitative ac significative simul, quid? n. 45. & seqq. p. ib.
- Verba impudica. Vide *Impudicitia*.
- Verba impura loquens quandonam censeatur aliis dare scandalum. tr. 4. d. 7. post n. 28. p. 123.
- Verberatio quandonam præbeat justam causam divortii? tr. 14. d. 13. post n. 100. p. 639.
- Verecundia, quid? tr. 7. d. 1. n. 32. p. 194.
- Veritas duplex, speculativa, & practica. tract. 1. d. 3. n. 5. p. 17. Veritas requiritur in omni juramento. tr. 6. d. 2. n. 12. p. 170. & 27. ac seqq. p. 172. Vide *Juramentum*. Veritas, si-ve veracitas, quid? tr. 7. d. 2. n. 11. p. 198.
- Vestibus Infidelium, an sit licitum uti? tr. 4. d. 2. n. 51. & 52. p. 89.
- Vestes Sacerdotales in Missa. Vide *Sacerdotales vestes*.
- Viaticum quando possit sumi a non Jejunis. Item si ægroti molestantur tussi, vel vomitu? tr. 10. d. 3. post n. 36. p. 374.
- Viaticum qua ætate sit dandum pueris ægrotis? ib. post n. 43. p. 376.
- Vidui, vel Viduæ de quibus Bonis possint testari? tr. 8. d. 3. post n. 58. Append. p. 253.
- Viduis an liceat delectari de copula præterita? tr. 9. d. 7. post n. 18. p. 349. & fulius. tr. 14. d. 13. post n. 90. p. 637.
- Vinum, ut sit materia apta Consecrationis Eucharistiæ, quale esse debeat? tr. 14. d. 4. n. 18. & seqq. p. 515. Uva non potest consecrari. n. 19. p. ib. Nec acetum, aut vinum adustum &c. n. 20. p. ib. Nec vinum in pane imbibitum. n. 24. p. 516. Quid de vino miraculoso? n. 22. p. ib. Aut vino congelato? num. 25. 26. p. ib. Quid agendum, si vinum congeletur? n. 27. & 28. p. ibid.
- Vinum debile si ematur loco generosi, an contractus sit nullus? Et quid si illud sit coctum, vel lymphatum, aut recens loco veteris &c. tr. 8. d. 1. post n. 15. p. 230.
- Vinum acetosum si deprehendatur primum sub sumptione, an, & quando debeat de nova consecrari? tract. 14. dist. 5. post num. 146. p. 551. sq.
- Violentia, an causet involuntarium? tr. 1. dist. 1. n. 27. p. 5. Violentia, quid? tr. 3. d. 3. n. 16. p. 74. Violenta manuum injectio in Clericum, quæ? tr. 13. dist. 1. n. 59. p. 458. Violentiæ impedimentum respectu matrimonii, quod? tr. 14. d. 14. n. 62. p. 649.
- Virginitas, quid, & quæ importet, tr. 9. dist. 4. num. 6. p. 301. Quid de Virgine vim passa? n. 7. p. ib.
- Virtus, quid? tr. 4. d. 1. n. 2. 3. & seqq. p. 79. Virtus ut sic, quomodo dividatur? n. 5. & seqq. p. 80. Virtutes intellectuales, & morales. num. 6. p. ib. Virtutes infusæ, & acquisitæ dantur, & quid? n. 7. p. ib. Virtus Theologica, quid? n. 8. p. ib. Virtutes Theologiæ quomodo differant a moralibus? n. 9. p. ib. Sunt tantum tres. n. 11. p. ib. Et perfectiores Moralibus. n. 12. p. 81. Inter Theologicas quæ sit perfectior? n. 13. p. ib. Quomodo amittantur? n. 14. & seqq. p. ib. An, & quomodo habeant medium? n. 19. p. ib. Virtutes generatiæ quibus modis intelligi possint consistere in medio, n. 17. & seqq. p. ib. Virtutes Cardinales, quæ, & cû sic dictæ? tr. 7. d. 1. n. 2. p. 191.
- Visiones. Vide *Apparitiones*.
- Visitatio Ecclesiarum tempore Jubilæi quæ? Vide *Ecclesiarum Visitatio &c.* Item *Jubilæum*.
- Vitam servare nisi mediis ordinariis, non tene-mur. tr. 9. d. 3. n. 13. & 14. p. 292.
- Unctio Extrema. Vide *Extrema Unctio*.
- Unctio &c. Vide *Extrema Unctio*.
- Voluntas Testatoris &c. Vide *Testatoris Voluntas*.
- Voluntarium tripliciter. tr. 1. d. 1. n. 2. & seqq. p. 1. Voluntarium strictè. n. 3. p. ib. Hoc dividitur in perfectum, & imperfectum. num. 4. p. ib. Directum, & indirectum. n. 5. & 6. p. 2. Voluntarium secundum se, & in sua causa. n. 7. p. ib. Voluntarium interpretativum. n. 8. p. ib. Quæ requirantur, ut effectus, veluti in causa voluntarius, imputetur ad culpam? n. 9. & seqq. p. ib. Quando imputetur effectus veluti indirectè voluntarius? n. 15. p. 3. Voluntarium an tollatur per violentiam? n. 27. p. 5. Metum. n. 28. p. ib. Concupiscentiam. n. 32. & 33. p. 6. Passionem. n. 34. p. ib. Vel ignorantiam. n. 42. & seqq. p. 7.

Volunt



Voluntas reputatur pro facto quomodo? tr. 1. d. 2. n. 32. & 33. p. 13.

Voti Executionem ex negligentia differens quot distincta numero peccata committat, & quomodo in Confessionali examinandus? tr. 3. d. 1. post n. 61. ac seqq. p. 67.

Votum nunquam committendi levissimum peccatum, vel imperfectionem num sit validum? tr. 6. d. 3. post n. 7. p. 176.

Voti materia num sit leviter, vel graviter obligans, ex quibus signis cognosci valeat? tr. 6. dist. 3. post n. 14. p. 177. sq.

Votum quousque differri possit absque culpa mortali? tr. 6. d. 3. post n. 18. p. 178. sq.

Voti materia si alia sit summi, alia medii, & alia infimi pretii, quanam sit præ cæteris seligenda? ibid. post n. 24. p. 180.

Votum si fuerit copulativum, & quoad unam partem reddatur impossibile, quidnam faciendum circa alteram? ibid.

Vota defuncti qualia teneantur exequi Hæredes? ibid.

Vota affixa certo tempori quanam, & quomodo cum ipso tempore expirent quoad obligationem exequendi? ibid. post n. 30. p. 181.

Voti commutandi qualis requiratur causa? ibid. post n. 34. p. 182.

In quinque Votis exceptis quandonam, & quomodo Regulares Mendicantes possint dispensare? ibid. post n. 47. p. 184.

Voti perpetuæ Castitatis dispensatio quoad petendum debitum in quantum se extendat, supposito, quod tales non obstante hoc voto contrahant? ibid. post n. 48. p. ib.

In Voto perpetuæ Castitatis antequam dispensetur, quidnam prævie sit notandum, & qualiter dispensatio impetranda? ibid. post n. 53. in Append. p. 187. seqq.

In Voto Religionis qualiter impetretur dispensatio? ibid. in Append.

Votum non ludendi deinceps, quid in se contineat? tr. 8. d. 4. post n. 121. p. 279.

Votum quandonam Novitio possit negari quoad susceptionem? Vide *Novitio &c.*

Votum, quid? tr. 6. d. 3. n. 1. p. 176. Quanta ad illud requiratur deliberatio? n. 4. p. ib. Votum fit soli Deo. n. 5. p. ib. Est de meliori bono. n. 6. p. ib. Matrimonium an sit materia voti? n. 7. p. ib. Votum simplex, & solemne quid, & quomodo differant? n. 8. & 9. p. 177. Votum personale, & mixtum, n. 10. p. ib. Absolutum, & conditionatum, n. 11. p. ib. Voti transgressio, quale peccatum? n. 12. & seqq. p. ib. In Juramento falso non excusat levitas materiæ, secus in voto violato: cur? num. 14. p. ib. Dubius de emissionem voti anteneatur. n. 15. & 16. p. 178 Quid, si quis certus est de voto, sed dubitat de habita intentione se obligandi? n. 17. p. ib. Votum sine temporis determina-

tione, quando obliget? n. 18. p. ib. Voti obligatio, an sit personalis. n. 19. & seqq. p. 179. Quid de votis Communitatum, num. 21. p. ib. Factum alienum si voveatur, quomodo explicandum? n. 22. p. ib. Impeditus implere votum personale per se ipsum, an teneatur substituere alium? n. 24. p. 179. sq. Voti obligatio quatuor modis delinere potest. n. 25. p. 181. Votum cessat cessante causa finali. n. 26. p. ib. Et ob mutationem materiæ. n. 27. & 28. p. ib. Quid de voto conditionato, & temporali. n. 29. & 30. p. ib. Votorum commutatio, an propria auctoritate possit fieri in melius, vel opus æquale? n. 31. & seqq. p. ib. In professionem Religiosam omnia vota commutantur. n. 33. p. ib. Vota a quibus irritari possint? num. 35. & seqq. p. 182. Quid de votis impuberum? num. 38. p. ib. Religiosorum. n. 39. p. ib. Liberosorum puberum, ac Servorum. n. 40. p. ib. Et Conjugum. n. 41. p. ib. Datur in Ecclesia potestas dispensandi in votis. n. 42. p. 183. In quibus hæc potestas resideat? num. 43. p. ib. Quam potestatem dispensandi in votis habeant Confessarii Ordinum Mendicantium? num. 44. 46. & seq. p. ib. Vota Summo Pontifici reservata, quæ? n. 45. p. ib. Ea sunt stricte interpretanda. n. 46. p. ib. An possint Episcopi dispensare in voto Castitatis non perpetuæ? n. 46. p. ib. Ac voto conditionato, & pœnali? Ibid. Dispensatio in votis ut sit valida, requirit justam causam. n. 49. & 50. p. 184. Quid censendum de votis in favorem tertii emissis. num. 51. p. 185. In votis quomodo possit dari dispensatio, cum tamen obligent Jure Divino? tr. 2. d. 4. n. 25. & 26. p. 52.

Votum, & Juramentum super eadem re factum, si violetur, est duplex specie malitia. tr. 3. d. 1. n. 49. p. 64. Quid, si violetur votum sæpius renovatum? Ibid. In omni voto quatuor conditiones tacite subintelliguntur. tr. 6. d. 2. n. 23. p. 171. Hæ non faciunt votum conditionatum, n. 24. p. ib.

Votorum Dispensatio, qualiter obtinenda, & quanam sint observanda? tr. 6. dist. 3. num. 54. & seqq. p. 185.

Votum, quale impediat matrimonium contrahendum? tr. 14. dist. 14. num. 15. p. 641. Contrahens cum voto simplici Castitatis, an peccet? n. 17. p. 642. Ac debitum petere, vel reddere possit? n. 17. 19. & seqq. p. ib. Quid de vovente non nubere, vel Ordines sacros suscipere, aut Religionem ingredi? n. 21. p. ib. Habens votum simplex Castitatis, an valide contrahat sponsalia? num. 27. p. 643. An per tale votum dissolvantur priora sponsalia? num. 36. p. 644. Votum solemne Castitatis dirimit matrimonium? n. 76. p. 652. Quid de votis simplicibus Societatis Jesu? n. 77. p. ibid.

Vota majora in electionibus, quæ? tr. 11. dist. 1. n. 21. p. 380.

Usucapio, quid, & an differat a præscriptione? tr. 7. d. 6. n. 2. & 3. p. 218. sq. Vide *Præscriptio*.

Usura

**Usura** varie accipitur. tract. 8. dist. 4. num. 10. pag. 263. **Usura**, quid? num. 11. & seqq. p. ib. **Usura expressa**, & **palliata**, quid? n. 14. p. ib. **Usuræ sunt prohibitæ Jure tum humano, tum Divino.** num. 15. p. ib. **Solvitur instantia de parabola Patris familias.** num. 16. p. ib. **Deus an concesserit Judæis exercere usuras?** num. 17. & 18. p. ib. **Usura etiam Jure naturali illicita est.** n. 19. & seqq. p. 264. **Usura an sit, mutuare cum pacto remutuandi?** num. 25. p. ib. **Quid de contractu Mohatra?** num. 26. & 27. p. 265. **Et Montibus Pietatis?** num. 28. & seqq. p. ib. **An aliqui tituli excusent ab usura, & qui?** num. 32. & seqq. p. 265. sq. **Quid de contractu Societatis?** n. 48. p. 267. **Et Censibus?** num. 48. p. ib. 61. ac seqq. p. 270. **Potest Lege Usuris statui modus, non tamen ex reddi licitæ.** num. 44. p. 267. **Usuræ an Jure civili approbentur?** num. 45. p. ib.

**Usura an admittat parvitatem materiæ?** tr. 8. d. 4. post n. 24. p. 264.

**Usura an sit ex restante Interesse exigere novum Interesse?** tr. 8. d. 4. post n. 48. p. 268. **Et quid si plura restantia Interesse computentur in novum Capitale?** ibid.

**Usurarius non comparat dominium rei per Usuram acceptæ.** tr. 8. dist. 4. num. 22. p. 264. **Quid de pecunia usuraria?** num. 23. p. ibid. **Usurarium pœnæ præcipuæ,** n. 24. p. ib. **Nomine lucri usurarii, quid intelligatur?** n. 12. p. 263.

**Usus facti, & Usus juris.** tr. 7. d. 3. n. 12. p. 203. **Usus juris, quid?** n. 13. p. ib. **Et quomodo dif-**

**ferat ab usufructu?** n. 7. 14. & 17. p. 202. sq. **Usurario, seu habenti usum rei, quæ liceant?** n. 15. & 16. p. 203.

**Usufructus, quid?** tr. 7. dist. 3. num. 7. p. 202. **Jus utendi, & fruendi quomodo differant?** ib. **Usufructuarius, quis?** n. 9. p. 203. **Ad quid teneatur?** n. 10. & seqq. p. ib. **Usufructus, quomodo differat ab Usu juris?** num. 14. & 17. p. ib.

**Uxor an participet de Bonis, quæ dicuntur acquæstus?** tr. 7. d. 4. post n. 19. p. 207.


**Uxoris Bona recepticia qualiter apud Jurisperitos discernantur a Paraphernalibus?** tr. 7. d. 4. post n. 17. p. 207.

**Uxor qualem viro possit auferre quantitatem citra peccatum grave?** tr. 9. dist. 5. post n. 33. p. 321.

**Uxor, vel etiam vice versa Maritus an, & quando possint denegare debitum conjugale propter commissum Adulterium compartis, vel ne proles nimium multiplicentur?** tr. 14. d. 13. post n. 81. p. 635.

**Uxoris bona dotalia, & paraphernalia, quæ?** tr. 7. d. 4. n. 14. p. 206. **Horum proprietas an maneat penes uxorem?** n. 15. & seqq. p. 206. sq. **Uxor, quomodo peccet accipiendo ex bonis mariti?** n. 19. p. 207. & tr. 9. d. 5. n. 28. & seqq. p. 321. **An, & quales possit facere donationes, & eleemosynas?** n. 33. & seqq. p. ib. **Quid ei liceat, si maritus est dissipator bonorum communium?** n. 36. p. 322. **Uxor, an teneatur sequi virum mutantem domicilium, & e contra?** tr. 14. d. 13. n. 69. & 70. p. 634.

F I N I S.



ADDI-

ADDITIONES NOVÆ  
AD  
**THEOLOGIAM  
MORALEM**


**R. P. ANACLETI  
REIFFENSTUEL,**

QUIBUS ACCEDIT SUCCINCTA DECLARATIO  
PROPOSITIONUM DAMNATARUM, JUXTA QUADRUPLICEM  
THEOLOGIAM, MYSTICAM, POLEMICAM, SPECULATIVAM,  
ET MORALEM,

*In duas Partes divisa, & quoad materias practicas Theologiae Moralis  
R. P. Anacleti Reiffenstuel accommodata:*

POST ABSOLUTA STUDIA TAM A CLERICIS SÆCULARIBUS,  
QUAM REGULARIBUS, ANTEQUAM ANIMARUM CURÆ  
EXPONANTUR, FRUCTUOSE PERLEGENDA.

Juxta Exemplar Editum Mutinense MDCCXXXVII.



SUMPTIBUS PHILIPPI JACOBI VEITH,  
PRIVILEGIATI BIBLIOPOLÆ GRÆCII.

*CUM GRATIA ET SPECIALI PRIVILEGIO SAC. CÆS. MAJEST.*

---

STYRÆ, TYPIS JOANNIS JACOBI JÆHN.  
M DCC XL

THE UNIVERSITY OF CHICAGO

DEPARTMENT OF THE HISTORY OF ARTS

1954-1955

THE UNIVERSITY OF CHICAGO

DEPARTMENT OF THE HISTORY OF ARTS

1954-1955

THE UNIVERSITY OF CHICAGO

DEPARTMENT OF THE HISTORY OF ARTS

1954-1955



THE UNIVERSITY OF CHICAGO

DEPARTMENT OF THE HISTORY OF ARTS

1954-1955



# EPITOME PRIVILEGII CÆSAREI.

**C**AROLUS Sextus Divina Favente Clemētia Electus Romanorum Imperator semper Augustus, ac Germaniæ, Hispaniarum, Hungariæ, Bohemiæ, Dalmatiæ, Croatiæ, Sclavoniæ &c. Rex, Archidux Austriæ &c. &c. vi Privilegii privati clementissimè dati, firmiter inhibet, vetat, & interdicat, ne quis, præter Philippum Jacobum Veith, Bibliopolam Græcensem aulicum privilegiatum, Theologiam Moralem P. Anacleti Reiffenstuel, unà cum Additionibus novis ejusdem, intra Sacri Imperii, & Regnorum ac Ditionum hæreditariarum Suae Majestatis fines, recudere, vel aliis recudendam dare, aliorumve impressam apportare, vendere, vel distrahere ausit vel præsumat; & hoc sub pœna Confiscationis omnium Exemplarium, & quinque marcarum auri puri. Uti tenor Privilegii gratiosissimi fusius & latius habet. Datum Viennæ die tertia Martii, Anni MDCCXXXIX.

**CAROLUS** mppr.

Ad Mandatum S. Cæs.  
Maj. propr.

Comes de Metrech.

de Waldstätten.

TYPO-

# TYPOGRAPHUS

## LECTORI

### THEOLOGIAE MORALIS

### STUDIOSO

### S. D.

**S**tudentium magis utilitati ac commodo, quam mihi prospiciens, superiori Editione hujus *Moralis Theologiae* P. Reiffenstuel, *Additiones*, qua alias per modum Supplementi in Calce continebantur, suis in locis, ut Legentium laborem minuerem, apponi curavi. Eandem iterum recusurus, animoolvebam, si quo modo novitatem aliquam, & ut verius dicam, utilitatem ei superadderem; cum ecce meis votis sufficienter provisa ab Adm. Rev. P. Massao Cresslinger, praecedentium *Additionum* Auctore eximio, qui pro sua erga me humanitate & novas *Additiones*, & succinctam Declarationem Propositionum damnatarum, *Theologiae Morali* Reiffenstuelianae valde accommodam, quamque ipse nuper Ingolstadt typis vulgaverat, benigne transmisit. Hac igitur in calce hujus mea novissima editionis reperies, quibus spero me satisfacisse & studio meo, & tuae utilitati, cum tibi rursus exhibeam *Theologiam Moralem* P. Anacleti Reiffenstuel copiosiore, immo, & vere, emendatiorem quam alias. Miraberis forsan, quod *Novae Additiones* ad sua loca, ut praecedentes, minime affixerim! Mirum, quidem si causa ac ratio deesset, cum ceteroquin illud facile prestare potuerim; sed notui, nec ob aliud, quam ut Publicae Utilitati, mea posthabita, consulerem; ut scilicet, qui superioris editionis *Apographa* jam emissent, non nisi his *Additionibus* indigerent, nec majori dispendio, quam pro his tantum, succumberent; quae propterea etiam a Corpore sejuncta venduntur: Illis porro, qui ea carerent, atque hanc novam essent empturi, satis superque consultum reputo, si ubi illa inserenda erant, ibi earundem prima Verba cum &c. ac nota, ubi recurrendum, inveniant. E. G. Quæres an *Actus* &c. Vide *Addit. (A)* & sic de reliquis. En tibi, Amice Lector, studii mei ac operis patens ingenium; eorum ergo usura frui, meque ac mea lato, gratoque animo excipe. Vale.

ADDI-

# ADDITIONES NOVÆ AD THEOLOGIAM MORALEM R. P. ANACLETI REIFFENSTUEL.

(A) **F**OL. 15. Tract. I. Distinct. 2. Quæst. V. post ultima verba: *è vestibus parum pulveris.* \*

\* Quæres, An actus indifferens inter bonum & malum ita debeat esse indifferens, ut non solum peccatum, verum etiam omnem imperfectionem necessario excludat? Ante respons. Nota, quod imperfectio, prout distinguitur a peccato, & nec est materia sufficiens se sola pro absolutione, describatur, *actio, vel omisso repugnans consilio in re ad mores spectante.* H. N.

Respond. Actus indifferens non necessario excludit imperfectionem, quin eadem cum ipso stare possit, dummodo talis actus cæteroquin non sit bonus, nec etiam malus in genere moris. Probat. ab exemplis: sic enim *intermittere Missam die non festo, non sequi inspirationes divinas, ad opera de consilio tendentes*, communiter censentur indifferencia, utpote omissiones rei nec præceptæ, nec prohibita; & tamen similes ex comuni æstimatione reputantur imperfectiones, (quid enim alias esset imperfectio?) ergo actus indifferens non necessario excludit imperfectionem. \*

(B) fol. 85. post num. 22.

\* Quæres, Quid ergo agendum Confessario, si in confessionali deprehendat puerum, aut alium rudem vincibili laborare ignorantia principalium Mysteriorum fidei, SS. Trinitatis, & Incarnationis Dominicæ, qui tamen serio promittit, quod ea velit proxime addiscere, sicque ignorantiam suam deponere? Ante responsionem suppono, quod talis nequiret absolvi, si noller eam, quam posset, deponere ignorantiam, uti per se patet ex Propositione damnata, & ratione: etenim talis nolens deponere ignorantiam vincibilem, quam posset, est in actuali voluntate peccatum suum grave continuandi, sic utique incapax absolutionis. Quod si autem serio promittat, se velle proxime hanc ignorantiam deponere, de qua nunc corde intus dolet: Respond. I. Extra articulum mortis neque tunc tale esse absolvendum, antequam eundem Confessarius breviter, ac pro modulo pœnitentis instruat de Mysterio SS. Trinitatis, & Incarnationis. Ratio est, quia juxta prius dicta saltem probabile est, hæc duo Mysteria esse necessario credenda non solum necessitate præcepti, sed etiam necessitate medii, adeoque exponeretur Sacramentum periculo probabili nullitatis, si talis, antequam hæc credat mysteria, actu absolveretur; nam si quæ sunt necessaria necessitate medii, sine his nequit Sacramentum Pœnitentiæ valide subsistere &c. Sic si quis neque crederet Deum ut unum, & Remuneratorem, talis, nisi prævie instrueretur, invalide absolveretur, non solum si laboret ignorantia vincibili, sed etiam invincibili: nam absque necessariis necessitate medii nequit aliquis obtinere gratiam sanctificantem, adeoque nec gratiam absolutivam. Resp. II. Si pœnitens

Tom. II.

iste de suis peccatis omnibus, sicque virtualiter etiam de ista ignorantia (supposito, quod fuerit vincibilis) vere doleat cum proposito, nec tamen ob periculum imminentis mortis amplius tempus videretur superesse prævie ante absolutionem hunc instruendi de dictis Mysteriis SS. Trinitatis, & Incarnationis, absolvi debet, non quidem absolute, sed conditionate: nam pariter probabile, imo probabilissimum est, dicta Mysteria esse necessaria tantum necessitate præcepti, non autem medii, adeoque bonam ejus voluntatem in his circumstantiis, ubi amplius instrui nequit, reddere hunc capacem absolutionis, non quidem absolute (ne ob probabilitatem alterius contrariæ sententiæ Sacramentum exponeretur periculo invaliditatis) sed conditionate. Videatur Dominicus Viva in sua Trutina Theologica in dictam propositionem. \*

(C) fol. 98. post num. 59.

\* Ubi denuo adverte, etiam has ambas propositiones fuisse vel ex ea ratione jure meritissimo reprobatas: nam vel ille assensus, de quo loquuntur istæ propositiones, nititur summa Dei veritate in dicendo, vel alio motivo creato, & quidem tali, quod ex gravi ratione apparet fallibile? Si posterius; non est actus supernaturalis fidei, nec virtutis Theologicæ, cum non habeat pro objecto Deum, puta in presenti quatenus summe verum in dicendo. Si prius; quomodo possum prudenter repudiare hunc assensum, aut de veritate ejusdem prudenter ac probabiliter formidare? cum ex una parte Deus loquens nec fallere, nec falli queat: ex altera vero, quod *fit locutus Deus*, non habeam ullam NB. gravem rationem dubitandi; nam motiva credibilitatis præcedentia actum fidei me reddunt moraliter certum, Deum fuisse locutum. \*

(D) fol. 121. post num. 12.

\* Quæres I. Ex qua regula dignolci queat, licitum esse de incommodo ac damno alterius ob commodum, & emolumentum proprium exinde oriturum gaudere, vel vice versa tristari de bono ac commodo alterius ob malum sibi propterea timendum? Ante Responsionem Nota I. quod aliud sit *gaudere* de incommodo malo, ac damno alterius (v.g. de morte immatura parentis) quatenus id alteri damnosum est, ita, ut ipsum damnum alteri obveniens sit motivum gaudendi: & aliud *gaudere* de damno, malo, & incommodo alterius, quatenus ex hoc ipso alterius incommodo, seu damno obvenit mihi quoddam bonum, seu emolumentum. Primum gaudium juxta præcedentia dicta certo non est licitum, foretque odium inimicitia; quoad secundum vero, ubi bonum, seu emolumentum mihi obveniens est motivum gaudendi.

Nota II. Quod emolumentum mihi obveniens tamquam motivum gaudendi (puta in allegato casu hæreditas paterna) possit in primis ita influere

(a)

qua

qua bonum reduplicative, ut tamen de medio acquirendi illud bonum (puta in presenti de immatura morte parentis) prorsus præscindatur: *Secundo* taliter, ut etiam per istud gaudium, ac complacentiam ipsum medium acquirendi alteri damnosum (puta in presenti ipsa immatura mors:) simul immediate, ac directe attingatur, non quidem tamquam finis, ac motivum acquirendi, sed tamquam medium: sic etiam loquendo de voluntate efficaci, si volo sumere medicinam, ut acquiram sanitatem, non solum volo sanitatem, sed etiam ipsam medicinam, & quidem sanitatem tamquam motivum, seu causam finalem, medicinam autem tamquam medium acquirendi hunc finem. Præcedens gaudium præciliivum damni alterius in similibus non videtur illicitum, neque sub Propositione damnata comprehensum, ubi advertit Joannes Kugler in sua Crisi super Cardenam hic, estque ad tollendos multos scrupulos bene advertendum, præsertim in Primogenitis, & Majoratibus, ubi mortem primogeniti, vel senioris familiæ expectare necesse est. De altero vero restat adhuc difficultas, Quare \*

\* Respondeo. Ad dignoscendam licitatem similibus actuum debet quasi ponderatio ab intellectu institui inter commodum seu emolumentum ex una, & inter incommodum seu damnum ex altera parte: si emolumentum proprium sit præponderans damno, seu incommodo alterius, licet gaudere de illo, dummodo citra tuam culpam alteri illud incommodum evenierit. Similiter si incommodum, ac damnum proprium eventurum sit valde grave, & quasi præponderans emolumento alterius, licitum erit tibi de bono alterius tristiari. Econtra vero, si malum alterius præponderet bono proprio, seu suum emolumentum respective, & in comparatione damni alterius sit tantummodo leve, non licebit tibi de alterius damno gaudere: sicuti neque licitum erit tristiari de adeptio alterius emolumento, si tantum exinde tibi comparative exiguum incommodum oriatur. Ratio utriusque partis est, quia, instituendo ad invicem ponderationem in libra Charitatis, prior modus gaudendi, seu contristandi, ubi non simul cooperor ad malum alterius, nec impedio ejus emolumentum, non videtur contra ordinem rectæ charitatis; bene vero modus posterior, uti recte docet Dominicus Viva in Trutina Theologica parte I. Proposit. 13. & seqq. \*

\* Exemplificatur pro majori claritate in sequentibus casibus præcedens doctrina: Sic I. filia multum a Patre sollicitata ad peccatum carnis, potest gaudere de immatura morte parentis propter conservationem Salutis spiritualis propriæ animæ; nam salus animæ propriæ est bonum præponderans saluti corporali parentis. Item II. licet tristiari, si homicidæ, alique pessimi malefactores passim tolerentur impune in detrimentum Reipublicæ; nam bonum reipublicæ est præponderans vitæ malefactorum. Econtra III. est prohibitum matri gaudere de morte suæ filiæ, eo quod a marito suo eadem subinde fuerit acerbioribus aliquo modo verbis increpata, & exinde apud matrem querula, a quibus molestiis mater nunc est liberata; nam modicæ hujus molestiæ

liberatio non est bonum præponderans malo mortis filiæ. Aliter foret sentiendum, si præcedentes ærumnæ filiæ fuissent valde graves, & sic vita valde amara; nam *melior est mors, quam vita amara*, Ecclesiast. cap. 30. IV. Pariter illicitum est de victoria a Catholicis contra hæreticos reportata tristiari ex eo, quia unus ex occisis hisce hæreticis erat tuus consanguineus, solitus tibi singulis annis quasdam conferre gratias, nunc sublatus; nam bonum Reipublicæ Catholicæ est bonum præponderans damno tuo privato, quod ex morte occisi nunc suffers. \*

\* Quæres II. An, ubi licitum est de incommodo alterius ob emolumentum proprium ex postfacto gaudere, pariter ex hoc sine liceat alteri hoc incommodum antecederet optare, seu ineffaciter desiderare? Ante respon. Nota, quod desiderium inefficax non sit voluntas absoluta, quæ taliter vult objectum, ut simul inquirat media obtinendi illud: hoc enim non foret licitum, uti patebit sequentibus exemplis. Quare desiderium inefficax est tantummodo voluntas conditionata, quæ exoptat, ut, si malum præponderans aliter tolli, vel bonum præponderans aliter acquiri haud posset, id fieret (absque tamen tua cooperatione) morte alterius. H. N.

Respondet apud dictum Dominicum Viva Patet Vasquez *part. 2. Disp. 114.* affirmative. Ratio est: quia hoc desiderium inefficax in effectu non aliter influit, quam gaudendo de illo objecto, prout apud Viva advertit D. Thomas. Sic in exemplo filia a patre blandis verbis sæpius ad peccatum carnis allecta, etsi nequeat efficaciter influere in mortem patris propter has blanditias, potest tamen ineffaciter optare mortem naturalem patris, ut exinde liberetur a periculosa hac sollicitatione. Sic etiam, quando quis ducit vitam valde amaram, etsi nequeat se vita privare, ac propterea media exquirere, potest tamen sibi mortem optare, seu ineffaciter desiderare, prout taliter Elias 3. Reg. c. 19. *petiit anima sua, ut moreretur*, ad evadendas Jezabelis insidias. Simile petiit legitur ad Dominum a Moyse factum *Num. cap. 11.* \*

(E) fol. 123. post num. 24.

\* At dubitabis, quidnam circa propositionem hanc damnatam sit sentiendum, si talis famulus non solum male tractetur, v.g. verberibus excipitur, torvis oculis aspiciatur, aut a domo expellatur, verum etiam sic expulsus nullum alium Dominum acquirat, atque exinde non sine magno dedecore, & summa mentis afflictione mendicare cogatur, poteritne saltem in his circumstantiis absque incurfu in propositionem damnatam præfatas actiones Domino exhibere, cum protestatione tamen, quod eas non exerceat eo fine, ut per has ad stuprum cooperari velit? Respondeo, non deesse, qui cum Lumbier, & Dominico Viva hic (in quorum sententiam videtur etiam P. Reiffenstuel juxta verba ultima prioris numeri inclinare) sentiunt, tales actiones neque tunc licere famulo, eo quod judicent eas intrinsece malas, quia omnino proxime influunt in ipsum peccatum stupri: sicuti ergo (inquiunt) juxta Communissimam DD. ob omni proximum influxum in peccatum non licet,



licet, haud obstante periculo mortis, Catholicis apud Turcas captivis adinovere ignem tormentis bellicis ad occidendos Christianos, neque vocare concubinam ad peccandum cum suo hero (cum dicta ob tam proximum influxum videantur intrinsece mala) ita a pari non licebunt famulo memoratae actiones ob quodcumque periculum, ac damnum; Ita illi. Dantur tamen etiam alii DD. qui cum Castropalao sentiunt contrarium, judicantes, illas actiones non æque, ac occisionem Christianorum per admotionem ignis ad tormenta &c. esse intrinsece malas, cum, etsi multum appropinquent peccato, non tamen sint immediate perpetrativæ alicujus peccati; nam posset herus ea ipsa famuli cooperatione uti ad subveniendum Virgini, si forsan ea adigeretur ab alio, sicque ad operandum bene &c. adeoque (addant) licitas videri actiones istas famuli, non quidem ad evadenda mala gravia in ipsa propositione allegata; bene tamen ad evitanda alia longe graviora, ac sæpius morte acerbiora. Profecto, quia actiones sequentes in bonum finem poni possent, licitum est juxta Suarez, Sanchez, Lessium, & Layman, captivis in Triremibus Turcarum Christianis ob metum mortis, aut alterius mali ipsa morte acerbioris, remigare contra Christianos, sarcinas & arma ad bellum necessaria conveyere, & propugnacula ædificare, etsi illa omnia injuste a Turcis ordinentur ad delendos Christianos.\*

\* Cæterum quoniam in praxi quoad casus particulares adhuc, non obstante doctrina precedenti, sæpius occurrunt dubia, an citra peccatum scandalum hanc vel illam actionem (eodem modo proportionaliter discurre de omissione) ponere valeas, ex qua alter occasionem sumit peccandi? ad tollendas varias animi anxietates bene observa sequentes Regulas. I. Quod numquam liceat aliquam actionem ex parte tua de se peccaminosam ponere, ex qua alter pariter ansam peccandi accipiat: Sic famulo numquam liceat oretenus, vel per litteras Domini, agendo internum, incitare seu citare concubinam expresse ad peccandum, vel propria manu tales litteras invitatorias nomine heri scribere. Rebellus, Sanchez, & Viva hic. II. Si actio tua non sit de se mala, ulterius adverte, quomodo hæc ad peccatum alterius concurrat, an remotius, an propinquius? Major enim desideratur causa, si concursus ad peccatum est propinquus, quam si remotus: hinc (teste Viva hic) causa, quæ excusat a locando domum meretrici, non sufficit ad aperiendum ostium venienti ad actualiter peccandum cum hero, & quæ sufficit famulo ad comitandum Dominum, qui pergit ad athesiam, est insufficiens ad deferendam Scalam, ac submittendos humeros. III. Pariter reflecte ad quantitatem damni proprii, si hanc tuam actionem intermittas; nam quo majus est damnum proprium alias eventurum, eo magis excusatur tua actio a peccato Scandali. Sic conformiter dictis, juxta Castropalaum contra alios, periculum mortis, aut gravissimæ paupertatis excusat a peccato famulum deferentem hero suam scalam &c. non item torvus vultus sui Domini &c. IV. Attende ad quantitatem peccati oc-

Tom. II.

casione tuæ actionis ab altero perpetrandi; etenim quo gravius est illud, eo major ex parte tua requiritur causa actionem ponendi V. Considera, an te non concurrente, facile alii reperientur hanc actionem polituri, vel non? Minor enim causa sufficit in priori, quam posteriori casu. Hinc (uti docte adducit P. Viva hic) facilius excusantur vendentes chartifolia, aleas, glaudios &c. quibus non pauci abutuntur, quam vendentes venenum, quod non facile reperitur vendibile, nec nisi cum maxima circumspeditione vendi ordinarie solet.\*

(F) fol. 202. post num. 3.

\* Ante ulteriorem tamen hujus Domini proprietatis declarationem & divisionem adhuc prænotatum velim circa Dominium Jurisdictionis temporalis, quod eadem gaudentes inter alia a subditis etiam prætendant certa servitia, seu operas rusticas, de quibus fusissime per plures articulos Illustriss. D. Schmid in *Commen. ad Statuta Bavarica Tit. 22* tractat, sapienter advertendo, quod sæpius contra justitiam in iisdem contingant abusus, e.g. dum prætendunt a subditis tales operas ad quæstus, & magna exinde captanda lucra, cum tamen intuitu jurisdictionis Ballæ præcise debeantur ad necessitatem corporalem, & domesticam Dominorum Jurisdictionalium sublevantiam. Item dum Domini Jurisdictionales opera hac rusticorum non indigentes extorquent ab invitis per varias fraudes, vel metu injuste incusso multas loco earum pecunias; cum tamen operæ sint in obligatione, non ipsa pecunia: aliud autem pro alio, invito debitore, peti nequeat *l. 2. ff. si cert. pet.* Item dum prædictas operas subditorum, quibus ipsimet Domini Jurisdictionales revera non indigent, aliis Dominis pro pecunia concedunt; cum tamen ordinarie hæc sint servitia obsequialia & personalia, quæ aliis locari, aut delegari nequeunt. *l. 26. §. 12. de Condit. indeb.* Unde pro praxi, si similia proponunt tales Domini in Confessionali consilii causa &c. Tu mi bone Confessarie bene observa, ne decipiaris admittendo in præjudicium subditorum, quæ a parte rei non sunt licita. Potius, nisi Jure etiam Patrio sis versatus, mitte similes ad Jurisperitos doctos, & conscientiosos, qui præter Jura simul attendentes ad conventiones & pacta, Dominos inter & subditos inita, melius eosdem instruere poterunt, quænam operæ, & qualiter subditis a Dominis Jurisdictionalibus imponi citra peccatum injustitiæ valeant. Nunc pergendo ad alterum Dominium, nimirum Proprietatis, sit\*

(G) fol. 215. post num. 20.

\* Ast ponamus feras quasdam in insula valde spatiosa, puta duarum vel trium leucarum, vel pisces in lacubus amplissimis, e.g. in lacu Bodamico, Starnbergenfi &c. inclusos, existentne hæc animalia sub dominio illius, ad quem spectat insula seu lacus, aut certum ejusdem spatium: vel fient capientis eo modo, quo in fluminibus? Ante resolutionem notandum pro Junioribus, lacus dici illas aquas, in quibus pisces non habent æque liberum in- & egressum, ac in fluminibus, qui

(a) 2

lacus

#### IV

lacus vel sunt majores, vel minores: discernuntur autem ambo a Stagnis, eo quod proprie stagna censeantur aquæ relictæ ex aliquo flumine suum alveum mutante, ubi sæpius copiosa pars piscium cum sua genitura remanet. Hoc notato, Equidem de Stagnis & lacubus minoribus, atque etiam suo modo majoribus (ubi tamen aquæ emitti, sicque pisces ad libitum facile capi possunt) meo iudicio non est difficultas, quod memorati pisces spectent ad Dominum lacus seu Stagni ob dicta præcedentia. Discurrendo autem de omnino majoribus (ubi aquæ emitti, & pisces ad libitum capi nequeunt) Respondeo, non deesse graves Auctores, qui cum Cardinali de Lugo, Lessio, Haulnoldo Dicastillo, & aliis apud La Croix *lib. 3. part. 2. num. 257.* existimant, eodem modo sentiendum hic esse, sicuti prius quoad animalia in liberis nemoribus, seu fluminibus existentia, eo quod, etsi aliquo modo sint inclusa, videantur tamen in tantum adhuc sua gaudere libertate, ut vix non æque difficulter in tanto districtu capi queant, ac in sylvis, vel fluminibus, sicque eadem sit ratio de his, ac de prioribus.

(H) Fol. 220. post Quæ. II. & ultima verba:  
*favor acquiratur præscribendi.*

\* Dices, si quis alicui Hospitali per triginta annos continuos elargitur quolibet anno triginta florenos, adstringitur, etiam postea continuare, si Hospitale ulterius exigit, quamvis donans reponat, se præcedenter ex mera liberalitate dedisse, uti decidit Rota apud Schmier *loc. cit. num. 81.* Ergo per actus etiam liberæ facultatis potest contra aliquem introduci præscriptio. Respond. concessio antecedenti negando consequentiam; talis enim adstringitur continuare solutionem non ex eo, quasi vero contra eundem propter actus suos liberos, etiam NB. cognitos ut tales fuisset præscriptum, sed potius quia hi actus longo jam tempore uniformiter continuati præsumuntur in jure processisse ex putativa dantis obligatione. Unde majoris claritatis gratia potuisset etiam distinguere antecedens: talis adstringitur continuare solutionem, quatenus præsumitur præcedentes actus processisse ex putativa aliqua obligatione, con. ant. si cognoscerentur præcedentes actus tamquam ex mera liberalitate procedentes, neg. ant. & conseq. Igitur quoad similes donationes, seu largitiones, si longo tempore continuentur, caute prænotandum, ut spontaneæ largitatis protestatio præmittatur, alias enim si similes largitiones constanter, ac unifor-

miter uni certæ personæ, vel certo loco fiant longo tempore, nec aliunde clare appareant processisse ex mera liberalitate, potius præsumuntur factæ ex putativa obligatione, sicque dans stante tali dubio condemnabitur ad continuationem; nam juxta claram legem Civilem *l. 25. ff. de Probat. In dubio, num pecunia soluta debita fuerint, vel indebita, præsumptio pro eo est, qui accepit: qui enim solvit, numquam resupinus est, ut facile suas pecunias jactet.\**

(I) Fol. 223. post num. 22.

\* Dicitur notanter in conclusione: *ad præscribenda Bona immobilia privatorum.* Nam bona immobilia Communitatum secularium, ac Civitatum valde probabiliter non nisi annis 30. præscribuntur, uti deduci videtur ex *Novella 111. Cap. unic.* ubi quidem ad præscribendum contra loca Religiosa anni 40. requiruntur: contra alias vero personas, seu causas (intellige privilegiatas) tricennalis, seu 30. annorum præscriptio tamquam sufficiens insinuat, quamvis Jure antiquo *l. 23. C. de SS. Ecclesiis*, tam contra loca pia, quam contra Civitates, ut præscriberetur, spatium centum annorum fuerit requisitum. Item contra Bona immobilia Principum præscribenda (quod iidem Auctores sentiunt de Civitatibus Imperialibus, & Statibus liberis Imperii, quasi Principi æquiparatis) exiguntur 40. anni *l. fin. C. de fundis Patrimonial.* junctis Notis Gothofredi. Videantur Pichler *lib. 2. Decret. T. 26. n. 29.* & Schmier hic *Cap. 5. num. 553 ac seqq.\**

(K) Fol. 225. post num. 30. ante Appendicem.

\* Quæres, an idem sit *interrumpi* præscriptionem, & *dormire* eandem? Respondeo, neutiquam, nam quando interrumpitur præscriptio, tempus præteritum non amplius valet, sed debet de novo inchoari. E contra vero quando præcise dormit, equidem tempus illud intermedium dormitionis non numeratur; ast tamen remoto illo, ob quod præscriptio dormiebat, impedimento, tempus præteritum adhuc computatur, ac cum subsequenti connectitur. Taliter dormire dicitur præscriptio in ætate pupillari: item tempore belli, aut bestis, si Jus tunc non dicatur: item præscriptio contra aliquam Ecclesiam, si Prælati ejusdem sit dilapidator, aut fuerit mortuus, usque ad novum Rectorem &c. vid. Jus Can. *l. 2. Decret. n. 192. & seqq.\**

Item eodem folio 225. Appendix ex integro mutatur juxta ordinem sequentem.



APPEN-

# APPENDIX

## CONTINENS SEPTEM CASUS DE PRÆSCRIPTIONE.

\* UT praxis hujus materiæ magis capiatur, & scioli illi, qui, dum vel parum de Præscriptione in Theologia audiunt, illico tamquam juvenes Confessarii varios etiam difficiles desuper sibi propositos casus resolvunt absque maturo examine prævio, num vere adsint omnes conditiones ad legitimam præscriptionem requisitæ &c. deinceps cautiore fiant, consultum duxi per modum Additionum septem subjungere casus de præscriptionibus, quorum sit

\* I. Petro Nobili, ejusque antecessoribus per plures annos uniformiter factæ sunt certæ præstationes annuæ a quibusdam suorum subditorum; modo autem Petrus perlustrando Acta sui Archivi nihil invenit de hac obligatione, quinimodo tales se produnt circumstantiæ, quæ potius docent contrarium, nempe obligationem ad hanc solutionem non adfuisse umquam. Quærit itaque ex Confessario, an hoc non obstante possit bona conscientia deinceps titulo præscriptionis similes præstationes recipere? Respond. Si non constet positive de mala fide Theologica ante completum tempus, & hæ præstationes triginta annis continuis processerint ex titulo etiam tantum præsumpto, vel si sine allegatione ullius causæ fuissent bona fide Theologica cum resistantia Juris acceptatæ per tempus immemoriale, possunt adhuc licite continuari titulo præscriptionis. Ita P. Schmier *Tom. I. Jurisprudentiæ lib. 1. Tr. II. Cap. IV. Sect. II. R. I.* & Pichler *Lib. II. Tit. 26. n. 54.* Ratio patet ex jam dictis hac tertia Quæst. quia nempe tales obligationes sunt personales: personales autem obligationes introducuntur, & extinguuntur annis 30. *l. 3. C. de Præscript. trigint. ann. ordinariè loquendo*; Ubi autem Jus resistit, tempore immemoriali absque titulo, *Cap. 1. de Præscript. in 6.* Illud adhuc superaddo notanter, quod non tantum debeat dici, adesse tempus immemoriale (prout sæpius aliqui sibi blandientes facile id credunt in suum commodum absque ulteriori indagatione) sed & de eodem sufficienter constare.\*

\* II. Paulus pariter Nobilis inhærens vestigiis antecessorum suorum exigit bona fide a colonis, si qui moriuntur, passim etiam ab habentibus emphyteusin hæreditariam, duplex laudemium, nimirum pro discessu & accessu; de qua tamen rusticorum obligatione duplicis Laudemii nihil positive constat, neque ex libris emphyteuticis, neque ex prævio aliquo legitimo pacto speciali cum primo illo Domino directo, qui res illas in Emphyteusin hæreditariam dabat, ac cum colonis desuper inito. Et quia hisce stantibus audit ab alio docto, similem exactionem duplicis Laudemii esse in Jure prohibitam, quærit ex Confessario, an

ergo graviter peccet, hanc praxin tanto tempore jam continuatam prosequendo titulo præscriptionis?

Ante responsionem Nota hic breviter I. quod Emphyteusis sit ille contractus, quo res aliqua immobilis cum translatione domini utilis, retento dominio directo, seu proprietate, alteri fruenda & colenda pro annua pensione, in recognitionem domini directi præstanda, conceditur. Ubi ille, qui concedit, dicitur in Jure Dominus directus, alter vero, cui sit concessio, vocatur Colonus, seu Emphyteuta. Nota II. Quod Emphyteuta quatuor habeat obligationes, nimirum *primo*, ut servet pacta in hoc contractu inita. *Secundo*, ut colat, & conservet rem Emphyteuticam. *Tertio*, ut singulis annis solvat certam pensionem, quæ appellatur Canon Annuus. *Quarto*, ut facta aliqua rei emphyteuticæ alienatione Domino directo det Laudemium. Nota III. Quod Laudemium de Jure Communi sit Quinquagesima, de Jure Bavarico juxta locorum observantiam ordinariè Vigesima pars æstimationis rei emphyteuticæ. Dictum Laudemium de Jure Communi, citra specialia pacta unicum, & quidem juxta Jus Commune in sola alienatione rei emphyteuticæ, de Jure autem Bavarico etiam in aliis mutationibus Domino directo a Colonis tantum conceditur. *l. 3. prope finem. C. de Jure Emphyteutico*, ubi plura desuper in emergentia casus vide apud AA. infra citandos; nos enim hic immoramur in sola Præscriptione. H. N.

Respondeo, talem Nobilem non posse continuare bona conscientia quoad emphyteuses hæreditarias exactionem secundi Laudemii mortualis pro discessu, nisi ostendere queat, sic fuisse prædicatum a tempore immemoriali. Vide desuper Jus Canonicum P. Reiffenstuel *Lib. 3. Decret. Tit. 18. num. 231.* August. Michel. *Volum. 2. Theologia Canonico-Moralis. part. 1. tract. 2. § 1. punct. 2. n. 13. & seqq.* ratio est, quia tali præscriptioni resistit Jus *l. 3. C. de Jure Emphyteutico*: atqui juxta dicta ex *Cap. 1. de Præscript. in 6.* ubi resistit Jus, sine specifico titulo requiritur ad præscriptionem tempus immemoriale; ergo pariter hic. Quod etiam de Jure Bavarico gratis concedit Chlingensperger *Lib. Feud. cap. 8. Q. 8. Objeç. 3.* non solum quoad feuda, sed etiam quoad Emphyteuses, si loquamur de exactione secundi Laudemii mortualis, quod petitur ob discessum per mortem Emphyteutæ. Quamvis Clarissimus Commentarista in Jus Bavaricum Schmid *Tit. 21. art. 21. n. 3* universaliter ad introducendam præscriptionem hujus Laudemii per modum discessus tantummodo in Bavaria exigat tempus 30. annorum ex eo valde gravi fundamento; quia nimirum Jus Bavaricum huic Laudemio per modum discessus non resistit, sed generaliter, ac positive,

(a) 3

ubi

ubi est in observantia, ejus continuationem permittit. Idem dictus Auctor repetit *Semi Cent. I. Controvers. XXXI. num. 14. & seqq.* \*

\* III. Simon & Bartholomæus duo Coloni cujusdam Nobilis obligantur præter triticum singulis annis dare quasdam præstationes Culinarias, puta, anseres, gallinas, & pullos &c. quas tamen bona fide intermiserunt ultra 30. annos. Dominus horum subditorum perlustrans aliquando exactius Libros suos Emphyteuticos, invenit hanc rusticorum obligationem, huicque conformiter petit has præstationes culinarias deinceps faciendas, ac insuper resarcitionem præcedentium hucusque omissarum. Rustici sese excusant ex eo, quod ultra 30. annos nemo hæc umquam ab ipsis exegerit. Quæritur ergo, an, exinde præterequeant præscriptionem tam quoad præteritas, quam quoad præstationes culinarias futuras? Ante resolutionem reflexio facienda est ad Quæstionis I. Conclusionem quartam, in qua præscriptionem divisimus in positivam, & privativam, quarum ultima foret prætenfa a rusticis, eo quod non exigent vi hujus, sibi quidpiam præstari, sed potius sese a præstatione liberari, sicque Dominum suo Jure per præscriptionem privari. H. N. Respondeo, equidem DD. in hoc puncto non convenire: Communior tamen, & meo judicio verior, est sententia eximens rusticos titulo præscriptionis privativæ a præstationibus Culinariis tam præteritis, quam futuris. Ita sentiunt Abbas Panormitanus, Paulus Castrensis, Alexander de Inola, Joannes Andreas, Bartolus, Baldus, Barbosa, Cardinalis Thuscus, & alii apud Franciscum Schmier hic *Cap. 4. Sect. 2. n. 199. & seqq.* Ratio est I. Quia juxta Casum primum Jux exigendi tales præstationes annuas præscriptione 30. annorum acquiritur: ergo etiam a pari tali tempore extinguitur, præsertim cum *l. 3. C. de Prescript. trigint. vel quadrag. ann.* omnis actio præscriptione longissimi temporis extingui dicatur. Ratio II. desumitur ex *l. 26. C. de Usuris*, ubi a pari etiam obligatio solvendi usuras, quæ alias foret annua, unica præscriptione temporis longissimi tollitur. Ratio III. eruitur ex Jure Canonico *Cap. 4. & 6. de Prescript.* ubi annua obligatio solvendi Decimas Episcopo vel Parocho præscriptione tollitur, si eadem non fuerit facta annis quadraginta: ergo etiam obligatio solvendi annuas præstationes extinguitur, si ea non fuerit observata triginta annis; nam cur in antecedenti requirantur plures (nimirum quadraginta anni) ratio est, quia ibidem præscribitur contra Jura Ecclesiastica, ubi juxta jam dicta desiderantur anni quadraginta; alias vero regulariter triginta, *l. 3. & 4. C. de Prescript. trigint. vel quadragint. ann.* \*

\* IV. Jacobus Decanus cujusdam Ecclesiæ Collegiatae &c. &c. pergitur hic, uti jam habetur in impresso.

\* V. Joannes Beneficiatus longissimo tempore legit singulis septimanis quinque Missas pro fundatoribus &c. &c. sicut habetur in jam impresso.

\* VI. Ut Andreas obtineret Canonicatum, Confratruis ejusdem Turnario promisit &c. &c. prout in libro jam impresso.

\* VII. Mathias Colonus Bavariz præterdit, quod habeat prædium suum jus cædendi ligna, & pascendi pecora in fundo Joannis &c. &c. prout habetur in libro jam impresso.

(L) Fol. 350. ante Tractatum X. ponitur adhuc.

\* Quæritur VIII. An, si ex admilla deliberate delectatione morosa, vel etiam desiderio sequantur motus carnales, hi pariter sint exponendi in Confessionali? Respond. Si tali delectationi, seu desiderio non sit simul adjunctus deliberatus tactus impurus, aut periculum proximum pollutionis, tales motus non esse necessario in Confessionali explicandos. Ita ex Cardena denuo la Croix *lib. 6. part. 2. n. 1028.* Ratio est: quia hi motus saltem aliquales ordinarie alias solent comitari delectationem morosam, maxime deliberatam, hincque satis jam intelliguntur explicata in Confessionali ipsa voluntaria delectatione morosa. Dixi notanter, *si absit periculum proximum pollutionis*; quale abesse non puto, si delectatio hæc longius protrahatur, præsertim apud juniores, Calidiores, vel alias pollutionibus deditos; unde in simili casu, etsi actu pollutio non sequatur, in Confessionali addendum puto: *cum periculo pollutionis* \*

(M) Fol. 401. post num. 21.

\* Plures tamen Doctores hoc tertium genus Decimarum non admittunt, defendentes decimas, quæ ex mero lucro honesto proveniunt, esse personales; reliquas vero omnes merito dici debere prædiales, prout etiam annotatur in Jure Canon. *Tit. 30 §. 1. num. 4.* estque expeditius pro Casuum resolutionibus. \*

(N) Fol. 401. post num. 22.

\* Cæteroquin Decimæ Prædiales adhuc subdividuntur in majores, ac minores. Majores sunt, quæ solvuntur ex frumento quocumque sive hirsuto, seu siliquas spinosas habente (quale est hordeum, & avena) sive plano, puta, ex adore & tritico: item Decimæ ex vino & oleo &c. Minores vero censentur Carnaticæ ex pullis, anseribus, aliisque ex rebus levioris momenti. Multumque in hoc (supposito, quod Decimæ Majores ad unum, & minores ad alterum pertineant) debet attendi consuetudo locorum. In jure Bavarico *Tit. 28. art. 12.* ad Decimas majores præter omne frumentum spectant Ciceres, Panicum, fabæ & lentesc: ad minores vero olera, rapæ, linum, canabis, milium; item Decimæ ex fructibus arborum & animalium, Brassica &c. \*

(O) Fol. 401. post num. 26.

\* Quinimo Parocho loci illius, in quo sita sunt prædia, in tantum Jus commune quoad Decimas assistit, ut, posito etiam, quod alius positive probaret, sibi potius, quam præfato Parocho, competere jus percipiendi Decimas generaliter circa hos vel illos fructus; hoc non obstante adhuc Parochus ille, insistendo juri communi, possit prætere Decimas integras ex Novalibus saltem proprie talibus. *Cap. 25. §. fin. & Cap. 29. de Decimis*; nisi alter aliunde clare ostendat, Decimas, etiam Novalium in specie, ac in particulari ad se pertinere. Dicitur notanter *ex Novalibus sal-*



*saltem proprie talibus*: ubi advertendum, Novalia proprie talia juxta SS. Canones dici illas terras nunc cultas, quæ antecederent ultra memoriam hominum vel omnino incultæ jacebant *cap. 21. de Verb. Significat.* vel eos solummodo proferebant fructus, qui ab immemoriali tempore non erant decimabiles, *arg. l. fin. ff. de Termino moto.* Econtra vero Novalia improprie talia appellantur terræ antea quidem intra tempus immemoriale jam cultæ, & quidem fructibus decimalibus, aliis tamen, quam modernis e. g. si ex Pomario, vel horto culinario fiat ager, vel ex agro vinea, vel ubi nunc seritur avena, antea vero siligo &c. De his ultimis, etsi præsens Auctor in Jure Canon. *lib. 3. Decret. Tit. 30. n. 15. ac seqq.* eodem modo discurrat, non tamen inter DD. certum est, uti de prioribus, quod Parocho loci competat jus percipiendi Decimas hæc, supposito, quod alius generaliter colligat Decimas ejusdem districtus &c. In Bavaria juxta Jus statutarium *Tit. 28. art. 13.* illud singulare legitur, quod Decimæ Novalium proprie talium primo triennio semper spectent ad parochum, reliquo vero tempore ad illum, qui alias Decimas ejusdem fortis colligit; de quo videatur Schmid in *Comment. in Jus Bavar. loco cit.\**

(P) Fol. 416. post num. 6.

\* Urgebis: Sancti pro bonis operibus suis jam copiosissimam mercedem, ac præmium Ipsimet receperunt in Cælis: ergo ex illis nil superest in terris, quod reponatur in thesaurum. Accedit, quod purus homo non possit pro aliis mereri augmentum gloriæ, sed tantum pro seipso. Ante respons. Nota ex dictis *Tract. 1. Dist. 2. Quest. 6. cum Additionibus*, quod in aliquo bono opere duo reperiuntur, scilicet Meritum, & satisfactio. Ratione meriti accipiunt Sancti mercedem Ipsimet; quoniam nemo mereri potest alteri immediate augmentum gloriæ, uti recte objectum. Econtra vero possumus satisfacere pro aliis, quoniam satisfactio se habet per modum solutionis, quæ utique fieri pro altero potest: cum igitur multæ satisfactiones a Sanctis exercitæ longe superarint pœnas, quas ob peccata sua forsitan ex altera parte incurriscent, hinc, ne remaneant irremuneratæ, reponuntur in Thesaurum Ecclesiæ. Poterit itaque in forma distinguere ant. Sancti jam receperunt mercedem pro bonis operibus, qua meritis, con. ant. semper etiam, qua satisfactionibus, neg. ant. & sic dist. conf. \*

(Q) Fol. 417. post num. 13.

\* Dices: Potest contingere, quod quis non nisi peccata venialia habeat, & in his subito apoplexia tactus moriatur absque Sacramentis; vel prævio dolore, aut acquisitione quarundam Indulgentiarum: Quid ergo cum tali peccatore fiet in altera vita, si alii non possint applicare pro ipso Indulgentias NB. *quoad remissionem culpa*, & ipsemet etiam nequeat amplius, pro se in purgatorio mereri hanc remissionem? Respond. in tali extraordinario casu Misericordissimum Deum reatum culpæ vel sub ipso egressu animæ justæ, vel statim post egressum remittere; quia pro tunc haud dubie retractat (quamvis non meritorie) peccata sua. Exinde remanet aliis vivis facultas pro tali

applicandi Indulgentias, ut pariter acquirat *remissionem pena* restantis. \*

(R) Fol. 425. post num. 69.

\* Item, ubi non potest exhiberi specialis & expressa aliqua Cassatio, revocatæ non censentur Indulgentiæ concessæ Tertio Ordini S. Patris Francisci extra Claustra, & absque solemnibus Votis esistenti. Sic enim, quando dubium hoc fuerat Sac. Congregationi Indulgentiarum propositum, an nimirum in generali revocatione Indulgentiarum, quæ continetur in Bulla, *Romanus Pontifex*, Pauli V. comprehendantur personæ, quæ substantialia Vota Religionis non emittunt intra vel extra Claustra degentes? Respondit, *eas minime comprehendere*; quod responsum Innoc. XI. in Constitut. *Alias &c.* emanata 10. Octob. anno 1686. confirmavit.

(S) Fol. 427. Columna secunda *De Angelus Domini* post hæc verba: *stando peragitur*: immediate sequentia annectenda.

\* Dixi notanter: *vel saltem juxta multorum locorum consuetudinem*; nam utrum præcisè insistendo Rubricis hæc recitatio angelica diebus Dominicis, ac tempore Paschali stando fieri debeat, dependet ab altera quæstione apud Gavantum hic ventilata: utrum nimirum *Angelus Domini* sit aliqua *Oratio*, vel solummodo *Adoratio*? Si prius, uti aliqui Rubricistæ volunt hisce diebus (nisi expressè aliter de mente Pontificis constet) standum foret. Si vero cum aliis Rubricistis teneatur posterius, genuflectendum esset. Crederem in similibus consuetudinem esse optimam locorum interpretem, usquedum Summus Pontifex se aliter velle expressè declararet. \*

(T) Fol. 432. post num. 84.

\* Cæterum ne forsitan petendo Romæ approbationem alicujus Confraternitatis, noviter erigendæ, in vanum labores, sequentia ex Lantusca, & Matthæuccio *¶. Confraternitas*, præ oculis habe I. Quod non soleat in una, eademque Civitate ordinarie concedi duplex Confraternitas ejusdem generis & Instituti, si solam Confraternitatem SS. Sacramenti excipias, quam Paulus V. anno 1607. 7. Februarii, in qualibet Ecclesia Parochiali instituendam concedit, & exoptat. II. Quod vi superius citatæ Bullæ Clementis VIII. non soleat concedi talis erectio nisi de prævio consensu Ordinarii loci cum litteris testimonialibus Ejusdem. III. Quod pariter Statuta hujus novæ Confraternitatis prius ab illo Episcopo examinanda, & approbanda sint. IV. Quod Breve Concessionis Romanæ promulgari non debeat, nisi prævia cognitione Ordinarii. Quoad Archi-Confraternitatem Chordigerorum S. P. Francisci datur a Summo Pontifice Superioribus Generalibus ipsismet licentia erigendi in propriis, & quoad Archi-Confraternitatem SS. Rolarii etiam in alienis Ecclesiis. Vide Matthæuccium.

(V) Fol. 546. In Quæsito II. Responsione II. post ultima verba: *Privilegium exhibere*: immediate ponitur.

\* Quale Privilegium Innocentii III. juncta simul aliqua declaratione adesse *pro Abbasibus Pontificis*

# VIII

*zificalia exercent'bus*, defendit Diana apud la Croix l. 6. part. 2. num. 108. & quidem non solum quoad Calices, verum etiam quoad Altaria & Campanas, quamvis in omnibus istis interveniat sacra unctio. Idque etiam, cum speciali tamen licentia Ordinarii, ad Ecclesias alienas, apud eundem Auctorem loc. cit. num. 353. extendunt Averſa, Tamburinus, Bordonus, Gavantus, & Schmalzgrueber lib. 3. Decret. Tit. 40. num. 38. & 39. putatque P. Pichler Tit. eod. num. 3. Jurisprud. abbreviat. tale Privilegium posse saltem ex immemoriali consuetudine præsumi, etsi præsens Auctor P. Reiffenstuel cæteroquin in Jure Canon. lib. III. Decret. Tit. 40. num. 43. videatur inclinare in sententiam oppositam. \*

(X) Fol. 548. post Quæsitum V. ponitur.

\* Quæres VI. De quibus Sanctis, vel Beatis Missæ Votivæ dici queant? Respond. I. de quocumque Sancto, de cujus Canonizatione vel ex Martyrologio, vel aliunde constat, potest dici Missa Votiva, quamvis de Eodem nondum celebretur Officium Divinum quoad Horas Canonicas. Ita Communis, & Ratio est; quia juxta Rubricas de Sanctis Missæ Votivæ dici queunt absolute, & sine aliqua limitatione. Respond. II. Quoad Beatos, equidem Auctores non conveniunt, communis tamen sententia, teste P. Hagerer in Ritu exacto apud me fol. 173. existimat, potius in honorem talis Beati esse dicendam Missam ordinariam de tempore; cum S. Congregatio Rituum juxta Decretum 5. Octob. 1652. nolit, ut super Beatificationibus excedantur limites Concessionis, præsertim in Celebratione Missarum: ergo nisi in Decreto Beatificationis addatur concessio etiam quoad Missas Votivas, non erit extendenda ad easdem. Quod maxime verum esse videtur quoad illos, quibus neque in ipso Festo hujus Beati de Eodem Missam celebrare licet. Vide P. Hagerer quoad varios circa Missam Votivam Casus in Ritu Exacto loco cit. \*

\* Quæres VII. Quo tempore Sacerdoti non sit licitum &c. ut in libro,

\* Quæres VIII. Quando possit cantari Missa Sollemnis de Requiem, &c. ut in libro.

\* Quæres IX. Quando, & qualiter peccet Sacerdos &c. ut in libro.

\* Quæres X. Quidnam sit agendum Sacerdoti &c. ut in libro.

(Y) Fol. 556. post num. 33.

\* Porro non præmittere deliberate absolutionem a Censura Excommunicationis ante Absolutionem a peccatis, quando prudens foret dubium, utrum pœnitens forsitan non sit tali vinculo innodatus, juxta Suarez, & Sporer esset peccatum grave: quia Ecclesia graviter præcipit, ut nemo excommunicatus ullum Sacramentum, etiam Pœnitentiæ recipiat, antequam prius tollatur tale vinculum. Quoniam vero *Suspensio* non æque, ac excommunicatio privat usum Sacramentorum, non foret peccatum grave absolutionem suspensionis postponere absolutioni Sacramentali, ubi notat hic P. la Croix: idque in praxi vel maxime deservire poterit, si pœnitens esset Sacerdos, & Confessarius ex aliqua incuria post verba: *Absolve te ab omni vinculo excommunicationis*. non adderet, *suspensionis*, primum reflectendo se post, vel intra illa verba: *Ego te absolvo a peccatis tuis*. hujusce omissionis circa absolutionem a suspensione. \*

(Z) Fol. 592. post num. 45.

\* Cæteroquin, etsi occasio remota conformiter dictis censetur ea, in qua quis non frequenter, sed raro cadit, id tamen ita intelligendum est, ut ille lapsus non tantum raro intra unius anni spatium, sed etiam taliter respiciendo tempus & circumstantias, quibus occasio adest, contingat. E. G. Cajus accedit singulis annis bis tantum ad nundinas Monacenses, ibi tamen semper cum Domina Hospitii, ubi divertit, peccat, idque jam aliquot annis; talis occasio, etsi intra unius anni spatium peccatum raro contingat, non amplius censetur *remota*, sed *proxima*, relative nimirum ad locum, & circumstantias; cum Cajus, quando in illis circumstantiis ponitur, ferme semper soleat peccare. Videatur Mathæuccius hic in Cautela Confessarii. Hoc bene prænotato \*



TEX-

# TEXTUS S. SCRIPTURÆ,

Qui in hoc opere continentur; pro quorum faciliori  
inventione ad finem cujuslibet Textus semper annectitur

Caput, numerus, & pagina, ubinam inquiri debeat.

## Genesis.

**C**ap. I. v. 28. Crescite & multiplicamini, vid.  
*cap. 2. hujus operis, num. 104. pag. 40. Item  
num. 139. pag. 47.*

Cap. II. v. 28. Non est bonum; hominem esse  
solum, faciamus ei adjutorium simile sibi, c. 2.  
n. 139. p. 47.

Cap. XIV. v. 18. Melchisedech... proferens pa-  
nem & vinum; erat enim Sacerdos Dei altissi-  
mi. c. 2. n. 109. p. 42. & n. 111. p. *ibid.*

Cap. XXVIII. v. 20. Vovit etiam votum... La-  
pis iste, quem erexi in titulum, vocabitur Do-  
mus Dei, c. 2. n. 136 p. 47.

## Leviticus.

Cap. XIX. v. 18. Non quæras ultionem. c. 4. n.  
29. p. 100.

## Numeri.

Cap. XI. v. 15. Obsecro ut interficias me. c. 4.  
n. 79. p. 112.

## Deuteronomii.

Cap. IX. v. 21. Peccatum autem vestrum, quod  
feceratis, id est vitulum, c. 2. n. 16 p. 19.

Cap. XXIII. v. 21. Cum Votum voveris Domino  
Deo tuo, non tardabis reddere; qui requirer  
illud Dominus Deus tuus, & si moratus fueris,  
reputabitur tibi in peccatum, c. 2. n. 137. p. 47.

Cap. XXX. v. 19. Testes invoco hodie cælum &  
terram, quod proposuerim vobis vitam & Mor-  
tem, Benedictionem & maledictionem. c. 2. n.  
174. p. 57.

## Regum I.

Cap. XV. v. 22. Melior est Obedientia, quam vi-  
ctimæ. c. 2. n. 135. p. 47.

## II.

Cap. XII. v. 13. 14. Peccavi... Dominus trans-  
tulit peccatum tuum. c. 2. n. 48. p. 26.

Cap. XVI. v. 10. Dominus præcepit ei, ut male-  
diceret David. c. 2. n. 168. p. 55.

## III.

Cap. XIX. v. 4. Petivit animæ suæ, ut moreretur.  
c. 4. n. 79. p. 112.

Cap. XXII. v. 20. Quis decipiet Achab &c. &c.  
c. 2. n. 167. p. 55.

## Tobia.

Cap. XII. v. 9. Eleemosyna a morte liberat, &  
ipsa est, quæ purgat peccata. c. 3. n. 45. p. 84.

## Job.

Cap. 5. v. 6. Ad aliquem Sanctorum convertere.  
c. 2. n. 85. p. 35.

## Ex Psalmis.

Psal. II. v. 13. Beati omnes, qui confidunt in eo.  
c. 1. n. 19. p. 13.

Psal. V. v. 5. Non Deus volens iniquitates tuas.  
c. 2. n. 166. p. 55.

Tom. II.

Psal. XXXI. v. 1. Beati, quorum remissæ sunt ini-  
quitates, & quorum tecta sunt peccata c. 2. n.  
55. p. 27.

Psal. XXXIII. v. 8. Beatus Vir, qui sperat in eo.  
c. 1. n. 19. p. 13.

Psal. CXVIII. v. 112. Inclinaui Cor meum ad fa-  
ciendas justificationes tuas --- propter retri-  
butionem. c. 3. n. 45. p. 84.

Psal. CXXXVII. v. 1. Beati omnes, qui timent Do-  
minum c. 1. n. 19. p. 13.

## Proverbiorum.

Cap. I. v. 24. Vocavi & renuistis, c. 2. n. 179. p.  
59. & c. 3. n. 33. p. 80.

## Ecclesiasticus.

Cap. IX. v. 5. Viventes sciunt, se esse morituros,  
mortui vero nihil noverunt amplius. c. 2. n. 89.  
p. 36.

Cap. XI. v. 3. Si ceciderit lignum ad Austrum, aut  
ad Aquilonem. c. 2. n. 153. p. 52.

## Sapientia.

Cap. I. v. 13. Deus mortem non fecit, nec læta-  
tur in perditione vivorum. c. 2. n. 165. p. 55.

Cap. XIV. v. 9. Odio sunt Deo impius, & impie-  
tas ejus. c. 2. n. 166. p. *ibid.*

## Ecclesiastici.

Cap. III. v. 17. Melior est Mors, quam vita ama-  
ra. c. 4. n. 78. p. 112.

Eod. v. 33. Eleemosyna resistit peccatis. c. 3. n. 45.  
p. 84.

Cap. V. v. 8. Non tardes converti ad Dominum,  
& ne differas de die in diem; subito enim ve-  
niet ira illius, & in tempore vindictæ disperdet  
te. c. 3. n. 57. p. 89.

Cap. XVI. v. 15. Unicuique secundum meritum  
operum suorum. c. 2. n. 144. p. 49.

## Isaia.

Cap. XLIII. v. 25. Ego sum ipse, qui deleo ini-  
quitates tuas. c. 2. n. 55. p. 27.

Cap. LXIII. v. 16. Abraham nescivit nos, & Israel  
ignoravit nos. c. 2. n. 89. p. 36.

## Jeremia.

Cap. XVIII. v. 8. Si pœnitentiam egerit gens il-  
la a malo suo,agam & Ego pœnitentiam super  
malo, quod cogitavi ut facerem ei. c. 2. n. 48.  
p. 26.

## Ezechielis.

Cap. XIV. v. 9. Ego Dominus decepi Prophetam  
illum. c. 2. n. 167. p. 55.

Eod. v. 4. Anima, quæ peccaverit, ipsa morie-  
tur. c. 2. n. 162. p. 54.

Cap. XVIII. v. 23. & 32. Numquid voluntatis  
meæ est mors impii, dicit Dominus. c. 2. n. 165.  
p. 55.

(b)

Eod.

# X

Eod. v. 24. & 26. Si averterit se justus a Justitia sua, & fecerit iniquitatem. Morietur. c. 2. n. 161. p. 54.

Cap. XXXIII. v. 11. Convertimini a viis vestris pessimis. c. 3. n. 26. p. 79.

## Olex.

Cap. XII. v. 4. Jacob invaluit ad Angelum, --- flevit, & rogavit eum. c. 2. n. 86. p. 35.

Cap. XIII. v. 9. Perditio tua ex te Israel. c. 2. n. 165. p. 55.

## Malachiz.

Cap. I. v. 3. Dilexi Jacob, Esau autem odio habui. c. 2. n. 169. p. 56.

## Machabæorum II.

Cap. XII. v. 43. Duodecim millia Drachmas argenti misit Jersolymam offerri pro peccatis mortuorum sacrificium. c. 2. n. 114. p. 43.

Eod. v. 46. Sancta & salubris est cogitatio pro defunctis exorare, ut a peccatis solvantur. c. 2. n. 153. p. 51.

## Ex Evangeliiis Matthæi.

Cap. V. v. 22. Qui dixerit fratri suo *Raca*, reus erit concilio, qui autem dixerit *Fatue*, reus erit gehennæ ignis. c. 2. n. 153. p. 52.

Cap. XIV. v. 31. Modicæ fidei, quare dubitasti. c. 4. n. 84. p. 114.

Cap. XV. v. 11. Non quod intrat in Os, coinquinat hominem, sed quod procedit ex ore, hoc coinquinat hominem. c. 2. n. 127. p. 45.

Cap. XVI. v. 18. Tu es Petrus, & super hanc Petram ædificabo Ecclesiam meam, *prot. q. 1. n. 6. pag. 2.*

Eod. v. 19. Tibi dabo claves Regni cœlorum --- quodcumque solveris super terram, erit solutum & in cœlis. c. 2. n. 155. p. 52. & c. 3. n. 60. p. 90.

Eod. v. 24. Si quis vult venire post me, abneget semetipsum. c. 2. n. 135. p. 47.

Cap. XVII. v. 27. Filius Hominis venturus est in Gloria Patris sui cum Angelis suis, & tunc reddet unicuique secundum opera ejus. c. 2. n. 144. *pag. 49.*

Cap. XVIII. v. 15. & seqq. Si peccaverit in te frater tuus, vade & corripe eum --- quod si non audierit eos, dic Ecclesiæ. c. 4. n. 13. p. 96.

Eod. v. 17. Si -- Ecclesiam non audierit, sit tibi sicut Ethnicus & publicanus. c. 2. n. 125. p. 45.

Cap. XIX. v. 7. Ad duritiem cordis vestri permisit vobis dimittere uxores vestras. c. 2. n. 168. p. 55.

Eod. v. 17. Si vis ad vitam ingredi, serva mandata. c. 2. n. 22. p. 20.

Eod. v. 21. Si vis perfectus esse, vade, vende, quæ habes, & da pauperibus, & habebis thesaurum in cœlo. c. 2. n. 135. p. 47.

Cap. XX. v. 16. Multi vocati, pauci electi. c. 3. n. 33. p. 80.

Eod. v. 28. Filius hominis venit --- dare animam suam, redemptionem pro multis. c. 3. n. 20. *pag. 76.*

Cap. XXII. v. 37. & 39. Diliges Dominum Deum tuum &c. &c. & diliges proximum tuum sicut teipsum. c. 4. n. 73. p. 111.

Cap. XXV. v. 35. Venite benedicti Patris mei, possidete regnum &c. esurivi enim & dedistis mihi manducare &c. c. 2. n. 80. p. 33.

Cap. XXVI. v. 11. Me autem non semper habetis. c. 2. n. 187. p. 61.

Eod. v. 26. & 28. Hoc est corpus meum. Hic est enim Sanguis meus. c. 2. n. 34. p. 23 & n. 182. p. 59.

Eod. v. 28. Bibite ex hoc omnes: & v. 26. accipite & comedite. c. 2. n. 93. p. 37. & n. 99. p. 39.

Eod. v. 28. Hic est --- Sanguis meus novi testamenti, qui pro multis effundetur. c. 3. n. 20. p. 76.

Eod. v. 53. Exhibebit mihi modo plusquam duodecim legiones Angelorum. c. 4. n. 27. p. 100.

Cap. XXVIII. v. 19. Docete omnes gentes, baptizantes eos. c. 2. n. 53. p. 27.

Eod. v. 20. Ego vobiscum sum omnibus diebus usque ad consumationem sæculi. c. 2. n. 187. p. 61.

## Marci.

Cap. X. v. 5. Ad duritiem cordis vestri scripsit vobis præceptum istud. c. 2. n. 168. p. 55.

Cap. XIV. v. 23. Et biberunt ex illo omnes, c. 2. n. 93. p. 37.

Cap. XVI. v. 16. Qui crediderit & baptizatus fuerit, c. 2. n. 32. p. 22. & n. 53. p. 27.

Cap. ult. v. 16. Qui non crediderit, condemnabitur. c. 4. n. 2. p. 94.

## Lucæ.

Cap. VII. v. 47. Remittuntur ei peccata multa, quoniam dilexit multum. c. 2. n. 18. p. 19.

Cap. IX. v. 26. Qui me erubuerit, & meos sermones, hunc filius hominis erubescet, cum venerit in Majestate sua. c. 4. n. 81. p. 113.

Cap. X. v. 8. Manducate, quæ apponuntur vobis. c. 2. n. 127. p. 46.

Cap. XI. v. 41. Quod superest, date eleemosynam, c. 4. n. 74. p. 111.

Cap. XII. v. 47. Servus, qui cognovit voluntatem Domini sui --- & non fecit, vapulabit multis. c. 2. n. 162. p. 54.

Cap. XIII. v. 3. Nisi pœnitentiam habueritis, omnes similiter peribitis. c. 2. n. 57. p. 28.

Cap. XVII. v. 10. Vos cum feceritis omnia, quæ præcepta sunt vobis, dicite, servi inutiles sumus, quod debuimus facere, fecimus. c. 2. n. 24. p. 20.

Cap. XXII. v. 19. Hoc facite in meam commemorationem. c. 2. n. 98. p. 38 & n. 100. p. 39. n. 101. *p. ibid. n. 111. p. 42.*

Cap. XXIII. v. 34. Pater dimitte illis. c. 3. n. 38. p. 82.

Cap. XXIV. v. 30. Accepit panem, & benedixit, ac fregit, & porrigebat illis. Et aperti sunt oculi eorum, & cognoverunt eum. c. 2. n. 101. p. 39.

## Joannis.

Cap. I. v. 29. Ecce --- qui tollit peccatum Mundi. c. 2. n. 55. p. 27.

Cap. III. v. 5. Nisi quis renatus fuerit ex aqua & Spiritu Sancto, non potest introire in Regnum Dei. c. 2. n. 163. p. 54.

Eod. v. 36. Qui credit in Filium, habet vitam æternam. c. 2. n. 19. p. 19.

Cap. VI. v. 50. Hic est panis de cœlo descendens, ut si quis ex ipso manducaverit, non moriatur, & v. 51. Si quis manducaverit ex hoc pane, vivet in æternum, & v. 59. Qui manducat hunc panem, vivet in æternum, c. 2. n. 102. p. 40.

Cap.



- Cap. VI. v. 51. 52. Si quis manducaverit ex hoc pane, vivet in æternum. Panis, quem ego dabo, Caro mea est pro Mundi vita. c. 2. n. 54. p. 27.
- Eod. v. 54. Nisi manducaveritis Carnem filii hominis, & biberitis ejus Sanguinem, non habebitis vitam in vobis. c. 2. n. 98. p. 39. n. 102. p. ibid.
- Eod. v. 55. Qui manducat meam Carnem, & bibit meum Sanguinem, habet vitam æternam. c. 2. n. 186. p. 61.
- Eod. v. 64. Spiritus est, qui vivificat, caro non prodest quidquam. c. 2. n. 186. p. 61.
- Cap. VIII. v. 44. Cum loquitur Mendacium, ex propriis loquitur. c. 2. n. 74. p. 32.
- Cap. XVII. v. 9. Non pro mudo rogo, sed pro his, quos dedisti mihi. c. 3. n. 20. p. 76.
- Cap. XX. v. 22. 23. Insufflavit, & dixit eis: Accipite Spiritum Sanctum, quorum remisistis peccata, remittuntur eis, c. 2. n. 38. p. 24. & n. 46. p. 25. & n. 98. p. 38.
- Cap. XXI. v. 16. Pisce agnos meos: pascue Oves meas, c. 2. n. 21. p. 20.

Ex Actis Apostolorum.

- Cap. II. v. 38. Baptizetur unusquisque vestrum in remissionem peccatorum. c. 2. n. 54. p. 27.
- Eod. v. 42. Erant perseverantes in doctrina Apostolorum, & communicatione fractionis panis. c. 2. n. 94. p. 37.
- Cap. III. v. 6. Argentum & Aurum non est mihi. c. 2. n. 102. p. 40.
- Eod. v. 19. Pœnitementi, & convertimini, ut deleantur peccata vestra, c. 2. n. 18. p. 19. & n. 57. p. 28.
- Cap. V. v. 15. Ut veniente Petro saltem Umbra illius obumbraret quemquam illorum, & liberarentur omnes ab infirmitatibus suis. c. 2. n. 150. p. 51.
- Cap. VII. v. 51. Dura cervice & incircumcisis cordibus --- Vos semper Spiritui Sancto resistitis. c. 2. n. 180. p. 59.
- Cap. VIII. v. 12. Cum credidissent Philippo Evangelizanti de Regno Dei, in Nomine Jesu Christi baptizabantur. c. 2. n. 53. p. 27.
- Cap. X. v. 4. Orationes tuas, & Eleemosynas tuas ascenderunt in memoriam in conspectu. c. 3. n. 45. p. 84.
- Eod. v. 43. Remissionem peccatorum accipere per Nomen ejus, omnes, qui credunt in Eum, c. 2. n. 19. p. 19.
- Cap. XV. v. 20. Ut abstineant a suffocatis & sanguine, c. 2. n. 131. p. 46.
- Cap. XIX. v. 12. Ita ut etiam super languidos deferrentur a Corpore ejus (Pauli) sudaria vel semicinctia, c. 2. n. 150. p. 51.
- Eod. v. 18. Multique credentium veniebant confidentes & annunciantes actus suos, c. 2. n. 39. p. 24.

Ex Epistolis Pauli

Ad Romanos.

- Cap. I. v. 16. Evangelium virtus Dei est in salutem omni credenti. c. 2. n. 53. p. 27.
- Cap. III. v. 25. Jesu Christo --- quem proposuit DEUS propitiationem per fidem in sanguine ipsius. c. 2. n. 131. p. 44.

- Cap. III. v. 28. Arbitramur hominem justificari per fidem sine operibus legis. c. 2. n. 10. p. 20.
- Cap. IV. v. 5. Ei, qui non operatur, credenti autem in Eum, qui justificat impium, reputatur fides ejus ad justitiam. c. 2. n. 20. p. 20.
- Cap. V. v. 1. Justificati ex fide pacem habemus ad Deum per Dominum nostrum Jesum Christum. c. 2. n. 79. p. 33.
- Eod. v. 18. Sicut per unius delictum in omnes homines in condemnationem; sic & per unius Justitiam in omnes homines in justificationem vitæ. c. 3. n. 18. p. 75.
- Cap. VI. v. 9. Christus Resurgens --- jam non moritur. c. 2. n. 92. p. 37.
- Cap. VII. v. 23. Video autem aliam legem in membris meis, repugnantem legi mentis meæ. c. 2. n. 15. p. 19.
- Cap. VIII. v. 13. Si secundum Carnem vixeritis, moriemini. c. 2. n. 161. p. 54.
- Cap. IX. v. 11. Ut secundum electionem propositum Dei maneret. c. 2. n. 169. p. 56.
- Eod. v. 16. Non volentis neque currentis, sed miserentis est Dei. c. 2. n. 169. p. 56. & n. 179. p. 59.
- Cap. X. v. 10. Corde enim creditur ad justitiam, ore autem confessio fit ad salutem. c. 4. n. 81. p. 113.
- Eod. v. 15. Quomodo prædicabunt, nisi mittantur? c. 2. n. 21. p. 20.
- Eod. v. 17. Fides ex auditu, auditus autem per verbum Christi. c. 2. n. 21. p. 10.
- Cap. XIII. v. 2. Qui resistit potestati, Dei ordinationi resistit, qui autem resistunt ipsi, sibi damnationem acquirunt. c. 2. n. 143. p. 48.
- Eod. v. 5. Ideo necessitate subditi estote, non solum propter iram, sed etiam propter conscientiam, ibidem.
- Cap. XV. v. 30. Obsecro vos --- ut adjuvetis me in Orationibus pro me ad Deum. c. 2. n. 86. p. 35.

Ad Corinthios I.

- Cap. III. v. 13. Uniuscujusque Opus quale sit, ignis probabit. c. 2. n. 153. p. 51.
- Cap. VI. v. 9. 10. Neque fornicarii, neque Molles, neque Adulteri --- Regnum Dei possidebunt. c. 1. n. 7. p. 7. & c. 4. n. 111. p. 121.
- Eod. v. 11. Sed abluti estis, c. 2. n. 15. p. 19. & n. 55. p. 27.
- Cap. VII. v. 2. Propter fornicationem autem unusquisque suam uxorem habeat, c. 2. n. 104. p. 40. n. 106. p. 41. & n. 139. p. 47.
- Eod. v. 8. Dico autem non Nuptis & viduis, Bonum est illis, si sic permaneant sicut & ego. c. 2. n. 135. p. 47.
- Eod. v. 9. Melius est Nubere, quam uri. c. 2. n. 104. p. 40. n. 106. p. 41.
- Eod. v. 38. 40. Qui Matrimonio jungit Virginem suam, bene facit; qui non jungit, melius facit; Beatior erit, si sic permanferit secundum meum consilium. c. 2. n. 105. p. 41.
- Cap. X. v. 16. Panem, quem frangimus, nonne participatio Corporis Domini est. c. 2. n. 94. p. 37.
- Eod. v. 25. Omne, quod in Macello venit, manducate, nihil interrogantes propter conscientiam, c. 2. n. 136. p. 46.

Cap.

## XII

Cap. XI. v. 25. Hoc facite quotiescumque bibetis in meam Commemorationem, c. 2. n. 98. p. 38. & n. 100. p. 39.

Eod. v. 29. Qui manducat & bibit indigne &c. c. 2. n. 102. p. 40.

Eod. v. 34. Cætera, cum venero, disponam, c. 2. n. 96. p. 38.

Cap. XIII. v. 12. Si habuero omnem fidem, ita ut Montes transferam, Charitatem autem non habuero, nihil sum, c. 2. n. 81. p. 34.

### Ad Corinthios II.

Cap. I. v. 21. Confirmat Nos Vobiscum in Christo, & qui unxit Nos Deus, qui & signavit Nos, c. 2. n. 57. p. 28.

Cap. V. v. 15. Pro omnibus mortuus est Christus, c. 2. n. 172. p. 57. & n. 180. p. 59.

Cap. VI. v. 1. Ne in vacuum gratiam Dei recipiatis, c. 3. n. 31. p. 80.

### Ad Ephesios.

Cap. II. v. 8. & seqq. Gratia salvati estis per fidem, & hoc non ex vobis, c. 2. n. 20. p. 20.

### Ad Colossenses.

Cap. II. v. 16. Nemo -- vos iudicet in cibo & potu, aut in parte Diei festi, aut Neomeniæ, aut Sabbatorum, c. 2. n. 129. p. 46.

Eod. v. 21. Ne tetigeritis, neque gustaveritis, *ibid.*

Eod. v. 20. Si ergo mortui estis cum Christo ab elementis huius Mundi: quid adhuc tamquam viventes in mundo decernitis? c. 2. n. 143. p. 48.

Cap. IV. v. 2. Orationi instate -- orantes simul & pro nobis, c. 2. n. 86. p. 35.

### Ad Thessalonicenses I.

Cap. V. v. 16. Sine intermissione orate, c. 1. n. 7. p. 7.

### Ad Timotheum I.

Cap. II. v. 1. 3. &c. Obsecro igitur --- qui omnes homines vult salvos fieri, c. 2. n. 165. p. 55. n. 180. p. 59.

Eod. v. 5. Unus est Mediator Dei & hominum, Homo Christus Jesus, c. 2. n. 88. p. 36.

Eod. v. 6. Christus, qui dedit Redemptionem semetipsum pro omnibus, c. 3. n. 18. p. 75.

Cap. III. v. 2. Oportet Episcopum --- esse unius Uxoris virum, c. 2. n. 104. p. 40. & n. 106. p. 41.

Cap. IV. v. 2. 3. Discedent quidam a fide attendentes *Spiritibus erroris, & Doctrinis Demoniorum* --- prohibentium nubere, abstinere a cibis, quos Deus creavit ad percipiendum cum gratiarum actione, c. 2. n. 104. p. 40. & n. 128. p. 46.

Cap. V. v. 12. Cum luxuriatæ fuerint in Christo nubere volunt, habentes damnationem, quia primam fidem irritam fecerunt, c. 2. n. 137. p. 47.

Cap. VI. v. 17. Divitibus huius seculi præcipe -- facile tribuere, c. 4. n. 74. p. 111.

### Ad Timotheum II.

Cap. II. v. 20. In Magna autem Domo non solum sunt vasa aurea & argentea &c. c. 2. n. 159. p. 53.

### Ad Titum.

Cap. I. v. 7. Oportet enim Episcopum esse -- sobrium, sanctum, continentem, c. 2. n. 106. p. 41.

Cap. III. v. 10. Hæreticum post unam, & secundam correptionem devita, c. 2. n. 189. p. 62.

### Ad Hebræos.

Cap. V. v. 1. Omnis Pontifex ex hominibus constituitur in iis, quæ sunt ad Deum, ut offerat dona, & sacrificia pro peccatis, c. 2. n. 113. p. 43.

Eodem v. 4. Nec quisquam sumit sibi honorem, sed qui vocatur a Deo, tanquam Aaron, c. 2. n. 21. p. 20.

Eod. v. 6. Tu es Sacerdos in æternum secundum ordinem Melchisedech, c. 2. n. 111. p. 42.

Cap. IX. v. 28. Christus semel oblatus est ad multorum exhaurienda peccata, c. 2. n. 120. p. 44.

Cap. X. v. 10. Sanctificati sumus per oblationem Corporis Jesu Christi, *ibidem*.

Eod. v. 14. Una Oblatione consummavit in sempiternum sanctificatos, *ibidem*.

Cap. XI. v. 4. Plurimam hostiam Abel obtulit Deo, *ibid.* n. 121. p. 44.

Eod. v. 6. Sine fide impossibile est placere Deo, c. 2. n. 163. p. 54.

Eod. v. 6. Credere oportet accedentem ad Deum, quia est, & inquirentibus se, remunerator sit, c. 4. n. 85. p. 114.

### Ex Epistola II. Petri.

Cap. I. v. 10. Fratres magis satagite, ut per bona Opera certam vestram vocationem & electionem faciatis, c. 1. n. 7. p. 7.

### Ex Epistola I. Joannis.

Cap. I. v. 7. Sanguis Jesu Christi emundat nos ab omni peccato, c. 2. n. 15. p. 19.

Cap. III. v. 3. Videbimus Eum sicuti est, & omnis, qui habet hanc Spem in eo, sanctificat se, sicuti & ille sanctus est, c. 2. n. 18. p. 19.

Eod. v. 15. Qui non diligit, manet in morte, c. 2. n. 18. p. *ibid.* & c. 4. n. 2. p. 94.

### Ex Apocalypsi.

Cap. VII. v. 4. Et audiivi Numerum Signatorum, & v. 9. stantes ante thronum, & in conspectu Agni, c. 3. n. 47. p. 85.

Cap. XXII. v. 11. Qui iustus est, justificetur adhuc, c. 1. n. 7. p. 7.



PRO-

# PROLEGOMENA DE PROPOSITIONIBUS DAMNATIS IN GENERE.

## QUÆSTIO I.

*De infallibilitate Summi Pontificis in damnandis Propositionibus quoad materiam Fidei & Morum.*

### NUMERUS I.

**I**N Ecclesia illa, quæ ab Apostolo 1. ad Tim. 3. pronuntiatur *Columna & firmamentum veritatis*, & adversus quam, juxta infallibile Christi effatum Matth. cap. 16. *Porta inferi non prevalebunt*, sane necessarius est supremus Contraversarum Judex, qui, exortis sapissime in materia fidei, ac morum diversis quæstionibus, & utraque parte contradictoria, apparentes pro se adducente Sacre Scripturæ textus, litibus hisce finem imponat, ac Divino collustratus lumine, nec non adpromissio Ecclesiæ Joan. cap. 14. v. 16. *Spiritu veritatis* adjutus, auctoritative decideret, quænam doctrina vera, quænam falsa atque hæretica, quænam populo salutaris, quænam pestifera, & in praxi noxia existat.

### II.

Judice hoc supremo, ad resolvenda in materiis fidei & morum dubia, atque ad obtinendam exinde in credendo veritatem, & in operando securitatem, adeo necessario, infelices carere A catholici. Equidem pro decisione ad sacram refugiant Scripturam; dum vero unus (e.g. Lutherus circa Eucharistiam) sic alius (puta Calvinus in eadem Controversia priori contrarius) aliter textus sacre paginæ interpretantur; ambo plane, si rem ipsam adeo gravem, à qua salus æterna pendet, absque ulla animi passione inspicere volumus, de veritate incerti manent, etsi cæteroquin potius Herculi clavam, quam pertinacibus hisce, eorumque sectatoribus suam cuilibet sententiam extorqueres. Sic pari infelicitate intra semetipsos ad invicem pugnant Lutherani: rigidi contra moderatos: moderati contra rigidos. Alii bona opera præcepta, ac a Christo mandata ajunt: alii eadem perniciose afferunt. Alii *Librum Concordiæ* (prout omnia patebant ex dicendis Cap. II.) recipiunt quasi Symbolum suæ Fidei: alii autem eundem non solum non recipiunt, sed mille etiam convitiis dilacerant. En infelicitatem A catholicorum!

### III.

Feliciores censentur jure merito Catholico-Romani; quamvis enim etiam isti tam in materia fidei, quam morum claros Sacre Scripturæ textus omnino admittant, tamquam infallibilem credendi

*Tomus II.*

Regulam; quoniam vero jactata ab Heterodoxis claritas non ubique (alias enim ipsimet Hæretici magis inter se convenirent) in sacra reperitur pagina, necessarium veri Catholici insuper recognoscunt supremum aliquem visibilem in terris Judicem, nimirum Summum Pontificem, Christi Vicarium, ac Petri Successorem, in resolvendis, ac decidendis similibus controversiis, dum loquatur ex cathedra, præcipue vero, si loquatur cum aliquo Concilio Generali, quatenus Ecclesiam universalem representante, omnino infallibilem, ut vel sic nostra sit Ecclesia, *Columna illa veritatis, adversus quam porta inferi non prevalebunt.*

### IV.

Dicitur notanter, *Summum Pontificem in Decretis fidei, & morum esse infallibilem, saltem si loquatur una cum Concilio Generali, quatenus universalem Ecclesiam representante.* Ubi advertendum, Summum Pontificem considerari posse, vel ut se solo loquentem, vel ut decidentem una cum Ecclesia consentiente, qualis consensus adesse censetur, si e.g. Concilium Generale representans Ecclesiam, simul annuat. In secunda consideratione apud Catholicos contra Hæreticos, etiam post prima quatuor secula, in materia fidei & morum extra dubium est, decisionem fore infallibilem: In priori autem non desunt, etiam inter Catholicos, qui cum Gersono, a Castro, Adriano & aliis apud Dominicum Viva 1. part. *Trinitæ Theologicæ quæst. prodroma* num. VII. negativam tenent, etsi gratis concedant, non facile præsumendum esse, Summum Pontificem ex Cathedra etiam extra Generale Concilium docere errorem; quæ sententia (si P. Paulo a Lugduno in sua Theologia positiva ante quadriennium Lugduni edita *Tom. I. Tract. de Romano Pontifice sol. apud me 339.* fides habeatur) in Galliis prævalere videtur. Cæteroquin tamen altera sententia D. Thomæ, Summo Pontifici, etiam extra consensum universalis Ecclesiæ, aut Generalis Concilii, Ecclesiam universalem representantis, infallibilitatem adscribens, est communissima inter Catholicos Doctores, in eoque Judicio verissima, quam Bellarminus *lib. 4. de Pont. cap. 2.* & Suárez *lib. 3. de fidei defensione cap. 13.* pronuntiant fere tamquam de fide certam; Banez vero fidei proximam, & hoster Matthæucci in *Cautele Confessarii Part. 3. cap. 3. num. 89.* constantem

A

omni.

omnium Theologorum, & Canonistarum sensum, dummodo (quod pro semper notandum) Summus Pontifex non ut Doctor privatus, sed ex Cathedra tamquam Pontifex loquatur. Pro quo

## V.

Notandum ulterius ex Dominico Viva *loc. cit. num. III.* Cardena in 1. *Cristi dis. 9. a num. 329.* & Paulo a Lugduno *hic cap. II. Notand. 3.* tunc loqui Papam ex cathedra, quando tamquam Magister a Christo Domino constitutus Ecclesie sue Universali proponit ea, quae ab omnibus indubitanter credenda aut observanda sunt. Hoc tamen fieri non solet, nisi re prius mature perpenſa, ac cum Cardinalibus & Theologis examinata. Quare si tantum incidenter, seu obiter absque praevio illo examine quaedam proferat, vel sermones suos solummodo ad unum, alterumve Episcopatum, aut Ordinem dirigat, non censetur loqui ex cathedra, sive sit quaestio Juris, sive quaestio facti: Hinc in similibus Ipsum, & Ecclesiam errare possibile erit, uti in terminis docet S. Thomas quodlibet. art. 16. dicens: *In sententiis, quae ad particularia facta pertinent, ut cum agitur de possessionibus, de criminibus, vel hujusmodi, possibile est Judicium Ecclesiae errare propter falsos testes, &c.*

## VI.

Quod si vero Summus Pontifex in materia fidei, ac morum loquens de Cathedra dirigat Decreta sua ad universalem Ecclesiam, inconcussa manet superius num. IV. allegata Doctorum Catholicorum Cismontanorum (Galli nos Ultramontanos vocant propter diversitatem situs) sententia de infallibilitate Summi Pontificis ex Cathedra loquentis, etiam extra Generale Concilium tam in quaestionibus Juris, quam facti talis, quae necessariam habet connexionem cum aliqua quaestione Juris, prout de hoc saepius adhuc in libello isto recurrit mentio. Profecto primis tribus seculis ante Concilium Nicenum I. anno Christi 325. institutum, nullum fuit aliud, saltem Generale, celebratum, & tamen plurimorum haereses e.g. Ebionistarum, Manichaeorum, Montanistarum, Novatianorum, Sabellianorum &c. fuerant damnatae; uti recte notat P. Paulus a Lugduno in Dissertatione de Haereticis, fol. 526. & noster Henno *Tom. I. fol. apud me 210.* Insuper Catholici antiqui indubitanter tamquam dogmata fidei receperunt Decreta, & Constitutiones illas, quibus Summi Pontifices damnaverunt Haereses Pelagii, & aliorum, apud Bellarminum *lib. 4. cap. 3.* quamvis teste Dominico Viva *loc. cit. num. VII.* decisiones istae per Summos Pontifices extra Generale Concilium contigerint. Item Concilia Arausicanum, Millevitanum, pluraque alia apud Bellarminum *loc. cit.* agnoscuntur tamquam Regula Fidei, non quidem, quasi ex se habuissent aliquam infallibilitatem (utpote cum tantum fuerint Provincialia, congregata pro certa aliqua Provincia) sed quoniam pro tota Ecclesia fuerunt a Summo Pontifice confirmata: nam Papa est Petra, supra quam fundatur Ecclesia, & non vice versa: utpote cum ad Petrum & Successores (non ad ipsam Ecclesiam) Christus Matthaei cap. 16. v. 18. dixerit: *Tu es Petrus, & super hanc Petram aedificabo Ecclesiam meam.* En! Petrus

*fundamentum; & Ecclesia aedificium: a fundamento in sua firmitate, soliditate, & duratione dependet aedificium, non ab aedificio fundamentum.*

## VII.

Porro Summus Pontifex, etiam extra Concilium aliquod Generale ex Cathedra loqui censetur, ut recte advertunt Cardenas 2. *Cristi d. 1. c. 3. 4. 5.* & La Croix *lib. 1. num. 203.* dum sive in materia fidei, sive morum, Constitutionem suam dirigens ad universalem Ecclesiam, praevio maturo examine (uti communissime de eodem praemisso in ipsa Bulla damnationis testari solet) quasdam proscribit Propositiones velut *Haereticas*, alias tamquam *Haeresei proximas*, vel *suspectas*, seu *Haeresei sapientes*, vel tamquam *erroneas*, aut *laxas*, *scandalosas*, *temerarias*, *male sonantes*, *piarum aurium offensivas*, *blasphemias*, *impias*, *schismaticas* & *seditiones*. De his omnibus occurrunt varia adhuc singillatim per diversa quaestita solvenda; hinc ponitur

## QUESTIO II.

*Alia adhuc notabilia circa Propositiones damnatas in genere.*

## VIII.

Queritur 1. quandonam Propositio aliqua damnata dicatur *Haeretica*, *Haeresei proxima*, *Laxa* &c.? Respondeo ex Introductione, quam praeposui Theologiae morali Patris Reiffenstuel cum additionibus, uti sequitur.

*Haeretica* est propositio illa, quae aperte, sive contrarie, sive contradictorie opponitur alicui articulo fidei. *Haeresei proxima*, quae magnam habet affinitatem cum aliqua propositione Haeretica. *Suspecta* seu *Haeresei sapiens*, quae nimirum ex circumstantiis videtur innuere latentem Haeresei, e.g. quando propositio aliqua opponitur Conclusioni Theologicae non quidem evidenter, ac omnino certo eruat ex praemissis de fide; bene tamen probabilissime, & juxta communem Theologorum. *Erronea*, quae opponitur non quidem immediate alicui propositioni revelatae, bene tamen Conclusioni Theologicae ex Revelatis praemissis, ita ut saltem una ex praemissis sit propositio revelata, & altera aliunde certa, deducta. *Laxa* censetur, quae in materia morum nimium relaxat frænum ad nocivam libertatem. *Scandalosa*, quae praebet occasionem ruinae spiritualis, unde & *perniciosa* vocatur. *Temeraria*, quae nullam pro se habet gravem asserendi rationem.

*Male sonans*, quae abutitur vocabulis contra communem sensum Ecclesiae: ejusmodi est propositio æquivocum habens sensum, quae quidem potest suo modo etiam catholice intelligi, passim tamen, ut sic pronunciata in sensu haeretico usurpatur.

*Piarum aurium offensiva*, quae non solum male sonat, sed insuper in materia Religionis aliquod, si non falsum, saltem valde indecens affert, ex quo pietati dediti fideles merito offendantur.

*Blasphemia*, *impia*, seu *injuriosa*, quae DEO, B. Virgini, vel Sanctis, habentibus cum DEO habitudinem, est contumeliosa ac dehonoriativa.

*Schismatica*, quae nata est inducere scissionem inter supremum Ecclesiae Caput, ejusque membra.

*Sedi-*



*Seditiosa*, quæ nata est excitare tumultum in subditis contra suos legitimos Superiores.

## IX.

Quær. 2. Quando aliqua Propositio damnatur præcise *prout jacet*, quomodo hoc sit intelligendum? Respond. ex La Croix *Tom. I. num. 234.* hos terminos sic esse intelligendos, quod propositio illa damnatur in eo sensu, quem verba habent secundum se, quatenus separata ab omni alio contextu; non autem in eo sensu, qui reperitur in libro Auctoris, fortassis per antecedentia, vel subsequentia ipsum sensum verborum modificantis. Nota hic incidenter, Propositiones Michaelis Baji, Cornelii Jansenii, & Paschalis Quesnelii a Pontifice damnari non præcise *prout jacent*, sed prout pariter reperiuntur in eorum scriptis seu libris, attendendo antecedentia, & consequentia, ut sic via præcludatur futuri Sædatorum evasioni de distinctione questionum Juris & facti &c.

## X.

Quær. 3. An, si aliqua integra Propositio a Pontifice damnata plures sub se contineat partes, censentur semper omnes reprobata? Respondetur negative. Patet ab exemplo: Ponamus enim, quod aliquis docuerit sic: *Christus est verus homo, & Joseph est verus Ejusdem Pater, non solum Nutritivus*. Hæc propositio copulativa est damnata propter secundum membrum ejusdem, etsi primum membrum sit verissimum ac de fide. Taliter etiam Alexander VIII. Anno 1690. die 24. Augusti duas integras longiores propositiones de peccato Philosophico & Theologico, ac de bonitate objectiva & formali damnavit; ubi tamen non singula contenta in ipsis reprobata censentur, prout patebit suo loco.

## XI.

Quær. 4. Qualiter peccaret, qui aliquam propositionem damnatam adhuc defenderet quoad suam subsistentiam? Respondetur cum La Croix *lib. I. num. 225.* talem peccare graviter; quia virtualiter seu interpretative ipsam potestatem summi Pontificis aggreditur, neque datur hic levitas materiæ; quia semper grave est resistere doctrinæ supremi Pastoris ex Cathedra loquentis, ac in Virtute sanctæ obedientiæ præcipientis.

Accedit, quod ordinarie solet annexi in Bullis Excommunicatio major contra eos, qui adhuc similes propositiones defendunt: sed Excommunicatio major non fertur, nisi propter grave peccatum, uti suppono ex Theologia notum: ergo.

## XII.

Quær. 5. An etiam peccaret, qui tantum disputationis gratia similem propositionem defenderet? Respondeo cum La Croix *lib. I. n. 236.* affirmative, saltem regulariter loquendo. Ratio est, quia regulariter, quando a Summo Pontifice ex Cathedra loquente damnantur aliquæ propositiones, pariter inhibetur, ne de hisce deinceps *etiam disputative tractetur, nisi forsan impugnando*, id est, (uti recte La Croix) nisi ostendendo falsitatem harum propositionum. Ex quo terminis formalibus infert La Croix, *Esam, qui rationes pro simili* *Tom. II.*

*propositione damnata proponeret inter argumentandum, & non solveret, aut infirmaret, incidere in penas, quia sic defenderet, auctoritatem & robur addendo.* Ita ille, estque bene notandum: nam alias apud Auditores vel etiam apud ipsos Defendentes similes Propositiones damnatae pluris æstimari solent, & successive Auctoritas Pontificis damnantis vilipendi.

## XIII.

Quær. 6. An, & quomodo peccaret, qui talem propositionem damnatam in praxin deduceret, seu ipsemet ageret juxta doctrinam damnatam? Ratio dubitandi est; quia etiam praxis similium Propositionum ordinarie solet in Bullis prohiberi.

Respond. I. Si quis similes propositiones ideo in praxin deducat, quia credit occulte, easdem adhuc esse veras, & Pontificem in tali damnatione errasse, peccat graviter deducendo in praxin, quamvis materia ex se foret levis. E. g. *Comedere & bibere usque ad satietatem ex sola voluptate ex se non videtur peccatum grave, sed tantum leve: si tamen aliquis ideo hoc faceret, quia judicaret omnino id nullum esse peccatum, ne quidem veniale, & Pontificem Innocentium XI. in damnatione hujus doctrinæ errasse &c. peccaret graviter.* Ratio jam est superiori Quæsitio 4. assignata; quia nimirum virtualiter sic impugnaret ipsam Potestatem Summi Pontificis: imo etiam totius Ecclesiæ, quæ per acceptationem similes propositiones jam agnovit ut recte damnatas.

Respond. II. Si quis mente non dissentiret a doctrina Decretorum Papalium, tales propositiones prohibentium, transgrederetur tamen illa Decreta praticando ea, quæ in damnatibus propositionibus continentur, talis peccaret tantummodo leviter, si materia in illis propositionibus damnatis contenta foret levis, secus si esset gravis. Ita denuo La Croix in substantia *lib. I. num. 227.* Ratio est; quia verosimile non videtur, quod Summus Pontifex in materia levi voluerit statuere præceptum grave, dammodo ejus Potestas decidendi virtualiter non contemnatur. Totum magis elucescit in sequenti exemplo. Doctrina damnata est, quod sit licitum uti restrictione pure mentali; hoc non obstante si quis eadem uteretur cum præcedentibus modificationibus in materia levi, foret tantummodo leve peccatum, secus si fieret in materia gravi, & tertio graviter præjudiciofa.

## XIV.

Quær. 7. & ultimo: An, ut quis teneatur, credere, & sequi Bullas, seu Decreta, quasdam propositiones damnantia, requiratur, ut illa Decreta, memoratas propositiones damnantia, sint promulgata in singulis Episcopatibus? Ratio dubitandi est: quia alias uti in Legibus civilibus, ita pariter in Ecclesiasticis, saltem juxta probabilem sententiam, ut obligent, requiritur promulgatio in singulis Provinciis. Hoc tamen non obstante Respond. cum La Croix *lib. I. num. 230.* negative. Ratio disparitatis est; quia, transmissa etiam illa sententia, & paritate inter Constitutiones Ecclesiasticas ac Leges Civiles (quæ tamen a quam pluribus Canonistis non admittitur) adhuc tamen negatur alia paritas inter ipsas Constitutiones Ecclesiasticas, & illa Decreta in materia fidei & morum,

in quibus ultimis (non vero in prioribus) loquitur Pontifex ex Cathedra, juxta jam dicta ex sententia communissima infallibili in decidendo. Ex quo sequitur, certum esse, Propositiones damnatas existere tales, quales easdem declarat Papa, cum loquens ex Cathedra in materia fidei & morum nequeat errare. Ad quid ergo opus foret promulgare in aliis Provinciis, quomodo NB. aliunde sufficienter constet, similes Bullas seu Decreta Romæ cum requisitis solemnitatibus fuisse promulgata?

## XV.

Viderint ergo quidam &c. (respective valde pauci) in Gallia, quomodo coram DEO sufficientem rationem reddere valeant, dum Bullam *Unigenitus* ultra centum Propositiones Paschalis Quesnelii damnantem non recipiunt. Scio quidem solitam eorum cantilenam, Pontificem sine assensu Ecclesiæ non esse infallibilem. Sed, præterquam quod hoc ipsum juxta jam dicta, & adhuc dicenda, negatur: etiam falsum est, quod Ecclesiæ non consenserit; cum respiciendo universum orbem Catholicum, nullus Episcoporum eam Bullam rejecerit (uti docte advertunt nostri Galli Franciscani) præter respective paucissimos Episcopos in Gallia &c. qui tam parum consensui totius Ecclesiæ obstant, ac si in aliquo Concilio Generali unus tantum, vel alter Episcopus contradiceret.

## CAPUT. I.

*Continens Propositiones damnatas à potiori respicientes Theologiam Mysticam.*

**T**heologia Mystica, seu affectiva, equidem potius simplici mentis intuitu, intimoque cordis affectu, quam rationis discursu acquiritur; docente omnium scientiarum Magistro Christo Domino; aliqua tamen principaliora de eadem, ex celebrioribus in hoc puncto Auctoribus deprompta, adducere consultum inveni. Quare sit

## §. I.

*Quid sit Theologia Mystica, & quam ejusdem Principia?*

I. Respondetur I. Theologia mystica Soror quidem scholasticæ, magis tamen experientia, quam speculatione addiscenda, est facultas, quæ hominem ducit, ac instruit ad apicem perfectionis Evangelicæ, &, mediante vinculo charitatis valde intensa, ad intimam cum DEO conjunctionem. Ex sancta hac cum DEO unione resultare dignoscitur, quod anima facultati huic præfite, & in actu exercito dedita (præsertim si gratiam istam in perfectiori gradu possideat) omni prorsus nisu post intimam illam, supernaturalem a Dilecto suo sibi immixtam conjunctionem, ad se rediens prosequatur ea, in quibus Dilectus majorem habere complacentiam ostendit; ab aliis autem tamquam a facie colubri fugiat, quæ vel a longe speciem offendendi Dilectum præ se ferunt. Quod si subinde minimam contrahat maculam levissimi peccati, seu imperfectionis (prout Deus apud similes animas ad majorem sui humiliationem etiam talia permittit) magna non raro, non tamen inordinata,

subsequitur tristitia, opera poenitentiae sæpe rigidissima (si tamen a Directore spirituali fuerint concessa) allumuntur, & cor, Divino exarsuans amore, ad intensiores Virtutum actus accenditur, semperque anima talis majorem cum Dilecto familiaritatem contrahit. Intensum hunc sponsæ suæ charitatis affectum centuplicato refundit Clementissimus Deus amore reciproco, intimius aliquoties per extases, visiones, & revelationes se se communicando, eandemque pretiosissimis donorum, & gratiarum Thesauris replendo, et si suis temporibus ad probandam Amantis in dilectione constantiam &c. &c. nec desint cruces, tribulationes, persecutiones, ariditates, internæ derelictiones, ac præviz purgationes, uti in Theologia mystica solent vocari.

2. Respondetur II. Ad dirigendas similes Personas, debet Director spiritualis in genere Principia sequentia jam a me in supplemento & additionibus ad Theologiam moralem P. Reiffenstuel adducta observare. I. Ut sese informet præcedenter in Libris celebrioribus de hac materia tractantibus, quales sunt *Opera S. Terefiæ*, *Nox S. Joannis de Cruce*, *Prologus galatus Ven. Maria de Agreda*, *Si Bonaventura*, ac *Cardinalis Bona* in speciali de hac materia tractatus. Item *Paulus Zacchias* (præsertim si Quæstio intervenit circa operationes miras, utrum sint vera miracula) & *Didacus Lopez* in lucerna mystica atque *Matthæus* in sua Practica Theologico-Canonica, alique plures. II. Prædictus esse debet non solum scientia, sed vel maxime circumspècta prudentia, ac pariter indagare in emergentia calus, quinam effectus ab ipsa natura possint procedere, & quinam non? ubi specialiter deservient *Quæstiones Medico-legales Pauli Zacchias*, versatissimi Medici Romani, & Practica Theologico-Canonica ad causas Beatificationum Augustini Matthæucci. III. Debet esse profunde humilis; alias, quamvis doctissimus, sæpius impinget: Deus enim humilibus dat gratiam discernendi spiritus, ac superbis resistit. IV. Non sit facilis ad credendum. V. Teste Gersono non facile applaudat tali personæ, nec laudet præsentem, aut miretur quasi sanctam; quinimo subinde probandi causa eandem moderate increpet, tentando, num forte non lateat occulta superbia, qualis apud homines elatos, præsertim si non advertant, se probari, brevi manifestabitur, dum ægre ferent increpationes, aut minus æstimatas aut laudatas suas revelationes. Profecto Dominicus Banez, insignis Theologus, Spiritum S. Terefiæ exinde cognovit. Ego (inquit initio operum S. Terefiæ) per multos annos ejus confessiones excepi, eamque sæpius examinavi, semper me erga illam valde asperum & rigidum præbens: quo magis autem illam humiliabam, & despiciebam, eo magis ipsa ad meum consilium animabatur, ita se existimans tutius incedere. In nulla autem Persona majorem animi sinceritatem, simplicitatem, & humilitatem observavi. Ita ille.

3. Respondetur III. Quoad Extasin in specie respiciat Director spiritualis ad puncta illico ponenda. I. Nequiter simulatam extasin deprehendi posse partim ex vita, & moribus talis personæ, partim teste Paulo Zacchia per applicationem sternutamentorum, per fortes revulsiones, per dolorosas ligaturas, per cucurbitulas cum multo igne appo-

appositas, vel per inunctiones & cauteria &c. Ubi brevi ex vi doloris tales personæ ad se redibunt, seu potius exinde indicabunt, se numquam fuisse in extasim raptas.

Observe II. Extasim in genere describi, quod sit alienatio potentia imaginativa ab aliis rebus cum fixa detentione in certa alicujus objecti consideratione. Hæc dividitur in naturalem, demoniacam, & supernaturalem, uti recte Matthæuccius in sua Practica Theologico-Canonica tit. 3. cap. 3. art. 1. num. 2. advertit cum aliis, prout nimirum ejusdem Auctor est natura, dæmon, vel ipse Deus. Oritur autem extasis naturalis teste Matthæuccio loc. cit. ex valde intensa, & immoderata consideratione objecti, sive nimium dilecti, aut satis terrifici; ubi in cerebrum confluant omnes, vel saltem potiores spiritus animales, alias sensibus externis, & potentia loco motiva destinati, quibus non amplius ministrant vires sufficientes, hincque provenit, ut sensus externi, & potentia locomotiva pro eo tempore non amplius operentur, usque dum spiritus animales denuo redeant.

Observe Confessarius III. ex Paulo Zacchia hic, quod extasis naturalis in fixa detentione potentia Imaginativæ possit versari circa Cœlestia, Angelos, & Sanctos, antea forsan per meditationem intensam phantasie representatos: & quo vehementior est imaginatio, eo magis, ac plus sensus interni ac externi destituuntur suis spiritibus animalibus. Item juxta quantitatem, & qualitatem spirituum etiam longius, vel brevius durat extasis: sic teste Paulo Zacchia lib. 4. tit. 1. quest. 8. n. 7. & 8. quando cerebrum fuerit debile, & spiritus multi, crassi, & melancholici, quos cerebrum debile tam cito rejicere nequit, per longissimum tempus potest durare extasis naturalis, quæ etiam degenerat subinde in apoplexiam vel in Catalepsin. Ubi

Observe Confessarius IV. quod catalepsis sit ille morbus, qui ferme omnem sensum, motum, & animalem virtutem, præsertim, si fortis est, destruit, maxime quoad rationalem animæ partem. Caros est somnus profundus sine febre, vel subsequens ad febrem. Coma vigil, est propensio ad somnum, ubi tali morbo laborantes, etsi facile dormiant, de facili tamen iterum excitantur. Coma somnolentum est somnus profundus differens a Caros, quia Caros a frigido, Coma vero magis ab humido dependet, Suffocatio uteri est morbus feminis familiaris per consensum cerebri cum utero proveniens, qui, si magnus sit, mulieres tamquam mortuæ; alias tamquam semimortuæ apparent, loqui non possunt, sed tamen audiunt, quin etiam transacto paroxysmo audita referunt. Hi omnes paroxysmi in multis sunt consimiles cum extasi naturali, ac propterea hic descripti;

Observe Confessarius V. Quod extasis diabolica tunc contingat, cum vel diabolus immediate, vel hujus ope magi mentes hominum a sensibus externis alienat, fingunt potentiam imaginativam ad certum objectum a diabolo præsentatum, in quo casu dæmon vel externos sensus modo insensibili ligat, vel impedit, ne in eadem defluant spiritus animales ad officia sensuum necessarii. Tales credit Matthæuccius loc. cit. fuisse duas extases, quas refert S. Augustinus lib. 14. de Civ. Dei. cap. 24. & lib. de cura pro mort. agenda. cap. 12.

E contra vero extasis supernaturalis a S. Bonaventura lib. de 7. grad. contemplationis ex D. Dionysio sic descriptus, quod sit quædam voluptuosa elevatio devota anima supra se deserto exteriori homine ad supernaturalem Divini amoris fontem.

Observe Confessarius VI. signa discernendi extasim supernaturalem a naturali, & diabolica esse quidem difficillima; interea tamen tam a Paulo Zacchia lib. 4. QQ. Medico-Legalium tit. 1. q. 6. quam a Matthæuccio in sua Practica Tit. 3. cap. 3. art. 1. num. 12. aliqua assignantur, ex quibus efficaciora defumo: nimirum in extasi naturali, si non omnia, saltem aliqua ex sequentibus concurrunt, nempe capitis discrasia, seu intemperies, constitutio melancholica, sanguinis ac spirituum non naturalis constitutio. Exinde corpus, ea finita, patitur lassitudinem, ac torporem, quamdam intellectus obfuscationem, rerum præteritarum oblivionem, colorem conversum ad pallorem, vel livorem, seu fuscenedinem: Insuper talis homo vexatur tristitia absque sufficienti causa, molestat pandiculatione, & oscitatione frequenti, & incurrit periculum Apoplexiæ, vel Paralyse, aut Catalepsis &c. E contra vero similia, præsertim quæ animum concernunt, abesse solent saltem potiora ab extasi supernaturali; Unde

Observe Confessarius VII. Conjecturari posse probabiliter, his absentibus, præsertim quæ animum afficiunt, adesse extasim supernaturalem, maxime si extaticus ille præditus heroicis Virtutibus; post extasim non gloriatur, sed magis humilietur, & doleat, quod ab aliis videatur, a quibus extasim, quantum est in sua potestate, celare curat: alias enim extasis etiam a diabolo provenire potest, vel immediate, vel etiam mediante natura, qua uteretur tamquam Instrumento.

Observe VIII. Confessarius ex eodem Matthæuccio & Zacchia, si extases valde frequentes sint, prudentem præsumptionem esse extasis potius naturalis, quam supernaturalis, nisi aliunde efficacissime constet de effectu supernaturalitatis; DEUS enim non solet ordinarie in tantum multiplicare miracula: interea tamen, si talis homo noscatur alias Virtutibus heroicis bene probatis exornatus, & sub extasi a terra elevetur in altum, aut facto præcepto obedientiæ, etiam sub terminis extatico ignotis, aut in summo silentio vel tantum mentaliter propositis (prout contigit talis probatio apud Ven. Virginem Mariam de Agreda) illico ad se redeat, crederem talem extasim, adhuc suppositis supponendis, esse potius supernaturalem, quam naturalem, aut diabolicam.

4. Respondetur IV. Circa visiones, & apparitiones talium Personarum

Attendat Director spiritualis I. Quod alia sit visio Corporalis, alia Imaginativa, & alia intellectualis. Corporalis immediate procedit a sensu externo, v. g. visu, vel auditu percipiente objecta sensibilia externa vera, vel apparentia sibi proposita. Imaginativa ea est, quæ a potentia Imaginativa, seu a sensu interno primo procedit, quia in eo ipso momento operatio aliqua in sensu externo præcesserit. Intellectualis illa est, quæ primo ab intellectu formatur per species intelligibiles, quin originem suam habeat ab iis, quæ vel sensus ex-



terni prius perceperint, vel phantasia seu potentia Imaginativa præcedente cognoverit.

Attendat Confessarius II. Quod ex parte cause efficientis alia dicatur visio naturalis, alia demoniaca, & supernaturalis. *Ultima* a DEO efficitur sive immediate, sive ministerio Angelorum. *Demoniaca* prodit a potestate dæmonis deludentis variis modis sensus internos, & externos, vel per alterationem humorum, & spirituum animalium, vel per subtractionem realium rerum, & appositionem aliarum, quas sive ex aere composuit, sive aliunde concepit. *Naturalis* visio a naturali principio procedit, pro qua

Attendat Confessarius III. Hanc ipsam naturalem visionem posse esse vel corporalem, vel imaginatorem. *Corporalis* contingit sive propter vehementem imaginationem circa aliquod objectum adeo, ut humores corporis præter ordinem commoti irregularem spirituum animalium copiam tum phantasiæ, tum sensui externo deferant, propter quod quis censet e. g. Conventus Angelorum audire, aut oculis corporeis videre figuras Sanctorum sibi apparentium: sive talis visio corporea naturalis evenire etiam potest propter impedimentum in cerebro, quod confundit ordinem in sensu etiam externo, adeo, ut Imagines phantasticas observet, ac si essent vera corpora, prout frequenter fit apud graviter infirmos; apud sanos vero, testibus D. Bonaventura, & Gersoni tract. de probat. spirituum prænunciat periculum insanix. *Visio naturalis imaginaria* suboritur, sive paritur ex spirituum animalium commotione, sive ex immoderato voluntatis affectu, vi cuius quis vehementer applicat potentiam imaginativam, efformantem sibi varias species sensibiles, seu phantasticas circa id, quod concupiscit &c. Ita quoad omnia doctrinæ Matthæucci in sua Prædica tract. 3. cap. 3. art. 2.

Attendat Confessarius IV. quod valde frequenter visiones, seu apparitiones corporales, & Imaginariæ, quæ creduntur provenire a DEO, & Sanctis, possint esse pure naturales, præsertim apud fortiter apprehensivos, & apud fœminas maxime certis temporibus, quæ præter matricem abundant passionibus admodum acris; hincque non raro, quod a passione natum, a veritate profectum putant: suntque præterea fœminæ naturæ magis humidæ, & viscosæ; humidum autem facile commovetur, variasque figuras recipit, & viscosum diffitilius, ac serius a motu cessat. In emergentia difficilius casus legatur desuper Delirio, præsertim lib. 4. disquisit. mag. sect. 2. & 3. atque apud eundem bene notentur verba Gersonis sequentis tenoris: *Hoc præcipue considerandum, qualiter cum suis confessionibus & instructionibus muliercula tales convergentur. Si colloctionibus intendunt continui sub obtentu nunc crebra confessionis, nunc longa narrationis visionum suarum, & nunc alterius cujuslibet confabulationis: expertis credite nominatim Augustino, & Bonaventura, vix est altera pestis vel efficacior ad nocendum, vel insanabilior.* Ita ille vir non solum doctissimus, sed & summe practicus.

Attendat Confessarius V. Quod equidem, si talis persona alias noscatur, non multum dedita phantasiis &c. ac præterea sit probatæ Virtutis, maxime quoad cœcæ obedientiam, & profundam

humilitatem, possit Confessarius prudenter inferre, visionem esse supernaturalem, eo quidem magis, si fuerit visio pure intellectualis, aut si visioni etiam sensitivæ fuerit conjuncta talis Revelatio, quæ vix potuit esse alia, quam Divina. Contra vero visio, seu apparitio prudenter infertur deceptoria, si conjuncta Revelatio fuerit falsa, seu si res revelata sit parum utilis, excitativa discordiarum &c. Item deceptoria & diabolica erit, si in visione apparens fugiat signum Crucis, ac Sacramentalia, si nolit pronunciare sacra Nomina JESU, & MARIA, nec ipsis reverentiam facere, si appareat forma non humana, seu bene formata, aut si primo quidem lætitiâ afferat, postea tamen horrorem, turbationem, vel magnam desolationem, aut etiam tentationes ad impura: vel si abeat cum magno fœtore ac strepitu. Notentur ultimate verba formalia D. Bernardi Serm. de utilis. Verb. Dom. dicentis: *Se transfiguras malignus spiritus aliquando in Angelum lucis, ut Virtutis simulatione plus noceat, sed & tunc quoque, si diligenter advertimus, numquam nisi amaritudinis, & discordia semina spargit: suadet enim nonnullis singularia Jejunia quedam; unde ceteri scandalizentur, non quia diligis Jejunium, sed quia scandalo delectatur.*

§. Respondetur V. Circa præsentas Revelationes Director spiritualis sciat recte inter Revelationem Divinam, Imaginariam, & diabolicam distinguere: ante omnia suæ memoriæ profunde infigat doctrinam S. Bernardi de Perfect. Relig. lib. 2. cap. 26. ubi sic ait: *In omnibus revelationum & Visionum generibus magna cautela habenda est, ne falsa pro veris, noxia pro salutaribus, exigua pro eximiis, & incerta pro certis recipiantur;* sic utique, si extranea aliqua visio deprehenditur naturalis, aut diabolica, Revelatio quoque sub eadem facta non credatur Divina.

Porro Confessarius doctus, & versatus potest Revelationem Divinam ab imaginaria, vel diabolica discernere per quatuor genera causarum.

I. Ex parte cause materialis perpendat, an materia revelata nil contineat contra fidem, contra communem SS. PP. aut contra bonos mores &c.

II. Ex parte cause formalis attendat Confessarius ad modum, quo Auctor illas Revelationes proposuit e. g. si ad aliquam personam profundæ humilitatis, & promptissimæ obedientiæ eadem sit derepente absque prævia intensione circa illud objectum, neque est in potestate animæ ipsam non attendere: Item, si brevissima temporis morula multa sublimia, sacratissima, & ad purum Divinum amorem excitantia docet, nec non ad heroica fortificat, signum est, Revelationem provenire a DEO, quando aliunde nihil obstat.

III. Ex parte cause efficientis, seu ex parte illius, qui proponit aliquam Revelationem observet, & probet Confessarius, etiam altero ipsam probationem non advertente, num sit valde virtuosus, præsertim fundatus in contemptu sui, & abnegatione propriæ voluntatis. Item num non nimium inclinet in melancholiam, nam teste Paulo Zacchia lib. 4. tit. 1. a. num. 14. temperamentum melancholicum plurimum ad similia propendet, etiam prophetando futura: cum enim melancholici sint fortiter apprehensivi, & sæpe docti ex uno aliud con-



conjecturantes, solent subinde credi prophetiæ; cum tamen fuerint solummodo conjecturæ, quibus per accidens veritas erat conjuncta.

IV. *Ex parte cause finalis* respiciat Confessarius, utrum similes Revelationes tendant ad maiorem DEI gloriam, nec non ad notabilem utilitatem spiritualem propriam, aut proximi, & non potius introducant (quamvis ad speciem bonæ) aliquem teporem, scrupulos, anxietates, desperationes, vel quampiam partialitatem, atque exinde in Communitate varias murmurationes, discordias &c.

## §. II.

*Quis fuerit Michael Molinos, & quam turpiter a principiis Theologia Mystica aberraverit?*

6. Resp. I. Michael Molinos erat natione Hispanus, dignitate Sacerdos, in modo agendi insignis Hypocrita, qui longiori tempore Romæ moratus, ficta sua pietate multos, etiam graves Viros æque, ac devotulus decepit, & non paucos pestifera sua lue eo citius infecit, quo magis natura humana post Adæ peccatum, ob fomitem concupiscentiæ relictam alias fragilis, ad vitium carnis, cui plurimum favebat, inclinatur. Tandem vulpina ejusdem nequitia fuit detecta, & Michaelis Molinos doctrina ab Innocentio XI. Summo Pontifice Anno 1687. tamquam hæretica damnata, nec non Auctor ejusdem, postquam coram sacro Senatu, & immensa confluentium multitudine nefaria sua Dogmata publice retractavit, ad perpetuos carceres relegatus, in quibus etiam circa annum 1696. legitur mortuus.

7. Respondetur II. Michael Molinos ex eo turpiter a principiis Theologia Mysticæ aberravit; quia pessime contra Sacram Scripturam docuit, animam huic Sacræ Theologiae prædicte deditam in statu perfectissimæ unionis cum Deo ita debere suas annihilare potentias, ut nihil etiam quoad actus Virtuosos operetur, sed tantummodo se habeat passive, Deumque solum ad intra supernaturaliter operari permittat, parum curando, utrum corpus interim ad extra etiam carnaliter cum altero sexu commisceatur, alique impudici actus exerceantur, dummodo interim anima in sua existat quiete, in qua tamen eadem perturbaretur, si potentia superiores animæ interioribus non omnia indulgerent. Ita ille. Ex quo pessimo, ac vitio carnis totaliter addicto principio, Michael Molinos sectæ Quieristarum dicitur Coryphæus. Repugnat autem pestiferæ huic doctrinæ Sacra Pagina multipliciter, dum non solum fornicarios, molles, & adulteros a Regno Cælorum 1. Corinth. cap. 6. v. 9. clarissime excludit, verum etiam Apocalypsis cap. 22. omnes exstimulat, ut qui justus est, justificetur adhuc, & sanctus sanctificetur adhuc: Item Luc. cap. 12. admonet, ut semper, & 1. ad Thessalonicenses, cap. 7. ut sine intermissione oremus, & consequenter actus Virtutum exerceamus. Prout etiam exigit primus Christi Vicarius 2. Petri cap. 1. v. 10. ibi: *Fratres magis satagite, ut per bona opera certam vestram Vocationem & electionem faciatis.* Unde mirum non est, quod diabolica hæc apparentium Catholicorum doctrina jam tempore anti-

quo fuerit ab Ecclesia rejecta, prout num. 9. & seq. percipies.

## §. III.

*Quanam fuerit Bulla Innocentii Papa XI. pestiferam hanc Michaelis Molinos doctrinam rejiciens?*

Respondetur eandem esse sequentis tenoris.

## DECRETUM

### INNOCENTII PP. XI.

„Quo damnantur Propositiones 68. Michaelis de Molinos. Feria V.

„die 28. Aug. & iterum 19. Nov. 1687.

AD abolendam perniciosissima hæresis pravitatem, qua in plerisque mundi partibus, non sine maximo animarum discrimine invaluit, rigor debet Apostolicus excitari, ut Pontificia sollicitudinis auctoritate & providentia, hæreticorum protervia in ipsis sua falsitatis conatibus elidatur, & Catholica veritatis lumen in Ecclesia Sancta resplendens, eam ubique demonstret ab omni execratione falsorum dogmatum expiatam. Cum igitur compertum fuerit, quemdam Michaellem de Molinos perditionis filium, prava dogmata, tum verbis, tum scriptis, passim docuisse, & in praxin deduxisse, qua prætextu Orationis, Quieris, contra doctrinam, & usum a SS. Patribus, ab ipsis Ecclesia nascentis primordiis receptam, fideles a vera Religione, & a Christiana pietatis puritate in maximas errores, & turpissima quaque inducebant; Sanctissimus D.N. INNOCENTIUS Papa XI. cui cordi est, ut fidelium anima sibi ex alio commissa, purgatis pravitarum opinionum erroribus, ad optatum salutis portum tuto pervenire possint, pro re tam gravi, auditis pluries coram se Eminentiſſimis & Reverendiſſimis DD. Cardinalibus in tota Republica Christiana Generalibus Inquisitoribus, ac pluribus in Sacra Theologia Magistris, eorumque suffragiis, tum voce, tum scripto susceptis, matureque perpensis, implorata etiam S. Spiritus assistentia, ad damnationem infra scriptarum Propositionum ejusdem Michaelis de Molinos, a quo factum pro suis recognita, & de quibus Propositionibus tanquam a se dictatis, scriptis, communicatis & creditis, & ipse convictus, & responsus confessus, devenire, ut infra, decrevit.

## PROPOSITIONES.

### I.

Necessarium est annihilari potentias, & hæc est via interna.

2. Velle operari altius, est offendere Deum, qui vult solus Agens esse, & ideo necesse est derelinquere se in illo, & deinde se habere corporis mortui instar.

3. Vota faciendi aliquam rem, sunt impedimenta perfectionis.

4. Activitas naturalis est inimica gratiæ, & impedit operationem Dei, & veram perfectionem, quia Deus vult operari in nobis, sine nobis.

5. Anima nihil operando annihilat se, & redit ad suum principium, & ad suam originem, quæ est essentia Dei,

Dei, ubi manet transformata, & divinizada: & tunc Deus manet in se ipso, quia tunc non sunt amplius duae res unitae, sed una sola, & sic vivit & regnat Deus in nobis, & anima se annihilat in esse operativo.

6. Interna via est illa, in qua non cognoscitur aut lumen, aut amor, aut resignatio, neque necessarium est cognoscere Deum, & sic bene proceditur.

7. Non debet anima cogitare aut premium, aut penam, aut Paradisum, aut infernum, aut mortem, aut aeternitatem.

8. Non debet velle scire, an ambulet cum voluntate Dei, an sit resignata illi, vel non: nec est necesse, ut velit cognoscere suum statum, nec proprium nihilam; sed sese habeat quasi corpus mortuum.

9. Non debet anima memor esse, vel sui ipsius, vel Dei, vel ullius rei, & in via interna omnis reflexio est nociva, etiam reflexio supra suas actiones humanas, ac proprios defectus.

10. Si propriis defectibus aliquis scandalizat alterum, non est necesse ad id facere reflexionem, dummodo non sit voluntas scandalizandi; & non posse reflectere ad proprios defectus, est donum Dei.

11. Ad dubia, quae accidunt, recte procedamus, an non, non est necessarium reflectere.

12. Qui dedit liberum arbitrium Deo, non debet curare de ulla re, nec de Inferno, nec de Paradiso, nec de habendo desiderio sua propria perfectionis, nec Virtutum, nec propria sanctitatis, nec propria salutis, a cuius etiam spe se purgare debet.

13. Dum consignatum fuerit liberum arbitrium Deo, illi debet relinqui cura & cogitatio omnium rerum nostrarum, & permitti, ut in nobis sine nobis suum Divinum faciat velle.

14. Qui resignatus est Divinae voluntati, non debet a Deo quidquam petere, quia petere est imperfectio, cum sit actus propria voluntatis & electionis, & est quodammodo velle, ut Divina voluntas nostra se conformet, & non nostra voluntati Divinae: & illud, petite & accipietis, ex Evangelio, non fuit dictum a Christo pro animabus internis, quae volunt habere voluntatem, quin & ista eo deveniunt, ut non possint a Deo quidquam petere.

15. Unde scitis nihil a Deo debent rogare, etiam non debent reddere illi gratias pro ulla re, quia utrumque est equaliter actus propria voluntatis.

16. Non oportet querere Indulgentias pro peccatis debitis peccatis propriis; quia melius est satisfacere Divinae Iustitiae, quam querere misericordiam; nam illud procedit ex pectore Dei amara, & hoc ex amore interfecto, id est, personalis commodi nostri, & non est res grata Deo, nec meritoria, quia est velle subterfugere Crucem.

17. Ex quo traditum est Deo liberum arbitrium, cura etiam ac cogitatio animae nostra, non debent ulterius estimari tentationes, nec alia illi fieri resistenda nisi negativa, non utendo industria: & si natura inde patitur, necesse est illam sinere pati, quia natura est.

18. Qui in oratione nititur Imaginibus, figuris, speciebus, & propriis conceptibus, non adorat Deum in spiritu & veritate.

19. Qui amat Deum, prout illum Ratio argumentando representat, aut intellectus comprehendit, non amat Deum verum.

20. Dicere, in oratione utendum discursu & cogitationibus tunc, cum Deus non loquitur animae, est ignorantia: Deus non loquitur unquam, illius loqui est

operari: semperque in anima operatur, dum ista suis discursibus, cogitationibus, & operationibus eum non impedit.

21. In Oratione manendum est in fide obscura, & universali, cum quiesce & oblivione omnis alterius cogitationis particularis & distincta attributorum Dei, & Trinitatis: atque standum in praesentia Dei ad eum adorandum, amandum, ei que serviendum, verum sine productione uliorum actuum; Deus enim id genus rebus non delectatur.

22. Non est haec cognitio fidei actus quispiam productus a creatura, sed cognitio quadam illi a Deo data, quam creatura non novit se habere, neque adeo postea scit se habuisse; idemque dicendum de amore.

23. Mystici cum S. Bernardo in scala Claustralium distinguunt quatuor gradus, Lectionem, Meditationem, Orationem, & Contemplationem infusam. Qui semper est in primo, namquam transit ad secundum. Qui semper est in secundo, numquam ad tertium pertingit, quae est Contemplatio nostra acquisita, ubi consistendum est tota vita, dummodo Deus non trahat animum, nihil tale expectantem, ad contemplationem infusam: & hac cessante redeundum est anima ad gradum tertium, & in eo consistendum, non amplius revertendo ad secundum aut primum.

24. Quaecumque cogitationes inter orandum accidunt etiam impurae, quin & contra Deum & sanctos, contra fidem & Sacramenta, si non voluntarie foveantur, neque actu aliquo voluntatis rejiciantur, sed cum indifferentia & resignatione tolerantur, non impediunt Orationem Fidei: immo illam reddunt perfectiorem, quia anima magis est resignata voluntati Divinae.

25. Tamen si superveniat somnus & dormitatio, omnino tamen oratur, & contemplatio fit actualiter: quia oratio & Resignatio, Resignatio & oratio totum est idem; & quamdiu continuatur resignatio, utique etiam Oratio continuatur.

26. Tres haec Viae, Purgativa, Illuminativa, & Unitiva, ineptia est maxima, quae unquam prolata sit in ipsa Mystica, cum non sit nisi via unica, id est, Via interna.

27. Qui desiderat & amplectitur devotionem sensibilem, id nec desiderat, nec querit Deum, sed seipsum: quique per viam internam incedit, male facit eam desiderando ac habere conando, sive in locis sacris, sive diebus solemnibus.

28. Bonum est radium rerum spiritualium; quia sic ab amore proprio expurgamur.

29. Cum anima interna fastidit discursus de Deo & Virtutibus, manetque frigida, non sentiendo se ad fervorem accendi, bonum signum est.

30. Quidquid sensibile in vita spirituali percipitur, illud omne abominabile est, sordidum & immundum.

31. Nemo meditativus exercet veras virtutes internas, quales non possunt cognosci a sensibus. Perdere oportet Virtutes.

32. Nec ante nec post Communionem alia opus est preparatione, aut gratiarum actione (pro animabus hisce internis) quam ut se teneat in solita Resignatione passiva; quia in hac invenitur amor, qui supplet modo perfectiori, quam omnes alii Virtutum actus, qui fieri possunt & fiunt in via ordinaria. Es si in hac occasione Communionis accidunt motus humiliationis, petitionis, aut gratiarum actionis, reprimi debent, quoties non cognoscuntur esse speciales Dei impulsus; aliter enim sunt impulsus naturae, nondum mortuae.

33. Male

33. Male facit anima, quæ via ista interna graditur, si diebus solemnibus facere velit conatum aliquem particularem ad habendum sensum aliquem devotionis, quia animabus internis omnes dies sunt pares; omnes festi; idemque est de locis sacris, cum omnia loca his animabus sint paria.

34. Deo gratias agere lingua, & verbis non est animarum internarum, quarum est in silentio se tenere, non prebentes Deo impedimentum, quo minus in iis operetur: & quanto amplius se Deo resignant, tanto magis experiuntur impotentiam dicendi, Pater noster.

35. Animabus hujus via interna non convenit, ut faciant operationes etiam Virtuosas ex propria electione & activitate; alioqui mortuæ non forent. Nec debent facere actus amoris erga B. Virginem, Sanctos, Humanitatem Christi; quia cum hæc sint objecta sensibilia, talis est amor erga illa.

36. Nulla creatura, neque B. Virgo, nec Sancti sedem habere debent in corde nostro; quia Deus solus vult occupare illud, & possidere.

37. In occasione tentationum etiam vehementium, non debet anima facere actus explicitos Virtutum oppositarum, sed tenere se in supradicto amore & resignatione.

38. Crux voluntaria mortificationum gravis est, & sine fructu, ideoque omittenda.

39. Opera sanctissima & austeritates, quas Sancti subierunt, non sufficiunt ad animam vel uno assultu liberandam.

40. B. Virgo namquam opus aliquod externum fecit, & omnium sanctorum fuit sanctissima: Igitur perveniri potest ad sanctitatem sine opere externo.

41. Deus ut nos humiliet, & ad veram transformationem pertingere faciat, permittit & vult in animabus quibusdam perfectis, etiam non arreptitiis, ut demon operetur violentiam in earum corporibus, illasque committere faciat actus carnales, etiam in vigilia & sine mentis offuscatione; movendo illis physice manus, aliaque membra contra earum voluntatem, & idem dicendum est in ordine ad alios actus per se peccaminosos: quo casu non sunt peccatum, quia non adest consensus.

42. Potest dari casus, quo hæc violentia ad actus carnales existant in eodem tempore ex parte duarum Personarum, id est, viri & femina, & consequatur actus ex parte ambo- rum.

43. Deus temporibus præteritis faciebat sanctos per medium tyrannorum, hodie eos facit per medium demonum, qui dum illis causant dictas violentias, facit, ut ii magis se vilificent, & annihilent in se ipsis, seque in Deo resignent.

44. Job blasphemavit; & tamen in eo non peccavit labiis suis; quia id fuit per violentiam demonia.

45. Sanctus Paulus passus est in suo corpore tales violentias demonis, unde scripsit: Non quod volo bonum, hoc ago; sed quod nolo malum, hoc facio.

46. Hæc violentia sunt medium magis proportionatum ad annihilandam animam, eamque promovendam ad veram transformationem & unionem: neque alia est via; estque via facilior & securior.

47. Cum hæc violentia accidunt, oportet, sinamus Satanam agere, non utendo propria industria, aut viribus, sed consistendo in nibilo nostro: ac tamen si accidunt pollutiones actusque obscæni manibus procurati, atque etiam his magis insolita & peregrina, non opus est his inquietari, sed excludendi sunt scrupuli, dubia, timo-

Tomus II.

res, quia anima magis illuminata, robustiorque & candidior efficitur, & acquiritur sancta illa libertas. At in primis non oportet ea consistere, sique sanctissime illa non consistendo, quia sic vincitur demon, & thesaurus quidam pacis obtinetur.

48. Satanas, qui facit tales violentias, suggerit deinde esse graves defectus, ad inquietandam animam, ut non progrediatur in via interna: unde ad tollendas illi vires præstat ea non consistere, quia ne quidem sunt peccata Venialia.

49. Job per violentiam demonis faciebat pollutiones manibus suis eo ipso tempore, quo mundas habebat ad Deum preces. Ita interpretando in tali sensu textum quemdam cap. 16. Job.

50. David, Jeremias, & multi e Prophetis sanctis patiebantur ejusmodi violentias harum impuratum operationum externarum.

51. In Scriptura Sacra multa sunt exempla violentiarum ad actus externos peccaminosos; ut Samsonis, qui per violentiam occidit se ipsum cum Philistæis, uxorem duxit alienigenam, fornicatus est cum Dalila meretrice; qua alias erant res prohibita, & fuissent peccata: Item Judith, qua mensa est Holoferni & Elisei, qui pueris maledixit; Elia, qui igne consumpsit duos Duces cum cohortibus Regis Achab. An autem fuerit violentia facta immediate a DEO, vel demonis ministerio, ut in aliis accidit animabus, in dubio relinquitur?

52. Quando hæc violentie, etiam impure, veniunt sine mentis offuscatione, tunc anima potest se unire DEO, & re ipsa semper magis unitur.

53. Ad cognoscendum in praxi, an aliqua operatio in aliis personis fuerit violentia, regula, quam ea de re habeo, non solum est, quod protestentur hæc anima se non consensisse, vel quod non possint jurare se consensisse; ac quod videamus esse animas, quæ profectum faciunt in via interna: sed præferim me dirigo lumine quodam actuali, & quod superius est cognitione humana ac Theologica, quo cognosco certe cum interna securitate, operationem ejusmodi esse violentam: & hoc lumen certius sum venire a Deo, quia venit mihi conjunctum cum securitate, quod veniat a Deo, neque mihi vel umbram dubii in contrarium relinquit, eum in modum, quo interdum accidit, ut Deus revelando rem quampiam, eodem tempore, animam securam reddat, se esse, qui eam revelationem facit, neque anima possit in contrarium dubitare.

54. Spirituales illi via ordinaria, in hora mortis se delusos & confusos inveniunt, cum omnibus passionibus in altero mundo expurgandis.

55. Per hanc viam internam pervenitur, etsi cum multa tolerantia, ad expurgationem & mortificationem omnium passionum, ita, ut nihil amplius sentiat, nihil, nihil place, neque præcipiat quis inquietudinem ullam, perinde ac corpus quoddam mortuum, neque anima se amplius in diversa transferi sinat.

56. Dua leges, & dua voluntates, altera anima, altera amoris proprii, durant, quamdiu amor proprius durat: unde ubi hic expurgatus, & mortuus fuerit, uti fit per viam internam, non amplius ibi sunt illa dua leges, neque dua voluntates, nec ultra fit ulla subreptio, aut motus improvisus: neque aliqui porro sentitur, ne unum quidem veniale peccatum.

57. Per contemplationem acquisitam pervenitur ad statum non peccandi amplius, seu mortaliter, seu venialiter.

B

38. Ad



58. Ad ejusmodi statum pervenitur, non faciendo reflexionem ad operationes proprias, quia defectus nascitur ex reflexione.

59. *Via interna separata est a Confessione, a Confessariis & a casibus conscientie, a Theologia & Philosophia.*

60. Animabus proveltis, quæ reflexionibus mori incipiunt, quin & eo, ut mortua sint, jam pertingunt, Deus nunquam impossibilem reddit confessionem, ipseque supplet tuncundem ipsis largiendo gratia præstantis, quantum reciperent ex Sacramento: ideoque his animabus non expedit eo casu Sacramentum Pœnitentie accedere, quia non possum.

61. Anima, cum ad mortem mysticam pertingit, non potest ultra velle aliud, quam vult Deus; quia non habet amplius voluntatem, & Deus illam ipsi ademittit.

62. Per vitam internam perveniunt ad continue consistendum immobiliter in pace quadam imperturbabili.

63. Pervenitur etiam mediante vita interna ad mortem sensuum; imo signum, quod quis in nihilo illo consistat, id est, mortuus sit morte mystica, est, si sensus externi non magis jam representent res sensibiles, quam si non existerent; quandoquidem non efficiant, ut intellectus se his applicet.

64. Theologus minus est dispositus, quam simplex & Idiotæ, ad hoc ut sit contemplativus: Primo, quia non habet fidem tam puram: Secundo, quia non est tam humilis: Terrio, quia non curat perinde de sua salvatione: Quarto, quia habet caput plenum phantasmatibus, speciebus, opinionibus & speculationibus; & in eum nequit verum lumen intrare.

65. Superioribus obediri debet in exteriori, & latitudo Voti obedientie Religiosorum pertingit solummodo ad exterior: aliud est in interiori, quo solus Deus & Director intrant.

66. Rifu digna est doctrina quedam nova in Ecclesia Dei, Animam ad interna quod attinet, gubernari debere per Episcopum: & si is idoneus non fuerit, eundem animæ ab illo ad suum Directorem. Dico novam, quia nec Scriptura Sacra, nec Concilia, nec Canones, nec Bullæ, nec Sancti, nec Auctores umquam id dixerunt, neque dicere possunt, quia Ecclesia non judicat de occultis; habetque jus animæ ut eligat, quem maluerit.

67. Dicere, opus esse, ut internum manifestetur tribunali externo superiorum, & esse peccatum, nisi fiat, ea est deceptio manifesta, quia Ecclesia non judicat de occultis; atque animabus suis damnum adferunt fraudibus hisce & fictionibus.

68. In mundo non est facultas nec Jurisdictio ad mandandum, ut manifestentur litteræ Directoris circa internum animæ: & ideo monitos esse oportet, esse hanc assultum quemdam satana.

„ Quas quidem Propositiones tamquam hæreticas, suspectas, erroneas, scandalosas, blasphemias, piarum aurium offensivas, temerarias, Christianæ disciplinæ relaxativas & everivas, & scandalosas respective, ac quæcumque super iis verbo, scripto, vel typis emissa, pariter cum voto eorundem fratrum nostrorum S. R. E. Cardinalium & Inquisitorum Generalium damnavimus, circumscriptimus, abolevimus; deque eisdem & similibus omnibus & singulis posthac quoquo modo loquendi, scribendi, disputandi, easque credendi, tenendi, docendi, aut in praxin reducendi facultatem quibuscumque interdiximus; & contra facientes omnibus dignitatibus, gradibus, honoribus, beneficiis

iplo facto perpetuo privavimus, & inhabiles ad quæcumque decrevimus, vinculoque etiam anathematis eo ipso innodavimus, a quo nisi a Nobis & a Romanis Pontificibus Successoribus nostris valeant absolvi. Præterea eodem nostro decreto prohibuimus & damnavimus omnes libros, omniaque opera quocumque loco & idiomate impressa, nec non omnia manuscripta ejusdem Michaelis de Molinos, vetuimusque, ne quis, cujuscumque gradus, conditionis vel status, etiam speciali nota dignus, audeat sub quovis prætextu, quolibet pariter idiomate, sive sub iisdem verbis, sive sub æqualibus, aut æquipollentibus, sive absque nomine seu ficto aut alieno nomine ea imprimere, vel imprimi facere, neque impressa, seu manuscripta legere, vel apud se retinere, sed Ordinariis locorum, aut hæreticæ pravitatis Inquisitoribus statim tradere & consignare teneatur sub iisdem pœnis superius inflictis: qui Ordinarii, & Inquisitores statim ea igne comburant, & comburi faciant.

Tandem, ut prædictus Michael de Molinos ob hæreses, errores, & turpia facta prædicta debitæ pœnis in aliorum exemplum & ipsius emendationem plecteretur, lecto in eadem nostra Congregatione toto Processu, & auditis dilectis filiis Consultoribus nostri Sanctæ Inquisitionis officii, in Sacra Theologia, & in Jure Pontificio Magistris, cum eorundem Venerabilium Fratrum nostrorum S. R. E. Cardinalium unanimi voto, dictum Michael de Molinos tamquam reum convictum & confessum respectively, & uti hæreticum formalem, licet pœnitentem, in pœnam arcti & perpetui carceris, & ad peragendas alias pœnitentias salutares, prævia tamen abjurazione de formali per ipsum emittenda, servato Juris ordine damnavimus, mandantes, ut in die & hora præfigendis in Ecclesia S. Mariæ supra Minervam hujus almæ Urbis, præsentibus omnibus venerabilibus Fratribus nostris S. R. E. Cardinalibus & Romanæ Curie nostræ Prælati, universoque populo ad id etiam per concessionem Indulgentiarum convocando, ex alto tenor Processus, stante in suggesto eodem Michael de Molinos, una cum sententia inde secuta legeretur. Et postquam idem Michael de Molinos habitu pœnitentiæ inductus prædictos errores & hæreses publice abjurasset, dedimus facultatem dilecto filio nostri Sancti Officii Commissario, ut eum a censuris, quibus innodatus erat, in forma Ecclesiæ consueta abolveret: quæ omnia in executionem dictæ nostræ Ordinationis die 3. Septembris labentis solemniter adimpleta sunt.

Et licet supra narratum Decretum mandato nostro latum ad majorem fidelium cautelam typis editum publicis locis affixum & divulgatum fuerit, nihilominus ne hujus Apostolicæ damnationis memoria futuris temporibus deleri possit, utque populus Christianus catholica veritate instructior per viam salutis incedere valeat, prædecessorum nostrorum Summorum Pontificum vestigiis inhærentes hac nostra perpetuo valitura Constitutione supradictum Decretum denuo approbamus, confirmamus, & debitæ excusationi tradi mandamus, iterum supradictas pro-

posi-



„ positiones definitive damnantes & reprobantes  
„ librosque & Manuscripta ejusdem Michaelis de  
„ Molinos prohibentes & interdicentes sub eisdem  
„ poenis & censuris contra transgressores latis &  
„ inflatis.

„ Decernentes insuper, presentes litteras sem-  
„ per & perpetuo validas & efficaces existere &  
„ fore, suosque plenarios & integros effectus  
„ sortiri & obtinere; sicque per quoscumque  
„ Judices Ordinarios & Delegatos, quavis aucto-  
„ ritate fungentes & functuros ubique judicari &  
„ definiri debere, sublata eis, & eorum cuilibet  
„ quavis aliter judicandi & interpretandi facultate  
„ & auctoritate, ac irritum & inane quidquid  
„ secus super iis a quocumque, quavis auctoritate,  
„ scienter vel ignoranter contigerit attentari.  
„ Volumus autem, ut presentium transumptis,  
„ etiam impressis, manu Notarii publici subscrip-  
„ ptis, & sigillo alicujus personæ in Dignitate  
„ Ecclesiastica constitutæ munitis, eadem fides  
„ prorsus adhibeatur, quæ ipsis Originalibus lit-  
„ teris adhiberetur, si essent exhibitæ vel ostensæ.  
„ Nulli ergo omnino hominum liceat hanc  
„ paginam &c.

#### §. IV.

*Utrum Michael Molinos ex precedentibus  
hereticis, jam ab Ecclesia damnatis, & ex  
quibusnam, pessimam suam doctrinam circa  
Theologiam mysticam desumpserit?*

9. Respondetur I. Uti alii Hæresiarchæ, ita  
etiam Michael Molinos, Quietistarum Coryphæus,  
haud dubie ex Hæreticis precedentibus, & quidem  
pessimis, sua desumpsit Principia. Fuere hi no-  
minatim *Beguardi, Beguini, Beguina, & Illuminati*.

10. Respondetur II. Juxta recentissimum Lexi-  
con Polemicum, Joannis Sianda, Congregationis  
S. Bernardi Ordinis Cisterciensis primi Assistentis  
Generalis, Romæ, cum approbatione Magistri  
S. Palatii Anno 1733. editum, *Beguardi* prope  
finem sæculi decimi tertii per inferiorem Germa-  
niam grassari cœperunt, Auctore incerto, quem  
alii *Bogonatum*, alii *Bononatum* appellant: Alii  
vero putant extitisse prope Coloniam plures Viros  
Idiotas, qui absque Sedis Apostolicæ licentia  
novam Religionem induxerunt sub specie summe  
paupertatis, sub qua, ac ficta pietate multos de-  
ceperunt.

11. Respondetur III. *Beguini* cum priorum  
erroribus adeo concordant, ut a non paucis uti in  
re conveniunt, ita etiam cum Joanne Sianda ad  
unam sectam reducantur. Quidquid tamen de  
hoc sit, *Beguinorum* Auctor, a quo forsitan, vel  
assedus, Inferioris Germaniæ sectarii suam hauserunt  
doctrinam, vocatur Hermannus Pongilupus Fer-  
rariensis, teste Wadingo circa annum 1270. mor-  
tuus; in vita autem hypocrita tantus, ut post  
obitum Ejusdem in Ecclesiâ Cathedrali, aliisque,  
Tabulæ atque Imagines ad Illius honorem fuerint  
appensæ. Fraude tandem cognita equidem jussit  
Summus Pontifex Bonifacius VIII. sub anno 1300.  
corpus exumari, ac flammis absumi: Memoria  
tamen nefarii Impostoris non potuit in tantum abo-  
leri, quin progenies ista Viperarum sub sancti-  
tatis velamine, & habitu Religioso satis rigido,

*Tomus II.*

hæreses suas ubique terrarum dilatarit, jactando  
falsissime genuinam imitationem mentis & Regulæ  
Seraphici Patris Francisci, ac zelum strictissimæ  
paupertatis, exinde *Frates de paupere vita*, alibi  
*Bizocchi*, aut *Fraticelli* vocati. Ex quo non pauci,  
maximè plebeji fuerunt redditi perplexi, eosdem  
cum veris Fratribus Minoribus confundendo.  
Nefarios hostes, ac Pseudo-Religiosos, atque  
Ecclesiæ Catholicæ summe nocivos Hypocritas  
Seraphica Religio, quæ singulariter illi Hæresi a  
Deo opposita, disputationibus publicis, ac privatis,  
errorum suorum convincere, ac larvam sanctitatis  
detrahere adeo utiliter allaboravit, ut sectam im-  
piam Joannes XXII. gravissima Bulla *Sancta Roma-  
na, & Universalis Ecclesia* incipiente, & quæ in  
Jure Canonico inter Bullas dicti Pontificis Tit. *De  
Religiosis Domibus* invenienda, damnaverit, nec  
non pertinaces ultricibus flammis tradiderit, cujus  
tandem ultimas restantes reliquias SS. Joannes  
Capistranus, & Jacobus de Marchia Franciscani,  
& Apostolici Inquisitores contra hæreticam pravi-  
tatem omnino extinxerunt. Ita Lucas Wadingus  
in recentissima Editione Romana Annalium ex  
voluntate Sanctissimi Clementis XII. opera &  
studio nostri Reverendissimi totius Familiz Cis-  
montanæ Commissarii Generalis, Josephi Mariæ  
Fonseca ab Ehora &c. ordinata. *Tom. VI. fol. 279.  
num. 23. & seqq.*

12. Respondetur IV. *Beguina* erroribus *Begui-  
norum*, seu *Beguardorum* deditæ, vixerunt cum  
*Beguardis* sub ementito Mönialium statu, sine  
tamen aliqua votorum emissionem. Originem  
traxisse dicuntur a quadam Margarita Porreta ex  
Hannoniæ, quæ librum composuit, plurimis  
equidem repletum erroribus, inter alia tamen ad  
propositum specialiter tenuit, *animam annihilatam  
in amore Conditoris sine ullo conscientia metu aut re-  
morsu posse, & debere natura indulgere, quidquid  
appetit & desiderat*. Nôluit sua falsa retractare  
Dogmata pertinacissima mulier, hincque Parisiis  
combusta. NB. Interim tamen notes velim, be-  
nigne Lector, ad tollendam omnem æquivocationem,  
*Beguidas* istas Hæreticas nullatenus esse  
confundendas (prout etiam ipsemet Pontifex vult,  
ne confundantur, Extravagant. *Ratio recta* inter  
communes, *de Religiosis Domibus*) cum aliis ejus-  
dem nominis exemplariter viventibus in Belgio  
juxta Constitutiones sibi traditas vel a S. Bega, vel  
ab alio pio Sacerdote Bego nuncupato.

13. Respondetur V. Cur Historia illa de *Beg-  
uardis* ac *Beguinis* utriusque sexus fusiori fortassis  
(quam alias necesse fuisset) proposita sit calamo,  
causa est, ut caute deinceps etiam ex Catholicis  
legantur quidam Historici, qui scribunt, mentio-  
natos fuisse de sacro aliquo Ordine ab Ecclesiâ jam  
approbato, puta, Minoritico, aliove: cum tamen  
expressè Summus Pontifex Extravagant. *Sancta  
Romana* Joannis XXII. *de Religiosis Domibus* atte-  
stetur, præfatos fuisse *profana multitudinis Viros,  
qui habitum NB. novæ Religionis assumere &c. &c.  
temeritate damnabili præsumpserunt*. Equidem ne-  
gari haud valet, quod multi eorum, ut plebem  
deciperent, magisque se dilatarent, taliter fuerint  
gloriat, e. g. nunc se jactando tamquam veros  
S. Francisci filios, Regulam litteraliter observantes,  
nunc de tertio ordine, nunc aliter, prout magis

B 2

ad

ad pessimum ipsorum intentum deservire crediderunt; Insuper contigisse faciliter potuit, quod aliqui, tamquam membra quædam putrida, ex diversis Sacris Religionibus, sive in obedientia Superioribus refractarii, seu vitio carnis addicti, morbido huic corpori se aggregaverint; ex hoc tamen nullatenus sequitur, Institutum illud nefarium fuisse de Religione ab Ecclesia approbata; cum S. Pontifex expresse teneat contrarium. Id si scriptores isti annotassent, A catholicis Historicis, alias Sacrorum Ordinum Oribus, & acervatim talia exaggerantibus, ansam non præbuisent similia suis inferendi libris in contemptum Religionis, atque passim eosdem tamquam præcise Historicos etiam in locis Germaniæ Catholicis, venales exponendi, adjunctis simul figuris in cupro ad nauseam usque representantibus pessima facta horum Hæreticorum, quos modo sub hujus, modo sub alterius sacri Ordinis habitu exhibent.

14. Respondetur VI. *Illuminati* æque ac ipse Michael Molinos ortum suum habuerunt in Hispania Anno 1575. suppressi Cordubæ per Sacram Inquisitionem. Ast Anno 1623. Hispali reviviscentes denuo sub cinere sepeliri credebantur, cum septem illius sectæ flammis absumendi traderentur.

Paulo post repullularunt in Picardia Galliz Provincia, Promotore Petro Querrino Parocho, ex quo etiam *Querini* appellabantur. Anno 1634. pariter infestant Flandriam, finaliter Anno 1635. sub Ludovico XIII. tamquam diversarum impuritatum defensores omnino extincti, saltim usque ad tempora *Michaelis Molinos*.

15. Respondetur VII. *Beguinorum*, & *Beguardorum* errores teste Sianda a Clemente V. in Concilio Generali Viennæ in Galliis celebrato rejecti, ac iterum a Joanne XXII. in Bulla *Sancta Romana &c.* reprobati, fuerunt inter plures alios ad nostrum propositum sequentes:

I. Homo in hac vita tantum perfectionis gradum potest acquirere, ut reddatur penitus impeccabilis.

II. Homo non peccat fornicando, quia est secundum inclinationem naturæ.

III. Homo constitutus in perfectionis gradu non tenetur obedire præceptis Ecclesiæ.

IV. Homo perfectus habet sensualitatem ita perfecte subiectam spiritui, & rationi, ut non amplius opus habeat orare, vel pia opera exercere.

V. Homo perfectus concedere potest corpori, quidquid libuerit.

VI. In actibus Virtutum se exercere est hominis imperfecti.

16. Respondetur VIII. *Illuminatorum* dogmata ejusdem fuerunt cum prioribus farinæ, sicque sub eadem damnatione comprehensa; docebant enim

I. Per orationem mentalem fit unio cum Deo ita sublimis, ut talis meditationi vacans amplius non egeat aliis bonis operibus, neque Ecclesiæ Sacramentis: imo absque veniali peccato possit, facta unione mentis cum Deo, committere quodcumque, licet impium peccatum.

II. Supposita hac unione opus est solummodo relinquere, ut Deus agat in homine, homo vero nullatenus tenetur ad agendum. Ita pessimas Hæretici isti posuerunt præmissas, contra expressos Sacræ Scripturæ textus, contra vitam & doctrinam Christi ad omnia vendenda, & ad consilia Evangelica, si velimus esse perfecti, nos excitantis,

contra præcepta Decalogi, contra exempla Sanctorum a primis temporibus usque huc in diversis Virtutibus, & quidem in gradu valde heroico se se exercentium, ac denique contra expressas Summorum Pontificum definitiones. His non obstantibus ex pessimis his præmissis suas *Michael Molinos* deduxit pessimas conclusiones, cupiens nihilominus coram seculo apparere & audiri verus Catholicus. Ad initium currentis seculi attentavit Sacerdos quidam, cui nomen Beguarelli, sopitam jam hanc hæresim denuo Brixiz resuscitare, quæ tamen statim in ortu suo superiorum vigilantia fuit iterum suffocata, prout testatur Sianda in suo Lexico Polemico V. *Beguarelli*.

## §. V.

*Qualiter Franciscus Fenelon de Salignac inter Auctores Recentiores quoad Principia Theologia Mystica impeggerit, & quisnam is fuerit?*

17. Respondetur I. Franciscus de Salignac Fenelon, Clericus erat non minus pietate ac doctrina valde insignis, quem exemplaris sua vita, dirigendi alios prudentia, præsertim Liber inscriptus *de l'Education des filles*, ac plurimæ, quibus præluxit, virtutes adeo in Galliis celebræ reddiderunt, ut Catholici Hispaniarum Regis Philippi V. pro tunc Ducis Andegavenfis (nec non Serenissimorum Prioris Fratrum Ducum Burgundiæ & de Berry Instructor præ omnibus aliis Candidatis fuerit selectus, cui tandem pro eximiis suis meritis in aliquam recognitionem Archiepiscopalis cessit Insula Cameracensis. Optimus hic Princeps ex libris suis alias valde famosis, præsertim quoad illum, quem duci Burgundiæ pro faciliiori instructione obtulit, vulgo *Telemac* dictum, tandem divulgavit, idiomate Gallico librum quempiam *Explication des Maximes des Saints sur la vie interieure* intitulatum, qui de non sana doctrina, præsertim de suspecto Quietismo per nonnullos Galliæ Episcopos tantum excitavit strepitum, ut rumor, maxime per libellos pro, & contra editos dilatatus, tandem ad Curiam Romanam, & ad aures Summi Pontificis Innocentii XII. pervenerit, qui præhabito, in pluribus Cardinalium, ac Theologiæ Magistrorum Congregationibus accurato examine, Librum ipsum sub quavis editione aut versione impressum, sive imposterum imprimendum, ne fideles successively in errores ab Ecclesia Catholica jam damnatos induci possent, severissime prohibuit, atque Anno 1699. die duodecimo Martii viginti tres ex eo excerptas Propositiones tamquam temerarias, scandalosas, male sonantes, piam aurium offensivas, in praxi perniciosas ac respectu erroneas damnavit: cui etiam Fenelon, uti filius Ecclesiæ obediens se submisit, ac contra se Bullam Pontificiam ipsemet in sua Diocesi publicavit.

18. Respondetur II. Archiepiscopum Cameracensem Franciscum Fenelon de Salignac in suo libro *de vita interiori* ducente ad statum Vitæ contemplativæ, seu unitivæ &c. ideo impeggerit in Theologiam Mysticam: In primis quia pro directione animarum in statu perfectionis, ac vitæ contemplativæ seu unitivæ existentium, talem juxta communem verborum sensum posuit doctrinam, qua

qua possent fideles (uti Summus Pontifex in Bulla damnationis §. sequenti ponenda, Ipsemetadvertit) ex ejus Lectione & usu sensim induci in errores ab Ecclesia jam damnatos, maxime Quietistarum collocantium rationem perfectionis in mera quiete, seu in statu mere passivo, sinendo solum Deum in anima agere, absque exercitio Virtutum: Etenim Fenelon (saltem in modo loquendi & sensu obvio) parum quoad hoc distare videtur, dum etiam ipse statum animæ perfectæ vult esse passivum, & in sancta (ut inquit) indifferentia, præscribens Propositione III. inter damnatas tamquam essentielle in directione talis animæ NB. *non aliud facere, quàm sequi potestissimè gratiam &c.* Item se intra hos limites continere, *ut finatur Deus agere &c.* Item Propositione XXI. ponit hæc formalia: NB. *Sancti Mystici excluduntur a statu animarum transformationis exercitio Virtutum.*

19. Respondetur III. Archiepiscopus memoratus Cameracensis impiegit in principia Theologiæ mysticæ secundo, ex ea ratione; quia (uti patet ex Propositionibus damnatis 1. 2. 4. 6. 21. 23. ac pluribus aliis) ab animabus calmen perfectionis in statu vitæ unitivæ attingentibus excludit exercitium aliarum Virtutum, præsertim *spei*, quasi vero impossibile cum excellenti gradu perfectionis Evangelicæ; cum tamen Sacra Scriptura *Beatorum* NB. *omnes* (nullo ne quidem perfectissimo excluso) pronunciet, *qui confidunt in Domino* Psal. 2. v. 13. & *qui timeant Dominum* Psal. 127. v. 1. ac *sperant in eo*. Psal. 33. v. 9. nec non SS. PP. atque TT. spem principalibus Virtutibus (nimirum Theologicis) semper annumeraverint, uti etiam actus heroicos aliarum Virtutum summopere commendaverint, atque etiam (uti S. P. Franciscus, S. Clara, S. Theresia, S. Petrus de Alcantara, SS. Catharina Senensis & Bononienensis, plurimique alii extatici) in opere ipso exercuerint. Quinimo in processu Canonizationis alicujus Sancti inter prima numeratur interrogatoria, *an constet de Virtute in gradu heroico?* Item Alexander VII. jam ante dictum Archiepiscopum Fenelonem damnavit propositionem ordine primam sequentis tenoris: *Homo nullo unquam tempore vitæ suæ tenetur elicere actum fidei NB. spei, & Charitatis &c.* consequenter nec talis perfectus ab actu *spei* erit exemptus.

20. Equidem gratis admitto, posse sæpius (non tamen necessario debere) a perfectioribus elici actus Charitatis absque explicitis actibus *spei*, aliarumque Virtutum. Insuper posse actus aliarum Virtutum (uti videndum in Theologia morali P. Reiffenstuel *Tract. I. Dist. 2. Q. 3.*) directe quoad suum objectum intendi, & simul a tali perfecto vitæ unitivæ dedito ordinari, atque assumi tamquam media ad ipsam Charitatem, in quo casu influunt simul cum Charitate actus diversarum Virtutum: Attamen a tali perfecto vitæ unitivæ dedito, e medio tollere spem, omnesque alias Virtutes a charitate distinctas, conformiter dictis præcedentibus justissime reprobat. Ut totum adhuc clarius intelligas, adjungo, quæ in Theologia morali Patris Reiffenstuel *Tract. 4. Dist. 6. post num. 9.* addidi, suntque sequentia.

21. Porro Charitas illa, qua sæpius in vita Deum tamquam summum Bonum diligere tenemur, debet quidem necessario salutem interpretative sic

esse constituta, ut quamvis nec Cælum nec Infernus existerent, nec ullum præmium sperandum, aut poena pertimescenda foret, nihilominus ipsa Deum amaret propter se (utpote cum Deus quatenus in se infinite bonus sit solummodo objectum formale, principale & essenziale ipsius Charitatis) exinde tamen non excludit necessario spem, quasi cum Charitate impossibilem. Quin e contrario spes ipsa seu amor concupiscentiæ perducit sæpius ad charitatem, seu Amorem amicitiae: dum enim video, Deum mihi tam bonum, tam misericordem &c. atque propterea dignum amore concupiscentiæ, exinde ulterius ad ipsum infinitæ bonitatis fontem, a quo cuncta procedunt, cogitatus dirigo: considerando, quantæ perfectionis supremum illud Ens, ex quo tanta bona ad extra promanant, esse debeat in se ipso: quæ consideratio finaliter trahit voluntatem ad amandum amore amicitiae dictum supremum Ens perfectissimum propter se, tamquam motivum principale. Hinc merito La Croix *Tom. I. lib. II. num. 152.* approbat modum illum eliciendi actum Charitatis. „Amo te, Deus, quia creasti, & redemisti me, & quia „ Cælum mihi vis dare: sed magis adhuc ideo, „ quia ipse es propter te omni amore dignissimus, „ ita, ut licet non benefaceres, nec Cælum dares „ &c. tamen amarem, & actu amo Te, quia „ propter infinitam tuam bonitatem & perfectionem es amabilissimus. *Vel aliter:* Amo te, mi „ Deus, non ideo tantum, quia creasti me, redemisti, sanctificasti, conservas, & innumeris „ quotidie Beneficiis cumulas, neque tantum „ ideo, quia insuper dare vis mihi æternam in „ cælo beatitudinem, sed ideo maxime & super „ omnia te amo, quia tu Deus ob infinitas „ perfectiones tuas es omni amore dignissimus. „ Tu es Deus sapientissimus, potentissimus, „ sanctissimus, pulcherrimus &c. „ Videsne ex dictis formulis, quomodo spes & Charitas, seu amor concupiscentiæ & amor amicitiae non sint ad invicem impossibiles, nec una alteram necessario excludat, sed potius homo a prima tamquam minus principali ad secundam principalem pervenire valeat? Jam sequitur ipsa Bulla damnans illas Propositiones Archiepiscopi Cameracensis.

## §. VI.

SANCTISSIMI D. N.

D. INNOCENTII

*Divina Providentia Papa XII. Damnatio & Prohibitio Libri Parisiis Anno 1697. impressi, cui Titulus:*

„Explication des Maximes de Saints sur „la vie interieure &c. 17. Martii 1699.

INNOCENTIUS PAPA XII.

*Ad perpetuam rei Memoriam.*

Cum alias ad Apostolatus nostri notitiam „ pervenerit, in lucem produsse librum „ quemdam Gallico idiomate editum, cui Titulus: „ Explication des Maximes des Saints sur la vie „ interieure, par Messire Francois de Salignac „



„ Fenelon, Archeveque Duc de Cambray, Pre-  
 „ cepteur des Messieurs les Ducs Bourgogne,  
 „ d'Anjou, & de Berry, A Paris, chez Pierre  
 „ Abovin, Pierre Emery, Charles Cloufier 1697.  
 „ Ingens vero subinde de non sana libri hujusmodi  
 „ doctrina excitatus in Gallis rumor adeo per-  
 „ crebuerit, ut opportunam Pastoralis vigilantia  
 „ nostræ opem efflagitaverit: Nos eundem librum  
 „ nonnullis ex Venerabilibus Fratribus Nostis S.  
 „ R. E. Cardinalibus, aliisque in sacra Theologia  
 „ Magistris, mature, ut rei gravitas postulare  
 „ videbatur, examinandum commisimus. Porro  
 „ hi mandatis obsequentes, postquam in quam-  
 „ plurimis Congregationibus varias propositiones  
 „ ex eodem libro excerptas diuturno, accuratoque  
 „ examine discusserant, quid super earum singulis  
 „ sibi videretur, tam voce, quam scripto Nobis  
 „ exposuerunt. Auditis igitur in pluribus iidem  
 „ coram Nobis desuper actis congregationibus  
 „ memoratorum Cardinalium, & in sacra Theo-  
 „ logia Magistrorum sententiis Dominici Gregis  
 „ nobis ab æterno Pastore crediti periculis, quan-  
 „ tum nobis ex alto conceditur, occurrere cupien-  
 „ tes, motu proprio, ac ex certa scientia, &  
 „ matura deliberatione nostris, deque Apostolicæ  
 „ potestatis plenitudine, librum prædictum ubi-  
 „ cumque & quocumque alio idiomate, seu qua-  
 „ vis editione, aut versione hucusque impressum,  
 „ aut imposterum imprimendum, quippe ex cujus  
 „ lectione, & usu fideles sensim in errores ab  
 „ Ecclesia Catholica jam damnatos induci possent,  
 „ ac insuper tamquam continentem Propositiones  
 „ sive in obvio earum verborum sensu, sive attenta  
 „ Sententiarum connexione, temerarias, scanda-  
 „ losas, male sonantes, piarum aurium offensivas,  
 „ in praxi perniciosas, ac etiam erroneas respec-  
 „ tive, tenore præsentium damnamus, & reprobamus,  
 „ ipsiusque libri impressionem, descriptionem,  
 „ lectionem, retentionem, & usum omnibus,  
 „ & singulis Christi fidelibus etiam specifica,  
 „ & individua mentione, & expressione dignis  
 „ sub pœna Excommunicationis per contrafacien-  
 „ tes ipso facto absque alia declaratione incurren-  
 „ da, interdiciamus & prohibemus: volentes &  
 „ Apostolica Auctoritate mandantes, ut quicum-  
 „ que supradictum librum penes se habuerint,  
 „ illum statim, atque præsentis litteræ eis inno-  
 „ tuerint, locorum Ordinariis, vel hæreticæ pra-  
 „ vitatis Inquisitoribus tradere, ac consignare  
 „ omnino teneantur. In contrarium facientibus  
 „ non obstantibus quibuscumque. Cæterum Pro-  
 „ positiones in dicto libro contentæ, quas Apo-  
 „ stolici censura Judicii, sicut præmittitur, con-  
 „ figendas duximus, ex Gallico idiomate in latinum  
 „ versæ, sunt tenoris, qui sequitur; videlicet  
 „ 1. Datur habitualis status amoris DEI, qui  
 „ est Charitas pura, & sine ulla admixtione motivi  
 „ proprii interesse. Neque timor pœnarum,  
 „ neque desiderium remunerationum habent  
 „ amplius in eo partem. Non amatur amplius  
 „ DEUS propter meritum, neque propter per-  
 „ fectionem, neque propter felicitatem in eo  
 „ amando inveniendam.  
 „ 2. In statu Vitæ contemplativæ seu unitivæ  
 „ amittitur omne motivum interessatum timoris,  
 „ & spei.

3. Id, quod est essentiale in directione animæ,  
 „ est, non aliud facere, quam sequi pedetentim  
 „ gratiam cum infinita patientia, præcautione,  
 „ & subtilitate. Oportet se intra hos limites con-  
 „ tinere, ut sinatur DEUS agere, & numquam  
 „ ad purum amorem ducere, nisi quando DEUS  
 „ per unctionem interiorum incipit aperire Cor  
 „ huic Verbo, quod adeo durum est animabus  
 „ adhuc sibi met affixis, & adeo potest illas scan-  
 „ dalizare, aut in perturbationem conjicere. „

4. In statu sanctæ indifferentiæ anima non  
 „ habet amplius desideria voluntaria & deliberata  
 „ propter suum interesse, exceptis iis occasionibus,  
 „ in quibus toti suæ gratiæ fideliter non cooperatur. „

5. In eodem statu sanctæ indifferentiæ nihil  
 „ nobis, omnia DEO volumus. Nihil volumus,  
 „ ut simus perfecti, & Beati propter interesse  
 „ proprium, sed omnem perfectionem, ac beati-  
 „ tudinem volumus, in quantum DEO placet  
 „ efficere, ut velimus res istas impressione suæ  
 „ gratiæ. „

6. In hoc sanctæ indifferentiæ statu nolumus  
 „ amplius salutem, ut salutem propriam, ut  
 „ liberationem æternam, ut mercedem nostrorum  
 „ meritorum, ut nostrum interesse omnium  
 „ maximum; sed eam volumus voluntate, plena  
 „ ut gloriam, & beneplacitum DEI, ut rem,  
 „ quam ipse vult, & quam nos vult velle propter  
 „ ipsum. „

7. Derelictio non est nisi abnegatio, seu sui  
 „ ipsius renunciatio; quam JESUS CHRISTUS a nobis  
 „ in Evangelio requirit, postquam externa omnia  
 „ reliquerimus. Ista nostra ipsorum abnegatio  
 „ non est, nisi quoad interesse proprium. Extre-  
 „ mæ probationes, in quibus hæc abnegatio, seu  
 „ sui ipsius derelictio exerceri debet, sunt tenta-  
 „ tiones, quibus DEUS Æmulator vult purgare  
 „ amorem, nullum ei ostendendo perfugium,  
 „ neque ullam spem quoad suum Interesse pro-  
 „ prium, etiam æternum. „

8. Omnia sacrificia, quæ fieri solent ab ani-  
 „ mabus, quam maxime disinteressatis circa earum  
 „ æternam beatitudinem, sunt conditionalia. Sed  
 „ hoc sacrificium non potest esse absolutum in  
 „ statu ordinario. In uno extremarum probatio-  
 „ num casu hoc Sacrificium fit aliquo modo  
 „ absolutum. „

9. In extremis probationibus potest animæ  
 „ invincibiliter persuasum esse persuasione reflexa,  
 „ & quæ non est intimus conscientiæ fundus, se  
 „ juste reprobam esse a Deo. „

10. Tunc Anima divisa a semetipsa expirat  
 „ cum Christo in Cruce dicens: DEUS, DEUS  
 „ meus, ut quid dereliquisti me. In hac invo-  
 „ luntaria impressione desperationis conficit sacri-  
 „ ficiū absolutum sui interesse proprii quoad  
 „ æternitatem. „

11. In hoc statu Anima amittit omnem spem  
 „ sui proprii Interesse, sed numquam amittit in  
 „ parte superiori, id est, desiderium disinteressa-  
 „ tum promissionum. „

12. Director tunc potest huic Animæ per-  
 „ mittere, ut simpliciter acquiescat jacturæ sui  
 „ proprii Interesse, & justæ condemnationi, quam  
 „ sibi a DEO indictam credit. „

„ 13. In-



„ 13. Inferior Christi pars in Cruce non communicavit superiori suas involuntarias perturbationes.

„ 14. In extremis probationibus pro purificatione amoris fit quædam separatio partis superioris Animæ ab inferiori. In ista separatione actus partis inferioris manant ex omnino cæca, & in voluntaria perturbatione, nam totum, quod est voluntarium, & intellectuale, est partis superioris.

„ 15. Meditatio constat discursivis actibus, qui a se invicem facile distinguuntur. Ista compositio actuum discursivorum, & reflexorum est propria exercitatio amoris interessati.

„ 16. Datur status contemplationis adeo sublimis, adeoque perfectæ, ut fiat habitualis, ita ut quoties Anima actu orat, sua oratio, sit contemplativa, non discursiva. Tunc non amplius indiget redire ad meditationem, ejusque actus methodicos.

„ 17. Animæ contemplativæ privantur intuitu distincto, sensibili & reflexo JESU Christi duobus temporibus diversis. Primo, in fervore nascente earum contemplationis. Secundo anima amittit intuitum JESU Christi in extremis probationibus.

„ 18. In statu passivo exercentur omnes virtutes distincte, non cogitando, quod sint virtutes. In quolibet momento aliud non cogitur, quam facere id, quod DEUS vult, & amor zelotypus simul efficit, ne quis sibi virtutem velit, nec umquam sit adeo Virtute præditus, quam cum Virtuti amplius affixus non est.

„ 19. Potest dici in hoc sensu, quod anima passiva, & disinteressata nec ipsum amorem vult amplius, quatenus est sua perfectio & sua felicitas, sed solum quatenus est id, quod DEUS a nobis vult.

„ 20. In confitendo debent animæ transformæ suæ peccata detestari, & condemnare se, & desiderare remissionem suorum peccatorum, non ut propriam purificationem, & liberationem, sed ut rem, quam DEUS vult, & vult nos velle propter suam gloriam.

„ 21. Sancti Mystici excluderunt a statu animarum transformatarum exercitationes Virtutum.

„ 22. Quamvis hæc doctrina (de puro amore) esset pura & simplex perfectio Evangelica, in universa traditione designata, antiqui Pastores non proponebant passim multitudini Justorum nisi exercitia amoris interessati eorum gratiæ proportionata.

„ 23. Purus Amor ipse solus constituit totam vitam interiorem, & tunc evadit unicum principium, & unicum motivum omnium actuum, qui deliberati, & meritorii sunt.

„ Non intendimus tamen per expressam propositionem hujusmodi reprobationem alia in eodem libro contenta ullatenus approbare. Ut autem eadem præsentis litteræ omnibus facilius innotescant, nec quisquam illarum ignorantiam valeat allegare, volumus pariter, & auctoritate præfata decernimus, ut illæ ad valvas Basilicæ Principis Apostolorum, ac Cancellariæ, nec non Curiae Generalis in Monte Citatorio, & in Acie Campi Floræ de Urbe per aliquem ex

Cursoribus nostris, ut moris est, publicentur, illarum exempla ibidem affixa relinquantur; ita ut sic publicatæ omnes, & singulos, quos concernant, perinde efficiant, ac si unicuique illorum personaliter notificatæ, & intimatæ fuissent; utque ipsarum præsentium litterarum transumptis, seu exemplis etiam impressis, manu alicujus Notarii publici subscriptis, & sigillo personæ in Ecclesiastica Dignitate constitutæ munitis, eadem prorsus fides tam in judicio, quam extra illud ubique locorum habeatur, quæ ipsis præsentibus haberetur, si forent exhibitæ vel ostensæ. Datum Romæ, apud sanctam Mariam Majorem, sub Annulo Piscatoris, die XII. Martii MDCXCIX. Pontificatus Nostri Anno octavo.

J. F. CARD. ALBANUS.

Anno a Nativitate D. N. JESU Christi 1699. Indictione 7. die vero 13. Mensis Martii, Pontificatus autem sanctissimi in Christo Patris, & D. N. D. Innocentii, Divina Providentia Papæ XII. anno ejus octavo, supradictum Breve affixum, & publicatum fuit ad valvas Basilicæ Principis Apostolorum, Magnæ Curiae Innocentianæ, in acie Campi Floræ, ac aliis locis solitis, & consuetis Urbis per me Franciscum Perinum ejusdem SS. D. N. Papæ Cursorem.

## CAPUT II.

*Tractans de Propositionibus damnatæ Martini Lutheri & Joannis Calvinii ad Theologiam Polemicam spectantibus.*

**T**heologia Polemica, seu Dogmatica, tractat Controversias Fidei, Catholicos inter & Heterodoxos agitata; objectum & finis ejus est fides vera, ut asserenda, roboranda, & defendenda. Nos in præsentem hanc defensionem potissimum assumemus contra Hæreticos, in Romano Imperio toleratos, qui de facto generaliter *Protestantes* vocantur; quamvis singulari nomine Lutherani *Evangelici*, & Calvinistæ *Reformati* appellari cupiant. His præscitis ponitur

### §. I.

*Quisnam fuerit Martinus Lutherus; ex quo ansam sumpserit non minus venenatam extendendi linguam, quam calumniosum stringendi calamus contra Papam & Ecclesiam?*

1. Respondetur I. Martinus Lutherus erat natione Saxo, patria Islebientis: Lucem hujus Mundi aspexit Anno 1483. Et quia acris pro eo seculo deprehendebatur Ingenii, mature applicabatur ad studia, in quibus eos fecit progressus, ut anno ætatis suæ vigesimo Magister Artium, & in utroque Jure eruditus evaserit. Quondam cum dilecto suo contubernali in agro animi levandi gratia deambulans, subito videre debuit, eundem, cadente de Cælo fulminis ictu occisum. Insuperato fatali hoc casu perterritus, votum, quod antea jam fecerat, ingrediendi sacrum aliquem Ordinem, statim exsolvit, amplectendo Erfurthi anno ætatis suæ

luz 22. celeberrimum Institutum Eremitarum Sanctissimi Ecclesie Doctoris Augustini, tanti Patris vere degener filius; ubi anno ætatis vigesimo quarto initiatus sacerdotio, ac successive ad Cathedralam Philosophicam, & Theologicam promotus, brevi plura dedit propriæ arrogantiz indicia, inficiando respective adhuc Juvenis Sanctos Patres quasi in modo loquendi valde incultos, &c.

2. Respondetur II. Præsumptuosa hæc superbia, pariter aliis (uti superbiorum proprietas est) præferri cupido Luthero ansam dedit contra Papam, & Ecclesiam venenatam exerendi linguam, ac calumniosum stringendi calamum: cum enim anno Domini 1517. prædicandi in Germania contra Turcas Bullam *Cruciatam*, populumque ad contribuendum belli nervum de Cathedra exhortandi ab Archiepiscopo Moguntino commissio demandata esset Joanni Tezelio Dominicano, neglecto Luthero &c. Is per hanc præcedentis prælationem se se contemptum ratus, & vindicativa non minus, ac invida æmulatione percitus, sæpius in pulpitis Ecclesiasticis contra officium suum, nescio, quæ de Indulgentiarum abusibus, & in congregandis pecuniis fraudulentis effudit, quin imo Wittembergæ in Saxonia, protectus ab Ejusdem Duce Friderico, publicas contra Indulgentias affixit Theses, crescente indies tam apud Nobiles, quam Plebejos scandalo atque tumultu.

## §. II.

*Qualiter pestifera Lutheri Doctrina a Leone X. Summo Pontifice in Bulla: Exurge Domine fuerit reprobata, ac ab Imperatore Carolo V.*

*Bulla damnationis executioni mandata:*

*Item quomodo tandem Lutherus apostataverit a fide?*

3. Respondetur I. Excitatus in tota quasi Germania, præsertim in partibus Septemtrionalibus Lutheri tumultus ad aures quoque Summi Pontificis pro tunc Leonis X. pervenit, a quo Romam dictorum, & factorum suorum redditurus rationem fuit citatus, intervenientibus tamen simul supplicibus litteris Friderici Saxonie Ducis ad Papam datis tantum effecit, ut potius causa sua Legato Pontificio Cardinali Cajetano, pro tunc Augustæ Vindelicorum moranti Anno 1518. pro ventilatione fuerit commissa; ast sine optato effectu: Lutherus enim post varios hinc inde habitos discursus causæ suæ diffusæ, clanculum intempesta nocte Augusta discessit, innixus denuo Tutelæ Saxonie, ac ad suspendendum Romanæ Curie Excommunicationis fulmen, nunc a Cardinali ad Pontificem, nunc a Pontifice ad futurum Generale Concilium appellans. Demum post longam patientiam, ac præmissis diligenti trutinazione, matura deliberatione, & districto examine, supremus in terris Christi Vicarius, Leo X. Anno 1520. gravissimam, leclique dignissimam edidit Bullam: *Exurge Domine* inchoantem, in qua quadraginta & unam ex Lutheri propositionibus damnavit, tamquam hæreticas, scandalosas, falsas, piarum aurium offensivas, & Veritati Catholica obvias.

4. Respondetur II. Pestifera doctrina in-damnatæ 41. Propositionibus contenta (eam ex ipsa Bulla

citata *Exurge Domine* referendo in compendio) est sequens.

I. Satis aperte innuit, quod concupiscentiam, juxta experientiam post Baptismum remanentem, reputet pro ipso peccato originali. „

II. Tollit ab homine liberum arbitrium, quod dicit esse rem de solo titulo. „

III. Tenet, omne opus bonum etiam Justorum, quamvis optime factum, esse peccatum. „

IV. Negat, pœnitentiæ tres esse partes, contritionem, confessionem, & satisfactionem. „

V. Ait, dolorem ex turpitudine peccati, vel ex amissione æternæ Beatitudinis, seu ex metu gehennæ conceptum facere hominem hypocritam, ac magis peccatorem. „

VI. Negat, omnia mortalia esse confitenda. „

VII. Non obscure indicat, homini confitenti remitti peccata non vi absolutionis, sed per fidem, qua credit, & confidit, se gratiam per merita Christi consecuturum. „

VIII. Defendit, in absentia sacerdotis etiam mulierem, aut puerum posse absolvere. „

IX. Communionem Sacram sub utraque specie censuit pro Laicis statuendam per Generale Concilium. „

X. Indulgentias equidem, existentes pro tunc adhuc in Ecclesia, non audet absolute rejicere: negat tamen, easdem, vel ad remissionem pœnæ pro peccatis actualibus adhuc debita, vel pro mortuis prodesse. „

XI. Pariter non audet adhuc ex integro negare Purgatorium, ait tamen, id ex Sacra Scriptura, quæ sit in canone, probari non posse, ac insuper plura de eodem alia adjungit fictitia. „

XII. Negat Pontificem Romanum esse Christi Vicarium super omnes totius mundi Ecclesias. „

XIII. Similiter Pontifici, imo & toti Ecclesie aufert potestatem statuendi articulos in materia fidei ac morum. „

XIV. Defendit Ejusdem, vel etiam aliorum Prælatorum Excommunicationes esse tantum pœnas externas, neutiquam timendas, nec privare communibus Ecclesie orationibus. „

XV. Concilia Generalia ex una parte supra Papam extollit, ex altera vero iterum deprimit, concedens homini libertatem enervandi Auctoritatem Eorum, atque factis ibidem Decretis libere contradicendi, dummodo cuiuspiam contrarium videatur verum. „

XVI. Arguit Concilium Generale Constantiense gravissimi erroris in condemnando Joanne Hus, cujus aliquos reprobatos Articulos pronunciat verissimos, Christianissimos, & Evangelicos, quos nec universalis Ecclesia posset condemnare. „

XVII. Demum finaliter contra Sacros Ordines Mendicantes (ex quorum tamen numero ipsemet extitit) pestiferum evomit venenum, proterve asserens, Prælatos Ecclesiasticos, & Principes seculares non male facturos, si omnes saccos Mendicitatis (ita per contemptum Regulares Mendicantes intulit) deleant. „

Hæc Infernalis hic serpens existens adhuc in sinu S. Matris Ecclesie & sui sacri Ordinis. Ex quo facile concludes, qualis fuerit post ipsam Apostatiam ingratus iste transfuga.

Refu-

Refutationem differo usque ad Articulus Confessionis Augustanz, ubi potiora redibunt.

5. Respondetur III. Carolus V. Romanorum Imperator, Pontificiam hanc executurus Bullam celebratis Wormatiæ Comitibus Martinum Lutherum Anno 1521. publicari curavit tamquam membrum ab Ecclesia separatum, obstinatum, schismaticum; & notorium Hæreticum, sicque ab omnibus S. R. Imperii statibus haberi voluit. Nil inde melior, imo deterior factus Lutherus (quoniam abyssus abyssum invocat) pejora pejoribus addidit in sanctam Sedem, & fidem Catholicam; præsertim contra tremendum SS. Missæ sacrificium.

Tandem finaliter Anno 1524. ætatis suæ quadragesimo primo factus Apostata habitum Regularem sacrilege deposuit, & cum Catharina de Bore Moniali Apostata scandalosissimum contraxit Matrimonium.

### §. III.

*Quidnam Lutherus post Apostasiam ulterius egerit? ubi etiam de morte ejusdem?*

6. Respondetur I. Lutherus post Apostasiam nactus commodiorem occasionem venenum pestiferæ suæ doctrinæ, in allegatis superius 41. propositionibus damnatis majori ex parte contentæ, liberius diffundendi, plures ad suas trahere partes, diabolo fideliter cooperante, allaboravit, inter fautores, etiam Principes, Joannem, Saxoniz Electorem, Georgium, Marchionem Brandeburgicum, Ernestum, Ducem Luneburgensem, Philippum, Hassiæ Landgravium (uti vocant) ac Wolfgangum, Principem Anhaltinum, præter duas Civitates Imperiales, Norimbergam & Reidingam numerans.

Augustissimus Imperator Carolus, pravis sapienter exinde aperto Rebellionis, jamjam incineres gliscientis, periculo, insuper imminentium Turcarum metu undique coarctatus, nova indixit Anno 1530. Augustæ Vindelicorum Comitibus, præcipiens dissidentibus sacri Romani Imperii statibus, Lutheri sectatoribus, ut tandem mentem suam circa Religionem, ac gravamina, si quæ habeant, proponerent: quod & fecerunt, atque Lutheri doctrinam a Philippo Melancthon, germanice Terra nigra, in certos Articulos redactam, Carolo Imperatori exhibentes, hanc doctrinam a loco *Confessionem Augustanam* intitularunt.

7. Respondetur II. Carolus Imperator libellum hunc a dictis Imperii statibus sese subscribentibus porrectum clementissime recepit, eundemque strictissime examinari fecit, ac post maturam deliberationem Articulos memoratæ Confessionis Augustanæ positive rejecit tamquam in multis erroneos, ac Hæreticos; huicque reprobationi præter Carolum sex Electores, triginta Principes Ecclesiastici, & seculares triginta tres, plurimique Abbates, Comites, Barones, ac Imperiales Civitates sese subscripserunt: Utrum omnes animo recto, DEUS noverit scrutator oordium. Id saltem certum est, quod ante publicationem hujus Decreti imperialis dissidentes plerique Principes Augusta abierint, & Catholicis dissidentes, particulares suos (uti Schwendfordii in Franconia &c. præsertim Schmalcaldii in Turingiæ finibus) Conventus cele-

*Tomus II.*

brarint usque ad annum 1546. quo 17. Februarii infaustus Lutherus repentina morte (nonnulli volunt omnino raptum a Diabolo) infelicem Islebii in Patria sua efflavit animam, annum agens criticum (uti vocant) id est, sexagesimum tertium.

### §. IV.

*Quidnam contigerit in Romano Imperio post mortem Lutheri? ubi de foedere Schmalcaldico, Formula Interim, transactione Pafsaviensi & Confessione Augustana, demum in Romano Imperio exerceri permissa?*

8. Respondetur I. Equidem non pauci ex Catholicis sibi persuaserunt, Luthero defuncto, pariter cum eo sepeliendam esse pestimam suam sobolem, novam nimirum Hæresin; ast aliter deplorabilis docuit eventus, dum Acatholici vi foederis Schmalcaldici, contra Cæsarem Carolum, de tanta perduellione nil minus suspicantem, initii, junctis viribus ingentem Exercitum 80000. peditum, & 10000. Equitum in aciem duxerunt, Ingolstadtum usque pervenientes, quos tamen illo, & longe notabilius adhuc anno sequenti (nimirum 1547.) magnanimus Imperator prope Mylbergam adeo prostravit, ut in bello isto Religionis (eo nomine illud appellabant) omnino ad internecionem usque deleri potuissent, nisi nimia in hoc Caroli clementia, maxime erga Coryphæos, eosdem mitiori via ad saniora ducendos fore Sectarios credidisset, pro ut illico patebit. Hinc

9. Respondetur II. Anno proximo post obtentam Victoriâ, nempe 1548. humiliatis Hostibus Cæsar (non undequaque contenta Curia Romana, eo quod tamquam Laicus videretur mittere falcem in messem alienam) certam quampiam formulam in puncto Religionis *Interim* ab omnibus observandam, præscripsit, donec Concilium Tridentinum sententia definitiva lites hæc terminasset, quæ formula etiam exinde sortita est nomen *Interim*. Et licet in ea non nisi doctrina Catholica contineretur, & Confessio Augustana reprobareretur, exceptis Communione sub utraque specie quoad Laicos, & conjugio quoad Sacerdotes, (quæ duo usque ad Concilii Tridentini decisionem permittentur) his non obstantibus Protestantes plerique (nominatim S. R. I. Electores, Mauritius, pro tunc Saxonicus, Joachimus, Brandeburgicus, & Fridericus, Comes Palatinus) memoratam formulam *Interim* receperunt. Ast qua mentis sinceritate, subsequens docuit lamentabilis experientia. Quare

10. Respondetur III. Dum Carolus Imperator, rebus adeo pacifice (uti credebatur) compositis, sese omni ex parte quoad sectarios tutum judicabat, præter omnem expectationem Mauritius, recens Saxoniz Elector, Imperatori antea arcto junctus foedere, ipsas Cæsaris copias, sibi ad gubernandum conceditas, contra proprium Dominum, non indicto prius bello, in aciem duxit, atque milite Marchionis Brandeburgici, Alberti adauctus, quamplures Civitates (inter quas Augustam Vindelicorum) in suam redegit potestatem. Exinde penetratis faucibus Comitatus Tyrolensis, captaque Erenberga, parum absuit, quia ipsummet

C

Impe.



Imperatorem Carolum undique destitutum inilitibus, & respectu inermem cum Fratre suo Ferdinando Oeniponti deprehendisset.

Fatalis hæc clades etiam permissionem liberi exercitii *Confessionis Augustanæ* tandem post se traxit; imo rectius loquendo armis extorsit: aliter enim dissidentes cum Ferdinando Passavii nullatenus transegerunt, quam *Transactionem* (germanice dicitur *Passauerische Vertrag*.) Anno 1552. factam (additis a Protestantibus eodem anno, teste Sianda, articulis Schmalcaldicis) Rex Ferdinandus perhibetur flentibus signasse oculis; eam tamen Imperator Carolus nunquam subscripsisse legitur, ne eo quidem tempore, quando eadem triennio post, nimirum 1555. in Comitibus *Augustanis* tamquam *Pax Religiosa* (uti appellabant) promulgare cepit. Vi dictæ promulgationis publicum quidem ac liberum exercitium *Confessionis Augustanæ* demum in Romano Imperio Lutheranis permittebatur; Calvinistæ tamen necdum inclusi legebantur, quamvis & ipsi finaliter sub Pace Westphalica Osnabrugi 6. Augusti, & Monasterii 24. Octobris Anno 1648. non obstante protestatione S. Pontificis inita, id ipsum impetraverint, cæteris sectis more antiquo ex Romano Imperio proscriptis.

### §. V.

*Varia Notabilia circa ipsam Confessionem Augustanam, eamdem, vivente Luthero, reprobantem: demum tamen, cogentibus armis, Anno 1555, sub aliis Comitibus Augustanis in Romano Imperio permissam. Item de libro Concordia.*

11. Respondetur I. Originale *Confessionis Augustanæ* Anno Domini 1530. juxta jam dicta Carolo V. Imperatori a Protestantibus Principibus oblatum, non fuisse denuo Memoratis restitutum, sed potius (uti ex Didymo Hermovillano cum pluribus aliis testatur Pichler in suo Polemico Examine *Confessionis Augustanæ art. X. num. 3.*) extraditum ad Archiva Imperii: Latinum quidem *Bruxellis*; Germanicum autem *Moguntia*, Unde Protestantes non nisi Copias acquisierunt; & quamvis Hi, dum typis vulgant, gloriantur originali has ipsas conformes, atque *invariantes*; falsitas tamen de pluribus, ac contrarium patebit ex dicendis. Itaque

12. Respondetur II. *Confessio Augustana* sub Comitibus Carolo V. oblata, quoad Copias suas fuit statim in principio adeo variata, ut teste Sianda in Lexico Polemico V. *Confessionista* intra primum decennium (id est, ab anno 1530. usque ad Annum 1540.) tria exemplaria ejusdem, ad invicem comparata, vix in uno Articulo ex integro concordarint cum suo Prototypo. Pater Forerus apud Pichler *loc. cit. num. 5.* inquit, se simul ad manum habuisse ultra 20. Editiones latini sermonis, quarum tamen vix unica (nimirum Georgii Cælestini Auctoris Lutheranæ) cum originali concurs erat. Eminentiſſimus Cardinalis Leopoldus Colonitſch in libro, *Augustana & Anti-Augustana Confessio* intitulo, comparavit unum Exemplar in Bibliotheca Cæsarea asservatum, & Originali Moguntino omnino conforme cum aliis tribus Wittembergensibus, diverso tempore vulgatis: & ostendit clarissime, quod plurimum inter se discrepent, quamvis

singula pro Authenticis, & invariantis velint haberi. Wittembergenses Theologi in Colloquio Altemburgensi apud Pithler *loc. cit.* ipsimet fatentur, primam *Confessionis Augustanæ* editionem Wittembergæ adornatam nequaquam cum Archetypo Augustæ exhibito convenire.

Unde nec mirum, quod etiam aliqui ex ipsismet Protestantibus hanc suam *Confessionem Augustanam* contemptim *Corbarnum Polonicum* (calceamenti genus est utriusque pedi adaptabile) Calvinistæ vero & Zwingliani, haud dubie ob suam obscuritatem *Sphingem* appellaverint.

13. Respondetur III. Lutherani quam plures, videntes, ex hac inter ipsosmet discordia se se apud suos anxie perplexitati, & apud Extraneos publico ludibrio, atque contemptui expositos, voluerunt malo huic, ne ulterius serpat, prævenire, conscribendo, ac Tubingæ, in Ducatu Wurtembergensi, Anno 1580. imprimendo Tractatum, quem *Librum Concordiæ* nominarunt, Smidolino, Tubingensis Academix Cancellario vel Auctore, vel certo Promotore, accedentibus potentissimis Ejusdem Protectoribus, Electore Saxoniz, & Duce Wurtembergico, cui *Libro Concordiæ* Protestantium octo millia subscripserunt; quem tamen, etsi valde notabilem numerum, Heshusius, Theologus Lutheranus, sequentibus versibus exhibat:

*In Libro vita qui non potuit notari,  
Nomen in hunc librum composuere sancti.*

Hincque præfato Libro nec pauciores, imo plures, teste Osiandro apud Sianda, ex ipsis Protestantibus contradixerunt, uti Hollatia, Magdeburgum, Universitates Sueciz, & Theologi Anhaltini. Brunsvicenses ajunt, hoc libro deceptos fuisse Principes: Rex Daniæ Eum flammis adjudicavit; & Wittembergenses (Benigne Lector, ne confundas *Wittemberg* in Saxonia, & *Wurtemberg* in Ducatu Wurtembergico) defensores hujus libri lapidibus obruerunt.

Compassivo hic, Amice Lector, considera affectu miserum Hæreticorum statum, dum ex una parte sunt destituti supremo in materia fidei, ac morum emergentibus controversiis Judice; ex altera vero ipsimet in symbolo fidei suæ (quale reputant Augustanam *Confessionem*) ad invicem non conveniunt. Hæc ipsa profecto inter *Confessione* Augustanæ addictos discordia unum inter principalia apud Serenissimum Principem Badensem Jacobum extitit motivum, ad veram Religionem Catholicam se se convertendi.

### §. VI.

*Viginti & unus Articuli fidei Confessionis Augustanæ Carolo V. Imperatori Anno 1530. Augusta oblata.*

## ARTICULUS I.

*De Unitate Essentia Divina.*

14. *Consuetur conformiter Decreto Nicæna Synodi, Deum unum in essentia, & trinum in Personis sine ulla dubitatione credendum esse. Et hinc juxta Eorum formalia damnant omnes hæreses contra hunc Articulum exortas; ut Manichæos, qui duo principia ponebant, Bonum, & Malum; item Valentinianos, Arianos, Eusebianos, Machometistas, &*

omnes



omnes eorum similes. Damnant & Samosatianos veteres & Neotericos, qui cum tantum unam Personam esse contendant, de Verbo & Spiritu sancto, astute & impie rhetoricantur, quod non sint persona distincta, sed quod Verbum significet verbum Vocale, & spiritus motum in rebus creatum.

In hoc articulo convenimus etiam nos Catholico-Romani.

## ARTICULUS II.

### De peccato Originali.

15. **N**on negant, quod post lapsum Ada omnes homines secundum naturam propagati nascantur in peccato. NB. Addunt tamen, hoc ipsum peccatum originale, seu (uti ipsi vocant) vitium originis ex magna saltem parte consistere in ipsa concupiscentia.

Quoad primam partem huius Articuli in sano sensu omnino concordamus, si tamen ipsemet Christus & Beatissima Virgo Immaculata excipiantur. Quod si quis contra communissimam, & moraliter de facto certam sententiam præsumptuose assereret, etiam B. Virg. Mariam fuisse peccati originalis labe effectam, necdum foret pro nunc Hæreticus formalis; cum Ecclesia dictum Mysterium nondum declaraverit expresse tamquam Articulum Fidei.

Quoad secundam partem, concedimus quidem nos Catholici, quod concupiscentia, seu passio illa partis sensitivæ in amorem boni delectabilis inclinans, neque amplius (uti in statu Innocentiæ) rationi, seu potentia Intellectivæ perfecte subordinata, sit qua talis, seu uti modo declarata, effectus, seu pœna peccati originalis, soleatque homines ad peccata etiam personalia allicere. Negamus tamen constanter, hanc ipsam concupiscentiam, quam fomitem peccati nominamus, ullatenus constituere formaliter ipsummet peccatum originale: Etenim in primis sanguis JESU Christi emundat nos NB. ab omni peccato. 1. Joan. 1. v. 7. & tamen nos non emundat a concupiscentia, prout experientia docemur, & ipsemet conqueritur Apostolus ad Rom. c. 6. quod sentiat in membris suis legem repugnantem legi mentis suæ: ergo ipsa concupiscentia non erit peccatum. Deinde secundo Homines per Baptismum, tamquam per Lavacrum Regenerationis, Ad Tit. c. 3. v. 5. abluti, sanctificati, & iustificati pronunciantur ab Apostolo 1. Cor. cap. 6. v. 11. in nomine Domini nostri JESU Christi, & in spiritu Dei nostri, & tamen exinde abluti non sumus a concupiscentia, quæ sæpius etiam apud perfectiores pridem baptizatos exeundo in actum per motus primo primos rationem prævenit: ergo signum est, quod ipsa concupiscentia post Lavacrum Regenerationis atque abluitionis permanens formaliter non sit ullatenus ipsum peccatum originale.

16. Nec dicas, concupiscentiam vocari ab Apostolo ipsemet ad Romanos cap. 6. & 7. ac alibi sæpius in Scriptura peccatum. Respondetur enim, vocari tale nullatenus formaliter, sed vel causaliter, quatenus ex ea alliciente, & hominis libero consensu simul accedente, causatur aliquod peccatum personale, sic eo modo Deuteronomii cap. 9. v. 21. Vitulus aureus nominatur in Sacra Scriptura peccatum, utpote aliquo modo causa Idololatriæ: vel appellatur peccatum effectivæ; quia est effectus peccati originalis. Audiatur desuper S. Augustinus

Tomus II.

(utique majoris Auctoritatis, quam Fœdisfragus Apostata Lutherus) lib. 1. cap. 13. contra duas Pelagii Epistolas taliter loquens: Concupiscentia vocatur peccatum, non utique quia peccatum est, sed quia peccato facta est &c.

## ARTICULUS III.

### De Incarnatione Verbi Divini.

17. **C**oncedunt, quod Verbum (hoc est, filius Dei) assumpserit humanam naturam in utero B. Virginis Maria, ut sint dua natura, Divina & Humana, in unitate persona inseparabiliter conjuncta, unus Christus vere Deus, & vere homo, natus ex Virgine Maria, vere passus, crucifixus, mortuus, & sepultus, ac reconciliaret nobis Patrem, & esset Hostia non tantum pro culpa originis, sed etiam pro omnibus actualibus hominum peccatis &c. &c. Idem Christus est palam redemptor, ac iudex vivos & mortuos &c. Juxta Symbolum Apostolorum.

Ita Confessioni Augustanæ addicti, neque in hoc sunt nobis Catholicis contrarii.

## ARTICULUS IV.

### De Justificatione hominum.

18. **A**dmittunt cum Catholicis contra Pelagianos, quod nequeat homo propriis viribus justificari: adiungunt tamen insuper, justificationem nostram soli fidei, qua creditur, nos in gratiam recipi, & peccata remitti propter Christum, esse adscribendum: Essi præterea faciunt (uti clarius Articulo VI. videbitur) fidem istam justificativam debere bona opera, tamquam bonos fructus parere, ita tamen, ut non confundamus, quasi per hac nostram coram Deo justificationem promeremur. Ita illi.

Econtra Catholici, etsi gratis admittant, fidem, in sensu sano acceptam, esse fundamentum nostræ justificationis, eamque inadæquate & partialiter influere ad eandem, saltem tamquam conditionem; negant tamen de influxu adæquato & totali. Ratio est, quia in Sacra Scriptura æque etiam aliis Virtutibus adscribitur justificatio: ergo sola fides non justificat. Antec. probatur: sic enim in primis de Virtute spei in Deum S. Joannes Epist. 1. cap. 3. v. 3. inquit: Videbimus Eum (intellige Deum) sicuti est, & omnis, qui habet hanc spem in eo, sanctificat se, sicut & ille Sanctus est. Secundo legitur de Charitate Luc. cap. 7. v. 47. Remittimus ei peccata multa, quoniam dilexit multum. Item 1. Joan. 3. v. 15. Qui non diligit, manet in morte: & demum tertio, Actorum cap. 13. v. 38. de Pœnitentia habetur: Pœnitimini, & convertimini, ut deleantur peccata vestra.

19. Oppones diversos textus Sacre Scripturæ, quibus Justificatio ac vita æterna adscribitur fidei sine ulla mentione aliorum operum: sic enim e. g. Joan. cap. 3. v. 36. legitur: Qui credit in Filium, habet vitam æternam &c. & Act. 10. v. 43. Quicumque credunt in Christum, accipiunt remissionem peccatorum. Ac alibi sæpius: ergo signum est, quod nulla opera, sed sola fides iustificet. Respondeo I. alios opponendo textus Sacre Scripturæ in nostra probatione adductos, vi quorum Charitati & Pœnitentia adscribitur justificatio absque mentione fidei expressa. Ut ergo hi textus conciliantur

C 2

liantur

lientur ad invicem, & suo modo pariformi explanatione absolvantur. Respondetur II. distinguendo Antec. textus allegati adscribunt justificationem fidei præcisive, id est, hic & nunc abstrahendo, seu non faciendo mentionem de operibus, conceditur: exclusive, negatur.

20. Impugnabis hanc distinctionem asserendo textus, quibus positive, opera excluduntur a Virtute justificandi: sic enim ad Romanos cap. 3. v. 28. inquit Apostolus: *Arbitramur hominem justificari per fidem NB. sine operibus legis.* Item ad Rom. cap. 4. v. 5. *Ei, NB. qui non operatur, credenti autem in Eum, qui justificat impium, reputatur fides ejus ad justitiam.* Similiter ad Ephes. cap. 2. v. 8. & seqq. *Gratia salvati estis per fidem, & hoc non ex vobis &c. NB. non ex operibus &c.* Respondetur, similes textus vel contra Gentiles excludere opera puris naturæ viribus, seu sine fide in Christum, aut sine gratia Divina exercita. Vel contra Judæos segregare opera legis antiquæ quoad Cereimonialia, nullatenus autem quoad opera Moralia per gratiam Divinam, mediantibus Christi meritis comparata dignificata, & sublimata. Audiamus ad nostrum intentum Apostolum 1. ad Corinth. cap. 13. v. 2. Charitatem supra omnem fidem extollemem sequentibus verbis: *Si habuero omnem fidem, ita ut montes transferam, Charitatem autem non habuero, nihil sum.* Notentur verba: *omnem fidem*: nam si *omnis fides* sine charitate nihil est: ergo neque illa fides particularis promissionum (uti vocant) aliquid erit sine charitate. Ubi adverte, quod A catholici aliam appellant *Fidem Historicam*, qua credimus, quæ in Sacra Scriptura referuntur, & aliam *promissionum*, qua nobis divinas promissiones fiducialiter applicamus, quam ultimam vocant justificativam, non primam.

## ARTICULUS V.

### *De Ministerio Evangelii.*

21. **A**sserunt, *Ministerium Evangelii* (per quod suos Pastores & Prædicantes intelligunt) esse institutum ad docendum Evangelium, & ad porrigenda Sacramenta, mediantibus quibus duobus tamquam instrumentis donatur Spiritus Sanctus, fidem illam justificantem superiori Articulo declaratam in nobis efficiens. Ita illi.

Econtra Catholico-Romani in primis negant, Pastores & Præcones Lutheranos &c. &c. posse constituere legitimum ministerium illud, cui competere docere Evangelium, & porrigere Sacramenta; nam nulli competit hæc potestas, nisi vocato seu missio: *Nec enim quisquam sibi sumit honorem (puta hujus ministerii) nisi qui vocetur a Deo tamquam Aaron.* Hebr. c. 5. v. 4. Atqui Pastores & Præcones isti non sunt vocati seu missi a DEO, neque immediate per se ipsum, neque mediate per supremum ejusdem in terris Vicarium, sed potius vocantur, & mittuntur per Magistratum Laicalem, ac mere politicum, qui dare non potest, quod non habet; non enim alicui Laico, sed Petro Christus ter dixit: *Pasce Agnos meos, pasce oves meas.* Joan. cap. 21. *Quomodo ergo legitime predicabunt?* ad Rom. cap. 10. v. 15.

Secundo concedunt equidem Catholici per Verbum Dei prædicatum posse in nobis excitari ali-

quem actum fidei; *Nam fides ex auditu, auditus autem per Verbum Christi.* Ad Rom. cap. 10. v. 17. negant vero, quod hic actus fidei sit ille, cui tamquam unicæ causæ adscribi debeat nostra Justificatio, de qua vide Articulo præcedenti.

Tertio, negant Catholici, quod Sacramenta dicantur ex eo, quatenus per illa tamquam per Instrumenta (efficiente Spiritu Sancto, utpote causa principali) in nobis excitatur fides illa Justificans A catholicorum, sed potius censentur talia, quatenus intuitu meritorum Christi per ipsa ex opere operato causatur gratia prima vel secunda. De quo fusius in sequentibus agendo de Sacramentis Artic. XIII.

## ARTICULUS VI.

### *De bonis Operibus.*

22. **D**ocent, quod superius descripta fides justificans (conformiter jam dictis Art. IV.) debeat bonos fructus parere, & quod oporteat bona opera, mandata a Deo, facere propter voluntatem Dei, non ut confidamus per bona opera justificationem coram Deo mereri: nam NB. (perpende propositionem causalem) *remissio peccatorum, & justificatio fide apprehenditur.* Ita Lutherani.

Econtra vero Catholici cum antiquissima Ecclesia contra Aeriū jam anno Christi 353. (quo tempore A catholici admittunt apud nos fuisse veram Ecclesiam) reprobatur, charitati aliisque bonis operibus idipsum pariter appropriant, quod fidei; cum juxta jam dicta Art. IV. S. Scriptura, uti de fide, ita suo modo loquatur de aliis bonis operibus: cur igitur non valemus æque in Charitate, aliisque bonis operibus per gratiam Divinam & merita Christi sublimatis confidere, ac in ipsa fide præsertim, cum ipsa Æterna Veritas non solum fidei, verum etiam aliis operibus præceptis Cælum adpromittat Matth. cap. 19. v. 17. *Si vis ad vitam ingredi, serva mandata.*

23. Cæterum viderint ipsimet Lutherani, quomodo Articulus iste, volens, *ut opera a Deo mandata faciamus*, cohæreat cum doctrina Magistri sui Lutheri, qui in Bulla Exurge Leonis X. defendit Art. 31. *Quod justus in omni opere bono peccet.* Art. 32. *quod opus bonum optime factum sit peccatum veniale;* & Art. 36. *quod, dum quis facit, quod in se est, peccet mortaliter;* si hæc vera, & omnia opera nostra peccata sunt, quomodo poterit hic Articulus nobis imponere, ut bona opera a Deo nobis mandata exequamur? Certe Deus infinite Sanctus non mandat id, quod a nobis non potest fieri sine peccato.

24. Objicit I. Confessio Augustana, juxta S. Scripturæ clarum textum Luc. 17. v. 10. Christus instruit Apostolos, & per hos nosmetipsos, ut, *cum omnia fecerimus, quæ præcepta sunt nobis, dicamus: Servi inutiles sumus, quod debuimus facere, fecimus:* Ergo signum est, quod non debeamus confidere in nostra bona opera. Respondeo, id ipsum argumentum posse retorqueri quoad actum fidei; cum pariter hunc elicientes servi simus inutiles, & tamen etiam per hunc, sive de condigno, sive de congruo mereamur: uti apud Pichler hic fol. apud me 452. testatur S. Aug. Ep. 105. dicens: *Neque ipsa remissio peccatorum sine aliquo merito est, si fi-*

*si fides illam impetrat, neque enim nullam est meritum fidei.* Unde sicut possumus ex Adversariorum principiis, non obstante hoc; confidere in justificationem nostram per fidem, ita etiam per alia bona opera, mediantibus meritis Christi dignificata; manemus tamen utrobique servi inutiles, partim, quia exinde felicitatem realem, atque intrinsecam Dei, ab æterno infinite jam inexistentem non augemus, partim, quia omnia ista originaliter ac primario habemus ex gratia Divina præveniente ac concomitante, per passionem & merita Christi nobis comparata &c. &c.

25. Objicit eadem Confessio Augustana II. Auctoritatem D. Ambrosii dicentis: *Hoc constitutum est a Deo, ut, qui credit in Christum, salvus sit sine operibus, sola fide gratis accipiens remissionem peccatorum.* Respondeo, in primis optassem, ut Confessio Augustana citasset clare locum, in quo hic textus apud S. Ambrosium reperitur: nam etiam non adeo pridem fictus quidam Horallektor Hæreticus ad hunc ipsum finem citavit S. Ambrosium in Epistolam ad Romanos cap. 3. in quo tamen loco S. Ambrosii teste Pichler hic fol. apud me 477. illa formalia non inveniuntur. Deinde S. Ambrosius eodem modo, quo ipsemet Apostolus ad Romanos c. 3. tantum excludit opera Legis Mosæicæ, non autem opera moraliter bona per gratiam divinam dignificata. Audiamus hunc ipsum S. Ecclesiæ Doctorem potius pro nobis loquentem in cap. 4. Hebr. *Magna res est fides & salutaris &c. sed sola fides non sufficit, operari fidem per dilectionem necessarium est.* Item Ep. 82. *Qua salus nobis esse potest, nisi Jejunio eluerimus peccata nostra, cum Scriptura dicat, Jejunium & Eleemosyna NB. a peccato liberant. Qui sunt Præceptores novi, qui meritum excludunt Jejunii?* Notet impinguatus Lutherus hæc verba cum suis. Notent insuper Confessioni Augustanæ addicti pessimam sui Magistri doctrinam circa præsentem materiam apud Pichler in Controvers. particul. de *Justificat.* art. 3. §. 1. n. 30. ubi Lutherus ait: *Fortiter pecca, sed fortius fide in Christo, ab hoc non avellet nos peccatam, etiamsi milles in uno die fornicemur, aut occidamus.* Siccinæ? Hæc sit inexistentis fides justificativa, quæ bona debet, in ipsorum principiis, opera parere? mille fornicationes, mille homicidia in unico die commissa sunt boni hujus arboris fructus? absit: doctrina hæc est arbor pessima; excindatur ergo, & mittatur in ignem, in quo malus ille Hortulanus, qui plantaverat, jam ardet, & proh dolor! ardebit in æternum.

## ARTICULUS VII.

### *De Ecclesia.*

26. **D**ocent primo, quod una sancta Ecclesia perpetuo mansura sit. Secundo, definiunt Ecclesiam (supple eam, quæ est vera Ecclesia) quod sit *Congregatio NB. Sanctorum, in qua Evangelium pure docetur, & recte administrantur Sacramenta.* Tertio addunt, ad veram unitatem Ecclesiæ satis esse, consentire de doctrina Evangelii, & administratione Sacramentorum; nec necesse est, ubique esse similes traditiones humanas, seu ritus & Ceremonias ab hominibus institutas.

Ita Confessioni Augustanæ addicti. Quibus, si verba in sano sensu accipiantur, & per *traditiones humanas* nil, nisi ritus & Ceremoniæ particularium locorum, ac Diocesium (quæ utique possunt esse diversæ) intelligantur, facile assentiantur Catholicis, excepto, quod Iplis displiceat data, ac absolute prolata definitio veræ Ecclesiæ, quæ non omnes *fideles*, sed tantummodo *Sanctos* in eandem admittit: cum tamen Ecclesia Christi Matth. cap. 13. v. 12. comparetur *Area*, in qua non solum grana, sed etiam paleæ reperiuntur. *Nos fatemur* (inquit S. Aug. Tract. 6. in Joan.) *in Ecclesia Catholica & bonos & malos esse, sed tamquam grana & Paleas.* Puto, quod Acatholici Pastores ipsimet adverterint hunc gravem suum errorem; hinc teste Pichler de Ecclesia cap. 1. n. 5. folio 132. in editione Germanicâ, ut magis istum Articulum cum sequenti, cui alias contradicere videtur, concordent, Ecclesiam Christi non amplius definierunt tamquam Congregationem *Sanctorum*, sed *omnium fidelium*: Eine *Versammlung aller Glaubigen*. scilicet, Unio eorum omnium, qui habent fidem bonam. Ex profecto a Christi Ecclesia excludere *fideles non sanctos* fuit error *Affuritanorum*, ex secta *Donatistarum*, & *Semi-Arianorum* Anno 318. ex Africa prodeuntium, de quorum rejecta doctrina mentionem facit D. August. Lib. 3. contra Epist. *Parmeniani*.

27. Cæterum, cum in præsentem de vera tractent Ecclesia, in qua *Evangelium pure docetur, & recte administrantur Sacramenta*, quæro ex Iplis æque, ac proportionaliter ex Calvinistis, aliisque Hæreticis, ubinam hæc Ecclesia Christi ante Lutherum exstiterit? Item quinam Doctores hi fuerint, qui *pure docuerunt, ante ipsum Lutherum, Evangelium, ac recte administrantur Sacramenta*? Si in Ecclesia Catholico-Romana; cur igitur ab eadem recessit Lutherus? Si apud extraneos, puta Wiclefistas, Hussitas: quare ergo ad illorum sectam non transivit? *Docere Evangelium, & administrare Sacramenta* sunt utique actus sensu perceptibiles, cur itaque ad illam Ecclesiam, in qua hæc recte observabantur, non confugit? Cur apud Eandem prætenso Ecclesiæ Romano-Catholicæ abusus non detulit quintus iste (si superis placet) Evangelista; cum tamen ipsemet Christus Matth. cap. 18. v. 17. expresse voluerit, ut errores in defectu spæi emendationis dicantur *Ecclesiæ*? quis sibi prudenter persuadere, aut ex quo textu S. Paginæ probari poterit, quod vera Ecclesia Christi, sponsa adeo dilecta, ultra mille annos, id est, a primis quatuor seculis usque ad novum Reformatorem Lutherum, (Deformatorem potius dices, si vitam & discursus Ejusdem mensales legeris) una cum pura doctrina abscondita manserit, ita ut a fidelibus cognosci non potuerit, quorsum in his spiritualibus necessitatibus; & dubiis recurrere debeant? Absit hoc a nobis dicere: Ecclesia Christi est *supra Petram adificata*, Matth. cap. 16. v. 18. ac *Civitas supra montem posita, qua non potest abscondi*. Matth. cap. 5. v. 14. atque ibidem D. Augustinus Epist. 170. Monstrent igitur nobis eandem sectatores Lutheri, vel Calvini, aut Zwinglii, si Aliam ante ipsorum Protoparentes sciunt præter Romano-Catholicam.

28. Item Ecclesia Romano-Catholica fuit vera Christi Ecclesia primis quinque, vel saltem quatuor seculis,

seculis, uti ipsimet moderni fatentur sectarii: ergo manet in hac sua possessione, usque dum clare ostendatur contrarium. Demonstrant igitur Heterodoxi per claros textus sacrae Paginae (nam alia vana effugia non audio; quoniam volunt necessaria ad salutem haberi omnia clare in Scriptura) Eandem postmodum ab hac sua possessione deficiendo recessisse: quo tempore, quo anno id contigit? Ego sane similes textus claros & convincentes in Hæreticorum libris etiam post longiorem inquisitionem invenire numquam potui: si qui autem ab ipsis proponuntur apparentes, a Catholico-Romano solvuntur, & explicantur, opponendo insuper sæpius textus textibus &c. manet ergo Ecclesia Romano-Catholica firma, & inconcussa in sua possessione antiquissima, supra Petram posita, contra quam Porta Inferi post tot gravissimas persecutiones prævalere numquam potuerunt. Miror, quod Acatolici, inter quos alias florent plures egregii Juristæ, in præsentia, ubi agitur de æterna salute, in odium Papæ noliat agnoscere Regulam Possessoriam.

## ARTICULUS VIII.

### *De Sacramentorum administratione.*

29. **I**N primis in isto Articulo admittunt in hac vita esse in Ecclesia multos malos, & hypocritas admixtos bonis. 2. Concedunt, quod liceat uti Sacramentis per malos administratis. 3. Afferunt, etiam talia Sacramenta esse efficacia. Unde damnant Donatistas & similes, qui negabant, uti licere ministerium malorum in Ecclesia, & sentiebant ministerium malorum inutile & inefficax esse. Ita illi. Et in substantia consentiunt Catholici, docentes tamen insuper, a Sacramentis per malos collatis, ideo non tolli efficaciam, quia causant effectum suum (nimirum gratiam) de per se non ex opere operantis, sed per merita Christi ex opere operato.

## ARTICULUS IX.

### *De Baptismo.*

30. **D**E Baptismo docent 1. quod necessarius sit ad salutem, quodque per Baptismum NB. offeratur gratia Dei. 2. Quod pueri sint baptizandi, quia per Baptismum oblatis Deo, recipiuntur in gratiam Dei. 3. Damnant Anabaptistas, qui improbant Baptismum puerorum, & affirmant, sine Baptismo pueros salvos fieri. Ita Lutherani: nec in his, prout jacent, dissentiunt Catholici, excepto, quod in eorum principiis per Baptismum non solum offeratur, sed etiam causetur, saltem moraliter, gratia Divina. Redibit de Baptismo adhuc Quæstio Articulo XIII.

31. Interea tamen quæritur ex Lutheranis, quomodo hic Articulus IX. in ipsorum principiis cohareat cum Articulo IV.? Etenim Articulo IV. volunt, ad omnem justificationem requiri actum fidei, qua apprehenditur justitia Christi nobis exinde imputata, hic autem tenent, parvulos posse baptizari, atque exinde justificari, seu recipi in gratiam Dei. Quomodo ergo justificantur parvuli, seu recipiuntur in gratiam Dei, cum nondum sint capaces rationis, ut possint elicere aliquem actum fidei, quo nobis, & nullo alio modo confertur justitia juxta eorum principia?

Scio quidem, quod, ut aliquo saltem modo respondeant, fingant sine ullo Sacrae Scripturae textu, solum Deum infundere parvulis aliquem actum talis fidei in Christum. Sed plane hoc videtur prorsus gratis dictum, nec experimur facti adulti, quod umquam tamquam parvuli in Baptismo similem habuerimus actum fidei. Quinimo si hic actus fidei inesset parvulis in Baptismo, non ita manibus, pedibusque, dum affunditur aqua, reluctarentur, prout tamen sæpiissime videmus contingere. Accedit, quod juxta Adversarios Art. VI. nulla ibi sit vera fides, ubi nulla sunt opera bona tamquam signa fidei, & fructus gratia; sed in parvulis nulla sunt bona opera: ergo neque fides illa actualis a Lutheranis requisita.

32. Et quæso Lutherane, dum te oppugnat aliquis Anabaptista, qui vult, parvulos non debere baptizari, atque baptizatos debere tamquam adultos iterum rebaptizari, ex eo fundamento, quod in Scriptura requiratur aliqua fides ad Baptismum, juxta illud Marci cap. 16. *Qui crediderit & baptizatus fuerit &c.* a parvulis autem tamquam incapibus rationis fides actualis elici nequeat: quomodo huic Anabaptistæ ex Scriptura, ad quam semper appellas, clare poteris probare, etiam parvulos credere actualiter per aliquem actum fidei a DEO ipsis communicatum?

Nos Catholici, qui præter Verbum Dei scriptum etiam admittimus traditum, & agnoscimus supremum in fidei controversiis ac dubiis decidentis Judicem, prætereaque insuper ex notis Ecclesiæ ostendimus, nostram esse veram a Christo supra Petram fundatam Ecclesiam, facile evenimus dicendo cum Ecclesia, hunc textum: *Qui crediderit & baptizatus fuerit &c.* loqui non de parvulis, sed adultis, apud quos prævie ante Baptismum (uti ponitur in ipso sacro textu) gratis admittitur, requiri actum fidei, qui una cum gratia Divina actuali de congruo disponat ad Baptismum & Justificationem, non autem sit illa, quæ primum etiam in parvulis excitetur per ipsum Baptismum.

## ARTICULUS X.

### *De Cæna Domini.*

33. **D**E Cæna Domini docent, quod corpus & sanguis Domini vere adsint, & distribuantur vescitibus in Cæna Domini. Improbant secus docentes. Ita illi in formalibus.

Quis ex ista doctrina valde palliata non crederet, Confessioni Augustanae addictos quoad hunc Articulum circa Eucharistiam ex toto Catholicos, præsertim, cum præcedenter ponant NB. *adesse corpus & sanguinem Christi*, ac subsequenter primum distributionem, ac summptionem? At longe aliter se res habet; negant enim contra Catholicos, adesse corpus & sanguinem Christi ante ipsam actualem summptionem, hincque apud Catholicos improbant expositionem Venerabilis Sacramenti, atque Processiones cum Eodem, taliter instructi ab ipso Luthero, qui ad initium in Epistola ad Argentinen-ses omnino inclinabat absolute negare realem præsentiam corporis, & sanguinis Christi sub speciebus panis & Vini: postea tamen persuasus a Martino Bucero, pariter Apostata, Patria Argentinensi, Religione Zwingliano, admisit, non quidem extra, sed in ipso usu actuali. Contra hos



34. Respondetur, Corpus & Sanguis Christi non solum sub ipsa actuali sumptione, sed etiam jam antea post complete prolata verba consecratoria adfuit. Ita declarat Concilium Tridentinum *sess. 13. can. 4.* tamquam de fide. Probatur veritas Respon- sionis 1. ex consecratione panis. *Matth. 26. v. 26. & 27.* ubi Christus in Cœna illa ultima Apostolis porrigens panem ait: *Accipite, & comedite; Hoc est corpus meum.* NB. non dixit: *hoc erit* in ipsa manducatione, sed *hoc est* corpus meum, adeoque ne cogatur vel verba S. Scripturæ in sensum valde improprium contra ipsos Lutheranos, volentes in similibus omnia ibidem clara, detorquere, vel omnino admittere, Christum dixisse falsum, debemus concedere, quod illico (nimirum post completam consecrationem) jam adfuerit Panis, seu Cibus hic Angelicus, *Corpus Christi*. Profecto dum Evangelicus ille Paterfamilias *Luc. cap. 14. v. 16. & 18.* fecit Cœnam magnam, figurativam hujus Cœnæ maximæ, & invitavit multos, ut ad eam venirent, utique præsumebantur cibi ante ipsam manducationem existere: hoc enim in quo- libet tali convivio præsupponitur.

Probatur 2. de consecratione calicis; dum enim ibidem invitavit omnes Apostolos, ut biberent, pro majori ad bibendum incitamento adjunxit per particulam enim causam motivam dicens *Matth. cap. 26. v. 28. Hic est NB. enim sanguis meus*: ergo sicut causa effectum, & incitamentum ad aliquam actionem præcedit ipsam actionem, ita sanguis Christi præcessit ipsam bibitionem, seu potationem. Sane si in nuptiis illis *Joan. cap. 2.* descriptis, & in Cana Galilææ celebratis, sponsus (qui teste Augustino tract. 9. in Joan. ad initium, figuravit Christum) voluisset Hospites incitare ad bibendum dicendo: Bibite ex his sex hidriis; *hoc est enim vinum bonum*, omnes supponerent vi hujus pro- positionis jam adesse tale, quando sponsus hæc verba complete pronuntiavit; non autem primum postea illud fieri, puta per conversionem &c.

35. Dices: Christus illa verba: *Hoc est Corpus meum: Hic est sanguis meus*, primum protulit sub actuali sumptione Apostolorum: ergo primum pro tunc, cum Apostoli manducaverunt panem, & biberunt vinum, adfuit corpus & sanguis Christi, & consequenter Eucharistiæ Sacramentum conficitur primum sub actuali usu, uti Baptismus sub actuali ablutione &c. Antec. probatur. Juxta ordinem descriptum in sacro textu *Matth. cap. 26.* Christus primo *accepit* panem, *benedixit, fregit, ac dedit* discipulis suis, postea legitur subjunxisse verba consecrationis, *Hoc est Corpus meum* (idem dic de Calice Domini) ergo signum est, quod etiam Apostoli eo porrecto pane inceperint aliquo modo manducare, & ex calice bibere, antequam Christus illa verba omnino protulit.

36. Respond. neg. anteced. Imo id ipsum quo- que non pauci Lutherani cum Gerardo Professore Jenensi, uno ex principalioribus & doctioribus sectariis, similiter negant, existimantes præallegata consecrationis verba fuisse prolata, non post, sed ante manducationem &c. Quoad probationem antecedentis, transmissio etiam, quod actiones superius descriptæ omnes (de quo tamen vide Con- troversistas nostros hic) ante verba consecratoria contigerint, & quidem eo ordine, quo ponuntur

in sacro textu; vi hujus tamen necdum sequitur, quod sub ipsa prolatione horum verborum Apostoli actualiter inceperint manducare, & bibere de porrectis. Sic dato etiam præcedentibus exemplis, quod Paterfamilias discumbentibus panes distri- buisset dicendo: *Hic est panis optimus*, vel sponsus in Cratere Hospitibus vinum porrexisset excitando, ut bibant, & addendo, *hoc est vinum bonum*; ex- inde tamen non infertur, quod statim sub actuali porrectione, vel verborum prolatione illico ince- perint manducare & bibere. Quoad Baptismum, seu alia Sacramenta negatur paritas: etenim, uti Catholici Theologi in suis libris passim probant, alia Sacramenta consistunt in *fieri*, sanctissimum vero Sacramentum Eucharistiæ in *facto esse* tam- quam aliquid permanens: nam in hoc Sacramento quoque Christus nobiscum est Catholico-Romanis *omnibus diebus usque ad consummationem sæculi*. *Matth. cap. 28. v. 20.* Atque exinde juxta SS. PP. antiquæ quoque Ecclesiæ absoluto cultu latræ recte hic Christus adoratur non solum sub ipsa, sed etiam ante manducationem: quod tamen fieri nequiret, nisi præcederet manducationem caro, & sanguis Christi. Audiamus brevitatis gratia ex pluribus unicum S. Augustinum in Psalmum 98. sic loquen- tem: *Nemo illam carnem manducat, nisi NB. prius adoraverit. Non solum non peccamus adorando, sed peccamus non adorando.*

## ARTICULUS XI.

### *De Confessione.*

37. **D**E Confessione docent, quod absolutio privata in Ecclesiis retinenda sit, quamquam in Con- fessione non sit necessaria omnium delictorum enume- ratio: est enim impossibilis juxta Psalmum: *Delicta quis intelligit?* Ita Lutherani. Econtra Catholici non solum absolutionem, verum etiam integram (supposito, quod status morbi, aliarque circum- stantiæ admittant) confessionem omnium pecca- torum gravium post Baptismum commissorum, & numquam adhuc detectorum necessariam adstruunt quoad speciem & numerum, qualiter eadem post diligens examen occurrunt memoriæ: Dixi notan- ter primo: *qualiter post diligens examen &c.* ubi nota, quod diligentia Examinis debeat mensurari juxta eam diligentiam, quam homines in aliis Respective gravibus negotiis solent adhibere, at- tendendo simul ad circumstantias temporis, per- sonarum &c. non autem requiritur, ut nos nimirum (sicuti solent multi scrupulosi vix non ad insaniam usque aliquoties facere) torqueamus, & defati- gemus: nam Christi *jugum suave est, & onus ejus leve &c.* de quo plura Moralistæ. Dixi notanter secundo: *occurrunt memoriæ*: nam alia, quæ post diligens examen superius explicatum non occur- runt, seu incidunt, utique nec tenemur in con- fessione exponere, & nihilominus etiam ista, non quidem *directe*, sed *indirecte*, seu taliter reimmittun- tur, ut, si postmodum nobis incidunt, & alias Confessionem deponimus, eadem clavibus sub- jicere simus obligati. Et hæc obligatio sub istis moderationibus plane non est impossibilis; non enim somniant Doctores Catholici adstringere Pœnitentem ad confessionem omnium gravium peccatorum in casu impossibilitatis. Quin imo positive

positive contrarium innuunt, dum Theologi Catholici docent expresse, quod omnium gravium peccatorum confessio materialiter integra (uti vocant) non sit necessaria, quando eadem ob statum morbi, vel alias circumstantias redditur *moraliter impossibilis*: e. g. si quis subito destituatur sensibus, ubi sufficit confessio Generalis dolorosa vel ore, vel saltem signo aliquo sensibili expressa, quam confessionem adhuc formaliter integram appellant. Perpende benignitatem Catholicorum. Insuper ad confessionem peccatorum venialium, aut imperfectionum Pœnitentem Catholici non obligant, quamvis Pœnitens eadem se commisisse intelligat, & confiteri posset. Idem a fortiori dicendum quoad motus primo primos appetitus tam concupiscibilis, quam irascibilis, deliberationem intellectus prævenientes, in quibus juxta dicta, & dicenda ne quidem ratio peccati invenitur. His prænotatis

38. Probatur Catholica Veritas ex ipsis Verbis Eternæ Veritatis, Joan. cap. 20. v. 23. ubi post Resurrectionem suam Christus per hæc verba: *Quorum remisistis peccata, remittuntur eis, & quorum retinueritis, retenta sunt*, dedit Apostolis potestatem remittendi, & retinendi peccata, prout in Domino videbitur: sed hæc potestas esset inefficax, nisi ex parte Pœnitentis foret vicissim obligatio confitendi omnia gravia peccata: quomodo enim Confessarius tamquam Christi Minister aliqua peccata retinere, aut etiam prudenter discernere posset, utrum hæc vel illa peccata sint retinenda, vel remittenda, absolutio danda vel deneganda, si Pœnitens non haberet obligationem eadem in Confessionali manifestandi? *Sacerdos pro officio suo, cum peccatorum audierit NB. varietates, scit, qui sit ligandus, quive solvendus*: inquit ex Ecclesia Antiqua Sanctus Hieronymus ad cap. 16. Matth. ergo. Itaque adstantem coram te Sacerdotem Angelum DEI existima &c. aperi ei penetralium tuorum abditissima laribula, conscientiarum verecundarum penitiora revela propagula. Non te pudeat coram uno dicere, quod te non puduit forsitan coram multis, & cum multis facere. Ita Pœnitentem alloquitur S. Augustinus lib. 2. de Visitat. Infirm. cap. 5. Plures alios SS. PP. de antiqua Ecclesia apud Bellarminum, aliosque Controversistas passim reperiendos prætereo.

39. Dices: Neque Christus, neque Apostoli audierunt Pœnitentes distincte quoad speciem & numerum confitentes peccata sua: ergo signum est, quod non sit obligatio (præsertim ex præcepto Divino) eadem aperiendi Sacerdoti singillatim quoad speciem & numerum.

Respondeo ex P. Pichler in sua Theologia Polemica hic sol. apud me 626. quoad ipsum Christum, hoc remedium actualiter primum post suam Resurrectionem instituentem, non esse inferendam paritatem, si Is tamquam supremus Dominus usus fuerit absoluta sua potestate, qui peccata non solum sine absolutione, sed etiam sine Baptismo dimittere potuit; qualis tamen potestas illimitata non legitur data aliis, sed potius restricta ad formam Judicii; debent autem Judici alias delicta aperiri non in genere dumtaxat, sed etiam in specie: quoad ipsos Apostolos prorsus incredibile est, quod hi Judicalem hanc potestatem sibi a Christo Matth. cap. 16. v. 19. adhuc in vita sua promissam, & post mortem Joan. cap. 20. v. 22. actualiter collatam, numquam

exercuerint. Quinimo de S. Paulo expresse in actibus Apostolorum cap. 19. v. 18. habetur: *Quod venerint multi NB. credentium consensientes & annunciantes* (Syriaca Editio habet *numerantes*) *actus suos*. Legatur Bellarminus lib. 3. de Pœnitent. a cap. 2. & seqq. ubi permulta adducit loca S. Script. Conciliorum, & SS. Patrum, Pœnitentiæ, & Confessionis necessitatem clare ostendentium, eamque eodem modo, & ritu, uti nunc est, in usu semper fuisse comprobantium. Pariter annotetur ex P. Pichler loc. cit. in hac ipsa materia infidelitas Lutheri, circa citatum textum D. Pauli, qui, ne suæ doctrinæ, integram confessionem omnium peccatorum mortalium rejicienti, obstare videatur, pro *actus suos*, posuit *miracula sua*, quali nimirum credentes Paulo tantummodo suæ annunciasse miracula. Nec defendat Magistrum discipulus Lomerus dicendo, Lutherum in hoc fuisse secutum S. Chrysostomum, homil. 41. in Acta: falsissimum enim est, quod ibidem, uti legenti constat, S. Chrysostomus *actus suos* accipiat pro *miraculis*; quin potius ait, *annunciantes actus suos* idem esse, ac *offensas suas*. Quare etiam homil. 42. in Matthæum quemlibet Pœnitentem his alloquitur verbis: *Peccata tua NB. per singulas species recale*. Hoc equidem juxta dicenda §. VII. Art. IV. verum est, quod S. Chrysostomus improbet enumerationem specificam peccatorum in Confessionibus publicis: nullatenus vero in Confessione privata, seu auriculari; in qua Sacerdos strictissime obligatur ad silentium, seu sigillum.

## ARTICULUS XII

### De Pœnitentia.

40. DE hoc docent 1. quod post Baptismum lapsis possit remissio peccatorum contingere quocumque tempore, dum convalescunt, & quod Ecclesia talibus redeuntibus ad Pœnitentiam debeat absolutionem impertiri. Et in hoc puncto damnant partim Anabaptistas, negantes semel justificatum posse iterum amittere Spiritum Sanctum: partim Novarianos, nolentes post Baptismum iterum lapsos, & ad Pœnitentiam redeuntibus absolvere.

Docent 2. quod Pœnitentia ista proprie duabus constet partibus, nimirum contritione, seu terroribus conscientia, agnito peccato, inclusis (in his enim constituitur rationem contritionis) ac fide illa, qua ex Evangelio, seu absolutione concipitur, & mediante qua creditur, propter Christum remitti nobis peccata, sicque hac fide apprehenditur justitia Christi, seu gratia justificativa.

Docent 3. Ex hac pœnitentia sequi bona opera, qua dicuntur fructus Pœnitentia.

Docent 4. Non tamen per dicta bona opera, seu satisfactiones nostras nos promereri gratiam. Ita Lutherani.

41. Econtra Catholici quoad primum quidem punctum juxta bonam interpretationem acceptum conveniunt, admittentes ultro peccatorem relapsum, & ad Pœnitentiam redeuntem debere absolvi, dummodo cæteroquin constet, quod debite sit dispositus. In reliquis punctis ex toto sunt contrarii doctrinæ Confessionis Augustinæ.

42. Ut hæc amplius capiantur. Antitheses ad invicem Catholicos inter & Sectarios appono. In

*In primis* Catholici firmiter tenent, Pœnitentiam esse verum Sacramentum: A catholici vero subinde id affirmant, subinde negant, uti videre est apud Pichler hic de numero Sacramentorum. De facto tamen, teste Eodem, communiter saltem, tantum duo admittunt Sacramenta, *Baptismum* nempe & *Eucharistiam*, & consequenter Pœnitentiam a ratione Sacramenti excludunt.

*Secundo*, Catholici credunt indubitate, ad valorem Sacramenti Pœnitentiæ necessario requiri tria: nimirum *dolorem cum proposito*, aliquam vel materialiter, vel in certis circumstantiis saltem formaliter integram *confessionem*, & *absolutionem*: *satisfactionem* autem actualem esse quidem partem integram, vi cuius in Virtute Sacramenti, & meritorum Christi delentur pœnæ temporales, sæpius post reatum culpæ remissum adhuc restantes; valere tamen adhuc Sacramentum quoad sua essentialia, si hæc satisfactio equidem habeatur in voto; in re autem ipsa non persolvatur, puta ob mortem subitanæam &c. &c.

Econtra Sectarii putant, Pœnitentiam duabus tantum constare partibus: nimirum *contritione* & *fide*. Absolutionem quidem etiam admittunt, negant tamen per eandem peccata propriè remitti; sed potius denunciari remissa per fidem in Christum in corde Pœnitentium excitatam, qua mediante apprehenditur gratia justificativa. Confessionem concedunt, ast omnium peccatorum enarrationem impossibilem adstruunt. Obtineri autem remissionem peccatorum per satisfactiones nostras, absolute rejiciunt.

*Tertio*, quoad dolorem ad Pœnitentiam requisitum, equidem etiam Catholici eundem communiter vocant contritionem: ast longe aliter explicant, quam Lutherani Confessioni Augustanæ adhiçti. Nam priores dicunt contritionem super naturaliori in genere esse *dolorem animi, ac dispositionem peccati commissi ex motivo aliquo honesto per fidem cognito &c.* Quam deinde contritionem, vel pro varietate motivi, sive juxta nonnullos pro varietate majoris vel minoris intensiõis, dividunt in contritionem perfectam, & imperfectam, fatentes, ad Sacramentum Pœnitentiæ tantummodo desiderari contritionem imperfectam. Econtra posteriores, nimirum Lutherani, in Confessione Augustana ajunt, quod contritio illa nihil aliud sit, quam *terrores & pavores conscientie incussi a lege, agnito peccato, & ira Dei*: nam (pergunt ulterius) per ipsam legem innotescit nobis peccatum, & ira Dei desuper denunciatur, ex qua consideratione terrores conscientie incutiuntur, quæ exinde conteri dicuntur. Ita in his punctis Sectarii, contra quos (dum eosdem quoad obligationem confitendi peccata jam superius refutavimus) etiam circa tria residua puncta, nempe circa explicatam contritionem, absolutionem & satisfactionem, Catholicam veritatem per tres Responsiones probamus. Itaque.

43. Respondetur I. Superius a Lutheranis explicati, & conscientie incussi terrores formaliter & essentialiter non constituunt contritionem, seu dolorem requisitum ad Pœnitentiam. Ratio est, quia tremores isti non raro possunt reperiri etiam in impenitentibus: nam etiam *demones credunt & contremiscunt*. Jac. 2. Sic etiam reus homicidii

potest timere futuras pœnas, & iram Judicis, quia conteratur de crimine: Imo potest adhuc gaudere, quod trucidaverit, e.g. suum Adversarium: ergo in his tremoribus non consistit essentia contritionis illius, quæ est pars Pœnitentiæ. Unde nec Sancti PP. antiquiores essentiam contritionis, seu doloris ad Pœnitentiam requisiti definierunt per istos terrores. Ostendant itaque nobis Adversarii clare, ex Sacra Scriptura (ex qua suas probationes desumi gloriantur) quo loco hæc definitio contritionis legatur.

44. Id summopere deplorandum (uti etiam sæpius mecum ingemui) quod, dum Pastores Sectariorum ex una parte contritionem ad Pœnitentiam essentialiter requisitam tam mirabiliter explicant; ex altera vero fidem suam justificativam, una cum libertate conscientie nimirum quantum continuo in libris & pulpitis extollunt, de Contritione perfecta, ex motivo Charitatis procedente actum teneant silentium, vel saltem pro captu non satis declarent, facile contenti, dummodo errantes oviculæ suæ sciant contra Catholicos explicare fidem suam justificativam, & in actum exercitum deducere. Insignis hæc est decaptio diaboli, qui pauperulis maxime simplicioribus ignorantia forsitan invincibili circa veram fidem laborantibus, aliis tamen peccatis contra Decalogum irretitis, exinde subtrahit unicum, quod adhuc superesset ipsis salvationis remedium, nempe Charitatem & contritionem perfectam. Vide hic sæpius allegatum Patrem Pichler, cujus Theologiam Polemicam utilissime leges, maxime si inter A catholicos permixtum vivas; ubi pariter novas evasiones & distinctiones recentiorum Theologorum A catholicorum præclusas invenies.

45. Respondetur II. Absolutio est Pars essentialis Sacramenti Pœnitentiæ, atque per Sacerdotem vi absolutionis vere remittuntur Pœnitentibus peccata, & non præcisè denunciantur esse remissa per excitatam in Pœnitentibus fidem, quam A catholici justificativam appellant. Ita Catholici omnes; quin imo ex Eorum Doctoribus, præsertim Scotistis, non desunt, qui, cum hoc Sacramentum se habeat per modum Judicii, totam ejusdem essentiam constituunt in absolutione; ita tamen, ut dolor, ac confessio requirantur, tamquam conditiones, sine quibus non haberetur essentia, eo ferme modo, quo ajunt unionem inter materiam & formam non esse partem essentialem hominis, sed præcisè conditionem sine qua non. Quidquid tamen de hoc sit in præsentî.

46. Probatur Veritas Catholica contra Hæreticos quoad I. partem taliter; Ex jam dictis *art. præc.* confessio modo superius explicato est pars essentialis Pœnitentiæ (vel, si mavis dicere, conditio essentialiter requisita ad Sacramentum Pœnitentiæ) ergo multo magis absolutio erit pars essentialis; cum confessio sit ordinata ad absolutionem impetrandam, atque insuper conformiter textui S. Joannis c. 20. *Quorum remiseritis &c.* Christus instituerit hoc Sacramentum per modum Judicii; Judicium autem essentialiter compleatur per sententiam Judicis. Ut autem adhuc in hoc puncto clarius (obscuritatem enim, quantum possum, abominor) ad invicem intelligamur, notatum velim ab Adversariis, quod pro semper Catholici defen-



defendant, Pœnitentiam esse verum Sacramentum juxta dicende Articulo sequenti; & ad id, quod tale, ut in sua constituitur essentia, requirunt absolutionem. Ceteroquin in suis Principiis gratis fatentur etiam extra actualis hoc Sacramentum posse aliquoties graves peccatores Fideles salvari per actum Charitatis, vel Contritionis perfectæ, in quibus tamen semper saltem implicite, confessio & absolutio, seu Sacramentum Pœnitentiæ includitur in voto.

47. Probatur nunc secunda Pars hujus Catholice Veritatis, quod nimirum per hanc absolutionem vere remittantur peccata: etenim Christus Joani 20. absolute pronuntiavit: *Quorum remiseritis peccata, remittuntur eis*: ergo per Sacerdotem in absolutione non solum denunciantur remissa peccata per fidem, prout putant Acatolici, sed vere remittuntur, non quidem Auctoritate suprema & independenti (hoc enim soli Deo competit) sed delegata & dependenti: debemus enim Sacram Scripturam accipere in sensu proprio, quando sine implicanti & contradictione possumus, maxime in principiis Acatolicorum, qui dogmata sua conantur (utimur conatui corresponsderet effectus) vel maxime demonstrare ex Scriptura. Et plane, si remittere peccata seu absolvere a peccatis idem est, ac denunciare, peccata esse remissa per fidem, poterit quoque Laicus, ac Ecclēia absolvere; nam & hæc excusando peccatorem, ut credat in Christum, & confidat in merita Ejusdem, poterit dicere: *Si hanc fidem habes, denuncio tibi remitti peccata*. Immo quis magis hanc denunciationem remissionis peccatorum propter fidem in Christum facere poterit, quam peccator sibi metipso, qui melius, quam exteriores, sentiet, qualem in corde suo habeat fidem, & fiduciam in Christum? sicque peccator sistendo in principiis Adversariorum posset contra communem praxim, & sensum antiquæ Ecclesiæ se ipsum absolvere.

48. Respondetur III. Per bona opera ac satisfactiones nostras, in meritis Christi & Divina gratia fundatas, obtinemus in Sacramento Pœnitentiæ condonationem peccatorum quoad pœnas temporales, scilicet post reatum culpæ remissionem adhuc restantes, & alias vel in hac vel in altera vita solvendas. Hæc Responsio dum in se continet partes: nimirum 1. quod culpa remissa scilicet restet aliqua adhuc pœna temporalis. 2. Quod remissionem talis pœnæ possimus obtinere per bona opera & satisfactiones nostras. Prima pars patet exemplo S. Scripturæ: sic enim Rex David 2. Reg. cap. 12. v. 13. & 14. postquam perfecte corde contrito culpam suam de duplici gravissimo peccato, Homicidio & adulterio, per verbum peccavi confessus fuit, obtinuit remissionem culpæ Pœnitenti Regi per Nathan Prophetam annunciatam his verbis: *Domine transula peccatum tuum*; quo non obstante punitus est adhuc temporaliter, nimirum mortē filii sui unice dilecti. Secunda pars ostenditur ex sacro Codice, & SS. PP. qui similibus satisfactionibus, seu (uti comitatim vocantur) Pœnitentiæ remissionem adscribunt. *Si pœnitentiam egerit gens illa a malo suo*, inquit Deus Jerem. cap. 18. *agam & Ego Pœnitentiam super malo, quod cogitavi, ut facerem ei &c.* Et S. Augustinus in Enchiridionē ad Laurentium c. 71. loquens

de Oratione Dominica: *Oratio delet & illa* (supplet peccata) *a quibus vita fidelium scelerate etiam gesta, sed NB. pœnitendo in melius mutata, discedit.*

49. Nec dicas: Satisfactio, ac merita Christi tamquam infiniti valoris sunt sufficientissima ad remittenda peccata nostra tam quoad culpam, quam quoad pœnam; ergo sunt injuriæ Christo, & ejus gloriam diminuant, qui aliquam insuper remissionem pœnæ temporalis tribuunt meritis & satisfactionibus nostris. Respond. Disting. ant. Merita & satisfactio Christi sunt sufficientissima ad remissionem &c. in actu primo con. in actu secundo nego. Etenim etsi ex se ipsis sint talia, attamen Christus in actu secundo noluit Homini ista illimitato modo applicare, sed potius voluit, ut pariter ad merendum merita sua, & ad satisfaciendum satisfactiones suas adjungat. *Qui sic Deo satisfecerit, non jam solum Dei veniam NB. merebitur, sed coronam*, ait in formalibus antiquissimus S. Pater Cyprianus *serm. de lapsis*. Nec exinde diminuitur gloria Christi; cum ipsa hæc merita, & satisfactiones nostræ valorem suum habeant ex satisfactionibus & meritis Christi, intuitu quorum conferatur nobis Divina gratia, opera nostra dignificent. Sic etiam in ipsis principiis Adversariorum, quamvis merita & satisfactiones Christi in se ipsis sint infiniti valoris, noluit tamen Christus ea nobis applicare in actu secundo nisi dependenter a Sacramento, & (uti ipsi inquirunt) a fide in Christum, qua apprehendimus justitiam.

## ARTICULUS XIII

### De Usu Sacramentorum.

50. **E**xplicam in primis, ac describam Sacramenta in genere, quod sint signa & Testimonia voluntatis Dei, erga nos ad excitandam & confirmandam fidem in his, qui utuntur, propolita. 2. Dicunt, Sacramentis superius descriptis esse utendum ita, ut fides accedat, qua credis promissionibus. 3. Damnant illos (puta Catholicos) qui docent, quod Sacramenta in opere operato justificent. Ita Lutherani. Ubi nota, quod in Confessione sua Augustana a numero determinato Sacramentorum in specie adhuc abstraxerint, etsi de facto communiter tantum duo admittant, nimirum Baptismum & Eucharistiam.

51. Ceterum ex hac ipsa descriptione Sacramenti ut sic innuere volunt, tria principaliter in ipsorum principiis requiri ad rationem Sacramenti. 1. Ut id, tamquam signum habeat externum aliquod materiale, quod vocant Elementum. 2. Ut Elementum, seu signum illud habeat expressum mandatum Divinum, seu sit institutum a Deo. 3. Ut habeat annexam promissionem gratiæ: taliter nimirum, ut per signum a Deo institutum excitetur in nobis fides in Christum, qua, quasi aliqua manu, apprehendimus justitiam Christi; nobis exinde saliter imputatam, ut per eam dicamur justī, Deoque grati, & peccata nostra tegantur, seu non amplius imputentur.

Ex quo facile deducitur, Acatolicos non admittere gratiam, per Sacramenta nobis collatam, esse aliquod positivum supernaturale, qualiter Catholici intrinsicam aliquam qualitatem supernaturalem (quam habitum vocant) defendunt, per Sacramenta saltem moraliter causatam in anima



animam iusti; ubi e contra Lutherani eam gratiam Sacramentalem tantummodo extrinsecam allerunt, quatenus nimirum præcise mediante fide elicitam ipsa Iustitia, seu Sanctitas Christi nobis imputatur; quin aliqua positiva qualitas supernaturalis animæ infundatur.

§ 2. E contra Catholici longe aliter definiunt, & vi ipsius definitionis alias ad Sacramentum requirunt condiciones, quam A catholici: describunt nimirum taliter ex Catechismo Romano, quod sit *invisibile gratia visibile signum ad nostram justificationem institutum*. Vel ex Scoto 4. sent. dist. 1. quest. 2. quod sit *signum sensibile gratiam Dei, vel effectum ejus gratuitum ex institutione Divina efficaciter significans, ordinatum ad salutem hominis Viatoris*. Singulas particulas hujus descriptionis fusiùs declaratas vide apud Reiffenstuel *Tract. 14. Theol. Moral. dist. 1. quest. 1.* Secundo ex hac ipsa definitione inferunt, Sacramenta dici talia, non quatenus fidem actualem in Christum excitant, sed quatenus causant instrumentaliter gratiam primam aut secundam, & quidem tamquam aliquam qualitatem supernaturalem animæ infusam. Tercio Sacramenta causare illam gratiam ex opere operato, id est, immediate vi ipsius Sacramenti per merita Christi ad hanc causalitatem elevati, non autem intuitu meritorum alicujus operantis. Quarto talia Sacramenta statuunt septem, puta *Baptismum, Confirmationem, Pœnitentiam, Eucharistiam, Extremam Unctionem, Ordinem, & Matrimonium*. His prænotatis

§ 3. Respondetur I. Male describitur Sacramentum ut tale ex eo, quia excitat vel confirmat in nobis fidem in Christum, qua apprehenditur gratia justificativa. Ratio est prima, quia etiam aliqua concio, Liber spiritualis, vel devota Imago potest excitare fidem in Christum, præcipue vero ipsum Evangelium JEsu Christi: nam *Evangelium virtus Dei est in salutem omni credenti*. Ad Rom. 1. v. 16. & tamen etiam juxta ipsos similia non sunt vera Sacramenta: ergo hæc definitio non convenit omni & soli, consequenter est mala.

Ratio est secunda, quia fides potius præsupponitur in adultis, ante susceptionem Sacramenti; ergo non causatur, seu excitatur primum per Sacramentum; alias enim esset effectus simul prior, & simul posterior sua causa. Antec. probatur in Baptismo, quem etiam A catholici tamquam verum Sacramentum agnoscunt: ubi tamen fides præsupponitur ipsi in Scriptura: sic enim legitur *Marci cap. 16. Qui NB. crediderit, & baptizatus fuerit, salvus erit*. Matth. cap. 28. *Docete omnes gentes, baptizantes eos &c.* Act. cap. 8. v. 12. *Cum credidissent Philippo Evangelizanti de Regno Dei, in nomine JEsu Christi baptizabantur*. Et ibidem v. 37. ac seqq. noluit Philippus baptizare Eunuchum Reginae Candacis, nisi credas ex toto corde.

Ratio est tertia, quia apud Lutheranos etiam Infantibus, & perpetuo amentibus recte confertur Sacramentum Baptismi, & tamen ibidem Baptismus nequit excitare fidem actualem; cum sint incapaces rationis, sicque etiam incapaces eliciendi actum fidei, conformiter jam dictis Art. IX. licet cæteroquin nullum ponant obicem huic Sacramento: ergo ad rationem essentiali Sacramenti necessarium non est, ut excitetur actualis fides in

Christum. Quod si varias extortas contra hæc solidissima fundamenta Catholica adducant evasiones, & distinctiones, petuntur ab ipsis textus Sacre Scripturæ, ex quibus clare hæc eruantur: quoniam si ad salutem necessaria juxta eodem exiuntur ex S. Scriptura, præ omnibus id fieri debet quoad Baptismum, per quem in Ecclesiam ingredimur.

§ 4. Respondetur II. Sacramentum optime describitur a Catholicis per hoc, quod sit causativum gratiæ sanctificantis ex opere operato. Ratio est, quia Sacra Scriptura tribuit Sacramentis ipsiismet effectum gratiæ, atque peccatorum remissionem: sic enim legitur de Baptismo. Act. cap. 2. v. 38. *Baptizetur unusquisque vestrum NB. in remissionem peccatorum*. de Eucharistia autem Joan. cap. 6. v. 50. & 52. *Si quis manducaverit ex hoc pane, vivet in æternum*. Item *panis, quem ego dabo, caro mea est NB. pro mundi vita &c.* Plures tales textus videri possunt apud Controversistas. Unde non video, quomodo ex hoc capite (ut nec ex alijs) Lutherus potuerit improbare Ecclesiam, & sumere anam apostatandi.

§ 5. Respondetur III. Gratia illa sacramentalis causata per Sacramenta, tamquam per instrumenta, est vera aliqua qualitas positiva, supernaturalis, animæque inexistentis, per quam homo fit, vel formaliter iustus, amicus & filius adoptivus Dei, vel saltem ut talis jam inventus, in his prædictis confirmatur & crescit.

Probatur 1. Ex illis textibus Sacre Scripturæ, quibus gratia superius explicata comparatur indumento, juxta illud ad Ephes. cap. 4. *Induite novum hominem*, vel specialiter *vesti nuptiali* Matth. cap. 22. vel *stola prime* Luc. cap. 15. quæ omnia utique non sunt quid pure extrinsecum, sed ens positivum, adhaerens corpori: ergo pariter gratia erit ens aliquod positivum, tamquam accidens inherens animæ.

Probatur 2. Quia Christus est iustus & sanctus per justitiam & sanctitatem non præcise imputativam, sed positive sibi existentem: ergo etiam nos per Sacramenta, meritis Christi elevata, erimus taliter iusti & sancti: *Etenim omnis, qui spem habet in eo* (id est, Christo) *sanctificat se*, NB. *sicut & ille sanctus est*. Joan. cap. 3. v. 3.

Nec dicas, per Baptismum & Pœnitentiam tantummodo tegi peccatum originale, & actualia juxta illud Psalm. 31. *Beati &c. quorum tecta sunt peccata*; adeoque non requiri aliquod ens positivum, quo in Sacramentis formaliter constituamur iusti, sed sufficere, ut in tantum dicamur, e. g. per Baptismum & Pœnitentiam justificati, in quantum per umbraculum meritorum Christi, seu per ipsam Ejus Justitiam, mediantibus Sacramentis fide apprehensam, nostra peccata obteguntur quasi veste purpurea, sicque nobis non amplius imputantur. Nam contra hanc evasionem est, quod a Sacra Scriptura peccata dicantur tolli, Joan. cap. 1. atque deleri, *Isai. cap. 43*. Item nos exinde ablui & mundari, *1. Cor. 6*. atqui ista omnia non essent vera, si peccata tantum tegerentur: nam tege leprosum toga, qua velis, pretiosa, lava sordidam vestem, qua potes, industria: si lepra adhuc in isto homine, vel sordes in veste remanent, homo hic erit a parte rei adhuc leprosus, & vestis adhuc fordi-

sordida, quantumcumque tegantur; nec in simili casu vere loqui censeretur, qui diceret, lepram ab illo homine esse sublatam, maculas deletas, & vestem mundatam. Cur igitur non pariformiter loquamur circa remissionem peccatorum? præsertim cum juxta A catholicos verba Scripturæ, quantum fieri potest, accipi debeant in sensu proprio, nisi evidenter constet contrarium, & quidem ex ipsa Scriptura. Ostendant ergo Adversarii doctrinæ nostræ circa Sacramentalem gratiam evidenter contrarium. Textus ab Iplis allegatus truncatus profertur, ita enim habet: *Beati, quorum NBI remissa sunt iniquitates, & quorum tecta sunt peccata.* Cur remissa peccata nolunt recipere in sensu proprio, & cur præcise regi peccata? Audiamus super hunc textum non Lutherum, sed magnum Ecclesiæ Lumen, S. Augustinum, qui eundem explicat assumendo paritatem circa vulnera animæ, & circa vulnera corporis: vulnera enim corporis dupliciter regi possunt, nimirum vel ab ipso vulnerato, vel a Medico, seu Chirurgo. Vulneratus tegit ea pallio abscondendo, non tollendo: Chirurgus emplastro ea tegit, & simul tollit. Idem contingit apud Peccatorem quoad vulnera animæ suæ; tegi hæc possunt vel ab ipso peccatore, vel a Christo: peccator tegit, quando abscondit vel dissimulat; Christus Medicus animarum tegit emplastro gratiæ divinæ, & simul per hoc emplastrum vulnera tollit. Videatur in hunc textum falsus præsertim num. 21. Le Blanc.

56. Respondetur IV. Sacramenta causantia gratiam, modo superius explicata, sunt numero septem, nimirum *Baptismus, Confirmatio, Eucharistia, Penitentia, Ordo, extrema Unctio, & Matrimonium.* Ita ana, sancta, Catholica, & Apostolica, sicque juxta dicenda notis veræ Ecclesiæ (quæ nec in materia fidei propter certam Christi assistentiam fallere potest, nec falli) prædita Ecclesia Romana, cui etiam Ecclesia Græca schismatica (quamvis alias ex diuturno odio, ubi vel apparentes minimæ apparent rationes, contradicat) in hoc puncto consentit, non obstantè, quod Lutherani Eiusdem Patriarcham Hieremiam diversis artibus & blanditiis in suas voluerint trahere partes, uti apud Controversistas celebriores passim invenies, qui pariter sanctorum Patrum antiquissimæ & primæ Ecclesiæ sententias varias modo in favorem hujus, modo alterius ex isto numero septenario Sacramentorum adducunt. *Multa non inveniuntur in literis Apostolorum, nec in Conciliis Posteriorum, & tamen quia per universam custodiuntur Ecclesiam, non nisi ab ipsis tradita, & commendata credantur.* Inquit S. Augustinus lib. 2. de Baptismo contra Donatist. cap. 7.

57. Nec dicas I. In Sacra Scriptura de isto numero septenario nihil inveniri, & consequenter eundem numerum male a Catholicis, & gratis adstrui. Respondetur enim I. ad hoc argumentum mere negativum, neque ex una parte inveniri in Sacra Scriptura contrarium, & cæteroquin ex altera parte pro veritate hac stare consensum universalis, atque ex notis superius allegatis veræ Ecclesiæ una cum Sanctis Patribus etiam antiquissimis. Respondetur II. Neque in Sacra Scriptura reperiri numerum præcise binarium Sacramentorum, uti moderni Lutherani solent adstruere,

nimirum solummodo *Baptismum & Eucharistiam.* Sicque hæc obiectio fortius contra ipsosmet pugnat Adversarios, qui omnia sua dogmata volunt ex Scriptura probare. Cur enim excludunt a ratione Sacramenti *Penitentiam*, cum tamen illic quoque reperiat *signum externum*, puta confessio dolorosa, & absolutio? insuper (uti ipsimet ad rationem Sacramenti exposcunt) ibidem reperitur *institutio*, seu uti vocant, *mandatum Divinum, & adpromissio gratiæ justificatiæ* Joan. cap. 20. *Quorum remiseritis peccata, remittuntur eis.* Item Act. cap. 3. *Penitentiam, & conversionem, ut deleantur peccata vestra.* Rursum Lucæ cap. 13. v. 3. *Nisi Penitentiam habueritis, omnes simul peribitis.* Cur igitur (inquam) a ratione Sacramenti *Penitentiam* excludunt? scio quidem, quod repoint apud P. Pichler hic, se ideo excludere, quia signum illud sensibile in Penitentia tantummodo sensu *auditus*, non autem sensu *visus* est perceptibile. Risum teneatis amici: si tamen in puncto tam arduo æternam salutem concernente ridendum, & non potius cæcitas ista deploranda est. Rogo, ostendatur Catholicis (citra tamen petitionem principii) ex claro aliquo Sacra Scripturæ textu, quod ad rationem Sacramenti NB. *ut sic*, seu *in genere* necessarius requiratur, ut sit signum *visu* (excludendo sensum *auditus*) perceptibile. Respondetur III. Catholicos non esse adeo steriles, quin junctis simul dictis num. 56. pro septenario numero Sacramentorum invēniant quoque textus Sacra Scripturæ. De *Penitentia* patet ex proxime dictis. De *Confirmatione* Corinthios suos *in fide jam stantes* alloquitur Apostolus 2. Corinth. cap. 1. v. 21. *Confirmat* (supple Deus) *nos vobiscum in Christo, & qui NB. unxit nos Deus, qui & signavit nos.* De cæteris tribus Sacramentis (nimirum *extrema Unctione, Ordine, & Matrimonio*) invenies passim textus sacra paginæ apud Theologos & Controversistas, ad quos brevitatæ gratia lectorem remitto; notanter ad P. Pichler *Parte posteriori Theologia Polemica Controvers. 3. art. 2. & P. Henno Tractatus de Sacramentis disput. 2. quest. 3.*

58. Nec dicas II. Sanctos Patres antiquæ Ecclesiæ, nominatim S. Augustinum Epistola 118. ad Januarium stare potius contra nos, adstruentes duo tantum Sacramenta, *Baptismum* nimirum & *Eucharistiam*, cui sententiæ pariter favet Ecclesia Græca in Confessione suæ fidei, quam Patriarcha Constantinopolitanus Cyrillus Liparus Anno 1633. imprimi curavit, ubi hæc leguntur formalia: *Credimus Evangelica Sacramenta esse ea, quæ Dominus instituit in Evangelio, & ipsa esse NB. duo, nempe Baptismum & Eucharistiam, ampliorem numerum Sacramentorum non habemus.*

Respondetur enim in primis quoad sanctos Patres, eosdem in certis textibus non quidem omnia septem Sacramenta recensere insimul; facere tamen mentionem successive, id est, de quibusdam in uno, de aliis in altero loco. Paucis: in similibus textibus, si qui contra nos ab Adversariis adducuntur, loquebantur Sancti Patres *præcise*, non *exclusive*; prout nimirum requirebat eorum propositum, vel materia, quam tractabant, eo ferme modo, quo explicavimus Articulo IV. textus Sacra Scripturæ, qui ad justificationem nostram subinde solam fidem requirere videbantur. Sic in specie,

specie, ac nominatim S. Augustinus, qui Epistola 118. ad Januarium meminit tantummodo duorum Sacramentorum, Epistola statim sequenti seu 119. facit mentionem de tribus. Libro autem 5. de Baptis. contra Donatist. cap. 20. commemorat quatuor, *Baptismum* nempe, *Unctionem*, *Eucharistiam* & *Ordinem*. Sacramentum Chrismatis, seu Confirmationis contra Petilianum adducit apud Pichler hic sequentibus formalibus: *NB. Sacramentum Chrismatis in genere visibilibus signaculorum sacramentum est, sicut ipse Baptismus.* Sacramentum Pœnitentiae apud Franciscum Henno *Tract. de Pœnit.* allegat lib. de adult. conjug. cap. 26. his verbis: *Eadem est causa Baptismi & Reconciliationis, sine quibus NB. Sacramentis homines credunt, se non debere exire de corpore.* de Matrimonio ait lib. de fide & operibus cap. 7. *In Ecclesia NB. nuptiarum non solum vinculum, sed etiam Sacramentum commendatur.*

Quantum ad Ecclesiam Græcam, quod ea septem credat Sacramenta, clarissime patet ex Responione Hieremiz Patriarchæ ad litteras A catholicorum, videnda in Examine Polemico P. Pichler Art. VI. Verum quidem est, quod Cyrillus Liparus in sua confessione duo tantummodo admisit Sacramenta: sciendum tamen, quod ille declinaverit ad partes Hæreticorum, & propterea a suo successore Anno 1638. fuerit Anathematizatus his verbis: *Cyrillo dogmatizanti, & credenti, non esse NB. septem Sacramenta Ecclesiæ &c. sed mentienti non esse tradita a Christo in Evangelio, nisi solum Baptismum & Eucharistiam, Anathema &c.* Videatur Franciscus Henno *Tractat. de Sacrament. Disputat. 2. Quest. 3.*

## ARTICULUS XIV.

### *De Ordine Ecclesiastico.*

59. **D**E Ordine Ecclesiastico docent, quod nemo debeat in Ecclesia publice docere, aut Sacramenta administrare, nisi rite vocatus. Ita Lutherani, & absque hæsitacione consentiunt Catholici, repentes tamen suam interrogationem ex ipsis, jam semel Articulo V. factam, a quonam Eorum Pastores & Præcones sint rite vocati ad publice docendum, ad danda Sacramenta, & Absolutionem Pœnitentibus administrandam? Certe destituti supremo in terris Christi Vicario, etiam superiores eorum Pastores, seu Superintendentes, recurrere finaliter debent juxta jam dicta Art. V. ad Potestatem Laicam; cum tamen nemo dat, quod nec formaliter, nec eminenter in se habet. Recordor in præsentī curiosæ cujusdam historiæ, quam Principem inter quempiam A catholicum, & ejus Superintendentem contigisse Vir quidam magnæ fidei, & Auctoritatis mihi narravit: Interrogavit nempe Princeps sub familiari quondam discursu suum supremum Superintendentem, a quo potestatem haberet, Ipsum absolvendi a suis peccatis? Respondente illo, *a sua Serenissima Celsitudine ipsamet.* Tandem reposuit Princeps: *Si ita se res habet, porro quoque eandem potestatem uni ex infimis meis stabulariis committere, quod Principi videbatur absurdum, & extra suam sphaeram: hincque ad Catholicam se se contulit Religionem, ubi præsidet Christi Vicarius, & successor D. Petri, cui (& non*

Regi) tradidit DEUS claves Regni Cælorum, ut quacumque solverit super terram, soluta sint & in Cælis, Math. cap. 16. v. 19. Qui tenet Sedem Romæ &c. Ipse primus est, sicut Petrus, cui data est potestas in omnes NB. Principes Christianos, & omnes populos eorum &c. inquit Concilium Generale Nicænum, etiam ab Adversariis admissum Can. 39. ut citat P. Pichler in sua Theolog. Polem. cap. 4. art. 1. §. 4. num. 23.

## ARTICULUS XV.

### *De Ritibus Ecclesiæ.*

60. **D**Ocent 1. Quod Ritus Ecclesiastici illi, quæ sine peccato servari possunt, & profunt ad tranquillitatem & bonum Ordinem in Ecclesia, sine servandi, cujusmodi ritus sunt certa seræ, festa, & similia. 2. Addunt, esse tamen admonendos homines, ne conscientia onerentur, tamquam talis cultus sit ad salutem necessarius. 3. Ajunt, dicere, traditiones humanas institutas esse ad placandum DEUM, ad promerendam gratiam, & ad satisfaciendum pro peccatis, adversari Evangelio & Doctrina fidei. 4. Ex hoc ipso inferunt, Vota, traditiones de cibis & diebus institutas, ad promerendam gratiam & satisfaciendum pro peccatis inutiles esse & contra Evangelium. Ita Lutherani.

61. Econtra Catholici firmiter tenent in primis, similes Ritus Ecclesiasticos, (puta quoad certa festa vel jejunia &c.) non solum observari laudabiliter, verum etiam obligare in conscientia, ita, ut voluntarius similium transgressor, si fiat sine sufficiente causa in materia gravi, peccet mortaliter, neque æternam consequatur salutem, nisi perfecte contritus aut confessus &c. 2. Defendunt, similia opera moraliter bona, esse quoque meritoria, vel de congruo, vel de condigno, atque satisfactoria pro peccatis, seu rectius loquendo pro pœnis ex peccato adhuc residuis, uti notatur apud Reiffenstuel *Tract. 1. Dist. 2. post num. 48. addit. I. & II.* Semper tamen (quod A catholici bene notent, ut nos bene intelligant) concurrente aliqua gratia Divina, per merita, satisfactiones, & passionem Domini Nostri JESU Christi nobis comparata, similia contingunt, ita, ut finaliter omnia redeant ad mare Rubrum Passionis Domini Nostri JESU Christi, omniumque Ejusdem meritorum, atque satisfactionum, a quo tamquam fonte exierunt. 3. Ex hac ipsa doctrina consequenter asserunt, Vota, jejunia, etiam præscribendo certum ciborum genus &c. aliaque bona opera esse plurimum conducentia in ordine ad remissionem peccatorum, vitam æternam, augmentum gratiæ & gloriæ.

62. Porro probationes harum assertionum Catholicæ veritatis a potiori jam præcesserunt Art. 4. Art. 6. & Art. 12. quibus ostendimus non solam fidem, sed & charitatem, aliaque bona opera prodesse mediate, vel immediate ad justificationem, ad promerendam gratiam, & satisfaciendum modo superius indicato pro peccatis; de quibus pariter fulius agitur in Theologia speculativa *Tractatu de gratia & meritis*, & apud Reiffenstuel in Theologia morali *Tract. I. Dist. 2. q. 6.* Quoad Vota Religiosorum, & quoad præceptum, atque modum nostrum jejunandi recurret mentio §. sequenti. Hincque in præsentī nil restat, nisi



ut ostendatur, Ecclesiam habuisse potestatem, & potuisse iuste subditos suos ad Ritus Ecclesiasticos tales obligare, sicque eorum conscientias onerare, quod hic & nunc succincte taliter probatur. Ecclesia potest obligare in conscientia, & præcipere res & Ritus honestos: sed Jejunium & observantia certorum festorum sunt utique res & Ritus honesti, uti de se patet, & ipsimet Sectarii certis temporibus præcitant: ergo. Major probatur ex eo; quia DEUS Ipsemet NB. *sub interminatione damnationis* injungit subditis *ad Romanos cap. 13. v. 2.* ut obediant Potestati (si Civili, utique magis Ecclesiasticæ;) quod haud dubie non faceret tamquam infinite sanctus, justus, & misericors, si inhonesta ab aliis præciperentur, aut ipsi subditi obedire non tenerentur. Qualiter enim essem damnandus propter transgressionem illius præcise, ad quod servandum non sum obligatus? formalia de loc. cit. sunt sequentia: *Qui resistit Potestati, DEI ordinationi resistit. Qui autem resistunt, NB. ipsi sibi damnationem acquirunt.*

## ARTICULUS XVI.

*De Rebus Civilibus.*

63. **I**N compendio de his docent, 1. *Quod Ordinationes legitime Civiles sint bona opera Dei.* 2. *Quod liceat Christianis gerere Magistratus, exercere Judicia, constituere supplicia &c.* 3. *Quod necessario debeant Christiani obedire Magistratibus suis & Legibus.* 4. *Quod liceat tenere proprium.* 5. *Pariter ducere Uxorem seu nubere.* Ita Lutherani, neque quoad omnia hæc puncta contrarii sunt Catholici, dummodo sub licentia nuptiarum Religiosos, Vota solemniter emittentes, vel Clericos in Sacris constitutos non subintelligant, de quibus §. sequenti.

## ARTICULUS XVII.

*De Judicio DEI.*

64. **A**dmittunt, *Quod Christus appareat in consummatione mundi ad judicandum, & mortuos omnes resuscitet, piis & electis vitam æternam daturus; impios autem homines, & Diabolos condemnaturus, ut sine fine crucientur. Damnant exinde Anabaptistas, qui sentiunt, hominibus damnatis, & Diabolis finem poenarum futurum esse &c.* Ita Lutherani, idemque fatentur Catholici.

## ARTICULUS XVIII.

*De libero Arbitrio.*

65. **D**Ocent 1. *Quod humana voluntas habeat aliquam libertatem ad efficiendam Civilem justitiam, & diligendas res rationi subjectas.* 2. *Quoad bona naturalia, seu quæ de bono naturæ oriuntur, qualia sunt (prout exemplificant in formalibus) velle laborare in agro, velle manducare & bibere, velle habere amicum, velle habere indumenta, velle fabricare domum, velle uxorem ducere, pecora nutrire, artem addiscere &c.* 3. *Pariter libertatem admittunt in malis, qualia sunt, velle Idolum colere, velle homicidium &c.* 4. *Quoad justificationem autem seu justitiam spiritualem negant, quod voluntas habeat vim sine spiritu sancto efficiendæ justitiæ Dei, seu justitiæ spiritualis; quia animalis homo non percipit ea, quæ sunt spiritus Dei, sed hæc fit in cordibus, cum*

*per Verbum spiritus concipitur.* Ita Confessioni Augustanæ addicti, qui, etsi distinguendo inter opera diversa respectu libertatis non tam obscure loquantur, uti eorum Magister Lutherus, atque Calvinus, quorum prior vi propositionis inter damnatas a Leone X. ordine 36. generaliter libertatem indifferentiæ a voluntate creata sustulisse videbatur, dum ait: *liberum arbitrium post peccatum est res de solo titulo;* posterior vero illud omnino simulacrum inticulabat. Nihilominus tamen etiam ex parte Augustanæ Confessionis optaretur adhuc major claritas. Quod enim ad remissionem peccatorum, & ad quodcumque opus vitæ æternæ live de congruo, sive de condigno meritum requiratur Spiritus S. gratia, etiam Catholici admittunt; quæstio tamen adhuc remanet, utrum gratia Divina taliter influat, ut voluntas creata ad suam conversionem ne quidem tamquam per gratiam Divinam elevata, ac excitata possit partialiter concurrere. Pro cujus majori claritate

66. Sciendum, qualiter Principiores ex modernis Sectariis soleant circa præsentem materiam discurrere. Fatentur itaque 1. quod homo etiam infidelis, vel fidelis quidem, sed gravis adhuc peccator, habeat *libertatem indifferentiæ* in naturalibus, politicis, imo etiam in moraliter ac spiritualiter bonis externis; negant tamen id quoad opera spiritualiter bona interna, seu quatenus conducentia ad vitam æternam, uti juxta ipsos sunt *recte credere, Deum diligere &c. &c.* de quibus ultinis Tenent 1. quod per peccatum originale, vel quodcumque mortale personale homo spiritualiter ita moriatur, ut se habeat adinstar demortui Lazari, qui intra quatrimum mortis nullas amplius habuit vires, usque dum solus Christus, absque cooperatione Lazari, eundem resuscitavit a mortuis: ita pariter (ajunt hi) apud talem peccatorem, spiritualiter mortuum, prorsus nullæ amplius restant vires in ordine ad suam conversionem, ita, ut ad eandem voluntas nostra neque ut excitata, & collustrata Divino lumine supernaturali cooperari queat, usque dum a Christo solo, mediante gratia imputativa, per fidem apprehensa, vivificetur spiritualiter. Atque hos peccatores vivificatos vocant *renatos*, si mudentur a peccato originali, econtra vero *renovatos*, si purificentur a mortali personali post Baptismum commissio. Ubi

67. Ulterius in suis principiis notandum volunt, quod post talem Regenerationem, seu renovationem homo conversus novis a Deo donec viribus, atque exinde consequatur aliam arbitrii libertatem, ita, ut voluntas in eo statu non amplius sit otiosa, sicuti prius ante conversionem, sed per istas vires de novo acquisitas postea cooperetur Spiritui sancto, sicque concurrat tamquam instrumentum liberum ad bonum spirituale etiam internum, puta ad continuationem rectæ fidei, dilectionis &c. Ita illi.

68. Econtra Catholici fundati (prout Controversiæ agendo de principiis generalibus Theologiæ Polemicæ efficaciter probant) in Verbo Dei scripto & tradito, nec non in Auctoritate supremæ in terris Christi Vicarii, ac Conciliis Generalibus de libero arbitrio taliter sentiunt. 1. Supponunt, quod in statu Innocentiæ, ubi homo adhuc erat præ-



præditus iustitia originali, habuerit is vires eliciendi actus moraliter ac spiritualiter bonos, etiam internos, puta rectæ fidei, dilectionis Dei &c. 2. Fatentur, quod per peccatum originale vires istæ ob appetitum irascibilem & concupiscibilem plurimum rationi refractarios fuerint valde debilitatæ; negant tamen, ac pernegant, easdem omnino una cum libero arbitrio in ordine ad actus spiritualiter bonos internos fuisse extinctas. 3. Ajunt, Gratiâ Divinâ actualem excitantem æque ac concomitantem succellare liberum arbitrium, et vires imbecilles, instar luminis simul illustrando intellectum, & inflammando voluntatem, quod mediante homo adultus necdum baptizatus cum libertate indifferentiæ credere, & Deum (utot verbis Concilii Trident. Sess. 6. de justificat. cap. 6.) diligere incipiat. Item baptizatus in gravia peccata relapsus de his salubriter conteratur, ita nimirum, ut etiam liberum arbitrium una cum gratia, per merita Christi nobis compassa, vere influat in similes actus internos spiritualiter bonos, sicut etiam in ipsam conversionem, & quidem cum vera libertate a necessitate, seu indifferentiâ. Pro qua

69. Advertendum universim, quod in voluntate alia libertas dicatur a coactione, & alia a necessitate. Libertas a coactione adesse censetur, quando potentia in agendo non patitur vim ac necessitatem a principio aliquo extrinseco. Taliter juxta communem exemplificationem Deus se ipsum, & Beati Deum amare dicuntur cum libertate a coactione; est enim potentia volitiva in his exemplis necessario determinatur ad amorem, ita ut Deus non possit non amare se ipsum, nec Beati non amare Bonum infinitum, intuitive per Visionem Beatificam cognitam; ad hunc tamen actum amoris volitivæ potentia non cogitur ab aliquo principio extrinseco. Libertas a necessitate tunc intervenire dicitur, quando potentia nec ab extrinseco, nec etiam ab intrinseco principio necessitatur, ita nimirum, ut eadem, etiam positis omnibus ad agendum requisitis, possit adhuc agere vel non agere: e.g. amare Deum, vel non amare &c. Hæc libertas vocatur etiam libertas indifferentiæ: item a multis A Catholicis Libertas Rectitudinis. H. N.

70. Respondetur; homo post peccatum sive originale, sive personale, et si necdum renatus, vel renovatus, habet liberum Arbitrium, seu libertatem a necessitate in spiritualiter bonis etiam internis, & in ordine ad conversionem suam: puta quoad rectum actum fidei, vel dilectionis Dei & proximi &c. una cum gratia Divina illuminante ac inflammente eliciendum. Hæc veritas Catholica probatur primo: Juxta Sacram Scripturam homo potest eligere vel non eligere vitam, & bonum, prout sibi placuerit: ergo etiam homo nondum renatus, vel renovatus habet liberum arbitrium in ordine ad vitam spiritalem, & ad actus spiritualiter bonos: nam habere potestatem sibi quidpiam eligendi juxta suum beneplacitum, ex communi hominum persuasionem, etiam in politicis & naturalibus, indicat liberum in ordine ad hoc arbitrium, seu libertatem indifferentiæ. Antec. prob. ex cap. 15. Ecclesiastici v. 18. Ante hominem vita & mors, bonum & malum, quod placuerit ei, dabitur illi.

Confirmatur 1. Homo nondum Renatus vel renovatus habet liberum arbitrium, ac libertatem indifferentiæ quoad actus internos spiritualiter malos, quales sunt (utot formalibus Confessionis Augustanæ hic) *velle idolum colere, velle homicidium &c.* Quomodo enim alius misericordissimus Deus posset tales æternæ pœnæ castigare, si non foret in potestate illius hos actus malos omittere? ergo etiam habet liberum arbitrium quoad actus internos spiritualiter bonos; cum Sacra Scriptura loc. cit. perscrutanter quoad hoc loquatur de malo ac bono, vita ac morte.

Confirmatur 2. Homo peccator habet liberum arbitrium ad eliciendos actus fidei, & internas dilectionis Dei, qui actus etiam juxta adversarios sunt spiritualiter ac supernaturaliter boni: ergo datur liberum arbitrium seu libertas indifferentiæ cum prævia cognitione ad actus internos spiritualiter bonos. Ant. probatur. Homo peccator, si hos actus non eliciat, in æternam damnabitur: nam *qui non crediderit, condemnabitur*. Marc. ultimos. & *qui non diligit, manet in morte*. 1. Joan. cap. 3. ergo signum est, quod sit in ejus libera potestate hos actus eliciendi: clarissimum enim videtur punire aliquem, & quidem pœnâ æternâ propter omissionem actus illius, quem eliciendi nullam habet potestatem. Profecto manibus, pedibusque ligatus non afficitur gravi aliqua pœnâ etiam solummodo temporali ex eo, quod non incedat, idque propterea principaliter, quia in his circumstantiis non est in ejus potestate incedere. Poterit contingisse, quod homo hic etiam ex culpa præcedenti jussu vincula sustineat; at vincula propterea de novo gravibus afficere pœnis, eo quod non incedat, videtur exuere omnem elementiam. Vide de hoc ulterius num. 75.

71. Dices cum Augustanâ Confessione: Juxta S. Paulum Apostolum 1. Cor. cap. 3. v. 14. *Animalis homo non percipit ea, quæ sunt spiritus*: ergo peccator (qui comparatur est jumentis, & similibus fuit illis, Psal. 48. v. 13.) non habet vires sufficientes in ordine ad actus spiritualiter bonos internos. Respond. negando consequentiam; quod enim homo animalis, seu (ut alii loquuntur apud Cornelium a Lapide hic) homo sensualitatis & concupiscentiæ deditus, non sentiat actualiter ea, quæ sunt spiritus, ex eo haud provenit, quasi vero Divina gratia adjutus non haberet potentiam & vires sufficientes, sed potius, quia renuit ordinariæ Divinæ gratiæ cooperari. Pulsat Christus ad ostium, & talis sensualis non aperit: gestit clarissimum Divinæ gratiæ lumen densissimas penetrare tenebras, at concupiscentiis immeris sponte valvas occludit. Talis homo animalis non percipiens ea, quæ sunt spiritus, & a S. Juda Apostolo in sua Epistola ad vivum descriptus erat Confessionistarum Magister Lutherus, qui præcepta, saltem aliqua, Decalogi, præsertim illud non concupisces, servatu impossibile credidit; Jესunia Ecclesiastica sustulit, Sacerdotibus & Monachis contra sua vocæ expressa uxores concessit, acipereque pessimo prævix exemplo, sacrilegum cum quadam Moniali contrahens Matrimonium. En hominem animalis, ex cuius Apostasia tanta mala, dissidia in Romanæ Imperio; dissidentia Statuum inter se, Bella cruenta &c. &c. fuisse exorta.

72. Dices

72. Dices 2. Juxta eundem Apostolum 2. ad Corinthios cap. 3. v. 5. *Non sumus sufficientes cogitare aliquid ex nobis, quasi ex nobis, sed sufficientia nostra ex Deo est*: ergo a fortiori neque sufficientes sumus operari ex nobis spirituale bonum: nam *velle adjacet mihi, perficere autem bonum non invenio*: inquit iterum Apostolus ad Rom. cap. 7. Respondendo explicando textum primum: non sumus sufficientes aliquid cogitare ex nobis (supple spiritualiter bonum) absque gratia Divina corroborante nostras vires imbecilles, conced. absolute loquendo, nego Ant. & pariformiter quoad operari distinguo consequens. Etiam multi infirmi ob suam debilitatem dicuntur insufficientes ad ambulandum, non, quod nullas habeant prorsus vires, sed quia vires sunt valde adhuc imbecilles, ita, ut indigeant aliquo sustentante & adjuvante. Alter textus ad Romanos cap. 7. ubi Paulus videtur adscribere sibi *velle*, non autem *perficere*, ne quidem loquitur de spiritualiter bonis, sed potius ibidem Paulus discursum movet de motibus concupiscentiæ primo primis, rationem prævenientibus, sicque in principiis Catholicorum, juxta dicta & dicenda, rationem formalis peccati non habentibus, quos equidem mediante gratia Divina potest velle, seu optare esse, ut autem actu semper emanent, fatetur penes ipsum non stare: Deus etenim eosdem sæpe permittit apud homines quoque justos pro majori humiliatique. Sic conquestus est Paulus 2. Cor. cap. 12. v. 8. de stimulo carnis; Respondum tamen v. 9. tulit a Deo, quod sufficiat sibi gratia sua, qua nimirum efficaciter adjuvante, omnem consensum deliberatum, ac voluntariam delectationem excludat. Cæteroquin Deus non solum *perficere*, sed etiam *velle* in nobis operatur (mediate nimirum sua gratia coadjuvante) uti clarissime attestatur Paulus ad Philipp. cap. 2. v. 13.

73. Dices III. Homo peccator comparatur in S. Scriptura, & PP. mortuus; nam *stipendia peccati mors*; ad Rom. cap. 6. v. 23. Item assimilatur servus ad Rom. 6. v. 20. sed mortuus nullas prorsus habet vires in ordine ad vitam & actus vitales, atque servus nullam libertatem respectu sui Domini: ergo neque peccator. Respond. hoc argumentum probare nimium, quod nempe peccator neque haberet amplius liberum arbitrium in ordine ad actus naturales, & politicos, ac spiritualiter bonos externos; sicuti mortuus nullas prorsus habet vires in ordine ad vitam, actusque vitales, & servus deperdit libertatem respectu Domini etiam quoad bona naturalia, qualia ab adversariis adducuntur, *uxorem ducere, domum fabricare &c.* Item argumentum hoc pariter probaret contra ipsosmet Adversarios, quod neque justus a peccato jam liberatus haberet libertatem indifferentiæ in ordine ad actus internos spiritualiter bonos; etenim sicuti D. Paulus loc. cit. peccatorem vocat *servum peccati*, ita liberatum a peccato v. 18. appellat *servum Justitiæ*: ergo si debemus adequatam instituere paritatem inter servum temporalem & inter hos, utrobique non erit libertas indifferentiæ ad actus internos spiritualiter bonos, Itaque inter mortuum & servum ex una, & inter peccatorem ex altera parte non est adequata paritas in omnibus, sed tantum in aliquibus, puta, quod sicuti mortuus vitam perdit, ita peccator gravis gratiam habitua-

lem sanctificantem, quæ hominem vivificat: Item, sicuti servus obedit Domino, ita peccator obediat concupiscentiis, & liberatus a peccato obediat justitiæ in sanctificationem. Hoc modo facit Textus v. 16. & v. 22. seipsum explicat, dummodo legatur in fonte.

## ARTICULUS XIX.

### De causa peccati.

74. DE hac docem, quod, *cum esset Deus creatus & conservat naturam, tamen causa peccati est voluntas malorum, videlicet Diaboli, & impiorum, quæ, non adjuvante Deo, averit se a Deo*, sicut Christus ait Joan. cap. 8. *cum loquitur mendacium, ex se ipso loquitur*: Ita Lutherani, & libentissime consentiunt Catholici, quod Deus non influat ullatenus ad esse formale peccati, sed sola creatura sit causa ejusdem: nam quoniam ex una parte *mandata Dei graviora non sunt*, 1. Joan. cap. 5. v. 3. idque præsertim verum, si Divina simul cooperatur gratia, quæ nulli hominum denegatur: ex altera vero parte in principiis Catholicorum quilibet homo rationis capax habeat liberrimum arbitrium ad observanda dicta mandata, consequenter recte soli homini malicia adscribitur, si contra sanctificationem voluntatem Divinam hæc mandata transgreditur.

75. Econtra vero in principiis Adversariorum ex una parte saltem aliqua mandata Dei (in specie illud in Decalogo *non concupisces*) sunt servata impossibilia; ex altera vero, non obstante hac impossibilitate, homo peccator talia mandata transgrediens committit formale grave peccatum, pœnæ æternæ damnationis subiectum, quamvis non habeat libertatem indifferentiæ evitandi illud, ac servandi mandatum. Viderint modo Adversarii, qualiter stantibus his principiis defendere adhuc possint, quod nullatenus Deus, sed solus homo sit Auctor peccati. Numquid talis homo nondum renatus, vel necdum renovatus culpam potius in Deum conjiceret clamando: *Domine Deus, tu optime nascens insufficientiam meam, hoc non obstante mihi aliquando præceptum servatu impossibile imposuisti, nec vires novas tales dedisti, ut servare possem, ergo potius tu es causa transgressionis talis præcepti, quam ego: tu enim potuisses non precipere; ego vero hoc præceptum semel a te positum non potui observare.* Revera si Rex aliquis malefactori, ob certum delictum in vincula conjecto, (pone etiam, quod stimulis conscientiæ agitatus talis Malefactor ipsemet suum delictum coram Judice manifestaverit, ac sponte vincula subierit) Si Rex, inquam, huic malefactori manibus, pedibusque ligato de novo mandaret, ut illico suum thronum accederet, alias novam gravissimam subiturus pœnam, talis Rex, nisi prius vincula solvi juberet, censeretur immiseriçordissimus, nec malefactori (utpote in his circumstantiis impotenti) ullatenus adscriberetur culpa, seu tamquam peccaminosa transgressio hujus mandati de accessu ad Thronum regium, sed potius Regi ipsimet impossibilia mandanti.

76. Non credis forsan Catholice, quod similia, quæ de impossibilitate servandi nonnulla præcepta, ac de libertate, post Adæ peccatum per concupiscentiam quasi vinculata dicuntur, teneant, atque defen-

defendant Lutherani? Audi Magistros eorum Gerardum, & Lomer apud Pichler Part. II. Theologiae Polemicæ Controversæ I. Art. I. III. & IV. ubi I. admittunt definitionem S. Augustini peccati ut sic, *quod sit dictum, factum, vel concupitum contra legem Dei.* Cujus explicationem Catholicam, tu Lector benevole, vide apud Reiffenstuel *Tract. 3. Theol. Moral. Dist. 1. quæst. 2.* II. Etiam ipsi dividunt peccatum ut sic in Mortale & Veniale, at longe in alio sensu, quam Catholici. Nos enim Catholici veniale dicimus, quod vel ex parvitate materiæ (puta ablatio unius oboli apud divitem) vel ex imperfectione actus (puta ob defectum plenæ advertentiæ ac deliberationis) non solvit amicitiam Dei, etsi aliquam mereatur pœnam temporalem. Econtra vero A catholici ex genere suo, ajunt, omnes transgressiones legum esse peccata mortalia, sicque æterno supplicio digna, puta ablationem unius oboli, levissimam indignationem: imo (quod mireris) motus quoque primo-primos rationem prævenientes, posito etiam, quod in somno citra ullam causam prius in Vigiliis datam contingerent, dicunt esse transgressiones contra præceptum Decalogi *Non concupisces.*

77. Quare asserunt III. circa divisionem peccati in mortale & veniale respiciendum potius esse ad personam, quæ legem transgreditur, quam ad parvitatē materiæ, qualem non admittunt &c. si enim illa sit persona venia haud digna (quales inquiunt esse homines nondum per Baptismum renatos, vel renatos quidem, at per sua peccata iterum *Justitiam Christi deperdentes*) omnes transgressiones legis etiam indeliberate, vel absque libertate indifferentiæ contingentes, apud hosce fore peccata mortalia, pœnæ æternæ damnationis subjecta, e. g. apud Turcam, vel Judæum motus levissimus indignationis, aut carnalis concupiscentiæ, quamvis fuerit primo-primus, ac rationem præveniens; Econtra vero, si homo per fidem semel apprehendit justitiam Christi, nec eandem iterum deperdidit, tales ipsissimi motus irascibiles, vel carnales ex parte hujus, *veniam mererentur*, ut sibi non imputarentur ad pœnam æternam, sed per umbraculum meritorum Christi tegerentur, atque sic ex hoc capite ratione *venia* vocarentur *venialia* peccata. Ubi tamen, ut sint talia apud similes justos; IV. Requiritur, ut transgressio contingat ex infirmitate, vel ignorantia, aut prava concupiscentia sine perfecta advertentia, & consensu, atque peccator desuper doleat, & Mediatoris Christi meritis tegi petat, quod si hic lapsus (puta ablatio etiam unius oboli) fieret a justo scienter, meditato, cum complacentia, advertentia, ac consensu, vel si, loquendo de præcedentibus (puta motibus indeliberatis) nullus conciperetur dolor, etiam si cognoscantur similes transgressiones; tunc omnes istæ transgressiones juxta ipsos forent peccata mortalia, imputarentur a Deo, fides ac spiritus sanctus excuterentur, & deinceps ipsis omnes motus etiam indeliberati, concupiscibiles, ac irascibiles &c. imputarentur pro gravi peccato, usque dum iterum per fidem apprehenderent justitiam Christi. Ita Lutherani; & quod hi dicunt de *renatis*, seu *renovatis*, & de *non renatis*, aut *renovatis*, idem tenent Calvinistæ de *predestinatis*, ac *non predestinatis*, de quibus omnibus adhuc recurret

*Tomus II.*

sermo, explicando Propositiones damnatas Jansebianas, & Quiesnelianas. Interim solummodo notes velim, quam difficulter (imo imperceptibiliter) memorati A catholici sistentes in dictis principiis, salvare queant, Deum non esse Auctorem peccati, saltem quoad eas transgressiones, quæ non sunt in libera potestate hominis, sicque præcepta desuper data tali homini servatu impossibilia.

## ARTICULUS XX.

*De fide, & bonis operibus.*

78. **I**N compendium redigimus hunc articulum, utpote longiorem, fideliter tamen nihil substantiale de eorum doctrina intermittentes, quod subinde in nonnullis quoque præcedentibus articulis (a potiori tamen verba formalia ponimus) pro majori claritate, & brevitate observatum fuit. Qui totam Confessionem Augustinam verbotenus videri cupit, eam in Theologia Polemica P. Pichler prope finem reperiet. Igitur in præsentī

79. Repetunt primo *doctrinam suam de fide justificativa & bonis operibus Art. IV. VI. & XII. ac alibi sapius traditam, conquerentes, quod falso accusentur, quasi bona opera prohibeant, cum tantum asserant, quod in his confidere non debeamus.* Secundo *virtutem Cancionatores Catholicos, quod olim de his rebus parum docuerint, tantum urgentes certas ferias, certa Jejunia, fraternitates, peregrinationes, Rosaria, Monachatum, que vocant NB. opera puerilia.* Tertio *gloriantur novi Reformatores isti Ecclesie (si superis placeat) quod Catholici ab ipsis admoniti non perinde, ut olim, opera hac inutilia atque puerilia prædicent, atque insuper nunc fidei mentionem faciant, de qua alium antea erat silentium.* Quarto ajunt, *fidem hanc justificativam pavidis conscientii plurimum consolationis asserre, qua non possunt reddi tranquilla per ulla bona opera, sed tantum fide; nam justificati per fidem pacem habeamus apud Deum, per Dominum nostrum Jesum Christum, excitat nos Apostolus ad Rom. cap. 5. v. 1.* Quinto *admonent homines, quod hanc fidem suam justificativam non debeant sumero præcise pro fide Historica, qualis etiam est in impiis, & diabolo, sed pro fiducia, qua consolatur, & erigit perterrefactas mentes, quatenus firmiter credunt, & confidunt, sibi per merita, & Justitiam Christi mediante hac fide apprehensam peccata sua non amplius imputari.* Ita Lutherani; Ubi

80. Catholici ipsis ad singula puncta respondent: *ad primum* jam fuit ad Art. IV. VI. & XII. probatum, quod Sacra Scriptura non solum fidei, verum etiam dilectioni ac Pœnitentiæ, aliisque bonis operibus adscribat remissionem peccatorum, augmentum gratiæ, & Regnum Cælorum vel de congruo, vel de condigno, mediate, vel immediate, prout nimirum est status promerentis, ac qualitas operis, de quibus integer Tractatus in Theologia speculativa habetur, agendo de gratia & meritis. *Venite Benedicti Patris mei*, inquit Christus apud Matth. cap. 25. v. 35. ac seqq. *possidete Regnum paratum vobis a constitutione mundi: NB. esurivi enim & dedistis mihi manducare, sitivi, & dedistis mihi bibere.* Illud sufficienter capere nequeunt Theologi Catholici, quomodo Confessionistæ volentes, fidem justificativam debere apud illum, in quo existit, ferre bona opera, tamquam

E

bonos



bonos fructus, quomodo (inquam) doceant consequenter doctrinæ sui Magistri Lutheri, qui inter propositiones a Leone X. damnatas 31. voluit, quod etiam NB. *Iustus in omni opere bono peccet*; ubi ergo apud Iustificatum vera, & proprie talia bona opera? Quod si per bona opera velint peccata intelligere, gratis admittimus, in similibus nos non debere confidere.

81. *Ad secundum*, si aliqui fuerint Concionatores Catholici, qui nullam in pulpitis mentionem fecerunt (quod tamen ignoro) de fide & bonis operibus, particulares hi homines male fecerunt, longe pejus tamen Acatholici, si propter particulares hos abusus cum ingenti perturbatione, & damno Ecclesiæ a fide apostatarunt; nam propter abusum non est tollendus usus, uti communiter receptum sonat proverbium. Cæterum fallitas hujus assertionis Augustanæ videtur ex ipsis ejusdem Verbis erui: si enim (uti fatentur) nostri Concionatores prædicarunt de feriis ac Jejunii observandis, de Confraternitatibus, Rosariis, Monachatu &c. eo ipso prædicarunt de bonis operibus. Vosne hæc opera *puerilia* publice pronunciare, & sic in scriptis Catholico Imperatori Carolo V. præsentare ausi fuistis; cum iplamet coronata Capita sæpius eadem opera, (quæ vos *puerilia* nominatis) summa devotione, ac populi ædificatione exercuerint? *pueriliterne* egit S. Basilius, qui tempore antiquissimo, id est, circa Annum Christi 359. (ubi veram adhuc agnoscitis Ecclesiam) celeberrimum suum Ordinem instituit? Puerilia exercuerunt famosissimi sancti Patres, & Ecclesiæ Doctores, Hieronymus, Chrysostomus, Gregorius Nazianzenus, qui primis adhuc seculis mentionatum S. Institutum, seu, uti vos vocatis, *Monachatum* amplexi fuerunt? Absit ab impio filio, suum sanctissimum æque ac doctissimum Patrem, nec non Ecclesiæ Columnam, S. Augustinum, nominare puerilem, eo quod sanctissimam fundaverit Religionem? Ut taceam jam sanctissimum Patriarcham Benedictum, pariter primis quinque seculis florentem, sub cujus cucullo quamplures Imperatores, Reges, & Principes sese absconderunt. Istane exercere, aut pro stimulo Virtutis in Cathedra Populo proponere apud vos sunt puerilia?

*Ad tertium punctum* patet responsio ex præcedenti: si enim mentionata opera puerilia non sunt, nec inutilia, potuerunt laudabiliter in Cathedra Populo proponi. Quod si in aliquibus locis de necessariis fidei neque in pulpitis, neque in instructionibus Catecheticis quidquam fuerit adductum, error erat particularis, quales correxit quamplures Concilium Tridentinum tractando de Reformatione; exinde tamen nil sequitur ad intentum: si enim in agro reperitur triticum, & zizania, atque in vera Christi Ecclesia boni & mali, mirandum non est, quod etiam in aliquibus locis mali subinde vigeant abusus.

*Ad quartum* in primis non video, quomodo fidem justificativam habens possit esse adeo tranquillus, & securus de sua salute; quoniam in principiis Lutheri juxta propositionem a Leone X. damnatam ordine 35. nemo NB. (adeoque nec iustus) est certus, se non semper peccare mortaliter propter occultissimum superbia virium. Insuper si Domini Pastores apud suas oviculas subinde Ecclesiæ Catholico-

Romanæ non affingerent nescio quæ falsæ, qualia docerè ne quidem cogitavit: si ipsis proponerent, quod sententia tenens fidem sine operibus salvare, fuerit error Aetianorum, seu Eunomianorum, jam primis quatuor seculis, nimirum circa annum Christi 353. teste Joanne Sianda existentium: si insuper sincere adderent fundamenta Catholicorum, cur hi negent, solam fidem salvare, nescio sane, qualem consolationem & pacem, ac utrum non potius Conscientiæ stimulos atque anxietates essent habituræ dictæ oviculæ, commiseratione dignissimæ. Pacem habeamus apud Deum per fidem, sed per fidem vivam, quæ sine operibus mortua est. Si omnem (NB. nulla hic excipitur) habuero fidem, ita, ut montes transferam, charitatem autem non habuero, nihil sum, inquit Apostolus, 1. Corinth. cap. 13. Commendat ergo Domini Pastores oviculis suis enixe charitatem: habebunt enim exinde forsitan circa fidem ignorantia invincibili laborantes, ac cæteroquin a via mandatorum Dei graviter aberrantes saltem hoc remedium restans salutis æternæ.

*Ad quintum* etiam nos Catholici volumus, ut fides sit conjuncta cum fiducia in Deum, solummodo negantes, quod hæc sola iustificet. Audiant, quæso, errantes oviculæ verba formalia doctrinæ Catholice, & redeant ad ovile, in quo unus est Pastor. Textus igitur sic sonat: Sess. VI. Conc. Trid. cap. 12. de Justificatione. *Disponantur ad ipsam Justitiam, dum excitati divina gratia, & adjuvi, fidem ex auditu concipientes, libere moventur in Deum, credentes, vera esse; qua divinitus revelata & promissa sunt; atque illud in primis, a Deo justificari impium per gratiam ejus, per redemptionem, quæ est in Christo Jesu; & dum peccatores se esse intelligentes a Divina Justitia timore, quo utiliter concutiantur, ad considerandam Dei misericordiam se convertendo, in spem eriguntur, NB. fidentes, Deum sibi propter Christum propitium fore &c.*

## ARTICULUS XXI.

### De Cultu Sanctorum.

82. **D**E hæc docent, quod memoria Sanctorum proponi potest, ut imitemur fidem eorum, & bona opera juxta Vocationem. Uti Cesar imitari potest exemplum David in bello gerendo ad depellendos Turcas a Patria. Sed Scriptura non docet, invocare Sanctos, aut petere auxilium a Sanctis, qui unum Christum proponit nobis Mediatorem, Propitiatorem, Pontificem, & Intercessorem &c. Ita Lutherani.

83. Econtra vero Catholici, pro aris & focis loquentes, defendunt, posse Sanctos in Cœlis non solum coli, verum etiam invocari, atque ab ipsis met auxilium peti, idque erui saltem deductive ex Sacra Scriptura. Et dato etiam, quod illic non haberetur, sufficere deberet continua praxis etiam antiquissimæ Ecclesiæ, per Testimonia SS. PP. primorum quinque seculorum nobis manifestata.

84. Ut autem hæc veritas Catholica magis intelligatur, ante probationem ejusdem prænotandum, quid sit Cultus, & quid Invocatio. Itaque cultus ut sic, est excellentia in altero relucens agnitio, ejusque cum debita animi submissione contestatio. Solet Is in sensu largiori etiam dici adoratio, quamvis rigoroſe loquendo, adoratio competat soli



Soli Deo. Dividitur autem cultus ut sic in *politicum* seu *Civilem*, & in *Religiosum* pro diversitate excellentiæ in altero recognita: nam si excellentia alterius respicitur pure naturalis, qualis est in Principibus, Magistratibus, Parentibus &c. etiam cultus exhibitus censetur mere *politicus* ac *Civilis*. Sic solemus apud magnos Principes flectere genua, apud Illustres presentes desegere caput &c. Quod si vero excellentia alterius respiciatur supernaturalis, cultus exinde exercitus erga talem dicitur *Religiøsus*, qui si exhibetur Deo, est cultus *Latria*: si Beatissime Virgini, *Hyperdulia*: si Sanctis, *Dulia*, de quibus vide Reiffenstuel *Tract. 5. Theol. Moral. Diss. 1. q. 3. & 4.*

Loquenda de *Invocatione*, eadem est *petitio Auxilii vel patrocinii alterius cum aliqua fiducia*. Addit igitur invocatio super cultum adhuc duo, nimirum *fiduciam cordis*, ac *preces* ad illos, quos colimus, & quorum patrocinium seu auxilium imploramus, directas, pro quo

83. Sciendum ulterius, quod, dum Deum invocamus, nullatenus *patrocinium* (cum Ipse sit supremus) sed potius *auxilium* humillime flagitemus ab eodem, tanquam ab Auctore omnium gratiarum, & Donorum, qui ex propria sua Virtute, potestate, & Auctoritate, potest petita nobis clementissime conferre. Econtra Sanctorum frequentius, saltem in petitionibus, imploramus potius *Patrocinium*, ut Isti tanquam singulares Dei amici sint Intercessores, Patroni, & Advocati nostri apud ipsam Deum, pro nobis & nobiscum orando, quatenus tanquam Auctor omnium gratiarum hoc vel illud beneficium elargiri, seu hoc aut illud malum misericorditer avertere dignetur. Et hinc ad Deum clamamus: *misere nobis* ad Sanctos vero, *orate pro nobis*. Nolo tamen per hæc dicta negare, quod aliquoties Sanctorum non solum *Patrocinium*, verum etiam *auxilium* immediate petatur, suspirando e. g. ad Beatissimam Immaculatam Virginem pro dono Castitatis, ad S. Antonium Paduanum pro inventionem rerum perditorum, ad S. Apolloniam pro avertendo dolore dentium &c. non quasi putaremus, Sanctos habere hanc potestatem largiendi similes gratias ex se ipsis, sed quia existimamus, Deum hisce tanquam specialissimis Amicis huiusmodi potestatem quasi præmium accidentale dedisse, vel quia & hi in vita quoad talem Virtutem singulariter eminuerunt, vel in simili parte corporis amore Dei tormenta principaliter sustinuerunt, ut hac ratione aliis invocantibus similia dona conferre queant. Majoris claritatis gratia pro exemplo nobis serviet magnus aliquis in Aula Regia Minister, quem Rex in signum æstimationis, atque amoris sui plurimis cumulat muneribus: apud talem Ministrum vel possumus immediate rogare auxilium, supplicando e. g. pro aliquo ex his pretiosis munusculis sibi a Rege dono datis, vel implorare patrocinium, quatenus meum agat Patronum apud ipsam Regem, apud quem pro gratia supplico. Unde maximam Catholicis faciunt injuriam, qui eos quasi Idololatrias, & Ethnicos proclamant, nullatenus enim nos colimus Sanctos tanquam Deos, cultu Lætreutico, nec imploramus, quasi a se habentes Virtutem sanandi &c. sed veneramur tanquam Amicos Dei, Patropos nostros, vel

*Tomus II.*

auxiliares mediante ipsomet Deo, qui honoratur in Sanctis suis, & a quo tamquam immenso omnium donorum mari diversa gratiarum flumina principaliter exeunt, & ultimo iterum in illud mare redeunt. H. N.

86. Respondetur I. Saltem deductive ex Sacra Scriptura habetur, licite invocari Sanctos in Cælis. Probatur *Primo*, Juxta Sacram Scripturam possunt invocari pii homines in hac vita adhuc degentes: ergo recte exinde deducitur, multo magis posse invocari Sanctos in altera vita existentes: cur enim hi in gratia jam confirmati, atque singulares amici Dei essent deterioris conditionis, quam homines in terris, non raro, quamvis cæteroquin pii, nonnullis tamen imperfectionibus maculati? Antec. Prob. ex cap. 15. ad Romanos v. 30. ubi S. Paulus ait: *Obsecro vos, ut adjuvetis me in orationibus pro me ad Deum*, & ad Coloss. cap. 4. v. 2. *Orationi inflat &c. orantes simul & pro nobis*.

Probatur 2. Juxta Sacram Scripturam Angeli possunt invocari: ergo etiam Sancti, cum eadem sit utrobique ratio. Antec. probatur; sic enim Angelum invocavit Jacob Patriarcha, Osee cap. 12. v. 4. ibi: *Jacob invocavit ad Angelum, fleuit, & rogavit eum*, sic Eliphas Job Amico suo cap. 5. v. 1. in miseriis sequens dedit consilium: *ad aliquem Sanctorum convertere*. Super quem textum D. Augustinus apud Pinedam per *Sanctos* intelligit *Angelos*. Nec obest Concilium Laodicense teste Theodoro prohibens invocationem Angelorum: Etenim in primis illud erat Concilium præcise particulare, quod non habet Auctoritatem fidei conformiter Quæst. Prolegom. nisi quoad ea, respectu quorum a summo Pontifice approbatur, aut a tota Ecclesia recipitur. Deinde prohibuit invocare Angelos non absolute, sed tanquam Deos minores, qui fabricassent mundum, prout voluit Simon Magus. Ita S. Paulum intelligunt SS. Hieronymus & Chrysostomus.

87. Respondetur II. Dato etiam (nullatenus tamen concessio) quod ex Scriptura non sufficienter colligeretur licita Invocatio Sanctorum, deberet pro hoc sancto exercitio sufficere Traditio Apostolica, quam declarat praxis continua Ecclesiæ ex Patrum antiquissimorum Testimoniis nobis innotescens. Sic in *primo* statim *seculo* præter Liturgias S. Petri & Jacobi, Divus Dionysius Areopagita scripsit, ut quis *sua parvitas confusus adeat ad aliquem Sanctum, ut se adjuvet, ac pro se roget*. *Seculo II.* S. Irenæus lib. 5. cap. 19. Beatissimam Virginem Mariam proposuit tanquam *Advocatam*. *Seculo III.* Origenes in Lament. inquit: *Incipiam me genibus prosternere, & deprecari universos Sanctos, ut mihi non audenti petere Deum propter nimietatem peccati succurrant*. *Seculo IV. & V.* tot adsunt SS. PP. textus, ut nec Adversarii moderni, nominatione Lomer, audeant negare, pro tunc jam viguisse invocationem Sanctorum. *Ut efficax nostra sit oratio* (inquit S. Ambrosius precat. 2. præparante ad Missam) *B. Maria V. suffragia peto &c. Apostolorum Intercessionem imploro &c. Martyrum preces deprecor &c. Confessorum Orationes exposculo*. Cui adstipulatur S. Augustinus in medicat. cap. 40. *Sancta, & NB. Immaculata Virgo, Dei Genitrix, Maria, &c. intervenire pro me digneris apud illum, cujus munus est effici templum*. SS. Michael, Gabriel, Raphael, SS. Chori

E 2

SS. Chori Angelorum, atque Archangelorum, Patriarcharum, Prophetarum, Apostolorum &c. Martyrum, Confessorum, Sacerdotum, Levitarum, NB. Monachorum, NB. Virginum &c. vos rogare presumo, ut pro me culpabili ipsi Deo supplicare dignemini, quatenus de faucibus diaboli, & de morte perpetua merear liberari. Plures similes textus & Orationes reperies apud Controversistas, notanter apud Pichler *Part. 2. sua Theologia Polemica hic*, fundamentaliter refutantem Præconem Augustinum, Lomer, qui per quaterniones plusquam quinquaginta veritatem istam Catholicam impugnare præsumpsit: Recogitent Domini Pastores ultimam vitæ suæ luctam, ubi, antequam in longam eatur æternitatem, pugnandum adhuc est cum potenti illo adversario, qui tamquam leo rugiens circuit, quærens, quem devoret. 1. Petr. cap. 5. an non consultum tunc foret cum SS. PP. Augustino, Ambrosio, & aliis B. Virginem Mariam, atque Sanctos conciliare sibi tamquam adjuutores, & Patronos, quam eosdem cum Luthero excludere?

88. Dices I. Christus qua Homo, unicus est Mediator, Propitiator, Pontifex & Intercessor noster, per quem accessum habemus ad Deum juxta illud 1. Timoth. cap. 2. v. 5. *Unus est Mediator Dei & hominum, Homo Christus JESUS*: ergo Catholici non recte invocant plures, nimirum Sanctos, tamquam Mediatores, & Intercessores pro nobis ad Deum. Respond. Explicando textum disting. Ant. Christus qua Homo unus est Mediator & Intercessor noster ad Deum principalis, & in quem ultimato omnia redundant, concedo, minus principalis, nego. Christus itaque qua Homo in tantum est unicus Mediator noster Principalis, & in quem ultimato omnia redundant, quatenus ex Eiusdem meritis, sanguine, & NB. Redemptione omnes Reliqui facti sunt Sancti, amici Dei &c. valentes exinde suum pro Clientibus interponere Patrocinium, & quasi Dispensatores Dei præstare auxilium; prout textus, si integer ponitur, se ipsum declarare videtur sequentibus formalibus: *Unus Deus, unus mediator Dei & hominum, Homo Christus JESUS*; NB. *qui dedit Redemptionem semetipsum pro omnibus*. Alias sane si per Christum minus principales, & mediati Intercessores excluderentur, nec tales forent pii in terris, nec Angeli in Cælo contra ipsos textus Sacræ Scripturæ superius in Respond. I. adductos. Siste ante oculos tuos in Aula Regia unicum Regis filium, omnia apud Patrem valentem, simul tamen etiam potentes Ministros, & Regis amicos, quos Rex honorari cupit. Num male, aut filio Regis injuriam facit, quiequidem pro suo principali Patrono filium Regium sibi eligit; aliquoties tamen etiam Regios amicos, & Ministros accedit, ut vel sibi ulteriorem apud Regium Principem favorem, vel apud ipsum Regem Patrem Supplicatam impetrent gratiam?

89. Dices II. Sancti in tanta distantia Cæli a terra non vident, nec audiunt nostras preces, neque intelligunt interne directæ ad ipsos suspiria in particularibus nostris necessitatibus: ergo non sunt invocandi, cum foret labor frustraneus. Antec. Probatur ex illo Eccl. cap. 9. *Viventes sciunt se morituros, mortui vero nihil novērunt amplius*. Et ex Isaia cap. 63. *Abraham nescivit nos, & Israel ignoravit nos*. Respond. I. si etiam cum nostro Bernar-

dino Vetsweis in suo Speculo transmitteretur, Sanctos nec videre, nec audire in particulari nostra desideria & preces, necdum sequi, Hos non esse invocandos, eo quod adhuc possent generaliter pro omnibus eosdem implorantibus suam interponere intercessionem apud Deum omnia audientem, omnia videntem. Respond. II. Quamvis Sancti has hominum preces non viderent, possent tamen a Deo quasi audire, seu percipere per specialem Revelationem. Respond. III. Sanctos similia, uti ipsosmet Angelos, videre in Deo tamquam clarissimo speculo. Textus pro contraria sententia adducti, si quid probarent, solummodo ostenderent, quod in Antiquo Testamento non fuerint cognita ista suspiria, & invocationes in hac vita degentium, cum Patres in Limbo clarissimum hoc speculum, nempe essentiam Divinam, similes invocationes repræsentantem, necdum intueri potuerint. Deinde præfati textus nec sunt ad propositum; primus enim, uti ex contextu patet, solummodo vult, mortuos nihil amplius conducens ipsis ad bona opera, & ad persurgendam Pœnitentiam noscere, sicut noscunt viventes, se morituros, & exinde etiam remedium contra peccatum possunt assumere. Secundus textus declaratur, quod Abraham Israelitas non amplius noverit tamquam filios ob sua peccata. Sic pariter sponsus in Parabola Evangelica de decem Virginibus dicit ad fatuas, *Nescio Vos*. Clementissimus avertat Deus, ne similia suo tempore verba, *Nescio Vos*, loquatur ad A catholicos, dum Cœlestes cum sponso celebraturi nuptias intrare volunt januam Regni Cœlestis, non portantes secum oleum bonorum operum, & lumen veræ charitatis.

## §. VII.

*Septem prætensi, & a Confessione Augustana per septem Articulis Catholicis imputati abusus refutantur.*

90. Antequam descendam ad refutationem singulorum, præmonendum censui, quod & ipsa Confessio Augustana, priusquam singulos referat prætensos in Ecclesia Catholica quasi introductos abusus, incipiat a verbis veritati non consentaneis, & claudat verbis sibi contradictoriis, ut nimirum vel sic eorum Confessio, tamquam *symbolum fidei* sua, sit conformis ipsimet illorum *fidei*. Initium itaque circa abusus in formalibus ponit memorata Confessio Augustana taliter: *quod de nullo articulo fidei dissentiant ab Ecclesia Catholica*, cum tamen in superioribus Articulis circa *fidem justificativam, bona opera, causalitatem Sacramentorum ex opere operato, ac invocationem Sanctorum* totaliter a Catholicis discrepent &c. En in principio falsitatem! Item in Epilogo post Articulum VII. ajunt, *quod de pluribus abusus dici potuisset &c.* & tamen in principio inquirunt, *paucos tantum esse abusus*, quos ipsi tamquam novos, & contra voluntatem NB. Canonum receptos omittunt. En in fine contradictionem! pergamus nunc ad singulos.

# ARTICULUS I.

De utraque specie :

91. **L** *Aicis datur utraque species Sacramenti in Cœna Domini &c. Et tantum consuetudo non ita vetus aliud habet &c. Hac vero consuetudo non solum contra Scripturam, sed etiam contra veteres Canones & Exemplum Ecclesiæ recepta est. Ita Acatolici.*

Econtra vero Catholici, etsi ultro admittant, in Scriptura non esse prohibitum, ut Laicis distribuatur Eucharistia sub utraque specie; addunt tamen, sed nec esse ibidem præceptum positive a Domino, ut porrigatur ipsis sub specie utraque: Item porrigere Laicis Eucharistiam sub una tantum specie nec pugnare contra veteres Canones, nec contra Exemplum Ecclesiæ antiquæ, in qua modo sub una, modo sub duabus Eucharistia speciebus dabatur. Veritas hæc Catholica ut pateat magis.

92. Supponendum est, etiam sub unitate tantum specie panis vel vini realiter contineri Christum Dominum totum cum carne & sanguine, corpore & anima, Divinitate & humanitate, ita tamen, ut vi verborum in consecratione panis ponatur immediate corpus; alia vero concomitanter; in consecratione vero vini vi verborum sanguis Christi. Cur autem tam in consecratione panis, quam vini reliqua ponantur per concomitantiam, sicque realiter totus Christus; ratio est, quia Christus utrobique, nimirum sub speciebus æque panis, ac vini, adest non tamquam mortuus (Etenim post resurrectionem non amplius moritur ad Rom. c. 6. v. 9.) sed tamquam vivus, & quidem homo-DEUS, ac consequenter propter naturalem connexionem partim inter se, & propter unionem Hypostaticam, naturam inter humanam & Divinam in qualibet specie existit totus Christus. H. N.

93. Respondetur I. Nullum est assignabile in S. Scriptura mandatum Divinum, quo Christus Laicis præcepisset sumptionem Eucharistiæ sub utraque specie. Probatur I. si foret assignabile ali- quod tale mandatum, esset deducendum ex eo, quod Christus in ultima Cœna, dum instituit sanctissimum Eucharistiæ Sacramentum sub utraque specie panis & vini, adjunxit hæc formalia Matth. cap. 26. *Bibite ex hoc omnes.* Sed ex his verbis non eruitur mandatum Domini pro laicis: ergo. Majorem ultro fatentur adversarii in sua Confessione Augustana. Minor probatur ex eo, quia Christus ibidem ultimam Cœnam instituit non præcise per modum Sacramenti, sed & insuper per modum sacrificii, direxitque mentionata verba *Bibite ex hoc omnes* ad Apostolos, quos consecravat Sacerdotes; adeoque ex his verbis non eruitur mandatum Domini pro Laicis, ut sumant Eucharistiam etiam sub speciebus vini. Confirmatur: Illi, ad quos Christus direxit hoc mandatum, obtemperantes biberunt omnes; ita enim legitur Marci cap. 14. v. 23. *Et biberunt ex illo omnes.* Ubinam autem vel ex S. Scriptura, vel ex communi antiquæ Ecclesiæ persuasionem habetur, quod pariter præter Apostolos biberint ex illo Calice e. g. Paterfamilias Cœnacula, & alii inservientes? quod si non: signum est, ad alios extra Apostolos illa verba non fuisse a Christo Domino directæ.

94. Probatur 2. Si mandatum Christi Domini

in ultima Cœna sumendi Eucharistiam sub utraque specie fuisset directum præter Apostolos ad omnes etiam Laicos; tunc ipsimet Apostoli nunquam porrexissent Eucharistiam Laicis sub una specie, sed sic porrexerunt: ergo. Major patet, quis enim audeat dicere, Apostolos in causa tam ardua fuisse transgressos mandatum Christi Domini? minor vero probatur: Etenim Apostoli fidelibus, ad audiendam eorum prius doctrinam congregatis, distribuerunt potius Eucharistiam sub speciebus panis juxta illud Act. cap. 2. v. 42. *Erant perseverantes in doctrina Apostolorum, & communione fractionis panis;* de qua fractione panis Apostolus I. Corinth. cap. 10. v. 16. ait: *panem, quem frangimus, nonne participatio corporis Domini est?* ubi haud dubie pariter de speciebus vini mentio facta fuisset, si in omni distributione panis Eucharistici etiam calix Domini non solum potuisset, sed etiam ex mandato Christi in Communione Laicorum necessario addi debuisset. Profecto neque Israelitæ comedentes Agnum Paschalem, vel Manam de Cœlo pluentem (quæ NB. erant figuræ Eucharistiæ) leguntur adjunxisse semper ac necessario aliquem potum: cur ergo a figura non liceat hic argumentari ad figuratum?

95. Probatur 3. Non solum Apostoli, verum etiam successores in primitiva Ecclesia, ac primis quatuor seculis sæpius porrexerunt Laicis Eucharistiam sub unica tantum specie vel panis, vel vini: ergo signum est, quod ex parte Laicorum non adsit inmandatum Domini semper sub utraque specie sumendi Eucharistiam. Consequentia patet, nam ex Confessione Adversariorum Ecclesia antiqua primis quatuor seculis erat adhuc in sua doctrina conformis Doctrinæ Christi, sponsa immaculata, ac sine rugis. Antecedens vero probatur: sic enim I. jam ad annum Christi 57. itinerantibus hoc Sacramentum datum fuit sub sola specie panis, ut in vitæ discrimine (Sacerdotibus pro tunc adhuc valde raris) Viatico muniri possent. Ita apud Franciscum Henno testatur Baronius ad dictum annum. II. Græci per totam quadragesimam (exceptis diebus Sabbatinis & Dominicis, quibus Sacerdotes consecrabant) communicabant solummodo ex *praesantificatione*, id est, ex illis tantummodo hostiis, quæ aliis jam diebus, puta sabbatinis & Dominicis fuerant a Sacerdotibus consecratæ, de quo usu videantur Concilium Laodicense can. 49. Trullanum can. 51. & Innocentius I. in Epistol. I. cap. 4. III. Pariter primis seculis tradebatur Eucharistia Eremitis, ut in sua tuguria deferrent, ac tempore sibi bene viso sumerent; quod idem fiebat in navigatione longa, aut gravi persecutione quoad alios: non autem est verosimile, quod species vini simul cum hostia secum acceperint, tum quia, præsertim continuante diutius persecutione, Eucharistia aliquoties per integrum annum reservabatur? tum, quia ab Eremitis sæpius ad remotissimos a loco receptionis recessus deferrebat: tibi interim species vini fuissent corruptæ. Ita testantur Tertullianus, S. Cyprianus, Clemens Alexandrinus, Basilus, & alii passim apud Controversistas videndi. IV. Infirmis, saltem una, alterave vice porrigebatur Eucharistia sub sola specie panis, uti præter Eusebium Cæsar. lib. 6. Histor. Ecclesiast. plures citat Cardinalis Bellarminus hic. Item infantibus nec-



dum potentibus solidum cibum comedere olim instillabatur præcise sacratissimus sanguis Christi sub speciebus vini &c. ergo a primo ad ultimum in primitiva Ecclesia non porrigebatur semper Eucharistia sub utraque, sed aliquoties etiam sub unica tantum specie.

96. Respondetur II. Cum sacra Communio sub utraque specie non fuerit a DEO Laicis præcepta, sed tantum permessa, prout jam ante Concilium Constantiense docuerunt Alexander Alenus, Albertus Magnus, D. Bonaventura, & D. Thomas apud nostrum Bosco hic *Diff. 4. sect. 2.* potuit exinde Ecclesia pro diversitate temporum & circumstantiarum hanc communionem sub ambabus speciebus, vel adhuc permittere, vel etiam positive ex gravi causa præcipere, aut prohibere, prout videbatur in Domino. Probat 1. ex Potestate Vicaria Christi: si enim Rex in temporalibus potest ordinare ea, quæ ex una parte non sunt contra mandatum Divinum, & ex altera spectant ad bonum temporale Reipublicæ, cur non æque Vicarius Christi S. Petrus, & successores quoad illa, quæ respiciunt bonum spirituale? Accedit, quod S. Paulus tamquam Minister DEI, & Dispensator Mysteriorum ejus, partim nonnulla, quæ non sunt contra mandatum Divinum, actualiter disposuerit spectantia adhuc ad Cœnam Domini, uti patet 1. Corinth. cap. 11. v. 33. partim plura adhuc ordinare intenderit, uti colligitur ex propriis verbis loc. cit. v. 34. ibi: *Cætera, cum venero, disponam.* Curigitur hæc potestas disponendi denegetur Petro, & illius successoribus?

Respondetur III. Sacra Communio sub utraque specie fuit de facto ab Ecclesia Catholico-Romana, præsertim a Concilio Constantiensi *sess. 13.* ac Trid. *sess. 21. cap. 1.* & ibidem *Can. 1.* recte Laicis ordinarie prohibita ex causis valde gravibus; hincque immerito Eadem propterea traducitur ab A Catholicis, prout magis patebit assignando nonnulla ex motivis prohibendi. Itaque 1. porrectus antea Laicis sanguis non raro in Communione, præsertim apud pueros, Rusticos, tremulos senes, vel in magna communicantium compressione effundebatur cum magna irreverentia sanctissimi Sacramenti, ad quam evitandam etiam jam antea fuit apud Infantes sublata consuetudo sumendi sacratissimum Sanguinem. 2. Species vini non potuerunt, maxime in pagis remotioribus & Ecclesiis filialibus, tam prompte haberi pro ægrotis; nam reservatæ accedebant faciliter non sine gravi irreverentia SS. Sacramenti, maxime in Regionibus calidioribus, & tempore æstatis. 3. Idem sæpe contingebat, quando in maximis solennitatibus, refrigercente indies devotione, magna vini quantitas consecrata remansit, quam deglutire Sacerdotes frequenter abhorrebant, repertis in fundo calicis variis non raro sordibus, præsertim si & Vetulæ ex naribus stillantes, lepra, aliisque deformitatibus, quas natura abhorre solet, affecti, vel vehementi tussi molestati, præsertim alias aggresstes homines ex illo calice biberunt. 4. Cellabat frequens usus Eucharistiæ, præsertim in Ecclesiis pauperibus, & ubi vinum caro emebatur pretio. 5. Magna in hoc puncto inter membra Ecclesiæ extabat difformitas, populo in una regione sub una, in altera sub duplici specie SS. Sacramentum Eucharistiæ sumentes. Hæc,

præsertim periculum irreverentia, ut melius evitentur, tandem Ecclesia præcepit, ut Laicis deinceps, nisi ob novas circumstantias aliter aliquando disponendum videatur, SS. Eucharistia non nisi sub speciebus panis porrigatur, quamvis & hi antecederent potuerint calicem sumere, non prohibente id Christo, sed relincente determinationem Charissimæ Sponsæ suæ Ecclesiæ. Ut autem hoc magis capiatur ab A Catholicis, & eorum objectiones clarius solvantur,

98. Sciendum 1. Catholicos omnino admittere, hoc Sanctissimum Eucharistiæ Sacramentum fuisse institutum in ultima Cœna Domini: ibi enim post probata verba consecratoria sub speciebus panis & vini vere continebatur SS. Corpus & sanguis Christi, in quo principaliter consistit dictum Sacramentum, quod dein a fidelibus devote acceptum per modum cibi spiritualis longe magis confortat animam, quam cibus naturalis ipsum corpus. 2. Defendant Catholici cum Concilio Tridentino *sess. 22. de sacrif. Missæ cap. 1.* Sanctissimam Eucharistiam non solum in ultima Cœna habuisse rationem Sacramenti, verum etiam rationem sacrificii inveniendi, repræsentantis cruentum in ara Crucis sacrificium, ubi utrobique Hostia, seu Victima pretiosissima est ipsemet Christus Cœlesti Patri oblatas. 3. Docent, hanc cruenti Sacrificii representationem in eo vel maxime consistere, quod mystice ac vi verborum utriusque consecrationis separetur corpus a sanguine, quamvis realiter loquendo tam in consecratione panis, quam calicis adsint corpus & sanguis Christi cum anima & Divinitate, de quo vide Reiffenstuel *Tract. 14. Theol. moral. Diff. 5. q. 1. & 2. 4.* Firmiter credunt, conformiter Concilio Trident. *sess. 22. de Missæ sacrif. Can. 2.* Apostolos in ultima Cœna a Christo fuisse simul consecratos novi Testamenti Sacerdotes, ipsisque traditam potestatem in corpus Christi verum, puta consecrandum, offerendum, & sumentum &c. uti post resurrectionem eisdem complete fuit attributa potestas in corpus Christi mysticum, quando Christus Joan. cap. 20. v. 22. & 23. insufflavit, & dixit eis: *Accipite Spiritum sanctum, quorum remiseritis peccata, remittantur eis.* 4. Fatentur cum Concilio Tridentino in formalibus *sess. 22. cit. cap. 1.* quod Christus Apostolis in ultima Cœna tamquam novis Sacerdotibus non solum tradiderit corpus & sanguinem, ut sumerent (puta pro integrando sacrificio) Verum etiam *Eisdem, Eorumque in sacerdotio successoribus, ut offerrent, præcepit per hæc verba, Hoc facite in meam commemorationem, uti semper Ecclesia Catholica intellexit, & docuit.* Ex licet hæc ultima verba. *Hoc facite in meam commemorationem,* apud Evangelistas reperiantur solummodo penes consecrationem panis; expresse tamen S. Paulus 1. Corinth. cap. 11. v. 25. testatur, eadem quoque a Christo fuisse addita in consecratione vini, prout de facto quoque in Missa post consecrationem calicis ad elevationem dicuntur sequentia: *Hæc quotiescumque feceritis, in mei memoriam facietis.* 5. Notant Theologi Catholici, quod, etsi ex Concilio Tridentino eruatur per verba, *Hoc facite in meam commemorationem,* Apostolis ac successoribus tamquam Sacerdotibus sacrificantibus fuisse a Christo præceptum, offerre hanc Hostiam, nimirum SS. Corpus ac sanguinem Christi, atque



atque etiam pro integritate Sacrificii sumere illud: disputetur tamen adhuc inter Catholicos, utrum pariter Laicis fidelibus, utpote non sacrificantibus, fuerit datum mandatum Divinum sumendi illud saltem sub speciebus panis, sub quibus realiter præter corpus juxta jam dicta continetur concomitanter sanguis Christi? ubi non defuerunt, præsertim ante Concilium Tridentinum graves Doctores, uti noster Alensis, & D. Bonaventura apud Bosco, loco proxime citando, defendentes præceptum sumendi ex parte Laicorum esse præcise Ecclesiasticum, non Divinum, uti videre poteris apud Franciscum Henno *Tract. de Eucharist. Disp. 9. quest. 1.* La Croix *lib. 6. Theol. moral. Part. 1. num. 594.* & fusius apud nostrum Bosco hic *Disp. 4. sect. 3. Conclus. 2.*

6. Advertunt Theologi Catholici, de facto quidem communio esse inter nostros sententiam, quam etiam ex antiquioribus jam S. Scripturæ Expositoribus defendit noster Lyræus teste Sabino Bononienfi *part. 1. Lacerna Mystica tract. 38. n. 93.* nimirum Laicis quoque a DEO mandari sumptionem Eucharistiæ, pro cujus tamen efficaciori probatione adducunt AA. potius alium textum Scripturæ, nimirum Joan. cap. 6. v. 54. *Nisi manducaveritis carnem filii hominis, non habebitis vitam in vobis.* Hæc septem Notanda si attente legantur, faciliter Adversariorum argumenta solvuntur, a quibus contra nostras resolutiones

99. Obijcitur I. Christus generaliter in ultima Cœna porrigens calicem dixit, *Bibite ex eo omnes*: ergo etiam Laicis datum est mandatum Divinum bibendi. Respondeo distinguendo Antec. Dixit ad assidentes mensæ Apostolos Testamenti novi Sacerdotes: atque ad eorum successores, *Bibite ex eo omnes*, conc. ad reliquos etiam non assidentes, seu præsentés, neg. Rationes negandi sunt allatæ in nostris probationibus.

Urges: Sicut Christus dixit in consecratione calicis, *Bibite ex eo omnes*: ita pariter in consecratione panis ita: *accipite & comedite*: Matth. c. 26. v. 26. sed quoad manducationem corporis Domini Divinum mandatum intelligendum est non solum de Sacerdotibus, verum etiam de Laicis, qui utique obligantur mandato Divino sumere corpus Domini: ergo etiam quoad calicem Domini bibendum.

Respond. neg. minorem, uti enim mandatum bibendi, ita etiam *manducandi* erat directum ad ipsos Apostolos, atque successores Sacerdotes, non autem ad Laicos; quod autem Laici obligentur mandato Divino ad sumendam Eucharistiæ, Doctores illi Catholici, qui hanc tenent sententiam, non desumunt ex allegatis Christi verbis, *manducate ex hoc omnes*, sed principaliter ex aliis Joan. cap. 6. v. 54. præcedenti numero allegatis.

100. Obijcitur II. Sicut Christus in ultima Cœna dando panem præcepit comestione per illa verba: *Hoc facite in meam commemorationem*; ita per eadem verba porrigendo calicem mandavit bibitionem: ergo utrobique adest mandatum Divinum, consequentia tenet a paritate rationis: Antecedens vero probatur ex eo, quia et si Evangelistæ transectantes de ultima Cœna in bibitione non æque, uti in comestione, apposuerint illa verba: *Hoc facite in meam commemorationem*; testatur tamen Apostolus, id factum fuisse a Christo

utrobique; nam narrans Corinthiis suis Historiam illam, quæ contigit in ultima Cœna 1. Corinth. cap. 11. v. 25. de Calice Domini ita loquitur: *similiter & calicem postquam cenavit (supple accepit) dicens: Hic Calix novum Testamentum est in meo sanguine, hoc facite, NB. quotiescumque bibetis, in meam commemorationem.*

Ante responsionem nota 1. tempore illo Apostolorum fuisse Laicis permissum adhuc sumere Eucharistiæ etiam sub speciebus vini, ut patet *loc. c. v. 28.* nota 2. Paulum non intendisse in illo capite 11. Corinthios suos instruere, quasi non solum permissio, sed etiam mandatum Divinum esset, ut Laici sumant Eucharistiæ sub utraque specie: nam de hoc nihil pro tunc movebatur a Corinthiis. Voluit igitur ibidem potius Corinthiis suis exprobrare abusus, ab ipsis, dum celebrant hanc sacram Cœnam, introductos, & pro exemplo sobrii, atque honesti convivii proponere Cœnam Domini ipsiusmet. Videatur de hoc Cornelius a Lapide in cit. cap. 11. ad Corinthios. H. N. Respondetur uti in priori objectione distinguendo Antec. sicut Christus in ultima Cœna præcepit comestione, ita etiam bibitionem præsentibus Apostolis, & aliis futuris Sacerdotibus conced. Extraneis, atque Laicis, nego.

101. Ostendant igitur nobis Adversarii in controversia tam famosa aliquem Scripturæ textum, qui nostra enervet superius allegata fundamenta, & clare probet, Christum sub his verbis: *Hoc facite in meam commemorationem*: voluisse etiam Laicis non sacrificantibus mandare positive sumptionem sanguinis sub speciebus vini. Profecto nec Christus Luc. cap. 24. legitur dedisse calicem discipulis euntibus in Emmaus, quando ibidem accepit panem, & benedixit, ac fregit, & porrigebat illis. Et aperti sunt oculi eorum, & cognoverunt eum. v. 30. Ubi ex tam mirabili effectu apertionis oculorum mentis colligunt SS. PP. nomination SS. Chrysostomus, Augustinus, Theophilactus, & Hieronymus apud Patrem Kedd in suo Constantino Magno, panem hunc non fuisse communem, sed Eucharisticum.

102. Obijcitur III. Christus Dominus, quando Joannis cap. 6. v. 54. præcepit universaliter, sicque etiam Laicis sumptionem Eucharistiæ, non solum mandavit manducationem, sed etiam bibitionem calicis, & quidem sub deperditione vitæ spiritualis: ergo adest mandatum Divinum bibendi sanguinem etiam ex parte Laicorum. Antec. probatur ex ipso textu sequentis tenoris: *Nisi manducaveritis carnem filii hominis, & biberitis ejus sanguinem, non habebitis vitam in vobis*: ubi pariformiter loquitur Sacra Scriptura de carne ac sanguine Filii Hominis. Ante Respons. nota, quod primi, qui ex his ipsis Christi verbis necessitatem Communionis sub utraque specie ex mandato Divino asseruerunt, dicantur circa Annum Christi 1409. vel 1412. Petrus Dresdensis, & Jacobellus *Misnensis*, seu apud Sianda V. *Jacobellus*, melius *Misensis* in *Bohemia*, non in superiori *Saxonia*. Hos Wicleffi erroribus contaminatos secuti sunt Joannes Huss cum suis, & ejus discipulus Hieronymus Pragensis a Concilio Constantiensi circa Annum 1415. damnati, ac subsequenter Lutherus & Calvinus H. N.

Respons.

Respondetur in primis, in allegato textu particulam & commode juxta phrasin Hebraicam alibi etiam sic usurpatam posse accipi disjunctive pro particula *vel*: sic pariter dixit Petrus Act. cap. 3. v. 6. *Argentum & aurum non est mihi*, id est, argentum vel aurum, sic Paulus 1. Corinth. caput 11. versic. 29. *qui manducat NB. & bibit indigne, judicium* (id est, damnationem teste D. Chrysostomo apud Cornelium a Lapide,) *sibi manducat & bibit*. Quamvis ad damnationem hanc incurrendam non necessario requiratur, ut *copulative*, seu simul indigne manducet & bibat, sed sufficiat *disjunctive*, si alterutrum ex his indigne fiat, de qua vide ulterius subtiliter discurrentem nostrum Boëco de Sacramentis *Part. 2. Disp. 4. sect. 8. Conclus. 8.* His igitur stantibus, cur ob fundamenta in nostris Resolutionibus allegata non posset pariformiter discursi circa textum præsentem?

Respondet. 2. Aliter distinguendo Antec. Christus præcepit ibidem etiam bibitionem sanguinis realiter, & quoad substantiam conced. formaliter & quoad modum negatur. Id est, Christus quidem ibi præcepit, ut sumatur a parte rei sanguis Christi, quoad sit etiam manducando panem vivum; non autem mandavit determinate in ordine ad Laicos quoad modum, ut nimirum expresse sub modo bibitionis Christi sanguis accipiat.

Hinc mirum non est, quod eodem capite 6. Joannis Christus absque mentione alicujus bibitionis solum manducationi hujus panis vivi, sub quo una cum carne sumitur pariter sanguis Christi, vitam æternam adscripserit. Sic enim legitur loc. cit. v. 50. *Hic est panis de Cælo descendens, ut si quis ex ipso manducaverit, non moriatur*. Similiter v. 52. *Si quis manducaverit ex hoc pane, vivet in æternum*. Item v. 59. *Qui manducat hunc panem, vivet in æternum*. In quibus textibus nullibi fit mentio de formali bibitione.

103. Objic. IV. Gelasius Papa expresse mandat *Can. compertimus. 12. de Consecrat. dist. 2.* ut Sacramentum Eucharistiæ non dividatur taliter, quatenus, *sumpta tantummodo corporis Sacri portione, a calice Sacri cruoris abstinetur*: ergo male a modernis Pontificibus prohibetur id, quod Gelasius fieri mandavit, & SS. PP. antiqui vel maxime commendarunt.

Respondeo in primis, hunc Canonem posse explicari conformiter priori Canoni undecimo, quod nimirum loquatur de sacrificantibus, non de Laicis communicantibus. Ita declarat D. Thomas 3. part. q. 80. Art. 12. ad primum. Atque etiam *Summarium Canonis* in Decreto Gratiani sic habet. Deinde transmissio in Antecedenti Adversariorum supposito, quod Pontifex loquatur quoque de Laicis, negatur tamen consequentia quoad primam partem: etsi enim Gelasius Papa secutus exemplum Divi Leonis *serm. 4. de Quadrages.* etiam sub grandi sacrilegio mandasset, ut pro suo tempore Sacra Communio sub utraque specie accipiat, hoc tamen ideo factum fuisset, ut occulti plures Manichæi, qui vinum abhorrent, credentes, illud a diabolo creatum, exinde arceantur a Communionem, ad quam alias, dum sub solis speciebus panis Eucharistia porrigebatur, permixtum cum Catholicis non sine gravi irreverentia Sacrilegi accedebant: quæ ratio apud nos his temporibus jam cessat.

Sancti Patres, si qui ab Adversariis adducuntur in contrarium, intelligendi sunt vel de illis temporibus, quibus Communio sub utraque specie adhuc erat permixta, aut etiam præcepta, vel discurrunt de re sumenda, non de modo sumendi, vel denique loquuntur de Sacerdotibus sacrificantibus, non de Laicis communicantibus. Cæterum miror, A catholicos adeo conqueri de subtractione Calicis, cum tamen id ex gravissimis factum sit rationibus, & econtra Lutherus hoc ipso Calice carere paratus fuisset præcisè in contemptum alicujus Concilii, si ab Eodem Communio sub utraque specie præciperetur. Verba formalia Lutheri Tom. 3. Jen. de formula Missæ sic sonant: *Tunc* (id est, si præciperetur) *minime omnium vellem utraque specie potiri*; imo tunc primum in despectum Concilii, *vel statuti sui vellemus aut alterutra, aut neutra potiri*.

## ARTICULUS II.

### De Conjugio Sacerdotum.

104. DE hoc inquit, quod ad evitanda publica scandala, alias data, liceat Sacerdotibus illud institutio ex sequentibus rationibus. 1. Quia Paulus dicit: *Habeat unusquisque uxorem suam propter fornicationem*. Item 2. juxta eundem melius est nubere, quam uri. Nam Deus conjugium tamquam remedium humane infirmitatis instituit. 3. Quia idem Paulus 1. ad Timoth. 4. doctrinam prohibentem conjugium vocat doctrinam Demoniorum. 4. Quia pariter Paulus ait, Episcopum eligendum esse, qui sit maritus: cur ergo non etiam alius Sacerdos? 5. Quia Deus creavit hominem ad propagationem, dicens: *Crescite & multiplicamini*. Gen. 1. nec est humana potestas sine singulari dono, & opere Dei creationem mutare, & mandatum tollere Divinum. 6. Quia constat, in Ecclesia veteri Sacerdotes fuisse Maritos, & primum ante annos quadringentos (puta a Confessione Augustina computandos) vi coactos ad Calibatum. 7. Quia ex antiquis PP. S. Cyprianus suadet Lib. I. Epistolæ Epistola undecima, ut mulieres nubant, quæ non servant promissam Castitatem: adeoque a pari idem de viris. 8. Quia Calibatus est res difficillima, plerisque impossibilis, atque horrenda contra naturam paræ flagitia & scandala. 9. Quia alias Ecclesia videtur aliquando defuturi Pastores, si diutius prohibeatur Conjugium. Ita Pastores Acatholici loquentes pro Thalamo, & suis uxoribus, nec non, ut exinde Magistrorum, Lutheri & Calvini, defectionis causam præcipuam (amorem nimirum mulierum) saltem apparenter aliquo modo cohonestent.

105. E contra Catholico-Romani in primis quidem gratis admittunt, conjugium esse aliquid honestum & bonum. 2. Pariter in hoc rerum ordine ad propagationem generis humani necessarium. Atque 3. exinde respectu totius naturæ humanæ in communi præceptum, ita nimirum, ut saltem aliqui ex genere humano sint, qui illud contrahant, ne genus humanum deficiat. 4. Non autem obligari hoc præcepto singulos in particulari: alias enim Elias, Jeremias, Joannes Baptista, Joannes Evangelista, & S. Paulus, pluresque SS. PP. antiquissimi cum primis fundatoribus SS. Ordinum violassent hoc mandatum. 5. Tenent, Calibatum esse meliorem conjugio: ita enim  
clare

clare loquitur D. Paulus 1. Corinth. cap. 7. v. 38. & 40. *Qui matrimonio jungit Virginem suam, bene facit, qui non jungit, melius facit. Beatior eris, si sic permanseris secundum meum consilium, puto autem, quod & ego spiritum Dei habeam.* 6. Allerunt, Cælibatum esse naturæ humanæ gratia Divina (quæ facientibus, quod in se est, omnino non negatur) adjunctæ observatu omnino possibilem; quomodo enim alias prudenter D. Paulus 1. Corinth. c. 7. v. 25. & loco proxime allegato tam absolute, Virginitatem suadere potuisset? *Qui te hortatur, ut voveas, Ipse adjuvat, ut reddas,* inquit D. August. in Psalm. 137. 7. Libenter concedunt, quod de jure Divino non sit necessario Cælibatus Sacerdotio annexus, cum de facto quoque Sacerdotes Græci, etiam non schismatici, conformiter cap. cum olim b. de Cleric. conjugatis, possint habere Uxores, quas ante sacros Ordines duxerunt, licet post sacros Ordines semel susceptos non liceat ipsis amplius contrahere. 8. Defendunt, posse tamen ab Ecclesiâ Sacerdotio, & aliis sacris Ordinibus recte annexi cælibatum: nam cum cælibatus sit res honesta, & bona, imo melior conjugio, & simul observatu possibilis, cur Summo Pontifici sit adempta potestas præcipiendi eundem in casu, quo aliqui sponte & libere volunt suscipere sacros Ordines? 9. Addunt aliquas congruas rationes, cur Ecclesiâ actualiter alligaverit SS. Ordinibus Cælibatum; ex quibus præcipua est, quod primaria officia Ministrorum Ecclesiæ (puta *sacrificare, & Sacramenta aliis ministrare*) melius administrantur a cælibe, utpote magis mundo, quam a conjugato.

106. Hæc Catholicorum dicta si bene notentur, facilis erit solutio rationum, quas in contrarium allegat Confessio Augustana; nam ad 1. Paulus 1. Corinth. cap. 7. v. 2. dum ait: *habeat unusquisque suam uxorem propter fornicationem*; loquitur ad actualiter jam conjugatos, non ad solutos, ad quos ultimos primum v. 8. suum dirigit sermonem: in præsentî autem vult, unusquisque conjugatus penes se habeat, non autem repudiet uxorem suam *propter fornicationem*, id est, ne fornicetur cum altera. Ita textum istum explicat celeberrimus antiquissimæ Ecclesiæ Pater & Scripturæ Expositor S. Hieronymus Libro 1. contra Jovinianum. Aliam adhuc declarationem videre poteris apud Cornelium a Lapide in dictum textum. Ad 2. Verissimum est ibidem consilium S. Pauli illis adhuc solutis personis datum, quæ experientia doctæ putant, se non restituras tentationibus carnis, 1. Corinth. cap. 7. v. 9. nempe *quod melius sit nubere, quam uri*, id est, *melius maritum ducere, quam fornicari*. Ita glossant S. Hieronymus Apolog. pro libris contra Jovinianum Ambrosius, Augustinus & alii apud Cornelium a Lapide hic. Ad 3. Doctrina absolute prohibens conjugium est doctrina dæmoniorum; hoc autem non facit Ecclesiâ Catholico-Romana, sed permittit libertatem, solummodo conditionate sacros assumentes Ordines adstringens ad Cælibatum, idque propter excellentiam status, & sanctitatem functionum. Ad 4. falsum est, quod Paulus nunquam dicat, Episcopum eligendum esse, qui sit *Maritus*. Equidem 1. Timoth. cap. 3. sic habet, *oportet Episcopum esse unius uxoris Virum*; per hoc tamen nihil aliud intendit, quam

Tomus II.

exclusionem Bigami, ut nimirum Episcopus eligendus non sit talis, qui duas successive habuerit ante Episcopatum uxores. Cæteroquin idem Apostolus ad Titum cap. 1. v. 8. desiderat Episcopum esse *sobrium, justum, sanctum & NB. continentem*. Videatur de hoc S. Chrysostomus primorum seculorum Pater in 1. Timoth. c. 3. & cap. 1. ad Titum. Ad 5. etiam Deus ad pisces & aves dixit: *Crescite & multiplicamini*, non tamen fuit hoc præceptum Divinum, sed potius benedictio. Dato autem, quod censetur mandatum Divinum, non intendebat obligare singulos in particulari, sed solum genus humanum in communi. Ad 6. Quod Sacerdotes, qui sponte & voluntarie suscipientes sacros Ordines se submiserunt præcepto Cælibatus, adiguntur ad observantiam, posito, quod fiant transgressores, æque parum injustum censeri debet, quam si Violatores Legum Civilium ad observantiam compellantur. Cæteroquin veritati omnino consentaneum non est, quod hic ulus primum ante quadringentos annos fuerit introductus; cum Concilia in Germania habita, puta Aquisgrani, Moguntia, Vormatia &c. Cælibatum hunc jam ante 800. annos statuerint. Quinimo S. Clemens primo statim seculo præcepit, ut nullus Cælebs ad Clericatum perveniens admittatur ad nuptias contrahendas, nisi Lectores & cantores, uti expresse refertur in Jure Canonico inter Canones Apostolorum Canonæ vigesimo quinto. Ad 7. Verba formalia S. Cypriani vix credo esse fideliter allegata: apud Cornelium enim a Lapide in cap. 7. 1. Ep. ad Corinth. v. 8. sic sonant: *si perseverare nolint (supple Virgines) aut non possint, melius est nubere, quam uri*. Ubi loquitur de Virginitate nondum Deo actualiter per votum dicta, sed dicandis, quas monet, ne se Deo devoveant, si perseverare nolint. Cæteroquin eadem Epistola Virgines Deo per actuale votum jam dicatas vocat Christi NB. adulteras, si post votum castitatis Viris copulentur. En! sanctum Cyprianum potius pro nobis, quam contra nos. Ad 8. Cælibatus perpetuus est quidem carni difficilis, non tamen impossibilis, accedente præsertim gratia Divina, observatisque ad Castitatem tenendam mediis, passim apud Ascetas reperiendis, inter quæ a SS. PP. vel maxime commendatur jejunium, quale profecto parum videtur curasse Lutherus, ignominiose cum suis traducens abstinentiam a carnibus, & duplici refectioe tempore Quadragesimæ, Angariarum atque Vigiliarum &c. a Catholicis præscriptam. Cæteroquin S. quoque Paulus sensit stimulum carnis; vicit tamen gratia Divina accedente, quæ si deesset, ex ipsis A catholicorum principiis, & paritate rationis etiam conjugati reputandi forent adulterii in longiori morbo, vel absentia compartis, atque urgente simul concupiscentia ad alienam. Ad 9. Non advertimus nos Catholici propter annexum sacris Ordinibus Cælibatum quempiam defectum Sacerdotum; nec propterea sanctissimam hanc Cælibatum inter & sacerdotium connexionem dissolvendam existimamus, eo quod hinc inde per accidens fiant abusus. Recogitent parum A catholici, quæ flagitia apud Ipsos aliquoties etiam ab Uxoratis, vel militibus, quibus matrimonium passim non conceditur, committantur.

F

ARTI.



## ARTICULUS III

## De Missa.

107. **D**E hac agunt 1. Quod etiam apud ipsos Missa retineatur, & summa Reverentia celebretur, nec non usitata Cereemonia fere omnes observentur. 2. Quod hac habeatur in lingua Germanica ad docendum populum 3. Quod apud ipsos non admittantur Missa privata, sed tantum publica; per quas ultimas intelligi volunt Missas, sub quibus populus communicet, ad quam Communionem (subjungunt) nulli admittuntur, nisi antea explorati, & auditi. 4. Negant, quod ulla Missa etiam publica ex opere operato causas triplicem illum fructum a Catholicis assertum, nempe propitiatorium, impetratorium, & satisfactorium, quem Christus nobis potius contulit in Ara Crucis sacrificio cruento satisfaciens pro nobis, & nos Cœlesti Patri suo iterum reconcilians. 5. Exinde negant, in Missa contineri verum aliquod sacrificium, docentes, eam solummodo esse institutam, ut renovetur per ipsam memoria Christi, & mediante sumptione Eucharistie apud illum, qui utitur hoc Sacramento, fides excitetur, rememorans, quanta per Christum accipiat Beneficia; per quam memoriam hominis talis conscientia pavida erigitur, & nova afficitur consolatio. 6. Denique præterdunt varios a Catholicis in Missis privatis introductos abusos, ita, ut nulla res Divina ita videatur umquam ad quæstum collata fuisse, uti Missa. Ita A Catholicis, qua autem veritate, & fundamento, videbimus infra successive Respondendo ad singula, Interim

108. Prænotandum 1. ex Theolog. Morali Patris Reiffenstuel Tract. 14. Dist. 5. q. 2. quod hæc vox Missa sit antiquissima, cujus jam meminit in Epistol. 6. ad Smirnenfes S. Ignatius Antiochenæ Ecclesiæ tertius post S. Petrum Episcopus & Martyr. quod autem apud Latinos Missa, idem apud Græcos est *Liturgia*. Porro juxta communem Catholicorum sensum Missa accipitur pro collectione omnium Orationum, quæ a principio ejusdem usque ad finem peraguntur. Principaliter vero Missa consistit in consecratione corporis & sanguinis Christi, mediante qua actione Sacerdos juxta dicenda verum peragit sacrificium incruentum, repræsentans nobis cruentum sacrificium in Ara Crucis peractum, ex cujus Sacrificii cruenti virtute suam quoque vim obtinet. Pro quo.

109. Prænotandum 2. Sacrificium ut sic proprie tale recte definiri, quod sit Oblatio externa rei permanentis, a legitimo Ministro exhibita Deo, qua significetur supremum Illius Dominium mediante aliqua rei oblata destructione, seu immutatione. Ulteriorem hujus descriptionis declarationem reperies apud Reiffenstuel loc. cit. q. 1. num. 4. & seqq; Porro oblatio sacrificii semper erat in usu; utpote non solum in Lege Mosaica, verum longe ante in ipsa lege naturæ exercita. Sic enim jam tempore Adami legitur Abel obtulisse primogenitos gregis sui Gen. cap. 4. Noë de cunctis pecoribus, & volucribus mundis post diluvium Gen. 8. & Melchisedech panem & vinum tamquam Sacerdos Dei Altissimi. Gen. cap. 14.

110. Prænotandum 3. Sacrificium in Lege Mosaica fuisse divisum tam ratione materiæ, quam ratione formæ. Ratione materiæ in Victimam, immo-

lationem & libamen. *Victima* comprehendebat oblata, & in honorem Dei mactata animalia. *Immolatio* res inanimatas solidas, puta panem, thus, fructus terræ &c. *Libamen*, res inanimatas liquidas per effusionem in terram &c. Ratione formæ sacrificium dividebatur in Holocaustum, Hostiam pro peccato, & Hostiam pacificam. *Holocaustum* erat sacrificium Deo pure in laudem, & ad cultum suum consecratum, in quo tota res oblata destruebatur, seu comburebatur. *Hostia pro peccato* offerebatur pro peccatis, præsertim externis, atque legalibus, vocabaturque *Sacrificium propitiatorium*, ubi res data partim cremabatur, partim cedebat in usum Sacerdotum. *Hostia pacificorum* offerebatur vel in gratiarum actionem pro aliquo beneficio impetrato, & tunc alio nomine dicebatur *Sacrificium laudis*, vel pro beneficio impetrando, & erat *Sacrificium impetratorium*, atque itidem una pars comburebatur, altera Sacerdotibus dabatur, & tertia remanebat offerenti. H. N.

111. Respondetur I. In Missa, in qua a Sacerdote offertur panis & vinum, verum peragitur Sacrificium. Probatur ex S. Scriptura tali fundamento: A Christo, in ultima Cœna panem & vinum offerente, fuit peractum verum Sacrificium: ergo etiam a Sacerdote ex mandato Dei idem faciente in sui memoriam, juxta illud, *Hoc facite in meam commemorationem*, peragitur verum Sacrificium. Antec. probatur: a Melchisedech offerendo panem & vinum erat peractum verum Sacrificium: ergo etiam a Christo ultima cœna. antec. patet ex eo, quoniam, teste S. Scriptura Gen. 14. v. 18. protulit Melchisedech panem & vinum, quia erat NB. *Sacerdos Dei Altissimi*, consequenter sacrificando obtulit; alias enim ad hoc non fuisset necessarium *Sacerdotium*: consequentia vero principalis ostenditur; etenim Christus est *Sacerdos in æternam secundum ordinem Melchisedech*, teste Apostolo ad Hebr. cap. 5. v. 6. adeoque pariter ab Eodem in ultima Cœna panem ac vinum offerente erat peractum verum Sacrificium; nam Melchisedech Sacrificans in pane & vino fuit Typus offerentis Christi, uti innuit ipsemet D. Paulus cap. 7. Heb. v. 11. *Quis magis Sacerdos Dei summi* (loquitur optime ad propositum D. Cyprianus Lib. 2. Epist. 3.) *quam Dominus noster Jesus Christus, qui Sacrificium Deo Patri obtulit, & obtulit hoc quidem, quod Melchisedech obtulerat, panem scilicet & vinum, hoc est, suum corpus & sanguinem*. Plura de hoc reperies apud Bosco Part. 2. Theolog. Sacrament. D. 5. §. 1. Conclus. 1.

112. Confirmatur hæc veritas Catholica immediate de nostra Missa taliter: Juxta Apostolum cap. 13. Heb. v. 10. *Habemus altare, de quo edere non habent potestatem, qui Tabernaculo deserviunt*, nimirum Sacerdotes antiqui Testamenti: sed si habemus verum Altare, etiam habemus verum Sacrificium; nam altaria sunt ordinata ad Sacrificium: ergo. *Subsumitur*: atqui nec tempore Divi Pauli, post peractum jam pro tunc cruentum Sacrificium, nec tempore nostro assignabile est aliud verum Sacrificium, quam illud, quod peragitur in Missa: ergo. *Non taurorum carnes* (inquit Apostolus Andreas testibus Achaïæ Presbyteris) *ego omnipotenti Deo sacrifico, sed Immaculatum Agnū in altari*. Idem



Idem in suis Liturgiis exprimunt Sancti Apostoli Petrus, Jacobus, & Matthaeus apud Coccium de Eucharist. Art. 4. Tom. 2. lib. 6. Idem sentiunt SS. PP. plurimis videndi apud Bellarminum, & nostrum Bernardinum Verweis hic. Cur igitur recedunt sectarii nostri temporis? forsitan quid deest in Missa ad verum Sacrificium requisitum? Absit: habemus enim Sacerdotes sacrificantes, habemus altaria, habemus Victimam seu Hostiam, nimirum Christum Dominum, Agnum Immaculatum, non quidem physice, moraliter tamen ac mystice in contestationem supremi Domini Dei occisum, quatenus vi verborum consecrationis sanguis separatur a carne, & Christus modo ad operandum naturaliter inepto definitive, compenetratis inter se partibus, utrobique ponitur.

113. Respondetur II. Missæ Sacrificium ex opere operato est propitiatorium, impetratorium, & satisfactorium. *Propitiatorium* quidem, quatenus causat ex opere operato gratias actuales, quibus peccator incitatur ad poenitendum, sibi que Deum iterum reddendi propitium: *Impetratorium*, quatenus per id varia impetrantur beneficia spiritualia, & etiam temporalia, si sint nobis utilia. *Satisfactorium*, quatenus delet poenas pro peccatis quoad culpam jam dimissis sæpe restantes. Probatur hæc Catholica veritas a pari: sacrificium cruentum in Altari Crucis peractum causat enumeratos tres fructus, uti facile consentiunt Adversarii: ergo etiam Sacrificium incruentum: nam incruentum habet suam virtutem ex Sacrificio cruento, cuius est repræsentativum. *Omnis Pontifex ex hominibus assumptus pro hominibus constituitur in his, quæ sunt ad Deum: ut offerat dona, & Sacrificia pro peccatis:* inquit Apostolus ad Hebræos cap. 5. v. 1. Vide de hoc Reiffenstuel, *Tract. 14. Theol. moral. Diss. 5. q. 4.*

114. Respondetur III. Missæ sacrificium applicatum pro defunctis prodest etiam ipsis saltem quoad fructum satisfactorium. Probatur: in Testamento antiquo Sacrificia applicata pro defunctis proderant ipsis: ergo multo magis Sacrificium Missæ in Testamento novo. Consequentia stringit a fortiori: nam utique Missa repræsentativa Sacrificii cruenti non est minoris Virtutis, quam Sacrificia veteris Legis, quæ erant tantum umbra & figura Sacrificii tam cruenti, quam incruenti in Testamento novo. Anteced. vero probatur. Propterea enim Judas Machabæus 2. Machab. cap. 12. v. 43. & 46. *duodecim millia drachmas argenti misit Ierosolyman offerri pro peccatis mortuorum Sacrificium &c. ut a peccatis* (quoad poenas nimirum restantes) *solvantur.* Nec dicas, libros Machabæorum non esse Authenticos, seu canonicos: nam, quod sint tales, probabitur alio loco, pro nunc vero sufficiat, quod saltem dicta illa mereantur fidem Historicam, nimirum Judam Machabæum allegata ibidem fecisse; prout etiam teste Pichler Part. post. Theologiæ Polemicæ Controvers. II. Art. I. §. 1. exinde Lutherani eosdem libros ponunt in Codice Bibliorum, & recte legi in Ecclesiis ajunt, saltem *ad morum adificationem.* Confirmatur: In primitiva jam Ecclesia erat in Missis facta memoria & deprecatio pro Defunctis: ergo signum est, quod Ecclesia primitiva, quæ etiam ab Adversariis existimatur pro tunc adhuc vera, jam senserit, Missæ sacrificium pro Defunctis applicatum ipsis

Tomus II.

prodesse. Antec. probatur: ita enim, tacendo quamplures SS. PP. in Liturgiis S. Jacobi ac S. Clementis reperiuntur, & doctrina Aerii negantis pro mortuis esse sacrificandum, fuit damnata jam ab Ecclesia antiqua circa annum Christi 340. tamquam Hæresis, testibus SS. Augustino & Epiphanio, prout desuper videri quoque poterit Joannes Sianda in suo Lexico Polemico V. Aeriani.

*Itaque negandum non est, Defunctorum animas pietate suorum viventium relevari, cum pro illis Sacrificium Mediatoris offertur &c.* Concludit Augustin. in Enchirid. c. 109. apud nostrum Bosco Part. 2. Theolog. sacram. Disput. 5. sect. 3. *prope finem.*

115. Respondetur IV. Missæ non solum illas, quas Hæretici *communes* seu *publicas* intulunt, eo quod sub iis populus actualiter communicet, verum etiam alias, quas isti privatas nominant, & sub quibus populus non communicat, sunt retinendæ in Ecclesia. Ita expresse Concil. Trident. sess. 22. de Sacrificio Missæ cap. 6. cujus verba, quia valde sunt notabilia, pono formalia sic sonantia: *Operaret quidem Sacrosancta synodus, ut in singulis Missis fideles adstantes non solum spirituali affectu, sed sacramentali etiam Eucharistiæ perceptione communicarent, quo uberius ad eos sanctissimi hujus Sacrificii fructus perveniret: nec tamen, si id non semper fiat, propterea Missas illas, in quibus solus Sacerdos sacramentaliter communicat, ut privatas & illicitas damnat, sed probat atque commendat, siquidem quoque illa Missa vere communis censeatur debent, partim, quod in eis populus spiritualiter communicet, partim vero, quod a publico Ecclesiæ Ministro non pro se tantum, sed pro omnibus fidelibus, qui ad Corpus Christi pertinent, celebrentur.* Ubi specialiter nota ultima Concilii verba, quod nimirum etiam illæ missæ, in quibus solus Sacerdos sacramentaliter communicat, debeant dici communes, seu suo modo publicæ, quia *is, tamquam publicus Ecclesiæ Minister non pro se tantum, sed etiam pro tota Ecclesia offert.* Majorem vero ad rationem Missæ publicitatem requiri, gratis ab Hæreticis asseritur, & consequenter gratis Missa privata in illo Adversariorum sensu ab ipsis excluditur. Non equidem me latet, quod Christus in ultima Cœna consecrans Apostolis quoque sacram Eucharistiam distribuerit: at reflectendum est, quod Christus ibidem juxta jam dicta præcedentia Apostolos respexerit ut brevi post Cœnam ordinandos Sacerdotes, quibus haud dubie competit, si sacrificent, non solum consecrare Hostiam, verum etiam sumere. *can. Relatum XI. de consecrat. Diss. II.* Accedit, quod non omnia, quæ Christus in ultima Cœna fecit, sint statim de præcepto: alias deberet pariter a nobis sumptioni Eucharistiæ præmitti comestio Agni Paschalis, Lotio pedum, fractio panis distribuendi &c. quæ omnia in ultima Cœna contigerunt.

116. Confirmatur: ex nullo textu Sacræ Scripturæ potest ostendi, quod vel ad essentiam Sacrificii ut sic, vel ad integritatem Sacrificii Missæ requiratur, ut ipsi adstantes de Victima seu Hostia oblata participant: ergo gratis propterea Missa ab Adversariis *privata* appellata excluditur, eo quod nulli adstantes communicent. Quinimo neque in antiqua lege populus semper in Sacrificiis de re oblata participabat, uti patet ex Notando n. 110. Accedit, quod nec legatur in primitiva

F 2

Eccle-

Ecclesia id semper, & quasi de necessitate fuisse observatum, volebat quidem Concilium Agathense circa annum Christi 506. ut ter in anno populus communicet, & singulis diebus Dominicis Missam audiat, quod autem fuisset ab Ecclesia subiectum præceptum, ut aliqui necessario sub his missis communicent, non reperitur. Et dato, quod non solum praxis (quam etiam optat Concilium Tridentinum) verum etiam positivum extitisset aliquando tale præceptum Ecclesiasticum, potuit tamen illud a successoribus ex gravi ratione iterum cassari, sicut aliquando Christiani ter in anno, nimirum in Nativitate Domini, Paschate, & Pentecoste debuerunt communicare, nunc vero tantummodo semel, tempore nimirum Paschali.

117. Respondetur V. Etsi potuisset Ecclesia admittere Missam in lingua vulgari, puta Germanicam in Germania, Italicam in Italia &c. Recte tamen noluit, ferme semper solita adhibere unam ex tribus linguis sacris, nempe vel latinam, vel Græcam, vel Hebraicam; tum quia magis videbatur lingua sacra conducere ad Majestatem & reverentiam sacrosancti hujus Mysterii, quam alia quæcumque vulgaris: tum quia sic magis conservatur commercium Ecclesiarum particularium ad invicem inter se, ut nimirum Italus in Germania, Germanus in Italia, Gallus in Polonia &c. possint celebrare Missas, si illic proficiscantur, quod sæpe sub itinere fieri non posset, uti consideranti patet, si passim Missa in lingua vulgari concederetur. Nec refert, quod populus magis doceri posset in lingua vulgari, nam Missa non est instituta ad docendum populum, sed ad colendum Deum, & impetrandos fructus. Inveniuntur insuper libelli precatorii passim apud Catholicos sub variis linguis, quibus varia SS. Missæ Mytheria Laicis explicantur &c.

118. Alia, quæ addit Confessio Augustana contra Catholicos, calumniæ sunt, & tantum abest, quod Ecclesia Catholico-Romana approbet quæstum quoad Missas instituendum; ut potius talem rigidissime prohibeat, injungens, ut habentes curam animarum pro ovibus saltem aliquoties Missas offerant &c. ac cæteroquin apud omnes taxa justî stipendii titulo congruæ sustentationis non excedatur &c. quod si alicubi circa hoc irreperint nonnulli abusus, particulares sunt contra voluntatem Ecclesiæ, & consequenter in consequentiam non trahendi. Cuperem insuper rescire; ubinam Catholicorum vigeat opinio, Christum sua passione satisfecisse quidem pro peccato originis, Missam vero instituisse pro peccatis actualibus, & quotidianis delictis mortalibus atque venialibus, prout audacter Nostri imputat Confessio Augustana hic &c. Potest quidem similibus simplex populus deimentari: falsis tamen hisce imposturis veritas cujusdam Religionis nequam stabilitur.

119. Objicitur I. Principaliter probando, in Missa non reperiri sacrificium proprie tale, & consequenter nec fructus Sacrificii ex opere operato enumeratos, nimirum *propitiatorium, impetratorium, & satisfactorium*: Illud, quod est proprie sacramentum, nequit esse simul proprie Sacrificium; sed Missa, seu Cæna Domini est Sacramentum proprie tale, prout etiam fatentur Catholici: ergo non erit proprie Sacrificium. Major probatur ex eo, quia hæc duo *Sacramentum & Sacrificium* ad invicem opponuntur,

### Tractans de Propositionibus

sicque unum excludit alterum: nam in Sacramento dicimur nos aliquid accipere a Deo, nimirum ipsam Christum, ejusque gratiam, seu Justitiam; in Sacrificio autem aliquid offerimus Deo ipsimet, nimirum Hostiam, seu Victimam: sed accipere & dare respectu ejusdem entis sunt opposita: ergo.

Respond. neg. maj. ejusque suppositum, quod nimirum *Sacramentum & sacrificium* sint duo opposita sese ab invicem excludentia: nam una eademque res potest habere hunc duplicem Respectum sub diversa consideratione: Offerit Sacerdos qua sacrificans Patri Cœlesti Unigenitum suum Filium: accipit vero gratiam &c. qua sumens ipsius SS. Corpus & Sanguinem, sub speciebus panis & vini contentum. Et profecto, si *dare & accipere* absolute etiam sub diverso respectu sese ab invicem excluderent; tunc neque in antiquo Testamento potuissent offerri sacrificia: quid enim possumus dare Deo, quod non simul ab Eo tamquam supremo Domino accipimus?

120. Objic. II. Juxta S. Scripturam unica oblatione, nimirum peracta in Ara Crucis, sanctificati sumus: ergo de facto repetitæ sæpius Missæ non amplius sunt oblationes, seu sacrificia sanctificantia. Antec. probatur ex illo ad Hebræos cap. 9. v. 28. *Christus semel oblatus est ad multorum exhaustiendæ peccata*. Item cap. 10. vers. 10. *Sanctificati sumus per oblationem Corporis JESU Christi semel ac v. 14. Una oblatione consummavit in sempiternum sanctificatos*: Ergo. Respond. Disting. ant. & simul explicando similes textus: unica oblatione cruenta sanctificati sumus, quæ tamen nobis utilissime applicari potest per sacrificia incruenta, cruentum representantia con. quæ non sic potest applicari, nego Ant. & similiter disting. consequ. Ergo de facto Missæ non sunt amplius sacrificia: cruenta, conced. incruenta, per quæ nobis cruentum utilissime applicatur, neg. consequent. Nec exinde dignitas sacrificii cruenti diminuitur, prout nobis obtrudunt Adversarii; quoniam gratis concedimus, Missam vim ac virtutem suorum fructuum productivam habere ex ipso sacrificio cruento &c. sic etiam in ipsis principiis Acatholicorum exinde vis sacrificii cruenti non minuitur, quatenus primum per ipsum Baptismum mediante fide nobis (uti loquuntur) Justitia Christi, seu justificatio confertur.

121. Objic. III. Juxta proxime dicta sacrificium cruentum delet peccata nostra, nobisque prodest, quatenus nobis illud per alia media a Deo præscripta applicatur: atqui ista applicatio sacrificii cruenti non fit mediantibus Missis ex opere operato, sed potius per fidem; nam *fide obtulit Deo plurimam Hostiam Abel*. cap. 11. Heb. v. 4. & *Jesum Christum proposuit Deus per fidem in sanguine Ipsius*. cap. 3. Rom. v. 25. Respond. nego min. Adducti autem textus sacræ Scripturæ solummodo ostendunt, quod in applicatione ista fides aliqua interveniat; non autem evincunt, quod sola fides cum exclusionem Missæ nobis sacrificium cruentum in Ara Crucis peractum applicet. Itaque si adversariorum objectio aliquid roboris haberet, deberet probare, quod per solam fidem fiat applicatio sacrificii cruenti, & non etiam per alia media ex opere operato, vel per alios actus Virtutum dilectionis Dei &c. &c. ex opere operantis.

## ARTICULUS IV.

### De Confessione.

122. **A** *Junus* 1. quod Confessio apud Ipsos non sit abolita, nec soleat porrigi corpus Christi, nisi antea exploratis & absolutis. 2. Negant tamen Conscientias esse onerandas cura enumerandi omnia delicta. Ita illi.

123. Quid autem reponant Catholici, sufficienter declaratum jam est §. precedenti, præsertim Articulo XI. & XII. quorsum Lectorem remitto, & hic solummodo duo adjungo, *In primis*, quod S. Chrysostomus, quem Adversarii in puncto de obligationis enumerandi omnia peccata pro se citant, solummodo loquatur de confessione publica singulorum gravium peccatorum in specie facta homini, non habenti potestatem absolvendi, qualem improbat, in hoc puncto ob ingens scandalum, occasione talis publicæ confessionis exortum, secutus Nectarii antecessoris sui exemplum, sicque statuens, ut confessio publica fiat potius Deo. Cæteroquin quoad confessionem privatam Sacerdoti faciendam non intendit approbare doctrinam Adversariorum, sed potius vult (utor verbis ipsis S. Chrysostomi hom. 42. in Matthæum) *ut peccata per singulas species recolantur. Secundo*, quod Confessio Augustana pro se alleget glossam Juris Canonici, negantem, quod enumeratio peccatorum omnium specifica sit Juris Divini: id etiam admittitur non obesset; nam etsi foret hæc præcise Juris Ecclesiastici, prout vult glossa, deberent sese tamen submittere A Catholicis, nec propterea recedere ab unione cum tanta perturbatione. Deinde advertendum ulterius, quod glossa juxta notoria Juristarum non faciat Auctoritatem Juris, & ipsi insuper resistat Concilium Tridentinum, cui haud dubie Glossator sese ultro submisisset, si eo tempore vixisset.

## ARTICULUS V.

### De Discrimine Ciborum.

124. 1. **N**on absolute Jejunia improbant Lutherani, sed tantum illa, in quibus sit discriminis ciborum, puta diebus Jejunii exclusio carniarum. 2. Captant Catholicos, quod in similibus rebus ponant peccatum, si omittantur. 3. Quod iidem doceant, per Jejunia observata homines promereri gratiam, & remissionem peccatorum.

125. Econtra Catholici opponunt I. etiam illa Jejunia, in quibus non solum a secunda Refectione, verum etiam absolute a carnibus abstinetur, esse rem bonam & honestam; cum appetitus exinde non solum in quantitate, verum etiam in qualitate ciborum mortificetur; quoniam cibi de carne de se alias non tantum, communiter loquendo, magis, quam cibi Jejunales nutriunt; sed & insuper plerumque, præsertim pretiosiores (uti selectæ aviculæ, carnes sylvestres &c.) hominem, singulariter aciendo appetitum, alliciunt ad comedendum. II. Cum igitur abstinere a carnibus ex dictis sit res honesta, quarunt ex Adversariis, cur non possit certis diebus talem abstinentiam præcipere Ecclesia, cui a dilectissimo suo Sponso Christo utique haud minor est potestas tradita in spiritualibus, quam alicui Regi in temporalibus? Neutiquam Regibus, sed Ecclesiæ specialis hæc

data est prærogativa Matth. cap. 18. v. 17. uti si quis eam non audierit, sit habendus sicut Ethnicus & publicanus. Videantur dicta Art. XV. precedenti §.

III. Addunt, hunc jejunandi modum non esse novum, sed jam observatum in primitiva Ecclesia, a qua rigidissime fuit injunctum Jejunium quadragesimale. Audiatur præ plurimis aliis antiquissimus S. Clemens Romanus can. Apostolorum 68. sequentibus formalibus: *Si quis Episcopus aut Presbyter, aut Diaconus, aut Lector, aut Cantor sacram quadragesimam Pascha, aut quartam feriam, aut Parasceven non jejunaverit, deponatur* (id est deponatur: talis enim phrasis loquendi erat apud antiquos) *præterquam si imbecillitate impediatur corporis. Si Laicus sit, Communione privatur, id est, privetur.*

126. IV. Mirantur Catholici, quod A Catholicis Jejunium quadragesimale tam quoad abstinentiam a carnibus, quam a secunda refectioe apud suos omnino tollant in praxi; cum tamen illud in primitiva Ecclesia, immo brevi post discessum Christi, ubi eadem vera etiam juxta Ipsos adhuc extiterat, fuerit tam rigide præceptum, & a SS. Patribus tam frequenter inculcatum; imo (quod plus est) contraria doctrina prorsus rejecta. Audiantur præ aliis quasi innumeris, ac bene notentur ab Adversariis verba S. Augustini de Hæresibus cap. 53. ubi sic loquitur: *Acrius in Arianam hæresin lapsus propria dogmata affinxit nonnulla, NB. non esse solenniter celebranda statuta Ecclesiæ Jejunia, sed cum quisque voluerit, jejunandum, ne videamur sub lege.*

V. Quod Jejunia æque ac alia opera bona sint satisfactoria pro peccatis, & meritoria de condigno, vel de congruo, mediate vel immediate pro diversitate Personarum promerentium, & operum qualitate, probatum jam fuit paragrapho precedenti Art. IV. VI. XII. XV. XVIII. & XX. ubi notanter ad præsentem materiam Art. VI. num. 26. adduximus S. Ambrosium Epist. 82. ita loquentem: *Qua salus nobis esse potest, nisi Jejunio eluerimus peccata nostra; cum Scriptura dicat, Jejunium & Eleemosyna a peccato liberant?*

VI. Demum non vident Catholici, quem effectum A Catholicorum modus jejunandi habeat, dum dies precepcionis & penitentiae, uti vocant, subinde (rarius tamen) instituunt, abstinentes omni cibo usque ad noctem, qua postea comedere solent absque discrimine ciborum: etsi enim nos nec talem abstinentiam, si alias sit debite circumstantionata, reprobemus; reprobare tamen videtur Eorum Magister Lutherus, dum a similibus bonis operibus plus, quam a peccato cavendum esse censet. Verba illius formalia in sermone de Missa hæc sunt: *Caveamus a peccatis, sed multo magis a legibus, & operibus bonis, tantum attendamus Deum promissorem & fidem.*

127. Objicitur ab Adversariis I. Si recte sub peccato Ecclesia præcepisset abstinentiam a cibis carnalibus; tunc cibi isti sumpti diebus ab Ecclesia prohibitis coinquinarent hominem: sed non coinquinant hominem: ergo. Min. probatur, nam teste Matthæo cap. 15. dum Christus ibi improbat mandata & traditiones hominum, illico v. 11. subjungit: *Non quod intras in os, coinquinat hominem, sed quod procedit ex ore, hoc coinquinat hominem.*



Et hinc etiam idem Christus apud Lucam cap. 10. v. 8. Discipulis suis licentiam comedendi appositam sine discrimine ciborum absolute tribuit his verbis: *Manducate, quæ apponuntur vobis.* Respond. Disting. Min. Cibi carnales ex se ipsis non coinquinant hominem, conced. quando, & quo tempore sunt prohibiti neg. Certe Pomum in Paradiso comestum non ex se, sed quatenus prohibitum coinquinavit Adamum cum tota posteritate. Cæterum Christus ibidem non absolute improbat mandata hominum, sed tantum quasdam traditiones Phariseorum, ad quas hi rigide attendebant, parum tamen curantes Mandata Dei. Legatur in fonte. Quantum ad alterum textum Luc. cap. 10. Christus ibidem præcise docere intendit suos Discipulos, quod non debeant exquisitos exigere cibos, sed esse contenti apposis, etsi fuerint viliores. Cæterum gratis admittimus, quod ipsemet Christus non prohibuerit comedere carnes; præceptum enim Jejunii non est Divinum; ex quo tamen neutiquam inferitur, non potuisse Ecclesiam id, quod Christus interim permisit, prohibere.

128. Objicit. II. Contra eandem. D. Paulus 1. Timoth. cap. 4. v. 3. & 4. prædixit, esse venturos quosdam prohibentes vesci certis cibis: quos tamen Deus creavit, ut percipiantur cum gratiarum actione: a talibus hominibus jubet Apostolus ibidem caveri; ergo signum est, quod homines isti male præcipiant abstinere a certis cibis, puta carnalibus; nam alias Apostolus non juberet caveri a sic præcipientibus, quos vocat homines attendentes *spiritibus erroris, & doctrinis demoniorum.*

Respond. Apostolum esse intelligendum de Hæreticis illis, qui, uti textus ibidem loquitur, prohibebant nubere, ac quosdam cibos condemnabant tamquam impuros, & in se malos, quod non facimus nos Catholici, etsi nobis imputent Adversarii puncto VII. de abutibus, quali doceremus, ipsos certos cibos polluere conscientiam, quod tamen ne quidem somniamus: non enim ignoramus, omnem Creaturam Dei esse bonam in se, hincque tantum ad certum aliquod tempus, seu ad certos dies comestionem carnis suspendimus ad refræmandam carnis petulantiam, ad satisfaciendum ex parte pro peccatis, & ad acquirendas varias gratias, Jejunantibus in sacra Pagina adpromissas.

129. Objicit. III. Apostolus Paulus Epistola ad Colossenses toto capite secundo est contrarius discrimini ciborum, & exclusioni carni in Jeuniis: ergo tale præceptum non est sustinendum. Antec. probatur: Etenim in primis ibidem v. 16. vult, ut Colossenses *nemo judicet in cibo & potu, aut in parte diei festi, aut Neomenia, aut Sabbatorum.* Secundo improbat v. 21. & 22. præcepta & doctrinas hominum prohibentium: *Ne tetigeritis, neque gustaveritis.* Respond. Apostolum non carpere locis citatis dies festos, & Jejunia nostra, sed Sabbata, Neomenia, Jejunia Judaica, & Legalia, puta, *ne tetigeritis cadaver hominis, ne gustaveritis carnem suillam &c.* quæ a nonnullis adhuc obligatoria etiam post promulgationem Evangelii credebantur, quem errorem in præfenti voluit dedocere.

130. Objicit. IV. Si posset præcipi sub peccato diebus certis abstinere a carnibus, tunc ex macello similes carnes ementes, & comedentes

deberent sibi ducere conscientiam: sed non debent sibi ducere conscientiam; ergo. Major de se patet. Minor probatur ex Apostolo 1. Corinth. cap. 10. v. 25. ubi Corinthios suos sic instruit: *Omne, quod in macello venit, manducate, nihil interrogantes propter conscientiam:* ergo. Respond. negando minorem, & textum S. Pauli explicando; manducantes non debent sibi ducere conscientiam ex eo, quod hæc carnes in macello existentes fuerint fortassis aliquando idolis oblatæ, Conc. Non deberent sibi ducere conscientiam, supposito quod dictæ carnes fuissent certis diebus prohibita, & tamen in iisdem comederentur, neg. Quare notandum hic est, multos ex Corinthiis aulos non fuisse emere carnes ex macello, sicque emptas comedere, timentes, ne forte jam fuerint hæc ipsæ aliquando immolatæ idolis, sicque comedendo quasi se participes redderent immolationis Idolorum, atque Idololatriæ, a qua anxietate voluit eos S. Paulus eximere, resolvens, tales carnes ex macello emptas licite posse manducari; quia nimirum ad commune macellum repositæ non amplius censentur Idolothyta, sed moraliter iterum redeunt ad profanum & communem usum, sicuti aliæ carnes. Secus foret dicendum, si dictæ carnes comederentur in ipsis templis, aris, vel mensis, ubi proxime idolis sacrificabantur. Idque solum (nil aliud) resolvere intendebat D. Paulus, eaque resolutione apud Cornelium a Lapide hic usi sunt in simili causa Christiani Antiocheni, tempore Juliani Apostatæ, prout testatur antiquissimus Theodoretus l. 1. c. 14.

131. Cæterum occasione hujus ultimæ objectionis formo positivum argumentum pro veritate Catholica contra Adversarios taliter: Non obstante licentia Apostoli, loco superius citato, comedendi carnes emptas ex macello, erat adhuc Corinthiis, aliisque conversis prohibitum emptæ ex macello suffocata comedere: ergo signum est, quod Apostolus per hanc licentiam comedendi emptæ ex macello non intenderit dare facultatem manducandi ex macello quoque illa, quæ aliunde sunt prohibita. Antecedens probatur ex Actibus Apostolorum cap. 15. v. 20. ubi Apostoli expresse voluerunt, ut (Christiani) *abstineant a suffocatis & sanguine;* quod mandatum Apostolicum utique pro tunc transgredi non licuit, etsi de facto ea lex usu abolita fuerit jam tempore D. Augustini, uti testatur apud Cornelium a Lapide in cap. 15. Actuum Apostolorum.

132. Coronidis loco quarto ex Adversariis, cur non liceat Ecclesiæ ponere absolute præceptum certis diebus, abstinendi a carnibus, cum licuerit Collegio Apostolico absolute præcipere, ut Christiani abstineant a suffocatis & sanguine?

## ARTICULUS VI.

### De Votis Monachorum.

133. **I**mprobant Vota Monachorum, 1. quia (uti inquirunt) sunt contra mandatum Dei præcipientis nuptias. 2. Quia sunt de re impossibili. 3. Quia sunt cultus impius ab hominibus (nimirum Regularibus Catholicis) sine mandato Dei institutus & electus ad promerendam gratiam, atque justificationem, quod est detrahere de gloria Christi, & obscurare, atque negare Justitiam fidei, sicque hæc vota sunt prorsus irrita



*irrita & nulla: neque enim votum debet esse vinculum iniquitatis.* 4. Addunt, quod tempore S. Augustini Monasteria ita fuerint instituta, ut, qui voluerit, iterum libere egredi potuerit; nunc autem homines cogantur ibidem manere adstricti ad Vota & Claustrum. Ita Confessionistæ, ut vel sic sub allegato prætextu lasciviam & turpitudinem Magistri sui Lutheri, ac sequaciam diversis Sacris Ordinibus perfidorum Apostatarum coram seculo aliquo modo saltem apparenti cohonestent. Ast audiamus nunc, quid desuper sentiant Catholici: Hi itaque

134. Dicunt I. Quod esse castum, relinquere sua, & voluntatem propriam propter Deum, sint res honestæ, quæ Deo summo placeant. Ratio est prima: quia per ista tria a potiori impedimenta illa, quæ nos multum retardant a perfectiori vita, tolluntur: puta amor effusus in alterum sexum per castitatem; inordinata cura ad bona temporalia per paupertatem; & voluntas propria atque cæcitas Judicii per obedientiam. Ratio est secunda: quia, si hæc non forent bona, atque honesta, Deus nobis illa non consulisset in Evangelio; atqui eadem consuluit, uti patebit illico: ergo. Igitur

135. Dicunt II. Enumerata tria equidem ob suam arduitatem a Deo clementissimo, & in regimine suo suavissimo non absolute præcipiuntur; attamen tamquam ad maiorem perfectionem vel maxime conducentia suadentur in Evangelio, uti patet enumeratione: Castitas enim consulitur ab Apostolo 1. Corinth. cap. 7. v. 8. ibi: *Dico autem non nuptis, & viduis, bonum est illis, si sic permanserint, sicut & ego &c.* Paupertas Matth. cap. 19. v. 21. *Si vis perfectus esse, vade, vende, quæ habes, & da pauperibus, & habebis thesaurum in Cælo.* Obedientia Matth. cap. 16. *Si quis vult venire post me, abneget semetipsum:* &c. 1. Reg. cap. 15. v. 22. *Melior est obedientia, quam Victimæ, & Audire magis, quam offerre adipem Arietum.*

136. Dicunt Catholici III. Cum hæc tria sint laudabilia & possibilis (alias enim certe a Deo non suaderentur) poterunt ex consequenti laudabiliter quoque voveri, quamvis cæteroquin non sint res a Deo præceptæ, sed tantummodo consultæ. Ratio est, quia etiam in Antiquo Testamento potuerunt voveri gratuita Sacrificia, & vota hæc fuerunt accepta Deo, ut legitur Levit. cap. 22. v. 21. Cur igitur non æque, si quis nunc per votum sacrificet se ipsum una cum tota sua substantia? *Votum vovit Jacob, erexitque Lapidem in cinulum, ut vocetur Domus Dei.* Gen. cap. 28. v. 20. nec legitur Deo fuisse inacceptum hoc votum, quamvis de re aliunde non præcepta. Quis igitur audeat asserere Deo inacceptum fore, si honesta quædam puella Deo voveat suam Virginitatem, ut cum sancta Lucia Virgine Syracusana sit etiam suo modo Domus Dei, & templum Spiritus sancti?

137. Dicunt Catholici IV. Si qui hæc tria supererogatoria sponte voverunt, tenentur etiam eadem observare: nam cum votum voveris Domine Deo tuo, non tardabis reddere; quia requirit illud Dominus Deus tuus, & si moratus fueris, reputabit tibi in peccatum: ait Aeterna Veritas Deuteronomii cap. 23. v. 21. Et hinc Viduæ adolescentiores, quia fidem suam (puta quam Deo promiserant per votum Castitatis) iterum fregerunt, volentes nubere, pronunciantur ab Apostolo 1. Timoth.

cap. 5. v. 11. & 12. habere damnationem. Legatur desuper S. Augustinus in Psalm. 25. taliter scribens: *Quid autem ait (supple Paulus Apostolus) de quibusdam, quæ voverunt, & non reddiderunt? habentes, inquit, damnationem, quia primam fidem irritam fecerunt. Quid est primam fidem irritam fecerunt? voverunt, & non reddiderunt.*

138. Dicunt V. falsum esse, quod tempore S. Augustini Religiosi semel professi potuerint libere iterum e Monasteriis egredi nubendo, vel dominium suarum rerum iterum recuperando &c. Nam ipsemet D. Augustinus in Psalmum septuagesimum quintum, postquam plurimis laudibus extulit votum Castitatis & Paupertatis, hæc formalia subiungit: *Nemo passus in Monasterio frater dicat, recedo de Monasterio &c. quia vovit &c.* Hoc equidem gratis admittitur, quod plures ex Monasteriis tempore antiquo fuerint promoti ad dignitates Cardinalitias, & Insulas Archi-Episcopales æque, ac Episcopales assumpti: ex hoc tamen non sequitur, quod libere potuerint egredi juxta suum beneplacitum ad nuptias &c. transeundo. Id etiam velim notatum ab Adversariis, equidem alicubi, etiam in Germania reperiri nonnullos Cœtus, ex quibus iterum ad honestas nuptias egredierentur. Hæc tamen non sunt proprie Monasteria, nec deponuntur Vota Monastica.

139. Objicitur I. Non datur votum validum contra præceptum Divinum: sed vota Monachorum sunt contra præceptum Divinum: ergo. Major patet ex eo, quia nullum votum est vinculum iniquitatis, & consequenter neque stringit ad transgressionem alicujus præcepti Divini. Minor vero probatur nominatim de voto castitatis; quia nubere est de præcepto Divino juxta illud Apostoli 1. Corinth. cap. 7. v. 2. *Propter fornicationem unusquisque suam uxorem babeat, & unaquæque suum maritum.* Ergo vovere non nubere est contra præceptum Divinum. Accedit, quod Deus statim ab initio creationis voluerit Matrimonium, utque per id genus humanum multiplicetur juxta illud Scripturæ: *Crescite, & multiplicamini:* Gen. 1. v. 28. Et hinc creavit masculum & feminam, dicens Gen. cap. 2. v. 18. *Non est bonum, hominem esse solum, facimus ei adjutorium simile sibi.* Respond. negando minorem. Textus allegatus Apostoli, juxta jam dicta Art. II. agendo de Conjugio Sacerdotum neutiquam loquitur de solutis, seu voto Castitatis obstrictis, sed de Conjugatis. Quoad confirmationem responsum pariter jam fuit præcedenter agendo de Celibatu Sacerdotum, nimirum præceptum propagationis humanæ per Matrimonium intelligendum esse de natura humana in comuni, non de singulis hominibus in particulari.

140. Objicitur II. Votum de re impossibili est nullum: sed tale est votum perpetuæ Castitatis; nam nemo potest esse continens sine speciali Dei dono, quale tamen pauci habent: nec quisquam sibi id, multo minus ejusdem perseverantiam adpromittere potest: ergo. Respondeo in primis querendo ex Adversariis, si vota Religiosorum sunt impossibilia, cur ergo A catholici etiam in sua Religione admittunt Lutheranos, vel Calvinistas Equites Illustrissimi ordinis Equestris Teutonici, qui pariter (uti optime mihi notum) sub Serenissimo suo

suo Capite Magistro supremo existentes adstringuntur ad vota, maxime castitatis: num omnes & Soli illi sunt præditi singulari illo dono una cum perseverantia perpetuæ Castitatis?

Respond. *secundo* directe ad objectionem negando minorem. Ad ejus probationem nego, quod specialis hæc gratia non detur Religiosis; spectat enim ad Providentiam Divinam, ut omnibus conferat Auxilia suo statui semel electo competentia: sic nec statui Conjugali defunt gratiæ particulares, ad eundem statum spectantes, cur ergo Religioso denegentur? Verum quidem est, utrobique multos sæpe huic auxilio a Deo clementissime concessio non cooperari, aut defectus iste non gratiæ, sed socordiae, vel etiam malitiæ hominum adscribendus venit. Si ingressus in Religionem contingit absque prævia matura deliberatione, vel ex fine vano & pure naturali, si in Religione vivitur tepide, & otiose, non applicando se litteris, vel honesto labori manuali, si sacræ meditationes, Lectiones spirituales, & media ad conservandam puritatem efficaciter conducentia passim negliguntur, si nocturnæ computationes, ac nimis cum altero sexu sensitivæ familiaritates frequentantur, si mandata superiorum ex superbia contemnuntur &c. Hæc sunt causæ transgressionum, ac subsequenter aliquoties Apostasiæ, non defectus Divini auxilii, & consequenter ista, ubi reperiuntur, sunt emendanda, non autem Vota Monachorum annullanda. Perpendamus animo indifferenti, utrum tempore Lutheri & Calvini Apostatantes Clerici seculares vel regulares non fuerint saltem uno alterove ex enumeratis maculati? unde non habent, quod ex eorum societate multum gloriantur A catholici.

141. Objicit. III. Vota Religiosorum continent cultum impium: ergo sunt coram Deo nullius valoris; nam vota debent esse de bono meliori. Antec. probatur: fingunt enim Religiosi, quod eorum Professio, in qua Vota hæc sunt, sit alter Baptismus; Item quod quis per eandem obtineat gratiam & justificationem; quod est detrahere gloriæ Christi, & obscurare justitiam fidei, & consequenter impium: ergo. Respond. neg. Antec. quod autem a nonnullis Catholicis Professio Religiosa vocetur alter Baptismus, Eique ab aliquibus scriptoribus tribuatur remissio peccatorum, non provenit ex eo, quasi utrobique intercederet adæquata paritas (scimus enim optime, quod Professio Religiosa non debeat peccatum originale, sicuti Baptismus &c.) sed quia saltem aliqualis intervenit similitudo, eo quod homo in utroque explicite renunciet diabolo, & novam vitam spiritualem inchoet, ac insuper, si in statu gratiæ professionem emittat, remissionem peccatorum suorum obtineat, non quoad culpam, sed quoad poenam, fortassis adhuc restantem, idque tum propter Indulgentias plenarias Professioni Religiosæ per Sixtum IV. & Paulum V. summos Pontifices annexas, tum quia homo in eadem propriam voluntatem, donum alias præ omnibus rebus pretiosum, & Charissimum Deo consecrat, atque amore ipsius in servitutem redigit, ex quo pie creditur, quod vicissim Deus intuitu hujus omnes poenas, quas antea voluntas propria per transgressionem mandatorum Dei promeruerat, clementissime

remittat, hæcque omnia suam virtutem habeant a meritis & passione D. N. Jesu Christi. Videantur Suarez. *Tom. 3. de Relig. lib. 6. cap. 13.* & Kerchoie in *Commentariis cap. 1. §. 14. num. 21.* qui ultimus num. 22. subjungit, etiam posse commode defendi, quod concomitanter saltem Professio Religiosa sit deletiva quoque peccatorum quoad culpam, in tantum nimirum, quatenus plerumque eandem comitatur aliquis actus veræ Charitatis Dei deletivus peccatorum quoad culpam; cum a potiori in illo primo fervore Deo propria voluntas, & tota substantia consecratur ex puro ipsius amore.

## ARTICULUS VII.

### De Potestate Ecclesiastica.

142. **D**E hac docent 1. Potestatem clavium, seu Ecclesiasticam de per se non esse confundendam cum potestate gladii. 2. Vi potestatis clavium competere facultatem predicandi Evangelium, atque exinde doctrinam Evangelio dissentientem rejiciendi, remittendi, & retinendi peccata, & administrandi Sacramenta. 3. Non autem acquiri exinde potestatem vendendi præcepta Ecclesiastica obligantia sub peccato quoad Jejunia, dies festos &c. 4. Esse contra Sacram Scripturam asserere, quod per eorum observationem possimus satisfacere pro peccatis, aut promereri justitiam. Ita Lutherani.

143. Econtra nos Catholici equidem quoad prima duo puncta, si in sano sensu accipiantur, nec potestas clavium ad enumerata præcise restringatur, omnino convenimus; quoad tertium tamen sumus contrarii, agnoscentes obligationem obediendi præceptis Superiorum Ecclesiasticorum etiam in conscientia: etenim libertas Evangelica seu Christiana, qua semper gloriantur A catholici, neutiquam consistit in liberatione a præceptis Ecclesiasticis, sed in liberatione a peccatis, & a servitute Legum Judicialium, atque Ceremonialium Veteris Testamenti. Nec S. Paulus Apostolus, dum cap. 2. Coloss. v. 20. inquit: *Si ergo mortui estis cum Christo ab Elementis hujus mundi; quid adhuc tamquam viventes in mundo decernitis?* intendit exinde prohibere Decreta Ecclesiastica, sed potius illas Leges, quæ inhibebant, ne tangatur cadaver, ne gustentur certi cibi quasi immundi &c. prout ipsemet Apostolus v. 21. illico subjungit: Item voluit, ut Colossenses non decernant certa dogmata Philosophorum, eo tempore varia de Cælis, de Angelis, eorumque superstitioso cultu, atque animarum purgatione fingentium. Cæteroque vero Apostolus expresse mandavit, Superiorum præcepta non solum propter iram, sed etiam propter conscientiam esse servanda, atque resistentem incurrere damnationem. Verba formalia cap. 13. Rom. v. 2. sic sonant: *Qui resistit potestati, Dei ordinationi resistit. Qui autem resistunt, ipsi sibi NB. damnationem acquirunt.* & v. 5. *Ideo necessitate subditi estote, non solum propter iram, sed etiam NB. propter conscientiam.* de quo plura hinc inde jam tractavimus, uti pariter

144. Quoad punctum quartum, ostendendo ex variis Sacræ paginæ textibus, quod Jejunium, cultus Divinus specialis diebus festis, aliaque bona opera sint tam satisfactoria, quam suo modo quoque meritoria remissionis peccatorum, & salutis

salutis æternæ, idque vel de congruo, vel de condigno, vel immediate ac proxime, vel mediate, & remote juxta qualitatem operis, & constitutionem operantis, de quo conformiter jam dictis in Theologia speculativa integer habetur Tractatus agendo de gratia & meritis. Quod si compendium hujus doctrinæ exigitur, id legi poterit apud Reifensuel *Tract. 1. diff. 2. q. VI.* & apud Pichler *Part. 2. Theologia Polemica Controvers. 1. Art. 5. §. 4. & Controvers. 3. Art. 4. §. 4. de satisfactione.* Nobis in præsentî sufficiat, quod Remissio peccatorum & Vita æterna, tam in sacra Scriptura, quam SS. PP. antiquæ Ecclesiæ non solum fidei, verum etiam spei & Dilectioni, aliisque bonis adscribatur operibus, qualia utique etiam censetur cultus Divinus diebus feriatis, & Jëjuniûm &c. *Filius hominis, quando venturus est in gloria Patris sui, cum Angelis suis, reddet unicuique secundum opera Ejus.* NB. non præcise secundum fidem, sic loquitur Æterna veritas Matth. cap. 17. v. 27. & Ecclesiastici cap. 16. v. 15. *Miserordia facies locum unicuique* NB. secundum meritum operum suorum: Vide de hoc plura Art. IV. VI. XII. XV. XVIII. & XX. præcedentis Paragraphi.

145. Quod si ab Adversariis in contrarium ex Sacra Scriptura, vel SS. PP. aliqui textus allegentur, qui opera bona a ratione meriti omnino excludere viderentur, loquuntur hi vel de gravibus peccatoribus quoad meritum de condigno, non quoad meritum de congruo; nam graves peccatores in principiis Catholicorum neque per fidem, neque per alia bona opera justificationem & salutem æternam de condigno promerentur, sed tantum de congruo: vel textus isti intelligendi sunt præcise de operibus Ceremonialibus, ac Judicialibus Legis Mosaicæ, aut de operibus purè naturalibus, id est, quæ neque a gratia Divina supernaturali, neque a singulari promissione Divina suum valorem atque dependentiam habent, quam tamen dependentiam hîs Catholici ad meritum omnino requirimus; utpote cum ista bona opera alias Deo sint infinitis quasi titulis jam debita.

146. Corollarîi loco, occasione Potestatis Ecclesiasticæ Lutheranis finaliter considerandum relinquo, utrum non æque ipsi, ac Catholici in verâ Ecclesiâ Caput quoddam visibile suprema Potestate Ecclesiastica præditum tamquam necessarium, atque in solvendis dubiis circa controversias fidei infallibile cognoscere debeant? Quomodo enim alias certum aliquod; & in conscientia securum fidei symbolum concreditum poterunt proponere ovis; cum ipsimet Pastores Lutherani non raro extreme ad invicem inter se contrarii existant, & utraque Pars contradictoria diversos Sacræ Scripturæ textus in favorem suæ sententiæ allegare soleat? sic plura millia Lutheranorum receperunt librum Concordiæ tamquam doctrinam fidei suæ: Alii vero æque Lutherani, numero non pauciores dictum librum tamquam erroneum reprobarunt; quinimo Dani juxta dicta §. V. num. 13. etiam flammis adjudicarunt: Item loquamur pressius de solis bonis operibus, de quibus aliqua ex parte etiam mentio facta est in hoc ultimo Articulo. Controversia circa eadem inter ipsosmet Lutheranos, teste P. Pichler, *Part. 2. Art. 5. §. 3.* oritur multiplex, utrum nimirum sint hominî necessaria:

Tomus II.

Lutherani rigidi, seu qui strictius sequuntur Lutheri placita, putant contra moderatos, eadem nullatenus necessaria. Wigandus cum Ibcis ait, eadem ad salutem non esse necessaria; bene tamen arbitraria. Alii ex his contendunt, ea ne quidem esse arbitraria, sed noxia & ad salutem perniciosa: ita Theologi Ducales Saxoniz in Altemburgensi colloquio cum Nicolao Ambsdorffio, Adiaphoristarum Misnensium præcipuo Adversario, & Contradictore. Alii ex Lutheranis, uti Theologi Electorales Saxonici asserunt, bona opera omnino esse necessaria, quam sententiam pariter tenet Confessio Augustana Art. IV. & VI. At post absolutam *Questionem An*, nova inter ipsos Lutheranos denuo exurgit disceptatio, quomodo bona opera sint necessaria? Ubi nonnulli distinguunt dicendo, eadem necessaria esse ad salutem, sed non ad justificationem. Alii contra cum Gerardo vix non eorum Principio, bona opera neque ad salutem, neque ad justificationem, sed præcise ideo adstruunt esse necessaria, quia à Deo expresse sunt mandata.

147. Quò in tanta sententiarum contrarietate, ubi unus affirmat perniciosum, quod alter defendit necessarium, se vertat exinde perplexus redditus Lutheranus? forsitan ad Scripturam? sed hanc bonos enumerati pro se adducunt, nec unus cedit alteri. E. g. Si Confessio Augustana pro stabilenda bonorum operum necessitate asserat sacræ Paginæ textus bona opera præcipientes, illico Lutherani rigidi generalem supremi Magistrî sui Doctoris Martini Lutheri interpretandi hos textus Regulam opponunt, dum Is Tom. 43. Wittemberg. fol. 143. in Psal. 5. taliter loquitur: *Ubi Scripturæ mandat, ut facias bona opera, sic intelligas, quod prohibeat, ne facias bona opera, cum non sit in tua potestate opera bona facere.*

Quorsum igitur (repetito interrogò) de sua quidem salute sollicitus, ex tanta tamen opinionum contrarietate perplexus Lutheranus pro quietanda conscientia, & dubiorum solutione recurrere debet? Num ad spiritum privatum? sed hic est generale omnium errorum asylum: quo pariter Ariani, Pelagiani, Manichæi, Anabaptistæ &c. uti poterunt. Num ad Principes & Magistratus seculares? aut isti, præterquam quod ad decernendos vel explicandos articulos fidei à Deo non sint destinati, ipsimet non raro inter se vel maxime dissident, uti patet de libro Concordiæ a multis recepto, ab aliis reprobato. Non alius itaque finaliter patet refugii locus; quam Cathedra Petri, ubi sedet Christi Vicarius, suprema ab Eodem præditus potestate Ecclesiastica, cui tradidit Deus claves Regni celorum; ut quæcumque solverit in terris, soluta sint & in Cælis.

## §. VIII.

De vita & moribus Joannis Calvinî, alterius Hæresiarche, quoad suam Sectam in Romano Imperio tolerat.

148. Calvinus Anno 1509. Novioduni in Gallia natus, ibidem pariter scholas inferiores absolvit; usque ad Jurisprudentiæ studium; cui partim Lutetiz Parisiorum, partim (uti fertur)

Aura.



Aureliæ animum applicuit. Inde Bituricum fuit profectus, ut apud celeberrimum eo tempore Legis peritum Alciatum adhuc magis perficeretur: dum tamen proficere voluit in scientia, defecit in fide; incidens enim in Volmarum Lutheranum ibi morantem, & amicitiam cum eo contrahens, hoc Magistro non solam linguam græcam, verum & Hæresin didicit, quo detecto (alii ajunt ob sodomiam) Biturico exulare cogitur. Fugiens in alium locum docendo linguam græcam, qua per Volmarum instructus erat, aliquo tempore sese sustentavit. Inde absoluto circiter tricennio, in Germaniam abiit, ubi Basileæ libros erroribus plenos, a se vero *Institutiones Christianæ Religionis* appellatos, composuit. Subinde iterum in Galliam rediens, suos Pictavis errores liberius disseminare cœpit, pro adjutoribus assumens quatuor præcipue in perversitate vix impares Magistro discipulos: nimirum *Antonium Dugvium*, *Professorem Academicum*, *Philippum Verosium*, *Procuratorem*, *Albertum Papinotum*, & *Joannem Vernovium*, Pictavienses, quos, ut latius noxiam spargerent Zizaniam, destinavit ad *Sanctones*, *Angolismenses*, *Burdigalenses*, *Aquitanos* & *Tolosanos*; ipse vero *Genevæ* sese contulit, a qua Republica Promotore Guilielmo Farelllo, ad Cathedram Theologicam & Concionatoriam erectus, paulo post (id est, Anno 1538.) iterum pellitur, Asylum suum Argentorati quærens, in qua Civitate, teste Sianda, pariter fertur uxorem duxisse.

Sedato Genevæ tumultu, & sopitis vel extinctis suis Adversariis, illuc iterum reversus non cessavit latius pestiferum diffundere venenum, usque dum, juxta citatum Joannem Sianda in Lexico Polemico v. *Calvinus*, Anno 1564. demones invocans, sibi que maledicens, ac intolerabilem ex ulceribus emittens foetorem, canis instar rabidi discessit, Cerberum nunc Infernalem acturus,

149 Hæresis Calvinii in multas abiit sectas: alii enim dicuntur Calvinistæ *rigidi*, alii *molles*: alii Auniniani, seu Remonstrantes, alii Gomoristæ seu contra-Remonstrantes. Priores a Jacobo Auninio, Lugduni Batavorum Professore originem traxerunt. Gomoristæ, primis quoad plura, præsertim circa materiam de prædestinatione, & gratia contrarii, ortum suum adscribunt Francisco Gomaro, pariter Professori Lugdunensi, qui 31. articulis Jacobo Auninio totidem graves imputat errores. In Belgio Calvinistæ vocantur *Guesii*, ab initio quidem sub Regia Gubernatrice Margarita a nonnullis ejusdem Ministris per ludibrium sic appellati, qui tamen successu temporis excitata Bruxellis per fœderatos quosdam Nobiles ob non concessam libertatem conscientiae &c. horrenda seditione plurimum accrescentes hoc nomen retinuerunt pro rei memoria. In Gallia intitulantur *Hugonota*, vel ab Hugone, quodam Ludimagistro Parisiensi, vel ab Hugone, militiæ Reformatae in Gallia duce, vel a Porta Urbis Turonensis, quæ porta Regis Hugonis dicebatur, & ubi Calvinistæ prima sua Conventicula instituere solebant. In Angliâ dividuntur in *Episcopales* & *Presbyterianos*, quorum Priores retinent adhuc Episcopos, & plures Cereemonias Ecclesiasticas; Posteriores vero utrumque rejiciunt, plurimum ubique ad invicem inter se contrarii, ut vel ex hoc solo capite eorum colligatur infelicitas,

dum tamquam errantes oviculæ carent supremo Pastore, qui eas ducat ad Pascua veritatis.

## §. IX.

*Quanam sint propositiones, seu Articuli, in quibus Calvinus contra Catholicos convenit cum Confessione Augustana?*

150. Respondetur: Calvinus cum Confessione Augustana in sequentibus convenit.

I. Etiam Calvinus admittit peccatum consistere in concupiscentia, dum *lib. 11. Instit. cap. 2. & lib. Respons. contra Pigbium* dicit, in homine post Baptismum remanere concupiscentiam, quæ est peccatum. Refutationem vide supra in hoc capite secundo num. 15. & num. 16.

II. Pariter soli fidei justificationem adscribit, dum *lib. 3. Instit. cap. 13. §. 15. & 16.* asserit, hominem non per gratiam sanctificantem, sed per solam fidem justificari. Rejicitur num. 18. & seq.

III. Negat in *Antidoto contra Tridentinum Can. 20.* bona opera esse necessaria ad salutem: sed contra loquitur Æterna Veritas, dum ait Matth. 19. *Si vis ad vitam ingredi, serva mandata.* ubi bonis operibus a Deo mandatis adscribitur æterna Beatitude. Videantur dicta num. 22. & seqq.

IV. Rejicit confessionem peccatorum coram Sacerdote, uti & satisfactiones pro peccatis. *lib. 3. instit. cap. 4. §. 19.* Refutatur a num. 37. usque ad num. 50.

V. Similiter cum Confessione Augustana tenet, Sacramenta non conferre gratiam ex opere operato, sed solum excitare fidem, *Lib. 4. Instit. cap. 14.* Reprobatur num. 53. & seqq.

VI. Rejicit numerum septenarium Sacramentorum; in hoc tamen contrarius Confessioni Augustanæ, quod præter Baptismum & Eucharistiam etiam *Lib. 4. Instit. cap. 18.* admittat Sacramentum Ordinis. Vide num. 56.

VII. Conformat se cum Confessione Augustana, quod Ecclesiæ non competat potestas ferendi Leges obligantes in conscientia, & quod nequeat eadem sub peccato injungere opera supererogatoria, sed tantum alias jam a Deo mandata *Lib. 4. Instit. cap. 10.* confutatur num. 62. & alibi sapius, præsertim §. VII.

VIII. Tollit quoque liberum arbitrium ab homine, *Lib. 2. Instit. cap. 3. §. 7. & 11.* eo audacior, quod dicto *Lib. 2. Instit. cap. 2. §. 4.* fateatur, Sanctos Patres stare pro libertate indifferentiæ, quam hoc non obstante, præsumit homini denegare. Reprobatur a num. 66. usque ad num. 73. Item specialiter de novo §. XIII.

IX. Propugnat, in hac carne impossibile esse Legis implementum. *Lib. 2. Instit. cap. 7.* vide dicta num. 75. & seqq.

X. Non patitur exhiberi cultum Angelis, vel Sanctis. *Lib. 2. Instit. cap. 11. §. 11. & cap. 14. §. 12.* uti pariter negat *Lib. 2. Instit. cap. 20.* Sanctos pro nobis in cœlis intercedere, ast contrarium probatur num. 28. & seqq.

XI. Eodem modo *Lib. 1. Instit. cap. 11. §. 3. & Lib. 2. cap. 17.* docet, Sanctorum Reliquias, & Imagines non esse colendas, & peregrinationes ad loca Sanctorum dicit esse inanes. Error hic est Eudoxii, Armeni, & Eunomii Cappadocii, priori



priori amicissimi, atque in perversa doctrina Collegæ, qui ambo primis jam quatuor seculis fuerunt damnati. Refutatur dictus error iisdem principiis, quibus reprobatum doctrinam præcedens; si enim Sanctis ipsis, pro nobis in cælo intercedentibus, conformiter dictis num. 82. & seqq. ob excellentiam sanctitatis, gratiæ ac gloriæ, abnuendus non est cultus Religiosus absolutus, cur eorum ossibus, & imaginibus denegetur cultus religiosus respectivus?

Profecto de cultu politico, & civili loquendo, si homini præsentis e.g. Regi exhibetur absolutus, pariter expositæ sub baldachino Imagini Regem repræsentanti exhiberi poterit cultus politicus respectivus. Ubi notandum venit, quod cultus absolutus sit ille, quo quis ob excellentiam sibi adhuc actualiter inexistentem honoratur: respectivus vero, quo quis colitur ob excellentiam alterius, quam vel ipsa res honorata repræsentat, vel saltem in ordine ad eundem consideratur. Priori cultu solum creaturæ rationales actualiter viventes; posteriori vero res quoque inanimatæ coluntur. Sic honoratur imago propter prototypum: Sacra Lipsana, quatenus fuerunt aliquando membra huius, vel illius Sancti: Sacre vestes, seu instrumenta martyrii; quia Sanctorum adhuc in terris degentium usu, vel tactu extiterunt sacrata, ex quo devoto cultu sperantur, & sæpius (prout testes sunt antiquissimi Scriptores, S. Augustinus, & S. Gregorius Turonensis) obtinentur quam plura beneficia. Cur ergo inanes sint peregrinationes ad loca Sanctorum institutæ? Umbra S. Petri adhuc in vita existentis sanabat infirmos, Act. cap. 5. v. 15. Similiter sudaria, & semicinctia S. Pauli deferebantur ad languidos, & recedebant ab eis languores, Act. 19. v. 12. cur igitur Ossibus Sanctorum in cælis cum Christo gloriose regnantium hæc virtus abnegetur? Quod si opponas abusus varios subinde in hoc cultu irreperentes, hi abrogandi sunt, sed propter abusum, non est tollendus usus; alias deberet quoque tolli usus Sacre Scripturæ, utpote qua toties hæretici antiqui & moderni fuerunt abusi. Videatur Reiffenstuel Tract. 5. Theologia Moralis dist. 1. Quæst. 4. & Pichler Part. 2. Theologia Polemica Controvers. 2. Art. 2. §. 3. & 4.

XII. Quantum ad præteritos septem abusus quasi a Catholicis in Ecclesiam introductos conspirant Calvinistæ cum Lutheranis, numquam citius concordēs, quam si contra Catholico-Romanos agitur. Refutantur omnibus illis fundamentis, quæ in toto §. septimo fuere adducta.

### §. X.

An Calvinus cum Confessione Augustana conveniat circa Purgatorium, & Indulgentias?

151. Respond. I. Etsi Confessio Augustana in suo symbolo Carolo V. Imperatori oblato Art. XXI. expresse contestetur, quod hæc sit Summa Doctrina Lutheranorum, attamen de purgatorio, utrum detur, & an animæ ibidem detentæ precibus, ac piis fidelium operibus, vel indulgentiis juventur, nihil prorsus decidit, prout pariter ego assumens præcise in præcedentibus declarationem articulo- rum Confessionis Augustanæ ex hac ipsa ratione de industria circa illa duo puncta abstraxi, & cum

Tomus II.

nec Confessio Augustana quidquam de his statua positive contra Catholicos. Et quis non exinde inferret, circa memorata duo puncta Confessionistas adherere Catholicis? eo quidem magis, cum etiam eorum Magister Lutherus in propositionibus a Leone X. rejectis, atque §. 2. in Compendio relatis saltem non absolute, & ex integro rejecerit indulgentias, atque purgatorium: quoniam de ultimo in Disputat. Lipsiensis 8. Julii 1519. habita, expresse sic loquatur: *Credo fortiter; imo ausim dicere, scio purgatorium esse &c. ego nihil de purgatorio novi, nisi animas ibi pati, nostris precibus, & orationibus juvandas.* Hoc tamen non obstantia,

Respond. II. Moderni Lutherani Confessionistæ in his duobus punctis quoad rem omnino contra Catholicos conveniunt cum Calvinistis, & eorum auctore Calvino, qui Lib. 3. Instit. cap. 5. asserit, indulgentias esse sanguinis Christi profanationem, & eodem Libro §. 6. purgatorium esse execrabile Satanæ commentum, negans exinde consequenter orationes, & suffragia oblata pro mortuis ipsis proficere.

152. Quæres I. Quomodo contra Calvinum, & quoad præsens contra Calvino-Lutheranos probetur existentia Purgatorii? ubi notetur, quod Catholici per purgatorium intelligant illum locum, in quo aliquæ animæ Justorum defunctorum ad tempus purgari debent vel igne, vel aliis pœnis, donec ab omni reatu, etiam pœnæ, ex integro emundatæ valeant cælum intrare; nam in cælum non intrabit aliquid coinquinatum. Apocalypf. cap. 21. v. 27. Præcinditur autem in præsentis tam de situ huius loci, quam de modo torquendi, ac qualitate pœnarum, de quibus (non de ipsa existentia purgatorii) jam olim inter SS. PP. atque inter Græcos, & Latinos, tempore Concilii Florentini, erat controversia; ubi de his Ecclesia nihil adhuc decidit H. N.

153. Respondetur. Existentia purgatorii ostendi potest ex Sacra Scriptura, & SS. PP. antiqua Ecclesia, & ratione. Probatur I. ex S. Scriptura, quæ etsi hoc nomen, + purgatorium explicite non exprimat, in re tamen ipsa admittit, aliquos in altero seculo posse fieri salvos; non tamen nisi per ignem, adeoque non nisi per aliquam purgationem. Textus 1. Corinth. cap. 3. v. 13. & 15. sic sonat: *Uniuscujusque opus quale sit, ignis probabit &c. si cuius opus arserit, detrimentum patietur: ipse autem salvus erit: sic tamen quasi per ignem.* II. Probatur ex SS. PP. quorum plures Græci, & Latini apud Bellarminum, & Salmeron intelligunt cum Concilio Florentino allegatum proxime Sacri Codicis textum expresse de Purgatorio, signanter SS. Ambrosius, Theodoretus, & Augustinus, quinquaginta Homiliarum Homil. 16. qui etiam in Psal. 37. invehitur in contemnentes hunc ignem, eo quod adhuc salvus fiat, *quia dicitur* (ita S. Pater loquitur) *Salvus erit; hinc ignis ille contemnitur, sed gravior erit, quam quidquid homo pati potest in hac vita.* III. Probatur ex Ecclesia antiqua, quæ statim primis seculis æque, ac Judas Machabæus in antiquo testamento 2. Machab. cap. 12. v. 46. censuit, quod sit Sancta, & salubris cogitatio pro defunctis exorare, ut a peccatis solvantur: consequenter judicavit, apud mortuos sæpius remanere adhuc aliquod vinculum

G 2

(puta

(puta reatum pœnæ) a quo solvi possunt per suffragia, sacrificia & preces fidelium viventium, in quocumque demum loco pauperculæ hæ animæ post mortem detineantur. In *Machabeorum libris* legimus (inquit August. Lib. de cura pro mortuis cap. 1.) *oblatum pro mortuis sacrificium, sed etsi nasquam in Scripturis veteribus omnino legeretur. NB. non parva est universa Ecclesia, quæ in hac consuetudine claret, auctoritas.* Sic Clemens Romanus Summus Pontifex, Apostolis Coævus, Lib. 8. Apostol. Constitut. cap. 47. inquit: *Pro quiescentibus in Christo rogemus, ut Deus, qui animam defuncti suscepit, dimittat ei omne peccatum.* Similiter loquitur S. Dionysius Areopagita, qui apud Cornelium a Lapide hic cap. 7. p. 3. *Ecclesiastica Hierarchia* testatur, se id accepisse ab Apostolis, *Statuerunt Apostoli,* (subjungit D. Chrysostomus apud dictum Cornelium a Lapide Homil. 69. ad popul.) *ut in Missæ Sacrificio oretur pro defunctis.* ad quid autem oretur pro defunctis, si omnes post mortem existerent vel in inferno, in quo nulla est redemptio, vel in cœlis, ubi nostro non amplius indigent adiutorio in æternam jam felicissimi? Inde nec mirum, quod Ecclesia antiqua Aërium, Suffragia pro defunctis irridentem, circa annum 340. condemnaverit, uti refert S. Epiphanius Hæresi 75. IV. Probatur ratione; quia non est credendum de misericordissimo Deo, quod hominem propter unicum obulum distissimo deliberate ablatum, vel propter levissimam impatientiam aequaliter verbis ostensam in æternum damnet, si subito præventus, puta apoplexia tactus moriatur; certe nec ab ipso Christo Domino *Matth. 5. v. 22.* aequaliter iratus, vel qui dixerit fratri suo *Raca*, fuit illico declaratus reus Gehennæ, sed solum, qui dixerit *fatue*. Quorsum ergo talis cum ablatione unius obuli, vel cum levissima impatientia deveniet? non in infernum, uti proxime dictum: non in cœlum, in quod nihil coinquinatum intrabit: ergo in purgatorium, tamquam in locum tertium. *Nec refert*, quod Ecclesiastes cap. 11. v. 3. tantum de duobus locis alterius vitæ mentionem facere videatur, scilicet de inferno, & cœlo. *Nam præterquam quod necdum satis constet, textum illum, quem A catholici contra nos adducere solent, de futura vita altera intelligi debere; hoc tamen etiam concessio responderi potest, quod sacer textus de receptaculis in æternum etiam post extremum Judicii diem duraturis loquatur, qualia utique sunt tantum duo, cœlum nimirum, & infernus; purgatorium autem pro tunc cessabit.*

145. Quar. II. Quomodo contra memoratos adversarios probetur valor indulgentiarum? Ante responsum ab Adversariis bene notentur tria, nimirum quid sit thesaurus Ecclesiæ, ex quo indulgentiæ sumuntur: quid ipsamet indulgentiæ: & quomodo eadem distribuatur. Itaque primo, sistendo in Catholicorum nostrorum principiis, notetur, quod thesaurus ille spiritualis Ecclesiæ nihil aliud sit, quam satisfactio Christi, & Sanctorum, ex quo thesauro tunc censetur depromere, & fidelibus distribuere Ecclesia indulgentias, quando Satisfactiones Christi, atque Sanctorum fidelibus applicat. Ubi advertatur, quod Thesaurus iste principaliter, & præ omnibus consistat ex Satisfactionibus Christi, & quod Satisfactiones

Sanctorum pariter suam vim habeant ex satisfactionibus Christi. Notetur secundo, quod in principiis Catholicorum indulgentia describatur, quod sit remissio pœnæ temporalis peccatis actualibus quoad culpam jam remissis coram Deo adhuc debita, ab habente potestatem ex justa causa facta per applicationem sufficientis, & condigna Solutionis ex communi thesauro Ecclesiæ. Ulterior hujus descriptionis declaratio, uti pariter, quid sit thesaurus, ex quo Ecclesia sumit indulgentias, videri poterit apud Reiffenstuel *Tract. 12. Theolog. Moral. Dist. 3. Quæst. 1. & 2.* Tertio notetur, quod summus Pontifex fidelibus adhuc vivis donet indulgentias per modum absolutionis, id est, quod ut Judex eosdem tamquam suos subditos etiam a pœnis peccatorum, sæpius post remissionem culpæ adhuc restantibus, absolvat, ac simul loco propriarum satisfactionum satisfactiones Christi, atque Sanctorum substituat; econtra vero fidelibus jam defunctis dictas satisfactiones applicat per modum suffragii, non immediate remittendo pœnam tamquam Judex, (utpote cum defuncti non amplius sint subditi Pontificis) sed tamquam constitutus Supremus Dispensator, atque Thesaurarius, offerendo Deo ex Satisfactionibus Christi, atque Sanctorum pretium aliquod æquivalens, ut exinde ipse Deus remittat. Videri poterunt de suffragiis plura apud Reiffenstuel. cit. *Tract. 12. Dist. 3. Quæst. 12. H. N.*

155. Respondetur. Valor indulgentiarum probari potest ex Sacra Scriptura, & antiquissima praxi Ecclesiæ. Ex Sacra Scriptura ostenditur sic: Juxta Eandem valet remissio pœnæ temporalis a summo Pontifice intuitu Satisfactionum Christi concessa: ergo etiam valebunt indulgentiæ. Consequentia patet, quia in hoc ipso valor indulgentiarum consistit. Anteced. vero probatur taliter: vi sacre Scripturæ valet remissio culpæ intuitu meritorum, & satisfactionum Christi: ergo etiam remissio pœnæ aliquoties post remissionem culpæ restantis, præsertim cum Christus in verbis generalibus ad Petrum, existentem adhuc super terram, *Matth. cap. 16. v. 19.* dixerit: *Tibi dabo claves regni cœlorum, & quodcumque solveris super terram, erit solutum & in cœlis.*

Ostenditur quoque ex praxi antiquæ Ecclesiæ: *Nam exstant Roma* (inquit Bellarminus de indulgent.) *in antiquissimis Ecclesiis memoria indulgentiarum a Pontificibus concessarum.* Sic jam S. Gregorius, qui vixit seculo sexto, teste D. Thoma in 4. *Dist. 20.* concessit indulgentias Stationum &c. Quod si quæras, quare ergo Patres, & Pontifices adhuc Gregorio anteriores tantum teneant silentium de indulgentiis? Respondetur, id contigisse, vel quia antiquissimo tempore nullus impugnavit Easdem, vel quia pro tunc in rarissimo usu fuerunt, vigente adhuc severissimo rigore in injungendis pœnitentiis per plures sæpe dies, vel etiam annos continuandis, in cujus rigoris supplementum propter majorem indies humanæ naturæ fragilitatem frequentiores successerunt indulgentiæ. Ne tamen bona opera satisfactoria omnino negligantur ab hominibus, non solent indulgentiæ nimis profuse, neque absque gravi causa concedi, atque hæc insuper inordinarie alligantur aliis bonis operibus, puta certis orationibus, confessioni, comunione &c.

Cæto.

Cæterum, si non obstante hac mitigatione Sectarii nostri conqueruntur contra rigorem Catholicorum in Sacramento Pœnitentiæ, quid fecissent, si illis primis vixissent seculis?

Objectiones ex dictis facile solvuntur, & apud Controversistas passim videri poterunt.

### §. XI.

*Quenam sint Propositiones speciales Calvinii ab Ecclesia Catholica damnata, circa prædestinationem Electorum ad vitam æternam?*

156. Non est mens mea singula Calvinii, & Calvinistarum mala dogmata referre, eaque ad refutandum assumere; exinde enim libellus iste contra primum intentum in immensum excresceret; quoniam errores sunt adeo copiosi, ut Franciscus Fevardentius apud Siandæ v. Calvinus, mille, & quadringentos excusserit, & pariter noster le Grand. apud Henno *Traët. de principis alt. Hum. Disp. 2. Conclus. 5.* Calvinum, & Calvinistas quoad errores tam fecundum asseruerit, ut vix ad certum numerum redigi queant; cum nullus sit in Symbolo fidei articulus, nulla in oratione Dominica petitio, nullum sive Dei, sive Ecclesiæ mandatum, nullum Sacramentum, aut Ceremonia Sacramentalis, quam non ipse, aut ejus Sectatores vel exterminarint, vel mutilarint, vel depravarint. Ita ille. Quare ne Manuale hoc in integrum Tomum transmigret, brevitatis gratia tantummodo principales, & famosiores adduco propositiones Calvinii ab Ecclesia rejectas, puta de prædestinatione Electorum, ac reprobatione malorum, de libero arbitrio, & gratia efficaci, nec non utrum Corpus Christi in Eucharistia realiter existat? Et quidem in præsentis tantummodo agitur de Prædestinatis. Ubi

157. Dicit Calvinus 1. *Eisdem fuisse efficaciter a Deo præelectos ad celestem gloriam, & vitam æternam ante prævisionem ullam meritum.* 2. *Ecclesiam veram constare ex solis his Electis, ac prædestinatis tanquam membris propriis.* 3. *Fidem veram, & justitiam propriam esse solummodo Electorum, seu horum prædestinatorum.* 4. *Hanc fidem semel vere acceptam nulla ratione amplius posse amitti.* 5. *Inde prædestinatis seu præelectis peccata ab ipsis commissa non amplius, sicuti reprobis, a Deo imputari.* 6. *Infantes, ab his progenitos, sanctos esse, & vera Ecclesia propria membra censeri debere, etiam antequam baptizentur.* Ita Calvinus in diversis locis suarum Institutionum, notanter lib. 3. cap. 2. §. 11. & 12. atque Admonit. II. contra Westphalum, nec non Lib. 4. Instit. cap. 15. Sed contra

158. Respondetur I. Utrum prædestinatio efficax ad vitam æternam fuerit ante, vel primum post prævisa merita, est quidem controversia inter ipsosmet Catholicos acriter disputata, & utriusque partis fundamenta apud Theologos in 1. Sententiarum passim videri possunt. Interim tamen etiam hac efficaci prædestinatione Electorum ad Gloriam ante prævisa merita gratis pro hic & nunc admissa, necdum sequitur paritas circa reprobos, quoad præordinationem ad æternam damnationem ante prævisa demerita: nam actus prædestinationis ad vitam æternam est actus liberalitatis & misericordiz Dei, utique in prima sua intentione nobis elar-

giendi hanc summam gratiam ad nostra opera non alligati. Econtra vero actus reprobationis ad mortem æternam, & pœnas inferni est actus justitiæ vindicativæ, quæ consequenter præsupponit culpam: nam etiam in humanis censeretur Rex aliquis Tyrannus, qui intenderet, & efficaciter decerneret gravem in subditos pœnam independentem a delictis, seu absque reflexione ad delicta; etenim Rex iste censeretur interpretative ita dispositus, quoad Decretum suum executioni mandandum velit talem punire, sive delicta perpetret, sive non, vel saltem quod intendat misero huic talia præcepta imponere, quæ nequeat subditus servare, ut Rex exinde occasionem habeat, eundem graviter castigandi, & per hoc suam in subditos potestatem ostendendi. Numquid hæc tyrannis?

159. Respondetur II. Vera Ecclesia non constat tantummodo prædestinatis, tamquam solis propriis Ejusdem membris: Ratio est; quia in omni Ecclesia videmus etiam malos, atque hypocritas, & quidem aliquoties finaliter impœnuentes, vel ut graves peccatores subitanea morte extinctos: unde nec mirum, quod Apostolus 2. Timoth. cap. 2. v. 20. Ecclesiam compareret magnæ Domui, in qua non solum sunt vasa aurea, & argentea, sed & lignea, & fictilia, & quædam quidem in honorem, quædam NB. autem in contumeliam. Nec dicatur, Apostolum esse intelligendum de Ecclesia visibili, in qua haud dubie præter præelectos tamquam vasa honoris etiam continentur reprobi, seu vasa contumeliæ, non autem intelligi debere de Ecclesia invisibili, quæ existens, teste Sacra Scriptura, tota pulchra, Sancta, non habens maculam, & rugam, eo ipso excludit reprobos tamquam finaliter maculatos &c. Nam contra est, quod gratis adstruatur aliqua Ecclesia invisibilis: nam vel illa invisibilis foret præcise pars totius Ecclesiæ, vel esset complete alia Ecclesia, quam ea, quæ est visibilis? Si primum: habetur intentum, quod sumendo Ecclesiam completam, & totalem, Eadem constet partim Electis, partim reprobis. Si verò teneatur, Ecclesiam invisibilem totaliter esse distinctam a visibili: ergo duplex daretur in terris Ecclesia, quod assertum non habet solidum fundamentum in Scriptura, ex qua tamen Hæretici sua omnia volunt deducere. Neque obest, quod vera Ecclesia dicatur tota pulchra &c. sine macula &c. nam similia prædicata huic conveniunt non ratione singulorum membrorum, sed ratione quorundam: item insuper ratione doctrinæ, finis, mediorum, præceptorum & Sacramentorum, quæ omnia ex integro sancta sunt, pulchra sunt, absque ruga, & absque macula. Videatur de hoc Pichler Tomo priori Theologiæ Polemicæ cap. 1. art. 1. & dicta præcedentia contra Lutheranos Art. VII. agendo de Ecclesia.

160. Respondetur III. Non solum prædestinati, sed etiam reprobi potuerunt veram aliquando fidem, & justitiam habuisse. Probatur: omnes infantes legitime baptizati sunt per baptismum justis, sive sint proles Catholicorum, sive Lutheranorum, sive Calvinistarum: atqui non omnes isti sunt ex numero prædestinatorum, adeoque etiam non prædestinati potuerunt aliquando habuisse fidem & justitiam, seu fuisse aliquando justis per grati-



gratiam sanctificationem, vel (uti ipsi loquuntur) per fidem, quæ apprehendit justiciam Christi. Major patet, quia per Baptismum passim dicimur in Sacra Scriptura *abluti, mundati, sanctificati &c.* minor vera probatur: nam si omnes legitime baptizati, sunt pariter prædestinati efficaciter ad gloriam; ergo omnes isti, quantumcumque suo tempore adulti impie vivant, salvabuntur; etenim efficaciter prædestinati ad gloriam certo salvantur. Ad quid ergo Calvinistæ rejiciunt Lutheranos, & damnant Catholicos? cur Calvinus defecit ab Ecclesia Catholico-Romana, in qua legitime baptizatus, sicque in ejusdem principiis ex numero prædestinatorum (si Superis placet) collocatus potuisset certo salvus fieri?

161. Respondetur IV. Fides justificativa, seu (ut loquuntur Catholici) gratia sanctificans semel a prædestinatis acquisita potest iterum deperdi. Probatur I. ex jam dictis; quia alias omnes Prædestinati, legitime semel baptizati reuinerent pro omni tempore vitæ suæ gratiam justificativam, sicque finaliter certo salvarentur, quantumcumque impie viverent, & cujuscumque demum forent Religionis, supposito, quod fides justificativa, semel acquisita nequiret amplius a Prædestinatis deperdi. Probatur 2. Quia generaliter in Sacra Scriptura habetur, per malam vitam animæ mortem superinduci, quæ utique non potest stare cum justitia, seu gratia sanctificante. Antec. ostenditur ex Ezechiel. cap. 18. v. 24. & 26. ibi: *Si averterit se justus a justitia sua, & fecerit iniquitatem &c. morietur.* Atque ad Rom. cap. 8. v. 13. *Si secundum carnem vixeritis, moriemini.* Nec oppositas, hos textus esse intelligendos de morte naturali, non de morte animæ: nam contra est, quod hæc non sit specialis pœna impiorum; cum non solum impii, verum etiam pii naturaliter moriantur, & improbus sæpe longius vitam naturalem protrahat, quam probus.

162. Respondetur V. Etiam prædestinatis Deus imputat gravia peccata, si quæ committant: nam generaliter de omnibus in Sacra Scriptura dicitur Luc. cap. 12. v. 47. *Qui cognovit voluntatem Domini sui, & non fecit, vapulabit multis.* Item Ezechiel. cap. 18. v. 4. *Anima, quæ peccaverit, ipsa morietur.* Et sane, si solis reprobis, non autem prædestinatis peccata imputarentur, reprobis in Calvinistarum principiis etiam propter levissimam, imo & indeliberatam indignationem, vel propter ablationem unius obuli ab homine alias diutissimo factam æternis addiceretur flammis; ubi econtra prædestinatus non obstantibus suis homicidiis, furtis gravissimis, atque adulteriis salvaretur, quamvis subitanea tactus apoplexia de nullo horum poenitentiam egisset, quod de Deo, præ omnibus aliis malis gravitatem peccati abominante, præsumendum non est. Hoc equidem negari nequit, quod in sententia illorum Catholicorum, qui tenent, Deum in intentione Electos suos efficaciter prædestinasse ad gloriam ante prævisa merita, quod (inquam) in illorum Catholicorum sententia similis prædestinatus, cooperante efficaci gratia Divina, omnia suaviter æque, ac fortiter disponente, non sit consensurus in peccatum grave, vel, si jam peccaverit, ponendus in aliis circumstantiis, in quibus illud libere per poenitentiam finalem erit retra-

cturus. Quod autem prædestinato nullum grave peccatum tamquam tale imputetur, nunquam somniant Theologi Catholici, etsi in modo explicandi gratiam ethicam, qua prædestinati certo a peccato gravi finali præservantur, sint adinvicem inter se differentes, utrum nempe hæc gratia sit intrinsece, vel extrinsece solummodo efficax; ubi tamen utraque pars omnino parata est sese submittere Ecclesię, si quid positive circa hoc deciderat.

163. Respondetur VI. Nec parvuli a prædestinatis progeniti salvantur absque aliquo Baptismo. Probatur: quia teste Sacra Scriptura Joann. cap. 3. v. 3. & 5. *Nisi quis renatus fuerit ex aqua & spiritu Sancto, non potest introire in regnum Dei.* Ubi nulla sit distinctio inter proles prædestinatorum, & non prædestinatorum. Noli itaque credere (inquit S. Augustinus Lib. 3. de anima, & ejus origine cap. 19.) *noli dicere, noli docere, infantes, antequam baptizentur, morte præventos pervenire posse ad originalium indulgentiam peccatorum, si vis esse Catholicus.* Accedit, quod parvuli etiam prædestinatorum rationis adhuc incapaces ante collationem Baptismi nullam fidem habeant, neque actuale, neque habituale infusam; quoniam primum communicatur per Baptismum: sed absque ulla fide vel habituali, vel actuali, vel in re, vel in voto impossibile est placere Deo cap. 11. Hebr. v. 6. consequenter nec parvuli prædestinatorum absque Baptismo Deo placere possunt, sicque nec regnum cælorum ingredi.

## §. XII.

*Quanam sint propositiones speciales Calvini, a Catholica Ecclesia rejectæ circa præordinationem reproborum ad mortem æternam?*

164. Circa reprobaionem Calvinus docet 1. præordinationem ad mortem æternam æque factam fuisse a Deo ante prævisa peccata, uti facta est prædestinatio Electorum ad vitam æternam ante prævisa merita. 2. Deum, ut actum justitiæ vindicativæ erga hos, reprobos tamquam Supremus Dominus exercere valeat, ipsis non solum imputare ad peccatum quoscumque mortis concupiscentia etiam indeliberatos; verum etiam eosdem ad peccata impellere, ita ut impulsus iste sit quasi effectus reprobationis. 3. Deum imperare Satana, aliisque impiis hominibus, ut maleficia concipiant, ac hominem ad peccandum inducant: sic Satanam jussu Dei tentasse Job, & Deum ipsum præcepisse Judæis, ut Christum crucifigerent. 4. Similia tamen respectu Dei nec esse, neque dici posse peccata, sed opera justa & quia quod homines mala intentione, Deus bono consilio facit, ac proinde, 5. Deum ipsum nec peccare, nec peccati auctorem dici posse. Ita Calvinus diversis in locis, præsertim Lib. 1. Instit. cap. 17. §. 11. Lib. 2. cap. 4. §. 5. & cap. 18. §. 1. & 8. Item cap. 22. & 23. Item lib. 3. Instit. cap. 22. §. 11. ac cap. 23. §. 8. sed contra a Catholicis.

165. Respondetur I. Deus non reprobat, seu præordinat positive ad æternam mortem ante prævisa eorum peccata. Ita Catholici, idque Doctor subtilis, 1. Sentent. D. 14. Quæst. 1. jam suo tempore adeo certum judicavit, ut contrariam dixerit sententiam non posse sine crudelitate excogitari. Probatur 1. quia si præordinatio ad æternam



nam pœnam fieret præprimis a Deo, tunc perditio nostra principaliter non esset ex nobis, sed potius ex Deo, utpote qui nos ad eandem præordinasset, sicut ob eandem rationem salus prædestinatorum præprimis est a Deo, quia electos ante merita præordinavit ad gloriam: atqui reproborum perditio præprimis non est ex Deo, sed potius ex nobis: nam *perditio tua* (id est tua culpa) *Israel*, inquit æterna Veritas *Osee cap. 13. v. 9.* ergo. Hinc Deus protestatur sæpius in Sacra Scriptura, quod non fecerit mortem, nec latetur in perditione vivorum, *Sap. cap. 1. v. 13.* & quod nolit mortem peccatoris, sed magis ut convertatur, & vivat *Ezech. cap. 18. v. 23. & 32.* Probatur 2. Salvator Deus non solum prædestinatos, sed omnes suo pretioso sanguine intendit redimere, ut omnes salvos faceret: ergo Deus antecederet, nimirum ante prævisa nostra peccata, nullum voluit præordinare ad pœnam æternam. Anteced. patet ex sequenti clarissimo textu Sacri Codicis 1. Timot. cap. 2. v. 1. 3. 4. 5. & 6. *Obsecro igitur, primum omnium fieri obsecrationes &c. pro omnibus hominibus &c. hoc enim bonum est, & acceptum coram Salvatore nostro Deo, qui omnes homines vult salvos fieri, & ad agnitionem veritatis venire: unus enim Deus, unus & Mediator Dei, & hominum, homo Christus Iesus, qui dedit Redemptionem semetipsum pro omnibus.* Notentur singulariter verba illa: *omnes vult salvos fieri, & pro omnibus semetipsum dedit redemptionem;* ergo nec damnandos exclusit ante prævisa eorum peccata. Videatur circa hunc textum fufius P. Herincx. 1. *Sent. D. 8. Quest. 2. num. 20. & seqq.* Accedit pro confirmatione nostræ sententiæ auctoritas Sanctorum Patrum. *Bonus est Deus, justus est Deus* (inquit S. Augustinus Lib. 3. contra Julianum. cap. 18.) *potest aliquos sine bonis operibus liberare, quia bonus est, non potest quomquam sine malis meritis damnare, quia justus est.* Et S. Damascenus Lib. 2. de fide cap. 26. *Deus ex se ipse movetur ad miserendum: ad puniendum non nisi ex præsupposita culpa.* Allego autem ex industria etiam contra Calvinistas Patres antiquos, quia etiam apud ipsos Præfati cum antiquis Conciliis in veneratione existunt, saltem uti ajunt in sua confessione a Beza gallice conscripta, & a nostro Francisco Fevardentio fideliter in latinum translata; ubi Articulus 6. taliter sonat: *Admittimus, quod determinatum fuit per antiqua concilia, & detestamur omnes Sectas, & hereses, quæ rejectæ fuerunt per Sanctos Doctores, ut per sanctum Hilarium, S. Asbanasium, S. Ambrosium, S. Cyrillum.*

166. Respondetur II. Deus non impellit ad peccata, multo minus aliis præcipit, ut ad eadem homines inducant. *Non est in Deo malum* (inquit in antiquissima Ecclesia S. Dionysius de Divinis Nominibus cap. 4.) *sed nec ex Deo est malum: aut enim bonus non est, aut bona facit.* Ulterius hæc Catholica veritas probatur ex testimonio Regis David Psalm. 5. v. 5. dicentis: *Non Deus volens iniquitatem tu es.* Probatur 2. Deus odio habet peccatum, & propter hoc peccatorem: *nam odio sunt Deo impius, & impietas ejus.* *Sap. cap. 14. v. 9.* ergo ad peccata non impellit per se, vel ex præcepto per alios; nam ea, a quibus habet aliquis efficacem aversionem, non solet ipsemet consiliis aliisque mediis promovere. Probatur. 3. Deus in Sacra Scriptura severissime prohibet peccata

gravia, iisque annectit pœnam æternæ damnationis, uti patet ex præceptis Decalogi, & obviis S. Scripturæ textibus: ergo repugnat ejusdem sanctitati & justitiæ, ut simul ad hæc ipsa peccata per se, vel per alios impellat. Probatur 4. Si Deus per se, vel per alios alliceret, imo impelleret ad peccatum, præsertim intrinsece tale, puta mendacium, vel Dei odium, censeretur causa moralis ipsius talis peccati, seu Auctor ejusdem: sed juxta ipsum Calvinum num. 164. Deus non potest dici causa, & auctor peccati: ergo. Sequela majoris probatur; quia etiam homo, qui alterum instigat, & impellit ad peccatum, puta ad mendacium, vel odium Dei, censetur causa moralis talis peccati: ergo etiam taliter reputaretur Deus. Nec excusaret bonitas intentionis; non enim sunt suadenda intrinsece mala, ut eveniant bona. Videtur de hoc fufius adhuc Herincx Lib. 1. *sem. Disp. 7. Quest. IV. num. 30.*

167. Respondetur III. Si afferantur loca Sacre Scripturæ, quibus Deus videtur suavisse peccata, aut ad ea incitasse, vel etiam præcepisse juxta formalia antiquissimi Patris S. Damasceni Lib. 4. de fide cap. 20. *Non a Deo NB. ut agente, accipienda sunt, sed NB. ut permittente.* Quatenus nimirum Deus ob peccata, seu (ut vocat S. Augustinus) ob mala merita hominis non tollit, sed permittit illas occasiones, in quibus prævidet hominem talem libere esse lapsurum. Sic quando 3. Regum cap. 22. legitur, Deum immisisse spiritum mendacii in Prophetas. Item Ezech. cap. 14. decepisse Prophetam: hoc ipsum exemplum S. Augustinus de gratia & libero arbitrio cap. 32. declarat modo sequenti: *Quando auditis dicentem Dominum: Ego Dominus seduxi Prophetam illum, & quod ait Apostolus, Cujus vult, miseretur, & quem vult, obdurat: in eo, quem seduci, vel obdurari NB. permittit, mala ejus merita credito.*

168. Neque est insolitum in Sacra Scriptura tam ipsius peccati, quam occasionum permissionem exprimere verbo aliquo præferente formam præcepti, vel consilii, uti Herincx 1. *sem. Disp. 7. Quest. 4. num. 35. ac seqq.* optime notat. Nam Phariseis dicentibus Marci cap. 10. v. 4. *Moses NB. permittit scribere libellum repudii,* respondit Christus v. 5. *ad duriciam cordis vestri scripsit vobis NB. præceptum istud.* Item vice versa quando Matth. cap. 19. prior discursus de repudio v. 7. a Phariseis repetebatur sapienti interrogatione: *Quid ergo Moses NB. mandavit dare libellum repudii?* Christi responsio erat; *ad duriciam cordis vestri NB. permittit vobis dimittere uxores vestras.* v. 8. sic Deus 2. Reg. cap. 16. v. 10. dicitur præcepisse Semei, ut malediceret David, permittendo ex una parte amarum Semei animum erga David, & ex altera occursum ipsius David non impediendo, quem impedire quidem haud dubie potuisset, sed noluit, ad probandum David in patientia, quam ibi adeo exercuit, ut exemplum istud in toto mundo pro imitatione diligendi inimicos proponatur. Simili modo Deus concessit, seu permisit, Satanæ, ut affligeret Job, eique plurima mala inferret; & Judæis, ac Gentilibus, ut crucifigerent Christum &c. Item legitur in Sacra Pagina Deus indurasse cor Pharaonis, quatenus in pœnam præcedentium delictorum extraordinaria gratiæ auxilia, quibus novarat cor Pharaonis emolliendum, subtraxit, varia-

variaque alia operatus fuit quoad Pharisæum, quibus ille (non obstante adhuc clementissima concessione gratiæ sufficientis) occasionem sumpsit iudicandi semetipsum obstinata voluntatis malitia. Videatur de hoc utilissime noster P. Herincx Episcopus Iprensis. Loc. cit. & *Disp. 8. num. 90.*

169. Opponunt Calvinistæ contra dicta, præsertim contra responsionem primam, in qua negavimus, reprobationem positivam a Deo fieri ante prævisa peccata, opponunt (inquam) Calvinistæ, & in contrarium proponunt exemplum Esau, & Jacob; ubi utrobique non ex meritis, vel demeritis, sed ex ordinatione potius Divina fuit respective primogenitus a privilegiis primogenituræ exclusus, & alter assumptus, ut secundum electionem præpositam Dei maneret: prout loquitur Paulus cap. 9. Rom. v. 11. qui pariter ibidem totam illam historiam ad prædestinationem, & reprobationem referre videtur sequentibus verbis: *Cum nondum nati fuissent, aut aliquid boni egissent, aut mali (ut secundum electionem præpositam Dei maneret) non ex operibus, sed et vocante dictum est ei: quia major serviet minori, sicut scriptum est (nempe Malachie cap. 1.) Jacob dilexi, Esau autem odio habui. Quid ergo dicemus? nunc quid iniquitas apud Deum? absit. Moyse enim dicit: miserebor, cujus misereor, & misericordiam præstabo, cujus miserebor. Ignor non volentis, neque currentis, sed miserentis est Deus.* Ex quo textu tria ab ipsis eruuntur, §. quod Deus præordinet, ac vocet ad vitam æternam absque meritis. 2. Quod pariter præordinet ad pœnam absque demeritis, cum Apostolus utrobique pariformiter loquatur. 3. Quod exinde non sit iniquitas apud Deum, sicque nec Deo tamquam auctori peccatum imputandum. Ita illi.

170. Ad hanc oppositionem Respondetur in primis, posse adversariis negari totum suppositum, quod nimirum in allegato textu sermo instituitur de particulari cuiuslibet prædestinatione ad gloriam, seu exclusionem ab eadem; cum potius Doctor Gentium loqui videatur de præelectione Communitatis Christianorum præ Synagoga Judæorum ad constituendam in testamento novo veram Ecclesiam; etsi enim Synagoga representata suo modo per Esau fuerit senior; hoc tamen non obstante communitas Christiana figurata per Jacob, erat præelecta, idque non ex operibus nostris, sed ex gratia misereantis Dei, relicta cæteroquin Judæis plenissima libertate transeunda a synagoga ad Communitatem Christianam, sicque veræ Ecclesiæ sese incorporandi. Videntur Cornelius a Lapide in hunc textum.

Respondetur secundo: Si etiam cum aliquibus Catholicis Theologis, prædestinationem ad gloriam ante prævisa merita defendentibus, admittatur, Divum Paulum ibidem loqui de prædestinatione, & reprobatione in ordine ad vitam æternam, posset adhuc congruenter explicari citatus textus, dicendo, Deum Electos præordinasse ad gloriam positive ante prævisa merita, & pro eo signo alios, respective loquendo, reprobasse negative, id est, pro eo signo non simul cum præcedentibus positive elegisse; in quo (non in omnibus aliis) stat paritas inter Jacob, & Esau ex una, & inter prædestinatos, ac reprobatos ex altera parte: nimirum quod, uti quoad temporales benedictiones Deus ante ulla

opera Jacob elegerit præ fratre suo Esau, ita quoad cœlestia quosdam præ aliis ante merita prævisa destinaverit ad vitam æternam, circa reliquos pro eo signo se habendo negative, & primum pro alio post prævisa eorum peccata ipsos reprobando positive. Nec hæc distinctio inter reprobationem positivam, & negativam est novum recentiorum Theologorum inventum; cum de reprobatione negativa scholarum Principes Doctores Angelicus, & Subtilis jam fecerint mentionem, ex quibus apud Henno *Tract. de Deo uno. Disp. 10. Quest. 1. Conclus. 2.* Divus Thomas Part. 1. Quest. 23. Art. 3. ad 1. sic loquitur: *In quantum Deus quibusdam non vult vitam, quod est vita æterna, dicitur eos habere odio, vel reprobare.* Scotus 1. Sent. D. 41. Quest. unica §. contra istud, postquam interrogavit, quid Deus velit Judæ in eo instanti, quo vult Petro Beatitudinem? subimit ipsi respondet: *Dici potest, quod in isto primo instanti NB. nihil vult Judæ, sed tantum ibi est negatio volitionis gloriæ.*

171. Quæres, quid sentiendum sit de recentioribus illis Calvinistis, qui ut magis errorem suum, ac Deo summe injuriosum de reprobatione Doctrinam coram hominibus honestis pallient, distinctionem faciunt inter peccatum originale, & inter peccata personalia, dicendo, quod præordinatio positiva reproborum ad mortem æternam facta quidem fuerit a Deo ante prævisa eorum peccata personalia, & actualia; non autem ante prævisum peccatum originale? Priusquam respondeatur,

Notandum 1. quod hanc distinctionem excogitasse videatur Synodus Calvinistica Dordrechtana, quæ teste nostro P. Smising, *Tomo de Deo uno. D. 6. num. 692.* causam primæ reprobationis statuit peccatum originale, cui, quantum ad præsens Calvinistæ ex Britannia, Gallia, ac Germania superiori, & inferiori subscriperunt. Ubi taliter dicuntur, nimirum quod Deus post prævisum Adæ peccatum, & corruptam inde totam massam generis humani quosdam ex massa damnationis gratuito ante ulla prævisa merita efficaciter elegerit ad vitam æternam, ut ostendat suam misericordiam; alios vero in massa æternæ damnationis positive propter peccatum originale relinquere voluerit, ad exhibendam justitiam vindictivam, subtrahendo ipsis gratias ad Legis implementum necessarias, atque nihilominus has transgressionem Legum ipsis imputando, & æternis pœnis subijciendo.

Notandum 2. Quod pœnæ damnatorum communiter a Theologis dividantur in pœnam damni, & in pœnam sensus. Prior est privatio visionis, & fruitionis Dei in æternum; posterior autem diversa afflictio, & cruciatus potentiarum vitalium, puta per continuam alligationem localem, & intentionalem ignis infernalis, vel, ut loquitur D. Augustinus, per alios divites, miros tamen modos. H. N.

172. Contra istam Calvinistarum persuasionem est præparatis eorum proprius Magister Calvinus, qui teste Sianda in *Lexico Polemico v. Calvinus. num. 10.* docuit expresse *Lib. 3. Institut. cap. 23.* quod non solum peccata nostra personalia, verum etiam primum peccatum Adam a Deo decretum, & prædefinitum fuerit ante lapsum Adam, consequenter in principis Calvini peccatum originale, ante præcedentem illam prædefinitionem necdum in mente

mente Divina existens, non potuit Deo præbere causam generalem positive reprobos damnandi, & sic manent priora contra Calvinistas Catholica fundamenta in sua firmitate.

Contra est *secundo*, quod, etsi cum nostro P. Henno *Tract. de Deo uno Disp. X. Q. 2.* non abnuatur, potuisse Deum de absoluta sua potentia post prævisum peccatum originale quospiam in tantum relinquere in massa damnationis, in quantum potuit illos afficere pœna damni, nimirum positive nolendo hisce concedere ob peccatum originale Visionem beatificam: negatur tamen, misericordissimum Deum in moderno rerum Ordine taliter fecisse, utpote qui omnes vult salvos fieri, & post prævisum quoque peccatum originale ex hoc sine pro omnibus merita Passionis suæ applicavit, ut ejus sanctissima voluntas ex Scriptura *1. Tim. cap. 2.* clare constat, juxta dicta num. 165. consequenter ipsum peccatum originale prævisum non fuit causa generalis omnes omnino reprobos excludendi a vita æterna: cum Deus etiam post illud prævisum voluerit adhuc pro omnibus mori *2. Corinb. cap. 5. v. 15.* vide dicta num. 165.

Contra est *tertio*: Multi sunt reprobi, quibus peccatum Originale per susceptum Baptismum tamquam per lavacrum regenerationis absolute remittitur: ergo hi non damnantur ob peccatum originale, adeoque neque ipsis damnatio æterna est decreta propter peccatum Originale. Quomodo enim est perceptibile, quod DEUS ab æterno decreverit omnibus in futurum recipientibus Baptismum (etsi isti non fuerint ex positive prædestinatis) remittere peccatum Originale, & tamen voluerit hos ipsos propter idem peccatum Originale per Baptismum delendum adhuc in æternum damnare?

Contra est *quarto*. Permissio etiam (numquam tamen concessio) quod peccatum Originale fuerit DEO generalis causa præordinandi quosdam ad pœnas æternas, saltem ad pœnam damni; repugnat tamen de novo sanctitati Divinæ, tales reprobos (forsan per Baptismum a peccato originali jam mundatos) impellere positive ad peccatum grave personale, prout tamen voluit Calvinus *Lib. 2. Instit. cap. 22. & cap. 23.* docens expresse *cap. 18. §. 1.* DEUM præcepisse Judæis, ut Christum crucifigerent: ergo evasio Recentiorum Calvinistarum adhuc non subsistit. Videantur dicta superius num. 166. Poterit insuper de tota hac materia suo tempore utilissime legi noster P. Franciscus Bonal *integra parte II. Christiani hujus temporis*: Cujus auctoris præclarissimus Tractatus ob operis a R. P. Udalrico Dirrhamer S. J. e Gallico translatus est in idioma latinum.

### §. XIII.

*Propositiones damnata Calvini de Gratia efficaci, & libero arbitrio referuntur, & refutantur.*

173. 1. Negat Calvinus, dari liberum arbitrium *Lib. 2. Instit. cap. 3. §. 7. & 11.* quod tamen intelligit de libertate indifferentiæ, seu de libertate a necessitate: nam 2. si coactioni opponitur libertas, liberum arbitrium, id est, libertatem a coactione admittit *Lib. 2. de libero arbitrio contra Pigbium*, & hinc 3. ait, liberum arbitrium non se  
Tomas II.

habere mere passive, sed pariter active concurrere, ita tamen, ut influat solummodo tamquam instrumentum a DEO motum, quod aliud facere non potest, quam quod voluerit artifex. Ita eruitur ex *Lib. 1. Instit. cap. 7. §. 11. & ex Lib. 2. cap. 4. §. 5. 4.* tenet *Lib. 2. Instit. cap. 7.* quod extra controversiam sit, impossibile esse Legis implementum. 5. Addit tamen, prædestinatus propter non adimpletam Legem, seu propter transgressionem Legis non mereri mortem æternam, non quasi tales transgressionem in se ipsis mortalia non essent, sed quia hisce a DEI misericordia non imputantur. 6. in *caput sextum Joannis* docet, hominem gratia efficaci motum non posse dissentire. Ita Calvinus cum suis, quorum omnia puncta ex se ipsis ruunt, si ostendatur, etiam post lapsum Adami hominem liberum arbitrium libertate indifferentiæ, seu libertate a necessitate habere; taliter nimirum, ut positis omnibus ad agendum requisitis adhuc agere, vel non agere, facere malum, vel etiam, influente simul Gratia Divina (incitante, & cooperante, non tamen necessitante) præstare bonum. Igitur cum Catholicis

174. Respondetur: Homo etiam in statu naturæ lapsæ liberum habet arbitrium libertate indifferentiæ, tam in ordine ad bonum, quam in ordine ad malum modo superius declarato. Veritas hæc Catholica equidem jam superius contra Lutherum *§. VI. num. 65. ac seqq. Art. XVIII. & XIX.* fuit probata; quia tamen Calvinus circa præsentem materiam nonnulla specialia immiscet, ideo hic singulariter iterum contra Calvinum probatur 1. ex Sacra Scriptura. *Deut. cap. 30. v. 19.* ubi DEUS testes invocat cælum & terram, quod Populo Israelitico ad eligendum proposuerit vitam & mortem, benedictionem & maledictionem, suadens tamen, ut eligat vitam. ex quo sequens formatur probatio: Si datur libera electio, datur etiam libertas indifferentiæ, sed in ordine ad vitam, & mortem datur libera Electio, juxta textum citatum; ergo. Confirmatur: Datur libertas indifferentiæ ad malum, quo quis mortem incurrit: ergo etiam ad bonum, quo quis vitam acquirit. Consequentia tenet, quia Sacra Scriptura loc. cit. pariformiter loquitur de vita, ac morte: antecedens autem patet ex eo; quia alias si ad malum necessitor a DEO, DEUS potius esset auctor peccati, quam ego, uti ostensum jam est *§. VI. Art. XIX. & §. præcedenti.*

175. Probatur 2. ex SS. PP. qui communissime sentiunt, hominem etiam post lapsum libertatem indifferentiæ ad bonum, & malum retinuisse; pro quo testimonia clarissima, & quasi innumera recitat Bellarminus *Lib. 4. de gratia, & libero arbitrio, cap. 9. & Lib. 5. cap. 25. & seqq.* prout etiam fatetur ipsemet Calvinus apud Herincx *part. 2. Theologia Scholastica Disp. 2. Quest. 1. num. 9.* suæ in hoc puncto doctrinæ adversari SS. PP. tam Græcos, quam Latinos; atqui communis SS. PP. utique Sacram Scripturam melius intellexisse, & in interpretando securiorem Spiritus Sancti assentiam, quam Calvinus, habuisse, prudentissime præsumitur, præsertim si vita Calvini superius descripta simul legatur: ergo.

176. Nec dicant Calvinistæ, Calvino saltem favere S. Augustinum; nam contra est, quod etiam hic S. Pater expresse contrarius existat, dum *Lib.*

H

de



de duab. animab. cap. 11. sic habet: *Peccatum est voluntas retinendi, vel consequendi, quod iustitia vult, & unde liberam est abstinere*: ubi notetur, quod egerit ibi contra Manichæos, qui NB. libertatem indifferentiæ negantes duplex in homine principium, seu duplicem animum statuebant, unum bonam, necessario bona, alteram malam, necessario mala operantem, quam doctrinam S. Patet rejicit: ergo. Reponunt Adversarii, Augustinum ibidem intelligi debere de Adamo adhuc ante lapsum in statu naturæ integræ existente, in quo statu libenter concedunt libertatem indifferentiæ. Ast denuo contra est, quod Manichæi, contra quos S. Augustinus ibi loquebatur, libertatem indifferentiæ ab homine vel maxime in statu naturæ lapsæ excluderint, consequenter etiam S. Augustinus contra Manichæos agens de statu naturæ lapsæ loqui censendus est. Unde finaliter contra Calvinistas tale formo argumentum: Si S. Augustinus voluisset homini in statu naturæ lapsæ denegare libertatem indifferentiæ, non efficaciter potuisset impugnare Manichæos, qui duas in homine animas, nempe bonam & malam adstruentes, pariter in statu naturæ lapsæ in eodem hanc libertatem indifferentiæ negarunt: adeoque ne sequatur, S. Patrem ineffaciter Manichæos impugnasse, admitti debet, quod Is in allegato textu, ac alibi voluerit, in homine, & quidem in statu naturæ lapsæ debere adhuc concedi aliquam libertatem indifferentiæ: neque quoad hoc punctum intendit improbare doctrinam Pelagianorum, sed ideo potius, quia addebat, liberum istud arbitrium operari meritorie absque adiutorio gratiæ. Verba ejusdem formalia Lib. 2. de Nupt. & concupisc. cap. 3. sic sonant: *Liberum in hominibus esse arbitrium &c. utique dicimus; NB. non hinc estis Pelagiani. Liberum autem esse quemquam ad agendum bonum sine adiutorio DEI &c. hoc vos dicitis, hinc NB. estis Pelagiani.*

177. Obijcitur 1., ab Adversariis: S. Augustinus variis in locis expresse ait, per peccatum Adam: periisse liberum arbitrium: ergo in statu naturæ lapsæ negat liberum arbitrium cum libertate indifferentiæ. Anteced. probatur: sic enim inquit in Enchirid. cap. 30. *Libero arbitrio male utens homo, & se perdidit, & ipsum &c. cum libero peccaretur arbitrio, victore peccato amissum est & liberum arbitrium.* Similiter epist. 107. ad Vitalem: *Libera arbitrium ad diligendum DEUM primi peccati granditate perdidimus.* Item Lib. de perfect. Justit. cap. 4. *Victa vitio, in quod cecidit, voluntas, carnis libertate natura.* Non utique libertate a coactione: ergo libertate a necessitate, seu indifferentiæ. Ante declarationem horum, & similibum D. Augustini textuum præsciendum est 1. quod strenuus ille Ecclesiæ Catholicæ Archistrategus non solum Manichæis libertatem indifferentiæ negantibus, verum etiam Pelagianis, omnia huic libertati, exclusa gratia, adscribentibus bellum indixit. Si impugnat Manichæos, in modo loquendi videtur subinde favere Pelagianis, ac quasi omnia libertati humanæ attribuere; si certat contra Pelagianos, in modo loquendi, & nisi antecedentia, & subsequencia ad invicem connectantur, videtur subinde quasi integram ab homine in statu naturæ lapsæ cum Manichæis excludere

libertatem indifferentiæ. Præsciendum est 2. quod homo in statu naturæ integræ, seu in statu innocentiae habuerit liberum arbitrium, non quaecumque, sed quod simul erat facile, & ad bonum expeditum; cum pro eo tempore homo fuerit præditus iustitia originali, quæ fuit donum supernaturale, præter gratiam sanctificantem includens quoque alia beneficia, per quæ homo reddebatur facilis in omni occasione ad bene operandum, & impediabatur rebellio carnis ad spiritum. H. N.

Respondeo, Sanctum Augustinum non intendisse propter lapsum Adami in similibus textibus liberum arbitrium absolute negare in homine, prout nimirum liberum arbitrium est potentia naturalis, positis omnibus ad agendum requisitis adhuc valens agere, vel non agere, sed potius voluit ibidem Augustinus excludere post lapsum Adami liberum arbitrium, quatenus antea tam facile expeditum ad operandum bonum, quod utique per peccatum originale fuit amissum, succedente loco ipsius fomite peccati, quo homo non quidem necessitatur, multum tamen ad peccandum allicitur. Videantur de hoc fusius Herincx part. 2. Theolog. Scholast. Disp. 2. Q. 1. Num. 9. ac seqq. & Franciscus Bonal Part. 2. Christiani hujus temporis cap. 14. & 15.

178. Obijcitur 2. DEUS præcivit ab æterno omnia nostra Opera bona æque ac mala, sed quæ DEUS semel ab æterno præcivit, necessario in tempore sic eveniunt, cum scientia DEI sit infallibilis: ergo omnia nostra opera bona, & mala necessario eveniunt, sicque non habemus libertatem indifferentiæ ad eadem faciendam, vel non faciendam.

Respondeo in primis, retorquendo argumentum quoad opera Adami, & Evæ elicta ante peccatum, in quo statu juxta Calvinistas homo adhuc habuit libertatem indifferentiæ, licet DEUS ab æterno etiam illa opera, & eos actus præciverit, quos primi parentes nostri ante peccatum elicerunt.

Respondeo secundo disting. min. Omnia a Deo præcivita necessario eveniunt necessitate consequente, Con. necessitate anteced. neg. min. & sub simili distinctione conceditur & negatur consequentia. Etenim quæ DEUS ab æterno præcivit, equidem in tempore infallibiliter sic existent, non tamen necessario necessitate antecedente aliquam determinationem liberi arbitrii; nam præscientia DEI non ponit opus futurum creaturæ, sed potius præsupponit illud, concurrente simul ante scientiam visionis aliquo Decreto ex parte DEI, juxta diversitatem Scholarum, vel prædeterminantæ, vel condeterminantæ, vel permittente saltem creaturis liberis motus suos agere. De hoc fusius in Theologia speculativa, ac pulcherrime de super discurrit postea Franciscus Bonal part. 2. cap. 8. cap. 9. & cap. 10.

179. Obijcitur 3. Saltem prædestinati ad gloriam æternam non libere operantur in ordine ad bonum, & malum: ergo non datur absolute in homine liberum arbitrium ad bonum, & malum. Probatur anteced. Prædestinatis ad vitam æternam datur gratia finalis efficax, qua infallibiliter operabuntur bene: ergo isti non libere, seu cum libertate indifferentiæ operantur in ordine ad bonum, & ma-



& malum. Respondeo neg. anteced. ad ejus probationem disting. anteced. Prædestinatis datur gratia efficax, qua infallibiliter bene operantur in tantum, in quantum a DEO ponuntur in his circumstantiis, in quibus prævidentur certo finaliter cooperaturi libere gratiæ Divinæ, con. anteced. quasi per gratiam Divinam efficacem, ad bene operandum necessitarentur, & ita prævenirentur, ut non haberent libertatem proximam, seu indifferentiæ ad bene operandum: neg. anteced. & sub data distinctione nego pariter consequentiam. Cur autem DEUS non omnes, sed tantum aliquos hac singulari afficiat gratia efficaci, hoc *non volens, neque currentis, sed miserens est DEI.* ad Rom. cap. 9. ubi cum Divo Augustino in caput undecimum Apostoli ad Romanos exclamare necesse est: *O altitudo divitiarum Sapientiæ, & scientiæ DEI, quam incomprehensibilia sũt judiciæ Ejus!* Interea DEUS nec reliquos negligit, sed saltem gratiam sufficientem tribuit, qua pariter facile salvari possent, dummodo cooperari vellent. *Vocavi, & renuisti* (inquit Largitor omnium gratiarum DEUS Proverb. cap. 1.) *extendi manum meam, & non fuit, qui aspiceret.*

180. Non equidem me latet, quod Calvinus Lib. 2. Instit. cap. 3. §. 10. omnem gratiam sufficientem apud Herincx hic absolute negat, solam pro prædestinatis gratiam efficacem admittens; ubi quoad infelicissimos residuos sentit, eosdem a Deo ad ostendendam suam Omnipotentiam, & supremum in creaturas Dominium fuisse relictos in massa æternæ damnationis, subtrahendo ipsis omnia supernaturalia auxilia, utpote propter factam eorum præordinationem ad pœnam æternam, non habitura finaliter suum effectum. Sed contra est 1. quod DEUS omnes velit salvos fieri, 1. *Timoth. cap. 2.* hincque pro omnibus sit passus 2. *Corinth. cap. 5.* ergo etiam omnibus providit de gratiis supernaturalibus ad consequendam salutem necessariis; nam qui vult finem, etiam vult media ad consequendum finem necessaria. Contra est 2. quod Stephanus *Act. 7. v. 51.* increperit Judæos tamquam homines incircumcisos corde, ac semper resistentes Spiritui Sancto. Quomodo autem increpari potuissent, quod quasi semper Spiritui Sancto resistent, si nullum S. Spiritus instinctum intrinsecus advertissent? quomodo appellari potuissent homines *incircumcisi cordibus*, si cor eorum nullos sensisset ad bonum amplectendum internos stimulos? *Subsumitur*: atqui hi ipsi interni stimuli proveniunt a Gratia Divina, non quidem semper efficaci: alias enim huic libere correspondissent: ergo saltem a sufficiente. Videatur desuper Herincx Part. 2. *Tract. 4. Disp. 1. Quest. 3. num. 17.* & audiatur Divus Augustinus Lib. 2. de peccat. merit. cap. 17. ubi ait: *Cum voluntate, NB. gratia adjuvante Divina, sine peccato in hac vita possis homo esse, cur non sis, possem facillime, ac veracissime respondere: quia homines nolunt.* Quid clarius pro gratia sufficienti?

#### §. XIV.

##### De reali Præsentia Corporis Christi in Eucharistia.

181. Inter illos, qui equidem Christum in terris verum DEUM, & hominem ex una parte  
Tomus II.

confitebantur; negabant autem ex altera, sub Eucharistia eundem vere, ac realiter contineri; primus, qui publice id asserere ausus fuit, communiter scribitur fuisse circa annum Christi 1050. Berengarius, exinde pariter Sacramentariorum Parens appellatus. Quamvis non desint alii, qui hunc errorem præcedenter jam aliis, præsertim alicui Joanni Scoto (non quidem nostro *Joanni Duns Scoto*, utpote realis existentie Corporis Christi in Eucharistia acerrimo propugnatori, ac primum ultra ducentos annos post Berengarium nato, sed longe alteri, nimirum *Joanni Scoto Erigena*) adscripserunt, ex cujus Libro, ad tempora usque Berengarii delitescente, demum ipsemet Berengarius, Patria Turonensis Gallus, suum deprompsit venenum, & Andegavi, ubi erat Archidiaconus, ubique diffudit. Liber ille memorati Joannis Scoti tempore Berengarii factus famosior, in Concilio Vercellensi productus, atque examinatus æque, ac pestifera Berengarii Doctrina, fuit condemnatus, ac demum Berengarius, Divino afflante Numine hæresin abjuravit, & Turonem reversus, in insula, quæ dicitur S. Cosmæ, per octo annos pœnitentiis corpus suum castigans, & in servitutem redigens, anno 1088. teste Sianda V. *Berengarius*, in bona opinione decessit: impedire tamen non potuit hæreticæ hujus doctrinæ sectatores Albigeneses, Wicleffistas, Zwinglianos, & Calvinistas &c. Contra hos itaque

182. Respondetur: Sub Eucharistia non tantum figurative, & per modum signi, sed vere, ac realiter continetur Corpus, & Sanguis Christi. Probat 1. Christus, quando in ultima Cœna porrexit Apostolis species panis, subjunxit Matth. cap. 26. & Luc. cap. 22. *Hoc est Corpus meum*, & non: *hoc figurat Corpus meum*; ergo sub speciebus panis vere continetur corpus Christi, & non tantum figurative, uti volunt Calvinistæ: nam debemus Verba sacre Scripturæ in sensu proprio accipere, quando citra aliquod absurdum sic sumere possumus; alias aperiretur porta Hæreticis, etiam ab antiquissima Ecclesia jam reprobatis, suos circa diversa Mysteria SS. Trinitatis, Incarnationis &c. renovandi errores. Confirmatur 1. Christus in ultima Cœna porrexit Apostolis illud corpus, quod postea fuit traditum ad crucifigendum, item distribuit illum sanguinem, qui fuit in Sacratissima Passione effusus; atqui Corpus Christi traditum, & sanguis effusus fuerunt verum Corpus & sanguis realiter, uti est de fide. neque negant Calvinistæ: ergo pariter fuit verum Corpus, & Sanguis in ultima Cœna. Major probatur; quia Christus teste D. Paulo 1. Corinth. cap. 11. v. 24. dum Apostolis in ultima Cœna ante suam Passionem porrexit corpus suum, hæc verba subjunxit: *Hoc est Corpus meum, NB. quod pro vobis tradetur.* & quando dedit sanguinem suum Matth. cap. 26. v. 28. *Hic est Sanguis meus, qui pro multis effundetur in remissionem peccatorum.* Confirmatur 2. Christus Apostolis in ultima Cœna, & nobis in novo Testamento utique plus voluit dare, quam Israelitis in Testamento antiquo; cum præcedentia fuerint præcise umbra futurorum: sed in figura Christum obtinuerunt etiam Israelitæ sub Agno Paschali, & sub Manna cœlesti in deserto &c. ergo Apostoli, & nos de facto non obtine-

mus amplius præcise in figura, ac signo, sicque realiter.

183. Probatur II. Ex praxi antiquissimæ Ecclesiæ; Etenim Ecclesia ante Berengarium, aut saltem ante memoratum Joannem Scotum Erigenam indubitate in ea perstitit sententia, nimirum Corpus Christi realiter existere in Eucharistia; hincque sacram Hostiam in Liturgiis, seu Missis post peractam consecrationem adorare numquam dubitavit: *nemo illam Carnem manducat* (loquitur de suo tempore S. Augustinus in Psalm. 98.) *nisi prius adoraverit*. Est autem incredibile, quod Christus Ecclesiam suam sponsam dilectissimam etiam primis seculis in tam gravi Idololatriæ errore reliquisset, si corpus Christi a parte rei non foret realiter præfens in Eucharistia. Scio quidem, quod Claudius non adeo pridem Sacramentariorum Minister in Gallia effutire non erubuerit, primum circa annum 810. Paschasium Monachum Corbejensem in suo libro de Corpore, & Sanguine Christi introduxisse realitatem Corporis Christi in Eucharistia, antea in Ecclesia inauditam. Sed falsissimum hoc esse, patet ex ipsis verbis dicti Paschasii, qui Lib. 12. in Matthæum apud nostrum Franciscum Henno *Tract. de Eucharistia, Quæst. proæmiali Art. 3. conclus. 3.* sic loquitur: *Miror, quod velint NB. nunc quidam dicere, non in re esse veritatem Carnis Christi, vel Sanguinis, sed in Sacramento virtutem Carnis, non carnem, virtutem sanguinis, & non sanguinem, figuram, & non veritatem, umbram, & non corpus.* En! Paschasius miratur, NB. nunc (id est suo tempore) NB. esse quosdam, qui velint negare existentiam Corporis Christi in Eucharistia: qua veritate ergo asseritur, præfatum Monachum primum introduxisse hanc sententiam de existentia reali Corporis Christi in Eucharistia? qua prudentia credi potest, totam Ecclesiam illico absque aliqua decisione Pontificia, vel Concilii decreto unius Monachi opinionioni acquievisse, si Eadem cum SS. PP. integris octo seculis antea contrariæ fuisset sententiæ? Interim ex verbis formalibus dicti Monachi Paschasii colligo, quod vel Joannes Scotus Erigena jam vixerit ad initium seculi noni, id est circa annum 820. fueritque inter illos aliquos, qui negarunt existentiam realem Corporis Christi in Eucharistia, vel quod eundem exiguo temporis spatio nonnulli minus celebres præcellerint in pestifera illa doctrina Calvinistica, quæ primum publice famosa fieri cœpit tempore Berengarii.

184. Probatur III. Ex antiquissimis Conciliis & SS. PP. Sic enim Nicænum I. Lib. 3. Cap. de sacra mensa, ait: *Intelligamus, situm in illa sacra mensa Agnum illum DEI, tollentem peccata mundi, incruentum a Sacerdotibus immolatum, & pretiosum Ejus Corpus & Sanguinem NB. vere sumentes credamus, hac esse nostræ Redemptionis symbola.* Nicænum II. actione 6. postquam fuisse ostendit, nullum Apostolorum, aut illustrium Patrum vocasse Eucharistiam *imaginem*, seu (quod idem est) *figuram* Corporis Christi, tandem ita concludit: *Dixit (supple Christus) accipite, edite, hoc est corpus meum &c. non autem dixit: sumite, edite imaginem corporis mei.* Cum Christus ipse sic assermet (inquit S. Cyrillus Catechesi 4. Mystagogia) atque dicat de Pane: *hoc est corpus meum, quis deinceps audebit ambigere?* Similiter S. Damas-

scenus Lib. 4. Orthodox. fidei cap. 14. *Nec panis, & vinum corporis Christi figura sunt (absit enim hoc) verum ipsummet Domini corpus Divinitate fectum.* S. Chrysostomus loquens de Calice Domini in Epistolæ 1. caput 10. Apostoli ad Corinthios quærit: *Quid est in Calice?* & sibi met ipsi respondet: *Quod ex latere Christi fluxit.* S. Augustinus Prologo in Psalmum 33. tanquam aliquod miratione dignum proponit, quod Christus in ultima Cæna corpus suum in manibus suis portaverit; ubi utique mirandum non fuisset, si ibi extitisset tantummodo Christi Corpus figurative tale; nam statuat, seu imaginem se representantem quilibet portare potest. S. Hilarius Lib. 8. de Trinitate: *Carnis, & Sanguinis non est relictus ambigendi locus; nunc enim & ipsius Domini professione, & fide nostra NB. vere caro, & vere sanguis est.* Notetur hic denuo superius jam citata Confessio Calvinistarum Gallica apud Pichler de Conciliis num. 10. taliter ponens 6. symboli sui Articulum: *Admittimus, quod determinatum fuit per antiqua Concilia, & detestamur omnes Sectas, & hæreses; quæ rejectæ fuerunt per Sanctos Doctores, ut per NB. Sanctum Hilarium, Sanctum Athanasium, Sanctum Ambrosium, NB. Sanctum Cyrillum.*

185. Objicitur I. Christus in sacra Scriptura dicitur etiam *Agnus, Leo de tribu Juda, Vitis vera, Panis de Cælo descendens* &c. & tamen similia prædicata sumuntur tantum improprie, utpote quæ Christo competunt solummodo tropice, & sub aliqua figura: ergo etiam a pari ex eo, quod Christus in ultima Cæna dixerit: *Hoc est Corpus meum*, non sequitur, fuisse sub pane verum corpus reale Christi, sed tantum improprie, & per modum signi rememorativi, atque figurative tale. Respondetur distinguendo Anteced. quoad secundum membrum: Similia prædicata *Leo, Vitis, Agnus, Panis* (supple materialis) &c. &c. sumuntur tantum improprie, & hoc ideo, quia aliunde ex S. Scriptura, & fide noscitur, quod Christus non sit realiter *Leo, panis materialis, vel vitis* &c. sed potius verus Homo, Conced. secus negatur Anteced. & similiter distinguitur consequens, ex eo, quod Christus dixerit, *hoc est corpus meum*, non sequitur sub speciebus panis existere corpus reale Christi, si aliunde ex S. Scriptura, vel ex fide &c. sciretur contrarium; nimirum non contineri sub speciebus panis corpus Christi, conced. consequentia, secus negatur consequentia. Debemus enim juxta dicta in prima probatione verba sacre Scripturæ tamdiu in sensu proprio sumere, quamdiu aliunde nos non docuit necessitas detorquendi in sensum improprium, qualis necessitas in præfenti non adest: cum ex una parte non possit ostendi implicantia replicationis ejusdem corporis juxta dicta in Philosophia; ex altera vero pro reali existentia Christi in Eucharistia stent textus Sacre Scripturæ, plurima Concilia, SS. Patres veteres, & praxis antiquæ Ecclesiæ. Scio equidem, quod aliqui ex SS. PP. antiquis Sacramentum Eucharistiæ nominent *Symbolum*, seu *Signum* &c. ubi tamen, ne sibi contradicant, no de Symbolo, seu signo speculativo, sed de signo practico, in quo ipsum signatum, nempe Christus realiter continetur, sunt intelligendi, Insuper

Insuper potest sacra Eucharistia dici symbolum &c. quatenus est memoriale passionis, & mortis Domini nostri Jesu Christi. Ex quo prorsus nil contra nos sequitur.

186. Objicitur II. Si caro Christi esset in Eucharistia realiter, tunc haberet aliquem specialem effectum utilitatis; ad quid enim alias ibidem cum tanto miraculo poneretur? atqui nullum habet effectum utilitatis, nam *spiritus est, qui vivificat* (quando nempe panis iste figurativus spiritualiter fide manducatur) *caro non prodest quidquam*, teste Ipsomet Christo Joan. cap. 6. v. 64. ergo. Respond. neg. min. etenim specialem hujus sanctissimæ carnis manducatae utilitatem Christus ipsemet loco proxime citato indicat, dum v. 55. ait: *Qui manducat meam carnem, & bibit meum sanguinem, habet vitam æternam*. Quod autem eodem capite v. 64. subjungat, *caro non prodest quidquam*, intelligendum id est de carne Christi sumpta absque spiritu, & absque fide; item de carne manducata sub specie visibili, & modo carnali, puta concisa dentibus &c. non autem de carne Christi sub speciebus panis modo spirituali, seu definitive, & compenetratis ubique ad invicem partibus existente, & tali modo sumpta. Videatur desuper fufius Cornelius a Lapide in citatum textum.

187. Objicitur III. Si Christus cum corpore, & anima, humanitate & Divinitate realiter existeret in Eucharistia; tunc etiam post gloriosam ascensionem Christi in cœlos adhuc semper eundem haberemus nobiscum in terris; sed post gloriosam ascensionem eundem non semper habemus nobiscum in terris, teste Ipsomet Matth. cap. 26. v. 11. ibi, *Me autem non semper habetis*; ergo. Respond. Disting. Maj. haberemus nobiscum adhuc Christum modo visibili, & circumscriptive in terris existentem neg. Maj. modo invisibili, ac definitive conced. Maj. & similiter distincta minori, negatur consequentia. Quod autem Christus semper nobiscum sit modo saltem invisibili, fatetur Is apud eundem Matthæum cap. ult. v. 20. *Ego vobiscum sum omnibus diebus, usque ad consummationem seculi*.

188. Objicitur IV. Ex concessione realis existentie Christi in Eucharistia sequerentur plurima inconvenientia; atqui ea in reverentiam Christi atque non possunt admitti: ergo. Sequela Majoris probatur; sequeretur enim 1. Christum per os hominis descendere in stomachum sæpe variis spurciis adhuc repletum. 2. Exinde omitti in secesum. 3. Integrum Virum cum carne, & ossibus intra brevissimum temporis spatium deglutiri. 4. Possè eundem projici in Cloacam, putrescendo abire in vermes &c. quæ omnia sunt inconvenientia: ergo. Ad has objectas absurditates, quasi ex admissione realis existentie Christi in Eucharistia sequerentur, terminis modestis, fundate tamen respondet Pichler hic, negando absurdum esse id, quod Christus ipsemet juxta probationes jam in responsione allegatas fieri voluit, cupiens ex summo erga nos amore intime nobiscum uniri. Neutiquam a nostra abhorret vilitate, qui pro nobis quasi malefactor duos inter latrones voluit crucifigi; nec a nostro nauscat stomacho &c. cum Ipse nil amplius pati queat in Eucharistia, partim, quia corpus ejusdem jam est gloriosum in cœlis: partim, quia compenetratis in ordine ad locum ad invicem

inter se partibus modo quasi spirituali (uti loquuntur Theologi) in Eucharistia, imo etiam in minima particula existit, & consequenter facile deglutiri potest. Porro qui indigne tractant Corpus Christi, peccant quidem gravissime, a parte rei tamen Corpori ejusdem glorioso nullum realem dolorem causant. Si in Cloacam, vel alium immundum locum deveniat, tam parum fœdatur Christus, quam parum polluitur Deus qua talis ubique, & consequenter etiam in fœditissimis locis existens, aut radius solaris cloacam pertransiens. Nec Christus computrescit, aut in vermes abit. Similia enim non amplius Christum, in cœlis jam gloriosum, afficiunt, sed duntaxat species Eucharisticas, ubi Deus in defectum substantie panis, stante simili specierum corruptione aliam substituit. Plura videre poteris apud P. Henno Tract. de Eucharistia, fufius in Quæstione Procemiali desuper tractantem.

## §. XV.

### A P P E N D I X,

*Continuus modum disputandi cum Protestantibus Romani Imperii, puta cum Lutheranis, & Calvinistis; ubi etiam succincta, solida tamen pro veritate Catholica contra Protestantes inseruntur Principia.*

189. Quæ. I. An, & quomodo consulatur disputatio cum Protestantibus? Respond. 1. publicam & solemnem cum ipsis disputationem institueri in Romano Imperio absque speciali licentia legitimorum tam in Ecclesiasticis, quam politicis Superiorum non licet. Ratio est; quia posset exinde oriri in fide prostitutio, & magna quoad quietem publicam perturbatio, adeoque necesse est, prius ad utrosque recurrere Superiores. Respondetur 2. Equidem in Jure Canonico etiam privata disputatio cum Hæreticis absque Superiorum facultate instituenda prohibetur, Clericis quidem *Can. cum quibus. 24. Q. 3.* Laicis autem *cap. quicumque. 2. de Hæreticis in 6.* In Germania autem, ubi Protestantes sunt tolerati, Decreta ista non sunt recepta, vel saltem quoad hoc punctum usu contrario abrogata; cum passim videamus similes Disputationes institui, etiam a timoratis, absque scrupulo, & anxietate. Optandum tamen, ut semper debite adhibeantur cautelæ. Respond. 3. Si Hæretici sunt materiales, ac tales, respectu quorum prudens affulget spes conversionis, salubriter (præcedente Divinæ gratiæ Invocatione) cum ipsis ex sancto, non vano fine instituitur disputatio; amicalis tamen, &, si fieri potest, remotis aliis, ob quorum præsentiam fortassis alius, ne coram illis confundantur, pressius suæ doctrinæ adhererent. Ratio eruitur ex principiis Christianæ Charitatis. Respond. 4. Si apud Hæreticos præcisè materiales non appareat prudens spes conversionis, consultius disputatio cum ipsis intermittitur. Ratio est; quia in tali casu nil boni, illud autem mali evenire posset, ut ex materiali fieret Hæreticus formalis, sicque formaliter delinqueret, qui antea tantum materialiter peccavit. In hoc prudenter ages, si talem materiale Hæreticum in discursu familiaris suaviter disponas ad eliciendam sæpius de suis peccatis perfectam contritionem; ita enim, si forsan



peccatorum quoque carnis, vel aliorum gravium præter defectum fidei reus esset, adhuc salvari posset. Respond. 5. Si Hæreticus fuerit formalis, effrons, & pertinax, obsequendum est consilio D. Pauli ad Titum cap. 3. v. 9. *Hæreticum post unam, & secundam correptionem devota.* Non enim foret spes alicujus fructus, nisi alii forsan præsentis utilitatem exinde caperent, vel nonnulli ex intermissione Disputationis hujusce inciperent in fide vacillare. Supponitur autem hic, te alias capacem, & sufficienter pro simili certamine esse instructum.

190. Quæ. II. An consultius sit in tali disputatione se habere potius defensiva, quam aggressiva? Respond. ordinariè loquendo melius, ac consultius aget, qui in tali certamine se potius defensivè, quam aggressivè gerit, rejiciendo onus probandi in Protestantes. Cum enim hi dicant, nostram Ecclesiam primis seculis veram successu temporis defecisse, factamque esse meretricem illam Babylonicam, de qua in Apocalypsi, ipsis incumbit, assertum suum probare, nobisque in possessione existentibus ex Sacra Scriptura defectum hunc, & errores contra fidem ostendere.

191. Quæ. III. Quomodo se gerere debeat Catholicus ille, qui in disputatione cum Protestante se habet defensivè? Respond. in primis ex Protestante interroget, ex quibus Principiis probet, nostram Ecclesiam defecisse, & in errores contra fidem prolapsam esse. Illico respondebit ille: ex Scriptura; nam ad hanc Protestantes refugunt, accumulantes, ac etiam capillis (uti dicitur) ad suum intentum attrahentes Sacra Scripturae textus. Sed ulterius quærendo urgeat Catholicus, cum ex terminis, & de fide per se notum non sit, quod Codex ille, quem Sacram Scripturam ajunt, sit verbum Dei, quomodo id contra Judæos, qui Thalmud, & contra Machometanos, qui Alcoranum credunt potius esse Verbum Divinum, efficaciter suum intentum probare queat? Experieris, quod jam hallucinentur Protestantes, coacti ad traditiones, quas alias negant, refugere, & ad alias notas Ecclesiae Christianae, quæ eandem præ aliis tamquam veram distinguunt. Ulterius concessio contra Christiani Nominis hostes Sacro Codice tamquam Verbo Divino, indaget secundo: quoniam ante disputationem cognosci debet, quinam Libri Scripturae sint Canonici, undenam sciant Protestantes, quod potius Eorum Canon, seu Catalogus librorum, quam noster, contineat Verbum Divinum, cum tamen Catalogum nostrum Concilium Tridentinum desumpserit ex Florentino: Florentinum a Romano, celebrato sub Gelasio I. Pontifice; Gelatius ab Augustino: Augustinus a Concilio Carthagenensi: Concilium Carthagenense ab Innocentio I. Papa, in Epistola ad Exuperium, qui Innocentius vixit circa annum Christi quadragesimum secundum, adeoque primis respectivè quatuor seculis? Sane ex ipsa Scriptura Protestantes in æternum non probabunt legitimos Libros Canonicos Sacrae Scripturae; itaque refugere necesse erit ad Auctoritatem Ecclesiae nobis hunc Canonem proponentis. Cur autem præ Ecclesia Catholica in hoc puncto deberet respici Ecclesia Protestantium?

Instet tertio, cum intra ipsum Corpus Religionis Christianae exortæ sint variae hæreses, ubi quilibet

in suum favorem adducit textus Sacrae Scripturae, Cuinam competat Auctoritas authentice suos textus interpretandi? Nec Calvinus Luthero, nec inter Lutheranos rigidi moderatis, nec inter Calvinistas Remonstrantes, ac Sociniani Gomoristis in allegandis sacri Codicis textibus, atque apparentibus rationibus ullatenus cedent; nisi admittatur Caput supremum aliquod visibile, sine, vel saltem cum Ecclesia hæc dubia decidens. Cur ergo excludunt Summum Pontificem quasi Anti-Christum? Profecto in æternum Protestantes ex ipsa Scriptura non poterunt demonstrare Catholicis, solam fidem justificare, seu salvare, cum hi illico alios copiosos opponant Sacrae Scripturae, & antiquorum Sanctorum Patrum textus, qui similiter Charitati, aliisque bonis operibus remissionem peccatorum, & æternam salutem attribuunt. Quorsum ergo pro resolutione recurrendum, nisi ad supremam Cathedram, a qua sese Protestantes sine sufficienti causa separarunt?

192. Quæ. IV. Quid observare debeat Catholicus, qui cum Protestantibus disputat aggressivè? Respond. talis non facile debet descendere ad materias particulares e.g. de Confessione auriculari, de Communione sub una specie, de reali præsentia Christi in Eucharistia &c. vel de transsubstantiatione &c. Itaque suadet, ut potius regulariter loquendo, & nisi circumstantiæ aliud exigant, maneat in principiis generalibus; nimirum quod vera Ecclesia in fide non possit errare; Item quod nostra sit vera Ecclesia, & quod aliae Religiones non habeant notas veræ Ecclesiae &c. &c. nam ex his principiis generalibus possunt probari singuli articuli Catholicorum. E.g. sit disceptatio, utrum præter fidem bona opera sint necessaria ad justificationem, & salutem æternam, ut probetur sententia affirmativa, sequens argumentum formari, & ad quemlibet articulum fidei nostræ in minori applicari posset taliter proponendo:

*Omnia illa, quæ vera Ecclesia Christi docet requiri ad justificationem, & salutem, sunt necessaria ad eandem;*

*Sed vera Ecclesia Christi docet, requiri præter fidem bona opera ad justificationem, & salutem;*

*Ergo præter fidem bona opera sunt necessaria ad eandem.*

*Major patet.*

Quia juxta Sacram Scripturam vera Ecclesia est *columna Veritatis*, posita *supra Petram*, adversus quam Porta inferi non prævalebunt, consequenter in iis, quæ concernunt fidem, seu quæ nostram concernunt justificationem, & salutem, nequit errare, & falsum docere. Et plane alias Fideles in vera Ecclesia numquam quiete vivere possent, utrum non in præscriptis ad Salutem consequendam ab Ecclesia Regulis decipiantur, & inducantur.

*Minor probatur.*

*Ecclesia Catholica Romana docet, præter fidem requiri bona opera ad justificationem & salutem;*

*Sed hæc est vera Christi Ecclesia, usi ex notis vera Ecclesia mox ostendetur: ergo.*

193. Quæ. Itaque V. Quænam sint illæ Notæ veræ Ecclesiae? & quomodo probetur, easdem habere Ecclesiam Catholicam? Ante Responsiones præ-



præsciendum 1. Notam esse signum, quod ducit, vel ducere potest in cognitionem alterius; ex quo eruitur, quod Nota debeat respectu nostrum esse notior, quam id, cuius est nota, seu signum. Præsciendum 2. Gratis A catholicis concedi, apud veram Ecclesiam existere purum Verbum DEI, & legitimam Sacramentorum administrationem, utrum autem his competat definitio Notæ superius descriptæ, quæstio est, ad quam

Respond. I. Notæ veræ Ecclesiæ non bene a Protestantibus assignantur pura, & inconcussa prædicatio Evangelii, atque legitima administratio Sacramentorum. Ratio est, quia qualibet secta ex Religione Christiana hæc duo sibi attribuit; ergo debet primum per aliquod notius ostendi, quænam ex his, utrum Calvinistica, vel Lutherana, aut Religio Catholica prædicet purum Verbum Divinum, & legitime administret Sacramenta. Confirmatur; ut prædicetur purum Verbum Divinum, debet illud prædicari juxta legitimam interpretationem textuum: ergo iterum debet primum ex alio constare, quisnam illos legitime interprete- tur; nam & que Calvinistæ, ac Lutherani, Zwingliani, Ariani, & Sociniani &c. &c. sibi legitimam interpretationem sacræ Scripturæ attribuunt.

Respond. II. Notæ veræ Ecclesiæ sunt præcipue quatuor. 1. ut sit *Una*, 2. *Sancta*, 3. *Catholica*, & 4. *Apostolica*. Ita memorata prædicata Ecclesiæ veræ appropriat partim Symbolum Apostolorum, partim Nicænum, quod utrumque admittant Protestantes. Accedit, Confessionem Augustanam Art. 7. ipsammet fatari, quod *una, sancta Ecclesia perpetuo mansura sit*; consequenter admittunt, veram Ecclesiam debere esse *unam, sanctam*, (& cum perpetuo mansura sit) *Apostolicam*, quam etiam Art. 21. vocant *Catholicam*. Videatur Reifsenstuel *Tract. 4. Theologia Moral. Diss. 3. Q. 2. n. 12.*

194. Respond. III. Hæc quatuor Notæ competunt Ecclesiæ Romano-Catholicæ, prout patet lucin- cincta enumeratione. *In primis* enim est *una* unitate Fidei, nec aliud credunt in Indiis, quam in Europa, nec diversum in Asia, ac in Africa, ibidem existentes Romano-Catholici, utpote ubique habentes eundem supremum Controversiarum Fidei Judicem. Lites inter Catholicos Theologos non con- cerunt punctum Fidei, ac insuper utraque Pars se submittit Ecclesiæ, si aliter, ac sentiunt, decidatur. *Secundo* est *sancta*, cum ob sanctitatem Doctrinæ magis coarctata, quam relaxans libertatem humanam, alias ob fomitem peccati & mala prouissima: Tum propter sanctissimos Viros in hac Ecclesia existentes, quales sunt Hieronymus, Ambrosius, Chrysostomus, & Augustinus, qui ultimi tantum eam, in qua vixit (id est nostram) æstimavit Ecclesiam, ut Lib. contra Epist. fundam. cap. 3. dicere non dubitaverit; *Evangelio non crederem, nisi me Catholica Ecclesia com- moveret Auctoritas*. *Tertio* Ecclesia nostra est *Catholica*, seu per totum terrarum orbem diffusa, prout in omnibus quatuor mundi partibus inveni- tur ubique prædicans Evangelium, etiam cum copiosa sæpius effusione sanguinis. Quare in locis, in quibus cum Protestantibus permixti vivi- mus, ubinam degant Catholici, vel quænam sit eorundem Ecclesia, & illico tibi via monstrabitur ad nostram. *Quarto* Ecclesia nostra est *Apostolica*, seu

a Christo, & Apostolis per continuam legitimam successionem derivata. Probatur: Ecclesia nostra primis seculis fuit Apostolica, & de facto non potest ostendi, quod a Doctrina Christi, nobis per Apostolos communicata, successu temporis recesserit: ergo adhuc manet Apostolica. Anteced. quoad 1. partem admittitur ab ipsismet, in quantum scio, Adversariis. Et quæso, ad quam aliam Ecclesiam illo tempore pro audiendo puro Verbo Dei, & legitima administratione Sacramentorum debuisset recurri, nisi ad eam, in qua erat prima sedes Petri? Unde cognosci potuisset primis statim duobus seculis, Ebionitas, Nicolaitas, Montanistas, Gnosticos &c. juste fuisse ab Ecclesia reprobatos, si Caput Ecclesiæ fuisset illegitimum, & spurium? Quoad secundam partem, quod successu temporis non defecerit nostra Ecclesia, probatur; quia nec potest assignari tempus hujus defectionis, in quo assignando mire inter se disconveniunt Protestantes; Neque locus, in quo illa vera Ecclesia ante Lutherum, & Calvinum post primæ seculi exitum, si nostra defecisset: Insuper argumenta contraria, quibus errores ostendere conantur, facile solvuntur. Quare finaliter Ecclesia Romano-Catholica inconcussa in sua manet possessione, & Protestantes unico constringuntur Syllogismo sequenti:

*Congregatio illa, quæ est Una, Sancta, Catholica, & Apostolica, est vera Ecclesia;*  
*Sed Congregatio Romano-Catholicorum est Una, Sancta, Catholica, & Apostolica;*  
*Ergo Congregatio Romano-Catholicorum est vera Ecclesia.*

165. Quæritur ultimum, An non possint pariter afferri succincta aliqua Principia, quibus efficaciter impugnatur Secta Protestantium? Respondeo, sequentes Syllogismos efficaciter impugnare Sectam Protestantium.

## SYLLOGISMUS I.

*Haec Ecclesia non est vera, quæ docet errores jam ab Ecclesia antiqua primis seculis proscriptos;*  
*Sed Ecclesia Protestantium docet errores primis seculis jam proscriptos;*  
*Ergo Ecclesia Protestantium non est vera.*

*Minor probatur.*

Protestantes in primis docent, solam fidem conferre justificationem, & salutem, non autem ullatenus ipsa opera bona. Idem docuit Simon Magus anno Christi 40. testibus S. Irenæo adversus Hæreses cap. 20. & Theodoretus Lib. 1. Hæres. fab. Idem Aetiani, seu Ennomiani teste S. Damasceno Lib. de Hæres. quos damnavit Ecclesia circa annum Christi 360. teste S. Augustino hæres. 54. *Secundo* Protestantes rejiciunt cultum Religiosum, & invocationem Sanctorum. Idem docuit Faustus Manichæus teste S. Augustino, & Vigilantius teste S. Hieronymo, aliique plures; propterea ab Ecclesia antiqua damnati, testibus Cedreno, ac Nicephoro apud Pichler in Appendice Art. 9. *Tertio* irrident suffragia pro defunctis, quod idem fecerunt Aetiani, referente Divo Augustino circa annum 340. apud Sianda V. Aetiani. Nota hic, quod Aetiani sunt alii Hæretici, ac Aetiani.

SYL-

## SYLLOGISMUS II.

*Ille Ecclesia non est vera, quæ non est Una;  
Sed Ecclesia Protestantium non est Una:  
Ergo Ecclesia Protestantium non est vera.*

Major patet ex dictis superius, uti pariter minor, dum præcedentibus paragraphis jam indicavimus, quomodo Lutherani Calvinistas, & ex ipsis Lutheranis Ambsdorffienſes Confessionistas &c. ex Calvinistis Remonstrantes Contra-Remonstrantes &c. &c. rejiciant, & gravissimorum errorum arguant. Conveniunt circa annum 1568. ex ordinatione Augusti Electoris Saxonie, & Joannis Guilielmi Ducis Saxonie duodecim Theologi Lutherani, sex Electorales, & totidem Ducales, ut finem imponerent periculosis inter se litibus circa justificationem, liberum arbitrium &c. est aliud actum non est, quam quod mutuis sese diſtictis laceraverint, vocando se adinvicem vel *Manicheos*, vel *Epicureos*, *falsarios impios*, *errorum*, & *corruptelarum palliatores* &c. &c.

## SYLLOGISMUS III.

*Ille non est Ecclesia vera, quæ non existit tempore Christi, & Apostolorum; Sed Ecclesia Protestantium non existit tempore Christi, & Apostolorum:*

*Ergo Ecclesia Protestantium non est Ecclesia vera.*

Major patet, quia Ecclesia vera debet esse Apostolica, & durare usque ad consummationem seculi. Minor probata fuit antecederet: Nam Lutherani, & Calvinistæ tempore Apostolorum nec quoad nomen, nec quoad doctrinam suam extiterunt. Vel ostendant nobis efficaciter ex *Sacra Scriptura*, quod Doctrina e. g. adscribens soli fidei justificationem jam fuerit Doctrina Christi, & Apostolorum &c. ergo

## SYLLOGISMUS IV.

*Ille non est Ecclesia vera, quæ non est Ecclesia Sancta;  
Sed Ecclesia Protestantium non est Ecclesia Sancta:  
Ergo Ecclesia Protestantium non est Ecclesia vera.*

*Minor probatur.*

Etenim Ecclesia Protestantium non est Sancta a suis Auctoribus Luthero, & Calvino, quorum vita ex authenticis Scriptoribus desumpta superius ad nauseam usque legi poterit: neque est sancta sanctitate Doctrinæ, quæ Sacerdotibus uxores, Principibus bona Ecclesiastica multorum Episcopatum, singulis comestionem carnis tempore jejunii concessit, tollendo Quadragesimam &c. Profecto non invenio sanctitatem in illa doctrina, quæ in uno die mille non curat fornicationes, dummodo conservetur fides in Christum. Ita docet Lutherus, de quo vide hac capite num. 25. Fufius P. Pichler *part. v. Theolog. Polemica. cap. 1. & 2. per totum.*

O. A. M. D. G.

## CAPUT III.

## Comprehendens

*Propositiones damnatas Michaelis Baji, Cornelii Jansenii, & Paschasii Quæsnellii, a potiori*

## THEOLOGIAM SPECULATIVAM CONCERNENTES.

**E**TI Theologia speculativa in contemplatione rerum Divinarum, DEI nimirum Unius in Essentia, & Trini in personis, Verbi Divini incarnati &c. sese potissimum occupet; non tamen juxta modernam Scholasticorum methodum alias quoque a sua speculatione excludit materias, quin accuratius de iisdem e. g. de *gratia*, & *libero arbitrio*, de *meritis*, atque *peccatis* examen instituat. Quare cum præsentibus Propositionibus damnatarum circa proxime allegatas materias ex una parte versentur; ex altera vero Auctores ipsimet necdum ab Ecclesia (uti Lutherus, & Calvinus) tamquam formales hæretici declarentur, merito potius ad hoc tertium, quam ad secundum Caput reducuntur.

## §. I.

*Præmittuntur Notanda Generalia circa Propositiones damnatas Michaelis Baji, Cornelii Jansenii, & Paschasii Quæsnellii, seu (ut vulgo scribi solet) Quæsnellii.*

1. Notandum I. Omnes tres in titulo paragraphi allegatos sese, ac Doctrinam suam Sanctæ Romanæ Catholicæ Ecclesiæ submisisse, ita tamen, ut Paschasius Quæsnellius in sua a Papâ ad futurum Generale Concilium appellatione ad mortem usque perſisteret, cujus fidei professio quatuor diebus ante obitum emissa sic sonat:

*Ego infra scriptus Paschasius Quæsnellius natus Parisiis, Presbyter Oratorii Gallie, lecto decumbens, graviter infirmus, & fortassis brevi supremo Judici redditurus rationem omnium vite mee actionum declaro, quod sequitur. Credo omnes veritates, quas JESUS Christus docuit Ecclesiam suam, cujus in sinu mori volo, & cum qua damno omnes errores, quas illa condemnaverit. Agnosco summum Pontificem Primum JESU Christi Vicarium, & Apostolicam sedem centrum unitatis. Declaro, quod nihil unquam intenderim dicere, nihil scribere, nec cogitare contrarium illi, quod sancta Ecclesia Catholica credit, aut docet: vel reverentia, quam humilissimi Ecclesiæ Filii ejus decisionibus ejus debent. Quod attinet ad meum librum reflexionum Moralium in novum Testamentum, declaro, quod, dum eum componerem, nec minimam unquam cogitationem habuerim aliquid ibi ponendi, quod Ecclesiæ sensui esset oppositum, vel haberet connexionem cum perniciosissimis erroribus, aut perversis intencionibus, qui mihi imputati fuerunt tum Roma, tum in Galliis, quosque toto corde detestor: sed quod sola intentio, quam habui eum componens, fuerit exhibere Ecclesiæ modicum quoddam obsequium instruendo fideles: quod perseverem in ea opinione, quod nihil docuerim in meo libro reflexionum moralium, nec in aliis scriptis meis, quod non sit summe conforme Ecclesiæ fidei. Casu quo tamen*

tamen contra meam intentionem aliquid mihi excidisset, quod esset illi contrarium, id revoco, atque detestor, submitiendo me insuper omnibus illis, qua definit Ecclesia circa scripta mea, meamque personam: quod renovem meas querelas, ac protestationes, quas feci contra injustitiam manifestam eorum, qui me condemnarunt, absque eo, quod me audissent, aut a me in meam defensionem scripta legissent; quod persistam in appellatione ad futurum Generale Concilium, quam interposui a Constitutione N. S. P. Papa, que incipit his Verbis: Unigenitus Dei filius & ab omnibus gravaminibus, de quibus justitiam mihi fieri ab Ecclesia petii: quod tandem detester omnem spiritum schismatis, & divisionis. Hi sunt sensus animi mei, quibus immori volo in communione, & unitate Ecclesia Catholica, Apostolica, & Romana. Actum Amstelodami in presentia Protonotariorum Apostolicorum, & testium requisitorum. 28. Novembr. anno 1719.

2. Notandum II. Paschasium Quesnellium in hac fidei Professione longe audaciorem fuisse suis antecessoribus Bajo, & Janzenio. Etenim Michael Bajus, absque ullius appellationis ad aliquod Concilium interpositione anno 1580. 24. Martii ingenue fassus est, a Summis Pontificibus suarum sententiarum damnationem, atque prohibitionem jure, meritoque, ac non nisi maturo judicio, & diligentissima discussione præmissis, factam, atque decretam esse: ubi etiam in fine declarat, se ab iis omnibus recedere, & damnationis a Sancta sede factæ acquiescere, neque posthac ullam earum docere, aut defendere vellet, prout totam confessionem Verbotenus refert noster Herincx in appendice ad II. Sent. fol. 8. Item Cornelius Janzenius testamento, quod media ante obitum hora perfecisse scribitur, expresse hæc formalia inseruit: *Sentio quidem, difficulter aliquid mutari posse: si tamen Romana Sedes aliquid mutari velit, sum obediens filius illius Ecclesie, in qua semper vixi: usque ad hunc lectum mortis obediens sum. Ista mea postrema voluntas est.* Quin imo etiam jam antea in ipsomet suo libro *Augustinus* intitulato, se suaque omnia subjecit censuræ supremi Pastoris his verbis: *Quidquid ab ista Petri Cathedra, NB. ab isto universa Ecclesia Capite, Moderatore, Pontifice præscriptum fuerit, hoc teneo: quidquid improbatum, improbo: damnatum, damno: anathematizatum, anathematizo.* Ubi econtra Paschasius Quesnellius, etsi quoad Doctrinam suam presse insistat vestigiis Baji, ac Janzenii, noluit tamen ex integro quoad revocationem antecessorum sequi exemplum, utpote renuens obedire Mandato Summi Pontificis Clementis XI. per famosam Bullam *Unigenitus* expresse indicato, contra quam Bullam ad futurum Concilium Generale (nescio quo tempore futurum) appellavit.

3. Notandum III. Hanc ipsam Quesnellii appellationem omnibus Hæreticis servire tamquam universale refugium: nam appellare ad futurum generale Concilium est appellare ad Judicem, qui nunc non existit, & probabilissime non existet toto tempore, quo appellantes vitam suam ducunt; quoniam Generalia Concilia rarissime, & non nisi cum summis expensis, ac maximis difficultatibus celebrantur, hincque tales exinde haberent occasionem, amplissimam intra tantum temporis spatium

Tomus II.

latissime suam ulterius extendendi pestiferam doctrinam. Videatur de hoc Dominicus Viva, in *Trut. Thes. damnat. Part. 1. Quest. Prodroma. n. 7.* Accedit insuper, quod similibus Appellantibus, etiam congregato jam Concilio Generali, facile foret, illud quoque, si advertant sibi contrarium, novo astu eludere, quasi non esset legitimum, & liberum. Hoc refugio ad lucrandum tempus astute ulus erat Martinus Lutherus, qui præprians a Cardinali Cajetano ad Pontificem, exinde a Pontifice male informato ad melius informandum, ac demum a Pontifice ad futurum Concilium Generale appellavit; dumque advertit, neque hoc sibi fore favorabile, contra istud quoque excepit. Videtur fructum talis appellationis? Quare

4. Notandum IV. Dictum appellationis principium nullatenus a Catholicis esse admittendum, ne alias Ecclesia longiori sæpius tempore quoad controversias gravissimas fidei maneat incerta, & dubia, indeque plurimæ in eadem oriantur confusiones, perturbationes, & schismata. Itaque vel absolute est tenendum, summum Pontificem in materia fidei, & morum etiam se solo esse infallibilem, dummodo loquatur ex Cathedra, prout nos istam sententiam in Quæstionibus prolegomenicis defendimus, vel saltem, si cum non paucis Theologis Gallis summo Pontifici absque consensu Ecclesie hæc infallibilitas denegetur, adstrui debet ob rationes proxime allegatas, sufficere Ecclesie consensum quoad membra potiora etiam extra actuale Concilium Generale: Sic enim jam ante primum Generale Concilium (nempe Nicænum I.) damnatæ fuerunt hæreses Ebionitarum, Novatianorum, Sabellianorum &c. Item extra aliquod generale Concilium damnata fuit hæresis Pelagii teste Prospero in suo Chronico, nec non hæreses Priscilliani, Vigilantii, Joviniani, & aliorum, apud Bellarminum *Lib. 4. cap. 3.* quæ omnes enarratæ hæreses possent adhuc reclamare, si ad legitimam damnationem requireretur necessario congregatum Generale Concilium. Imo, quod plus est, nec ipsum Generale Concilium habet hanc infallibilem spiritus sancti assistentiam, nisi quatenus repræsentat totam Ecclesiam. Subsumitur: Atqui Ecclesia quoad membra potiora (paucissimis respectu Episcopatibus exceptis) consensit in Bullam Clementis XI. *Unigenitus*: ergo debet eadem recipi, & Doctrina Paschasii Quesnellii ibidem rejecta a veris Catholicis reprobari. In compendio contra Quesnellianos formatur sequens Syllogismus:

*Omnia, quæ summus Pontifex cum Ecclesia, in materia fidei, ac morum infallibilis, damnat, debent a veris Catholicis reprobari:*

*Sed summus Pontifex cum Ecclesia in materia fidei, & morum infallibilis, per Bullam, Unigenitus, damnat 101. propositiones Paschasii Quesnellii:*

*Ergo hæc centum & una propositiones debent a veris Catholicis reprobari.*

5. Notandum V. Bajanistas, & Janzenistas, quorum Auctores summo Pontifici, etiam soli, si loquatur ex Cathedra, non auri sunt denegare infallibilitatem, saltem in materia Juris, posse impugnari sequenti argumento:

*Quæcumque Summus Pontifex loquens ex Cathedra damnat, debent a veris Catholicis censeri legitime reprobata:*

I

Sci



*Sed Summus Pontifex loquens ex Cathedra damnat septuaginta novem Propositiones Michaelis Baji, & quinque Jansenii :*

*Ergo a veris Catholicis debent dicta Propositiones cense-  
ri legitime reprobata.*

6. Non equidem me latet, quidnam ad hunc Syllogismum reponant Bajanistæ, & Jansenistæ: nimirum has propositiones debere quidem a Catholicis censei legitime reprobata, *prout jacent in sensu obvio*, non vero *in sensu a Baji, & Jansenio intento*. Quoniam ultimum non amplius est quæstio juris, in qua admittunt summum Pontificem etiam extra Generale Concilium infallibilem, sed potius est quæstio facti, respectu cuius, ajunt, summum Pontificem ex mala aliorum informatione falli posse. Sed contra est *primo*, quod hanc ipsam Adversariorum evasionem Successores Pontifices Alexander VII. Innocentius XII. & Clemens XI. de novo reprobaverint, expresse addendo, se propositiones prædictas damnare etiam in sensu a suis auctoribus intento; uti per extensam hæc Bulla refertur §. VI.

Contra est *secundo*: Quod illæ ipsæ Propositiones Bajanæ, Jansenistæ, & Quiesnellianæ, prout continentur in Bullis eas damnantibus, & uti reperiuntur in Libris horum Auctorum, sint prorsus eadem in sensu communi significationis ex una parte; ex altera vero neque ex immediate antecedentibus, neque ex immediate subsequen-  
tibus per auctores ad alium, quam istum significationis sensum communem restringantur, uti summi Pontifices post diligens examen, & accuratissimam ad invicem collationem optime adverterunt: ergo si recte fuerunt damnatæ in sensu obvio, ac prout jacent, pariter fuerunt recte damnatæ in sensu ab auctoribus intento, utpote prorsus eodem.

Contra est *tertio*: Quod etsi verum sit, summum Pontificem in quæstionibus particularibus facti, & non pertinentibus ad communem Ecclesiæ fidem, Religionem, ac morum sanctitatem, posse falli, atque errare; hoc tamen falsum est in quæstionibus facti habentibus necessariam connexionem cum quæstionibus juris in puncto fidei, Religionis, & morum: alias enim eadem distinctione potuissent efficaciam damnationis facillime pariter eludere Pelagius, Vigilantius, Jovinianus, sicque in sinu Ecclesiæ tamquam serpentes in gremio Matris cum ingenti Ecclesiæ detrimento conservare sectatores suos dicendo, propositiones quidem illas fuisse recte damnatas, *prout jacent*; non tamen in sensu ab his auctoribus intento.

Contra est *quarto*: Generale Concilium cum supremo Capite in materia fidei est infallibile non solum in materia juris, sed etiam in materia facti: ergo etiam summus Pontifex loquens ex Cathedra extra Concilium Generale. Consequentia eruitur ex jam dictis; cum textus Sacræ Scripturæ æque, imo respective magis Petro, ac Successoribus tribuant assistentiam Spiritus Sancti, quam Concilio Generali representanti Ecclesiam &c. Antecedens vero probatur: alias enim Ariani, & Nestoriani adhuc possent defendere suam perniciosam hæresim, dicendo, se non bene a Conciliis, Nicæno, & Ephesino, quæ in quæstionibus facti pollunt errare, fuisse intellectos.

## COROLLARIUM.

7. Ex prioribus Notandis clare deducitur, quod contra propositiones damnatas Michaelis Baji, Cornelii Jansenii, & Paschalis Quiesnellii non tam necessaria sint particulares cuiuslibet Articuli probationes, quam earundem propositionum, ubi ratio exigit, declarationes: nam dum prædicti Romano-Catholicam veram agnoscunt Ecclesiam, neque ab ea sese separare intendunt; ista vero propositiones horum Auctorum infra specificandas rejicit etiam in sensu ab Auctoribus intento, con-  
sectaneum est, ut, si eorum submissio ex sincero corde procedat, pariter Ecclesiæ sese subjiciant Sectatores. Inde nihil superest, quam ut occurrente aliquo dubio explicetur, quomodo talis propositio sit intelligenda: quando autem sensus illius jam patet, a vero Catholico similis propositio tamquam falsa respuitur, & in praxi talis Doctrina evitetur. Nunc agendo de quolibet trium memoratorum singulariter, ponitur.

## §. II.

### *Vita Michaelis Baji.*

8. Michael Bajus Melini Ducatus Brabantiae prope Niccellam in Confinibus Hannoniae circa annum 1513. hanc lucem aspexit. Ad maturiorem perveniens ætatem tam illustra scientiæ Theologicæ Lovanii (ubi 40. annis docuit) dedit specimina, ut habitus tamquam Oraculum ad Sanctum Petrum Lovanii Decanus, ac tandem etiam Universitatis Cancellarius fuerit proclamatus, quem supremus Hispaniarum Monarcha Philippus II. suum declaravit Theologum, & ad Concilium Tridentinum destinavit. Famam suam, alias valde eximiam, post hanc Legationem non parum obscuravit datis ad typum scriptis plenis errorum, ex quibus 79. propositiones excerptæ a S. Pio V. Gregorio XIII. & Urbano VIII. fuerunt damnatæ, Ipse tamen Bajus non declaratus tamquam Hæreticus, utpote qui juxta jam dicta paragrapho præcedenti sese judicio supremi Pontificis submisit, ex hac vita decedens anno 1589. vel 1590. postquam septuaginta septem ætatis suæ annos numeravit.

## §. III.

*Propositiones LXXIX. Michaelis Baji damnata a S. Pio V. per Constitutionem: Ex omnibus & a Gregorio XIII. per Bullam, Provisionis nostræ.*

9. Pius Episcopus Servus Servorum Dei. ad peram rei memoriam. Ex omnibus afflictionibus, quas in hoc loco a Domino constituti tam luctuoso tempore sustinemus, ille animus nostrum præcipue excruciat dolor, quod Religio Christiana tantis jam pridem turbationibus agitata, novis quotidie propositis opinionibus conficitur, Christi que populus antiqui hostis suggestionibus diffectus, in alios, atque alios errores passim, & promissus deferatur. Quantum vero ad Nos attinet, totis viribus conamur, ut illi simul atque proficiant, penitus opprimantur: magno enim dolore afficimur, quod plerique spectata alioquin probitatis, & Doctrinæ in variis sententias, offensionis, & periculi plenas tum verbo, tum scriptis prorumpant, deque eis etiam in scholis invicem controversantur, cujusmodi sunt sequentes:

1. Nec



1. Nec Angeli, nec primi hominis adhuc integri merita recte vocantur gratia.

2. Sicut opus malum ex natura sua est mortis aeternae meritorium, sic bonum opus ex natura sua est vitae aeternae meritorium.

3. Et bonis Angelis, & primo homini, si in statu illo permansissent usque ad ultimum vitae, felicitas esset merces, & non gratia.

4. Vita aeterna homini integro, & Angelo promissa fuit intuitu bonorum operum, & bona opera ex lege naturae ad illam consequendam per se sufficiunt.

5. In promissione facta Angelo, & primo homini continetur naturalis iustitiae constitutio, quae pro bonis operibus, sine alio respectu, vita aeterna, iustus promittitur.

6. Naturali Lege constitutum fuit homini, ut si in obedientia perseveraret, ad eam vitam pertransiret, in qua mori non posset.

7. Primi hominis integri merita fuerunt primae creationis munera, sed juxta modum loquendi Scripturae Sacrae non recte vocantur gratiae; quo fit, ut tantum merita, non etiam gratiae debeant nuncupari.

8. In redemptis per gratiam Christi nullum inveniri potest bonum meritum, quod non sit gratis indigno collatum.

9. Dona concessa homini integro, & Angelo, forsitan non improbanda ratione possunt dici gratiae, sed quia secundum usum Scripturae nomine gratiae tantum ea munera intelliguntur, quae per Jesum male merentibus, & indignis conferuntur, ideo neque merita, nec merces, quae illis redditur, Gratia dici debet.

10. Solutionem poenae temporalis, quae peccato dimisso saepe manet, & corporis resurrectionem proprie non nisi meritis Christi adscribendam esse.

11. Quod pie, & juste in hac vita mortali usque in finem conversati, vitam consequimur aeternam, id non proprie gratiae Dei, sed ordinationi naturali, statim initio creationis constitutae iusto Dei iudicio deputandum est; nec in hac retributione bonorum, ad Christi meritum respicitur, sed tantum ad prioram institutionem generis humani, in qua Lege naturali institutum est, ut iusto Dei iudicio Obedientiae Mandatorum vita aeterna reddatur.

12. Pelagii sententia est: Opus bonum citra gratiam adoptionis factum, non est Regni Coelestis meritorium.

13. Opera bona a Filiis adoptionis facta non accipiunt rationem meriti ex eo, quod sunt per spiritum adoptionis, inhabitantem corda filiorum Dei; sed tantum ex eo, quod sunt conformia legi, quodque per ea praestatur Obedientia Legi.

14. Opera bona Justorum non accipient in die iudicii extremi amplio remercedem, quam iusto Dei iudicio mererentur accipere.

15. Dicit, rationem meriti non consistere in eo, quod, qui bene operatur, habeat gratiam, & inhabitantem Spiritum Sanctum, sed in eo solum, quod obedit Divinae Legi: quam sententiam saepius repetit, & multis rationibus, probat fere toto libro.

16. In eodem libro saepius repetit: quod non est vera legis obedientia, quae sit sine charitate.

*Tomus II.*

17. Dicit, sentire cum Pelagio, qui dicunt esse necessarium ad rationem meriti, ut homo per gratiam adoptionis sublimetur ad statum Deificum.

18. Dicit, opera Catechumenorum, ut fidem, & poenitentiam ante remissionem peccatorum factam, esse vitae aeternae merita, quam vitam non consequentur Catechumeni, nisi prius praecedentium delictorum impedimenta tollantur.

19. Videtur insinuare, quod opera iustitiae, & temperantiae, quae Christus fecit, ex dignitate Personae operantis non traxerit majorem valorem.

20. Nullum est peccatum ex natura sua veniale, sed omne peccatum meretur poenam aeternam.

21. Humanarum naturarum sublimatio, & exaltatio in consortium Divinae naturae debita fuit integritati primae conditionis, & proinde naturalis dicenda est, & non supernaturalis.

22. Cum Pelagio sentiunt, qui textus Apostoli ad Romanos 2. *Gentes, quae Legem non habent, naturaliter, quae legis sunt, faciunt*, intelligunt de gentibus, fidei gratiam non habentibus.

23. Absurda est eorum sententia, qui dicunt, hominem ab initio dono quodam supernaturali, gratuitoque supra conditionem naturae fuisse exaltatum, ut Fide, Spe, Charitate DEUM supernaturaliter coleret.

24. A vanis, & otiosis hominibus secundum insipientiam Philosophorum excogitata est sententia, hominem ab initio sic constitutum, ut per dona naturae superaddita fuerit largitate Conditoris sublimatus, & in Dei Filium adoptatus.

25. Omnia opera infidelium sunt peccata, & Philosophorum virtutes sunt vitia.

26. Integritas primae creationis non fuit indubitata humanarum naturae exaltatio, sed naturalis ejus conditio, quam sententiam repetit, & probat per plura Capitula.

27. Liberum arbitrium sine gratiae Dei adjutorio non nisi ad peccandum valet.

28. Pelagianus est error, dicere, quod liberum arbitrium valet ad ullum peccatum vitandum.

29. Non solum fures ii sunt, & latrones, qui Christum Viam, ostium Veritatis, & vitae negant, sed etiam quicumque aliunde, quam per Christum in viam iustitiae, hoc est, ad aliquam iustitiam conscendi posse dicunt.

30. Aut qui docent, tentationi ulli sine gratiae ipsius adjutorio resistere hominem posse, sic, ut in eam non inducatur, aut ab ea superetur.

31. Charitas perfecta, & sincera, quae est ex corde puro, & conscientia bona, & fide non ficta, tam in Catechumenis, quam in poenitentibus potest esse sine remissione peccatorum.

32. Charitas illa, quae est plenitudo Legis, non est semper conjuncta cum remissione peccatorum.

33. Catechumenus iuste, recte, & sancte vivit, & mandata Dei observat, ac legem implet per charitatem, ante obtentam remissionem peccatorum, quae in baptismi lavacro demum percipitur.

34. Distinctio illa duplicis amoris naturalis videlicet, quo Deus amatur ut Auctor naturae, & gratuiti, quo Deus amatur ut Beatificator, vana est, commentitia, & ad illudendum Sacris literis, & plurimis veterum Testimoniis excogitata.

35. Omne, quod agit peccator, vel servus peccati, peccatum est.

I 2

36. Amor

36. Amor naturalis, qui ex viribus naturæ exoritur, ex sola Philosophia per relationem præsumptionis humanæ cum injuria Crucis Christi defenditur a nonnullis Doctoribus.

37. Cum Pelagio sentis, qui bonum aliquod naturale, hoc est, quod ex naturæ solis viribus ortum ducit, agnoscit.

38. Omnis amor creaturæ rationalis, aut viciosa est cupiditas, quæ mundus diligitur, quæ a Joanne prohibetur: aut laudabilis illa Charitas, quæ per spiritum sanctum in corde diffusa Deus amatur.

39. Quod voluntarie fit, etiam si necessitate fiat, libere tamen fit.

40. Suis actibus peccator servit dominanti Cupiditati.

41. Is libertatis modus, qui est a necessitate, sub libertatis nomine non reperitur in Scripturis, sed solum nomen libertatis a peccato.

42. Justitia, quæ justificatur per fidem impius, consistit formaliter in obedientia mandatorum, quæ est operum justitia, non autem in gratia aliqua animæ infusa, quæ adoptatur homo in filium Dei, & secundum interiorem hominem renovatur, ac Divinæ naturæ confors efficitur, ut sic per Spiritum Sanctum renovatus deinceps bene vivere, & Dei mandatis obedire possit.

43. In hominibus penitentibus ante Sacramentum absolutionis, & in Catechumenis ante Baptismum est vera justitia, separata tamen a remissione peccatorum.

44. Operibus plerisque, quæ a fidelibus fiunt, ut mandatis Dei pareant, cujusmodi sunt: obedire parentibus, depositum reddere, ab homicidio, a furto, a fornicatione abstinere, justificantur quidem homines, quia sunt legis obedientia, & verâ legis justitia, non tamen his obtinent incrementa virtutum.

45. Sacrificium Missæ non alia ratione est sacrificium, quam generali illa, quæ omne opus, quod fit, ut sancta societas Deo homo inhaereat.

46. Ad rationem, & definitionem peccati non pertinet voluntarium, nec definitionis Quæstio est, sed causæ, & originis, utrum omne peccatum debeat esse voluntarium.

47. Unde peccatum originis vere habet rationem peccati sine ulla relatione, ac respectu ad voluntatem, a qua originem habuit.

48. Peccatum originis est habituali parvuli voluntate voluntarium, & habitualiter dominatur parvulo, eo quod non gerit contrarium voluntatis arbitrium.

49. Et ex habituali voluntate dominante fit, ut parvulus decedens sine regenerationis Sacramento, quando usum rationis consecutus erat, actualiter Deum odio habeat, Deum blasphemet, & legi Dei repugnet.

50. Prava desideria, quibus ratio non consentit, & quæ homo invitus patitur, sunt prohibita præcepto: *Non concupisces.*

51. Concupiscentia, sive Lex membrorum, & prava ejus desideria, quæ inviti sentiunt homines, sunt vera Legis inobedientia.

52. Omne scelus ejus est conditionis, ut suum Auctorem, & omnes Posteriores eo modo inficere possit, quo infecit prima transgressio.

53. Quantum est ex vi transgressionis, tantum meritorum malorum a generante contrahunt, qui cum minoribus nascuntur vitiis, quam qui cum majoribus.

54. Definitiva hæc sententia, Deum homini nihil impossibile præcepisse: falso tribuitur Augustino, cum Pelagii sit.

55. Deus non potuisset ab initio talem creare hominem, qualis nunc nascitur.

56. In peccato duo sunt, actus & reatus; transiente autem actu nihil manet, nisi reatus, sive obligatio ad poenam.

57. Unde in Sacramento Baptismi, aut Sacerdotis absolutione proprie reatus peccati dumtaxat tollitur, & ministerium Sacerdotum solum liberat a reatu.

58. Peccator penitens non vivificatur ministerio Sacerdotis absolventis, sed a solo Deo, qui poenitentiam suggerens, & inspirans vivificat eum, & resuscitat; ministerio autem Sacerdotis solum reatus tollitur.

59. Quando per Eleemosynas, aliaque pietatis opera Deo satisfacimus pro poenis temporalibus, non dignum pretium Deo pro peccatis nostris offerimus, sicut quidam errantes autumant (nam alioquin effemus saltem aliqua ex parte Redemptores) sed aliquid facimus, cujus intuitu Christi satisfactio nobis applicatur, & communicatur.

60. Per Passiones Sanctorum in indulgentiis communicatas non proprie redimuntur nostra delicta; sed per communionem Charitatis nobis eorum passiones impartiuntur, ut digni simus, qui pretio sanguinis Christi a poenis pro peccatis debitis liberemur.

61. Celebris illa Doctorum distinctio, Divine Legis Mandata bifariam impleri: altero modo, quantum ad præceptorum operum substantiam tantum: altero, quantum ad certum quemdam modum, videlicet secundum quem valeant operantem perducere ad Regnum æternum (hoc est ad modum meritorum) commentitia est, & explosenda.

62. Illa quoque distinctio, quæ opus dicitur bifariam bonum, vel quia ex objecto & omnibus circumstantiis rectum est, & bonum (quod moraliter bonum appellari consuevit) vel quia est meritorium Regni æterni, eo quod fit a vivo Christi membro per spiritum Charitatis, rejicienda est.

63. Similiter & illa distinctio duplicis justitiæ: alterius, quæ fit per spiritum Charitatis inhabitantem: alterius, quæ fit ex inspiratione quidem Spiritus Sancti, cor ad poenitentiam excitantis, sed nondum cor inhabitantis, & in eo charitatem diffundentis, quæ Divinæ Legis justificatio impleatur, odiosissima, & pertinacissima rejicitur.

64. Denique & illa distinctio duplicis vivificationis: alterius, quæ vivificatur peccator, dum ei poenitentia, & vitæ novæ propositum, & inchoatio per Dei gratiam inspiratur: alterius, quæ vivificatur, qui vere justificatur, & palme vivus in vite Christo efficitur, commendatitia judicatur, & Scripturis minime congruens.

65. Non nisi Pelagiano errore admitti potest usus aliquis liberi arbitrii bonus, sive non malus, & gratiæ Christi injuriam facit, qui ita sentit & docet.

66. Sole

66. Sola violentia repugnat libertati hominis naturali.

67. Homo peccat etiam damnabiliter in eo, quod necessario facit.

68. Infidelitas pure negativa in his, quibus Christus non est prædicatus, peccatum est.

69. Justificatio impii sit formaliter per obedientiam Legis, non autem per occultam communicationem, & inspirationem gratiæ, quæ per eam justificatos facit implere legem.

70. Homo existens in peccato mortali, siue in reatu æternæ damnationis, potest habere veram Charitatem, & Charitas etiam perfecta potest consistere cum reatu æternæ damnationis.

71. Per Contritionem etiam cum Charitate perfecta, & cum voto suscipiendi Sacramentum conjunctam non remittitur crimen (extra casum necessitatis, aut Martyrii) sine actuali susceptione Sacramenti.

72. Omnes omnino justorum afflictiones sunt infusiones peccatorum ipsorum: unde Job, & Martyres, quæ passi sunt, propter peccata sua passi sunt.

73. Nemo præter Christum est absque peccato originali; hinc Beata Virgo mortua est propter peccatum ex Adam contractum, omnesque ejus afflictiones in hac vita, sicut & aliorum justorum, fuerunt ultiones peccati actualis, vel originalis.

74. Concupiscentia in renatis relapsis in peccatum mortale, in quibus jam dominatur, peccatum est, sicut & alii habitus pravi.

75. Motus pravi concupiscentiæ sunt pro statu hominis vitiosi prohibiti præcepto: *Non concupisces*; unde homo eos sentiens, & non consentiens transgreditur præceptum: *Non concupisces*; quamvis transgressio in peccatum non deputetur.

76. Quamdiu aliquid concupiscentiæ carnalis in diligente est, non facit præceptum: *Diliget Dominum Deum tuum ex toto corde tuo*.

77. Satisfactiones laboriosæ justificationum non valent expiare de condigno poenam temporalem, testantem post culpam condonatam.

78. Immortalitas primi hominis non erat gratiæ beneficium, sed naturalis conditio.

79. Falsa est Doctorum sententia, primum hominem potuisse a Deo creari, & institui sine iustitia naturali.

„ Quas quidem sententias stricto coram Nobis  
„ examine ponderatas, quamquam nonnullæ ali-  
„ quo pacto sustineri possent, in rigore, & pro-  
„ prio verborum sensu ab assertoribus intento,  
„ hæreticas, erroneas, suspectas, temerarias,  
„ scandalosas, & in pias aures offensionem im-  
„ mittentes, respectu, ac quæcumque super iis  
„ verbo, scriptoque emissæ præsentium Auctoritate  
„ damnamus, circumscribimus, & abolemus,  
„ deque eisdem, & similibus posthac, quocumque  
„ pacto loquendi, scribendi, & disputandi facul-  
„ tatem quibuscumque interdiciamus. Qui secus  
„ fecerint, ipsos omnibus dignitatibus, gradibus,  
„ honoribus, Beneficiis, & Officiis perpetuo  
„ privamus, ac etiam inhabiles ad quæcumque  
„ decernimus, vinculo quoque anathematis eo  
„ ipso innodamus, a quo nullus Romano Pontifice  
„ inferior valeat ipsos, excepto mortis articulo,  
„ liberare. Cæterum ut jam commoti his de

rebus tumultus, & contracta odia facilius  
„ comprimi possint, simulque animarum saluti  
„ plenius consulatur, Dilecto Filio nostro Antonio  
„ titulo S. Bartholomæi in Insula Presbytero Car-  
„ dinali Granvelano nuncupato, per Apostolica  
„ scripta mandamus, ut ipse, quid ad perpetuam  
„ dictarum sententiarum, & scripturarum aboli-  
„ tionem, quid ad arcenda hujusmodi prologia,  
„ & Disputationes, quid denique ad unionem &  
„ pacem cum communi omnium, & Ecclesiæ  
„ Catholicæ satisfactione componendum facto  
„ opus sit, in primis diligenter expendat; deinde  
„ in iis omnibus, quæ pro communi salute,  
„ tranquillitate & honore optima judicaverit, salva  
„ semper Ecclesiæ prædictæ Unitate, etiam per  
„ alium, seu alios fide, Doctrina, & Religione  
„ præstantes ocus exequatur, faciatque quidquid  
„ decreverit, inviolate ab omnibus observari,  
„ Contradictores quoslibet per censuras, & poenas  
„ prædictas, cæteraque juris & facti remedia  
„ opportuna, appellatione postposita compescen-  
„ do: invocato etiam ad hoc, si opus fuerit,  
„ auxilio brachii secularis. Non obstantibus,  
„ quod forsitan ab Apostolica sede sit indultum,  
„ quod interdicti, suspendi, vel excommunicari  
„ non possint per litteras Apostolicas, non facien-  
„ tes plenam, & expressam, ac de verbo ad ver-  
„ bum de indulto hujusmodi mentionem, &  
„ quibuslibet aliis Privilegiis, Exemptionibus,  
„ Indulgentiis, & litteris Apostolicis specialibus,  
„ vel generalibus, quorumcumque tenorum exi-  
„ stant, per quæ præsentibus non expressa, vel  
„ totaliter non inserta effectus præsentium impe-  
„ diri valeat quomodolibet, vel differri, & de  
„ quibus quorumcumque totis tenoribus de verbo  
„ ad verbum habenda sit in nostris litteris mentio  
„ specialis. Nulli ergo omnino hominum liceat  
„ hanc paginam nostræ damnationis, circumscrip-  
„ tionis, abolitionis, interdicti, Decreti, Man-  
„ dati, Privationis, & innodationis infringere,  
„ vel ei ausu temerario contraire. Si quis autem  
„ hoc attentare præsumpserit, indignationem  
„ Omnipotentis Dei, ac Beatorum Petri, &  
„ Pauli Apostolorum Ejus se noverit incursum.  
„ Datum Romæ, apud Sanctum Petrum, Anno  
„ Incarnationis Dominicæ Millesimo quingentesi-  
„ mo sexagesimo septimo, Calendis Octobris,  
„ Pontificatus Nostri anno secundo.

10. Declaratio ulterior harum propositionum  
„ ideo in præsentem intermititur, quia aliquarum  
„ falsitas de se patet, aliarum vero explicatio differ-  
„ tur ad §§. VII. & VIII. agendo de quinque  
„ Propositionibus damnatis Cornelii Jansenii, & aliis  
„ Quæsnellii. Item ad Cap. IV. tractando de pro-  
„ positionibus confixis ab Alexandro VIII. Occur-  
„ rente dubio particulari in præsentem necdum per-  
„ fecte soluto poterit quoque consuli Joannes Marti-  
„ nez de Ripalda, Tome tertio, quo fusc dictas  
„ examinat propositiones.

#### §. IV.

##### *Historia prævia de Cornelio Jansenio.*

11. Ne Juniores decipiantur in nomine, præ-  
„ scire oportet, duos esse Cornelios Jansenios, &  
„ ambos Lovanienses Doctores. Prior origine Flan-  
„ der,



der, factus Decanus Lovanii ad S. Jacobum, ac publicus Theologiae Professor, tandem a Philippo II. ad Concilium Tridentinum cum Michaeli Bajo fuit destinatus; ubi tanto Doctrinae, ac Modestiae encomio enituit, ut reversus in Belgium renunciatus sit Episcopus Gandavensis, in quo officio plenus virtutibus, & meritis anno 1576. decessit, ætatis suæ 66. annorum; atque de hoc non amplius sermo recurret. Alter Cornelius Jansenius, de quo in præsentem, in vico Accoy, prope Leerdam in Hollandia ex communibus, & plebejis Parentibus ortum habuit sub anno 1585. Humaniora absolvit Ultrajecti; Superiora autem (puta Philosophiam & Theologiam) Lovanii, Magistrum nactus (uti aliqui scribunt) occulte addictum Doctrinae Michaelis Baji. Exinde se contulit Parisios, illic promotus a Joanne du Verger, postea Abbate San Cyrano, jam antea Ejusdem amico, cujus patrocinio pariter postmodum Directoratum Bajonæ (quæ Joannis Vergerii patria erat) obtinuit in Collegio recens erecto. Hic duo isti Collegæ novam aliquam fabricare Theologiam desiguarunt, annis duodecim præprimis intenti legendo S. Augustino, maxime circa materiam de gratia, & libero Arbitrio, usque dum denuo Cornelius Jansenius ex Decreto Philippi III. Hispaniarum Regis, fuerit revocatus Lovanium ad interpretandam in celeberrima hac Universitate S. Scripturam, qua occasione simul elaborare cœpit famosum librum illum, *Augustinus Cornelii Jansenii* intitulatum, ubi sibi propoluerat universam Divi Augustini (utinam ad veram hujus Sanctissimi Ecclesiæ Patris mentem) Doctrinam in materia Gratia, liberi arbitrii, & Prædestinationis perstringere. Interim crescente Ejus Nominis fama anno 1635. renunciatur Episcopus Iprensis, quâ constitutus in dignitate, dum Augustinum suum ex integro perficere voluit, pestilentiali morbo pro tunc grassante correptus anno 1638. sexto Maji finem vitæ suæ & operi huic imposuit, in hoc saltem laudandus, quod juxta jam dicta §. 1. n. 2. omnia censuræ, & Judicio sanctæ Matris Ecclesiæ subjecerit. Virulentam illam Doctrinam intimus defuncti amicus Sancyranus, seu Joannes Vergerius equidem dilatare fortassis optavit, ob mala tamen pariter dogmata a Cardinali Richelio, anno mortem Jansenii præcedente (nimirum 1637.) Vicennensi carceri addictus votum suum executioni dare haud valuit; utpote in illa captivitate usque ad obitum Cardinalis Richelii (nempe usque ad annum 1642.) persistere coactus. Recommendavit tamen Jansenius, antequam e vivis discessit, Augustinum suum aliis duobus Lovanii Doctoribus, Liberto Fromodo, & Henrico Caleno, a quibus opus anno 1640. prælo commissum erat: ast non sine maximo strepitu, illico ex eodem excerptis diversis propositionibus Bajanam Doctrinam, a Summis Pontificibus jam proscriptam, redolentibus. Quare Urbanus VIII. dictum Jansenii librum fidelibus legendum prohibuit, & Successor illius, Innocentius X. habitis hac de causa triginta duabus Cardinalium, & Consultorum Congregationibus, (ex quibus decem in præsentia Summi Pontificis celebratae fuerunt) quinque propositiones solemnissime damnavit per Bullam sequentem.

## §. V.

*Referuntur quinque Propositiones Jansenii ab Innocentio X. per sequentem Bullam damnata.*

**INNOCENTIUS** Episcopus, Servus Servorum Dei.

Universis Christi Fidelibus Salutem, & Apostolicam Benedictionem.

12. **C**um occasione impressionis Libri, cui titulus: Augustinus Cornelii Jansenii, Episcopi Iprensis: inter alias ejus opiniones orta fuerit, præsertim in Galliis controversia super quinque ex illis, Complures Galliarum Episcopi apud Nos institerunt, ut easdem propositiones Nobis oblatas expendere, ac de unaquaque earum certam, & perspicuam serremus sententiam.

Tenor vero præfatarum propositionum est, prout sequitur.

*Prima: Aliqua Dei præcepta hominibus justis, volentibus, & conantibus secundum præfentes, quas habent vires, sunt impossibilia, deest quoque illis gratia, qua possibilia fiant.*

*Secunda: Interiori gratia in statu natura lapsa, nunquam resistitur.*

*Tertia: Ad merendum, & demerendum in statu natura lapsa non requiritur in homine libertas a necessitate, sed sufficit libertas a coactione.*

*Quarta: Semi-Pelagiani admiscebant prævenientis gratia interioris necessitatem ad singulos actus, etiam ad initium fidei; & in hoc erant heretici, quod vellent eam gratiam talem esse, cui posset humana voluntas resistere, vel obtemperare.*

*Quinta: Semi-Pelagianum est dicere, Christum pro omnibus omnino hominibus mortuum esse, aut sanguinem sudisse.*

Nos, quibus inter multiplices curas, quarum animam nostrum assidue pulsant, illa in primis cordi est, ut Ecclesia Dei Nobis ex alto commissa purgatis pravarum opinionum erroribus, tuto militare, & tamquam navis in tranquillo mari, sedatis omnium tempestatum fluctibus, ac procellis secure navigare, & ad optatum salutis portum pervenire possit; pro rei gravitate coram aliquibus S. R. E. Cardinalibus ad id specialiter sæpius congregatis a pluribus in sacra Theologia Magistris, easdem quinque propositiones, ut supra Nobis oblatas fecimus singillatim diligenter examinari, eorumque suffragia tum voce, tum scripto relata mature consideravimus, eosdemque Magistros, variis coram Nobis actis congregationibus, prolixè super eisdem, ac super earum qualibet differentes audivimus. Cum autem ab initio hujusmodi discussionis ad Divinum implorandum auxilium multorum Christi Fidelium preces, tum privatim, tum publice indixissemus, postmodum iteratis eisdem ferventius, ac per Nos sollicitè implorata Sancti Spiritus assistentia, tandem Divino Numine favente, ad infra scriptam devenimus declarationem, & definitionem.

Primam prædictarum propositionum: Aliqua Dei præcepta hominibus justis volentibus, & conantibus,



conantibus, secundum præsentem, quas habent vires, sunt impossibilia, deest quoque illis gratia, qua possibilia fiant: temerariam, impiam, blasphemam, Anathemate damnatam & hæreticam declaramus, & uti talem damnamus.

Secundam: Interiori gratiæ in statu naturæ lapsæ numquam resistitur: hæreticam declaramus, & uti talem damnamus.

Tertiam: Ad merendum, & demerendum in statu naturæ lapsæ non requiritur in homine libertas à necessitate; sed sufficit libertas à coactione: hæreticam declaramus, & uti talem damnamus.

Quartam: Semi-Pelagiani admittebant prævenientis gratiæ interioris necessitatem ad singulos actus, etiam ad initium fidei; & in hoc erant hæretici, quod vellent eam gratiam esse, cui posset humana voluntas resistere, vel obtemperare: falsam, & hæreticam declaramus, & uti talem damnamus.

Quintam: Semi-Pelagianum est dicere, Christum pro omnibus omnino hominibus mortuum esse, aut sanguinem fudisse: falsam, temerariam, scandalosam, & intellectam eo sensu, ut Christum pro salute dumtaxat prædestinatorum mortuus sit: Impiam, Blasphemam, contumeliosam, Divinæ pietati derogantem, & hæreticam declaramus, & uti talem damnamus.

Mandamus igitur omnibus Christi fidelibus utriusque sexus, ne de dictis propositionibus sentire, docere, prædicare alias præsumant, quam in hac præsentem nostram declarationem & definitionem continetur sub Censuris, & pœnis contra hæreticos, & eorum Fautores in jure expressis.

Præcipimus pariter omnibus Patriarchis, Archi-Episcopis, Episcopis, aliisque locorum Ordinariis, nec non hæreticæ pravitatis Inquisitoribus, ut contradictores, & Rebelles quoscunque per censuras, & pœnas prædictas, cæteraque Juris & facti remedia opportuna, invocato etiam ad hoc (si opus fuerit) auxilio brachii secularis, omnino coerceant, & compescant.

Non intendentes tamen per hanc declarationem, & definitionem super prædictis quinque propositionibus factam, approbare ullatenus alias Opiniones, quæ continentur in prædicto libro Cornelii Jansenii. Datum Romæ, apud S. Mariam Majorem, anno Incarnationis Dominicæ millesimo sexcentesimo quinquagesimo tertio, pridie Kal. Junii, Pontificatus nostri anno nono.

## §. VI.

*Effugia Jansenistarum, dicentium, hæc quinque Propositiones vel in Jansenii libro non reperiri, vel non in sensu ab eodem intento damnatas esse, excluduntur per aliam Bullam Clementis XI.*

**CLEMENS, Servus Servorum Dei.**

13. **V**ineam Domini Sabaoth, quæ est Catholica Ecclesia, pro commisso Nobis Di-

vinicus Apostolicæ servitutis munere custodire, atque excolere omni studio, atque industria jugiter satagentes, ea, quæ a Romanis Pontificibus Prædecessoribus nostris ad succrescentes in illa perniciosarum novissimarum Vepres radicitus evellendos, prudenti, salubrique consilio constituta esse noscuntur, ut quibusque inimici hominis molitionibus dejectis, firmiter semper, atque exactius observentur, Apostolici muniminis nostri præsidio libenter laboramus, atque alias desuper sollicitudinis, & providentiæ nostræ partes interponimus, sicut omnibus maturæ considerationis trutinæ perpensis ad fidelem, ac tutam Orthodoxæ veritatis Custodiam, nec non animarum pretioso Unigeniti Dei Filii Domini nostri Jesu Christi Sanguine Redemptarium salutem expedire in Domino arbitramur.

Sane, postquam fel. record. INNOCENTIUS Papa X. Prædecessor Noster, per quandam suam desuper editam Constitutionem quinque famosas propositiones ex libro Cornelii Jansenii, Episcopi Iprensis, cui titulus: *Augustinus*, excerptas Apostolici censura judicii rite confixerat, rec. mem. ALEXANDER, Papa VII. etiam Prædecessor Noster ad ejusmodi jam damnatos errores & Christi fidellum mentibus prorsus abolendos, publicæque tranquillitatis perturbatorum subtili tectas calliditate Machinationes penitus evertendas, prædictam INNOCENTII, Prædecessoris constitutionem, toto illius inferto temore, confirmavit, novarumque declarationum accessione constabiliavit, sua in id pariter edita constitutione tenoris, qui sequitur, videlicet:

ALEXANDER, Episcopus, Servus Servorum Dei. Universis Christi Fidelibus Salutem, & Apostolicam Benedictionem. Ad Sanctam B. Petri sedem, & universalis Ecclesiæ regimen, inscrutabili Divinæ Providentiæ Dispositione, nullis nostris suffragantibus meritis evecti, nihil Nobis antiquius ex muneris nostri debito esse duximus, quam ut Sanctæ Fidei Nostræ, ac Sacrorum dogmatum integritati tradita nobis a Deo potestate opportune consuleremus.

Ac licet ea, quæ Apostolicis Constitutionibus abunde fuerunt definita, novæ decisionis, sive declarationis accessione nequaquam indigeant, quia tamen aliqui publicæ tranquillitatis perturbatores illa in dubium revocare, vel subdolis interpretationibus labefactare non verentur, ne morbus iste latius divagetur, promptum Apostolicæ Auctoritatis remedium censuimus non esse differendum.

Emanavit siquidem alias a fel. rec. INNOCENTIO, Papa X. Prædecessore nostro constitutio, & definitio tenoris, qui sequitur.

*Hic tenor Bullæ Innocentianæ inseritur, quæ jam fuit verbotenus allegata §. 5. precedenti. Post eandem pergit Bulla Alexandri ulterius:*

Cum autem, sicut accepimus, nonnulli iniquitatis Filii prædictas quinque propositiones, vel in libro prædicto ejusdem Cornelii Jansenii non reperiri, sed fide & pro arbitrio compositas esse, vel in sensu ab eodem intento non damnatas fuisse, asserere magno cum Christi Fidellum scandalo non reformident.

Nos,

„ Nos, qui omnia, quæ in hac re gesta sunt, „  
 „ sufficienter, & attenter perspeximus, utpote „  
 „ qui ejusdem Innocentii Prædecessoris jussu, „  
 „ dum adhuc in Minoribus constituti, Cardinalis „  
 „ munere fungeremur, omnibus illis congressibus „  
 „ interfuimus, in quibus Apostolica Auctoritate „  
 „ eadem causa discussa est, ea profecto diligentia, „  
 „ qua major desiderari non posset, quamcumque „  
 „ dubitationem super præmissis imposterum au- „  
 „ ferre volentes, ut omnes Christi fideles in ejus „  
 „ fidei unitate sese contineant, ex debito nostri „  
 „ Pastoralis officii, ac matura deliberatione præ- „  
 „ insertam Innocentii Prædecessoris nostri Consti- „  
 „ tutionem, declarationem, & definitionem harum „  
 „ serie confirmamus, approbamus, & innovamus, „  
 „ & quinque illas propositiones ex libro præme- „  
 „ morati Cornelii Jansenii, Episcopi Iprensis, cui „  
 „ titulus est, *Augustinus*, excerptas, ac in sensu „  
 „ ab eodem Cornelio Jansenio intento damnatas „  
 „ fuisse, declaramus, & definimus, ac uti tales, „  
 „ iniusta scilicet eadem singulis nota, quæ in præ- „  
 „ dicta declaratione, & definitione unicuique „  
 „ illarum sigillatim inuritur, iterum damnamus, „  
 „ ac eundem librum sæpediti Cornelii Jansenii, „  
 „ cui titulus: *Augustinus*, omnesque alios tam „  
 „ manuscriptos, quam typis editos, & si quos „  
 „ forsitan imposterum edi contigerit, in quibus „  
 „ prædicta ejusdem Cornelii Jansenii Doctrina, „  
 „ ut supra damnata defenditur, vel astringitur, „  
 „ aut defendetur, vel astringetur, damnamus iti- „  
 „ dem, atque prohibemus: Mandantes omnibus „  
 „ Christi fidelibus, ne prædictam doctrinam te- „  
 „ neant, prædicent, doceant, verbo vel scripto „  
 „ exponant, vel interpretentur, publice, vel „  
 „ privatim, palam vel occulte imprimant, sub „  
 „ poenis, & censuris contra hæreticos in jure ex- „  
 „ pressis ipso facto absque alia declaratione in- „  
 „ currendis.

„ Præcipimus igitur omnibus Venerabilibus „  
 „ Fratribus nostris Patriarchis, Primatibus, „  
 „ Metropolitanis, Archiepiscopis, cæterisque „  
 „ locorum Ordinariis, ac hæreticæ pravitatis In- „  
 „ quisitoribus, Judicibus Ecclesiasticis, ad quos „  
 „ pertinet, ut præinsertam ejusdem INNOCEN- „  
 „ TII Prædecessoris Constitutionem, Declaratio- „  
 „ nem, ac Definitionem, juxta præsentem nostram „  
 „ determinationem, ab omnibus observari faciant, „  
 „ ac inobedientes & rebelles prædictis poenis, „  
 „ aliisque Juris, & facti remediis, invocato „  
 „ etiam, si opus fuerit, brachii secularis, auxilio, „  
 „ omnino coerceant. Datum Romæ, apud S. „  
 „ Mariam Majorem, anno Incarnationis Domini- „  
 „ cæ 1656. 16. Octobr.

„ Subinde vero, quo omnis Apostolicarum de- „  
 „ finitionum eludendarum aditus intercluderetur, „  
 „ memoratus ALEXANDER Prædecessor, „  
 „ præfatum Ecclesiæ morem secutus, certam edidit „  
 „ formulam ab omnibus Ecclesiastici Ordinis tam „  
 „ secularibus, quam regularibus personis sub- „  
 „ scribendam per aliam suam hac in re promul- „  
 „ gatam Constitutionem tenoris sequentis, vide- „  
 „ licet:

„ ALEXANDER, Episcopus, Servus Servorum „  
 „ Dei. Ad perpetuam rei memoriam. Regiminis „  
 „ Apostolici Divina Providentia Nobis, quamvis „  
 „ immeritis, commissi ratio postulat, ut ad ea

potissimum, quæ Catholicæ Religionis integri- „  
 „ tati, & propagationi, animarumque saluti, & „  
 „ fidelium tranquillitati consulere apta, & idonea „  
 „ esse judicantur, animam & curam omnem, „  
 „ quantum licet, in Domino applicemus. Quam- „  
 „ obrem Cornelii Jansenii Hæresim in Gallia præ- „  
 „ fertim serpentem ab INNOCENTIO X. fel. „  
 „ rec. Prædecessore nostro fere oppressam ad in- „  
 „ tar colubri tortuosi, cujus caput attritum est, „  
 „ in varios gyros, & Cavillationum deflexas eun- „  
 „ tem singulari Constitutione ad hunc finem edita, „  
 „ altero Assumptionis nostræ anno extinguere „  
 „ conati fuimus.

Sed ut multiplices hostis hominum generis „  
 „ artes adhibet, nondum plene consequi potui- „  
 „ mus, ut omnes errantes in viam salutis redirent, „  
 „ qui tamen unicus erat votorum, & curarum „  
 „ nostrarum scopus, quibus operam, & industriam „  
 „ suam egregio sane studio Venerabiles Fratres „  
 „ nostri Archiepiscopi, & Episcopi Regni Galliarum, „  
 „ earundem Constitutionum Apostolicarum exe- „  
 „ cutioni præcipue intenti contulerunt, & Cha- „  
 „ rissimus in Christo Filius noster, Rex Christia- „  
 „ nissimus, singulari pietate auxiliarem dexteram „  
 „ strenuo, ac constantissimo animo porrexit.

Cum autem præfatus Rex Christianissimus „  
 „ eodem Religionis Zelo ductus per suum in Urbe „  
 „ Oratorem Nobis significari, exponique curavit, „  
 „ nullum aliud opportunius remedium pestiferæ „  
 „ hujus contagionis Reliquiis extirpandis adhiberi „  
 „ posse, quam si omnes certam formulam sub- „  
 „ scriberent nostra Auctoritate firmatam, in qua „  
 „ quinque propositiones ex Cornelii libro, cui „  
 „ titulus, *Augustinus*, excerptas, sincere damna- „  
 „ rent, ac proinde illam a Nobis quantocyus ex- „  
 „ pediri ad quælibet effugia præcludenda, omnes- „  
 „ que removendos Obtentus flagitaverit: „

Nos tam piis dicti Regis Christianissimi votis „  
 „ benigne annuendum esse ducentes, formulam „  
 „ infra scriptam ab omnibus Ecclesiasticis, etiam „  
 „ Venerabilibus Fratribus nostris Archiepiscopis, „  
 „ & Episcopis, nec non aliis quibuscumque Eccle- „  
 „ siastici Ordinis tam regularibus, quam secula- „  
 „ ribus, etiam Monialibus, Doctoribus, & Licen- „  
 „ tiatis, aliisque Collegiorum Rectoribus, atque „  
 „ Magistris subscribi districte mandamus, idque „  
 „ intra tres menses a die publicationis, seu noti- „  
 „ ficationis præsentium; alias contra eos, qui „  
 „ intra terminum prædictum non paruerint, irre- „  
 „ missibiliter procedi volumus juxta Canonicas „  
 „ Constitutiones, & Conciliorum decreta. „

*Formula a supradictis subscribenda.*

Ego N. Constitutioni Apostolica INNOCEN- „  
 „ TII X. data die 31. Maji 1653. & Constitutioni „  
 „ ALEXANDRI VII. data die 16. Octobris 1656. „  
 „ Summorum Pontificum, me subjicio, & quinque „  
 „ propositiones ex Cornelii Jansenii Libro, cui nomen, „  
 „ Augustinus, excerptas, & in sensu ab eodem „  
 „ Auctore intento, prout illas per dictas Constitutiones „  
 „ Sedes Apostolica damnavit, sincero animo rejicio, „  
 „ ac damno, & ita juro: sic me Deus adjuvet, & „  
 „ hac S. Evangelia.

Decernentes insuper præsentem litteras sem- „  
 „ per, & perpetuo validas, & efficaces existere, „  
 „ & fore, suosque plenos, & integros effectus „  
 „ „forti-

„ fortiri, & obtinere; Sicque per quoscumque  
 „ Judices Ordinarios, & delegatos ubique judi-  
 „ cari, & definiri debere, sublata eis, & eorum  
 „ cuilibet quavis aliter judicandi, & interpretandi  
 „ facultate, & auctoritate: ac irritum, & inane,  
 „ si secus super his a quocumque quavis auctori-  
 „ tate scienter, vel ignoranter contigerit attentari.  
 „ Quocirca Venerabilibus Fratribus Archiepi-  
 „ scopis, Episcopis, aliisque locorum Ordinariis  
 „ committimus & mandamus, ut singuli in suis  
 „ Diocesisibus, ac locis suæ jurisdictioni subjectis,  
 „ præsentis litteras, & in eis contenta quæcum-  
 „ que exequantur, & executioni mandari, ac  
 „ observari ab omnibus curent, & inobedientes  
 „ quoscumque per sententias, & pœnas aliaque  
 „ juris & facti remedia, appellatione postposita,  
 „ invocato etiam ad hoc, si opus fuerit, brachii  
 „ secularis auxilio, omnino compellant.

„ Volumus autem, ut præsentium transumptis  
 „ etiam impressis, manu Notarii publici subscri-  
 „ ptis, & sigillo alicujus personæ in dignitate  
 „ Ecclesiastica constitutæ munitis, eadem fides  
 „ prorsus adhibeatur, quæ ipsis originalibus litteris  
 „ adhiberetur, si forent exhibitæ, vel ostensæ.

„ Nulli ergo omnino hominum liceat hanc  
 „ nostram Constitutionem, & Ordinationem in-  
 „ fringere, vel ei ausu temerario contraire: si  
 „ quis autem hoc attentare præsumpserit, indigna-  
 „ tionem Omnipotentis Dei, ac BB. Petri & Pauli,  
 „ Apostolorum ejus, se noverit incursum. Datæ  
 „ Romæ, apud Sanctam Mariam Majorem, anno  
 „ 1664. 15. Febr.

„ Sic equidem causa finita est; non tamen sic,  
 „ ut par erat, finitus est error Apostolico toties  
 „ mucrone percussus. Neque enim defuere, nec  
 „ adhuc desunt homines veritati non acquiescen-  
 „ tes, & numquam Ecclesiæ contradicendi finem  
 „ facientes, qui variis distinctionibus, seu potius  
 „ effugiis ad circumventionem erroris excogitatis  
 „ Ecclesiam ipsam turbare, eamque interminatis  
 „ Quæstionibus, quantum in ipsis est, involvere,  
 „ & implicare conantur; quodque deterius est,  
 „ ipsamet Apost. Sedis decreta, redarguendis  
 „ eorum pravis sensibus condita, ac præsertim  
 „ quasdam piæ mem. CLEMENTIS, Papæ IX.  
 „ die 19. Jan. 1669. ad quatuor Galliæ Episcopos,  
 „ nec non binas similis memoriæ INNOCENTII,  
 „ Papæ XII. etiam Prædecessorum nostrorum,  
 „ die 6. Febr. 1694. & die 24. Novembris 1696.  
 „ ad Episcopos Belgii in forma Brevis respective  
 „ datas litteras in erroris sui patrocinium advocare,  
 „ temerario plane ausu non erubescunt, periinde,  
 „ ac si memoratus CLEMENS Prædecessor, qui  
 „ eisdem suis litteris se INNOCENTII X. &  
 „ ALEXANDRI VII. Prædecessorum constitutio-  
 „ nibus supradictis firmissime inhaerere, ac a  
 „ dictis quatuor Episcopis veram, & totalem  
 „ obedientiam, adeoque formulæ a præfato  
 „ ALEXANDRO Prædecessore, sicut præmitti-  
 „ tur, editæ sincere per eos subscribi voluisse de-  
 „ claravit, aliquam in tam gravi negotio exceptio-  
 „ nem, seu restrictionem, quam nullam prorsus  
 „ se unquam admitturum fuisse protestatus fuit,  
 „ re ipsa admisisset: dictus vero INNOCEN-  
 „ TIUS XII. Prædecessor, dum sapienter ac  
 „ provide prædictas quinque propositiones, ex

*Tomus II.*

„ memorato libro Jansenii excerptas in sensu ob-  
 „ vio, quem ipsamet propositionum verba exhib-  
 „ bent, ac præ se ferunt, damnatas esse promun-  
 „ ciavit, non de ipsomet obvio sensu, quæ in  
 „ Jansenii libro habent, quive ab eodem Jansenio  
 „ intentus, ac a præfatis INNOCENTIO X. &  
 „ ALEXANDRO VII. Prædecessoribus damnatus  
 „ fuit, sed de alio quopiam diverso sensu cogi-  
 „ tasset; dictasque INNOCENTII X. & ALE-  
 „ XANDRI VII. Prædecessorum Constitutiones  
 „ temperare, restringere, aut alio quovis modo  
 „ immutare voluisset, iisdem ipsis litteris, qui-  
 „ bus eas in suo robore fuisse, & esse, seque  
 „ illis firmiter inhaerere verbis apertissimis alle-  
 „ rebat.

„ Præterea iidem inquieti homines sparsis unde-  
 „ quaque scriptionibus, ac libellis exquisita ad  
 „ fallendum arte compositis, non sine gravi Apo-  
 „ stolice sedis injuria, maximoque totius Ecclesiæ  
 „ scandalo docere non sunt veriti, ad obedientiam  
 „ præfatis Apost. Constitutionibus debitam non  
 „ requiri, ut quis prædicti Janseniani Libri sensum  
 „ in antedictis quinque propositionibus, sicut præ-  
 „ mittitur, damnatum, interius ut hæreticum  
 „ damnet, sed satis esse, si ea de re obsequiosum  
 „ (ut ipsi vocant) silentium teneatur. Quæ  
 „ quidem assertio quam absurda sit, & animabus  
 „ fidelium perniciosa, satis apparet, dum fallacis  
 „ hujus Doctrinæ pallio non deponitur error, sed  
 „ absconditur; vulnus tegitur, non curatur;  
 „ Ecclesiæ illuditur, non paretur: & lata demum  
 „ filiis inobedientiæ via sternitur ad fovendam si-  
 „ lentio hæresim, dum ipsam Jansenii doctrinam  
 „ quam ab Apostolica Sede damnatam Ecclesia  
 „ universalis exhorruit, adhuc interius abjicere,  
 „ & corde improbare detestent.

„ Quin etiam eo impudentiæ nonnullos deve-  
 „ nisse, compertum est, ut veluti naturalis hone-  
 „ statis, nedum Christianæ sinceritatis oblii, asse-  
 „ rere non dubitaverint, præfatæ formulæ a me-  
 „ morato ALEXANDRO Prædecessore præscriptæ  
 „ subscribi licite posse etiam ab iis, qui interius  
 „ non judicant prædicto Jansenii libro doctrinam  
 „ hæreticam contineri: Quasi vero, contra quam  
 „ scriptum est: qui loquitur veritatem in corde  
 „ suo, & qui jurat proximo suo, & non decipit,  
 „ hujusmodi erroris sectatoribus liceat Ecclesiam  
 „ ipsam jurejurando decipere, simulque Apostoli-  
 „ cæ sedis providentiam fallere, dum ejusdem  
 „ formulæ conceptis verbis loquuntur, quod Ec-  
 „ clesia loquitur, quod tamen sentit ipsa, non sen-  
 „ tiunt; seque parere Constitutionibus Apostolicis  
 „ profitentur, quibus animo contradicunt.

„ Hinc est, quod Nos ad opportunum, & efficax  
 „ tam exitiali morbo, qui ut cancer serpit, & quo-  
 „ tidie in deterius vergit, remedium adhibendum,  
 „ non minus demandatæ Nobis omnium Ecclesia-  
 „ rum sollicitudinis debito, quam plurimorum  
 „ Venerabilium Fratrum nostrorum diversarum  
 „ partium, ac præsertim Regni Galliarum, Episco-  
 „ porum Zelo, ac precibus excitati, ne hujusmodi  
 „ pravi homines Catholicæ Ecclesiæ pacem sub-  
 „ vertere impune pergant, & simplicium, ac  
 „ pusillorum mentibus imponere, docentes, quæ  
 „ non oportet: neve ullus apud eos quoque, qui  
 „ bona, ut ajunt, fide, ac falsis rumoribus decipi  
 „ se

K

„ se fortasse patiuntur, de mente ac sententia „  
 „ Apostolicæ Sedis amplius ambigendi supersit „  
 „ locus, Divino prius tam privatis nostris, quam „  
 „ publice indictis precibus, implorato prædicio, „  
 „ ac re mature discussa de nonnullorum Venera- „  
 „ bilium Fratrum nostrorum S. R. E. Cardinalium, „  
 „ consilio, auditisque complurium in Sacra Theo- „  
 „ logia Magistrorum suffragiis; primo quidem „  
 „ præinsertas INNOCENTII X. & ALEXAN- „  
 „ DRI VII. Prædecessorum Constitutiones, „  
 „ omniaque & singula in iis contenta Auctoritate „  
 „ Apostolica tenore præsentium confirmamus, „  
 „ approbamus, & innovamus.

„ Ac insuper, ut quævis imposterus erroris oc- „  
 „ casio penitus præcidatur, atque omnes Catholicæ „  
 „ Ecclesiæ filii Ecclesiam ipsam audire, non tacendo „  
 „ solum (nam & impii in tenebris conticescant) sed „  
 „ & interius obsequendo, quæ vera est Orthodoxi „  
 „ hominis obedientia, discant, hac nostra per- „  
 „ petuo valitura Constitutione; Obedientiæ, quæ „  
 „ præinsertis Apostolicis Constitutionibus debetur, „  
 „ obsequioso illo silentio minime satisfieri, sed „  
 „ damnatum in quinque præfatis propositionibus „  
 „ Janseniani libri sensum, quem illarum verba præ- „  
 „ se ferunt, ut præfertur, ab omnibus Christi fideli- „  
 „ bus ut hæreticum, non ore solum, sed & corde re- „  
 „ jici, ac damnari debere, nec alia mente, animo, „  
 „ credulitate supradictæ Formulæ subscribi licite „  
 „ posse; ita, ut qui secus, aut contra, quoad hæc „  
 „ omnia & singula, senserint, tenuerint, prædica- „  
 „ verint, verbo vel scripto docuerint, aut asserue- „  
 „ rint, tamquam præfatarum Apostolicarum Con- „  
 „ stitutionum transgressores, omnibus, & singulis „  
 „ illarum censuris, & pœnis omnino subiaceant, „  
 „ eadem Auctoritate Apostolica decernimus, de- „  
 „ claramus, statuimus, & ordinamus.

„ Decernentes pariter easdem præfatas, & „  
 „ præinsertas litteras semper, & perpetuo vali- „  
 „ das, & efficaces existere, & fore, suosque „  
 „ plenarios, & integros effectus sortiri, & ob- „  
 „ tinere, sicque per quoscumque Judices Ordini- „  
 „ narios, & delegatos ubique judicari, & definiri „  
 „ debere, sublata eis, & eorum cuilibet quamvis „  
 „ aliter judicandi, & interpretandi facultate, & „  
 „ auctoritate; ac irritum, & inane, si secus super „  
 „ his a quoquam quavis Auctoritate scienter, vel „  
 „ ignoranter contigerit attentari.

„ Quocirca Venerabilibus Fratribus Archiepi- „  
 „ scopis, aliisque locorum Ordinariis, nec non „  
 „ hæreticæ pravitatis Inquisitoribus, & Judicibus „  
 „ Ecclesiasticis, ad quos pertinet, committimus, „  
 „ & mandamus, ut singuli in suis respective „  
 „ Diocesis, ac locis suæ jurisdictioni subiectis „  
 „ ipsas præfatas litteras, & in eis contenta quæ- „  
 „ cumque exequantur, & executioni mandari, & „  
 „ observari ab omnibus curent, & inobedientes, „  
 „ & rebelles quoscumque per censuras, & pœnas „  
 „ præfatas, aliaque juris, & facti remedia, appel- „  
 „ latione postposita, invocato etiam ad hoc, si „  
 „ opus fuerit, brachii secularis auxilio, omnino „  
 „ coerceant, & compellant.

„ Volumus autem, ut earundem præsentium „  
 „ transumptis, etiam impressis manu alicujus No- „  
 „ tarii publici subscriptis, & sigillo personæ in di- „  
 „ gnitate Ecclesiastica constitutæ munitis eadem

fides prorsus adhibeatur, quæ ipsis originalibus „  
 „ litteris adhiberetur, si forent exhibitæ vel ostensæ „

Nulli ergo omnino hominum liceat hanc „  
 „ paginam nostræ Confirmationis, Approbationis, „  
 „ Innovationis, Decreti, declarationis, statuti, & „  
 „ Ordinationis infringere, vel ei ausu temerario „  
 „ contraire. Si quis autem hoc attentare præ- „  
 „ sumpserit, indignationem Omnipotentis Dei, „  
 „ ac Beatorum Petri, & Pauli, Apostolorum Ejus, „  
 „ se noverit incursurum „

Datum Romæ, apud Sanctam Mariam Ma- „  
 „ jorem, anno 1705. decimo septimo Kalendas „  
 „ Augusti „

## §. VII.

*Damnata quinque Propositiones Jansenii suc-  
 cincte declarantur.*

14. Prima propositio ait: *Hominibus etiam justis  
 de facto aliquo præcepta esse impossibilia, deesse quoque  
 ipsis gratiam, quæ possibilia fiant.* Hæc ipsissima  
 fuit doctrina Martini Lutheri, & Joannis Calvini  
 cap. præced. §§. 18. 19. 20. refutata. Id ipsum  
 quoque ante Jansenium docuit Michael Bajus,  
 volens propositione 54. Deum homini aliquod  
 impossibile præcepisse, & contrariam vocans sen-  
 tentiam Pelagii. Miror, quod homines, qui  
 adhuc volunt audiri Romano-Catholici, uti Bajus,  
 & Jansenius, similia docere præsumant; cum  
 tamen Concilium Tridentinum Sess. 6. de Justifi-  
 catione cap. 11. expresse dicat: *Nemo temeraria  
 illa, & a Patribus sub anathemate prohibita voce  
 uti debet. NB. Dei præcepta homini justificato ad  
 observandum esse impossibilia.* Item Canone 18. *Si  
 quis dixerit, Dei præcepta homini etiam justificato,  
 & sub gratia constituto esse ad observandum impossibi-  
 lia, anathema sit.* Igitur cum Divo Augustino  
 sermone 191. de tempore: *Execramur blasphemiam  
 eorum, qui dicunt, impossibile aliquid homini a Deo  
 esse præceptum, & mandata Dei non a singulis, sed  
 ab omnibus in communi posse observari.*

15. Secunda propositio Jansenii vult, quod interiori  
 gratia in statu naturæ lapsæ numquam resistatur; ex  
 quo eruitur, quod ab homine in statu naturæ  
 lapsæ Jansenius excluderet omnem gratiam interio-  
 rem sufficientem, volens non dari nisi efficacem,  
 seu talem, cum qua semper connectitur effectus  
 bonus. Idem cum Jansenio sensit Calvinus in  
 antidoto Concil. Trident. Sess. 6. cap. 6. dicens:  
*Motum Spiritus Sancti sic esse efficacem, ut fidem sem-  
 per gignat; constituere autem hoc in hominis optione,  
 ut Dei inspirationi, si velit, auscultet, hoc nullo  
 modo conciliari posse.* Itaque, cui tamen assertioni  
 Concilium Tridentinum Sess. 6. de Justificat. cap. 9.  
 expresse contradicit sequentibus verbis: *Tangente  
 Deo cor hominis per Spiritus Sancti illuminationem,  
 neque homo iste nihil omnino agit, inspirationem illam  
 recipiens, NB. quippe qui illam abjicere potest.* En!  
 Concilium Tridentinum gratiam sufficientem,  
 seu talem, quam homo abjicere potest, vivis  
 depingit coloribus, deberetque ejusmodi decisio  
 Jansenio, tamquam homini catholico, omnimo-  
 de silentium imponere. Ulteriorem si cupis pro-  
 bationem, videre poteris cap. II. §. XIII. prope  
 finem.

16. Tertia propositio Jansenii defendit, *Ad me-  
 rendum, & demerendum in statu naturæ lapsæ non  
 requiri-*



*requiri libertatem indifferentiam, seu a necessitate, sed sufficere libertatem a coactione.* Ast hæc fuit ipsissima Doctrina Lutheri circa nondum renatos, vel non renovatos; atque Calvinii circa reprobos quoad demerita, seu peccata ab ipsis commissa; quam etiam doctrinam ambabus manibus amplectitur Synodus Calvinistica Dordrecensis.

Nec dicatur, in statu naturæ lapsæ ad rationem demeriti sufficere libertatem indifferentiæ in sua causa, quatenus nimirum potuisset libere poni, vel non poni peccatum illud originale, quod postea in natura lapsa tanta mala causavit. Nam contra est, quod eodem prorsus modo respondeant Calvinistæ jam refutati præcedenti capite II. §. XIII. *Dicere, reum teneri quempiam, quia non fecit, quod facere non potuit, summa est iniquitatis & insania,* inquit Divus Augustinus *Lib. de duabus animabus. cap. 12.*

Nec opponas cum Jansenistis: Dæmones, & damnati peccant Deum odio habendo, Eumque maledicendo: Item Christus sustinendo mortem promeruit, quamvis utrobique non adfuerit libertas indifferentiæ, utpote cum Christus habuerit a Patre Cœlesti præceptum moriendi, quod non potuit ob suam impeccabilitatem transgredi. Responderetur enim negando in primis quoad damnatos, & dæmones, quod non habeant libertatem indifferentiæ ad ponendum, vel non ponendum similes actus; unde etiam exinde peccant, quamvis ipsis similes actus ad rationem demeriti, seu ad augmentum pœnæ non imputentur; cum non amplius in via, sed jam existant in termino. Ita recte cum Doct. Subtili P. Herincx *part. 2. Disput. 6. q. 1. n. 9.* Quoad meritum Christi autem in ordine ad mortem sibi a Patre suo præceptam, totum contigit ex speciali dispensatione Divina, uti notat Doct. Subtilis 4. *Sem. Dist. 22. Q. unic. Art. 2.* Qualis dispensatio non constat nobis data. Videatur Henno Tract. de Incarnat. *Disput. 11. Q. 4.*

17. *Quarta propositio* Jansenii duas continet partes. Quoad primam pronunciat Jansenius, *Semi-Pelagianos* admittere prævenientis gratiæ interioris necessitatem ad singulos actus, etiam ad initium fidei: Quoad secundam partem inquit, *Semi-Pelagianos in hoc ipso fuisse hereticos, quod voluerint eam gratiam talem esse, cui posset voluntas humana resistere, vel obtemperare.* Prior pars, utrum scilicet Semi-Pelagiani docuerint, gratiam aliquam requiri etiam ad initium fidei, spectat ad quæstionem facti; posterior vero, num per hoc assertum fuerint heretici, pertinet ad quæstionem juris. Quoad primam partem Jansenius aperte falsum asserit; nam Semi-Pelagiani potius docuerunt contrarium, nempe ad initium fidei, & justificationis non requiri aliquam gratiam internam, etsi quoad continuationem eam admiserint contra Pelagianos, qui gratiam internam tam quoad-initium, quam quoad continuationem operum meritoriorum negaverunt. Ita Divus Augustinus, tam Pelagianis, quam Semi-Pelagianis summe contrarius, læpius testatur apud Anatum, præsertim *Lib. de prædestinatione. Sanctorum cap. 2.*

Quoad secundam partem hæreticum est dicere, quod Semi-Pelagiani exinde fuissent heretici, posito, si tenuissent, ad initium fidei influere

Tomus II.

talem gratiam, cui posset voluntas humana resistere, vel obtemperare. Nam excludere gratiam internam, cui voluntas posset resistere vel obtemperare, est excludere gratiam internam sufficientem, quod utique juxta jam dicta est hæreticum: Ipsissima enim Catholica docet veritas, etiam in statu naturæ lapsæ aliam reperiri gratiam efficacem, qua possumus salutariter operari, & simul operabimur; & aliam sufficientem, qua possumus quidem salutariter operari, sed vitio voluntatis non operabimur, resistentes Spiritui Sancto, & in vacuum Gratiam Dei recipientes. Concilium Tridentinum Sess. 6. de Justificat. can. 8. anathematizat illum, qui dixerit, liberum arbitrium NB. & Deo motum & excitatum non posse dissentire, si velit: adeoque agnoscit aliquam Gratiam Divinam, cui tamen ex parte voluntatis creatæ non correspondet operatus effectus, quæ est ipsissima gratia sufficiens.

18. *Quinta propositio* Jansenii ait, *Semi-Pelagianum esse dicere, quod Christus pro omnibus omnino hominibus mortuus fuerit, aut sanguinem fuderit.* Ast falsissima est hæc Jansenii assertio: non enim alicujus Semi-Pelagianismi arguendi sunt illi, qui tenent id, quod ipsamet æterna Veritas docet, nimirum quod Christus dederit semetipsum Redemptionem pro omnibus. 1. *Timoth. cap. 2.* Potius hæretica est doctrina Jansenii *Lib. 3. de gratia Salvatoris cap. 21.* volentis, Christum pro solis Electis, non autem pro reprobis fuisse passum, quod ipsum tenuit Calvinus *Lib. 3. Institut. in caput 17. Joannis.* Cujus doctrinam damnat Concilium Tridentinum Sess. 6. de Justificat. cap. 3. de Christo inquit: *Ille pro omnibus mortuus est:* ergo etiam pro infidelibus, ac reprobis. Vide dicta Cap. II. num. 165. & 180.

Profecto primus Adam peccato suo omnes maculavit: ergo etiam secundus Adam, Christus, sanguine suo omnes redemit: nam juxta Apostolum *Rom. cap. 5. v. 18.* *Sicut per unius delictum in omnes homines in condemnationem; sic & per unius justitiam in omnes homines in justificationem vitæ.* Judicabit aliquando Christus totum terrarum orbem, ostendendo etiam reprobis, qualiter ipsis per sanguinem suum procuraverit gratiam sufficientem, quos apud Divum Augustinum *Lib. 2. de Symbolo ad Catechumens cap. 8.* sic alloquitur: *Ecce hominem, quem crucifixistis; ecce Deum, & hominem, in quem credere nolulistis: videtis vulnera, quæ infixistis: agnoscitis latus, quod pupugistis; quoniam & per vos, NB. & propter vos apertum est, & tamen intrare nolulistis.* Eh! quam clare stet pro veritate Catholica Divus Augustinus, qui pariter in Psalmum 95. *Judicabit orbem terræ in aequitate,* addit: *non partem; quia non partem emit, totum judicare habet orbem, quia pro toto pretium dedit; pretium nimirum sacratissimi sui sanguinis.* Vide de hoc fulius Dominicum Viva *Part. 3. Trutina Theologica apud me fol. 152. ac seqq.* & Franciscum Bonal. *Parte 2. Christiani hujus temporis quasi per totum; præsertim vero capite 27.*

19. Corollarii loco ad intelligendam perfecte hanc quintam propositionem damnatam, atque solvendos nonnullos Sacræ Scripturæ, & SS. PP. textus, qui primo aspectu videntur favere Jansenio.

K 1

Janſenio, bene notabis, quod hæc Verba, *Chriſtus pro omnibus ad Patrem ſuum cœleſtem oravit; pro omnibus ſanguinem fudit, pro omnibus eſt mortuus &c. &c.* quod (inquam) hæc verba duplicem poſſint habere ſenſum. *Primo* ſic, quaſi Chriſtus æquali prorſus modo reſpectu omnium Orationes ſuas, effuſionem ſanguinis, & mortem voluerit applicare. *Secundo* taliter, quod quidem pro omnibus id feciſſe intelligatur, inæqualiter tamen, ita, ut intenderit, Orationes, Sanguinem ſuum, & mortem peculiari quodam affectu, & adhuc efficacius applicare pro Electis, ſeu prædeſtinatis, Iſtis non ſolum gratiam ſufficientem, verum etiam ſingularia auxilia, ſeu gratiam efficacem procurando. In ſecundo ſenſu tenent Catholici, Chriſtum pro omnibus orariſſe, & paſſum fuiſſe; primo autem ſenſu putant Semi-Pelagiani, Deum voluiſſe omnes ſalvos fieri, ac Chriſtum pro omnibus Orationes, & Paſſionem æqualiter applicaſſe. Contra quos S. Fulgentius Lib. de Incarnat. & grāt. cap. 29. invehitur ſequentibus verbis: *Illud Apoſtolicum, ubi dicitur de Deo; qui vult omnes homines ſalvos fieri, & ad agnitionem veritatis venire; non ſicut oportet, intelligunt, qui hanc Dei voluntatem, ſicut in vaſis miſericordia, ſic & in vaſis ira accipiendam exiſtimant.*

20. Ex hac diſtinctione de applicatione Orationum, atque Meritorum Chriſti reſpectu Prædeſtinatorum, & Reprobatorum (nimirum quod Chriſtus quidem pro omnibus oraverit, ac omnibus voluerit ſanguinem, & mortem ſuam applicare, ſpeciali tamen, & ſingulari quodam modo Electis) ex hac, inquam, diſtinctione facile ſolvuntur textus Sacræ Scripturæ, & SS. PP. qui in favorem Janſeniſtarum innuere videntur, Chriſtum non pro omnibus, ſed tantum pro multis oraſſe, atque paſſum fuiſſe, uti habetur Joannis cap. 17. *Non pro mundo rogo, ſed pro iis, quos dediſti mihi: id eſt, non pro reprobis, ſed pro prædeſtinatis*, uti explicat S. Auguſtinus Tract. 107. in Joannem. Item Matth. cap. 20. *Filius hominis venit dare animam ſuam Redemptionem pro multis.* Nec non cap. 26. *Hic eſt Sanguis meus novi Teſtamenti, qui pro multis effundetur.* Reſpondetur enim declarando ſimiles textus. Chriſtus pro multis, id eſt, pro prædeſtinatis, ſeu Electis tantum oravit, & paſſus fuit ſpeciali quodam modo, hiſce ſingularia, & extraordinaria procurando auxilia, Concepſo. Taliter, ut abſolute alios voluerit ab oratione, & Paſſione excludere, atque gratias ſufficientes ſubtrahere, nego; nam Pater Cœleſtis proprio Filio ſuo non pepercit, ſed *NB. pro nobis omnibus tradidit illum.* Ad Rom. Cap. 8. v. 32. Videantur dicta Num. 18.

### §. VIII.

*Quomodo Doctrina Janſenii, eo mortuo fuerit ulterius dilatata, maxime per Antonium Arnaldum, & per Paſchaſium Quesnellium, ejusque Sectatores.*

21. Sublato per mortem Cornelio Janſenio, ac in carcere detento Ejusdem Collega, Joanne Vergerio, aut ſublata, aut ſaltem, ne ulterius ſeſe diffunderet, coarctata videri poſſet Secta

Janſeniana: contrarium tamen oſtendit experientia non ſatis deploranda, dum ſubintroeuntes alii duo (nimirum Antonius Arnaldus, ſeu Arnaudus, & Paſchaſius Quesnellius) præcedentium ſuffulti principiis, non minores in Eccleſia Catholica tumultus excitarunt. Erat Arnaudus anno 1612. nobili genere Pariſiis natus, ibique abſolutis humanioribus, & ſuperioribus diſciplinis Theologiæ Doct̃or creatus, vir acris quidem, ſed ſimul tamen pertinacis ingenii, hincque ſucceſſu temporis Societati Sorbonenſi, cui anno 1643. fuit adſcriptus, plurimum exoſus. Cujus etiam librum, ſuppreſſo nomine, editum, atque *de magnitudine Eccleſia Romana, & SS. Petri & Pauli ſupremo Pontificatu* inſcriptum pariter Alexander VII. reprobavit, eo quod nullam inter hos duos Apoſtolos ſubordinationem, ſed omnimodam in poteſtate æqualitatem defendere præſumpſerit, occulte exin rejiciens Suprematum Romani Pontificis, Divi Petri ſucceſſoris. Compulſus tandem excedere Galliis, Belgium adiit, quem Bruxellis morantem Paſchaſius Quesnellius, Congregationis Oratoriæ Presbyter, ac amandiſſimus Patriota præcedentis (utpote pariter Pariſiis anno 1634. genitus) inter mille gaudia invenit, ibique cum chariſſimo ſuo Arnaldo aliquot annis delituit, utpote cum nec Ipſe Quesnellius in Galliis amplius ſecurus fuiſſet, partim ob diſſertationes in opera S. Leonis Papæ, auctoritatem ſummi Pontificis non parum diminuentes, partim ob refractariam renitentiam, dum in comitiis Patrum Oratorii legitimorum ſuorum Superiorum Propositiones Janſenii in ſcholis ſuis ſevere prohibentium, aſſignatæ Doctrinæ formulæ noluit acquieſcere, poſthabitis non tantum horum Superiorum, ſed & Archiepiſcopi Pariſienſis, ac Regiis mandatis. Hoc igitur tempore exilii, ac Latibuli ſui par nobile fratrum (ſi Superis placet) furtivis typis in lucem protruſerunt plurimos peſtiferos Libros, famoſos libellos, alioſque partus Sectæ Janſenianæ ſummopere faventes, uſque dum a Marchione de Caſtagna, Generali Gubernatore, recogniti anno 1690. a totius Belgii Catholici ditionibus exire juſſi fuerunt, quærentes refugium apud Batavos acatholicos, atque ab his eadem promptitudine recepti, ac ipſi libri Janſeniani, quos præcedenter Calviniſtæ in Hollandia illico laborarunt in vulgarem Patriæ ſuæ linguam traducere, altum clamantes, nil aptius fore ad confirmanda fidei ſuæ dogmata. A Batavis, ſeu Hollandis migrarunt ad Leodiēſes: demum Paſchaſius Quesnellius reverſus eſt Bruxellas, & verosimilius cum eodem indiviſibilis ſocius Arnaldus, qui anno 1694. ætatis ſuæ 82. annorum ex hac vita deceſſit, & huic agonizanti dicitur Prior adſtiſſe. Solus igitur tamquam principalis relictus Quesnellius non deſtitit plures undique ſibi ſocios, ac fautores præſertim in Belgio, & Gallia conquirere, quorum etiam adjutorio anno 1693. & 1694. Pariſiis in ſtatu completo prodiit famoſus ejusdem liber *Reflexiones morales in novum teſtamentum &c.* intitulatus, diverſis Janſeniſtarum ſcriptis publicis deſenſus. Erat in libro hoc in primis Ipſe textus ſacer (teſte Clemente XI.) in

in non Paucis vitiatus, a Vulgata editione multipliciter discrepans, ac versioni Montensi jam antea a Clemente IX. & Innocentio XI. rejectæ in multis conformis: deinde textus Scripturæ pluries in sensus alienos, & sæpe adeo noxios detortus, ut Clemens XI. anno 1708. 13. Junii non solum librum illum prohibuerit, sed etiam anno 1713. post maturissimum examen ex eo per Bullam *Unigenitus*. 101. propositiones variis censuris affecerit. Protestans Quæsnellius a Papa ad futurum Generale Concilium (nescio quo tempore futurum) more Hæreticorum appellavit, huicque appellationi etiam brevi ante obitum suum conformiter jam dictis pertinaciter inhæsit, mortuus Amstelodami 1719. ætatis suæ 85. annorum.

## §. IX.

*Continens centum, & unam propositiones Paschasii Quæsnellii a Clemente XI. per Bullam Unigenitus damnatas una cum earum Declaratione.*

*Clemens Episcopus Servus Servorum DEI.*

**Universis Christi fidelibus Salutem & Apostolicam Benedictionem.**

22. „ Unigenitus Dei Filius pro nostra, & totius mundi salute filius hominis factus, dum Discipulos suos doctrina veritatis instrueret, universamque Ecclesiam suam in Apostolis erudiret, præsentia disponens, & futura prospiciens, præclaro, ac saluberrimo documento nos admonuit, ut attenderemus a falsis Prophetis, qui veniunt ad nos in vestimentis Ovium; quorum nomine potissimum demonstrantur Magistri illi mendaces, & in deceptione illusores, qui splendida pietatis specie prava dogmata latenter insinuant, introducunt Sectas perditionis sub imagine sanctitatis; utque facilius incautis obrepant, quasi deponentes lupinam pellem, & sese Divinæ Legis sententiis, velut quibusdam ovium velleribus obvolventes Sanctarum Scripturarum; adeoque etiam ipsius novi Testamenti verbis, quæ multipliciter in suam, aliorumque perditionem depravant, nequiter abutuntur: antiqui scilicet, a quo progeniti sunt, mendacii parentis exemplo, ac Magisterio edocti, nullam omnino ad fallendum expeditiorem viam, quam, ut, ubi nefarii erroris subintroducitur Fraudentia, ibi Divinorum Verborum prætendatur Auctoritas.

„ His Nos vere Divinis Monitis instructi, ubi primum non sine intima Cordis nostri amaritudine accepimus Librum quemdam, Gallico idiomate olim impressum, & in plures Tomos distributum sub titulo: *Le nouveau Testament en François, avec des Reflexions morales sur chaque verset &c.* a Paris 1699. Alter vero: *Abbrégé de la morale de l'Evangile, des Actes des Apôtres, des Epistres de saint Paul, des Epistres Canoniques, & de l'Apocalypse; ou Pensées Chrétiennes sur le Texte de ces Livres Sacrez. &c.* a Paris 1693. & 1694. Tamen si alias a nobis damnatum, ac revera Catholicis veritatibus pravarum Doctrinarum mendacia mulciferam permiscentem, adhuc

tamen tamquam ab omni errore immunem a pluribus haberi, Christi fidelium manibus passim obtrudi, ac nonnullorum nova semper tentantium consilio, & opera studiose nimis quaquaversum disseminari, etiam latine redditum, ut perniciosæ institutionis contagium, si fieri possit, pertranseat de gente in gentem, & de regno ad populum alterum: versutis hujusmodi seductionibus, atque fallaciis creditum nobis Dominicum gregem in viam perditionis sensim abduci summopere doluimus: adeoque Pastoralis non minus curæ nostræ stimulis, quam frequentibus Orthodoxæ fidei Zelatorum querelis, maxime vero compurium Venerabilium Fratrum, præsertim Galliæ Episcoporum, literis, ac precibus excitati, gliscenti morbo, quietiam aliquando posset in deteriora quæque prorueret, validiori aliquo remedio obviam ire decrevimus.

Et quidem ad ipsam ingruentis mali causam providæ nostræ considerationis intuitum convertentes perspicue novimus, summam hujusmodi libri perniciem ideo potissimum progredi, & invalescere, quod eadem intus lateat, & velut improba sanies, non nisi secto ulcere erumpat; cum liber ipse primo aspectu legentes specie quadam pietatis illiciat; molli enim sunt sermones ejus super oleum; sed ipsi sunt jacula, & quidem intento arcu ita ad nocendum parata, ut sagittent in obscuro rectos corde. Nihil propterea opportunius, aut salubrius a Nobis præstari posse arbitrati sumus, si fallacem libri doctrinam generatim solummodo a Nobis hætenus indicatam, pluribus sigillatim ex eo excerptis propositionibus, distinctius, & apertius explicarem, atque universis Christi Fidelibus noxia zizaniorum semina e medio Tritici, quo tangebantur, educta, velut ob oculos exponeremus. Ita nimirum denudatis, & quasi in patulo positis, non uno quidem aut altero, sed plurimis, gravissimisque tum pridem damnatis, tum etiam nove adinventis erroribus, plane confidimus, benedicente Domino, fore, ut omnes tandem apertæ jam, manifestæque veritati cedere compellantur.

Id ipsum maxime e re catholica futurum, & sedandis præsertim in florētissimo Galliæ Regno exortis ingeniorum varie opinantium, jamque in acerbiores scissuras protendentium dissidiis apprimere proficuum; conscientiarum denique tranquillitati perutile, & propemodum necessarium, non modo præfati Episcopi, sed & ipse in primis Charissimus in Christo filius noster Ludovicus Francorum Rex Christianissimus, cujus eximium in tuenda Fidei Catholicæ puritate, extirpandisque erroribus Zelum satis laudare non possumus, sapius Nobis est contestatus: repetitis propterea vere piis, & Christianissimo Rege dignis officiis, atque ardentibus votis a Nobis efflagitans, ut instanti animarum necessitati prolata quantocyus Apostoli censura Judicii consuleremus.

Hinc adspirante Domino, Ejus Cælesti ope confisi, salutare opus sedulo, diligenterque, ut rei magnitudo postulabat, aggressi sumus, ac plurimas ex prædicto libro, juxta supra recensitas

„ fides respective editiones, fideliter extractas, &  
 „ tum Gallico, tum Latino idiomate expressas  
 „ propositiones a compluribus in sacra Theologia  
 „ Magistris, primo quidem coram duobus ex Ve-  
 „ nerabilibus Fratribus nostris Sanctæ Romanæ  
 „ Ecclesiæ Cardinalibus accurate discuti: Deinde  
 „ vero coram Nobis adhibito etiam aliorum  
 „ complurium Cardinalium consilio, quam ma-  
 „ xima diligentia, ac maturitate, singularum in-  
 „ super propositionum cum ipsomet Libri textu  
 „ exactissime facta collatione, pluries iteratis con-  
 „ gregationibus, expendi, & examinari mandavi-  
 „ mus. Hujusmodi autem propositiones sunt, quæ  
 „ sequuntur, videlicet:

### PROPOSITIO I.

23. *Quid aliud romanet anima, quæ Deum, atque ipsius gratiam amisit, nisi peccatum, & peccati consecutiones, superba paupertas, & segnis indigentia, hoc est, generalis impotentia ad laborem, & orationem, & ad omne opus bonum?*

### DECLARATIO.

Docet in præsentî Quesnellius; primo hominem peccatorem cum gratia deperdere omnia alia dona supernaturalia, nec remanere nisi peccatum, & peccati consecutiones &c. hoc tamen falsum est; quia in tali peccatore e. g. deliberatam complacentiam veneream admittente adhuc tamdiu remanent fides, & spes, usque dum talis peccatum committat his virtutibus directe oppositum. Unde Concil. Trid. sess. 6. de justif. can. 28. damnat illos, qui dicunt, *amissa per peccatum gratia simul & fidem semper amitti.* Docet Quesnellius secundo, hominem, deperdita per peccatum mortale gratia, reddi impotentem ad omne opus bonum. Hoc iterum est falsum; quia alias, si exinde talis peccator fieret impotens ad omne opus bonum, non haberet amplius libertatem indifferentiæ ad ullum actum bonum, mediante gratia divina actuali incitante (non necessitante) eliciendum, sicque a tali peccatore tolleretur liberum arbitrium in ordine ad actus bonos, quæ præter Jansenium etiam est ipsissima Doctrina Lutheri, & Calvini damnata, & superiori Cap. II. jam sæpius reprobata.

### PROPOSITIO II.

24. *JESU Christi gratia, principium efficax boni cujuscumque generis, necessaria est ad omne opus bonum: absque illa non solum nihil fit, sed nec fieri potest.*

### DECLARATIO.

Ista propositio excludit ab homine gratiam sufficientem, solamque hic, ac alibi per decursum sæpius concedit gratiam efficacem; cum gratiam JESU Christi in Communi definiat, quod sit *Principium NB. efficax cujuscumque boni, sine qua nec aliquid bonum fit, nec fieri potest.*

Ast hæreticum est, sentire, gratiam efficacem ita ad omne opus bonum esse necessariam, ut sine ea ne quidem aliquid boni fieri possit; nam multa opera bona sunt, quæ etsi actualiter ab hominibus non peragantur, fieri tamen possent etiam meritorie cum sola gratia sufficiente, modo vellent homines cooperari: alias enim infideles, qui se

non convertunt ad fidem, & Peccatores, ac reprobi, qui finalem non agunt pœnitentiam, merito se excusare valerent; quoniam similia sine gratia efficaci in principiis Quesnellii ex una parte facere nequeunt, ex altera vero non est in ipsorum potestate habere gratiam efficacem, quam Deus non cuilibet homini largitur: alias enim quilibet semper stante gratia poneret effectum.

### PROPOSITIO III.

25. *In vanum Domine præcipis, si tu ipse non das, quod præcipis.*

### DECLARATIO.

Ut mens Palchalii Quesnellii circa hanc, & plures subsequentes propositiones recte penetretur pro nunc & semper *Notandum est.* 1. in ordine ad opus bonum meritorium faciendum, sive illud sit opus de præcepto, sive tantum de consilio, in principiis Catholicorum semper necessarium esse aliquam gratiam actualem. *Notandum* 2. gratiam actualem interiorē a Catholicis dividi in sufficientem, & efficacem: prima est, cum qua posset quidem elici ab homine opus meritorium, sed vel ex Socordia aut malitia voluntatis humanæ, aliave ex causa actualiter non elicitur. Altera nimirum interna efficax vocatur illa, cum qua non solum potest, verum etiam actu ponetur certo opus meritorium cooperante cum Gratia Divina actualiter, & cum libertate indifferentiæ voluntate creatâ. *Notandum* 3. a Luthero, & Calvino gratiam sufficientem absolute negari. Quod si vero ipsis objiciatur, ex hoc sequi, legis implementum in statu naturæ lapsæ homini esse impossibile: Respondent concedendo totum; addunt tamen, hoc non obstante, hominem transgrediendo Legem, adhuc peccare, quoniam ad peccatum juxta præfatos sufficit libertas a coactione, & in sua causa ratione peccati originalis. *Notandum* 4. Pariter a Jansenio omnem gratiam sufficientem negari; hinc *Lib. 3. de gratia Christi*, gratiam sufficientem intulit *monstruosam*, & propositione inter damnatas II. ait generaliter, gratiam interiorē esse illam, cui numquam resistitur, quæ in re ipsa est gratia efficax. *Notandum* 5. Palchasium Quesnellium in hoc puncto, uti in aliis preesse insistere vestigiis Jansenii, & hinc in homine peccatore adstruere impotentiam generalem ad omne opus bonum &c. uti colligitur ex præcedentibus.

His igitur prænotatis in principiis Quesnellii propositio ista tertia facit hunc sensum: *Domine, si tu hominibus, quibus præcepta imponis, non das simul gratiam efficacem, in vanum ponis aliqua præcepta, cum homines sine gratia efficaci nullum opus bonum possint facere.* Quis non intelligit in tali sensu dictam propositionem Deo esse summe injuriosam? Nam cum Deus pluribus hominibus non det gratiam efficacem, & tamen ipsis præcepta imponat, hæc impositio apud Quesnellium foret actualiter vana, utpote de re servatu actualiter impossibili. Econtra vero, si Quesnellius præter efficacem etiam admitteret gratiam sufficientem, mentionata propositio in ordine ad opus aliquod præceptum meritorium verissima existeret, utpote hunc sensum faciens: *Si tu Domine non dares simul aliquam gratiam in ordine ad opus quoddam præscriptum, ac simul me-*  
*ritorium,*



honorarium, frustraneum foret tuum preceptum, cum sine aliqua gratia (quam tamen saltem sufficientem Tu nulli denegas) non posset homo de facto aliquod opus NB. meritorium facere.

#### PROPOSITIO IV.

26. Ita Domine omnia possibilia sunt ei, cui omnia possibilia facis, eadem operando in illo.

#### DECLARATIO.

Ista propositio alludit denuo ad gratiam efficacem, consequenter facit hunc sensum: *tunc omnia opera bona ac precepta sunt nobis possibilia, quando Tu Domine dando gratiam efficacem facis possibilia.* Ex quo sequeretur iterum, quod quamplures homines infideles, & fideles, quibus Deus non dat gratiam efficacem, haberent impotentiam sese ad fidem, vel ad salutarem poenitentiam convertendi. Ad quid ergo Deus omnibus præcipit impiis Ezech. cap. 33. *Convertimini a viis vestris pessimis, si illi, quibus deest gratia efficax, sunt impotentes sese convertendi?* Profecto *Deus impossibilia non jubet*, uti sub anathemate docet Concil. Trid. Sess. 6. de justificat. cap. 11.

#### PROPOSITIO V.

27. Quando Deus non emollit cor per interiorem unctionem gratia suæ, exhortationes, & gratia exteriores non inserviunt, nisi ad illud magis obdurandum.

#### DECLARATIO.

Per unctionem interiorem gratiæ Divinæ intelligit Quesnellius conformiter præcedentibus dictis gratiam efficacem, ita ut dicta propositio hunc faciat sensum; *Nisi gratia interior efficax accedat, exhortationes, & gratia exteriores non inserviunt, nisi ad magis cor hominis indurandum.* At denuo falsum est, quod exhortationes, miracula, aliæve gratiæ exteriores non inserviant, nisi ad cor hominis magis obdurandum, cum Clementissimus Deus similia cum gratia interiori saltem sufficienti conjuncta immittat ad cor hominis emolliendum. Quod si quis, uti alter Pharaon per miracula Moysis, magis exinde obduretur, inlicita & culpa peccatoris est, non ipsius misericordissimi Dei.

#### PROPOSITIO VI.

28. Discrimen inter fœdus Judaicum & Christianum est, quod in illo exigit Deus sugam peccati, & implementum Legis a peccatore, relinquendo illum in sua impotentia: in isto vero Deus peccatori dat, quod cupit, illum sua gratia purificando.

#### DECLARATIO.

Propositio ista plura continet erronea. In primis enim falsum est, quod in fœdere Judaico Deus exegerit Legis implementum, & tamen non dederit gratiam sufficientem, sed reliquerit Judæos in sua impotentia: sic enim iterum tolleretur libertas indifferentiæ, & nihilominus Judæis imputaretur peccatum. Secundo falsum est, quod nulli existentes in antiquo testamento Legem adimpleverint: multi enim cum Abraham, Isaac, Jacob, & Moyse per circumcisionem, vel per fidem in Messiam venturum, aut per aliud remedium a Deo institutum a peccato originali mandati Legem taliter observaverunt, ut concurrente simul i gratia

efficaci finaliter absque actuali aliquo gravi peccato ex hac vita decesserint, nunc æterna fruentes beatitudine. Tertio commentitium est, quod Deus in lege nova cuilibet peccatori tribuat gratiam efficacem, quam Jansenistæ juxta jam dicta num. 25. subintelligunt in illis verbis: *Dat, quod jubet.* Videmus enim etiam in Lege nova multos gravissimos peccatores impoenitentes, vel subitanea morte præoccupatos ex hac vita abire.

#### PROPOSITIO VII. & VIII.

29. VII. Quæ utilitas pro homine in veteri fœdere, in quo Deus illum reliquit ejus propria infirmitati, imponendo ipsi suam legem? quæ vero felicitas non est, admitti ad fœdus, in quo Deus nobis donat, quod petimus a nobis.

VIII. Nos non pertinemus ad novum fœdus, nisi in quantum participes sumus ipsius novæ gratiæ, quæ operatur in nobis id, quod Deus nobis præcipit.

#### DECLARATIO utriusque.

Duplex hæc propositio innititur iisdem falsis principiis, quibus præcedens; quasi nimirum in lege veteri nulla fuisset data gratia interior ad legem observandam; existentibus autem in lege novæ tribuatur gratia interior efficax, atque per hoc Lex antiqua distinguatur a Lege nova, quæ vocatur Lex gratiæ. Falsum autem esse, quod exinde desumenda sit distinctio inter utramque Legem, jam patet ex dictis, cum utrobique tam gratia sufficiens, quam efficax a Deo fuerit clementissime concessa, cum hoc tamen discrimine, quod in Lege nova ob merita Christi actu exhibita Deus nobis largiatur copiosiores, atque uberiores gratias, quam in lege veteri ob merita Christi præcise prævisa.

#### PROPOSITIO IX.

30. Gratia Christi est gratia supremæ, sine qua Christum confiteri numquam possumus, & cum qua idem numquam abnegamus.

#### DECLARATIO.

Se denuo patefacit Quesnellius, quod nullam aliam gratiam internam per merita Christi nobis comparatam admittat, nisi efficacem, sive illam, cum qua numquam Christum abnegamus, quæ est ipsissima gratia efficax. Errat autem Quesnellius in hoc, quia vult, absque hac gratia nos NB. neque posse Christum confiteri, quod est falsissimum; possemus enim id etiam facere cum gratia sufficiente, dummodo vellemus, juxta jam sæpius dicta. Unde æque ista Quesnellii, ac alia intimi sui amici Arnaldi doctrina merito tamquam hæretica rejici debet, dum nempe ille alius docuit, Sanctum Petrum ex defectu gratiæ efficacis non potuisse non abnegare Christum.

#### PROPOSITIO X. & XI.

31. X. Gratia est operatio manus omnipotentis Dei, quam nihil impedire potest, aut retardare.

XI. Gratiæ non est aliud, quam voluntas omnipotentis Dei, jubentis, & facientis, quod jubet.

#### DECLARATIO.

In duplici hac propositione ad minus duplex gravissimus error contra sensum Catholicæ Ecclesiæ

etiam reperitur. Primo, quia Quesnellius tam hic, quam adhuc clarius propositione 19. constituit gratiam divinam generaliter in aliquo extrinseco, minime in omnipotente voluntate Divina jubente, & faciente, quod jubet; cum tamen Concilium Tridentinum contra Lutherum, & Calvinum gratiam æque ac charitatem habituales Sess. 6. de Justificat. Can. 11. agnoscat tamquam ens positivum animæ inhaerens. Secundo errat, quia iterum ab hominibus excludit gratiam sufficientem, seu illam, cujus operatio potest a libero arbitrio impediri: cum tamen eandem agnoscat Apostolus 2. Corinth. cap. 6. exhortando suos Corinthios, ne in vacuum gratiam Dei recipiant, quæ admonitio foret ridicula, si non daretur aliqua gratia sufficiens, seu talis, cujus operatio per liberum arbitrium posset impediri: Gratiam enim Dei in vacuum recipere nihil aliud est, quam gratiam quidem recipere, intentam tamen per gratiam operationem in effectum non deducere.

## PROPOSITIO XII.

32. Quando Deus vult salvare animam, quocumque tempore, quocumque loco, effectus indubitabilis sequitur voluntatem Dei.

## DECLARATIO.

Ex hac propositione sequeretur, Deum non voluisse reprobos salvos facere; cum Salvationis effectus apud hos non sequatur: quod equidem docuit Calvinus, ac postea Jansenius: utriusque tamen hæresin jam superius refutavimus; cum Deus velit omnes salvos fieri, pro omnibus se dedat in Redemptionem, & pro omnibus sit mortuus, & consequenter etiam pro reprobis.

## PROPOSITIONES XIII. XIV. XV. XVI. XVII. XVIII. XIX. &amp; XX.

33. XIII. Quando Deus vult animam salvam facere, & eam tangit interiori gratia sua manu, nulla voluntas humana ei resistit.

XIV. Quantumcunque remotus a salute sit peccator obstinatus, quando JESUS se ei videndum exhibet lumine salutari sua gratia, oportet, ut se dedat, accurrat, sese humiliet, & adoret Salvatorem suum.

XV. Quando Deus mandatum suum, & suam æternam locutionem comitatur unione sui spiritus, & interiori vi gratia sue, operatur illa in corde obedientiam, quam petit.

XVI. Nulle sunt illecebre, quæ non cedant illecebris gratia, quia nihil resistit omnipotenti.

XVII. Gratia est vox illa Patris, quæ homines interiorius docet, ac eos venire facit ad JESUM Christum. Quicumque ad Eum non venit, postquam audit vocem exteriorem Filii, nullatenus est doctus a Patre.

XVIII. Semen Verbi, quod manus Dei irrigat, semper affert fructum suum.

XIX. DEI gratia nihil aliud est, quam Ejus omnipotens voluntas: hæc est idea, quam Ipse nobis tradit in omnibus suis Scripturis.

XX. Vera Gratia idea est, quod Deus vult sibi a nobis obediri, & obediri; imperat, & omnia sunt; loquitur tamquam Dominus, & omnia sibi submissa sunt.

## DECLARATIO.

Omnes istæ propositiones denno se fundant in eo, quod non detur gratia, nisi efficax, cui in statu naturæ lapsæ numquam resistitur, uti docet Jansenius Antesignanus Propositione II. & Quesnellius constanter erroneam hanc doctrinam profequitur. Quæro autem ego, ex ipsis, utrum, dum multi sunt vocati, pauci vero Electi, Matth. 20. utrum, inquam, soli a Deo Electi, si aliquando peccent, habeant gratiam internam in ordine ad conversionem, vel non? si soli Electi: ergo alii frustra vocantur, cum in Jansenistarum Principiis sint impotentes ad omne opus bonum, consequenter etiam ad conversionem: profecto, si quis non habens alas, vocaretur ad volandum, ridicula foret hæc vocatio, prout recte observat Viva hic. Quod si vero præter Electos etiam reliqui vocati obtineant a Deo gratiam internam, talis gratia apud illos peccatores, qui vocem hanc Domini non sequuntur, erit sufficiens: nam si quoad omnes vocatos foret efficax, omnes illi vocati converterentur actualiter; cum tamen contra multos conqueratur Deus Proverb. cap. 1. v. 24. Vocavi, & tenuistis.

## PROPOSITIONES XXI. &amp; XXII.

34. XXI. Gratia JESU Christi est gratia fortis, potens, suprema, invincibilis, utpote quæ est operatio voluntatis omnipotentis, sequela, & imitatio operationis Dei incarnantis, & resuscitantis Filium suum.

XXII. Concordia omnipotentis operationis Dei in corde hominis, cum libero ipsius voluntatis consensu demonstratur illico nobis in Incarnatione, veluti in fonte, atque archetypo omnium aliarum operationum misericordia, & gratia, quæ omnes ita gratuita, atque ita dependentes a Deo sunt, sicut ipsa originalis operatio.

## DECLARATIO.

Postquam Quesnellius mentem suam clarius aperuit, quidnam proprie per interiorem JESU Christi gratiam intelligat, dicendo, quod eadem nihil aliud sit, quam voluntas DEI omnipotentis, seu potius operatio voluntatis Divinæ jubentis, quod vult, & dantis, seu efficiens, quod jubet: ulterius pergit, ut magis capiatur, instituendo aliquam paritatem inter Incarnationem, & Resurrectionem ex una, inter gratiam JESU Christi ex altera parte, ut sic concordet omnipotentis Dei operationem cum libero ipsius voluntatis consensu: ait enim, uti Incarnatio, & Resurrectio active sumendo est operatio omnipotentis voluntatis Dei, ita quoque Gratia JESU Christi tamquam fortis, potens, suprema & invincibilis est imitatio operationis DEI Incarnantis, resuscitantis filium suum. Ast plane, si alias omnis similitudo claudicat, hæc omnino utroque caret pede, dum non solum gratiam sufficientem iterum excludit, verum etiam ipsum quoque conceptum formalem gratiæ efficacis destruit: nam, stante hac paritate, voluntas a libera cooperatione per gratiam efficacem omnino excluditur; cum tamen gratia efficax juxta Catholicos liberum arbitrium quoad cooperationem suam omnino admittat. Probatur hoc nostrum assertum taliter: Operatio DEI Incarn-

Incarnantis, seu producentis unionem hypostaticam inter Verbum Divinum, & humanam naturam: item operatio Dei Patris resuscitantis Filium suum, seu reproducentis unionem inter animam, & corpus Ejusdem est operatio solius Voluntatis Dei Omnipotentis, cui nihil ullatenus ex parte hominis potest reluctari: ergo si est utrobique paritas, etiam operatio Dei circa effectum salutarem erit operatio solius Dei, cui ex parte voluntatis hominis nihil potest reluctari. Subsumitur: atqui hoc pugnat expresse contra Concilium Tridentinum, juxta superius dicta, estque expresse sententia Lutheri atque Calvini negantium libertatem indifferentiae in ordine ad bonum spirituale: ergo.

PROPOSITIONES XXIII. XXIV.  
& XXV.

XXIII. Deus Ipse nobis ideam tradidit omnipotentis operationis suae gratia, eam significans per illam, qua creaturas ex nihilo producit, & mortuis reddit vitam.

XXIV. Justa idea, quam Centurio habet, de Omnipotentia Dei, & JESU Christi in sanandis corporibus solo motu suae voluntatis, est imago idea, qua haberi debet de omnipotentia suae gratia in sanandis animabus a cupiditate.

XXV. Deus illuminat animam. & eam sanat aequae ac corpus sola sua voluntate; jubet, & ipsi obtemperatur.

DECLARATIO.

Ut Jansenistae cum Quesnellio Ideam gratiae JESU Christi juxta suum conceptum hominibus magis imprimerent, adhuc duas instituunt paritates, sed aequae infelici eventui. Prima paritas est de DEO hominem ex nihilo producente, vel mortuum resuscitante: altera vero de Centurione solo motu omnipotentis Divinae voluntatis corporaliter sanato: nam taliter etiam (inquiunt) Deus per gratiam suam creat spiritualiter ex nihilo, & sanat morbos animae humanae. Ast contra est; quia ambae praecedentes operationes ex integro non dependent ex cooperatione hominis; bene vero effectus, & operatio gratiae etiam efficacis: etsi enim stante gratia efficaci infallibiliter, ac certo sequatur effectus; hoc tamen non provenit independentem a libera cooperatione hominis; cum talis homo ponatur a Deo in iis circumstantiis, in quibus praevidet, eum libere suae gratiae cooperaturum. Si quis dixerit, liberum hominis arbitrium a Deo motum, & excitatum nihil cooperari, assentiendo Deo excitanti, atque vocanti, quo ad obtinendam justificationis gratiam se disponat, ac preparet, neque posse dissentire, si velit &c. &c. anathema sit, inquit Concilium Trid. Sess. 6. de Justif. can. 4. toties jam Jansenistis intulcatum.

PROPOSITIONES XXVI. XXVII.  
XXVIII. & XXIX.

36. XXVI. Nulla dantur gratia, nisi per fidem.

XXVII. Fides est prima gratia, & fons omnium aliarum.

XXVIII. Prima gratia, quam Deus concedit peccatori, est peccatorum remissio.

XXIX. Extra Ecclesiam nulla conceditur gratia.

Tomus II.

DECLARATIO.

Docet hic Paschasius Quesnellius, quod nullae dantur gratiae nisi per fidem, & quod ipsa fides sit prima gratia, ac consequenter cum extra veram Ecclesiam non sit vera fides, neque extra eandem existat aliqua gratia. Adjungit, quod respectu peccatoris, ut iterum fiat justus, sit prima gratia ipsa remissio peccatorum. Ast omnia ista apertam continent falsitatem: nam in primis datur gratia praeveniens, excitans adultos ad veram fidem amplectendam: ergo non omnes gratiae dantur per fidem, sed potius debent aliquae admitti praecedentes ipsam fidem. Secundo item nec Ethnici, Turcae, & Judaei carent gratia Divina excitante ad veram fidem &c. quamvis existant extra Ecclesiam: ergo datur aliqua gratia etiam extra Ecclesiam. Tertio per fidem, & spem, seu fiduciam in Deum &c. juxta Concilium Tridentinum Sess. 6. de Justificat. cap. 6. quis erigitur ad poenitentiam, & detestationem peccatorum, quae praecedunt actualem eorum remissionem: ergo ex parte peccatoris remissionem peccatorum praecedunt alii actus salutes mediante gratia Divina elicti, & consequenter ipsa remissio non est prima gratia peccatoris, ut iterum fiat justus.

PROPOSITIONES XXX.

37. Omnes, quos Deus vult salvare per Christum, salvantur infallibiliter.

DECLARATIO.

Quesnellius aequae, ac Jansenius constanter Inimicus gratiae sufficientis per haec ipsa verba iterum eandem rejicere, & solam interioream efficacem adstruere tacite intendit; nam, cum juxta Eum, quos Deus vult salvos facere, infallibiliter salvantur, signum est quod Deus velit solos Electos salvare; isti enim soli (non reprobi) infallibiliter actu salvantur; sicque Deus alios extra Electos non vellet salvare, consequenter nec ipsis aliquod Salvationis remedium, puta gratiam sufficientem procurare. Et ita plane sentiunt Jansenistae, ad dentes propterea, quod Christus pro solis Electis voluerit sanguinem suum fundere, ac mortem obire, atque exinde solis Electis procurare gratiam, & quidem efficacem, ne voluntas Dei suo frustratur effectu. Ast contra hoc assertum pugnant Sacrae Scripturae textus saepius jam allegati: nimirum quod Deus velit omnes salvos fieri, Christus se voluerit dare in Redemptionem pro omnibus, ac pro omnibus voluerit mori. Et licet hoc desiderium saepius ex parte creaturae suo frustratur effectu; ex parte tamen Dei adhuc est omnino efficax, quatenus simul procurat etiam pro reprobis talia remedia sufficientia, seu gratias, ut possent salvi fieri actualiter, dummodo vellent his remediis cooperari. Per dicta tamen nolo negare, quod voluntas Divina salvandi homines &c. respectu Electorum adhuc sit efficacior, quam respectu reproborum, utpote cum Electis ad hanc salutem aeternam obtinendam decreverit dare gratiam finalem non solum sufficientem, verum etiam efficacem, qua stante infallibiliter (absque tamen praesudicio libertatis indifferentiae in voluntate creata ex parte actus primi proximi) sequatur effectus. Utrum autem haec gratia sit

intrinsece, vel tantum extrinsece efficax, relinquatur discussioni ulteriori Theologorum, juxta jam dicta. Mihi ultimum (citra tamen præjudicium alterius sententia) longe præplacet; cum exinde facilius infallibilitas effectus concilietur cum libertate humana ex una parte; ex altera vero adhuc salvetur profunditas Mysterii, uti consideranti patebit.

#### PROPOSITIONES XXXI. & XXXII.

38. XXXI. *Desideria Christi semper habent suum effectum; pacem intimo cordium infert, quando eis illam optat.*

XXXII. *JESUS Christus se morti tradidit ad liberandum pro semper suo sanguine primogenitos, id est, electos de manu Angeli exterminatoris.*

#### DECLARATIO.

Manifestat se clarius in præsentī Quesnellius, præsertim propositione 32. quod idem ac Janse-  
nius propositione quinta circa Passionem Salvatoris sentiat; nimirum quod Christus desideraverit pro solis Electis sanguinem fundere, & per sanguinem suum his solis (non reprobis) gratiam aliquam internam procurare. Id tamen falsum esse, præcedenti numero, ac fusiis numero 18. contra Janse-  
nium ostendimus. Christus in cruce non solum pro omnibus mortuus est, verum etiam pro suis inimicis præsentibus ac futuris ibidem specialiter oravit, dicens Luc. Cap. 23. *Pater dimitte illis: & tamen non omnes, etsi multi, ex inimicis Christi salvantur: quis ergo credat, desiderium Christi per Orationem ad Patrem suum perfectum semper suum habuisse effectum?* Sanctus Augustinus Serm. 4. de Sanctis, loquens de Oratione Christi pendens in cruce inquit: *Quando in cruce pendens orabat, videbat, & prævidebat omnes inimicos, sed multos ex illis futuros amicos prævidebat, & ideo NB. omnibus veniam postulabat.* En! Christus ex numero inimicorum suorum tantummodo multos (NB. non omnes) futuros prævidit amicos, & tamen pro omnibus oravit, consequenter pro iis quoque, qui in inimicitia sunt perstituri, & sic pro reprobis, licet pro ultimis hæc oratio, & Passio Christi non habuerit desideratum Salvationis effectum.

#### PROPOSITIO XXXIII.

39. *Proh! quantum oportet bonis terrenis, & sibi semetipsi renunciasse, ad hoc, ut quis fiduciam habeat sibi, ut ita dicam, appropriandi Christum JESUM, Ejus amorem, mortem, & Mysteria, ut facit Sanctus Paulus dicens: Qui dilexit me, & tradidit semetipsum pro me.*

#### DECLARATIO.

Ante declarationem nota, sibi met ipsi renunciare idem esse, ac suæ propriæ utilitati alias ex actibus bonis capiendæ abdicare; ita, ut nulla jam operatio fiat intuitu mercedis æternæ. Vult itaque Quesnellius, ut quis possit habere fiduciam appropriandi sibi mortem, & Mysteria Passionis Domini nostri JESU Christi, debeat is, uti S. Paulus, renunciare omnibus terrenis, ac etiam propriæ utilitati ex bonis operibus per modum mercedis accipiendæ. Utrumque hoc assertum

#### Continens centum,

non fundatur in Sacra Scriptura: nam in primis renunciare omnibus Bonis terrenis est quidem Consilium Evangelicum; non tamen præceptum. Operari autem intuitu mercedis æternæ ne utique in Sacra Scriptura prohibetur quasi malum. Quin imo Concil. Trid. Sess. 6. de Justificatione. Can. 31. anathematizat illum, qui dixerit justificationem peccare, dum intuitu mercedis æternæ bene operatur.

#### PROPOSITIONES XXXIV. & XXXV.

40. XXXIV. *Gratia Adami non producebat nisi merita humana.*

XXXV. *Gratia Adami est sequela Creationis, & erat debita natura sana, & integra.*

#### DECLARATIO.

Collimat Auctor dictarum propositionum per hæc dicta iterum ad suam gratiam efficacem, faciens propterea aliquam distinctionem inter gratiam Adamo collatam in statu Innocentiæ, & inter gratiam nobis concessam. In statu innocentie admittit quidem, quod gratia Adami non excluderet libertatem indifferentie ex parte hominis, additque hanc gratiam supposita creatione esse naturæ sanæ, & integræ debitam, nec tamen producere, nisi merita humana. Econtra vero in statu naturæ lapsæ vult gratiam esse ab intrinseco efficacem, quæ facit nos velle citra liberam nostram voluntatis electionem, & cooperationem, uti patet ex præcedenti propositione ejusdem 21. & tribus sequentibus. Ait autem hanc gratiam nobis per Christum comparatam producere talia opera supernaturalia, quæ proprie dici possunt merita gratiæ, & dona Dei. Sed contra est, quod in statu Innocentiæ præter vires, & perfectiones naturales ipsi naturæ puræ, ac integræ debitas DEUS Protoparentibus concesserit multa alia privilegia naturæ indebita, quæ pariter in nos fuissent derivata, nisi Adam peccasset. Inter dicta privilegia principale erat gratia sanctificans, quæ dabat jus ad Beatitudinem supernaturalem, seu ad visionem, ac fruitionem beatificam, naturæ puræ ex se consideratæ ne utique debita. Unde falsum est, quod gratia Adami fuerit sequela creationis, ac naturæ debita, & quod opera bona exinde producta fuissent merita mere humana; quoniam ad illa præter voluntatem concurrissent gratia tam habitualis, quam actualis, sicuti de facto; etsi fortassis actualis non fuisset utrobique collata in æquali gradu, cum de facto ob rebellionem carnis, & fomitem peccati indigeamus uberiori. Sanctus Augustinus in Enchiridio cap. 100. de natura humana ante peccatum sic loquitur: *Sine gratia tunc NB. nec ullum meritum esse potuisset; quia etsi peccatum in solo arbitrio erat constitutum, non tamen justitia habenda, vel retinenda sufficiebat liberum arbitrium, nisi participatione immutabilis boni Divinum adjutorium preberetur.*

#### PROPOSITIONES XXXVI. & XXXVII.

41. XXXVI. *Differentia essentialis inter gratiam Adami, & statum Innocentiæ; ac gratiam Christianam est, quod primam unusquisque in propria persona recepit.*



recepisset : ista vero non recipitur, nisi in persona JESU Christi resuscitati, cui nos uniti sumus.

XXXVII. Gratia Adami Sanctificando illum in semetipso, erat illi proportionata : Gratia Christiana nos sanctificando in JESU Christo est omnipotens & digna Filio DEI.

### DECLARATIO.

Duplicem differentiam, & quidem essentialem, statuit Quenellius inter gratiam Adami, in statu Innocentiae, & inter gratiam nostram in statu naturae lapsae. *Prima est*, quod gratia Adami recipitur in persona propria ; gratia vero in statu naturae lapsae in persona JESU Christi, cui nos moraliter sumus uniti. *Secundo*, quod gratia Adami fuerit resistibilis, gratia vero nostra irresistibilis, seu irrefragabilis. Hac tamen explicatio Jansenistica tribus falsis laborat suppositis. 1. falsum est, quod gratia Adami, ac nostra essentialiter differant. Id quidem negari nequit, quod gratia Adami ad constituendam justitiam Originalem completam habuerit aliqua annexa de facto per peccatum originale perditam, praesertim subjectionem partis inferioris ad partem superiorem, ita, ut motus appetitus sensitivi subicerentur appetitui rationali, nec ipso invito confurgerent, prout de facto caro rebellat adversus spiritum &c. ex hoc tamen necdum inferitur, quod gratia Adami in se, & intrinsece distinguatur essentialiter a gratia in statu naturae lapsae. Falsum pariter est 2. quod gratia nobis collata non recipiatur vere in nobis ; nam utraque tam actualis, quam habitualis animae nostrae vere communicatur, cum hoc discrimine, quod gratia habitualis sanctificans ex sua natura sit qualitas permanens, animae inhaerens per modum habitus ; actualis vero sit auxilium Divinum iterum transiens, de quo plura Theologi Tractatu de Gratia. 3. Similiter falsum, & toties jam refutatum est suppositum illud, quod in statu naturae lapsae omnis interior gratia sit irresistibilis ; cum de facto detur sufficiens, cui resisti potest, imo actu resistitur ab hominibus.

Nota, quod si Jansenistae velint per hanc suam dictam Justitiam, ac gratiam nostram nullam esse aliam, quam Justitiam, & gratiam Christi nobis in tantum imputatam, in quantum sumus membra Christo tamquam supremo Capiti moraliter conjuncta, quod (inquam) in tali sensu non multum abluant circa nostram justificationem a Doctrina Lutheri, & Calvini, qui imo iisdem innitantur principiis.

### PROPOSITIONES XXXVIII. XXXIX. XL. XLI. & XLII.

42. XXXVIII. Peccator non est liber, nisi ad malum, sine gratia Liberatoris.

XXXIX. Voluntas, quam gratia non prevenit, nihil habet luminis, nisi ad aberrandum ; ardoris, nisi ad se precipitandum ; virium, nisi ad se vulnerandum. Est capax omnis mali, & incapax ad omne bonum.

XL. Sine gratia nihil amare possumus, nisi ad nostram condemnationem.

XLI. Omnis cognitio Dei, etiam naturalis, etiam in Philosophis ethnicis, non potest venire, nisi a Deo. & sine gratia non producit, nisi presumptionem, vanitatem, & oppositionem ad ipsum Deum, loco affectionum adorationis, gratitudinis, & amoris.

Tomus II.

XLII. Sola gratia Christi reddit hominem aptum ad sacrificium fidei ; sine hoc nihil, nisi impuritas, nihil, nisi indignitas.

### DECLARATIO.

Patet absque ulteriori explicatione ex ipsis his propositionibus, quod Quenellius per eas nihil aliud intendat, quam ab homine in statu naturae lapsae excludere omnem libertatem indifferentiae in ordine ad bonum, indeque insinuare necessitatem gratiae efficaciae ad illud. Sed contra est *primo*, quod hac sit ipsissima Doctrina Michaelis Baji multis antea annis ab Ecclesia damnata, cui censurae etiam Bajus humiliter se subjecit. Propositio Baji ordine 27. sic sonat : *Liberum arbitrium sine gratia adiutorio non nisi ad peccandum valet*. Contra est *secundo*, quod exinde sequeretur, omnia opera infidelium fore mera peccata, utpote in principiis Quenellii destituta gratia : nam juxta ipsum propositione 27. *Fides est prima gratia, & fons omnium aliarum* ; hincque juxta eundem propositione 29. *Extra Ecclesiam nulla conceditur gratia*. Subsumitur : atqui falsum est, quod e.g. *largiri Eleemosynam, honorare parentes, protegere pauperes, atque innocentes* sint apud infideles mera peccata ; ergo. Minor subsumpta probatur : erat enim ista Doctrina Lutheri, Calvini, & Baji jam antecederet ab Ecclesia reprobata ; nam Lutherus in caput 4. Epistolae ad Galatas sic habet : *Opera extra fidem falsa ; ut maxime in speciem sancta videantur, sub peccato, & maledictio sunt*. Idem tenet Calvinus Lib. 3. *Instit. cap. 4*. Propositio Bajana inter damnatas vigesima quinta taliter sonabat : *Omnia opera infidelium sunt peccata, & Philosophorum virtutes sunt vitia*.

### PROPOSITIO XLIII.

43. Primus effectus gratiae baptismalis est facere, ut moriamur peccato ; adeo, ut spiritus, cor, sensus, non habeant plus vitae pro peccato, quam homo mortuus habet pro rebus mundi.

### DECLARATIO.

Uti in prima propositione damnata tenuit Quenellius, deperdita per peccatum gratia nihil remanere in peccatore praeter generalem impotentiam ad omne opus bonum ; ita e contrario in praesentibus docet, quod sublato per gratiam baptismalem peccato in justo tali remaneat impotentia ad peccandum, ita ut in ordine ad exercendas actiones peccaminosas plus vitae non habeat, quam aliquis mortuus ad res mundanas. Ast contra *primo*, quod in principiis Catholicorum gratia baptismalis tamquam sanctificans equidem tollat actuale peccatum, non tamen potentiam peccandi, neque fomitem peccati ; alias enim acquisita semel per baptismum gratia homines redderentur impeccabiles, qui error fuerat Joviniani, jam quarto saeculo ab Ecclesia rejecti. Videatur Joannes Sianda V. *Jovinianus*. Contra est *secundo*, quod baptizatus adhuc habeat potentiam amittendi gratiam baptismalem non solum per infidelitatem, sed etiam per alia gravia peccata : ergo homo baptizatus, non obstante gratia baptismali, habet magis potentiam liberam ad peccandum, quam mortuus ad exercendas operationes mundanas, utpote cum mortuus omni careat

L 2

potentia

potentia quoad operationes vitales. Anteced. probatur ex Concil. Trid. Sess. 7. de Justif. Can. 6. anathematizantis illum, qui dixerit baptizatum non posse, etiamsi vollet, gratiam amittere, quantumcunque peccet, nisi nolit credere.

PROPOSITIONES XLIV. XLV. XLVI.  
XLVII. XLVIII. XLIX. L. LI. LII. LIII.  
LIV. LV. LVI. LVII. LVIII. & LIX.

44. XLIV. Non sunt, nisi duo amores, unde volitiones, & actiones omnes nostra nascuntur; amor Dei, qui omnia agit propter Deum, quem Deus remunerat; & amor, quo nos ipsos, ac mundum diligimus, qui, quod ad Deum referendum est, non refert, & propter hoc ipsum fit malus.

XLV. Amore Dei in corde peccatorum non amplius regnante, necesse est, ut in eo carnalis regnet cupiditas, omnesque actiones ejus corrumpat.

XLVI. Cupiditas, aut charitas usum sensuum bonum vel malum faciunt.

XLVII. Obedientia Legis profluere debet ex fonte; & hic fons est charitas. Quando Dei amor illius est principium interioris, & Dei gloria ejus finis, tunc purum est, quod apparet exterius; alioquin non est, nisi hypocrisis, aut falsa justitia.

XLVIII. Quid aliud esse possumus, nisi tenebra, nisi aberratio, & nisi peccatum sine fidei lumine, sine Christo, & sine Charitate.

XLIX. Ut nullum peccatum est sine amore nostri, ita nullum est opus bonum sine amore Dei.

L. Frustra clamamus ad Deum, Pater mi: si spiritus Charitatis non est ille, qui clamat.

LI. Fides justificat, quando operatur; sed ipsa non operatur, nisi per charitatem.

LII. Omnia alia salutis media continentur in fide, tamquam in suo germine, & semine; sed hac fides non est absque amore, & fiducia.

LIII. Sola charitas Christiano modo facit (actiones Christianas) per relationem ad Deum, & JESUM Christum.

LIV. Sola charitas est, qua Deo loquitur, eam sola Deus audit.

LV. Deus non coronat, nisi charitatem, qui currit ex alio impulsu, & ex alio motivo, in vanum currit.

LVI. Deus non remunerat, nisi charitatem, quoniam charitas sola Deum honorat.

LVII. Totum deest peccatori, quando ei deest spes, & non est spes in Deo, ubi non est amor Dei.

LVIII. Nec Deus est, nec Religio, ubi non est Charitas.

LIX. Oratio impiorum est novum peccatum, & quod Deus illis concedit, est novum in eos iudicium.

DECLARATIO.

Reassumit hic Quesnellius errores pridem ab Ecclesia rejectos, docendo, quod inter amorem Divinum, & inter amorem mundanum nihil mediet, ita quidem, ut omnia opera sint peccaminosa, nisi fiant ex motivo Charitatis Dei, quatenus in se ipso infinite boni; consequenter si credo in Deum, quia infinite verax est, si spero in ipsum intuitu mercedis, quia nobis bonus est, si abstinco a veneratoris ex motivo castitatis, vel si sustineo ærumnas absque ulla querela ex motivo patientiæ, vel do pauperibus ex motivo misericordiæ, vel obtem-

Continens centum.

pero Legi ex motivo obedientiæ &c. omnes isti actus mali sunt, nisi fiant ex imperio, seu motivo charitatis, vel saltem habeant actum charitatis concomitantem.

45. Ast contra est primo, quod idem doceatur a Calvino in Antitodo ad Sess. 5. cap. 25. dicente: Dei iudicio nihil est sincerum, nec probum, nisi quod ex perfecto Eiusdem amore manat. Contra est secundo, quod Concilium Tridentinum Sess. 6. de Justificat. Can. 31. anathematizet illos, qui dicunt peccatum esse operari intuitu mercedis. Formalia sic habent: Si quis dixerit, justificatum peccare, dum intuitu mercedis operatur, anathema sit. Contra est tertio, quod Sacra Scriptura ipsamet invitet sæpius ad exercitium bonorum operum intuitu mercedis, & præmii æterni: Inclina cor meum ad faciendas justificationes tuas NB. propter retributionem, inquit David Psalm. 118. & S. August. in Psalm. 14. Non faciamus aliquid, nisi spe celestium premiorum; ipsa est enim altitudo, non hic querere mercedem, sed sursum. Contra est quarto, quod ex hac doctrina, si inter charitatem, & vicia nihil medieret, sequeretur, peccatorum gravium opera misericordiæ, & orationes ad Deum esse nova peccata, quam sequelam Quesnellius propositione 59. ultro quidem cum Bajo propositione inter damnatas trigesima quinta admittit; Sacra tamen Scriptura contrarium clamat, volens, quod eleemosyna potius resistat peccatis Eccli. 3. v. 33. nec non a morte liberet, & peccata purget, Tob. cap. 12. v. 9. Item Orationes, Eleemosynæ procurarunt Cornelio Centurioni lumen veræ fidei, & sacrum Baptisma, uti testatur Angelus Domini Act. cap. 10. v. 4. Contra est quinto, quod hæc opinio Quesnellii de Charitate fuerit ipsissima Doctrina Michaelis Bajæ jam centum annis, & ultra ante Quesnellium a summis Pontificibus S. Pio V. & Gregorio XIII. damnata. Sic enim Bajus propositione inter reprobata 16. docebat: Non est vera Legis obedientia, qua fit sine charitate. Et propositione 38. Omnis amor creatura rationalis aut vitiosa est cupiditas, qua mundus diligitur, qua a Joanne prohibetur; aut laudabilis illa Charitas, qua per Spiritum Sanctum in corda diffusa Deus amatur.

PROPOSITIONES LX. LXI. LXII. LXIII.  
LXIV. LXV. LXVI. & LXVII.

46. LX. Si solus Supplicii timor animat penitentiam, quo hac est magis violentia, eo magis ducit ad desperationem.

LXI. Timor non nisi manum cohibet, cor autem tamdiu peccato addicitur, quamdiu ab amore justitiæ non ducitur.

LXII. Qui a malo non abstinuit, nisi timore pœnæ, illud committit in corde suo, & jam est reus coram Deo.

LXIII. Baptizatus adhuc est sub lege, sicut Judæus, si legem non adimpleat, aut adimpleat ex solo timore.

LXIV. Sub maledicto legis numquam fit bonum, quia peccatur sive faciendo malum, sive illud non nisi ob timorem evitando.

LXV. Moyses, Propheta, Sacerdotes, & Doctores Legis mortui sunt, absque eo, quod ullam Deo dederint filium, cum non effecerint nisi mancipia per timorem.

LXVI.

*LXVI. Qui vult Deo appropinquare, nec debet ad Ipsum venire cum brutalibus passionibus, neque adduci per instinctum naturalem, aut per timorem, sicut bestia, sed per fidem, & per amorem, sicut filii.*

*LXVII. Timor servilis non sibi representat Deum, nisi ut Dominum durum, imperiosum, injustum, intractabilem.*

## DECLARATIO.

Sensum harum octo propositionum facile capies, si principia Quesnellii, & Jansenistarum bene percipias. Itaque Is conformiter jam dictis propositione I. & seqq. putat 1. Absque gratia efficaci homines omnes in statu naturæ constitui in generali impotentia ad omne opus bonum, & consequenter etiam ad legis implementum. 2. Equidem non negare videtur, posse quaspiam leges observari intuitu mercedis, vel ex timore poenarum; addit tamen, id ipsum non esse legis implementum, sed novum peccatum, quia hæc non sunt ex vera charitate. 3. Existimat gratiam Jesu Christi esse irresistibilem, ita quidem, ut, si quis eam a Deo acquirerit, irresistibiliter debeat operari bene; hincque a S. Augustino appellari gratiam *victoriosam* &c. &c. 4. Inquit, eandem gratiam in novo Testamento, tamquam in lege gratiæ, obtinere multos, non tamen omnes, prout etiam Ipse Christus pro multis, sed non pro omnibus, (uti putat) sanguinem suum fudit. 5. Ait, in Lege Judaica, seu veteris Testamenti gratiam illam Jesu Christi nondum fuisse concessam; unde 6. Israelitas vixisse sub maledicto legis, seu (ut asserit) sub peccato, & generali impotentia adimplendi legem; etsi enim aliqui eandem observaverint, id tamen vel intuitu mercedis, vel timore poenarum contigisse dicit, ita, ut semper peccaverint, tam faciendo malum, quam declinando illud ob merum poenarum metum. Et hinc 7. (pergit Quesnellius) Moyses, Prophetæ, & Doctores legis antiquæ nullum dederunt Deo Filium, cum non effecerint nisi mancipia per timorem. 8. Pari modo manere sub maledicto Legis baptizatos, sicut Judæos, si legem adimpleant ex solo timore. Ita cum Jansenistis Quesnellius.

47. Hæc tamen doctrina pluribus laborat falsis suppositis ab Ecclesia, & summis Pontificibus pluribus abhinc annis reprobatis. In primis enim, quod etiam mediante gratia sufficienti quis constituitur in potentia proxima observandi legem meritorie, patet ex declaratione primæ propositionis, & alibi sæpius. Secundo, quod non sit peccatum observare legem intuitu mercedis, ostensum est numero antecedenti. Insuper servare Legem ex timore poenarum alias infligendarum, neutiquam esse peccaminosum, sed potius utile, & preparatorium ad gratiam (subintellige sanctificantem) sæpius decidit suprema Sedes: Nam Alexander VIII. sequentes duas confixit Theses Cap. IV. adhuc adducendas. Prima ordine 14. sic sonabat: *Timor Gehenna non est supernaturalis*: altera Ordine 15. *Attritio, qua ex Gehenna, & poenarum metu concipitur, sine dilectione benevolentia Dei propter se, non est bonus motus, ac supernaturalis*. Prout etiam Concilium Tridentinum Sess. 6. de Justificat. Can. 8. anathematizavit quemlibet, qui dixerit, gehenna metum &c. peccatum esse, aut pec-

catos peiores facere. Item Can. 5. Sess. 14. de Pœnitentia fulmine Apostolico percussit illum, qui dixerit, eam contritionem, qua paratur &c. in amaritudine anima sua, ponderando peccatorum suorum gravitatem, multitudinem, fœditatem, NB. amissionem æternæ beatitudinis, & æternæ damnationis incursum, non esse verum, & utilem dolorem, nec preparare ad gratiam. Ubi principaliter intendit reprobare positionem Lutheri inter propositiones damnatas a Leone X. Ordine sextam cap. II. §. 2. jam relatham, in qua positione dictus hæresiarcha defendere nitebatur, talem dolorem facere hominem hypocritam, & magis peccatorem, nisi processerit ex affectu charitatis, prout apud Dominicum Viva hic limitat in Epistola ad Sulpitium. Mirandum itaque est, quod Quesnellius mori cupiens ut Catholicus, crambem hanc hæreticam recoquere præsumpserit, etiam quasi in articulo mortis appellando ad futurum Generale Concilium. Experietur nunc hanc appellationem in supremo Tribunali Dei fuisse rejectam, tamquam illegitimam. Tertio, Quesnellius supponit falsum, quasi gratiam Jesu Christi semper esse irresistibilem, quam etiam propterea male vocat *victoriosam*: nam gratia efficax a SS. PP. appellatur *Victrix*, non quasi libertatem vincat, eandem subjugando, sed quia superat tentationem, Diabolum, & concupiscentiam, uti recte notat noster Bonal Part. 2. cap. 17. n. 17. Item quarto, quod Christus sanguinem suum tantummodo pro multis fuderit, de quibus punctis videantur dicta partim propositione II. partim num. 18. & 18. Quinto, falsum pariter est, quod in Lege veteri non fuerint a Deo intuitu meritorum Christi prævisorum concessæ gratiæ tam sufficientes, quam efficaces: cum Christus juxta jam dicta antecedentia post perpetratum Adæ peccatum nullum a summo Redemptionis beneficio excluderet. Sexto, æque veritati Catholicæ consentaneum non est, quod omnes in veteri Testamento vixerint sub maledicto legis, seu sub peccato; In primis enim etiam in *statu veteris Testamenti* juxta formalia D. Thomæ p. 2. Quæst. 107. artic. 1. ad 2. *fuere aliqui habentes Charitatem, & Gratiam Spiritus Sancti*: ergo nec ibidem præclusa fuit omnis via ad Charitatem, Deinde quamvis legem servassent ex metu poenarum, necdum per hoc conformiter dictis antecedentibus peccatum commisissent, dummodo non simul retinuerint conditionatum affectum ad peccandum, ita, ut parati fuissent illud perpetrare, nisi poenæ absterrent. Exinde septimo patet, falsissimum quoque esse, quod Moyses, & Prophetæ nil nisi mancipia per timorem effecerint. Num mancipia dicenda sunt ex qualibet Tribu Filiorum Israel duodecim millia signati, quos vidit Joannes Apocalyp. cap. 7. *Stantes ante Thronum in conspectu Agni*? Ex eodem fundamento nec aliquis peccati arguendi sunt baptizati, qui ex timore poenarum legem adimplent, dummodo non simul affectum retineant ad peccatum, quod bene pro semper notandum: Sancti Patres enim, qui timorem servilem tamquam peccaminosum rejiciunt, loquuntur de timore serviliter servili, seu illo, qui simul retinet amorem ad peccatum.

Vid. Cap. IV. n. 165. & seqq.



## PROPOSITIO LXVIII.

48. *Dei Bonitas abbreviavit viam salutis, claudendo totum in fide, & precibus.*

## DECLARATIO.

Nisi Quesnellius velit doctrinæ suæ propriæ, aliis duabus propositionibus, nimirum 51. & 52. contentæ, luculenter contradicere, debet hanc intelligere de fide non nuda, sed formata charitate, ita, ut sensum faciat sequentem: Dei bonitas abbreviavit, seu in compendium redegit viam salutis, omnia claudendo inter duos terminos fidei, nempe charitate formatæ, ac precum. In hoc tamen Quesnellii asserto præcipuus error in eo consistit, quod, dum omnia quoad salutem æternam obtinendam præcise intra hos duos terminos concludit, alia media ad salutem conducentia, uti gratias actuales infidelem ad fidem amplectendam excitantes, virtutem spei, misericordiam erga pauperes, abstinentiam, consilia Evangelica &c. excludere videatur. *Nec dicatur*, similes virtutes neutiquam excludi, dummodo ex imperio charitatis procedant, vel saltem eam virtutem supremam sibi conjunctam habeant. *Nam contra est*, quod etsi majus comparetur meritum, quando taliter ista sunt, id tamen ad contrahendam bonitatem ex parte dictarum virtutum necessarium non sit; cum singulæ ab invicem specie distinctæ habeant proprium objectum formale moraliter bonum, nec desit gratia divina præveniens, & concomitans memoratos actus moraliter bonos. Videantur dicta num. 44. & seqq. Item cap. IV. num. 154. & num. 158.

## PROPOSITIO LXIX.

49. *Fides, usus augmentum, & præmium fidei, ipsum est donum pura liberalitatis Dei.*

## DECLARATIO.

Negare, quod fides, usus, & augmentum fidei, aut præmium per actus fidei obtentum sit liberalissimum donum misericordissimi Dei, foret summa ingratitudo, merito cum doctrina Pelagianorum, & Semi-Pelagianorum ab Ecclesia condemnanda; hi enim propterea fuere reprobati, quia priores salutem nostram ex toto, posteriores vero saltem initium nostræ salutis, excluso supernaturali dono gratiæ, puris naturæ viribus adscripserunt. In hoc tamen errat Quesnellius, quod asserat, similes actus fidei ex toto ita esse purum liberalitatis Divinæ donum, ut simul eodem actus excludat a ratione meriti: etsi enim actus boni mediante Divina gratia libere a nobis elicit in radice sint pura Dei dona (quatenus nimirum Deus primam gratiam, tamquam radicem omnium meritorum, nulli confert intuitu operum naturalium, sed præcise gratuito) formaliter tamen habent etiam apud Deum suo modo rationem meriti in ordine ad præmium cæleste vel proxime, vel saltem remote, quando nimirum dicti actus boni, cooperante simul gratia Divina, libere ab hominibus eliciuntur, ita quidem, ut post primam supernaturalem illuminationem elicit actus fidei cujuscumque Catechumeni baptizari cupientis censeantur meritorii de congruo; dum vero memorati actus repetuntur post receptum baptismum ab homi-

*Continens centum,*

ne justo, sint quoque quoad augmentum præmii æterni meritorii de condigno: hinc Concil. Trident. Sess. 6. de Justificat. can. 32. loquens generaliter de omnibus actibus, & operibus bonis hominis per gratiam sanctificantem justificati, recte anathematizavit eum, *qui dixerit, hominis justificati bona opera ita esse dona Dei, ut non sint etiam bona ipsius justificati merita.*

## PROPOSITIO LXX.

50. *Numquam Deus affligit innocentes, & afflictiones semper servantur vel ad puniendum peccatum, vel ad purgandum peccatorem.*

## DECLARATIO.

Verum quidem est, quod sæpe Deus nos affligat propter nostra peccata &c. falsum tamen, quod hæc sola sit causa; cum Deus etiam sanctis hominibus ob alios altissimos suæ Providentiæ fines, puta ad majorem spirituales profectum, ad æternæ gloriæ incrementum, similes afflictiones immittat. Quis sanctior Christo Domino? Et quis majores illo sustinuit ærumnas? Quænam post Christam purior Dolorissima Virgine Maria? & quantas pertulit afflictiones, quamvis omni macula, etiam originali, caruerit? Suspicio, erroneam illam Quesnellii doctrinam esse desumptam ex Michaeli Bajo, qui, ut similes instantias magis declinare posset, Beatissimam Virginem a Labe originali immunem negavit. Propositio ejusdem duplex inter damnatas 72. & 73. ita sonabat: *Omnes omnino Justorum afflictiones sunt ultiones peccatorum ipsorum: unde Job, & Martyres, quæ passi sunt, propter sua peccata passi sunt.* Item: *Nemo prater Christum est absque peccato originali: hinc beata Virgo mortua est propter peccatum ex Adam contractum, omnesque ejus afflictiones in hac vita, sicut & aliorum justorum fuerunt ultiones peccati actualis, vel originalis.*

## PROPOSITIO LXXI.

51. *Homo ob sui conservationem potest sese dispensare ab ea lege, quam Deus condidit propter Ejus utilitatem.*

## DECLARATIO.

Sunt alias Janfenistæ in Doctrina moralium, & in absolutione Sacramentali valde rigidi, in præfenti autem valde laxi, dum universaliter absque distinctione præceptorum Dei a præceptis Ecclesiæ, Legum Juris naturalis a Legibus Juris positivi adstruunt, hominem ob sui conservationem posse secum ipso dispensare quoad eam legem, quam Deus condidit propter ipsius utilitatem; Nam *contra est*, quod ex hac illimitata propositione sequeretur, hominem secularem, vel etiam Clericum voto solemnem castitatis adstrictum secum ipso posse dispensare, e. g. in præcepto naturali non fornicandi, seu nullam pollutionem voluntariam procurandi, si talis actus immunditiæ ex medicorum sententia conduceret ad conservandam sanitatem, vel ex eadem ratione, sive etiam ne diffametur, posse puellam gravidam secum dispensare ad procurandum abortum &c. & sic tandem ex principiis hujus doctrinæ excusari possent Acatholici Pastores ob datam a se Landgravio Hassiæ facultatem duas simul habendi uxores &c. Quæ & similia quam



quam absurda sint, nemo non videt. Ex mea parte credo, Janfenistas ideo principaliter laxissimam hanc excogitasse sententiam, ut Censuras Ecclesiasticas, quibus alias compellerentur pingua dimittere beneficia, & Professuras, a se magis amoveant; de quo vide plura adhuc num. 59. & seqq.

**PROPOSITIONES LXXII. LXXIII. LXXIV. LXXV. LXXVI. LXXVII. & LXXVIII.**

52. *LXXII. Nota Ecclesia Christiana est, quod sit Catholica, comprehendens & omnes Angelos Caeli, & omnes Electos, & justos terra, & omnium seculorum.*

*LXXIII. Quid est Ecclesia, nisi cætas Filiorum Dei manentium in ejus sinu, adoptatorum in Christo, subsistentium in Ejus Persona, redemptorum Ejus sanguine, viventium Ejus spiritu, agentium per ejus gratiam, & expectantium gratiam futuri seculi.*

*LXXIV. Ecclesia, sive integer Christus, Incarnatum Verbum habet ut caput, omnes vero Sanctos ut membra.*

*LXXV. Ecclesia est unus solus homo, compositus ex pluribus membris, quorum Christus est Caput, vita, subsistentia, & persona unus solus Christus compositus ex pluribus sanctis, quorum est sanctificator.*

*LXXVI. Nihil spatiosius Ecclesia Dei, quam omnes Electi, & Justi omnium seculorum illam componunt.*

*LXXVII. Qui non ducit vitam dignam Filio Dei, & membro Christi, cessat interius habere Deum pro Patre, & Christum pro Capite.*

*LXXVIII. Separatur quis a populo electo, cujus figura fuit populus Judaicus, & Caput est Jesus Christus, tam non vivendo secundum Evangelium, quam non credendo Evangelio.*

**DECLARATIO.**

Ovum ovo similis esse vix potest, quam Doctrina Calvini, & Quesnellii ad invicem quoad hoc, quod uterque ab Ecclesia Christi excludat reprobos; Eamque ex solis prædestinatis, atque Electis constituat, addendo, quod pro his solis Christus suum sanguinem fuderit &c. Caterum Quesnellius ultra Calvinum adhuc progredi videtur in eo, quod Ecclesiam non ex quibuscumque prædestinatis (utpote ex quibus aliqui possunt pro nunc esse impii per finalem demum poenitentiam convertendi) sed ex iis præcisè componat Electis, qui manent in sinu Christi, aguntur per Ejus gratiam, ac vivunt, Ejus spiritu secundum Evangelium, Contra tamen est, quod conformiter Apostolo 2. Timoth. cap. 2. v. 20. juxta jam dicta contra Calvinum Ecclesia sit illa magna Domus, in qua sunt vasa aurea, & argentea, & lignea, & fictilia, quadam in gloriam, & quadam in contumeliam. Sic Judas proditor, teste Divo Augustino, Lib. de unitate Ecclesie cap. 13. fuit in Ecclesia, sicuti Petrus, & reliqui Apostoli, & tamen erat reprobos.

Vide de hoc fusius Cap. II. agendo de Visibili Christi Ecclesia contra Lutheranos, & Calvinistas.

**PROPOSITIONES LXXIX. LXXX. LXXXI. LXXXII. LXXXIII. LXXXIV. & LXXXV.**

53. *LXXIX. Utile, & necessarium est omni tempore, omni loco, & omni personarum generi studere, & cognoscere spiritum, pietatem, & Mysteria Sacra Scriptura.*

*LXXX. Lectio Sacra Scriptura est pro omnibus.*

*LXXXI. Obscuritas sancti Verbi Dei non est Laicis ratio dispensandi seipso ab ejus Lectione.*

*LXXXII. Dies Dominicus a Christianis debet sanctificari Lectionibus pietatis, & super omnia sanctarum Scripturarum. Damnosum est, velle Christianum ab hac Lectione retrahere.*

*LXXXIII. Est illusio sibi persuadere, quod notitia Mysteriorum Religionis non debeat communicari faminis, Lectione sacrorum Librorum. Non ex faminarum simplicitate, sed ex superbia virorum scientia ortus est Scripturarum abusus, & nata sunt hæreses.*

*LXXXIV. Abripere e Christianorum manibus novum Testamentum, seu illis clausum tenere, auferendo eis modum illud intelligendi, est illis Christi os obturare.*

*LXXXV. Interdicere Christianis Lectionem S. Scriptura, præsertim Evangelii, est interdicere usum luminis filijs lucis, & facere, ut patiantur speciem quamdam excommunicationis.*

**DECLARATIO.**

Sensus quidem harum propositionum videtur ex ipso textu satis clarus; Ecclesie tamen Catholice hic est summe injuriosus; Nam si Lectio Sacra Scriptura est pro omnibus, atque insuper damnosum, velle Christianum ab hac lectione retrahere; tunc plane deberet Ecclesia (nisi velit esse noverca) filiis suis pro intellectu, ac captu faciliiori passim versiones lingue talis populi accommodatas procurare, & Lectionem non solum concedere, verum etiam eandem cunctis, & quidem sedulam efficaciter inculcare; Cum tamen Sacri Concilii Tridentini Patres Regula quarta indicis Librorum prohibitorum experientia longe aliter docti Lectionem illam nequiquam passim admittant absque consilio Parochi, aut Confessarii &c. Verba formalia loci cit. sunt sequentia: Cum experimento manifestum sit, si Sacra Biblia vulgari lingua passim sine discrimine permittantur, plus inde ob hominum temeritatem deciderent, quam utilitatis oriri, hac in parte judicio Episcopi, aut Inquisitoris stetur, ut cum consilio Parochi, vel Confessarii Bibliorum a Catholicis Auctoribus versorum Lectionem in vulgari lingua eis concedere possint, quos intellexerunt, ex hujusmodi Lectione non damnum, sed fidei, atque pietatis augmentum capere possent. Ex quo utique supponit Concilium Tridentinum, non omnes ex hac lectione augmentum fidei, atque pietatis capere: ad quid enim alias Episcopis commisisset, ut ipsi primum discernant, utrum, & quinam ex illa lectione prædictam hauriant utilitatem? consequenter hæc prohibitio debet præsumi rationalis. Cur igitur Quesnellius in præsentem repetit antiquam hæreticorum Cantilenam, qui eodem prorsus modo contra Ecclesiam Romano-Catholicam murmurare solent, ut Eandem apud simplices, plebejos, & curiosas mulierculas magis odiosam reddant?

PRO-

## PROPOSITIO LXXXVI.

54. Eripere simplici Populo hoc solatium, jungendi vocem suam voci totius Ecclesia, est usus contrarius praxi Apostolica, & intentioni Dei.

## DECLARATIO.

Propositio ista mutata est a Protestantibus, qui pariter volunt, ut officia Divina pro instructione, & consolatione simplicium peragantur lingua vulgari, quatenus exinde populus quoque suam valeat Sacerdoti adungere vocem, atque *Fili intelligant* (prout subjungit Quesnellius in suis reflexionibus paulo ante hanc propositionem) *quod Mater facit, & postulat pro ipsis*. Ast duo contra hæc dicta occurrunt bene notanda. In primis, quod haud inficias eamus, Ecclesiam posse, si vult, officia in lingua vulgari permittere. Solummodo negamus ad id teneri, & agere contra praxin Apostolorum &c. si non concedat. Secundo notandum, quod finis primarius, seu principalis Officii Divini tamquam alicujus actus Religionis sit ipsemet cultus Dei: Et licet consolatio populi possit suo modo dici finis saltem secundarius; hic tamen exinde sufficienter obinetur, quod devote præsentibus Divinis officiis, præsertim Sacrosanctis Missæ Sacrificiis specialem fructum acquirant, quamvis sensum verborum in Divinis officiis non intelligant. Nec dicat Quesnellius cum hæreticis, Divinum officium esse quoque institutum ad instructionem populi, quæ tamen deesset, si Divinum officium non celebretur in lingua vulgari. Respondetur enim negando illatum, loquendo de fine principali, conformiter jam dictis. Porro instructionem populi, si quæ ex officio Divino, vulgari lingua celebrando, operatur, abunde atque efficacius supplevit Concilium Tridentinum Sess. 22. de Sacrificio Missæ Cap. 8. sequenti notabili decreto: *Exst Missa magnam continet populi fidelis eruditionem: non tamen expedire visum est Patribus, ut vulgari passim lingua celebraretur. Quomobrem NB. retento ubique cujusque Ecclesia antiquo, & a Sancta Romana Ecclesia, omnium Ecclesiarum Matre, & Magistra, probato ritu, ne oves Christi esuriant, neve parvuli panem potant, & non sit, qui frangeret eis; mandat Sancta Synodus Pastoribus &c. ut frequenter inter Missarum celebrationem per se, vel per alios ex iis, quæ in Missa leguntur, aliquid exponant, atque inter cetera sanctissimi hujus Sacrificii Mysterium aliquod declarent, diebus præsertim Dominicis, & festis*. Volui referre verba omnia, quia singula singulare pondus habent, eaque non solum ad Quesnellianos, sed quoad executionem etiam ad alios diriguntur Catholicos.

PROPOSITIONES LXXXVII.  
& LXXXVIII.

55. LXXXVII. Modus plenus sapientia, lumine, & charitate, est dare animabus tempus portandi cum humilitate, & sentiendi statum peccati, petendi spiritum penitentia, & contritionis, & incipiendi ad minus satisfacere justitia Dei, antequam reconcilientur.

LXXXVIII. Ignoramus, quid sit peccatum, & vera penitentia, quando volumus statim restitui possessioni bonorum illorum, quibus nos peccatum spoliavit, & detrectamus separationis istius ferre confusionem.

## DECLARATIO.

Prior ex his duabus propositionibus confixis respicit directe ipsum Confessarium; altera vero directe penitentem. In priori Quesnellius docet spectare ad charitatem, Sapientiam, & lumen Confessarii, ut non illico penitenti largiatur absolutionem, sed potius præfato det spatium portandi cum humilitate, & sentiendi statum peccati, petendi insuper spiritum contritionis, & aliquatenus satisfaciendi justitiæ, antequam Deo reconcilietur. In posteriori Propositione Quesnellius vult, ut ipsemet peccator non statim petat possessionem bonorum illorum, quibus eum antea peccatum spoliavit: ubi principale utique bonum, quo homo per peccatum grave privatur, est ipsa met gratia sanctificans; hanc itaque juxta Quesnellium peccator non debet statim petere. Ita ille; sed quam male, patebit illico.

56. Itaque loquendo de propositione inter has duas, prima verum quidem est, Confessarium qua Judicem, vel qua Medicum spiritualem rectissime agere, si subinde, puta apud recidivos, vel in occasione proxima constitutos &c. absolutionem suspendat, quando, gravibus circumstantiis simul confluentibus, plurimum dubitat de efficacia propositi; de quo vide inter propositiones ab Innocentio XI. damnatas ordine *sexagesimam capite quarto*. Ast communiter absolutionem suspendere ex eo motivo, ut peccator habeat spatium portandi, & sentiendi statum peccati, atque ut exinde jam ante reconciliationem incipiat satisfacere justitiæ Divinæ, est ordo præposterus, & doctrina ab Ecclesia rejecta, antequam Quesnellius suas Parisiis anno 1693. & 1694. edidit reflexiones in novum testamentum. Sic enim apud Cardinalem de Lugo Disp. 12. de Penitentia Petrus de Osimo docens ex Christi lege, & præscriptione satisfactionem debere præmitti absolutioni, fuit damnatus pridem antea: Item Alexander VIII. anno 1690. quorundam Jansenistarum propositiones reprobavit. Una ordine 16. taliter sonabat: *Ordinem præmittendi satisfactionem absolutioni induxit &c. ipsa Christi Lex, & præscriptio, natura rei id ipsum quodammodo dilante*. Alia ordine 17. *Per illam praxin mox absolvendi ordo penitentia est inversus*. Videsne, quam claris terminis hæc Quesnellii de Penitentia doctrina fuerit jam antecederet ab Ecclesia rejecta, ita, ut mirari satis nequeam, quod Quesnellius, hoc non obstante, eandem denuo reassumere, & defendere ausus fuerit; cui neutiquam suffragatur antiqua Ecclesiæ praxis, vi cuius solummodo absolutio Canonica a censuris, & pœnis pro foro externo non dabatur statim; secus vero absolutio Sacramentalis a peccatis ordinarie loquendo, ac quando alias sufficienter fuerunt instructi in principiis fidei.

57. Circa alteram propositionem directe concernentem ipsum penitentem debuisset Quesnellius potius asserere immediate suæ doctrinæ contrarium: nimirum quod ille ignoret, quid sit peccatum, & vera Penitentia, qui non quo citius, eo melius, se disponit, ut beneficio Sacramentalis absolutionis iterum recipiat possessionem bonorum deperditorum, præsertim gratiæ sanctificantis, qua erat per grave peccatum privatus. Talis enim peccator, quam-

quamdiu cum Deo non reconciliatur, manet miserum diaboli mancipium, ruitque communiter loquendo de uno scelere in aliud; nam teste D. Gregorio Homil. I. in Ezech. Peccatum, quod per penitentiam non deletur, suo pondere trahit ad aliud. Insuper intra illud temporis spatium omnia ejusdem opera, quantumcumque moraliter bona, juxta Theologos sunt mortua, id est, nullatenus de condigno meritoria vitæ æternæ, ubi alias, si citius adeptus fuisset gratiam sanctificantem, potuisset intra illud temporis spatium ingentem sibi per eadem comparare thesaurum. Adhuc infelicior, imo omnium infelicissimus dicendus foret gravis ille peccator, qui noxiam sequens Quesnellii Doctrinam differret reconciliationem cum Deo, & interim vel usu rationis privaretur, aut ex infortuni aliquo, vel apoplexia, aliove accidenti subito mortem oppeteret. Neque isti casus forent valde rari, si ordinarie a peccatoribus deberet differri reconciliatio cum Deo, & propterea Confessarii communiter suspendere absolutionem, ut antea incipiant peccatores satisfacere. Longe aliter, ac Quesnellius, suavit Spiritus Sanctus Ecclesiastici capite quinto, quemlibet admonens peccatorem, sequentibus verbis notatu dignissimis: *Non tardes converti ad Dominum, & ne differas de die in diem; subito enim venit ira illius, & in tempore vindictæ disperdet te.*

### PROPOSITIO LXXXIX.

58. Quartus decimus gradus conversionis peccatoris est, quod, cum sit jam reconciliatus, habet Jus assidendi Sacrificio Ecclesiæ.

### DECLARATIO.

Dum propositio ista peccatori reconciliato concedit jus assidendi sacrificio, eo ipso supponit, quod ante reconciliationem, mediante absolutione obtinendam, prædictum jus neutiquam habeat, sicque ab audienda Missa, uti excommunicatus abstinere debeat; cum tamen Ecclesia generaliter diebus Dominicis, & festivis auditionem Missæ præcipiat, neque peccatores, nisi fuerint specialiter excommunicati, atque exclusi, excipiat. Et profecto, si peregrina illa Quesnellii doctrina vera esset, templa sæpius diebus festivis plurimum evacuantur, atque facile ex intermissione Missæ dignosci posset, quinam sint graves peccatores; Item homines ad audiendas Missas a potestate Ecclesiastica diebus præceptis cogi nequirent, si, suspensa ad certum tempus absolutione, abstinere a Missis forent obligati.

### PROPOSITIONES XC. XCI.

#### XCII. & XCIII.

59. XC. Ecclesia auctoritatem excommunicandi habet, ut eam exerceat per primos Pastores de consensu saltem præsumpto totius corporis.

XCI. Excommunicationis injusta metus numquam debet nos impedire ab implendo debito nostro: namquam eximus ab Ecclesia, etiam quando hominum nequitia videmur ab ea expulsi, quando Deo, Jesu Christo, atque ipsi Ecclesia per charitatem affixi sumus.

XCII. Pati potius in pace excommunicationem, & anathema injustum, quam prodere veritatem, est imitari Sanctum Paulum: tantum abest, ut sit erigere se contra auctoritatem, aut scindere unitatem.

Tomus II.

XCIII. Jesus quandoque sanat vulnera, quæ princeps primorum Pastorum festinatio infligit, siue ipsius Mandato; Jesus restituit, quod ipsi inconsiderato Zelo rescindunt.

### DECLARATIO.

Ut intentum Quesnellii circa dictas quatuor propositiones magis penetretur, recolligendum, & notandum est ex dictis §. V. In præmissis Innocentium X. prævia maturissima deliberatione damnasse quinque propositiones ex Jansenii Libro quodam, quem *Augustinum* appellavit, excerptas. Notandum secundo, non obstante hac damnatione quamplures adhuc maxime in Gallia, & Belgio existisse, hæresi Jansenistica, præsertim in occulto, adherentes, qui etiam hanc suam congregationem vocarunt *Ordinem Jansenistarum*, constituentes in ea unum *Abbatem*, alterum *Priorem*, Generales, quo officio ultimo Quesnellius longo tempore fungebatur. Notandum tertio, ut præfati, hucusque sub pelle ovina adhuc latitantes, magis dignoscuntur, ad instantiam Regis Christianissimi ab Alexandro VII. summo Pontifice præscriptam fuisse certam formulam, cui omnes Galliarum Archiepiscopi, Episcopi, & quicumque Ecclesiastici Ordinis tam Regularium, quam secularium sese subscribere debuerunt, ac cum juramento affirmare, quod quinque propositiones ex Cornelii Jansenii libro, cui nomen *Augustinus*, excerptas, *sincero animo, etiam in sensu ab Auctore intento*, rejiciant. Fuit insuper annexa a Summis Pontificibus excommunicatio latæ sententiæ, incurrenda ab illis, qui aliquam ex his quinque propositionibus, quæ fuerunt damnatæ tamquam hæreticæ, docere, vel defendere ullatenus præsumpserit. Notandum quarto, Jansenistas exinde in magnas fuisse redactos angustias, utrum conscientia cum juramento sese huic formulæ subscribere, ac nihilominus adhuc interne possint tenere, & etiam, in occulto saltem, & clanculo doctrinam illam Jansenisticam dilatare, nec non verbis, & scriptis defendere, quin coram Deo aliquam incurrant excommunicationem? Inde notandum quinto, quod pro solvendo dubio recurrerint verosimiliter ad eorum Priorem Generalem Paschalium Quesnellium: saltem is in allegatis supra propositionibus damnatis talia suggessit ipsis principia, ex quibus deducere poterunt, se cum certa interna restrictione, seu æquivocatione posse, ne cathedras, & beneficia sua deperdant &c. formulæ subscribere; nec teneri veritatem, quam interne in doctrina Jansenii quasi pure Augustiniana inveniunt, exterius prodere, neque excommunicationem propterea coram Deo incurrere, si eandem adhuc manteneant, & in occulto defendant &c. nam (uti propositio 90. inquit Prior iste Generalis) ad valorem excommunicationis requiritur consensus Ecclesiæ, saltem præsumptus, qualis in præsentem non adest; eum præter aliquot Episcopos expresse non pauci contradicant Ordinis Ecclesiastici &c. &c. ubi autem excommunicatio est invalida, taliter excommunicatus coram Deo juxta propositionem 61. non excluditur ab Ecclesia; quin potius conformiter propositioni 92. stans pro veritate imitatur Sanctum Paulum optantem pro

M

Fratri



Fratribus suis anathema esse, ad Romanos cap. 9. Sanabitque JESUS vulnera illa, quæ per excommunicationem præceptis primorum Pastorum Festinatio inflixit sine ipsius mandato. Ita in substantia Quesnellius, ex quibus facile benignus Lector harum propositionum sensum intelliget.

60. Sed contra est 1. quod Deus Matth. cap. 16. & cap. 18. per illa verba: *Quodcumque ligaveris super terram, eris ligatum & in cælis*, dederit Petro, & Successoribus potestatem excommunicandi independentem ab Ecclesiæ consensu. Contra est 2. Quod, dum Janfenistæ semper ad Concilia Generalia appellant, ipsum Concilium Tridentinum Sess. 25. de Reformatione cap. 3. loquens de excommunicationibus, quæ ab Episcopo feruntur, eam potestatem huic independentem a consensu Capituli, vel Parochorum adscribat. Formalia sic habent: *Totum hoc in ejus arbitrio & conscientia sit positum, quando ipse pro re, loco, persona, aut tempore eas decernendas esse judicaverit*: ergo a fortiori idem erit dicendum de Papa tamquam Episcopo Episcoporum. Contra est 3. quod in emergentia talium casuum præsumi debeat pro Superiore excommunicationem statuente, nisi certo constet contrarium: nam (uti inquit Bernardus de Præcept. & Dispensatione cap. 9.) *Quidquid vice Dei præcipit homo, quod non sit certum displicere Deo, haud secus accipiendum est, quam si præcipiat Deus*, atqui in æternum nobis Janfenistæ non ostendent, excommunicationem maturissimo prævio examine latam in eos, qui tenent, & defendunt quinque propositiones damnatas Janfenii, certo displicere Deo: ergo, Contra est 4. quod per hanc Quesnellii Doctrinam lata quibuscumque hæreticis, vel malevolis aperiretur porta ob excogitatas tales umbratiles rationes passim contemnendi fulminatam in eos excommunicationem, uti consideranti patet. Unde Janfenistæ per similia effugia Potestatem Ecclesiasticam eludere, atque quoddam effectum frustrare allaborantes, non Paulum Apostolum, sed adhuc Saulum spirantem minas, & persequentem Ecclesiam imitantur.

#### PROPOSITIONES XCIV. XCV. XCVI. XCVII. XCVIII. XCIX. C. CI.

61. XCIV. *Nihil pejorem de Ecclesia opinionem ingerit ejus inimicis, quam videre illic dominatum exerceri supra fidem fidelium, & foveri divisiones propter res, quæ nec fidem ledunt, nec mores.*

XCV. *Veritates eo devenerunt, ut sint lingua quasi peregrina plerisque Christianis, & modus eas prædicandi est veluti idioma ignotum: adeo remotus est a simplicitate Apostolorum, & supra communem caput fidelium; neque satis advertitur, quod hic defectus sit unum ex signis maxime sensibilibus senectutis Ecclesiæ, & ira Dei in Filios suos.*

XCVI. *Deus permittit, ut omnes potestates sint contraria prædicatoribus veritati, ut ejus victoria attribui non possit, nisi Divine gratia.*

XCVII. *Nimis sepe contingit, membra illa, quæ magis stricte unita Ecclesiæ sunt, respici, atque tractari tamquam indigna, ut sint in Ecclesia, vel tamquam ab ea separata: sed iustus vivit ex fide, & non ex opinione hominum.*

#### Continens centum,

XCVIII. *Status persecutionis, & penarum, quas quis tolerat tamquam hæreticus, flagitiosus, & impius, ultima plerumque probatio est, & maxime meritoria, utpote quæ facit hominem magis conformem JESU CHRISTO.*

XCIX. *Pervicacia, præventio, obstinatio in nollendo, aut aliquid examinare, aut agnoscere, se fuisse deceptum, mutant quotidie quoad multos in odorem mortis id, quod Deus in sua Ecclesia posuit, ut in ea esset odor vitæ, v.g. bonos libros, instructiones, sancta exempla &c.*

C. *Tempus deplorabile, quo creditur honorari Deus, persequendo veritatem, ejusque discipulos. Tempus hoc advenit - - - haberi, & tractari a Religionis Ministris tamquam impium, & indignum omni commercio cum Deo, tamquam membrum putridum, capax corrumpendi omnia in Societate Sanctorum, est hominibus piis morte corporis mors terribilior. Frustra quis sibi blanditur de suarum intentionum puritate, & Zelo quodam Religionis, persequendo flammam, ferroque viros probos, si propria passione est excæcatus, aut abreptus aliena, propterea, quod nihil vult examinare. Frequenter credimus sacrificare Deo impium, & sacrificamus diabolo Dei servum.*

CI. *Nihil spiritui Dei, & Doctrinæ JESU CHRISTI magis opponitur, quam communia facere juramenta in Ecclesia, quia hoc est multiplicare occasiones pejorandi, laqueos tendere infirmis, & Idiotis, & efficere, ut nomen, & veritas Dei aliquando deserviat consilio impiorum.*

#### DECLARATIO.

Immerito in istis propositionibus conqueritur Quesnellius, falsissime imponendo Ecclesiæ, quasi abusive dominatum exerceret supra fidem fidelium, divisiones foveret, modos prædicandi antiquæ Ecclesiæ abrogaret, ipsos veritatis Prædicatores (Janfenistas nempe, & Quesnellii Sectatores) injuste persequeretur, membra Ecclesiæ stricte unita (nimirum denuo Janfenistas) gladio excommunicationis peccaminose separaret, bonos libros, instructiones, & sancta exempla (Janfenistarum) obstinate rejiceret, ac examinare negligeret, sicque ea, quæ a Deo sunt posita in odorem vitæ, converteret in odorem mortis, nec non contra spiritum Dei, & Doctrinam JESU CHRISTI communia exquireret juramenta (puta præscribendo formulam abjurandi quinque propositiones Janfenii) sicque occasiones multiplicaret pejorandi, laqueos tenderet infirmis, & efficeret, ut nomen & veritas Dei aliquando deserviant consilio impiorum. Nescio sane, quomodo immaculatam Christi Sponsam, veritatis fulgore nitentem, vel ipse Lutherus, aut Calvinus magis denigrare, & obfuscare potuissent. Calumniæ hæc sunt hæreticorum, non effata eorum, qui Catholici audiri, & in sinu Matris suæ, Catholicæ videlicet Ecclesiæ, mori cupiunt. Videantur occurrente aliqua speciali difficultate præter plures alios Dominicus Viva Tom. 2. *Trutina Theologica*, & Crescentius Krisper in suo speciali Tractatu: *Nubila Janfenismi, & Quesnellianismi &c. dispulsa*, intitulo: vel si succinctum desideretur declarationis harum propositionum compendium; Illud, & quidem satis clarum adducit Felix Potestas in *Examine Ecclesiastico post Tomum tertium in appendice*. Cæterum tota Bulla Clementis XI, sequentibus concluditur verbis:

62. Audi-



62. „ Auditis itaque tum voce, tum scripto „ Nobis exhibitis præfatorum Cardinalium, alio- „ rumque Theologorum suffragiis, Divinique in „ primis luminis, privatis ad eum finem, publi- „ cisque etiam indictis precibus, implorato præ- „ sidio; omnes, & singulas propositiones præin- „ fertas, tamquam falsas, captiosas, male sonan- „ tes, piarum aurium offensivas, scandalosas, „ perniciosas, temerarias, Ecclesiæ, & Ejus praxi „ injurias, neque in Ecclesiam solum, sed etiam „ in Potestates seculi contumeliosas, seditiosas, „ impias, blasphemias, suspectas de hæresi, ac „ hæresim ipsam sapientes, nec non hæreticis, & „ hæresibus, ac etiam schismati faventes, erro- „ neas, hæresi proximas, pluries damnatas, ac „ demum etiam hæreticas, variasque hæreses, „ & potissimum illas, quæ in famosis Jansenii „ Propositionibus, & quidem in eo sensu, in quo „ hæc damnata fuerunt, acceptis, continentur, „ manifeste innovantes, respective hac nostra „ perpetuo valitura Constitutione declaramus, „ damnamus, & reprobamus.

„ Mandantes omnibus utriusque sexus Christi „ Fidelibus, ne de dictis propositionibus sentire, „ docere, prædicare aliter præsumant, quam in „ hac eadem nostra Constitutione continetur; ita, „ ut quicumque illas, vel illarum aliquam con- „ junctim, vel divisim docuerit, defenderit, edi- „ derit, aut de eis, etiam disputative, publice, „ aut privatim tractaverit, nisi forsitan impugnando, „ Ecclesiasticis censuris, aliisque contra similia „ perpetrantes a Jure statutis pœnis ipso facto, „ absque alia declaratione subjaceat.

„ Cæterum per expressam præfatarum propo- „ sitionum reprobationem alia in eodem libro „ contenta nullatenus approbare intendimus; cum „ præsertim in decursu examinis complures alias „ in eodem deprehenderimus propositiones, illis, „ quæ, ut supra, damnatae fuerunt, consimiles, „ & affines, iisdemque erroribus imbutas; nec „ sane paucas sub imaginario quodam, veluti „ grassantis hodie persecutionis obtentu, inobe- „ dientiam, & pervicaciam nutriendas, easque „ falso Christianæ patientiæ nomine prædicantes; „ quas propterea singulatim recensere, & nimis „ longum esse duximus, & minime necessarium; „ ac demum, quod intolerabilius est, Sacrum „ ipsum novi Testamenti textum damnabiliter „ vitiatum comperimus, & alteri dudum repro- „ batae versioni Gallicæ Montensi in multis con- „ formem; a Vulgata vero editione, quæ tot „ seculorum usu in Ecclesia probata est, atque „ ab Orthodoxis omnibus pro authentica haberi „ debet, multipliciter discrepantem, & aberran- „ tem, pluresque in alienos exoticos, ac sæpe „ noxios sensus non sine maxima perversitate „ detortum.

„ Eundem propterea Librum, utpote per dul- „ ces sermones, & benedictiones, ut Apostolus „ loquitur, hoc est, sub falsa piæ institutionis „ imagine seducendis innocentium cordibus longe „ accommodatum, sive præmissis, sive aliquo „ quovis titulo inscriptum ubicumque, & quo- „ cumque alio idiomate, seu quavis editione, aut „ versione hæcenus impressum, aut imposterum „ (quod absit) imprimendum, auctoritate Aposto-

*Tomus II.*

lica tenore præsentium, iterum prohibemus, „ ac similiter damnamus, quemadmodum etiam „ alios omnes, & singulos in ejus defensionem tam „ scripto, quam typis editos, sen forsitan, (quod „ Deus avertat) edendos libros, seu libellos, co- „ rumque Lectionem, descriptionem, retentio- „ nem, & usum omnibus & lingulis Christi fide- „ libus sub pœna excommunicationis per contra- „ facientes ipso facto incurrenda, prohibemus „ pariter, & interdiciamus.

Præcipimus insuper Venerabilibus Fratribus „ Patriarchis, Archiepiscopis, & Episcopis, aliis- „ que locorum Ordinariis; nec non hæreticæ „ pravitate Inquisitoribus, ut contradictores, & „ rebelles quoscunque per censuras, & pœnas „ præfatas, aliaque Juris & facti remedia, invo- „ cato etiam ad hoc, si opus fuerit, brachii secu- „ laris auxilio, omnino coerceant, & compellant.

Volumus autem, ut earumdem præsentium „ transumptis, etiam impressis, manu alicujus „ Notarii publici subscriptis, & sigillo personæ „ in dignitate Ecclesiastica constitutæ munitis „ eadem fides prorsus adhibeatur, quæ ipsis ori- „ ginalibus litteris adhiberetur, si forent exhibitæ, „ vel ostensæ.

Nulli ergo hominum liceat hanc paginam „ nostræ declarationis, damnationis, mandati, „ prohibitionis, & interdictionis infringere, vel „ ei ausu temerario contraire. Si quis autem hoc „ attentare præsumpserit, indignationem Omni- „ potentis Dei, ac Beatorum Petri & Pauli Aposto- „ lorum ejus se noverit incursum. Datum „ Romæ, apud Sanctam Mariam Majorem, anno „ Incarnationis Dominicæ Millelesimo septingente- „ simo decimo tertio, sexto Idus Septembris, „ Pontificatus nostri anno decimo tertio.

### *§. Ultimus.*

*An Bajanista, Jansenista, & Quesnelliani in „ suis principis quoad substantiam convenient „ cum Lutheranis, & maxime cum Calvinistis, „ præsertim quoad gratiam, & Libe- „ rum arbitrium?*

*Item,*

*Annectitur ad Finem Succinctus modus „ disputandi cum ipsis.*

63. Respondetur I. Quamvis prædicti non „ semper quoad terminos, ac phrasas, item quoad „ accidentia convenient cum Lutheranis, ac Calvi- „ nistis; concordant tamen cum ipsis sæpius quoad „ materiam de Gratia? & Libero arbitrio. Hæc „ Responsio etsi erui queat ex jam dictis in declara- „ tionibus Propositionum Jansenii, & Quesnellii; „ singulariter tamen quoad materiam de Gratia, „ & Libero arbitrio adhuc succincte probatur; ubi „ ex cap. 2. Recolligendum venit, tam Lutherum, „ quam Calvinum negasse, quod gratia divina cohæ- „ rere queat cum libero arbitrio tali, quale sibi an- „ nexam haberet non solum libertatem a coactione, „ verum etiam libertatem indifferentiæ: erat tamen „ Lutherus teneat, liberum arbitrium se habere mere „ passive, seu esse rem de solo titulo, juxta propositio- „ nem inter damnatas a Leone X. *trigesimam sextam.*

*M 2*

*Econ-*

Econtra vero Calvinus equidem admittat concurrere activum liberi arbitrii cum gratia; taliter tamen, ut voluntas præcise se habeat per modum instrumenti, quod ab artifice motum operationem impedire nequit; hinc uterque vult, in statu naturæ lapsæ ad rationem peccati sufficere libertatem a coactione. Errorem hunc Concilium Tridentinum Sess. 6. de justificatione reprobatur sequentibus formulis:

#### Canone IV.

*Si quis dixerit, liberum arbitrium a Deo motum, & excitatum nihil cooperari &c. neque NB. posse dissentire, si velit &c. mereque passive se habere, anathema sit.*

#### Canone V.

*Si quis liberum hominis arbitrium post Adæ peccatum amissum, & extinctum esse dixerit, aut rem esse de solo titulo &c. anathema sit. His præsuppositis*

64. Probatur Responsio: Tam Bajus, quam Jansenius, ac Quesnellius docuerunt, ad rationem meriti, & demeriti sufficere libertatem a coactione, nec requiri libertatem a necessitate in statu naturæ lapsæ: ergo in substantia conveniunt cum Luthero, & Calvino, qui neutiquam negantes libertatem a coactione, circa alteram libertatem indifferentiæ idem, ac præcedentes sentiebant, & exinde a Concilio Tridentino allegato duplici Canone fuerunt rejecti. Antecedens probatur allegando ex quolibet eorum duas propositiones damnatas:

**Inter rejectas Michaelis Baji duæ sic sonabant;**

#### XXVIII.

*Pelagianus error est, quod liberum arbitrium valet ad nullum peccatum vitandum.*

#### LXV.

*Non nisi Pelagiano errore admitti potest aliquis usus liberi arbitrii bonus, sive non malus, & gratia Christi injuriam facit, qui ita sentit.*

#### Inter Propositiones Jansenii.

##### I.

*Aliqua Dei præcepta hominibus justis, volentibus, & conantibus secundum præsentem, quas habent vires, sunt impossibilia; deest quoque illis gratia, qua possibilia fiunt.*

##### III.

*Ad merendum, & demerendum in statu naturæ lapsæ non requiritur in homine libertas a necessitate, sed sufficit libertas a coactione.*

#### Inter Propositiones Quesnellii.

##### I.

*Quid aliud remanet anima, qua Deum, ac ipsius gratiam amisit, nisi peccatum &c. & generalis impotentia &c. ad omne opus bonum?*

##### II.

*Jesu Christi gratia, principium efficax boni cujuscumque generis, necessaria est ad omne opus bonum; absque illa non solum nihil fit, sed nec fieri potest.*

Nota hic I. quod ab istis nulla concedatur gratia interna sufficiens, sed solummodo efficax, quæ non omnibus datur, & consequenter illi, qui ea gratia carent, carent quoque libertate indifferentiæ ad servanda mandata Decalogi. Nota II. benigne Lector, quomodo in suis principiis, & quoad substantialia Bajus, Jansenius, & Quesnellius ad invicem cohæreant tam inter se, quam cum tertio, nimirum Calvino.

65. Respondetur II. Etiam ipsimet moderni Calvinistæ agnoscunt, sibi que gratulantur, quod Jansenistæ in Substantialibus cum eorum doctrina conveniant, id unice optantes, ut quoque cum ipsis Romanæ Ecclesiæ aperta fronte renunciarent: ad hoc ultimum apud Antonium Mayr in suo Augustino Doctore gratiæ parte 2. Num. 101. eosdem animat Labadius primo Catholicus, inde Jansenista, & itemum Calvinianæ Hæresis Genevæ minister, qui suis antea rescripsit, non posse negari, quod circa grandia prædestinationis, & gratiæ dogmata eadem fides sit Calvinistarum, ac Jansenistarum. Optime noscunt Jansenistæ (inquit Jurieux apud Mayr loc. cit. num. 103.) quod gratia invincibilis in sensu Calvini, & efficax in sensu Jansenii, eadem sit, quodque nulli gratiæ interiori aliter resistatur in Systemate Janseniano, quam Calviniano. Sic pariter Grotius cordate asseruit apud Mayr loc. cit. num. 68. si Catholici Jansenianas opiniones recipere, duas Ecclesias, Romanam scilicet, & Calvinianam mox in unam coalituras. Et hinc Præcones Calvinianæ Sectæ in Hollandia librum Jansenii, cui nomen Augustinus, mox in vulgarem Patriæ suæ linguam traducentes alte clamarunt, nihil hoc libro aptius fore ad confirmanda fidei suæ dogmata. Nec videntur ipsimet Jansenistæ de facto circa materiam de gratia inficias ire; Super materiam de gratia non est amplius solidum dissidium inter Catholicos, & Calvinistas, inquit Auctor Traditionis Ecclesiæ Romanæ, quem Auctorem Illustrissimus Archiepiscopus Cameracensis apud Mayr loc. cit. asserit, fuisse ipsummet Quesnellium.

66. Quæres finaliter, quidnam sit observandum, si occurrat aliqua occasio disputandi cum Jansenistis? ubi per Jansenistas æque Michaelis Baji, ac Jansenii, & Quesnellii Sectatores in principiis suis omnino convenientes intelligimus. Respondetur eodem ferme modo, quo præcedenti Capite circa Acatholicos. In primis, non facile digressionem esse faciendam ad materias particulares, sed sistendum in principiis generalibus in Quæstionibus prolegomenicis, & hinc inde per decursum jam allegatis. Secundo principaliter inhærendum, quod Pontifex in materia fidei, ac morum loquens ex Cathedra sit regula infallibilis, non solum in materia Juris, sed etiam in materia facti talis, quod habet connexionem cum Quæstione juris. Tertio, quodsi multum contenderent, ad constituendam aliquam doctrinam in materia fidei infallibilem præter decisionem Pontificis requiri etiam consensum Ecclesiæ; dato etiam hoc (numquam concessio) talis consensus in præsentem adest, cum Bullam Innocentii X. contra Jansenium, & alteram Unigenitus Clementis XI. contra Quesnellium omnes ferme Episcopi totius mundi (paucissimis respectivo exceptis, qui attendendi non sunt) omni

omni cum submissione receperint. Quarto, Si ulterius vellent Jansenistæ, consensum hunc Ecclesiæ debere exprimi in aliquo Concilio generali, id esse falsissimum non solum in Quæstionibus prolegomenicis, sed etiam superius §. 1. Num. 3. & seqq. demonstratum jam fuit. Audiatur desuper S. Augustinus, quo potissimum, etsi falso, gloriantur Jansenistæ. Hic itaque Sanctus Antistes Lib. 4. cap. 12. contra duas Epistolas Pelagianorum sequentia habet formalia: *Aut vero Congregatione Synodi opus erat, ut aperta perniciēs damnaretur, quasi NB. nulla hæresis aliquando nisi Synodi congregatione damnata sit; cum potius rarissime inveniantur, propter quas damnandas necessitas talis extiterit &c. Verum istorum superbia &c. tantum se extollit &c. ut propter illos Orientis, & occidentis Synodus congregetur.* Quinto, atcedit, quod eorum quoque doctrina in Concilio Generali Tridentino quoad plura puncta fuerit damnata, uti in declarandis propositionibus sæpius per decursum ostendimus. Sexto dum non raro ex ipsiis querelam percipies, se nil unquam aliud tenuisse, quam doctrinam puram, quin sæpius formalia verba Divi Augustini, ut Augustinianos se vivere, & mori velle; cum Magnum Augustinum ipsamet Ecclesiā antiqua cum Prædecessoribus Pontificibus, & SS. PP. unanimi voce maximis honorum, ac Laudum titulis semper extulerit. Tu Catholice ad hæc Jansenistis repone, neminem, nisi invidum, vel Sanctissimi hujus Antistitis eximia in Ecclesiā merita ignorantem atefato memorata laudum prædicata abnegare posse. Ast, ut cum Summorum Pontificum Oraculis, & Generalium Conciliorum decretis par Eidem adscribatur infallibilitas, hoc nec ipse hic humillimus Ecclesiæ filius, si adhuc in terris existeret, pateretur, nec verus Catholicus manutenere præsumeret, præsertim postquam Alexander VIII. simile assertum *propositione 30. juxta dicenda cap. IV.* reprobavit. Verum quidem est, quod Jansenistæ sæpius verba etiam adducant formalia Divi Augustini, non tamen juxta sensum, & mentem ejusdem, quæ longe alia foret, si textus integros proferrent, & simul antecedentia cum subsequētibz conneckerent. Notandum insuper est ex D. Thoma *Leit. 7. in 1. caput Joannis*, quod Divus Augustinus, dum oppugnat Pelagianos, omnia puris naturæ viribus adscribentes, videatur in modo loquendi prima fronte omnia attribuere soli gratiæ, sicut e contra, dum certat contra Manichæos, nullum liberum arbitrium agnoscētes, crederetur in modo scribendi favere Pelagianis.

#### CAPUT IV.

##### Declarans

*Propositiones damnatas, a potiori pertinentes ad materiam Morum, seu ad Theologiam moralem.*

**T**heologia moralis est illa facultas, quæ principaliter ordinatur ad actus humanos laudabiliter dirigendos, & ad casus conscientie occurrentes recte resolvendos. Ne autem utilissimæ, & ad excipiendās Confessiones necessariæ hujus facultatis limi-

tes sive per excessum, sive per defectum excedantur, proscripserunt summi Pontifices ex Ejusdem finibus varias propositiones, quæ vel nimiam laxitatem, vel excessivum rigorem continebant. In præsentī ambæ declarabuntur succinctæ, & Lectores pro majori notitia sæpius ad Theologiam moralem Patris Reiffenstuel remittentur.

##### §. I.

*Decretum primum Alexandri VII. Feria V. die 24. Septembris anno 1665. emanatum, continens viginti octo propositiones damnatas, una cum declaratione earum.*

1. In Congregatione Generali Sanctæ Romanæ, & universalis Inquisitionis habita in Palatio Apostolico Montis Quirinalis coram sanctissimo D. N. D. Alexandro Divina Providentia Papa VII. ac Eminentissimis, & Reverendissimis DD. S. R. E. Cardinalibus, in tota Republica Christiana adversus hæreticam pravitatem generalibus Inquisitoribus, a Sancta Sede Apostolica specialiter deputatis. „

Sanctissimus D. N. audivit non sine magno animi sui mœrore, complures opiniones Christianæ disciplinæ relaxativas, & animarum perniciem inferentes, partim antiquatas iterum suscitari, partim noviter prodire, & summam illam luxuriantium ingeniorum licentiam indies magis excrescere, per quam in rebus ad conscientiam pertinentibus modus opinandi irrepsit alienus omnino ab Evangelica simplicitate. Sanctarumque Patrum Doctrinæ, & quem si pro recta Regula fideles in praxi sequerentur, ingens eruptura esset Christianæ vitæ corruptela. Quare, ne ullo unquam tempore viam Salutis, quam suprema veritas Deus, cujus verba in æternum permaneant, arctam esse definivit, in animarum perniciem dilatari, seu verius perverti contingeret, Idem SS. D. N. ut oves sibi creditas ab ejusmodi spatiosa, lataque, per quam itur ad perditionem, Via, pro Pastoralī sollicitudine in rectam semitam evocaret, earumdem opinionum examen pluribus in sacra Theologia Magistris, & dein Eminentissimis DD. Cardinalibus, contra hæreticam pravitatem generalibus Inquisitoribus serio commisit: Qui tantum negotium strenue aggressi, eique sedulo incumbentes, & mature discussis usque ad hanc diem infra scriptis propositionibus, super unaquaque ipsarum sua suffragia Sanctitatis suæ singillatim exposuerunt. „

##### PROPOSITIO I.

2. *Homo nullo unquam vite suæ tempore tenetur elicere actum Fidei, Spei, & Charitatis, ex vi præceptorum Divinorum ad eas virtutes pertinentium.*

##### . DECLARATIO.

Non defuerunt Doctores Catholici, qui cum Banez, Serra, & Sancio docuerunt, memoratas virtutes Theologicas quoad exercitium suorum actuum numquam obligare per se, ac directe, sed tantum per accedens, & indirecte, nimirum præ-

cise pro tunc, quando alia quædam, quæ sine his virtutibus subsistere nequeunt, peragere tenemur. Exemplificant hanc suam indirectam obligationem in aliquo peccatore gravi; qui adstringitur suo tempore, amissam per peccatum mortale gratiam iterum vel per contritionem perfectam, vel per Sacramentum Pœnitentiæ cum attritione recuperare; talis enim peccator indirecte, & per accidens etiam tenetur elicere actum fidei; quoniam nequit hanc contritionem vel attritionem tamquam iterum reconciliativam cum Deo elicere, nisi simul credat in Deum, atque confidat, ab Ejus infinita Bonitate sibi peccatum denuo remittendum. *Ast contra est*, quod Sacra Scriptura non solum per accidens, ac in ordine ad alias virtutes, sed absolute, & immediate quoque, uti alia præcepta Decalogi, injungat exercitium harum virtutum: Nam qui non crediderit, condemnabitur. Marc. cap. ult. v. 16. Et qui non diligit, manet in morte. 1. Joan. cap. 3. v. 14. Unde etiam dilectio Dei Matth. cap. 22. dicitur primum, & maximum mandatum. Vide de hoc fufius Reiffenstuel *Tract. 4. Dist. 2. num. 27. ac Dist. 6. num. 9. & Dist. 6. post Num. 9. Additione.*

### PROPOSITIO II.

3. *Vir equestris ad duellum provocatus potest illud acceptare, ne timiditatis notam apud alios incurrat.*

### DECLARATIO.

Quoniam in Ordine Equestri Divi Jacobi a Sancta Sede Apostolica approbato Candidatus assumendus jurare debet, se numquam recusasse duellum, ad quod fuerit provocatus; exinde aliqui Theologi intulerunt, licitum esse acceptare duellum provocato, ne recusans notam timiditatis apud alios incurreret: alias enim circa hoc punctum Regulam dicti Ordinis Sacra Sedes magis in quam approbasset. Hoc tamen ipsum fundamentum, cui propositio a Summo Pontifice damnata innititur, laborat falso supposito: non enim Candidatus Ordinis hujus Equestris ab Eodem repellitur, si recusaverit acceptare duellum, ne DEUM duellando graviter offendat, quamvis exinde forsan per accidens apud homines improbos, & vulgares incurrat aliquam notam timiditatis, quæ tamen nota curanda non est; dum econtra apud alios, Mandata Dei, & Ecclesiæ timentes, duellum acceptans judicatur potius imprudens, utpote vitæ propriæ non minus, quam alienæ cum maximo Reipublicæ detrimento valde prodigus. Fugere invasorem provocantem ex mera timiditate videtur Viro Equestri equidem ignominiosum, non autem recusare duellum, ne Deum graviter offendat; unde primum, non secundum teste Mendo apud Viva hic exigitur a Candidato Ordinis Equestris Divi Jacobi. Videatur Reiffenstuel *Tract. 9. Dist. 3. Num. 45. & seqq. Additionibus.*

### PROPOSITIO III.

4. *Sententia asserens, Bullam Cœne solum prohibere absolutionem hæresis, & aliorum criminum, quando publica sunt; & id non derogare facultati Tridentini, in qua de occultis criminibus sermo est, anno 1629. 18. Julii in Consistorio Sacra Congregationis Eminentissimorum Cardinalium, visa & tolerata est.*

### DECLARATIO.

Duplex Quæstio moveri posset: Prima, utrum de facto sit vere probabile, Episcopum extra specialem aliquam facultatem posse absolvere ab hæresi occulta, & ab aliis Casibus Bullæ Cœnæ Domini necdum publicis? Secunda, an sententia affirmans fuerit in Consistorio Sacra Congregationis Eminentissimorum Cardinalium visa, & tolerata? Ultima quæstio facile resolvitur, dicendo, quod testante Ipsomet Summo Pontifice in præfenti falsum sit, illam Doctrinam fuisse aliquando a Cardinalibus ad Trutinam revocatam, & toleratam. Utrum autem per hanc ipsam propositionem saltem indirecte quoque damnata fuerit Sententia Ledesmae, Cordubæ, Vegæ, & Emanuelis Sa &c. volentium, Episcopum posse absolvere a Casibus Bullæ Cœnæ occultis, eo quod Concilium Tridentinum *Sess. 24. de Reformat. cap. 6.* tribuerit Episcopis facultatem absolvendi in foro conscientie ab omnibus Casibus occultis, etiam Sedi Apostolicæ reservatis, adhuc dubitatur? Ad quod Respondeo, quod opinio illorum Auctorum, qui Episcopis quidem tribuunt hanc facultatem; non tamen addunt, quod præfata sententia fuerit a Consistorio Cardinalium tolerata &c. quod (inquam) illa opinio in præfenti pariter fuerit damnata, ex ipsis verbis formalibus tam clare non constat; videtur tamen eadem jam aliunde carere solida probabilitate; quoniam Bulla Cœnæ Domini extra Romanum Pontificem omnibus adimit potestatem absolvendi a Casibus ibidem contentis, idque cum clausula: *non obstantibus NB. cujusvis Concilii Decretis.* Accedit, quod apud Viva hic sæpe Pontifices S. Pius V. Gregorius XIII. & Clemens VIII. declararint, non posse amplius Episcopos uti ea facultate a Tridentino concessa: adeoque dato, quod Ipsi a Concilio Tridentino ante Bullam Cœnæ Domini hæc fuerit potestas etiam quoad hæresin occultam concessa: de facto tamen per Bullam Cœnæ Domini eadem de jure Ordinario fuit sublata; quamvis de speciali privilegio soleat Episcopis Germaniæ indulgeri ad eorum instantiam facultas absolvendi omnibus Casibus reservatis etiam Bullæ Cœnæ; in locis tamen, ubi impune grassantur hæreses. Videatur Reiffenstuel in Jure Canonico *Lib. 5. tit. 7. §. 7. N. 367. & in Theologia moralis Tract. 4. Dist. 4. num. 29. & 30.*

5. Quæres I. An Episcopi ab hæresi, & aliis Casibus Bullæ Cœnæ Domini queant saltem in aliquibus casibus extraordinariis per se, vel per deputatos absolvere, quamvis non habeant illud speciale privilegium? Respond. Eosdem etiam non specialiter privilegiatos posse sic absolvere non solum in articulo, vel periculo mortis; verum etiam quando ex parte eorum, qui tale peccatum perpetrarunt, intercedit perpetuum, aut saltem longo tempore durans impedimentum, personaliter accedendi Summo Pontificem, vel Nuncium Apostolicum, aliumve Delegatum hac facultate absolvendi præditum. Ubi tamen inter Episcopum Germaniæ habentem singularem potestatem superiori numero declaratam, & inter alium, hac singulari potestate non præditum, sequens intercedit discrimen, quod posterior in simili casu apud laborantes impedimento longiori quidem tempore, non

tamen



tamen in perpetuum durante, debeat exigere cautionem juratoriam de se sistendo in loco debito cessante impedimento: quale iuramentum non requiritur, si Episcopus obtinuerit hanc singularem facultatem absolvendi specialiter. Ita communissima contra nonnullos; & ratio est, quia juxta Regulam communiter a Theologis receptam ob longius impedimentum intercedens personaliter accedendū Summum Pontificem Casus Papalis sit Episcopalis, ne alias intra tantum temporis spatium suspendendo absolutionem *pro dilatione Penitentia periculum immineat animarum*, uti loquitur Papa cap. *Mulieres*. Cap. *Quamvis*. & cap. *de casero. de sententia Excommunicationis*. Item cap. *eos qui. de sententia Excommunicationis in 6*. Et quamvis ibidem solummodo fiat sermo de incurrente excommunicationem reservatam ob percussione Clerici; quia tamen ratio *periculi animarum* illic allegata pugnat etiam pro aliis excommunicationibus reservatis, pariformiter de illis erit discurrendum: nam *ubi eadem est ratio, eadem est Juris dispositio. Leg. ideo. 27. ff. de Legibus*. Et de similibus idem est habendum *judicium, Cap. 2. de Translatione Episcopi*. Quod maxime verum est quoad Leges, & Canones respicientes salutem animarum, & ubi ratio Legis est contenta in ipsa Lege, prout in presenti: etenim ratio in Lege expressa est anima Legis. *Can. consuetudo. Dist. 1. & L. 7. ff. de Portion. qua Liberis &c.*

6. Quæres II. Quinam, censeantur perpetuo, vel saltem longiori impedimento laborare, ut excusentur a personali accessu ad Curiam, vel ad specialiter delegatos a Summo Pontifice, quoad casus Bullæ Cœnæ? *Respond.* Eosdem communiter recenseri infirmos, valetudinarios, decrepitos, Religiosos, mulieres, alterius potestati subjectos (uti sunt filii familias &c.) & inopes tanta paupertate pressos, ut ad Curiam ire nequeant: nam hi omnes, præsertim, si summus Pontifex, vel Nuncius Apostolicus sint in valde notabili distantia remoti, censeantur habere moralem saltem impotentiam adeundi: cum vel absolute non, vel saltem non nisi cum maxima difficultate possent accedere. Porro taliter impediti personaliter adire Papam possunt hoc beneficio absolutionis Episcopalis cum cautela superioris numero adjuncta uti, quin teneantur Romam mittere Procuratorem aliquem, vel supplicam scribere illuc ad S. Pœnitentiarum pro obtinenda absolutione a censuris Papæ reservatis: nam Jura solummodo exigunt personalem accessum, quando Reus accedere potest; atqui in simili casu non potest: ergo. Videantur Reiffenstuel in Jure Canonico cit. lib. 5. Tit. 7. §§. 7. 8. & 9. ac Dominicus VII. va hic.

7. Quæres III. Quanto tempore debeat impedimentum aliquod, quod alias non est perpetuum, durare, ut censeatur per illud quis excusatus a personali accessu ad summum Pontificem, Nuncium &c. pro absolutione hæresis, vel aliorum Casuum Bullæ Cœnæ? *Respond.* I. Si impedimentum illud, v. g. infirmitas, alias non habens simul annexum periculum mortis, duret solummodo per aliquot dies, vel Menses, exinde quis non excusatur a personali accessu, sed tenetur expectare, usque dum reconvalescat, nisi velit sibi per literas Romæ procurare dispensationem, ut ab aliis cæteroquin non

præditis hac facultate a simili censura absolvi queat: Ratio est, quia alias passim posset eludi vigor Bullæ Cœnæ, & damnationis propositionis tertiæ, uti consideranti patet. *Respond. II.* Si tale impedimentum prudenter credatur duraturum pluribus annis, puta quinquennio, vel decennio, censetur excusari implicatus censuris Bullæ Cœnæ a personali accessu ad Curiam &c. Ita communis: & ratio est; quia tale impedimentum vere censetur longo tempore durare. In dubio, prudentis judicio, ac pensis simili circumstantiis spectanda est moræ hujus longitudo, ratione cujus possit Episcopus cæteroquin speciali facultate non præditus per se, vel per Deputatum a talibus Casibus, & censuris Bullæ Cœnæ absolvere cum onere se sistendi cessante impedimento. Videatur Viva hic num. 6. & simul reflectatur, quod in Germania eo minor sit difficultas, quo Episcopi majorem habent facultatem absolvendi per se, vel per alios.

#### PROPOSITIO IV.

8. Prælati Regulares possunt in foro conscientie absolvere quoscumque seculares ab hæresi occulta, & ab excommunicatione propter eam incursam.

#### DECLARATIO.

Quod Prælati Regulares post Bullam Cœnæ Domini non habeant amplius facultatem in foro conscientie absolvendi seculares ab hæresi occulta, clare patet ex terminis propositionis damnatæ: Utrum vero idem de aliis casibus Bullæ Cœnæ sentiendum sit, adhuc dubitari posset. Ratio dubitandi est; quia propositio ista damnata præcise illis adimit potestatem absolvendi ab hæresi occulta quoad seculares; ergo quoad alios casus videtur eandem adhuc concedere. Respondetur tamen, hanc facultatem etiam quoad alios casus Bullæ Cœnæ, quamvis non per hanc propositionem, attamen per ipsam Bullam Cœnæ Prælati Regularibus, æque ac Episcopis adimi, quia memorata Bulla finali expresse abrogat omnia indulta, & Privilegia Regularium quoad hanc absolutionem, uti recte docet noster Sabinus Bononiensis in sua Lucis moralis appendice, seu brevi notitia &c. *Quæstio 4. n. 4.* Videatur Reiffenstuel *Tract. 13. Theolog. Moral. Dist. 2. post num. 75. additione VI.*

9. Quæres. An Prælati Regulares saltem non habeant facultatem per se, vel per suos substitutos absolvendi seculares in foro interno ab hæresi occulta, aliove peccato in Bulla Cœnæ reservato, si talis Casus ob intervenient impedimentum conformiter dictis num. 5. & seqq. ex Papali fiat Episcopalis? *Respondet.* extra imminens periculum mortis negative; quamvis non desint Doctores affirmativam tenentes. Ratio mea principalis est; quia in casu intervenientis impedimenti summus Pontifex cap. *de casero*, & cap. *Ea noster*, ac alibi *de sententia excommunicationis* solummodo Episcopis quoad suos subditos dat hanc facultatem: ergo non Prælati Regularibus quoad seculares extraneos. Videatur Reiffenstuel *Lib. 5. Decretal. Tit. 7. §. 8. n. 396.* qui tamen num. 97. adjungit, quod, si adesset impedimentum adeundi non tantum Pontificem, verum etiam Episcopum, seu alios speciali hac facultate præditos, possit talis habens casum

casum Bullæ Cœnæ a quovis Confessario approbato absolvi.

10. Insuper pro praxi Confessariis speciali hac facultate absolvendi equidem non præditi adhuc deservire poterit, diversas posse influere circumstantias, propter quas talis hæresis, vel alius casus ne quidem amplius censeatur comprehendi sub casibus Bullæ Cœnæ, & sic consequenter possit absolvi quoque ab aliis. Enumerantur utilissime dictæ circumstantiæ a Viva hic *num. IX. In primis*, si hæresis, vel alius casus in Bulla Cœnæ reservatus fuerit tantum internus: nam Ecclesia de facto mere interna, præsertim cum annexa excommunicatione, non solet reservare. *Secundo*, si peccatum tale exterius positum sit tantummodo leve, quamvis internum foret grave. Sic a pari juxta Cardinal. de Lugo, Suárez, & alios, si percussio Clerici consideratis omnibus circumstantiis adhuc fuerit revera levis, non incurreretur excommunicatio lata in percussores Clericorum, quamvis talis habuisset intentionem data opportuna occasione graviter percutiendi; adeoque talis percussor posset absolvi a quolibet Sacerdote. *Tertio* Si prudens foret dubium, utrum peccatum commissum comprehenderetur sub Casibus Bullæ Cœnæ: nam *Odia sunt restringenda, & favores ampliandi. Regul. 16. Juris in 6. Quarto* si ignorantia non crassa, aut supina a committente peccatum, ignoretur excommunicatio peccato annexa: nam stante hac ignorantia peccans non censetur contumax, sicque excusari a censura, propter quam talis casus in Bulla Cœnæ reservatur. *Quinto* Si e. g. hæresis, alias in Bulla Cœnæ reservata, fuerit præcisè externa, non tamen interna, puta, si quis ex metu, vel vehementi ira quadam verba hæretica protulerit, licet interne in intellectu non sic crediderit: nam quamvis talis in foro externo præsumeretur hæreticus; in foro tamen conscientie non esset talis, sicque juxta Toletum, Suárez, Sanchez, nostrum Matthæuccium, & alios non incurreret Casum reservatum in Bulla Cœnæ, licet cæteroque graviter peccaret, contra confessionem externam fidei. Plura adhuc circa hanc materiam vide apud Reiffenstuel *Tract. 4. Dist. 4. Quest. 3.*

### PROPOSITIO V.

11. *Quamvis evidenter tibi constet, Petrum esse hæreticum, non teneris denunciare, si probare non possis.*

### DECLARATIO.

Ratio, cur hæc propositio fuerit damnata, est; quia talis denunciator ab omni periculo pœnæ rationis, aliave immunis est; quoniam coram tribunali sacræ Inquisitionis (apud quod, ubi viget, illa denunciatio fieri debet) hoc crimen non tenetur probare tamquam actor, sed tantum deponere, quod audivit, veluti testis, ac sufficit præfato sacro Tribunali hæc denunciatio saltem ad diligentiam adhibendam pro ulteriori inquisitione, & ponendis Cautelis. Ita Felix Potestas *som. 2. num. 596.* & Viva hic, ambo Itali.

An autem etiam in Germania, ubi non viget sacra Inquisitio, & ubi Hæretici cum Catholicis permixti vivunt, sit facienda denunciatio Episcopis cum tanto rigore, & quando crimen hæresis probari nequit, examinat La Croix, *Lib. 2. num. 215.*

atque inclinatur in negativam, quando exinde non imminet periculum grave seductionis aliorum &c. dum autem ipsis objicitur allegata propositio damnata, ait, illam esse intelligendam tantummodo quoad loca, in quibus viget officium Inquisitionis, seu ubi Bullæ in tanto rigore usu receptæ sunt; non autem quoad Germaniam fuisse cum tanto rigore receptas, testantur plures Viri eximie docti.

12. Dixi autem notanter: *La Croix inclinatur in negativam, quando NB. exinde non imminet periculum grave seductionis aliorum. &c.* nam stante gravi periculo perversionis aliorum, quis non solum jure positivo, sed etiam ex Lege naturali obligatus esset ad talem denunciationem: cum quodlibet membrum teneatur sub gravi avertere notabile damnum, vel grave periculum notabilis damni Reipublicæ, quantum potest, etiam cum aliquo incommodo proprio. Censetur autem tale grave periculum seductionis semper adesse, si similes hæretici fuerint Pastores, vel alii Emissarii in terris Catholicis Romani Imperii occulte latentes, & nescio quos libellos venenatos in abscondito in populum spargentes, prout misera læpius, & quidem novissime docuit experientia.

13. Quæres I. An apud talem Hæreticum, respectu cujus imminet periculum seductionis aliorum, tenetur quis ante denunciationem præmittere aliquam correctionem Fraternali? Ratio dubitandi est; quia ipsemet Christus hunc ordinem correctionis præscripsisse videtur Matth. cap. 18. v. 15. & seqq. *Si peccaverit in te Frater tuus, vade, & corripe eum inter te, & ipsum solum &c. Si autem te non audierit, adhibe tecum adhuc unum, vel duos &c. quod si non audierit eos, dic Ecclesie.* Hoc tamen non obstante, Respondeo cum nostro Matthæuccio in *Cautela Confessarii Lib. 1. cap. 4. num. 3.* absque prævia hac fraterna correctione faciendam esse denunciationem talis periculosi hæretici, partim quia præmissa etiam hac privata correctione remaneret gravis formido, atque prudens dubium, utrum exinde se emendet, & non potius cum majori deinceps cautela venenum hoc ulterius in occulto diffundat non sine gravi Reipublicæ Catholicæ detrimento; quo stante prudenti dubio semper magis ad bonum totius Communitatis, quam ad particulare ejusdem membrum respici debet: partim quia ordo correctionis singularis præmittendæ non concernit crimina Reipublicæ noxia, sed particularia, seu privata, uti apud Matthæuccium *loc. cit.* in terminis docet D. Thomas 2. 2. q. 33. art. 1. in corpore ad 3. ubi taliter loquitur: *Quando imminet periculum multitudini, non habent ibi locum hæc verba Domini* (nimirum: si peccaverit in te Frater tuus &c.) *quia tunc frater peccans non peccat in te tantum. &c.*

14. Quæres II. An similem hæreticum quis teneatur denunciare, si non certo sciat, eum periculose dilatare hoc venenum, sed id tantummodo ab aliis audierit? Ratio dubitandi est; quis in hac propositione damnata solummodo fit mentio de illis, qui evidenter sciunt, talem esse hæreticum, & tamen non denunciant, eo quod probare non possint, atqui ille, qui tantum ab aliis audivit, exinde non evidenter scit, utrum dicta hæc aliorum a parte rei sint vera, nec ne? ergo. Respondeo

ad hoc dubium : Quamvis talis intermittens denunciationem non incideret in hanc propositionem damnatam ob causam in ratione dubitandi allatam ; tenetur nihilominus, si a Viris fide dignis intellexerit, similem periculosum hæreticum (nihil tamen augendo, vel minuendo ex propriis) denunciare. Ratio est partim, quia, si manifestantes sunt viri fide digni, manet adhuc grave periculum notabilis damni a quadam communitate Catholica incurrendi, ubi etiam ex lege naturali Charitatis vel iustitiæ, præscindendo a particularibus constitutionibus, Bonum commune præponendum est bono privato ; partim, quia in Edicto apud Dianam *Part. 4. Tract. 5. Resolut. 28.* videntur, præcipitur denunciatio, si quis sciverit, vel audierit ea delicta. Et ita sentiunt apud Dianam *loc. cit.* Fagundez, Thomas a JESU, Rodriquez, Portell &c. Quinimo Diana *loc. cit.* quoad simile vitium Reipublicæ summe noxium vult, ut debito loco indicetur, quamvis nesciatur positive, utrum manifestantes sint fide digni, nec ne, ubi tamen nil addi debet per aliquam auxilin, nec positive credi, quod e. g. in simili casu quis sit talis Emisarius ; utpote cum necdum habeatur grave fundamentum id allerendi : proderit tamen similis denunciatio ad ulteriorem indagacionem in re ista præ aliis Reipublicæ noxia cum summa prudentia, cautela, & circumspeditione taliter instituendam, ut tamen exinde indicatus apud alios, qui juvare nequeunt, non diffametur, antequam in majorem notitiam criminis per fundamenta graviora deveniatur.

## PROPOSITIO VI. & VII.

15. VI. Confessarius, qui in Sacramentali Confessione tribuit penitenti Chartam postea legendam, in qua ad venerem invitatur, non censetur sollicitasse in Confessione, ac proinde non est denunciandus.

VII. Modus evadendi obligationem denuncianda sollicitationis est, si sollicitatus confiteatur cum sollicitante, hic potest ipsum absolvere absque onere denunciandi.

## DECLARATIO.

Pro faciliiori utriusque damnatæ propositionis intellectu tria occurrunt notanda, quorum primum est, quod Gregorius XV. sapientissime perpendens, quanta mala ex sollicitatione ad turpia in confessionali sequantur, severissimam contra tales Sollicitantes emanare fecerit Bullam, incipientem *Universi Dominici Gregis*, & anno 1623. 30. Aprilis editam. In hac omnes Sacerdotes Seculares, & Regulares denunciari mandat I. Qui (sunt formalia Bullæ) personas, quæcumque illæ sint, ad inhonestam sive inter se, sive cum aliis quomodolibet perpetranda in actu Sacramentalis Confessionis. II. sive ante, vel post immediate, seu III. occasione, vel prætextu confessionis hujusmodi, etiam Sacramentali Confessione non secuta, sive IV. extra occasionem Confessionis in Confessario (seu Confessionali) aut loco quocumque, ubi Confessiones Sacramentales audiuntur, seu ad Confessionem audiendam electa, simulantes ibidem confessiones audire, sollicitare, vel procurare tentaverit, aut cum eis illicitos, & inhonestos sermones, sive tractatus habuerint.

16. Notandum II. Quod hæc denunciandi obligatio sollicitatis ideo tam exacte fuerit imposita, par-

Tomus II.

tim ut similia enormia delicta, si quæ fiant, rigidissimis castigentur pœnis: partim ut ea perpetrantes non solum emendantur; verum quoque alii, videntes indeclinabilem talium delictorum denunciationem, in futurum a gravissimo hoc peccato coerceantur, & deterreantur: partim ut periculo prostitutionis alicujus sacre communitatis, aut vilipensionis Sanctissimi Sacramenti Pœnitentiæ efficacius in futurum præcaveatur. Et licet dicta Bulla Gregoriana in Germania, ubi non viget Tribunal Inquisitionis, dicatur non ubique recepta; adhuc tamen tales ibidem in Confessionali sollicitatæ personæ, si non *vi hujus Constitutionis*, ad minus *ex Lege Charitatis* tenentur ad denunciationem, saltem in illis circumstantiis, in quibus denunciante ex una parte non imminet prudens periculum gravis exinde damni; ex altera vero ex omissione denunciationis Bonum publicum subit periculum prostitutionis ob tale membrum putridum alias incurrendæ: nam, si obligor ex fraterna Charitate, dum facile possum, avertere vere grave periculum notabilis damni a privato, multo magis id procedit respectu alicujus integræ Communitatis: ordinata enim Charitas exigit, ut Bonum commune præferatur bono privato, præsertim respectu talis membri putridi, apud quod privata correctio non proficit *ordinarie* loquendo; ubi in dubio secundum ordinariam contingentiam judicari debet, maxime quando agitur simul de periculo Boni publici. Cæterum redeundo iterum ad Bullam Gregorianam, ut vim, & efficaciam sanctissimi Intenti Summi Pontificis elidant, & eludant, varii varia excogitarunt, inter alia dicendo, cessare hujusmodi obligationem denunciandi, quando sollicitans pœnitenti dat schedam ad turpia allicientem primum postea legendam; vel si ex parte post persona sollicitata ipsimet huic sollicitandi confiteatur &c. quam utramque evadendi viam Alexander VII. præcludit dammando antedictas duas propositiones.

17. Notandum III. Ex hac ipsa Constitutione Gregoriana, uti etiam ex præced. num. 13. & 14. luculenter erui, quod præmissa correctio Fraterna privata non sit semper de præcepto Divino quoad delicta Communitati valde noxia; nam alias neque Summi Pontifices immediatam denunciationem Superiori, intermisso illo ordine faciendam, potuissent præcipere; cum nec ipsi aliquid agere queant contra præcepta Divina. Porro in dubio, quænam crimina Communitati sint valde noxia, Superiorum est, ea declarare, & subditorum, sese humiliter Eorum judicio submittere, nisi evidenter constet de injustitia Legis, quæ præsumi neutiquam debet, præsertim quando aliunde de Scientia, prudentia, & pietate Legislatorum constat: alias profecto brevi bonus Ordo laudabilis Gubernationis, & rectæ subordinationis Caput inter & membra in aliqua Republica subverteretur, uti recte observant melioris notæ Doctores, Canonistæ, Theologi, & ex parte etiam Ascetæ tractando de obedientia. Nec credant subditi similis Communitatis suggestioni diabolicæ; quasi nimirum illico denunciandis adhibeatur fides, & ad executionem pœnæ etiam coram Deo Innocens trahatur. Absit hoc præsumere de prudentia Superiorum, qui prævie omnes circumstantias denunciati, ipsius modi denunciandi &c.

N

bene

bene perpendere, ac potius conservationem Boni publici, & evitacionem delicti, quam confusio- nem delinquentis respicere debent. Ulteriora adhuc circa hanc materiam vide in Theologia Mo- rali P. Reiffenstuel *Tract. 14. Dist. 8. Q. 5.* Vel in casu aliquo extraordinario apud nostrum Feli- cem Potesta in suo *Examine Ecclesiastico Tom. 2. per totum.*

#### PROPOSITIO VIII.

18. *Duplicatum stipendium potest Sacerdos pro ea- dem Missa licite accipere, applicando petenti partem etiam specialissimam fructus ipsimet celebranti correspon- dentem, idque post decretum Urbani VIII.*

#### DECLARATIO.

Urbanus VIII. in suo Decreto, cum saepe com- tingat &c. de celebratione Missarum §. 2. manda- vit, & præcepit sub obtestatione Divini iudicii, ut absolute tot NB. Missa celebrentur, quas ad ratio- nem attributa Eleemosyna præscripta fuerint, ita, ut alioquin ii, ad quos pertinent, sua obligationi non sa- tisfaciant; quin imo graviter peccent, & ad restitu- tionem teneantur. Ex quo confectaneum videba- tur, non posse pro una Missa duplex stipendium recipi, sed esse obligatorium danti e. g. stipen- dium proportionatum pro una Missa omnes ejus- dem fructus applicare. Ast non defuerunt Theo- logi, etiam post dictum decretum cum Molfesio, & Bartholomæo de Angelis, distinguentes inter fructum specialem, & specialissimum; quoad pri- mum concedunt conformiter decreto Urbani VIII. eandem applicari debere ex integro ad in- tentionem dantis stipendium; negant autem quoad fructum specialissimum, quem putant posse in eadem Missa attribui alteri, & novum desuper recipi stipendium. Ubi nota, quod fructus *spe- cialis*, seu medius is dicatur, qui cedit in bonum illius, pro quo sacrificium offertur. *Specialissi- mus* autem, qui cedit in bonum celebrantis, unde etiam a nonnullis vocatur fructus personalis. U- trum autem hic ultimus possit etiam pro altero applicari, valde dubium, & inter Theologos con- troversum est. Insuper nescitur determinate, an fructus specialissimus in suo valore sit æquivalens fructui speciali; ubi Fill. & Nav. apud Viva hic existimarunt, fructum specialissimum trium Missarum æquivalere fructui medio unius Missæ. In hac itaque sententiarum incertitudine merito damnata fuit opinio eorum, qui in non leve præ- iudicium petentium pro stipendiis certas Missas putarunt, posse pro una Missa duplicatum recipi stipendium, unum pro medio, & alterum pro fructu specialissimo. Vide Reiffenstuel *Tract. 14. Dist. 5. num. 51. & seqq.*

#### PROPOSITIO IX.

19. *Post Decretum Urbani potest Sacerdos, cui Missa celebranda traduntur, per alium satisfacere, col- lato illi minore stipendio, alia parte stipendii sibi re- tenta.*

#### DECLARATIO.

Summus Pontifex Urbanus VIII. loco superius allegato §. 4. *Omne damnabile lucrum ab Ecclesia removere volens, prohibuit Sacerdoti, qui Missam sus- cepit celebrandam cum certa Eleemosyna, ne eandem*

*Missam alteri, parte ejusdem Eleemosyna sibi retenta, celebrandam committat.* Merito itaque damnata est Doctrina eorum, qui hanc ipsam sententiam adhuc post dictum Decretum Urbani VIII. de- fendere præsumpserunt; cum tamen ordinarie loquendo dantes stipendium habeant hanc inten- tionem, ut illud celebranti Missam, prout datum est, attribuat, non autem alteri, respectu cuius singularem non habent obligationem. Videatur deluper cum suis exceptionibus Reiffenstuel *Tract. 14. Dist. 15. num. 95. & seqq.*

#### PROPOSITIO X.

20. *Non est contra iustitiam pro pluribus Sacrifi- cii stipendium accipere, & Sacrificium unum offerre; neque etiam est contra fidelitatem, etiam si promit- tam, promissione etiam juramento firmata, danti sti- pendium, quod pro nullo alio offeram.*

#### DECLARATIO.

Ex infinito valore Sacrificii Missæ Thomas Hurtadus apud Viva hic, & nonnulli alii apud Mendo *Dissert. 13. Quæ. 5.* deduxerunt, non esse contra Iustitiam, pro pluribus stipendiis etiam congruis unicam tantummodo offerre Missam; quia ob infinitatem Valoris Sacrificii nullus ex aliorum consortio patitur detrimentum, sed tan- tumdem accipit, quantum accepisset, si pro se solo fuisset oblatum Sacrificium; quoniam exin- de Thesaurus ille infinitus non exhauritur. Sed contra est *primo*, quod etiam Sacrificium sit suo mo- do infiniti Valoris, quantum est in se, & sic in actu primo, non tamen sit tale in ordine ad nos, & in actu secundo; id est, Deus non voluit no- bis infinito modo applicare. Simili distinctione expediuntur Hæretici, quando Catholicis obji- cunt, quod merita Christi sunt infiniti valoris, ad- coque merita nostra nihil amplius contribuere possint in ordine ad vitam æternam consequen- dam. Contra est *secundo*, quod Urbanus VIII. juxta formalia num. 18. allegata expresse dicat, talem *graviter peccare, & ad restitutionem teneri*: ergo signum est, quod peccaverit contra Justi- tiam; quomodo enim alias teneretur ad restitu- tionem? Vides igitur, quam merito hæc proposi- tio fuerit damnata.

#### PROPOSITIO XI.

21. *Peccata in confessione omissa, seu oblita ob in- stans periculum vite, aut ob aliam causam non tene- mur in sequenti confessione exprimere.*

#### DECLARATIO.

Hanc reperies apud Reiffenstuel *Tract. 14. Dist. 7. num. 45.* Illud insuper pro aliquo peccatore gra- vi pluribus e. g. annis vel omnino non, vel sacri- lege confitente superaddo consolatorium, quod ni- mirum, si nunc serio pœnitentiam agat, omnia gravia peccata necdum directe remissa, quan- tum memoriæ occurrunt, clavibus Ecclesiæ sub- jiciat, & nihilominus nonnulla ex oblivione ob multitudinem intermitat, quod (inquam) ea- dem ita sint indirecte remissa, ut juxta com- muniorem cum Suarez, Victoria, Dominico Vi- va, & aliis non teneatur statim postea, quam- primum memoriæ occurrunt, confiteri, sed suffi- ciat intentio eadem suo tempore clavibus Ecclesiæ subji-



subjiciendi; adeo quidem, ut, si intra illud spatium subitanea morte præoccupatus absque novo aliquo dolore obiret, adhuc salvaretur; supposito tamen, quod non commiserit nova gravia peccata, numquam adhuc indirecte remissa. Exinde Confessarius ad infirmum gravissimis subiectum peccatis vocatus, facile cognoscit, quidnam responderi debeat, si E. G. talis ægrotus deposita dolorosa peccatorum suorum confessione eundem taliter alloquatur: *Pater Reverende, quid mihi agendum, si in vestra absentia adhuc aliqua mihi incidant gravia peccata, ex oblivione pro nunc necdum confessa? & quorsum venirem, si, postquam similia delicta memoria occurrunt, subito phrenesi correptus, aut propter febrem acutam ratione privatus in tali statu in longam abirem æternitatem?* Tali gravi peccatori itaque, ne ex suggestionem diaboli fiat pusillanimis, aut omnino in desperationem incidat, Confessarius confidenter reponat, eundem propter illa peccata jam indirecte remissa neutiquam fore filium perditionis, quamvis subitanea morte præoccupatus expiraret, dummodo de facto habeat voluntatem seriam eadem, si quæ occurrerent adhuc ante mortem suam, quantum moraliter potest, confitendi. Suadeat insuper anxio simili poenitenti ægrotato, ut, dum incidunt de novo similia gravia peccata oblita, conetur elicere contritionem, & vocare Confessarium: posito autem, quod accelerata mors hos omnes bonos conatus in effectu impediret, pro consolatione subjungat, se neutiquam propter eadem tamquam jam indirecte remissa fore damnandum.

#### PROPOSITIO XII.

22. *Mendicantes possunt absolvere a Casibus Episcopis reservatis, non obstantia ad id Episcoporum facultate.*

#### DECLARATIO.

Concessa olim dicebatur Regularibus mendicantibus &c. vel immediate, vel per communicationem Privilegiorum potestas absolvendi a Casibus reservatis Episcopalis, uti inter alias deducunt ex Bulla Pauli III. *cum inter*, edita anno 1545. Et quamvis multi Locorum Ordinarii contenderent, hanc facultatem a Gregorio XIII. fuisse iterum sublatam, altèfatus tamen Summus Pontifex apud Viva hic anno 1583. Ipsemet declaravit contrarium. Successu autem temporis Urbanus VIII. expresse prohibuit, ne Regulares deinceps virtute suorum Privilegiorum absolverent a Casibus Episcopo Reservatis.

Hoc tamen Decretum aliqui Regulares ex variis Rationibus non satis solidis quoad suum Valorem revocarunt in dubium, sustinentes, illam facultatem absolvendi adhuc subsistere, quam tamen doctrinam in præsentis reprobavit Alexander VII. & denuo Clemens X. per Bullam *Superna* &c. etiam 21. Junii anno 1670. Videantur de Casibus Episcopo reservatis plura apud Reiffenstuel. *Tract. 14. Dist. 7. Quæst. 2.*

#### PROPOSITIO XIII.

23. *Satisfacit præcepto annua Confessionis, qui confitetur Regulari Episcopo presensato, sed ab eo injuste reprobato.*

Tomus II.

#### DECLARATIO.

Dato etiam, quod ante Concilium Tridentinum Bonifacius VIII. in Bulla *Super Cathedram*, & Clemens V. in Clementina *Dudum de Sepulturis*, concessissent, uti plurimi volunt, quod Regulares Ordinarii præsentati, & ab Ipsiis injuste reprobatu habeantur eo ipso pro approbatis, Pontifice eosdem pro tunc admittente; hæc tamen sententia videbatur correctæ per Concilium Tridentinum *Seff. 23. de Reformat. cap. 15.* ubi ad evitanda varia incommoda absolute statuit, ut nullus Regularium deinceps Confessiones secularium absque Episcopi approbatione excipere queat, *Privilegiis & consuetudine quacunque etiam immemoriali non obstantibus*; quod ipsum Decretum cum expressa annulatione omnium, & singulorum privilegiorum roboravit Urbanus VIII. Bulla *Cum fecit accepimus* &c. Quoniam igitur tamquam necessarium quoddam requisitum desideratur approbatio Episcopi, eadem absente, etsi injuste denegata, absolvi non poterunt seculares, quamvis Episcopus injuste negans peccaret. Videatur Reiffenstuel *Tract. 14. Dist. 8. Quæst. I. cum Appendice.*

#### PROPOSITIO XIV.

24. *Qui facit Confessionem voluntarie nullam, satisfacit præcepto Ecclesie.*

#### DECLARATIO.

Explicatio hujus propositionis jam invenitur apud Reiffenstuel *Tract. 10. Dist. 3. num. 10.* Solummodo adhuc quæri posset, an supposita probabilitate illius sententiæ, quod Sacramentum Poenitentiae possit esse validum, & informe, an (inquam) stante probabilitate hujus sententiæ satisfaciat præcepto annua Confessionis, qui recepit hoc Sacramentum tamquam validum, sed informe? Ubi Suarez, Dicastillo, Medina, ac Sotus respondent affirmative, ex ratione; quia Ecclesia injungens receptionem annuam hujus Sacramenti videtur præcipere tantum ejusdem valorem, non autem fructum. Saltem hæc Responsio non videtur comprehendi sub Propositione damnata.

#### PROPOSITIO XV.

25. *Pœnitens propria auctoritate substituere sibi alium potest, qui loco ipsius Pœnitentiam adimpleat.*

#### DECLARATIO.

Regula illa 68. Juris 6. *Potest quis per alium, quod potest facere per se ipsum*, non procedit in iis, in quibus ex speciali ratione exigitur industria personæ, seu actio personalis, uti sit regulariter in satisfactione Sacramentali imposita partim ad novæ vitæ custodiam, partim ad præteritorum peccatorum vindictam, atque Castigationem. Sic etiam in multis aliis, puta in jejuniis, recitatione Horarum Canoniarum, vel auditione Missæ nequit substitui alius, qui pro nobis his præceptis satisfaceret. Vide Reiffenstuel *Tract. 14. Dist. 10. num. 15.*

#### PROPOSITIO XVI.

26. *Qui Beneficium curatum habent, possunt sibi eligere in Confessarium simplicem Sacerdotem, non approbatum ab Ordinario.*

N 2

DECLA-

**DECLARATIO.**

Ut quis agere queat Confessarium juxta Concilium Tridentinum *Seff. 23. cap. 15.* Unum ex his tribus necessario requiritur, nimirum, ut *vel* curatum Beneficium obtineat, quo concessio censetur eo ipso etiam concessa cum approbatione jurisdictionis in conceditis oves, *vel* ut ab Episcopo per examen, *vel* si hoc non videbitur necessarium, alias idoneus judicetur, sicque approbationem, quæ gratis debetur, obtineat: ergo curatus non poterit sibi eligere pro Confessario aliquem simplicem Sacerdotem, cum ille simplex Sacerdos nec habeat curatum Beneficium, nec sit pro excipiendis Confessionibus ab Ordinario approbatus. Videatur Reiffenstuel. *Tract. 14. Dist. 8. num. 14. & 15.*

**PROPOSITIO XVII.**

27. *Est licitum Religioso, vel Clerico calumniatorem gravia crimina de se, vel de sua Religione spargere, minantem occidere, quando alius modus defendendi non suppetit: uti suppetere non videtur, si calumniator sit paratus vel ipsi Religioso, vel ejus Religioni publice, & coram gravissimis viris predicta impingere, nisi occidatur.*

**DECLARATIO.**

Juxta dicenda, ne Laicis quidem est licitum occidere calumniatorem; nam inter damnatas ab Innocentio XI. Propositiones ordine trigesima sic sonat: *Fas est viro honorato occidere invasorem, qui nititur calumniam inferre, si aliter hac ignominia vitari nequit: ergo multo minus id licebit Religiosis, vel aliis Clericis, qui honoribus mundanis nuntium remiserunt, ut vestigiis Christi inhaerentes, Ejusdem mansuetudinem, & lenitatem imitarentur: Unde falsum adeo est, quod Clerici occidendo defendant proprium, vel Religionis suæ honorem; quin potius e contrario eundem apud viros prudentes, & Deum timentes exinde deperdant. Exhibuisset Filio Pater Cælestis ad defendendum honorem suum plus quam duodecim Legiones Angelorum, si rogasset, Matth. cap. 26. v. 53. At noluit; & numquid propterea honor Ejusdem fuit diminutus? Absit. Dantur longe alia remedia honorem hunc defendendi; quare propositio ista merito fuit damnata, utpote laborans falsissimo supposito. Vid. Reiffenstuel *Tract. 9. Dist. 3. n. 23. & seqq. cum quinque additionibus.**

**PROPOSITIO XVIII.**

28. *Licet interficere falsum accusatorem, falsos testes, ac etiam Judicem, a quo iniqua certo imminet sententia, si alia via non potest innocens damnum vitare.*

**DECLARATIO.**

Non apparet ullum solidum fundamentum, cur talis accusatus possit occidere accusatorem, aut testes, vel Judicem: nam vel talis accusatus probare potest iniquitatem accusantis, aut testium productorum, seu Judicis, vel non potest probare? Si primum: dantur alia Juris remedia, puta exceptionis, oppositionis aliorum testium pro se,

appellationis &c. Quod si nequeant probare iniquitatem, ipsamet occidendo gravius incurreret periculum suæ propriæ vitæ per carnificem deperdendæ, cum similia homicidia ordinariæ fiant palam saltem successu temporis. Accedit, quod, si illico liceret delatorem, testes, vel judicem occidere ideo, quia delati judicant, sibi imminere periculum sententiæ suæ opinione certo injustæ, pauci invenirentur, qui cum tanto vitæ periculo veridicos testes, vel indifferentes Judices agere vellent, non sine magno justitiæ vindictivæ, & ex consequenti Reipublicæ detrimento; cum facile homini in jure non perito, vel passione amoris proprii excecato sententia possit apparere certo iniqua, dum aliis apparet eadem valde probabilis, vel etiam certo justissima. Videatur Reiffenstuel loco superius citato.

**PROPOSITIO XIX.**

29. *Non peccat maritus propria auctoritate occidens uxorem in adulterio deprehensam.*

**DECLARATIO.**

Ratio hujus damnationis est; quia talis occisio non tam se haberet per modum moderaminis inculpatæ tutelæ, quam vindictæ, quæ privatis personis est interdicta juxta communem, & juxta illud Levitici cap. 19. v. 18. *Non quæras ultionem &c.* idque maxime verum, si ex tali vindicta imminet periculum æternæ damnationis, uti in casu præsentis respectu uxoris adulteræ, si deprehensa in adulterio occideretur. Unde jam pridem ante dictam propositionem Nicolaus Papa Can. *Inter hæc 6. caus. 33. quest. 2.* talem occisionem prohibuit, utpote quæ suspiciosis, & Zelotypis maritis Portam aperiret contra omnem juris ordinem inauditas mactandi uxores. Neque Leges, quæ in contrarium solent allegari, tribuunt simili marito auctoritatem occidendi adulteram, sed tantummodo in foro externo admittunt remissionem illius pœnæ, quæ aliis homicidis juxta jura esset infligenda &c. Vide Reiffenstuel loc. cit.

**PROPOSITIO XX.**

30. *Restitutio a Pio V. imposita Beneficiatis non recitantibus, non debetur in conscientia ante sententiam declaratoriam Judicis, eo quod sit pœna.*

**DECLARATIO.**

Jam eadem fufius data est a Patre Reiffenstuel *Tract. 2. Dist. 2. additione post num. 43. Item Tract. 6. Dist. 1. num. 34. ac seqq. additionibus*, quorsum Lectorem Brevitatis gratia remitto.

**PROPOSITIO XXI.**

31. *Habens Capellaniam collativam, aut quodvis aliud Beneficium Ecclesiasticum, si studio litterarum vacet, satisfacit suæ obligationi; si officium per alium recitet.*

**DECLARATIO.**

Rosella, Lopez, Angelus, & alii apud Sanchez *Lib. 2. cons. cap. 2. dub. 62.* docuerunt, posse in actualibus studiis a Beneficiatis studentibus satisfieri per alios recitationi Horarum Canonicarum; quia

quia ob paritatem rationis potest quoque in simili casu satisfieri per alios obligationi residendi in loco Beneficii, *cap. fin. de Magistris*. Item pariformiter quoad Capellaniam collativam oneri Missarum. Sed contra est, quod obligatio recitandi officium Divinum sit opus personale, sicut auditio Missarum, nec detur Beneficium, nisi propter officium: prout etiam Concil. Trid. Sess. 24. de Reform. cap. 12. vult, *ut omnes Divina per se, & non per alios compellantur obire officia*. Nec est paritas cum residentia; nam dum studia sunt incompatibilia cum residentia ordinarie loquendo, etiam Leges, quæ attendunt ad ordinarie contingentia, nolunt studentes ad residentiam obligare: econtra vero ordinarie non est incompatibilis cum studiis recitatio Horarum Canonicarum. Quod autem in Capellania collativa possit oneribus Missarum satisfieri per alios, provenit ex præsumpta voluntate fundatoris; ubi tamen quoad recitationem Horarum potius ex Concilio Tridentino, & consuetudine eruitur voluntas contraria. Unum adhuc adverte in præfenti, quod Capellania collativa, de qua mentionem facit propositio damnata, sit illa, quæ erigitur auctoritate Prælati Ecclesiastici: Quando vero relinquunt præcisè Laici absque auctoritate Ecclesiastica bona sua cum eo onere, ut quotannis certa pensio detur alicui Clerico pro tot Missis celebrandis &c. vocatur Capellania non collativa, quæ nec proprie est Beneficium: unde obtinens talem Capellaniam non collativam non tenetur ad Horas Canonicas, nisi alias jam fuerit Subdiaconus, vel id singulariter in litteris foundationis exigatur.

## PROPOSITIO XXII.

32. *Non est contra justitiam Beneficia Ecclesiastica non conferre gratis, quia Collator conferens illa Beneficia Ecclesiastica pecunia interveniente non exigit illam pro collatione Beneficii, sed veluti pro emolumento temporali, quod tibi conferre non tenebatur.*

## DECLARATIO.

Loquitur hæc Thesis confixa de illis Beneficiis, respectu quorum Collator non est adstrictus ad unum certum, sed spectat ad liberum arbitrium ejusdem, utrum hunc velit alteri præferre. Itaque pro ipsa electione, seu determinatione unius præ altero volunt Auctores thesif confixæ cum Vincentio Candido *T. 1. de Benefic. Disquisit. 18. art. 39.* citra læsionem justitiæ aliquid exigi posse; cum id non petatur pro Beneficio, sed potius pro libera hujus præ altero electione, quæ electio utique pretio est æstimabilis, partim, quia Collator se privat illa libertate, quam ante determinationem habuit: partim, quia præ alio electus exinde magnum capit emolumentum, neque neglecto per hoc fit injuria, si præcedens interveniente pecunia præ ipso ad dictum temporale emolumentum ex electione proveniens determinetur: etenim eo ipso, quia libera est electio, nulli ex justitia quidquam debetur. Ita illi. Sed contra est, quod a parte rei prætextus iste sit palliata Simonia; cum in effectu detur, & accipiatur pecunia pro ipso Beneficio. Insuper per illam sententiam lata aperiretur porta sæpius excedendi terminos justitiæ distributiæ, ac intro-mittendi cum maximo Ecclesiæ detrimento in Ecclesiastica Beneficia minus dignos, & divites,

exclusis dignioribus, & pauperibus. Falsum præterea est suppositum, quod electio illa unius præ alio sit pretio æstimabilis; cum Collator alicui, indeterminato saltem, debeat conferre Beneficium ex officio; & licet nullus ex determinatis habeat in dato casu jus ad ipsum Beneficium, habet tamen quilibet Jus, ut non petatur ab eo pecunia propter determinationem ad Beneficium. Nec dicatur, pecuniam a determinato dari sponte: Respondetur enim dari sponte coacte. Accedit adhuc, quod Ecclesia pariter habeat jus, ut a simili Collatore nullum temporale pro ipsa determinatione in maximum prædictæ Ecclesiæ detrimentum exigatur. Et plane, si ex eo, quod quis habeat liberum arbitrium determinandi unum præ alio, inferri posset, quod pro illa determinatione ad unum pecunias accipere valeat, tunc in casu, quo quis ex officio tenetur alicui pauperi nobili puellæ ad augendam dotem dare mille florenos, posset licite a Titia, quam eligit præ aliis in ordine ad dotem, accipere quingentos florenos; quia Titia mavult adhuc habere residuos quingentos, quam ut hæc summa non ipsi, sed alteri puellæ conferatur. Videatur Reiffenstuel *Tract. 5. Dist. 3. num. 45.*

## PROPOSITIO XXIII.

33. *Frangens jejunium Ecclesiæ, ad quod tenetur, non peccat mortaliter, nisi ex contemptu, vel inobedientia hoc faciat; puta quia non vult se subijcere præcepto.*

## DECLARATIO.

Quod Ecclesiæ nequeat extra præcepta Divina quidpiam de novo sub peccato gravi præcipere, inquit quidem Acatolici *Cap. II.* jam refutati; est nullus Catholicorum id asserere audet, apud quos in confesso est, Ecclesiam posse sub gravi obligare, si velit; quæstio solummodo a nonnullis movebatur, utrum voluerit actu sub gravi peccato fideles ad jejunium servandum adstringere, nec ne? Ubi, quod fuerit Summorum Pontificum voluntas quoad jejunium æque, ac quoad reliqua Ecclesiæ præcepta, graviter obligandi; patet tum ex Canone: *non liceat. de consecrat. Dist. 3. & Can. Quadragesima. Dist. 5.* tum ex ipsa damnatione hujus propositionis, quam non reprobasset, si non intendisset graviter obligare ad observantiam jejunii. Vid. Reiffenstuel *Tract. 10. Dist. 2. num. 39.*

## PROPOSITIO XXIV.

34. *Mollities, Sodomia, Bestialitas sunt peccata ejusdem speciei infima, ideoque sufficit dicere in confessione, se procurasse pollutionem.*

## DECLARATIO.

Adscribitur a Dominico Viva hic Sententia illa, sub ista propositione contenta, Caramueli in sua Theologia fundamentali num. 1199. cui præter Armillam, & Canum adstipulatur Grassis cum decem Doctoribus Lovaniensibus. Contra tamen est, quod licet hæc tria turpissima sint contra unicam virtutem Castitatis, ipsi tamen opponantur secundum speciem morali diversas ad invicem rectitudines. Vide Reiffenstuel *Tract. 9.*

*Dist. 4. num. 66. & 68.*

## PROPOSITIO XXV.

35. Qui habet copulam cum soluta, satisfacit Confessionis precepto dicens: commisi cum soluta grave peccatum contra castitatem, non explicando copulam.

## DECLARATIO.

Nonnulli, qui tenent circumstantias præcise aggravantes non necessario exprimi debere in confessione, exinde intulerunt, intra speciem simplicis fornicationis non esse necessario indicandum, utrum fuerit exercita actualis copula cum soluta, vel solummodo intervenerint impuri aspectus, aut impudici tactus, vel etiam præcise impura desideria: etenim (uti sentiebant) tactus, aspectus, & ipsa copula, uti etiam desiderium respectu alicujus solutæ solummodo intra speciem fornicationis distinguuntur ad invicem secundum magis & minus, ac consequenter se habent per modum circumstantiarum aggravantium, quas juxta probabilem sententiam necesse non est confiteri: sicque sufficiet in Confessione dicere, e. g. *commisi cum soluta grave peccatum contra castitatem semel*; cum sic explicaretur species, & numerus: sicuti a pari in peccato furti ob eandem rationem sufficeret in Confessione se accusare: *abstuli summam gravem semel*, non addendo, utrum fuerint centum vel mille floreni; quia hæc tantum sunt circumstantiæ aggravantes. Et ita docuerunt cum Caramuele in Theologia fundamentali fundamento 25. num. 45. nonnulli Recentiores Complutenses apud Turianum de Pœnit. Quæst. 9. art. 2. disp. 29.

36. Ast contra est, quod in primis Scotistæ illi, qui cum Reiffenstuel Tract. 1. Dist. 2. q. 4. actui externo adscribunt propriam aliquam bonitatem, vel malitiam, negent, actum internum, & externum fornicationis &c. non distingui ab invicem specie, quamvis ultro fateantur, has species ad invicem esse subordinatas, ita, ut actuale copulam præter impura desideria ordinarie etiam oscula, tactus impudici &c. præcedere, vel comitari, aut saltem brevi subsequi soleant; adeoque exprimens in Confessionali ipsam copulam sufficienter censeatur implicite exprimere desiderium, & tactus impudicos: quamvis econtra per alia verba in propositione damnata contenta: *peccavi contra castitatem cum soluta*, non sufficienter indicetur, utrum peccaverit vel solo impuro desiderio absque aliquo tactu impudico, vel præcise tactu impudico absque copula, vel demum per ipsam perfectam copulam fornicariam. Contra est secundo, quod etsi cum Viva hic, & plurimis aliis propugnetur in actu externo alicujus tactus impudici, vel actualis copulæ non relucere malitiam moralem specialem, & distinctam ab actu interno; adhuc tamen juxta præfatos Doctores exponi debeat a pœnitente, utrum solo desiderio, vel tactu impudico, aut etiam per ipsam copulam fornicariam peccaverit; quia alias non manifestaretur entitas actus, seu ipsum individuum peccati commissi: *Tenemur enim* (inquit Viva ferme in formalibus) *numerum peccatorum taliter explicare, ut unumquodque simul explicetur secundum individuationem suam, supposito, quod illa individuatō speciali alio, & alio modo* (prouc contingit in præfenti) *participet ipsam malitiam specificam peccati. E. g. licet non teneamur aperire, num*

*peccatum commissum contra Castitatem dñi duraverit, vel qualiter fuerit intensum, eo quod hæc spectent ad circumstantias, non ad entitatem, seu substantiam actus: explicanda tamen est diversitas actuum eorum, qui diversimode peccati speciem participant; atque adeo explicandum est, num peccatum patratum cum soluta contra Castitatem fuerit merus tactus, vel an fuerit copula? cum hujusmodi duo actus in estimatione morali per diversos modos individuandi contrahant eandem speciem luxurie. Ita Dominicus Viva.*

## PROPOSITIO XXVI.

37. Quando litigantes habent pro se opiniones æque probabiles, potest Judex pecuniam accipere pro ferenda sententia in favorem unius præ alio.

## DECLARATIO.

Expolitum jam fuit propositione XXII. quod obligatus ad aliquid agendum, seu conferendum nequeat propter liberam determinationem unius præ alio pecunias exigere, idque fortissime stringit apud Judicem, qui, si stante utrinque paritate rationum posset inclinare in plus offerentem, eo ipso redderet sententiam venalem, quod in omni jure prohibetur conformiter Baldo in cap. super eo. de Transact. Item posset licite esse acceptator personarum; cum tamen in judiciis non sit acceptio personarum habenda. Juxta Reg. 12. Juris in 6. Quare in simili casu si nullus litigantium existat in possessione, & cæteroquin attentis omnibus circumstantiis rationes utrobique sunt quasi æquales, Judex debet pro æqualitate dubii rem litigiosam inter litigantes dividere, vel si indivisibilis est, & uni datur, alteram medietatem saltem in æquivalenti secundo reddere, vel consensu partium arbitros statuere, aut alio modo inter litigantes (nisi ipsimet ad invicem amicabiliter componere velint) transactionem proponere, uti recte Suarez, Herincx, Layman, Banez, & Sporer, ac communior contra nonnullos apud Dianam Part. 2. Tract. 2. Resolut. 3. tenentes in tali casu posse judicem ad judicare causam, cui voluerit. Vid. Reiffenstuel Tract. 1. Dist. 3. num. 61. & seqq.

## PROPOSITIO XXVII.

38. Si liber sit alicujus junioris, & moderni: debet opinio censeri probabilis, dum non constet rejectam esse a Sede Apostolica tamquam improbabilem.

## DECLARATIO.

Non hic reprobatum illa sententia, quæ defendit unum Auctorem omni exceptione majorem posse reddere aliquam opinionem extrinsece vere probabilem, cum Auctor omni exceptione major censeatur ille, qui est valde peritus tum juris naturalis, tum positivi, qui insuper ordinarie suas conclusiones solet gravibus firmare rationibus, & præterea fundamenta contraria bene discutere, atque veritatem potius, quam novitatem amare. Econtra vero illico, & absque ulteriori discussione censere aliquam opinionem vere probabilem præcise ex eo; quia liber est alicujus Junioris, & moderni, idem est, ac aperire januam omnibus laxitatibus. Quot enim sunt Auctores moderni novitatum potius, quam veritatum amatores! quot rationum pondera pro & contra adducta non æqua lance perpendunt! quot



quot apud modernum scribendi libros pruritus, dum aliquam umbratilem, & mere speculative, non practice probabilem adveniunt favorabilem rationem, absque ulteriori hæsitatione actionem licitam pronunciant! Ipsæmet propositiones a modernis Pontificibus damnatæ, quæ continebant sæpius doctrinam aliquot Juniorum Auctorum, testes nostri effati agere possunt. Revolve modernos Catalogos Librorum prohibitorum jussu Sacre Congregationis Indicis impressos, ibique non solum antiquos, sed quoque Juniores reperies reprobatos. Nec refert, quod libri moderni de facto ordinarie non soleant vulgari Typis, nisi antea a Censoribus approbati: nam contra est, quod etiam de facto non raro ex culpabili negligentia superficialiter tantum similes libri, præsertim si fuerint grandiores, a Censoribus relegantur, vel ex humano respectu erga Auctores, & ex convenientia absque ulteriori rationum examine quædam dissimulentur. *O! si libri transirent per ignem rigorosi examinis, antequam imprimerentur, non haberemus tot propositiones damnatas, neque tot libros prohibitos!* Exclamat noster Sabinus Bononiensis in sua Luce morali part. 2. ad finem, scribens in dictam propositionem damnatam.

### PROPOSITIO XXVIII.

39. *Populus non peccat, etiamsi absque ulla causa non recipiat Legem a Principe promulgatam.*

### DECLARATIO.

Teste Dominico Viva hic num. II. Cajetanus, Vallentia, Fillincius, Lessius, Navarrus, & Sa contra Suarez, Vasquez, & alios docuerunt, acceptionem, & consensum populi esse essentiale requisitum ad Legis validitatem; ex quo haud dubie alii intulerunt, consequenter nec peccare populum, si absque ulla causa Legem Principis non recipiat, dummodo cæteroquin Auctoritatem ejusdem non contemnat. Ego quidem quoad Leges Civiles in Statu Democratico, in quo potestas ferendi Leges residebat penes populum, facile id admitto, conformiter Legi 32. de quibus ff. de Legibus &c. Quoad Leges vero Ecclesiasticas, & quoad Civiles in Statu Monarchico, & Aristocratico, ubi potestas ferendi Leges competit Principi, vel certis Optimatibus, omnino negandum existimo. Ratio est, quia loquendo de Constitutionibus Ecclesiasticis Christus Superioribus Ecclesiasticis dedit hanc potestatem independentem a consensu populi; quoad Leges autem Civiles in Statu Monarchico Populus Lege aurea in Imperatorem omne suum Dominium, & Potestatem contulit L. 1. ff. de Constit. Princip. quod idem suo modo dici poterit in Statu Aristocratico in ordine ad Ducem, & primarios Optimates &c. juxta diversitatem Regiminis in tali Republica. Videatur Reiffenstuel Tract. 2. Dist. 1. num. 36. & in Jure Can. Lib. 1. Decret. Tit. 2. §. 6.

40. *Quibus peractis, dum similium propositionum examini cura, & studium impenditur; interea idem Sanctissimus, re mature considerata, statuit, & decrevit predictas propositiones, & unamquamque ipsarum, ut minimum tamquam scandalosas esse damnandas, & prohibendas, sicuti eas damnat, ac prohibet; ita, ut quicunque illas aut conjunctim, aut divisim*

*docuerit, defenderit, aut de eis etiam disputative publice, aut privatim tradiderit, nisi forsan impugnando, ipso facto incidat in excommunicationem, a qua non possit (præterquam in articulo mortis) ab alio quacumque etiam dignitate fulgente, nisi a pro tempore existente Romano Pontifice absolvi.*

*Insuper districte in virtute Sanctæ Obedientiæ, & sub interminatione Divini Judicii prohibet omnibus Christi Fidelibus, cujuscumque conditionis, dignitatis, ac status etiam speciali, & specialissima nota dignis, ne predictas opiniones, aut aliquam ipsarum ad praxim deducant.*

### §. II.

*Decretum secundum Alexandri VII. emanatum 18. Martii anno 1666. in quo continuatur damnatio adhuc quædam Propositionum.*

41. *In Congregatione Generali Sanctæ Romanæ, & Universalis Inquisitionis, habita in Palatio Apostolico Montis Quirinalis coram SS. D. N. D. Alexandro, Divina Providentia Papa VII. ac Eminentissimis, & Reverendissimis DD. S. R. E. Cardinalibus in tota Republica Christiana adversus hereticam pravitatem Generalibus Inquisitoribus, a S. Sede Apostolica specialiter deputatis.*

*Sanctissimus D. N. post latum Decretum die XXIV. Septembr. proxime elapsi, quo viginti octo propositiones damnata fuerunt, examinatis sedulo, ac accurate usque ad hanc diem infra scriptis aliis, quadragesimum quintum numerum implentibus per plures in Sacra Theologia Magistros, ac per Eminentissimos, & Reverendissimos DD. Cardinales adversus hereticam pravitatem Generales Inquisitores, eorum suffragia singillatim super unaquaque ipsarum audivit.*

### PROPOSITIO XXIX.

42. *In die jejunii qui sæpius modicum quid comedit, etsi notabilem quantitatem in fine comederit, non frangit jejunium.*

### DECLARATIO.

Uti plura furta minuta unam summam gravem, ita plures modicæ comestiones constituunt unam notabilem quantitatem. Ratio est, quia in similibus moralibus, quæ parvitatem materiæ admittunt, datur inter partes aliqua unio moralis, ad complendum aliquod totum notabile graviter prohibitum: Sic e. g. plures partes non notabiles Officii Divini intra unum diem intermissæ faciunt tandem unam notabilem partem Ejusdem, uti similiter plura opera servilia modica eodem festo sæpius replicata conficiunt tempus notabile. Duo tamen hic bene observanda occurrunt; In primis, quod quantitas, ut dicatur notabilis, major debeat esse, si ponatur per plures actus interpolatos, quam si fiat simul unico actu; uti patet in materia de furtis. Secundo, quod debeat adverti per similia minuta deveniri tandem ad quodpiam notabile. Vid. Reiffenstuel Tract. 10. Dist. 2. n. 7. & post num. 35. additione II.

### PROPOSITIO XXX.

43. *Omnes Officiales, qui in Republica corporaliter laborant, sunt excusati ab obligatione jejunii, nec debent se certificare, an labor sit compatibilis cum jejunio.*

DECLA-

**DECLARATIO.**

Eugenius IV. apud Silvestrum, Navarrum, & Tabiennam quoad præsens dubium sibi propositum expresse declaravit, eos dumtaxat officiales a jejuniis excusari, qui laboriosa opera exercent: ergo non omnes indifferenter, qui corporaliter laborant, erunt exempti ab observatione jejunii. Censetur autem laboriosa opera exercere *Fabri lignarii, Ferrarii, Fossore, Agricola opera ruralia exercentes, Textores pannorum, Figuli Lapidum, vel Fani Sectors, Trituratores, & omnes alii laborantes cum magna agitatione membrorum, in qua multi spiritus vitales consumuntur: non autem Pictores, Scriba, Sartores, aliive, apud quos, ut artem suam exercent, notabilis membrorum agitatio haud requiritur.* In dubio inquiri poterit apud Tamburinum *Lib. 4. in Decalogum c. 5. §. 7.* vel apud Sporer in *Præcepta Decalogi Tract. 3. in Appendice Sect. 4. num. 57. & seqq.* aut apud Reiffenstuel *Tract. 10. Dist. 2. num. 68. & seqq.*

**PROPOSITIO XXXI.**

44. *Excusantur absolute a præcepto jejunii omnes illi, qui iter agunt equitando, uscumque iter agant, etiamsi iter necessarium non sit, & etiamsi iter unius diei conficiant.*

**DECLARATIO.**

Quoniam juxta proxime dicta ad jejunium obligantur opifices illi, qui non exercent laboriosam artem; a fortiori pariter adstringentur illi, qui iter breve instituunt ex oblectamento, & sine notabili defatigatione &c. Vid. Reiffenstuel *Tract. 10. Dist. 2. num. 70. & 71. cum additione sequenti.*

**PROPOSITIO XXXII.**

45. *Non est evidens, quod consuetudo non comedendi ova, & lacticia in Quadragesima obliget.*

**DECLARATIO.**

Merito hæc propositio rejecta fuit, cum obligationem in Quadragesima abstinendi ab ovis, & lacticiis Jura satis insinuant. Sic enim Can. *Denique. Dist. 4. D. Gregorius Papa inquit: Par est, ut qui his diebus a carnibus animalium abstinemus, ab omnibus quoque, quæ sementinam trahunt originem Carnis, jejunemus: a lacte videlicet, Caseo, & ovis.* Item Can. 56. sextæ Synodi Trullanæ edentes in Quadragesima Lacticia excommunicationi subjiciuntur. Intellige tamen id totum quoad loca, in quibus ex defectu ciborum jejunalium legitimus usus contrarius non fuit introductus. Reiffenstuel *loc. cit. num. 9. & 10.*

**PROPOSITIO XXXIII.**

46. *Restitutio fructuum ob omissionem horarum suppleri potest per quasvisque elemosynas, quas antea Beneficiarius de fructibus sui Beneficii fecerit.*

**DECLARATIO.**

Ratio damnationis est, quia donatio, ipsam omissionem Horarum præcedens, fuit omnino liberalis, per quam res absolute donata transit in dominium pauperis donatarii, adeoque per eandem non poterit lausari obligationi novæ, præ-

sum post hanc donationem supervenienti. Vid. Reiffenstuel *Tract. 6. Dist. 1. num. 34. & seqq. Additionibus.*

**PROPOSITIO XXXIV.**

47. *In die Palmarum recitans officium Paschale satisfacit præcepto.*

**DECLARATIO.**

Cum S. Pius V. in Bulla sua, ordinarie Breviariis præfixa, in virtute S. Obedientiæ injungat, ut non aliter Horæ Canonice recitentur, quam juxta ritum in Breviario præscriptum, consequens est, graviter peccari, si die Palmarum recitetur brevissimum Officium Paschale; quoniam sic plane notabiliter deflectitur a ritu Breviarii, & alias singulis diebus per totum annum absque gravi peccato possent dici brevissimæ Vesperæ Sabbati Sancti, & Matutinum succinctum Paschatis. Vid. Reiffenstuel *Tract. 6. Dist. 1. num. 60.*

**PROPOSITIO XXXV.**

48. *Unico Officio potest quis satisfacere duplici præcepto pro die præfenti, & crastino.*

**DECLARATIO.**

Ex eo, quod in aliquibus Casibus per unicum actum satisfieri possit duplici præcepto, intulerunt nonnulli, quod etiam unico officio aliquis satisfacere queat duplici præcepto recitandi Horas, nimirum pro die præfenti, & crastino. Si enim auditione unius Missæ satisficit, dum in Dominicam incidit simul Festum SS. Apostolorum Petri, & Pauli, quamvis in eo casu occurrat duplex præceptum, nempe ratione Dominicæ, & ratione diei Festivi SS. Apostolorum, cur non pariformiter recitatione unius officii possit satisfieri duobus præceptis Ecclesiasticis, uni pro hodierno, & alteri pro crastino obligantibus? Sed contra est, quod dentur quoque non pauca, quibus non satisficit per unicum actum; sic enim unica solutione non extinguit duplex debitum, nec tempore Quadragesimæ unico jejuniis satisfacio duplici præcepto jejunandi pro hodierno, & crastino die. Ratio est, quia nonnulla præcepta sunt adeo affixa certo diei, ut quilibet dies habeat sibi annexam suam distinctam obligationem cum ipso die expirantem, nec in alium diem transferibilem: talia sunt præcepta jejunandi, & Horas Canonice recitandi. Vid. Reiffenstuel *Tract. 6. Dist. 1. n. 74.*

**PROPOSITIO XXXVI.**

49. *Regulares possunt in foro conscientie uti Privilegiis suis, quæ sunt expresse revocata per Concilium Tridentinum.*

**DECLARATIO.**

Non defuerunt Theologi, qui cum Henriquez, Virginio Alviset, & Brunone Cassaing censuerunt, Regulares Privilegiis suis, etiam explicite per clausulam *non obstantibus Privilegiis &c.* a Concilio Tridentino revocatis, adhuc uti posse, non quidem in foro externo; cum id vetitum fuerit a Gregorio XIII. ad vitanda inter Episcopos, & Regulares dissidia, sed præcise in foro interno, & conscientie. At hæc doctrina quoad Privilegia a Tridentino

Tridentino per clausulas derogatorias cassata (secus dic quoad alia), merito in presenti fuit reprobata; cum Concilium Tridentinum, approbante Summo Pontifice, quædam Privilegia Regularium per clausulas derogatorias absolute, & indistincte revocaverit, adeoque non solum pro foro externo, sed etiam interno. Inter hæc per clausulas derogatorias specialiter revocata numerantur illa, quæ continentur *Seff. 25. de Reform. cap. 12. de promotione ad Presbyteratum*, ante inchoatum aupsim vigesimum quintum. Item ibidem *cap. 13. de recipiendis duobus Sacris Ordinibus eodem die. Item cap. 15. de Confessionibus*, secularium excipiendis independentes ab approbatione Ordinarii &c. quæ omnia, de facto, nequeunt amplius a Regularibus etiam in foro interno praticari. Eodem modo cuncta Privilegia, quæ opponuntur dispositum Concilii Tridentini quoad integram sessionem vigesimam quintam de Regularibus, censentur de facto abrogata, eo quod Concilium Tridentinum capite ultiono, seu vigesima secunda discessione 25. expresse præceperit, ut omnia, & singula in superioribus decretis contenta observentur non obstantibus eorum omnium, & singulorum Privilegiis, sub quibuscumque Veterum formalia conceptis &c. Videatur utilissime Reiffenstuel in jure Canon. Lib. 5. Decret. Tit. 32. præferrim §. 6.

### PROPOSITIO XXXVII.

30. Indulgentiæ concessæ Regularibus, & revocata a Paulo V. hodie sunt revalidatæ.

### DECLARATIO.

Quod Paulus V. Pontifex anno 1606. die 29. Maji per Bullam: *Romanus Pontifex*, omnes & singulas indulgentias quibuscumque institutis, & Personis Regularibus antecederet directe, ac immediate concessas revocaverit, ac nonnullas novas substituerit, patet ex Theologia morali Patris Reiffenstuel *Tract. 12. Dist. 3. Quest. 6.* Putarunt tamen nonnulli Academiz Salmanticensis Doctores, cum Rodriquez, *Refolus. 77. num. 45.* eas omnes indulgentias successu temporis iterum fuisse revalidatas, quam sententiam Alexander VII. in presenti damnavit: cum nulla queat afferri Bulla nova, hanc generalem revalidationem clare, ac solide demonstrans.

31. Hæc tamen non obstante verum est, quod nonnullæ indulgentiæ post revocationem istam fuerint de novo vel a Paulo V. ipso met, vel a Successoribus revalidatæ. Sic enim ob hanc rationem adhuc valet indulgentia plenaria concessa per Leonem X. Pauli V. Antecessorem tam Franciscanis, quam per communicationem Monialibus, Tertiariis, ac Cordigeris sub potestate, seu directione Generalis nostri constituta, si Rosarii Franciscanorum septemplici decade constans recitaverint. Uti Paulus V. anno 1609. apud Latulca V. *Indulgentia*, & in Rubricis nostris particularibus num. 89. (apud alios num. 90.) possumus revocationem generalem de novo concessit, & Innocentius XI. in Brevis: *expensi Nobis*, edito 15. Maji anno 1688. confirmavit. Eodem anno respectu superiorum memoratorum adhuc subsistunt maximæ illæ indulgentiæ Scionis Sanctissimi Sacramenti, & quarum Patres Minores (idem dic de Monialibus, Tertiariis, & Cordigeris) *Tomus II.*

superius indicatis) possunt teste Dominico Viva hic num. 8. lucrari ex concessione Leonis X. omnes indulgentias concessas Ecclesiis Romanis, Hierusalem, Compostelle, & Portiuncule, dummodo coram Sanctissimo Sacramento *fix Pater, & Ave cum totidem Gloria Patri &c.* & ultimum quidem pro Sancto Papa recitaverint, quem ingentem thesaurum per Paulum V. vel non fuisse revocatum, vel per Urbanum VIII. iterum revalidatum, testantur cum communi ipsorum Theologorum Rodriquez, & Quintana apud Viva hic. Idem tenent Rubricæ nostræ particulares num. 28. & 29. referentes singulare quoddam Breve apostolicum Innocentii XII. die 19. Maji anno 1694. emanatum, quod incipit: *Debitum Pastorale*. Nec dictis contrarium existit Breve quoddam aliud Innocentii XI. relatum a Patre Reiffenstuel *Tract. XII. Dist. 3. Quest. 7.* in quo Summus Pontifex §. ac demum, declarat, omnes indulgentias concessas ante Breve Pauli V. editum 23. Maji anno 1606. Personis Regularibus quorumcumque Religionum, & Ordinum etiam mendicantium esse nullius roboris & momenti. Etenim altesatus expresse subjungit: *nisi fuerint deinde Romani Pontificis auctoritate innovata, aut confirmata*, inter quas computantur indulgentiæ superius adductæ. Ceteroquin tamen nequit ex dictis adhuc inferri sub terminis generalibus, indulgentias a Paulo V. revocatas hodie esse revalidatas.

### PROPOSITIO XXXVIII.

32. Mandatum Tridentini factum Sacerdoti, sacrificium cum necessitate cum peccato mortali, confitendi quomprimum est consilium, non præceptum.

### DECLARATIO.

Concilium Tridentinum *Seff. 13. de Eucharistia cap. 7.* quoad Sacerdotes in specialem Reverentiam tremendi Mistic Sacrificii hæc ponit formalia: *Si necessitate urgente Sacerdos absque prævia confessione celebraverit NB. quam primum confiteatur.* Cum autem reconfiteatur non necessario videatur involvere præceptum, quin possit quoque importare præcise consilium; Villalobos, Machado, & Ledesma inclinabant potius ad consilium, quoniam juxta notam Regulam Juris, *aliud oportet potius restringere, quam ampliare.* Sed contra est, quod communis usus, & DD. consensus magis per allegata verba iudicet importari præceptum, quam consilium, ut id ipsum similiter Rubricæ Missalis clarius per verbum *debet* insinuare videntur, dum Tit. de defectibus dispositionis animæ ita legitur: *Si quis in casu necessitatis non habens copiam Confessoris in peccato mortali absque contritione celebret, graviter peccat. Secus, si conteratur: debet tamen, cum primum poterit, confiteri.* Vide Reiffenstuel *Tract. 14. Dist. 2. num. 33. & seqq.*

### PROPOSITIO XXXIX.

33. Illa particula quomprimum intelligitur, cum Sacerdos suo tempore confitebitur.

### DECLARATIO.

Agnoscentes alii illis verbis Concilii Tridentini *Ad quam primum confiteatur* contineri quoddam præceptum, id adeo laxè explicarunt, ut in effectu non sit præceptum, sicque in re ipsa cum prioribus coina-



coincident. Inquitur enim, prefata particulam *quamprimum* intelligi, quando alias Sacerdos confitetur suo tempore, puta, dum iterum celebrabit Missam de novo. Sed contra est, quia saliter contra communem sensum Ecclesiae hoc non esse speciale preceptum quoad Sacerdotes: quia etiam Laici habentes grave peccatum tenentur confiteri, quando suo tempore communicabunt: hinc stante hac laxa declaratione a quo parum Sacerdos, ac Laicus peccaret, si in simili casu, nimirum post tres menses a Sumptione Eucharistiae, cum sola contritione peccata computandos, confiteretur, posito nimirum, quod de novo post trimestre sacrificare, & communicare vellet. Vide Reiffensuel loco superius cit.

### PROPOSITIO XL.

54. *Est probabilis opinio, qua dicit, esse tantum veniale, osculum habitum ob delectationem carnalem, & sensibilem, qua ex osculo oritur, secluso periculo consensus ulterioris, & pollutionis.*

### DECLARATIO.

Distinctio est facienda inter oscula causa amicitiae juxta morem Patriae contingentia, & inter ea, quae obiter sunt ex levitate animi absque delectatione aliqua. Item supposito etiam, quod oscula imprimantur ex aliqua delectatione, iterum attendendum, num delectatio fuerit pure sensibilibis, vel tantum carnalis? Oscula amicitiae juxta morem Patriae possunt carere omni culpa. Oscula ex levitate animi plerumque sunt venialia, uti pariter oscula ex sola delectatione sensibili. Quodsi vero pariter accedat delectatio Carnalis, deliberate impressa erunt mortalia, quia a quo, imo magis disponent ad copulam, quam sola delectatio innoxiosa. Unde Summi Pontifices Clemens VIII. & Paulus V. apud Viva hic *num. 1.* juberit Inquisitoribus Fidei denunciari illos, qui esserunt, similia oscula, amplexus, aut tactus non esse peccata mortalia. Vid. Reiffensuel *Tract. 9. Dist. 4. num. 71. & seqq. ap. praefatum Additionibus post num. 78.*

### PROPOSITIO XLI.

55. *Non est obligandus concubinaris ad ejiciendam concubinam, si hoc nimis utilis esset ad oblectamentum concubinae, vulgo regalo; dum deficiente illa nimis agere ageret vitam, & alia epula radio magno concubinarium asserens, & alia famula nimis difficile invenitur.*

### DECLARATIO.

Quod gravis peccator absolvi nequeat, nisi verum habeat propositum evitandi gravia peccata in futurum, extra controversiam est: nam dolor, seu detestatio de peccato commisso cum proposito non peccandi de cetero, est ex necessariis requisitis ad valorem Sacramenti Penitentiae juxta Concilium Trid. *Seff. 14. de Penitent. cap. 3. & 4.* Alia autem quaestio est, utrum concubinaris censeatur habere verum tale propositum necessaria ad valorem Sacramenti Penitentiae Aequisitum, quando equidem Confessorio promittit, quod nolit amplius peccare cum sua concubina, non tamen eandem vult dimittere ex sequentibus motivis: quia nimirum nimis utilis est ad oblectamentum, vel quia alia

famula nimis difficile invenitur, vel quia epula ab alia famula preparata magno radio ipsam afficerent, vel demum, quia ex absentia nimis agere vitam ageret. In quibus, & similibus casibus Joannes Saneus cum Vivaldo apud Diana *Part. 2. Tract. 6. Resol. 45.* putat adesse adhuc verum propositum, & quod, consequenter, talis sit absolventi talis quibus &c. quoniam etiam (quod mirari satis nequeo) nullus profectus appareat. Sed contra est: quod motiva similia necdum hominem talenti carnalem constituent physice, vel spiritualiter impotentem ad dimittendam concubinam, sed potius sint variae excusationes, quas caro, & sanguis, & cecus amor subministrant. Unde nec signum prudenter credibile apud tales apparet alienius efficacis propositi, dum carnalem, & aeternam salutem, cujus amittenda periculo manifeste se exponunt, talibus oblectamentis polliceri videntur. Dicit oblectamentis: nam & Regalo, quod in propositione damnata pro excusatione proponitur, est teste Sabino Bononienli hic nomen Hispanicum, & latine sonat blandimentum, delictum, seu suavia epularum. Viam inferant Veneri isti circa dimensionem Concubinae effrenatae suae passioni, & palpabiliter experientur assistentem sibi gratiam Divinam: nam Regalo Colorum vim parat, & violenti rapine illud. Matth. cap. 11. v. 12. Vide Reiffensuel fusi de hac materia agere *Tract. 14. Dist. 8. Quest. 4. cum Additionibus.*

### PROPOSITIO XLII.

56. *Licetum est mutuantis aliquid ultra sortem exigere, si se obligat ad non repensandum sortem usque ad certum tempus.*

### DECLARATIO.

Ipsimet contractui mutui intrinsece inest, se ipsam gratiam mutuataria ad tempus dominio, & ipsa pecuniae mutuatae privare: ergo praecise propter ipsum certum tempus exigere plus ultra sortem idem est in re, ac propter hunc contractum, seu intuitu talis mutui aliquid petere ultra sortem, quod tamen ultimum juxta omnes apertam contingit usuram, nisi lucrum cessans, aut damnum emergens, vel periculum, consideratis circumstantiis amittendi capitale, seu sortem, aliusve justus titulus excuset. Viderint ergo illi, qui commune interesse quinque florentorum per annum pro centum mutuatim excedentes, singulis mensibus pro unico floreno mutuato exigunt denarium, ita, ut interesse unius floreni superet ad finem anni medietatem ejusdem floreni, utpote ad duodecim denarios ascendens. Aperta haec est usura, plus quam Judaica, & neququam in aliqua Republica toleranda. Vide Reiffensuel *Tract. 8. Dist. 4. n. 40. & 41.*

### PROPOSITIO XLIII.

57. *Annuum legatum pro anima relictum non datat plus, quam per decem annos.*

### DECLARATIO.

Ratio damnationis dictae propositionis est: quia annuum illud legatum pingue e. g. & proportionatum stipendio potuit esse factum absque restrictione ad certum tempus, ergo non debet annuum legatum indefinite factum illico restringi ad decem annos. Dicit: Juxta Sotum, & alios Doctores nulla



nulla anima ultra decennium detinetur in purgatorio: ergo nec præsumendum est, quod fundator ultra decennium petierit persolvi contenta in litteris foundationis. *Respond.* In primis antecedens gratis asseri, atque esse falsum & contra communem persuasionem fidelium, ac contrarium apud Dominicum Viva hic patere ex Historiis Ecclesiasticis, vi quarum plures animæ longe ultra decennium in hoc ergastulo sunt detentæ. Deinde dato etiam, quod ex revelationibus in uno, alterove casu constaret, animam fundatoris certo jam frui beatitudine, adhuc hæredes tenerentur satisfacere legato annuo perpetuo; quia ex Ecclesiæ communi praxi censetur voluntas fundatoris, ut suffragium illud, si non sibi, saltem aliis de familia prolit.

#### PROPOSITIO XLIV.

58. Quoad forum conscientia reo correcto, ejusque contumacia cessante, cessant censura.

#### DECLARATIO.

Non est quaestio de foro externo, in quo etiam mortuus indiget absolutione, si decesserit cum censura publica, etsi obierit vere contritus juxta Capitulum, a nobis. & Cap. Sacris, de sentent. Excommunicatis. Item Cap. Is, cui. eodem in 6. Sermo itaque solummodo instituitur quoad forum conscientia, in ordine ad quod nonnulli putarunt, reo correcto, & cessante contumacia eo ipso statim cessare censuras absque ulteriori absolutione. Ratio esse potuit; quia censura se habet juxta communem instar medicinae; curato autem infirmo non amplius Medicus applicat temporalem Medicinam; adeoque nec Judex Ecclesiasticus spiritualem; nam cessante causa motiva cessat effectus. Sed contra est, quod censura non solum sit medicina, verum etiam poena; unde etiam poena medicinalis vocatur. Subsumitur: atqui poena stat etiam in contrito; ergo pariter censura, nisi tollatur aliunde a potestate habente. Vid. Reiffenstuel *Tract. 13. Dist. 1. num. 42.*

#### PROPOSITIO XLV.

59. Libri prohibiti, Donec expurgentur, possunt retineri, usque dum adhibita diligentia corrigantur.

#### DECLARATIO.

Notandum ex Viva hic, quod Libri Hæreticorum hæresin continentes, vel de Religione tractantes, in Bulla Cœnæ prohibeantur absolute sub excommunicatione reservata: alii vero passim prohiberi soleant sub clausula: *Donec corrigantur.* De his itaque ultimis aliqui Theologi docuerunt, retineri posse, donec opportune eorum correctio aut expunctio fuerit indulta, cui tamen Doctrinæ repugnant Regulæ Indicis præscriptæ in Concilio Tridentino, in quibus absolute prohibetur a Pontifice, ne quis apud se habeat, vel retineat Libros quovis titulo interdictos, & consequenter parendum est Pontifici mandanti, ut dicti Libri deferantur Inquisitori S. Officii, ubi id viget, ut recte observat Sabinus Bononiensis, dum scribit in dictas propositiones damnatas. Quid in Germania quoad libros prohibitos secundæ classis sentiendum? Vide Reiffenstuel *Tract. 4. Dist. 4. num. 42.*

„ 60. Quibus mature pensatis idem Sanctissimus „ statuit, ac decrevit, prædictas propositiones, & *Tomus II.*

unamquamque ipsarum, ut minimum tamquam scandalosas esse damnandas, & prohibendas, sicut eas damnat, ac prohibet; ita, ut quicumque illas aut conjunctim, aut divisim docuerit, defenderit, ediderit, aut de eis etiam disputative, publice, aut privatim tractaverit, nisi forsitan impugnando, ipso facto incidat in excommunicationem, a qua non possit (nisi præterquam in articulo mortis) ab alio quacumque etiam dignitate fulgente, nisi a pro tempore existente Romano Pontifice absolvi.

Insuper districtè in virtute Sanctæ Obedientia, & sub interminatione Divini Judicii prohibet omnibus Christi Fidelibus, cujuscumque conditionis, dignitatis, & status, etiam speciali, & specialissima nota dignis, ne prædictas opiniones, aut aliquam ipsarum ad praxin deducant.

#### §. III.

*Decretum Innocentii XI. anno 1679. die 2. Martii editum, Sexaginta quinque Propositiones damnatas una cum earum declaratione comprehendens.*

61. In Congregatione generali Sanctæ Romanæ, & universalis Inquisitionis habita in Palatio Apostolico Vaticano coram S. D. N. D. Innocentio, Divina Providentia Papa XI. ac Eminentiss. & Reverendiss. DD. S. R. E. Cardinalibus, ac in tota Republica Christiana adversus hæreticam pravitatem Generalibus Inquisitoribus a Sancta Sede Apostolica specialiter deputatis.

Sanctissimus D. N. Innocentius Papa XI. prædictus ovium sibi creditarum Saluti sedulo incumbens, & salubre opus in segregandis noxiis doctrinarum Pascuis ab innoxius a Fel. record. Alexandro VII. Prædecessore suo inchoatum prosequi volens, plurimas propositiones, partim ex diversis, vel libris, vel thesibus, seu scriptis excerptas, & partim noviter adinventas Theologorum plurium examini, & deinde Eminentissimis, & Reverendissimis DD. Cardinalibus, contra hæreticam pravitatem Generalibus Inquisitoribus, subjecit. Quibus propositionibus sedulo accurate sæpius discussis, eorundem Eminentissimorum Cardinalium, & Theologorum votis per Sanctitatem suam auditis, Idem Sanctissimus D. N. re postea mature considerata statuit, & decrevit pro nunc sequentes propositiones, & unamquamque ipsarum, sicut jacent, ut minimum tamquam scandalosas, & in praxi perniciosas esse damnandas, & prohibendas, sicuti eas damnat, & prohibet. Non intendens tamen Sanctitas sua per hoc Decretum alias propositiones in ipso non expressas, & Sanctitati suæ quomodolibet, & ex quacumque parte exhibitas, vel exhibendas ullatenus approbare.

#### PROPOSITIO I.

62. Non est illicitum in Sacramentis conferendis sequi opinionem probabilem de valore Sacramenti, relicta tutiore, nisi id vetet lex, conventio, aut periculum gravis damni incurrendi. Hinc sententia probabilis tantum utendum non est in collatione Baptismi, Ordinis Sacerdotalis, aut Episcopalis.

O 2

DECLA-

## DECLARATIO.

Doctrina, quæ in hac propositione damnata continetur, primum fundamentum suum delumpfit ex illo Probabilistarum principio: *quicumque probabiliter operatur, prudenter operatur, quia operatur ex ratione gravi*. Ita recte advertit Dominicus Viva hic num. XI. Quare Theologi illius Doctrinæ (inter quos a Diana Part. 1. Tract. 13. Resolut. 2. numerantur Lorca, Serra, Ledesma &c.) taliter secum discurrebant: operatio directa per actum prudentiæ utique non est peccaminosa, quoniam vitia non diviguntur per virtutes, inter quas numeratur prudentia: atqui collatio Sacramenti cum opinione probabilis de valore ejusdem est operatio directa per actum prudentiæ; nam qui probabiliter operatur, prudenter operatur: ergo. Sed contra est primo, quod ex hoc discursu sequeretur, licere etiam in collatione Baptismi, & Sacramenti Ordinis sequi sententiam probabilem, relicta tutiore; quod tamen nec ipsi hi Theologi asserere ausi fuerunt. Contra est secundo, quod pariter sequeretur, fictum fore in collatione Sacramentorum sequi sententiam minus tutam, non solum quando ista est probabilior; verum etiam, si simul est minus probabilis, uti consideranti patet. Igitur negatur suppositum, quod ubi agitur de valore alicujus Sacramenti, operatio directa per opinionem probabilem relicta tutiori sit operatio directa a virtute prudentiæ; etenim transmissio etiam, quod in materia honestatis, & ubi agitur præcise de licitate, seu licentia actionis, *prudenter operetur, quicumque probabiliter operatur*, id tamen falsum est in quæstionibus de valore Sacramentorum, in quibus ex una parte dictus valor non dependet ex determinatione collatoris, sed potius ex voluntate institutoris Sacramentorum; ex altera vero parte collator sequendo opinionem præcise probabilem relicta tutiori exponit recipientem tale Sacramentum gravi periculo, ne frustretur gratia sanctificante, alias moraliter certo acquirenda, si collator secutus fuisset sententiam tutiorem. Accedit, quod etiam loquendo in materia honestatis axioma illud: *quicumque probabiliter operatur, prudenter operatur*, multis sit subiectum difficultatibus, explicationibus, & distinctionibus, ita, ut non pauci ex Theologicis nolint in hoc fundare suum ultimum dictamen de formali honestate actus, uti advertit in libello quodam *Disquisitio Theologica* intitulo *Quest. 2. §. 3. num. 58. & seqq.* ac fufius per integrum tomum examinat Christophorus Ralsler in sua *Norma recti*. Vid. Reiffenstuel *Pract. 1. Dist. 3. num. 58. & seqq.*

63. Quæres I. An in materia valorem concernente collator Sacramentorum possit libere, relicta tutiore, sequi sententiam probabilem, si eadem non solum æque probabilis, sed etiam probabilior appareat tutiore? E. g. controvertitur inter Theologos in Tractatu de Pœnitentia, utrum ad essentiam formulæ absolutoriæ pertineant sola illa Verba *absolvo te*, vel etiam alia tria: *a peccatis tuis*? Ubi Scotistæ cum pluribus RR. defendunt tanquam probabilius, sola priora duo *absolvo te* essentialiter requiri. Quæritur ergo, an in praxi Confessarius possit licite sequi hanc sententiam probabiliorē, uti supponamus, vel utrum obligetur addere *a peccatis tuis*, sequendo sententiam tutiorem? Respond.

Confessarium obligari in praxi ad sententiam tutiorem, addendo formulæ absolutoriæ etiam illa verba: *a peccatis tuis*. Probatur primo, quia alias penitentem exponeret Confessarius probabili periculo, ne invalide reciperet hoc Sacramentum cum ingenti suo detrimento: eo ipso enim, quod sententia requirens ad valorem etiam expressionem verborum *a peccatis tuis*, sit probabilis, adest ratio gravis pro eadem, et si minoris ponderis, & sic pariter adest periculum grave proportionatum ponderi rationum. Probatur secundo; quia in propositione damnata indefinite dicitur, in Sacramentis Collatorem non posse sequi sententiam probabilem relicta tutiore; atqui sententia probabilior adhuc continetur sub genere probabilis, sicuti magis album sub genere albi: ergo.

64. Quæres II. An saltem recipiens Sacramenta non possit in quæstionibus, valorem concernentibus, eligere sibi sententiam æque probabilem, vel etiam probabiliorē, minus tamen tutam, relicta tutiore, simul & adhuc vere probabilis? Respond. Imprimis quoad Sacramentum Baptismi, Ordinis Presbyteratus, vel Episcopalis &c. omnino negative: incurreret enim taliter recipiens grave periculum maximi damni tam ex parte sui, quam aliorum: quia posito, quod a parte rei non esset valide baptizatus (uti adsunt graves id asserendi rationes, licet minus probabiles) exinde consecratione foret, quod invalide quoque reciperet alia Sacramenta non sine gravi irreverentia: item talis, vel etiam invalide ordinatus in Presbyterum quoque invalide celebraret, & absolveret, seque ipsum in grave periculum conjiceret, an valide a suis peccatis absolvetur. Respond. secundo, quoad Sacramenta vivorum augmentum gratiæ causantia, an recipiens ea possit sibi eligere sententiam probabiliorē minus tutam relicta tutiori, simulque vere adhuc probabilis, majus est dubium, ac dependet ab alia quæstione circa collatorem Sacramenti, utrum is ad tutiorem vere probabilem relicta probabiliori minus tuta obligetur præcise ex charitate erga proximum &c. vel an etiam ex virtute Religionis erga Sacramenta, ne eadem periculo invaliditatis, & sic irreverentiæ exponantur? Si prius, tunc eo ipso recipiens, si ipsemet sponte velit eligere probabiliorē minus tutam, videtur non graviter peccare; quia sponte cedit juri suo circa augmentum gratiæ, prout etiam certis temporibus potest licite intermittere Communionem, et si exinde gratia augetur. Quod si vero collator Sacramentorum obligetur conficere, & aliis conferre Sacramenta ex virtute Religionis (puta ex reverentia erga ipsamet hæc Sacratissima Mysteria) patet, quod ex tunc neque recipiens se absque ulla necessitate exponere queat periculo invaliditatis, relinquendo in praxi sententiam tutiorem vere adhuc probabilem, & sequendo minus tutam probabiliorē. Et hoc ultimum cum Soto, Valentia, & aliis tenet Suarez Tom. 3. in 3. part. Disp. 16. Sect. 2. contra Pontium, Salas, Machado, Salonium &c. Quidquid tamen de hoc sit, illud mihi certum videtur, quod defendens, recipientem non obligari ad tutiorem &c. necdum incurrat damnationem hujus propositionis, utpote quæ de conferente, non de recipiente loquitur.

65. Quæ-

65. Quæres III. An in materia Valorem Sacramentorum concernente possint tam conferens, quam recipiens sequi sententiam moraliter certam, sicque absolute tutam, etsi contraria adhuc sit tutior? Exemplum ponamus denuo de Sacramento Pœnitentiæ, ubi inter Doctores movetur quæstio, utrum ad attritionem necessario requisitam debeat intervenire aliquis actus dilectionis DEI, ut summi Boni in se, vel non? Et licet non pauci Theologi talem dilectionem exigant, nobis tamen citra ullam censuram hujus sententiæ in supplemento Patria Reiffenstuel *Tract. 1. dist. 6. post num. 47.* sententia negativa post Concilium Tridentinum videbatur moraliter certa. Data ergo hac hypothesi, quaeritur, utrum non obstante ista morali certitudine adhuc sit obligatio eliciendi cum attritione aliquem actum dilectionis Dei super omnia, vel non? Respond. quamvis eliciens hunc actum dilectionis Dei haud dubie magis meritorie operetur, non tamen datur obligatio eundem eliciendi. Ratio est, quia concessio illo sepposito (de quo latius in supplemento, & adhuc suo loco) sententia negans requiri hanc dilectionem jam est satis tuta, utpote moraliter certa, licque practice excludens omnem formidinem, NB. fundatam in gravi ratione: ergo non datur obligatio sequendi adhuc tutiorem, uti recte cum Viva tenet Matthæuccius in cautela Confessarii *Lib. 2. cap. 1. num. 6.* & plane alias omnes deberent exire ex hoc mundo; quoniam tutius est, in aliqua Religione vivere, ubi viridis floret observantia; quam in mundo; quippe in Religione juxta S. Bernardum *Homo vivit purius, cadit rarius, surgit velocius, incedit cautius, irrigatur frequentius, quiescit securius, moritur fiducius, purgatur citius, premiatur copiosius.*

## PROPOSITIO II.

66. Probabiliter existimo, Judicem posse judicare juxta opinionem etiam minus probabilem.

## DECLARATIO.

Quod in causis criminalibus, præsertim capitalibus, debeat Judex favere Reo, etsi ipsi rationes allegatæ pro Reo quoad principia directa appareant minus probabiles præ oppositis, Doctores teste Viva hic communiter adstruunt cum Reiffenstuel *Tract. 1. Dist. 3. additione post num. 62.* Neque id intendit summus Pontifex in præsentî damnare, sed tantummodo illorum doctrinam improbat, qui admiserunt, etiam in causis civilibus posse Judicem pro suo beneplacito ferre sententiam secundam opinionem suam minus probabilem, quando aliqua dubietas ex diversitate opinionum circa jus exoritur. Taliter quidem Salonius, Ledesma, Delrio, Lorca, ac alii plures apud Dianam *Part. 1. Tract. 13. Resol. 3. & Part. 11. Tract. 2. Resol. 60.* voluerunt ex ea ratione; quia Judex in simili casu se determinans ad minus probabilem adhuc prudenter operatur; nam qui probabiliter agit, prudenter agit. *Sed falsum est,* quod Judex in eo casu prudenter agat, eo quod Jura in casu, quo nulla pars litigantium existit in quietâ possessione rei litigiosæ, expresse eundem obligent, ut sententiam pronunciet juxta opinionem, quæ omnibus considerandis consideratis ipsi videtur probabilior. Ita enim *L. ob eam s. 3. ff. de testibus &c.* Si testet

4. Quæst. 2. & 3. expresse habetur: *confirmabit Judex motum animi sui ex argumentis, & testimoniis, quæ rei aptiora, & vero proximiora esse compererit.* Item cum moveretur quæstio de ætate hominis, Legislator *L. 13. ff. de probationibus* respondit: *Causa cognita veritatem excusi oportere, & ex eo potissimum annos computari, ex quo præcipuam fidem in eare constare NB. credibilis videtur.* Similiter C. Capellanus de feriis. juncta Glossa eligitur sententia, quæ validiore, & meliore nititur ratione. Ex quo patet, quam merito propositio his Legibus e diametro contraria fuerit damnata. Videatur Reiffenstuel *Tract. 1. Dist. 3. num. 61. & seqq.*

67. Dices: Si Judex videat, quod una pars litigantium afferat quidem pro se rationes probabiliores; altera vero præter rationes minus quidem, vere tamen adhuc probabiles adducat in sui favorem Regulam possessoriam, licite Judex pronunciat in favorem possidentis, uti tenet Filguera apud Kugler in sua Crisi hic: ergo licite potest judex sequi sententiam minus probabilem. Respondeo imprimis, Antecedens non esse omnino certum: Legitur quidem in Jure Reg. 65. Juris in 6. *in pari casu potior est conditio possidentis,* nulla autem sit ibidem mentio, si alterius causa sit notabiliter melior, seu probabilior: admittamus tamen Antecedens, supposito, quod allegans pro se regulam possessoriam habeat possessionem legitimam, certam, seu cum justo titulo. Negatur tamen consequentia, quod nimirum Judex statim pro libitu suo possit sequi sententiam minus probabilem: vel majoris claritatis causa distinguitur consequens: Potest Judex sequi sententiam minus probabilem, supposito, quod alter allegans rationes speculativas minus probabiles simul existat in certa legitima possessione, conced. consequentia. Si nullus ex litigantibus existat in tali possessione, negatur consequentia. Sive adhuc aliter: potest Judex sequi sententiam, quæ sit minus probabilis attendendo præcisè ad principia directa, & speculativa, cons. quæ sit & maneat minus probabilis respiciendo pariter ad principia practica, & reflexa, neg. conseq. Instantia dari potest in causis criminalibus, in quibus eodem modo discutitur. Vid. Reiffenstuel *Tract. 1. Dist. 3. Additione post num. 26.*

## PROPOSITIO III.

68. Generatim dum probabilitate sive intrinseca, sive extrinseca, quantumvis tenui, modo a probabilitatis finibus non exeat, confisi aliquid agimus, semper prudenter agimus.

## DECLARATIO.

Quænam dicatur tenuis probabilitas, fufius explicat Reiffenstuel *Tract. 1. Dist. 3. num. 45. & 46.* Ego puto, inter terminos tenuis probabilitatis comprehendendi quoque eam, quæ quidem aliquibus Auctoribus apparet gravis, pluribus autem non; ita ut neque per auctoritatem extrinsecam, neque per rationem intrinsecam intellectus meus aliquo modo alliciatur, seu moveatur ad assensum, e.g. judicant aliqui Auctores apud la Croix *Lib. 6. part. 1. num. 280.* aquam rosaceam, & similes succos distillatos esse materiam validam Baptismi; communissima tamen Doctorum id negat, eo quod hic humor per distillationem extractus non amplius existat



existat vera aqua elementaris, sed potius succus rosaceus, in quem aqua illa naturalis affusa, seu attracta per nutritionem plantæ, fuerat conversa, sicut a pari vinum adustum per distillationem ex aliquo vino extractum non amplius est verum vinum, sicque nec materia consecrabilis: quia tamen aliqui Auctores defendunt, succum illum rosaceum extractum esse substantialiter adhuc aquam naturalem, licet nonnullis qualitatibus permixtam, poterit illorum Theologorum sententia mihi apparere tenuiter probabilis. Vi autem hujus propositionis damnata non possumus sequi sententiam tenuiter probabilem, *generatim*, seu *regulariter*, loquendo: interim tamen in casu necessitatis etiam in collatione Sacramentorum id non censetur prohibitum, dummodo fiat sub conditione, qua posita valor Sacramenti periculo irreverentiæ ex una parte non exponitur; ex altera vero recipienti accrescere potest notabilis utilitas, nec aliunde ali-quod (uti suppono) sequitur absurdum. Et hinc in defectu alterius aquæ apud infantem necdum baptizatum, & morti proximum recte (Charitate proximi id volente) adhibetur aqua rosacea, vel idem infans, si aliter fieri in minima parte corporis e. g. digiti baptizatur, cum conditione tamen, *si valeas*. Inde miror, quod aliqui Confessarii in praxi sint adeo difficiles moribundum Catholicum sensibus destitutum conditionate absolvere, cum sententia talem Absolutionem admittens sit saltem tenuiter probabilis. Absque dubio censetur prudenter agere ille, qui infantem necdum baptizatum conditionate baptizaret, etsi tantum foret tenuiter probabile, quod adhuc vivat: cur igitur moribundus Catholicus non possit in allegato casu conditionate absolvi? Vid. Reiffenstuel *Tract. 14. Dist. 7. num. 69. & seqq.*

## PROPOSITIO IV.

69. *Ab infidelitate excusabitur infidelis non credens, ductus opinione minus probabilis.*

## DECLARATIO.

Testibus Dominico Viva, & Augustino Matthæuccio Author hujus Thesæ confixæ erat Joannes Sancius in suis *Selectis Disp. 19. num. 7. & 9.* scribens, quod sicut homo in aliis materiis, & præceptis excusatur a peccato, si sequatur opinionem minus probabilem, ita etiam in præcepto credendi veritates Fidei Catholicæ excusabitur infidelis a peccato infidelitatis ductus opinione minus probabilis. *Sed contra est*, quod tractando de vera Religione agatur de summo puncto, a quo pendet æterna nostra felicitas: nam deficiente Religione deficiunt vera Sacramenta, & consequenter etiam illa facilia remedia, quibus gratiam sanctificantem deperditam iterum recuperare, & recuperatam augere possumus. Si itaque in ipsis Sacramentis juxta jam dicta nequimus sequi sententiam minus probabilem, multo minus in puncto veræ Religionis, ubi variæ quæstiones circa numerum, & Valorem Sacramentorum solent intervenire. Agitur enim hic de gravissimo præjudicio v. g. an Pastores sint legitime ordinati, an valide absolvant suos pœnitentes, an sola fides justificet, an in illa Religione habeatur, & oviculis præscribatur id, quod est necessarium necessitate mediæ ad Salutem &c.

Quis igitur sibi persuadeat, in his maximi momenti quæstionibus, in quibus agitur de gravissimo præjudicio, & ubi veritas rei non dependet ex determinatione nostri intellectus, posse quempiam sequi opinionem minus probabilem? Potius talis Infidelis, seu Hæreticus, cui videtur sua Religio probabilius falsa, tenetur implorato Divino auxilio in puncto hoc maximi momenti sedulo ulteriorem indagare veritatem, quæ certo eidem patefiet, si in inquirendo non fuerit culpabiliter negligens. Imo (uti tenent duo Scholarum Principes Doctores Angelicus, & Subtilis) si quis infidelium in sylvis enutritus ea, quæ sibi lumine naturæ nota sunt, recte observet, Deus, qui non deficit in necessariis ad salutem, tali etiam Angelum, vel Missionarium Apostolicum mitteret, qui ipsum Mysteriis credendis imbueret, uti Petrum destinavit ad Cornelium *Act. cap. 10.* Vide Reiffenstuel *Tract. 4. Dist. 2. num. 30. & 31.*

## PROPOSITIONES V. VI. &amp; VII.

70. *V. An peccet mortaliter, qui actum dilectionis Dei semel tantum in vita eliceret, condemnare non audemus.*

*VI. Probabile est, ne singulis quidem rigoroſe quin-quenniis per se obligare præceptum Charitatis erga Deum.*

*VII. Tunc solum obligat, quando tenemur justificari, & non habemus aliam viam, qua justificari possimus.*

## DECLARATIO.

Has propositiones rejectas jam cernes ab Alexandro VII. unde mirum, quod adhuc Catholici Doctores inventi fuerint, qui easdem etiam post illam reprobationem manutenere præsumperunt. Ulteriorem explicationem vide supra §. 1. num. 2. ac apud Reiffenstuel *Tract. 4. Dist. 6. num. 9. & Additione sequenti.*

## PROPOSITIONES VIII. &amp; IX.

71. *VIII. Comedere, & bibere usque ad satiætem ob solam voluptatem, non est peccatum, modo non obſit valetudini; quia licite potest appetitus naturalis suis actibus frui.*

*IX. Opus conjugii ob solam voluptatem exercitum omni penitus caret culpa, ac defectu veniali.*

## DECLARATIO.

Dictæ duæ propositiones apud Reiffenstuel *Tract. 1. Dist. 2. Quæst. 5. præſertim additione post num. 36.* taliter explicantur, ut tamen nullatenus obſint Doctrinæ plurimorum Theologorum, actus indifferentes in individuo admittentium: nam utique omittere auditionem Miſſæ die, quo nullum adest præceptum audiendi, non erit peccatum; cum talis omiſſio non sit contra præceptum, sed tantummodo contra conſilium? sed neque eadem omiſſio Miſſæ erit bona, uti conſideranti patet, consequenter est indifferens. Econtra vero quia delectabilitas illa, quæ intervenit in comestione, & copula, per naturam ordinatur quasi medium ad conſervationem individui, & speciei humanæ tamquam ad suum finem, deordinate agit, qui cibo vel copula utitur propter solam delectabilitatem, cum hoc habeat pro fine actionis suæ, quod potius deberet esse medium ejusdem:



dem: sique saltem venialiter peccat. *Conjugalis concubitus generandi causa non habet culpam: concupiscentia vero satianda tantum venialem*, inquit Augustinus *Lib. de Bono conjugali cap. 6.* prout allegatur a Matthæuccio in Cautela Confessarii, quem vide *lib. 2. cap. 6. & cap. 7.*

72. Quæres incidentaliter, an, si non obstante damnatione hujus utriusque propositionis adhuc admitti possint alii actus indifferentes in individuo, ap (inquam) tales actus debeant censei ita indifferentes, ut etiam excludant omnem imperfectiorem? Ante Responsionem nota, quod imperfectio, prout distinguitur ab omni peccato etiam veniali, definiatur, quod fit actio, vel omisso repugnans consilio in re ad moris spectante. H. N.

Respond. Actus indifferentes in individuo non necessario excludunt imperfectiorem, quin cum ea stare possint. Probatur exemplis: sic enim conformiter jam dictis intermittere Missæ audicionem die non festo: item non sequi inspirationes Divinas ad opera de consilio tendentes, communiter censentur aliqua indifferentia, utpote omissiones rei nec præceptæ, prohibita, & tamen similes intermissiones reputantur passim imperfectiores (quid enim alias esset imperfectio?) ergo indifferentia aliqua non necessario imperfectiorem, sed tantummodo rationem veri alicujus peccati excludit. Quare pro actibus indifferentibus posset adhuc formari sequens probatio: imperfectio est aliquid, quod nec est moraliter in individuo bonum, nec moraliter aliquod peccatum; utpote cum non sit materia sufficiens pro Sacramentali absolutione: sed non potest sufficienter explicari talis imperfectio, nisi admittatur actus inter moraliter bonum, ac peccaminosum medium, per quem intelligitur actum indifferentem: ergo.

#### PROPOSITIONES X. & XI.

73. X. *Non tenemur proximum diligere actu interno, & formali.*

XI. *Præcepto proximum diligendi satisfacere possimus solis actibus externis.*

#### DECLARATIO.

Inter omnium prima mandata DEUS nobis hæc duo *Matth. cap. 22. v. 37. & 39.* posuit; *Diliges Dominum Deum tuum ex toto corde tuo, & in tota animatua, & in tota mente tua, & diliges proximum tuum sicut te ipsum*: ergo sicut Deum tenemur diligere non solum externe, verum etiam interne, ita pariter proximum: nam proximus diligendus est propter DEUM. Item solemus nos ipsos diligere actibus non solum externis; verum etiam in mente nostra actibus internis; cur igitur non pariformiter proximum, cum eundem diligere teneamur sicut nosmetipsos? Vide Reiffenstuel *Tract. 4. Dist. 6. num. 12.*

#### PROPOSITIO XII.

74. *Vix in secularibus invenies, etiam in Regibus superfluum statui, & ita vix aliquis tenetur ad eleemosynam, quando tenetur tantum ex superfluo statui.*

#### DECLARATIO.

Scandalosa hæc sententia divitibus avaris latam aperit portam, quam pauperibus immiseri corditer claudit. Quis enim non videt, exinde facile eludi

polle omnem obligationem succurrendi pauperibus, quam tamen sacra Scriptura sæpius tam efficaciter inculcat? *Quod superest, date eleemosynam*, inquit Christus *Luc. cap. 11. & 1. Timoth. cap. 6.* *Divitisibus hujus sæculi præcipe, facile tribuere &c.* ac alibi sæpius. At avari, si vera foret propositio damnata, illico respondere possent, nihil superflui sibi superesse, consequenter ad præceptum pauperibus etiam gravi necessitate pressis de superfluis statui erogandi se neutiquam fore obstrictos, cum de facto in secularibus, etiam Regibus, vix inveniatur superfluum statui. En fructum pessimum ex mala arbore! O si cessaret nimius luxus in Christianis, quam multa superflua statui restarent applicanda pauperibus! Vide Reiffenstuel *Tract. 4. Dist. 6. num. 42. & Additione sequenti.*

#### PROPOSITIONES XIII. XIV.

& XV.

75. XIII. *Si cum debita moderatione factis, potes absque peccato mortali de vita alicujus tristari, & de illius morte naturali gaudere, illam inefficaci affectu perere, & desiderare, non quidem ex displicentia personæ, sed ob aliquod temporale emolumentum.*

XIV. *Licetum est absoluto desiderio cupere mortem Patris; non quidem ut malum Patris, sed ut bonum cupientis, quia nimirum ei abventura est pinguis hereditas.*

XV. *Licetum est filio gaudere de Patricidio parentis, a se in ebrietate perpetrato, propter ingentes divitias, inde ex hereditate consecutas.*

#### DECLARATIO.

Quod non liceat generaliter ob quaecumque etiam leve emolumentum proprium gaudere de morte alterius, vel e contrario ob quodcumque damnum exiguum proprium de Proximi vita tristari, clare eruitur ex tribus allegatis propositionibus damnatis. Et ratio hujus est; quæ, uti recte observat noster Sabinus Bononiensis hic, similibus affectibus gaudii, vel tristitia deliberate volitis nostrum emolumentum temporale in affectu præfertur vitæ proximi, quæ tamen est Ordinis longe altioris, quam bona temporalia: consequenter sic præponendo bona temporalia vitæ alterius, notabiliter læderetur Ordo Charitatis erga proximum. Confirmatur: Juxta Mandatum Christi *Matth. cap. 22.* tenemur Proximum diligere sicut nosmetipsos: atqui nemo prudenter bonum inferioris Ordinis per malum superioris Ordinis sibi obtinendum exoptat, e.g. divitias per mortem propriam, quid enim sibi mortuo proderent divitiz? ergo. His tamen non obstantibus multos apud Moralistas reperies casus, in quibus similis læticia de bono proprio, vel tristitia de bono alterius pronuntiatur licita. Quæstio igitur remanet, ex qua Regula dignosci queat, licitum esse, de incommodo, ac damno alterius ob commodum, & emolumentum proprium exinde oriturum gaudere, vel e contrario tristari de bono, & comodo alterius ob malum sibi propterea graviter timendum?

76. Ante resolutionem Notandum I. quod aliud sit gaudere de incommodo, malo, ac damno alterius (v.g. de morte immatura Parentis) quatenus id alteri damnosum est, ita, ut ipsum damnum

anum alteri obveniens sit motivum gaudendi; & aliud gaudere de malo &c. alterius, quatenus ex hoc sibi metipso obvenit aliquod emolumentum. Primum gaudium juxta omnes absolute non est licitum, quia foret odium inimicitiae, seu abominatio- nis personae, uti recte advertit Reiffenstuel *Tract. 4. Dist. 7. num. 7.* Dubium igitur solummodo re- stat quoad secundum, quando bonum, ac emolu- mentum exinde obveniens est motivum gauden- di; ubi Notandum II. quod emolumentum, obve- niens tamquam motivum gaudendi (puta in prae- senti hereditas paterna) possit *in primis* ita influere *qua bonum reduplicative*, ut tamen de medio acqui- rendi illud (puta in praesenti de immatura morte parentis) prorsus praescindatur. *Secundo* taliter, ut per istud gaudium, ac complacentiam pariter ipsa e. g. mors immatura parentis immediate attingatur, non quidem tamquam finis, ac motivum, sed tamquam medium acquirendi. Sic etiam in alio exemplo discurrendo de voluntate efficaci, si volo sumere medicinam, ut acquiram sanitatem, hac voluntate immediate, ac directe attingo non solum sanitatem, sed etiam medicinam, sanitatem quid tamquam motivum, ac finem; medicinam vero tamquam medium acquirendi hunc finem. Porro praecedens gaudium praecisivum a damno alterius in similibus non videtur illicitum, sicque nec comprehensum sub propositione damnata; cum depuret suum gaudium totaliter a malo alte- rius, uti cum Cardena hic num. 4. Kugler in dictas propositiones docet, atque inservit ad multos tol- lendos scrupulos, ac solvendo casus, praesertim in Primogenituris, Majoratibus, & Canonicatibus necnon tumenam Capitularium habentibus; ubi *Secundo* Genti Familiae & Domicellares expe- ctare debent, usque dum per mortem locus ali- quis vacet. De altero vero gaudio, quando malum proximi directe etiam attingitur tamquam medi- um, adhuc remanet dubium, ad quod

77. Respond. Ad dignoscendam licitatem simi- lium actuum debet quasi ponderatio ab intellectu per libram Charitatis institui inter commodum, seu emolumentum ex una, & damnum ex altera parte. Si emolumentum proprium sit praeponde-rans damno alterius, licet gaudere etiam imme- diate de damno tamquam de medio, per quod bonum acquiritur, dummodo citra peccatum alteri hoc damnum acciderit; quoniam de ipso peccato nunquam licet formaliter gaudere. Item, si in- commodum, ac damnum proprium eventurum sit valde grave, quasi praeponderans emolumento al- terius, licitum erit tibi de bono alterius tristari. E contra vero si malum alterius multum praepo- deret bono proprio, non licebit tibi de damno alte- rius latari: sicut neque licitum erit tristari de adepto alterius emolumento, si tibi exinde tantum- modo exiguum comparative incommodum oritur. Ratio utriusque partis est; quia instituendo ad in- vicem in Libra Charitatis ponderationem inter bonum, & malum, prior modus gaudendi, & con- tristandi non videtur invertere Ordinem dilectionis inter objecta, bene vero posterior, uti recte cum aliis notat Dominicus Viva *Part. I. Trutina Theologica propositione 13. Innocentii XI.*

78. Exemplificatur pro majori claritate in se- quentibus Calibus. Sic I. Filia a Patre, vel Uxor

a Fratre sui mariti multum sollicita ad peccatum Carnis potest gaudere de immatura morte Parentis, vel Fratris Mariti sui propter conservationem salutis spiritualis propriae animae: nam salus ani- mae est praeponderans saluti corporis. II. Licitum est tristari, si homicida, alique malefactores pas- sim tolerantur impune in non leve detrimentum Reipublicae; nam bonum Reipublicae moraliter est praeponderans vitae privatae malefactorum. E contra III. Est prohibitum matri gaudere de mor- te suae Filiae, ea quod a marito eadem subinde fuerit acerbius aliquo modo verbis increpata, & exinde apud Matrem querula, a qua molestia Mater nunc est libera: nam quodcumque huius mo- lestiae liberatio non est bonum praeponderans malo mortis filiae. Aliiter foret sentiendum, si praece- dentes ærumnae suae filiae fuissent valde graves, & sic vita valde amara; etenim moraliter discurren- do *melior est mors, quam vita amara*: Ecclesiasti- ci cap. 30. v. 17. IV. Pariter illicitum est de Vi- ctoria a Catholicis contra haereticos reportata tri- stari ex eo, quia unus ex occisis hisce haereti- cis erat tuus consanguineus, solitus singulis annis quasdam tibi conferre gratias, nunc per mortem ejus sublatas: nam bonum Reipublicae Catholicae est praeponderans tuo damno privato, quod ex morte occisi nunc suffers.

79. Quæres: an, ubi permissum est de incom- modo alterius ob emolumentum proprium ex postfacto gaudere, pariter ex hoc sine liceat an- tecedenter alteri hoc incommodum optare, seu inefficaciter desiderare? Ante Responsionem nota, quod desiderium inefficax non sit voluntas abso- luta, quæ taliter vult objectum, ut simul inquirat media obtinendi illud: hoc enim non foret li- citum. Quare desiderium inefficax est tantummo- do voluntas conditionata, quæ exoptat, ut, si ma- lum praeponderans aliter tolli, vel bonum praeponderans aliter acquiri haud posset, id fieret (abs- que tamen tua cooperatione) morte illius, qui hoc malum causat. H. N. Respondet Vasquez apud dictum Dominicum Viva, id fore licitum; nam hoc desiderium inefficax in effectu non aliter in- fluit, quam gaudendo de illo objecto, uti apud eundem advertit D. Thomas. Sic Filia a Patre blanditiis ellecta sepius ad peccatum carnis, etsi nequeat Patrem occidere, potest tamen ejusdem mortem naturalem inefficaciter desiderare. Insuper membrum Reipublicae potest optare, ut malefacto- res Reipublicae noxii e medio tollantur. Item, quando quis ducit vitam valde amaram, etsi nequeat se vita privare per varia media, potest tamen sibi mortem optare, prout taliter Elias 3. Reg. cap. 19. *Petit anima sua, ut moveretur ad evadendas Jeza- belis insidias.* Simile petitum ad Dominum legi- tur a Moyse factum *Numer. cap. 11.*

## PROPOSITIONES XVI. & XVII.

80. XVI. Fides non censetur cadere sub praecipio speciale, & secundum se.

XVII. Satis est, actum fidei semel in vita elicere.

## DECLARATIO.

De utraque hac propositione satis dictum jam fuit in expositione primæ inter Theses confixas ab Alexandro VII. quorsum Lectorem remitti- mus.

mus, vel ad Reiffenstuel *Tract. 4. Dist. 2. num. 13. & num. 28.*

## PROPOSITIO XVIII.

81. *Si a Potestate publica quis interrogetur, fidem ingenue confiteri, ut Deo, & fidei gloriosum consulo: tacere, ut peccaminosum per se non damno.*

## DECLARATIO.

Quia Potestas publica secularis est ordinata tantum ad bonum politicum; non autem ad bonum spirituale, sicque jus interrogandi non habere videtur nisi in ordine ad bonum politicum, exinde intulerunt nonnulli, non esse peccaminosum ad ejusdem interrogationem circa fidem, maxime si interrogans fuerit Tyrannus, tacere, vel eam aliquā equivocatione eludere, sicuti fieri potest in aliis casibus, quando Reum illegitimus Judex interrogat. *Sed contra est*, quod dicta obligatio candide respondendi non tam descendat ex Jure, quod habet similis Potestas publica interrogans, quam ex mandato Divino affirmativo. *Qui me tribueris, & meos sermones* (inquit Christus Luc. cap. 9. v. 26.) *hunc Filius hominis erubescet, cum veneris in Majestate sua &c.* In quæ verba noster Tyrannus taliter glossat: *non solum credere est necessarium ad Salutem, sed etiam confiteri ore: secundum quod dicitur Rom. 10. v. 10. Corde enim creditur ad justitiam, ore autem confessio fit ad Salutem. Hac autem confessio pertinet ad præceptum affirmativum &c.* Videantur Dominicus Viva hic, & Reiffenstuel *Tract. 4. Dist. 2. num. 45.*

## PROPOSITIO XIX.

82. *Voluntas non potest efficere, ut assensus fidei in se ipso sit magis firmus, quam mereatur pondus rationum ad assensum impellentium.*

## DECLARATIO.

Et si in isto Syllogismo: *Quidquid Deus revelavit, est infallibiliter verum; sed Deus revelavit, se esse Unum in essentia, & Trinum in Personis: ergo id est infallibiliter verum: Et si* (inquam) *in isto Syllogismo Major sit summa certitudine vera, cum Deus nec fallere, nec falli possit: minor tamen, quod Deus sit locutus, seu id revelaverit, nobis non constat immediate, sed tantum mediate ex motivis credibilitatis, quæ sunt rationes extrinsecæ prævie nos impellentes ad affirmandum, quod Deus sit locutus; unde quia motiva illa extrinsecæ impellentia ad assensum fidei eliciendum, nos tantum moraliter certos reddunt de locutione Dei, exinde nonnulli intulerunt, voluntate per piam affectionem non posse efficere, ut assensus fidei ab his motivis præviis aliquo modo dependens sit in seipso magis firmus, quam mereatur pondus rationum, seu motivorum credibilitatis ad assensum fidei impellentium. *Sed contra est*, quia ex hoc sequeretur, quod tantum moraliter certum sit, Deum esse unum in essentia, & trinum in personis, si quæ certius foret, quod *Petrus sit animal rationale*, quam quod dicitur *Trinitas Personarum*; cum prima Propositio evidenter, ac physice &c. sit certa; altera vero tantum in eorum principis foret certa moraliter, utpote dependens a motivis credibilitatis, quæ nos tantum moraliter cer-*

Tomus II.

tificant, quod Deus ita fuerit locutus; & sic simpliciter loquendo adhuc posset tali propositioni subesse falsum, quam sequelam nullus Catholicorum ausus est admittere; cum actui supernaturali nequeat subesse falsum. Unde in articulis fidei, qui non clare, sed obscure proponuntur, potest voluntas mediante pia aliqua affectione intellectui in obsequium fidei imperare, ut se capivet, & firmitus adhæreat, quam moreatur pondus rationum extrinsecæ impellentium; maxime cum propter hæc ipsa motiva non habeat ullam rationem gravem prudenter dubitandi, utrum Deus sic fuerit locutus, seu revelaverit, vel non? Inde talis debet esse paratus potius vitam, quam fidem supernaturalem de tali mysterio e. g. SS. Trinitatis perdere, exclamando cum Sancto Augustino Lib. 7. confess. cap. 10. *Facilius dubitarem me videri, quam vera non esse, quæ audiui in corde.* Vid. Reiffenstuel *Tract. 4. Dist. 3. num. 55. & seqq.*

## PROPOSITIONES XX. &amp; XXI.

83. XX. *Potest quis prudenter repudiare assensum, quem habeat supernaturalem.*

XXI. *Assensus fidei supernaturalis, & utilis ad salutem fiat cum noticia solum probabili revelationis; imo cum formidine, qua quis formidet, ne non sit locutus Deus.*

## DECLARATIO.

Si assensus fidei supernaturalis cum noticia solum probabili revelationis, & cum formidine fundata in gravi ratione de opposito stare posset, consecretaneum quoque foret, talem assensum posse prudenter repudiari. Falsum autem est antecedens; nam assensus fidei concurrente simul habitu fidei infuso, aut gratia actuali divina elicitus, est actus supernaturalis, cui non potest subesse falsum, uti inquit Concilium Trident. sess. 6. de Justificatione, cap. 9. Itaque quando elicitur fides actualis supernaturalis circa aliquem articulum fidei v. g. de SS. Trinitate, taliter se res habet: *In primis* propositis motivis moraliter evidentibus excitatur intellectus per gratiam divinam ad formandum judicium credibilitatis, quod affirmatur, esse evidenter credibile, Deum, qui nec fallere potest, nec falli, revelasse tale mysterium. Deinde *secundo* Voluntas supernaturali lumine accensa per piam affectionem in obsequium fidei imperat intellectui, ut huic Mysterio per assensum fidei firmiter adhæreat actualiter credendo e. g. Trinitatem personarum ex eo motivo, quia Deus, qui revelavit, est summe verax in dicendo. Et deum *tertio* intellectus concurrente simul habitu fidei infuso, vel alia saltem supernaturali gratia talem in substantia, vel saltem quoad modum supernaturalem assensum fidei præstat e. g. circa altissimum Mysterium SS. Trinitatis, paratus potius principia naturaliter evidentia, quam tale Sacratissimum Mysterium negare, & potius vitam, quam talem articulum deferere. Debet autem hic bene attendi, ne isti duo actus intellectus, *primus*, quo judicio evidenter esse credibile Deum revelasse, quod sit Trinus in personis, & *alter*, quo propter summam Ejusdem veracitatem actualiter affirmo, quod sit Trinus in personis, ad invicem confundantur: nam prius pertinet ad judicium

P

judicium



diciū credibilitatis; posterior verò ad actus fidei supernaturalis.

84. Dices: Saltem fides adhuc imperfecta potest stare cum dubio, vel formidine gravi: ergo dicta in duobus propositionibus adhuc subsistunt, saltem quoad fidem imperfectam. Anteced. probatur in primis, quia Ipsemet Christus Matth. cap. 14. v. 3. taliter allocutus est Petrum: *Modice fidei, quare dubitasti?* En! fidem saltem modicam stantem cum dubio; Secundo Pater energumeni Marc. cap. 9. v. 23. dum Jesus eum excitavit, ad fidem exclamavit: *Credo Domine: adjuva NB. incredulitatem meam;* quam fidem S. Chrysostomus in illum textum vocat introductivam, ac incipientem. Tercio fides rusticorum, simplicium, vel puerorum nititur dicto unius Parochi, vel Ludimagistri, quod utique non est motivum convincens, & moraliter certificans Deum sic fuisse locutum: Responderi posset quoad omnia ista tria puncta in compendio distinguendo antecedens: fides imperfecta naturalis, & humana stare potest cum tali dubio, & formidine Conced. supernaturalis Divina Neg. Respondetur tamen adhuc aliter absolute negando antecedens; vocatur autem fides Petri, & Patris energumeni (supposito etiam, quod fuerit supernaturalis) adhuc imperfecta, incipiens, & introductoria, non quod actualis gravis formido, & incredulitas simul steterit cum fide, sed quia dicta fides nondum fuit ita radicata, quin facile iterum amitteretur succedente dubio, vel incredulitate. Paucis, fides Petri fuit modica, qui dubitavit, non componendo fidem cum dubitatione, sed amittendo illam per dubitationem. Quantum ad dictum unius Ludimagistri vel Parochi, etsi non sit motivum moraliter certificans absolute; est tamen tale relative, nimirum in ordine ad pueros, & simplices nullatenus dubitantes, quin ea, quæ sibi proponuntur, contineant veram doctrinam Ecclesiæ. Quod si graviter de hoc formidarent, & nihilominus crederent, hæc illorum fides non esset supernaturalis, & divina, sed mere humana, tenereturque magis adhuc apud sapientiores indagare veritatem, vel in eorum absentia defectum hunc Deus supplebit collustratione divini Luminis. Vide Dominicum Viva hic.

#### PROPOSITIO XXII.

85. *Non nisi fides unius Dei necessaria videtur necessitate medii, non autem explicita Remuneratoris.*

#### DECLARATIO.

Divus Paulus ad Hebræos cap. 11. v. 6. dum ad justificationem requirit fidem tamquam necessariam, æqualiter loquitur de Deo in se ipso, ac de Deo tamquam Remuneratore: ergo, si requiritur necessario necessitate medii fides explicita Dei unius, etiam requiretur eodem modo fides explicita Remuneratoris. Unde practice prudentissime agunt illi Parochi, Missionarii, ac alii, qui postquam ex pueris, vel simplicibus ad praviā interrogationem de Deo tulerunt responsum, quod scitis, si Deus, & tres Personæ, illico alteram subiungunt interrogatorium: *Quorsum deveniant, si mali sint, seu Deum graviter offendant, & quorsum, si boni, & legem observent?* ubi ba-

ne instructi respondebant: *Si bonus sum, veniam in celum, si malus, in infernum:* exinde ergo similes jam agnoscunt Deum etiam ut Remuneratorem, & quidem in ordine ad Munera, & dona supernaturalia, sicque habent ea, quæ juxta DD. Catholicos de facto sunt certo necessaria necessitate medii. Vide Reiffenstuel *Tract. 4. Dist. 2. num. 16. & seqq.*

#### PROPOSITIO XXIII.

86. *Fides late dicta ex testimonio creaturarum similive motivo ad justificationem sufficit.*

#### DECLARATIO.

Fides, quæ de facto, ac in moderna Providentia disponit ad justificationem, debet inniti revelationi Dei, in dicendo summe veracis, uti nobis innotescit ex Concilio Trident. sess. 6. de justificatione, cap. 6. sequentibus Verbis: *Disponuntur autem ad ipsam justitiam, dum excitati divina gratia, & adjuti, fidem ex auditu concipientes libere moveantur in Deum, NB. credentes vera esse, quæ divinitus revelata, & promissa sunt.* Adeoque fides late dicta non est sufficiens dispositio ad justificationem, utpote quæ non innititur testimonio ipsius Dei revelantis, sed creaturarum, similive motivo. Et hinc etiam rusticus e. g. circa mysterium Sanctissimæ Trinitatis non habet pro motivo formali actus fidei ipsum testimonium Parochi, sed potius auctoritatem Dei revelantis summe veri; quamvis per iudicium credibilitatis affirmet, Deum sic revelasse, eo quod Parochus id attestetur, de cujus fidelitate non dubitat. Vide Reiffenstuel *Tract. 4. Dist. 2. num. 20. & 21.*

#### PROPOSITIO XXIV.

87. *Vocare Deum in testem mendacii levis, non est tanta irreverentia, propter quam velis, aut possis damnare hominem.*

#### DECLARATIO.

Ex eo, quod multi Doctores apud Reiffenstuel *Tract. 6. Dist. 2. num. 32.* videndi, contra Lessium, Medinam, & Valentiam &c. probabilissime teneant, in juramento promissorio admittendam esse parvitatem materiæ a gravi peccato excusantem, nonnulli intulerunt, idem esse sentiendum in juramento assertorio, si Deus vocetur in testem mendacii levis. At contra est, quod in violato juramento assertorio gravitas perjurii non desumatur ex re, circa quam juratur, sicuti fit in juramento promissorio, sed potius eruat ex illa irreverentia, quæ irrogatur primæ Veritati, adducendo eandem in testem alicujus falsi, quæ malitia, & gravis irreverentia semper habetur, quantumcumque levis sit res, circa quam Deus falso adducitur in testem: Sic a pari gravitas peccati simulationis non desumitur ex gravitate materiæ temporalis pro re spiritali data, sed ex rei spiritalis contemptu, qui censetur semper, imo magis intervenire, dum temporale etiam levissimum datur pro re ipsa spiritali, quasi nimirum pretium temporale rem spiritualem in assumptione adquire quæ posset &c. Videatur Reiffenstuel *Tract. 6. Dist. 2. num. 29. & num. 31. & 32.* Item in additionibus post num. 40.

PRO.



PROPOSITIONES XXV. XXVI.  
XXVII. & XXVIII.

88. XXV. Cum causa licitum est jurare sine animo jurandi, siue res sit levis, siue gravis.

XXVI. Si quis vel solus, vel coram aliis siue interrogatus, siue propria sponte, siue recreationis causa, siue quocumque alio fine juret, se non fecisse aliquid, quod revera fecit, intelligendo intra se aliquid aliud, quod non fecit, vel aliam viam ab ea, in qua fecit, vel quodvis aliud additum verum, revera non mentitur, nec est perjurus.

XXVII. Causa justa utendi his amphibologiis est, quoties id necessarium, aut utile est ad Salutem corporis, honores, res familiares tuendas, vel ad quemlibet alium virtutis actum, ita, ut veritatis occultatio censeatur tunc expediens, & studiosa.

XXVIII. Qui mediante commendatione, vel munere ad Magistratum, vel officium publicum promotus est, poterit cum restrictione mentali prestare juramentum, quod de mandato Regis a similibus solet exigi, non habito respectu ad intensionem exigentis, quia non tenetur fateri crimen occultum.

## DECLARATIO.

Propositiones istæ damnatæ fundantur potissime in restrictione pure mentali, quam ex causa gravi plusquam quinquaginta Auctores apud Lumbier Tom. 3. Sum. n. 1825. teste Patre Joanne Kugler in sua Crisi Theologica hic pronunciarunt esse licitam. Sed contra est, quod talis utens restrictione pure mentali aliud exterius loquatur, & aliud interius sentiat, sicque mentiat; quoniam mentiri est contra mentem ire: atqui mendacium ex communi Theologorum est intrinsece malum, repugnans Societati humanæ, sicque numquam licitum, ne pro vita quidem defendenda, ut inquit Pontifex cap. Super eo, de usuris: ergo. Aliter subinde discurrendum venit in restrictione non pure mentali, de qua vide fufius Reiffenstuel Tract. 6. Dist. 2. num. 38. 39. & 40. cum sequentibus quinque additionibus. Poteris etiam occurrente circa hanc materiam aliquo casu notabiliore inquirere apud Dominicum Viva hic, dum scribit in propositionem XXVIII. & num. III. in nonnullis contradicit opinioni Patris Cardenas, & Lumbier.

## PROPOSITIO XXIX.

89. Urgens metus gravis est causa justa Sacramentorum administrationem simulandi.

## DECLARATIO.

Ratio hujus damnationis est, quia simulare Sacramentorum administrationem ponendo externe omnes partes Sacramenti, interne autem nullam habere intensionem administrandi Sacramentum, idem est, ac mentiri; non enim refert, utrum quis mentiat verbo, vel facto, prout notat Divus Thomas 2. 2. Quæst. III. Art. 1. atqui ob metum gravem mentiri non licet, ne quidem pro defendenda vita. cap. super eo, de Usur. ergo nec licebit simulare ex metu gravi Sacramentorum administrationem. Confirmatur: Non licet ob metum gravem sacrilege administrare Sacramentum; cum non liceat ob metum gravem peccare: ergo nec licebit ob metum gravem fictæ, seu simulate administrare Sacramentum; quoniam majus pecca-

Tomus II.

tum est simulate administrare Sacramentum, quam sacrilege; juxta cap. 7. de celebratione Missarum juncto Summario. Hinc non licet formulam absolutioriam: Ego te absolvo a peccatis tuis, proferre super aliquem scienter incapacem Sacramentalis absolutionis. Itaque quando absolute negando absolutionem foret periculum, ne Confessarius Sigillum Confessionis exinde frangat, deberet sub formatione crucis alia oratio e.g. Misereatur &c. tacite proferri, aut sub obscuro dici: Ego te nequaquam absolvo a peccatis tuis, ita ut adverbium nequaquam non perciperetur ab adstantibus, uti advertit Kugler in cit. proposit. Videatur fufius Cardenas, & Dominicus Viva, quando scribunt in dictam propositionem.

PROPOSITIONES XXX. XXXI.  
XXXII. & XXXIII.

90. XXX. Fas est viro honorato occidere invasorem, qui nititur calumniam inferre, si aliter hac ignominia vitari nequit, idem quoque dicendum, si quis impingat alapam, vel fuste percutiat, & post impactam alapam, vel ictum fustis fugiat.

XXXI. Regulariter occidere possum furem pro conservatione unius aurei.

XXXII. Non solum licitum est defendere defensione occisiva, quæ actu possidemus, sed etiam ad quæ jus inchoatum habemus, & quæ nos possiduros speramus.

XXXIII. Licitum est tam heredi, quam Legatario contra injuste impediens, ne vel hereditas adeatur, vel legata solvantur, se taliter defendere, sicuti & jus habenti in Cathedrali, & prebendam contra eorum possessionem injuste impediens.

## DECLARATIO.

Quoniam omnes istæ actiones excedunt moderamen inculpatæ tutelæ; ideo merito prohibentur, prout etiam jam ante Innocentium XI. similem propositionem ordine 17. damnavit Alexander VII. Vide Reiffenstuel Tract. 9. Dist. 3. Quæst. 2. per totum, junctis simul Additionibus.

## PROPOSITIO XXXIV.

92. Licet procurare abortum ante animationem fœtus, ne puella deprehensa gravida occidatur, aut infametur.

## DECLARATIO.

Numquam licet ponere talem actionem, quæ directe esset ordinata ad procurandum abortum fœtus animati, quia numquam licet privatis directe occidere, nisi per modum inculpatæ tutelæ; unde etiam si talis puellæ gravidæ, abortum procurantis, motivum sumendi medicinam ex se ordinatam ad abortum promovendum nequaquam foret ipsa occisio prolis, sed potius conservatio vitæ, vel famæ propriæ, aut etiam totius familiæ; hoc tamen non obstante nequaquam liceret sumere medicinam ex se immediate ordinatam ad procurandum abortum; quamvis enim in tali casu puella non intenderet occisionem prolis tamquam finem, ac motivum, eandem tamen vellet directe tamquam medium, quo conservatur sua vita, aut fama propriæ, vel familiæ &c. Sicuti enim medicina talis ex natura sua

P 2

ordina-

ordinatur ad procurandum abortum, ita procuratio abortus ordinaretur ad conservandam vitam, vel famam, sicque utrumque assumeretur directe, non quidem quasi finis, sed tamquam medium, quod homini privato extra moderamen inculpatæ tutelæ numquam licet. Exempli gratia, si Tyrannus tibi minaretur, quod velit te simul cum fratre tuo interficere, nisi tu fratrem proprium, vel alium tibi Charum occidas, exinde tibi permissum non est occidere fratrem tuum, ex fine, ut tuam exinde conserves vitam. Plura, & quidem utilissima de abortu videre poteris apud Sporer *Part. 4. Theologia Sacramentalis integro cap. 4.* His igitur suppositis quæstio remanet, an idem sit sentiendum, si fœtus necdum fuerit animatus; ubi Bordonus, Zambellus, Torreblanca, & alii apud Dianam *part. 6. Tract. 8. Resolut. 37.* putarunt, in simili casu procurationem abortus ob tam gravem causam, præsertim ad evitandam mortem licere, cum exinde fœtus nec vita temporali, nec æterna, utpote necdum informatus anima rationali, privaretur, prout tamen utrumque contingeret, si fœtus jam esset animatus, ac nondum baptizatus.

92. Sed *contra est primo*, non licet procurare pollutionem directe ad declinandum periculum mortis, uti apud Catholicos est in confesso; ergo neque licebit procurare directe abortum ad declinandum periculum mortis; & multo minus ad evitandam infamiam. Consequentia probatur: ideo præcipue non licet procurare pollutionem; quia semen ex sua natura est ordinatum ad propagationem speciei naturæ humanæ: sed fœtus inanimatus adhuc proximius a natura est ad eundem finem ordinatus, quoniam ex semine primum fit embrio &c. ergo *contra est secundo*; quia in Jure Canonico tam qui fœtui viventi adimit vitam, quam qui fœtum necdum animatum a vita impedit, censetur reus homicidii: ergo si non licet per medicinam directe expulsivam procurare abortum fœtus animati, neque licebit quoad fœtum inanimatum. Anteced. probatur ex *cap. si aliquis. de Homicidio.* ibi: *Si aliquis causa explenda libidinis &c. mulieri ad potandum dederit, ut non possit generare, aut concipere, vel nasci soboles, de homicidio tenetur.*

93. Dices: Potest sumi pharmacum directe expulsivum fœtus necdum animati, atque procurativum abortus, si matri alias periculum intrinsecum mortis per ipsum talem fœtum immineat, nisi expellatur: ergo etiam ob paritatem rationis similiter erit dicendum, si imminet periculum extrinsecum mortis infligendæ ab alio, nisi idem contingat. Antecedens est doctrina communissima teste Sanchez, *Lib. 9. de Matrim. Disp. 20. num. 10.* quam sententiam pariter defendit Dominicus Viva hic, supposito, quod fœtus adhuc sit inanimis: secus si foret animatus; quia tunc prolem privaret altiori bono, quam est vita temporalis, nimirum vita pariter spirituali, ac æterna ob defectum baptismi. Respond. transmissio antecedenti negando consequentiam, & paritatem. Disparitas est, quia stante periculo vitæ alias per ipsum fœtum inanimatum adimendæ, talis fœtus habet se per modum aggressoris vitæ; potest autem injustus aggressor vitæ per modum moderaminis inculpatæ tutelæ etiam vivus, & alias ratione privatus (multo magis nondum habens animam rationalem) occidi, si

aliter periculum hoc grave declinari nequeat, præsertim si occidendus in bonis altioris ordinis, quam sit ipsa vita temporalis, exinde damnum non incurrat, prout certo non incurrit fœtus, adhuc inanimatus; utpote necdum habens vitam spirituales. Econtra vero, quando alicui periculum deperendæ vitæ non per ipsum fœtum, sed ab alio aliquo extrinseco imminet, talis fœtus non censetur aggressor vitæ alterius; unde procurans ejusdem abortum excedit limites justæ defensionis per modum moderaminis inculpatæ tutelæ. Dixi notanter: *Transmissio antecedenti*; etenim nec illud adeo evidens apparet, ut non inveniantur nonnulli cum Navarro contrarii. Hoc certum omnino est, quod etiam stante periculo illo intrinseco illud extremum remedium licite applicari nequeat, si supersint alia, quibus periclitanti Matri succurri queat, puta per incisionem venæ, vel per medicinas non directe ad expulsionem fœtus ordinatas &c. quamvis per eas subinde per accidens abortus contingat.

### PROPOSITIO XXXV.

94. *Videtur probabile, omnem fœtum, quamdiu in utero est, carere anima rationali, & tunc primum incipere eandem habere, cum paritur; ac consequenter dicendum erit, in nullo abortu homicidium committi.*

### DECLARATIO.

In primis probabile non est fœtum carere anima rationali, quamdiu in utero existit; quoniam procurans abortum talis fœtus, e. g. quatuor mensibus post conceptionem, verum committit homicidium, uti cum Julio Claro, Gomez, Covarruvia, & Juristis communiter sentit Stephanus V. Papa *Can. consulisti. 20. Causa 2. Quæst. 5.* prope finem; quidquid nonnulli, præsertim ex iis, qui Sectam Stoicorum sequuntur, contradicant. Deinde dato etiam, quod hæc sententia speculative probabilis esset; contraria tamen foret longe communior, sicque ille, qui in tali dubio, & in conflictu duarum sententiarum adhiberet ultimis mensibus ante nativitatem quodpiam pharmacum directe expulsivum fœtus, consequenter se exponeret deliberate periculo, utrum non exinde occideret fœtum jam anima rationali informatum, adhuc coram Deo esset reus homicidii; sicuti a pari alius, qui in dumetis latitantem globo trajiceret, dubius, utrum hic sit homo, vel aliqua fera, ob tam manifestum periculum, cui se voluntarie exponeret coram tribunali Divino a culpa homicidii non excusaretur. Unde allegata propositio dupliciter errat: *In primis*, quod defendat tamquam probabile, fœtum carere anima rationali, quamdiu in utero est. *Secundo*, quod ex Speculativa aliqua probabilitate statim, etiam in re tam graviter præjudiciosa tertio quoad praxin inferat, talem in nullo abortu esse reum homicidii; cum tamen se manifesto exponat periculo occidendi fœtum jam animatum.

95. Quæres ergo, quo die censeatur fœtus in utero materno animari? Respond. de hoc jam factam esse mentionem apud Reiffenstuel *Tract. 9. Dist. 3. num. 34. & seqq.* Diana *Part. 7. Tract. 5. Resolut. 6.* apud Dominicum Viva hic pronunciat tamquam moraliter certum, nullum fœtum ante diem Quadragesimum animari. Quinimo si fœtus fuerit

fuerit sexus fœminei, quod animatio non contingat juxta Viva ante diem octogesimum. Quod si præmissa etiam diligenti inquisitione adhuc dubitetur, an fœtus ille expulsus mas, vel fœmella fuerit, teste eodem juxta praxin Sacræ Pœnitentiariæ talis procurans abortum censetur, effectu secuto, irregularis. Alii vero apud Sporer *Tract. 4. Cap. 4. num. 751. & seqq.* mitius de hoc sentiunt, eo quod in tali casu dubitetur de ipso corpore delicti, utrum revera aliquis vivens fuerit occisus? Secus foret dicendum in aliis casibus, in quibus constat de corpore delicti, puta, quod aliquis fuerit interfectus; dubitetur autem, num per tuam, vel alterius actionem; tunc enim juxta clara jura *Cap. ad audientiam 12. & Cap. significasti 18. de Homicidio.* deberes te gerere tamquam irregularem. Vide Reiffenstuel *Tract. 9. Dist. 3. num. 34. & seqq.* Item *Tract. 13. Dist. 3. Quest. 2. Additione 6. & post quest. 4. in Appendice, Additione 5.*

### PROPOSITIO XXXVI.

96. *Permissum est furari non solum in extrema necessitate, sed etiam in gravi.*

#### DECLARATIO.

Ex eo, quod divites constitutis in gravi necessitate teneantur dare eleemosynam de superfluis statui, nonnulli intulerunt, ea denegata posse talem pauperem uti occulta compensatione, nec divitem quoad hanc ablationem esse prudenter invitum, eo quod alias obligetur ad erogandum. Sed *contra est*, quod dives in simili casu non obligetur ex justitia, sed tantum ex misericordia, seu charitate, & quidem non huic determinate, qui aufert, sed solummodo indeterminate illis, quos in ordine ad superflua status ipsemet consideratis considerandis elegerit; unde, qui privata auctoritate talia auferrent, peccarent contra justitiam, foretque Dominus prudenter invitus circa hanc ablationem privata auctoritate factam. Videatur Reiffenstuel *Tract. 9. Dist. 5. num. 13. & 14. & Additione post num. 104.*

### PROPOSITIO XXXVII.

97. *Famuli, & Famule Domestica possunt occulte Heris surripere ad compensandam operam suam, quam majorem judicant salario, quod recipiunt.*

#### DECLARATIO.

Non damnatur in præsentī illa sententia, quæ ait, posse famulos uti occulta compensatione, si aliunde ex communi peritorum sensu aperte constet, salarium, famulis datum, omnibus consideratis considerandis, esse improporcionatum, atque injustum. Itaque solummodo reprobatur ea opinio, quæ dimensionem illam inter operas ex una, & mercedem ex altera parte committit judicio ipsorum famulorum, quales amore proprio excœcati, nec conditiones alias, ad licentiam utendi occulta compensatione requisitas, respicientes, facile sibi persuadent, operas suas esse majores salario, &c. Ex quo amplissima famulis janua aperiretur defraudandi Heros suos. Vide Reiffenstuel *Tract. 9.*

*Dist. 5. num. 39. & fufius in Jure Canonico Lib. 3. Decretal. Tit. 18. §. 4.*

### PROPOSITIO XXXVIII.

98. *Non tenetur quis sub pœna peccati mortalis restituere, quod ablatum est per pauca furta, quantumcumque sit magna summa totalis.*

#### DECLARATIO.

In præsentī damnantur illi, qui docebant, non obligari sub gravi ad restitutionem eum, qui post præmissa plura levia furta adjungit ultimum de se quidem leve, in sensu tamen composito cum prioribus notabilis quantitatis constitutum. Putarunt autem prædicti, ideo talem furem non obligari ad restitutionem sub gravi, quia singulis furtis peccavit tantum venialiter, videtur autem adesse improporcion inter culpam levem, & pœnam gravem, seu inter peccatum veniale in damnificando commissum, & inter onus damnum refarciendi sub peccato gravi: prout patet a pari in illo, qui ex aliqua incuria venialiter peccaminosa non extinxit candelam, si exinde fuerit exortum incendium, & combusta domus &c. Sed *contra est*, quod omnino falsum sit, per ultima furta minuta peccari tantum venialiter, si quis advertat, per conjunctionem horum cum præcedentibus deveniri ad summam notabilem. Deinde ponamus, quod talis in ultimis furtis fuisset immemor furtorum præcedentium, nec intendisset umquam per furta minuta ascendere ad summam gravem; in hoc quidem casu per talia furta minuta non peccaret graviter; hoc tamen non obstante, postquam reflectit se super ea, & quando res illæ leves sapius ablatæ apud ipsam adhuc in se, vel in æquivalenti existunt, tenetur non tam titulo *injusta acceptionis*, quam titulo *rei acceptæ* sub mortali ad restitutionem; quia videt per similia furta minuta, ad invicem moralem unionem habentia, se ditari; proximum autem, vel Rempubicam graviter damnificari. Unde non est paritas inter hunc furem plura minuta successive auferentem, & inter alterum ex incuria venialiter peccaminosa incendientem domum; nam prior tamquam factus exinde ditior tenetur restituere *titulo Rei acceptæ*; alter vero: cum ex incensa domo nihil acceperit, obligaretur tantummodo *titulo injusta acceptionis*, seu damnificationis. Ubi quoad hoc ultimum (non quoad primum) videtur multis Theologis difficile, quod ante sententiam Judicis detur obligatio refarciendi sub gravi damnum illatum ex culpa Theologice levi, absque eo, quod damnificans exinde ullatenus factus fuerit ditior. Vide Reiffenstuel *Tract. 9. Dist. 5. Quest. 2. cum Additionibus.*

### PROPOSITIO XXXIX.

99. *Qui alium movet, vel inducit ad inferendum grave damnum tertio, non tenetur ad restitutionem illius damni illati.*

#### DECLARATIO.

Sicuti si quis alios per malum suum exemplum movet ad damnificandum, exinde talis non obligatur ad restitutionem damni illati, ita pariter nonnulli intulerunt, idem esse dicendum, si per verba, & consilia sic moveat, cum parum referre videatur, utrum quis verbo, vel exemplo alterum moveat, ut damnum inferat. Sed *contra est*, quod prior dans malum exemplum non peccet contra

justitiam, sed peccato Scandali contra Charitatem; cum non intendat positive (uti supponitur) suum malum exemplum ordinare ad inducendum alterum, ut similiter tertium damnificet, sicque nec censeatur causa moralis influens in damnum tertii; Econtra vero consilium dans, & inducens per verba, ut tertius damnificetur, eo ipso sua verba dirigit ad damnificandum tertium, sicque censeatur causa moraliter influens in simile damnum; & consequenter tenetur ad restitutionem, supposito, quod alterum per suum consilium actualiter moveat, & alter realiter tertio damnum inferat. Vid. Reiffenstuel *Tract. 9. Dist. 5. Quest. 3. & 4.*

### PROPOSITIO XL.

100. *Contractus Mohatra licitus est, etiam respectu ejusdem persone, cum contracta revenditionis prævie inito cum intentione lucri.*

### DECLARATIO.

*Mohatra*, seu *Baratra* testibus Sabino Bononien- si, & Matthæuccio, est nomen Hispanicum. Apud quosdam Italos juxta eosdem vocatur *Stocco*. Porro contractus Mohatra a Patre Reiffenstuel *Tract. 8. Dist. 4. num. 26.* sic exemplificatur: Petit quis mutuos centum florenos a mercatore, & mercator non vult pecuniam mutuare, paratus tamen est illi vendere merces credito, sed summo pretio, v. g. centum quinque florenis, ex fine, ut eas iterum reveadat numerata pecunia, prout etiam alter res sic emptas denuo offert mercatori, qui tamen hæc non aliter emit, seu potius redimit, quam pretio, ponamus, infimo, v. g. nonaginta quinque florenis. Talis contractus, si contingat venditio cum pacto revenditionis prævie inito, est illicitus, & consequenter merito prohibitus, utpote palliatam continens usuram; cum in effectu idem sit, & talis mercator totidem acquirat, & quidem vi pacti prævie inito; ac si in mutuo pro nonaginta quinque florenis mutuatis centum ac quinque accepisset, uti consideranti patet. Quod si pactum de revendendo non intercederet, præfatus contractus non contineretur sub præfata propositione prohibita, quamvis etiam tunc practice posset esse periculosus, cum simile pactum saltem implicitum illic sæpe reperitur.

### PROPOSITIO XLI.

101. *Cum numerata pecunia pretiosior sit numeranda, & nullus sit, qui non majoris faciat pecuniam præsentem, quam futuram, potest creditor aliquid ultra sortem a mutuuario exigere, & eo titulo ab usura excusari.*

### DECLARATIO.

Si non interveniat simul lucrum cessans, vel damnum emergens, neque sit ullum periculum sortis principalis amittendæ, nec ulla difficultas pretio æstimabilis in acquirendo illo capitali, quod alteri mutuatur &c. falsum est, ipsa pecunia numerata, utpote in se ipsa sterilis, sit pretiosior numeranda. Quodsi dicas, per pecuniam numeratam, & præsentem potuisse mutuantem instituere negotiationem cum ingenti lucro, quo debet nunc carere, usque dum sibi iterum hoc capitale a mutuuario in futurum numeretur, seu restituatur.

Respondeo, id esse extra statum questionis; supponitur enim hic, pecuniam præsentem alias mansuram in arcula prorsus otiosam absque inter- ventu alicujus lucri cessantis. Nec opponas cum Caramuele contrario: Chirographum, in quo mille floreni primum in futurum numerandi continentur, esse minoris pretii, quam mille florenos præsentem in numerata pecunia; Et hinc etiam juxta communem praxin talia Chirographa minoris emuntur: ergo pecunia numerata est pretiosior primum numeranda. Nam *contra est*, quod hic contractus non sit amplius contractus mutui, sed potius emptionis & venditionis; ubi Chirographa propterea minori pretio emuntur, vel quia ordinarie adest aliquod periculum, aut difficultas in acquirenda sorte principali in dictis Chirographis, expressa, vel quia similia Chirographa sunt quasi merces ultroneæ, seu ultro oblata ad emendum: juxta Theologos autem ex utroque capite solent merces decrescere in pretio. Cæterum plura adhuc de Chirographis videre poteris apud Reiffenstuel *Tract. 8. Dist. 4. post num. 102. Additione 5. & 6.*

### PROPOSITIO XLII.

102. *Usura non est, dum ultra sortem aliquid exigitur, tamquam ex benevolentia, & gratitudine debitum, sed solum si exigatur tamquam ex Justitia debitum.*

### DECLARATIO.

Quod præter onus restituendi iterum ipsum capitale Mutuatarius simul aliquam naturalem obligationem antidoralem gratitudinis contrahat erga Mutuantem, in præsentem non negatur: ex hoc tamen nonnulli Theologi apud Dianam *Part. 1. Tract. 8. Resolut. 62. & Part. 11. Tract. 7. Resolut. 23.* male inferunt, eam obligationem gratitudinis posse a mutuante deduci in pactum, taliter, ut Mutuatarius promittat, se daturum auctuarium in gratitudinem, non ex obligatione justitiæ, sed veracitatis, & fidelitatis, ut proinde possit deinde illud exigere tamquam debitum ratione promissionis. Nam *contra est*, quod etsi, dum Petrus Paulo in gravi necessitate constituto mutuatur mille florenos, Paulus præter onus restituendi cum tempore Capitale contrahat obligationem antidoralem cujusdam gratitudinis; hæc tamen obligatio antidoralis non determinate consistat in auctuario pecuniz mutuata, sed in aliquo indeterminato juxta arbitrium Mutuatarii, qui potest huic obligationi antidorali satisfacere etiam orando pro Mutuante, vel eum apud alios laudando &c. sicuti eodem modo discurretur in collatione, & præsentatione ad Beneficia. Et plane alias, si Adversariorum doctrina subsisteret, Usuris, & Simoniis immensum ostium pateret, uti consideranti patet. Quare generaliter committitur usura expressa, vel palliata, quandocumque extra lucrum cessans, vel damnum emergens, aut similes reales titulos præter sortem principalem quodpiam auctuarium in pactum deducitur, & Auctoritate privata constituitur.

103. Dixi notanter: *Auctoritate privata*, per quæ verba nolo impugnare in præsentem eorum sententiam, quæ defendit, *Auctoritate publica* id fieri



fieri posse taliter, quatenus nimirum vi domini alti (uti proportionaliter discurritur in materia de prescriptione) Potestas publica, maxime suprema, determinatum, atque moderatum in mutuo constituit Actuarium ad tollendas lites, anxietates, & dubia, alias sæpius eventura, utrum hic & nunc, in isto vel illo mutuo vere interveniat lucrum cessans, vel damnum emergens, & quantum vi hujus prætendi queat &c. qua determinatione absoluti multi ad mutuandum aliis promptiores redduntur, ac lites diminuuntur, quoniam ordinarie apud Judicem in illo determinato actuario sisteretur, nisi evidenter constaret, lucrum cessans, vel damnum emergens &c. id exercere. Quod non leviter videretur promovere Bonum publicum. Plura de usuris vide apud Reiffenstuel *Tract. 8. Diff. 4. Quest. 2. 3. & 4.* Item fusius in *Jure Canonico Lib. 5. Decret. Tit. 19.*

### PROPOSITIONES XLIII. & XLIV.

104. XLIII. Quidni non nisi veniale sit, detrahentis austeritatem magnam sibi noxiam falso crimine elidere?

XLIV. Probabile est, non peccare mortaliter, qui imponit falsum crimen alicui, ut suam justiciam, & honorem defendat. Et si hoc non sit probabile, vix ulla erit opinio probabilis in Theologia.

### DECLARATIO.

Mendacium juxta jam dicta est malum intrinsecum, quod dicitur leve, si fiat in materia levi; grave autem, si contingat in materia gravi: quoniam autem juxta communem non sunt facienda mala, ut eveniant bona, consequenter neque per mendacium potest alicui imponi falsum crimen, ut evitetur nocumentum proprium, alias in bonis fortunæ, vel famæ incurrendum. Nec retorqueatur argumentum in Homicidio, quod pariter juxta Doctores est malum intrinsecum, & tamen licet per modum moderaminis inculpatæ tutelæ ad evitandum grave damnum in bonis fortunæ, adeoque idem dicendum esse cum proportionem quoad mendacium. Respondetur enim negando consequentiam, & paritatem. Disparitas est, quia mendacium ita est intrinsece malum, ut in nullis liceat circumstantiis, etiamsi per hoc Respublica liberaretur a gravissimis malis; e contra vero non est taliter intrinsece malum homicidium, utpote quod in aliquibus circumstantiis permittitur, puta Principibus jus gladii habentibus occidendo malefactoris in vindictam publicam, vel privatis per modum moderaminis inculpatæ tutelæ. Accedit, quod lætio famæ alterius per calumniosum mendacium contingens ordinarie nec sit remedium efficax, nec unicum ad conservanda bona fortunæ, vel famæ propriæ; cum per calumnias, & mendacia ordinarie non obtineatur honor, ac bona famæ, sed potius deperdatur, & alter si resciat, tantummodo magis ad detrahendum exinde accendatur, ac insuper multa supersint alia media, dummodo amor proprius excecans non aliter male suggereret, adeoque committens tale mendacium excedit limites moderaminis inculpatæ tutelæ, & consequenter non est præsumendum, quod natura, vel potius Deus Auctor naturæ mendacium ordinaverit, ac permiserit adhiberi tamquam remedium pro

conservatione famæ propriæ, vel bonorum fortunæ, sicque mendacium manet mendacium leve in materia levi, & grave in materia gravi. Vide Dominicum Viva hic, & Reiffenstuel *Tract. 9. Diff. 6. num. 11. & 12.*

### PROPOSITIONES XLV. & XLVI.

105. XLV. Dare temporale pro spirituali non est Simonia, quando temporale non datur tamquam pretium: sed dumtaxat tamquam motivum conferendi, vel efficiendi spirituale, vel etiam, quando temporale sit solum gratia compensatio pro spirituali, aut e contra.

XLVI. Ex id quoque locum habet etiamsi temporale sit principale motivum dandi spirituale; imo, etiamsi sit finis ipsius rei spiritualis, sic, ut illud plus æstimetur, quam res spiritualis.

### DECLARATIO.

Simonia est, si temporale principaliter datur pro spirituali, aut vice versa spirituale pro temporali, interveniente simul aliquo pacto explicito, prout clare decisum reperitur in *cap. Tua Nos. 34. de Simonia*; idque in præsens non controversatur & inquiritur tamen ulterius, utrum pariter Simoniæ censetur, si temporale pro spirituali nec datur tamquam pretium, nec signo aliquo exteriori expresse in pactum deducitur, sed solummodo sit motivum propter quod obtinendum datur temporale?

106. Notandum ulterius, quod motivum illud obtinendi spirituale pro temporali possit habere tacite annexam adhuc intentionem obligandi alterum ad dandum spirituale desideratum, v. g. Beneficium, vel non possit habere annexam hanc intentionem obligandi alterum, v. g. aliquis Moderator instruens filium cujusdam Nobilis, habentis jus præsentandi ad pingue Beneficium, potest per suam instructionem velle tacite obligare Nobilem, ut ipsum præsentet ad tale Beneficium, vel potest non habere hanc intentionem obligandi, et si præter, si citius tempore Vacaturæ præsentandum, si nunc diligens fuerit quoad instructionem filii. In hoc secundo casu Simonia non intervenit; bene tamen in primo: & quidem si alter accipiens temporale pro spirituali ex circumstantiis advertit, quod dans temporale intendat per hoc tacite obligare ipsum ad reddendum spirituale, atque nihilominus id recipiat, conferendo vicissim spirituale, vel saltem illud promittendo, erit Simonia mutua ex utraque parte. Quod si vero non advertat, erit Simonia solummodo mentalis ex parte dantis, non quidem poenis Canoniciis, uti Simonia realis, bene tamen districto Dei Judicio subiecta. Totum hæc clare deducitur ex dispositione Juris Canonici in *cap. Tua Nos. 34. de Simonia*; ubi Innocentius III. circa Clericum, quempiam Ecclesiæ conferentem bona sua, ut in Canonicum recipiatur, talem notat dignissimam ponit resolutionem: *Tua Nos. duxit discretio consulendos &c. &c. Devotioni tuae taliter respondemus, quod, si quis Clericus cum conditione, vel pacto largiatur, aut offerat bona sua, ut illa postmodum pro præbenda retineat, & in Canonicum admittatur, hujusmodi oblatio, vel receptio fieri non poterit sine vitio Simonia; cum in talibus omnis pactio & conventio cessare debeat juxta Canonicas Sanctiones.*

Si vero pure, & sine pacto, vel conventionem qualibet offerat, rogans humiliter, utrum Canonicum admittatur & bona sua retineri sibi liceat pro prabenda, & Clerici ejusdem Ecclesie pure consentiant; hujusmodi receptio fieri poterit absque scrupulo Simoniaca pravitatis. NB. licet aut taliter duximus respondendum; quia nobis datum est de manifestis tantummodo judicare: si tamen is, qui talem donationem facit, ea intentione ducatur, ut per temporalia bona, que offert, spiritualia valeat adipisci, & Clerici, qui cum in fratrem admittunt, non effent eum, nisi commoda temporalia perciperent, admittunt; sine dubio tam ille, quam isti apud districtum Judicem (qui scrutator est cordium, & cognitor Secretorum) culpabiles judicantur. Ita Summus Pontifex: idcirco cum proportionem applica, si vicissim detur spirituale, ut obtineatur temporale. Ceterum ut utraque propositio damnata adhuc magis intelligatur, sequentia formantur Quæstia.

107. Quæres I. Quandoquidem motivum proxime explicatum censeatur tacite annexam habere intentionem vicissim alterum obligandi? Ante Resolutionem nota, Motivum per temporale obtinendi spirituale, vel vice versa per spirituale acquirendi temporale, posse esse vel intrinsicum ac primum, vel extrinsecum, & secundarium. H. N. Respond. Si motivum fuerit intrinsicum, ac primum, censeatur tacite contineri intentio obligandi alterum, atque in hoc sensu censeatur reprobata utraque propositio superius allegata; non vero, si fuerit motivum tantummodo extrinsecum, aut secundarium, atque impulsivum, ut citius, promptius, vel in hoc, non in alio tempore spirituale fiat &c. Ita Dominicus Viva hic num. 5. & seqq. atque expresse sic tenet Divus Thomas in casu, quo pro actu spirituali datur aliquod temporale, ubi exemplum adducit cujusdam Canonici euntis ad Ecclesiam, in qua accedentibus distribuatur presentia, ut vocantur; ubi Quodlibet. 13. art. 11. ita loquitur: Si hujusmodi distributionem recipiat quasi finem hujus operationis NB. principaliter intentum, Simoniacum committit; si autem principalem finem habet Deum, ad hujusmodi distributiones vero respicit secundarium non tamquam in finem (supple uti superius principalem) sed sicut in id, quod est necessarium ad suam sustentationem, constat, quod non vendit actum spiritualem, & ita Simoniacum non committit, nec peccat. Sic enim acceptio distributionum non erit causa, quare ad Ecclesiam vadat, sed propter hujusmodi (supple frequentationis Ecclesie) determinatio, quare hinc vadat, & non alia vice. Pariformiter est distribuendum de Sacerdote aliquo, qui hodie v. g. Missam legit, quia se offert occasio acquirendi stipendium, alias forsitan hodie non celebraturus. Talis enim Sacerdotis hodie celebrantis finis primarius adhuc est cultus Divinus, uti supponitur, etsi secundario intendat stipendium titulo sustentationis, ex quo etiam determinat hodie celebrare primario ad promovendum cultum divinum, secundario vero, ut stipendium titulo honeste sustentationis acquirat. Viderint autem hic, quomodo coram Deo excusentur isti Canonici, & Sacerdotes, qui nunquam, aut vix unquam comparent nisi ad hunc presentem valde pingues, vel rarissime legunt Missam, quando non offertur stipendium: videtur plane apud Hosce non raro

ipsa utilitas temporalis fuisse primum motivum accedendi Ecclesiam, aut celebrandi Missam.

108. Quæres II. An honoraria data, vel promissa ante presentationem Patronis habentibus jus presentandi ad Beneficia &c. censeantur interpretative indicare ex parte dantis motivum primum obtinendi per hæc aliquod Beneficium: Item an talia honoraria possint a Patronis &c. recipi? Respondeo, utrum taliter donantes coram Deo, & in foro interno habuerint pro motivo primario, & intrinseco per honoraria obtinere Beneficium, indifferenti examine conscientie ipsimet donantes dijudicare debent. In foro autem externo id in dubio ex circumstantiis dijudicatur; ubi ad hæc tria maxime attenditur, nimirum ad personam dantis, & accipientis, ad quantitatem muneris, & ad tempus donantis. Illud autem Patronis, seu Collatoribus Beneficiorum præcipue notandum venit, quod, sicut si Judicibus absque expressione mutue obligationis offeruntur tantummodo levia, puta esculenta, & poculenta, paucis diebus consummabilia, illa non præsumantur data cum intentione obligandi Judicem ad favorem sententiam, sicque juxta plurimos Theologos argum. L. Plebis fito. ff. de officio Præsidis, & Cap. statutum. §. Insuper. de Rescriptis in 6. licite recipiantur, ita pariter admitti possint in casu quæstionis; quamvis haud dubie securius sit, si etiam similia ante presentationem respuantur. Econtra vero, quia ob periculum universale sententia venalis absolute prohibetur Judicibus recipere munera in considerabili quantitate, L. 18. ff. de officio Præsidis, & cap. 17. §. 4. de Rescriptis in 6. quia nimirum dantes præsumuntur velle obligare Judicem ad pronuntiandum in favorem dantis; ita ob idem universale periculum inhibetur Patronis, & similibus ante presentationem &c. recipere notabilia honoraria, vel promissa de dandis; hæc enim solent homines mirabiliter excœcare, & trahere ad favorem intentum largientis. Vide Viva hic num. 6.

109. Quæres III. An, si divites Religiosis, vel pauperibus largiantur pecunias, vel alia temporalia, ut pro ipsis certas preces persolvant, censeatur talis largitio Simoniaca? Ratio dubitandi est; quia videtur sic intervenire primum motivum accipiendi pro temporali aliquod spirituale, quod juxta dicta censeatur tacite continere pactum Simoniacum. Hoc tamen non obstante Respond. talis largitio non est Simoniaca, quamvis etiam Religiosi, vel mendici sese obligarent ad persolutionem illarum precum. Ratio est; quia similis Eleemosyna non datur ex motivo primario pro ipsis precibus quasi venalibus, sed potius per modum stipendii pro sustentatione, ita, ut exinde accipientes sese sustentare, sicque illas preces persolvere queant, eo ferme modo, quo Sacerdoti celebranti aliquot Missas tribuitur taxata pecunia. Et plane, si talis largitio foret Simoniaca, deberent omnes fundationes pie anniversariorum, aut similium bonorum operum ex eadem ratione cessare Simoniacæ. Item non possent licite Religiosi sese propterea obligare ad preces persolvendas, quæ tamen doctrina prædem fuit ab Ecclesia reprobata, dum eadem inter alios Wicleffi errores etiam sequentem propositionem ordine 25. damnavit: Omnes sunt Simoniaci, qui se obligant orare pro aliis, eis in temporalibus

ratibus saluacionibus. Vide Reiffenstuel *Tract. 5. Dist. 3. num. 43. ac sequentibus.* & adhuc fusius in *Jure Canonico Lib. 5. Decretal. tit. 3. præsertim §§. V. VI. IX. & X.*

### PROPOSITIO XLVII.

110. Cum dixit Concilium Tridentinum, eos aliis peccatis communicantes mortaliter peccare, qui nisi quos digniores, & Ecclesia magis utiles ipsi iudicauerint, ad Ecclesias promouens, Concilium vel primo videtur per hoc digniores non aliud significare velle, nisi dignitatem eligendorum sumpta comparatiuo propositio: vel secundo locutione minus propria ponit digniores, ut excludat indignos, non vero dignos; vel tandem loquitur tertio, quando fit concursus.

### DECLARATIO.

Intendebat Concilium Tridentinum conceditis oculis providere de Pastoribus dignioribus, id est, Ecclesiæ, consideratis considerandis, magis proficuis; inde absque restrictione ad concursum *Seff. 24. de Reform. cap. 1.* absolute præcepit, ut non nisi digniores, & Ecclesiæ utiliores ad similia officia promouerentur, quam summe sollicitam Supremi Pastoris cum universalis Ecclesia vigilantiam nonnulli Theologi sine solido fundamento, & in non leue Ecclesiarum particularium præjudicium vel eluserunt impropiando sensum verborum, vel ad solum limitatum concursum; hinc merito reprobati a summo Pontifice. Vide Reiffenstuel *Tract. 11. Dist. 1. Quest. 4.*

### PROPOSITIONES XLVIII. & XLIX.

111. *XLVIII.* Tam clarum videtur, fornicationem secundum se nullam involvere malitiam, & solum esse malam, quia interdicta, ut contrarium animo rationi discerni videatur.

*XLIX.* Mollities jure naturæ prohibita non est; unde si Deus eam non interdixisset, sape esset bona, & aliquando obligatoria sub mortali.

### DECLARATIO.

Concedunt quidem Adversarii ultro, tam fornicationem, quam mollitiem prohiberi Jure Divino positivo, cum S. Paulus *1. Corinth. cap. 6. v. 9. & 10.* expresse dicat; *Neque fornicarii &c. neque molles, neque masculorum concubitores &c. Regnum Dei possidebunt.* Negant tamen cum Caramuele *Lib. 4. Theologia intentionalis num. 1960. & 1965.* hanc prohibitionem esse pariter juris naturalis. Ast contra est primo, quod S. Paulus æque loquatur de fornicariis, & mollibus, uti de masculorum concubitoribus, seu Sodomitis, atqui peccatum Sodomiticum est utique contra lumen naturæ, cum etiam bestiarum, alias instinctum naturæ sequentes, ordinarie abhorreant congressum intra eundem sexum: ergo. Contra est secundo, quod, sicuti lex naturalis ad propagationem generis humani intendit bonum prolis, ita e contra censeatur prohibere omnia ea, quæ sunt impeditiva hujus boni: atqui tam mollities, quam fornicatio sunt impeditivæ hujus boni: ergo. Min. probatur, & quidem de Mollitie patet per se, cum semen ad propagationem generis humani a natura ordinatum per mollitiem effundatur extra vas debitum: & licet per fornicationem propagatio prolis potius pro-

Tomus II.

moveri videatur; quæ tamen, si jure naturæ, & in lege naturali liceret indistinctim fornicatio, sicque etiam concubitus vagus, passim negligere cura vitæ, & bonæ educationis prolis; cum nullus vellet ordinarie esse Pater ejusdem; adeoque signum est, quod etiam per eandem, in supposito, quod foret licita, impediretur bonum prolis: ergo. Contra est tertio; quod mollities, & etiam fornicatio ordinarie non soleant, uti matrimonium, ex fine prolis habendæ, sed potius ex vehementia delectationis venereæ exerceri; unde contra ordinem naturæ intellectus nimium quantum absorbetur, & sensibus prorsus subjicitur, cum maximo damno, & quidem eo magis, quia Deus non solet fornicariis, & mollibus tribuere illa specialia auxilia, quæ concedit conjugatis tam ut Auctor gratiæ, quam naturæ: oportuit igitur Jure naturæ prohiberi, quod ordinarie fit contra ordinem Juris naturæ, dum potentia superior (nempe intellectus) adeo vehementer, & cum tanto damno subijcitur potentiis inferioribus, nimirum sensitivis. Contra est quarto, quod illa sit operatio intrinsece mala, sicque jure naturali prohibita, quæ ex se est principium cœcitatæ mentis, præcipationis, & aliorum pessimorum effectuum, sed talis operatio est mollities & fornicatio, utpote quæ teste D. Gregorio *Lib. 31. Moral.* producit octo filias, quæ sunt cœcitas mentis, inconsideratio, præcipitatio, inconstantia, amor sui, radium Dei, affectus præsentis sæculi, & horror, vel desperatio futuri: ergo. Vid. Reiffenstuel *Tract. 9. Dist. 4. num. 12. & num. 45.*

### PROPOSITIO L.

112. Copula cum conjugata consentiente marito non est adulterium, adeoque sufficit in Confessione dicere, se esse fornicatum.

### DECLARATIO.

Adulterium committere duplex peccatum, nimirum fornicationis, & injustitiæ, si viro invito admittat copulam cum altero, gratis concedunt ipsimet adversarii; quoniam tunc præter malitiam contra virtutem castitatis etiam lædit jus, quod habet vir in corpus uxoris suæ. Quia autem juxta Regulam 27. Juris in 6. *scienti, & consentienti non fit injuria*, putant nonnulli, peccatum injustitiæ tolli, si vir in talem Copulam cum alieno consentiat, sicque remanere solum peccatum fornicationis in Confessionali exprimendum, eo ferme modo, quo, si virgo vi, ac contra suam voluntatem fuerit violata, committitur a stupratore duplex peccatum, contra castitatem nempe, & contra justitiam; ubi tamen alterum peccatum injustitiæ cessat, si Virgo in copulam sponte consentiat. Sed contra est, quod in Sacra Scriptura indefinite ad Roman. cap. 7. malier vocetur adultera, quæ vivente Viro fuerit cum alio Viro. Unde jus Viri in corpus Uxoris ex præcepto Divino non est remissibile, ac in alium transferibile; utpote quod non tam bonum particulare conjugum, quam bonum commune status conjugalis, ac prolis recte educandæ respicit. Itaque, sicuti ob hanc rationem adhuc facit injuriam statui Clericali, qui Clericum etiam consentientem percutit, ita pariter facit injuriam statui conjugali, qui etiam cum consensu utriusque conjugis copulam cum alterius Uxore exercet. Nec est paritas inter hanc,

Q



hanc, & alteram copulam cum Virgine exercitam: etenim virgo habet jus in corpore suum transferibile in alium; alias enim nec pollet matrimonium contrahere: & quamvis ceteroquin virgo jus illud extra conjugium illicitè tradat alteri: id tamen adhuc sit valide; unde spontaneo virginis consensu in copulam tollitur injuria alias Virgini per stuprum inferenda. Vid. Reiffenstuel *Tract. 9. Dist. 4. num. 18. & num. 22.* Item *Recentissimo Tractatu de Regulis Juris in Regulam XXVII. fol. apud me 75.*

### PROPOSITIO LI.

113. *Famulus, qui submissis humeris scienter adjuvat herum suum ascendere per fenestras ad stuprandam Virginem, & multoties eidem subservit deferendo scalam, aperiendo januam, aut quid simile cooperando, non peccat mortaliter, si id faciat metu notabilis detrimenti, puta, ne a domino male tractetur, ne torvis oculis aspiciatur, ne domo expellatur.*

### DECLARATIO.

Quoad influxum in peccata aliena dantur certi quidam gradus, ita ut unus per actionem suam in eadem tantum remote, alter suo modo, & comparative loquendo propinque, ille adhuc propinquius, & demum iste omnino immediate, & intrinsece concurrere censeatur, prout totum patebit consideranti exempla inferius ponenda. Porro immediata, & intrinsece influere in peccatum nunquam licet ex quacumque causa; cum non sint facienda mala, ut eveniant bona. Quod si autem influxus non sit immediatus, propinquus tamen, quo major est propinquitas concursus, eo gravior requiritur causa ponendi similem actionem. Hinc quia Herum ascendere volentem per fenestras ad constuprandam virginem adjuvare *submitting humeros, vel deferendo scalam &c.* quia (inquam) similes actiones sunt valde propinquæ (si non omnino intrinsece concurrentes ad peccatum constuprationis) hinc non licet famulis easdem exercere ex causa, *ne torvo vultu a suis Heris aspiciantur, suo modo male tractentur, vel etiam domo expellantur*; Quoniam ordinarie tales famuli iterum alios Dominos absque gravissima difficultate pro famulatio acquirere possunt; dummodo alias se bene gerant &c. cooperante præsertim ad hoc singulariter Divina gratia, utpote cum ex amore erga Deum, ne Eundem offendant, talem famulatum dereliquerint. Hæc itaque certæ sunt; at difficultas adhuc remanet; quidnam circa hanc propositionem damnatam sentiendum sit, si famulus, negens has actiones, manifestum incurrat periculum, ne a Domino furioso occidatur, vel usque ad mortem verberetur, aut membrum amputetur. Item si domo expulsus non acquirat alium Dominum, exinde coactus subire menditatem gravissimam, mortem ipsa amariorum &c. Ad quod

114. Respondeo, non desisse Doctores, qui cum Lumbier, & Dominico Viva hic sentiunt, tales actiones neque imminentibus his gravissimis malis esse immunes a propositione damnata, & consequenter neque sic licere famulis; eo quod judicent, easdem esse intrinsece malas, atque immediate influere in constuprationem Virginis: Sicut ergo (pergunt ulterius) juxta communem ob pariformem influxum immediatum non est permittum Catholicis apud Mauros, vel Turcos captivis etiam ob

*periculum mortis* admoveere ignem tormentis bellicis ad occidendos Christianos, neque vocare concubinam expresse ad peccandum, ita pariformiter neque famulis licebunt superius allegatæ actiones; eo quod utrobique immediate, & intrinsece videantur influere in peccatum; in quam sententiam multum quoque inclinat P. Reiffenstuel *Tract. 8. Dist. 7. num. 23. & 24.* si considerate legatur. Econtra non desunt quoque alii Theologi, qui cum Castropalao valde probabiliter tenent contrarium, existimantes illas actiones famulorum non æque immediate, & intrinsece influere in ipsum peccatum; sicuti tamen immediate in illud influit immediata vocatio concubinæ ad peccandum cum Hero, vel immediata admotio ignis ad tormenta &c. &c. versus præsepentes Christianos. Etenim, quamvis etiam priores actiones famulorum multum appropinquent peccato; non tamen sunt immediate perpetrativi actus alicujus ex se peccaminosi; nam pollet Herus his ipsis famulorum actionibus uti ad subveniendum virgini, si forsan constupraretur ab alio; sicque ad operandum laudabiliter &c. Profecto ex eadem ratione juxta Suarez, Sanchez, Lessium, & alios licitum est Christianis captivis in Triremibus Maurorum, vel Turcarum ob grave periculum mortis, aut alterius mali ipsa morte acerbioris remigare contra Christianos, Sarcinas, & arma necessaria convehere, propugnacula ædificare &c. quamvis enim hic & nunc ista omnia a Mauris vel Turcis ordinentur ad delendos Christianos; ex se tamen prædictæ actiones possunt ordinari pariter ad eosdem defendendos. Atque hanc sententiam quoque Cardenas apud Kugler hic judicat esse probabilem; optat tamen, desuper esse decisionem a Sede Romana.

115. Quæres, quænam sint Regulæ compendiosæ, pro praxi, ex quibus erui queat, utrum similes actiones, ex quibus alter occasionem peccandi sumit, poni queant? Respond. apud Dominicum Viva hic prudenter poni sequentes: I. quod numquam liceat ponere actionem talem, quæ immediate, & intrinsece influat in verum peccatum alterius; sic numquam licet famulo, vel cubiculario citare concubinam expresse ad peccandum cum Hero, vel nomine ejus scribere litteras invitatorias ad peccandum, vel agere internuncium deferendo ad concubinam litteras, in quibus scit, expresse similem vocationem contineri. Ita Rebellus, Sanchez, & Viva hic. II. Si actio tua non sit de se mala; ulterius adverte, quomodo hæc, & in quo gradu propinquitatis ad peccatum alterius juxta prudens Judicium (hoc enim in similibus debet potissimum agere) concurrat; nam juxta jam dicta quo propinquior est concursus, eo gravior requiritur causa concurrenti; hinc teste Viva *loc. cit.* causa, quæ excusat locatorem a locanda domo certæ meretrici, non sufficit famulo ad aperiendum hic prostibulo obsecratum ostium, si veniat moraliter certo ad peccandum cum Hero suo: ita quæ causa sufficit famulo ad comitandum Dominum pergentem ad Amasiam, est insufficiens ad deferendam scalam, seu submitteudos humeros. III. Reflece ad quantitatem damni proprii, si hanc tuam actionem intermittas; nam quo majus est damnum proprium alias eventurum, eo citius excusatur tua actio ab influxu peccaminoso: sic conforquiter dictis juxta Castropalao, & alios periculum mortis



mortis excidat a peccato famulum deferentem scalam Hero suo &c. non item torvus ejusdem vultus. IV. Attende ad ipsam gravitatem peccati occasione tua actionis ab altero perpetrandi; quo enim majus est istud, eo major ex parte tua requiritur causa actionem tuam ponendi.

### PROPOSITIO LI.

116. *Præceptum servandi festa non obligat sub mortali, seposito scandalo, si absit contemptus.*

### DECLARATIO.

Quod possit Ecclesia similia præcipere sub mortali, in secundo capite contra A catholicos diversis in locis ostensum jam fuit; quod autem actus sic intenderit præcipere, vel ex eo patet; quia illi A catholici non ita murmurarent quoad similia contra Summum Pontificem: Et plane communis sensus est fidelium, quinque præcepta Ecclesie obligare etiam in conscientia, & quidem sub gravi in materia notabili. Hinc denovo mirandam, quod Theologi quidam Catholici, postquam intellexerint quoad jejunium Ecclesiasticum similem doctrinam ab Alexandro VII. propositione ordine 29. præcedenter jam fuisse damnatam, nihilominus eandem quoad observationem Festorum resuscitare præsumperint. Nescio sane, qualem similes intrusiones erga Sedem Apostolicam habeant submissam. Vid. Reiffenstuel *Tract. 10. Dist. 1. num. 340.*

### PROPOSITIO LII.

117. *Satisfacit præcepta Ecclesie de audiendo sacro, qui duas ejus partes, una quatuor simul a diversis celebrationibus audit.*

### DECLARATIO.

Citantur a Diana *Part. 2. Tract. 17. Resolut. 18. & Part. 10. Tract. 15. Resolut. 3.* quamplures Auctores pro hac sententia; quod plasm autem eadem hunc expresse a Summo Pontifice damnata fuit, exinde nobis clare constat de mente ejusdem, nimirum, quod, dum nobis præcipit diebus festis auditum nem Missæ, nolit, ut plures partes Sacerdotum simul celebrantium ad invicem combinentur. Ratio a priori esse potest; quia Missa combinatur ex partibus successivis; ergo non consistat per unionem moralem aliqua Missa ex partibus simul exstantibus. Sicut enim ex hac ipsa ratione non censeretur unicum Missæ Sacrificium fieri; si duo Sacerdotes simul & semel celebrarent, & quidem unus ab introitu usque ad consecrationem calicis; alter vero immediate a consecratione calicis usque ad finem simul & semel cum priori inciperet; ita ob paritatem rationis non censeretur una Missa audiri, si partes hujus Entis successivi simul & semel existentes combinarentur. Vid. Reiffenstuel *Tract. 10. Dist. 1. num. 40. & 41.*

### PROPOSITIO LIV.

118. *Qui non potest recitare Matutinum, & Laudes, potest autem reliquas Horas, ad nihil teneri, quia major pars trahit ad se minorem.*

### DECLARATIO.

Equidem sententia, quæ impotentem recitare Matutinum, & Laudes adhuc obligabat ad Horas minores, fuit jam ante Thesin hanc confixam inter Doctores communior; non tamen defuerunt, qui

contrarium tenuerunt, eo quod major pars trahat ad se minorem. *Cap. 1. de iis, quæ sunt a majori parte &c.* Contra tamen est; quod Officium Divinum unius diei consistat ex talibus Horis, quarum singulæ continent integram aliquam orationem, ita, ut etiam seorsum, seu ab invicem separatim recitari possint: sicut ergo aliquis debitor in materia justitiæ non potens solvere centum, obligatur adhuc solvere decem, si potens sit, ita etiam in materia Religionis, qui nequit solvere pensum Canonicum quoad Matutinum & Laudes, obligatur tamen adhuc, si potest, quoad Horas minores, nam in similibus ab invicem etiam moraliter separabilibus procedit illud axioma commune; *Qui non potest solvere totum, tenetur solvere partem, quod potest.*

119. Unde illa Regula: *Majore pars trahit ad se minorem*, desumpta ex *cap. 1. de iis, quæ sunt a majori parte &c.* procedit quidem in ferendis iustitiis; ubi regulatur loquendo v.g. in Electionibus proceditur secundum majoritatem votantium; non tamen in aliis ab invicem divisibilibus, & unum morale totum in se ipsis condicere valentibus. Sic qui vocat Deo vacat, & si vitulum daret, supposito, quod Vacca interim interierit, obligatur adhuc offerre vitulum; & qui quatuor septimanis Quadragesimæ ex legitima causa nequit jejunare; tenetur adhuc cessante hac causa legitima ad jejunium ultimis diebus hebdomadibus; nam quamvis jejunium quadragesimale v.g. sit unum integrum morale, consistit tamen illud ex talibus partibus ab invicem separabilibus, quæ ipsæmet in se ipsis iterum possunt constituere aliquod totum.

120. Dices: Qui non potest integro die jejunare, ex communi Doctorum non obligatur jejunare usque ad prandium, quamvis comode posset. Item, qui non potest totam Missam audire, neque tenetur audire partem minorem Missæ; Similiter, qui non potest recitare majorem partem unius Horæ Canonice, neque obligatur ad minorem ejusdem Horæ; ergo etiam a pari, qui nequit recitare Matutinum & Laudes, tanquam majorem partem Officii Divini, neque adstringitur ad minorem, quoniam *major pars trahit ad se minorem.* Respondéo, jam superiori numero fuisse notatum, quod aliud sit unum integrum morale habens partes ab invicem moraliter separabiles, &c. & aliud unum totum moraliter indivisum, seu non habens tales partes juxta moralem prudentum æstimationem ab invicem separabiles. In secunda classe comprehenduntur tam jejunium ejusdem diei, quam partes unius Horæ Canonice; ubi consequenter multi Auctores non improbabiler admittunt, procedere allegatam Regulam de parte majori ad se trahente minorem. Totum autem Officium Divinum in ordine ad partiales Horas Canonice reponitur in prima classe. Quoad Missam sciendum, quod ibidem principale, imo essentialiale sit consecratio Corporis & Sanguinis Christi, & saltem integrale ipsa sumptio; hinc puto cum Sanchez & Viva, eum, qui potest iis assistere, teneri, quamvis a reliquis cogatur abesse.

121. Quæres: An sententia illa, quæ tenet, excusatum quoad Matutinum & Laudes excusari quoque quoad alias Horas, sit etiam damnata quoad

agrotos? ad hoc Quæsitum in hanc ipsam propositionem num. I. Dominicus Viva respondet in formalibus: *Sententia illa Suarii Tom. 2. de Relig. Lib. 4. cap. 28. num. 27. Sanchez, Palai, Lessi, quod nimirum egrotus certo impotens majorem partem Officii recitare simpliciter deobligetur, ne redigatur ad angustias perplexitatis, non videtur carere solida probabilitate, præsertim quia firmata est consuetudine, quæ vim habet tacite dispensationis.* Ego tamen in similibus suaderem pro majori securitate petitionem dispensationis a Superiore, vel Confessario; nec debent hi in illa danda multum esse scrupulosi, præsertim si advertant periculum perplexitatis, alias ex parte ægroti eventura.

### PROPOSITIO LV.

122. *Præcepto communionis annuæ satisfieri per sacrificium Divini manducationem.*

### DECLARATIO.

Substantiæ præcepti Ecclesiastici posse satisfieri aliquoties peractus, ad quos intervenit etiam grave peccatum, exemplis patet: sic enim luxuriosus satisfaciæ præcepto audiendi Missam, quamvis sub ea impura foreat desideria erga præsentem amantiam, quæ ipsum non parum ad hæc traxit Ecclesiam: item avarus satisfaciæ præcepto jejunii Quadragesimalis, etsi eundem propria quoque ad id incitet avaritia, quatenus exinde detrahendo suis quoque secundam refectioem, plures concosvet pecunias &c. Pari modo ante damnationem hujus propositionis intulerant multi, per graviter peccaminosam manducationem Corporis Domini satisfieri præcepto Ecclesiastico annuæ Communionis, quoniam adhuc valide suscipitur Corpus Christi. Sed contra est, quod Ecclesia Can. omnis utriusque sexus de Pœnitentiæ & remiss. præcipiat, ut non solum valide, sed etiam N.R. reverenter ad minus in Paschate suscipiatur Eucharistiæ Sacramentum: atqui reverenter non suscipit, qui illud sumit sacrilege; cum hæc sacrilega susceptio numeretur inter maximas irreverentias Deo exhibitas; ergo. Vide Reiffenstuel *Tract. 10. Dist. 3. num. 28. & 29.*

### PROPOSITIO LVL

123. *Frequens Confessio, & Communio etiam in his, qui gentiliter vivunt, est nota Prædestinationis.*

### DECLARATIO.

Judas apostata per suam indignam Eucharistiæ susceptionem certe non censetur habuisse notam prædestinationis; imo potius post buccellam panis intravit in eum satanas, quomodo ergo in his, qui gentiliter vivunt, frequens Communio potest esse nota prædestinationis? cum SS. PP. etiam tepidorum frequentem Communionem improbent? Audiatur desuper Decretum Innocentii XI. circa quotidianam Communionem sequentis tenoris:

### INNOCENTIUS XI.

124. „Cum ad aures Sanctissimi Domini nostri „fide dignorum testimonio pervenerit, in quibus- „dam Diœcesibus vigere usum quotidianæ Com- „munionis, etiam in feria sexta Pasceve, & simul „affirmari eandem quotidianam communionem „præceptam esse a Jure Divino, quin etiam in „illius administratione aliquos abusus inolevisse,

videlicet quod aliqui, non in Ecclesia, sed in „privatis Oratoriis & domi, imo cubantes in lecto, „& non laborantes ulla gravis infirmitatis nota „sumant Sacrosanctam Eucharistiam, quam argen- „tea Theca inclulam, in crumena, aut secreto „illis deferunt Sacerdotes Seculares, aut Regula- „res, alique in Communionem accipientes plures „formas, ac particulas, vel grandiores solito, ac „eandem quis consecratur peccata venialia simplici „Sacerdoti, non approbato ab Episcopo, aut „Ordinario. Cum autem hæc Sanctissimus confi- „deranda commiserit Sacre Congregationi Cardi- „nali, Concilio Tridentino interpretum, eadem „Sacra Congregatio prævia matura discussione „super prædictis unanimi sententia ita censuit; schi- „frequens, quotidianus Sacrosanctæ Eucharis- „tiæ usus a SS. Patribus fuerit semper in Ecclesia „probatus; nunquam tamen nec sæpius illam „percipiendi, aut ab ea abstinendi, certos singulis „mensibus, aut hebdomadis dies statuerunt, quod „nec Concil. Trident. præscripsit, sed quasi hu- „manam infirmitatem legum requireret, nihil præ- „cipiens, quid cuperet, tantum indicavit, cum „inquit: Optaret quidem Sacrosancta Synodus „ut singulis Missis fideles eductantes Sacramentali „Eucharistiæ perceptione communicarent. Illique „non immemores, multiplices enim sunt conscien- „tiarum recessus, variæ ob negotia spiritus aliena- „tiones, multa contra gratiæ, & Dei dona par- „vulis concessa: quæ cum humanis oculis scrutari „non possimus, nihil certe de eorumque dignitate, „atque integritate, & consequenter de frequen- „tiori, aut quotidiano vitalis panis esu potest con- „stitui. Et propterea quod ad negotiatores ipsos „attinet, frequens ad famam Alimoniam percipi- „endam accessus, Confessoriorum secreta cordis „explosantium iudicio est relinquendus, qui ex „conscientiarum puritate, & frequentæ fructu, „& ad pietatem processu Laicis negotiatoribus, & „conjugatis, quod prospicient eorum Saluti pro- „futurum, id illis præscribere debebunt. In con- „jugatis autem hoc amplius advertent, cum B. Apo- „stolus nolit eosdem invicem fraudari, nisi forte „ex consensu ad tempus, ut yacent orationi, eos „serio admoneant, tanto magis ob sacratissimæ „Eucharistiæ reverentiam continentiarum vacandum, „puriorique mente ad celestium Epularum Com- „munionem esse conveniendum. In hoc igitur „Pastorum diligentia potissimum invigilabit, non „ut a frequenti, aut quotidiana Sacre Communionis „sumptione unica præcepti formula aliqui de- „terreantur, aut sumendi dies generaliter instituan- „tur, sed magis, quid singulis permittendum per- „se, aut Parochos, seu Confessarios sibi decernen- „dum putet; illudque omnino provideat, ut nemo „a Sacro convivio seu frequenter, seu quotidie „acceserit, repellatur, & nihilominus det operam, „ut unusquisque digne præ devotionis, & præpa- „rationis modo rariis aut crebrius Dominici Cor- „poris suavitate degustet. Item Moniales quo- „tidie sacram Communionem petentes admonen- „dæ erunt, ut in diebus ex earum Ordinis insti- „tuto præstitutis communicent. Si quæ vero pu- „ritate mentis emiteant, & fervore spiritus ita in- „caluerint, ut dignæ frequentiori, aut quotidiana „a SS. Sacramenti perceptione videri possint, id illis „a Sô-

Superioribus permittatur. Proderit etiam præter Parochorum, & Confessariorum diligentiam, opera quoque Concionatorum uti, & cum eis constitutum haberi, ut, cum fideles ad SS. Sacramenti frequentiam (quod facere debent) accenderint, statim de magna ad illud sumendum præparatione ordinationem habeant, generatimque ostendant, eos, qui ad frequentiore, aut quotidianam salutiferi Cibi sumptionem devoto studio excitantur, debere, sive Laici negotiatores sint, sive conjugati, sive quicumque alii, suam agnoscere infirmitatem, ut dignitate Sacramenti, ac Divini Judicii formidine discant celestem mensam, in qua Christus est, revereri; & si quando se minus paratos sentiant, ab ea abstinere, seque ad majorem præparationem accingere. Episcopi autem, in quorum Diocæbus viget hujusmodi devotio erga SS. Sacramentum, pro illa gratias Deo agant, eamque ipsi adhibito prudentiæ, & Judicii temperamento alere debeant, & ab eorum officio postulari sibi maxime persuadebunt, nulli labori, aut diligentia parcendum, ut omnis irreverentia, & scandali suspicio in veri, & immaculati Agni perceptio tollatur, virtutesque, ac dona in Summentibus augeantur; quod abunde contingeret, si, qui devoto hujusmodi studio, Divina præstante gratia, tenentur, seque Sacratissimo Pane frequentius refici cupiunt, suas vires expendere, seque probare cum timore, & charitate assueverint: Quibus Christum Dominum, qui se fidelibus manducandum, & se pertium, in morte tradidit, atque in celesti Regno se premium est daturus, precatur sacra Congregatio, ut suam opem ad dignam præparationem, & sumptionem largitur. Porro Episcopi, & Parochi, seu Confessarii redarguant asserentes, Communionem quotidianam esse de Jure Divino, doceant in Ecclesia, seu Oratorii privatis ex dispensatione, seu Privilegio Pontificis de manu Sacerdotis sumendam SS. Eucharistiam, nec eam ullo modo deferendam in crumena, aut secreto ad existentes domi; vel cubantes in Lecto; quam ad infirmos, qui ad illam suscipiendam ad loca prædicta accedere non valeant, & ad eos, si ab Ecclesia deferatur, publice & cum Pompa juxta formam Ritualis Romani: Si vero ab oratorio privilegiato, cum forma decepti. Curent etiam, ut circa Communionem, in feria 6. Parasceve, Missalis Rubricæ, & Ecclesiæ Romanæ usus serventur. Insuper admoneat, nulli tradendas plures Eucharistiæ formas, seu particulas, neque grandiores, sed consuetas. Non permittant, ut venialium confessio fiat simplicij Sacerdoti, non approbato ab Episcopo, aut Ordinario. Si Parochi, & Confessarii etiam Regulares, aut quicumque alii Sacerdotes secus egerint, sciant Deo Optimo Maximo rationem reddituros esse, neque defuturam Episcoporum, & Ordinariorum justam, ac rigorosam animadversionem in contrascentes, etiam Regulares, etiam Societatis Jesu, facultate ipsi Episcopis, & Ordinariis per hoc Decretum per Sedem Apostolicam specialiter attributa.

Et facta de præmissis omnibus, ac de verbo ad verbum relatione Sanctitas sua approbavit, ac

præsens Decretum Typis dari, ac publicari, & voluit. In quorum &c. Datum Romæ 12. Febr. 1679.

## PROPOSITIO LVII.

125. Probabile est, sufficere attritionem naturalem modo honestam.

## DECLARATIO.

Juxta Concilium Tridentinum sess. 14. de Sacramento Pœnitentiæ cap. 4. attritio, quæ ad Dei gratiam in Sacramento Pœnitentiæ disponit, est donum Dei, & Spiritus Sancti impulsus: consequenter non sufficit attritio pure naturalis, utpote puris naturæ viribus elicitæ. E. g. si quis dolet de peccato ob infamiam, aut ob pœnas temporales a Potestate politica inferendas, talis attritio esset pure naturalis, quam etiam habere posset purus Philosophus naturalis; sicque non foret sufficiens; utpote ex toto improporcionata formæ introducendæ supernaturali, id est gratiæ justificatiæ, seu Sanctificanti. Eodem modo dicendum foret, si quis dolet de turpitudine peccati, quatenus hæc turpitudinis importat disconvenientiam cum natura rationali: scilicet, eus dicendum, si similia referantur ad Deum. NB. offensum, ac Vindictam hujus offensionis lumine fidei supernaturaliter cognitum &c. Vide Reiffenstuel Tract. 14. Dist. 6. num. 42. & Dominicum Viva hic.

## PROPOSITIO LVIII.

126. Non tenetur Confessario interroganti sacerdos peccati alicujus consuetudinem.

## DECLARATIO.

Confessarius Judex simul est, & Medicus, quæ Judex debet præsens vi sui officii non solum discernere inter speciem & numerum gravium peccatorum; verum etiam attendere, utrum Pœnitens suus habeat reliqua necessario requisita ad valorem Sacramenti Pœnitentiæ, inter quæ haud dubie computantur verus dolor, & serium propositum Vitam suam emendandi. Quæ Medicus similiter vi officii sui obligatur invigilare in futurum spiritualiter, ac in anima ægrotis, præscribendo salubria remedia præservativa, ne deinceps tam cito in priora relabantur peccata. Hinc si Confessarius pœnitentem interrogat de consuetudine alicujus peccati, non debet interrogatus suo fidere judicio proprio, sic e. g. scilicet discurrendo: Ego confessus sum omnia mea gravia peccata quoad speciem, & numerum, una cum vero dolore, & sermo proposito: hinc male adhuc insuper me interrogat Confessarius de consuetudine, cui non teneor respondere. Absit similis discursus, quem amor proprius suggestit; nam talis interrogatus debet præsumere, quod Confessarius ex circumstantiis prudenter dubitet, vel de efficacia doloris, vel de serio proposito, vel sibi persuadeat relapsum certo iterum subsequiturum, nisi aliqua præscribantur præservativa, & consequenter tenetur Confessario ad mentem suam respondere, eo quod Ille tam quæ Judex quam quæ Medicus juste interroget vi sui officii, sicque habeat jus interrogandi. Idem a fortiori est sentiendum de eo, qui non solum est consuetudinarius, verum etiam in occasione proxima constitutus, si



de eadem a Confessario interrogetur. Vid. Reiffenstuel. *Tratt. 14. Dist. 7. nam. 53.*

127. Quæres: An possint dari casus, in quibus poenitens etiam non interrogatus teneatur in Confessione dicere, quod sit consuetudinarius? Respond. Possent similes casus omnino contingere; maxime, si ex una parte poenitens non exhibuerit media deponendi hanc consuetudinem; ex altera vero Confessarius iudicaret, peccata poenitentis potius esse materialia, quam formalia, nisi addatur consuetudo. Ita sub his terminis communis Ratio est; quia alias graviter deciperetur Confessarius, credens poenitentem tantum materialiter, non formaliter, vel tantum venialiter, non mortaliter deliquisse. Casus pro majori claritate potest esse sequens: Titius solet ex precipitantia, & indeliberatione, vel tantummodo semideliberate intra diem decies, vel ultra blasphemare, nulla tamen adhibens remedia, hanc consuetudinem extirpandi. Exinde Titius non sufficienter se accusaret in Confessione dicendo; *Ego ab ultima Confessione ante mensem peracta, quolibet die circiter decies blasphemavi, indeliberate tamen vel semideliberate, sed deberet insuper, quamvis a Confessario non interrogatus, addere: nec sum conatus per aliqua salubria remedia hanc blasphemandi consuetudinem deponere, quamvis meam cognoverim obligationem: supposito nimirum, quod eandem sciverit.* Ratio est; quia exinde propter consuetudinem in his circumstantiis omnes blasphemiae fiunt, indirecte voluntariae, sicque graviter peccaminosae, quod nesciret Confessarius, si circumstantia consuetudinis non adderetur. Cæteroquin generaliter loquendo in illa sententia, quæ cum Reiffenstuel tenet, circumstantias mere aggravantes non esse necessario in Confessione detegendas, omnino defendi potest, non esse obligationem manifestandi Confessario consuetudinem, per se loquendo, nisi poenitens a Confessario interrogetur; cum illa præter ipsum numerum peccatorum nil addat, quam circumstantiam aggravantem, dummodo cæteroquin habeatur efficax dolor cum serio Propósito.

### PROPOSITIO LIX.

128. *Licet Sacramentaliter absolvere dimidiata tantum confessos ratione magni concursus poenitentium, qualis v. g. potest contingere in die magna alicujus festivitatis, aut indulgentie.*

### DECLARATIO.

Impotentiam physicam, vel moralem excusare ab integritate materiali Confessionis, communis est Theologorum sententia, ita quidem, ut licite pro hic & nunc ea peccata etiam gravia, respectu quorum talis impotentia intercedit, possint intermitteri, & nihilominus dari Absolutio Sacramentalis, e. g. si ex Confessione alicujus peccati merito timeatur grave damnum vel proprium, vel alienum, sive corporale, sive spirituale, illud licite reticetur, atque non obstante hac dimidiata Confessione licite datur Absolutio Sacramentalis; quoniam in simili casu censetur adhuc adesse impotentia moralis similia confitendi peccata, prout plura talia exempla adducit Sporer *Part. 3. Theolog. Sacrament. cap. 3. Quæst. 6. §. 2. & duobus sequentibus.* Ex hoc, quia nimirum grave damnum

alias incurrendam importat impotentiam moralem nonnulli intulerunt, quod in magno confluxu popularitæat dimidiare Confessionem, & nihilominus accipere Absolutionem Sacramentalem; nam cum in simili concursu, præsertim si simul famosa sint Indulgentiæ, plerumque accedere soleant varii quoque graves peccatores, diffusi Confessionem protrahentes, deberent vel hi, vel alii adstantes plures absque Absolutione, & sic absque lustratione Indulgentiarum discedere; si in simili casu licitum non foret Confessionem dimidiare: quod utique reputatur magnum damnum, nimirum thesauro isto Indulgentiarum, & simul gratiæ Sacramentali, alias per absolutionem obtinenda, privari. Sicque consequenter intercedit impotentia moralis respectu Confessionis materialiter integræ ita ante propositionem damnum discurrebam nonnulli, censuque Gobath apud La Croix *Lib. 6. part. 2. nam. 1149.* eorum sententiam probabilem: 129. Sed contra est primo, quod saltem si ipsam Concursum Poenitentium in aliqua festivitate constituere, (uti voluit Thesis confixa) aliquam impotentiam moralem; cum sæpius tam hi graves peccatores, quam illi adstantes, licet cum aliquali longiori expectatione vel ab hoc, vel sub aliis Confessariis adhuc expediri queant, præsertim si Confessarius prudenter rem aggrediatur, & superflua intermittere interrogatoria. Et posito etiam, quod nonnulli ex Poenitentibus absque Absolutione domum redire deberent, hæc necdum foret causa dimidiandi Confessionem ob sequelas infra videndas. Contra est secundo; dato etiam, quod aliquis gravissimus Peccator deberet absque Absolutione discedere, talis non tam grave damnum incurreret, quam carentiam potius magnæ gratiæ alias acquirendæ, deberetque sibi imputare, quod hanc sarcinam peccatorum vel non præcedente die, vel adhuc antea depulerit: poteritque id præstare alio commodiori tempore. Quod si supponas, interea, si absque Absolutione dimittantur, intervenire simul periculum proximum mortis, aut alterius valde gravis mali, vel adesse in bello imminuentem jam cum hoste conflictum &c. &c. haud dubie poterit dimidiari Confessio, & nihilominus dari absolutio; cum vera, uti suppono, intercedat impotentia moralis, in qua sufficit Confessio materialiter integræ. Quæstio autem hic solummodo agitur, an præcisè propter confluxum populi possint dimidiari Confessiones? Contra est tertio, quod, si præcisè propter concursum posset absolutio dari dimidiata confessis, aperiretur ostium pluribus laxitatibus, & inconvenientiis, e. g. tempore magnæ festivitatis posset in pagis Pastoribus, vel aliis Confessariis, Officium Divinum vel Concionem peragere adstrictis, dimidiatas ferme semper audire Confessiones, cum ordinariæ prævideat, multos alios sine absolutione discessuros. Idem poterit contingere ultimo die Paschæ, ubi non raro solent intervenire graves peccatores toto anno non confitentes. Item gravissimi peccatores ferme semper evenirent cum dimidiata Confessione, qui non solent nisi in his magnis festivitatibus, indulgentiis, vel peregrinationibus &c. suam deponere Confessionem. Et quomodo taliter Confessarius quæ Medicus posset cognoscere statum sic spiritualiter ægroti, ac congruam præscribere



scribere Medicinam? Vide Reiffenstuel *Tract. 14. Dist. 7. Num. 7. & seqq.*

130. Quæres; An, si in magno confluxu inter alios Pœnitentes accedat aliquis jam plurimis annis, vel omnino non, vel semper sacrilege confessus, qui creditur non rediturus, nisi modo absolvatur, exinde possit a Confessario cum dimidiata Confessione absolvi? Ad hoc dubium respondet Lumbier etiam post propositionem damnatam affirmative apud Cardenas in 2. *Crisi D. 38. num. 14.* Econtra vero ipse Cardenas *loc. cit. num. 16.* negative, eo quod talis posset redire, si vellet; quod autem ex malitia non sit rediturus, non facit necessitatem physicam, vel moralem absolventi dimidiata confessionem. Ego vero, si viderem apud talem peccatorem cor contritum, ac humiliatum, eundem non dimitterem sine Absolutione Sacramentali, si bona fide accessisset credens, se tantummodo obligatum detegendi peccata ex erubescencia intermissa; non autem alia in Confessionibus sacrilegis jam detecta. Nec forem anxius circa nimis exactam enumerationem specierum, & numeri forsan non sine magna pœnitentis perturbatione nova exquirendam: adderem tamen, ut pro majori quiete conscientie sue alio tempore magis commodo adhuc exactius se examinet, & vel mihi, vel alteri peccata gravia necdum directe remissa, quæ de facto memorie non occurrunt, de novo confiteatur; quoniam probabilissime ex oblivione in talibus circumstantiis plura emanabunt. Et fortassis in similibus circumstantiis nec Cardenas foret contrarius, videturque cum Lumbier sentire Dominicus Viva *hic. num.*

#### PROPOSITIO. LX.

131. Pœnitenti habent iconfuetudinem peccandi contra Legem Dei, naturam, aut Ecclesiam, etsi emendationis nulla spes appareat, nec est neganda, nec differenda absolutio, dummodo ore proferat, se dolere, & proponere emendationem.

#### DECLARATIO.

In hoc sacro Tribunali juxta communem Theologorum pœnitens dicitur accusator simul, reus, & testis; unde, quia Judex allegatis a reo in sui favorem testibus fidem habere debet, exinde Joannes Sancius apud Ariaga *Disp. 38. de Pœnit. n. 29.* intulit, quod a fortiori Confessarius Pœnitenti habenti consuetudinem peccandi debeat credere; nimirum quod *vere doleat, & serium habeat propositum* emendandi vitam suam, si Ille ita offerat, seu ore proferat: etenim juxta S. Thomam *Quod. lib. 1. art. 12.* in foro Pœnitentie creditur homini pro se, & contra se. Supposito ergo, quod Confessarius Pœnitenti teneatur sic credere, pariter obligatur eundem absolvere; cum omnis sufficienter dispositus jus habeat ad absolutionem. Ita in substantia Joannes Sancius. Sed *contra est*, quod, etsi in hoc sacro Tribunali Judex seu Confessarius Reo loquenti pro se ipso, & agenti testem in causa propria, teneatur credere, si non adsint aliqua signa, quæ in hac materia, valorem actus concernente, prudenter dubium reddunt Confessarium, utrum pœnitens nimirum habeat omnia ad valorem absolutionis requisita, nec ne? focus

tamen dicendum, si talia signa ex una parte adsint, ex altera vero prudenter judicetur, per suspensionem absolutionis ad tempus magis solidari firmitatem propositi, deque eodem magis certificari Confessarium ex subsequentibus effectibus. Accedit, quod Confessarius juxta Theologos non solum sit *Judex*, verum etiam *Medicus*, cujus officium est curare vulnera presentia, & impedire futura, id est, non solum invigilare, ut efficax habeatur detestatio peccatorum de presenti, sed ut quoque in executione sequatur emendatio actualis in futurum, prout pariter juxta Concil. Trident. *Sess. 14. de Pœnitent. cap. 8.* in hunc ipsum finem injungitur satisfactio: nimirum *ad castigationem præteritorum, & simul ad novam vitam custodiam, & infirmitatis medicamentum.* Vide Reiffenstuel *Tract. 14. Dist. 8. n. 48. & seqq.*

132. Cæterum, ne aliqui Juvenes Confessarii, non recte dicta intelligentes, in errorem deducantur, passim consuetudinarios, etiam illos, qui non habent conjunctam simul aliquam occasionem proximam extrinsecam, absque absolutione dimittentes, antequam aliquoties tentarint per præscripta remedia, utrum forsan non subsit spes emendationis: ne (inquam) similes in errorem deducantur, sequens Doctrina aliquantulum fusius proponitur bene notanda: nimirum, quod efficacia doloris, vel propositi neutiquam consistat in aliquo judicio de futura ipsius propositi continuatione, sed potius in seria voluntate actuali existente de presenti, tempore nimirum confessionis; unde juxta communem Theologorum potest stare firmitas propositi cum credulitate relapsus, id est, e. g. Petrus de presenti potest habere in confessionalis voluntatem non peccandi graviter ita firmam, ut, si hic & nunc præfens foret prior tentatio, vel occasio, persistente adhuc hac voluntate per Divinam gratiam non peccaret graviter; quamvis cæteroquin tamquam incertus, quamdiu in futurum hæc præfens voluntas efficax sit duratura, relapsum timere possit: Et licet in simili casu, ne fiat pusillanimis in resistendo tentationibus, vel omnino desperet, sit erigendus a Confessario in spem firmam adjutorii Divini, dummodo etiam sua addere velit; hoc tamen non obstante, si pœnitens respondeat, se habere quidem nunc firmam voluntatem assumendi remedia; considerata tamen sua fragilitate ex jam expertis adhuc non posse ex integro hunc suum repellere timorem, exinde præfatus timor de futuro non excludet firmitatem propositi de presenti. Quod si ergo timor, vel credulitas de relapsu non impedit firmitatem propositi, si se teneat ex parte pœnitentis, multo minus impedire censetur, si se teneat hic timor, aut credulitas de opposito ex parte Confessarii; & consequenter præcisè per hoc, quod timeat Confessarius relapsum sui pœnitentis, non debet ipsi propterea illico denegare absolutionem, dummodo habeat peccator serium propositum in presenti; ubi propositio damnata voluit, juxta jam dicta, semper id a Confessario præsumi debere, quotiescumque pœnitens sic dicit: quæ tamen opinio fuit reprobata in iis circumstantiis, in quibus Confessarius ex aliis gravibus rationibus sive omnino credit contrarium etiam quoad efficaciam propositi de præsen-

præsenti, aut saltem prudenter dubitat, utrum dicta pœnitentis in re ipsa ita subsistant, uti ait, vel potius amor proprius, & excœcatum exinde Pœnitentis iudicium taliter suggesserint? Quibus stantibus tum *qua Judex*, ut ex ipsis effectibus se magis certificet de firmitate propositi præsenti, tum *qua Medicus*, ut præcaveat ipsis actualibus peccatis pro futuro, poterit ad tempus suspendere absolutionem, si spes sit futuræ emendationis, nec interea immineat periculum mortis.

133. Quæres I. Quænam sint illa signa, ob quæ Confessarius vel aucto Consuetudinario non credere, vel saltem prudenter de efficaci dolore, & serio proposito ejusdem dubitare, sicque Absolutionem ad tempus suspendere possit, quamvis ille ore proferat, se habere verum dolorem cum serio proposito? Respondeo, maxima hic opus esse Confessariis circumspeditione, ne in nimium rigorem, vel in excessivam laxitatem declinent: in *rigorem* quidem, dum nimium sunt, proni ad suspensionem absolutionis, sicque multos gratia Sacramentali, vel remissione pœnarum in indulgentiis alias obtinenda injuste privant, qui coram oculis Divinæ Majestatis fuissent absolutionis omnino capaces. In *laxitatem* vero, dum omnes indiscriminatim absolvunt, dummodo ore proferant, *se firmum habere propositum*; ubi, si subinde saltem apud aliquos suspendissent ad breve tempus absolutionem, mirum fructum emendationis actualis reportassent. Quare sequentes regulæ singulariter præ oculis sunt habendæ. I. Frequens relapsus non semper est signum inefficacis doloris, aut propositi, alias enim vix! habentibus ordinarie sola peccata venialia, in quæ sæpe post Confessionem relabuntur: verum quidem est, quod frequens relapsus semper sit signum inconstantis, & mutabilis voluntatis; non tamen semper inefficacis doloris vel propositi antecedentis. Vide de hoc La Croix *Lib. 6. part. 2. Num. 1731.* ubi etiam explicat nonnullos SS. PP. qui apparenter videntur contrarii. II. Tunc frequens relapsus est signum valde probabile inefficacis doloris & propositi, quando ab experientia habetur, quod talis consuetudinarius in re tam ardua vix ullam habeat curam præscripta exequendi remedia; hincque sæpe iisdem specie, & numero peccatis, quin etiam multiplicatis redeat. Nonnulli Practici apud Sporer *Part. 3. Theol. Sacrament. cap. 2. num. 332.* cum eadem specie, & cum eodem, imo majori numero ter, vel quater absque ullo conatu emendationis redeunt ad tempus absque aliqua Sacramentali absolutione, nisi in ultima Confessione specialia, qualia antea numquam ostenderunt, exhibuerint doloris &c. indicia: Pater Sporer autem *loc. cit.* id non practicavit, nisi post sex, vel octo Confessiones sine ulla emendatione peractas. III. Signa pro spe securæ emendationis enumerantur inter alia a Claudio La Croix *loc. cit. num. 1821.* sequentia: si Pœnitens a Confessione facta rarius, vel difficilius peccarit: si sæpius sibi vim fecerit contritionem, si adhibuerit remedia præscripta contra relapsum, si ex professio ad Confessarium accesserit: quem putat suggesturum efficaciora remedia: si offerat se sincere ad priora remedia serius, ac studiosius adhibenda &c. IV. Semper mitius agendum cum peccatore relapso propter habitus malos ante contractos,

quos statim nequit deponere, quam cum alio habente occasionem proximam extrinsecam.

134. Quæres II. Quid agendum sit Confessario cum consuetudinariis in periculo mortis constitutis, vel alias, nisi absolvantur, in barathrum desperationis sese præcipitantibus, eundo de vicio in vitium, ut vel sic abyssus abyssum invocet? Respond. I. Si talis pœnitens sit constitutus in periculo mortis, tunc si ex gravibus rationibus Confessarius prudenter dubitat de efficacia doloris, vel de firmitate propositi in præsenti, debet ipsum absolvere conditionate; quia dubitaretur de aliquo respiciente valorem actus, & cæteroquin in simili casu ob periculum mortis suspensio Absolutionis summum posset pœnitenti asserere damnum. Respond. II. Si talis consuetudinarius necdum mortis proximus ex specialibus gravibus circumstantiis prudenter timeatur ex denegata absolutione deterior futurus; tunc vel Confessarius dubitat de ipsa firmitate, & efficacia propositi præsenti, vel præcisè de continuatione propositi in futurum. Si primum, meo iudicio recte aget talis Confessarius, si eundem conditionate absolvat; quia utique melius est, eundem conditionate, & sic absque periculo irreverentiæ, exhibendæ Sacramento, absolvere, quam per denegatam absolutionem in barathrum desperationis cum multiplicatione peccatorum præcipitare. Si vero Confessarius præcisè dubitet de continuatione propositi in futurum; tunc iterum imprudenter huic denegaret absolutionem: Nam quatenus est Judex, potius respicere debet ad propositum præsens, quod si videret absolute validum, absolute in præsenti casu absolvat; si dubium: conditionate. Econtra vero qua Medicus imprudenter adhiberet pro præservativo remedium illud, quod prævidet, hic & nunc potius obesse, quam profuturum.

135. Quæres III. Quid sentiendum sit de consuetudinariis illis, qui quidem ordinarie ad Confessionale mera afferunt peccata venialia, in quæ tamen frequenter iterum relabuntur? Respond. I. Si hi fuerint homines tepidi, qui, dummodo non relabuntur in aperte mortalia, cæteroquin de venialibus vitandis nullam curam habent, soliti sæpe potius propter hanc vel illam festivitatem, quam ex fine emendandi vitam confiteri, circa tales consuetudinarios Confessarii justam habent causam timendi de inefficacia doloris, ac propositi, quamvis intelligenda juxta formulam jam assuetam sua culpa similes pœnitentes ore proferant, se dolere de peccatis suis cum firmo proposito; ita ut facile contingere possit, quod tales consuetudinarii cum venialibus confessionale intrent, & cum mortali Sacrilegio exeant. Ratio est, quia ad valorem Sacramenti Pœnitentiæ absolute requiritur efficax dolor cum serio proposito saltem virtualiter in dolore efficaci incluso. Respond. II. Quoad alios consuetudinarios circa peccata venialia Confessario, ut se ab anxietate de invalida absolutione eximere valeat, sequentia pro praxi deservire possunt. In primis, quod, si firmitas propositi possit stare cum credulitate relapsus quoad mortalia, multo magis quoad venialia, utpote in quæ ob fragilitatem humanam quis citius, & facilius labitur, quam in mortalia. Secundo, quod in venialibus

nialibus peccatis non requiratur ad valorem Sacramenti dolor, ac propositum efficax ex motivo universali, & de qualibet specie illorum, sed sufficiens sit particulare, & de hac specie &c. *Tertio*, quod etiam intra unicam speciem peccati venialis sufficiat, si quis doleat præcise de tanto numero, ac proinde proponat præcise ipsam frequentiam emendare, quamvis non quolibet individua intra eandem speciem. *Quarto*, quod prudentiores pro majori securitate efficaciar doloris, & firmitatis sui propositi soleant in genere omnia sua peccata in aliis Confessionibus jam detecta includere, & ad ea quoque dolorem suum cum proposito extendere, item eundem adhuc firmiter ad peccata venialia, quæ contingunt ex malitia, quam quæ ex mera humana fragilitate, plus ad proximiora peccatis mortalibus, quam ad remotiora, magis ad deliberata, quam semideliberata dirigere. Videantur Sporer *Part. 3. Theolog. Sacramentalis Cap. 2. Sect. 4. Q. 2. §. 4. num. 334. ac seqq.* La Croix *Lib. 6. part. 2. num. 683.* Item *num. 902. usque ad num. 915.* Bosco *Tract. de Pœnitentia num. 245. & seqq.* pluresque alii.

136. *Corollarium*: Circa relapsos in peccata venialia, & nunc, dum infirmi morti sunt proximi, quoad firmitatem propositi anxios ponitur sequens notabilis Casus. Petrus Religiosus ex humana fragilitate sapius in peccatis venialibus recidivus, nunc vero in periculo mortis constitutus optaret ante mortem adhuc lucrari perfecte, ac integre per confessionem suam e. g. tempore Portiunculæ indulgentias plenarias, ut absque poenis purgatorii ad Deum Salvatorem suum recta posset venire; at ex parte factus pusillanimis ita secum discurrit: Scio ex una parte, quod Indulgentia plenaria non obtineatur, nisi quis præter efficacem dolorem serio sibi proponat omnia etiam levissima, ac semideliberata peccata evitare; ex altera vero parte moraliter prorsus sum certus, quod supervivens iterum relabar; quoniam etiam justus sepius in die cadit, & juxta Concilium Tridentinum sess. 6. de justificatione. *Can. 23. nemo potest evitare omnia peccata sine extraordinario aliquo Privilegio Dei rarissime concessio, quodque nemo sibi spondere potest, quomodo ergo possum elicere vere efficacem, & serium propositum evitandi omnia peccata venialia, sicque lucrari indulgentias plenarias?* Respondeo in primis, tali suadendum esse, ut suum propositum vitandi omnia venialia principaliter dirigat ad quædam certa, & deliberata &c. uti dictum numero superiori. *Secundo* poterit ipsi a confessorio proponi doctrina Patris La Croix *Lib. 6. part. 2. num. 908.* nimirum sufficere, quod suum propositum sit efficaciter affectivum, etsi non sit efficaciter effectivum, id est, quod de presenti hoc actualiter existens propositum sit incomponibile cum omni peccato, quamdiu illud durabit; quamvis jam prævidetur, quod, si supervivar, hæc seria voluntas non semper sit permanens. Et quis hunc actum similis Religiosi improbabit, si ita diceret: *Domine Deus, habeo voluntatem seriam omnia peccata etiam minima venialia evitandi, ita, ut si nunc occurreret occasio quodpiam perpetrandi, nollem: optime tamen nosco ex Concilio Tridentino, quod moraliter certo hac mea seria voluntas non sit semper duratura, si supervivero.* Opto igitur citius mori, quam illud in vita sum.

Tome II.

perstes attingere momentum, quo prævides me relapsurum fore, si adhuc viverem.

## PROPOSITIONES LXI. LXII. & LXIII.

137. *LXI. Potest aliquando absolvi, qui in proxima occasione peccandi versatur, quam potest, & non vult omittere; quin imo directe, & ex proposito querit, aut ei se ingerit.*

*LXII. Proxima occasio peccandi non est fugienda, quando causa aliqua utilis, & honesta non fugiendi occurrit.*

*LXIII. Licitum est querere directe occasionem proximam peccandi pro bono spirituali, vel temporalis nostro, vel proximi.*

## DECLARATIO.

Jam præcedenter agendo de Thesis ab Alexandro VII. reprobatis hæc materia propositione ordine 41. examini subjecta, & ad trutinam Theologicam appensa fuit: ubi ulterior explicatio inveniretur, uti etiam apud Reiffenstuel *Tract. 14. Dist. 8. Quest. 4.*

## PROPOSITIO LXIV.

138. *Absolutionis capax est homo, quantumvis laborer ignorantia Mysteriorum fidei, & etiam si per negligentiam, etiam culpabilem nesciat Mysteriorum Sanctissimæ Trinitatis, & Incarnationis Domini nostri Jesu Christi.*

## DECLARATIO.

Absolvendum non esse illum, qui vincibiliter vel etiam invincibiliter ignorat, quod Deus sit, & quod accedentibus ad se remunerator sit, nemini est dubium; cum hæc duo apud adultos rationis capaces sint necessario credenda necessitate Medii; econtra vero quoniam Mysteria SS. Trinitatis & Incarnationis juxta quamplures Doctores tantummodo sunt necessario credenda necessitate præcepti, videtur de his mitius sentiendum, ac tales absolute absolviendi, præsertim si ob copiam confitentium desit tempus memoratos ignorantes, & de sua incitia dolentes ante absolutionem instruendi. Sed contra est, quod etsi valde probabile sit, allegata Mysteria esse tantum necessaria necessitate præcepti, attamen etiam sententia adstruens contrarium apud Reiffenstuel *Tract. 4. Dist. 2. num. 17.* pariter est valde probabile; unde sic absolvens exponeret Sacramentum periculo invaliditatis, quod juxta dicta propositione I. non licet.

139. Quæres, quid ergo agendum sit Confessorio, si in confessionali deprehendat pueros, vel alias rudes laborare ignorantia circa principalia Mysteria fidei SS. Trinitatis, & Incarnationis Dominicæ, qui tamen serio promittunt, quod velint ea proxime addiscere, sicque ignorantiam suam deponere? Aptè responsionem suppono, quod tales absolvi non possent, si laborarent ignorantia vincibili, & nollent eam, quam possent, deponere; uti per se patet; cum tales forent in actuali voluntate peccatum suum continuandi; sicque incapaces absolutionis. Quod si autem serio adpromittant, se velle proxime hanc ignorantiam deponere, de qua nunc facere dolent, quæstio adhuc

R

rema-



remanet: Ad quam Respond. I. Extra articulum mortis neque tales esse absolvendos, antequam eosdem Confessarius breviter pro modulo & capacitate poenitentium ipsos instruat de Mysterio SS. Trinitatis & Incarnationis. Ratio est; quia juxta dicta præcedentia saltem probabile est, hæc duo Mysteria esse necessario credenda necessitate medii; sicque absolvendo absque aliqua prævia instructione Sacramentum Poenitentiae exponeretur periculo probabili invaliditatis. Respond. II. Si tales poenitentes de suis peccatis omnibus, sicque virtualiter saltem etiam de hac ignorantia vincibili (supposito, quod fuerit talis) doleant; nec tamen ob periculum imminuentis mortis amplius instrui queant, absolvi debent, non quidem absolute, ob probabilitatem sententiae, fidem SS. Trinitatis, & Incarnationis defendentis necessariam necessitate medii: bene tamen adhuc conditionate, cum sic ex una parte talis absolutio non obstat reverentiae Sacramenti, ex altera vero eadem morti proximus summe videatur indigere. Ita cum Cardena P. Dominicus Viva hic num. IX. contra Matthæum in cautela Confessarii, qui ultimus, scribens in istam propositionem num. 10. nimis rigide pronunciat, talem peccatorem ne quidem conditionate posse absolvi, addens, contrariam doctrinam sub propositione damnata comprehendit. Sed contra est, quod sententia, defendens notitiam Mysteriorum SS. Trinitatis & Incarnationis esse tantummodo necessariam necessitate præcepti, sit adhuc vere probabilis: si ergo in materia etiam tenuiter tantum probabili possum in summa necessitate conditionate baptizare, & dato signo tantum tenuiter probabili alicujus doloris sensibilis conditionate absolvere, cur non æque laboranti ignorantia dictorum Mysteriorum potero in tali mortis periculo impertiri absolutionem conditionate, si is doleat de suis peccatis cum proposito, & deficiat tempus, in his punctis ipsum ulterius instruendi? Vid. Reiffenstuel loc. cit. num. 24. & Viva hic.

### PROPOSITIO LXV.

140. Sufficit illa Mysteria semel credidisse.

### DECLARATIO.

Obligationem sæpius in vita eliciendi actum fidei jam superius ostendimus, scribendo in propositionem inter damnatas ab Alexandro VII. ordine primam. Quoniam autem Sanctissima Mysteria SS. Trinitatis, & Incarnationis sunt principalia, per quæ a Judæis, & Mahumetanis distincti agnoscuntur, merito hæc fides principaliter ad ea se debet extendere: necputo in hoc practice esse difficultatem: dum enim nos sæpius signo crucis munimus, & imaginem Crucifixi in templis, vel alibi repræsentatam aspiciamus, quis credat, quod non subinde saltem exercite circa Mysteria repræsentata aliquem actum fidei pro modulo capacitatis eliciamus? Sequitur nunc Conclusio Decreti Innocentii XI.

141. Quicumque autem cujusvis conditionis, status, & dignitatis illas, vel illarum aliquam conjunctim, vel divisim defenderit, vel ediderit, vel de eis disputare publice, aut privatim tractaverit, vel predicaverit, nisi forsitan impugnando, ipso facto incidat in excommunicationem lata sententia, a qua non possit, (pra-

terquam in articulo mortis) ab alio quacumque etiam dignitate fulgente, nisi a pro tempore existente Romano Pontifice, absolvi.

Insuper districte in virtute Sanctæ Obedientiae, & sub interminatione Divini Judicii prohibet omnibus Christi fidelibus, cujuscumque conditionis, dignitatis, & status, etiam specialissima nota dignis, ne prædictas opiniones, aut aliquam ipsarum ad praxin deducant.

NB.

Tandem, ut ab injuriosis contentionibus Doctores Scholastici, aut alii quicumque imposterum se absterneant, & ut paci, & Charitati consulatur. Idem Sanctissimus in virtute Sanctæ Obedientiae eis præcipit, ut tam in libris imprimendis, ac manuscriptis, quam in Thebis, Disputationibus, ac Predicationibus caveant ab omni censura, & nota, nec non a quibuscumque convitiis contra eas propositiones, quæ adhuc inter Catholicos hinc inde controversantur, donec a Sancta Sede recognita super iisdem propositionibus judicium proferatur.

### §. IV.

Decretum I. Alexandri VIII. die 24. Augusti anno 1690. editum circa duas Propositiones sequentes.

142. Sanctissimus D. N. Alexander Papa VIII. non sine magno animi sui dolore audivit duas theses, seu propositiones, unam denuo, & in majorem Fidelium perniciem suscitari, alteram de novo erumpere, & cum sui Pastoralis Officii munus sit, oves sibi creditas a noxiis pascuis avertere, & ad salutaria semper dirigere, dictarum Thesium, seu propositionum examen pluribus in Sacra Theologia Magistris, & deinde Eminentissimis & Reverendissimis Cardinalibus Inquisitoribus sedulo commisit, qui pluries re mature discussa infra scriptis Thebis, seu Propositionibus super unaquaque ipsarum sua Suffragia Sanctitati sue sigillatim exposuerunt.

### PROPOSITIO I.

143. Bonitas objectiva consistit in convenientia obiecti cum natura rationali: formalis vero in conformitate actus cum regula morum: ad hoc sufficit, ut actus moralis tendat in finem ultimum interpretative: HUNC homo non tenetur amare, neque in principio, neque in decursu vite sue moralis.

### DECLARATIO.

Thesis ista ab Alexandro VIII. rejecta, jam fuit explicata superius, agendo de prima propositione damnata ab Alexandro VII. Ubi nota, istam propositionem esse propter ultima ejus verba propterea reprobata: quia tenuit, HUNC finem ultimum non debere necessario amari, nec in principio, nec in decursu vite, quæ propositio non solum ab Alexandro VII. sed etiam Innocentio XI. ordine 5. & 6. anathemate jam antea fuerat confixa, prout propterea Alexander VIII. lamentatur in præfatione, unam ex præfatis duabus propositionibus NB. resuscitari in majorem fidelium perniciem.

### PROPOSITIO II.

144. Peccatum Philosophicum, seu morale est actus humanus disconveniens naturæ rationali, & rectæ rationi:



nationi: Theologicum vero & mortale, est transgressio libera Divina Legis. Philosophicum quantumvis grave in illo, qui Deum vel ignorat, vel de Deo actu non cogitat, est grave peccatum, sed non est offensiva Dei, neque peccatum mortale dissolvens amicitiam Dei, neque aeterna pena dignum.

# DECLARATIO.

Hæc videri poterit vel apud Reiffenstuel *Tract.* 3. *Dist.* 1. post num. 2. in *Additione*, vel apud Viva hic.

## §. V.

### Decretum II. Alexandri VIII. publicatum 7. Decembris anno 1690.

145. In Congregatione Generali Sanctæ Romanæ, & universalis Inquisitionis, habita in Palatio Apostolico Montis Quirinalis, coram S. D. D. Alexandro Divina Providentia Papa VIII. ac Eminentissimis, & Reverendissimis DD. S. R. E. Cardinalibus in tota Republica Christiana contra Hæreticam pravitatem Generalibus Inquisitoribus a Sancta Sede Apostolica specialiter deputatis.

Sanctissimus Dominus noster Alexander Divina Providentia Papa VIII. prædictus pro Pastoralis curæ ovium a Christo Domino sibi commissæ de earum salute sollicitas, ut inoffenso gradu per rectas semitas possint incedere, & pascua nimium perniciofa in prævis doctrinis exhibita vitare, unius supra triginta propositionum examen pluribus in Sacra Theologia Magistris, & deinde Eminentiss. ac Reverendissimis DD. Cardinalibus contra hæreticam pravitatem Generalibus Inquisitoribus commisit, qui tantum negotium diligenter aggressi, eique sedulo, ac pluries incumbentes super unaquaque ipsarum sua suffragia Sanctitati suæ sigillatim detulerunt.

## PROPOSITIO I.

146. In statu naturæ lapsæ ad peccatum mortale, & ad demeritum sufficit illa libertas, quæ voluntarium, ac liberum fuit in causa suâ peccato originali, & voluntate Adam peccantis.

## DECLARATIO.

Docuerunt Lutherus, & Calvinus, libertatem indifferentiæ, quæ positæ omnibus requisitis potest quis agere, vel non agere &c. post Adæ peccatum esse extinctam, & nihilominus actionem aliquam malam imputari ad peccatum; quia (inquiiebant affectu priorum Michael Bajus conformiter propositionibus damnatis 65, 66. & 67. ac Janlenius juxta propositionem ex damnatis ordine tertiam) ad peccandum sufficit libertas a coactione, ita ut quis aliunde per extraneos non cogatur, sed eligat malum per suam propriam potentiam volitivam: non autem exigatur libertas a necessitate, seu libertas indifferentiæ superius explicata, quæ excluderet necessitatem peccandi. Sententia ista tam a Concilio Trident. *Sess.* 6. *Can.* 5. & *Can.* 6. quam a Summis Pontificibus Pio V. Gregorio XIII. Innocentio X. & Alexandro VII. fuit rejecta sub fulmine excommunicationis: Rationes rejiciendi fuscus inveniuntur apud Controversistas. Ut autem hoc fulmen excommu-

Tomus II.

nicationis saltem apparenter in foro externo evadant, subintroierunt alii, concedentes quidem requiri ad merendum, vel demerendum aliquam libertatem indifferentiæ, non tamen formalem, sed virtuales in sua causa, quam causam taliter declarant, ut pro eadem affligent peccatum originale, & libertatem Adam, sed plane hæc libertas indifferentiæ, prout ab his Auctoribus explicatur, non excludit necessitatem ex parte operantis; cum juxta hanc explicationem etiam motus indeliberati voluntatis provenientes ex concupiscentia, & actus cum ignorantia invincibili exerciti forent nihilominus peccaminosi, utpote procedentes ex potentia volitiva; cujus ignorantia, & concupiscentiæ non raro causa est ipsum peccatum originale, utpote per quod intellectus noster magis obcuratus fuit, & fomes peccati ortum traxit. Sicque hæc sententia tantum in Verbis differt a Doctrina Calvini, Baji, Janlenii, & hinc merito fuit pariter rejecta ab Alexandro VIII. Vide *Cap.* II. & *Cap.* III. ubi plura circa præsentem materiam invenies.

## PROPOSITIO II.

147. Tamen si detur ignorantia invincibilis juris naturæ, hæc in statu naturæ lapsæ operantem ex ipsa non excusat a peccato formali.

## DECLARATIO.

Cum nihil libere sit volitum, quin præcognitum, non poterit operatio censeri libera libertate indifferentiæ, sicque imputabilis ad demeritum, quando invincibiliter, seu inculpabiliter ignoratur malitia actus; hincque merito Doctrina illa, quæ voluit, posse peccatum personale stare cum ignorantia invincibili, fuit rejecta, ex quo ipso fundamento fuit damnata propositio ordine 68. Michaelis Baji, taliter sonans: *Infidelitas pure negativa in iis, quibus Christus non est prædicatus, peccatum est.* Vide dicta præcedentia.

## PROPOSITIO III.

148. Non licet sequi opinionem vel inter probabiliores probabilissimam.

## DECLARATIO.

Sinichius, & alii Tutiorismi Sectatores errorem hunc ex principiis Janlenii desumpserunt, quæ via ad salutem ob moralem impossibilitatem amplectendi semper tutissimum omnino intercluditur, uti recte advertit Viva hic. Et quid exinde sequitur? quærit Sabinus Bononienis in istam propositionem, sibi quæmetipsi taliter responderet: *Experientia demonstrat, quod sequatur ruina, & perniciæ debilius, qui nimio pressi onere onus ipsum excutiant, dicentes viam Mandatorum Dei, & Ecclesiæ esse impossibilem gressibus humanis, onus & jugum Christi tali modo esse intolerabile, sicque desperantes se vitio, & libertati omnimode committunt; ubi consequenter hos nimia severitas perdit, quos temperata lenitas servasset.* Ex communissimo Theologorum etiam rigidiorum consensu saltem in materia honestatis, qui juxta probabiliorē operantur, prudenter operantur. Quomodo ergo contra communissimam docentes contrarium, & exinde quamplures facientes perplexos possunt secure sibi metipsis persuadere, quod sic docendo, & aggravando

R 2

suave

suave jugum Christi quoad propriam conscientiam tutius agant? aliud est NB. *tutiora sequi; aliud, quod semper ad tutiora obligemur.* Et quomodo tali modo Thomistæ castra Angelici, & Scotistæ Doctoris subtilis, in multis Divo Thomæ contrarii, sequi possent? quomodo Milites, a fortiori Belli duces pugnare valerent? cum, etsi fundamenta pro suo Rege Ipsi appareant validiora, sæpius tamen nec isti de justitia belli, nec illi de veritate suæ sententiæ ita certi sint, ut fundamenta alterius partis Ipsi neque amplius ullatenus probabilia appareant? Vid. Reiffenstuel *Tract. 1. Dist. 3. num. 50. &c.*

## PROPOSITIO IV.

149. *Dedit semetipsum pro nobis oblationem Deo, non pro solis Electis, sed pro omnibus, & suis fidelibus.*

## DECLARATIO.

Non solum Calvinus, verum etiam Janseñius negarunt, Christum esse mortuum pro reprobis; cum hac tamen distinctione, quod prior etiam neget quæcumque beneficia, ac dona supernaturalia conferri reprobis ex meritis Christi. Contra vero Janseñius ipsis multa beneficia supernaturalia ex meritis Christi concedit, sicque in hoc sensu Christum esse mortuum pro reprobis admittit, non tamen pro æterna illorum Salute. Ambo rejecti sunt a Summis Pontificibus; ut autem hanc damnationem eludant, subintroierunt alii admittentes quidem, Christum etiam mortuum pro reprobis; ast pro solis fidelibus, non tamen pro infidelibus reprobis, hincque subjunxerunt aliam sequentis tenoris.

## PROPOSITIO V.

150. *Pagani, Judæi, Hæretici, alique-hujus generis nullum omnino accipiunt a Jesu Christo influxum, adeoque hinc recte inferes, in illis esse voluntatem nudam, & inermem sine omni gratiâ sufficienti.*

## DECLARATIO.

Hæc propositio merito, uti & prior, in qua fundatur, rejecta fuit: Deus enim illuminat omnem hominem venientem in hunc mundum. Joan. 1. qui & pro omnibus mortuus est. 2. Corinth. cap. 5. & dedit redemptionem semetipsum pro omnibus. 1. ad Timoth. cap. 2. v. 6. Estque propitiatio pro peccatis nostris, non pro nostris autem tantum, sed etiam pro totius mundi. 1. Joan. cap. 2. Videantur dicta circa Calvinum, cap. II. & circa Janseñium cap. III.

## PROPOSITIO VI.

151. *Gratia sufficiens statui nostro, non tam utilis, quam perniciosa est, sic, ut proinde merito possimus petere: a gratiâ sufficiente, libera nos Domine.*

## DECLARATIO.

Janseñius statim in prima ex suis quinque propositionibus damnatis non solum gratiam sufficientem in statu naturæ lapsæ negavit in ordine ad certa præcepta; sed & in subsequenter docuit, gratiam interiorum quamcumque per Christum Salvatorem datam, esse unicam efficacem, seu il-

lam, cui numquam resistitur. Novatores alii e- quidem sufficientem absolute non negant; dicunt tamen, illam esse perniciosam, eo quod conjungatur semper cum omissione culpabili actus præcepti. Ast merito exinde damnatur. Absit enim a Christiano asserere, quod Christus Dominus, qui illuminat omnem hominem venientem in hunc mundum, nobis per suam Sanctissimam mortem, & sacratissima merita quidpiam perniciosum procuraverit. Quod autem homines huic gratiæ non cooperentur, nullatenus Deo, sed propriæ malitiæ adscribendum est. Certe etiam in ordine naturali est beneficium neutiquam perniciosum habere oculos: sibi autem imputet, qui claudendo palpebras noluerit iis uti ad vivendum &c.

## PROPOSITIO VII.

152. *Omnis humana actio deliberata est Dei dilectio, vel mundi; si Dei, Charitas Patris est, si mundi, concupiscentia Carnis, hoc est, mala est.*

## DECLARATIO.

Per dictam propositionem Joannis Sinichii, & Macarii Havermaus, ac nonnullorum aliorum Lovanienſium resuscitatur error Michaelis Baji a S. Pio V. & Gregorio XIII. reprobatus per damnationem propositionis trigessimæ octavæ, quæ sic sonabat: *Omnis amor creature rationalis aut vitiosa est cupiditas, qua mundus diligitur &c. aut laudabilis illa Charitas, qua per Spiritum Sanctum in corde diffusa Deus amatur.* Vide de hoc plura propositione sequenti, atque undecima. Et quis dicet, Ethnicos Principes, qui plura in Jure Civili statuerunt ex motivo, ut suum cuique tribuerent, exinde male fecisse?

## PROPOSITIO VIII.

153. *Necesse est, infidelem in omni opere peccare.*

## DECLARATIO.

Denuo hæc doctrina videtur jam damnata antecederet, quando propositio Michaelis Baji ordine vigesima quinta proscripta fuit sequentis tenoris: *Omnia opera infidelium sunt peccata, & virtutes Philosophorum sunt vitia.* Quin imo etiam prius rejecta fuit per Concilium Tridentinum anathematizans Sess. 6. Can. 7. illum, qui dixerit opera omnia, quæ ante justificationem sunt, quacumque ratione facta sint, vere esse peccata. Et quis tenebit, esse peccatum, si infidelis misericordia motus pauperi dederit Eleemosynam, cum tamen ipsemet Nabuchodonosor Danielis cap. 4. fuerit admonitus, ut peccata sua Eleemosynis redimat?

## PROPOSITIO IX.

154. *Revera peccat, qui odio habet peccatum mere ob ejus turpitudinem, & disconvenientiam cum natura, sine ullo ad Deum offensum respectu.*

## DECLARATIO.

Turpitudine alicujus peccati dupliciter ab homine potest considerari, nimirum, vel prout ea idem est, ac disconvenientia cum creatura rationali; vel aliter, prout nimirum est difformitas ad Legem, quo modo consideratur, si quis in Sacramento Pœnitentiæ doleat de turpitudine peccati. Si  
stante

stante prima cognitione, turpitudine illa adhuc committitur, vocatur *peccatum Philosophicum*; in secunda autem consideratione, si nihilominus perpetratur, *peccatum Theologicum*, quatenus nimirum cognitio difformitatis ad Legem eo ipso involvit simul saltem confusam aliquam cognitionem Ipsius Legislatoris per transgressionem Legis offensi. Et quamvis (uti eruitur ex dictis §. præcedenti) quoad peccata contra naturam, ac intrinsece mala istæ duæ cognitiones, ordinarie saltem, concurrant; demus tamen casum, quod aliquis in sylvis enutritus saltem ad aliquale tempus possit habere ignorantiam invincibilem DEI, etiam tunc, quando ex puro lumine naturæ cognoscit, e. g. occisionem innocentis esse disconvenientem alicui creaturæ rationali, data hac hypothese, si talis ex hoc motivo evitet occisionem innocentis, hic utique vitando non committit peccatum? non *Philosophicum*, quia non contra, sed conformiter dictamini luminis naturalis operatur: neque *Theologicum*; quia, uti supponitur in hypothese, habet ignorantiam, & quidem invincibilem supremi Legislatoris offensi. Credo, quod docentes hanc damnatam propositionem, eandem, uti priores, desumpserint ex principiis Michaelis Baji, volentis, omne, quod non ex amore Dei procedit, malum esse, uti pariter tenuit apud Dominicum Viva hic Calvinus in Antitod. ad Sess. 6. C. 25. dicens: *Dei iudicio nihil est sincerum, nec probum, nisi quod ex perfecto ejus amore manat.*

### PROPOSITIO X.

155. *Intensio, qua quis detestatur malum, & prosequitur bonum, mere ut celestem obtineat gloriam, non est recta, nec Deo placens.*

### DECLARATIO.

Sane obstupescendum, quod homines, qui volunt esse Catholici, similia docere audeant; cum tamen Concil. Trident. Sess. 6. Can. 31. rejecerit tale assertum ut hæreticum his verbis: *Si quis dixerit, justificatum peccare, dum intuitu æterna mercedis operatur, anathema sit.* Ac præterea Regius Psaltes psalm. 118. expressè exclamet ad Deum: *Inclinavi cor meum ad faciendas Justificationes tuas in æternum NB. propter retributionem.*

### PROPOSITIO XI.

156. *Omne, quod non est ex fide Christiana supernaturali, qua per dilectionem operatur, peccatum est.*

### DECLARATIO.

Uti bene notat Dominicus Viva hic, ex deliramento Michaelis Baji superius jam allegato, & refutato (quod scilicet inter charitatem, & iniquitatem nihil mediet) denuo descendit hæc Thesis confixa, quod videlicet peccaminosæ sint nostræ operationes, si non procedant ex fide supernaturali, quæ per dilectionem operatur. Vide dicta Proposit. VII. atque Proposit. VIII. & dicenda Proposit. XIII. ac seqq.

### PROPOSITIO XII.

157. *Quando in magnis peccatoribus deficit omnis amor, deficit etiam fides, & etiamsi videantur credere, non est fides Divina, sed humana.*

### DECLARATIO.

Assertum errorem jam proscripserat Concilium Trident. Sess. 6. cap. 15. ubi docet, fidem infusam non amitti per quodvis mortale (sicut tamen amittitur gratia) sed per peccatum infidelitatis: tum Can. 28. in quo ponit sequentia: *Si quis dixerit, amissa per peccatum gratia simul & fidem semper amitti &c. aut eum, qui NB. fidem sine charitate habet, non esse Christianum, anathema sit.* Accedit Auctoritas Divi Pauli in peccatore fidem sine Charitate subsistere posse agnoscens, dum ait 1. Cor. c. 13. *Si habuero NB. omnem fidem, Charitatem autem non habuero, nihil sum.* Ubi utique agnoscit fidem sine Charitate posse dari.

### PROPOSITIO XIII.

158. *Quisquis etiam æterna mercedis intuitu Deo famulatur, Charitate, si caruerit, vitio non caret, quoties intuitu licet beatitudinis operatur.*

### DECLARATIO.

Quam juste hæc propositio fuerit damnata, eundem jam superius num. 155. propositione X. ostensum fuit, quorsum etiam finaliter Lector remittitur: interim tamen pro majori Claritate circa præsentem, & duas subsequentes propositiones adhuc sequentia occurrunt advertenda.

159. *Primo* notandum, quod vera virtus, quatenus ab altera distincta habeat objectum formale aliud, ac prior: nam habitus ab actibus, & actus specificantur ab objectis, potestque in virtutibus in medio consistentibus peccari vel per excessum, vel per defectum contra eandem virtutem, e. g. contra virtutem liberalitatis per excessum peccatur prodigalitate, per defectum avaritia.

160. *Secundo* notandum, quod unica virtus possit habere ex unico, eodemque motivo formali distinctos actus: nimirum proscutivos sui boni, & averfivos mali, quatenus oppositi huic bono: sic castitas prosequendo bonum elicit actus Castitatis, per averfionem autem detestatur actus impudicitæ: Sic etiam, ut proximius accedamus ad nostrum intentum, Charitas tamquam virtus suprema Theologica actibus Amoris prosequitur Deum ut summum ac infinite Bonum in se, & actibus averfivis detestatur peccatum, quatenus malum offensivum hujus summi Boni infiniti in se, qui actus detestativi etiam contritio perfecta vocari solent.

161. *Tertio* notandum tam ex Concilio Tridentino, quam communissimo Catholicorum, quod Fides, Spes, & Charitas sint tres veræ virtutes Theologicæ ab invicem inter se distinctæ, & sic habentes distincta ab invicem objecta, seu motiva formalia: nam fidei motivum formale est *Deus summe verax in dicendo.* Virtutis Spei *Deus supernaturaliter lumine prævio fidei cognitus, quatenus nobis summe bonus.* Charitatis *Deus quatenus infinite bonus in se.* Sicuti autem juxta præcedens notandum quoad virtutem charitatis prosequor infinitum bonum in se, & detestor peccatum grave quatenus oppositum huic infinito Bono in se, ita pariter quoad virtutem spei desidero possessionem Dei per visionem, & fruitionem beatificam mihi summe boni, & detestor peccatum grave, ac poenas gehennæ exinde promeritas, quatenus

tentis sunt opposita, & impeditiva hujus summi Boni alias possidendi.

162. *Quarto* notandum, quod cujuslibet virtutis qua talis motivum formale, ac specificativum debeat esse bonum, & honestum in se; alias enim si objectum est indifferens, pariter actus circa objectum elicitus erit indifferens, nisi aliunde ex altiori fine extrinseco, v. g. ex amore Dei juxta Consilium Divi Pauli imperetur, atque sic elevetur: quod si ergo objectum aliquod fuerit bonum, ac honestum in se, etiam actus tendens in illud objectum erit bonus, & honestus in se, nisi circumstantiis extrinsecis per accidens vitietur. E. g. quia sublevare miseriam egeni est objectum honestum, & moraliter bonum in se, etiam elargitio elemosynæ facta ex dicto fine est actus bonus, & honestus in se: neque est necessarium ad contrahendam hanc bonitatem moralem, ut simul alia motiva extranea assumam, puta, ut deum elemosynam positive ex motivo charitatis, dummodo illa alia motiva positive non excludam.

163. *Quinto* notandum, exinde justissime fuisse damnatos Bajanistas, Janenistas, & Quesnellianos, eo quod putaverint, nullum actum posse esse bonum, & honestum, nisi imperetur a suprema virtute Theologica, nimirum Charitate, quasi vero omnes alii actus forent vitiosi; cum tamen lumine fidei ex sacra Scriptura cognoscatur, Deo alias quoque virtutes placere; cum etiam istæ habeant propria & ab invicem distincta objecta formalia moraliter bona.

164. His ergo prænotatis cum reliquarum virtutum actus sint in se ipsis boni, & honesti, ac etiam suo modo meritorii, dummodo fuerint a gratia actuali, & lumine fidei directi, cur non æque poterit dici de virtute spei Theologicæ? & consequenter quo fundamento solido asseritur, operari intuitu æternæ beatitudinis esse vitiosum? Volui hæc fusius proponere, quia meo judicio ex istis prænotatis plurimum dependet recta intelligentia hujus, & sequentium duarum Thesium confixarum.

#### PROPOSITIO XIV.

165. *Timor gehennæ non est supernaturalis.*

#### DECLARATIO.

Illi, qui putarunt, timorem conceptum ex acerbitate poenarum esse vitiosum, eo ipso intulerunt, eundem non esse supernaturalem: ens enim supernaturale dicit aliquem ordinem, & respectum ad æternam gloriam, qualem utique nequit habere vitium? Quod autem timor gehennæ sit vitiosus, putarunt ex ea ratione, quia crediderunt, hunc timorem adhuc includere affectum ad peccatum, atque detestantem grave peccatum propter metum gehennæ taliter esse constitutum, ut adhuc peccatum continuaret, si gehenna non esset, sicut projiciens merces in mare ob periculum naufragii interne adhuc habet animum retinendi merces, si naufragium non foret, de quo ultimo videatur Reiffenstuel *Tract. 1. Theol. Moral. Dist. 1. num. 23. & seqq.* Sed contra est, quod falsissimum dicatur, timorem gehennæ includere affectum adhuc peccandi, si gehenna non esset; cum enim lumine fidei bene cognoscatur, per affectum ad peccatum grave includi novum peccatum grave ex

timore gehennæ alias subeunda; ita est, saltem interpretative, constitutus, ut ex timore gehennæ absolute nolit ullum tale peccatum, quo gehennæ poena incurritur. Econtra vero proficiens merces in mare ad evitandum naufragium bene prævidet, internum affectum ad merces suo fini intento neutiquam obesse, modo in actu exercito merces projiciat in mare, ut navis suo pondere exoneretur, sicque censetur ad merces affectum retinere. Quod si eodem modo ex circumstantiis specialibus pariter peccator retineret affectum ad peccandum, si gehenna non esset, haud dubie talis timor non esset honestus, & consequenter nec supernaturalis.

166. Ut hoc magis intelligatur, sciendum, quod in ordine ad propositum duplex sit timor, unus filialis, alter servilis. Filialis est, quo quis timet peccatum, quatenus est offensa Dei infinite boni in se: filiorum quippe est timere offensam Patris; atque hic timor ortum trahit a charitate. Timor servilis est, quo quis culpam fugit, ne poenam subire cogatur: & hic est iterum duplex, nempe unus est servilis cum nulla inclusione affectus ad peccatum, seu, uti Dominicus Viva ait, materialiter servilis; alius vero formaliter talis, seu, uti alii loquuntur, serviliter servilis, id est, cum inclusione affectus ad peccatum. Prior absolute, saltem virtualiter omne desiderium ad peccatum excludit, paratus interpretative assumere sibi aliud motivum detestandi peccatum, si infernus non foret. Econtra vero posterior retinet adhuc desiderium saltem conditionatum ad peccatum. Hic ultimus timor, qui forsitan aliquoties intervenit apud consuetudinarios, & in occasione proxima constitutos &c. reprobat a Sancto Augustino, & aliis SS. PP. non autem prior, qui potius originem habet a virtute spei, uti timor filialis a charitate, atque inculcatur *Luc. cap. 12. v. 5.* ac alibi sæpius a Sacra Scriptura, nec non a Concilio Tridentino *Seff. 14. de Poenitentia, cap. 4.* vocatur *donum Dei, & Spiritus Sancti impulsus*. Timere, ne quis mittatur in gehennam, *bonus est, & utilis iste timor*, inquit D. Augustinus in *Psalm. 127.*

#### PROPOSITIO XV.

167. *Attritio, quæ gehennæ, & poenarum metu concipitur, sine dilectione benevolentia Dei, propter se non est bonus motus, ac supernaturalis.*

#### DECLARATIO.

\* Si timor gehennæ est bonus, & supernaturalis, eo ipso quoque dolor peccati ex eo timore gehennæ elicitus, erit pariter bonus, & supernaturalis, & hinc Carolus ab Assumptione sub nomine ficto *Philaleti* cum Bajanis, & Janenistis ut in suis absurditatibus consequenter loquatur, tam unum negavit, quam alterum, bene prævidens, si concesserit primum, debere quoque admitti secundum tamquam consecaneum. Quamplures autem ante damnationem hujus propositionis defenderunt, attritionem ex gehennæ, & poenarum metu conceptam sine dilectione benevolentia Dei propter se non esse bonam; quia vel crediderunt cum Bajanistis &c. nullum actum esse bonum absque Charitate Dei, vel quia putarunt, similem actum attritionis semper continere aliquem affectum ad peccatum, quod utrumque jam superius fuit repro-



reprobatur. Profecto capere satis nequeo, quomodo homines Catholici, qui summo Pontifici saltem cum Concilio generali, vel consensu universalis Ecclesiae adscribunt infallibilitatem, talia propugnare audeant, cum Concilium Generale ultimum, Tridentinum nempe, *sess. 14. de Pœnitent. cap. 4.* expresse doceat, quod attritio, quæ ex turpitudinis peccati consideratione, vel ex gehennæ, & pœnarum metu concipitur, non solum non faciat hominem magis hypocritam, (ut voluit Lutherus) verum etiam ad Dei gratiam in Sacramento disponat, sitque bonus motus, sine quo gratia in Sacramento non confertur. Quomodo autem malum potest disponere ad bonum? Item quomodo affectus ad peccatum est componibilis cum vero actu charitatis, ut conjunctim disponat ad gratiam justificativam? Præterea quo fundamento ad excludendum in timore gehennæ affectum ad peccatum necessario requiritur actus charitatis? quare non posset dictus affectus etiam excludi per actum spei, considerando, quod affectus ad peccatum sit impossibilis cum evitacione gehennæ, & consecutione beatitudinis æternæ?

168. Incidentaliter hic etiam ad illos Doctores Catholicos me converto, qui equidem tum propter satis claros textus Concilii Tridentini superius ex parte jam allegatos, tum propter has positiones damnatas gratis admittunt, talem attritionem esse bonum motum, ac supernaturalem, addunt tamen, eandem absque aliquo actu charitatis benevolentiae ad Sacramentum Pœnitentiæ tantum disponere remote; ut autem disponat proxime, requiri simul aliquem actum amoris Dei benevoli, saltem in aliquo gradu remisso. Econtra vero extra Sacramentum Pœnitentiæ, ut talis amor Divinus, vel contritio perfecta proxime disponat ad remissionem peccatorum gravium, exigunt similem actum in gradu intenso. Ita illi. Hæc quidem sententia per propositionem præsentem necdum confixa reputatur, Quin imo Alexander VII. in Decreto anno 1667. die 5. Maji edito, & Benedictus XIII. in Concilio Lateranensi anno 1725. celebrato in Appendice *Part. 3. Instrucl. Sacrament. ad Sacramental. Confess.* severissime prohibuerunt, ne dicta sententia aliqua censura afficiatur. Interim tamen, etsi laudem omnino, quando dolor tali modo elicitur; adstruere tamen obligationem sic eliciendi, ita ut alias Sacramentum exponi censeatur probabili periculo invaliditatis, non possum penetrare, quo solidò fundamento hæc assertio de facto nitatur: nam plures rationes ante Concilium Tridentinum in hujus favorem adductæ (puta, quod talis attritio sit inordinata, quod contineat affectum ad peccatum &c.) de facto cadunt; quia tam Concilium Tridentinum, quam summi Pontifices declararunt, illam attritionem etiam absque actu dilectionis esse honestam, & supernaturalem. Insuper Concilium Tridentinum *sess. 14. de Pœnitentia cap. 3. & cap. 4.* dum sollicitè enumerat partes Sacramenti Pœnitentiæ, atque ad ejusdem valorem exigit attritionem, vel ex turpitudinis peccati consideratione, vel ex gehennæ, & pœnarum metu conceptam, nullam facit mentionem de aliquo actu dilectionis Dei benevolæ, quasi simul ad at-

tritionem requisito: ergo signum est, quod talis actus non requiratur; ne cogamur alias concedere, quod Concilium in re tam ardua, & adeo nobis necessaria doctrinam tradiderit mutilam, & valde mancā, qua possemus induci &c.

169. Dices primo: Ex ipso Concilio Tridentino citata *Sess. 14. cap. 4.* sufficienter erui, quod præter timorem gehennæ vel aliquis actus prosecutivus amoris DEI super omnia, vel averfativus offensæ propter Deum summe dilectum super omnia debeat intervenire: nam Concil. loc. cit. ait: *Hoc timore utiliter concussi Ninivita &c. plenam terroribus pœnitentiam egerunt, & misericordiam a Domino impetrarunt*: subsumitur; sed misericordiam, seu veniam suorum peccatorum utique Ninivitæ non impetrassent, nisi intervenisset aliquis actus amoris DEI super omnia; utpote pro eo tempore, quo Sacramentum Pœnitentiæ necdum erat institutum summopere necessarium ad remissionem peccatorum: ergo. Sed contra est, quod argumentum hoc laboret malo supposito, quasi nimirum per impetratam exinde a Ninivitis misericordiam intelligatur remissio peccatorum. Quis enim credat, quod omnes omnino Ninivitæ elicuerint veram ibidem contritionem, sicque omnes omnino a suis peccatis gravibus fuerint liberati? Quare per virtutem pœnitentiæ in cinere & cilicio peractæ potius omnes impetrarunt misericordissimam remissionem pœnæ temporalis, alias ipsis universaliter per Prophetam Jonam intentatæ, quæ remissio pœnæ temporalis fieri potuit absque aliquo actu amoris Dei, vel contritionis perfectæ. Et plane alias, si illa Ninivitarum pœnitentia fuisset necessaria, & ordinata ad immediatam remissionem ipsorum peccatorum, exinde sequeretur, quod sicuti apud Ninivitas ad remissionem peccatorum requirebatur perfecta contritio, & quidem, in Sententia Adversariorum, valde intensa, ita pariter talis exigatur in Sacramento Pœnitentiæ; cum talem dolorem ad Sacramentum Pœnitentiæ requirat Concilium Tridentinum, qualem habuerunt Ninivitæ in Cinere & Cilicio agentes pœnitentiam. Vides amice Lector, quomodo hoc Adversariorum fundamentum sit potius pro nobis, quam contra nos, si hoc responsum attente consideres.

170. Dices secundo: Saltem ex aliquo alio prævio textu Concilii Tridentini deduci, quod cum timore gehennæ debeat ad salutarem pœnitentiam concurrere aliquis actus initialis amoris Dei: nam *Sess. 6. de justificat. cap. 6.* habetur, quod peccatores præparentur ad recipiendam gratiam justificativam tunc, quando Justitiæ Divinæ timore utiliter concussi Deum tamquam *omnis justitiæ fontem diligere incipiunt*. Respond. Distinguendo anteced. peccatores præparentur ad justiciam, quando Deum diligere incipiunt, vel amore amicitiae, vel amore concupiscentiæ, conced. necessario, ac determinate amore amicitiae Nego. Amor concupiscentiæ, quæ Deus amatur ut nobis summe bonus, &c. pertinet ad virtutem Spei, amor autem amicitiae ad virtutem Charitatis Theologicæ. Si amamus fontem, quatenus dulces pro nobis ex eo profluunt aquæ, amamus illum ut nobis bonum. Legant Adversarii textum in fonte, agnoscent Deum *Fontem omnis justitiæ* non deservire ad suum inten-

intentum, præsertim, cum insuper ibidem Deus proponatur accedentibus ad se tamquam *Remunerator*, quod motivum denuo ad virtutem Spei Theologicæ reducitur. Alias adhuc solutiones memorati textus invenies apud Viva hic; ubi etiam reperies, quod non omnes actus ibidem enumerati requirantur necessario, formaliter, & explicitè tamquam *condiciones sine quibus non* ad justificationem ponendi. Vide etiam de tota ista Quaestione Reiffenstuel *Tract. 14. Dist. 6. Quest. 4. ac in Supplemento ibidem.*

171. Cæterum omnia dicta præcedentia in compendium redigendo erues ex his Amice Lector *primo*, quod detestatio dolorosa de peccato gravi vel ob amissam exinde æternam beatitudinem, vel ob acerbiteriam pœnarum propterea incurrendarum, ut sit salutaris, numquam possit includere simul affectum ad peccatum. *Secundo*, quod talis detestatio dolorosa possit habere simul conjunctum aliquem actum dilectionis DEI benevolæ; cum Spes, & Charitas non sint virtutes ad invicem incomponibiles. *Tertio*, quod tamentalis conjunctio non sit necessaria ad hoc, ut memorata dolorosa detestatio sit moraliter bona, & supernaturalis. *Quarto* demum, quod illa conjunctio cum actu dilectionis Dei super omnia neque requiratur ad valorem doloris in Sacramento Pœnitentiæ: nam dum Concilium Trident. *Sess. 14. cap. 4.* enumerans condiciones necessarias ad valorem hujus Sacramenti illam unionem non requisivit, neque nos debemus exigere.

Nec possum mihi persuadere, quod sententia illa communis, tenens, non requiri ad dolorem Sacramentalem amorem benevolum Dei, fuisset a Summis Pontificibus Alexandro VII, & Benedicto XIII. tolerata, si in Sacramento tam necessario quoad praxin fuisset judicatum, subesse grave periculum invaliditatis Sacramenti Pœnitentiæ; prout tamen revera subesset, si contraria opinio consideratis omnibus considerandis judicaretur adhuc prædictæ niti solido, & valde gravi fundamentum. Quod si opponas, memoratos Summos Pontifices tolerasse quoque opinionem illam, quæ ad valorem dolorosæ Confessionis requirit aliquem actum amoris amicitie DEI: Responden, tolerantiam illam facilius capi posse ex ea ratione; quia, quamvis etiam non requiretur; attamen in praxi non noceret, nec valori Sacramenti obstaret, si simul conjungatur in Confessione dolorosa actus amoris Dei benevoli, seu amicitie; e contra vero plurimum obesset, ac maximi peccatores non pauci exponerentur gravi periculo invalidæ absolutionis, si actus amoris Dei super omnia necessarius foret ad Sacramenti Pœnitentiæ valorem, quem tamen actum multi peccatores intermitterent, decepti ex doctrina communi, quæ eundem amorem amicitie etiam prædictæ nullatenus requirit.

172. *Quæres*: An, dum rustici, vel pueri interrogati a Confessario, quare doleant de peccatis & reponant: quia Deum offendi, an (inquam) talis dolor reducendus sit ad virtutem Spei, vel Charitatis? Responden, id debere cognosci ex modo, quo Deum offensum tales simplices apprehendunt; nam si, apprehendunt Deum offensum ut justum

scelerum vindicem, ex his offensis ad infligendas pœnas commotum; sicque, ne has pœnas subire debeant, detestentur grave peccatum, quod esset inductivum harum pœnarum, talis dolor pertinebit ad virtutem Spei; sicuti si econtra sibi sistunt Deum ut infinite bonum in se, nunc per peccata offensum, spectabit ad Charitatem. Ego sapius similia interrogatoria instituendo expertus sum, quod a potiori Deum sibi repræsentent quatenus Redemptorem pro nobis flagellis cruentatum, spinis coronatum, & ignominiose cruci affixum; ubi vix efficacius, & intensius ad serium dolorem commoveri poterunt, quam si ipsis hac occasione proponatur ingratitude erga tantum Redemptorem, & Clementissimum diversarum gratiarum Collatorem, quem per gravia peccata ostentui habent, & de novo Crucifigunt. Meo autem judicio dictus dolor pertinet potius ad amorem concupiscentiæ, & ad virtutem Spei, quam ad Charitatem, cum DEUS repræsentetur *quatenus nobis bonus*; quamvis cæteroquin gratis admittatur, quod etiam similes actus sint quasi scintillæ; vel flammam Charitatis excitantes, vel jam excitatam ulterius foventes &c.

Dicere autem cum Joanne Pontas Ecclesiæ Cathedralis Parisiensis Pœnitentiario in suo Dictionario V. *Contritio, casu 3.* & cum Eusebio Arnott ibidem, quod Charitas benevola feratur in Deum etiam *prout est nostrum summum Bonum*, ac insuper, quod amor ille initialis jam contineatur in proposito *servandi præcepta* &c. seu (quod in re ipsa plane idem est) in proposito non amplius graviter peccandi: Hoc (inquam) dicere, est nobiscum in re ipsa loquendo quoad praxin convenire; cum etiam nos requiramus dolorem serium ex motivo aliquo universali extensivo ad omnia peccata mortalia elicatum cum firmo proposito non amplius graviter peccandi, seu (quod in effectu idem est) nullum amplius transgrediendi præceptum graviter obligans. Sed tali modo loquendo amor concupiscentiæ, & amor amicitie: item Spes & Charitas ad invicem confunduntur in ordine ad præsens tam quoad actus prosecutivos, quam quoad aversativos, de quibus supra num. 160. Item per dictam explicationem non attingitur mens Illustrissimi Episcopi Torphyriensis le Drou, & adherentium, qui cum Eodem tam in suis Dissertationibus de Attritione & Contritione, quam in confutatione discussionis Theologicæ volunt attritionem esse sincerum animi dolorem de peccatis propter Deum, NB. habito respectu ad ipsum propter se super omnia dilectum, exinde addentes, quod attritio, & contritio tantum distinguantur secundum magis, & minus, id est, secundum majorem, vel minorem intensiorem actus, & quod sapius actus Charitatis, benevolentie, seu amicitie sit separabilis a gratia justificativa, quando nimirum ille, a gravi peccatore extra Sacramentum Pœnitentiæ elicatur in gradu valde remisso, qualem actum solent vocare Charitatem imperfectam. Atque contra hos potissimum procedunt dicta præcedentia.

## PROPOSITIONES XVI. & XVII.

173. XVI. *Ordinem præmittendi satisfactionem absolutioni induxit non potestiam aut institutio Ecclesiæ, sed*

sed ipsa Christi Lex, & præscriptio, natura rei idipsum quodammodo dodiçante.

XVII. Per illam praxin mox absolvendi ordo Pœnitentia est inversus.

### DECLARATIO.

A nostro Sixto IV. antea Ordinis Generali, deinde Summo Pontifice error iste, qui erat Petri de Olmo, damnatus fuit, uti testatur Cardinalis de Lugo *Disput. 12. de Pœnitentia num. 42.* Accedit ratio, quod hoc Sacramentum sit institutum ad formam iudicii proferentis sententiam, sed hæc solet proferri ante executionem pœnæ decretæ: ergo. Quando autem adducuntur Orosius Cardinalis, S. Cyprianus, & Abbo Archi-Episcopus Rhemenfis, testantes in antiqua Ecclesia satisfactionem ordinarie præstitam ante absolutionem, præfati, & alii Auctores intelligendi sunt de Absolutione Canonica, qua olim delinquentes in foro Canonico absoluebantur a residuis pœnis Canonicis, & publicis, non autem de Absolutione Sacramentali a peccatis. Vide de his ipsis duabus propositionibus *Cap. III. num. 55.*

### PROPOSITIO XVIII.

174. *Consuetudo moderna quoad administrationem Sacramenti Pœnitentia, etiamsi eam plurimorum hominum sustentet auctoritas, & multi temporis usus, non confirmet, nihilominus ab Ecclesia non habetur pro usu, sed abusu.*

### DECLARATIO.

Gratis, & temerarie Novatores Rigoristæ finxerunt, quod moderna praxis administrandi Sacramentum Pœnitentia habeatur pro abusu, cum numquam ostendi queat, dictam praxin esse contra præceptum Divinum, vel Ecclesiasticum. Vide Dominicum Viva hic *num. V.*

### PROPOSITIO XIX.

175. *Homo debet agere tota vita Pœnitentiam, pro peccato Originali.*

### DECLARATIO.

Contenderunt teste Viva hic *num. 2.* Lutherus & Calvinus, concupiscentiam, seu fomitem peccati esse ipsum peccatum originale; ex quo haud dubie sequeretur, sicuti apud nos etiam post baptismum remanet concupiscentia, ita & permanere ipsum peccatum originale; quod idem videntur occulte sentire rigidi hi Novatores, atque exinde inferre, quod homo debeat tota vita sua agere Pœnitentiam pro peccato originali, utpote quod in principiis Lutheri, ac Calvini adhuc remanet etiam post Baptismum; cum remaneat pro tunc fomes peccati, seu concupiscentia, in qua constituunt rationem peccati originalis. Ast falsum est, quod ipsa concupiscentia sit peccatum originale juxta clarum textum Concilii Tridentini *Sess. 5. de peccato originali. Can. Seu. num. 5.* Præterea (uti bene advertit Matthæucci in sua Cautela Confessarii *Lib. 3. Cap. 3. num. 42.*) ista propositio enervat efficaciam Baptismi per quem, etsi remaneat concupiscentia, nihilominus plene, & integre remittitur peccatum originale, & actualia ante Baptismum commissa juxta Tridentinum

Tomus II.

*Sess. 5. Can. 5. in Decreto de Peccato Originali, ac Sess. 14. de Pœnitentia Cap. 2.* Item remittitur omnis pœna *Can. per Baptismum de Consecrat. Dist. 4.* Propterea baptizatis nulla pro peccatis præteritis injungenda est satisfactio, sed morientes, si post susceptum Baptismum aliam culpam non committant, statim ad Regnum Cœlorum, & Dei visionem pervenient, uti loquitur expresse Concilium Florent. in Decreto Eugenii, ac Tridentinum *Sess. 6. de Justificat. cap. 14.* definit in Baptismo totam pœnam semper remitti. Ad quid ergo opus est agere tota vita pœnitentiam pro peccato originali?

### PROPOSITIONES XX. & XXI.

176. *XX. Confessiones apud Religiosos factæ pleaque vel sacrilegæ sunt, vel invalidæ.*

*XXI. Parochianus potest suspicari de Mendicantibus, qui elemosinis communibus vivunt, de imponenda nimis levi, & incongrua pœnitentia, seu satisfactione ob quæstum, seu lucrum subsidii temporalis.*

### DECLARATIO.

Sunt Rigoristæ in Sacramento Pœnitentia erga alios nimis severi, uti patet ex damnatis antecedentibus propositionibus; hic autem erga seipsos nimium laxi, dum publice sine scrupulo, & anxietate conscientia talia absolute, & generaliter Regularibus mendicantibus de Religione Catholica, in cujus Gremium plures milliones animarum etiam in Indiis tamquam extremis orbis partibus adduxerunt, eximie meritis, falsissimo impingere præsumunt, quæ certe sine gravissima detractatione asseri nequeunt, imo nec sine nota temerarii iudicii cogitari. Videatur Dominicus Viva hic.

### PROPOSITIO XXII.

177. *Sacrilegi sunt iudicandi, qui jus ad Communionem percipiendam prætendunt, antequam condignam de delictis suis pœnitentiam egerint.*

### DECLARATIO.

Etsi non negetur, aliquando consultum esse, ut Pœnitentia persolvatur, antequam sacra Communionem percipiatur: attamen si id non fiat, Sacrilegium committi ex nullo textu Sacra Scripturae aut Concilii Oecumenici probari potest. Scio quidem, quod Paulus Apostolus requiratur, ut quis antequam ad has Epulas Divinas accedat, se ipsum probet, id tamen non ita intelligendum venit, quasi necessario præcedenter ante accessum ad Sacram Communionem prævia condigna satisfactio requireretur, sed potius de prævia Confessione debet fieri interpretatio. Audiatur desuper Concilium Tridentinum *Sess. 13. de Eucharistia Cap. 7.* taliter loquens: *Ecclesiastica consuetudo declarat, eam probationem necessariam esse, ut nullus sibi conscius mortalis peccati, quantumvis sibi contritus videatur, absque præmissa Sacramentali Confessione ad Sacram Eucharistiam accedere debeat.* Item quomodo consultum invenitur, ut v.g. consuetudinarius, cui singulis diebus per aliquot hebdomadas brevis oratio tamquam pœnitentia medicinalis imponitur, ut (inquam) talis consuetudinarius a cibo hoc alias singulariter confortante absteineat,

S

usque-

usquedum per hanc pœnitentiam condigne pro suis peccatis satisfaciat?

### PROPOSITIO XXIII.

178. *Similiter arceri sunt a Sacra Communione, quibus nondum inest amor Dei purissimus, & omnis mixtionis expers.*

### DECLARATIO.

Datur etiam suo modo in absurdis aliqua coherentia, ita nimirum, ut ex uno absurdo sequantur plura. Sic quia Bajani juxta jam dicta conformiter propositioni 38. damnata Michaelis Baji docuerunt, omnem actionem humanam deliberatam, quæ non est Charitas Patris, esse dilectionem mundi, & concupiscentiam carnis, exinde occulti afflæ Michaelis Baji, ac Novatores consequenter inferunt, præparationem illam, qua juxta Apostolum Paulum homo seipsum probat, ut de pane illo edat &c. debere necessario procedere ex purissimo amore Divino, alias autem fore dilectionem mundi, peccaminosam, & consequenter tales a S. Communione arcendos. Ast reprobantur partim ex jam dictis antecedentibus, partim ex Concilio Tridentino, quod *Seff. 13. cap. 7.* declarans illam præparationem ad sacram Communionem ab Apostolo Paulo desideratam non facit ullam mentionem Charitatis purissimæ quasi necessario prærequisitæ, sed potius Sacramentalis Confessionis, supposito, quod quis in peccato gravi existerit.

### PROPOSITIO XXIV.

179. *Oblatio in templo, quæ fiebat a B. Virgine MARIA in die Purificationis suæ per duos Pullos Columbarum unum in holocaustum, & alterum pro peccatis, sufficienter testatur, quod indigueris purificatione, & quod filius, qui offerebatur, etiam macula Matris maculatus esset secundum verba Legis.*

### DECLARATIO.

Equidem hæc Thesis confixa directe non spectat ad Theologiam moralem, uti consideranti patet, ut tamen nulla ex propositionibus ab Alexandro VIII. rejectis absque aliquali saltem declaratione relinquatur, succincte explicatur: Prænotandum itaque ex Origene *Hom. 14. in Lucam*, a feminis parturientibus post tempus purificationis (id est triginta diebus post partum) duos Pullos Columbarum a pauperibus; a ditioribus autem unum agnum anniculum, & unum pullum columbæ in Lege veteri fuisse in templo oblatos, & quidem pullus columbæ semper offerebatur pro peccato, id est, pro immunditia contracta a genitrice, & ab infante, tum ob conceptionem impuram ex concupiscentia carnis ortum trahentem, tum ex vilitate sordidæ: nam cum novem illis mensibus in utero Matris aliqua excrementa, & copia sanguinis congregentur, in enixu partus expelluntur; & quia tota hæc miseria NB. ex infectione peccati, ac concupiscentia tamquam fomite peccati oritur, idcirco Sacrificium illius pulli pro peccato offerri dicebatur, uti bene notat Dominicus Viva *hic num. 3.* Jam autem ter immaculata, ac purissima Dei Genitrix MARIA juxta

Isaiam *Cap. 7.* tamquam Virgo peperit filium, & quidem conceptum de Spiritu Sancto, prout Symbolum Apostolorum nos docet, consequenter his immunditiis ex concupiscentia carnis, & concubitu cum viro evenientibus subjecta ne utquam fuit, Nequaquam immunda judicatur, quæ Sancto Spiritu obumbrante totius munditiæ, & Sanctitatis auctorem genuisse probatur: inquit apud Dominicum Viva *hic Num. 7.* S. Eligius; & S. Augustinus *Lib. de Heresib. Cap. 5. contra Manichæos* ait: *Stulte, unde sordes ex Virgine Matre, ubi non est concubitus cum homine Patre? nihil plane in hoc conceptu, nihil in partu impurum fuit &c. &c. Vere o Beata Virgo, vere non habes causam, nec tibi opus est purificatione:* Concludit S. Bernardus *Serm. 1. de Circumcisione.* Neque ex eo, quod offerendo duos pullos columbarum antiquæ Legi purificationis sese subjecerit, sequitur, quod purificationem indiguerit; alias pariter ex circumcisione Christi deberet inferri in ipso inacula originalis peccati, & ex dato tributo subjectio Christi ad Cæsarem colligeretur, uti recte notat Matthæuccius in *Castel. Confess. Lib. 3. cap. 3. num. 56.*

### PROPOSITIO XXV.

180. *Dei Patris sedentis simulacrum nefas est Christiano in templo collocare.*

### DECLARATIO.

Videtur hæc propositio renovare errorem Iconoclastarum in VII. Synodo Generali ad annum 787. sub Adriano Papa damnatum, quæ damnatio denuo renovata fuit a Concilio Trident. *Seff. 25. in Decreto de Invocat. Sanct.* contra Lutheranos, & Calvinistas statuentes, imagines Christi, Deiparæ, & aliorum Sanctorum non solum in templis habendas; sed etiam eis debitum honorem, & venerationem impertiendam. Nec dicatur cum his Novatoribus, in isto aliisque Conciliis equidem fuisse definitam retentionem imaginum Christi, Deiparæ & Sanctorum; nihil autem esse decisum de imaginibus representantibus ipsummet Deum. Nam *contra est*, quod eadem videatur ratio, uti consideranti patet: Si enim Deus Pater sub figura corporea apparuit Danieli, prout ipsemet testatur *Cap. 7. Ibi aspiciebam, donec Throni positi sunt, & antiquus dierum sedit,* & Spiritus Sanctus sub specie columbæ *Matth. cap. 3.* cur non poterit Deus etiam sub figura corporea representari, & in templo collocari? Nec obest, quod Deus sit incorporeus: nam etiam Angeli sunt incorporei, & tamen constat ex Dei imperio *Exodi cap. 25.* Angelos sculpta similitudine expressos fuisse, & in VII. Synodo definitum esse, imagines Angelorum posse depingi. Consule de hoc ulterius Theologiam Polemicam.

### PROPOSITIO XXVI.

181. *Laus, quæ deservitur MARIE, ut Maria, vana est.*

### DECLARATIO.

Errorem hunc Leo Isauricus inter hæreticos post Gentiles, & Mahumetanos omnium primus jam docuit, quem resuscitarunt Wiclephistæ teste Valdensi *T. 3. cap. 118.* nullam aliam salutationem



nem honorificam B. V. concedentes, quam civilem, qualis etiam Regibus & Magnatibus exhibetur. Errori huic repugnat perpetuus Ecclesiæ usus, & Traditio, ac novissime Concilium Trident. *sess. 25.* superius citatum, præcipiens non solum laudem, sed etiam honorem, ac cultum B. Virgini, ac Sanctis exhiberi, qui quidem non sit cultus Latriæ, sed Hyperdulæ respectu Beatæ Virginis, & Dulæ respectu aliorum Sanctorum. Videantur dicta Patris Reiffenstuel *Tract. 5. Dist. 1. Quæst. 3. & 4.*

### PROPOSITIO XXVII.

182. *Valuit aliquando Baptismus sub hac forma collatus: In nomine Patris &c. prætermisiss illis: Ego te baptizo.*

### DECLARATIO.

Cum ad valorem Baptismi requiratur, ut exprimatur actio Ministri, sicuti ad valorem Sacramenti Pœnitentiæ; hinc sicuti in Sacramento Pœnitentiæ, si omitteretur: *Ego te absolvo*, nunquam reputatum legitur validum Sacramentum Pœnitentiæ, ita pariter discurrendum, si in baptismo intermissum fuit: *Ego te baptizo*. Et hinc Alexander tertius (prout refertur cap. 1. de Baptismo) jam anno 1175. declaravit Baptismum tamquam invalidum, in quo sub expressione formæ non continentur hæc verba: *Ego te baptizo*. Vide Reiffenstuel *Tract. 14. Dist. 3. Quæst. 3.*

### PROPOSITIO XXVIII.

183. *Valet Baptismus collatus a Ministro, qui omnem ritum externum, formamque baptizandi observat; intus vero in corde suo apud se resolvit: Non intendendo facere, quod facit Ecclesia.*

### DECLARATIO.

Expresse Concilium Trident. *sess. 7. de Sacram. in genere Can. 11.* hæc posuit formalia: *Si quis dixerit, in Ministris dum Sacramenta conficiunt, & conferunt, non requiri intentionem saltem faciendi, quod facit Ecclesia, anathema sit.* Quod idem jam antecederet statuit Concil. Florent. in Decret. Unionis. Textum hunc torte explicarunt aliqui, ut suam adhuc opinionem aliquo modo manutene-  
re valeant: dicendo nimirum, vi allegati textus requiri quidem intentionem materialiter faciendi, quod facit Ecclesia, non autem formaliter, id est, præcipi quidem intentionem ponendi ritus externos, prout ponit Ecclesia, non autem requiri intentionem internam, neque implicitam conficiendi Sacramentum Nomine Christi tamquam Principalis, prout facit Ecclesia; quin imo (inquiunt) interne poterit haberi expresse intentio contraria; nimirum nullum conficiendi Sacramentum, dummodo hæc positiva contraria intentio non prodeat exterius. Ita illi. Videtur tamen torta hæc explicatio reprobata per confixionem allegatæ 28. propositionis ex ea ratione; quia Minister Sacramenti operatur nomine Christi tamquam principaliter operantis, adeoque saltem implicite debet se conformare intentioni Ipsius Christi, quæ erat non solum ritus externos, sed

Tomus II.

ipsum Sacramentum conficiendi. Et hinc etiam in Sacramento Pœnitentiæ juxta Concilium Trident. *sess. 14. de Pœnitentiæ cap. 6.* Sacerdos tamquam Minister & Judex constitutus à Christo debet in absolutione habere non solum intentionem ponendi verba absolutoria, seu actionem illam externam *animo serio* & non præcise modo jocosæ, verum etiam debet insuper habere voluntatem *vere absol- vendi*; & consequenter nequit interne dicere: *Non intendo absolvere.* Solutionem objectionum invenies passim apud Theologos, notanter apud nostrum Henno *Tract. de Sacramentis Dist. 4. Q. 2. Art. 2.* Ubi ex professo refutat P. Juvenin, & nonnullos Recentiores Doctores Sorbonicos, & Lovanienses.

### PROPOSITIO XXIX.

184. *Fatis, & toties convulsa est assertio de Pontificis Romani supra Concilium Oecumenicum Auctoritate, atque in fidei questionibus decernendis infallibilitate.*

### DECLARATIO.

Auctoritas Romani Pontificis supra Concilium Oecumenicum, seu Generale, & ejusdem infallibilitas in decernendis questionibus fidei desumitur ex illo Christi Domini ad Petrum Matthæi cap. 16. *Tu es Petrus, & super banc Petram edificabo Ecclesiam meam, & porta inferi non prevalebit adversus eam.* Nam si Ecclesia fundatur supra Petrum; non autem Petrus supra Ecclesiam, Ipsemet Petrus erit fundamentum nostræ fidei, non autem Ecclesia, seu Concilium Oecumenicum, & consequenter Petro Major auctoritas deferenda. Deinde si contra Petrum, & successores prævalere nequeunt portæ inferi, consequenter Papa nequit falli in decernendis articulis fidei; alias multum prævalerent contra ipsum portæ inferi. Taceo alias graves, quas pro se habeant, rationes hæc duo allerta de Pontificis in materia fidei infallibilitate, & ejusdem supra Concilium auctoritate; hinc merito propositio 29. damnata fuit, quia hanc ipsam duplicem assertionem NB. futilam, & toties convulsam pronunciare ausus erat. Vide dicta in *questionibus polemicis, de cap. III. num. 3. & seqq.*

### PROPOSITIO XXX.

185. *Ubi quis invenerit doctrinam in Augustino clare fundatam, illam absolute potest tenere, & docere non respiciendo ad ullam Pontificis Bullam.*

### DECLARATIO.

Magna quidem est Auctoritas Divi Augustini, non tamen irrefragabilis, nisi relata ad ea, quæ a Conciliis, & summis Pontificibus approbata sunt. Quare haud dubie pariter ad Bullas Pontificias respici debet; cum teste Sacra Scriptura quoad materiam fidei summus Pontifex loquens de Cathedra, non autem Divus Augustinus inveniat habere promissam infallibilem assistentiam Spiritus sancti. Quinimo Divus Augustinus ipsemet aliqua retractavit, prout fatetur *Lib. de Dono perseverantia cap. 21.* Interea confixa hæc Janse-  
nistarum propositio ortum trahit a Bajanis, qui, ut facilius se subtrahere possent Bullis Pontificiis, suam doctrinam reprobantibus, contenderunt (licet

S 2

falsi.

falsissime) multas Michaelis Baji propositiones indubitanter ab Augustino doceri, sicque easdem ob auctoritatem Divi Augustini tantis laudum Encomiis ab Ecclesia recommendati manuteneri posse, non respiciendo ad Bullas Pontificum, quibus eadem damnantur. Hoc ipsum suspicor occultum fuisse intentum Cornelii Jansenii toties libros Divi Augustini revolvantis; & opus suum, postea ab Ecclesia prohibitum juxta dicenda non aliter, quam sub nomine Augustini typo divulgantis. Idem erat finis Sæctatorum doctrinæ hujus operis, qui etiam exinde seipsos Augustinianos appellare consueverunt; quem tamen gloriosum titulum præfatis genuini Clarissimi Hujus Africani Luminis Filii neutiquam concedent, nisi forsan eo modo Augustiniani vocari velint, quo Scipio cognominabatur Africanus; ideo sic dictus, quia totam Africam destruxit.

### PROPOSITIO XXXI.

186. Bulla Urbani VIII. in Eminentia, est subreptitia.

### DECLARATIO.

Sciendum est, quod Bulla isthæc Urbani VIII. confirmaverit constitutiones adversus 79. Propositiones Michaelis Baji a S. Pio V. & Gregorio XIII. proscriptas, ac præterea prohibuerit aliquem Librum Jansenii Augustinus Cornelii Jansenii intulatum, utpote continentem nonnullas ex dictis 79. propositionibus damnatis, & harum principis insistentem. Quare occulti Bajandrum, & Jansenistarum Fautores videntes se exinde confusos, ut omnem vim huic Bullæ adimant, ausi sunt eandem dicere subreptitiam, id est, dolo extortam per expositionem falsi. Sed contra est primo, quod Pontifex direxerit eam Bullam ad universalem Ecclesiam, damnando doctrinam Bajanam, & Jan-

senisticam tamquam hæreticam, scandalosam, & periculosam, & consequenter locutus sit de Cathedra, ubi nec errare, nec decipi potest in materia fidei. Contra est secundo, quod ipsemet Pontifex in ea Bulla fateatur NB. ex maturatione illius libri, cui titulus Augustinus &c. lectione compertam esse, multos ibi errores Baji contineri.

187. Quibus mature consideratis idem Sanctissimus statuit, & decrevit 31. supradictas propositiones tamquam temerarias, scandalosas, male sonantes, injurias, hæresi proximas, hæresi sapientes, erroneas, schismaticas, & hæreticas respectivè esse damnandas, & prohibendas, sicut eas damnat, & prohibet, ita, ut quicumque illas aut conjunctim, aut divisim docuerit, defenderit, ediderit, aut de iis etiam disputativè, publice, aut privatim tractaverit, nisi forsan impugnando, ipso facto incidat in excommunicationem, a qua non possit (præterquam in articulo mortis) ab alio, quacumque etiam dignitate fulgente, nisi a pro tempore existente Romano Pontifice absolvi.

Insuper directe in virtute Sanctæ obedientiæ, & sub interminatione Divini Judicii prohibet omnibus Christiani fidelibus, cujuscumque conditionis, dignitatis, & status, etiam speciali, & specialissima nota dignis, ne prædictas opiniones, aut aliquam ipsarum ad praxin deducant. Non intendit tamen Sanctitas sua per hoc Decretum alias propositiones in majori numero ultra supradictas 31. jam exhibitas, & in hoc Decreto non expressas approbare.

#### Conclusio Finalis.

Et hic tandem benigne Lector, exiguo meo opusculo, præcipue in favorem juvenum Confessariorum conscripto, finis imponitur, cujus singulas periodos; imo & quælibet verba, syllabas, litteras, & apices Sacræ Romanæ Ecclesiæ Judicio, atque Censuræ humillime subijcio.

Omnia ad majorem Dei, Deiparæque Virginis Immaculatæ Gloriam, & Honorem.



Index

# I N D E X

## Rerum, & Verborum.

*Ubi Lit. C. Caput. Lit. n. Numerum, & Lit. p. paginam denotant.*

### A

- A**ortum directe procurare numquam licet, *C. IV. n. 91. p. 115. & n. 94. p. 116.*  
 An & quando indirecte, *ibidem.*  
 Absolutio est saltem pars essentialis Sacramenti poenitentiae, *C. II. n. 42. & 45. p. 25.*  
 - - Per eam remittuntur peccata Auctoritate delegata a Christo, *C. II. n. 46. p. 25.*  
 - - An & quomodo differenda, contra Quesnellium, *C. III. n. 56. 57. p. 88.*  
 - - A Casibus Bullae Coenae, v. *Episcopi*: item *Regulares.*  
 - - Absolutio ignorantibus Mysteria Fidei, an, quando, & quomodo impertienda? *C. IV. n. 139. p. 129.*  
 Absolutionem an debeat precedere satisfactio, *C. IV. n. 173. p. 137.*  
 - - An eadem ordinarie debeat suspendi? *ibidem.*  
 Abstinencia, v. *Jejunium.*  
 Abusus, a Confessione Augustana Catholicis falso imputati, refutantur, *C. II. §. 7. per tot. p. 36.*  
 - - Pariter imputati a Calvino, *C. II. n. 150. p. 50.*  
 - - Propter abusus non est tollendus usus, *C. II. n. 81. p. 34.*  
 Acatolici. Carent Iudice Controversiarum suarum, *proleg. n. 2. p. 1.*  
 - - Sibi ipsis contradicunt, *ibidem.*  
 Acerbitas poenarum, v. *Dolor.*  
 Actus conjugalibus ob solam delectationem quale sit peccatum? *C. IV. n. 71. p. 110.*  
 Actus humanus an debeat habere necessario conjunctam charitatem, ut sit moraliter bonus, *C. IV. n. 152. p. 132.*  
 Actus indifferentes non excludunt Imperfectionem, sed solum peccatum, *C. IV. n. 72. p. 111.*  
 Actus Virtutum Theologicarum an vi precepti eliciendi? *C. IV. n. 2. p. 93. & n. 70. p. 110. & n. 80. p. 112.*  
 Adultera non excusatur Consentiente Marito, *C. IV. n. 112. p. 121.*  
 Acrius, haereticus, *C. II. n. 126. p. 45. & n. 153. p. 52.*  
 Aetius, haereticus, damnatus an. 353. *C. II. n. 22. p. 20.*  
 Albigenium secta, *C. II. n. 181. p. 59.*  
 Alciatus, Juris peritus, a Calvino frequentatur, *C. II. n. 148. p. 50.*  
 Alexandri VII. Constitutio, *Regiminis Apostolici*, condemnatoria Propositionum Jansenii, *C. III. n. 13. p. 72.*  
 - - Item Decretum I contra XXVIII. Propositiones an. 1665. 24. Sept. damnatas, *C. IV. n. 1. p. 93.*  
 - - Item Decretum II. *C. IV. n. 41. p. 103.*  
 Alexandri VIII. Decretum, v. *Propositiones.*  
 S. Ambrosius a Lutheranis inique citatus, *C. II. n. 25. p. 21.*  
 - - Quid doceat de Invocatione Sanctorum? *ibid. n. 87. p. 35.*  
 - - A Calvinistis acceptatur, *ibid. n. 165. p. 55.*  
 Ambsdorthenses Lutherani, *C. II. n. 195. p. 64.*  
 Amor Concupiscentiae & amor Amicitiae quis? *C. IV. n. 170. p. 135.*  
 - - Inter divinum & humanum Amorem an aliquid mediet? *C. III. n. 40. p. 83.*  
 - - Amor Dei si deficiat, an necessario deficiat pariter fides? *C. IV. n. 157. p. 133.*  
 Anabaptistarum Errores circa Baptismum, *C. II. n. 31. 32. p. 22.*  
 - - Etiam a Lutheranis damnati, *ibid. n. 30. p. 22. & n. 40. p. 24.*  
 Angeli recte invocantur, *C. II. n. 86. p. 35.*  
 Anhaltinus Princeps, Wolfgangus, Lutheri fautor, *C. II. n. 6. p. 17.*  
 Animalis homo non percipit ea, quae sunt Spiritus, quomodo intelligendum? *C. II. n. 65. p. 30. & n. 61. p. 31.*  
 Appellatio ad futurum Concilium generale est commune effugium haereticorum, *C. III. n. 3. p. 65.*  
 - - A Catholicis nullatenus admittenda, *ibid. n. 4. p. 65.*  
 Arausicanum Concilium, *proleg. n. 6. p. 2.*  
 Arbitrium liberum,  
 - - Quomodo describatur in Confessione Augustana? *C. II. n. 65. p. 30.*  
 - - Quid de eo scripserit Lutherus & Calvinus? *ibidem. & n. 150. p. 50.*  
 - - Quid moderni sectarii? *ibidem & n. 66. p. 36.*  
 - - Quid Catholicis? *ibid. n. 68. p. ibidem.*  
 - - Habet quilibet rationis capax ad observanda mandata, *C. II. n. 74. p. 32.*  
 - - Circa illud Bajaniarum, Janseniarum, & Quesnellianorum conveniunt cum Lutheranis, & praesertim cum Calvinistis, *C. III. n. 63. p. 91.*  
 vid. etiam *Libertas voluntatis.*  
 Argumenta contra Haereticos recentiores, *C. III. n. 45. p. 84. & n. 66. p. 92.*  
 Arianorum Errores, *C. II. n. 14. p. 18.*  
 - - Etiam a Lutheranis damnati, *p. ibid.*  
 Armenus, haereticus, *C. II. n. 150. p. 50.*  
 Arnaldus, seu Arnaudus (Antonius) Jansenii sectator, *C. III. n. 21. p. 76.*  
 - - Ejus Vita & libri, *ibid.*  
 Assuriani qui fuerint? *C. II. n. 26. p. 21.*  
 S. Athanasius etiam a Calvinistis recipitur, *C. II. n. 165. p. 55. & n. 184. p. 60.*

Attritio pure naturalis non sufficit, c. IV. n. 125. p. 125.

- Ex timore gehennæ an bona & supernaturalis, *ibid.* n. 167. p. 134.

- An, concesso etiam, quod talis contritio sit bona, æque sufficiat ad Sacramentum penitentiz absque aliquo actu dilectionis Dei, *ibid.* n. 168. p. 135.

- Attritio in Sacramento penitentiz requisita, quomodo ab adversariis explicetur, *ibid.*

Augusta Vindelicorum a Lutheranis capta, c. II. n. 10. p. 17.

Augustana Confessio, v. *Confessio Augustana*.

S. Augustinus quid sentiat de Invocatione Sanctorum, c. II. n. 87. p. 39.

- Quomodo a Calvinistis, & Jansenistis male allegetur, *ibid.* n. 176. p. 57. & c. III. n. 66. p. 92.

- Ejus doctrina an sit infallibilis, c. IV. n. 185. p. 139.

*Augustinus*, liber Jansenii, v. *Jansenius*.

## B.

**B**aadenfis Princeps, Jacobus, ob discordias in Protestantium Religione ad Catholicam conversus, c. II. n. 13. p. 18.

Baji (Michaelis) propria revocatio sententiarum suarum a S. Sede damnatarum, c. III. n. 2. p. 65.

- Ejus vita *ibid.* n. 8. p. 66.

- Ejus Propositiones damnatæ a Pio V. *ibidem* n. 9. p. *ibid.*

- Bajanistæ quomodo convenient cum Lutheranis, & maxime cum Calvinistis? *ibid.* n. 63. & *seqq.* p. 91.

Banez & Serra quidnam docuerint quoad obligationem exercendi Virtutes Theologicas, c. IV. n. 2. p. 93.

Baptistinus, quid de illo tradat Confessio Augustana? c. II. n. 30. p. 22.

- An ad eum requiratur actus fidei a baptizando elicitus? *ibid.* n. 31. 32. p. *ibid.*

- Non regit peccata, sed tollit, *ibid.* n. 55. p. 27.

- Per baptismum dicimur ablui mundati, sanctificati, *ibid.* & n. 160. p. 53.

- Nec parvuli salvantur absque baptismo, *ibid.* n. 163. p. 54.

- An valeat baptismus absque expressione Verborum, *Ego te baptizo*, c. IV. n. 182. p. 139.

- An subsistat absque intentione faciendi, quod facit Ecclesia? *ibid.* n. 183. p. *ibid.*

Baratra, seu Mohatra Contractus, v. *Mohatra*.

Beatitudo æterna an possit esse motivum operationis moraliter bonæ, c. IV. n. 155. p. 133.

Bega, vel Bego, institutor Beguinarum Catholicarum in Belgio, v. *Beguina*.

Beguardi qui fuerint? c. I. n. 10. p. 11.

- Eorum errores, *ibid.* n. 15. p. 12.

Beguinae falso se Moniales mentientes, c. I. n. 12. p. 11.

- Non confundendæ cum illis in Belgio, a S.

Bega, vel Bego institutis, & honeste ac exemplariter viventibus, *ibidem*.

Beguini quinam? c. I. n. 11. p. 11.

- Eorum errores, *ibid.* n. 15. p. 12.

Beneficia Ecclesiastica quomodo gratis conferenda, c. IV. n. 32. p. 101.

Berengarius, primus publice & cum magno strepitu negavit præsentiam Christi in Eucharistia, c. II. n. 181. p. 59.

Biblia Sacra, an in Editione vulgari cuique indistincte legenda? c. III. n. 53. p. 87.

Bizochi, a Joanne XXII. damnati, c. I. n. 11. p. 11.

Bogohatus, seu Bononatus, Auctor Beguardorum, c. I. n. 10. p. 11.

Brandenburgicus Elector, Georgius, Lutheri fautor, c. II. n. 6. p. 17.

- Item Joachimus, c. II. n. 9. p. *ibid.*

- Et Albertus, *ibid.* n. 10. p. *ibid.*

Breviarium, v. *Hora Canonica*.

Bucerus (Martinus) quis fuerit? c. II. n. 33. p. 22.

Bullæ Cœnæ Domini Casus reservati, c. IV. n. 4. p. 94.

- Quando censentur non amplius reservati? *ibid.* n. 10. p. 96.

Bulla *Unigenitus*, v. *Unigenitus*.

Bulla Urbani VIII. damnans Bajanos, & Jansenistas, an sit subreptitia? c. IV. n. 186. p. 140.

## C.

**C**elestinus (Georgius) Auctor Lutheranus, c. II. n. 12. p. 18.

Cælibatus non est res impossibilis, sed bona, honesta, & melior Conjugio, c. II. n. 105. p. 40. n. 106. p. 41. n. 140. p. 47.

Cœna Domini, quid de ea sentiat Confessio Augustana, c. II. n. 33. & *seqq.* p. 22.

- In ea Apostoli consecrati Sacerdotes, *ibid.* n. 98. p. 38. vid. *Communio*.

Calenus (Henricus) Jansenii doctrinæ propagator, c. III. n. 11. p. 70.

Calvinus.

- Quid de libero Arbitrio dicat, c. II. n. 65. p. 30. & n. 150. p. 50.

- Ejus Vita & mores, *ibid.* n. 148. p. 49.

- Ejus Mors, *ibid.* p. 50.

- In quibus conveniat cum Confessione Augustana, *ibid.* n. 150. p. 50.

- Ejus propositiones Speciales, circa prædestinationem Electorum ad vitam æternam ab Ecclesia damnatæ, *ibid.* n. 156. p. 53.

- Item circa reprobationem seu præordinationem reproborum, *ibid.* n. 164. p. 54.

- Item de gratia efficaci & libero arbitrio, *ibid.* n. 173. p. 57.

Calvinistæ tolerati primum vi pacis Westphalicæ, c. II. n. 10. p. 18.

- Quo titulo nominent Confessionem Augustanam, *ibid.* n. 12. p. *ibid.*

- Etiam SS. Patres & antiqua Concilia acceptant, *ibidem* n. 165. p. 55. & n. 184. p. 60.

Calvinistarum variz sectæ, nempe alii rigidi, alii molles. Guesii in Belgio. Hugonottæ in Gallia. Episcopales, & Presbyteriani in Anglia. c. II. n. 149. p. 50. Remonstratenfes, & Contra-Remonstratenfes, c. II. n. 195. p. 63.

Capellania Collativa quid sit? c. IV. n. 31. p. 100.

Carnis Delicta varia. Eorum Species in Confessione exprimendæ, c. IV. n. 34. 35. p. 101. 102. & n. 112. p. 121.

Carolus V. exequitur Bullam damnationis contra Lutherum, c. II. n. 5. p. 17.

Caro-



- Carolus V. indicit Comitia Augustæ propter Lutherum, *c. II. n. 6. p. 17.*
- - Rejicit *Confessionem Augustanam*, *ibidem n. 7. p. ibid.*
  - - Foederatos Schmalcaldicos acie vincit, *ibid. n. 8. p. ibid.*
  - - Præscribit illis formulam *Interim* servandam, quæ Curia Romanæ displicuit, *ibid. n. 9.*
  - - Obruatur a Mauritio, Electore Saxoniz, & aliis Lutheri defensoribus, *ibid. n. 10. p. 17.*
- Caros quid? *c. I. n. 3. p. 5.*
- Castitatis votum non est impossibile, v. *Calibatus.*
- Catalepis quid sit? *c. I. n. 3. p. 5.*
- Censuræ non statim cessant cessante contumacia Rei, *c. IV. n. 58. p. 107.*
- Charitatis Actus quomodo eliciendi? *c. I. n. 10. 21. p. 13.*
- - Quando & quoties in vita eliciendus actus Charitatis erga Deum, *c. IV. n. 2. p. 93. & n. 70. p. 110.*
  - - Charitas an requiratur ad omnem actum moraliter bonum? *c. IV. n. 152. p. 132.*
  - - An sit principium actuum non solum amoris, verum etiam perfectæ Contritionis? *ibid. n. 160. 161. p. 133.*
  - - Charitas proximi non solum actibus externis, sed & internis exercenda, *ibid. n. 73. p. 111.*
- Christi præsentia Realis in S. Eucharistia probatur, *c. II. n. 34. & c. p. 23. & n. 182. p. 59.*
- - Christi merita quomodo sint infiniti valoris, *ibid. n. 49. p. 26.*
  - - Christus quomodo dicatur unus *Mediator*, *c. II. n. 88. p. 36.*
  - - In ultima Cœna consecravat Apostolos Sacerdotes, *ibid. n. 93. p. 37. & n. 98. p. 38.*
  - - An sit mortuus pro solis fidelibus? *c. IV. n. 149. p. 132.*
- Ciborum discrimen, v. *Jejunium.*
- Clemens XI. rejicit effugia Jansenistarum per Bullam, *Vineam Domini Sabaoth*, *c. III. n. 13. p. 71.*
- - Ejus Bulla, *Unigenitus*, v. *Unigenitus.*
- Colonitseh, Cardinalis, de Confessione Augustana Judicium, *c. II. n. 12. p. 18.*
- Coma quid sit? aliud vigil, aliud somnolentum, *c. I. n. 3. p. 5.*
- Comedere, bibere, ob solam voluptatem, an & quale sit peccatum? *c. IV. n. 71. p. 110.*
- Communio.
- - Sub utraque Specie cur laicis fuerit interdicta, *c. II. n. 91. p. 37.*
  - - Totus Christus est sub una tantum Specie, *ibid. n. 92. p. ibid.*
  - - Nullum est assignabile Mandatum divinum sub utraque Specie illam præcipiens, *ibid. n. 93. p. ibid.*
  - - Ipsi Apostoli sub una tantum Specie eam porrexerunt, *ibid. n. 94. p. ibid.*
  - - Etiam in primitiva Ecclesia ac primis 4. seculis, sub una tantum Specie tradebatur, *ibid. n. 95. p. ibid.*
  - - Potuit Ecclesia communionem sub utraque specie prohibere, *ibid. n. 96. p. 38.*
  - - A Concilio Constantienti & Tridentino recte prohibita, ex pluribus motivis, adductis *ibid. n. 96. p. ibid.*
- - An laicis præcipiatur Communio ex mandato divina, vel solum Ecclesiastico? *ibid. n. 98. p. ibid.*
  - - A quibus hæreticis sub utraque Specie prætensa, *ibid. n. 102. p. 39.*
  - - Communionis Annuæ præcepto non satisfacit per Communionem sacrilegam, *c. IV. n. 122. p. 124.*
  - - Communio frequens quomodo sit Nota prædestinationis, *c. IV. n. 123. p. ibid.*
  - - Decretum Innocentii XI. de Communionem quotidiana, *c. IV. n. 124. p. ibid.*
  - - An Communioni necessario præmittenda sit per solutio pœnitentiæ, *c. IV. n. 177. p. 137.*
  - - An Communio sit concedenda hominibus, in quibus necdum est amor purissimus? *c. IV. n. 178. p. 138.*
- Concilia antiqua etiam a Calvinistis admittantur, *c. II. n. 165. p. 54.*
- Concilium Tridentinum an ad dolorem Sacramenti pœnitentiæ requisierit aliquem actum dilectionis, *c. IV. n. 169. p. 135.*
- Concilium an sit supra Papam? *ibid. n. 184. p. 139.*
- Concordiæ liber, v. *Liber.*
- Concubinarius tenetur ejicere concubinam, *c. IV. n. 55. p. 106.*
- Concupiscentia quomodo vocetur peccatum, *c. II. n. 15. 16. p. 19. & n. 150. p. 50.*
- Concursus pœnitentium an excuset ab integritate materiali confessionis? *c. IV. n. 129. p. 126.*
- Confessio Augustana.
- - A Philippo Melanchton composita, *c. II. n. 6. p. 17.*
  - - A Cæsare Carolo V. & plurimis Imperii Principibus rejecta, *ibid. n. 7. p. ibid.*
  - - Lutheranis tandem permilla, *ibid. n. 10. p. ibid.*
  - - Ejus Originale non habent Protestantes, *ibid. n. 11. p. 18.*
  - - Ejus Copiæ quantum inter se, & ab Originali discrepent, *ibid. n. 12. p. ibid.*
  - - Ab aliquibus Protestantibus vilipenditur, *ibid. & p. ibid.*
  - - Ejus XXI. Articuli proponuntur, & refutantur, *c. II. §. 6. per tot. p. 28.*
  - - Ejus abusus, Catholicis affecti, refutantur, *ibid. §. 7. per tot. p. 36.*
  - - Quomodo a Calvinistis nominetur? *ibid. n. 12. p. 18.*
- Confessio, quid de ea doceant Augustanæ Confessionis auctores? *c. II. n. 37. p. 23. n. 122. p. 45.*
- - Quid Calvinus? *ibid. n. 150. p. 50.*
  - - Quænam ad eam requirantur a Catholicis? *ibidem, & n. 38. cum seqq. p. 24. & c. & n. 123. p. 45.*
- v. etiam *Pœnitentia.*
- Confessarius ab Episcopo, etiam injuste, reprobatus non poterit absolvere, *c. IV. n. 23. p. 99.*
- - Quomodo debeat esse approbatus? *ibid. n. 26. p. ibid.*
- v. etiam *Director animarum.*
- Conjugium Sacerdotum, v. *Sacerdotes.*
- Consensus Mariti non excusat ab Adulterio, *c. IV. n. 112. p. 121.*

Con-

## Consuetudinarii.

- - An debeant se manifestare Confessario? *C. IV. n. 126. p. 125.*
- - Etiam non interrogati, *ibid. n. 127. p. 126.*
- - Quomodo absolvendi, si promittant emendationem, *ibid. n. 131. 132. p. 127.*
- - Ex quibus Signis dubitari potest de vero eorum proposito, *ibid. n. 132. p. ibid.*
- - Quid agendum cum constitutis in articulo mortis? *ibid. n. 134. p. 128.*
- - Quid cum illis, qui ordinarie afferunt eadem peccata Venialia? *ibid. n. 135. p. ibid.*
- Contritio quomodo describatur ab A catholicis & Catholicis, *C. II. n. 4. p. 16. & n. 43. p. 25.*
- Correctio fraterna non semper est de præcepto divino, præsertim in Denunciatione Delictorum communitati valde noxiorum, *C. IV. n. 17. p. 97.*
- Culpa remissa, sæpe restat adhuc pœna temporalis, *C. II. n. 48. p. 26.*
- Cultus B. V. Mariæ qualis deferendus? *C. IV. n. 181. p. 138. sq.*
- - Cultus Sanctorum, v. *Sanctorum, &c.*
- S. Cyrillus etiam a Calvinistis admittitur, *C. II. n. 165. p. 55. n. 184. p. 60.*
- Cyrillus Liparus, Schismaticus Patriarcha, ad hæreticos declinans, a suo successore damnatur, *C. II. n. 58. p. 28.*

## D

Delicta Carnis, v. *Carnis delicta.*

- Denunciatio hæreticorum, an & quando facienda? *C. IV. n. 11. & seqq. p. 96.*
- - Solicitantis in Confessionali, *ibid. n. 15. & seqq. p. 97.*
- Detestatio peccati ex timore gehennæ an pertineat ad virtutem Spei? *C. IV. n. 161. &c. p. 133.*
- Deus, De unitate Essentiæ diuinæ quid teneat Confessio Augustana? *C. II. n. 14. p. 18.*
- Digniores quinam ad Ecclesias promovendi? *C. IV. n. 110. p. 121.*
- Dilectio Dei an requiratur ad omnem actum moraliter bonum? *ibid. n. 152. p. 132.*
- - An sit necessario requisita ad valorem Sacramenti pœnitentiæ? *ibid. n. 168. p. 135.*
- S. Dionysius Areopagita quid suadeat de invocatione Sanctorum? *C. II. n. 87. p. 35.*
- Director Spiritualis Animarum ad quæ debeat attendere? *C. I. n. 2. p. 4. & n. 3. p. ibid. & seq. n. 4. p. 5. n. 5. p. 6.*
- Dispensare a lege seipso quanta temeritate præsumant Jansenistæ & Quesnellus? *C. III. n. 51. p. 86.*
- Disputatio cum Protestantibus an & quomodo liceat, & expediat? *C. II. n. 189. p. 61. C. III. n. 66. p. 92.*
- Dolor de peccato propter turpitudinem naturalem, an sit peccaminosus? *C. IV. n. 154. p. 132.*
- - Ut acquiratur æterna Beatitudo, an sit bonus? *ibid. n. 155. p. 133.*
- - Elicitus ex timore gehennæ an bonus & supernaturalis, *ibid. n. 167. p. 134.*
- Donatistarum error, etiam a Lutheranis rejectus, *C. II. n. 29. p. 22.*

Duellum a Viro equestri an acceptandum? *C. IV.*

*n. 3. p. 94.*

Digujus (Antonius) Calvini Discipulus, *C. II. n. 148. p. 50.*

Dulia, v. *Sanctorum cultus.*

## E

E Bionistæ, hæretici, quando damnati? *proleg. n. 6. p. 2.*

Ecclesia,

- - Est columna & Firmamentum Veritatis, *proleg. n. 1. p. 1.*
- - In ea est necessarius Supremus Judex Controversiarum, *ibid. & C. II. n. 191. p. 62.*
- - Ejus firmitas dependet a *Petra*, ut ædificii a fundamento, non fundamenti ab ædificio, *proleg. n. 6. p. 2.*
- - Quomodo definiatur in Confessione Augustana? *C. II. n. 26. p. 21.*
- - Ubinam fuerit ante Lutherum? *ibid. n. 27. p. ibid.*
- - Catholicam fuisse veram, saltem in primis IV. seculis, ipsi A catholici fatentur, *ibid. n. 28. p. ibid.*
- - Ecclesiastica potestas ab A catholicis impugnata, *C. II. n. 142. p. 48.*
- - Defenditur a Catholicis, *ibid. n. 143. p. ibid.*
- - Quam sit necessaria? *ibid. n. 146. p. 49.*
- - Notæ Veræ Ecclesiæ quæ sint? *ibid. n. 193. p. 62.*
- - In quo sensu dicatur *Tota pulchra &c. sine macula*? *ibid. n. 159. p. 53.*
- - Ejus potestas ferendi leges, obligantes in conscientia, *ibid. n. 62. p. 29. & n. 150. p. 50.*
- - Non consistit Ecclesia tantum in prædestinatis, *C. II. n. 159. p. 53. & C. III. n. 52. p. 87.*
- - Ecclesia visibilis aut invisibilis quæ? *C. II. n. 159. p. 53.*
- Ehrenberga, Civitas in Tyroli a Lutheranis capta, *C. II. n. 10. p. 17.*
- Episcopi quomodo possint absolvere a Casibus Bullæ Cœnæ? *C. IV. n. 5. p. 94.*
- Equites S. Jacobi quomodo jurent, se non recusaturos duellum, *C. IV. n. 2. p. 93.*
- Equites Teutonici habent sua Vota, *C. II. n. 140. p. 47.*
- Eucharistia non solum habet rationem Sacramenti, sed etiam Sacrificii incruenti, *C. II. n. 98. p. 38.*
- - Quomodo in ea separetur Corpus a Sanguine Christi? *ibid. v. etiam Cœna & Communio.*
- Eudoxius, hæreticus, *C. II. n. 150. p. 50.*
- Eunomiani, hæretici, ab ipsis Lutheranis damnati, *C. II. n. 14. p. 18. & n. 150. p. 50.*
- - Eorum error de bonis operibus, *ibid. n. 81. p. 34.*
- Excommunicatio, quid de ea scribat Quesnellus cum Jansenistis, *C. III. n. 59. 60. p. 89. 90.*
- Extasis; quænam circa eam observanda? *C. I. n. 3. p. 4.*
- - Quid sit? *ibidem.*
- - Alia Naturalis, Dæmoniaca, & Supernaturalis, *ibid. usque ad p. 6.*

F. Farel.

F.

- F**arellus (Guilielmus) Calvinii promotor, c. II. n. 148. p. 50.
- Faustus Manichæus, hæreticus, c. II. n. 195. p. 63.
- Fenelon (Franciscus) de Salignac, Archiepiscopus Cameracensis, c. I. n. 17. p. 12.
- - Ejus errores, *ibid.* n. 18. p. *ibid.*
  - - Dammati ab Innocentio XII. *ibid.* n. 17. p. *ibid.*
  - - Cui damnationi se obedienter submitit, & ipse eandem in sua Diocesi publicavit *ibid.* n. 17. p. *ibid.*
- Ferdinandus Rex Rom. Transactionem Passavien-  
sem coactus admisit, c. II. n. 10. p. 18.
- Festa servandi præceptum obligat, c. IV. n. 116. p. 123.
- Fides.
- - Fidei soli vim justificandi adscribunt A catholici, c. II. n. 18. p. 19.
  - - Fides non sufficit, *ibid.* n. 25. p. 21.
  - - De fide Doctrina Quesnellii, c. III. n. 48. 49. p. 86.
  - - Fides justificativa, v. *gratia Sanctificans.*
  - - Fidei actus, v. *actus virtutum Theologicarum.*
  - - Fides profitenda etiam coram Judice alias in-  
competente, c. IV. n. 81. p. 113.
  - - Fidei assensus Supernaturalis & moraliter bo-  
nus, c. IV. n. 82. 83. 84. p. *ibid.*
  - - Fides an possit stare cum dubio, c. IV. n. 84. p. 114.
  - - Fides Unius Dei & Remuneratoris requiritur  
necessitate medii, *ibid.* n. 85. p. *ibid.*
  - - Fidei Necessitas circa Myſteria SS. Trinitatis  
& Incarnationis, *ibid.* n. 138. p. 129.
  - - Fides Supernaturalis an debeat semper medi-  
ante Dilectione operari, *ibid.* n. 156. p. 133.
  - - Fides an habeat necessariam dependentiam a  
Charitate, *ibid.* n. 157. p. *ibid.*
- Fomes peccati, v. *Concupiscentia.*
- Formula abjurandi propositiones Jansenii damna-  
tas, c. III. n. 13. p. 72.
- Fornicatio &c. prohibita jure Naturæ, c. IV. n. 111. p. 121.
- Fratricelli, fratres de paupere vita, falso se de  
Ordine S. Francisci jactabant, c. I. n. 11. p. 11.
- - A Joanne XXII. damnati, & a Franciscanis  
extirpati, *ibidem.*
- Fromondus (Libertus) Doctor Lovaniensis, Jansenii  
Doctrinæ propagator, c. III. n. 11. p. 70.
- Furtum in necessitate quando licitum? c. IV. n. 96. p. 117.
- - Et quando per occultam compensationem, *ibid.* n. 97. p. *ibid.*
  - - Plura levia furta an faciant grave peccatum? *ibid.* n. 98. p. *ibid.*

G.

- G**audium de malo proximi, v. *proximus.*
- Gehennæ timor, v. *Timor gehennæ.*
- Gratia Sacramentalis est vera qualitas positiva &c.  
c. II. n. 55. p. 27.
- Gratia Sanctificans semel a prædestinatis acquisita  
potest iterum deperdi, c. II. n. 60. p. 29.
- Tomus II.

- - Eam non solum prædestinati, sed etiam reprobi  
potuerunt aliquando habuisse, *ibid.*
  - - De gratia efficaci Doctrina Calvinii, c. II. n. 173. p. 57.
  - - Et Simonis Magi, *ibid.* n. 195. p. 63.
  - - Et Jansenii ac Quesnellii, c. III. n. 46. p. 84.
  - - Gratia Christi an irresistibilis? c. III. n. 46. p. *ibid.*
  - - Item in quo sensu gratia efficax dicatur a SS.  
PP. gratia *victrix?* *ibid.* n. 47. p. 85.
- Gratia Sufficiens an detur infidelibus? c. IV. n. 150. p. 132.
- - An sit utilis? *ibid.* n. 151. p. *ibid.*
- Guesii, v. *Calviniste.*
- Guesnellius, v. *Quesnellius.*

H.

- H**æresis occulta: qualem habeant Episcopi  
facultatem eam absolvendi? c. IV. n. 4. p. 94.
- Hæretici, v. *Propositiones Damnatæ &c.*
- Hælix Lai dgravius (Philippus) Lutheri defensor,  
c. II. n. 6. p. 17.
- Hermannus Pongilupus, Auctor Beguinarum hære-  
ticorum, c. I. n. 11. p. 11.
- Hieremias, Patriarcha Græcus, Schismaticus, a  
Lutheranis frustra tentatus, c. II. n. 56. p. 28.
- Hieronymus Pragensis, hæreticus, c. II. n. 102. p. 39.
- S. Hilarius etiam a Calvinistis receptus, c. II. n. 165. p. 55. & n. 184. p. 60.
- Holocaustum quid? v. *Sacrificium.*
- Horæ Canonice: Beneficiatus eas omittens tene-  
tur ad restitutionem &c. c. IV. n. 30. p. 100.
- - Non possunt recitari per alium, *ibid.* n. 31. p. *ibidem.*
  - - Nec aliud Officium pro alio, *ibid.* n. 47. p. 104.
  - - Nec unico Officio satisfieri pro die præſenti,  
& crastino, *ibid.* n. 48. p. *ibid.*
  - - Nec illi, qui non potest recitare Matutinum  
&c. excusatur a reliquis Horis, c. IV. n. 113. p. 123.
- Hostia pro peccato, & hostia pacifica quid? v. *Sacrificium.*
- Hugonottæ, v. *Calviniste.*
- Huls, (Joannes) hæresiarcha, c. II. n. 102. p. 39.
- Hyperdulia, v. *Sanctorum cultus.*

I.

- J**acobellus Misenſis, hæreticus, Auctor opinionis  
de communione sub utraque Specie, c. II. n. 102. p. 39.
- Jacobus, v. *Baadenſis Princeps.*
- S. Jacobus de Marchia contra fraticellos prædica-  
vit, c. I. n. 11. p. 11.
- Jansenius (Cornelius) subicit se censuræ Ecclesiæ,  
c. III. n. 2. p. 65.
- - Historia de Ejus vita, *ibid.* n. 11. p. 69.
  - - Est distinguendus ab alio ejusdem nominis,  
*ibidem.*
  - - Ejus propositiones ab Innocentio X. damnatæ,  
*ibid.* n. 12. p. 70. & ab Alexandro VII. *ibid.* n. 13. p. 71.
  - - Item a Clemente XI. *ibid.* n. 13. p. *ibid.*
  - - Jansenistarum effugia rejiciuntur, *ibidem.*

T

Janſe-

- Janſenii (Cornelii) liber, *Augustinus*, *ibid.*
- - Ejus quinque Propositiones damnatæ declarantur, *ibid.* n. 14. p. 74.
  - - Quomodo ejus errores fuerint, eo mortuo, propagati per ſectatores? *ibid.* n. 21. p. 76.
  - - Quomodo Janſeniſtæ convenient cum Lutheranis, & maxime cum Calviniſtis? *ibid.* n. 63. &c. p. 91.
  - - Janſeniſtæ moderni quomodo impugnandi? *ibid.* v. *Argumenta*.
  - - Quo Jure ſe nominent Auguſtinianos? c. IV. n. 185. p. 139.
- Jejunium.
- - Quid de eo Lutherani? quoad ciborum diſcrimen, & obligationem, ac meritum, c. II. n. 124. p. 45.
  - - Catholicorum rationes pro Jejunio, *ibid.* n. 125. &c. p. *ibid.* &c.
  - - Abſtinentia eſt res honeſta, *ibidem*.
  - - Non novus modus, ſed jam in primitiva Eccleſia rigide obſervatus, *ibid.* & n. 126. p. *ibid.*
  - - Jejunia ſunt meritoria, & ſatisfactoria, *ibid.*
  - - Quomodo ipſi Acatolici dies pœnitentiæ, & precationis cum Jejunio inſtituant? *ibid.*
  - - Lutheri circa hoc ſententia, *ibid.*
  - - Cibi carnales quando & quomodo coinquinant hominem, *ibid.* n. 127.
  - - Jejunii præceptum non eſt divinum, ſed ab Eccleſia recte inſtitutum, *ibid.*
  - - Variæ objectiones ſolvuntur, *ibid.* n. ſeqq. p. 45. uſque p. 46.
  - - Jejunii præceptum graviter obligat, c. IV. n. 33. p. 101.
  - - Jejunium quomodo frangatur per plures comeſtiones modicas? *ibid.* n. 42. p. 103.
  - - A Jejunio quando excuſentur corporaliter laborantes, itinerantes, & quid de Lacticiis, *ibid.* n. 43. 44. 45. p. 103. 104.
- Ignorans vincibiliter, vel invincibiliter, quod Deus ſit, non poteſt abſolvi, c. IV. n. 138. p. 129.
- - Quid de ignorantibus alia principalia Myſteria fidei? *ibid.* n. 139. p. *ibid.*
  - - Ignorantia invincibilis an in ſtatu naturæ lapſæ excuſet a peccato? *ibid.* n. 147. p. 131.
- Illuminati, certi hæretici, c. I. n. 14. p. 12.
- - Eorum dogmata, *ibid.* n. 16. p. *ibid.*
- Imago Patris cœleſtis an ſit in templo ponenda? c. IV. n. 180. p. 138.
- Immolatio, v. *Sacrificium*.
- Imperfectio, v. *Actus indifferentes*.
- Indifferentes, v. *Actus*.
- Incarnatio Verbi divini: quid de ea tradat Confefſio Auguſtana, c. II. n. 17. p. 19.
- Indulgentiæ: quomodo probentur contra Lutheranos & Calviniſtas? c. II. n. 154. 155. p. 52.
- - Quid de revocatis a Paulo V. c. IV. n. 50. 51. p. 105.
  - - De Indulgentiis Roſarii Franciſcani? *ibid.* p. *ibid.*
  - - Item ſtationis SS. Sacramenti? *ibid.*
- Infallibilitas, v. *Papa*, item *S. Auguſtinus*.
- Infideles an fuerint redempti a Chriſto? c. IV. n. 149. p. 132.
- - An habeant gratiam ſufficientem? *ibid.* n. 150. p. *ibid.*
  - - An peccent in omni opere? *ibid.* n. 153. p. *ibid.*
- Innocentes, an, & cur Deus affligat? c. III. n. 50. p. 86.
- Innocentii X. Conſtitutio, cum occaſione, damnantis Propositiones Janſenii, c. III. n. 12. p. 70.
- Innocentii XI. Propositiones ab Eodem damnatæ, c. IV. n. 61. p. 107.
- - Ejus Decretum de Communionem quotidiana, c. IV. n. 124. p. 124.
- Intentio ex parte Miniſtri Sacramenti requiſita, qualis? c. IV. n. 181. p. 138 ſq.
- Interim, Certa Formula Religionis, c. II. n. 9. p. 17.
- Invocatio SS. v. *Sanctorum cultus*.
- S. Joannes Capiftranus, perfecutor Fraticellorum, c. I. n. 11. p. 11.
- Joannes Scotus Erigena, alius a Joanne Duns Scoto, c. II. n. 181. p. 59.
- - Quo tempore vixerit, *ibid.* n. 183. p. 60.
- Joviniani Hæreſis, c. III. n. 4. p. 65.
- S. Irenæus B. V. Mariam vocat Advocatam, c. II. n. 87. p. 35.
- Judex in controverſiis fidei neceſſarius, *proleg.* n. 1. p. 1. &c.
- Judex an poſſit accipere pecuniam pro ſententia in cauſa utrinque probabili, c. IV. n. 37. p. 102.
- - An poſſit ſequi opinionem minus probabilem, *ibid.* n. 66. p. 109.
- Juramentum: In Juramento aſſertorio non admit- titur parvitas materiæ, c. IV. n. 87. p. 114.
- Juſtificatio hominum: quænam circa eam ſit opinio Confefſionis Auguſtanæ? c. II. n. 18. p. 19.
- - Et Calvinii, *ibid.* n. 150. p. 50.
  - - Et Simonis Magi, *ibid.* n. 195. p. 63.

## L.

**L** Aodicenſe Concilium quomodo intelligendum, c. II. n. 86. p. 35.

Latria, v. *Sanctorum cultus*.

Laus B. V. Mariæ, v. *Cultus*.

Legatum annuum, pro anima relictum, non durare ultra 10. annos, eſt propoſitio falſa, c. IV. n. 57. p. 106.

Lex: an ad ejus validitatem requiratur acceptatio populi? c. IV. n. 39. p. 103.

Libamen quid ſit? v. *Sacrificium*.

Liber, ſeu Auctore probabilis quis dicatur? c. IV. n. 38. p. 102.

Liber Concordiæ, quo Auctore compoſitus? c. II. n. 11. p. 18.

Libertas Evangelica in quo conſiſtat? c. II. n. 143. p. 48.

Libertas Indifferentiæ, ſeu a neceſſitate, c. II. n. 173. p. 57. c. III. n. 63. p. 91.

- - voluntatis alia a coactione, alia a neceſſitate, c. II. n. 69. p. 31.

- - Item Libertas indifferentiæ & rectitudinis, *ibid.* p. *ibid.*

- - Libertas a coactione an ſufficiat ad peccatum in ſtatu Naturæ lapſæ? c. IV. n. 146. p. 131.

- - Item utrum ſit ſufficiens libertas Adami, nobis propter peccatum originale imputata? *ibid.*

Libri prohibiti, donec expurgentur, an poſſint retineri? c. IV. n. 59. p. 107.

Litur-



- Liturgiæ S. Petri & S. Jacobi, c. II. n. 87. p. 35.  
 - Liturgia Græcis est idem ac Missa, *ibid.* n. 108. p. 42.  
 Lucas Osiander putatur ab aliquibus Auctor libri *Concordiæ*, c. II. n. 13. p. 18.  
 Luneburgensis Dux, Ernestus, Lutheri asseda, c. II. n. 6. p. 17.  
 Lutherus (Martinus) quisnam fuerit? ejus ortus & Religionis ingressus, c. II. n. 1. p. 15. 16.  
 - Ejus Superbia & occasio contradicendi Ecclesiæ, *ibid.* n. 2. p. 16.  
 - Ejus Doctrina a Leone X. damnata, *ibid.* n. 3. p. *ibid.*  
 - Propositiones ejusdem in compendio relatæ, *ibid.* n. 4. p. *ibid.*  
 - Ejus Damnationis publicatio per Carolum V. Imper. *ibid.* n. 5. p. 17.  
 - Ejus Apostasis, *ibid.* n. 5. p. *ibid.*  
 - Quales Principes Germaniæ in suas partes traxerit? *ibid.* n. 6. p. *ibid.*  
 - Ejus mors *ibid.* n. 7. p. *ibid.*  
 - Ejus sententia de Eucharistia iterum mutata, c. II. n. 33. p. 22.  
 - De fide scandalosa dicta, *ibid.* n. 25. in fin. p. 21.  
 - Ejus doctrina de libero arbitrio, *ibid.* n. 65. p. 30.  
 - Ejus sensualitatis descriptio juxta Epistolam S. Judæ, *ibid.* n. 71. p. 31.  
 - Ejus sententia de bonis Operibus, *ibid.* n. 22. p. 20. & n. 80. p. 33. & n. 126. p. 45.  
 - Ejus effugia per varias Appellationes &c. c. III. n. 3. p. 65.  
 Lutherani, v. *Schmalcaldicum fædus*.

## M.

- M**achabæorum libri an sint Canonici? c. II. n. 114. p. 43.  
 Machometitæ a Lutheranis damnati, c. II. n. 14. p. 18.  
 Magistratibus obediendum, c. II. n. 63. p. 30.  
 Mandata divina gravia non sunt, c. II. *sum.* 74. p. 32.  
 - contrarium volunt Lutherani, *ibid.* n. 75. & c.  
 - Et Calvinus, *ibid.* n. 159. p. 53. & n. 173. p. 57.  
 Manichæi quando damnati? *Prol.* n. 6. p. 2.  
 - Etiam a Lutheranis, c. II. n. 14. p. 18.  
 - Vinum abhorrent tamquam a Diabolo creatum, *ibid.* n. 103. p. 40.  
 - Eorum error in duplici anima seu principio *ibid.* n. 176. p. 57.  
 Margarita Porreta Institutrix. sectæ Beguinarum damnatarum, c. I. n. 12. p. 11.  
 B. Maria an indiguerit purificatione? c. IV. n. 179. p. 138.  
 Melancthon (Philippus) Compositor *Confessionis Augustanæ*, c. II. n. 6. p. 7.  
 Mendacium æque fit factis ac Verbis, c. IV. n. 89. p. 115.  
 - Numquam licet, *ibid.* n. 104. p. 119.  
 Mendicantes an possint absolvere a Calibus Episcopo reservatis, sine licentia, c. IV. n. 22. p. 99. v. *Regulares*.  
 Merita Christi, v. *Christus*.  
 Millevitanum Concilium, *Prol.* n. 6. p. 2.  
 Tomus II.

- Ministerium Evangelii: Doctrina circa illud Confessionis Augustanæ, c. II. n. 21. p. 20.  
 Missa. Quid contra eam calummentur A catholici, c. II. n. 107. p. 42.  
 - Etiam ipsi celebrant in lingua Germanica, *ib.*  
 - Missas privatas non admittunt, sed tantum publicas, & quomodo? *ibid.*  
 - Negant triplicem ejus fructum, propitiatorium, impetratorium, & satisfactorium. *ibid.*  
 - Negant quoque in ea contineri verum sacrificium. *ibid.*  
 - Varios in ea nobis affingunt abusus, *ibid.*  
 Missa quid sit apud Catholicos? c. II. n. 108. p. 42.  
 - Est verum Sacrificium, *ibid.* n. 111. p. *ibid.*  
 - Propitiatorium, impetratorium, & satisfactorium ex opere operato. *ibid.* n. 113. p. 43.  
 - Prodest defunctis quoad fructum satisfactorium, *ibidem*, nam 114. p. *ibid.*  
 - Quid de Missis publicis, seu communibus, in quibus nempe populus communicat, & de privatis? *ibid.* n. 115. p. *ibid.*  
 - Quo sensu Missam privatam Lutherani accipiant? *ibid.* n. 116. p. *ibid.*  
 - Cur ea legenda in lingua latina & non in vulgari? *ibid.* n. 117. p. 44. & c. III. n. 54. p. 88.  
 - Calumniæ contra Missam circa quæstum & aliæ refutantur, c. II. n. 118. p. 44.  
 - An in Missa simul possit esse Sacramentum & sacrificium? *ibid.* n. 119. p. *ibidem*.  
 - Stipendium pro una Missa duplicatum non potest accipi, applicando fructum Specialissimum, c. IV. n. 18. p. 98.  
 - Nec stipendium minus alteri dari, retenta sibi parte stipendii, *ibid.* n. 19. p. *ibid.*  
 - Nec una Missa offerri pro pluribus, accepto a singulis ordinario stipendio, *ibidem* n. 20. pag. *ibid.*  
 - Sacrificium Missæ quomodo sit infiniti valoris? c. IV. n. 20. p. *ibid.*  
 - Missam audiendi præcepto non satisfacit per partes simul celebrantium, *ibid.* n. 117. p. 123.  
 Moderaminis inculpatæ tutelæ excessus quomodo damnatus? c. IV. n. 90. p. 115.  
 Mohatra, Contractus, quid sit? & quomodo prohibitus? *ibid.* n. 100. p. 118.  
 Molinos (Michael) quis fuerit? c. I. n. 6. p. 7.  
 - Ejus errores in Theologia Mystica, c. I. n. 7. p. *ib.*  
 - Ejus Propositiones damnatæ, *ibidem* n. 8. p. 7.  
 - A quibus hæreticis suos errores desumpserit? *ibid.* n. 9. p. 11.  
 Monachi. Eorum vota a Lutheranis ut impia, impossibilia &c. declamata, c. II. n. 133. p. 46.  
 - A Catholicis defensa, *ibidem*.  
 - Suadentur a S. Scriptura & Evangelio, *ibid.*  
 - Sunt possibilia & laudabilia, *ibid.*  
 - Ab iis, qui voverunt, servanda, *ibid.*  
 - Falsum est dictærum Lutheranorum, quod post Professionem Votorum solemnem libere olim potuerint exire, *ibid.*  
 - Item quod eorum vota sint contra præceptum divinum, *ibid.*  
 - Item quod sint impossibilia, *ibid.* n. 140. p. 47.  
 - Item quod contineant cultum impium, *ibidem* n. 141. p. 48.  
 - In quo sensu Professio Religiosa dicatur alter Baptismus? *ibid.*

## N.

- N**icœnum Concilium, *Proleg. n. 6. p. 2.*  
 Ninivitarum qualem egerint poenitentiam? *C. IV. n. 169. p. 135.*  
 Norimbergensis Civitas Luthero adhaerens, *C. II. n. 6. p. 17.*  
 Novatianorum hæresis, *Proleg. n. 6. p. 2.*  
 - - Etiam a Lutheranis damnata, *C. II. n. 40. p. 24. C. III. n. 4. p. 65.*  
 Nuptias quomodo licitas esse declarent Confessionistæ Augustani? *C. II. n. 63. p. 30.*

## O.

- O**bjectum virtutis, v. *Virtus.*  
 Occidere Calumniatorem nec laico licet, multo minus Clerico, *C. IV. n. 27. p. 100.*  
 - - Nec falsum accusatorem &c. *ibid. n. 28. p. ibid.*  
 - - Nec Marito Uxorem in adulterio deprehensam, *ibid. n. 29. p. ibid.*  
 Officium divinum, v. *Hora Canonica.*  
 Opera bona: quæ circa ea tradat Confessio Augustana? *C. II. n. 18. p. 19. n. 22. p. 20. n. 79. p. 33. & Calvinus? n. 150. p. 50.*  
 - - Lutherus ea damnat ut peccaminosa? *C. II. n. 23. p. 20. & n. 80. p. 33.*  
 - - Vocantur a Confessione Augustana opera puerilia, *ibid. n. 79. p. ibid.*  
 - - Sunt meritoria & satisfactoria, *ibid. n. 61. p. 29. n. 80. p. 33. n. 144. p. 48.*  
 - - Quam diversa de illis sentiant ipsi Lutherani, *ibid. n. 146. p. ibid.*  
 Operari intuitu æternæ Beatitudinis an Deo placeat? *C. IV. n. 155. & 158. p. 133.*  
 Opinio probabilis, v. *Sententia.*  
 Ordinationes Civiles legitimæ sunt opera Dei, *C. II. n. 63. p. 30.*  
 Ordo Ecclesiasticus: quid de eodem tradat Confessio Augustana? *ibid. n. 59. p. 29.*  
 Origenes quid scribat de invocatione Sanctorum, *C. II. n. 87. p. 35.*  
 Originale peccatum, v. *Peccatum.*  
 Osculum quando & quale sit peccatum? *C. IV. n. 54. p. 106.*  
 Osiander, v. *Lucas.*  
 Osmus (Petrus) hæreticus, a Sixto IV. damnatus, *C. III. n. 56. p. 88.*

## P.

- P**oenitentia, sensus de ea Acatholicorum, *C. II. n. 40. p. 24.*  
 - - Non tegit peccata, sed tollit, *ibid. n. 55. p. 27.*  
 - - Nullatenus differenda, contra Quesnellium, *C. III. n. 57. p. 88.*  
 - - Non satisfacit præcepto, qui facit Confessionem voluntarie nullam, *C. IV. n. 24. p. 99.*  
 - - Poenitens non potest sibi substituere alium, qui loco ipsius poenitentiam adimpleat, *C. IV. n. 25. p. ibid.*  
 - - Dimidiata tantum confessus an possit absolvi ob magnum concursum, *ibid. n. 128. p. 126. n. 130. p. 127.*  
 Palatinus Elector (Fridericus) Lutheri fautor, *C. II. n. 9. p. 17.*

## Papa:

- - Est supremus Judex Controversiarum in Materia fidei & morum, *Proleg. n. 3. p. 1.*  
 - - Est infallibilis, si loquatur ex Cathedra, *Proleg. n. 4. p. 1.*  
 - - Cum vel sine Concilio generali, *ibid. & n. 6. p. 2. C. III. n. 4. p. 65.*  
 - - Quando dicatur loqui ex Cathedra? *Proleg. n. 5. p. 2.*  
 - - Etiam extra Concilium hæreticas Propositiones jam a primis seculis damnavit, *Proleg. n. 6. p. ibid. & C. III. n. 4. p. 65.*  
 - - Quomodo sit infallibilis non solum in questione juris, sed etiam facti? *C. III. n. 6. p. 66.*  
 - - An sit infallibilis extra Concilium generale in Materia fidei & morum? *C. IV. n. 184. p. 139.*  
 Papinottus (Albertus) Calvini Discipulus, *C. II. n. 148. p. 50.*  
 Parvuli, an recte baptizentur? *C. II. n. 31. p. 22.*  
 Passavienlis Transactio, *C. II. n. 10. p. 18.*  
 Pastores Acatholici non habent potestatem docendi, absolvendi &c. *C. II. n. 21. p. 20. n. 59. p. 29.*  
 Patris Coelestis Imago an sit collocanda in templo? *C. IV. n. 180. p. 138.*  
 Pax Westphalica, Osnabrugensis, & Monasteriensis, *C. II. n. 10. p. 17.*  
 Peccator, quomodo dicendus mortuus, & servus peccati? *C. II. n. 78. p. 33.*  
 Peccatum. De peccato Originali doctrina Confessionis Augustana, *C. II. n. 15. p. 19.*  
 - - Et Calvini, *ibid. n. 150. p. 50.*  
 - - Peccati causa ab eadem Confessione Augustana assignata, *ibid. n. 74. p. 32.*  
 - - Definitionem peccati etiam ipsi admittunt, *C. II. n. 76. p. ibid.*  
 - - Veniale aliter interpretantur, *ibid. n. 77. p. 33.*  
 - - Peccata quomodo dicantur recta? *ibid. n. 55. p. 27.*  
 - - Peccata oblita an & quando in Confessione exprimenda? *C. IV. n. 21. p. 98.*  
 - - Peccata aliena: quomodo quis in eadem influere dicatur? *ibid. n. 115. p. 122.*  
 - - Peccata venialia: quomodo possit quis formare efficacis propositum ea vitandi? *C. IV. n. 136. p. 129.*  
 - - Peccatum Philosophicum, an etiam in illo, qui Deum ignorat, sit mortale? *C. IV. n. 144. p. 130.*  
 - - Peccatum Philosophicum & Theologicum quid? *C. IV. n. 154. p. 133.*  
 - - Peccatum sub ratione turpitudinis consideratum quid? *ibid.*  
 - - Peccatum ut contrahatur, qualem requirat libertatem, *ibid. n. 46. p. 131.*  
 - - Peccatum Originale an sit materia poenitentiae? *ibid. n. 175. p. 137.*  
 Pelagiani etiam a Lutheranis damnati, *C. II. n. 18. p. 19. C. III. n. 4. p. 65.*  
 Peregrinationes a Calvino exploduntur, *C. II. n. 150. p. 50.*  
 Petrus Dresdensis, hæreticus, propugnator Communionis sub utraque specie, *C. II. n. 102. p. 39.*  
 Pii V. Constitutio, Ex omnibus damnans propositiones Michaelis Bajæ, *C. III. n. 9. p. 66.*

Pongi-

Pongilupus (Hermannus) Auctor Beguinorum,  
c. I. n. 11. p. 11.

Pontifex, v. *Papa*.

Potestas Ecclesiastica, v. *Ecclesia*.

Prædestinati qui apud Calvinistas? c. II. n. 77.  
p. 33. & n. 157. p. 53.

- Sensus Catholicorum, c. II. n. 158. p. 53.  
v. *Calvinus*.

Præmii (Mercedis) intuitu operans non peccat,  
c. III. n. 45. p. 84.

Presbyteriani, v. *Calvinista*.

Priscilliani, hæretici, c. III. n. 4. p. 65.

Privilegia, quibusnam, a Tridentino revocatis,  
Regulares nec in foro conscientie uti possint?  
c. IV. n. 49. p. 104.

Probabilis sententia in Sacramentis conferendis non  
potest praticari relicta tutiore, c. IV. n. 62.  
p. 107.

- An hoc sit dicendum, si sententia minus tuta  
sit probabilior? *ibid.*

- Probabilitas tenuis quæ, & an tenenda? *ibid.*  
n. 68. p. 109.

Professio Religiosa, v. *Monachi*.

Promulgatio Decretorum damnantium non re-  
quiritur in Episcopatibus: sed sufficit Romæ  
facta, *Proleg.* n. 14. p. 3.

- Idque est verum non obstante, quod in ordine  
ad alias leges, seu Constitutiones sententia con-  
traria sit probabilis, *ibid.*

Propositionum damnatarum variz Species, *Proleg.*  
n. 7. p. 2.

- Quando dicatur *hæretica*, vel *suspensa*, *male*  
*sonans*? *Eccl. ibid.* n. 8. p. *ibid.*

- Quid si damnetur *prout jacet*? *ibid.* n. 9. p. 3.  
c. III. n. 6. p. 66.

- Si contineat plures partes, *Proleg.* n. 10. p. 3.

- Peccat graviter eam defendens, *ibidem* n. 11.  
p. *ibid.*

- Etiam disputandi gratia, nisi simul fundamenta  
apparentia solvat, *ibid.* n. 12. p. *ibid.*

- An & quando peccat, qui eam in praxin deducit?  
*ibid.* n. 13. p. *ibid.*

- Propositiones hæreticæ damnatæ a Pontifice  
extra Concilium, *ibid.* n. 6. p. 2.

- Publicatio Bullæ damnationis ejusmodi qualis  
requiratur? *ibidem* n. 14. p. 3.

- Propositiones damnatæ ab Alexandro VIII.  
c. IV. n. 142. p. 130.

Propositum, v. *Consuetudinarii*, propositum circa  
Venialia, v. *Peccata Venialia*.

Proximus: de bono vel malo proximi, an & quo-  
modo liceat gaudere vel tristari? c. IV. n. 75.  
76. & seq. p. 111. & seq.

Purgatorium. Quid de illo dicat Confessio Augu-  
stana? c. II. n. 151. p. 51.

- Quid moderni Lutherani & Calvinistæ, *ibid.*

- Quomodo probetur existentia Purgatorii, *ibid.*  
n. 152. 153. p. *ibid.*

- Quomodo anima non detineatur ultra 10. an-  
nos in Purgatorio, est opinio falsa, c. IV. n. 57.  
p. 106.

Purificatione an indiguerit B. V. Maria? c. IV.  
n. 179. p. 138.

Q. **Q**uesnellii, seu, ut vulgo scribitur, Quesnellii  
(Paschafii) professio fidei ante mortem emissâ,  
c. III. n. 1. p. 64.

- Mansit tamen in sua Appellatione contra  
Bullam *Unigenitus* usque ad mortem, *ibid.* p. *ibid.*  
& n. 21. p. 76.

- Argumenta contra Quesnellianos, *ibid.* n. 4.  
p. 65.

- Ejus societas cum Antonio Arnaldo, & resusci-  
tatio errorum Janfenii, c. III. n. 21. p. 76.

- Ejus liber, *Reflexiones morales in Novum Te-  
stamentum*, *ibid.* p. *ibid.*

- Ejus Mors, *ibid.* p. *ibid.*

- Propositiones Ejus a Clemente XI. damnatæ  
explicantur, *ibid.* n. 23. p. 78.

- In pluribus reassumit hæreses Lutheri, Calvini,  
Baji, & aliorum, ab Ecclesia reprobatorum,  
*ibid.* n. 42. p. 83. & n. 45. p. 84. n. 52. p. 87.  
n. 53. p. *ibid.* n. 63. p. 91.

- Uti & Joviniani, *ibid.* n. 43. p. 85.

- Ecclesiæ quam injuriosus? *ibid.* n. 53. p. 87.  
& n. 61. p. 90.

- Quesnelliani quomodo conveniant cum Luthera-  
nis, & maxime cum Calvinistis? c. III. n. 63.  
p. 91.

Querini, quales hæretici? c. I. n. 14. p. 12.

## R.

**R**egulares Prælati an possint absolvere a casibus  
Bullæ cœnz seculares &c. c. IV. n. 8. & 9.  
p. 95.

- Regulares Mendicantes an recte excipiant  
secularium Confessiones? c. IV. n. 176. p. 137.

- An de ipsis sine peccato possit formari suspicio,  
quod improporionatas imponant pœnitentias  
propter eleemosynam? *ibid.*

Reitlinga, Civitas, Lutherum sequens, c. II.  
n. 6. p. 17.

Religiosi, v. *Monachi*.

Renati, & Renovati, qui apud Lutheranos, &  
qualis inter eos differentia? c. II. n. 75. p. 32.  
n. 77. p. 33.

Reprobatio, seu præordinatio ad mortem æter-  
nam, juxta Calvinum qualis? v. *Calvinus*.

- Reprobatio positiva & negativa quid? c. II.  
n. 170. p. 56.

Res Civiles quomodo intelligantur in Confessione  
Augustana, c. II. n. 63. p. 30.

Restitutio non fit per eleemosynam, quæ obliga-  
tionem præcedit, c. IV. n. 46. p. 104.

- An ad eam teneatur movens aliquem ad infe-  
rendum damnum? *ibid.* n. 99. p. 117.

Restrictio pure mentalis damnata, *ibid.* n. 88.  
p. 115.

Revelationes aliæ divinz, diabolicæ, & imagina-  
riz, c. I. n. 5. p. 6.

- Quædam circa eas observanda, per 4. genera  
causarum, *ibid.*

Ritus Ecclesiastici, quid de iis scribant Augustana  
Confessionis Auctores? c. II. n. 60. p. 29.

- Et quid Catholicæ, *ibid.* n. 61. p. *ibid.*

- Obligant in conscientia, *ibid.* n. 62. p. *ibid.*  
T 3 S. Sabel-

## S.

- S**abellianorum hæresis, *Proleg. n. 6. p. 2. c. III. n. 4. p. 65.*
- Sacerdotes creati sunt Apostoli in ultima Cœna, *c. II. n. 93. p. 37. & n. 98. p. 38.*
- De eorum Conjugio motiva Acatholicorum, *c. II. n. 104. p. 40.*
- Rationes Catholicorum pro contraria sententia, *ibid. n. 105. p. ibid. & seqq.*
- Sacerdos ex necessitate in peccato mortali celebrans, tenetur quamprimum confiteri, *c. IV. n. 52. 53. p. 105.*
- Sacramenta, de eorum administratione quomodo sentiant, convenienter cum Catholicis, Acatholicis? *c. II. n. 29. p. 22.*
- Per malos collata non perdunt efficaciam, quam habent ex Opere operato, *c. II. n. 29. p. ibid. n. 54. p. 27.*
- Quomodo in Confessione Augustana describuntur? *c. II. n. 50. p. 26.*
- Et quomodo a Catholicis? *ibid. n. 52. p. 27.*
- Quid de iis Calvinus? *ibid. n. 150. p. 50.*
- Quot admittant Lutherani? *ibid. n. 50. p. 26.*
- Et Calvinus, *ibid. n. 150. p. 50.*
- Sunt septem, *ibid. n. 56. p. 28.*
- Etiam ab Ecclesia Græca tot admittuntur, *ibid. & p. ibid.*
- Etiam ex S. Scriptura probantur, *ibid. n. 57. p. ibid.*
- Sacramenta conficiens qualem debeat habere intentionem? *c. IV. n. 183. p. 139.*
- Sacramentarium hæresis, *c. II. n. 181. p. 59. & n. 183. p. 60.*
- Sacramentum (Venerabile) v. *Cœna Domini.*
- Sacrificium quid sit? *c. II. n. 109. p. 42.*
- Dividitur in Victimam, immolationem, & libamen, *ibid. n. 110. p. ibid.*
- In propitiatorium & impetratorium, *ibidem.*
- In Holocaustum, Hostiam pro peccato & Hostiam pacificam, seu sacrificium Laudis, *ibidem.*
- Salignac, v. *Fenelon.*
- Samosateni, hæretici, etiam a Lutheranis damnati, *c. II. n. 14. p. 18.*
- Sanctorum cultus, quomodo a Lutheranis explicetur? *c. II. n. 82. p. 34.*
- Quid de eorum invocatione Catholici teneant? *ibid. n. 83. 84. & c. p. ibid. & n. 150. p. 50.*
- Cultus alius civilis, seu politicus, alius Religiosus, *ibid. n. 84. p. 34.*
- Cultus Latriæ, Hyperdiliæ, & Dulæ, *ibid.*
- Cultus alius absolutus, alius respectivus, *c. II. n. 150. p. 50.*
- Invocatio Sanctorum alio modo fit quam Dei, *ibid. n. 85. p. 35.*
- Licite eos invocari ex S. Scriptura deductive probatur, *ibid. n. 86. p. ibid.*
- Item ex Traditione antiquissima SS. PP. *ibid. n. 87. p. ibid.*
- Quomodo Sancti videant & audiant nostras preces & miseras, *ibid. n. 89. p. 36.*
- Quid de cultu & invocatione SS. tradat Calvinus? *ibid. n. 150. p. 50.*
- Uti & de eorum Reliquiis & Imaginibus, *ibid.*

- Quid docuerit Faustus Manichæus & Vigilantius, hæretici? *c. II. n. 195. p. 63.*
- Sancti PP. antiqui etiam a Calvinistis acceptantur, *ibid. n. 165. p. 54.*
- Satisfactio an debeat præcedere absolutionem? *c. IV. n. 171. p. 136.*
- Item an S. Communionem? *ibid. n. 177. p. 137.*
- Saxoniz Elector Joannes, Lutheri protector, *c. II. n. 6. p. 17.*
- Item Mauritius, *ibid. n. 10. p. ibid.*
- Schmalcaldicum fœdus, *c. II. n. 8. p. ibid. n. 10. p. ibid.*
- Schwenfordii, in Franconia, Lutheranorum Congressus, *c. II. n. 7. p. ibid.*
- Scotus, v. *Joannes.*
- Scriptura Sacra non in omnibus clara, *proleg. n. 3. p. 1.*
- Quomodo probetur, quod sit Verbum Dei, *c. II. n. 191. p. 62.*
- Scripturæ libri Canonici quomodo probentur, *ibidem.*
- Sententiam inter probabiles probabilissimam an sequi possimus, relicta tutiore? *c. IV. n. 148. p. 131.*
- Serra, v. *Banez.*
- Servus peccati & justitiæ quis? *c. II. n. 73. p. 32.*
- Simon Magus: ejus hæresis, *c. II. n. 195. p. 63.*
- Simoniam, de variis modis eam committendi, *c. IV. n. 105. usque 109. p. 119. 120.*
- Smidelinus, Tubingenſis Cancellarius, putatur Auctor libri *Concordia*, *c. II. n. 13. p. 18.*
- Solicitationis in Confessionali crimen, quomodo denunciandum? *c. IV. n. 15. & seqq. p. 97.*
- Spei actus quomodo eliciendi? *c. I. n. 19. 20. 21. p. 13.*
- Spei Theologicæ actus diversi, proſecutivi & averſativi, *c. IV. n. 160. & 161. p. 133.*
- Spei Theologicæ actus an possint esse moraliter boni & meritorii, absque aliquo actu Dilectionis Dei super omnia? *c. IV. n. 164. p. 134.*
- Stipendium Missæ, v. *Missæ.*
- Stocco seu Mohatra, v. *Mohatra.*
- Suffocatio uteri quid sit? *c. I. n. 3. p. 4.*
- Superfluum statui quomodo accipiendum? *c. IV. n. 74. p. 111.*

## T.

- T**heologia Mystica quid sit? *c. I. n. 1. p. 4.*
- Polemica, *c. II. in princ. p. 15.*
- Speculativa, *c. III. in princ. p. 64.*
- Moralis, *c. IV. p. 93.*
- Timor filialis quis? *c. IV. n. 166. p. 134.*
- Gehennæ, an bonus & supernaturalis? *ibid. n. 165. p. ibid.*
- Servilis quis & quotuplex? *ibidem.*
- Traditiones quomodo accipiendæ? *c. II. n. 26. p. 21. & n. 56. p. 28.*
- Transactio Passaviensis, *c. II. n. 10. p. 17.*
- Turpitudine peccati quid importet? *c. IV. n. 154. p. 132.*
- Tutiora an semper teneamur sequi? *c. IV. n. 148. p. 131.*



V.  
**V**alentiniāni, hæretici, a Lutheranis damnati.  
*c. II. n. 14. p. 18.*  
 Vergerius (Joannes) Janſenii Collega, *c. III. n. 11. p. 70. n. 21. p. 76.*  
 Vernovius (Joannes) Calvinī Discipulus, *c. II. n. 148. p. 50.*  
 Verofius (Philippus) Calvinī Discipulus, *c. II. n. 148. p. ibid.*  
 Victima quid ſit? v. *Sacrificium.*  
 Vigilantius, hæreticus, *c. II. n. 195. p. 63. c. III. n. 4. p. 65.*  
 Virtus quomodo ſpecificetur ab objecto? *c. IV. n. 159. p. 133.*  
 - - Virtutis objectum qualiter debeat eſſe honeſtum, *ibid. n. 162. p. 134.*  
 - - Quomodo eadem virtus habeat alios actus proſecutivos objecti, & alios averſativos? *ibid. n. 160. p. 133.*  
 - - Virtutes Theologicæ quale habeant objectum? *ibidem n. 161. p. ibid.*

Viſiones aliæ corporales: imaginariæ: & intellectuales, *c. I. n. 4. per tot. p. 5.*  
*Unigenitus*: Bulla ab univerſali Eccleſia recepta, non obſtante contradictione paucorum in Gallia. *proleg. n. 15. p. 4. c. III. n. 4. p. 65. & n. 21. p. 76. n. 22. p. 77.*  
 Volmarus, Lutheranus, Calvinī Magiſter, *c. II. n. 148. p. 50.*  
 Vota Religioſa, v. *Monachi.*  
 Urbanus, v. *Bulla Urbani VIII.*  
 Uſura. Plura de Uſuris, v. *c. IV. n. 105. 102. 103. p. 118.*

## W.

Wicleſ, hæreticus, *c. II. n. 102. p. 39.*  
 - - Ejus ſectatores, *ibid. n. 181. p. 59.*

## Z.

Zwingliani, *c. II. n. 181. p. 59.*

## F I N I S.

